









# PETRI AVRELII THEOLOGICI OPERA.

IVSSV ET IMPENSIS CLERI GALLICANI  
denuò in lucem edita.

IN TRES TOMOS DISTRIBUTA.

TOMVS PRIMVS.

COMPLECTENS ASSERTIONEM EPISTOLAE


*Illustrissimorum ac Reuerendissimorum Galliae Antistitum, qua libros  
Nicolai Smithae & Danielis à Iesu damnarunt.*

ET RESPONSIONEM AD OCTO CAUSAS  
Spongiae præambulas.

*Hic liber est  
Fidelis & Gemina  
Ordinis Augustini*



*Iesu Mariae de Vrb  
Piscatores  
Congreg: Iohannis*



PARISIIS,

Excudebat ANTONIVS VITRAY, Regis, & Cleri  
Gallicani Typographus,

M. DC. XLII.

---

SERIES ET ORDO EORVM, QVÆ IN HOC  
volumine continentur.

<i>Argumentum Operum Petri Aurelij.</i>	
<i>Illustria de Petro Aurelio testimonia.</i>	
<i>Epistola Illustrissimorum Galliae Antistitum, quâ libros Nicolai Smithæi, &amp; Danielis à Iesu damnarunt.</i>	
<i>Affertio eiusdem Epistolæ, Authore Petro Aurelio Theologo.</i>	page 1
<i>In octo causas Spongiæ præambulas.</i>	pag. 109
<i>Vindiciæ Censuræ Facultatis Theologiæ Parisiensis.</i>	pag. 1
<i>In appendicem ad Censuram Illustrissimi ac Reuerendissimi Archiepiscopi Parisiensis,</i>	
<i>pag. 355</i>	
<i>Responsio ad Sirmondum de Canone Arausicano.</i>	pag. 275
<i>Anareticus aduersus Iacobi Sirmondi Antirrheticum primum.</i>	pag. 312
<i>Orthodoxus aduersus Iacobi Sirmondi Antirrheticum secundum.</i>	pag. 483
<i>Confutatio collectionis locorum, quas Iesuitæ compilarunt tanquam sibi contumeliosos &amp; iniurios.</i>	pag. 1



A R G V M E N T V M  
O P E R V M P E T R I A V R E L I I.

siue  
**CONTROVERSIA INTER REVERENDISSIMUM**  
*Episcopum Chalcedonensem, à summo Pontifice in Britanniam  
Scotiámque delegatum, & Jesuitas Anglos, breuiter  
ac fideliter exposita.*

**C**ONSILIUM mihi est, hinc quasi in breui tabella delineare seriem eorum, quæ tum in Reuerendissimi Chalcedonensis Episcopi contentione cum Iesuitis Anglis, tum in Petri Aurelij cum iisdem Iesuitis disceptatione versata sunt, vt in hac narratione vno obrutu subiiciantur oculis, quæ in Aurelij voluminibus hinc inde sparguntur, & leuiter tantùm perstringuntur. Ita fiet vt hoc præuio lumine imbutus Lector habeat vnde miretur magis ac prædicet & Illustrissimorum Galliae Antistitum in illis librorum Anglicorum extinguendis erroribus verè pastorem, Apostolicamque prouidentiam; & nobilissimæ Facultatis Theologicæ Parisiensis in iisdem confodiendis insignem pietatem ac sapientiam; & Petri Aurelij in iisdem debellandis atque exterminandis inuictum zelum, moderatissimamque constantiam.

Cùm Ecclesia Anglicana, mortuo Illustrissimo Antistite Guilhelmo Bishoppio Sacræ Facultatis Parisiensis Doctore Sorbonico, in eam à Gregorio XV. delegato, Pastore orbata fuisset, Sanctissimus Urbanus VIII. hanc illius orationem ac viduitatem *non sine viscerum suorum*, vt ipse scribit, *commotione considerans*, ad eam Reuerendissimum Richardum Smithæum Episcopum Chalcedonensem, instructum Ordinarij potestate delegauit, iis rationibus adductus, quas ipse in diplomate suo 4. Februarij 1625. edito, declarauit. Illustrissimus igitur Antistes in Insulam delatus, ab omni populo Catholico cum debita reuerentia & obsequentissimis animis initio susceptus est. Iesuitæ autem, qui antea per triginta annos fictis causis & variis præstigiis obstiterant, ne Cleri & populi Anglicani votis diu optatus, & in afflicta Prouincia necessarius Episcopus à Romano Pontifice concederetur, vbi Illustrissimum Chalcedonensem in Anglia viderunt, adiunctis sibi Regularibus aliquot, cœperunt eam mouere, quæ postea etiam consecuti sunt; vt ille multis turbis vexatus, tandem à grege sibi commisso exulare cogeretur. Accessit quod tum Reuerendissimus Antistes suorum securitati consulens, de approbandis, iuxta motum Pij V. Regularibus, qui fidelis populi confessiones audirent, agere cœpit. Quo facto cùm Iesuitæ libertatem suam stringi, potentiam obscurari, auctoritatem in Catholicorum animos infringi, munera etiam, quæ à nonnullis sibi conferri solebant, inde minui viderent (vt testatur ipse Prouincialis illorum Epistolâ scriptâ ad Reuerendissimum Chalcedonensem) omni ope coniti cœperunt, vt famam & commoda sua ab illis difficultatibus expedirent. Hinc illi sollicitare Catholicos, ad mouere literis Pontificiis captiones, sug-

*Argumentum Operum Petri Aurelij.*

gerere laicis & rudioribus hominibus ratiunculas, quibus debitam Pontifici Episcopum deleganti obedientiam eluderent, ut illa coitio, quæ ducibus Iesuitis coaluerat, comitibus laicis inualesceret. Hæc cum animaduerneret Doctor Kellifonus, Duacensis Anglorum Collegij Rector, scripsit Anglicè *Tractatum de Hierarchia Ecclesiastica*, commendans ibi auctoritatem Episcopalem, ne ea quæ tot oraculis Scripturæ, tot sæculorum antiquitate firmata est, iniquorum hominum oculis & malignis artibus, in populi alioquin fidelissimi delusa mente vilesceret. Qui libellus ubi primum in lucem editus est, confestim Eduardus Knottus, Iesuitarum Angliæ Viceprouincialis, altero libello, cui titulus erat, *Modesta & brevis discussio*, &c. Anglicè itidem conscripto, ei respondit. Atque ut Illustrissimo Antistiti maiorem contumeliam inferret, Nicolai Smithæi hominis tum mortui, Iesuitæ quondam, & cum ipso Antistite, ut propinquitatis ita & vnius nominis societate coniuncti, nomen huic libello adscripsit. Sed cum discussio illa duorum Religiosorum Doctorum Facultatis Parisiensis alterius Reuerdi nomine Augustiniani, alterius Deuaux Carmelitæ, approbationes à Iesuitis emendicatas præferret; Clerus Anglicanus propositiones quasdam ab eodem libro excerptas, atque in latinum conuersas, ad eandem Facultatem misit, ut resciret quàm perniciosam doctrinam duo ex ipsius Doctoribus approbassent, videretque quid de eorum suffragiis sibi statuendum censeret. Cum igitur Sacra Facultas Parisiensis, iam per aliquot dies congregata de hoc negotio deliberaret, editus est eodem tempore libellus alter Anglicè etiam scriptus, cui titulus erat *Apologia pro modo procedendi sanctæ sedis Apostolicæ*, &c. auctore Daniele à Iesu. Huius autem libelli verus auctor est Ioannes Floidus Iesuita Anglus, Professor Audomari in Belgio. Quod quidem declaratur ipso titulo *Daniel Of. Iesu*, quod est anagramma Anglicum ductum à vero nomine Anglico *Ioannes Fluide*. Cum igitur hi duo libelli longo tempore discussi fuissent, tandem in generalibus comitiis apud Sorbonam habitis 15. Februarij 1631. uterque post maturam solemnemque deliberationem à Facultate proscriptus est. Antequam autem hæc Sacra Facultis Censura prodiret, Illustrissimus Archiepiscopus Parisiensis omnes illos Anglicanorum libellorum errores generali censura, & iuridica sanctione damnauerat. Hæc inscripta erat *Censura Illustrissimi & Reuerendissimi in Christo Patris & Domini D. Parisiensis Archiepiscopi, die trigesimo mensis Ianuarij præsentis anni 1631. lata in quasdam propositiones Hybernicas, & duos libellos Anglicanos, quorum prioris titulus est. Modesta & brevis discussio aliquarum assertionum Doctoris Kellifoni in Tractatu de Ecclesiastica Hierarchia, auctore Nicolao Smithæo, posterioris verò; Apologia pro modo procedendi sanctæ Sedis Apostolicæ in regendis Angliæ Catholicis tempore persecutionis, Auctore Daniele à Iesu, Parisiis ex Officina Roberti Stephani. M. DC. XXXI.*

Sub idem tempus Illustrissimi Galliarum Antistites, qui tum Parisiis agebant, pro sua in vniuersum gregem Christi prouidentia duos illos libellos Anglicanos latine redditos diligenter explorarunt. Et quamuis libros illos à Iesuitis manasse certis indiciis comperissent, ne quid tamen consuetæ prudentiæ & moderationis omitterent, quid de illis Iesuitæ pronuntiarent coram inquirere voluerunt. Itaque perlatis ad eos libellis, cum Prouincialem eorum de ijs audiendum dicerent, euocato illo, adfuit domus Professæ.

*Argumentum Operum Petri Aurelij.*

Rector, Prouincialémque domesticis, quæ vocant, exercitiis distineri præfatus, de libris miram ignorationem, solam auditionem tenuem præ se tulit, vtrò etiam Episcopos de ijs sciscitans. At Illustrissimis Patribus sui confessus amplitudinem, grauissimamque Ecclesiæ causam facile tanti esse monentibus, vt Prouincialis exercitia tantisper dirimerentur, stetit se tandem Prouincialis, Smithæique librum à sua societate natum agnoscens, Apologiam detrectans, tantum orat ne quid in eos statuatur. Nam & esse extraneorum hominum, de quibus ad se ac suos non ita facile perscribi omnia potuerint, & expectari celerem super iis sententiam summi Pontificis. Quam orationem, cum Episcopi minus probarent, ille digrediens vt abiret, mussitare ausus est, si quid in ea re progredierentur, visuros alia, & fore nouissimum errorem (his enim verbis usus est) priore peiorem. Hanc Iesuitarum partim confessionem, partim fidentiam, cum non aliorum sermonibus, sed suis oculis vidisset Illustrissimus Antistitum Coetus, eâ tamen moderatione vsi sunt, vt tacitis atque intactis auctoribus, quos certis indiciis compererant, solos errores iugulasse satis habuerint. Vnde magis mirari subit Prouincialis illorum audaciam, qui Illustrissimis Præsulibus coram exprobare ausus est, eorum Censuram ferro armatam pro maleuolorum placito applicatam, non contra vulnera, sed contra homines districtam, salutaria Ecclesiæ membra infami vulnere lancinasse. Tum igitur Illustrissimi Galliarum Antistites Epistolâ suâ Encyclica librum vtrûmque proscripserunt, cui Titulus erat. *Epistola Archiepiscoporum, & Episcoporum Parisiis nunc agentium ad Archiepiscopos & Episcopos regni Gallia, super animaduersione duorum librorum, quorum tituli sunt: Prioris quidem, Modesta & brevis discussio, &c. Posterioris verò, Apologia pro modo procedendi, &c. Parisiis iussu Cleri excudebat Antonius Vitray M. DC. XXXI.* Titulus autem Censuræ Sacræ Facultatis Parisiensis quæ post duas istas prodiit hic erat. *Censura Propositionum quarundam, sum ex Hibernia delatarum, cum ex duobus libris Anglico sermone conscriptis, in latinum bona fide conuersis excerptarum, per Sacram Facultatem Theologiæ Parisiensis facta. Parisiis apud Carolum Morellum 1631.*

His peractis, cum Iesuitæ tantis auctoritatibus aut persuasi aut fracti saltem & conterriti quiescere debuissent, nihil tamen de incepta molitione remittentes, illos ipsos libellos censoriis stigmatibus inustos, quos, si fieri posset, æternâ obliuione delere debuerant, in latinum conuerterunt. Cum autem alterum ex ijs fictitio Smithæi nomine instructum, reuerà autem à Knotto Viceprouinciali suo compositum, propter auctoris inter suos dignitatem maiori in pretio haberent, vt ei vim eam adderent, quæ & Illustrissimorum Antistitum, & celeberrimæ Facultatis Censuris infringendis par esse posset, multis approbationibus munitum prodire voluerunt, qui, duobus exceptis, omnes regulares erant, & plerique Iesuitæ, vnâ cum Floyd ipso Apologiæ auctore. Duo autem illi Doctores seculares erant, alter Parochus quidam Antuerpiensis, alter verò Boucherus ille famosissimus, cuius approbatio pluribus sanè approbationibus, quam vel iste libellus, indiguisset, cum iam pridem furialibus illis in Gallia bacchationibus, id assecutus sit, vt nec eius nomen sine horrore audiri, nec facta sine execratione cogitari possint. Sub idem tempus, cum Iesuitæ metuerent ne quid in hoc negotio cupidè atque ambitiosè agere viderentur, vt probarent se turbarum illarum Auctores non esse, declarationem



quandam aduersus Illustriſſimum Chalcedonenſem, nomine Catholicorum Angliæ laïcorum emiſerunt. Quæ quidem ab Eccleſiæ Anglicanæ Catholicis exautorata, nulli penè eorum, nec antequam ederetur nota, nec poſtquam edita fuit, probata eſt, imò quam fictitiâ eſſe publica declaratione Anglicâ teſtati ſunt in hunc modum. Ea, inquiunt, declaratio, ſine noſtro prorsus conſenſu, nedum notitia, in lucem prodiit, adeo ut vix ulli reperiantur qui palam agnoſcant ſe aliquid de præſata declaratione intellexiſſe ante eius publicationem; rariſſimi verò qui poſtquam excuſſa fuerit eam approbarent. Hinc eſt quod nos Catholici laïci Angliæ dictam declarationem penitus abnegamus & reiicimus, tanquam indignam probis Catholicis, vel etiam bonis ſubditis. Totum verò fabulæ inuentum Ieſuitis palam imputarunt. Iam ſemel, inquiebant, operâ Ieſuitarum effectum eſt ut Epistoſa ſcriberetur vniuerſorum Angliæ Catholicorum nomine, vniuerſalem noſtrum conſenſum ferens, in Schiſma & factionem ab ipsis in primis contra Episcopum Chalcedonenſem excitatam. Cui fraudi ut obuiam iretur, eunſt noſtram improbationem publicauimus. Quæ non obſtante Ieſuitarum cauſa facta nunc deteriore & pæne hæretica, iudicio & opinione eminentis partis Eccleſiæ Catholice, non erubeſcunt eandem cauſam ſcandali plenam & infamia nobis imponere per quandam declarationem noſtro nomine in eum ſinem editam. Ad cuius fraudem detegendam, nos ( qui particulari nomini noſtrorum ſubſcriptione, ſi id poſtuletur, parati ſumus, ut liquido conſtet efficere, nos octo partibus Catholicorum laïcorum ipſos ſuperare, & ſi qualitas & capacitas conſideretur, ſine exceptione aut comparatione eminentiorem eſſe portionem ) hic idcò publica hac noſtra fraudulentorum iſtorum artificiorum & doloꝝ improbatione, famam noſtram & honorem ab ignominioſa labe infamis ipſorum cauſæ vindicamus, proteſtantes contra fraudem & falſitatem dictæ declarationis, &c. Huic autem veræ Catholicorum Anglicorum Declarationi titulus erat. *Manifestatio circa declarationem Ieſuitarum Anglicorum, falſo editam ſub nomine laïcorum Catholicorum Angliæ aduersus auctoritatem, quam Reuerendiſſimus D. Episcopus Chalcedonenſis in eoſdem ſibi vindicat, auctore Guiljelmo Pricao Colonia 1631.*

Clerus igitur Anglicanus conſpirante ſecum fidelis populi multitudine eiufmodi ludificationes indignè ferens, omni ope ac ſtudio contendit ut Antitiſtis ſui toties à Deo expetiti, ac tandem ab Apoſtolica ſede conſeſſi famam ac dignitatem illaſam inuiolatamque tueretur. Itaque libellos iſtos in illius deſenſionem emiſerunt.

*Deprauationes deprehenſæ in latina verſione duorum librorum, qui nuper à Sacra Facultate Pariſienſi damnati ſunt, facta à Ieſuitis Angliſ ex Anglico idiomate, nimirum Nicolai Smithæi, cui titulus eſt Modesta & brevis Diſcuſſio, &c. Et libri Danielis à Ieſu, qui inſcribitur Apologia ſedis Apoſtolicæ, &c. 1631.*

*Breuis & neceſſaria Declaratio iuris Episcopalis, quod Reuerendiſſimus Episcopus Chalcedonenſis habet ſuper Catholicos in Angliæ. Colonia 1631.*

*Apologia Ieſuitarum Anglorum pro Reuerendiſſimo Episcopo Chalcedonenſi, eiufque auctoriſate Episcopali ſuper Catholicos laïcos in Angliæ tempore perſecutionis. Quæ poterit eſſe loco reſponſionis ad Declarationem ipſorum (Ieſuitarum) falſo editam ſub nomine laïcorum Catholicorum Angliæ. 1631.*

Qui Liber idcò Apologia Ieſuitarum pro Reuerendiſſimo Chalcedonenſi inſcriptus eſt, quod ex ipsis illorum verbis & rationibus aduersus illos retortis compoſitus, Ieſuitas eo modo pro Episcopo loquentes inducat.

Atque hæc Cleri Anglicani pro Paſtore ſuo ſollicitudo ſicut ſua coram

Deo mercedē non caruit, ita eo quem spectabat sine frustrata est. Illustrissimus enim Antistes tot insidiis petitus, tot turbis ac præstigiis vexatus tandem ex Anglia, ad quam à Pontifice delegatus fuerat, in Galliam se recipere coactus est. In qua etiam ab Eminentissimo Cardinali Richelio honorificè ac benignissimè acceptus, habuit vnde consolaretur honestissimam calamitatem, si aut Christiano iniuriam ferre, aut Episcopo persecutionem propter iustitiam pati, calamitas est.

Sed cū Iesuitas malè haberet duos illos libellos Anglicos ab Illustrissimis Antistitibus, & à Parisiensi Facultate fuisse damnatos, duobus libellis editis, altero in celeberrimam Facultatem, altero in Illustrissimos Antistites magno conatu inuecti sunt. Horum libellorum auctor Iesuita Floydus, fociis pro more suppetias ferentibus (facile enim in Spongia & querimoniâ styli diuersitatem internoscas) sub fictitio Hermannii Loemelii nomine latuit.

Priori libello quo in Sacram Facultatem Parisiensem inuehebantur titulus erat. *Hermannii Loemelii Antuerpiensis Sacra Theologiae Licentiatii & Canonici Lectoralis Ecclesiae Cathedralis Audomarenensis Spongia, qua diluuntur Calumniae, nomine Facultatis Parisiensis imposita libro qui inscribitur Apologia sanctae Sedis Apostolicae, &c. Audomaropoli 1631. Et in fine libri. Appendix circa Censuram Illustrissimi ac Reuerendissimi Domini Parisiensis Archiepiscopi. Parathesis circa duo Breuia Apostolica ad Reuerendissimum Episcopum Chalcedonensem, cum responsiuncula ad libellum, qui putatur eiusdem Reuerendissimi Anglicè sine nomine auctoris editum, cui titulus; Breuis & necessaria instructio pro Catholicis Angliae, quoad suum Pastorem, ex Anglico in latinum fideliter versum.*

Libellus autem quo Epistolam Illustrissimorum Galliae Antistitum insectabantur inscriptus erat. *Ecclesiae Anglicanae querimonia apologetica, &c. auctore Hermannio Loemelio Antuerpiensi Sacrae Theologiae Licentiatii & Canonico Lectoralis Ecclesiae Cathedralis Audomarenensis. Audomari 1631.*

His autem duobus libellis in lucem editis mirati sunt sani omnes homines, & quieto ac sincero iudicio rem tantam ad veritatis normam expedientes, Iesuitas acutos in primis & solertes non vidisse hoc pacto grauius se malum periclitanti existimationi accersere, quam illud ipsum quod propulsare voluerant. Si enim durum illis erat, existimari manasse ab aliquotè suis errores qui in damnationem incurrissent, quanto durius errores damnatos tueri, censoresque damnare, cū illud sit nonnumquam humanae infirmitatis, hoc autem obstinati animi & præcipitis cuiusdam audaciae? Et certe asserentibus aliis Iesuitas præ suis commodis & societatis existimatione omnia parui ducere, & ne illa læderetur, vel Episcopos esse contempturos, sanctissimamque Ecclesiae dignitatem violaturos, nemo credidisset. Cū verò iam id ipsi in libellis istis luce palam præ se ferunt, quomodo recusare poterunt quin eam de illis existimationem habeant homines, quam ijs ipsi ingenerant, aut quibus nunc verbis sua illa facta & verba ex animis omnium deleri posse confidunt. Ita enim contexti sunt duo illi libelli, ut ad eorum horrorem incutiendum non exaggerari sermonibus, sed oculis afferri debeant, cū ea ubique spiret in illis insulitas, ea procacitas, ut nec ab ipsis nunc, opinor, Iesuitis sine rubore, nec ab intimis eorum sine dolore, nec à pio quo-

*Argumentum Operum Petri Aurelij.*

uis & Christianæ veritatis amante, sine ira & indignatione legi possint.

Sed cum libri illi non contenti Ecclesiæ, doctrinæque & authoritatis illius populatione, abrepti essent eodem impetu in regis dignitatis ministrorumque illius honorem, sapientissime supremus Senatus Rhotomagensis libellorum istorum vim apud Bibliopolam quemdam Audomarensem deprehensam senatusconsulto lacerari carnificis manu, & incendi iussit, quod scripti essent contra regni leges & placita status. Ita authores libellorum istorum diuinæ simul & humanæ maiestatis reos, nec regali imperio, nec regali sacerdotio parcentes, ita se gesserunt quasi id agerent nequid in petulantibus illis scriptis inausum, ne quid intactum inuiolatumque relinquerent.

Libellos illos statim subsecutus est alter eodem genio compositus, cui titulus erat. *Vindicia pro Nicolao Smithæo, contra Censuram nomine Facultatis Parisiensis editam in eiusdem librum, cui nomen; Modesta & brevis discussio, &c. In quibus & doctrina Smithæi vera & orthodoxa esse ostenditur, & Censura ipsius iniquitas, errores contra fidem, iniuria cum in sacrosanctam Sedem Apostolicam, tum in Religiosos ordines vniuersos deteguntur, auctore R. D. Antonio Goffar S. Theologia Doctore, & Protonotario Apostolico. Leodij. Anno 1631.*

In hoc item posteriori libello multæ approbationes subscriptæ erant, quas & illi cum magna ostentatione recensentes in monito quodam ad Lectorem, Episcoporum, Vniuersitatum insigniorum, priuatorum denique Doctorum esse prædicabant. Episcopi autem illi erant Suffraganei nonnulli Germaniæ, quorum iudicium, præsertim emendicatum à Iesuitis, quanti faciendum sit nemo non videt. Vniuersitates, Pragensis, Ingolstadiensis, Paderbonensis, in quibus Iesuitæ dominantur. Priuati autem illi Doctores, Regulares plerique Iesuitæ, vt nihil iniquius dici potuerit, quam eos qui Illustrissimorum Galliæ Antistitum, & Celeberrimæ Facultatis Parisiensis iudicia tam superbè respuebant, Suffraganeorum pauculorum, Vniuersitarum sibi mancipatarum, Regularium aliquot, ac suorum denique in sua causa iudicia audiri, ac tantis auctoritatibus præponderari voluisse.

Sed cum Iesuitæ primo Reuerendissimum Episcopum Chalcedonensem infectati essent, hinc libellis istis vniuersæ Facultatis Parisiensis famam lacerassent, Illustrissimorum denique Episcoporum dignitatem contumeliis violassent, ad extremum, à violatione dignitatis Episcoporum Deo simillimorum, ad Dei ipsius mysteria violanda, contaminato stupendum in modum fidei eius diuinissimo symbolo, proruperunt. Tunc enim schedam emiserunt, quam & Londini excudi, & per Librarios hæreticos in vulgus spargi curarunt (donec Episcopus illius loci, qui erat Protestanticarum partium, impiæ scriptionis horrore percussus, vetuit ne in posterum diuenderetur) cui titulus erat. *Censura symboli Apostolorum, ad instar nuperrimæ Censuræ quarundam propositionum, ex duobus libris Anglicano idiomate conscriptis excerptarum, Parisius lata.*

In illo autem libello ea maledicendi licentia feruntur in Episcopos errorum suorum damnatores, vt qui cum legunt, vix oculis suis fidem habeant. Ita enim loquuntur; *id facere coacti sumus propter plurimorum huius tempestatis hominum ingenium versipelle & subdolum, qui sub prætextu Apostolicæ auctoritatis antiquas hæreses ac nouas, magno rei fideique Christianæ detrimento primum occultè spargere,*



### *Argumentum operum Petri Aurelij.*

spargere, at deinde aperit propugnare moliantur. Et paulò post: Vidimus enim quanta hisce diebus seneritate Parisijs damnata ac prohibita sunt propositiones pleraque, quamvis illa hæcenus indubitata, & communi Ecclesie sensu sana, Catholicaque haberentur, non quod genuino sensu intellectæ quicquam falsi continerent; sed quod à peruersis quibusdam veritatis & auitæ pietatis hostibus, ad alios sensus mira prauitate detorqueantur. Ob eam causam merito ac prudenter timuimus, ne qui in minoru momenti, & ex qua non adeo magna inferre possint Ecclesie incommoda, nudam atque apertam veritatem tam fadè traducere conati sunt, ipsum fidei Christianæ symbolum, quod nullo facilius & maiori Ecclesie Catholice detrimento ad impios atque hereticos sensus detorqueri potest, pari licentiâ & temeritate propharent. Animaduertat æquus Lector quid de libello tam impio, tam contumelioso in Episcopos, in Dei mysteria tam iniurioso sibi iudicandum censeat, quidque de iis existimandum sit, qui omnem erroris suspensionem à se, quàm à Spiritu Sancto symboli huius authore longiùs amandandam putant, quique inaudito defensionis genere, intentatos libellis suis censurarum mucrones, in ipsa Catholice matris viscera detorquere non verentur.

Sed quoniam Illustrissimus Archiepiscopus Parisiensis, & cum eo Doctores Parisienses damnauerant propositiones nonnullas, quas Regulares quidam Hiberniæ publicè prædicarant atque docuerant, sub idem ferè tempus aduersus Censuras illas editus est liber inscriptus.

*Examen iuridicum Censuræ Facultatis Theologiæ Parisiensis, & eiusdem ciuitatis Archiepiscopi late circa quasdam propositiones Regularibus regni Hiberniæ falso impostas. In quo per exceptiones iuris, & facti, mala accusatoris & testium fides, propositionum impostura, & prapropæ Censuræ diuulgatio ostenditur. Authore Edmundo Vrsulano Hiberno. Francofurti 1631.*

In quo mirari est impudentiam authoris, qui quidem Monachus vnus è multis tot Doctorum, tot Episcoporum iudicem, censorumque censorem agere audeat. Qui quamuis se tegere voluerit, facilè tamen proditur ex eo quod Edmundi Vrsulani assumpserit nomen, cùm antequam Franciscanis se adiunxisset, vocaretur Edmundus Mac Mahone, id est si Latine veritas, Edmundus filius Vrsi. Cùm autem ad religiosam vitam se contulit, Franciscus Mathæus appellari voluit, nomen mutans non indolem. Siquidem illum ipsum procacem libellum composuit cùm esset præfectus Conuentus siue Collegij quod Franciscani Hiberni Louanij habent, dictum Francisci de Paula. Quo ex munere fœdè abdicatus, ob concitatam inter Regulares seditionem, in Hiberniam reuersus est, in qua, vt est turbido semper ac præcipiti ingenio, pergit miscere non suam modò sed Christi familiam, hac maledicendi rabie factisque à nomine suo non abludentibus, vrsum se magis quàm hominem probans.

Interim Iesuitæ sparsis vbique libellis suis, Spongiâ in primis & querimoniâ, quasi victores triumphabant. Ostentabant eos in Belgio, securâ lætitiâ & publicâ gloriatione gestientes. Lutetiz autem palam exultabant inter suos, quasi de prostrata Facultate iam spolia legerent, veteresque ac præsentis iniurias præclarè vlti essent. Imò tum etiam coram nonnullis Episcopis confidenter iactarunt libros istos esse eiusmodi, vt eos nemo refellere posset. Sed Ecclesie contumelias numquam inultas finit Deus, & omnino

*Argumentum operum Petri Aurelij.*

periculosum est lædere eam, quæ sponsum & amantissimū & inuidissimum habet. Primus in hoc salutis ac veræ gloriæ certamen prodiit Franciscus Hallier Doctor Sorbonicus, eximiae vir eruditionis, cui in hoc negotio singularis ea laus debetur, quod ad Dei causam propugnandam primus ille quasi vexillum extulerit, ac tam illustri exemplo cæteros etiam ad Ecclesiæ defensionem incitavit. Hic tum igitur librum edidit qui inscribitur.

*Defensio Ecclesiastica Hierarchia seu Vindicia Censura Facultatis Theologiae Parisiensis, adversus Hermannii Leomelij Spongiam, quo libro perspicue & copiose explicantur quæstiones præcipue; De statu Ecclesiæ perfectæ; De sacramento Confirmationis, De Episcopis & Curatis; De Hierarchiæ Ecclesiasticæ membris omnibus; De regularium statu, gradu & loco, privilegiis, exemptionibus, & cooptatione in Clerum; De statu perfectionis; De duplici honore delegatis Apostolicis debito. Auctore Francisco Hallier Presbytero, Sacra Theologiae Parisiensis Doctore, Socio Sorbonico. Parisiis 1632.*

Paucis post mensibus Petrus Aurelius Theologus, vir quo non alius hoc tempore, nec minùs notus, nec magis nobilis, suas Censuræ Facultatis Parisiensis vindicias emisit. De cuius ingenij, orationis, doctrinæ sublimitate attingendi aliquid hinc fortasse locus esset, nisi metuerem ne superbè facere viderer, si illum post tam illustria congregatorum Ecclesiæ Gallicanæ Patrum de eo testimonia, mea aut cuiusquam alterius privati laude, ad immortalem nominis commendationem indigere arbitrarer. Libri illius titulus erat.

*Vindicia Censura Facultatis Theologiae Parisiensis, seu Responsio dispunctatoria ad libellū cui titulus, Hermannii Leomelij Antuerpiensis &c. Spōgia, cuius mendacia, contumelia, ignorātia, & hæreses novissimæ in Censuram Sacra Facultatis Theologiae Parisiensis, adversus librum Pseudonymū Danielis à Iesu, de Regimine Ecclesiæ Anglicanæ, eruntur & refelluntur ad verbum, inserto ipso textu Auctoris. Auctore Petro Aurelio Theologo. Parisiis apud Carolum Morellum, via Iacobæa, ad insigne Fontis. M. DC. XXXII. Cum Privilegio Regis, & Approbatione Doctorum.*

Cum igitur volumine illo Spongiā refutasset, interiecto tempore emisit alterū volumen, quod quidē ex sententiā ipsius prius ordine esse debuerat, quod sic inscripsit: *Affertio Epistole Illustriss. & Reuerendiss. Gallia Antistitum, quæ liberos Nicolai Smithæi & Danielis à Jesu damnarunt, adversus libellū, cui titulus, Querimonia Ecclesiæ Anglicanæ, &c. In octo causas quibus Iesuita quasi præiis exceptionibus Censurarū Parisiens. auctoritatem eludere conatur. Responsio ad Sirmondum de Canone Arausicano. In Appendicem ad Censurā Illustriss. ac Reuerendiss. Archiepisc. Parisiensis.*

Tum etiam Nicolaus le Maistre è familia Sorbonica Socius & Sacræ Theologiæ Licentiatus, breui & disertâ responsione Spongiæ argumenta confutavit, edito libro quem inscripsit: *Instauratio antiqui Episcoporum principatus, & religiosa erga eosdem Monachorum & Clericorū omnium observantia; cui præmissa est confutatio rationum, quas Sorbonica Censura obijcit Spongia. Per N. le Maistre, è Familia Sorbonica Sociū, & Sacra Theologiae Licentiatum. Parisiis apud Guillelmum Pelé, via Iacobæa, sub signo Crucis aureæ, 1633. Cum Privilegio Regis, & Approbatione Doctorum.*

Aduersus autem libellum illum Edmundi Vrsulani, de quo iam locuti sumus, editus est tum liber inscriptus: *APK TOMAETIZ, siue Edmundus Vrsulanus propter usurpatum iudicium de tribunali deiectus, & propter libellum famosum in iudicium vocatus. Per Paulum Harisium Presb. An. 1632.*



*Argumentum operum Petri Aurelij.*

His autem libris in lucem editis, cum omnes boni gauderent extitisse tandem homines, qui veritatem ab erroribus, & dignitatem Episcopalem à contumelijs vindicarent, Iesuitæ aduersus Aurelium, quem in ore & in admiratione omnium esse videbant, præcipuè exarserunt. Itaque cum illius aut sublimitatē assequi, aut vim infringere, aut argumēta refellere se posse desperaret, suggererunt Regi per Confessariū ipsius, qui ex illorum familia erat, librum illum multis contumelijs, ipsorum dedecorare societatem, ut quem rationibus impugnare non poterant, regia auctoritate supprimerent. Nec eventus consilio defuisset nisi Illustrissimi Præsules his artibus magno animo obstitissent, ut videre est ex actis consensuum illorum, quos in eam rem tum habuerunt. His factionibus & inuidiosâ potentiâ Iesuitarum factum est; ut volumen Aurelij posterius editum, quod ordine tamen prius esse voluerat, & Epistolâ dedicatoriâ, & Præfatione careat. Quarum iacturam numquam certè non dolebunt viri sacræ eruditionis amantes, numquā non succensebunt ijs, qui iniquis machinationibus tam speciosi corporis speciosius Caput orbi Catholico inuiderunt. Igitur Iesuitæ ab hac spe deiecti, ut Aurelium in inuidiam vocarent, nonnullos ex eius voluminibus locos collegerunt, quos sibi contumeliosos putabant, eosque sparserunt in scheda cui titulus erat, *Calumnia, mendacia, & conuitia Petri Aurelij in Iesuitas ex Tom. I. & 2. Quæ Collectio locorum ut fallax & iniqua statim confutata est libello inscripto. Confutatio collectionis locorum, quos Iesuitæ compilarunt, tanquam sibi contumeliosos & iniurios ex Defensione Epistolæ Illustrissimorum & Reuerendissimorum Gallie Episcoporum, & Censura sacre Theologie Facultatis Parisiensis, à Petro Aurelio edita. M. DC. XXXIII.*

Cui adiuncta est etiam Collectio conuitorum quæ in Anglorum Iesuitarum libris continentur, inscripta *Conuitia, Petulantia, & Mendacia à Jesuitis Anglis in Illustrissimos ac Reuerendissimos Gallie Anstites & in sacra Theologia Facultatem Parisiensem effusa, nomine Hermani Loëmelij in Spongia & Querimonia, ac nomine Antonij Goffar in Vindicijs Nicolaj Smithæj.*

Ex qua quidem collectione patet ad oculum Iesuitas illos Anglos multo atrocius insurrexisse in Episcopos errorum suorum æquissimos & mitissimos damnatores, quàm Aurelius Ecclesiæ causam agens insurrexerit in maledicentissimos illos & iniquissimos Episcoporum conuitiatores. Ideo illi nunc dum Aurelium in se atrocem fingunt, similiter faciunt ac subditus aliquis qui Regem omni contumelia inquinasset, cum postmodum à Rege ipso aut ab alio Regis nomine compesceretur, sibi que maledicta sua regeri audiret, se ab illo Regis defensore contumeliosè habitum quereretur? Regulares enim subditi sunt & Episcopi principes; causamque Illustrissimorum Antistitum ab Aurelio fuisse propugnatam, non solum voce, sed & publicâ gratulatione vniuersa Ecclesia Gallicana præ se tulit.

Itaque hoc omne Iesuitarum commentum in ventum & in risum abiit, consentientibus omnibus illa quæ sibi contumeliosa clamitabant cum in factis consisterent, non fuisse exponenda sed refellenda. Aurelius enim se & vera dixisse, & cum causa dixisse contendebat; Illorum erat eum falsi conuincere. Quod quandiu non facient, non Aurelium, sed seipsos accusare debebunt.

*Argumentum operum Petri Aurelij.*

Cum ergo Iesuitæ Spongia & Querimonia inuidiam nullo pacto se declinare posse viderent, mutatâ pugnae ratione, eos à quoquam è societate sua manasse negarunt. Quod & hac declaratione emissâ, & Illustrissimis Antistitibus traditâ confirmarunt.

**N**ous soubsignez Religieux de la Compagnie de Iesus en France, declaronz que les livres intitulez, Nicolaus Smithæus; & Danielis à Iesu Apologia, Hermanni Loëmelij Spongia; Querimonia Ecclesiæ Anglicanæ, & Appendix ad Illustrissimum Archiepiscopum Parisiensis, n'ont pas esté composez par aucuns Religieux de nostre Compagnie. Ce qui fait que nous les desaduions pour tels. Et à raison des dissensions qui en sont arrivées, voudrions de bon cœur que les Auteurs desdits Livres n'eussent jamais pensé à proposer telles questions. Fait à Paris le 23. Mars 1633.

LOUIS DE LA SALLE.

ESTIENNE BINET.

IULIEN HAYNEVEVE.

C. MAILLAN.

Quæ declaratio latinè sic reddi potest.

**N**os infrascripti Religiosi societatis Iesu in Gallia. Declaramus libros inscriptos, Nicolaus Smithæus; Danielis à Iesu Apologia; Hermanni Loëmelij Spongia; Querimonia Ecclesiæ Anglicanæ, & Appendix ad Illustrissimum Archiepiscopum Parisiensis, à nemine è societatis nostræ Religiosis fuisse compositos. Quos ideo vtiales detrectamus. Atque adeo propter dissensiones quæ ex illis exorta sunt, ex animo vellemus auctores librorum illorum de proponendis eiusmodi questionibus numquam cogitasse. Datum Parisijs 23. Martij 1633.

• LUDOVICVS DE LA SALLE.

STEPHANVS BINET.

IULIANVS HAYNEVEVE.

C. MAILLAN.

Quâ in declaratione, quis non videat præmisisse illos hæc verba. Nos infrascripti Religiosi societatis Iesu, cum hac clausula; *in Gallia*, quæ alioquin superflua videbatur, vt cum negarent libros illos à quoquam è societate sua manasse, intelligerent etiam, in Gallia, quoniam à Iesuitis Anglis prodierunt. Et si quid est etiam occultius in ea Declaratione, quod nobis fortasse obtusioribus inuestigare difficile est, apertè tamen patet elle fallacem, Primò quod polliciti erant Illustrissimis Antistitibus, se doctrinam ab ipsis & à sacra Facultate damnatam, esse damnaturos, quam tamen potius silentio suo approbauerunt, vnum id professi, se libros illos infectos cupere, non propter pestilentem doctrinam, quam continerent, sed tantum propter dissensiones, quæ ab illis exorta sunt. Deinde quod libros illos à societate sua editos inficiati sunt, solâ illâ, quam aperuimus, aut simili quapiam mentali restrictione, à mendacio potest excusari. Nam primò Smithæi librum, præterquàm quòd hominis Iesuitæ, sed mortui ad viuum contegendum, nomen præfert, ipsi Iesuitæ apud Illustrissimos Gallia Antistites suum agnouerunt, vt ex eorum actis liquet & supra notauimus. De Apologia verò Danielis à Iesu, id manifestum est nomine ipso, cum nomen Anglicum authoris Daniel of Iesu sic Anagramma nominis Anglici Ioanes Fluide, qui quidem Iesuita est Anglus, Professor Audomari in Belgio. Cum igitur librorum illorum, vnde omnis contentio exorta est, constet

*Argumentum operum Petri Aurelij.*

Iesuitas esse authores, quis dubitet, qui sint eorū defensores? Nam querimonia & Spongia editæ fuerunt Audomari, vbi degit Iesuita Floydus Apologiæ damnatæ auctor. Eadem præferunt titulum Canonici cuiusdam Audomarenfis, quem constat mancipium esse Iesuitarum Eadem iactatæ sunt ab illis ouantibus in Belgio. Quin & Doctores Louaniensibus minati sunt, si tales vnquam Censuras in se ederent, vel sibi molesti pergerent esse, eos à se tractatum iri quemadmodum Doctores Parisienses, & his ipsis verbis vsi sunt, *sentient aculeos nostros*, vt constat autoritate viri ætate & sanctitate venerabilis, tum ab vniuersitate Louaniensi, tum à Iesuitis seiuncti, cuius testimonium Lutetiæ habetur. Propugnarunt & laudarunt eas in cœtibus honestissimis, & coram hominibus dignissimis fide, qui id testantur. Impleuerunt eas laudibus Iesuitarum. Ipsa Spongia nihil aliud est, quàm transcriptio Apologiæ Danielis. A Theologis diuersissimarum gentium, & ab integris Vniuersitatibus approbari curarunt. Imò, quod magis mirere, Ipse Cellotius in libro suo nuper edito, non negat Spongiæ authorem esse Iesuitam: sed si Iesuita est, inquit pag. 605. in eo suis gratificari voluit. Nemo autem non videt hominem Iesuitam, conspirante secum suorum manu scribentem, hoc ipso quod de eo dubitat, dubitationem omnem adimere, & Spongiæ auctorem Iesuitam esse fateri. Quomodo ergo hæc inter se sine Dei qui veritas est, & sine Episcoporum, qui Dei vicarij sunt ludificatione congruant, libros illos primo coram Episcopis ostentare vt suos, deinde coram iisdem Episcopis suos negare, denique coram omnibus suos iterum confiteri, ipsi viderint. Id ipsum enim hoc in negotio contigit ijs, quod olim Patri Cotonio Iesuitæ, qui cum negaret coram Rege Henrico IV. librum in Reges impium, incriptum *Amphitheatrum honoris*, à quoquam è sua societate manasse, vir illustri qui aderat, ipsum mendacij coram tanto Principe redarguit, asserens libellum sibi ab eo ipso traditum, commendatumque vt à societate sua manantem, & filio suo erudiendo vtilem, quod puro sermone conscriptus esset. Quod quidem manifestè postea comprobatum est, cum Ribadeneira in Catalogo scriptorum societatis, Amphitheatrum illud honoris Carolo Scribanio attribuerit, qui è nomine suo, *Carolus Scribanus*, anagramma fecerat, *Clarus Bonarscius*, vt supra Ioannem Floydum fecisse vidimus, sicut ergo tum Ribadeneira Cotonio, ita nunc Cellotius vniuersis Iesuitis Gallis mendacium impingit. Ideo Iesuitæ in Belgio sæpe conquesti sunt de Gallis, quod ab ijs fœdè derelicti essent. Et vnus ex primarijs Iesuitis Antuerpiæ, nomine Rosmar, cum Canonicum sanctę Gudulę ægrum conueniret, his ipsis verbis vsus est, Numquam arbitrati essemus fore vt cum tanto applausu Spongiæ nostrę responderetur, vt ex Epistola Bruxellę scripta, Lutetiæ compertum est.

Denique Iesuitas approbasse doctrinam iam ante tres menses ab Illustriss. Gallię Episcopis & celeberrima Facultate Theologiæ damnatam clarissime patet ex approbatione, quam libro Smithæi iam censuris inuito dedit Ludouicus de Valdaui, nobilis apud illos Theologiæ Professor; in qua ait: *non posse se non mirari fuisse aliquos* (intelligit Episcopos Gallię & Facultatem Theologię Parisiensem) *qui cum iniuria Authoris ac veritatis ausi fuerint librū hunc falsę doctrine labe maculare, ex inuidiæ consiliō cupiditate, minus candidè ac minutè libri*



### *Argumentum operum Petri Aurelij.*

*sententias transferentes atque exponentes. Et infra; Si amente ac sincerè legatur (liber Smithæi) has omnes calumnias suâ luce quasi densas tenebras fugat dissipatque. Cum nihilominus Iesuitæ aduersus tam publicum lucem contendere, & librorum illorum inuidiam à se remouere vellent, precibus egerunt cum aliquot Episcopis, declaratione, quam supra retulimus, ipsis oblata, vt epistolam ederent, quæ ruenti illorum famæ aliquo modo succurreret. Illustrissimi igitur Antistites, vt importunissimos illorum ambitus à se quoquomodo excuterent, approbata primùm & laudata Aurelij doctrinâ, addiderunt se in eo tantùm inuectiuas aliquas non probare, quatenus scilicet illæ supponerent authores librorum illorum esse Iesuitas. Quibus verbis abundè declararunt sibi eas probari, si modò Iesuitas illorum esse constaret authores. Quod cum omnibus constet, & clarissimis indiciis iam supra probatum sit, manifestum est eos Aurelij, cuius zelum in propugnandâ Ecclesiæ causâ in eadem Epistola prædicabant, existimationem nulla in re imminuere voluisse, atque adeo inuectiuas illas (quod nomen penes scriptores Ecclesiasticos non modò non in vitio, sed etiam in laude esse nemo nescit) ipsorum autoritate probatas & confirmatas esse. Causam enim propter quam sibi inuectiuas illas non probari dixerunt, ipsi remouerunt. Neque enim negarunt Iesuitas authores esse librorum illorum, sed id tantùm ab ijs negari dixerunt. Sicut ergo Iesuitæ declarationem nullius ponderis ac firmitatis emisserunt, vt supra vidimus, ita Illustrissimi Antistites epistolam ediderunt, non innocentie sed dedecoris illorum testem, qua tantùm molestiam, quam ipsis exhibebant, à se abigere voluerunt, quod in proximis Cleri Gallicani comitiis multo etiam magis declaratum est.*

Anno enim 1635. cum Illustrissimi ac Reuerendissimi Galliarum Antistites in sacro cœtu congregati, professi essent velle se publico aliquo testimonio declarare quàm magnificè de P. Aurelij doctrina sentirent, quamq; illustria eius in Ecclesiam merita grato animo prosequerentur, Reuerend. Abbates Vallengem & Marchierum ad Ioannem Fillefacium, amplissimum sacræ Facultatis Decanum miserunt, qui dicerent sacrum conuentum eximiè laudare zelum illum quem in Ecclesiastici ordinis propugnatione, excellentemque doctrinam quam in libris suis pro Ecclesia conscriptis exhibuit Aurelius; Quàm maxime cupere publicam aliquam sui erga illum memoris & grati animi significationem edere, vel annuâ ei pensione exhibitâ, vel aliquo alio honorarij aut beneficij genere, quod quidem illi iucundum foret, in eum collato. Quod cum Reuerend. Abbates Ioanni Fillefacio retulissent, ille interposita sacerdotalis iurisiurandi fide affirmavit ignorare se quis esset Aurelius, nec quicquam aliud de eo exploratum habere, quàm quod schedas aliquas per manus certorum hominum, ac ferè sibi ignotorum, ab eo accepisset. Existimare autem cum vir ille honoribus insigni zelo suo atque eximiis operibus debitis, se ipse latendo subduxisset, iam propositi præmij spe oblata, è secreto suo non proditurum. Nec verò P. Aurelium laborum suorum vberiore fructum capere posse, quàm eum quem ex tam illustri cœtus ac tantorum virorum honorificentissimâ de se opinione & testimonio perciperet.

Quo quidem in loco facere non possum, quin Illustrissimorum Antisti-

*Argumentum operum Petri Aurelij.*

rum insignem gratitudinem, ac verè Episcopalem sapientiam debita veneratione prosequar, qui cum hoc facto P. Aurelij zelum omnibus commendare vellent, suum tam splendide commendarunt. Quod enim hoc tempore Ecclesiæ utilius exemplum edere poterant, quàm significare palam nihil magis sibi cordi & curæ esse, quàm defensionem veritatis, ac se illorum qui eius causam tuerentur, non laudatores tantùm esse, sed protectores: nec protectores tantùm, sed remuneratores? Ita pro sua erga Dei Ecclesiâ charitate, omnes ad eandem illam, quam in Aurelio ita prædicabant virtutem, ardoremq, fidei accendere voluerūt, ut deinceps eruditus quisq, sacrę eruditionis quasi diuinæ lucis armis instructus, bellum indicat erroribus, nec patiatur esse qui veritatem oppugnent, non esse qui defendant. Hoc verò Illustrissimorum ac sapientissimorum Antistitum de P. Aurelio testimonium tantæ dignitatis est, tantæ grauitatis, ut hoc ad illorum honorem verè dici queat, Aurelij famam post tantorum virorum tam illustre de eo iudicium iam nec cuiusquam alterius laude crescere, nec cuiusquam vituperatione minui posse. Quantumlibet enim virtus & nomen eius æmulos vrat, viuet tamen hæc totius Ecclesiæ Gallicanæ, ipsi, Patrum ac Principum suorum defensionem congratulantis oraculum, nec vlljus vnquam vllis artibus, aut illius auctoritatem infringere, aut venerationem labefactare, aut splendorem in animis hominum obcurare poterit.

Cui quidem Illustrissimorum Præsulum eximio facto aliud longè dissimile Iesuitarum subnectere operæ-premium est. Qui cum immani quodam & cæco odio Aurelium obscurissimi simul & clarissimi nominis virum insectarentur, nec haberent quidquam quod ad eius librum verè atque appositè responderent, tam illustri Episcoporum de eo iudicio accensi magis quàm retardati, Ecclesiæ defensorem sub Aurelij nomine latentem omni studio investigare conati sunt, certi si hominem pulcherrimi facti reum deprehendissent, non defutura sibi crumena, quibus illam scriptis eius vndique emicantem virtutem ac generosissimam pietatem aut obscurarent, aut certe sollicitarent, atque incesserent. Itaque cum vnum hominem tum haberent, in quem hæc illis suspicio cadere videretur, curauerunt per vnum è primariis vrbis illius, in qua natus est, magistratibus, quo in eius genus, vitam, atque mores accuratissimè inquireretur, ut quauis nullâ exploratâ ratione Aureliū eum esse ipsis constaret, tamen incertam iniuriam certis odijs vlciscerentur. Quod quidem ipsis negotium tam infeliciter cessit, ut in illa inquisitione nihil aliud deprehenderint, nisi id quo ad eius, quem persequabantur, honorē, & cōmendationem noua accessio fieret. Ita nihil eo conatu assecuti sunt, nisi ut mirarentur homines eorum confidentiam, qui Aurelij latebras, quas Illustrissimi Antistites ad præmium & gloriam scrutati sunt, ipsi scrutantur ad pœnam; atque animi sui æstum ad Aurelij, si nunc innotesceret deiectionem magis valere posse sperant, quam ipsius Ecclesię vocem, & Gallicani Concilij publicam gratulationem, ad illius virtutis memoriam existimationemque sempiternam.

Cum verò Iesuitæ his omnibus aduersus Aurelium artificijs & molitionibus nihil promouerent & iam per octo & amplius annos siluissent, tandem anno 1641. producit liber Ludouici Cellotij inscriptus *De Hierarchia & Hierar-*

*Argumentum operum Petri Aurelij.*

*chis libri IX. In quibus pulcherrima dispositione omnes Hierarchici gradus & ordines, Episcopalis principatus, Clericalis dignitas, Religiosa sanctitas, secundum Patrum doctrinam, decreta Conciliorum, Ecclesiarum ritus & mores, sine iusta cuiusquam offensione explicantur. Urbano VIII. Hierarcharum Principi. Auctore T. Ludonico Cellotio Parisino, societatis Jesu Theologo. Ordinavit in me charitatem Can. V. Rothomagi 1641.*

Cumque scire auerent omnes quid tanto tempore montes illi parturissent, non murem quod vulgo dicitur, sed monstrum ab iis natum viderunt, quod statim elidi oportuit. Cum enim sacra Facultas librum selectis Doctoribus discutiendum dedisset, iamque ipsis referentibus, propositiones quædam Censoriis notis inustæ essent, Iesuitæ veriti ne (quod manifestè futurum erat) totus liber censurâ publicâ proscriberetur, suis artibus & potentiâ totum illud negotium abruperunt, spondentes, si quid in eo secus scriptum esset, Cellotium id retractaturum. Itaque Cellotius adiunctis aliquot è suis, cum certis Doctoribus congressus, cum non modo argumentis eorum respondere non posset, sed nequidem librum suum satis intelligere videretur, tandem multis in locis damnare opus suum, ac sibi ipsi, furiosorum more, manus afferre coactus est.

Quia verò duo è Regularibus Doctores tam pudendo operi approbationem suam inscripserant, alter eorum (iam enim vnus è viuis excesserat) à sacra Facultate citatus, in Sorbonæ comitiis prima die Iulij 1641. approbationem suam rescindere coactus est, his verbis. *Ego infra scriptus Conuentus Augustinensium Baiocensis Prior, auditâ querelâ super approbatione factâ à me libri P. Cellotij de Hierarchia, maximè etiam verborum in forma approbationis positorum SINE FORMIDINE CENSURÆ, & auditâ declaratione nonnullorum ex illo libro excerptorum, quæ improbantur sine aliorum approbatione, ea omnia quæ Facultas improbanda censuit, & quæ condemnat, ego etiam libens improbo & condemno: & subscripsisse nollem approbationi, quam adhibui eidem libro; pœnitescque me approbasse; in quorum fidem subscripsi in comitijs Facultatis, Die 1. Iulij 1641. signatum FRANCISCUS LABBE cum syngrapha.*

Illustrissimi autem Antistites tum temporis in sacro cœtu congregati, cum errores Cellotij toto pectore auersarentur, publicum dânationis eius, & suæ honorificentissimæ de P. Aurelio opinionis testimonium edere voluerunt. Intellexerunt enim pro singulari suâ sapientiâ non tantum veritatem, sed & seipsos in Aurelio peti, cuius existimatio & doctrina post tam solemne de illo iudicium, sine manifesto Episcopalis dignitatis contemptu in discrimen adduci non posset, cum præsertim multos ex Anglicanis illis erroribus, ab ipsis iustissimè damnatos, & ab Aurelio veritatis gladio confossos, Cellotius, quasi in illorum ludibrium, denuo spargere, & velut ab inferis reuocare videretur. Itaque sublimem illam Dei providentiam æmulati, qui suos eo magis erigere solet, quo ab hominibus magis deprimuntur, statuerunt Aurelij opera typis de integro mandata orbi Catholico proponere, ut ita sui de illo iudicij maturitas illius doctrinæ præstantiâ ac soliditate comprobaretur, atque vnde nonnulli famam illius obscurate voluerant, inde clarior factus, in oculis omnium, atque in splendidiori Ecclesiæ luce collocaretur. Igitur P. Aurelij volumina quatuor, denuo in lucem edenda in sacro con-



*Argumentum operum Petri Aurelij.*

uentu coram omnibus, in manus Antonij Vitray Cleri Gallicani Typographi data sunt, necessariis ad eam rem sumptibus è Cleri pecunia suppeditatis; cuius etiam exemplaria duo Episcopo cuique, alterum quod sibi haberet, alterum quod Ecclesiae suae traderet, mittenda curauerunt, ut videre est ex Actis Cleri. In quibus addunt Illustrissimi Antistites rationem qua ad id decernendum impulsæ sunt, quod scilicet animaduernerent nouam illam Aurelij operum editionem, instar egregiae libri Cellotij confutationis esse posse. In quo quidem eximiam Patrum illorum prudentiam nemo mirari satis potest, qui hoc vno verbulo totam libri Cellotij molem deiecerunt, Aureliumque ab eius conatibus non tam inuictum quam intactum esse demonstrarunt. Quantis enim calumnijs, quantis ineptijs librum illum refertum esse oportet, qui illius, in quem inuehitur, authoris sola lectione refellatur? Qualem illum athletam esse putabimus, qui solo Aduersarij vultu ostentato, in fugam conuertatur? Hinc patet quam verè à sanis hominibus, atque omni partium studio vacuis, edito illo volumine iactatum sit, Cellotium in leuitas contumeliosiores esse quam Aurelium, librumque illius, Aurelij non confutationem esse, sed confirmationem. Tam miserè enim ex arreptis vndecumque variorum authorum laciniis contextus est, tam ridiculis ac futilibus instructus argumentis, tam puerili & grammaticali stylo confectus, ut facile ibi agnoscas hominem qui ex malo Rhetore, & Poëta non bono pessimus Theologus effectus sit; qui non alienum nomen, ut Aurelius, sed alienam prorsus personam induerit, qui in his rerum altiorum studiis magnâ confidentia se ostentet, in quibus (ut ipse pag. 479. confitetur) hospes sit & peregrinus; qui denique ea peccet, ea deliret, ut veritati multis in locis, sensui communi in toto pene libro bellum indixisse videatur. Hæc si cuiquam, post Episcoporum de illo iudicium minùs credibilia sunt, legat librum eius, & intelliget ineptias illius ut mitissimè dicam, non solum audientibus incredibiles videri, sed etiam legentibus. Ideo Iesuitæ operis huius insulsiutatis sibi conscij, ipsum multos annos etiam in illo dolore atque ultionis impatientia comprellerunt, & seniores semper comprimendum censuerunt, prouidentes, id quod contigit, subitarium illum Theologum, & in Theologicis rebus, si quid ipsi credimus, planè rudem & peregrinum non curaturum vulnera societatis, sed ei noua nouis erroribus inflicturn.

Nec verò minùs attendenda est vox illa Episcoporum, quâ nominatim Aurelij volumina quatuor excudi voluerunt. Quartum enim illorum est confutatio locorum excerptorum ex Aurelij libris, quos sibi Iesuitæ iniurios & contumeliosos prædicabant. Ideoq; dum probant librum illum Antistites dignumque censent, qui Cleri autoritate commendatus in lucem edatur, apertissimè declarant nihil esse in Aurelio, quod merito à quoquam reprehendi possit, firmioresque illas eius interdum increpationes, esse, non tela iracundi aut maledici accusatoris, ut Iesuitæ dictitabant, sed vim temperatissimam, & præsidia prorsus necessaria violatæ veritatis.

Hactenus Aurelij cum Iesuitis contentionem persequuti sumus, nunc paucis exponenda est priuata illa eiusdem cum Iacobo Sirmondo disceptatio, quæ huic se publico certamini iam ab ipsis eius initis interposuit. Oc-

*Argumentum operum Petri Aurelij.*

casio nata est, quod cum damnatam à Facultate Parisiensi doctrinam Spongia Concilij Arausici primi canone primo tueri conaretur, respondit Aurelius, canonis huius editionem ita obscuram esse, ut ad disputationem dogmaticam adhiberi sine temeritate non posset. Quod ut probaret, ~~arias~~ huius canonis editiones recensens, eius etiam meminit, quæ negationem in fine haberet. Sic, inquit, antiqua editio Coloniensis, quam nescio cur P. Sirmondus sine causa sequi maluerit contra P. Frontonem Ducaum, qui exploratis diligenter vetustis manuscriptis, vltima illi parti negationem non aducit. Hæc cum obiter dixisset Aurelius, de Sirmondo lædendo, ut verba ipsa præ se ferunt, nequidem cogitans, Sirmondus tamen sic ea accepit, quasi sibi de vitiato Canone Arausico dicam scripsisset. Itaque ea de re epistolam scripsit ad Aurelium, quam ad eum misit, quem sub Aurelij nomine latere arbitrabatur. Is autem cum epistolam Sirmondi Aurelio reddendam curasset, sic ad eum rescripsit Aurelius.

**M**ONSIEUR,

Je ne me suis pas estonné de voir l'escriit volant du Pere Sirmond. Je m'estois desja imaginé qu'il en pourroit paroistre beaucoup de semblables, si ie disputois ma cause particuliere, ie serois plus libre en telle rencontre. Mais s'agissant de la cause de l'Eglise, & de sa doctrine ie ne croy pas la deuoir affoiblir en desmembrant le corps de ma defence, pour diuertir ailleurs les esprits, & changer vne affaire si importante en vne querelle de peu de consideration. Ce n'est pas qu'il n'y ait beaucoup de chose à dire sur la replique de ce bon Pere, qui pour se donner quelque contentement, a changé vne question de fait en celle de droit, ma responce à L'Esponge n'ayant dit si non qu'il a adionsté vne negation à la derniere partie de ce Canon contre les editions de plusieurs autres sans en auoir allegué aucune raison, la verité dequoy appert par la seule lecture du texte & de ses notes. Mais mon dessein n'est pas de luy respondre icy, mais à vous seulement, en la mesme langue qu'il vous a pleu m'escrire. S'il croit ses excuses si bonnes, il peut enuoyer son memoire à celuy des siens, qui pourra entreprendre de respondre à mon liure, & i'espere luy donner, avec la grace de Dieu, toute la satisfaction qu'il scauroit desirer sur ce point; comme ie luy en pourrois demander sur d'autres bien plus importants de ses Conciles, lesquels si i'auois voulu proposer, ie m'assure qu'il reconnoistroit encore mieux la modestie; dont i'ay vse maintenant en son endroit. Mais ie ferois conscience de travailler sa vieillesse, laquelle ie seray bien aise de luy laisser passer en repos; car il semble assez sensible. Je vous prie d'excuser les importunités que ie vous donne, & de croire qu'encore que ie sois inuisible, ie tâcheray toûiours, à l'imitation de Dieu, de paroistre par des effets visibles. Vostre tres-humble, &c.

Quæ epistola sic latinè reddi potest.

Schedam Sirmondi quam ad me mittis, ab hominibus istis prodiisse non sum miratus. Videram iam pridè plura eiusmodi à nobis expectari debere; si priuatam causam agerem, essem in eo genere liberior: sed cum Ecclesiæ & doctrinæ ipsius defensionē suscepim, non videor mihi eam infirmare debere, ac meæ responsionis quasi corpore distracto, alio auocare animos, & tam grandem controuersiam, in disputationem parui momenti conuertere. Neque id eò scribo, quin multa sese vltro offerant, quæ ad boni illius Patris epistolium regei possint, qui ut animo suo aliquantulum indulgeret,



*Argumentum operum Petri Aurelij.*

facti quaestionem in quaestionem iuris cōmutavit. Cū in mea ad Spongiā responsione nihil dixerim, nisi cum vltimę huius canonis parti negationem adiecisse, nulla huius rei causa aut ratione allata, quod quidem sola textus Canonis & notarum ipsius lectione manifestum est. Verū non hic mihi Sirmondo, sed tibi respondere consilium est, & eā quidem linguā, qua ipse scripsisti. Si sua aduersum me argumenta ita valida existimat, poterit schedam suam committere illi ē suis, qui libro meo respondere paratus erit. Tumque Deo fauente nos illi super hac materia scrupulum omnem exempturos speramus. Quod beneficij genus nobis ab ipso reposcere liceret in multis conciliorum eius longē grauioribus locis, quos si proponerem, magis etiam profectō intelligeret quā liberalem me aduersus illum moderatumque prębuerim. Verū senectuti eius molestiam exhibere religio mihi est, quam vt quietam tranquillamque exigit libentissimē siuerim. Videtur enim animus eius ad commotiunculas esse facilior. Laborem, quem tibi iam dudum impono, boni consulas velim, simulque tibi persuadeas me, quanquam sim inuisibilis, nihilominus ad imitationem Dei, vt visibili aliquo opere meum erga te studium demonstrem, perficere conaturum.

Sed cū Sirmondus schedam illam obuiis quibusque ostentaret, atq; ex hoc specimine de tota Aurelij in Spongiā disputatione iudicium fieri vellet, coactus Aurelius silentium tandem abruptit, quod iam multos menses tenuerat, ne qui tanto tempore maturitati ac moderationi animi fecerat satis, postquam cunctationem illam non modestiæ sed infirmitati à Iesuitis quantibus attribui videret, iam veritatis, quam defendendam susceperat, patrocinio, diutius silendo deesse videretur. Itaque secundo suo volumini, quod tum editum est, responsionem ad Epistolam illam Sirmondi annectendam curauit. Non multum tempus intercesserat, cū aduersus hanc Aurelij responsionem Antirrheticum primum edidit Sirmondus nulla Doctoris cuiuslibet, ne quidem ē suis approbatione munitum. Titulus erat. *Iacobi Sirmondi societatis Iesu Presbyteri Antirrheticus de Canone Arausicano, aduersus Petri Aurelij Theologi responsionem, quā eius epistolam infirmare conatus est. Parisius apud Sebastianum Cramoisy. 1633.*

Nihil cunctatus Aurelius aduersus hunc Sirmondi libellum emisit Antirreticū suum, quem & duo Doctores sapientissimi Mag. Antonius de Breda & Valerianus de Flauigny approbarunt. Inscriptum autem *Petri Aurelij Theologi Antirreticus, aduersus errores & hæreses quibus canonem Arausicanū & sacramentum confirmationis aspersit Iacobi Sirmondi societatis Iesu Presbyteri Antirrheticus &c.*

Hunc Aurelij librum, iam per sex menses in omnium manibus summa cum laude versatum, cū vſitatis eruditorum armis, hoc est rationibus & argumentis impugnare debuisset, vi opprimere Sirmondus instituit. Conqueritur apud Illustrissimum Gallię Cancellarium se ab Aurelio contumeliosē habitum. Postulat vt Doctores approbationem rescindere cogantur. Quod cū resciscet Facultas, primarios ē suo cœru Doctores mittit, qui de re tota Illustrissimum Cancellarium certiores faciant, exponantque ei, nihil ab ijs Doctoribus, qui quasi rei citabantur, commissum, quod in minimam reprehensionem incurreret, librum approbasse, in quo nihil esset improbandum, quique nec fidei Catholicę, nec bonis moribus vlla in re aduersaretur. Imò libellum ipsum Sirmondi, cōtra quem hic editus esset, erroribus scātere.

*Argumentum operum Petri Aurelij.*

Rogant igitur Illustrissimum Cancellarium, ut discutiatur uterque liber priusquam ea de re quicquam statuatur. Annuente Illustrissimo Cancellario, id negotij à sacrâ Facultate datur selectis Doctoribus; voluunt libros, explorant, iamque aliquot propositiones in Antirrhethico Sirmondi notauerant quæ hæresim sapere viderentur. Quod cum ad Sirmondum perlatum esset, ut famæ periclitanti succurreret, precibus egit apud Illustriss. Cancellarium, ut totum illud negotium regiâ authoritate comprimeretur. Quod etiam sacræ Facultati in Comitij suis congregatæ significatum est, anno 1634. 2. Ianuar. ut liquet ex Actis Facultatis. Cum sopita hoc modo controuersia videretur, Sirmondus occasione arrepta, cum Gallia hostili bello vexaretur, iamque sacer Illustriss. Antistitum Conuentus dimissus esset (metuebat enim ne liber suus in eorum iudicia incurreret) libellum emisit alterum, quem inscripsit: *Iacobi Sirmondi Societatis Iesu Presbyteri, Antirrheticus II. de Canone Arausicano, aduersus Petri Aurelij Theologi Anareticum, quo priorem eius Antirrheticum impugnare conatus est.* Cuius quidem editione primus Regium illud edictum, quod tanto studio & contentione obtinuerat (quo is qui controuersiam illam redintegraret, quietis publicæ perturbator habebatur) eodem quo illud appetiuerat tuendæ existimationis amore violauit.

Denique Aurelius aduersus Antirrheticum II. Sirmondi scripsit *Orthodoxum* suum, qui cum à nonnullis Antistitibus visus esset, ac summo in pretio habitus, tandem in hac postrema Aurelij operum editione, iussu & sumptibus Cleri Gallicani procurata, publici iuris factus est. Cæterum de hac tota inter Aurelium & Sirmondum disceptatione, ex eorum libris pronuntiet eruditus iudex, nec Sirmondi, nec Aurelij amicus, sed Ecclesiæ & veritatis.

Habes, Catholice Lector, summam controuersiæ Reuerendiss. Chalcedonensis cum Iesuitis Anglis, & Petri Aurelij cōtentionis publicæ cum Iesuitis, ac priuatæ cum Sirmondo. Cuius quidem opera per se nimium nota & probata existimo, ut eorum commendationem à me desideres. Ut enim taceam hic orbis totius in vnius ignoti hominis admiratione ac prædicatione consensum, nunc certè, postquam Illustriss. Antistitum sacer Cōuentus libros illius denuò excudi, & per vniuersas Galliæ Ecclesias, velut diuinæ veritatis depositum asseruari iussit, ea illius existimationi accessio facta est, ut iam Episcopali quasi purpura exornatus, vere in nouâ lucem & in splendorem inusitatum prodire videatur. Declararunt enim hoc illustri facto sapientiss. Antistites, se gratiam illâ, quam Aurelio propter summa illius in Ecclesiam merita rependere voluerant, cum ipsi, utpote ignoto, minimè potuissent, eius operibus rependere voluisse; rati cum eius librû auctoritate sua munitum, & quasi consecratum in Ecclesiæ penetralibus recondi, & quantum in ipsis est, in omniû animis ac mentibus inscribi curassent, se Aurelio ipsi eam relatueros gratiam, quam ipse optauerat, hoc est procuratam Ecclesiasticæ traditionis venerationem, solidæ pietatis cultum, & amorem defensionemque veritatis. Qui enim tã laboriosum opus ita edidit, ut vni Deo innotescere vellet, manifestè declarat se vnius Dei laudem quæsisse, & illius gloriam suam ducere. Itaque iam liber hic non tantum Aurelij, sed & Cleri Gallicani liber dici potest, ille composuit, hic obsignauit, ille rationibus stabiliiuit, hic auctoritate armauit, ut quemadmodum Aurelius Illustrissimorum Antistitum, ita nunc Illustrissimi Antistites Aurelij causam ac defensionem in se suscipiant.

F I N I S.


# CONEVATIO


COLLECTIONIS LOCORVM,

quos Iesuitæ compilarunt, tanquam  
sibi contumeliosos & iniurios,

*EX DEFENSIONE EPISTOLÆ*

*Illustrissimorum & Reuerendissimorum Gallie Episcoporum,  
& Censura Sacrae Theologiae Facultatis Parisiensis,  
à Petro Aurelio edita.*





# CATHOLICO

## LECTORI.

**V**ENIT in manus meas hesterno die collectio quædam locorum Petri Aurelij, quibus Iesuitæ se ab eo nimis acerbè acceptos queruntur. Eam cum ad ipsum absentem statim transmittere non possem, cuperem autem breviter ei responderi, ut omnium oculis probaretur, quàm iniquè & sine causâ Iesuitæ se tam graviter & contumeliosè læsos clament, statui ei rei manum quamprimum ipse adhibere, ratus nec ei ingrâtam fore hanc operam pro communi Dei & Ecclesiæ causâ, cui soli ipse suum laborem dicavit, & Deo, cui soli à me quoque offertur, eam approbatum iri, cum non liceat in præsentia tantæ & tam illustri causæ aduersariorum importunitate laboranti aliud subsidium afferre. Id autem eò magis statui percursis semel singulis illius collectionis capitibus, quod vidi ea esse inanissima & plenissima ineptiarum & malignitatis, ut iustissima indignatio subiens animum calamum continuò arripere compulerit, quo indignissimas nebulas clarissimæ & solidissimæ veritati obiectas, ut fraus fieret iis quos vel rerum suarum rationes, vel inscitia, vel imbecillitas obnoxios fallaciæ faceret, disjicerem, & eorum animis puram æquitatis & veritatis vim offerrem.

Primum omnium indignum est visum Iesuitam excerptorem locorum Aurelij, tanta fiducia hoc negotium egisse, ut satis habuerit proponere singula dicta eius, nulla addita causâ cur contumeliosa aut falsa dicenda essent. Admiratus sum eum illud sibi autoritatis apud omnes homines assumere, ut crederet nulla alia re sibi opus esse ad probandum iis falsa & contumeliosa esse Aurelij verba, quàm sola sua affirmatione, imò sola propositione verborum illius. Quæ insipientia vel superbia magna visa est.

Nec verò illa minor, quod tam eximiam de sodalibus suis & de tota Societate opinionem ipse habuit, ut, quasi illi omnium culpæ omniumque reprehensionum essent incapaces, sufficeret Aurelij obiectiones in medium proferre, ut inanes & iniuriæ haberentur. Eoque maior est insulsi-  
tas, quod non ipse solum tam excellentem & incomparabilem opinionem suscepit de sodalibus, sed eam ab omnibus mortalibus suscipiendam putavit, ut illorum innocentiam & Aurelij falsitatem nullo argumento declarari oporteret. Grandis hic typhus & admodum consentaneus iis quæ ab Aurelio aliis sodalibus & genio Societatis tribuuntur. Nam eo indi-



De Apologia Danielis à Iesu id æquè clarum est, scriptam nimirum fuisse à *Ioanne Floyd* Iesuita Anglo, Professore Audomari in Belgio. Declaratur ipso titulo, *Danielis à Iesu*, qui contextus est Anagrammate Anglico ex nomine Anglico ipsius in hunc modum. Anglicum nomen eius est *Ioanes Fluide*, quod Latine vertit *Ioannes Floydus*, mutato *u* in *o*, ne se Fluidum diceret. Ex hoc ergo nomine Anglico, *Ioanes Fluide*, fecit Anagramma quoque Anglicum, *Daniel of Iesu*, ut Apologiæ scriptæ Anglicè præponeretur. Quam in re imitatus est *Carolus Scribanium*, olim in Belgio Provincialem, qui libro in Reges impio *Amphitheatro honoris*, similiter Anagramma inscripsit ex nomine suo, *Clarus Bonarscius*.

Itaque librum utrumque damnatum ab Illustrissimis Episcopis, & à Facultate Parisiensi clarissime patet esse Iesuitarum, & errores ac hæreses in iis contentas ab eorum Societate manasse, nec id tergiuersatione vlla obscurari posse.

Quod si eorum librorum autores verè sint Iesuitæ, constat quinam sint eorum defensores, præcipuè defensores tam impotentes & rabidi, quos patet ferre non potuisse suam Societatisque gloriam minimum infringi Censuris Illustrissimorum Antistitum, & Theologiæ Facultatis, in eosque indomito iracundiæ & ultionis impetu irruisse. Nam *Querimonia* & *Spongia* editæ fuerunt Audomari, ubi degit Iesuita Floydus Apologiæ damnatæ autor, homo audaci & præcipiti ingenio, testibus omnibus qui cum norunt. Eadem *Querimonia* & *Spongia* præferunt titulum Canonici cuiusdam Audomarensis, quem constat esse mancipium Iesuitarum, & hominem nullius pretij. Eadem ab illis quantibus iactatæ sunt in Belgio, & cum apertissima gloriatione coram omnibus exosculatæ. Minati sunt Doctoribus Louaniensibus, si tales vnquam Censuras in se ederent, vel sibi molesti pergerent esse, eos à se tractatum iri quemadmodum Doctores Parisienses, & his ipsis verbis vsi sunt, *sentient aculeos nostros*, ut constat auctoritate viri ætate & sanctitate venerabilis, tum ab Vniuersitate Louanensi, tum à Iesuitis sejuncti, cuius testimonium Lutetiæ habemus. Distribuerunt eas in Gallia viris quibusdam primariis, & nominatim Prælati, ut fidem faciunt testes irrefragabiles. Propugnarunt & laudarunt eas in cæteris honestissimis, & coram hominibus dignissimis fide, qui id testantur. Impleuerunt eas laudibus Iesuitarum, & eorum Societatis, & præcipuorum illius autorum ex quibus fundamenta errorum suorum traxerunt, & hominum Societati deditorum. Ipsa *Spongia* nihil aliud est quàm transcriptio Apologiæ Danielis. Eadem ubique argumenta, eadem rationes, eadem mens & spiritus, ita ut eiusdem autoris manus oculis cernatur. Iam ante Censuras emissas minati erant librorum suorum defensionem in fine Appendicis ad Nicolaum Smithæum, quem ediderunt Antuerpiæ. *Spongia* ipsa passim indicat se esse fœtum Angli hominis & *Molossi* (ita enim loquitur) *remordentis* & *ulciscantis* eos à quibus fuerit læsus; quod quidem Iesuitas & Floydum nominatim designat, autorem Apologiæ, quam solam *Spongia* tuetur, remordentem, videlicet Censores à quibus se morsum putauit. Denique frontem æneam & conscientiam emortuam habere oportet ad inficiandam & tergiuersandam rem tam manifestam & om-

In præfat.  
Spong. pag.  
12. edit. 2.

nium per omnes regiones hominum consensu testatam, quod sanè ab istis fieri non potest nisi illa arte qua putant se negare posse quicquid propriis oculis non viderunt.

Societatem autem assentiri & conspirare cum istorum librorum autoribus, nec facinora ista esse tantum priuatorum aliquorum, vt vulgò respondere solent ad suorum maleficia, patet ex eo quod libros curarunt approbari à Professoribus variis Societatis, & à Theologis diuersissimarum gentium, Hispanis, Belgis, Germanis, Britannis, & ab iis Vniuersitatibus in quibus prorsus dominantur, vt à Pragensi, Ingolstadiensi, Paderbornensi, quæ nominatim Querimoniam in Epistolam Illustrissimorum Antistitum approbavit, & cum ea Suffraganeus Paderbornensis. Hæc autem manifesta sunt indicia conspirantis, & tota factione sua connitentis Societatis, cum tales per tot gentes motus facere, & tantum autoritatis assequi, præcipuè tam celeriter & ad nutum, nemo priuatus potuerit.

Præterea librorum publicorum autores tot erroribus & hæresibus scætentium, eoque nomine solenniter damnatorum vnanimi sententia à tanto Episcoporum cœtu, & à tota Parisiensi Facultate, tamen in Societate nihil reprehensionis, quod constet, habuerunt; nec Societas ostendit eos libros sibi non probari, sed tam illos quàm illorum autores fouit & tutata est. Ex quo nihil clarius quàm eam consciam esse & approbatricem nefariæ illius doctrinæ & intolerandæ eius defensionis.

Idem patet de Iesuitis Gallis nominatim, tum quia Smithæi librum, qui eandem doctrinam continet quàm Apologia Danielis, satis approbarunt coram Illustrissimis Episcopis, vt ex actis constat; tum quia Querimoniam, & Spongiam sparserunt passim, & obrulerunt amicis & necessariis suis, earumque doctrinam propugnarunt apud homines clarissimos, & omni fide dignissimos; tum quia cæteris Religiosis Parisiensibus improbantibus publicè libros Iesuitarum Anglorum, ipsi eos ita damnare videri voluerunt vt nullum eorum exprimerent, ne quidem Spongiam, quam cæteri Religiosi nominatim damnarunt. Eadem enim opera voluerunt aliquid specie tenus indulgere & satisfacere Illustrissimis Episcopis, simulando se iis assentiri; & simul Sociis suis, nihil eorum verè improbando quæ illi scripserunt. Qua in re planissimè confirmarunt vulgare illud, *in generalibus semper subest dolus*. Denique primus liber qui ab iis prodiit Lutetiæ, à sodalibus Parisiensibus antè discussus & recognitus, eorum hac in re sensum apertè patefecit. Non enim puduit illos nouitatis eos arguere qui nouissimam luorum doctrinam antiqua sanctorum Patrum traditione, quam ipsi prorsus ignorant, iugularunt; & schismatis crimen iis imponere qui hæretica ipsorum dogmata & schismatum viam ambabus quasi manibus aperientia damnarunt. Quæ impudentia tanto magis in Illustrissimos Antistes cadit, quanto eorum maiori & valentiori autoritate erronea ista doctrina prostrata est.

*Theoph. Ray-  
mond. lib. de  
liber. ate,  
pag. 186.*

Liquet igitur clarissimè errores & hæreses istas esse Iesuitarum, & massæ non à priuatis aliquibus, sed à consensu & conspiratione ipsius per varias prouincias Societatis, & maximæ esse audaciæ in re tam splendida pergiuersari.

Nec spectandæ sunt nescio quæ declarationes, quæ à quibusdam Iesuitis obtruduntur, quia fallaces sunt & illusoriæ. Certum enim est eos nunquam nominatim damnaturos Nicolaum Smithæum, Danielelem à Iesu, eorumque Spongas & Querimonias, nec disertè subscripturos Censuræ Illustrissimorum Antistitum & Theologicæ Facultatis; nec denique passuros ut ea subscriptio publicetur: Quo tamen modo, nec vlllo prorsus alio, consuevit semper ab antiquis temporibus Ecclesia declarationes eorum, qui erroris & hæreseos vel rei vel suspecti fuissent, accipere, nec aliud gravitatem eius & integritatem & honorem decet. Et quamvis aliqui priuatim Iesuitæ id facerent, quod nunquam facient, tamen eorum factum ab aliis irritari posset, qui deinde ridiculo haberent eos qui fidem ipsis tam facile habuissent. Oporteret, si seriò & non fallaciter ageretur, eiusmodi declarationes fieri à Superiorib. ipsis & Prouincialibus Iesuitarum nomine fratrum suorum. Nec tamen hoc ipsum magnam firmitudinem haberet; quia posset paulo post rescindi à Generali, cuius verbo ipsi se ab omni sponsione & vinculo liberos putarent, præcipuè suis casuum conscientiarum legibus nixi. Quare omnes eiusmodi professiones, ut captiosæ & insidiosæ & solius temporis causa ad aliquid extorquendum confictæ repudiari debent ab omnibus qui fideli aliquid & sinceri affectus erga Deum & eius Ecclesiam ac fidem habebunt.

Summoperè autem obseruanda est præcipua huius causæ iniquitas. Duo enim ordines hic configunt; ordo Episcoporum, & ordo Iesuitarum; priuata Societas, & Ecclesiæ Catholicæ Societas vniuersa, de cuius fide agitur. Videndum est vtra vtri cedere debeat, Societas Iesuitarum Societati Episcoporum & Ecclesiæ Catholicæ, an Episcoporum & Ecclesiæ societas Societati Iesuitarum. Vtrum Ecclesiæ Catholicæ causa, quæ maiorem plagam istorum bacchationibus quàm erroribus accepit, præferri debeat priuatæ societati ex qua illa calamitas erupit. Errores eorum Ecclesiæ Catholicæ auctoritatem & statum dejecerunt; bacchationes eam protulerunt & conculcarunt, & impiorum omnium quibus in eam lasciuires libuerit, contemptui & ludibriis objecerunt. Videndum num Ecclesiâ ita proculcatâ, tanti facinoris autores, queri possint se infamari: & cum gloriæ suæ tuendæ gratia ipsi eam ita acceperint, num iure postulare queant ut ab ea legitimam defensionem suam proferente mollius & parcius attingantur.

Quod eo maius videri debet, quia res agitur inter partes prorsus inæquales. Alij enim magistri sunt, alij discipuli; alij principes, alij priuati; alij per se subditi, alij per se superiores. Quæ ratio tanti ponderis est, ut etiam infirmis omnem dubitationem euellere debeat; planissimeque ostendit Iesuitas, etiamsi nihil aliud ausi essent nisi Episcopale decretum, tantum præcipuè & tam solemne publicè refellere & oppugnare, potuisse iure repelli, non solum argumentorum vi, quasi aduersarios æquales, sed etiam increpationum & iustæ indignationis, velut inferiores & priuatos homines suæ conditionis immunes. Cum verò eorum responsiones tanta intemperantia & maledicentia sint deformes, intolerabile prorsus est, audaciarque priori maioris, eos queri audere se læsos, detractumque de fama suæ Socie-



tatis, quæ longè amplius suorum flagitiis amisit probæ existimationis, quàm ei cuiusquam oratione adimi possit. Nam tam enormes istorum, qui se Molossos vocant, latratus validiori oratione compressos esse, nihil mirum est; sed eos à tali societate prodire potuisse incredibile fuisset, nisi omnium sensibus palam esset perceptum.

Mirum illud etiam & sanè indignum, postquam emissis Censuris in libros Iesuitarum, moderatis sanè ac lenibus, quippe tacitis eorum nominibus, etsi perspicuè notis, Iesuitæ tam furenter in eas sunt inuecti, & Illustrissimos Antistites amplissimamque Theologiæ Facultatem tanta convitiatorum atrocitate vlti sunt, nullas auditas esse ea de re publicè querimonias, nec à Facultate, nec ab Illustrissimis Episcopis; utrosque humaniter & patienter tantas, tam voluntarias, tam sine causa susceptas à malè sanis hominibus declamationes tulisse, donec iis pro sua dignitate responderetur. Simul atque verò tanta insolentia compesci, & necessariis ad Ecclesiæ, Antistitum eius, & Theologorum honorem restituendum, & in posterum asserendum responsionibus contundi cœpit, exurgunt illicò Iesuitæ, & omnia questibus implent; sibi que iniuriam & contumeliam irrogari, quasi insonitibus & immeritis, vociferantur. Quis tantam indignitatem ferat? Quis non miretur elationem & superbiam, quæ idem saltem iuris Episcopali ordini aduersum se concedi non vult, quod ipsa in eum arripuit? Imò quis non miretur, Iesuitas velle sibi licere Episcopalem ordinem, & Theologiæ Facultatem suo officio sine vlla ipsorum iniuria fungentes, temerè & sine causa maledictis obstruere; nec tamen velle ut Episcopis, & Theologiæ Facultati tam nefariè & petulanter conscissis, liceat allatratoribus suis ora obstruere?

Quod sanè eo iniquius & intolerabilius est, quia responsiones pro Illustrissimis Episcopis & Theologiæ Facultate editæ nihil vsquam tam atrox habent, quàm Iesuitarum in eos scriptiones, ut tum ex refutatione collectionis, quam ipsi fecerunt ex Aurelio, tum ex collectione eorum, quæ ipsi antea scripserant, infra posita, patebit ad oculum. Nam præcipuè ipsorum in illos contumeliæ superant quicquid ab Aurelio pro illis non primò & sine causa scriptum, ut ipsi fecerunt, sed responsum & relatum est, ad necessariam eorum compressionem. Quo ex solo capite immensum inter Aurelij responsiones & eorum scripta discrimen esset, quamvis Aurelius multò acerbiora, quàm ipsi, scripsisset. Nunc verò non solum ipsi in eo superant, quod sine causa nouo, & in Ecclesia minimè tolerando exemplo, tot Episcopos & Theologos aggressi sunt, ut eorum infamatione pessimis in fidem erroribus autoritatem adiungerent; sed etiam quod longè tetriora & immaniora priores in illos coniecerunt, quàm in ipsos pro illis sit responsum. Et tamen illis immensam istam ipsorum audaciam quietè perpeffis, donec ei vicissim priuatorum instat responderent, non autoritate sed argumentis, non ea potestate quam à Deo in Ecclesia acceperunt, sed ea ratione quæ nulli homini in æquales aduersarios negari potest; isti moderationem pro illis respondendi firmitatem patiri non possunt, sed eam quasi superiores aliqui & inuiolabiles ac sacrosancti homines, quibus omnia in quoscumque liceat, illis nihil in ipsos, ambitu & potentia non à Deo

sibi data, sed ab ipsis per notissimas artes occupata, opprimere conantur.

Inversa profecto in hac re est omnis ratio, in magnum istorum iniquitatis & præsumptionis argumentum. Cum enim Illustrissimi Episcopi, & Theologiæ Facultas, post tam indignam sui nominis & honoris labem, satisfactionem à notissimis eius autoribus postulare debuissent, quod nimia quadam humanitate & indulgentia non fecerunt; Illi qui in eos tam petulantes fuerunt, ubi eorum famam subleuari vident, immanibus calumniis, orationis robore earum temeritati pari, disiectis, iniuriam exclamant, & restitutionem poscunt velut innoxij homines, qui nihil reprehensione dignum fecerint; abiectaue sui facinoris memoria, id vnum quod in ipsos reponitur spectant, id vnum intuentur, id vnum accusant, quasi Iesuitarum in tot Episcopos maledicta nullius momenti esse, nec satisfactionem ullam mereri possent, sed ex tantum responsiones, quæ in Iesuitas ad iustissimam Episcoporum & Ecclesiæ defensionem scribuntur.

Audiendum verò nullo modo est quod passim dicunt, si veræ essent criminationes, quas ipsis Aurelius intendit, si ab iis tam impuræ doctrinæ, tantæ bacchationes & procacitates manassent, quantas ille insectatur, ipsos dignos fore omnium odiis, exiliis, pœnis, & indignos qui ullibi tollerentur. Imò hæc solet esse omnium perucacium oratio, cum facinora quorum conuincuntur, depellere aliter à se non possunt, exclamant, mirantur, detestantur, & se quolibet malo dignos deputant si illa fecissent, ut audaci protestatione vim ac fidem argumentorum obscurant. Non ergo audiri debent talia, sed spectari ipsæ res, & videndum num verè rei sint eorum quæ Aurelius dicit; num probetur eos talia patrasse, num vera ei fuerit causa eos ita increpandi. Quod ubi planissimè constiterit, abjiciendæ sunt vociferationes illæ fallaces, quæ crimen exaggerant ut extinguant, ipsum in se augentes ut minuant illud in reo, & incredibile faciant. Objici potest similiter multo fortius, nihil fore malorum quod non mereatur Theologiæ Facultas Parisiensis si talis sit qualis ab eis est depicta: nihil quo digni non sint Galliæ Antistites, si vera sint quæ in eos scripserunt. Fatendum utramque Theologorum & Episcoporum societatem esse perfidam, impiam, flagitiis & criminibus coopertam. Sicut ergo Illustrissimi Antistites & Theologiæ Facultas non vtuntur huiusmodi quiritationibus ad innocentiam suam astruendam, sed eam veris rationibus & solidissimis probationibus demonstrant; ita explodendæ eadem sunt cum adhibentur à Iesuitis, & pro iis, quæ illis cum nocentissimis quibusque hominibus communes esse possunt, petendæ ab illis defensiones legitimæ in planis rebus & argumentis firæ, quæ solis fontibus competunt. Si illas adferant apud quos iudices, & ex legitimæ censeantur, fatebitur Aurelius culpam, & eos à se iniquè appellatos agnoscat. Sin autem eas adferre non possint, fateantur ipsi se iniquè de illo conqueri, & innocentiam quam suorum factis amiserint, vanissimis præstigiis fingere, & defensionem ab eo veritati & Ecclesiæ doctrinæ fraudem moliri.

Nam illud certum est, eos, quicquid simulent, non minus odisse doctrinam quam Aurelius ruetur, & Illustrissimorum Antistitum & Theologiæ Facultatis Censuras, quàm modum eas tuendi. Quod ex eo perspi-

cuè patet, quia nulla ratione adduci vnquam potuerunt, nec adduci poterunt, quicquid verbis dicant, vt eis subscribant planè & apertè, & scriptos & à sociis suis libros eorumque improbas defensiones expressè & nominatim damnent. Tales ergo homines quis non videt doctrinam & censuras quas directè & in seipsis aggredi non audent, in earum defensione inuadere, & in eas agere cuniculos, quas aperto Marte impugnare non possint? Hæc fuit ars omnium penè hereticorum & heresum defensorum, innumeris exemplis & testimoniis probata, vt postquam ab Ecclesia per Episcopos damnati & contriti, omnes sibi directas & apertas euadendi vias præclusas vidissent, obliquas & occultas molirentur, quibus aliquem exitum & effugium reperirent. Notissimæ sunt hæc in re susceptæ à sanctissimis Episcopis aduersus eiusmodi fraudulentas dimicationes, quæ plus Ecclesie molestiarum & laborum dederunt, quàm apertæ vllæ hostilitates. Nec aliud præsidij aduersus eas repererunt, sancti Patres, quàm vt immobiles & inconcussi manerent in veritate, & omnes aduersariorum suorum temperationes & conditiones repudiarent, nec aliam ab iis errorum, quorum rei vel suspecti fuissent, abdicationem admitterent, nisi puram, simplicem, & ab omni conditione absolutam. Hæc enim est sancta Ecclesie gubernatio longè diuersa à politica & humana, quæ cum à temporum & hominum varietate pendeat, in eaque tota sit sita, variæ eiusmodi vicissitudines & laxationes & mitigationes suscipit, quas Ecclesia supra petram in veritate & in verbo Domini, quod manet in æternum, fundata semper respuit & auersata est, quoties de doctrina sua & de aduersariorum illius erroribus certamen fuit. Professio igitur veræ doctrinæ, & Illustrissimorum Antistitum Censuræ diserta subscriptio, & scriptionum sociorum suorum planissima damnatio, legitima superiorum potestate ad excludendas fallacias munita, petenda est à Iesuitis antequam vlla satisfactio vel ab ipsis peti, vel concedi eis possit; nec committendum vt ab aliis purgentur & absoluantur antequam seipsi legitime purgarint, nec vt eis satisfactiones tribuantur antequam ipsi eas veritati tribuerint. Alioquin manifestè patet eos veritati, cui gloriam dare nolunt, insidiari, vt eius defensione oppressâ ea in vulgus infametur, non de innocentia sua legitime ac sincerè tuenda sollicitos esse. Hæc aduertant quicumque honoris Dei & Ecclesie & veritatis ac fidei eius maiorem curam gerunt, quàm priuatorum hominum Iesuitarum & Societatis illius, ex qua in eas tot errores & hæreses pullularunt.

Hæc ratio eo firmior est, quod collectio quam ediderunt locorum Aurelij, quibus se violatos aiunt, non minus in doctrinam ipsam & Censuras, quàm in vim, qua ipse illas defendit, dirigitur. Passim enim ea trahit in suorum contumeliam, quæ ad doctrinam pertinent, & quæ in Illustrissimorum Antistitum & Facultatis Censuris continentur, vt responsionibus nostris infrà singulatim declaratur. Qua re manifestum faciunt, se doctrinam subruere huiusmodi querimoniis; & quia illam ita defensam vident, vt nulla sociis suis spes supersit aliquid in eam honestè opponendi, nec proficiendi quicquam conuitationibus & latratibus horrendis, quibus orbem impleuisse ipsos haud dubiè iam pœnitet, adeo vt ita compressi mo-

destiores in posterum & saniores esse cogantur; subsidium iis aliquod præbere, & animos exsuscitare cupiunt, oppressis vi atque ambitu veritatis præsidii & petulantia castigationibus, quas argumentis & veritate perumpere se non posse vident. Nempe ut errorum & hæresum illi propugnatores omni metu soluti, & neminem fore sperantes qui ipsorum amentia obsistere audeat, confidentius & effrænatius ad veritatis & Ecclesiasticæ doctrinæ perniciem, per Episcoporum eam solemniter vindicantium, & quorumcumque eam tuentium contumelias, inuehantur.

Equidem si quid à Iesuitis consuetum, vel in Ecclesia inter Catholicos vnquam auditum scriptum esset in Illustrissimos Antistites & in Theologicam Facultatem, facile pati posset Aurelius id quod ipse in eos rescripsit, nimium & contumeliosum haberi. Si verò nihil tale à Catholicis & priuatis hominibus antehac vsquam exitit, aduersus tot Episcoporum consilium & tantam Theologorum Facultatem, si tam petulans oratio nunquam in Ecclesia aduersus Episcopos audita est, & quidem aduersus Episcopos officio suo fungentes, & grauissimos errores vnanimi & solenni iudicio damnantes; fatendum est tam extraordinarium malum extraordinario remedio potuisse compesci.

Quod eo magis fatendum est, quia constat Ecclesiam solitam quidem esse reprehendere nimiam eorum vim, qui erroris aut hæreseos alicuius profligandæ studio ultra metas veritatis excesserunt; sed nunquam eos qui quantacumque acrimonia, & indignatione in illos vsi sunt, qui hæreses ab ipsa per Episcopos suos publicè damnatas publicè tueri ausi sunt, ne dum tam proteruè & petulanter tueri. Sanctus Hieronymus reprehensus fuit quod erroris Iouiniani oppugnandi impetu contrariam veritatem non nihil infregisset, sed nunquam est reprehensus quod hæreseos illius defensorem acerbius depressisset, quamvis notissima sit vis styli Hieronymiani, qua ille non in singulos tantum homines, sed in religiosos & religiosorum integros cœtus, cum hæreses defendere ausi sunt, pari semper feruore vsus est. Nec dicere attinet Iesuitas non esse hæreticos, quia cum hæreses tueantur à tanto Episcoporum cœtu solemniter vnanimiterque damnatas (cuiusmodi iudiciis summus semper in Ecclesia fuit honos, usque per multas hæreses extinctæ fuerunt) hæresum sunt defensores, & ut tales intuendi, præcipuè cum eas eadem qua hæretici insolentia tueantur, ac plus nocumenti plerisque afferre possint quàm si essent prorsus hæretici, & per hoc autoritate illa vacui, quam nunc habent ad probandos imperitis errores suos, & nefarias in Ecclesiæ fidem & Episcopos grassationes.

Atque ut Aurelij hac in re æquitas amplius pateat, considerandum est illud: Si quis priuatus scriptor, qui de nullo cœtu esset, non dico tot conuitia & tantam maledicentiam in Episcopos & nobilissimos Theologos, sed tantum errorum & hæresum edidisset, nihil futurum fuisse non modò obiurgationum, sed execrationum & anathematum quod non meruisse diceretur, nisi seriò resipisceret. Quàm ergo iniquum, ut quia Societas vna hoc opus fecit, vtrendum sit personarum acceptione, dissimulatione, indulgentia, cum culpa eo grauior & periculosior sit habenda, eoque acrius & accuratius coercenda, quo à pluribus Societatis eiusdem animis in id



ipsum conspirantibus orta est? Non enim habenda est ratio privatae societatis, cum res generalis societatis agitur, & ordinis Episcoporum & Ecclesiae, cui alia quaecumque Societas honorem & submissionem debet, nec recusare potest quin damni aliquid subeat, quod praecipue sibi ipsa quaesierit, cum Ecclesiae fides & honor publice violatus integer & incolumis retineri aliter non potest, & in posterum vindicari.

Agitur quoque reipublicae quies, ne audacissimi quique homines audeant proborum & illustrium virorum famam petulanter adoriri, & civilis ipsius ordinis confusionem inducere. Ac magnoperè publicè interest extare exempla, quibus petulantes eiusmodi animi spem amittant calamorum licentia impune grassandi, cum videant paratam sibi eadem quoque ab aliis audiendi vicissitudinem, nec ademptum iri iis quos inuaserint naturalis ipsius legis beneficium, quo perinde ac meriti fuerint repellantur. Sic temperata erit respublica, sic omnes aequabili tranquillitate continebuntur, nec existent improbiissimae istiusmodi declamationes, quibus ex aliquo iam tempore extranei quidam rabulae primores Galliae viros, ipso Principe non excepto, penè quotannis furialiter inuadunt, nec ferè quicquam in ea dignitatis ullius sanctissimae & maxime reliquerunt, quod non horrendum in modum foedarint.

Accedit quod libri nominatim in quos agimus, non contenti Ecclesiae doctrinaeque & autoritatis illius populatione, abrepti sunt eodem impetu in regiae maiestatis ministrorumque illius honorem. Nam in Querimonia impropere Illustriss. Episcopis *regia vulnera*, & fictis nominibus Reginae Olympiadis & Principis Alexandri filij eius, eorumque à Macedonia exilij, Regem consiliumque eius in inuidiam adducere nituntur. Quod eadem fraude conati sunt in Spongia, ubi sub eiusmodi simulachris multa effuderunt acerba & virulenta in Antistites qui bellis intersunt: Quod in eum solum cadere potest, cui Gallia idem honoris debet quod ab eo accipit, in tanta regiae maiestatis & Gallici nominis intus & foris amplificatione & gloria. Quare sapientissime supremus Senatus Rhotomagensis libellorum istorum vim apud Bibliopolam quemdam Audomarensem deprehensam Senatus consulto lacerari carnificis manu & incendi iussit, *quod scripti essent contra regni leges & placita status*. Quis iam iure conqueratur libros diuinæ humanæque maiestatis reos, amplissimi in primis Galliae Senatus iudicio conscissos & combustos, nimia seueritate in Gallia refelli?

Pater ergo vndique iustissima ratio qua Aurelius usus est in confutandis libris Iesuitarum: qua tamen ille nunquam usus esset si quam aliam esse putasset, qua tam proterui & ferocientes ultra modum, omnem animi, vel in praesens, vel in posterum frænarentur. Sed cum eos temperatissimis Illustrissimorum Antistitum & sacrae Facultatis Censuris deprauatos & audaciores factos, perpetuoque illo, qui in eorum societatis hominibus animaduerti solet, genio elatos, orationis inaudita petulantia ad Ecclesiasticæ doctrinae & autoritatis perniciem sine fræno grassari vidisset, nulla eos alia re nisi magnitudine animi, & parie eorum dementiae fortitudine Dei & Ecclesiae amore suscepta, in ordinem redigi & silti posse arbitratus est, ut iis depressis, Ecclesiae pax, honor, & veritas eadem opera illustri exemplo aduersus

aduersus eiusmodi latrocinia incolumis nunc & in futurum esset. Qua ratione non ille Iesuitarum inimicum agere sibi visum est, sed amicum misericordissimè fauentem, ad parandam eis sanitatem, & deterrimi morbi liberationem, quæ alia via sperari non posse videbatur. Nam in eiusmodi causas *mordacitatem charitatis* adhibendam docuerunt sancti Patres, *cuius vulnera tum demum amantissima esse dixerunt, cum amarissimè inferuntur.*

Denique in hoc negotio nulla iam res Aurelij agitur, non solum quia latet, & quodammodo nullus est, sed etiam quia defensiones eius ita iam spectatæ & probatæ fuerunt, tum à Sorbona, quæ eas non modò priuatis Theologorum suorum approbationibus, sed & publica protectione decorauit quam eis apud se dat, vbi tanquam in azylo latent, & principis ipsius Sorbonæ Decanique amplissimi non librarij alicuius manu distrahuntur, eo honore qui nulli vnquam libro fortassis habitus est vel habebitur; tum denique ita suffultæ & vindicatæ fuerunt ab Illustrissimis Galliarum Præfultibus aduersus conatus Iesuitarum, perfectumque vt illis frustra obnitentibus iam in publicum & in externas regiones maxima ex parte peruenerint, vt si quid deinceps in eas secus fiat, id iam non tam ad auctorem ignotum, & proprij negotij nihil agentem in labore quem suscepit, sed ad Sorbonam & ad Illustrissimos Galliarum Antistites, de quorum fidei & famæ integritate agitur, totum rediturum sit.

Plura dicere hoc loco nihil interest ad Aurelij & consilij eius probationem. Cui enim hæc non sufficient, nulla erunt satis in re tam aperta, in causa tam illustri, non solum propter res ipsas quæ sunt Catholicæ Ecclesiæ dogmata & mysteria grauissima, sed etiam propter personas, Ecclesiæ nimirum Catholicæ tot Illustrissimos Antistites, & eiusdem Theologicarum Facultatum primariam & antiquissimam Parisiensem. Quo ex vtriusque capite summum ius & summa potestas cuius fuit, non solum Iesuitas, sed quoscumque priuatos alios, etiam minus lasciuentes, multò vehementius urgere, quàm Iesuitas vrsit Aurelius.

Ac sanè eius hac in re contentionem nihil magis purgat, quàm ista ipsa collectio eorum, quæ Iesuitæ tanquam in se iniquiora ab eo scripta esse volunt. Ex hac enim collectione, ex hac ipsa aduersariorum accusatione ille optare in primis potest de se & de illis sententiam ferri. Neminem enim fore puto æquioris animi iudicem, nullo studio in alteram partem propensorem, nullo præiudicio occupatum, qui perspecta Iesuitarum in hac collectione inanitate, maleuolentia, malignitate, non illos superbos criminatores, illum iustissimum & candidissimum reprehensorem fateatur. Tota enim collectio ad hæc vitia redigi potest.

I. Reprehensiones Aurelij, quas contumeliosas dicit, solas & nudas refert, tacitis rebus in quas ab eo collatæ fuerunt, sine quibus vera an contumeliosa fuerit reprehensio ridiculè postulat iudicari, cum id nullo modo fieri possit. Imò malignè id facit, vt verba Aurelij quæ causis coniuncta ob quas ab eo scripta sunt, iustissima & infra earum magnitudinem posita semper viderentur, scorsum proposita contumeliosa videri possint. Quæ summa malignitas & proteruitas est, quæ iustissimæ quæuis indignationes eo modo propolitæ iniquissimæ apparebunt, vt iam suprà dictum est.

b

II. Plerasque res facti, totas in probationibus & argumenti sitas, quas Aurelius passim in aduersarios scripsit, solas etiam profert, eadem fallacia & malignantate.

III. Pleraque argumentis solidissimis in eos probata colligit & expostulat nullis allatis rationibus in aduersum, ex quibus iudicetur num Aurelius ea verius dicat, an ipse iniquius reprehendit. Quod in primis stolidum est.

IV. Aurelij verbis passim addit & detrahit perfidiosè, ut eius orationem exacerbet, quod in illa, ut ab eo scripta est, nihil arrodendum reperiret.

V. Dicta generalia Aurelij, in nullum hominem aut familiam nominatim coniecta, trahit in contumeliam suæ Societatis.

VI. Sensum Aurelij passim non assequitur, & ignorantiam suam illi in crimen vertit.

VII. Fingit verba & propositiones, quæ apud Aurelium non habentur.

VIII. Impudenter queritur ea in suos dicta esse quæ apertissimè vera & omnium consensu testata sunt.

IX. Ea imputat Aurelio, quæ ad doctrinam ab Illustrissimis Episcopis & Theologiæ Facultate damnatam pertinent, & eorum Censuris continentur, ut doceat se illorum etiam doctrinam & Censuras verè odisse, nec minus Aurelij librum auersari.

X. Ea quæ Aurelius in Iesuitas librorum Anglicanorum scriptores & defensores scribit, passim transverrit in totam suam Societatem, ut crimina, quæ in Aurelio non reperit, faciat.

Multa alia similia peccat Iesuita collectionis istius ineptissima textor, quæ ex sequentibus responsionibus planè patebunt, ut nullum queri possit ab Aurelio aptius & manifestius argumentum aduersariorum iniquitatis, & sinceritatis suæ, quàm hæc ipsa collectio, in quam cum illi omnia quæ non solum apud eum reperire, sed ipsi fingere potuerunt, inuidiosissima & criminosisissima congeslerint, iis planè, candidè, & summa fide ad inanitatem & malevolentiam summam apud idoneum quemvis iudicem redactis, nihil supererit nisi ut eius defensio sicut solidissima & aduersariis metuenda, ita fidelissima & eorundem morsibus imperuia iudicetur. Hanc quippe ob vnâ causam, quod illius pondere & soliditate oppressi non habeant quo se vertant, eam vi & impetu facto contrâ opprimere student, & perspicuæ imbecillitati subsidium à violentia sua mutantur.

Sed frustra sperant his artibus subuerti posse Ecclesiæ Catholicæ veritatem, & Illustrissimorum Episcoporum grauissimum iudicium, sibi quælibet ad eius insultationem patere campum. Sicut vnus loci finibus non est conclusa Ecclesia Catholica eiusque doctrina, sic nec illius defensores. Si ipsi errorum suorum approbatores per varias regiones factione & ambitu repererunt, reperiet Dei amor & Ecclesiæ charitas propugnatores, & pro vno Aurelio plures ipsis nec minus firmi existent; nec falsa esse poterit Christi vox: *Si hi tacuerint, lapides clamabunt*: Neque vnquam fiet ut Ecclesia toto orbe longè latèq; fusa, & vasto corpore propagata, tantis plagis

afficiatur, nec tamen sentiat vsquam aut clamet, cum vel tacentibus vniuersis hominibus, si fieri posset vt tacerent, clamaret ille spiritus qui gemitibus inenarrabilibus postulat pro ea, & cuius voces solus nouit Deus, & quem errores Iesuitarum non contristarunt tantum, vt plerique, sed, vt pauci, adorti sunt. Equidem Ecclesiam premi nemini bono esse potest; nemini, inquam, utilis esse potest sponsæ Christi & Spiritus eius exulceratio, cum sponsum habeat æmulatorem & zelotem, quicam studiosius quàm viscera intima fouet, quàm pupillam oculi custodit; & vbi hominum ei præsidia, vel deesse, vel eripi videt, tum demum ipsemet sine intermediis hominibus brachio illo præpotenti, præ quo omnis humana fortitudo vitrea & fumea est, ad eius, quam ex æterna lege deferere non potest, subsidium accingitur, & ad ipsius solatium potentia & ira sua omni armatus decurrit. Quam eum in necessitatem coniecisse, nunquam optandum fuit humano orbi. Nec verò credi debet has Iesuitarum machinationes non in primis improbatum iri summo Pontifici vbi eas rescierit, peritissimo nimirum tum literarum aliarum, tum Ecclesiasticæ doctrinæ, & errorum à Iesuitis sparsorum intelligentissimo; nec ferendum visum iri æquissimo Pontifici, vt errorum tantorum, quibus Apostolica sedes in primis percellitur, non solum publicatio, sed petulantissima & inauditæ in Ecclesiæ Episcopos peruicaciæ defensio adhuc impunita & libera fuerit in Ecclesia Iesuitis; doctrinæ verò antiquæ & solidæ fidei solenni Episcoporum iudicio sancitæ propugnatio conatibus eorum frangendis necessaria, simul atque extiterit, ac penè priusquam extiterit, opprimatur. Accendet sine dubio hæc Iesuitarum importunitas illius odium in pestilentem eorum doctrinam, supremamque damnationem illam, quam à sacro eius ore, & prouidentia, & summa in rebus maximis opinione iam pridem Catholicus orbis expectat, maturare compellet, cum vel hoc ipso, in quo nunc versamur, experimento didicerit, quàm seriò prospiciendæ, & in posterum auertendæ sint, metuendæ Ecclesiæ Catholicæ tranquillitati, hominum errores & hæreses suas isto modo protegentium, molitiones, quæ sanè Iesuitas vt Ecclesiæ periculosiores, ita bonis omnibus suspectiores & odiosiores efficient. Ipsi verò frustra in stimulum calcitrare, & in Deum perire conabuntur: Et si aduersus Ecclesiæ Catholicæ fidem & honorem ostendere velle pergant quàm sint potentes, potentiam suam ad eius petram allident, non illam aduersus quam portæ inferi non præualebunt. *Dominus enim conteret ossa peccatorum. Ecclesia autem Dei, sicut ipse Christus, à quo diuelli non potest, heri, & hodie, & usque in secula.*





# CALVMNIAE,

## MENDACIA ET CONVITIA

Petri Aurelij in Iesuitas.

EX TOMO I.

R E S P O N S I O.

**H**ic titulo opponere licet veriore titulum, *Calumniae, mendacia, & convitia Iesuitarum in Petrum Aurelium.* *Calumniae* sunt, quod fingatur inuadere per iniuriam Iesuitas, cum eis contumeliosissime calumniantibus Episcopos & Theologiae Facultatem tantum resistat æquissimo iure, nihil in eos responditur, nisi illi priores tam horrendè scripserint, ut sine summo Ecclesiae dedecore tollerari non potuerint. *Mendacia* sunt, quod eius verba referantur plerumque aliter quàm ab eo sunt scripta, mutilentur, pervertantur, & fraudulentè ab occasione contumeliarum, quarum retundendarum gratia ab eo necessariè scripta sunt, auellantur, ut videantur odiosiora. *Convitia* sunt, quod ea convitia illi in Iesuitas imponantur, quibus ipse convitari nunquam voluit, ut videatur maledicus, cum nihil sit nisi maledicorum castigatio veridicus.

P A G I N A P R I M A.

*Facit Iesuitas stridentes, furentesque convitiis vel in privatos Sacerdotes, vel in Theologorum Facultatem, in ordinem Episcopalem ferocius insurgentes, in amplissimum Episcoporum confessum latrantes, &c.*

R E S P O N S I O.

*Vide Spong. fol. 2. edit. 2. & fol. 12.* Calumniaris. Simulas enim ista ab Aurelio generatim in Iesuitas dici, cum non dicantur nisi in Iesuitas autores Spongiae & Querimoniae, in quos solos ibi scribit. Qui cum se canibus contulerint, & Molossos remordentes dixerint esse, nihil mirum si ab Aurelio latrare & furere in Episcopos & Sacerdotes, & in Theologorum amplissimam Facultatem dicantur. Quàm enim in Episcopos latrent ita probat Querimonia, quàm verò in Sacerdotes & Theologos eadem & Spongia, ut magnæ impudentiae sit Iesuitas contumeliarum loco ponere ea illis imputari, quæ ante omnium oculos apertissime faciunt.

I B I D E M.

*Quod silentium indixerint Doctoribus & Ecclesiae Pastoribus, quod magistri esse velint Episcoporum, iisdem esse aliquid maius videri exoptent, & quod facem præferre errabundis & ab antiqua norma euagantibus suo sensu & privata auctoritate audeant.*

R E S P O N S I O.

Quid ergo aliud faciunt pugiles isti vestri, cum Episcopos & Doctores tam proteruè insectantur, quod in eorum errores & hæreses ausi sint vocem mittere? Quid insulsius & insolentius his querelis & compilationibus? Eadem opera exscribi potuit totus Aurelij liber, cum nihil sit aliud quàm perpetua exprobratio eorum audaciæ & contumaciæ, qua ita fax præfertur erronibus, ut errantes hæretici non alia soleant iactare in Episcopos à quibus sunt damnati, quàm isti Iesuitæ.

I B I D E M.

*Facit eos auctores schismatis & hæreseos; additque eum esse spiritum atque sensum pernicaciam Iesuiticam, ut in suorum causa, in errorum hæresumque maximarum suarum ortu, mutas esse cupiant omnes omnium linguas.*

R E S P O N S I O.

Non ipse eos facit auctores schismatis & hæreseos, sed Episcopi & Theologiæ Facultas, quibus isti reprehensores obstrepere se demonstrant, dum Aurelium iis obtemperantem potius redarguunt, quàm sodales suos illis insultantes. Qui quod in suorum errorum ortu mutas esse cupiant omnes omnium linguas, ipsi, non Petrus Aurelius, testantur & clamant bacchationibus tantis in eos qui hiscere in eas audent.

P A G. 2.

*Iesuitas subdolorum operariorum numero inferendos, quorum artes & versutias emulari volunt.*

R E S P O N S I O.

Eadem insulsiitas huius querelæ quæ superiorum, cum totæ Iesuitarum Anglorum responsiones ex huiusmodi fraudibus & fallaciis sint contextæ.

P A G. 6.

*Vocat Iesuitas improuidos & ignarissimos, ait eos subvertere Ecclesiæ ordinem, Anglicanam Ecclesiam conturbare, Episcopos & Romanum Pontificem contemnere.*

R E S P O N S I O.

Si prouidi fuissent, non suam Societatem in tantum infamiæ coniecissent. Ignarissimos autem, & Ecclesiastici ordinis subuersores, & Ecclesiæ Anglicanæ turbatores, & Episcoporum Romanique Pontificis contemptores, non Aurelius, sed Censores, & omnes, quibus hæc negotia sunt nota, faciunt.

P A G. 8.

*Iesuitas vel ob ignorantiam, vel ab enormi sui amore omnia Religionis mysteria dilapidare, multaque alia acerba in sequentibus.*

R E S P O N S I O.

Omnia hæc Censuræ longè ante Aurelium statuerunt, quas ipse sequutus

P A G. 25.

*Contumeliosus est in Prouincialem Gallia.*

R E S P O N S I O.

Fraudulenter dicitur calumniosus Prouinciali, suppressa re in qua fuerit calumniatus. Vidit enim insulsus iste excerptor vera esse quæ de eo scripsit Aurelius, neque ausus est apertè negare. Nihil enim dixit aliud, nisi retulit simpliciter quid ab eo factum & dictum sit, in confesso Illustrissimorum Antistitum. Væ hominibus qui conqueri audent, & querelarum suarum causas prodere non audent.

I B I D E M.

*Describit Iesuitarum genium esse increpationibus & flagellis franari, mansuetudine inolescere, lenitate deteriores fieri, prodigiosa doctrina inuectores, proteruè tueri hæreses, Censuras personasque Episcopales indignius lacerare.*

R E S P O N S I O.

Hoc ipsa experientia, & Illustrissimorum Episcoporum Censuræ & peritorum consensus ita manifestè docent, vt summam Aurelij sinceritatem, & summam excerptoris istius ineptiam probent.

P A G. 26.

*Agit in Iesuitas quasi à Deo obcæcatos. In eorum doctrinam acerbè & petulantè insurgit.*

R E S P O N S I O.

Quid ergo sunt nisi cæci qui tam enormiter ceciderint? Et quid petulantè dici potest in eorum doctrinam, quam tot Antistites & Theologi erroneam, hæreticam & blasphemam iudicarint? Qui ita queruntur, mentis fatentur arcanum, & proscriptos Illustrissimorum Antistitum iudicio errores quos amant, insanabili dolore testantur.

P A G. 29.

*Vocat Iesuitas vilissimos, semidoctos, gerrones, regularem perfectionem crepantes verbis, seculares affectuum animorumque prauitates superantes facili.*

R E S P O N S I O.

Insulsa annotatio, cum toti eorum libri, & doctissimæ ad illos responsiones, & ipsorum artes & conspirationes luce meridiana clarius hæc demonstrent.

P A G. 31.

*Ausos esse edere dogmata noua, improba, tetra, &c. fraudulentos homines, & intolerandos errores obuoluere conari.*

R E S P O N S I O.

Patent ad oculum. Impudens est conquestio. Plenæ sunt censuræ notis in istiusmodi fraudes, præcipuè discussionis.

P A G. 32.

*Velare hæreses suas exemplo antiquorum hæreticorum, Arrianorum scilicet, Eutychianorum, Pelagianorum, Nestorianorum, Lutheranorum, quod argumentum fusè prosequitur.*

R E S P O N S I O.

Et quidem clarissimè probat, & Illustrissimi Antistites & Theologi clarissimè docuerunt, quos hic excerptor iamdudum in Aurelio flagellat.

b iiij

## P A G. 34.

*Iesuitas ait cauillari magis quàm hæreticos, postquam omnis Ecclesiastica disciplina cognitio & usus, sacrarum potestatum reuerentia, Catholica humanitas & pudor ab illis discessit. Imperitos esse litigatores, se id genus defensionis urgere, quo nemo mentis compos in sæcularem etiam iudicem utatur.*

## R E S P O N S I O.

Si rem de qua agitur retulisses, ostendisses omnibus clarissimam esse demonstrationem, quam ibi instituit Aurelius. Nam aspernari Episcoporum iudicia eo quod non sint infallibilia, ne quidem antiquiores hæreticos consueuisse dicit, quod est verissimum. Hoc autem cùm faciant Iesuitæ illi quos ibi refellit, rectè concludit eos in hoc antiquis illis hæreticis, non autem omnibus hæreticis, ut hic excerptot fraudulenter simulat, fallaciores esse. In sæcularem sanè iudicem nemo vnquam ista cauillatione utitur, cum falli posse; & si quis id faceret, imperitus & demens litigator haberetur: Quod tamen in Episcopos fecerunt Iesuitæ Spongiæ & Querimonix auctores.

## P A G. 42

*Iesuitarum Societatem appellat Synagogam, factionem malè natam, malè contextam, nihil ante Iesuitas natos magis inexpertum, quàm Iesuiticæ Querimonix audaciam, ingratitudinem, ignorantiam.*

## R E S P O N S I O.

Mendacium est. Non loquitur de Societate Iesuitarum, nec eam Synagogam vocat, sed loquitur de fictitia Ecclesia Anglicana, cuius prolopopœam inductam à Loëmelio ibi refellit, ut patet ex toto contextu. Vocat autem falsam illam Ecclesiam Anglicanam Synagogam, sicut falsæ omnes Ecclesiæ vocari solent; malè contextam, quod eam Iesuita Pseudo-Loëmelius malè contexuerit; malè natam, quod eam malè effuderit ac pepererit; in Ecclesiæ Gallicanæ Antistites ingrati, quia eos ibi petulantissimè insectatur, immemor beneficiorum iam olim ab iis acceptorum; non solitam denique tali in eos & tam ingrata exprobratione uti ante Iesuitas natos, quia re vera ante illos nihil ex ea tale auditum est. Imperita ergo & crassa est calumnia in Aureliam iustissimè increpantem; insolens orationis genus quo Querimonix autor in Ecclesiam Gallicanam utitur.

## P A G. 44.

*Iesuitæ in sanctam Sedem procaces, ab iis debitam illi reuerentiam violari, inobedientiæ schismatisque fomitem in Catholicorum mentibus præstruere.*

## R E S P O N S I O.

Hoc iam antè illis exprobrarunt Censuræ. Quid enim clarius, quàm quod ibi ait autor, eos contemptores esse sedis Apostolicæ, & schismatum semina præparare in rudium Catholicorum animis, cùm declarationes eorum nomine ediderint, quibus certò iis persuasum esse dicunt, nulla lege aut potestate posse sibi imponi auctoritatem Episcopalem in Anglia, seque ab hac opinione dimoueri nolle? Vnde sequitur eos præsentissimum inferre periculum schismatis, si Pontifex pro Episcopo Chalcedonensi sententiam proferat. Illas autem declarationes à Iesuitis manasse, & aliunde certissimum est, vel ex hoc solo quod eas in errorum suorum



damnatorum subsidium emiserint, & id testati sunt Catholici Angliæ universi in improbatione illarum generali.

P A G. 58. & 59.

*Non solum in Iesuitas iniuriosus, sed etiam in Eminentissimum Cardinalem de la Rochefoucault contumeliosus est, quem ait non esse Galliæ Episcopum, nec Episcopi locum iam in Ecclesia habere, nec Episcopum censeri. Nec verò (subdit autor) si esset Episcopus, iudicium eius magnopere spectandum erat, &c. Multa alia ibidem tanto viro indignissima, ut cum dicit priuatis studiis & unico in unam familiam ream & nocentem amore negligi atque abiici ab eo communis fidei doctrinaque Catholica periculum. Eum multa rectè facere, sed non ex habitu operari, cum esse tenacissimum, sed non semper aequitatis.*

R E S P O N S I O.

Nihil magis cauit Aurelius quàm ne quicquam contumeliæ inferret Eminentissimo illi Cardinali, quem se colere & venerari profitetur. Ea tantum dicere voluit quæ tuendæ veritati, quam illius autoritate Iesuitæ obscurare conati sunt, necessaria sunt visa. Quod ergo negauit eum esse Galliæ Episcopum, non ad contumeliā dixit, nec ad offensionem illius, sed ad veritatem, quam eo planiorem putauit, quòd videat ipsum nullius Episcopatus in Gallia Episcopum se dicere, nec re vera vllum habere, nec talem à quoquam vocari. Hoc ergo scripsit, non ut infra Episcopos dejiceret, sed ut ultra illos attolleret eum, & ita negaret Episcopum esse, ut diceret esse plusquam Episcopum, nempe Presbyterum Cardinalem Romanæ Ecclesiæ. Quem honorem malignè dissimulat excerptor ab eo illi tributum esse. Atque hoc ipsum dictum est non temerè ac sine causa, sed ad refellendum ineptum argumentum auctoris Querimonix dicentis tres Episcopos defuisse conuentui Illustrissimorum Antistitum, ut eos tres illis omnibus præponeret, & Sanctissimæ ipsi Trinitati conferret. Quam audaciam simul & impietatem, ut confutaret, negauit Eminentissimum Cardinalem de la Rochefoucault haberi Galliæ Episcopum, vel in Ecclesia Episcopi locum amplius tenere, sed esse in altiori honoris gradu, nempe Cardinalis; tantum ut impium illud Trinitatis ludibrium dissolueret. Similiter calumnia & mendacium est, in eo quod additur Aurelium adiecisse Cardinalis illius iudicium, *etiamsi esset Episcopus magnopere spectandum non esse; cum impudenter rescentur sequentia verba, in causa duntaxat Iesuitarum,* quæ ab Aurelio addita sunt, ut declaretur iudicium eius, non vbique, non spectandum esse, sed duntaxat in causa Iesuitarum, quod illis, ut ibidem additur, manifestè nimis sit addictus, ut legitimus eorum iudex esse possit. Quod ad eius contemptum non magis pertinere potest, quàm ad iudicium etiam integerrimorum & præstantissimorum contemptum pertineat, quod ab affinium, & sodalium, familiariumque suorum iudiciis vulgò rejiciuntur. Nulla ergo sunt ibi viro illo indignissima, ut ait stolidè excerptor, sed hæc omnia ab eo excerpta indignissima sunt probo homine, & eo cui fides sit aut timor aliquis Dei. Quod autem additur eum dici neglexisse periculum communis fidei doctrinaque Catholicae ob priuatum vnus familiæ amorem, id necessariò ab omnibus etiam Iesuitis dicendum est, qui Illustrissimorum Antistitum Censuram non contemnere, & improbam ha-



bere volent. Nam si Illustrissimi Antistites doctrinam erroneam schismaticam & hæreticam verè damnarunt, quisquis ei damnationi adesse noluit cum posset, doctrinæ Catholicæ, fideique communis periculum neglexit. Nec tamen hoc factum tribuendum dixit Aurelius ipsi Eminentissimo Cardinali, sed solis Iesuitis, qui cum suis consiliis ita gubernent, *ut si quid rectè faciat naturæ eius bonitati; si quid secus, eorum potestati tribui debeat.*

Cæterum cum *multa rectè facere, sed non ex habitu operari*, non dixit Aurelius suis verbis, sed manifestè testatus est fuisse iudicium de illo Reuerendissimi Domini Coëffeteau, quondam Episcopi Massiliensem designati, cuius rei testes plurimi Antistites, & viri omni exceptione maiores. Nec rursus dixit, *eum esse tenacissimum, sed non semper æquitatis*, sed retulit id de eo dictum esse olim à P. Sirmondo Iesuita Cardinali Ossato Romæ, ut habetur in eius Cardinalis Epistola ab eo citata. Quæ omnia ad eum tantum finem dicere se professus est Aurelius, non ut Cardinalem illum deprimeret, sed ne exaggerata à Iesuitis ad grauissimorum errorum suorum præsidium eius autoritas, Ecclesiæ doctrinæ ac veritati officeret. Calumniæ ergo sunt in Aurelium meræ quicquid excerptum est quasi ab eo dictum in Eminentissimum Cardinalem de la Rochefoucaut, cuius contrà veras laudes multas ipse ibi fatetur se agnoscere, easque obrui dolet stultissimis laudationibus Iesuitarum.

#### I B I D E M.

*In Reuerendissimum Dominum Syluanectensem proteruè debacchatur, quem ait Iesuitis seruiliter se obnoxium esse profiteri. Nam ita loquitur. Scito non ignotum esse ac ipsummet palam agnosce se nimium debere Iesuitis, ut liberum in eos iudicium habeat, &c. Ibid. Illustrissimorum Antistitum iudicio Iesuitarum libros hæreticos habendos esse.*

#### R E S P O N S I O.

Quid dicere oporteat hunc excerptorem de scriptis sodalium suorum in Illustrissimos Antistites, cum dicat Aurelium in Reuerendissimum Dominum Syluanectensem proteruè debacchari, quem ille nulla verborum contumelia, sed contrà laudibus affecit? Nam quod ait scriptum esse *eum Iesuitis seruiliter se obnoxium esse profiteri*, impudentissima calumnia est, cuius nec verbum, nec vestigium vllum est in oratione Aurelij. Verba eius sunt, *ipsummet palam agnosce se nimium debere Iesuitis, ut liberum in eos iudicium habeat*, id est, omnium latinè loquentium sensu, eum illis valde obligatum esse, & propterea minus ei liberum esse de illis seuerè iudicare.

Quod addit denique excerptor scribi ab Aurelio *Illustrissimorum Antistitum iudicio Iesuitarum libros hæreticos habendos esse*, ostendit magis ac magis se agnoscere eos qui Querimoniam scripserunt esse Iesuitas, cum ibi Aurelius neminem nominet, sed indefinitè loquatur *Illustrissimorum Antistitum iudicio vestri libri hæretici habendi sunt*, nec Iesuitarum nomen ante toto paragrapho posuerit.

#### P A G. 65.

*Docet Iesuitas hæreticos ad extremum usque imitari, priuatum spiritum & genium Calvinianum, & hunc solum partium studio defæcatum, succo loliginis purum, oculis sanum, æquum iudicem agnoscere.*

R E S P O N S I O.

Malignè imponis Aurelio, qui hoc de Iesuitis ibi non asserit, sed argumentando solum ita loquitur: *hanc igitur audaciam* (Querimonix scriptoris) *ab hæreticis haustam, Catholicis inauditam vel execrentur Iesuitæ, vel deletis per Ecclesiam Episcoporum iudiciis quibus autoritas Christi mandata est, appellent strenuè, ut hæreticos ad extremum usque imitentur, priuatum spiritum & genium Calvinianum, quem illi solum partium studio defæcatum, succo loliginis purum, oculis sanum, æquum iudicem agnoscunt.* Quæ postrema verba ab autore Querimonix in Illustrissimos Antistites scripta erant, negante eos partium studio defæcatos, succo loliginis puros, &c. Vnde patet manifesta calumnia & perfidia excerptoris. Agebatur enim eo loco in Iesuitam Querimonix autorem aspernantem iudicium Illustrissimorum Antistitum, quod eos diceret partibus addictos, & errori obnoxios, & nigræ succo loliginis infectos; & respondebatur hæc esse perpetua hæreticorum conuitia & effugia in Ecclesiæ Episcopos, à quibus essent damnati. Vnde vel ea repudianda esse à Iesuitis, vel sequendos iis ad extremum usque hæreticos, & ab hominum omnium iudiciis ad priuatum spiritum cum illis appellandum. Quod quàm verè ab Aurelio & sine cuiusquam contumelia scriptum sit, & quàm peruersè ab excerptore arrosus, omnes vident.

I B I D E M.

*Iesuitas sub Catholico velamine erronea dogmata dispergere, pedetentim nimirum, timide, fallaciter, vera obscuris implicantes, ut rudiores trahant in fraudem, licet peritiores, Antistites, Episcopos non fallant, eorumque oculis non obscuri lupi sint.*

R E S P O N S I O.

Hæc omnia de iis ante iudicarunt Illustrissimi Antistites & sacra Theologiæ Facultas, nec repetuntur ab Aurelio nisi in eorum defensionem. Impudentia est obluetari, & quasi de iniuria expostulare: nec id facere potest, nisi qui Censuras ipsas iniurias & contumeliosas putet. Quod cum iste excerptor dissimulare cupiat, clarius tamen singulis propemodum expostulationibus suis aperit.

P A G. 67.

*Eosdem vocat malè domitos lasciuosque tenebriones.*

R E S P O N S I O.

Mendacium & calumnia est. Non enim Iesuitas ibi nominat Aurelius, nec de iis agit, sed de ignotis quibusdam scriptoribus, qui Reuerendissimum Episcopum Bellicensem indignissimè lacerarunt, quos ideo malè domitos, lasciuosque tenebriones vocat. Declarat excerptor illos quoque fuisse Iesuitas, dum quæ in illos scribuntur, Iesuitis adiudicat.

P A G. 69.

*Agit in Floydum Iesuitam quasi autorem libri, & tamen subdit, aut quis sociorum Ecclesiæ Anglicanæ nomine larvatus es. Quibus verbis ostendit, non sibi constare Floydum Spongiæ autorem. Nihilominus audet certam Iesuitis infamiam imponere. Illudem vocat inexplebilem Iesuiticam inanitatem.*

R E S P O N S I O.

Non ostendit verbis illis Aurelius non sibi constare Floydum Spongiæ

esse autorem. Verba enim illa in Spongiam non scribuntur; sed ostendit sibi non constare eum esse autorem Querimoniae (de hac enim agebatur) quam stylo & genio diuersam animaduertit à Spongia. Quia tamen Spongiam constat à Floydò Iesuita scriptam, (quod satis fatetur hic exscriptor dum id negare non audet) & Querimoniae simul ac Spongiae idem Loëmelij falsum nomen est inscriptum, eadem opera vtramque Floydò tribuendam putauit, cum Querimoniam à Iesuita eius Sodali scriptam satis constaret, & nomen duntaxat nesciretur. Quia ergo sodalium omnia communia sunt, multò magis Iesuitarum, quod ab vno factum est, alteri tribui potuit, cum vtriusque operi idem nomen præfixum esset. Candoris ergo Aurelij, non malæ mentis aut temeritatis illius, signum erat hoc loco.

P A G. 71.

*Cum de hyperbolis differit sic habet. Iesuitica insania (ita dicere iubet rei grauitas, & prophanata fidei Catholica impietas) cumulus & fastigium.*

#### R E S P O N S I O.

Fallaciter hoc dicitur scripsisse de hyperbolis; in quas tamen & hoc, & quidvis aliud æquissimè potuit scribi, cum intolerandum sit tam illustrem confessum Episcoporum dici ab homine Iesuita edidisse Epistolam solennem de grauissimis fidei capitibus, cuius omnes periodi, omnes sententiæ, omnes particulae meræ sint hyperbolæ; quod planè nihil est aliud quàm tot Illustrissimos Antistites iudicio ac mente spoliare. Etsi ergo in hoc flagitium dici potuerit rectissimè id quod notat excerptor, non est tamen scriptum in illud, sed in longè atrocius & intolerabilius (quod ab eo fallaciter & nequiter subtrahitur, ne auctoris iustissima indignatio appareat) quo diuinissimum Symbolum Apostolorum, & singuli eius articuli inaudita impietate ventrillantur, & in hæreses ac blasphemias nefandas distrahuntur ab autore Querimoniae ad præbendum impietatum & Atheismi exemplum improbis hominibus & Atheis, quibus Iesuitæ orbem scatere queri solent, ut in ipsis fidei penetralibus impietates scrutentur, & sanctissima Ecclesiae & Apostolorum decreta in Satanæ cloacam vertant. Quod exemplum à nulla vnquam hæresi, à nulla quantumvis nefanda secta editum erat, & cuius compescendi causa nihil erat, non solum verborum, sed poenarum & anathematum, quod Querimoniae autor non commeruerit. Nouimus Præsules summæ eruditionis & virtutis extra Gallias, qui protestati sunt, se ob hanc solam blasphemiam eius auctores & conscios, si suæ potestatis essent, execratione & anathemate deuoturos fuisse.

P A G. 72.

*Postquam initio paginae Societatem Iesu irrisit more suo, scribit non deesse qui exorandam artem illi Societati gratulentur, & in vniuersam fidelium Ecclesiam, in diuinum Apostolorum chorum, impios videri malle, quàm in istam Societatem suorum, quo iure quaque iniuria superbam propugnatricem, iniucundos.*

#### R E S P O N S I O.

Hæc scribuntur in eos qui approbarunt flagitium supradictum, & in Querimonia nihil à fide Catholica, aut bonis moribus alienum esse testati sunt; Qualis Archidiaconus quidam nescio quis Audomarensis, vbi edita est Querimonia, & vbi degebat Floydus, & Facultas Paderbornensis in  
Germania,



Germania, in qua Iesuitas dominari constat, eamque totam suo nutui habere subditam. Quibus quàm verè exprobrat Aurelius eos Societatis vnus obsequium prætulisse vniuersæ Ecclesiæ, & toti choro Apostolorum, cuius symboli tam nefariam euiscerationem approbarunt, ipsa rei euidencia demonstrat, vt & quàm iustè impropere Societati tanta suorum hominum insolentia, quantam non solum patitur exire in lucem, sed approbandam curat etiam à longissimè dissitis Germaniæ Theologis, & ab iis Facultatibus in quibus ipsa regnat. Quod est manifestum indicium non priuari aliquorum consilij, sed conspirationis Societatis.

I B I D E M.

*Inuehitur in martyres Societatis, cui infrenatam obicit audaciam, quæ ipsum propemodum Euangelium symbolumque fidei erubescere coegerit.*

R E S P O N S I O.

Eiusdem illius criminis causa hæc sunt dicta in Iesuitas Anglos, qui dum tam nefariè non solum fidem Ecclesiæ, sed primum fidei symbolum violant, gloriantur toris libellis suis se martyria pro fide subire, & ea re iniustam ab Illustrissimis Episcopis & Censoribus impiæ doctrinæ suæ notam excutere nituntur. His ergo eripitur iniqua ista martyrij venditatio ex occasione summi in ipsum fidei caput sacrilegij, & monentur qui hæc faciunt, aut probant, ne martyres tantopere se audeant dicere, cum suæ gloriæ causa potius erubescere cogant Euangelium, quàm ipsi illius gratia agnitis erroribus, quos in ipsum sparserunt, erubescere velint. Non ergo vniuersim in martyres Societatis, id est, scriptum, sed ad hominem, in hos Anglicanorum suorum martyrium ostentatores præposteros. Patent hæc manifestè ex toto loco, quem pudendum in modum detruncat & deprauat Excerptor.

P A G. 74.

*Iesuitas appellat frontosos, qui insana gloria suæ retinenda cupidine, priorum omnium audacias superarunt.*

R E S P O N S I O.

Hoc cum illius eiusdem piaculi causa sit scriptum, patet longè infra illius meritum esse. Non enim scribitur nisi in Iesuitas illius autores & defensores.

P A G. 75.

*Tantam esse Iesuiticarum mentium perversitatem, ut immaniter prodigiosèq; delirent.*

R E S P O N S I O.

Non in Iesuitas generatim hoc scribitur, vt fallacissimè semper simulat, sed in Iesuitas autores Querimonix, eo quod ex his verbis epistolæ Illustrissimorum Antistitum, in priore quidem libello falsa, presumptuosa, temeraria, antiquissimo Parochorum instituto contraria, Christianæ plebis ac simpliciorum hominum saluti perniciose leguntur innumera, hunc sensum absurdissimum eliciant, innumere in eo libello sunt falsa, innumera presumptuosa, innumera temeraria, innumere parochorum instituto contrariæ, innumere Christianæ plebis saluti perniciose, &c. repetita disjunctim ad singulas particulas voce, innumera, quæ conjunctim omnes complectitur. Quæ ludificatio cum sit in Illustrissimos Antistites insolens, & per se delirij plena, non est mirandum illius absurditatem vehementius impropere auctoribus.

P A G. 80.

*Facit Iesuitas procacissimos in Catholicos homines, in Sorbonam, in Episcopos & Archiepiscopos; blasphemorum illorum socios, qui Iuda teste majestatem blasphemant.*

## R E S P O N S I O.

Indignitas summa est te toties ad hoc genus fallaciæ reuolui, ut ea quæ Aurelius in Iesuitas impiorum librorum scriptores autoreque coniecit, in omnes generatim Iesuitas, & in totam Societatem collata esseingas, & ex eo quod istos nominatim procacissimos blasphemosque dixerit, vniuersos ab eo Iesuitas eodem crimine aspersos esse simules. Quæ ratiocinatio si valeat, & non modò per Logicæ leges, sed per Ethicæ, imò per Theologiæ ac pietatis, denique per naturalis luminis admitti possit, facilè videlicet efficietur stultos esse omnes Iesuitas, quia aliqui sunt, vitiosos, criminosos, ignaros, quia ne ipsi quidem negauerint tales aliquos in vasto Societatis corpore inesse. Quid ergo sibi vult toties insulsißima & indignißima cauillatio, qua tum hanc notam, tum superiores plerasque, ac proximè antecedentem, tum plures deinceps consequentes fœdasti ad apertam lectoris illusionem, Aurelij circumuentionem, audaciæ & malignitatis tuæ fidem; ut quia Aurelij objurgationes in improbißimos autores collatas iustißimas & verißimas videri necesse est, eæ in Societatem vniuersam translatae iniquiores videantur, non Aurelij sensu, sed tua fraude. Huius iniquitatis frequentia, ex qua notarum tuarum maximam conflasti partem, stomacharime in te vehementiùs compellit, & in eos socios qui tam pudendæ collectionis autores tibi fuere, ut cùm alienam calumniam demonstrandam susceperis, tuam longè maximam, quod turpißimum est, prodas.

P A G. 81.

*Societatis homines describit ingenij, præstantiæque omnis opinione tumidos.*

## R E S P O N S I O.

Mirum, satiari non posse ridiculum mastigem impurißima fraude. Hoc enim ipsum non in Societatis homines vniuersè, ut simulas, sed in horum tantum libellorum autores Iesuitas scriptum est. Quam rem locus ipse ita planam legenti cuiuis facit, ut sine summa perfidia, vel maleuolentiæ cæcitate aliò transferri non potuerit. Nempe impudentißimorum hominum iustißimus reprehensor ab aliis sine impudentia non potuit reprehendi; & eius seueritas inter duas impudentias, reprehensorum ab eo, & reprehendentium ipsum, constituta, vtrasque sua luce dispellere, sua soliditate confringere debuit.

P A G. 83.

*Insimulat illos Ecclesia particularis, quam vocat Ecclesiam Iesuiticam.*

## R E S P O N S I O.

Nescit quid dicat Excerptor. Nemo enim insimulari solet Ecclesiæ particularis. Inaudita est apud Catholicos ista insimulatio; nisi velit omnes prorsus fideles sub ea includi, cùm omnes ad Ecclesiam aliquam particularem pertineant. Nec ergo intelligit quid dicat, nec quid dixerit eo loco Aurelius ubi loquutus est de *Iesuitica Ecclesia*. Quo nomine nihil aliud significare voluit, nisi figmentum illud Ecclesiæ Anglicanæ à Iesuita autore

Querimoniz conflatum. Cum enim probauerit Ecclesiam, quam ille inducit loquentem, non esse veram Ecclesiam, nec esse posse, ex ipsiusmet Floyd principijs; sequitur eam esse fictitiam. Et quia sit ficta à Iesuitis, dici posse non Ecclesiam Anglicanam, sed Ecclesiam Iesuiticam, ea consuetudine qua opera suorum artificum nomine appellantur.

P A G. 85.

*Benedictinos ( quos per irrisionem monachulos vocat ) & Iesuitas ait in Britannia esse factiosissimos, &c.*

R E S P O N S I O.

Catholici Angliæ in suis declarationibus, & ipsi tum Iesuitæ, tum Benedictini Angli, suis scriptis abundè testantur totum hunc Anglicanum tumultum à Iesuitis & Benedictinis coniunctim excitatum esse, quamvis Iesuitis ducibus & longè principibus factionis; cum Iesuitas libellos, quibus ille tumultus & doctrina ei consentanea defenditur, edidisse, & ipsum Benedictinorum congregationis præsidem Rudesindum scripsisse constet librum in Reuerendissimum Episcopum Chalcedonensem. Vocari autem Benedictinos tumultuantes *monachulos*, non putem esse magis intolerandum, quàm celeberrimæ Theologicæ Facultatis Theologos *Doctorum vulgus*, quod à Floyd in Spongia toties declamatum est. Nec Monachorum status contemnitur eiusmodi loquutione, sed eorum qui degeneres se Monachos præbent, adeoque Monachorum nomine non satis dignos, inordinatio indicatur; eo prorsus modo quo istiusmodi Monachos suæ conditionis immemores Gregorius VII. Papa *Monachos seculares* vocauit.

Greg. VII.  
lib. 9. Ep. 6.

P A G. 85.

*Iesuitas notissimos hominum facit, Christianæ antiquæ pietatis rudes.*

R E S P O N S I O.

Oberras iterum in eadem chorda, in eadem fraude superius exprobrata, referens quasi in Iesuitas generatim dictum, quod in nefariorum libellorum autores priuatim dictum est. Non enim nominat ibi Iesuitas Aurelius, sed autorem Querimoniz, & illius comilitones reprehendit: imò nullo certo nomine eos afficit; nec vllam penitus familiam memorat. Quare hæres in eodem calumniæ luto, adeò ridiculus & inops, vt etiam calumniarum penuria labores, & cum eas quæras toto nisu mentis, fingere vix vllas possis, eandemque sine fine reuoluere cogaris, in magnum non Aurelij tantum innocentiz, nec tuæ malevolentiz tantum, sed etiam ineptiz & ariditatis argumentum.

P A G. 90.

*Ridet Societatem, aicens; actum de gloria, de superbo illo literarum scientiarumque principatu, quem sibi iampridem verecunda Societas opinionis errore confinxit.*

R E S P O N S I O.

Mutilat malignè Aurelij verba improbus Excerptor. Non enim dicit absolutè actum esse de gloria Societatis; sed tantum, *nisi alia dicantur* quàm quæ à Floyd in Spongia, & ab autore Querimoniz inanisimè & imperitissimè sunt dicta. Quod certè verum & perspicuum est. Nam si Societas Iesuitarum alios Athletas non habeat nisi istos futiles & omnibus, tum naturæ, tum eruditionis, tum virtutis subsidiis imparatissimos, actum est

perfecto de illa fama & gloria scientiæ & præstantiæ quam adeò persequi solet. Nam scientiarum principatum ambire atque appetere Iesuitarum Societatem ita hominum consensus, & ipsorum libri & gloriationes passim declarant, ut si quis cum illis adimeret, non minori se damno effici iniuriaque violari ducerent, quàm si Principum capitibus parva & possessa diu diademata decuterentur.

P A G. 97.

*Vocat Floydum Iesuiticæ superbiæ vappam.*

#### R E S P O N S I O.

Quo ergo alio nomine repelleret superbissimam eius vocem in amplissimum Episcoporum cœtum, cui dicere audet; *si superbum est respondisse; multo sit superbius accusasse*, ut si Episcopi ullam in eius responsione superbiam redarguant, ipsi in sua Epistola maiorem agnoscant. Quæ insolentia quid non meretur? Audet enim absurdissimus homuncio æquare se Episcopis, ut idem in eos sibi liceat, quod illis in se, & eorum Episcopale decretum non verum iudicium, sed *accusationem* vocare, quasi par sit contentio ipsi cum tot Episcopis, nec hi aliud quàm accusatores suæ doctrinæ, non autem iudices sint habendi. Imò audet eos infra se dejicere, nec satis habere si in eorum Epistola tanta superbia, quanta in sua responsione iudicetur, sed eos superbiores in damnanda sua doctrina, quàm se in ea spreto eorum iudicio peruiacacissimè defendenda censeri vult. Qua superbia, vel impudentia potius, quid indignius fingi à Iesuita, vel quid acerbius ad eam in posterum obruendam dici potuit?

P A G. 99.

*Scommatis & ludibriis illudit Societatem, tanquam ea proferret quæ à furentibus aniculis effutirentur.*

#### R E S P O N S I O.

Redis denuò ad fallaciam toties explosam, & iam infamem. Non enim arguit ibi Societatem Aurelius ea proferre quæ à furentibus aniculis effutiantur; sed arguit ea protulisse autorem Querimonix, ridicula prorsus, & absurdissima, & furentibus aniculis simillima. Societatem verò arguit quod ea à se manare sit passa, à sodali nimirum suo, ab homine Iesuita; cuius delirium non dedecori ipsi esse non potest, dum illud patitur, etiamsi ipsa illud non faciat. Non enim satis eam non facere, sed impedire debet, & suos in officio continere.

P A G. 100.

*Appellat Iesuitas Nouatores.*

#### R E S P O N S I O.

Tu certè nouator non es, sed veterator; & ita quidem ut sine solertia veteres tantum fraudes tuas interpoles; & quod toties labefecimus & exsibilauimus, ea quæ in impiorum libellorum autores sunt directæ, in Iesuitas vniuersè trajicias, ut quorum nomen eo modo non violauit Aurelius, eorum nomine ipsum violes & infames. Ipsius verò expurgatio eo acceptior esse debet omnibus Iesuitis; & tibi ipsi, si quid sapias, quod ea non ipse solus, sed illi simul omnes iis criminationibus liberentur, quas tu ipsi & illis eadem opera falsò & fallaciter intexuisti.



P A G. 102.

*Societatem describit Gallia timendam, à libris conscriptis, à turbis commotis, à consiliis, à studiis, &c. ut non iam nebulas, sed planè hostiles acies, tempestatem, non-  
etiam prospicere cogatur, & vehementius extimescere; iamque libros Iesuitarum  
arma parasse, & causam hostili factioni.*

R E S P O N S I O.

Tu ab instituta fallacia te non discessurum haud dubiè vouisti. Non enim scribit verbum ullum de Societate illo loco Aurelius; multò minus de seditionibus, aut militaribus castris, aut factionibus bellicis, quibus Gallia status à vobis tentetur, ut ridiculè & improbissimè simulare audeas; sed in autores impiorum librorum, in eorum errores, & in eorum defensores loquitur; dicens illos libros in Galliam irrupisse, & ita Episcopos Gallia non vidisse tantum *nebulam aliquam in aduersa Gallia Insula Anglia*, nec fanatico aliquo metu eam nebulam quasi irrupentium hostium classem timuisse, ut insolenter in tot Antistites effutiit Querimoniae autor; sed Anglicanae tumultuationis flammam, nempe libros, qui eam in Anglia accendebant & alebant, in ipsam Galliam penetrasse, & à variis Iesuitarum fautoribus sparso esse, imò oblatos Theologis, etiam Parisiensis Facultatis, ut ab iis approbarentur. Hoc ergo scriptum est ab Aurelio in turbationem Anglicanam, & in libellos ad eam fouendam conscriptos; idque ad refellendam intolerabilem Illustrissimorum Episcoporum derisionem, qui nebulas inanes pro irrupente hostium classe temerè ac ridiculè timuisse arguebantur. Itaque non nebulam, sed ipsam aciem hostium, id est, libros Iesuitarum erroribus & hæresibus plenos, irrupisse dixit in ipsam Galliam, & ei metuendos fuisse; & ob eam rem rectè ac prudentissimè ab Illustrissimis Episcopis oppressos. Eos enim arma & causam parasse hostili factioni, id est, omnia præparasse quæ ad conflandam nouam hæreticorum sectam requiri possunt, videlicet errores & hæreses plurimas, ex quibus sectæ alicuius corpus conflare posset, si modò ab aliquibus animo & pertinacia prorsus hæretica susciperetur; cum fuerint sectæ quæ tantam errorum multitudinem non habuerint. Malignè ergo, ut semper, Excerptor, quod in libros damnatos, & in tumultus Anglicanos scriptum fuit, id dicit scriptum esse in Societatem, de qua nulla mentio erat; & bellum metaphoricum, factionemque, arma, hostilitatem in solis erroribus & libris sitam, de qua Aurelius post Querimoniae autorem, responsionis tantum causa, loquutus est, simulat intelligenda de factione, hostilitate, armis, & bello civili quopiam; quasi Iesuitarum Societas argueretur factionem & bellum externum aliquod in regnum Gallia moliri.

I B I D E M.

*Eadem prosequitur autor, dicitque solos Iesuitis animos deesse qui arma ista factionemque istam hostiliter induant, ut apertum in Ecclesiam bellum hostilemque exercitum videamus; iamque libros ipsos planum bellum hostilemque aciem mouere, quam, inquit, non timemus aut prospicimus; sed videmus, sentimus, experimur infestius oblucentem communi fidei doctrinaque Catholica, quàm ipsammet hæresim.*

## R E S P O N S I O.

Hæc pertinent ad superiorem cauillationem Excerptoris, & ex iam dictis ruunt. Nam quod Aurelius ait, *solos animos Iesuitis deesse qui arma factionemque eorum libris conflata hostiliter induant, ut apertum bellum in Ecclesiam habeamus*, id in omnes omnino Catholicos homines qui doctrinas hæreticas docuerunt potest dici similiter, & sæpè dicitur, cum certum sit eos hoc solo non esse hæreticos, quod etiam si tenuerint hæreses, eas tamen hæretico animo, seu hostili in Ecclesiam mente, non sint amplexi. Quare cum libri Iesuitarum tot errores & hæreses contineant, eosque Illustrissimi Antistites solemnè iudicio damnaverint ut hæreticos, nihil aliud ab Aurelio dici potuit quàm eorum autoribus & defensoribus solos animos hostiles & hæreticos deesse, ut planè hæretici sint, & apertum Ecclesiæ bellum inferant. Quod ab eo scriptum est ut refelleretur petulantissima insultatio Iesuitæ Querimonix autoris, qua exprobrabatur Illustrissimis Episcopis eos sine causa timuisse inanem nebulam quasi irrupentium hostium classem.

Libros autem ita hæreticos planum bellum hostilemque aciem mouere, quam non timeamus aut prospiciamus tantum, ut aiebat Querimonix autor, sed videamus, sentiamus, experiamur; cur miratur Excerptor dictum esse ab Aurelio? An libros hæreticos, fidei hostes & Ecclesiæ non putat esse? Et cum ij libri sint in omnium manibus, legantur, rudioribus obtrudantur, hostilitatem eorum cerni & sentiri non arbitratur?

Nam quod addit libros illos dici *infestius obluetari communi fidei doctrinaeque Catholica quàm ipsammet hæresim*, ridicula criminatio est & insulsa. Quo enim sensu dici possunt hæretici libri infestius obluetari fidei doctrinaeque Catholica quàm ipsa hæresis, cum ipsam hæresim in se habeant fidei Catholicae obluetantem? Stolidè ergo nugatur. Nec hoc scripsit Aurelius; sed dixit, *libros defensoresque eorum communi fidei doctrinaeque Catholica infestius obluetari*, id est, illam valde oppugnare. Illam autem particulam, *quàm ipsammet hæresim*, de suo addidit Excerptor ad mendaciorum & fallaciarum suarum cumulum, cum æstuanti malevolentia oculos obtusos haberet.

P A G. 103.

*Ait se nescire quid ipsi Iesuitæ in animis coquant, quæve monstra alant, &c. Pontifici nullam rationem, nullam viam, nullam potestatem superesse qua motus Angliæ manantiumque hæresum impetus, nisi ex Iesuitarum voluntate compefcat.*

## R E S P O N S I O.

Longum eiusdem semper fallaciæ funem necit Excerptor. Non enim simpliciter de Iesuitis loquitur Aurelius, sed de iis tantum qui declarationes nomine Catholicorum Angliæ laicorum spargunt, in quibus profitentur se nulla ratione aut lege cogi posse, ut auctoritatem Episcopalem in Angliæ sulcipiant. Quare validissimis rationibus nixos certò secum statuisse, quicquid contrà afferatur, summi Pontificis nunquam fuisse mentem ut tam importuno onere premantur, neque unquam in posterum fore, si modò rerum ipsarum status ei verè exponatur. Impossibile esse ipsis persuaderi se ad agnoscendam talem auctoritatem ulla lege adigi posse, neque ab hac mente velle deduci.

Qui hæc dicunt, quæ Catholici Angliæ conquesti sunt publica protesta-  
tione à Iesuitis Anglis suo nomine falsò emissæ esse, quid aliud injiciunt in  
rudium laicorum animos quàm schismatum semina? Quid aliud quàm  
schismata minantur summo Pontifici, nisi controuersias Angliæ definiat  
ex eorum voluntate? Quam denique potestatem ei relinquunt, nisi id so-  
lum statuendi quod ipsi velint? Profecto tam manifesta est audacia istius  
declarationis autorum, & tam iusta & moderata Aurelij in eos reprehensio,  
ut eum qui de illa conqueri ausit, oporteat esse valde perfrictæ frontis.

P A G. 103.

*Patrem Binetum Iesuitam fabulonem merum appellat, qui ad plures annos disci-  
pulus esse deberet. Nugarum ducem & mimum indiget.*

### R E S P O N S I O.

Multum calumniæ admiscet, & exasperat locum Aurelij, qui Binetum  
ibi non vocat *mimum*, sed arguit autorem Querimonix, quod futilem fa-  
bellam *de rustico aceruos tritici cribrante in insula aduersa Villafrancæ Sabaudie  
portui*, ut ridiculam efficeret Illustrissimorum Antistitum mansuetudi-  
nem, qui se cum gemitu damnasce dixerant Iesuitarum libros, contulerat  
in finem fictitiæ suæ Querimonix, *quasi mimum in vltimum Scenæ actum*, id  
est, eo modo quo à Scenicis fabulatoribus post-peractam grauiorem fabu-  
lam exhiberi solet ad vltimum actum fabulæ mimus ad recreandos specta-  
torum animos, ut exponit sequentibus verbis, *ut peracta Ecclesiæ Anglicanæ  
fabula lectoris animum hoc Episodio reficeret*. Malitiâ igitur & inscitiâ peccauit  
hic Excerptor; malitiâ, quod ad Binetum retulerit ea quæ oratio Aurelij  
nullo modo ad eum refert; inscitiâ, quod nescierit *mimum* Latinè de ipsa  
fabula dici, non de actore tantum.

Quod verò ait Binetum dici ab eo, *nugarum ducem*, iterum calumniatur.  
Non enim ita absolutè vocatur, sed dicit eum assumptum esse à Querimo-  
niæ autore in nugarum suarum ducem, quod simillimam prorsus fabellam  
ab eo relatam in libello quem inscripsit, *Franciscus Fontanus*, de multitu-  
dine iunctorum quæ à Gallis quondam habita esset pro hostium hastato-  
rum exercitu, imitatus sit in ista fabulatione de rustico Sabaudix, & in  
eundem prorsus finem, ut Illustrissimos Episcopos ridiculos faceret, quod  
similiter intenderat illic Binetus. Quod ergo hanc & plerasque alias nuga-  
tiones libellorum improborum autores mutuati sint ex Bineti libro, quem  
ad nauscam vsquo omnibus locis inculcarunt, meritò iis exprobratum est,  
assumptum ab ipsis Binetum in nugarum suarum ducem: non autem Au-  
relius ipse nugarum ducem eum fecit, nec ducem nugarum simpliciter vo-  
cavit, ut simulat Excerptor.

*Fabulonem autem merum* eum dixit, tum quod varias fabellas suis passim  
libellis, ut *agrorum consolationi*, & aliis eiusmodi, inferere soleat ad hilaran-  
dos lectores; tum præcipuè quod illam fabellam quam retulit de multitu-  
dine arundinum, quæ, cum vento mouerentur, habitæ sint à Gallis pro  
hastatorum acie, ex quo grauis trepidatio sequuta sit in castris, eaque dem-  
de in risum soluta, à seipso attulisse videretur & finxisse, cum eius nullum

autorem dederit, & historicum nescio quem innominatum citarit. Nari in historia Gallicana nihil tale meminimus haberi. Binetum autem toties ad ludibrium opponi à Iesuitis non solum toti Theologica Facultati, sed toti Illustrissimorum Antistitum corpori, non immeritò indignationem mouit Aurelio, cumque impulit ad repellendum paulò fortius eam absurditatem, & excutiendum scriptoribus Iesuitis tam ridiculum indignumque munimentum.

Quod denique additur dici de Bineto, *qui ad plures annos discipulus esse deberet*, iterum calumnia est Excerptoris. Non enim dixit Aurelius eum cuius discipulum esse debere, quod meritò iniurium sibi duceret doctissima Societas, si nempe alumni eius aliorum disciplinæ tradendi esse dicerentur, quæ omnes alios in suam disciplinam tradi vult, & magistra orbis haberi; sed dixit Binetum sodalibus duntaxat ~~illis~~ discipulum esse debere. *Qui vobis*, inquit, *ad plures annos discipulus esse debuerat*. Itaque vobis, id est, Iesuitis, non autem aliis, eum dixit debere esse discipulum. Quod ita non iniurium videri debet aliis Iesuitis, ut iis perquam honorificum sit, quod nimirum digni habeantur qui sint Bineti magistri; nec ipsi Bineto valde ingratum esse debet, cum multò contumeliosius esset si diceretur tanta scientia esse præditus, ut nullius in Societate discipulus esse mereretur, & totius Societatis statueretur doctissimus. Quod ille, qua modestia est, haud dubiè in suam contumeliam interpretaretur. Nec verò id ipsum sine causa scriptum est ab Aurelio, sed ut auerteret in posterum Iesuitas istos à mutuando quicquam ab illo eius libello quem videntur sibi ducem delegisse, cum sit multa futilitate & inscitia refertus, ut Aurelius in sua Spongiæ disputatione partim apertè ostendit, partim ipse liber prodit cuius paulò eruditiori legenti. Hæc fuit causa Aurelio expostulandi cum Iesuitis Anglicis, quod non doctiorem saltem aliquem hominem Societatis & rerum Theologicarum peritiorem sibi imitandum & sequendum destinassent. Quare toto hoc loco Aurelij æquitas, & Excerptoris maleuolentia æquè patent.

#### P A G 109.

*Ait se tandem peruenisse ad ipsam Iesuiticarum impuritatum sentinam, in quam quicquid æstus & rabies læsæ superbiæ excogitare & corradere undeque potuit, collatum est. Eadem pagina ait scriptiorem Iesuiticam doctrinæ esse impiæ & inexcusabilis.*

#### R E S P O N S I O.

Profecto hinc prodit iste Excerptor se assentiri Spongiæ & eam probare, cum non patiatui dici scriptiorem illam esse doctrinæ impiæ & inexcusabilis, ut nimirum declaret excusabilem esse ac piam. Quomodo autem aliter vocaret Aurelius defensionem tot errorum, blasphemiarum, hæresum, vnanimi Illustrissimorum Antistitum & Theologorum consensu damnatarum? Quid deinde aliud diceret octo causas præfixas Spongiæ nisi impuritatem Iesuitæ scriptoris illius sentinam, qui in eam, quicquid furor & rabies læsæ eius superbiæ excogitare potuit, congerisset? Quis ferat talia dici contumeliosa esse, aut maledica in Iesuitas autores tam prodigiosæ scriptiorem? Non enim putandum eas solùm esse sentinas, quæ sensus



feriunt, & fœtore inquinant. Sunt alia putidiores, virulentiores, virosiores, quæ, quanto animus corpus sentiendi vigore superat, tanto corporearum sentinarum superant sordes, quod non corpora, sed animos inficiant, & odores sint, vt cum Apostolo loquar, mortis in mortem.

P A G. 112.

*Felicitatem Sorbona esse magnumque gloria decus quod hæreses Iesuiticas extirpet. Vbi etiam Iesuitas facit Calvinianorum & Lutheranorum affines.*

R E S P O N S I O.

Quamvis nihil æquius dici potuerit in Iesuitas errorum ab Illustrissimis Episcopis & Theologiæ Facultate damnatorum defensores tam proteruos, tamen calumniatur Excerptor. Non enim ibi vocat Aurelius Iesuitas, *Lutheranorum & Calvinianorum affines*, sed dicit Sorbonam ab iis Iesuitis, qui eam oppugnant, aliter oppugnari non potuisse, quàm oppugnari soleat Ecclesia vniuersa *persequens Calvinianos, Lutheranos, eorumque affines*. Vbi manifestè loquitur de hæreticis, qui Calvinianis & Lutheranis sunt affines, non de Iesuitis, quos apertè ab illis secernit, dicens Iesuitas eodem modo oppugnare Sorbonam, quo illi Ecclesiam oppugnant: quia videlicet retundit ibi impudentissimum conuitium quo Sorbona à Spongiæ autore Floyd conferebatur cum *veteri scorto*, sicut Ecclesia Catholica ab hæreticis conferri solet. Quid verò contumeliæ esset in Iesuitas, eos dici Calvinianorum & Lutheranorum affines, cum ipsi eo nomine quotidie afficiant autores Catholicos à se dissentientes, & totam familiam Dominicanorum?

P A G. 114.

*Hæreticorum in Catholicos censores iracundiam Iesuitica malevolentia superatam ait.*

R E S P O N S I O.

Meritò dicit hæreticorum iracundiam, tum cum à Sorbona eorum doctrinæ damnatæ fuerunt, minorem in eam fuisse quàm iracundiam Iesuitarum Anglorum, post suas hæreses ab eadem proscriptas. Nam clarissimum est nihil extare simile Spongiæ maledicentiæ in responsionibus Calvini, & aliorum hæreticorum ad hanc Facultatem. Nunquam eam illi vocarunt hæreticam, schismaticam, sedis Apostolicæ hostem; nunquam *scorto veteri, spurio, sterquilinio similem fecerunt*. Nunquam Theologos eius fœcem, doctorum vulgus, ignaros, stipites, cuculos, bubones, feles, tygres, cerberos, & alia eiusmodi innumera, quæ tota Spongia horrendè vomit, dixerunt. Non ergo quicquam non consentientissimum veritati scripsit Aurelius, vt patebit cuius Spongiam cum scriptis hæreticorum illorum in Sorbonam conferenti: sed hæc Iesuitæ Floyd procacitas, & Societatis in ea ferenda & per orbem spargenda animositas, omne ius ei adimit conquetendi quicquam in se nimis acerbè dictum esse in Sorbonæ, ab iis propter veritatis & fidei præsidium tam immaniter laniatæ, defensionem: Et qui ea de re queruntur, ostendunt se pudorem omnem exuisse, non solum apud Deum, sed etiam apud homines, nec plus frontis in se tuendis habere, quàm in aliis inuadendis.

*Omniū hominū primos Iesuitas fateri necesse est, qui quācumque se dent in partem, omnibus in omni genere supereminere ambiant, & in omni choro esse præsultores.*

## R E S P O N S I O.

Non in omnes Iesuitas hoc dictum, ut malè semper simulas, sed in Facultatis Parisiensis mastiges. Nihil autem verius dici potuit in audacissimos tantæ Facultatis allatrores, supra omnium in eam hæreticorum maledicentiam, qua illos videntur superare voluisse, sicut studio in religionem superare volunt omnes Catholicos. Ideo omnibus hominibus supereminere velle dicuntur, & in omni choro esse præsultores, id est, tam in nostro, quàm in aduersariorum. In istos ergo scriptores hæc dicuntur, non in Societatem, nisi quatenus eorum facinus in eam redundat, quæ illud debuerat vel impedire antequam fieret, vel postquam factum est emendare: nec tamen fecit. Imo alios de se & de illis queri verat, etsi tam horrendis contumeliis pulsatos, ut nihil simile in eam retorquere inducere animum potuerint.

## I B I D E M.

*Stultissimorum librorum furfures superbiæ ventulo volitantes.*

## R E S P O N S I O.

Prodit rursus Excerptor se librorum damnatorum & Spongiæ probatorem, cum eos queratur vocari stultissimorum librorum furfures superbiæ ventulo volitantes, ut vocat eo loco Aurelius. Declarat magis ac magis id quod sæpè dictum est, se non tam Aurelij seueritatem quàm doctrinam odisse, & Spongiæ sociisque suis Anglicanis lenocinari.

*Iesuitas appellat limphatos & infrunitos, eorum verba resque portenta esse.*

## R E S P O N S I O.

Refricas superiorum fraudium & mendaciorum tuorum toties exhibitorum memoriam, sed ita ut illa ipsa referas. Non enim Iesuitas generatim istis nominibus inurit Aurelius, sed Iesuitas conuitorum & impudentiæ tantæ autores; quos qui ita vocari dolet, similis eorum est. Quod aliud nomen meriti sunt, qui Facultatem Parisiensem, Ecclesiam Gallicanam, Clerum & Episcopum Angliæ, scortis & amatoribus reliquias meretricias magni mentibus similes fecerunt, ut eo loco fecit Spongia? Quid moderatius in tantam impudentiam dici potuit? Rursus dico, conferantur omnia, quæ Iesuitæ in se dicta expostulant, cum petulantis, quarum refellendarum causa scripta sunt ab Aurelio; reperientur omnia non modò non acerba, sed admodum temperata collatione intemperantiæ aduersariorum; ut facile pateat non libidine animi, sed iudicio expressa esse.

*Iesuitarum in Sorbonam odia & maleuolentiam & audaciam maiorem quàm hæreticorum, & ut autor loquitur, longo intervallo superare.*

R E S P O N S I O.

Eandem cantilenam cantas, eandem fraudem modularis. Non de Iesuitis per se agitur ab Aurelio hoc loco, sed de Iesuitis Anglis Facultatis insultatoribus. Quos hæreticorum malevolentiam in eam audaciamque superasse iam ostendi quo sensu verè dictum sit ab Aurelio; & ita ex Spongia id patet, ut mirum sit hunc Excerptorem toties tam perspicuam veritatem objicere Aurelio pro contumelia in suos sodales, cum ab Aurelio in ipsum retorqueri possit, pro magna ipsius & sodalium illius in se accusando inuerecundia.

I B I D E M.

*Jesuitæ ne sinceri quidem errorum doctores dici possunt, quos tot fallaciis & strophis & simulationum mendaciorumque perplexitatibus involuere studuerunt, ut hoc unum timuisse videantur ne Nouatorum genis, & veritatem cauponantibus, & subdolis operariis, ipsos, quos prædicant, errores erubescantibus, minus similes apparerent.*

R E S P O N S I O.

Odiosus es in obtrudenda putidissima iam tua fraude, transferendoque in omnes Iesuitas, quod in improborum libellorum autores scriptum est. In quos hæc quæ refers non tam Aurelius dixit quàm retulit post iudicium Illustrissimorum Antistitum & sacræ Facultatis in librum Smithæi, quem Iesuitam esse nemo negare potest, ut nec eius approbatores. Censuras ista manifestè petunt & Illustrissimorum Antistitum ac Sorbonæ iudicia, in quæ stomachi sui vim ita premere non potest Excerptor, quin ea incogitanti identidem excidat & erumpat.

P A G. 121.

*Suborti Iesuitæ pleraque, inquit, orbis Academiæ, non scientiæ, sed ambitionis præpostera magnitudine subruere ceperunt.*

R E S P O N S I O.

Hoc quàm verè dictum sit ab Aurelio, & quàm nequiter ab Excerptore expostulatum, testes sunt omnes orbis Academiæ, adeoque omnis orbis, qui eorum tantas, tam pertinaces, & tam frequentes oppugnationes Academiarum per totam Europam vidit, & penè quotidie videt, sola potentiorum hominum, quos notis artibus aucupantur, contentione nixas, ut clarissimè liqueat eas non Iesuitarum scientiæ, sed illorum potentiæ acceptas referendas esse. Tantam verò collegiorum & gymnasiorum multitudinem ista ratione excitant, ut plerarumque Academiarum detrimenta inde consequuta ambitioni eorum perspicuè tribuenda sint, non scientiæ, quam illa ipsa præpostera ambitione minuerunt, cum nihil difficilius iis esse constet, quàm tot collegiis, & scholis, & classibus idoneos sufficere magistros. Quo fit ut rudiores plerumque & sciolos adhibere cogantur, qui eorum scholas ad magnam plerisque locis inertiam redegerunt, ut publicè notum est.

P A G. 124.

*Iesuitas aduersus Academiæ, alios ordines, Episcopos, & Hierarchiam turbas excitasse, & in Reges atroces fuisse. Tota pagina iniuriosus.*

## R E S P O N S I O.

Ridiculè proteruus est qui hæc proponere audeat quasi contumeliosa in Iesuitas, cum tanta tot euentuum, tot iudiciorum publicorum, omniumque testimoniorum genere pateant. Quas turbas excitant in Academiis, senserunt penè omnes Academix, & in primis hæc ipsa Parisiensis, cum sæpe aliàs, tum mirum in modum nouissimè; quas in alios ordines, senserunt nuper in Germania Mendicantes, in aliis regionibus alij. In Episcopos & in Hierarchiam quàm contumeliosi fuerint, tum innumera exempla, tum nouissimè Illustrissimorum Gallix Antistitum iudicia ostenderunt. Quàm atroces in Reges, tum Senatusconsulta, tum eorum tot librietiam à summo Pontifice eam ob causam damnati, vt liber Becani in Regem Angliæ. Impudentissimum est Iesuitas tantarum veritatum lucem contumeliosam sibi dicere, quasi alia ratione fama eorum salua esse non possit, nisi omnes homines cæcos faciant, & vel mente, vel memoria spolient. Quàm vera esse confirmat Aurelij scripta, qui talia ei obijcere cogitur.

P A G. 128.

*Nihil est quod Iesuitarum animos comprimere possit, nisi vel ipse Deus exerto ore fundens oracula, vel Beati eadem ipsius æternitate & immobilitate fruantes, non mortalis ullus homo, nequidem summus Pontifex, quem plerique ipsorum labilem etiam errorique obnoxium faciunt.*

## R E S P O N S I O.

Quid ergo aliud responderi debuit iis qui tam sæpè responderunt, Censores suos errare posse, & eam ob causam non plus eorum Censuris inesse autoritatis, quàm quantum constet Censoribus inesse doctrinæ fideique puritatis? Quod responsum ab iis oppositum est, tum Censuræ Theologicæ Facultatis, tum Censuræ Illustrissimorum Episcoporum. Nonne hinc sequitur, neminem esse qui eos comprimere possit, & ab errore deducere, nisi vel ipse Deus palàm loquens, vel Beati, qui soli errare non posse dicendi erunt, cum etiam plerique Iesuitæ Pontificem errare posse dicant, vt probat auctor ex P. Gabriele à Porta ipsorum antiquissimo Professore, eiusque discipulis?

P A G. 129.

*In scholis Iesuitarum Ecclesiasticarum civiliumque potestatum dispectionem, & animorum elationem aduersus eas maiorem & insolentiorum quàm vsquam alibi, enituisse.*

## R E S P O N S I O.

Ipsoꝝ libri ea de causa toties damnati, tum ab Ecclesiasticis, tum à secularibus iudicibus, quod tum in Ecclesiasticas, tum in seculares potestates iniurij essent ac proterui, facile probant in nulla Catholicorum Theologorum schola tantum errorum in potestates illas natum esse, quantum in schola Iesuitarum. Veritate ostendunt lædi oculos suos, non contumeliis ullis Aurelij, cum tam clara & omnibus nota dici non patiuntur aduersus errorum, & hæresum damnatorum defensores.

P A G. 130.

*Iesuitas facit hostes Catholicarum Academicarum.*

R E S P O N -



R E S P O N S I O.

Non facit, sed Iesuitæ seiplos iampridem fecerunt, & Catholicæ Aca-  
demix iampridem experiuntur, & Aurelio testimonium amplissimum  
dant. Quid audacius quàm hoc contumeliosum dicere in oculis vrbis &  
Academix Parisiensis, quam nuper, imò nunc cùm maximè prædari co-  
narentur, & insigni collegio nudare, non solitis duntaxat armis, sed nouo  
genere machinationis, contractu Simoniano, quem Theologiæ Facultas  
talem censuit, vt similem Simoniam taceam, quam in vrbe Engolismensi  
nuper concinnarunt ad Academiarum conuulsionem.

P A G. 146.

*Tota est contumeliosis verbis referta. Ait enim Iesuitas superbia tumore inflari,  
diuina iudicia non horrere, sibi omnia sumere, & humanis prædiis fidenti & mi-  
nimè Christiana securitate superbire. Eorum scientiam totam opinabilem & vola-  
ticam esse, parum Scripturæ, parum traditionis antiquæ sollicitam, suis inuentis &  
nouitatibus indulgentem: Et hinc illorum hæreses.*

R E S P O N S I O.

Ita non est contumelia in Iesuitas dicere eos parum Scripturæ & Pa-  
trum & Traditionis antiquæ sollicitos, vt etiam liber ab iis nuper editus in  
lucem reprehendat Spongiæ confutatores quod antiquitatis sententias  
resodiant, & ex iis doctrinam ipsis ignotam & inauditam proferant. Quæ  
reprehensio ab hæreticis fieri solet in defensores Ecclesiæ Catholicæ, cùm  
eorum argumenta ex maiorum traditione petita non possunt sustinere.  
Ac certè quanta traditionis Ecclesiasticæ & solidæ maiorum Theologiæ  
inscitia laborent, declarat eorum confutatio, declarant eorum errores,  
quos passim Illustrissimi Antistites, & sacra Facultas nouitatis damnarunt.

*Theophilus  
Reynaudus  
lib. antec.*

Ex hoc autem antiquitatis neglectu nasci esse eorum hæreses perspi-  
cuum & necessarium est, cùm hæreses non nisi ex contemptu maiorum, &  
propriorum inuentorum amore nascentur. Quare aptius hæc omnia con-  
quereretur Excerptor in Illustrissimos Antistites, & in Theologiæ Facul-  
tatem, quàm in Aurelium, qui eos duces sequutus est. Et hinc magna si-  
gnificatio est, Excerptorem & socios eius non minus infensos esse Illu-  
strissimorum Antistitem & Facultatis Censuris, quàm defensioni Aurelij,  
cùm ea illi toties objiciant quasi in se contumeliosa, quæ multò solemnius  
& splendidius antè dixerunt Censores.

Quod autem dicit ibidem Aurelius, Iesuitas Spongiæ autores & propu-  
gnatores superbiæ tumori inflari, & diuina iudicia non satis horrere, dicit  
ad refellendam ingentem eorum superbiam, quæ dicunt malè à Theolo-  
giæ Facultate, & ab Illustrissimis Episcopis tribui ipsis errores manifestos  
& apertas hæreses, eo quod Theologiæ Professores, quales ipsi sunt, non  
ita potuerint incidere in manifestos errores. Quæ magna superbia est &  
ignoratio sui, & iudiciorum Dei in homines scientiæ præsumptores, &  
philosophicæ, vt sic dicam, Theologiæ amatores, neglectus. Nam pleriq;  
ipsis doctiores, & celebriores, & fidei tuendæ studiosiores, in hæreses &  
blasphemias apertissimas sæpè corruerunt; nec vili sunt quibus id magis ti-  
mendum sit à Deo, quàm qui docti sibi videntur, & doctrinæ inhiant,  
nisi humillimi & moderatissimi simul esse contentur, & virtutis tantum à

Deo quantum doctrinæ quærant, ut ibidem monet eos Aurelius. Adde quod Barnesium Professore Anglicanæ missionis, & primum Congregationis Hispaniæ assessorem ipsi dicant in hac Spongia librum edidisse *contumeliis, calumniis, mendaciis, hæresibus, blasphemis scærentem*. Imò dicunt *nulam Catholicam Vniuersitatem priuilegium habere ut in fide fædè errare non possit*. Quæ iis obijciens Aurelius iure eorum superbiam arguit, quod propter Theologiæ professionem id sibi autoritatis & priuilegij assumant, ne scilicet fædè in fide errare possint, & apertos errores & hæreses facere, quod non solum viris ab omni æuo doctissimis & celeberrimis, sed nec aliis Professoribus similiter Anglis & Religiosis, ut ipsi sunt, imò nec ullis Theologicis Facultatibus, & Catholicis Academiis concedunt. Nonne hæc absurditas meruit ut modestiæ admonerentur & iudiciorum Dei in superbos, & sibi omnia sumentes, & nimium sui securos? Non ergo contumelia est hæc, sed necessaria admonitio in homines tam miserè sui oblitos, & aliis omnibus se præferentes. Nec in hoc contumeliam ullam cogitasset Excerptor, nisi ante omnia supposuisset nihil à sodalibus suis peccatum esse, nec Societatem capacem esse superbiæ ac præsumptionis. Quare confirmat magis Aurelij admonitionem quam refellit, & eâ suos socios valde indigni probat.

P A G. 149.

*Iesuitas scientiam suam ad locupletum obsequelam componere, captandis proceribus studere, omnia omnibus fieri, ut omnia ex omnibus assequantur.*

## R E S P O N S I O.

Calumniatur. Nam eo loco & totâ eâ paginâ Iesuitas non nominat Aurelius, sed Sorbonæ verissimas laudes exponens, dicit eam à vitiis quibusdam ibi memoratis alienam. Ea verò vitia nemini tribuit nominatim. Quare cum Excerptor ea videatur accipere quasi in Iesuitas dicta, magis ipse confitetur, quàm Aurelius accuset.

P A G. 151. 152.

*Cauiatur quod sanctitatis opinio Iesuitis quibusdam defunctis tribuatur. Deinde subijcit, Iesuitas spiritus suos grandes, typhumque ad cælum usque & ad paradysum protendere; superbire pro sanctis suis, quos ascriptitios & voluntarios testimonio virtutis Societatis factos dicit.*

## R E S P O N S I O.

Arguit quod sanctos quosdam ipsi sua sponte obtrudere videantur, quos Ecclesia non agnoscit: & hoc ait esse superbiæ & præsumptionis; quam ideò usque ad cælum & paradysum videantur protendere, non tantum pro se, sed etiam pro sanctis illis voluntariis superbientes. Citat ad hoc locum Spongiæ autoris ita gloriantis pro Sanchez, & P. Binctum in libro illo toties à pugilibus Anglicanis versato, ubi Bellarminum sic appellare ausus est, *sancta memoria Cardinalem Bellarminum*. Hanc ergo præsumptionem exprobrat Iesuitis, quod nimium extollant & venditent suos, qui aliquam virtutis opinionem morientes habuerunt, non illis suam famam eripiens, sed æmulationem aliorum pro ipsis retudnens. Et hoc dicit

ab aliis Religiosis interdum rideri, quia non solum ipse, sed & ego id sæpius expertus sum, & sciunt plerique Religiosi me vera dicere. Quis enim istam pro aliis, ut cum Apostolo loquar, inflationem non rideret, alienæ sanctitatis exaggerandæ magis sollicitam, quàm suæ parandæ?

P A G 158.

*Neglecto paternarum traditionum diuinæque antiquitatis clauo in errores fœdissimos delapsos esse.*

R E S P O N S I O.

Hoc vel ipse fateatur necesse est, vel Illustrissimorum Antistitum & Theologicæ Facultatis Censuras refellat, quas videri vult probare. Quàm stultum talia excerpere ex Aurelio quasi contumeliosa? Nam Iesuitas librorum damnatorum autores & approbatores esse manifestissimos vel inuitus fateri debet; quod tamen perpetuò dissimulat; imò non esse supponit, tam indignâ confidentiâ, ut eam profiteri nunquam audeat. Nunquam enim apertè queri ausus est, impurissimorum istorum librorum autores dici Iesuitas; quod tamen ab Aurelio nusquam non assertum est.

P A G. 168.

*Catholica per orbem Lyceæ Iesuitas experiri æmulos suos non eruditione, sed potentia & astu, insidiatores perpetuos, & si votis potiri liceat, extinctores.*

R E S P O N S I O.

Iam sæpè idem questus est, & eadem vbique patet Aurelij sinceritas, omnium Academiarum assensu & quotidiana experientia probata. Pudeat rerum tam manifestarum tam audacem reprehensorem, qui tam stolidè querelas suas, & suæ Societatis defensionem instituit, ut illius innocentiam sine apertissimæ lucis extinctione declarare non possit. Meminisse debuit vel celeberrimi illius saltem Senatusconsulti à supremo Senatu Tholoiano nuper editi, in plerarumque omnium Galliarum Academiarum causa, perniciosos aduersum se Iesuitarum conatus coniunctis studiis repellentium.

I B I D E M.

*Deinde Germaniæ Academiæ postquam suo arbitrio ita subegerunt & fregerunt, ut captiuas quolibet trahant, & iis ad libitum abutantur.*

R E S P O N S I O.

Nonne hoc manifestum & luce meridiana clarius, cum nuper admodum ab Imperatore impetrarint sibi condonari Vniuersitatem Pragensem Parisiensis filiam, cuius ita subactæ testimonium pro libris suis hæreticis aduersus matrem protulerunt? Nam in Paderbornensi noua Vniuersitate Germaniæ, quis nescit eos ab ipsis eius incunabulis dominatos? In Ingolstadiensi similiter rerum potiuntur. Denique apertè ostendit Spongiæ opifex has Academiæ esse in Iesuitarum potestate, cum earum testimonia iactarit in Spongia, antequam ab illis data essent, declarans se illam tum habuisse pro suis, eo quod non essent in illarum arbitrio, sed in dominorum Iesuitarum nutu. Postremò res est ita testata & omnium consensu ita nota, Germaniæ Academiarum maximam partem sub imperio esse Iesuitarum, ut qui hoc neget perfricuisse frontem oporteat.

d ij

P A G. 169.

*Academiam Parisiensem atrocissimis calumniis & mendaciis à Iesuitis supra hæreticorum omnium rabiem discerpi.*

## R E S P O N S I O.

Iam antè ostensum est esse verissimæ rei simplicem expositionem, non contumeliam in Iesuitas. Eorum contumelia est, ipsos talia fecisse in Academiam Parisiensem; veritas autem est, ea ab illis facta narrari. Contrà, contumelias suas nolunt haberi contumelias ab iis in quos inferuntur, sed ab illis eas narrari tantum ac repelli, hoc nimirum contumeliosum sibi putant.

P A G. 172.

*Societatem omnia occupare, omnia ambire, omnibus blandiri, &c.*

## R E S P O N S I O.

Pudeat peruiacitatis, dum hæc dici quereris quæ tuos sodales facere non pudet. Nam Aurelij dictum hoc ita verum esse constat omnium iudicio, non calumniosum aut fictum, ut paucos reperiās homines, qui non ei vel vocibus, vel animis suffragentur. Nimis multa huius rei exempla, cum aliæ quotidie regiones, tum Gallia & Lutetia præbent. Aurelio summè fauere est ista ei exprobrare, quæ sine illius oratione publico consensu approbantur. Nihil optatius accidere potuit à præuaticatore. Necesse est magnam in illius increpationibus fidem perspexerint, qui alia non repereunt quæ reprehenderent, nisi hæc quæ sola vitia reprehensorum ostendunt.

P A G. 178.

*Impugnat Monarchicam gubernationem Societatis.*

## R E S P O N S I O.

Calumniaris. Non Monarchicam gubernationem impugnat, sed Monarchiam illam absolutam ab omnibus legibus & consiliis Societatis, quæ omnia Generalis Iesuitarum respuere potest. Talem Monarchiam, quam nec sæculari Dominationi satis quadrare consentiunt sapientes, multò minus religioso statui conuenire dixit Aurelius; & habet testes turbarum & malorum, quæ nimia ista imperiositas Societati peperit, Marianam & alios plerisque Iesuitas.

P A G. 180.

*Cathedras tum Theologicas, tum concionales per Iesuitas impleri sapissimè recensibus è ludo puerili magistellis.*

## R E S P O N S I O.

Experientia docet huius dicti veritatem; & testes sunt passim ipsi Iesuitarum discipuli, qui suos paulò ante in Rhetorica magistros concionantes agnoscunt. Idem Theologiæ Professoribus, præcipuè Scripturæ sacræ, apud ipsos contingere passim videmus. Magna audacia est hæc quasi falsa expostulare, quæ omnibus notissima sunt. Hæ sunt Excerptoris Iesuitæ calumniæ in Aurelium, non Aurelij in Iesuitas.

P A G. 183.

*Quid barbarum, quid furorum & improbatum in miserrima Gallia Iesuitæ*



*misceuerint & propinarint, nunquam obliuisci potuisset ( inquit ) Gallia, nisi clementissimorum Principum humanitate & amnestia lege sepultum esset; & alia eiusmodi non minus atrocia.*

R E S P O N S I O.

Si quid iudicij habuisset Excerptor, transiisset hæc quoque, vt multa alia passim non parui momenti, quæ attingere erubuit, ne magis suorum confusionem promulgare videretur, quàm Aurelij contumelias queri. Nam hæc quidem quæ nunc notat, ita testata & confirmata sunt non solum penè omnium in Gallia hominum scientia, plerorumque etiam recordatione, sed ipsis Senatusconsultis, vt non sine insigni impudentia, & regie clementie ingratitude & contemptu negari possint. Qui non alias habent contumelias Aurelij quas obijciant, magis illum purgant & absoluunt accusationibus huiusmodi, quàm ipse vllis defensionibus assequi posset.

P A G. 416.

*Societatem approbare mendacia, nihilque non ausuram in occultis, cum mala fide quæ sunt notissima tractet.*

R E S P O N S I O.

Non dicit Aurelius Societatem approbare mendacia; sed ego splendide te dico mendacium effutire. Equidem quàm verè mendaciorum artem æquiocam probet Societas Iesuitarum, nimis est notum. Sed tamen hoc loco nihil ei tale tribuit Aurelius; sed exprobrans Floyd, quod ausus sit palàm sæpius asserere Censuram Facultatis in libros suos latam esse *variantibus suffragiis*, imò *prope paribus*, contra manifestam veritatem, & publicam professionem Facultatis; hoc tam splendidum mendacium improperans Floyd, miratur Societatem non solum passam esse illud in lucem emitti, sed etiam opus tam deliro applausisse, vt verè fecit tum in Belgio publicè ac sine metu, tum in Gallia latis apertè, in Anglia verò apertissimè. Non ergo Societatem accusat, quod probet mendacia, sed quod homini ad mentiendum tam proiecto temerè plaudet, non discussa rerum, de quibus loquitur, veritate. Temerarij ergo applausus, & nimij suorum amoris, non mendacij, hoc loco arguitur.

Denique addit Aurelius eos qui tali fide res perspicuas & publicas tractant, nihil non ausuros in occultis. Quid enim æquius diceretur in tantum & tam absurdum mendacium, toties in Spongia repetitum, plaudente vbique Societate? Hoc iterum subtrixisse præstabat Excerptorem, quàm id exprobrare Aurelio, quem tales accusationes inuictum probant apud quosvis æquos iudices, & aduersariorum in eum inanitatem ipsa maleuolentia ieiunam & iniquissimam demonstrant.

P A G. 419.

*Turpi maledicto Thomam Sanchez configit, quem inuentorem facit nouæ hæreseos, & Iesuitas omnes eius esse susceptores & tutores.*

R E S P O N S I O.

Hoc iterum reprehendere non potes nisi Illustrissimorum Antistitum & Theologiæ Facultatis Censuras & doctrinam damnes, quam tamen vi-

Theologiæ Facultatem, quia in ipsorum impios aliquot libros iustissimas Censuras ediderit. Nihil aliud tota pagina dicit, nec durius quicquam in eos loquitur quàm eos velle, vt qui ipsis dediti sunt omnia sua probent, siue bona, siue mala videantur; nec ferre posse vt quicquam arguant. Quæ in re, amœnitatis causa, dicit eos videri reuocare idololatriæ tempora, quibus non solum virtutes, sed & vitia consecrabantur. Nihil durius inest tota pagina, quàm miser iste Excerptor dicit *totam scaterè calumniis & iniuriis grauib; & apertis*, nihil conqueri audens de aliis verè grauissimis Aurelij obiurgationibus, quas cum veras agnoscat, & ab omnibus agnosci sentiat, fouearum instar passim transilit, & in iis solis hæzere cogitur, quæ multò leuiores sunt; ne nihil ex voluminibus Aurelij satis magnis proferendo, sodalium suorum clamores, qui tot in se immeritos conuitia scripta esse questi sunt, fraudulentos, & inanes, & ridiculos, & longè aliò quàm quò simulant spectantes, videri faciat.

*Eadem pagina apparet cumulus iniuriarum, videlicet, quod Ecclesiam Iesuitæ conturbent & scindant: Diplomata Pontificia ludibriis euacuent: Iudicia Episcoporum quasi baiulorum somnia excipiant: Omnia denique conuitiis, mendaciis, & inusitato maledicentia fragore proterant.*

#### R E S P O N S I O.

Iam fessus sum rancidam fallaciam respuendo, quam tu ad nauscam obtrudis. Non enim hoc loco in Iesuitas vniuersè agit Aurelius, sed in libros tantum Iesuitas, quos verissimæ illius reprehensioni subtrahere nulla arte vnquam poteris. Nam si libros Anglicos damnatos, eorumque petulantissimas defensiones constet esse Iesuitarum fœtus, nihil esse potest querela pro iis suscepta impudentius, cum illorum libris ista omnia fieri pateat, & multò acerbius quàm ab Aurelio narrantur. Libros autem illos esse Iesuitarum apertè constat ex antè dictis. Nihil ergo insolentius Excerptore.

P A G. 229.

*Videre est quantum imponat Societati, cum ait eam docere Pontificem sine eius consilio nihil quod ad fidem pertineat statuere posse; aut si statuat falli posse.*

#### R E S P O N S I O.

Estne impostura, Societatis scriptores docere Pontificem vt certò definiat debere consulere priuatos Theologos, quales vos estis? Profectò dicere non audebis, ne tuorum testimoniis obruaris. Nihil ergo vobis imponit Aurelius. Non enim dicit vos dicere Pontificem nihil definire posse sine Iesuitis; sed *sine vobis*, inquit, id est, sine vestri similibus priuatis Theologis. Nam ad Iesuitas, quæ priuati Theologi sunt, hoc referri patet ex sequentibus verbis, vbi apertè habet illas ipsas voces, *sine priuatorum Theologorum argutiis*, quorum consilio vestri scriptores infallibilitatem Pontificis alligant. Nec dubium quin si Pontifex quippiam definiret, non vocatis vllis priuatis Theologis qui sunt Romæ, vos iudicaretis ipsum non rectè, aut prudenter definiisse. In illo autem priuatorum Theologorum numero, non mirum Iesuitas præcipuè nominatos esse, quasi omnium instar, cum ipsi longè in illis supereminere velint, & sibi potissimum in eiusmodi rebus deferri à Pontifice & Eminentissimis Cardinalibus; quibus Aurelius

dignitatem suam asserere voluit, & ab argutiarum vestrarum iugo eam liberare.

P A G. 231.

*Auditores tam Philosophiæ quàm humaniorum literarum in nostris Collegiis damnat, & raros esse dicit qui in illis solida virtutis semina concipiunt.*

#### R E S P O N S I O.

Calumniaris. Non damnat; sed multos ex vestris Collegiis imperitos & vitiosos prodire dicit; quod quotidiana experientia probatur. Nec dicit, raros esse qui in illis solida virtutis semina concipiunt; sed addit, selectiora solida virtutis semina, quod verbum fide solita truncasti, ut doceat vel vulgarem solum aliquam pietatem concipi solere in vestris Scholis, vel nullam: rarò autem aliquam non vulgarem. Cui rei adstipulantes habet quotidianos euentus. Nec deest ratio, quia nimirum iuventuti nullam, ferè aliam viam tradunt ad virtutem, nisi vsum Sacramentorum & rerum externarum religionis, & humanorum conatuum. Solidæ autem pietatis & veræ humilitatis & gratiæ vim non tradunt. Nam Molinistica scientia ipsos eam scire vix patitur.

P A G. 244.

*Grauiissimam infert Iesuitis iniuriam, dum vult eos quasi hostilem animum in Pontificem, in religionem, in Deum gerere; & his non absimilia eadem pagina debacchatur.*

#### R E S P O N S I O.

Nunquam ne candidè loqueris? Semper ne hærebis in illa iam infami fraude traducendi in vniuersam Societatem quod in scriptores autoresque Anglos expressum est? De quibus ipsis non satis est nuda ista proferre quæ refers. Dicendum fuit quo fundamento scriberentur ab Aurelio; quo à te refellerentur. Cùm enim sint res facti, à probatione inartificiali pendent, quàm subdolè semper omittis, ut obiurgatio eius sola proposita sine re in quam fertur, videatur esse contumelia; quæ, si res & causa eius proposita simul esset, iustissima reprehensio statim videretur. Hac fraude totam penè collectionem istam malignè impleuisti, ut initio conquesti sumus. Qui mos si admittatur, nulla erit increpatio, nec vlla pœna, quæ non in summam iniuriam traduci possit, si nimirum sine addita vlla causa proponatur; quo modo eas proponere solent proterui homines, ut ludices, Superiores, eosque omnes à quibus pro meritis excepti sunt, in inuidiam adducunt. Fraus ergo tua hæc summa est in Aurelium, ob quam ille non minori iure multa dicere posset in te & in socios tuos, qui te hoc absurdissimo consilio publicum ludificari iusserunt, quàm dixit in Anglicanos Molossos & latratores.

Nam si exposuisses ista quæ refers dicta esse ab Aurelio in scriptorum illorum audaciam, qui dummodo libellis suis præponerent titulum, *Apologia pro S. Sede Apostolica*, putarunt se impunè posse illudere Pontifici, eius auctoritatem violare Breuibz eius insultando, regimen eius impugnando, statum illius euertendo, schismatum semina in rudium Angliæ laicorum animis injiciendo, hæreses denique & blasphemias, quibus religionem & Ecclesias labefactari iudicarunt Illustrissimi Antistites, spar-

gendo, nemini mirum visum esset eos qui talia tam fallaciter facerent, dici esse hostilibus animis in sedem Apostolicam & religionem. Si denique addidisses hoc ipsum dictum esse ad refutandam dementissimam calumniam impositam totius Facultatis Parisiensis Theologis, qui à Floydio dicti erant, *Censores hæresi infecti, sedis Apostolicæ hostes, & Censuras emisisse hærescos perfidiaque plenas*, ut hæreses, & perfidias, & hostilitates in sedem Apostolicam imponeret non tantum Theologicæ Facultati, sed toti Illustrissimorum Antistitum cœtui, quorum Epistolam vocavit, *Censura Richeristica Echo*, imò dixit ab ea Censuram Facultatis longè acerbitate superatam: Ista ergo si exposuisses, quæ eo loco refellebat Aurelius, omnes continuo vidissent tam effrænam calumniandi & bacchandi atrocitatem nullis verbis satis castigari potuisse, nec fuisse quicquam æquius quàm ut ad insanum hominem compescendum exprobrarentur ei suæ illæ fraudes & illusiones in sedem Apostolicam, quarum velamento sedem illam ipsam subruere, & religionis sanctissima mysteria demoliri cœpit. Quam ob rem iure dixit Aurelius ipsum & eius ea in re commilitones veriores se probare hostes sedis Apostolicæ, Ecclesiæ, religionis, adeoque Dei, quàm illud crimen Facultati Parisiensi, & Illustrissimis Antistitibus inesse ostenderetur. In tales igitur Iesuitas retorfit gravissimam iniuriam ab iis immeritissimò illatam viris tantis, & duabus tantis Societatibus Episcoporum & Theologorum; & retorfit ea solùm illis obiectando in Pontificem, in religionem, in Ecclesiam, & in Deum crimina, quæ Censuris ipsis continebantur, nihil addens sui priuati iudicii.

Iudicet æquus lector, num hæc *gravissima iniuria* & debacchatio in Iesuitas dici debeat, ut eam nominas, fraududente Excerptor, an iustissima reprehensio, & multò minor quàm culpa cui inflicta est. Multò enim minus est ludificationem & fallacem hostilitatem in sedem Apostolicam, & in religionem obicere Iesuitis Anglis Apologiæ, Spongiæ, similiumque librorum autoribus, quod fecit Aurelius; quàm Facultati Parisiensi, & per eam Illustrissimis Galliæ Episcopis apertam in eandem sedem hostilitatem, & Censuras hærescos perfidiaque plenas imponere, quod illi fecerunt. Appello iudicium Christiani Lectoris, & Iesuitarum ipsorum non iniquissimorum.

P A G. 245.

*Eorundem doctrinam magis perniciosam & infestam summo Pontifici quàm doctrinam Richerij.*

#### R E S P O N S I O.

Non satis est hoc à te expostulari: respondendum fuit argumentis Aurelij, quibus id probat. Cùm enim sit res in probationibus sita, ab iis spectandum est iure an iniuria hoc ab illo dicatur. Argumenta autem quibus hoc probat Aurelius sunt planissima & solidissima: quibus si respondere non possis, frustra reprehendis eius conclusionem.

P A G. 246.

*Afferit eos denegare infallibilitatem summo Pontifici sine consensu Theologorum, & tamen tribuere infallibilitatem Theologis sine Pontifice.*



## R E S P O N S I O.

Non dicit eos negare infallibilitatem Pontifici sine consensu Theologorum, quasi omnes Theologos consentire necesse sit; sed sine illorum assensu, id est, sine illorum consilio & nutu. Passim enim docent Pontificem, non aliter esse infallibilem, nisi adhibeat in consilium priuatos Theologos, quales nimirum ipsi sunt; qui ideo se Romæ ad talia consilia necessario adhibendos prætendunt. Pleni sunt eorum libri eiusmodi doctrina. At infallibilitatem Theologis omnibus sine Pontifice concedi ab illis probauit Aurelius ex ipso Floyd Spongiæ autore, citatis duobus locis, quibus à sententia ab omnibus Theologis Scholasticis vnanimiter accepta discedere, *insolentissima insania esse* dixit Augustini verbis abusus; quòd nimirum Ecclesiam in iis sitam existimet, & eorum consensum infallibilem: Idem alij passim docent. Quare nihil falsò imposuit Aurelius, sed Iesuita Excerptor falsò & malignè Aurelium criminatus est.

## I B I D E M.

*Falsò item asserit eorundem operâ fieri ut potestas summi Pontificis Democratico Theologorum consilio ligetur.*

## R E S P O N S I O.

Quàm verè hoc ab Aurelio sit eis obiectum, patet ex iam dictis. Si enim Pontifex eorum sententia nihil sine priuatorum Theologorum consilio statuere legitimè potest, patet eum Democratico Theologorum consilio ab iis alligari. Ineptè semper & malignè nuda Aurelij dicta, quæ in factò sita sunt, profert Excerptor; cùm eorum tota veritas aut calumnia pendeat ex adiecta probatione, quam iste semper resecat, cùm tamen sine ea nec veritas dictorum Aurelij, nec criminationum eius falsitas intelligi possit.

## P A G. 427.

*Calumniam imponit P. Gabrieli à Porta Iesuita quasi docuerit magnum numerum summorum Pontificum incidisse in hæreses, & hæreses definiisse.*

## R E S P O N S I O.

Imò tu calumniator magnus es, qui negare audes id ab illo Patre dici quod ab eo fusissimè docetur. Nam Pontifices quibus vulgò obijci solet quod hæreses confirmarint & docuerint, ut Pontifices, quosque Cardinalis Bellarminus tuctur, eos ipse omnes errasse, & hæreses verè docuisse; & sua sententia Pontificali approbasse docet, Liberium, Honorium, & alios, omnesque Bellarmini responsiones ordine refellit. Qui alia non habet quæ in Aurelium obijciat, animo se illi infestum probat, verbis sibi ipsi.

## P A G. 258.

*Iesuitas sapientia & candore ab hæreticis superari affirmat.*

## R E S P O N S I O.

Calumniaris. Non dicit hoc generatim & absolutè; sed, *in hoc genere*, inquit; id est, in materia de æquiocationibus; quas cùm hæretici rejiciant, Iesuitæ autem mordicus tueantur, patet in hoc genere Iesuitas ab hæreticis sapientiâ & candore superari. Maleuolentia te transuersum rapit, & tibi ipsi vulnera infligere cogit, ut te ab Aurelio læsum exclamare possis. Hæc est proteruorum consuetudo.

P A G. 260.

*Societatem in inuidiam vocat, cum ait, cauendos esse Iesuitas à Laicis, ab Episcopis, à Pontificibus, & etiam ab Ecclesia Catholica, tanquam à fallacissimo & infidissimo hominum genere.*

R E S P O N S I O.

Calumniaris apertissimè, imo solacizas, nec quid dicas vides. Nihil tale habetur tota pagina, in qua nullum prorsus verbum de Laicis, de Episcopis, de Pontificibus, de Ecclesia Catholica. Lege & oculos aperi.

P A G. 359.

*Iesuitarum esse scribit in Episcopos sicut in Reges furere.*

R E S P O N S I O.

Quid ergo aliud faciunt, dum tam furibundè Episcopos lacerant, quàm in Reges atrociter scripserunt? Hæc Aurelij candorem demonstrant; tuarum verò criminationum miseriam non iam demonstrant, sed confirmant.

P A G. 372.

*Iesuitas denique esse hominum genus ferum ac pernicax, quod facilius firmitudine domatur, quàm mansuetudine delinitur, nec cedit nisi fortiori, nec remittit quicquam nisi cum validiore manu & pleno robore prematur.*

R E S P O N S I O.

Profectò si hac de re vnquam dubitatum est, tollere debet dubitationem petulantissima eorum in tot Illustrissimos Præsules & Episcopos insultatio; in quos tam audaces non alia magis de causa fuerunt, quàm quia illi in ipsos mitissimi & mansuetissimi fuerant, Censuram in errores eorum improbos ita edentes, vt quamvis libros ipsorum esse constaret, tamen eorum nominibus & famæ pepercerint, eosque habuerint velut insontes. Qua illi humanitate deprauati ausi sunt attollere cornua, Censorum mansuetudinem timori tribuentes, quasi Illustrissimi Antistites metuisent attingere alumnos præclaræ illius Societatis, quæ omnia se posse cupit, & omnibus esse honori. Hoc supercilio elati irruerunt atrociores in Episcopos, quàm si Episcopi priuati homines, ipsi verò Episcopi fuissent, & à priuatis hominibus irritati. Nos verò istam procacitatem aduertentes intelleximus non esse amplius in eos vtendum humanitate, qui illa tanta & à talibus viris contineri non potuissent, contraque enasissent deteriores. Ideoque Ecclesiæ & veritatis causa, à qua illorum imperus depellendos suscepimus, vidimus necessario incundam aliam esse viam, & pleno vigore Ecclesiastico, quo in eiusmodi bacchatores & proteruos homines, Ecclesia & Apostoli vt consueuerunt, agendum; vt qui mansuetudine abusi essent, seueritate angerentur & sanarentur. Vel enim in huiusmodi homines, vel in nullos verum est verbum Apostoli, *Increpa illos durè vt sani sint in fide;* & vel tot Illustrissimorum Antistitum nomine ac in tanta eorum causa, hoc verbum in illos obseruari debet, vel nusquam debebit.

## CONFUTATIO SECVNDÆ COLLECTIONIS

*Jesuitarum ex altero Tomo Petri Aurelij.*

OSTERIVS ad hanc respondeo, quia posterior in manus meas venit: etsi video ita institutam à P. Aurelio operis sui rationem, ut priorem partem statuatur eam quæ posterior prodit, posteriorem quæ prior: eamque rationem ipse rerum contextus, & operis aduersariorum series confirmat. Caterùm nihil noui præfandum est in hanc collectionem, cum nihil nisi eadem prioris vitia, easdem fraudes & simulachra refingat, ex quibus eadem magis eminet Petri Aurelij veritas & integritas. Diceret cum sibi præuaricatores apposuisse, qui ineptissimis & inanissimis criminationibus tantam ei illustrandæ innocentie suæ opportunitatem offerant, ut summam aduersariorum iniquitatem, & maleficientiam simul illustrent. Sic, Deo iudice, qui superbia incitati in eos vindictam quærunt, à quibus commoniti, suorum potius erratorum poenitentiam cogitare debuissent, quò proteruius purgare se nituntur, eo foedius se inquinant, & omnium odiis obijciunt; Sagittæ eorum fiunt plagæ eorum, & infirmantur contra eos linguæ eorum. Nisi enim huiusmodi collectiones ipsi in medium protulissent, non alia facile ratione Petri Aurelij candor, & sinceritas, & solidissima veritas quibusdam hominibus tantopere probari potuisset, sicut nec Iesuitarum, in proferendis aduersus eum querimoniis, indignitas & iniquitas. Quarum neutram veriori paulò iudici obscuram fore putamus, ubi conquisitas studiosissimè ab iis criminationes, & in lucem publicam emissas, tam facile, tam candidè, tam apertè dilui posse, & ex rebus ipsis inter se collatis rueret confestim ac labi funditus perspexerit.

Caterùm mirum videri potest, cur tam serò venerit iis in mentem huiusmodi collectiones fingere, aut querelas omnino edere in librum priori anno vulgatum, qui iam per orbem, ipsis silentibus, peruagatus est, non solum impunè, sed cum amplissima approbatione regie autoritatis, Parisiensium Theologorum, & virorum variis prouinciis eruditione ac pietate præstantium, qui cum non solum Ecclesiæ vtilem, sed Iesuitis in primis necessarium censuerunt, ut modestiæ admonerentur, & ab indomita & inusitata ista ferocia in posterum arcerentur, qua orbem turbant, seipsos infamant, Ecclesiæ offensiones & scandala tum apud hæreticos, tum apud Catholicos imbecilliores pariunt. Missa est nuper Lutetiam Bruxella, ab Amplissimo viro in Aula Belgica eruditionis & pietatis laude præclaro, ad Petrum Aurelium Epistola, qua ei vim illam, qua in Iesuitas facta est, gratulatur, sine qua eorum conatus non satis refutatum iri, & quam iis compescendis penitus necessariam fuisse asserit, comprobataque antiquo S. Hildegardis vaticinio, quo præsens eorum casus & tumultus sit prædictus, ut fusè legitur in ea Epistola postea Lutetiæ edita. Subjicit denique hæc; *Admiratur simul & laudat totus vniversus tuum institutum non minus quàm si in apertas, &c. scripsisses. Ecclesiam Dei tales decet habere strenuos Athletas.* Postremò

Postremò iudicium suum confirmat testimonio R. Patris Valeriani Capucini in Italia & Germania celeberrimi, cuius Epistolam Vienna Austriæ ad Eminentissimos Cardinales scriptam suæ annexuit, qui in negotio Academix Pragensis, aliisque ingenia Iesuitarum expertus, iudicavit eos egere aliquo qui *faciem haberet valentiorum faciebus eorum, & frontem durior frontibus eorum*, utens illo ipso loco Scripturæ quem Aurelius ad necessariam severitatem, qua eos excepit, comprobendam iam adhibuerat. Librum ergo tamdiu per orbem sparsum, probatum, laudatum; alia enim testimonia commemorare nihil attinet, ut primarij Theologiæ Doctoris & Professoris Germaniæ in Epistola ad Clarissimum virum Lutetiam scripta, aliaque ex Anglia aliisque oris ac gentibus, quibus Aurelij disunctio summis afficitur laudibus, & laudibus non factione collectis, ut Iesuitis moris est, sed voluntario iudicio oblatis, & sponte conceptis ex ipsa rerum luce & amore veritatis; talem ergo librum, qui vel tam longa & quæta præscriptione petitiones aduersariorum elidere posset, mirum est nunc primum à Iesuitis iniuriarum peragi reum, & cum tanto post tempore suas ad eum responsiones proferre, earumque solidioribus argumentis, tum doctrinæ suæ hæreses, tum facinorum suorum maculas elucere deberent, responsionibus omittis ad querelas verti, & collectionibus inuidiosis ac fallacibus indignè & muliebriter quititari. Quid hoc aliud videri possit quàm imbecillitatis suffugium, labes causæ, inopiæ professio, desperatio reorum, pertinaciæ & superbiæ subsidium? Non scriptum in eos, sed responsum est: Ipsi hæreses, ipsi contumelias soli sparserunt; Eæ reprehensionibus tantum & increpationibus, quales in publicam maledicentiam & impudentiam adhiberi solent, repulsæ sunt. Interim cuius responsionum firmitatem propulsari non posse vident conserta manu, eius sese reprehensores querulos & flebiles constituunt. Aurelij soliditatem, quam ipsa respondendi impotentia confitentur, lamentis & questibus obruere cupiunt: quasi qui eos exultantes & triumphantes comprimere potuit, abigere non possit lamentantes, & ad extrema iam ita redactos, ut casum suum flere, & aliorum opem polcere, & hominum fidem fallaciter implorare tantum possint. Illius ergo vice, quoad ipse horum conatum certior factus validior insurgat, collectionis huius nanias, quemadmodum in priorem egi, & veteratarios questus, & indignissimas criminationes obtundere aggrediar; ut videant qui Aurelij se accusatores inuersa iuris ratione profitentur, de tuenda magis innocentia sua quàm de illo arguendo sibi laborandum, qui non accusator est, sed aduersus ipsorum accusationes defensor; & frustra sperari Aurelij defensionem, quæ aperta vi sit inuicta, & responsionibus legitimis labefactari nequeat, insidiosis eiulationibus & clamoribus fictitiis subrui posse; nec superesse Iesuitis quicquam effugij, quominus vel directè ac sincerè, quemadmodum ab illo repulsi sunt, ipsum refellant; vel si minus id possint, veritatem eius & integritatem non solum tacito conscientiæ sensu, sed etiam aperta significatione fateantur. Nam criminosa istarum collectionum inania esse præsidia; & Aurelij candori ac fidei quàm Iesuitarum innocentiae demonstrandæ aptiora, cum illorum perpetuas fraudes & stolidiores dolos ubique ante



oculos constituent, sicut antè docuimus, ita hoc loco nullo negotio confirmabimus, cum eadem penitus, quæ in priori collectione peccata sunt, & in hac peccentur, ut eadem propemodum oratione in utrasque sit utendum, quemadmodum ex subiectis responsionibus planum erit. Ac iam in ipsum titulum ordiamur.

## CALUMNIA, MENDACIA, ET CONVITIA

*Petri Aurelij in Iesuitas. Ex Tom. I.*

### R E S P O N S I O.

**H**UNC titulum aptius summutandum esse hunc in modum, *Calumnia, mendacia, & conuitia Iesuitarum in Petrum Aurelium*, ita ostendimus ad superiorem collectionem, ut facile fidem nobis esse apud idoneum quemuis iudicem speremus, etiam priusquam ad argumenta venerimus, id ipsum hoc loco fieri ius esse. Ac ne Lectoris fide in hoc abusi videamur, efficient clarissima argumenta, & Iesuitarum notarum sequentes expunctiones.

### P A G. 20.

*Dicit Iesuitas, quos Molinistas passim vocat, imitari hæreticos hæresis suæ venena diffundentes; sub propositionibus externa specie & reuera falsis veros sensus includentes, & concludit: Adeò non errores solum cum omnibus hæreticis, sed eodem etiam cum ipsis spiritu pepererunt.*

### R E S P O N S I O.

Non possum non agnoscere in hoc limine fallaciam iam infamem, qua priorem collectionem adeò refertam & fœdam ostendi, ut ea tota quodammodo una fallacia videretur. Tam crebrò in eundem lapidem impingere & fœdè hallucinari potuisse Iesuitas, credere vetat eorum prudentia; tam nequiter fallere & imponere voluisse, eorum religio, & ipsa Christiani sensus lux. Certè enim hoc etiam loco transfertur in Iesuitas absolute quod in priuatos Iesuitas scriptum est, in libellorum Anglicanorum autores & propugnatores, quos eo loci Aurelius increpat, quod propositionem quandam ipso verborum sono falsam & improbam, dolosis interpretationibus ad inopinatos quosdam sensus deducerent, & ita non errores solum cum omnibus hæreticis communes, sed hæretici quoque generis fallacias referrent. Huiusmodi quippe versutias hæreticis ita insitas & quodammodo natiuas esse, ut ab iis nunquam absint, norunt quicumque norunt hæreticos, eorumque genium spectarunt. Hoc egit eo loco Aurelius, non aliud quicquam. Nec ferendum est Iesuitam sodalium suorum innocentiam, & Aurelij crimina in hac una captiuncula assidue & iniquissime rimari, ut Aurelius ideo tandem maledicus videatur, quod Iesuitæ maleuoli & malefidi sint. Hac enim impuritate scatent etiam sequentes notæ, & pars multò maxima huius collectionis. Nec relinquitur commodior ulla purgatio fallaciæ tam frequentis huic Excerptori, quàm ut quemadmodum ipse omnes Iesuitas in vno Floyd & commilitonibus eius con-

fineri vult, ita in eorum libris Iesuitarum omnium sententias contineri, illosque omnium nomine scriptos esse fateatur. Cuius quidem rei significationem non parvam facit toties iterata & eiusdem modi criminatio.

Quod verò addit Iesuitas dici Molinistas, in ea appellatione quidnam Aurelius sit sequutus, antè ostendimus. Nec video cur Iesuitæ Molinistas se haberi aut dici iniquius ferant, quàm Franciscani Scotistas, alique eorum nominibus quorum placita sectantur, ut Iesuitæ propria & nouissima commenta Molinæ. A quo etsi aliquatenus discessisse eorum nonnulli videantur, tamen ita discesserunt, ut solent ab errorum & nouitatum magistris discedere discipuli, dum natum à parente errorem, rudiores adhuc & informem, suis quique ingeniis, quasi vrsi linguis, fingunt; nec ideo tamen non discipuli & re & nomine audiunt illius, à quo primùm placitorum suorum materias traxerunt.

P A G. 26.

*Vehementissimè insectatur Societatis homines, quos dicit pro Catholica doctrina tradere nugas, deliria, intemperies aestuantium animorum, nunquam ad hoc auum in Ecclesia auditas, & mysteriorum Ecclesie sanctissimorum impiè irrisorias.*

R E S P O N S I O.

Turpissimè hîc quoque cauillaris, ut prius ac semper; maximèque admodum mirum est fallaciarum fontem tam apud te vberem simul ac sterilem esse; vberem, quia fallaciam vbique profundit; sterilem, quia semper vnâ. Ista enim quæ refert scribuntur ab Aurelio, in ridiculam & chimericam Apologiam Danielis ac Spongiæ doctrinam de Sacramento Confirmationis, de supplemento effectus illius per chrismationem baptismalem; de perfectione Christiani nominis in externa vñctione corporis sita. Hæc figmenta exagitat Aurelius, & cum iis illorum inuectores & defensores Iesuitas Anglos, qui nihil eo nomine non in se dici meruerunt; Societatis autem generatim homines ibi non attingit, nedum vehementissimè insectatur, ut tu vehementissimè cauillaris. Neque verò existimare debes hoc genus responsionis tibi toties illidi, & plerasque notas tuas illo eneruari, quod Societatem tuam ab hac causa alienam dicere, eamque ad priuatos autores redigere velimus. Non est hæc mens nostra, nec conuenit candori nostro: qui sicut profiteri nos iubet Societatem in hac re ita se gessisse ut alumnorum suorum erroribus ac flagitiis vel assentiatur planè, vel meritò censenda sit assentiri, cum ad eorum præsidium & protectionem studium, potentiam, factionemque omnem suam commodarit, ne illis vbique proscriptis de sua gloria quicquam decessisse videretur; Ita idem candor monere te debuit ut attenderes non quid illi ascribi posset, sed quid re ipsa ascriptum esset ab Aurelio, nec alia eum argueres in illam scripsisse, nisi quæ ipsius oratio, & locorum singulorum series ad eam manifestè referret. Quod quoniam à te non est factum; sed omnes Aurelij reprehensiones ita excerpisti quasi in ipsum verticem Societatis immissæ forent; Ego istam potissimùm tuam fallaciam exagitandam putavi, quò magis tua in Aurelium iniquitas, & illius in vos soliditas & humanitas eniteat; cum illo Societatem vestram minus urgente quàm per veritatem liceret, &

ea in solos aduersarios exprobrante quæ in totam illam exprobrari poterant; tu contra & sodales tui cum ultra veritatem & ultra fas omne urgeas, conuersis in vniuersam Societatem omnibus quæ ab eo scriptæ sunt in singulos illius homines, & in hæresum istarum parentes.

P A G. 27.

*Sic de Iesuitis loquitur: Vereor ne tandem isti homines tantum absurditatum effundant, ut Molinistarum nomen in demum oporteat, & aliud irrogari.*

R E S P O N S I O.

At ego vereor ne tu toties eandem fallaciam afferas, ut Iesuitæ nomen prudentiæ & ingenij plenum amittere merearis, & aliud longè diuersum subire. Quid enim tibi mentis est, proprias scriptorum & propugnatorum Anglicanorum, in quos ibi agit Aurelius, & quorum dogmatica flagitia insectatur, obiurgationes ita referre, quasi infinitè in Iesuitas & in omnes Societatis alumnos coniectæ essent.

I B I D E M.

*Dicit eos inuentores opinionis, qua Christiana dignitas dedecoratur, Christiana Ecclesia scandalizatur, hæresi atque adeò Atheismo via sternitur.*

R E S P O N S I O.

Eadem hîc labes & ineptia; nec exoletæ iam absurditati noua responsio adhibenda est, ne laterem lauemus.

P A G. 36.

*Sub Iesuitæ titulo deriuat in ordinem, quod sensum in animis fidelium fidem Sacramenti Confirmationis labefacient.*

R E S P O N S I O.

Hîc tantum odiosam fallaciam nouo condimento aspergis, sed condimento mendacij & stoliditatis. Nam quod ais, *sub Iesuitæ titulo deriuari in ordinem*, ibi nec tituli Iesuitæ, nec ordinis Iesuitarum verbum vllum habet Aurelius, nec Iesuitam, nec ordinem vllum nominat. Agit illic tantum in autorem Apologiæ & Spongiæ, quem candidè Iesuitam fateris, & in Anglos sodales eius & commilitones; & eorum doctrinam sensim ferri ait ad labem Sacramenti Confirmationis, & argumentis planissimis probat. Quæ tu si soluere non poteras, nulla te res saltem cogebat, temerè in Aurelium incurrendo, fallaciam mendacii intermixtam, quasi cariosum iaculum, vibrare.

P A G. 40.

*Dicit Iesuitas nec pudorem habere nec conscientiam.*

R E S P O N S I O.

Eandem fallaciam refers, sed jejunam, & sine condimento. Ideo nihil ad eam amplius habebis.

P A G. 45.

*Dicit communi hominum voce, proteruiam, dominatum, & superbiam tribui Iesuitis.*

R E S P O N S I O.

Hîc denique à fallacia ista perpetua discedis, sed non nisi ad fallaciam. Asperas enim & inficis Aurelij verba, qui primùm non scribit, *communi*

hominum voce superbiam tribui vllis Iesuitis, sed à plerisque hominibus una voce tribui, quod multò mitiùs & tenuiùs est quàm quod tu refers. Deinde non dicit id tribui omnibus prorsus Iesuitis; nec negat inesse in eis ab eiusmodi reprehensione alienos, & contrariis laudibus dignissimos plures; sed tantum plerosque homines, quibus negotium fuit cum Iesuitis, eos quibus cum egerunt expertos esse tumidiore, & potentia gloriæque suæ plus satis studiosos, idque vna voce testari. Viros enim præstantes non paucos id testimonij Iesuitis illis, quorum in maximis rebus vsum habuerant, dedisse scimus ipsi & audiuius, nec dubitamus quin plures eorum qui hoc legent idipsum suo assensu comprobaturi sint.

P A G. 47.

*Sub Molinistæ nomine dicit illos non minus gratia Dei quàm Sacramentis gratia Dei fontibus deprimendus assuetos.*

R E S P O N S I O.

Redis ad fraudem quam paululum intermisisti. Ab ea enim diutius abesse non potes, cùm eam totius collectionis cynosuram videaris elegisse. In Iesuitas aduersarios suos ibi loquitur Aurelius, in dogmatum Anglicanorum propugnatores, in libellos eorum impios, & in autores illorum; non in totam Societatem, vt fraudulenter semper simulas. Non enim totam Societatem Sacramenta deprimere arguit, sed solos Iesuitas Anglos; quos tam deprimendis Sacramentis gratia fontibus esse assuetos affirmat quàm gratia ipsi per se; cuius deprimendæ opinione quàm laborent Iesuitæ omnes, & quicumque Molinam ducem sequuntur, vt illi faciunt, ita eruditis omnibus est notum, vt qui id nesciat in eruditorum choro peregrinari videatur. Cur verò contumeliosius putant Iesuitæ hoc sibi objici, quàm quod ipsi aduersariis suis objiciunt, eos nativam hominis libertatem infringere? Sicut quod tibi fieri non vis, alteri facere non debes: ita periniquum est vt quod alteri facias, id tibi fieri stomacheris.

P A G. 49.

*Dicit illos ruditatem & incuriam fouere intrinsecus in animis illorum, pœnitentium, eos agglutinando Sacramentis & præfidiis exterioribus, de interioribus affectionibus parum solliciti. Multaque alia acerba.*

R E S P O N S I O.

Nihil acerbum est toto loco, nisi quod tu acerbasti animi & malevolentia virulentia. Nam Aurelius non contumeliam inferre, sed admonitionem necessariam præbere voluit Iesuitis, ex occasione absurdissimæ responsionis auctoris Spongiae, qui Sacramentum Confirmationis à summis Pontificibus tamdiu ademptum scribebat Angliæ Catholicis, quod nescio qui abusus ex illius concessione timeri possent. Quam rationem Aurelius, cùm aliis de causis absurdam & toti religioni exitiosam, tum ab hominibus Iesuitis minimè proferendam fuisse respondit, eo quod Iesuitæ alumnos suos Sacramentis & præfidiis aliis exterioribus nimis addicentes, nec pari cura de præfidiis interioribus, de componendo ad diuinos nutus internæ mentis habitu, & subeundo diuinæ gratia imperio ac ductu, laborantes, multum in iis inscitia rerum maximarum, & incuria erga præcipua Christianæ solidæque virtutis munia, relinquere soleant; vnde varij in



vulgus Sacramentorum abusus consequantur, & paucos admodum, pro tanta eorum qui Sacramenta assidue usurpant multitudine, verè probos solidosque videamus. Quæ res cum partim publicè constent, partim quotidiana experientia cernantur, & eiusmodi hominum vitam non magno-perè à vulgari aliorum consuetudine, si Sacramentorum excelsissimum usum excipias, discrepare solere pateat; vtilissimam admonitionem adhibere studuit Aurelius tum vulgò Iesuitis, ut paulò studiosiores sint interioris cultus eorum animorum qui se ad ipsorum ductum applicant, & diuinæ gratiæ excelsitatem ac reuerentiam accuratiùs iis inculcent; tum libellorum Anglicanorum autoribus & defensoribus, ne argumentis in posterum utantur, quibus omnis propemodum religio, & Sacramentorum usus, non ex vna Anglia, sed ex omnibus ferè Christiani orbis regionibus exturbetur. Pro huiusmodi oratione gratiam Aurelio tribuisset fortassis alia Societas; at Iesuitæ nihil nisi iniuriam expostulare potuerunt.

P A G. 57.

*Versare ac fingere omnia proprium esse Iesuitarum. Vbi iterum de dominatu & iniuria in Episcopos.*

#### R E S P O N S I O.

Calumniaris planissimè, tanto iniquiùs, quanto graues Aurelij eo loco increpationes in sodales tuos Ecclesiæ Anglicanæ turbines queri non ausus es, quia veras & meritissimas sensisti. Ac nihil sanè tota ea pagina conquerendum tibi esse confessus es, dum, ut querendi causam haberes, coactus es locum pervertere. Nusquam enim ibi scripsit Aurelius, *versare ac fingere omnia proprium esse Iesuitarum*. Non fuit rerum tam inscius ut studio accusandi Iesuitas, cæteros homines absolvere vellet, & Iesuitis fingendi ac pervertendi artem propriam facere, quam nimium multis hominibus communem & notissimam esse norat. Arguit tantùm Iesuitas illos qui falsam Catholicorum Angliæ nomine declarationem ediderunt mendaciis & erroribus insignem, ut declaratum est generali eorundem Catholicorum improbarione aduersus eam scripta, qua etiam illud figmentum Iesuitis suis tribuerunt. Nec rursus quicquam vniuersè à Iesuitis in Episcopos factum eo loco accusat, sed Iesuitas Anglos arguit sæuissimæ oppugnationis Episcopi Chalcedonensis, quem ab iis acerrimè oppugnatum esse & oppugnari quotidie, non adeo amiserit frontem hic Excerptor ut negare velit. Mendacia igitur & flagitia illius sunt istæ notæ, non Aurelij crimina.

P A G. 57.

*Dicit Iesuitas elusisse Summos Pontifices, & sedem Apostolicam figmentis & nebulis circumfudisse.*

#### R E S P O N S I O.

Generatim ista refert more tuo, ut criminiosior Aurelij oratio videatur quàm sit, & eius quod scripsit veritas lateat. Sed frustra iacitur rete ante oculos pennatorum. Frustra fraudes tuas toties expertis venditas. De illa sola elusione Pontificum, & de solis illis in sedem Apostolicam figmentis Iesuitarum agit Aurelius, quibus ne Catholicus Episcopus in Angliam mitteretur tamdiu intercesserunt & obstiterunt. Quæ res ita omnibus qui

Romæ fuerunt, quoties de mittendis in Angliam Episcopis actum est, præcipuè sub postremis Pontificibus, nota est, & eam ita est expertus sanctissimus ipse Urbanus VIII. ut mirum sit Iesuitas sub illius oculis tam proteruè tergiuersari, & audaciæ suæ tantos testes non vereri.

P A G. 70.

*Dicit Societatem se literarum & doctrinarum principem quoquo iure facere & credere. Item debilitate quidem catulos, sed mordacitate Molossos.*

R E S P O N S I O.

Primùm debilitate catulos, mordacitate Molossos dicit Aurelius, non passim Iesuitas, ut obsoletissima iam tua fraude iterum simulas, sed Anglicanos disputatores, & conuiciosissimos Theologastros, quos *omnibus ad hanc palestram prædiis imparatissimos* ibidem ait. Molossos autem seipsum dixisse addit, nempe in præfatione Spongiæ, ubi Facultati Parisiensi minantur, *superesse Molossos qui remordeant*. Itaque Aurelius ipse eorum usus verbo, mordacitate quidem Molossos, sed debilitate catulos vocauit. Quæ tu dissimulans & inficiens, ut soles, ea omnia non solum Aurelio ascriptisti, sed etiam tanquam in Iesuitas generatim scripta, bis fallax, vel potius mendax, quandoquidem ea euentiaris, quibus cordatum neminem fallere potes.

Societatem verò literarum & doctrinarum principem quoquo iure se facere & credere, cur quereris ab Aurelio scriptum, cum ei eruditi omnes toto orbe assentiantur, & tuam fiduciam respuant? Certè enim ea Societas quæ se magistrum orbis genuisse profitetur, scientiarum se principem & dominam facit. Hoc autem publicè de Francisco Suares professus est Collegij Conimbricensis Rector sodalium omnium suorum nomine operi eius præfatus, ubi eum *communem orbis magistrum* appellare non veretur, *Præfat. into. 3. de Relig.* subscribentibus Lugdunensibus Iesuitis operis editoribus. Spongia autem, *doctissimum huius aui Theologum* vocat, quemadmodum ab Aurelio iam antè obseruatum est. Ac ne plura eiusmodi colligam in rem notissimam & testatissimam, satis erit commemorare huic Excerptori sodalis sui vocem, qui aduersus *Anticetonem* publicè in Gallia scribens sociorum omnium assensu, retulit hoc elogium, quasi ab alio dictum in honorem Societatis, *Imperium literarum est penes Iesuitas*. Demittant animos, humiles se quàm famosos malint, nec postquam se intolerabili typho extulerint, multò intolerabilius eum sibi attribui indignentur. *Respons. ad Anticet. pag. 247.*

P A G. 86.

*Dicit illos perdita fraudis, perfidi consilij, flagitia splendida enormibus prestigiis inuoluere. Item illos monstri aliquid alere, & dirum quid contra Episcopalem ordinem & Ecclesiam moliri.*

R E S P O N S I O.

In Iesuitas istos Anglos loquitur, hæresum non solum præcones, sed etiam inuolutores & tergiuersatores improbos, quorum & ab erroribus, & à prestigiis ac fraudibus magnum Ecclesiæ malum metuendum meritò

dicit, nisi maturè occurratur. Idipsum ante illum monuerant Illustrissimi Antistites & Censores, quorum iudicium in hac Aurelij reprehensione impetitur. Atque hoc eo magis dicendum putauit Aurelius, quia vidit Societatem non modò non obsistere nefariis alumnorum suorum conatibus, & pro eo ac debuit illos comprimere; sed coniuere, imò purgare, imò variarum iis regionum testimonia potentia sua conquirere, vanamque sui ordinis gloriam fidei & Ecclesiæ gloriæ præferre, dum errorum & flagitiorum tantorum damnationem elidere & eleuare nititur, ne quid à suis hominibus nefarium manasse videatur. Qua de causa nihil minus potuit Aurelius, quàm Ecclesiam Ecclesiæque Præsules commonere vt maturè sibi consulant, & communium rerum statum, quem Iesuitarum Societas negligere videretur & minoris facere quàm suum, seriò ac studiosè tueri aduersus imminentem tantorum errorum molem, quæ quoquo modo hoc tempore compressa, nisi radicitus extirpetur, & suprema autoritate deleatur, reuiuiscet aliquando, & captatis idoneis temporibus, Ecclesiam vehementius infestabit.

P A G. 92.

*Miratur impune illis licere hæreses in Ecclesia tueri.*

R E S P O N S I O.

Quis ergo non miretur, in Ecclesia, quæ columna est & fundamentum veritatis, errores & hæreses à tot Ecclesiæ Episcopis damnatas tueri eos audere, qui fidei & Ecclesiæ primarij defensores haberi volunt? Imò quis non miretur tam stolidam accusationem à te Aurelio intendi, non in Ecclesia tantum, sed in Gallia, ante oculos eorum ipsorum Illustrissimorum Antistitum & Theologorum qui hæreses illas damnarunt, & à sodalibus tuis ortas vident? Hæ tuæ sunt criminationes Aurelij, an Illustrissimorum Censorum derisiones.

P A G. 101.

*Vocat Iesuitas bilingues & versipelles.*

R E S P O N S I O.

Iterum trahis ad Iesuitas omnes quod in solos Anglos horum librorum & commentorum autores scriptum est, vt perspicuè probant sequentia verba quæ recidisti. Hæc enim est illic Aurelij oratio: *Iesuitæ bilingues & Regis sui, sæuitiæ inuidiosi præcones*; vt pateat sermonem esse de Iesuitis Anglis qui regiam persecutionem exaggerant depellendi ex Anglia Episcopi causa, vt totus locus planius docet; non de Iesuitis omnibus, de quibus eo loco verbum nullum. Ita non Aurelius eos dedecorat, sed tu ipsum & illos.

P A G. 113.

*Dicit Iesuitas varias & inutiles quæstiones, quæ proficiunt ad impietatem, & serpunt vt cancer, excisare, sapere docentes plusquam oportet sapere, non sapere ad sobrietatem.*

R E S P O N S I O.

Eadem fraude hîc vteris, sed multò stupidius. Nam in Iesuitam vnicum, Spongiz nimirum Scriptorem Floydum, agit eo loco Aurelius; cuius hypothesin illam impiam, si Sacerdotes nulli Ecclesiæ necessarij essent,

nullos in Ecclesia necesarios fore Episcopos, percutit Apostoli voce, monens hominem, nempe illum vnum Iesuitam, ne vanas & inutiles quaestiones amet, sed sapiat ad sobrietatem. Tum Iesuita, inquit, *vanas & inutiles quaestiones repudiabimus*, id est, Floydi quaestiones & hypotheses illas inanes & impias. Situ saltem loquereris ad sobrietatem, non ista objiceres Aurelio, quæ vel refellere tædiosum & indignum est erudito homine. Serpunt reuera vt cancer tuæ ineptiæ, & magis ac magis gliscentes nullam sobrietatem norunt. Nam Aurelij orationem ne quidem intellexisti, sed ex imperitia tua crimina ei ridicula finxisti, quæ in ipsa tua oratione solæcismis & absurditatibus grammaticis passim horrenti, sua sponte eminent; vt mirum sit Iesuitas tam hebetem & insulsum Excerptorem Aurelio opposuisse, qui Societatis magis penuriam proderet, quàm eius famam tueri posset.

P A G. 116.

*Dicit nos (quos Molinistas vocat) plus hominibus studere quàm Deo, plus hominum quàm Dei gratiæ seruire.*

### R E S P O N S I O.

Iterum in idem diuerticulum fugis. Non enim in Iesuitas communiter ibi scribit Aurelius, sed in Spongiæ autorem & commilitones eius, quod propositionem in Spiritum sanctum contumeliosissimam hoc solum responso tuerentur, quòd ea nulli Episcopo iniuria esset. Meritò ergo eos arguit magis honoris hominum, id est Episcoporum, sollicitos esse, quàm honoris Spiritus sancti, cum contumeliam in eum illatam purgare non laborent, sed eam tantum quam Episcopis intulerunt. Desine tandem, si potes, indignissima eadem fallacia te ad maiorem hebetudinem, nos ad maius tædium obtundere. Quamquam concedere tibi hoc per gratiam possumus, potuisse non minus dici de omnibus prorsus Iesuitis doctrinæ Molinisticæ sequacibus, eos plus hominibus studere quàm Deo, & hominum gratiæ quàm diuinæ seruire, cum in re omnium maxima, & in negotio Imperij Christi grauissimo, in gratiæ operibus & hominum salute, priores longè partes, & absolutam inuictamque efficacitatem hominibus tribuere malint, quàm Deo, & gratiæ eius. Ex quo fluxit, vt in rebus aliis, & in humana passim consuetudine ferè toti hominum gratiæ & potentia innitantur, humanæque prudentiæ multo magis studeant, quàm alij vulgò religiosi & Christiani homines

P A G. 118.

*Iesuitas faciliorem salutis finxisse viam, in quadam externi rerum status imagine & humanae prouidentia proportionem constitutam.*

### R E S P O N S I O.

Ad ingenium redire videris, & Aurelij locum non intelligere. Nam in aduersarios suos ita agit Aurelius, vt in omnes vniuersè Iesuitas oratio eius torqueri non debuerit. Quamquam si planè contendas ab eo dici omnes Iesuitas suscepta doctrinæ Molinisticæ nouitate faciliorem quandam salutis viam induxisse, quàm quæ antea in Ecclesia Dei nota esset, nihil in eo



dixerit non doctrinæ illi & eruditorum virorum de ea iudiciis summe consentaneum.

Aurelij autem locum te non intelligere dico, quia non ait ibi Aurelius aduersarios suos salutis viam constituere in quadam externi rerum status imagine & humanæ prouidentiae proportionem; sed arguit illos quod Ecclesiae propagationem in externo illo statu & in proportionem humanæ prouidentiae ponerent, & tum demum Ecclesiam locupletissimam esse cum externa quiete & gloria frueretur, & eandem facillime propagari cum fauentia hominum studia haberet, viderentur existimare; & ideo Episcopum tantoperè ab Anglia arcerent, ne scilicet eius causa persecutionis augeretur. Cum tamen cogitare debuissent, Ecclesiam eo maxime tempore amplissimam solere esse, & vberissimam apud Deum messem esse, cum vigente persecutione arctior & angustior apparet; & eandem non humanæ prouidentiae proportionem, sed contrariis ei rationibus, odiis, aduersationibus, & persecutionibus hominum crescere & perennare; ideoque non debilitandos & terrificandos esse tantoperè persecutionis commemoratione Catholicorum animos, quo magis illius augendæ metu, vano præcipue, & inani, & nulla experientia comprobato, ab Episcopi Catholici desiderio ac susceptione auerterentur. Nec talibus argumentis metiendum Ecclesiae Catholicae statum, & manantem à perpetua maiorum traditione diuinarum rerum constitutionem. Hæc fuit eo loco Aurelij mens & oratio: quam si cœpisses, dedecoris, quod ex imperitissima collectione assequutus es, compendium fecisses.

## P A G 120.

*Malitiosè exprobrat à Societatis (ut vocat) Antesignano sanctos Patres, non singulos, sed vniuersos, animo Calviniano laceratos esse & diffamatos.*

## R E S P O N S I O.

Malitiam Aurelio exprobrare non est tuum, qui malitiosissimam hanc ipsam exprobrationem imperitè contextis. Adeo enim falsò & improbè quereris exprobratum Iesuitis vllis eos Calviniano animo diffamasse vllos Patres, ut contrà planè ibi ab Aurelio negetur id ab eis Calviniano animo factum: *Diffamarunt*, inquit, *si non Calviniano animo, eo certè qui Calvinianis animos faciat*. Nam etsi Calviniano animo id eos fecisse dicere nolit, Calvinianis tamen eo facto auctos ab iis animos, datamque fiduciam Ecclesiae Catholicae insultandi asseuerat. Vides malitiosam exprobrationem tuam. Audi sinceram & simplicem Aurelij. Societatis Antesignanum non negabis Maldonatum: Is tam sæpè sanctos Patres, non singulos, sed con-iunctos repudiat & aspernatur, ut commentarios eius in Euangelia legenti Catholico & modestiori paulò homini facile stomachum faciat. Extant passim superciliosæ Patrum Censuræ. Extant huiusmodi in illos frequentissimæ propositiones: *Horum verborum sensus non mihi videtur esse quem* *omnes, præter Hilarium, quos legisse memini, auctores putant. Item: Omnes, quos* *equidem viderim, veteres interpretes ita exponunt, &c. At huic sententia multa* *repugnant. Item: Sunt inter veteres auctores qui interpretentur, Super hanc petram,*

*Vide Molin.*  
*in resp. ad*  
*Card. Perro-*  
*num lib. 1.*  
*cap. 48.*  
*Aubersin. l.*  
*de Eucharist.*  
*in pref.*

*Maldon. in*  
*c. 16. Math.*  
*v. 18.*

*Idem inc. 21.*  
*Math. v. 9.*  
*Idem Math.*  
*c. 16. v. 18.*

id est, super hanc fidem, &c. ut Hilarius, Nyssenus, Chrysostomus, Cyrillus, Author commentariorum in Paulum qui Ambrosio tribuitur. Longius etiam à sensu recedens D. Augustinus interpretatur, &c. Nihil magis alienum à sensu Christi cogitari potuit. Leguntur talia passim apud illum: quæ tamen non ita accipienda sunt quasi ab illo tantum scripta, sed etiam quasi comprobata sodalium aliorum assensu; qui non modo illud opus probarunt, sed etiam ab illo nondum editum, post eius mortem ultro ediderunt multis, de more Societatis, cumulatim præconiis, & Lotharingæ Duci communi suorum nomine inscripserunt. Quare quæ sit sanctorum Patrum autoritas in societate Iesuitarum, ex illo opere facile intelligi potest. Vnde nihil mirum Iesuitam Sabaudum in libro Lutetiæ nuper edito, à sociis Parisiensibus recensito, Aurelio & aliis Censurarum Parisiensium defensoribus, quod naturam Ecclesiæ, Hierarchiæ, Ordinisque Ecclesiastici formam ex perpetua sanctorum Patrum doctrina exquirerent & tuerentur aduersus illius eversores, obiecisse, eos sententias novas cudere, aut defossas educere in apertum, nimirum ut specie turndi hierarchiam, Pontificis potestatem minuerent. Hoc enim impudenter & ridiculè edere ausi sunt, in ipsa Parisiensi luce, in contemptum Parisiensis Facultatis, & Illustrissimorum Galliæ Episcoporum. Similia in sanctos Patres reperiuntur apud Bellarminum & alios, quæ Ecclesiæ ab hæreticis obiectantur quotidie turpissimè; nec solum sanctos Patres apud eos infamant, sed etiam Ecclesiam, quasi illa sanctorum Patrum vel doctrinam consensionemque aspernetur ubi lubet, vel eam impunè contemni patiatur. Sicut ergo antea exprobrationis tuæ malitiam vidisti, sic nunc eiusdem imperitiam, Aurelij verò sinceritatem videre potes.

Theoph.  
Rayn. in lib.  
de libere.  
pag. 286.

P A G.

*Ait summos Pontifices à Societate in fraudem sape inductos.*

R E S P O N S I O.

Cùm hæc nota numerum nullum exhibeat, nulla responsione eluenda est. Quod si pag. 123. notatam volueris, ubi agitur de fraudibus quibus Iesuitæ Episcopi in Angliam missionem apud summos Pontifices semper disturbarunt; primùm mendacium scripsisti, quod sape dicas inductos à Societate in fraudem summos Pontifices, asseuerari. Abest enim vox, sape, ab Aurelij oratione; nec commodè addi potuit, cùm de sola Episcoporum in Anglia ordinatione ageretur. Quàm verè autem obiectæ sint in hoc negotio Societati fraudulentæ illæ molitiones & Strophæ, iam sæpius expositum est.

P A G. 125.

*Dicit se fusius tractasse historiam quandam, ut Iesuiticæ mentis in historia huius productione præpostera & veteriosa temeritas claresceret.*

R E S P O N S I O.

Absurdissimè querularis, quasi totius Societatis causâ. Non enim in eam velitabatur ibi Aurelius, sed in autorem Spongiæ Floydum, cuius stuporem ac supinitatem in historia illius productione perspicuam effecerat. Summa impudentia est te criminandi studio ita feruere, ut cùm eius rei

anfas nusquam reperiās, tam alienas & pudendas arripere velis. Quod si pro ipso Floydō queri te dicas, absurdissimè facies; cū quæ propriè in ipsum ab Aurelio scripta sunt semper omiseris, & ea tantum selegisse videaris, quæ in ipsam Societatem putares coniecta.

P A G. 129.

*Multa acerbè de hæresibus Iesuiticis, ut vocat..*

#### R E S P O N S I O.

Quo ergo alio nomine afficeret hæreses à Iesuitis autoribus natas, à Iesuitis approbatas, eorum factione defensas, nisi Iesuiticas appellando? Atqui eo loco Aurelius de solo Spongiæ autore loquitur, deque doctrina eius impia, quam *hæresim Iesuitæ & Iesuiticam* vocat, non *hæreses Iesuiticas*, quemadmodum exaggerando refert, ut irreuocabilem ab eadem semper fallacia tuam mentem ipse mireris.

P A G. 130.

*Ait Molinistas ( Iesuitas ) ceruicosos, abuti existimatione Pontificia ad sua com-  
moda.*

#### R E S P O N S I O.

Agit similiter in solos librorum Anglicanorum autores & propugnatores, & in ridiculam & illusoriam consilij summi Pontificis de mittendo in Angliam Episcopo expositionem ab iis allatam; in qua refellenda ibi versatur. Tu certè ceruicosiorem iam diu te præbes, cū ab vnius fallaciæ odiosissima ingeminatione depelli non possis, ne ipsa quidem fatigatione. Cæterum hæc quæ respondemus non ita accipi debent, quasi Iesuitarum Societatem liberatam velimus vituperationibus istis, quas illi ab Aurelio obiectas toties fallaciter ais. Non enim agitur quid verè fecerit vel faciat Iesuitarum Societas, quod vituperium vel quam laudem mereatur, sed quid de illa Aurelius scripserit iis locis, quibus eam ab illo insimulatam perfidiosè simulasti. De Aurelij enim dictis quærimus & de tua in illis carpendis fide, non de rebus aliis ab hac contentione alienis.

P A G. 134.

*Dicit peruagatam esse opinionem, Molinistas ( scilicet Iesuitas ) esse sobolem  
è succiso antiquius Pelagii stipite fruticantem.*

#### R E S P O N S I O.

Calumniaris quantum potes. Non enim de Iesuitis ipsis, seu de eorum personis, sed de opinione eorum Molinistica loquitur Aurelius, nec de propagatione hæreseos, sed de imitatione doctrinæ. Quam dicere à Pelagianis ductam cur vobis contumeliosius est, quàm aduersariis vestris eorum sententiam esse Calvinianam, quod quotidie iactatis? Sæpè fucilem illam superbiam retudimus, & pudendum est prudentissimam Societatem criminosisimarum suarum in Aurelium querimoniarum speciosiores saltem causas proferre non posse.

P A G. 142.

*Afferit Societatem hoc vnum in vita sua moliri, ut Parochos deiciant, seque  
supra eos extollant.*

R E S P O N -

R E S P O N S I O.

Nihil eiusmodi est tota pagina. Tuum an typographi vitium fuerit; problema esto. Cæterum quàm studiosè sodales tui Parochis deijciendis, teque supra eos extollendis totis libris Anglicanis eorumque defensionibus incubuerint, dissimulari à te non potest, nisi ore durissimo, quod insigni conuitio frangi mereatur.

P A G. 144.

*Jesuitas vocat hominum iniquissimos, qui diuitiarum & paupertatis possessionem & excellentiam præ cæteris omnibus ad se trahant.*

R E S P O N S I O.

Iniustissimos ob eam rem vocari nihil mirum est; cùm nihil sit iniquius, quàm diuites simul & pauperes expilare; quod ab iis fit qui diuitias sibi simul & paupertatem eximiam arrogant. Diuitias autem egregiè quæri & trahi à Iesuitis supra cæteros Religiosorum ordines si negasset Aurelius; probabilius à te in crimen vocaretur, & omnium consensu exhiberetur. Paupertatē verò ab iisdem supra cæteros ordines assumi, probat eorum doctrina, & Spongia nominatim; quæ illis hoc præ cæteris eximium tribuit; quòd ipsis nihil accipere liceat, quo eorum labores compensari videantur; quod cæteris Mendicantibus licet. Præstaret Iesuitas Aurelij monitis ad suam vtilitatem proficere, quàm ad vanitatem protetuiamque maiorem, illum ob eas res criminando, quibus ad maiorem intra se humilitatem deijci, ad singularem autem in ipsum gratiam excitari deberent.

P A G. 144. 145.

*Multa petulantia contra Societatem scribit & contra veritatem. Queritur quod in agros & rura excurrere non soleant: nullam in colendis rusticorum animis operam ponant: multa malitiosè iactat de stipendiis ipsorum predicatorum, quos verbis ridiculis subsannat, tanquam Rhetorculos ridiculè gestientes, toti spumæ feruidi & pingue sonantes.*

R E S P O N S I O.

Iesuitæ Floydæ audaciam, qui Societatis suæ homines ultra aliorum omnium ordinum Religiosos à quæstu & mercedibus terrenis alienos in Spongia describit, quanto iure deprimendam & obterendam putarit Aurelius, nemo, opinor, non videt, cum ea re omnium penitus Ecclesiasticorum hominum & ordinum honori consuluerit, quem ferendum non fuit à Iesuita vno, reliquis plaudentibus & gratulantibus, inanissima Societatis suæ gloria offundi. Deprimendo autem illi fastui nihil aptius fuit, quàm vt exponeretur quàm stolidæ illi iactationi dissentanea sit sodalium Iesuitarum consuetudo.

Quàm verè sincerèque id sit factum, hoc loco videndum est. Certè enim nihil dixit Aurelius, nihil reprehendit in eo Excerptor, nisi res notas, & hominum fide dignissimorum, & testium oculatorum indicis compertas. Nam in ruta primùm non excurrere solere Iesuitas, nec rusticis labores suos magnopere adhibere, ita notum & perspicuum est, vt frontem amisisse necesse sit qui hoc neget Lutetiæ, vbi primariorum & spectatissimorum hominum ea de re sermones & querimonie quotidie audiuntur.



Quibusnam quæso rusticis operam suam impendere dici possunt, cum eos quorum in vicis beneficia opimiora possident, & quibus animarum subsidia, non iam gratuita illa quæ iactitant, sed iusta & necessaria debent, tamen passim desertos à se esse patiantur, eosque totis plerumque annis non semel adeant, nisi fortè reddituum explorandorum gratia? Quod quidem si negare ausint, ipsa rei euidencia & innumerorum mortalium testimoniis conuincuntur.

Quod verò de concionatorum ipsorum stipendiis malitiosè iactari dicis ab Aurelio, stipendia quidem ea ille non vocauit; cum hoc nomen adeo exosum esse sciret Societati, quamvis Scripturæ probatum; sed quæ illos eleemosynæ nomine percipere dixit ab Ecclesiis, in quibus conciones habuerunt, ea non à se, sed ab ædiliis, locupletissimorum in hac re testium, sermonibus & narrationibus familiaribus & minimè suspectis protulit, quas eorum passim testimoniis, quibus res eiusmodi notæ esse possunt, confirmari audimus.

Concionatores denique eorum quàm verè dixerit plerumque recentes è schola Rhetorices emergere, tam probat hominum consensus quàm huius Excerptoris conscientia, quam ille ad hoc Aurelio pro contumelia exprobandum inuitam sine dubio adegit, cum rem ita omnibus, multo magis domesticis Societatis, compertam, ex animo inficiari non possit. Quàm verò iidem ridiculè gestiant & exultent puerilis Rhetoricæ schematibus & apophthegmatum sæcularium pompa, audiuius sæpè ipsimet, & nobiscum plurimi homines. Quàm denique peregrino nescio quo ore absoni & pingue sonantes videantur, probat hic ipse Excerptor, qui ne hoc quidem sine solœcismo queri potuit. Si enim lingua Latina, in qua non solùm discenda, sed etiam docenda vitam conterunt, tam absurdè is vititur quem ex suis omnibus ad has collectiones conflandas potissimum elegerunt, quanto absurdiores sint eorum gregales in Gallica, quam in puerilibus scholis quodammodo dedidicerunt?

P A G. 145. 146.

*Exagitat auaritiam Societatis in occupatione beneficiorum, & pensionum Parochorum. Afferitque domum professam Parisi tantam eleemosynam contrahere, quantum alia omnes Religiosorum familiae, qui Lutetia degunt: multaue alia exaggerando congerit, & puerilia profert contra ædificia Societatis, ut ei inuidiam conferat.*

R E S P O N S I O.

Malè ea expostulas quæ vera negare non potes, & vel exaggerando congesta, vel pueriliter prolata, vel ad conflandam inuidiam quæ sita, dicere cogeris. Hæc omnia Aurelij sinceritatem demonstrant, quam tu nisi petitionibus obliquis adoriri non valeas, aperta verò fronte submouere non ausis. Ac sanè quæ de beneficiorum possessionibus, de pensionibus Parochorum iis beneficiis subiectorum, de ædificationibus & coemptionibus; de eleemosynis denique scripsit Aurelius, ea sunt in Gallia ita illustrata, ut omnium quodammodo oculis cernantur. Nam domum professam tantum stipis colligere, quantum alias simul Religiosorum Parisiensium familias, ipsorum Religiosorum, & quidem seuerioris instituti, & summa apud suos existimatione præditorum, testimonius dixit Aurelius. Ea verò

non ad inuidiam, sed ad subleuationem inuidiæ, quæ Ecclesiasticis ordinibus vniuersis à libellorum Anglicanorum Spongiarumque autoribus admouebatur, ex eo quod præ Iesuitarum Societate terrenis stipendiis & temporalibus lucris affixi dicerentur, ab Aurelio prolata esse res ipsa probat. Nunquam enim ista, quæ ex omnium memoria, & ex Iesuitarum ipsorum animis, deleta cuperet, in medium protulisset Aurelius, nisi ad audacissimorum Cleri & Ecclesiastici omnis ordinis insultatorum superbiam in ordinem redigendam id necessarium visum esset.

P A G 147.

*Ait Societatem mercimonia instituire, in oras Indicas nauigia destinantes: quibus ait proscindi Bullas Pontificias quibus Ordinum Mendicantium & pauperum classibus adscribuntur. Ibidem eos ignominiosè comparat cum fœmina comedente, & tergens os suum dicit non sum operata malum. Et iterum; ei hominum generi, qui excolabant culicem, camelum autem glutiebant.*

R E S P O N S I O.

Nihil minus dici debuit in præposteram eorum iactationem qui cum opibus circumfluant, Parochis tenuia quædam stipendia, & cum ipsorum diuitiis nihil conferenda, exprobrabant; & quod exiguas mercedulas, quæ Parochorum functionibus tribui solent, non capiant, iis se longè puriores, defœtiores, charitate pleniores gloriantur, etsi alias norint vias, quibus plus compendiorum die vno percipiant, quàm Parochorum locupletissimus pluribus annis parochiale ministerium obeundo. In gloriationis istius indignitatem scripturas illas, quibus eam inuisissimam esse videbat, meritò vibrari posse putauit Aurelius, cum si quid grauius in eam proferri potuisset, eo æquè digna videretur.

Mercimonia verò & nauigia in oras Indicas missa à Iesuitis, Hispania & aliæ regiones norunt & prædicant. Ac Iesuitas ipsos Anglos, libellorum impiorum autores ac defensores, constat & palam est panni Anglici vim magnam in Belgium, Galliam, vicinasque alias oras deuehendam & distrahendam curare, vnde magnam pecuniam redigunt. Nauigationibus etiam in nouam Franciam finitimasque regiones vt se admisceant, & quid lucri faciant Iesui Galli, Galliarum non est ignotum. Atque ita patet & mercimonia verè iis obiecta, & Bullarum Pontificiarum, quibus Mendicantium ordinibus inferuntur, elusionem.

P A G. 148.

*Ait Societatem nimio suorum amore captam, in eorundem cultum per idololatriam ferri: deinde multis Societatem arrogantia arguit.*

R E S P O N S I O.

Calumniaris simul & inani proteruia efferis. Calumnia est, quod queris scriptum esse ab Aurelio Societatem nimio suorum amore captam, in eorundem cultum per idololatriam ferri. Figmenta hæc tua esse, & tam nihil esse, quàm idolum nihil est. Aurelij oratio tibi demonstrabat, si per animi quietem legere potuisses. Non enim in suorum cultum per idololatriam ferri Societatem dixit Aurelius, sed ita eos amare, & supra cæteros homines efferre, vt simile quiddam habeat cum parentibus illis, qui nimio libe-

rorum suorum amore idololatriæ initia, Scriptura teste, pepererunt. Similitudinem ergo cum Idololatriis ei aliquam objicere voluit, non planam idololatriam, ut tu malignè simulas; ideoque verbis similitudinem tantum illam exprimentibus dixit, eam suorum hominum *quandam velut idololatriam fingere* videri. Idololatriæ autem similitudinem iis objicere, qui nimio in aliquem amore feruntur, etiam in quotidiano sermone situm est. Quare finge aliàs cautius criminationes tuas; nec pro illis tua crimina & mendaciæ planissima exhibe. Nam Societati quidem arrogantiam eo loco exprobratam ab Aurelio queri non debuisti, sed eius rei clarissimis argumentis ab eo illic propositis respondere. Superbiæ magnæ est, veritatis vim, quam nulla veritate effugere possis, fallacibus conquestionibus excutere.

P A G. 151.

*Societatem superbiæ reprehendit, vocans eum ordinem inordinatissimæ elationis, amare primos recubitus & cetera Pharisaica: imitari Luciferum, &c.*

#### R E S P O N S I O.

An igitur Societatis illius modestiam prædicari voluisses, quæ alumnorum suorum, magnum Soarium, alterum Alexandrum magnum, communem magistrum orōis, publica Collegiorum suorum professione prædicasse probabatur? Quæ eundem à suis Facultati Parisiensi ad invidiam sine causa opponi, & impudentissimis vocibus venditari pateretur? Quæ de illo atque aliis Theologis suis & Professoribus eas ipsa emitteret laudes, quas ne alienis quidem hominibus ullus pudor tribueret; sicut multis eo loco Aurelius exponerebat? Horum omnium causa reprehensam Societatis vestræ arrogantiam, & inordinatissimam elationem queri audes, cum eam ista ipsa expostulatione testatorem & confirmatorem efficias? Quamquam hæc, etli verissima & planissima, nunquam tamen Aurelius dixisset, nisi talem increpationem meruisset insolentissima Floydii insultatio in totam Parisiensem Facultatem, cui intentare ausus est istas voces: *Hoc asserit doctissimus huius aui Theologus Franciscus Suarez, cuius (rumpatur licet invidia) memoria vivet, cum fuerint ne hi censes, nisi fortassis ad infamiam, posteritas ignorabit.* Quam dementissimi hominis procacitatem, cui Socij palàm applausere, ante hoc tempus inauditam, & incredibilem, insigni aliqua obiurgatione tum in ipsum, tum in Societatem, quæ illum ferrer, imò foueret & gratularetur, contundere Aurelius debuit, nec Iesuitæ sine summa iniuria & superbia queri potuerunt, maximè cum ea, quæ ab ipso verissimè prolata sunt, non possint refellere. Quid mirum eiusmodi hominibus obiectam esse inordinatissimam elationem, vel arrogantiam Pharisaicam, vel primi Angeli genium, cum tali superbia præditos Scriptura dicat *incidere in iudicium diaboli*, & hunc patrem esse *super omnes filios superbiæ*? Laborent potius de abjiciendo hoc vicio, quam de fugienda illius fama, quam, nisi illud ejiciant, frustra fugere volunt. Nihil enim minus abscondi potest, quam superbia.

I B I D E M.

*Ait Molinistarum (quo nomine Iesuitas intelligit) hereses, & in iis improbituendis pernicacia & imperitia & præsumptio esse culpabilem.*

R E S P O N S I O.

Non ait esse culpabilem, sed ait esse *in confusione ipsorum*. Quod verbum videris de industria fugere, ne commemorando augeas illam ipsam confusionem, in quam Aurelius Societatem vestram, tantis alumnorum suorum erroribus & flagitiis, eorumque audacibus & imperitis defensionibus, incidisse ait, & tu tacito dolore agnoscis. Hæreses enim illas, & in illis tuendis peruicaciam, & imperitiam solis earum defensoribus tribuit, non omnibus generatim Iesuitis, vt semper nequissimè simulas; at confusionem & infamiam ex iis susceptam, toti Societati; quæ, vt eam effugeret, illas publico testimonio & publica noxiorum pœna à se amouere debuisset.

P A G. 157.

*Ait Societatis homines abusibus publicis uti ad delendam Ecclesiæ disciplinam.*

R E S P O N S I O.

Hoc scripsit in Soarium, & in Floydum, vanissimosque illos eius laudatores. Quàm verè, exprobrationibus ibi propositis spectandum est: quas tu, nisi fugeres lucem, non subticuisses, cum sine iis iure an iniuria queraris, discerni non possit. Quid autem æquius dici poterat in Suarem, qui ex eo quod Curatos diceret vulgò non assumere sua beneficia *animo permanendi in illis perpetuò*, sed *vel ad alia pinguiora ascendendi, vel renuntiandi cum aliquo emolumento, vel simplici pensione*, colligebat id *communi vsu receptum esse*, & Parochis verè licere; & ideo *parochiale munus non verum statum, sed ministerium esse*; quamvis illum, vt vocat, communem vsum canonibus Ecclesiæ aduersari fateretur? Quid hoc aliud est, quàm abusibus publicis, vt tua verba referamus, ad delendam Ecclesiæ disciplinam abuti? Si rem hoc pacto exposuisses, qua fronte Aurelij dictum reprehendere potuisses? Qua autem fronte illam aliter proponere potuisti?

P A G. 166. 167.

*Malitiosè Societatem vocat in odium Benedictinorum & Franciscanorum & omnium aliorum Ordinum; cum ex doctrina falsa infert eos illi perfectioni & præstantiæ cedere.*

R E S P O N S I O.

Verba tua ita misces, vt vix intelligi possint; ineptiam verò & malitiam manifestissimam facis. Nam in aduersarios suos eo loco differit Aurelius; ex quorum doctrina clarissimè infert, ordinem Iesuitarum Benedictinis, Franciscanis, & aliis ordinibus longè supereminere. Quod tu dum nec refellere potes, nec propositis vtriusque partis argumentis in medium proferre audes, ne Aurelij liquidissima veritas statim eluceat, fraudulentiam & imperitiam tuam eadem opera indicasti.

I B I D E M.

*Calumniatur, dum ait doctrinam Societatis religiosi ordinibus & Ecclesiæ refractariam esse.*

R E S P O N S I O.

Ad eandem fallaciam hæc pertinent; eoque magis, quod in solius Iesuitæ Floyd argumentationem eo loco disputat Aurelius, non in plures Ie-



suitas, vel in totam Societatem; quam ille quidem hoc vitio non absoluit, sed tamen nec damnat eo loco: quod nobis satis est ad fraudulentiae tuae conuictionem.

P A G 169.

*Iniuriosus est Societati, cum eos memorat perniciosos, inuerecundos, in rebus apertissimis tenebras spargentes.*

#### R E S P O N S I O.

In eandem fraudem includenda haec nota. Penitus intolerabile est Iesuitas tam foedè, tam confidenter, tam diu publicum ludificari.

P A G. 174.

*Tota est in scommatis, iocis, & sannis contra Societatem, vocans eos inanissimos homines, tanto contemptu & odio dignos, quantum inaudita arrogantia profitentur. Deinde ait illos haberi velle pro legatis Papa per totum orbem, Episcoporum non adiutores, sed collaterales.*

#### R E S P O N S I O.

Ne hoc quidem loco à rancida fallacia discedere potes. Adeo innoxiae sunt & inuiolabiles Aurelij paginae, ut sine absurdissimo figmento vix in iis perfidiosarum querelarumstrarum causam ullam probabilem, quam edere auderetis, inuenire potuissetis. Vnde patet non ex causis veris natas esse querimonias vestras, sed ex fictis querimoniis falsas eorum causas natas esse. Ne enim improbè conqueri videremini, causarum aliquid comminisci coacti estis, & verarum Aurelij increpationum sinceritatem malignitate vestra conspergere. Nam certè hoc loco non nisi in aduersarios suos Iesuitas Anglos, & in eorum doctrinam Aurelius velitur, & illius absurditatem exponit. In Societatem autem verbum nullum facit; nedum totam paginam consumit in scommatis, iocis, & sannis contra eam, ut audacissimè querularis. Adeo splendidum mendacium edis, ut tota pagina nihil scommatum aut iocorum habeatur, nisi quod tu hoc loco profers, ut ipsis oculis patet. Quàm autem à scommatis, & iocis, & sannis absint ea quae protulisti, quisquis sapit, profecto videt. Quis enim dicat eum, qui ex doctrina Iesuitarum scribentium religiosos coetus suo similes destinari ex suo instituto ad iuuandum summum Pontificem, eique inseruiendum in regimine vniuersalis Ecclesiae, (quod eo loco scripserat Spongia) non autem ad subseruiendum Episcopis, à quorum iugo se suo pre instituto immunes volunt, inferat Iesuitas esse ad regimen vniuersalis Ecclesiae destinatos, vniuersali quadam potestate praeditos, Legatos quodammodo per totum orbem Pontificios, Episcoporum non iam adiutores, sed collaterales, imò, ut praedicant, quodammodo praestantiores & eminentiores; quae sunt Aurelij eo loco ipsissima verba; Quis, inquam, hominem ita argumentantem scommatis, iocis, & sannis uti dicat in Iesuitarum Societatem, ac non potius aduersariorum suorum vanissimum dogma deducere ad absurditatem? Quis verò eos Iesuitas, qui talia dogmata pepererint ac defenderint, neget iure dictos vanissimos homines tanto contemptu & odio dignos, quantum arrogantiae profiteantur? Exhibe vendibiliiores Strophas, si quid iis assequi velis: & plausibilia crimina, si Aurelium in inuidiam trahere, non te eius loco supponere, decreueris.

I B I D E M.

*Ait Ecclesiam Dei, ordinem, & legem à Jesuitis calcari.*

R E S P O N S I O.

Hæc notula appendix est superioris ineptiæ. Quare idem expurgationis sibi habeat.

P A G. 175.

*Multis iniuriosus in Societatem, quam ait fallacias ieiunas, olidas, informes orbi objicere; quam etiam indicat datam in reprobum sensum in pœnam criminum suorum.*

R E S P O N S I O.

Tu verò in pœnam iniquissimæ Aurelij criminationis videris in hanc fallaciam velut in ergastulum coniectus; unde fiat, ut ex ea te extricare non possis. Alioquin, nisi Deus te cæcasset, incredibile videretur hominem Jesuitam à sociis ex tanto numero selectum, non tam ridiculè ineptire, sed tamdiu in tam ridicula ineptia implicari. Iterum enim traducis in Societatem quod dictum est in Spongiam illiusque commilitones. Inuehitur enim ibi Aurelius in fœdam loci D. Thomæ corruptelam, qua Spongia doctrinæ suæ subsidium elicere conabatur contra vim ac sententiam perspicuam verborum. Ideo cæcam vocat eam & illius adiutores, quod tam olidis jejunisque fallaciis doctrinam inauditam in totius orbis luce tueantur. Profectò si vniuersa Iesuitarum Societas Floydii erroribus assentiatur, sicut eos protegit, & à Censuræ reprehensionumque oppugnationibus potentia sua subleuat, eorumque infamiam ita auertit, quasi in Floydii fautorumque illius & propugnatorum defensione Societatis totius honor ageretur; quæcumque in Floydum & illius commilitones scripta sunt, in ipsam quoque scribi meruerunt.

P A G. 181. 182.

*Inuehitur multis in Patrem Binet Societatis Iesu Religiosum, quem vocat hominem, scenicis schematibus & fabellis natum, non tolerabilem testem rerum Theologicarum, habiliorē scribendis histrionicis quàm ad alia, spirituales scurras, mendacem, ineptum ad res Theologicas tractandum, contumeliosiorē in Clerum quem hæreticorum more impugnat, exhibentem denique conciones mimicas, & plura alia atrocia.*

R E S P O N S I O.

Tam ineptè & indignè oppositus fuit à Jesuitis damnatæ doctrinæ propugnatoribus Pater Binet, toti Parisiensi Facultati & Illustrissimorum Galliarum Episcoporum confessui, non semel, sed sæpius & ad nauseam, in Spongia, in Querimonia, in Appendice ad Censuram Illustrissimi Archiepiscopi Parisiensis, & tam ferociter illius nomine tantis autoribus insultatum est, & insultatum à scriptoribus Iesuitis, ut minimè mirandum sit Aurelium nimia indignitate commotum eripuisse illis & confregisse tam imbellem errorum tantorum clypeum, ne quis deinceps Iesuita aduersus sanctissimas Ecclesiæ autoritates illo abuteretur. Auxit stomachationem libelli quem objecerunt inanitas, ne quid amplius hoc loco dicam, perito certè homine minus digna, & pluribus absurditatibus & erratis, quorum partem in Spongiæ disputatione Aurelius demonstravit, inquinata. Ut si

indignum videretur obtendi aduersus antiquissimam & celeberrimam Theologorum Facultatem, atque adeò aduersus totius Ecclesiæ Gallicanæ Episcopos, Iesuitam vnum à Iesuita; multò indignius appareret toties ei opponi contemptissimum Iesuitæ vnius opusculum, in contemptissimo Iesuitæ alterius opusculo, & in proterua summorum errorum à tot Episcopis solenni damnatione percussorum defensione; & exemplum, ne quid eiusmodi vel in hac deinceps causa, vel in alia in posterum fieret, statuendum videretur, ex quo Iesuitæ discerent summa Ecclesiasticæ doctrinæ & fidei capita grauius, reuerentiùs, pudentiùs tractanda esse. His de causis, spectata, inquam, hinc rerum ipsarum grauitate, illinc auctoritatem amplitudine, tum proteruia & petulantia defensionis, denique indignitate aduersarij, qua sodalis ipsius vilissimum scriptum non solum ad rerum tantarum perniciem, sed etiam ad tantarum auctoritatum ludificationem, inusitato in Ecclesia more, obieciatur, facile quivis æquus iudex Aurelio concesserit, ut in indignissimam & inopinatam novitatem, maiore animi motu sic inuectus. Quamquam in Binetum nihil ab eo scriptum video, quod non communi hominum fama comprobetur, & omnibus passim sit in ore. Nam Bineti libellos rerum Theologicarum inaniores, fabellis & festiuis acroamatibus fartos, natumque ad ea ingenium Bineti quis nescit, quis non dicit? Conciones autem eius plerasque iocularès, & hilarandis auditorum animis appositas quis non audiuit? Hæc summa & vis est eorum, quæ de illo scripta sunt ab Aurelio, quæ totidem in Gallia confirmantur testibus ac iudicibus, quot sint, qui vel eius libellos legerint, vel audierint conciones. Nam quod addit eum dictum esse *spiritualem scurram à quibusdam minimè malis hominibus*; id verò non ille solum, sed & ego homines illi vel amicissimos audiui dicentes, non in contumeliam, sed in commendationem festiuitatis. Et omnino si rem attendat, non adeò durum, vel iniurium sibi putabit hoc verbum Pater Binetus, præcipuè ad normam piorum & deuotorum quorundam hominum, qui cum *spiritualem audaciam* inter viri boni dotes numerarint, dabunt in eis fortasse aliquid loci & spiritali scurrilitati. Non enim nisi eam scurrilitatem, quæ ad rem non pertinet, Apostolus excludit; qualis censeri non debet ea quæ est spiritalis. Cùm verò Euangelium, Christianos omnes *spirituales stultos* esse voluerit & fecerit, minimè criminofum videri debet apud Christianos quempiam spirituales scurras dictum esse, præcipuè non iniquo animo, & in defensionem honoremque veritatis indignissimè oppugnata. Non enim de industria locus ab Aurelio quæsitus est in Binetum inuehendi, sed injecta ei necessitas ab improvido & inconsultissimo scriptore Spongiæ Floyd, dum tam petulanter summis in Gallia Illustrissimorum Episcoporum, & sacre Theologiæ Facultatis auctoritatibus concionatorem regium Fontanum, & in eius libro loquentem beatæ memoriæ Reuerendissimum Episcopum Geneuensem opponit, ut tuendæ veritati, & amoliendis ab ea tantis obicibus, necessariò exponendum fuerit quid de Bineto, deque libello illo eius, quem Spongia obtrudebat, sentiendum esset. Nec verò magnam sibi, opinor, contumeliam illatam putauit Binetus, quicquid aiat Excerptor, eo quod ad res Theologicas enodandas dictus sit non admo-

dum idoneus esse; cùm eiusmodi gloriam ille non magnopere ambire, sed relicta sodalibus ad scholasticum natis Theologicarum rerum scrutatione, maiora spectare, & scientiam amplificandæ Societati aptiorem profiteri videatur. Quam cùm minus nosset iste Excerptor, scholis & ludo innutritus, nec augustius quicquam quàm regnum scholarum concipere posset, maximam P. Bineto contumeliam fieri arbitratus est, si Theologicarum rerum ventilandarum & accuratius exponendarum non ita peritus diceretur. Quam ineptiam Pater ipse Binetus haud dubiè ante omnes ridet, maiorumque sibi conscius, faciliè minora ista dimittit.

P A G. 183.

*Ait, si omnibus Iesuitarum erratis & mendaciis Censura adhiberentur, non fore Censurarum modum, & citius Censores defatigandos quàm illi corrigendos.*

### R E S P O N S I O.

Quàm verè hoc ab Aurelio dici potuerit probat in primis ille ipse, de quo ibi agitur, Bineti liber, probant tot libri Iesuitarum paucis annis damnati, tum Parisiis, tum Romæ, tum alibi, & nouissimè opera omnia Pozæ Iesuitæ in nouo Collegio Imperiali Madriti Professoris, à sede Apostolica proscripta; probant denique passim libri ab eorum Societate manantes, & illi quidem præcipuorum Societatis Antesignanorum, quorum errores, qui à peritis clarissimè perspiciuntur, grauiores plerumque & scædi, aliàs minores & imperitiæ tamen non paruæ, si ab vllis Censoribus scrutandi, & sigillatim inurendi essent, nullius certè Censoris sedulitas tanto labori sufficeret. Si enim in Suario, quem magistrum orbis fecerunt, tot naxi & maculæ vbique se offerant, vt Aurelius professus est & argumentis ostendit, quid de cæteris censendum, quos longè illi subjiciunt?

P A G. 191.

*Dicit Iesuitas nomen Monachi respuere & dedignari, ne quis eos pro hominibus silentio & solitudini deditis acciperet, sed pro nouo quodam hominum genere ad regendum orbem anhelante; multa que alia contra Societatem effundit.*

### R E S P O N S I O.

Nihil effundit contra Societatem, cùm de ea hoc vnum queratur, quod iam pridem conquesti sunt plerique pij homines, eam, contra superiorum Societarum ipsi similium consuetudinem, nomen, mores, ritulque ipsos Monachorum auersatam esse. Cuius rei cùm nullam fuisse idoneam causam probet eo loco Aurelius, colligit nihil aliud videri fuisse, cur nomen similibus omnibus religiosis semper familiare & charum Iesuitæ primi omnium respuerint, nisi quod à solitudine & silentio alieniores, ad maiorem quandam aliis potentiam, & rerum humanarum implicationem anhelarent. Cui coniecturæ ita suffragatur rerum euentus, & quotidiana per omnes regiones, vbi Iesuitæ versantur, experientia, hominumque fama, vt vix coniectura dicenda videatur, nec nisi ridiculè reprehendi possit ab Excerptore, cùm sola illius prolatio hominum fidem Aurelio conciliet, testimonium intus perhibente conscientia ipsorum.

P A G. 195.

*Calumniatur Societatem quod cùm alij ad functiones Ecclesiasticas admittantur*



*precarior, illi pratendant ius; alij petunt admitti ut infamiam vitent, Iesuita laudem; palmam, camque eximiam volunt; alij petunt admitti ut serui, Iesuita ad sustinendum uniuersalis Ecclesiae regimen simul cum Pontifice.*

## R E S P O N S I O.

Tædet me futilitatis tuæ, cuius te ipsum non pudet. Cur simulas in Societatem dici, quæ scribuntur ab Aurelio in aduersarios eius Iesuitas Anglos, quorum sunt illa capita quæ ibi refellit comparatione doctrinæ sanctorum Bonauenturæ & Thomæ, à noua ista longè diuersissima? Profectò videris illis inuidisse nobilitatem palmæ, & dedisse operam, ut sicut ille aduersarium insulsißimum oppugnavit, ita ab insulsißimo oppugnaretur. Viderit Iesuitarum Societas num hæ reprehensiones in ipsam cadant. Cadunt enim certè, si Floydò assentiatur, eosque sicut adiuuat, ita probet.

P A G. 199.

*Insimulat illos imperitißima & stolidißima arrogantia.*

## R E S P O N S I O.

Hæres in eodem luto, è quo frustra te eripere laborem, cum quoties eripui, toties eodem subito sis relapsus.

P A G. 200.

*Ait illos ad Iudaismum & Pharisaismum transfugere.*

## R E S P O N S I O.

Probas quod dixi. Iam enim eodem es relapsus, & ea Societati generatim affingis, quæ in certos Iesuitas, quos ibi Aurelius refellit, sunt scripta. *Si lauerim te nitro, & multiplicauerim tibi herbam borith, non auferetur macula prauaricationis tuæ.*

P A G. 201.

*Dicit eos fratres & coniuratos, & coniurasse non solum in eandem arrogantiam, sed etiam in eandem ignorantiam.*

## R E S P O N S I O.

Hæcine credibilis est, non iam fallacia, sed stupiditas? Quod enim ab Aurelio de Floydò autore Spongiæ in eandem arrogantiam & inscitiam conspirante cum sociis, qui Nicolai Smithæi libellum eiusque appendicem ediderunt, scriptum est, iste, ut sui similis ad extremum usque esse pergat, transcribit in totam Societatem, magis illius criminum cupidus quam Aurelius, qui tot locis eam non attigit, ubi iste illius crimina rimatur.

P A G. 216.

*Odiosam reddit aliis ordinibus Societatem, eius typhum & superbiam, ventosas inanitates, animosißima studia, & subdola consilia cum Luciferi superbia comparans, quasi ut ille singulos, sic ista ordines alios pervertere studeat.*

## R E S P O N S I O.

Tu verò omnem dictorum Aurelij ordinem pervertere decreuisti. Adcò nihil quomodo ab eo scriptum est accipere potes. Disputat enim illic Aurelius in autores librorum damnatorum & in eorum defensores, in quibus Iesuitæ omnes Angli & Belgicorum Iesuitarum pars maxima, quorum omnes professores, Nicolai Smithæi doctrinam, quæ eadem est cum illa Apologiæ Danielis, approbarunt. In illos omnes & in eorum typhum agit, quo potius quam tot Ecclesiæ Episcoporum vnanimi iudicio quic-

quam concederent, varios variorum ordinum approbatores & fautores doctrinæ impiæ collegerunt. In quo primi Angeli, alios Angelos ad suas trahentis partes, factionem eos dicunt emulati: quia notissimum est religiosos in Ecclesia conferri Angelis, eorum virtutes & vitia, vitiis ac virtutibus Angelorum, ut passim Theologi & Patres docent. Nihil ergo hac comparatione inferretur contumeliæ Iesuitis, aut ulli ordini religioso, sed vltatissima in Ecclesia doctrina exponitur tam probis religiosis honorifica, quam malis horrenda. Nec hoc in totam Iesuitarum Societatem collatum est ab Aurelio, nec in eam conferri potest, nisi quatenus ipsa dogmata & flagitia eiusmodi saltem dissimulat & fouet, illorumque autores & adiutores sua potentia & factione ad eorum defensionem abuti permittit, qua ad illorum compressionem & publicam famæ suæ expurgationem ipsa potius uti deberet. In quo etiam culpâ non vacet, nec parum infamiae sibi colligat, & domestici typhi plurimum ostendat, & gloriæ suæ præposterum studium declaret, præcipua tamen & prima eorum est culpa, qui tantarum novitatum & enormitatum inventores & incentores fuerunt, earumque propagatores hodièque se præbent.

P A G. 231.

*Dicit Iesuitas nullum alium habere locum posse in Hierarchia nisi dominantium, quia proprium illud insigne quocumque se conferant secum trahant, Casares aut nulli sint necesse est.*

#### R E S P O N S I O.

Si sciperes non exhiberes hoc acroama ab Aurelio ad calcem disputationis cuiusdam ad reficiendos lectorum animos amœnitatis causa iniectum. Nam Iesuitas principem ubique locum ac præcipuam potentiam auctoritatemque exquirere, ita omnibus exploratum & expertum est, ut paucos esse putem, qui hanc tuam notam legere possint sine imprudentiæ tuæ irrisione.

P A G. 236.

*Ait illos literarum & scientiarum imperium sibi struere.*

#### R E S P O N S I O.

Truncas eius orationem. Non enim ita loquitur, sed in hunc modum; *Eos sibi literarum & scientiarum imperium iampridem sublimium cogitationum vacuitate struere, & abiectissimæ ignorationis plenitudine confirmare.* Cuius orationis priorem partem, *Iesuitas sibi literarum imperium asciscere*, antè probauimus ad similem hac eadem de re querimoniam tuam, eamque probatione non egere ostendimus. Posteriores, *eos abiectæ ignorationis plenitudine confirmare sibi videri*, probant disputationes Aurelij, & in eis abiectissimi Spongiæ & præcipuorum Societatis scriptorum errores, à tot Societatis professoribus pertinaciter probati, ab aliis non reprobari, sed fori & adiuti, si non propter eorum assensum, certè propter honorem Societatis, quem honori Ecclesiæ & veritatis anteponere videntur.

P A G. 241.

*Acerbissimè debacchatur & declamat per folia quinque contra scriptores Societatis, quos vocat odiosas vesparum aut tabanorum acies. Dicit, antea aliquis pudor erat, nunc Iesuitica ambitionis aura & falsa gloria emulatio pestilenti con-*

*Secundum  
prioris  
editionem.*

tagione omnia corrumpit : pergit deinde acerbissimis conuitiis, quales sunt, illos vilissimæ imperitiæ mercimonia proponere ausos.

## R E S P O N S I O.

Calumniaris semper, qua mente cœpisti. Nam nec *per quinque folia*, ut ais, imo vix per quinque pagellas agit illic Aurelius in scriptorum huius sæculi intemperantiam; nec ea quæ dicit, in scriptores Societatis debachatur, ut narras, tanto Societatis tuæ amore obsessus, ut quicquid increpuerit, in eam impetum fieri ridiculè suspiceris; sed disputat generatim de immensa, & in dies exuberante scriptorum huius æui multitudine ac luxurie, qua magna literarum meliorum pars oppressa contabuit, quasi vesparum aut tabanorum acie in purissima mella irruente. Nec propria est Aurelij huiusmodi querimonia, sed peritiorum & accuratiorum quorumque; quorum sermones & libri pleni sunt dolore & luctu literarum compilatorum istorum, vel expilatorum, audacia & præcoci temeritate laborantium. Non ergo hoc vitium Iesuitis proprium Aurelius fecit; quamuis eos illud in primis auxisse, & suo exemplo vulgasse affirmarit, præpostero quodam celebrandi sui nominis amore, & amplificandæ gloriæ Societatis. Quo fit, ut nemo penè apud eos scribendi facilitatem vllam sit nactus, quin ad scribendum de rebus plerumque grauissimis admoueat, dum styli procliuitate scientiam metiuntur, & quicumque facilibus verbis implere pagellas possunt, necessaria ad maximas res pertractandas peritia instructi censentur. Hinc tanta apud eos scribentium effusio, & in eorum plerisque libris nihil nisi popularis quædam loquacitas & mobilitas styli, densi errores ac navi, sciolorum temeritas ea, quæ nunquam conceperunt, egerantium. Si hæc contumeliosa Societati putantur, contumeliosiores in eam sunt qui faciunt, quàm qui dicunt, & ideò dicunt ut fieri desinant, & Societatis honori scientiarumque integritati maiori scriptorum maturitate consulatur. Tu saltem qui sine solæcismis non modò tua scribere, sed ne aliena quidem excerpere potes, ante omnes coercendus es, ne tuo exemplo alij non iam calami volubilitate pro peritia abuti incipiant, sed solæca ipsa, & ne quidem Grammatica oratione Societatis gloriam attollere aggrediantur.

P A G. 242.

*Hoc habes infranium ingeniorum intemperantia, vel, ut dixerim, furor.*

## R E S P O N S I O.

Hæc pertinent ad superiora, & dicuntur, non de Iesuitis nominatim sed de hominum quorumuis libidine ad scribendum promiscuè de rebus, quas non capiunt, irruentium. Qui cùm ab eo æstu continere se non possint, nec vlla, quæ sanis hominibus in mentem venire solet, ratione reuocari; meritò is morbus furori cuidam comparatur, & acrioribus Dei, aut potestatum Deo minorum remediis egere dicitur.

P A G. 242.

*Nihil habent (Societatis scriptores) nisi meros fucos, vulgatissima cantica, elementa quotidiana scholarum.*

## R E S P O N S I O.

Eodem referenda hæc ineptiæ & fallaciæ tuæ lacinia. Non enim de scriptoribus

ptoribus Societatis, sed de quibusuis vniuersè qui necessariis ad res summas indagandas adiumentis inopes sola versatilis styli fiducia & garrulitate ad scribendum se conferunt. Quorum etsi plerosque Iesuitas esse dicat, non tamen eos propriè reprehendit. Verè autem an falsò reprehendat, stultè iudicari vult Excerptor ex sola sua conuestione, quasi eam protulisse sit probasse; cùm contrà Aurelij dictum eruditis hominibus, & ad eiusmodi iudicia idoneis, vel sine probationibus probetur & sua sponte luceat, & illud ipsum sit, quo ipsi quotidie vtuntur.

P A G. 243.

*Portenta ista sunt, non scripta, animorum insidia, non mentium subsidia; & alia quàm plurima de libris Societatis.*

R E S P O N S I O.

Non loquitur eo loco de libris Societatis, sed de solo libro Thomæ Sanchez de Matrimonio, ita perniciosa & infami curiositate horrendo, vt paucorum utilitati, plurimorum exitio sit aptissimum, & ab impuris hominibus studiosè versetur ad scelerum disciplinam, quam nusquam alibi talem reperiunt, vt exemplis illustribus nobis constat. Quare nihil ea de re scribit Aurelius quod non per se liquidum, & piorum piæque eruditionis amantium hominum suffragiis iam pridem sit firmatum.

P A G. 244.

*Dicit se tam acerbè scribere ad necessariam enormis arrogantia & stultissima ambitionis compressionem, & multa alia atrocia.*

R E S P O N S I O.

Si locum exposuisses, non haberes quiritandi locum. Increpat enim Aurelius Spongiz superbiam; quòd tot & tantis Illustrissimorum Gallia Episcoporum & totius Parisiensis Facultatis autoritatibus opponere ac præponere ausa sit Iesuitæ vnius Thomæ Sanchez nouæ hæreseos, quam ab eo acceperat, inuentoris autoritatem, eamque nescio quibus doctrinæ & sanctitatis elogiis exaggerare. Hoc intolerandum fuisse dicit & grauius obiurgandum, ad arrogantia enormis & stolidæ compressionem, ne quis aliorum in posterum istud delirium imitetur. Quæ hîc contumelia? Quæ iniuria in Societatem tuam, cui beneficium potius datur, dum eius homines publicè lasciuentes ad modestiam & temperantiam rediguntur? Ipsa Aurelio in hoc facto obsecundare deberet, non te insulsum aduersarium illi obiicere, quasi minus horreret grauissimas suorum culpas, quàm earum verissimas reprehensiones.

P A G. 248.

*Dicit perfidias hæreticorum patienter in posterum tolerandas, cùm à Iesuita omnium Sociorum studis subnixo, vel superari, vel exæquari videamus.*

R E S P O N S I O.

Iterum locum exponere debuisti, vt pateret virum iure Aurelius Iesuitam Floydum arguat, an tu iniuriâ ipsum. Sed fugere vim veritatis, & soli tuo dicto fidem haberi velle dum alterum reprehendis, prudentia & modestia tua est iam notissima & frequentissima. Nam Aurelius refellit eo loco fraudes & mendacia Spongiz tam multa in vnum locum congesta, & tam fœda ac plana, vt Catholico homine prorsus indigna sint, nec ab hæreti-



cis indigniora obtundi soleant. Tueri ea debueras, si falsò ab Aurelio reprehensa videri volebas. Nunc ei non verecundiâ, sed silentio & conscientiz tuæ iudicio suffragaris. Nam Iesuitam Floydum Spongiæ autorem, non solum in hoc stadio versari, sed Sociorum omnium studiis opibusque suffultum in Anglia & in Belgio, apertissimè suprâ ostensum est, nec licet tibi amplius in re testatissima caliginem offundere & tergiuersari. Belgæ enim & Angli sodales assensu sunt suffragiis Nicolai Smithæi Discussioni, id est, Apologiæ & Spongiæ Floyd, quarum nomina plura sunt, res autem vna. Procacissimis verò doctrinæ illius defensionibus non iam suffragiis adstipulati sunt, sed triumphis & gratulationibus in Anglia & in Belgio minimè obscuris ac solennibus, ut regionum illarum homines fide dignissimi testantur. Aliarum gentium sodales si minus fortè assensu suffragentur doctrinis & defensionibus istis, quod de Iesuitis Gallis dici non posse ostendimus, tamen adulantur & conuiuent, earumque damnationibus & confutationibus omni ope aduersantur propter honorem Societatis, quo nihil maius & antiquius habent, ne quidem Ecclesiæ honorem. Ita eorum partim suffragantium, partim adulantium studiis atque opibus subnixum Floydum in scripta illa prorupisse Aurelius dixit, & audaciam eam concepisse, quam si quid seueritatis & disciplinæ in Societate esse putasset, nunquam suscipere ausus esset.

P A G. 251. 252. 253.

*Vehementer agit in P. Binetum Societatis Iesu Religiosum, quem ita ait profanare & detruncare Scripturas, & eas ita corrumpere, ut ab homine, ipsa stoliditate superbiente, fluere videantur. Deinde dicit dictum quoddam improbè falsum fictumque à Bineto. Et interpretationem quandam ab eoullatam sacrilegè aduersus Euangelium concinnatam. Sed condonandum ait sacrilegium Binetiano Patri, cui talia multa condonari debent, &c. Et tandem dicit se nescire, an in Bineto plus sacrilegiorum & corruptionum Euangelij, an leuitatis & absurditatis ingenij insit.*

#### R E S P O N S I O.

Malignè iterum obiurgationes Aurelij refert sine earum causis, ut quia cum illis æquissimas & sanè moderatas videri necesse est, sine illis iniquæ & acerbæ videantur. Nam quæ hoc loco narras in P. Bineti librum dicta, si per se spectentur, dura & vehementia sunt; si conferas cum mendis & supinis erroribus P. Bineti eo loco à Spongia oppositi, nihil habent quod cum eorum indignitate conferatur. Tot enim Euangelici textus adulterationes & corruptelas intra pauca verba conclusit illic P. Binetus, tam manifestas & pingues, & rationibus tam insulsis contexuit locum à Spongia obiectum, ut id manifestas Aurelij confutationes non legenti incredibile videatur. Quod si vnicum in Euangelij oracula sacrilegium quauis non reprehensione, sed pœna dignum est; si Deus iis qui ad legem suam quicquam adiecerint, vel ademerint, tot acerba minatus est; quid tot & talia in locum exiguum coaceruata à Bineto in Euangelium ipsum piacula increpationis non meruerunt? Quid verò indignationis concipere non debuit Aurelius, cum hominis Theologiæ non peritissimi tam futile opusculum, toties tantis tot Episcoporum & Theologorum autoritatibus tanta fiducia obiectari videret?

P A G. 259.

*Dicit sodalitatem Iesuitarum ( ut vocat ) mundo implicatorem , vulgari vitæ propiorem, &c.*

R E S P O N S I O.

Nihil ne te pudet ? Quid obsecro criminis est, si Iesuitarum sodalitas dicatur mundo implicatior, vulgari vitæ propior, à solitudine alienior quàm vita Eremitarum; quod eo loco dixit Aurelius ? Hæc illius vitia, antea stoliditates vel fallaciæ haberi debent ? Qui comparisonem ab eo ibi allatam dissimulasti, illiusque vnicam partem mutuatus es ad ineptissimæ reprehensionis figmentum.

P A G. 262.

*Dicit illos connisi superbo spiritu, dominatus & excellentiæ cupiditate, deicere diviniſſimam Episcoporum dignitatem.*

R E S P O N S I O.

Oblivisci non potes superiores calumnias. Nam ista quæ carpis scribuntur ab Aurelio in aduersarios cum quibus certat, & quorum scripta oppugnat, non in omnes Iesuitas.

P A G. 269.

*Ait infra nes rebellium animos & populares impetus bellè hætenus Iesuitas in Ecclesia referre, nullamque vereri potestatem, neminem suspicere maiorem.*

R E S P O N S I O.

Eadè hæc ineptia est. Dissertitur enim ibi ab Aurelio in aduersarium duntaxat, & in eius commilitones, ut ex ipso loco patet; Societatem autem per se Iesuitarum non attingit. Quamquam videt eam passim ab eruditis reprehendi, quod humanam libertatem exaggerando eam ita inflet & attollat, ut à moderatione libertatis ad licentiam transferat, & ita in idem vitium quod aduersariis suis obiicere solet, ipsa incidat, veramque hominis libertatem expoliet. Quam in partem si trahere velis Aurelij verba, ut ad totam Societatem pertineant, nihil quidem à veritate alienum feceris, quod attinet ad famam Societatis; licet Aurelij orationem eò, quò minimè necesse est, adduxeris.

P A G. 275.

*Insolens dictum in Societatem: Quenam, ait, ista est Iesuitica proteruia, ut se reliqua omni Ecclesia maiores, sacris omnibus diuinisq; rebus excelsiores existiment ?*

R E S P O N S I O.

Iam patet te non malevolentia impetu, sed naturæ vitio ruere toties in eandem fraudem, cum ab ea nusquam deflectas. Quod enim hîc vocas insolens dictum in Societatem, insolens tuum est in eam commentum ab Aurelij mente eo loco remotissimum. Manifestè enim loquitur aduersus Iesuitas Anglos aduersarios suos, qui cum Episcopos, qui Regulares non fuerint, idoneos esse non posse dicerent Regularibus dirigendis, apertissimè seipso Ecclesia omni & sacris diuinisque rebus, quibus administrandis Episcopi idonei esse debent, maiores & excelsiores fecerunt, cum eos, qui illis pares sunt, ipsis tamen dirigendis pares non esse affirmarent. Resipisce saltem in posterum, & si quid in Aurelium manu tibi prurierint, vide ne

insolentia in eum & Societatem dicta tua ex verissimis illius dictis à te vel non intellectis vel distortis, elicias.

P A G. 281.

*Contumeliosus est in Societatem, dicens eam omnia prius veri ac ruere pati, quàm quidpiam à se secus dictum ac factum agnoscat. Hoc est (inquit) Molinistica factionis genium, &c.*

#### R E S P O N S I O.

Si malè reprehensam putabas Societatis tuæ hac in re consuetudinem, docere debebas quemnam ex tot libris ab ea profectis, qui variis locis damnati fuerunt, ea vnquam à se reprobari sit professa publico & dilucido documento. Quod si facere non poteras impotenter arguisti Aurelium id quod refelli non potest arguentem, maximè cùm idem libris Iesuitarum Anglorum tot Episcoporum & Theologorum vnanimi autoritate damnatorum, tot erroribus & flagitiis scatentium, vt eos vos ipsi simulare verbis cogamini vobis improbari, clarissimè confirmetur; cùm eorum librorum errores non solùm nondum agnouerit Societas, sed eos sua omni factione & potentia tegere & subleuare conetur.

P A G. 287.

*Concludit paragraphum improbè hisce verbis; sed in his verè & sine fallacia dicimus cecutire Molinistas (vt vocat Iesuitas) gratia Dei & status Evangelici ignarissimos, penè dixerim inimicos.*

#### R E S P O N S I O.

Hæc verba improba vocas, quibus multò acerbiora in eos, qui à vestris opinionibus Molinisticis dissentiunt, vos quotidie coniicitis, eos humanæ libertatis infractores, & Caluini assecclas vocitantes? Quamquam illo loco in aduersariorum suorum cæcitatem, & inscitiam, & grauissimam status Evangelici & Episcopatus dedecorationem loquitur Aurelius, ne tua in hac reprehensione ineptia simplex & vnica videatur.

P A G. 292.

*Improbum est quod dicit, sed hæc à Molinistis ignota sunt, quibus diuinæ gratiæ scientiam ignorare ludus est.*

#### R E S P O N S I O.

Quis ergo Theologorum qui Molinæ Molinistarumque errata videat, quæ vident omnes qui ab ipsis dissentiunt, non passim testatur eos diuinæ gratiæ vim nolle agnoscere, illiusque esse ignarissimos? Non reprehenderes hæc in Aurelio si quicquam sciperes; nec improba diceres, nisi in eos qui contrà sentiunt, multo plura dicere paratus esses.

P A G. 297.

*Ait Iesuitas nihil magis habere quàm arrogantiam Theologicam, nihil minus possidere quàm scientiam Theologicam.*

#### R E S P O N S I O.

Quid minus obsecro eommeruit Iesuitarum Spongiæ autorum impudentia, qui post absurdissimam doctrinam suam propositam ita insultarunt Parisiensi Facultati; Sed hæc subtiliora sunt, & ad hanc Episcopatus fastigij lucem Censores nostri bubonum instar, sat scio, cecutiunt. Et deinceps petulantissimè. Quam eorum doctrinam cùm Aurelius summæ imperitiæ, summo-

rumque errorum Christianæ religionis principiis aduersantium conuicisset, quid conuenientius dicere potuit in fiduciam, qua illam asseruerant, quàm eos nihil magis habere quàm arrogantiam Theologicam, nihil minus quàm Theologicam scientiam?

P A G. 304.

*Dirius hic de Societate ait; Si quid in tua Societate disciplina, si quid modestie superesses.*

R E S P O N S I O.

Cedo qua de causa hoc scriptum, ne toties ineptissima increpationum Aurelij mutilatione lectoribus illudas. Obiurgat enim eo loco miram ferociam & impotentiam Floyd, pro qua eum dicit graui iam pridem poenæ subiiciendum fuisse, si quid in ipsius Societate disciplinæ, aut modestiæ superesset. Nec enim tales æstus ferre posset familiæ vilius religiosæ seuera disciplina, nec tantam impudentiam vlla modestia tegere & dissimulare vellet, sed merita stomachatione ad eam expiandam incumberet. Quæ Aurelij oratio ita æqua & perspicuè vera est, vt nullum mentis compotem ei aduersari posse putem.

P A G. 313.

*Infelices imperitique Iesuitæ &c. Et iterum; Sola errabundi arbitrij temeritate in summa Christiana rei mysteria alliduntur. Domine ignosce illis, quia nesciunt quid faciunt.*

R E S P O N S I O.

Ea erant eo loco aduersariorum errata & imperitiæ prodigia, vt precibus potius quàm argumentis sananda viderentur. In solos enim illos hæc scripsit Aurelius, non in quosuis promiscuè Iesuitas & in totam Societatem, vt absurdissimè semper simulas.

P A G. 314.

*Vocat illos nouatores.*

R E S P O N S I O.

In eosdem rem inauditam inuehentes hanc vocem confert; quam tu sæpiùs iam audita & exoleta tua fallacia in vniuersam Societatem transfers.

P A G. 322.

*Agit de castitate Societatis, dicens quod nulli sint Regulares tenuiori castitate, nulli remissius ei hærent, nulli facilius ab ea discedunt, utcumque Superior innuit, penè ipsi volunt & volatica lenitate nupturiunt, aliaque habet atrocita.*

R E S P O N S I O.

Dicere ista coactus fuit ad deiiciendum eorum Iesuitarum fastum, qui regularis suæ castitatis amplificatione sacerdotalis & Episcopalis status castitatem extenuare conabantur. Verè autem an falsò dixerit, ipsa res indicat; cum manifestum sit nullos esse Religiosos, qui facilius voto castitatis soluantur, atque ita tenuius ei hæreant, quàm Iesuitæ; qui ad nutum Superioris eo liberari, & ad nuptias transilire posse dicuntur. Et quamuis solo Superioris imperio discedere possint, tamen illud imperium facile ipsis est clicere & extorquere, vbi eos discedendi cupido ceperit, ea nimirum facta eosque mores Superioribus exhibendo, quibus eos continuò dimittere cogantur. Hæc si atrocita sint in Iesuitas, vt ait Exceptor, atrocissimi ipsi in se iunt, qui tali lege quotidie vtuntur.

g. iij



P A G. 342.

*Iesuitas in fædo errore versari.*

## R E S P O N S I O.

Nonne ridiculum est te ferre non posse Iesuitas illos qui damnatas hærescos à tot Episcopis doctrinas ferociter propugnent, dici *in fædo errore versari*? In eos enim solos istud scripsit Aurelius. Ac nonne æquè absurdum est id quod in eos scriptum est, toties iam in totam Societatem à tetra-  
duci?

P A G. 343.

*In illa (inquit) tanta perfectionis arrogatrix Societate.*

## R E S P O N S I O.

Ad hominem hoc dicit in Floydum & socios eius, sodalitatemque eorum Anglicanam, Belgicam, & aliarum regionum, in quibus eorum doctrina probata est, nimium sibi perfectionis etiam super statum Episcopalem arrogantes. Quam eorum arrogantiam quamdiu non improbat palàm Societas, probare censetur, quicquid apud se sentiat; & tam improbæ solenniterque damnatæ doctrinæ dedecus in se quoque redundare pati debet, & sibi exprobrari etiam si à paucis tantum priuatis Theologis suis profecta esset. Si enim Apostolica quæ à singulis fidelibus admittuntur, totis ipsis Ecclesiis ascribere solent, & eorum causa illas carpunt & obiurgant, præcipuè ubi illæ Ecclesiasticam in eos disciplinam expromere non laborant; quanto magis imputanda est Societati Iesuitarum impia doctrina publicè effusa, solenniter ab Ecclesia per tot Episcopos damnata, nisi eam illiusque autores improbare & compescere se demonstret pro ea qua in illos pollet potestate, præcipuè cum eam doctrinam coniunctis sodalitiis suorum per tot regiones opibus ac studiis propugnari videat? *Duobus modis non te maculat malus, si non consentias, & si redarguas.*

*Anqu? de  
verb. Dom.  
serm. 18*

P A G. 346.

*Illos vocat malignos & miseros stultissima ignorance laborantes. Addit illos auersari Episcopos, quibus in specie subsunt.*

## R E S P O N S I O.

Imperitissimè refert Aurelij locum, quem non intelligis. Sed tamen quid dignius scribi potuit in Iesuitas illos qui libris suis tantum ignorantia & fraudis & contemptus in Episcopos effuderunt? Suadeo sodalibus tuis ut homines in posterum deligant, qui si causam tueri non possint, eam saltem tam stolidè non prodant, & miseriam eius ostendent.

P A G. 349.

*Grauiissimam calumniam habet dum ait Iesuitas, nec ipsi quidem Deo diuinisque legibus parere.*

## R E S P O N S I O.

Hæc calumpnia tua est, non tam grauiissima quàm vsitatissima & inepta. Non enim Societatem vniuersam, ut fingis, sed aduersarios illos suos oppugnat Aurelius negantes id in Anglia licere, quia per Angliæ leges sit capitale, quod diuinæ leges præcipiunt. Qua re ab Aurelio clarissimè demonstrata, nonne sequitur Iesuitas illos ne Deo quidem diuinisque legibus obtemperare? Quid ais acutissime Excerptor?

*Mira verborum petulantia per totam paginam in illos inuehitur, arguens eos hærescos, persequentes aut Ecclesiam Dei volentes & scientes, infidi Deo, sui immemores, prauaricatores Religionis effecti, factiosi, scandalosi, & similia multa.*

R E S P O N S I O.

Si intelligeres Aurelium, grauius te hoc etiam loco increpatem. Sed quia te non intelligere toties probasti, idque oratio tua passim. scelericis fœda facile confirmat, religio esset hominem sola inscitia peccantem durius insectari. Temeritatis tamen culpam effugere non potes, qui te, ne quidem excerpendis Aurelij locis idoneum ei opponere sis ausus, nec reprehensionem multò maiorem euadere poterunt tui sodales, qui potissimum te ad hoc opus ex tanta ingeniorum vbertate delegerunt. Certè enim laberis hic quoque in fallaciam tuam illam putidam & infamem, qua quod in Iesuitas libellorum Anglicanorum autores & defensores est scriptum ab Aurelio, deriuas in totam Societatem. Eos enim ille hærescos arguit; Eos Ecclesiam Dei persequi, volentes & scientes, mirabilibus nimirum fraudibus & fallaciis; Eos infidos esse Deo; Christianæ religionis prauaricatores, cuius mysteria euertunt; sui immemores; factiosos; scandalosos; contumeliosos; & eiusmodi alia, quæ toto Epilogo in eos dicuntur, affirmat. Neque dum id facit, contumeliarum vel iniuriarum argui potest, nisi ab iis qui etiam Illustrissimorum Antistitum & sacræ Theologiæ Facultatis in eorum libros Censuras contumeliosas & iniurias dicere velint vnà cum illis qui eas petulantissimè oppugnarunt. Hæc enim omnia nomina in libros, quorum isti autores sunt & defensores, collata sunt à Censoribus, nec ab Aurelio, cum in eorum indignissima responsa scriberet, dissimulari potuerunt, sed repræsentari & ingeri audacissimis hominibus, ut eorum commemoratione depressi, in posterum saniores & quietiores existerent, qui alia nulla ratione frænari potuerunt. Te quoque ob tam insulsam & malignam errorum Aurelij collectionem pro meritis accipi oportebat. Sed quia id minimè iam necessarium est huic causæ, quæ magis Ecclesiæ quàm Aurelij est, cuius in hoc negotio nulla res agitur, sed sola Ecclesiæ veritas & autoritas & honor; nihil aliud pœnæ vel tibi vel sociis qui te ad operam, etsi leuem, tamen viribus tuis imparem, admouerunt, imponere opus est, quàm ad oculum patefecisse tantam esse Societatis vestræ interiorem labem, ut in causa, quam vobis exploratissimam aduersus Aurelium iactabatis, debilissimi fueritis & summè ridiculi, atque insuper ita maligni, ut Aurelio à vobis satisfactio, non vobis ab Aurelio debeatur.

Atque hæc de iis quæ ab illo in vniuersam vestram Societatem arbitratus iniuriâ scripta esse. Superest dicendum de querelis quas affers pro Societatis Coryphæis; quos nescio cur ad calcem rejeceris post ea omnia quæ non solum de ipsa generatim Societate, sed de plerisque eius Theologis exposulasti; quibus ridiculè postponere eos videris, quos omnium non modò Societatis vestræ, sed aliarum omnium primos & maximos habere vultis. Sed tu proprium illis fortasse ordinem segregasti, ne eximij & incomparabiles homines, quibus simile nihil orbis habet, in turba & in pro-

- miscuo grege nominatim obsolescerent, & quippiam cum aliis commune habere viderentur. Audiamus igitur incomparabilium hominum nouam & extraordinariam defensionem.

*De P. Francisco Suarez. Pag. 149. & sequentibus.*

*Mirè inuehitur in P. Suarez, & contra tantum virum indignissima habet: Inter cetera, fol. 150. paucas esse Suarij paginas in quibus mox aperto libro non se offerant legentis oculis errata & hallucinationes, modò ridicula & leues, modò maioris momenti, & quæ insigniter vapulare mereantur apud Ecclesiasticæ doctrinæ, & eruditionis, & scientiæ verè Theologica conscios: quæ si Theologi Parisienses, vlla inuidia stimulante, colligere voluissent & in volumina redigere, non pauciores quàm ille Tomos de hoc solo argumento contexere potuissent.*

### R E S P O N S I O.

Quonam ergo modo hæc refellis? quomodo doces falsa esse, contumeliola, contra tantum virum, ut loqueris, indignissima? Video quid egeris: Soarium doctissimum huius æui Theologum esse, cum Spongia; communem magistrum orbis, Alexandrum magnum, oraculorum Delphicis certiorum promptuarium, cum Rectore & Collegio Conimbricensi; sanctis Augustino, Thomæ, Patribusque vniuersis vel superiorem, vel parem, cum aliis tuis sodalibus cogitasti; Et quia excellentissimas quasque res silentio potius laudandas esse quàm verbis audieras, Soarium excellentissimum Theologiæ apicem silentio potius quàm verbis à te defendendum collegisti; nec communem magistrum orbis apud ceteros homines, id est, apud eius discipulos, argumentis vindicandum, sed sola magistrali autoritate, arbitratus es; qua fieret ut omnes Suarij communis sui magistri reprehensiones, solo eius nomine proposito, quasi suas respuere deberent. Sic enim magistros à discipulis coli decet. Hæc fuit tua mens de Soario; hæc pro illo æmulatio vestra est; hæc ridicula ostentatio, qua omnia, quæ de vobis & de illo ab Aurelio scripta sunt, confirmatis, tum cum maximè ea falsa videri vultis. Nam quasi discipulo quopiam in magistrum insurgente, Aurelium eius reprehensorem sola illius autoritate refellitis; & quod sodales vestri ne Illustrissimis quidem Episcopis concedere voluerunt, ut tetros in fidem, & in Ecclesiæ honorem errores suos sine appositione argumentorum ea auctoritate compescerent, quam à Deo acceperunt; id vos in Suarij causa vobis assumitis, ut quæcumque in eo Aurelius arguit, sola eius commemoratione ac fama obruisse videamini. Deus vobis hunc tumorem auferre voluit misericordissima seueritate, & tum iis quos tam elata fortassis imbuistis opinione, tum vobis, qui in ea Societatis vestræ gloriam & decus ponitis, demere immeritam præsumptionem, propositis in publicum perspicuis illius imperitiæ erroribus, quem vltima omnes homines extulistis. Eò enim Aurelium necessario impulit immensa & inaudita Floydii insultatio in amplissimam Theologiæ Facultatem, quam scribere non erubuit rumpi inuidia in Soarium, & ita victuram Suarii doctissimi huius æui Theologi memoriam, ut vtrum Theologi Parisienses fuerint, nisi fortassis ad infamiam, posteritas ignoratura sit. Cui referendæ impudentiæ, qua non solum Parisiensi Facultati, sed omnibus

Catholicis stultissimè obtredebatur, meritò visum est Aurelio exprimendam esse in vulgus Suarij imaginem, qualem in eius scriptis perspexerat; nec oportunior fore vnquam locum vt vulgaribus hominibus eriperetur vanissima opinio, quæ illis de Suarij præstantia Theologica immissa esset, & ea ipsis errorum humanæque ipsius imbecillitatis cognitio immitteretur, quam mysteriorum plerorumque ab eo læforum, & sanctissimæ Dei scientiæ multis locis violatæ honor postularer. Quàm enim sincerè & sine vlla animi in Suarium stimulatione Aurelius scripserit, paucas esse illius paginas, in quibus mox aperto libro non se offerant legentis oculis errata, modò leuia, modò grauiora, & quæ magnoperè reprehendi mereantur, ipse declarauit proposito statim eius rei experimento, & prolatis, tum ex loco quem Spongia obiecerat, tum ex certo illius capite ad rem de qua agebatur pertinente, erroribus ita grauib, vt tum perpetuæ Ecclesiæ traditionis soliditatem, tum ipsa Christianæ Religionis principia infringerent. Quæ refellere debuit hic Excerptor, si prudenter à quoquam credi voluit cum falsò ab Aurelio insinulatum fuisse. Sicut enim Aurelius illo specimine dicti sui fidem fecit, quoad plura proferendi occasio incidisset; ita specimine illo confutato, fidem ei meritò abstulisset Excerptor; quo nunc inconcusso & intacto, eam validius confirmauit. Hoc perpendant eruditi homines, & æquo animo ac neutram in partem procliuiore præditi. Intueantur rerum ipsarum argumenta, non inanes illas & sublimes Iesuitarum pro sociis suis cogitationes, quibus occupati quicquid secus dici audiunt, quantalibet soliditate comprobetur, pro contumeliis & criminationibus accipiunt, quas ex ipsa statim auditione, sine ulteriore indagine, vel argumento auersari oporteat.

P A G. 150.

*Ait cum nihil magnum habere quàm suorum voluminum molem, quam verè dixeris ex variis priorum Scholasticorum scriptis collatitiam farraginem, nullis propemodum Theologicis fundamentis exstructam, sed errabunda sine duce humana rationis excursionibus compilatam.*

#### R E S P O N S I O.

Hæc eodem pertinent quo superiora, & eandem opinionis tuæ vanitatem demonstrant. Patere dici quæ probantur, dum tu ea ita refellis vt nihil probes.

P A G. 155.

*Dicit Suarium Ecclesiasticorum ordinum graduumque naturam, officia, dignitatem, & sanctitatem violasse.*

#### R E S P O N S I O.

Clarissimè id probat ibidem; & cum ipse id sibi credi noluerit nisi probanti, tu contrarium tibi credi sine probationibus absurdissimè postulas.

P A G. 156.

*Referens quasdam opiniones P. Suarez subdit; Quæ propositiones ita nouæ & inaudite, & Ecclesiæ indignæ, & tam nouis quàm veteribus Theologis, & Scripturæ*



*sacra contraria sunt, ut non Theologo huius aui doctissimo, aut communi magistro orbis, sed homini doctrinae Ecclesiasticae, & verae Theologiae rudi, & diuinissima mysteria humanarum opinionum libidine & sui sensus alea ventilanti conueniant.*

## R E S P O N S I O.

Probat idem clarè eodem loco: nec ferendae sunt diutius tuae naeniae.

## P A G 192.

*Dicit se doctrinam quandam declaraturum suo loco, ubi, inquit, multa Suarezij ineptiae patefient. Et ibidem mirè eum contemnit.*

## R E S P O N S I O.

Iure an iniuria id dicat, tu non doces; ipse iure à se dictum apertè docuit, adeoque à te ridiculè reprehensum. Malè errata illius tuâ pro illo superbiâ & inflatione tueris.

## P A G. 289.

*De eodem indignè loquitur, & ait Societatem eum sequi, quasi cæcutientes catelli matrem errantem sequuntur.*

## R E S P O N S I O.

Ita perspicuè id ibi probat, & ita non solum ipsum matrem errantem, sed Iesuitas Anglos, in quos solos agit, cæcutientes eius catellos demonstrat, ut id neque tu, neque sociorum quisquam vnquam infirmaturus sit, quia erratum eius in clarissimam Ecclesiae veritatem incurrit, & in Dei verbum quod manebit in æternum.

## P A G. 226.

*Dicit eum cupere solum Iesuiticum ordinem ab ipso institutum.*

## R E S P O N S I O.

Rectè dicit eum velle illam speciem religiosi ordinis ad quam pertinere dicit ordinem Iesuitarum, solam esse institutam à Christo, non autem alias, ut Mendicantium. Est enim apertissimè Soarii doctrina.

*De P. Thoma Sanchez. Pag. 243.*

*In Sanchez contumeliosissimis verbis inuehitur. Quod ediderit Tomum de Matrimonio, quod dicit pudendum opus, tam immani curiositate, tam inuisa in rebus spurcissimis & nefandis, & monstruosis, & diabolicis perscrutandis sagacitate horrendum, ut mirum sit pudori alicuius hominem ea sine rubore scripsisse, quae quini modestioris ingenii vix sine rubore legat. Portenta ista sunt, non scripta; animorum insidiae, non mentium subsidia; incentiua libidinum, schola flagitiorum, non honestae disciplina, non scientiae Christianae instrumenta. Infelix scientia quae multos perdere, paucos iuuare nata est. Quae circa sordes & sterquilinia voluenda & reuoluenda volutatur, ut eius Doctorem iure cum scarabeo conferas, vel cum iu qui latrinariam factitant, vel qui eius artis fusissima & minutissima volumina graphice conscribenda suscipiant. Quod argumentum prosequitur auctor pag. seq.*

R E S P O N S I O.

Eadem huc reuocanda sunt & ad Sanchez adhibenda, quæ suprà de Soario dicta sunt. Eadem enim vanitate & ineptia pro hoc expostulas, ac pro illo. Sanè quidem in Sanchium nihil habuisset cur scriberet Aurelius, nisi à Floydò tot tantisque Episcoporum & Theologorum autoritatibus magno verborum æstu insultanter objectus esset, quamvis hæreseos tam solenniter ab iis damnatæ esset auctor. Nec tamen in eius de Matrimonio volumen quicquam Aurelius scripsit, nisi quod ab eruditis & piis hominibus sæpè reprehensum ac deploratum quisque audiuit, & quod ipsi hæretici in Theologiæ Catholicæ, religiosorum ordinum, & Ecclesiæ totius ludibrium apud suos & publicè in scriptis suis diffamarunt; ut magni Ecclesiæ Catholicorumque omnium intersit palam hæreticis ostendi, tam enormem in fœdissimis rebus curiositatem, quam illi in sacramentorum Matrimonij & Pœnitentiæ contumeliam rudioribus illaqueandis exprobrare solent, Catholicis aliis Theologis & Ecclesiæ non probari, cum reuera sit inaudita, & quicquid in eo genere vnquam in Ecclesia scriptum esse constet, longo intervallo superet, & multis hodie improbioribus hominibus libidinum disciplinam & oblectamenta præbeat, ut antè diximus, & exemplis minimè vulgaribus compertum est.

I B I D E M.

*Vocat eius librum noxium.*

R E S P O N S I O.

Refer ad superiora. Sanctitatis verò laude illum non obscurum fuisse non negat, ut malè narras: Sed Floydò id dicenti, nec probanti, non credendum ait; cum eius de alterius sanctitate testimonium, præcipuè de socij, & illius socij quem ipsius interesset quam maximum & præstantissimum haberi, & quem Parisiensi Facultati & Illustrissimis Galliæ Episcopis opponeret ad præsidium hæreseos quam ab eo accepisset, non magni ponderis habendum videretur. Cæterum de Sanchij sanctitate iudicium suum nullam in partem interposuit. Doctrinam tantum eius asseruit non esse sanctam, nec subsidium quod à Floydì peritia non accepisset, à Sanchij quacumque sanctitate haberi posse.

I B I D E M.

*Dicit ipsum prodigioso volumine velut cloaca ingenti fanda infandaque conuoluisse, ut si priorum omnium Theologorum verecundiam pudoremque soluisset, eorum scientiam superasse diceretur à socijs; à Iesuitis.*

R E S P O N S I O.

Hoc scripsit in præsumptionem eorum Iesuitarum qui in Sanchij librum præfari non dubitarunt, cum superiores omnes, qui de Matrimonio scripsissent, longè multumque superasse; & id quidem Clementis VIII. Pontificis nomine spargere ausi sunt. Quorum vanitatem nimiam explodens, dixit nihil sibi videri cur tam amplè de Sanchio sentirent & prædicarent, nisi fortè quod priorum omnium Theologorum in tractando sacramento Matrimonij pudorem & verecundiam soluisset, & eò progressus esset quò antea nemo illorum. Solent enim præclari isti iudices eos sum-

mos Theologos habere, quos solutissima & infræni imaginatione quàm latissimè vagari, & ultra priorum metas ad noua & nemini vnquam cogitata commenta prouchi vident; vnde existunt magnæ illæ commentariorum commentis istis refertorum moles, quas quotidie cernimus & stupeamus. Magis quippe imaginatione quàm ingenio philosophantur; & dummodo vulgata fidei dogmata palam non euertant, quidlibet audendi & fingendi potestatem sibi Theologis, quasi Poëtis, concessam putant. Quo in genere cùm Sanchius ventilandis & imaginandis coniugiorum spurciitiis superiores omnes longè antecessisset, non immeritò Aurelio vilus est omnibus omnium ætatum Theologis ob eam rem ab illis præponi.

Habes, Catholice Lector, ad omnes criminationes Iesuitarum: quas vides ita facili negotio obtritatas, vt magis calumniæ & mendaciæ Iesuitarum in Aurelium, quàm Aurelij in Iesuitas dici debeant, quemadmodum initio scripsimus. Pudendum est religiosos homines tantum clamorum & querelarum tantâ confidentiâ miscere, summasque & intolerabiles in Societatem suam contumelias vociferari, quarum vbi ad demonstrationem, imò ad indicationem solam deducti sunt, nihil nisi fraudulentias, mendaciæ, & ea ipsa, quæ expostulant, crimina, in eum ipsum, in quem illa expostulant, proferre possunt; vt tum maximè, cùm iniuriam queruntur, eam inferre, & cùm famam suam læsam dicunt, alienam inuadere videantur. Sed tamen de Aurelij fama, quæ eorum petitionibus obnoxia non est, & de industria illis est subtracta, vt à personarum contentionibus, ad quas studiosè diuertere solent, vbi alia suffragia non suppetunt, in ipsam rerum & veritatis ab iis violatæ disputationem concluderentur, nec quoquam ab ea euagari possent. De Aurelij igitur fama, ignoti hominis, & obscuritate ipsa inuulnerabilis, minor aduersus eos est querela. Propugnati nimirum ab eo doctrinam petunt, in eam collimant, in eam quasi nauarum tum maximè inuehentes in portum cùm ab eo recedere viderentur, illis ipsis eam probandi & illam intactamque cupiendi simulationibus feruntur, vt iis defensionem illi eripiant, inuidiamque in vulgus parent, qua primùm defensio, deinde Censura, denique doctrina, quam aduersus impetus suos ita munitam vident, vt nihil in eam honestè conari possint, eadem operâ conuulsa & labefactata videantur. Ereptis sibi legitimis doctrinæ & veritatis subsidiis, ad potentia suæ & fraudulentia auxilia se conuertunt, doctrinæ suæ nouitatem eo more, quem nouatoribus toties ipsi exprobraunt, tuentes ac fulcientes, vi & factione sua, non diuinæ lucis armis, quibus ista ratione se vacuos esse demonstrant. Si enim his instructi essent, non ad artes inuidiosas se conferrent, à religiosis & quietis hominibus alienas, quibus plus odij sibi apud bonos & cordatos homines conflabunt, quàm prioribus conatibus; & quàm verè Ecclesiæ metuendi & auersandi sint, & quanto iure ab Aurelio vehementius fuerint increpati, quasi homines quos coercendi nulla alia ratio superesset, magis comprobabunt. Ac sanè si antehac dubitatum est num fictæ ab iis in Aurelij acerbiter querimonie ad doctrinæ & Illustrissimarum Censurarum euersionem spectarent, id iam dubium esse non potest, querimoniarum illarum patefacta tanta malignitate, & ineptia, & absurditate, vt non ex rei veritate nata, sed ex

sed ex malarum mentium artibus depromptæ, & dolis confictæ, & longè aliò quàm quo videantur destinatæ appareant idoneis quibusq; iudicibus, qui de illis nostrisq; ad ea responsionibus iudicium ex rebus ipsis, non præiudicium ex aliis studiis facere volent. Equidem si quid ad querimonias illas satisfactionis dandum esse videbatur, nihil iam amplius iure exigere potest præter hasce responsiones, quibus illarum iniquitatem ita demonstratam æqui hominibus speramus, ut non modò iure requiri nihil ultra possit, sed neque concedi sine summa iniuria veritatis Ecclesiæ, Antistitum, & legitimæ eorum defensionis. Hac satisfactione contentos esse Iesuitas decet, nec fictis ultra quiritationib. veritati fraudem facere, nec de Societatis suæ honore tum demum esse sollicitos, cum Ecclesiæ honorem magis sodalium suorum conuitiis quàm erroribus violatum, restitui vident. Tum potius de fama Societatis laborare debuerunt, cum nefarii in ea libelli, doctrinæ & audaciæ inusitatæ plenissimi, cuderentur. Illis extinctis & præfocatis Societatis suæ honori consulere oportuit, cum prudentiâ illâ suâ facile perspicere possent, non de fore idoneos eorum reprehensores, qui Dei & Ecclesiæ honorem non minus charum haberent, quàm ipsi suam Societatem. Nunc verò postquam ipsi famam suam prodegerunt, postquam perturbationis magnitudine impulsæ eam intertamen coniecerunt voluntarium & insolens, quo cum Ecclesiæ & Antistitum honorem iniquè peteret, sibi honor omnis æquissimè eripi posset, quatenus legitima Ecclesiæ defensio postularer; postquàm ut animis suis indulgerent nihil pensi habuerunt; postquam omnia proturbantes, ne suam quidem respexerunt Societatem, postulare ut illius ratio ab aliis habeatur, ut illi parcatur, ut illi indulgeatur, ab illis etiam Episcopis & Præsulibus, quos tam procaciter sunt adorti, tantæ non solum iniquitatis est, sed impudetiæ & absurditatis, ut mirum sit vel ab vlllo homine id proferri, vel ab vlllo audiri posse. Si quid ergo infamiæ suscipiât, sibi ac suis sodalibus ascribere debent, qui quicquid veri dedecoris & scandalæ ex his contentionibus Societati oritur, ei pepererunt heresibus & flagitiis suis; non Ecclesiasticæ veritatis & autoritatis defensoribus, qui hæreses & facinora huiusmodi tollere, adeoq; natam ex illis veram infamiam extinguere voluerunt. Quod nisi ab ipsis esset factum, non solum Societati Iesuitarum, sed toti Ecclesiæ Catholicæ summa apud aduersarios infamia & scandalum adhæsisset, dum talia intra Ecclesiam non fieri tantum, sed etiam tolerari viderent. Nunc ubi ea compesci & pro meritis accipi videbunt, Ecclesiæ integritatem & vigorem fatebuntur, quæ si pro humanæ imbecillitatis conditione effugere nequeat quo minus atrociora interdum in ea facinora à religiosissimis etiam cœtibus existant, ea tamen impunè existere non patiatur, sed execratione publica auersetur & compescat. Ipsi ergo Iesuitæ scandala Ecclesiæ pepererunt; castigatores illa extinguunt. Malis enim conatibus gignuntur scandala, reprehensionibus meritis, pœnisque tolluntur. Quanto verò Ecclesiæ turpius, & ad hostium suorum existimationem contumeliosius & scandalosius erit, si non modò talia intra eam maleficia concipi & ferri, sed etiam castigationes iam illis admotas non ferri, sed auerti, & comprimi intelligent, & quod in illa maleficia fieri debuerat, id in eorum reprehensiones constitui? Auertant tantum dedecus, quibus



Ecclesia, quibus Dei honor, quibus diuinæ veritatis & fidei glória curæ est, nec priuata vni Societati vnde labes tantas manasse vident, Ecclesiam Catholicam, rerum diuinissimarum sanctitatem, officia omnium maxima postponent. Nam quo minus incredibiles rudioribus viderentur damnatæ ab Illustrissimis Episcopis Iesuitarum hæreses & impietates, dedit operam Deus vt proscriberentur eodem tempore & damnarentur sedis Apostolicæ autoritate opera omnia Pozæ Iesuitæ Hispani, primarij Theologiæ Professoris olim Compluti, nunc Madriti in nouo ab ipsis mirabili gloria extructo, frustra aduersantibus Hispaniæ Academiis, Collegio Imperiali, interpositâ in eam rem Imperatoris gratiâ, cùm Regiâ minus valerent. E tali Collegio tanta vanitate conflato, & à primario illius Professore prodierunt illæ primitiæ, quas Ecclesia repudiare & auerſari coacta est, & quarum nos Tomum vnum vidimus tot deliriis & insaniis falsis scatentem, vt vix credibiles legentibus videantur. Quem tamen Tomum varij Prouinciales tum Hispaniæ tum Galliæ probarunt, & Iesuitæ Lugdunenses pômptico præconio, vsitatis Societati laudibus referto, cumlatum Carthusiani ordinis Præposito generali honoris causâ dicarunt. Hoc exemplo Censuræ errorum maximorum, Ecclesiæ religioni exitialium, ab Illustriss. Galliæ Episcopis ac Theologis vnanimi iudicio damnatorum, autoritatem apud quosvis adijcere voluit Deus, & vel ignarissimis hominibus, & rerum de quibus agitur magnitudini perspicientiæ imparibus, documentum exhibere, quid à Iesuitis aliis fieri possit, cùm eorû primarius & selectissimus Professor, tanto aliorum assensu & probationibus subnixus, sedis Apostolicæ iudicio tam fœdè prolapsus sit. Quare desinant aliquando religiosæ Societatis, scientiæ, zeli, fidei propugnationis, & eiusmodi rerum inania nomina, obscurandæ apud imperitos manifestæ luci obtendere, & cùm hæreses librosque ab Illustriss. Episcopis damnatos, eorumq; defensiones nefarias à Societate sua ortas esse negare non possint, cùm libri Iesuitarum nomina præferant; defensiones propulsandarum, quasi iure naturæ, iniuriarum, & repellendorum à se hæreseos & impietatis criminum conatus prætendant, vt eisdem illorum autores & propugnatores esse pateat; patiantur Ecclesiam iure suo vti, in comprimendis ad cæterorum exemplum publicis grassatoribus. Imitentur moderationem Illustriss. Antistitum & Theologiæ Facultatis, qui tam infandè proscissi, & objecta impiorum ludibriis vnâ cum ipsorum nomine antiqua Ecclesiæ fide & veritate, quicuerunt tamen, nec solum famæ suæ, sed etiam autoritatis iniurias inauditas humaniter perpeſsi sunt, quoad innocentiam suæ & veritatis soliditate, non factione & ambitu, resellerentur. Eant & faciant similiter. Tot saltem Episcoporum, & tantæ Facultatis humilitatem obseruent. Ne elatiores & suæ famæ tuendæ impatientiores videri velint, quàm illi suæ autoritatis, quæ maior, quæ Ecclesiæ capitalior, quæ magis necessaria multò est, quàm honor & fama Societatis Iesuitarum. Si quid esse confidant quo falsa sibi crimina ab Aurelio imposita demonstrent, si quàm innocentiam suæ palam sincerèq; comprobandæ spem habeant, ingrediantur stadium quod aperuerunt, & à publico hominum iudicio, proposita rerum liquidissimarum veritate, restitutionem famæ suæ, & contumeliarum Aurelij damnationem petant, quemadmodum

ab eodem Illustrissimorum Episcoporum & Theologorum Parisiensium publicè violatorum expurgationem Aurelius periiit. Alioquin, si conditionem tam æquam repudient, si eam defendendi sese viam fugiant quam oppugnandi inierunt, si tam in respondendo imbelles quàm in laceffendo procaces videri velint, si rerum denique & veritarum contentionem in factionis impetum vertant, declarant ea ab Aurelio scripta esse quæ infirmari non possint, nec infamiam, quam fugere volunt, effugient, sed augebunt.

Neque sanè mirum eos æquabilem cum Aurelio certationem declinare, subsidioq; aduersus eum violentiam suam accersere, cùm tantum inter verissimas illius increpationes & sodalium ipsorum lasciuias intersit, quantum inter doctrinæ ipsius soliditatem, & illorum hæreses. Ipsi enim vtrò, dedita operâ, nullâ idoneâ causâ impulsî, in Illustriss. Antistitum & Theologorum dignitatem, qui ipsorum tantum errores damnant, ipsos non attigerant, ac ne nominarant quidem, ruptis quodammodo inuerecundiæ fontibus effusi, ea scripserunt, quæ nulla sanorum hominum, modò Catholicorum, rabies in Ecclesia aduersus publicum Episcoporum & Theologorum confesum vnquam protulerat. Aurelius contra, non sua sponte, vel animi causa, sed ad tantam maledicentiam publica objurgatione expiandam, ne tale in Ecclesia dedecus aut in præsentia non repressum, aut in futurum atrocius erumpere posse, aut deniq; grauissimarum Censurarum & solennis summorum errorum damnationis auctoritatem eleuasse videretur, ea tantum scripsit quæ in homines effusè proteruentes, & in manifesto scelere deprehensos dici solent. Superbiam, insolentiam, impudentiam, aliaque perspicua vitia exprobrauit: Nihil extra propositum aliunde quæsiit, quo vberius conuitiandi argumentû haberet: Multa notissima & grauissima siluit, quæ quiuis maledicendi cupidus in Iesuitarû infamiam ventilasset: Ea sola objecit, quæ præsens aduersariorû audacia flagitauit: Nihil fortius infectatus est, nisi vbi atrocior aliqua occurrit & intolerabilior eorum procacitas: Eos denique pressa sequens pede, pro petulantia & facinorum modo virgam increpationis inflixit. Quare non magis contumeliæ haberi possunt eiusmodi objurgationes, quàm ex quæ in hominem palàm grassantem & latrocinantem conferuntur, quarum vis non ad objurgantis animum, sed ad magnitudinem & euidentiâ sceleris referri debet. Quod eo magis dicendum est, quia quisquis Aurelij reprehensiones quietius expendet, & cum aduersarij peccatis, quibus intenduntur, comparabit, reperiет longè semper infra illorum atrocitatem subsidere, quantumcumque per se spectatæ acerbitalis & contumeliæ præferant. Nihil in iis virulentæ sordidæq; illius maledicentiæ, nihil abjectæ obscenæq; procacitatis, qua Iesuitarum libelli fœtent: Nulla triuiorum dicteria: Nulla satyricorum scommata: Nullæ cauponarum sannæ: Nullæ veterum scortorum, spuriorum, sterquiliniorum similitudines: Nullæ hæreticorum & schismaticorum appellationes: Nullæ ranæ, feles, tygres, lupi, hydræ, bubones, cuculi, cerberi, aliaque abjectissimæ fœces, ac mentium exulceratarum purulentia totis pagellis horrere cernentur. Hæc imbecillitatis Iesuitarum sunt tela: In Aurelio sana omnia, ideoque pura, honesta, valida; ex aduersariorum factis, non ex affectu ipsius nata; iudicio concepta, non impetu;

tam digna quæ à quouis inferantur, quàm iis sunt digni in quos illata sunt; tam generosæ seueritatis quàm iustæ plenissima.

Atque adeo vt liquidius intelligi possit, quid sit discriminis inter Iesuitarum bacchationes & Aurelij responsa, & quanta inuerecundia se læsos ab eo querantur, qui Illustrissimos & Reuerendissimos Galliarum Antistites, & sacræ Theologiæ Facultatem tanto infanioribus suorum conuitiis, vel potius blasphemis confixos vident, exponemus & nos vicissim mendaciorum, calumniarum, & conuitiorum ab illis congestorum molem, vt mutuo illorum impudentiæ & Aurelij firmitudinis conflictu superioribus responsionibus imponatur cumulus, toti huic causæ lux vberior accedat, & debilissimis quibusvis animis omnis dubitatio tollatur. Neminem enim fore puto, qui inita vtriusque partis collatione, de æquissimo Aurelij consilio, & aduersariorum indignitate ambigere possit. Hanc verò collectionem longè veriùs ac sincerius nobis edere licet, quàm ipsi suas excerpserint. Non enim imitabimur eorum superbiam & absurditatem, qua sibi quidvis expostulantibus solo verbo, solo nutu, sola fama, & quasi diuino splendore Societatis, sine vlla rationum adjunctione, sine vlla argumentorum ab Aurelio prolatorum confutatione, fidem toto orbe habendam putarunt, quasi nulla proferrent nisi (vt cum Logicis loquar) primo-falsa, id est, ita perspicuæ falsitatis vt eius nulla causa dari posset, & quasi ea esset Iesuitarum diuinitas, vt in iis nulla reprehensionis suspicio quicquam loci haberet. Effugiemus absurditatem & superbiam hanc, quia ea colligemus quæ iam ab Aurelio planissimè & solidissimè confutata sunt, ipsis aduersariis responsionem ad ea legitimam horrescentibus, nec sine aliis præsidiiis, quàm quæ eruditis & innocentibus conueniant, sperantibus se ei pares esse posse. Et quamvis eorum petulantiam nemo retudisset, tanta est illius ab Aurelij reprehensionibus diuersitas, vt cum ipsi voluntaria conuitia in Illustriss. Episcopos & Theologiæ Facultatem summa temeritate profuderint, ea colligi liceat, & nuda in hominum aspectum educi summa fide & integritate, cum per se quodammodo stent, nec ab alia oratione & causa quàm à maledicorum & impotentium libidine manarint. Cum verò Aurelij increpationes in ipsorum flagitiis, vt in argumentis vnicis totæ sint infixæ, in illis hæreant, in illis nitantur, nec ex eius arbitrio vnquam prodierint; & in hoc potissimum capite sita sit earum æquitas, quod ad necessariam enormis impotentiae compressionem susceptæ sint, sine qua iniquissimæ nostro quoque iudicio viderentur; fatendum est earum naturam peruertere, & in aliud longè transferri genus, cum solæ ac per se, tacitis causis ex quibus natæ sunt, exhibentur; cum contrà Iesuitarum petulantiae natura, tota voluntaria, & causæ omnis expers, tum maximè eluceat, & suæ indoli aptissimè ob omnium ponatur oculos, cum sine vllius causæ adiectione, sola, & nuda profertur.




CONVITIA,  
PETVLANTIÆ,  
ET  
MENDACIA

*A JESUITIS ANGLIS,*

IN ILLVSTRISSIMOS ET  
REVERENDISSIMOS GALLIÆ ANTISTITES,  
ET IN SACRÆ THEOLOGIÆ FACVLTATEM  
Parisiensem effusa, nomine HERMANI LOEMELII in  
Spongia & Quetimonia, ac nomine ANTONII GOFFAR  
in Vindiciis NICOLAI SMITHÆI.







## EX SPONGIA

secundæ editionis.



*In Epistola Nancupatoria*, Censuras Facultatis Parisiensis iam inde à viginti annis rusticas & ineruditas esse, dicit: Mineræ Catholicæ odiosas, quibus clarissimis huius ævi Theologis obstrepunt, & Lemani lacus ranunculis acclamant. Censuram autem in suos libros vociferationem potius quàm Censuram, qua coaxant quasi ranæ in libros Anglicanos. Facultatem autem clamorosissimam paludem esse; denique eam falsitatis & arrogantiae convictam.

*Ibidem.* Mendaciter ait, Facultatem sex septemve propositionibus, quas S. Thomas tradit in terminis, temeritatis, præsumptionis, blasphemiae, hæreses notas inuisse.

*Ibid.* Richerium fuisse novi schismatis in Gallia novum autorem. Addit, Censuræ autores sub nomine Richerij militare; tum Richerium, qui à nemine unquam schismaticus, nedum schismatis ullius autor dictus est; tum Facultatem, quæ Richerij librum nunquam probavit, nedum sub eius nomine militat, & tamen Censuram unanimi omnium Doctorum consensu tulit, nequissime proscindens.

*Ibid.* Censuram, vocat, insolens facinus, novum iniuriæ genus ante hoc tempus inauditum. Queritur se & suos iudicatos esse à Facultate hæreticos. Denique, quod vel barbaria non solet facere, damnatos inauditos, pro se respondendi copia adempta, non alio quàm maleuolorum testimonio convictos, interpretantibus inimicis, qui, ut damnarentur, odiosis criminationibus, mendaciis, periuriis cælum terræ miscebant. Quæ insana calumniæ abunde contrita fuerunt.

*Ibid.* Censuram esse perniciosi exempli, prodigium improbitatis in Ecclesiæ interitum grassaturum, monstrum inscitiae à cæca in Regulares malevolentia turbulentis efferata affectibus, ratione iudicioque destituta, pronuntiatum, brutum temeritate, & inscitia plenum.

*Pagina 1.* Censuras actas esse in turbulento consensu, à quo se nonnulli subduxerint, multoque plures cùm vellent adesse, nec veritas & iustitia suffragiorum numero vinceret, exclusi sunt. Mendacium hoc sæpè retusum est.

*Ibid.* Censuram esse inscitam, ineptam, fœdam, informem.

*Pag. 3.* Censores depingit quasi Lupercos, & eorum decreta Lupercalia.

*Ibid.* Refert quasi scriptum à Cardinali Perronio in oratione ad tertium regni ordinem; Reperiri in Gallia Ecclesiasticos, qui votis hæreticorum perficiendis optimam operam navent, censurisque temerariis viam schismati

h iij

aperiant. Quod in illa oratione nusquam habetur, & insigni mendaciò solum est, ut & alia quadam, quæ ibidem prosequitur, stultè etiam abutens scriptorum nescio quorum vocibus quasi in Facultatem dictis.

Pag. 6. dicit, Censores esse Pontificiæ potestatis hostes, libros impios in Regum coronas & sanguinem colere & adorare, modò aliquid contineant, quod perstringat summi Pontificis potestatem. *Et post iam virulenta Elogia subiicit dementer, Censorum animos Deo iudicandos relinquo; nihil ipsis lupinum imputo.*

*Ibid. addit, Censuram qua Regularium famam immolarunt, Lupercale sacrum fuisse, & sacrificium, quo nullum Lupisistis, hæreticis scilicet, gratius hætenus oblatum.*

Pag. 7. dicit, Sorbonicos Censura edita, hæreticorum qui pro ipsis publicè orant, non modò spem, sed etiam propemodum vota superasse. *Impudens & insana calumnia.*

Pag. 10. Sic exclamat in Censuram; O Parisiense tonitru, animarum salutis funestum, Christi sanguini inimicum, quot conchis ut abortiant in causa eris? Eandem, addit, esse brutum fulmen, nec nisi inane murmur. Deinde prosequitur; ô sæva fulmina, non in homines missa, sed Christum.

Pag. 11. Sic loquitur. Qui nos aggreditur ultro ac prouocat, cum repercutere legem esse non scriptam sed natam Romanus dixit Orator. Et Hieronymus; Nolo in accusatione hæreseos quemquam esse patientem, ne si taceat, dissimulatio conscientia iudicetur. Subdit superesse Molossos, qui remordeant eos à quibus sunt morsu. *Quæ omnes non Loëmely sed Floydi claræ sunt voces Apologiam suam defendentis, quæ hæreseos damnata fuit.*

Pag. 12. De Censoribus ita scribit; Censores deposita verecundiæ veste fœdam Academiæ, qua parte ex iis constat, rerum Theologicarum inscientiam orbi Catholico ostentant; multaque alia petulantissima.

Pag. 13. Ausum dicere, inquit, nullam esse Catholici orbis Vniuersitatem, in quam non incurrerint, imò vix vllum reperiri Theologum, cuius aliquam sententiam hæreseos non damnarint.

*Ibid. ait, Eos esse genio Ilimælitico, manusque suas in omnes extendere, &c. artificium Regularibus infamiam creandi, quo nullum maliciosius, nullum impudentius, orbi Catholico prodere.*

Pag. 14. Facultatem impudenter & obscenè comparat cum veteri scorto, quod fœcem suam propter nobilitatem pristinam plaris vendat. Addit Censuram eruditione destitui, scatere calumniis, in ea Patrum dicta, Theologorum sententias temerè damnari. Eam denique esse fœcem celebris Academiæ.

*Ibid. Mendaciter & dementer asserit, præstantissimos huius æui scriptores de Catholica Ecclesia benemeritos constare damnatos esse à Facultate, vel inuidiæ flamma ambustos, Pontificia Regiaque potestate ægrè furentibus creptos, non solum Cardinalem Bellarminum, sed & Rochefoucaut, vnaque quadraginta duos Galliæ Episcopos & Archiepiscopos, quos damnassent, nisi pietas & autoritas Regis perniciosi facinoris violentum impetum fregisset. Non calumniatorem, sed delirum effrontem esse oportet qui hæc scribat, qualem Floydum esse scimus.*

Pag. 16. Nunc dierum, inquit, autorem à Sorbona reliqua Ecclesia repugnante, vel tacente damnari, non ignominia sed gloria ducimus, illiusmodique Censuras prudentibus credimus non solum non probari, sed etiam de falsitate in Fide, vel iniuria in Catholicos multum esse suspectas.

*Ibid.* Inuehitur in omnes omnino Catholicas Vniuersitates hoc pacto; Nulla Catholica Vniuersitas, nedum Parisiensis priuilegium habet sibi à veritatis fonte concessum, vt in fide errare cœdè non possit. Vnde non plus earum Censuris inest autoritatis, quàm quantum constat Censoribus inesse doctrinae fideique puritatis, prudentiaque in iudicando.

Pag. 17. Scribit, Facultatem in Censuris ferendis à grauitate maiorum desciuisse, Censuramque abiisse in contemptum. *In cuius rei testimonium citat scriptorem quendam anonymum qui de Facultate Parisiensi nihil loquitur.*

Pag. 18. *Afferit, Sorbonae facultatem in condendis articulis ferendis-que Censuris ioculari prouerbio Scholæ trito locum fecisse; Articulos Parisienses non transire Sequanam, contumeliosè ac stupide abutens modestia Facultatis, quæ suis tantum alumni placita sua prescribit, ad constandam ei crimen temeritatis, eumque contemptum qui nunquam fuit in capite sani hominis. Quem ad locum fusè responsum est ab Aurelio.*

Pag. 19. *Ait; Facultatem intra spatium duorum plus minus mensium Censuram in duos libros effudisse lingua scriptos ipsi ignota: propositiones numero octoginta damnatas esse, vt illo temporis interuallo, quantum inter initam absolutamque Censuram intercurrit, si nihil aliud egerint, tamen singulis propositionibus examinandis singulos dies non impenderint. In quibus quos verba, totidem ferè mendacia, vt ostensum est.*

Pag. 21. *Sic loquitur de Censura quam celerius confectam fuisse contendit; Tam difficili venatione defungi quàm tam citò & celeriter potuissent, nisi quia illius, qui est mendacij Pater, voluntas fuit, vt ipsis citò occurrerent calumniae quas volebant.*

Pag. 22. *Tota petulantia & insultationis maledica plena, vbi scribitur; Nunquam Vniuersitas Parisiensis ita gloria floruit, quam dum reliquas modestia superauit, quando cæterarum gentium Theologos Regulares præsertim in pretio habuit; quando sub sancto Rege Doctores sancti Thomas & Bonauentura, alique ex orbis flore Parisiis prælegebant. Postea sibi sapere cœpit, Magisterium assumere, Censuram in alios Theologos arroganter ferre, impletumque quod Propheta prædixit, *Va qui spernis, nonne & ipse sperneris? cum fatigatus fueris contemnere, contemneris.* In grauissimorum enim Theologorum sententias Censuras tulerunt quæ hodieque contemnuntur, doctrinaque quam damnant ita liberè vbique ac passim propugnatur, vt si quis Parisiensem Censuram objiciat, irrideatur.*

Pag. 23. *Mendaciter ait, Facultatem definiuisse errorem esse in fide dicere Curatos non esse Prælatos hierarchicos, hoc est, principantes & dominantes, per primam Christi institutionem. Quod mendacium clarè refellit Aurelius, & docuit qua ratione Facultas constituat Parochos esse Prælatos. Cui doctrinae, non falsò tantum, sed etiam imperiè assenerat Spongia, omnes propè reliquos Theologos aduersari, cum sit perspicuè doctrina S. Thomæ schola principis, vt Aurelius probauit.*



94 *Conuitia, petulantia, & mendacia à Jesuitis Anglis,*

*Ibidem imponit Ioanni Maiori, quasi dixerit, Facultatem censuisse in fide hæresin dicere Parochos non esse diuinæ institutionis, & Episcopos non habere iurisdictionem immediatè à Deo. Deinceps petulantissimè inuehitur in Facultatem totâ paginâ & sequenti.*

*Pag. 25. Ridicule & stultè ait; Facultatem, eo quod damnarit doctrinam à viginti approbatoribus, tumultu & factione Iesuitarum collectis, subscriptam, statuisse se solam sapientem, cum ipsa Theologiæ scientiam viuere & mori. Addit, viginti illos approbatores Censoribus longè præferri oportere, id est, toti Facultati, & Illustrissimorum Gallia Episcoporum confessui; nec ea de re dubitari posse, eo quod vniuersum parti, docti indoctis, sapientes credulis, accurati negligentibus sint præferendi. Denique approbatores istos sensum Catholici orbis quodammodo exprimere.*

*Pag. 26. Fingit improbè dictum quoddam; Nec omnis Parisiensis Magister est doctus: illudque mendaciter tribuit Ioanni Maiori, apud quem nihil eiusmodi vsquam est. Abutitur deinde loco Gersonis, ad summam iniuriam Facultatis.*

*Pag. 27. Ita scribit de Facultate; Hanc Sorbonicam turbam, in qua vel ipsis fatentibus indocti, ignari, stipites, peruersi moribus (quot numero quis nouit?) coronæ theologorum ex flore orbis collectæ, in quibus omnes sapientia illustres (in horum numero sunt Boucherus, & ipse Floydus) quis mentis compos anteponat? Ac deinde; Censores, Magistrorum Parisiensium vulgus, à suo Decano Regularibus infenso ducebantur in partes, temerèque creduli præeuntem, velut pecora muta, ducem gregis arietem sequuti sunt. Multa alia contumeliosissima & insana, per totam paginam & seq.*

*Pag. 28. Censores, inquit, muneri Censorio præclarè satisfacere sibi videbantur, si Decano præcinente repeterent, cuculorum more, idem perpetuò carmen. Et mox; lure igitur approbatio Censuram, hoc est, vniuersitas particulam, doctrina ignorantiam, sapientia credulitatem, perspicax cura supinam in rebus maximis incuriam obruit. Denique de iisdem; Censores orbis qui se faciunt, domum repellendi sunt, monendique de proverbio; Intra suum Gallus sterquilinum dominetur.*

*Pag. 29. Sorbonicam legem esse, affirmat, vt quæ si hæretica propositio doctorum vulgus numero suffragiorum decidat, nullo discrimine docti & indocti, æqui & iniqui, integri & suspecti, veterani & tyronis, canitie venerandi & adolescentuli magistri, peruersi, partibus addicti, ignari, cuius sententia non pluris fieri quàm stupitis debeat.*

*Pag. 30. Ridiculè D. Arnaldum, notissimum olim Senatus Parisiensis Advocatum, Doctorem Sorbonicum facit, eiusque scriptum Sorbonæ ascribit.*

*Pag. 31. Inter plura mendacia & contumelias hoc palmarium habet; In Censura ferenda sententiis, certatum est pari propemodum utrimque suffragiorum numero, cum Censuræ viginti nouem acclamarent, septem supra viginti resisterent. Subdit; Quæ si vera sunt, si vel vnus ex viginti nouem damnatoribus in alteram transisset partem, æquato suffragiorum numero libri damnari non potuissent, Et multa similia, deinceps stultissimo mendacio scatentia.*

*Pag. 32. Falsissimam narrationem pertexit de Conuentu Academia Parisiensis, in quo actum est de causa F. Ioannis Testesfort Dominicani, vt ab Aurelio*

ostensum est, multaque petulantia insilit ex ea causa in Facultatem Theologicam.

Pag. 33. Stultè asserit, Conuentum illum Academiz vsurpasse nomen Theologicæ Vniuersitatis, quod nomen nusquam antehac in vlla Academia auditum est. Eo tamen iterum vitur pag. 38.

Ibid. In Sorbona dominantibus Richeristis iam fit quod apud Athenienses fieri Anacharsis indignabatur, docti causas dicunt, stulti iudicant. Petulanter prorsus ac mendaciter. Paulò post, comparat Facultatem cum bubulco iudice, multaque alia satyricè & procacissimè blaterat.

Pag. 36. Proteruè iactat, librum Nicolai Smithæi non potuisse à Prælati summo inferioribus, id est, ab Illustrissimis Gallia Episcopis, damnari: & illius causæ cognitionem fuisse sedi Apostolicæ reseruandam; & eos dum illum damnarunt præbuisse causam, & periculum scandali & schismatis. Idem dicit de Censura Facultatis.

Pag. 37. Addit; eos damnando libros suos, damnasse propositiones, quæ à Theologis omnium gentium disputantur in vtramque partem.

Pag. 38. Post multa mendaciter effusa; Eos, quantum in se est, schisma conflasse, Censuramque edidisse non modò contemnendam, sed etiam execrandam. Nec mirum hoc dici ab isto extraneo & deliro, cum idem vulgò iactarint in ipsa vrbe Parisiensi Iesuitæ Galli, nimirum, totam hanc doctrinæ sodalium suorum oppugnationem ad schisma spectare; & id scribere etiam ausi sunt in libro, quem primum postea Lutetia ediderunt.

Theoph.  
Rayn. de li-  
bert. pag.  
286.

Pag. 39. Multa mendacia congerit in Facultatem, & quidem stupida, ex historia Gallia quam peruertit & fædat, ut Aurelius demonstrauit.

Pag. 40. Arguit Academiam Parisiensem concitatam odio, neque legem diuinam, neque legem Salicam pensi habuisse: & stultè probat, ut ostensum est.

Pag. 41. Deprauat Gersonis locum, ut cum in summam Catholicarum omnium Facultatum ignominiam conuertat.

Ibidem ridiculè insimulat Parisiensem Facultatem Regularium, id est, Iesuitarum, pulpita & gymnasia præ suis frequentari indignè ferre, & Iesuitis inuidere.

Pag. 42. Fatuè obiicit Facultati inanem verbositatem, dum in media sua in illam vacua & insulsa debacchatione versatur.

Ibidem, Addit; Facultatem falli, vel malitia, vel ignorantia facillimè posse.

Pag. 43. Censuram comparat magico carmini.

Pag. 44. Censores suos dicit hæresi infectos, sedis Apostolicæ hostes; emanasse ab iis Censuras hæreseos perfidiaeque plenas, quibus libri proscribantur, in quibus sedis Apostolicæ procedendi modus defenditur. Quæ amentia complectitur tam Illustrissimorum Antistitum epistolam, quàm Censuram Facultatis, cum eadem dogmata vtrouque dammentur, & in Querimonia asserat Illustrissimorum Antistitum Epistolâ longè superatam esse acerbitate Censuram Facultatis.

Pag. 45. Multa malignè effutit de Richerij libello. Notat & designat propositiones quæ in eo hæretica dici debeant, quod antea nemo fecerat. Quæ de re tota fusiè dictum est ab Aurelio, & vindicata Facultatis integritas.

Pag. 46. Multa calumniatus in Censuram libri Santarelli Iesuita, libellum nescio quem Gallicum imputat Facultati, ex eoque propositiones impias & ineptissimas profert, quasi ab ipsa profectas.

Pag. 48. Impudenter accusat Facultatem sedis Apostolicæ potestatem angustis finibus circumscribere, nempe intra Romanam diocesim. Addit multa falsa, tum de illa, tum de libris suis, ut Aurelius probauit.

Pag. 50. Multa mentitur & furit in Doctorem Eliam Mincium, iampridem Iesuitis, licet immerito, inuisum.

Ibid. Hereses & blasphemias, quas Barnesio Benedictino Anglo ascribit, imputat Facultati Parisiensi, & in eam sic latrat; Si feles vnguentorum fragrantia, tygres pulsu tympanorum in rabiem aguntur; quid mirum si Censores Barnesianæ fidei homines librorum ipsius approbatores (falsò dixit paulò antè approbatos à Facultate) aduersus librum Discussionis & Apologiæ infanierint?

Pag. 51. Nemo verè Catholicus qui sapit, alia Censuram luce dignam quàm Barnesiani carceris existimabit.

Pag. 52. Petulanter adoritur Reuerendissimum Episcopum Chalcedonensem, quod confugerit ad Facultatem Parisiensem, id est, inquit, ad Censores, quos Richeriana & Barnesiana labe infectos esse nouerat, vel scire debebat. Et deinceps; Quid potest esse à Pastoris charitate magis alienum, quàm sedis Apostolicæ hostium ouina pelle tectorum, imò vix tectorum, sed suum odium nimium quàm palam ostentantium, doctrinà imbuendos tradere Catholicos, qui pro summi Pontificis autoritate patiuntur? Prudentes certè iudicabunt hoc facto eum suæ causæ retram labem intulisse, iustamque causam Laïco Catholicis præbuisse ab eo sibi cauendi, etiamsi constaret esse legitimè constitutum. Et multa impudenter per totam paginam.

Pag. 53. Censuram dicit esse crasso errorem notabilem, in propositiones latam Anglico sermone scriptas, ab inimicis collectas & in Latinum versas. Cùm tamen in hac versione ipse nihil nisi duo loca, eaque perspicuè innocentissima carpere potuerit. Hac autem versio ita consensu eius tacito confirmata, versionem à sociis ipsis editam plurimis & grauissimis locis summa perfidia coarguat; ut clare demonstrant responsiones.

Pag. 54. De Censoribus; Cæcos cæco impetu sequuti, in foueam inciderunt. Deinde ita insultat Facultati, postquam eam tot conuiuiis fœdauit; His igitur interpretibus, his collectoribus indignare, nobilissima Facultas, qui te nescientem quæ damnares, ridiculam præstiterunt. Addit, eam ex collectoris mendacio concepisse ardorem, & stipulas peperisse. Imprudentiâ lapsam facit, quam tot declamationibus impurissimis summa malignitatis & nequitie accusauit.

Pag. 55. Dicit, Facultatem magno conatu non nisi magnas nugas egisse. Et toti nationi Gallicanæ insultans addit, eam in portenta à malenolis ipsi obiecta tanquam in Danielis à Iesu copias, & in monstra, pro genio gentis, feruenter inuectam esse.

Pag. 59. Facultatem confert cùm spurio petulanti, lapides in Patrem ignotum iactante. Idque eo quod Facultas, inquit, proprio ac cæteris non communi Patre gloriatur, Ioanne Gersone, quem tanti faciat, ut cum

eum summo omnium Patri vel præponat, vel opponat.

Pag. 62. Dicit, unionem Ecclesiæ ad summum Pontificem esse accidentalem; & ad hoc abutitur loco Gersonis. Addit, habere semper Episcopum visibilem non esse perfectionem Ecclesiæ debitam in hac vita: Et ideo quando Ecclesia vacat Episcopo sine sua culpa, non esse imperfectam, quia non caret complemento, quod illi in hac miseriarum valle congruit; ac sufficere talem præparationem animi qualem sufficere vult Ecclesiæ Anglicanæ ad habendum proprium Episcopum. Vnde patet doctrinam eius tam destruere statum summi Pontificis, quàm aliorum Episcoporum.

Pag. 63. In ipsum illud Gersonis testimonium, quo paulò ante usus est, malignè cauillatur & calumniatur, ut & in alios quos Richeristas vocat.

Pag. 67. Sic maledicit Facultati; In hanc propositionem cum Richeristæ latent, nimium quàm similes illi cani videntur, qui gutture trifauci inanes terreat umbras.

Pag. 69. Censores vocat stupidos.

Pag. 74. Dicit, eos cuculinam cantilenam suam nimis ingeminare; & esse eiusdem cum Caluino palati.

Pag. 78. Ait, illos in Patribus & Theologis non esse versatos, iuuenili audacia in Censuras ruere, propositionem, quam damnant, nihil habere quod non Geneuæ displiceat, non minus quàm Sorbonæ.

Pag. 85. Eos nugari, & extra chorum saltitare.

Pag. 88. Dicit, eos obducta lanterna, mente in Regulares perturbata, Censuram tulisse; vix credi posse quàm fœdè errarint. Deinde multa calumniatus addit; Id quod apud ipsos sapere est, apud Augustinum esse inolerentissimè insanire.

Pag. 98. Incubare autorum libris, quod Parisienses faciunt, euulsasque sententiarum particulas orbi velut monstra ostentare, crimen esse generis humani odio dignum.

Pag. 99. Sic exardescit in Censores; Inuidia feracior est calumniarum quàm hydra caputum: vno demesso calumniæ capite, statim noua succrescunt. Vnde Herculeum laborem suscepisse mihi videor; quo minus mireris si insurgam in hæc monstra commotiùs. Dico igitur impudentiæ esse extremæ ita auctori imponere.

Pag. 104. Dicit, propositionem damnatam ita perspicuè veram esse, ut nemo qui verba singula, seu, ut loquuntur, terminos intelligat, & mentis compos sit, de ea dubitare possit.

Ibid. Censores qui Magistri non Israël, sed orbis haberi cupiunt, hære in principiis Logicæ, quæ pueri norunt, &c. Cum tamen ipsi Suarem suam non solum haberi cupierint, sed etiam vltro vocarint, communem magistrum orbis.

Pag. 108. Censuræ non plus sapidi liquotis quàm lapidi inesse. Censoribus autem Caluinianum inesse animum in sanctos Patres. Eos lanternas non habere apertas, oculos intelligentiæ perspicaces. Censuram verbis contumeliosissimis concepisse.

Pag. 111. Illudit summis Pontificibus, quasi Episcopos Ecclesiæ Anglicanæ tum demum concesserint, cum persecutionem penitus cessaturam



putarent, & tempus pacis & quietis certissima spe viderent. Cùm tamen sciant fide dignissimi viri atque Antistites, & sciat summus Pontifex, Iesuitas non minùs pertinaciter esse obluctatos viriſque Episcopi Chalcedonenſis, tum huius, tum decessoris ipsius ordinationi, ne quis Episcopus in Angliam mitteretur, quàm nunc de illo inde amouendo decertant, & iisdem causationibus semper ac prastigiis Episcopos Angliæ non necessarios, imò noxios esse contendisse. Impudentia insignis est, eos ne memoriam quidem summi Pontificis extimescere, & illum videntem, & inspectantem ludificari.

Pag. 113. Censores comparat cum claudis oratoribus, qui ad vociferationem tanquam claudi ad equum confugiant. Censuræ inesse plurimum vocis elatæ & turbidæ, solidæ sinceræque veritatis ac sapientiæ nihil. Cùm se acutos putent, esse obrusos.

Pag. 115. Censuram non posse à crimine excusari.

Pag. 116. Postquam imperitè dixit, Censuram aduersari S. Thomæ, addit: A tenebrionibus istis hunc non solùm contemni, sed etiam falli, temerariæ, præsumptuosæ doctrinæ notari: quid equo animo ferat?

Pag. 118. In laudes stolidas Francisci Suarez sine causa effusus, dicit, eum doctissimum huius æui Theologum, cuius (rumpatur licet inuidia) memoria viuet, cùm fuerint ne hi Censores, nisi fortassis ad inuidiam, posteritas ignorabit.

Ibidem contumeliosissima comparatione usus, Censuram dicit nihil esse nisi vocem, & vocem semper eiusdem soni, tristem & funestam; strepitat, inquit, ferali carmine bubo.

Pag. 124. Stolido apophtegmate & versu satyrico amare illudit.

Pag. 126. Doctorem Parisiensem Anglum petulanter insectatur, periurij & leuitatis accusat, insulso item apophtegmate.

Pag. 127. Dicit, damnare suam propositionem prope esse blasphemiam.

Pag. 131. & 132. Multa petulanter effundit in Facultatem; vocat eam Scholam Richeristicam, mutiorem pisce, &c.

Pag. 147. Impingit ei illud; Quæ ignorant blasphemant.

Pag. 150. Dicit, Collectori & Censoribus nimios impetus & ardores mentem eripuisse; multa que alia similia.

Pag. 154. Improperat eos cuculinum suum carmen ingeminare.

Pag. 156. Censuram vocat temerariam & Theologis indignam.

Pag. 160. Arguit Theologos Parisienses lamiarum instar cæcutire.

Pag. 161. Sine causa, & prorsus extra propositum inserit longam inuectiuam in Episcopos ex opere quodam subditicio Gersoni falso ascripto, ubi multa in eos præcipuè Prælatos qui res bellicas curant. Quæ omnia patet studiosè quesita in contumeliam Illustrissimorum Gallia Antistitum, præcipuè illius, quem omnium celeberrimum & maximum Gallia habet. Nec contentus improbus homo talium virorum fraudulenta laceratione, conuertitur ad eorum ludibrium, & ita planius insultat; Absit vt hæc regeram in Gallia Episcopos. Nec enim rumusculis de Episcoporum moribus fidem habeo: neque si mihi constaret de eorum moribus euersis, propterea illos venerari desisterem. Ac deinde acerbissimè in ipsum Gersonem.

Pag. 164. Dicit, Censores non ex malitia, sed ex mera ignorantia, crassa

ramen, impingere. Et paulò post; Audaçter dico, nesciunt quid loquantur.

Pag. 167. Sic concludit; Sed hæc subtiliora sunt, & ad hanc lucem Censores nostri bubonum instar, sat scio, cæcutiunt. Et quoniam quicquid ignorant, statim Censurâ notant, ex tenebris suis audio iam canentes ferale carmen.

Pag. 168. Nesciunt de quibus affirmant; & ideo nihil mirum si ipsorum insipientia pateat omnibus.

Pag. 172. Censuram odij & ferociæ, non fidei & iudicij partem esse.

Pag. 180. Dicit, Censores in se inuehi quatuor rotundis mendaciis.

Ibid. Primum illorum vocat Gigantum mendacium & monstrum, in quo debellando Richeristæ heroes triumphent.

Pag. 185. Sic insurgit in Censores; Utinam in hos qui quouis verbo falsitatis, errores, scandala, hæreses crepant, non posset verè dici illud S. Augustini in Phariseos; Quid aliud cructarent quàm quo pleni erant?

Pag. 187. Facultatem vocat Scholam Richeristicam. Eam arguit mirabilis cæcitatatis.

Pag. 188. Iuris gentium ignaram dicit.

Pag. 189. Censuram esse maximè indoctam, & ineptam, & indignitate plenam. Se Spongiam non aqua simplici, sed aceto mixta impleuisse, quo intimius penetraret.

Pag. 192. Amarissimè subsannat Illustrissimum Archiepiscopum Parisiensem. Fraudis eum accusat. Diligentiam eius, in damnandis erroribus suis, nouam, inusitatam, exoticam dicit, qua ille non occasionem repellendæ hærescos inuenerit, sed infamiæ Regularibus inurendæ quæsierit.

Pag. 193. Multa mendaciter & procaciter; ac demum maledictum horrendum adiecit, quod ne referri quidem possit à prudenti reprehensore.

Pag. 194. Subditiua diplomata quædam profert, quibus summas contumelias Episcopis iniiciat. Deinde illudis Archiepiscopo Illustrissimo protestans, se nullam ei labem inurere velle.

Pag. 195. Insolenter eum irridet, & mendaciis insectatur.

Pag. 196. Animum ei exulceratum, ægritudinis sensu à recto & vero auocatum, inimicum, nodum in scirpo quærentem affingit.

Ibidem mendaciter ait, eum damnassee librum Danielis à Iesu, antequam eum ex Anglico integrè versum vidisset.

Pag. 197. Totâ, acerbè & impudenter mendacia contumeliosissima ingerit & Archiepiscopum Catholicum verbis, quibus sanctus Hieronymus in Ioannem Hierosolymitanum hæreticum Episcopum usus est, insequitur, ipse tot hæresum reus.

Pag. 199. Inuehitur in eundem verbis, quibus Augustinus Petilianum Episcopum Donatistam increpauit, eo quod scilicet, Illustrissimus Parisiensis temerè crediderit, nec consuluerit librum qui carpebatur.

Pag. 200. Totâ, petulanter eum deridet, orans ne in malam partem accipiat, quæ in eum scribit. Quod ludibrium ad finem usque prosequitur, ubi tandem dicit, se ad illius genua supplicem accidere; prostratumque pacem & veniam humillimè orare.

Pag. 210. Dicit, Regem Angliæ meritò offensus iri, si Pontifex mitteret in Angliam Episcopum cum tota autoritate & iurisdictione Episcopali, qualem cæteri Episcopi in suis dioccesibus habent: Nec hoc aliam utilitatem habere posse quàm ut Regem exacerbet.

& Pag. 220. Hoc fore contra omnem prudentiam Regem irritare: Quem tamen multo magis irritari constat præsentia Iesuitarum, quàm Episcopi ullius.

Pag. 212. Fallaciter perstringit Pontificem, quasi Episcopum in Angliam miserit, non rogato prius consensu Catholicorum Anglorum: quod ius eos dicit habuisse, ne scilicet aliter mitteretur. At in Archipresbyteri constitutione longè aliter philosophabantur, quod ille totus esset in eorum potestate.

Pag. 216. Iurisdictionem Episcopalem dicit nihil esse nisi carceres, carnifices, furcas: nec eam esse institutam pro solatio subditorum; & id dicere, videri paradoxum.

## EX QVERIMONIA.

**I**N approbatione Querimonie Illustrissimi & Reuerendissimi Gallia Episcopi sic vocantur; Catholici quidam indiscreto zelo agitati illos doctissimos viros (nempe Iesuitas) quorum sudore, doctrina, & sanguinis effusione Ecclesia Anglicana hætenus suffulta fuit, sæuissimè oppugnant. Additur, Nihil in Querimonia contineri, quod Catholicæ veritati contrarium sit, aut non iuris naturæ, & iustissimæ defensionis dictamine prolatum, aut quod aliquem meritò offendant. Quasi iuris naturæ, & iustissimæ defensionis dictamen ferat, ut priuati homines nulla autoritate præditi in solenne Episcoporum decretum publicè insurgant, & illud procaciter dilacerent, ut videtur stolidissimo approbatori, non solum iuris naturæ, sed iuris diuini & Ecclesiastici ignaro. Subscribitur autem hæc approbatio nomine Francisci de Latre Canonici Audomarensis; quo in oppido degebat Iesuita Floydus, & alij horum libellorum autores. Additur simile testimonium Facultatis nescio cuius in Germania Paderbornensis, cui Iesuitas dominari constat.

Paragr. 1. Petulanter ridet Illustrissimos Episcopos, quos vocat, Sapientiæ & sanctimonie lumina; cum tamen eos totâ Querimoniâ oppugnet, quasi summa temeritate & odio lapsos, & atrocibus convitiis oneret.

Pag. 16. Sedis Apostolicæ Præsulibus, & Religiosæ vitæ professoribus Ecclesiam Anglicanam totam deberi ait; quasi ea nihil debeat Episcopis, Sacerdotibus, Ecclesiasticis, & toti Clero.

Pag. 17. Ecclesiam Anglicanam sic alloquentem Gallia Episcopos inducit; Cum Gentilium errorum demersa tenebris in vitiorum omnium cæno volutarer, à vobis qui loco proximi eratis, nihil mihi ad salutem opis allatum est. Quæ non solum maxima est ingratitude, sed etiam supina inscitia.

Pag. 19. Sic insultat Episcopis; Regulares verbo vitæ lingua à Deo benedicta Christo me genuerunt, ut si decem millia pædagogos habeam, non

tamen alios Patres. Episcopos & quoscumque alios Ecclesie illius pedagogos faciens, solos Regulares Patres. Et tamen passim ipsam inducit vocantem Gallia Episcopos Patres. Quod foris ludibrij causa, vel consuetudinis & honoris externi gratia facit, quo modo Iesuitas cum Episcopis agere solere constat.

Pag. 20. Reuerendissimi Patres, cum Regularibus pro mea salute vitam oppignerantibus, libris ipsorum damnatis, stigmata inuratis, vultus ut non sentiam? Mihi qua parte non modò viua, sed etiam sanissima sum, sectiones, vitionesque adhibetis, nec mihi fas erit commoueri? *Addit multa simili petulantia.*

Pag. eadem. Exosculari se dicit charitatem eorum epistolâ expressam. Mox insultat, Gratulor sorori meæ Gallia tot Paulos obtigisse, quibus licet iurisdictionis limites definiti sint, tamen ita dilatantur spatia charitatis. Ac deinde apertius; Possem hic obijcere dictum illud S. Bernardi vulgo notum, sæpè sub pallio charitatis negotium vanitatis, imò & iniquitatis actitari. *Addit*, se posse in eius rei confirmationem adducere exempla antiqua, recentia, summorum Pontificum testimoniis adfirmata, per quæ constat non defuisse aliquos, qui quæsitis occasionibus prætextu charitatis, aduersus Regularium quietem & famam, dura & graua sæpè moliti sunt.

Pag. 21. Dicit Gallia vulnera non esse persanata; & nomine Philippi Regis Macedonum regiam factionibus, dissidiis, exiliis, tum Reginae Olympiadis, tum Alexandri principis, deformatam habentis, Regis consilia exprobrat Episcopis, ipsumque in odium rapit.

Pag. 22. Sarcasmo eos petens; Absit, amplissimi Patres, inquit, ut hoc vobis applicem; Absit, ut de vestro sincerissimo affectu in miserandam nostram Ecclesiam (*Anglum hominem loqui indicat, non Loëmelium Belgam*) charitatis prudentiæque plenissimo dubitem. Et in maiorem insultationem subiicit; Christianum curandi modum in eorum epistola non esse seruatum, quod ex alto despexerint, quod pro sui seueritate officij statim ferramenta expediuerint & ignes, quod vsserint & lancinarint, igne armati & ferro.

Totâ paginâ 23. Petulanter inuehitur in Illustrissimum Antistitem Epistolæ scriptorem.

Item totâ pag. 24. Vbi de eo dicit; Vestræ scriptorem Epistolæ credimus vestri chori non esse: ut nimirum licentiam sibi aperiat procacius in eum & in epistolam, eoque pacto in totum Antistitem cæcum inuehendi. *Addit*, non alia de causa se negare scriptorem Epistolæ esse Episcopum, nisi quia de sacrarum literarum notitia, prudentia, charitate Episcoporum, quæ epistolæ & scriptori eius desint, altè sentiat. Quæ petulantia fertur non tantum in Antistitem scriptorem Epistolæ, sed multo magis in omnes, qui eam subscribendo suam fecerunt.

Pag. 26. Fusè in epistolâ scriptorem.

Ibid. Epistolam dicit superlatiuis, hyperbolis, amplificationibus exundantem, nullam scripturæ autoritatem, nullam erroris conuictionem in spiritu lenitatis, tantum spiritum grandem, commotionem ignis. Epistolam protulisse veteres pannos, rigidiores, pingues lacernas, duri crassique coloris, & malè percussas textoris pectine Galli. *Aliaque Satyrice.*

Pag. 29. Dicit, se Episcoporum decretum impugnare posse & nihili facere, quia non efficiat certum fidei dogma, nec litem fini imponat.



*Pag. 30.* In Anglos Catholicos vobis iurisdicção non competit, qua silentium ipsis imperetis, nec vestri decreti robur est tantum, ut non possit, velut inualidum, deceptioni obnoxium, à veritate alienum, repelli.

*Pag. 31.* Accusat eos nouo vulnere percussisse Ecclesiam Anglicanam: *Eorum Censuram esse tanquam unguem in ulcere, discordiamque augere.*

*Ibid.* Illustrissimorum Episcoporum dignitati illudit; Vocem extorquet, inquit, nec capit frænus dolor. Non ignoro dignitatem vestram, Ego dixi Diigestis, & filij excelsi omnes. Sed dolor vehementior amoris igne succensus non terræ, non cælo parcat, in homines, in superos, querelis indulget. Complexa sui corpus venerabile nati, atque Deos, atque altra vocat crudelia mater. *Addit*, se Iob imitari velle, qui cum Deo disputare cupiebat. *Aliaque fanatica.*

*Pag. 32.* Dicit, eos iniecta via ad sua iudicia traxisse Ecclesiam Anglicanam, in vulnera eius inquisisse, suæ curæ subeundæ necessitatem illi imposuisse inuitæ, renitenti, horrentique vestram mihi inexpertam, inquit, neque semper dexteram, sed errori obnoxiam manum.

*Ibid.* Accusat medicos curationis incertæ, qui vrant, qui secant vulnera.

*Pag. 34.* Mendaciter queritur, Illustrissimos Antistites non euocasse vltos suorum sodalium, ut, si quid videretur, responderent ac dicerent ad errores tantos. Cum vocatus fuerit Prouincialis ipsorum, qui primò tergiuersatus, ubi tandem prodit, non responsionibus, sed dilationibus librorum damnationem redimere voluit. Petulantibus verbis super eare incessit tot Episcopos, addens, eorum Censuram ferro armatam, pro maleuolorum placito applicatam, non contra vulnera, sed contra homines districtam esse, salutaria Ecclesiæ membra infami vulnere lancinasse, *Improbè, cum Illustrissimi Antistites, autores, quos probè norant, ne nominarint quidem.*

*Pag. 35.* Insultat, dicens se animum amoris & reuerentiæ in ipsos eorumque ordinem plenum habere; sed cum iis exostulare, sicut Iob cum Deo. *Quasi Iob tot contumeliis & sarcasnis Deum inuasisset.*

*Pag. 36.* Mendaciter asserit, persuasum esse Illustrissimis Episcopis, ut Censura ab iis impetraretur, Tomum tertium Suarez de Religione, & librum Bonacinæ, Romæ esse damnatos.

*Pag. 37.* Sic scribit de Illustrissimorum Antistitum epistola; Incredibile videtur quod dicturus sum; tamen illud clarissimè demonstrabo; Censuram perpetuam hyperbolem esse; nullam sententiam in ea reperiri quæ sit rigide exacteque vera; nullam quæ non sit clarè apertèque falsa, nisi beneficio hyperboles excusetur. *Addit*; Hæc peccata in eorum contumeliam redundare. *Aliaque multa insolenter.*

*Pag. 38.* Ad locum epistolæ qua Illustrissimi Antistites dicunt se, quotquot Parisi versabantur, concurrisse velut ad sedandum domesticum incendium; Respondet; Se huius Epistolæ autoritate non adduci ut id credat.

*Pag. 41.* Certum sibi esse dicit eos neutrum librum integrè perlegisse.

*Pag. 40.* Tres Antistites, quos ait non adfuisse, & cum tribus personis sanctissimæ Trinitatis confert stolidis verbis atque impiis, dicit non libris notam erroris, sed Censuræ potius notam iniquitatis inuisse.

*Pag. 41.* Censuram vocat insignem calumniam.

*Ibid.* Libros suos Episcopis oblatos esse, sicut Iudæi Christum Dominum de Cæsaris maiestate imminuta reum apud Pilatum accusarunt.

Pag. 42. Illustrissimos Episcopos librorum odio incensos, quasi suæ dignitati aduersantium, & sæpiarum atramento nigræque succo loliginis alperfos animos habentes, faciem librorum tetram & horridam, scopum deformem & impium, tot terribiles impietatum formas, tot blasphemiarum laruas, tot hæresum monstra vidisse. *Tota pagina conuitiis scater.*

Pag. 45. Nihil potuisse dici acrius in hæreticos, qui sacramentum Confirmationis negant, quàm Censura dicat in libros Iesuitarum.

Pag. 47. Episcoporum Epistolam intrepidè & hyperbolicè gladium Censuræ circumferre in Angliæ Regulares, seu Iesuitas.

Pag. 48. Illustrissimos Episcopos similes esse serpentibus Mesopotamiæ, qui nunquam indigenas mordent, quamvis in externos magnoperè sæuiant; quasi nimirum libros Gallicos non damnent eadem docentes quæ in libris Iesuitarum Anglorum habentur.  *multis prosequitur hoc conuitium.*

Pag. 49. Censuram esse hyperbolem Episcopali gravitate indignam, & maleuolentio rem Censurâ Parisiensis Facultatis. *Quod & dixit antiè, paginâ 45.*

Pag. 51. Antistitum Epistolam Richeristicas ineptias, id est, notas Censuræ sacra Facultatis Parisiensis, collegisse ut gemmas, easque oratoriæ hyperbolarum magnificentia tanquam auro ornando, rem fecisse ab Episcoporum gravitate & dignitate alienam.

*Ibid.* Epistolam oratoriæ factam esse, quasi Inuectiua, non Censura, scriberetur aptissimè ad innocentiam denigrandam. Deinceps totâ paginâ petulantissimè exagitat Illustrissimos Antistites, nomine epistola scriptoris.

Pag. 54. Et per duas sequentes, blasphemus & impiis manibus diffecat & dilaniat Symbolum Apostolorum, in eoque hæreses & atheismos indagar, tam inusitata ipsis hæreticis & Ethnicis, atque antehac inaudita licentia, ut solus Atheis disciplinam tradere velle videatur. Edit autem tantum flagitium, ut probet Facultatem Parisiensem non debuisse exponere varios sensus, quos ambigua & fallaces, ac de industria inuoluta Nicolai Smithæi propositiones rudibus & simplicioribus offerre poterant. Argumentatio ergo primum insulsa & demens erat; deinde temeraria & alienissima ab Epistola Illustrissimorum Antistitum, de qua sola agebatur.

Pag. 56. Dicit, Censuram perpetuò hyperbolizare; obiici ei posse Sayricum carmen; Cernitis ut variet rem prodigialiter vnam.

Pag. 57. Eam ampullari magna verborum pompa, res per se humiles attollere; Spumæque rigentis erigere ingentes cumulos; mutuata iterum Satyrici autoritate.

Pag. 58. Epistolam Episcopalem magis falsam & contumeliosam esse, quàm Censuram Richeristarum, id est, sacra Facultatis Parisiensis.

Pag. 59. & 60. Eam multò acerbissimam esse, sic ut Richeristas longo intervallo superarit; & Censura Illustrissimi Parisiensis præ ea mitis videri possit. Non esse scriptam sermone Episcopali, Angelico idiomate, hoc est, puro & casto. Sæpius blasphemix nomen ingeminare in Danielelem, quàm Angeli verecundia vel in diabolum conferre ausa sit.

Pag. 61. Prouerbiū in Episcopos torquet: Tu curru utere, de asinis ne la-

bora. Dolet neminem fuisse qui illius eos moneret. Denique in illos subiicit; Qui sermonem ab aliorum iniuriis intra æqui verique cancellos non refrænat, huius vana est religio. *Ac deinde, Censuram esse nimis crassam.*

*Pag. 63. Censuram esse exorbitantem & nimium quàm hyperbolicam inuectiuam.*

*Pag. 64. Impudenter eos ridens; Absit, inquit, à tót sanctis Gallix Episcopis istiusmodi præcepti existimatio, non solum à sanctimonia Christianæ legis, sed etiam à candore Gallicæ genti innato aliena. Eosdem sanctos, & præcipientes ac temerarios vocat, nec solum à sanctitate, sed etiam à natura degeneres. Addit, credibilis esse eos fuisse deceptos, quàm Regulares Angliæ in errorem incidisse.*

*Pag. 65. Illos non benè quieti suæ, dignitati, honori, conscientiæ consuluisse.*

*Ibid. Omnes Parisiensis Censuræ in Danielelem notas, in Epistolam eorum, velut in Epitomen conferri. Imò Epistolam ignominiosæ Censuræ notas à Richeristis decantatas, ita numero multiplicatas reddere, ut meritò Heptaphonos Echo dici possit.*

*Pag. 66. Epistolam notam, seditiosæ, non solum malitiosè & falsò inure re propositioni vlli Danielis, sed etiam ineptissimè.*

*Pag. 67. Fecerat illud suum; Quot sententiæ, tot hyperbolæ.*

*Pag. 68. Epistolam esse Censuræ Richeristicæ facundam, & fecundam Echo.*

*Pag. 70. Episcopos vocat Aristarchos; & totâ paginâ Epistolarij nomine eos fædè proscindit.*

*Pag. 72. In Episcoporum Epistola Richeristicæ maledicentiæ grana, quæ singula cadunt, multiplicata nasci.*

*Pag. 73. & 74. Væcordiam in ea esse; & quisquis Richeristarum Censuram probet (cuius epitomen & amplificationem in Episcopali Epistola inesse dixit) Labeone insaniorem inter sanos dicendum esse. Nihil horridius in Lutherum, vel Calvinum dici potuisse, quàm Epistola dicat in Danielelem.*

*Pag. 75. Epistolam nihil discernere inter festucam & trabem, inter næuum & tuber, atomum & montem, niurem & elephantem. Quare Satyrico flagello eam insectatur.*

*Pag. 76. & 77. Propositiones aliquas Danielis dicere impias (ut dicunt Episcopi) esse penè blasphemum. Magnam esse hyperbolem, & multum iniuriosam. Subdit: Ego prorsus mihi persuadeo Reuerendissimos Dominos vel non aduertisse quàm hyperbolicè loquerentur, vel certè libro non diligenter excusso, maleuolis de libro horrenda iactantibus leuiter credidisse. Nimirum nemo sapit omnibus horis, & viros etiam præstantissimos nonnumquam Momus exagitat. Denique tantam esse Censuræ acerbicatem, ut eam ne quidem Richeristæ vel semel vsurparint, ita eam videbant à veritate alienam.*

*Pag. 78. Episcopos non pro causæ merito, sed privato aliquo occultoque dolore in Danielelem tam infestè incurrere.*

*Pag. 79. & 80. Petulanter irridet quod Episcopi dixerint, se Danielis hæreses non sine gemitu referre. Eorum enim Epistolam in recensendis illis hyper-*

bolico tripudio perpetua leuitate exultare. *Tota pagina impudentissimis conui-  
tiis & satyricis scommatis est referta.* Episcopos deinde comparat cum Achab  
flente mortem Naboth, quem interfici iusserat. *Addit:* Eos sic erga Reli-  
giosos animo comparatos esse, vt ab ipsis tetra fieri, apertè hæretica &  
blasphema dici magnoperè cupiant, quò populis exosi reddantur, tantum  
abest vt ea cum gemitu vel referant, vel audiant. *Loco deinde Episcopi Belli-  
censis abutitur, vt eis acerbè maledicat.*

*Pag. 81. Dicit, eos esse ex Præpositorum illorum numero qui domi suæ  
domesticos percutiunt. Deinde repetens summam superiorem hyperbolarum  
suarum & contumeliarum seriem, impudenter illudit: A verbis, inquit, quæ con-  
tumelias continent, abstinui, & quantum res patiebatur, stylum, pro mea  
in vestrum ordinem reuerentia, temperaui. Addit multò insolentior excusa-  
tionem: Si tamen vobis liberiùs vestrum scriptorem notasse videar, S. Hie-  
ronymi se de confutata Ioannis Episcopi Hierosolymitani Epistola excu-  
santis verbis utar: Quæso ignoscite dolori meo: Nam si superbum est re-  
spondisse, multò sit superbius accusasse,*

*Pag. 82. Calumniatur; quasi Illustrissimi Antistites vniuersos totius Ec-  
clesiæ Episcopos, qui libros istos non damnarunt, canes mutos non valen-  
tes latrare & dormientes dixerint.*

*Pag. 83. Contumeliose in summum Pontificem gloriatur, Librorum damnato-  
rum alterum ab eo Romæ tolerari.*

*Pag. 84. Illustrissimum Archiepiscopum Parisiensem impudenter sine causa inua-  
dit, coclitem vocat & ridet, satyrico versu lacerat. Et tamen mox addit; Se & so-  
cios suos esse amicos, filios, veneratores Episcoporum Galliæ; & quò magis  
illudat, vocat sapientissimos Præsules. Quo in sarcasmo progreditur tota pagina  
& sequenti, nimiam cautelam, leuitatem, Gallicam promptitudinem iis  
exprobrans. Idemque petulanter persequitur per tres paginas. Obscenum illud  
apophthegma iis impingit: Non omnibus dormio. Addit per ludibrium: Eos in  
specula pastoralia Christo positos esse. Si hæretici calamum arripiant, non im-  
pudentiùs Catholicos Episcopos, eorumque ordinem exagitare possint. Tot ludibria  
quasuis contumeliarum atrocitatès superant.*

*Pag. 92. Tota petulantissima est, & satyrico versu concluditur, cum eaque ipsa  
Querimonia.*



**A**LIAS procacitates non attingo, pluribus libellis, quos ne quidem commemorare dignabor, à Jesuitis coaceruatas. Hæ solę intemperię, quas ex Spongia & Querimonia duntaxat (quod eas solas Aurelius refellerit) excerpere volumus ad expressius iniquitatis querimoniarum quas finxerunt argumentum, eorum, quę ab ipsis ex Aurelio sunt collecta, tum necessitatem, tum moderationem, cuius æquo iudici ponunt ob oculos. Quid enim non meruit in se dici tam inusitata petulantię vis? Aut cui tandem videtur coërceri potuisse sine inusitata quadam validitate orationis? Non necesse esse, opinor, fieri pluribus verbis collationem vllam inter reprehensiones, quas ipsi proferunt, & contumeliarum seriem, quam nos iis opposuimus ex scriptis ipsorum, cum earum discrimen clarius emineat ex ipsis per se locis inter se objectis, quàm vlla possit oratione effingi. Nam multitudo convitiatorum qua longè superant in libris admodum exiguis, & eorumdem præterea magnitudo & atrocitas planissimè declarant petulantię abundantiam, & plenitudinem fellis penes eos esse, quę ad solam Illustrissimorum Antistitum, & Theologorum proscissionem sese in chartas effuderit; Aurelium verò exuberanti eorum protervię cauterium adhibuisse temperatarum, sobriarumque increpationum, quę quicquid acerbioris per se habere videantur, tamen collatę cum morbo, cui mederi debuerunt, mites videri debeant, & ipsa gravitate sua sanitatem vigoremque merum præ se ferant, sicut eorum procacitas ignobilitate sua & fœce, vitiositatem & imbecillitatem suam prodit. Debuisset porrò compesci non solam doctrinę impuritatem, sed maximè protervię insolentiam inde patet, quia illi defensionis suę spem ac firmamentum non tam in rationibus collocarunt, quàm in bacchationibus illis horrendis. In doctrina enim defendenda ignauissimè & absurdissimè sunt versati; in latrando & furendo studiosè, accuratè, continenter, ut pateat eos perfunctorię attigisse doctrinam, cuius defensionem desperassent; de industria verò & toto animorum nisu ad latrandum esse conuersos, & hinc tantam è tantulis libris convitiatorum proluuiem fluxisse. Ipsa enim maledicentię inusitatę magnitudine veritatem infamia obruere voluerunt apud imperitos, quorum pars multò maxima, & immani grassandi & vociferandi fremitu deterritis aduersariis omnibus, impunitam errorum suorum licentiam non solum in præsens, sed etiam in posterum obtinere. Hęc ergo vis, hęc fraus, hęc machina potissimum effringi debuit, ne solam doctrinam lentè exponendo, veritatis labes præcipua non propulsaretur. Hæreret enim in rudiorum animis de re ipsa iudicare non valentium infamia Censurarum tot immanibus maledictis impressa, qua vehementiùs auerterentur à veritate, quàm ad eam vllis argumentis adduci possent. Vinceretur violentiâ Ecclesię fides, quantumvis interno robore inuicta, & ipsa ei sua firmitas aduersariorum fraudulentia apud homines longè plurimos inutilis efficeretur. Relinqueretur præterea in Ecclesia fœdissimum exemplum antehac inauditum, quo tum Iesuitis, tum audacissimo cuique & impio solennia Episcopalium Conciliorum decreta impunè calcari posse viderentur: & quod nos facinus à superioribus sæculis nunquam accepimus, id à nobis non solum acciperet

Ecclesiæ polteritas, sed etiam impunitum & intactum acciperet, in magnum huius ætatis dedecus, & sequentium perniciem. Ecclesiæ denique ac Episcopis perpetuò eriperetur facultas securè vtendi mandata sibi potestate tuendi depositum fidei, vindicandæ doctrinæ Catholicæ ne circumferamur omni vento erroris; & in media pace à Christianis, à Catholicis, à Religiosis, ab iis qui Ecclesiæ primarij defensores haberi volunt, eadem vis, idem contemptus, eadem insultatio eis assiduè immineret, quæ ab hæreticis, vel infidelibus Ecclesiam diripientibus metui posset. Quare cùm Aurelius non solum grauissimarum fidei rerum, sed in primis Ecclesiasticæ potestatis defensionem suscepisset, auertere debuit hæc probra, amoliri hanc ignominiam, ne argumentis ea frustra tueretur, quæ perniciosius & ad rudiorum exitium accommodatius, audacia & impetu aduersariorum euerterentur. Danda fuit opera vt occurreretur eorum nequitia; & sicut illorum erroribus veritas, ita procacitati constantia, fraudulentia vigor & prudentia spiritus opponeretur. Vt quemadmodum illi incomparabili orationis atrocitate, solutissimam sibi & infrænam, nunc & in omne tempus, audendi omnia licentiam parare voluerūt, & Episcopos potestatis illius possessione deturbare, cuius eos iure exuere conati erant improbitate doctrinæ: Ita contrà iustissimæ increpationis fortitudine amoueretur ab Ecclesia illa macula, & eiusmodi latratoribus præcluderentur in perpetuum fauces, sacratissima denique Episcopalis dignitas & diuinæ hierarchiæ amplitudo in illius autoritatis possessione assereretur orationis robore, in cuius solidissimo iure confirmata esset orationis veritate. Hæc fuit Aurelij mens, hoc votum, hæc contentio: quam nescio quis in tanta talium aduersariorum peruicacia, in tanta Episcopalis ordinis & hierarchiæ violatione, in tanto Ecclesiæ apud extraneos scandalo nisi publica seueritate sublatum esset, improbare possit, si minus possit imitari. Sola enim Ecclesiæ necessitudine cum ad hoc scribendi genus descendisse cùm illius oratio præ se fert, tum manifestius declarauit velitatio ei enata cum primario Theologo Societatis Sirmondo. Qui cùm seuerius agendi causas ei dedisset non paucas, ita tamen acceptus est quasi nullas dedisset, profitente palam Aurelio indulgendum affectui nihil esse in priuata contentione, maioresque illos motus soli Deo & Ecclesiæ, id est, solis rebus omnium maximis, non priuatis aut propriis, quas minimi facere quisque debet, concedi posse. Quæ omnia quisquis attendere voluerit æquo animo & neutram in partem propensiori, intelliget Aurelij exprobrationes in Iesuitas non tantum iure fieri potuisse, sed etiam factas esse citra vllam acerbitem, aut maleuolentiam animi, solo amore & miseratione Ecclesiæ, quæ tanta indignitate afficeretur. Quod clarius fiet comparatis singulatim eorum compilationibus cum audacia & improbitate, quæ de illorum libris ex aduerso prolata est; vt Aurelio referre liceat ad Excerptorem id quod à sanctissimo Episcopo Paciano in similem olim vehementia ipsius accusatorem scriptum est: *Frasci me ais, absu: stimulare vt apem credo, quæ interdum aculeo mella defendit. Verùm recole verumque literas: Iam videbis spiculisne an floribus paginam conseramus. Nos tecum, quasi columba, ore potius quàm dente colligimus.* Intuenti enim collectiones Iesuitarum & nostras, Aurelij dicta præ

eorum spiculis flores esse videbuntur, & columbarum innoxij gemitus præ *Molossorum remordentium* latratu. Denique suffragantur ei omnia quæ prudenti cuius in mentem venire possint in hac causa, quorum longiorem explanationem non fert hic locus: inquam tamen tam multa depromi possunt ex Scripturis, ex sanctis Patribus, ex religionis & virtutis Christianæ principiis, ex omnibus denique huic causæ adiunctis, ut egregiam præclari operis materiam obtulisse videantur isti criminatores, si quis sit cui exponere vacet ex Ecclesiæ traditione quid agere, & quò progredi liceat in castigandis maledicis, & coercendis præcipuè procacibus Ecclesiæ oppugnantibus, quosque in ea re fines præscripserit Ecclesiæ disciplina, & mores Patrum. Quod quò accuratius erit factum, eò præclarius apparebit Aurelij consilium, solidius, munitius omni auctoritate ac sanctitate maiorum, cui refragari nemo pius possit, & id, quod à Christiano ignorari turpe est, perspicuè agnoscerit, qualibet increpatione feriri posse quicumque non solum ista petulantia, sed quocumque modo refellere publicè ausit publicum de rebus fidei Episcoporum decretum, cum qui eos spernit, Deum spernat, & argui sicut Ethnicus & Publicanus mereatur. Non enim ferendum est effugium quo elabi conantur, dum se summi Pontificis iudicio stare paratos aiunt; quia nisi simul Episcoporum iudiciis se submittant, & in legitima eorum obseruantia supremam summi Pontificis sententiam expectent, rei sunt Ecclesiasticæ maiestatis, & minimè tolerandi. Nam Episcoporum decreta sunt Ecclesiæ vox, per quos Ecclesia ut per caput suum loqui censenda est, donec eos superiori auctoritate palam improbarit. Vnde quoad ita non reclamat, standum est illorum iudiciis ut Ecclesiæ voci, nec iis publicè refragari, vel obsequium palam detrectare licet, aut licuit vnquam in Ecclesia Catholica, in qua irrefragabilis semper fuit eorum auctoritas, ut Ecclesiæ doctorum & magistrorum, qui coli ut tales debent, non per certam gentem, sed per vniuersas; quia Ecclesia non alia atque alia est, sed vna per omnes gentes, & vnus Episcopatus, in quo neque Gentilis est, neque Iudæus, neque Scythæ, neque Barbarus, sed vnus vbique Christus, vna fides, vna mens, vnum magisterium, quod in quocumque orbis angulo contemnatur, idem contemnitur, idem non auditur, adeoque nec Christus. *Qui enim vos audit, inquit, me audit:* quæcumque obstrepant priuatorum opiniones, quorum in Ecclesia silere est loquentibus Episcopis, nec discipulorum vuculas Magistrorum auctoritati opponere. Quare Illustrissimorum Galliæ Antistitum vox, tacentibus aliis Episcopis, tacente in primis summo Pontifice, quasi Ecclesiæ vox colenda & audienda est Catholicis omnibus, potissimum Iesuitis, nec vlla aduersus eam refragatio aut tergiuersatio publicè ab iis afferri potest sine crimine; petulantia verò & impudentia tot enormibus scriptis in eam impacta frangi potest & conteri summa vi animi & orationis non solum sine contumelia, sed etiam summa virtute in Deum, & in eos ipsos qui se immeritissimè, ne superbissimè dicam, queruntur læsos esse. Aperta enim in Ecclesiam crimina, aperta in Ecclesiæ Episcopos contumacia, planissima denique tot flagitia suis nominibus insectari non contumelia est, sed iustitia

stitia & veritas, imò misericordia & charitas, cùm reorum compressio id necessario exposcit, nec aliter sperari potest.

---

*EX VINDICIIS SMITHÆI.*

**E**X *Titulo.* Censuræ nomine Facultatis Parisiensis editæ iniquitas, errores contra fidem, iniuriæ cum in sacrosanctam sedem Apostolicam, tum in Religiosos ordines vniuersos.

*Ex Epistola ad D. Guillelmum à Bauaria.*

*Pag. 2.* Sententia omnium fortè ab hominum memoria latarum iniquissima, quam pronuntiauit non legitimus Iudex aliquis, aut Arbiter, sed pars ipsa aduersa turbulentis odij inuidiæque affectibus efferata.

*Pag. 3.* Irrequieti spiritus homines, & contentioni nati.

*Ibid.* Richeristarum Censura iniustissima.

*Ibid.* Sycophantæ ac Profelini Censores.

*Pag. 4.* Odium plusquam Vatinianum, quo in Regulare institutum feruntur.

*Pag. 5.* In illos stringendus calamus.

*Pag. 6.* Ismaelitici genij homines.

*Pag. 7.* Damnentur potius ij qui aliud agunt nihil, quàm in domo iusti iniquitatem scrutari.

*Ibid.* Proscribantur noui schismatis in Gallia noui authores.

*Ibid.* Contra horum audaciam & temeritatem contendendum.

*Pag. 8.* Insolens facinus. *Et postea.* iniqui Anathematismi & Censuræ.

*Pag. 9.* Richeristicum tonitru animarum saluti funestissimum.

*Ibid.* Brutum Censurarum fulmen.

*Ex Prefatione ad Lectorem.*

*Pag. 2.* Censores discordiarum in Ecclesia Dei architecti.

*Ibid.* Nescio quâ petulantia debacchantes Anathematismos, Censuras pronuntiant non modò contemnendas, sed etiam execrandas.

*Pag. 3.* Iniquæ Censuræ Doctorum Richeristico fermento infectorum.

*Ibid.* Censura quæ non aliunde proficiscitur quàm ex præcipiti quadam maleuolentia, & immani odio, quo in Religiosos homines ducuntur.

*Pag. 9.* Chimærica illa, aërea illa, Vtopiana illa Pseudohierarchia, quam ex solo suo cerebro progeneratam tanquam Palladem suam adeo deosculantur.

*Pag. 17.* Impiè & ex malitia errarunt.

*Ibid.* Non est difficile inscitiam, perfidiam, impietatem, iniustitiam, errores huius Censuræ patefacere.

*Pag. 18.* In promptu erit Doctores Doctoribus confetre; & vni iam caduco & à schismate diu malè olenti hominum gregi (scilicet Facultati



*Parisiensi*) Vniuersitates complures, in sapientiæ incorruptæ flore agentes ex diametro opponere.

*Ibid.* Tota Censura innumeris scatet erroribus contra fidem, contra mores, contra humanitatem omnem.

*Pag. 22.* Quid putidius, quàm fidei & autoritatis sedis Apostolicæ zelum prætexere, cum ex omnibus Catholicarum Academiarum Doctoribus soli Richeristæ (*id est Doctores Parisienses*) sint, in quorum sinu foueantur schismata, apud quos solos etiamnum vigeat Cathedra pestilentiae, & contra veram sedis Apostolicæ autoritatem perpes errorum seminarium?

### EX REFUTATIONE CENSURÆ.

*Pag. 4.* Cenforum leuitas & impudentia.

*Pag. 14.* Censura iniusta, & in supremo gradu temeraria.

*Pag. 10.* Dicere quod affirmant Censores impium est, blasphemum, & hæreticum.

*Pag. 24.* Censura fallax, sophistica, æquiuoca, & absurda.

*Pag. 38.* Censura levis, iniusta, & ex ignorantia propriæ sacramentorum naturæ profecta.

*Pag. 41.* Christiani in schola Richeristarum enutriti.

*Pag. 45.* Profani & carnales homines.

*Pag. 48.* Censura contraria verbo Dei, Religioso statui iniuria, præsumptuosa, Calvinismum redolens, & simpliciter in fide erronea.

*Pag. 49.* Censura hæretica.

*Pag. 53.* Versipelles sophistæ. *Paulò post;* proprii cerebri figmenta, & umbras meras, tanto verborum strepitu lacessentes.

*Pag. 54.* Censura otiosa, iniusta, & solâ calumniandi cupiditate excitata interpretatio.

*Pag. 56.* Censores spermologi.

*Pag. 58.* Censura iniusta, & imperita prorsus cauillatio.

*Pag. 60.* Censura vanorum hominum imaginatio.

*Pag. 62.* Homines ad miraculum maleuoli.

*Pag. 64.* Censura ex mendaciis, imposturis, & corruptelis tota confarinata.

*Pag. 68.* Censores falsarij.

*Pag. 73.* Qui temerè pro libito quod volunt dicunt, & pro oraculis Delphicis sine probatione vlla simplicioribus venditant.

*Pag. 75.* Nugatores & falsarij.

*Ibid.* Censura impia, temeraria, & scandalosa.

*Pag. 78.* Sententia Censuræ temeraria, & erronea.

*Pag. 80.* Censura falsa, & temeraria, de qua dici possit, Mentita est iniquitas sibi.

*Pag. 85. & 86.* Tota Censura in eo versatur ut authoris mentem & verba per se sanè optima & verissima, in sensu trahat & torqueat incommodos, alienos, & nunquam ab eo cogitados, modo Christianis animis indigno: ut religiosum statum & Christi consilia in contempionem adducat.

*Et paulò post pag. 87.* Quo sanè nihil hominum saluti perniciosius, nihil

ad morum corruptelas potentius, nihil quo verius Calvinismo adhiinnia-  
tur.

*Ibid.* Censores iniqui Iudices.

Pag. 95. Censura impia, mendax, & insulsa.

Pag. 97. & 98. Sententia hæc Censorum hæresim sapit : aperte enim pugnat cum Dei verbo, & receptâ omnium sanctorum Patrum auctoritate.

Pag. 110. Censores omnem fidem & frontem exuerunt. ●

Pag. 112. Censura ex parte falsa, iniuria, & Religiosis ordinibus derogans.

Pag. 131. Hoc in errore fundatum, & plus nimio redolere damnatam hæresim Ioannis à Poliacò.

Pag. 136. Censura falsa, iniusta, imò & statui Episcopali derogans.

*Ibid.* Laxat ambitioni viam.

Pag. 137. Cavillatio imperitissima.

Pag. 139. Impudens planè & periculosa doctrina.

Pag. 143. Hoc nouum, absurdum, & periculosum.

Pag. 145. Calumniosa Censura.

Pag. 153. Censura falsa, erronea, & salutis animarum grauiter perniciosa.

Pag. 155. Censuræ falsitas intolerabilis.

Pag. 157. Censura falsa, Patrum doctrinæ contraria, & ambitioni viam sternens.

Pag. 159. Censura affectatâ laborans æquiocatione, vel potius deceptione.

Pag. 162. Censura falsa, iuri communi, & Patribus contraria, Religioso statui, & Evangelicæ paupertati iniuria, atque in fide erronea.

Pag. 164. Censores falsarios agunt more suo.

Pag. 171. Censura maligna, contumeliosa, carnalis, auaritiam fouens, & ambitionem.

Pag. 175. Censores sophismatis & logomachiis simplicem veritatem obscurare satagunt.

Pag. 187. Propositio Censuræ, ut iacet, est erronea, & Wicleffianam aperte sapit hæresim.

Pag. 181. Censores veteratores agunt.

Pag. 184. Censuræ doctrina falsa, scandalosa, Dei verbo, & rationis luminis euidenter contraria, & manifestè astipulatur hæreticis.

Pag. 186. Quod hic docent Censores, ineptum est, temerarium, verbo Dei contrarium, & erroneum.

Pag. 196. Tota Censura fraudulenta est, mendax, falsa, in oppressio-  
nem Catholicorum in Anglia vergens, auaritiæ sordibus, & scandalis,  
provt nunc sunt tempora, viam manifestè aperiens.

Pag. 201. Censura quæ imponit toti mundo.

Pag. 202. Ad populum Phaleræ.

Pag. 203. Eorum quæ in Censura continentur petulantia & falsitas.

*Ibid.* & sequenti pag. Censura huius quæstionis mendax, perfida, Reli-  
gioso statui, & Consiliis Evangelicis summè iniuria, Episcopis sordide

adulans, ambitioni & avaritiæ viam sternens, erroribus contra fidem scâ tens: Et sicut Calvinus per fatale illud suum æternæ prædestinationis decretum omnem sollicitudinem abnegationis propriæ, carnis castigandæ, seculi fugiendi, hominibus aufert; ita isti per dulces nescio quos sermones, per gratias statuum proprias, sophisticè & fraudulenter exaggeratas, & quasi singulorum etiam stertentium manicis assutas, in idem socordię barathrum mortales præcipitatum eunt.

Pag. 209. Figmentis & erroribus quibus hierarchiam contaminare & euertere conantur Richerij assellæ, nihil absurdius.

Pag. 206. Censores ad nouitates, Patriarchas sibi proprios, discessionem à vera Ecclesia, & horrenda schismata leui quauis de causa non leuiter pruriunt.

*Ibid.* Censuram vocat deforme monstrum, idolum solâ malè sani cerebri negotiatione formatum; quo Censores sibi adeo petulcè blandiuntur, ut nusquam melius illud Sapientis quadret: *Expedit magis urca occurrere, raptis fœtibus, quàm fasuo confidenti in stultitia sua.*

Pag. 211. Insolens Censura.

Pag. 216. Contrarium, quòd apertè videtur Censura docere, est hæreticum.

Pag. 253. Quod affirmant Censores, impium est, & hæresim sapit Vigilantianam.

*Ibid.* Censura falsa, temeraria, contra S. Thomam, & omnes Theologos, & plurimis ex Clero iniuriôsa.

Pag. 254. Censura falsa, Religiosis iniuria, iuri communi, & definitionibus Ecclesiæ contraria, atque adeo in fide erronea.

*Ibid.* Censura in Christum & Sanctos omnes blasphema, & hæretica.

Pag. 255. Censura præter maledicentiam, redolet etiam errorem in fide.

Pag. 259. Censura hæretica.

Pag. 260. Contradicere definitioni Bonifacij I. C. *Sunt nonnulli. 16. q. 1.* est hæreticum, & in Sanctos blasphemum. *Et paulò post:* Absurdum, temerarium, & damnatum sub anathemate latæ sententiæ.

Pag. 261. Audiant Censores quæ ex sentina hanc faciem hauriant; Calvinus hanc ipsissimam habet doctrinam.

Pag. 262. Censura manifestè fallâ, absurda, & Ordinariis omnibus Pastoribus iniuriôsa, imò sapit hæresim.

Pag. 266. Censura est contra definitiones iuris communis, & erronea.

Pag. 267. Censores sensum planè hæreticum habent.

Pag. 268. Censores tricatorum.

*Ibid.* Erroneum, & hæresim sapiens Vigilantianam.

Pag. 269. Hæresim sapit.

Pag. 270. Censura simpliciter hæretica.

Pag. 271. & 272. Censorum intoleranda petulantia & iniustitia.

Pag. 273. Censura hæretica.

Pag. 274. Hoc hæreticum est.

Pag. 278. Censores pro libito suo Conciliis quidlibet imponendi arroganter usurpant potestatem.

Pag. 279. Censura hæretica, omnibus Christianis iniuriosa.

Pag. 286. Putida cauillatio.

Pag. 288. Censura contra Concilium Tridentinum, & euidenter hæretica. Tota verò hæc Censura Religiosis omnibus summè est iniuria, & contumeliosa, in Christum & Sanctos blasphema, potestatis summi Pontificis subdole destructiua, temeraria, & hæretica.

Pag. 292. Censores vnico complexu multa conglobant approbantque impia, & absurdissima.

Ibid. Quod dicunt Censores, est blasphemum, & erroneum.

Pag. 293. Hæc doctrina sine dubio Pontificis potestatem destruit, estque in se hæretica.

Pag. 294. Censura contumeliosa in Concilium Florentinum & erronea.

Pag. 300. Facultatem Parisiensem vocat Facultatem Richeristicam.

Ibid. Temerè iudicant Censores, & peccatum vsurpati iudicij committunt.

Pag. 301. Censores nimis petulanter agunt.

Ibid. Non dubito quibus laboret vitiis, quot fraudibus & mendaciis, quàm fœdis scateat erroribus Richeristarum ( *Doctorem scilicet Parisiensem* ) in Nicolaum Smithæum Censura.

Ibid. Leuculos homines vocat Censores.

Pag. 302. Censura iniusta, & omnium fortè ab hominum memoriâ iniustissima.

Pag. 303. Facultatem Parisiensem nominat Synagogam Richeristicam, quæ plagiarix illius meretriculæ Hebrææ instar alienos fœtus sui iuris esse mentitur, vt per pietatis speciem parricidium conficiat.

Ibid. & pag. seq. Censorum inanes iras, & diras fulminationes cassas, & asininam quam solam sapiunt nœniam, &c. despiciere cuius cordato in promptu erit.

Pag. 305. Censura, quâ post homines natos nihil indignius, nihil in innumerabiles Doctores Catholicos iniustius, ab huiusmodi schola aliquando profectum.

Ibid. Censores ait contra omnia iura diuina & humana, auctoritatem alienam vsurpare, libros alienos deprauare, probatissimas Doctorem sententias damnare, errores effutire.



INTER MVLTAS APPROBATIONES LIBRI SMITHÆI quæ sunt ad calcem Vindiciarum pro eodem Smithæo, inuenitur pag. 330. hæc quæ sequitur, quam hîc posuimus, vt vel hinc pateat Iesuitas approbasse doctrinam iam ante tres menses damnatam ab Illustrissimis Gallia Episcopis, & celeberrima Facultate Theologiæ Parisiensi.

**M**AGNA sanè animi voluptate, & qua potui mentis attentione, semel ac iterum perlegi librum, cuius inscriptio est, Modesta ac brevis Discussio, &c. Authore Domino Nicolao Smithæo Anglo. Censeoque primum meritissimè fuisse à tot tantisque viris Religione ac literis illustribus approbatum, vt doctrina integrum sana ac pia, & ne in minimo apice fidei orthodoxa, bonisve moribus dissonum. Laudoque Authoris animum, modestiam Christianam semper ostendentem, zeloque veritatis & charitatis flagrantem. Deinde non possum non mirari fuisse aliquos (intelligit Episcopos Gallia, & Facultatem Theologiæ Parisiensem) qui cum iniuria Authoris ac veritatis ausi fuerint librum hunc falsæ doctrinæ labe maculare, ex inuidiæ conflandæ cupiditate minùs candidè ac minutè libri sententias transferentes, vel exponentes. Non enim (vt falsò innuunt) summi Pontificis consilium in Angliam mittendi Titularem Chalcedonensem exagitat, neque Episcopalem dignitatem sub Regularem deprimi Author, neque Sacramenti Confirmationis efficaciam, vel necessitatem communi Theologorum ore adstructam amolitur. Quin potius de sancta Sede Apostolica, de dignitate Episcoporum, de seculari Clero, de Regularibus ac horum institutis mira cum veneratione loquitur, & si attentè ac sincerè legatur, has omnes calumnias sua luce quasi densas tenebras fugat dissipatque. Præterea cuncta quæ afferit, clarè probat, solidè confirmat, doctè ac eruditè propugnat. Opposita verò neruosè oppugnat impugnatque, validis rationibus refutat, mitissimè reprehendit, atque minari, quàm par est, percutit Censurâ. Quæ tandem ego cum æqua lance perpendo; quedam inter ea, quæ parum aut nihil sunt probabilia, enumero. Quedam verò parum secuta, & nisi explicentur aliter quàm proferuntur (quorum difficile est aliam inuenire declarationem) in periculosis dogmatibus ponenda iudico, quæ tanto acriorem desiderant Censuram, quanto magis inauditam præ se ferunt nouitatem. Datum sub meliori arbitrio Vallisoleti in Domino professa Societatis Iesu die 13. Maij anno Domini 1631.

LVDOVICVS DE VALDIVIA olim Theologiæ Professor, ac studiorum maiorum Præfectus in Collegio sancti Ambrosij Vallisoletano, ac sanctæ Inquisitionis ex munere Qualificator.





ILLVSTRIA  
DE PETRO AVRELIO  
TESTIMONIA.

EXTRAICT DV PROCEZ VERBAL  
del'Assemblée generale du Clergé de France, tenuë à Paris au  
Conuent des Augustins en l'année 1635.

Page 343.

*Du Mardy deuxième Octobre, de releuée, Monseigneur  
l'Archeuesque de Bordeaux President.*

**L**A despence du compte de l'année 1633. a esté exami-  
née, & sur l'article de cinq cens liures ordonnez par  
Messeigneurs les Prélats assemblez à Paris, au sieur  
Morel Marchand Libraire & Imprimeur, pour l'in-  
demniser des frais de l'impression du dernier volume  
du Liure mis en lumiere sous le nom de Petrus Aurelius: La Compagnie  
attendu le aduantages, que l'Eglise a receu des liures imprimez sous le  
nom de Petrus Aurelius, & du merite singulier de celuy, qui les a com-  
posez, qu'elle desireroit connoistre, & luy rendre les tesmoignages de  
l'estime qu'elle fait de sa doctrine, a alloüé ladite partie.

Page. 404

*Du Jeudy huitiesme Novembre, du matin, Monseigneur l'Archeuesque de  
Bordeaux President.*

Sur ce qui a esté proposé par Monseigneur de Chaalons, que Petrus  
Aurelius qui a trauaillé si doctement & avec tant de zele pour la defense  
de la Hierarchie de l'Eglise, & de la dignité Episcopale, le trouue traitté  
si indignement dans vn Sermon imprimé en l'honneur de S. Ignace,  
qu'encores que sa doctrine soit approuuée, mesme par ses aduersai-  
res, neantmoins il y est nommé en suite de quelques Heretiques, de  
sorte que ceux qui n'auront pas la connoissance de ses liures pour-  
roient estre surpris par la lecture de ce Sermon, & croire qu'il aye escrit  
contre la Doctrine de l'Eglise. Qu'il seroit de la prudence de l'assem-  
blée d'vser de quelque animaduction contre ledit Sermon, & de don-  
ner quelque tesmoignage, non seulement de l'estime qu'elle fait des  
œuvres dudit Petrus Aurelius, mais encore des ressentimens, qu'elle a du  
seruice, qu'il a rendu à l'Eglise. Surquoy la Compagnie apres auoir fait  
faire lecture dudit Sermon, n'auoit pas trouué que la doctrine dudit  
Petrus Aurelius y fust blasinée, quoy qu'il y soit nommé en suite de  
quelques Heretiques; c'est pourquoy elle s'est abstenuë de condamner  
ledit Sermon: Mais voulant tesmoigner l'estime qu'elle fait de la

\*\*



*Illustria de Petro Aurelio testimonia.*

doctrine de P. Aurelius, du service qu'il a rendu à l'Eglise, & la gratitude qu'elle en a, elle a député Messieurs l'Abbé de Vaux & Marchier vers Monsieur de Filezac Doyen de la Faculté de Theologie, croyant qu'estant tres-affectionné à la dignité de l'Eglise, & à l'Episcopat, pour l'autorité duquel il s'est toujours montré zélé, & en a dignement & doctement escrit, il pourra auoir quelque correspondance avec vne personne, qui est animée d'un semblable zele, & douée d'un excellent sçauoir; & la Compagnie leur a donnée charge de luy dire, qu'elle estime extraordinairement le zele que Petrus Aurelius a tesmoigné à la defense de l'Ordre de l'Eglise, & la rare doctrine qu'il a fait paroistre dans les Liures qu'il a faits pour ce subiet. Qu'elle desireroit bien de luy pouoir tesmoigner sa reconnoissance; soit en luy donnant vne pension annuelle, ou en usant de quelque autre gratification en son endroit, s'il l'auoit agreable, & qu'elle eust adresse pour la luy faire tenir; & de prier ledit Sieur de Filezac de le luy faire sçauoir, s'il auoit quelque correspondance avec luy.

Page. 406.

*Du Vendredy neufiesme Novembre du matin, Monseigneur l'Archeuesque de Bordeaux President.*

**M**essieurs l'Abbé de Vaux & Marchier ont rapporté; Que suiuant le commandement qu'ils auoient eu de la Compagnie, ils ont visité Monsieur de Filezac Doyen de la Faculté de Theologie, & luy ont fait entendre les ressentimens que l'Assemblée auoit des trauaux de Petrus Aurelius, l'estime qu'elle faisoit de sa doctrine, & des Liures qu'il a fait pour la deffense de l'Eglise, & l'ont prié de sçauoir, si pour tesmoignage de reconnoissance, il auroit agreable de receuoir vne pension du Clergé, ou quelque autre gratification. Que ledit sieur de Filezac leur a protesté en foy de Prestre, qu'il ne sçait qui est Petrus Aurelius: Qu'il auoit receu quelque fois des fueilles pour l'impression de ses œures par diuerses personnes, qui la pluspart luy estoient inconnuës, & qu'il croit, que puis que se cachant, il s'estoit privé de l'honneur qu'il meritoit par son zele & par ses escrits, il ne se descouvroit pas pour en auoir recompense: & qu'il ne pense pas, qu'il peust desirer vne plus grande satisfaction de son trauail, que d'apprendre les sentimens qu'une Assemblée si celebre, & de tant de grands Personnages, que celle-cy, en tesmoigne.

EXTRAICT DV PROCEZ VERBAL  
de l'Assemblée generale du Clergé de France, tenuë en la ville  
de Mante en l'année 1641.

*Du Samedi vingt-septième Avril, du matin, Monseigneur l'Archeuesque  
de Sens President.*

**M**ONSEIGNEUR l'Euesque de Basas a dict, qu'il auoit receu  
vne Lettre de Monseigneur l'Euesque d'Orleans, qui le prioit  
de saluer l'assemblée de sa part, & luy représenter qu'il seroit  
a desirer qu'elle fist reimprimer les œuvres de Petrus Aure-  
lius, desquels il n'est trouué plus d'exemplaires, ausquels on pourroit  
adiouster la preface & le traité de la confirmation. Surquoy ayant esté  
remarqué que l'edition de ces œuvres seruiroit d'une bonne réponse  
au liure de Cellot, outre les autres que l'on pourra faire. Deliberation  
prise par province; a esté resolu que les œuvres dudit Petrus Aurelius  
qui sont en quatre volumes seroient reimprimés par le sieur Vitré Impri-  
meur du Clergé, & que la preface & le traité de la confirmation y se-  
ront adioustés, & le tout mis in folio en belle lettre; Qu'il en sera en-  
uoyé a chaque Archeuesque & Euesque deux exemplaires, l'un pour  
eux, l'autre pour leur Diocese, vn à chacun de Messieurs les Deputez du  
second ordre, & seront tous proprement reliez en veau, & qu'il en sera  
distribué aux personnes de lettres vne cinquantaine d'exemplaires re-  
liés par l'ordre de Messieurs les Presidents, & Messieurs les Eues-  
ques de Chartres & de Basas: & de tous les frais lesdits seigneurs Presi-  
dens arresteront la somme & donneront ordonnance qui sera acquit-  
tée par le sieur Receueur general, & alloüée dans son compte en rap-  
portant quittance dudit sieur Vitré.

Depuis par la mesme Assemblée generale du leudy trezième iout de  
Iuin ensuiuant, Monseigneur l'Euesque de Cisteron Presidant, a esté  
ordonné, qu'en execution de la resolution precedente, seroit deliurée  
au sieur Vitré certaine somme de deniers pour les frais de l'impression  
desdits liures de Petrus Aurelius; Enioint audit sieur Vitré de remettre  
les cinquante exemplaires desdits œuvres, qui ont esté destinés par la  
susdite deliberation pour personnes de lettres, entre les mains de Mon-  
seigneur l'Euesque de Chartres, qui a esté prié d'en faire la distribution,  
& de prendre soin de l'execution de tout ce que dessus.

*Il a esté ordonné par la mesme Assemblée, que le sieur Vitré  
seroit tenu de remettre les cinquante exemplaires desdits œuvres  
entre les mains de Monseigneur l'Euesque de Chartres, qui a esté  
prié d'en faire la distribution, & de prendre soin de l'execution  
de tout ce que dessus.*

QVÆ EXSCRIPTA LATINE SIG REDDI POSSVNT.  
*EX ACTIS CONVENTVS CLERI GAL-*  
*licani habitu Lutetia Parisiorum apud Augustinenses, anno 1635.*

Pag. 343.

Die Martis, secunda Octobris post Meridiem, Illustrissimo  
Archiepiscopo Burdigalensi Præside.

**A**NNI 1633. putata fuit impensi ratio, atque super capite summæ quingentarum libellarum ab Illustrissimis Antistitibus Lutetiæ congregatis Carolo Morello Bibliopola, & Typographo constitutæ pro compensatione sumptuum, quos expenderat, in excudendo typis volumine, quod sub nomine Petri Aurelij postremum editum est. Conuentus habitâ ratione fructuum, quos ex libris sub illo nomine publicatis, Ecclesia cepit vberimos, meritique singularis Authoris, quem sibi cognitum maximè vellet, eique ex animo testificari quantum sibi probetur ipsius Doctrina; illud impensæ nomen admisit, & ratum habuit.

Pag. 404.

Die Iouis octava Nouembris ante meridiem, Illustrissimo  
Archiepiscopo Burdigalensi Præside.

**Q**Vòd retulit Illustrissimus Catalaunensis Episcopus Petri Aurelij, qui tanta eruditione animique studio pro defensione Hierarchici ordinis, & dignitatis Episcopalis elaborauit, adeò contumeliosam fieri mentionem in quadâ concione, quæ de laudibus B. Ignatij prælo excusa prodit in vulgus, vt licet ipsius doctrina, vel ipsis aduersariis probetur, quibusdam hæreticis accenseatur, ita, vt rudes & in illius libris minimè versati illius concionis lectione in errorem inducti suspicari possent ab Ecclesiæ doctrina eius lucubrationes abhorreere: è fide ac prudentia sacri Conuentus videri, vti concionem illam aliqua censura notaret, adeoque significaret, non solum quanti scripta illius authoris æstimer, verum etiam quàm ipsius meritò gratiam habeat ob egregiè nauatam operam Ecclesiæ defensioni. Lecta concione Conuentus Patrum minimè damnatam, aut notatam comperit Aurelij doctrinam, licet eodem orationis tenore post quosdam hæreticos nominetur, quare seueriore quidem censura illius concionis abstinuit. Sed vt profiteretur quo in pretio habeat Petri Aurelij doctrinam, & quam ipse toti Ecclesiæ peropportunè nauauit operam, adeoque quàm grato animo ipsius merita prosequatur; Reuerendos viros Abbatem Vallensem & Marchierum ad clarissimū virum Ioannem Fillefacium Facultatis Theologiæ Decanum allegauit; cū vero simile crederet ipsum Fillefacium, qua semper fuit in ordinis Ecclesiastici, ipsiusque adeò Sacerdotalis fastigij dignitatem fide ac studio, cuius authoritatis luculentissimis scriptis, & doctissimis lucubrationibus sese defensorem acerrimum

*Illustria de Petro Aurelio testimonia.*

præstitit cum eo viro fortè communicare consilia, quem & idem spiritus animaret, & non dissimilis excellentis cuiusdam eruditionis ratio præstaret eximium: iis quoque sacer idem Conuentus dedit in mandatis, vti suis verbis eidem Fillesacio nuntiarent, se mirum in modum æstimare Petri Aurelij studium, quo sacri ordinis & Ecclesiæ totius authoritatem defendit, & mirabilem, prorsusque singularem scientiam cuius pleni sunt, quos ea de re libros elucubrauit, auere se maximè aliquam ipsius merito rependere gratiam, siue annuà certæ summæ pensione, siue alio quopiam beneficij genere, id si gratum ei fore sciret, & esset cuius opera suum munus ei repræsentari posset, ipsi Fillesacum rogarent hoc vt illi renuntiaret, si inter eos aliquid commercij intercederet.

Pag. 406.

*Die Veneris, nona mensis Nouembris, ante meridiem, Illustrissimo Burdigalensi Archiepiscopo Præsidente.*

**R**etulerunt Reuerendi viri Abbas Vallësis & Marchierius se ex mandato Patrum conuenisse clarissimū virum Ioannem Fillesacium Facultatis Theologiæ, Decanum, eique significasse quā Petri Aurelij laboribus gratiam habeat ordinis sacri Conuentus, & quanti faciat eximiā illius doctrinam, librosque, quos ille pro Ecclesiæ defensione scripsit, & publicauit, se cum eodem Fillesacio egisse, vti ex ipso rescirent an gratam habere vellet honorarij nomine, annuam certę summæ pensionem, aut aliud beneficij genus, quo sacer ordo egregia ipsius merita prosequeretur. Eundem Fillesacum interpositā sacerdotali fide persanctè contestatum sibi prorsus incognitum esse Petrum Aurelium, ad se quidem allatas quasdam paginas quæ typis excuderentur, sed à diuersis hominibus & ijs vt plurimum ignotis: se verò persuasum habere, quoniam Aurelius egregiè factum intra conscientia regens, honorem & gloriam repudiavit, quæ vt iustissima merces ipsius & studium & doctrinam manebat, cum minimè proposito præmio adductum iri, vt benè dissimulatum secretum aperiat, eumque sibi videri ampliorem optare non posse laboris sui fructum, quàm vt intelligat quàm honorificè de se celeberrimus hic tantorum virorum Confessus sentiat & iudicet.

---

**EX ACTIS CONVENTVS CLERI GALLICANI**  
habiti in vrbe Manta, anno Christi 1641.

*Die Sabbati, vigesima septima Aprilis, ante meridiem, Illustrissimo Senonensi Archiepiscopo Præsidente.*

**X**POSUIT Illustrissimus Valatensis Episcopus missas ad se ab Illustrissimo Aurelianensi Præsule litteras, quibus rogatur sacro Conuentui eius nomine salutem dicat, moneatque vtile & optabile videri Petri Aurelij opera, quorum exempla vix occurrunt, curaret

\* \* iij



*Illustria de Petro Aurelio testimonia.*

sacer ordo in lucem iterum emitti; iis vero posse præfationem & tractatum de confirmatione accedere. Hic cum animaduertissent Patres novam illam Petri Aurelij operum editionem instar egregiæ confutationis libri Cellotij esse posse, donec aliis etiam responsionibus refellatur: rogatis per provincias sententijs, placuit Petri Aurelij opera, quæ quatuor voluminibus continentur, typis iterum mandentur ab Antonio Vitray Cleri Gallicani Typographo; quibus accedet præfatio, & tractatus de confirmatione; Ea verò maiori volumine luculento charactere excudantur, singulis quidem cum Archipræsulibus tum Præsulibus exempla mittantur duo, alterum quod sibi habeant, alterum quod suæ sit diœcesis, singula verò singulis secundi ordinis Deputatis; concinne omnia alutâ vitulinâ operiantur; eorum distribuantur eruditis viris exempla quinquaginta, compacta ex voluntate Illustrissimorum Præsidentum, & Illustrissimorum Antistitum Carnotensis & Vasatensis. Impendiorum omnium summam probent ac definiant dicti Illustrissimi Præsides, quæ persolvatur à Quæstore generali, & in audiendis eius rationibus rata habeatur, dum illi acceptam ferat Antonius Vitray.

Deinde ab eodem sacro conventu die iouis decimâ tertia Iunij sequentis Illustrissimo Sistaricensi Episcopo Præsidente decretum est, ut, iuxta id quod prius constitutum fuerat, certa pecuniæ summa ad necessarios illius Petri Aurelij editionis sumptus Antonio Vitray numeraretur; mandatum insuper eidem Antonio Vitray dictorum operum exemplaria quinquaginta, litteratis hominibus ex superiori decreto diuidenda, deponat apud Illustrissimum Carnotensem Episcopum, qui rogatus ipse illa eadem diuidere, & inuigilare, ut quæcunque statuta sunt diligenter executioni mandentur.

---

EPISTOLA ECCLESIAE ANGLICANÆ  
ad Petrum Aurelium.

*Doctissimo & de omnibus Ecclesiis meritissimo viro Petro Aurelio,  
Parisiis.*

**V**OLUMINA tua magne Aureli Petre, tot gaudijs affecere hanc Ecclesiam, ut catenatum suarum pene oblita sacrosanctum iniuisset triumphos, & de tuis laureis decerpisset sibi laureolam, sed sortis suæ pullatæ memor te triumphantem suspicit, antequam tuos diducta currus vincula quædam ostendit sua, tuâ victrici soluta manu. Etenim captiuitate bifaria premebatur Anglicana Ecclesia; externâ, quam à legibus (quæ clementissimi Regis gratiâ leuior in dies est) & internâ, quam à domesticis fidei longè grauissimam latitantem in sinu tulit, dum intestinis discordiis intra gremium afflictæ huius Ecclesiæ disseminabantur hæresum dogmata, quæ tu, Aureli magne, dum fortissimè debellas, te velut in theatro orbis positum omnes

*Illustria de Petro Aurelio testimonia.*

intuentur Ecclesiæ, plausuque coronant suo. Itaque captiua licet hæc Ecclesia, Tu tamen grauissima eius dirupisti vincula, captiuamque duxisti captiuitatem omnium acerbissimam. Gratulatur ergo tibi, magne Aureli, inter cæteras hæc nostra præsertim Ecclesia de Vindiciis tuis adeo periclitanti allatis, opratque par munus meritis offerre tuis; non quidem palmatam tibi triumphanti clamydem, non lemniscatam lauream, sed ipsos offerret animos, cuius sacris laboribus vindicatas agnoscit animas. Nec tantum in Cleri manibus fulgent hæc tua opera, qui in hoc puluere, defudans per te nouit hæreditarios suos splendores; verum ipsi et nobilissimi laici pleni Aurelio argumenta aduersariorum nunc passim frangunt, soluunt versutias, rident ineptias, contemnuntque inanes illos insultus, quibus in omnes Ecclesias conabantur inuehi noui homines: suspiciunt omnes puritatem tui elati styli, orationis claritudinem, argumentorum soliditatem, sanctorum Patrum possessionem, Conciliorum præsentiam, veterum recentiorumque doctrinam. Enimvero dum explicas, quid lucidius? dum refellis, quid neruosius? dum doces, quid magis orthodoxum? Infelices Ecclesiæ hi hostes dicendi sunt an potius felices, tuis deuicti armis? sanè felices ni illi ipsi essent, qui non tantum errare norunt, sed & in erroribus perseuerare, adeo abhorrent à typho suo ingenito descendere. Quis tamen felicissimo Te Aurelio, peruersissimos illorum mores, & peruicacia ingenia ad viuum magis potuit depingere? nil sanè à Te prolatum, quod à nobis quotidianis pene experiētiis non sit comprobatum; adeo premitur & opprimitur hæc Ecclesia subdolis horum aduersariorum artibus. Viue Aureli magne, & intellige nihil huic Ecclesiæ charius æternis hisce tuis laboribus, quibus non Anglicanam modò, sed vniuersalem deuinxisti tibi Ecclesiam; Etenim quod hierarchia à Christo instituta floreat, quod à Nouatoribus istis non conculcetur penitus sacra Episcoporum dignitas, Tibi similibusque Ecclesiæ athletis debetur gratia. Vale de Ecclesiis omnibus, meritissime Aureli, atque Anglicanam particulari quodam fauore à tua manu vindicatam agnosce, namque hoc conceptis solemnibus verbis lubens agnoscit Anglia. Londini pridie Eidus April. anno salutis 1633.

*Tuis meritis gratissimisque quos sanctæ Matris Romana Ecclesiæ im-  
pendisti laboribus deuotissimus  
Ioannes Colletonus Decanus Capituli nomine Cleri secularis Angliæ,  
Edmondus Dutton Secret. Cap.*

DOCTISSIMO VIRO ET DE ECCLESIIS  
omnibus meritissimo, Petro Aurelio.

**D**OCTissime Domine. Visis Vindicijs tuis, benedico imprimis Dominum Deum nostrum, qui docuit manus tuas ad praelium, digitoq; tuos ad bellum, quique te super inimicos tuos tam prudentem fecit, ut in laqueo, quem alijs absconderunt, pedes eorum comprehenderis, ac labore labiorum eorum eos ita operueris, ut ipsamet via illorum sit scandalum ipsis, & (ut auditione accipimus) incipiant apud vos in ore suo complacere. Nec dubium quin humilitas etiam alibi sequeretur humiliationem, si Aurelios alios haberemus ad humiliandum eos, quos Tu, Aureliorum maxime, ad terram vsque humiliasti, & duplici contritione quodammodo contriuxisti. Bonum certe iis quia humiliasti eos, ut discant iustificationes meliores: Bonum Sorbona, ut virtus eius vulnere virescat, & tanquam palma floreat: Bonum deum vniuersa Ecclesia, ut caueat à fermento Pharisaorum, quod est hypocrisis; nostris enim malis edocta est, cur circumspiciat. Qua regio in terris magni non plena laboris, quem toto ferè saculo sustinuit Anglicana Ecclesia, Episcopis viduata, sacramentis orbata, regimine destituta, haesibus funestata, schismate discerpta, malis moribus deprauata, persecutionibus aggrauata, falsis fratribus obseffa, falsioribusque magistris non tam instructa quàm seducta, qui veniunt ad nos in vestimentis ouium, intrinsecus autem tales sunt, quales, Aureli magne, penicillo tuo ad vinum depinxisti, & in apricum protulisti? Vsque modo, cum alios irriserunt, à nemine plenè confutabantur, spinis suis pupugere plurimos, nec rhamnum intellexerunt alicubi esse, donec Tu tandem eos ita pupugeris, ut disruperis inflatos sua voce reddidisti retributionem superbis, qui de postferantes accepti, & à stina ac stimulo abrepti Dictaturam nescio qualem dormitantibus Praesulibus, & ambierunt, & propemodum obtinuerunt. Non dormitauit tamen Dominus qui custodit Israël, sed Judam alterū Machabaum, Te suscitato, suscitauit, in cuius manu directa est salus, qui ad nihilum ferè redegit Nouatores nostros larvatos (ex semine licet Aaron) qui magnam fecere in Anglia deceptionem. Quiescent igitur, ut speramus, agere peruersè metuentes ne fortè iterato eos aggrediaris, non in virtutibus nostris sed tuis, iterumque eos contundas & compescas. Multus mihi videor, & ne habear etiam ab alijs, finem faciam. Vale, Virorum Optime, deque omnibus Ecclesijs meritissime Aureli, manuque tua vindicatam agnosce Angliam. Ex Comitatu Suffexia pridie nonas Iunij 1633.

Tuis meritis virtutibusque addictissimus.

BENIAMIN NORTONVS.

AL MOLTO

**AL MOLTO MAGNIFICO SIGNORE,**  
*il Signor Pietro Aurelio Dottore Theologo della*  
*Sorbona; &c. In Parigi.*

Bruxella 21. huius anni 1633.

*Eximie atque amplissime Domine Doctor.*



**E**CET tam tuum, quàm Domini consocij Doctoris Hallier in Zoophyton monstrum ac portentum Spongiam Alexiterium, quod certè etsi ab alterutro sufficièter propinatum sit, debuit tamen non ab vno, sed ab utroque dari. Sic namque Spiritus, qui per vates loquutus est, olim prædixit per S. Hildegardem his verbis; *Insurgent gentes, quæ comedent peccata populi, tenentes ordinem mendicum, ambulantes sine rubore, inuenientes noua mala, ut à sapientibus & Christi fidelibus ordo peruersus maledicatur. Sed diabolus radicabit in eis quatuor vitia, scilicet; Adulationem, ut eis largiùs detur; Inuidiam, quando datur alijs & non sibi; Hypocrisim, ut placeant per simulationem, & Detractionem, ut se ipsos commendent, & alios vituperent: propter laudes hominum & seductiones simplicium, sine deuotione, sine exemplo Martyrij, predicabunt incessanter, principibus Ecclesiarum, abstrahentes sacramenta à veris pastoribus, rapientes elemosynas pauperum miserorum & infirmorum, trahentes se in multitudinem populi, contrahentes familiaritatem mulierum, instruentes qualiter blande maritos & amicos decipiant, & res proprias eis furtinè tribuant: tollens enim res iniustas & male acquisitas, & dicent, Date nobis, & nos orabimus pro vobis, ut aliorum vitia cernantur, & suorum obliuiscantur. Heu & res miseras à raptoribus, spoliatoribus, prædonibus, latronibus, usurarijs, feneratoribus, fornicatoribus, adulteris, hereticis, schismaticis, apostaticis, à militibus linguosis, & luxuriosis, à periuris mercatoribus, à filijs viduarum, à militibus tyrannis, à principibus contra legem viuentibus, & à multis peruersis, propter persuasionem diaboli, & dulcedinē peccati, vitam delicatam, breuē & transitoriam facientia dānationem æternam, omnia erunt eis apta. Populus verò de die in diem durior erit, & expertus erit seductiones eorum, & cessabunt dare, & cum cessauerint dare, ibunt circa domos famelici sicut canes rabidi, submissis oculis, contrahentes ceruices, ut velut vultures pane satientur, quibus clamabit populus super eos: dicens; *Vae vobis, filij mæroris, vos mundus seduxit, diabolus infranauit ora vestra, & corda vestra, sine sapore mens vestra vaga fuit, oculi vestri delectabantur in vanitatibus, pedes vestri veloces ad currendum in malum, memore quoderatis non boni amulatores, pauperes diuites, simplices potentes, deuoti adulatores, sancti hypocrite, mendici superbi, petitores effrontes, doctores instabiles, humiles elati, pii duri, dulces calumniatores, pacifici persecutores, amatores mundi, desideratores honoris, venditores indulgentiarum, seminatores discordiarum, Martyres delicati, confessores lucri, ordinatores commodi, suspiratores crapularum, mercatores domorum, edificatores in altum, & quod altius ascendere non potestis,**

\*\*\*



## *Illustria de Petro & Aurelio testimonia.*

*tunc cecidistis sicut Simon Magus, cuius per orationem Apostolorum Dominus ossa contriuit, & plaga crudeli percussit. Sic ordo vester contritus est propter seductiones & iniquitates vestras. Ise Doctores peruersitatis, Patres prauitatis, filij iniquitatis, scientiam viarum vestrarum scire nolumus.*

Tom. xv.  
Annalium  
Eccles. an.  
Chr. 1413.  
§. 39. sub  
Ioan.  
XXIII.  
vbi scriptum  
est in mar-  
gine, Pro-  
phetia qua-  
dam S. Hil-  
degardis  
que ad hæc  
tempora re-  
ferri potest.

Hæc illa. Locus est à Bzouio ad longum relatus, sed præpostero ordine: nam iuxta D. Bernardum S. Hildegardis floruit vaticiniis tempore suo, cui consonat Martyrologium Romanum, Baronius, & Ioannes Trithemius de personis Illustribus Ordinis S. Benedicti. Saltem iste locus Iesuitas omnibus coloribus distinguit, omen & casum eorum prædicit. Cæterum Alexiterium vocauit, nam etsi Spongia formaliter non sit venenum, hoc tamen implicitè cõtinet; & quidem primitiua institutione non nisi ad occidendos Glires, nociua ac rodentia animalcula instituebatur: scilicet frustulatim sumini vel butyro frixabatur: hæc fragmenta vbi Glires ac mures comedissent (vt pote durioris digestionis) ac superbibissent, intus intra præcordia inflabatur Spongia adeo vt rumperet ilia. Arrisit venatio; ac deinceps etiam canes generosi hoc medio sublati sunt. Glires comparo hæreticis; canes verò ceu gregis custodes vobis Doctores. Glires verò quos cicurare debebant toxico attentarunt Iesuitæ; id est, suis Spongiis, non quidem aperto sed latente deleterio. Tandem etiam canes enecare ausi, si cessisset pro voto. Postremò & ipsos Pastores appeterent vt oppeterent nisi decipulosum venenum non quidem gustu, sed artificiosa coniectura enotuisset. Admiratur simul & laudat totus vniuersus tuum institutum non minùs quàm si in apertos veneficos & hæreticos scripsisses, Ecclesiam Dei tales decet habere strenuos Athletas. Gaude. Conatum eorum dudum præuidit Frater Valerianus Capuccinorum Pragæ non ita pridem Guardianus, cuius Epistolam non piguit hæc describere.

## *ILLVSTRISSIMO ET REVERENDISSIMO*

*Signore & Patrone mio colendissimo, &c.*

Carolina  
est Vniuer-  
sitas Pra-  
gensis à  
Carolo  
IV. insti-  
tuta, filia  
Parisiensis,  
habens fun-  
dationem  
quadra-  
ginta sex  
millia Ta-  
lerorum,  
quam Ie-  
suitæ sibi  
vsurparunt  
ex dono  
Cæsaris.

**D**A piu persone intendo che gl' Illustrissimi Signori Cardinali della sacra Congregatione de propaganda fide risentono l'attioni & scritture mie fatte per rimettere in libertà la Carolina. La onde credo esser parte della humillissima & deuotissima offeruanza mia verso gli sudetti il dargli à parte tal discarico, ch' insieme io & isgrauì la concienza di qualche obligo che mi resta in questo caso, & mi mantenga in possesso della loro buona gratia: il che facio con la presente, quale (in simili) scriuo a ciascuno di suddetti miei Signori.

Se queste mie attioni implicano qualche errore, sarà, o perche eccedano gli limiti del Decreto, in virtù del quale io tratto questo negotio, o pure perche la loro istanza di scordi dalle leggi della giustizia & charità.

Il Decreto commanda ch' io procuri la libertà della Carolina, il che si douea fare con quelle ragioni che inferiscono non conuenire che sia estinta o mancata à i Giesuiti. Le piu graui delle quali ho scielto da quelle che da essa sacra Congregatione all' istesso effetto furono prodotte, & à me date in scritto per mia instructione.

### *Illustria de Petro Aurelio testimonia.*

Non ho disputato questo negotio ciuilmente, ma con il decoro della Maestà Pontificia significato gli sensi de nostro Signore & sacra Congregatione asine che questo \* \* Cesare. Principe non si riscaldi in presentioni che possin difficoltarsi.

Fui persuaso a non parlarne, io me ne risentij con molta ragione, che per cio fui benissimo vdito. Anchora non ho risposta, mà l'hauero: & quando non sia à proposito: potra questo Nuncio, conforme al Decreto accennato, proseguir il resto, & finalmente vedrassi qualche buon effetto dal mio ben regolato zelo. Io speraua ottenere l'intento al sicuro, ma hora ch' in Vienna s'essagerara l'essermi io in Roma stato ripreso, cio sarà à questi ministri d'ammirazione, & à i Padri Giesuiti riparo: & s'io lascio la persona de Missionario, & ripiglio quella de Frà Valeriano scorro pericolo di non vincerla totalmente. S'io poi (pro re nata) hauesi per necessit' à preterito qualche cosa, sapeua molto bene che la colpha saria mia, & non d'altri.

Oriundus  
ex valle  
Tellina.

Resto di vedere, s'ho violato le leggi della charità & giustizia. Qui conuigne ch'io m'alarghi vn poco oltre gli termini della Carolina, per meglio spiegar il mio senso.

Confesso a vostra Signoria Illustrissima & no'l nego, ch'io giudico chela compagnia de Giesuiti per maggior gloria d'Iddio procuri d'accrescere le facoltà, riputazione, autorità & potenza sua con alcune Massime, lequali contengono vna dottrina tanto erronea, che maifia vero ch'essa Societa osi di confessarla, & professarla pubblicamente, se ben per secreta traditione à gli piu prouetti sia da loro accensentita per buona. Quindi n'auuiene ch' il mondo si chiama aggrauato & scandalizzato, anchor che pochi habbian penetrato la radice di questo male.

Questo mio giudicio non è temerario: mà ha fondamento di verita, & è regolato dalla charità. La verita s'argomenta da innumerabili loro attioni, lequali vniformiter ci fanno sentire in ogni luoco & in ogni tempo: & queste si veggono in fatti non corrette, ma approuate in tutti gli loro tribunali; l'ingiustitia delle quali attioni implica con la purità della commune dottrina de' Catholici. La charità poi mi persuade ad imputar queste attioni malfatte ad errore d'intelletto, per non arguir tanta malitia di volonta, laquale non potria in questo caso facilmente scostarsi da vn Atheismo. Et Iddio mi sia testimonio ch' io riconosco in questa Societa zelo d'honor d'Iddio, ancorche per errore d'intelletto faccino in piu casi male, persuasi de fare bene. Concludo, che per non discostarmi dalla purità della dottrina, & per non douer ne poter con raggione imputargli l'accennata malitia, sono necessitato (dando il resto) biasimare quelle tali massime, radici dallequali auuerrano gran mali. Ma non per questo aborrisco questa Compagnia, anzi la stimo infinitamente, & compatisco insieme, scusando il tutto con l'eccesso di scienza & prouidenza humana.

Questi miei sensi in Corte Cesarea piu volte ho significato ad alcuno della Societa, & con l'istessa confidente charità n'ho dato (ma indarno) auuiso in scriptis al loro Padre Generale in Roma, non stimando io per suasioni il credere per vna parte agli occhi miei, per l'altra il codannar qual si voglia essemplio & dottrina, per tenermi à quella che ci propone la sede Apostolica.

Hora ritorno alla Carolina, & dico, che nelle mie scritture ho accennato questo mio senso, & posto in luce con la consideratione di questa loro vnica attione, che concerne la sudetta vniversità, lequali Scritture mi parvero che non fossero

\*\*\* ij

*Illustria de Petro Aurelio testimonia.*

*risentite acri ne contumeliose, si come non si puo dire ch'vna querela criminale, ancor che fosse de delitto enorme, sia risentita acre o contumeliosa: Anzi le mie*  
*» Scritture sono condite con euidente charita & discretione. Deuo perciò dir il vero:*  
*» che quelle furon da me formate, più per dar motiuo in Roma di remedio à così gran*  
*» male, che per redimer in libertà la Carolina. Così incitato da grauiissimo stimolo di*  
*» conscienza, che più volte (indarno) mi prouoco ad hauer formato ricorso al santo*  
*» officio, tanto più ch' io non trouo ch' osi, ma bensì, chi fuor di luoco & tempo dice*  
*» molto peggio con publico scandalo, adulandoli in faccia. Et mi pare à punto, che*  
*» questi Padri con il loro molto sapere & puotere sperino d'instupidire & quasi di-*  
*» mentare il mondo. Ci vorria propriamente uno al quale Iddio dicesse; Ecce dedi*  
*» faciem tuam valentio rem faciebus eorum, & frontem tuam durio rem*  
*» frontibus eorum: vt adamantem & silicem dedi faciem tuam, ne ti-*  
*» meas.*

Sorbona.  
Ezech.  
cap. 3.

*Concludo, Illustrissimo Signore, sperando (lascio la Carolina) ch' in Roma sacra*  
*» gradito questo mio humillissimo ricorso per rimedio à tanto male. Almeno io n'hau-*  
*» ro questo beneficio, che con cio sodisfacio à così gagliardo stimolo di conscienza: Ne à*  
*» me sarà difficile il fare constare la molta probabilità del giudicio fatto. Ma dubito*  
*» ch' in questo negotio finalmente hauerò per Theatro Roma, & la corte Cesarea, &*  
*» per spettatori il mondo. E dal canto mio altro non temo, che vna da me desiderata con-*  
*» fusione mia, cioè d'hauer errato nel giudicio sudetto, nel quale errore n'hauerò per cõ-*  
*» pagno il mondo, il quale vno ore da quella Cõpagnia va ominando turbidi euenti alla*  
*» Chiesa santa. Altra confusione non temo, anzi la ripararò: perche sarà di gran*  
*» scandalo, & à Dio gridarò con Hieremia; Confundantur qui me persequun-*  
*» tur, & non confundar ego. Questo sì, vorrei che quel errore sia corretto prima*  
*» ch' il mondo se n'aueggia totalmente. Così richiedendo gli talento, valore, & merito*  
*» di questa Società, mi persuado poi d'esser regolato da buon zelo, non solo per quello*  
*» ch'io detto, ma anche per ch'io insisto ch'altro ch' Iddio, o per Iddio, non mi*  
*» piaccia. Et quando risento mosi in contrario ne resto afrontatissimo, & par me che*  
*» à sinistris m'assista Angelus Satanæ qui me colaphizat, temerando con moti*  
*» d'infinita vilità la diuinità dell' anima mia capace d'Iddio sua vera vita, quale à V.*  
*» S. Illustrissima desidero di cuore, & le faccio humillissima riuerenzza. Di Vienna à*  
*» 3. d' Ottobre 1629. Di V. S. Illustrissima & Reuerendissima, &c. Fra Valeria-*  
*» no Capuccino.*

Omen.  
Hierem.  
cap. 17.

II. Cor.  
c. 12.

*Amplitudinis vestræ obsequiosus, I. H. M. D.*

**MONITVM AD LECTOREM.**

**C**HRISTIANE Lector, cum sequenti assertioni maximam lucem  
Callatura sit Epistola Illustrissimorum, ac Reuerendissimorum  
Galliarum Antistitum, qua libros Nicolai Smithæi, & Danielis à Iesu dam-  
narunt; visum est hic eam tibi repræsentare, ne quid in hoc opere iure  
desiderare posses.

# EPISTOLA ARCHIEPISCOPORVM

ET EPISCOPORVM PARISIIS NVNC AGENTIVM,  
ad Archiepiscopos & Episcopos Regni Galliae super animad-  
uersione duorum libellorum, quorum tituli sunt: prioris qui-  
dem, *Moderata & brevis discussio aliquarum assertionum do-  
ctoris Kellisoni in tractatu de Ecclesiastica Hierarchia, authore  
Nicolao Smithao.* Posterioris verò, *Apologia pro modo proce-  
dendi sanctae sedis Apostolica in regendis Anglia Catholicis tem-  
pore persecutionis, Authore Daniele à Iesu.*

## VNIVERSIS PER GALLIAM CONSTITV-

*tis Reuerendissimis Patribus, Archiepiscopis & Episcopis Domi-  
nis & Fratribus nostris religiosissimis, Archiepiscopi & Episcopi  
Parisijs variis de causis agentes, Salutem in Domino.*



LIMITES habet iurisdictio Episcoporum, non habet  
Charitas: omnes illud Apostoli usurpare & possumus, &  
debemus, *Instantia mea quotidiana sollicitudo omnium Eccle-  
siarum quis infirmatur & ego non infirmor? quis scandalizatur,  
& ego non vror?* Itaque veteri atque Apostolico instituto  
si qua in nostris Paræcijs schismata oriuntur aut hære-  
ses, auctoritate compescimus; si alibi, medemur amore, qui tum de-  
mum Christo dignus est animarum nostrarum Episcopo, cum omnes  
complectitur, sicut pro omnibus ille mortuus est. Huc accedit quòd  
ubi de errore agitur, qui spectat Ecclesiam, sibi prospicit, qui aliena cu-  
rat: serpit enim ut cancer error istiusmodi, & meritò, cum vnum inficit,  
omnes terret. His de causis factum est, Fratres Reuerendissimi, ut no-  
stra fuerimus arbitrati, quæ essent Anglorum, nec minus miserandæ  
istius Ecclesiæ vulnera senserimus, quam si nobis ipsis essent inflicta.  
Cum enim accepissemus allatos ex ea Insula libellos duos, quos linguae  
periti dicerent pestilentis doctrinæ esse plenissimos, concurrimus ve-  
lut ad sedandum domesticum incendiū quotquot in hoc orbis theatro  
versabamur Episcopi, & donatos Latinitate excussimus diligentissimè,  
ac recensuimus, iisque tandem inuissimus stigmatis, quibus facilè à  
scriptis probæ ac sanæ doctrinæ discernenterentur. Atque hoc iudicium  
nostrum ad vos mittere visum est, Fratres Reuerendissimi, ut quorum  
vna est causa, vnus spiritus, vna charitas, vnus quoque sermo sit ac sen-  
tentia. Neque enim vllò modo dubitamus, quin ea quæ damnanda  
censuimus, sitis damnaturi, & eandem fidem, eandem doctrinâ totis  
animis professuri.

Primum in ijs libellis finis ipse ac scopus summo operè displicuit: Id

\*\*\* iiij



enim agunt potissimum, eoque collimant, ut quam Dominus auctoritatem Episcopis attribuit, eleuent quam maximè, ac deprimant. Tum verò per Episcoporum latus, non diuinum tantummodo Confirmationis Sacramentum, sed & Ecclesiæ Hierarchiam, quæ nihil sub cælo est augustius, & ipsum Petri successiorem Apostolorum coryphæi, supremumque Christi in terris Vicarium non obscure petunt. Innumeris denique propositionibus scatent, quæ infelici isti scopo aptissimè, nimiumque respondeant. Nam in priore quidem libro falsæ, præsumptuosæ, temerariæ, antiquissimo Parochorum instituto contrariæ, Christianæ plebis ac simpliciorum hominum salutis perniciosæ leguntur innumeræ. Non paucae autem erroneæ, in sacrum Episcoporum ordinem contumeliosæ, & quæ in hoc videantur scriptæ, ut institutam à Christo Ecclesiæ Hierarchiam aut euertant funditus, aut certè perturbent. Quædam etiam deprehenduntur quæ Sacro-sancto Dei verbo, ac Oecumenicorum Conciliorum auctoritati sunt contrariæ, imò quæ hæresim si non aperte exponant legentium oculis, certè innuant.

Posterior verò libellus crassiora habet omnia & blasphemat simplicius. Nam præterquam quod eadem penitus in eo peccantur, quæ in superiore reprehendimus, propositiones præterea eius longè plurimas periculosas, seditiosas, impias, & quæ in anarchiam atque ordinis confusionem maximè propendeant, vel fautor auctoris atque amicus dixerit, si modò honoris Christi, ac Catholicæ veritatis fuerit studiosus. Ad hæc non paucae leguntur schismaticæ, blasphemæ, in sacramentum Confirmationis contumeliosissimæ, ac summi ipsius Pontificis supremi secundum Christum, fidelium Patris auctoritatem conuellentes. Nonnullas etiam est animaduertere quæ verbo Dei abutantur, idque ad impios sensus detorqueant, imò quæ aperte (quod non sine genitu referimus) sint hæreticæ.

Atque hæc hætenus, Patres Reuerendissimi, à nobis fuerint animaduersa id cogitantibus, quo facti nostri rationem ipse Dei spiritus videtur reddere, *Super muros tuos Ierusalem constitui custodes, tota die & tota nocte in perpetuum non tacebunt.* Ab ijs enim quidem certè custodibus absunt quàm longissimè, *Canes muti non valentes latrare*, atque hoste in Dei domum irrupente dormientes. Iam verò si (quod optandum quidem sit) erronei isti libelli ad vos non peruenerint, quæ potissimum damanda iudicauimus, in ijs, cum videbitur, legetis, quæ nobis iubentibus Ecclesiasticarum nostrarum rerum Agentes huic iunxerunt epistolæ. Incolumes felicesque vos Dei misericordia tueatur: Fratres Religiosissimi, meritòque honorandi ac suspiciendi Domini. Datum Lutetiæ decimo Februarij, anno Incarnationis Domini millesimo sexcentesimo trigésimo primo.

✠ ANDREAS, Antiq. Archiepisc. Bituricensis.

✠ CLAVDIUS, Arch. Narbonnensis.

✠ OCTAVIUS, Arch. Senonensis.

## E P I S T O L A.


- ✦ DOMINICVS, Arch. Auxitanensis.
- ✦ IOANNES, Ep. Vafatensis, & nominatus Arch. Arelatensis.
- ✦ PHILIPPVS, Episc. Nannetensis.
- ✦ ALPHONSVS, Episc. Albiensis.
- ✦ IACOBVS, Episc. Sagiensis.
- ✦ SEBASTIANVS, Episc. Lingonensis.
- ✦ GUILLELMVS, Episc. Lexouienſis.
- ✦ IOACHIMVS, Episc. Claromontanus.
- ✦ ÆGIDIVS, Episc. Altiſſiodorensis.
- ✦ AVGVSTINVS, Episc. & Comes Bellouacensis.
- ✦ RAPHAEL, Episc. Dignienſis.
- ✦ HENRICVS, Episc. Tarſenſis, Coadiutor Abrincensis.
- ✦ FRANCISCVS, Episc. Ambianensis.
- ✦ LEONORIVS, Episc. Carnotensis.
- ✦ RENATVS, Episc. Leonensis.
- ✦ STEPHANVS, Episc. Dardaniensis.
- ✦ EMERICVS, Episc. Lucionensis.
- ✦ SIMON, Episc. Sueſſionensis.
- ✦ HENRICVS, Episc. Nouiomensis.
- ✦ ÆGIDIVS, Episc. Adurenſis.
- ✦ FRANCISCVS, Episc. Lemouicensis.
- ✦ SILVESTER, Episc. Mimatenſis.
- ✦ MARTINVS, Episc. Madaurenſis. Suffrag. Metensis.
- ✦ F. LVDOVICVS, Episc. Regienſis.
- ✦ IOANNES, Episc. Gracensis.
- ✦ LEONORIVS, nom. Episc. Constantienſis.
- ✦ NICOLAVS, nom. Episc. Aurelianensis.
- ✦ NICOLAVS, nom. Episc. Vafatensis.
- ✦ GASPARDVS, nom. Episc. Agennensis.
- ✦ DOMINICVS, nom. Episc. Bononiensis.
- ✦ IACOBVS, nom. Episc. Xanctonensis.


*De Mandato Illuſtriſſ. & Reuerendiſſ. D. D. Antiſtitum.*

DE SARIAC, Abbas de  
Paimpon & de Leſcal-Dieu

DE BERTET, Iuris vtriuſque Do-  
ctor, Proto. S. Apoſt. Sedis, Prior  
Moſterienſis, & S. Saturnini,

*Agentes in rebus vniuerſis Cleri Gallicani.*





ASSERTIO EPISTOLÆ  
ILLVSTRISSIMORVM AC REVERENDISS.  
GALLIÆ ANTISTITVM,  
Qua libros Nicolai Smithæi & Danielis à Iesu damnarunt,  
aduersus libellum cui titulus,

*Querimonia Ecclesiæ Anglicanæ, &c.*

**I**LLVSTRISSIMORVM Antistitum dignitas, tot Dei & Ecclesiæ oraculis communita, Iesuiticæque in eos Querimonix indignitas ante omnia iubent oppositam solenni eorum decreto audaciæ molem dejicere, perfugiumque aduersariorum longè omnium scdissimum amoliri. Nam quid miremur stridentes furentesque conuiciis vel in priuatos sacerdotes, vel in venerabilem totoque orbe clarissimam Theologorum facultatem, quos in ordinem Episcopalem ferociùs insurgentes, in amplissimum Episcoporum confessum latrantes audimus? Quid magnum antiquissimis Academiis, cunctisque Catholicarum Vniuersitarum societatibus occludi abiisora, qui ipsis gentium Doctoribus, Ecclesiæ Patribus, *quos qui audit, Lnc. 10. Deum audit*, à quibus pteræque iam ab Ecclesiæ nascentis initio hæreses feliciter extinctæ sunt, silentium indicere, facem præferre velut errabundis, & ab antiqua norma Patrum, cujus ipsi sunt vindices, euagantibus, priuato sensu suaque autoritate audeant? Is quippe est spiritus atque is sensus peruicaciæ Iesuiticæ, vt in suorum causa, in errorum hæresumque maximarum suarum ortu mutas esse cupiant omnes omnium linguas, conticescere iudicia, iacere tota Ecclesia potestates, relictoque solo & vnico Ecclesiæ summo apice, cui honoris causa parcunt, vniuersam secundarum per Christianum orbem maiestatum auctoritatem euanescere, fractamque hære & elinguem Episcoporum discipuli esse recusant, magistri esse volunt; arguentibus iis non solum non parent, non credunt, non remittunt quicquam de genio Societatis, sed ab iis reprehensi vtrò eos reprehendunt, petulanter vrgent, imperitiæ criminumque accusant, iudicia sua rescindere iubent, omnia faciunt ne non victi, sed vicisse appareant, vt iam Iesuitæ sodales qui Episcopi esse non possunt, aliquid maius Episcopis esse velle videantur, & Episcopali ordini non quasi per modestiam reuerentiamque declinato, sed quasi per contemptum abjecto insultent. Hæc schismaticorum, hæc hæreticorum non iam omnia, sed planè initia sunt, quibus intra Ecclesiæ Catholicæ fines nihil simile aut par est; extra eam demùm in solis rebellium hostiumque castris talium animorum, talium

A



facinorum exempla cernuntur. Atque his Iesuitæ quo similiores essent, *subdolorumque operariorum* numero clarius infererentur, non eorum solum fines, sed artes etiam & versutias æmulari voluerunt. Cumque isti *se ducendis innocentium cordibus in Apostolos Christi, ministrosque iustitie transfigurari* soleant, hi nouum aliquid ausi, non in ministros, sed in sponsam Christi, in Ecclesiam, nobilissimam, sanctissimamque *transfigurantur*, iis similes de quibus in Euangelio scriptum est, *Veniens in nomine meo dicentes, Ego sum Christus*. Ecclesia enim Christus est autore Apostolo, vnumque cum Christo, vnum corpus, vnus spiritus; multo magis Ecclesia ærumnosa, laborans, patiens, Christo patienti non corpore solum ac spiritu, sed affectu ipso specieque externa congener, *vestigia eius insequens, passiones eius adimplens*, verè de mortui cruento latere manans, qualis Anglicana, cuius similitudine errores flagitiaque sua, seque ipsos isti obuelant. Quanta in Ecclesiam, pietate in Deum, constantia in aduersis, humilitate in omnibus eximiam, contumelia, nomen eius, inuitæ ac reluctantis, arripere, vt sub eius quasi vexillo Episcopi diuinæ doctrinæ puritati ex suo munere confu- lentes impetantur, priuatorum instar hominum fugillentur, constitutum diuinitus in Ecclesia Catholica magisterium à primordio Catholici nomi- nis aduersus infestissimas hæreses semper inconcussum cuertatur? Non conuenit personæ hoc figmentum prosopopœe Iesuita, non recipit hanc laruam Ecclesiæ Anglicanæ puritas, tranquillitas intima, candor perpe- tuus, simplicitas patiente digna. Ne prosopopœis quidem instruendis natus es, ad quas à Theologi professione, quasi citharædus ad tibias deuolasti. Nec vera dicere, nec falsa simulare potes, verè homo nihili, in quo neque boni soliditas, neque mali solertia inest, sed iners duntaxat, & supina, & aspernabilis mentiendi audacia.

Ecclesia certè Anglicana Querimonix tuæ apertè obstrepit, nec tuæ solum prosopopœæ inertia, sed expressa sua testificatione se eripit com- mentis tuis, te arguit, te conuincit. Nam tu vt Ecclesiam Anglicanam que- rentem induceres, adductum te ais, *Nobilium Catholicorum declaratione aduersus prætensam Chalcedonensis Episcopi auctoritatem*. Eos nobiles asseris fuisse maxi- mam & nobilissimam partem Ecclesiæ Anglicanæ: Nimirum, inquis, *Eccle- sia illius longè maximam & nobilissimam partem Ecclesiæ nomine insignire me posse existimari*. Taceo te Iesuitica gloria elatum, incredibilem Ecclesiam fingere, in qua soli nobiles, velut ideam Platoniam, in qua soli sapientes; vel quasi Militarem ordinem, Melitensem aliquem, aut quoniam de Anglia sermo est, Garterium, solis nobilibus constantem, exclusa fœce vulgi, è qua tamen non Iesuitica Ecclesia, sed Ecclesia Christi potissimum constare solet ex- perientia & scriptura teste, *Videte, fratres, vocationem vestram, quia non multi sapientes secundum carnem, non multi potentes, non multi nobiles, &c. sed ignobilia mundi & contemptibilia elegit Deus, & ea quæ non sunt, vt ea quæ sunt destrueret*. Cui Ecclesiæ quasi contrariam de industria quæres, & à vera longissimè abhorrentem, Ecclesiam inducis solis nobilibus instructam, vt Iesuiticam potentiam vendites, alta sapientem, non humilibus consentientem, Opti- matum amatricem, plebis fastidiosam, qua omissa, nobilium domos fre- quentiùs ambitis & obsideris. Quis porro credat, si isti nobiles Ecclesiam

tuam conflent, in iis constare, ut ais, *longè maximam & nobilissimam partem* Ecclesiæ Anglicanæ? De *nobilissima*, concedatur interim; de *longè maxima*, quis concedat, qui vniuersas Ecclesiæ regiones, seu florentes pace, seu hæresi pressas, circumspiciat? Nisi forte Iesuiticæ in Anglia conciones illecebræ quippiam spargunt, quo nobilium citius animi, quàm plebei capiantur. Quomodo denique declarationem istam *Nobilium Angliæ* vocas, quæ prodiit nomine *Catholicorum Angliæ laicorum*? Vel titulum illi ampliorem, & ut tua voce utar, hyperbolicum ibi dedistis, vel hic angustiore facis; utrumque fallacem, ambitiosum, superbum. Sed de verborum tuorum mentisque ipsius tuæ intestinis discordiis, totiusque prosopopœæ vanitate, deinceps plura dicentur. Quæ nunc ut missa faciam, & ad id quod cœperam reuertar, *declarationem* istam, cuius tu in sede ac basi *Querimoniam Ecclesiæque Anglicanæ* simulacrum constituis, à vobis fabricatum, ab Ecclesiæ Anglicanæ Catholicis exautoratam, nulli penè eorum nec antequam ederetur notam, nec postquam edita fuit probatam, testati sunt contrà publicâ declaratione Anglica Catholici Angliæ in hunc modum: *Ea, inquit, declaratio siue nostro prorsus consensu, nedum notitia, in* Pag. 16. *lucem prodiit, adeo ut vix ulli inueniantur qui palam agnoscant se aliquid de præfata declaratione intellexisse ante eius publicationem, rarissimi verò qui postquam excusa fuerit, eam approbent. Hinc est quod nos Catholici laici Angliæ dictam declarationem penitus abnegamus ac rejicimus, tamquam indignam probis Catholicis, vel etiam bonis subditis. Totius verò fabulæ inuentum Iesuitis palam imputant: Iam semel antea, inquit, opera Iesuitarum effectum est ut epistola* Pag. 23. *scriberetur vniuersorum Angliæ Catholicorum nomine, vniuersalem nostrum consensum ferens in schisma & factionem ab ipsis in primis contra Episcopum Chalcedonensem excitatam. Cui fraudi ut obuiam iretur, tum nostram improbationem publicauimus. Qua non obstante, Iesuitarum causa facta nunc deteriore & penè hæretica iudicio & opinione eminentis partis Ecclesiæ Catholice, non erubescunt eandem causam scandali plenam & infamiae nobis imponere per quandam declarationem nostro nomini in eum finem editam. Ad cuius fraudem descendam, Nos (qui particulari nominum nostrorum subscriptione, si id postuletur, parati sumus ut liquidò constet efficere nos octo partibus Catholicorum laicorum ipsos superare, & si qualitas & capacitas consideretur, sine exceptione aut comparatione eminentiorem esse portionem) hic ideo publica hac nostra fraudulentorum istorum artificiorum & dolorum improbatione famam nostram & honorem ab ignominiosa labe infamis ipsorum causæ vindicamus, potestantes contra fraudem & falsitatem dictæ declarationis, &c. Quare fallacia fallaciam aggerantes, fictitiâ istam declarationem Hispaniæ in Angliâ Legato, D. Carolo Colomæ, à quibusdam socialibus laicis, in ipso discessus eius articulo, ut inibi<sup>2</sup> confitentur, curarunt offerendam, ne spatium superesset, quo fraus Catholicis, per eosque Legato, proderetur. Nec hac elusione contenti, ausi etiam sunt ab eo in Belgium delato publicum oblatae in Angliâ declarationis testimonium exprimere, & superstructam spuria declarationi spuriam Querimoniam cum stolidissimis ei laudibus, & vilissima vereque Iesuitica palpatione nuncupare.*

a Le partem  
duquel estant  
aduançé, &  
estant prest  
d'heure en  
heure de sor-  
tir de ce Roy-  
anne, nous  
auons esté obli-  
gez de luy fai-  
re promptem-  
t & sans delay  
cette nostre dé-  
claration.  
Pag. 14. de-  
clarationis  
Gallicæ  
editæ.

Ita patet declarationem, Querimoniam, Ecclesiam, quam simulas, mera

esse spectra, meras poëticae licentiae imagines, fabulosas inanitates. Nec minus declaratio quam Querimonia prosopopoea est, ludibrium, fucus, quem Ecclesiae Anglicanae fideles solenniter aspernati, ut infamis causae subsidium ultimum, deploratae superbiae solatium, veram de Querimonia vestra querimoniam, ut de declaratione declarationem, emisisse dici possunt. Nec minus nobis fas est, imò longè æquius, Querimoniam Ecclesiae Anglicanae aduersum vos, quam vobis aduersus Galliae Episcopos, meditari. Vobis enim pauci quidam, iampridem vobis dediti, variè allecti & alstricti, numero ordineque inferiores, aliis non comparandi, obsequuntur. Ac mirabili Dei iudicio, & in Ecclesiam Anglicanam benignitate factum est, ut quamvis notissima sit & famosa vestra illa captandi homines, praecipue imperitiores aut simplices, industria tamen è celeberrimo fidelium grege pauculos admodum contentioni studiisque vestris aggregare potueritis. Nam Catholici Angliae declarationis vestrae improbatores palam edicunt, *se particulari nominum suorum subscriptione, si id postuletur, paratos efficere ut liquidò constet se octo partibus Catholicorum Anglia ipsos superare, & si qualitas & capacitas consideretur, sine exceptione & comparatione eminentiorem esse portionem.* Quin eorum ipsorum quos vobis alligastis, plerique non consilia, non causam probant vestram, sed captionibus insidiosisque fabulationibus exterriti, quibus Episcopum terrificam quædam exigere simulatis, ab eius obseruantia diuulsi sunt.

*ibi supra.* Quænam verò est tibi mens, ut tanta fidelium Angliae multitudine contempta, Ecclesiae Anglicanae nomen ad vestros assecclas coarctes? Nouumne schisma meditaris, ut postquam Angliae Catholici conquesti sunt concitatum à vobis schisma aduersus Reuerendissimum Episcopum Chalcedonensem, quo spirituale Ecclesiae Anglicanae caput repellitis, tu corpus etiam miserandæ illius Ecclesiae lanies, membra discerptas, ne à planta ad verticem sit in ea sanitas, ut in cruenta vndique ac lacera Ecclesia vos illius malis pasti vigeatis, ac triumphetis? Quis enim non sentit quanta ad schisma ianua panditur, cum ante omnium oculos, edito palam scripto, Ecclesia Anglicana in solis suffragatoribus vestris constituitur, ut rudiores quique aut tumultuosiores, ab iis qui vos non probant, quorum pars longè maxima, sensim recedere doceantur, ut à deciduis Ecclesiae Anglicanae ramis, eamque in se solis ac vobis reponant, pusilloque sibi grege blandiantur? Quod fecerunt olim Donatistae; quod ætatis huius hæretici ne quidem faciunt, sed plerique Ecclesiam extra sua conuenticula alicubi consistere patiuntur. Dijunctio ac secretio ista arrogans est, perniciofa, omninosa, schismatum factionumque turbulentis præit viam.

Imò verò, quo magis etiam Ecclesiae quam simulas informitatem videas, etiamsi omnes non Nobiles tantum, ut ais, sed & plebeij, & omnis vnà laicorum Angliae multitudo vestra esset, non posses sine noxa graui Ecclesiam iis Anglicanam, vel eorum Querimoniae Ecclesiae Anglicanae nomen adscribere. Non enim quemadmodum Ecclesiam soli Pastores, ita soli laici referunt. Grex quamlibet magnus, quamlibet connexus, sine pastore non est grex, sed dispersæ oues. Schola sine magistro, multitudo sine capite, non est schola, aut ciuitas, sed ignorantium Synagoga, turba



conuenarum. Ita nec soli laici, quantumuis nobiles, multi, conjuncti, vno ore atque sententia conspirantes, Ecclesiam Anglicanam conficere potuerunt. Nec seditiosum facinus tuum sacrilegiumque minuit quod fateris vos iis consilio consensuque adfuisse; quod etiam falsò & improbè Cleri secularis maximam partem adjicis, *Non ignoro, inquis; Ecclesiae nomine Clerum praecipue intelligi oportere, sed Nobilibus Catholicis illius propè omnibus, quin Cleri tum secularis, tum regularis maxima pars consilio consensuque adfuerit, dubitare non debui.* Nam neque vos pastores estis Ecclesiae Anglicanae, nec iuxta vos Angli sacerdotes, ut ais tu ipse in Querimonia, *Sacerdotes Angliae non habent curam animarum.* Non ergo sunt pastores, nec item sodales tui, qui cura animarum non se implicant. Aliàs vel parochi essent, vel certè Praelati Majores, certæ plebi, loco, diocesi alligati; quod illi vehementer aspernantur, & ubi visum est, commigrant huc illuc, relictaque ipsa Anglia in alias regiones transuolant. Sicut ego in aliis gentibus pastores non estis, sic nec in Anglia; nec vobis annexi laici, sunt per vos grex junctus pastori, aut corpus capiti, aut ciuitas duci. Vaga & promiscua multitudo simul estis, neque isti turbæ Ecclesiae nomen sine scelere aut dari à quoquam, aut assumi potest. Nec porro quærere attinet an sitis Clerus Angliae, necne; de quo alibi dicitur. Quicquid enim censeas Cleri nomine, Clerus cum populo non continet Ecclesiam, si desint pastores, quicumque de Clero adsint, Diaconi, Sacerdotes, Sæculares, Regulares. Ecclesia enim est grex junctus pastori, corpus hærens capiti. Vnde ubi nullus pastor, nullum caput, nulla Ecclesia reperitur.

Denique ut telo ultimo prodigiale Ecclesiae commentum abigam, licet essetis pastores, licet vera Ecclesiae Anglicanae capita, non tamen vos soli cum quantavis fidelium aut Nobilium, ut gloriâmini, copia, Ecclesiam Anglicanam efficere, nec vestris ac eorum Querimoniis Ecclesiae Anglicanae nomen sine piaculo præscribere possitis. Non enim Pastores quivis cum populo Ecclesiam conflant, sed summi Pastores; ut Rex cum subditis Regnum, Monarcha Monarchiam facit, non Praefecti, non Praetores, non Iudices. Ac ne generalem de Ecclesia quæstionem loco alieno delibemus; Certe constat, ubi proprius Episcopus Ecclesiae præest, penes ipsum esse Ecclesiam, ipso vigere, agere, loqui, ut capite corpus. *Ecclesia enim in Episcopo, & Episcopus in Ecclesia, ut rectè Cyprianus.* Ecclesia porro Anglicana Episcopum, & proprium habet, etiam iuxta vos; non jam Episcopum Chalcedonensem, quem renuitis; sed Romanum Pontificem, quem proprium & immediatum Angliae Episcopum prædicatis, quemadmodum suæ quemque dioceseos Episcopum, ut passim in libris vestris est, & in hac Querimonia expressius. Qua igitur dementia, sine Romano Pontifice, proprio Angliae Episcopo, Ecclesiam Anglicanam in vobis laicisque nobilibus, aut omninò laicis hominibus collocas? Quo ore, proprii Episcopi iniussu, Ecclesiae Anglicanae sententiam & Querimoniam edis? Ubi venia, ubi diploma summi Pontificis, quo tibi eius autoritate, Ecclesiae cujuseum Pastorem & proprium Episcopum fateris, nomine publicè in re tanta loqui concessum est? Videsne prosopopœæ stultitiam, fictitiæ Ecclesiae scelus? Quis enim fas putet inferiores pastores, parochos, regulares, sine



Episcoporum propriorum consensu ac potestate Ecclesiæ cujusque nomine quicquam in re graui, assentientibus etiam laicis, solenniùs euulgare? Nam quid seditio est, quid cōitio, quid legitimæ autoritatis dejectio, si ea non est cū laicorum ceterua à priuatis hominibus priuato ausu, inscio principe, trahitur in partes, eoque neglecto Ecclesiæ nomen & potestatem assumit? Quò euadent illi canones, illæ antiquissimæ creberrimæque leges Conciliorum ac Patrum, quibus non solum laicos, sed quoslibet sacerdotes sine nutu Episcopi quicquam agere vetitum est, tantum præcipuè, tam insuetum, tam nouum, tam nouandis rebus obnoxium? Subuertunt improuidi, ignarissimi sodales Ecclesiæ ordinem, Anglicanam Ecclesiam conturbant, Romanum Pontificem contemnunt, quem alternantibus animi motibus modò Episcopum Angliæ proprium faciunt, modò abdicant, quemque ei dederunt locum, ipsi inuadunt. O ludibria, stupores, cæcitates! Hæc via est compendiumque schismatum. Hoc facinus omniratione Ecclesiæ vindicandum, nusquam auditum, ut Iesuitæ cum laica quam concitarunt multitudine, Ecclesiam facere, Ecclesiam representare se dicant, spretis Episcopis, neglecto eo ipso quem proprium Episcopum confessi sunt. Talia soli hæretici gariunt, & ab Ecclesia Catholica percelluntur.

Vanam igitur Ecclesiam, prosopopœe Iesuita, fictitiam, Iesuiticam, penæque schismaticam inducis; non Anglicanam illam tanta fidei gloria fulgentem, tot victoriis nobilem, tanta per omnia tempora sanctitatis Christianarumque laudum omnium segete fecundam. Iocularem Ecclesiam fingis, & quia Episcopos, qui *sal terra* sunt, aspernatur, meritò fatuam & insulsam, tantisque ineptiis ridiculam, ut si cætera flagitia abessent, ingens tamen in Ecclesiam Anglicanam contumelia futura sit, tam informem ei laruam induisse. Nam immemor qualem Ecclesiam adumbrandam susceperis, mœrentem, afflictam, persecutione, ut dicitis, grauissimâ, & cui similem nulla sæcula viderint, quassatam; otiosam exprimis, gestientem poeticiis deliciis lasciuientem, Satyricis sannis petulcam, poeticam, satyricam Ecclesiam, & quasi in Satyros inciderit, satyricis carminibus ad singula insultantem. Estne, si tuis verbis uti licet, *conueniens luctibus ille color, ille sonus, illa leuitas*? Malè seruis scenæ tuæ, malè tuorum artificia retexis, verè doces vos plus otio in Anglia desipere, quàm persecutione castigari, plus deliciis & amœnitatibus, quàm luctui, gemitibus, lachrymis studere. Verè comprobas Catholicorum Angliæ declarationem qui aduersus malignas vestras persecutionis buccinationes professi sunt, *Sua maiestatis clementiam talem esse (Deo gratias agimus, inquiunt,) ut non minorem causam nobis præbeat, gratorum animorum affectum ipsi ob misericordiam exprimendi, quàm olim serenissimo regi ipsius patri*. Nam fidelibus sub vero persecutionis pondere depressis castior tribuenda oratio, grauitas, humilitas, verecundia, modestiaque sanctior, præcipuè in Ecclesiæ, pro cuius honore certant, Episcopos & parentes. Sic enim athletas suos in sæuis illis veterum persecutionum procellis, quæ tanto posteriorum temporum persecutiones superarunt, quanto primæ illius Ecclesiæ virtus posteriorum virtuti præluxit, instruebant ad certamen SS. Patres. *Imitentur Dominum*, inquiebat Cyprianus.

Pag. 79.

Manifesta-  
tione pag. 31.

Cyp. ep. 6.

qui sub ipso tempore passionis non superbior, sed humilior fuit. Tunc enim Apostolorum suorum pedes lauit, dicens: si ego laui pedes vestros magister & dominus, &c. Quando enim magis opus quiete, humilitate, modestia, quàm cum fremente aduersario de vita, de salute sempiterna periclitandum est, timendumque ne qui se stare existimat cadat, qui se exaltat humilietur? Ac ne quis præteritis fortè victoriis & spectata dudum constantia superbiat; Pauli Apostoli *Ibid.* documenta sectentur, inquit idem Martyr, qui post carcerem saepe repetitum, post flagella, post bestias, circa omnia mitis & humilis perseverarit, nec post tertium calum & paradysum quicquam sibi insolenter assumpsit, dicens, Neque gratis panem manducauimus ab aliquo, sed in labore & fatione nocte & die operantes, ne quem vestrum grauaremus. Hac singula oro vos insinuare fratribus nostris: Et quia is exaltabitur qui se humiliauerit, nunc est ut magis insidiantem aduersarium metuant, qui fortio rem quemque magis aggreditur, & acrior factus hoc ipso quod victus est, superantem superare conatur. Et alibi. Adhuc in saeculo sumus, adhuc in acie constituti *Idem, ep. 72* de vita nostra quotidie dimicamus. Danda opera est, ut post hac initia, ad incrementa quoque veniatur, & consummetur in vobis quod rudimentis felicibus esse capistis. Parum est adipisci aliquid potuisse, plus est quod adeptus es posse seruare. Sicut & fides ipsa & natiuitas salutaris non accepta, sed custodita viuificat, &c. Perseuerandum nobis est in arcto & in angusto itinere laudis & gloriae, & cum quies & humilitas & bonorum morum tranquillitas Christianis omnibus congruat secundum Domini vocem, qui neminem alium respicit nisi humilem & quietum, & tremantem sermones suos, tum magis hoc obseruare & implere Confessores oportet, qui exemplum facti estis ceteris fratribus, ad quorum mores omnium vita & actus debeat prouocari. Hæc Ecclesiæ persecutionem gementis oratio esse debuerat, hæc cogitatio, hic sensus, ut se aliosque ad constantiam, ad salutem, ad gloriam incenderet, Deique sibi & Ecclesiæ totius ad strenuè decertandum auxilia non verbis satyricis, non tumultuationibus, non in Episcopos declamationibus, sed humili mansuetudine, veraque patientium Christianorum virtute eliceret. Nunc insolentis Querimonix superbia, tot plena nugis, tot fæta ludibriis, vel Ecclesiam otiosam nimiumque solutam indicat, cui tam effusè ludere vacet, vel si tanta persecutione premeretur, iure potius exercitam & Deo vindice percussam doceret, Episcoporum & Ecclesiæ contumeliis cœlestes in contumaces ac maledicos iras deuocantibus. Nullos enim tam acerbè insequitur Deus quàm sacerdotum suorum contemptores, ut crebris scripturarum comminationibus, sanctorum Patrum testimoniis, euentuum prodigiis declaratum est.

At etiam audet fictitiæ Ecclesiæ opifex, cognitam de industria veritatem oppugnare, ut blasphemam in Spiritum sanctum Ecclesiam depingat. Non ignorare se ait dignitatem Episcoporum; terribilemque illam Scripturæ vocem, *53. n. 15.* Ego dixi di esis, & filij excelsi omnes, quæ eam à Deo descriptam fatetur, spernere non horret. Spernere inquam, & illudere, & explodere: quia dolor *Ibid.* vehementior, inquit, amoris igne succensus, non terræ, non cœlo parcat, in homines, in superos querelis indulget: ait enim Virgilius,

— complexa sui corpus miserabile nati

Atque Deos atque astra vocat crudelia mater.

O fatuam, ut verè iam dixi, & impiam, & atheam, quod nec dixi, nec putavi

A iij

adhuc, Ecclesiam! Non solum inusitata hæreticis ipsis impudentia Pontifices sacros, quorum dignitatem agnoscit, consulto aggreditur, sed cælum quoque ac Deum more Gigantum inuasuram se clamat, si quid molestiæ sibi facessant. Idque auctore Virgilio, nouo in Ecclesia Anglicana, per hypodidascalos Iesuitas, morum magistro & religionis doctore. Quid verbis vtare in hanc blasphemiam, vel potius incredibilem stupiditatem (aliter enim dici non potest) quæ omnem cuiusvis aduersarij orationem & cogitationem superat, magisque Iesuitam præuaricationem exhibere videtur suorumque proditorem, quàm reprehensorem vllum desideret?

Ne tamen temerè tantum nefas imprudenti excidisse putetur, atque vt cogitatò, studiosè, accuratè ab eo susceptum pateat, proferre audeo exemplum beati Iob, *qui totius, inquit, patientiæ specimen cum Deo disputare cupiebat.* Iam iam adeste vndique superbi, procaces, impij, Athei, vestrarumque in Deum blasphemiarum iacula innocentissimi, humillimi, patientissimi hominis imitatione armate. Tantane Iesuitarum vel ab ignorantia, vel ab enormi sui amore cæcitas est, vt potiusquam Illustrissimo Episcoporum cœtui dent manus, sibi que veræ defensionis præsidia deesse fateantur, sanctissima scripturarum religionisque mysteria dilapident? Sic symbolum Apostolorum, quo simul omnia continentur, infra polluerunt; sic mysterium Trinitatis per impiam ridiculamque ad tres Episcopos accommodationem; sic hoc loco mysterium Incarnationis & Christi in nobilissima eius imagine beato Iob contaminant, vt cætera sileam quæ in responsionis processu patefient. Eaque sacrilegia Ecclesiæ Anglicanæ nomine effundunt, vt Ecclesiam Christianæ fidei mysteriorum profanatricem efforment, immissumque hæresibus suis abolendis incendium, religionis fideique ruina, quando aliter non possunt, extinguant. Nam sermo ille confidentior beati Iob, & acriores cum Deo expostulationes, mysteriis plenissimæ, singulares, eximix, minimè ad vulgarium hominum exemplum transferendæ sunt. Ideò enim singulari diuinæ gratiæ motu à Spiritu sancto expressæ fuerunt, vt illustri & inusitata quadam imagine innocentiam Christi passuri præmonstrarent, eumque sine vlla sua culpa nostris tantum sceleribus, à patre percussum iri docerent. Hoc in illis querimoniis, in illa aduersus Deum sanctissimi viri fiducia Spiritus sanctus spectabat, insueta illa orationis licentia, insuetam innocentiam & conscientiam Christi firmitudinem exprimens, eorumque multa magis in Christum propheticè ex ore Iob, quàm in ipsam personam Iob destinabat. Quod & aliis Prophetis non semel contrigisse videmus, maximè iis qui præcipuum quendam Christi typum habuerunt, vt Dauid, cuius Psalmus nullus est, Tertulliano teste, qui de Christo non agat, multa que passim dicuntur quæ propriè Dauidi aptari non possunt, & in solum Christum diriguntur. Quare doceat primò Iesuita, poëticaque eius Ecclesia, se esse Prophetam, Spiritu sancto agi, sanctitate & innocentia æquare sanctum Iob, vel potius Christum ipsum, cuius ex persona, Spiritu sancto instigante, illa à Iob fundebantur. Tum licebit ei arripere inusitata illa & prophetica eloquia Iob, querelisque & inuidia, vt cum Tertulliano loquar, *cælum ac Deum tundere.* Quamquam Iob contumelias in Deum quamuis hortante vxore, non vsus est, quibus Iesuitica

Quintim. 4. 3.  
m. 15.

4. 3. n. 31. &  
f. 99.  
4. 4. n. 21.

Vid. Ambr.  
lib. 4. in Luc.  
cap. 4.  
Gregor. lib. 1.  
Moral. cap. 5.  
& l. 2. cap.  
16. & c.

Tertull. in  
Prax. c. 11.

Tertull.  
Apol. c. 40.

Ecclesia, ut & Iob, & Prophetarum omnium, & Christi ipsius sanctitatem *Iob 2.*  
 exuperet, in Deos *Deique vicem* gerentes Episcopos non pepercit, mulieri *Cypri. ep. 55.*  
*stulta*, uxori Iob simillima, non virili sapientissimi Iob patientiæ, modestiæ,  
 pietati. Alioquin si sine singulari Dei motu, sine prophetica impulsione,  
 sine heroica magnitudine virtutis & sanctitatis, ea quæ Spiritus sanctus per  
 Prophetas summosque viros extraordinaria minimèque vulgari via ope-  
 ratus est, cuius imitanda, & in omnium libidinum animi velamen rapien-  
 da censeat, vescatur fimo bubulo cum Ezechiele, circumdet vincula & ca- *Ezech. 4.*  
 tenas collo suo cum Ieremia, iubeat se dejici in mare cum Iona, tueatur *Ierem. 27.*  
 fornicarios exemplo Osee, homicidas exemplo Samsonis, regicidas exem- *28.*  
 plo Aod, fures exemplo Moïsis, summa denique scelera singularibus & in- *Ion. 1.*  
 usitatis prophetarum hominum operibus vindicet, quemadmodum su- *Osee. 1. & 3.*  
 perbiam & impietatem Atheam exemplo sanctissimi Prophetæ Iob pro- *Iud. 14.*  
 pugnare non timet. Infœlicem Ecclesiam! cui Iesuitici ingenij copia que- *Iud. 3.*  
 rimoniæ reperire non potest, nisi in intoleranda scripturarum, myste- *Exod. 12.*  
 riorumque maximorum abusione, & in ipsa arce impietatis.

Quænam verò fabulosæ Ecclesiæ causa est querimoniæ tam enormis, &  
 à perpetua Ecclesiæ Anglicanæ pietate degeneris? Videte Iesuiticarum  
 mentium labe, arrogantiaque vanitatem. *In libros*, inquit, *sententiam ful-* *Querim.*  
*minarunt* Episcopi Galliæ, quos tamquam meos complexa fueram, & esse multis *pag. 14.*  
*nominibus meos negare non possum.* Quare tuos? quia lingua tantum mea gentis,  
 quos ipsa sola legerem, sola intelligerem, cum in ipsos censura saeviit, scripti ex-  
 tabant. Mitto quærere num multo antea Latinè versi non essent, ex tua  
 ipsa, Pseudo-Læmeli assertionem, qui infra in spongia disertè affirmas, *libros* *In Spong.*  
*à singulis approbatorum à capite ad calcem accuratè perlectos esse.* Ideoque Lati- *pag. 27.*  
 nè verti debuerant, cum approbatorum plerique Anglicè nescirent. Ac tu *ed. 2.*  
 ipse de libro Smithæi nominatim ais *eum in Latinum fideliter versum theologis* *Ibid.*  
*exhibitum à magistris Angliæ, Hiberniæ, Belgij, Germaniæ, Galliæ, Hispaniæ, nu-*  
*mero qui supra vigesimum trigesimo accedit, testimonium meruisse orthodoxæ unde-*  
*quaque sententiæ.* Iam approbatorum testimonia multis mensibus antecen-  
 suram Illustrissimorum Antistitum data notantur, quædam mense Iulio  
 anni 1630. ut Iesuitarum Duacensium, pleraque Augusto, omnia intra  
 Octobrem eiusdem anni. Apologiæ quoque approbationes illæ pauculæ  
 editæ scribuntur iisdem mensibus Iulio, Augusto, Octobri. At Illustrissi-  
 morum Galliæ Episcoporum, & Facultatis Parisiensis Censuræ, mense de-  
 cimum Februario sequentis anni prodierunt; ut impudens mendacium sit,  
 tuo ipso ore confutatum, *libros lingua solùm tuæ gentis, quos sola legeres, sola*  
*intelligeres, cum in ipsos censura saeviit, scriptos extitisse.* Sed omissa mendaci  
 Ecclesia, vel saltem æquiuvoca, & Iesuitica; quænam ista ratio est, tuos esse  
 libros, hoc est Ecclesiæ Anglicanæ, quia sola lingua Anglica scripti exta-  
 rent? dormis, an vigilas, Ecclesia Læmeliana? Sapis apud Deum, sicut apud  
 homines desipis? Ego verò tam hebetem non putabo, quamdiu Iesuitica  
 solertia mouebere, & Iesuitico energemate animabere, ut tuos habere velis  
 libros omnes qui Anglicè excudantur. Alioquin habet tibi quoque librum  
 Lellisoni qui Anglicè scriptus est, eaque sola lingua ad hanc diem extat  
 (nemo enim nostrum Latinè vidit) ut & plerosque alios pro Episcopo



Chalcedonensi aduersus Iesuitas editos, quos tu tamen, non particularis, sed partialis & factiosa Ecclesia, tuos negas.

At Iesuitæ, inquit, mei honoris defendendi causa arenam non detrectarunt cum doctore prouocante certamen inituri, qui me non semel iteratis vocibus incusat tamquam meo sacerdoti non adunatam, sine pastore gregem, &c. perinde ac si dixisset vagam, ἀνέφαλον, perditam, profligatam, &c. Maligna es Ecclesia, & ut te violatam esse queri possis, te ipsa violas, & furentium, vel paganorum more conscindis. Non accusauit Ecclesiam Anglicanam Kellisonus, quantum ex verbis quæ Iesuitæ ipsi citant, intelligere possumus. Doluit, gemit, tanto temporum interuallo, malorum hominum, maxime Iesuitarum artibus, fictisque susurris, eam Episcopis caruisse, adeoque fuisse gregem sine pastore, nauem sine gubernatore, corpus capiti, Ecclesiam sacerdoti non adunatam. Ita enim locuti sunt sancti Patres, etiam Romani Pontifices de Ecclesiis

Episcopo viduatis: <sup>a</sup> Coelestinus vocat propriis destitutas rectoribus ciuitates. <sup>3.</sup> ad Episc. Leo Magnus quàm mox iis subrogari iubet Episcopos, *Ne gregibus Domini* <sup>b</sup> *desit cura Pastorum.* <sup>b</sup> Gregorius Magnus Ecclesiam Ariminensem, Episcopo quidem præditam, sed absente, & valetudine impedito, tamen dicit, <sup>c</sup> *Ecclesiam pastorali hæcenus & sacerdotali regimine destitutam, aliumque præcipit ordinari, Ne diutius gregi fidelium desit custodia pastoralis.* Idem sublato Ecclesiæ Corneliensis Episcopo, alium maturè vult eligi, <sup>d</sup> *Ne cadente pastore, dominicum gregem antiquus hostis dilaniet; quia Ecclesia Dei diu viduata proprio Episcopo remanere non debet.* Scatent eius epistolæ huiusmodi locutionibus, quibus tales Ecclesias <sup>e</sup> *destitutas* vocare solet, quas alij *viduatas* sæpius vocant, necnon & ipse interdum. Hadrianus quoque primus Ecclesiam Rauennatem mortuo Episcopo, <sup>f</sup> *proprio rectore destitutam ac viduatam* appellat. Et Constantinopolitani ac Hierosolymitani, vniuersique Orientales Monachi in epistola ad Agapetum Papam contra Anthimum Trapezuntium Episcopum Constantinopolitanæ sedis inuasorem, eum arguunt <sup>g</sup> *Ecclesiam suam Trapezuntiam* <sup>h</sup> *ἐκείνην τὴν ἀνδρὸς ἐγὼ, viduam & sine viro* reliquisse dum Constantinopoli hærens Epiphaniij Episcopi obitum præstolaretur. Ac ne plura ex immensa talium apud Patres Pontificesque sententiarum segete colligamus, omnium instar esse potest insignis illa Cypriani ad Pupianum obtrectatorem expostulatio, qua objecta sibi ab eo crimina, superbiamque retundens obtrectantis, <sup>i</sup> *Nisi apud te purgati fuerimus, inquit, & sententia tua absoluti, ecce iam sex annis nec fraternitas habueris Episcopum, nec plebs præpositum, nec grex pastorem, nec Ecclesia gubernatorem, nec Christus assistentem, nec Deus sacerdotem.* Quia nimirum si vera fuissent objecta à Pupiano crimina, Cyprianus non legitimus pastor, non Episcopus, sed inuasor & adulter Ecclesiæ fuisset, quippe contra canones solemnemque ac perpetuam illius temporis multarumque deinceps Ecclesiæ ætatum disciplinam, quæ facinorosos & criminosos non ab Episcopatu tantum, sed ab omni Cleri gradu repellebat, ordinatus. Atque ita tot annis quot & ab eius ordinatione excurrerant, Ecclesia Carthaginensis caruisset vero Episcopo, adeoque nec Grex pastorem habuisset, nec Ecclesia gubernatorem, &c. Denique ut proprium & domesticum Ecclesiæ Anglicanæ exemplum proferamus, ipse primus Anglorum Episcopus Augustinus successorem sibi Lauren-

<sup>a</sup> Celest. 1. ep.

<sup>3.</sup> ad Episc.

<sup>b</sup> S. Leo, ep.

<sup>c</sup> Greg. 1. ep.

<sup>d</sup> Greg. 1. ep.

<sup>e</sup> Greg. 1. ep.

<sup>f</sup> Greg. 1. ep.

<sup>g</sup> Greg. 1. ep.

<sup>h</sup> Greg. 1. ep.

<sup>i</sup> Greg. 1. ep.

<sup>j</sup> Greg. 1. ep.

<sup>k</sup> Greg. 1. ep.

<sup>l</sup> Greg. 1. ep.

<sup>m</sup> Greg. 1. ep.

<sup>n</sup> Greg. 1. ep.

<sup>o</sup> Greg. 1. ep.

<sup>p</sup> Greg. 1. ep.

<sup>q</sup> Greg. 1. ep.

<sup>r</sup> Greg. 1. ep.

<sup>s</sup> Greg. 1. ep.

<sup>t</sup> Greg. 1. ep.

<sup>u</sup> Greg. 1. ep.

<sup>v</sup> Greg. 1. ep.

<sup>w</sup> Greg. 1. ep.

<sup>x</sup> Greg. 1. ep.

<sup>y</sup> Greg. 1. ep.

<sup>z</sup> Greg. 1. ep.

<sup>aa</sup> Greg. 1. ep.

<sup>ab</sup> Greg. 1. ep.

<sup>ac</sup> Greg. 1. ep.

<sup>ad</sup> Greg. 1. ep.

<sup>ae</sup> Greg. 1. ep.

<sup>af</sup> Greg. 1. ep.

<sup>ag</sup> Greg. 1. ep.

<sup>ah</sup> Greg. 1. ep.

<sup>ai</sup> Greg. 1. ep.

<sup>aj</sup> Greg. 1. ep.

<sup>ak</sup> Greg. 1. ep.

<sup>al</sup> Greg. 1. ep.

<sup>am</sup> Greg. 1. ep.

<sup>an</sup> Greg. 1. ep.

<sup>ao</sup> Greg. 1. ep.

<sup>ap</sup> Greg. 1. ep.

<sup>aq</sup> Greg. 1. ep.

<sup>ar</sup> Greg. 1. ep.

<sup>as</sup> Greg. 1. ep.

<sup>at</sup> Greg. 1. ep.

<sup>au</sup> Greg. 1. ep.

<sup>av</sup> Greg. 1. ep.

<sup>aw</sup> Greg. 1. ep.

<sup>ax</sup> Greg. 1. ep.

<sup>ay</sup> Greg. 1. ep.

<sup>az</sup> Greg. 1. ep.



Ambros.  
orat. funeb.  
in obitu Val.  
entin. 10. 3.

Genes. 2.  
Math. 19.

Vid. Aug. de  
bono viduit.  
cap. 20.

Querim. 3.

pertinentes, ne Episcopus Catholicis Angliæ præficiatur, Pontifices satis purgarentur à crimine violatæ diuinæ legis ex omnium consensu, etiamsi Episcopus Ecclesiæ Anglicanæ iure diuino debeat. Sic licet sit diuini iuris suscipere baptismum, non tamen adulti omnes qui sine baptismo moriuntur, diuini iuris violatores sunt, etiamsi non penitus impossibilis eis fuerit ejus susceptio. Nam Valentinianum Augustum multis laudibus exornat, & in cælo locat Ambrosius, licet sine baptismo mortuum, quem tamen omnino suscipere potuit, & ex solo in Ambrosium amore distulit, vt illius manu Mediolani baptisaretur. Sic licet sit diuini iuris virum adesse uxori, cum eaque habitare, *Relinquet enim homo patrem & matrem suam, & adhærebit uxori suæ, &c.* Tamen postulantibus negotiis, aut idoneis de causis quibuscumque fas est viro discedere ab uxore non ad breue modò tempus, sed interdum ad plures annos. Innumera istiusmodi colligi possunt, quæ Iesuiticæ rationis toties inculcatæ, & pro septemplici clypeo objectæ, leuitatem aperiunt. Ipsos enim, ipsos inquam Iesuitas solita vafritie concinnatisque dolis ac delationibus Romanos Pontifices deterruisse ne Episcopos in Angliam tamdiu mitterent, prout etiam nunc palam persuadere conantur, propositis periculis terroribusque immanibus, vt vnicum iam eò missum reuocent, grauissimorum virorum non solùm Anglorum, sed aliorum non paucorum oculatis testimoniis compertum est, vt antea monuimus. Hac igitur ratione de Romano Pontifice conuulsa, aliam porrò affert Ecclesia Iesuitica, cur Querimoniam in Illustrissimos Antistites inuadat: *Mei sunt*, inquit (libri damnati) *quia religiosa vitæ professores, quibus ego meipsam totam debeo, tuentur & ornant, quos labe aliqua doctor præfatus asperferat.* Atque hæc præcipua ratio, hæc meta, hic scopus est; quò tota Iesuitæ oratio incumbit. Aliæ quas dissoluimus, honoris causa & specie tenus opponuntur, ne inuidiosum & ridiculum videatur Ecclesiam Anglicanam ob solam errorum Iesuiticorum damnationem in Ecclesiæ Gallicanæ Antistites concitare.

Quare hic pandit tela & exultat, & ultra metas longè prouehitur domestici affectus lenocinio Vtopianæ Ecclesiæ pronubus, eaque de Iesuitis, sub generali regularium nomine, decantat, quæ nemo sobrius cogitasse velit. Quo enim ore, quæso te, Iesuita fictor, dicis hoc loco Ecclesiam Anglicanam totam se debere religiosæ vitæ professoribus? Video latebram tuam, teneo quâ sis euasurus, & mihi calumniæ scripturus dicam. Ne enim solis regularibus Ecclesiam Anglicanam deberi affirmare videreris, subdolè præposuisti nomen Romani Pontificis in hunc modum, *tum sedis Apostolicæ præsules, tum religiosa vitæ professores quibus ego meipsam totam debeo*, vt ambigua sententia existeret religiosæ vitæ professoribus, an iis simul & summis Pontificibus Ecclesiam Anglicanam totam deberi dixisses. Cæterùm mens tua, fallacia, inquam, arrogans, ex hoc ipso æquiuoco satis perspicitur.

In ep. dedic.  
p. 4.

Qua verò etiam conscientia prædicare potes Ecclesiam Anglicanam totam Romanis Pontificibus & religiosis deberi, cum in epistola nuncupatoria ad D. Carolum Colomam scribas, *innumerabilia esse, ac propemodum infinita Catholici regis & Hispanæ gentis in hanc Ecclesiam beneficia. Vestra enim*, inquis,

inquis, pietati fideique zelo post Christum quidem; Christique supremum in terris vicarium salutem suam unice debet. Si Hispanæ genti post Romanum Pontificem salutem suam unice debet, quo modo eam Romano Pōtifici & religiosi totam deberi ais? Agnosce vertigines tuas, & mendacia, & improuidās adulationes. Difficile est adulationem simul ac typhum in vno capite pacifice consistere, nec fœdis identidem pugnis conflictari. Adulatio enim omnia alteri defert, typhus omnia sibi rapit. Quantum illa dejicit, tantum hic attollit & inflat. Memorem saltem mendacem esse debere, scire debueras, nec solum quid diceres, sed etiam quid dixisses, præcipuè in exiguo opusculo perpendere. Quis enim ferat te more militum qui Christi vestem diuiserant; Ecclesiam Anglicanam, prout tibi commodum, modò inter Pontifices & Hispanos, modò inter Pontifices & regulares, exclusis Hispanis, quibus tamen prioribus ius dedisti, ex æquo partiri? Injuriam facis Hispanis; iniquè regularibus totam deberi contendis Ecclesiam, quam illis antea unice deberi confessus es.

Sed omisso compendio exceptionis quam tua natiua leuitas, & incon-  
sulta temeritas tibi vtrò opponit, videnda sunt propria argumenta, qui-  
bus Ecclesiam Anglicanam totam addicis regularibus in contemptum  
Episcoporum generatim omnium, & nominatim Gallicanorum. *Eorum*  
*ope* (regularium) inquit, te interprete Ecclesia Anglicana, Deum & Christum *Ibid. n. 4.*  
*scire & colere didici, &c.* Nam cum gentilium errorum demersa tenebris in vitiorum  
omnium ceno volutarer à vobis (Episcopis Gallicanis) qui loco proximi eratis,  
nihil mihi ad salutem opis allatum est. De religiosi quod ais, discutiemus paulo  
post. Interim in Episcopos Gallix, & Ecclesiam Gallicanam, ingratham &  
immemorem Ecclesiam fingis, verè Molinisticam, verè superbam, quæ in-  
gentia perpetuaque beneficia, longèque priora, quàm quæ à religiosi ei al-  
lata gloriaris, noua ingratitude redigit in nihilum, & extinguit. Nam  
pluribus sæculis antequam religiosi, quos narras, in Angliam cogitassent,  
iam Gallicani Episcopi in synodo congregati, ad Britannicæ Ecclesiæ præ-  
sidium rogantibus fidelibus Britannis, miserant primùm sanctos Germa-  
num Altisiodorensem, & Lupum Trecentsem, Episcopos; iterum eundem *Beda hist.*  
Germanum, & Seuerum Treuirenssem Episcopum, sancti Lupi discipulum, *Angl. lib. 1.*  
qui Pelagianos Britannicam Ecclesiam, eorum viribus imparem, subigen- *cap. 17.*  
tes, virtutibus, miraculis, disputationibus fregerunt, labentemq. Britannicæ *Idem ib.*  
fidem, victis pulsisque aduersariis, constituerunt. Quo solo exemplo vides *cap. 21.*  
quanto ante vos natos, & ante regulares quos ostentas in Anglia natos, tra-  
dita sit ab Ecclesia Britannica posteris consuetudo ad Gallix Episcopos in  
fidei periculis confugiendi, & ab Ecclesia item Gallicana eorum pericula  
non aspernandi: frustra que vos, nouitios homines, tantam viriusque Ec-  
clesiæ charitatem & fœdus à maioribus vtrique ante tot sæcula sancitum,  
toties vsurpatum, nunc denique improbare & discindere conari. Ut tunc  
id Pelagianis displicebat, ita nunc displicet Molinistis; ut tunc Ecclesia Bri-  
tannica auxilium à Gallica expetiit aduersus Pelagianos, ita nunc aduersus  
Molinistas, Pelagianorum si non gentilitios, certè affines. Atque ut intel-  
ligas quàm omnia quæ à regularibus illi Ecclesiæ data esse ais, longè ante  
habuerit à Gallix Episcopis, à quibus nihil ei ad salutem opis allatū esse dixisti; si



S. Greg. lib.  
27. Moral.  
c. 8. Ioannes  
Diaconus in  
vita S. Greg.  
lib. 2. c. 39.

Beda hist. lib.  
1. cap. 20.

S. Aug. ep. 5.  
ad Marcellinum.

Henricus  
Antyphodo-  
rensis in lib.  
de S. Germa-  
ni miraculis.  
Sigebr. in  
Chron.

1. Cor. 10.

Mariani lib.  
de regim. so-  
ciet. cap. 3.

monachi à diuo Gregorio missi *iacentem crexerunt, sordidam lauacro vite abluerunt, barbarum frendere assuetam, mellifluum alleluia resonare docuerunt,* (quas postremas voces à D. Gregorio piè scriptas, à te malè mutuatas, ad superbiam & æmulationis studium præposterè more tuo trahis) non minus S. Germanus cum collegis Episcopis, post domitos Pelagianos, irruentibus in Britanniam Saxonum Pictorumque copiis, Britannicum exercitum per quadragesimæ tempus in hostem ducentes, *Populis certatim,* inquit Beda, *ad gratiam baptismati conuolansibus maxima exercitus multitudine undam lauacri salutaris expetente, madidum baptisate exercitum & de lauacro recentem in aciem produxerunt;* Germanoque duce prælij, aciem instruente, *alleluia* tertio exclamantibus Episcopis, repetentibus militibus, conterritum perculsumque hostem paschali tempore profligarunt. Vides quale baptisma, quale *alleluia*, Britannicis populis Gallicani Episcopi tradiderint? non vulgare, non molle & umbraticum, sed generosum, militare, triumphale, miraculis & diuina gratia nobile, non solum internis, sed etiam externis hostibus terrificum, integros baptisatorum, neophytorum exercitus, quasi cœlestes acies, Angelorumque turmas, modò genitos infantes sola voce *alleluia* armatos, qualem Christianorum exercitum S. Augustinus inuictum fore dicebat, in barbaras hostium phalanges, cum ingenti victoria & diuina strage immittentes. Quid illustrius? quid diuinius? quid indignius Ecclesiæ tuæ istius ingratitude & obliuionis?

Sub idem tempus Ecclesia Gallicana Hyberniam dedit sanctum Patricium, sancti Martini affinem, sancti Germani discipulum, cuius institutionibus per annos octodecim excultus, & ab eodem Cœlestino Papæ oblatas, per Hybernorum Scotorumque salutem destinatus, Hyberniam Apostolus euasit. A quo deinde non fides solum & salus Hyberniam, Britannicarumque insularum longè plurium, sed etiam illustres Britannicarum Ecclesiarum aliarumque Episcopi, & celeberrima Cœnobiorum & Cœnobiarchatum sanctissimorum per multas non Britanniam solum, sed Septentrionum latè regiones, examina fluxerunt.

Atque ut ad tempus illud accedamus, cum beatus Augustinus, alique monachi à diuo Gregorio Papa ad fidem Britanniam nouis incolis promulgandam missi sunt, mirum est hominem Iesuitam in monachorum factis tantopere exultare, & in immensum, contra Apostoli regulam, in alienis laboribus, & in iis quæ preparata sunt, gloriari. Præcipuè cum Iesuitæ & nomen, & mores, & speciem ipsam Monachorum longissimè fugiant & aspernentur, ipso Mariana teste, qui hanc grauium in sua societate malorum & aberrationum causam agnoscit. Qui per arenarias, inquit, & deserta loca peregrinantur, ubi nec vestigium, nec semita usquam apparet, in magno euagandi periculo versantur, nec propositum itineris finem assequendi. Hac, opinor, fuit causa cur pleraque omnes aliæ religiones initio ad aliquam se antiquiorum regularum applicuerint, sancti Augustini, sancti Benedicti, &c. quæ difficultas multò grauioris momenti est in nostra societate, quia multi ex nostris, de industria, ne monachi viderentur, dimouerunt se penitus à moribus, regulis, ceremoniis, atque adeo ab ipsis vocibus quibus ceteræ religiones utuntur, quæ tamen fortassis (saluo suo instituto) ad fructum & opem suam humiliter transferre posuerant. Cur ergo monachorum

facta in laudem conuertunt suam, monachos ipsos exosi & dedignantes? cur ubi commodum est, monachos amant; ubi incommodum, oderunt? Cur ad gloriam monachi esse volunt, ad humilitatem horrent? Ridiculum verò in primis quod se eorum numero furtim inferant quibus Anglia omnia debeat, cum contrà Iesuitis omnia penè Ecclesiæ Anglicanæ intestina mala, dissidia, scandala debeantur, ex quo primùm ad eam accesserunt. Ac verè ei licet, si querimoniis ac prosopopœis more tuo vtendum est, notam illam prosopopœam, in tuam societatem reponere, *Nullum iam tot annos facinus extitit nisi per te; nullum flagitium sine te. Tibi uni vexatio fidelium, sacerdotum, pastorum, impunita fuit ac libera. Superiora illa, quamquam ferenda non fuerunt, tamen ut potui, tuli. Nunc verò me totam esse in meum propter te unam; quicquid increpuerit, Iesuitas timeri, non est ferendum. Quamobrem discede, atque hunc mihi timorem eripe.* Hoc enim est Catholicorum Angliæ votum, tot tumultibus, fraudibus, turbis Iesuiticis fessorum, quod in publica illa aduersus fictam à Iesuitis declarationem declaratione professi sunt hoc pacto: *Vniuersi uno corde & voce Deum precamur, ut diuina sua* Pag. 34.  
*Maieitati placeat summum Pontificem mouere ut Iesuitas ex Anglia euocet, experimentis deplorabilibus docti nunquam aliter futuram inter nos pacem & concordiam. Eant nunc, & se iis comparent quibus Anglia se totam debet, quorum opera carere non potest. Plus habent vnde lugeant propter illatas ei labe, quàm vnde glorientur propter impensa officia, quæ tanti non sunt, ut tot calamitatibus redimantur.*

Cur porrò Monachos à D. Gregorio in Angliam missos, Episcopis Gallicæ opponunt, quasi Ecclesia Gallicana tum temporis nihil opis ad salutem attulerit Anglicanæ, hæcque tota monachorum ordini debeatur? Non obtrectamus laboribus insignium illorum monachorum quibus nihil simile Iesuitæ exhibent, nec debitas illis laudes more Iesuitico deterimus; sed maxima Ecclesiæ Gallicanæ in Anglicam eo ipso tempore beneficia volatitico insulsi Iesuitæ ausu opprimi, imò *ἀσπογία* Ecclesiæ Gallicanæ impudenter exprobrari, ferre non debemus. Nam antequam Augustinus & socij in Angliam accederent, iam illic aderat Gallicanus Episcopus *Luidhardus* cum regina *Bertha* Catholica, è Regia Francorum gente Clotarij I. Regis filia, missus; iam regis reginæque animos Catholica religionis odore spargebat; iam religionis ritus & cultum in publica æde diuo Martino sacra reginæ peragebat, quo deinde primo templo Augustinus & socij vsi sunt; iam denique Augustino religioniq. Catholicæ viam in regis & Anglorum mentes ipse & regina muniebant. Quo factum est ut primùm accedentes, Rex humaniter accipiens, benignè audierit, rebus omnibus iuuerit, facile Euangelio toto regno suo, & paulo post ad seipsum aditum præbuerit. Rex hac audiens, inquit Beda, *manere illos (Augustinum & socios) in ea quam adierant insula, & eis necessaria ministrari, donec videret quid eis faceret, iussit. Nam & antea fama ad eum Christianæ religionis peruenerat, utpote qui & uxorem habebat Christianam de gente Francorum regia, nomine Bertham. Quam ea conditione à parentibus acceperat, ut ritum fidei ac religionis suæ cum Episcopo, quem ei adiutorem fidei dederant, nomine Luidhardo, inuiolatam seruare licentiam haberet. Ac ne nativo amore propensiores in Episcopum Gallicanum Reginamque videamur,*

*Beda hist. Aug. lib. 1. cap. 26.*

*Beda hist. Aug. lib. 1. cap. 25.*

cosque temerè in debitæ Augustino & sociis laudis partem vocare, faci-  
mus hoc autoribus omni exceptione maioribus, ipso in primis Gregorio  
qui Renæ scribens, (cui nomen paulo aliud tribuit, quàm quod à Beda  
proditur, quod & in aliquot aliis nominibus obseruauimus, in quibus non  
prorsus cum Beda consentit) *Omnipotens Deus*, inquit, *conuersionem gentis*  
*Anglorum mercedi vestra dignatus est propitius reseruare.* Eam deinde Helenæ  
Constantini matri confert, *fide munitam, & literis doctam* prædicat, hortatur  
vt diligentius etiam quàm antea regij conjugis animum *assidua adhortatione*  
corrobores, eumque pro *subiecta ipsi gentis plenissima conuersione succendas.*  
Vnde addit Romanos pro *vita ipsius fortius orauisse.* In eandem sententiam  
plerique Angliæ scriptores consentiunt, & Luidhardum Episcopum præ-  
cursorem *& ianitorem venturi Augustini* vocant, *parasseque ipsi viam & ingres-*  
*sum,* ab eoque & Regina effectum vt *Ethelberti Regis animus iam emollitus,*  
*B. Augustino prædicanti faciliè cederet, contestantur.*

Nec solum apud Regem & Anglos parauit religioni viam Ecclesia  
Gallicana, sed etiam apud ipsum Augustinum & socios, quos Arelatenſi  
Episcopo, vt Galliarum tum temporis Primati, ac plerisque nominatim Galliarum  
Episcopis, Regibusque Francorum, à D. Gregorio commendatos, omni  
humanitate adjuutos, nec Gallicanis solum Interpretibus, sed etiam Galli-  
canis sacerdotibus laborum sociis instructos, in Angliam transmisit. Vnde  
quod D. Gregorius ad Theodoricum & Theodebertum Francorum Re-  
ges, & ad Reginam Brunichildam scribens, arguere videtur Galliarum sacer-  
dotes quasi *pastoralem erga Anglos sollicitudinem non haberent*, eo quod eorum  
*desideria ad fidem Christianam conuerti cupientium, cessarent sua adhortatione*  
*succendere*, non tam ad deprimendam Gallorum eius temporis sacerdotum  
Christianam in Anglos charitatem valere voluit, quàm ad factum suum  
Regibus Reginæque probandum, ne fortè mirarentur eum omissis Gal-  
liarum sacerdotibus, longinquiores alios ad Anglorum conuersionem qua-  
xisse. Quare quò facilius eis consilium suum probet, addit se Augustino &  
sociis iniunxisse vt *ad agenda hæc è vicino secum deberent presbyteros ducere.* Vel  
si quam in Galliarum Episcopis cunctationem, seu, vt ipse loquitur, *cessationem,*  
fuisse dicendum est, nihil erit mirum eos aliquantisper ab adeunda, & à  
ferinis moribus traducenda barbara gente refugisse, cum Augustinus ipse  
& socij iam à D. Gregorio in id opus selecti, iam monitis eius roborati, iam

iter ipsum ingressi, *perculsi timore*, inquit Beda, *Augustinum domum remiserint,*  
qui à B. Gregorio humili supplicatu obtineret, *ne tam periculosam, tam laboriosam,*  
*tam incertam peregrinationem adire deberent.* Sicut autem iteratis D. Grego-  
rij adhortationibus incitati, & quo alacrius pergerent, tot Galliarum

Episcopis, & Regibus ab eo commendati, fortiores extiterunt. Sic  
Ecclesiæ Gallicanæ Antistites D. Gregorij literis permoti, tantum studij  
& charitatis ad opus illud Anglicanum Augustino & sociis præbuc-  
runt, vt D. ipse Gregorius eos laboris illius adiutores eximios, merce-  
disque socios fateatur, ac nominatim Siagrii Episcopo Augustodunensi  
ob præstitum in eo zelum tantum, *vt magnum me sibi*, inquit, *fraternitas tua*  
*hac de re fecerit debitorem*, pallij honorem concesserit. Reginæ verò Bruni-  
childæ id testimonium præbet, vt eius post *Deum auxilium verbum in Anglia*

a Vid. Card.  
Baron. ad an.

197.

b S. Gregor.

lib. 9. ep. 59.

Indict. 4.

c Ioannes

Capgranius

Augustinianus,

in vita

S. August.

d Guil. Mal-

mesburienſis

lib. 1. de Re-

gib. Angl.

Polydorus

Virgil. hist.

Angl. lib. 4.

S. Greg. lib. 5.

ep. 58 & 59.

Indict. 14.

Beda supra

cap. 14.

Bed. l. 1. c. 23

Ioannes Dia-

con. l. 2. vita

S. Greg. c. 33.

34. & 35.

Vid. D.

Greg. li. 9 ep.

50. 51. & c.

& l. 7. ep. 30.

Indict. 1.

Vid. eundem

l. 7. ep. 114. &

115. Ind. 2.



predicationis innotuisse confirmet. Quæ verba plus paulo ponderis habent à D. Gregorio præscripta ad perpetuam beneficiorum Gallicanæ Ecclesiæ <sup>Item lib. 9.</sup> ac gentis in Ecclesiam Anglicanam laudem & memoriam, quàm quæ <sup>ep. 56. ind. 4.</sup> Iesuita in epistola nuncupatoria adulatoriè posuit, *Ecclesia Anglicana Hispanæ gentis pietati fideique zelo post Christum quidem, Christi que supremum in terris vicarium salutem suam unicè debet.*

Quinetiam Anglorum animis prima Evangelij prædicatione imbutis, & ad pleniorē fidei Ecclesiæque susceptionem paratis, nihil Christianorum mysteriorum in eos antè auspicatus est Augustinus, quàm in Galliam properans ab Arelatenſi Archiepiscopo Episcopus, ex D. Gregorij monito, ordinatus est. Ex quo patet totam Ecclesiæ Anglicanæ sobolem, & ipsam patrum illius originem, ipsum Episcopatum, ipsam hierarchiam Anglicanam, fœtum esse ac germen Ecclesiæ Gallicanæ Episcoporumque Gallicanorum; Nec mirum videri oportere si illa ad hanc, quasi proles ad parentem, vbi duriora tempora euenere, perpetuo confugerit; & hæc illam, quasi prolem parens, semper amantissimè sit complexa, nec ei vquam, eiusque in primis Episcopis, quos genuisset & fudisset ex se, paternum animum negari posse iudicari. Non enim radix solùm & caput Episcopus, hierarchiæque Anglicanæ, Augustino à Galliæ Episcopis ordinato, ab Ecclesia Gallicana duxit initium, sed & incrementa & propagationem diuturniorem ab ea identidem repetiit. Nihil in historia Anglicana crebrius quàm Episcopos Anglicanos, præcipuè insigniores, in Gallias missos ut à Gallicanis præsulibus consecrationem susciperent. Non paucos videas vel in Galliæ Episcoporum disciplina ab adolescentia versatos, ut illustrem illum in primis Wilfridum Episcopum, Australium Anglorum Apostolum, à Delphino Lugdunensi Episcopo diu institutum, <sup>Bedæ lib. 3. hist. Angl. c. 28. & l. 5.</sup> Clericum factum, ab Agilberto Episcopo Parisiensi cum aliis vndecim <sup>cap. 20.</sup> Galliæ Episcopis consecratum; aliosque, de quibus passim historici, nec <sup>Vide eundem l. 3. c. 7. & l. 5. c. 9.</sup> hic commemorare attinet; vel ex Ecclesia Gallicana, vbi adoleuerant, vtrò ascitos, ut Lanfrancum, ut Anselmum, Cantuarienses Archiepiscopos; vel vbi ex Anglia temporum iniquitate dejecti essent, ab Ecclesia Gallicana benignè susceptos, ut primos illos Augustini collegas, Mellitum <sup>Vide eundem Bedæ l. 2. c. 5.</sup> & Iustum, hunc primum Roffensem, illum primum Londinensem, Episcopos, aliosque deinceps complures, Anselmum, Thomam, Edmundum, Cantuarienses, quibus nullum vquam præsentius domesticorum turbinum perfugium fuit quàm Ecclesiæ Gallicanæ sinus; vel denique vtrò ex Gallia ad regiones Anglorum varias Christiana religione illustrandas conuolantes, ut Agilbertum occidentalium Saxonum primum Episcopum & Apostolum; ut Felicem Orientalium etiam Apostolum Anglorum; ut <sup>Vide eundem lib. 3. c. 7.</sup> immanis quædam sit Ecclesiæ Iesuiticæ Pseudo-Anglicanæ non solùm ingratitude, sed etiam hebetudo conquerentis nihil opis ab Episcopis Galliæ ad salutem Ecclesiæ Anglicanæ allatum esse.

Omitto quod celebres historici, etiam Anglicani scriptores literis prodiderunt totos ipsos Britannia incolas ab antiquis Galliæ populis ortos, eorumque colonias fuisse. Quod certè manifestè constat de postrema Anglorum gente, è Gallia profecta, è qua jam à pluribus sæculis regiam <sup>Vide Camdenum in Angliæ Chorographia.</sup>



stirpem hodieque in Anglia dominantem, & præcipuæ nobilitatis genus, & mores, ac leges habet Anglia. Ex quo fit, ut non solum Ecclesia Anglicana Gallicana, sed ipsa quodammodo Anglia Gallia, ipsa Anglicanarum sacræ, tum civilis rei constitutio, Gallicanæ origini debeat, nec in ullam gentem infelicius conjici potuerit Iesuitica insultatio, & monachalium beneficiorum exprobratio, quàm in Gallicanam.

Nam quod Augustinus Anglorum Apostolus dicitur, non sic accipi debet quasi nulla vel ante ipsum, vel eius tempore in Britannia esset Christiana religio, aut tota deinceps Ecclesia Anglicana ipsi & sociis eius, seu ut Iesuita ait, *religiosa vita professoribus, tota debeat*. Siquidem & iam diximus magnas, imo multo maximas Anglorum regiones Episcoporum Gallicanorum opera primum ad fidem adductas, & cum Augustinus in insulam appulit, iam erat in ea magna Christianorum frequentia, non Anglorum quidem, sed Britannorum indigenarum, quibus assiduæ bellorum odiorumque Britannicæ gentis cum Anglis aduenis contentiones, nec prædicandi Euangelij locum, nec fidem apud hostes, & barbaros, & æmulos, ita dabant. Quare aliunde adferenda fuit fides à gratioribus, aut minus suspectis authoribus, ex Italia, Gallia, Hybernia delatis, ab Augustino & sociis, aliisque: quos ideo Anglorum quidem, id est externi populi in Britanniam nuper inuecti, Apostolos dicere licet, non tamen totius Ecclesiæ Anglicanæ & Britannicæ fundatores; eo prorsus modo quo sanctum Remigium Francorum Apostolum dicimus, hoc est colonorum ex Germania aduenarum, non tamen Ecclesiæ in Francia, seu Gallia, multo ante constitutæ. Nam sicut diu ante Remigium floruerat Ecclesia Gallicana, sic & ante Augustinum Britannica, quam primam omnium publicum & quietum religionis Catholicæ usum habuisse ferunt, & habebat aduenientibus Augustino & sociis multos in populis Britannis, in Scotis & Hybernis Episcopos, ut ex Beda, & ex ipso Gregorio liquet, multa & illustria monasteria, multos, & frequentissimos monachorum greges, ceremoniis tantum & ritibus à reliqua Ecclesia Catholica discrepantes, quorum omnium Archiepiscopum & Primate Augustinum Gregorius constituit. Multis ergo lenimentis vanissimam gloriationem temperare potuit Iesuita pro populo, ne vulgo fumum spargeret, audacibusque figmentis Ecclesiæ nobilissimæ & in Angliam beneficentissimæ præsulibus illuderet.

Vide Bedam  
l. 2. c. 2. & 4.  
hist. Angl.  
Et D. Greg.  
l. 12. ep. 15 &  
1. l. ad 7.

Nam & illi Reges, illa Regina, quos jaçtat, monachorum ordini velut ad suum reuersos sanctitatis fontem riuulos se consecrassent, ad Ecclesiam Gallicanam primi plerique, ut ad veriore suæ gratiæ fontem redierunt, Nam eo tempore, inquit Beda, nec dum multum in regione Anglorum monasteria constructis, multi in Britannia monastica conuersationis gratia Francorum vel Galliarum monasteria adire solebant, & filias suas eisdem erudiendas, ac sponso cælesti copulandas mittebant. Sic Cantuariorum Regis filia Eartongatha ad Galliæ monasteria se contulit; sic Sedrido filia Regis Orientalium Anglorum; sic alia eiusdem Regis filia Edelburga; sic Hilda propinqua eius, sic mater eiusdem, aliaque. Et sanctissimus ille Sigbertus Orientalium Anglorum Rex, qui dimisso regno monachalem vitam in monasterio à se condito ingressus est, dudum in Gallia lauacrum baptismi susceperat, & in patriam reuersus, ubi regno potitus

Idem lib. 3.  
cap. 18.

est, mox ea quæ in Galliis bene disposita vidit, imitari cepit.

Hæc ad tuam in Ecclesiæ Gallicanæ Episcopos ferociam commemorare volui, ingrata Ecclesiæ mendax Orator; quibus quantum vniuersa Ecclesiæ Britannica, Anglicana, illæque Regina, illi Reges, quos ad monasticum ordinem traductos gloriaris, debeant, iam profecto vel tu ipse vides; antiquamque illam & perpetuam Ecclesiæ Anglicanæ cum Gallica tot tantisque nominibus fœderationem ac necessitudinem, frustra hoc tempore nouissima Iesuiticæ audaciæ temeritate dirumpere laboras.

Quod ad generalem Episcopalis ordinis causam attinet, eum tu insolenter, vel, dixerim, imperitè dedecoras, & diuini ministerij maiestatem pessundas, dum probare audes Ecclesiam Anglicanam monasticum statum in Hierarchia collocasse, quia monachis olim Ecclesiarum Cathedralium *Querim. §. 1. n. 6. & 6.* longè plurimas & nobilissimas regendas ordinandasque commisit: multo impudentius, dum ais, *Regulares verbo vitæ, lingua à Deo benedicta Christo Angliam genuisse, ut si decem millia pædagogorum habeat, non tamen alios patres, à quibus Christi Spiritum primitus hausit.* Negas enim planissimè Episcopos Anglicanos esse seu fuisse Patres Ecclesiæ Anglicanæ, pædagogos solùm facis; Regulares autem solos eius patres, quod ab iis *Christi spiritum primitus hausit.* Quæ vox pædagogum potiùs aliquem in puerili ludo contritum, puerilibus satyris obtrusum, sapit, quàm theologum Iesuitam, Episcoporum reprehensorem, Ecclesiæ Anglicanæ Legatum. Dic enim sodes, putasne seriò cuicumque regioni Euangelij auram quis primus omnium attulerit, hunc vnum esse illius patrem, omnes qui deinceps adueniant, pædagogos, & patris illius secundarios famulatores? Vide, vide quò ruas ambitionis & æmulationis turbine gyratus. Sic enim Philippus Diaconus, ut alios offit- *Act. 8.* ram, qui Samaritanos fide primus baptismoque imbuat, solus eorum fuerit pater, Ioannes autem, & Petrus ipse, qui postmodum ab Apostolis missi venerunt, & Spiritum sanctum attulerunt, tantùm pædagogi, & Philippi adiutores, duces nempe militis, patres filij, Episcopi Diaconi, & ministri ministratores. Placetne hæc doctrina Iesuitæ Theologastro, falso falsæ Ecclesiæ interpreti? Vultne primarios Apostolos, qui videbantur esse colum- *Gal. 2.* næ, fuisse ministros ministri, Diaconos Diaconi, pædagogos tantùm, non patres? si hoc horret, agnoscat non omnes qui primi Euangelium quopiam perferant, esse patres; non omnes qui postmodum adueniant, pædagogos. Qui enim vicaria solùm, ac precaria, non propria auctoritate prædicant, baptisant, absoluunt, non ipsi sunt patres, sed ij à quibus missi sunt, quorum vi & patria potestate, non ipsi sua operantur. Sic sanctus Gregorius, etsi in Angliam numquam accesserit, dicitur tamen Anglorum Apostolus, hoc est primus pater, quia videlicet qui primi in ea prædicarunt, sola ipsius potestate, nulla sua & propria agebant, per eosque Gregorius, ut per vicarios, ut per animata instrumenta, hoc est per ministros, operabatur. Instrumenti autem actio non instrumento tribuitur, sed causæ principali, à qua tota vis & efficacia in instrumentum fluit, nulla ab instrumento scaturit, quæcumque in illo dispositio præjaceat. Prima illa ergo Augustini & sociorum prædicatione, non ipse aut illi Anglicanæ Ecclesiæ patres, aut Apostoli, sed solus Gregorius fuit; & si in eo statu mansissent, nulli

*Vid. Concil.  
Chalced. act.  
1. ubi mona-  
chi Constanti-  
nopolitani  
dicunt:  
Nos Eccle-  
siæ filij su-  
mus, & vni  
patrem post  
Deum ha-  
bemus, At-  
chiepisco-  
pum. & p. p.  
passim.*

*1. Cor. 4.*

*1. Cor. 9.*

*Ibid. &  
2. Cor. 11.*

*1. Tom. 6.*

*Discuss. 9. §.  
7. 11.*

*In spang. p. 5.  
edit. 2.  
Hybern.  
prop. 6.*

*1. Cor. 4.*

*Jacob. 1.*

*August. in  
Psal. 44.*

*Genuerunt*

eorum dicti essent Apostoli eius aut patres, solus Gregorius fuisset. Vbi autem Augustinus à Gallia Episcopis consecratus Anglorum Episcopus, non iam vicaria & fluxa, sed propria principalique auctoritate prædicare cœpit, baptizare, constituere, regere Ecclesiam, iam pater & Apostolus Ecclesiæ Anglicanæ effectus est, primus scilicet structor & fundator eius. Ideoque soli ei hæc tributa dignitas & hoc nomen, non aliis monachis qui simul cum eo in eodem cum ipso opere defudarunt. hi enim propriè adiutores, & pædagogi, ille vnus pater & princeps. atque idem de omnibus Episcopis, seu primis & capitalibus, seu eorum successoribus, dicendum est, quia his solis & omnibus, principalis & propria potestas, monachis & regularibus aliena & precaria solùm est. Proindeque quicquid isti agant, moliantur, efficiant, quascumque ad fidem trahant gentes, non nisi instrumenta sunt, & vicarij ministri: & à quibus Episcopis missi sunt, & quicumque Episcopi in iisdem locis postea constituentur, hi soli patres, principales causæ, principes ac duces sunt Ecclesiarum. Neque Apostolus vocem illam, *Si decem millia pædagogorum habueritis in Christo Iesu, sed non multos patres*, Corinthiis edidit comparatione Apostolorum, quibuscum vna ipsi fides, vna potestas & auctoritas, vnum ministerium, & vnus Apostolatus; sed comparatione Pseudoprophetarum, longè ipso Apostolisque inferiorum, ab ipsis missorum & constitutorum, quos apud populum cui se venditabant, ratione potissimum perspicua & planiore deprimere, iisque se super extollere contendit ad fidelium salutem. Quin enim ante eos fidem Corinthiis prædicasset, ideoque maiorem fidem auctoritatemque mereretur, cum *etsi aliis non esset Apostolus, ipsis tamen esset*, nemo in controuersiam trahere poterat. Sic alibi non semel aduersus eos gloriam gratuitæ prædicationis venatur, qua tamen in alios Apostolos de Euangelio ex Christi lege viuentes, nec vitur ipse, nec alios pro se vti vult. Non enim vlli Apostoli, vt Pseudoprophetae, *quæstum existimabant esse pietatem*.

Abuteris itaque grauiter, Iesuita querule, Apostoli dicto, (quo similiter abusus est Smithæus ille tuus, ne tu te solum beatum putes) ad vniuersam Hierarchici ordinis peruersionem, ausus Episcopos in classes pædagogorum detrudere, regulares ad Patrum Doctorumque culmen attollere, vt iudicio vestro quotquot Episcopi Catholici in Anglia ad hanc ætatem fuerunt, tot sanctitate insignes viri, pædagogi fuerint, soli monachi patres. Nonne hæc ipsa est illa propositio Hybernica, quam tu ipse insulsam fassus es, & à sana mente alienam, *Solis regularibus propriè conuenit vocari Patres*, in Anglia nimirum, vel Hybernia?

Desine tuo iudicio, tuaque impericia, Ecclesiastici ministerij vim, dignitatem, sublimitatem metiri, & quauis speciosa apud indoctos blasphemia ambitionem tuam exstruere, sacrum Episcoporum ordinem, Apostolicum Ecclesiæ Patrum Doctorumque Collegium demoliri. Sicut enim soli ipsi diuinitus instituti Ecclesiæ doctores; ita soli Ecclesiæ patres, cum gignendo doceant, & dicendo gignant *in Christo per Euangelium, verbo veritatis*. Neque qui ab ipsis ad docendum adhibentur, hanc sibi sumere, aut iis eripere laudem possunt, quia sola eorum potestate vtuntur, vt dictum est. Quare sicut ipsi Episcopi respectu Christi patres non sunt, sed *ministri Chri-*



*sti & dispensatores mysteriorum Dei*; sic alij respectu ipsorum. Nam sicut ipsi à Christo habent omnia, nihil à se, sicut *eorum sufficientia ex Deo est, non ex ipso*; sic ab iis quicumque delegati, quacumque sanctitate, aut monastica exercitationis laude, aut operibus miraculisque clareant, omnem Ecclesiastici muneris vim trahunt; ideoque eorum respectu in eo genere nihil habent, nihil sunt. Nec refert quod affers de quadam Insula Pictorum, cuius Rector, in memoriam primi eorum prædicatoris, Columbani Abbatis, Abbas esset ac Presbyter, cuius iuri & omnis provincia & ipsi etiam Episcopi ordine inusitato subiecti essent. Nam hoc ad ordinem inusitatum rejicit ipse Beda, & ad privilegia, vel Episcoporum provincialium, vel sedis Apostolicæ manifestè referendum est, ut sicut multis locis non solum Abbates, sed etiam Abbatissæ, iurisdictionem, gratiæ causa, quasi Episcopalem impetrarunt; sic eius Insulæ rector quasi Archiepiscopalem nactus esset. Quod ita inusitatum, perspicuèque gratiosum est, ut nihil Episcopalis ordinis auctoritati, divinæque Hierarchiæ stabilitati officiat, non magis quàm omnia regularium privilegia, si castè ab iis, & humiliter & quietè, sicut regulares decet, eoque animo quo iis concessa fuerunt, observarentur. De ordine enim rerum agimus, non de extraordinariis gratuitisque factis, quorum ratio nulla habenda est, non magis quàm pietatis illius singularis qua plures olim Episcopi Anachoretarum quorundam sanctissimorum ore ac manibus benedici se, *Sacerdotali auctoritate deposita*, postulabant, ut est apud Severum, itemque apud Theodoretum. Vnde si efficere velis Monasticum aut Anachoreticum ordinem vlla parte superiorem esse Episcopali, etsi autore Apostolo, quod minus est à meliori benedicatur, ridiculè more tuo argumentaberis.

Quod si quia primus Anglorum Ecclesiæque Anglicanæ Episcopus & pater, ex ordine monastico assumptus est, inflaris in Episcopos, & Monachos iis in Anglia potiores facere, & ad invidiam opponere audes, dico tibi, Iesuita amenses ex Monachorum, ex regularium tuorum amore, amoremque istum quo tibi potius Iesuitisque tuis, quàm Monachis, quos verè non amas, lenocinaris, veri piique Monachi oderunt ac rident. Isto enim pacto benevolentiam & laudem quam monasticus ordo ob tales tantosque viros meruerat, corrumpis ac deles, dum eam in superbiam æmulationemque impiam commutas, cui odium & execratio, non laus, non amor debetur. Non vides, quòd tales viri Ecclesiæ Anglicanæ pastores patresque primi fuerint, non magis ad laudem monastici status, quàm ad ordinis Episcopalis pertinere? Ut enim monachi, sic & Episcopi fuerunt, Episcopi prædica- runt, genuerunt, pauerunt Anglicanam Ecclesiam; Nec nisi fuissent Episcopi, hanc laudem & felicitatem assequi, nec Apostoli & patres primi Angliæ esse poterant. Cur Episcoporum ordinem expertem esse vis eius laudis quam ab eo habuerunt? cur illam monachatus addicis, à quo eam habere non potuerunt? Cur totam ei das, ut totam amittat, & parte sibi debita per tuam iniquitatem spoliatur? Superbus es & insulsus. Malè diuidis quæ coniungere debueras. Plus ei obes, cui plus favere voluisti; plus fa- ues, cui plus obesse conatus es.

Nam Monachatus non tantam quantam tu censeres laudem inde habet,

te Apostoli,  
ipsi prædi-  
caverunt,  
ipsi patres,  
&c.

Pio Apo-  
stolis con-  
stituti sunt  
Episcopi.

Vide integrum  
locum.

1. Cor. 4.

2. Cor. 3.

Querimus.

n. 5.

Beda 5. c. 41

Vide Sever.

Sulp. lib. 1.

dialog. c. 13.

Heb. 7.





quòd egregij interdum ex eo Episcopi existant. Non ideo Episcopalis status laudi sanctitatiq̃ue, omnium statuum maximæ, maximèq̃ue venerandæ, vel præferri vsquam, vel æquari, vel conferri debet. Non enim ex solo monachali statu, sed ex coniugali effloruerunt non pauci virtute ac præstantia insignes Episcopi, nullis ex ordine monachali oriundis inferiores. Quem enim tu Dionysio, Cypriano, Hilario, Paulino, Gregorio Nysseno, tot Romanis Pontificibus, vt atauo S. Gregorij, Felici quarto, aliisque tot Episcopis sanctissimis præferas? Nec solùm ex coniugali statu, sed generatim ex laicali innumeri prodierunt Ecclesiæ Catholicæ Episcopi, multòq̃ue præclariores ac plures quàm ex Monachali aut quouis alio. Quis tamen ideo conjugalem aut laicalem ordinem ambitiosè prædicet, Episcopali præferat, aut componat? Imò quis eum præponat Monachali, licet ex eo pauciores, minusq̃ue nobiles, aut certè non nobiliores (ne de sanctis temerè iudicemus) exorti sunt Episcopi, Patres Ecclesiæ, Doctores, Apostoli? Censè sine in Italia, in Germania, in Gallia, in Hispania, in Africa, laicos anteferendos esse monachis, quia earum gentium Apostoli, primique fidei præcones, non ex monastico statu, sed ex communi laicòrum, ad Apostolatũ & Episcopatum earum Ecclesiarum peruenerunt; quemadmodum in Anglia monachos cæteris omnibus, etiam Clericis & Episcopis potiores efficere laboras, quòd primi Angliæ Apostoli fuerint Monachi? Agnosce, obsecro, ambitionis tuæ leuitatem. Si enim conjugalis status, pius & sanctus, singulari & magno, vt loquitur Apostolus, *sacramento* consecratus; si etiam laicalis, seu communis fidelium, præclarus & diuinus, tot à sanctis Patribus, & à Scriptura encomiis exornatus, tantæ denique perfectionis quantam huius loci non est exponere, & alibi commodius edisseremus, non tamen supra modum aggerari, nec cum Episcopali committi debet, licet innumeros Episcopos sanctissimos, Ecclesiæ propagatores, effuderis; cur tu ob eandem vel minorem causam, monachalem statum superbè erigas, atque ultra modestiæ, ultra humilitatis religiosæ, ultra reuerentiæ Apostolorum successoribus, Ecclesiæ patribus, debita, metas amplifies? Hæc est simulata tua Ecclesiæ vera insulitas, prosopopœe Iesuita, quòd eam tuæ mentis infirmior acies & male-suada vanitas, quasi nouitij rectoris improuida exultatio coniecit, sine metu, sine sensu non latentium, sed eminentium; & oculos habentibus conspicuorum vndique scopulorum. Hæc sola tam inania, & infirma, tam non solùm Ecclesiæ integræ voce, sed cuiusvis hominis qui de rebus theologicis palam agere, qui Episcoporum iudicia recensere ausit, cogitatione indigna, quæ tu Illustrissimorum Antistitum Epistolæ reprehensioni præfatus es, sat argumenti afferunt ad totius interioris sermonis ineptiam, nostrumque in ea vltèriùs persequenda laborem meritò subleuare possent.

Quia tamen sic constituimus, & quia tua eorumque qui tibi adsunt, non solùm procacitas, sed etiam absurditas, semel orbi aperienda est, pergamus Episcopalis ordinis, & Ecclesiæ in eo totius honorem aduersus Iesuiticæ inordinationis & Ecclesiæ vmbriticæ insolentem querimoniam, tueri.

Primum omnium prima illa Illustrissimorum Antistitum verba impe-

tis, *Limites habet Episcopalis auctoritas, non habet charitas; eaque deliras, quæ in certissimam & apertissimam lucem disputantes delirare necesse est. Nempe, non adeo te inhumanum, ut eorum charitatem non exosculeris, cuius nullus sit* *Quærim.*  
*limes, qua omnes complectantur; venerari te hunc sanctæ charitatis zelum; &* *§ 2. n. 1.*  
 post longam honoris ac reuerentiæ præfationem, posse tamen te obicere illud sancti Bernardi vulgò notum, saepe sub pallio charitatis, negotium vanitatis, imò & iniquitatis ætitari: Gallie vulnera non videri sic feliciter esse persanata, ut aliis gentibus medicos se offerre debeant, adducto etiam, ne desit autoritas, Demarati Corinthij testimonio, qui Philippo Macedoni Regiam factionibus dissidiisque & exiliis, tum Regina Olympiadis, tum Alexandri Principis deformatam habenti, percunctanti autem qua ratione posset in Gracia pacem stabilire, responderit, Minimum eius interesse Gracia curam suscipere, qui tot discordiis & calamitatibus propriam regiam cumulasset. Quæ ergo tua verba totamque orationis seriem, exscribenda putavi, quia insulsiatē remeritatēque statim initio exhiberent, si usquam alibi, insignem, & omnium oculis, omnium censuris notandam. Gallie vulnera feliciter persanata non videri aisi; eaque vulnera ostendis, Regiam factionibus dissidiisque & exiliis, tum Regina Olympiadis, tum Alexandri Principis deformatam. Mauis Plutarchum legisse videri, quàm sapere, quàm sanorum hominum iudicia vereri, quàm periculosa etiam frænare dicacitatemque. Quid enim tibi necesse est, leuissimum caput, arcana regum, regnorumque calamitates vrgere, ut in Ecclesia Gallicana vulnera demonstres? quid hoc aliud est quàm Iesuitarum vulnera patefacere, veteremque illum morbum toties exprobratum, toties deprehensum cognitumque, orbi comprobare, Iesuitica ingenia teneri non posse quin in publica negotia inuolent, quin respublicas fatigent, & in adyta visceraque ipsa regum per fas & nefas irrumpant? Ridiculi ludimagistri! qui postquam puerili imperio in classium inferiorum puluere tenebrisque assueuerunt, umbratilis regni dulcedine illecti, vera imperia ambiunt, regum curas affectant, illo tyranno cupidiores qui post longam veri regni consuetudinem in ficta puerilis ludi imagine acquieuit. Miram equidem sensuum tuorum impotentiam prodis, seu vnus, seu plures (quod verius est) stolidis istis scriptionibus manus admouisti; quamquam nos quasi in vnum agimus, vno Pseudo-Loëmelij nomine, & vno certè socio- rum consensu scribentem; Miram ergo animi tui non solum in Ecclesiæ Gallicanæ Principes, sed in regni quoque Gallicani procures intemperantiam declaras, qui cohiberi non potes quin ex occasione qualibet grauissimorum rebus mentis hebetudinem, petulantiaque aculeos inseras. Sic enim infra in spongia Eminentissimum virum Concilij Regij Principem insectaris, & quæ in eo ipsi aduersarij collaudant, tu pro tui iudicij admirabilitate improbas, carpis, lancinas, sub alieno semper nomine, & mutatis aliorum vocibus, ut eo nocentior & criminiosior nequitia videatur, quo sui sceleris conscia sic ferire audet, ut latere gestiat. Quibus ex locis malevolentia tua ac tuorum non repentinum impetum aliquem, sed constantem insitamque acerbicatem perspicimus, miramque pro locis ac temporibus (quod in rebus quoque aliis sæpe sæpius animaduersum est) varietatem & fallaciam, & æquiuocam malignitatem. Quod enim in Gallia pro-

Tob. 12.

Proverb. 12.

Plutarch. in  
Alexandro.

Ibid. n. 3.

batis & tuemini, hoc in Belgio mutatis cum loco animis reprehenditis & exprobratis, leuissimi ingenioli aucupes, tam in laudibus, quàm in vituperationibus indigni fide, infidi, versipelles, & ad omnes ventulorum auras expansi. Nos modestiam vobis opponimus, pudoreque ac silentio de iis quæ supra nos sunt, ridiculam temeritatem scholaremque garrulitatem oppilantes, quæ causam quàm dicterium perdere maluit, Monemus sacramentum Regis abscondere bonum esse, nobis præcipuè Theologis, quibus cum arcana Regis regum intueri sit concessum, terrenorum regum consilia rimari veritum est; & qui summa illa securis animis iure nostro persequi possumus, in his minoribus meminisse cogimur, quoniam, qui scrutator est maiestatis, opprimetur à gloria.

Hæc enim nihil ad me, nihil ad theologorum disputationem, nihil ad Ecclesiam Anglicanam, cuius personam agis, nihil ad Galliarum Antistites quos inuadis, quibus aulae negotia non commissa sunt, quibus non datum est negotium ne quid Respublica detrimenti capiat. Quæ tanta tua est væcordia, ut quæ vocas Regia vulnera, medicus scilicet horum morborum experiens, hæc iis objicias, hæc eos curare, his mederi iubeas, neglecta Ecclesiarum doctrina & fide, cuius custodes & vindices à Deo constituti sunt, neglectis hæresibus, quibus tecum sodales tui, non Anglicanam solum Ecclesiam, sed etiam Gallicanam inficere parabant? Magnum testimonium tanta ineptia præbes Ecclesiarum Gallicanarum, cui mala exprobras non sua, non ad eam spectantia, sæcularis, non Ecclesiastica, æmuli illius instar qui cum tabulam carpere non posset, velum culpauit. Omitto quòd ut ad hanc ineptiam tibi viam præstrueres, illam ipsam Plutarchi fabellam vitiaisti, Philippum percunctantem fingens, *Qua ratione posset in Græcia pacem stabilire.* Quæ cura Philippum nunquam terigit, Græciæ potius dissidiorum captatorem, quàm sequestrum pacis. Nam Plutarchus percunctantem refert, quænam esset consensio Græcorum. Tu verò in rem tuam bellum emblemata, vel inuitum, pertrahendum censuisti, potiusque omnia ruere passus esses, quàm ut tanta tibi elegantia è manibus efflueret, magistelle iners, ne pueris quidem nisi infatuandis idonee. Quis crederet eò malorum venturum esse humanum genus, ut angulares istos scholarum puerilium susurrones, Episcopalium Censurarum Censores publicos haberemus?

Nam quod post istam festiui acroamatis allusionem etiam subjicis, *Absit, amplissimi Patres, ut hoc vobis ego applicem,* scenam quam cœpisti, agis, eam Querimoniarum fatuitatem allinens qua totam Spongiam infrà impleuisti. Tu vel stupore nimio teneris, si tuas artes putasti concinnas esse, aut cuiquam latere posse; vel si perspicuas, & crassas, & quorumuis oculis etiam odiosas agnosti, indignè nimium atque insolenter quod omnibus expositum & promptum est, apud tot tantosque Præsules insipidis vocibus prætexere & obscurare niteris. Enimverò multum habuisti causæ, ut ista in eos non conjiceres, non applicares, eorumque charitatis magnitudinem, non in Ecclesiam solum Anglicanam, sed in te ac tuos, tentatores eius, venerare. Et si enim Illustrissimi Præsules pro sua modestia non dixerint charitati suæ nullum esse limitem, aut se illa pares Apostolo, alterosque Paulos, ut æquè cum eo dicant, *Instantia mea quotidiana sollicitudo omnium Ecclesia-*

rum,

rum, &c. Sed præceptam solum Episcopali statui charitatem, seu *charitatem*, ut aiunt, *Episcopalem*, expresserint, suo nimirum numeri à se debitum, non suis personis iam partam, ut tu consueta prauitate irreuerentiaque interpretaris; tamen ea in vos moderatione vsi sunt, quam tu sine superbia maxima diffiteri, & lamentis mendacibus excipere non potuisti. Nam quæ maior moderatio, quàm tot errores, tot hæreses, non generali solum Ecclesiæ fidei, sed traditæ potissimum ipsis à Deo & Ecclesia dignitati infestas, iugulasse tacitis autoribus & intactis, nisi quatenus ipsa eorum damnatio obliquo in eos ictu sua sponte recidebat, quemadmodum scelesti filij supplicium ad aliquam parentum notam, etiam iudice id non agente, redundat? Nominare verò poterant Illustrissimi Præsules, Societatem vestram, è qua libros manasse norant; Vice-prouincialem Angliæ, quem Discussionis verum patrem, *Floydum* Iesuitam Audomarensis, quem Apologiæ fabrum certis indiciis compererant. Edere poterant cætus sui Censuræque Acta; quæ si edidissent, maiore tuos dolore quàm ipsa Censuræ editione inuissent, inexcusabilem eorum tumorem; suam æquitatem; meritam in hominum hæreses, maius aliquid spirantium, animaduersionem illustrius comprobassent. Perlatis enim primum libellis, cum sodalium tuorum Prouincialem de iis audiendum dicerent, euocato illo, adfuit domus Professæ Rector, Prouincialemque domesticis, quæ vocant, exercitiis destinari præfatus, de libris miram ignorantiam, solam auditionem tenuem præ se tulit, vltro etiam Episcopos de iis sciscitans. At illustrissimis Patribus sui confessus amplitudinem, grauissimamque Ecclesiæ causam facile tanti esse momentibus, ut Prouincialis exercitia tantisper dirimerentur, sistit se tandem Prouincialis, Smithæique librum à sua Societate natum agnoscens, Apologiam detrectans, tantum orat ne quid in eos statuatur. Nam & esse extraneorum hominum, de quibus ad se ac suos non ita facile perscribi omnia potuerint, & expectari celerem super iis sententiam summi Pontificis. Quam orationem cum Episcopi minus probarent, ille digrediens ut abiret, mussitare ausus est, si quid in ea re progredierentur, visuros alia, & fore nouissimum errorem (his enim verbis vsus est) priore peiorem.

Hanc Sodalium tuorum, partim confessionem, partim fidentiam, cum non aliorum sermonibus, sed suis oculis vidisset Illustrissimus Antistitum cætus, & hinc de tuis aliorumque remotiorum sensibus facile conjiceret, quis eorum mansuetudinem non miretur, qui eam nec querimonia, aut mentione publica, nec vlla eiusmodi societatis autorum commemoratione affecerint; censuram edentes ita pacatam, ita tranquillam, velut in ignotorum hominum, ignorantiaque & infirmitate lapsorum errores?

Aduerte, Iesuita, ex merita saltem nostra increpatione nimiam, paternamque in tuos Episcoporum lenitatem, si eam nec ex immerita Censuræ moderatione, nec ex vera tuorum nuntiatione agnosti. Is enim genius vester est, ut increpationibus magis iustisque flagellis, quàm moderatione & mansuetudine, qua semper abutimini, vel sanandi, vel saltem frangendi sitis. Ecclesiæ lenitas deteriores semper vos fecit, nec vnquam ex ea



aliud consequutum est, nisi quod vos innoxios gloriantes, eos ipsos qui sua vos indulgentia meliores facere & quietiores studuerant, fidentius aspernari ultroque incessere ceperitis. Si Illustissimi Antistites Acta præfixissent Epistolæ, si Societatis vestræ factionem, tam prodigiosæ doctrinæ originem non solum edixissent, sed exteriore aliqua pœna, in sua quisque diœcesi, ad tantæ culpæ notationem illustremque memoriam pertrinxissent; vel mitiores nunc deiectionesque animos gereretis, vel maiori certè causa, minorèque petulantia quereremini. Nunc quia nihil horum actum, quia vobis paritum & indultum est, quia errores ita confossi, quasi vestri non essent, versa in fiduciam impunitate, vociferamini vos insontes, æorbè habitos, nec solum personas hæresesque vestras proteruius tuemini, sed censuras personasque Episcopales indignius laceratis.

Quærim.  
nam, 11.

Quantæ enim indignitatis quod ut inuehendi in Episcopos planiorem tibi campum aperias, apertè ad eos profiteris *vestræ scriptorem epistolæ credimus vestri chori non esse*, epistolamque ab ipsis editam, in eorum confessu publicè sæpius vna voce probatam & constitutam, eorum denique nominibus solemnius obfirmatam, eorum esse inficiaris, exhausti pudoris ac iudicii nugator, dignè bubalis auditoribus, non Theologis reprehensoribus? Quid porro tua interest fuerit *Episcopali chori*, necne epistolæ scriptor, dummodo ipsa epistola sit chori Episcopalis, à toto Episcoporum choro edita, epistola Episcoporum, ut tuis ipse verbis, dum negare conaris, imprudens fateris, *Vestræ*, inquis, *scriptorem epistolæ. Vestræ epistolæ*, quid est nisi Episcopalis chori, Episcopalis epistolæ? quamvis stupore confecto paulò post tibi ipse infestus & hostis exclames, *Non credimus epistolam vestram esse*. Cur non credis, qui passus es, & non vno loco passus, ut si illos non metuis, te saltem ancipiti contumelia ferias? Quicumque scripserit Episcopi suam esse voluerunt, suam fecerunt, approbatione, autoritate, subscriptione nominum; ut iam non eius qui scripsit, sed Episcoporum omnium habeatur, & sit epistola. An tu Pontificium decretum non habebis, nisi quod ipse Pontifex scripserit? Nec Regium nisi quod Rex? nec Diuinum, nisi quod ipse Deus? Et quia qui regium, pontificium, diuinum scriptum exaravit, nec Rex, nec Pontifex, nec Deus fuerit, Regis esse negabis, Pontificis, Dei? Refelles, contemnes, indignum eorum autoritate, alienum eorum prudentia & charitate asseres, & in scriptorem te agere dictitans, in illud impius blasphemabis? Quæ, malum, intemperitiæ istæ sunt, à prudentissima Iesuitarum societate quasi monstra pullulantes? Nunquid colligunt de spinis vnas, aut de tribulis ficus? Nunquid ab ipsa stirpe astutiæ tantum intipidæ frugis scatere potuit? O iudicium! ô manum Dei! verè hîc *digitus Dei* est.

Ibid. n. 12.  
Quærim. pag.  
19. 14. 20.  
etc.

Mat. 7.

Quamquam scriptorem epistolæ, & tu & tui satis nostis, & si nesciatis, nouit Gallia, Anglia, Belgium, nouit Ecclesia Catholica, nouit Roma, nouit Pontifex Maximus, Romanique patres, non solum Episcopalis chori virum, sed Episcopalis chori decus, non vna laude insignem, non vna in re spectatum, & illis maximè nominibus quæ tu in epistola requiris, spectatissimum. Nemo illo benignior, scuitiæ immunior, doctrina clarior, non plebeia illa & ludicra qua vos in scholarum gurgustis muliebriter

litigantes, pectora mentesque frangitis; infrænemque illam ferociam, omniaque blaterandi audaciam, cum summa imperitia condiscitis; sed Theologiæ patritiæ cognitione, Episcopali doctrina, Scripturis sacris, Apostolicis doctoribus, sanctis Patribus manante, verè scientia Sanctorum. Qua si tu vnquam imbutus esses, sanctorumque illorum Theologorum vocem vel nosset, vel audisset modò, nunquam epistolam eorum spiritu conscriptam, eorum sermone conceptam, eorum in simili genere scriptis germanam, paterna grauitate, Episcopali autoritate dignissimam, plenam prudentiæ, fucorum & ineptiarum inanem, stultissimo iudicio polluisset. Verùm, quod de *hyperbolis, amplificationibus, exundanti elauquentia* deliras in breuissimam epistolam, qua res grauissimæ, & duorum libellorum erroribus maximis maximèque variis redundantium damnationes paucis verbis perstringuntur, infra suo loco agemus. Hic tantùm de acerbitate vehementiaque epistolæ, quam modò arguis, dicendum est. Quam dum ex eo probas quod *nulla scriptura au-* *Ibid. n. 22.* *toritas, nulla erroris conuictio, nulla instructio* afferatur, non Illustrissimos tuarum hæresum iudices, aut eorum Censuræ scriptorem, sed plurima decreta patrum, concilia, Pontifices, Apostolos, in crimen vocas. Quam enim *scripturae auctoritatem, erroris conuictionem, instructionem*, adhibuit pri- *Act. 15.* ma Synodus Apostolorum in epistola Synodali ad fideles ex gentibus, hoc solùm edicens, *visum est Spiritui sancto, & nobis?* Quam tamen epi- *Ibid. vers. 31.* *stolam, cum legissent, fideles gauisi sunt super consolatione?* Quibus argumētis vsus est Stephanus Pontifex, cum aduersus tot Africæ & Orientis Episcopos, his solis verbis vsus est, *Quod traditum est, non innouetur?* Quas *Apud Cypr. epist. 74 ad Pompeianum.* auctoritates explicuit antea Zephyrinus etiam Pontifex, cum communio nem mæchia lapsis restituendam primùm decernens, frementibus licet Montanistis, tantùm ait, *Ego & mæchia & fornicationis delicta pœnitentia* *Apud Ter- tull. lib. de pœnit. c. 1.* *functis dimitto?* Quid rationum denique, vt innumera interfecem, qua fuit Concilium Arausicanum, cum laciniosæ & tortuosissimæ hæreseos Pelagianæ plurima magni ponderis capita singulis penè verbis proscripsit; vt *Cōcil. Araus. 2 to. 2. Concil. gener. part. 1.* iam antè Nestorianorum labe singulis Anathematismis Cyrillus Alexan- *Cyrill. Alex. Anathem. in Nestorianum.* drinus expunxerat? Vt denique, omissis in re perspicua testimoniis, nostra ipsa tempora attingam, qua tandem disputatione, quibus scripturarum telis *Cōcil. Ephes. part. 3.* confixit Leo Pontifex latissimam, perque longè plurima fidei mysteria palantem Lutheri hæresim, cum eius lingula placita dinumerans, iis omnibus, *Leo X. in Bulla, Exurge contra Lutherum, tom. 4.* ipsique Luthero, nisi ante diem certam resipisceret, Anathema intentauit? *Concil. general. par. 2.* Postremò, quibusnam Scripturæ, Patrumve testimoniis instruxit Con- *Concil. Trid. ss. 4 7. 24. 25. &c.* ciliū Tridentinum doctrinam quam definiit, hæreses quas abdicauit de sacramētis in genere, de baptismo, de scripturis Canonicis, de matrimonio, de indulgentiis, aliisque? An ista tibi videntur *Spiritus grandis, commotio ignis, rigidi panni, pingues lacerna*, vt loqueris, mutuato etiam Satyrici poëtæ mysterismo, quia *nulla inest scriptura auctoritas, nulla erroris conuictio?* Sed quid ego hæc ad te, qui Ecclesiastici moris, disciplinæ Canonice hospes, angustiarum solùm puerilis scholæ inquilinus, nihil nosti nisi vmbromaticos magistrorum cum discipulis, discipulorum cum magistris conflictus, vbi nullus ordo, sed sempiternus clamor inhabitat; vbi, quasi in populari turba,

omnes pares, infimi quique ferociore; latera pulmonesque non capita, discrimen faciunt; vilissimæ altercationes, implacabiles nugæ, & sicut apud Apostolum fabulæ genealogiæ interminatæ, ita digladiationes interminatæ vigent. Hæc Iesuitas delicias, scholarum vestrarum amœnitates, ridicule Theologe, Episcopali iudiciis abesse miraris, & voluit veluti licentiæ malè assuetus, Episcopos non agnoscis, disputares requiris, auctoritatem contemnis, obseruantiam despicias, nisi scripturarum rationumque pondere depressus, penitusque conuictus hæreas, nisi videris, tetigeris, palparis, hoc est, nisi ipse iudex sis, auditurum negas, iniuriam quereris, violentam acerbicatem exclamas. Quis te audiat? quis non explodat? quis non excreetur diuini ordinis euerforem, diuinæ potestatis inimicum, Ecclesiasticæ traditionis ignarum, eorum iudicii contemptorem, quibus dicere licet; *Si quis aliter docet, & non acquiescit sapientiarum Domini nostri Iesu Christi, & ei quæ secundum pietatem est doctrinæ, superbus est, nihil sciens, sed languens circa questiones & pugnas verborum?* Adhibent semper Episcopi, fateor, auctoritates quibus probent, argumenta, quibus suadeant, ea intuentur, ea conferunt, ex iis sua iudicia expendunt, interdum etiam simul euilgant, ut malis exemplis declaratur. Sed hanc iis legem perpetuam dicere, ut nisi edita causa nihil statuant, nec eorum iudicia plus fideli mereantur, quam quantum rationibus apud pertinaces quosque, vel indoctos euicerint, quid aliud est quam eorum auctoritatem extinguere, & priuato cuius exæquare, imò priuati cuiusvis iudicio subijcere? Hanc tu ab Episcopis mansuetudinem postulas, nouæ charitatis auctor, ut se in publicis hæresibus extirpandis Episcopos obliuiscantur, priuatos agant, deposita ducum auctoritate, deuolent in militum gregem, nihil imperent, omnia sine frano, contentionum actu misceri patiantur, nemini contumaci potestatis suæ aciem opponant? Hæc est, non dico hæreticorum, sed rebellium omnium consuetudo quiritatio. Neminem se maiorem ferunt; Aequalitatem promiscuam postulant; hanc demum felicitatem, hanc suauem vitam putant, iura auersantur, potestates, ceu Tyrannides oderunt: nulli magis humilitatem à maioribus exigunt, quam qui ea carent.

Frustra ergo charitatem, confusionem æstimas, & superiorum benignitatem, inferiorum superbijs meraris. Malum tibi humilitatis & mansuetudinis, sine eo quod malè postulas, impensum est, si tibi humilitatis essent oculi, quibus id intuerere. Errorum se tuorum hostes, Illustrissimi præbuerunt Episcopi, non hominum, in quos nihil statuerunt, quos nec perstrinxerunt voce, nec nominarunt, nec inuenerunt, cum meritò facere potuissent. Planè Samaritanum, quem petis, præstiterunt tibi, oleam & vinum infuderunt, oleum mansuetudinis personis, vini vim, Censuræ vigorem, doctrinæ; multo quam tu aquis, qui postquam Spongiam aceto & aqua te implexisse gloriatus es, Christi tororum amulus, oleum tamen & vinum postulas, pondus & pondus exhibes, statèram dolosam non bonam, abominationem apud Deum, quasi tibi soli concessa acerbitas, aliis sola mansuetudo relinqueretur.

Quamquam, si sciperes, Pseudo-Loëmeli Iesuita, non afferres Sama-

ritati exemplum, nec pleraque alia quæ indoctè conglomeras. Nam Samaritani parabolam quis non videt personas spectare, qua ratione illæ curandæ, fouendæ, sanandæ, præcipere? Illustrissimorum verò Antistitum epistola personas non spectat, vt dictum toties, solam doctrinam ferit. Apostoli quoque, Nazianzeni, Hieronymi dicta, quæ stolidè inferisti, de personis agunt, hominibus cauent, hos *instrui in spiritu lenitatis*, hos *cum modestia corripi*, hos *leniter humanèque corrigi* iubent. Ecclesia enim, vt hæresum, errorumque inexorabilis vindex est, sic hæreticorum, errantiumque omnium pia mater, prona ad veniam, tarda ad pœnam, eliciens, trahens ad pœnitentiam suauitate, non ad contumaciam præmatura seueritate compellens. Quamquam vbi contumaciam deprehendit, vbi mala mente, non humano errore peccari, fremi, insultari videt, nouit auctoritatem exercere, quam charitate tegebat, nouit tum *consolari pusillanimes*, tum corripere inquietos; nouit increpare dūrè, vt sani sint in fide; *tradere satanæ*, vt discant non blasphemare, virgæ denique, aut charitatis & spiritus mansuetudinis optionem peccantibus offerre. Ex quo vide quid tu, quid tui commeriti, qua non solùm increpatione, sed etiam pœna digni, Ecclesiæ Catholicæ tot Episcopis, vestri erroris iudicibus, spretis & calcatis. Vide, inquam, odiosam tuam iniquitatem, qui post talia tantaque tuorum in Ecclesiæ doctrinam, in Ecclesiæ Doctores ac Patres, in Episcopos amplissimos, flagitia, audaciam, proteruitatem; mansuetudinem requiris, patientiam flagitas, & hoc autore Apostolo, iudicibus S S. Patribus, vobis deberi contendis.

Nam Hieronymi in primis ad Theophilum Alexandrinum epistola de Ioannis Hierosolymitani Episcopi, cum Hieronymo & Monachis Palæstinæ controuersia, quam tu in Spongia, in Querimonia sursum versus trahere non cessas, Theologiæ suppellectilis & rerum bonarum inanissimus, quamque hoc loco Illustrissimis Episcopis præcipuè opponis, te potissimum iugulat, & tuam perpetuam futilitatem exponit. Ioannes enim Hierosolymitanus non paucas coquebat hæreses, Origeni fauebat, eo nomine ab Epiphanio aliisque notabatur, coque ipse nomine Hieronymum, & Monachos Palæstinæ Origenis hostes premebat, vexabat ultra fas. Hos tamen, licet iniuriâ oppressos, licet fidei sinceritatis assertores, Theophilus ad tranquillitatem, ad patientiam, ad pacem cum Episcopo & Pastore suo, quamuis minus probato, quamuis in fide vacillante, quia tamen Episcopo, quamdiu ab Ecclesia ferretur, excitabat. Tot Monachos, Hieronymum virum tantum, vnius Episcopi iniquioris, de fide malè sani, honori, paci, quieti cedere iubebat, nec bonitate causæ in eum abuti, nec superbire, nec ferocire patiebatur. Nunc tot Episcopis, tot viris doctrinæ, virtute summis, diras, apertasque hæreses vna voce damnantibus, exurgunt non Hieronymi, non monachi mundo extorres, sed vilissimi Iesuitarum semidocti gerrones, regularem perfectiorem crepantes verbis, sæculares affectuum animorumque prauitates superantes factis, & quod Theophilus illos in causa optima aduersus vnum Episcopum audere noluit, isti in pessima aduersus amplissimum Episcoporum confessum ausi sunt.

*Querim.*  
n. 10. & 11.

1. Thessal. 5.

Tit. 1.

1. Tim. 1.

1. Cor. 4.

*Hieron. ep.*  
61. ad Pam.  
monachum.  
*Vid. eundem*  
ep. 60. & 62.



Sic tu infœlix semper & præposterus, nec sat humilis ut filcas, nec sat prudens ut loquere, ea moues quæ in te durius cadunt, ea testimonia congeris, ut humanitatem indulgentiamque tibi deberi euincas, ex quibus omni acrimonia censuræque austeritate dignus es. Quo maior Illustrissimorum Antistitum clementiæ laus, qui tantum de iure suo in vos immeritos remiserunt, ita vim lenitatemque temperantes, ut neque fidei integritati defuerint, nec in vos à consuetudine sua paternaque recesserint benignitate. Quod sæpè iterò, sæpiusque iterandum est, quia tu tantæ moderationi ingratus, quidquid in errores vestros actum est, in vos ipsos intortum simulas, vos schismaticos, vos hæreticos denotatos esse, censuram doctrinæ cum censura personæ confundens, falsaquerimonia totas pagellas obturpans, ut tanto inflatius mugias, & prosopopœis exclamationibus, tragœdiis exoticis materiam fictitiam pares.

Querim.  
§ 3. n. 3.

Ita ridiculè lameritaris ereptum tibi *pallium*, nescio quod, quo scilicet tu ac tu cum Episcopo Chalcedonensi, Cleroque Anglicano concertantes, Catholici videremini, *concertationemque inter Catholicos de rebus necdum clarè perspicuèque discussis, salua fidei compage, suscepisse*; allatis etiam in huius pallij ornatu exemplis contentionum inter Apostolorum principes, Petrum & Paulum, Hieronymum & Augustinum, Epiphanium & Chrysostomum, quibus *fulgurantem iracundiam* tribuere non dubitas, inter Episcopos Orientales & Occidentales de Paschate, &, ne quid ad pallij magnificentiam reliquum facias, *inter beatos Angelos cum diuina voluntas neutri adhuc parti liqueret*. Hoc tu tam splendidum pallium, tam diuinis emblematibus pictum, tibi ab Illustrissimis Episcopis eripi ciulas, *dum partem alteram, inquis, velut erroneam, blasphemam, schismaticam, hæreticam proscribunt*. Non facile dixerim, inscitius texas hoc pallium, an retexas. Si enim haberes, non tibi auferrent Illustrissimi Præsules, quos diximus non te, non tuos, non vestræ partis adiutores, sed doctrinam vestram proscripsisse. Ut si ante eorum censuram non eratis erronei, schismatici, hæretici, per eam facti non sis. Aliud enim est damnare doctrinam, aliud hominem. Nec quælibet damnata hæresis hæreticum facit, præcipuè si nihil statuatur in autores, si sententia non sit vltima & suprema, si appellationis beneficium supersit, si absit pertinacia. Quibus de causis sæpè fit, ut indocti doctique homines res falsas & hæreticas sine hæresi tueantur. Non ergo vos proscripserunt Illustrissimi Præsules, ut hæreticos aut schismaticos, nec vos vlla nota, quantum in se esset, inurere voluerunt. Vos videte ne vos hæreticorum germanos, tam moribus quàm doctrina faciatis. Quæ grauior in vos damnatio à vobis ipsis est, quàm ab Illustrissimorum Episcoporum iudiciis. Si ergo pallium quod tibi ereptum ais, erat opinio & estimatio Catholica tuorum, habes illud integrum per decretum Episcoporum Galliarum, nec nisi nequiter quereris tibi ereptum. Sin illud *pallium* vocas, opinionem de libris doctrinaque vestra commodam & plausibilem, iam illudque pallium ante Episcoporum epistolam, non solum Cleti Anglicani, Catholicorumque Angliæ longè plurimorum iudicio, sed ipsorum Protestantium opinione amiseratis. Hi enim vos Episcopi vestri, & dignitatis Episcopalis osiores, *Puritani* in Anglia vocitabant, ob similem

Puritanorum ab Episcopis Protestantibus, & ab omni Hierarchiæ imagine auersionem. Nec liberum fuit Episcopis Gallicanis publicè grassantem, & in vicina insula, & in ipsa iam Gallia, doctrinam, traditioni, & toti penè disciplinæ Ecclesiasticæ pestilentem, non abominari, non repellere, non percellere censura. Quod vos si iniquè fertis, non eorum iustissimo iudicio, sed vestrorum temeritati audacique imperitiæ succensere debuistis, qui dogmata edere ausi sunt, ita noua, ita improba, ita tetra, ut omnium factioni vestræ non studentium admirationes, odia, in Anglia, in Gallia, in aliis ubi audita sunt regionibus, sua sponte concitarint, etiam sine Illustrissimorum Præsulum decreto, ut multis virorum maximorum questibus, qui è variis gentibus iam ante allati sunt, declaratum est. Quare non tam causæ vestræ infamiam creauit Episcopalis censura, quàm probauit, & communi præeunte iudicio confirmauit.

Imò verò licet nihil eiusmodi præiudicij fuisset, tamen eorum Christianæ prudentiæ, & in Ecclesiam prouidentia fuit, eripere fraudulentis hominibus quodcumque pallium, quo tam intolerandos errores, & tantam Ecclesiæ Catholicæ labem obuoluere conarentur. *Arma enim eorum militiæ non carnalia sunt, sed potentia Deo ad destructionem munitionum, ut consilia destruant, & omnem altitudinem extollentem se aduersus scientiam Dei.* Induere debuerunt pallium zeli, ut diriperent pallium erroris, diploidem confusione, perizoma verecundiæ, quo se malæ mentes, non ad pudorem, sed ad impudentiam, non ad pœnitentiam, sed ad obdurationem contegere solent, ut palliata prauitate audaciùs fallant, perniciosiùs dejiciant. Confidenter enim in hanc causam adeò perditam & infamem, & in quæuis consilia pessima se demittunt, hac sola spe freti, quod coalita factione, ubi plures ipsi, & aliquot hinc inde prensati suffragatores, consenserint, non iniquorum, non erroneorum, non perduellium crimen, sed Catholicorum piorumque hominum de rebus necdum clarè perspicuèque discussis, salua fidei compage, dissensionem visum iri sperant, Sanctorum, Apostolorum, Angelorum denique contentione simillimam. Quo pallio, qua fraude Illustrissimi Præsules subruere Ecclesiæ ordinem, prodi fidem, ludi simplicitatem, Schismatibus muniri viam, contumaciæ præferri faciem pati noluerunt, non potuerunt pro sui muneris officio; & in Ecclesiam cura & amore. Talia enim nunquam tulit Ecclesia, quasunque isti sanctorum concertationes commententur, ut dum ipsis sanctis pares esse nolunt, sanctos sibi faciunt pares. Nam Petri & Pauli contentionem, vel non<sup>a</sup> veram, vel de<sup>b</sup> conuersione, non de predicatione, eamque breuiculam, & minimè pugnacem, adeoque non contentionem, sed reprehensionem. Paulo enim arguenti non resistit Petrus, docet Scriptura, tradunt veteres, nemo iam nescit post tot cum huius temporis hæreticis pugnas. Hieronymi autem, & Augustini de hac ipsa Apostolorum dissensione dissensio, & dimicatio epistolaris, adeò à fidei capitibus utrimque fuit semota, ut eam Ecclesia nunquam definiendam putarit, & ad hoc vsque tempus in cuiusvis arbitrio reliquerit. Nam Epiphani & Chrysostomi dissidium, non de libris Origenis, ut tu ais, sed de personis Origenistarum Monachorum Alexandria exulum ortum esse, Chrysostomo eorum artibus, hypocrisi, mendaciis fallaciter occupato;

1. Cor. 10.

Isa. 38. 17.

a Vide Hier.

ren. in cap. 2.

ep. ad Galat.

b Tertull. de

praescr. c. 23.

c 24. &amp; lib.

1. in Marcion.

c. 10. &amp; lib.

4. c. 3. &amp; lib.

5. c. 3.

Gal. 2.

Vid. Hieron.

ep. 89. ad

August. &amp;

August. ad

Hier. epist.

86. 87. 93. &amp;

inter epistolas

Hieron. &amp;

Hier. epist.

epist. 96. ad

August.

Querim.

pag. 28

Vid. Cardin.

Baron. Anno

402.

istiusque dissidij historiam variis historicorum, præcipue Socratis, Sozomeni, Palladij, Origenistis fauentium studij vitiatam, ex ipsa rerum serie clarescit. Nec tu in iis *fulgurantem iracundiam* fingere, Chrysostomum Origenis librorum defensorem simulare nisi vitiis tuis blandiendo potuisti. Nam Palladius Episcopus Chrysostomi discipulus, vita eius latè perscripta; injectaque de Epiphanio Theophilo fauente <sup>a</sup> mentione, nihil tale de eo aduersus Chrysostomum commemorat, nec Monachos Ægyptios ab eo susceptos ait quasi Origenis defensores, sed quasi eos qui dicerent, <sup>b</sup> *se nihil peccasse, neque in Dei leges, neque in Theophilum*, sed illius odio circumuentos esse. Imò addit eos libellum Constantinopoli edidisse, <sup>c</sup> *omnesque hæreses anathematizasse*. Nam Origenistas illos Monachos hæreses Origenicas non in seipsis solum, sed in ipso Origene studiosè dissimulasse, cum illius libros ab hæreticis corruptos esse dicerent, omnium <sup>d</sup> eius ætatis scriptorum, atque in primis <sup>e</sup> Hieronymi testimonio manifestum est. Frustra quoque Episcoporum Orientalium aduersus Occidentales de Paschate certantium *sanctitatem* extollis. Mirum cur nec Cyprianum adjeceris, tanta quoque sanctitate virum, nec totius Africæ Episcopos de baptismo altercantes. Nimirum sensisti non omnia quæ sancti facere imitanda, nonnulla purganda, nonnulla culpanda, ipsis etiam authoribus patribus, quorum primarium Augustinum iurgium Cypriani improbantem, <sup>f</sup> & ipsius martyrij sanguine diluentem legere poteras. Sicut enim Cyprianus Stephano Romano Pontifici malè de baptismo repugnauit, sic malè Victori, aliisque Pontificibus, de Paschate Orientales; ideoque tandem & Anathemate <sup>g</sup> percussi, & à Conciliis <sup>h</sup> damnati fuerunt.

Angelos verò quàm putidè in medium affers, imbellis pugil, quasi Angeli de doctrina fidei, de obedientia, de schismate disputarint. Nemo Angelus hisce de rebus contendit, qui non ex Angelo daemon euaserit. Tu verò tantum Angelici acuminis habes, vt quicquid vlli Angelorum, vlli sanctorum, vlli Theologorum, quacunque de re certarint, ex eo vestras in Anglia aduersus Hierarchiæ ordines, Ecclesiam, Sacramenta, Decreta Pontificia, machinationes ac turbas excudi putes. Hoc gloriosum pallium quo recta veneranda societas magno sonitu, magna diuinæ traditionis strage Angliam sine scandalo perambulasse dicitur. Hoc velamen non ridiculum solum, sed improbum, & tritum, & solenne hæreticis, quorum nouissimum artificium est, nouitates suas pro rebus quàm leuissimis paruique momenti obtrudere, quæ nec fidem nec salutem spectent, sed in medio positæ, Catholicorum hominum, & opinionibus & disputationibus liberæ sint. Sic enim Ecclesiæ animaduersionem à se auertunt, suspitioneque ac diffidentia hominum mentibus erepta, faciliores ad eos aditus & tutam errori viam parant, *vt dormientibus hominibus in medio tritici lolia superseminent*. Talia initio Lutherus sua dogmata dictitabat, antequam à Leone damnarentur. Tales in plerisque capitibus errores suos posteri eius hæretici faciunt. Imò & salutem in Ecclesia Romana esse posse confessi sunt, donec languescenti iam hæresi hoc telum lethale sentientes, contrarium non ita pridem prædicare cœperunt. Sic Ariani, Nestoriani, Pelagiani, Eutychiani, alique cauillati sunt, vt ante dictum est. Laniarunt, diffilarunt

<sup>a</sup> Palladius  
di. log. de vita  
Chrys. c. 16.  
<sup>b</sup> Idem c. 7

<sup>c</sup> Idem ibid.

<sup>d</sup> Senerius  
Sulp. dial. 1.  
<sup>e</sup> Hieron. ep.  
71. & 78. & 6.

<sup>f</sup> Aug. epist.  
48. ad Vin-  
centium. Et  
lib. 1. de Ba-  
ptismo contra  
Donat. ca. 18.  
& 19.

<sup>g</sup> Vide Eu-  
seb. lib. 5. hist.  
cap. 22. 23. &  
24. Epiphan.  
hæres. 50.  
August. hæ-  
r. s. 29.  
<sup>h</sup> In Concilio  
Nicensi, &  
alibi.

Matth. 13.  
In epistol. pro-  
nocationis à  
Legato Cae-  
sari ad Pon-  
tificem apud  
Stridam. l. 1.  
an. 1518.  
Vid. Plessen  
de Eccles. &

iure merito hanc larvam, hunc æreum centonem, hoc fraudis hæreticæ pallium, Illustrissimi Præfules, quo vetustas, & nuditas, & fœditas inclusi figmenti velabatur. Non quò velaretur prudentioribus, quietis, verè simplicibus Catholicis, quibus Iesuiticæ contentionis iniquitas summo semper odio fuit; sed ut incautioribus, rudibus, circumventis paresceret, inquietos verò, cupidos, sui amantes, maligni dissidij autores ipsa suæ turpitudinis nudatione concuteret. Ut qui tantos in Anglica Ecclesia, quamdiu ipsi non turbant, pacatissima, consciscere tumultus, fovere, libris editis tueri, profanas vocum novitates, inauditas blasphemias per Ecclesiam spargere ausi sunt, si non schismatici, si non hæretici, saltem schismaticæ hæreticæque doctrinæ defensores habeantur, iureque in posterum dicantur, quoad Ecclesiæ plenum iudicium supremumque accesserit.

Sed objicit fictitia Ecclesia, decretum Illustrissimorum Antistitum non esse certum fidei dogma, non esse infallibile. Ideòne non colendum, non vendum, non audiendum est? An infallibiles solum Episcopos audiri vult Christus? An infallibiles solum Episcopos Ecclesiæ Pastores Doctoresque posuit in consummationem Sanctorum, in adificationem corporis Christi, ut non simus fluctuantes omni vento doctrinæ? Exceptio inepta est, noua, Iesuitica à nullo, quod constet, hæreticorum aduersus Episcoporum Concilia, non generalia tantum, sed particularia quoque, quibus tot hæreses deletæ sunt, ad hoc usque tempus opposita. Quis enim vnquam hæreticorum concilia Episcopalia hoc solo nomine elusit, quod diceret non esse infallibilis autoritatis? Quando ita argumentati sunt Nouatus, Pelagius, Arius, tot alij hæretici quos Episcopi in Prouinciis primùm damnarunt? Nemo hoc effugio vsus est. Omnes vel obreptum Episcopis, vel sibi calumnias inflictas, vel alias causationes, quas etiam mutuari sunt Iesuitæ, quibusque non particulares solum, sed generales etiam Synodos ludificari solebant, protulerunt, vel exerto ore, & hæretica petulantia reclamarunt. Etsi enim quantum inter generales Synodos & particulares intersit, nunquam nescierit Ecclesia superiorumque temporum Christiani, eas tamen summo semper, indifferetio, tantumque non pari honore habitas fuisse, quamdiu Ecclesia palam non intercederet, ex perpetua Ecclesiæ obseruatione manifestum est. Non enim quærebatur illis temporibus, quænam Episcoporum Concilia errori obnoxia, quænam certæ veritatis essent. Omnes omnia colebant, omnia venerabantur, ut Pastorum vocem, ut magistrorum Ecclesiæ doctrinam, ut eorum quibus dictum esset, *qui vos audit, me audit*. Non periclitabantur, non dijudicabant, sed piè, humiliter, quietè suscipientes, eorum iudicium Deo, Ecclesiæ, relictum esse, non priuaris, non outibus, non iis qui nulla inquirendi potestate præditi essent, arbitrabantur. Itaque Priscillianam doctrinam, postquam à Synodo<sup>a</sup> Cæsaraugustana damnata est, Origenisticam, postquam<sup>b</sup> ab Alexandrina, Eutychianam postquam à Constantinopolitana sub Flauiano<sup>c</sup> habita, Ariam denique postquam ab<sup>d</sup> Alexandrina, ut alias præteream, nemo Catholicus hæreses esse negauit, eorumve susceptores hæreticos, etiamsi solis Episcoporum<sup>e</sup> prouincialium iudiciis damnati essent. B. Alexandro Arium repudiante, qui mansere cum Alexandro, mansere Christiani; qui verò cum Ario

latius librum  
qui inscribitur,  
Apologia Protestationum  
pro Rom. Ecclesia, Tract.  
2. c. 2. sect. 14.  
Vid. supra in  
Præfat.

Querim.  
§. 3. n. 14.

Ephes. 4.

Vide Aug. l.  
2. de Bapt.  
contra Donat.  
c. 1. & alibi.  
Concil. 5. Cō-  
stantinop. in  
ep. Vigily ad  
Aurilianum  
Episc. Arela-  
tensem, Collat.  
7. & Collat. 2.  
&c.

Luc. 10.  
a Senatus  
Sulp. hist. l. 2.  
Vid. tom. 1.  
Concil. gener.  
b Hier. epist.  
70 71. Epi-  
phanus ep. 73  
apud eundem.  
c Vid. Cōcil.  
Chalc. act. 1.  
& epist. Fla-  
uiani apud  
S. Leo. ep. 10.  
d Socrat. l. 1.  
hist. c. 3. Epi-  
phan. har. 99.  
e Vid. Cōcil.  
Mileut. 1. &  
Carthagin.  
contr. Pelag.



Athanas.  
orat. 2. contra  
Arianos.  
S. Bern. de  
precepto, &  
de iur. c. 12.  
Malact. 2.

recesserunt, Saluatoris nostri nomen Alexandro cum suis reliquerunt, atque ipsi deinceps Ariani vocati sunt, inquit Athanasius. Ac si quis eo tempore Iesuita vel Origenistis, vel Priscillianistis, vel Eutychianis suggessisset Episcopos falli posse, vniuersi cum Bernardo respondissent: Quid hoc refert tua, qui conscius non es; praesertim cum teneas de scripturis, quia labia sacerdotis custodiunt scientiam, & legem ex ore eius requirunt, quia Angelus Domini exercituum est? Requirunt dixerim legem, non quam vel authentica vlla scriptura tradiderit, vel ratio manifesta probauerit. De huiusmodi quippe nec praeceptor expectandus, nec prohibitor auscultandus est; sed quod ita latere aut obscurum esse recognoscitur, ut in dubium venire possit, utrumnam Deus hoc aut aliter forte velit, si non de labiis custodientibus scientiam, & ex ore Angeli Domini exercituum certum reddatur. A quo denique potius diuina consilia requirentur quam ab illo cui credita est dispensatio mysteriorum Dei? ipsum proinde quem pro Deo debemus tanquam Deum in his quae aperte non sunt contra Deum, audire debemus. Hi fuerunt sensus, haec pietas; hic in Deum & Dei praesules honor meliorum Christianorum, & ipsorum quidem, ut vidimus, haereticorum. Tanta enim per omnem Ecclesiam, tam humilis, tam calta in Episcopos Ecclesiae patres obseruantia percrebuerat, ut eius etiam vestigia in transfugis haereticis remanerent.

Haec igitur cauillatio, quam nec Catholici, nec haeretici antiquiorum temporum agnoscunt, à Iesuiticis scholis oritur, postquam penè omnis Ecclesiastica disciplinae cognitio & usus, sacrarum potestatum reuerentia, Catholica humilitas & pudor ab illis excessit. Non enim aduertunt imperiti litigatores, se id genus defensionis vrgere, quo nemo mentis compos in saecularem etiam iudicem utatur. Quis enim ita insaniat, ut iudicis sententiam repudiet, quod sit ab homine lata, infirmo nimirum ac labili? Quis legitime excipi putet iudicem falli posse, dum re ipsa deceptum esse non patet? Quis hoc effugium aliud censeat quam pertinacis animi, & ipso lumine communi carentis obstinationem? Imò nec aduertunt refractarioli tricones se id aduersus venerandum Episcoporum consensum effutire, quod aduersus infimum sui ordinis praefectum nemo pius religiosus audeat. Quis enim Regularis statuenti quippiam praeposito, aut certam opinionem certum dogma praesinienti, obiectet eum esse hominem, falli posse, non facere fidei dogma, ideoque obedientiam detrectet? Quanto minus id liceat Iesuitae, singularis illius, caeteraque obedientiae professori? Quid ergo? pluri faciunt religionis suae, quam religionis Catholicae Magistros? religiones priuatas, quam religionem vniuersalem? Priuilegiatos, quam natiuos patres? eos quibus humanae leges, quam quibus diuinae constitutiones honorem sanxerunt?

Querim.  
S. 3. n. 14.

Epist. ad Epi-  
scopos Galliae  
ante Apolog.  
Declarat. p. 1.  
Spong. c. 1. &  
caus. 6.  
Querim. p. 11.

At Galliae Episcopis in Anglos Catholicos iurisdictio non competit. Hoc enim est contumaciae caput: Huc semper Iesuitae reuoluuntur; hoc vnum pessimi Theologi, peiores Christiani, magnum momentum putant. Itaque & initio Querimoniae, & in Epistola ad Galliae Episcopos, & in Spongia, & ante in ficta declaratione, vehementer ante omnia questi sunt, Eos qui nullam in Catholicos Angliae auctoritatem habeant, de causa tamen ipsorum iudicandi prouinciam sibi sumere. Quibus illud vnum sat esse poterat, si quid Christianae mentis, seu, ut ait Augustinus, Christianum sensum haberent,

honorem saltem & reuerentiam quibuscumque Ecclesiæ Catholicæ Episcopis, ab omnibus illitis Ecclesiæ filiis, cuius illi sunt patres, præstari debere; eorumque de fide, cuius doctores & iudices à Deo dati sunt, iudicia, si non pœnæ & anathematis metu, saltem institutæ à Deo potestatis, Ecclesiæ vnitatis, Collegij Episcopalis respectu, obseruantia cultuque dignanda esse, non spernenda, non vexanda, non scriptis & virulentia publica infestanda. Quæ enim iurisdictionis exceptio hoc officium excludit? hoc crimen purgat? Quis terribilem Christi vocem, qui vos spernit, me spernit, in solos eos quibus Episcopi iurisdictione ordinaria præsumunt, valere dixit? Quis Iesuitas, Regularium penè nouissimos, Episcopis pares, ab eorum reuerentia liberos fecit? Silere debuerant, quiescere, temperare superbiam, contundere tumentes animos, cum pace ac silentio, superius Ecclesiæ iudicium præstolari, nec antequam hoc editum esset, in solenne tot Catholicorum præsulum decretum atrocibus libris insurgere, & inusitatum audaciam genus Catholicæ Ecclesiæ exlubere?

Quid quod Catholicis Episcopis non solas quibus præfecti sunt Ecclesias suo pte munere curare iussum est, nec eas duntaxat curantibus debitus honor, debita obseruantia, sed & alias passim, vbi hæreseos præcipuè latescit & fidei periculum imminet? Quod patrum consensu & totius Ecclesiæ ad eò confirmatum & declaratum est, vt nemini rei Theologicæ peritiori possit ignotum esse. Ex multis illustriora aliquot testimonia dabimus, vt discant Iesuitæ, quod ne quidem cogitasse vnquam videntur.

Nam cum Cyprianus priuato Lambesitano in Africa Episcopo Nouatiano obsisteret, deque eo Clerum Romanum sede vacante admoneret, Clerus sollicitudinem ac diligentiam eius collaudans, *Omnes enim nos, inquit, decet pro corpore totius Ecclesiæ, cuius per varias quasque Prouincias membra digesta sunt, excubare.* Cuius rei locus & expositio insignis est apud Chrysostomum vbi scribit Eustathium Antiochenum Episcopum, qui primus in Synodo Nicæna perorauit, & Ecclesiæ aduersus Arii gregem magnum columen fuit, non solum Ecclesiam suam ab Ariana lue primùm nascente vindicasse, sed eandem aliarum vbique Ecclesiarum quam suæ gessisse curam. *Nec verò hic tantum, inquit, prouidentia ista usus est, sed & quoquo versus dimisit, qui docerent, hortarentur, disputarent, omnem hostibus aditum præcluderent.* Præclarè enim à spiritus gratia didicerat Ecclesiæ præsulem, non eam solam quæ ei à Spiritu sancto commissæ est, sed & omnes per totum vbique orbem constitutas curare debere. Atque hoc à sacris precibus didicerat. Si enim preces, inquebat, pro Catholica à finibus vsque ad fines orbis diffusa Ecclesia fieri debent, multo magis curam quoque toti illi impendere necesse est, & cunctis ex æquo consulere, & omnibus prouidere. Quod & ipse Chrysostomus egregiè inuitatus, *Non suam duntaxat Ecclesiam, inquit Sozomenus, sed & aliorum vniuersas, seu bonus ac magnanimus Episcopus, emendare conabatur.* Quare Ecclesiarum omnium sollicitudinem, more diui Pauli, eum suscepisse laudat Theodoretus; magna que inde illi apud improbos Ecclesiarum vastatores inuidia, quæ, in diras tandem inimicitias, & in bellum apertum erupit. Memorabile in hoc genere est factum Eusebij Samosatani Episcopi, egregij Nicænæ fidei propugnatoris, qui à Valente Imperatore Ariano cum pluribus aliis Or-

Aug. lib. 1.  
operum pers.  
con. Iulian.  
cap. 20.

Aug. lib. epist.  
162. contra  
Donatistas.  
Cælestin. ep.  
ad Synod.  
Ephes. Con-  
cil. Ephesini  
par. 2.  
Iude Cypri.  
passim.  
Luc. 10.  
Thren. 3.  
2. Thess. 3.

Chrys. Rom.  
epist. apud  
Cypri. ep. 30.

Theodoret.  
hist. l. 1. c. 7.

Chrysost.  
homil. de S.  
Eustathio  
Antioch.  
tom. 5.

Iude Sozom.  
hist. l. 8. c. 3.  
& 6.  
Theodor. l. 5.  
c. 29. & 31.

Theodor. hist.  
l. 4. c. 12.

Orthodoxis Episcopis exul in Thraciam missus, cum multas Ecclesias Pastoribus orbatas intellexisset, inquit Theodoretus, habitu militari indutus, & capite tiarâ operto, Syriam, Phœniciam, & Palestinam peragrauit, quò tum Presbyteros, tum Diaconos crearet, tum alia Ecclesiastica obiret officia. Quod si quando in Episcopos secum doctrina consentientes incidebat, eos Ecclesiis quæ carebant pastoribus præfecit.

Quam eius erga omnes Ecclesias sollicitudinem prædicans Basilii; Persuasus sum, inquit, quod propter lacrymas Ecclesiarum & gemitus, quibus post te ingemiscunt omnes, in vita te hominum amator Deus conseruaturus sit. Aliaque de eodem his similia<sup>b</sup> Nazianzenus, cum columnam & firmamentum Ecclesiæ, & luminare in mundo, appellans. Basilium ipsum videre est Ecclesiæ Antiochenæ ut propriæ consulentem, hortantem, docentem literis quæ ad fidem Catholicam & ad hæreticorum insidias præcludendas pertinerent.

Quam in eo laudem mirè extollit<sup>d</sup> Nazianzenus, cumque, non uni & exigue nationi, sed omnibus hominibus, atque omnibus orbis partibus de veritatis doctrina, ex qua salus comparatur, leges statuisse ait. Nam cum alij omnes, inquit, id tantummodo quod ante pedes est, videant, suæque, ut in tuto sint, laborent, (si tamen id satis tutum esse potest) nec ulterius progrediantur, nec magni aliquid & strenui vel cogitatione complecti, vel efficere queant; ipse contra tamesi ceteris in rebus moderatus esset, hic tamen modum haudquaquam tenet: verum sublato in altum capite, mentisque oculis quoquoersum iactatis, omnis eas orbis partes, quas salutifera Christi doctrina peruagata est, comprehendit. Multaque alia in eandem sententiam. Cuius generalis sollicitudinis gratia Cyrillus Alexandrinus à

Paulus Emi-  
senus in ho-  
mil. habita  
Alexandria,  
qua extat in  
actis Concil.  
Ephes. par. 3.  
Epist. Cæle-  
stini Papæ ad  
Synod. Ephes.  
par. 2. act. 2.

Paulo Emeseno Episcopo publicè in totius Ecclesiæ conuentu Alexandriæ bis vocatus est Episcoporum pater; & ipse vicissim Paulus ab Alexandria Ecclesiæ simul conclamante, Episcopus Orthodoxus, Orbis terrarum doctor. Cui consonant illa Cælestini Papæ ad Synodum Ephesinam: Hec ad omnes in commune Domini sacerdotes, mandata prædicationis cura peruenit: hereditario in hanc sollicitudinem iure constringimur, quicumque per diuersa terrarum, Apostolorum vice nomen Domini prædicamus, dum illis dicitur; Ite, docete omnes gentes. Aduertere debet vestra fraternitas, quia accepimus generale mandatum, & omnes nos id agere voluit, quibus sic omnibus in commune mandauit officium. Necesse est ut competenter nostros sequamur autores. Subeamus omnes eorum labores, quibus omnes successimus in honore, &c. Similiter Ioannes papa I. ad Zachariam

Ioannes I. ep.  
I. ad Zacha-  
riam Archie-  
piscopum, in ta.  
Concil. gene-  
ral.  
Nicolaus I.  
ep. 42. ad  
Gallie Epi-  
scopos, tom.  
Concil.

Archiepiscopi: Huius rei gratia vobis & nobis sancta commissa est Ecclesia, ut pro omnibus laboremus, & cunctis opem ferre non negligamus. Et Nicolaus I. ad Galliarum Episcopos: Quamuis singularum Ecclesiarum, quæ propter diuersitatem terrarum multæ esse dicuntur (cum una sit, & unica sponso suo, &c.) Pater & Episcopus & Pontifex Dominus noster Iesus Christus existat, &c. subiturus tamen ad cælos hanc Apostolis commendauit, ac per eos tanquam hereditario iure, successoribus eorum nobis scilicet quos Pastores & Episcopos & Pontifices super ipsam constituit, eius prouidentia curam indulsit, quatenus pro patribus nati filij, & pro eis constituti principes, in omnem terrarum imitatores eorum essemus, sicut & ipsi Christi. Denique, ne in immensum abeamus, D. Gregorius Magnus lanua-

D. Gregor. l. 3.  
ep. 26. in l. 12.

rium Calaritanum Episcopum arguens quod rustici quos haberet eius Ecclesia tuncque in infidelitate remanerent; Et quid vos, inquit, admoneo ut extraneos ad Deum adluatis, qui vestros ab infidelitate corrigere negligitis? Generalem

istam

istam Episcoporum in quoscumque Ecclesiarum homines, quantumvis in speciem extraneos prouidentiam & curam intuens. Idem sanctus quoque Gregorius Papa, rogante Augustino Anglorum Episcopo, quonam modo Ecclesiarum Gallicanarum Episcopis, si qua in re posset, lubueniret. Si forte Arelatensis Episcopus, inquit, in disciplina vigore tepidus existat, sua fraternitatis zelo accendendus est. Atque hic est ille zelus, illa charitas Episcopalis, quam Illustrissimorum Antistitum Epistola, limites non habere, omnes complecti docet: quam si Angliarum Episcopo in Galliarum Episcopos sanctus Gregorius concessam agnouit, quanto magis tot Galliarum Episcopis in Angliarum Catholicos competere, ab iisque accipi, & reuerenter obseruari debere sensisset? Ac successor Augustini Laurentius, quem ipse adhuc viuens ordinauerat; Non solum noua, quae de Angliis erat collecta, Ecclesiae curam gerebat, inquit Beda, sed & veterum Britanniae incolarum, necnon & Scottorum qui Hybernica insulam Britanniae proximam incolunt, populis pastorem impendere sollicitudinem curabat. Vt ridiculum sit, summamque inscitiae plenum, Ecclesiam Anglicanam induci à Iesuitis id officii à Galliarum Episcopis recusantem, dedignantem, auersantem, quod à primis sanctissimisque illis Episcopis quibus omnia debet, quibus eam ad eò deditam & adstrictam ipsi faciunt, tum aliis Ecclesiis, tum Galliarum nominatim, praestitum scire debebant, cum tam illustrium autorum testimoniis declaretur.

Et verò quis sua sponte non videt, si unicuique mandauit Deus de proximo; si vniuersi operari bonum ad omnes debemus, maxime ad domesticos fidei; si charitas benigna est, non gaudet super iniquitate, omnia suffert, omnia sustinet; si etiam Samaritanus laudatur quod alienum hominem focillari, curari, crexerit; hanc eandem latitudinem, hanc eandem sine limite sphaeram Episcopalis officii charitati, quae omnium summa latissimaque esset debet, propositam esse in qua decurrat, & euagetur? Quis miretur, inquam, eos qui totius Ecclesiae iudices à Deo constituti sunt, ut eam quae patet nativo suo munere simul collecti regant, doceant, iudicent in generalibus aut minoribus synodis, sicut simul coacti senatores Rempublicam vniuersam administrant, in eamque totam iurisdictionem exercent; seorsim in eam singulos charitatis vim, amoris auctoritatem praecipuam quandam retinere, ut ex charitate dicere possint quod Paulus ex potestate, Instantia mea quotidiana, sollicitudo omnium Ecclesiarum. Quis infirmatur, & ego non infirmor? Quis scandalizatur, & ego non uror?

Imò ut sciant Iesuitae quàm ingratè & improbè summam in se Illustrissimorumque Episcoporum moderationem, amicamque ac meræ charitatis reprehensionem abiiciant, eosque in Anglicam Ecclesiam iurisdictionem non habere, silentium sibi praecipere non posse arroganter obiecerunt; hoc amplius adiicio, non defuisse Illustrissimis Galliarum Episcopis auctoritatem, qua in Anglos omnes earum haeresum assertores, vel omninò participes, ex perpetua Ecclesiae traditione & usu iurisdictionem extenderent, anathema illiderent, nisi eos charitate potius fouere, quàm potestate concutere, pro sua humanitate maluissent. Nam crimen haereseos, & quodcumque in communem fidem, aut commune Ecclesiae corpus suscipitur, idololatriam, apostasiam à fide, schisma, haeresim, nullis in Ecclesia priuilegiis,

D

Greg. l. 12.  
ep. 32. ind.  
7.Beda hist.  
Angl. l. 2.  
cap. 4.Gal. 1.  
2. Cor. 13.Vide Am.  
br. l. 1. ep. 9.  
alias 79.  
ad Theo-  
philum &  
Anysium  
Episcopos.  
2. Cor. 11.Querin.  
n. 14. §. 3.



*Vid. Iuxta. l. 2. ad Victorium Rhotomagenſis Episcopum, c. 3. Nazian. l. aduersus falsos accusat. cap. 9. & 21. Caus. 9. 6. c. 12. & 14.*  
 nulla immunitate, nullis diœceseon locorumve latebris tuta esse, quin vel à proprio Episcopo, vel si is desit, à proximis, aut his quoque deficientibus, à quibuscumque aliis Ecclesiæ Catholice Episcopis, vrgeri, cognosci, plecti possit, salua tamen in omnibus, vt loquuntur Patres, Sedis Apostolicæ suprema dignitate, clarissimis sanctorum Patrum & Conciliorum exemplis demonstrari potest.

*Vide apud Cyprian. ep. 68. a. Memoriam & plebes in Hispania consistentes. Cyprian. ep. 67. ad Stephanum.*  
 Nam cum Basilides & Martialis, Hispaniarum Episcopi, in idololatriam lapsi, à plebibus suis, & Cleris, & proximis Episcopis abdicati, à Stephano Romano Pontifice, cui fallaciter obrepserant, restituti essent, nonnullique Hispaniarum Episcopi eos reciperent; consulti ab eorum Cleris & plebibus Cyprianus & Africæ Episcopi, coacta Synodo, eisdem Basilidem & Martialem repellendos, malè circumuentum ab iis Stephanum, Episcopos qui se iis adjunxissent, similiter destituendos; & cum iungerentur in culpa, nec in pœna separandos esse, epistola Synodica declararunt. Martino quoque Arelatenſi Episcopo Nouatianam hæresim amplexo idem Cyprianus cum ei rei suum esse consulere & subuenire duceret, eundem Stephanum monuit in hunc modum: *Facere te oportet plenissimas literas ad Coepiscopos nostros in Galliis constitutos, ne ultra Martianum pernicacem & superbum, & diuinæ pietatis ac fraternæ salutis inimicum, collegio nostro insultare patiantur, quod nedum videatur à nobis abstentus. Idcirco enim, inquit, frater carissime, copiosum corpus est sacerdotum, concordia mutua glutino atque unitatis vinculo copulatum, vt si quis ex collegio nostro hæresim facere, gregem Christi lacerare & vastare tentauerit, subueniant ceteri, & quasi pastores utiles & misericordes, oues Dominicas in gregem colligant. In hac quippe causa hærescos, addit: Etsi pastores multi sumus, unum tamen gregem pascimus, & oues vniuersas quas Christus sanguine suo & passione quasiuit, colligere & fouere debemus, nec pati supplices & dolentes (hoc est, pœnitentes quos Nouatiani repellebant) Fratres nostros crudeliter despici, & superba quorundam præsumptione calcari. Quo factum vt in eius laudatione scribere ausus sit Gregorius Nazian-*

*Greg. Nazianz. orat. 18. in laudem Cypriani. Sener. Sulp. hist. l. 2. Prosper. in Chronico. Vid. l. 1. Con. General. Vid. C. Carth. Episcoporum 37. aduersus Pelagium, & Cælest. C. Mileuit. 2. Episcoporum 60. aduersus eosdem.*  
 zenus, Eum non Carthaginensium tantum Ecclesiæ; nec Africa, ab illo & per illum etiamnum clara & celebri, sed occiduis omnibus regionibus præsedisse, ac prope etiam Orientali omni atque Australi & Septentrionali ora, quocumque illius fama & admiratio peruagata est. Quod quemadmodum accipi debeat, iam ex dictis satis patet. Similiter Priscillianum & Instantium, Hispaniæ Episcopos ab Episcopis Galliæ in Synodo Burdegalensi damnatos & exautoratos esse constat. Pelagius quoque & Cælestius à Concilio Carthaginensi (ad quod ex diuersis causis conuenisse se dicunt Afri Episcopi, sicut Gallicani Antistites variis de causis Lutetia agentes, Iesuiticos libros reprobarunt) & à Mileuitano, cui adfuit sanctus Augustinus, abjecti, & anathemate icti sunt, licet Pelagius & Britannus esset homo, & Hierosolymis degeret, Cælestius Asiæ Presbyter esset, vt dicitur in epistola Synodali Concilij Mileuitani; licet etiam paulo ante ab Episcopis Palæstinæ malè illufis Pelagius absolutus esset. Quæ omnia patent ex epistolis Synodalibus eorundem Conciliorum ad Innocentium Papam, quibus à se gesta, eius auctoritati firmari petunt. Quod enim Pelagius Episcopis Palæstinæ, in

quorum prouincia degebat, imposuisset, Episcopi Africani subueniendum communi fidei, & irrogatam toti Ecclesiae societati plagam depellendam rati, hæresim illam, eiusque autores & assensores quoscumque binis Conciliis execrandos putauerunt. Sic & Euphratam Colonia Agrippinæ Episcopum, *quæ est*, inquit Athanasius, *superioris Galliae Metropolis*, Photinianæ hærescos reum, collecti ex variis Germaniæ Galliaeque Prouinciis Episcopi, abdicarunt. Famosum etiam illud Ecclesiae Antiochenæ inter Paulinum & Meletium, eorumque successores schisma, congregati in Synodo Capuana Episcopi, in quibus sanctus Ambrosius, curandum sanandumque susceperunt, delato ea de quæstione iudicio ad Theophilum Alexandrinum Aegyptiosque eius Episcopos. Denique Cyrillus Alexandrinus Episcopus ad Cœlestinum \* Papam scribens, eique Nestorii hæreses & pertinacitatem exponens, ostendit se ab initio in animo habuisse, Synodo in eum coacta, hæresim eius euellere, ipsum excommunicare, abicere, quamuis Constantinopolitana sedes eius ditioni non subesset; verum maluisse humanitatis aliquid lapso impartiri, atque hunc honorem Romanæ sedi deferre, ne in eum quicquam seuerius eâ inconsultâ decerneret. Fateor, inquit, in animo fuisse Synodicis literis illum commonefacere, nos cum eo communionem retinere non posse, qui talia doceret ac faceret. Ratus tamen lapsis manum porrigendam, prostratosque tamquam fratres erigendos esse, hoc ipsum in hodiernum usque diem non feci. Quod in eo Cœlestinus non modo non reprehendit, sed etiam eum præter alias exquisitissimas laudes, prouidentissimum Christi sacerdotem vocat, fidei amore ac studio incensum; præclara etiam maiorum suorum exempla iam superantem quamuis & ipsi quoque acerrimi semper purioris dogmatis vindices extitissent; Boni denique pastoris munus in hoc negotio implentem, qui ponit animam suam pro ouibus suis; Ac sicut ipse bonum pastorem se gereret, ita Nestorium nec mercenarij etiam mali nomine dignum esse. Præterea non pauca eiusdem generis quæ profecti possent, quia hæc ex omnibus Ecclesiae Catholicae regionibus repetita testimonia abundè demonstrant quod diximus, crimina illa in totam Ecclesiam communia, hærescos, schismatis, apostasiae, idololatriæ, nullis regionum aut diocesium repagulis fulta, nullis immunitatibus aut privilegiis, quibus Ecclesiasticae aliae causæ gaudere consueverunt, munita fuisse: sed cessantibus propriis Episcopis, proximorum quoque iudiciis potuisse compesci, vel his ipsis nolentibus, aut non valentibus, quorumvis aliorum autoritate. Est enim hæresis instar epidimiae, publicæque pestis, siue ut Cœlestinus loquitur, *pestifer moribus*, toti Ecclesiae imminens, à quo omnes refugere, quem auersari, & omnibus confestim opibus extinguere necesse est. Etenim *vulnus* quod non unum aliquod membrum tantum lædit, sed uniuersum Ecclesiae corpus confauciat, primo quoque tempore excindere oportet. Quare quod de idololatria à scriptura dictum esse docet Apostolus, hoc de omnibus generatim hæresibus intelligi monet Athanasius: Scriptura acquiescere, inquit, & eiusque præceptis obtemperare, cum ob alias hæreses, tum maxime ob istam præclarum dixerim. Scriptura autem præceptum hoc est, Absistite, absistite, illinc egredimini, & immundum ne tetigeritis, recedite ex medio illorum,

Arban. ep. ad solitariam vitam agent. i. ubi Metrophanes dicitur. Tullius. Vide Conc. Agrippin. 10. 1. Conc. Vide Ambros. 1. 1. ep. 9. alias 78 ad Theophilum. Cyr. ep. ad Cal. Conc. Ephes. par. 1. b. Vide Chrys. ep. 1. ad Innocentium Papam.

c Cal. ep. ad Cyrill. Conc. Eph. par. 1.

d Cyril. in Apol. ad Theodos. Cœlest. ubi supra. Vid. Aug. serm. 31. de verbis Apost. cap. 1. e Cal. ibid. f 2. Cor. 6. g Athan. epist. ad solitariam vitam agent. in fin. Isa. 52.

Nazianz.  
orat. 27.

*fregamini ab illis, qui fertis vasa Domini. Idem Gregorius Nazianzenus, alique passim patres. Hinc non solum omnes Episcopi suam in lues istiusmodi potestatem conferre possunt, in easque esse iudices, sed & quivis è media plebe in easdem esse testes, earumque adeo præcones, etiam pastores suos, licet ab Ecclesia nondum damnatos, suo præiudicio execrari & repudiare. Sic enim populus Constantinopolitanus Nestorium Episcopum suum declinare, congressusque ac synaxes eius defugere cœpit, antequam ullum Ecclesiæ iudicium in eum extitisset. Erat, inquit Cyrillus,*

Cyr. ep. ad  
Cal. Conc.  
Eph. par. 1.  
Vid. ibid.  
ep. Basily  
diaconi, re-  
liquorumq;  
Monacho-  
rum ad imp.

*Episcopus quidam, Dorotheus nomine, Constantinopoli, eadem qua Nestorius sapiens & sentiens, &c. Hic dum sacra peragerentur, Reuerendissimo Nestorio in Cathedra Constantinopolitana Ecclesiæ sedente, surraxit, & magna elataque voce inclamare ausus est: Si quis Mariam Deiparam dixerit, anathema sit. Mox ingens uniuersi populi clamor & discessio consecuta est. Nolebant enim diutius cum eo communionem habere, qui tali mente, talique sensu præditus esset. Quin & hoc ipso quoque tempore plebs Constantinopolitana (leuibus quibusdam vanisque hominibus, qui ipsi adulantur, duntaxat exceptis) à synaxi abstinet. Abstinent ab eadem omnia penè Monasteria, earumque Archimandrite: abstinet & maior quoque pars senatus, verentes ne ab illo, (Nestorio) vel ab illis quoque quos Antiochiâ secum adduxerat, aliquod in fide detrimentum accipiant.*

Cal. ep. ad  
Clerum &  
pop. Const.  
ibid.

*Quod factum ita probauit Cœlestinus Pontifex, ut gratulans exclamauerit, Beatus grex, cui dedit Dominus de pascuis iudicare! Estque egregia in hanc rem sententia Charisii Presbyteri, Philadelphie Oeconomi, in libello ad eandem sanctam Synodum Ephesinam oblato, vbis sic incipit:*

Conc. Eph.  
att. 6. par.  
2.

*Omnes qui recte sapiunt, ita comparati sunt, ut honorem semper, & quam decet obseruantiam, spiritualibus maxime patribus & doctoribus deferre desiderent. Si verò illos, qui docere debent, talia de fide auditoribus insonare contingat, quæ omnium & aures & animos offendant; tunc sanè ordinem commutari necesse*

Isidor. li. 3.  
sent. c. 29.

*est, & prauæ doctrinæ magistros à subiectis reprehendi. Quam doctrinam multo etiam illustrius tradit Isidorus; Rectores iudicandi à Deo sunt, à suis autem subditis nequaquam indicandi sunt, &c. sicut dicit Psalmus, Deus stetit in synagoga deorum, in medio autem deos discernis. Quod si à fide exorbitaueris rector, tunc erit arguendus à subditis. Pro moribus verò reprobis tolerandus magis, quàm distringendus à plebe. Idemque confirmat Concilium Aquisgranense, & alia.*

Concil. 1.  
Aquis. sub  
Stephano  
V. Pap. c.  
31.

*Neque verò fideles duntaxat & subditi quivis accusare possunt & testari in causâ hæresis, sed etiam criminosi homines & infames, quorum testi-*

Cap. in fa-  
uor. de heret. in  
6. Tertull.  
Apol. c. 4.

*monia in aliis iudiciis non audirentur. Quod ergo de reis maiestatis & publicis hostibus scribit Tertullianus, in reos maiestatis, & publicos hostes omnis homo miles est; id de criminibus istiusmodi maximis obseruauit perpetua Ecclesiæ disciplina, ut sicut in ea omnis homo accusator & testis est; sic omnis in ea Ecclesiæ princeps, omnis Catholicus Episcopus sit idoneus iudex, ut in crimina publica, qualia Imperatorum etiam legibus censentur, quia in religionem diuinam, inque omnium feruntur iniuriam. Ea enim in Deum peculiatiter committi dicunt patres; in Spiritum sanctum scripturæ, ideoque ut crimina maiestatis diuinæ, toti Ecclesiæ societati infesta, eiusque radices euellentia, omni Ecclesiasticarum legum beneficio, &*

L. 4. C. de  
Manich.  
Vide Cyp.  
ep. 10. &  
12. &c.



Ecclesiasticæ communitatis fœdere indigna visa sunt. Nam & Concilium Patifienſe, pactum quod cum Deo in baptismo fit, ex toto transgredi docet, quando quis post acceptam baptismatis gratiam, aut ad infidelitatem, aut ad hæresim, aut certe ad schisma prolabitur: per alia verò peccata non nisi ex parte. Quod & consentiunt illi patres, qui per alia peccata homines mortuos effici negant, per sola ista concedunt. Nam hæc sola omnes religionis Catholicæ, vitæque Christianæ stirpes ac fibras elidunt, & hoc sensu interficiunt, funditus videlicet ac stirpitus; quod cæteris criminibus non competit. Vnde hæc præcipuè omni Ecclesiasticæ societatis, cui aduersantur, beneficio excidunt: Et quemadmodum de eis statuerunt Imperatores; *Huic itaque hominum generi nihil ex moribus, nihil ex legibus commune sit cum cæteris; ita perpetua Ecclesiæ disciplina sancitum est, ut solitis legum præliis erga eos cessantibus, omnium summorum, infimorumque coniunctis animis ac viribus, pro sua cuiusque parte, opprimantur. Nec refert quantis locorum spatiorumque intervallis sint diiuncti, cum inter Ecclesias Dei, quæ ubique in unum Christi thalamum referuntur, nihil longè sit, nihil censeatur alienum.* Quæ omnia, salvo, ut ante diximus, & passim profitentur Patres, Romanæ sedis fastigio supremaque potestate intelligi debent, cui inferiorum Episcoporum dignitas & iudicia nihil officiunt, sed splendorem afferunt, & longè maiorem augustioremque amplitudinem. Eo enim illustrior efficitur imperii maiestas, quo plures maioresque sub se capit Principes ac Duces; eo tenuior & abiectior, quo minoribus & deiectionibus imperat. Vnde Christi regnum, quod vnum omnium maximum splendidissimumque regnum erit, tot habebit in cælo Reges, quot subditos, in cælis cum ipso regnatos in æternum, ut passim scripturæ contestantur.

Quare videat Iesuita qua temeritate, qua inscitia moderationem in se ac suos humanitatemque Galliæ Episcoporum contemnat, utroque exprobet, iurisdictionem eis in Anglos Catholicos non competere, quatenus ipsis silentium imperent. Hoc enim præterea Episcopis Gallicanis in Fideles Anglos præcipuum ius est, quod etsi alii Ecclesiæ Episcopi iurisdictione in eos carerent, non carerent Gallicani, sed & in hac causa, & in aliis non paucis haberent. Constat enim antiquissima Ecclesiæ disciplina, controversias in quaque regione ortas, si intra eam propriorum Antistitum iudiciis sedari non possent, deferri debuisse ad vicinos Episcopos, ut eorum sententiis componerentur. Clari sunt passim Canones, de causis hoc maioribus, ut Episcopalibus, sacerdotalibus præcipuè statuentes. Clarum in primis Innocentii Papæ ad Africæ Episcopos responsum de citando Pelagio. Si accersendus, inquit, esset, ab his melius fieret, qui magis proximi, & non longo terrarum spatio videntur esse diiuncti. Clarum denique Concilij Agrippinensis antè prolatis exemplum, ubi Agrippinæ Metropolitani Episcopus à vicinis Galliæ Germaniæque Episcopis ob hæresim damnatus est. Clara alia complura decreta, & exempla, quæ exscribere nihil attinet in rem per se notissimam. Quod si id tum faciendum preceperunt Patres, cum regio quæque propriis pastoribus & Episcopis instructa est, quanto magis cum eâ rectoribus Episcopis viduatâ, soli in ea

Concil. Patif.  
sub Greg. IV. l. 1. cap. 9.  
Vide Ambros. lib. 1. de penit. c. 10.  
Cyprian. ep. 52 ad Anthonianum.  
L. que sup.

Celestinus ad Clerum & pop. Constantinop.  
Conc. Ephes. in part. 2.

Vide Conc. Sard. c. 14. §. 6.  
Carthag. 1. cap. 11.  
Agat. c. 3. §. 6.  
Innocent. ep. 15. ad Aurelium.  
Alypium.



Augustini,  
 &c. que est  
 96. inter  
 ep. Aug.  
 Concil. A-  
 grippin. 10.  
 1. Concil.

Presbyteri digladiantes tumultu vertunt omnia, nec de Episcopaliibus aut Sacerdotalibus personis, sed de Episcopali ipso pastore ac dignitate, de Ecclesia, de fide, concertant. Quinam autem vicini Angliæ Episcopi, nisi Gallicani, ut patet ex antiquissimo usu Patrum, quo quæcumque à vicinis Ecclesiis petenda esse decretum est, à Gallia petierunt Angli, ut Episcoporum ordinationes, tum plurimum præcipuorumque, tum primi ipsius Augustini, sancti Gregorii iussu, à Gallia Metropolitano, ex Ecclesiæ more consecrati; ut auxilia aduersus hæreses turbasque Angliæ intestinas, quæ tam illustria à Gallia Episcopis petiit, & accepit Ecclesia Anglicana; ut denique innumera inter utramque Ecclesiam ipsa locorum vicinitate mutuo collata officia, quorum aliqua supra retulimus. Quo fit ut si aliarum regionum Episcopi nihil suo iure constituere potuissent, de subortis Iesuitica fraude in Anglia controuersis, hæc tamen potestas autoritate Canonum, præcipue nullis in Anglia Episcopis Catholicis, maximèque laborante Catholica fide, penes Episcopos Gallicanos esset. Quorum eximia in hoc negotio illa quoque est dignitas celeberrimi Pontificis oraculo delata, quo

Greg. IX.  
 in epist. ad  
 Archiep.  
 Rhem.

Ecclesiam Gallicanam ait, post Apostolicam sedem esse quoddam totius Christianitatis speculum, & immotum fidei firmamentum, utpote quæ in feruore fidei Christiana ac deuotione Apostolica sedis, non sequatur alias, sed antecedit. De qua quod olim summus Antistes, Apostolicæ sedis Legatus ad Angliæ Episcopos, ut eos Angliamque totam à fœdo schismate auerteret, prædicauit, id nos ad Angliæ Catholicos multò æquius scribere possumus, in magnum Iesuiticæ causæ præiudicium, & Ecclesiæ Anglicanæ solatium, Hanc Ecclesiam semper Deus & agnitione veritatis illustrauit, & pedes eius à iustitiæ tramite nullatenus aberrare permisit: ac sicut omnes quos ad oppressionem Romana Ecclesiæ rabida furoris prouexit inuidia, virtus Altissimi manifesta deiecit; sic omnibus quos deuotio Gallicana suscepit, victoriam semper contulit, & triumphum.

Arnaldus  
 Lexoni.  
 Episcopus,  
 ad Episco-  
 pos Angl.

Ex quibus omnibus efficitur nihil superesse Iesuiticæ, in Illustrissimos Ecclesiæ Gallicanæ Antistites contumaciæ vbilateat, quamcumque se in partem verteret, seu iurisdictionis potestatem, seu doctrinæ securitatem, errorisque immunitatem tantis autoritatibus probatam, toties Angliæ potissimum expertam, intueatur. Nec sine insigni temeritate & inscitia à Iesuita, nouo Ecclesiæ Anglicanæ colono, antiquorum in eam Ecclesiæ Gallicanæ officiorum ignaro, antiquæ cum ea necessitudinis contemptore, potuisse scribi in Gallie Episcopos, quasi Ecclesiæ Anglicanæ verbis,

Querim. 1.  
 1. 15.

Vestra cura subeunda necessitatem imposuistis inuite, renitenti, horrentique vestram mihi inexpertam, neque semper dexteram, sed errori obnoxiam manum. O nihil Ecclesiæ Anglicanæ magis inuite, renitenti, horrentique imposuitum, nihil ante Iesuitas natos magis inexpertum, quam Iesuiticæ Querimonie audaciam, ingratitude, ignorantiam! Aduersus igitur hæc omnia, ita illustria & plana, præterea obiciunt, & altiore gemitu conqueruntur, causam coram sede Apostolica pendentem, ab inferiore iudice, à Gallie Episcopis tractari & fini, iniecta vi ad eorum iudicia pertractam. Quid ais, Synagoga Iesuitica, factio malè nata, malè contexta? Tuorumne librorum, tuæ doctrinæ causa in sedem Apostolicam iam delata erat, cum Illustrissimi Gallie Antistites censuram in eam suscepit? Iamne oblita

Hil. 1. 16.

es quid paulò antè deploraris, damnatos esse libros, qui lingua tantùm tua <sup>§. 1. n. 1.</sup> gentis, quos sola legeres, sola intelligeres, cùm in ipsos censura saevit, scripti extarent, quæ nisi intentata fuisset, tuo sinu, & domesticis parietibus contenti latinam lucem hodie non aspicerent? Quomodo igitur librorum causam, libro- <sup>§. 3. n. 16.</sup> rum, inquis, varia doctrina hinc à seculari Clero, inde à regulari scriptorum, ad sedem Apostolicam detuleras, opem eius super iis imploraras, ipsa causam susceperat, auxilium addixerat? Agnosce animi stylique tui duplicitatem, querimoniarum leuitatem, Episcoporum innocentiam, quam tui magis iudicii claudicatio, perfidæque stoliditas quàm vlla defensio demonstrat. Nam de solis Smithæi & Danielis libris, de doctrina eorum, de erroribus, & hæresibus, sententiam tulerunt Antistites Illustrissimi, quorum iudicium, multò antequam fieret, eadem ista captiuncula remorari & frustrari conati sunt sodales tui, sedis Apostolicæ tribunali iam oblatos asserentes, non probantes. Qua tu fraude dum multo crassius vteris tanto post, tuam simul eorumque fallaciam prodis; ô tuus, tuorumque mastix, tua tuorumque calamitas!

Nam si de vestra cum Reuerendissimo Episcopo Chalcedonensi controuersia loquerere, quasi hanc causam *coram sede Apostolica pendentem*, Illustrissimi Galliarum Præsules ad se traxerint; supra modum ineptires, tuoque more nugateris. Nam neque hanc causam attigerunt Antistites, & si attigissent, sine eo quod tu simulacris crimine fecissent, cùm litem vobiscum non sit vnquam contestatus apud sedis Apostolicæ tribunal Episcopus Chalcedonensis, sed vestræ dumtaxat querelæ eò delatæ, vt pro Episcopo iam antè vobis responsum est. Querela verò ab altera partium ad summum Principem etiam per libellum delata, sine appellatione, priuato consilio, non perimit tribunalis inferioris iudicium, neque illud summo tribunali iniurium facit. Non enim iudex contumeliam regi infert dum causam cognoscit, de qua tamen querelas ad eum perlatas ab altera partium, fortè potentiore gratiosioræque, nouit. Suscipit nihilominus causam, iudicium instruit, perficitque, nec quotidiana huiusmodi consuetudine, Regum quisquam maiestatem suam minui opinatur.

Potuerunt ergo Illustrissimi Præsules sine tuæ criminationis metu, cum summo summi Pontificis honore, intacta, quam sedi Apostolicæ debent, reuerentia, vestram etiam cum Episcopo Chalcedonensi litigationem dirimere, clarissimamque Pontificii decretis auctoritatem, ab impudenti frustratione, planissimoque, & ante hoc tempus inaudito contemptu vestro tueri. Non fecerunt tamen, quò sua moderatio, consuetaque Ecclesiæ Gallicanæ in sedem Apostolicam observatio splendidiùs appareret, vt tradita sibi auctoritate non solum ex lege, sed etiam intra legem, non solum quantum possent, sed etiam minùs quàm possent, vti esse viderentur. Nam quod aliquot tuas in Episcopum Chalcedonensem propositiones notatut, quibus agnoscentes cum Catholicos tanti criminis reos facis, quati si Pseudo-prophetam susciperent, quanti Corinthios Pseudo-apostolorum fautores, ab Apostolo culpatos; humanitatemque ei vt proprio pastori impensam, nulla apud Deum mercede dignaris; obedientiam denique ei præstitam grauis peccati damnas, & discessionem à Petro schismatique obno-

In breui & necessaria declaratione, &c.  
pag. 48.  
L. 5. ff. ad Turpilianum, & l. 4. ff. de appell. recip.

xiam censes; in eo Illustrissimi Antistites non tam Episcopi Chalcedonen-  
 sis auctoritatem, quàm nimiam tuam temeritatem declararunt. Tu enim,  
 tu, inquam, cum tuis, de causa quam *coram sede Apostolica pendere* asseris, iu-  
 dicasti, Pontificis iudicio præcurrens, Episcopum Chalcedonensem iam  
 damnans, Pseudo-prophetam denuntians, omnes ei morigeros mercede  
 spoliens, grandi peccato, schismati subiiciens. Quo quid tandem auda-  
 cius, *pendente*, ut ais, apud Pontificem *lite*? Quid proteruius? Quid contu-  
 meliosius in eum, si deinceps sententiam secundum Episcopum Chalce-  
 donensem protulerit? Tuis igitur cassibus ipse irretiris, tuo dolo caperis, tua  
 simulatione teneris. ¶ Quid quod in ficta illa Catholicorum Angliæ decla-  
 ratione, Catholicos inducitis profitentes sibi persuasum esse, nullius auto-  
 ritate posse sibi imponi Episcopalem ordinariam potestatem, qualem Epi-  
 scopus Chalcedonensis tueretur? adeoque præiudicare auderis, & in popula-  
 ribus animis spargere, Pontificem nequidem id posse, de quo apud ipsum  
 contenditur? quod ille & certò potest, & verè iam fecit, & posthac porrò  
 facturum multis argumentis credendum est. Vos ergo in sanctam Sedem  
 procaces; à vobis *debita ei reverentia violatur*, cum *causam coram ea penden-*  
*tem* tanta confidentia vobis præsumitis, ut contra vos iudicium fieri ne-  
 quidem posse gloriemini, & inobedientiæ schismatisque fomitem iam in  
 Catholicorum mentibus præstruatis.

Pag. 4. &  
 3. editionis  
 Gallicana.

At Illustrissimi Episcopi tuæ solùm nequitie temeritatem notarunt,  
 quo Episcopum Chalcedonensem Pseudo-prophetis, subiectos ei fideles  
 Pseudo-prophetarum aecclis comparare sustinuiisti, grauis flagitii, tantum  
 non schismatis condemnasti. Ut enim vestra in eos causa esset quamopti-  
 ma, quæ pessima est & plena doli, fraudulentique contemptus, tamen fla-  
 gitiosum esset probrosumque Pontifici, Catholicum Episcopum ab eo de-  
 lectum & missum, laudatissimæque Ecclesiæ fidelium partem multo ma-  
 ximam & nobilissimam, tam atrocibus stigmatibus compungere, in causa ve-  
 minimùm probabili, tot tantorumque virorum sententiis probata, maxi-  
 mè *pendente*, ut aiunt, apud summum Pontificem *lite*. Hoc Illustrissimi  
 Episcopi grauitè notandum, & quauis censura dignum censuerunt, ipso  
 rei capite intacto, in eoque turbatum à te tumultuumque inter Catholicos  
 grauissimorum causam quæri, factionisque vestræ incendium, per Episco-  
 pi Catholici, & sedis Apostolicæ infamiam, per Catholicorum immeren-  
 tium contumelias, propagari viderunt. Postremò obiicis, ridiculè semper  
 & insulsè Illustrissimos Antistites, cum *libros suo Marte intelligere non possent*,  
 eorum inspectores & interpretes adhibuisse quos constabat regularibus librorum  
 autoribus infestos, nihil magis cupere quàm famam eorum denigrari. Hic validè  
 exclamas, *Miseram me, quæ supremi sapientissimique medici manibus per vim*  
*erepta, secunda committor medico qui per se mea vulnera nequit inspicere, medico*  
*oculis utenti alienis, &c.* Quæro exte, ridicule histrio, quibus oculis te su-  
 premus ille sapientissimusque medicus, cui per vim te ereptam lamentaris,  
 inspecturus fuit, vel inspicit? Suis, an alienis? Non suis, cum nec ille An-  
 glicè sciat, nec vllum habeat, quod constet, in Eminentissimorum Cardi-  
 naliū collegio Anglicanæ linguæ callentem. Quod si *alienis oculis* te sum-  
 mus Pontifex, te facere eius Senatus necessariò inspicere debet, quid nisi

Nid. n. 16.



fatuitatem tuam prodis, dum gemis & quiritaris, velut in apertissima iniquitate, librorum tuorum in Gallia iudices *tua vulnera per se inspicere nequissime, alienis oculis usos esse?* Quid hoc aliud valet, quàm vt innuas nec summum quidem Pontificem, nec Cardinales Eminentissimos idoneos esse tuarum hæresum inspectores, tibi nullos toto orbe accusatores, nullos esse iudices, tibi in Anglia impunitam solutamque rerum omnium licentiam contigisse?

Nec verò summum modò Pontificem, Eminentissimosque Cardinales imprudens carpis, sed maximam partem antiquorum patrum, Romanorumque Pontificum, quorum paucos constat alteriusquàm natiuæ linguæ fuisse peritos, & quæcumque tamen scripta ad fidem pertinentia, quascumque hæreses & errores, quacunque regione & lingua manarant, excussisse & damnaſſe. Nam postquam linguarum donum toti simul Ecclesiæ in Pentecoste infusum, ac deinceps in populis fidelibus frequens, propagatâ Ecclesiâ, & omnium gentium linguis per vniuersas orbis oras, non sine miraculo, sed aliusmodi miraculo, iam loquente, edauit, & necessarium esse desiit, vt rectè ab Augustino <sup>b</sup> animaduersum est; sancti quoque Patres linguarum variarum cognitioni minus sese dederunt, non requirentes in singulis, quod in vniuersæ Ecclesiæ membris diuiniùs possiderent, & altissimam illam Spiritus sancti in vniuersa Ecclesia prouidentiam subsequentes. Ergo in Latinis <sup>d</sup> Patribus, excepto Hieronymo, vix vllum exhibere possumus quem Hebraica nosse constet: præcipuos autem nec Græca nouisse compertum est. Nam Ambrosium <sup>e</sup> & Augustinum <sup>f</sup> Græca modicè sciuisse satis patet. Gregorius <sup>g</sup> ignorasse se disertè ait, vt de inferioribus sileam, etiamsi diu sedis Apostolicæ Apocrisarius sub Pelagio Papa Constantinopoli fuisset: & adeo ignotum passim fuisse Romæ sermonem Græcum Hieronymi ætate intelligimus, vt ibi libri Origenis, <sup>h</sup> nisi eo vertente, non satis percipi possent, & Damasus Papa qui Orientalium consultationibus quotidie responderet, neque id facere, neque Origenem legere, nisi illo interprete, <sup>i</sup> posset. In Africa quoque tam tenuem exiguanque eius linguæ notitiam fuisse patet, vt eundem Hieronymum Augustinus Ecclesiæ totius Africanæ nomini ad vertendos in Latinum Patres Græcos sit cohortatus. *Potes enim, inquit, efficere, vt nos quoque habeamus illos tales viros, & vnum potissimum, quem tu libentius in tuis literis sonas:* Gregorium scilicet Nazianzenum Imagistrum eius. Quin & Cœlestinum Pontificem constat ita eam nesciisse, vt scriptas à Nestorio ad se de hæresi grauissima epistolas, sine interprete, nec diiudicare, nec capere posset. Sic enim ad eum rescripsit: *Dudum <sup>m</sup> sumpsimus epistolas tuas, quibus in angusto nihil potuimus dare responsi. Erat enim in Latinum sermo vertendus. Quod cum tardè propter necessitatem faceremus, &c. nunc tandem literas tuas translatas considerauimus apertam blasphemiam continentes.* Romanorum denique Pontificum epistolas, Pontificiosque ad Concilia Oecumenica Legatos, Latino sermone vti consueuisse, qui per interpretem Patribus exponerent, idque in congressibus singulis, breuissimisque etiam interloquiis patet ex Synodis Ephesina <sup>n</sup> & Chalcedonensi, vbi clarissima exempla cernuntur.

Nam sicut Cœlestinum scribentem ad Synodum Ephesinam Græcè

At. 2.  
a August.  
in psal. 18.  
enarrat. 2.  
c in psal.  
130. & frag.  
16.  
b Idem ser.  
186. de rep.  
qui est 2. de  
Pentecost.  
c August.  
in psal. 147.  
d Vid. Aug.  
ep. 88. apud  
Hieron.  
e Vid. Amb.  
l. de Incar. c.  
9. & 10. & l.  
2. de pan. c.  
5.  
f Vid. Aug.  
l. 3. de Trin.  
in præm.  
g Greg. lib.  
9. ep. 62. ad  
Euseb.  
Thessal. l. 1.  
de eundem  
præfat. in l.  
Moral.  
h Pamma-  
chius ep. 64  
in ep. ep.  
H. r.  
i Ruffin.  
præfat. in l.  
de ap. p. r.  
apud Hier.  
epist. 63.  
k August.  
ep. 86. apud  
Hieron.  
l Hieron. de  
script. Eccl.  
in Greg.  
Naz.  
m Cœlestep.  
ad Nesto-  
riū. Concil.  
Ephes.  
pars. 1.  
n Vid. Concil.  
Eph. part.  
2. act. 2. sub  
initium. C.  
Chalc. act.  
4. in collo-  
cutione Sy-  
nodi cum  
Episcopis  
Ægyptiis.  
l. c. Act. 16.  
initio. Et  
iterum post  
Episc. sub-  
scriptions.



nesciisse ipsiusmet testimonio liquet, sic neque Leonem scribentem ad Chalcedonensem, ut ipse palam indicat, ad Iulianum Coënssem Legatum in ea Synodo Apostolicum, ita scribens: *Gestorum Synodaliū quæ omnibus diebus Concilij in Chalcedonensi ciuitate confecta sunt, parum clara, propter linguæ diuersitatem, apud nos habetur instructio. Et ideo fraternitati tuæ specialiter iniungo, ut in unum codicem uniuersa facias congregari, in Latinum sermonem absolutissima interpretatione translata, ut in nulla parte actionum dubitare possimus, neque ullo modo esse possit ambiguum, quod ad plenam intelligentiam te fuerit studente perductum.* Quo ex loco facile intelligitur quanta fuerit, non in D. Leone solum, sed in ipsa Romana ciuitate, Græci sermonis penuria. Quinetiam Osum Cordubensem in Nicæno Concilio cum propugnanti-  
a S. Leo. ep. 56. ad Iulianū Coen- sem Episc. Vid. eiusdē epist. 59. ad Martinianū Augustinū.  
b Gelasium Cyzic. aet. Nic. l. 2. c. 16.  
 tibus Arium Philosophis per interpretem disputasse, testatur Gelasius b Cy- zicenus. Quod de illo quidem etsi Legato per Orientem Pontificio, non magis mirum videri debet, quàm de D. Gregorio, qui licet diu Constanti- nopoli Sedis Apostolicæ Apocrisarius, tamen se Græcè nescisse profitetur, ut antè dictum est.

Patres porro Græci minimè omnium fuere curiosi linguarum, vnius suæ amantes, ut suauissimæ & locupletissimæ. Quantuli Hebræa degusta- runt? Ultra Origenem, & Iustinum ac Epiphanium, naturâ Hebræos, non habeo quem nominem. Nam Origenem, testatur Hieronymus, *Hebræam linguam, contra ætatis gentisque suæ naturam didicisse.* Quantuli Latina? præ- ter Athanasium, quem fortè exulem vrbs Roma Romanè loqui docuit, & Epiphanium, quem tamen idem c Hieronymus Latinam non nisi ex parte nosse ait, & Gregorium similiter f Thaumaturgum, paucos præterea dabis.  
c Vid. Iu- stinū Aduer- su Tryph. Hier. Apo- log. 2. in Ruffin. d Hier. de script. Ecc. in Orig. e Idē Apo- log. in Ruff. f Gregor. Thaum. in ora. paneg. ad Origen. Euseb. l. 6. hist. c. 22. g Chal. aet. 4. post. ep. Archima- driarum ad Syn. h Syno. Ep. part. 2. aet. 2. paulo post initium. i Sexta Syn. Cōst. aet. 10 non lōgi ab initio in cit. Ambro- ibid. in cit. Aug. x Gelasium Cyzic. aet. Nic. l. 2. c. 7 l Euseb. lib. 3. de vit. Co- stant. c. 12. Sozom. hist. l. 1. c. 18. m Concil. Chalced. aet. 6. sub init.

Nam & in Chalcedonensi, Barsumæ Siro Monacho Syriacè loquenti, proprio interprete g vtendum fuit, cum fidei suæ professionem exponeret, & in Ephesina, postulatam h est ab Episcopis post Latinè lectas Leonis li- teras, ut in Græcum verterentur, *Vniuersi reuerendissimi Episcopi petiuerunt, ut literæ Græcè reddantur, & recitentur; idque ut in omnium notitiam venirent: quia sanctorum, inquit, fratrum Episcoporum nostrorum non pauci sunt qui Latinè nesciunt;* Et in sexta Oecumenica, Latinorum Patrum loca, Ambro- siji, Augustini, & aliorum publicè exposita fuerunt Græcis verbis a Con- stantino Presbytero, defensore Ecclesiæ Constantinopolitanæ, & ut acta i ha- bent, *grammatico Latino.* In Nicæna denique Synodo, cum Constantinus Imperator breuem Latinam orationem in primo Synodi aditu habuisset, quam Gelasius Cyzicenus k multo longiorem refert, eam, teste Eusebio l & Sozomeno, alius postmodum Græcè interpretatus est, Constantino, quàm- uis non penitus Græcè, rudi tamen non vsque adeo perito, ut Græcè con- cionaretur. Quod fecit Martianus Imperator m in Synodo Chalcedonensi, orationem longiusculam quamprimùm Latinè habuit pro Romani Im- perij maiestate, mox Græcè, ut homo Græcus, exponens. Moris enim fuit ut Imperatorum allocutiones, imò & Romanorum Pontificum ipsis ab- sentibus, literæ primùm Latinè in Concilis, ac deinde Græcè efferrentur; ut alterum Romani Imperij Ecclesiæque dignitati cederet, alterum om- nium intelligentiæ necessariæ daretur. Quod de literis quidem Pontificiis

testantur in Synodo Ephesina Cœlestini Papæ Legati, his verbis: Veteri Conc. Ep. alt. 2. par. 2. consuetudini satisfactum est, ut Apostolica sedis literæ Latine in primis legantur. Nunc verò itidem, quoniam beatusudo vestra affligitur, ut Græcæ etiam legantur, necessarium est, ut sanctitatis vestra desiderio satisfiat: Id quod faciendum curavimus, ut Romana oratio in Græcam converteretur. Nec pluribus opus est ut ista Græcorum hominum ac Patrum Latine linguæ inscientia pateat. Nam & Augustinus cum scriberet ad Ioannem Hierosolymitanum Episcopum de hæresi Pelagiana, *Quid pluribus agam, inquit, apud sanctitatem vestram, quandoquidem me onerosum sentio? Maxime quia per interpretem audis literas meas.* Et cuius veterum monumentorum studio facile plura succurrent; cum constet neque ipsos literarum humanarum & scientiæ sæcularis apud ipsos indagatores, exterarum linguarum, ac nominatim Latine studiosos fuisse, ut præter alios innumeros, de Plutarcho liquet, ipso teste, quem magis mirum sit Romanarum rerum tantam tamque multiplicem notitiam, sine accuratiori Romanarum literarum cognitione percipere potuisse; ac de Philosophis illis, ex Græciæ haud dubiè flore collectis, quos per interpretem cum Osio in Synodo Nicæna conflixisse, suprâ ex Gelasio vidimus. Quod si Græci homines istam linguarum incuriam, præcipuè Latine, susceperunt sub Romani Imperii iugo, cum Latinorum hominum dominatu omnia tenerentur, quid de aliis temporibus censeas?

Næque huiusmodi peritiam tanti momenti putarunt ad scripturæ intellectum Sanctissimi viri, totius Ecclesiæ sæculorumque posteriorum doctores, & scripturarum tutissimi interpretes, quanti nunc quidam putant, etsi utilem commodamque censuerunt, si cetera maiora non desint. Sicut S. Thomas Aristotelis sensus, interpretis obscurissimi operâ melius nativo ingenii ac iudicii lumine perscrutatus est, quàm Philosophorum vulgus multâ Græci textus indagine; Ita illi scripturæ altitudinem diuinæque mētis profunditatem quæsito per assiduam Ecclesiasticæ fidei, Scripturarum ipsarum, sanctæ vitæ, orationis consuetudinem Spiritus sancti lumine ac ductu, certius percipi posse putarunt, quàm quacumque linguarum humanarumque literarum ope. Quare in illis se totos collocarunt, in his minùs laborarunt; contrâ, quàm non pauci hodie maiora illa certioraque languidiùs appetunt, aut missa faciunt, in his minoribus ac leuioribus studiosè conteruntur. *Sicut enim nemo hominum scit quæ sunt hominis, nisi spiritus hominis qui in ipso est; ita & quæ Dei sunt neminem nosse nisi spiritum Dei,* censuerunt SS. Patres; ac proinde in illo per institutas ab ipso met vias conquirendo præcipuum studium operamque posuerunt; & quod de infusis linguarum, & Prophetiæ gratiis docet apostolus, hoc ipsi de acquisitis linguarum ac Prophetiæ, seu mysteriorum intelligentiæ donis iudicarunt, *Volo omnes vos loqui linguis, magis autem prophetare. Nam maior est qui prophetat, quàm qui loquitur linguis.*

Quid ergo dicet Iesuita? Ineptos habebit, an iniquos, Latinos Patres qui de erroribus erroneisque libris Græcorum iudicium egerint; Græcos qui de Latinis? Nempe quia damnandos errores non suis, sed alienis oculis sæpè inspicere cogerentur, interpretumque fidem experiri? Accusabit gregorium Magnum, tot hæresim contentionumque in Græcia orta-

Aug. ep. 252. ad Ioannem Hierosolymitanum.

Vide Plutarchum in Cicer. ac Demost.

Gelas. Cy. sic. suprâ l. 2. c. 16.

Vide Aug. de doctr. Christi l. 2. c. 11.

1. Cor. 2.

1. Cor. 14.

Vide S. Gr. l. 14. Mor. c. 29. & alibi passim.

*Idem l. 8. ep. 42. ad Enlogium Patriar. cha Alex.* rum censorem, quod eas suo Marte non intelligeret, tamque *granem diffi-* cultatem interpretum Romae pateretur, ut dum non essent qui sensum de sensu ex-  
primerent, sed transferre semper verborum proprietatem vellent, omnem dictorum  
sensum confunderent. Vnde agitur, inquit, ut ea quae translata fuerint nisi cum  
gravi labore intelligere nullo modo valeamus?

Accusabit Cœlestinum Nestorii scripta non suis, sed interpretum ocu-  
lis intuentem? Accusabit Damasum Orientalium Ecclesiarum consultis,  
non suo, sed alieno Marte respondentem? Accusabit Osum, Arii dogma-  
ta conterentem, cuius linguam non nouisset? Accusabit tot Sedis Aposto-  
licæ Legatos, interpretum ope in Synodis vniuersalibus decernentes, &  
proloquentes? Tot Synodos Occumenicas, tot Græcos, Latinosque Pa-  
tres ea passim tum damnantes, tum probantes quæ per se capere non pos-  
sent? Inquisitionem denique Hispanicam accusare audebit, à qua libri di-  
uersissimis linguis conscripti, Italici, Gallici, Germanici, Belgici, Anglici,  
magno numero damnati sunt, ut ex eorum Indice patet, quamuis Hispani  
homines in percipienda vi tot exterorum idiomatum facilè hallucinari  
possent? Non audebit, opinor, tantum contumeliæ imponere Hispanicæ  
genti cui studiosè adulatur, quam fallaciter palpat, cuius pietati, fideique  
zelo, post Christum quidem Christique supremum in terris vicarium, salutem suam  
unicè debere Ecclesiam Anglicanam scribit.

Itaque corruunt funditus, & Illustrissimorum Præsulum, & ipsorum in-  
terpretum vanissimæ accusationculæ. Nam interpretes quidem illis haud  
paulo meliores fuerunt, quorum subsidio sanctus Gregorius Orientalium  
libros pios ab impiis, Orthodoxos ab hæreticis satis internoscebat, ut Apo-  
stolica de iis decreta ederet. Breuiter de interpretibus nostris dicere possu-  
mus hoc loco, plura infra dicturi, quoniam hoc crimen multis modis ut  
versares & reuolueres, fecit inexplibilis cuiusdam in illos odii & vindictæ  
immensitas, eos Illustrissimorum Antistitum cura, prudentia, industria ita  
exploratos, & variè probatos fuisse, ut si in Iesuitas multo essent infensiores  
quàm tu prædicas, qui neminem tibi aduersantem agnoscere amicum po-  
tes, iis tamen imponere, & falso libros crimine aspergere nequiuissent.

Prætereo consultò non pauca ridicula, nugatoria, apertè falsa, quæ vel  
singulatim confodere tæderet, vel ex dictis collabuntur, ut ad singularem  
Querimonix stupiditatem impudentiamque accedamus. Nam in ipsum  
Illustrissimorum Episcoporum epistolæ corpus tandem irruens, mirum  
edis pugnx genus, inauditum, insolens, & ipsam penè oculorum fidem su-  
perans. Hyperbolarum enim acri quodam spectro fanaticorum aut hy-  
pocondriorum instar percussus, quicquid vides, hyperbolen clamas, nil  
nisi hyperbolam loqui potes, hyperbolam toto animo concipis, totus hy-  
perbola, bulla, fumus, & Iesuitici turbinis spuma. *Incredibile*, inquis, *vide-*  
*bitur quod dictura sum.* Tamen illud clarissimè demonstrabo, Censuram perpetuam  
hyperbolen esse, nullam sententiam in ea reperiri quæ sit rigide exacteque vera,  
nullam quæ non sit clarè aperteque falsa, nisi beneficio hyperboles excusetur. In-  
credibiliter reuera deliras, nec facilè quisquam in Iesuitam tam iniquo  
animo fuisset, ut audaciam heberudinemque in eam tam hyperbolicam,  
tam inuisam, tam hyperexoticam suspicaretur, quantam tu verbo simul  
factoque



factoque exhibes, audaci temeritate omnia superuolās, supina hebetudine infra omnia iacens, ut nulli similior, quā boui volanti videare. Nam cū tibi venisset in mentem pulchrum fore atque plausibile ad defensionem errorum, & epistolæ Episcopalis deiectionem, si viginti in ea hyperbolæ deprehensæ dicerentur, ipsaque epistola *perpetua hyperbole*, nec ullius sententiæ rigidæ exactæque veræ, nisi beneficio Hyperbolæ particeps fingeretur, adeo ista cogitatione captus es, adeo phantasticæ imaginis aspectu exultasti, ut ab ea diuelli non posses, in eaque defensionis tuæ arcem homo amens defigeres. Neque quicquam de veritate laborasti, de gravitate, de sanctorum hominum iudiciis, insque deque habens omnia, dum imperitiæ multitudinis, factionumque vestrorum animos ridiculo commento passeris. Nam quid stolidius & væcordius, doctorumque omnium exploratione dignius, quā ut partes Epistolæ, quæ tibi scilicet veræ non videntur, ideo dicantur hyperbolæ, quia veræ non sint? Hoc enim tu pacto hyperbolas tuas probas, ut postmodum singulatim ostendetur. Quæ solertia si placeat, iam quicumque in alios scribunt, quicumque arguunt ac reprehendunt, meras hyperbolas obicere possunt, alique ipsis inuicem, nos tibi, ut tu Episcopis, totoque deinceps orbe de solis hyperbolis dimicabitur. Tu nisi depudisses, nisi frontem cerebrumque perdidisses, ausus esses in hominum aspectum, in Ecclesiæ totius lucem, in perpetuum societatis tuæ probum, tam indignam solemnem Episcoporum decreti sugillationem, tam delirum ludibrium efferre? Ausus esses tantum leuitatis obtusæque garrulitatis Ecclesiæ Anglicanæ inscribere? gementi Ecclesiæ, à persecutione vix respiranti (talem enim adumbras) nobilitatis Nobiliumque præcipuorum Ecclesiæ? Tu si gregariæ ipsius Rhetoricæ tuæ, aut poëticæ, aut omnino iudicii leges nosse, hæc flagitia puerili digna flagello ederes? Te vnum decuit vilissima prosopopœa, scholarem leuitam, vanissimi cordis homuncionem, nullo iudicio tinctum, remo magis quā stilo natum, regularem irregularem, affectuum mancipium, quos quoquò ferunt, quoquò præcipitant, quasi ignem fatuum sequeris simul & trahis.

Nam si animi tui motus Theologicæ cognitionis tenuis scintilla regeret, facile intelligeres, etiam si in Illustrissimorum Antistitum Epistola nonnulla in speciem hyperbolica inessent, ea nec à te carpi, nec in inuidiam vocati posse, nisi eadem opera SS. Patres, Apostolos, atque omnes prope modum Ecclesiæ iudices, antiquasque eorum Censuras labefactum ire velis, Apostoli enim & SS. Patres sicut benignè admodum & humaniter accipere consueverunt, & charitatis igne mollire ea quæ duriusculè aut dubiè à minimè malis hominibus dicta essent; sic quæcumque manifestè falsa, & diuinæ veritati aduersa, & impia & hæretica videbant, ea non lento affectu, aut inerti gravitate, aut Stoicæ ἀπαθία, aut languidis sensibus, amoreque ac odio vacuis, quasi res ἀσχεπές intuebantur, sed induti zelo Dei, ut Dei zelotes ministratores, Christum, Ecclesiam, veritatem *emulatio* 2. Cor. 11. ut Dei *emulantes*, pastorem pro ea charitatem, & ignitum eloquium spirantes, errorum ac hæresum stipulas diuino feruore inflammabant, illud Apostoli cogitantes, *sine mente excedimus Deo, siue sobrii sumus*, vobis 2. Cor. 6.



charitas enim Christi urget nos. Verborum quippe illo æstu, & quasi intemperantia charitatis, & ut cum Cypriano loquar, quodam calore gloria, ceterorum animos ad prauitatum huiusmodi odium & auersationem incendere conabantur. Hinc epistolę Pauli ab aduersariis graues & fortes vocatę. Hinc tot eius acerrimę in hæreses & hæreticos incursionēs, seu cūm coinquinatis & infidelibus nihil mundum esse dicit, sed inquinatas eorum & conscientiam & mentem; seu cūm eos filium Dei concūscare, & sanguinem testamenti pollutum ducere, in quo sanctificati sunt, & spiritui gratia contumeliam facere, & Christum iterum crucifigere, & ostentui habere asserit; alia quę innumera his paria, aut maiora quę in eius passim epistolis, & in aliis scripturis scatent. Illustris in primis illa S. Iudę in hæreticos sui æui Censura, Carnem quidem maculant, dominationem autem spernunt, maiestatem autem blasphemant. Et iterum: Quęcumque ignorant, blasphemant; quęcumque autem naturaliter, tamquam muta animalia norunt, in his corrumpuntur, &c. Hi sunt in conuiujs suis macule, conuiuantēs sine timore, semetipsos pascentes, nubes sine aqua, quę à ventis circumferuntur, arbores autumnales, infructuosę, bis mortuę, eradicatę, fluctus feri maris, despumantes suas confusiones, sidera errantia, &c. Quid simile, quid adeo æstuosum, atque in speciem redundans & hyperbolicum in tanta Illustrissimorum Antistitum epistola reperias? Istum in errores & erroneos omnes diuinę flammę impetum, & Apostolici vigoris ardorem passim æmulantur sancti Patres. Innocentius I. Pontifex de Pelagij libro ad se misso rescribens ad Africę Episcopos, In eo libro, inquit, multa blasphemia, nihil quod placeret, nihil quod non penitus displiceret, à quouis damnandum atque calcandum, cuius similia, nisi qui ista scripserat, nemo alter in mentem reciperet atque sentiret. Et alibi Pelagianam hæresim damnans: Quid tam iniquum, inquit, esse potest, tam barbarum, tam totius religionis ignarum, tam Christianis mentibus inimicum? Siricius item Papa, Ioviniani dogma in hunc modum notauit: c Multarum hæresum malignitatem ab Apostolis nunc usque didicimus, & experti probauimus; sed numquam tales canes Ecclesię mysterium latratibus fatigarunt, quales nunc subito hostes fidei erumpentes, doctriną perfidię pollutą, cuius sint discipuli, verborum fructibus prodiderunt. Quam hæresim Concilij etiam Mediolanensis Patres, quibus Ambrosius interfuit, supparem nouorum Iudeorum amentiam d vocauerunt. Notanda verò in primis Alexandri Alexandrię Episcopi in Arii sectam publica ad omnes Episcopos Censura; Tamen si complures, inquit, hæreses ante illorum ætatem exorta essent, quę quidem extra modum audacia enagatę, ad extremam dementiam sunt tandem prolapsę: isti tamen, ut pote ad Antichristum propius accedentes, illas hæreses præ suorum errorum impietate iustas esse quodammodo declarant. Athanasius verò miratur: Quomodo ad istam hæresim non elinguis præ stupore efficiatur omnis humana natura, & aures claudat, & oculos obstruat, ut nec ista audiat, nec ea scribentem aspicere possit. Quanta portò Cyrilli vis in Nestorianos, de quibus ita scribit: g Blasphemus ac maledicus quaternio, quem miserunt, tantum in se continet peruersitatis, ut ipsum quoque lectorem lue inficiat. Et in ipsum Nestorium, quem h Satanam, pessimam infranemque bestiam, quę ab impietatis studio numquam desisteret, quę in præsentia omnia misceret, contraque Dei Ecclesię magna vi insanires, appellare non metuit ad Cœlestinum scribens, etiam

Cyp. ep. 10.  
ad Clerum  
sum.

2. Cor. 10.

Tit. 1.

Heb. 10.

Heb. 6.

Iud. v. 8.

Ibid. v. 10.

a Innoc. ep.

33. quę est

apud Ang.

ep. 96.

bl. ad ep. 31.

ad Syn. Car-

thag. quę est

apud Ang.

ep. 91.

c Siricius

ep. 2. ad Iovin.

ad Eccl. Mediol.

d Apud

Ambros. l. 10.

ep. 82. vel

lib. 1. ep. 7.

e Alex. ant.

Alexandri

nus ep. en-

cyclica ad

omnes Episcopos,

10. 1.

C. & apud

Gelas. Cy-

zic. Afl.

Nicen. l.

2. cap. 3.

f Athanas.

orat. 2. con-

tr. Arian.

g Cyrillus

ep. ad Cleri-

cos. Const.

Cœcil. Epi-

part. 1.

h Idem ep.

ad Cœlest.

priusquam damnatus esset. In eius verò damnatione, Philippus Apostolica sedis Legatus, cum <sup>a</sup> schismatis & hæresis, omnisque blasphemiae & impietatis autorem; Vniuersa Synodus <sup>b</sup> nouum iudam pronuntiavit. Concilium verò V. Aurelianense ita eum tanto post execratur, ut etiam <sup>c</sup> venificum impium appelleret. In Concilio quoque Chalcedonensi, Ibas Episcopus Edessenus sententiam in Eutychen & Nestorium dicens eos decies milles anathematizat: <sup>d</sup> Et iam in scripto anathematizavi Nestorium eiusque dogma, inquit, & nunc anathematizo eum decies millies; <sup>e</sup> *ἀναθηναιζω αὐτόν μύριας*. Et Clerus Edessenus errores & hæreses Episcopo suo Ibas per calumniam impositos detestatur, quia transcendunt, inquit, <sup>f</sup> & illorum qui sine Deo sunt, & infidelium, & hæreticorum, & Iudeorum, & Paganorum auditum. Marcianus verò Imperator literas quasdam Theodosii ex Eutychiana factione Monachi, quem non solum <sup>g</sup> præcursorem Antichristi, & imitatore Simonis erroris, sed & totum Antichristum induisse asserit, improbat in hunc modum, Quasdam excogitavit & composuit literas, quas solus poterat fingere diabolus. Eundem Valentinus Episcopus Philippopolis scribit <sup>h</sup>, totius malitiae culmen excessisse, & inhumanitatis crudelitatem transcendisse, ut omittam quæ in sequacem eius populum eodem zelo intorquet, aliaque in eundem à variis Synodis <sup>i</sup> & Episcopis acerrimè pronuntiata. Sexta etiam vniuersalis Synodus Constantinopolitana dum singulas superiorum temporum hæreses magno verborum impetu proterit, <sup>j</sup> Eutychetis insania alteram delirante fabulam, Leonis Pontificis tubam, tamquam Leonis rugitum viriliter vociferantem ex Roma, Archimandritam bestiam perterruisse ait, & à monachico grege proiecisse, eiusque phantasiam atque putationem reprobasse, ac euanescere fecisse. Septima denique Synodus, Nicæna secunda, præter innumeras illiusmodi fulgurantes quodammodo voces, Iconomachorum hæresim <sup>k</sup> ita detestatur: *Hæresis hæc peior omnibus hæresibus, & malarum pessima est; veluti quæ dispensationem saluatoris subuertit. Quin & hæreses Arii, Nestorii, Eutychetis, & Dioscori eis imputat, l & inultrato verborum ardore Pseudo-synodum Constantinopoli aduersus imagines collectam latè insequitur. Ac ne in immensum excurramus, argumentoque in rem clarissimam superuacaneo labore conquiramus, satis sit hoc loco retulisse Synodum V. Generalem Constantinopolitanam ea de scriptis & doctrina Theodori Mopsuesteni prædicantem, quæ nullis auxiliis transcendatur. Nam postquam lectæ sunt, inquit, blasphemia Theodori Mopsuesteni, & impium eius symbolum, sancta Synodus exclamavit: Hoc symbolum Satanæ composuit. Anathema ei qui hoc symbolum composuit, &c. Anathema Theodoro Mopsuesteno. Iste Evangelia reprobauit, iste dispensationem iniuriavit. Anathema illis qui non anathematizant eum. Defensores eius Iudei sunt: sequaces eius Pagani sunt, &c. Et alibi: Cyrillus coactus est libros conscribere aduersus Theodorum, & aduersus eius blasphemias, & post mortem eiusdem Theodori, <sup>m</sup> hæreticum & impium, & super Paganos, & super Iudeos blasphemum eum ostendere his verbis: Expauit cælum propter hoc, & contremuit amplius vebementer, dicit Dominus. O intolerabilem malignitatem! ô linguam loquentem iniquitatem contra Deum, & mentem cornu in altitudinem extollentem, &c. Iustificata est Sodoma ex re. Superasti Paganorum verbositates, quas contra Christum fecerunt,*

<sup>a</sup> Eiusdem Conc. par. 2. att. 3.  
<sup>b</sup> Ibid. par. 2. att. 1.  
<sup>c</sup> Conc. Aurel. 5. c. 1.  
<sup>d</sup> Conc. Chalced. att. 10.  
<sup>e</sup> In eodem Concil. att. eadem, in deprecatione Cleri Edesseni.  
<sup>f</sup> In eodem Conc. par. 3. in litteris Marciani ad Synodum Palaestina.  
<sup>g</sup> Ibid. in ep. ad Leon. Imp.  
<sup>h</sup> Vid. ib. ep. Synodi Myrensis ad eundem Leonem, &c.  
<sup>i</sup> Sexta Syn. att. 18. in sermone prosphonico ad Constantin. Imp. & ib. in editto Imp. insignis est execratio in Monothelitas.  
<sup>k</sup> Septima Syn. att. 1. l. 1. in pref. Basilij Epi. Ancyrae.  
<sup>l</sup> Ibid. sententiam Tarasij de eadem Synodo, &c.  
<sup>m</sup> Vide Syn. collat. 4. Ibid. collat. 5.

*Ibid.* Et infra, *Fugiamus turbulentos & canos fallacia riuos, &c. nouam istam & vanam blasphemiam, quæ Iudeorum plurimum vincit blasphemiam.* Denique ne quid addi aut fingi ultra possit, *Fuit aliquis pestifer homo, magis autem fera, hominis habens formam diabolicam, mentito nomine Theodorus, qui schema & nomen Episcopi habuit, in angulo & ignobili loco orbis terrarum latitans, &c. verè quidem & principaliter à Paulo Samosateno descendens, licet Photino, & ceteris hæresiarchis, in libro de Incarnatione, in toto suo proposito ipsis verbis inueniatur usus, & si quid petus.* Quid plura addere necesse est? Sic D. Bernardus Abailardum Monachum, quem non disputantem, sed dementantem, *Ethnicum* denique appellat, innumera Catholicis mentibus insueta in scriptis suis sparsisse, cuncta in peruersum, cuncta præter solitum, & præterquam accepimus ministrasse scribit ad Episcopos & Cardinales Romanos, & ad ipsum Innocentium Pontificem. Ipso auditu horreo, inquit, & ipsum horrorem sufficere puto ad refellendum. Quid his verbis intolerabilius iudicem, blasphemiam, an arrogantiam? Quid dampnabilius, temeritatem, an impietatem? Annon iustius os loquens talia fustibus tunderetur, quàm rationibus refelleretur? Aliaque plurima in hunc modum. Plena sunt sanctorum Patrum & Conciliorum cuiusque modi volumina hoc genere sermonis ac vehementiæ in errores ac hæreses, eorumque propugnatores, quæ omnia exscribere longum & putidum esset. Vnam omittere non possum Tertulliani in Marcionem, & eius scripta censuram; Nihil tam barbarum ac triste apud Pontum, quàm quod illic Marcion natus est, Scythia tetrior, Flamaxobio instabilior, Massageta inhumanior, Amazonia audacior, nubilo obscurior, hyeme frigidior, gelu fragilior, Istro fallacior, Caucaaso abruptior, &c. ut quodammodo dicere liceat, hunc esse familiarem Ecclesiæ; ac sanctorum Patrum in deprehensas hæreses earumque assertores stylum, ut nihil in eos ex communi more, nihil tenuiter, nihil moderatè dicant, sed ex diffuente quodam amore & æmulatione veritatis, quæ Deus est, cuius ipsi præsides ac vindices constituti sunt, ardentius ac feruiddè inuehantur. Sentiunt enim vniuersi semperque senserunt id quod ab Augustino expressum est, *Numquam errari tutius, quàm cum in amore nimio veritatis, & reiectione nimia falsitatis erratur.* Qui enim seuerè reprehendunt, hoc nimium dicunt esse. Ipsa autem veritas fortasse adhuc dicat, *nondum est satis.* Vide ergo nunc saltem, querulose Iesuita, quid susceperis, quas moueris moles, dum Illustrissimis Episcopis orationem in notandis tuis hæresibus vehementiorem, & hyperbolicam redundantiam obiecisti. Nempe temeritate maxima, totius Ecclesiæ moris ignarus, Patrum experts, Conciliorum hospes, ea criminari aggressus es, quæ nisi reuulsa omni antiquitate, deiicere non poteris. Quæ inciticia, quæ leuitas, quæ infelicitas, id vitio dare Episcopis, in eoque accusationis seu querimoniæ, quasi caput, & præcipuam rudioribus capiendis machinam constituere, quo vniuersa SS. Patrum, & omnium penè Ecclesiæ in errores ac hæreses iudiciorum autoritas collabatur? Nam si quod arguis tibi concedamus, si Illustrissimos Antistites ardore fidei, & suavis iracundiæ, ut Vigilus Papa loquitur, commotione succensos, hæreses tuas pleniori ore & auctiore zelo repudiassè fateamur, quid aliud assequeris, nisi ut antecessorum suorum Ecclesiæ Catholicæ procerum

*Vigil. Pap. ep. 4. ad Justinian. Imp.*



visitationem & solemniorem in simili causa consuetudinem tenuisse videantur? Desine iis crimina ex imperitia tua contexere, quorum iudicio omnem honorem atque obseruantiam debueras, nisi apud vos & diuinus Ecclesiae ordo, & Episcoporum Ecclesiae Patrum Doctorumque reuerentia, & Christiana humilitas, & pudor euauisset. Desine eos Antistites, quibus in haeresibus auersandis recte fidei calidus zelus accenditur, hyperbolarum tubicines, rigidae exactaeque veritatis expertes fingere, rudium sodalium tuorum ludibriis subiicere, ne omnes propemodum Patres in ludiones, Ecclesiae censuras in fabulas mutes, & Ecclesiae, quam Deus columnam & firmamentum veritatis posuit, solidam sinceramque veritatem extinguas.

*Proclus  
Episcopus  
Constant.  
ep. ad Ioan.  
Antioch.  
cont.  
Theod.  
Adops. in 5.  
Syn. Coll. 5.*

Iam quae tibi dementia fuit, scriptori, ut ais, epistolae ea peccata imponere, quae in Episcoporum contumeliam redundare diceret? Sentisne quid dicas? Audisne te confitentem contumeliam accusatione tua tot Episcoporum conuentui irrogari? O fluxum vndique, & quibusvis aduersarii plagis peruium, blateronem! tam effuse, tam obuiè, crasseque peccantem, ut praeter vno mentis vitio non peccare videatur.

Sed nimirum Epistolae ornatus & eloquentia offendit hominem. Non Rhetorica, inquit, sed veritatis, non figurarum, sed scripturarum habenda ratio erat. Quanto zquius diceret, non Rhetoricae, sed Poeticae, non figurarum, sed fabularum, satyrarum, ineptiarum, ut tuo exemplo formula congrueret, perfectumque omni numero opus, ad tui saltem iudicii normam, Querimonia videretur. Nam Illustrissimorum quidem Antistitum epistola eo genere orationis scripta est, quod quemuis non reum, non conscium tuarum haereseos, facile tum ad probationem, tum ad venerationem eliciat, Ita non solum scripturarum vndique spirat sensus, sed sanctorum Patrum faciem refert, adeo germanam quidem & proximam, ut qui eloquentiam eius fastidiat, hunc in eorum scriptis insolentissime nauseare necesse sit. Quomodo enim Patrum sermonem, non sanum modò & castum, sed virili dignitate, augustaque maiestate splendidum ferre possit? Erras, longèque falleris, puerilis scholae dominator, si nullam eloquentiam putas, nisi declamatorium inanium, concionum popularium, litium, fori, iudiciorum. Est grauior quaedam, sanctior, diuinior, quae diuini verbi sinceritatem, quae virginicam Ecclesiae castitatem decet, quam laudant sancti Patres, coluerunt, commendauerunt, vti sunt; qua gratiam miraculorum apostolis datam, posteris minus concessam, supplendam esse Chrysostomus docet; quam non tantum Ecclesiasticus sermo, sed & ipsae Ecclesiae ad Deum preces vndique resonant; quam tu si sciret, nunquam Episcopis, qui duces, Doctores, ipsa Ecclesiae sunt, eriperes, nec alium ab iis, quam antiquissimum, probatissimum, perpetuum Ecclesiae stylum exigeres. Nam redundantem eloquentiam, Epistolae duorum librorum, rerumque tot ac tantarum iudicium paucis verbis absoluenti, nihil nisi capitale, necessarium, castigatissimum, summa tum breuitate, tum grauitate complectenti, tribuere, quae tandem ratio est? Non enim quid ratio velit, quid mens patiat, quid iudicium postulet, laborare soles, dum genio indulgeas, & intemperantissimae libidini obsequare. Malè mauis dicere, quam dicere nihil; praesentisque lasciuiae dulcedine, futurae reprehensionis opprobrium solari.

*Vid. Aug.  
l. 4. de doll.  
Chr. c. 23.  
4. 5. &c.  
Hier. A.  
pol. 2. corr.  
Raffin. ep.  
15. ad Paul.  
lin. ep. 32.  
ad Theoph.  
&c. Chrys.  
l. 4. de sacer.  
d. c. 5. 6.  
7. &c.  
Chrys. sup.  
l. 4. de sacer.  
d. c. 6.*



Quid quod etiam scripturas ab Episcopis requiris, qui illis permultas, ut in breui epistola, tum sensu, tum litera, proferentibus, paucissimas in eos in tanto longiore Querimonia, penéque nullas exhibes; sed eorum loco Iuvenalem, Persium, Horatium, Ovidium frequentas, quasi impietatis Antistites, Ecclesiæ Catholicæ Episcopis opponere decreuisses. Eorum spurcitiæ velut aurum legis, phrasæ cæptas, imitatis sensus, solaque eorum satyrica acerbitate insulsiatatem tuam condis. Sic etsi eloquens esse labores, non es eloquens, sed ineptus, & hoc ineptior quotalibus ineptiis sacram Illustrissimorum Episcoporum eloquentiam vellicas, quasi furunculus quispiam legitimas locupletum diuitias insectetur.

Recenseamus tamen breuiter tuam eloquentiæ istius, quam ferre non potes, sicut Solem lippi, sicut fulgentem gladium rei, reprehensionem & anatomen, illas hyperbolas mirabiles, illam artem inauditam, qua quicquid minus arridet, in hyperbolen transfiguras.

Primam facis, quod Illustrissimi Antistites dicant, *Quotquot in hoc orbis theatro versabamur Episcopi, velut ad sedandum incendium concurrimus.* Hyperbolen verò arguis, quod tres Episcopi, Siluaneæensis, Rothomagensis, & Cardinalis de la Rochefoucault, Censuræ non adfuerint. In ipso te limine teneo, hyperbolice nugator. Etsi enim tibi quod obiicis concessero, hanc tu tamen hyperbolen sine ridicula inscitia vocare non poteris. Falsitas erit, non hyperbole. Quæ si tu confundere paras, frustra puerilibus scholis imperare gaudent sodales tui, qui te in hoc genere nil sapere docuerunt. An si ego te magni criminis postulauero, tu hyperbolen à me factam dices? Non eris, opinor, tam incautus. Hyperbole enim veritas est latiùs expansa, non autem corrupta, vel extincta, ut cum Sol in nube latior apparet, superlatio & extensio veritatis, non ad fallendum, sed ad subiiciendum animis id quod vsitata moderataque locutione non plenè caperetur; sicut perspicilla Hollandica res latiores exhibent, ut non tales credantur, sed ut quales reuera sunt, à mente intelligantur. Hoc modo etiam sancti Patres, & Scripturæ sacræ non rarò hyperbolis usæ sunt, quæ tamen nec falsum vnquam, nec mendacium docuere. Dicere ergo omnes Episcopos conuenisse, si non omnes conuenerint, non veritas villa est, sed falsitas, & mendacium, & fallacia; non hyperbole, quæ supra veritatem est, non contra eam. Vide ergo quàm pueriliter auspicere, ut stultam hyperbolarum tuarum summam quoquomodo conficias. Nam tua primùm ista ratio, ut quicquid veritatem vitioso excessu falsoque transcendit, hyperbole habeatur, quàm maxima erit hyperbole, id est, exaggeratissima & audacissima falsitas, fallaciaque corruptrix, non explanatrix veritatis, quales germanæ hyperbolæ sunt; & hyperbolæ quas fingis, non nisi ab ineptissima tua hyperbole orientur. Hoc vniuersè notandum in hoc initio, quia latè patet, & ad plerasque tuas hyperbolas hoc eodem vitio nixas deinceps referendum est, ne eadem iterare cogamur in tædiofo negotio, ridiculo, puerili.

Cæterùm ut omiſſa cogitationum tuarum notissima stoliditate, Illustrissimorum Antistitum epistolæ fidem tueamur, etiamsi tres illi, quos ais, Episcopi cum aliis non conuenissent, non tamen ideo falsò scriptum erit omnes Lutetiæ commorantes Episcopos conuenisse, nisi si quis abiecto

*Vid. Aug. lib. cont. mendacium ad Confessionem, c. 10.*

*Genes. 13. Marc. 19. etc. Aug. l. 16. de ciuit. c. 21.*

pudore debitaque tot Episcoporum confessui obseruantia, voces eorum  
 cauillari voluerit. Vera esset locutio, non solum per Rhetores, qui istam,  
 opinor, Synecdochen vocant, non vt tu hyperbolen, cum pars pro toto,  
 totum pro parte ponitur; sed etiam per Logicos, morosiores licet iudices,  
 qui hanc *distributionem*, ni fallor, *commodam*, appellare solent, vt cum pecu-  
 nia omnia obedire dicimus, cui tamen aliqua non parent. Imò Theologis  
 Deum ipsum in scripturis hoc genere sermonis crebrò vsum constat, ne  
 meticulosus ac rudis quispiam falsum in eo cogitet. Sic Apostolus Timo-  
 theum laudans, *Neminem*, inquit, *habeo tam unanimem, qui sincera affectione* Philipp. 2.  
*pro vobis sollicitus sit. Omnes enim quae sua sunt querunt, non quae Iesu Christi.*  
 Non quod solus Timotheus sua non quæreretur, sed quia prae-ter illum admo-  
 dum pauci, ac penè nulli. Nam Epaphroditum magnis eodem capite cu-  
 mulat laudibus, *cooperatorem suum*; alibi Tychicum, Lucam quoque &  
 Titum, & aliquot pauculos. Sic sua iam ætate dicit omnes homines Euan-  
 gelium audisse, impletumque illud Psalmi, *In omnem terram exiuit sonus eo-*  
*rum, & in fines orbis terra verba eorum.* Et alibi clariùs, *Euangelium predicatum*  
*esse in vniuersa creatura quae sub caelo est.* Quia iam maxima pars orbis audierat,  
 paucaque & ignotiores, aliarum comparatione, supererant quae non au-  
 dissent. Nam non omnes penitus singularesque orbis oras Euangelium iam  
 tum audisse, Ecclesiastica historia satis testatur; multò minus singulos  
 homines & creaturas. Ib. v. 25.  
Ephes. 6.  
2. Cor. 7. 8.  
9. 2. Tim.  
4. Rom. 10.  
Psal. 18.  
Coloss. 1.  
Vid. Sozo.  
1. 2. c. 5. & 6.  
Victor. de  
persecut.  
Vandal. 1.  
1. Aug. ep.  
48. ad Vin-  
cent. & ep.  
80. d. He-  
sych. sub  
finem.

Sic quod à Christo Apostolis prae-dictum est, *Omnes vos scandalum patie-*  
*mini in me, in ista nocte;* & quod Euangelista refert, *Tunc discipuli omnes relicto*  
*eo fugerunt*, non in eam partem accipiunt sancti Patres, quasi nulli non  
 fugerint, omnesque ad vnum sint scandalum ea nocte passi. Nam de  
 Ioanne facile concedunt non passum scandalum eo tempore, & de Petro,  
 non fugisse, cum præcipuè idem Euangelista mox subijciat, *Petrus autem*  
*sequebatur à longè.* Ac ne plura huiusmodi è scripturis conquiramus, illud  
 vnum vice omnium esse potest, *Deus omnes homines vult saluos fieri;* quod  
 quemadmodum non de singulis hominibus intelligi debeat, sed de iis solis  
 qui saluantur, iam pridem Ecclesia plaudente, frementibus Pelagianis, ge-  
 mentibus Molinistis, exposuit D. Augustinus, & post eum discipuli eius,  
 non paucas eiusmodi locutiones in scripturis, & nominatim in Apostolo  
 deprehendentes, velut cum Adamum Christumque comparans, ait, *Igitur*  
*sicut per vnius delictum in omnes homines in condemnationem: sic & per vnius iusti-*  
*tiam in omnes homines in iustificationem vitæ.* Neque tamen quisquam est qui  
 existimet, sicut omnes homines Adami delicto condemnatione subierunt,  
 sic omnes homines iustitia Christi in iustificationem vitæ adduci. Neque  
 plura congerere consilium est. Breuiter solum addo ex Patribus, ne qua  
 parte lateat Iesuiticæ primæ reprehensionis & hyperboles absurditas, sic  
 scriptum esse à Hieronymo insidiosam illam Ariminensis confessionis for-  
 mulam, omnibus qui conuenerant Episcopis probatam fuisse, ita vt Hier. dial.  
cœ. Lucif.  
*cuncti Valentem ad calum laudibus tollerent, & suam in eum suspicionem cum*  
*penitentia damnarent, &c. latique omnes ad pronuncias reuerterentur.* Cui conso-  
 nanter Sulpitius, *Fauorabilis*, inquit, *profectio pro omnium animis excepta est.*  
 Vnde idem Hieronymus adjicit, *Ingenuisse totum orbem, & Arianum se esse* Sener. Sulp.  
hist. lib. 2.  
Hieron. ib.

*miratum.* Nec tamen nescire potuerunt, non solum plures toto orbe claros Episcopos illi formulæ nunquam assensisse, Athanasium, Hilarium, Eusebium Vercellensem, Dionysium Mediolanensem, Gaudentium Ariminensem, aliosque tum extra, tum intra illud Conciliabulum notissimos; sed etiam Damasum Papam paulo post in Concilio Romano epistola ad Episcopos Illyrici data testatum esse, *Formulam illam Ariminensem compositam esse, neque Episcopo Romano, cuius sententia præ cæteris omnibus erat expectanda, neque Vincentio, qui tot annis Episcopatum integrè gesserat, neque aliis ei consentientibus.* Sic etiam idem Sulpicius iam sub illud tempus cum Synodus Episcoporum Occidentalium Seleuciæ Isauriæ Constantii iussu cogeretur, *Omnes ferè duarum Pannoniarum Episcopos, multosque Orientalium, ac totam Asiam in perfidia Arianorum coniurasse.* Cum, ut de Episcopis Pannoniis taceam, constet Episcopos Asiaticos insignes, Eusebium Samosatenum, Sylvanum Tarcensem, aliosque de quibus Theodoretus, illo ipso calamitosissimo Concilii Seleuciani tempore & sterisse intrepidos, & à Constantio exilia ob doctrinæ Orthodoxæ & *ἐκκλησιαστικῆς* defensionem passos esse. Occurrunt similia non pauca in voluminibus passim Conciliorum & Patrum, quæ huc transcribere piget, ut illud in primis notissimum & frequentissimum, Imperatores Romanos *toti humano generi, terræ marique præesse, totius mundi Dominos, toti orbi imperare, quia videlicet celeberrimæ quæque Orbis regiones Romano imperio subessent.* Quod idem posterioribus sæculis, tanto iam cumulo deminuta Romanæ ditionis magnitudine, scriptum esse à Gregorio de Mauricio Imperatore, *Vos Deus uniuerso mundo præesse constituit,* magis mirum est.

Quas uniuersas locutiones, ut rei notissimæ finem faciamus, innumerasque alias earum similes Iesuita, opinor, non hyperbolicas, non falsas vocabit, earumque adinstar facile probare potuit Illustrissimorum Antistitum illam vocem, *quotquot Lutetiæ versabantur Episcopi, conuenisse,* si quid debita Episcopali nomini reuerentiæ, aut iudicii, aut peritiæ haberet, etiam si tres Episcopi conuentui defuissent.

At etiam vide stuporem. Tua enim ipsa oratio, tua ipsa confessio docet ne quidem tres illos; quos ais, Episcopos abfuisse Illustrissimorum Antistitum cætui. *Reuerendissimus,* inquis, *Episcopus Sylvanectensis initio vobis adfuit.* Et infra, *Scitur Eminentissimum S.R.E. Cardinalem Rupefulcadium, cum initio in ipsius adibus conueniretis, conuentum adhibito publico notario abruptisse.* Stulte ergo istos adfers ut refellas quod scriptum est, *Quotquot in hoc orbis theatro versabamur Episcopi, velut ad sedandum domesticum incendium concurrisse;* cum & isti concurrerint, & cæteris adfuerint, te teste, te confitente. Quamquam video quâ elabare: præsentiens enim negari non posse verè dictum, *Quotquot in hoc orbis theatro versabamur Episcopi, velut ad sedandum domesticum incendium concurrimus, sequentia vellicas;* quodque adiunctum est, *libros latinitate donatos excusimus diligentissimè, & recensuimus, iisque tandem inusissimus stigmatibus, &c. hoc solum petere videris.* Ac negare quidem non audes illos Episcopos quos excipis, *libros latinitate donatos excussisse diligentissimè cum aliis, & recensuisse,* ne videlicet eos libros cum ceteris non damnando, sed probando, ut tu vis, de incognitis temerè iudicasse videantur. Superest



igitur ut ex tota ista complexione verborum, Quotquot in hoc orbis theatro  
 versabamur Episcopi, velut ad sedandum domesticum incendium concurrimus, &  
 libros Latinitate donatos excussimus diligentissimè & recensuimus, usque tandem  
 inuissimus stigmatis, &c. omnes partes veras fateare, solam ultimam parti-  
 culam arrodas, in eaque sola latere hyperbolem velis. Quod & apertè de-  
 clarat hyperbolæ tuæ clausula, quam ita concludis, *Annon hyperbolicè dictum*  
*à vestro scriptore, Quotquot Parisius tunc versabantur, Episcopos, libros stigmatis*  
*inuississe?* Qua tu frigidissima criminatione primùm accusationem illam  
 generalem qua iam ante præfatus es, *Censuram perpetuam hyperbolem esse,*  
*nullam sententiam in ea reperiri quæ sit rigide exacteque vera,* itolidè statim  
 refellis, dum è tot in ipso limine sententiis, unicam quam carpas, eligis; &  
 Illustrissimos Antistites indigno cauillo pulsas. Illi enim se vniuersos con-  
 uenisse, ab eo conuentu libros excussos & damnatos esse scribunt. Quod  
 sine dubio verè dicunt ex prudentium iudicio & communi sanè loquen-  
 tium consuetudine, etsi duo aut tres subinde recesserint, seu necessitate  
 aliqua, seu voluntate. Sic enim ab eadem eorum, qui initio conuenerant, &  
 libros excusserant, societate ac corpore, eorum damnatio profecta est, licet  
 fortè ab iisdem usquequaque illius corporis membris non manarit. Idem  
 enim corpus manet, licet membro vno aut altero defluentibus; idque in  
 societatum corporibus, seu Ecclesiasticis, seu civilibus, præcipuè mani-  
 festum est. Alioquin fallaciæ, vel hyperboles, si sic loqui placet, plura  
 Concilia coargues, in quibus multa huiusmodi & facta sæpius & scripta  
 sunt. In primis Concilium secundum Oecumenicum dicitur vno omnium  
 consensu Nectarium in locum Gregorij Nazianzeni Constantinopoli or-  
 dinasse: *Καὶ τὸν Νεκτῶν τῆς οὐνοῦ δου, inquit Sozomenus, communi synodi suffragio;* Sozom. l. 7. cap. 8.  
 Socrates etiam expressiùs, *ἐκ τῆς πλείονος ὁμοθυμαδὸν ἀποδοχῆς αὐτοῦ,* Socrat. l. 9. cap. 8.  
 centum quinquaginta Episcopis ipsum ordinantibus, quot in illo Concilio om-  
 nino fuisse memorantur. Et in epistola synodali ad Occidentales Episco-  
 pos anno post scripta, post recensitam omnium actorum seriem, addunt: *Extat apud*  
*Reuerendissimum sanctissimumque Nectarium in Concilio generali, communi* Theodoret. l. 5. cap. 9.  
*omnium consensu, præsentè Theodosio Imperatore, &c. Episcopum constituimus:*  
 Quasi iidem Nectarium constituisent, eorundemque omnium consensu  
 eius electio & ordinatio sancita esset, qui cetera Concilij decreta perfece-  
 rant. Vno enim modo de omnibus scribitur, & eiusdem Concilij generali Vide Concil. Constanti-  
nop. 1. sub-  
scriptions,  
10. 2. Concil.  
& Greg.  
Nyss. in  
fun.  
Malerii.  
 consensui omnia tribuuntur. Et tamen notissimum est non solum Mele-  
 tium Antiochenum Episcopum, virum sanctissimum, & celeberrimum  
 obiisse post damnatas in Synodo hæreses, constitutamque disciplinam, Greg. Na-  
zianzenus  
in eam. de  
vita sua,  
sub fin.  
 ante Nectarii ordinationem, sed etiam Gregorium ipsum Nazianzenum,  
 & multos cum eo præstantes Episcopos, ne ei suffragarentur, recessisse, ut  
 ab ipso Gregorio proditum est. Vnde Nectarii ordinatio non alio sensu  
 communi omnium consensui, communi Synodi suffragio, Concilio centum quinquaginta  
 Episcoporum, simul cum aliis in eo Concilio sancitis assignatur, nisi  
 quia ab eodem Synodi corpore, & à longè maxima præsulum eorundem  
 multitudine, etsi non ab iisdem nominatim Præsulibus confirmata est.  
 Similiter suprà vidimus Ariminensis Concilij gesta, editamque in eo fidei  
 formulam, omnibus generatim Occidentalibus Episcopis, qui ad illud



*Hieron. in  
dial. cont.  
Lucif. Sen.  
Sup. l. 2.*

conuenerant, à D. Hieronymo & Seuero Sulpitio assignari, quamuis eorum nonnulli partim ante discessissent, partim ibidem præsentes ea quæ fiebant non probassent, vt satis demonstratum est. Nec plura proferre necesse in rei per se notæ, & recto sensui congruentissimæ probationem. Et si enim nulla argumenta sanctorumve Patrum exempla suppeterent, ipsa natiuæ rationis æquitas, & quotidianus vsus, Iesuiticæ obiectiunculæ ineptiam confutaret. Tricaris, igitur, & odiosè oggannis, hyperbolice Iesuita, & irreuerenter Episcopale decretum aucuparis.

Nam & aliunde Eminentissimum Cardinalem *de la Rochefoucault* ineptè exhibes, vt doceas, non omnes Episcopos stigmati libris vestros inuississe. Monere te debuerant sodalium tuorum illi nuntii, à quibus tam multa perperam accepisti, Eminentissimum illum Cardinalem non esse Galliæ Episcopum, nec Episcopi locum iam in Ecclesia habere, nec Episcopum censerì, sed Cardinalem esse Ecclesiæ Romanæ Presbyterum. Quare eius absentia non impedit quominus omnes Lutetiæ degentes Episcopi libros tuos verè damnarint. Nec verò si esset Episcopus, iudicium eius magnopere spectandum erat in causa duntaxat Iesuitarum, quibus iampridem grandæuum senem ita palam alligatum, ita præter officium communis Ecclesiæ parentis immensè ac singulariter mancipatum esse constat, & pluribus eius factis publicè declaratum est, vt à quocunque homine in quacunque Iesuitica controuersia iudicium eius rectissimè defugi possit. Quod enim de Pythia Græci conquesti sunt, eam *φιλῶντις*, hoc est, cum Philippo facere, hoc idem de Eminentissimo illo Cardinali iure quisque, cui res erit cum Iesuitis, profitebitur, eum illis arctius adhærescere, nec satis ab iis diiunctos habere oculos, vt verè videat, verè diiudicet quid in illis mali insit aduersum alios, quid in aliis aduersus eos boni. Ac profectò nihil fuit causæ, cur initio Illustrissimos Antistites domum suam conuenire sit passus (quod ipsi honoris causa ei detulerant) nisi quia nondum rescierat, liberos in quos ageretur, foetus esse Iesuitarum. Hoc enim si scisset, eodem studio antè obstitisset conuentui quo postmodum obistere conatus est, vbi ab anxiiis sodalibus de graui societatis discrimine inaudiuit. Quare hoc eius discessu non languidiores effecti sunt Præsules Illustrissimi, sed fortius conualuerunt, indignum admodum rati, Ecclesiæ incolumitatem, communis fidei doctrinæque Catholicæ periculum, priuatis studiis & iniquo in vnicam familiam, ream & nocentem, amore negligi atque abiici, ab eo potissimum, quem, propter Ecclesiæ Romanæ dignitatem,

*Constanti-  
nop. Con-  
cilio PP. in  
epist. Syn.  
ad Dama-  
sum,  
et. apud  
Theodoret.  
lib. 5. c. 9.*

eius acerrimum vindicem esse decuerat, nempe illa spiritali charitate, & si-  
more illo Domini, qui omnem humanam affectionem reprimis, Ecclesiarumque adifi-  
cationem, amoris & benenolentiæ qua priuatos complectimur, anteponit. Non eius  
hoc factum, Antistites, sed Iesuitarum putarunt, quorum ita sub manu est  
senex emeritus, vt si quid rectè faciat, natiuæ eius bonitati; si quid secus, eo-  
rum potestati tribui debeat. Nouimus enim in eo, & prædicamus libenter  
eximia bona non pauca; nec cum eum laudandi tempus aderit, necesse

*Quæst. 21.*

tecum habebimus profanos sacerdotes, sapphirinasque gemmas ex Ægypto  
accersere, *Æliani* historiam euoluere, vt ascititias ei laudes, externas, Paga-  
nas, non suas allinamus. Neque rursus *Melchisedech* eum vocabimus, nec

Principem *institiæ*, vt impiè Christo exæquasse videamur: nec sacerdotum *Gallia Principem*, vt summi pontificis nomina in eum temerè transferamus. Nec tota Gallia haberi dicemus *tenacissimum equitatis*, ne veras eius laudes ignorare, vanas commentando illudere, & nobis potiùs quàm ei seruire recenseamur. At hîc, vbi non de laudibus eius agitur, sed de Ecclesiæ causa, cui intempestiua laudatione insidiaris, nos omnem in eum honorem debitamque, pro virili parte, reuerentiam præfari, ne petulantia illi tua & irregulari in Ecclesiæ principes maledicentiæ accedere videamur; hoc vnum, ad tuam pro eo *aduersus* tot Episcopos, vt cum Apostolo loquar, *inflationem* deijciendam dicimus, desiderari interdum in eo quippiam à viris summis, illiusque obseruantissimis, ad perfectam eius & sine exceptione integram laudationem. Notissimam esse clarissimi, dum nuper viueret, & nunc post mortem famâ superstitis Episcopi Regularis de eo vocem, Eum multa rectè facere, sed, *non operari ex habitu*. Denique extare publicè iudicium P. Sirmondi, olim Romæ Generali suo Secretarij, nunc in Collegio Claromontano principis, de ipso tum temporis Episcopo Claromontano, priuatim editum Eminentissimo Cardinali Ossato, ab eoque mandatum litteris, vt in eius epistolis legere est. Ex quo iudicio eum intelliges esse quidem *tenacissimum*, vt ais, sed non semper *equitatis*. Nihil addo meum testimoniis his duobus alienis, quæ & vulgatissima, & publica sunt, & huic causæ sufficiunt, & necessariò indicanda fuerunt, ne hæreticis dogmatibus Ecclesiam conuellentibus, tantum accessisse præsidij videatur, quantum tu temerè gloriaris, qui quòd Eminentissimus Cardinalis *de la Rochefoucault* eorum damnationi nomen suum subscribere noluerit, ridiculè asseris *defuisse Sapphirinæ veritatis gemmam, quæ Illustrissimorum Antistitum Epistolam obsignaret*.

Idem penè dici potest de Reuerendissimo Episcopo Syluaneënsi, quem tu, hyperbolarum magne hostis, *pastoralis prouidentia, & antiquæ episcopalis sanctitatis exemplum, & sanctitatis principem* indigitas. Dedecoras eum insanis laudibus, quæ tua vitia magis produnt, quàm eius virtutes, & has illorum contagione deturpant. Egregius vir est, & laudandus Antistes; sed quod cum tua venia, & cum eius assensu dixerim, plerisque Illustrissimorum Antistitum, quorum iudicio vestri libri hæretici habendi sunt, vt mitissimè loquar, non præferendus. Ac ne eius quoque silentio in causa quacumque Iesuitica abutare, scito non ignotum esse, ac ipsummet palam agnosce, se nimium debere Iesuitis vt liberum in eos iudicium habeat; se iis internuntiis, eorumque ope ac gratia, ab Eminentissimo Cardinali *de la Rochefoucault* fuisse delectum, in quem Episcopatum Syluaneënsensem transferret, iis potissimum conditionibus, quas, ne quis improbet, Iesuitæ probarunt & concinnarunt.

Illustrissimum denique Archiepiscopum Rothomagensem, quem tu stylo illo hyperbolis tam infesto modestè appellas *Græcæ Latineque Theologiae ambulantiæ bibliothecam*, non studio vestri, cuius causam nullam habet, sed priuato consilio ante paucos annos ab Episcopalibus Conciliis abesse cœpisse palam est, prædicante ipso id à se fieri Gregorij Nazianzeni exemplo; vel, si Gallorum Antistitum exempla quærantur, Seneri Sulpitij, si

Heb. 7. 2.  
Vide Concil.  
Carthag. 3.  
26. Primæ  
ed. Episcopus  
non  
appellatur  
Princeps  
sacerdos i. u.  
Et res. dist.  
99. c. 3.  
1. Cor. 4. 6.

Reuerendiss.  
Domini  
Cœffeteau,  
Ordinarius  
Prædicato-  
rum, Episcopi  
Maf-  
silienfis de-  
signat.  
Vide Card.  
Ossat, l. 6.  
ep. 211. ad  
Regem  
Henricum  
IV.

Sener. Sulp.  
l. 3. dialog.

de virt. &  
mirac. S.  
Martin.  
Gennad. de  
viris il-  
lust. in St-  
cto.

Antistes fuit, aut sancti Martini, postquam in fidei negotio incautiores fuissent. Ne tamen hoc quoque in tuorum solatium, & Episcopalis censuræ detrimentum arripas, contestatus est non semel Illustrissimus Archiepiscopus, se hoc vnum in Coepiscoporum aduersum vos iudicio requirere, quod pro tot errorum tantorumque gravitate remissiùs decreuissè viderentur. Consensu igitur adfuit tuorum damnationi, & eo grauiùs adfuit, quod tu vltro eum tanta laude complecteris.

Quærim.  
n. 10.

Habes tuæ Trinitatis expositionem, quam stultissimis laudibus celebras; quam tuæ salutis fontem, spei anchoram facis; cuius te solo nomine omnium auctoritates, & iudicia disiecturum summa dementia confidisti. Tu enim qui triginta quatuor & amplius Archiepiscoporum & Episcoporum grauissimum in te iudicium summo omnium consensu protolatum nauci habes; qui eius auctoritatem non solum vilissimis futilitatibus petulanter impugnas, sed etiam, ubi nihil quod obiciās suppetit, vltro eam sine causa, sine specie, sola impudentia animique barbarie refellis; qui ad illas epistolæ voces, *libros Latinitate donatos excussimus diligentissimè, & recensuimus*, ita respondere audès, *Ego vos omnes, quotquot huic epistolæ subscripsistis, utrumque librum integrè perlegisse, ne dum diligentissimè excussisse, huius auctoritate non adducar ut credam*, ut te, non ratione monendum, sed pœna aut medicamine sanandum demonstres; tu ergo ille tantus Episcopalis nominis talisque contemptor, trium Antistitem silentium, non quo tuos errores probarent, sed variis priuatisque consiliis susceptum, eò trahere non erubescis, ut, quia tibi fauisse videntur, eos supra omnium Episcoporum, omnium hominum, omnium Angelorum naturam extollas, sanctissimæ Trinitati quàm proximos & simillimos facias, profanataque impiè altissimæ diuinitatis mysteria intima, & nomina inenarrabilia tribus hominibus, nondum sanctis, mortalibus adhuc & fluxis, inaudita verborum licentia, quasi secundariæ Trinitati, & minori Platoniorum diuinitati, & nouis Valentinianorum Aeonibus, sacrilegè transcribas. Hanc Ecclesiæ Anglicanæ in Deum pietatem depingis. Hanc Iesuiticam in deturbandis immaniter, eodemque tempore immaniter exaggerandis Episcopis, pro varia commodorum discrepantia, libidinem. Hanc tuam in prima hyperbolarum quas fingis declaratione modestiam, temperantiam, vetecundiam orationis. Quis enim has tuas non hyperbolas, sed hyperbolarum exhibenda portenta, quæ vnum in locum quasi ad specimen statim initio congestisti, seu verbis, seu cogitatione assequatur? *Cardinalis Rupiscaldius, Sacerdotum Gallie princeps, verè Melchisedech, princeps iustitiæ, Sapphirina veritatis gemma, natu dignitate maximus, quem tota Gallia veneratur, & nouit tenatissimum aqutatis. Illustrissimus Archiepiscopus Rothomagensis, quem iure dixerim, Græcæ Latinaque Theologiæ ambulatē bibliothecam. Reuerendissimus Episcopus Sylvanectensis, pastoralis providentiæ, & antiquæ episcopalis sanctitatis exemplum.* Ac denique de omnibus collectim, *Tres istæ personæ, quæ Trinitatis æterna imaginem representant, inter se pares. sic tamen ut unus auctoritatis, alter sapientiæ, tertius sanctitatis princeps videatur; quorum singuli instar multorum sunt.* Addi posset quod infra ais de Episcopo Bellicensi, *Reuerendissimus Episcopus & Dominus Bellicensis, traditionis miraculum, Gallicanæ eloquætiæ lacteum flumen,*

Quærim.  
n. 26.

vita



vitæ innocentia pietateque insignis. De quo suo loco agemus. Quid dicam? te mysteriorum Dei, & Ecclesiæ Anglicanæ pietatis adulterum; an excor- dem dignitatis Episcopalis, tum vituperiis, tum laudationibus illusorem, & vilissimum utraque in parte affectuum mancipium, an insanum vnus, quam arguis, hyperbolæ, per tot tantaque hyperbolarum prodigia capta- torem? Vide, vide, ne dum impiam Trinitatis imaginem in tribus, ut pu-  
August. de Trinit. l. 10. c. 10. & lib. 14. cap. 17.

II. Secundam hyperbolen eruis ex his verbis, *Id agunt potissimum, eoque collimant, ut quam Dominus Episcopis auctoritatem adtribuit, eleuent quammaximè & deprimant.* Eam verò hyperbolen in eo statuis, quod libri non spectent potissimum Episcopalis auctoritatis depressionem; sed si quid in eam dicere videantur, id dicatur *incidenter*, nec ad librorum scopum pertineat, qui id potissimum agant, eoque colliment ut Kellisonum redarguant, qui in sanctam se- deni Apostolicam incurrere non metuit, eamque velut diuinæ legis violatricem perstringere, quod sciente persecutione Episcopum Anglis non dedisset, quem de- beri diuino iure, persecutionis maximè tempore, contendit. Hoc, inquis, potissi- mum his libris agi, librorum inscriptio, prefatio, capitulorum tituli, singuli para- graphi, pagina, ac propè lineæ ac literæ indicant. Quot rursus hyperbolis hy- perbolam vnicam venaris! Ego verò tuam fidem, tuam frontem, tuam mentem hîc quæro, nec inuenio, Iesuita Floyde. Nam libris vestris cum potissimum scopum adscribere ut Kellisonum redarguant, quasi sedis Apostolicæ reprehensorem, ob subtractum Angliæ Episcopum, qui ei diuino iure deberetur, ad eò ab oculorum ipsorum abhorret sensu, ut in to- to Smithæi libro nusquam nisi semel, idque obiter ac strictim, hac de re sit  
Smith. Dis- cuss. q. 2. n. 7. sermo. In tua autem Apologia, etsi plusculum hoc commento sis delecta- tus, magnumque id vestræ causæ telum improuidè putaueris, ut sæpè di- ximus; tamen tantum abest ut singuli, quod ais, capitulorum tituli, singuli pa-  
Apolog. c. 3. & 4. ragraphi, ac prope lineæ ac literæ hunc scopum indicent, ut duo tantum capitulo- rum tituli tale quiddam obscure præferant, ceteri ne vestigium quidem, ut ipso aspectu cernitur, ne paragraphos singulos, ac prope lineas, literas- que persequar, quas homo impotens, & Deo iudice in idipsum quod malè arguis, toties tamque ridiculè ruens, emotionis vehementia, non iudicio enumerasti. Ac idipsum tuum in Kellisonum sigmentum non præcipuus libri tui scopus est, quemcumque tu ei titulum adulationis auræque ca- ptandæ gratia concinnaris, sed collectio est vnica à te ex doctrina eius qua Episcopum iure diuino cuique Ecclesiæ deberi docet, argumento ad ho- minem expressa, non ab eo concessa, ut simulas, sed & falsa, & indocta, & inepta, ut sæpè declarauimus. In hac verò vnica illatione vrgenda Apolo-  
Vid. dicta supra item infra an Spog. giam tuam potissimum versari, quid miserius esset ac ieiunius? Quid por- rò falsius, & ex ipsa eius lectione, & ex solo damnatarum in ea propositio- num intuitu, quarum penè nullam reperias, quæ hac de re quicquam sonet? Nata est, fateor, vestra cum Kellisono disputatio ex occasione Ec- clesiæ Anglicanæ, nullique ad eam Episcopi; proindeque vltimus tandem



- vestra contentione finis eo deuoluitur ne dandus sit illi Ecclesiae, urgente, ut dicitis, persecutione, proprius Episcopus. Sed librorum vestrorum proprius & directus scopus is est, ut comminuatur, dejiciatur, quam minime necessaria probetur dignitas Episcopalis; ut inde ulterius fiat, cum nec à Catholicis Angliae magnopere requirendam, nec Ecclesiae Anglicanae necessariam, imò penè inutilem esse. Ut enim ad hanc tandem metam deueniretis, & eam validius fortiusque assequeremini, controuersiam à definita loci, & personarum contentione, ad generalem de ipsa & de ipso per se Episcopali munere quaestionem transtulistis; ut constituto quid generatim de Episcopatu, de Episcopali dignitate, utilitate, necessitate sentiendum esset, eadem opera particularem earum in Anglia controuersiam definitam haberetis: genere enim vniuersim constituto sequitur species, nec singulatim dubium esse potest, quod generatim demonstratum est. Quare quaestiones omnes Smithæi ac tuæ, non de Episcopo Chalcedonensi, aut Ecclesia Anglicana speciatim, sed vniuersè de Episcopali dignitate instituuntur, Num sine ea stet particularis Ecclesia; Num proprius Episcopus Ecclesiae cuius particulari iure diuino dandus sit; Num etiam ob solum sacramentum Confirmationis; Num Ecclesiae in persecutione necessarius sit; Num etiam si per eius causam timeatur persecutionis augmentum; Num Episcopalis status sit omni ratione perfectior quam regularis; Num regulares subsint Episcopis iure diuino, seclusis privilegiis; & tot aliae his similes quaestiones, in quibus tuus Smithæique liber toti sunt; ut nihil clarius fieri possit, quam eos hoc potissimum agere, ut generatim Episcopalem potestatem infringant & deleant, ut sub eius generali labe, propria Episcopi Chalcedonensis labefactatio inuoluatur. Non enim priuato cum impetu, sed communi Episcopalis dignitatis ruina, animosi homines obruere voluistis.

- At. 10. Quid igitur quaeris quam partem potestatis diuinitus attributa hi libelli Episcopis negent, cum eis Ecclesias particulares auferant, in quibus eos posuit Spiritus sanctus regere Ecclesiam Dei? Cum sine ipsis eas stare posse doceant? cum eos maximis etiam regionibus simpliciter necessarios negent, tum vigente persecutione, tum serena pace, si non desit copia sacerdotum? cum eorum regimen eo tempore à solis Presbyteris suppleri posse velint? Cum eorum odio sacramentum ipsum Confirmationis impiè extenuare non horreant, ne potestas Episcopalis tanta putetur, aut requiratur? Cum eos Regularium & Monachorum toto orbe tuorum natiuos pastores non agnoscant? Cum etiam Regulares ipsis magna ex parte præferre audent? Cum status Episcopalis officium moraliter impossibile faciant, & Episcopos qui non sancti penitus & perfecti sint, non tam in alto quam miserabili statu positos dicant? Hæc, pluraque alia, quibus libri scatent, quæque infra persequimur, potestatis tibi Episcopalis particulam, an totam ipsam potestatem, totumque Episcopatum, aut ex omni Ecclesia, aut ex longè maxima eius parte funditus eripere videntur? Et quod de libris istiusmodi scriptum est, *Eos id agere potissimum, ut datam à Domino Episcopis auctoritatem euenient quammaximè & deprimant*, id tu hyperbolen, an remissiorem potius mollioremque locutionem dices, in libros quibus ipse

Episcopatus adeo non solum frangitur & attenuatur per se, sed è longè plurimis Catholicis regionibus euellitur?

Neque quicquam refert quod ais, libros dicere, *Episcopos sceptrum regiminis in Ecclesiam diuino iure habere*? Nam neque libri hoc vsquam dicunt, sed Apologia sententiam quandam alieno nomine referens, *Potestas regiminis*, inquit, *fluit ex ordine, vel consecutione essentiali, ut quidam putant; vel, ut alij sentiunt, tantum morali, eo quod sceptrum regiminis ex decencia ac dictamine rationis, Episcopis qui sunt Patres Patrum debeat*. Ita refert in Spongia tu quidem, quasi in Apologia antè sic scripsisses. In qua tamen Latina tua editio nihil tale habet, sed hoc vnum affert. *Si Diœcesi necessarius sit Episcopus qui consecret Sacerdotes, sic ut Sacerdotes filij ipsius sint, exigit diuina lex (saltem secundum rectæ rationis dictamen decenciamque) ut sceptrum imperiumque regiminis & iurisdictionis externæ illi committatur*. Et ad marginem commentarij vice, *vel diuina lex, vel rectæ rationis dictamen urget, ut sceptrum regiminis coniungatur cum ordine Episcopali*. In quibus primò vel tua, vel interpretis tui perfidia eminet, in tanta versionis tuæ & illius discrepantia. Deinde patet te non asserere, ut hîc simulas, Episcopos sceptrum regiminis in Ecclesiam diuino iure habere, sed ambiguè de industria & perplexè loqui, ac vel dicere nihil, vel per ambages illusorias tantum indicare, iurisdictionem externam Episcopis ex decencia solummodo competere, ut ad Spongiam infra dicemus. Neque quamuis verè diceres sceptrum regiminis Episcopis diuino iure deberi, ideo magis Ecclesiis necessariam vtilemve faceres potestatem Episcopalem. Quia potestas illa regiminis per te non deberetur nisi Episcopis iam consecratis, & characteri eorum Episcopali, ex quo eam fluere ais. Vnde non sequeretur Episcopos in Ecclesiis particularibus, aut in magna regione consecrari necesse esse, sed si consecrarentur, tum demum eis sceptrum regiminis diuino iure deberi. Consecrari autem non aliàs necessarium censes, quàm ubi Episcopus necessarius est ad ordinationem sacerdotum, ut patet ex loco Apologiæ iam citato, & infra latius ad Spongiam, ubi hoc figmentum & hæc Episcoporum ludibria commodiùs dissipantur.

Denique quod in iisdem verbis, *Episcopalem auctoritatem eleuant quammaximè ac deprimunt*, aliam hyperbolam quærens, vocem *quammaximè*, sic accipis quasi significetur, *Maior Episcoporum depressio nulla esse posse, quàm ea sit quæ à libris istis intentatur*, hyperbolica quadam explosione dignus es, qui nescias, Grammaticæ licet Doctor emeritus, superlatiua nomina plerumque commodè sumi, ut rem valde augeant, non ut vnam omnium maximam supremamque significant. Censent enim Antistites Illustrissimi vos Episcopalem auctoritatem quammaximè depressisse, non quin magis deprimi à quopiam possit, sed quia magis non potuit à vobis, qui tantum eam deiecistis, quantum vllò modo ausi estis, & quantum præter vos nemo vnquam Catholicus ausus est.

Vides, Iesuita Floyde, quò abeant hyperbolæ? quò somnia? quò deliciae gementis Ecclesiæ tuæ Anglicanæ? Quàm casso labore *sepium atramentum* à Plinio; *nigra succum loliginis* ab Horatio mutueris, ut eo librorum interpretes oblinas, ipsosque adeo Illustrissimos Antistites, crescente gra-

*Sic habetur in Spongia ad prop. 4. tit. 3. de Episcopis. pag. 68.*

*Apolog. c. 5. assert. 3. n. 25. pag. 70.*

datim audacia, conspurces? Non vererisenim tot Episcopis partium studium: exprobrare, defœcatum iudicium, æquos oculos adimere, Pilato etiam, ne quid amentia defuit, pares facere, scribereque apertissimè, Qui libros vobis traderunt, hi eos, quasi dignitatis Episcopalis, hoc est vestrae, depressionem sibi præfixam haberent, ad vos Episcopos detulerunt, eo animo quo Iudæi Christum Dominum, de Caesaris maiestate imminuta, apud Caesaris Ministrum accusarunt. Ipsa enim maledicentia enormitate percussus, exprimere Pilati nomen cruci buisti, ferreus licet & effrons, pro eoque Caesaris Magistrum summutare coactus es, ut flagitio locum faceres, & sceleratius fureres, & te non Pilatum, sed Iudam præberes. Grauis omninò impudentia: ignota Catholicis, notissima hæreticis blasphemia, qui simili ingenio summi Pontificis iudicium, ubi de sedis Apostolicæ autoritate agitur, aspernari solent, ut partium studio infectum, ut propriæ causæ amicum, ut iniquum, & sibi aduersum, quibus non expediat aduersarium eundem ac iudicem experiri. Tot notæ hæreticorum germanæ ac vernaculæ, toto opere vestro inspersæ, quid portendunt? Quid fœlix faustumque nuntiant? Auertite dirum omen. Deponite impiorum similitudinem. Oprate vos magis cum fidelibus victos, quàm cum hæreticis victores. Superbia, superbia, & indomitus vestri amor ad has angustias vos adigit.

Nam quid hæreticos & Pontificem dico? Ipsi Reges, ipsi iudicum confessus, obsecro te, iniqui sunt, & partium præiudicio cæcati, dum de admissis in regiam potestatem, in sui magistratus autoritatem sceleribus sententiam ferunt. Quinam ergo huiusmodi reis fingentur iudices? Vnde quærentur? ex defœcatissima societate Iesuitarum? *Discite iustitiam moniti, & non temnere Diuos*, si nobis tuo exemplo Virgilium meminisse liceat. Scitote, aut æquum esse publicos iudices de suscepto in leges publicas crimine, siue illæ ad ipsam iudicum potestatem dignitatemque, siue ad quidvis aliud pertineant, cognoscere; aut eiusmodi crimina, quæ seuerissimis omnium pœnis coerceri necesse est, impune esse debere. Nam conceptum in ipsam iudicum autoritatem flagitium, omnes omnino iudices tangit, omnes ferit, quocunque ex orbe euocentur. Verùm hæc non propria iudicantium causa est, neque illi dum eam disceptant, in propria causa iudices sunt, quia eiusmodi causa non proprias eorum personas, sed generalem iudiciorum dignitatem attingit. *Palam enim est eam esse propriam causam, cuius emolumentum vel damnum ad aliquem suo nomine pertinet.* Simillimè Episcopi, si quid iniuriæ in ipsos priuatim illatum est, ut in Paulum, ut in Philippum, iniqui fient iudices, quia essent in propria causa, quia iudices vna reique fierent. At si quid in ipsorum autoritatem peccatum est, præcipuè si Episcopalis dignitas ipsa per se impetatur, non pro ut in certo Episcopo inhaeret; iam est causa omnium communis, non solum Episcoporum ac Pontificis, à cuius corpore indiuisa est causa Episcoporum, sed etiam fidelium omnium, totiusque Ecclesiæ Catholicæ; cum causa patrum sit causa filiorum, & omnis fidei causa sit communis & vna omnium, pro ut ipsa fides res communis & vnica omnium est.

De causis igitur huiusmodi, aut iudicare oportet Episcopos, aut nullum

L. ii. ff. quid  
do appellan-  
dum, &c.

Concil. Chal-  
ced. can. 9.

& refertur

11. q. 1. c. 46.

4 q. 4. c. 1.

& 2.

Vid. ep. Syno.

Adyrensis ad

Leon. Imp.

Concil. Chal-

ced. part. 3.

Vid. Epiph.

hæres. 75.

iis in Ecclesia iudicium superest, ne quidem in Concilio generali, quod ex solis quoque Episcopis constatum est. Quare Aërium Episcopis Presbyteros æquantem; Montanistas eos illis præferentes, horumque sequaces nostrorum temporum hæreticos, aliosque variè dignitati Episcopali oblatrantes, damnarunt & oppresserunt S S. Patres & Episcopi; neque veriti sunt ne quis ipsos suæ causæ fautores, suæ autoritatis æmulos, & Pilato Christum damnanti similes efficeret. Hanc igitur audaciam, ab hæreticis haustam, Catholicis inauditam, vel execrentur Iesuitæ, vel deletis per Ecclesiam Episcoporum iudiciis, quibus autoritas Christi mandata est, appellent strenuè, ut hæreticos ad extremum usque imitentur, priuatum spiritum, & Genium Calvinianum, quem illi solum *partium studio defæcatum, succo loliginis purum, oculis sanum, æquum iudicem* agnoscunt.

III. Tertia hyperbole iocosa est & ludicra. *Hæc est, inquis, tertia hyperbole; Diuinum confirmationis sacramentum non obscure petunt. Hoc est (te interprete) palam aperteque impugnant.* O glossatorem! O Heroëm Grammaticum! Itane verò *non obscure* Iesuiticæ grammaticæ est *palam aperteque*? Ego, qui Iesuitis doctoribus non sum vltus, longè aliter accepi, & quotidiano sermone doceor: Nempe negationes huiusmodi minuere, & quasi dimidiare vim vocis, ut nec negent planè, nec affirmant, sed medium quiddam efficiant. Sic *non nolle* quippiam dicimur cum nec planè rejicimus, nec planè cupimus. Sic *non insuauis* est, quod nec admodum suaue, nec rursus acerbum. Sic denique, ne Grammaticos Grammaticam docere videamur, *non obscurum*, quod nec planè lucet, & satis cernitur. Non enim Illustrissimi Antistites Iesuitarum animos usque ad eò furiales putarunt, ut diducto ore, publicoque latrocinio grassari auderent in diuinum Confirmationis sacramentum, sed agi ab iis censuerunt, quomodo ab iis solet, qui sub Catholico velamine erronea dogmata dispergunt, pedetentim nimirum, timidè, fallaciter, vera obscuris implicantes, ut rudiores trahant in fraudem, licet peritiores, Antistites, Episcopos, non fallant, eorumque oculis non obscuri lupi sint.

Quæ autem tua nequitia & flagitiosa simulatio, dicas reprehensum in libris tuis de sacramento Confirmationis, *hoc tantum, sacramentum Confirmationis non esse simpliciter necessarium ad salutem, neque necessitate mediij, neque necessitate præcepti*? Quæ etsi falsa doctrina est, præcipuè tempore persecutionis, quo nemo ante postremum sæculum Theologus negauit necessarium esse hoc sacramentum; omnes affirmarunt quicumque hanc quæstionem attigerunt: longè tamen grauiora damnata sunt tuorum piacula in diuinissimum sacramentum Spiritus sancti; ut Catholicos chrismate baptismali vnctos esse perfectos Christianos sensu patrum, etiam sine sacramento Confirmationis; Chrismationem baptismalem supplere non solum significationem, sed etiam effectum sacramenti Confirmationis; Eam in locum Confirmationis successisse; Post eius institutionem, sacramentum Confirmationis minus necessarium esse cœpisse ac ante esset; Sacramentum Confirmationis non præcipi nisi cum commodè haberi potest, vel quando commodissimè, quando sine vlllo, vel minimo prorsus incommodo; Effectum sacramenti Confirmationis per alia sacramenta, imò per

Hier. ep. 82.  
ad Marcel-  
lam contra  
Montanum.  
Conc. Trid.  
ss. 23. cap. 4.  
& cap. 7.  
Tertull. lib.  
de præscripti-  
c. 41.  
Epiph. hæ-  
res. 49.



ordinaria Dei auxilia, haberi posse; Lapsos quidem esse nonnullos in per-  
secutione, sed nesciri an lapsi sint ex defectu Confirmationis; Non esse  
rem adeò terribilem, non esse perfectum Christianum eo sensu quo sancti  
Patres docuerunt; Homines sacramento Confirmationis fieri perfectos  
Christianos; Aliæque non paucae tum blasphemæ in Spiritum sanctum  
tanto sacramento inclusum, tum erroneæ, tum temerariæ propositiones,  
quibus quod Illustrissimi Antistites sacramentum Confirmationis tantum  
*non obscure* peti à vobis dixerunt, moderatio & indulgentia paterna est, cum  
palàm aperteque impugnari pateat, hoc est in neglectum contemptum-  
que populi deiici, ne illius reuerentia & desiderio Episcopus requiratur.  
Neque si hoc iudicium dedissent, ut in eo hyperbolen demonstrare po-  
tuisses, nisi tot erroribus compressis, quorum partem recenseri coegisti,  
simulasses, sicut ausus es, reprehensum fuisse *hoc tantum*, sacramentum Con-  
firmationis non esse simpliciter necessarium ad salutem, neque necessitate medij, neque  
necessitate præcepti.

IV. Quid de quartæ hyperbolæ acumine dicam? Quam in his verbis, *Eccle-  
sia hierarchiam, qua nihil sub cælo augustius, non obscure petunt*, ita rimaris, ut  
repetas iterum ridiculum illud Grammaticum in voculam *non obscure* glos-  
sema, ut idem sit ac palam & manifestè. Quin & Theologicam grauioris  
ponderis commentationem adicis, ideò dici *Ecclesie hierarchiam* à vobis  
imperari, quia defenditis *Regulares in hierarchia locum præcipuum obtinere, præser-  
tim qui sunt opitulatores Episcoporum*. Sic nempe hyperbolas in Illustrissimo-  
rum Antistitum epistola non inuenis, sed cudis Marte tuo, fecunde ine-  
ptiarum parens, tuis commentis, tuis fallaciis, enormibusque mendaciis.  
An enim tui libri nihil aliud in hierarchiam impingunt, nisi Regularium  
in ea præcipuum locum? Nonne superiores Regularium aliqua ex parte magis  
in ea ponunt quàm Episcopos, etiam Ordinarios? Nonne spiritalibus acti-  
bus & professionibus hominem in ea collocari docent? Nonne Regulares,  
etiam nullo ordine initiatos, in eam cooptant? Nonne iis locum in ea, &  
Parochis, & Prælati omnibus minoribus superiorem, & Episcopis proxi-  
mum tribuunt? Nonne iis deberi sacerdotium, & eorum statui naturaliter  
ac necessariò coniunctum esse sustinent? Nonne eos, soli summo Ponti-  
fici, non Episcopis, adiutores subiiciunt? Quid tam apertis, tam pudendis  
mendaciis elabere, tantorumque flagitiorum reus, Illustrissimis Episcopis  
magna inauditaque crimina, natas vanissimo tuo vertice, quasi è cerebro  
Iouis, hyperbolas obiicis? Quis autem ante vos Theologus quicquam  
istorum somniauit? Vbi istorum vestigium apud S. Bonaventuram, quem  
nominas, aut Thomam, aut alium quemquam, extat? Quamquam de his  
amplius responsum infrà habes in Spongiam, ut & de amplissimo beatæ  
memoriæ Episcopo Geneuensi. Nam quod Reuerendissimum Episco-  
pum Bellicensem laudas, & encomiis hyperbolicis attollis, iam in eo tibi  
sodales tui gratiam, opinor, non habent, nec assensu plaudunt, sed serio  
auerfantur, ita illum longè aliis sensibus esse compererunt, quàm quos tu  
temerè prædicas. Vbi ille Regulares nullo ordine initiatos in Hierarchiam  
intrusit? Vbi illis deberi docuit sacerdotium? Vbi eos in Hierarchia Pa-  
rochis & Prælati omnibus inferioribus præposuit? Vbi eos soli Pontifici

adiutores, etiam sine privilegiis, subiecit? Lege libros eius, & facile mecum agnosces, nihil ab eo regularibus largitum vnde superbiant, multa etiam suggesta, vnde humilitatem, quam profitentur, meminerint. Atque hoc magis etiam sensisses, nisi Apologiam quam pro se aduersus regularium quorundam infames, insanas, & irreligiosissimas maledictiones, conscripserat, mandarique typis, plures etiam Episcopi (quos vobis infensos dicitis) non edendam censuissent; non quasi non veram & æquissimam, pro Ecclesiæ Catholicæ Episcopo in malè domitos, lasciuosque tenebriones; sed quia minimè necessariam in priuata causa, personaque eius Episcopi, cuius in nomine procaces illæ nœniæ hæere non possent. Censuerunt enim sapientissimi Præsules talium morbos, quantumuis æstuentes ac turbidos, sine summa necessitate acrioribus remediis non esse sanandos, publicæque interdum infamiæ, & meliorum precibus relinquendos.

V. Quintam hyperbolen quæris in his, *Ipsam Petri successorem Apostolorum Coryphæi, supremumque Christi in terris vicarium, non obscure petunt.* Hyperbole autem est, more tuo, quòd libri Pontificem non petant. Hinc, quam falsitatem dicere debueras, facis hyperbolen. Nisi quod in eius cumulum superaddis illud item tuum, *Grammaticule, acumen de vocula, non obscure* quod supra tories retulsum est. Ceterum quod libri dicantur Pontificem impetere, *Nihil*, inquis, *dici potuit, aut cogitari quod in hos libros minùs verè conueniret, qui toti in eo versantur ut summi Pontificis potestatem supremam, & in omnes Ecclesias immediatam stabiliant.* Hoc tu meretricio, hyperbolico, hypocritico velamine tuas rursus infra blasphemias tegere conaris, nec vereris in ea re libros tuos totos collocare, cuius nulla nota, nullus apex in totis libris comparet, imò cuius contrarium ex Spongia tua deducitur, ut infra confirmatum videbis. Quid enim ad tuam cum Kellisono de dando Ecclesiæ Anglicanæ Episcopo controuersiam, an Pontifex sit immediatus, necne Episcopus omnium Ecclesiarum? an immediatam in eas potestatem habeat, an mediatam supremamque tantum? Vtrumuis enim dixeris, nihilominus necessarij sunt præterea particularibus Ecclesiis proprij Episcopi, sine quibus dicuntur à sanctis Patribus, etiam à Romanis Pontificibus, grex carens pastore, corpus capite, plebs sacerdote, sponsa viro, ut antea audisti, quicquid in ea potestatis Romano Pontifici tribuendum sit. Sicut etsi Christus & totius Ecclesiæ, & singularum Ecclesiarum sit proximum caput & rector, mortuo tamen Pontifice, tu ipse non negaueris Ecclesiam Romanam verè dici orbatam capite, rectore, patre, sponso, & creandum necessariò ac iure diuino Ecclesiæ Romanæ Episcopum. Sicut enim Christus conspicuum infra se caput Ecclesiæ Romanæ præesse voluit, sic alijs Ecclesijs conspicua & propria capita infra Romanum Pontificem. Nihil ergo ad rem, quantum potestatis Romano Pontifici tribuatur in singulares Ecclesias, ut constet debeantur necne Ecclesijs singulis proprij Episcopi iure diuino; & quid ab iis commodi, quid solatij, quid præsidij, quid necessitatis illæ habeant. Idque à vobis ipsis adeò intellectum est, ut in totis, quemadmodum diximus, libris, ne verbum quidem de hac immediatâ in Ecclesias Pontificia potestate feceritis, neque eam vobis quisquam in dubium, in quæstionem, in sermonem reuocarit. Simulatio

*Vide supra.  
Et Gregor.  
Nazianz.  
epist. 41. ad  
Greg. Nyss.  
Orat. 32. ad  
PP. Constantinop.  
Theod. lib. 2. hist.  
c. 27. & 31.  
Leo 17. Pap.  
ep. ad Luth.  
rium & Ludo-  
uic. Augg.  
& ref. dist.  
63. c. 11. 16.  
17. 18.  
VI. Synod.  
act. 12. & c.*

Cyp. ep. 55.  
ad Cornelium.

est, adulatio, & malè consciæ mentis hypocrisis, quæ rudium animos, & Romani Pontificis indulgentiam vestris erroribus conciliare studeatis, nescij Petri cathedram atque Ecclesiam principalem eam esse unde unitas sacerdotalis exorta est, eosque esse Romanos, ad quos perfidia habere non possit accessum.

Spong. ad 1.  
& 2. propos.  
de Ecclesia.

Quod autem adiciis, Danieli à Iesu, nihil quod vel leuiter sonet contra Pontificis potestatem, censuram Parisiensem obieciſſe, ut infra patebit; Nos infra patere demonstramus, illi esse grauissimum crimen notatum in Petri Cathedram & Romani Pontificis maiestatem, cui crimini nullum sit par in Smithæi libro. Docere enim ausus est Daniel, Ecclesiam vniuersalem esse posse sine summo Pontifice, sicut Ecclesiam particularem, sicut Ecclesiam Anglicanam sine particulari Episcopo; satisque esse Ecclesiæ vniuersali paratam esse animis ad accipiendum summum Pontificem cum legitimè creabitur, sicut Ecclesiæ Anglicanæ paratam esse animis ad accipiendum Episcopum cum legitimè mittetur, etsi interim nolit, ac vehementer recuset eum, ad multos interdum annos. Atque ita significat vniuersalem Ecclesiam stare posse, etsi diu nolit subrogari Pontificem, modò parata sit suscipere si subrogetur. Quæ doctrina hæretica indubiè est, & schismatica, & summis Pontificibus contumeliosissima. Quòd autem eam muſſitarit, non apertò rictu effari sit ausus, clarè tamen designarit ac prodiderit, sapienter indicauit facultas Parisiensis hanc propositionem captiosam, & in heresim inducentem. Adde quod in Spongia generatim, sine exceptione, imò cum aperta inclusione summi Pontificis, ait unionem ad Episcopum quæ constituit Ecclesiam, non esse actualem, sed sufficere eam quæ consistit in promptitudine & preparatione animi; Ecclesiæ nullam esse imperfectionem, carere summo Pontifice; aliaque plurima, quæ à nobis singulatim notata sunt, æquè summum Pontificem ac Episcoporum quemcumque ferientia: ut, cum conuenire negat Episcopos præesse regularibus, quia regularis vitæ sint inexperti, ideoque futuri sint doctores antequam discipuli, duces priusquam milites; Ut cum Episcopos qui non sint plenè perfecti, plenè sancti, magis in miserabili, quam in alto statu esse ait; Ut cum Episcopalis muneris idoneam functionem talibus moraliter impossibilem facit; ut cum regulari statui multum perfectionis tribuit, quo careat Episcopalis status; ut cum regularem statum Episcopali præponit, quasi Episcopatus nullam castitatem vulgaribus Christianis maiorem includat, Regularis verò status essentialiter ac diuino iure habeat Angelicam puritatem; Aliaque permulta quæ in Spongiæ decursu vel nos indicauimus, vel quisque per se facile percipiet. Longè enim falleris, Iesuita, si omnes tuorum errores expansos, omnes syllabas, ut hyperbolizè garris, aucupatas arbitraris, aut in iis quæ reprehensa sunt, latentes omnes maculas indagatas. Præcipua & capitalia notata sunt, quæ speciminis loco Catholicum quemuis à pestilenti cœno auertant, inclusæque pernicietis moneant. Nec enim aliter potuit, nec aliter sola Ecclesia libros hæreticorum innumeris næuis obductos, nisi præcipuis & capitalibus, è quibus ceteri fluant, designatis proſcribere, ut è Lutheri, Caluini, aliorumque voluminibus manifestum est. Quare ridiculè desipis, dum tota penè Querimonia, maximam hyperbolarum tuarum partem, è censura Theologicæ facultatis cum Illustrissimo-

tum Antistitum decreto collata colligis, quasi aut Illustrissimi Antistites Theologicae facultatis iudicio, non suo, censuram tulissent, aut Theologica facultas omnia peccata vestra carpere studuisset, aut in iis ipsis quæ notauit, omnes labe exhibere. Quo vno responso, Iesuita Floyde, aut quisquis sociorum Ecclesiae Anglicanae nomine laruatus es, Querimoniae hyperbolarumque tuarum totam deinceps molem vna impulsione dejicimus, hac vna stoliditate compactam & coalitam. Adeo enim debili cerebro querularis, ut Illustrissimos Antistites censurae Theologicae facultatis sponsores vadesque arripias, quasi amplissima facultas non locuples tibi foret talium nominum expunctrix, & inexplebilem illam Iesuiticam inanitatem, non affatim explere atque obruere posset.

Quam tamen in hoc ipso genere sis iners, & pusillus, & contemptus, & tui vbique similis, semel ostendisse sufficiat in eorum discussione quibus hyperbolen istam complesti. Dicis ideo argui libros quasi *Pontificem non obscure petant*, quia Smithæus scripserit illos *Superiores Religiosos qui officio immobiles sunt & perpetui, esse aliquo modo de Hierarchia Ecclesiastica magis quam seculares Episcopos, etiam Ordinarios*. Tu verò probas id non obesse Pontifici, quia non eadem sit ratio de summo Pontifice & aliis Episcopis, cum ille pluribus considerationibus sit de hierarchia quam isti, nimirum quia proprius Episcopus Diocesis Romanae, quia proprius Patriarcha Occidentis, quia pastor universalis. Deinde, quod dicere aliquem esse pluribus considerationibus de hierarchia, quam Episcopi seculares sint, nihil contineat Episcopis iniuriosum, cum vnus titulus centum aequipollere, imò longe eminere possit. Hæc tu magnâ verborum fiducia & insultatione, ne leuissimam inscitiam tuâ minus videremus, si agresti ferocia destituta esset. Omitto quàm fatuè argutantem inducas Theologicam facultatem, aduersarius videlicet aduersarij aciem, prout tibi commodum est, bona fide intruens: Vno telo, responsioni tuæ cornua duo decutio. Quotcunque enim in Romano Pontifice titulos fingas, quotcunque & qualescunque in aliis Episcopis, quibus hierarchiam occupent; tamen si quis titulus sit, quo eam habeant Regulares vlli, quo titulo Episcopi careant, hoc eodem titulo carere Romanum Pontificem, & in quantacunque titulorum suorum multitudine, hoc titulo inopem esse, fatearis necesse est. Non enim potius regularis est quam alij Episcopi, quos *seculares* vocatis. Vides quàm æquè Pontificem imperat propositio quam affers, ac Episcopos quoscunque? Vides quàm facilè ventosi tui capitis tumor vnâ plagulâ detumuit? Vel enim nullum in hierarchia titulum Regularibus præ Episcopis addicere debes, vel illum eundem præ Romano Pontifice iis addicere, velis nolis, compelleris. Quod autem ais vnum titulum Episcoporum centum aliis titulis equipollere, imò longe eminere posse; ideoque hanc doctrinam Episcopis iniuriosam non esse; Magnam scilicet tibi gratiam debent Episcopi, quod eos in hierarchia regularibus non subiicias, neque sacrosancti Concilij Tridentini decretum reuellas, quo apertè sancitum est, *præter ceteros Ecclesiasticos gradus, Episcopos qui in Apostolorum locum successerunt, ad hunc hierarchicum ordinem præcipuè pertinere*. Quamquam vide sodes, quo pacto cum hoc decreto concilies id quod paulò ante scripsisti, *Regulares in Ecclesia hierarchia locum præcipuum obtinere*, quo totidem ferè verbis Concilio reclamasti;

Conc. Trid.

II. 23. c. 4.

Quer. pag.

46. n. 26.



Discuss. q. 7.  
nn. 6.

idemque ante te ausus est Smithæus iste quem tueris, cuius etiam propositionem sacra Facultas hæreticam censuit. Sed quaecumque præstantiam Episcopis præ regularibus indulgere te simules, non hoc agitur; euagaris; medicinam facis unde morbus abest; defendis ubi non pugnatur. Non enim ad illam propositionem quærebatur, Faceresne Regulares in hierarchia Episcopis superiores atque eminentiores; sed, an aliquid iis hierarchicum, aliquem in hierarchia locum assignares, quem Episcopis adimeres. Hoc quippe graue in Episcopos, in Romanum Pontificem, crimen est, & antehac inauditum, esse Regularibus, esse non Episcopis, esse inferioribus aliquam in hierarchia partem, cuius ipsi sint expertes. Hæc defectio, hæc rebellio aperta est, non tam in Episcopos, quàm in Pontificem, cui, ut supremo Ecclesiæ Pastori, & capiti, multo magis iniurium & contumeliosum est, esse in Ecclesia homines, qui aliquam sibi hierarchiæ partem arrogare audeant, quæ in plenissimo illo supremoque ipsius hierarchico iure non insit, quæ ad ipsum non pertineat, quam ipse non possideat. Quemadmodum scelus est, & crimen Majestatis certissimum, si quis intra regni ambitum, & monarchiæ fines, ciuilem dignitatem vllam aut titulum sibi esse affirmet, quæ regia & monarchica dignitate ac plenitudine non includatur, adeoque ab ea ut à fonte scaturiat. Hæc tu, gloriose miles, ventose maioris, si Richeristicas ineptias, ab Illustrissimorum Antistitum Epistolario collectas, si hyperbolarum magnificentia tanquam auro ornatas ostenderis, rem facies à tua & tuorum hætenus commilitonum leuitate & insulsiute, alienam.

VI. Iam sextam quid attingam, in qua non solum de more futilis, sed etiam præter morem elegans festiuusque esse voluisti. Vlla enim verba tentans, Innumeris denique propositionibus scatent, quæ infelici isti scopo aptissime nimiumque respondeant, hyperbolen in vocula, innumeris, hac elegantia expiscaris; cum libris nulli prorsus errores quoad fidem insint; Ille primum, inquis, sua grandi dictione innumerabiles inde eduxit; deinde quos innumerabiles fecerat, omnes libris diligentissime excussis, ut ne quidem unus superesset, collegit, & in catalogum, numerumque coniecit. Adco Borealia ingenia, Iesuiticæ industriæ cultura splendescunt! Quis enim ex tam agresti, tam sterili hætenus solo, hunc flosculum expectasset? Aspiciamus propius, & odoremur. Illud primum graue olet, quod vocula, innumeris, sprete sanè loquentium consuetudine, ad numerum prorsus infinitum pueriliter deflectitur, cum sæpius & vsitatus numerum numeratu difficilem, quàm per se penitus innumerabilem atque infinitum sonet. Sic innumerabiles Parisiensis vrbs incolæ, innumeras viri boni laudes, innumera improbi malè facta dicimus, nec quisquam hinc certam vllam infinitatem suspicatur. Sic Gelasius Papa, Sedem Apostolicam in Synodo Chalcedonensi Pontificibus innumeris, qui latrocinio corruerant Ephesino, veniam poscentibus concessisse dicit; qui tamen & definiti numero, & certè cogniti erant, cum in Ecclesia incognitis venia non detur. Sic in V. Synodo ait Imperator, Theodorum Mopsuestenum innumerabiles blasphemias contra Christum fecisse; etsi eius hæreses ab Ecclesia singulatim damnata sint. Sic denique Hieronymus Apollinarium in sanctas Scripturas innumerabilia scripsisse volumina prodit, quæ profecto ille ipse vel scribendo numerauit; Et Origenem edidisse innumerabiles commentarios, quos tamen

Gelas. ep. 13.  
ad Episcopos  
Dardania.

Iustinianus  
Imp. in V.  
Synod. collat.  
& in epist. ad  
Synod.  
Hier. de scri-  
ptor. Eccles.  
Idem ep. 65.  
ad Ocean. &  
Pammachi.

omnes se habuisse asserit, & legisse quamplurimos: & affirmanti Ruffino Idem Apol. 2. in Ruffin. Idem ibid. sex millia voluminum ab eo conscripta esse: *Numeri indices librorum eius*, inquit, *qui in tertio volumine Eusebii, in quo scribit vitam Pamphyli, continentur: & non dico sex millia, sed tertiam partem non reperies.* Vides ut quos libros innumerabiles dixit, eos se numerasse indicet? Ne te, saltem ob eius honorem, stolidam quam in Amplissimos Galliarum Præfules texuisti argutiam, retexere pœniteat. Nec plura quærere in re notissima & ridicula necesse est. Iam enim facile, opinor, intelligis innumeras dici propositiones, quas utriusque libri autores ad infœlicem suum scopum aptarint, quia reuera tot tamque variaz sunt erroribus, imperitiis, malignitate, temeritate confusæ, ut numerum inire non sit facilius, quàm singulas libri periodos, quæ omnes in eum finem feruntur, numerare.

Rectissimè igitur iudicarunt Illustrissimi Antistites, libros *propositionibus innumeris scatere infœlici, isti scopo respondentibus*; Et infœliciter turbidèq; ut semper, excepit Iesuita, *libris nullos prorsus errores quoad fidem inesse*; Quia locus quem arguit, non ait *innumeros quoad fidem errores inesse libris*, nec *de erroribus quoad fidem*, ut verba ipsa indicant, omnino loquitur, sed *de propositionibus quæ infœlici librorum scopo aptissimè respondeant.* Illæ autem variaz sunt, ut diximus, modò erroribus quoad fidem, modò imperitiis, modò stoliditatibus, modò temeritatibus inuolutæ. Nec huiusmodi propositiones in catalogum numerumque coniecerunt Antistites; nec eas libris excussis ad vnam colligere voluerunt, ut temerè nugaris; sed hæreses duntaxat, erroresque præcipuos epistolæ suæ iusserunt subjici, ut essent librorum innumeris maculis conspersorum indicium, censuræque suæ fidem facerent. Quemadmodum Hieronymus dum libros Origenis *περὶ ἀποχρῆν* auersatur, non singulas nominatim eorum labes, sed summa capita quò omnes redigerentur complexus est. Hæc tu, miselle Iesuita, sine monitore facile vidisses, si hanc ipsam quam aggrediebare epistolæ particulam per æstum animi vel legere potuisses. Nunc cum ne id quidem potueris, probasti, non tam omnia possibile esse homini eloquenti, ut ais, quàm omnia impossibilia impotenti.

VII. Septimæ hyperbolæ indagatio verè hyperbolarum hyperbola, & Iesuiticæ insaniz (ita dicere iubet rei grauitas, & profanatae fidei Catholicæ impietas) cumulus & fastigium est. Nam in his vocibus quærens hyperbolen, in priore quidem libello *falsæ, præsumptuosæ, temerariæ, antiquissimo parochorum instituto contrariæ, &c.* leguntur innumera; postquam superiores in voculam, *innumera*, tricas leuissimè verbulo refricuit; ne intra eundem limitem diutius oberrare videatur, euolat vehementi quodam concitus genio, ab Illustrissimorum Antistitum epistola, de qua agitur, ad censuram Theologicæ facultatis, de qua nunc sermo non est; neque in hac conquiescens, fertur aliùs in sacro sanctum Symbolum Apostolorum, & totius Christianæ fidei impio ludibrio ac strage, Iesuiticam famam expiare contendit. Horrendâ fidei caput anatome chartam commaculat, hæreses, impietates, blasphemias in singulis symboli vocibus rimatur, longam mysteriorum diuinissimorum lanienam per totas pagellas circumducit, adeo hebetem, & impiam, & insolentem, & pestiferam, ut hoc saltem

Hieron. ep. 59. ad Animum.  
Vide Alex. dri epist. cor. Arium, cor. 1. Consul. Athanas. in orat. contra Arian.  
August. ep. 90. 92. 95.  
Bernard. ep. 199. ad Innocentium Papam, &c.

sceleris magnitudine sit affecutus, ne à verecundo, & Christiano duntaxat aduersario tot sacrilegia in medium proferri & singulatim contundi possint: Nempe quod sacra facultas captiosas Smithæi propositiones enucleatius diduxerit, ne cui imperitiori offendiculum parerent, audet Iesuiticus pugil, Societatis illius magnæ, qua vna nimirum stat Catholica fides, grauem sine dubio iniuriam in ipsum Christianæ fidei symbolum vindicare, illud confringere, comminuere, quasi Moyſis tabulas, ad impietatem, ad blasphemiam distrahere, vt pro Catholicæ fidei summula, quam fidelibus hætenus præbuit, Atheismi summam infidelibus in posterum impiisque suppetat. Quale exemplum nulla hæresis, nulla infidelitas, tot ante sæculis prodiderat. Nam sicut symbolo Apostolorum non solum fidei medullam contineri, sed omnes hæreses confringi docent Patres; sic eo polluto & profanato, vniuersas hæreses è tenebris quodammodo reuocari, religionem conscindi, & Atheismo latas pandi fores planum est. Hæc igitur scriptorum infamia fertur, commendatur, plauditur à religiosissima, & pietatis altrice vnica, impietatis prauorumque morum expultrice Societate Iesu! Diabolica ista audacia probatur, & luce digna censetur à REVERENDO ADMODVM VIRO, Francisco de Latre, Canonico, Archipresbytero, Censore Audomarensi! Ab illa toto orbe notissima Theologia facultate Paderbornensi! A Reuerendissimo in Christo Patre ac Domino Diacesis Paderbornensis & Hildesheimensis in Pontificalibus & spiritualibus Vicario Generali! Communis isti fidei labem, symboli Apostolici incestationem, publicam Atheismi disciplinam, abducendorum ad sannas & blasphemias sanctissimorum fidei oraculorum execrandam artem Iesuiticæ Societati gratulantur! In vniuersam fidelium Ecclesiam, in diuinum Apostolorum chorum, impij videri malunt, quàm in istam societatem, suorum, quo iure, quaque iniuria, superbam propugnatricem, iniucundi? Quantum, obsecro, periculi à Molinisticis fraudibus & factionibus rudi vulgo laicorumque Angliæ multitudini imminet, cum illi etiam qui ab eorum malis artibus tutiores inuictioresque esse debuerant, in tam aperti flagitij approbationem, in conspurcandi symboli Apostolici, quo niritur Catholica fides, & infidelium ludibriis proponendi societatem pertrahantur! Quid hoc aliud est, nisi post hæresin abundè libris illitam, eam sensim animis adhærescentem prodere, eò contumaciæ proruendo, vt auertendæ à se iustæ infamiæ gratia, impia potius in Catholicæ fidei caput infamia transferatur?

S. Leo epist.  
10. ad Fla-  
mian. c. 2. &  
epist. 13. ad  
Pulcheriam.

Vide horum  
testimonia  
in iusto Que-  
rim. pag. 8.  
& 9.

Si pios, religiosos, Christianos animos gererent, debuerant quamlibet prius ignominiam perpeti, quàm isto genere defensionis vterentur. Apostolorum, fidei, Ecclesiæ Catholicæ honorem suo antiquiorem habere decuit, eos præcipuè qui nihil nisi martyria, susceptos fidei causa labores, sudores, aquam & sanguinem effusos buccinant. Quomodo enim vitam honoremque fidei causa deferent, qui suæ gloriæ causa contumeliam fidei, & primo fidei symbolo inferunt? Habeant sibi martyrum istud genus, qui non solum Euangelium, fideique quam violarunt, confessionem erubescunt; sed sua etiam infrænata audacia ipsum propemodum Euangelium symbolumque fidei erubescere coëgerunt.

Cæterum

Cæterum peruersè atque impiè, ex minuta illa propositionum Smithæi discussione, licentiam sibi vel exemplum dari putant nefariè scrutandi & insolentissimè euiscerandi tot symboli articulos, blasphemèque discernendi. Arroganter stupidèque cogitarunt, si quid in symbolum sit nefas, idem continuò esse in Smithæum; quod in hunc liceat, idem in symbolum licere; quasi Smithæi liber & Apostolorum symbolum pari passu ambulent, parem obseruantiam honoremque mereantur. Symbolum, ineptissimi nugones, Apostolicum scriptum est, à Spiritu sancto per eos certò traditum, ab Ecclesia omnium sæculorum probatum; & ideo vestra potissimum petulanti impietate non temerandum. Clara verba sunt, perspicua, simplicia; eorumque sensus, Ecclesia interprete, minime ambiguus, mysteris circumfluens, blasphemiarum certò integer. Smithæi libellus, vobis etiam, opinor, iudicibus, non assurgit in hanc autoritatis arcem. Nusquam edictum, ne in eo errores credamus, ne hæreses malè inuolutas videamus, ne, quominus paruulis noceant, extricemus eas *Sermone illo Dei, H. br. 4.* qui *uius est & efficax, & penetrabilior omni gladio ancipiti, & pertingens usque ad diuisionem animæ ac spiritus, compagum quoque ac medullarum, & discretor cogitationum & intencionum cordis.* Quin apertè deterioris doctrinæ reus, in Ecclesiæ mysteria profanus, in sacramenta peruicax, multis locis perspicitur. Hinc loci eius alij obscuriores, meritò suspecti habiti; & ne ad germanæ doctrinæ, sanæque fidei iniquationem, rudiumque fraudem, quò eos ab illo destinari, ac, ne insidiæ pateant, implicari manifestum est, valere possent, necessariò dilucidari debuerunt, ut quid in eis veri, quid prauilateret, liquidò cerneretur, nec cuiquam ab iis periculum imprudenti superesset. Est hæc non solius Theologicæ facultatis in Smithæum tuum, sed Ecclesiæ Catholicæ sanctorumque Patrum in plerosque omnes hæreticos consuetudo, singulis etiam qui cum hæreticis agunt, apprimè necessaria. Ferè enim hæretici, præcipuè primipili, & hæresis cuiusque autores, initiò, nondum conciliata hominum gratia, inassuetis adhuc ad nouitatem animis, pederentim & subdolè dogmata sua instillant, præstigijs nube contegunt, cum Ecclesiæ veritate permiscet; ipsis Ecclesiæ verbis inuoluunt, declinandæ inuidiæ gratia, donec assuetis sensim auribus, confirmataque factione, impietatis signa explicent, apertoque Marte in fidem grassentur. Iam pridem enim monuit Apostolus huiusmodi esse *operarios subdolos, transfigurantes se in Apostolos Christi, in Ministros iustitiæ, sicut ipsum Satanam in Angelum lucis.* Hanc artem suorum temporum nouatoribus nunquam non exprobrarunt SS. Patres. Hac Ariani<sup>a</sup> Sirmiensis & Ariminensis<sup>b</sup> Concilij Episcopos fallaciter ceperunt, ut *Christianus orbis*, Hieronymo teste, *se Arianum miraretur.* Hac eadem Pelagius<sup>c</sup> Concilij Diospolitani Patribus, versipellis eius ingenij rudibus, imponens, pro orthodoxo dimissus est. Hac adhuc multis illudunt hæretici nostrates, eaque interdum de Eucharistia, aliisque controuersis capitibus loquuntur, quæ nemini eorum dogmatum, & artium, & effugiorum inexperto non falsissima videantur, quæque ore Catholico prolata nullum crimen aut suspicionem haberent. Hinc nostrorum argumenta calumnias vocare solent, miras vulgaribus controuersiarum scriptoribus ginebras offundunt,

2. Cor. 11.

a Hilarium  
lib. de Synod.  
Athanas. in  
eodem sic.Greg. Naz.  
orat. in laudē  
Athanasii.b Hieron. in  
Dialog. adv.  
Lucifer. vi.  
de suprā.c Aug. l. 2.  
de peccat. ori-  
gin. c. 3. & 9.lib. de gestis  
Pelagij. 100.

Hic. ep. 79.

Vid. Concil.  
Aquilan. 22.  
1. Concil. 20.



2. *vid. Concil. ab. Dordracen. sess. 138.*  
 b. *Epiph. hær. 73.*  
*Greg. Naz. orat. 49. cōtr. Arian. tota.*  
*Athen. in expositione dicitur. Nicæan. & in orat. cōtra Arian. passim.*  
 c. *vid. Concil. Aquileien. paulo post initum.*  
 d. *vid. epist. Episcoporum Provinciae Iſaurie ad Leon. Imp. Cōcil. Chalced. part. 3. & ibid. lib. 7.*  
 e. *vid. Aug. 1. 2. op. im- perfect. cōtr. Jul. n. 170. ib. n. 30. & 197. & ep. 95. Hier. ep. 66. ad Cresiphonem cōtra Pelag.*  
 f. *Idem epist. 61. ad Pamach. cōtra Ioannem Hierosol. Guffid. Clavallien. lib. 3. vna S. Bernardi, c. 3. de Gilbertis Porretano, &c. Hieron. epist. 65. ad Pamach. & Oecum. de erroribus Origen.*

corumque disputationes ludificantur. Ipsa Caluini Institutio quot eiusmodi captiunculis obstructa est, ut ubi innocentissimè dicere videtur, ibi innocentissimus sit? Lege postremos Conciliabuli Dordraceni<sup>a</sup> canones; multa reperies eiusmodi, quæ veritatis speciem præferant, cum tortuoso illo & fallaci Calviniano genere summos errores contegant. Hæc igitur novatorum omnium indoles minimè mirum si Smithæo novatori non abfuit, fraudulentiori homini, & hæresibus propagandis aptiori quàm Pseudo-Daniel, quàm bonus Floydus, à fucò & fallaciis remotior, simplicius blasphemare assuetus, motuum animi fingendorum minor artifex. Eadem igitur cautione tractandus fuit, quæ à sanctis Patribus Ariani & Semiariani<sup>b</sup>, quorum ancipitis fallaciæ insigne exemplum habes in synodo<sup>c</sup> Aquileiensi, cui S. Ambrosius interfuit; quæ<sup>d</sup> Eutychniani, <sup>e</sup> Pelagiani, quibus sæpè Augustinus, *Quare timetis dicere quod credere non timetis?* aliique<sup>f</sup> passim hæretici, quorum extricandis strophis & præcludendis captionibus non minus insudarunt Sancti illi viri, quàm in Smithæo facultas Parisiensis; neque tamen veriti sunt, ne quis insolita dementia hoc idem in Scripturas sacras, aut Symbolum Apostolorum transferens, sub eorum simplici contextu blasphemias quæreret. Nondum enim extiterant frontosi Iesuitæ, qui insana gloriæ suæ retinendæ cupidine, priorum omnium audacias superarent.

VIII. Octauam hyperbolæni pudet exponere unde accersas. Nam partem illam inuadens, *Non pauca autem erronea, in sacrum Episcoporum ordinem contumeliosa, & quæ in hoc videantur scripta, ut institutam à Christo hierarchiam, aut evertant funditus, aut certe perturbent; dicis, Non pauca erroneæ, idem esse quod prius dictum est, innumera falsæ, presumptuosa, temeraria.* Tibi enim Iesuitæ acutissimo eadem videntur erroneæ propositiones, quæ falsæ, quæ presumptuosa, quæ temeraria. Item quæ dicuntur innumera antiquissimo Parochorum instituto contraria, eas dicis esse unicam & simplicem propositionem, quæ Smithæus ait, fore consiliarios intempestiuos, si qui proponerent nescio quam Parochorum & Parochiarum institutionem hisce temporibus. In quo ita præceps & bardus es, ut videre non possis in hac parte epistolæ quam modò aggredieris, nullam esse vocem de Parochis, de quibus agebatur in priori parte, è qua septimam hyperbolæni exsculpere conatus es. Hoc oculorum vitium, & extinctæ mentis. Illud conscientia multo maius, unicam & simplicem propositionem reprehensam Parochorum instituto contrariam. Præter eam enim planè damnatum est, quòd Smithæus Regulares ad proximorum subsidium missos, superiores in hierarchia facit *Curatis secularibus; Quod Parochialis curæ meritum extenuat; Quod Parochis maiorem laborem ac difficultatem, & minorem tamen mercedem tribuit; Denique quod in plerisque erroribus Episcopos simul & Parochos eadem contumelia comprehendit, ut ex ipsa propositionum collectione, multoque magis ex ipsa libri serie perspicitur.*

Denique abiectissimè & fallacissimè carpis Illustrissimorum Antistitarum voces, dum quod ab iis scriptum est, *In priore quidem libello falsæ, presumptuosa, temeraria, antiquissimo Parochorum instituto contraria, Christianæ plebis ac simpliciorum hominum salutis perniciose leguntur innumera, sic interpretaris,*

vel potius insidiaris, ut voculam, *innumera*, referas & adiungas ad singulas  
seorsim partes, ut sensus sit *innumera esse Parochorum instituto contrarias; in-*  
*numeras presumptuosas; innumeras simpliciorum saluti perniciosas; & sic de ex-*  
*teris partibus.* Qui sensus per se ineptus, & minime verisimilis, & in tot il-  
lustrissimos Præfules petulanter irrisorius est, & ieiunitatis ac inopiz tuæ  
plerissimus. Quis enim sanæ mentis existimet tot tamque varias vitiosa-  
rum propositionum infinitates, libello admodum paruulo concludi po-  
tuisse? Aut tantam esse Iesuiticarum mentium peruersitatem, ut tam im-  
maniter, prodigiosèque delirent? An tibi satis non est ad æquissimam libri  
Smithæani censuram, propositiones eius falsas, præsumptuosas, temera-  
rias, Parochorum instituto contrarias, simpliciorum saluti perniciosas, simul  
omnes *innumeras* esse, seu, numeratu difficiles? Ita enim accipere debuisti  
Amplissimorum Antistitum verba, quæ istiusmodi propositiones, non  
seorsim, sed collectim innumeras apertè dixerunt, & tu ipse ex Logica vel  
Scholastica, vel naturali satis advertere potueras, nisi impudenter cauilla-  
ri, & rudioribus oculos perstringere voluisses. An enim putas cum in  
Concilio Constantiensi articuli Ioannis Husz generatim dicuntur esse  
*heretici, seditiosi, captiosi, aurium piarum offensui, &c.* eas notas ad singu-  
los eius articulos æquè referri? quorum vnus fuit. *Linea aliqua Mathema-*  
*tica continua componitur ex duobus, tribus, vel quatuor punctis immediatis, aut*  
*solum ex punctis simpliciter finitis. Vel, tempus est, fuit, vel erit compositum ex*  
*instantibus immediatis. Item non est possibile, quin tempus & linea, si sint, taliter*  
*componantur.* Quos articulos non dices, opinor, *hereticos, aut seditiosos, ne*  
Philosophi in re impetum faciant. Quare Concilium postea explicatius  
definiit, aliquos & plures ex ipsis fuisse & esse notoriè hereticos, & dudum à sanctis  
Patribus reprobatos, quosdam blasphemos, alios erroneos, alios scandalosos, quosdam  
piarum aurium offensiuos, nonnullos eorumdem temerarios & seditiosos. Quod  
genus enumerandi ita distinctum, & enucleatum, breuitatis causa sæpè in  
censuris omittitur, & diuersi articuli variis notis feriuntur, quæ non in  
singulos se junctim, sed in omnes coniunctim ferantur. Ita Apostolus  
Philosophos gentiumque sapientes vniuersè damnans, vocat repletos omni  
iniquitate, malitia, fornicatione, auaritia, nequitia, plenos inuidia, homicidio,  
contentione, dolo, &c. Non quod singuli tales, sed quod omnes simul essent.  
Similiter de Iudæis, Omnes declinauerunt, simul inutiles facti sunt, non est qui  
faciat bonum, non est usque ad vnum. Sepulchrum patens est guttur eorum, lin-  
guis suis dolosè agebant, &c. Veloces pedes eorum ad effundendum sanguinem:  
Contritio & infelicitas in viis eorum, & viam pacis non cognouerunt. Non ut  
singulos tales declararet, sed ut probet id quod proposuit, Iudæos & Græcos  
omnes sub peccato esse. Atque hoc multo magis valet in vocibus collectiuis &  
numeralibus, quæ ad vniuersum simul totum, non ad quasque seorsim par-  
tes frequentius dirigi solent. Nam cum Euangelium ait in porticibus pi-  
scinæ probaticæ iacuisse multitudinem magnam languentium, cæcorum, claudorum,  
aridorum, expectantium aque morum, quis putet cogitandas esse varias mul-  
titudines magnas, quarum vna fuerit multitudo magna languentium, alia  
multitudo magna cæcorum, tertia multitudo magna claudorum, quarta  
multitudo magna aridorum, aliorumq; singulatim ægrorum; nec potius

Concil. Con-  
stantien. sess.  
15. init.

Ibid. sub fi-  
nem artic.

Ioan. Husz.

Ibid. paulò  
post.

Rom. 1.

Rom. 2.

Ioan. 5.

intelligat eorum simul omnium magnam multitudinem fuisse? Hac verò tu ineptia, hyperbolice Iesuita, lanqu Coasti ac diuulsisti Illustrissimorum Antistitum orationem, ut quia dixerint in libro Smithæi *falsas, præsumptuosas, temerarias, Parochorum instituto contrarias, simplicium saluti perniciosas legi propositiones innumeras*, videantur dixisse innumeras inesse falsas, innumeras præsumptuosas, innumeras temerarias, innumeras Parochorum instituto contrarias, innumeras simplicium saluti perniciosas; non ex iis collectim omnibus innumeras confecisse.

Eodem stupore, eademque nequitia dicis, quæ dicuntur *innumera simpliciorum saluti perniciose, easdem esse quæ prius diuinum Confirmationis sacramentum apertè negare & impetere arguebantur*. Nam neque hîc verbum est de innumeris propositionibus simpliciorum salutis perniciosis, de quibus antè etiam dictum est. Nec usquam reprehensæ sunt ullæ vestræ propositiones, quæ sacramentum Confirmationis apertè negarent, ut tu magna impudentia quereris; & tot scatent in libris vestris insidiæ caprando popello & rudibus implicandis, ut sine summa & incredibili prauitate scribi à te non possit, hoc pertinere ad eas solum propositiones, quibus sacramentum Confirmationis deprimitis. Denique quod illæ non pauca in Episcoporum ordinem contumeliosæ, & quæ hierarchiam funditus evertant aut perturbent, à te rediguntur ad duas nescio quas quæ omnium fidelium patrem oppugnent, tanta est extinctæ & emortuæ conscientiæ iniquitas, & in apertissimè ante omnium oculos mentiando audacia, ut mirum sit talia scribi, & in lucem edi posse non à religiosis, sed ab hominibus.

**IX.** Nona hyperbole nugatio mera, indigna quæ vel legatur. Quædam etiam, inquiunt Antistites Illustrissimi, *deprehenduntur quæ sacro-sancto Dei verbo, vel Conciliorum Oecumenicorum auctoritati sunt contraria, imò quæ hæresin si non apertè exponant legentium oculis, certè innuant*. Quæ hic, Iesuita, hyperbolæ? Propositiones, inquis, *sacro-sancto Dei verbo contrariae, nihil sunt nisi propositiones quæ hæresin, si non apertè exponant legentium oculis, certè innuant; nec alia quàm quas prius appellarat erroneas*. Tautologiam igitur hoc loco, nugigereule, non hyperbolen obijcere debueras, ne, quid ipsa sit hyperbole, ignorare videreris. Nam quod propositiones Dei verbo contrarias idem esse censeres ac erroneas, & quæ hæresin legentium oculis innuant, aliusmodi imperitia est, qua te id reprehendere declaras, quod non capis. Disce, non omnem propositionem erroneam, Dei verbo seu scripturæ contrariam esse. Quicquid enim Ecclesiæ consensui aduersatur, semper erroneum, non semper hæreticum, aut Dei verbo contrarium est; quia non omnis Ecclesiæ consensus certo Dei verbo scripturaque continetur, aut fidem prorsus Catholicam continet, etsi certitudinem habeat omni humana maiorem, ideoque illi obstrepere sit erroneum. Beatam Virginem Deiparam corpore simul & anima in cælum iuisse, verissima doctrina est, Ecclesiæ consensu fulta, non tamen omnino Catholica fides; nec qui eam neget, ut erroris reus, sic hæreseos erit, aut Dei verbo refragabitur, in quo ea de re nihil extat. Multa sunt eiusmodi, quæ nec apertè scripturis insunt, nec apertè ab Ecclesia definita fidei dogmata, quamuis fidelium consensu nitantur. Neq; rursus omnes Dei verbo contrariæ propositiones,

*Vid. Baron.  
in Martyrol.  
Roman. 13.  
Aug. 28.*



hæresin legentiam oculis exponunt aut innuunt, etsi omnes errorem inuoluant. Sicut enim quæcunque proximè ex scriptura elicimus, non ideo sunt fidei, nec fide Catholica creduntur, ut hæretici frustra contendunt; ita quæ propositionibus ex Dei verbo recta conscriptione fluentibus opponuntur, non protinus hæretica sunt, nec hæresin innuunt, etsi Dei verbo contraria sint, & errorem pertinaciamve demonstrent. Dei verbo contrarium fuit, quod veterum quidam interdum<sup>a</sup> existimarunt in mediis furentium persecutionum ardoribus, se ad mundi occasum, & ad tempora Antichristi devenisse. Nec tamen in istiusmodi opinione quicquam inerat quod hæreticum esset, aut hæresin innueret. Quidam rursus Aeternum<sup>b</sup> Dei Verbum, non per Angelos duntaxat, sed per seipsum, assumpta externa imagine cum Prophetis populoque Iudaico olim egisse censuerunt. Quam eorum sententiam tam certum est scripturis refragari, quàm ab hæresi hæresisque contagione immunem esse. Nec quisquam, opinor, hæreticum, aut hæresi vicinum dixerit, quod etiam tum aliqui<sup>c</sup> Christum ad annum usque ætatis quinquagesimum prædicasse arbitrati sunt; licet id scripturæ minimè consentiat. Nec denique vlla nota, vel suspicio vlla hæreseos in iis residere putabitur, qui<sup>d</sup> Antichristum dæmonem ipsum fore humano corpore indutum putarunt; quod à scripturis alienum est. Et ut de huius temporis opinionibus aliquid inseramus, satis patet eos qui existimant Christum venturum fuisse, quamvis Adam non peccasset, Dei verbum non satis intueri, nec tamen hæreses inducere, aut olere. Eos quoque qui paruulos sine baptismo morientes pœna ignis æterni liberant, Dei verbo, totique scripturatum contextui aduersari, iam pridem D. Augustinus<sup>e</sup>, & post eum discipuli ipsius probarunt, hodieque etiamnum probant. Nec tamen humanos istos paruulorum patrocinatores hæreseos macula aut suspicione aspergent, ni fallor, Molinistæ. Missa facio permulta his similia, quibus ad præsentem locum nihil opus est. Ex hisce enim omnibus istud planè consequitur, Quamvis generatim difficile desiniantur hæreseos notæ, ut liquido constet quænam propriè doctrina hæreseos nomine affici debeat, ut rectè ab Augustino<sup>f</sup> animaduersum est, tamen quæcumque Dei verbo ita contraria sunt, ut ipsi diuino contextui simpliciter, & sine vllius argumentationis ope contradicere cernantur, hæc sine dubio hæretica esse; ut si quis Ioannem Baptistam Zachariæ filium neget. Quæ verò ita Dei verbo contraria sunt, ut non ipsi per se, sed deriuatis ex bona collectione propositionibus aduersentur, hæc non semper hæretica, nec hæresi proxima, nec hæresin præ se ferentia sunt: Quia collectio, etsi bona, vel non penitus certa, vel non euidens, vel priuata demùm & humana ratione constabit, ideoque nec fidei, nec hæreseos, sed scientiæ errorisve Theologici materies erit, maioris nempe aut minoris, pro maiori minorive certitudine collectionis. Hæc tu quia nescisti, Iesuita Theologe, quæ quemlibet Theologum nescire turpe est, miratus es alias propositiones ab Illustrissimis Episcopis dici erroneas, alias Dei verbo contrarias, alias hæresin vel exponentes oculis, vel innuentes; atque hæc omnia mirabili scientiæ tuæ capacitate complexus, in vnum conflasti & confudisti, ut hyperbolæ, quas tu solus vides, sint ignorantia, quas præter te cuncti vident.

<sup>a</sup> Cyp. ep. 66. & lib. de exb. Marty. Euseb. l. 16. 6. hist. c. 6. &c.  
<sup>b</sup> Vid. Aug. li. 20. de ciuit. c. 19.  
<sup>c</sup> Iustin. dial. logo in Tryphon.  
<sup>d</sup> Iren. l. 3. c. 6.  
<sup>e</sup> Tertull. lib. aduer. Iud. cap. 9 & in Prax. c. 14. &c.  
<sup>f</sup> Denique etiã VII. Synod. act. 4. post initium.  
<sup>g</sup> Vid. Aug. li. 3. de Trinit. c. 11.  
<sup>h</sup> Apud Iren. lib. 2. cap. 39.  
<sup>i</sup> Theod. in diuin. decret. Epitom. l. 5. c. de Antich. Hypolit. Mart. orat. de consummo. mundo, tom. 2. Biblioth. Patrum.  
<sup>k</sup> Vid. Arba. orat. 3. cont. Arian.  
<sup>l</sup> Aug. concione 2. in psal. 36.  
<sup>m</sup> Aug. serm. 14. de verbis Apost. c. 3. & 4. li. 21. de ciuit. c. 25. &c.  
<sup>n</sup> Fulgens. lib. de Incarnat. & grat. Christi c. 30 &c.  
<sup>o</sup> Aug. lib. de hæres. ad Quod vult Deum, sub initium.



Videamus alteram hyperbolæ venationem. Negas ad veritatis amissum exactum, quod dicuntur propositiones quadam Occumenicorum Conciliorum auctoritati contraria. Hyperbolen probas, quia Censura Parisiensis unam propositionem Nicolao Smithæo obiicit, quam dicit, prout iacet, in Concilio Constantiensi Occumenico damnatam. Hinc hyperbolen concludis, quod quam unicam dicit facultas, Episcopi plures faciant. Quid si consequentiam negem? Quid si falsam esse Antistitum propositionem inferri debuisse contendam, non hyperbolicam, ut semper hallucinaris, & toties explosum est? Quid si facultatis Censuram ineptè pro norma à te Episcopis proponi dicam? Quid si eam non omnes tuarum, quas damnauit, propositionum nexuos designasse, nec omnes cum Patribus aut Conciliis earum pugnas indicare laborasse addidero, ut qui plures deprehendat, non eius censuram infirmet, sed amplius corroboret? Quid si ne omnes quidem, quæ in libris vestris notari poterant, propositiones curiosè eruisse defendam, sed maximè obuias & capitaliores quasque, ut ex iis de pluribus aliis minùs perspicuis, deque totis libris iudicium fieret? Quid ad hæc dicces, querule Iesuita? Quomodo imbellem & tot ex partibus labascentem consequentiam fulcies?

Quod verò propositionem Smithæi, *statum vitæ sanctioris sufficere, ut quis in hierarchia locum, & ordinem præcipuum obtineat*, quam sacra facultas censuit decreto Concilij Constantiensis contrariam, quo damnatur hoc Wiclefi dogma, *Quod vitæ sanctitas tribuat iurisdictionem & ordinem sacerdotalem*, tu illi decreto contrariam negas, eo quod Smithæus intelligat primum locum in ordine perficiendorum, quem vocat Gerson hierarchiam hierarchizatam; captiuncula futili, & vocis nouitate elabi conaris, nouoque inducto hierarchiæ nomine, hierarchiam Ecclesiæque doctrinam conturbare. Nam nec Gersonem, nec vllum ante vos natos Catholicum scriptorem *hierarchiæ hierarchizata* vocem usurpasse, aut agnosce, infra in Spongia probatum habes. Hæc est vestra fallacia, qua nonnullis video vos imponere, & hæreticorum omnium more cum nouæ doctrinæ fœtu nouarum vocum folia consuere, quibus eius turpitudine contegatur.





DE SECVNDÀ PARTE EPISTOLÆ  
ILLVSTRISSIMORVM ANTISTITVM,  
qua liber DANIELIS A IESV damnatur.

**I**NC ad Danielis præsidium pergis. Singularem in eum Illustrissimorum Antistitum acerbitatem exoptulans, atque in hoc ais eos *Richeristas* (sic sacram Facultatem Parisiensem maledicè vocas) longo intervallo superasse, & censuram Illustrissimi Parisiensis præ hac epistolari mitem videri posse. Quam tu igitur immitis & improbus, qui in Illustrissimi Parisiensis Censuram, vel in ipsum potius Illustrissimum Parisiensem, quem omnium mirissimum fuisse agnoscis, omnium petulantissimè blasphemaris! Nam facultatem Parisiensem cur acerbitate in Daniele longo intervallo ab Illustrissimis Episcopis *superatam* dicas, nihil video, nisi fortè, quòd ubi te motus animi aliquò impellere cœpit, nihil videas, nihil sentias nisi hoc vnum, quod æstuanti animo in præsentia objectum est. Hinc opinor factum, vt nihil Illustrissimorum Antistitum acerbitate in Daniele maius, aut simile cogites, dum te nimia in eorum Epistolam commotio incessit. Alioqui si quieta mente recolere potuisses censuram sacræ Facultatis, non habebas cur tantam præ illa acerbitatem Illustrissimorum Antistitum fingeres. Imò ita illam in Spongia insectaris, & tanta contumeliarum & scelerissimorum maledictorum amentia inuadis, vt sicut rabiei in eam tuæ nihil vquam simile est, sic illius in te seueritati nihil simile fuisse indicare videaris. Non enim iudicio, sed præsentiquaque commotione occupatus loqui soles. *Blasphemia* quidem nomen, quod te in Episcopali epistola in primis malè vrit, quodque *his in Daniele intra paucas lineolas usurpatum esse* luges, non minus sæpè reperies in Censura Facultatis. Nec reuera, si scires, in hoc nomen tam stolidè indignareris; nec illud Episcopis indignum diceres, nec ex eo scriptorem epistolæ Episcopum non fuisse conjiceres. Isto enim pacto omnes vna opera Episcopos epistolæ subscriptores abdicabis; imò Episcopos nunquam fuisse colliges. Quid enim interest scribat quis epistolam, an subscribat? faciat, an probet? Plus eius est, qui subscribit, & probat, quàm eius qui scribit tantum. Imò scriptoris non est, sed subscriptoris. Non enim Regis edictum scribæ regio tribuimus, sed Regi; nec in illius honorem, sed in Regis suscipimus. Quando præco de tribunali aliquid dicit, non scribitur in gestis, præco dixit, sed ille dixisse scribitur, qui præconi, quid diceret, imperauit. Nec Euangelium sancti Lucæ quasi hominis, aut hominis nomine amplectimur, sed nomine Dei, vt Dei opus & scriptum, per Lucam quidem, sed interpretem, non autorem, ad nos delatum. Itaque si vitium est scriptoris Epistolæ, blasphemix crimen Danieli intulisse multò magis Episcoporum est, tot præcipuè ac tantorum. Ac si hinc illum Episcopum non fuisse contendis; illos simul omnes nec esse, nec fuisse

*Vide Censuram Facult. Parisiensis in lib. Danielis ad 5. propos. de sacram. Confirm. & ad prop. 12. de Hierarch. & Regul.*

*Aug. serm. 16. de verbis Do. in Enag. secundum Matth. c. 6.*

3. Reg. 2. probas; neque hoc stultissimo velaminis genere impudentiam, qua tot  
 amplissimis Episcopis sub alieno nomine maledicere audes, obumbrabis  
 vnquam apud homines sanos, quin *omne malum, cuius tibi consciunt est cor  
 tuum*, intueantur, & execrentur. Quid enim dilutius, & bardo homine di-  
 gnus, quàm *blasphemiae* nomen non esse ab Episcopis vsurpandum in blas-  
 phemarum propositionum censura, quia *illud conferre vel in diabolum Ange-  
 lica lingua verecundia reformidet*? Quid ais, argute reprehensor, pater pa-  
 trum, censor Episcoporum? *Angelicum sermonem, purum, castum* negas esse,  
 si quis blasphemiae nomen vsurpet? Angelicae igitur tibi puritatis expers  
 1. Cor. 4. erit Paulus, qui toties illud in aduersarios vibrauit? *Blasphemamur*, inquit,  
 & obsecramus. Et alibi: *Sicut blasphemamur, & sicut aiunt quidam nos dicere,  
 Rom. 1. Facimus mala, ut eueniant bona, quorum damnatio iusta est.* Et in eos quorum  
 haereses superbiamque frangebant: *Quos tradidi satanae*, inquit, *ut discant non  
 1. Tim. 1. blasphemare*: & aliis passim locis. Imò, ut plumbeam tuam aciem magis  
 palpes, ipse ille sanctus Iudas, cuius testimonio vrget Angelum *non esse au-  
 sum inferre iudicium blasphemiae in diabolum*, vacuus tibi erit Angelicae vere-  
 cundiae, quòd eo ipso loco ubi istud de Angelo refert, nomen *blasphemiae*  
*bus infra pauciores lineolas quàm tu de Illustrissimorum Antistitum epistola*  
*scribas, in aduersarios illos quibus hoc exemplum opponerebat, inserit?*  
 1. Id. 9. 21. *Maiestatem*, inquit, *blasphemant*; & paulo post: *Quae ignorant, blasphemant.*  
 & 23. Hunc tu ergo Apostolum, Angelici nominis & puritatis exsortem, sui  
 ipsius euerforem & damnatorem facies; an nos te tui potius? Qui id objicis,  
 tumultu magis animi quàm sensu, quod eodem loco aperte refelli, & in te  
 grauius corruere non vides. Non enim Angelum laudat sanctus Iudas  
 quòd ipso nomine *blasphemiae* in diabolum non sit vsus; nec eo nusquam  
 vtendum dicit: sed laudat quòd *non intulerit iudicium blasphemiae*, hoc est,  
 1. Id. 9. 21. maledica verba impegerit, quae nemini vnquam impingere licet; qualia  
 1. Id. 9. 23. illi quos S. Iudas arguit, congeriebant, maiestatem blasphemantes; qualia  
 1. Id. 9. 23. tot tantaque tu, Floyde Iesuita, & hominum procacissimi tui sodales, non  
 in diabolum, sed in Catholicos homines, Ecclesiae venerandos, in sacram  
 Theologiae Parisiensem facultatem, in sacros Ecclesiae Episcopos & Ar-  
 chiepiscopos conjicis, vtè blasphemorum illorum socij qui, Iuda teste,  
*Maiestatem blasphemabant*. At contra Illustrissimi Praesules neque maledi-  
 ctum in vos, neque nomen blasphemiae, nec omnino verbum vllum con-  
 tulerunt; sed de libris vestris sententiam tulerunt Episcopalem, multò  
 communibus in eos doctorum hominum opinionibus mitiorem. Qua  
 illi potestate si vos ipsos post euocationem cognitionemque legitimam,  
 blasphemos, & improbos, & impios iudicassent, quod facere suo iure po-  
 tuerunt, non illa in vos contumelia, non blasphemia quam Apostolus  
 Angeli exemplo auersatus est, fuisset; sed iudicium sententiaque legitima  
 Ecclesiae principum, quibus patrata in Ecclesiam crimina damnandi, me-  
 ritaque ignominia & poena compescendi potestas à Deo & Ecclesia com-  
 missa est.

Vide Orig.  
 apud H. 7.  
 lib. 2. Apol.  
 adu. Ruffin.  
 & S. Thom.  
 in hanc ep.

Ita enim passim Ecclesiasticae sententiae exprimuntur, paucaeque ad-  
 modum reperias in haereses erroresque fidei aduersos, quae sine blasphe-  
 miae in eas nomine irrogentur, quemadmodum ex pluribus antè propositis

facile intelligitur, & ex aliis passim obuiis confirmatur. Nam ut hæreses illas famosiores & magis pestíferas omittam, Gnosticorum, Valentinianorum, Marcionitarum, Arianorum, Macedonianorum, Nestorianorum, Eutychianorum, Monothelitarum, aliorumque huiusmodi, quarum penè nusquam à sanctis Patribus sine blasphemiarum exprobratione mentio haberi solet, ut superuacaneum sit eorum loca proferre. Innocentius primus hæresin<sup>a</sup> Pelagianam damnans, in ea *multam blasphemiam* execratur. Siricius<sup>b</sup> Iovinianum *novæ hæresis & blasphemie inuentorem* pronuntiat. Hieronymus<sup>c</sup> negat *diabolum unquam plus, quàm per os Vigilantiy, deprehendi blasphemasse*. Idem Origenis errores exponens, *apertas in iis blasphemias non semel detestatur*. Montanistarum doctrina Catholicam atque uniuersam quæ sub cælo est Ecclesiam blasphemiam comprehendisse apud Eulèbium indicatur. Epiphanius<sup>e</sup> omnium quæ ad suam vsque ætatem extiterant hæreseòp breuem catalogum conficiens, non solum omnibus uniuersè blasphemie crimen infligit, sed per eas omnia blasphemiarum omnium genera, suo æno ad plenum cumulata fuisse affirmat. Idque in Epistola ad Arabes scripta ut iudicium suum de omnibus hæresibus exponeret. In V. Synodo<sup>g</sup> Theodorus Mopsuestenus innumerabiles contra Christum blasphemias fecisse reprehenditur. Bernardus<sup>h</sup> dubitat quid intolerabilis iudicet, blasphemiam, an arrogantiam Abailardi. Concilium<sup>i</sup> Constantiense articulos Ioannis Husz & Wiclefi blasphemos censet. Adrianus VI. Pontifex Lutherum<sup>k</sup> *nusquam non scatere blasphemis* iudicauit. Ac ne singula, quæ infinita sunt, persequamur, constat uniuersas generatim hæreses nomine spiritus blasphemie, blasphemieque in Spiritum sanctum, à scriptura<sup>l</sup> comprehendendi, idque in hunc sensum à SS. Patribus<sup>m</sup> esse acceptum. Planissimè sanctus Augustinus, <sup>n</sup> *Paganos, Iudeos, hæreticos, omneque hominum errantium genus diuersis erroribus & contradictionibus suis blasphemare in Spiritum sanctum* asseuerat. Iam vides, opinor, tu ipse Iesuita, quo sensu, quo iudicio, qua peritia dixeris, non esse Angelicæ puritatis, nec Episcopalis castimonie, verbum blasphemie in errores hæresesque conijcere, idque illo S. Iudæ elogio fuisse veritum. Miseret me, fateor, tuæ mentis, quæ imperitia & temeritate, non scientia consilioque explorato, quod hoc loco sine ingenti nequitia suscipere nequiuißes, in id potissimum incurrerit, quod Scripturarum, Conciliorum, Patrum, perpetuæque Ecclesiæ consensione adeo omni ex parte vallatum & inconculsum est.

Hinc iam ad hyperbolas redis, & de posteriore libro dici stomacharis, *Posterior libellus crassiora habet omnia, & blasphemar simplicius*. Malè hac crassitie, hac simplicitate torqueris. Malè quæris ea-ne tuo ingenio, an stylo, an inscitie tribuatur. Elige. Quod optaris, id habeto. Vel potius habe omnia, quæ peræquè in te quadrant, Danieli, Floydò summè congruunt, seu tu Apologiam, seu Spongiam spectes. Difficile dictu est, quid in iis non prauum. Quocumque oculos conferas, mira rerum miseria, incredibile Iesuiticæ præstantiæ dedecus, indigna & scribente quouis, & quouis refellente inanitas. Nec verò illa nobis cantes, *Quid habes quod non accepisti? Si autem accepisti, quid gloriaris quasi non acceperis?* Quæ cum in schola Molinistica parum vsurpes, minus capias; nullum tibi ius est ea cuiquam ob-

<sup>a</sup> Innocent. epist. 26. ad Aurelium, Alipii, &c.  
<sup>b</sup> Siricius ep. 2. ad Eccles. Medulan.  
<sup>c</sup> Hier. ad Iovinianum.  
<sup>d</sup> Hier. epist. 75. ad Vigilantem.  
<sup>e</sup> Idem epist. 59. ad Anianum, ep. 78. ad Pamach. & Marcellum.  
<sup>f</sup> Ep. 79. ad Alipium, & Augustum.  
<sup>g</sup> Euseb. li. 5. hist. c. 25.  
<sup>h</sup> Epiph. hæres. 78.  
<sup>i</sup> V. Synod. collat. 1. in epist. imp. ad Synod.  
<sup>k</sup> S. Bernar. epist. 190.  
<sup>l</sup> Conc. Const. sess. 15. & 21. ad Adr. VI.  
<sup>m</sup> in Breui ad Saxonia duces aduers. Lutherum.  
<sup>n</sup> Matth. 23. Marc. 3. in Phylastrium de hæres. 10.  
<sup>o</sup> Bibl. PP. August. ser. 11. de verbis Domini, secundum Mat. cap. 3. &c.  
<sup>p</sup> Idem ibid. cap. 9.



All. 7. 31.  
 Gal. 3. 1.  
 Tit. 1. 12.  
 Vnde Tertul.  
 lib. 1. com.  
 Marcian. c.  
 1. & in Her-  
 mog. c. 1.  
 Hier. pref.  
 lib. 1. in He-  
 rem. & lib. 3.  
 S. Leo ep. 10.  
 ad Fian. c. 1.  
 Idem Hier.  
 in c. 3. ep. ad  
 Gal.  
 Greg. Naz.  
 orat. 4. & c.

Psal. 106.  
 Isa. 29.  
 Jerem. 51.  
 Ephes. 3.  
 Vnde Aug. 1.  
 2. Conf. c. 3.

Rom. 1.

trudendi. Non enim gloriantes ista tibi exprobramus, sed dolentes eò  
 vestra impotentia nos cogi, Deique iustissima iudicia imis cordibus vene-  
 rantes, & horrentes, quí homines, ingenij, doctrinæ, præstantiæque  
 omnis opinione tumidos, in publicum tantæ hebetudinis, & imperitiæ,  
 & futilitatis ostentum decidere passus est, ut iam meminisse incipiant affli-  
 cti, quod elati meminisse non poterant. *Quid habes quod non accepisti?* Hoc  
 sine sancti Patres, Scripturæque ipsæ, superbis & insedatis hominibus na-  
 turalia etiam vitia impropere. Exempla passim occurrunt. Quod quàm  
 verè ab iis, quàm iustè, quàm non hyperbolicè, nec iniquè fiat, faciliè in-  
 telligeres, si Molinista non esses. Quod autem styli perspicuitatem in Da-  
 niele laudas, scito si omnis perspicuitas laus orationis est, pueros istius lau-  
 dis & forminas fore principes, quibus nemo facilius, & ad cuiusvis intelli-  
 gentiam accommodatiùs loquitur. Sed hanc vilitatè potius & pusillitatem  
 sermonis, & natiuam rudemque loquacitatem dicimus, quàm perspicui-  
 tatem illam quæ peritis in honore est. Istâ autem valere Danielem, popu-  
 laris & rudis multitudinis aucupem, non eruditis auribus dignum præco-  
 nem, pluribus planum facerem, nisi hoc, quidquid est, libentiùs ei darem,  
 quàm ut de re leuissima dimicem. Hoc vnum dixero, quod magis ad rem  
 facit, simplicitatem illam euidentiâque sermonis, quam Danieli tri-  
 buunt Illustrissimi Antistites, à crassa magis mente, & ab impotentia ani-  
 mi, quàm à iudicio aut facultate natam esse. Non enim consilium Danie-  
 lis fuit, errores suos hæresesque omnium oculis sic impingere, ut omnem  
 sibi eas leniendi & dissimulandi, si fortè in publicam offensionem veni-  
 rent, potestatem eriperet. Quis enim tanta stultitia scribit? Sed cum do-  
 ctrinam improbam, pessimèque audituram exponendam susciperet, nec  
 satis ingenij habuit, ut orationem cautius moderari nosset; nec iudicij ac-  
 firmitatis, ut posset; libidinisque magnitudine, ebriorum instar, omnia  
 planissimè profudit. Aliam enim quàm à vino ebrietatem notat scriptura;  
 & in utraque veritas. Atque hanc in eo simplicitatem & perspicuitatem  
 Illustrissimi Antistites animaduertunt.

Crassities ignorantiae in eo longè grauior, quam tantam dicere possu-  
 mus, quantam nemo facile credet, qui illius confutationem non legerit.  
 Nec hic plura adjicere necesse est: Nisi quod æquè cum illo crassè arguis:  
*Non debuisse igitur tot Galliae Episcopos à suis gregibus, à suis sponsis tamdiu ab-*  
*fuisse, ut librum stupidum & crassum discuterent.* Si enim soli in orbe periti,  
 & sapientes, quasi in Platonis Republica, essent, nihil dici posset aptius.  
 Indignum enim, non tot solum tantosque Præsules, sed quemvis vnum,  
 quemvis eruditum, in tam ridiculo opere vel notando immorari. Sed cum  
 Episcopi sapientibus & insipientibus debitores sint, & crassus simpliciterque  
 blasphemus liber rudi vulgo, simpliciiori multitudini, hoc procliuius in-  
 fluat, quò dejectior & popularior est; non debuerunt pro suo munere Illu-  
 strissimi Præsules indoctorum salutem, & incautæ plebis, cui potissimum  
 insidia struebantur, periculum aspernari in profliganda impura Apolo-  
 gia; sicut in proscribenda Smithæi discussione, etiam paulo minus impe-  
 ritis, vel incautis prouiderunt. Neque dum hoc faciunt, abfuerunt à gre-  
 gibus, à sponsis suis, ut temerè garris; sed tanto eis præstantius adfuerunt;

quòd eas non priuata, sed communi in Ecclesiæ corpus charitate & prouidentia complexi sunt. Nec enim in hæresium causa, tuendæque fidei, Ecclesiarum suarum tantum pastores sunt, sed omnium, ut antè ostensum est. Neque illis tantum, sed omnibus adesse, omnesque tutari debent. Nec in communi omnium bono non inesse potest singularum salus; Ac si cum gaudet unicum membrum, congaudent omnia membra, quantò magis cum omnia gaudent, singula gaudere necesse est?

Vide Aug. epi. 138. &c. Conc. Const. sess. 19. &c. Cum dilectus &c. Ad audientiam de Cleric. non resid. &c. 1. Cor. 12.

Prætereo prouerbia, quæ in illo persecutionis otio meminit, & usurpat Iesuitica Ecclesia, ne cum illa de curribus, de Asinis disputem. Venio ad particulam, *Crassiora habet omnia, & blasphemat simplicius*, quàm tu, quia conquire non potes, iterum iterumque remandis. Eleganter, inquis, urbanè, nitidè, sic ut in hoc dicto ipsa Lutetia redolere videatur. Ineptis. Ita enim aliarum regionum hospes es, & antiquitatis peregrinus, ut talia Luteriæ tantum nasci putes. Ego similia tibi longè hinc ex vltima Græcia & Africa, millèq; amplius ab annis repetam. Tale iudicium editum fuisse olim in Ægypto, Alexandria, de Antropomorphitis testis est Græcus autor Sozomenus, *Eos, inquit, qui talia dicerent aduersus Deum, simpliciter blasphemare dicebant*: quòd scilicet Antropomorphitæ scripturas Deo membra tribuentes, simpliciter interpretarentur. Hoc idem sanctus Leo Magnus de Eutyche iudicauit, dum ipsi tribuit *incantam simplicitatem, per quam ei subrepperit spiritus falsitatis*. Quid enim hoc aliud est, quàm eum ex nimia simplicitate, in nimiam, ut alibi ait, blasphemiam incidisse? Contrario modo scripsit diuus Hieronymus, *libentius piam rusticitatem, quàm doctam blasphemiam eligam*.

Sozom. hist. lib. 8. c. 11.

S. Leo ep. 13. ad Palcher. Idem ep. 10. ad Flavian. c. 6. & ep. 12. ad Julian. Hier. ep. 76. Tranquillo.

Quid amplius? Illud quoque, *crassiora habet omnia*, non capis, & breuem gradatiunculam, quasi scalam, ad illius oppugnationem admoues. Nimium te maceras, stulto labore consumeris. Quid facilius intellectu, quid dictu planius, quàm hominem crassioris ingenij, ferocioris impetus, omnia crassè dicere, & quidquid agere conetur, maiorem vbique crassitiem, quàm alium paulo astutiorẽ exhibere? Hoc quotidiana & experientia, & consuetudo loquendi comprobatur, & ratio sensusque communis. Nam & natura, & feruor sine fūco, apertè, vno modo semper agere solent.

XI. In exquirenda hyperbole vndecima, scopum fecisse tibi videris. Quod enim ait Epistola de Danielis libro, *Eadem penitus in eo peccantur quæ in superiore reprehendimus*, hoc tu certam hyperbolẽ & exorbitantem ac nimium quàm hyperbolicam inuectiuam censes. Quia nulla, inquis, propositio vnius & alterius libri iisdem verbis concepta est; quæ verò eiusdem sint sententia, supra quatuor vix inuenies. Quid ergo? non satis est utrosque libros iisdem fundamentis extructos, iisdem opinionum seminibus natos, ad eundem scopum directos, principiis, ut sic dixerim, & finibus coniunctos, ut eandem doctrinam, eosdem errores, eadem peccata complecti, eiusdem denique naturæ dicantur? Non omnia fortassis eadem in utroque exprimuntur. At nulla est Smithæi propositio, quam ex Danielis doctrina non facile manare videas, si fontem propius inspexeris. Illas ipsas quas objicis facile inde eruemus. Nam propositio damnata à Concilio Constantiensi, qua Smithæus cum Wiclefo docet, *Statum vitæ sanctioris sufficere ut quis in hierarchia locum & ordinem præcipuum obtineat*, re ipsa illa est qua Daniel ait longè

*Disens. 9 6.  
n. 1 Demō-  
strare cona-  
bor, quod  
etiam Reli-  
giosi, se-  
cundum S.  
Dion. & S.  
Thom non  
possunt ex-  
cludi ab Ec-  
clesiastica  
hierarchia,  
& sic Sacer-  
dotes, Pa-  
stores, &  
Episcopi  
Regulares  
secundum  
plures con-  
sideratio-  
nes erūt de  
Ecclesiasti-  
ca hierar-  
chia, quā  
sæculares  
sacerdotes,  
Pastores, &  
Episcopi  
nominatim,  
non  
tantum ut  
sacerdotes,  
aut Episco-  
pi, sed etiā  
ut sunt Re-  
gulares.*

acrius, *Quod Regulares sunt de hierarchia absolute, & non tantum in hoc aut illo sensu, articulum fidei esse puto, quāque eos in hierarchia locat altiori quā Parochos, & sacerdotes omnes curam animarum habentes, gradu. Quid enim hoc aliud est nisi statum vite sanctioris, nempe regularis, sufficere, ut quis in hierarchia locum & ordinem præcipuum obtineat? Illa deinde Smithæi, Regulares Episcopos secundum plures considerationes de hierarchia esse quā sæculares Episcopos, nonne ex doctrina iam dicta manifestè sequitur, ex qua etiam eam colligit ipse Smithæus? Si enim Regulares absolute, & non hoc tantum aut illo sensu præcipuum in hierarchia locum habeant, clarum est Regulares Episcopos pluribus rationibus in hierarchia fore quā alios Episcopos, nempe non tantum Episcopali, sed etiam Regulari illo iure, quod, ut Regulares, habebunt. Denique tertia quam enumeras Smithæi propositio, *Regulares Prælatos perpetuos esse aliquo modo magis de hierarchia quā Episcopos ordinarios*, quæ haud dubiè insolens verbis que non ferendis concepta est, facile in eodem Daniele reperitur. Ut enim accipiatur quā mitissimè, omiſſa verborum acrimonia, ideo Smithæus tantum tribuit superioribus illis regularium perpetuis, *Quia, inquit, verè sunt in statu perfectionis, tum acquirendæ, tum acquisitæ, & eatenus aliquo modo sunt de hierarchia Ecclesiastica magis quā sæculares Episcopi, etiam ordinarij.* Censet enim Episcopos sæculares, ut vocat, esse solum in statu perfectionis acquisitæ, non acquirendæ; statum autem perfectionis acquirendæ, quālis est Regularium, etiam ad hierarchiam pertinere, eoque nomine Regulares esse in hierarchia. Quibus positis necessariò efficitur, Regulares illos superiores duplici titulo in hierarchia Ecclesiæ versari, tum quia sint in statu perfectionis acquirendæ, ut Regulares; tum quia in statu etiam perfectionis acquisitæ, ut Superiores. Atque hoc sensu magis esse de hierarchia, quā Episcopos, etiam ordinarios, qui in ea non sint nisi quatenus sunt in statu perfectionis acquisitæ. Quæ doctrina cū Danielis, Smithæique communis sit, & ab utroque studiosè ac vehementer asseratur, conclusio tam prope ex ea fluens, non potest non esse communis. Eorum enim diuersas in speciem propositiones, patet nihil esse nisi eiusdem doctrinæ eorumdemque sensuum facies imaginisque variis. Fateor tamen non æquè fortassis facile omnia quæ Daniel habet ex Smithæo erui posse, quia illo solutiùs & inertius sua sine fūco pandente, hic multa compressit, partimque silentio, partim orationis ambagibus implicuit. Quamquam rerum harum non imperitis utriusque animi germanitas, doctrinæque consanguinitas, ab eodem fonte, ab eadem societate hausta, clarissimè perspicitur, & tua simul à Societatis fama degener stoliditas, qui quod eadem voces, aut iidem penitus conclusionum apices in utroque libro non cernantur oculis, censuisti sine dubio, quòd eadem penitus in Danielis libro peccari dicantur, quæ in superiori reprehensa sunt, esse exorbitantem, & nimium quā hyperbolicam inuectiuam.*

XII. Duodecimam hyperbolen contextis ex rebus ad rædium recantatis, in eodem luto hærens, fractorumque sæpius telorum frustula colligens. Scribunt Episcopi propositiones Danielis longè plurimas periculosas, seditiosas, impias, &c. vel fautor autoris atque amicus dixerit, si modò honoris Christi ac Catholica



tholica veritatis fuerit studiosus. Tu multas excipis Religiosorum centurias vel in Britannia, vel in Hybernia, qui librum Anglicè scriptum legunt & intelligunt, illum probare & laudare. Dicitur non posse hos omnes, nec honoris Christi, nec veritatis Catholica esse studiosos. Quia pro veritate asserenda & propaganda vitam quotidie periculis exponant, nonnulli vincula patiuntur, & in horas mori parati sunt. Facilius esse aliquos Gallia Episcopos à vera intelligentia libri Anglicani, idiotismorum linguæ ignoratione aberrasse, quàm tot Centurias Religiosorum non esse honoris Christi & Catholica veritatis studiosas. De linguæ ignoratione, cauillaris planissimè. Nam ut omittam interpretum nostrorum versionem ita candidam esse, ut vestra maximè confirmetur, eamque sæpius Spongia ipsius testimonio coarguat, nec nisi mera discrepantiarum nugamenta in eam proferantur à vobis, uti latè suis locis ostenditur; quot propositionum res ipsæ damnatæ à tot Episcopis, à vobis audacter propugnantur? Quàm in paucis controuersia de verbis est? quàm passim quod illi errorem, hæresin dicunt, vos è regione veram sanamque doctrinam tuemini? Ipsæ vestræ responsiones testimonio in vos sunt; non de verbis Anglicis, sed de rebus Theologicis, de dogmatibus Catholicis disceptari. Et tamen tanta vestra confidentia & prauitas erit, ut toties sine fronte extrinsecus, sine fide intrinsecus proclametis, vos sola Anglicanæ linguæ ignoratione, tot Episcoporum iudicio temerè damnatos? Quod si Episcopi de rebus sententiam tulerunt, de rebus damnarunt libros, de rebus doctrinam vestram execrati sunt; quis pudor est, Religiosorum iis Britannia centurias, Iesuitarum videlicet, quorum pars illic longè maxima & factiosissima, aut fortassis Benedictinorum aliquot Monachulorum, quos paulò ante schismaticorum ferè numero habebatis, opponere? Quid hoc aliud, quàm filios patribus, discipulos magistris maiores facere, illis docendi partes, his discendi eripere? Nam si Religiosorum centurias tantoperè mirere, quantæ initio Lutherum probarunt? Quantæ olim Origenem, Pelagium, aliosque hæresium conditores? Si verò Religiosos pro fide strenuè laborantes quæras, quosnam illis fortiores dabis, fideique in Nestorium gregemque illius acriores vindices, qui paulò post Eutychen Monachum, Nestorianorum eundem fortissimum expugnatorem, fideique antesignanum; vno agmine multis centuriis cumulado, incredibili feruore sequentes, tot in Ecclesia strages, tot calamitates, tot tamque diuturnas concussiones dederunt, ut omnium retrò hæresum mala longo interuallo superarint? Noli, obsecro, iis argumentis uti, quibus ante vos hæretici uti potuerunt, nec tamen vsi sunt, quia nondum vsque adeo excesserat animis natiuus ille Christianorum in Ecclesiæ Patres honor, tot diuinis oraculis, Ecclesiæ legibus temporum exemplis sancitus, quem vos nouissimi hominum, Christianæ antiquæ pietatis ac disciplinæ rudes, obruendum delendumque suscepistis.

*Vid. Concil. Constantinop. sub Flamin. aët. 4. quæ extat in Cœc. Chals. aët. 1. Vide alia Conc. Chals. passim.*

Nec verò tot tibi adsunt quot iactas, religiosorum centuriz. Multæ palam reclamant, librorumque vestrorum doctrinas, maledicta, errores, publicè chirographis confutant, autore in primis perillustri insignis Ordinis Mendicantium Generali, cui omnes Regularium familia Parisienses,



pluribus religiosis instructæ, quàm in tota simul Britannia Hyberniaque versentur, suffragatæ sunt. Quare si Religiosorum centurias suspicis, si earum auctoritatem valere iubes, habes vnde saneris, Illustrissimorumque Antistitum iudicium, his saltem, si ita videtur, autoribus venerari debes. Nec tuorum in Britannia Religiosorum omnium sententiæ tanti sunt, quanti tu venditas. Quàm multi sunt in partibus contentionis, quam vestri commodi potentiaque studio, in Reuerendissimum Episcopum Chalcedonensem concitastis? Quàm multi vel simplices, vel harum rerum non idonei iudices, quibus antiquitatis notitia, traditionisque Christianæ perpetua ratio non sit comperta? Hac enim ignoratione plerique fautorum vestrorum tenentur, quibus ideo fortasse ignoscet Deus, *quia nesciunt quid faciunt*, solaque prentatione, contentione, assiduitate vestra, hæresibus, quas non norunt, sua nomina præfigi patiuntur.

XII. Ad decimam tertiam hyperbolen, nihil iam ultra ante dicta necesse est. In hac enim parte, *Eius propositiones longè plurimæ seditiosæ*, hyperbolen iterum probas, quia Censura Theologicæ Facultatis nonnisi unicam in Daniele seditiosam propositionem notauit. Hinc in *Plinij* libris, & in *Olympia porticu Heptaphono* spatiaris, ea fiducia quasi iam ipsa Olympia vicisses. Tu verò ne gregarij quidem velitis locum sat probè tueris, nedum Olympionicæ dignitatem, dum vnico telo, eoque fragili & obruso, instructus in pugnam prodis, & voce quidem plusquam heptaphono eadem inculcas, sed quæ miles paulò firmior neque semel iniecisset. Nam & stultissima captiuncula iterum diuidis Episcopalis orationis partes, quasi dum scribunt *Propositiones Danielus longè plurimas periculosas, seditiosas, impias esse*, significarent dijunctim plurimas periculosas, plurimas seditiosas, plurimas impias; quæ fallacia suprà abundè disiecta est, ostensumque Illustrissimorumque Antistitum sermonem ex vsitatissima & quotidiana loquendi consuetudine, non dijunctim, sed collectim intelligi, magnæque esse procacitatis tam abjectas solenni eorum decreto tendiculas admouere. Ac rursus toties exhibitata est illa inanitas, qua Illustrissimos Antistites ex Censura Theologicæ Facultatis oppugnas, vt pluribus in istiusmodi stultitiam non sit opus.

Tantum addo, licet extra propositum, pro Facultate nostra Parisiensi, propositionem hanc Danielis, quam illa seditiosam vocauit, *Ponamus ordinationem Ministrorum Ecclesiæ non esse necessariam in Ecclesia, sequitur statim non esse necessarium vt Ecclesia vniuersalis gubernetur ab Episcopis qui superiores sint sacerdotibus*: ineptè à te negari seditiosam, quia *circa rem, inquis, non practicè agendam, sed merè speculative, imaginariè, chymericèque conceptam versetur*. Scilicet meræ imaginationes, & chymericæ tuæ fabulæ nihil nostri parere possunt, nec popularium animos ad tumultus illicere, nec ab imaginationibus ad facta, à theoria ad praxim delabi. Omnis praxis theoriæ fructus & effectus est, sicut omnis motus ab aliquo immobili oritur. Nec vlla theoria est, vnde non praxis aliqua fluere possit. Vex ista theoria & chimærica, vt vocas, imaginatione tua, quis neget metuendam esse hanc praxim, vt qui sublata necessitate sacerdotum Episcopos Ecclesiæ vniuersali necessarios non putent, facile adducantur vt credant, eos quo-

que necessarios non fore Ecclesiis singulis, quibus copia sacerdotum non desit, vel aliunde haberi possit? Sensu, sensu solo communi, Floyde, opus est, ut hunc in quoslibet Episcopos larratum ab Chimæra tua prorsus audias.

XIV. Eadem qua decimam tertiam hyperbolen facilitate quartamdecimam dejicimus. Quod enim dicantur in Danielis libro *non pauca schismatica* propositiones, hyperbolen demonstras ex eo quod Censura Facultatis vnicam ei propositionem schismaticam inurat. Miseret me laboris tui, quo te miser obtudisti, ut singula Censuræ verba dimetireris, & ad singulas Epistolæ particulas componeres.

*Quid tantum insano iuuat indulgere labori?*

Nam quo magis in posterum te à tali molestia liberem, maiori que apud te autoritate valeam, hoc tibi Poëticum offero, qui te talibus mirificè capi video. Visne Episcopis iudicij sui libertatem eripere iniquitate affectus tui, qua iam tuam amisisti? Visne eos inuitæ etiam Facultatis iudicio subijcere? Magis enim illa nouit qui sint Episcopi, qui debitus iis honor, quorum dignitatem nunc cum maxime asserit, quam tu qui nihili facis, & publicè calcare non horres. Citiùs iis censuram suam ipsa ultro subijciat, quam publicum eorum decretum sibi subiectum velit. Quamquam tu vndique tui similis, & vanus, & iners, & quacumque te exhibes, vitium facis. Rursus enim, quod toties reprehendimus ac rejecimus, coniunctim expressam Illustrissimorum Antistitum orationem diuisim carpis; & quia scriptum est, *Non pauca leguntur schismatica, blasphemia, in sacramentum Confirmationis contumeliosissima, &c.* tu ridicula ista fingendarum hyperbolarum arte, diuidendum censuisti, quasi diceretur, *Non paucas esse blasphemias, non paucas schismaticas, non paucas contumeliosas, nec potius blasphemæ illæ, schismaticæ, contumeliosæ, non singulatim, sed coniunctim sumptæ dicerentur esse non paucæ.* Qua stupiditate, vel indignissimo fallaciæ genere nescio quid à Iesuitici nominis fama, & à debita tot Illustrissimis Præsulibus reuerentia magis abhorreat. Deinde licet Theologica Facultas vnā propositionem schismaticæ nomine affecerit, plures tamen schismaticas re ipsa notauit. Quæ enim modò in Episcopos seditiosa dicebatur, quis non videt eadem opera schismaticam dictam esse? Quid enim est seditio populi recusantis Episcopum proprium, nisi schisma? Huc adde, quas summo Pontifici *iniurias*, Breui eius repugnantes, inobedientiam in eum suadentes, iterque ad eam sternentes dixit. Quid enim vniuersæ huiusmodi, nisi defectionis & schismatum flabella? Hæc ego, non quò necesse sit, sed ut tu in singulis ineptiis te sæpius ineptum videas, & ad æquiores posthac cogitationes excitare.

Nam quod propositionem illam vnā, cui Facultas schismaticæ notam allisit, tu subleuare contendis magnorum nominum fulcris, quod Daniel autores illius propositionis citat in *Apologia sanctum Thomam, Durandum, Innocentium, Abbatem, Syluestrum, Tabienam, Angelum, Rosellam, Thomam Sanches, denique Suarem, &c.* Quod non negantes Richeristæ, eam tamen proscripserint, ut Theologorum omnium gentium temporumque sint Reges; Tu ne corporis quidem oculos habes, si Apologiam vnquam attigeris; vel nimis

oculatus es, qui videas quod nusquam est, totque autorum nomina in Apologia citari affirmes, quorum, excepto Thoma Sanches, & S. Thoma, nullus ibi comparet. Itane librum tueris quem non legisti, præcipitque temeritate de ignotis dijudicas? Hæc æquitas, hæc fides est tua? Hac conscientia fretus, Illustrissimos Antistites arguis damnassee quæ nec legerint, nec intellexerint, qui eadem manifestè non lecta defendis? Hinc liquet te non Floydum Apologiæ textorem, sed alium esse sodalem; Iesuitica Societate pugiles vndique suos in hanc pugnam euocante: nisi fortè Floydus tam à memoria quàm à iudicio derelictus est, spongiamque suam & Apologiam, quas distorta mente contexuit, distortis oculis intuetur. Nam ne in sponsia quidem, ubi pluscula autorum nomina in erroris huius defensionem congesta sunt, pleraque extant quæ hic affers; nec Durandi, Innocentij, Abbatis, Tabienæ, Angeli, Rosellæ, vlla mentio est, ut ipsi oculi probant. Eorum tu quædam à Soario excerpisti, qui opinionem istam, quam ipse SS. Patribus totique antiquitati contrariam fatetur, & rejicit, istorum tamen quibuldam tribuit; qua de re plura infra dicentur. Quid igitur de te dicam in tanta tua non rerum tantùm, sed hominum autorumque confusione? Qui & sine causa, tua sponte, leuissimo animo, testimonia in sponsia posita non solum hîc iteras, sed Apologiæ ea ascribis; & quæ in ipsa sponsia non sunt, ex Soario aliisque desumpta, eidem Apologiæ rursus affingis, confusas in eam referens locorum autorumque diuersissimorum voces; ut cum epistolæ partem quam oppugnas *Censura Riche-ristica facundam & facundam Echo* appelles, te facundam quidem, sed dissonam, fallacem, ingratham vocum à diiunctissimis hominibus è tota penè Europa editarum imaginem præbeas, non tam Echo similem, quàm famæ, cui ferreum os, mendacesque linguas centum, antiqui dederunt.

XV. Decimam quintam hyperbolen partim ex eorum quæ tum ipse iam dixisti, partim ex eorum quæ in sponsia objecta & confutata sunt iteratione & inculcatione inutili ac tædiola conficis, Echo te iterum veriùs exhibens ineptam absurdamque tui ipsius & aliorum, quàm Illustrissimorum Antistitem Epistolam Censuræ Theologicæ Facultatis Echo vocaris. Nescio quo enim dulcedinis sensu eadem peccare gaudes quæ arguis, & iniquo tui amore iis in te delectaris, quæ in aliis ferre non potes. Nam quod in epistola dicitur, *Non pauca leguntur blasphemiae propositiones* in Danielis libro; Tu primum superiora illa repetis de Angelo non inferente in diabolum iudicium blasphemiae; Quæ nos, ne more tuo ea ipsa quæ reprehendimus peccare videamur, non denuo retundemus. Deinde stomachatus *non paucas blasphemias d. ci.* cum in Parisiensi Censura non nisi duæ blasphemæ referantur, quasi duæ blasphemæ non tibi sat multæ essent, quarum vna religioso homini mille instar esse debuerat, & quasi putida ista ars efferendi diuitem ac dilacerandi orationis particulas, quæ coniunctim expressæ sunt, non iam ad tædium vsque deprehensa & depulsa esset; transilis ad propositiones quas Theologica Facultas blasphemias vocauit, perpetua iterum illa, quam toties notauimus, supinitate ac stultitiâ, tuendæ Theologorum Parisiensium censuræ onus in Illustrissimos Antistites trajiciens. Negas autè blasphemum esse quod ait Daniel, *Confidēiam de virtute Confirmationis, importare*

posse magnum periculum animabus; & iudicium Christiani docti, indocti, Theologi, rustici, veterani, Catechumeni appellas, nempe ut si indigna doctis, Theologis, veteranis dicturus es, digna saltem, indoctis, rusticis, Catechumenis, dixisse videaris. Quid enim? inquis, *Confidentia in virtute Confirmationis*, annon esse potest nimia & presumptuosa? Equidem prauum quoque & peruersum amorem Dei esse posse, non negabis, opinor, ut & fidem in Deum prauam. Sic enim hæretici credunt, libidine, non pietate. Sic impij nonnumquam amant, impia & iniqua à Deo sperantes. Sic Iudæi amabant, rerum temporalium causa, sui, non illius amore. Sic Gregorius Nazianzenus Arianos eleganter reprehendit, quod ita Patrem amarent, ut ei Patris nomen auferrent; & Sabellianos, quod ita filium, ut eum filij dignitate exuerent. An ideo dicendum putabis periculosum esse posse Deum amare, credere in Deum? Nec eum qui hoc dicat, blasphemum habebis? Dignior igitur rusticis & indoctis collectio tua, quàm doctis, Theologis, veteranis. Nam cum oratio additamento clariore aliquo explanatur, vnde pateat sermonem esse de praua confidentia, fide, amore Dei, rerumque diuinarum; tum dicere licet periculosam & vitiosam esse nimiam in Deum diuinaque confidentiam, nimium prauumque amorem aut fidem. Ita locutus est D. Thomas in articulo quem improuidè objicis, cum ei totique quæstioni præfigatur titulus *de presumptione*, qui primo ipso aspectu, etiam ante inspecta penitiùs verba eius, quæ mentem ipsius planissimam & lucidissimam efficiunt, de vitio eum agere, non de virtute prænuntiant. Ita denique Prouerbiorum locus, malè iterum contortus, peccatorem *stultum, transilientem & confidentem, sapienti, timenti Deum, & declinanti à malo* opponit, ut illicò pateat de stulta impiaque confidentia sermonem esse; si tamen huius loci sit is sensus quem tu das, qua de re plura in Spongiam dicuntur. At cum nulla vox adest, nec vlla significatio datur vnde liqueat agi de mala spe, de praua confidentia, praua fide, prauo amore; imò cum totus sermo fertur ad infringendam consuetam fidelium in Deum aut res diuinas confidentiam, non tam ut moderatè iis uti incipiant, quàm ut ab iis penitus auertantur, nec eas desiderent, (qui scopus est manifestè Danielis, vbi confidentiam in sacramentum Confirmationis periculosam dicit: ) quis tum sine blasphemia scribi putet periculum esse posse in Deum sperare, amare eum, ei credere, ipsi diuinis que eius sacramentis confidere? Quis non videat communem fidelis populi fidem, spem, confidentiam suggillari? Hæc nimirum est Danielis blasphemia, quam nulla vestra fraus, nulla effugia diluent, etsi fucosam & adulterinam verborum Apologiz ipsius Latinam versionem struxeritis, quam alia eiusdem loci versio, qua ipsemet in Spongia vtitur, planè refellit. Nam eum, non de peruersa confidentia, qualis impiorum illorum, de quibus Prouerbiorum locus, aut presumptuosorum, de quibus sanctus Thomas, locutum esse, ut tu simulacras, ipsa eius verba docent. Si enim de tali loqueretur, non diceret *eam posse magnum importare periculum animabus*, sed magnum iis malum re ipsa importare affirmaret, impiam nimirum presumptionem. Res enim malas ac nefarias non dicimus periculosas; sed eas quæ per se non malæ, aut leuiter malæ, mali grauioris causam præbunt videntur.

Vide Aug.  
lib. vii. exposit.  
epist. ad Gal.  
cap. 5. &c.  
Greg. Naz.  
oral. 29.

D. Tho. 2. 2.  
qu. 21. art. 1.  
cui titulus,  
Virtus præ-  
sumptio  
innitatur  
Deo, an  
propria  
virtuti.

Prouerb. 14.

Vid. infra  
Spong. adg.  
propos. de sa-  
crament. Co-  
firmat.



261. 91.

Sed tamen ut *confidentiam nimiam* in sacramentum Confirmationis, aut in Deum, periculosam dici posse concedamus, id tamen *de confidentia* simpliciter in sacramentum, aut in Deum, numquam dici patiemur. Nam *confidentia* in eum, & in eius opem sacramentis exhibitam, pia & sancta est, nec eam in partem ullam deteriore omnino capit, seu fidelium sermo, seu Ecclesie usus, seu Scripturæ usquam autoritas, sed commendat, laudat, suadet perpetuò. Numquam ab ea deterret, numquam pericula in ea simulat; Non fingit laborem in præcepto. Mandatorum enim observantiam periculosam efficeret, si *confidentiam* in Deum, in sacramenta, in res sacras, quam ipsa toties præcipit, periculosam nuntiaret. Cum verò *confidentiam nimiam* dicimus, iam alienatur vox *confidentie* in Deum, aut religionem, ab ea vi & significatione, quam ei scripturæ & fidelium perpetua consuetudo imposuit, remque non bonam sonat, velut si *nimiam fidem*, *nimiam spem*, *nimiam iustitiam* dicamus. Turpissimum est, minimèque ferendum, Iesuitas impunita ista æquivocorum licentia in tantis rebus abuti, & innocentiam quam directa veritatis via consequi non possunt, per fallaciarum diuerticula rimari.

Hæc ego tibi volens æ voluntarius donanda putavi, licet infra in Spongia proprius sit eorum locus, hic alienus, ne tu magna, ut videris, *confidentia* istam in *confidentiam* sacramenti Confirmationis blasphemiam Danielis tueri aggressus, & futes rapsodias ab eo in Spongiam coniectas pauculis additis denuò sarcians, te destitutum putares, &, qua inanitate es, magna tibi & inuicta protulisse videreris, qui ad pugnae tuæ spectaculum, omnes undique doctos, indoctos, Theologos, rusticos, veteranos, Catechumenos, evocare non dubitasti.

Ad alteram Danielis propositionem blasphemie à Facultate damnatam, nihil hic dicendum; Quia nec tu quicquam affers, sed scripta ab ipso Floyd in Apologia ita resumis, ut exscripsisse videaris, & tota istiusmodi litigatio nihil ad Illustrissimorum Episcoporum Epistolam, ut sæpius iam dictum est.

XVI. Quare & decimam sextam hyperbolen transilimus, in qua tu nec in Episcopos quicquam, & ea reuoluis, quæ vel iam confecimus, vel in Spongia conficimus. Nihil enim rursus nisi ipsa penè verba Floyd repetis, idque satis agnoscis dum ais, *sed de hoc satis in Spongia*. Quod verò addis, *si illa non sufficiunt, plura dicentur*, promittis tu quidem, vel minaris potius, rem necessariam, sed quam nunquam exolues. Nam & quæ Floydus in Spongiam confudit, ita exilia sunt, & misera, & indigna nomine illo famosissimæ Societatis (quod hoc loco innuere videris) ut nisi alia dicantur, actum sit de fama, de gloria, de superbo illo litterarum scientiarumque principatu, quem sibi iampridem verecunda Societas opinionis errore confinxit; Et, si nemo te aut Floyd melior accedat, non alia dicentur quàm quæ dicta sunt. Non enim vos ingenia, prudentiam, soliditatem mentium vestrarum refingere, nec ex iisdem arboribus non eisdem fructus afferre poteritis, è malis malos, ex agrestibus agrestes. Hæc præmoneo, ut nativam illam acerbicatem mutuo vnde cumque pudore conditiis, neque conuiciorum maledictorumque quasdam velut eluiones in integerrimos

homines, in sacram celeberrimamque toto orbe Facultatem, in Amplissimum Archiepiscoporum & Episcoporum cœtum euomatis, ut hoc ipso loco tu indignissime, non solum interpretis Ecclesiæ Anglicanæ, sed omnino membri Ecclesiæ nomine, postquam Illustrissimos Episcopos Censuram Theologicæ Facultatis in suam epistolam transtulisse affirmasti, addere audes Satyrica impudentia, *Hanc eorum Censuram qui probas*

— *Labeone infanior inter sanos dicatur.*

Ut tantam tuam, non iam inter sanos, sed inter insanissimos, insaniam prodas, ut ne quidem castiganda videatur, ne fortè non sentias. Hosigitur æstus, si quid iterum tu tuive sodales scribillare audebitis, moderabimini, si non Dei & conscientiæ metu, saltem hominum, qui tam prodigiales furias disruptis communis religionis & humanitatis repagulis, in summa infimaque omnia solutè grassantes non ferent, quoad eas ad publici pudoris & quietis modum vel sanitate, vel si insanabiles sint, prostratione compegerint.

XVII. Decima septima quoque hyperbole tua nihil à nobis postulat hoc loco. Quod enim ad partem epistolæ qua Danielis liber dicitur *summi Pontificis auctoritatem conuellere* propositionem vnicam à Facultate Parisiensi eo nomine notatam refers, nugationem toties expunctam refricas; eadem quæ ipse Daniel in spongia scribit, iteras, superius à teipso negata concedis. Cum enim suprà dixeris, *Danieli à Iesu nihil, quod vel leniter sonet contra Pontificis potestatem, censura Parisiensis obiecit, ut infra patebit*; Nunc ubi infra delatus es, secundam ipsam damnatarum eius propositionum agnoscis notatam à Parisiensi Facultate, ut summi Pontificis auctoritatem conuellentem. Vbi constantia? Vbi mens digna Ecclesiæ Anglicanæ interprete? Denique ad eundem illum locum nos suprà ostendimus, non vnicam, ut hic ais, sed plures esse in Daniele propositiones summi Pontificis auctoritati & dignitati pestilentes, ut nihil necesse sit plura hic addere, præcipuè aduersus festucas tuas, atomos, nauos, mures, satyricasque iterum salacitates.

XVIII. Similis est superiorum hyperbole decima octaua, ut te nihil insulsius ac tædiosius fieri possit. Hæc quippe etiam verba, *Nonnullas est animaduertere quæ verbo Dei abutantur, idque in impios sensus detorqueant*, ex censura Facultatis adoriris, & hyperbolen colligis ex eo quod Facultas in hoc genere *unum tantum, hocque tenuissimum obiciat Danieli*, in expositione videlicet *opitulationum* apud Paulum. In cuius expositionis præsidium rursus eadem, quæ Daniel pro se ipso in spongia, replicas, hac sola, opinor, causa, ut cum Ecclesiæ istius Anglicanæ cuius scenam agis, irrefragabili nomine munias, atque vnicum hoc & extremum ruinosa spongiæ subsidium afferens, ratione labantem tanta auctoritate sustentens. Alioquin nihil est cur eam tot defensionibus crassis, te plumbeis disputationibus oneres. Cur enim primam saltem propositionum tituli *de Episcopis & Curatis* non vidisti, ubi Daniel textu psalmi abutitur, ut munus pascendi gregem Dei Angelis datum esse probet, sicut Episcopis datum est? In quam propositionem, si Censuram Theologicæ Facultatis quæris, censuit Facultas *Autorem verbum Dei temerè detorquere, ut ex eo doctrinam falsam, temerariam, & hæreticam eliceret*. Et tu hyperbolicè dici, *nonnullas est animaduertere quæ*

verbo Dei abutantur, idque in imptos sensus detorqueant, ex eo contendes, quod Facultas unum tantum istiusmodi, hocque tenuissimum obiiciat? Et hinc tot Episcopos non aduersisse quid loquerentur, aliis leniter credidisse, non sapere omnibus horis, à Momo exagitados esse scribere audes homo nequidem corporis oculorum potens, propter incredibilem mentis oculorum impotentiam, nec ea ipsa sentiens, quæ sensus vtrò feriunt? Tu isto stupore à Deo percussus, scelerisque pœnam in ipso scelere referens, tot Episcopis impudenter infilis, maledicis, maledicta vndique colligis, eadem vndique dispergis, quasi Catholicos omnes impietate, cæteros stupiditate superare decreuisses? Eiusmodi animalia suo sinu fouet, alit, emittit in orbem Iesuiticæ Societatis sylua, quæ hæreticis Ecclesiæ populatoribus insolentem illam in Ecclesiæ pastores insaniam inuidere videantur?

XIX. Decimam nonam hyperbolen verè iam obtritam dicere possumus. Eam enim eadem qua cæteras stultitia concinnas, in eodem oberrans ludo, vnius lineæ homo, monogramme scriptor, eò maioris ineptiæ, quo tenuioris. Quod Illustrissimi Antistites *propositiones apertè hereticas* Danielis libro imputant, rursus hyperbolicum probas ex censura Theologicæ Facultatis, in qua nullam *apertè hereticam* notari dicis. Iam fessus sum arguendo quæ tu indefensè peccas. Sed tamen hoc loco præcipua fatuitas inest. Theologica Facultas plurimas Danielis propositiones simpliciter *hereticas* censuit, ex Censuris plerisque patet. Tibi non satis est *hereticas* dici tot tam illustribus locis: Plus postulas: *apertè hereticas* dici vis; Nisi vocem ipsam *apertè* audias, nihil dictum censes; Res aperta non sufficit; literulas, quæ auriculis tinniant, requiris. Nihil enim est quod in Episcopalem confectum effutire pudeat. Theologica sanè Facultas nisi Danielis propositiones quas hæreticas damnauit, planè apertèque hæreticas censuisset, non dixisset simpliciter *hereticas*. Nam eas in quibus hæresis obscurius latere visa est, non planè hæreticas, sed vel hæresin olentes, vel ad hæresin ducentes, vel sapientes hæresin, appellauit, vt tu eius prudentiam moderationemque cognosceres. Quibus autem hæresin planè apertèque inesse, nec dissimulari posse arbitrata est, eas exertè ac sine adiuncto *hereticas* nominauit. Atque idem fuit Illustrissimorum Antistitum sensus. Quas enim Danielis apertè hæreticas vocant, eas ita dicunt in quibus hæresis nullo inuolucro regi, nulla excusatione leniri possit. Ista quippe nota posteriorem librum à priore secernunt, in quo propositiones inesse dixerant quæ *hæresin, etsi non apertè exponerent legentium oculis, tamen innuerent*. Quibus verbis, nimia in Smithzum charitate indulgentiaque plenis, ista in Danielelem opponunt, vt doceant propositiones in eo esse quæ hæresin non innuant tantum, vt illæ Smithzi, sed *apertè legentium oculis exponant, & hoc sensu, apertè hereticæ*, hoc est, non obscurius vel ambiguè, sed sine dubio hæreticæ sint. Qui sensus cum apertè pateat ex collatione vtriusque partis epistolæ, mirum te tam tuæ consuetudinis tenacem, tam tot Antistitum amplitudinis immemorem vel contemptorem, vt eos vilissimæ captiunculæ laqueo in vnâ voculam illigato implicare volueris, cum iisque Theologicam primariam Facultatem, velut si quis araneus leones geminos, vel geminas leonum acies filorum suorum tenuitate capere atque inuoluere nitatur.



XX. Vigesima postremaque hyperbole omnium absurdissima & de-  
mentissima est, ut meritò phantasticæ Iesuiticarum hyperbolarum machi-  
næ, pro coronide imponatur. Est enim in Illustrissimos Antistites acerba  
& impudens declamatio, perpetuis scommatis, satyricis versibus, irreligio-  
sis ludibriis, fœdissimis centonibus intexta. Nam stultè de more hyperbo-  
len quærens, in eo quod Illustrissimi Antistites dicunt se Apologiæ Danie-  
lis labeles hæreticas *non sine gemitu referre*, in quibus tam nulla est hyperbolæ  
species quàm in ipso mentis, hyperbolen primùm in eo ponit, quod neget  
se credere ea *vero cum gemitu & doloris sensu referri*. Tum impudenti funda-  
mento impudentem orationem instruens, Episcopis *calumniæ* crimen sæ-  
piùs infert, *perpetuam leuitatem* objicit, *potentibus calumniatoribus* annume-  
rat, *fumo oppletos* dicit, impio *Achab occisori Naboth*, malo seruo domestico-  
rum *percussori* confert, sic denique animatos ait *ut à religiosis retrahi fieri*,  
*apertè hæretica ac blasphema dici magnoperè cupiant*, tantum abest *ut ea cum ge-  
mitu vel referant, vel audiant*. Atque hac modestia Iesuitica Episcopalis  
confessus hyperbolæ demonstrantur, hæc verborum verecundia Episco-  
pali redundantia opponitur; ut mihi sæpè vereri subeat, ne cum hominis,  
ut cum Anglicanæ Ecclesiæ, simulacro luctari aggressus, frustra non hu-  
manas voces ad humani sensus normam exigendas susceperim. Audi enim  
argumentorum admirabilitatem. Episcopos probat Danielis hæreses *cum  
vero gemitu & doloris sensu non referre*: Primò, quia Satyricus canit, *sunt  
mihi sunt lacrymæ; sed non est causa doloris*; Secundò, quia *Achab ubi de Na-  
both, quem occidi cupiebat, morte audisset, gemere cepit, discidit vestimenta sua,  
cilicioque se induit*. Tertiò, quia Ambrosius scribit, *potentes cum calumniati  
nocuerint, dolere se simulant*. Quartò, quia historicus ille ait, *sæpè fit ut nulli  
ambitiosius extinctos lugeant, quàm qui maximè latantur*. His argumentis pro-  
caciissimus idem ac stolidissimus Iesuitarum, infandam hypocrisin perfidi-  
amque imponit tanto Episcoporum cœtui, solennèque eorum decre-  
tum irritat, sanctorum verò Patrum & Conciliorum censuras longè plu-  
rimas sine industria, & sine mente, summa cum imprudentia in eundem  
contemptum trahit. Vsitatissima enim SS. Patribus Ecclesiæque iudicibus  
testificatio est, qua se ad hæresum hæreticorumque damnationes, non sine  
gemitu doloreque Christiano, descendere profitentur, ut notissimum  
omnibus est qui eorum scripta, vel modicè, versauerunt. Concilij Ephesi-  
ni Patres sententiam in Nestorium proferentes, *Lacrymis*, inquit, *subin-* Conc. Ephes.  
part. 2. act. 1.  
in sess. deposi.  
*de perfusi ad lugubrem hanc contra eum sententiam necessariò venimus*. Cyrillus Cyrl. in epist.  
Alexandrinus longè antè dum eum reprobat, eius erroribus *sanciatum pectus* ad Acanthum  
Berensium,  
Conc. Ephes.  
part. 1.  
*se habere, eosque non sine gemitu & lacrymis auduisse* testatus est. Cœlestinus Cælestin. in  
ep. ad Cyrill.  
verò Pontifex Cyrillo rescribens in eundem, sic orditur, *litteras quas sancti-* Conc. Ephes.  
part. 1.  
*tas tua per filium nostrum Possidonium ad nostram maiestatem misisti, accepi*. Fla-  
uianus Archiepiscopus Constantinopolitanus, laudatissimi nominis An-  
tistes & Martyr, sententiam Constantinopoli in Eutychen primus hoc Conc. Ephes.  
part. 1.  
modo dedit, *Lacrymantes & gementes perfectam eius perditionem, decreuimus* Id. ad Cœ-  
cil. Constant.  
*per Dominum nostrum Iesum Christum ab eo blasphematum, extraneum eum esse*  
*ab omni officio sacerdotali, & à nostra communione, & primatu Monasterij*. sub Flavianio  
in Conc. Chal-  
ced. act. 1.  
Qua de re postea scribens ad Leonem Pontificem, *Depositis*, inquit, *stetibus*,



Epist. Fla-  
minius ad Leon.  
inter ep. Leo-  
ni 9. ep. 1.  
S. Leo, ep. 13.  
ad Pulcherum,  
et epist. 18.  
ad eandem.

Antony Epi-  
scop. Alexan-  
drin. Co. d. Chalc.  
c. 1. 2. in  
dact. Diosc.  
Cyrus Episco-  
pus Alexan-  
drin. Anazarbena  
civitatis ibi.  
Julianus ibi.

Concil. Mile-  
tan. ep. Synod.  
ad Innocentium  
c. 92. apud  
Aug. 1.  
Apud Secr.  
l. 1. c. 3.

Leo X. in  
Bulla Exur-  
ge, cont. Lu-  
ther. tom. 4.  
Concil.  
Cypri. ep. 33.  
ad Cor. 1.  
Idem serm.  
de lapsis, et  
epist. 40. ad  
plebem, etc.

Philipp. 3.

Luc. 19.

1. Cor. 5.

Id. Aug.  
lib. 3. cont.  
Parmen. c. 1.  
2. etc.

et lacrymis quas incessanter fundo, quia sub me Clericus inuasus est à fero de-  
mone, et non potui eum liberare, nec auferre à tali lupo, qui animam meam  
pro illo paratus eram ponere. At in eum ipse Leo, Multum doleo, multumque  
contristor, quod hic qui antea de humilitatis proposito laudabilis videbatur, contra  
unicam spem nostram patrumque nostrorum, vana nimis et stolidam audeat adstrue-  
re. Concilij Chalcedonensis Patres, dum in Dioscorum Episcopum Ale-  
xandrinum Eutychis Achillem vicissim sententias dicunt, alij sic loquun-  
tur: Lacrymor equidem de hijs quae contigerunt, eo quod frater noster aliquando  
et confacerdos in talibus ruerit delictis, etc. Alij, Ploro quidem et plango per  
suos actus ruentem de Episcopali gradu quondam Alexandrina magna ciuitatis  
Episcopum, etc. Iulianus verò Episcopus Coensis Apostolicae sedis Lega-  
tus, à D. Leone tantoperè laudatus, Mihi quidem, inquit, lacrymarum fon-  
tes distillant, et tenet linguam ad explanationem communis compassio. Sed quo-  
niam prater meum votum Dioscorus tot seipsum per inobedientiam criminibus  
monstravit obnoxium, etc. dolens ac gemens dico alienum eum esse ab Episco-  
patus dignitate, et omni sacerdotali ministerio. Concilij Mileuitani Antistites,  
dum Pelagium & Caestium damnant, simul optare se dicunt eorum  
emendationem, ut de correctione potius eorum gratulantur, quam contristentur  
interitu. Alexander Episcopus Alexandrinus in Concilio centum ferè Epi-  
scoporum Aegypti ac Lybiae, sic Arium & socios ab Ecclesia delicit, ut  
asserat se de eorum exitio per magnum animi dolorem capere, et maxime quod  
cum Ecclesiae dogmata aliquando didicissent, nunc ab illis desciuerunt. Denique  
ne longius abeamus, Leo X. Lutheri errores pra animi angustia et mero-  
re exprinere se vix posse dicit, cum in earum damnationem totus incum-  
bit. S. Cypriani quoque nota est illa vox in haereticos & schismaticos suos,  
dico dolens, dico coactus. Et in lapsos; cum maxime in eos disciplinae seue-  
ritatem tueretur, In prostratis fratribus et me prostravit affectus. Cum singu-  
lis pectus meum copulo, mororis et funeris pondera luctuosa participo. Ausus  
nostrorum viscerum partem violentus inimicus populationis suae strage deiecit. Et  
multò ante Apostolus, Multi enim ambulant, quos saepe dicebam vobis, nunc  
autem et flens dico, inimicos crucis Christi, quorum finis interitus; haereticos  
sui temporis his verbis fugiendos edicens. Omniumque princeps Chri-  
stus, dum Hierosolymitanæ ciuitati excidium & supremum velut anathe-  
ma pronuntiat, fleuit super illam. A quo deinceps exemplo Apostoli &  
S. S. Patres, necessariam in Ecclesiae regimine seueritatem, hoc genere mi-  
sericordiae temperarunt & condierunt. Sunt enim Ecclesiae non Iudices  
tantum, sed & Patres: ideoque non iudiciali solum autoritate, sed paterna  
quoque mansuetudine iudicant, puniunt, feriunt, velut patres quibus in  
medijs filiorum, quos compescere coguntur, gemitibus, paterna viscera  
concutiuntur, & lacrymae vel inuitis manant. Sic Apostolus Ecclesiam  
Corinthiorum luctum habere iubet, ut tollatur de medio eius criminofus ho-  
mo: Luctum autem habere, inquit Augustinus, non quia tollebatur, sed ut  
tolleretur. Quo loco vide latius & pulcherrimè exponentem quemadmo-  
dum Ecclesiastica censura, non austeritatis & districtiois immitis, ut cen-  
suræ haereticorum, & qui charitate veritatis priuati sunt, sed misericordiae,  
gemitus & luctus esse debeat, & Christi spiritu, & Apostolorum exemplis

componatur. Hanc muneris Episcopalis conditionem & pastoratus Christiani statum si Iesuita nouisset, nunquam miratus esset doloris significationem fieri ab Episcopis in errorum quantumvis improborum damnatione; nec hanc, si minus eorum virtutis & animi (quos à se ac suis alienos peruicaciter simulat) saltem eorum officij & pastoralis dignitatis orationem iis eripere, & ab ipsis alienam efficere contendisset. Nunquam improvida ista temeritate ac stultitia extulisset in cœlum os suum, sanctorumque Patrum, Apostolorum, & Christi ipsius clementiam, iudiciorumque Ecclesiasticorum consuetudinem, ludibriis impiorum obiecisset, qui eadem qua ipse solertia vel audacia, lata in se illa iudicia, & quæcumque deinceps ferentur, contemnere, & satyris, conuiciis, stolidisque scommatibus exhibilare potuerunt, & quoties libuerit poterunt. Iam quòd superiora deliria repetens, eaque in incredibilis insolentia probationem assumens, dolorem in epistola agnoscendum negat, quòd *hyperbolico tripudio perpetua lenitate exulset*; dupliciter infatuatus est, tum quod *perpetuam hyperbolam tripudio* compareret, quæ volatus quidam perpetuus, perpetuaque altissima euagatio dici debuerat, non tripudium, in quo alternant superni infernique motus; tum quod hyperbolas soli gaudio conuenire putet, non dolori, cui, quo magis contra naturam est quàm gaudium, eo magis conueniunt violentia, impotentes commotiones, exaggerati clamores, & naturæ totius quidam feruor, ut experientia, etiam sine Philosophia, testis est, ipsaque huius obliuiosissimi fluxæque mentis homuncionis insignis paulò ante declaratio, quæ hyperbolarum omnium instar esse possit. *Parcite mihi, Reuerendissimi Domini, nam vocem extorquet, nec capit frenos dolor. Non ignore dignitatem vestram, Ego dixi, dii estis & filij excelsi omnes: sed dolor vehemens amoris igne succensus non terræ, non cœlo parcit, in homines, in superos querelis indulget, complexa sui corpus miserabile nati, atque Deos atque astra vocat crudelia mater, &c.* Quæ hyperbolæ doloris huius hyperbolis maiores aut pares, quæ cœlum terramque transcendentem ad superos perrumpunt, in eorumque immensa altitudine nouas exaggerationes attollunt? Has ego tuas inanitates quauis hyperbola dignas ideo persequor, Floydè, non quo mereantur, vel tuæ Societatis nomini, aut Episcopalis ordinis dignitati, quam tuemur, consentaneæ sint; sed ut te, quoquò te veritas, absurdum, quicquid scribere coneris exhibilandum, & in hyperbolico tuo tripudio, in quo ridiculus esse voluisti, plus inscientia quàm industria ridiculum fuisse demonstrarem.

Nam Illustrissimorum Antistitum Epistolam gravitate ac moderatione eximiam, Episcopalis paternæque orationis exemplar, antiqua integritate ac prudentia venerabilem, & suprà diximus, & deinceps probauimus, & nemo qui legerit inficiabitur. Nec quemquam omnium extra vos audacissimos conuiciatores, nocentissimos reos, liuidissimos blaterones, esse putem qui in ea aut hyperbolarum vestigium, aut oratoriarum figurarum pigmenta, aut *sucosum ornatum* odoretur. Quem enim, obsecro, in ea istiusmodi ornatum, quæ oratoriarum figurarum pigmenta fingere potes ipse tu, qui eam *perpetuam hyperbolam*, & in eius verbis singulis totidem hyperbolas toties dicis, toties inculcas, toties omni ope rimaris? Quomodo

figuram vnicam, perpetuamque hyperbolem, oratoriarum figurarum pigmenta vocas? figuramque omnium insulsiſſimam & vicioſiſſimam, cum nimia, nedum perpetua eſt, ac veritatem obruit, ut tu factum ais, oratorium ornatum appellas? Hoccine Ludimagiſtri tui ſodales, quos tu iſto perpetuarum hyperbolarum commento oblectare voluiſti, patiantur? Iam ſentis, opinor, quantis ineptiis tibi conſtet vigesiſimæ iſtius hyperbolæ conquiſſio, quam tamen nondum uſquam reperiſti. Nam dum vltimum teſtem adiungis *Reuerendiſſimum Episcopum Bellicenſem*, & miſerè ea proſers quæ ab ipſo in Episcopos nunquam ſunt ſcripta, & ſi eius teſtimonio uſquequaque ſtare velis, ſenties eum ut religioſorum in cauſis æquioribus benignum patronum, ſic in iniquis ſeuerum iudicem; & ſicut patrociniſmo religioſis omnibus gratum & iucundum, ſic ſeuero iudicio iniquioribus eorum, ſui amantiſſimis, laudes tantum & blanditias, puerorum inſtar, ferentiſſimis, inuiſiſſimum effectum, probris opertum, ſcriptis conſciſſum, iureque merito religioſis iſtiusmodi furialibus, contumelioſis, maledicis, qui regnum Dei non poſſidebunt, acerrimum vindicem ac flagellum.

Quid ergo ſuper eſt, niſi ut te in poſtrema hyperbole, quod dicere cœpiſmus, ſuperiorum tuorum hyperbolicorum conatum temeritatem & impudentiam longè ſuperſſe dicamus, tantoque petulantius Episcopis inſulſiſſe, quo minore argumento maiora in eos & atrociora iactaſſi? Quid enim atrocius quàm non ſolum iis mendacium hypocriſinque nequiſſimam intendere, ſed tot hæreſes, impiamque doctrinam, quam publico decreto vna voce execrati ſunt, non idoneam putare quæ verum iis gemitum eliciat, verum dolorem inſtillet, ſi minus propter vos, quibus eos ingratè ac ſuperbè non tam inſenſos, quàm planè hoſtes & immaniter hoſtes depingis, ſaltem propter Eccleſiæ ſibi commiſſæ, propter Dei, cuius vicarij ſunt, cuius legatione funguntur, amorem & honorem, quem peſtilentiſſimis dogmatibus proteri vident? Niſi fortè ne in Deum quidem aut in Eccleſiam communemque fidem ſenſum iis vllum pietatis relinquis, eiecta-que omni religionis conſcientia, flagitiis eos & diuini numinis contaminationibus ac hæreſibus paſci putas, Eccleſiæque ac fidei labes non ſiccis tantum oculis, ſed etiam lætantibus intueri. Hæc enim tua eſt rabies & incredibilis amentia, dum ais eos, *ſic animo comparatos ut à religioſis*, nempe Ieſuitis, *tetra fieri, aperte hæretica ac blaſphema dici magnoperè cupiant*. Monſtroſa iſta ſunt, inaudita à Catholicis, nedum à Religioſis, in ampliſſimum Concilium Episcoporum; nec hæreticis vllum conuicium reliquum faciunt, & ab iis nondum dicta præripiunt, digna ad quæ Catholici aures obturent, improbiſſimosque rabulas à ſuo etiam aſpectu ejiciant, *ut diſcant non blaſphemare*.

1. Tim. i.

Quis verò poſt tam multiplicem rerum verborumque indignitatem, extremam hanc cataſtrophem expectaret, ut conuerſa ad Illuſtriſſimos Antitiſtes oratione confidentiſſimè diceret: *A verbis quæ contumeliam continent abſtinui, & quantum res patiebaſur, ſtylum pro mea in veſtrum ordinem reuerentia temperaui*? Quid ego hic dicam? Tu iſta impudentia vel Illuſtriſſimos Antitiſtes nihil lædis, vel pluſquam omnibus contumeliis ſuperioribus violas. Aut enim nihil ſapis, & à luxato cerebro nulla contumelia eſt; aut ſi

aut si quicquam sapias ; longè amarior est insultantis vtróque illudentis contumelia, quàm vel acerrimè lacerantis. Quod tamen amaritudinis genus, inuisa quadam animorum prauitate, vos in Episcopos præcipuè videmini delegisse, vt item infra patebit ad censuram Illustrissimi Archiepiscopi Parisiensis, vt quanto Episcopi alios superant, & quanto Iesuitæ omnibus supereminere gestiunt, tanto Iesuitarum in Episcopos contumeliæ omnium maximæ & eminentissimæ sint, & hostilibus sarcasmis, quibus nullæ insigniores virulentæ, attollantur. Nam audes etiam, quo magis ludibrium diluceat, ad extremum vti clausula illa Hieronymi in Ioannem Episcopum Hierosolymitanum, *Quæso ignoscite dolori meo ; nam si superbum est respondisse, multo sit superbius accusasse.* Qua te, mirabili typho tot Episcopis parem facis, cum iisque vt paribus ex æquo litigas, quasi cum accusatoribus, non cum iudicibus, quasi cum fratribus, aut condiscipulis, non cum Doctoribus & Patribus, quasi cum hæretico vno Episcopo, Coepiscoporum iudiciis notato, qualis Ioannes Hierosolymitanus Hieronymi aduersarius, cuius commemoratione expleri non potestis, ieiunissimi clamatores, vt infra sæpius declaratur, non cum clarissimorum Antistitum vnanimi cœtu, cum totius Ecclesiæ Gallicanæ Episcoporum vnanimi consensu. Imò adeo te iis non exæquare solum, sed anteferre audes, vt si qua in te aduersus eos superbia notetur, maiorem in iis aduersum te notari velis, vilissime tenebrio, & Iesuiticæ superbiæ v. ppa, cuius hoc vnum dictum à sano homine nondum auditum, omni scriptorum omnium conuicio, tuorum ipsorum, si saperent, compressione, ipsissimaque stultitiæ palma dignum est.

Venio ad vltimam Querimonix tuæ partem, qua vltimam Illustrissimorum Antistitum Epistolæ particulam oppugnas; Quodque ab illis scriptum est *rationem facti sui ab ipso Dei spiritu reddi videri*, dum ait, *super muros tuos Hierusalem constitui custodes, tota die & tota nocte in perpetuum non tacebunt, atque ab his custodibus abesse quàm longissimè canes mutos non valentes latrare, atque hoste in domum Dei irrumpente dormientes, id tu cò rapis, faustus interpretes, quasi reliqui per orbem Episcopi omnes dormire dicantur, & esse canes muti, sui que muneris inimemores*, in primis Romanus Pontifex, qui nihil in hos libros decreuerit. In quo primùm constantiam tuæ mentis desidero, vt sis memor quid in ipsa Querimonix fronte præscripseris, *libri lingua tantum mea gentis, quos ipsa sola legerem, sola intelligerem, cum vestra in ipsos Censura seniuisset, scripti extabant ; quæ nisi intentata fuisset, meo sinu & domesticis parietibus contenti, Latinam lucem hodie non aspicerent.* Quid ergo nunc cæteros Catholici orbis Episcopos, aut Romanum Pontificem indiligentiæ ac remissionis notatos quereris in Illustrissimorum Antistitum Epistola, si cùm ea exiit libri tui apud eos non extabant, nec lingua quam intelligerent prodierant? Norant Galliæ Antistites eos sibi oblatos, suo iussu, cùm praua docere dicerentur, Latinè conuersos, nec vsquam alibi, nisi Anglicè, manasse. Quonam igitur modo aliis Episcopis, aut Romano Pontifici, quibus de iis compertum non fuisse & tu scribis, & ipsi videbant, incuriæ & oscitantix crimina ob eos non proscriptos inferre potuerunt? Audin' hæc festiuissime criminum contextor? Viden' tela tua in ipsis tuis manibus,



antequam vel aërem verberarint, hebescere? Te nec pace bonum, propter audaciam; nec bello, propter debilitatem? Non enim canes mutos, vigilesque dormitantes auersantur Antistites Illustrissimi, quò probra aliis inferant, sed ut quale probrum ipsi effugere voluerint, si pestiferum doctrinæ genus ad se delatum, sibi notum, Gallix imminens non repulissent, profiteantur.

Nec verò silent aliarum gentium Episcopi, sed plausu & assensu vario, qui quotidie ad nos perfertur, Illustrissimorum Gallix Antistitum & Theologicæ Facultatis iudicia comprobant. Quod autem libros vestros coacto cœtu publicè non damnent, aliæ alibi esse possunt causæ, præcipuè cum iam ab Episcopis Gallix, quorum istud munus fuisse intelligunt, tum quia delati ad ipsos libri, tum quia ipsi vicinissimi ex more antiquo Episcopi, publicè repudiatos & Ecclesiæ satis notatos videant, dum Romani Pontificis summum iudicium accedat. Id quod hæresibus non paucis similiter contigit, ut nimirum ab vnius provinciæ aut regni Episcopis damnata sint cæteris consensu solum tacito, non synodaliū decretorum autoritate suffragantibus. Sic enim Eustathianos, quos synodus<sup>a</sup> Gangrensis damnauit, non legimus ab aliarum prouinciarum Conciliis apertè deinde damnatos. Idem Aerianis<sup>b</sup> Collyridianis, c aliisque accidit, quos præter locorum vbi exorti sunt Episcopos, non constat ab aliarum regionum Synodis reiectos esse, sed vniuersali Ecclesiæ consensione quæ lentim sine sensu inoleuerit, exautoratos, quemadmodum singulorum postmodum Patrum scriptis declaratum est. Quod si qui priuatim languidiores visi sunt & indulgentiores aduersum vos, ut libros impios è regionibus suis manare, aut per eas licentiùs vagari sunt passi, hos nihilo magis mirum est Iesuiticis artibus, fallaciis, potentia vel capi, vel terreri potuisse, quàm Chrysostomum<sup>d</sup> monachorum Origenistarum fraudibus captum esse post Origenis hæreses Alexandriæ à Theophilo, in Cyprio ab Epiphanio cum Collegis damnatas; aut Theodoretum<sup>e</sup> Cyrilli in Nestorium anathematismos potentiorum quorundam studiis obsequentem improbasse, ut eius postmodum pœnitentia plures in orbe turbas<sup>f</sup> conscisceret, quàm ipsa Nestorij hæresis aut eius in eo tuendo culpa conscuerat.

<sup>a</sup> Conc. Gangren. conc. 1. Concil.  
<sup>b</sup> Vid. Epiphani. hæres. 75.  
<sup>c</sup> Idem hæres. 79.

<sup>d</sup> Pallad. dialog. de vita Chrysost. cap. 7.  
<sup>e</sup> Sozom. l. 8. c. 13. &c.  
<sup>f</sup> Vid. opist. S. Cyrilli ad Eusebium, 3. part. Concil. Ephes. & Vid. Synod. collat. 5. c. 8. &c.

Romanum verò Pontificem, quæ tua insipientia est, ut dicas notatum esse quasi dormitantem, eo quod ex his libris alter Romæ legatur, nec in eum latretur; cum nec ibi legeretur quo tempore Epistola manauit, nec te ipso teste legi posset? Atque ut tuam vndique leuitatem aperiamus, qui quamlibet argumenti aut maledicti speciem sequeris ac rapis, veritatem, soliditatem, fidem susque deque habens, & temporarium dumtaxat malæ cupidinis pabulum quærens, tu ipse paulò ante Illustrissimos Antistites criminatus es causam coram sede Apostolica pendentem, dum de libris vestris iudicarent, ad se per vim abstraxisse. Ego, inquis, simulatæ tuæ Ecclesiæ nomine, discordiæ conscissa vulneribus, libris varia doctrina hinc à Seculari Clero, inde à Regulari scriptis in partes distracta, sedis Apostolicæ opem imploraueram, illi mea vulnera aperueram, causam in se suscepit, auxilium eximia cum benignitate addixerat, sanarique iam iam expectabam ab illa saluari manus

*in fidei rebus nunquam à vero aberrante. Vbi ergo fides? Vbi religiosus candor? Tu iudicium de libris varia doctrina hinc à Saculari Clero, inde à Regulari scriptis ad sedem Apostolicam delatum, ab ea susceptum & institutum, iamque penè peractum professus, postmodum totus à te ipso effluens ais Pontificem libris istis indormire, mutum esse, officium negligere? Quasi indormiat, aut mutus sit, aut officium negligat iudex qui causam cognoscit, qui disceptat, qui iudicium parat, qui iam iamque sententiam editurus est. Eiusmodi iudicem canium mutorum; latrare non valentium, hoste in domum Dei irrumpente dormientium nomine comprehensum affirmare, quæ iniquitas, quæ dementia est? Illustrissimos verò Antistites criminari, quod causam coram eo pendentem ad se rapiant, seu eo loquente loqui velint; & simul quod eum officij desertorem, mutum, latrare non valentem faciant, quæ ineptia, quæ stupiditas? Vide ergo criminationum tuarum pugnas, vide vulnera, vide internecionem; ut pateat te non rerum iudicio, non veritatis conscientia, non vlla fide, sed præsentis impetu, rerumque tuarum pro loco aut tempore commodis & amore vanissimo, subitaria comitia fingere, non vera crimina inuenire. Quid minus cohærens, quid discrepantius, quid fœdus, quàm libros vestros, cum Episcopalis Censura manavit, Romæ ignotos, soli Angliæ cognitos, domesticis eius parietibus conclusos primò dicere; deinde ad sedem Apostolicam iam tum delatos, illi apertos, ab ea susceptos, iam iamque iudicandos asserere; postremò Pontificem in eos mutum, dormientem, incurium, officij immemorem simulare? Hæc sunt prudentiæ iam ruentis, & irato Deo fatiscentis deliquia, ut quiuis à famosissima gloriosissimaque Societate ea manare miretur, quæ à furentibus aniculis expectanda videbantur.*

Nec verò gloriari attinet horum librorum alterum Romæ legi, nec tamen in eum latrari. Istam tibi gloriationem ante plura sæcula præripuit Abailardus, quem S. Bernardus Pontifici Innocentio, Episcoporum Galliarum Censuræ ipsius nomine, scribit eum similiter gloriari solitum libros suos latè manasse, & in ipsam urbem Romam esse admissos. *Iam iam, inquit, extendit palmites suos usque ad mare, & usque ad Romam propagines eius. Hæc gloriatio hominis illius, quæd liber suus in Curia Romana habet ubi caput suum reclinet. Hinc confirmatus & confortatus est furor eius. Quibus verbis Pontificem audaciæ hominis admonet, eiusque in illum iustissimam indignationem exstimulat, ne Romanæ Curiae nomine, ad errorum suorum propagationem, eum indignè abuti pateretur. Eamque vim apud Pontificis animum oratio habuit, ut impia doctrina cum autore ipso ex illo supremo tribunali tandem prostrata sit. Tuum est cuius imitatis impudentiam, eius exitum perhorrescere. Non enim feret Ecclesia Romana, nec tam indiligens erit perpetuæ suæ famæ, ad felix Ecclesiæ vniuersalis regimen penitus necessaria, ut si pestilentia vestra dogmata, in oculis omnium proposita, fidelium mentes vulnerantia, antehac inaudita & insolentia non damnarit atque abiecerit, ea probasse videatur: Nec, si tu Abailardum iactantia referre voluisti, ipsa Innocentium illum Pontificem integritate referre nolet, ac fortitudine, qua tuam, sicut illius, insolentem & Ecclesiæ Romanæ probrosam, in Gallia similiter Episcopos Catholicæ doctrinæ vindices,*

*S. Bern. epist. 191. ad Innocent. Papam. p. 14. & epist. 193. ad Innocent. Cardin.*

Epist. fam.  
V. Episcop.  
Aurely, A.  
Opp. Aug.  
stun, &c. ad  
Innocent. post  
Conc. Milen.  
2. & est 93.  
inter ep. Aug.  
Vid. Innoc.  
ep. 26. quod est  
96. apud  
Augustin.  
Hier. ep. 16.  
ad Principia,  
& epist. 8. ad  
Demeitrad.  
Idem lib. 3.  
Apolog. in  
Ruffin.  
Idem ep. 78.  
ad Pam. &  
Marcel. &  
Apol. 1. & 2.  
in Ruffin.

a Vid. epist.  
Synod. Ale-  
xandri Episc.  
Alexandri  
contr. Arian.  
tom. 1. Conc.  
b Vide A-  
than. epist. ad  
Serap. de Spi-  
ritu sancto. &  
Conc. Alex.  
de lapsis sub  
Athanas.  
Socr. l. 3. c. 4.  
c Vid. Conc.  
Constant. sub  
Flavian.  
Concil. Chal-  
ced. act. 1.  
d Vid. Conc.  
Cesar. aug.  
contr. Priscill.  
Conc. Gangr.  
cōt. Eustach.  
Cōc. Semonese  
cōt. Abailar.  
Conc. Gallic.  
concl. Albigē.  
tom. 3. Conc.  
&c.

insultationem confringat. Idem prædicabant Pelagiani, ne tu vni hæreti-  
corum generi ostentationem istam familiarem fuisse putes, ut testantur  
Episcopi Africani ad Innocentium primum Pontificem. *Audiuius*, in-  
quiunt, *esse in urbe Roma*, (ubi ille diu vixit) nonnullos qui diuersis ei causis fa-  
ueant, Pelagio nimirum. *Quidam scilicet*, quia vos talia persuasisse perhibent:  
plures verò, quia eum talia sentire non credunt. Quo nuntio ita motus est In-  
nocentius, ut Pelagium eiusque doctrinam acrioribus multo vocibus per-  
cussit quàm ante fecerat, ut patet ex epistola ad eosdem Episcopos ab eo  
rescripta. Ruffinus quoque ac Origenistæ non solum Romanorum in suas  
hæreses studia, librorumque impiorum Romæ à se editorum commen-  
dationem venditabant, quæ tanta fuit Hieronymo teste, ut Sacerdotes quo-  
que, & nonnullos Monachorum, maximèque seculi homines in assensum sui tra-  
heret, ac simplicitati illuderet Episcopi, (Siriciij) qui de suo ingenio ceteros assima-  
bat. Sed etiam Siriciij eiusdem epistolam quasi pro se scriptam profere-  
bant. Quo factum, ut intentatum ab iis Ecclesiæ Romanæ dedecus, Ana-  
stasij Pontificis publico in Origenianam lucem Ruffinumque eius signife-  
rum fulmine, deiectum sit ac deletum. Nunquam enim fidei Romanæ  
integritas istas hæreticorum in perditissimis quibusque erroribus solennes  
strophas ferre potuit, quin in eas tanto magis exarserit, & quorum contu-  
meliosissima adulatione palpabatur, eos meritissima contrà æmulatione  
protriuertit. Nec commissurus est sanctissimus Urbanus VIII. Romani-  
que Patres, ut Iesuiticis nouatoribus istiusmodi audacia nunc primum  
sit impunè, ipsi verò interim à perpetuo maiorum suorum in simili causa  
zelo inuictoque erroribus ac fallaciis fidei robore discessisse videantur,  
& Iesuitarum in hæresibus tuendis gloriam, inuiolata illi per omnia sæcula  
Romanæ Ecclesiæ famæ prætulisse.

Romanum sanè Pontificem non tacere in hos libros, norunt omnes  
qui eos sacræ Inquisitionis iudicibus ab eo deditos sciunt. Et quamuis nul-  
lum adhuc iudicium emisit, præiudicia tamen non leuia dedit, tum pri-  
uatis voluntatis suæ significationibus, tum maximè Priuilegiorum plu-  
rium antiquatione solenni per publicam Bullam, expressa sæpius nomi-  
natim Societate Iesu, ut præcipuum turbatum caput insigniùs notare-  
tur, & solita superbix cauilla conticescerent. Quod si, mirifica tua rerum  
scientia exquisitoque iudicio, Romanum Pontificem obdormisse dici  
putas, quod prima hæresum vestrarum damnatio Parisiis prodierit, non ab  
urbe Roma, in eumque sensum valere debere censes illud Prosperi, *Pestem  
subeuntem prima recidit Sedes Roma Petri*, ita ut hæresum errorumque om-  
nium primum iudicium Roma proficisci oportere velis; maiore te nego-  
tio quàm sentis inuoluis. Si enim quoties Romanus Pontifex pestem sub-  
euntem primus tempore non recidit, toties dormire dicendus est, dor-  
mierunt proculdubio non ad vestras tantum, sed ad antiquissimas maxi-  
masque ac primas hæreses Pontifices illi clarissimi, quorum ætate <sup>a</sup> Aria-  
norum, <sup>b</sup> Macedonianorum, <sup>c</sup> Eutylianorum, <sup>d</sup> aliorumque plurium  
grassatæ sunt pestes, quas omnes antequam Roma recideret, inferio-  
rum Episcoporum iudicia præciderant. Sed tibi ad clarissimam passim  
lucem, pleno quasi meridie, & ad resonantis vndique veritatis strepitum



dormitare solenne est, bone Floyde, ut minimè mirandum sit te aliis inaudita somnare. Quod si Romani Pontificis esse diceres, ut orientes hæreses primus semper autoritate, etsi non semper primus tempore exscinderet, & hoc sensu illud Prosperi afferres, *Pestem subeuntem prima recidit Sedes Roma Petri*, quemadmodum verè Prosper intellexit, cum loquatur de hæresi Pelagiana, quam cõstat multò ante in Africa quàm Romæ damnatam esse, quo modo ab alio Poëta, quem optimè nosti, dictum est: *Veterisque memora Saturnia belli, Prima quod ad Troiam pro charis gesserat, Argis*, tam vera diceres, quàm à præsentis negotio & à scopo tuo aliena. Tuarum enim hæresum damnationem & Illustrissimi Antistites, & nos omnes, & vniuersi Catholici principi Romani Pontificis autoritati deferimus, eamque ab illo, qui iam sui in eas animi signa dedit, post libratas maturius tandem rerum temporumque & Ecclesiæ vniuersæ, cuius in specula altissima excubat, rationes ac momenta, proditura confidimus. Nec ea in illum iniquitate aut inuerecundia sumus, ut quàmuis rem tantam ad ipsius potissimum iudicium prouidentiamque pastoralementem pertinere arbitremur, tamen quod hætenus suæ autoritatis non strinxerit penitus aciem, nec plenum in libros meritissimos iudicium sanxerit, cum Iesuitica fiducia negligere officium, conuiuere, dormireque iudicemus. Nouimus imperantium sollicitudines, cogitationum varietates, curarum altitudines, mentis, ut cum Gregorio loquar, *tempestates*, necessarias cunctationes; nec iniquius quicquam comparatum esse, quàm ut vasta illa publicastres temperantium consilia, angustis priuatæ prudentiæ limitibus concludantur.

<sup>2</sup> Vid. Prosp. in carmine de migrat. b. Vid. epist. Conc. Carth. ad Innocent. & Conc. Milevit. 2. ad eundem, tom. 1. Concil.

S. Gregor. Pastor. part. 1. cap. 9.

Vides quàm non feliciores habeas vltimos in Illustrissimorum Antistitum Censuram impetus, quàm priores habuisti? quàm omnia sui similia sint, quàm te ipsum spirent, quàm tota Querimonia & Ecclesiæ Anglicanæ simulata effigies, vnum artificem, vnam manum, Iesuitam vnicum resonet? Multa enim minuta missa facio, in quibus etiam tota sibi futilitas mirificè planèque consentit. Mitto Satyrica rursus in Illustrissimum Archiepiscopum Parisiensem conuitia, à quibus ne alienissimo quidem tempore temperare potuisti; quia etsi fœda, etsi indigna sunt tum quæ inferantur Episcopo, tum quæ Religiosus inferat, tum quæ Christianus audiat, tamen suo loco cumulatè diluentur, ut te ipsum lacecisse pœniteat.

Querim. n. 49. 5. 7.

Vnum præterire nequeo, grauius & insolentius, tamen iam antè infractum, quod post tam inusitatam audaciæ, maledicentiæ, ludibriorum copiam scribere ad extremum audes Illustrissimos Episcopos nimia cautela laborare, deque rebus commoueri in quibus nihil periculi, omnia tuta, nebula tantum aut caligo nescio quæ tenuior appareat. Quod tu si ex animo dicis, quid te nocentius, quid peius ac tetrius, qui vnà cum Sociis Ecclesiæ Anglicanæ internam longo iam tempore quietem ac pacem, ex re nihili, leuissima, quam vel curare nimix cautelæ sit, concutias ac disturbes, eademque causa Ecclesiæ Gallicanæ Episcopis tantum petulantia, contemptus, contumeliæ offundas? Siccine vobis ludo est Ecclesiarum pax, Episcoporum honor, fama, obseruantia, Ecclesiæ denique totius pudor, ut quæ nulla ratione aut causa leuissimè perstringere oportuit, ea leuissimo argumento, quasi animi gratia, perfringatis? Sed quonam tu pacto leuiss-



sima & inania hæc vocas, quibus Ecclesiam Anglicanam paulò ante dixi:  
*si discordiæ conscissam vulneribus, libris variis in partes distractam, & si Nicolai*  
*Smithzi testimonium admittis, plus incommodi, plus etiam periculi defectionis*  
*à fide ex istiusmodi discordiis ac dissensionibus accepisse, quàm vel com-*  
*modi à Sacramento Confirmationis acceperit, vel incommodi ab eius*  
*olim oratione? Rem tu nihili censes Ecclesiam discordiæ vulneribus con-*  
*scissam, in partes distractam, summis incommodis, periculoque defectio-*  
*nis obiectam? Leue putas, vel incommodum quod priuatio sacramenti*  
*Confirmationis, vel commodum quod eius concessio afferat? Et libros qui*  
*maiora vel his commodis, vel his incommodis mala pariant, qui Ecclesiam*  
*vulneribus conscindant, in partes distrahant ac dilacerent, tenue nescio*  
*quid ac leue facis, quod ne curandum quidem nisi nimia cautela videatur?*  
 Sed quid ego discrepantias tuas vrgeo, iam precibus magis quàm argu-  
 mentis sanandas? Vel quid hominem nouatorem, fidei turbinem, doctrinæ  
 auitæ securim, nouitates suas miror pro minutiis, quæ vtrinque ventilari  
 innoxie possint, quæ cuiusque arbitrio pateant, quæ negligendæ sint, ob-  
 trudere, cum suprâ sæpius ostenderim hunc fuisse semper esseque hodie er-  
 rantium omnium, nouantiumq; genium, à fallaciarum Patre immissum,  
 vnà cum errore susceptum, vt non sua solum industria versutiaque valeant  
 ad motæ fidei & Ecclesiæ sinceritati machinationes, sed aliena etiam segni-  
 tie, securitate, incuria, quam, nimix cautelæ vitandæ nomine, semper inji-  
 cere conantur? Erras vehementer, Iesuita querule, si hoc insidiarum in  
 Gallia, hæreticorum insidiis nimium quàm assueta, in Ecclesia denique Ca-  
 tholica tot omnium temporum hæreticorum astus experta, ignotum esse  
 putas. Sicut olim Christus, sic sponsa eius Ecclesia, longo rerum suarum  
 vsu sapientia creuit apud Deum & homines, nec patientiam solum, sed  
 sapientiam quoque ex iis quæ passa est didicit, vt libros legens à vobis con-  
 scriptos, turbas videns à vobis commotas, consilia studiaque vestra in-  
 tuens, non pulueres, non nebulas, non minimas quas tu ais obscuritates,  
 sed planè hostiles acies, tempestatem, noctem prospicere cogatur & vehe-  
 mentius extimescere. Iam enim libri vestri arma pararunt & causam hosti-  
 li factioni. Soli animi defunt, qui arma ista factionemque istam hostiliter  
 induant, (quod de vobis suspicari non libet) vt apertum in Ecclesiam  
 bellum, hostilemque exercitum videamus. Iamque libri ipsi planum bel-  
 lum hostilesque mouent acies, quas non timemus aut prospicimus, sed vi-  
 demus, sentimus, experimur. Nullus enim Ecclesiæ acerbior hostis quàm  
 error, quàm hæresis, quàm Ecclesiasticæ doctrinæ mysteriorumque gra-  
 uissimorum labes, quas non in aduersa Gallia Insula quasi puluerem cer-  
 nimus, sed intra Galliam in libris defensoribusque vestris, communi  
 fidei doctrinæque Catholicæ infestius oblucentes habemus, verè quasi  
 puluerem terræ, cui Scriptura Dei hostes confert, tum ob innumerabilem  
 quandam errorum vestrorum multitudinem, tum ob eorundem à terre-  
 nis commodis admodum notis, à deiectissima inscitia, à vilissimis men-  
 tibus, originem. Neque nebulam pulueremve istum uno Pontificis flatu,  
 uno mandato, uno verbulo dissipandum dicere potes, qui vel à te ipso, vel à  
 Sociis ea factionis vestræ passim fundamenta, præcipuè simulata illa

Genf. 13.

Psal. 34.

Isa. 19. 6.

declaratione iacta esse vides, ut si ea Catholicorum animi susceperint, magnoperè metui debeat ne illinc non vnico flatu, sed quovis impetu, non uno mandato, aut verbulo, sed quovis amplissimo diplomate Pontificio depelli non possint. Quis enim Pontificem, seu stantem, seu mandantem, seu declarationum radios, ut ais, dissipantem audiat qui sibi persuaserit quod Catholicorum Angliæ omnium nomine Iesuitæ palam professi sunt, rudibusque laicis perniciosissimè instillarunt, potestatem Episcopalem hoc tempore in Anglia non solum noxiam fore, sed etiam inuilem, tantumque in ea observanda, vel agnoscenda periculi esse, ut nulla ratione ad eam suscipiendam se cogi posse existiment. Quare validissimis rationibus nixos certò secum statuisse, quidquid contrà afferatur, summi Pontificis nunquam fuisse mentem ut tam importuno onere premantur, neque unquam in posterum fore, si modò rerum ipsorum status ei verè exponatur. Et paulò post: Impossibile esse ipsis persuaderi, se, ut omnia exponant propter observantiam externa autoritatis, quæ fidem non spectet, sed rerum duntaxat exteriorum quarundam usum, nisi pro locorum temporumque opportunitate non necessariarum, ulla lege cogi posse. Aliaque similia tota passim declaratione, qua læpius contestantur nullam esse rationem, nullam causam, nullam legem qua ipsis Episcopalis autoritas hoc tempore imponi queat, seque ab hac sententia nullo pacto deduci posse. Hæc si audiant Catholici, & firmè animis combibant, quemadmodum propinantur, quomodo deinde Pontificis unum flatum, mandatumve unicum sibi aduersum audient, qui iam sibi persuaserint, neque inde dimoueri velint, cum sibi, quod iudicio suo dissonet, præcipere nihil posse; si fecerit, aut facturum quod non possit, aut res Angliæ minus exploratas habiturum? Quid verò ipsi Iesuitæ intus in animis coquant, quæve monstra alant qui talia rudibus laicis inculcare, palam edere spargereque ausint; quæ si locum habeant, Pontifici nulla ratio, nulla via, nulla potestas superest, qua motus Angliæ, manantiumque hæresum impetus, nisi ex Iesuitarum voluntate, compescat? Desine Pontificem pariter & Episcopos ludere, homo audax satis, sed minimè aptus ad tam graues ludos. Desine, nisi omnes tecum excordes putasti, tam clara schismatum semina in populares animos à vobis injecta, totius Ecclesiæ oculis oblata, pulueris aut nebula tenuioris caligine inuolueri, ut non solum vestram in peccando audaciam, sed etiam in peccatis contegendis inscitiam admiremur.

Nisi fortè tot schismatum fomites, tot hæresum maculas, tot errorum tabes expurgatura est tua illa ex Paulo Iouio fabella, de rustico in aduersa Villafranca, Sabaudici porius, insula tritici acervos cribrante ac ventilante, à quo excitatam pulueream nubem Villa francæ hospites, quasi aduentantem hostium classem, timuerint. Quod tu ludibrium à Patre Bineto mutuatus es, fabulone mero, qui simili narratiuncula à Burgundiæ nescio quo historico, vel à fecundissima deliciarum talium ingenij sui penu, graues illos Francisci Fontani sermones, quos tu toties versasti, luxisti, vorasti, quasi gemma insigniit. Adeo enim inopes & inanes rerum bonarum vacuique estis, ut hominem qui vobis ad plures annos discipulus esse debuerat, nisi vos ipsi plus magistris quàm discipulis egeretis, rerum grauiissimarum magistrum, Theologiæ oraculorum interpretem, vel nugarum ducem potius

In declaratione Gallica nomine Catholicorum laicorum Angliæ, pag. 4.

Ibid. pag. 3.

In libello François Fontaine, pag. 146.

assumere cogamini. Videris quippe hanc coronidem ad eius exemplat in Querimoniam finem, quasi Mimum in ultimum scenæ actum coniecisse, ut peracta Ecclesiæ Anglicanæ fabula, lectoris animum ineptiarum ædificationem, nulla re utili pallum, summa futilitate obtusum, scurrili Episodio releuaret. Sic grauis & atrox Ecclesiæ Anglicanæ Tragœdia, Querimoniam, luctu, lamentis, cruento maledictorum in Episcopos, blasphemiarum in fidem, petulantiam in summa Religionis mysteria, squallore tumens, assuto sine Comico in Tragico-comœdiam, vel Tragico-mimum, insolensque omnino fabulæ genus delapsa est. Sic falsus ille gemitus, composita Querimonia, Chimæricæ Ecclesiæ luctus in risum à teipso iam mutatur; & qui ridiculè ac procaciter vaticinaris, *pace composita, Gallia Episcoporum de tot hæresibus irruentibus sanctæ charitatis gemitum mutatum in risum*, multò magis ridiculè tibi ipsi, Ecclesiæ tuæ, gemitibus questibusque eius eam mutationem protinus affers, quam illis in futurum portendis. Nec enim ea vis est in vilo pectore gemituum complorationumque Scenicarum, quibus Ecclesiam Anglicanam malus Poëta deformasti, ut non tam facile scurrili clausula in nebulam, in flatum, in risum, ut tua verba referam, euanescent, quàm facile, post Tragædorum lamentabiles atrocitates, spectantium animi histrionico lenocinio in risus soluantur. Et verò quid catastrophe ista magis ab omni parte absonum, vel delirum dicam, in qua Christum confers cum illo Villa-francæ Sabaudici portus rustico, tritici acervos ventilante & cribrante; libros autem vestros cum puluere nebulaque puluerea, quam rusticus ille ventilando excitabat: Quid abiecius & insulsius & Iesuita indignius? An tu circulatoriam licentiam tuam non in Episcopos tantum Christi Vicarios, sed in Christum Episcoporum Principem iactas, huncque & illos simul risui ludibrioque opponis, teque vnâ cum illis? Quanta enim vel improbitas, vel inscitia est, ut quemadmodum rusticus ille tritici acervos ventilando & cribrando puluerem nebulamque commouit, ita Christum *discordia inter Reuerendissimum Chalcedonensem & Regulares Angliæ ventilantem fideles suos*, puluerem in aduersa Galliarum Insula excitasse facias, quem Galliarum Episcopi metuant *velut irruentium hæresum classem*? Quid hoc aliud est, quàm Christum & commotæ in Anglia contentionis autorem dicere, & hæresum errorumque, quos ex ea discordia natos Episcopi Galliarum quasi puluerem nebulamque dissiparunt? Erras non leuitate solum Comica, sed temeritate Theologica, *nesciens scripturas*. Non enim per eas scribere fas fuit, Christum dissidiis, tumultibus, persecutionibus ventilare aut cribrare fideles. Non hoc æuo ventilabrum eius excutitur, ut sæpè dixerunt Patres aduersum hæreses; sed in futurum æuum, in iudicium extremum reponitur, ut testis est ipse antecursor, atque ipsa vox eius, *Cuius ventilabrum in manu sua, & per mundabit aream suam, & congregabit triticum suum in horreum, paleas autem comburet igni inextinguibili*. Non hinc ille fideles cribrat, sed Satan, sed Demon, hæresum, dissensionum, turbarum commotor, per easque fidelium ventilator. Ita ipse discipulis longè ante prædixit: *Simon, Simon, ecce Satanas expetiuit vos ut cribraret sicut triticum: Ego autem rogaui pro te ut non deficiat fides tua*. Hic cribrator fidelium in Anglia, tam per tumultuationes

Matt. 22.

Vul. Total.  
de fuga in  
persecut. c. 1.  
Pulchre Cy-  
prian. ep. 32.  
Ambros. in  
Psalm. 43.  
August. li. 2.  
cont. Crescon.  
c. 34. & lib.



vestras aduersus Episcopum, quàm per alias qualibet persecutiones, qua-  
 rum ex æquo ille vnus autor & motor est. Hic per vos quasi ventilabra fla-  
 bellaque seditionis, ventilat Angliæ Catholicos, disiectisque ac disgrega-  
 tis hinc inde omnibus, pauculos, Deo propitio, paleis vestris admiscuit,  
 si tamen admiscuit, ac non fraudulentia vestra frugem innoxiam stipulis  
 vestris inuoluit. Ab hoc ventilatore coortus est libellorum vestrorum iste  
 puluis, illæ nebulæ, illæ *nubes sine aqua, quæ à ventis superbiæ circumferuntur*,  
 quos Spiritus Dei per Galliæ Episcopos dispulit, velut *puluerem quem proicit*  
*ventus à facie terræ*. Christo enim ventilabrum iustitiæ, quod hîc interim  
 per ministros suos versare incipit; Dæmoni ventilabrum iniquitatis, sce-  
 lerum, contentionum, proprium est: etsi Dæmone hoc cribrum mouen-  
 te, Christus suos prober, eosque cum illius purgamentis abire non sinat.  
 In futuro verò sæculo ille ille sua manu ventilabrum iustitiæ corripiet, pa-  
 leasque & pulueres & nebulas discordiarum, errorum, hæresumque ve-  
 strarum, vnà cum earum commotore & excitatore Satana ventilabit, &  
 torquebit. Cuius iudicii præiudicio quodam Vicarij eius Episcopi iam eas  
 in Gallia diffilarunt, in qua vestræ nebulæ volitant, non in *aduersa* duntaxat  
*Insula*, vt tu ridiculè simulas, ne fabula de rustico Sabaudico ex Paulo Io-  
 uio repetita discrepare videatur. Libri enim in quibus errores ac hæreses  
 compertæ sunt, non in Anglia Insula hæserunt, sed in Galliam inuola-  
 runt, cum ab aliis, tum à vobis illati; variisque propugnatoribus ac duci-  
 bus, & antequam ederentur, & postquam editi, ac sæpius editi sunt, Lute-  
 tiam irruerunt. Vt quod de Ruffino hæreses suas Hierosolyma Romam  
 transvehente à Hieronymo scriptum est, *Quasi parum esset hîc vniuersa mo-  
 uisse, nauem plenam blasphemiarum Romano insulit portui*, id in vos verissimè  
 dici possit, *Quasi parum esset in Anglia vniuersa turbasse, nauem plenam blasphemiarum portui Gallicano à vobis illatam esse*, quæ non secusatque illa naufra-  
 gium in hoc portu inuenerit. Quare nimis stolidum dictu est, id quod Epi-  
 scopi Gallia metuant velut *irrupentium hæresum classem*, puluerem esse in *aduersa*  
*Galliæ Insula ortum*: Et Episcopi qui libros ad se delatos, à se excussos ac  
 tentatos, in quibus graues hæreses, re sæpius maturèque explorata, non  
 metuerunt, sed deprehenderunt ac viderunt oculis, cum iis stultissimè con-  
 feruntur qui puluerem procul à se in opposita Insula elatum, antequam  
 cum per exploratorem dignoscerent, pro classe armatâ timuerint. Hæc  
 tua tam multiplex insulsitas magis te nolente risum facit, Iesuita ludio,  
 quàm tua fabula, te volente; reque omni ex parte ridiculum, & siue seria,  
 siue ioca moueas, perinde exhibilandum probat. Hæc qui à te audient,  
 non expectabunt quò rideant, dum *Galliæ Episcoporum de suis hæresibus ge-  
 mitus pace composita mutetur in risum*, vt polliceris vel hariolaris. Certiora enim  
 ex teipso præbes in præsentia, quàm ex illis in futurum spondes. Nisi fortè  
 Christianus lector, cui pietas, & Ecclesiæ reuerentia cordi est, lacrymis di-  
 gnus quàm risu putet, quod tu maleuolentia simulationeque improba  
 sanctissimum Ecclesiæ morem, & Episcoporum in hæresibus, quæ Deum,  
 Ecclesiam, autorelque ipsos dedecorant, coercendis misericordissimam  
 fœneritatem, ab Apostolis, Christoque ipso traditam, subsannare audeas,  
 in eaque audacia antiquam SS. Patrum, Ecclesiæque totius in eiusmodi

vn. ad Donat.  
 post collat. c.  
 10.  
 Fulgent. de  
 fide ad Petr.  
 cap. 43. & c.  
 Matt. 3.  
 Luc. 22.

In ep. Ind.  
 Psal. 1.

Tertull.  
 Apolog. c. 39.

Hier. ep. 26.  
 ad Principiā.





negotiis benignitatem, quam Illustrissimi Antistites pro sui muneris ratione imitari voluerunt, in scurriles nœnias, hostilesque sarcasmos vertere, & hæreticis Atheisque deinceps omnibus explodendam propinare. Quod eo magis intolerandum est, quia scelus istud dedita opera, inuitoque ac repugnante sensu tuo concepisti. Neque enim vel teipsum ita æquo animo per ingentem superbiam esse arbitramur, in solenni & æquissima librorum quos probastis & tuemini ignominia; ut Illustrissimorum Antistitum in iis opprimendis charitatem ex animo ridere possis. Gemere potius eorum gemitum te putamus, & quamdiu memor eris, gemiturum; & quamcumque *pacem*, qua tot hæresum *nebula evanesceat*, expectes, mansuram eam in hominum mentibus ad perpetuum tuæ Societatis dolorem ac luctum, nisi superbix gemitu deposito, Illustrissimorum Episcoporum *sanctæ charitatis gemitum*, quem spernitis, imitemini, & quod illi vos fecisse palam piæque gemuerunt, id vos admisisse palam piæque doleatis, & humiliter congematis. Ad extremum, quasi maculis tuis probè dilutis, innocentiaque detersa, gravem criminatio- num in Kellisonum molem paras, longumque contextis propositionum eius indicem, quas *nota tristi digniores* quam tuas affirmas; vrgeréque au- des Illustrissimos Episcopos ut vel eas damnent, vel se vero zelo non vigilare fateantur. Quin & pastoralis muneris vigilantiam à Deo indi- ctam, ab Ecclesia præceptam, sanctissimam, divinissimam, spureissi- mo illo dicterio, *Non omnibus dormio*, in contemptum ac ludibrium ra- pere non times, quamvis Ecclesiæ, quam *virginem simplicemque* Aposto- lus facit, & Ecclesiæ laboribus exercitæ, ac gementis nomine loquaris; ut mihi de industria ruere, ac labi, & quo magis te superbè purgare ni- teris, eo magis Deo vindice sordescere videaris.


2. Cor. II.

Quid porro necesse fuit multà istâ Kellisoni propositionum conge- rie pagellas implere, ut illum ea videlicet iniquitate notari postulares, qua te notatum esse toties conquestus es, interpretibus, collectoribus, accusatoribus inimicis? Patere Illustrissimos Antistites legibus à teipso positis vti, ne eas non ex æquitatis amore, sed ex contentionis studio ac turbulentia posuisse dicaris. Nam sicut tuos libros sibi oblatos per- legerunt, & excusserunt Episcopi, suoque iudicio in iis damnandis vti sunt; ita iniquum esset Kellisoni vel aliorum scripta, quæ non lege- runt, neque viderunt, te solo accusatore & interprete, aperto nimi- rum inimico, & doloris tui pœnas ab iis expetente, te solo, inquam, consutas eorum particulas & lacinias spargente damnari. Quamquam pleraque istorum hoc ipso, accepta & probata fuerunt Illustrissimis Antistitibus, quo contraria iis tua dogmata reprobarunt, provt à nobis ad tuam Spongiam declaratur, & latius alibi, Deo duce, exponetur; ut mirum sit te tam exigua esse mente, ut ea damnari petas, quæ iam com- probata esse intelligere debuisti. Pauca verò quæ durius quippiam præ se ferunt, proclivius creditu est à teipso asperata esse, quam à Kelliso- no ita scripta; cum de tua in eum malevolentia vindictæque cupidine magis constet, quam de eius peritia dubitetur, quam tu ipse in Apologia diffiteri non audes. Quod si quid verè improbum severaque nota di-

gnum in illius, aut cuiuscumque alius libris inesse confidas, quod à vero & æqui animi iudice expungi debeat, defer ad Illustrissimos Antistites, exhibe Parisiensi Facultati, quemadmodum vestri codices exhibiti fuerunt, & si quid tuis hæresibus, non dico deterius, ut spondes, sed simile duntaxat, re planè cognita deprehensum erit, tam constantes errorum omnium videbis hostes, ut eos in configendis tuis tuorumque sodalium libellis, *non indicasse secundum faciem, sed iustum iudicium indicasse* vel tu ipse fatearis, & reprehensionum, Querimoniarum, contumeliarum tuarum imbellem audaciam, & iniquissimam impudentiam, & *stolidissimam novitatem ultro agnoscas.*







# IN OCTO CAVSAS

## QVIBVS IESVITA

### QVASI PRÆVIIS EXCEPTIONIBVS

*Censurarum Parisiensium auctoritatem eludere conatur.*

**D**ERVENIMVS tandem ad ipsam Iesuiticarum impurita-  
tum sentinam, in quam quicquid æstus & rabies læsæ su-  
perbiæ excogitare & contrudere vndecumque potuit, col-  
latum est. Tanta fuit Iesuitæ Spongiz extructoris eversio  
animi, ut fœdissimum hocce vestibulum, quasi cloacam  
& secessum quemdam, qui in intimum ac remotissimum angulum conjici  
debuerat, statim initio ante omnium oculos produxerit, ne cui fœtor, ne  
cui virulentia, ne cui maledicentissima, & inter homines Christianos in-  
solita rerum verborumque turpitudine latere posset, & omnibus extemplo  
pateret, scriptionem Iesuiticam, non ad doctrinæ suæ impiæ & inexcusa-  
bilis purgationem, sed ad celeberrimæ Facultatis, & hominum doctrina  
pietateque spectatissimorum sordidationem, susceptam esse. Hæc enim  
istis, cum hæreticis & peruicacibus omnibus communis solertia est, ut à  
doctrina cui diffidunt, cuius improbitatem notiores esse sentiunt, quàm  
ut ipsorum imperitia regi possit, in personas impetum conuertant, men-  
daciaque, maledicta, conuicia quæque atrocissima, quæ in homines san-  
ctissimos & inculpatissimos numquam improbis defuerunt, & in quibus  
confingendis nulla ipsis Religio, neque hominum aut Dei timor est, co-  
aceruantes, de doctrina iudicium ex hominibus, non de hominibus ex  
doctrina, fieri velint. Quamobrem octo istæ causæ, octo stultissimæ sary-  
ræ sunt, rabiosulæ delirationes, inanissimi clamores, in quibus, quod tur-  
pissimum est, summa nocendi voluntas, summæ ad nocendum imbecilli-  
tati coniungitur, ut iure nobilissima Facultas cum Christo, cuius veritatem  
fidemque asserit, aduersariorum inconsultam temeritatem illo telo com-  
pungere possit, odio habuerunt me gratis. Patientiam igitur lector, eamque <sup>Psal. 34.</sup>  
eximiam & singularem asseret, ut audire possit nouam amarulentæ stupi- <sup>Item. 15.</sup>  
ditatem, irreligiosum bacchandi genus, & in exquisitissima, quod miran-  
dum est, contumeliarum apparatione, supinitatem insignem, oscitan-  
tiam inuisam, mendacia vitiaque pinguiissima, in quibus nihil videas nisi  
merum loquentis furorem, & mentis ad omnia excitatem. Nam in Queri-  
monia etsi procacissimo, & eo magis impio quo fallaciore genere orationis

K



Illustrissimos Antistites inuasit, cohibuit tamen nonnihil motum animi, verborumque apertam atrocitatem, quantum per iram potuit, amolitus est, ut pudenter saltem impudens videretur, non reuerentia id quidem, sed metu Catholicorum omnium Episcoporum, ne eos toto in se orbe concitaret, si in eorum sacrum Ordinem, & in celebrem tot Episcoporum consessum, effuso impetu effrenatius inuaderetur. At nunc sublato eo metu, ubi nullam videt, quam timeat, Parisiensis Facultatis potentiam, non opes, non foederationem in varias regiones diffusam, nihil denique quod mali cuiusquam animum formidine poenae coërceat, cruciat confidentissimè quidquid irarum, odij, amaritudinis in imo pectore inclusum est, & vastissimam maledictorum quasi eluuiem sine fine ac modo profundit. Exhibere tamen volumus ad verbum singula eo modo quo totam Sponsam ordine persecuti sumus, tum ut sacrae Theologicae Facultatis innocentia splendidius eluceat, dum tanta criminationum amentia premitur, ut ipsa illius incredibilitate purgetur; tum ut visa sigillatim Iesuiticae orationis indignitate & importunitate mirabili, nemo nostram in ea explodenda firmitudinem aut nimiam, aut immeritam, aut voluntariam frustra; susceptam existimet, aut quicquam nimium in prodigiosam istam scribendi intemperantiam, in Ecclesia Catholica ante hoc tempus inauditam, dici potuisse arbitretur. Occurrendum enim necessario est remediis acrioribus, quibus solis furibundi isti latratores vel compri-mi ipsi possunt, vel alij eorum exemplo sedatiores in posterum & saniores effici. Nec parum interest publicè extare illustria documenta, quibus declaretur piorum probatissimorumque virorum integritatem, in frænis audaciae conatibus numquam impunè patere, præcipuè cum per eorum lacerationem fidei doctrinaeque Catholicae præsidium eripitur, ut eâ debilitatâ, securius error exulter.

## I E S V I T A.

### C A P V T I.

*Octo Rationes declarantur, ob quas Censura Parisiensis, cetera Ecclesia tacente, lata nibili fieri debent.*

*De sanctitate  
sacrae.*



CRIBIT Plutarchus Phrynem nescio quam, quæ olim propter insignem formam in pretio fuerat, ætate iam grauiore dicere solitam, se faciem, propter nobilitatem suam, pluris vendere. Angli qui libris editis Regulares suos impugnarunt, non ab simili persuasione ducti, hanc Parisiensem Censuram videntur expectasse. Non nesciunt eruditione destitui, scelerare calumniis, in ea Patrum dicta, Theologorum sententias temerè damnari, tamen faciem celebris Academiae sperant magni esse faciendam. Nimirum inania Censurarum nomina ambiunt, quibus solida defensionum præsidia non suppetunt: luce palam conuicti *fumum orbi vendunt*, quo lucem eripiant, ne victi

videantur. A sinceris fidei Cenforibus confugiunt ad eos à quibus præstantissimos huius ævi scriptores de Catholica Ecclesia benè meritos constat esse damnatos, vel invidiæ flamma ambustos, Pontificia Regiaque potestate ægrè furentibus ereptos, (non solùm Cardinalem Bellarminum, sed & Rochefoucault, vnâque 42. Gallia Archiepiscopos & Episcopos quos dam- Raisons  
pour le  
delauc.  
in Prefat. nassent, nisi pietas & autoritas Regis, perniciosi facinoris violentum impetum fregisset.) In hos igitur scriptores Anglos qui huc confugiunt, meritò Martyris Angliæ clarissimi verba vsurpem: *Profectò declarant extrema se fortuna configere, & rebus desperatis & perditis experiri durissima velle atque* Martyr  
Cæpianus. *ultima.*

## R E S P O N S I O.

**P**Rætereo absurda tantum & ridicula, vt ad maiora veniam. Condone tibi hebetudinem qua *primum caput* huic initio inscribis, cùm nullum secundum deinceps proferas. Conflare nimirum voluisti multiceps monstrum, eoque monstrosius finxisti præfixo vnico capite, quod frustra reliqua expectat, & in ipso monstroso genere imperfectum mutilumque pendere cogitur, & vt sic dixerim, bis monstrum. Remitto nihilominus obscœnum Apophthegma de meretrice & amatoribus, Religiosis, Iesuitis, pietatis, vt haberi volunt, castorumque morum apud iuuentutem vindicibus, indignissimum. Quid enim minus conuenit quàm eos qui sæculares libros istiusmodi spurcitiis emundare, inuitis quibusdam litteratoribus, aggressi sunt, eas deinde in libros suos Christo ipso inuito conuertere, vt sæcularibus deteriores videantur? Miserram Iesuitæ innocentiam, quæ sine sordibus elui nequit, sine scortis, sine *profanis & vaniloquiis*, quæ 1. Tim. 2. *multum proficiunt ad impietatem, quorum sermo ut cancer serpit.*

Missam denique facio Apophthegmatis istius, præter obscœnitatem, stupiditatem, & similitudinem fatuam. Quæ fatuitas tanta est, vt meretrix Phryne, quæ se propter nobilitatem pluris vendidisse dicitur, conferatur cum Anglis Censuram Facultatis Parisiensis postulantibus; quasi aut hi Censuram petierint, quod sibi nimium, vt Phryne, placerent, cùm ideo petiisse dicantur, quòd *solida defensionum prasidia non suppeterent*, adeoque ipsi sibi displicerent; vel quasi Angli inopes Censuram emerint, aut Facultas incorruptissima vendiderit, cuius vtinam sordium immunitatem, quæstus odium, integritatem, fidem nullo non iudice notissimam, Iesuitæ imitarentur. Similiores sunt Phrynæ magno seipsam locanti Confessores nescio qui, Optimatum asseclæ, locupletum mammonæque iniquitatis seruorum mancipēs, quibus non Censuras sed palpum obtrudunt, conscientia casus venditant, meritoriam quandam scientiam profitentur; cuius rei exemplum illustre ante annos aliquot vidimus & genuimus, nec pauca in dies audimus.

Hæc omnia prætereo, & breuiter perstrinxisse sat habeo tantum futilitatis & ineptiæ, vt ad scelus & impudentiam Iesuitæ singularem, in ipso aditu quasi ad totius operis indicium collocatam, accedam. Hoc enim agitur à mitissimo Floyd, à modestissimo Religioso, à pudentissimo virginæ munditiæ cultore, vt sacra Theologiæ Facultas Parisiensis, toto orbe

nobilissima, à tot ætatibus perpetua laude florens, tot præcellentes viros Theologia magnos, virtute maiores nullo non sæculo effundens, Religionis Catholicæ propugnaculum, hæresum expugnatrix, errorum vindex, cui Ecclesia Catholica vniuersim, peneque omnes eius oræ plurima maximeque debent, cum *scorto* conferatur, cum *veteri scorto* adæquetur. Mirarer insolentissimam insaniam è cerebro Iesuitico erumpentem, ad errorum hæresumque perditissimarum præsidium, nisi agnoscerem ipsum hæreseôn insigne, & hæreseos propugnatorum tesseram hoc sæculo notissimam, quo Romana Ecclesia ab omnibus hæreticorum gurgustis, ob eorum errores proscriptos, meretrici similiter comparatur, adulteræque titulis, & prostibuli Apocalypseos elogiis insignitur. Non recusat Christianissima Facultas Ecclesiæ, vel in fœdissimis contumeliis, Societatem, dum Iesuita hæreticorum mores assumit; neque magnum putat ea sibi maledicta irrogari à doctrinæ Catholicæ vitiatoribus, quæ ab iis Ecclesiæ ipsi Catholicæ imponantur. *Non est discipulus super magistrum. Si patrem familias Beelzebub vocauerunt, quanto magis domesticos eius?* Felicitas ista Sorbonæ est, magnumque gloriæ decus, quod hæreses Iesuiticas extirpans aliter oppugnari nequeat, quàm Ecclesia vniuersa persequens Calvinianos, Lutheranos, eorumque affines. Magnum Iesuitæ dedecus, germanæque hæreseos præjudicium, quòd eadem arma in Sorbonam corripiat, quibus Ecclesiæ communis omnium matris sanctimoniam hæretici polluerunt.

Mat. 10.

Sed tamen hoc loco illud præcipuè mirandum est, tantam esse potuisse cuiusquam hominis peruersitatem, vt Facultati Parisiensi antiquitatem illam, qua toti Ecclesiæ veneranda quodammodo effecta est, ob labores tot sæculis pro ea exhaustos, tantamque præstantiam operum hominumque varietatem toto orbe progenitam, vitio vertere audeat, ab eaque ipsa blasphemandi ansam aucupetur. Prodigij instar est nouitios homines, nuper ortos, nouissimos, antiquitatis illam laudem, qua ab ea inuitissimi superantur, temeritate ac petulantia compensari posse sperauisse. Caucant iram Dei: metuant ne quod contemnunt, numquam assequantur. Si enim longius progrediantur isto genio, non facile in Ecclesia tam diuturni erunt, quàm sacra ista Facultas iam fuit. Colligant quantum volent potentia, factionibus, artibus, obsequiis, blanditiisque in procures & copiosos quoscumque; industriam intendant, prudentiam exacuant, opes accumulent, si humanis præsidiis innitantur, si prouidentia suæ confidant, diutius stare non poterunt. Nisi vehementiam temperent, superbiam deiciant, simplicitatem induant, gratia Dei subjiciantur, collabentur & defluent eodem impetu, quo tot insignes quondam religiosæ familiae euenerunt, *Quia quod hominibus altum est, abominatio est apud Deum.*

Act. 5. 30.

Luc. 16.

Sacra verò hæc familia quam hæretico more meretrici assimilant, pluribus iam sæculis stetit, quàm pleræque Religiosorum Societates; & eo splendore stetit, doctrinæque ac virtutis immobilitate quadam diuinissima, vt eam non minori hoc tempore opinione & exemplo quàm vnquam aliàs tueatur. Cuiusmodi stabilitatis & constantia nullum penè in omnibus Ecclesiæ familiis exemplum reperire est, nisi in ea propemodum vna Religiosorum Societate, quam omnium seuerissimam & à sæculi commercio con-



tageque remotissimam, Ecclesiam quodammodo perennitatem æmulari videmus. Nam cæteri omnes Monastici cœtus, quocumque spiritus initio, quocumque disciplinæ fræno, ductorumq; præsidio instructi, sic sensim intepuerunt & dilapsi sunt, ut eorum detrimeta identidem instaurari necesse fuerit, ne funditus corruerent. Certe igitur quam senectutem improperes amplissimæ Facultati, quam gloriam antiquitatis contemnas. Nempe eam cui temporis diuturnitas nihil attulerit nisi dignitatem, cui in longæva gravitate virilis firmitas numquam abfuerit; Quæ nova quodammodo semper & semper antiqua, more Dei, visa sit esse, quæ sæculorum vicissitudines sic præterierit, ut eas non sit experta; nec hodie, nec vlllo penitus ævo, novitatem, vigorem, fecunditatem pristinam in summa sua annositate desiderarit. Hæc agnoscere, Iesuita, hæc colere, suspicere, reuereri oportuit, non mirè præpostera cæcitate, liuoreque damnabili obscurare contumeliarum spurcitia, & ante orbis oculos tantæ dementiæ testes exprobrare. Non enim maledictum istud in solam huius æui Parisiensem Facultatem cadit, sed in totam superiorum temporum familiam eius porrigitur, quæ non potest non similis fuisse adolescentium meretricularum lasciuia, si veteri meretrici olim nobili, nunc facem suam plurimi vendenti comparetur. Quæ tamen impudentia tanta est, tam cœlestibus vnâ mortalibusque inuisa, ut ne Molinistam quidem vllum eam ex toto ore professurum putem, quicquid in angulis mussitent, & per ambiguas perplexitates innuant.

Equidem venire saltem debuit in mentem, nisi eam superbiam fumi operpleuissent, quid, velint nolint, debeant illi Facultati, quam tam horrendè laniant; à qua primos Societatis suæ parentes institutos esse, pariterq; omnem doctrinam Theologicam, à qua ipsi suam deriuarunt, hausisse negare non possunt, ac proinde scientificam suam Societatem Facultatis Parisiensis alumnam & discipulam confiteri coguntur. Licet ergo clarissimæ Facultati maledicorum istorum ora eodem responso obstruere, quo Ecclesia hæreticos similiter blasphemantes retundere iam olim consuevit: *Meretrix sum, sed tamen mater tua sum. Non seruo vnius thori castitatem, talis eram quando conceptus es.* Quicquid alij in eam blaterare potuerint, ipsi venerari ut matrem, parcere, indulgere, tegere auersa facie, si quid ei contigisset, debuerunt, ne patrio pudore calcato, vel exscindi mererentur à terra, quod parentum contemptoribus pœnæ loco decretum est; vel si diutius supersint, ad maiorem pœnam relinquantur, & participes fiant sortis Cham, & diuina illa imprecatione in perpetuum teneantur: *Oculum qui subsannas patrem, & qui despiciat partum matris suæ, effodiant eum corni de torrentibus, & comedant eum filij aquilæ.* Non enim casu aut impetu fortuito in tam enormia conuicia ruunt audacissimi obtrectatores, sed de industria, inita subductaque ratione, per orationis ambages ex vlcerosi pectoris plenitudine ea eructant. *Spuriam infra faciunt, ut hinc adulteram, & quæstuarie facem;* idque concinnatis semper apophthegmatibus, paganoque fuco, vbique zelum amarum, & animas felle imbutas prodentes, legisque illius contempores: *Nolite gloriari in mendacibus esse aduersus veritatem.* Non est enim ista sapientia de sursum descendens, sed terrena, animalis, diabolica.

*Hierony. in dial. aduers. Lucifer.*

*Prov. 30.*

*In Sparg. ad l. prop. tit. de Ecclesia.*

*1. Cor. 13.*



Talia nunquam ipsi haeretici in eam excogitare ausi sunt. Videantur Lutheri, Caluini, aliorumque in eius aduersus eos Censuras rescripta. Nihil infanis istiusmodi contumeliis simile legetur. Magnum enim Facultatis huius famæ, & in ipsis hostium animis integerrimæ gloriæ argumentum est, quod qui in Ecclesiam vniuersam sine fræno furere grassarique consueverunt, dictaque & indicta conuoluere, in hanc temperantius & quodammodo verecundius, si perpetua eorum consuetudo spectetur, se adhibuerint, vel modica in eam, vel perfunctoria, vel ea sola conferentes maledicta, quæ magis ad fidei ipsius argumentum, quàm ad priuatam Facultatis rationem pertinerent. Calvinus ipse, cæteris procacior, cuius ea in quemlibet acerbitas & virosa rabiositas fuit, ut quemcumque arriperet, iisdem vocibus morsibusque conscinderet, sine delectu, naturæ suæ vitio, non pro hominum discrimine venena dispensans; in hanc tamen vnâ, quod mirandum est, Facultatem tenuit latrantia Cerberus ora, vnoque aut altero asperiore verbo exceptis, quæ ab insita ei & inolita consuetudine velut in transcurso excidere, solito lenior & placidior decurrit, neque quicquam reperit, vbi consueta rabie vteretur. Nemo autem eorum omnium Iesuiticos ei colores appingit, *Spuria, adultera, meretricis, veteris scoti*, aliosque innumeros quos deinceps dispungemus. Ut horrendum quiddam sit & immane dictu, haeticorum in Catholicos Censores iracundiam Iesuiticâ maledicentiâ superatam esse. Vnus est Antonius de Dominis, qui de Censura ab hac Facultate in ipsum edita scribens, eam vocauit, *Misellus florentis olim, nunc verò immane quantum mutata ac sub iugo gementis Sorbonæ facies*: à quo in Anglia hæc scribente & spargente hausisse videtur Iesuita Floydus, ut Facultatem hanc similiter vocauerit, *celebris Academia facem*. Atqui ille tale in eam vindictæ telum emisit, quod libros suos opinione acrius ab ea notatos vidisset, probatamque publico decreto summi Pontificis in Ecclesia potestatem. Antea enim dum temeraria quadam persuasione inductus, & maledicis blateronum Iesuitæ similitum susurris leuiter credens, doctrinam suam Pontifici iniquissimam non ita acceptum iri sperabat, honorificè Facultatem compellauerat. Vbi verò contraria omnia, spesque frustratas expertus est, non errorum quos scripserat, sed veri testimonij quod dederat palinodiam ridiculè canens, quam prius laudum splendore extulerat, subito deiecit in fæces, quod scilicet ab antiqua maiorum de Pontifice doctrina eam defecisse, & nunc Romani Pontificis iugo velut seruam premi ac gemere cauillaretur. Ideo *parasitos Parisienses*, quasi degeneres, & Pontificis obsequio nunc primum nimium deditos, fugillat. Hæresiarchæ istius volaticam, vltionis labe infectam, proprioque iudicio condemnatam temeritatem Iesuitas imitari, quasi ille adhuc eorum socius esset, ut antea fuerat, quàm miserum, quàm pudendum, quàm inane! Imò ea in Facultatem quam Romanis Pontificibus *præ cæteris iniquiorem* simulant, conuicia mutuari, quæ ille in eandem hoc solo nomine intorsit, quod eam illis æquo indulgentiorem, & ideo degenerem diceret, quanta iniquitas, quanta malignitas! Decuerat potius, notissimi sibi Hæresiarchæ exemplo & experimento, inuidiosas illas in amplissimam Facultatem opiniones exuere, quas ille fortassis apud ipsos olim

Respons. in  
Mar. pag.  
10.

ib. pag. 107.

Infra, in  
Causa 7.

induerat, & probra quibus, ob earum compertam falsitatem, ille eam aspersit, contrariis laudationibus eluere, si verò Pontificis ac fidei studio agerentur, non eadem illa probra in eorum ipsorum mendaciorum, quæ ille vanissima reperit, inuidiam renouate. Eant, & hominem hæresiar-  
cham æquioris iudicij in Catholicam Facultatem fuisse glorientur, quàm se novos, si superis placet, Religionis & veritatis Atlantes. Nam & in hoc ipso conuicio moderatiorem ille se præbuit, qui Parisiensem Facultatem veteris saltem prostibuli fæcibus, vel adulteræ, vel spurix confectæ non sustinuit. Omnium hominum primos Iesuitas fateri necesse est, qui quam-  
cumque se dent in partem, omnibus in omni genere supereminere am-  
biant, & in omni choro esse præsultores.

Sentient verò, quoquò se vertant, quascunque larvas comminiscantur, superesse in Parisiensi Facultate florem illum antiquum auique roboris perennitatem, quæ fæcibus errorum vitiorumque Iesuiticorum eiectis, primigeniæ veritatis virgineum decus, aduersus adulterina quæuis purga-  
menta inuictum incorruptumque tueatur. Sentient stultissimorum libel-  
lorum furfures superbiæ ventulo volitantes, valida rerum firmitate abigi, esseque in Facultate Parisiensi crudam viridemque Deo senectutem, cui Iesuiticas nouitates, & in summa nouitate errorum affectuumque vetusta-  
tes expungenti, eruditorum fideliumque consensus antiquæ grauitatis te-  
stimonium, & nouæ viuidxque virtutis laudem, cum quadam etiam vene-  
ratione dependet. Sentirent denique quantum inter ipsos & Sorbonam interesset, si obscænas illas fæces quas in ea frustra quærunt, nos in iis scru-  
tari vellemus. Viderent quanto ægrius id quod in se nequissimè iniectum Sorbona solo hominum rumore famaue sua longè depellit, ipsi concur-  
satione, ambitu, mendicatisque, vt solent, testimoniis & laudibus amoli-  
rentur. Sed non irritò crabrones, ipsorumque conscientiam solum obte-  
stans ne improuidæ vltionis amore in lubrica loca se projiciant, missa fa-  
cio huius generis omnia, *ne infructuose crucientur firmi, & periculose turbentur infirmi.* *Augustin. epist. 137.*

Capitale verò illud etiam & impium in hoc initio, quod sicut Parisien-  
sis Facultas nefariè veteri scorto, ita Catholici Angliæ, sacerdotes, Clerus  
omnis, comprehenso ipso Episcopo Chalcedonensi, *scortatoribus* compa-  
rantur, & illis amatoribus à quibus Phrynes istius fæces magni fiebant.  
Censuram enim expetitam & libros oblatos Parisiensi Facultati, non à  
duobus illis tantum aut tribus, quos ait, interpretibus & collectoribus An-  
glis, quos sibi in scopum præfixit, in quem detorqueat quicquid in Sor-  
bonam sua ipsa illa fronte iaculari aperte non audet, sed ab ipso Angliæ  
Clero, ab ipso Episcopo Chalcedonensi disertè inferius asseuerat iis verbis  
eaque impotentia, quæ illic in ordinem redigetur. Hæc ergo sententia est,  
& pietas, & verecundia Iesuitica, vt Sorbonam, Clerum, Episcopum An-  
gliæ, vnà cum tot fidelium ipsi obsequentium grege componat cum inue-  
terata meretrice & æstuantibus amatoribus reliquias eius magni ementi-  
bus; quamuis ne impudentia incautioribus ilicò pateat, obscuratæ oratio-  
nis circuitione flagitium complicuerit. Vno probro, vna dementia nobi-  
lissimam Facultatem & nobilissimam Ecclesiam complectitur; patria iura

& hospitalia subuertit; Christianam dilectionem utraque manu fœdat; promit odia eo modo quo charitas promi debet, sine suorum alienorumque discrimine.

Hæc qui audit, seueritatem vllam orationis in tanta rerum verborumque portenta nimiam putat? homines tam lymphatos & infrunitos modicis nescio quibus lenimentis coerceri, & à tam immanibus ausis in posterum reuocari posse confidit? Exuant, obsecro, qui hæc legunt, opinionum præiudicia, animorum cupidines, malè fultæ pietatis iniquitatem, mitem in homines pauculos, imitem in Ecclesiam affectum: Rem ipsam intueantur, veritati sese & æquitati permittant, quò ea ducet, sequantur; & spero, facillè intelligent, non debuisse inermem consistere aduersus has atrocitates veritatem, nec remissius in eas agere consueuisse sanctos Patres & Apostolos, nec fore vllum earum finem, si proicèti quique ad audendum, & irati, & factiosi homines impunè bacchari se posse sperent in eximiorum etiam virorum immerentiumque virtutem; nec confidentissimos eorum animos, nisi increpatione aliqua maiori, & publicæ ignominie metu potuisse, si non in præsens, saltem in futurum frænari.

Vide supra,  
in præfat.

Nam quod Iesuita, ut se ad hos motus stimulat, utroque laceffitum simulat, ait Censuram Facultatis *calumniis scatere*, mira profecto & crassa nimis est strophæ. Quid calumnie, obsecro, inferre cuiquam potest, quæ solam doctrinam vrget, hominem neminem attingit, nec nominat, nec indicat significatione vlla minima, quamuis librorum alterum à Iesuitis agnitum pro suo fuisse, alterum frustra abnegatum, cum certioribus indiciis, quàm prior, ex eorum officina prodiisse proderetur, ut supra ostensum est? Neque in errores ipsos adeò exarsit Censura, quin eos non rarò leniùs quàm pro summo iure & pro eorum gravitate, excipiat, Deum imitans punientem infra condignum, quemadmodum ex responsione ad Spongiam atque alibi plenius patebit. Ut quancumque in partem Censuram Facultatis spectes, emineat vndique in summo asserendæ Catholicæ puritatis ardore, summa gravitas, moderatio, pudor; quam à Iesuita post tantam maledictorum suorum improbißimorum purulentiam accusari contumeliæ, & dici *scatere calumniis*, res est apud sanos homines, & cordatos, & frontis compotes intoleranda, nec scribi potuit nisi ab iis qui quid effutiant nihil pensi habent, dum ad tempus innocentium corda subuertant.

Eruditione autem destitui Censuram, Patrum dicta, Theologorum sententias temerè in ea damnari, tam ridiculè, tam putidè miserèque asseritur, ut nunc certè post Spongiam expunctam hæc oratio miserationem cuius eliciat. Credetur tibi scilicet, Iesuita Floyde, vbi seu tu ipse, seu, quoniam nimis imbellis es & ad hoc certamen impar, Sociorum tuorum quouis innumeras maculas, inusitatam imperitiæ leuitatem, perpetuas paucularum scripturæ & sanctorum Patrum laciniarum, quas ex vulgatissimis triuivis compilasti, adulterationes & corruptelas, singulatim à nobis collatoque pede conuictas, eodem candore, & fide, & simplicitate diluerit. Vbi denique quod à nobis toties dictum & confirmatum est, nullum esse Patrem, nullum Theologum, extra vestram saltem Societatem, atque ante vos natos, nullam denique auctoritatem aut fide digni hominis testimonium, quo vlla dam-

natarum in libellis vestris ab Illustrissimis Galliae Antistitibus, & sacra Theologiae Facultate Parisiensi haereticum, errorum, blasphemiarum asserta unquam fuerit, aut litteris mandata, clarè & dilucidè, sine fuko & fallaciis confutauerit. Nam libros istos nihil esse manifestum est, nisi imperitiae errorumque colluiem, & si cum Apostolo loqui licet, natiuam hominis corruptelam *corpus peccati* vocante, verè *errorum corpus* superbia tumidum, inscitia, mysteriorum Christianorum ignoratione, temeritate, audaciaque compaginatam, cuius foeditatem quisquis detergere voluerit, nã ille facilius suam aperiet, quàm alienam teget. Mira res, penèque incredibile, tale opus à scientificæ illius Societatis sodalibus potuisse nasci, fideique integritatem in tot errorum cœno consistere potuisse. Quare vanissima & perucax gloriatio est, qua dicis doctores Anglos aduersus tam nouæ doctrinæ miseriam stare nequiuisse, *inania censurarum nomina ambire, quod iis solida defensionum praesidia non suppetant; luce palam conuictos fumum orbi vendere, quo lucem eripiant, ne victi videantur.* Hæ sunt puerorum pertinacium & gloriosulorum iactationes, etiam tum cùm splendidè à valentiore aduersario vapularunt. Mihi quidem neque Kellisoni, neque doctorum aliorum Anglorum scripta videre contigit, (non enim Anglicè noui, nisi quantum ex vestris in eos velitationibus perspicere potui, quæ clarissimè patefaciunt solidam ab iis, & traditione Ecclesiæ perpetua munitissimam doctrinam vindicari, eaque à vobis in eam proferri, quæ nullius hominis paulo eruditioris & antiquæ veritatis non ignari ingenium aut prudentiam fallere possint. Et verò quî tandem lucem eripere & latebras querere voluisse dici possunt, qui suam vobiscum controuersiam, peregrinumque ac fictitium doctrinæ genus, quod in Angliam induci queruntur, totius Europæ oculis Ecclesiæque iudiciis subijciunt? Non est diffidentis causæ suæ, in medium eam proferre, peritis exponere, aduersariorum argumenta exhibere, sententias exquirere. Sed hæc demùm diffidentis animi & in sola altercatione spem figentis declaratio est, arbitria fugere, iudicia auersari, contentionis caligine, cuius apud pertinaces nullus finis, veritatem premere conari, ut qui clara luce nihil sperant, in certaminis & tumultuationum quasi nocte, aliquid sibi apud imperitos arrogare possint. Hæc litigatorum fallacium consuetudo notissima est, qui litium iudicia mortis instar putant, & studiosissimè defugiunt. Hæc nouorum etiam hæreticorumque omnium iniquitas, qui autoritatibus testimoniisque omne genus repudiatis, nil nisi disputationes, collationes, circulos clamitant, ut in medio puluere disceptionis si non superiores, pares certè aduersariis videantur, qui in testium iudicumque venerandorum splendore se perditos sentiunt, & implacabilibus dimicationibus veritatem, si possint, in puteum Democriti præcipitent. Quod si qui interim Theologorum cœtus, Episcoporum Concilia, iudicium suum interponant & litigia dirimere conentur, obrectandi, oblatrandi, crimina mendaciaque comminiscendi finem nullum faciunt, ut iudicium autoritate subuersa, iudicia quibus iugulantur eludant. Notiora sunt in hoc genere nostra memoria Lutheri, Caluini, aliorumque tum in Episcoporum confessus, tum in Romanos Pontifices, tum in hanc nominatim Parisiensem Facultatem exempla,

Rom. 6.



quàm ut cuiquam latere possint. Quorum mores referri à Iesuitis, & planissimè ante totius Ecclesiae oculos exprimi mirum esset, nisi eorum, in hanc quidem Facultatem, odia & malevolentiam & audaciam, longo intervallo superassent.

Quid illud, quaeso, mendacij & effrontis animi est, ut Anglos qui sententiam Facultatis de libris vestris quaesierunt, à sinceris fidei Censoribus confugisse ad eos dicas, à quibus praestantissimos huius aui scriptores de Ecclesia Catholica optimè meritos, constet esse damnatos, vel invidia flamma ambustos? A quibus illi primùm sinceris fidei Censoribus confugerunt? Num à Iesuitis? ab his enim solis confugisse dici possunt cum quibus hac de re negotium habuerunt. Doceant igitur Iesuitae, si fidei sinceri Censores haberi velint, se non esse autores, probatores, laudatores Apologiae Danielis, ipsius verò Spongiae etiam ostentatores, & osculatores. Quoad enim hoc probent, quod iam probare non possunt, cum se ipsi prodiderint, & tanquam in egregio facinore palam etiam triumpharint, exclusa est gloriatio eorum, superbire nequeunt ampliùs fidei nomine, sinceri fidei censores audire non possunt, nec discipuli, nec amatores; ne sinceri quidem errorum doctores dici possunt, quos tot fallaciis, & strophis & simulationum mendaciorumque perplexitatibus inuoluere studuerunt, ut hoc vnum timuisse videantur ne novatorum geniis, & veritatem cauponantibus, & subdolis operariis ipsos quos praedicant errores erubescerent, minus similes apparetent.

Illud deinde in primis impudens, praestantissimos huius aui scriptores constare ab hac Facultate damnatos, vel invidia flamma ambustos, Pontificia Regiaque potestate agere furentibus ereptos; atque numerare non solum Cardinalem Bellarminum, sed & Rochefoucault, unaque 42. Galliae Archiepiscopos & Episcopos, quos, inquit, damnassent nisi pietas & auctoritas Regis perniciosi facinoris violentum impetum fregisset. Qui ad hæc tam splendida, tam deplorata mendacia confugiunt, declarant, ut citatis à te verbis commodius utar, extrema se fortuna confingere, & rebus desperatis & perditis experiri durissima velle atque ultima? Quando enim Cardinalem Bellarminum damnauit, aut damnare conata est Facultas Parisiensis? Quando Cardinalem Rupifucaldum? Quando 42. Galliae Archiepiscopos & Episcopos? Quo sub cælo, quo in orbe, quibus in spatiis imaginariis tam inaudita facinora versata sunt? Quos denique Catholicos scriptores Regia aut Pontificia auctoritas furenti, ut improbè ais, Facultati eripuit? Dignus es quem iisdem verbis accipiam quibus Iulianum Augustinus vanissimè Alypio exprobrantem, cum octoginta equos tota Africa saginatos, paulò ante ad Tribunos adduxisse, ut videas non me vnum, sed ante me sanctissimos Patres vehementius audaces homines retundere consuevisse, mitissimumque in primis Augustinum; Aut calumniarius, inquit, aut nescis quid loquaris, & ideo aut mendax, aut temerarius ista loqueris. Quid autem nequius si hoc ipse finxisti, quid stolidius si fingentibus credidisti? Iam verò quod etiam scribere ausus es, neque veritus ne ad ea loca libri pervenirent tui quæ terra marique transeuntem seu venientem collegam meum Alypium susceperunt, ubi legi apertissimè tua falsiloquia sine tua irrisione, vel potius detestatione non possunt, cui non dico impudentia, sed dementia comparatur? Sentis, opinor, hæc in te cadere, Iuliano mendacio parem, vel potius

calumnix grauitate superiorem & audaciorem. Constare enim dicis, & Regia Pontificiaque autoritate adstruis rem longè deterrimam. quam ante te nemo audit. Nec est quod in absurdissimi commenti testimonium afferas præfationem libri Cardinalis de la Rochefoucaut, in qua nihil tale inesse ipsi oculi re docere potuerunt. Tu nimirum improuidissimus accusator ea facis quæ iudicas, tuoque iaculo transfigeris. Tu omni pudore deposito triginta & quinque Gallix Archiepiscopos & Episcopos, ne dicam præstantissimam & de Ecclesia iam olim bene meritam, Theologorum Facultatem, non rejicis tantùm, & damnas, sicut ab ea factum fabularis, sed canino sermone, inaudito in Ecclesia latratu, probisque improbitissimis mactas, nec plusquam baiulos reuereris. Cuius facinoris tibi soli palma ut auctori primo principique deberur. Quid ergo superest, nisi ut primam hanc conuiciorum mendaciorumque expunctionem, & manifestum Iesuitæ in seipsum ex summa odij cæcitate iudicium illo Scripturæ signaculo concludam? *Sepulchrum patens est guttur eorum, linguis suis dolosè agebant, Rom. 3. non est timor Dei ante oculos eorum.*

## I E S V I T A.

**N**os autem sicut olim Sorbonæ celebre fuisse nomen agnoscimus, iudiciumque in pretio habitum, ita postea paulatim illius auctoritatem euiluisse non possumus dubitare. Nunc autem dierum, Authorem à Sorbona, reliqua Ecclesia repugnante vel tacente damnari, non ignominix, sed gloriæ ducimus, illiusmodique Censuras prudentibus credimus non solum non probari, sed etiam de falsitate in fide, vel iniuria in Catholicos multum esse suspectas.

## R E S P O N S I O.

**M**VLTA quidem hoc loco moues, quorum exitum non vides, nec quæris. Intemperantissimo enim Censuræ in libros tuos latæ dolore, corripis quicquid occurrit in sacram Parisiensem Facultatem, de veritate nihil laborans, de dictorum tuorum constantia, de fide, de sensu. Quid verò magnum est, quod ab ea damnatus ei maledicas? Ita rei omnes paulo proteruiore solent, nec te in hoc negotio quicquam supra quemuis de fæce plebis proletarium, de imo foro rabulam sapis. *Quo modo potest malus litigator laudare iudices, quibus iudicantibus victus est? Si errores vestros Sorbona probasset, quemadmodum initio ab eius Theologis contendistis, nihil ea diuinius, nihil omnibus retrò eius ætatibus præcellentius fuisset.* Sic enim leuissimum quemuis non solum librorum vestrorum approbatorem, sed qui modò à vobis in vestræ nouitatis confirmationem accersatur, ridicula laudum abundantia & prædicatione euehitis, nec ulli vobis in eorum commendationem titulorum cumuli satisfaciunt. Sed quia pro approbatione quam petistis, quam sperauistis, totius simul Facultatis gra-

uissimam in errores vestros damnationem inflictam vides, cogeris non iudicij libertate, sed stomachi & ultionis impetu, Sorbonam omnium rerum postremam & infimam collocare, imò, ut impudentiæ tuæ temeritas nullis verbis exprimi, nulla increpatione pro merito affici possit, de fide suspectam homo amens pronuntiare.

Libet verò tecum hîc agere quemadmodum cum hæreticis in simili effugio solemus. Ab eorum enim genio hoc etiam mutuatus es, ut quemadmodum illi quò Ecclesiæ iudicia defugiant, eam olim magna laude & doctrinæ integritate floruisse, deinde verò ab illo culmine excidisse, & in degenerem statum deuolutam esse respondent, sic tu *Sorbona olim celebre fuisse nomen, iudiciumque in pretio habitum* dicas, sed postmodum eius auctoritatem paulatim euiluisse, ac denique ubi Iesuiticas hæreses proscribere ausa est, in *hæresis vel iniuria* saltem suspicionem deuenisse. Quæro igitur ex te, quemadmodum ex hæreticis solet, quo loco, quo tempore, quibus testibus Sorbona & Parisiensis Facultas ex illo honoris fastigio, ex illa antiquæ existimationis & auctoritatis arce corruerit? Quis ei hanc labem affinxerit ante te? Quis ei ignominias tuas & inaudita probra impegerit? Hærebis profecto, & frontem licet durissimam labare senties, si hinc emergere coneris, sermonisque tui stultissimam temeritatem propius attendere incipias. Adeò enim inconsultus & præceps odio ruis, ut hoc antiqui nominis defluuium & famæ imminutionem irroges amplissimæ Facultati illis ipsis temporibus, quibus eam ut cum maximè per Christianum orbem præfulsisse notissimum est. Non tu præsens eius æuum duntaxat temerè carpis, sed superiora illa omnium testimoniis celeberrima, non solum quæ ante Ioannem Maiorem præcesserunt, quibus Sorbonæ auctoritatem *ne flocci quidem* factam esse aut fieri à Theologis infra dicis, sed etiam quæ ante Gersonem, & , quod stupidius est, ipsum sæculum SS. Thomæ & Bonaventuræ, quo tamen paulò post tui immemor, & quid dicas aut quid affirmes nihil intelligens, Vniuersitatem Parisiensem summa gloria floruisse, & *modestia ceteras superasse* fateris. Quod istud etiam sæculum in similem contemptum voces cum iis quæ deinceps consecuta sunt, patet quia articulum quendam de anima Christi à Cardinali Toletò relatum, in exemplum proferens *facilitatis Sorbonæ in condendis articulis ferendisque Censuris*, ob quam eius auctoritas euiluerit. Articulum verò illum commemorat non solum Durandus Episcopus Meldensis, huius scholæ Doctor, sed etiam illo antiquior in eadem schola Henricus Gandauensis, quem penè æqualem SS. Thomæ ac Bonaventuræ fuisse constat; adeoque necesse est, eum conditum esse à Facultate aut ætate S. Thomæ, aut etiam vltiori; & si tum ille despectus ac nimia facilitate decretus, tum ipsa propter eum Facultatis existimatio in contemptum delapsa sit, ut tibi auctori grauissimo placet, sequitur te, nimia maleuolentiæ hebetudine, Facultatis Parisiensis auctoritatem eo ipso tempore euandam & despicabilem efficere, quo eam vel maximè viguisse, & *in pretio habitam fuisse* confessus es. Nihil ergo mirum te apertissimam rerum lucem amaro in celeberrimam Facultatem zelo impetere, qui eodem teipsum destruas, & proprium iugulum præfoces. Morbum tuum, & disciplinæ Secretatis tuæ degenerem collapsionem,

In causa 2.

Ibid.

In causa 1.

post initium.

In causa 2.

initium.

In causa 1.

Durandus in

2 d. st. 32. q. 5.

Henricus

quodlib. 3.

q. 5.

& inualefcentem in vestrīs animis licentiam, quam seuera quadam instauratiōe frænari necesse sit, aperis, non Facultatis Parisiensis vicissitudinem aut declinationem vllam à perpetua illa fama & sublimi opinione, quæ nunquam ei apud bonos non abundauit supra cuiuscunque alius Facultatis (hoc scribere cogunt tuæ calumniæ) splendorem, & nunc ita copiosè suppetit vt nulla in eo priora sua sæcula desideret.

Absurdum etiam in primis & ipsa maleuolentia rabiosulum, quod ad Gersonis quoque ætatem referre audes commentitium illud deliquium autoritatis pristinæ huius Facultatis, quam illo æuo simul cum vniuersa Academia longè ampliore, quàm vllō retrò tempore, penèque inuidioso honore antecelluisse, historiæ vna voce prædicant. Cuius autoritas tanta habita est, & non solum Cancellarium suum in Occumenico Concilio Constantiensi Regis Legatum & suum haberet, de quo singulari honoris significatione in Actis scriptum est, *In primo loco sedebat egregius vir Ioannes de Gersono Cancellarius Ecclesiæ Parisiensis, sacre Theologiæ Professor, Ambasciator Francorum Regis*; alibi simpliciter dicitur *Cancellarius studij Parisiensis*; sed etiam Concilium ipsum, & Ioannem XXIII. Papam postquam Constantiâ secesserat, & Antistites Italicæ nationis, insignibus literis summo zelo prudentiaque plenissimis publicè suo nomine, & qua apud bonos omnes pollebat autoritate, ad concordiam, Ecclesiæque Catholicæ miserationem, & celerem schismatis extinctionem cohortaretur. Ac Ioannes ipse XXIII. suum Constantiâ discessum purgaturus, quatuor Breuia misit Constantiam per Cardinalem de Chalanco, *Quorum vnum Domino Regi* (Romanorum) *aliud Cardinalibus, tertium Ambasciatoribus Regis Franciæ, & quartum Ambasciatoribus Vniuersitatis studij Parisiensis*. Toto denique Concilio eminet summa quædam, totius Ecclesiæ consensu probata Academicæ Parisiensis autoritas, & singularis honor. Quare, ne plurima alia rei notissimæ exempla colligam, stupidissima obtrectatione vellicatur tanta illius temporis amplitudo, non solum Theologicæ Facultatis, sed totius Vniuersitatis Parisiensis, cui parem aut similem nulla vnquam Vniuersitas consecuta esse legitur.

Sed neque de Ioannis Maioris æuo, vel etiam inferiori tempore verus esse potest Iesuiticus liuor, cum non solum constet Academiam Parisiensem vniuersam nunquam amplius floruisse quàm Francisco I. & Henrico II. Regibus, neque plures vnquam præstantissimos in omni literarum genere viros extulisse; sed ipsi etiam Iesuitarum scriptores hoc idem testimonij ei deferant, vt fuerit illis adhuc temporibus Parisiensis Academia non solum vetustate famaue sapientiæ incluta, sed etiam ob magistrorum præstantiam diuturnitatemque pacis maximè celebris, acerrimis undique ingeniis eò confluentibus, vt inde referrent eruditionis eximia famam. Mansitque postmodum hoc decus, donec primùm bellorum civilium turbines, deinde suborti Iesuitæ plerasque orbis Academiæ, non scientiæ, sed ambitionis præposteræ magnitudine subruere cœperunt, literaria vbique gymnasia, etiam in minimis vbi confederunt oppidulis excitantes. Quo factō, succisis vndique æruis obstructisque fontibus quibus scientiarum studia vigeant, sparsisque velut in frustula innumera veterum Academicarum membris,

Concil. Constant. sess. 22.  
Ibid. sess. 33.  
Vide sess. 6.  
& 9.

Tarset. vita  
S. Xaver. l.  
1. c. 2.



splendidissima doctrinarum Lycea disjecerunt, nec ipsi ex tam minuta eorum laceratione eximium vllum aut antiquis illis comparandum excitare toto orbe potuerunt. Tantum studiorum vulgationem quandam, & ex ea vilitatem, & deinceps bonarum artium fastidium contemptumque pepererunt, ut ad eas accedatur non ipsarum amore, aut quibus decet animis, sed tanquam ad volaticæ ambitionis, aut vilissimorum compendiorum opportunitatem. Hinc tanta semidoctorum vel planè rudium, eorundemque confidentium & superbiorum caterua, quorum post trienne aut quadrienne tyrocinium audacia & temeritate, scientiæ inquinantur, Ecclesia & Respublicæ languescunt. Hac generali propè calamitate, etsi Parisiensis Academiae ceteræ Facultates aliquam rerum humanarum vicissitudinem expertæ sint, Theologica tamen Facultas diuinarum rerum incorruptionis particeps, integra, incolumisque permanfit. Quippe discipulorum magistrorumque frequentia etiamnum & præstantia tam floret, quàm cum maximè, nec ei quidquam in tantis Iesuitarum vbique motibus & versutiis de amplitudine ac dignitate perpetua, nec in scholarum palæstra, nec in publica hominum fama & opinione decessit. Quare tentatis & oppugnatis nullo non loco Academiis & Facultatibus vel primariis, ut de nouissima Louanienfis apud Concilium Hispaniæ vexatione, cuius acta Parisiis, & alibi edita vidimus, manifestum est; Sorbonicam tamen familiam, & Parisiensem Theologiæ Facultatem adhuc attingere semper horruerunt, nec eam apertè adoriri ausi sunt. Qua insolita sibi cunctatione & verendiâ Sorbonæ autoritatem, & in ipsis aduersariorum animis splendorem certius declarant, quàm tuæ, Floyde, vanissimæ voces eum obscurant. Dolor, dolor immensus huc vos ad extremum impulit, quòd nobilissimæ Facultatis illud lumen esse experiamini, cui non modò nequeatis officere, sed quo etiam errorum doctrinarumque vestrarum degeneres tenebræ, & iniquè collecta artificiiis potius & factione quàm scientia & bonis artibus gloria, dissipentur. Nemo enim vnquam ante vos, cui negotium cum hac Facultate, aut Theologis eius fuerit, talem ei labem imposuit. Vos primi animos omnium & audacias spiritu Iesuitico superastis. Dimicauit superiori sæculo Cardinalis Caictanus cum nonnullis huius scholæ Doctoribus, qui Almainum ei & Maiorem objecerunt; neque tamen vsquam nisi reuerenter de Facultate locutus est, nec eius nomen depressit, nec pristinae autoritatis vlla detrimenta exprobrauit. Contrà paulò ante obitum, cum ad quosdam articulos qui ex eius operibus excerpti, & à Theologis Parisiensibus damnati dicebantur, responderet, honorem Facultati habuit, ac *Multi*, inquit, *suspiciantur animo fallaci scriptum hunc titulum, eo quod ille qui titulum hunc apposuit, aliud dixerit, & aliud intenderit. Dixit enim à Theologis Parisiensibus (uno fortassis aut duobus) intendit autem ut passim legentes & audientes fallantur, intelligendo ab vniuersa Theologorum Schola Parisius. Nec temerè suspiciantur; quoniam quisquis ille fuerit, imponit mihi multa quæ non scripsi.* Disce, Iesuita Floyde, pudorem ab eruditissimo & celeberrimo Prædicatoriæ familiæ Cardinali, quem magnæ illius Theologorum Scholæ nomen æquissimo animo in simili ferè causa obseruantem vides, & id scriptum colligentem non esse ipsius, in quo sibi falsà imponantur.

Erubescere eam contra à te calumniatricem, invidam, iniuriæ vel etiam erroris in fide suspectam, omni denique autoritate vacuum describi. Nam si exemplum hoc à Molinistica gente alienum putas, accipe domesticum, à primoribus Societatis vestræ proditum, quod mirum est apud vos tam celeriter exoleuisse. Narrat enim Ribadeneira cùm Facultas à supremo Parisiensi Senatu consulta de Societate Iesuitarum, decretum illud anno 1554. emisisset quod ipse acerbum & suorum famæ magnoperè iniquum censeret, licet à doctoribus illis mente non mala, sed quasi egregiæ Deo nauanda opera, ipsiusque Religionis tuenda gratia latum adjiciat, præcipuis è Societate placuisse ut ei responderetur, ne qui foris veritatis ignari, insignis Facultatis autoritate & grauissimo de nobis præiudicio commoti, à veritate alienas opiniones acciperent. Neque verò esse timendum ne Facultas, veritatis hanc defensionem & iustam & necessariam (debita tamen modestia coniunctam) non optimam in partem acciperet. Nam quæ eius est modestia ac veritatis amor, si rem, uti est, cognitam haberet, antiquaret certè suum illud ipsa decretum atque induceret, quod non odio, sed veri ignorance fecisset. Verum Patribus ita sentientibus æquissimo animo Ignatius, & vultu, ut solebat, hilari; Pacem, inquit, meam do vobis: Pacem, ait Dominus, relinquo vobis. Neque scribendum est, inquit, quicquam, neque faciendum, ex quo vel odium, vel acerbitalis aliquid nascatur. Neque verò vos Theologia Facultatis conturbet autoritas, quæ quamquam magna est, illa tamen nihil valebit contra veritatem, &c.

Ribadeneira  
L. 4. vita S.  
Ignat. c. 11.  
Veneris a-  
pud Grotius  
Anno 1587.  
Confer cum  
posterioribus  
editionibus in  
quibus multa  
in deterio-  
ribus mutata  
sunt. Vid. &  
Maffei, lib. 3. c. 9.

Quantum mutati ab illis! quàm ab hac Maiorum vestrorum moderatione posteri longè abistis, tum ab illo primi parentis spiritu, qui in tanto nascentis Societatis negotio prorsus responderi noluit, pacemque relinquere maluit, quam aspernari estis; tum à secundo Sociorum ipsius consilio, qui modestè id saltem & verecundè & Christianè fieri volebant, quod ne quidem obseruastis, tum ab utrorumque simul opinione de candore, fide, autoritate, ac fama antiquissimæ Facultatis. Nam Ribadeneiræ ipsius paulo animosiores, & singulis deinceps editionibus acriorem, & certis falsitatibus intermixtam sententiam non moror, cùm videam eum gliscente posteriorum audacia longo interuallo superatum, tantamque Societatis vestræ alumnorum statim à primis institutoribus consecutam esse animorum in deterius delapsionem, vel potius elationem, ut nihil penè cum illis initiis nisi nomine specieque conueniat. Diligenter autem notandum est vestrum istud à maioribus discrimen, in capite ipso ac fonte odij & iniquitatis vestræ in Parisiensem Facultatem. Ab illo enim decreto, velut à sprætæ iniuriæ formæ, ista obloquia & vellicationes continuæ, & iudicia maledica, & verbosi contemptus, imminutionesque familiaræ vobis inuitis semper nobilissimæ & Illustrissimæ iam olim nascuntur, despectis vnà primigeniæ Societatis exemplis & iudiciis, quæ vos à præcipiti ultione ad æquiores, & nomini vestro congruentiores cogitationes reflectere debuerunt. Nam & Theologos variarum Religionum Doctores in præcipuis decreti illius autoribus Ribadeneira connumerat; & tota Facultas antequam sententiam diceret palam professa est, nihil se aduersus summorum Pontificum autoritatem & potestatem, aut decernere, aut moliri, aut etiam cogitare velle. Imò verò omnes & singulos, ut obedientia filios, ipsum

summum Pontificem, ut summum & Vniuersalem Christi Iesu Vicarium, & Vniuersalem Ecclesiae Pastorem, (cui plenitudo potestatis à Christo data sit, cui omnes utriusque sexus obedire, cuius decreta venerari, & pro se quisque tueri & obseruare teneantur) ut semper agnouerint & confessi sint, ita nunc quoque sincere, fideliter & libenter agnoscere & confiteri. Hac fide posita, qua illa ipsa Pontificia in gratiam Iesuitarum, de quibus consulebantur, edita diplomata venerari & colere volebant, si ea summi Pontifices nihilominus tueri pergerent, suam tantum priuatam de iis sententiam, rogante supremo Senatu, ex animi sui sensu, iureiurando adhibito, exposuerunt, eo modo quo de Regum Principumque placitis periti quique & sapientes, vel ab aliis, vel à principibus interdum ipsis bona mente consulti, liberè sincerèque respondere solent, sine vlla aut contumaciae aut contemptus in eos suspicione. Quare summi Pontifices nihil vnquam decretum eiusmodi ad suae autoritatis damnum pertinere iudicarunt, nec de illo conquesti sunt, cum contrà viderent eminentiam suae potestatis eo magnificè splendidèque sanciri, & *summa cum reuerentia & humilitate* (decreti ipsius verba sunt) *rem integram correctioni sedis Apostolicae relinqui*. Vbi enim nouae ac recentes Principum constitutiones exeunt, à communi praecipue more quadamtenus alienae, facile admitti, & in bonam partem accipi solent priuatorum etiam hominum, praesertim eximiorum ac praecellentium iudicia, si debito cum honore ferantur, nec haberi consueuerunt nisi velut consilia prudentum sincerè prolata ad rei, quae nondum penitus constituta fixaque videatur, pleniorum explorationem. Plena sunt omnium saeculorum monimenta illustribus in hoc genere exemplis in virisque politia, tum ciuili tum sacra, quae & notiora ipsa sunt, & ad rem notiore pertinet, quam ut multis commemorari debeant. Ex his enim satis intelligitur, inanes esse atque adumbratos Iesuitarum in hoc Decretum, quasi Pontificiae Majestatis nomine, clamores; neque verae causae quicquam esse cur hinc amplissimam Facultatem tam malè odisse ac deicere cœperint, tum seorsim apud suos, tum apertè apud omnes, quàm quod praenuntiata tanto antè ab ea Societatis suae maculas, & rerum quas iamdiu experimur euentus, nullis odiis aut contumeliis satis vindicari posse existiment. Aequius profecto fuit ac religiosius, & ad illam ipsam, quam optabant, inuidiam Facultati Parisiensi conflandam aptius, ita sese in omni dictorum, factorum, scriptorum, disciplinaeque ac vitae totius perpetuitate praebere, ut immeritò de moderatione, humilitate, tranquillitateque sua secus existimatum esse declararent. Nunc verò ita sese per omnia compararunt, ea vel perfecerunt vel moliti sunt, & quotidie moliuntur quocumque pedem intulerunt, ut quantum verbis & querimoniis de fide illius decreti detractum cupiunt, tantum ei factis adjiciant, & singula eius capita suis istis in Academiis, in alios ordines, in Episcopos hierarchiamque totam, ne quid de Regibus dicam in quos atroces fuerunt, inceptis ac turbis totidem penè Prophetias fuisse demonstrent.

Hoc ipso igitur decreto, ex quo Iesuitis cogitatio & æmulatio nata est, ut Parisiensis Facultatis nomen omni ope extenuent & obterant, illius autoritas vel maximè inclarescit, ipsorummet actionibus, & his potissimum,



quas nunc repellimus, hæresibus quasi sigillis confirmata. Iesuiticæ verò Societatis decolor, integritas; & fluxa virtus, & elanguens Religio, & Christiana dignitas dilutior, quippe ab illa maiorum suorum in eandem Facultatem & in hoc idem decretum mansuetudine & æquitate tam longè sublapsa, perspicitur. Vt multo verius ex eo decreto, & ex primorum Societatis parentum de illo iudiciis ac sensibus dicere nobis liceat, euiluisse iam pridem veram religiosamque iesuitarum apud Deum & pios homines auctoritatem, nec eam amplius nisi ambitu & captatis potentium studiis humanisque coitionibus sustineri, quàm quicquam de perpetua Facultatis Parisiensis amplitudine, & apud cordatos omnes bonosque gratia, ob tam illustre pietate in sedem Apostolicam, prudentia & candore in tot euentis testatissimam veritatem, iudicium, decessisse.

Ac sanè nihil magis alienum, & ipsa malevolentia ineptius fingi potuit, quàm Facultatis huius auctoritatem eo sæculo defloruisse, quo ea potissimum splendescere & inualescere visa est: Quo singulari præ cæteris Facultatibus in honore fuit apud Concilium Tridentinum, etiam post Decretum illud emissum in quod Iesuitæ tam ferociter eiulant: Quo tot præstantes Theologos, operibus editis celeberrimos peperit ut rarò vnquam præstantiores, Almainum, Maiorem, Gagnæum, Chetouæum, Vatablum, Espensæum, Sanctium Episcopum Ebroicensem, Genebrardum Archiepiscopum Aquisensem, Feuardentium, aliosque Lutheranorum & Calvinianorum expugnatores summos, quorum nominibus præcipui Iesuitarum scriptorum libros suos decorarunt. Nec memorare lubet nominatim eruditorum eius alumnorum hoc ævo copiam, quorum alij adhuc supersunt, alij superstite sui memoria nunquam extinguuntur. Satis est eorum nomina in obscuro non esse, eumque agnosci tum intra, tum extra Galliam Facultatis Parisiensis in vetustissima sua dignitate vigorem vegetamque fortitudinem, quo non solum imbelles Spongiæ aut futes Apologiæ, sed Iesuitici quilibet conatus ingenij operæque maioris, orbe iudice, conterantur. Audi Cardinalem Bellarminum, quem priuatæ vestræ Societatis rationes absterre non potuerunt, quin nuper admodum veritati lubens litavit, in honorem Sorbonicæ domus totiusque Parisiensis Facultatis, Collegium Sorbonicum *toto orbe celeberrimum* appellans. Nec defugies, opinor, auctoritatem Romanæ urbis, illiusque sedis altissimæ totilatè Christiano orbi supereminens, cuius non solum illustria iam olim de hac Facultate testimonia visuntur, quam tu illi infestam nequissimè optas magis quàm ex animo prædicas, sed apud cuius augustissimum illud Theatrum ea facile primas refert, opinione, fama, honore. Non temerè verò patietur summus Pontifex, idque ad amplissimæ suæ dignitatis incoluitatem pertinere in primis putabit, à te sine fronte menteque prædicari, Parisiensis Facultatis *Censuras prudentibus hodie non solum non probari, sed etiam de falsitate in fide vel iniuria in Catholicos multum esse suspectas*. Hoc enim si ita est, tu nimirum magne iudex, & sedis Apostolicæ Apologe, grauissimo tuo calculo probas Antonij de Dominis, sodalis olim tui, in Censuram ab hac Facultate aduersus impurissima eius deliria, quibus Apostolicæ sedis numen diruebat, latam, querimonias & maledicta.



Rectè reprehensam ab eo censes, velut de fide suspectam. Malè damnatam doctrinam, quam tamen nulla alia maior autoritas tunc oppressit, & ad cuius exautorationem ne latius in Ecclesia serperet, sedes Apostolica satisfactis esse arbitrata est huius Facultatis, cuius tu Censuras aspernaris & blasphemias auctoritatem. En quàm feliciter sedi Apostolicæ milites; quàm strenuè operam ei probes tuam, & Apologias fictaque non ad illius cultum, sed ad hæresum tuarum stabilitationem, blandimenta commendes.

Nec mihi referas errores tuos à Facultate damnari, cetera Ecclesia vel repugnante vel tacente. Nam quæ, obsecro, Ecclesia repugnat? Fictitia illa fortasse, & Utopiana, prolopopœis & insulsis schematibus tuis deformata Anglicana, è solis laicis, imò è solis, vt ais, nobilibus constans, adiunctis nimirum Regularibus Iesuitis, ne tam nobile corpus nobiliorum capitum gloria careat. Aliam enim Ecclesiam errorum tuorum meritissimæ damnationi repugnantem, ne fingere quidem poteris, quamuis nihil non fin-

*Vid. Querim. in ad-  
mon. ad lecto-  
rem, pag. 11.*

*Vid. approb.  
Boucheri, post  
Apolog. Da-  
milia.*

*Vid. Tertull.  
de exhortat.  
cast. c. 7. de  
pudicit. c. 21.  
Querim.  
§. 4. n. 11.*

*Vid. Chryso-  
stom. hom. 61.  
in Math. &c.*

*S. Ambros.  
lib. 6. in he-  
xam. c. 9.*

*S. Cypri. epist.  
69. ad Pru-  
pianum.*

gere ac prætereundere paratissimus. Nisi fortè tres illos Apologiæ tuæ approbatores, Monachos duos & Archidiaconum Boucherum, qui se id quod probat ne quidem legisse fateatur, sed aliena & Iesuitica fide probasse, Ecclesiæ nomine vendites, & Ecclesiam cum Tertulliano in tribus etiam ponas, ex iisque nouam aliam Trinitatem efficias, sicut è tribus Antistitibus qui tuos libros non probauerunt, sed tantum non damnauerunt, suprà in Querimonia vocibus impiis facere ausus, quemadmodum ibi dictum est. Nam si sodales tuos Iesuitas per orbem sparsos, quorum grex hæresibus tuis non assensit solum, sed applausit; si etiam emendicatos aliquot & expressos & exambitos Nicolai Smithzi suffragatores & commendatores objicias, priuatorum tu quidem nonnullorum indulgentiam & obsequentiam erga factionis vestræ studia nimiam & indignam commemora- bis, Ecclesiæ verò ullius auctoritatem in iis aut speciem ullam laborabis vt inuenias. Non enim Ecclesia in priuatis hominibus est, aut Clericis etiam quibuslibet; nec cuius Ecclesiæ nomine loqui fas; nec in quouis Ecclesiæ vox & auctoritas residet; sed in iis qui Ecclesiarum capita & vertices constituti sunt, aut capitum huiusmodi assensu & auctoritate loquuntur. In capite enim vox & lingua & sensus hominis, & totius corporis nomine loquitur solum caput, non pedes, aut manus, aut membra quæcumque inferiora. Quid sine capite est homo, cum totus in capite sit? Cum caput videris, hominem agnoscis. Sic & Ecclesiam cum Episcopum atque Antistitem, in quo vt capite tota similiter Ecclesia est, quemadmodum à Cypriano illa voce nunquam satis iteranda dictum est, Episcopus in Ecclesia, & Ecclesia in Episcopo; de qua plenè alibi. Facultatis igitur Parisiensis in errores vestros Censura, Ecclesiæ vox & oratio haberi debet, cui assenserint quam comprobarint, & corroborarint honoris sui eminentia non solum Illustrissimus Archiepiscopus Parisiensis, sed tam numerosa Ecclesiæ Gallicanæ Antistitum Synodus, Collegarum deinceps omnium & totius Ecclesiæ Gallicanæ aperto consensu firmata. Cui denique longè maxima Ecclesiæ Anglicanæ ac Britannicæ vnà cum Episcopo & Pastore suo multitudo, Hybernicæ etiam cum suis Episcopis consensio accesserit; Postremo totius Ecclesiæ Catholicæ Episcoporum partim expressa gratulatio,

pacem tacita suffragatio; ne tu Ecclesiæ, ut ais, silentium tecum facere glorieris. Eorum enim qui tacere videntur cunctationem non solum nulla ratio est cur in tuas trahas partes, cum eodem saltem iure eam aduersum te iactare liceat, nec tu quod utrique parti ad minimum commune est, & in medio positum, id ad te rapere sine summa iniquitate ac ineptia possis; sed contrà eorum ipsorum, qui sua iudicia adhuc compresserunt, taciturnitatem res ipsa declarat non tuis hæresibus, sed earum damnationi apponi atque aggregari oportere. Si enim iniuriâ & perperam tam solennibus tot Theologorum & Episcoporum iudiciis oppressa esset doctrina quam tu veram, sanam, Catholicamque profiteris; ad tam publicam & illustrem veritatis proculcationem Ecclesia Catholica, atque in primis Apostolica sedes silere non posset. Non enim falsum esse vnquam potest illud de Ecclesia Dei, Augustini præconium: *Ecclesia Dei quæ sunt contra fidem vel bonam vitam nec approbat, nec tacet, nec facit.* Nec verum esse non potest illud verbum Apostoli, Non solum qui ista faciunt, digni sunt morte, *sed etiam qui consentiunt facientibus.* Consentiant autem dum publicè laboranti atque oppressæ veritati non succurrunt, qui debent, & qui ad hoc potissimum in Ecclesiæ Tribunalibus collocati sunt. Ergo cum quiescunt, probant; cum patiuntur, decernunt; cum tacent, clamant. Nam hæresum plerarumque damnationes non semper expressa & perscripta Ecclesiæ totius consensione firmatas atque autoratas esse suprâ ostendimus, & ipsa nupera librorum Antonij de Dominis proscriptione, quæ præcipua Facultatis huius autoritate decreta fuit, declaratum est. Satis consensu tacito clamat Ecclesia, cum reclamare deberet, si dissentiret. Officio enim decesse & veritatem prodere vniuersa non potest.

Aug. ep. 119.  
ad Iannarium,  
cap. 19.  
Rom. 1.

In respons.  
ad Quæritum.

Macte, Iesuita Floyde, iacta Ecclesiæ silentium, gloriare ex animo, si potes, vos huiusmodi Sorbonæ censuras non ignominia, sed gloria ducere. Nos te quamuis gloriosissimum superbissimumque videamus, tales glorias posthac ambiturum non putamus, facileque illis ipsis quas arrogas carere velle, etiam sine laude humilitatis, arbitramur. Imbecillitas ista est, & puerilis contumacia, pœnam quam fugere nequeas, infamiam quam deuitare non possis, qua premaris, qua obteraris, quam sensu miserrimam experiare, peruicaci insultatione in gloriam mutare conari, & ex necessitate non virtutem, sed vitium facere. Philosophus, gloria animal, inquit Tertullianus, cui nec consolanda est iniuria, sed potius insultanda. Testimonium hoc verum est de gloriosula & philosophica natione Iesuitarum. Neque isti solum, sed etiam perditissimi quique homines pœnis quibus frangi & meliores fieri debuerant, ferociùs exultant. Hæc est hæreditas filiorum Adam, hæc macula humani generis, mala quibus à Deo iudice ad sceleris memoriam miseræque sortis suæ admonitionem & medelam inusti sunt, in deliciarum, gloriationum, ambitionumque materies transvertere. Si te quoque tam dira libido tenet; neque ista quam extollis instituti tui religione à peruagatissima corruptela reuocari potes, præbebitur affatim vnde expleas desperatæ gloriæ sitim; & quo tu magis damnatas conuictasque tuas hæreses à Theologis Parisiensibus gloriabere, hoc maior eos in te damnando & in confutanda earum proteruitate gloria manebit.

Tertull. lib.  
de Anima,  
cap. 1.

## I E S V I T A.



**N**ULLA Catholica Vniuersitas, nedum Parisiensis, Priuilegium habet, sibi à veritatis fonte concessum, vt in fide errare fœdè non possit. Vnde non plus eorum Censuris inest autoritatis, quàm quantum constat Censoribus inesse doctrinæ fideique puritatis prudentiæque in iudicando. Hoc si verum sit, prudenti rerum existimatori varix grauissimæque causæ continuò occurrent, ob quas Censura Parisiensis negligi debeat, ex quibus nos octo breuiter prosequemur.

## R E S P O N S I O.

**S**I nulla Catholica Vniuersitas priuilegium habeat ne fœdè errare possit, nullus Iesuita, nedum Iesuita Floydus, priuilegium habet ne fœdè peruicax esse, & objectionibus imperitis possit implicari. Oppugnat enim non iam Parisiensem Facultatem, sed omnes omninò, quotquot in orbe patent, *Catholicas Vniuersitates*. Nec fieri aliter potuit, quin concepto in omnium primam & antiquissimam maleficio vniuersas complecteretur. Vnica verò machina, eaque imbelli, tantum negotij molitur, vanissimè probandum suscipiens, *non plus earum Censuris inesse autoritatis, quàm quantum constat Censoribus inesse doctrinæ fideique puritatis prudentiæque in iudicando*, quòd videlicet earum nullæ sint ab humano errandi periculo immunes, sed infirmitate circumdatæ, labiles, humanæ, mortalibus denique, non Angelis aut Beatis consent. Nihil enim est quod Iesuitarum animos comprimere possit, nisi vel ipse Deus exerto ore fundens oracula, vel Beati eadem ipsius æternitate & immobilitate fruantes; non mortalis vllus homo, ne quidem summus Pontifex, quem plerique ipsorum labilem etiam errorique obnoxium faciunt, vt infra declarabimus. Perniciosum igitur dictu est, non plus inesse in Censuris autoritatis, nisi quantum in Censoribus doctrinæ, fidei puritatis, aut prudentiæ inesse constet: Et hac eadem machina non Academiarum solùm Censuræ, sed vniuersa prope-

*Ad Caus. 7.* modum Ecclesiæ iudicia subuertuntur. Nec mirum est eam *Catholicis omnibus Vniuersitatibus* intentari, cùm superius ab hoc eodem pseudo-Loëmelio Iesuita indignissimè admota sit labefactandæ Illustrissimorum Antistitum Epistolæ, vt ibidem declaratum, & confutatum est. Nunc vt de Academiis duntaxat, de quibus hoc loco propria quæstio est, differamus, quid iniquius atque absurdus, quàm Facultatis cuiusvis amplissimæ solenni decreto non plus habendum fidei aut honoris, quàm quantum in hominibus à quibus latum est prudentiæ aut scientiæ inesse constet, hoc est inesse iudicetur cuiuslibet indocti hominis & procacis & damnati arbitrio? Quid enim hoc pacto habebunt Academiarum nobilissimarum iudicia præ priuati cuiuscumque opinione, præ ignobilis & vilissimi capitis sententia, cui scilicet tantum credi debet, quantum profert & probat scientiæ, prudentiæ, fideique puritatis? Hanc nimirum cogitationem respuit communis

*In Querim. 5. 3. c. 14.*

sensus, & sani quietique animi verecundia: Nec quisquam est quin videat, quantum nobilissimis per Catholicum Orbem Facultatibus, & antiquæ autoritatis Academiis, honoris & observantiæ debeat supra vulgus hominum, etiam eruditorum, & quantavis fidei puritatem prudentiamque ostendantium. Sunt enim Theologicæ Facultates, publici & illustres selectorum virorum diu explorata spectataque eruditione florentium cœtus, quibus hoc solo nomine eximia quædam in rebus Theologicis, præ priuatorum Theologorum etiam excellentium quolibet, debetur fides. Cùm verò accedit ut sint præterea Ecclesiæ autoritate constitutæ per vniuersas Christianarum ditionum regiones, ad spargendam latè per omnium animos veritatis fideique lucem, ad fugandas hæreses, ad explorandos nuntiandosque Ecclesiarum Ducibus speculatorum vice irrumpentes errorum malorumque operatorum dolos; facile quiuis intelligit intolerandum esse dictu non amplius in earum nuntiationibus & declarationibus inesse fidei, nisi quantum audaculo cuique & præfracto iudicare libuerit in iis inesse doctrinæ, aut prudentiæ, aut puritatis; neque ita scribi posse, sine certa Ecclesiasticæ potestatis eis permissæ, tum singulatim cùm in-augurantur, tum simul omnibus cùm Facultates eorum & Academia confirmatæ sunt, oppugnatione & contemptu.

Nec dicere attinet eas errare posse; quia, ut supra dictum est, stultissimum est & inauditum istud genus exceptionis aduersus constitutas publicè autoritates, quarum nulla incolumis esse poterit, si debitum iis honorem pudorémque hoc telo concutere liceat, quo humanarum rerum omnis ordo & discrimen euertitur, omniæque ad peræquationem & confusionem fœdissimam deducuntur. Hæc, ut ante monuimus, cauillatio in Scholis Iesuiticis nata est, in quibus Ecclesiasticarum civiliumque potestatum despectio, & animorum elatio aduersus eas maior & insolentior, quàm vsquam alibi, eminuit. Falli possunt publicarum potestatum iudicia, non inficiamur; homines enim sumus, & naturæ nostræ meminimus. Sed si illæ iudicando falli possunt, tot tantisque præsidiiis quibus ab errore vindicentur, præmunitæ; quanto magis in reprehendendo falli poterunt priuati homunciones, nulla re cum iis conferendi? Superbiæ nimix est modestiam exigere, quam ipse non exhibeas; infirmitatis humanæ admonere, quam in te obliuiscaris. Quod si & tu homo es, & falli potes, & nihil est quod in te audiendo me securum ab errandi periculo præstet; quanto æquiùs spectatarum commendatarumque publicè autoritatum iudicia reuerbor, quoad mihi de earum errore, si quis subest, certiore argumento constet, quàm reprehensione tua hominis longè incertioris, & futilioris, & ad errandum pronioris, & rebus omnibus infra earum præstantiam dignitatémque dejecti? Nam quamdiu dubitandi locus est, nec aperta erroris fides, perspicuâque prauitatis euidencia in iudiciis publicis ostenditur, repudiari debent longèque amandari priuatorum vocolæ, ac reorum præcipuè damnatorumque proterui clamores; nec illustres probatiquè iudicantium confessus à perpetuæ notissimæque autoritatis ac fidei possessione, sine manifestis & ineluctabilibus argumentis, depelli possunt. Hoc enim gentium omnium commune ius, in minimis rerum minimarum



controuersis quotidiano vsu obseruatur, nec sine summa iniquitate in rebus omnium maximis negligi potest. Hoc denique cuneo, Ecclesia Catholica suam in fidei mysteriis diuinique ministerij perpetuitate auctoritatem tueri solet aduersus haereticorum temeritatem, errores ei, imperitias, haereses, foedas in omni genere labes similiter obiectantium; strenuèque asseuerat, & hoc vno verbo petitiones eorum elidit: Non posse sibi sine perspicua iniquitate abjudicari & eripi antiquae perpetuaeque auctoritatis possessionem, nisi illa crimina, & illae reprehensiones ita euidenter & apertissimè pateant, vt nulla penitus dubitatio supersit, quemadmodum in legitimis omnibus Tribunalibus vsurpatur: Alioquin in dubio meliorem esse conditionem possidentis, atque adeo immobilem & inuictam. Hac igitur eadem ratione qua vniuersa Ecclesia nouatorum lites repellit, nos hostium *Catholicarum omnium Academicarum & Facultatum* impetus amolimus, earumque auctoritatem à priuati cuiusuis hominis peruicacia eripimus, & tamdiu valere debere contendimus supra cuiuslibet priuatae auctoritatis pondus, quoad isti refragatores perspicuas, & lucidissimas, & penitus ineluctabiles reprehensiones protulerint, sine quibus ex certissima iustitiae lege stare inconcussam dicimus aduersus eos auitam illarum perennemque dignitatem. Est enim Academicarum Facultatumque Theologicarum ista in Ecclesia auctoritas in rerum Theologicarum iudiciis, secundaria quodammodo & proxima potestati & auctoritati Episcoporum, cum post illos docendi arguendique potestatem ab Ecclesia solenniter iam olim acceperint accipiantque, & perpetuò tenuerint atque vsurparint, quemadmodum infra magis ostendetur.

Ad hanc igitur amissam si Iesuiticas in Censuram Theologicae Facultatis Parisiensis criminationes exigamus, vt illius vis & auctoritas inuicta maneat, neque oppugnari aut minui possit sine temeritate, & ordinis Ecclesiastici labefactione, nisi rationes in eam planissimae & omnium oculis conspicuae afferantur, (quod ius si omnibus Catholicis Facultatibus negari non potest, multò minus omnium principi, & antiquissimae, & longè omnium verustissimam auctoritatis suae possessionem exhibenti) ne quidem refellere necesse erit causas octo quas in eam causatur Iesuita Floydus, cum earum non solum trices ac gerrae cuius vno statim aspectu pateant, sed meracissima mendacia & stupidae consecutiones tam manifestè cernantur, quàm earum veritas & pondus cerni debuerat, vt exitum, quem appetit, assequi posset. Demonstrandum tamen est deinceps quod affirmamus, ne qua superbiae latebra in posterum relinquatur.

# I E S V I T A.

## PRIMA CAUSA.

*Facilitas festinatioque Censura.*

**I**N Censuris circa fidei dogmata ferendis festinandum lento gradu & plumbeo pede. Hoc olim fuit in Vniuersitate Parisiensi diligentissime obseruatum, vt notat ipsorum Cancellarius Gerson tom. 4. col. 270. *Res debet, inquit, summa maturitate & diuturna deliberatione ventilari, magis quam approbatio vel reprobatio vnius dicti Theologici, pro cuius tamen discussione apponitur quandoque tractus anni vel biennij, quando totum dimittitur indiscussum.*

### R E S P O N S I O.

**R** I D I C V L E' & plumbeo, non pede, sed animo fateris diligentissime olim ab Vniuersitate Parisiensi Gersonis aetate obseruatum, vt mature prouideque Censuras de fidei dogmatibus ederet, cum hoc ipso loco paulò posteam arguas, longè ante Gersonis tempora facilitatis nimiae in condendis articulis ferendisque Censuris, propter quam prouerbio locum dederit quo ex contemnantur. Quid dicam? magnum esse te nugatorem, & in ipso absurditatum tuarum limine ridendum admodum cespitatorum. Memineris huius dicti tui, quod iterum infra refricabimus, & testimonij Gersonis de consueta illa Facultatis Parisiensis grauitate & moderatione in Censuris emittendis; quo utroque criminationes illae tuae extinguuntur, & luculentissime opprimuntur oculati testis ore, aduersus os non satis oculati reprehensoris.

*Infra, haec eadē Causa.*


Cæterum quod ais festinandum lento pede in fidei rebus decernendis; nemo negat, & thesin hanc generaliore facile omnes probamus. De sola hypothesi controuersiam tu moues, de Censura nimirum in te lata, cui festinationem quam objicis, ipsa tuarum objectionum (adeo mature ac lento pede excogitatae sunt) inanitate intimaque pugna propulsabimus. Quod si ex Gersonis dicto innuere velis temerarias esse Censuras, quæ breuiori quàm anni aut biennij spatio absoluantur; laborabis admodum vt probes ac tueare à vitio temeritatis non solum summorum Pontificum<sup>a</sup> pleraque decreta, sed etiam Conciliorum<sup>b</sup> Oecumenicorum quæ grauissimas Religionis nostrae dissensiones, profligatis & proscriptis hæresibus, multo angustiore tempore finierunt. Prudentia nullis certis legibus tenetur. Modò longiora poscit tempora, modò breuioribus contenta est, pro rerum quas agit varietate. Interdum etiam post conatus laboreque diutinos nihil efficit, vt rectè Gerson, si res sic iubeat, vel potius prohibeat.

<sup>a</sup> Vid. Innocent. I. epist. 26. quæ est 96. apud Ad. gust. & Concil. Mileuit. 2. in prefat. Conc. Item S. Bernard. ep. 187. & 194.  
<sup>b</sup> Vid. Conc. Chalcedon. act. 1. & 16. & Conc. Ephes. part. 2. act. 1. & 7. & 6.

Quod si ex loco Gersonis nihil velis, nisi summam olim esse consueuisse

Parisiensis Facultatis in rerum grauiorum iudiciis cautionem & quasi temperantiam; nobiscum facis, eandemque & tempore illo, & iis quæ deinceps consecuta sunt, nunc potissimum in hac de qua agimus Censura, rejectis commentis tuis comprobabimus.

## I E S V I T A.



Grauitate Maiorum posteri desciuerunt, Censuraque abiit in contemptum: qua de re queritur quidam Sorbonicæ Facultatis Doctor his verbis, qui licet loqui videatur de Vniuersitatibus indefinitè, tamen palam est Parisiensem definitè intelligi:

La délégation des Religieux par F. I. D. P. P. dédié à Monseigneur le Chancelier de France. pag. 130.

*Nimis, inquit, scio quàm parum autoritatis ob nimis facilem & nimis vulgarem Censuras ferendi modum Vniuersitates habeant, maxime cum iurisdictione careant, qua refractarios suas Censuras venerari cogant.*

## R E S P O N S I O.

Pag. 97.

**N**OL o aliùs scrutari testimonij huius corruptelas, quas ita cumulat, ut mirum sit singulatim intuenti. Maiores duntaxat & crassiores corripio, quas ipsas facile negligere potuimus, nisi interesset oscitantiam vel malitiam tuam vndique illustrari. Ais illius Scriptoris verbis, *palam esse Parisiensem Facultatem definitè intelligi*. Hoc cui verisimile erit nisi tibi vni, Facultatem Parisiensem perstringi sine causa in negotio alienissimo, quod ad eam nihil pertinebat, ab eo quem tu ipse vocas, *Sorbonicæ Facultatis Doctorem*? Ab eo cuius librum si legisses, vel candidè protulisses, inuenisses eam appellatam, *Celeberrimam totius orbis Societatem; sanctam stirpem, è qua mala fruges oriri non possint*. Malè consulis Scriptoris menti, vel tuæ, si post tale testimonium, Parisiensem Facultatem definitè ab eo & palam contemptam, frugesque ac Censuras ex ea manantes viruperatas esse vel putas, vel simulas. Quid quod de Facultate aut Vniuersitate Parisiensi nullus ei sermo, nulla mentio, in loco quem vides, sed tantum de quodam vetere decreto nescio quo, è manuscriptis eruto, Doctorum iuris Colonienfis Vniuersitatis? Nolo plura in hoc propudium, quamuis sca-teant & circumfluant vndique vilissimæ mendositates. Satiùs tibi fuisset auctoris istius, Religiosi familiæ D. Dominici, modestiam pudoremque imitari, à quo alia non pauca tibi minus necessaria sumpsisti. Religiosorum ille causam ita tutatus est, ut nihil in Episcopos aut Parochos petulantius effuderit, nec nouitatum hæresumque tuarum quicquam sapiat. Præclare liber eius ostendit, & tuus simul, quantum Ordinis D. Dominici spiritus à spiritu Molinistico dissentiat.

I E S V I T A.

## I E S V I T A.

**S**APIENTER vir peracri iudicio Dominicus Bannes monet  
reperiri quosdam Theologos, qui omnia quæ non consonant iudi- Dem Bannes  
in 2. p. 91.  
a. 8. dub. ult.  
con. 1.  
cio ipsorum, grauioribus Censuris incurrunt, idque tanta facilitate ut  
merito irrideantur. Verè, & in id quod dicimus appositè. Nam  
Sorbonæ facilitas in condendis articulis ferendisque Censuris ioculari  
proverbio scholæ trito locum fecit, *Articulos Parisienses non transire Sequa-*  
*nam.* Meminit huius dicti tanquam vulgaris præter cæteros Eminentissi-  
mus S. R. E. Cardinalis Tolæus. Nam sententiæ ipsius cum obiceretur  
Articulus Parisiensis, quo contrarium videbatur definitum. *Ad Articulu-* lib. 3. de a-  
num. 9. 18.  
*lum,* inquit, *illum Parisiensem,* responderi solet, *Non transire illos Articulos ultra*  
*Sequanam,* quod est ipsorum Parisiorum flumen.

## R E S P O N S I O.

**D**E hac ineptia, & de hoc articulo iam aliquid suprâ libatum est,  
ostensumque præcipiti prorsus & sinistra mente præproperam in  
condendis articulis Censurisque facilitatem à te tribui Facultati Parisiensi  
eo tempore quo eam paulò antè dixisti diligentissime obseruasse ut lento gradu  
& plumbeo pede in Censuras procederet, ita ut deinceps à gravitate maio-  
rum descuerit. Articulum enim quem nunc ex Toletis inlimulas nimix  
facilitatis iam antè ostendimus longè ante Gersonis tempora, quibus ma-  
turitatem & pondus viguisse fassus es in hac Facultate, ac vel ipso ævo  
D. Thomæ, vel ante illud, editum esse. Quid ergo tibi vis cum ista tuæ  
mentis interna colluctatione? Quid nobis intemperies tuas objicis?

Stupidum præterea proferri ad probandam festinationem nimiam in  
Censuris Facultatis, quod Parisienses articuli non transeant Sequanam, &  
contemptui habeantur. Quomodo inde colligas eiusmodi festinationem?  
Tarditatem potius collige, qua Sequanam transire non possint. Aliæ  
possent esse causæ contemptus, si quis subesset, vel reipso teste, qui octo  
causas hîc opponis, ex quibus Censuras Parisienses nihili fieri debere con-  
tendis, in quibus ista de nimia celeritate, vnica est. Aut tace, obsecro, in  
posterum, aut saniora exhibe & digniora quæ legantur, nec præcipitantis  
animi temeritatem quam objicis, ipsa tua objectione ab aduersarius amo-  
ue, in te transferens.

Vt autem de isto, ut vocas, *Proverbio, Articulos Parisienses non transire Se-*  
*quanam,* quod ex Toletis te hausisse ais, aliquid in Facultatis Parisiensis ho-  
norem dicamus, quamuis ad obtusæ tuæ reprehensionis contrusionem  
plura adjicere nihil necesse sit; Scias velim adeo transisse Sequanam Arti-  
culos Parisienses, eo præcipuè tempore quo ille quem carpis editus est, ut  
non Galliam solum omnem ultra citraque Sequanam, sed longinquissi-  
mas Christianorum regiones peruaferint & occuparint. Constat enim

M



*Uil. Marfil.*  
*in 4. dist. 13.*  
*art. 3. &c.* summos Pontifices, ne Reges Principesque ac populos externos dicam, ex hac Facultate non raro consulta Censurasque petiisse, quemadmodum nunc à Clero & Ecclesia Angliæ videmus factum; nec pauca tum nostra, tum Patrum memoria exempla sunt, quæ breuitatis gratia missa facimus. Itaque ioculari prouerbum tuum vero, antiquissimo, certissimoque illo prouerbio refellere possumus quod à Petro Blesensi Archidiacono in Anglia Bathoniensi; vetere Facultatis huius alumno traditum est. *Petr. Blesens.*  
*epist. 19. ad*  
*amicum.* *Uil. eundem*  
*in Job. c. 2.* *Pote-*  
*ram tibi dicere,* inquit ad amicum Theologica quædam percunctantem, quod prudens illa mulier Ioab querenti caput Siba legitur respondisse, Prouerbum est, inquit, ut qui interrogant, interrogent in Abeba; Qui interrogant, interrogent Parisius, ubi difficultum questionum nodi intricatissimi resolvuntur. Adjungi potest non vnus, sed plurium sociorum tuorum, totiusque Collegij Conimbricensis assensus, quoad illum ipsum quem lancinas articulum Parisiensem longè alia mente quàm tu vis responderetur, & Facultatis in eo edendo autoritas & fides quam tu frustra minuis, agnoscitur: Respondendum, inquit, quamuis illius articuli autoritas haud parua sit, *Conimbr. in*  
*2. de anim.*  
*c. 1. q. 5. a. 3.* tamen extra Scholam Parisiensem irrefragabilem non esse. Quorum autorum testimonio facile tuum illud prouerbum à solo Toletò traditum, nondum Cardinali, nondum illa qua deinde fuit autoritate, iuvene adhuc & nouo, abjiceremus, si quid ad tuum deprimendæ nobilissimæ Facultatis consilium alluderet. Abest enim longè gentium, cum pateat eum voluisse illis verbis hoc vnum quod clarioribus expressere Conimbricenses, Articulorum Parisiensium, etsi magna sit vbique authoritas, non esse tamen vbique irrefragabilem extra Parisiensem Scholam, seu non ita omnes ad eorum tuitionem propugnationemque adigi omnium gentium Theologos, sicut illos qui ipsius corpori inserti sunt, qui ad eos iureiurando adstringuntur, ex antiquissima consuetudine Facultatis. Habet enim Facultas sicut omnes propemodum aliæ Societates, sua placita & decreta quæ ut veriora duntaxat & Sanctorum dictis congruentiora alumni suis præscribit, quamuis ea ad fidem aut necessariam Christianorum professionem non pertinere non sit nescia, nec eorum dijudicandorum libertatem aliis præreptam velit. An tu Prædicatorum Familiam, aut Franciscanorum, spernendas dicere voles, nec vllam earum esse autoritatem, quòd quæque seorsum suas præceptas & suos, ut sic dixerim, articulos habeant quorum irrefragabilis autoritas extra eorum sodalitia nulla est? An tuam ipsam Societatem aspernabilem fatebere, & in Censuris sancendis præcelerem ac volaticam, quòd vobis vniuersis Molinisticæ doctrinæ iugum, & scientiæ mediæ nouitates perpetua Generalis præpositi lege imposuerit, quæ apud eruditos & in celeberrimis Academiis exploditur? Ideone dandum locum putabis ioculari prouerbio, quo dicamus Iesuiticos Articulos non transire Iesuiticū limen? De industria videris ludos facere, & tuas ostentare vertigines? *Extra decre-*  
*tum Genera-*  
*lis Aquani-*  
*ne. scriptum*  
*Roma 14.*  
*Decemb. an.*  
*1613. apud*  
*Iesuitæ Tan-*  
*nerii disp. 6.*  
*de grat. q. 2.*  
*dist. 3. n. 86.*  
*Vide dicta*  
*supra.* Etsi verò ea doctrinæ capita, quæ Facultas Parisiensis sectatoribus suis ut certiora præfinit, ab aliis omnibus, pro sua modestia, perinde teneri non iubeat, in iisque illos à se dissentire æquo animo patiat, Censuras tamen quibus ab ea vllæ doctrinæ hæreticæ, blasphemæ, impiæ iudicatæ sint solenniter vnoque consensu, nullas esse videmus, quæ non omnium

æquè iudiciis comprobentur. Quod eo magis de his Censuris, quibus libri vestri damnati sunt, dicere conuenit, quod eis tot Episcoporum auctoritas, & iudicia, multoque plurium consensus, plerarumque postremò Catholicarum gentium eruditorumque hominum aperta gratulatio accesserit. Quas tantas tamque illustres auctoritates nescio quæ Religio, quæ pietas, quæ Christiana mens, quæ denique sanitas aspernari possit.

## I E S V I T A.



**H**ic obiter animum subit mirari quo cothurno elati, sua se statura metiri nescientes, tam breuiculam falcem ultra Oceanum extendere se posse putauerint, suæque Censuræ subiecerint libros in Anglia non Latino, sed Anglicano sermone scriptos, imò quæ voce tantum à Regularibus indiscriminatim in Hybernia pronuntiata dicebantur. Quid ipsis excurrere in alienam messem? quid iudicare alienos seruos? Nec tantum de domo in domum contra Euangelij præceptum migrare, sed etiam de regno in regnum saltitare? Non desunt Hybernis Prælati & Episcopi, nec Britannis vnquam defuit Apostolicæ sedis Præsulum paterna cura, qui maiore quàm Parisienses auctoritate, cum causa subesset, dogmata fidei & saluti aduersantia prohibuerunt, ut patet ex Breui Apostolico Pauli V. quo iuramentum fidelitatis rejicit.

## R E S P O N S I O.

**E**RVMPTIS & palabundus erras, non solum extra rationis fines, sed etiam extra quæstionis. De facilitate festinationeque Censuræ dicere cœpisti. Nunc repente in medio cursu auolas, & ad nouam de iurisdictione controuersiam excurris. Hic præceptum Euangelij quod inaniter sonas, tibi ipsi meminisse debuisti, ne *de domo in domum*, de quæstione in quæstionem transires, & impotentis animi leuitate sine causa *saltitares*. Facilius certè de *regno in regnum* ad doctrinæ impiæ abrogationem *migrare* licet, quàm in aliam ex alia materiam gyrouaga mente transferri. Quid enim ais? Sorbonam iudicare alienos seruos, in alienam messem excurrere, de domo in domum, de regno in regnum transilire contra Euangelij legem, quod in non suorum subditorum libros Censuram edat? Vide, quæso, quid dicas, aut quò ruas inconconsulta temeritate. Si enim Parisiensi Facultati eorum tantum hominum dogmata Censuris afficere liceat, quos sua iurisdictione habeat deuinctos, prorsus nullam, non tantum in externorum hominum libros, sed nec in Gallicanorum, Censuram ferre poterit, cum nullum hominem in Gallia sub ditione sua teneat, extra eos saltem qui ipsius familiæ interti sunt. Tolle tur penitus omnis ab ea Censuræ faciendæ potestas, quam ei tot sæculorum consensus, tam longinquus usus, tot summorum virorum, Romanorum Pontificum, Conciliorum etiam tum Prouincialium,

tum Occumenicorum, assensus & plausus confirmarunt. Nec ei soli admetur ista potestas, sed omnibus ubique Academiis & Facultatibus, quarum nulla iurisdictionem in quemquam obrinet, segregem saltem à se & alienum, ne de ipsarum cuiusque membris contendamus. Itaque Facultatum omnium & Academiarum autoritatis deletionem per vnius Parisiensis cladem, Iesuitæ Floydi excursio molitur, non de quaestione solum in quaestionem, ut iam diximus, nec de regno solum in regnum, ut ipse Sorbonam arguit, sed de vnius regni Facultate quam oppugnat, in omnia regna omniumque regnorum Academiis & Facultates irruens, ut omnium simul dignitatem vnius Parisiensis odio extirpet. Hoc scilicet est Iesuiticæ modestiæ alienis seruis abstinere, alienam messem non tangere, suis finibus, suo iure esse contentum.

a Conc. Cōst.  
sess. 8. post  
relat. articu-  
lorum Vni-  
uers.  
b Gerson de  
exam. doct.  
Confid. 3.  
tom. 1.

Leo X. in  
Bulla, Exor-  
ge, contra Lu-  
therum, tom.  
4. Concil.  
Eadem sess.  
8. & 9. & 10.

Bardi equidem & subleſti hominis est, iurisdictionis contentionem in eam causam inferre, vbi iurisdictionis nulla ratio, nulla causa verritur. Nam Facultatum Catholicarum Censuræ, non in homines, in quos exerceri solet iurdictio, sed in doctrinas solas feruntur. Dogmaticæ, seu ut loquitur Concilium Constantiense, *Scholastica*; seu ut<sup>b</sup> Gerson, *Doctrinales* sunt, non iuridicæ, non Episcopales, non vim & imperium intentantes. Quare vniuersa iurisdictionis mentio ab iis alienissima est. Louaniensis & Coloniensis Facultates Lutheri dogmata damnarunt, etiam ante sententiam summi Pontificis, ut patet ex Bulla Leonis X. Idem paulò post fecit Parisiensis tum in eum, tum in Melancthonem, tum in Caluinum, aliosque. Quam tamen illæ in istos homines variarum & regionum, & regnorum, iurisdictionem habuerunt? Wicleſi quoque doctrinas multò ante reprobauit Facultas Oxoniensis, Hussij, Pragensis; vtriusque simul, Parisiensis, ut Constantiensi Concilio traditur & commendatur. Nec tamen illæ nouatores istos suæ potestati obnoxios habebant, præcipuè Parisiensis, cui non in vnicum regnum, ut Iesuita nunc arguit, transcendendum erat ad eorum damnationem, sed in duo diuersissima, Anglicanum, cuius aditu à Iesuita prohibetur, & Bohemicum multò remotissimum. In idem Angliæ regnum sua iterum iudicia nuper immiserunt eadem Parisiensis Facultas & Coloniensis, Censuris in libros Antonij de Dominis illuc profugi ex longè diiunctiori regione, & quod amplius est, Archiepiscopi editis. Quas tamen omnes Censuras probarunt, laudarunt, extulerunt Pontifices, Concilia, totius Ecclesiæ Catholicæ consensus. His igitur obstrepere, & audiendas negare Academiarum Censuras, quæ in alienorum Regnorum populares, omninoque homines non iis subditos, seu in eorum hominum dogmata irrogentur, numquam recusare poterit Iesuita Floydus, quantumcumque neruos animi & industriæ versuticque contendat, quin temerarium & erroneum, ne quid amplius dicam, habeatur.

Quod addit, esse in Hybernia Episcopos, esse Romanum Pontificem, qui Ecclesiæ Anglicanæ semper diligenter prospexerit, ex eoque efficere conatur superuacaneam Facultatis Parisiensis de hæresibus in Hybernia Angliæque natis cautelam, id æquè imbelles atque insipidum est. Quasi verò decissent in Germania aut Gallia Episcopi, cum Caluini, Lutheri, alio-

rúmque hæreticorum errores à tot Catholicis Facultatibus damnarentur. Wiclefi doctrinam execrati erant Anglicani Antistites, Hussianam & Hieronymianam Bohemici; nec minus tamen eandem profligandam censuerunt Oxonienses & Pragenses Academici, & præter eos Parisienses. Cens. Const.  
sess. eadem &  
&c. Non enim Catholicæ Facultates Episcoporum fines inuadunt, quorum est iuridicè cognoscere doctrinas, earumque assertores; Neque vetant quominus in eos concessa sibi potestate utantur, imò hoc ipsum optant, eorumque iudiciis viam aperiunt & complanant.

Multo minus Pontificis Maximi dignitati officitur, si quisque in Ecclesia iure sibi permissio, sub eius auspiciis atque autoritate, fruatur. Ad hoc enim sua cuique potestas data est, ut eam strenuè in Ecclesiæ usus exprimat, neque segnitie aut vitio suo quicquam ei detrimenti inuehi patiatur. Quis enim capitis honor, aut gloria, aut salus maior est, quàm cum membrum quodque officium facit? Aut quis regiam maiestatem minui dicat, si vigiles, si præfecti ac duces aduentantem hostem nuntient, aut propulsent, aut conterant, antequam eius repentina irruptionis fama ad regias aures peruenerit? Quis non omni potius probro pœnâque dignos censeat, regnique & proditores & illusores, si ei aditum liberamque grassandi permittant potestatem, donec videlicet solenni Regis diplomate eum repellere iubeantur? Obmutescere satius est, quàm talia garrere quibus omnium hominum sensus opponitur. Scit summus Pontifex quid intersit inter suam aliorumque dignitatem; nec ut sua potestas valeat, aliorum inferiores in Ecclesia potestates inertes ac mutas iacere oportere censeat; imò suam numquam adeo firmam tutamque ac splendidam fore videt, quàm si cæteræ suis in Deum & Ecclesiam muneribus ritè perfungantur.

Neque obstat quod additur cum prohibito *iuramento fidelitatis* diligenter Ecclesiæ Anglicanæ cauisse; quia illa res solius Pontificis fuit, cum esset imperij & iurisdictionis, qua noua lex nouumque præceptum Catholicis Anglicanis ferebatur. Censura verò Parisiensis Facultatis nullam iurisdictionis vindicat partem, doctrinamque notasse contenta, in homines nihil decernit, sed eos summi Pontificis autoritati iusta meritissimaque pœna, nisi libros impios recantent, vel, si resipiscant, humaniore venia impertiendos lubens relinquit.

## I E S V I T A.



T redeam ad frequentiam festinationemque Censuræ, quæ Sorbonæ auctoritatem fregit ac contriuit, in hac quam discuti-  
mus, vide quantum præcipitauerint. Intra spatium quippe duorum plus minus mensium, Censuram in duos libros effuderunt, lingua scriptos illis ignota: propositiones numero octoginta damnatæ sunt, ut illo temporis interuallo, quantum inter initam absolutamque Censuram intercurrit, si nihil aliud egerint, tamen singulis propositionibus examinandis singulos dies non impenderint. Quis non videat in



tantis temporis angustis, loca Scripturarum, Conciliorum, Patrum, Theologorum, quae tot articulos attingunt, ne quidem cursoria lectione libari potuisse?

## R E S P O N S I O.

**A** Diuerticulo redimus in viam, Iesuita volente, cuius abjectissimas fraudes si pro merito singulatim accipere voluerimus, nullus erit increpationum modus, cum ille corruptelarum nequitiarumque nullum faciat. Non enim pudet in exponendo tempore quod Censuris impen- sum est, magnam eius partem resecare, quasi Facultas duos solum men- ses excutiendis censendisque libris tribuerit; additaque ancipiti clausula, *plus minus*, quae tam minuendi quam augendi vim habet, egregiam men- dacio latebram se reperisse putat. At ieiunissimum cavillum obterit ipsa dierum inscriptio Censuris adjuncta, è qua patet secunda die Decembris inchoatas, quinta decima Februarij absolutas esse.

Isto autem intervallo damnatas esse octoginta propositiones, quarum, *Si Censores nihil aliud egerint, tamen singulis examinandum singulos dies im- pendere non potuerint*, turbidè, & sine rationis luce dictum est. Nam pro- positiones primùm Hybernicas Iesuita fatetur *insulsissimas*, & quas nemo mentis compos affirmaret. Ex quo fit ut sine operosiore indagine extemplo damnari potuerint. Nam eas ipse omnes, leuius, opinor, quàm à Sor- bona perpenas, vno simul suffragio explodit multò acrius quàm ea fecerit. Quamquam omnibus illis non adeo infestum esse animi ipsius sensum, ut simulat, & ipsa simulationis auxes satisfecit, ad Spongiam indicatum est. Ergo in propositionum Hybernicarum, numero XI. re- probatione, nimis facilitatis festinationisque reprehensione vacat Fa- cultas Parisiensis. His autem demptis, sexaginta & nouem reliquae sunt ex octoginta quas dixit; quibus ideo à II. Decembris ad XV. Februarij dies plures supersunt quàm satis sit ut singulis propositionibus singuli as- signentur; quod fieri potuisse in illo temporis intervallo Iesuita Floydus negauerat. Nycæna I. Synodus breviori tempore peracta est, in qua ta- men de rebus longè latèque maioribus magisque diuersis disceptatum, de Ariana tota hæresi, de pluribus Arij libris, de Meletianis, Nouatia- nis, Paulianistis, Cataphrygibus, de die Paschæ, de literis formatis, de vniuersa Ecclesiæ disciplina, de qua multi Canones scripti sunt; qui, si Arabicæ Alphonsi Pisani & Turriani è Societate tua fidem habeas, ad octoginta peruenerunt. Synodus verò Chalcedonensis ne menstrua qui- dem fuit, qua tamen longè pestilentissima & inuolutissima hæresum ca- pita, quæ deinceps tam variè pullularunt, & grauissimæ primariorum Episcoporum causæ finitæ sunt. Ephesina denique, ne plures persequar, eandem habuit breuitatem, quamuis maximas duas hæreses, Nestoria- nam & Pelagianam oppresserit. Vnde istam ei celeritatem exprobra- runt Nestoriani, Nestorium velocius quàm par esset, & discrepanti- bus sententiis damnatum esse causantes, eo planè modo quo Iesuitæ Censuram Facultatis oppugnant; ut verissimè liqueat, quod antè di-

Pag. 4.

In Spong.  
propos. 4. tit.  
4. de Hie-  
rarchia, &  
Regularib.

Ab 18. Cal.  
Iul. ad 8.  
Cal. Sept.  
Vid. epist.  
Attici Episc.  
Constantinop.  
ad PP. Conc.  
6. Carthag.  
in Crescon.  
Collect.

Vid. tom. 1.  
Concil.  
Ab 8. Idus  
Octob. ad 5.  
Cal. Nouemb.  
Vid. Act. 1.  
& 16. Chal-  
ced.

Tenuis à 10.  
Cal. Iul. ad  
21. Cal. Aug.  
Vid. Ephes.  
Act. 1. & 6.  
Cyril. ep. 20.  
ad Comariū.  
& Patamone  
Episc. & op.  
nominis Imp.

ximus, allatas ab iis causas nihil aliud esse, quàm tritas & exoletas reorum omnium & dâmnatorum exceptiones.

Quid aiet igitur Iesuita Floydus? Facilitatis præperitque impetus accubabit etiam Occumenicas primas Synodos, quas D. Gregorius quasi Evangelia veneratus est? Nestorianis consuetisque illis hæreticorum querimoniis calculum suum adiiciet? Nam ne de lingua Censoribus ignota, de qua latè antè diximus, cauilletur, ut facit, non minor in illis Synodis difficultas huiusmodi, ac longè grauior, intra illas breuioris temporis angustias exhaurienda fuit, cùm nec Romanorum Pontificû literæ Conciliis illis sic prælegi possent ut intelligerentur, nisi è Latino in Græcum conuersæ; nec vicissim Conciliorum Acta, nec libri de quorum doctrina quærebatur, Pontificiis vulgò Legatis, Barbararumque gentium Episcopis, ut Syris, Arabibus aliisque, aut ipsis Romanis Pontificibus, quibus sigillatim mittebantur, & quorum assensus quærebatur, sine Græco interprete exponi possent, ut suprà satis demonstraui.

ad Ephes. Synod. in Conciliab. Eph. & ib. ep. Iohannis Ananias, & schismas, ad Imp. S. Greg. l. 1. epist. 24. Suprà, in Resp. ad Quærim. Vid. de his ubi suprà, loci.

Vid. ep. Cyrilli ad Calce. in fine, Conc. Eph. part. 2.

Apæge igitur Iesuiticæ imperitiæ fumos, quibus Censuræ Parisiensis Facultatis autoritas obscurari non potest, nisi totius Ecclesiæ Catholicæ autoritas, tot tamque illustribus locis exposita, eadem caligine prematur. Quis enim accuratius SS. Patrum scripta, Scripturæ sacræ oracula, Ecclesiæ Catholicæ testimonia intueri & venerari sanctiùs consuevit, in diiudicandis statuendisque Christianæ Religionis dogmatibus & disciplinis, quàm illi ipsi SS. Patres, quorum venerandis autoritatibus tota deinceps nititur & pugnat Ecclesia? Ei tamen rei breuius spatium satis esse censuerunt, quàm quod à Facultate Parisiensi Iesuiticis libris recensendis adhiberetur est. Raras enim reperias antiquas Synodos, præter V I. generalem, in duos menses ac dimidium prolatas, quantæcumque causæ agerentur, Episcopis vniuersis ad suas Ecclesias anhelantibus, celeremque reditum perpetuò efflagitantibus, ut nullo ferè Concilio non expressum est.

Vid. Conc. V. & VII. &c.

Vid. Conc. Chalced. Act. 16. & Conc. Ephes. part. 2. Act. 3. &c.

Luditur porrò si quis putat, damnatas propositiones eiusmodi esse, ut nulla, nisi reuolutis suspenso animo Scripturarum sanctorumque Patrum voluminibus, dignosci profligarique potuerit. Qui diuturno vsu Ecclesiæ doctrinam combiberunt, errores hæresesque primo penè aspectu diiudicant, Scripturarumque & Patrum loca prospiciunt animo, quibus aduersentur. Exigui ergo temporis indigent, ut ea loca denuò consulant & accuratius commemorent. Atque hinc factum est, ut non solum Facultas, sed etiam prisca illi Patres in tot Occumenicis Conciliis Scripturarum Patrumque testimoniis, quæ multa interdum afferunt, propositas hæreses tanta celeritate, sine temeritate aut nimis facilitatis suspicione proscribere potuerint.

Vid. Concil. Eph. Chalced. V. VI. VII. &c.

Sed quibusnam, quæso, Conciliis aut Scripturis diutius trutinatis opus est ut hæc propositio feriat, *Status Religiosus non minus fortem reddit hominem ne in persecutione deficiat, quàm sola receptio Sacramenti Confirmationis communiter?* Aut hæc, *Non esse perfectum Christianum in eo sensu quem intendit S. Clemens, aliique Patres, non est res adeo terribilis ac verba sonare videntur?* Vel, ut ipsas Danielis intueamur, quarum solarum patrocinium, ut priuatim propiusque suarum, Iesuita Floydus suscepit; qua tanta

Est 3. Smi. thei.

7. eiusdem;

Est 1. Da-  
niel. tit. de  
Confirm.

Est ultima  
eiusdem co-  
dem tit.

Est 2. eius-  
dem tit. 3. de  
Episcopis.


Est 4. eius-  
dem ibid.

Fid. Alban.  
erat. 1. in  
Arrian.

scrutatione opus est, ut huius vanitas deprehendatur, Catholicos Chrismate unctos in Baptismo, licet ab Episcopo non confirmatos, perfectos esse Christianos in sensu Patrum? Item huius, Omnes Theologos dicere Confirmationem non praecipari nisi cum commodè haberi potest, vel, ut alij dicunt, quando commodissime, quando sine ullo vel minimo prorsus incommodo? Denique huius, Ordinatio Presbyterorum & ministrorum Ecclesiae est sola causa quae infert necessitatem Episcopi? Et, Si sufficientes sacerdotes habeantur, legi divinae satisfiet, licet nulli sint Episcopi in Gallia, Hispania, aut Anglia? Quae omnes aliaeque damnationem & characterem iniquitatis fronti velut iniustum gerunt, ut in eas Nicænorum Patrum zelum imitari licuerit, qui hæreticorum scriptorum blasphemias audientes vniuersi aures obturarunt.

Adde plerasque esse Propositiones inter se ita connexas, & tam parum dissimiles, ut, vnius vitio cognito, aliae eadem opera prodantur, ut patet ex plerisque locis, ubi pluribus eiusmodi Censura vnica subijcitur. Quare tales non plurium, sed vnius instar habendæ sunt, iisque detractis numerus à Iesuita futili fraude collectus magno cumulo deruitur, & festinationis crimen frigescit: En, Lector, cum quo hominis genere negotium habeamus.

## I E S V I T A.



Nonnius  
Marcellus  
ex Catone.  
Properat  
qui maturè  
transigit,  
festinat qui  
sic prope-  
rat ut nihil  
agat.

V A M suam festinationem ipsimet profitentur. Audita lectione, inquiunt, propositiones in summam Ecclesiam & fidei Catholicæ ordinisque Hierarchici perniciem, & summi Pontificis omniumque Episcoporum contumeliam vergere, errores intolerandos, necnon schismatum & discordiarum semina continere, C O N-  
FESTIM iudicauit Facultas. Quàm benè illud confestim, cum festinatio in peiorem partem sumi soleat, de properatione præcipiti, quæque nihil perficit, ut quod de Bulla Mendicantium dicit Gerson, verius in hanc Censuram quadret, emanasse sine iudicio & deliberatione.

## R E S P O N S I O.

E C C E verò aliam ridiculi Iesuitæ ineptiam. Nihil pudet, nihil erubescit effutire. In vocula *confestim* aucupium facit, rancidaque etymologia amplissimam Facultatem aggreditur, Grammaticus Theologaster, Nonnij Marcelli Catonisque studiosior quàm S S. Patrum & Scripturarum. Nonnio Marcello, inquis, autore *properat qui maturè transigit; festinat, qui sic properat ut nihil agat*. Ego Nonnium Marcellum non noui; Catonem repudio, Scripturis studeo, Sanctos Patres sequor, apud quos didici, *Festinare*, non properationem præcipitem sonare, nec in peiorem partem sumi, ut tu ex Nonnij Schola refers, sed verbum esse sæpè laudis plenum, & commendabile, & venerandum, nec in deterius sumi posse sine flagitio piaculati. An enim *properationis præcipitis* insimulabis B. Virginem post Christum conceptum abeuntem ad Elizabeth per montana Iudææ cum

Luc. 1.

*festinatione?* An Zachæum Christi iussu *festinantem* sequi? An Apostolum se sapius *festinasse* profitentem, & toties discipulos suos ad *festinandum* adhortantem? An Abraham denique illum qui & ipse *festinare* non contentus, *festinantem* uxorem, *festinos* famulos, totamque familiam *festinantem* habuit? Quam rem tot laudibus, tot mysteriis refertam esse doceant, & commendant SS. Patres. An denique accusabis Ecclesiam Catholicam, quæ in Concilio Oecumenico legit ac probavit hanc S. Cyrilli Epistolam, qua omnibus *festinatio* etiam præcipitur in negotiis potissimum fidei, de quibus nunc agimus; Oportet nos undique pro recta fide certare, & exortam aduersus Christum impietatem, quantum possibile est, è medio expellere *festinare*. Audis *festinandum* esse impietates fidei noxias è medio expellere, quod tu Facultatem Parisiensem fecisse in graui culpa numeras, Nonnio Marcello iudice, ad trutinam etymologiæ Catonianæ? Quid ergo? desertis Sanctis Patribus, Scripturis abiectis, spreta Ecclesia Catholica, audiendum putas Nonnium, & ad huius leges exigendam Scriptorum Catholicorum Theologorumque loquendi consuetudinem? O Grammaticos! O Scholarum puerilium seruitia! Indignos Theologiæ grauitatis, & Ecclesiæ Catholicæ dignitatis contemptores; nil nisi locutuleios, nil nisi glossatores.

Quanquam quod tuum istud est Grammaticale supercilium, ut *festinandi* verbo vsos dicas Theologos Parisienses, eo quod verbo, *confestim*, vsi sint? Quis adeò stupeat, ut *confestim* idem esse putet ac *festinanter*? Dices fortè *confestum* à *festinando* ductum esse. Quid tum? Ideone eadem vtriusque vis & significatio est? Quàm sæpè aliud sonant ductæ aliunde voces quàm ex vnde ducuntur? *Præsul* à *faliendo* ortum est? An ideo Præsules dices salutatores? *Regio* à *regendo*, *pectus* à *pectendo*, *interimere* ab *emendo*, *adorare* ab *ore*, vel *orando*; neque tamen suorum fontium indolem sententiamque seruarunt. Nam ut alia omittam, *adorandi* verbum, seu ab *ore*, ac superstitione illa gentili qua manu ori admota Deos venerari mos erat, de quo & Scripturæ & Scriptores alij non pauci; seu verius ab *orando*, quasi *adorare* sit valde orare, seu excellenti quodammodo orare, ex vi illius particulæ in compositis notissimæ; tamen neutrius sententiæ vis mansit in verbo *adorandi*. Nam neque qui adorant, manum ori admovent; neque omnes qui adorant, orant; ut Christus, ut Beati in cœlis, adorantes Deum, non pro se orantes, quia amplius non egentes; ut denique Adam in statu innocentie, de quo præclare Augustinus, *Non orabas, sed landabas*. Et ut ab istis tuo capto fortasse altioribus ad minuscule tua aduerbia delabar, quomodo *confestim* idem esse putas ac *festinè* ex eo quod à *festinando* sit profectum, cum fortassis à *fors* seu *fortuna* factum esse pateat, *valde* à *valido*, *statim* à *stano*, aliaque his similia, ne diutius tecum Grammaticalibus crepundiis ludam, quæ tamen significandi vim longè aliam & diuersissimam sortita sunt? Quo modo tam malè partum in Scholis puerilibus vsum amisisti, Iesuita Scholaris? Certè quidem cum omnium communi loquendi consuetudine pugnas, dum ais *confestim* includere *festinationem*, ut idem sit ac *festinanter* & improvidè. Quis enim credat Christum Dominum cum apud Matthæum dicitur postquam à Ioanne baptisatus est, *confestim ascen-*

Luc. 19.  
1. Thess. 2.  
2. Tim. 4.  
Genes. 18.

Vid. Ambr.  
l. 1. de Abra-  
ham, cap. 5.

S. Cyrill. ep.  
ad Clericos  
& Lampo-  
nam Presbte.  
& refertur  
in v. Synod.  
Cellas. 5.

Iob. 31.  
Minutius  
Felix in  
Octau.  
Plin. l. 18.  
cap. 2. & 6.

Matth. 3.



Luc. 5.

Num. 16.

disse de aqua, dici festinanter & improuide, & ut tuam ipsam interpretatio-  
nem adhibeam, *properatione praecipiti ascendisse*? Horre ne blasphemiam ex  
grammaticali tua leuitate, quasi basiliscum ex tenui ouo prodeuntem  
Profecto vel tu non sapis, vel nulli omnium qui voce, *confestim*, in trito  
quotidianoque sermone pro, *statim*, vtuntur. Sic enim à leproso quem  
Christus tactu mundauit, dicitur *confestim lepra discessisse*, id est statim, non  
properè, non turbidè, ac praecipitanter. Quod clarius est cum ei subditur  
vocula, *ut*, eo modo quo *statim* subdi solet; sicut de Moyse in rebelles  
Dathan & Abiron ad populum loquente scriptum est, *Confestim igitur ut  
cessauit loqui, dirupta est terra sub pedibus eorum*. Nec difficile foret hæc ipsa sa-  
cularium scriptorum assensu confirmare, nisi cum de rebus sacris & ser-  
monibus Theologicis sermo est, docendus esset Iesuita, insolentis fastidij  
esse aliunde quàm è sacris libris auctoritatem exquirere, ad quorum mo-  
dum Theologica omnis oratio dirigi debet. Piget denique in his tuis ex-  
plodendis offuciis diutius Lectori tædium facere, & mihi quærere.

Vera igitur sententia Scripti Theologicae Facultatis, cui miserè insidia-  
ris, hæc est, *Audita propositionum lectione, eas in summam Ecclesiae & fidei  
Catholicae ordinisque Hierarchici perniciem, & summi Pontificis omniumque Epi-  
scoporum contumelias vergere, errores intolerandos, necnon schismatum & discor-  
diarum semina continere, confestim*, hoc est statim, iudicasse Facultatem, ut ne-  
mini ex ipsis per se verbis non perspicuum est, licet tu omnia lustrans, om-  
nesque tentans exitus, quibus elabare, Censuraeque aciem defugias, in  
tanta perspicuitate rimulam, ridiculi muris instar, quæsieris.

Theodoret.

l. 1. hyst. c. 7.

S. Athan.

in narrat.

de Concilio

Nicæni.

Epist. Conc.

Carth. ad In-

nocent. quæ

est apud Au-

gust. 90.

Iul. epist. 3.

Zosimi ad

Africanos

Episcopos, &amp;

4. eiusdem

ad eosdem.

Quod autem audita propositionum vestrarum Lectione, Facultas dica-  
tur eas Ecclesiae, fidei, & Hierarchiae contumeliosas iudicasse, arguere non  
potes nisi similes SS. Patrum, in plerarumque hæresum primo auditu,  
sensus & locutiones reprehendas. Quid enim mirum si fabri & opifices vi-  
tiosum opus sui quisque artificij vno statim aspectu agnoscant, assiduos &  
peritissimos diuinarum rerum Tractatores errorum hæresumque nauos,  
vel ipsa nouitatis specie, statim intueri? Cum Arianus in Concilio Nicæno  
compositam fidei formulam Patribus probandam obtulissent, *Eam perle-*  
*ctam*, inquit Theodoretus, *illi statim conspicerunt, spuriam & adulterinam  
universi nominantes*. Cum verò Episcoporum nonnulli Ario fauerent, *Epi-*  
*scopi qui conuenerant*, inquit Athanasius, *placidè & humaniter postulabant ut  
suorum dictorum rationes redderent, seque non impios esse demonstrarent. Illi autem  
vix incæperant hincere, cum iam improbarentur*. Episcopi quoque Concilij Car-  
thaginensis cum literas Herotis & Lazari Gallicanorum Episcoporum do-  
ctrinam Pelagij referentes accepissent, *Hu lectus*, inquit, *Pelagium &  
Caelestium auctores nefarii prorsus & anathematizandi ab omnibus nobis erroris ad-*  
*uertimus*. Vnde factum ut Pelagius & Caelestius qua fraude Zosimo Papæ  
obrepserunt ut ab eo Catholici haberentur, eadem Africanos Patres facili-  
tatis nimiae in credendo Episcoporum Herotis & Lazari literis, & præcipi-  
tis in se damnandis celeritatis, eo modo quo tu Facultatem Parisiensem &  
Galliae Antistites, arguerint, ut cernere est in Epistolis Zosimi Papæ eo-  
rum præstigiis occupati. Semper enim hoc infelicitatis tibi adheret, ut in  
hæreticorum tergiuersantium dolos & in consuetas eorum exceptiones in-  
curras.

At illa maior etiam infelicitas vel malignitas potius, quod intercisa serie orationis, truncatoque sermone Facultatis, inuidiam ei ex lacera parte moliaris. Nam post ista quæ tu profers, *Audita lectione, propositiones in summam Ecclesiæ & fidei Catholicæ, ordinisque Hierarchici perniciem, &c. vergere confestim iudicauit Facultas, Hæc sequentia sunt quæ abscidisti, Neque verò perspecta inde mali atrocitate, sufficere visum est, ut generali quadam animaduersione tam perniciofa dogmata vniuersim damnarentur, &c. Quapropter ne quid præproperè in re tanti momenti fieret, sed omnia mature ex ordine & consilio peragerentur, statuit Facultas primùm in priuatis comitiis selectorum Doctorum, &c. Vnde liquidissimè patet dici Facultatem audita primùm doctrinæ vestræ lectione, eius perniciem venenæque perspexisse: Veruntamen ut propiùs inspicceretur, ac ne quid temerè in re tanta fieret, spatium illi singulatim disquirendæ decreuisse. Quid hîc criminis, obsecro te, acutissime Floyde? Quid hîc ad reprehensionem loci aut suspicionis, sincerissime Iesuita? Viden' accusationes integerrimæ Facultatis tuæ esse crimina, tuas fycophantias, tuas impuritates?*


Nam vestrarum propositionum vim pestiferam quænam, non dico peritissimorum Theologorum Facultas, sed Christiani cuiusvis conscientia, cui paululum nota Ecclesiæ facies & doctrinæ Catholicæ perpetuitas, non statim prima lectione primoque auditu odorata est? Cuius animum librorum istorum audacia ipsa nouitate non percussit? Non vteretur hoc telo tua imbecillitas, nisi cum in locum te iam progressum intelligeres, vnde honesta nulla regressio supersit.

Simili fraude laniasti verba Gersonis de Bulla quadam Mendicantium, de qua ille suo tempore iis concessa, haud paulo mitius ac reuerentius, quàm tu velles, locutus est. Nouam eam Bullam expresserant inusitato more à Sede Apostolica Fratres Mendicantes, præter omnem superiorem Ecclesiæ disciplinam. Ideo de illa sic scribit vir summæ æquitatis, in summa Apostolicæ Sedis obseruantia, reuerentissimus, *Quam, inquit, aliqui ordinum quatuor Mendicantium impetrarunt, aut, ut verius dicatur, extorserunt, vel per cautelam (id est astutiam) vel per inaduertentiam S. P. nostri: Sanctus enim P. N. qui magnus est Theologus, nunquam rem talem admisisset, si eam examinasset. Sed (ut per solennes in Vniuersitate relatum est Magistros) omnia facta fuerunt ipso ignorante; & ipso inuito, saltem sine iudicio aut deliberatione. Quod quid mirum à Gersone dici, cum ipsi summi Pontifices & nunc & olim conquesti sint talibus insidiis interdum appeti Sedem Apostolicam, rerumque accurarum magnitudine nonnunquam fieri, ut quædam ab ea effluant quæ accuratiori postmodum cautione componere atque instaurare necesse sit? Quod de quadam in gratiam Mendicantium ipsorum nominatim surrepta à Pio V. Pontifice Bulla testatus est Gregorius XIII. ut infra pluribus suo loco demonstrabitur aduersus Iesuitam, qui ea Bulla non solum ita edita, sed postea sæpius rescissa, tamen pro legitima usus est. Depone igitur in posterum æmulationem istam Iesuiticam in Gersonem, cui tota tua Societas non habet quæ conferat, non solum doctrina fama; per Ecclesiam Catholicam maxima, sed etiam meritis in eandem illam Ecclesiam & in ipsam Sedem Apostolicam, cum qua eum frustra committere conaris, eximiis & grauissimis.*

*Vid. ep. 19. Innocent. I. ad Episcopos Macedonæ, c. 7. &c. Greg. XIII. in Bulla. In tanta. qua est 9. ipsius.*

*In respons. ad Appendicem Spongia.*

## I E S V I T A.



**A**T dicent propositiones vtriusque libelli tam tetri esse & intolerandi odoris, vt confestim damnari debuerint, cum nemo Catholicus, praesertim eruditior, tam mucosis naribus sit, qui non statim putredinem persentiscat. En velamentum malitiae; sed illud retego. In primis qui credibile contra tot fidei articulos homines errare foede crasseque potuisse, Theologiae professione claros; aut sponte perfideque voluisse, pro vera fide usque ad vincula laborantes? Qui geniti in gente vndique haeresi infecta, Dei beneficio dicere verè cum Hieronymo possunt, *Nos nec Ecclesiam scidimus, nec à Patrum doctrina discessimus, sed ab ipsis incunabulis Catholico sumus lacte nutriti. Nemo namque magis Ecclesiasticus est quam qui nunquam haereticus fuit.* Propositiones à Catholicis & talibus viris assertae, quo magis tetrae, foedae, abominabiles videbantur, eo erant curiosius examinandae, ne fortè contra auctoris mentem aut verba malitiosè improbèque exceptae fuissent. Quid quod ipsimet Censores disertè affirmant, errores in his libris, praesertim Nicolai Smithæi, confestim non apparere, sed ad summum obscurè ambigueque tradi, vt ipsis acerrimè tota ingenij sui perspicacia contendendum fuerit, vt aliquid eruerent, quod Censura notaretur? Igitur tam difficili venatione defungi qui tam citò & celeriter potuissent, nisi quia illius qui est mendacij pater, voluntas fuit, vt ipsis citò occurrerent calumniae, quas volebant.

*Hier. ep. ad  
Theophyl.  
aduersus  
errores  
Iohannis  
Hierosol.*

## R E S P O N S I O.

**H**Æc omnia iam in fumum & umbras abeunt, ex dictis. Sic enim agit Iesuita, quasi ex prima statim propositionum doctrinaeque ipsius lociorumque auditione, Censurarum in eas & damnationem Facultas sine longiore mora disquisitioneque profuderit. Quod perfidiosum, & ex mutua illa verborum Facultatis prolatione ridiculè à Iesuita elicitum esse iam ostendimus. Nam Facultas etsi vitium perniciemque praesentissimam doctrinae Iesuiticae ex prima ipsa eius lectione persenserit, tamen *ne quid praepropere in re tanti momenti fieret, sed omnia maturè ex ordine & consilio peragerentur*, statuit vt singulae seorsum Doctorum familiae pro se quaeque studiosius ea de re anquirerent, ampliusque deliberarent. Imò in processu ipso discussionis postulatum iterum fuit à D. Syndico Facultatis, *vt in examine & Censura Propositionum ex libro Anglico excerptarum, paulo lentius, & scilicet pro rei gravitate maturius procederetur, quandoquidem praepropere iudicium sapius exerrationem pariat.* Vnde fit vt cauillatio, illa absurdissima quam Iesuita in vcula confestim obtruncata & diuulsa aucupatus est, & ex qua totum hunc paragraphum pertexit, magis magisque praeter ante dicta, coneratur.

*Censur.  
pag. 6.*

Vt verò de propriis huius paragraphi ineptiis agamus, miserum dictum est, & in ipsa confutatione miserationem mouet argumentum eius, quo efficere contendit non potuisse esse apertam damnatarum propositionum vitiosi-

vitiositatem, siue, ut loquitur, *putredinem*, ita ut eam quiuus Catholicus eruditior persentisceret, quòd ab hominibus Theologia professione claris, pro vera fide usque ad vincula laborantibus sint emissæ, quos credibile non sit contra tot fidei articulos errare fædè crassèque potuisse. Superbiæ ista responsio est, non innocentia, non iudicij, non veræ Christianæque sanitatis? Quasi verò isti Theologia scilicet professione clari homines clariores sint, illustriores, eruditiores Origene tot portentosorum dogmatum inuentore, Tertulliano, Didymo, Apollinari, Eustathio, Nestorio, Eutyche Archimandrita, aliisque innumeris, qui isto genere gloriationis, ingenique, eruditionis, librorum editorum, famæ ac nominis magnitudine non solum Iesuitas, sed penè omnes orthodoxos Scriptores superare potuerunt. Si verò de vitæ integritate fideique constantia & susceptis pro ea laboribus ac periculis contentio fiat, scilicet comparandi erunt iisdem istis, Origeni, Tertulliano, tam strenuis eius signiferis, vitæque inculpatissimæ ad nimium usque vitiorum odium cultoribus; Nestorioque potissimum, de quo miranda est illa Cælestini Papæ ad eum ipsum scribentis testificatio: *Tanta opinione vixisti, ut tuis te aliena ciuitas inuideret, tanto nunc horrore vitæ, ut tui in aliis videant qualiter fuerint liberati.* Quare de eodem ad Clerum populumque Constantinopolitanum narrat, Gentiles ipsos, à quibus testimonium bonum Episcopo necessarium esse Apostolus docet, hoc ei testimonium dedisse, quo ille magnoperè utebatur, nunquam talem Episcopum extitisse: *Utebatur, inquit, defensione & laude Gentilium, Episcopum talem nunquam fuisse testantium.* Ac de ipso miranda admodum & pauca illa vox Vincentij Lerinensis, *Ut uni heresi suæ aditum patefaceret, cunctarum hæreseon blasphemias insectabatur.* Denique plura proferre superuacaneum est in rem clarissimam, & suprâ in Præfatione pluribus expositam. Quid enim notius ac frequentius, quàm ut vnus pluriumve hæreseon infestissimi aduersarij, in aliam vicissim ruant, ex eaque etiam eripi non possint? Nam Nouatianos constat ab Ariana omni & Semi-Ariana progenie longissimè recessisse, & fidei *ὁμολογῆσαι* fuisse tenacissimos, ita ut ab Arianis, non secus ac Orthodoxi, vexarentur, & prohibitis postmodum Imperatoriarum legum autoritate hæreticorum omnium conuenticulis ipsi soli conueniendi potestatem, quòd Nicænæ fidei propugnatores fuissent, semper obtinerent. Idem aliis hæreticis omni æuo, & hoc nostro vsu venit. Atque ut tuo te telo petamus, ille ipse, quem tu infrâ tot hæresum blasphemiarumque insimulas, Ioannes Barnesius, nonne Religiosus erat eius ordinis, quem vocas *Ordinem sanctissimum almisici Patris S. Benedicti*, & in eo *Presbyter, Theologia professor, & professor missionis Anglicanae, primusque Congregationis Hispania assessor?* Quem si nihilominus credi velis scripsisse *librum conuitiis, calumniis, mendaciis, heresibus, blasphemis scitentem*, quonam modo simul credi iubes, Theologia professionem, & susceptos pro tuenda fide labores, eximere hominem ab errorum hæresumque etiam apertarum professione? Nisi fortè soli Iesuitæ eximij quidam sunt periculis, affectibus, corruptelis, quibus cæteri patent, soli intacti. Paulò antè Catholicis omnibus Vniuersitatibus insultans, negauit eas priuilegium habere, ne fædè errare possint; *Nulla, inquit, Catholica*

Vid. Vinc.  
Lerin. Com-  
monit. l. 6.  
16. 23. 24.

Cælest. epist.  
ad Neur.  
Conc. I phos.  
part. 1.

1. Tim. 3.

Cælest. epist.  
14. ad Clerum  
& pl. b. m.  
Conc. l. 10.  
1. Concl.  
Vincent. Le-  
rin. Canon.  
l. c. 16.

Socrat. l. 1.  
cap. 7.

Idem l. 4.  
cap. 9.  
Sozom. l. 6.  
cap. 9.  
Sozom. l. 2.  
cap. 30.

Spong. pag.  
103.

Infrâ, Causa  
7.



*Vniuersitas, nedum Parisiensis, priuilegium habet sibi à veritatis fonte concessum ut in fide fadè errare non possit; hoc verò priuilegium si soli Professores Iesuitarum prae omnibus etiam Catholicis Vniuersitatibus habent, quidni proferunt? Nimiùm Molinistæ superbiæ tumore inflantur, nec seiplos noscunt, nec humanæ sortis meminerunt, nec propriæ imbecillitatis conscij sunt, nec diuina iudicia horrent, arrogantibus præcipuè metuenda; sibi omnia sumunt, & humanis præsidij, imò sæpius nocuentis, præfidenti & minimè Christiana securitate superbiunt. Creduntne malas cupidines occæcare, ambitionem subuertere, scientiam inflare? Illam præcipuè Scholarum suarum vernaculam scientiam, totam humanæ contentionis, opinabilem, volaticam, parum Scripturæ, Patrum, Traditionis antiquæ, vbi Christianæ Doctrinæ veræque Theologiæ prora & puppis est, sollicitam, suis inuentis, ingenij conatibus, nouitatibus, & immani cuidam licentiæ indulgentem? Hinc illi errores, hinc illæ hæreses, vnde ipsi se ab errorum hæresumque periculo tutos putarent; nec quamdiu ista ratione res diuinas scrutari pergent, ab eiusmodi casibus longè abesse poterunt, vbi maximè vtilitatum, gloriæque, ac studiorum vehementiorum impetu propellentur. Quid enim procliuius ad lapsum, quid aduersus illecebrarum animi perturbationumque maiorum turbines imbellius ac mobilius, quàm mens ei doctrinæ immersa, quæ, omissa diuinorum fundamentorum stabilitate, tota in humani ingenij scopulis hæret & fluctuat? Tota humanæ ventositatis caligine circumfusa est? Mirari interdum soleo, non plura ab istis peccari. Nihil enim est, quò ista via eos progredi non oporteret, nisi diuinæ in Ecclesiam prouidentia benignitate continerentur.*

*Attendat, obsecro, sibi & doctrinæ, nec Theologiæ isti professioni suæ confidat Iesuita Floydus, quæ si solidior, firmior, diuinior esset, tamen meminisse debuerat illud Apostoli, Si habuero prophetiam, & nouerim mysteria omnia, & omnem scientiam, & si habuero omnem fidem, &c. Charitatem autem non habuero, nihil sum. Quod si nauatam pro fide operam, acceptasque eius causa molestias, germanum charitatis argumentum putet, audiat consequentia; Et si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest: Nimirum ne quis superbiat, sed omne os obstruatur, & subditus fiat omnis mundus Deo; Et qui se existimat stare, videat ne cadat. Si ergo istis omissis vera indubiaque charitatis signa queris, audi eum designantem, Caritas patiens est, benigna est, charitas non emulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, &c. Quæ vide, sodes, singulatim num in libris vestris, num in spurcissima Spongia, num in audacissima querimonia, num in tota ista, quam mouistis, Anglicana contentione & tragædia demonstrare possis; ac desine vincula nescio quæ, carceres, martyria, quæ à pœna spectanda non esse audis docentem Paulum, & ex eo docuerunt sancti Patres, in errorum apertissimorum defensionem impingere.*

*Vbi enim potissimùm res ipsa loquitur, argumentis tam ieiunis, tam exoletis, toties fallacibus & falsis nihil est loci. Patent autem manifesti*

errores, non nostro duntaxat iudicio, sed omnium factioni vestrz non adstrictorum, & paulo eruditiorum consensu. Quod enim scribere ausus es, ipsosmet Censores disertè affirmare, errores in his libris, præsertim Nicolai Smithæi, confestim non apparere, sed ad summum obscure ambigüque tradi, clarissimum figmentum est, quo errores clarissimos malè regis. Nam de Danielis Apologia, id est, tua, disertè contrà scriptum est, eam idem virus apertius, & in speciem simplicius effundere, omni equiuocatione amota. De Smithæo verò, non dictum omninò errores in eo non confestim apparere; imò de illo nominatim pronuntiatum est, id quod paulò antè futiliter exagitasti, Propositiones audita earum lectione, in summam Ecclesiæ ac fidei Catholica ordinisq; Hierarchici perniciem vergere, confestim iudicasse Facultatem. Etsi enim Nicolaus Smithæus, orationem suam quæsitis verborum ambagibus implicuit, vt haberet latibula quò se proriperet, si quis doctrinæ ipsius nouitatem vrgeret; non tamen ita eam texit, quin illam etiam tantum elucere voluerit, vt ab iis, quibus eam parauerat, percipi posset. Qui igitur ab eo errores simplicioribus veteratoriè innuuntur, iidem peritioribus apertè inclarescunt, non solum propria ipsa eorum perspicuitate, sed illa ipsa fucorum æquiuocorumque tortuositate, quæ in eiusmodi rebus non minus flagitiosa est, quàm aperti errores. Nemo enim in fidei negotio ambiguitates quærit, nisi ex certo errandi, & in errorem mittendi consilio, vt falsitas quæ palam eminens odia potius quàm amores excitatura erat, prætextâ inuolucris turpitudine, rudium animos illaqueet. Hæc fraus, hoc captionis artificium, simplici dilucidaque blasphemia nocentius & odiosius est, omnibus penè hæresibus solenne, nusquam à sanctis Patribus non exprobratum, in Ecclesia iam infame, ideoque quouis errore certius & insignius malæ mentis ac hæreseos argumentum. Nam errores quantumvis fædos, inscitia vel imprudentia parere potest; istud autem artificium, sola industria & meditata cogitatio machinari potest.



iudicia, autoritate Stephani & Guilielmi Episcoporum Parisiensium, illa ipsa, quam te laudare simulas, Sanctorum Bonaventuræ & Thomæ ætate. Quæ si in arrogantia argumentum trahere velis, arrogantissimam fateare necesse est, quam modestissimam prædicasti. Nolo altius scrutari tuas inanitates, nec quærere quo iudicio aut fide animi dicas, Academiam Parisiensem illis temporibus modestiâ reliquas superasse, & alios Theologos, *Regulares præsertim, in pretio habuisse*, quam passim queri soletis infestam fuisse illa in primis ætate Religiosis Mendicantibus, eorumque causa negotium ipsi D. Thomæ facessisse. Multa tibi condonare necesse est, ne immensam præcipitis tuæ loquacitatis reprehensionem suscipiamus. Tantum memineris testimonio tuo de illorum temporum Academia Parisiensis modestia, & in Regulares æquitate, confutatam esse vulgarem illam tuorum Sodalium, de eorundem temporum illius in eos iniquitate, querimoniam.

Quamquam ut à tuis absurditatibus ad rem ipsam accedamus, certum est Theologiae Facultatem Parisiensem, ut tum modestia insignis fuit, ita eâ semper effulisse, & nunc ista in primis virtute, apud omnes in laude esse atque in honore. Adeo infelicitè ac sinistrè criminandi ansas arripis, ut id potissimum ei deesse arguas, quo ea maximè antecellit, & ea re invidiam ei facere studeas, qua publicam hominum commendationem, & quasi venerationem commeruit. In summa enim eruditionis fama, illud ei præcipuo Dei munere, & minimè apud eruditos vulgari concessum est, ut summa simul simplicitatis ac modestiæ fama floreat, sapientia simplicitatem condicens, simplicitatem sapientia, Christianoque ac diuino more, non sapientiam candoris expertem, fallacem, bilinguem, astutia, cupiditate, æmulatione turgidam, humano vel serpentino potius ac diabolico more conlectans. Sunt enim quidam homines, ut cum Apostolo loquar, *seipso amantes, cupidi, elati, superbi*, de quibus illud dicere licet quod de Nestorio Cœlestinus, *Non partim columbæ simplicitati, sed in toto studuit serpentis astutia*. Ab horum moribus longè abhorruit, & nunc cum primis abhorret Facultas Parisiensis, non scientiam suam ad locupletum obsequelam componens, non proceribus captandis studens, non omnia omnibus peruersâ Apostoli imitatione se exhibens, ut omnia ex omnibus assequatur, sed veritatis simpliciter amans, iustitiæ studiosa, fucorum inimica, paruo contenta, neminem ambiens, nemini palpans, suum cuique purè exoluens, *cui timorem timorem, cui honorem honorem*, æquitatis verò & integritatis vindex incorruptissima. Hanc ei modestiæ famam, publicamque opinionem nec Iesuitis omnibus sat potentiæ, nec Iesuitæ Floydæ sat ingenij est ut eripiant. Ipsi potius ut tale hominum iudicium promereri possint, magnoperè laborabunt. Quamuis enim popularitatem omni ope colant, & præcipuo quodam conciliandorum mulcendorumque hominum artificio instructi esse dicantur, sit tamen, nescio quo fato, ut modesti, & humiles haberi non possint, & à cæteris ordinibus, sua quadam præfidentia & superlatione animorum, quasi proprio insigni secernantur.

Si verò de aliorum contemptu dicendum sit, quanta ille, obsecro, cæcitate obiicitur ei Facultati, à qua non solum patrij, sed & externi Theologi,

1. Tim. 3.  
Cælest. epist.  
14. ad Cleric.  
rum & pop.  
Constant.

Rom. 13.

iam olim humanissimè suscepti sunt, hodieque suscipiuntur? Quæ tantum abest à cuiusquam Theologi contemptu, ut omnes propemodum ac nobilissimos quosque, materno quodam affectu quasi à se ortos intueatur & amplectatur, eorumque laudes suas ducat? Quem enim illa contempsit? aut quis non eius alumnus, vel ab eius alumnis oriundus, ut eam mutuo amore prosequi debeat? De præcipuis loquor, quorum pauci admodum non ab hac origine fluxerunt.

Quod si propter quorundam notissimos errores ab ea proscriptos, eorum contemptrix habenda esse dicatur, videat absurdissimi commenti artifex, ne omnes penè Theologos, Ecclesiamque ipsam quæ eodem erroribus non probat, eodem crimine aspergere videatur. Nulla enim est communi Theologicæ Facultatis consensu reprobata doctrina ut hæretica vel à fide aliena, quam vel non aperta Ecclesiæ vox, vel tacita Theologorum consensio repudiet.

Nam articulos ab ea suis alumnis præfinitos, & solenni iurisiurandi lege impositos, non interpretabitur, opinor, Iesuita Floydus in aliorum Theologorum secus fortè sentientium contemptum, ne suam quoque Societatem, peneque omnes Familias, similia placita suis præscribentes ab aliorum sensu abhorrentia, contemptrices quoque faciat, & superbas, & arrogantes. Quas tamen ipsas Facultatis definitiones Censurasque contemni ab aliis, & si quis eas obiiciat, irrideri dicere potuit solus Floydus, homo nullius in convitiando blaterandoque religionis, dummodò eam Facultatem cuius iudicio doctrinæ suæ infamiam patefactam esse cruciatur, deiciat, ut ea deiecta damnationis suæ labem eius ruina obscuret. Norunt Theologiæ periti, & in libris Theologicis versati, ubique ab omnibus Scriptoribus, tum Theologis, tum aliis, honorificam huius Facultatis haberi mentionem; nec solum eius iudicia in rerum gravissimarum confirmationem ab iis adhiberi, sed etiam eos ipsos, qui ab eius sententiis in illo genere doctrinarum utrinque adhuc liberarum discedere se fatentur, non id facere sine præfatione honoris, & sine magna ipsius autoritatis professione, eo modo quo à propriis gravissimorum virorum, atque interdum etiam sanctorum Patrum opinionibus receditur, incolumi & inuiolata eorum fide ac dignitate. Neque extat ullus Theologus, excepto Floydus, qui à Theologorum choro, obtantam errorum imperitiæque colluviem, iure ablegandus est, qui vllas Facultatis Parisiensis sententias, aut vlla cuiuscumque generis decreta, vel contempserit, vel ea proferentem deriserit, ut scribere audet homo deplorandæ magis, quàm ridendæ remeritatis.

Quod si, quia quidam fortassis Theologi docuerunt, vel docent, doctrinas ab hac Facultate improbatas & damnatas, ut ab antiquæ fidei puritate discrepantes, ideo illos ab ea contemni, eamque ab illis contemnendam putas; iudica igitur Theologorum contemptores, & à Theologis contemnendos eos omnes, qui talia iudicia, non communi amplissimæ vnius Facultatis consensu, sed privato suo sensu ferre audent, ut tu ipse audes, & alij te maiores, quemadmodum suprâ infrâque ostensum est. Traditione enim antiqua, & perpetua Ecclesiæ consensione, niti debent rerum Theologicarum, veræque Sophiæ Mystæ, illinc pendere, illuc spe-

*Suprà in  
præfat. infrâ  
ad Spög. prop.  
vlt. tit. 2. de  
sacr. Cōfirm.*



Etare, eò totam animi aciem intendere, vt quicquid ibi deprehenderint, pro certo sinceroque habeant; quicquid illinc aliehum videant, pro nouo & peregrino auerſentur, quicumque hominum, quocumque nomine aut fama prædicatorum reclamant, & in alios ramires abierint. Non enim hominum iudiciis vel arbitriis ſtat diuina fides diuinæque doctrinæ veritas, ſed diuina Chriſti Apoſtolorumque traditione, incorrupta Eccleſiæ propagine ad nos perlapſa, & ad finem orbis, atque ad ipſum cœli aditum propaganda. *Verbum enim Domini manet in æternum*, neque apex vnus aut iota vnum deficere poterit, quantumcumque homines ac mundus ipſe deficiat. Qui ab iſta norma defluxerunt, tantum abeſt vt contemni dici poſſint, cum vel arguuntur ab ea reſeſſiſſe, vel ad eam reuocantur, vt ipſi potius dicendi fuerint diuini magiſterij contemptores, niſi humana potius imbecillitate, & ipſa ſpecie veritatis, quàm errandi ſtudio prolapſi eſſent. Eorum verò reſeſſores, redeundique in viam adiutores, non contemptores eorum ſunt, aut ab iis contemnendi ſunt, ſed propter ſincera & infuſa veritatis, quam quibuſvis hominibus anteferunt, amorem, & ab iis ipſis, & ab omnibus aliis in amore honoreque haberi debent eo maiori, quo Deo magis quàm hominibus placere voluerunt.

Non igitur contemnit quemquam Pariſienſis Facultas, nec à quoquam contemnitur. Illi potius & contemnunt, & meritò contemni debent, quibus ſummum in primis ſtudioſum eſt alienorum laudes, præcipuorum maxime & præſtantiſſimorum, clam, palam, per ſe, per emiſſarios arroderere & conſerpere, ne concupiſcunt ab iis præcellentiæ, & literarum omnium principatui officiant. Cuius moris exempla illuſtria in oculis eruditorum verſata ſunt, & quotidie verſantur. Non cadit in Pariſienſem Facultatem iſte animus, quæ ſe omnibus æquiſſimam, omnium laudibus fauentem, omnibus amicam benignamque præbet, in primis Regularibus, quos leſuita ineptiſſimè ſcribit ab ea olim in pretio habitos, quali nunc aliter quàm olim, legitimis ab ea quibuſcumque officiis, quæ à pia Societate poſtulari poſſint, afficiantur. Non minus illi hodie quàm olim *Pariſius prælegunt*; non minus benignè à Facultate accipiuntur. Si leſuita *Lectoribus Sanctis*, quales SS. Thomas & Bonauentura, eoſ carere cenſet, non eſt culpa Facultatis, quæ illis non minora hoc tempore doctrinæ ac virtutis exempla, quàm olim ſuppeditat. Nec tamen arbitror, leſuitas è Profeſſoribus ſuis ſanctiores prolaturus eſſe Lectoribus Regularium qui *Pariſius prælegunt*, quantumcumque eos non ſolùm doctrinæ omnium maximæ, ſed etiam ſanctitatis laude amplificare ſoleant. Sic enim iſte Floydus Thomam Sanchez ſodalem ſuum, *ſanctitatu laude non obſcurum* prædicat; ſic alij Suarem, alij alios; vt aliarum Religionum piſſimis, & ab ambitu alieniſſimis hominibus interdum riſum moueant, vt nonnumquam experti ſumus. Patet etiam Binctus, magni apud Floydum nominis autor, Cardinalem Bellarminum in libro toties ab iſtis obtruſo, à nobis exploſo, ſic appellare auſus eſt, *Sanctæ memoriæ Cardinalem Bellarminum*. Nec pudet ſpiritus illos grandes, typhumque innatum ad cœlum vſque & in paradifum protendere, vt ſi felices illic animæ ſuperbiæ arrogantiamque amplius non ſuſcipiunt, ipſi pro illis ſuperbiant, & inde miſeri fiant, vnde illæ forè beatæ

In Spong. pro-  
pos. 3. tit. 4.  
de Hierar. &  
Regular.

In libello  
François  
Fontaine,  
pag. 204.

sunt. Sanctos igitur eius adscriptitios & voluntarios, non suæ adhuc sanctitatis, sed suorum vitiositatis testimonio factos, lubentes Iesuitis relinquunt Regulares Parisiis praelegentes, ac lubens relinquet tota Parisiensis Facultas, modestiâ & humilitate suos magis in cœlum & sanctitatem attollens, quàm fastu & superbia à cœlo & sanctitate dejiciens. Quanquam non pauca in hac etiam gloriationem, Iesuiticam reponere possemus, non solum ex sæculis superioribus, sed ex hoc etiam repetita, quæ silentio præterire malumus, & in hominum conscientia relinquere. Satis est ipsum hunc Facultatis immanissimum obrectatorem, agnoscere sæpius in celeberrimæ Academiæ Magistris (ita enim in caput suum loqui cogitur, ut proprio ore se iudicet, qui celeberrimam Academiam tam insanè proscindat) non deesse doctrinâ insignes, à turbulentis affectionibus alienos, &c. probitatis exempla, imò sanctitatis.

## I E S V I T A.

Zetehius de  
Repub. Eccl.  
III. de Præ-  
lat. c. 1.  
Saxius in  
Thesaur.  
I. l. c. 6. n. 2.  
qui plures  
cit. m.

Vid. Bellar-  
min. de Rom.  
Pont. lib. 4.  
cap. 24.

**P**OSSEM huius generis plura exempla congerere; sed duo tantum attingam, quia principia sunt, quibus Censura in hos libros propè tota innititur. Facultas Parisiensis definiuit, *Errorrem esse in fide dicere Curatos non esse Prælatos Hierarchicos, hoc est, principantes & dominantes per primam Christi institutionem: cuius articuli testis est Gerson contra Bullam Mendicantium, to. 4. pag. 457. At omnes propè reliqui Theologi contrà sentiunt, non esse propriè Prælatos, non habere dominationem, seu iurisdictionem fori externi ex vi iuris communis, ac ideo neminem excommunicare posse. Ioannes Maior in 4. d. 24. q. 3. in fine sic scribit: Tam Episcopi quàm Curati sunt de iure diuino quemadmodum Romanus Pontifex, nec aliquis prorsus homo potest illud ius, & illas potestates tollere de Ecclesia, plusquam summum Pontificatum, licet Petrus Paludan. & Ioannes de Turrecremata teneant oppositum, sed hoc quod ipsi tenent, censuit in fide hæresim Facultas nostra. At Theologi hanc Censuram flocci quidem faciunt. Turrecremata sententia ubique gentium defenditur, Curatos iuris diuini non esse, Episcopos non habere immediatè diuinitus, sed à summo Pontifice suam potestatem, illamque comparatiuam: Curati sunt tam de prima Christi institutione, quàm summus Pontifex, etiam execrantur.*

## R E S P O N S I O.

**M**ULTA imperitissimè peccas & garris, nec habes hoc loco quicquam, quod à Parisiensi Facultate in vilius Theologi contemptum decretum esse, aut à quoquam contemni posse, ostendas. Multa verò refers quibus ille contemptus, quem tot superioribus hallucinationibus indignissimis meruisti, magno cumulo augeatur.

Primò, ridiculè simulas duo ista capita quæ attingis de institutione diuina potestatis Episcoporum & Parochorum principia esse quibus Censura in

hos libros prope tota innititur. Quod ita perspicuè falsum atque absurdum est, ut nulla sit damnata librorum vestrorum propositio, quæ vlla doctrinæ istius parte nitatur, quæque non æquè meritò ab iis qui alterutrum sentiant, damnari debeat, ut liquidò patet ex tota propositionum damnatarum Censuratumque serie, quarum nullius expositionem & confirmationem ab eiusmodi doctrinæ patrociniò duximus. Quid portò in duobus istis capitibus inest, de sacramento Confirmationis, de Religioso statu, de status Episcopalis perfectione, in quibus Censuræ pars longè maxima, & præcipua versatur? Tu quid effutias nihil laboras, & dummodo aliquid fallaciter insusurres, quo imperitorum animi lætentur, magnum stropharum mendaciorumque operæpretium habes. Deinde quo tandem ore asseueras, idque appposito etiam loco Gersonis, & afficis ei verbis, *Facultatem definiisse esse errorem in fide dicere, Curatos non esse Prelatos Hierarchicos, hoc est, principantes & dominantes per primam Christi institutionem?* Vbi enim mihi ista verba, istamque Censuram Facultatis in toto Gersone reperias? Nusquam est. Tu commentus es, & tumultuaria lectione, si non electione improba, conlasti, temeritatis tuæ fœtum. Nam Gerson, neque ait usquam opinionem eorum, qui Parochorum potestatem iuris diuini negant, erroribus in fide annumeratam esse à Facultate; nec isto quem citas loco eam, quod mirum tuæ stoliditatis specimen est, ait diuinæ institutioni asseritam. Hæc enim sunt istic Gersonis verba: *Domini Curati sunt in Ecclesia minores Prelati, ut supra in instrumento renocationis Fratris Ioannis de Gouello.* Deinde addit: *Hæc determinatio Facultatis Theologica facta fuit valde solenniter, ex precepto expresso Magistrorum in Theologia quatuor Ordinum Mendicantium, & pronuntiata per Magistrum Ioannem Gourel, propria sua voluntate, in Aula Episcopi Parisiensis.* Qua definitione Magistrorum quatuor Ordinum Mendicantium, & totius Facultatis proposita, ipse quædam suo Marte addit, per modum corollarj, inquit; & inter cætera, hoc: *Domini Curati in Ecclesia minores Prelati sunt Hierarchici, hoc est, Principantes aut Dominantes per primam Christi institutionem.* Fœdè igitur aberras aut fallis, & quod eo loco Gerson suo nomine proloquitur, id tu Facultati assignas; Et quod tu errorem in fide iudicatum esse à Facultate ipso teste affirmas, in eo ille suo te silentio mutoque testimonio iugulat, nullam habens de errore in fide isto loco literam. Hæcine sunt exempla, quibus aspernabiles Facultati Parisiensi cæteros Theologos probas, ipsamque vicissim iis contemptam? Patet ergo tum hinc, tum aliunde, doctrinam de diuina Parochorum institutione, non sic assertam esse à Parisiensi Facultate, quasi contrariam, erroneam, aut à fide abhorrentem iudicarit; sed solùm eam alumnis suis præscripsisse, ut Scripturis Patribusque congruentiorem, neque pati stauisse quicquam ab ea alienum in Scholis suis doceri. Quod illa sicut sine cuiusquam contumelia sancire potuit, ita hanc eius constitutionem nemo vnquam spreuit, sed omnes magni ponderis atque autoritatis habuerunt, illi etiam qui ab ea opinione dissentiant.

Quare quod adjicis, *Omnes propè Theologos contrà sentire Parochos non esse propriè Prelatos, non habere dominationem seu iurisdictionem fori externi ex vi iuris communis, ac adeo neminem excommunicare posse,* nesciò quos tu Theolo-

*Id. in Spōg. propos. 4. 1st. de Hierarch. & Regul. S. Thom. 22. q. 188. art. 4. ad 4. & 5. Idem 3. p. 9. 67. 1. ad 2. Idem supplm. 9. 22. ad 1. in corp. Alex. 3. cap. cum ab Eccl. de off. Ind. Ordin. Clemens 3. cap. tua de Cleric. agrot.* gos appelles, cum Scholæ Theologicæ Principem S. Thomam scire debeas doctrinæ istius Patronum esse, quam tu ab omnibus prope Theologis sperni significas. Loca eius clarissima in responsione ad Spongiam tuam proferuntur, ex quibus discere nunc saltem potes Parochos à D. Thoma sæpius dici *Praelatos Ordinarios, minores Ecclesiarum Principes*, & iurisdictionem eis externam, seu excommunicandi potestatem iure communi tribui, quamvis eà minus utantur. Discere item potes eandem in illis potestatem declarari à Romanis Pontificibus, & idem Praelatorum nomen illis dari, extareque ea de re publicè relatas in ius Pontificium Sanctiones. Accedit non paucorum extra Parisiensem etiam Facultatem Theologorum, in ipsa quoque Romana vrbe, consensus. Nec ullus est, qui doctrinam istam saltem probabilem admodum non fateatur. Tu solus Censuræ æstro stimulatus aliter sapi. Quid verò mirandum Parochos dici minores Praelatos, & Ecclesiarum Principes à Parisiensi Facultate & D. Thoma alumno eius, cum è vestra Societate sint, qui hoc idem nominis & dignitatis non solum quibusvis Presbyteris, sed etiam Diaconis addicant? Ita enim docet Cardinalis Bellarminus pluribus locis: *Diaconi etiam si ministri dicuntur, & sunt, si comparentur ad sacerdotes, tamen sunt etiam Principes & Praesules, si comparentur ad plebem, & ideo dicuntur Hierarchæ.* Et accinunt Smithæanæ Appendicis autores socij, istam cum eo doctrinam ex Dionysio probantes; cum hoc tamen, ne cui minus sapiat, condimento, ut velint, etiamsi Sacerdotes & Diaconi hodie non sint Ecclesiæ Praesules, olim tamen fuisse. Qua de re pluribus in Spongiam, & latius alibi dicitur. Tu quoque, Floyde, si hæc probes, facilius multò patieris Parochos, qui Diaconis & simplicibus Presbyteris maiores sunt, & in Hierarchia superiores, Praelatos & Ecclesiæ Principes haberi. Hæc de Gersone sint dicta.

Maiorem grauioris noxæ & acerbioribus verbis insimulas, hanc ei propositionem affingens: *Curati sunt tam de prima Christi institutione quàm summus Pontifex.* Quæ propositio non est eius, nec in loco quem producis, extat. Prorsus enim aliter scribit Maior: *Tam Episcopi quàm Curati sunt de iure diuino, quemadmodum Romanus Pontifex.* Quæ tu verba more tuo, & solita fide asperanda censuisti, & in odiosam comparisonem commutanda, quasi Maior Curatorum dignitatem Pontificiæ dignitati, aut eorum institutionem institutioni Pontificiæ, aut denique doctrinam de diuina Parochorum institutione, doctrinæ de diuina Pontificis institutione æquare voluisset. Quæ omnes æqualitates & comparisones verè improbæ & execrandæ sunt, nec à Ioanne Maiore, nec à sano vlllo Theologo traditæ. Nam nec Parochorum dignitatem quisquam, non infra dignitatem & Pontificiam & Episcopalem longè demittit; Nec Pontificiæ dignitatis institutionem non longè grauiorem, & ut sic dixerim, principaliorem non faterur; Nec denique doctrinam de diuina institutione Pontificiæ potestatis, non longè certioris & fundatiorem agnoscit, quàm doctrinam de diuina institutione Parochorum. Nam summum Pontificatum diuina & Catholica fide diuinitus institutum omnes credimus, non item Parochorum statum; Cuius diuinam institutionem etsi veriore, Sanctiorumque dictis conuenientioris doceat Facultas Parisiensis, eos tamen



qui contrà sentiunt, hæreseos aut erroris non arguit, nec omnino doctrinam suam Catholicæ fidei partem arbitratur. Istis ergo æqualitatibus amoris, verè impiis & abdicandis, quas tu ficta audaciori locutione Maiori imponere voluisti, & per eum toti Facultati, ut non eam, sed tua figmenta execranda demonstrares, facile videt quivis Theologus eos qui diuinam institutionem Parochorum officio tribuunt, sine culpa aut suspicione dicere posse, tam Parochorum dignitatem, quàm Romani Pontificis potestatem esse diuinæ institutionis, id est, utramque esse, tum hanc, tum illam: quemadmodum iis qui omnes ordines, etiam minores, diuinæ institutioni adscribunt, securissimè dicere licet, Tam Ostiarios, Acolythos, Subdiaconos, quàm Presbyteros diuinitus esse institutos. Nec in istis locutionibus quicquam reprehendi solet, si omnimoda comparatio non addatur, aut etiam remoueatur; sicut à Gersone disertis verbis remota est hoc modo. *Sequitur, inquit, quod de ordinatione essentiali & stabili, sanctæ Ecclesiæ æquè bene est status Curatorum sicut ille Prælatorum, Cardinalium, Archiepiscoporum: imò verò sicut status ipsius Papæ, quamvis non sit adeo perfectus.* Gerson serm. cont. Bull. Mend. to. 4. Comparationem aliquam fieri posse docet, ex sententia Facultatis, & eorum qui eam sequuntur, sed ita ut plena non sit, aut æqualis, & perfectio longè amplior penes Pontificatum maneat, adeoque penes Episcopatum; eo modo quem antè diximus. Atque hanc ipsam inæqualem comparationem satis indicauit Maior, dum vltus non est vocibus *tam & quam*, à Floyd suppositis, sed vocula, *quemadmodum*, quæ similitudinem solùm aliquam, inter Pontificum & Parochorum institutionem, clarius subijcit animo audientis.

Execratione depulsa à capite Ioannis Maioris, quam ei casti animi interpretes, per eumque Facultati admouit, & in ipsum reuoluta meritò contemptissimæ falsitatis, facile contemptum, quem eidem Censuræque ab eo relatæ aspergit, expiabimus. *Censuram*, inquit, doctrinæ Petri Paludani, & Ioannis de Turrecremata à Facultate Parisiensi, ut ait Maior, damnatæ, *Theologi ne flocci quidem faciunt.* Quàm vercor ne te potius, mente flocco leuiore & futiliore, quæ non capis, blasphemantem! *Turrecremata sententia ubique gentium defenditur.* Quæ? *Curatos iuris diuini non esse, Episcopos non habere immediatè diuinitus, sed à summo Pontifice suam potestatem.* Te ne tantâ fidentiâ delirare? Te ne stolidissimos æltus in re tanta offundere? An enim ista est Paludani & Turrecrematæ sententia, quam Maior in fide hæresin dicit habitam esse à Facultate, *Curatos iuris diuini non esse, Episcopos non habere immediatè diuinitus, sed à summo Pontifice suam potestatem?* Quid ita vindictæ ardore inflammari, ut ipsa verba Maioris non legas, non videas, non perpendas? *Tam Episcopi*, inquit Maior, *quàm Curati sunt de iure diuino quemadmodum Romanus Pontifex; nec aliquis prorsus homo potest illud ius & illas potestates tollere de Ecclesia, plusquam summum Pontificatum, licet Petrus Palud. & Ioannes de Turrecremata teneant oppositum.* Sed quod ipsi tenent, censuit in fide hæresin Facultas nostra. Audis quid censeat in fide hæresin Facultas? Nimirum si quis dicat has potestates ita non esse iuris diuini, ut aliquis homo possit illud ius & illas potestates tollere de Ecclesia: quod teneri ait à Paludano & Turrecremata. Episcopos enim tolli posse de Ecclesia ab vilo homine,

Turrecrem.  
lib. 2. de Ec-  
cles. cap. 54.  
Idem ibid.  
c. 64. ad 2.  
Ibid. c. 62.  
ad 3.  
Idem lib. 2.  
c. 63. ad 18.

Idem ibid.  
c. 67. ad 2.

Palud. lib. de  
causis inme-  
diat. Eccl.  
pot. art. 5.  
con. 2.

Idem ibid.  
art. 2. con. 8.

neminem esse puto, ne teipsum quidem, qui hæresim esse aperte negare audeat, quamuis tu ab ea hæresi Sociique tui non longè abludatis. Denique, *hoc quod ipsi tenent*, in fide hæresim iudicatum esse tradit Maior. Tenent autem illi non id solùm, quod tu absurdè fingis, *Curatos non esse iuris diuini, Episcopos non habere immediatè diuinitus, sed à summo Pontifice suam potestatem*: sed longè grauiora, breuiter perstricta à Maiore, quæ clarius exponenda decreuimus, vt videas quid sit periculi res diuinas & à sola Dei voluntate, & Ecclesiæ traditione spectandas, humanæ ratiocinationis arbitrio, ac proprii sensus alea vestigare. Nam Ioannes de Turrecremata, cuius sententiam; *vbique gentium defendi dixisti*, censet iurisdictionem & potestatem omnem Ecclesiasticam sic à Pontifice manare, vt tum Episcopi, tum Apostoli, quæcumque habeant, ab ipso hauserint, non tamquam Principes à Rege, sed tamquam vrbiũ iudices & procuratores. Ita vt Christus nullam autoritatem instituerit præter vnã Pontificiam, nisi fortè in generali, implicite & in virtute, quatenus scilicet contulit Petro soli pro se & suis successoribus totam potestatem iurisdictionis Ecclesiæ, distribuendam Episcopis & Curatis & aliis sicut expediens iudicauerit. Vnde fit vt Christus hoc autore non plus instituerit autoritatem Episcopalem, aut Apostolicam, aut quamuis aliam à Pontificia distinctam, quàm autoritatem Archidiaconorum, Vicariorum, aut quorumuis quibus Ecclesiasticam autoritatem Pontifices commiserint, sicut expediens iudicabunt, sibi nimirum solis & successoribus suis totam à Christo collatam. Quare conuenienter admodum isti doctrinæ addit, *Ordinem Ecclesiasticæ Hierarchiæ non esse necessarium, sed voluntarium, & per consequens posse mutari prout placet capiti totius ordinis, scilicet summo Pontifici*; id est omnem ordinem Episcopalem, & alium quemcumque mutari posse & tolli ex Ecclesia à summo Pontifice, quod in fide hæresim meritò dixit Maior iudicatum esse à Parisiensi Facultate. Hanc tu doctrinam si vbique gentium defendi posthac dixeris, ægrè admodum vbique gentium Theologum reperies, qui teipsum à fide aut animo sanum defendere velit, aut possit.

Petri Paludani, pro quo verbum facere non ausus es, doctrinæ eius iustissimam damnationem vel inuita conscientia agnoscens, etsi errores iidem sunt qui Turrecrematæ, multò tamen expressiores & intemperantiores. Quod æquissimo animo & à Parisiensi Facultate olim declaratum, & à nobis confessum audies, quamuis Paludanus magni nominis in Ecclesia, & in hac Facultate Theologus fuerit, in Gallia etiam natus, ne tu exterorum tantum, & alienorum nouitates à Facultate Parisiensi notari expostules, aut viros doctrina, fama, dignitate magnos, *Theologiæ professione claros*, errare fœdè non posse, aut nunc primùm à Schola Parisiensi reprehendi cœpisse cauillari.

Paludani igitur sententia fuit, de omni primùm Ecclesiastica potestate, hæc: *Potestas Papalis inter omnes Ecclesiasticas est maxima, ergo ipsa est causa omnibus aliis potestatibus Ecclesiasticis, non solùm personis, quæ ab illa instituuntur, sed etiam in se & in sua natura*. De Apostolica verò speciatim autoritate, non solùm idem quod Turrecremata sensit, eam totam à Petro ad libitum eius expressam & mutuata esse, sed hoc amplius: *Non est dicendum, inquit, quod*

quod Christus subiecerit omnes fideles omnibus Apostolis, quia pluralitas principatum non est bona, ut dicitur 12. Metaph. Et ideo concluditur ibidem, unus ergo Princeps. Unde Christus non bene ordinasset populum Christianum, si dedisset omnibus & singulis duodecim Principes, aut quatuordecim, & quemlibet in solidum. Non ergo eos subiecit omnibus, sed uni solum. Aliàs ad ouile Christi non fuisset unus ouium Pastor, sed plures, contra illud Ioan. 10. Fiet unum ouile & unus Pastor. Item, Per hoc quod Apostolis Christus promissit, Quacumque alligaueritis super terram, &c. non promittit ipse clauis iurisdictionis per seipsum, quia tunc diminueret promissionem factam Petro, ut ostensum est: Nec etiam promissit dare per alium, scilicet per Petrum, quia tunc habuissent eam, saltem à Petro, per totum mundum, quia non dicit super hanc terram, vel illam, sed super terram indefinitè, &c. unde per illud non promittit eis, nisi clauis ordinis sacerdotalis, per quas quilibet sacerdos potest soluere & ligare in foro conscientiae omnes sibi aliàs subiectos. Censet ergo Christum Apostolis nullam iurisdictionem, nullum principatum, nullam regendae Ecclesiae potestatem, non solum per se dedisse, sed ne quidem promississe per Petrum conferendam, sed id vniuersum in Petri arbitrio & potestate reliquisse. Si quæras, quid ergo eis sit largitus? Respondebit, Ordinem Sacerdotalem, & capacitatem quandam, seu, ut aiunt, aptitudinem ad suscipiendum illud autoritatis & potestatis quod iis impertiri Petrus vellet. Christus, inquit, Apostolos Sacerdotes fecit, & habiles ad recipiendum iurisdictionem in foro conscientiae, prout Petrus eis vellet dare, & auferre, & limitare, prout sibi videretur ad adificationem Ecclesiae, non ad destructionem. Nequidem ius baptizandi putat iis datum esse, sed hoc quoque totum in Petrum congestum. Sic enim ait: Ut unitas Ecclesiae seruaretur, & à capite Petro omnis actus hierarchicus originaret, noluit eos Christus baptizare nisi ex Petri commissione & ordinatione. Sed ideo eis immediatè mandat baptizare, ut ab eo, non à Petro, credatur baptismus habere virtutem, & ut eos doceret veram formam baptizandi. Non denique prædicandi potestatem iis propriam relinquit, sed, Potest, inquit, probabiliter dici quod post Pentecosten potestatem seu autoritatem prædicandi habuerunt alij Apostoli omnes à Petro, & non immediatè à Christo, propter seruandam in omnibus Ecclesiae unitatem. Dicitur autem Christus post resurrectionem eos misisse ad docendum & prædicandum, &c. non dando eis per se autoritatem, sed per Petrum. Hæc aliaque his similia de Apostolorum institutione ac potestate. Quare minus mira erunt paradoxa de potestate Episcopali. Hanc enim similiter ita totam manare vult à potestate ac nutu summi Pontificis, ut Episcopi non sint Principes, aut vassallis Regum Principibus similes, sed meri procuratores, nullum ius, nec vllam per se potestatem nisi precariam & voluntariam possidentes, non Domini suorum munerum, sed Vicarij dispensatores, ita ut dicat potestatem Episcopalem & Parochialem non esse donum Dei, sicut Papatum, sed donum hominis, id est Papæ. Imò paulo post sic scribere non veretur; Episcopi & Curati sunt procuratores, non Domini. Nam si facti essent veri Domini per suam ordinationem, sicut Donatarius per donationem inter viuos, sine eorum culpa & ingratiudine non posset donatio reuocari. Unde sciendum quod licet Rex possit deponere Principem laicum, & Papa Prælatum Ecclesiasticum, non tamen aqualiter. Quia Principem laicum vassallum suum, vel extraneum, non potest Rex deponere sine iusta & rationabili causa, tali scilicet quod ille

Ibid. argument. 7.

Ibid.

Idem art. 2. conc. 4.

Ibid. conc. 2. in fine.

Ibid. art. 5. con. 2. arg. 5.

Ibid. infra.

*Ibid.* sus indignus illo principatu, & meruerit perdere & priuari, &c. Sed in Prælati Ecclesie secus est, quia non sunt Domini, sed Procuratores. Apertè itaque profitetur, sine omni peccato suo & alieno, potest Papa deponere minus bonum, & ponere meliorem, &c. Vnde si Prælatus non delinquentem & bonum remoueat, ut meliorem ponat, nec ille conqueri potest, sicut nec Procurator cum à Domino reuocatur, quia ab onere releuatur, & non aliquod ius sibi aufertur. Imò apertius: Papa potest quemlibet deponere, & cui vult dare, & tenet & valet verumque. Denique apertissimè: Constat quod Papa ad libitum & placitum, per se, per alium, verbo, scripto, sicut sibi placet, ponit, deponit Episcopum & Curatum. Et quamvis circa hæc possit peccare, (non enim semper peccare putat, etiam bonum & innoxium deponendo; ut antè) nihilominus tamen valet & tenet institutio, & destitutio. Quam totam doctrinam non solum omnis Theologia repudiat, sed & Parisiensis Facultas iure in fide hæresim, & Almainus post Censuram Facultatis iure igne dignam pronuntiavit. Doctrinam enim hæreticam, dignam esse quæ igne absumatur & aboleatur nemo negat; istam verò hæreticam esse nemo dubitat. Nam & omnia quæ de Episcopis docet, in Apostolos similiter refert, ut ij quoque ad libitum à Petro statui & destitui potuerint, si qui alij digniores ei visi essent; & quamuis sine causa abdicati fuissent, rata tamen esset abdicatio. Et similiter omnia quæ de Apostolis docuit in Episcopos potiori ratione accommodat. Ait enim ipse vltro, *Quod Papa se habet ad Episcopos, sicut Petrus se habuit ad Apostolos*, simillimamque in iis proportionem statuit, & eodem modo de vtrisque philosophatur.

*Almain. tract. de domino natu- rali, c. 1. & Eccl. c. 1.*

*Palud. ibid. art. 5. c. 2. arg. 1.*

Atque hæc omnia ex breuissimo vno Paludani libello, quem Cardinalis Bellarminus *Tractatum* egregium non vocasset, si legisset; quod cum non fecisse ex aliis eius locis satis deprehendimus. Exscribere tamen volumus paulò vberius, tum ut Censuram sacre Facultatis Parisiensis, quam Iesuita ab omnibus ubique gentium Theologis floccifleri impotentissimè dixit, omnibus omnium gentium Theologicis iudicibus plenissimè vindicaremus; tum ut istius malevolentissimam cæcitatem, quæ ad creandam nobilissimæ Facultati inuidiam, eas Censuras selegit, quæ illius perpetuam integritatem & incorruptionem testatissimam faciunt, clarius exhiberemus; tum ut apertis exemplis faceremus planum, metuendas esse in primis errorum hæresumque voragines iis, qui Philosophia magis quàm Theologia duce, humana potius quàm diuina luce freti, per altissima & humanæ, quantumvis aliàs oculatæ, sagacitati imperuia rerum diuinarum spatia vagantur. Neque mirum esse, si Iesuitæ nihil viris tantis comparandi, neglecto paternarum traditionum diuinæque antiquitatis clauo, in errores foedissimos delati sint, cum id ipsum viris ingenio acerrimis, subtilitate summis, fama maximis, ob eandem incuriam euenerit, quemadmodum & omnibus, qui traditam ab Ecclesie primordiis auctoritatem non sedulò tenuerint, assidue inspexerint, humiliter coluerint, euenire necesse est. Semper enim apud Theologos vigere oportet illius antiquissimi Pontificis edictum, *Quod traditum est, non innouetur*; & illius sanctissimi Apostoli oraculum, *Sapientiam loquimur inter perfectos, sapientiam verò non huius sæculi, neque Principum huius sæculi qui destruuntur, sed loquimur Dei sapientiam in mysterio, quæ abscondita est, quam nemo Principum huius sæculi cognouit. Sed*

*Bellarmino. lib. de Script. Ecclesiast. in Pet. Palud.*

*Steph. Papa. apud Cyr. epist. 74. ad Pompeium. 1. Cor. 2.*



sicut scriptum est, Quod oculus non vidit, nec auris audiuit, nec in cor hominis ascendit; nobis autem revelauit Deus per Spiritum suum. Quis enim hominum scit, quæ sunt hominis; nisi spiritus hominis qui in ipso est? Ita & quæ Dei sunt nemo cognouit nisi Spiritus Dei. Quæ & loquimur non in doctis humane sapientia verbis, sed in doctrina spiritus; spiritualibus spiritualia comparantes. Faxit ille qui hæc monuit, ut res diuinas humano captu altiores, diuinis & humano sensu altioribus testimoniis, quæ Spiritus Dei Ecclesiæ reliquit, metiri velimus, spiritualibus spiritualia comparantes, non carnalibus spiritualia obscurantes, & nos ipsos excæcantes.

## I E S V I T A.



U T A Parisienses dum, pro suo fastu supercilioque, clarorum virorum sententias Censura notant, non tam alios, quam se suumque nomen deformarunt. Ut enim nihil amabilius humilitate, nihil quod ita nos hominibus & Deo gratos reddat; ita è contra nihil exosius arrogantia, qua vel mitissimi commouentur. Nam quælibet Catholica Vniuersitas quæ modestis deferebat, superciliosis occinere cœpit illud patientissimi Patriarchæ: Nunquid vos soli estis homines, & vobiscum morietur sapientia? quem locum aptius in rem de qua agimus vertunt Tigurini: Nunquid vos estis hominum Vniuersitas? & Vatablus: Nunquid vos estis specimen totius orbis? Imò verò cum eodem Iob quælibet dicet, Secundum scientiam vestram & ego noui, nec inferior vestri sum. Ita superbia solet esse contemptui. Verè enim Chrysostomus: *Is qui natura stulti sunt, miseres sunt arrogantes: aequè si quidem risum mouent, atque aequè cum ipsis molestia laborant: sed licet exorbient non aliter quàm illi, eorum tamen nemo miseretur quemadmodum illorum, pariter desipiunt cum illis, veniam tamen quemadmodum illi non merentur, sed solum exosi sunt.*

Hieronymi:  
Iob c. 12. n. 1.  
& c. 13. n. 2.

Chrysost. ho.  
26. in Rom.

## R E S P O N S I O.

A DDE sanè, si placet, Chrysostomi comparationi, Arrogantes non solum similes esse stultis, sed sæpè eisdem. Quod arrogantiae genus omnium odiosissimum est, rerumque ipsarum naturæ inimicum. Nam superbire cum causa, vnum crimen est; sine causa, duplex; contra causam verò, in summa hebetudinis & stoliditatis miseria longè omnium inuisissimum. Pauperem enim superbum odit Deus. Tibi verò quanto alia oratione, & tuæ mentis penuriæ congruentiore vtendum fuerit, quàm qua vteris in eam Facultatem, cui ex criminationum tuarum stupiditate, laudum suarum & famæ lux splendidior, quasi certatim, oboritur, planè liquere opinor ex iis, quæ hætenus scripta sunt. Tu nec te ipsum nosti, nec alios; & ideo non alios, quia non te ipsum. Inde fit ut quod in te omnes vident, tu non videas; & quod in aliis tu vides, nemo videat. Nam sicut procacitatem tuam pari stoliditate coniunctam omnes præter te vident, ita Sorbonicam

Eccles. 25.

moderationem, simplicitatem, benignitatem præter te nemo non videt. Gloriaripotest, te primum propemodum omnium arrogantiae illius & fastus reprehensorem exortum esse, si modò Lutherum fortassis aut Caluinum, aliâque istiusmodi retrimenta excipias; qui tamen hæresiarchæ, & ab Ecclesia pridem extorres, longè maiore in eam verecundia fuerunt, quàm tu in Ecclesia errorum hæresumque promulgator: Nam aliæ Academiae quibus petulantiam tuam impertiri cupis, non modò eam semper, vel sola antiquitatis prærogatiua, summorumque virorum numerosissima prole, quos singulos cum venerentur & colant, matrem, qua illi nati sunt, non reuereri non possunt, præcipua quadam præ aliis Academiis existimatione & honore affecerunt, sed etiam tuas in eam in primis caninas voces auersabuntur & explodent, cum eas simul in se ferri videant, & eadem impetus cæcitate Catholicas omnes Academias passim allatrari. Quarum ideo communem nobis defensionem suscipiendam sæpè fuisse iam patuit, & sæpius infra necessariò susceptum iri patebit. Detestabuntur ergo malè textas simulationes tuas hoc etiam nomine, quod iis aptiorem censueris hæreticorum versionem & Tigurinorum prædicantium os quàm Ecclesiae Catholicae interpretationem: idque eo magis, quòd ex hæretica ista versione nomen *Vniuersitatis*, quod illis omnibus commune est, ad communem haud dubiè ipsarum omnium inuidiam & contemptum delegisti. Sentiunt enim iam pridem omnes Academiae, ac senserunt multæ apertius quàm Parisiensis vel Academia vel Theologica Facultas, quo animo in eas vniuersas sit Societas tua, Sociique penè omnes; neque quicquam petulantiae, obreætationis, odij à vestro in eas sensu abesse, si de præteritis iudicium facere velint, putabunt.

## I E S V I T A.



**Q**UENS VRAE de qua agimus supercilium, illud ostendit, quod doctrinam damnarunt, quam norant à Magistris S. Theologiae variarum gentium expressè approbari. Nam cum contra librum Nicolai Smithæi nonnulli clamitarent, in Latinum fideliter versus Theologis exhibitus, à Magistris Angliæ, Hybernæ, Belgij, Germaniæ, Galliæ, Hispaniæ numero qui supra vigesimum trigesimo accedit, testimonium meruit Orthodoxæ vndeque sententiæ. Hunc librum ita approbatum damnare, quid aliud fuit quàm dicere, se solos sapientes, cum ipsis Theologiae scientiam viuere & mori?

## R E S P O N S I O.

**T**V verò solus sapiens eris, si ita sapere liceat, & Theologiae scientiam iam pridem mortua fuisset, si istiusmodi artificiis viuere debuisset. Quis enim vnquam hæresum inuentor non plures suffragatores reperit, quàm quos vos omni ista potentia corrogastis?

Primum Approbatores isti tui non sunt, Pseudo-Daniel, Pseudo-Loë-meli, Iesuita Floyde. Nullos enim habes nisi vnum aut alterum vel nullius, vel nimij & dirissimi nominis, vt Boucherum, Facultate Theologica Parisiensi totaque iampridem Gallia, ob eas res exulem, quas meminisse horremus. Tux igitur Apologiæ quam hîc propugnare aggressus es, cui Spongiam tuam parasti, demenda est præclara ista nubes tellium, vt eius nuditas omnium oculis exponatur. Adeo enim apertas in ea blasphemias peruiderunt, non solum gratiosi illi Approbatores, sed etiam tui Sodales, vt suum nomen ei adscribere puduerit quemuis, omnes metuerint, fugerint quasi ominosam pestem, cuius deformitas malè tecta, & amphibologiis non satis opacata, facilius Approbatoribus reprobationem adderet, quam ipsa ab iis approbationem susciperet. Iesuitæ nullius nomen in ea extare passi sunt cauti Sodales, sed trium duntaxat testimonia subjecerunt ab omni amittendæ famæ periculo libera, partim quod nullam adhuc haberent, partim quod iampridem amisissent. Erubescere, Floyde, non superbi vana ista commemoratione Approbatorum non tuorum, imò tuorum damnatorum, quorum silentio approbandique formidine, Censura Parisiensis Facultatis in errores tuos approbatur. Luge, tace, confundere, eius doctrinæ promulgator, quam illi ipsi, qui tibi fauere cupiebant si sine suo malo se posse sperassent, atque illi ipsi Socij Iesuitæ, qui tua Spongia exultarunt & triumpharunt, tamen apertè tueri non ausi sunt, sed vniuersi quasi vlcus sanie fluens, fœtore intolerandum, nulla arte aut tegumento medicabile, refugerunt.

Vt igitur, te perditio & abjectio, de Nicolai Smithæi Approbatoribus disseramus, ante omnia turbati animi tui debilitatem admirari licet, qui eos qui viginti & vni duntaxat priuatorum hominum & ferè ignotorum suffragiis, (totidem enim habet Smithæi liber à vobis Latine editus post Censuram Facultatis) refragari ausint, *arrogantia & supercilij* arguere non dubites quasi dicerent *se solos sapientes, secum Theologiæ scientiam viuere & mori*; nec tibi venit in mentem suspicari, quanto igitur major arrogantia & supercilij exprobratio in eos cadat, qui non solum repugnare, sed etiam insultare audent *celeberrima & nobilissima*, vt ipse fateri cogeris, Theologice Facultati, tot Theologis tanto pluribus, antiquitate, maturitate, doctrina, & virtute perpetuo tot sæculorum iudicio notissimis instructæ; ac præterea Illustrissimo Antistitum cœtui, in quo plures Episcopi Smithæi doctrinam solenni decreto damnarunt, quam priuari Theologi à vobis captati probarint? Videturne sano cuiquam, æqua comparatio horum damnantium cum istis Approbatoribus fieri posse? Videturne fore immunis ab arrogantia crimine, qui publica tantorum iudicum vno consensu edita iudicia despiciat, impugnet, conculcet, si arrogantia rei habendi sint, qui priuatorum istorum approbatiunculas prensationibus & gratia extortas non probent? Quid quod istæ approbationes à vobis in Latina Smithæi versione non prolatae sunt, nisi post emissas Facultatis & Illustrissimorum Antistitum Censuras, vt ineptissimè insimuletur Facultas eos contempsisse, quos nondum nouerat; vos autem à summæ arrogantia & petulantia reprehensione liberari non possitis, qui editam

& peruulgatam à tot Episcopis & à tanta Facultate damnationem, tam proteruè publicèque insectemini? Quid deinde quod non solum approbatorum istorum magna pars Iesuitæ sunt, sed tuum etiam nomen in iis est, non iam *Danielis*, aut *Loëmelij larua*, sed apertissima *Ioannis Floyd*i fronte, ut non solum hæresum blasphemiarumque tuarum, quas illi ipsi palam tueri horruerunt, sed etiam fraudum figmentorumque tuorum contagione, approbatorij chori scena à vobis Iesuitis adornata conspurcetur ac vilescat? Quid enim si etiam Hybernicarum propositionum, quas *insulsiſſimas* confiteris, præcones in istum chorum sub aliis nominibus irruerunt? Nihil enim apud vos sincerum ac tutum; strophæ & fallaciæ verorum solidorumque præsidiorum vicem implent: Nihil indignum, quo vestra modò gloria sustineri posse videatur. Quid igitur mirum Iesuitam Floydum tantis encomiis, tanta laudum exuberantia & superlatione approbatores suos cumulare, Ampliſſimæ Facultati, tot Antistitum iudiciis anteferre, cum eorum in numero non modò tot Sodales eius, sed etiam ipse sedeat? Quid magnum, audacem homulum audacter facere, fraudulentum fraudulenter, peruicacem arroganter? Talium approbatorum iudiciis dignus fuit Smithæi liber, nec melius prodi potuit qualis esset, quàm si in mediis commendatoribus eius Iesuita Floydus, quasi in talario confessu, præstigias suas explicaret. Cæterum quod iis Hispaniæ & Galliæ Theologos annumeras, more tuo facis. Nullum enim istiusmodi exhibet neque Smithæi liber, neque tuus. Ambierunt quidem Socij tui Theologos Galliæ & Parisiensis Facultatis, quam modò *Æsopicæ* vulpis instar contemnis, librorumque non Latinè versorum, ut ais, sed Anglicorum adhuc & ignotorum probationem flagitarunt. Quæ illorum concursatio Clerum Angliæ impulit, ut delatis & apertè expositis Facultati, ne fucus fieret, libellis vestris, iudicium eius de doctrina exigeret, cuius approbationem à priuatis ipsius Theologis furtim & insidiosè captari audiebat. Hinc nata prima Censuræ occasio, à vobis ipsis, à vestro ambitu, à veteratoria vestra proleſtatione Theologorum huius Facultatis, quam tanti in animis vestris habuistis, ut pro magno vobis adjumento fore censeretis, si vel aliquorum priuatim ex ea Doctorem nomina libris vestris dolo malo subscriberentur. Fuit enim etiam non nemo ex insigni Regularium familia, qui cum libro Smithæi longè aliter sibi effictò quàm postea editus est, suffragium suum apponi passus esset, ubi deinde errores in eo deprehensos, & Facultati oblatos vidit, doctrinam istam sibi cognitam vel vnquam auditam negauit. Si hac techna aliarum quoq; regionum Theologos aggressi sitis, quod nobis quidem ab experimento domestico iudicare proclive est, næ tu, Floyd Iesuita, præclaram cateruam inuenisti, quam tantis Theologicæ totius Facultatis, & Illuſtriſſimorum omnium Galliæ Antistitum (omnes enim palam assensu sunt) iudiciis opponas. Nec tamen dubito quin istorum ipsorum, qui Smithæum probasse videntur, plerique tam solenni eius damnationi potius calculum adjecissent, si vel eam prius vidissent, vel doctrinam, quam Censuræ articulatim propalarunt, explorassent. Ut ut sit, satis iam antè dictum in Theologicis diuinisque rebus, in fidei Catholicæ doctrinæq; auitæ indagine, non omnia esse in



opinionibus hominum, nouorum præcipuè ac hesternorum, qui suas nobis plerumque cogitationes non ex veris Ecclesiæ fontibus, sed ex suo sensu deprompserunt. Intuendas esse Apostolorum Traditiones, Ecclesiæ iudicia, Patrum sensus, Scripturarum oracula, quibus solis debetur fides, quibus solis tribuenda autoritas est, in quibus denique solis fidei Theologiæque Christianæ fundamenta nituntur. Quicquid istius abest, fluxum, humanum, carnale est, quæcumque hominum existimationes & priuatorum sententiæ iactentur, ut latè suprà probatum & pluribus exemplis ita demonstratum est, ut nemo Catholicus ambigere possit. Alioqui nulla penè hæresis tam dira & enormis fuit, quæ non viginti tantum, ut Iesuitæ, sed longè plurimos, & interdum innumeros, scientia, ingenio, fama nobiles suffragatores in Catholicæ fidei Principes producere potuerit, si voluntariis hominum sensibus, Christianæ veritatis & Ecclesiasticæ doctrinæ integritas spectanda esset. Nam, ne alios de quibus suprà, referam, ipse quoque *Ioannes Hus*, inquit Gerson, *quamuis esset status parui, habuit tamen fautores plurimos, fortes, acres & potentes*. Ecclesiæ igitur Doctores, Patres, Antistites ante omnia audiendi sunt, quorum de fidei sanitate proprium in Ecclesia Catholica iudicium est, quos in ea constituit Deus, ne circumferamur omni vento doctrinæ. Audiendæ secundum hos celeberrimæ Theologorum Facultates, quibus Ecclesia rerum istarum cognitionem ante minorum subcelliorum Theologos dedit, & longo sæculorum usu firmavit. Audiendæ verò ante alios eiusmodi autoritates, & omnibus modestiæ, mansuetudinis, humilitatis Christianæ amatoribus, omissis priuatorum quorumlibet iudiciis, obseruandæ sunt, quoad plenissima atque vltima supremæ autoritatis sententia proferatur. Hic est Ecclesiæ ordo, hæc modestiæ lex, hæc norma æquitatis, quam sola superbia & peruicacia euertere potest.

*Gerson serm. habitum Concil. Constant. pro viagio Regis Rom. par. 1. direct. l. rom. 1.*

## I E S V I T A.



GO verò prorsus affirmo, Approbatores libri Censoribus longè præferri oportere. Qua de re dubitari non potest, si modò constet vniuersum parti, doctos indoctis, sapientes credulis, accuratos negligentibus, præferri oportere. Approbatores variarum sunt gentium, Angliæ, Hiberniæ, Belgii, Germaniæ, Galliæ, Hispaniæ, qui sensum Catholici orbis quodammodo exprimunt. Censura vnius vnicæ gentis Academia est, de cuius autoritate dubitatur an Sequanam superet. Approbatores ad vnum omnes doctrina conspicui, qui Theologiam vel profitentur etiamnum, vel professi sunt, in celeberrimis literariæ reipublicæ theatris, quos Catholica tot per orbem Lyceæ venerantur; nonnulli etiam prælatura insignes, vel libris de Theologia, vel in hæresim scriptis, non obscuri. An Censores his comparandi? Suius Magistros omnes doctos, opinor, nec ipsa Sorbona dicet; si dicat, reclamabit Prouerbum cuius meminit Ioannes Maior, Doctor ipse Sorbonicus; *Nec omnis Parisiensis Magister est doctus*. Reclamabit

*Maior in 4. d. 28. q. 6.*

O iiii

Tam. 2. pag.  
826. Tract.  
qui dicitur,  
Causa cur  
Cancellarius  
dimittere vo-  
lebat.

illa Gersonis Parisiensis Cancellarij. querela, quæ ipsum officio cedere subegit, cuius hodie causam superesse vel eandem, vel grauiorem nemo prudens rerum æstimator negabit. Cogor ad liberationem aliorum vel pro consuetudine temporis ignaros scientia & perniciosos moribus promouere, & quandoque sufficientioribus præponere, cum tamen dicat Apostolus, Nemini citò manum imposueris.

## R E S P O N S I O.

Joan. Maior  
inc. 18. Mat-  
thæ.

**D**Vohic agis admodum inconsiderata & insulsa, quorum vtrique ingens cum altero de stultitiæ palma certamen est. Immensè deiicis Parisiensem Facultatem; immensè extollis approbatores tuos, iis videlicet argumentis, quæ nihil sapiunt nisi meram insipientiam. Indoctos vocas Theologos Parisienses, quorum doctrinam maiorem expertus es quàm velis, & de qua aduersus totius orbis & tot ætatum consensum dubitare nemo potuit, nisi homo toti iam orbi imperitia & petulantia notissimus. Profers Ioannis Maioris Doctoris ante centum annos Sorbonici testimonium, Prouerbiūq; alterū ex ipso effingis in contumeliam Facultatis, *Nec omnis Parisiensis Magister est doctus*. Miror vnde tibi tanta ad Prouerbia prurigo, qua iam alterum suprà finxisti ex Toletō spurium & fallax, vt minorum strophas & fabularum triuialium mendaces nœnias, leuissimis sermonibus tuis Theologicis ad grauitatem interferas. Nam istuc Prouerbij, aut veriùs proterui propudij apud Maiorem nullum est. Scrutare locum quem citas, nusquam inuenies, nisi mendaciorum tuorum mirificam audaciam. Si Ioannis Maioris iudicium quæras de Facultate Parisiensi, accipe hoc ex illustri eius loco amplissimum: *In nostra Facultate plures exercitatos habebis Theologos, quàm in duobus vel tribus Regnis*. Iam vide quī congruat cum illius sensu Prouerbiū tuum, & mirare ipse infelicem tuam temeritatem. Nam quod afferes ex Gersone, primū nihil spectat nominatim ad Theologiæ Facultatem, de qua in illo Gersonis loco nulla mentio est. Loquitur ille generatim & promiscuè de vniuersa Academia, in qua ex veteri instituto sunt quatuor Facultates, quas ille non semel miris laudibus euehit, vt captiunculæ tuæ futilitatem hinc iam odoraris. Extant eius orationes in aliarum Facultatum Licentiis habitæ, ad quarum aliquam facilius referri potuit ista querela, quàm ad Theologiæ Facultatem, quæ quanto cæteris semper antecelluerit adeò notum est, vt sine inuidia dici possit. Neque tamen maior vlla Facultatum vllarum reprehensio inest in verbis Gersonis. Cum enim eas suo tempore toties tam splendidè ille commendarit, & omnibus aliarum Academicarum Facultatibus longè prætulerit, quis putet grauem aliquam in iis labem eodem tempore ab eo notari? In oratione Massiliæ apud Benedictum Papam pro Ecclesia & Academia habita; *Benè ager plenus est*, inquit ad Pontificem, *filia tua Parisiensis Vniuersitas*, imò nihil errauero, si eam appellauero *Paradisum voluptatis*, in quo est lignum scientiæ boni & mali, & fons scientiæ in quatuor Facultatum flumine conditiuis, irrigans vniuersam superficiem terræ. Et post egregiam totius Vniuersitatis generatim, & Theologiæ Facultatis speciatim commendationem; *Venerat in mentem*, inquit, *laudes huiusmodi tum augere, tum suo modo deducere de re-*

Gerson in  
form. ad Be-  
nedict. Pap.  
Massilia  
anno 1403.  
tom. 1.

liquis hereditatis tuae partibus, hoc est, Facultatibus, quo magis animaretur Sanctitas tua sibi benedicere: sed negligentius istud ego breuitati studens & sciens nihil laudum harum te latere. Pleni sunt eius libri huiusmodi testimoniis, incorrupti videlicet, & integerrimi, & fucis minimè assueti laudatoris, ubique Academiam hanc omnium præclarissimam, & studiorum primogenitam, id est, Academiarum, & simul studiorum Matrem appellantis. Hæc est hereditas tua peculiaris & electa, inquit paulò post ad Pontificem, & præclarissima studiorum, velis nolis æmulatio, ubi generatio præterit, & generatio aduenit, sed ipsa terra tua in æternum stat. Quod ego interdum suo illò candore notissimaque sinceritate n̄uos in egregio corpore notat & dolet nonnullos, non id ad dedecus Academiæ, nec ad eius vllam diminutionem referendum est, sed ad ipsius in illam & in rectum ac bonum dilectionem zelumque singularem, quo incensus ea pro magnis habet, quæ cæteris exigua videri solent, & quibus nulla ferè vacat quantumvis optimè morata Societas. Sicut amantissimæ quæque matres tenues liberorum morbos & minimas in eorum corporibus offensiunculas maiori sollicitudine curant, quàm aliæ etiam maximos; & excellenti pietatis amore pleni homines exiguas labe plus horrent, quàm alij remissiones grauissimas. Nam in eo loco in quo præcipuè declarat quid in Academia suo tempore desiderandum videretur, suum de illa iudicium sic primùm exponit. Occurunt animo multa semper in ea præclaris laudibus attollenda. Aspicitur quippe tanquam coruscus quidam sol spiritualis Ecclesiasticam machinam irradians, errorum quoque tenebras caligines suo nitenti puroque fulgore dispergens. Videtur insuper quasi fluuius ille paradisi in quatuor partes diuisus irrigans uniuersam superficiem terræ. Denique eam vndique circumspiciens, & per omnia gloriosam sine macula, vt sic loquar, & ruga splendidam optans æmulansque illam Dei æmulatione, tria hæc in ea reprehendit; Contentiones quorundam nimias in suis opinionibus tuendis; Pædagogorum aliquorum non satis acre in tradendis literarum initiis studium, & in adolescentulis compescendis seueritatem; Denique dissidium sua ætate inter Theologiæ Facultatem & Fratres Dominicanos ortum, ob cuiusdam eorum religiosi errores primùm à Facultate, deinde ab Episcopo Parisiensi Catholicè, inquit, & iure damnatos, quod ipsius operâ tandem sanatum est, salua fide & honore Vniuersitatis. En vitia à Gersone Censore minimè blando in tota Academia Parisiensi suo tempore deprehensa: Quæ iudicet æquus lector num maculas eius an præstantiam magis probent, & quantæ hoc æuo Academiæ vel etiam Societates puræ futuræ sint si ad talem normam disquirantur. Nullæ ab eo Facultates certè arguuntur, nulla eis imperitiæ istius quam iactas, aut squaloris morum reprehensio intenditur, præcipuè Theologiæ Facultati de qua agimus: Quæ magna significatio est integram fuisse ab huiusmodi inquinamenti non solum Theologicam, sed omnes alias Facultates, quia qui in illis tam studiosè minima persecutus est, maiora non omisisset, si qua fuissent. Itaque quod dicitur in loco à recitato, Cancellarij munus voluisse dimittere, tum propter alia, tum quia interdum cogeretur ignaros scientiæ & perniciosos moribus promouere, incidisse potuit aliquando in istam ex omnium Academia- rum more necessitatem, vt eos promouere cogeretur, quorum mores

Idem ibid.

Idem sermo.

in die Parisien-

coram Conc.

Const. anno. 1.

Gerson in ep.

2. ad studētes

Collegij Na-

uarra Paris.

tom. 1.



homo integritatis & sanctimoniae studiosissimus non probaret, priuatim fortasse sibi notos, licet publicè nullo probro insignes. Probrosos enim homines & facinorosos nullae Academiae ferunt, etsi aliquos interdum remissiores & non probatissimos tolerare cogantur, ut & clarissimae quaeque integerrimaeque Societates. At constat in aliarum Facultatum Candidatis non tam seueram exigi solere vitae morumque integritatem, dummodo nihil publicè maculosum appareat, quàm in Theologiae Mystis, quibus sacerdotium & literarum diuiniorum sanctitas maioris innocentiae legem imponit.

Ex antiquo  
Codice legum  
Facultatis.

Vid. Gerson.  
in ep. scripta  
Brugis anno  
1400. tom.  
4. f. 271.

Nec verò ad Theologiae Facultatem referendum esse Gersonis dictum, quasi in ea cogeretur illos ignaros scientiae, perniciosos moribus promouere, facile patet ex perpetuis ac perspicuis legibus Facultatis, quibus praecipitur, atque interdicitur quod nullus ad iuramenta praestanda in admissione ad huiusmodi Baccalariatum recipiatur, nisi prius fuerit super hoc Facultas specialiter vocata, & de eius vita, moribus, & tempore deliberauerit. Quas leges perfringere cogi potuisse Gersonem Theologiae Facultatis decus, legum omnium Academiae ex suo munere vindicem, talium praecipue ac tam apertarum, aequitatis denique ac iuris intrepidum inuictumque assertorem, non conuenit existimari. Imò in Epistola scripta Brugis ad Episcopum Parisiensem, de tollendis nauiis qui Theologiae Facultati inoleuisse videbantur, nullam in ea istiusmodi imperitiam aut morum labem notat. Contraque allato ad se rumuscule de quibusdam qui famae Facultatis minus consulere dicerentur, non temerè credit, sed si hoc verum est, inquit, esset providendum. Quod ineptè ab eo diceretur, qui queri soleret, se cogi in eam Facultatem perniciosos moribus, vel indoctos promouere. Quin & aliis Facultatibus, totique Academiae Parisiensi hoc praecipuae laudis tribuendum est, ut nullae fuisse vnquam videantur, quae tam studiosè non eruditioni solum, sed virtuti quoque ac moribus suorum consulerent. Huius enim Academiae Professores omnes & Magistros primarios, Clericalem vitam quàm maximè æmulari, & coelibes esse iuberi antiquissimis legibus & perpetua consuetudine declaratum est, velut alumnos Ecclesiae, & filios Ecclesiasticae quodammodo Academiae, quae ad perennem beneficij erga se Ecclesiae Parisiensis, ex qua oriunda est, recordationem, hanc legem filiis suis indixerat, ut primam originem suam hoc Symbolo profiterentur, & etiam nunc ad eandem testificationem, Candidatos suos praecipuarum Facultatum ad Aulam Archiepiscopalem Parisiensem deducit, ubi à communi Ecclesiae Parisiensis & Academiae Cancellario, magisterij laurea donentur. Valuit verò usque adeò in omnibus Academiae ordinibus lex illa de coelibatu, ut Medici ea primùm solui coeperint autoritate Pontificia, per Cardinalem Tota-Villeum Legatum anno 1452. Canonistae verò, cum idem sibi indulgeri ab Vniuersitate petissent anno 1534. repulsam tulerunt. Quod tamen aliquanto post tempore supremi Senatus, & summi Pontificis beneficio consecuti sunt, eoque uti coeperunt Lutetiae anno primùm 1552.

Habes luculentè, opinor, ad contumelias, quas sacrae Facultati ex Maiore & Gersone machinari voluisti. Superest ut de approbatorum vestrorum laudatione tua pauca dicam. Existimas prorsus approbatores libri Censo-



ribus longè præferri oportere. Mirum verò, damnatum hominem de damnatoribus suis malè sentire, de laudatoribus benè. Quis vnquam hæresum parens Ecclesiam, à qua improbatus esset, probauit? Quis illius iudicium prætulit adstipulantium sibi sententiis? Lutherus Parochi vnus aut Ludi-<sup>In libell. de Concilio.</sup> magistri vocem, Conciliorum omnium auctoritati præposuit. Nec proteruus quisquam non vehementer in primis auersatus est sibi aduersantes, & fauentes amplexus est. Perge ergo tam præclari iudicij tui causas edere. Constat, inquis, vniuersum parti, doctos indoctis, sapientes credulis, accuratos negligensibus præferri oportere. Esto. Quid tum postea? Atqui approbatores variarum sunt gentium, Angliæ, Hybernæ, Belgij, Germaniæ, Galliæ, Hispaniæ, qui sensum Catholici orbis quodammodo exprimunt. Censura vnus vnica gentis Academiæ est, de cuius auctoritate dubitatur, an Sequanam superet. Itane vero? Vingtici & vnus homines, media ferè parte Iesuitæ, & in iis Iesuita ipse Floydus, cuius apertam impietatem ne fautores quidem palàm tueri ausi sunt, sensum Catholici orbis quodammodo exprimunt? Tantumne audaciæ? Tantumne stuporis? Homines priuati, priuata, & factionis studio collecta suffragia ferentes, Catholici orbis sensum expriment, aduersus amplissimæ Facultatis è variarum gentium, non Galliæ solùm, aut vnice gentis, vt temerè ais, sed Angliæ quoque & Hybernæ Theologis constitutæ, auctoritate numeroque longè maximæ, aduersus tot etiam Illustrissimorum Archiepiscoporum, & Episcoporum publica & grauissima iudicia? Quid miramur hæreticorum absurdissimas fabulationes necessitatis telo expressas, cum Iesuitam sine causa, solo turbulenti animi motu, tam miserè delirantem audiamus? An approbatoribus istis honorem aliter tribuere non potuisti, quàm Catholici orbis sensum in iis collocando? Quàm Concilium nobis œcumenicum aliquod viginti & vnus hominum, inaudita sapientiæ tuæ machinatione, fingendo? Quí enim Catholici orbis sensum expriment pauculi sacerdotes, cum cum per te non exprimant omnes etiam Parochi, quos à Concilio Oecumenico excludis, à quo arceri non possent, si Catholici orbis sensum exprimerent, & Ecclesiam repræsentarent? Verè de vobis scripsit Propheta, *Turbati sunt, & moti sunt* Psal. 106. *sicut ebrius, & omnis sapientia eorum deuorata est*, Iesuitas enim scientiæ ac prudentiæ Coryphæos, ad tam insipidam gloriationem deuolui potuisse, quis putaret nisi tu probares?

Ineptum etiam in primis & intolerandum quod addis in eiusdem elogiij texturam, *Approbatores ad vnum omnes doctrina conspicuos esse*. Non enim hoc scriberes, si frons tibi, si pudor, si fides, si virtutis reliquiæ vllæ superessent, qui de illorum numero es. Tu saltem, tu vnus tot imperitiæ ac stoliditatis tuæ continuis testimoniis præconium istud refelles, cum qui te doctrina conspicuum dicis, inscitia conspicuum effeceris. Quomodo verò nobis probas, vt à te quasi ab istius chori struma recedamus, alios approbatores *doctrina ad vnum conspicuos esse*? Quis eorum doctrinam conspexit? Tu nimirum, docte iudex, sancte testis, qui hoc solo suspiciendus ac prædicandus es, quòd iis eximie doctrinæ testimonium, memorabili sanè humanitatis exemplo, rependas, qui tibi ne sanæ quidem fidei testimonium dare voluerunt.

Quod autem ais eos *Theologiam* vel profiteri etiamnum, vel etiam professos esse in celeberrimis literaria reipublica theatris, & Catholica tot per orbem *Lyceæ* eos venerari; Si te *Theologiae* ista professio à tantis ignorantiae, ineptiae, fallaciarum, fraudumque, quas ad singula penè verba tua retegimus, maculis eripere non potuit, quid nos de aliis magnum sperare iubes, ex ista *Theologiae* professione? Constat enim non aliam procliuiorem esse errorum & hallucinationum *Theologicarum* viam, quàm *Theologiae* tractationem illam inanem, in qua nonnulli consenescent, sine luce antiquitatis, sine clauo traditionis, sine cultu *Scripturarum*, sine *Patrum Doctorum*que *Sanctorum*, quos in *Ecclesia* ab initio ad finem vsque *Patres*, *Doctores*, *Ecclesiae*que ora constituit *Deus*, continua humilique veneratione. Quænam porrò istos *Catholica tot per orbem Lyceæ venerantur*? Video enim è duabus tantum *Academiis* in approbatorum istorum classibus inesse professores, eosque aut *Iesuitas*, quorum pars maxima, aut *Regulares* à vobis in causam, quasi cum iis communem, fraudulenter allectos. De duabus igitur *Vniuersitatibus* scribere debuisti *Catholica tot per orbem Lyceæ*? væ fucis; væ vanissimæ captiunculæ, & captiosissimæ gloriationi. Neque sanè *Iesuitas Louanij* Professores credere possumus venerationi esse *Academiae Louanien*si, nec ipsam vicissim illis, quam laceſſunt tot iam annos & pertinacius oppugnant, vt variorum illius *Academiae Doctorum* querimoniis *Lutetiae* editis declaratur. Timent potius & horrent bonos *Patres Catholica per orbem Lyceæ*, annulos suos, non eruditione, sed potentia & astu, insidiatores perpetuos, & si votis potiri liceat, extinctores. Neque rursus *Academiam Duacensem Iesuitarum* veneratricem putamus, vel ob *Estium* eius *Cancellarium*, & lumen libris istis *Anglicanis* sanè malè acceptum, & quidem modesta illa discussione.

Quibusnam igitur in *Academiis* tanta eis veneratio cluit? Sine dubio in *Ingolstadiensi*; aut sanè quidem in *Prager*si; aut enim verò in *Paderbornensi*. Vereor ne venerationem suam rideri putent. Sed multo magis debitam *Academiis* istis venerationem ipsi eludunt & rident, dum eas in marginem rejiciunt, quasi textu indignas. Hæc est apud eos contemptio *Germaniae Academicarum*, postquam eas suo arbitrio ita subegerunt & fregerunt, vt captiuas quò lubet trahant, & iis ad libitum abutantur. Nam nec testimonia vlla noster iste, nec scriptas earum tabulas profert, vt fidem ei habere liceat. Nuda & inania nomina in marginalem angulum contrudit, vt summum illud in eas suorum imperium quo, vbi innuerint, ad quidvis paratas habent adstrictasque, ostentet. Ideo enim earum consensum multò antè quàm accessisset (aliquarum enim postea accessisse video, & libellis ipsorum postmodum editis adnexum) iste iactare ausus est, & quasi iam parto gloriari, vt eum non in illarum potestate, sed in *Dominorum Iesuitarum* nutu esse ostenderet.

Nonnullos præterea approbatorum istorum praelatura insignes dicis. Quos dicas nos non videmus. *Plebanum Antuerpiensem* certè non facies, qui *Parochos* praelatos non esse toties importunè obnixiter aduersus *Parisiensem Facultatem*. Nec verò egregium *Archidiaconum Boucherum*; cum *Prælatos* esse nolis nisi qui excommunicandi potestate præditi sunt, qua

qua carent Archidiaconi sine iussu Episcopi, ut iura declarant. Nec denique Prælatum habebis *Suffraganeum Bambergensem*, tum ob eandem causam, tum quia titulares Episcopos Pastores esse negas Ecclesiarum ad quas delegantur, & quidem delegatos à Summo Pontifice, multo magis ab inferioribus Episcopis. Quære igitur ubi Prælatos habeas. Nec reperies, ni fallor, nisi fortè in reliquis approbatoribus, qui, præter hos tres, vniuersi Regulares sunt, & media ferè parte Iesuitæ, Provinciales aliquos, aut Rectores, aut Guardianos, quos Prælatos Regulares vocatis, inesse doceas.

Addis postremò nonnullos eorum *vel libris de Theologia, vel in hæresim scriptis, esse non obscuros*. Vbi ergo lucent? Vbi splendent ista lumina approbatorum? Nos enim nullos in iis videmus scriptis vllis in hæresim notos. Vnum tantum, non nonnullos, scimus aliquid de Theologia scripsisse, Ægidium de Coninx, cuius extant tractatus aliquot Lugduni editi, mirà illa & ridicula conspiratione Sociorum, qui quasi librarij quidam trapezitæ, eos libros spargunt per orbem, & variis locis excudi curant & prædicant, & commendant gregalibus suis ambitione notissima, qui si ab alijs editi essent, in ipso, ubi primum orti sunt, loco euanescerent, *quasi fanum tectorum, quod, priusquam euellatur, exaruit*. Præter hunc, neminem nouimus, quem de Theologia quicquam scripsisse constet, nisi fortè memoriam refricari velis nefandi illius & humanæ societati execrandi operis, à Bouchero olim editi, de *iusta abdicatione Henrici III.* Christianissimi Regis. Quo in opere profusus omne genus blasphemiarum, quas furenti animo rabies ingerere potuit in immerentissimum patriæ Principem, nunc denique Parisiensi Facultati, matri quondam suæ, & eius Ecclesiæ, in qua Christianus factus est, Episcopis omnibus maledicere voluit ore Iesuitico, & infami Spongia quam approbavit, ut gloriari posset nullum iam superesse officij genus aut pietatis, quod in Gallia non violaret. Nullius enim nomen crebrius sparsum est per conscribillationes Iesuiticas: vbique *Boucherus librorum Censor* eminet, in *Apologia*, in *discussione*, in *spuria declaratione* Gallica, in *scdissima* denique *Spongia*, cui nomen suum homo amens præfigere non erubuit, quod nec Iesuita, nec Regularis vllus facere ausus est, ut atrocissimæ calumniæ & horrenda mendacia, quibus à Iesuitis supra hæreticorum omnium rabiem nobilissima Facultas discerpitur, suo nomine comprobet, & qui illius gloria superbit dum se *Doctorem Sorbonicum* scribere audet, illam ipsam, qua superbit, stultissima ingratitude comminuat. Qui mihi, cum memoria repeto primos illos furores quibus olim bacchatus est, videtur hoc tempore ab inferis rediisse, ut furialibus iterum consilijs interesset. Tunc pro Ecclesia se grassari simulabat, nunc apertè in Ecclesiam grassatur. Lasciuia iuuenilem in senile delirium vertit, & pro insano quondam adolescente, nunc *senex fatuus* effectus est. Quid verò mirum, probari tali *Censori* Iesuiticas in Ecclesiam insultationes, cui nefaria clarissimi Principis Henrici IV. cædes probata esse dicitur, pro cuius sceleratissimo Parricida conscripta Apologia ipsi tributa est? Qui optimi, & talibus certè furiis indigni Regis Henrici III. cædem apertè probavit, & sacrilego sicario in horrendo illo opere gratulatus est, vestri genij, ve-

C. Archidiacono de officio Archid.

Psalm.

Eccli. 25.

strarumque declamationum æmulus? Abeant Iesuitæ cum isto Censore se digno, sibi moribus, factis, scriptis simillimo, ut minimè mirandum sit tale operculum ad talem patellam adhæsisse.

Istis scilicet hominibus Parisiensis Facultatis Theologos comparandos, negat Iesuita Floydus: Quibus illi profecto similes esse vehementer recusant, comparari verò nullo pacto volunt. *Indoctos* verò, *negligentes*, *credulos*, non facilius probabit esse, quàm approbatores suos illis per omnia præferendos, aut se superbissimæ temeritatis immunem, qui in mediis inusitatæ ignorantiae & hebetudinis flagitiis, vltos homines, nedum talem Facultatem, *indoctos* aut *negligentes* appellare sustineat. Verè equidem, & sine vilius Academiae Catholicæ contemptu dicere possumus, nullam esse quæ Candidatos suos ita probe, exploret, excutiat, publicè, privatim, non vno sed pluribus annis, nec ubi tanta professorum copia & sedulitate, studiorum contentione, hominum delectu, primariorum, mediocrium, omniumque ordinum confluxu, cerneretur, quàm in hac Facultate; ut fatentur plerique, qui celeberrimas alias per Catholicum orbem Academias lustrarunt. Atque hoc illud est, quo in ea summum illud doctrinae decus ac vigor omnino æuo perennauit, & Collegium Sorbonæ toto orbe celeberrimum, ut Cardinalis Bellarmini verbis utar, effectum est.

Card. Bellar.  
de script. Eccl.  
cl. in Roberto  
de Sorbona.

## I E S V I T A.



**H**ÆC Sorbonicam turbam, in qua, vel ipsis fatentibus, indocti, ignari, stuperes, peruersi moribus (quot numero quis nouit?) coronæ Theologorum ex flore orbis collectæ, in quibus omnes sapientia illustres, quis mentis compos anteponat? Approbatores libri Orthodoxiæ testimonium dederunt, à se inuicem locorum interuallo disjuncti, non pedibus alter in alterius sententiam iuit, non vnius autoritate cæteri mouebantur. Censores è contra, Magistrorum Parisiensium vulgus, à suo Decano Regularibus infenso ducebantur in partes, temerèque creduli præeuntem, velut pecora muta, ducem gregis arietem secuti sunt.

## R E S P O N S I O.

**P**VDEAT lutulentissimæ orationis mendacem rabulam, qui si *muta* pecora sensu aut pudore superaret, insanissimo genere insultationis, post insulsum genus orationis non vteretur. Quid enim insanius quàm Facultatem nobilissimam, antiquissimam, illustrissimam, *Sorbonicam turbam*, *Magistrorum Parisiensium vulgus*, *pecora muta*, *indoctos*, *ignaros*, *stuperes*, *peruersos moribus*, inaudita ad hanc diem in florantissimam Facultatem elogia, nec Christiani vilius aut sani hominis cerebro idonea, effraetis modestiæ verecundiæque repagulis, scribere; viginti verò hominum ferè Iesuitarum, penè ignotorum, aut nimis notorum cateruam, in qua clara



lumina fulgent Floydus & Boucherus; coronam dicere Theologorum ex flore  
 orbis collectam, in quibus omnes sapientia illustres? Quid ad hæc dicas, quo-  
 rum indignitas omnem orationem superat, omnemque increpationem,  
 vel potius pœnam meretur? Et in hæc portenta vehementius quicquam  
 aut acrius, ullus putabit? Et stultum istud os iuxta stultitiam suam obturari  
 nolet? In ore stulti baculus contumeliæ, qui baculo validiore severitatis con-  
 fringendus est. Nec ramen dedecori erit Parisiensi Facultati, eadem præ-  
 conia à Iesuita hæresum suarum propugnatore audisse, quæ in ipsam Ec-  
 clesiam Catholicam in Ephesina Synodo congregatam, hæretici & schis-  
 matici Nestorij propugnatores, tot ab annis, coniecerunt iisdem propè  
 verbis, dum sacræ Synodi frequentiam eleuantes, & suam tegentes pau-  
 citatem ita loquuntur; Si multitudo opus fuisset, plurimos egregie in diuinis  
 dogmatibus institutos, nec ulla ratione cum imperita diuinarum rerum Asiatico-  
 rum & Ægyptiorum turba conferendos, nobiscum habere potuissemus. Et paulò  
 post: Hi sanè omnes aliud nihil sunt, quàm hominum turba diuinorum dogma-  
 rum penitus nescia, & ad tumultus seditionesque nata. Quibus ex locis oratio-  
 nis impudentiam mutuatus esse videtur Floydus, ita singulos penè sensus  
 expressit: nisi quod stolidiori impotentia & verbis insolentioribus usus  
 est, ut hæreticorum schismaticorumque gregem petulantia superaret.  
 Magna verò laus & insignis gloria Facultatis, quòd istiusmodi scriptori-  
 bus abortiuus tam tenuem maledicendi ansam relinquat, ut aduersus eam  
 latrare non possint nisi delirantes, cum ratione nihil, cum iudicio, cum  
 verecundia, sine hæreticorum schismaticorumque genio, scribere va-  
 leant. Quis porrò, cui humani aliquid superesset, tam furenter incesset  
 Decanum Parisiensis Facultatis, Venerabilem senem, Doctorum Parisien-  
 sium de more antiquissimum, eruditis libris notum, Theologiæ antiquæ  
 & auitæ cultorem, in præclaris Ecclesiæ Parisiensis muneribus emeritum?  
 Tali viro proscisso, quid mirum aliis non parcere maledicam tuam loqua-  
 citatem? & tam infelici loquacitate, quid mirum egere infelicissimum Ie-  
 suitarum litigium? Nam Regularibus infensum esse sapientissimum De-  
 canum sacræ Facultatis, non aliud tibi argumenti est, quàm quod errorum  
 hæresumque vestrorum damnationi præfuerit, quas more omnium, qui  
 hæreses vnquam induxerunt, non nisi ab infensis & inimicis damnari po-  
 tuisse iactatis. Verè enim rursus in vos valet, quod in Donatistas iudicium  
 transmarinum de Cæciliani causa respuentes, scripsit Augustinus, Dicunt  
 malos iudices se esse perpeffos: Quæ vox, inquit, est omnium malorum litiga-  
 torum, cum fuerint etiam manifestissima veritate superati. Nec magnum ista  
 querimonia te in amplissimum Decanum uti, qua supra usus es longè atro-  
 ciùs in Illustrissimos Gallix Antistites, quos tanto in Regulares odio ar-  
 dere dixisti, ut ab iis tetra fieri, apertè hæretica & blasphema dici magnoperè cu-  
 piant, quò populis exosi reddantur. Tibi enim audacia pro lege est, nec quæ  
 dicis ex iis, in quos loqueris, spectari debent, sed ex tua dicentis im-  
 punita licentia, & irreligiosa procacitate. An verò Doctores etiam  
 Regulares, qui librorum vestrorum damnationi assensi sunt, Regu-  
 laribus infensos dices? Vna enim omnium Facultatis Theologorum  
 consensione prolata esse Censuram, sæpius contestantur acta Facultatis.

Pron. 26.

Pron. 14.  
ex versione  
Hieron.

Vid. Conci-  
liab. Ephesim  
ep. Ioan. An-  
tioc. & scis.  
ad Impp. 10.  
2. Conc.

August. ep.  
162 ad Glo-  
rium, Elen-  
gium, &c.

Querim.  
§ 6. n. 47.

Et ut dubitatio omnis tolleretur, libros vestros, & Spongiam nominatim tuam, appositis chirographis confoderunt omnes Religiosorum Familiae Parisienses, autore in primis Generali ordinis Praedicatorum Magistro, Parisiis rerum familiae suae causa commorante, viro praecelso, Pontifici & omnibus probatissimo. Quod idem cum sodales tui, fugiendae ignominiae causa, simulare cepissent, eam reprobationem concinnarunt, nullo libro aut errore nominato, ut hoc unum egisse videantur, ne quid reprobarent intelligi posset, & nulla re verè reprobata solum tempus redimerent. An igitur tot Regularium turmas *Decanus Parisiensis Facultatis Regularibus insensus duxit in partes, & quasi pecora muta in Spongiae doctrinaeque tuae damnationem adegit?* Quid quod acta manifestè docent Facultatem auditis omnium & singulorum Doctorum suffragiis ac sententiis, dubitationibus si quae occurrerent explanatis, Censuram vno omnium plenoque consensu peregisse, ut nulla iam pridem solennior & confirmatior prodierit? Verùm tibi quid dicas, aut quid effundas, cogitare nimius esset atque insuetus labor; nulla ratio veritatis, nulla famae, nulla fidei, dum tuo animo, & inexplebili malevolentiae obsequare.

Censur. pag.  
6. & 9.

Confer iam, si placet, tantis autoritatibus quibus libri vestri atra nota inusti sunt, decem aut duodecim, quos hic cantas, approbatores, per mare à vobis perque aridam conquisitos. Nam octo Iesuitarum, quos is ridiculè admiscuistis testimonia, non alio loco habenda sunt, quàm tuum, bone Floyde, qui doctrinam tuam vnà cum iis approbasti. Quantum dedecus, quantum prauitatis argumentum, quod ex tantis, quas iactitas regionibus, non plures duodecim ad stipulatoribus, tanta ista factione colligere, tanto tempore potuistis? Quod ex omni Belgij Clero tres, quatuorve tantum reperti sunt, qui nominavobis commodarent? Quod ex Louanienfi aut Duacensi Facultate nullum in eandem nassam pertrahere valuistis; Imò artibus & comminationibus etiam indignis (hoc enim certissimis testibus Lutheri compertum est) efficere contendistis, ut à doctrinae vestrae damnatione, & à Censurarum Parisiensium comprobatione detererentur? Hac nimirum ipsa arte irretistis pauculos istos suffragatores, duodecim omnino homines, quos testimonium vobis dedisse gloriaris, à se inuicem locorum intervallo dyunctos, nec pedibus alterum in alterius sententiam inisse, nec vnius autoritate motos esse. Qui enim minas intentare ausi estis nobilissimis Facultatibus ne vos damnarent, quanto magis priuatos homines blanditiis expugnastis, ut vos probarent? Neque quicquam magis mirandum est, quam artibus & lenociniis vestris, non plures captari potuisse. Vnius enim Iesuiticae Societatis per orbem fusae, vbique praesentis, omnia occupantis, omnia ambientis, omnibus blandientis auctoritati, vel potentiae potius, obistere non est cuiusvis hominis, aliis varia commodorum illecebra, aliis incommodorum metu, plerisque ipsa degeneri pietate flaccescentibus. Vanè igitur locorum intervallo dyunctos gloriaris, qui vno Societatis vestrae per omnia manantis vinculo colligati fuerunt. Nec fidelius asseueras alterum in alterius sententiam pedibus non inisse, nec vnius autoritate ceteros motos esse, cum eorum ipsorum testimonia quae praedicas, quae collaudas, quibus tibi probatus videris, temeritatem tuam

palàm euincant, illo qui in approbatoribus istis agmen ducit, ut ceteros omittam, apertè confitente; *Secutus itaque aliorum gravissimorum, tam ex Regularibus quàm ex seculari Clero Doctorum Theologorum iudicium, &c. MOTVS QVE EORVM AVTORITATE, &c. dignum iudico prædictum librum, qui typis subiiciatur.* Quid ais, approbatorum non tuorum vendicator? Mihi quidem Athanasij vocibus utendum in te video, quibus ille in tui similes usus est; *Mixor eos struendis sycophantiis non fatigari. Ego tamen iis respondendo non fatigor, sed gaudeo potius: quo enim plures responsiones, eo maior eorum confusio existet.* *Athanas. in Apolog. ad Constant.*

## I E S V I T A.

**D**E N I Q V E approbatores accuratè librum à capite ad calcem singuli perlegerunt, disputationis seriem, questionum capita, sententiarum, verborum, syllabarum, momenta expendunt. At Censorum, vno alterove fortassis dempto, librum integrè nullus legit, nec legere poterat, cum Latine non extaret; à maleuolo, cæteris insciis, nec si errabat, corrigere valentibus, propositiones exceptæ prælectæque sunt; qui muneri censorio præclare satisfacere sibi videbantur, si, Decano præcinente, repeterent Cuculorum more idem propè perpetuo carmen, falsum, temerarium, scandalosum, erroneum, hæreticum.

## R E S P O N S I O.

**P**E R G I S mendacia, pergis conuitia rusticana pertexere insolenti semper audacia. Approbatores asseris accuratè librum à capite ad calcem singulos perlegisse, disputationis seriem, questionum capita, sententiarum, verborum, syllabarum, momenta expendisse; vocales etiam & consonas addi oportuit, ut ad extremum apicem ineptiam perduceres. Atqui vel tu mēdacissimus es hoc loco, vel tui approbatores; Quorū alter temporis angustias excusat, quibus librum nec legere accuratius, nec expendere potuerit; *Ea, inquit, qua licuit per temporis angustias, diligentia vidi & discussi.* Alter ne lectum quidem sibi fatetur, sed ab aliis lectū & commendatum, sibi quoque, eorum autoritate, probandū visum esse; contrā quam paulò antè gloriabaris, approbatorum istorum neminem alterius autoritate motum esse; *A gravissimis Anglicæ nationis, inquit Boucherus, tam ex Regularibus, quàm ex seculari Clero, Theologiæ Doctoribus, qui totum id attentè ac diligenter perlegerunt commendatum, ac prælo propterea dignum iudicatum, non possum tantorum virorum autoritate fretus, quin & illud ipse iisdem nominibus vicissim commendem.* Quibus propemodum iisdem verbis Apologia quoque tuæ patrocinator est sapiens Boucherus. Habes igitur palàm confitentes approbatores, non modò à capite ad calcem singulas libri quæstiones capita, sententias, verba, syllabas se non perlegisse & expendisse, ut ridiculo nimium feruore iactasti, sed ne literam quidem eius vllam atpexisse. Ex his autem confitentibus, de cæteris iudicium fieri potest, qui

Vid. approb.  
8.9 10.

vel simpliciter dicunt, *legi*; vel ne hoc quidem aiunt, sed idem se quod alios sentire testantur, eorum videlicet iudicio, ut aperte fatentur, & Iesuitica prensatione, vel priuatis studiis commotos. Atque hæc de approbatoribus, deque tua, illorum diligentia, ridicula & mendaci prædicatione.

Censur.  
Pag. 7.

De Censoribus non minus aperte imposturam facis, crassam, audacem, & (sicut profecto dicendum est) impudentem. *Censorum*, inquis, uno alterove fortassis dempto, *librum integrè nullus legit, nec legere poterat, cum Latinè non extaret*. Nec conscientia villo morsu aut pudore deterreris, à tam odiosa, & aperta fabulatione, quam Censuræ præfatio luculentè confundit his verbis: *Cum libri Anglicani exemplar integrum Illustrissimorum ac Reuerendissimorum Gallia Episcoporum cura, diligentia, atque expensis, quanta exigi poterat cautione, Latinitati redditum, ad D. Decanum Facultatis transmissum esset, &c. Censuit Facultas totum codicem, per selectos à D. Decano Doctores, perlegendum atque examinandum, ut expensa tota operis serie & contextu, auctoris mens maturius expendereetur, &c.* Idem refertur paulò post de libro Danielis, seu de Apologia tua. Et tu publicè scribere audebis *Censorum nullum, uno alterove fortassis dempto, librum integrè legisse?* Et quod amplius est, *legere non potuisse*, cum Latinè non extaret. Faceste quò dignus es, cum vilissimis sycophantiis, quas ab homine Christiano, Religioso, Theologo audire non minus insolens est, quàm cuculinum (ita loqueris) carmen à candido Cygni gutture, aut Aquilam auium Principem, in Cuculum foeditissimam earum belluam, mutatam videre.

Vid. Concil.  
Gaugr. to. 1.  
Concil. Rom.  
Conc. 3. sub  
Damaso cō.  
Apollon. apud  
Greg. Naz.  
ep. 1. ad Cled.  
S. Cyrilli A-  
nathem. tom.  
2. Conc. &c.  
Cōc. Trid. in  
can. passim.  
Caluin. in  
Annotat.  
Vid. Concil.  
Sardic. Conc.  
Cajus Aug.  
cont. Priscill.  
Conc. Carth.  
2. &c.

Hoc enim verè cuculinum carmen est, tectum, funestum, ominosum, & nescio quid grauius in animis vestris portendens. Præstaret te ipsum esse Cuculum, quàm adeò flagitiosis mendaciis pagellas opplere, integerrimæque Facultatis nomen tam malis aurbus oppugnare. An tu antiqua Concilia, & nouissimè eorum exemplo Tridentinum, variis nouatorum erroribus illam semper vocem, *anathema sit*, toties geminatam illidentia, *cuculinum carmen canere* dices? An Caluini impudentiam, aliorumque hæreticorum impiam dicacitatem æmulari statuisti? An SS. Patres collegarum suorum sententias verbo, *placet*, identidem iterato probantes & confirmantes, *Cuculos haberi* voles? An eos qui vitium idem eodem semper nomine afficiant, eidemque morbo idem antidorum apponant, ferilibus bestiis comparabis? In te potius, in te vnum pro tam odioso fremitu, inuisaque in tales viros ferocia, eruditi ac pii omnes ut bonæ aues in *Cuculum* inuolabunt, & in ferinorum istorum affectuum noctem, in qua sola vagari & vlulare soles, te repellent.



## IESUITA.



**I**VRE igitur approbatio Censuram, hoc est, vniuersitas particulam, doctrina ignorantiam, sapientia credulitatem, perspicax cura supinam in rebus maximis incuriam obruit. Itaque dum tot Catholicarum gentium Magistros, vna Sorbonæ particula contemnit, quid nisi reliquarum contemptum meretur? Censores orbis qui se faciunt, domum repellendi sunt, monendique de Prouerbio, *Intra suum Gallus sterquilinum dominetur.* Aptè enim de talibus Gregorius, *Apud se introrsum humilitatis sterquilinum deferunt, & elationis fastigia ascendunt.*

*Nemo hoc Regno Gallia applicet quod est Regnum Europa nobilissimum. Sterquilinum intelligitur mortalitatis & miseria, quod quisque domus sua habet. ut ex loco Gregor. l. 3. Moral. c. 28.*

## RESPONSIO.

**P**ASCIS ventum & sequeris aestum, tota die mendacium & vanitatem multiplicas. Frustra in aliis sterquilinia quæris, quæ tanta penes te habes. Intolerandæ superbix est, te in tam apertis errorum hæresumque tuarum, quas Censuræ demonstrarunt, & mendaciorum, fraudium, absurditatum, quarum cumulos passim offendimus ac miramur, spurcitiis, sterquilinia Censoribus impingere, quasi effusè malè dicere officium bonæ conscientix putes, & quasi iudicum tuorum insolens conspurcatio, purgatio tibi futura sit, & iccirco te existimes innocentem, si quicquid tuum est, in alios conferas. Sordes tuas tantas tamque luculentas meminisse debuisti, agnoscere, lugere, gemere, ne si earum aspectus, & obruta per te Societatis tuæ prudentiæ, ingenij, scientiæ fama, infatuati Iesuitici salis euanidæ faeces oratione tua diffuentes, tumentis animi ferociam deicere non possint, incidas in Euangelij pœnam, ut ne quidem sterquilinio dignus videaris, sed mittendus foras, & conculcandus. Nam si sal insulsum fuerit, neque in terram, neque in sterquilinum utile est, sed foras mittetur. Quid autem iterum absurdius & insulsius, quàm duodecim decemve hinc inde arreptos approbatores, (nam Iesuitas octo quos iis admiscuisti, nullo numero ducimus, propriarum scilicet sordium laudatores) eosque vel Anglos factionis vestræ participes, vel Regulares à vobis, quasi pro aris & focis communibus, fallaciter concitados, amplissimæ & maximæ Facultati, & tot Archiepiscopis & Episcopis opponere, quorum duo tantum umbraticis approbatorum tuorum copiis obscurandis sufficerent? Quid alienius, quàm pusillum istum gregem cum tantis autoritatibus velut Vniuersitatem cum particula conferre, & eos qui ab illis dissentiant, Censores orbis appellare? Quid hanc dicam, arrogantiam an stupiditatem? Scilicet communis sensus iam apud Iesuitas ita euanuit, ut apertissimæ numerorum proportionales ignorentur, & duodecim homunciones triginta & quinque Archiepiscopis & Episcopis, ut de Theologica Facultate longè ampliore taceam, non solum autoritate, sed etiam numero anteponantur. Nam doctrinam, sapientiam, perspicacem curam approba-

*Osca 12.*

*Tertull. con. Hermog. c. 1. Hieron.*

*Mar. 9. Luc. 24.*

toriae isti decuriae tribuere, & tantae eam Facultati, tanto Antistitum concessui adimere, contraque ignorantiam, insipientem credulitatem, supinamque incuriam iis inurere, tantae dementiae est, quantam nulla increpatio assequatur. Confirmatur enim verò inlueto isto genere orationis insanaque temeritate, qua nemo ante vos in tales viros usus est, fama illa, quae eorum qui te notunt sermonibus, de cetebris tui vitio natiuaque calamitate percrebuit, ut te à perpetuis, quibus euagaris, deliriis in viam rationibus reuocare, nihil esse videatur, nisi Aethiopem dealbare. Quantum illud etiam intemperiarum, quod post istam orationis indignitatem, Theologicam Facultatem, quam tam superbè violasti, vel hoc solo quo duodecim homines tumultuariè collectos cum ea comparare ausus es, ad humilitatem adhortaris, atroci eam obscænoque illo Prouerbio pulsans, *Intra suum Gallus sterquilinium dominetur?* Nempe igitur sterquilinium vocas Theologicam Facultatem Scholamque Parisiensem, intra quam Censores tuos dominari iubes, & in qua eos dominari toties dixisti. Soli enim Regno Galliae applicari veras tantam obscænitatem, Regum potentiam metuens, non Parisiensi Facultati, quam scilicet denotare, quam ferire voluisti. Ergo Iesuitæ Floyd Facultas Parisiensis sterquilinium erit? hoc verbum ullæ mentes aut ullæ aures ferent? Insanum huiusmodi expiandis, vlla vis orationis nimia erit? Equidem si titulos in eam congestos colligamus, reperiemus suprà dictam esse *vetus scortum*; infrà *spuriam & adulteram*, quæ nunc sterquilinium dicitur, ut quiduis audire meretur qui quiduis dicere audeat, si cuiusquam in castigando acrimonia, huius in maledicendo impudentiam & amentiam æquare posset. Quod autem ex D. Gregorio *sterquilini* nomine propriam cuiusque infirmitatem notari dicit, malitiæ latebra est, & strophæ inducendæ ambiguitati aspersa: Nam in allato Prouerbio vocem illam aliter accipi, ex communi vlu notius est quàm ut Grammatici Iesuitæ moneri debeant. Si tamen istiusmodi significatione, quandoquidem tu ita vis, utendum sit, scias, Iesuita Floyd, nisi tu errores tuos animumque compescere, motusque & appetitus eius, quod Caino præceptum est, *sub te ponere*, eorumque dominari ultro velis, fore ut intra tuum istud sterquilinium Galli egregiè dominantur, agrestium tuarum responsionum improbitatem ad libitum tundendo ac subigendo, sicut intra errorum hæresumque tuarum prauitates, illustribus iudiciis illis dominati sunt, & porro dominabuntur, eo genere dominationis, quo Moyse à Deo dictum est: *Ecce constitui te Deum Pharaonis*. Quæcumque autem conuictorum plaustra vos in eos congeratis, in eiusmodi sterquiliniis sibi aurum & gemmas, vobis solum nominis vestri, ut cum Scriptura loquar, fœtorem inuenient.

Suprà, c. 1.  
Ante Cam-  
sam 1.  
Infra, in  
Spong. 1  
propos. 111. 1.  
de Ecclesi.

Gen. 4.

Exod. 7.

Exod. 5.

# I E S V I T A.

## CAVSA TERTIA.

*Confusa & inordinata Censuram ferendi methodus.*



**C**ENSURA selectim non turbatim ferenda, nec error in fide censeretur debet, ad quem notandum, non pleno consensu suffragia conspirent. Non est enim Theologicæ gravitatis, non est prudentiæ, ut, quæ sit hæretica propositio, Doctorum vulgus numero suffragiorum decidat, nullo discrimine docti & indocti, æqui & iniqui, integri & suspecti, veterani & tyrones, canitie venerandi, & adolescentuli Magistri. Quid enim, si pars quæ te hæreticum cupit, duobus vel etiam vno suffragio alteram vincat, an necessitate ineluctabili hæreticus sis? Fortassis suffragium illud, quod superest alteri parti, hominis est perversi, partibus addicti, ignari, cuius sententia non pluri fieri, quàm stipitis, debeat. Nihil refert, sortem movet ordine nemo. Hæc Sorbonica lex.

### R E S P O N S I O.

**D**E MENTIA tua ita ingrauescit, ut potius ad medicos ablegandus videaris, quàm argumentis reuincendus. Quid enim sibi vult barbarica ista & ferina furentis animi loquacitas, in qua notam illam hæreticorum, nascente adhuc & feruescente hæresi, rabiem audire videmur, Catholicos homines, integerrimos, & laudatissimos, sine fræno pudoris proterentem? Quamquam nullius hæretici facile reperietur tam crassa & inaudita, & omni ingenij ac rationis luce orbata, impotentia. Despecta igitur, & detestata tam enormi affectuum tuorum anomaliâ, quæ nullius ope in gyrum rationis redigi possit, dicimus breviter pro sacra Theologiæ Facultate Parisiensi; Antiquam consuetudinem eius, qua, singulis Doctoribus Facultatis sententiam dicentibus, res pluribus suffragiis decernuntur, adeo efferationi consonam, æquam, simplicem, probatam, ut omnium Societatum, tum sæcularium, tum Ecclesiasticarum, tum Regularium perpetuo usu confirmetur, nec improbari possit, nisi ab homine, qui contra omnes hominum cœtus, & ipsam quodammodo naturam vniuersam, more Gigantum, pugnare velit. Sic in Regum Principumque consiliis, sic in iuridicis Senatibus, sic in Conciliis Ecclesiæ, tum Oecumenicis, tum Prouincialibus, sic in Regularium Capitulis, ab antiquo observatur; sic in ipso denique Summi Pontificis, & Eminentissimorum Cardinalium consensu agendum esse, decretum est Summorum Pontificum Diplomatis, quibus statuitur, ut quod maiori parti Cardinalium visum erit, ratum sit.

*Vid. Bullam  
Pg IV. 79.  
& Pg V. 23.*

*Mariana  
lib. de regim.  
Societ. c. 10.*

*Ibid.*

*Idem cap. 11.*

Nec vlla est cuiuscumque ordinis benè composita Societas, in qua hæc non vigeat consilij publici capiendi ratio, nisi sola Iesuitarum, in qua Monarchia Generalis in totum Societatis corpus, & Prouincialium in suam cuiusque Prouinciam Dominatio ita inualuit, vt ab ea omnium malorum, turbarumque, ac motuum Societatis originem, Mariana fluere dicat: *Monarchia istiusmodi, ferus, inquit, apert est, quacumque gressum facit, omnia protegens; quo nisi compresso, nihil quietis sperare possumus.* Addit eam primùm ita temperatam fuisse à fundatore Societatis, vt res perpetua in generali congregatione statuerentur, quotidiana ac temporaria ab omnibus, quos in quoque loco adesse contingeret, ubi Generalis versaretur; vtræque verò plurimum suffragiorum calculis. Eam verò rationem ita deinde mutatam esse, & in puram absolutamque Monarchiam abiisse queritur, vt quamvis plurimis legibus ultra modum, inquit, abundemus, Generalis tamen nullam earum respiciat, seu in postulationibus admittendis, seu in tribuendis muneribus, seu in constituendis Collegiis, aliisque rebus innumeris. Deinde, Videmus in Prouinciis omnia ad Prouincialis, duorumque, aut trium fiduciariorum ipsius literas statui, contemptis aliis, licet per omnia potioribus. Et quamvis omnes vnius sententia ac suffragij essent, Superior contrariam sequi potest, & vulgò sequitur, ex quo graues in omnium animis offensiones existunt. Hanc nimirum Tyrannidis Monarchicæ, seu Monarchiæ in Tyrannidem delapsæ consuetudinem in tua Societate vigentem, tibi notam & domesticam, cui soli assuetus & innutritus es, quam solam nosti & experiris, miraris ab aliis Societatibus abesse, atque à Sorbona exulare, licet cordatissimi quique tuorum Sodalium, mala omnia quæ apud vos sunt, & libellorum fortasse istorum totiusque vestræ Anglicanæ turbationis improbitatem, ab isto fonte scaterere fateantur. Eam verò disciplinam reprehendis, quam omnes omnino reliqui ceterus, & ipse vester primus parens, in vestram quoque Societatem induxerat, & à qua mutata vos semper in deterius sublapsi estis, & etiamnum languetis.

Isto autem regimine discrimen nullum haberi docti & indocti, equi & iniqui, integri & suspecti, veterani & tyronis, canicie venerandi & adolescentuli, vt mira verborum intemperantia prædicas, non est reprehensio, quæ magis Facultati obtendi possit quàm omnibus quibuscumque Conuentibus, & Regularium nominatim plerorumque Capitulis, in quæ veriùs, aut saltem speciosius exprobratio tua cadere posset, si quicquam virium, aut iudicij haberet. Est verò cuiusque benè institutæ Societatis: Est in primis Sorbonicæ familiæ, & Parisiensis Facultatis dare operam, ne quem indignum se, indoctum, iniquum, immaturum, aut vlla re ad tantum ordinis sustinendam integritatem imparatiorem. cooptet. Quod ab ista quidem Facultate, eo studio, eaque supra cuiuscumque Academia disciplinam cautione ac diligentia iam olim obleruari perspicuum, & publicè notum est, vt maxima sit apud omnes animi tui, excussio mentis iugo, longè latèque per inuias hominibus vias prouolantis declaratio, quòd scribere non metuas, esse in tanta Facultate vltos homines peruersos, partibus addictos, ignaros, quorum sententia non pluris fieri quàm stipulis debeat. Quæ vox non nisi hominis, improbitate ac peruersitate delirantis, & penitus deplorati esse potest. Quis enim belluino huiusmodi boatu, verius quam humana



voce maculauit adhuc chartas, lectorumque animos percussit? Perge, perge sane talia monstra pangere. Nulla tibi poena dignior, nec tuæ Societati, pro tam insolitarum stolidarumque Satyrarum assensu & plausu, infamia grauior quæri potest.

Quod verò iterum Facultatis Parisiensis amplitudinem in contemptum rapis, contumeliæque causa *Doctorem vulgus* eam dicis, ut Censuram quæ à tot tantorumque hominum vno consensu summam auctoritatem habet, tu ab hac ipsa consentienti multitudine despicabilem esse mira vertigine probes, videris de industria præuaricari, & animi tui labes ostentare. Primum paucitatem ei objectasti, *Sorbonæ particulam* eam vocans; deinde multitudinem iterum objicis, dominantibus nimirum in te per vices affectionibus huc illuc raptus, sine arbitrio vlllo tuo, aut potestate. Talem multitudinem ac turbam objiciebat olim, ut ante diximus, Concilio Ephesino Nestorianorum Pseudo-Synodus, & quicumque vnquam hæretici, suorum paucitate laborarunt, tali sese ludificatione tegere conati sunt. Gersonis tempore, quo tu ipse fassus es Censuras ab hac Facultate diligentissimè & summa grauitate ferri solitas, longè plerumque amplior numerus in Facultate, & in Censuris edendis versatus est. Nam in damnatione errorum Ioannis Parui Franciscani, qui Principum minorum cædes probabat & suadebat, ille adfuisse testatur Facultati, centum & quadraginta vnum Theologos: *Manet*, inquit, *in robore suo detestatio falsitatis & heretica prauitatis. Manet approbatio tam sollemnis sacre Theologica Facultatis in Vniuersitate Parisiensi, cui centum & quadraginta unus Theologi, se manibus propriis subscripserunt.* Nec pauciores in ea fuisse apparet ætate Ioannis Majoris, cum ille scriberet plures exercitatos Theologos esse in Parisiensi vna Facultate, quàm in duobus vel tribus regnis, qui locus antè prolatus est. Illis verò temporibus quàm floruerit non solum Facultas, sed cuncta Vniuersitas Parisiensis, & quantà apud Catholicas gentes famâ & gloriâ fuerit, ita notum, & illustre est, ut ignorari nequeat. Non igitur exprobrari potest Facultati, sine præpostera temeritate, amplissima illa copia Theologorum, qua ea cum maximè floret, tum maximè abundare contueuit, in eoque cæteris Academiis præfulget. Confluente enim vndique ad Theologicæ Scholæ huius stadium lectissimo, ingeniorum, omniumque ordinum, & nobilissimarum toto regno familiarum delectu, certantibus assidua studiorum contentione peritissimis hominibus, tanta omnium quibus ad Theologiæ fastigium itur præsidiorum copia instructis, illa existit vberissima seges, vnde Parisiensis Facultas egregio illo Theologorum fœtu exuberat, ad quem nulla facile alia Facultas aspirare vnquam potuit.

Nec est quod iis adolescentiam impropere, cum isto verbo, non tam eos, aut Parisiensem Facultatem, quàm Ecclesiam vniuersam Catholicamque sugilles. Cum enim Facultas non minorem ad Theologiæ Licentiam, quàm Ecclesia ad Sacerdotium ætatem præfiniat, nec alij ab ea ad Theologiæ lauream admittantur, quàm quos Ecclesia diuinis altaribus iam admouit, quomodo Facultatem aspernari potes, quod eos Doctores habeat, nisi Ecclesiam multo magis aspernari velis, quod eos habeat sacerdotes, quæ dignitas tanto altior & diuinior est? Quod si ea quæ Facultas

In Causa 2.  
sub fin.

Vid. epist.  
Ioan. Antioch.  
& schismat. ad Imperatores, in  
Conciliab.  
Ephes. 10. 2.  
Conc.

In 1. Causa,  
supra.  
Gerson in  
diat. Apolog.  
10. 3.

Majorine.  
18. Matt.

1. Tim. 4.  
Si Ignat. ep.  
ad Magnes.

Ambros. l. 3.  
epist. 21. ad  
Apostolum.

Psalm. 41.

à Candidatis exigere, & tanto studio ac tempore explorare consuevit, in ipso ætatis flore, præcurrente annos animo, reperiri contingat, qui talem adolescentiam contemptu, & non singulari potius laude quadam admirationeque afficiat, quòd utriusque simul ætatis ornamenta complexa sit, adolescentiæ vigorem & senectutis maturitatem? Quare adolescentiam Episcopi contemni vetat Apostolus, *Adolescentiam tuam nemo contemnat.* Et post eum Ignatius: *Decet ætatem Episcopi non contemnere, sed ex voluntate Dei Patri omnem ei observantiam dependere, quemadmodum scio facere sanctos Presbyteros, non adolescentiam quæ cernitur, sed sapientiam, quæ in Deo est, intuentes.* Nec enim annosi sapientes sunt, nec senes prudentiam sciunt, sed spiritus qui in hominibus viget. Eleganter item Ambrosius: *Verè senectus illa venerabilis, quæ non canis, sed meritis albescit. Ea est enim reuerenda canities, quæ est canities animæ, in canis cogitationibus & operibus effulgens.* Nec plura proferre necesse est ex sanctis Patribus, apud quos tam multa in hanc sententiam passim occurrunt, tam fortia, ut adolescentiam senectuti interdum præferre videantur. Scriptura quidem vetustati omnem humanam labem deputat, cuiuscumque demùm ea sit ætatis, iuventuti omnem virtutem diuinæque omnes dotes, quibus homo renouatur & adolescit, quacumque in ætate versetur. Hinc cani quotidie sacerdotes, illud apud Deum canunt: *Qui latificat iuventutem meam.*

Almain. lib.  
de Autor.  
Eccl. c. ult.

Quod si Floydus scire cupiat cuiusmodi adolescentes admitti soleant à Parisiensi Facultate, meminerit D. Thomam admodum iuuenem olim ab ea cooptatum, & antè tamen, cum Baccalaureus esset, scripsisse commentarios in quatuor libros sententiarum, qui extant. Si verò longinqua sita putet, meminerit superiori sæculo Iacobum Almainum, librum suum de Ecclesia, quem scripsit aduersus Caietanum, hoc modo conclusisse, quòd Caietanus ætatis suæ annos libro suo subscripsisset: *Hæc scripsi Parisius, contra quædam asserta à Fratre Thoma de Vio in tractatu quodam, quem, ut ipse testatur, scripsit anno salutis M. D. XI. ætatis suæ XLIII. Et hæc scripsi anno Dom. M. D. XII. Doctoratus mei anno 1. mense 11. De ætate verò, ne vento gloria agitari videar, taceo.* Hoc idem etiamnum plerique istorum, quos cæco odio contemnis, sed re ipsa minimè contemnendos experiris, scribere in te possent, nisi libellorum tuorum supina inscitia tanta esset, ut satis pateat nihil ab eo capite, unde illi prodierint, manare posse, quod non sua sponte contemnendum sit, sine maiore vlla disquisitione. Optandi vobis essent istiusmodi iuvenes, quibus Cathedras tum Theologicas, tum concionales committeretis, quas implere vos constat sæpissimè recentibus è ludo puerili magistrellis, quibuscum præclarè agi videtur, si scholæ Rhetorices priori anno præfuerint, quàm explanandæ sacræ Scripturæ præficerentur. Eos verò eximios habere soletis, qui è Philosophiæ ludo ad publicam scholasticæ professionem assumuntur. Scripturarum enim intelligentiam in Grammaticæ Græcæ, aut fortasse Hebræicæ notitia sitam esse ducitis; Theologiæ verò peritiam in Philosophiæ cognitione. Hinc vobis è ludicris Rhetoricæ ac Philosophiæ spatiis repentini isti Scripturarum & Theologiæ enarratores, quasi fungi vno mane succrescunt, & Grammaticali supercilio Scripturas & Patres Græcos, Philosophico Theologiæ mysteria contaminant iis vitiis & erroribus,

ribus, quos eruditi homines & Ecclesiæ doctrinæ perenni assueti, ægrè iam pridem tolerant, & breui fortassis Ecclesiæ Catholicæ oculis exponant.

## I E S V I T A.



**H**oc egò non dicerem, nisi ipsi scriberent, decretaque hinc sua prodiisse infamia. Audi M. Arnaldum magnæ in Sorbona auctoritatis, & Authorem orationis ad Christianissimum Regem, nomine Vniuersitatis Parisiensis, quorum altera vehementer instat vt Iesuitæ ejiciantur, altera ne reducantur in Galliam: hoc est, audi quid de sua methodo ferendi Censuras Sorbona ipsa fateatur. Anno, inquit, Domini 1589. cum excommunicatio in defunctum Regem (Henricum tertium) piæ memoriæ fuit allata, & in Sorbona quaesitum esset, utrum potestatem istam haberet Pontifex, continuò Doctores antiqui, Faber Syndicus, Camusius, Chabotus, Faber Curio sancti Pauli, Chanagnacus, omnesque alij vetustiores, & bona notæ fortiter resisterunt. Sed benè prospectum erat huic choragio; omnes enim iuuenes qui apud Iesuitas Theologiæ studuerant, Boucherus, Pichinatus, Varades, Semella, Cullius, Aubourius, & alij innumerabiles vicerunt pluribus suffragiis contra verbum Dei, & omnia axiomata Galliae. Vides, lector, vt suum de rebus fidei censendi morem Facultas ipsa Parisiensis retegat. Censuram à confuso Magistrorum vulgo ferri in quo nihil doctus indocto, senior iuniori, veteranus nouitio præstet: Censura, quæ pluribus suffragiis vincit, licet à iunioribus lata & indoctissimis triumphat. Quàm ridiculum, ommissa Petri cathedra, ab hac tripode Catholicis gentibus fidei oracula petere?

Oratio  
Magistri  
Arnaldi,  
pag. 14.

Ingenua &  
vera oratio  
ad Regem  
Christianiss.

per scripta de  
eo quod po-  
stulatur vt  
Iesuita resi-  
stunt in  
regno Gallia.

Pag. 8.

## R E S P O N S I O.

**Q**UID dicam ad fædissimas prolapsiones, in quibus nescio incredibilem temeritatem tuam ridere debeam an deslere? D. Arnaldum, Parisiensis fori nobilem Aduocatum, pro Theologo Sorbonico circumfers, quòd videlicet orationem ab eo pro Academia in Senatu Parisiensi, non ad Christianissimum Regem, vt ineptè blateras, habitam in lite cum Iesuitis, Academiae nata, *Magistri Antony Arnaldi* titulo inscriptam legeris. Hinc, quia Doctores Parisienses dici quoque *Magistros* audis, necessariò consequi arbitratus es, vt cum virum Doctorem Sorbonicum faceres, magne nugator, & iocularis rerum Gallicarum hospes, quas tamen non scrutari, non ventilare non potes, sparsas ante triginta annos per Galliam schedulas ridiculi muris intar rodens, vt quoties in earum mentionem incidis, toties effuso in ventum labore irritoque vindictæ impetu, nil nisi risum lucrere. Nam & illam ipsius ingenuam & veram orationem, ex qua locum affers, falsum est nomine Vniuersitatis Parisiensis ab eo habitam. Non te id libelli titulus, non vera vlla ratio docuit, sed vaticinantis animi tui hariolatio. Breue illud scriptum fuit, sine nomine auctoris editum, quasi priuati ciuis monitura ad Regem, cum de vobis ab exilio reuocandis

Q



vehementius vrgeri se pateretur, mirabili clementiae erga vos & humanitatis exemplo. Temerè igitur, ac nimis temerè Sorbonae assignas scripta hominis, cuius nec illae orationes, nec earum autor ipsam attingunt. Prior enim, non pro Theologiae Facultate, sed pro Academia generatim; non ad Regem, sed ad Senatum in causa forensi dicta fuit: Posterior, quam tu vrges, pro nemine alio, sed ne ipso quidem scriptoris nomine, quod ab eo compressum est. Turpe autem in primis sodales tuos, seu Anglicos seu Belgicos, hanc in libello tuo hallucinationem passos esse in nomine clari hominis, vestrae quidem Societati notissimi, tot eius cum variis ipsius alumnis certaminibus, praecipuè cum P. Richeomo, calamo vestro, ut loquimini, aureo, cuius responsiones Antuerpiae editae fuerunt, quamvis eius eloquentia, non minus ab Arnaldi eloquentia abesset, quàm calami ab auro.

Sed condonetur tibi absurdissima temeritas. Quid habes in rem praesentem ex libera ista ingenuaque oratione? Dicitur illic pluribus suffragiis in Facultate actum esse, iuniores senioribus praestitisse. Sed quisnam praeter te ait illam confusam fuisse sententias ferendi rationem, novitios, temerarios, indoctissimos fuisse superiores? Istis ne titulis exornas Boucherum tuum, verè imperitissimae & insanissimae Spongiae tuae, temerarium indoctumque approbatorem? Quis nescit nullam ita exploratam, ita tutam praeclaramque disciplinam fingi posse, è qua non interdum incommoda quapiam, pro humanae naturae instabilitate, consequi possint? Et quamvis in ferendis viritum suffragiis boni nonnunquam deterioribus cedere cogantur, tamen hanc deliberandi consuetudinem omnium certissimam ac tutissimam esse, & ab hoc ipso quod objicis incommodo remotissimam, cum proclivius sit & frequentius ut in pauciorum consilio, quali Iesuitarum Societas subigitur, pauca illa capita vel suo vel alieno motu impulsa exerrent, quàm ut amplissimus deliberantium cœtus, malo consilio, aut malo errore univèrsus occupetur? Facilius enim pauci falluntur quàm plures, vel ad iniquitatem ex compacto consentiunt. Quid si Iesuitarum singulorum sententiae aut testimonia, de coortis pridem, & orientibus, quotidie in Societate vestra detrimentis acurbationibus, ex domestica ista paucorum & plerumque ineptiorum, talibus enim delectari solent dominantes, tyrannide audirentur? Qualia indoctorum, iuniorum, superborum consulta & facinora, nullis novitij olim, ut loqueris, Boucheri tui temeritatibus conferenda, videremus? Longè ergo plura mala metui debere, ex conspirante ista paucorum in consiliis capiendis dominatione, quàm ex liberis totius unius Societatis, praecipuè summo studio curaque selectae, suffragiis, consentiunt sapientes, & saeculorum omnium exempla docuerunt. Nec cuiquam prudenter colligere licet, æquabilem istam & temperatissimam eorum, ad quos ius suffragij pertinet, deliberationem, confusam & turbulentam dici oportere, quod ea quoque interdum, licet omnium rarissimè, nocumtialiquid parere possit. Quis enim ita desipiat, ut dicere ausit commutandam esse Conciliorum Ecclesiae habendorum antiquam diuinamque consuetudinem, qua fidei decreta & Ecclesiae Catholicae mores suffragiorum numero, sine villo Episcoporum discrimine,



iuniorum an seniorum, doctiorum an indoctorum, quales interdum in primis etiam & celeberrimis Conciliis Oecumenicis fuerunt, decerni solent; habendamque esse improuidam, temerariam, confusam, quod ex ea nonnullæ ac graues aliquando labe extiterunt, ut ex Ariminensi, Mediolanensi, Seleuciensi, Trullano, aliisque non paucis? Nimium iniquo odio indulges, Iesuita Floyde, nec vides quæcumque ex imperitiæ pharetra in Parisiensem Facultatem tela depromis, in Ecclesiam Catholicam multò validius perferri. Redi ad te, collige animum, vel potius mentem, nec perniciosissimo armaturæ genere eos, quibus infensus es, impugna; nec ea odia concipe, quibus Ecclesiæ Catholicæ machina dissoluatur. Si quid iniquitatis vnquam versatum est in Facultate Parisiensi, ut tu Arnaldo teste videri cupis, agnoscere debuisti eodem teste, id totum fluxisse à vestra Societate, ab eaque institutos fuisse ad eiusmodi artes istos quos tu *ignaros, novitios, tyrones, indoctissimos* prædicas. Hanc ignorantiam, hoc tyrocinium, hanc temeritatem tibi habe ac tuis, à quibus eam tuo illo teste ipsi acceperant. Quid enim turbatum, quid furor & improbitatum, per illas infelicissimorum temporum tempestates, in miserrima Gallia Socij tui miscuerint & propinarint, nunquam obliuisci potuisset Gallia, nisi clementissimorum Principum humanitate & amnestiæ lege sepultum esset. Imprudentiam tamen temeritatemque tuam tuorumque sodalium nunquam obliuisci debet, qua calamitates illas quarum vos incentores & principes fuistis, & quas ipsa nunquam meminisse decreuerat, impotentis odij cæcitate refricare audetis, qui reliquum vitæ tempus in tantis facinoribus lugendis consumere debuistis.

Vid. Ruffini  
lib. 10. l. 1.  
cap. 3.

## I E S V I T A.



**V** D I O in causa damnationis horum librorum, Regulares Sorbonicos præter vnum aut alterum qui Richeristicæ factionis erant, à conuentibus fuisse exclusos, aliquos etiam de Facultate nobiles Doctores se sponte subtraxisse. Nihilominus inter eos qui superfuere, sententiis certatum est pari propemodum vtriusque suffragiorum numero, cum Censuræ viginti nouem acclamarent, septem supra viginti resisterent. Quæ si vera sunt, si vel vnus ex viginti octo damnatoribus in alteram transisset partem, æquato suffragiorum numero libri damnari non potuissent. Hoc quia vnus ille, fortasse indoctus, & nullius pretij Doctor non fecit, libri ab ipso cœli ingressu ad inferos, præcipitante eos Censura, deciderunt. Tam leui momento Parisienses Rhadamanti, Catholicorum libros hærescos damnant, in orcumque detrudunt, hoc est sui leuitate decreti, non aliis magis quàm sibi infamiam irrogant. Nam quæ fieri potest, ut prudens quispiam Censuram non nauci faciat, in qua pars victrix alteram, non nisi vnus hominis, fortassis omnium ignarissimi, doctrina & ingenio destituti suffragio superauit?

Q ij

## RESPONSIO.

Hier. Apol.  
in Ruff. lib. 3.  
Isa. 28.

Censur.

pag. 9.

pag. 9.

Rom. 16.

**V**SQVE adeo ne obdurasti frontem, ut mendacium ponas spem tuam, & existimes te protegi posse mendacio, & quidquid finxeris, tibi credendum putes? Unde tibi tantum audaciae & stoliditatis, ut ea simules quae falsa nosti, & ea falsa proferas, quae omnium testimoniis, & publica ipsa Facultatis declaratione, confunduntur? Quot verba facis, tot penè fundis mendacia; quot mendacia, totidem stupores. Et tamen eos qui tam desperata flagitia auersantur, ignarissimos, doctrina & ingenio destitutos dices? Et grauiissimis viris ingenium, ac nomen suum eadem ferociae stoliditate eripies, qua tuum iam pridem amisisti? Mentem mentem habeat oportet, Iesuita Floyde, qui mentem alteri iudicio suo auferre velit. Sicut enim nemo dat quod non habet, ita in hoc genere, nemo aufert id quo caret. Dementia verò mendacia patefacimus primùm, apertissima professione Facultatis in Censurae praefatione, qua declaratur Censuras, auditis omnium & singulorum Doctorum suffragiis ac sententiis probatas fuisse: Censuram Nicolai Smithae unanimi consensu peractam, conclusam, probatam atque confirmatam. De libro autem Danielis à Iesu, Facultatem notatas propositiones seuerissima condemnatione perstringendas iudicauisse, earumque Censuram unanimi votorum consensione laudasse, probasse, probatam iterum legi iussisse, confirmauisse, & cum superioribus Censuris quamprimùm excudi voluisse. Hæc tu oculis vides, & auditionum rumusculos obtrudis à te impudenter fictos, ut miseram gregalium tuorum in Anglia plebeculam capias? Et tanti aestimas paucorum innocentium corda seducere, ut infamiam quæ tibi eodem tempore apud peritiores oboritur, nihil extimescas? Et queri potes libros tuos vilius hominis, quamvis ignarissimi & ingenio destituti suffragio prostratos esse, qui tuo, nempe vnius hominis omnium hominum infimi fide, sensu, mente absurdissimo somnio, tantam Facultatem oppugnas? Quàm enim impudenter ac ridiculè contextis fabulam, ut Censura vnici suffragij prærogatiua, non duorum saltem aut trium, ut probabilius fabulareris, emanarit? Mentiendi habes audaciam, fingendi artem non habes. Quæ enim vnquam in tantæ Facultatis confesso Censura de rebus tantis vnico suffragio perlata est, aut perferri potuit? Quis tantam partium inuicem, & inauditam æquilibrij nouitatem, nisi vnus Floydus excogitet? Vnius Doctoris suffragio, ab ipso cæli aditu ad inferos te precipitatum nugaris; at Doctorum suffragiis dignuses, qui à Theologi professoris nomine, infra Theologici chori fines dejiciare, quem huiusmodi cogitationum ineptiis dedecoras, imò qui ab ipso cæli aditu, nisi mendacij sceditatem seuera pœnitentia diluas, arceare. Quid porro iudicij tibi est, ut eòs à quibus plerisque Doctores à conuentibus exclusos fingis, tam improvidè adornasse dicas eorum, quos metuerent, exclusionem, & eorum quos cuperent admissionem, ut vnico & non magis duobus aut pluribus suffragiis superiores manerent, ne fortè si vnus ab eorum sententia repente deficeret, ut fieri solet in rerum ambiguarum, multo magis in apertè, ut vis, iniquarum, deliberationibus, Censura perferri non posset? Quid verò animi aut fidei constituis in nobilibus illis Doctoribus,

quos similiter comminisceris sese sponte subduxisse, cum suo, si ita sit, recessu æquitatem veritatemque doctrinæ tuæ prodiderint, quam vnico tantum, si adfuissent, suffragio ab inferis ad ipsum cæli ingressum extollere poterunt? Tales tu nobiles præclarosque Doctores appellas? Quis ita abjectissimi susurrarioris, quo sano & vigente nullus æger ineptius delirauit, nánias refellendas putet, quas ille nunquam finxisset, si confictas refellentem capere posset?

Falsum, quemquam exclusum esse à conuentibus Facultatis, vbi delibrorum vestrorum Censuris actum est. Omnes admissi sunt, omnes auditi, omnes de more sententiam rogati, omnes vnanimi consensu doctrinam nouitiam repudiarunt & auersati sunt, nec vlla vnquam, quod constet, Censura Facultatis solennior, & magis consentientibus omnium sensibus prolata est. Quicquid tu contra imponas, *et si coram hominibus dura sit frons tua, erubescit coram Deo mens tua* Nam Regulares Sorbonicos præter unum aut alterum, eosque Richeristicæ, vt improbè maledicis, factionis, repullos fuisse à cœtibus Facultatis facilius pertuaderes, nisi vniuersi Parisiensium familiarum Regulares, non solum Sorbonici, sed etiam alieni, omnes vna mente appolitis chirographis, & libros vestros à Facultate damnatos, & tuam nominatim Spongiam reprobasent. An hos quoque dices esse Richeristicæ factionis, sicut unum illum aut alterum Regularem Sorbonicum, à quo te profligatum fateris? Tantumdem tibi rationis in vituperando est, quantum in laudando. Nec Regularibus faues, nisi quatenus illi tibi; neque eos qui te improbant, alio argumento vituperas, quàm quòd ab iis improberis. Antea Regulares octo aut decem qui libro Nicolai Smithæi sua nomina dederunt, supra totam Parisiensem Facultatem tot Theologis præstantem, & supra Illustrissimum triginta & quinque Archiepiscoporum & Episcoporum confessum impudenter extulisti, non solum autoritate, quod intolerandum, sed etiam numero, quod extremæ dementiæ est, & eos cum bellis istis approbatoribus quasi *uniuersitatem cum particula*, orbem cum angulo aliquo comparasti. Nunc Regulares, à quibus improbatus es, conuitiis appetis, & Richeristicam factionem iis improperas, dignus quem Regulares simul omnes aliique execrentur, vt fallacem, perfidiosum, sui amantem, cuius neque laudes neque vituperia, in iis quos laudat aut vituperat, sed in ipso fundamentum habent; cuius denique tam laudes quàm vituperia offendunt, cum eas commutatis commodorum suorum rationibus subito peruertere paratus sis, & vnde fucata laudum odoramenta sparsisti, inde conuiciorum spurcicias profundere.

Aug. lib. 1.  
cent. Julian.  
cap. 7.

## I E S V I T A.



Exstat apud  
Cardinalem  
Rochefou-  
cant, lib. qui  
dicitur. Rai-  
sons pour  
le d'auueu,  
&c. post finē.

L I V D addere libet exemplum, idque testatissimum, quo perspicuè declaratur, quàm leuiculæ sint nunc dierum Censuræ, quæ tanquam Parisiensis sacrae Theologiæ Facultatis emanant. Rex Christianissimus in declaratione facta 13. Decembris anno 1626. narrat F. Ioannem Testefort Dominicanum Thesim sustinuisse die 26. Nouembris illius anni, qua explicabatur quid sacrae Scripturæ nomine comprehenderetur. Rector Vniuersitatis cui Thesis displicuerat, Comitibus factis illam nomine totius Facultatis Theologiæ damnauit die 3. Decembris eiusdem anni, tanquam statutis Vniuersitatis contrariam, & à veritate alienam. Additum est decreto, vt prædictus F. Ioannes Testefort intra tres dies ab intimatione Decreti ipsi facta Palinodiam canere publicè teneretur; ni faceret, omni iure, titulo, beneficio, libertate, ordine, & gradu quem prius in Vniuersitate obtinuerat, statim perpetuò excideret. Sed quid? ille conuentus à quo decretum istiusmodi perlatum est, Theologiæ Vniuersitatis nomen vlturpans, ex Magistris Artium & Medicinæ, Theologiæ prorsus ignaris magna ex parte constabat, facinus quod Rex Christianissimus meritò appellat *rem, qua magis perniciosi exempli nulla ne cogitari quidem possit.* Et tamen huiusmodi decreta iure Sorbonico nunc dierum constant, valuisseque in prædictum Testefort decretum, nisi Rex illud sua autoritate cassasset. Censuras Vniuersitatis, quæ hac methodo & ratione statui possunt & solent, quis non meritò despiciat, risuque quàm reuerentia digniores existimet? In Sorbona dominantibus Richeristis iam fit, quod apud Athenienses fieri Anacharsis indignabatur, *Docti causas dicunt, stulti iudicant.* Vos toto orbe Theologi, scriptis & sacrarum litterarum professione clarissimi Parisios accedite, à Richeristis medicinæ peritis (si tamen omnes periti) sententiam pro tanti grauitate senatus accepturi, qua vel hæretici vel Catholici censeamini.

*Confedere duces, tu surgis pallidus Ajax*

*Dicturus dubia pro libertate, bubulco iudice.*

Hoc decretum quo libri Anglicani proscripti, quis nouit an non fuerit à Richeristica factionis Magistris Artium & Medicinæ, Regularibus à suffragio exclusis, magna ex parte constitutum?

## R E S P O N S I O.

Petr. Bles.  
epist. 91.

S I C V T plena vento vesicula detumescit, si acumodicâ perforetur; sic uno verbulo de follibus imperiti gutturis, ventum loquacitatis excutiam. Dic enim fodes, decretum istud in F. Ioannem Testefort Dominicanum à Theologiæ Facultate conditum est, an non? Conditum ab ea dicere non potes, cum ideo spernendum contendas, quod fuerit à *Magistris Artium & Medicina, Theologiæ prorsus ignaris*, constitutum. Quod si istud decretum non



fuit Theologicæ Facultatis, nec ab ea emissum est, nec eius nomen præ se fert, ut Censura in te lata, quid fiet incredibili & perenni isti temeritati, quæ ex eiusmodi decreto, Censuras Theologicæ totius Facultatis auctoritate prolatas, labefactare nititur tanta fiducia, satyricæque procaciæ indignitate? An si quid *Magistri artium & Medicina, Theologia prorsus ignari* peccarint, peccati eorum pœnam luet, te iudice, Theologiæ Facultas? Et si hominum *Theologia imperitorum* iudicium de rebus Theologicis spernendum sit, ideo præstantissimæ Theologicæ Facultatis de iisdem solennis Censura spernenda esse efficitur? Vbi mens Iesuitæ Floyd? Vbi oculi? Vbi sensus? Vbi aptius quàm hîc locandum est illud eius apophthegma, *Docti causas dicunt, stulti iudicant*? Vbi absurdius crassum illud ac pingue maledictum, quo Censores suos *bubulcis* comparat, quasi bouem se faceret quem illi Censuris stimularint? Iure saltem *Aiacis pallidi* personam sibi induit in satyrica ista scena, quia cùm in mendaciis & insultationibus assiduis nihil coloris habeat, in argumentando nihil mentis, vehementer metuendum est, ne is eum maneat exitus, quem Aiæ præ dolore deliranti fictæ fabulæ dederunt. Hæc dicta sint, ad indignæ & penitus inhumanæ blaterationis tuæ confusionem, ut videas res tuas ita contractas esse, ut si tibi ea quæ sumis concedantur, nihilo minor tibi tecum ipso, quàm cum aduersario pugna futura sit.

Nam quæ de causa F. Ioannis Testefort à te narrentur, aliena omnia & subditicia sunt: cuius vitij culpa, non tibi fortassis externo homini tam assignari debet, quàm iis qui rem falsam primùm ad Regem deferre ausi sunt, deinde falsam euulgarunt, nec tibi exponere curarunt, veritatis, quam certè norant, parùm solliciti. Sodales tuos dico; quos quid de negotio Ioannis Testefort in aula regia, & in Academia verè contigerit, latere non potest, cùm multo occultiora scrutentur. Constat F. Ioannem Testefort Dominicanum Thesin primum Theologicam confecisse, quam in Scholis Sorbonicis pro Maiore ordinaria tueretur. Ea cùm quibusdam Facultatis Doctoribus improbanda visa esset, monita ab iis in comitiis proximis Facultas Thesin damnauit, & *nullo modo tolerandam* censuit 1. Decembris anni 1626. ut ex tabulis Facultatis liquet. Tertio post die, qui fuit 3. Decembris, conuocata à Rectore in Maturinensium ædem Academia, cui interfuerunt primo loco, ut solet, certi Theologiæ Doctores, secundo Canonistæ, tertio Medicus tantum vnus, tum Procuratores nationum ex artium Facultate, ac deinceps alij qui eiusmodi conuentibus adesse consueuerunt. Horum ex Artium Facultate, plerique Theologiæ Licentiati erant, & in primis Rector, alij Baccalaurei, vixque in eo numero vnus aut alter notari poterat, qui nullo maiore quàm Magistri artium honore esset. Hoc autem in cœtu maximam partem è Theologis, non ut tu refert, è *Medicis & Magistris artium, Theologia ignavissimis*, collecto quid tandem actum est? Num quæ fidei controuersia dirempta? Num quod Theologiæ caput constitutum? Nihil minus. Sententia, quam Theologica Facultas de Thesi Ioannis Testefort antè tulerat, sancita & collaudata, ex eaque ipsi Testefort indictum, ut propositam à se doctrinam, à Theologiæ Facultate damnatam, intra quartum diem reprobareret, vel honoribus ac

privilegiis Academiae excideret, de antiquo & vulgato more omnium; in eiusmodi causis, Academiarum. Quid hic vides, Floyde, quod non illi ipsi, quos ais, *Medicinarum & artium magistri, Theologiae ignarissimi* decernere potuerint? Quid porro vides, quod à Theologis penè omnibus, & Theologiae peritissimis non sit decretum? Si rem in hunc modum gestam, & hoc quo gesta est ordine ad Regem pertulissent iniqui Academiae homines, oblata sibi per causam subleuandi Testefort oppugnandae Vniuersitatis, quam oderant, occasione gestientes, non grauem ipsi inaudita inuocataque iniuriam, per improbam regij nominis regiarumque literarum ludificationem, imposuissent. Passa est autem diutius hanc labem Academia, obstrueto sibi implorandae regiae fidei aditu, eorundem operâ qui hoc ei mali creauerant, donec anno tandem 1631. de tota re, vti contigerat, certior Rex effectus, agnitaque Academiae innocentia & causae eius æquitate, literas priores illas perperam extortas antiquauit, prolata in consilio regio suprema regio ore sententia, die 8. Iulij in castro S. Germani, & Academiam in integrum restituit. Ille autem Ioannes Testefort iam antè anno 1627. mense Decembri, criminum causa primùm ex Facultatis gremio depulsus, deinde ex Vniuersitatis, denique à familiae suae praefectis è Parisiensi domo ablegatus erat. In causa ista hæc erant, Iesuita Floyde; quorum ignoratio tibi fortè condonari posset, nisi temeritate nimia ultra prudentis hominis metas progressus esses, & decretum illud Vniuersitatis à Rectore nomine totius Facultatis Theologicae factum esse, imò, quod ineptius, illum conuentum à quo decretum istiusmodi peractum est, **THEOLOGICÆ VNIVERSITATIS** nomen usurpasse, quod nomen in Academiis nunquam auditum est, tua sponte commentus esses, sine vlllo istarum ipsarum, quas profers, literarum postmodum antiquatarum & rescissarum testimonio; ac per hoc ficta & adumbrata, partim ab aliis, partim à te decreti illius iniquitate Censuras omnes Theologicae Facultatis, & hanc nominatim, quæ tanta cautione ac diligentia, rogatis omnium singulorumque Doctorum sententiis, pleno omnium consensu, nemine refragante, solenniter lata, & omnium Galliae Archiepiscoporum & Episcoporum iudiciis confirmata est, in contemptum adducere gestiisses.



# IESVITA.

## QVARTA CAUSA.

*Vsurpatio potestatis Summo Pontifici propria.*

**T**HEOLOGICÆ Facultates, & Episcopi summo inferiores, non possunt propositiones, quæ vulgò disputantur apud Theologos in utramque partem, hæreticas declarare: Id si faciunt, summi Pontificis officium usurpant, & schismatum ansum præbent. Hoc verissimum documentum, quod ut sciant, multum Parisiensium interest, non à me audiant, sed à suo Cancellario Gerson: *Aliqua*, inquit, *sunt doctrinae palam hæreticales apud omnes; alia dubia simplicibus, sed manifesta sapientibus & peritis; tertia veluti neutra, habentes pro se Doctores, rationibus ad utramque partem probabilibus, nec in una tantum Diœcesi vel paucis, sed apud omnes Christianos aut longè plurimos. Est ergo veritas, quod in primis & secundis autoritas inferiorum Prælatorum se extendit, & ad suos tantummodo: in tertiis verò nequaquam, quoniam merito dicuntur maiores causa fidei, propter difficultatem decisionis cum periculo scandali, ideo sunt ad sedem Apostolicam referenda iuxta illud, si quod ambiguum vel difficile, vocans causam grandem, non ratione materiae, sed ambiguae difficultatis interminatione.*

### R E S P O N S I O.

**A** Contumeliis digrederis ad imperitias. Verè enim imperitia te labi hoc loco dicimus, non ut passim, audacia aut malevolentia cæcitate. Non vides planè quid dicas, & Theologicas omnes Facultates, ac Ecclesiae vniuersos Episcopos eo modo vexas, quo Iudæi Christum Episcoporum Principem, ignorantia & caligine animi. *Non enim sciunt, inquit, Luc. 23. quid faciunt: Et, hæc est potestas tenebrarum. Ridiculum in primis ex vno Ger-* Luc. 22. *sonis, quem non intelligis, & quamuis intelligeres, tamen ex illo vno, postremorum sæculorum autore, ante ducentos annos nato, perpetuam & Ecclesiae Catholicae ætati æqualem Episcoporum Catholicorum potestatem metiri. Quasi illo vno iudice de re tanta, ab antiquo & perenni Ecclesiasticæ traditionis usu spectanda, statui posset. Hoc primum inscitiae tuae vestigium, imò temeritatis: quòd de rebus tibi ignotissimis, in sola Dei Ecclesiaeque autoritate positis, sine testibus, sine autoritatibus, sine iudicio loqui audes, à præsidiis omnibus, ad quaestionis istius enodationem necessariis, imparatissimus.*

Ne nomen quidem rei, de qua differis nosti, nec omnino quid sit causa maior intelligis. Nam si intelligeres, aliter saperes, prudentius loquereris. Quis enim præter te eamdem causam maiorem putauit, quæ à Theo-

logis ambiguit in utramque partem ventilatur? Nec hoc, ait Gerson, nec quisquam alius hoc è verbis eius eliciat, nec quisquam nisi tu, ita existimet. Quamquam, ut omnia tibi demus, quò deinde æquius omnia tibi auferamus, ne quidem si ita foret, hinc effici à te posset, doctrinæ vestrae iudicium ad solum summum Pontificem pertinere; cum in damnatis ab Illustrissimis Episcopis, & à sacra Facultate capitibus eius, nullum sit, quod à probato vllò Theologo ante vos sit assertum; ut nostris ad Spongiam tuam responsionibus satis declaratum est, & amplius alibi declarabitur. Et quò apertius argumentationis tuæ inanitatem videas, hoc amplius addo, ne quidem si damnatae propositiones impune à Theologis, & maioris nominis Theologis, quàm vlli sint tui approbatores, utrimque disceptarentur, fas tibi fore earum iudicium, vel Ecclesiae Catholicae Episcopis, vel Catholicis Theologorum Facultatibus adimere, solique Romano Pontifici vindicare. Quia nempe multae sunt eiusmodi Doctrinae, quas privati Theologi, tui sodales, tu ipse, grauib; interdum notis sine vlla dubitatione circumscribitis; quarum proinde iudicium amplissimis Theologorum Facultatibus, multoque magis Ecclesiae Patribus & Episcopis, abrogare non potestis. Habes exempla perspicua superius in praefatione. Ex quibus discere potes, non ideo doctrinam quampiam dubiam effici aut minui autoritate, quòd in eam privati homines, etiam doctrina, ingenio, nomine cæteroquin clari, humano errore impegerint, & aduersum dogma pro vero putarint. Si enim constet antiquae Ecclesiae traditionem, sanctorumque Patrum & Conciliorum sensus ab iis abhorre, nihil ponderis nec momenti habet, apud veritatis amantes & antiquae grauitatis Theologos, istorum nominis quantacunque iactatio, nec infringendae aut obnubilandae auctae Theologiae sufficit, nisi fortè apud semidoctos, aut contentiones quàm veritatis studiosiores. Qui enim à luce in caliginem abeunt, non luci obscuritatem, sed sibi pariunt, ipsa per se luce, illis interim obnubilatis, fulgente & micante. Stat certa & inuicta & splendida Ecclesiasticae veritatis autoritas, nec humanis praëiudiciis premi potest, aduersus quam ipsae inferi portae non praeualebunt. Quare prudenter admodum Gerson, in loco quem citas, non ait eas esse ambiguas propositiones; quas Doctores tantum in utramque partem tueantur, sed quas tueantur *rationibus in utramque partem probabilibus, nec in una tantum Diocesi vel paucis, sed apud omnes Christianos aut longè plurimos.* Vnde patet cum loqui de doctrinis, de quibus nihil nec in scripturis, nec in Ecclesiae Sanctorumque traditione clarè constitutum extet, non de quibus manifesta antiquitatis Ecclesiae iudicia habeamus, & cui ex contraria parte, sola nouorum Theologorum nomina, à vetere norma humanitus lapsorum, opponantur. Nam doctrinæ Ioannis Parui, quam Facultas & Episcopus Parisiensis Gersonis ætate damnarant, non pauciores, imò longè plures quatuor ordinum Mendicantium Theologos patrocinatos esse, quàm haeresibus nunc vestris lenocinentur, ipsemet testis est, & talium conspirationum neglegendarum autor.

*Vid. Gerson.  
in dialog. A-  
polog. tom. 3.*

Postremò, ut te vndique, ante ipsum de re summa certamen, velitatoria prolusione decutiamus, ac tuis quidem telis, ad ridicula imbecillitatis



tuz demonstrationem: Si Theologicis Facultatibus, si celeberrimæ Facultati Parisiensi, & quod multo maius, si tot Archiepiscopis & Episcopis non licuit de doctrina vestra, quia videlicet dubia & ambigua & utrimque à Theologis asserta, pronuntiare; Cur tu, seuerè censor, cur sodales tui, tanta cura, tanto ambitu iudicium eius ad priuatos Theologos, & ad quasdam Germaniæ Facultates detulisti? Si res est tota Pontificiæ potestatis, si ab inferioribus non solum Theologis, sed etiam Episcopis, in neutram partem attingi potest, cur à tuis dijudicatur, non solum Episcopali tot Antistitum dignitate, sed etiam Parisiensis Facultatis autoritate, longè minoribus? Cur ab istis Germaniæ Facultatibus, captiuis vestris, herili vestro nuru, absoluitur & probatur? Eiusdem enim potestatis est damnare, & absoluerè. Nec minus Pontificiæ maiestati iniurius est, qui propria ipsi autoritate ad absoluerè utitur, quàm ad damnandum. Quid ergo est? De causis maioribus summo Pontifici reseruatis inferiores iudices, nullo etiam in Ecclesia nomine ac dignitate, iudicandi potestatem habent, ubi vobis commodum est, ubi noxium, carent? Pro vobis infringere licet Pontificiæ autoritatis fines, aduersum vos non licet? Pro vobis licet etiam hominibus ignotis, aduersum vos non licet celeberrimæ & nobilissimæ Theologorum Facultati? imò non licet vllis Ecclesiæ Catholicæ Episcopis, ac Præpositis summo Pontifice minoribus? Pudeat ineptissimæ absurditatis, ad quam vos omnes vestri amor mira cæcitate detulit, ut pateat vos non quid æquum, rectum, legitimumque sit, sed quid vobis commodum & appositum, cogitare. Ex quo fit ut in turpissimam illam Iudæorum reprehensionem incidatis, *In quo iudicas alterum, teipsum condemnas: Eadem enim sententia que iudicas.* L. 6. §. 1. ff. de officio Præcons. l. 37 ff. de reg. iuris.

Verùm ut ab imperitiis ineptiisque tuis ad rem ipsam tandem accedamus, & de causis maioribus quid sentiendum sit, ex antiquæ disciplinæ autoritate reperamus; Notum est *causarum maiorum minorumque* nomina, manare ab illo consilio Iethro cognati Moysis, de seligendis inferioribus sub Moysè iudicibus, qui *quicquid maius esset referrent ad eum, & ipsi minora tantummodo iudicarent.* Exod. 18. Huiusmodi verò *causarum* etsi discrimen & usus ab initio in Ecclesia fuerit, *maiorum* tamen *causarum* nomine, sicut neminem; ante Innocentium Pontificem, in Ecclesia usum esse constat (superiorum enim Pontificum Epistolarum ubi nomen istud reperitur, minus explorata est apud eruditos fides) ita post eum crebrior earum mentio esse cepit, sed, ferè in Epistolis Romanorum Pontificum, ut ex B. Leonis, Zosimi, Gelasij, Vigiliij, aliorumque Decretis manifestum est. Inferioribus verò ævis, creberrima est eorum nominum usurpatio, in eorundem Pontificum Decretalibus. *Causarum* verò *maiorum* nomine, veteres intellexerunt duo tantum genera *causarum*, quarum aliud in rebus ipsis est, aliud in personis. *Causæ* maiores in rebus sitæ, sunt omnes *causæ* fidei. Sitæ in personis, sunt *causæ* omnes Episcopales, quæ Episcoporum dignitatis locique præcipui gratia, primariæ & maiores semper habitæ sunt. Reliquæ omnes *causæ minores* dicuntur, quia minorum & rerum & personarum. Itaque Clericorum omnium Episcopis inferiorum, & rerum ad fidem non pertinentium, *causæ* minores sunt. Alia est huius nominis acce-

Lucius Papa  
dist. 80. c. 1.  
Clement. ib.  
c. 2. & 6.

*Conc. Arel.* ptio in Conciliis Aurelianensi & Wormatiensi, Nullus sacerdotum, quem-  
*9. c. 2. Conc.* quam recta fidei hominem, pro parvis & leuibus causis à communione suspendat,  
*Vorm. sub* praefer eas culpas, pro quibus antiqui Patres arceri ab Ecclesia iusserint commis-  
*Hadr. 2. c. 13.* tentes. Vbi patet paruas causas intelligi minuscula quæuis errata, & opponi  
 grauioribus peccatis generatim.

*Rom. 1.* Causas autem fidei maiores esse, non solum per se patet, cum fides sit  
 Ecclesiae fundamentum, quo illo constat, quo uiuit & viget; (*influs enim  
 ex fide uiuit*) sed etiam splendidè declaratur à Cœlestino Pontifice ad  
*Co'let. ep. ad* Theodosium Imperatorem; *Theod. Imp.* Maior, inquit, debet vobis esse fidei causa, quàm  
*Conc. Ephes.* regni. Declaratur & ab Innocentio, qui cum docuisset, maiores causas ad se-  
*par. 2. alt. 2.* dem Apostolicam post iudicium Episcopale referendas, deinde docet eiusmodi  
*Innoc. ep. 2.* esse maximè fidei causas; *ad Vitr. c. 3.* Presertim quoties fidei ratio ventilatur, inquit, ar-  
*Idem ep. 31.* bitror omnes Fratres & Coepiscopos nostros non nisi ad Petrum, id est, sui nominis  
*ad Concil.* & honoris autorem referre debere, velut nunc retulit vestra dilectio. Vnde quan-  
*Milenit. qua* to fides & religio, quæ Ecclesiae mens & anima est, rebus omnibus in Ec-  
*est 91. apud* clesia antecellit, tanto fidei causæ maiores aliis, & omnium quodammodo  
*August.* summæ & maximæ habendæ sunt, & semper habitæ fuerunt, ut nullo  
 non loco patet.

Episcoporum etiam causas maioribus annumerari probatur eodem illo  
 testimonio Innocentij Pontificis, quo causas maiores ad sedem Apostoli-  
 cam referendas monet. Causas enim Episcopales in hoc numero esse, &  
 ad sedem Apostolicam referri debere, vna penè vox est Canonum Pa-  
 trumque omnium ea de re loquentium, ut in processu sermonis demon-  
 strabitur. Quare Vigilius Papa, Episcopales causas vocat *summa Episco-*  
*Vigil. ep. 2.* *rum negotia.* Et S. Leo de accusationibus Episcoporum, si fortè inter ipsos  
*S. Leo ep. 82.* qui præsumunt, de maioribus peccatis causa nascatur, quæ prouinciali nequeat exa-  
*ad Anastas.* mine definiri, &c. causas inferiorum Clericorum à causis Episcopalibus, ut  
*Thess. c. 2.* minores à maioribus, diuidit. Latè verò causas Episcoporum esse maiores,  
 probat Nicolaus I. Papa in epistola, quam scripsit ad Galliae Episcopos.  
*Nicol. 1. epist.* Denique idem patet ex omnibus locis, ubi maiores causæ ad sedem Apo-  
*42. ad Epi-* stolicam referendæ dicuntur: Ea enim de causis fidei & Episcopalibus in-  
*scopus Gallia.* telligi, ex iis quæ dicturi sumus, planum erit. Quare in eiusmodi Decre-  
 tis, sæpè coniunguntur causæ fidei & causæ Episcopales, ut in illo Vigiliij,  
*Vigil. epist. 2.* *Ad Ecclesiam Romanam, tam summa Episcoporum negotia, & iudicia, atque*  
*ad Euthym.* *querela, quàm & maiores Ecclesiarum questiones, quasi ad caput, referenda sunt.*  
*Joan. 8. epist.* Et in illo Ioannis Papæ, *Si qua inquisitio de fide, vel fortasse aliarum rerum*  
*93. ad Episco-* *inter Episcopos causa emerferit, quæ discerni difficilior possit, &c. ad nostrum iu-*  
*pum Arelas.* *dicium referatur.* In illo etiam Valentiniani Imperatoris, *Beatissimus Roma-*  
*Valent. Imp.* *ni ciuitatis Episcopus, cui principatum sacerdotij super omnes antiquitas contulit,*  
*ep. ad Theod.* *locum habet ac facultatem de fide, & sacerdotibus iudicandi.* Ut pateat illa dici  
*Conc. Chalc.* maiora negotia, seu maiores causas ad summum sedis Apostolicæ iudi-  
*par. 1.* cium referendas, quæ in fidei, aut in Episcoporum controuersis versan-  
 tur. Atque hinc iam aditus patet ad interiorem quæstionis enodationem.  
 Cum enim de maioribus causis quæramus, earumne iudicia ad solum sum-  
 mum Pontificem, ut Iesuita contendit, an etiam ad Episcopos spectent,  
 & eas causas maiores dici pateat, quæ fidem Ecclesiae, Episcoporumque contro-

controuersias attingunt; eò redigitur quæstio ut videamus, num iudicia de rebus fidei & Episcoporum, soli summo Pontifici, an aliis etiam Episcopis deferri debeant.

Supposita ergo ante omnia, & professa suprema Romani Pontificis in Ecclesiam vniuersam potestate, quæ omnium Episcoporum & aliorum Antistitum iura transcendat, exquirendæ sub illius auspiciis veritati militamus. Ac primùm habemus generales Synodorum Pontificumque constitutiones, quibus causarum omnium iudicium Episcopis, & Synodis Prouincialibus addicitur. Innocentius primus, *Si maiores causa fuerint in medium deuolutæ, ad sedem Apostolicam, sicut Synodus statuit & beata consuetudo* Epist. 2. ad Miltri. c. 3. *exigit, POST IUDICIUM EPISCOPALE* referantur. S. Leo, *De conciliis Episcopalibus non aliud indicimus, quàm SS. Patres salubriter ordinarunt; ut scilicet bini conuentus per annos singulos habeantur, in quibus de omnibus querelis quæ inter diuersos Ecclesiæ ordines nasci assolent, iudicetur.* S. Leo. epist. 82. ad Anast. c. 2. & ref. dist. 28. c. 2. Concilium Chalcedonense, *Decreuit sancta Synodus secundum canones Patrum, bis in anno Episcopos in id ipsum in unaquaque Prouincia conuenire, quo Metropolitanus Episcopus probauerit, & emendare singula, si qua fortassis emerferint.* Conc. Chale. cap. 19. Hadrianus primus, *Omnis accusatio intra Prouinciam terminetur, & ea quæ sunt per unamquamque Prouinciam, ipsius Prouinciæ Synodus dispenset, sicut in Nicæno Concilio constat esse decretum.* Hadrian in Capitul. c. 9. & 10. Ioannes VIII. *Si qua inquisitio de fide, vel fortassis aliarum rerum inter Episcopos causa emerferit, quæ discerni difficiliter possit, collectis XII. Episcopis ventiletur atque decidatur.* Ioan. VIII. epist. 93. ad Episcopum Arlat. Hæc aliaque de omnibus generatim causis maioribus.

De singulis verò seorsim causarum maiorum speciebus, ac primùm de causis fidei, clarissima habemus tum iudicia, tum exempla SS. Patrum, quorum, ne eadem iteremus, quædam suprâ edidimus in responsione ad Querimoniam. Docent enim primùm pluribus locis apertè Scripturæ Deum dedisse Ecclesiæ, *Apostolos, Pastores & Doctores* (quos Episcopos esse consentiunt sancti Patres) *ut non simus paruuli fluctuantes & circumferamur omni vento doctrinæ, in nequitia hominum, in astutia ad circumuentionem erroris.* Ephes. 4. Paulin. epist. 18. apud Augustin. Hinc iussu sunt docere omnes gentes; attendere sibi & doctrinæ; loqui, exhortari, *arguere cum omni imperio, & à nemine contemni.* Aug. ep. 59. ad Paul. 1. Tim. 4. Tit. 2. Nec est quiquam in vtriusque legis voluminibus crebrius & inculcatius, quàm ut Præpositi lupis obstant, sanæque doctrinæ pabulum, depulsis errorum illecebris, purum sincerumque Christi ouibus ministrent. Ideò Bernardus, ut alios omittam, scribens ad Innocentium Papam, *Episcoporum ministerij est, inquit, de dogmatibus iudicare.* Bernard. ep. 189. ad Innocent. Pau. Et Lucius tertius Papa, *Generaliter quoscumque Romana Ecclesia, vel singuli Episcopi, per Dioceses suas cum Concilio Clericorum, vel Clerici ipsi, sede vacante, cum consilio (si oportuerit) vicinorum Episcoporum, hereticos indicauerint, vinculo perpetui Anathematis innodat.* Extra. de heret. c. ad abolendam. 9. Et ante illos Augustinus, conquerentibus Pelagianis, expressa esse à variis Episcopis aduersum se, sine Synodi congregatione, suffragia, *Quasi nulla hæresis aliquando, inquit, nisi Synodi congregatione damnata sit.* Aug. lib. 4. ad Bonifac. cap. 11. Cum potius rarissima inueniantur, propter quas damnandas necessitas talis extiterit: multoque sint atque incomparabiliter plures, quæ ubi existerunt, illic improbari damnarique meruerint, atque inde per ceteras terras deuittandæ, innotescere potuerunt. Et occurrunt passim

*Vid. Hier.  
Ap. l. 9. in  
Ruff. l. 2.  
Ibid. supra in  
Querin.  
Euseb. l. 7.  
hisl. c. 22. 23.  
& 24.*

*Athan. lib.  
de Synodis.*

*Epiphani.  
heres. 57.*

*Legati Leo-  
nis Concil.  
Chalced.  
Act. 3.  
Vid. Concil.  
Gangr. rom.  
1. Concil.*

*Vid. Concil.  
Sard. c. 1. 2.  
3. & 5.*

notissima exempla Patrum, hanc eorum potestatem, & hoc Episcopale ministerium, certius quàm verbis vllis declarantia. Origenis hæreses viventis adhuc & recalcitrantis, damnarunt primi omnium Episcopi Aegyptij, ac Palæstini, & post illos, recrudescente diu post contage, hinc Theophilus Alexandrinus, illinc Epiphanius, antequam is aut ab vlllo Concilio Occumenico, aut ab vlllo Pontifice damnatus esset. Paulus Samosatenus, Episcopus Antiochenus, Eusebio teste, ab Episcopis finitimis numero plurimis, quorum præcipuos ille ponit, Firmilianum Cappadocem, & Gregorium Thaumaturgum, fratremque ipsius Athenodorum, vnà cum hæresi, quam commentus erat, damnatus atque abdicatus est, successusque in eius locum Domnus, eaque de re scriptæ ad Dionysium Papam literæ Synodales. Nam quod quidam existimant, Synodum in eum congregatam, post Dionysij Romani Pontificis prolatam in ipsum sententiam, ex eo quod Athanasius dicat, *Duo enim Dionysii diu ante eos septuaginta* (Samosateni damnatores) *fuere, qui Samosatensem sustulerunt; quorum alter Roma, alter Alexandria Præsul erat; sola Latinæ versionis ambiguitas, eos in hanc opinionem induxit.* Ita enim acceperunt verba interpretis quasi diceretur, *Duo Dionysii ante eos septuaginta fuere; qui* (nempe duo Dionysii) *Samosatensem sustulerunt; ut Samosatensis deletio tribuatur duobus Dionysiis; quam tamen eo loco ab Athanasio tribui non duobus Dionysiis, sed illis septuaginta Episcopis perspicuè docet ipsa Athanasij locutio, Διονύσιοι γὰρ δύο καὶ ἑβδομήκοντες ἐμπροσθεν πολλῶν τῶν ἐκκλησιαστικῶν, τῶν καλεσθέντων τὴν Σαμοσατείαν.* Id est, *Duo enim Dionysii diu præcesserunt septuaginta illos qui Samosatensem damnaverunt; damnatione Samosatensis clarè attributa non Dionysiis, sed septuaginta Episcopis, ut pluribus non sit opus ad confirmationem rei, ex omnibus adiunctis, & ex tota serie, tum Athanasij orationis, tum historię Eusebij, manifestæ.* Noetus quoque Sabellij doctor, cùm noua dogmata spargere cœpisset, à beatis Ecclesia Presbyteris accitus, inquit Epiphanius, *ut de his omnibus examinaretur, cùm primùm quidem deprehensus negaret ac suffugeret, postmodum in apertam contumaciam erumpens, cùm diceret, quid enim mali feci? & in hoc offimatè permaneret, de Ecclesia cum discipulis expulsus est.* Eutycheten primus omnium, in Synodo Constantinopolitana damnauit Flavianus Episcopus: atque is in Synodo Chalcedonensi dicitur tunc temporis regulariter à proprio Episcopo fuisse damnatus. Eustathium eiusq; hæreses proscripserunt Concilij Gangrensis Patres, cōditis in singulos eius errores totidem anathematismis. Nam quod Illustrissimus Annalium conditor, Osium Cordubensem ei Concilio summi Pontificis autoritate præfuisse censer, falsus est videlicet titulo Latinæ editionis, cui cum aliis præscribitur nomen Osij Cordubensis. Sed hoc nomen, nec inest in eodem titulo Græco, nec in ipsa Latina subscriptione Epistolæ Synodali subiecta, in qua cæterorū omnium, illo excepto, nomina repetuntur. Dissimilis quoq; est Osij adscriptio cum adiecto, *Cordubensis*, aliorum omnium Episcoporum nominibus, quorum nulli adiungitur nomen loci seu Episcopatus, sed omnia simpliciter referuntur, *Eusebius, Aelianus, Eugenius, &c.* quod idem in Osij nomine sæpius factum legimus in Concilio Sardicensi, cuius multis canonibus, & postremò Epistolæ Synodali



tantum adscribitur *Osius Episcopus*. Nouum etiam & insolens quod *Osius*, ab hoc Concilio in locum penè vltimum rejicitur, & incredibile est hoc ei verè contigisse, in Synodo Prouinciali XIII. aut XIV. Episcoporum, qui in celeberrimis duobus Conciliis Oecumenicis, Nicæno & Sardicensi, primus omnium subscriptus est; præcipuè cum, aliorum Episcoporum nudis nominibus appositis, eius nomen insigniori inscriptione ornetur, *Osius Cordubensis*: Quam si quis honorificentiorē neget, præcipuè dum aliorum Episcoporum sola nomina recensentur, is legat subscriptiones Concilij Sardicensis, vbi omnibus Episcopis solitaria nomina subscribentibus, soli *Hosius*, *Iulius Papa*, & *Protogenes Sardicensis*, vt Synodi præfides, ante alios ita leguntur, *Hosius ab Hispania*, *Iulius Roma per Archidamum & Philoxenum Presbyteros*, *Protogenes Sardica*. Ac deinceps alij, *Gaudentius*, *Macedonius*, *Seuerus*, &c. Denique cum Epistola Synodalis Concilij Gangrensis dirigatur ad Episcopos *Armenia*, magnum argumentum est fuisse Synodum Prouincialem, ab Episcopis Prouincialibus inter se habitam, componendæ fidei disciplinæque patriæ gratia, non ab Hosio legato Apostolico, & tanti nominis Episcopo collectam, à quo potius ad vniuersos Episcopos, aut certè ad summum Pontificem Eustathianæ hæreseos damnatio destinata esset, vt ipsius potissimum autoritate vbique proscriberetur. Non videtur ergo dubium quin *Osi* nomen irrepsit in titulum Latinum Epistolæ Synodalis, ex ea fortassis occasione, quod Canones Gangrenses olim simul cum Nicænis ederentur, vt patet ex verbis Latinis initio præfixis, *Canones sanctorum Patrum qui Gangris conuenerunt, qui cum Nicæna Synodo eduntur*. Quod ex eo fluxisse videtur, quod Græcus quoque titulus sic habeat, *Canones sanctorum Patrum qui Gangras conuenerunt, qui post Nicænam Synodum editi sunt*; qui titulus in Codice Canonum ferè idem seruatus est. Hinc enim videtur factum, vt Synodus Gangrensis habita sit, vel quasi eadem cum Nicæna, vel quasi appendix eius. Vnde Gregorius Turonensis eam planè *Nicænam* vocat; & Symmachus in sexta Synodo Romana, Canones eius *Apostolica autoritate conditos* ait, quod Nicæna Synodo Apostolica autoritate habitæ, quasi adscribi viderentur.

Καὶ οὕτως ὁ  
Γαβριήλ  
ἐκ τῆς ἀρχῆς  
τοῦ κόσμου  
ἔστιν ὁ  
Νοῦς αὐτοῦ  
ὁ ὁμοῦς.

Greg. Tu-  
ron. lib. 1. 9.  
cap. 33.

Atque hinc fortasse manauit, vt scriptor quispiam *Osi* Synodo Gangrensi nominatim apponendum putarit; qui tamen induxisset probabilius commentum, si talis viri nomen omnibus initio ante posuisset, quàm dum omnibus penè postposuit, in tantulo præcipuè cætu. Hæc verò eadem *Osi* inscriptio, in Epitome Canonum Carolo Magno ab Adriano Papa oblato, & in ipso Adriani Codice, inuersa tamen nominum serie, legitur, ac sumptam esse patet ex titulo illo antiquo Latinæ versionis. Abest autem à Codice Canonum Dionysij Exigui nuper edito, cuius licet eadem Latina versio sit cum illa Codicis Adriani; sunt tamen in hoc non pauca, quæ in Dionysij Codice à Græcis proximè hauſto, & Latinorum antiquissimo non extant. Quare stet sua veritati autoritas & fides, Concilium Gangrense Prouinciale fuisse, ab Episcopis *Armenia*, in qua hæresis Eustathiana grassaretur, aut vicinarum regionum Antislitibus sine maiori vlla autoritate habitum, in quo singula Eustathianæ nouæ hæreseos capita singulis anathematismis confoderunt. Similiter Priscillianas hæreses iu-

Vid. rem. 3.  
Cons. par. 1.

*Fid. tom. 1.  
Conc.*

*Fid. Epiph.  
haer. 77.  
q. 1. est Ac-  
tiorum.*

*Epist. Conc.  
Carthag. ad  
Innoc. quae est  
90. apud  
A. 15.*

*Conc. Turon.  
2 circa an-  
num 570.  
Can. 41.*

*In eadem ep.  
Conc. Carth.  
ad Innoc.*

gularunt Hispaniae Episcopi in Concilio Caesaraugustano: Acrianas Episcopi quoque Provinciales, ita ut nec loci ubi damnatae sunt, nec damnatorum seu iudicium nomen prodatur, sed eorum reprobatio à locis ubi natae sunt, in vicinas sensim regiones, & in uniuersam denique Ecclesiam, quo modo Augustinus alias plerasque haereseis oppressas esse paulò ante testatus est, diffusa sit, sicut ex Sanctorum scriptis accepimus. De haeresi verò Pelagiana, testes sunt Concilij Carthagenensis Patres in Epistola ad Innocentium Papam, quinquennio ante in Concilio Carthagenensi super Celestij causa, Episcopali iudicio, excisum hoc tantum vulnus ab Ecclesia videri. At nihilominus ingrauescente illa peste, ipsi iudicium renouantes, & cum iis eodem ferè tempore Mileuitani Concilij Antistites, eandem haeresim editis anathematismis proscribunt, damnationisque suae, quò solennior & firmior esset, comprobationem ab Innocentio petunt. Nec refert quod nonnemo Concilio Mileuitano I. coniecturis non optimis, adimit non solum VII. anathematismos in totidem Pelagij capitula, sed etiam alios Canones, qui ei tribui solent, Conciliumque Carthagenense & Mileuitanum, non sententiam in Pelagium aut haeresim Pelagianam praefinisse, fideique in eam decreta condidisse, sed Innocentium de ea tantum monuisse, & damnationem illius ab eo petuisse opinatur. Quia ut de Canonibus illis XVII. Concilio Mileuitano II. ascriptis nihil dicam, quorum tamen vigesimus sextus citatur à Concilio Turonensi II, proximo saeculo post Concilium illud Mileuitanum habito, ab eoque dicuntur antiqui *Canones Mileuitani*, quo testimonio, recentiorum coniecturae haud difficile praeponderantur; sed tamen ut hoc praeteream, & de sola haereseos Pelagianae damnatione loquar, constat siue omnes illos Canones, siue nullos eorum assignes Concilio Mileuitano, negari non posse, Pelagianam haeresim tum temporis, ab Episcopis Africae in illis Conciliis Africanis, antequam Innocentium consulissent, damnatam esse, decretis etiam in omnia eius capita anathematismis. Nam praeterquam quod eam aperte dicunt *nouam haeresim, & nimium perniciosam, & summam impietatem, & perniciosissimum errorem*, & anathema iis, nisi resipiscant, constituunt manifestis verbis, *Communi deliberatione censuimus, huiusmodi persuasionis auctores, nisi hac certissime anathematizauerint, ipsos anathematizari oportere, ut si ipsorum non potuerit, saltem eorum, qui decepti sunt ab eis, vel decipi possunt, cognita sententia quae in eos lata est, sanitas procureretur. Hoc itaque gestum, Domine frater, sanctae charitati tuae intimandum duximus, ut statutis nostri a mediocritatis, etiam Apostolicae sedis adhibeatur autoritas. Et postremo Synodalem Epistolam peripicuis anathematismis concludunt: Generaliter quicumque dogmatizat, & affirmat humanam sibi ad vincenda peccata, & Dei mandata facienda sufficere posse naturam, & eo modo gratia Dei, quae sanctorum euidentibus orationibus declaratur, aduersarius inuenitur; Et quicumque negat paruulos per Baptismum Christi à perditione liberari, & salutem percipere sempiternam, anathema sit. Patet ergo euidenter tum haeresim Pelagianam, tum illius auctores à Patribus Africanis, etiam ante Innocentij responsa, anathemate percussos esse, ut nihil necesse sit Canones Mileuitanos, ad huius rei probationem assumere. Quare & Innocentius postea*

dum iis responderet, non eos simplicitet consuluisse sedem Apostolicam, quasi interim iudicio ac pronuntiatione suspensa, sed aperte pronuntiasse declarat, & pronuntiationis suæ confirmationem flagitare: *Nostre religionis vigorem, inquit, non minus nunc in consulendo, quam antea cum pronuntia-* *Innoc. epist. 24. ad Conc. Carthag. qua est 91. apud August.* *vetis, veneratione firmatis.* Postremo Synodus Diospolitana multo pauciorum Episcoporum, quam vtraque Africana, Milevitana & Carthaginensis, hæresim Pelagianam articulatim contriuit, proposito anathemate non solum Pelagio, si eam anathematizare noller, sed ipsi per se doctrinæ, cui sigillatim enumeratæ hoc iudicium subnectit, *Si quis contra auctoritatem Catholicam, & ipsius Pelagij expressa Ecclesiasticis gestis verba consentit, neque illa quæ his sunt contraria veraciter credit, anathema esse tenendum est.* Nam Synodum Diospolitana nemo vnquam de doctrinæ sanitate accusauit, etsi experientiæ ei aliquid, ad Pelagij artes eruendas defuisse, quo factum sit, vt eius personam non satis excussisse videatur, doleant interdum Patres. In quo tamen eam purgat Augustinus, quod illius sensus ac versutias absentibus accusatoribus minus explorare potuerit. Denique omnia huiusmodi exempla non facile colligi possunt, nec ad id quod probandum suscepimus, plura colligi necesse est, si modò quædam ex nostra etiam Gallia, quando de ea nunc agitur, protulerimus. Ex antiquis quidem temporibus, quibus eam monstris caruisse constat, nulla exhiberi mirum non est. Subeuntibus postea sensim in hanc quoque messem zizaniis, Gothescalcum Prouinciæ Rhemensis Monachum, antiquos Prædestinarianorum errores renouantem, damnarunt primò Germaniæ Episcopi autore Rabano, tum Galliæ Antistites autore Hincmaro. Abailardum quoque Monachum multa nouantem argutiis præcipuè dialecticis, profligarunt Episcopi in Synodo Senonensi, autore in primis S. Bernardo, sententiæque suæ confirmationem à sede Apostolica tandem impetrarunt. Gilberti quoque Porretani doctrinas, iidem Gallicani Episcopi, eodem autore damnarunt, etiam ante iudicium summi Pontificis, licet præsentis; quod eorum factum purgauit apud Pontificem vir sanctus, quem admodum suprà dictum est. Albigensum etiam hæreses, iidem Episcopi primi damnarunt, prolataque in eos sententia à Lugdunensi Episcopo, nomine Episcopi Albigenensis. Taceo de hæresi Berengariana, hodiernorum errorum fonte, deque aliis hæresum spinetis; quæ à Patribus nostris Ecclesiæ Gallicanæ Episcopis, sedulò maturèque auulsa & perpurgata esse declararemus, nisi in singulis eiusmodi argumentis colligendis, odiosæ diligentiae, ac longitudinis in re testatissima reprehensionem effugere decreuissemus. Vt autem Theologicam Parisiensem Facultatem, vnà cum Episcopis Gallicanis, ab aduersariorum petitionibus tueamur, sunt innumeri in fide errores ab hac Facultate, & ab Episcopo Parisiensi damnati, nonnulli etiam summorum Pontificum auctoritate confirmati, quorum alij publicè extant, alij in actis Facultatis visuntur. Et antea edidimus exempla quædam, non solum Parisiensis, sed aliarum quoque Facultatum Theologicarum, quarum in errores ac hæreses varias iudicia, ante Romani quoque Pontificis iudicium, emissa, tum Conciliorum tum Pontificum ipsorum decreta comprobata, & laudata esse ostendimus. Quare non est periti

*Innoc. epist. 24. ad Conc. Carthag. qua est 91. apud August.*

*Conc. Diosp. c. ult. tom. 1. Conc.*

*Vid. Hier. epist. 79. Innoc. ep. 26. ad Aurelin. Alypiu, &c. Aug. lib. de gestis Pelag. 100.*

*Vid. epist. Hincmar. Archiepisc. Rhemen. ad Nic. I. Pap. apud Flodo. hist. Rhem. l. 3. c. 14. S. Bern. epist. 189. 190. 191. ad Innoc. II. Pap.*

*Autor vita S. Bern. l. 3. c. 5. Idem ep. 194. Vide Orb. Frising. lib. 1. de Frid. c. 36. Vid. Concil. Gallicanum contr. Albigen. tom. 3. Conc. part. 2.*

*Vid. tom. IV. Biblioth. SS. PP.*

*Sup. in resp. ad Caus. 2.*







Episcopi congregati ad Theodonis-villam, electi ab ipso iudices. Cumque aliquot post annis, ille ope Lotharii fretus iterum in iudicium, exorato Romano Pontifice, adductus esset, Episcopi expectatis Pontificiis Legatis, cum illi non convenirent, rursus illi *Diacesi Rhemenfi interdixerunt*, ea-  
que causa sic in perpetuum terminata est. Contumeliosum Episcopum Regensem deposuit Cæsarius Arelatensis; cumque eum sedem Apostolicam appellan-  
tem, Emeritus Ecclesiæ Romanæ in Gallia Defensor ad propriam Ecclesiam *vsque ad iudicij exitum*, Cæsario non abnuente, reduxisset, Agapetus Papa Emeriti factum improbat, & Contumeliosum à munere  
Episcopali, & rerum Ecclesiasticarum administratione suspensum manere iubet: *Quia, inquit, id quod viderat sibi iudicio fuisse sublatum, gloriosius, si veritas ei suffragetur, iudicio receperit, quàm usurpationibus occupavit.* Idem in  
causa Aldrici Episcopi Cœnomanensis, à Gregorio IV. Idem denique, ne in infinitum abeam, in causa Episcopi Tervanensis, ab Archiepiscopo  
Lugdunensi abdicati, statuit Gregorius VII.

*Vid. Flodo. hist. Rhem. lib. 3. c. 2.*

*Agap. Papa ep. 1. ad Cæs. Arelat.*

*Gregor. 4. ep. ad vniuersos Episcopos, 10. 3. Conc.*

*Greg. 7. li 9. epist. 32 & 33. ad Archiep. Lugdun.*

Ergo quoquo nos vertamus, quàmcumque causarum maiorem partem, seu eas quæ ad fidem, seu eas quæ ad Episcoporum controuersias perti-  
nent, intueamur, dici nulla ratione potest, Episcopos summo inferiores, non esse causarum maiorem iudices, easque ad vnicum sedis Apostolicæ  
tribunal, exclusis Episcopis, referuari. Neque hoc negant vlla legum iura, si commodè capiantur, sed apertissimè, vt vidimus, confirmant: Neque hoc Pontificiæ potestatis magnitudini officit, si rem sincerè sine iniquo  
affectu cernamus, non magis quàm Regiæ maiestati obsit esse in eorum imperiis iudices, qui de causis omnibus, summa etiam potestate, decer-  
nant. Nam in causis maioribus generatim Pontifici tribuunt Ecclesiæ le-  
ges, ipsique vtrò Pontifices sibi vendicant, non vt ipsi soli earum sint iu-  
dices, sed vt earum iudicia suprema sua autoritate absoluant ac terminent,  
post Episcoporum inferiorum sententias ad se delatas. Audiantur ipso-  
rum decreta planissima. Sic enim statuit Innocentius, toties citatus: *Si ma-  
iores causa fuerint in medium deuolutæ, ad sedem Apostolicam, sicut Synodus statuit, & beata consuetudo exigit, post iudicium Episcopale, referantur.* Post iudicium  
Episcopale, inquit, vt doceat primum earum iudicium esse Episcoporum,  
vltimum summi Pontificis, & in hac supremi iudicij in causis maioribus  
potestate, sitam esse sedis Apostolicæ prærogatiuam, non in adimendo  
Episcopis omni earum iudicio. Idem prærogatiuam eandem clarius expo-  
nens, ad Episcopos Africæ causam maiorem de Pelagiana hæresi ad eum  
referentes, SS. Patres ait, non humana sed diuina decreuisse sententia, vt  
quicquid in eiusmodi rebus, quamuis de diiunctis remotisque Prouinciis  
ageretur, non prius ducerent finiendum, nisi ad huius sedis notitiam perueniret, vt  
tota huius autoritate, iusta quæ fuerit pronuntiatio, firmaretur. Quare eos antè  
pronuntiasse agnoscit, & eorum pronuntiationem suo iudicio confir-  
mat. Gelasius item Papa, Romanæ sedis priuilegium in causis fidei quale  
sit declarans, *Quantum ad religionem pertinet, non nisi Apostolicæ sedi, iuxta  
Canones, debetur summa iudicij totius.* Summam ergo iudicij totius, Aposto-  
licæ sedi assignat, non totum iudicium. Et Concilium Sardicense, à quo  
in primis sedis Apostolicæ priuilegia, in causarum præcipuè iudiciis, egre-

*Innocent. ep. 2. ad Vult. cap. 3.*

*Idem ep. 24. ad Cons. Carth.*

*Gelas. in Common. ad Euseb. ep. 4.*

giè sancita sunt, non illa in eo ponit, quod nemo præter eam causas maiores dijudicet, sed quod illæ ad eam, ut ad omnium caput, referri possint & debeant, si necesse videatur: Si quis Episcopus, inquit, in aliquo negotio condemnandus visus fuerit, & existimet se non malam, sed bonam causam habere, ut etiam rursus iudicium renouetur; si vestra dilectioni videtur, Petri Apostoli memoriam honoremus, ut ab iis, qui iudicauerunt, scribatur Iulio Romanorum Episcopo, & per propinquos Prouincia Episcopos, si opus sit, iudicium renouetur, & cognitores ipse præbeat. Si autem probare non potest, causam eius esse talem, ut eam rursus iudicari opus sit, quæ semel sunt iudicata, non infirmantur. Hinc Romani Pontifices, nihil sibi præcipui in causis maioribus ascuerunt, nisi ut eas ad se referri semper fas esset. Vigilius: Omnium appellantium Apostolicam sedem Episcoporum iudicia, & cunctarum maiorum negotia causarum, eidem sanctæ sedi reservata esse liquet. Causarum Episcoporum maiorumque omnium appellationes, seu suprema iudicia, sibi sumit, in eoque sedis suæ supra omnes præstantiam positam esse docet. Zosimus omnia in Galliis ad Arelatensem Episcoporum, Galliarum nimirum Primatem, referri iubet terminanda: Nisi magnitudo causa, inquit, etiam nostrum requirat examen. Leo IV. de iudiciis Episcoporum: Si inter eos, quos damnandos esse dixerint homines, fuerit Episcopus, qui suam causam in præsentia Romanæ sedis Episcopi petierit audiri, nullus super illum definitiuam præsumat dare sententiam, sed omnino eum audiri decernimus. Gregorius IV. de Episcopo Cœnomanensi ad Episcopos Galliarum: Liceat illi post auditionem Primatum diæceseos, si necesse fuerit, nos appellare, & nostra auctoritate, aut ante Legatos nostros ex latere missos, iuxta Patrum decreta, suas exercere atque finire actiones. Et infra: Auctoritate Canonum, & prædecessorum nostrorum decretis sancitum est, ut Episcopus accusatus, si voluerit, appellet Romanum Pontificem, & ad eum, si libuerit, confugiat, ut ab eo eius audiat causa, aut ipse à latere suo Legatos, qui eam audiant, mittat, qui iuste cum omnibus Episcopis comprouincialibus, eius auctoritate, iudicent.

Atque hoc erat discrimen causarum maiorum à minoribus, quas intra Prouinciam quamque, aut Synodali iudicio Metropolitanæ, aut saltem sententia Primatis finiendas esse, sanxit antiqua Ecclesiæ disciplina, & consuetudo. Vnde in Concilio Sardicensi, ubi de appellationibus ad sedem Apostolicam plenissimè actum est, nihil extat de referendis ad eam causis Presbyterorum, aut inferiorum Clericorum, sed dumtaxat Episcoporum. Clericorum verò minorum causæ ad Metropolitanum tantum destinantur, aut eo absente, ad finitimum. In Synodo item Nicæna istorum omnium causæ intra Prouincias definiri iussæ fuerunt. Atque in hoc vnum inuentum est causarum maiorum nomen, eæque à minoribus propria voce sejunctæ, ut illarum supremum iudicium, Pontifici reservari, harum Episcopis relinqui, planius declararetur. Atque hoc demùm voluisse antiquos plerosque Romanos Pontifices, ex eorum verbis perspicuè intelligitur, quibus solas maiores causas, fidei nimirum & Episcoporum, ad se referri iubent suo iudicio terminandas, minores autem non attingunt. Ita sanctus Leo: Si fortè inter ipsos qui præsunt, de maioribus peccatis causa nascatur, ad nostram cognitionem, quidquid illud est, transferatur, Præpositos ad se vocat, inferiores omittit. Hoc ipsum clarè docent pleraque testimonia superius

Conc. Sardic.  
c. 3.

Vigilius ep.  
2. ad Eucherium.

Zosim. ep. 6.  
ad Aurelium  
& reliquos  
Episc. Africa  
& Gallia.  
Leo IV. ep.  
ad Episcopos  
Britan. &  
ref. 2. q. 4.  
cap. 3.  
Greg. IV. ep.  
ad vniuersos  
Episcopos.

Conc. Sard.  
c. 3. 4. 5.

Idem c. 14.

Conc. Nic.  
c. 5.

S. Leo ep. 82.  
ad Anast. c.  
2. & ref. dist.  
18. c. 2.

proposita, ne eadem iterare necesse sit, quibus sancti Patres, & Romani Pontifices, nullas aliarum Prouinciarum causas sui iudicij esse volunt, nisi superiores quasque & maiores. Ita Zosimum audiuius, eas solùm è Galliis causas ad se referri præcipientem; *Quarum magnitudo, inquit, etiam nostrum requirat examen.* Ita Innocentius toties citatus: *Si autem maiores causæ in medium fuerint deuolutæ, ad sedem Apostolicam, post iudicium Episcopale, referantur; ex omnibus causis inferiorum superiorumque Clericorum, de quibus initio locutus est, eas ad extremum solas referri iubet ad sedem Apostolicam, quæ maiores erunt, cæteras autem secundum Synodum Nicanam, congregatis eiusdem Prouinciæ Episcopis terminari, nec alicui licere, sine præiudicio tamen (ut in quibusdam codicibus legitur) Romanæ Ecclesiæ, cuius in omnibus causis debet reuerentia custodiri, relictis his Sacerdotibus, qui in eadem Prouincia Dei Ecclesiæ nutu diuino gubernant, ad alias conuolare Prouincias.* Vbi quod addit Ecclesiæ Romanæ, in omnibus causis, debere reuerentiam custodiri, necessario accipiendum est de appellationibus in causis, quæ ad eam referri solerent, ne si de minoribus id quoque accipias, ipse sibi aduersari intra pauca verba videatur, qui paulo post, de causis maioribus seorsim & singulariter adjicit eas, post iudicium Episcopale, ad sedem Apostolicam referendas. Quod minus commodè dictum esset, si idem de causis etiam minoribus dicendum fuisset, ac id de utrisque iam antè ab eo esset expressum. Clarissimè multò antè Cyprianus, in contumaces quosdam suos Nouatianæ factionis Clericos, qui ab Episcopis Africanis damnati, Romam & alias regiones circumcursabant, ut exterorum Episcoporum communionem & sibi, & pseudo-Episcopo quem Carthagine crearent, extorquerent, *Aut* Cyp. ep. 35. ad Corad. *illis placet quod fecerunt, inquit, & in suo scelere perseverant, aut si displicet & recedunt, sciunt quò reuertantur (id est, ad eandem Ecclesiam Carthaginensem de qua eiectioni sunt, sciunt sibi reuertendum.) Nam cum statutum sit omnibus nobis, & æquum sit pariter ac iustum, ut uniuscuiusque causa illic audiatur ubi est crimen admissum, & singulis Pastoribus portio gregis sit adscripta, quam regat unusquisque & gubernet, rationem sui actus Domino redditurus: oportet utique eos, quibus præsumus, non circumcursare, nec Episcoporum concordiam coherentem, sua subdola & fallaci temeritate collidere, sed agere illic causam suam, ubi & accusatores habere, & testes sui crimini possint; nisi si paucis desperatis & perditis minor uidetur esse autoritas Episcoporum in Africa constitutorum, qui iam de illis iudicauerunt, & eorum conscientiam multis delictorum laqueis vinctam, sui iudicij gravitate, damnaverunt, iam causa eorum cognita est. Iam de eis sententia dicta est.* Ita Cyprianus Clericorum inferiorum iudicia ab Episcopis Prouincialibus terminari, nec aliò transferri debuisse docet. Manifesta quoque est in hoc genere sententia Augustini, qui in Cæciliani causa, privilegia Episcoporum præ Clericis inferioribus exponens: *Non de Presbyteris, inquit, aut* Aug. ep. 162. ad Gloriam. Eleusii, &c. cont. Donat. *Diaconis, aut inferioris ordinis Clericis, sed de collegis agebatur, qui possent aliorum collegarum iudicio, præsertim Apostolicarum Ecclesiarum, causam suam integram reseruare, ut contra eos sententia dictæ in absentes, nullo modo aliquid valerent.* Huc accedunt Concilia Africana, Mileuitanum II. & Africanum generale, ubi vniuersè statutum est conuenienter Synodo Sardicensi suprà allatæ, *Ut Presbyteri, Diaconi, vel ceteri inferiores Clerici in causis, quas habue-* Conc. Milev. 2. c. 22. Conc. Afric. c. 92.



runt, si de iudiciis Episcoporum suorum questi fuerint, vicini Episcopi eos audiant; et inter eos quicquid est finiant, adhibiti ab eis ex consensu Episcoporum suorum. Quod si eis prouocandum putauerint, non prouocent nisi ad Africana Concilia; vel ad Primates Prouinciarum suarum. Ad transmarina autem qui putauerit appellandum, à nullo intra Africam in communionem suscipiatur. Nec minuebat hæc disciplina Romani Pontificis dignitatem, quæ in causarum maiorum suprema potestate satis eminebat. Sicut nec supremorum iudicum aut Regij culminis maiestas minuitur quod nonnullæ causæ à minorum subselliis iudicibus sine prouocatione dirimantur. Estque hæc potius communis omnium iudiciorum consuetudo ad litium temperationem, ad priuatorum otium, atque ad supremorum iudicum reuerentiam & tranquillitatem comparata, ut sint leuiores quædam, quæ minorum sententiis transigantur, ne minima quæque litigia ad primariorum tribunalium dignitatem obruendam, & ad grauiorum negotiorum, quæ illis reservata sunt, distractionem confluant. Hæc enim temperatio, non in omnibus solum civilibus iudiciis hodieque adhibetur, sed antiquis Imperatorum legibus præcipitur, ne referantur, videlicet *minores causæ* (nam & civilia tribunalia maiores suas causas & minores habent) *ad summos iudices, sed ad medios, ne super minimis causis, maximi nostri iudices inquietentur.* Et conuenit admodum cum illa lege à Moysse, autore Iethro, lata de quinquagenariis iudicibus, quos ea demum ad Moysen retulisse constat quæ maiora essent, minora verò ipsos definisse. Constituti enim erant, ut essent à quibus quotidianus Moysis labor leuaretur.

Justin. Imp.  
Novel. 23.  
c. 3.  
Exod. 18.

Hæc tamen quæ de inferiorum Clericorum causis dicuntur, non in eam partem accipienda sunt, quasi nunquam iis daretur ad sedem Apostolicam prouocatio à iudiciis Episcoporum. Facile enim ex antè dictis intelligi potuit, non id usquequaque iis ademptum. Nam causæ maiores in eos etiam cadere poterant, et nimirum maiores causæ, quas in rebus positas diximus, cum eas bifariam diuisimus, in eas quæ in rebus, & eas quæ in personis essent. Cum ergo causæ maiores in rebus sitæ, ut causæ hæreseos, minoris ordinis Clericis intenderentur, licebat iis ad sedem Apostolicam à iudiciis Episcopalis, si ea sibi iniqua putarent, perfugere, ut factum legimus ab Eutychete Presbytero & Archimandrita, à Concilio Constantinopolitano Flauiani, ad S. Leonem Papam; & à Cælestio & Pelagio Presbyteris, ad Innocentium & Zosimum prouocantibus. Nam quia horum causæ fidei erant, ideoque maiores, fas ipsis erat iudicium autoritate sedis Apostolicæ renouari postulare; nec eiusmodi prouocationibus ulli unquam obstiterunt. Imò Pelagij & Cælestij causam, Africani Episcopi ultro ad Innocentium detulere, ut eius autoritate, id quod ipsi pronuntiauerant, confirmaretur.

Vid. S. Leon.  
ep. 8. ad Fla-  
uian.

Vid. Aug. l.  
2. de pec. orig.  
c. 3. 7. 17. &  
l. de gestis  
Pelagij c.

Vid. ep. Cæc.  
Caribag. &  
Milens. 2. ad  
Innoc.

S. Leo ep. 4.  
ad Episcopos  
Siciliæ c. 7.  
S. Greg. l. 1.  
ep. 1. & c.  
Gelas. ep. 9.

Præterea erant nonnullæ minores causæ, quæ ad sedem Apostolicam referebantur, ex iis nimirum regionibus Italix, Siciliæ atque aliis, quarum Romanus Pontifex singulari iure erat Primas. Nam minoribus quibusque Clericis prouocationem ad Primatem, Canones passim dederunt. Ita Gelasius scribens ad Episcopos Lucaniæ, Brutij, & Siciliæ, omnium apud eos Clericorum causas referri ad se iubet. Cuiusmodi etiam constitutiones



& iudicia in D. Gregorij regesto non rarò occurrunt, & in aliis Ro'mano-  
rum Pontificum decretis. In aliis verò regionibus, non eodem iure vfos  
esse Romanos Pontifices facile intelligitur, tum ex locis antè citatis, tum  
ex perpetuo veterum vfu, apud quos inferiorum Clericorum causæ, intra  
suam quamque Prouinciã suos exitus sortiebantur, nec temerè repe-  
rientur temporibus illis istiusmodi appellationes.

ad Episcopos  
Lucania,  
Brutij, &  
Sicil. c. ult.  
S. Greg. li. 2.  
ep. 4. ad Ma-  
ximum, Epi-  
scopum Syra-  
cus.

Nam quod à Concilio Chalcedonensi decretum esse legitur, *Si Clericus  
habet causam aduersus Episcopum proprium, vel aduersus alterum (Episcopum)  
apud Synodum Prouinciæ iudicetur: Quod si aduersus eiusdem Prouinciæ Metro-  
politanum Episcopus vel Clericus habet querelam, petat aut Primate diœceseos,  
aut sedem regie urbis Constantinopolitana, & apud ipsam iudicetur; manifestè  
patet inusitatum priuilegium deferri Episcopo Constantinopolitano,  
præter perpetuæ disciplinæ superiorumque Conciliorum morem, idque  
referendum esse ad prærogatiuas illas, quibus Constantinopolitana sedes  
in hoc Concilio largius cumulata est. Quamquam nec in eiusmodi Cano-  
ne tribuitur Constantinopolitano Episcopo, vt inferiorum Clericorum  
causæ ad eum ordinario iure referantur; nec in eo de appellationibus le-  
gitimis agitur, sed de iudicio tantùm extraordinario quodam, non in  
omnibus Clericorum causis, sed in iis duntaxat quas aduersus Episcopum  
proprium, vel aduersus Metropolitanum haberent. Cùm enim nec Epi-  
scopus in eiusmodi causis, vtpote propriis, iudex esse posset in Synodo  
diœcesana, in qua inferiorum Clericorum causas, ex consueto more disce-  
ptari primùm oportebat, necessariò ad Synodum Prouincialem refere-  
bantur. Cùm verò nec in Prouinciali Synodo agitari possent causæ Cle-  
ricis, aduersus ipsos Metropolitanos exortæ, ne Metropolitanus, quem  
Synodo Prouinciali præesse necesse erat, in sua causa iudex fieret; necessa-  
riò ad Primate adibatur. Quod si aut Primas abesset, aut adesse non pos-  
set eiusmodi causæ, vsitata quidem lex erat, in Concilio Sardicensi lata,  
vt finitimus Metropolitanus adhiberetur: sed Patres Chalcedonenses hoc  
priuilegij contulere sedi Constantinopolitanæ, vt, pro finitimo Metropoli-  
tano, adiretur Constantinopolitanus Episcopus, & hic potissimum ad  
eiusmodi causas ex omnibus Metropolitanis legeretur. Patet enim eos  
allusisse ad Canonem Sardicensem, & Constantinopolitanum Antistitem  
supposuisse tantùm in locum proximi cuiusque Metropolitanis, quem,  
absente proprio Metropolitano aut Primæ, in causis eiusmodi extra-  
ordinariis conueniri oportebat. Vnde hoc Canone, nihil immutata est  
ordinaria iudiciorum appellationumque in causis minoribus constitutio,  
nec datum vllum ius Constantinopolitano Episcopo, quo vniuersa Cle-  
ricorum inferiorum negotia ad tribunal eius, extra Prouinciæ cuiusque  
propria tribunalia, legitimis appellationibus traherentur, sed quo solùm  
ex causæ, quæ propter extraordinarium casum à proprio Metropolitano  
aut Primæ dirimi non possent, ad eum potissimum deferrentur.*

Ind. X. & c.

Conc. Chal-  
ced. c. 9.

Conc. Sard.  
cap. 14.

Non denique aduersus hanc Ecclesiæ veteris disciplinam objici debet  
quæstio in causa Apiarij Presbyteri Africani, mota Zosimo papæ cum  
Africæ Episcopis, in qua Zosimus Apiarij causam, licet minorem, ad se  
traxisse visus est, & eius se iudicio per Legatos interposuisse: Quia Zosi-



cognoscerent, & postea, seu acceptis tandem Sardicensibus Canonibus germanis, seu veriùs sua sponte spectato Ecclesiasticæ totius disciplinæ sensu, priora sua Concilij Mileuitani statuta de Clericis inferioribus renouarunt, quæ Canoni illi Sardicensi perquam congruebant. In quibus, ad improbiorum duntaxat Clericorum præcludenda effugia, apertius expresserunt ne ad vicinos Episcopos prouocationes fierent, nisi ex proprii Episcopi consensu, atque ad eos vicinos tantum qui eiusdem regionis essent; quod ipsum in Canone Sardicensi Græco satis innuebatur. Atque hæc omnia probasse Rom. Pontifices ex eo intelligere videmur, quod ea improbasse, aut Patribus Africanis in eo deinceps refragatos esse non constet. Quare nihil obest Africana ista de Apiario controuersia, quominus inferiorum Clericorum causarumq; minorum appellationes, ad sedem Apostolicam ex antiquæ disciplinæ lege non redigerentur, potiusq; id confirmat, cum Rom. Pontifices Apiarij causam ex eo Canone ad se reuocarint, qui ad sedis Apostolicæ priuilegia nihil pertinebat, & quo nihil non aliis Primatibus commune statuebatur. Mansit autem ista lex, atque iste Ecclesiæ vniuersæ vsus, ne causæ minores extra Primatis cuiusque ditionem abstraherentur, nisi extraordinario fortè casu ad finitimos Primates deferendas esse contingeret, donec tandem exoleuisse visus est circa tempora Nicolai I. Papæ, vt cerni potest ex eius epistola ad Episcopos Synodi Siluaneensis. Ac videntur primùm Episcopi æquitaris & clementiæ causa, ne quid cupidius in inferiorum iudiciis agere viderentur, & vt singulare quodpiam suæ in Apostolicam sedem voluntatis testimonium ederent, minoris ordinis Clericos laicosq; homines, cum literis ad Rom. Pontificem subinde iudicandos dimisisse. Hinc prouolasse ad eam sua sponte sine literis alios; atque hinc iam sensim sine sensu inoleuisse toto orbe consuetudinem, quam sæcula consequentia subierunt, sine magno, vt in aliis plerisq; contigit, Ecclesiæ Præsulum renisu. Nam quod magni nominis Theologus nuper scripsit, Gallos nostros istiusmodi rerum minorum ad sedem Apostolicam delationibus sæpè obstitisse; ægrè admodum istius repugnantiz vestigia reperiet. Notarunt illi quidem ac gemuerunt interdum, nonnulla istarum appellationum vitia, nimiamque earum in rebus vilioribus tantaque contentione non admodum dignis licentiam; sed moderatum earum vsum reprehendisse non leguntur, vt facile intelligitur ex D. Bernardo, ac multò priùs sub earum penè initia ex Hincmaro Archiepiscopo Rhemeni, qui in illustri Clericorum, ab Ebbone Rhemeni quoque olim Archiepiscopo, post solennem eius exautorationem, ordinatorum causa, ad Nicolaum I. Papam per Clericorum illorum prouocationem delata, nunquam repugnauit, quominus in ea re iudicium à Romano Pontifice peteretur. Nimirum inualescanti iam consuetudini & multorum vsu, vt videtur, paulò antè roboratæ, tumultuosè obniti noluit, quamuis aliæ subessent causæ, quibus appellatio minus necessaria videretur. Fuit enim illud egregium, & insigni laude dignum in eo viro, vt cum Ecclesiasticæ disciplinæ paternorumque institutorum scientissimus esset, tamen nihil vnquam ultra modum contenderet, nec villo euentu à debita sedi Apostolicæ obseruantia se diuelli pateretur, quantumcumque æmuli eius,

Conc. 2. Asi-  
lenit. ca. 22.  
& ref. 2. 9.  
6. c. 36.  
Conc. Afric.  
cap. 92.

Vid. Nicolai  
I. Papæ epist.  
42. ad Epi-  
scopos Gall.

Vid. eandem  
epist.

S. Bern. l. 3.  
de consid. ad  
Engem. c. 5.  
6. &c.

Vid. Gerson.  
tom. 1. tract.  
de Eccles. po-  
tate. cõsid. 8.  
Bern. ubi su-  
pra, c. 4. §. 6.

Vid. duae ep.

Hincmari ad  
Nicol. I. Pa-  
pam de hac  
causa. & ep.

ad eundem  
Synod. Sueß.  
apud Flodo.  
lib. 3. hist.

Rhem. c. 11.

Vid. epist. 1.  
Hincmari  
ad Nicol. de  
hac causa.



Papae animi variis delationibus in eum incendere studerent.

Quare etiam dictis satis liquere arbitror, minores olim causas per complura Ecclesiae saecula, nec relatas esse ad iudicium summorum Pontificum, nec summos ipsos Pontifices eas ad se reuocasse, sed intra quamque Provinciam decretoriis Episcoporum sententiis terminari voluisse. Nec id magis ad sedis Apostolicae dedecus pertinere censuisse, quam ulli supremorum iudicum Senatus iniurium sibi etiam nunc putent, quod secularium negotiorum minores causae, apud inferiora tribunalia sine pro- uocationis subsidio concludantur. Hoc ergo illud est, quod antiqui Romani Pontifices ingeminato tories causarum maiorum nomine significa- runt, dum eas sedi Apostolicae reservari, ad eam referendas esse, iudicium eius in iis exquirendum, aliaque his similia decreta promulgarunt. Nimi- rum illud causarum maiorum à minoribus discrimen exponere voluerunt, ut minoribus Episcoporum Prouincialium iudicio usquequaque permis- sis, maiores, post eorum iudicium, ad sedem Apostolicam, si necesse esset, aut eorum, quorum res agerentur, voluntas ita ferret, supremo ipsius con- silio & nutu finiendas, referri oporteret.

Nam nec omnium quidem maiorum causarum iudicia, semper ac ne- cessaria lege ad sedem Apostolicam referenda fuisse, quasi ea sine con- sensu ipsius rata esse non possent, multis & decretis Patrum, & exemplis demonstrare licet.

Nam in primis, id omne situm fuisse in eorum voluntate, qui in Epi- scoporum iudicium deducti erant, ut nimirum vel appellarent si vellent, vel Episcopali sententia iudicium terminari paterentur, patet ex multis Romanorum Pontificum literis, quibus id totum in eorum optione repo- nitur. Ita Gregorius IV. de Aldrico Episcopo Cœnomanensi: *Liceat illi post auditionem Primatum Diaeceseos, si necesse fuerit, nos appellare*. Si nimirum iniquo iudicio se premi, & Pontificia autoritate subleuandum esse putet, ut clarius ait paulo post: *Autoritate Canonum & praecessorum nostrorum decre- tis sancitum est, ut Episcopus accusatus, si voluerit, appellet Romanum Pontificem, & ad eum, si libuerit, confugiat, ut ab eo eius audiat causa*. Et clarissime Con- cilium Sardicense in antiquissimo illo appellationum Episcopaliū Ca- none: *Si quis Episcoporum in aliquo negotio condemnandus visus fuerit, & existi- met se non malam, sed bonam causam habere, ut etiam rursus iudicium renouetur, si vestra dilectioni videtur, Petri Apostoli memoriam honoremus, ut ab iis qui iu- dicauerunt, scribatur Iulio Romanorum Episcopo, & per propinquos Prouincia Epi- scopos, si opus sit, iudicium renouetur, & cognitores ipse praebeat. Si autem probare non potest causam eius esse talem, ut eam rursus iudicari opus sit, quae semel sunt iudicata, non infirmantur. Quem Canonem integrum proferre libuit, quia ex eo, praecipuo nimirum in hoc genere, & omnium penè grauissimo, planius percipi potest, Episcopaliū maiorumque omnium iudicio- rum & appellationum natura. Patet enim totum istud appellationis subsidium, in arbitrio ac sensu illius, cuius res agitur, relinqui, ut nempe ita appellet, si in bona causa cecidisse sibi videatur: Et, eo appellante, ita demum renouetur Pontificia autoritate iudicium, si probabilibus saltem argumentis, se iniuriā damnatum esse doceat.*

Greg. IV. ep.  
ad universos  
Episc.  
Idem ibid.

Conc. Sard.  
cap. 3.



Alioquin nec necessarium esse sedem Apostolicam interpellari, si ipse sibi appellandum non putet; nec admittendam à Pontifice appellationem, aut iubendum esse renouari iudicium, nisi idoneæ appellandi causæ afferantur. Alterum ad innocentium leuamen constitutum est: Alterum ad iustitiæ præsidium, ad perniciæ repulsam, ad tribunalium Episcopaliū honorem. Quare non pauci extant omnium sæculorum Episcopi, qui à collegis abdicati non appellarint, & in sedes suas alios subrogari sint passi. Sic Euphratas Agrippinensis deiectus est, sic Saturninus Arelatensis, sic Palladius & Secundianus Ariani Episcopi in Synodo Aquileiensi, sic Equitius Episcopus in Synodo Carthaginensi, & alij plures; in primisque in Gallia Ebbo Rhemensis Episcopus, iteratæ suæ damnationi acquiescere visus est, suffecto in Rhemensē Ecclesiam Hincmaro, & Chelidonius ac Armentarius Episcopi in Synodo Cabilonensi, quemadmodum antè dictum est. Ac Romani ipsi Pontifices prouocantes ad se Episcopos monuere, vt nisi innocentis suæ causæque bonitati confiderent, Episcoporum Prouincialium iudiciis obsequerentur, nec se alioquin inutiles prouocandi molestia vexarent. Ita Nicolaus I. Rhotaldum Episcopum prouocantem admittit: *Si tamen, inquit, te iniuste lesum nosti, & bonam te habere causam per Dei gratiam arbitraris. Studeat fraternitas tua tecum sollicita mente reuoluere, quod tibi quasi in ipsis tuis auribus loquimur, vt si quidem conscientia tua reprehendit te, aut fortè iudicium Episcoporum in te prolatum admiseris, nec te fatigare, nec alios velis.* Idem docet, Ebbonem debuisse ab ipsa sede Apostolica talem haberi, qualem ab aliis habitum esse constabat; donec Synodali examine causa eius discuteretur: Quia videlicet in Nicæna Synodo statutum esset, vt de his qui communionē priuantur, seu ex Clero, seu ex laico ordine, ab Episcopis, per vnāquamque Prouinciā sententia regularis oblineat, vt hi qui abiiciuntur, ab aliis non recipiantur. Idque, licet Ebbo ad sedem Apostolicam accessisset, & ab ea pacem & pallium petiisset: Nempe quia, inquit, non quasi pro depositione sua queritans, & legitime restitui volens, examine præcedente sedem Apostolicam appellarat. Docet igitur Episcopum depositum, nihil ad sedem Apostolicam appellationis nomine accesserit, depositum habendum esse, manereque ratam sententiā Episcopalem, quemadmodum in Ebbonis causa mansisse constat. Atque hoc totum in appellantium voluntate ita positum fuit, vt si iudicium Episcoporum antè admisissent, certosque ex iis iudices elegissent, prouocare ab iis ad sedem Apostolicam, in quacumque causa, ne quidem possent. Nam ab electis iudicibus non dari prouocationem, quamuis in causis maioribus, statuerunt antiquissimi Canones, & perpetua disciplina tenuit, *A iudicibus quos communis consensus elegerit, non liceat prouocari.* Ideoque Abailardum à Concilio Senonensis sententia ad Innocentium Papam in causa fidei prouocantem, improbat S. Bernardus: *Appellauit, inquit, ab electis iudicibus; quod non putamus licere.* Quamuis Episcopi Gallicani sedis Apostolicæ nomini, *reuerentiæ, vt inquit, causa detulerint.* Ac Rhotaldi ad Nicolaum Papam, prouocationem, eadem ratione infirmavit Hincmarus, quamuis Nicolai auctoritati nolle se obistere profiteretur. Itaque sine vlla sedis Apostolicæ iniuria, prouocationes in causis maioribus non solum interdum omitti,

Nicolaus I.  
epist. 34. ad  
Rhotaldum.

Idem ep. 46.  
ad Episcopos  
Conc. Sess.  
Conc. Nic.  
cap. 5.

Conc. Carth.  
3. cap. 10.  
Milevit. 1.  
c. 24. Conc.  
Afric. c. 63.  
et ref. 2. q.  
6. c. 34. & 35.  
S. Bern. ep.  
189. ad In-  
nocent. II.  
Apud Bern.  
epist. 191. ad  
eundem.  
Hincmar.  
ep. ad Nicol.  
I. apud Flo-  
do. l. 3. c. 23.

sed etiam vetari possunt ex perpetuo Ecclesiæ usu ac iure: Et ita necessariò accipienda sunt loca, ubi illæ ad sedem Apostolicam semper referendæ dicuntur; ut nimirum referri debeant, si rei ipsi id postulent, nec Episcoporum suorum iudiciis stare malint. Similiter referendæ sunt ab Episcopis ad eandem sedem, si iudicia sua definiri, & suprema autoritate cumulati cupiant. Alioquin si nec ipsi hoc requirant, licet iis perfectionem illam ultimam iudiciorum suorum omittere. Atque ita videmus factum ab antiquissimis Episcopis, quorum plerique suas, seu Episcoporum, seu hæresum damnationes ad sedem Apostolicam non detulisse memorantur, ut illi quos antè diximus Synodorum Aquileiensis, Agrippinensis, Gangrensis, Diospolitanz, Carthaginensis primæ contra Cælestium, Cæsaraugustanz, & Burdigalensis contra Priscillianum, Alexandrinæ contra Arium, prioris Alexandrinæ contra Origenem, aliarumque Synodorum Episcopi, quos quisque in rerum Ecclesiasticarum monumentis per se facile offendet. Sicut enim in eorum qui iudicabantur arbitrio erat, ut iudicium in se prolatum resolui peterent sedis Apostolicæ potestate; sic in eorum qui iudicabant, ut illud eadem potestate absolvendum complendumque curarent. Quare utrorumque alios id fecitasse videmus, alios omisisse, pro varia videlicet rerum temporumque ratione.

2. q. 6. c. *Nem*  
*ira.*  
*August. ep.*  
*162.*

*S. Leo ep. 8.*  
*ad Flavian.*  
*Exstat apud*  
*S. Leo. ep. 6.*

*Flavian. ep.*  
*2. ad Leon.*  
*qua extat*  
*inter Leonis*  
*epist.*  
*Conc. Carth.*  
*3. cap. 7.*  
*S. Bernard.*  
*epist. 189.*

Sunt tamen aliquæ maiores causæ, de quibus nihil statuere licet Provincialibus Episcopis, sed necessariò ad sedem Apostolicam referendum est, eiusque solius sententia expectanda. Primò si appelletur ante sententiam Episcopalem. Nam illud inter Ecclesiasticas & civiles causas interest, quod in his ante sententiam iudicis prouocari non liceat; quod in illis tamen conceditur, ob mansuetius Ecclesiæ regimen, à vi & dominatione sæculari alienum. Sic Augustinus docet Cæcilianum deuitato Episcoporum Africanorum iudicio, potuisse causam integram sedibus Apostolicis reseruare, ut apud eas cum aduersariis disceptaret. Sic sanctus Leo ex falsa Eutychetis Epistola, qui se in Synodo Constantinopolitana Flauiani, sedem Apostolicam, antequam damnaretur, appellasse scripserat, expostulat cum Flauiano, quod cum appellantem damnasset; quam tamen appellationem fictam ab eo fuisse, postea redarguit Flavianus. Sic Concilium Carthaginense, Episcopum apud Prouinciæ Primate accusandum esse monet, eique tamen liberum esse vult, ut omisso Primato, ad Concilium Africæ vniuersale aduersarium prouocet. Sic Abailardus cum apud Episcopos accusari cœpisset, nolens audire exiuit, appellans ab electis iudicibus, teste Bernardo: cuius tamen appellatio hoc solo iniqua habita est, quod ab electis iudicibus appellasset. Atque ad hunc locum pertinent longè plurimæ summorum Pontificum Epistolæ, quibus perpetuò inculcatur, ne appellantes sedem Apostolicam ab Episcopis Prouincialibus iudicentur, eorumque omnes penè cum Episcopis in hoc genere contentiones inde natæ sunt, quod rei ad sedem illam appellantes, queri solerent se post appellationem iudicatos, ut Pontifices ad causam suam, quasi Apostolicæ autoritatis vindicandæ studio, propensiores facerent. Hac arte iam audiuius usum Eutychetem apud Leonem Magnum aduersus Flavianum, eamque non pauci suæ quoque conscij prauitatis sequuti sunt.

Nam hæc præcipuè de causa incensum fuisse constat Nicolaum Papam aduersus Hincmarum Archiepiscopum Rhemensem, quòd neglectis appellationibus ad Romanum Pontificem iudicasse diceretur; quod tamen Hincmarus, & vniuersi cum eo Gallicani Episcopi à se factum esse pernegarunt. Hæc igitur potissima causa est, qua summi Pontifices maiores causas sedi Apostolicæ reseruari, ad eamque referendas esse, nec nisi eà consultâ iudicari posse pronuntiant. Leo IV. *Si inter eos quos damnandos dixerint* Leo IV. ad Episcopos Britan. & ref. 2. q. 4. c. 3. & 9. 6. c. 5. *homines fuerit Episcopus qui suam causam in præsentia Rom. sedis Episcopi petierit audiri, nullus super illum definitiuam præsumat dare sententiam, sed omnino eum audiendi decernimus.* Non vetat definitiuam sententiam vnquam in Episcopum proferri, sed tum demùm, cùm is suam causam in præsentia Rōmani Pontificis audiri petiit. Pelagius II. *Ad Episcoporum iudicium, omnes cause Episcoporum, & reliquorum Sacerdotum, ac ciuitatum (fortè legendum, ac Clericorum) referantur, ut ab his omnibus iustè consona voce decernantur, nisi ad maiorem auctoritatem fuerit ab his qui iudicandi sunt, appellatum.* Gregorius IV. de Episcopo accusato: *Si quid, quod absit, graue intolerandumque ei obiectum fuerit, nostra erit expectanda Censura, ut nihil prius de eo qui ad sinum sanctæ Ecclesiæ Romanae confugit, eiusque implorat auxilium, decernatur, quàm ab eiusdem Ecclesiæ auctoritate fuerit præceptum.* Denique nusquam non occurrunt eiusmodi constitutiones summorum Pontificum, quibus Episcoporum causas tum demùm ab Episcopis prouincialibus iudicari vetant, & soli sedi Apostolicæ reseruari, cùm ad eam ante iudicium Episcopale appellatum est. Alioquin consentiunt iudicari posse ab Episcopis, modò totius iudicii summa deferatur sedi Apostolicæ, ut nimirum si ad eam post iudicium Episcopale prouocetur, damnati Episcopi causa suspensa maneat, nec eius abdicatio ante cognitam sedis Apostolicæ sententiam compleatur, quemadmodum in Concilio Sardicensi decretum est. Quamquam interim damnatus à collegis Episcopus, abstinere se debeat ab omni Episcopalis muneris administratione, ut passim Concilia, Patres, Romanique Pontifices præcipiunt; ita ut si sua sponte, spreto collegarum iudicio, arripuerit ereptum munus, iam ipse suo quoque iudicio sit damnatus, nec restitutionis spem ullam reliquàm habeat. Sic profecto intelligendæ sunt summorum Pontificum Epistolæ, ne ipsæ sibi aduersari videantur, dum aliæ Episcoporum iudicium prouincialibus Episcopis addicunt, eorumque sententias obseruari iubent, quoad interposita ad sedem Apostolicam prouocatio dijudicata sit: Aliæ omne iis tale iudicium auferre videntur, & sedis Apostolicæ sententiam expectari iubere. Nihil enim aliud volunt, nisi Episcopos nihil decernere posse, quando, antequam pronuntiauerint, sedes Apostolica iam appellata est; aut, si appellatio intercesserit, post eorum pronuntiationem, sententiam sustinendam esse atque inhibendam, donec summi Pontificis suprema auctoritate, appellatio sit dirempta. Nam non vniuersim expectandam esse iudicii à sede Apostolica confirmationem, si nimirum is qui iudicatus est, ultro conquiescat in collegarum iudiciis, satis antè ostendimus.

Hoc enim vniuersè appellationis subsidium in reorum gratiam comparatum est, quod ideo illis vsurpare & omittere pro libito licet, quia ut quis-



que dato sibi beneficio utatur, in cuiusque potestate situm est, nec illud accipere quisquam cogitur. Hinc in iudiciis quoque saecularibus, à minorum iudicum sententiis appellare liberum est, quantacumque res agatur; nec suprema tribunalia sibi officii censent, aut in autoritatis suae contemptum interpretantur, si quis apud inferiora subsellia in quantovis negotio damnatus, ad supremam eorum amplitudinem non confugiat, minoribusque iudicibus obtemperet. Si quid in eo incommodi sit, hoc ad eos quorum res est, non ad se pertinere censent: Satis enim incolumem esse amplamque autoritatem suam, modò legitimas ad eam prouocationes nemini prohibere liceat. Atque hoc idem in causis Episcopalibus, sine cuiusquam querela, semper observatum esse, pluribus exemplis declarauimus.

*Vid. ep. Episcoporum Conc. Senon. q. 203. 189. apud D. Bernard.*

Animaduerti tamen debet hoc loco, aliquid interesse inter causas maiores in personis sitas, seu Episcopales, seu Sacerdotales, seu quascumque; & sitas in rebus, cuiusmodi sunt causae fidei. Nam interiecta in maioribus personarum causis appellatione ante iudicium Episcoporum, nihil Episcopis decernere fas est; non item in causis rerum maioribus, siue in fidei causis, de quibus pronuntiare ius est Episcopis, etiam post propositam appellationem. Patet ex Concilio Senonensi in causa Abailardi, cui interfuit sanctus Bernardus, ubi cum Abailardus ad sedem Apostolicam ante iudicium prouocasset, Episcopi prouocationi obsequentes, fidei causam tamen iudicarunt, doctrinamque ipsius, intacta eius persona, confoderunt: quòd eorum iudicium, damnato ipso insuper Abailardo, ab Innocentio II. confirmatum est. Ratio discriminis esse videtur, quia appellationes istiusmodi, personarum gratia, constitutae sunt, ut Ecclesiasticorum hominum fama, quam integerrimam esse magni interest, in rerum tantarum periculis tutior sit ac munitior. Et quamuis homines in iudicium adducti fortasse noxij sint, tamen noxium hominem paulò serius damnari, aut plecti, non tanti periculi res est: At fidei causa sine summo periculo non differtur, & quauis in ea mora, praecipue cum praua doctrina spargi coepta est in vulgus, perniciem multis minatur, & scandali apud imperitos plenissima est:

*1. Tim. 2.*

*Sermo enim eorum ut cancer serpit; ideoque quamprimum resecari & palam explodi debet, ut praekonibus eius fides apud incautiores adimatur. Quare sancti Patres celeritate in eiusmodi causis, & festinatione semper utendum censent, dilationemque omnem, velut in publico incendio, crimini & conscientiae deputant, ut ex innumeris locis, quae proferre non attinet, perspicere potuerunt, quicumque in eorum monumentis versati sunt. Unde nullum errorem, aut haeresim assignare est, qui olim in iudicium Episcopale deductus, ad superius tribunal propter appellationem sine vlla praua censura dimissus sit, ut patet singula exempla intuenti. Neque vnquam viderunt summi Pontifices dari iudicium ab Episcopis, post oppositas ad sedem Apostolicam appellationes, nisi in causis maioribus personarum. Nam in aliis causis, improbantur etiam iudiciales appellationes ante sententiam, nisi ubi manifesta iniuria intentatur.*

*Vid. Innoc. 1. ep. 24. ad Conc. Carth.*

*Vid. Bern. li. 3. de confid. ca. 4. & Innoc. 3. in Conc. Later. c. 48.*

Alterum caput, de quo dicebamus, iudicium interdicti Episcopis in causis maioribus ante sedis Apostolicae sententiam, istud est, cum causa, quae



in iudicium venit, ita obscura & perplexa est ut nihil de ea proditum sit nec Scripturis sacris, nec Patrum Conciliorumque decretis, nec de illa propter ancipitem disceptationem consentire possint Episcopi. Cum enim nihil tunc liqueat de quo iudicetur, necesse est consilium periri à maioribus, controuersiamque eorum iudicio integram reseruari. Ita passim Patres, de causis omnibus maioribus statuunt. S. Leo ad Anastasium de Conciliis Prouincialibus Episcoporum, *Si forte inter ipsos, qui præsunt, de maioribus (quod absit) peccatis causa nascatur, quæ Prouinciali nequeat examine definiri, fraternitatem tuam de totius negotij qualitate Metropolitanus curabit instruere, & si corampositis partibus nec tuo fuerit res sopita iudicio, ad nostram cognitionem quidquid illud est transferatur.* Ioannes VIII. *Si qua inquisitio de fide, vel fortasse aliarum rerum inter Episcopos causa emerferit, quæ discerni difficilior possit, collectis XII. Episcopis ventiletur, atque decidatur. Sin autem decidi nequiverit, discussa veritate ad nostrum iudicium referatur.* Nicolaus I. apud Gratianum, de Episcopo accusato: *Si qualibet ambiguitas, vel aliqua fortasse super eius examinatione, vel Episcopatus abrenunciatione oborta fuisset contentio, ex more ad Apostolicam sedem referri conuenerat, & nostra in his omnibus debuerant cuncti decreta penitus expectare.* Leo IV. *Si tale emerferit vel contigerit inusitatum negotium, quod minime possit per istos definiri, tunc si illorum dicta Hieronymi, Augustini, Isidori, vel cæterorum similiter sanctorum Doctorum similium reperta fuerint, magnanimitè sunt retinenda ac promulganda; vel ad Apostolicam sedem referendum de talibus.* Congruenter his Concilia causas, quæ ab aliis iudicibus explorari liquidò non possint, ad alios transferunt, à quibus explanari valeant. Ita Concilium Matilconense, *Si quis causam habeat aduersus Episcopum, Metropolitanum adeat. Quod si talis fuerit immanitas causæ, ut eam solus Metropolitanus definire non valeat, aduocet unum, vel duos Episcopos. Quod si & ipsis dubietas fuerit, Concilium definito die vel tempore instituant, in quo vniuersa ritè collecta fraternitas Coepiscopi sui causas discutiat, & pro merito, aut iustificet, aut culpet.* Nec dubium, quin si & apud Metropolitanum, & in Concilio de eiusmodi causa ambigeretur, eadem opera gradatim adiri uoluerit Primate, & denique post eum, sedem Apostolicam, apud quam ea quæ à minoribus percipi non potuissent, illustrarentur. Nam sicut Carthaginenses Patres ad Innocentium olim Papam scripsere, fidei dogmata maiore gratia de sede Apostolica pradicantur. Huic simile est decretum Concilij Antiocheni; *Si quis Episcopus de certis criminibus iudicetur, & contingat de eo Prouinciales Episcopos dissidere: cum iudicatus ab aliis innocens creditur, reus ab aliis; pro totius ambiguitatis absolutione sanctæ Synodo placuit, ut Metropolitanus Episcopus à vicina Prouincia iudices alios conuocet, qui controuersiam tollant, ut per eos simul, & per Prouinciales Episcopos, quod iustum visum fuerit, approbetur.* Quod autem addit Canone proximo, si eiusdem Prouinciæ Episcopi de crimine accusati Antistitis vna voce consentiant, non requirendos esse alios iudices, sed firmam concordantium Episcoporum Ecclesiæ manere sententiam, clarè patet id referri ad Canonem superiorem iam citatum, quo, Episcopis Prouincialibus dissidentibus, iuebantur accersiri iudices à vicina Prouincia. Nam quod Episcopis dissidentibus fieri iussit, id illis consentientibus vetat, quæri nimirum vicinorum Episcoporum iudicium, his-

S. Leo. epist. 84. ad Anast. c. 7. & 11. & ref. dist. 18. cap. 2.

Ioan. VIII. epist. 93. ad Episcopum Arel.

Nicolaus I. ep. 3. c. 3.

Leo IV. ep. ad Episcop. Brian. & ref. dist. 20. cap. 1.

Conc. Matilcon. 2. c. 9.

Conc. Carth. ep. Synod. ad Innoc. I. Con. Antioch. c. 14.

Idem c. 15.

Lec. 11.

Exod. 18.

Deut. 17.

Gerson de  
exam. doct.  
conf. 3. tom. 1.

que omissis firmam fore statuit concordantium Episcoporum Prouinciae sententiam, ita quidem, ut ad eam infirmendam adhiberi non possint vicinae iudices Prouinciae. Non autem agit de suprema illa ad Romanum Pontificem appellatione, quae omnibus Episcopis, qui se Prouincialium Episcoporum iudicio iniquè laesos putarent, concessa est in Concilio Sardicensi. Sicut autem, dubitantibus Prouincialibus Episcopis, consuli iubet vicinos; ita si Prouinciales, post vicinos accersitos, nihilominus dubitarent, neque conuenire possent, quod in rebus dubiis & grauissimis factum per facile est, apud homines ea modestia & grauitate praeditos quae ab Episcopis exigitur; minimè dubium est, quin eadem opera consuli vellet maiores alios, ac denique supremam omnium Petri sedem, fidei & vnitatis Ecclesiasticae caput, cuius praesulibus concessa est praecipua gratia, & potestas fratres suos confirmandi. Hæ sunt ambiguae illae quaestiones atque difficiles, quas summi Pontifices ad se referendas toties edicunt, quarum iudicia inferioribus adimunt Episcopis, qui sine omni etiam externa lege eas ad primam sedem referre debuissent, ut ab ea velut à supremo Dei in Ecclesia docentis organo, de iis quae ipsi inter se dispicere non possent, edocerentur. Nam debitus à nobis Deo honor postulat, ut constitutos ab eo in terris ordines veneremur, & exquirendae mentis ac lucis ipsius, quas nobis reliquit vias, gradatim sequamur. Porro Episcopis, qui Patres sunt Doctoresque Christianorum, is superior proximusque ad consulendum Doctor est, qui Pater Patrum, Doctor Doctorum, Episcopus Episcoporum est constitutus, ut quemadmodum ipsos potissimum alij audire debent, ita ipsi illum, solum ordinarium magistrum à Deo sibi praepositum. Hæc autem Pontificum lex, atque hoc officium Episcoporum expressum esse videtur, quasi exemplari, lege illa indicta iudicibus quinquagenariis, quos Moyses autore Iethro diiudicandis rebus sub se praefecit, ut quicquid grauius videretur, ei reseruarent, faciliora dirimerent. Deinde illa ab eodem proposita toti ipsi populo, ut quicquid difficile atque ambiguum oriretur, de quo iudicium inter portas suas verba variari videret, ad religionis suae verticem atque ad sacerdotes Leuitici generis, supremumque iudicem Dei templo praesidentem, conferret se, & illius sententiam audiret. Denique huc spectat locus ille Gersonis initio obiectus, cuius expositionis gratia hæc scripsimus de vniuerso causarum maiorum genere, pluribus equidem quam obiectioni expediendae necesse fuerat, sed paucioribus fortasse, quam ad rei tantæ, quam Iesuita insciens commouit, enodationem. Quaestiones quippe has ambiguas perplexasque, de quibus inter Episcopos nihil constet, & quarum apud omnes iudicium vacillet, solius summi Pontificis autoritate constitui oportere, docet Gerson, nec inferiorum Episcoporum decretis praefiniri posse. Aduertendum tamen, non de iis quaestionibus Gersonem loqui, de quibus apud quoscumque ambigatur, sed de iis de quibus certeretur apud omnes, in primisque apud eos ipsos Episcopos, qui eas diiudicare vellent. Alioquin si Episcoporum confessus rem minimè dubiam minimèque obscuram habeat, si de ea à sanctis Patribus aut Scripturis constitutum esse videat, si de ea ipse vna voce consentiat, sententiam ferre potest, praescribereque quid

sentiendum sit, quantumvis multi inferiores aut privati Theologi, qui Theologiæ scientiam è sodalium suorum placitis æquè suo sensu fortasse hauserint, inconsulta Ecclesiæ traditionisque antiquitate, aut dubitent, aut penitus dissentiant. Non enim est discipulus supra magistrum, nec Episcopi qui Theologiæ Doctores primarij sunt ac principales, à Deo, non ab hominibus constituti, ex inferiorum Theologorum iudiciis pendere debent, cum certiora ipsi vident, quorum est alios docere regereque, & quibus ad hoc ipsum singularis gratia data est, singularisque Dei cura promissa. Sic olim Concilium Valentinum Galliarum, quamvis non solum Theologos, sed etiam Episcopos plures aduersantes haberet, tamen quia illi ab explorata D. Augustini, summorum Pontificum, Conciliorumque doctrina aberrasse videbantur, iudicare non dubitavit, Deum eos saluos facere nolle, quos ad salutem non adducit, hancque sententiam confirmavit Metropolitanorum trium Prouinciarum Arclatensis, Viennensis, Lugdunensis, Episcoporumque Prouincialium autoritate, quasi doctrinam à Patribus traditam, à sede Apostolica commendatam, & omnibus Christianis colendam. Quare Prudentius Episcopus Trecentis, Aeneæ Parisiensis Episcopi ordinationi alia lege suffragari noluit, nisi ut ille in fidei professione quam de more editurus erat, hanc quoque doctrinam profiteretur; ut patet ex eius Epistola ea de re scripta ad conuentum Episcoporum. Nam quod hæc doctrina à quibusdam, ex occasione errorum Gothescalci, tum temporis in dubium vocaretur, professionem eius ab omnibus, præcipuè Episcopis, exigendam putauit, quia earum potissimum doctrinarum confessio in Ecclesia postulari solet, quæ postquam ab vniuersa Ecclesia probatæ fuerunt, postea tamen errore, seu inscitia hominum in controuersiam redeunt. Doctrinarum igitur ambiguitas & certitudo, non solis hominum præsentium contentionibus, sed vniuerso Ecclesiasticæ antiquitatis sensu metienda est, ut id dubium habeatur, de quo in ea nihil sit constituti; id certum quod in ea pateat, quantumcumque posteriorum Theologorum seu de rebus apud eam dubiis, assertiones, seu de certis dubitationes circumferantur. Idque non solum ab Episcopis tenendum, quamuis eos Ecclesiasticæ istius grauitatis præcipuos vindices esse deceat, sed & ab omnibus Theologis, præcipuèque à primariis Theologorum Facultatibus, quibus ea quæ alij minores Theologi interdum non vident, sancire ac dirimere ius est, ex antiquo Ecclesiasticæ veritatis consensu, quem fortè alij nec intueantur, nec exquirant, dum nouitiorum Theologorum lubricuunculis toti implicantur.

*Vid. Concil.  
Valent Gall.  
sub Leone  
IV tom. 3.  
Cœc. general.  
sess. 1.*

*Extat. tom.  
1. Cœc. Gall.*

Patet itaque, ni fallor, ex iam dictis, quænam causæ maiores ad proprium & vnicum Pontificis maximi iudicium pertineant; Et clarè demonstratum esse opinor, exceptis Episcopalibus causis, in quibus sedes Apostolica appelleretur ante sententiam Episcoporum, & illis rerum fidei ac mysteriorum quæstionibus, de quibus, ex perpetua Scripturarum Ecclesiæque traditione, neutram in partem statui possit, nullas esse causas, quantumvis magnas & graues, de quibus non competat Episcopis iudicium, perenni Ecclesiæ totius vsu & consensu, incolumi tamen suprema summi Pontificis ad eorum sententias, tum confirmandas, tum soluendas autoritate.



Ud. Concil.  
Agripp. ad-  
uersus Eu-  
phrat. tom. 1.  
Concil.

Gelas. in Co-  
mon. ad Fau-  
stum, ep. 4.

Idem tom.  
de Anath.

Innoc. III.  
in Conc. La-  
teran. c. 35.  
& 48.

Concil. Trid.  
sess. 24. c. 5.  
de refer.

Nam de causis perspicuis & minimè ambiguis, ut cum vel confitenti reum habent, vel causa, quæ in iudicium venit, satis explanata est maiorum Ecclesiæque iudiciis, non solum collecti plures, sed quamlibet pauci, adeoque quivis unus, quemvis alium iudicare potest. Ita enim Valerianus Episcopus in Concilio Agrippinensi, aduersus Euphratam testatur, *Etsi non omnes conseniores nostri, hic apud Agrippinam Dei voluntate qui sumus adunati, conuenissemus, suffecerat à quinque Episcopis Euphratam blasphemum, quia Christum Deum negat, pro meritis suis sententiarum & esse depositum.* Quia et si Agrippinensis Episcopus Metropolitanus esset, tamen in aperta blasphemia tenebatur, in qua à quibuscumque Episcopis, quamvis minoribus, damnari poterat & abdicari. Et Gelasius Papa clarius ac fortius: *Non solum, inquit, Praefuli Apostolico facere licet, sed cuicumque Pontifici, ut quoscumque & quemlibet locum secundum regulam hæreseos ipsius antè damnata à Catholica communione discernat.* Quo ex loco exponi debet id quod alibi scribit, Patriarcham Alexandrinum à solo Papa iudicari posse eo quod secundam sedem non iudicet nisi prima. Intelligi enim debet, nisi causa ita liquida sit, ut nihil contentionis recipiat, reo ipso vel confitente, vel superioribus Ecclesiæ iudiciis apertè præiudicato. Imò in eiusmodi causis, ne appellationem quidem concedunt leges, eo quod appellationis remedium, non sit ad defensionem iniquitatis, sed in præsidium innocentie institutum. Una est quæ antedictis obstare videatur constitutio in Concilio Tridentino edita, qua causarum Episcopaliū grauiorū iudicium & cognitio, summo Pontifici prorsus addici videntur. Sed præterquam quod ea constitutio in iis regionibus, ubi Concilium Tridentinum non est promulgatum, locum necdum habet, ut fatentur omnes, & aduersarij in hac ipsa controuersia Anglicana sæpè responderunt; certum est eam, ne in vlla quidem regione Spongiæ in hoc quod agimus, quicquam opitulari. Nam caput illud non omnes generatim maiores causas soli Pontificis cognitioni tribuit, sed solas Episcopaliū personarum; non autem causas maiores rerum, ut hæresum, vel alias, de quibus solis Spongiæ obiectio facta est: Cui ideo Concilium Tridentinum nihil prodest, nec à nobis ea de re dicta infirmat.

Ridiculum ergo est & inscitæ plenum, quod à quibusdam iactari audio, Episcopos de causis maioribus iudicare nullo modo posse, easque omnes soli summo Pontifici reseruari; nec cuiquam, qui aliquid cum SS. Patribus & Conciliis commercij habeat, istud in mentem venire posse arbitror. Nam quòd interdum ita loqui videntur in Epistolis summi Pontifices, ut eas causas sibi penitus assumant, earumque ventilationem solam Episcopis permittant, ex dictis patet id de omnibus omnino causis maioribus intelligi non posse, sed de iis duntaxat accipi debere, quarum iudicium sedi Apostolicæ singulariter tribuisse Patres, antè ostendimus. Quamquam ventilationis nomen non semper ita sumendum est, quasi solam rei discussionem, sine omni iudicio, contineat. Nam eo nomine significatur etiam iudicium, non vltimum illud quidem ac supremum, sed quod sub altiori potestate quasi suspensum sit, donec ab ea finiatur & compleatur; qualia esse diximus iudicia Episcoporum ad iudicium summi Pontificis collata, quòd appellationis beneficio, quod in reorum ar-



bitrio positum est, ad eum semper deferri possint, non solum comprobanda, sed etiam, si necesse sit, rescindenda. Ita cum Concilium Chalcedonense, Clericum, qui negotium cum Clerico habeat, iubet adire Episcopum, *ut apud eum actio ventiletur*, Dionysio Exiguo interprete; non significat Episcopum Clerici sui causam discutere tantum posse, non verò diiudicare; sed ventilari dicit apud Episcopum Clerici causam, quòd ab eo iudicetur non supremo iudicio, sed cum subsidio prouocationis, si ita videatur ei, qui ipsius iudicio victus erit. Idem ex locis aliis non paucis perspicui potest, in quibus ventilationem, non cuiuslibet iudicio, sed solum *finitioni* causæ opponi patet. Imò reperias interdum ubi *ventilatio* pro quouis iudicio generatim ponatur, seu minori seu supremo, ita ut ipsi Romani Pontifices, dum iudicant, ventilare dicantur, quia videlicet omni iudicio causa disquiratur, & dilucideretur. Hactenus de causis maioribus, & minoribus. Pluribus enim locum hunc explanari operæpretium fuit, quia videmus plerosque hîc hærrere superstitioso quodam metu, quem sola Ecclesiasticæ disciplinæ ac moris maiorum inscitia genuit, & miras tum sibi tum aliis tenebras offundere.

Fuit verò tertium quoddam causarum genus his quodammodo intermedium, & neque ad maiores nèque ad minores propriè causas referendum, quippe minimè Ecclesiasticum genus, sed sæculare totum ac forense. Causas enim complectitur sæculares ac ciuiles, non Clericorum tantum, sed & laïcorum, quas Imperatorum leges ad Episcopos vndique referri permittebant, ut eorum sententiis æquius breuiusque transigerentur. Inter quas tamen illud differebat, quod Clericorum tales causas Episcopis iudicandas offerri necesse erat, omissis ciuilibus tribunalibus, quibus graui pœna Clericis interdictum erat, ut plerique Canones declarant; Laïcis verò id quidem non præciperetur, ne ciuilia tribunalia deserta iacerent, sed tamen liberum cuius esset, aduersarium ad iudicium Episcopale adigere, ubi controuersia, sublati etiam prouocationibus, definiretur. Quod si laïco negotium eiusmodi cum Clerico intercederet, iubebatur etiam causam disceptare apud Episcopum, nec Clericum ad iudicium forense trahere poterat, nisi fortè Episcopo oblatam causæ cognitionem recusante. Perspicuæ sunt Imperatorum leges, quas ad verbum exponere nihil necesse est. Sed hoc omne, ut dixi, genus, externum erat, & minimè Ecclesiasticum, sed ex solo Imperatorum ac Regum beneficio concessum: ideoque huiusmodi causæ nec maiores propriè, nec minores erant, quia minimè Ecclesiasticæ, nec de his accipiendi sunt Cartones, qui de causis Ecclesiasticis maioribus, aut minoribus constituuntur, præcipuè cum talia iudicia ab Episcopis sine subsidio appellationis in aliis causis vsitato, dari consueuisse, doceant Imperatoris leges, quibus hoc ipsum edicitur.

Redeamus tandem ex hoc campo ad litigatoris nostri diuerticula, & mendaciorum reliquias persequamur.

Conc. Chalced. c. 9.

Vid. 3. q. 6. c. 3. & c.

L. 7. & 8. de Episcop. audientia.

L. 10. C. Theod. de iurisd. l. 2.

Vid. Capit. Caroli Magni l. 6. c. 181.

Conc. Chalced. cap. 9. Carib. 3. c. 9. & c.

Extra, de foro comp. Vid. 11. q. 1. c. 35. 36. 37. & c.

## I E S V I T A.




X hoc documento tria colligi possunt. Primum est, Parisienses cum, variantibus in Sorbona sententiis, quæ sit hæretica propositio decidunt ad plura suffragia, suæ sphæræ potestatis excedere, Pontificis officium usurpare. Nam solum possunt illas propositiones declarare (ut loquitur Gerson) *hæreticales*, quæ tales sunt apud omnes Christianos, vel saltem apud omnes sapientes & peritos: sed cum variant in Sorbona sententiæ, siue propositio hæretica an non, præsertim cum propè paria sunt suffragia, non est hæreticalis apud omnes peritos & sapientes, sed difficilis & ambigua notæ, atque adeo ex causis maioribus, quæ iure diuino & Ecclesiastico ad sedem Apostolicam non ad Sorbonam spectant.

## R E S P O N S I O.

L O N G I O R E M ad superiorem paragraphum orationem, breuiore ad primum hoc tuum capitulum, responsione leuabimus. Refricas enim mendacij supra confutati vanitatem, dum non solum nullo teste, sed etiam aduersus apertam Facultatis professionem iterum reclamas, Censuras in errores vestros *variantibus sententiis* latas esse, & quidem *propè paribus suffragiis*. Quod mendacium mirum est à religioso homine, si tamen satis sanus esset, non sæpè inculcari, sed semel proferri potuisse, atque id non solum passam esse illam Societatem, quæ prudentiæ principatum affectat, sed etiam tam apertè deliranti homini plaussisse. Si hac fide perspicuas res, & publicè notissimas tractant, quid non audeant in occultis?

## I E S V I T A.



E C V N D O: Librum Nicolai Smithæi non potuisse à Prælati summo inferioribus, nedum à Sorbonicis Richeristis, damnari, sed illius causæ cognitionem fuisse sedi Apostolicæ reservandam. Hoc etiam patet. Nam propositiones pro quibus stant Catholici Doctores, non in vna tantum Diœcesi, sed sparsim per orbem Christianum, sunt causæ fidei maiores, sedi Apostolicæ reservatæ. Iam per orbem Magistri & Doctores, librum Nicolai Smithæi, tanquam vndeque puræ integræque doctrinæ approbauerant, antequam Sorbonæ præsentaretur, atque ad:ò propositiones illius à viris ubique doctissimis, tanquam orthodoxæ, defendebantur. Erat igitur illius Censura libri, ex causis maioribus summo Pontifici reservatis, quæ non possunt ab inferioribus decidi, propter difficultatem, & periculum scandalis, seu schismatis, ut ait Gerson.

R E S P O N . ●

## R E S P O N S I O.

**H**Oc quoque cortuit ex prædictis. Nam neque omnes, aut plerique Theologi probarunt Smithæi librum, præcipuè *antequam Sorbonæ præsentaretur*, (de his enim solis loqueris) sed pauculi aliquot à vobis prefati, ferè Regulares, quos si cum illustrissimæ Facultatis Theologis, cum tot Archiepiscopis & Episcopis, à quibus solenniter vna voce reprobatus est, conferas, nihilo plus ages, quàm si militum gregariorum manipulum, cum amplissima principum cohorte committas. Ac mirandum equidem est, te à iudicio usque adeò esse derelictum, ut tumultuarias approbatorum factione vestra collectorum copiolas, cum omnibus Ecclesiæ Gallicanæ Præsulibus, qui Censuram à collegis in vos latam vno consensu probarunt, & tui sunt velut suam, opponere toties audeas. Magis animi tui, quàm causæ tuæ labem ista ratio clamat, præcipuè ita repetita & congesta, ut hoc vnum agere videaris, ne quis sanitatis quippiam penes te residere suspiceretur, nec insipientiam tuam possit obliuisci. Nec verò si tot essent Smithæi approbatores, quot tu prædicas, ideo minus fas esset confessui Episcoporum, doctrinam, quam illi probassent, emendicatis præcipuè istis suffragiis, repellere & abdicare, si eam Ecclesiæ traditioni, antiquæque Patrum doctrinæ aduersariam viderent; ut est profecto Smithæi doctrina, omnium iudicio, qui veterum monimenta & perpetuum Ecclesiæ consensum norunt, etsi non eorum fortassis opinione, qui in scholarum nouitatibus consensescunt. Non enim dubia efficitur doctrina quæpiam, eo quod quidam de ea dubitent, aut eam fortè oppugnent, si sua nimirum culpa id faciant, certissimorum documentorum, quæ non curant, ignoratione, vel ingenti rerum suarum, quo cæcantur, affectu. Quicquid isti obstrepant, fas esse Ecclesiæ Patribus ac Episcopis, ea quæ per se firma sunt ac certa, quæ Ecclesiæ à maioribus tradita vident, de quibus ipsi vna voce consentiunt, iudicare ac dirimere, quantumcumque alij dubitent, ostendimus, & exemplis, & apertissimis Romanorum etiam Pontificum decretis. Ea enim demum dubia, & difficilia vocantur in Canonibus, & decretis summorum Pontificum, non quæ apud minores Theologos ambiguntur, sed quæ dubia sunt Episcopis inter se, & de quibus ipsi nihil habent quod statuant. Ea verò de quibus ipsi sine dubitatione consentiunt, dubia non habentur, nec ad summum Pontificem, ante ipsorum sententiam, referenda, ut ex antedictis patet. Non enim patres filiorum iudicia sequi coguntur, sed filios, si quid deficient, à patribus regi decet, nec iudicium est, sententiis aduocatorum morem gerere, sed iis moderari. Quanquam quæ tandem tua ista est approbatorum multitudo? Vbinam isti per totum orbem Magistri & Doctores, qui Smithæi librum probarint? Quæ vnquam hæresis, non plures & clariores propugnatores iactare potuit? Hæresum enim & factionum omnium genius est, ut ipsa nouitate plures alliciant, insignes plerumque & florentes, quos deinde antiquæ veritatis cultoribus opponant, ut si eos superare non possint, saltem æquasse videantur, & in concertationes ambiguas tora re distracta, dubi-

*Vid. Concil.  
Antioch. c.  
14. & 15.  
S. Leon. epist.  
82. c. 2.  
Pelag. 2. ep.  
1. c. 2.  
Ioan. 8. epist.  
93. & c.*

T

Vid. Vincit.  
Lxxv. Comp-  
ment. l. 5. 4.

tari possit vtra in parte veritas, & ipsis interea sua dogmata, velut æquo cum aduersariis iure, tueri & spargere liceat. Hinc nulla vnquam factio, quæ sequaces non collegerit, & complures interdum sit nacta, illustriores omnique ratione superiores, quàm eos qui sinceram fidem tuerentur. Nec ideo tamen auitæ fidei propugnatores, manus dandas putarunt. Nam illud apertæ, in approbanda doctrina quapiam, factionis & collusionis argumentum est, cùm doctrina recens prolata, nullos fide dignos assertores, antequam proferretur, habuit, & omnibus retrò sæculis fuit ignota. Tunc enim, quicumque eam, vbi prolata est, tueri incipiant approbatores, noua est, legitimæ autoritatis expers, nec nisi, vel antiquæ veritatis ignorance, vel nouæ conspirationis studio, approbatur. Huiusmodi autem esse librorum vestrorum approbationes, ex eo ad oculum patet, quia nulla est damnata in libris vestris propositio, quæ ab vilo fide digno Theologo ante vos asserta fuerit, & quarum plerarumque non vos ipsi, aut Societatis vestræ sodales, autores sitis. Vnde fit, vt quantacumque approbatorum copia, nouitatem earum non tollat, nec auctoritatem vllam eis conciliet, qua legitimam Episcoporum Censuram effugiant; sed illis ipsis repentinis approbationibus erroribus, quos nouatores inducunt, factionumque omnium fœderationibus, simillimæ appareant. Non ergo attendendum quinam errori vestro faueant, præsertim priuati in Episcopos, discipuli in Magistros, filij in patres: Nec patitur Ecclesiæ Catholicæ disciplina, vt à solenni Illustrissimorum Antistitum iudicio, ad priuatorum hominum suffragia prouocetur. Hoc nouum in Ecclesia, hoc inauditum, hoc demùm plenum scandali, & schismatum patens via, spretis iis quos qui spernit, Deum spernit, homines nulla auctoritate præditos in tribunal imponere, vt iudicia Episcopalia rescindant, & in Episcopos Censuras agant. Quid minus ferendum, quàm eos qui Episcopos de priuatorum doctrinis sententiam ferre indignantur, priuatos quærere Censores, qui de Episcoporum iudiciis iudicent?

## I E S V I T A.



ERTIO colligitur, Censuram Richeristicam in librum Danielis à Iesu, esse vsurpatiuam officij summo Pontifici proprii, ac schismatis inductiuam. Sequitur clarissimè ex dicto Gersonis, si ponamus (quod negari non potest) hos Sorbonistas, hac Censura notasse propositiones, quæ à Theologis omnium gentium disputantur in vtramque partem. Ex plurimis vnum adhibeo exemplum. Dicit Author, Regulares, sepositis exemptionibus & legibus Ecclesiasticis stando in iure diuino subjici Episcopo quoad Ecclesiasticam disciplinam, non autem quoad votum obedientiæ, & obligationes ad quas ex solo voto tenentur. Hæc est doctrina S. Thomæ, Syluestri, Thomæ Sanchez, & aliorum plurium quos ibi author citat. Imò alii Catholici Dòctores quamuis contrarium, vt probabilius, teneant, tamen dicunt hoc esse probabile, ac esse S. Thomæ: *Sentis* (inquit Suarez) *S. Tho-*



mas Episcopum non posse præcipere Religioso, in iis quæ pertinent ad disciplinam Tom. 3. de regularem: nam si posset, eius præceptum esset præferendum præcepto Abbatis etiam regul. l. 10. c. 11. m. 8. in illa materia, quod D. Thomas negat: unde consequenter fit, Religiosum ex voto obedientia non subdi Episcopo, etiamsi aliqui à sua iurisdictione exemptus non sit. Ita Suarez. Ergo clarissimi per orbem Catholicum Theologi censent, Religiosos ex voto obedientia non subdi Episcopo, stando in solo iure diuino. Et tamen hoc Sorbonici Richeristæ norant ut falsum, temerarium, præsumptuosum, Episcopis iniuriosum, schismaticum, hæreticum. Quocirca officium decidendi, quod sit difficile & ambiguum in religione Christiana, sibi sumunt, in causas maiores summo Pontifici reseruatæ irrumpunt, Catholicos Theologiae professores modernos, veteres, & inter eos S. Thomam, temerarium, schismaticum hæreticum faciunt. Quid hoc nisi, quantum in ipsis est, schisma conflare, censuramque ferre, non modò contemnendam, sed etiam execrandam?

## R E S P O N S I O.

**D**IFFICILE est malam causam benè agere, & apertam tegere deformitatem. Rursus fateri cogeris miser, deesse tuæ saltem Apologiae approbatores quos iactes, quod iterum suprâ agnouisti; & ut calamitatem istam obumbres, ludibria comminisceris sæpius inculcata, sæpius retusa, quarum condiendæ insulitati, verborum acerbis notissimam admisces. Ridiculum profecto, tantum esse in vobis futilitatis, ut probaturi notatas esse Theologiae Facultatis Censura propositiones, quæ à Theologis omnium gentium in utramque partem disputantur, eam potissimum propositionem seligatis, quæ omnium infirmissima, & ab autoritatum præsidis vna omnium inanissima est. Nam si omnes omnium gentium & Theologorum latebras scrutemini, neminem ante Thomam Sanchez sodalem vestrum proferetis, qui Regulares, seclusis privilegiis, ab Episcoporum subiectione, quoad vota obedientia ac cætera regularia, liberet. Hic hæreseos istius parens, vos susceptores ac tutores: Iesuiticum germen est, & magnum Societatis vestrae incrementum. Nos contra, & in Spongiam tuam declarauimus, nemini eam vnquam venisse mentem, & latius eam alibi totius antiquitatis mole opprimemus. Nam quòd plures pro ea recitasse dicis autores, neminem citasti nisi Thomam Sanchez & S. Thomam. Nam multi illi, quos à Thoma Sanchez citatos dicis, planè nulli sunt, cum ille neminem pro ea vendideret, sincerior te saltem, & in ipso errore verior, ut & suprâ in Querimoniam, & alibi in Spongiam ostendimus. Mirè dolere vobis necesse est hæreseos istius damnationem, cum eam refricando, & retractando, & ineptiis iisdem aspergendo, satiari non possitis. S. Thomam certè in eius patrocinium rapere, propter ambiguam voculam in angulum commentarij in Sententias à iuvene coniectum, dissimulato interim clarissimo Summæ ipsius Theologiae splendore, ubi non verbulo, sed integris disputationibus vos iugulat, cuius animi esse dicemus? Quis enim dicat S. Thomam docuisse Religiosos, quoad vorum obedientia, eximi ab Episcoporum potestate, seclusis etiam privilegiis, cum

is, quo loco de natura regularis obedientiæ ex professo agit, disertè doceat, obedientiæ votum, & subiectionem Religiosorum principaliter attendi ad Episcopos, qui comparantur ad eos, sicut perfectiores ad perfectos. Affertque Dionysium docentem quod Monachorum ordo Pontificum consummariis virtutibus mancipatur, & diuinis eorum illuminationibus edocetur. Vnde ab Episcoporum obedientia, inquit, nec Eremitæ, nec etiam Prelati Religionum excusantur. Et si à Diocesano totaliter, vel ex parte sunt exempti, obligantur tamen ad obediendum summo Pontifici, non solum in his quæ sunt communia aliis, sed etiam in his, quæ specialiter pertinent ad disciplinam religionis. Hæc scribente D. Thoma, tamen contendere Religiosos ab eo Episcopi obedientia, etiam sine priuilegiis, liberari, fronte magis loqui est quàm mente Docet enim perspicuè eorum obedientiam principaliter ad Episcopos attendi, quia videlicet Episcopus sit eorum principalis Pater, & ut ait, perfectior, sub quo eis præsit Rector regularis; ideoque eorum obedientiam in Episcopum denique resolui, ut in summum præcipuumque Præpositum, eo modo quo nunc post priuilegia, in Magistros Generales resoluitur. Atque ab hac obedientiæ lege ita eos soluit, Si totaliter, vel ex parte sunt exempti. Quo posito, obedientiam, quæ ab iis antea Episcopo debebatur, in Pontificem transfert, ut Pontifex eis præsit per omnia, non solum in communibus, sed in iis quæ religiosæ disciplinæ propria sunt, eo modo quo prius Episcopo suberât. Hinc est quod Petrus Blesensis de Monachis exemptiones præposterè ambientibus ad Alexandrum Papam olim scripsit, per eas obedientiæ iugum euacuari, quòd nimirum solutior fieret obediētia regularis, post excussum Episcoporum iugum, cui voti sui lege antea subdebantur; Pontifice longiùs diiuncto, quàm ut quotidianam eorum vitam spectare & obseruare posset. Ex quo fiebat, ut Præfecti præcipuè Regularium, quasi nullius obedientiæ obnoxij, omnia pro animi sententia agerent ferrentque. Exponentur hæc omnia latius alibi, ex omni antiquitate. Nunc satis est de clarissima D. Thomæ sententia dubitari non posse, de qua etiam in Spongiâ satis actum erat, nec plura necesse fuit congerere, nisi inexplētam istorum in hac in primis hæresi defensanda libidinem sedari, si possit, oporteret. Quod igitur ex eius in Sententias commentarij clausula opponunt, Religiosum, in iis quæ ad regularem pertinent vitam, magis Abbatibus præcepto quàm Episcopi teneri, nihil esse potest, nisi nubecula splendide luci obiecta, quam ij qui tenebras magis amant quàm lucem, aucupentur, eo modo quo nouatoribus mos est dubia quæque sollicitare, quo minimè dubia obscurent ac debilitent. Quid si enim D. Thomas humilitatem & modum præcipere voluit religiosis, & contumaciæ fores præcludere, ne, specie obtemperandi Episcopo, Abbatum præcepta excuterentur? Norat enim seruandum in omnibus ordinem, ut quisque colatur & obseruetur suo loco, Abbas in domestica disciplina, quandoquidem ille ab Episcopo propriè præpositus erat, quem monachi vnum in oculis haberent, quem in regularis vitæ via sequerentur & audirent, nec alium requirerent ductorem, sed hoc vno contenti, in huius vnus nutu conquiescerent; idque religiosi voluissent? Sic filius familias moneri potest non malè, ut in iis quæ publicam rem attingunt, Regem parenti præferat, in iis quæ

Petr. Blesen.  
epist. 68. ad  
Alexand. 9.

domesticam disciplinam, Regi parentem; quòd videlicet hunc vnum in instituenda familiari vita intueri deceat, pendere ab hoc vno, nec alium requirere, cuius obedientiæ prætextu, domestica ratio conturbetur. Nec tamen ex eo sequetur, Regi non subesse per omnia civium suorum familias & domos. Potuit ergo S. Thomas religiosæ moderationis callentissimus, vtile piumque præceptum posuisse Religiosis, ne Episcopi & Abbatibus potestates colliderent, sed suo cuique loco gererent morem, & Abbatem vnicum domesticæ institutionis quærerent ducem, cum id ita vovissent, nec declinandi eius gratia, ad Episcopum ex religiosæ temperantiz finibus proflirent. Si tamen Regularem disciplinam ab Abbate vitari, prava iussa imponi, pro libito omnia fieri, aperte delinqui constaret, non negavit D. Thomas audiendum esse Episcopum Religioso non exempto, etiam præ Abbate, nec Episcopum, & Religiosis, & Abbati, quoad regularem disciplinam tuendam instaurandamve, ponere leges posse. Tunc enim suus imperandi locus obuenit Episcopo, deficiente nimirum Abbate, cui, quamdiu non aperte mala præciperet, obtemperari voluit soli, intentis in hunc vnum religiosa humilitate oculis, nec alium quotidianæ vitæ moderatorem desiderari, vt ita & Abbati & Episcopo, suo cuique loco & ordine, suus honor & obedientia constaret. Si sic accipias D. Thomæ locum, quis non videt præceptionem eius æquissimam, & ad religiosæ obedientiæ normam sanctissimè institutam esse?

Dici quoque potest sanctum Thomam loqui de Religiosis non penitus quidem exemptis, sed tamen ex parte. Duo enim exemptionum genera ab eo distingui modò vidimus in Summa, vt alij *totaliter*, alij *ex parte exempti* essent. Quorum in alterutro genere exemptionis fuisse penè omnes eius æui Regulares, facile intelligi potest ex illorum temporum ratione ac memoria. Religiosos igitur illos *ex parte exemptos* dicere potuit, plus astringi præceptis Abbatum, quoad regularem vitam, quàm Episcoporum; plus verò præceptis Episcoporum, quoad Ecclesiæ disciplinam, quàm Abbatum; quod nimirum, quoad regularem disciplinam exempti essent, non quoad Ecclesiasticam. Solet enim D. Thomas disputare de rebus quales in præsentia sunt, quemadmodum in Spongiam dictum est. Atque huic responsioni ferè accedit Suarez vester, vt ibidem vidimus. Qui quod opinionem contrariam, quam falsam totique antiquitati aduersam fatetur, tamen probabilem dicit, lenocinari voluit Thomæ Sanchez aliisque sodalibus, quibus eam placere norat, & vt iis lenocinaretur, suis sese verbis iugulauit. Quis enim probabilem dicat opinionem, quam toti sanctorum Patrum antiquitati repugnare fateatur? Huiusmodi opiniones alij Theologi temerarias erroneasque dicere solent; Suarez probabilem vocat, quasi toti antiquitati obstrepere probabilis esset error, nec tali lenocinio ipse potius illaquearetur, quàm Sanchium expediret. Equidem inter Societatem Iesuitarum, & alias regulares familias hoc interest, quod aliz si qua alumni suis humanitùs exciderunt, fateri solent, reprobare, confutare ipsæ publicè, quemadmodum in Cardinali Caietano Dominicanæ familiæ lumine perspectum est, cuius errata, clari ex eadem familia homines Catharinus & Canus refellerūt. At apud Iesuitas, omnia Sociorū,

tum bonatum mala probantur, non charitate, sed factione, carnali amore, æmulatione. Nemo alterius labes repellit, nemo agnoscit, omnes plaudunt, omnes fouent, minus iniqui dissimulant saltem & purgant, quasi eam Societatis suæ gloriam esse debere putent, ut nulla ex ea in publicum macula, nulla in Ecclesiam offensio manare possit. Ex quo fit ut Ecclesiæ incolumitatem, Regum fortunas, præstantium hominum famam, veritatem, æquitatem omnem Societatis suæ famæ cedere oportere arbitrentur, omniumque rerum ferendam potius collapsionem, quàm ut de Societatis gloria minimum quippiam decedere videatur. Hinc Sanchio supparasitatus Suarez: Hinc libellorum impiorum, quibus Ecclesiæ Anglicanæ & vniuersæ status euertitur, tolerata potius & probata, & conquisitis approbatorum offuciis adumbrata prauitas, ut nemo Societatis istius spiritus, & indomitam contumaciam ignoret, quàm improbata & reiecta, quàm post celeberrimæ Theologorum Facultatis, post illustrissimum Theologorum iudicium, post eruditorum omnium consensum, exautorata & explosa, ut Societatis Iesu conuenientem nomini suo demissionem, modestiam, disciplinæ vigorem, in tuenda fidei veritate constantiam, pij suspicerent & venerarentur.

Ad Syluestri opinionem satis in Spongiam & alibi diximus. Nec vlla ei propria responsio adhiberi debet, cum sit eadem eius opinio quæ S. Thomæ, cuius sententiam iisdem propè verbis refert, ut nihil ad eum addere necesse sit, præter ea quæ de S. Thomæ respondimus. Nullum ergo Theologum habes nisi Thomam Sanchez, qui vnquam non modò senserit quod ille docuit, sed qui eam quæstionem, ante illum, natam esse testetur. Contrà habes Suarem ipsum vestrum, qui aduersus Sanchium totam antiquorum Patrum Ecclesiæque adeò aciem militare fatetur; cui ab eo impunè obsisti posse (quod censet Suarez, dum eius opinionem nihilominus probabilem putat) nos iure execrandum, & schismati vicinum, hæresisque fomentum putamus.





# IESVITA.

## QVINTA CAVSA.

*Turbulentia affectuum.*



**T**HEOLOGICÆ Vniuersitates, quàm fœda decreta emittere soleant, si turbulentis ducantur odij inuidiæque affectibus, non aliunde quàm ab ipsa Sorbona exempla petere necesse est; duo proferam, sed illustria. Ipsi fatentur se odio comotos erga Henricum III. Regem suum, *contra Dei verbum & omnia axiomata Gallia decreuisse.* O miram & diram odij vim! quæ Christianos Dei verbum, Gallos omnia Gallia axiomata conculcare fecit!

### R E S P O N S I O.

**T**VNE turbulentiam affectuum cuiquam imponas? Tunc totus affectibus volubilis *quasi rota plaustri*, videas quid sit affectus, vbi sit, in te an in alio ferueat, qui perturbationis magnitudine rerum, de quibus loqueris, omne discrimen iam pridem amisisti? Vel in isto increpandorum affectuum initio, vt cæcutis, vt ruis, id te videre putans quod nusquam est, & ea mouens, quibus te actuos elidis? Quiesce modò, si potes, dum tuæ mentis calamitatem omnium oculis pandimus.

Duo turbulenti Sorbonæ odij inuidiæque affectus in Censuris edendis exempla promittis, *sed illustria.* Primum hoc loco sic demonstras, *ipsi fatentur se odio motos erga Henricum III. Regem suum, contra Dei verbum, & omnia axiomata Gallia decreuisse.* Verùm vbi tandem, si affectu vacas, si oculos habes, id eos confitentes audisti? Vbinam ipsi fatentur, se odio motos esse in Henricum Regem, & illo odio decreta contra Dei verbum emisisse? Mitto quod D. Arnaldi Aduocati quondam Parisiensis orationem, & eam orationem quæ ab eo priuatim sine nomine edita est, Theologicæ Facultati affingas, forensemque Aduocatum Doctorem Sorbonicum ridiculè facias, quòd alicui eius orationi, *Magistri Antonij Arnaldi* titulum præfixum legeris; quod tuum nugamentum suprà explosimus. Peto, vbi in ea, quam vrges, oratione legeris, Doctores illos odio in Henricum III. Regem suum motos esse, ex eoque odio decreta in eum emisisse? Hæccine turbati animi tui ludibria objicere, & *illustria* alienorum affectuum vocare *exempla*, quæ nisi ad fumeos motuum tuorum ignes nusquam lucent, nusquam sunt? Si in opere tuo tantæ passiones viuunt, qua præsumptione percussus mederi properas, qui in facie vulnus portas? Arnaldi ista oratio nusquam habet doctores qui olim aduersus Henricum Regem sensisse dicuntur, odio id aut libidine fecisse, sed tantùm *cùm iuniores essent, &*

T iij

scholas Iesuitarum admissent, suffragiis superiores fuisse. Non odio, sed consuetudini Iesuitarum quicquid illud est, adscribit. Hoc ab iis ortum, ab iis in Sorbonam inuectum queritur. Quate si tuam illi sententiam adiungis, si illius reprehensionibus delectaris, non id à tua Societate in Sorbonam, sed à Sorbona in tuam Societatem reportandum, & tibi habendum est. Quantam criminationum in nobilissimam Facultatem penuriam esse oportet, qua ea corradere & toties regerere cogeris, quæ obliuione, si fieri posset, æterna delere debuisti, vel Societatis tuæ gratia, cuius alumni qualia quantaque in Reges iis temporibus designarint, vix credent posterum, vel Regum summorumque Pontificum respectu, quorum causam ludibriis tuis ita ventilari, & huc illuc ad inuidiam torqueri, nemo in illos pius æquo animo feret, à te præcipuè, cuius Societati Scriptor ille ea tribuit, quæ tu, eius testimonio, Facultati Parisiensi opponis. Equidem maleuolentia odiosa in Henricum Regem quicquam à Doctoribus illis susceptum esse, vehementer, opinor, negabit Boucherus tuus, cætera studiosissimus & assiduus mendaciorum conuictorumque tuorum succentor, teque mendacissimum fateri malet, quàm se hominum terribilissimum, si, te autore, natuum patriæ suæ principem, odio & affectus prauitate in re tanta oppugnarit. Quamquam nec te mendacem, nec se infontem dicere illi integrum est, qui Spongiam tuam & hæc ipsa quæ refellimus, chirographo suo probarit, non tumultuaria suffragatione reque minus perspecta, quemadmodum Smithæi discussionem & Apologiam tuam à se non lectas temerè probarat, sed ad secundam Spongiæ editionem, ne recusare possit, quin sciens & volens tua mendacia, & probra sua confirmaret. Vtrum cæciorem dixerim, te qui ea scribas, quibus approbatorem tuum improbum indignumque fide videri facis; An approbatorem his subscribentem, quibus seipsum nequissimi animi mortalem pronuntiat? Age, age, objicite aduersariis affectuum turbulentias, quibus ita iactamini, ut vobis ipsis manus afferatis.

## I E S V I T A.



ED aliud est exemplum, in quo verius omnia axiomata Galliarum, non quidem contra Dei legem, sed (quod fortasse mirabilius sit) contra legem Salicam contempserunt. In Gallica Historia nihil notius quàm Delphinum, qui postea Caroli septimi nomine imperauit, propter cædem nefariam Ioannis Ducis Burgundiarum patrum odium incurrisse. Urgebatque Philippus Dux paternæ necis ultor, ut Delphino excluso regnum in Regem Angliæ, qui filiam Franciæ duxerat, transferretur: *Decretum contra legem Salicam, quo nullum terrius aut magis perniciosum unquam emanauit*, inquit Galliarum Historicus *du Hallian*. An huius decreti Vniuersitas Parisiensis auctrix vel approbatrice. Illum ipsum Historicum audite. *Rektor*, inquit, *Vniuersitatis Parisiensis*, nomine *Ioannes l'Archer*, *Facultatis Theologiae Doctor*, ex parte totius *Vniuersitatis Reges affatus est*, ex-

Le plus malheureux & pernicieux qui fut jamais mis par écrit, li. 21. n. 3.

hortans ut iustitie memores, reos criminum homicidij & parricidas punirent, postulatis & precibus Philippi Ducis Burgundiae benignas aures gratiose praeberent, & ipsius postulata ad effectum & executionem perducerent. Hæc erant supplicantium ipsissima verba. Ita du Haillan. Lib. 21. n. 4.

## R E S P O N S I O.

**P**RÆTER vitium in superiori argumento deprehensum, quod nec Historicus iste quicquam odio aut malevolentia factum dicat (quo vno vitio collabitur objectio tua, nec aliud probat nisi acerrimam odij tui cæcitatem, quæ te quidlibet in Parisiensem Facultatem sine delectu rapere compellit, in mirabilem stupidæ malevolentiae declarationem) alix propriæ sunt magnæque huius loci labe. Primò Historicus du Haillan de nullo decreto loquitur, quo nullum tetrius aut magis perniciosum unquam emanarit; nec iis verbis Decretum vllum factum esse scribit contra legem Salicam. Id quo nihil tetrius aut perniciosius emanasse dicit, non erat decretum vllum autore, ut simulas, Rectore Vniuersitatis constitutum, sed *pactio conugalis* inter ipsos Galliae & Angliæ Reges inita, ut filia Regis Galliae Angliæ Regi iis legibus desponderetur, propter quas noxias regno, & turpes, Historicam pactiōem omnium, quæ literis unquam mandata sunt, deterrimam, & perniciosissimam vocat, non solum propter caput quo legi Salicæ derogabatur, sed propter alia permulta iniquissima, quæ sigillatim refert. Huic autem pactiōi Rectorem Vniuersitatis interfuisse non dicit, sed à Regibus inter se, ut solet, compositam esse. Tu verò, ut fides tua ubique luceat, verba ab illo in illam pactiōem ante quatuor paginas scripta transferre audes in fictitium Decretum, quod in regio cœtu, cui Rector Vniuersitatis interfuit, aduersus Salicam legem conditum esse simulas, ut nesciat aduersarius, quid potissimum in tam multiplici impudentia exprobrare incipiat. Nam pactio illa in vrbe Trecenti facta fuit; cœtus verò, cui interfuit Vniuersitatis Rector, Lutetiae habitus est à Galliae & Angliæ Regibus, adhibitis eorum consiliariis, necnon Parisiensi Senatu, Parisiensi Vniuersitate, aliisque scientia dignitateque præclaris viris. In hoc cœtu de lege Salicæ nihil actum; sed de Burgundiae Ducis percussoribus, aduersus quos ius à Regibus petiit per Aduocatum suum Philippus Burgundiae Dux, cæsi filius, postulans ad summam, ut honoraria poena multarentur. Hanc vnam rem illo conuentu actam esse scribit Historicus, deque illa subdit generalem Parlamenti Cognitorem, & Rectorem Vniuersitatis Reges orasse, ut Ducis Burgundiae postulationem, per patronum eius expositam, audirent. En crimen Parisiensis Vniuersitatis. En decretum cuius illa auctrix vel approbatrix. Quam insulsum, legem Salicam contemptam, omnia axiomata Galliae peruersa esse ista Rectoris postulatione? Quasi lex Salica & axiomata Galliae prohibeant plecti percussores, quæstionesque in eos decerni; quod vnicum in illo conuentu petitum est. Intolerandum verò & penitus incredibile, cum cui maledicendi libido tales intemperias pariat affectuum turbulentias in aliis quærere, & in valetudine sua sanitatem eorum inuadere, quod his accidere solet qui à medicis desperantur, viuentes voluntate morbi sui, ut ad peiora mergantur.

Traité de l'union  
avec le Roy  
d'Angleterre  
le 12. de May  
1405. heurteux &  
pernicieux  
qui fut la  
cause. Du  
Haillan lib.  
21. n. 4.

Orig. hom.  
2. in litem.

## I E S V I T A.

De odio Ri-  
cheristarum in  
Regulares  
omnes qui  
amant Eccle-  
sia unitatem.  
Cardinalis  
Rochefou-  
cault lib. 18.  
cap. 19.



I concitati odio neque legem diuinam, neque Salicam Franco-  
rum pectoribus, ut dici solet, intimè imèque infixam, pensi ha-  
buerunt, quid erit ita sacrosanctum quod non violabunt, ut suo  
in Regulares odio inueterato faciant satis?

## R E S P O N S I O.

**I**Mò verò si tu odij feruorisque in immeritam Facultatem tenebris sca-  
tens, his duo illa *illustra tua exempla* quibus eam aggressus es, ita opple-  
ueris, ut illis nihil mendaciis obtusissimisque fallaciis turpius fieri possit,  
quis tuos deinceps ex profundæ istius caliginis antro clamores vlla digne-  
tur auditione? Quis non repudiet ac respuat, ut hominis corde non capite  
loquentis sonos? Si enim in tanta, ut tibi videris, luce ita cæspites, ubi hæ-  
rere poteris? *Si lumen quod in te est, tenebræ sunt, ipsa tenebræ quantæ erunt?*  
Nam legem Salicam non modò à Theologica Facultate non infractam,  
sed ab eius Theologis constanter difficillimis omnium temporibus asser-  
tam esse, illa ipsa, de qua agitur, Carolorum VI & VII. Regum ætate, quo  
argumento clarius aduersum te demonstretur, quàm illo Gersonis loco  
quem tu infra citasti? *Etiamsi regni Anglicani, inquit, filia capax existeret, non  
ideo in Francorum regno capax esset. Et mox: Etsi in aliis consuetudo admittit illas  
ex consensu totius populi, Francis autem consuetudo, & populi consensus in eum  
contradixerunt.* Quod pluribus argumentis, & exposita latius Galliarum Regum  
præ cæteris eminentia, confirmat. Cæterùm ridiculè ex ista, si qua esset,  
Salicæ legis contemptione, probares illud odium & malevolentiam illam,  
quam objicis Parisiensi Facultati, cuius ipsi, eo tempore, nulla in quem-  
quam erat causa. Amorem potius nimium fauoremque in eos qui rerum  
potiebantur, colligere debuisses. Nam similis veri est, potentioribus fa-  
ueri, nimio eorum studio, potentiaque ipsorum gratia, quàm odio im-  
potentiorum & calamitosorum, qualis erat eo tempore Delphinus Galliarum;  
cùm horum potius calamitas, si quod odium in eos ante susceptum esset,  
id miseratione extinguere, aut lenire soleat apud inimicissimos, nedum  
nouum odium apud eos incendat, quorum in animis nullum antea fuisset.  
Verùm qui à te iudicium exquirat, is suo ipse iudicio parum consulere  
videatur.


Ergo sicut absurdè odij dirique affectus, quo lex Salica subuersa sit, po-  
stulas Parisiensem Facultatem, cuius Theologi eam contrà fortissimè pro-  
pugnarunt; ita infestam eam ridiculè fingis Regularibus, quos nulla Facul-  
tas tam prolixè benigneque amplectitur. Nulli enim fortassis Theologicæ  
Facultati, tanta Theologorum omnium ordinum frequentia inest; & hinc  
nulla est Facultas, cui vniuersæ Religiones tantum debeant, aut quam ea-  
rum omnium magis intersit incolumem ac florentem esse, utpote cuius  
ipsæ sint tanta pars, & cuius in se gratuitam illa benignitatem experiantur,

In Spongia ad  
prepos. 11. tit.  
4 de Hierar.  
& Regular.  
In dialog. in-  
ter Gallum  
& Anglum  
milur. 10. 2.



quam à nulla fortè adhuc Facultate expertæ sunt. Quot ab ea claros viros, quot per orbem vniuersum Theologiæ lumina fulceperunt? Putes hanc illis per omnes Ecclesiæ oras vnicam communemque scholam fuisse; ita paucos habent illustriores eruditione homines, qui olim ab ea non manarint. Horum illæ memores, non audiunt Iesuitæ querimonias, repudiant, explodunt, deque nobilissimæ Facultatis antiquæ parentis suæ in se amore officiisque perpetuis sibi gratulantur. Vni sunt Iesuitæ, qui eam sibi inimicam; quæ nulli inimica est, ciulare non cessant, non alio nempe argumento, quàm quia de nascente eorum Societate iudicium illud protulerit, quod ipsi tantum factis confirmarunt, quantum querimoniis infirmare voluerunt; & quia nouissimè prodigiosa illa scripta, Admonitiones, Santarellos, Garassos, & hos, quorum fruticantes adhuc fibras elidimus, Smithæi & Danielis libellos Censuræ mucrone succiderit. Videlicet amicos non agnoscunt, qui quippiam in ipsis culpent. Sicut ipsi nihil in se non pulchrum, non à reprehensione alienum, non numeris omnibus expletum cernunt; sic aliud ab aliis cerni posse, nisi ab osoribus & infensis persuaderi non possunt, superbiâ pro iudicio vrentes. Proprium amorem suum, veri amoris legem statuunt. Amari volunt sicut ipsi se amant, non sicut amare debent. Bona denique & mala sua probari colique iubent; quasi reuocatis Idololatriæ temporibus, quibus non solum virtutes, sed & vitia consecrabantur. Si eos omnes habere statuerint inimicos, à quibus ista ratione non amentur, optimum quemque hominem habent inimicissimum, nec in iis postremam numerari se patietur, pro suo in re-ctum & bonum minimè fucoso amore, Facultas Parisiensis. Librum verò Cardinalis Rupifucaldij, quo illa odisse probetur *Regulares & omnes unitatem Ecclesiæ amantes*, proferre tantum, impudentia est; cum nec ille liber in Facultatem ac Theologos eius tale quicquam commentus sit; nec vlli sint in Facultate Theologi (quoscumque contumelioso Richeristarum nomine toties defigas) qui Ecclesiæ unitatem non suo capite antiquiorem habeant, eumque animum occasionibus illustribus sint professi; quibus si unitatem Ecclesiæ non pluri fecissent quàm vos modò facitis, talia edidissent qualia vos editis, ab eorum continentia moderationeq; diiunctissimi. Nunquam eorum vlli opinionum suarum, nedum commodorum potentiaque causa, Ecclesiam nobilissimam & sua sponte pacatissimam conturbarunt, in partes studiaque contraria sciderunt, Episcopum à sede Apostolica præpositum deiecerunt, Pontificia diplomata illustria & aperta inauditis ludibriis euacuarunt, Ecclesiæ Episcoporum confessus probris impiis, eorum iudicia sarcasmis contemptuque nequissimo, quasi bajulorum somnia exceperunt, non denique quoscumque sibi obstantes, conuitiis, mendaciis, & inusitato quodam maledicentiæ superbiæque fragore, sine vlllo virtutis, nominisve discrimine, proterere conati sunt. Hoc illi studio Ecclesiæ unitatem non amant, hoc eam feruore non tuentur. Soli Iesuitæ hæc sapiunt faciuntque; & facere non contenti, tum cum faciunt, Ecclesiæ unitatis odium pacatissimis hominibus, quorum similes, si saperent, se optarent, obijciunt, superbiâ post susceptum scelus, quàm suscepto scelere odiosiores.

# IESUITA.



Tom. 1. col.  
330. de exam.  
min. doctr.  
2. p. com. 5.

De Cin. lib.  
18. cap. 18.

VAPROPTER ausim dicere Gersonem ipsorum Cancellarium nunquam veriore sententiam protulisse, prudentiaque magis conformem, vel digniorem quæ literis aureo caractere in ipsis Sorbonæ foribus incidatur, quàm illam, Examinationem doctrinarum Theologicæ Facultati committi posse: Si tamen, inquit, Theologia illic habuerit suos Doctores, non partiales, non seductos, non factiosos, non inuidos, non potestati seculari vel spirituali plus quàm veritati fauentes; alioquin tolerabilius esset nullos habere, quàm tales pati. Apertè dicit Censuram cuiuscumque Facultatis Theologicæ rejici, ut nullam meritò posse, si Doctores sint, vel partiales, vni parti litigantium addicti; vel seducti à maleuolis obrectatoribus; vel fastuosi, qui Catholicos authores pro se dicentes ne quidem audire dignentur; vel inuidi, qui Regularium pulpita & gymnasia præ suis frequentari indignè ferunt; vel fauentes potestati temporali Regum, vel spirituali Episcoporum siue Parochorum, eo quod ipsi Parochi sint. Mihi certè Gerson prophetasse de nostris Censoribus videtur & causam prædixisse cur Censuram rejicere iure meritò debeamus. Cuius verba si ulterius exponere, & proposito applicare velim, Eloquentiæ Prophetici obtunderetur sapor, ut verbis Augustini utar,

## RESPONSIO.

Deut. 13. &  
18.

SI Pseudo-Prophetam lapidari iussit Deus, quid timere debeas ex prophetia, quam fallaciis multiplicibus conflasti, faxo breui intelligas, Pseudo-Loëmeli, Pseudo-Propheta. Tu tantum à prophetando abes, ut ne satis quidem sobrius sis, nec eloquij tui sapor obtundi possit, quia nihil sapis. Fingis Gersonis dictum, Examinationem doctrinarum Theologicæ Facultatis committi posse, si tamen Theologia illic habuerit suos Doctores non partiales, etc. Quod dictum apud Gersonem nullum est; nec ibi Theologicis Facultatibus consilia dat, sed Ecclesiæ Præsulibus & sedi Apostolicæ, ut ad doctrinarum, si quæ occurrant, examinationem Theologos adhibeant non partiales, non seductos, non fastuosos, non quæstuosos: Quæ tu tamen sparsa leuiter vocula, Theologicæ Facultati, totoque loco deformato, in Facultatum omnium Theologicarum contumeliam detorquere non dubitasti. Non enim Parisiensem solam, sed omnes omnium gentium Theologicas Facultates oppugnas, ne quis nesciat Iesuitas earum omnium communes esse hostes, & ita tamen desipere, ut earum testimonia conquirant, & antiquissimæ Facultati, imò tot Episcopis & Archiepiscopis, tenuium nescio quarum Facultatum nomina opponant. Plus enim proteruit an insulsi- tatis in hoc negotio demonstrent, difficile dictu est. Sed ut insulsi- tates modò exponamus, non solum locum Gersonis falsasti verbis intextis quæ eius non sunt, sed etiam tota serie totaque sententia orationis auersa ab iis in quos fertur, ad eos in quos non spectat. Cum enim

enim ille eos Theologos sui officij commoneat, qui à Præsulibus & à summo Pontifice sententias interdum rogantur, nihil dicit, quod Theologicas Facultates, quæ Roma consuli non solent, attingat: sed vobis solis loquitur, qui summum Pontificem, sine consilio vestro, nihil, quod ad fidem pertineat, statuere posse censeatis; si statuerit, falli posse; quasi infallibilitatem inter vos & Pontificem Spiritus sanctus partitus sit, nec eam sine priuatorum Theologorum argutiis summus Pontifex, nisi semiplenam, possideat. Hæc vestra sunt placita. Hæ doctrinæ vestræ sæpè decantatæ & iactatæ, ut in vos solos cadat, quicquid ex Gersonis voce in Theologicas vniuersas Facultates, quasi ex Prophetiæ tripode, turpissimè coniecisti. Præter hanc totius loci indignam falsitatem, alia ridicula superest. Nam ex Gersonis oratione vocem, *quæstuosos*, sustulisti, verba eius sic referens, *non seductos, non fastuosos, non inuidos*; cum ea ita habeant, *non seductos, non fastuosos, non quæstuosos, aut inuidos*. Primum enim vidisti, Parisiensi Facultati quiduis facilius obijci posse, quàm quæstum. Deinde nihil periculosius Iesuiticæ Societati, quàm mentionem quæstus, præcipuè si is ei familiæ obtendatur, quæ illum tam facile, sine cuiusquam defensione, sola publica fama repelleret, quàm cum Iesuitica familia, sine cuiusquam accusatione, eodem illo publicæ famæ consensu, suscipit. Hinc ut scandalum amoueres, sustulisti penitus vocem, qua aduersarios magis illustrares quàm deijceres, matris verò tuæ dedecora sine causa indicares. Hic solum sapuisti; hic eloquij Gersonis Prophetici saporem obtundere voluisti, ne non solum *sine vltiori applicatione*, sed etiam cum aperta tua dissimulatione, eloquij prophetici sapor Societatem tuam aspergeret, nisi eloquij Pseudo-prophetici falsitate dilueretur. Ineptiæ ergo istæ, & indignæ scriptore sano nugæ, quas ex temerè decursis Gersonianis indicibus corrasisti, non solum à Parisiensi, & à Theologicis omnibus Facultatibus quas proteruè aggressus es, alienissimæ sunt; sed in vos solos valent, & officij vos admonent, noxiorum, si qui sunt, conscientias pulsantes.

Pseudo-prophetiæ verò tuæ ad Parisiensem nominatim Facultatem applicatio, non minus frigescit, quàm eius confectio. Glossa textui simillima est, & eundem artificem clamat. Cui enim *litigantium parti addicta* erat Parisiensis Facultas, quæ nec Episcopum Chalcedonensem, nec Clerum Angliæ, nec Catholicos populos ei morigeros, maxima ex parte norat? Quod vos ipsi satis falsi estis, dum ab eius Theologia libros vestros approbati petiistis, etiam ante Episcopum Chalcedonensem, aut Clerum Angliæ, qui artium solum vestrarum refellendarum gratia, de hoc toto negotio ad Facultatem retulerunt, ne cui à vobis verba darentur, ut facere conabamini, & alibi perfecistis. Homines certè alteri litigantium addictos parti non expectassetis vosmetipsi, præcipuè aduersariis vestris addictos. Æquos igitur, & à vobis non alienos agnouistis, quos iudices ambiistis.

*Seductos* autem à maleuolis obtrektoribus cur simulastoties, qui nescius non es, libellos ab iis accuratè lectos, excerptasq; ab iisdem propositiones, quæ nota dignæ essent, ut ipsi sæpius clarè profitentur in Censuræ præfatione, & nos tibi tam crebrò maledictum hoc ventilanti respondimus?

Nam *fastuosos* dicere, quod *Catholicos autores pro se dicentes, audire non sint*

dignati, fatuum est, cum illi non homines, non autores, sed doctrinas, sed libellos coram loquentes, clarè sonantes, lectos, auditos, perpenso damnarint; homines, quos non audierunt, non attigerint. Quosnam autem audiendos expectarent, vel euocarent, qui nec in quemquam iurisdictionem exercent, nec vera vlla nomina libris vestris præfixa videbant, sed fucos & larvas quæ non auditionem sui & cognitionem, sed silentium latebrasque expeterent? Quid quod ab Illustrissimis Antistitibus euocati tui sodales te quidem palam agnoscere horruerunt, Smithæum verò quem agnoverunt, non defensione, sed elusione tueri conati sunt? Quare meminerunt Illustrissimi Antistites, meminit & sacra Facultas Hieronymi dictum: *Superfluum est eius præsentiam querere, & extorquere silentium, cuius apud te literas teneas.* Libros vestros quos tenebant, & legebant, & audiebant, omni ratione, maiorumque pluribus exemplis, percellendos putarunt. Quam enim Origenis præsentiam quæsierunt, vel Orientis Episcopi, vel Romanus Pontifex, vel quinta Synodus Oecumenica, ut anathema libris eius, authorique ipsi alliderent? Quænam Pelagij auditio, Carthaginensis & Mileuitani Concilij Patres, aut Synodum generalem Ephesinam, morata est, ne doctrinam eius, & ipsummet abdicarent? Sunt quædam peccata præcedentia ad iudicium, in quibus rei confessionem frustra expectes, cum sceleris quodam modo vocem audire videaris. Quod si hominum iudicia, reis absentibus, interdum exerceri possunt, quanto magis doctrinarum, quarum libros habeas, planè apertèque mysteria sua pandentes? Vana igitur friuolaque est Prophetiæ Iesuiticæ cauillatio.

Illa verò omnium miserrima, inuidos esse Theologos Parisienses, qui Regularium pulpita & gymnasia præ suis frequentari indignè ferant. Nisi te feruor animi sic incendisset, ut tibi ipse non constes, neque quid agas, neque quid aias noris, sed impetu temerario obuia quæque rapias, dicerem te præuariari, & Propheticum hunc saporem, ad sodalium tuorum ludibrium spargere. Notissima est Scholarum ipsorum Theologicarum solitudo, cui mederi nulla arte ad hanc diem possunt. Videas quinos aut senos auditores solo obsoleto amiculo veteribus Philosophis similes, quiddam potius à Patribus, quàm doctrinam mendicantes. Ut magnoperè pœnitere, aut pudere certè putem verecundiores eorum quosque, quod tanto ambitu, tanto molimine procerumque prensationibus literas olim à Regio Consilio abstulerint, quarum autoritate Theologicas Lutetiæ Scholas, quasi publicè perutiles, planeque necessarias (ita enim spondebant) haberent. Multo magis erubescendum est Iesuitis Belgicis, qui in pertinaci illo certamine cum Facultate Louaniensi, ut eorum lectiones ad Facultatis honores æquè valerent, ac illæ quæ à Regiis publicisque Academiæ Professoribus haberentur, dicere ausi sunt sodales suos, iam in Parisiensem Facultatem id iuris à Rege Christianissimo habere, quod Louanij contenderent, ridiculoque commento Louaniensem Facultatem, Belgicumque consilium ludificati sunt, ut ex actis patet Lutetiæ, atque alibi editis. Isti Iesuiticarum Scholarum inanitati & squalori, opponere vix debemus Scholarum Sorbonicarum splendorem. Prælegunt quotidie publici sex Professores, quorum vno dictante, quingentis amplius Theologis,

Hier. ep. 61.

1. Tim. 5.

Vid. Mercurium Iesuitam.



ex ipso nobilissimarum etiam regni familiarum flore collectis, Scholas illustrari videas, præter haud exiguum aliorum, quæ circumfluunt, copiam. Mitto crebras illas nobilesque ex antiquo Facultatis instituto Theologorum exercitationes, Doctorum conuietus, cœtus solennes, aliaque notissima, quibus qualemcumque Iesuitarum Scholam, nedum Parisiensem, Scholæ Sorbonicæ tantum antecellunt, quantum viburna cupressi. Nec propria est ista laus Theologicæ Facultatis, sed Facultati quoque artium patet, licet Theologica longè præeunte. Quamvis enim Facultas artium non ea sit quæ fuit olim, distractis Iesuiticorum Collegiorum ambitiosa multitudo riuis, quibus flumen istud latè diffluebat; ea tamen est, ut Iesuiticas Scholas ægrè repetias, quæ cum ea componantur. Florent Gymnasia Philosophicis studiis, in quibus vetusti Professores ingenio scientiaque præclari, ducentis amplius adolescentibus scholas instructas habeant.


His Iesuitici ludi quàm inuideant & obtrecent, quotidie palam est, dum iis non minus magistrorum præstantia, quàm discipulorum copia peritiaque cedere coguntur. Puerilibus tantum inferiorum classium gregibus exundant, quorum turbas per eorum curricula volui videas, quasi formicarum, dum eos omni ope corrogant, parentum animos variis lenociniis implicant, & monopolium puerile quoddam machinantes, quod magnorum ipsis quidem compendiorum fons; pueris autem, quorum ceteras illas, nec commodè regere, nec fideliter erudire possunt, eorum maiorum causa est, quæ prudens quisque facile perspicit. Quanto enim difficilius puerorum minoribus literis studentium copiosiore multitudinem erudias ac regas, quàm quantumvis amplam superiorum doctrinarum scholam nemo non videt. Hinc nimia ex eorum scholis imperitorum & vitiosorum cohors; rarosque admodum videas, qui selectiora illic solidæ virtutis semina concipiant. Et tamen capaciores ædes possunt, & suas angustias queruntur, & collegia vicina pactionibus, quas solennes Doctorum cœtus simoniacas iudicarunt, licitantur, sua scilicet commoda, spes grandes, lucrum, potentiam, familiarum implicationem, non iuventutis bona intuentes, cui fatius foret minui apud eos puerilia ista auditoria, quibus instruendis sufficere non possunt, quàm augeri.

Iam *potestati temporali Regum* Sorbonam fauere quis arguat nisi ea de Societate criminatur quæ semper eis non fauens, sed atrox habita est? Aliarum enim Regularium Familiarum plerarumque sunt scriptores notissimi, qui Regibus haud paulò plus indulserint fauerintque quàm quisquam Sorbonicæ Societatis. Nunquam iis fauit Sorbona, si fauere ad adulationem & gratiam aucupandam referas, & si qua iis grata fecisse visa est, ipsa tamen gratiæ causa nihil facit, sed æquitatis & conscientiæ, propter quam Regibus honorem deberi, nec solum propter iram, ab Apostolo didicit. *Rom. 13:* Quæ porro Sorbonæ causa Regibus plus æquo fauendi? Quid à Regibus consequi solet? Quam rem aut spem ab iis capiat? Illi potius Regum fautores habeantur, qui eos ambiunt, qui eorum auribus se inculcant, qui magna ab iis eorumque assediis extorquent, magna sperant, non in Gallia duntaxat, sed vbiq; ubi ad Principes molles aditus, opportunaque rem-

pora nancisci potuerunt. Neque mirum hæc in eos concurrere, ut Regibus iniqui sint, & simul blandiantur. Nulli enim adulationibus aptiores & crebriores sunt, quàm qui vero amore carent, & ab iis, quos non amant, quiddam venantur. Nec frequentius quicquam vsuuenit, quàm ut qui sic animati sunt, commodiores se & ad obsequia solertiores exhibeant quàm verè amantes, qui ipsa sinceri amoris conscientia freti, prodesse plerumque magis audent, quàm placere.

*Episcopus* verò & *Parochus* fauere Sorbonam probabis fortasse, quia vos iis temerè insultantes repellit. Sic nimirum iis fauent, quicumque eos ab hæresibus propugnant. Sic nimirum fauent religioni, quicumque eius hostibus obsistunt. Talia ergo hæretici omnes queri potuerunt, & questi sunt, nec eorum voces Iesuitas mutuari decuit, qui se ab iis æmulatione quadam, quasi canes & angues, dissidere gloriantur. Cæterum nulla est Sorbonicæ familiæ de Parochis & Episcopis sententia, quæ non toto orbe à celeberrimis Theologis asseratur, ab omnibus verò probetur. Et si Parisiensis Facultas, quod omni studio sacram Hierarchiam diuinitus constitutam, Ecclesiæ columen, fidelium anchoram, viam salutis tueatur, (hoc enim vnum agit) ideo fauere Parochis & Episcopis dicenda est; scilicet illi æqui erunt, sinceri, fideles, qui Hierarchiam cuniculis suffodiant, apertè labefactent, omni arte studioque dejiciant, ut aliam conflent, in qua ipsi sint Hierarchæ. Denique ridiculè objicitur Facultati eam fauere Parochis, quòd in ea Parochi sint. Sunt enim, ut in tanto cœtu, perpauci, penèque nulli. Et, si omnes essent, cur iniquius fore putent Iesuitæ Parochos propugnari à Parochis, quàm Regulares à Regularibus extolli, quod ipsi faciunt, & probari, quod faciunt approbatores isti, quorum capitibus totum Ecclesiæ Catholicæ pondus sustineri censent, dum ab iis *sensum Catholici orbis exprimi* dicunt? Non decet ingeniosos homines ita cæcutire, ut dum in aduersarios feruntur, in se ruant, & quod iis parant telum, eo sese transverberent.

## I E S V I T A.



**A**M monui, iterumque moneo, absit ut omnes celeberrimæ Academiae magistros damnem; scio non deesse doctrina insignes, à turbulentis affectionibus alienos, Regularium ordinibus piè religiosèque addictos, probitatis exempla, imò sanctitatis, sed

*Pauci quos ardens euexit ad æthera virtus.*

Cæterum pluribus suffragiis Sorbonæ Censura perfertur. Magistrorum vulgò res committitur, quos feruere in æmulos impotens inuidia fecit, iuxta illud Poëtæ,


*Sauitque animis ignobile vulgus.*

sed iuvat Gersonis verba iterum repetere, *Tolerabilius est nullos habere, quàm tales pati.*

## R E S P O N S I O.

**Q**UO magis Gersonis verba reperis, eo magis tua vulnera refricas, & tua probrarenouas. Tolerabilius sanè Ecclesiæ est, nullos Iesuitas Theologos habere, & Iesuiticæ Societati nullos defensores, quàm tales pati qualis tu es, nullo sensu, nullo sale conditos. Si ex ignobili vulgo (cui celeberrimam lectissimamque Facultatem iterum insanè confers) temerè caperentur, qui de rebus Theologicis scriberent, & Parisiensi Facultati responderent, tolerabilius id facerent, certè sanius scurrilibus tuis proloquiis. Non enim vulgata solùm & detrita garris, sed vulgari & communi iudicio pugnantia, nec commune quicquam, nisi verba profers. *Celeberrimam Academiam* appellas, in qua paucos agnoscis à turbulētis affectibus alienos, paucos quos virtus ad æthera euehat, maximam partem Magistrorum vulgus, ignobile vulgus, quos nullos habere præstet, quàm tales pati; & te sapere quisquam putat? Rursus, fateris omnes non esse aspernandos, non deesse doctrina insignes, Regularibus ordinibus piè religiosèq; addictos, probitatis exempla, imò sanctitatis; Et tamen Censuram à talibus vno omnium consensu in vos latam, (omnes enim consenserunt) turbulentis affectibus plenam, indoctam, improbam dicis? Sed quid ego verba tua diutius expendo, quæ tu ipse nunquam expendisti, nec fortassis expendere potuisti, aut potes? Istos magis miror sodales tuos, prudentiæ specimina, ingeniorum medullam, scientiarum Imperatores, qui in tam fœda cogitationum verborumque tuorum pugna, victorias sibi & triumphos adumbrarunt, in qua tu propriam quasi internecionem tuo Marte perpeffus es: Sic tu pugna, sic illi triumphent. Nos otiosi, per vos pugnabimus & triumphabimus.

V iij



# I E S V I T A.

## S E X T A C A V S A.

*Inanis verborum.*

Harangue  
faite, &c.  
pag. 117.



**S**APIENTER mōnet S. R. E. Cardinalis Perronius, Anathematismos seu Censuras in animos hominum vim non habere, nisi ab autoritate prorsus infallibili proficisci credantur. Constat autem Censuram, ex nudo Parisiensis Facultatis verbo probationibus destituta, vim infallibilem sortiri non posse, cū falli in rebus fidei, vel ignorantia, vel malitia facillimè possint. Igitur huiusmodi Censuræ in animos mortalium nullam vim habent. Quod si nullam vim habent, quorsum eduntur & sparguntur in vulgus, clamore ad platearum angulos vociferantium baiulotum? Certè populo illuditur, nisi fortassis Censura vim infallibilem penetrantem in animos hominum, quam à Sorbona non habet, à clamante baiulo accipiat.

*Quod non dant procures, dabit histrio.* •

### R E S P O N S I O.


**Q**UID ergo sibi vult histrionica ista leuitas, vel incredibilis stupor, ut in perpetua vaniloquiorum tuorum inanitate, quam non solum refellere, sed audire miserum est, *inanem verborum* ultro imputes Parisiensi Facultati? An præclaram eius accusationem, vel tui defensionem fore putas, si te procacissima, vel nulla mente probaueris? Quid hoc est religiosi sensus? Inanem verò istam verborum tantam insulsiatate demonstrandam suscipis, ut eam circumforanei præcones ac baiuli, non solum omnium sibilis iure proponant, sed eius ipsimet idonei futuri sint damnatores; ita communi Christianorum sensui, & Ecclesiæ vsui reclamationat. Quid enim hoc monstri est, *Censuras & anathematismos vim in animos hominum non habere, nisi ab autoritate prorsus infallibili proficisci credantur*? Nullam ergo vim habebunt in animos hominum anathematismi Censuræque Episcoporum, quia Episcopi prorsus infallibiles non sunt? Nullam vim habebant Anathematismi S. Cyrilli Alexandrini, quia infallibilis ab eo fidei non erant? Per te igitur rectè illos, ut inutiles friuolosque respuebant Nestorius, Theodoretus, cæterique malarum partium gregales? Nullam vim habebant Alexandri Alexandriæ Episcopi, Synodique Alexandrinæ in Arium anathemata? Flauiani, in Eutychetem? Africanorum Patrum, in Pelagium? Tot tantorumque, in tot alias hæreses Episcoporum? Nullam vim habebunt Anathematismi summi Pontificis, quod per sodalium tuorum plerorumque, ut infra dicemus, & quorundam Catholicorum opiniones, infal-



libili careant autoritate? Quid ais? Quis isto modo, nisi tu, philosophatur? Quis Catholicus summi Pontificis anathematismos, seu fallibilis sint, seu infallibilis autoritatis, audiendos non ait? Quis idem de Episcopis? Quis idem de Conciliis prouincialibus non censet? Te verò cum Catholicis sapere non iuuat, ne à nouatorum vestigiis discedere videaris, à quibus hoc item, vt tot alia superius notata, suxisti. Quid autem schismaticam hæreticamque propositionem rueris, doctissimi & Eminentissimi Cardinalis autoritate, eamque illi appingis? Nemo eam magis illò refellit; nemo longius repudiare debuit. Nisi fortè anathematismos & Censuras, quas Episcopali & Metropolitana autoritate edidit, inutiles ac spernendas, & ille putaret, & tu putes, quod à potestate infallibili non manarint. Attende obsecro, quò labare, nihil enim vides, neque quid loquare, neque quid affirmes. Non potuit Cardinalis Perronius, anathematismis & Censuris, quæ infallibili autoritate non ferrentur, vim ac pondus adimere, nisi non solum Episcoporum omnium, sanctissimorumque olim Patrum, clarissima iudicia, sed sua ipsius acta euerteret. Non igitur de omni generatim anathematere locutus est, sed de eo solo quo res dubia & *problematica*, qualem eam, de qua agebatur, vocabat, statueretur ac decerneretur. Ac talium rerum decreta, si edantur autoritate fallibili, non omni penitus pondere carere voluit, quasi abjici & sperni possent impunè; sed vim habere negauit, qua sibi fidem certam & minimè dubitabilem in animis hominum, quasi fidei statuta, concilient, nisi infallibili autoritate condantur, quæ est Ecclesiæ Catholicæ potestas, vel in capite residens, summo Pontifice, vel in corpore, Concilio œcumenico; vt ipse paulò post exponit. Non autem negauit habere vim, qua honorem sibi, & venerationem, & obseruantiam à Catholicis hominibus exposcant, ne palàm labefactari, vel infringi possint contrariis assertionibus, sine superbo scelere ac peruicacia, nisi infallibili maioriq̃ue autoritate soluantur; quamuis internam animi fidem certam fixamque iis adhibere nihil necesse sit, donec iudicio pleniore confirmentur. Interea tamen dandus iis quoque assensus animi, nec temerè ab eorum norma recedendum nisi perspicua, testata, & indubitata ratio occurrat. Hoc enim Christiana virtus & Christiani animi officium ac moderatio præcipit, vt iis quos cœlestium rerum duces nobis dedit Deus, ante omnes, & ante omnia, regendos nos docendosque præbeamus, nisi ab eodem ipso Deo, à quo iis subijuncti sumus, ab iisdem audiendis, clara penitus minimèque ambigua rationum autoritatumque luce, reuocemur. Atque ita ab antiquis illis melioris æui Christianis obseruatum est, quorum neminem, ne hæreticos quidem peruicaciores, Episcopaliū decretorum fidem ex eo legimus eleuasse, quod ab autoritate non penitus infallibili manassent. Omnes enim ea audierunt, reprobata ab iis doctrinas reprobant, notatos ab iis hæreticos repulerunt, nisi certissimis clarissimisque argumentis prohiberentur, aut planè hæretici essent, vel in hæreticos propensiores, vt supra exemplis ostensum est, & pluribus ostendere non attinet, in re antiquitatis amatoribus notissima. Hæc enim, quæ Christianæ vnitatis velut solum & fundamentum semper habita fuere, ij soli ignorant, qui sibi sapere, & lubricis nouitatibus, humanæque rationis degeneri fuco se de-

dere, quàm perpetuè Ecclesiae Christianae soliditati & grauitati studere maluerunt.

## I E S V I T A.



**C**ONCILIA Ecclesiae quibus fidei dogmata definiuntur, videmus initio capita praemittere, in quibus Scripturarum & Patrum testimonia proponuntur, examinantur, expenduntur. Ex his autem planè accuratèque discussis, Censuras seu anathematismos, tanquam riuulos à fontibus, derivari. Si Concilia, quorum definitioni energia irrefragabilis inest, tamen Scripturarum & Patrum testimonia praemittunt, qua fronte Parisienses Richeristae Pythagoricum ius sibi arrogant, ut ipsorum clamoribus probatione destitutis fides adhibeatur? Ius, inquam, ut vbi ipsi suum illud, falsum, temerarium, erroneum, haereticum intonuerint, statim Catholicus scriptor, quisque sit, tanquam magico carmine percussus, suam sententiam, Scripturarum Patrumque autoritate, & argumentis Theologicis comprobata, abjiciat. Sed de hac verbosa inanitate Censurae, saepius in ipsa Spongia dicendum nobis erit.

## R E S P O N S I O.

**F**ACTILIVS est sannionem, quàm Theologum agere; haereticos, quàm Catholicos referre. Haereticorum enim, & impiorum est iste mos, serias & grauissimas Ecclesiae institutiones ludibriis adoriri, ut quas eruditis extorquere argumentorum soliditate non possunt, populo ioculari dicacitate surripiant. Sic rudes animi, & innocens plebecula, circumforaneorum Theologorum praestigiis, quasi verè magico carmine, leuita Floyde, fascinantur. Peritis verò, & Theologica animi grauitate valentibus intolerandum est, scurrilibus naniis, & volatica ista leuitate, tentari non tam Parisiensem Facultatem, quàm Ecclesiam vniuersam, quae, si tua petulantia suscipitur, magicis carminibus, & Pythagorico iure plena est. Quoties enim illa nullis argumentis scripturisve propositis, solo verbo, & simplici pronuntiatione, haereses grauissimas extirpauit? Ac vetera illa missa facio, quorum quaedam ad Querimoniam tuam supra edidimus, cum Illustrissimos Galliae Praesules hoc ipso telo premeres, quominus mirum est Parisiensem Facultatem à te vrgeri. Quibus argumentis probata est in Synodo oecumenica Lateranensi Albigensium aliorumque haereticorum damnatio? Quibus Patrum testimoniis, Eegardos, & Beguinas, pluresque similes confutauit Concilium Viennense? Quid rationum in Almarici haereses editum est à Lateranensi Concilio IV. Quid à Constantiensi in Wiclefum, in Hussium, in Hieronymum Pragensem? An tu haec omnia Pythagorico iure decreta dices, inanisque verbositate? Non enim conuenit te vilitata haereticis in sanctiones illas verba fugere, quorum sensus adamasti. Sic nempe Caluino ludere vilius est in Synodum

*Conc. Later.  
III. c. 27.*

*Conc. Vienn.  
sub Clem. V.  
& ref. in*

*Clem. ad no-  
stram, de ha-  
ret. l. 5 c. 3. c. 4.*

*Conc. Later.  
IV. c. 2.*

*Cic. Const.  
sess. 8. 15. 22.*

*Calu. Antid.*

Tridentinam; sic Luthero in Leonem Papam; Sic Regi Angliæ Jacobo in Breue Pauli V. quo iuramentum fidelitatis veritum est, in quo Pontificem præceptis non rationibus agentem ita carpit. *Huc vetus dictum quædras quod de Philosopho circumfertur, Multa dicit, sed pauca probat; imò verò nihil omnino probat.* Quo ludibrio Paganos in Christum vsos esse respondit Cardinalis Bellarminus. Ita denique in hanc ipsam Parisiensem Facultatem lasciuuit primò Calvinus, Censuram eius in suos *magistrali & tyrannicam*, ipsamque Facultatem non solum tuo sensu, sed etiam tuo verbo, *Pythagoricam* appellans. Idem conquestus est verbosius Antonius de Dominis, in eandem, & Colonensem Facultatem, cum ab iis notatus esset. *Itane, inquit, à priuatis Doctoribus discutiuntur libri, ut quis nuda assertione pronuntiet hanc vel illam propositionem esse hæreticam, nulla adiecta probatione, aut refutatione? Imò ne Conciliis quidem legitimis æcumenicis sic procedentibus credendum est, nisi legitime fiant in ipsis rei controuersæ discussiones. Quanto minus credi debet quibusdam priuatis, & maiori ex parte imperitiis doctoribus, etiam in Collegiis sanè priuatis, quibus ab Ecclesia nulla publica cura, quoad res fidei, est demandata, collectis & congregatis? Agnosce verba tua in socio olim vestro, & ab eo quidem in eadem Anglia edita, cui tu merces istas offers; quas illa cum ab Hæresiarchæ officina nuper prodiisse meminerit apud se, eos qui fidei Athlantes & quasi columnæ videri volunt, eò loci deuenisse, ut easdem sibi inferre cogantur, & Catholicas Facultates, adeoque Ecclesiæ Synodos iisdem, quibus hæresiarcha, telis inuadant, non horrere non poterit. Quamquam est quo probes te nihil ab Antonio sumpsisse, nisi fortè quæ sumpsisti deteriora feceris, in peius, ut talium discipuli solent, proficiens. Ille enim priuatis doctoribus adimit eiusmodi Censuras ferendi potestatem, non Episcopis, non Conciliis, à quibus postulat quidem legitimas fieri in ipsis rei controuersæ discussiones, non tamen in vulgus exponi, & quorumvis arbitriis offerri. Tu eadem es in Episcopos iniquitate, qua in Facultates, & quod his negas, illis similiter eripis; neque saltem vides, quod Antonius aduertit, imperitiæ esse planissimæ, nescire illustrissimas antiquissimasque Synodos eo, quem tu improbas, modò Canones decretaque sua fidei protulisse. Facultatum autem Catholicarum morem istum Censuras edendi imputat summo Pontifici, ut probatori, & auctori. Notum est iam, inquit, toti orbi, Romanum Pontificem susque deque mouere omnia, per suas nuntios, per principes ipsius affectas, per litteras, per Inquisitores & suos ministros, ut Facultates, præsertim à meo Domino in sua præfatione nominatæ, contra ipsum, non disputationibus, ad quas solas eas ipse inuitat, sed simplicibus Censuris, quasi edictis imperatoriis, insurgant. Hoc nunc sollicitas ipse Papa anxie per Inquisitorem, etiam apud Patanum. Communem igitur Catholicarum omnium Facultatum consuetudinem ab antiquissimis temporibus propagatam, à summis Pontificibus, & ab vniuersa Ecclesia probatam, Iesuita Floydus oppugnat, tota sua Societate antiquiorem. Quod si nulla rei tantæ aperta ratio à nobis afferri posset, sat erat Catholico homini vituperationem Iesuiticam solis hæreticorum hominum scriptis dieteriisque congruere, Catholicarum verò omnium Academiarum autoritate, & vsitatissimo vsu repelli; ut Ecclesiæ Episcoporum, summorum Pontificum, Conciliorum prouin-*

*in Cons. Tri-*  
*dent. sess. 7.*  
*Xenocr. ib.*  
*pag. 22.*

*Bellarmin. ad*  
*Apolog. pro*  
*inram. pag.*  
*288.*

*Respons. in*  
*Mar. pag. 15.*

*In cap. 7.*  
*Mar. pag.*  
*105.*

cialium & œcumenicorum, Scripturæ denique ipsius, perpetua exempla & consensum præteream. Quis enim eam causam, cum qua faciant Catholice omnes Facultates, non ei præferat, cui soli hæretici & Hæresiarchæ reperiuntur autores? Nihil amplius ad Iesuiticæ insultationis auersationem Catholicus Angliæ populus ac fidelis quivis exigent, hominemque hæreticorum sensibus assidue implicitum, & in eos ita sæpè incurrentem; etiamsi vera fortè diceret, iure metuerent, fugerentque. Si enim hoc ei casu contingat, magna est causæ prauitas; si sponte, magna autoris. Tam enim execranda est causa, quæ per se in hæreticorum societatem sine auctoris impulsu feratur, quàm autor, qui sine impulsu causæ. Verùm quid iniquius & inanius, quàm Theologicas Facultates, Ecclesiæ autoritate constitutas, ut sanam doctrinam publicè asserant, prauam auertant, non plus autoritatis in hoc habere, quàm quemuis è medio Theologum, imò homuncionem? Cuius enim homini tantum credi debet, quantum probat. Vnde si Theologiæ Facultatibus non plus autoritatis fideique relinquitur, quàm argumenta prolata euicerint, pares illis sunt dignitate ac fide in Theologiæ decretis, infimi quivis homunciones. Cùm autem præcipua eis in eiusmodi rebus ob spectatam eruditionis præstantiam potestas mandata sit, ut de iis pronuntient, non quasi vulgares, sed ut magistri Doctoresque secundarij Episcoporum, & post eos primi; facile intelligitur constare eorum decretis suum robur, sola ipsa quam obtinent Ecclesiæ autoritate, testatissimaque doctrinæ fama, secus quàm aliorum Theologorum iudiciis, quibus nec illa autoritas, nec illa eruditionis exploratio suffragatur. Quod eo magis dicendum est, quia illam eorum consuetudinem, tot sæculorum diuturnitas, Conciliorumque, ac Pontificum iudicia confirmarunt, ut sine insigni temeritate, aut fatuitate in dubium trahi non possit.

Quanto magis idem Episcopis concedendum, qui Ecclesiæ Doctores à Deo dati, Magistri, Patres, Pastores sunt? Rerum autem diuinarum, & ab humano capto altissimarum, non semper rationes discipulo præbere necesse est, cum in humanis disciplinis multo minoribus, hominique propioribus, credere discipulos oporteat. Nec filiis rationem debent patres, nec pastores ouibus; nisi ubi parens, pro suo in filios amore maturaque prudentia, eorum interesse videt, ut, quid agat præcipiatque, iis exponat, quò alacrius constantiusque obsequantur. Hinc iubetur Episcopus *præcipere & docere*, quasi docendo præcipiat, & præcipiendo doceat, propositâ nimirum doctrina, quam, ipsa Doctoris autoritate, suscipere quemque necesse sit, nisi eum perspicuè prolapsum, minimeque ambigè constet. Quamdiu enim hoc non constat, debetur honor doctori, parenti, duci, qui *arguere cum omni imperio possit & à nemine contemni debeat*. Hinc tot illa Concilia superius memorata nihil argumentorum attulere, soloque verbo & quasi nutu, credenda reprobandaque præcepere. Non quin Scripturas sanctorumque Patrum dicta, ad minimas fidei disciplinæque contentiones adhibere soleant debeantque; sed quia quibus Scripturis, quibusve dictis Patrum in quasque sententias deducti sint, exponere palàm vnà cum decretis non iubentur, si hoc aut non interesse, aut non expedire perspiciant. Vti enim possunt grauissima illa & Apostolica,

1. Tim. 4.

Tit. 2.  
Heb. 13. 17.



primæ omnium Synodi, docendi ratione, *Visum est Spiritui sancto & nobis;* Act. 15. ut iam intelligas, Iesuita Floyde, quanto ex tempore falsa sit, & quàm antiqua Ecclesiæ Conciliorumque consuetudine refellatur tua ista lex, ut Concilia initio capita præmittant, in quibus Scripturarum Patrumque testimonia colligant, unde Censuras decretaque sua deriuent. Quæ lex ita inscitè & inconsultè Conciliis & Episcopis à te irrogatur, ut non pauciora Concilia habeamus, quæ eam omiserint, quàm quæ sequuta sint. Sed quia eam in Concilio Tridentino aliquoties seruata legisti, colligendum arbitratus es, pro prudentia illa peritiaque mirabili, idem semper ac per omnia Concilia ius fuisse, tanta nimirum leuitate, ut id ab ipso Tridentino sæpius prætermisissimum non videris. Facebat ergo noua lex, ab homine non sapientissimo lata, Ecclesiæ incognita, tota peruicacium, tota superborum, tota hæreticorum. Hæreticorum enim vernaculus est sermo tuus, quo illi ad affligendam Conciliorum, Patrum, Pastorumque auctoritatem vtuntur, nullum Concilium, nullum Patrem, Pastorem, Doctorem audiendum statuentes, nisi quatenus Scripturas edit, quibus sua dicta confirmet. Alioquin fas esse priuato cuius, eorum doctrinas exigere ad Scripturas, & has scilicet ad suum cuiusque arbitrium, ut si cui imperitissimo vel fatuo, sanctissima Concilia, Ecclesiæque Pastores à Scripturæ apicibus discessisse videantur, respuantur sine dubitatione, & abdicentur. En legis, quàm Episcopis Conciliisque imponis, Iesuita Floyde, autores & dictatores: En commilitones, en belli socios, sine quorum armis Ecclesiæ Catholicæ Episcopos premere non potes. Quî porro conuenit argumenta ab Episcopis & Conciliis ad omnia postulare, cum notæ sint peruagatæ illæ Scholasticorum responsiones, non eorum argumenta, sed ipsa sola decreta infallibilis esse auctoritatis? Quorsum igitur ea proferre iubeantur, quæ minus certa sint, ut illis, ea quæ certiora sunt, comprobentur? Iure contentionum materiam, contentiosis & irrequietis præripiunt; Iure nuda illis decreta districtamque auctoritatis suæ aciem exhibent, qua humilientur ac domentur, & Apostolum monentem audiant, *Si quis videtur contentiosus esse, nos talem consuetudinem non habemus, nec Ecclesia Dei:* & alibi gratius, *Licet nos, aut Angelus de cælo euangelizet vobis, præterquam quod euangelizauimus vobis, anathema sit.*

*Vid. Concil. Trid. sess. 4. 7. 24. 25. &c.*

*Luther. art. 11. ex 300. articul. Calvin. l. 4. instit. c. 9. §. 8.*

*1. Cor. 11.*

*Gal. 1.*

A Theologicis verò Facultatibus Censurarum suarum rationes etiam deposcere, quæ tandem ratio est, cum à singulis Theologis nec edi solcant, nec peri? An enim si Casuistas vestros nullius in Ecclesia auctoritatis ac potestatis homines, quisquam de re quauis graui consultum veniat, illis solo verbo respondere sat est, fas aut nefas esse quod rogatur, nullis Patrum, nullis Scripturarum testimoniis apposis; amplissimis Facultatibus, ad docendum & respondendum de fide, ab Ecclesia tanto iam tempore constitutis ac probatis, idem iuris negabitur? Librorum Cenfori cuius Censuras suas verbo absolvere licet, celeberrimis Theologorum Facultatibus non licebit? Et, ut in re quæ agitur maneamus, libros vestros, sola nominum suorum subscriptione, tumultuarij & collectitij plerique approbatores probare potuerunt; Parisiensis tota Facultas, vna mente vnoque consensu, eos sine argumentis reprobare non potuit? Nisi fortè probatores illos

quoque non probas, quod suffragationes suas non ea subtruxerint ratione qua tu tuam, grauis Smithæi Censor & alteri litigantium parti non addicte, suffulisti, fructuose, imò necessario, perpensis temporum circumstantiis in lucem editum Smithæi librum, & denuo edi posse censens, ut hostibus Ecclesiae, qui arrepta occasione summum Pontificem in regenda tam nobili Ecclesiae parte contra ius diuinum errasse iactant, ora obstruantur; non solum rationem inanissimam, vobisque, non Pontifici, pudendam, qua Querimonias, Apologias, conscribillationesque tuas omnes, velut iudicii tui lumine insignisti, huic quoque pudendo testimonio illinens; sed nouo mendacio testimonij fidem conspurcans, quo ab hæreticis iactatum esse ais, id quod tu solus, non hæretici, finxisti, ut tibi, non hæreticis, ora obstrui debeant. Commentus enim es contumeliam in Pontificem, eamque scriptis mandasti, non quia iactata esset ab hæreticis, sed ut iactaretur, eam illis non eripiens, sed præbens, ut mala, quæ ipse fecisses, arguere posses, quemadmodum in tota hac causa à vobis improbè perfidioseque factum est. Insulsum igitur videri debet, Theologicis Facultatibus amplissimis eam potestatem auferri, quæ minimis Theologis à nemine negetur, imò quæ ab ipso isto reprehensore iis concedatur, quorum nominibus tot Episcoporum & Theologorum Censuras oppugnat. Nihil enim mirum, eos à quibus iudicium ipsorum duntaxat sententiaque poscatur, eam simpliciter, quemadmodum petita est, exhibere; cum, non quid probare possint, sed quidnam sentiant, agatur, & hoc vnum consultores exquirant. Sic Censores omnes, etiam priuati, solent, sic vos ipsi, sic approbatores vestri fecerunt; sic Parisiensis Facultas libros vestros, de quibus sententia eius quærebatur, improbauit; sic Antonium de Dominis, sic Caluinum, sic Lutherum, sic olim innumeros errores abiecit; sic eius exemplo Censuras edere consueuerunt Catholicæ per totum orbem, perque omnia, post natas Academias, sæcula, Facultates. Quæ omnia nouis reprehensionibus, & sola leuissimi Floydii inanitate peruertere, videant Iesuitæ ne non tam Pythagorici iuris esse videatur quàm communis illius Philosophorum omnium sapientiæ, quam Euangelium contrario nomine percussit, & Molinistici spiritus, quem Christiana moderatio repudiat.

Conc. Const.  
sess. 8.

Idem ibid.

Idem sess. 15.

Idem ibid.

Iam verò quod falsæ, & temerariæ, & erroneæ vestræ propositiones, falsæ vocentur in Censura Facultatis, temerariæ, erroneæ, ex formula quæ in eiusmodi iudiciis ab ea iam olim adhiberi consuevit; si Theologicarum omnium Facultatum similis consuetudo tibi communi earum oppugnatore non sufficit, Ecclesiam certè Catholicam, Romanosque Pontifices non refelles. Ita enim, & iisdem propè verbis Censuras in Hussium & Wiclefum, ab Academiis Parisiensi, Oxoniensi, Pragensi constitutas, retulit probauitque Concilium œcumenicum Constantiense, & ipsum eosdem sigillatim, eadem penè formula, damnauit. Wiclefici articulos iudicat alios hæreticos, alios erroneos, alios scandalosos, blasphemos, piarum aurium offensiuos, temerarios, seditiosos. Hussij similiter aliquos hæreticos, quosdam blasphemos, alios erroneos, alios scandalosos, piarum aurium offensiuos, temerarios, & seditiosos. Deinde propositionem illam, Quilibet tyrannus, &c. damnat ut erroneam, hæreticam, scandalosam, ad fraudes, deceptiones, mendacia, prodiiiones, periuria vias dantem. Alibi Hierony-

Hieronymus Pragensis Wiclefi & Hussij articulos abiurat tanquam hereticos à SS. Patribus reprobatos, blasphemos, erroneos, scandalosos, piarum aurium offensuos, temerarios, seditiosos. Iisdem vocibus damnatur postmodum Hieronymus ipse, cum relapsus esset. Lutheri quoque articulos Leo X. sententiam proferens censet respectuè hereticos, aut scandalosos, aut falsos, aut piarum aurium offensuos, aut simplicium mentium seductiuos. Martini denique Becani libro de Controuersia Anglicana propositiones falsas, temerarias, scandalosas, & seditiosas respectuè contineri docet Censura Pauli V. Papæ. Tædet pluribus agere cum homine tanta temeritate, quanta inscitia, quem Pythagorico iure silere penitus præstitisset, quàm ea proferre, quæ sine totius Ecclesiæ labe tueri non posset. Vtitas enim toti Ecclesiæ Censuræ formulas carmina magica is solus vocare potuit, qui quasi magico carmine percussus, Patris mendacij & blasphemix quoddam energema præ se fert, ut magis exorcismo egeat, quàm responso; precibus, quàm argumentis.

Ibid. sess. 19.

Ibid. sess. 22.

Leo X. in Bulla Exurge, tom. 4. Concil.

Censura Pauli V. in librum Becani Iesuitæ, die 3. Janu. anno 1613.

## I E S V I T A.



MODò opponimus assertionem Dominici Bannes, omnium Theologorum calculo ex praxi comprobata; *Autoritas*, inquit, *Theologorum*, etiam multorum, quando in contrarium stant viri docti, non plus valet quàm, vel ratio ipsorum, vel Scripturæ testimonium comprobant. Si Parisienses irrideri non cupiunt, vel desinant Censuras in viros doctos & Catholicos probatione destitutas emitte, aut primò omnium in hoc Dominici Bannes pronuntiatum Censuram ferant.

## R E S P O N S I O.


MULTA tu quidem opponis, sed inter se opposita. Vel potius eadem reponis, & easdem dictorum tuorum repugnantias inculcas, ne cui obliuioni elegantix tuæ animo effluant. Nam si Theologorum etiam plurimorum autoritas, quando iis viri docti aduersantur, non plus valet, quàm ratio, vel Scripturæ ab iis allatæ comprobarint, ut ex Banne ad nauicam refers, quid valere censes approbatorum tuorum suffragia rationibus Scripturisque inania, aduersus tantam Theologorum Facultatem, tantum Episcoporum consensum? De priuatis enim Theologis Bannem agere, quibus tantum fidei rectè haberi vult, quantum argumentis probent, per se liquet. Quanto ergo magis illos aspernerur, qui approbationes suas solo verbo propositas, non priuatis aliis Theologis, sed amplissimis Facultatibus, quibus Ecclesia doctrinarum censum dedit, & Illustrissimis Episcopis tanto numero consensuque pronuntiantibus, obijciant? Aut desine tandem Bannesij verbo aduersus Ecclesiæ Episcopos, & Theologicas vniuersas Facultates toties imperitè velitari, aut de approbatoribus tuis conclamatum esto. Plura quæ sæpius in hanc obiectiunculam intorsimus iterare piget, ne tecum actum agere videamur.

X

# IESUITA.

## SEPTIMA CAUSA.

*Doctrina non sana circa summi Pontificis auctoritatem.*



N fidei Censoribus fidei Catholicæ veritatem requiri per se constat. A Censoribus hæresi infectis, sedis Apostolicæ, ad quam perfidia habere non potest accessum, hostibus, nil mirum Censuras hæreseos, perfidiæque plenas emanare, quibus libri proscribantur, in quibus sedis Apostolicæ procedendi modus defenditur.

### RESPONSIO.

*In Quærim.  
§. 6. n. 39.  
Ibid. n. 34.*

NON respondeo homini cui maledicæ ultionis insanus ardor frontem cerebrumque exhaustit. Nolo mihi esse negotium cum eo, cui belluina rabies, & infrænata ferocia nihil humani reliquerit. Illam sapientiæ, prudentiæ, præcellentiæ omnigenæ coryphæam Societatem appello, quæ dementissimi rabulæ fremitus, non solum hominum auribus immitti passa est, sed palàm laudavit, gratulata est, exultavit, iterata quoque monstrofi libelli editione. Hæccine prodire à religiosæ familiæ sinu in infimum Catholicorum hominum? Hæccine ergo proferti in celeberrimam, ut fanaticus iste sæpè fateri cogitur, nobilissimamque toto orbe Catholico Facultatem? Imò hæccine iactari à religiosis hominibus, & cum religiosorum hominum plausibus, in Illustrissimum Episcoporum consessum, & in omnes Ecclesiæ Gallicanæ Antistites, Censurarum in pestiferos Iesuitarum libros vel autores, vel probatores? Nam Illustrissimorum Episcoporum Epistolam iste ipse vocat *Censura Richeristica facundam & facundam Echo*, imò multo acerbior, & quæ Richeristas longo intervallo superarit. Quare si Censuræ Facultatis hæreseos perfidiæque plenæ sunt, multo hæresi plenior perfidiæque est Epistola Episcoporum: si Censores librorum, quibus sedis Apostolicæ procedendi modus defendi dicitur, hæresi infecti sunt, & sedis Apostolicæ hostes, multo infectiores sunt infensioresque Pontificis hostes Episcopi, à quibus iidem libri multo acerbius proscripti sunt. Ac reuera vna mens, vnaque penè vox fuit, in notandis libris Iesuiticis, Illustrissimorum Antistitum, & sacræ Facultatis. Eadem propositiones damnatæ, eadem propemodum sententiæ prolatae fuere; nisi quod Illustrissimi Episcopi seuetius interdum strinxisse visi sunt, quæ sacra Facultas benignius attrectavit, ne qua intemperantia, vel affectu aduersus querulosam, & erga se minus æquam Societatem processisse putaretur. In Illustrissimos ergo potissimum Episcopos, à quibus librorum etiam Anglicanorum editio Facultati procurata est, dirigitur Iesuitica blasphemiam, Censo-




res librorum suorum hæresi infectos esse, sedis Apostolica hostes, Censurasque hærescos, & perfidiae plenas emisisse. Quod enim eorum impudentia in tot Archiepiscoporum & Episcoporum facies apertius iaculari erubuit, id in illos generali Censorum Censurarumque ab iis editarum nomine vibrat, ne quis Catholicus Censor toto orbe relinquatur, cuius iudicio hæretici libri à Iesuitis hominibus unquam scripti esse dici possint. Sic tota Parisiensis Facultas, totus Episcoporum Galliae chorus, tota Gallia infecta hæresi & sedis Apostolica hostis efficitur vesano tumore Iesuitarum; qui ubi Ecclesiam Anglicanam sua sponte pacatam, concordem, morigeram, ambitionis suae studiis à proprio Episcopo & inter se lacerarunt, Ecclesiam Gallicanam quam coniunctissimam vident, nec inter se diuellere possunt, à sede Apostolica suarum hæresum studio abrumpere cupiunt, ut hæreticam schismaticamque facientes, schismatis Anglicani effigiem in Galliam transferant. Si enim furibunda eorum iudicia valent, omnes cum Episcopis priuati, cum ducibus greges hæretici sumus, & sedis Apostolicae hostes, quod istorum libros, quibus sedis Apostolicae procedendi modum se tueri dicunt, execrari audeamus. Non feret hæc summus Pontifex; nec pro mutuo suo in Ecclesiam Gallicanam adeoque vniuersam amore, tantum audaciae in Ecclesiae oculis diutius versari sinet, nec perfidiosorum hominum turpissimas in sedem Apostolicam patietur praestigias, quibus eam propugnare se simulant, ut eius nomine impunitatem aucupentur, qua Ecclesiae vniuersae fundamenta, & ipsam sedis Apostolicae dignitatem confringant. Exardescet tandem iustissimae indignationis zelo, ne cum aperta sedis Apostolicae ludificatione & contemptu, insanae in nobilissimas Ecclesiae regiones, in Ecclesiae ordines, in Christiana mysteria antiquamque fidem, grassationes securè suscipiantur, quales ante hanc diem non à Catholicis hominibus, sed à solis hæreticis, Ecclesiaeque perduellibus extiterunt. Quis enim tanto istis ludibrio, tum Gallicanam vniuersamque Ecclesiam, tum sedem Apostolicam esse ferat, ut praeteriti in Anglia regiminis tuendi specie, tum praesens in eadem Anglia sedis Apostolicae regimen tollere, tum Ecclesiae vniuersae statum conuellere, tum Ecclesiae Gallicanae procures tanta impudentia dejicere non metuant? Cum quo hominum genere sibi rem esse, aut quo in orbe se versari putat, non solum audacissima, sed etiam stultissima loquacitas? Adeone excitatem illam, quam Iesuiticorum sodalium animis cupiditas & ambitio infudere, in omnium mentibus vigere sperauit, ut tam aperte impudentiae stoliditatem non videant? Quae tandem ista est fatiscientis & labantis Iesuiticae quondam prudentiae calamitas? Summi Pontificis dignitatem, cum Episcopali toto ordine, sexcentis locis proterunt, iussa eius aspernantur, Breuia eius indignè ludunt, potestatem eius ad sua commoda metiuntur, praesens eius in Anglia regimen ita refellunt, ut Episcopale munus ab eo constitutum non solum inutile Ecclesiae Anglicanae, sed etiam noxium, despicabile, temerè impositum; ordinarij verò Episcopi potestatem nec à sede Apostolica imponi ei posse doceant, scribant, euulgent, rudiumque Catholicorum animis inculcent, & tamen Apologias pro sede Apostolica iactare audebunt? Et tam ef-

1. Tim. 4.  
2. Tim. 6.

frontes esse poterunt, ut modò mendaci titulo pestifera Scripta sua venditarint, quidvis in Ecclesiam Catholicam, in Episcopalem ordinem, in sedis Apostolicæ dignitatem se moliri posse impunè confidant? Hostilis quidem est iste animus in Romanum Pontificem, in Religionem, in Deum, quorum amor spernitur, propriarumque rerum amore calcatur; sed impudentior quàm hostilior est, quia maiore contemptu religio Christiana; & sedes Apostolica, tam expressa illusione, foedatur, quàm villo odio, aut confessa hostilitate. Dicerem hoc genus simillimum apertis illis sedis Apostolicæ hostibus, qui *in hypocrisi loquuntur mendacium, & existimant quæstum esse pietatem* (quod hæreticorum omnium symbolum est) nisi animo illis pares, solertia dissimillimi viderentur: Nam ne illud quidem sibi reliquerunt in tam aperta inter id quod agunt & quod simulant discrepantia, ut filiorum huius sæculi prudentiam, quam alibi assequuntur, hoc loco tenuisse dici possint. Dicantur ergo *aperti* si non hostes, certè, quod acerbius est, illusores; & qui eorum conatibus aduersantur, hi Apologiarum pro sede Apostolica titulos sibi assumant, nisi tam eorum buccinationes quàm animos auersentur.

## I E S V I T A.

Card. Rochefoucault. 22.  
& præf. &  
alias sæpi.



ORBONAM in duas diuisam esse factiones, vnā quæ de summi Pontificis potestate Catholicè sentit; alteram, quæ numero vincit & dominatur, Richeristarum, res est nota orbi. Richeristarum verò hæresis est, regimen Ecclesiæ esse Aristocraticum, hocce optimum esse regimen conuenientissimumque naturæ. Summum Pontificem nihil posse, quod sit magni momenti, motu proprio, aut Oligarchici Concilij suasionem, sed Aristocraticum Ecclesiæ Concilium frequenter cogere debere.

Senatum aut Concilium natium Ecclesiæ à Domino institutum, esse non modò Episcopos, verum etiam omnes Presbyteros animarum curam habentes. Etenim quondam Presbyteri Ecclesiam in commune regabant, ut Diuus Hieronymus auctor est.

Vid. de dominatione huius factionis schismaticæ libellum Cardinalis Rochefoucault, qui dicitur, Raisons pour le desaveu, &c. per totum fari, præcipue lib. 24.

Hæc aliaque sunt Richerij dogmata, quæ dominantur in Sorbona, libello expressa, cui titulus de Ecclesiastica & politica potestate.

## R E S P O N S I O.

A DEO ne desipis, ut tibi damnato homini à Sorbona, testimonij dictionem in Sorbonam esse putes? Quis iudex sit innoxius, si damnati rei sententiam subire cogatur, apud quem, ipsam iustitiam tenuisse, crimen erit? Quod si testimonium, accusationem, reprehensionem, in eam quam furenter odisti, omnes tibi leges præcipiunt, ut furioso gladium, quid calumniis conuitiisque indulges, quibus te potius dedecoras, causamque tuam iugulas, quàm aduersarium lædas?

Nam primum quorsum hæc omnia de dissidiis partibusque Parisiensis Facultatis, cum nulla unquam coniunctio maior extiterit, quam qua libri vestri damnati sunt? Quæ coniunctio eo grauior haberi debet, si nulla studiorum varietate fieri potuit, quin Censura vna voce ferretur. Insigniter enim impiam improbamque doctrinam esse oportet, ad cuius depulsionem coaluerint discrepantes animi, nulla, nisi veritatis vnus, ratione compulsi. In eiusmodi quippe Censura, nihil neque scribitur, neque meretur Parisiensi Facultati. Quod si quos in ea malè sentientes Iesuita reputet; at alios Catholicè sentientes agnoscit, probitatis etiam exempla, imo sanctitatis. Horum igitur suffragiis, aliorum suffragia subleuantur & firman- tur. Facilius enim est, homines quantumvis aliàs aberrantes, sententiam rectam tulisse, eam nempe, quæ à Catholicis & sanctis, Iesuitarum iudicio, hominibus probata fuerit, quam Catholicos homines, probitatis exempla & sanctitatis, sedis Apostolicæ hostes in sola Iesuitarum causa esse factos, Censurasque hæreseos ac perfidiæ plenas emisisse. Tu opte igitur testimonio iaces; & eorum, quos probas, iudicio, eos, quos improbas, probare cogeris. Quibus utrisque, si accedat Illustrissimorum Gal- liæ Antistitum autoritas, quibus dissensionem istam, quam Sorbonæ ve- teratoriè obicis, exprobrare non potes, nemini dubium relinquetur, quin sola malevolentia suffugiendique studio, non vera vlla ratione dissi- dia quaras in Sorbona, ut tantis autoritatibus oppressa hæresum tuarum informitas, recriminationibus alienissimis, rancidisque contumeliis exur- gere videatur. Tantum verò abest, ut eorum consensu, qui sedi Apo- stolicæ infensi sunt, si qui essent in Parisiensi Facultate, Censurarum in vos editarum autoritas minuatur, ut nihil ad eam roborandam comproban- damque sit illustrius, quam libros sedi Apostolicæ, tum priuatim, tum in communi Episcopalis ordinis causa, contumeliosissimos, eorum etiam hominum, qui sedi Apostolicæ iniquiores dicantur, iudiciis reprobatos esse. Nullum enim maius, fide dignius, fraudis suspicionisque alienius iu- dicium, quam quod ab hoste pro hoste prolatum est.

Librorum autem Iesuiticorum doctrinam non minus, imo magis per- niciosam esse infestamque summo Pontifici, & sedi Apostolicæ, quam ea quæ à Iesuita Richerio tribuitur, facile perspectu est utriusque inuicem compatanti.

Si enim sedi Apostolicæ perniciosum sit, Ecclesiæ regimen Aristocrati- cum dici; longè perniciosius, Ecclesiam vniuersalem stare posse sine Epi- scopo vniuersali, sicut Ecclesia particularis esse potest sine Episcopo par- ticulari, & sicut Ecclesia Anglicana satis constare dicitur, sine proprio, non solum Episcopo, sed etiam Episcopatu: Multo denique perniciosius, non esse Ecclesiæ imperfectionem orbari capite visibili; adeoque non esse perfe- ctionem, visibili capite esse instructam. Quæ doctrinæ, non Monarchici solum regiminis formam, sed statum Monarchicum, totamque & Mo- narchiæ, & Monarchæ Ecclesiæ rationem tollunt è medio, cum non so- lum Ecclesiam sine Pontifice esse posse, sed etiam nullam ei esse, aut care- re Pontifice imperfectionem, aut habere Pontificem perfectionem, ad- struant.

*Vid. Spong.  
ad 1. prop. tit.  
1. de Eccles.  
Ibid.*

Mitto innumeras propositiones, quæ Pontificis dignitatem comminuunt, sed obliquo ictu, & per generalem Episcoporum omnium labem. Velut, Episcopum qui non sit prius perfectus, periculoso in statu versari, quippe in statu qui magnam postulet perfectionem, nec media propria habeat eiusdem acquirēda. Quod Pontificem tanto acrius ferit, quanto eius maior est status, quàm minorum Episcoporum, & ad eum nominatim in Apologia refertur.

Apolog. c. 6.  
aff. vi. 5.  
n. 30.

Obligari sub pœna damnationis (vt Episcopi) ad ea perficienda, quæ moraliter loquendo impossibilia sunt, non tam esse perfectum, quàm miserabilem statum. Cuius propositionis fuliginem solo hoc responso abstergit Spongia, Quid dici potuit verius?

Ibid. c. 6. aff. vii. 7. n. 34.

Episcopos obligari ex iustitia alios illuminari, ratione sustentationis, & honoris illis à grege præstiti. At Religiosos ex mera charitate, vel religione, virtutibus nobilitioribus, alios illuminare.

Nic. Smulk. 9. 5. 2. 11.

Sacerdotes, Pastores, & Episcopos regulares, secundum plures considerationes esse de Ecclesiastica Hierarchia, quam seculares Sacerdotes, Pastores, & Episcopos.

Idem 9. 6. n. 1.

Superiores Religiosos, officio immobiles & perpetuos (qualis Generalis Iesuitarum) esse verè in statu perfectionis tum acquirēda, tum acquisita, & eatenus aliquo modo esse de Ecclesiastica Hierarchia, magis quàm seculares Episcopos, etiam ordinarios.

Idem ibid. n. 4.

Quæ omnia aliaque plura, quæ volens prætereo, non minus manifestè in summum Pontificem inuehuntur, quàm in Episcopos, cum in eo plus etiam loci, quàm in Episcopis, habere videantur?

Quin etiam audent Pontificalem statum, non minus quàm Episcopalem, deicere infra regularis status dignitatem, & hanc aliqua ex parte illi anteferre, eaque de causa iubere summos Pontifices dimisso Pontificatu ad regularia claustra deuolare, illis Petri Damiani fictitiis verbis quæ citando expleri nequeunt: Relinquet Rex Regnum, & summus Pontifex Pontificatum, Episcopus Episcopatum, & venient ad Monasteria, ad seruiendum Deo. Quasi melius esse ac præstantius putent Episcopis summisque Pontificibus, Ecclesiæ gubernacula deferere vt Monachi fiant, quàm stationem, in qua à Deo constituti sunt, conseruare.

Pasim in Spong. & Apolog.

Videt, opinor, sine longiori admonitione, quisquis æquus Lector hæc attendit, Iesuitica ista dogmata, quibus scatent libri à Facultate damnati, haud paulò nequiora, & sedi Apostolicæ inimiciora, quàm quæ Iesuita Floydus Richerio hoc loco ascribit; ideoque hanc ab eo institutam esse criminationem, non studio Pontificis, sed Sorbonæ odio, non fiducia æquitatis, sed iniquitatis plenitudine, vt indomitum Censuræ dolorem, quem religiosa nulla virtute lenire potuit, amarissimis, inutilibus, à proposito alienis, & fallacibus contumeliis quoquo modo solaretur.

Possem alios sodales eius commemorare, non minora de Pontifice, quàm quæ in libello de Ecclesiastica & Politica potestate ponuntur, asserentes. Nam P. Gabriel à Porta, Theologorum ipsorum penè antiquissimus, qui Theologiam annos iam triginta amplius Burdegalæ mirifico ipsorum plausu docet, quem denique summis huius æui Theologis interdum anteferre non dubitant, scribens in 2. partem S. Thomæ, magnum discipulis suis Pontificum numerum proponit, quos fuisse hæreticos, hæ-



reses definisse, Pastorum officio docendis hæresibus abusos esse docet.

P. Gabriel à  
Portain 2. 2.  
q. 1. ar. 10.  
dub. 1.

Atque id ait esse non solum probabile, sed etiam moraliter certissimum, testimoniis locupletissimorum & illustrissimorum testium: Aliorumque ad sua argumenta responsiones, humanas diuinationes vocat. Voces verò illas Christi ad Petrum, Luc. 22. Rogavi pro te ut non deficiat fides tua, his verbis interpretatur: Probabile est, quamuis Petrus post Christi resurrectionem firmior fuerit in fide, quam unquam antea, tamen non fuisse dictum illud Christi Domini intelligendum, nisi de fide Petri pro tempore, quo Christus erat futurus absens, & non pro omni tempore. Nam post aduentum Spiritus sancti, neque Petrus unquam conuersus est à lapsu negationis, neque fuit opus ut fratres suos confirmaret, nempe reliquos Apostolos, de quibus loquebatur Christus Dominus prædicto loco, cum diceret, Et tu aliquando conuersus confirma fratres tuos. Præterea, quamuis Petrus nihil egisset contra fidem, aut dixisset, non sequeretur fuisse id commune omnibus Pontificibus. Verumtamen Petrus contra confessionem exterioriorem egit dum Christum negauit. Vnde si debet, quod Petro conuenit, esse commune, possunt & alij Pontifices exterius loqui contra fidei veritatem; quod tamen magis est contra Pontificis officium, quam malè sentire. Quam ille quidem expositionem, aut è libello de Ecclesiastica & Politica potestate sumpsit, aut is libellus ab ipso; tanta vtrimque per omnia consensio est, nisi quod ille Pater voces passim interserit acriores aliquanto, & vehementiores. Atqui libellus ille regimen Aristocraticum quo Monarchiam Ecclesiæ temperari vult, ex eo potissimum ducit, quod Pontifex infallibilem decernendi potestatem non acceperit, sed Ecclesia, seu Concilium vniuersale eam referens. *Infallibilis potestas*, inquit, *decernendi aut condendi Canones*, est penes totam Ecclesiam, aut generale Concilium illam representans. Qua in re natura regiminis Aristocratici potissimum consistit. At post editum libellum de Ecclesiastica & Politica potestate, manauit à Iesuitis

nu. 6.

Plaidoyer de  
M. Jaques de  
Montbolon,  
p. 274.  
Que la puis-  
sance du Pape  
soit infallible,  
cela se doit  
entendre es de-  
cisions de la  
foy, & des  
bons moeurs,  
quand le Pape  
parle comme  
Chef de l'E-  
glise, & gar-  
de ce que  
Iesus Christ  
luy a entou-  
ré & preser-  
u.

defensio totius Societatis inscripta, *Actio forensis*, nomine ipsorum Patro-  
ni, quam Patris Cotoni constat esse factum, & à tota Societate manasse de-  
clarant varia ex omnibus penè regionibus corrogata testimonia, quæ ad  
calcem annectuntur. In eo libello etsi Pontificis infallibilitas multis ver-  
bis augeatur, tamen ubi qualis ea sit exponendum est, ita scribitur: *Quod*  
*definitio summi Pontificis dicitur infallibilis*, intelligendum esse de definitionibus fidei  
& morum, cum Pontifex, ut caput Ecclesiæ, loquitur, & id quod ipsi à Christo im-  
positum & præceptum est, obseruat. Quibus postremis verbis versipellis &  
ambiguus, eluditur infallibilitas eo modo, quo ab hæreticis eludi consuevit  
autoritas Patrum, dum eos ita demum audiendos docent, si Scripturis con-  
sentiant. Nuper etiam editi sunt Tomi tres Conciliorum Galliarum à P. Iaco-  
bo Sirmondo, in quibus id agitur, non solum ut potestas conuocandi  
Concilia Imperatoribus Regibusque asseratur, quod idem docet libellus  
de Ecclesiastica & Politica potestate; sed etiam ut iis tribuatur potestas  
Concilia confirmandi & probandi ad sanciendam autoritatem, & eligendi  
constituendique Episcopos; quod ille libellus non habet. Idem à P. Fron-  
tone Ducæo audisse se olim contestantur fide dignissimi Prælati, cum ille  
vulgò negaret Ecclesiæ Conciliorumque leges ratas esse, nisi Principis  
sanctio accederet. Quæ ita à me referantur, sine vlla iudicii mei in vtram-  
uis partem interpositione, quandoquidem id hoc loco non agitur, ut so-

Vide passim  
Tomos 3. de  
Conciliis  
Galliarum.  
In epist. dedi-  
cat. 1. tom.  
Vid. append.  
tom. 2.

lūm demonstrarem variorum Societatis istius scriptorum sententiis, aut eadem, aut etiam acriora de summi Pontificis potestate ab iis doceri, quā quæ Richerij libello traduntur; proindeque nullum eis superesse ius cum libellum, quasi summi Pontificis hostem, tanto æstu insequendi, totique exprobrandi Facultati, quasi ipsa ex eo in hæreses ac perfidias, sic enim loquuntur, tota corruisset.

Equidem si ipsi hominum omnium purissimi, libellus autem ille multo etiam tetrior esset quā volunt, iniquissimum foret cos homines Parisiensi Facultati Theologi vnus errata impingere, quibus in variis sodalium suorum flagitiis solennis illa est & toties decantata causatio, iniquum esse, priuatorum quorundam erratis, vniuersæ Societati inuidiam facere. Quod nunc præsidium, si eripere Parisiensi Facultati atque vltro abjicere incipiant, nihil obstat quominus horrenda plurima in ipsorum sodalitium collabantur, quorum infamiam, hoc solo obice, adhuc depulerunt. Nam quod Sorbonæ partem maximam, & eam quæ in Facultate dominetur, Richeriano libello adstipulari faciunt, non iudicio loquuntur, sed odio & malevolentia instinctu, cū ex tota rei huius ab initio serie clarissimè pateat, eum paucis semper placuisse, præsertim vt in tam numeroso cœtu. Quod ex eo perspicere licet, quia nullum vnquam exitit decretum Facultatis, quo doctrinæ isti seu apertè, seu tacitè tribuatur autoritas, quod necessariò contigisset, nec vlla ratione prohiberi tanto iam tempore potuisset, si maxima & potentissima Doctorum pars in eam concessisset. Contrà nemo nescit Richerium ipsum ex quo doctrinam suam non probari vidit, à conuentibus Facultatis perpetuò recessisse, ne quempiam offenderet. Qui verò eum probarunt, ita temperatè moderatèque se gesserunt, vt nihil turbarum vnquam, nec in Ecclesia, nec in Facultate, seu scriptis, seu aliter concitarint; quod sine dubio effugere nequiuissent, si vllam fouissent factionem dominatricem, in eamque opinionem superbia & studio, non sola spe veritatis iuissent. Atque hæc illis laus ne ab infensissimis quidem inimicis eripi potest; probèque illi virtuti conuenit, quam eorum plerisque communis consensus adjudicat; vt soli eorum mores, totaque vitæ actio luculentè doceat, quanto scelere homines à genio hæretico per omnia longissimè abhorrentes, hæreticis, & sedis Apostolicæ hostibus Iesuita Floydus accenseat. Nunquam illi cū quidam Antistites libellum de Ecclesiastica & politica potestate notassent, tale quicquam designarunt, quale hodie Iesuitæ in longè plurimos Archiepiscopos & Episcopos, & in totam Parisiensem Facultatem, vnanimi sensu consonantes, moliuntur. Nunquam impudentissimis conuitiis satyricaque procacitate consciderunt Ecclesiæ Episcopos, Dei sacerdotes, viros doctrina virtutèque venerabiles. Nunquam compendiorum suorum cupidine fideles populos cum Episcopo Catholico, à sede Apostolica præposito, in media hæretica gente commiserunt. Nunquam priuatos imperitosque gregales suos impulerunt, vt declarationes audacissimas Catholici populi nomine eherentur, & laicis hominibus oblectandi Pontifici, leges ei præscribendi, ac nisi ex eorum sententia pronuntiet, dissidia schismataque minitandi, vias traderent. Nunquam ex vltimis regionibus Theologos factiosè ambierunt,

ut testimonia ab iis auferrent, quibus solennia Episcoporum iudicia intenderent. Nunquam exterarum prouinciarum Magistratus ac belli duces, ad tenebras plebeculae offendendas, sodalium conspiratione adorti sunt, ut figmentorum suorum approbationes ab iis elicerent. Quare si eos qui libello de Ecclesiastica & Politica potestate vnquam adstipulati sunt, cum iis conferas, qui Nicolai Smithæi & Danielis à Iesu scripta defensitant, in his perpetuum hæreticorum genium factaque omnia perspicias, in illis nihil à quietorum Catholicorumque hominum moribus alienum obserues. Tam eos Iesuitæ superba factiosaque vindicandæ doctrinæ suæ contentione, quàm ipsa doctrinæ prauitate superarunt.

Anno 1612.  
die 30. Iulij.

Accedit, quod & Richerius ipse sæpe palàm professus est, se libellum suum eo animo non scripsisse, quasi legitimæ summi Pontificis, vel aliorum Antistitum potestati quicquam detractum veller, sed operis breuitate, ac per hoc obscuritate, contigisse, ut pleræque aliter, quàm ipse cogitasset, accepta sint. Interim omnes eius libelli propositiones, earumque expositiones, sanctæ sedis Apostolicæ & Ecclesiæ Catholicæ ac Romanæ iudicio subicere, paratumque emendare, quidquid emendandum iudicaretur. Hæc eius declaratio & olim ab ipso edita, & nuper apud Eminentissimum Cardinalem Richelium renouata, & extremo spiritu, quem Catholicè emisit, apud Confessorem confirmata, & ab hoc Illustrissimæ Archiepiscopi Parisiensis iussu vulgata, quanto suis errores purgare potuit, maioremque in eo humilitatem & charitatem vnitatis arguit, quàm in te, aut tuis, qui homines tam Christiano animo, quem imitari debebatis, instructos, schismaticos & hæreticos dicitis, dum superbia peruecaciaque enormi, & in tranquillis Catholicisq; animis inaudita, Ecclesiæ Episcopos insectamini. Quanto religiosius, Catholicæque charitati congruentius Augustinus, cum ad Donatistas quosdam Episcopos scribens, eos hæreticos habere non audeat? Nam qui sententiam suam, inquit, quamuis falsam, atque peruersam, nulla pertinaci animositate defendunt, præsertim quam non audacia presumptionis suæ pepererunt, sed à seductis atque in errorem lapsis parentibus acceperunt, quarunt autem tanta sollicitudine veritatem, corrigi parati, cum inuenierint, nequaquam sunt inter hæreticos deputandi. Quod de illis Episcopis nisi crederet, iis se scripturum negat. Quanto ergo minus, quantoque crimine hæretici iudicentur, qui etsi omnium deterrima sentirent, tamen ab Ecclesia non recedunt, sed fouentur eius sinu, eique se subiciunt, neque ullam cum doctrina, quam bono animo & sollicitudine veritatis sequuti sunt, rationem habere volunt, nisi quantum Ecclesia patiatur? Quid verò minus conuenit, quàm vos qui tot Illustrissimis Archiepiscopis & Episcopis, nedum Parisiensi Facultati, potestatem de doctrina vestra iudicandi eripitis, licentiam inuadere, qua non solum de doctrinis, sed de Catholicis hominibus primi omnium iudicetis? Nam Richerium ipsum nemo vnquam damnatione aut deteriore nota affecit, quicquid tu ex libello Cardinalis Rupifucaldij, quem somniorum tuorum autorem semper obtrudis, & apertissimorum mendaciorum iudicem habes, fallaciter præteferas. Ne quidem doctrinam eius tibi saltem hæreticam, aut schismaticam vocare fas est, qui nec amplissimis quidem Theologicis Facultati-

Aug. ep. 162.  
ad Gloriam,  
Eusebium,  
&c.



bus tale ius concedis, sine argumentorum rationumque prolatione. Nam Episcopos, qui eam damnarunt, iactare nullo modo potes, cum Episcopale iudicium multo insignius & amplius proteruè conscindas. Nisi fortè Episcopi de aliorum doctrinis sententias ferre possunt, de solis Iesuitarum hæresibus non possunt; quasi Iesuitarum hæreses, perinde ac ipsi Iesuitæ, eam per se vim naturamque habeant, ut soli vniuersalis Episcopi potestati colla submittant. Sed nec illi ipsi Episcopi Richeriani libelli damnatores, ullam eius propositionem nominatim notarunt, cum generali cum Censura perstringere satis habuerint. Tu maior Episcopis grauiorque iudex, quæ potissimum in eo hæreses lateant eruis, & quali procudendarum hæresum usus, scientiorem te Episcopis in alienis hæresibus internoscendis fecisset, hæresim esse decernis, si quis dixerit, natium Ecclesiæ Concilium non solum Episcopis, sed & sacerdotibus curam animarum habentibus constare. Non enim intelligis eam doctrinam, utcumque vitiosa sit, hæreticam, nisi ab imperito dici non potuisse, cum nulli Ecclesiæ perspicuæ definitioni aduersetur. Quàm verò inuidiosè & accusatoriè refers alia libelli capita? Quàm nec propriæ saltem prolapsionis conscientia aliis indulgere didicisti? Quàm eas labe, quibus totus conspersus es, superbe alteri nequiterque improperas? Narras enim eo libello doceri, *Regimen Ecclesiæ esse Aristocraticum, hoc optimum esse regimen, conuenientissimumque naturæ*; quo populo persuadeas tolli funditus Ecclesiæ Monarchiam, & Episcoporum omnium aequalitatem induci; cum tamen perspicere potueris libellum adstruere, statum Ecclesiæ Monarchicum, Ecclesiamque definire, <sup>n. 1.</sup> <sup>n. 3.</sup> *Politiam Monarchicam regimine Aristocratico temperatam*, eiusque Monarchiæ caput agnoscere Romanum Pontificem, qui potestatem habeat in singulas toto orbe Ecclesias, qui summus sit Episcoporum, vinculumque Eccle- <sup>n. 7. 9. & 13.</sup> <sup>n. 1. & 9.</sup> <sup>n. 4. & 9.</sup> *siasticæ unitatis*; solamque Monarchiam absolutam quæ nullis legibus vinciatur negare, quam & Catholici omnes negant, Ecclesiamque Aristocratia temperari fatentur, licet Monarchiam eius solutiorem, & Aristocratia minus adstrictam defendant. <sup>Bellarmin. lib. 1. de Rom. Pot. cap. 3. & 5. & alibi.</sup>

Maleuolè quoque ex eo proponis, *Summum Pontificem nihil posse quod sit magni momenti motu proprio aut Oligarchici Concilij suasionem*, ut harum rerum inscijs existiment tolli eo libro summo Pontifici omnem maiorum rerum potestatem, cum tamen is illi Concilioque oligarchico concedat ius conuocandi Concilia œcumenica, iis per se aut Legatos præsidendi, interpre- <sup>n. 2.</sup> <sup>Ibid. n. 5.</sup> <sup>n. 8.</sup> *tandi Canones, sapienter dispensandi, eorumque obseruationem in omnibus Christianis Ecclesiis procurandi, districta in eam rem, si necesse sit, spiritualis gladij acie. Maiores ergo res, quas Pontificem per se aut Concilij oligarchici suasionem posse negat, sunt solum generales leges, & noui Canones toti Ecclesiæ impositi, quorum condendorum potestatem summo Pontifici in Concilio duntaxat œcumenico concedit, non ipsi per se aut Concilio oligarchico, nisi eos Canones ferat, qui generalibus Ecclesiæ legibus conueniant, & ad earum obseruationem referantur. Hanc in iis capitibus, quæ attigisti, sententiam esse libelli de Ecclesiastica & politica potestate vidisses, si legisses, quemadmodum legere necesse fuit, sapienter, & sine odij acerbitate iudicatu; præcipuè cum assiduè Censoribus tuis*



occlames & quiriteris, propositionum tuarum euulsas particulas proferri, ut tibi scilicet innocuo creetur inuidia. Quod à teipso effici in hominem, quem errorum tuis similiū arguis, & cui ipsa ista similitudo benigniorem te ac humaniorem reddere debuit, ut alteri faceres quod tibi fieri cupis, & ipsa fortunæ tuæ imagine ad lenitatem inflecterere, crimen est omni odio dignum, & Molinistico spiritu inexcusabilique iniquitate insigne. Hæc ego ad confirmandum duntaxat id quod initio posui, te sine causa, alieno penitus loco, sola malevolentia & recriminandi libidine, ut hæresum tuarum damnationi nebulam quampiam apud rudiores obduceres, mentionem istam perfidiosam ac mendacem libelli de Ecclesiastica & politica potestate intulisse. Nam nec de vlllo istius libelli capite in librorum vestrorum Censuris agitur; nec cum libellum vnquam probauit Facultas; nec eius doctrina in ea dominatur, ut mendaciter asseris; nec eius vlli vnquam sectatores, imò nec ipse author, hæreticorum aut schismaticorum notam, quam iis petulanter inuris, ab vlllo sano homine susceperunt; sed cum sese doctrinamque suam, omnemque illius expositionem & emendationem sedis Apostolicæ, Ecclesiæque Catholicæ, & Theologiæ Facultatis iudicio, sicut Catholicos probosque homines decet, sæpius subiecissent, Ecclesiasticam communionem & pacem, Ecclesiæ Antistitem iudicio, ad mortem vsque tenuerunt. Horum tu moderationem temperantiamque si sequutus esses, Iesuita Floyde, minus Angliæ, turbarum; Ecclesiæ, scandali; tuæ Societati, dedecoris; nobis, negotij dedisses; & cum tantam eorum virtutem imitari volueris, eorum doctrinam tibi displicere nos facile patiemur.

## I E S V I T A.


**I**VSDEM farinæ & fermenti prodiit libellus anno 1626. continens Censuram Facultatis Parisiensis aduersus libellum Santarelli, cui præmittitur Tractatulus Gallicè de Potestate Papæ, & libertatibus Ecclesiæ Gallicanæ, qui liquido ostendit, quid ea pars Sorbonæ, quæ Santarelli librum damnauit, hoc est Richeristæ, de summo Pontifice sentiant. Ex eo tibi, Lector, exhibeo propositiones sequentes, cuius generis aliæ extant innumeræ. Hæ ex primo capitulo omnes excerptæ sunt. Prima; *Potestas spiritualis & temporalis sunt diuino iure in eadem persona incompatibiles, pag. 3. l. 9. & p. 4. l. 8. &c.*

## R E S P O N S I O.

**E**IVSDEM hercle fermenti farinæque est hæc quoque mendaciorum tuorum massa, cum ea quam paulò antè, totaque causarum istarum farragine sparsisti. Libelli enim Gallici nomen exhibes quod nos vix fama nouimus. Propositiones autem ex eo promis (verè an falsò, penes te sit fides) ita hebetes & omni Theologiæ notitia sensuque vacuas, & indignas quæ

quæ vel referantur, ut nihil nisi te insulsiſſimum & odij immanitate ſtupidum probent, qui eas Pariſienſi Facultati aſcribere non dubites, quod à librario, vnà cum Cenfura in Santarelli errores compactæ ſint. Nam Santarelli librum quod à Richeriftis damnatum eſſe ais, ut alia omittam, quibus cum omnium doctorem ſententiis improbatum eſſe conſtat; niſi ſodales etiam tuos Richeriftis annumeres, à ſolis Richeriftis damnatum eſſe prætexere nequis. Eum enim librum præcipui quique tuorum ſodaliũ, & in iis P. Coronus domus profeſſor cum temporis Rector, palàm exautorarunt, ſequæ cum ſuis eum refellere, & Cenſuræ, quæ à Theologiæ Facultate Eccleſiaque Gallicana in eum ferretur, ſubſcribere paratos eſſe profeſſi ſunt. Iterum porro vocati à Pariſienſi Senatu, tres propoſitiones ſibi oblatas ſuo chirographo probarunt, quarum tertia hæc fuit, *Pontificem regna interdicto ſubiicere, ac ſubditos iuramento fidelitatis ſoluere non poſſe, quacumque demum cauſa.* Quæ omnia ita nota & publica ſunt, ut in Gallia teſte non egeant. Noli ergo Santarellici libri damnatores Richeriftas dicere, ne ſocios tuos iis admisceas, & tam multos facias Richeriftas, ut eos omnes, quod tibi ſuauiſſimum eſt, odiſſe non poſſis.

## I E S V I T A.



**Q**Uæ ſedis Apoſtolicæ poteſtatem anguſtis finibus circumſcribunt, offenſi ſunt libris quorum præcipuus ſcopus eſt oſtendere Romanum Pontificem habere propriam & immediatam iuriſdictionem in Catholicos Anglos, ac adeo in omnes fideles, non minus quàm in fideles Diœceſis Romanæ. Pronuntiatum veriſſimum, non ſolùm Ioannis Malderi reuerendiſſimi doctiſſimique Antuerpenſium Episcopi, ſed etiam ſancti Bonauenturæ totidem propè verbis libello, *Cur fratres minores prædicent*, initio. *Triplex eſt (inquit) huius plenitudo autoritatis quam Chriſtus Eccleſiæ conſulit, & quod ubique in omnibus Eccleſiis habet illam, ſicut in ſua ſpeciali ſede Romana, & quod ab ipſo manat in omnes inferiores per vniuerſam Eccleſiam omnis autoritas, ſicut ſingulis competit eam participari: ſicut in cælo, ab ipſo fonte totius boni Chriſto Ieſu fluit omnis gloria ſanctorum, licet eam differenter ſinguli participant.* Non eſt dubium hanc propoſitionem quam *Diſcuſſio & Apologia* ubique ſupponunt & probant, præ cunctis dilplicuiſſe Cenſoribus Richeriftis, & huius, odio quæſitis prætextibus in libros inuolaſſe.

## R E S P O N S I O.

**N**ULLIS prætextibus inuolatum eſt in libros tuos, ſed tu ridiculis prætextibus euolare conaris, impudenter illuſis non ſolùm Cenſoribus tuis, ſed etiam ſummo Pontifice, lectoribusque nequitia tuæ inſuetis. Quid enim impudentius, quàm Sorbonam arguere ſummi Pontificis po-

testatem certo loco definire? Quid deplorate falsius, quàm librorum vestrorum præcipuum scopum esse, ostendere ac probare summum Pontificem habere propriam & immediatam iurisdictionem in Catholicos Angliæ, ac proinde in omnes fideles, non minus quàm in fideles diocesis Romana? Quippe nullum hac de re verbum, nec in Discussioni Nicolai, nec in Apologia Danielis, nec in Spongia legitur, nec ea de re quærebatur. Non enim de iurisdictione Pontificis, quæ qualisve in Angliam, aut in vniuersam Ecclesiam sit, certamen est; sed de necessitate præficiendi Angliæ proprii Episcopi, quemadmodum aliis Ecclesiis præfecti sunt. Qualicumque enim demùm potestas summo Pontifici, seu in Angliam, seu in omnes Ecclesias tribuatur, contendit Clerus Angliæ, & cum eo omnis Ecclesiæ antiquitas, perpetuusque vsus, necessarium esse cuique Ecclesiæ proprium Episcopum præter summum Pontificem; neque Pontificis Episcopatum obstare, quominus Ecclesia proprio carens Episcopo, sit grex sine pastore, sponsa sine viro, corpus sine capite, Ecclesia sine Sacerdote, & his nominibus ab ipsis Romanis Pontificibus locis innumeris afficiatur, ut sæpè dictum est, & amplius alibi diceretur. Hic est status causæ, hic controuersiae cardo, huc omnes, & librorum Iesuiticorum, & aduersariorum ipsorum disputationes incumbunt. Non agitur quid possit Pontifex, quo iure imperet, quanta potestate præsit aut Ecclesiis Episcopo destitutis, aut iisdem postquam Episcopos acceperint. Quæ res ita clara & perspicua est, omnique dubitatione vacua, ut hominem qui tam apertæ luci caliginem adspargere, summumque Pontificem indignissima ludificatione captare audeat, ut ei persuadeatur nihil agi, nisi potestatis illius amplitudinem & maiestatem, impudentissimum Pontificij culminis rerumque diuinarum contemptorem esse necesse sit, summi Pontificis, & omnium qui sinceram in eum, & in Deum, cuius ille vices agit, pietatem religionemque amant, execratione dignissimum.

Apolog. c. 1.  
n. 17.  
Prop. 3. tit. 1.  
de Eccles.

Quid verò si doctrinam istam ipsam, quam deliniendo Pontifici, & ad causæ suæ præsidium pertrahendo insolenter ostentat, non modò non esse præcipuum librorum eius scopum, sed ab iis apertè refelli doceamus? Quæ increpatione, qua pœna ludionem istum multandum esse constabit? Equidem in Apologia inest propositio hæc, quam Facultas aliò nomine damnauit; proprium & immediatum super nos Episcopatum Romani Pontificis relinquere ut sit particularis Ecclesia sub D. Chalcedonensi, ut D. Doctor vellet, est relinquere substantiam, & umbram prendere. Docet ergo Ecclesias quæ Episcopos proprios habent, non subesse immediato Episcopatu Romani Pontificis, sed priorum Episcoporum; & Ecclesias, quæ prius carentes Episcopis, solo summi Pontificis immediato Episcopatu regebantur, ubi Episcopos ab eo accipiunt, relinquere proprium & immediatum eius Episcopatum, adeoque Pontificem iam iis non præesse, ut proprium & immediatum Episcopum. Vnde fit, Pontificem Ecclesiarum, quæ proprios Episcopos habent, id est totius penè Christiani orbis, proprium & immediatum Episcopum ex Danielis Apologia non esse.

Spong. pag.  
46. edit. 1.

In Spongia nihilo obscurius sic ait: Si summus Pontifex populum quem per se tanquam proprius Episcopus rexit, resignaret Episcopo ibidem constituto, qui Prin-

ceps sit sceptrumque regiminis teneat, populus illi Episcopo adherens ab uno proprio Episcopo ad alium proprium Episcopum transiret, ut qui regnum spirituale erant sub summo Pontifice, regnum spirituale manerent sub inferiore Principe summo Principi subordinatum. Cum igitur, Pontifice proprium Episcopum Ecclesiae quam ipse solus regebat praeposcente, illa Ecclesia ab uno proprio Episcopo ad alium transeat, sequitur eam non manere sub priori, seu sub Pontifice, ut Episcopo proprio, sed sub posteriore ad quem transfuit, huncque unum proprium illius immediatumque Episcopum effici. Nam si Pontifex proprius eius Ecclesiae Episcopus nihilominus maneret, iam ea Ecclesia non transisset ab uno proprio Episcopo ad alium, sed priori Episcopo proprio, alter Episcopus proprius accessisset. Quod eo magis patet, quia Spongia adjicit eiusmodi populum, qui regnum spirituale erat sub summo Pontifice, regnum spirituale manere sub inferiore Principe, summo Pontifici subordinatum. Declarat igitur eum populum, non illo amplius modo esse spirituale regnum sub summo Pontifice, quo antea erat, hoc est tanquam sub immediato proprioque Episcopo; sed isto modo regnum esse sub Episcopo inferiori, subesseque Pontifici, non tanquam proprio Principi, sed tanquam Principi summo. Adde quod ait Pontificem eam Ecclesiam nouo illi Episcopo resignare. Nam resignans suo se iure exuit, illudque in alterum transfert. Vnde Pontifex Ecclesiam Episcopo inferiori resignans, aliquo se iure exuat necesse est: Non exuit autem ius vniuersalis Episcopi, quod à summo Pontifice certò insolubile est; Exuit igitur ius Episcopi proprii & immediati, eique Ecclesiae iam ut summus Pastor, & summus Pontifex, non ut proprius, & immediatus praest. Denique cumulantur haec exemplo in ipsa Spongia prolato, ad rei huius expositionem. Sicut enim Rex Angliae, si Principi filio suo regnum Hiberniae traderet, cumque verè Hiberniae Regem constitueret, non amplius proprius & immediatus Hiberniae Rex esset, ut nunc est; sic summus Pontifex cum Ecclesiam minori Episcopo resignat, non amplius proprius eius Episcopus manet, sed generalis tantum & vniuersalis.

Haec satis demonstrant, tum verbis tum sententiis Apologiae Spongiaeque Danielis, tantum abesse, ut praecipuus librorum istorum scopus sit probare summum Pontificem esse proprium & immediatum Ecclesiarum fideliumque omnium Episcopum, non secus quam Dioceseos Romanæ, ut nec quicquam ea de re ex professo disputent, quòd de re longè alia quæreretur; & ubi de ea obiter loquuntur, contrarium apertè doceant; nec ferendam esse tam impudentem summi Pontificis à nullius fidei homine ad subleuanda impiorum librorum fragmenta irrisionem.


De S. Bonauentura ludos etiam facit, cumque contra conscientiae suae fidem venditat, cum nemo ei magis, quam ipse, aduersetur. Nam sancti Bonauenturae opinio fuit, Episcopos sic iurisdictionem à summo Pontifice ducere, ut eius vicarij sint, non veri Principes Ecclesiarum. Quippe paulò infra verba opposita subiicit: *Ipsi plebani sunt vicarij Episcoporum, in suis Parochiis, sicut Episcopi summi Pontificis, in officiis sibi commissis.* Censet ergo (quod ex toto eius sermone apertius liquet) sicut Parochi ad Episcopos se habeant, sic Episcopos ad Pontificem: Et sicut Parochi non Principes



Suarez de  
fœnt. disp.  
l. 5. sect. 1.  
Vasquez in  
1. 2. disp. 152.  
cap. 3.  
Bellarm. l. 1.  
de Rom. Pôt.  
cap. 3.  
Spongia pag.  
45. 1. edit.

ex eius mente, sed vicarij sint Episcoporum, sic Episcopos esse Pontificis, ac solum habere officia, ab eo sibi commissa; quod & quibusdam olim Scholasticis regularibus placuit, sed nunc nemini probatur, vniuersis consentientibus Episcopos, non vicarios esse Pontificis, sed Principes Ecclesiarum. Et fatetur Spongia disertè, *Episcopos esse proprios Pastores, non tantum vicarios summi Pontificis, sed veros Principes*. Non igitur facit cum D. Bonauentura, nec eius sententiam sibi induere potest, nisi sicut personam scenicam, ad summi Pontificis lectorumque animos inanibus pascendos fabulis; quasi nec cordatus quisquam, nec summus ipse Pontifex insolentibus præstigiis intuendis pares oculos haberent, nec detestandis pares animos.

## I E S V I T A.



DO aliud non leue malefanz fidei in Censoribus argumentum, nimirum libros Facultati Parisiensi oblatos fuisse ab Elia du Fresne de Mincé, in illorum damnationem flagrantissimo studio instante. Hic autem Ioannis Barnesij hæretici, seu hæresiarchæ potius, seu nouæ hæresis inuentoris Achates, cuius Barnesij librum aduersus Æquiuationes non modò approbavit, & à Facultate Parisiensi approbari fecit, sed etiam in se suscepit illius se fore, si quis se opponeret, propugnatorem, librum conuitiis, calumniis, mendaciis, hæresibus, blasphemis scatentem, & à sede Apostolica reprobatum, quem hæretici vbique gentium, velut è cælo missum oraculum, exosculantur. Is igitur libros hosce curauit damnari, qui Barnesianum obtinuit approbari, vt si magnum tunc malum fuit à Richeristis Sorbonicis approbatum, conjicias, eodem authore & incensore, nonnisi magnum bonum potuisse damnari.

## R E S P O N S I O.

Censur.  
pag. 8.

Ibid. pag. 6.

MO verò conjiciat quisquis te sine teste ac fide talia vociferantem audit, post tantam mendaciorum perfidiarumque superiorum colluiem, non nisi magna figmenta & conuitia, à te hoc loco proferri. Libros Facultati oblatos dicis à Doctore Elia du Fresne Mincio; nec aduertis de tua quidem Apologia ipsam apertè testificari Facultatem se eam non à Mincio, sed à Syndico suo accepisse. Dominus Syndicus, inquit, significauit recens ad se delatum librum alium Anglicum eiusdem argumenti & proposui cum priore, &c. Huic porro titulum esse, *Apologia pro processione S. sedis Apostolica, &c.* Ac ne nescias vnde ad Syndicum prouenerit, subdunt acta; in istum quoque librum (cuius exemplar Latinum ab Illustrissimis ac Reuerendissimis Episcopis Gallie acceptum obtulit) vt pro prudentia & autoritate sua animaduerteret Facultas, supplex rogauit. Vides quàm facili negotio tua mendacia pateant? Nec plura persequi in

hunc locum necesse est. Vt enim libros vestros Facultati verè obtulisset Mincius, cui culpæ, vel cui non laudi esset eos libros notandos obtulisse, quorum tanta prauitas deprehensa est, vt vnanimi & totius inter se Facultatis, & cum ea Illustrissimorum Galliarum Episcoporum iudicio abiecti sint? Nam quod Doctorem Mincium *Barnesij Achatem* fuisse colligis, quod libellum eius aduersus æquiuationes probarit; malevolentia impetu afflatus miserè hariolaris. An enim librorum vestrorum illos approbatores, & Spongiae tuæ suffragatorem Boucherum, *Achates* tuos censeri cupis? Ipsum autem Barnesij librum non modò approbasse, & à Facultate Parisiensi approbari fecisse, sed etiam in se suscepisse illius se fore, si quis se opponeret, propugnatores, scribere non potuisses, nisi totus ad maledicentiam intentus, leuissimas umbras pro solida luce, sine falsi ac veri discrimine, arripere consuesses. Non enim Barnesij librum à Facultate probandum curauit Mincius, nec eum probauit vnquam Facultas. Sed cum ipse eum approbasset, & nonnulli, quibus suam mentiendi artem illo libro vexari dolebat, approbationem eius, alteriusque cum eo Theologi à Facultate rescindi postulassent, approbatorum vterque in solito cœtu Facultatis contestati sunt, nihil eo libro contineri, quod à fide Ecclesiæ discreparet, seque vniuersis de testimonio suo dubitantibus satisfacere paratos esse. Ita Facultas nihil causæ reperiens cur eorum iudicium infirmaret, censuit approbationem, nisi quid aliud afferretur, reprobendam non videri. Patent hæc omnia ex actis Facultatis Barnesij libro præfixis, quæ tu sine nequitia pervertere non potuisti. Nam ex eo quod Mincius & alter cum eo Doctor, testimonij, quod Barnesij libro dederant, rationem se reddituros professi sunt, finxisti Mincium suscepisse se libri ipsius, si quis sese opponeret, fore propugnatores. Ex eo verò quod delatus ad Facultatem, quasi librum vitiosum approbasset, fecit ne Facultas approbationem suam, sicut petebatur, expungeret, commentus es eum Barnesij librum à Facultate probandum curauisse, homo mendaciis tantum, sed stolidis & supinis, ferax. Neque verò odij tui, ieiunæque istius in Mincium rabiositatis ea sola causa est, quod Barnesij librum aduersus æquiuationes probarit, sed maxime quod probarit librum aduersus deteriores multo doctrinas enormis Theologicæ Summæ Francisci Garassii sodalis tui, à Facultate damnatæ. Quod enim in ea Summa incredibiles maculae, & reuiuinae hæreses notatæ, & ad oculum demonstratæ sint, non solum aliis omnibus, sed ipsi etiam gloriosæ Societati, quæ veritatem silentio approbare coacta est, tanti vulneris, quod nondum etiam coaluit, dolore flagrantibus, in approbatores, quando autorem non norunt, irruunt, mœrorisque sui pœnas ab iis reposcunt. Quare quicquid in Mincium debaccharis, abjiciendum est, vt vltionis tabo infectum, & faucis mentis delirium.

In Barnesium cur tam implacabili animo inuoles, eadem propemodum ratio est; quod nimirum librum non solum in domesticam, tuæque Societatis vernaculam æquiuocandi disciplinam scribere sit ausus, sed in eo scientiæ istius columina Parsonium, & Lessium nominatim castigarit. Nam quod eum librum *scatere conuiuium, calumniu, mendaciu, hæresibus, blasphemiu* clamas, animi tui vitia, non eius libri prodixit, cum liqueat nihil in eo

hæreticum, blasphemum, impium, aut ab homine Catholico alienum esse, pluribusque vitiis vnam Apologiæ tuæ, aut Sponsæ pagellam, quàm librum eum integrum scaterere. Nisi fortè hæresis est, errores vestros adoriri, & indignum religiosis animis Christianaque puritate commentum, quo mendaciis, fallaciis, insidiis struuntur latebræ, & autoritas offertur, è Catholicorum hominum oculis auribusque abigere. Hac enim ipsa fortassis arte, eum librum à sede Apostolica reprobatum oggannis. Quamquam tibi æquiocandi ars euiluit, nec vlla maior voluptas, aut suauior lusus, quàm pro tenuibus & obscuris æquiocatiuncularum latibulis, in splendida mendaciorum planissimorum luce versari. Librum illum certè summi Pontificis iudicio hæreticum, vel erroneum habitum esse tibi non credimus, nec sine temeritate auctori per se leuissimo, fidei verò tot mendaciis & fraudibus iampridem naufrago, credere possumus; cùm contrà certò constet, eum à Theologis Parisiensibus approbatum, nec acerrimos eius aduersarios quicquam Facultati satis idoneum exponere potuisse, cur suorum Theologorum approbatio refigenda videretur; & Theologorum denique approbationi consilij regij auctoritatem accessisse. Quæ omnia summo Pontifici pro nihilo fuisse, facilius à Floydò dici potest, quàm à quoquam credi. Quare si fortè libellus in Indicem expurgatorium Romæ relatus est, aliis id causis, pro summa Patrum illorum prudentia, factum esse, quarum non minima fortasse fuerit Iesuitarum importunitas, magis arbitramur, quàm quò quicquam in eo deterius doctrinæ repertum sit. Nam quod *hereticos a se eum librum ubique gentium quasi celo missum oraculum* oscularis si hæreticorum numero eos habere velis qui pudendum æquiocationum artificium, quod iste liber exagitat, conuulsum deletumque cupiant non ex suis solum, sed ex vestris omniumque gentium animis, verendum est ne tantum hominum splendorem hæreticis adicias, ut cum iis hæreticum te non esse poeniteat. Aversatur enim vestram istam labem, non Scripturæ solum sanctorumque Patrum auctoritas, sed eruditorum ferè omnium proborumque ac piorum consensus, nec virtuti solum Christianæ, sed humanæ societati, & quorumvis hominum, nedum hæreticorum, hoc ipso quod homines sunt, sensibus ac pudori non tolerandum existimat. Pudendum Iesuitis, ab ipsis etiam hæreticis sapientia in hoc genere candoreque superari, non turpe scriptori cuiquam, ita cum Scripturis, sanctis Patribus, proborum Catholicorum mentibus, humanaque ipsa luce consentire, ut nec hæretici quidem dissentiant. Alioquin si à sanctorum Patrum Christianæque lucis aperto tramite discedere, ne quo loco in vagantes hæreticos incidas, id Iesuitis sapere est, nã istam insipientem sapientiam sanus quisque valde refugiat, & cum hæreticis sentire videri, ut cum Catholicæ fidei magistris sentiat, interdum malit, quàm cum hæreticis per omnia dissentire, ut cum Iesuitis desipiat. Non enim pertinacia humanæ æmulatione (quod Iesuitæ ferè faciunt) negotium fidei cum hæreticis gerendum est, sed fidei firmitudine, diuinæque lucis armis; neque ita delirandum, ut in auia potius & in voragines prorruamus, quàm cum iis aliquando incedere videamur. Nam & præcipuum quoddam ad eorum mentes in viam reuocandas compendium est, si re ipsa doceantur

nos ab iis; non studij cœcitate, sed iudicii lumine discrepare, & quam ab iis ad veritatis vim agnoscendam præparationem animi exigimus, eandem vltro exhibere.

Neque porro propter librum aduersus æquiuationes editum Barnesius comprehensus, & in custodiam datus est, vt Iesuita fallaciter innuit; nec antequam caperetur pro hæretico habitus est, aut eo nomine carceri deditus, sed grauibus aliis de causis. Post prehensionem demum de variis eius erroribus cognosci cœptum est, cum schedis illius occupatis, Theologi duo Parisiensis Facultatis autoritate regia eas explorare iussi, multiplices in iis hæreses variis linguis manu eius exaratas reppererunt. Quàm igitur maledicum & fatuum Barnesij errores Parisiensi Facultati à te imponi, quos nisi eius Theologis indicibus non nouisses? Quanquam pro Barnesio dicere licet, vel potius pro veritate, quam tu in iis quos odisti pari semper nequitia proteris, Barnesium quantoscumque in errores prolapsus sit, hæreticum haberi non posse, cum omnium sententiâ hæreticum hominem non error, sed pertinacia faciat, quam ille à se abfuisse luculentè professus est ad calcem libri aduersus æquiuationes his verbis; *Scito me vt hominem errare posse, & errorum fraternè corrigi, vt Christianum corrigi decet; At hæreticus esse non possum, nec defensor erroris pertinax, cum quicquid in hoc libro disputavi (vt & in aliis omnibus quos in lucem emisi, vel emissurus sum) id Censura, iudicio, & correctioni sanctæ Matris Ecclesiæ Catholicæ Apostolicæ & Romanæ libentissimè subiiciam.* Temerè igitur atque improbè hæreticum & hæresiarcham vocas, non tantum hominem sine pertinacia errantem, sed hominem à nullo iudice ita damnatum: Et intolerandæ amentię est, te qui pestilentissimarum doctrinarum reus es, neque eas tamen tot tantorumque Theologorum & Episcoporum sententiis hæreticas haberi pateris, vsque adeo aliis lapsantibus insultare, vt acerbissima rabie non eorum doctrinas modò, sed eos ipsos schismaticos, hæreticos, hæresiarchas tuo passim iudicio denotes, nec vllis maledicentię elogiis in iis conspurcandis tibi satisfacias. Quid hoc aliud est quàm tui amore, & aliorum odio ad stuporem vsque peruenisse? Remorari verò debuit istos impetus, & Christianę, nedum religiosę, charitatis furentem animum admonere, ille saltem, quem simulas in Benedictinorum ordinem, affectus, cui ordini in Querimonia nihil non in Angliam tribuis, quem in Apologia, in Spongia vbique æstuosis & ipsa magnitudine suspectis laudibus adornas. Cuius ordinis Barnesius ille non vulgaris quidam Religiosus fuit, sed Presbyter & Religiosus Anglicus, Theologię professor missionis Anglicanę, primusque congregationis Hispaniæ assessor. Decuit igitur Benedictini ordinis gratia tibi moderari, ne Religiosum qui in ista Familia eo loco fuisset, in Anglię totiusque orbis oculis tam horrendè sine causa traduces, & tot in Angliā Religiosorum Magistrum, hæreticum, & hæresiarcham tuo solo iudicio faceres, in graue illorum dedecus totiusque ordinis apud hæreticos offensionem. Sed tu cæteris ordinibus nisi tua causa patrocinari non soles; quicquid illis gratificari videare, tibi faues, Societatis glorię lenocinaris, quam vbi eorum detrimentis crescere putas posse, in eos mutata velificatione inuchi paratus es. Quicquid iis voluntatis verborum laudibus signi-



ficare videaris, fucosum esse prodixi & fallax, & quamdiu tua commoda luserint, mansurum, ubi desierint, abiturum. Excreetur sanè hunc animum non solum Benedictinorum familia, quam foedè ludis, sed omnium quosad vestram causam miseram perditamque fallaciter adiunxistis, Religiosorum cœtus; quos, ubi res tulerit, non liberalius habituri estis, quàm Benedictinorum Anglicanorum Societatem. Si enim illam tumultuationis huius præcipuam administram, adiutricemque vestram, cui vos venditare, cui assentari, cui plaudere ad firmiorem conciliationem in primis studetis, tamen gloriæ vestræ studio cæcari tanta in re, leui de causa, ac penè sine causa & inutiliter violare non timetis, ut vestram duntaxat in Barnesium, per eumque in Parisiensem Facultatem, odium inaniter expleatis, quid fiet in alias Societates, ubi earum quoque obterendarum mercedula quæpiam elucebit? Concurrant igitur omnes & obruant perfidiam hanc crassam, spongiosam, indignam, omnium adulatricem, & omnium inimicam, nec verbis solum, ut Barnesius arguit, sed & factis æquiuocam, totam ancipitem, totam ambiguam, cui nec vlla quorumcumque beneficia certam in benemeritos amicitiam inserere possint, nec vllæ quorumcumque offensusculæ certissimum in malè meritos odium vllis pœnis aut calamitatibus, quales Barnesij, exsatiarent.

## I E S V I T A.



I feles vnguentorum fragrantia, tygres pulsu tympanorum in rabiem aguntur, quid mirum si Censores Barnesianæ fidei homines, librorum ipsius approbatores, aduersus librum Discussionis & Apologiæ insanierint? Discussio enim & Apologia sanctæ sedis boni nominis odorem spirant, illius præconia sonant, potestatem tuerentur, iura defendunt, prudentiam laudant, charitatem extollunt, in Catholicorum Angliæ regimine, tot per annorum decurias, emicantem. Si Barnesius Parisiis quo lata est Censura tempore extitisset, sine dubio in hos libros inuehendi facem cæteris prætulisset, suumque authorem Mincium consilio & omni opere iuisset. Quis igitur Catholicus non suspectam Censuram habeat, quam sedis Apostolicæ iuratus hostis, si per vincula licuisset, procurasset, procurauitque Mincius Barnesiano fermento infectus? Zelus qui Discussionem scripsit, in Angliæ vinculis coercetur; Zelus qui Censuram aduersus Discussionem procurauit, Romæ clausus carcere continetur; ut fidem Censuræ adhibere, Discussionem damnata, perinde sit, ac credere fidem Catholicam Romæ, hæresim in Angliæ carceri mancipari, vinculisque constringi. Si Richeristæ Sorbonici utroque libro contineri errores argumentis euincere contendissent, pro argumentorum pondere, Censura momentum autoritatis habuisset. Nunc cum clamoribus tantum perlata sit omni probatione destituta, in quibus Mincius, hoc est Barnesius, vocem supra cæteros extulit, nemo verè Catholicus qui sapit, alia Censuram luce dignam quàm Barnesiani carceris existimabit.

## R E S P O N S I O.

**A**D EÓNE mendaciis figmentisque inanibus lasciuire iuuat? Itáne miserorum, & quidem regularium ærumnis ludere dulce est? Hæccine Iesuitica humanitas, & religiosus pudor? Non satis est vltionis superbissimæ Molinistarum nationi, dum eum quem oderunt malis oppressum vident, nisi & latentur; nec satis lætari, nisi & insultent? Et hos Religiosos, vel Christianos habebimus? Et religiosi status ambitiosis amplificationibus insolescere patiemur, in quibus tantum irreligiosi, sæcularis, truculenti animi aspiciamus? Innocentissimos etiam homines afflictorum casus ad misericordiam allicere solent, communis fragilitatis admonitos, dum sibi quoque timent, quod aliena experientia hominibus accidere posse perspiciunt. Hic eo stupore eaque ferociæ immanitate erit, vt aliena calamitate, ne quidem postquam prolapsus est, & duriora eo, quem increpat, promeruit, condoleat, sed triumphet ac insultet? Nec sui popularis, hominis Angli, regularis, professoris Theologi, qualem se quoque profiteretur, illustri exemplo, si non ad sanitatem, & longè maiorum facinorum pœnitentiam, saltem ad clementiam, misericordiamque flectetur? O hominem propriis dignum pœnis, cui alienæ non prosunt! sua miseria ad misericordiam erudiendum, qui aliena ad tantam inhumanitatem accenditur!

At etiam insurgit in Censores suos, & qui pedem lapsis impingere ausus est, manum stantibus & integris admouet, hæresumque suarum iudices, hoc est non vnum Mincium, in quem optimum sapientissimumque hominem, sua iterum mendacia & maledicta renouat, sed totam Parisiensem Facultatem, & Illustrissimos Galliæ Archiepiscopos & Episcopos felibus & tygribus confert, in rabiem ætlos, insanientes, Barnesiana, id est hæreticæ, & hæresiarchicæ fidei homines, perpetuo carcere dignos, vilissimus flagrio deputat. Hiccine zelus est qui in Anglia vinculis coercetur? Hæccine sanctitas aut fides, quæ carceri mancipatur? Video quidem quem dicas dum zelum qui Discussionem scripsit, vinculis in Anglia coerceri gloriaris, Knottum videlicet Viceprouincialem vestrum, Discussionis Nicolai Smithæi nomine confictæ scriptorem, Anglicano carceri, Deo fortasse vindice, mancipatum; sed profecto, si zelus quem tu hîc spiras, Anglicanis vos vinculis constringere solet, eiusmodi martyres Ecclesia non agnoscit, pœnisque quàm laureis digniores putat. Zelus iste amarus est, mordens & comedens inuicem; dominationem spernens, dignitates blasphemans. Hoc zelo nemo patitur vt Christianus, sed vt maledicus & homicida; Imò, si tuis verbis vti licet, vt feles patitur & vt tygres, nec Anglicanis solùm, sed Romanis carceribus dignus est, ac Barnesio dignior, quem tanta merita in illam arcem non extulerunt.

Jacob. 3.  
Galat. 5.  
Ep. Iud. v. 8.  
1. Pet. 4.

## I E S V I T A .



Ecce video quī Reuerendissimus Chalcedonensis, qui se dicit Pastorem Angliæ cum plenitudine iurisdictionis Episcopalis, potuerit animabus Catholicorum peius consulere quàm confugiendo ad Censores, quos Richeriana & Barnesiana labe infectos esse nouerat, vel scire debebat. Quid esse potest à Pastoris charitate magis alienum, quàm sedis Apostolicæ hostium ouina pelle rectorum, imò vix rectorum, sed suum odium nimium quàm palàm ostentantium doctrina imbuendos Catholicos tradere, qui pro summi Pontificis autoritate patiuntur? Prudentes certè iudicabunt, hoc facto cum suæ causæ terram labem intulisse, iustamque causam Laico-catholicis præbuisse ab eo sibi cauendi, etiamsi constaret esse legitimè constitutum. Nam Parisiensem Vniuersitatem, præ cæteris, Pontificiæ potestati esse iniquam si nescit, intolerandæ ignorantiae est, nec possunt homini ita rerum inscio animas tutò committere: si verò nouit, ibi aquam Catholicæ doctrinæ, quoad Pontificiam potestatem, turbidè fluere venenoque infici, quàm perniciosum consilium Catholicorum animos Censurarum illius Facultatis reuerentia imbuere?

## R E S P O N S I O .

**R**EVERENDISSIMUM Episcopum Chalcedonensem petulantissimis conuiciis à te conscindi, Parisiensis Facultatis odio, non miramur, qui illius ipsius Reuerendissimi Episcopi odio, Ecclesiam Anglicanam à vobis improbissimè conscissam laceratamque cernimus. Non miramur rursus eam esse Iesuiticæ Societatis virtutem, cum vigorem, eam disciplinam, ut in Ecclesiæ Episcopos, in Episcopum à sede Apostolica missum & selectum, in probatissimam, & sedis Apostolicæ, totiusque Ecclesiæ studiosissimam Facultatem facinora ista ex ea prodeant, quæ nulla non solum religiosorum ac piorum, sed sæcularium profanorumque hominum societas unquam extulit, nec impunita ferret, nedum laudaret, ac plauderet. At confidentiam impudentissimam, & furorem imprudentissimū in Iesuita scriptore, & in triumphante Societate miramur. Nam si Episcopo Chalcedonensi fraudi, & crimini est ad Parisiensem Facultatem confugisse, quanto maiori esse debet, eiusdem Facultatis Theologos ante ipsum fraudulenter ambuisse, ut ea suo nomine probarent, quæ postea cum tota simul Facultate exploserunt? Cur simulant audacissimi Iesuitæ, se ad eiusdem Facultatis præsidium non prius etiam confugisse? Imò cur simulant, se fraudibus, & fallaciis librorum ignotorum, & inuisorum clancularias approbationes à Theologis Parisiensibus non flagitasse, quorum apertè editorum & excusorum legitimam damnationem, ab vniuersa Facultate, & ab Antistitum cætu Clerus Angliæ postulauit? Cur verbis accusant, quod facto probarunt? Cur se fecisse dissimulant, quod fecerunt, & deterius nocentiusque

moliti sunt? Cur accusant, quod assequi nequiverunt, & quod si consequi potuissent, eadem, qua argunt, superbia extulissent? Hæc ergo sit confidentia illa impudens, qua quod Reuerendissimo Episcopo Chalcedonensi probro vertunt, id ipsi ante illum insidiis fucoque conantes repulsi sunt. Nec enim Episcopus Clerusque Angliæ de hoc toto negotio, ad Facultatem, vel ad Illustrissimos Episcopos retulerunt, nisi ut admotas in suam Ecclesiæque Anglicanæ labem Parisiensi Facultati insidias discuterent, ut etiam antè monuimus.

Furoris autem imprudentia grauis est, quòd ut Reuerendissimum Episcopum in populi Anglicani oculis conculcent, vilemque & despicabilem efficiant, reuerentiaque debita spolient, & ut immane in Parisiensem Facultatem odium exsaturent, adiiciunt prudentes non dubitatueros Episcopum eo quod huius Facultatis iudicium expetierit, *sua causa tetram labem intulisse, iustamque causam Laico-catholicis præbuisse ab eo sibi cauendi, etiamsi constaret esse legitimè constitutum.* Enimvero prudentes, non prudentia Iesuitica & Molinistica, quam Deus odit, sed Christiana & simplici, qualem præcepit, dubitare non poterunt, quin hoc dicto Iesuita Floydus sui animi virus, sociorumque in hoc negotio consilia, ante omnium conspectum effuderit. Quid enim aliud est, Episcopum Chalcedonensem, Parisiensem Facultatem consulendo, iustam præbuisse causam Catholicis Angliæ ab eo sibi cauendi, quamuis legitimè constitutum esse constaret, quàm Iesuitas sic affectos esse in hac causa, ut Pontificis Episcopum in Anglia constituentis decreta pro nihilo ducant, & ad animi sui libidinem eludere, & exsibilare parati sint? Quid aliud est quàm Pontificum constitutiones affectuum suorum ludibriis subiicere, ut ita denum valeant, si eis blandiantur aut consonent; eiciantur & irritentur, si discrepent, aut non arrideant? Nam quia Parisiensem Facultatem oderunt, quia odij magnitudine præpediti de ea benè sentire, aut commodè loqui non possunt, de qua est eximia & excellens plurimum iam sæculorum toto orbe opinio, & ipsa Iesuiticarum hæresum damnatione, inclaruit splendidiusque refulsit Ecclesiæ, scribere non dubitant Episcopum, quem à summo Pontifice constitutum constet, fugiendum, & cauendum esse, & quasi lupum ouina pelle contactum, non quasi Pastorem habendum, hoc solo quo tantam Facultatem consulat, id est hoc solo, quo Iesuitarum affectibus dissentiat, eorumque odiis refragetur. O impudentem in Episcopos; impudentiorem in summum Pontificem Societatem! quæ se tantas per Angliam tragædias concitasse, & Breuia Pontificia indignis modis luisse docet, ut cupiditatibus suis obsequeretur, & vota sua perficeret. Nam qui hæc quæ nunc profari audent, animis concipere potuerunt, hos patet nihil voluntatibus suis habere antiquius, studiisque domesticis omnia posteriora ducere. Quid quod non in vnum Pontificem, sed in omnes penè, qui Ecclesiam ab schismate Anglicano ineunte rexerunt, impij sunt? Nam si Reuerendissimus Episcopus Chalcedonensis, ob consultam semel Parisiensem Facultatem auersandus esset, quamuis legitimè constaret esse constitutum; multo magis auersandus fuit Reuerendissimus piæ memoriæ *Guillelmus Bishop* à Gregorio XV. primus in Angliam missus Episcopus, cum in hac Facultate Theologicis disciplinis excul-



tus, lauream doctorem tandem accepisset, in eaque diu florisset. Imò longè magis auersandus fuit cauendusque ipse Pontifex, quòd hanc Facultatem non semel consulisset, vt Episcopus Chalcedonensis, sed hominem in ea educatum, eiusque doctrinis non solùm diu imbutum, sed in eas de more iuratum, ex eius potissimum sinu selegisset, cui gregem Anglicanum pascendum, regendumque permitteret. In hoc Pontificis consilium cadunt omnia Iesuitarum in Episcopum Chalcedonensem conuitia, & vehementius omni ratione validiusque cadunt; non potuisse animabus Catholicorum prius consuli, nihil esse posse à Pastoris charitate magis alienum, quàm sedis Apostolicae hostium ouina pelle tectorum, imò vix tectorum, sed suum odium nimium quàm palàm ostentantium, doctrina imbuendos tradere Catholicos, qui pro summi Pontificis auctoritate patiuntur. Iustam fuisse causam à tali Pontifice sibi cauendi. Nam Parisiensem Vniuersitatem, prae ceteris, Pontificia potestati esse iniquam, si nesciret, intolerandae ignorantiae fuisse, nec potuisse homini ita rerum infcio animas tuò committere; & ita deinceps de reliquo impurè latrantis Floyd boatu, impudenti, impio, schismatico, quo deferendus fuisse pronuntiatur, pro Iesuiticæ malevolentiae impetu non solùm constitutus à Romano Pontifice Episcopus, sed ipse summus Pontifex, Gregorius XV. quod ex Parisiensi Facultate Theologum Facultatis Doctorem, Angliæ Episcopum delegisset, & cum Episcopum quem isti ipsi laudibus plerumque cumulare coguntur, plerique etiam sanctum vocant. Quid enormius, quid stolidius tanto in Parisiensem Facultatem furore Iesuitarum? Nec porro in Gregorium solùm Pontificem, sed in plerosque alios improbi & blasphemii sunt, qui cùm maximas sacerdotum in hac Facultate ad Theologiae scientiam eruditorum copias, ad Anglicanae messis culturam, iam inde ab initio schismatis, summisserint, etiam ante Iesuitarum in Angliam appulsum; profecto fugiendi ipsi, & cum immissis cultoribus vehementer cauendi fuerunt, autore Iesuita, vniuerso gregi Anglicano, etiam si verè missos constitutosque constaret, quòd ex ea Facultate prodirent, ex eaque mitterentur à Pontifice, hodieque passim mittantur, quam summo Pontifici iniquissimam & hostium ouina pelle tectorum, imò vix tectorum plenissimam esse constaret, nec sine intoleranda ignorantia nesciri posset. Vix ergo sanctissimo Urbano VIII. firmum Pontificatum relinquent, & vbi paululum impietate processerint, & ea in Ecclesiam vniuersam audere, quæ in Anglicanam ausi sunt, voluerint, præclarum commentum inuenerunt, quo Ecclesiam ab ea Catholicam, vel vniuersam auertant, vel in partes dilacerent, quemadmodum Anglicanam ab Episcopo Chalcedonensi segregarunt. Tanta est istorum hominum in strophis, in argutiis, in ludibriis, quibus suas libidines inuoluant, concinnandis licentia, & impudentia: quæ si eis impunè fuerit, monstrabit, quibus olim omnis Ecclesia percellatur. Caueant sibi potius à fallacissimo, & infidissimo hominum genere, non dico fideles Angliæ laici, sed Episcopi, sed Antistites, sed Pontifices, sed Ecclesia Catholica, à quorum maiori labe diu abesse non poterit horum infinita potentia, & audacia, nisi maturè prematur, & in ordinem, exemplo quoque publico, & illustri seueritate cogatur. Nam Reuerendissimum Episcopum Chalcedonensem, non solùm à sede Apostolica missum, & Pontifici probatissimum, & doctrina

Strina

doctrina virtuteque præstantem, fama celebrante, norunt Catholici Anglicani, sed ipsi in scammate & stadio pastoralibus officiis & Episcopalibus virtutibus illustrius emicantem experti sunt, quàm ut ullis circulationibus Iesuitarum, de summa illius in omni genere præstatiæ opinione, dejici possint.

Facultatem verò Parisiensem tam suis contumeliis obscuriorem efficere nequeunt, quàm nec encomiis splendidior; cuius fama tam altis defixa radicibus, & tanto splendore in sublime prouecta est, & quaquaversus diffusa, ut procacissimorum obrectatorum petitiones magis obscurer, quàm ab iis contingi possit. Nec eorum præconia requirit, nec maledicta formidat; quia Molinisticam Societatem in vtrisque iuxta contemnendam suspectamque esse nouit, feruereque *coniurationem Prophetarum in medio eius*, *Ezech. 13.* qui pro varia rerum suarum affectione *interficiunt animas quæ non moriuntur, & viuificant animas quæ non viuunt, mentientes populo credenti mendaciis.* Quare sicut Deus Iudæorum peruicaciæ, denuntiavit se *maledicturum benedictionibus eorum*; *Malach. 2.* contra prædicare licet, & cum, & cum eo probum quemque benedicturum maledictionibus Iesuitarum, *quia inter sanctum & profanum non habuerunt distantiam, & inter pollutum & mundum non intellexerunt.* *Ezech. 22.* Nam Parisiensem Facultatem quanta peruersitate & insania indignissimis conuitiis afficiant, Pontificiæque potestati iniquam, veneno infectam, hostem ouina pelle tectum, nec benè tectum appellent, non iam sanorum hominum totiusque orbis iudiciis, sed ipsa sodalium tuorum professione declaratur, qui in grauissimis de praua scriptorum suorum doctrina iactationibus & angustiis hoc vno perfugio vsi sunt, ut se Theologicæ Facultatis doctrinæ assentiri, eique per omnia subscripturos esse profiterentur. Quas eorum professiones toties supremus Senatus, toties Academia, toties amplissima Galliarum consilia audierunt, ut nec illustrius quicquam esse possit, nec ipsi præsentius sibi numen, certiusque palladium in rebus dubiis experti sint, quàm eius Facultatis fidem, & eius doctrinæ autoritatem, quam tu tanta improbitate traducis. Quid ergo? Sodales etiam tuos perniciosæ, venenatæ, lupinæ, impiæ Facultatis, doctrinæque contagione fœdatos potius dices, quàm te eorum nequissimum stultissimumque fateare? Taceo ingratitude, qua Facultatem Societatis totius vestræ, primorumque illius parentum magistram prosequeris. Taceo illam quoque qua egregias in Angliam, Scotiam, Hiberniam Episcoporum, Pastorum, Sacerdotum acies quotidie instruente remunerar. Tibi enim ita multa condonari necesse est promiscuè ad singula corruenti, ut etiam post largiorem indulgentiam sordidissimus, nocentissimusque maneat, nec vlla, vel purgando tibi copia, vel castigando sufficiat. Parisiensem certè Facultatem potestati Pontificiæ, præ cæteris, iniquiorem nullo autore scripsisti, sed impudens maledictum ex eodem fonte vnde nefandas illas hæreses deprompsisti, commentus es. Reueretur, colit, amat, non adulatur, non illudit Pontificiæ amplitudini, ut tu toto hoc opere, Parisiensis Facultas; sua denique illi omnia postponere parata est, non veritatem, non candorem, cuius imminutione dedecorari vider sedem Apostolicam, veritatis & sinceritatis vindicem, non honestari vel extolli. Si tantocius commoda in iis agerentur, in quibus à vobis non fauere dicitur Pontificiæ Majestati, quanta vestra aguntur in iis, in quibus illi fauentes videri cu-

pitis,liceret suspectam habere ipsius in illam animi fidem, quam prauæ cupiditates à recta in eam æquitate abstrahere potuissent. Nunc cum nihil eiusmodi excogitare possitis, sensuum vestrorum latebras potius explorare deberetis, quàm ei sine argumento temerè maledicèque obloqui. An D. Thomæ doctrina totaq; Prædicatorum familia infesta D. Virgini & iniqua dicenda est, quia eam à peccato intactam non facit? An vos in eam religiosiores, quia facitis? An idem sanctus, idemque ipsius ordo in Christum iniqui, & infesti, quia illum in cælo simul & in terris, propria specie ac forma, præsto esse posse negant? An vos amiciores, quia fatemini? Et vt de Pontificia potestate dicam; An vos in eam duri & acerbi, quia Episcopos eius vicarios esse, ab eaque ad nutum abdicari posse inficiamini? An fidelior & amantior D. Bonauentura, qui prius docuit Paludanus, qui posterius? An in eandem æquiores Canonistæ, qui ei temporalia omnia & spiritualia omnia æquè subjiciunt, quàm vos qui non nisi indirectam in temporalia potestatem agnoscitis? Nolite nugas agere apud eruditos, quibus facilius leuitatem futilitatemque vestram, quàm Parisiensis Facultatis hostilem animum, aut vllam in sedem Apostolicam iniquitatem probabitis. Multa illius fidei, amoris, obseruantia, & in difficillimis omnium calamitosissimisque temporibus, studij ac zeli pignora habet sancta illa sedes, diu antequam Iesuitæ nascerentur illustria, & in luce orbis constituta, quibus paria (quod sine inuidia dicere liceat in tam horréda duntaxat contumelia depulsionem) nec ab vlla alia Facultate, nec ab vniuersa quantumcumque suas operas venderet, Iesuitica Societate percepit. Quot ab ea præfocata tum veterum, tum nouorum in Petri sedem hæreticorum, Lutheri, Caluuii, Melanthonis, Plessæi, Antonij de Dominis, aliorumque pestes? Quot in expugnandis per præcellentissimos Theologos suos eorum munimentis, fundendisque per vniuersas, non Gallici solùm imperij, sed exterorum longinquorumque regiones, pastoribus & athletis suscepti labores? Quot sedi ipsi Apostolicæ suppeditati summi Pontifices, Cardinales, Episcopi, viri in omni genere præclarissimi? Vereor ne seriò nimis agere videar aduersus hominis, cui nihil dicere, sed maledicere & sæculorum omnium lucem malevolentia suæ caligine obruere propositum est, vaniloquam temeritatem, cuius confutationi studiosè incumbere penè æquè putidum est, & tantæ Facultati iniurium, quàm eâ in illam irruisse. Vnum Iesuitis dabitur, vt fallaciis scilicet ac ludibriis audacius appetere norint sedem Apostolicam, vt ei astutius se obtendant, vt eius Martyres se vocent, vt eos se faciant qui *pro summi Pontificis autoritate patiantur*, quasi summi Pontificis gratiam ipsa morte aucuparentur, & eius nomine Martyria peterent. Hanc iis in colenda sede Apostolica æmulationem & ambitum facile concedet, non solùm Parisiensis Facultas, sed modesta omnis Catholicorum mens, quæ vbi ob fidem Primatus summi Pontificis asserendam sanguinem fundere oportebit, non pro summi Pontificis autoritate se pati gloriabitur, ne dedecorare Pontificem, hæreticorumque mendaciis, qui eum à Catholicis pro Deo haberi dicunt, suo sanguine suffragari videatur, sed pati pro Christo, pro Euangelio, pro fide Primatus diuinitus instituti; Martyriique gratiam & mercedem, non ab hominibus, sed à Christo Martyrum principe, totam solidamq; expectabit.



# I E S V I T A.

## O C T A V A C A V S A.

*Affectatus error, seu crassa credulitas.*



**Q**UOD Hieronymus dicit, professas inimicitias suspicionem *Lib. 1. advers. Rufin.* habere mendacii, verum esse, quis mentis compos ignorat? Quid à ratione fingi potest magis alienum, quàm Catholicos autores, de fidei non tantùm professione, sed etiam defensione laudandos, damnari inauditos, inimicis, & accusatoribus, & testibus? Hinc apparet, Censura quàm crasso sit errore notabilis, in propositiones lata Anglico sermone scriptas, ab inimicis collectas, & in Latinum versas. Damnarunt libros inauditos, quia linguam, qua loquebantur, audire, hoc est, intelligere non poterant; lingua scriptos ignota proscripserunt, velut impia, blasphemata, hæretica continentes, interprete inimico. An nesciebant Scorum Anglumque sacerdotem, & eum quem vocant sapientissimum Magistrum in causa reuerendissimi Chalcedonensis Regularibus immani obrectandi studio aduersari? Si fugit ipsos quantum obrectatio excæcet oculos inuidorum, audiant sanctum Gregorium monentem? *Quid aliud detrahentes faciunt, nisi quod in puluerem sufflant, atque in oculos suos terram excitant, ut unde plus detractio- nis perflant, inde magis nihil veritatis videant. Cæcos cæco impetu sequuti in foueam inciderunt.*

### R E S P O N S I O.

**D**E cæcis, aut inuidis nulli absurdus, quàm cæci, & inuidi iudicant, & vel sine duce, in foueas ruunt. In bonis quippe, iudices iis, quos iudicant, similes esse necesse est; in malis, dissimiles. Alioquin, & de bonis mali, & mali de malis periculosè iudicant. In foueam tamen non hoc loco cadit Iesuita Floydus, sed ab ea, in quam multò antè collapsus est, emergere nequit, hæretque ac voluitur in luto eodem. Nam quæ in interpretes nostros iterum dicis causa inculcat, absurdissimæ illæ sunt querimoniæ, quas suprà sæpè confodimus, & in communem mendaciorum illius fossam, cloacamque contrusimus. Qua confidentia interpretes nostros crimine falsi petat, nemo locupletior testis quàm ipse est, qui ex omnibus damnatis propositionibus duas tantum reprehendit, & in iis duo verbula, quorum alterum malè versum, alterum ad libri calcem emendatum fuisse contendit; quàm friuolè, ac ridiculè, ex ipsa locorum inspectione, nostraque disputatione perspicuum est. Cætera omnia silentio comprobant suo, nec ullam de versione controuersiam facit, quamuis nulla effugia, nullas rimulas, nulla parerga prætereant, quibus rem implicari,



& tenebras spargi posse putet: Vt intolerandum audacissimumque sit toties culpari verbis interpretet, qui tam luculentè factis purgentur. Sed quamuis multo iis plura vitio dedisset, qua mente postulare posset, sibi potius de vera sermonis Anglicani sententia, quàm illis, fidem haberi? Si enim illi indigni fide quia Iesuitarum inimici, qui tandem digniores Iesuitarum, amici, sodales, autores Smithæi & Danielis, Iesuitarum, adeoque suæ causæ propugnatores? Cur potiores vel ad testificandum, vel ad iudicandum amici & fautores de amicis, quàm inimici & obrectatores de inimicis? Vbi Iesuiticus vigor? Vbi acumen? Vbi prudentia? Quis eodem cuneo euertere non videt interpretationes eorum, quo illi nostras evertunt? Eodemque argumento stultum esse iis interpretantibus fidem adhibere, quo interpretibus nostris credendum negant? Equidem tibi nemo prudens credat fidere, Iesuita Floyde, non solum quia fide cares, sed quia eò ad extremum decidisti, vt hoc vnum de sapientibus reliquum habeas, quod assidue in astutia tua perspicue comprehendaris.

1. Cor. 3.

a Vid. 3. pro-  
pos. tit. 1. de  
Ecles. & 7.  
tit. 2. de sacr.  
Confirm. pro-  
pos. ult. tit. 4.  
de Hierarch.  
& regul. &c.  
b Vid. prop.  
5. tit. 2. de Co-  
firm. & 4.  
tit. 3. de Epi-  
scopis & Cu-  
rar. & 7. eius-  
dem tit. & 6.  
c Vid. prop.  
2. tit. 1. de Ec-  
cles. & 4. tit.  
1. de Confir.  
& 9. tit. 4. de  
Hierarch. &  
10. & 11. eius-  
dem tit. & 1.  
ac 2. tit. ult.  
Similia pas-  
sim occurrunt  
in versione  
Latina dis-  
cussionis  
Smithæi.  
d Vid. Spög.  
ad prop. 13.  
tit. 4. de Hier-  
arch. & regul.  
& nostram  
respons.  
Item Spong.  
ad prop. 3.  
tit. 1. de Eccl.  
& nostram  
quoque resp.

Nam tantum abest vt nostri interpretes vestris postponendi sint, vt eorum passim interpretatio, dum à te non reprehenditur, id est, dum à te probatur, in iis videlicet propositionibus, quas ex professo ventilasti, vestrorum interpreterum lenocinia & fraudes, ipsa dissimilitudine, coarguat. Multa auferunt<sup>a</sup> quæ nostri habent: multa addunt<sup>b</sup> quæ non habent: multa molliunt,<sup>c</sup> fingunt, interpolant, tam graua, & momentosa, & ad caput plerumque rei de qua quaeritur attinentia, vt si ea nostri ex fide non transtulissent, tu, pro tuo in illos animo, nec verbis, nec clamoribus pepercisses. Vnde fit, teipso iudice, vt non ea nostri mutaue- rint, sed tui peruerterint. Quid quod conceptis verbis, Anglicæ tuæ inter- dum exponens, eos falsi manifestè conuicisti, ea te non expressisse confi- tens<sup>d</sup> quæ illi apertissimè expresserunt? Quo nomine istam eorum tum sua nequitia prolapsionem, tum tua simplicitate deprehensionem afficies? In vtris affectatum errorem, crassamque credulitatem hæere iudicabis, in iis qui interpretes tuo quoque iudicio probatiores audierint, an in te qui eos po- tissimum probari velis quos tuo pre testimonio iugulasti? Quæ tua crassi- ties eo pinguior, interpreterumque tuorum prauitas eo clarior est, quod tu homines tibi deditos & tua sola causâ fraudibus incumbentes prodidisti; illi ab eo socio cuius per fas nefasque defensione bonorum virorum offi- cium vilius habuere, improbi ac nefarii declarati sunt. Vide ergo sodes quo loco haberi debeas, qui nec interpretes nostros accusare, nec tuos de- fendere noris, & dum in Parisiensi Facultate crassam credulitatem arguis, quod iis de te crediderit quos tibi inimicos fuisse prædicas, crassiorem in- credulitatem tuam demonstres, qua iis, quos ita non inimicos expertus es vt tuis quoque fautoribus fideliores tibi fuisse ostendas, fidem ha- beri nolis.

Cæterum librorum vestrorum interpretationem Latinam à nullo ho- mine suscepit Parisiensis Facultas, quem vobis inimicum dicere possis, nisi Illustrissimos ac Reuerendissimos Galliarum Antistites, aut tibi quem non no- runt, aut tuæ Societati, cui plus etiam interdum, quàm vobis necesse sit, in- dulgent, inimicos habeas. Ab Illustrissimis enim Episcopis, non ab Anglis,

aut Scotis, quos ais, sacerdotibus, libri vtriusque interpretationes accepisse se profitetur Facultas, eorum sumptu prudentiaque curatas, eorum etiam oblatione ad se transmissas, *ut versioni fides haberetur*. Quare si affectatum *Censura* vllum errorem, aut *crassam credulitatem* imputes Parisiensi Facultati, asse- *pag. 7.* ctatum errorem, etiamque credulitatem eam scilicet dicas necesse est, quod Illustrissimorum tot Archiepiscoporum, & Episcoporum testimonia suscepit.

Illustrissimorum verò Antistitum in librorum istorum interpretatione procuranda prudentiam & cautionem à tuis cavillationibus suprà vindicauimus. Ea enim sollicitudine ac solertia in illa exploranda, tentanda, cum singulorum seorsim interpretum repetitis ex tempore interpretationibus passim conferenda, versati sunt, ut difficillimum fuerit cuicumque inimicorum versutiae, tantam diligentiam perspicaciamque frustrari; minimeque mirandum sit, eiusmodi interpretationem ab iis prodixisse, quæ tuò ipso iudicio cæteris longè antecellat, & ab omnium fidelissimis tibi que amicissimis confecta videatur. Quare omitte fictas illas quiritationes, damnatos esse libros inauditos, lingua ignota scriptos, inimicis accusatoribus, ac testibus cognitos; Quæ in tanta rerum luce non innocentiae simulandæ locum, sed pertinaciæ impudentiæque illustrandæ faciunt; ut tibi sine defensione huiusmodi damnari honestius fuerit, quàm eam purificationem asciscere, unde nocentior odiosiorque existas, & omnes perditissimi rei numeros implere videaris. Nam culpæ non potes quod libros damnant lingua scriptos quam non nossent, nisi eodem crimine inuolueres velis maximos & clarissimos plerisque Romanos Pontifices, Damasum, Cælestinum, Leonem, Gregorium, Vigilium, Nicolaum, aliosque plures quos sua ipsorum testificatione Græcè nescisse constat, & de maximis tamen grauissimisque rerum scriptorumque Orientalium, & Synodorum œcumenicarum sententiis, aliena interpretum fide, iudicasse, tum probantes, tum reprobantes dicta scriptave Græcorum hominum, ut antè demonstratum est. Ac sanè si librorum vestrorum nulli futuri sint idonei iudices, nisi qui Anglica suo Marte percipiant, creandi sunt videlicet noui homines, & acceleranda post futurorum progenies, cum eorum qui nunc Ecclesiæ rebusque fidei præsunt, nullum esse constet Anglicè peritum, qui ad istum modum de hac causa decernere possit, ne quidem summum Pontificem, ne quidem Eminentissimos Cardinales; adeoque Iesuiticis hæresibus nullum toto orbe idoneum iudicium est, earumque legitima cognitio, quod ipsi vnicè optant, ad seros nepotes amandari debet. Iudicabunt hi quidem de earum architectis ac fautoribus, & magis seuerè, & minus inuidiosè, quàm homines qui nunc sunt; nec minoris hanc ætatem ignauitæ damnaturi erant, si flagitiosissimas nouitates silentio passa esset, quàm earum patronos audaciæ, ac prauitatis. Noli, quæso, tam stolidè tergiuersari, nec tantam causæ tuæ nequitiam prodas, ut eam rueri non possis, nisi omnes tota Ecclesia iudices, omnes testes, omnes accusatores, interpretes denique omnes submoueas. Si enim iudices Anglicè scientes requiras, nulli sunt; si accusatores, si testes, si interpretes esse nolis Sacerdotes, aut Clericos Angliæ, quasi Episcopo Chalcedonensi addi-

*Vid. suprà in  
respons. ad  
Querim.  
Et Vigilium  
in Constit. de  
tribus Capis.  
circa finem.  
tom. 2. Conc.  
part. 2.  
Nicolaum I.  
ep. 7. in 110.  
et ep. 8. ad  
Michaelis  
Imper.*

etiores; ne Clerus quidem, aut Episcopus Regulares ullos, nedum sodales tuos, probare poterit; nisi quod in te iniquum censes, id in eos æquum pretes, & iniuriam facere, quàm subire malis. Quid ergo est? nempe, vel sodalibus tuis testibus & interpretibus iudicari cupis, vel omnium iudicum ora conticescere iubes, omnibus, qui de te vera dicere, vel audire sustineant, inimicitias denuntias, hostes profiteris; quasi hæresibus tuis vnum illud ad extremum superesset, ut aut tu totum orbem tui studio infatues, aut omnium, qui hæreses docuerunt, impudentia, & supinitate *crassissimus* toto orbe iudicaris.

## I E S V I T A.

Isaia 33. 11.



Is igitur interpretibus, his collectoribus indignare, nobilissima Facultas, qui te nescientem quid damnavis, ridiculam præstiterunt, ut tibi proverbum illud Propheticum applicari possit, *Concepisti ardorem, & stipulam peperisti*: nec mirum, quia ex interpretis, & collectoris mendacio concepisti. Illi sententiarum particulis ex libro hinc inde collectis, argumentis, probationibus, explicationibus, quæ pertinent ad rem omissis, nonnunquam verbis, quæ sensum inficiant, de suo additis, opinionum portenta fabricarunt, tibi que, tanquam Danielis à Iesu copias, objecerunt. In illa monstra progenio nobilissimæ gentis feruenter inuecta, *ardorem* utique *concepisti*; quid pepereris pudet dicere. Reuera enim Censuram edidisti, quæ non monstra sed stipulas siccas persequitur, hoc est, sententiarum periodos, Authoris vero, viuidoque sensu exhaustas, nonnunquam in menda præli nota & notata sævit, sæpissimè nobilium Theologorum, & Patrum dicta damnat; ut iis meritò succensere debeas, qui te induxerunt, ut magno conatu non nisi magnas nugæ egeris, quod in responsione, quæ iam sequitur, non dictum, sed probatum videbis.

## R E S P O N S I O.

**Q**UOD sequentibus Spongiæ tuæ responsionibus probaueris, iam satis viderunt eruditi; imò quid his octo causis, vel absurdissimis conuitiorum, mendaciorum, nugerrimarum nugarum farraginibus inferferis, ita vident ut istam clausulam mirari non possint. Splendent ex iam dictis planissima mendacia, quibus orationem tuam, teque ipsum, à vertice ad extrema usque vestigia polluisti ad omnem fœditatem & stupiditatem, ut nihil miserius fuerit, quàm tam informe scriptum, vel refellendum fuisse sano cuiquam, vel legendum. Non de te id dici potest, quod tu de Censoribus, eos ab alieno collectorum, vel interpretum mendacio Censuram concepisse. Ut monstrosiorem fœtum ederes, à teipso concepisti. Tam absorta enim, tam deuia, tam anomalia, non facile aliunde, nisi à cerebri tui fœcunditate, scaturiant. Hominem minus homini similem, aut scriptum scriptori similis non memini me videre. Magis dixerim, ne quid ad ominosæ lucubrationis prodigium desit, nec ab alio, nec à teipso conce-



pisti: Non enim omnino concepisti, sed sine conceptu peperisti monstrum inuisum, non solum postquam editum est, sed antequam ederetur portentosum, naturæ inimicum, orbi inauspicatum, cuius vim & naturam nec alij intelligerent, nec tu genitor caperes. Passus enim potius es quàm egisti, in isto partu, & passus à fortiore te genio; non ab illo *spiritualis nequitia & aëreæ potestatis*; Nihil enim Angelicum sonat ista insulsitas; sed ab animali, pingui, concreto, à turbida illius partis, qua omnibus animantibus par es, concitatione, & confusione. Nam cum corporeos fœtus alij ut animantes generent, literarios ut homines; tu à corporeis quidem, ut homo & religiosus homo, abstinens, literarios ut animal procreas, non mente aut ingenio, sed sensu, cupidine, corporeo impetu, inflammatione naturæ.

Hinc scilicet ardorem istum concepisti, quoquo modo concepisse dici potes, corpore nimirum non animo; & quod ad monstrositatis cumulum facit, cum naturæ repugnet ut ab ardore ac flamma stipulæ pullulent, quæ ab ea potius hauriuntur & absumuntur; tu tamen ab ardore isto non solum meras stipulas (verbis enim tuis uti iuvat) sed quod magis mirandum sit, frigidissimas peperisti. Stipulas dico non vero viuidoque tuo sensu exhaustas, ut tu interpretaris, sed contrà tuo sensu plenas, soliditate, bona fruge, communi sensu vacuas, ut stipulas quæ per inanem arcem, sublata iam messe, volitant, & temerario motu, quæ levis aura rapit, in obuios quosvis incurrunt; quemadmodum tuæ voculæ in sacram Parisiensem Facultatem, & in Illustrissimos Archiepiscopos, & Episcopos, nullo talium personarum plusquam aratorum & rusticanorum respectu, irruerunt. Superiora satis vidimus. At nunc in hoc loco stipulæ primùm illæ sunt, humanæ mentis vigore cassæ, aridæ, ieiunæ, quod eam Facultatem nobilissimam rursus dicis, quam probris, si vera forent, infamem fecisti; eamque purgare incipis, deriuata in interpretes & collectores inuidia, quam improbam, maleuolam, sedis Apostolicæ contemptricem, Richeristicæ ac Barnesianæ fidei hominibus refertam, Censuras hæreseos ac perfidia plenas emisisse buccinasti. Quæ si ita sunt, næ tu longius quàm sani hominis cogitata ratio patiatur, tum dementia, tum improbitate progredieris, qui scelerum tantorum colluuiem crimine liberare, & aliena fraude imprudentiaque suscipi potuisse contendas. Aut si aliena fraude, non malæ mentis consilio suscepta est, nulla te res à summæ prauitatis & immanitatis conscientia liberabit, qui homines alieno vitio lapsos, opere non animo noxios, flagitiorum maledictorumque istorum cœno turparis. Hæc prima stipulæ, fatuitate levis, crassitiei pondere grauissima.

Alteræ est, quod collectores & interpretes sententiarum, particulas è libro tuo hinc inde collectas, argumentis, probationibus, explicationibus nudatas, Facultati objecisse, quibus luderetur, & induceretur, asseueras. Cuius stipulæ inanitate mendaciorumque tuorum impunitas tanta est, ut Facultas ipsa in primo Censuræ limine palàm contestetur, cum libellus Nicolai Smishæi Latine versus ad Facultatem integer missus esset ab Episcopis Gallia, censuisse Facultatem totum codicem per selectos à D. Decano Doctores perlegendum, atque examinandum, ut expensa tota operis serie & contextu, authoris mens facilius deprehenderetur.

Censura  
pag. 7.



Censura  
pag. 8.

tur, atque maturior & sincerior Censura de eo ferri posset. De tua verò Apologia, de qua sola hoc loco agis, Facultas curam D. Decano commisit, qui posteriorem hunc librum, ut de priore se fecisse asseuerabat, selectis quibusdam Doctoribus assignaret, qui à capite ad calcem minutatim, & diligenter discusso opere damnandas, quæ sibi viderentur, propositiones exciperent, & singulas congruis notis afficerent. Audis clarissima proloquia Facultatis? Sentis frontis duriciem, quæ tantæ lucis fulgore non concidat? Et verò si nihil huiusmodi declaratum esset, quis tamen, cui modò mens stipula firmior, in eam cogitationem induci, nedum persuadendum aliis suscipere potuisset, ut tanta Facultas, sola vnius & alterius sacerdotis delatione, libros quos ipsa nec excussisset, nec legisset, solenni Censura turbulentè feruisse crederetur? Quis adeo desipiat? Quis petulantissimum Iesuitam, hunc nobilissimæ gentis genium esse asserentem, & nimio in Facultatem furore toti simul Gallicanæ genti insultantem patiatur? O hominem ne Iesuitici quidem genij compotem! Totum ab aliis, totum à se alienum! Nouo quodam & nulli proprio genti genio feruidum! Temeritate sola & audacia vigentem! Non solum stipula, sed etiam stipula leuiorem! Sensisti, opinor, & ne in posterum sentire velis moneo, nobilissimæ istius gentis genij veram vim, & Gallicanæ fidei virtutem; quæ neque monstra fingere, neque ab aliis ficta suscipere, sed à quibuscumque tui similibus verè genita, quoquo se vultu induant, quoquo fuce se adumbrent, de tenebris eruerè, & valido à diuina fide ac luce robore profligata, rursus in tenebras detrudere possit.

Hoc verò figmento conuulso, corruunt tum quæ postremo hoc lemmate Iesuita miscet, ne in veritatem desinat, qui à mendaciis inchoauit, & per mendacia perrexit, tum quæcumque passim ab ipso, & à sodalibus eius, in interpretes, in collectores, in accusatores nescio quos sparguntur in vulgus, quasi Parisiensis Facultas; & Illustrissimi Antistites, non suis oculis, non suo iudicio ac sensu, in Censuris statuendis vti essent, sed ad duorum triumve Anglorum, aut Scotorum sacerdotum arbitrium ac potestatem, totos se contulissent. Nec pudet ineptissimo mendacio Illustrissimorum Antistitum, tantæque Facultatis famam carpendo, suam proiicere, hoc solo commodo, quod dum imperitæ plebeculæ insulsis fabellis ora sublinuntur, eruditorum grauiumque virorum animi, in audacissimos & obtusissimos fabulatores incenduntur. Nulla in tali commento ratio inesse potuit, nisi fortè ut quàm illustres sunt Episcopi & Facultas, tam illustri mendacio peterentur.

Iam cæteras huius acerui stipulas euerramus, in primisque sacrilegum illud Prouerbum quod malè sanus artifex Propheticum vocare non timeret, quasi temeritaciis amplissimorum Theologorum Illustrissimorumque Episcoporum autortati insultasse minus esset, nisi etiam Prophetarum Deique ipsius oraculis illuderet. Nusquam est apud Isaiam dictum hoc, *Concepisti ardorem, & stipulam peperisti.* Hæc vera eius oratio est, *concupietis ardorem, parietis stipulam, spiritus vester, ut ignis, vorabit vos.* Quibus verbis nulla prouerbialis inest species, sed populus nequam Babylonem mox rapiendus, fulgure Prophetico futuræ tempestatis admonetur. Quæ tempestas tam dira fore canitur à Propheta, ut reprobæ Iudæorum mentes calamita-

tibus illis nihil inflectantur, aut mollescant ad diuinæ legis obsequia. Ideo ipsos diuinæ ultionis ardorem concepturos, & sibi accersituros, nouamque quotidie improbitatem, quasi pabulum stipulamque illi parituros, ne restingui aut remitti possit. Tam longè denique ab omni effugiendæ pœnæ præsidio ac spe abfuturos, ut ipse eorum spiritus nequam, intimaque ipsorum prauitas, ignis instar, eos intrinsecus deuoret, flammam tribulationis incendens, fomitemque illi perpetuum suggerens, qua iugiter absumantur, & sua sibi supplicia renouent. Quæ apertissima infernorum suppliciorum imago est, quam Propheta illâ indomitum hominum captiuitate, & inexhausta pœnarum intrinsecus scaturigine, descripsit. Non igitur Prouerbiorum ludicra in re tam atroci exquirere debuisti, nec immanem illam Prouerbiorum sitim, quam suprâ in Theologorum quorundam scriptis, vnde aliqua huic similia excerpere conatus es, prodidisti, ad extremum in Scripturas, & in grauissima Prophetarum effata inferre, ut eam *ardoribus & stipulis & ignibus* illic flagrantibus, tam ridiculè quàm nefariè, expleres. Præstiterat vilissimam istam & abiectam ad plebeia dicteria procliuitatem tuam, à Societatis popularitate haustam, toties infelicitè erumpentem, malèque luxuriantem compescere, ne se in eum saltè Prophetam immitteret, quem propter animi & eloquij principalis generosam excelsumque, à sapore vernaculo, popularique fæce cæteris elatiorem esse notum est. Vereri debueras, ne verum Prophetæ in Iudæos oraculum magis in te conueniret, quàm spurium tuum prouerbum in Facultatem cadere possit. Tu enim nō solùm præteritis delictis Deo notis promeritus certò es, ut in istam affectuum tuorum captiuitatem, & in errorum hæresumque tantarum seruitutem à Deo dimittere, sed in eam delapsus diuinæ iræ ardorem nouis flagitiis concepisti, acriusque incendiisti, & ista tot conuiciorum, commentorum mendaciorum, tantæ superbæ, tantæ proteruiæ, qua priores culpas longè superasti, multitudine ac varietate, quasi stipularum congerie, perpetuum ei pabulum, quo magis sæuiat & inflammetur, peperisti, & quo longius progredi, paries, ad maiorem tuam Societatisque tuæ intrinsecus caliginem, extrinsecus ignominiam, ad maiorem verò Dei, diuinæque iustitiæ, ac fidei gloriam. Erroribus enim & flagitiis enormibus à Deo percussus, qua nulla apud eum pœna maior est, non modò ad humilitatem fragilitatisque tuæ conscientiam non deiiceris, ut Christianum decet, sed altiores erigis ceruices, & importunius insolescis, ceruicosa Iudeorum soboli, & Babylonicis mancipiis simillimus. Caue ne tantum *ardoris concipias*, tantumque *parias stipularum*, ut *spiritus tuus quasi ignis te deuoret ac funditus depascatur*, velut eos quibus Propheta ista Dei voce minatus est, diuina indignatio continuis eorum sceleribus efferuescens, captiuitatis laboribus tandem absumpsit. Caue ne non solùm ipsos referas, sed eos quos illi referebant. *Hæc enim in figura contingebant illis, scripta sunt autem ad correptionem nostram, in quos fines sæculorum deuenerunt; ut qui se existimat stare, videat ne cadat.* Ac, quod ad præsentis quidem æui pœnam spectat, nemini non planum est quàm *spiritus tuus velut ignis te vorarit*, quàm mentis tuæ aciem turbulentus feruor, & quidam ignis fatuus hauserit, quàm te ipsum dissolueris, quàm tua dicta vastaris, quas stipulas pepereris, quas naniâs effuderis, ut in te

1. Cor. 10.

*Ita Pagninus  
& Arabius.*

Prophetæ dictum non vulgati solum interpretis editione, sed noua non vulgarium interpretum doctissimorumque hominum sententia dirigatur: *Concipietis quisquilias, parietis stipulam, spiritus vester erit ignis, qui consumet vos.* Nihil enim concepisti nisi quisquilias, nihil peperisti nisi stipulas, quibus ille ignis, quo te ipsum amas, & Parisiensem Facultatem auersaris, ita pastus est, & in eam flammæ altitudinem vehementiamque processit, ut totus intra te feruens, dum aduersarios te vrere putas, temetipsum consumpseris, redactaque in nihilum mente, inania verba, quasi cineres & fauillas, profuderis. Vide ut sistatur intra hoc sæculum Prophetici in te oraculi veritas; ac, ne in alterum usque procedat, lacrymas maturè concipe, quibus ardorem illum quem concepisti, restinguas, totumque animum ita riga, & fecunda petito cælitus igne, ut & nouus homo illo fias, deposita non humana ferocitate, & solidas perennesque messes, quæ sempiternis horreis recondantur, *non stipulas & quisquilias nec futuro, nec præsentis æui dignas, parturias.*






# SVMMARIA ASSERTIONIS

EPISTOLÆ ILLVSTRISS. AC

REVERENDISS. EPISCOPORVM, EX IPSIS

Aurelij verbis & sententiis contexta, quæ loco  
compendij simul & indicis esse possunt.



**V**DACIA Iesuitæ, iam  
non Vniuersitatum Socie-  
tatibus, sed nec ipsis gen-  
tium doctõribus, & Eccle-  
siæ Patribus parentis. p. 1.

Imitatus est non petu-  
lantiam modò, sed artes etiam & versutias  
hæreticorum, transfigurans se, non in mi-  
nistros tantum, vt solent operarij sub-  
doli, sed in sponsam Christi, in Ecclesiam  
nobilissimam & sanctissimam. p. 2.

Ecclesia Christus est, multo magis Ec-  
clesia patiens, Christo patienti non cor-  
pore solum ac spiritu, sed affectu ipso,  
specieque externa congener, vestigia  
eius sequens, passionem eius adimplens,  
verè de mortui cruento latere manans,  
qualis Anglicana. ibid.

Iesuitas nobilium amatores. In Eccle-  
sia non multi potentes, non multi nobi-  
les. ibid.

Declaratio Iesuitarum, nomine no-  
bilium Anglorum proposita, ab Eccle-  
siæ Anglicanæ Catholicis exautorata.  
Nulli penè eorum, nec antequam ede-  
retur nota, nec postquam edita fuit, pro-  
bata; imò & alia publica Anglorum de-  
claratione reiecta. p. 3.

Disiunctionem Iesuitarum à maxima  
parte fidelium Anglorum qui illos dam-  
nant, esse arrogantem, perniciosam,  
ominosam, atque ad schisma viam ster-  
nere. p. 4.

Non quemadmodum Ecclesiam soli  
Pastores referunt, ita solos Laicos re-  
ferre. Gregem quamlibet magnum,  
quamlibet connexum, sine Pastore non  
esse gregem, sed dispersas oves, &c.  
ibid.

Clerum cum populo non continere  
Ecclesiam si desint Pastores, quicumque  
de Clero adsint, Diaconi, Sacerdotes  
seculares, Regulares. Ecclesia enim est

grex iunctus pastori, corpus hærens ca-  
piti. Vnde vbi nullus pastor, nullum ca-  
put, nulla Ecclesia reperitur. p. 5.

Non pastores quosuis cum populo  
conflare Ecclesiam, sed summos pasto-  
res, vt rex cum subditis regnum, Monar-  
cha Monarchiam facit. Ecclesia in Epi-  
scopo, & Episcopus in Ecclesia, inquit  
Cyprianus. ibid.

Antiquis Canonibus vetitum esse,  
non solum Laicos, sed etiam quoslibet  
Sacerdotes quicquam agere sine nutu  
Episcopi. p. 6.

Fidelibus persecutionis tempore, ma-  
iori opus esse gravitate, humilitate, mo-  
destia, vt Christus passurus humilior  
fuit. Probatur id eximio loco Cypriani.  
p. 7.

Nullos tam acerbè insequitur Deus  
quàm Sacerdotum suorum contempro-  
res. ibid.

Blasphemia Iesuitæ Virgilij auctorita-  
te innixa. ibid.

Quàm stultè atque impiè assumat sibi  
sermonem illum confidentiorem B. Iob,  
cùm acres illæ eiusdem cum Deo expo-  
stulationes singulari diuinæ gratiæ motu à  
Spiritu sancto expressæ fuerint, vt illustri  
& inusitata quadam imagine innocen-  
tiam Christi passuri præmonstrarent.  
p. 8.

Eximias illas actiones Prophetarum  
minime ad vulgarium hominum exem-  
plum esse transferendas. ibid.

Ecclesias sine Episcopis vocari Pasto-  
ribus destitutas, viduas ac sine viro. p. 10.

Pontificis dignitatem à Iesuita falla-  
cibus blanditiis in rem suam compositis  
prodi verius quàm attolli. p. 11.

Explicatur axioma illud, Præcepta af-  
firmatiua obligant semper, sed non pro  
semper. Ita adultos qui sine baptismo  
moriuntur, non omnes esse diuini iuris

\*



## Summaria Assertionis Epistolæ

Violatores, etiam si non eis penitus impossibilis fuerit eius susceptio. Ita Valentinianum Augustum sine baptismo mortuum in cælo locat Ambrosius. *ibid.*

Fæda adulatio & pugna Iesuitarum. Difficile esse adulationem ac typhum in vno capite pacificè consistere, quoniam adulatio omnia alteri defert, typhus omnia sibi rapit, &c. *p. 31.*

*Insignia merita Ecclesiæ Gallicanæ in Anglicanam.* Et primum de Germano Altsiodorensi, & Lupo Trecenti Episcopis. *ibid.*

Germanum Pelagianos illam opprimentes miraculis ac disputationibus fregisse, victoriamque de barbaris hostibus reportasse immixtis in eos integris baptizatorum ac neophytorum exercitiis, sola voce alleluia armatis. *p. 14.*

Ecclesiam Gallicanam Hybernis dedisse S. Patricium, S. Martini affinem, S. Germani discipulum, Hybernix Apostolum. *ibid.*

Iesuitas ad gloriam Monachos esse velle, ad humilitatem horrere. *p. 15.*

Ante Augustinum & socios eius à D. Gregorio in Angliam missos, fuisse in ea Bertham reginam catholicam Clotarii primi, regis Francorum filiam, cum Luidhardo Episcopo, qui præcursor & ianitor venturi Augustini vocatus est. *ibid.*

Augustinum & socios non Gallicanis solum interpretibus, sed etiam Gallicanis sacerdotibus laborum sociis instructos fuisse, & ab Episcopis Gallix, regibusque Francorum omni humanitate adiutos. *p. 16.*

Gregorium reginæ Brunichildi hoc testimonium præbere, ut eius post Deum auxiliis, verbum in Angliæ prædicationis innotuisse confirmet. *ibid.*

Non radicem solum & caput Episcopatus hierarchicæ Anglicanæ, Augustinò à Gallix Episcopis ordinato, ab Ecclesiâ Gallicana duxisse initium, sed Angliam & incrementa, & propagationem diuturniorem ab ea identidem repetisse. *p. 17.*

Episcopos Anglicanos, alios in Gallia eruditos, alios in ea consecratos, alios iniquis temporibus benignè ab ea susceptos, alios ab ea ad Angliam commigrasse. *ibid.*

Sicut diu ante Remigium floruerat

Ecclesiâ Gallicana, sic & ante Augustinum Britannicam floruisse; Ipsum esse Anglorum, id est, externorum populorum in Britanniam nuper inuectorem Apostolum, sicut Remigius est Francorum Apostolus, hoc est, colonorum à Germania aduenarum, non tamen Ecclesiæ in Gallia multo antè constitutæ. *p. 18.*

Non omnes qui Euangelium quopiam perferant esse Patres, non omnes qui postmodum adueniunt esse pedagogos. Quoniam qui vicariâ solum ac precariâ non propriâ auctoritate prædicant, baptizant, absoluunt, ut Regulares, non ipsi sunt Patres, sed ij à quibus missi sunt, quorum vi & patriâ potestate non ipsi sua operantur: instrumenti enim actio non instrumento tribuitur, sed causæ principali, &c. *p. 19.*

Augustinum Patrem & Apostolum Ecclesiæ Anglicanæ factum esse, quando Episcopus est consecratus. *p. 20.*

Episcopos sicut soli ipsi diuinitus instituti sunt Ecclesiæ Doctores, ita solos esse Ecclesiæ Patres, cum gignendo doceant, & docendo gignant in Christo. *ibid.*

Sicut ipsi à Christo omnia habent, & eius respectu nihil sunt; sic ab iis quoscunque delegatos omnem Ecclesiastici vim muneris trahere, & eorum respectu nihil esse. *ibid.*

Inusitata privilegia, nihil Ecclesiastici ordinis auctoritati, diuinæque Hierarchiæ stabilitati officere, non magis quam omnia Regularium privilegia, si castè ab iis & humiliter & quietè, sicut Regulares decet, eoque animo, quo iis concessa sunt, obseruentur. *p. 21.*

Iesuitas superbâ Monachorum prædicatione Monachis lenocinari, eorumque veram laudem in superbiam & in æmulationem commutare. *ibid.*

Non si ex ordine Monachorum egregij interdum Episcopi extiterint, ideo Episcopali præferendum vsquam vel æquandum, vel conferendum, cum non solum ex coniugali, sed generatim ex laicali innumeri prodierint Ecclesiæ catholicæ Episcopi, multoque præstantiores, ac plures, quam ex monachali, aut quouis alio. *p. 22.*

Veterem illum morbum Iesuitis multoties exprobratum, ut eorum ingenia teneri non possint, quin in pu-

## *Illustrissimorum Episcoporum.*

blica negotia inuolent, quin Respublicas fatigent, &c. p. 23.

Theologis arcana regis regum intueri concessum, terrenorum regum consiliari mari vetitum esse. p. 24.

Prouincialem Iesuitarum Smythzi librum à sua Societate natum agnouisse, Apologiam detrectasse. Eum mussitare ausum contra Episcopos, siquid in ea re progredierentur, visutos alia, & fore nouissimum errorem priore peiorem. p. 25.

Epistolam à Pontificibus subscriptam, habendam esse Pontificiam. p. 26.

Laus scriptoris Epistolæ. p. 27.

Sæpe Concilia & Patres nullam auctoritatem, aut probationem adhibuisse in erroribus confodiendis. Illos rationibus & probationibus uti nonnunquam; sed hanc eis legem dicere, ut tantum valeant eorum edicta, quantum rationibus apud pertinaces quosque euicerint, esse auctoritatem eorum extinguere, & priuato cuius exquare. p. 28.

Ecclesia ut errorum hæresumque inexorabilis vindex est, sic hæreticorum, errantiumque omnium pia mater, prona ad veniam, tarda ad poenam, eliciens, trahens ad poenitentiam suauitate, non ad contumaciam præmatura seueritate compellens. Quamquam ubi contumaciam deprehendit, ubi mala mente, non humano errore peccari, fremi, insultari videt, nouit auctoritatem exercere quam charitate tegebat; nouit increpare durè, ut sani sint in fide, &c. p. 29.

Quod Theophylus Hieronymum in Ioannem Episcopum Origeni fauentem, & in fide vacillantem audire noluit, id Iesuitas in causa pessima aduersus amplissimum Episcoporum concessum ausos esse. ibid.

Epiphaniij & Chrysostomi dissidium non de libris Origenis, sed de personis Origenistarum Monachorum Alexandria exulum ortum fuisse. Chrysostomum artibus eorum & hypocrisi fallaciter occupatum; & historiam dissidij huius à Socrate, Sozomeno, Palladio Origenistis fauentibus fuisse vitiatam. p. 32.

Origenistas hæreses & in seipsis & in Origene ipso studiosè dissimulasse, libros eius ab hæreticis corruptos asserentes. ibid.

Hæreticorum artificium esse notissimum, ut nouitates suas pro rebus quàm leuissimis paruique momenti obtrudant,

quæ nec fidem, nec salutem spectent, &c. ut ita dormientibus hominibus, in medio tritico lolia superseminent. Ita Lutherum; ita Caluinistas; ita Pelagianos & alios hæreticos fuisse cauillatos. ibid.

Indigna cauillatio Iesuitæ; Non esse infallibiles Episcopos, ideo non audientos. Nunquam ita argumentatos Nouatum, Pelagium, Arium, & ceteros hæreticos. p. 33.

Etsi quantum inter generales Synodos & particulares intersit, nunquam nescit Ecclesia, eas tamen summo semper, indiscreto, tantumque non pari honore habitas fuisse, quandiu Ecclesia palam non intercederet, idque ex perpetua Ecclesiæ obseruatione manifestum esse. ibid.

Probatum auctoritatibus doctrinas à Synodis particularibus damnatas, habitas fuisse hæreticas. ibid.

Hanc terribilem Christi vocem; Qui vos spernit, me spernit. non solum in eos quibus Episcopi ordinaria iurisdictione præsumt, sed in omnes valere. p. 35.

Catholicis Episcopis, non solum quibus præsumt Ecclesias suo pte munere curare iussum esse, sed & alias passim, ubi hæreseos præcipuè labes, & fidei periculum imminet. Id multis & Patrum & Pontificum auctoritatibus probatur. ibid.

Si unicuique mandauit Deus de proximo suo, charitatem Episcopalem omnium summam atque latissimam multo magis omnes complecti debere. p. 37.

Crimen hæreseos nullis in Ecclesia priuilegiis, nullis locorum latebris tutum esse, quin vel à proprio Episcopo, vel, si is desit, à proximis, aut his quoque deficientibus, à quibuscunque aliis Ecclesiæ Episcopis plecti possit, saluam tamen in omnibus sedis Apostolicæ supremam dignitate. p. 38.

Ita Basilidem & Martialem, qui etiam Stephanum Pontificem circumuenerant, à Cypriano & Africæ Episcopis fuisse damnatos. Inde etiam Cyprianum à Gregorio Naz. mirè fuisse laudatum. ibid.

Ita Pelagium Britannum ab Afric. Episcopis fuisse damnatum. ibid.

Alia eius rei exempla afferuntur à Patribus. ibid.

Hæresis est instar epidimæ publicæque pestis, pestilens morbus, ut Celestinus

## Summaria Assertionis Epistola

loquitur, toti Ecclesiae imminens, à quo omnes refugere, quem auerſari, & omnibus confestim opibus extinguere necesse est. p. 39.

Ideo quemuis etiam è media plebe in hæreses idoneum esse testem; & licere cuius Pastores suos hærescon præcones, etiam ab Ecclesia nondum damnatos suo præiudicio execrari ac repudiare. p. 40.

Ita populus Constantinopolitanus Nestorium declinavit. De quo Celestinus; Beatus grex, inquit, cui dedit Dominus de pascuis iudicare. ibid.

Non subditos modò accusare posse in causa hæresis, sed etiam criminosos homines & infames, quorum testimonia in aliis iudiciis non audirentur. ibid.

Hoc nihil officere amplitudini Pontificis, sed ei potius splendorem asserre. Eò enim illustrior efficitur impetij maiestas, quò plures maioresque sub se capit principes ac duces: ita Christi regnum tot habet in cælo reges quot subditos, in cælis cum ipso regnatos in æternum. p. 41.

Insignis laus Ecclesiae Gallicanæ, ex Gregorio nono, & Arnulpho Episcopo. p. 42.

Sicut iudex contumeliam regi non infert dum causam cognoscit, de qua tamen princeps querelas iam ad eum perlata ab altera partium fortè potentiore gratiosioreque nouit; ita & Episcopos potuisse intacta, quam sedi Apostolicæ debent, reuerentia, Iesuitarum cum Episcopo Chalcedonenſi litigationem dirimere. p. 43.

*De notitia linguarum multa & præclara.* p. 44.

Romanorum Pontificum, ut & cæterorum Patrum, paucos, quod constet, alios quàm nativæ linguæ peritos fuisse. ibid.

Postquam enim linguarum donum toti simul Ecclesiae in Pentecoste infusum, ac deinceps in populis fidelibus frequens, propagatâ Ecclesiâ, & omnium gentium linguis per vniuersas orbis oras, non sine miraculo, sed alijsmodi miraculo, iam loquente euauit, & necessarium esse deſuit, ut rectè ab Augustino animaduersum est; sancti quoque Patres linguarum variarum cognitioni minùs sese dediderunt, non requirentes in singulis, quod in vniuersæ Ecclesiae membris diuini possiderent, & altissimam illam Spiritus

sancti in vniuersa Ecclesia prouidentiam subsequentes. ibid.

Ideo in Latinis Patribus, excepto Hieronymo, vix vnum esse quem Hebraica nosse constet; præcipuos autem, nec Græca nouisse omnino, ut Gregorium, aut modicè tantum, ut Ambrosium & Augustinum. ibid.

Probatum id multis auctoritatibus. p. 46.

Patres Græcos minime omnium curiosos fuisse linguarum, vnius suæ amantes, ut suauissimæ & locupletissimæ. Ostenditur id ex gestis Conciliorum. p. 46.

Quid ergo dicet Iesuita? Ineptos habebit, an iniquos Latinos Patres, qui de erroribus erroneisque libris Græcorum iudicium egerint; Græcos qui de Latinis p. 47.

Stolida impudentia Iesuitæ profitentis totam Illustriss. Episcoporum censuram perpetuam hyperbolen esse. p. 48.

Apostoli & sancti Patres, sicut benignè admodum & humaniter accipere consueuerunt, & charitatis igne mollire ea quæ duriusculè aut dubiè à minime malis hominibus dicta essent; sic quæcunque manifestè falsa, & diuinæ veritati aduersa, & impia, & hæretica videbant, ea non lento affectu, aut inertii grauitate, aut stoica æmùlâ, aut languidis sensibus, amoreque ac odio vacuis, quasi res ædificantes intuebantur: sed induti zelo Dei, & ignitum eloquium spirantes, errorum ac hæresum stipulas diuino seruire inflammabant, &c. p. 49.

Illustrissima in hanc rem exempla ex Scripturis & Patribus. p. 50.

*De vera & sancta Patrum eloquentia.* Sermonem eorum non sanum modò & castum, sed virili dignitate, augustaque maiestate splendidum esse. p. 53.

Erras longeque falleris, puerilis scholæ dominator, si nullam eloquentiam putas nisi declamationum inanum, concionum popularium, litium, fori, iudiciorum. Est grauior quædam, sanctior, diuinior, quæ diuini verbi sinceritatem, quæ virgineam Ecclesiae castitatem decet, quam laudarunt SS. Patres, coluerunt, commendauerunt, vsi sunt; qua gratiam miraculorum Apostolis daram, posteris minus concessam, supplendam esse Chrysostomus docet; quam non tantum Ecclesiasticus sermo, sed & ipsas Ec-

## *Illustrissimorum Episcoporum.*

clesiæ ad Deum preces vndique resonant; quam tu si sciperes, nunquam Episcopis, qui duces, Doctores, ora ipsa Ecclesiæ sunt, eriperes, nec aliū ab iis quàm antiquissimum, probatissimum, perpetuum Ecclesiæ stylum exigeres. *ibid.*

*De hyperbole præclara.* *p. 54.*

Hyperbole veritas est latius expansa, non autem corrupta vel extincta, ut cū sol in nube latior apparet, superlatio & extensio veritatis, non ad fallendum, sed ad subjiciendum animis id quod vñtata moderataque locutione non plenè caperetur: sicut perspicilla Holandica res latiores exhibent, non ut tales credantur, sed ut quales reuera sunt, à mente intelligantur. *ibid.*

Exempla synecdoches in scripturis, cū pars pro toto, totum pro parte accipitur. Ut cū Apostolus ait, Omnes quæ sua sunt quarunt; & sua ætate impletum illud, In omnem terram exiuit sonus eorum. *p. 55.*

Illud Apostoli, Deus vult omnes homines saluos fieri; non de singulis hominibus, sed de iis solis qui saluantur, fremen-  
tibus Pelagianis, intellexit Augustinus. *ibid.*

Idem corpus manet, licet membro vno aut altero defluentibus; idque in societatū corporibus, seu Ecclesiasticis, seu ciuilibus, præcipuè manifestum est. *p. 57.*

De Iesuitis autoritate Eminentiss. Cardinalis Rupifucaldij ad errorum suorum defensionem abutentibus. *p. 58.*

De Reuerendiss. Episcopo Syluancensii. *p. 59.*

De Illustr. Archiepiscopo Rothomagensii. Episcopos ut & ministros regios etiam in sua causa legitimos esse iudices. *p. 64.*

Nonnulla de Reuerend. Episcopo Bellicensi. *p. 66.*

Necessarios esse Episcopos particulares præter Episcopum vniuersalem, quoniam sicut Christus conspicuum infra se caput Ecclesiæ Romanæ præesse voluit, sic aliis Ecclesiis conspicua & propria capita infra Romanum Pontificem. *p. 67.*

Hoc graue in Episcopos, in Romanum Pontificem Iesuitæ crimen est, & antehac inauditum, esse Regularibus, esse non Episcopis, esse inferioribus aliquam in hierarchia partem, cuius ipsi sunt expertes. Quemadmodum scelus est, & crimen Majestatis certissimum, si quis intra regni

ambitum & Monarchiæ fines, ciuilem dignitatem vllam, aut titulum sibi affirmet, qui regia & monarchica dignitate non includatur, adeoque ab ea ut à fonte scaturiat. *p. 70.*

Vocem illam (innumeras) significare tantum numerum numeratu difficilem, auctoritatibus probatur. *p. 71.*

Quàm impiè Iesuitæ symboli Apostolorum, & totius Christianæ fidei ludibrio suam famam expiare conati sint, quale exemplum nulla hæresis, nulla infidelitas tot antè sæculis prodiderat. *p. 72.*

Nam sicut symbolo Apostolorum, non solum fidei medullam contineri, sed omnes hæreses confringi docent Patres: sic eo polluto & prophanato, vniuersas hæreses è tenebris quodammodo reuocari, religionem conscindi, & Atheismo latas pandi fores planum est. *p. 72.*

Quàm iustè à Facultate propositiones quædam Smithæi obscuriores discussæ ac dilucidatæ fuerint, ut quid in eis veri, quid prauī lateret, liquido cerneretur. Hanc esse Ecclesiæ sanctorumque Patrum in plerosque hæreticos consuetudinem. *p. 73.*

Ferè enim hæretici, præcipuè primipili, & hæresis cuiusque auctores, initio nondum conciliata hominum gratia, inassuetis adhuc ad nouitatem animis, pedetentim & subdolè dogmata sua instillant, præstigijs nube contegunt, cum Ecclesiæ veritate permiscunt, ipsis Ecclesiæ verbis inuoluunt, declinandæ inuidiæ gratiâ, donec assuetis sensim auribus, confirmataque factione, impietatis signa explicent, apertoque Marte in fidem grassentur. *ibid.*

Idipsum probatur exemplis Arrianorum, Pelagij, Calvinistarum. *ibid.*

Voces collectiuas & numerales, ad vniuersum simul totum, non ad quasque seorsim partes ut plurimum esse referendas, auctoritatibus probatur. *p. 74.*

*Quid erroneum dici debeat, quid hereticum, quid scripturæ contrarium solide ostenditur.* *p. 76.*

---

## *De secunda parte Epistola Illustrissimorum Antistitum.*

Explicatur locus Iudæ, quod Angelus non intulerit diabolo iudicium blasphemix. *p. 80.*



## Summaria Assertionis Epistola

*De nomine blasphemiae.* Rectè eo usus esse Episcopos in Censura sua, atque adeo hæreses hoc nomine à Patribus fuisse appellatas auctoritatibus probatur. p. 81.

Sanctos Patres, scripturasque ipsas superbis & infedatis hominibus naturalia etiam vicia impropèrassè. p. 82.

Esse aliquam *stylis perspicuitatem*, quæ pueris maximè & mulieribus conveniat, quam vilitatem potius & pusillitatem sermonis, & nativam rudemque loquacitatem dicimus, quam perspicuitatem illam quæ peritis in honore est. ibid.

Episcopos dum libros Anglicanos damnarunt, non abfuisse à gregious & à sponfis suis, sed tanto eis præstantius adfuisse, quòd eas non priuata, sed communi in Ecclesiæ corpus charitate & providentia complexi sunt. Non enim in communi omnium bono, non inesse potest singulorum salus. ibid.

Multos Monachos approbasse olim hæresarchas. Ita Religiosos multos Eutychem Monachum, Nestorianorum fortissimum expugnatorem, fideique antesignanum vno agmine multis centuriis cumulato incredibili feruore sequentes, tot in Ecclesia strages & calamitates, tot tamque diuturnas concussiones dedisse; ut omnium retro hæresum mala longo intervallo superarint. p. 85.

Periculosum in theoria errare, quoniam omnis praxis theoriæ fructus, & effectus est, sicut omnis motus ab aliquo immobili oritur. p. 86.

Sanctissima quæque ab usum pati posse, nec ideo tollenda. Confidentiam simplicem in sacramentum aut in Deum periculosam dici non debere. p. 89.

Equidem prauum quoque & perversum amorem Dei esse posse non negabis, opinor, ut & fidem in Deum pravam. Sic enim hæretici credunt libidine non pietate. Sic impij nonnunquam amant, impia & iniqua à Deo sperantes. Sic Iudæi Deum amabant, rerum temporalium causa, sui non illius amore. An ideo dicendum putabis periculosum esse posse Deum amare, credere in Deum? ibid.

*Episcopos non sine dolore & gemitu hæreticos damnare solitos multis auctoritatibus ostenditur.* p. 93.

Sunt enim Ecclesiæ non Iudices tantum, sed & Patres: ideoque non iudiciali solum auctoritate, sed paterna quoque mansuetudine iudicant, puniunt, feriunt,

velut patres quibus in mediis filiorum, quos compescere coguntur, gemitibus, paterna viscera concutiuntur, & lachrymarum vel inuitis manant. p. 94.

Qualis esse debeat Ecclesiastica censura ex Augustino. ibid.

De Reuerendissimo Episcopo Bellicensi. Eum meritò Religiosis quibusdam contumeliosis & maledicis effectum acrem vindicem & flagellum. p. 96.

Iesuitæ in Episcopos contumeliæ. Longè amarior est insultantis ultroque illudentis contumelia, quàm vel acerrimè lacerantis. ibid.

Hæreses non paucas ab vnius prouinciæ aut regni Episcopis damnatas olim, cæteris consensu solum tacito suffragantibus. p. 98.

Hæreticos sæpè gloriatos sua Romæ probari, tumque summos Pontifices acriores in se expertos. Ita Pelagium Innocentius, eiusque doctrinam acrioribus multo vocibus percussit quàm ante fecerat, cum audiuit suspicari nonnullos se eadem cum illo sentire. p. 100.

De Abailardo suos libros etiam Romæ admissos gloriantem. ibid.

Romanum Pontificem, primùm semper auctoritate, non semper tempore hæreses orientes excidisse. Atque ita explicandum locum Prosperi; Pestem subeuntem prima recidit Sedes Roma Petri. p. 101.

Non si cunctetur Pontifex, ideo negligi ab eo officium suum. ibid.

Nouimus imperantium sollicitudines cogitationum varietates, curarum altitudines, mentis, ut cum Gregorio loquar, tempestates, necessarias cunctationes; nec iniquius quicquam comparatum esse quàm ut vasta illa publicas res temperantium consilia, angustis priuata prudentiæ limitibus concludantur. ibid.

Quàm indignè à Iesuita inter res viles recensatur Ecclesiarum pax, Episcoporum honor, fama, obseruantia, &c. ibid.

Hunc fuisse semper esseque hodie errantium omnium nouantiumque genium à fallaciarum patre immissum, vnà cum errore susceptum, ut nouitates suas promutis, quæ negligendæ sint, obtendant; ut ita non sua solum industriâ versutiæque valeant admotæ ab iis fidei & Ecclesiæ sinceritati machinationes, sed aliena etiam segnitie, securitate, incuria, quàm nimis cautelæ vitandæ nomine,

## *Summaria in octo Causas Spongia praeambulas.*

semper injicere conantur. p. 102.

Scurrile Iesuitæ episodum de tabella rustici. p. 103.

Non Christum nunc, sed diabolum ventilare fideles Quid in persecutionibus sit à Christo, quid à diabolo. p. 104.

## *Summaria in octo causas Spongia praeambulas.*

§. *Pervenimus tandem.* p. 109.

**O**CTO istas causas, octo stultissimas satyras esse, rabiosulas delirationes, inanissimos clamores, in quibus, quod turpissimum est, summa nocendi voluntas, summæ ad nocendum imbecillitati coniungitur; ut iure nobilissima Facultas cum Christo, cuius veritatem fidemque asserit, aduersariorum inconsultam temeritatem illo telo compungere possit, Odio habuerunt me gratis. p. 109.

§. *Præterea absurda.* p. 111.

Gloriosum esse Facultati Parisiensi quod comparetur scorto à Iesuita; sicut Ecclesia vniuersa meretrici comparatur ab hæreticis. p. 111.

Dignitas & antiquitas Facultatis Parisiensis. p. 113.

Ordinibus Religiosorum labascentibus immoram extitile. ibid.

Esse parentem primorum Iesuitarum. ibid.

Tam acerba maledicta nunquam vel ipsos hæreticos Lutherum & Calvinum in eam excogitare ausos esse. Ut horrendum quiddam sit & immane dictu, hæreticorum in Catholicos Censores iracundiam Iesuitica maledicentia superatam esse. p. 114.

Iesuitam Facultatem Parisiensem veteri scorto, Clerum Angliæ vnà cum Illustriss. Antistite, cum scortatoribus comparare. p. 115.

Vno probro, vna dementia nobilissimam Facultatem, & nobilissimam Ecclesiam complectitur; patria iura & hospitalia subuertit; Christianam dilectionem vtraque manu fœdat; promit odia eo modo quo charitas promi debet; sine suorum alienorumque discrimine. ibid.

Exuant obsecro qui hæc legunt opinionum præiudicia, animarum cupidines, malè fultæ pietatis iniquitatem, mitem in homines pauculos, immitem in Eccle-

siam affectum: Rem ipsam intueantur, veritati sese & æquitati permittant, quo ea ducet sequantur, & spero facile intelligent, non debuisse inermen consistere aduersus has atrocitates veritatem, nec remissius in eas agere consuevisse sanctos Patres & Apostolos, nec fore vllum earum finem, si proiecti quique ad audendum & irati, & factiosi homines impune bacchari se posse sperent in eximiorum etiam virorum immerentiumque virtutem; nec confidentissimos eorum animos, nisi increpatione aliqua maiori, & publicæ ignominia metu potuisse, si non in præsens, saltem in futurum frænari. p. 116.

Hanc esse hæreticorum omnium iniquitatem, ut auctoritatib. testimoniisque omne genus repudiatis, nil nisi disputationes, collationes, circulos clamitent, &c. p. 117.

Augustini Patrum mitissimi in Iulianum increpacio vehemens. p. 118.

§. *Multa hoc loco.* p. 119.

Iesuitam exprobrare Facultati Parisiensi, eius auctoritatem olim ingentem, tempore viluisse; sicut hæretici id ipsum Ecclesiæ exprobrant. p. 120.

Queritur quo tempore eius dignitas ita labascere ac minui cœperit. ibid.

Quantæ auctoritatis fuerit tempore Concilij Constantiensis. p. 121.

Bellorum ciuiliū turbine, ac deinde subortis Iesuitis Parisiensis Academiæ ceteras Facultates imminuras, Theologicam verò integram incolumemque permansisse. p. 122.

Qua modestia Cardinalis Cajetanus, imò & primi Iesuitæ post celebre illud Sorbonæ edictum, spretæque formæ iniuriam cum illa egerint. p. 123.

Quàm justè decretum illud fuerit à Facultate latum Iesuitas ipsos comprobasse, & comprobare in dies, ut quantum verbis & querimoniis de fide illius detractum cupiunt, tantum ei factis adjiciant, &c. p. 124.

Iesuitas ipsos potius ab hoc tempore quàm Facultatem elanguisse. p. 125.

Facultatis Paris. illustriores Theologi recensentur. ibid.

Ecclesia in priuatis hominibus non est, aut Clericis etiam quibuslibet, nec cuius Ecclesiæ nomine loqui fas est; nec in quouis Ecclesiæ vox & auctoritas residet, sed in iis qui Ecclesiarum capita & vertices constituti sunt, aut caput huiusmodi

## Summaria in octo Causas

assensu & auctoritate loquuntur. In capite enim vox, & lingua, & sensus hominis, & totius corporis nomine loquitur solum caput, non pedes, aut manus, aut membra quæcumque inferiora. p. 126.

Quàm superbè iactet Iesuita se ac suos Sorbonæ Censuras non ignominiz, sed gloriæ ducere. p. 127.

Perditissimi quique homines, pœnis quibus frangi & meliores fieri debuerant, ferocius exultant. Hæc est hæreditas filiorum Adam, hæc macula humani generis, mala quibus à Deo iudice ad sceleris memoriam, miseræque sortis suæ admonitionem & medelam iniusti sunt, in deliciarum, gloriarum, ambitionumque materiem transuertere. ibid.

§. Si nulla Catholica. p. 128.

Quantum auctoritatis habere debeant Facultates Theologicæ, & omnino publici quilibet iudicantium cœtus. p. 128.

Errare quidem eos posse in iudicando, sed facilius etiam priuatos errare posse in eorum iudicio reprehendendo. p. 129.

Ex illo contemptu secururam fœdam rerum omnium confusionem. ibid.

Est enim Academiarum Facultatumque Theologicarum ista in Ecclesia auctoritas in rerum Theologicarum iudiciis, secundaria quodammodo & proxima potestati & auctoritati Episcoporum, cum post illos docendi arguendique potestatem ab Ecclesia solenniter iam olim acceperint, accipiantque, & perpetuò teneant atque usurparint. p. 130.

§. De hac ineptia. p. 133.

Explicatur vox illa Toleti, Articulos Parisienses non transire Sequanam. p. 133.

Ostenditur quanta fuerit semper auctoritas Censurarum Parisiensium; atque adeo posse similiter locum dari huic ioculari prouerbio, Iesuiticos Articulos non transire Iesuiticum limen.

§. Erumpis. p. 135.

Licere Facultatibus Theologicis hominum etiam in remotissimis provinciis degentium errores censuris notare, quoniam illæ non in homines in quos exerceri solet iurisdictio, sed in doctrinas solas feruntur. Ideoque nec summi Pontificis; nec Episcoporum dignitati officere, quia capitis salus & gloria est cum membrum quodque officium facit. p. 136.

§. A diuerticulo. p. 138.

Patres breuiore tempore, quàm duo-

bus mensibus cum dimidio, quo Censura Parisiensis confecta est, Concilia O Ecumenica peregrisso Episcopis scilicet vniuersis ad Ecclesias suas anhelantibus, ipsisque in illa sanctitate & eruditione, errores prima fronte dignoscentibus. p. 139.

§. Ecce verò aliam. p. 141.

Probat ex scripturis vocem, *confer-tim & festinanter*, non sumi pro, *turbide & precipitanter*. p. 142.

Gersonem atque ipsos summos Pontifices conquestos olim, quædam furtim & quasi ex insidiis surrepta à sede Apostolica, quæ illa sciens prudensque non statueret. p. 143.

Laus Gersonis. ibid.

§. Hæc omnia. p. 144.

Nominis claritate errorum opinionem à quoquam amoueri non posse post exempla Origenis, Tertulliani, Nestorij, &c. p. 145.

Novatianos ipsos fidei *inimicos* fuisse tenacissimos, ita ut ab Arianis non secus ac Orthodoxi vexarentur. ibid.

Iesuitarum præfidentum tumor. p. 146.

Scientia eorum tota humanæ contentionis, opinabilis, volatica, parum Scripturæ, Patrum, Traditionis antiquæ, ubi Christianæ doctrinæ veræque Theologiæ prora & puppis est, sollicita, suis inuentis, ingenij conatibus, nouitatibus, & immani cuidam licentiæ indulgens: hinc errores, &c. ibid.

Mirandum non plura ab iis peccari, cum nihil sit quo istâ viâ eos progredi non oporteret, nisi diuinæ in Ecclesiam prouidentia benignitate continerentur. ibid.

Frustra illos eruditionem suam & labores pro fide susceptos venditare, qui charitatis, sine qua hæc omnia nihil sunt, vera in se signa ostendere non possunt. ibid.

Ambages Smythæi, & fucorum æquiuocorumque tortuositas. p. 147.

Hoc captionis artificium simplici dilucidaque blasphemia nocentius & odiosius esse, & omnibus penè hæresibus solenne. ibid.

§. Huius insulsi sumæ. p. 148.

Modestia Theologorum Parisiensium. p. 148.

In summa eruditionis fama illud Parisiensi Facultati præcipuo Dei munere, & minime apud eruditos vulgari concessum

### *Spongia praeambulas.*

sum esse, ut summa simul simplicitatis ac modestiae fama floreat, sapientia simplicitatem condians, simplicitate sapientiam, &c. p. 149.

Eam non scientiam suam ad locupletum obsequelam componere, non omnia omnibus peruersa Apostoli imitatione se exhibere, ut omnia ex omnibus assequatur, &c. ibid.

Discrimen eius à Iesuitis. ibid.

Fieri nescio quo fato ut Iesuitae quanquam conciliandorum mulcendorumque hominum artificio instructi esse dicantur, modesti tamen & humiles haberi non possint.

Facultatem Parisiensem omnes prope modum ac nobilissimos quosque Theologos materno quodam affectu quasi à se ortos intueri & amplecti, eorumque laudes, suas ducere. p. 150.

Vbique ab omnibus scriptoribus honorificam eius haberi mentionem. ibid.

Traditione antiqua & perpetua Ecclesiae consensione niti debere rerum Theologicarum veræque sophiae Mystas, illinc pendere, illuc spectare, cò totam animi aciem intendere, ut quidquid ibi deprehenderint, pro certo firmoque habeant, quidquid illinc alienum videant, pro nouo & peregrino auersentur, quicumque hominum, quocumque nomine aut fama praeceptorum reclament, & in alios tramites abierint. Non enim hominum iudiciis, vel arbitriis stat diuina fides, diuinæque doctrinae veritas, sed diuina Christi Apostolorumque traditione, incorrupta Ecclesiae propagine ad nos perlapsa, atque ad ipsum cœli aditum propaganda, &c. ibid.

Qui ad Traditionis normam reuocantur, non contemni dici posse, nec qui reuocant aliorum contemptores, sed adiutores potius, qui propter sincerum & infucatum veritatis, quam quibusvis hominibus anteferunt, amorem, & ab iis ipsis quos reprehendunt, & ab omnibus aliis in amore honoreque haberi debeant. p. 151.

Iesuitas è Professoribus suis sanctiores non esse prolaturus, Lectoribus Regularium qui Parisiis praelegunt, quamuis suorum doctrinam & sanctitatem tam superbè amplificare soleant. Nonnulla de hac arrogantia quæ ad cœlum & in Paradisum usque protenditur. ibid.

§. *Multa imperitissimi. p. 152.*

Facultatem Parisiensem, doctrinam de diuina Parochorum institutione prae-scriptissimè tantum alumnis suis, ut Scripturis Patribusque congruentiorem. p. 153.

Bellarminum ipsum Diaconos vocare Principes, & Praeules & Hierarchas, si comparentur ad plebem. p. 154.

Illam propositionem Maioris, Tam Episcopi quàm Curati sunt de iure diuino, quemadmodum Romanus Pontifex, & similes; reprehendi non posse, modò omnimoda comparatio non addatur, aut etiam remoueatur. ibid.

Ioannis de Turrecremata opinionem, qua vult solam auctoritatem Pontificiam à Christo institutam, meritò à Parisiensi Facultate hæreseos fuisse damnatam. p. 155.

Opinio Paludani de eadem re, similiter hæretica, videlicet Episcopos esse tantum procuratores, non dominos, Ideo Papam posse deponere Episcopum minus bonum, & ponere meliorem. p. 156.

Hanc opinionem, Parisiensem Facultatem in fide hæresim, & Almainum post censuram Facultatis iure igne dignam pronuntiasse. p. 158.

Metuendas esse errorum hæresumque voragines iis imprimis, qui Philosophia magis quàm Theologia duce, per altissima, & humanæ quantumuis aliàs oculatae, sagacitati imperuia rerum diuinarum spacia vagantur. De hac re breuiter & praeclare. p. 158.

§. *Adde sanè. p. 159.*

Ridetur stolidi arrogantia Iesuitarum. p. 159.

Odium Iesuitarum in omnes Academias & Theologiae Facultates. p. 160.

§. *Tu verò solus sapiens. p. 160.*

Librorum Iesuiticorum approbatores prensationibus corrogati, stultè & hyperbolicè laudati, arroganter tot Episcopis & celeberrimæ Facultati praepositi. p. 161.

In Theologicis rebus non omnia esse in opinionibus hominum, sed intuentes Traditiones, Ecclesiae iudicia, Patrum sensus, Scripturarum oracula, quibus solis debetur fides, in quibus solis fidei Theologiaeque Christianae fundamenta nituntur. De hac re breuiter & praeclare. p. 163.

\*\*\*



## Summaria in octo causas

§. Duo hic agis. p. 164.

Ostenditur Gersonem loco allato à Iesuita, nihil lœdere famam eximiam Facultatis Parisiensis, sed tantum pro suo illo candore; velut n̄uos in egregio corpore notare, ac dolere nonnullos; amantissimæque matris instar, etiam minimas illius corporis offensiunculas maxima sollicitudine curare velle. p. 165.

Laus Academiæ Parisiensis ex eodem Gersone. ibid.

Nullam Academiam suorum moribus magis consulere, quàm Parisiensem. p. 166.

Eam Cælibatus legem suis imponere. ibid.

Quandonam Medici & Canonistæ lege illa soluti fuerint. ibid.

Hæreticos omnes, itidem vt Iesuitas, suos approbatores prædicare. p. 167.

Lutherus vnius Parochi aut Ludimagistri vocem Conciliorum omnium auctoritati præposuit. p. 167.

Theologia falsa & in errores inducens, quæ sit. p. 168.

Iesuitas esse Academiarum hostes, & earum aut re, aut voto oppressores.

Eximia de audacia *Boucheri*, Spongiæ approbatoris. p. 169.

§. *Pudat lulentissima.* p. 170.

Atroces contumeliæ Iesuitæ in celeberrimam Facultatem Parisiensem. p. 170.

Ita Nestorium olim suos damnatores lacerasse. p. 171.

Approbatores Iesuitæ pauci, & factione ac terroribus collecti. ibid.

Laus Ioannis Fillefaci, Facultatis Parisiensis Decani. ibid.

§. *Pergrua mendacia.* p. 173.

Censores ridiculè cuculis comparati. p. 174.

Ita hæreticos Ecclesiæ insultare solitos. ibid.

§. *Dementia tua.* p. 177.

Monarchica gubernatio Iesuitarum. p. 178.

Laudabilis consuetudo Facultatis, vt quisque suffragij ius habeat. ibid.

Laus illius à multitudine Theologorum. p. 179.

Adolescentiam iis non posse exprobrari, cum Facultas non iuniores admittat ad doctoratum, quàm Ecclesia ad sacerdotium. ibid.

Laus adolescentiæ. p. 180.

§. *Quid dicam.* p. 181.

Optimam esse consuetudinem, vt in cæteribus suffragia non ponderentur, sed numerentur, licet hinc aliqua labe nonnunquam emergere possit, vt accidit aliquando in Conciliis Ecclesiæ. p. 181.

§. *U'squeadone obdurasti.* p. 184.

Facultatem conspirante omnium studio hanc Censuram emisisse. p. 184.

§. *Sicut plena vento.* p. 186.

De toto negotio Ioannis Testafort Dominicani. p. 187.

Facultatem thesım illius rectè damnasse. ibid.

Rectorem in conuentu suo damnationem thesım à Facultate factam tantum approbasse. ibid.

Iesuitas hanc occasionem arripuisse, vt Academiam, quam oderant, oppugnant. p. 188.

Tandem Regium diploma ab iis per Regij nominis ludificationem malè extortum, antiquatum fuisse, & Academiam in integrum restitutam. ibid.

§. *A contumeliis.* p. 189.

*Sectio notatu dignissima, de causis maioribus & minoribus.*

Primò velitoria prolusione aduersarium suis ipsius telis confodit. p. 190.

Vnde causarum maiorum minorumque nomina manauerint. p. 191.

Causarum maiorum nomine, veteres intellexerunt duo tantum genera causarum, quarum aliud in rebus ipsis est, aliud in personis. Causæ maiores in rebus sitæ, sunt omnes causæ fidei. Sitæ in personis, sunt causæ omnes Episcopales, quæ Episcoporum dignitatis locique præcipui gratia, primatiæ & maiores semper habitæ sunt. Reliquæ omnes causæ minores dicuntur, quia minorū, & rerum, & personarum. ib.

Probatur auctoritatibus iudicia de rebus fidei & Episcoporum non ad solum summum Pontificem, sed ad alios etiam Episcopos pertinere. p. 193.

Multas hæreses à Conciliis tantum Prouincialibus fuisse damnatas. ibid.

Concilium Gangrense fuisse tantum prouinciale. p. 194.

Ita etiam Pelagianam hæresim ab Episcopis primū Africanis fuisse damnatam. p. 196.

Idipsum probatur auctoritate Conciliorum Gallicanorum. p. 197.

Probatur etiam causarum Episcopali iudicium (quæ causarum maiorum

altera pars erat) ad Episcopos pertinere. idque multis exemplis & auctoritatibus adstruitur. p. 198.

Nihil his obesse quæ de Apiarii controuersia afferuntur. p. 203.

Zozymum non euocasse ad se causam illam, ut summum Pontificem, sed ut Primatem finitimum. p. 204.

Quomodo sensim sine sensu vetus illa disciplina exoleuerit. p. 205.

Laus Hinchmari, quod Apostolicæ sedis fuerit obseruantissimus. ibid.

Appellandi ius illud situm fuisse in eorum, qui ab Episcopis iudicati fuerant voluntate, ut nimirum appellarent si in bona causa cecidisse se putarent, idque rationibus saltem probabilibus ostendere possent. Aliàs Pontifices ipsi iubent ut stent iudicio Episcoporum, nec ad se prouocetur. p. 206.

Esse aliquas maiores causas, de quibus nihil licet statuere Episcopis, sed solius Pontificis sententia expectanda sit, ut cum ante iudicium Episcoporum iudicandus Apostolicam sedem appellauit. p. 208.

In fidei tamen causis propter scandalum periculum remedij celeritate præcedendum etiam post propositam appellationem, Episcopis de maioribus causis pronuntiare licere, ut factum est in damnatione Abailardi. p. 210.

Iudicium interdicti Episcopis, ante sedis Apostolicæ sententiam in causis maioribus, quæ ita se habent, ut de iis nihil proditum sit nec Scripturis sacris, nec Patrum Conciliorumque decretis. Tum Episcopos consulere debere eum qui superior proximusque ad consulendum doctore est, qui Pater Patrum, Doctor Doctorum, Episcopus Episcoporum est constitutus. Quoniam Romanis Pontificibus concessa est præcipua gratia & potestas fratres suos confirmandi. p. 212.

Alioquin si Episcoporum confessus rem minime dubiam, minimeque obscuram habeat, si de ea à sanctis Patribus, aut scripturis constitutam esse videat, si de ea ipse una voce consentiat, sententiam ferre potest, præscribereque quid sentiendum sit; quantumuis multi inferiores, aut priuati Theologi, qui Theologiæ scientiam è sodalium suorum placitis eque suo sensu fortasse hauserint, inconsulta Ecclesiæ, traditionisque antiquitate, aut dubitent, aut penitus dissentiant. ibid.

Doctrinarum ambiguitas & certitudo non solis hominum præsentium contentionibus, sed vniuerso Ecclesiasticæ Traditionis sensu metienda est. p. 213.

Explicatur locus Concilij Tridentini, de causis maioribus summo Pontifici reseruatis. p. 214.

Quo pacto intelligendum sit Episcopos de causis maioribus iudicare non posse, easque omnes soli summo Pontifici reseruari. p. 214.

De causis sæcularibus ac ciuilibus, quas Imperatorum leges ad Episcopos vndique referri permittebant. p. 215.

§. Hoc quoque corrumpit. p. 217.

Dubiam non effici doctrinam aliquam, quod de ea quidam dubitent, si id faciant certissimorum documentorum, quæ non eurant, ignorance, vel ingenti rerum suarum, quo cæcantur, affectu; semperque fas esse Episcopis, ea quæ Ecclesiæ à maioribus tradita vident, prædicare ac dirimere, quantumcumque alij dubitent. p. 217.

Ea enim demum dubia, & difficilia vocantur in Canonibus, & Decretis summorum Pontificum, non quæ apud minores Theologos ambiguntur, sed quæ dubia sunt Episcopis inter se, & de quibus ipsi nihil habent quod statuunt. ibid.

Episcopi sunt Iudices & Doctores, ceteri aduocati & discipuli. ibid.

§. Difficile est. p. 219.

Opinio D. Thomæ de translatione obedientie Regularium ab Episcopis ad Pontificem, explicatur. p. 219.

Petrus Blesensem de iis exemptionibus questum esse. p. 220.

Fortasse ita D. Thomam commendasse obedientiam Abbati exhibitam, ne à Regularibus specie obtemperandi Episcopo, Abbatum præcepta excuterentur. p. 221.

Hæc interpretatio præclare confirmatur. ibid.

Vocem *Suarij*, qui opinionem Sanches quam toti antiquitati aduersam fateretur, nihilominus probabilem dicit, esse execrandam & schismati vicinam. p. 222.

§. Tunc turbulentiā. p. 223.

Stupor Iesuitæ, ea re gerentis in Doctores Parisienses, quæ in suos recidunt, quæque æterna potius obliuione delere debuerant. p. 223.

Aliqua de Bouchero. p. 224.

\* \* ij

## Summaria in octo Causas

§. *Frater vitium.* p. 225.

Sculte obijci Vniuersitati Parisiensi, quod Salicam legem contempserit.

§. *Imò verò.* p. 226.

Legem Salicam à Facultate Parisiensi non infractam fuisse, sed assertam. p. 226.

Nullam Facultatem tam benignam esse in Regulares, ac Parisiensem. p. 226.

Iesuitarum superbia, qui amicos non agnoscunt, qui quippiam in ipsis culpent, bona & mala sua probari colique iubent, quasi reuocatis Idololatriæ temporibus, quibus non solum virtutes, sed & vitia consecrabantur. p. 227.

Quantiò magis amet Ecclesiæ unitatem Facultas Parisiensis quàm Iesuitæ. ibid.

§. *Si Pseudopphetam.* p. 228.

Hominum iudicia, reis absentibus interdum exerceri posse, vt contigit in damnatione Origenis & Pelagij, ergo multo magis doctrinarum, quarum libros habeas aperte impios. p. 230.

Quàm inepte Iesuita dixerit frequentiam scholarum Iesuiticarum à Doctorebus Parisiensibus inuideri, cum in eorum scholis Theologicis videas quinos aut senos auditores solo obsoleto amiculo veteribus Philosophis similes, aliquid potius à Patribus quàm doctrinam mendicantes. p. 230.

Splendor scholæ Theologicæ Parisiensis. p. 231.

Iesuitas solo puerilium gregum, quasi formicarum agmine, notabiles. ibid.

Hinc nimiam ex eorum scholis prodire imperitorum ac vitiosorum cohortem, cum tantæ multitudini erudiendæ ac regendæ pares esse non possint, rarosque admodum videri, qui selectiora illis solidæ virtutis semina concipiant. p. 231.

Sorbonæ amor in Reges, plenus æquitatis, sinceritatis & pietatis. Iesuitarum in eos iniquitas & adulatio. ibid.

Nulli adulationibus aptiores & crebriores, quàm qui vero amore carent, & ab iis, quos non amant, quiddam venantur. p. 232.

Quàm ridiculè obijciatur Sorbonæ, quod Episcopis & Parochis faueat. ibid.

§. *Quo magis Gersonis.* p. 231.

Ingeniosè & solidè ridetur & repellitur arrogantia Iesuitæ, qui maximam partem Doctorum Parisiensium ignobile vulgus appellat. p. 233.

§. *Quid ergo sibi vult.* p. 234.

Refellitur propositio Iesuitæ, Cen-

suras & anathematismos, vim in animis hominum non habere, nisi ab auctoritate prorsus infallibili proficisci credantur. p. 234.

Valuisse anathematismos veterum Episcoporum in hæreticos, etiam si infallibiles non essent. ibid.

Hanc propositionem, auctoritate Cardinalis Perronij non probari, vt vult Iesuita, sed refelli. p. 235.

Ne hæreticos quidem peruiaciores, Episcoporum decretorum fidem eleuauisse, quod ab auctoritate penitus infallibili non mansissent. ibid.

§. *Facilius est.* p. 236.

Iesuitam hæreticorum & impiorum more, serias & grauissimas Ecclesiæ institutiones ludibris adoriri. p. 236.

Ita Caluinum lusisse in Synodum Tridentinum, & Lutherum in Leonem Papam. ibid.

Iisdem penè verbis vsum Antonium de Dominis, socium quondam illorum, in Facultatem Colonensem. p. 237.

A Theologicis Facultatibus censurarum suarum rationes non esse deposcendas. Aliàs pares illis fieri in Theologicis decretis infirmos quosque homunciones; Imò nec à singulis Theologis, nec à Casuistis id exigi. Multò autem magis idem iuris esse Episcopis concedendum, qui Ecclesiæ Doctores à Deo dati, Magistri, Patres, Pastores sunt. p. 238.

Probatur Concilia plerumque nihil argumentorum attulisse, soloque verbo, & quati nutu credenda, reprobandaque præcepisse. ibid.

Hunc hæreticorum vernaculum esse sermonem, Neminem audiendum esse, nisi quatenus scripturis sua dicta confirmat. p. 239.

Ostenditur auctoritatibus errores hæreticorum, à Conciliis & Pontificibus in hunc modum damnari solitos. ibid.

§. *Non respondeo homini.* p. 242.

Arguitur impudentia Iesuitarum auctorum Spongiz, qui Episcopos censors librorum suorum, aiunt esse hæresi infectos, sedis Apostolicæ hostes, & censuras hæreseos & perfidiæ plenas emisisse. p. 242.

Ostenditur hostilis eorum animus in Romanum Pontificem, in Religionem, in Deum, quorum amor ab iis propriarum rerum amore calcatur.

## *Spongia praeambulus.*

§. *Adeone desipis.* p. 244.

Librorum Iesuiticorum doctrinam, non minus, imò magis perniciosam esse infestamque summo Pontifici & sedi Apostolicæ, quàm eam quæ à Iesuita Richerio tribuitur, ostenditur vtriusque comparatione. p. 245.

Iesuitas Pontifici Maximo infallibilem potestatem; sine Concilio, non Aristocratico Ecclesiæ principum, sed, quod intolerabilius est, Democratico, Scholastico & populari professorum Theologorum, in quibus ipsi primas assumunt, denigrare. p. 246.

Sequi ex eorum doctrina, Cardinales non magis Ecclesiæ principes aut praelatos esse quàm sint Regulares, cum ex Spongia illi soli sint Prælati, qui iurisdictione externa instructi sunt. ibid.

Propositiones Iesuitæ iniuriolæ summo Pontifici recensentur. p. 247.

De opinionibus Iesuitæ Gabrielis à Porta. ibid.

Defensio totius Iesuiticæ Societatis inscripta, Actio Forensis, quam Parris Cottoni constat esse factum, & à tota Societate manasse. p. 248.

De Sirmundo & Frontone Duczo. ibid.

Quamvis libellus Richerij multo retriior esset, iniquissimum ramen fore, eos homines Parisiensi Facultati Theologi vnius errata impingere, quibus in variis sodalium suorum flagitiis solennis illa est & tories decantata causatio, iniquum esse priuatorum quorundam erratis, vniuersæ Societati inuidiam facere. p. 249.

Quàm temperatè moderatèque se gesserint illi ipsi Doctores, qui Richerio fauere dicti sunt, ostenditur comparatione Iesuitarum in causa Spongiæ. ibid.

Richerij ipsius moderatio, & Declaratio quam de libello suo emisit. p. 250.

Denique Facultatem libellum eius non probasse. p. 252.

§. *Eiusdem hercle.* p. 252.

De damnatione libelli Sanctarell. p. 252.

§. *Nullus pretextibus.* p. 253.

Ostenditur tantum abesse, vt Iesuitæ scopus fuerit, probare summum Pontificem habere propriam & immediatam iurisdictionem in cunctos fideles, vt contrarium potius ex ea ipsa eliciatur. p. 254.

§. *Imò verò coniciat.* p. 256.

De Barnesij libro aduersus æqui-uoca-

ziones, & Mincio Doctore Sorbonico approbatore eius. p. 256.

Iesuitam debacchari in Mincium, quod approbauerit refutationē enormis Theologicæ summæ Francisci Garassi sodalis sui, à Facultate damnatæ. p. 257.

Nihil in eo libro Barnesij contineri ab homine catholico alienum. p. 258.

Si fortè libellus ille in Indicem expurgatorium Romæ relatus est, aliis id causis, pro summa Patrum illorum prudentia, factum esse, quarum non minima fortasse fuerit Iesuitarum importunitas. p. 258.

De pudendo æqui-uocationum artificio. ibid.

Si à sanctorum Patrum Christianæque lucis aperto tramite discedere, ne quo loco in vagantes hæreticos incidas, id Iesuitis sapere est, ne istam insipientem sapientiam sanus quisque valde rebugiat, & cum hæreticis sentire videri, vt cum Catholicæ fidei magistris sentiat, interdum malit, quàm cum hæreticis per omnia dissentire, vt cum Iesuitis desipiat. Non enim pertinacia humanæ æmulatione (quod Iesuitæ ferè faciunt) negotium fidei cum hæreticis gerendum est, sed fidei firmitudine, diuinæque lucis armis; neque ita delirandum, vt in aua potius & in voragines prorueamus, quàm cum iis aliquando incedere videamur. Nam & præcipuum quoddam ad eorum mentes in viam reuocandas compendium est, si re ipsa doceantur nos ab iis, non studij cæcitate, sed iudicij lumine discrepare, & quam ab iis ad veritatis vim cognoscendam præparationem, animi exigimus, eandem vltro exhibere. ibid.

Barnesium hæreticum haberi non posse, cum omnia scripta sua Ecclesiæ iudicio submiserit. p. 259.

Simulatus Iesuitæ in Ordinem Benedictinorum affectus, quem in Querimonia æstuosis, & ipsa magnitudine suspectis laudibus adornat, atque hic eius religiosum celebrem Barnesium horrendè sine causa traducit. ibid.

Qualis sit Iesuitarum amor in Ordines Religiosorum. p. 260.

Societas omnium adulatrix, & omnium inimica. ibid.

§. *Adeone mendacis.* p. 261.

Non satis esse Iesuitis dum Barnesium Religiosum quem oderunt, malis oppreßum vident, nisi & latentur; nec satis læ-



*Summaria in octo Causis Spongia praeambulas.*

tari, nisi & insultent. p. 261.

De inhumanitate illa breviter & praeclarè. ibid.

Zelus Iesuitæ Knotti auctoris Discussionis Smithæi nomine confictæ, qualis debeat existimari.

§. Reuerendiſſ. Episcopum. p. 262.

Impudentia Iesuitæ accusantis Episcopum Chalcedonensem, quod ad Facultatem Parisiensem confugerit, cum socij ipsi clancularias approbationes ab eius Doctoribus flagitauerint. p. 262.

Si qui semel Facultatem Parisiensem consuluerit, auersandus est, ut vult Iesuita, ipsum Pontificem esse accersendum, &c.

Iesuitam Facultatem Parisiensem nec suis contumeliis obscuriorem efficere posse, nec encomijs splendidior. p. 265.

Laus Facultatis, & amor sincerus ac difficillimis temporibus probatus in summum Pontificem. ibid.

Si qui tueantur opinionem quæ in speciem Pontificis auctoritatem magis amplificare videatur, non ideo dici debere dignitatis eius amantiores; Ut qui B. Virginem à peccato originali intactam non faciunt, non minus sunt in eam religiosi quàm qui faciunt, &c. p. 266.

Quot hæreses Facultas Parisiensis confoderit, quot viri magni ex ea prodierint. ibid.

Martyres pro nemine pati nisi pro Christo Martyrum principe, à quo martyrij & gratiam & mercedem expectant. ibid.

§. De cecis aut inuidijs. p. 267.

Frustra Iesuitam cauillari versionem

librorum Anglicanorum, cuius fidem vel ipse suo silentio agnoscit. p. 268.

Hoc telo impetere illum Romanos Pontifices, qui Græcè nescientes, errores Græcorum hominum per interpretes damnarunt. p. 269.

Denique hoc commento neminem idoneum fore librorum illorum iudicem, cum neminem eorum qui Ecclesiæ præsunt, Anglicè scire constet. ibid.

§. Quid se libris. p. 270.

Iesuitæ monstruosus fœtus, conceptus non corpore, sed animo, nec animi parte spiritali, sed animali, &c. p. 270.

Eleganter cum stipula comparatur. p. 271.

Librum eius accuratissimè fuisse discussum. ibid.

Quàm petulanter, nimio in Facultatem odio, toti Gallicanæ genti insultet, p. 272.

Laus Galliarum. ibid.

Sacrilegum prouerbum quod Iesuita eius opifex propheticum vocat, & Prophetæ Isaïæ infelicius attribuit, quem propter animi & eloquij principalis generosam excelsitatem, à sapore vernaculo, popularique fæce cæteris clariorem esse notum est. p. 273.

Explicatur locus illius; Concipietis ardores, parietis stipulam; Spiritus vester, ut ignis, vorabit vos. ibid.

Ex his ipsis verbis à Iesuita corruptis grauitè ille increpatur, & salubriter admonetur. ibid.

*Errata in Tomo primo.*

P Ag. 1. lin. 21. appone punctum ante, Episcoporum. ibid. lin. 3. ante fin. omnia l. omina. pag. 3. lin. 11. ant. fin. potest. l. protest. p. 4. lin. 25. discerptas. l. discerpas. ibid. lin. 10. ante fin. emmiosa. l. omnia. p. 7. lin. 17. ant. fin. saret. l. faret. p. 8. lin. 8. prauaricationem. l. prauaricationem. p. 17. lin. 19. Episcopus. l. Episcopatus. p. 19. lin. 20. dicacitatemque dele que p. 24. lin. 22. secularis. l. secularia. p. 25. lin. 2. numeri. l. moneri. p. 28. lin. 13. ant. fin. superbijs metaris. l. superbia metris. p. 30. lin. 4. ant. fin. illudque, dele que. p. 31. lin. 9. ant. fin. Paulo enim. Appone virgulam tantum ante Paulo. p. 32. lin. 18. facere. l. fecere. p. 35. lin. 8. ant. fin. inuitatus. l. imitatus. p. 36. lin. 29. omnia l. omnes. ibid. lin. 5. ant. fin. terrarum. l. terram. p. 49. lin. 5. nec vllique. l. nec vllius. p. 65. lin. 16. ant. fin. dicas. l. ut dicas. p. 70. lin. 18. quæ regia. l. qui. p. 115. lin. 22. dependet. l. rependet. p. 121. lin. 12. & non. l. ut. p. 165. lin. 2. istud ego. l. ago. p. 178. lin. 17. ant. fin. meretur. l. meretur. p. 196. lin. 1. iudicium. l. iudicium. p. 207. lin. 16. nihil. l. nisi. p. 265. lin. 4. arguor. l. arguor. p. 271. lin. 5. ant. fin. inanitate. l. inanitate. ibid. impunita. l. improbitas.





PETRI AVRELII  
THEOLOGI. OPERVM

TOMVS SECVNDVS,

COMPLECTENS  
VINDICIAS CENSVRÆ FACVLTATIS  
THEOLOGICÆ PARISIENSIS,

SEV,

RESPONSIONEM DISPVNCTORIAM  
AD LIBELLVM .CVI TITVLVS,

*HERMANNI LOEMELII ANTVERP. &c. SPONGIA.*  
CVIVS MENDACIA, CONTVMELIÆ, IGNORANTIÆ,  
ET HERESSES NOVISSIMÆ IN

*CENSVRAM SACRÆ FACVLTATIS THEOLOGICÆ*  
*Parisiensis, aduersus librum pseudonymum Danielis à Jesu, De*  
*regimine Ecclesiæ Anglicanæ, eruuntur & refelluntur*  
*ad verbum, inserto ipso textu authoris.*

M. DC. XLII.





## APPROBATIO DOCTORVM.

**N**Ō s subscripti Sacre Theologiæ Doctores Sorbonici, testamur à nobis perlectum fuisse librum cui titulus est, *Vindicia Censuræ Facultatis Theologiæ Parisiensis seu, Responsio Disputatoria ad libellum cuius titulus Hermannii Loëmelij Antwerp. &c. Spongia, cuius Mendacia, Contumelia, Ignorantia, & Hæreses nonissimæ in Censuram Sacre Facultatis Theologiæ Parisiensis, aduersus librum pseudonymum Danielis à Iesu de regimine Ecclesiæ Anglicanæ, eruantur & refelluntur ad verbum, inserto ipso textu authoris. Authore PETRO AVRELIO, Doctore Theologo, in quo nihil deprehendimus quod aduersetur fidei Catholicæ aut bonis moribus, in cuius rei fidem subscripsimus. Parisijs die 14. mensis Martij, anno Domini 1632.*

A. DE BRED A. MEVENIER.

*SUMMA PRIVILEGII.*

**C**AUTUM est autoritate Regis, ne quis in regno Franciæ librum  
cui titulus est, *Vindiciæ Censuræ Facultatis Theologiæ Parisiensis aduer-*  
*sus Danielem à Jesu, & Loëmelij Spongiam, &c. Authore PETRO AVRELIO*  
*Doctore Theologo,* absque CAROLI MORELLI Bibliopolæ Parisien-  
sis permissu intra sexennium imprimat aut diuendat, si quis secus fece-  
rit, quingentarum librarum summâ, & exemplarium confiscatione  
multabitur, prout ampliùs in ipso diplomate continetur. Datum Ruel-  
lij die 23. Martij, anno 1632. Sic signatum,

GAVITIER.





# PROPOSITIONES COLLECTÆ EX LIBRO

QVI INSCRIBITVR, *APOLOGIA*

*pro processione S. sedis Apostolica quantum ad gubernationem Catholicorum in Anglia, durante tempore persecutionis, cum defensione Religiosi status, Authore Daniele à Iesu S. Theologiæ lectore, cum SPONGIA in Censuram.*

**R**LACVIT Censoribus, librum Danielis in quinque titulos diuidere, quasi author illa argumenta sibi tractanda proposuisset, cum tamen nihil tale sit. Nihilominus methodum quam Censura sibi præfixit, Spongia sequetur: tantum singulis titulis & titulorum propositionibus suum numerum apponemus (quod illi facere omiserunt) quo quid quolibet loco dicatur facilius inueniri possit.

## RESPONSIO.

Rectissimè Censoribus placuit in quinque titulos diuidere non *Danielis librum*, vt falsò ait Spongia, ne qua sit minima res in qua gloriari possit se fuisse veracem, sed *Danielis errores*. Placuit autem non alià causà quàm solius ordinis, ne Censura confusa & dissipata ferretur, si rudem & indigestam errorum congeriem, quo situ in Apologia Danielis occurrunt, effunderet. Et si enim Danielis libro suus ordo constat, non tamen vllus est Danielis erroribus, qui toto opere marinorum instar fluctuum, quà ventus & æstus rapit, temerè ac sine lege vagantur; & quasi lolium in infelici segete, promiscuè hinc inde prorumpunt. Meritò igitur omissa serie tam incondita & temeraria, quæ & Lectori & rebus ipsis fœdam noctem offudisset, non solum materias alias alijs permiscendo, sed etiam errorum eorundem damnationes sæpius iterari cogendo, prout eos interdum Daniel non vno loco inculcat; titulos construi placuit velut indices ac summulas, in quas quid in quamque materiam Daniel & socij peccauerint, perspicuè & vno quasi obtutu cernatur. Hic mos est omnium qui quippiam à libris excerpunt, vel ad leuamen memoriæ, vel ad rerum quas legerunt expressiorem inspectionem. Sic postremò Christus ipse in vltimo iudicio è tam multiplicibus hominum gentibus toto orbe diffusis, colligi primùm iubebit



Matth. 13.  
30.  
S. Greg. lib.  
4. Dial. c.  
35. Idem  
l. 9 Moral.  
in Job. c. 39

ab Angelis zizania & colligari in fasciculos ad comburendum. Messores quippe Angeli, inquit Gregorius, zizania ad comburendum in fasciculos ligant, cum pares paribus in tormentis similibus sociant, ut superbi cum superbis, luxuriosi cum luxuriosis, auari cum auaris, fallaces cum fallacibus, invidi cum invidis, infideles cum infidelibus ardeant. Sicut ergo in illo iudicio hominum fasciculi per Angelos fient, ut damnandi pares cum paribus sociati comburantur; ita in hoc doctrinarum iudicio, fasciculi per Parisienses Theologos, veritatis nuncios Angelosque confecti sunt, ut damnandi errores pares cum paribus sub suo quique titulo colligati, iustissimæ Censuræ ignibus absumantur.

## TITVLVS I. DE ECCLESIA.

### PRIMA PROPOSITIO.

Ex Cap. I. Num. 2.

*Falsissimum est, ac in consequentia periculosum, quod particularis Ecclesia sine Episcopo esse non possit.*

### CENSURA.

Ista Propositio intellecta de particulari Ecclesia perfecta, est falsissima, in consequentia periculosa, temeraria, scandalosa, ordinis Hierarchici destructiua, populo Christiano nociua, traditionis Apostolicæ, & successionis Ecclesiasticæ fundamentum conuellens.

2. Propositio, Ex Cap. 1. Num. 3. & 4.

Si particularis nulla Ecclesia esse possit sine Episcopo particulari, certè vniuersalis existere non potest, sine vniuersali Episcopo, &c. Et postea; Verba in definitione non significant actum, sed aptitudinem rei: Si quis dicat hominem esse eum qui discurret, sensus est, qui natura aptus est ad discurrendum, &c. Et paulò post; Eodem modo Ecclesia dici potest multitudo Christianorum gubernata per Episcopum, id est, ita disposita & vnita in fide Christi, ut possit habere i piscopum, & opus habere Episcopo, & parata sit animis, apta & preparata ad illum accipiendum cum legitimè mittitur.

### CENSURA.

Ista Propositio est captiosa, & in hæresim inducit, in quantum omittit obligationem quam habet vniuersalis Ecclesia, ut sibi provideat quantocyus de capite.

### SPONGIA.

Diogenes, ut puerum interti parentis periculosè petulantem, lapides quippe in conferiam virorum turbam temerariè iactitantem, compeceret, COHIBE manum, (inquit) ne fortè lapis in tuum incidat patrem. Hoc monitum si quis tempestiue Richeristis Sorbonicis suggessisset, fortassis manum continuissent, ac consideratius Censurarum suarum duriora saxis verba iaculati fuissent, metu ne suum nescij patrem seuo aliquo ictu mactarent. Proprio enim, ac ceteris Catholicis non commu-

in patre gloriantur, Ioanne Gersone olim Cancellario suo, quem tanti faciunt, ut eum summo omnium Patri præponant, vel \* opponant. Huius non semel caput nescientes suis Censuris petunt, maximèque his duabus primis.

a Card. Po?  
ren. Ha-  
rang. pag.  
26.

RESPONSIO.

Malum omen est, quod primum Spongiæ nomen, profanum nomen est, stultique hominis nomen, si vera credimus Christianæ religionis dogmata, & luculentissimum Apostoli iudicium, qui primo primæ principisque Epistolæ suæ capite, Philosophos & sapientes omnes Ethnicos, dicentes se esse sapientes, stultos factos esse pronunciat. Cum SS. Patres, & horum exemplo probi omnes Theologi, ab aliquo diuinæ Scripturæ oraculo sermonum disputationumque suarum ferè ducant exordia, ut hoc fundamento quicquid dicturi sunt superstrui denuncient, & lucis ac benedictionis aliquid in ipso operum suorum aditu à Spiritus sancti eloquio eliciant; Contra Iesuita Spongiæ opifex, videtur à sententia initium petiisse, non profana solum, sed fœda etiam & abiectissima Ethnici Philosophi, Philosophorum Ethnicorum impudentissimi, cui impudentia caninum Cynici nomen fecit; ut præmonstraret illicò fœtum suum, Spongiam suam, neque à pietatis, neque à pudoris, neque à gratiæ aut modestiæ genio natum esse. In ipso pene vestibulo, totius interioris operis velut specimen faciémque proposuit, reiectis scriptura & SS. Patribus, stultitiam aucupans temeritatémque Philosophorum, qui potius *humana sapientia verba*, D. Paulo admonente, reijcere debuerat, & *spiritualibus spiritualia comparare*. Sed quoniam è culpis omnibus & erroribus hominum gloriam exsculpit Deus, Iesuita à sapientia Dei aberrando, scriptura vna contempta, alterius scripturæ veritatem clariorem fecit, *sapientiam huius mundi stultitiam esse apud Deum*, neque apud Deum tantummodo, sed plerumque etiam apud homines. Nam dictum istud Diogenis sine mente prolatum esse dico pluribus de causis.

Rom. 1.

1. Cor. 2.

1. Cor. 3.

Primò, quia Gerson non pater Sorbonæ, sed filius est, cum eum ipsa extulerit & effuderit ex se, perinde ut tot alios illustres homines, quorum famæ ac præstantiæ magnitudine ipsa orbi conspicua & venerabilis effecta est, ut tantorum filiorum tanta parens. Hanc ipsimet talem agnoverunt, ut videre est ex professione ista, quam quidam ex ijs primarius operis sui pene primarij fronti præfixit: *Si in hoc opere, vel alio in lucem emisso, vel emittendo erraui, sacrosanctæ Romanæ Ecclesiæ, & alma Facultatis Parisiensis matris meæ acquiesco iudicio; & quod illa approbant vel reprobant, hoc ipsum approbo vel reprehendo*. Non igitur ipsius est illos audire, sed ipsorum illam; nec ab illis approbari, sed illos approbare vel reprehendere, ut ipsimet confitentur: Non enim plus ijs honoris debet, quam Ecclesia Catholica ijs quos patres agnoscit suos: quibus tamen non penitus adhærescit, nisi cum per eorum consensum Ecclesiæ vniuersæ fidem, & Spiritus sancti lucem introspectit.

Ioannes  
Maior  
pref. in 4.  
sent.

Vid. Angl.  
op. 3. &  
passim ali-  
bi.

Deinde quia si verum est Sorbonam pro parente suo habere Gersonem, & quidem eo parente gloriari, ut scribit Iesuita, quod illa tamen

A ij

Job. 5.

nunquam adhuc fecit; ineptissimè secum ipse pugnat, dum puero incerti parentis eam confert, ut scilicet ipsam pro spuria circumferat. Si enim Gerson parens eius est, ergo parentem certum habet; si nouit, si gloriatur illo, moneri non debuit ne ipsum nesciens feriat, sicut ille puer qui parentem ignorabat. Quare Diogenis dictum alienissimum est, & à Iesuita contra suam ipsius mentem impactum, Deo *sapientes in astutia eorum comprehendente*, præcipuè Christianos, maximèque Religiosos, qui sapientia Dei derelicta, Philosophorum secularium sapientiam quasi siliquas deglutunt.

Sed longè deterrimum in apophthegmate isto est, quod Sorbonæ obliquè insultat, quasi spuria, ac vulgo genita, cui ignotus ipse parens. Nec enim respondere satis est, Iesuitam hoc noluisse, aliò collimasse: quia æquiucis versutè ludere vulgarem famosamque ipsius, & Sociorum ipsius artem esse quis neget? satisque iam patet tot illis exemplis quæ superius attigimus, hunc ipsum Spongiæ confarcinatorem, voces istiusmodi ambiguas studiosè quasi aconita fallacia disperxisse, selectas ex industria, & ita intextas ut lectoribus innuant, quod ore patulo profari frons eius ipsa non ausa est. Hinc Sorbonam ait *Gersone parente gloriari*. Sed *parente proprio, & cæteris Catholicis non communi*, quasi Sorbona ex Gersone prognata sit, generatione quadam à cæteris Catholicis diuulsa & dissipata; neque ex communi patre fidelium, sed ab alio seorsum patre, velut ab adultero stipite, prodierit.

Quod si etiamnum clamat circumueniri se, falsa que inuidia premi; profectò sequentibus verbis, apud æquos iudices, qui stylos spiritusque illos ipsius, & sodalium ipsius nouerint, conuicta hærebit. Addit enim Theologos Sorbonicos, Gersonem *patrem* illum suum *proprium, summo omnium patri*, non solum *preponere*, sed etiam *opponere*. Quod quid tandem aliud est, nisi eos patrem habere proprium, ex quo sint geniti generatione quadam non diuulsa solum, sed etiam opposita communi parenti fidelium; proindeque illo natos esse ut nothos, ut spurios, ut similes puero Diogeniano? Primam verò, antiquissimam, florentissimam Ecclesiæ Catholicæ Facultatem præstigijs istis verborumque simulactis tam furiosè pulsare, tantæ audaciæ est, ut non nisi in hominem animi plenissimum, mentis inanissimum, cadere posse videatur. Rectè saltem talis portenti artifex seipsum contulit Diogeni, quia minimè dubium est, quin solo hoc facto illud ipsum cognomentum quod Diogeni impudenti peperit, magno iure mereatur, audireque in posterum debeat *Iesuita Cynicus*.

In vindic.  
Kemp. 64.

Cæterum non solum grauissimè violat Facultatem Theologicam Parisiensem, similitudinem ei tam obscenam malignamque incutiens, sed etiam Gersonis memoriam offundit improbè, quem Rosuueyus ipse Iesuita *virum per totum orbem celeberrimum* prædicat, cui in Ecclesia superstes est fama non solum doctrinæ, sed etiam pietatis eximiae, qui cum per omnem vitam quasi quoddam virtutis exemplar effulisset, & tot tantisque officijs Ecclesiam & Sedem Apostolicam temporibus turbulentissimis, atque in medijs schismatum tempestatibus affecisset,

*ADVERSUS SPONGIAM LOEMELII.* *S*  
quantis ab vno aliquo homine affici queat, in summa denique sancti-  
tatis opinione extinctus est, vt testimonia eius Operibus præposita te-  
stificentur.

Offendit etiam Eminentissimum Cardinalem Perronium, quem  
ascripsit ad marginem, quasi autor esset Gersonem à Facultate Parisien-  
si summo patri fidelium *vel praponi vel opponi*. Nam nihil est eiusmodi  
in illa quam citat oratione ad tertium Regni Ordinem, vt ex ipsa loci  
lectione perspicitur. Nimis ille hanc Facultatem coluit, vt talia scribe-  
ret; imò calumniarum hoc genus ab ea deterfit, cum in ipsam non ab  
Anglis Iesuitis, sed ab ipso Anglorum Regis, Ecclesiæ Catholicæ ho-  
stis interprete, quamuis in re alia, fingerentur.

*Resp. ad  
Regē Ang.  
l. i. c. 8.*

Porro fraudulentia ista in ipso limine Molinistici operis deprehen-  
sæ præiudicio iam nunc magno esse debent ad eas quæ in posterum vn-  
dequaque patebunt. Vt enim Iesuita Sorbonam falsò criminatus est ad  
Gersonem quasi ad proprium patrem spurio vinculo adhesisse; ita falsò  
eandem arguit ab eodem in primis Censuræ capitibus per errorem re-  
cessisse, quemadmodum sequenti responsione, Deo duce, declara-  
bitur.

### SPONGIA.

*V*tramque enim propositionem quam damnant, his ipse Gerson in terminis, toti-  
dem penè ac Daniel verbis tradit tom. 1. Operum col. 438. tractatu qui dicitur, *Li-  
bellus articulorum contra Petrum de Luna*. Cuius secundus articulus est, *Unitas  
Ecclesiæ non sic dependet à persona Papa essentialiter, quin possit manere vna, vt  
manet de facto, quando nullus est Papa*. Tertius Articulus: *Quamuis Vnitas  
Ecclesiastica essentialis sit ad primarium caput Christum; nihilominus vnitas altera  
accidentalis vel secundaria consistit in obedientia ad vnum summum Pontificem, sic  
quod quilibet Catholicorum debet habere promptitudinem seu præparationem animi  
ad obediendum vni Summo Pontifici, dum constiterit sibi, aut constare debuerit,  
quòd sit Papa aliquis legitimè electus*. Hic vides Gersonem eadem omnia affirmare  
qua author. Primò, Ecclesiam posse manere sine Papa, siue Episcopo vniuersali. Se-  
cundò, De facto manere, & existere quando nullus est Papa, seu vniuersalis Epif-  
copus. Tertio, Vnionem ad Episcopum qua constituit Ecclesiam, non esse actua-  
lem, sed sufficere eam qua consistit in promptitudine & præparatione animi. Quarto,  
Denique (quod est plus aliquid quam author expresse dixit) Ecclesiam sine Episcopo  
non solum manere posse, sed etiam manere vnā atque adeò perfectā, quia Vna  
est perfecta mea. O male auspicatos Censores qui primo impetu in suam scho-  
lam, suum Cancellarium inuolant! eius assertionem velut falsissimam, periculosam,  
scandalosam, ordinis hierarchici destructiuam, populo Christiano nociuam, dam-  
nant! & qua traditionis Apostolica, & successionis Ecclesiastica fundamenta con-  
uellit! cerè est aliud in Gersone aliquid multo, quàm hoc falsius, & seuera Censura  
dignius.

### RESPONSIO.

Miror audaciam qua scribere non metuis, vtramque Propositionem  
tuam ipsum Gersonem in terminis, totidem penè ac Danielelem verbis tradere.

A iij



Quod enim ad primam attinet, Gerson apertè loquitur de *persona Pa-*  
*pa*, sine qua docet Ecclesiam stare posse, hoc est, sine persona Clemen-  
 tis aut Gregorij, vii per se manifestum est, nec ulli homini dubium. At  
 Daniel loquitur de Episcopo absolutè, hoc est, tum de persona, tum de  
 potestate Episcopali, & sine vtraque Ecclesiam manere posse asserit,  
 quemadmodum sine illis Ecclesiam Anglicanam ait verè fuisse Eccle-  
 siam particularem, antequam Episcopus Chalcedonensis ad eam missus  
 esset, adeoque futuram etiam particularem Ecclesiam, quamvis Epis-  
 copalis eius auctoritas tolleretur. Atque hoc eodem sensu intelligit Ec-  
 clesiam vniuersalem esse posse sine vniuersali Episcopo, id est, non so-  
 lum sine persona, sed etiam sine authoritate vniuersalis Episcopi. Alio-  
 quin imperita æquiuatione sese inuolueret, & sine vlla veri specie  
 probare aggrederetur Ecclesiam particularem, sine persona, & sine au-  
 thoritate particularis Episcopi stare posse, quia Ecclesia vniuersalis  
 stare possit sine sola persona, non tamen sine authoritate & potestate  
 Episcopi vniuersalis. Eligat igitur duarum ineptiarum alteram, aut se  
 insulam fallaciam necere, dum probandum suscipit Ecclesiam parti-  
 cularem esse posse sine particulari Episcopo, quia Ecclesia vniuersalis  
 sine vniuersali Episcopo esse possit: Aut apertè fateatur, sicut particu-  
 larem Ecclesiam sine persona, & sine potestate particularis Episcopi  
 esse posse putat; ita vniuersalem Ecclesiam, tum sine persona, tum sine  
 potestate vniuersalis Episcopi esse posse. Quæ sine dubio execranda hæ-  
 resis est, vniuersalis Ecclesiæ caput radicitus extirpans, eademque ope-  
 rà totum Ecclesiæ corpus à fundamentis euertens. O Iesuitam prima  
 statim Spongiæ suæ impactione felicem! Censuræ irasum, perniciosum  
 sibi, tamquam in eam acerbius sauiat, si ipse pereat, & damnatos errores pu-  
 rius eluat, si hæreses infandas aspergat.

Cæterum ut in prima propositione eum affirmare non pudit, idem  
 à Gersone quod à Daniele in terminis iradi, quamvis contrarium aper-  
 tissimè liqueat; non pudit etiam in secunda propositione mediam  
 partem verborum Gersonis abscindere, ut eum in suam sententiam vel  
 inuitum pertraheret. Nam Gerson non dicit, sicut ipse, ad conseruan-  
 dam veram vnitatem Ecclesiæ *sufficere promptitudinem & præparationem*  
*animi*, seu paratum esse obedire vero Episcopo, postquam legitimè ele-  
 ctus fuerit; sed continuò subiungit, *Et præterea secundo requiritur quod non*  
*ponat scienter impedimentum commissiue vel omissiue, ne præficiatur Ecclesiæ Dei*  
*vnus Papa certus & legitimè electus.* Quæ verba fraudulenter resecta fue-  
 runt à Iesuita spongioso & rimoso homine, quia eorum oculos feriunt  
 qui Episcopum Angliæ præfici nolunt. Nec tamen est quisquam Ca-  
 tholicus qui negare possit, eum qui electioni veri Pontificis impedi-  
 mentum affert, atque ita schisma fouet, schismaticum esse, & ab Eccle-  
 sia extorrem, etiamsi verè proponat animo Pontificem agnoscere, si-  
 mul atque legitimè electus fuerit. Vnde cernitur propositionem Da-  
 nielis sapientissimè notatam esse à Censoribus, *ut captiosam, & in hæresim*  
*inducentem, in quantum omittit obligationem quam habet vniuersalis Ecclesia, ut*  
*sibi prouideat quantocyns de capite.* Nam hæreticus indubius est, quisquis

putat ad seruandam Ecclesiæ unitatem, atque ad manendum in Ecclesia vniuersali, satis esse vel subiicere se legitimo Pontifici quando electus fuerit, etsi interea eius electio interturbetur, & schismati prorogando seruiatur. Hoc tamen Daniel docere visus est in Apologia, multoque iterum clarius in Spongia, dum verba Gersonis iam citata resecuit, tanquam ad custodiendam Ecclesiæ unitatem nihil aliud exigatur, quam prompto animo esse ad suscipiendum Pontificem quando legitime electum esse constabit. Videtur autem Spongia verba illa Gersonis amputasse, quia illis sensit Daniele iugulari, atque argumentum illud ipsum, quod ille ab Ecclesia vniuersali contra particularem venatur, in ipsum vehementius retorqueri. Nam cum ille argumentetur Ecclesiam particularem, sine Episcopo particulari manere posse, quia vniuersalis Ecclesia sine vniuersali Episcopo manere potest; Nos contra in ipsum regetimus, particularem Ecclesiam non posse consistere sine Episcopatu particulari, quia vniuersalis Ecclesia consistere non potest sine vniuersali Episcopatu; & sicut ad permanendum in unitate Ecclesiæ vniuersalis, non sufficit paratum esse vniuersalem Episcopum admittere cum primum electus erit, sed præterea procuranda est quantum licet eius electio, illiusque obices amouendi; similiter ad manendum in particulari Ecclesia, non satis esse habere penitus in animo particularem Episcopum admittere quodcumque legitime fuerit electus; sed præterea procurandam esse pro cuiusque viribus eius electionem, aut ei ad minimum nulla ratione obstandum. Iudicet iam Lector quid mentis sit in Spongia, & quàm sobria sit illa iactatio, *Hic vides Gersonem eadem omnia affirmare, quæ author.*

Neque verò nugis istis contenta est, sed eum præterea docentem inducit, *Ecclesiam sine Episcopo non solum manere posse, sed etiam manere vnā*, hoc est ipsa interprete, *perfectam quia*, inquit, *vna est perfecta mea*. In quo mihi aduersariorum, lectorumque omnium risus captare videtur. Ito enim pacto homo præcisus tibijs, quia vnus est, non duo homines, homo perfectus erit. At nemo glossemā istud planius refellit quàm ipse Gerson, qui disertè ait, *si vsque ad consummationem sæculi, aliquis certus & vnicus Papa Ecclesia non præficiatur, Ecclesia maneret imperfecta vsque ad consummationem sæculi, nec suorum gauderet integritate membrorum, & præsertim membri principalis*. Atque hoc in eo ipso libro, vnde anīa arrepta est, qua ei quoad materiam Pontificiam inuidia crearetur. At is vsque adeo putat Ecclesiæ unitatem à Papa pendere, vt etiam Papa mortuo, Ecclesiam hoc solo vnā manere censeat, quo Papalis authoritas in ea remanet: *Status Papalis*, inquit, *non omnino vacat seu deficit per mortem Papæ naturalem vel ciuilem, nec per consequens Ecclesia desinit esse vna*. Et clariùs alibi, *Status Papalis institutus est à Christo supernaturaliter & immediatè tanquam primum habens Monarchicum & regalem in Ecclesiastica Hierarchia, secundum quem status vnicum & supremum, Ecclesia militans dicitur vna sub Christo*. Cum ergo Pontificatus sede vacante in Ecclesia non sit perfectò modo planeque completo ex Christi institutione; sequitur ex Gersonē Ecclesiam vniuersalem non esse tunc perfectè vnā, sed deesse aliquid ad integram,

*Tract. de  
aufer. Pap.  
confid. 20.  
tom. 1.*

*Tom. 1.  
tract. de  
stat. Eccles.  
confid. 2.  
16. confid.  
1. de statu  
sum. Pen.  
156.*

# 8 VINDICIÆ CENSURÆ SORBON.

& perfectam eius unitatem. Neque sane Catholicus quisquam est qui non videat illam tum multo perfectiùs vnā esse, quando caput habet à quo actu foueatur, regatur, ornetur.

Hinc iam patere opinor, quid iudicari debeat de Iesuita machinato-  
re Spongiæ, & de illis exclamationibus, quas post loca ista Gerlonis ef-  
fundit, quasi in currum triumphalem elatus: *O male auspicatus Censores*  
*qui primo impetu in scholam suam, suum Cancellarium inuolant, &c.* Difficile  
dictu est Theologiam eius, an Logicam, an Rhetoricam, potissimum  
miserari debeamus.

## SPONGIA.

Quanto sapientius Aristarchi nostri sua Censura notassent propositionem D.  
Kellisoni sua scholæ, & Cancellario è diametro aduersantem, unitatem & existen-  
tiam Ecclesiæ dependere ab Episcopi existentia essentialiter, Quia Ecclesiæ (inquit)  
est plebs Sacerdoti suo adunata. Quomodo autem adunata esse potest  
Episcopo suo, si nullus eius Episcopus existat? Item Reuerendiss. Chal-  
cedonensis libello qui dicitur Inquisitio pag. 31. lib. 28. Quomodo, inquit, po-  
test illa Ecclesiæ esse vnita Episcopo quæ non habet Episcopum? siqui-  
dem vnio supponit rem illam existerē, cui altera vnitur. Et iterum pag.  
32. Carere Episcopo merè negatiuè, facit non Ecclesiam, quia Ecclesiæ  
est plebs politiuè vnita Episcopo, vt est euident ex illis verbis Cypria-  
ni; Plebs Sacerdoti adunata. Nec minus author Replicæ ad discussionem pag.  
27. Populus qui vacat Episcopo siue sua culpa, siue non, quacumque tan-  
dem ratione vacat, non est Ecclesiæ, quia quacumque tandem via vi-  
duatur Episcopo, iam non est plebs vnita Episcopo, sicut corpus erit  
truncum, quacumque tandem de causa aut modo capite careat. Isti fa-  
ciunt Ecclesiam defectibilem, & vnā cum Episcopis mori & interire, vt si verum  
dicerent, sepe Ecclesiæ nulla esset, contra Christi promissum futuram in mundo  
omnibus diebus vsque ad consummationem sæculi. Nam si non sit, nisi  
vnita Episcopo sit, nec vnita Episcopo esse possit, quando ille non existit, sequitur  
quando nullus est Papa, Ecclesiam vniuersalem nullam esse. Hæc inquam, Censores  
notassent stigmate, Danielis propositionibus omisiss, nisi eos ad ferendam Censuram  
alia causa quàm veritatis studium commouisset.

Matth. 28.  
v. vii.

## RESPONSIO.

Non est moris Catholicis Censoribus respicere quid ex doctrinis  
quas probant vel reprobant, humana ratio argumentando inferre  
queat. Quàm enim proximè possunt, ad lumen fidei se applicant,  
quam non discursiuam, sed intuitiuam esse sciunt, quippe luminis glo-  
riæ specimen & imaginem. Atque hoc differunt à Philosophis qui in  
ratiocinando toti hærent. In hoc ipso discrepant ab hæreticis, qui con-  
secutionibus istiusmodi speciosis, & plausibilibus fidem semper arro-  
dere, & ridiculam exhibere conantur. Ita Censores rectè probarunt  
propositiones Kellisoni, hoc ipso quo contrarias Danielis notauerunt,  
etiamsi coniectaria quæ Spongia nunc obiicit, inde trahi posse perspi-  
cerent. Quæ profectò quamuis refellere non possemus, non ideo

Aug. 1. 22.  
de Ciu. c. 29. & sa-  
pe alibi.



discedendum esset à doctrina, traditione, & consensione perpetua Ecclesiae fundatissima. Sic enim antiquam maiorum fidem non continuo deserimus, etsi haeretici non pauca illinc inferant, quae doctissimis etiam hominibus negotium facere videmus. Nam difficultates, & quasi nebulae istae humano sensu concitatae, sunt velut tentamenta quaedam, quibus fidem & humilitatem nostram probari vult Deus. Quamquam Spongiae subtilitas non usque adeo ineluctabilis est, quin retundi posse videatur.

Nam eius argumentandi forma est fallax, & perpetuo illo æquiuvoco nititur, quo totam rem istam implicuit. Sic enim agit, quasi diceretur, personam Pontificis essentialem esse Ecclesiae, v. g. personam Clementis aut Gregorij. Quod nulli unquam Theologo venit in mentem, neque tam fidei, quam sensui communi reclamatur. Hoc planè dicitur Episcopatum Ecclesiae essentialem; hoc est, potestatem auctoritatemque Pontificalem, quae nunquam neque moritur, neque vacat. Hoc sensu videlicet intelligendae sunt propositiones istae: *Episcopus est pars essentialis Ecclesiae; Ecclesia non potest esse sine Episcopo*; quemadmodum ista intelligi solet: *Regnum sine Rege esse non potest*. Sensus enim est regnum sine regio dominatu esse non posse, non autem sine certa persona Regis. Eundem in modum vulgò dici solet, *nunquam mori Reges*, id est, potestatem & dignitatem regiam. Nemo enim ita desipit, ut Regum personas immortales esse putet: Ista igitur argumentandi ratio est sophistica, & in æquiuvoco peccat, quod Dialectici vocant, à sensu formali ad materialem, cum materia pro forma supponitur.

Alioquin innumeræ sanctorum Patrum, & Ecclesiae propositiones falsae forent. Veluti cum Patres & Concilia dicunt Petrum semper in throno sedere, & de Ecclesiae controuersijs pronunciare; non hoc dicunt, personam Petri semper in Sede Apostolica insidere, sed eius auctoritatem & Episcopatum in ea manere semper, & Ecclesiam regere. Sic Paulus ad Corinthios scribit se eorum conuentibus interesse, *absentem corpore, praesentem autem spiritu*, ut una cum ijs potestate sua utatur, *In nomine Domini nostri Iesu Christi*, inquit, *congregatis vobis & meo spiritu*, cum *virtute Domini nostri Iesu*: quia auctoritate sua Apostolica intererat & praerat iis quae ab illis agebantur. Sic Christus manere se dixit cum Apostolis, *usque ad consummationem saeculi*, non quasi personae Apostolorum mansurae essent usque ad saeculi consummationem, sed quia spiritus & auctoritas eorum in legitimis successoribus eorumque permanent. Mirum est cum Iesuitam qui 34. Episcoporum cœtum, & primam orbis Facultatem docendos, & redarguendos suscipit, nescire talia, & in principiis tanti momenti hesitare, sine quibus fidem ab haereticorum machinis vindicare non possumus.

Ex his patet quàm veræ sint, & Ecclesiae doctrinae consonae Kellisoni aliorumque Doctorum Anglorum propositiones, quae Spongiae, iudici nimirum seuerissimae, Censura dignae videntur; & quàm imperitè ex iis inferre velit, *Ecclesiam fore defectibilem, & unam cum Episcopis morituram*. Nam cum ipsi agant de statu & dignitate Episcopali, quae sem-

Vid. Concil. Chalced. par. 3. in Relat. syn. ad Leō. Et Leon. ipsum serm. 2. in anniuers. assump. lae. Et serm. 2. in natal. Apost. 1. Cor. 5. Math. 28



per actum manet in omni vera Ecclesia, etiam Episcopo mortuo; ipsa capiosè semper more suo concludit de persona Episcopi, quæ status & potestatis illius est subiectum mutabile; æquè in aliorum accusatione, quàm in sua ipsius defensione infelix.

Quantò æquius, si quid ad sapientissimam Censuram addi potest, notabitur nominatim, & vehementissimè explodetur argutatio illa puerilis de actu & aptitudine in rerum definitionibus, qua Iesuitam non pudet doctrinam Ecclesiæ stabilissimam fallaciter inaniterque concerpere. Ineptum & ridiculum res morales ad calculos, siue ad laqueos Dialecticos, aut Metaphysicos contrudere. Ineptius, imò perniciosius, & hæreticorum penè proprium, fidei Christianæ, diuinarumque institutionum autoritatem, quarum vnica propemodum ratio, vnica lex, reuelatio, & voluntas diuina est, offuso minutiarum scholarium puluere obducere, vt illis mortalium animorum oculis maiestas illius splendorque vilescat. *Miserum Aristotelem! qui istis Dialecticam instituit artificem struendi & destruendi versipellem. Miseros qui Dialecticum Christianismum proferunt. Miseros denique fideles, quibus iterum cautione Apostolica opus est, Videte ne quis vos seducat per Philosophiam, & inanem fallaciam, &c.*

## SPONGIA.

Quòd dicunt de Ecclesia perfecta, iam Gerson ipsis occurrit, Ecclesiam destitutam Episcopo posse manere perfectam non solum essentialiter, sed etiam accidentaliter. Accidentaliter enim eius vnitas, vt ait Gerson, seu perfectio, est vniri vni summo Pontifici: hac autem vnio sufficienter saluatur in promptitudine & preparatione animi, quam plebs habet vt vnatur Episcopo cum constiteris esse electum. Habere enim semper Episcopum visibilem, ita vt sedes nunquam vacet, non est perfectio debita Ecclesiæ pro præsentis vitæ statu: & ideo quando Episcopo vacat sine sua culpa, ex causis quibus obnoxia est mortalitas, non est imperfecta, quia non caret complemento quod in hac miseriarum valle congruit.

## RESPONSIO.

Si sic argumentari liceret per leges Logicæ non solum artificialis, sed etiam naturalis, sequeretur ex eo quòd homo sit mortalis in statu misero in quo nunc degit, & creaturæ omnes quas videmus, corruptibiles sint, & vanitati subiectæ, vt loquitur Apostolus; mortem non esse imperfectionem homini, neque corruptionem creaturis. Nec erit imperfectio familiæ, si qua eam calamitas pluribus capitibus deminuat, neque vrbi, si grassante pestilentia pluribus familiis minuat. Profectò non solum à communi sensu abhorret, sed etiam omninò à sensu, & si dicere fas est, à fide hominis Catholici, non esse vllam perfectionem vniuersalis Ecclesiæ, videre legitimum Petri successorem in Sede Apostolica præsidentem; nec imperfectionem, in illius orbitatem incidere. Nec video quonam modo talium paradoxorum audacissimi propugnatores, etiam gloriari audeant se primos esse patronos Papæ, & illi soliamplificando hoc genus scriptionum suscepisse. Nunquam istius-

modi Tomnium Gersonis mentem inuasit, quem tamen designare solent velut amplitudini Pontificiæ inimicum. Suprà enim ipsis eius verbis ostensum est, eum docuisse, si Ecclesia usque ad consummationem sæculi sine certo Papa esset, usque ad consummationem sæculi imperfectam fore.

Præterea falsò ei hoc loco imponit, ad tuendam vnionem Ecclesiæ cum Episcopo vniuersali sufficere *promptitudinem & preparationem animi*, ad obtemperandum ei, *cùm constiterit esse electum*. Nam Gerson exerte negat hoc sufficere, ut supra vidimus, nisi quis præterea sic se habeat ut quamprimum procurare velit pro viribus electionem Episcopi, & omnia impedimenta illius quantum potest, amoueant. Nam quia orbari capite, Ecclesiæ imperfectio est, ideo tota ipsa fertur, & properat pro instinctu & potestate sibi à Deo indita, ut eam labem reficiat quanto cyus & expleat, sicut passim Conciliorum Canones, & ex iis D. Gregorius profitetur. Quemadmodum omnes res creatas videmus impelli toto naturæ impetu ad detrimenta suæ quamque naturæ sarcienda. Ac veluti Deus homini potestatem ingenuit alios homines in locum demortuorum supplendi, ut imperfectio mortalitatis & instabilitatis humanæ compensaretur: sic quia imperfectio Ecclesiæ est illam mortalitati, & morti Episcoporum obnoxiam esse, data illi est à Deo potestas novos Episcopos identidem subrogandi, ut suos defectus ipsa perpetuò reparet, & perfectionem in qua diuinitus constituta fuit, perpetuò tueatur. Alioquin, non esset ei opus hac potestate, quemadmodum vis generatiua non esset nunc necessaria homini, nisi & damna humanæ speciei, quæ per mortem eueniunt, refunderet; neque nutritiua, nisi continuas humani indiuidui, quæ calore naturali fiunt, iacturas restitueret. Quamobrem in cælo, vbi nullus defectus aderit, vtræque istæ facultates aberunt *destructo*, nimirum *ventre*, ut ait Paulus, & hominibus effectis *sicut Angeli Dei*, qui *neque nubant, neque nubantur*, ut docet Euangelium.

Nullum igitur dubium est, quin Ecclesia morte Episcopi defectum aliquem vacuitatemque patiatur, quam ipso constitutionis & naturæ suæ impetu continuò instaurare contendit. Si enim imperfectio & defectus illius est; priuata & eximia membra aliqua hinc interdum amittere, multo magis amittere membra præcipua & capita sua, qui Episcopi sunt. Hinc est quod sancti Patres eam Episcopo mortuo viduam, pastore destitutam, sponso orbatam dicunt: sicut Christus ipse Episcoporum omnium primus, princepsque Pastorum multo antè prædixerat sua morte sponsum ablatum iri Ecclesiæ, eamque in luctu ac mœrore futuram: sed hoc inter eam, & humanas viduas interest, quod fontem quodammodo perpetuum semper in sese retinet, vnde sponsi sui absentiam supplere, & novos inuicem Episcopos sublegere possit. Istum autem fontem, & istam potestatem, ac proinde Episcopatum ipsum, tandiu seruat intra se, quamdiu successionem Episcopalem non amittit, & quamdiu statuit omnia facere, ut eam tueatur, & omnes obices nouæ electionis pro virili repellere. Si enim statuatur nullos am-

D. Greg.  
ep. 3. lib. 2.

1. Cor. 6. 13.  
Math. 22.  
30.

Vid. Concil.  
Chalcedon. part. 3.  
in epist.  
Episc. Aegypti. ad  
Leon. Imp.  
& seqq.  
Gregor. Registr.  
lib. 1.  
ep. 58.  
Sidon. lib. 7.  
ep. 5. &  
eiusdem  
Concil.  
Chalced.  
Canonem  
xxv.  
Luc 5. 35.  
Vid. Aug.  
in Psal. 145.

plius habere Episcopos, eorumque successionem sciens & volens ab-  
rumpat, cedit iure suo, statum Episcopalem perdit, iamque particulari  
Episcopatu priuata, Ecclesia particularis esse desinit. Populus quidem  
Ecclesiæ talis non ideo esse desinit in Ecclesia vniuersali, sed nullum  
amplius componit seorsum Ecclesiæ particularis corpus, quod stare  
possit per se, & perfectionem ac fecunditatem speciei suæ contineat.  
Ecclesiæ enim habentes Episcopos, in specie sua perfectæ sunt, quia  
per se stare possunt, & fecunditatem habent, qua patres filiosque per-  
petuò progenerant. Alioquin Episcopo carens Ecclesia pars solum est  
alterius Ecclesiæ particularis, neque amplius existit vt totum: velut  
Anglia dum suis careret Episcopis, & soli Pontifici Maximo, vt Pastori  
& Episcopo proprio subesset, nihil aliud erat nisi instar vnius cuiusdam  
parochiæ vnius vrbs, quæ à Romano Pontifice regeretur. Quo autem  
sensu vniionem Ecclesiæ ad summum Pontificem Gerson vocarit acci-  
dentalem, infra dicetur.

## SPONGIA.

*Disputationem hanc auctoris vocant captiosam, qua de causa diuinare non pos-  
sum, nisi fortassis quia D. Kellisonus ea ita irretiat, vt se explicare non possit.*

## RESPONSIO.

Iam superius expositum est, cur istæ Danielis ac Spongiæ proposi-  
tiones iure captiolæ vocatæ fuerint; propter æquiuationes nimirum  
& fallacias quibus implexæ sunt, in primisque propter illam quæ se-  
quenti responsione dispungetur. Quæ omnes ita sunt crassæ, & cap-  
tionibus tam stolidis, & tam perspicuis notabiles, vt potius mirari li-  
ceat Iesuitas peritos homines, & summo acumine præditos eas obucere  
potuisse, quàm verisimile sit quemquam qui Theologiam delibavit, in  
iis extricandis laborasse.

## SPONGIA.

*Quod dicunt inducere in haresim, quia omittit obligationem quam habet vni-  
uersalis Ecclesia sibi quantocumque prouidendi de capite, nimis seueri sunt, festucam in  
oculo fratris sui vident, in suo trabem non sentiunt. Adde homines argutos non ad-  
uertere auctorem, cum dicit sufficere preparationem, loqui de Plebe seu multi-  
tudine Christiana, non de tota Ecclesia, quatenus etiam Clerum inclu-  
dit. Clero enim obligatio prouidendi sibi de capite quantocumque incumbit. Plebi  
sufficit paratis animis esse electum admittere. Vnde monere Plebem sibi incumbere  
ius & obligationem eligendi suos Episcopos, potius in haresim inducit, itaque sua  
ipsi argutia capiuntur.*

## RESPONSIO.

Graue onus imponis aduersario, Spongia, stoliditates tuas pro me-  
rito patefacere. Tot enim errores pudendos, & graues intra pauca ver-  
ba conclusisti, vt eos deditâ operâ profudisse videaris. Non nisi festu-  
cam putas negare, aut dissimulare, ad retinendam vnitatem Ecclesiæ  
vniuersalis,

vniuersalis, opus esse promptissima voluntate Episcopum, quantocyus procurandi, & omnia remouendi quæ illius electionem remorentur. Quasnam fateberis trabes, si schismata festucas leuissimas existimas? Equidem nulli Catholico negare fas est hæresim certissimam esse, si quis dixerit eum qui Episcopi vniuersalis creationem impedit, aut moras nectendo alit schisma, vnitatem Ecclesiæ sat tueri, dummodò Pontificem paratus sit agnoscere, quando electum esse constabit. Hæc autem est illa hæresis, in quam absoluta propositio Danielis, & verborum Gersonis suppressio, qua Spongia veteratoriè vsa est, mentem Lectoris trahit, vt antè declaratum est.

Secundò, nescio quid Iesuitæ in mentem venerit respondere Danieli loqui de plebe, seu multitudine Christiana, non de tota Ecclesia, quatenus etiam Clerum includit. Quasi ad constituendam Ecclesiam particularem sufficiat multitudo laicorum paratorum accipere Episcopum, quando legitime electus est. Quod profectò nemo Catholicorum sentire potest sine horrendo crimine. Daniel enim Ecclesiam definit, *Multitudinem Christianorum paratam animis ad accipiendum Episcopum, cum legitime mittitur*. Hic autem per Spongiam exponit se hoc intellexisse *de Plebe seu multitudine Christiana*, non etiam de Clero. Dicit igitur multitudinem laicorum, sine Clero esse particularem Ecclesiam, modò parata sit Episcopum legitime missum accipere. Quid hoc effugio miserius? vnā plagam declinare, vt duriores accipias? Vno errore emergere, vt fœdiore mergaris? Clarissimum enim est, errorem istum latam ad hæresim Tertulliani viam pandere, *Ecclesiam in duobus aut tribus esse posse, etiam laicis*: Quamuis Spongia, vtpote oculis carens, hoc præcipitium non vidisset, & in illud tam mente præceps, quàm animo corruisset.

*Tertull. de  
exhort. cast.  
c. 7. & de  
pud. c. 21.*

Tertiò, Multò peior hæresis est, multitudinem laicorum, Clero secluso, Ecclesiam vniuersalem conficere, modò parata sit verum Episcopum suscipere, postquam creatus erit. Cum enim sit hæresis hoc de illa asserere etiam coniuncta Clero, si quo pacto electioni vniuersalis Episcopi obstrepat, quantò magis de separata à Clero?

Quamquam tanta prauitas non cadit in Ecclesiam vniuersalem, quæ eodem Christi promisso, quo deficere non potest, tantum etiam laceris non potest concipere vt quoquo modo resistat creationi Pontificis, quia sic Ecclesia esse desineret. Possunt quidem priuati homines crimen istud admittere, & ab illa deficere schisma constantes; sed tota simul multitudo Christianorum fidelium tanti mali est incapax; ideoque ne punctum quidem temporis sponsi sui Pontificis maximi vel viuentis amorem, vel mortui desiderium abiicere potest.

Quartò, Sicut tot hæreses quibus seipsam miserè implicat Spongia non agnoscit, multò minus nouit eas quibus alios implicare vult. Quid enim illud hæreseos est, quod regerit in censores? aut quæ tandem hæresis est dicere, plebis esse, non solum Cleri *providere sibi quantocyus de capite*, vt ait Censura? Hoc enim manifestè verum est, non solum eo sensu qui sæpe iam indicatus est, vt significetur tum



Cyp. ep. 68  
aliique Pa-  
tres & Ca-  
nones pas-  
sim.

S. Greg. I. 1.  
Registr. ep. 5.

Clericis tum laicis conferendum esse quicquid possunt studij atque ope-  
re ut legitimum caput sibi quamprimum præficiatur, aut certè omnia  
rei tantæ obstacula remouenda; sed etiam loquendo de proprio ipso  
nomine electionis. Ita enim loquutus est Diuus Cyprianus: *Plebs ipsa,*  
inquit, *maximè habet potestatem vel eligendi dignos Sacerdotes, vel indignos*  
*recusandi. Quod & ipsum videmus de diuina authoritate descendere, ut Sacer-*  
*dos Plebe præsentis sub omnium oculis deligatur, & dignus atque idoneus pu-*  
*blico iudicio ac testimonio comprobetur.* Et infra: *Erit ordinatio iusta & legi-*  
*tima, quæ omnium suffragio, & iudicio fuerit examinata.* Vnde patet tan-  
tùm abesse ut sit hæresis asserere populum esse posse aliquomodo parti-  
cipem electionis Episcopi, ut hæc ipsa fuerit perpetua consuetudo,  
& disciplina Ecclesiæ veteris, quæ sine infanda hæresi hæreseos dam-  
nari non potest. Hic etiam mos erat antiquus Imperatorum, qui ta-  
meti laici, Pontifices deligebant, qui nihilominus veri erant, &  
sancti etiam Pontifices. Sic enim D. ipse Gregorius de sua promo-  
tione ad Pontificatum humillimè scribit: *Ecce serenissimus Dominus*  
*Imperator fieri simiam leonem iussit. Ea quidem pro iussione illius vocari leo po-*  
*test, fieri autem leo non potest. Vnde necesse est, ut omnes culpas ac negligen-*  
*tias meas non mihi, sed suæ pietati deputer, qui virtutis ministerium infirmo*  
*commisit.* Denique hic etiam mos est Ecclesiæ multis locis ubi Ponti-  
fices ius electionum transtulerunt in Principes, qui soli Episcopos  
eligunt loco Cleri & populi, qui olim communibus suffragijs ele-  
ctionem peragebant, quamuis eius pars multò potior & dignior Cle-  
ri esset quàm populi, ut alibi fortasse latius exponetur. Iam verò dam-  
nare hæreseos Ecclesiam veterem, sanctiss. Patres, Sedis Apostolicæ  
hodiernam consuetudinem, qua Episcoporum eligendorum ius &  
potestas hominibus laicis commissa est, nescio quid veniæ in Iesui-  
ta mereatur, & eo Iesuita, qui nihil nisi zelum in Sedem Apostoli-  
cam inanibus atque fallacibus sonis crepat; multò minus quonam  
modo post errores tam obrusos, audeat etiam insultare Centoribus,  
sua ipsi argutia capiuntur.

## S P O N G I A.

*Illud notauerim quod dicit Gerson, unionem ad vnum visibile caput, non*  
*esse Ecclesiæ essentialē, plus aliquid esse quàm author dixit, nec omnino exa-*  
*cta veritatis. Habere enim vnum visibile caput quantum est ex forma regimi-*  
*nis, est Ecclesiæ essentialē, ita ut ea forma mutari non possit, nisi Ecclesia de-*  
*struatur. Tamen habere visibile caput semper actu existens, non est Ecclesiæ es-*  
*sentialē. Vnde Richerista ex eo quod Ecclesia, Sede vacante, existat sine Papa, ma-*  
*le inferunt formam Monarchici regiminis non esse Ecclesiæ essentialē. Nam Sede*  
*vacante potestas vnius visibilis capitis non omnino deficit, sed manet in ijs qui tan-*  
*quam Vicarij illius gubernant.*

## R E S P O N S I O.

Erubescere, si potes, fœda ista in Gersonem ingratitude, cuius ope-  
râ postquam vltima es in extrema egestate tua, cum quid responderes non

haberes; nunc eum à te reiicis, falsis etiam criminibus impositis, quem charitate saltem mutua defendere debueras, si cuius iniqua insultatione premeretur. Nimirum puduit te in materia Pontificia non aliam defensionem expromere potuisse, quàm ex eius penu, quem & tu, & tua Societas, quasi Pontificiæ authoritati infestum traducere conamini. Vt te igitur eius sententiæ simules non vndique consentire, repentinum crimen affers, quo eum Ecclesiæ Monarchiam euertere voluisse insimulas. Sed hæc calumnia improbissima est, nec solum ingrata, sed etiam improuida & temeraria, cum prospicere debueris eam funditus elui, & expungi posse, non fœda Spongia, sed Gersonis ipsiusmet clarissimis vocibus: quem de Pontifice & de Ecclesia disserentem audi, & aures arrige: *Status Papalis, inquit, institutus est à Christo supernaturaliter, & immediatè tanquam primatum habens Monarchicum, & regalem in Ecclesiastica Hierarchia, secundum quem statum vnicum & supremum, Ecclesia militans dicitur vna sub Christo. Quem statum quisquis impugnare vel diminuere, vel alicui Ecclesiastico statui particulari coaquare præsumit, si hoc pertinaciter faciat, hæreticus est, schismaticus, impius, atque sacrilegus.* Duo docet; Primò, primatum Papæ esse Monarchicum & supremum, quasi primatum regalem. Secundò, in eo primatu fundatam esse vnitatem Ecclesiæ sub Christo, quod etiam alio loco supra testatus est, itavt etiam Sede vacante, Ecclesia suam vnitatem ab authoritate Pontificali trahat: Porro autem Monarchiam hanc Ecclesiasticam clarè docet esse immutabilem, eamque immutabilitatem ei præ quavis alia Monarchia propriam esse: *Nullam, inquit, aliam politiam instituit Christus immutabiliter Monarchiam, & quodammodo Regalem, nisi Ecclesiam.* Ac deinde multo clariùs, *Nec sufficit dicere, habemus Papam Christum, sufficit vt credamus in eum. Nam talis vnio ad Christum, etsi sit necessaria, non tamen vsquequaque sufficit, vt in ea stemus non procurando, quantum in nobis est, vnionem alteram ad vnum Vicarium suum in terris, de quo constat Ecclesia.* Nemo sine dubio est cui ista non sufficiant, non solum absoluendo Gersoni, sed etiam Spongiæ apertissimè conuincendæ, non solum quà falsò Gersonem criminatur, sed etiam quà ipsamet improbè sentit, & multo magis rea est in eo ipso in quo illum reum facit. Nam regimen quidem Ecclesiæ fatetur esse Monarchicum, & vnionem ad visibile vnum caput esse Ecclesiæ essentialem, sed semper disertè fateri fugit ad habendam istam vnionem necesse esse, vt quis electionem veri capitis procuret, quantum in se est, & quæcumque eam remorentur auferat; semperque supponit ad seruandam vniuersalis Ecclesiæ vnionem satis esse habere in animo agnoscere Papam quando electus erit, nec quicquam ampliùs exigì. Adeò in hoc saltem acuta est, quod pulchrè videat aliter teneri non posse Ecclesiam Anglicanam si careat particulari Episcopo, esse Ecclesiam particularem. Si enim in Ecclesia vniuersali esse non possit, nisi qui vniuersalis Episcopi electionem adiuuat, quantum potest, aut saltem nullum ei obicem ponit; sequitur eadem operâ, in Ecclesia particulari esse non posse, nisi qui omni ope in hoc incùbit, vt particularis

Tom. 1.  
trakt. de  
stat. Eccles.  
confid. 1. de  
statu sum.  
Pontif.

Jb.confid.2

De aufer.  
Pap.confid.  
2.

16.confid.  
20.

Episcopus eligatur, aut eius electioni nullo modo obstat. Quod cum à Iesuitę proposito longissimè abhorreat, fateri cogitur Gersonem vnionem membrorum, & ad vniuersalem Episcopum, & ad Episcopos particulares, arctiorem & magis necessarium constituere quàm ipsa faciat; & amplitudinem immobilitatémque Monarchiæ Ecclesiasticæ, multò religiosius tueri.

De vnit.  
Eccles. conf. 3.

Quod enim vnionem membrorum ad vnum visibile caput *accidentalem* vocat, non est pueriliter argutandum in hanc vocem, cum eius sententiam planissimè teneamus. *Accidentalem* enim Ecclesiæ vnitatem nominat, non ad potestatem Pontificiam, quam in Ecclesia manere docet Sede vacante, & Ecclesiasticæ vnitatis esse fundamentum; sed ad personam ipsam Pontificis, aut vt ipse loquitur, *ad vnum certum Papam*. Neque rursus vnitatem istam accidentalem vocat, nisi vt significet solum esse minùs principalem & mutabilem, deficientibus & morientibus identidem Pontificibus. *Vnitas Ecclesiæ*, inquit, *ad vnum certum Vicarium Christi quodammodo accidentalis atque mutabilis est*. Ait ergo de vnitatē ad certum & definitum Pontificem; eamque vnitatem accidentalem vocat, vt mutabilem significet pro varietate personarum in sedem Apostolicam succedentium. Atque hoc ipsum, vt eam planius discerneret ab illa altera vnione ad Christum Ecclesiæ principale caput, quam *essentialē* dicit, quia prorsus immutabilis est, vt & vnio ad sedem Apostolicam, seu ad potestatem Pontificiam semper in Ecclesia inhærentem. Etsi autem ista loquendi ratio non sit vsitatissima, non tamen longissimè abest ab ipsa consuetudine Philosophorum, qui quamuis aliquam materiam fateantur esse homini essentialē, hanc tamen vel illam materiam, aut hanc vel illam materiæ particulam ei essentialē negant, & quasi accidentalem habent, hoc est, sine ipsius naturæ interitu separabilem. Nam autoritas & status Pontificalis, stabilis penitus & immobilis, est velut anima Ecclesiæ; subiectum autem & quasi materia autoritatis illius, est persona illa cui Deus eam potestatem largitur.

Quod si Gerson non solum vnionem ad personam Pontificiam, sed etiam ad ipsum Pontificatum *accidentalem* vocasset respectu vnionis ad Christum, vt quantò *dignitas* Pontificia sit infra Christi dignitatem, ostenderet; quidnam haberet Spongia quod crimineretur? Etsi enim vnio ad summum Pontificem sit per se essentialis Ecclesiæ, & immobilis, ita vt sine ea iam Ecclesia esse desineret, vt supra dictum est: tamen respectu vnionis ad Christum, *accidentalis* dici potest, quia respectu potestatis Christi, potestas Pontificia & immutabilis est, & ab Ecclesia separabilis, non solum quia à Christo absolutè tolli potest, sed etiam quia non manebit nisi ad finem sæculi, Ecclesia verò manebit in æternum, quia Christi regnum est, qui in æternum regnaturus est, vt docent Scripturæ. Sic etsi humanæ animæ, & Angeli, per se immortales sint, tamen & D. Paulus soli Deo immortalitatem tribuit; & Angelos, atque animas respectu Dei mortales vocarunt SS. Patres multis locis. Nihil mirum quod sicut potestatem Pontificiam supra quamuis aliam potestatem Ecclesiasticam, & aduersus hæreticorum blasphemias

1. Tim. 6.  
Vid. Iren.  
l. 2. aduers.  
hæres. c. 64.  
Ambros. l.  
3. de fid. c.  
2. & c.

sustollimus, & amplificamus; ita eam respectu Pontificiæ Christi potestatis submittamus. Sic enim & ipsum Christum, quem ultra potestatem omnem ac maiestatem exaggeramus, tamen respectu patris demittimus & abiicimus; ut sicut Pontifex inferioribus potestatibus, Christus Pontifici supereminet, sic & Christo ipsi Pontifici præsit Pater, quia Paulo teste, *cum filio subiecta fuerint omnia, tunc & ipse filius subiectus ei erit qui subijcit sibi omnia, ut sit Deus omnia in omnibus.* 1. Cor. 15.

Nihil ergo causæ fuit cur Iesuita verba Gersonis reperet aduersus mentem eius, saniolem utique & magis Catholicam quam ea quam ipse præ se fert; neque cur Theologicis Sorbonicis sub falso Richeristarum nomine falsa commenta impingeret, quæ illi multò veriùs multoque magis ex animo respuunt, quam ipse, & omnes ipsius Molinistæ, ut ex supra dictis patet. Nam quod ait, *Richeristas, ex eo quod Ecclesia Sede vacante existat sine capite, malè inferre formam Monarchici regiminis non esse Ecclesiæ essentialè.* Vanissimis cogitationibus indulget, quarum similes nemo non modò Parisiensis, sed nec alius omnino Theologus antè ipsum finxit. Cur nugas spargit sua ipsa Spongia leuiore? Cur ineptissimam argumentationem iis authoribus tribuit, quorum si vnicum proferre cogatur, ne hiscere quidem poterit? Cur cogit nos se pro homine putare non solum sine fide, sed etiam sine corde, aut saltem sine ea re unde rubor emicat, cum eius guttulam tot pudendæ culpæ ex fronte ipsius durissima extundere nequeant?

## PROPOSITIO TERTIA.

Ex Cap. I. Num. 17.

*Cuius (summi Pontificis) proprium & immediatum super nos Episcoporum relinquere, ut sit particularis Ecclesia sub D. Chalcedonensis, ut D. Doctor vellet, esset relinquere substantiam, & umbram prendere.*

## CENSURA.

Ista propositio, inquantum innuit Ecclesias quæ admittunt Episcopos particulares, relinquere summum Pontificem, easque asserit relinquere substantiam & umbram prendere, est falsa, temeraria, scandalosa, & dignitati Episcopali iniuriosa.

## SPONGIA.

*In Caesaris Frederici aula inter medicos questio agitabatur, Quæ res sit quæ visum homini maximè acutum præstet? cum nonnulli feniculum, alij alia nominarent, nobilis adolescens qui intererat magno cum omnium applausu dixit, Inuidiam. Neque tamen verum dixit, nisi crasse falsa & mendacia videre acuminis pueretur, hoc visus siue oculamento, siue cacamento, collector instinctus, monstra & larvas in Danielis libro videt, Sorbonaque ostendat quas debellet; ex quibus hæc tertia Propositio, quam modo damnans: Nusquam enim author innuit, aut asseruit, populos quibus veri propriique Episcopi dantur, si illis adhaerens, deserere*



Pontificem (hoc est substantiam) & umbram prendere. Loquitur de Reuerendissimo Chalcedonensi, quem probat non esse proprium Catholicorum Angliæ Episcopum, sed ad summum, prout ipse dixit, summi Pontificis Vicarium generalem ad vniuersitatem causarum delegatum. Dicitur igitur Anglos Catholicos esse Ecclesiam, seu plebem suo Episcopo adunatam, quatenus uniuntur summo Pontifici, qui est eorum Episcopus; quatenus verò uniuntur Reuerendissimo Chalcedonensi, non uni suo Episcopo, sed ad summum Vicario Episcopi sui. Hinc (si quod D. Doctor Kellifonus vrget) relinquunt summum Pontificem, putantes quod adherendo illi non adhæreant proprio suo Episcopo, nec fiant Ecclesia; recipiant autem Chalcedonensem, credentes eum esse proprium ipsorum Episcopum, quodque ipsi adherendo, sint plebs suo vero Episcopo adunata, dicit author hos decipi, relinquere verum suum Episcopum, & admittere tantum eum qui non est Episcopus, & umbratilem si munus spectes, atque adeò relictâ substantiâ umbram prendere.

## RESPONSIO.

Obliquas stylum, & æquiuoca responsione Censuræ fraudem facis. Scripsit Daniel, imò tu ipse scripsisti, Episcopum Chalcedonensem accipere sicut Kellifonus vellet, nempe tanquam missum à Pontifice, ut sit verus Angliæ Episcopus, ut vnâ cum ipso Episcopo Ecclesia Anglicana Ecclesiam particularem conflet, esse relictâ substantiâ umbram prendere. Hac verò propositione negare non potes omnium generatim Episcoporum authoritatem excindi. Nam Kellifonus nunquam voluit, Episcopum Chalcedonensem accipiendum esse ab Angliæ Catholicis, quamuis non missum à Pontifice, ut sit eorum Episcopus, & quâuis authoritatis istius usurpatorem. Planè accipi voluit, ut eorum Episcopum, ipsis à Pontifice maximo verè missum & præfectum. Contra Daniel palam asseuerat, eum accipere, non tanquam non missum, sed sicut vellet Kellifonus, hoc est sicut missum, sicut proprium Episcopum, esse relinquere substantiam, & umbram prendere. Quare Spongia sentiens se illa vocula, ut D. Doctor vellet, premi faucibus, & manifestè teneri, eam in Apologiæ suæ Latina versione elidere maluit, quàm ab ea se elidi pateretur. O si eiusdem calami acie totum opus elisisset! nihil esset quod exprobraremus. Non enim vnus lituræ crimen, atque adeo tot prioris scriptionis crimina melius purgare potuit, quàm lituris multo pluribus, totum opus ad calcem vlque, eadem qua scripsit manu, quasi strumam resecando. Nunc verò errorem vnicum ita delet, ut asserat, non ut deleat. Delet ex Apologia; asserit in Spongia; quod in Apologia tueri non audet, in Spongia audacissimè tuetur; audacior est apud iudices, quàm seorsum apud suos. Quid insipientius? Quid minus Iesuiticum? Si interpret falsauit locum, cur in calumniam non inclamat? si cum fide vertit, cur ipsa sine fide falsat? Quid tibi faciemus, Spongia, quæ conscientiam erroris tui hîc prodis, illic negas, & tam peruerso animo eius emendationi admoues manum, ut correctio ipsa non pœnitentiam, sed malitiam; non pudorem, sed impudentiam, & obdurationem acriorem significet? si peccatum in Spiritum sanctum habetur veritati cognitæ repugnare, quid cognitum, atque

adeo sua manu emendatum errorem tueri?

Nec verò hæc sola est fraudis & effugij desperati nota; sed etiam quod ipsa locutio Danielis, si rectè perpendatur, sed à Censoribus perpenſata fuit, manifestè docet eum locutum de Episcopo Chalcedonensi, etiamſi à Pontifice in Angliam tanquam proprius Episcopus Angliæ mitteretur. Cùm enim ait Anglos qui eum reciperent, *relicturos proprium & immediatum Episcopatum Pontificis Maximi*, declarat se agere de recipientibus non suppositum, sed verum & legitimum Episcopum.

Illi enim proprium & immediatum Pontificis Maximi Episcopatum verè relinquunt, qui olim ei soli subditi. Velut Episcopo proprio & immediato, post modum alij proprio, & particulari Episcopo ab eo subduntur, vt iam Pontifici Maximo subsint, non tanquam immediato, sed tanquam mediato & supremo Episcopo, non tanquam proprio, sed tanquam generali & vniuersali totius Ecclesiæ Præfuli; eò prorsus modo quo populi principibus inferioribus sub vno summo Principe & Imperatore subiecti sunt. Quo exemplo ipsa Spongia vtitur paulò post, *Ad caus. 7.* tametsi contrarium superius apertè scripserit vt causæ seruiret: quàm ipsius intestinam discordiam nos illic castigauimus. Qui autem fictitio Episcopo adhzrent, quasi vero & proprio Antistiti, non dicuntur proprium & immediatum Pontificis Episcopatum relinquere, cùm tam generalem quàm proprium, tam mediatum quàm immediatum eius Episcopatum deserant, quia schisma faciunt, & ab Ecclesia seipſos penitus dilacerant.

Itaque torqueat se quantum volet Spongia, nunquam vim veritatis, vel potius erroris sui apud cordatos iudices effugiet. Aut enim de illis Apologia loquitur qui Episcopum Chalcedonensem admittunt vt proprium Episcopum, etsi putent non esse missum à Pontifice vt sit proprius Episcopus; Et hos ineptè dixisset relinquere immediatum, & proprium Episcopatum Pontificis, cùm omnem omninò eius Episcopatum qualemcumque deserant, vt dictum est: Aut de ijs loquitur qui Episcopum illum amplectuntur velut missum à Pontifice, & ipsis datum in Episcopum proprium, cùm antea Episcopum proprium haberent ipsum Pontificem. Et hoc dicere non potuit relinquere substantiam & vmbram prendere, quin eos omnes qui Episcopis vt propriis Episcopis suis se submittunt, relinquere substantiam, & vmbram prendere fateatur. *Non contradicas verbo veritatis vilo modo, & de mendacio Eccl. 4. 30.* *ineruditionis sue confundere.*

Deinde propositio ista scandali & offensionis plena est, quâ dicitur, recipere Episcopum, esse vmbram prendere. Vnde quamuis in re ipsa nihil haberet vitij, nec eam author mala mente protulisset, tamen iure notaretur vt scandalosa & dignitati Episcopali à Deo in Ecclesia constitutæ iniuriosa, quemadmodum à Censoribus notata est.

Denique turpissimum est Molinistas imitari hæreticos, qui Christo dicente se nobis tradere corpus suum, voces eius ita exponunt, quasi vmbram nobis solummodo figuramque sui corporis dederit. Cùm enim Pontifex suo Breui declaret se Angliæ Catholicis dare Episco-

pum; isti interpretantur ipsum illis dare solam umbram Episcopi; eodem scilicet errore peccantes in Episcopum, qui vinculum externum est unitatis Ecclesiæ, quo hæretici in Christum peccant, qui eiusdem unitatis in Sacramento sanctissimo internum vinculum est; & eadem ingratitude Pontificis Maximi Christi vicarij munus deprimentes, qua hæretici Christi ipsius munus extenuant.

Secundò imitantur hæreticos, Quia sicut hæreticis mos est, quo securius & tutius sua venena diffundant, sub propositionibus externa facie & reuera falsis, veros sensus includere, ut si earum perspicua falsitas in odium, & reprehensionem incurrerit, eam illa obscuriore & fraudulentè abstrusa veritate tudentur ac vindicent. Ita isti cum Episcopum Chalcedonensem, & unà cum eo Episcopalem potestatem in contemptum Catholicorum Angliæ adducere cuperent, scripserunt & ediderunt, relinquere proprium & immediatum Episcopatum Pontificis, & Episcopum Chalcedonensem accipere, sicut Kellifonus vellet, esse relinquere substantiam, & umbram prendere; sensum interim alium in eandem propositionem abdentes, nulli menti facilè peruium, quo eos frustrarentur & eluderent, qui perspicuam eius propositionis enormitatem insectarentur. Adeò non errores solum cum omnibus hæreticis, sed eodem etiam cum iis spiritu pepererunt.

#### S P O N G I A.

Quid hic dicitur quod possit pertinere ad iniuriam Episcoporum aliorum, qui proprij Pastores, non tantum Vicarij summi Pontificis, sed veri principes sunt? Res fiet luce clarior exemplo. Si plebs Hibernia proregem à Rege Serenissimo Angliæ missum proprium suum regem dicant, & ei tanquam regnum, & populus ipsius adhareant, decipiuntur, & falsum Regem amplectuntur loco veri, relicta substantia umbram prensant. Quis dubitat? At si Serenissimus Rex Principem filium suum Regem Hibernia constitueret, illique sceptrum resignaret; plebs quæ eum Regem agnosceret, & se sub eo regnum putaret, non deciperetur, nec de substantia ad umbram, sed de substantia ad substantiam, à vero Rege ad verum Regem migrarent. Ita summus Pontifex, si populum, quem per se tanquam proprius Episcopus rexit, resignaret proprio Episcopo ibidem constituto, qui princeps sit, sceptrumque perpetuum regiminis teneat, populus illi Episcopo adhærens non relinqueret substantiam, & umbram prenderet, sed à substantia ad substantiam, ab vno proprio Episcopo ad alium proprium Episcopum transiret, ut qui regnum spirituale erant sub summo Pontifice, regnum spirituale maneat sub inferiore Principe, summo Principi subordinatum. At si Pontifex non crearet ibi proprium Episcopum, sed retento scepro regiminis sibi, Vicarium substitueret (ut in Angliæ) qui Vicarium diceret suum proprium Episcopum, (ut D. Kellifonus urget) nonne deciperentur? An non loco substantia umbram prensarent? Igitur in hanc propositionem cum Richerista latent, tanquam Episcopis proprijs iniuriosam, nimium quam similes illi cani videntur, qui

Guttur trifauci inanes terreat umbras.

## RESPONSIO.

Omitte caninas similitudines, nimium quàm caninæ tuæ facundia appositæ. Mitte trifaucem Cerberum, quem tu non triplici capite, qui nullum habes, quia Spongia es, sed triplici fauce vel exæquas, vel superas, cum plura maledicta, & figmenta audacissima euomas, quàm non tres, sed octo fauces elatrare possent. Redi ad rem, & tuo te telo, tua inquam, non iam canina, sed regia similitudine, te victum vide: sic enim caninas similitudines regis, gryphes equis, quadrata rotundis, miro artificio colligas.

Si ergo Angliæ Rex mittens procerem aliquem ad Hibernos, scriberet se Regem iis dare constituisse, eumque antequam mitteret, corona regia redimiret; nullus opinor, tani esset mente absonus, qui non intelligeret nobilem illum à Rege mitti ut esset Hiberniæ Rex, eoque nomine debere accipi ab Hibernis. Cum igitur Pontifex suo Breui palam denunciaret sibi esse in animo *Angliæ Catholicos sicut ceteros Ecclesiæ filios, Episcopi solatio subleuare, qui omnibus & singulis facultatibus quibus ordinarij in suis ciuitatibus & diocesibus utuntur, fruuntur, & gaudent, ac uti, frui, & gaudere possunt; similiter uti, frui, & gaudere, liberè & licitè possit & valeat; & eum quem ad ipsos mittit Episcopali consecratione prius initiari iubeat; à recta omni cogitatione abhorret talem non esse missum ut sit Angliæ Episcopus, & quicumque hoc cogitant, recusare non possunt quin manifestè pertinaces & contumaces habeantur.*

Et si verò Episcopus Chalcedonensis in Anglia solùm esset Vicarius generalis Pontificis; non capio tamen cur ideo Episcopus, & pastor Angliæ esse desineret, cum ipse Spongiæ faber, in Epistola ad Episcopos Gallia, quàm ausus est Latinæ versionis Apologiæ suæ præscribere, nuncium Apostolicum Gallia Pastorem Angliæ agnoscat, qui tamen non nisi Orator & primarius quidam Vicarius est Pontificis, nec ad obeundas quidem in Anglia functiones Episcopales missus est, ut Episcopus Chalcedonensis.

Quæ omnia luce clarius faciunt, responsiunculas istas, mera esse effugia, meras latebras, nec quicquam asferre quo Daniel & Spongia purgari valeant, quominus dignitatem Episcopalem infamare contenderint. Imò hoc ipsum tanta defensionis istius infirmitate iam multò minus dubium effecerunt.

TITVLVS II. DE SACRAMENTO  
CONFIRMATIONIS.

## PRIMA PROPOSITIO.

Ex cap. 2. §. 3. in titulo.

**C***atholicos Chrismate vinctos in Baptismo, licet ab Episcopo non confirmatos, perfectos esse Christianos in sensu Patrum.*





## SECUNDA PROPOSITIO.

Ibidem num. 21.

*Infero Anglos Catholicos qui baptizantur ritu Catholico, vel qui recipiunt ceremonias Catholicas baptismi, licet non confirmati fuerint ab Episcopo, fuisse & esse perfectè Christianos omni modo.*

## CENSURA.

Vtraque propositio est falsa, temeraria, contra sensum communem Patrum, in contemptum Sacramenti Confirmationis, & in errorem inducens.

## SPONGIA.

*In primis 2. propositio non est fideliter ex Anglico in Latinum versa. Non enim dicit auctor Chrismatos esse perfectè Christianos omni modo, quasi non sit alius modus vltioris perfectionis; sed Anglicè Every Vvay, hoc est, vnde quaque seu ab omni parte. Stupidi est differentiam non advertere inter perfectum vnde quaque, seu ab omni parte, & perfectum omni modo, cum quis eadem in parte varijs modis perfici possit. Quid sit autem ab omni parte esse Christianum perfectum ibidem, hoc est, c. 2. n. 21. Auctor explicat: Hoc est, inquit, interius & exterius, non tantum anima, sed etiam corpore. Nam qui baptizantur sine Chrismate, sunt quidem interius Chrismati seu Christiani, gratia sancti Spiritus inuncti, at exterius non sunt Chrismati, atque adeo non perfectè, non ab omni parte Christiani & vncti. Qui verò baptizati Chrismate inunguntur, vncti sunt, & Christi, ab omni parte, interius, exterius, animo, corpore, & ita Patrum sensu perfecti Christiani. Intelligere Patres, in hoc sensu cum dicunt Richerista falsam, temerariam, scandalosam, contra communem sensum Patrum; in contemptum sacramenti ostendunt se eos esse, quibus Dominicus Bannes (ut iam monui) sapienter improperat tantam facilitatem Censura, ut merito irrideantur. Enimvero an non ridiculum, expositionem quam gravissimi Theologi sequuntur, quamque auctor collatus Patrum testimonijs nervosè probavit, putare se posse solo verborum flatu abigere ex Catholica chola?*

## RESPONSIO.

De ipsa re ac sententia utrarumque istarum propositionum, mox viderimus. Quam interim Spongia non parum debilitat, dum gravissimos illos Theologos tacet, quos eam sequi gloriatur. Cum enim illos in tanto suo discrimine, in tanta necessitate non proferat, quis ei vllos præsto esse credat? Non tanta dedit hætenus modestiæ suæ, & humilitatis specimina, ut eam præcipua suæ causæ adiumenta consulto silere arbitrari debeamus. Nemo enim antè ipsam fuit Theologus cui somnia huiusmodi per cerebrum volitarint. Vel cedò, dicat quinam illi sint. Multò minus Patres cum ipsa faciunt, quibus nos eam iudiciis opprimendam destinamus. Patebit enim sequentibus responsionibus quam enervæ & clumbes sint; illæ probationes Danielis è Patribus sumptæ,

quas scilicet *neruosas* vocat. Nam easdem penitus hoc loco summa inopia coacta repetit, nec quicquam affert, quod non idem in Apologia ante decantant, ut non tam nouam defensionem cudere, quàm Apologiam suam, totumque Daniele retextere, & in Spongiam transingere videatur. Quare dum illi respondebimus, eadem operâ neruosa illa è Patribus argumenta, non *verborum flatu*, sed rationum impetu; non ex *Catholica schola*, in qua nunquam fuerunt, sed ex Catholicorum memoria, quorum mentes periculosissimis istis erroribus improbè pulsatae fuerunt, tam faciliè *quàm verborum flatu*, abigemus. Sunt enim ineptissimi centones locorum pauculorum maximeque vulgarij ex aliquot Patribus collectorum, in quibus tantum acumen, tanta vis ad conficiendum Spongiæ propositum inest, ut non à Iesuita, hoc est ab homine cæterorum hominum longè doctissimo, conquisiti ad rei maximè seriæ, ad errorum suorum maximorum, propugnationem, sed ab imperito nouitio ad exercitationem ingenij aduersus veritates certissimas ventilari videantur. Quorum tamen confutationi alia confutatio anteponenda est parergorum quorundam, quibus Iesuita suam defensionem præmuniit.

Primum quæro qua fiducia *Hermanus Læmelius* Belga, & Antuerpiensis, si Spongiæ fides est, vim sermonis Anglicani, se meliùs tenere iactet quàm interpretes Anglos indigenas, quàm Scotos diu in Anglia versatos, & sermone ipso patrio ab Anglis non ita multum dissonos? Eiusmodi homines quonam modo in re ipsis natiua arguere audet externus homo, & istius linguæ fortasse ignarus, ut eam Belgæ non ita vulgò norunt? Aut si hoc audet, quo iure, aut saltem quo iudicio, fidem à nobis postulat? Cùm si ipsi Angli in re sibi notissima & vernacula errauerunt, multò magis timendum sit ne homo alienigena, qui fortasse nunquam pedem in Angliam intulit, simili errore capiatur? Iudicium igitur tuum hîc requirimus, Malè Hermanum Læmelium simulas, teque multò veriùs in hoc ipso Spongiam præbes. Malè personam quam tua tibi scena imposuit, sustines. Malè agis, malè loqueris. Quod si malus histrio, malus Theologus, & bona tantum Spongia es; quantum malum ipsum tuum bonum est? *Ita videlicet mentem impellit ferror, quo non trahit desiderium, & agit commota velut nesciens, vnde post doleat sciens.*

S. Greg.  
past. p. 3. c. 1  
admon. 10.

Deinde causam non habes cur eos vituperes, & stupidos voces, qui non vident quid differat inter *perfectum vndeque*, seu *ab omni parte*; & *perfectum omnimodo*. Vide ne cui forte tu stupidior videaris hoc videndo, quàm alij non videndo. Si qua enim inter hæc differentia est, ea tam exigua, tam etiam huic loco aliena est, ut vitium quod Græci vocarunt oxymorum, effugere nequeat, qui eam in rem, de qua agimus, accommodare conetur. Nam etsi in propositione Danielis nihil istorum esset, ac seu *omnimodo*, seu *vndique* pariter ex ea tollerentur, non ideo minus esset erronea, & eiusdem notæ digna, quâ à Censoribus iniusta est.

Quamobrem Censores nullam istius particulæ rationem habuerunt.

sed ipsam propositionis vim & quasi substantiam inspexerunt; nimirum, eos qui cum vſitatis Ecclesiæ ceremoniis baptizantur, quamvis confirmati non sint, perfectos tamen Christianos esse sensu Patrum. Si enim propositionem in eam partem, in eamque sententiam cepissent, quam Spongia illi particulæ, *omni modo*, attribuit, ita vt significaret eos qui cum Ecclesiæ ceremoniis baptizati fuerunt, perfectos esse Christianos modis omnibus, nec esse *aliū modum vltioris perfectionis*; eam non vt erroneam, sed vt hæreticam proſtigassent. Est enim ipsissimus error Pelagianorum, & multo post Beguinarum, & Begardorum, posse videlicet quempiam in hac vita tantum perfectionis assequi, vt *non sit aliū modus vltioris perfectionis*. Vnde patet hoc responsum nihil esse nisi tricationem & vitilitigationem meram, si quo pacto Censuræ procella subterfugi, & in interpretes immeritos traici posset.

Postremò voces illæ, *omnimodo*, & *undiquaque*, in hoc negotio idem valent, & idem habentur ex vſitata sermonis consuetudine. Nihil enim denotant, nisi perfectum esse omni genere perfectionis: quemadmodum qui baptizati & confirmati fuerunt, plenitudinem gratiæ possident, vberissima gratiæ, donorumque omnium Spiritus sancti largitate. Sic Paulus cum Corinthiis scriberet eos in omni scientia, & in omni gratia esse perfectos, ita vt nihil eis *deesset in vlla gratia*, noluit vsque cō perfectos dicere, vt nulla eorum perfectioni fieri posset accessio; sed eos omnis generis gratiarum & munerum Spiritus sancti abundantiam percepisse declarauit. Cæterum de commentitia illa Christianorum perfectione in solo corpore exterius sita, dicemus inferius, & Pharisaicam, non Christianam esse docebimus.

## SPONGIA.

Præter dicta in Apologia, hanc Patrum expositionem esse germanam duplici argumento efficiam. Primo, *censeri plenè perfectèque Christianum, & iure meritoque appellari Christianum*, apud Patres rem eandem significant, proprium scilicet effectum Confirmationis. Sic Cyrillus, hoc accepto Chrismatis dono meritò appellamini Christiani. Iustinus Martyr, vngimur in baptismo, vt Christi & vncti dicamur. Cyprianus: Necesse est vngi baptizatum, vt recepto chrismate esse vnctus Dei, & habere in se Christi gratiam possit. Hinc colligitur plenè perfectèque censeri Christianum, & merito appellari Christianum, rem eandem esse apud Patres: sed qui chrismatur in baptismo presbyterali vnctione in vertice, meritò appellatur Christianus. Huius rei testes plurimos citare possem, sed vnius testimonio contenti erunt, nimirum Gersonis Cancellarij sui. J. s. tom. 2. Operum quæ ipsimet ediderunt col. 75. sic scribit: Post baptismum autem fit vnctio Chrismatis in vertice, vt appareat mens imputribilis Deo, & vt spiritui Christi participando merito appellaretur Christianus, hæres iam regni effectus. Quod ipsum affirmant duo Episcopi, Rabanus Maguntinus, & Iuo Carnotensis, eisdem penè verbis, à quibus Gerson sua sumpsit. Igitur baptizatus & vnctus in vertice meritò appellatur Christianus, atque adeò in sensu Patrum est plenè perfectèque Christianus.

## • RESPONSIO.

## RESPONSIO.

O insulsam collectionem! quam tamen Spongia frustra prædicat se nunc primum adiciere *præter dicta in Apologia*, cum & illam, & omnia Patrum testimonia, quibus istic abutitur, ex Apologia transtulerit, iam penitus exhausta & inops vel in erroribus & commentis effingendis; & frustra ad eluendas Censuræ maculas ea repetens & inculcans Cenforibus, quæ iam in Apologia viderant. Tanta superbia & vanitas fuit, ut cum nihil quo errores suos rueretur excogitare posset amplius, maluerit tamen eadem ipsa quæ iam damnata fuerant in novum libellum transcribendo, aliquid respondisse videri, quam ut tacens, cum nihil novi haberet quod diceret, victa esse videretur. Atque in hunc penè modum tota Spongia concinnata est: ut verè dicere liceat eam nihil esse quàm Apologiæ frustula in Spongiam confarcinata, magisque Apologiam præsidio & defensioni esse Spongiæ, quàm Spongiam Apologiæ.

Operæpretium autem est, antequàm sigillatim respondere incipiamus, totam Iesuiticam opinionem, aut potius fabulam, lectoribus enarrare. Sicut enim errorum hæresumque magistris verè olim B. Hieronymus: *Ecclesiæ victoria est, vos aperte dicere quod sensitis*; ita victoriæ nostræ pars maxima est, inania figmenta quibus sacramentum Confirmationis interuertitur, submotis ambagibus, reductoque velamine, ob animos oculosque legentium statuere, ut eos gravius percutiant, non ad vulnùs, sed ad vulneris cautionem, & auersionem. Putat enim Iesuita, homini iam baptizato nihil deesse ut plenè perfectèque Christianus efficiatur, nisi externam corporeamque vñctionem, quia Christianus nihil aliud est quàm vñctus; Baptizatus autem plenè vñctus est anima gratia baptismali; nec superest nisi vngi etiam corpore extrinsecus, ut plenè vñctus, ac per hoc plenè perfectèque Christianus fiat. Ita ut, <sup>a</sup> perfectionem & complementum Christiani nominis ponat in vñctione Corporea & externa, quæ undecumque adueniat, seu à sacramento Confirmationis, seu à chrismate baptismali, per eam homo baptizatus perfectè ac plenè Christianus euadat, non secus ac si confirmatus <sup>b</sup> fuisset. Vnde non est mirum si vñctio baptismalis suppleat effectum sacramenti Confirmationis, qui est perfectio Christiani nominis. Cum enim hæc perfectio sita sit in externa vñctione, & sacramentum Confirmationis perfectum Christianum catenus efficiat, quatenus <sup>c</sup> corpus exterius inungit; nihil mirum hanc eandem perfectionem, & hunc effectum Confirmationis, qui nihil est nisi corporea vñctio, per chrisma baptismale suppleri, cum per illud tam vngatur exterius corpus, quàm per sacramentum Confirmationis. Non negat tamen Confirmationi interiorem etiam effectum, neque neque chrismationi baptismali, cuius etiam interiori effectui suppleri vult interiorem effectum Confirmationis. Sed

Hieron. 19.

<sup>a</sup> Si quis absq. Chrismate baptizatur, reuera est etiam hominis Christiani non caret interna, scilicet Spir. sancti vñctione, &c. Caret tamē externa quædam ceremonia seu complemento, sine quo Christiani nominis hereditatem plenè perfectè que non adibit. <sup>b</sup> Apolog. c. 3. §. 3. num. 19. <sup>c</sup> A Presbytero chrismatus dici potest, & debet Christianus, non secus ac qui est ab Episcopo confirmatus. Spong. pag. 50.

<sup>c</sup> Sequitur baptizatos in Ecclesia primitiva, si fortè ab Episcopo simul confirmati non essent, non fuiss. plenè Christianos, &c. Ratio in promptu est, quoniam nemo plenè censetur Christianus qui plenè non sit delibutus Chrismate, internè externèque, anima et corpore. Nulli autem tunc temporis exterius Chrismate, à quocumque inungebantur, præterquam ab Episcopo, dum Confirmationis conferretur Sacramentum. Apol. cap. 1. §. 3. num. 21.

C



neutri interiorum istorum effectuum tribuit, ut per eos homo baptizatus perfectus Christianus fiat, quia sine illis iam plenè unctus erat intrinsicè plenitudine gratiæ baptismalis, nec aliud ad nominis Christiani perfectionem desiderabatur, nisi externa corporis unctio. Quare accuratè distinxit duos istos effectus sacramenti Confirmationis, quorum altero homines fiant perfectè Christiani, altero robur assequantur, ut patet ex prima & secunda assertionem Spongiæ ad Censuram propositionis, de qua agimus, & utrosque suppleri docuit ceremonia baptismali.

Hæc est Iesuitæ mens de sacramento Confirmationis, de unctio-  
ne Baptismali, & de perfectione nominis Christiani, simplicissimè &  
candidissimè ex eius dictis & responsionibus, quoad fieri potuit, ex-  
pressa, & quàm brevissimè res tam fictitia, & tam inaudita exprimi  
potuit. Est enim doctrina somniis & inanitatibus, ut per se patet, ple-  
nissima, merum ludibrium, mera lascivia impotentis ingenij, phanta-  
sias & fabulis, quibus hæretici summa religionis mysteria inuoluerunt,  
& quas in Caluini scriptis interdum stupentes legimus, quàm simili-  
ma. *Aug. l. 6. de  
M. 4. 11. Sequuntur enim nonnulli sua phantasmata tam precipites, ut nulla sit materies  
omnium falsarum opinionum, quàm habere phantasias.*

Ex quo facile videas quantopere miserandos istos mortales suis in-  
geniis & affectibus indulgere oporteat intra domesticos parietes, in  
scholarum puluere, in animis suorum seorsim gregalium, in latebris  
regionum hæreticarum; cum obiecta sibi ex aduersa parte Facultatum  
Theologicarum celeberrima, illustrissimo Antistitum Galliæ confes-  
su, toto regno Britanniae, tota Ecclesia Catholica, in re ad Sacramen-  
torum Dei, & ad salutem fidelium gravissima, has nugas, hæc deliria,  
has intemperies æstuantium animorum, numquam ad hoc æuum in  
Ecclesia auditas, & mysteriorum Ecclesiæ sanctissimorum impiè irri-  
sorias, in medium proferre audeant, inuitis omnibus propugna-  
re, pro Catholica etiam doctrina peruiaciter inculcare, quæ *ab om-  
nibus, Patribus, & Theologis Doctoribus, nullo dissentiente asseratur.* Sed nolo  
plura: Ac mihi veniam dabunt, quoscumque Christianæ religionis, &  
mysteriorum Christi amplissimorum tangit honor, si tantum eorum  
contemptum, tantam in iis subuertendis licentiam, æquo animo  
ferre non possim, pro ea quam mihi Deus impertiit rerum suarum  
omnium veneratione, præcipuè his calamitosissimis temporibus,  
cum penè adhuc Ecclesiæ penetralia fumant ab insanis stragibus qui-  
bus hæresis mysteria Christiana depopulata est. Quod idem languente  
iam & senescente hæresi à Catholicis ipsis hominibus, summiſque, ut  
gloriarī solent, Catholicæ religionis athleticis, dum iterum tentari  
video, *nescio quid dicam, nisi ut doleam presumptionem humanam, & miret*

*Aug. epist. patientiam diuinam.*

174.

*Respondendum tamen intentioni aduersarij, ne epilogo quodam inuidiam qua-  
stionis declinasse videamur. Quò perniciosior & crassior est, eo studiosius  
repellenda est.*

4.

Primò, collectionem eius ex Patribus, Iustino, Cyrillo, Cypriano,  
non satis capio, nec possum excogitare quam vim aut speciem proba-

bilitatis habeat. Si probare velit eos qui chrismate baptismali inuncti sunt perfectos esse Christianos sensu Patrum, quia sensu Patrum Christiani sunt: quæro quæ Logica, quæ ratio istud collectionis fulciat. Christiani sunt, Ergo perfecti Christiani sunt? Nihilne interest inter rem & rei perfectionem? An quoscumque homines dicimus, homines perfectos dicimus, ut infantes in maternis uteris, in cunis, in puerilibus annis? Adeo nelædi non potest fides, quin continuo lædatur ratio & humana mens; quia fides & ratio vnius eiuldémque divini luminis expressiones, & radij sunt? *Neceſſe eſt enim, ut aliter quàm oportet humana æſtimet, qui divina contemnit.* Nemo tam tyro eſt quin videat in perfecto Christiano includi Christianum, & aliquid amplius; & ideo illum ex hoc inferri non poſſe. Quamvis ergo conſtaret Patres pro Christianis eos putaviſſe, qui chrismate in Baptiſmo inuncti fuerunt; non ideo ſequeretur eos putaſſe etiam pro perfectis Christianis.

Aug.

Si velit Patres eos omnes quos Christianos vocarunt, etiam perfectos Christianos habuiſſe, & perfectum Christianum à Christiano nihil diſtare putaſſe; colligi poterit iſto modo etiam Catechumenos nondum baptizatos perfectos eſſe Christianos ſensu Patrum, quia à S. Augustino Christiani vocati fuerunt; multoque antea à Concilio Conſtantinopolitano primo: De qua locutione dicetur alibi. Quare quoquo ſe vertat Spongia, capitur, & vinculis implicatur inenodabilibus: & niſi Cenſuræ laqueos humilitate ſibi aperiat, eos ſuperbia nunquam perfringere poterit.

S. Aug. de  
paſtor. c. 19.  
Conci. Con-  
ſtantiноп. 1.  
can. 7.

Deinde quàm ridiculum probare conari eos qui chrismate Baptismi vncti fuerunt Christianos eſſe ſensu Patrum, quia eos Christianos vocant Gerſon & Rabanus? Quasi omnia quæ in ſcriptis Gerſonis aut Rabani ſunt, ſint in ſcriptis Patrum, & illi de ſuo ſenſu nihil protulerint quod ante non ſcripſerint Patres? Quomodo enim Cyprianus & Iuſtinus Martyr, quos citat, ſentire potuerunt homines per vnctionem iſtam Sacerdotalem Christianos fieri, aut perfecte Christianos, cum Spongia ipla in Apologia aſſerat vnctionem iſtiusmodi baptismalem eorum ætate nondum iſtitutam fuiſſe, & primum cœpiſſe ſub Conſtantini tempora; quod ſuo loco quale ſit examinabimus? Quomodo igitur ſerio dicere poteſt eos ſenſiſſe homines Christianos effici per id genus vnctionis, quod nequidem noſſe poterant, cum in rerum natura nondum eſſet? Vereor ne tandem iſti homines tantum abſurditatum effundant, ut Moliniſtarum nomen iis demi oporteat & aliud irrogari.

Neque verò Gerſon aut Rabanus dixerunt quemquam per illam vnctionem baptismalem Christianum effici, aut Christiani nomen accipere. Cum enim iſta vnctio mera ceremonia ſit, & iuxta Spongiam, ab Eccleſia ſerò admodum iſtituta, quid ineptius dici poteſt quàm nos Christianos effici per ræram ceremoniam, & Christianum nomen, atque adeo Christiani nominis perfectionem & complementum, nihil niſi ceremoniam eſſe? Pudeat tanti portentii inuectores, quo Christiana dignitas decoratur, Christiana Eccleſia ſcandalizatur,

hæresi, atque adeò Atheismo via sternitur. Vnctione ista docet Gerson non fieri nos, sed declarari Christianos, Baptismo videlicet paulò ante factos. Attende verba: *Post Baptismum fit unctio chrismatis in vertice, ut appareat mens impatibilis Deo; Audin', ut appareat, non verò, ut fiat? Et ut spiritui Christi participando meritò appellaretur Christianus, hæres tam regni effectus.* Vides cur meritò appellari dicat Christianos? non quòd vnctione ista vncti sint, sed spiritui Christi participando, & hereditatem regni acquirendo. Quod quia ista chrismatis vnctione declaratur, nos videlicet spiritui Christi participasse, & hæredes regni factos esse, ideò illa declarari docet nos meritò appellari posse Christianos, non per illam ipsam fieri, ut meritò appellemur. Nisi fortè Spongia per illam vnctionem spiritum Christi participari, seu Spiritum sanctum dari velit. Gerson enim docet nos spiritum Christi participando, meritò Christianos appellari. Vnde patet ipsum hanc Christiani appellationem tribuere Baptismo, in quo verè Spiritus sanctus participatur & infunditur, etsi non plenè perfectèque, ut postea in Confirmatione. Ideoque hæc ipsa Christiani appellatio per Baptismum datur, etsi sola Confirmatione plenè perfectèque detur. Nomen enim Christiani vnctionem Spiritus sancti sequitur, cum eaque pari passu ambulat; non autem ab externa ceremonia pendet, multo minùs in ea sita est.

Vana sunt igitur & friuola Spongiæ principia. Nam neque probat eos qui à Presbytero chrismate in Baptismo inunguntur, fieri per eam vnctionem Christianos sensu Patrum, etiamsi Gersonis aut Rabani sensu fierent: quod tamen secus esse ostendimus. Neque rursus probat eos per vnctionem baptismalem sensu Patrum perfectos Christianos effici, etiamsi sensu Patrum per illam Christiani efficerentur. Omnibus enim hominibus naturale lumen priùs eripiat, & lumina Patrum extinguat, necesse est, si persuadere velit Christianos, & perfectos Christianos, non differre sensu Patrum, & eorum sensu licere inferri eum perfectum Christianum esse, qui modò sic Christianus.

## SPONGIA.

Secundò idem probatur. Nam qui est plenè, & vndeunque vnctus, debet Christianus pleno ore, & meritò appellari & censerì. Sed baptizati, & chrismati in vertice sunt plenè vncti anima, corpore, intùs, exterius. Quòd corporaliter & exterius sint ceremonia vnctionis consecrati, patet ad oculum. Quòd autem etiam interius sint vncti plenitudine, & perfectione gratia sufficiente, tradit expresse S. Thomas. Est, inquit, plenitudo gratiæ Christianæ sufficiens ad salutem, & hæc datur in Baptismo; & est plenitudo gratiæ ad fortiter resistendum, & hæc datur in Confirmatione, & sine hac potest esse salus. Et iterùm, In Baptismo datur gratia, quæ à peccato mundat, & ad bene operandum perficit, quantum ad sufficientiam salutis. Igitur cum baptizati & chrismati in Baptismo sint plenè, perfectèque vndeunque vncti, pleni & perfecti Christiani, seu vncti, cur dici non debent? secundum Lib. 17. de illud Augustini: Omnes Chrismate vnctos rectè christos possumus dicere. Civit. 6. 4.

## RESPONSIO.

Ecce alteram partem responsionis ex Apologia repetitæ. Adeo amat Spongia nugari, principium petere, errores damnatos per eodem tueri, sordes sordibus eluere. Videamus tamen hoc ipsum quale sit, in quo tantam fiduciæ collocat, ut melius præsidium vel non quærat, vel non habeat.

Nam utraque pars secundæ eius probationis est infirmissima & futile. Esto enim sit vñctus, quisquis baptismali chrismate à Presbytero delibutus fuit. An ideo, non dico plenè Christianus, sed omninò Christianus sensu Patrum? Iam enim supra ostensum est, vñctione ista baptismali neminem Christianum fieri, non tantum sensu Patrum, sed nequidem cuiusquam alius quem Spongia citat, neque verò ullius omnino Theologi. Nemo enim unquam docuit nos ista vñctione Christianos effici, nedum perfectos Christianos. Non refert igitur homines ita vñctos, posse dici vñctos exterius & interius, seu animo & corpore. Nam neque corpore in vñcti sunt ea vñctione quæ ad Christianos faciendos instituta sit, & qua Christianos fieri docent Patres; unde ista vñctione baptismali nullo modo dici possunt Christiani effici sensu Patrum: Neque sine blasphemia dici potest Christiani nominis perfectionem & plenitudinem in sola vñctione corporea, & in externa denominatione consistere, ita ut homini baptizato nihil desit ad perfectionem, & plenitudinem Christiani nominis, nisi externa vñctio, & quidem ceremonialis. Turpissimum est ac pene impium asserere sanctos Patres docuisse nos per Confirmationem eatenus solum perfectos Christianos reddi, quatenus ab ea exteriorem quemdam effectum percipimus, hoc est, externam vñctionem, qua denominamur exterius vñcti. Hic enim error propè admodum ad Caluini aliorumque hæreticorum errorem accedit, qui reuerà Sacramentorum operationes penitus externas faciunt, nec aliud esse putant nisi notas & res externas, & planè sacramenta Iudaica. Mutantur in meras ceremonias mysteria Christianæ religionis, si nihil in homine baptizato ad Christiani nominis perfectionem desideretur nisi externa, & corporea vñctio, & hac præcisè vñctione sacramentum Confirmationis eum perfectum Christianum efficiat. Quod si Spongia de alia quadam perfectione corporis quam Baptismus, adeoque Confirmatio præbet, & quam ipsa non nosse videtur, ageret; alio ei modo responderemus. Nunc verò tam imperita est, tam non Christiana, tam Christianæ amplitudinis non conscia, ut illius complementum, & quasi apicem in corporali effectum, in externa vñctione, in ceremonia constituat. Quod flagitium aures Christianæ horrent.

Sequitur altera probationis pars æquè porosa, & spongiosa. Nullo modo enim probat eum qui baptizatus est, perfectè ac planè vñctum esse vñctione spiritali. Quod enim ex D. Thoma profert, nihil est. Primò, quia non quæritur de perfectè vñcti sensu D. Thomæ, sed sensu Patrum. Purganda est enim Spongiæ sua propositio, qua



dicat eos qui solo baptismali chrismate verticem illitum habent, perfectos Christianos, & vndique perfectos esse sensu Patrum. Secundò, quia manifestè patet ipsis verbis D. Thomæ hîc allatis à Spongia, quid ille nomine plenitudinis illius intelligat, quam in baptismo agnoscit. *Est, inquit, plenitudo gratiæ Christianæ sufficiens ad salutem, & hæc datur in baptismo. Quid hoc est, plenitudo sufficiens? Quis nescit aliud esse plenitudinem, aliud sufficientiam? Catachresticòs igitur loquitur Dñus Thomas, plenitudinem pro sufficientia usurpans, ut ostendat expressius gratiæ baptismali nihil deesse, quominus homines ad salutem perducatur, & vim ei non inanem & irritam, sed satis plenam, & instructam inesse ad hunc effectum. Quod planius etiam declarat secundo loco à Spongia proposito: *In Baptismo datur gratia quæ à peccato mundat, & ad bene operandum perficit, quantum ad sufficientiam salutis.* Nota verba, *perficit quantum ad sufficientiam salutis*, ut videas perfectionem istam quam Baptismo tribuere videtur, non procedere vitra sufficientiam salutis. Nihil enim aliud vult quàm in gratia Baptismali omnia reperiri, quæ ad salutem exigantur, eamque hoc sensu plenam esse. Quæ locutio etsi vera sit, est tamen D. Thomæ propria, ne quicquam Spongiæ fauet. Non enim ait D. Thomas plenitudinem istam qualemcumque baptismalem, satis esse ut Christianum absolutè gratia plenum, plenèque ac perfectè gratia vinctum præstet: Imò contrarium significat, dum addit Confirmatione aliam ei dari plenitudinem, sine qua per priorem absolutè plenus non est. Prima enim plenitudine vitam plenè habet, sed vim ac fortitudinem perfectam sine secunda plenitudine non habet.*

S. Tb. 3. p.  
9. 72. a. 1. ad  
2.

Ibid. ad 3.

ib. a. 2. ad  
4.

Lib. 2. de  
Sacr. par. 7.  
cap. 3.

Quod quidem ita verum est, & doctrinæ D. Thomæ consentaneum, ut in summa Theologica, ubi accuratius & clarius quàm alibi docuit, Sacramento Confirmationis propriè assignet, ut sit *Sacramentum plenitudinis gratiæ*, quasi sine eo absolutè plenitudo gratiæ haberi nequeat. Atque, quod multo magis notandum est, etsi Confirmationem non absolutè necessariam ad salutem esse fateatur, docet tamen eam *cooperari ad perfectionem salutis: & hoc modo esse de necessitate salutis.* Quod is quidem, non quasi aliud agens, sed hoc ipsum planissimè cogitans, scripsit; ideoque id etiam in eadem quæstione paulò infra iteravit, monens sacramentum hoc moribundis conferendum esse, *ut in resurrectione perfecti appareant.* Atque id Auctore Hugone de S. Victore confirmat his verbis: *Omnino periculosum esset, si ab hac vita sine Confirmatione migrare contingeret: Non quia damnetur, nisi fortè propter contemptum, sed quia detrimentum perfectionis pateretur.* Sic semper Spongiæ suorum testium productiones infelicitè eueniunt. Profectò malæ mentis, mali animi magna nota est, declinato splendidissimo summa Theologiæ lumine, quo omnes Academiæ Catholicæ illustrantur & docentur, commentariorum in sententias ab eo iuniore scriptorum obscuritates rimari, ut mali erroris æquissima damnatio, in summa Theologica toties clarissimè vibrata, aliquo nubilo obruatur.

Quod ad locum Augustini attinet, satis manifestè agit de sacra-

mento Confirmationis. Cùm enim notaret fideles omnes Christi nomine designari in loco illo Cantici Annæ, *exaltabit cornu Christi sui*; quærit quonam modo *Christus exaltabit cornu Christi sui*, ut Psalmi contextus 1. Reg. 1. 10. significare videtur? Respondet, *omnes quippe vinctos eius chrismate, recte Christos possumus dicere*: declarans fideles omnes rectè intelligi Christi nomine, quia omnes chrismate Iesu Christi in sacramento Confirmationis inuncti sunt, ut erant potissimum illo tempore, quo utraque Baptismi & Confirmationis sacramenta coniunctim instar vnius administrabantur, ut alibi exponemus. Quare signanter dicit, *vinctos eius chrismate*, id est, chrismate Christi, seu à Christo instituto, & tradito, ad vngendos fideles Spiritu sancto, quo ipsemet vinctus fuit. Nam chrisma baptismale, de quo ferè nusquam Augustinus agit, chrisma est ab Ecclesia nempe institutum, non propriè chrisma Christi. Nihil ergo hîc est quod Spongiæ figmenta adiuvet.

### TERTIA PROPOSITIO.

Ex Cap. 2. sect. 3. Num. 22.

*Chrismatio in Baptismo per Sacerdotem instituta fuit ab Ecclesia, ad supplendum non solum significationem Episcopalis chrismatis, sed etiam effectum; nempe ad conseruandos & confirmandos homines in baptismali gratia. Hoc docetur à D. Thoma, &c. Et paulò post: hac ceremonia facit hominem fortem ad resistendum peccato, ad profitendam fidem in persecutione, succedens in locum Confirmationis in hoc respectu, &c. Et paulò post: Quæ notiones fortitudinis, & animi dantur per chrismationem baptismalem, ex opere operato, ut multi Theologi docent: saltem per preces Ecclesiæ, & applicationem ceremoniæ in eum finem, quæ est doctrina muli solatii pro Catholicis commode habere non valentibus Confirmationem: & ostendit quod post institutionem chrismationis Sacerdotum in baptismo, chrismatio per Episcopum non sit tam necessaria, ac ante fuit.*

### CENSURA.

Propositio integra falsa est, temeraria, imponit S. Thomæ, & hæresim sapit.

### SPONGIA.

*Auctor nihil hoc loco dicit quod non sit Catholicum, quod non à Doctoribus Theologis, & sanctis patribus, nullo dissentiente, asseratur. Hoc ostendo particulatim; nam septem continet assertiones. Prima est: Chrismatio Presbyteralis in baptismo supplet effectum Episcopalis, quoad significationem nominis Christiani, seu vincti, ita ut à Presbytero chrismatus dici possit, & debeat Christianus, non secus, ac qui est ab Episcopo confirmatus. Hoc iam iam asserentem Gersonem audiui.*

### RESPONSIO.

Nihil imperitis, nihil cæcis audaciùs est, quia nihil vident. Vnde fit ut Spongia fidenter asseueret Daniëlem, nihil hoc loco dixisse quod non sit Catholicum, quod non à Doctoribus Theologis & SS. Patribus, nullo dissen-

tiente, asseratur. Non satis habet tueri se; hoc enim leuius visum est leuitat animosissimo: sed, quod ad defensionis cumulum valeat, errores suos pro doctrina fidei, Catholica, irrefragabili vindicat; Censores illius pro hæreticis, & non Catholicis repudiat. Quanta hoc superbiæ, quanta pertinaciæ est? illic violentius repugnare, vbi se infirmiores sciat? illic Doctores Theologos omnes & SS. Patres nullo dissentiente iactare vbi ne vnum quidem, nec veterem, nec nouum, habeat Theologum, cui in mentem venerit inaudita istius pestiferæque doctrinæ, vt ex singulorum capitum discussione patefiet.

Nam de primo capite (quod tamen in propositione modò damnata non inerat) cùm ea de nomine Christiani nihil haberet: Etsi enim de effectu Confirmationis loquatur, tamen de solo illo loquitur, qui pertinet ad *conseruandos & confirmandos homines in gratia baptismali*, vti ipsa se explicat. Quare ista pars ex abundanti superaddita à Spongia est, ne iam ante iugulatæ eius blasphemix de nomine Christiano, memoria lectoris effluant. Sed tamen, vt breuiter supradicta repetamus, satis ostensum est, & impium esse dictu Christianum nomen, multo magis Christiani nominis perfectionem, in sola vnctione corporea sitam esse; & corpoream istam vnctionem esse illum ipsum effectum, quo sacramentum Confirmationis baptizatos perfectos Christianos efficiat. Quod neque à Gerson, neque ab vilo vnquam Theologo excogitatum fuisse dicimus. Mirandum equidem est Spongiam, quæ modò tam exultanter septem istas particulas suæ propositionis ab omnibus Doctoribus Theologis, & SS. Patribus, nullo dissentiente, asseri gloriabatur, ad primum eorum caput neminem nisi Gersonem vnicum authorem laudare potuisse. Malè doctrinam suam, ita fundatam scilicet, ita propugnata facilem, tuetur; se ipsam deserit ac prodit; cùm aduersarios obiecto vel vnus antiqui Patris testimonio perspicuo opprimere potuerit. Infelicior est magis illis Aegyptiis, qui mira polliciti, saltem in tertio signo defecerunt. Ipsa verò post montes aureos Theologorum, & sanctorum Patrum ostentatos, nequidem efficere potuit, quin in primo statim signo defecerit.

Exod. 8.  
Aug. ep.  
119.

#### S P O N G I A.

Secunda est, *Chrismatio in Baptismo præstat effectum Confirmationis, qui est conseruatio gratiæ baptismalis*. Hæc sunt ipsa verba auctoris, & quod dicit traditur à S. Thoma conceptis verbis quæ citauit: sed ea collectores subdole transiliunt. Nam si ea in Facultate publice lecta fuissent, fortassis nonnulli S. Thoma auctoritate mori cuculinam suam cantilenam falsum, erroneum, hæreticum, non tam facile ingeminassent. Eorum, inquit, quæ aguntur post baptismum, aliquid est quod non solum significat, sed etiam efficit, putà vnctio chrismatis in vertice, quæ operatur conseruationem gratiæ Baptismalis. Quàm aperte S. Thomas? Hoc enim uerò hæresim sapit? Sed illis qui sunt eiusdem cum Caluino palati, qui diserte dicunt ceremoniam chrismatis Baptismalis, instar stercoreis se habere.

## RESPONSIO.

Omitte, si me audis, Caluinos, omitte cuculos, cantilenas, stercora, quæ tibi regerere facile esset, si maledictis tecum certare vellemus. Quid enim dictorum tuorum portenta mereri non videantur, non in maledicti loco, sed in iustissimæ increpationis? Rem potius videamus, & tuas hallucinationes, quæ te omni conuitio grauius veriusque infamant.

Quid enim non solum indignius, sed criminiosius (vt aliquid etiam de authorum testimoniis, quibus succinctus in pugnam prodis, generatim dicamus) quàm aduersus constantissimam doctrinam Ecclesiæ, quæ ante te à nemine vnquam in controuersiam deducta fuit, paucula quædam loca, dubia, obscura, ne aliena & inepta dixerim, spargere, nulli rei apta nisi veritati inuoluendæ, & rudiorum mentibus implicandis? Quem astum cum ne in hæreticis quidem, quibus illo nihil crebrius est, & à quibus cum hausisse vidêris, ferre possimus; quomodo in Iesuita feremus? Iacet enim Christiana religio; nihil in ea tutum, nihil sanctum, si pro cuiusque sensu, res exploratissimas, intimis fidelium animis infixas, quietas hætenus & tranquillas, conquisitis authoritarum perplexitatibus, quæ ne aduersus summa quidem mysteria deerunt, sollicitare atque infringere liceat. Hic in te genium malum, & penitus hæreticum deprehendimus, quem facile deprehendet quisquis loca, quæ deinceps profers, cum doctrina contulerit, quam laceffis ac vellicas. Sunt enim pudendum in modum infirma, nihil minùs quàm tuum scopum cuius vel tantulum erudito declarantia, rudibus tantum capiendis idonea, neque ab ipso te, si minimum sapias, proferri vnquam potuissent, nisi grauis quipiam vehementique affectus tuam mentem obsedisset. Episcopum videlicet ex Anglia quacumque ratione pellendum susceperas: cui consilio ne Sacramentum Confirmationis obstaret, hoc quoque vnà cum eo expellendum statuisti, Episcopi odio id Sacramentum persequens, cuius amore, cum sit Sacramentum Spiritus sancti, qui cœlestis ac diuinus amor est, Episcopum venerari amplectique debueras, vt tanti muneris largitorem. Atque vt non sine ratione scelus facere videreris, excussisti anhelos spiritus librorum aliquot latebras atque indices, vbi in eos scrupulos & in ea locorum offendicula incidisti, quæ tibi vindice Deo multo antè præparata fuerant, vt errandi cupidus animus, & sibi errandi materiam reperiret, & alijs præstrueret. Nisi enim te cæcitas à cælesti sole miris sed iustis modis immissa obruisset; quomodo ad frustula ambigua, & tenuia, scriptorum aliquot mediæ aut vltimæ ætatis corruisses, & à perpetuo ac testatissimo Ecclesiæ sensu excidisses, cuius potius lumine illam caliginem discutere oportebat? Nihil enim de noua doctrina quam hic tradis, sæculorum omnium superiorum, & totius Ecclesiæ florecentis antiquitas inaudit, vel illo silentio teste, quo in sequentibus assertionibus perpetuò vteris. Ac scriptorum etiam illorum inferiorum, tanta penuria laboras, tanta denique locorum ex illis ipsis ad tum proposi-



tum in speciem idoneorum, ut tuas probationes intuentibus illud inferrimum videatur, te cum errare enixè cupias, tamen ex animo errare non posse, & tam infaulto malitiæ genere teneri, ut nisi claram & inconcussam Ecclesiæ doctrinam locorum pauculorum minutiis, quasi tenui pulvere, & magica fascinatione confuderis, saluus esse non possis.

Ecce enim iterum pro Doctoribus omnibus Theologis, & sanctis Patribus, quorum, nullo dissentiente, consensum vanissimè venditasti, vnum D. Thomam profers secundæ tuæ assertionis patronum: qui quamvis tecum faceret, tu tamen ineptissimæ istius gloriationis crimen Censuramque non effugeres. Veruntamen agnosce quàm in hoc ipso quo te inuictum ridiculè putas, sis inops, & arundineo D. Thomæ baculo nitaris. Docet ille quidem *unctionem Chrismatis in vertice baptizati operari conseruationem gratiæ baptismalis*; Sed quid hoc ad errorem tuum? An ideò docet illa unctione suppleri effectum vllum Sacramenti Confirmationis? Hoc enim solus tu ais, ille non ait, quamvis tu eadem insulitate qua rem tam alienam ei audes affingere, etiam dicere audeas, idem quod tu dicis, *tradi hic à D. Thoma conceptis verbis*; nimirum tua mente præpostera conceptis, non mente sani lectoris vllius, aut calamo S. Thomæ, qui iam nunc è cælo tuum errorem, tuam fiduciam, tuam in se calumniam auersatur. Dic enim mihi, si sapias, quæ te ratio argumentari finit unctionem baptismalem iuxta D. Thomam supplere illum effectum Sacramenti Confirmationis, quia iuxta eum operatur conseruationem gratiæ baptismalis? An dicit S. Thomas eam conseruationem operari, quæ effectus sit Confirmationis, aut quæ Confirmationis effectum supplere possit? Non enim etiamsi sacramentum Confirmationis operetur conseruationem baptismalis gratiæ, ideò quælibet baptismalis gratiæ conseruatio effectus est Confirmationis, aut illius effectum supplet. Alioquin Sacramentalia omnia hunc etiam effectum præstabant, quia gratiam fidelium confirmant & muniunt, & in eum finem instituta fuerunt. In primis aqua benedicta Confirmationis effectum supplere poterit, quia ipsa Ecclesiæ consecratione destinatur, etiam expressius quam unctio baptismalis, ad protegendum hominem, & aduersus dæmonem illiusque tentationes roborandum. Perfricet igitur frontem Spongia, & vnica lustralis aquæ aspersione fateatur præberi posse, aut suppleri, effectum sacramenti Confirmationis, qui est conseruatio gratiæ baptismalis, & corroboratio Christiani hominis aduersus dæmonem eiusque impetus; eadem ratione qua id per unctionem illam baptismalem effici vult.

Quid inscitius quàm sacramentalia cum Sacramentis miscere, & horum effectus cum illorum? Quis enim in rebus Theologicis tam peregrinus, & hospes est, qui nesciat sacramentalium operationes nihil esse nisi pios animi motus, actuales nimirum & fluxos, qui vi precum Ecclesiæ ipsi qui illa vsurpant, impetrantur, ut ipsa Spongia paulò post fieri cogitur? adeoque per eos suppleri non posse sacramentorum effectus, qui diurni & stabiles sunt; nec effectum sacramenti Confirma-

tionis, quo homo non ad momentum, aut breue tempus aliquod, sed solidè ac perenniter fortis efficitur ad tentationum, & persecutionum incurfus itrenuè tolerandos.

Nam pij illi motus, quos sacramentalia efficiunt, sine illis haberi possunt per pias quasslibet affectiones animi, quas probi homines crebras quotidie concipiunt. Quas etiam affectiones verum est valere, & vim habere ad conseruandam augendàmque gratiam, tum baptismalem, tum quamuis aliam in homine præiacentem. Quare dicere effectum sacramenti Confirmationis suppleri posse per sacramentale aliquod, aut per verticalem baptismatis vnctionem, quia illa sacramentalis, & illa vnctio operentur conseruationem aliquam gratiæ baptismalis, quid tandem aliud est quàm dicere effectum eundem per bonum quodlibet animi propositum, & per vnum quoduis bonum opus suppleri posse? Quo quid esse potest à Theologo, à Christiano alicuius, & seuera Censura dignius?

Frustra igitur Spongia, vel decipi passa est, vel decipere parat alios loco isto D. Thomæ, ad errorem ipsius stabiliendum debilissimo. Parum enim est quod locum citet, vbi vnctio baptismalis dicitur à D. Thoma operari conseruationem gratiæ baptismalis, nisi locum etiam proferat, vbi idem D. Thomas dicat per istam ipsam, aut per quamlibet generatim gratiæ conseruationem suppleri effectum Confirmationis. Quod nunquam faciet, nec erroris tam putidi, vel D. Thomam scholasticorum principem, vel vllum omnino Theologum patronum dabit.

Quòd si Chrismati vnctio baptismalis instituta esset ad supplendam vnctionem sacramenti Confirmationis, quo modo simul cum ea stare posset? Frustra enim res suppletur, cùm præsens adest. Et tamen ab Episcopis baptismum conferentibus, videmus non omitti vnctionem verticalem, etiamsi sacramentum Confirmationis continuò collaturi sint, vt fieri solet in baptismis adultorum, vbi tria sacramenta Baptismi, Confirmationis, & Eucharistiæ, ex veteri Ecclesiæ consuetudine iungi solent: De quo ritu alius erit fortasse dicendi locus. Et Innocentij I. Papæ epistola iubentur Presbyteri, seu absente, seu præsentem Episcopopo, baptizatos sacro chrismate inungere, de quo plura inferius.

Innoc. I. ep.  
I. ad De-  
cent. cap. 3.

Quamobrem deferat fictitium dogma fictitius Loëmelius, neque tanto dedecore sacramenta Christi afficiat, vt eorum vicem per meras ceremonias impleri posse putet, quarum operatio quæcumque est, & longè inferior est, aliisque generis, & breuior, & incertior, & fallibilior, vt vulgò Theologi consentiunt, quàm vt neglecto sanctissimo & validissimo sacramento Confirmationis, quo totus Spiritus sanctus cum suis donis, & copiis omnibus effunditur, fideles in ea victoriæ, quam de acerrimis quibusque persecutionibus parare debent, spem defigant. Etsi enim ista vnctio aliquam vim habeat ad conseruationem gratiæ baptismalis, vt rectè D. Thomas, non tamen eam qua opus est ad expugnandas persecutiones, dæmonisque frangendos impetus, nisi vis maior accedat.

In quo demum Spongiæ animum satis mirari nequeo, quæ sui erroris olores accusat, quasi Caluino studeant ceremoniarum Baptismalium irrisori. Scilicet Baptismi ceremoniæ contemnuntur, nisi in locum sacramenti Confirmationis euehantur; nisi ex sacramentalibus sacramenta fiant; nisi in eo numero habeantur, ut earum fiducia sacramenta derelicta iaceant, & à Catholicis, ut leuissimè dicam, nunquam desideranda putentur. Hoc ceremonias magni pendere, an sacramenta despiciere, an ipsas etiam ceremonias honore contumelioso afficere est? Non enim minor ceremoniis Ecclesiæ iniuria fit, dum extolluntur plus æquo, quàm dum nimis deprimuntur. Tam hominem dedecorat qui honorem ei alienum, & forte ipsius maiorem impendit, quàm qui suum & proprium negat. Non minùs matrimonium dehonestant nostrates hæretici, cœlibatui, & virginitati præferentes, quàm Manichæi, Eustathiani, & illi de quibus Paulus, *prohibentes nubere*, & coniugia quasi mala execrantes. Sic enim & hæretici, & mendaces, & iniurij quique homines, semper in extremis sunt; Catholici, veraces, iusti, semper in mediis. Vituperandus Calvinus, quod in vno extremo est; Spongia, quod in altero. Nos veritatem Ecclesiæ media euntes via sequimur; & nec ceremonias inanes putamus, nec sacramentis vllò effectu pares. Viderit Spongia num ipsa Caluino sit propior, fictitia ceremoniarum exaggeratione sacramenta extenuans. Non enim tam ceremonias hæreticis venerandas exhibet, quàm sacramentis contemptum parat, & ab hæreticis, & ab Catholicis, dum eorum operationes quas Ecclesia, fremente hæresi, deprædicat, tamen ceremoniis representari & suppleri posse docet. Hac nimirum via sensim ad hæresim pergitur: Hæc istorum hominum arcana machina est, qua sensim in animis fidelium fidem sacramenti Confirmationis labefactare satagunt. Ut meritissimo iure prudentissimi iudices propositionem istam, & imponere S. Thomæ, & hæresim sapere censuerint.

*Conc. CAN.  
gr. can. 1.  
1 Tim. 4.*

## S P O N G I A.

*Tertia est, Hac ceremonia cum Baptismo coniuncta facit hominem fortem ad resistendum peccato, & profitendum in persecutionibus fidem. Hoc tam certum est, ut qui Catholici esse volunt, id negare non debeant, teste Illustrissimo Bellarmino. Nam Caluino calumnianti, Vocem vñctorum esse promissionem in Baptismo se percepisse nullam, qua in agonibus instruantur; respondet: Atqui hoc nullus Catholicorum docet; Catholica enim doctrina est, nos in Baptismo robur accipere, in Confirmatione autem roboris augmentum. In eandem sententiam Rabanus Episcopus Moguntinus, lib. 1. de Instit. Cleric. c. 28. Spiritus sanctus per vñctionem chrismatis in Baptismo confert vigorem celestis gratiæ; vigor celestis gratiæ, an non fortitudo, ut resistatur peccato? & cap. 27. A Sacerdote baptizatus inungitur, ut sacrum Baptisma cum fide accepta, custodiatur. Quod Gerson dicit, Chrismatione baptismali mentem reddi imputribilem Deo, quid aliud est, quàm dari robur ut à se constanter rejiciat omnem putredinem corruptionemque peccati?*

RESPONSIO.

## RESPONSIO.

Piget istas quisquillas excutere, nequidem inspectione dignas. Quas tamen Catholicas, si diu placet, Spongia facit; ab iis qui Catholici esse velint negandas negat; se non solum imperitam, neque solum imprudentem, sed impudentem probat, quæ distortos mentis suæ fœtus Ecclesiæ Catholicæ supponere, & adulterinis suis sordibus eius castitatem & virginitatem temerare audeat. Sed minimè mirum audacem esse in Ecclesiam, qui est in veritatem, cuius Ecclesia custos, interpretes, radius, ipsaque adeo illa est, cum sit ipse Christus qui æterna est veritas Patris.

At quonam modo istum errorem, ut ipsa vult, Catholicum, comprobatur? Teste illustrissimo Bellarmino. Certè Bellarminus, quantus quantus est, minor tamen est, quàm ut faciendæ Catholicæ veritati sit satis. Nequidem si huic Rabanum adiunxeris, neque rursùm si eis Gersonem superadicias, eam auctoritatem conficies, qua dogmata Catholica extruantur. Quid ergo sibi vult Spongia cum his ineptiis non tam ridendis, quàm miserandis? Quid si horum ipsorum nemo, non modò Catholicum non asserat dogma Spongiæ, sed nec asserat omnino, nec de illo verbum faciat?

Quid enim ait in primis Bellarminus? Videlicet, *nos in Baptismo robur accipere*. Verùm quid hoc ad Spongiam, cuius propositio non de Baptismo agit, sed de *ceremonia*, ut eius verba clarissima sunt, in propositione cui Centura subiecta est.

Pudet enim non malitiæ, sed insulsiutatis Spongiæ, quæ suo errori diffidens, ut cum aliquo adminiculo suffulciat, propositionem damnatam interpolat assutis vocibus, *cum Baptismo coniuncta*: ut dicere videatur *hanc ceremoniam*, non per se, ut est in damnata propositione, sed *cum Baptismo coniunctam facere hominem fortem, &c.* Iungit eam cum Baptismo, ut per se debilem Baptismi societate communiat, & nihil denique aliud dicere videatur, nisi homines Baptismo fortes effici ad resistendum peccato, & persecutionibus repugnandum. Quam corruptelam exorta est in Apologiæ Latina versione, sed timidiùs & verecundiùs, inculcata solummodò voce Baptismi hoc modo: *Hanc in Baptismo chrismatis ceremoniam, institutam fuisse ad supplendum, &c.* Postmodum gradatim crescens audacia, & ex Daniele Spongia effecta, humano pudore iam penitus deposito, apertè addidit. *Hæc ceremonia cū Baptismo coniuncta, &c.* Hæc enim sunt argumenta quibus Catholica dogmata cudere novit, ut ea non solum ex ipsis per se, sed ex ipsa eorum tractatione & defensione, qualia sint, appareat. Veritas enim falsitatis auxilium respuit; falsitas & mendacium vix constanter sine mendaciis & fraudibus defenditur: quia quidque vnde nascitur, inde ali sustinerique Philosophi monuerunt. Non ergo Danielem, seu se ipsam defendit Spongia, sed suis peccatis nova peccata superfundit, non solum imperitia penè puerili, superbia plusquam virili, sed etiam fraudulentia, & impudentia non humana desperatæ defensionis.

Apolog. c. 2.  
asser. 3. n.  
24.



Quod ad Rabanum attinet, nihil amplius dicto opus est de vigore illo celestis gratia, quem ait, conferri per unctionem chrismatis in baptismo: quia iam satis supra dictum est de vigore, seu fortitudine, seu conseruatione gratia baptismalis, quæ chrismate illo datur, ostensumque nihil esse ad effectum sacramenti Confirmationis, nec eum villo modo supplere posse, nec satis roborare hominem ut par sit demonis persecutionumque tentationibus inoffenso pectore subeundis. Itaque nihil Spongia Rabanus adiuvat, imò nocet, quia malè colligendi occasionem suppeditat.

De Gerlone denique falsa rursus Spongia est, vel nimium præceps, & immemor loci eius antè citati. Non enim dixit Gerlon, Chrismatione baptismali mentem reddi imputribilem Deo, ut sine fide refert; sed fieri unctionem chrismatis in vertice, ut appareat mens imputribilis Leo. Apparere igitur ait mentem imputribilem, non fieri, aut illa unctione reddi imputribilem Deo; declarari videlicet quid baptismus fecerit, non quid ipsa faciat ad eam efficiendam imputribilem. Eijciat tandem aliquando tot suas putredines Spongia (quid enim fallitas, nisi putredo & corruptio veritatis?) saltem unctionis istius baptismalis memor, qua mentem imputribilem reddi purat. Tribuat illi tantum factis, quantum verbis tribuit. Doceat nos suo exemplo illius efficacitatem; vel significationem saltem illius in se fallam ne præbeat, sicut tot testimonia quibus fallam de illa præsumptionem suam vindicare conata est, fallare non erubuit.

## SPONGIA.

Quarta assertio. Hæ motiones fortitudinis, & vigoris dantur à chrismate ex opere operato, secundum mentem multorum Theologorum. Hæc assertio supponit & insinuat chrismationem baptismalem non esse sacramentum, nec præstare proprium effectum Confirmationis, qui est plenum augmentum gratia sacramentalis; sed tantum conseruare, & roborare in gratia accepta per motiones fortitudinis transeuntes, hoc est, pias cogitationes & affectus. Quod verò hæc motiones ex opere operato dentur; docet Sotus in 4. d. 15. qu. 2. art. 3. Valent. 3. p. disp. 7. q. 5. puncto 1. Caiet. in qu. 71. Vnctio, inquit, Chrismatis in vertice operatur quoddam actuale auxilium, faciens ex parte baptizati ad conseruationem gratia baptismalis. Imò Innocentius III. Decretali epistola, cum dicit visibilem unctionem chrismatis operari inuisibilem effectum, qui per eam significatur: unctionem verò chrismatis in vertice significare gratiam, qua quis redditur paratus omni petenti fide reddere rationem; certè significat unctionem verticis conferre actuale auxilium, seu robur ad conseruandam gratiam, ad reddendam fidei rationem ex opere operato. Quicquid sit, negari à Catholico non potest, saltem per preces & innovationem Ecclesia hunc effectum tribui, prout Auctor affirmavit.

Extra de  
sacra Vn-  
ctione 9.  
quia vero.

## RESPONSIO.

Quid dicam de hac etiam assertione? Quæ ipsa per se, an eius pro-

batio sit inanior, difficile dictu est. Pudet in istis naniis persequendis moram facere. Nam primo, hinc saltem Spongia recantare necesse est suum illud carmen magnificum, quod septem istis *assertionibus* initio præpoluit, ut ad singulas instar epodi succineretur: *Author nihil hoc loco dicit quod non sit Catholicum, quod non à Doctoribus Theologis & sanctis Patribus, nullo dissentiente asseratur.* Nec enim Catholicum dicit, opinor, fortitudinem à chrismate baptismali dari ex opere operato, ita ut Catholici non sint qui hoc credere nolint. Neque id ipsum à Doctoribus Theologis, & sanctis Patribus nullo dissentiente asseri volet, cum Doctorum Theologorum saltem partem multo maximam id negare nescire non possit, & nullos omnino Patrum id dixisse, aut dicere potuisse.

Deinde excurrit extra orbitam; manum petitur & pedem porrigit, manus enim dare non didicit. Non enim Censoribus in animo fuit discernere, an Ecclesiæ ceremoniæ quid agant ex opere operato, an operantis; sed proprium Spongiæ errorem expungere, quo perfectionem Christiani nominis, vim dæmonis insultus, persecutionisque superandi, effectum denique sacramenti Confirmationis, non solum dari statuit unctione chrismatis baptismalis, sed etiam ex opere operato dari. Quod sine dubio prioris erroris graue incrementum est. Nam sacramentalia cum sacramentis æquare, non solum quoad effectum aliquem, sed etiam quoad ipsam illius effectus operandi rationem, si non est hæreticum, erroneum certe ac temerarium est, Christianis auribus inauditum, à nullo unquam Theologo proditum, quia latam viam patefacit sacramentalia ad sacramentorum amplitudinem euehendi, sacramenta ad sacramentalium tenuitatem deturbandi, atque adeo utraque pariter extinguendi.

Illam verò opinio, quam pauculi aliqui scholastici nuper excogitarunt, non solum præter scripturarum, SS. Patrum, & Ecclesiæ auctoritatem, sed etiam contra sensum, tum eorum omnium, tum omnis propemodum ipsius scholæ Theologorum, sacramentalia effectus ad quos ab Ecclesia instituta sunt, operari ex opere operato; etsi ad Spongiam non propriè pertineat, neque verò ad Censuram; tamen explodenda & longè amandanda est ex animis Catholicorum; eorum præcipuè qui solam scripturæ & traditionis Ecclesiasticæ normam, non humani sensus arbitrium, ad res Theologicas diiudicandas adhibent. Est enim opinio merè voluntaria, nuper inuenta, nullo fundamento Theologico nixa, omnis auctoritatis ac testimonij expers, sine quo tamen res facti ac voluntatis diuinæ, qualis ista est, sine temeritate proferri non potuit. Nam Caietanus ipse, quem doctrinæ istius authorem volunt, nusquam tradit eam, neque operis operati mentionem unquam facit, ubi de sacramentalium operatione disputat. Mitto cætera loca, quia nunc alia res agitur: Illum solum excutio, quem Spongia delegit. Quid ille aliud habet, nisi unctionem chrismatis in vertice operari quoddam actuale auxilium? Audio operari; ex opere operato operari, non audio. Si quis operari negauerit, rectè isto loco preme. At qui operari agnoscit, modum tantum operandi, quem tu fingis, repudiat; quonam pacto eo loco constrin-

gitur ubi de operatione sermo, de operandi modo silentium? Alius tibi locus Caietani conquirendus fuit, quem non nosse videris; quémque si quando ab alio monitus repereris, pari facilitate tibi ereptum videbis.

Eadem leuitate obijcitur Epistola Innocentij III. Nani ex eo quod doceat *visibilem vñtionem chrisimatis operari inuisibilem effectum*, quis tanta perspicacia colligat, dici ab eo illum effectum operari ex opere operato? Cœcam profectò Spongiam fuisse oportet dum ista scriberet, si tamen Spongiæ cœcæ sint; aut impotenti quodam sua propugnandi studio, ad hæc præsidia miserrima fuisse compulsam, quibus hoc vnum assequitur ne siluisse videatur. Quanquam tam friuola responsio tum istam ipsam eius inopiam, & imperitiam quam tegere voluit, tum præterea superbiam & inuerecundiam multo maximam, qua eam tegere voluit, testatissimam cuius efficit. Nam in Innocentij loco etiam plura peccauit. Non enim vsquam est in illa epistola Innocentij, *visibilem vñtionem chrisimatis operari inuisibilem effectum*. Verba ista Spongiæ sunt, non Innocentij, qui hoc non de *visibili* vñtione, sed de inuisibili scripsit his verbis: *Vñtio verò inuisibilis & interior non solum est signum, sed etiam sacramentum: quia si dignè sumitur, vel agit, vel auget absque dubio quod designat*. Nec refert quod rem internorem signum vocet; cum & D. Thomas, & omnes cum eo scholastici signum vocent characterem sacramentalem, etsi spiritualem & internum, eumque rem simul & sacramentum appellent. Quinam autem sit verus sensus vocum istarum Innocentij, Spongiæ pensitandum relinquimus. Hic enim de ipsis vocibus agitur; quas probandum suscepimus ab ea fœdè confictas. De sententia, alibi fortassis, aptiore loco dicetur.

Præterea Innocentius de vñtione loquitur quæ Sacramentum est, nec signum tantum. Vñtio autem baptismalis, neque Sacramentum, neque inuisibilis est.

Deinde Innocentius apertè agit de vñtionibus sacramenti extremæ vñtionis, & sacramenti Ordinis, ut disertè sub initium capitis proficitur. Vnde & vñtionem hanc ipsam, de qua agimus, disertè *Sacramentum* vocat.

Denique Iesuita duo Innocentij capita, vel potius duorum capitum duo loca in vnum conflat. Quod enim de vñtionis efficacitate Innocentius scripserat priori capite, cum de vñtionibus duorum sacramentorum, Ordinis & Extremæ-vñtionis disliceret; hoc Iesuita copulat cum ijs quæ scripta sunt posteriori capite de vñtionibus ceremonialibus Baptismi, ubi nihil de operatione earum, sed de significatione tantum.

Ego verò tot prauitatibus attonitus, nec verba habeo quibus tantam hominis Iesuitæ fallaciam, tot dedecora eloquar, nec mentem qua concipiam; eaque ad Deum vindicem referre cogor, quandoquidem isti tam pudenda non peccarent, si pudore vllò, aut vlla hominum conscientia, aut vllis denique mortalium iudiciis mouerentur.

Quod si ex eo quod Innocentius dicat, *in vertice baptizatum inungi, ut sit paratus omni presenti de fide reddere rationem*; efficitur vñtione ista dari

robur, ex opere operato; atque id robur, quo effectus sacramenti Confirmationis suppleatur; argumentari licebit similiter, vñctione olèi quo ante Baptismum pectus vngitur, Spiritum sanctum dari, & effectum Baptismi suppleri, quia Innocentius ibidem similiter ait, *In pectore baptizandus inungitur, ut per Spiritus sancti donum abijcias errorem & ignorantiam, & suscipias fidem rectam, quia iustus ex fide vivit.* Fateri igitur oportebit Spiritum sanctum ac fidem viuam ista vñctione donari, & quidem ex opere operato, & quidem authore Innocentio III. Pontifice; atque adeò Baptismi necessitas in graue discrimen ibit. Multæ sunt istiusmodi locutiones Patrum, etiam multò in speciem liberaliores erga ceremonias Ecclesiæ. Quas tamen nihil sacramentis derogare, nec eorum vllam efficacitatem cum ceremoniis communem facere, alibi perfacilè docebimus.

Quare tollantur è medio Spongiacæ tricæ. Sint ceremoniæ Ecclesiæ quod sunt. Ne Sacramentorum fines inuadant; ne inuita Ecclesia in Sacramentorum perniciem contemptumque inuitæ trahantur, quibus potius decorandis, & in nostram venerationem adducendis inuentæ fuerunt. Malè Spongia naturam earum peruertere studet, præcipuè argumentis tam leuibus, imò tam grauibus, & perniciosis, ut non minùs communem hominum rationem quàm fidem evertant.

SPONGIA.

Quinta Assertio. Ceremonia chrismatis in Baptismo fuit instituta, ut suppleret defectum Confirmationis. Hoc <sup>a</sup> Bellarminus, & ex antiquis <sup>b</sup> Rabanus, Hugo <sup>c</sup> Victorinus, Amalarius, alijque Patres directè tradunt. Rupertii <sup>d</sup> Tuitiensis verba apponam de diuinis officiis l. 5. c. 16. Legitur in actis Pontificalibus, quod Syluester Papa constituit, ut baptizatum linat Presbyter chrismate leuatum de aqua, propter occasiones transitus mortis, ne propter absentiam Episcopi, & difficultatem eum consequendi, sine manus impositione baptizati migrent.

<sup>a</sup> Lib. 1. de Bapt. c. 27.  
<sup>b</sup> Lib. 1. de inst. Cler. c. 28.  
<sup>c</sup> De sacri l. 2. p. 3. 27.  
<sup>d</sup> L. de off. Eccl. c. 27.

RESPONSIO.

Qui temerè promittunt, difficilè fidem liberant, multò magis qui temerè gloriantur. Promisit Spongia ostensuram se nihil sua propositione dixisse, *quod non sit Catholicum, quod non à Doctoribus Theologis & sanctis Patribus, nullo dissensiente asseratur.* Nunc cum Thraſonica ista verba ad rem conferenda sunt, Bellarminum solùm ex recentioribus citat, qui tamen hoc non asserit, multo minùs Catholicum dicit; ex antiquis Rabanum, Hugonem, Amalarium, & Rupertum, qui nec istud docent, & quamuis docerent, non sunt tamen omnes Patres, nec satis authoritatis afferunt ad quippiam pro Catholico prædicandum. Verùm sit hoc stuporis illius perpetui, & iactationis improuidæ, qua Spongia feruet tumetque tota.

Rupertus cum aliis, quorum verba proferre neglexit, nihil ait nisi locum nudè profert ex Damasi Pontificali, cuius authoritas exigua est, ut Catholici scriptores consentiunt, nominatim Cardinalis Baronius, à quo passim in Annalibus vapulat, & grauis auersitas conuincitur. Bellarminus à Damaso scriptum negat, ab Anastasio Bibliothecario

Lib. 16. de ser. Eccles. in Anast. Bibli.



asserit, qui quadringentis amplius annis ætate Damasi minor est. Cæterum neque hoc ipsum Pontificale, neque Rabanus, Hugo, vel Amalarius, quicquam habent de supplemento sacramenti Confirmationis, seu effectus eius, nec si quid vel tenuissimum haberent, Spongia tacere potuisset, quam inopia eò adegit ut verba Pontificalis à Ruperto simpliciter memorata, ipsius Ruperti nomine ventilaret.

Quo sensu autem dicant vñctionem istam Baptismalem institutam esse, quia non semper adest Episcopus, & ne baptizati sine manus impositione discedant, paulò post in loci Hugonis expositione dicetur.

Innoc. I.  
ep. 1. c. 3.

De qua ipsa re Bellarminus inconstanter ac timidè loquitur, *videri* scribens, non asserens. Ac iure quidem. E tribus enim testimoniis quibus nititur, primum ipsi manifestè reclamationat, alia nihil fauent. Primum est Innocentij I. Pontificis, qui in epistola quadam, ait: *Presbyteris, seu extra Episcopum, seu præsente Episcopo baptizant, chrismate baptizatos ungere licet, sed quod ab Episcopo fuerit consecratum.* Quibus verbis, tam Bellarmini coniectura reuincitur, vñctionem istam *introducendam* videri, quia non semper adest Episcopus qui possit continuò dare post Baptismum sacramentum Confirmationis; quàm Pontificale illud, seu Anastasij, seu veriùs incerti auctoris ac fidei: *Baptizatum linat Presbyter chrismate leuatum de aqua, propter occasiones transitus mortis, ne propter absentiam Episcopi, & difficultatem eum consequendi, sine manus impositione baptizati migrent.* Nam si baptizati chrismate linendi sunt à Presbytero, seu absente, seu præsente Episcopo, ut docet Innocentius; patet vñctionem hanc non ideò institutam esse ut Episcopi absentiam suppleat, cum tam illo præsente, quàm absente peragatur.

Locus verò Hugonis Spongiam potius redarguit quàm iuuat. Nam primò fallò citat eum, quia exscripsit ex Apologia, ubi error idem est, quia & in Apologiam ex alius cuiuspiam citatione transcriptus est. Sic enim ruunt qui alienis oculis vident, & testimonia proferunt quæ nunquam legerunt, præcipiti studio, & inani libidine librorum parientium prurientes. Citandus fuit Hugonis lib. 2. de Sacram. part. 6. cap. 3. ubi tamen non scribit Hugo effectum Confirmationis hac ceremonia suppleri, sed ita loquitur; *Propter eos qui articulo temporis præueniuntur, instituta est illa, qua Sacerdos baptizatum statim in vertice linat, sacri chrismatis vñctio: ut in hoc ipso ostendatur, quantum Sacramentum istud necessarium sit ad salutem, cum tam sollicitè vniuersis cauetur, ne forè sine ipso ab hac vita subtrahantur.* Non ait eam supplere effectum Confirmationis, sed institutam esse ut ostendatur quanta sit Sacramenti huius necessitas ad salutem. Quia videlicet ij quibus imminente obitu aduentum Episcopi expectare non licet, neque sacramentum Confirmationis simul cum Baptismo suscipere, hac ceremonia suscepta à Presbytero ex præcepto Ecclesiæ, profitentur se necessitatem sacramenti Confirmationis agnoscere, dolereque si per mortis angustias eo potiri non possint. Vnde tantum abest ut hæc ceremonia ex Hugonis sententia necessitatem sacramenti Confirmationis imminuat, ut ad eam expressius declarandam & testificandam instituta

fuerit. Quod dictum quale sit, alibi latius disceretur. Hic enim de sententia Hugonis agimus, Quam prorsus eandem esse patet cum sententia Pontificalis, aliorumque supra citatorum qui eandem ex eo sumplerunt, & omnes ab Hugone clariùs exponuntur.

Quem tamen Hugonem facere non possum, quin vindicem à graui criminatione quam ei Hadrianus postea Pontifex inussit in 4. sentent. *Hadrian 4. dist. 7.* scribens Hugonem errore lapsum, vnctionem istam baptismalem pro sacramento ipso Confirmationis habuisse. Quod sanè non ita videtur, neque vnquam Hugoni obiectum est, nec ex eius verbis elicitur.

Hugo enim sacramenti vocem hoc loco non addit, neque refert ad istam vnctionem, quam tam rudis non fuit, vt ab Ecclesia ad parem cum sacramentis Christi dignitatem euehi posse; aut eos qui illa semel inuncti fuerint, postmodum frontes Episcopis consignandas offerre sine sacrilegio non posse, ne scilicet sacramentum Confirmationis iteretur, putauerit. Nomine igitur sacramenti Confirmationis, sola frontis consignatio Episcopalis ab Hugone intelligitur, cuius ad salutem necessitatem baptismali vnctione declarari censuit, quemadmodum expoluimus. Tantum verò abest, vt Hugo vnctionem baptismalem pro sacramento Confirmationis acceperit, vt contra docuerit sacramentum Confirmationis Presbyteris committi non posse, vt infra iterum dicetur, & iam antè dictum est. *Hug. in summ sent. tract. 6. c. 1.*

Nihil ergo habet ex huius testimonio Spongia, quo Censuræ ictum effugiat: sed quo magis torquet se, ac versat inaniter, hoc ei altius ille mucro infigitur, semper nouam vim aliquam ab irritis eius conatibus trahens.

### SPONGIA.

*Sexta propositio. Confirmatio Episcopalis post institutam Presbyteralem chrismationem baptismi non est tam necessaria, quam fuit antea. Hoc tradunt Patres Atrouicani, Canone primo, vt habetur cap. nullus de consec. dist. 4. vbi conceptus verus dicunt, necessariam quidem esse chrismationem, tamen satis esse semel in baptismo chrismari. Si verò in baptismo chrismatus quis non fuerit, ammonetur, inquiunt, Episcopus: nam sufficit vna benedictio.*

### RESPONSIO.

Hoc nimirum erit illud dogma, Catholicum à Doctoribus Theologis, & sanctis Patribus nullo dissentiente assertum; vno videlicet vnius Synodi particularis canone, eoque corrupto per se, & à Iesuitæ manu iam multo corruptiore, suffultum. Est enim canonis huius editio, ita obscura & deprauata, vt ad disputationem dogmaticam adhiberi sine temeritate non possit. Referuntur à variis auctoribus verba eius planè inter sese pugnantia, quibus deinde proprias labeles Spongia superfundit, nunc primùm apud eam, & ab ea natas. Editio Bini posterior sic habet: *Nullus ministrorum qui baptizandi recipit officium, sine chrismate vsquam debet progredi, quia inter nos placuit semel in baptismo chrismari. De eo autem* *Tomo 1. Conc. part. 2.*

D iij

## 44 VINDICIÆ CENSURÆ SORBON.

De confid.  
dist. 4 cap.  
125.

Anton.  
August. lib.  
22. tit. 17.  
c. 10.

Tom. 1. Cō-  
cil Gal.  
In Not. ad  
hoc Conc.

qui in baptismo quacumque necessitate faciente, non chrismatus fueris; in confirmatione Sacerdos commonebitur. Nam inter nos chrismatis ipsius, non nisi una benedictio est. Non prauidicans quicquam dico, sed ut necessaria habeatur chrismatio repetita. Legitur iisdem penè verbis apud Gratianum, quem Spongia citat, nisi quod vltima illa vocula *repetita* omittitur. Item apud Antonium Augustinum Archiepiscopum Tarraconensem, iuris Canonici peritissimum; nisi quod pro illis vocibus *chrismatio repetita*, legit *re-  
chrismatio*. Alij eadem penè omnia retinent, nisi quod postremam clausulam addita negatione ita legunt, *sed ut non necessaria habeatur repetita chrismatio*. Sic antiqua editio Coloniensis: quam nescio cur P. Sirmondus sine causa sequi maluerit, contra P. Frontonem Ducæum, qui exploratis diligenter vetustissimis, vltimæ illi parti negationem non adiecit, sed solum pro, *in confirmatione Sacerdos commonebitur*, reponit *in chrismatione*.

Bellarmin. de  
sac. Confir.  
l. 2. c. 12.

Quæ ideo Lectori exponere visum est, ut planius intelligat, primò Spongiæ nullam fidem esse, quæ canones suo arbitratu effictos obtrudat longè aliter quàm extent in Conciliis, ut patet verba quæ protulit, cum integro canone à nobis exscripto, conferenti: ex quo perfidiam eius, & vecordem audaciam mirabitur. Deinde nequidem ei esse iudicium, aut lucem mentis, quæ fundamento tam fluxo & ancipiti doctrinam tanti momenti superstruere velit, Confirmationem Episcopalem minùs necessariam esse cœpisse, ex quo chrismatis vinctio baptismalis instituta fuit. Atque ut multò magis probationis istius infelicitas eluceat, Bellarminus hunc canonem ipsum de sacramento Confirmationis simplicibus Presbyteris commissio exposuit.

Mitto accuratiorem loci huius dissensionem, quæ alterius loci est. Interim satis esto Spongiæ leuitatem demonstrare, quæ obscurissimos errores suos argumentis obscurioribus probat; noctem nocte illustrat; stultius quàm vllæ sepiæ, atramentum fundit vbi captozem timet. Nec enim ista offusione id assequitur quod sepiæ solent, ut lateat, & effugiat; sed contrà multò magis se indicat, & clariùsprehenditur; ut Spongas sepius stolidiores esse iam dubitari non possit.

### SPONGIA.

*Septima Propositio.* Hanc veritatem de efficacia eius ceremonie, Catholicis magni solatis esse debere, praesertim iis quibus habendi confirmationem facultas non suppetit. Hæc propositio tam clara est, ut probatione non indigeat. Quis enim non nomine tantum, sed verè Catholicus qui sit, non gaudeat ceremoniis ab Ecclesia institutis, quas hæretici irrident, tantam diuinæ gratiæ vim & vigorem inesse, & hoc Patrum testimonio probari posse? Aristoteles adolescentes audaces esse scribit, senes timidos, cuius una causa est, quòd illi experientia careant, qua hi abundant. Si Richerista in Patribus & Theologis versati essent, non ita iuuenili audacia in Censuras vuerent: certè nihil hac propositione continetur, quod non Genæ displiceat, non minùs quàm Sorbone.

## RESPONSIO.

Non solum intemperanter, sed etiam intempestive insultas, adeoque impudenter. Tu post tam inaudita commenta & deliria, quibusmodò Ecclesiæ doctrinam sensumque subvertere ausus es, audaciam eis impropere, qui tantam insolentiam, non apophthegmatibus Aristotelis, sed Ecclesiæ consensu, & gravissimi iudicii Auctoritate fregerunt? Post puerilem & pudendam non Patrum solum, quorum non magis libros quam facies nosse te produs, sed etiam Theologiæ, doctrinæque Christianæ fundamentorum inscitiam, cuius manifestè vel cum legentium rubore convictus es, Facultatem Parisiensem, imperitiæ istius castigatricem, in Patribus versatam neges? Errorum stolidorum quibus Sacramenta sanctissima violantur, deiiciuntur, abiguntur, vindicem, Genevæ compares? Quàm hoc Molinisticum! Quàm illi proterviæ indomitæque superbiæ aptum, quæ Iesuitis à plerisque hominibus, post longæ experientiæ documenta, vna voce tribuitur! Itane decet pudendam rerum, quàm hætenus mirabundi vidimus, infirmitatem multo magis pudenda verborum vehementia contegere, quæ tanto infirmior, quanto vehementior & vanior est? Scilicet tu Genevæ, aut hæresi displices, dum ceremoniam cum sanctissimo sacramento Confirmationis, quod hæretici omnes peius quàm vllas ceremonias oderunt, parem effectui facis; parem, inquam, quicquid tu veteratoriis tuis causationibus oggannias. Hoc enim præter dicta superius, certè Catholicis Angliæ valte innuis, quia aperte loqui non audes, dum scribis eos à cerimonia baptismali robur profitendæ constanter fidei coram tyranno ita abundanter consequi posse, ut sacramento Confirmationis non egeant. Quod quid tandem aliud est apud populum, quàm ceremoniam baptismalem idem habere efficaciam ad roborandos fideles, ac sacramentum Confirmationis? Quod enim de effectu *actuali* & *habituali* distinguis, ridiculum est, nugatorium est; & ad populum, qui talia non capit, prorsus inutile. Vallet hoc tantum, & à te spargitur, ad placandos doctiores & ludificandos, ne malam mentem tuam penitus aduertant, & perfidiam execrentur. Populus interea verbis tuis illaqueatur, & venena combibit: Quem quia discriminis istius *actualium* & *habitualium* effectum rudem & incapacem noras, eo genere orationis affatus es, unde nihil aliud percepturum esse vidisti, nisi ceremoniam Sacramento esse parem, ut tanto facilius & potentiùs sacramentum Confirmationis & Episcopum ex Anglia depelleres. Quid magis Calvinisticum? Genevæ & Lemani vernaculum? *operariorum subdolorum* proprium; quorum nomine quosnam Apostolus intelligat, satis nosti. Quod clarius faciunt illæ illecebræ, quibus virosum poculum condidisti, quò suavius & penitius influeret; Agi communes omnium fortunas, libertatem, vitam denique, si sacramentum Confirmationis ab Episcopo suscipiatur; non posse tam graue iugum vlla auctoritate imponi; adesse ceremoniam qua perfectio Christiani nominis, & robur ad superandas

1. Cor. 11. 13

In falsa declar. nom. cathol. laic. Ang &amp; 10- ta Apolog. passim.



persecutiones sufficiens, atque adeò effectus sacramenti Confirmationis suppleatur. Ex quibus omnibus nemo facinus tuum non horret, Ecclesiæque animaduertendum videt, ne perniciosissimis tuis captiombus insciæ Catholici populi animæ in hæresim implicentur. Hæc enim consolatio est qua miserorum Angliæ Catholicorum corda mulces; hoc barathrum quò imprudentes trahis.

Nam non solum omnem eius sacramenti operationem ac necessitatem vnius ceremoniæ ope excludere vis ab Ecclesia, sed etiam omnem à fidelium animis dolorem, quem è tanti sacramenti penuria capere possunt ac debent. Vis enim eos non modò longum valedicere præcipuo penè religionis Christianæ sacramento, sed etiam securissimis animis, & sine vllò doloris sensu valedicere. Quod vide quonam modo Geneuæ displiceat, cum quod tu istis dogmatibus in Angliam moliris, hoc illa in Gallia & alibi iam pridem, quamuis infausto fidere, moliatur. Emendum illa sibi tuum istum animum, non dolendum putabit: & cum omni cohorte gregibusque suis libens tecum fatebitur, & si voles obsignabit, sacramentum Confirmationis nullo modò necessarium, meris ceremoniis, atque adeò quibuscumque bonis operibus suppleri posse; fideles etiam solabuntur, ne illo per omnem vitam se spoliari lugeant. Hoc vno, nisi fallor, à te dissentiet, quod Christiani nominis perfectionem in denominatione, aut vnctione exteriori, sitam esse nunquam volet, & hanc tuam blasphemiam nobiscum pariter, & vnà cum omnibus qui vel nomen Christianum gerunt, execrabitur.

Fugiant igitur Catholici Anglicani consolationes tuas quouis morbo deteriores. Imò eo fallaciores, & perfidiores agnoscant, quod non ad tollendam radicem aegritudinis, quam ex sacramenti Confirmationis orbitate meritò Christiani quiuis percipiant, sed ad eam alendam potius, & fouendam conferantur. Hoc enim vnum agunt consolatores optimi, vt eos istiusmodi lenociniis à sacramento Confirmationis requirendo auocent, & illud iis diutiùs suffurètur; sicut steriles infidæq; nutrices, pueros quibus alendis lactis copiam suppeditare non possunt, conquisitis crepundiis & ludibriis à fletu quem tames ciet, & ab alimentis necessarij recordatione studiosè auertere solent, ne meliores nutrices requirantur, & ipsis fraudulentæ nutritionis merces & fructus pereat. Satis enim constat quænam isti compendia, quas commoditates, tum sibi quisque priuatim, tum suæ generatim societati venentur. Meminerint, si sapiunt, grauissimæ vocis Pauli, quam omnes qui pastorum munere funguntur, animo insculptam habere oporteret, vt *abdicent occulta dedecoris, neque adulterent verbum Dei; sed in manifestatione veritatis se ipsos commendent.* Nam *occulta dedecoris*, quæ abdicare iubentur, sunt abstrusæ cupidines, & obliquæ voluntatis motus intimis animæ recessibus adhærentes, quibus non minùs, imò magis adulteratur verbum Dei, quàm vitiis perspicuis, & erroribus palam expressis. Odiosior enim est Iesuita fictè aliis consulens, vt sibi verè consulat, quàm si eos palam proderet; ceremoniarum Ecclesiæ hono-

rem prætexens, ut errorem suum tucatur, & sacramentum Confirmationis ex Anglia eliminaret, quàm si id quod verbis tegit, factis prodit, verbis factisque proderet. *Simulata innocentia, non est innocentia, simulata August. in aquitas, non est equitas, sed duplex iniquitas.* Nulli enim errores pestilentiores sunt, quàm qui sub ipso veritatis inuolucro, & quasi præsidio latent. Vnde rectissimè à Tertulliano scriptum est, non minùs obstrepere veritati sensum adulterum, quàm stylum corruptorem. *Tertul. de præscr. c. 17.* Ecclesiæ ceremoniæ honorem non querunt, qui ad sacramentorum abiectionem, ad errorum defensionem, ad cupiditatum variarum tutelam, conuertatur. Vero animo, non falso coli volunt; simplicitate, non versutia; fidelitate non hypocrisi. Catholici quoque populi solatiis inanibus lactari non debent, nec vacua fiducia confirmari. Id est, dicere pacem ubi non est pax; miscere sermones adulationis, spreto Paulo, *Isa. 57. 11. 1. Thess. 2. 5.* veritate contempta; Animum eis ad se perducere, & languentem immittere erga diuinissimum Sacramentum, quo Spiritus sancti plenitudo infunditur. Quo enim in illud studio esse velint, aut possint, si persuasum habeant, quicquid ipsis ab eo necesse sit, simplici ceremonia abundè præstari posse, & iampridem fuisse præstitutum in ipso Baptismo infantibus? Hoc scilicet compendium est, quo citò Geneuam perueniant, & sacramenta nostra, non iam sacramenta, sed ceremonias existiment. Luctuosum est consolationis hoc genus, perniciosum, nouum, Ecclesiæ inauditum. Qua enim facilitate fideles Angli suprà confutatum viderunt quantulum à Patribus aut Theologis, ad errorum istorum commenta probanda Spongia miserè corrasit; eadem facilitate videre possunt, repudiandam sibi & quàm longissimè auerſandam, quæ ab errorum istorum fontibus promittitur consolationem, utpote Ecclesiæ sensui, & spiritui consolationis, spiritui paracleto, spiritui sancto aduersam; nec vllum solatium admittere debent, quo à sacramento consolationis, & spiritus paracleti excludantur. Si consolationis egent ad tanti sacramenti diuturnam illam penuriam, quam tanto tempore pertulerunt: perpendant potius animis, quàm sibi damnota fuerit communis patriæ suæ calamitas, qua tamdiu sacramento Confirmationis orbatifuerunt, tanto subsidio, tanto solatio, simili gratiæ dono ei quod Apostoli fidelesque omnes die Pentecostes diuinitus acceperunt. Iudiciorum diuinorum inscrutabilem altitudinem mirentur ac suspiciant, Culpas patriæ suæ ac suas gemant. Parent cogitatione ista & colligant esuriam, sitimque iustitiæ, & saturari mercantur. *Matt. 5. 6.* Discant quanti diuinæ gratiæ munera facere, quanta cura tueri debeant. Conentur, ac studeant, summa apud Deum humilitate prostrati ea sibi elicere, & quàm celerrimè maturare cœlitus, tantòque ardentius & cupidius ad ea excipienda se accingant, dum sibi à cœlesti misericordia per Ecclesiam offeruntur. Hæc sunt solatia, quibus hoc tempore Anglorum fidelium animos sustentare oportuit. Verùm Mohanistæ, non minùs gratiæ Dei, quàm Sacramentis gratiæ fontibus, deprimendis allucti, vix idonei sunt, ut rerum quas parui faciunt existimationem aliis maiorem ingenerent, quàm ipsi habent.

## QUARTA PROPOSITIO.

Ex Cap. 2. §. 4. Num. 23.

Fortè vereri poterant ( summi Pontifices ) ne confidentia huius Sacramenti  
causans remissionem in usu aliorum , illis ( Catholicis Anglicanis ) noceret.

## CENSURA.

Ista propositio est summis Pontificibus iniuriosa , & piarum au-  
rium offensiva.

## SPONGIA.

Bene Aristoteles: Ad pauca respicientes facilè pronunciant. Sed si quis  
respiciat statum Catholicorum Angliæ , tam laïcorum quàm Sacerdorum , dispi-  
ciet causas non defuisse , cur Pontifices prudenter timere potuerint. Ex parte  
Sacerdotum norant , quod eorum aliqui studio habendi Episcopos , Confirmationi  
necessitatem & vires suprâ Catholicum ius & fas extollerent , nimirum quod iam  
scripto prodiderunt ;<sup>a</sup> hoc Sacramentum esse necessarium ad salutem ,  
<sup>b</sup> infallibiliter conferre robur inuictum , quo quis fidem confiteatur ,  
<sup>c</sup> sine Confirmatione gratiam quidem sufficientem haberi posse , gra-  
tia tamen , quæ dat efficaciam profitendi fidem nostram coram tyran-  
no , non debetur nisi iis , qui confirmati sunt , quibus debetur ex vi  
Sacramenti & characteris. Ex parte laïcorum compertum habebant , quod ipsis  
frequenter Sacramenta difficillimum esset , capitale in Angliâ esse Sacerdotem  
domo excipere , satellites interdum noctuque discurrere , in domos irrumpere , ut  
Sacerdotes comprehendant , Sacramentorumque administrationem impedian-  
t. Si quis his Catholicis offerret Sacramentum , quod diceret semel acceptum conferre  
gratiæ plenitudinem , ita ut deinceps certi futuri essent de sua perseverantia &  
constantia ; quis non prudenter crederet , ex ipsis plurimos illud Sacramentum ita  
amplexaturos , ut ab aliis quibus iam non indigerent , nec sine periculo ingenti ha-  
berent , frequentandis desisterent ? Igitur cum constet summos Pontifices Sacramen-  
tum Confirmationis Catholicis Angliæ per quinquaginta annos non præstitisse ,  
quid obstat cogitare fortè hac inter alias cogitatione moveri potuisse. Neque hoc  
pias aures offendit , si verba adiungantur quibus Author vitur , sed Collector  
supprimit , torporem in frequentandis aliis Sacramentis , ex Confirmatione oriri  
non illius culpa , sed nostra.

<sup>a</sup> Inqui.  
pag. 10.  
<sup>b</sup> Hierarc.  
pref. n. 18.  
<sup>c</sup> Replica  
pag. 94.

## RESPONSIO.

Tuo te laqueo induis , tuo te gladio feris. Si enim verè , ut ais ,  
Catholicis suggestum fuit sacramentum Confirmationis semel accep-  
tum conferre gratiæ plenitudinem , ita ut deinceps certi futuri essent de sua  
perseverantia & constantia , & ita ut aliis Sacramentis iam non indigerent , ne-  
fariè dubitas Pontificem maximum hanc iis persuasionem forte detra-  
here voluisse. Asserere id seriò debuisti , neque sine graui Pontificis  
contumelia dubitare potuisti. Certissimum enim est , nec vlllo modo  
dubium , persuasionem istam esse impiam & hæreticam , nec à Pon-  
tifice in vlllo homine Catholico tolerari potuisse , si de ea quicquam  
cogniti habuit. Ita calumnia Presbyteris Anglis imposita , sua sponte  
corrui-

corrui, inuitâ verò Spongiâ eorum innocentiam adstruit. Et verò tam fœda est, vt nihil adhuc tam fœdum in hoc genere hæretici ipsi Catholicis exprobrauerint. Est enim ipsa eorum hæresis, ab orbe Catholico iampridem explosa, fidem & iustitiam amitti non posse, & cuique fidei de perseuerantia & permansione in fide posse constare. Quam illi tamen perseuerantiam & certitudinem stare posse non docent sine bonis operibus, & Sacramentorum vsu, aliisque ad rem adiumentis à Deo constitutis, quoquo modo ea intelligant. At Spongia asseuerare audet Catholicos Anglicanos à Presbyteris doceri, eos *accepto semel sacramento Confirmationis, deinceps certos fore de sua perseuerantia & constantia*; ita vt aliis Sacramentis iam non indigeant. Peiores igitur & damnabiliores hæreticis cum eos faciat, dubitat tanti erroris metus, si quis suberat, Pontificum animos commouerit? Nec pudet Presbyteros Catholicos turpissimæ hæreseos reos agere; Pontifices maximos turpissimæ incuriæ, vel imprudentiæ; vt vel à Spongia illi fide, hi diligentia, aut prouidentia superentur?

Longè ab hac differt illa iniuria qua se affectam simulat, querimoniæ causam quæritans, vt querimoniam cuius causam dedit, eripiat. Queritur suppressa fuisse à Collectore verba Danielis, quibus declaratur, *torporem in frequentandis aliis Sacramentis, ex Confirmatione oriri, non illius culpa, sed nostra*. Quasi cuiquam obscurum sit aut dubium, si quid incommodi ex rerum sacrarum vsu oriatur, in hominum peruersitate, non in earum sanctitate hæreere culpam. Homines enim Dei bona in mala transferunt, vt Deus mala hominum in bona. *Sicut illorum nequitia est male vii bonis operibus eius, sic illius sapientiæ est bene vii malis operibus eorum.* Quod si Censores hoc aliter intellexissent, *torporémque illum in frequentandis aliis Sacramentis*, Sacramento ipsi Confirmationis vt causæ propriæ à Daniele assignari putassent, propositionem damnassent, non vt *piarum aurium offensiuam*; sed vt hæreticam & blasphemam, blasphemiamque stolidissimæ plenam. Quare non est quod Spongia conqueratur, eam de se suspicionem habuisse Censores, quàm, nisi eam non Spongiam, sed dæmonem potuerunt. Tam ridiculè se læsam simulat, quam verè læsit, à quibus se læsam simulauit.

Cæterùm etsi demus ei periculum fuisse non leue, ne fideles Angli, aut eorum Presbyteri sacramento Confirmationis abuterentur; quid efficiet? Malè omninò ageretur cum religione Catholica, si pro abusu rei cuiusque, res quæ abusum patitur, tollenda est. Auferenda erunt fidelibus, non vnum, sed prorsus omnia Sacramenta & mysteria, quorum maxima pars abusu magis hominum, quàm vsui obnoxia est. Ipsi Iesuitæ Molinistæ, dum mentium quas regendas suscipiunt, pietatem Sacramentis & præsiidiis exterioribus agglutinant, de affectionibus interim & præparationibus interioribus, sine quibus illa non modò non proficiunt, sed etiam officiunt, non perinde laborantes; mirum quantum in eis ruditatis & incuriæ fouent se intrinsecus ad diuinæ mentis disciplinam componendi; ad diuinæ gratiæ

E

August.  
epist. 19.

Quid Sacramentis acceptius? V. surpata rationem ab indignis, indignis, indigne tractata, minimè acceptantur. magis habent dānationē, quia debitā venerationē non habent. S. Bern. ad Eng. lib. 3. cap. 5.



magnitudinem, & potentiam substernendi. Quo fit ut Sacramenta Dei sæpissimè profanentur & vulgo vilescant, ut ex plerorumque hominum moribus, qui in his frequentandis hærent, perfacile deprehenditur. Nunquam enim in tanto Sacramentorum usu, quantus pluribus iam sæculis non fuerat minus veræ Christianæque pietatis animaduersum est. Ut numquam verior fuerit metuenda illa sancti Pauli comminatio: *Omnes eandem escam spiritalem manducauerunt, & omnes eundem potum spiritalem biberunt, &c. sed non in pluribus eorum beneplacitum est Deo.* Hæc enim in figura facta sunt nostri.

Quare facessat carnalis & præpostera hîc quoque, ut ferè alibi, Iesuitica prudentia. Nihil absurdius quàm res sacras quas malè homines abutendo dedecorant, multò magis dedecorare tollendo. Hic mos, hoc consilium hæreticorum est, qui deletis Ecclesiæ disciplinis, ceremoniis, mysteriis, non alia facti rationem dare solent, nisi abusus hominum, superstitiones, imperitias. Vnde sicut eos iure repellimus & execramur, quasi medicos imperitos, qui quod sanare nesciunt, secant & pro reformatorum nomine quod sibi malè assumunt, destructorum eis nomen meliori iure inurimus; Ita Molinistas perniciosà ista ratione sacramentum Confirmationis, ex Anglia pulsum olim à Pontificibus dictitantes, potiùsque in posterum pelli suadentes, eodem cuneo retundimus. Alienissimum est, Ecclesiam id ab iis consilij capere, quòd ab hæreticis tanto antè oblatum repudiauit & auersata est, quasi funestum omen, stygiàmque flammam, qua breui tempore tota religio pessum eat.

## QVINTA PROPOSITIO.

Ibidem.

*Patet quod confidentia in Confirmationis virtute importare possit magnum periculum animabus.*

## CENSURA.

Ista propositio absolutè prolata falsa est, piarum aurium offensiva, blasphemà, sacramento & prouidentia Christi maximè contumeliola.

## SPONGIA.

*Ista propositio absolutè prolata. Quasi verò Auctor eam absolutè protulisset, quam sic distinxit veris limitationibus, ut non potuerint Censores ei speciem imponere erroris, nisi verba textus abijciendo, & sua loco illorum intrudendo. Non enim dixit Auctor, patet quod confidentia, sed retulit ex Eusebio historiam Episcopi Asiani; qui cum adolescentem, cuius eximiam curam gesserat, sigillo Dominico, hoc est Confirmatione, munisset, attentam illam vigiliam sollicitudinemque, quam de illo priùs habuerat, deposuit, quo factum ut adolescens in grauissima scelera non ita multò post prolapsus sit; hac factâ narratione subiungit Auctor: Hoc exemplum ostendit & confidentiam in robore Confirmationis posse importare periculum animabus, & nos post susceptam Confirmationem non debere alia subsidia constantia negligere, alioqui tuti haudquaquam erimus. Hæc est sententia Auctoris*

monitam salutare continens, aptè, prudenter, pie ex illo exemplo consequens. Ad-  
do hanc propositionem absolute prolatam, confidentia in robore Confirmationis po-  
test esse nimia, & importare periculum animabus, adeò non esse blasphemiam,  
ut sit de fide, & traditur Proverb. 14. v. 16 stultus transilit & confidit,  
hoc est, transgreditur legem Dei, & confidit de eius misericordia, quod veniam  
consequetur, ut ibi Glossa exponit. Igitur de fide est confidentiam in Dei miseri-  
cordia, posse esse nimiam & periculosam, quanto magis nimia & nociva esse potest  
confidentia in virtute Confirmationis?

R E S P O N S I O.

Nihil attinet qua occasione Daniel propositionem istam scripse-  
rit, cum eam scripserit sicut Censores referunt. Nam conclusiones  
quas quis aliunde suoque ingenio colligit, tam eius sunt, quam si  
illud ipsum unde colligit, eius esset. Siue legas, *Hoc exemplum ostendit*,  
ut vertit Daniel; siue *hinc patet*, ut habet Censura; propositio eadem  
est. Ac iure fanè prudentissimèque Censores non omnia verba Da-  
nielis quæ Spongia vellet, expresterunt, in hunc modum: *Hoc exem-  
plum ostendit & confidentiam in robore Confirmationis, &c.* Rectè enim  
duas partes istius propositionis seiunxerunt, quia priorem falsam, po-  
steriorem veram agnoverunt. Si eas copulassent, veritas unà cum falsita-  
te condemnata videretur. Hoc ergo ut effugerent, falsam à vera, qua-  
si vlcus à sanitate præciderunt. Spongia contrà eos rursus copulat,  
velut membra dirupta coluber; & quo magis copulet, coniunctionem  
&, quæ antè aberat, interiicit; ut priorem partem posteriore appro-  
bet, errorem veritate tegat, nempe arte ac fallacia illa hæreticis vsi-  
tatissima, quam Tertullianus multò antè Philosophis, *hæreticorum*, ut  
ait, *Patriarchis*, imputavit, cum eos *caupones, miscentes aquam vino* suis pas-  
sim tractatibus denotavit.

Deinde, quamvis nihil ad Censuram, tamen ad Iesuitam vsque-  
quaque conuincendum, nego ex latronis istius historia aptè, prudenter,  
pie colligi, confidentiam in robore Confirmationis posse importare periculum  
animabus. Vbi primò notandum historiam hanc à Iesuita in Apologia  
tribui Clementi Alexandrino, in Spongia Eusebio, nullibi citato lo-  
co, ne quis eum aut vlla fide præditum, aut in *Patribus*, ut paulò antè  
gloriatum est, *versatum*, sed mendicissimum frustulorum ex iis colle-  
ctorum aliena fide corrogatorem existimet. 1. Iuuenis ille de quo Eu-  
sebius, non dicitur lapsus quòd sacramento Confirmationis confideret,  
aut quòd eius fiducia alia Sacramenta negligeret. Vnde hoc exemplum  
nihil ad Catholicos Angliæ. 3. Quod Episcopus Asianus, cui adolescens  
ille commissus fuerat, dicitur priorem de eo curam remisisse, imperitè  
& inuidiosè trahitur in odium sacramenti Confirmationis. Nam pri-  
mum si de Confirmatione omninò sermonem esse negem, quo pacto  
probabit Spongia? Eusebius enim tantum ait Episcopum illum re-  
misisse aliquantum de priore solitudine, τὰ λοιπὰ αὐτοῦ φουλακτέειον ὄντι-  
σιν οὐκ ἔτι πλεονεξοῦντα τὴν Κερείου; Hoc est, cum ei perfectum presidium im-  
posuisset, signaculum Domini. Quòd æquè de Baptismo intelligi posse

*Adu.  
Herm. c. 8.  
Tertull. de  
An. c. 3. &  
alibi.*

*Euseb. l.  
2. hist. c. 22.*

a Aug. ep.  
30. ad Bo-  
nif. & lib.  
2. con. ep.  
Parm. c. 13.  
Ambros. in  
Psalm. 50.

fatebuntur, quicumque illum etiam signaculum seu characterem Christi vocari à Patribus, & verè esse meminerint. Præcipuè cum Eusebius verbis præcedentibus, quid Episcopus fecisset exponens, nihil dicat nisi  $\delta$   $\pi$   $\lambda$   $\theta$   $\nu$   $\alpha$   $\iota$   $\sigma$   $\iota$   $\epsilon$   $\phi$   $\omega$   $\tau$   $\iota$   $\sigma$   $\iota$ , i. denique eum illuminavit, seu baptizavit. Fateor tamen simul agi de Confirmatione, quia tum temporis Sacramenta ista simul conferri solebant. Quod & innuit vox *perfectum præsidium*, quæ Patrum stylo Confirmationem sæpiùs denotat, quamvis ex Spongiæ doctrina æquè Baptismo quadret. Si ergo quicquam aduersus sacramentum Confirmationis interre velit Spongia ex hoc exemplo, idem valebit in sacramentum Baptismi, de quo simul Eusebius loquitur: Idem etiam in sacramento Eucharistiæ, quod vnà cum Baptismo & Confirmatione eo tempore administrabatur. Itaque omnia religionis Christianæ mysteria, totaque religio hoc exemplo infamari poterit, & fiduciam quæ de ea habeatur, animabus magnoperè periculosam dicere licebit. Denique ne quidem ille Episcopus dicitur ob nimiam de vilo Sacramento fiduciam negligentior circa adolescentem illum effectus, nec ab Eusebio istius culpæ argui putandus est. Solum enim patet eum adolescenti studiosius operam dedisse quamdiu Catechumenus fuit, & quasi nouitius Christianæ religionis: Vbi verò eum ad Baptismum, & ad plenam fidelium communionem perfectionemque, vt Patres & Concilia loquuntur, perductum vidit, non tam anxie de eo fuisse sollicitum, quàm cum adhuc Catechumenus faciliùs à Christiana religione, & à via salutis retrahi posse videbatur. Sic regulares omnes accuratiùs nouitiis suis aduigilant, quàm professis, & religioni iam immobiliter alligatis. Nec tamen si qui professi deficiant, qui nouitiatum egregiè decurrerant, Iesuitam iccirco concessurum esse arbitror vt similiter inferatur, confidentiam in perfectione religiosi status posse importare magnum periculum animabus; sed solum nullum esse tantum in religione Christiana, aut in statu religioso subsidium, quod non peruersitas seu infirmitas humani generis pervertere ac perrumpere possit. Quare Iesuita ineptè omnimodis argumentatus est hoc exemplo, nec eius collectio *apta*, neque *prudens*, neque *pia*, neque *consequens* dici potest, sed contraria omnia nomina meretur.

b Concil.  
Ancyran.  
4. s. c. 6.  
S. Dion. de  
Eccl. Hier.  
6. 3.

Quòd autem fiducia mirabili eò deinde proruit vt asserat *propositionem hanc absolute prolatam, Confidentia in robore Confirmationis potest esse nimia, & importare periculum animabus, esse de fide*; Primùm damnatam propositionem adulterat adiecta vocula *nimia*, atque ita non soluit questionem, sed falsitate quærit exitum.

Deinde imperitè probat propositionem illam esse de fide loco isto Prouerbiorum, vbi de Confirmatione nihil est. Nequidem de misericordia Dei loquitur ille locus, quicquid velit Glorïa, cui nunc auctoritas perexigua superest, neque vnquam tanta fuit, vt fidei sancientiæ sufficeret. Quare ineptè admodum tantum ei iuris, nunc potissimum, tribuit Spongia, cum antiqua ipsa eius existimatio apud Theologos propemodum euauit, quantum nunquam habuit. Nihil ergo

vult scriptura nisi stultum mandata Dei temerè perrumpere, quasi præcipui saltu transvolantem, sine vlllo conscientia morlu, sine vlla cura vel cogitatione quid postea sit futurum. Quare stultum vocat, quia stultitiae proprium est non providere futura; contrà quàm prudentiae est longè in posterum prospicere. Quo ipso sapienti eum opponit, qui, vt alibi scriptum est, *Initium sapientiae à timore Domini* Psalms. 110. auspiciatur.

Quamuis autem isto loco de misericordia Dei ageretur, Iesuitæ tamen concludere non liceret ex eo quod nimia fiducia de Dei misericordia concipi possit, nimiam etiam de sacramento Confirmationis concipi posse, ita vt conclusionem istiusmodi articulum fidei faceret. Ad summum esset conclusio Theologica. Notum enim est quàm facilè errori pateant in rebus diuinis argumentationes humanæ. Ex præsertim quas à *maiori*, aut à *simili* vocant, sapissimè omnium fallunt, quia in fidei iudiciis veritas non tam ex naturali habitudine, aut proportionem rerum, quàm ex reuelatione ac Dei constitutione spectatur. Non enim ratione stat fides, sed auctoritate suprema.

Postremò ad ultimam illationem Iesuitæ respondeo perperam ab eo comparisonem institui. Easi enim fas esset dicere, homines nimia fiducia de misericordia Dei efferri posse; non ideo sequeretur rectè dici palamque promulgari eos fiduciam nimiam in sacramento Confirmationis collocare. Constat enim humanæ rationis genium cò per se fluere, nimio etiam impetu, vt magna sibi de diuina misericordia spondeat, in eamque suæ salutis curas nimia supinitate reiciat, præcipuè ex doctrina Molinistarum, qui diuinæ misericordiae altitudinem non satis demissis animis adorantes, eam humanæ voluntati ad nutum obuiam, expositam, subiectamque efficiunt. Contrà verò renuit sponte sua & recusat humana mens fiduciam sacramentorum Dei, Sacramentique in primis Confirmationis, quo difficulter credit includi Spiritum sanctum cum eadem donorum munerumque suorum vbertate, quibus initio Ecclesiæ in fideles defluebat; idque vt credat ac fidat, intellectum in obsequium fidei captiuum redigat, necesse est. Sicut enim Deus cum rerum omnium abundantiam, vitamque felicissimam tribuisset Adamo, omnia deinde in pomum vnum conclusit, à quo tota illa magnificentia felicitatque penderet, vt humilitas fideique primi hominis, in illa rerum profluentia, probaretur: sic cum gratiarum redundantiam copiosamque redemptionem nobis sua morte profundisset, eas gratias, eamque redemptionem in res per se minimas, & naturæ suæ despicabiles recondidit, vt eam ab illarum paruitate, deiecta mentium nostrarum altitudine, petere ac mendicare cogamur, naturæ nostræ repugnantiam fidei obeditione domantes. Præterea huius temporis hæretici docent non fidendum sacramento Confirmationis, eorumque istius generis sermonibus, non solum infidelium, sed etiam fidelium aures circumsonant. Est igitur summi periculi res, tum peruerse propensione hominum, tum impiis sermonibus hæreticorum, in media hæreticorum regione blandiri;



multò magis asserere, idè sacramentum Confirmationis Catholicis Angliæ fuisse ademptum, quia metus erat ne in eo nimiam spem, aut nimiam fiduciam reponerent. Isto enim modò non solum hæreticis applauditur, sed etiam Catholicis offensio, & scandalum graue paratur. Nec dubium est quin istâ machinâ hæretici innumera mylteria, & maximam partem religionis euerterint; nominatim imagines, quas non negant aliquid commodi ad populum habere posse; sed hoc solo tollendas vrgent, quod periculum abusionis, fiduciâque nimiam quæ in eis statuatur, metuere se simulent. Quare ratiocinatio ista & malè cohæret, & prudentiam carnis olet, & in religionis negotio, in regione hæretica, insidiante vndique hæresi, discriminis plenissima est, meritòque notari debuit acriore cauterio, ne cui perniciem strueret, cum non solum ad hæresim, sed ad Atheismum pleno gradu feratur.

## SEXTA PROPOSITIO.

Ex cap. 2. §. 4. num. 18.

*Cum D. Doctor dicit quod Confirmatio sit ordinarium medium institutum ad dandum robur, ad profitendam fidem ante persecutorem; si intelligat quod sit vnum ordinarium medium, verum dicit, &c. Si intelligat esse ordinarium medium id est, solum & vnicum ordinarium medium ad faciendos Christianos perfectos & fortes, dictum eius non est consonum veritati, cum alia media instituta sint à Christo ad faciendos nos fortes.*

## CENSURA.

Ista propositio quatenus videtur negare, Confirmationem esse vnicum, & solum ordinarium medium specialiter institutum à Christo ad faciendos Christianos perfectos & fortes, vtiq; ad profitendam fidem ante persecutorem, est falsa, temeraria, sacramenti Confirmationis imminutiua, & erronea.

## SPONGIA.

*Auctor non negauit Confirmationem esse vnicum, & solum ordinarium medium specialiter institutum ad faciendos nos fortes, &c. quicquid sit de veritate illius propositionis. Quod affirmat, hoc est: Confirmationem non esse ita vnicum, & solum ordinarium medium, vt robur quod sufficiat abundanter, vt fidem coram Tyranno profiteamur, aliis mediis non possit acquiri, siue ea sint, siue non sint ad hoc specialiter instituta. Hinc enim contra D. Kellisonum laqueos conscientie temerarie iniicientem, rectè concludit Catholicos Angliæ non obligari cum persecutionis augmento querere Episcopum, qui sacramentum hoc ipsis administret, nec peccasse summos Pontifices, qui Catholicos sine hoc Sacramento vno prope sæculo reliquerunt. Nam si sine medio specialiter instituto, possunt Catholici per media generaliter instituta habere constantiam in fidei professione qua sufficiat, immò abundet, cur teneantur specialiter institutum perquirere cum tanto persecutionis incremento, & fortunarum suarum detrimento? Nugantur igitur Censores, & extra chorum saltitant.*

RESPONSIO.

Redi ergo tu in chorum, ut videamus meliusne in choro saltites, quam Censores extra chorum putas. Videamus, inquam, an tu potius non solum à Censorum choro, sed etiam à tuo ipso, non tam saltites, quam planissime fugias, non solum Censorij illius chori firmitatem, sed etiam erroris tui debilitatem & deformitatem exhorrescens. Imitaris enim matres adulteras, quas spurios fœtus agnoscere pudet, ut honori suo per impudentiam & inhumanitatem consulant, cui per modestiam & castimoniam consulere noluerunt. Frustra quippe negas dictum à te in Apologia, *Confirmationem esse unicum & solum ordinarium medium specialiter institutum ad faciendos Christianos perfectos & fortes*, cum id ipsa per se propositio tua satis aperte clamet. Et quamvis id aperte non diceres, nihil ex postulandum haberes in Censores, qui tuam istam propositionem id videri negare censuerunt, sensum videlicet tuum magis quam verba spectantes. Hanc autem fuisse sententiam, & mentem tuam negare non potes, cum eam paulò post quantum potes, tuearis. Nam quis non videt te eum Confirmationem medium ordinarium, non unicum, sed promiscuum, & unum è multis facis, ad faciendos perfectos Christianos & fortes, te nihil ei præcipuum quoad vim & institutionem ad hunc effectum relinquere, sed eandem similiter, & iisdem penè verbis in pluribus aliis mediis agnoscere, quæ fidelibus ex æquo proponis, ut eorum unum quodvis eligant, à quo effectum illum percipiant? Nimis clara sunt hæc, quam ut simulatis negationum & ludificationum tuarum inuolueris obscurentur; quamvis tu ipse paulò post, larvâ depositâ, Censorum existimationi, quam de tua propositione conceperant, fidem non faceres, enixè asserens & probans, id quod à te & dictum & intellectum, bene dissimulare non potes.

Ac profectò adeò necesse est hoc sensu propositionem tuam intellexeris, ut si spectaris alium, eum præcipue quem hac tua Spongia prædicas, prorsus nullum sensum habuisse videaris, sed stolidissime blaterasse. Hunc enim infelicitatis te mala causa, malus error impulit, & ut verè dicam, ingenij & prudentiæ inopia, qua Deus improbos semper afficere solet, ne sint ad nocendum inuictiores; ut dum vium scopulum fugis, in alium velut cæcus ruas, & errores tuos atramento eluere videaris. Quid enim stolidius quam effectum & necessitatem sacramenti Confirmationis suppleri posse ordinariè, per media generalia ad eius effectum generatim solum instituta? Quasi dicas, caularum particularium effectus, sola efficientia Solis suppleri ac produci posse, ita ut fructus pullulent sine vllis arboribus, è solis radiis Solis. Profectò nemo ita cæcus est, quin videat causas generales nihil agere posse circa effectus causarum particularium, si causas particulares subtraxeris; ideoque stultissime dici particularem sacramenti Confirmationis effectum à mediis solum generalibus suppleri posse; ut magnoperè mirandum sit Iesuitam ad tam miseram & perditam cavillationem cōfugisse. Equiores in eum Censores fuerunt quam ipsemet, dum propositionem ipsius

plus

C

S Bern. l. 1.  
ad Eugen.  
c. 3. absoluta omnipotentia Dei non loquimur, quam philosophicum magis est  
quam Apostolicum inuestigare; Metaphysicum, quam Theologicum, excu-

**D. Thom.** Baptismo in re aut voto: Sicut nullus, inquit, consequitur effectum Baptismi sine Baptismi voto, ita nullus consequitur effectum Confirmationis sine voto ipsius.

Ensch. Ec  
cles. hist. l.  
6. c. 33.  
p. 100. de un  
dixit, nunc ad  
n. dixit m. d.  
p. 100. de un

Confirmationis susceptione, percipitur. Mitto alia loca non pauca,  
quia hic non propriè quæritur an effectus Confirmationis aliis vllis me-  
diis possit obtineri, qua de re infra agetur; sed solùm an mediis gene-  
ralibus, nec ad hoc speciatim institutis eum quivis assequi possit. Quod  
questionis genus ita obtusum & inauditum est, ut non sanctorum Pa-

tibus frangi, sed vel tyronum, & hominum quorumlibet sibilo explodi debeat.

Sicut autem generalium mediorum spe Catholicos Anglos necessitate admittendi Episcopum, à quo sacramentum Confirmationis accipiant, liberare non potuit; ita nec persecutionis ex eo nascituræ metu. Vtrumque enim æquè fallò comminiscitur, æquè malignè simulat, ut liquet ex totius penè Angliæ Catholicorum declaratione, quam edere coacti fuerunt, ut spuriam declarationem abolerent, cui aduersus Episcopum Chalcedonensem, ipsorum omnium nomina Iesuitæ inscribere auli sunt. Non enim horrent versare ac fingere quidlibet, modò in rem suam, etiam Catholici populi fallas aduersus Episcopum, aduersus Regem querimonias; cùm tamen Ecclesia Anglicana nullam hoc tempore persecutionis procellam sentiat, nisi quam ipsi cient, facti ex defensoribus persecutores, ex remigibus, aut, si malint, gubernatoribus, turbines ac tempestates ærumnolissimæ Ecclesiæ, quæ ipsorum spiritus, & impotentissimas de primatu & dominatu contentiones, & tumultuationes, iampridem ægrè capit.

Friuola igitur vndiquaque tergiuersatione vsus est; friuola & fallaci oppugnati a se, & à sodalibus suis Episcopi, & reiecti sacramenti Confirmationis excusatione. Qua eadem nihilo melius purgare aggreditur Pontifices maximos, quos ait *vno propè seculo* sacramentum Confirmationis, & Episcopum Catholicis Angliæ non dedisse. Paulo antè dixit *annis 50.* nunc media parte tempus auget, ut tanto maius faciat crimen Pontificum, quanto ineptiorem eis defensionem parat, vbique fallax, vbique fucus, vbique labes & adulter veritatis, & suorum ipsius mendaciorum mastix. Ita circumforanei fictitiis vulneribus ad speciem immanibus, certos homines coram plebe mirabunda sauciant, ut falsa medicaminum atque industriæ opinione, imperitæ multitudinis animos & nummulos aucupentur. Pontifices enim ut malè vulnerat, ita malè curat, tam in vulnerando falsus, quàm curandi rudis. Aliæ sunt Pontificum maximorum ab ipsis, & lociorum criminationibus veriores defensiones. Nam Pontifices nunquam à dando Angliæ Episcopo abhorruerunt. Sanctissimus enim ipse Pontifex Urbanus VIII. suo Breui ad Episcopum Chalcedonensem dato profitetur *se non sine viscerum suorum commotione considerasse Catholicos regnorum Angliæ & Scotiae hæ-*

*In Breui ad  
ep. Chal-  
ced.*

*sis violentia oppressos, utilitatibus ipsi destitui, quas ceteri Ecclesiæ filij ab Episcoporum ministerio percipiunt; Ideoque Episcopi solatio, quantum cum Domino posset, eos subleuare decreuisse. Quod tamdiu non subleuauerint, non penes ipsos culpa est, sed penes eos qui temporum, locorum, rerum, statum talem perpetuò adumbrarunt, eamque opinionem ita sollicitè, partim solitis artibus, partim diffusa illa suorum factione aluerunt, ut summi Pontifices Ecclesiam Anglicanam tanto Sacramento, & Episcopo non iniuriâ cogerentur orbare. His ergo succenseant Pontifices, succenseant fideles Angli, quorum versutiis, & cupiditatibus, illi tandiu elusi sunt, hi tantis diuinæ gratiæ præsidis caruerunt. Iis gratiam habeant qui salutis ipsorum cupidiores, dispulsis figmentis & nebulis, quibus illi se-*



dem Apostolicam circumfuderant, & rerum veritate ac magnitudine fideliter exposita, diuinissima illa munera, Anglis potissimum necessaria, in Angliam, vt in cæteras Christiani orbis oras, sine mora destinari à summis Pontificibus impetrauerunt.

## SPONGIA.

Deinque, quamuis hoc ad rem non pertineat, tamen falsum est non esse alia media ad dandum robur in persecutione specialiter instituta. Nam feruens oratio, proprie, directe, nominatim ad hunc finem precepta est, vt hoc negare sit contra expressum Dei verbum, *Matth. 26. Vigilate & orate, ne intretis in tentationem, cui preceptioni diuina, quia non paruerunt Apostoli, coram persecutore fugerunt, Petrus autem etiam fidem negauit. Item Marc. 13. Luc. 19. cum Dominus grauissimas persecutiones, quæ contra fideles excitandæ essent, præsertim tempore Antichristi prædixisset, hoc remedium salutis, ac constantie nominatim præsstituit, Vigilate itaque orantes omni tempore, vt dignè habeamini fugere omnia ista, quæ futura sunt. En quod medium effugendi lapsum in persecutione Christus instituit. Præterea adoranda Eucharistia instituta est per se directe, specialiter, nominatim, ad faciendos nos fortes in persecutione, quod Parisienses cum negent contradicunt, non solum Cypriano, qui dicit, ad hoc fieri Eucharistiam vt possit pugnantibus esse tutela, sed etiam ipsi Christo Domino, qui huius Sacramenti effectum facit, vt maneamus in ipso, & ipse in nobis, hoc est, vt Christiani à Christo nullis tentationibus, nec persecutione, nec gladio separemur. Quod si loquantur de Sacramento ad dandum robur profitendæ fidei, instituto ad hoc tanquam ad proprium & principalem fructum, verum fortasse est, quod dicunt, sed hinc dicere debuissent, si loquantur de medio quod sit Sacramentum ad hoc institutum, tanquam ad proprium & principalem suum effectum, quanquam Auctori tam longas lacinias adsuere, vt habeant quo suæ Censuræ spinis cum implicent, non modo maleuolum, sed & ridiculum. Quis enim non implicetur, si cui hic modus Censuræ placeat?*

Lib. 1. ep. 2.

Ioan. 6. v.  
45.

## RESPONSIO.

Quæstio hæc de generalibus aut specialibus mediis, quibus homines ad certamen instruantur, non est aliena à re, vt Spongia vult; imò est cardo ipse controuersię, vt antea demonstratum est, & vel ipsa damnata propositione per se patet. Quicquid autem mediorum nunc Spongia enumerat, nihil sunt nisi media generalia. Nam primò dubium non est, quin oratio sit generale medium assequendi à Deo quod cuique opus est, ac proinde gratiam persecutiones superandi, vt planissimum est ex oratione Dominica, qua omnibus generatim humanis angustiis, & necessitatibus subsidium petitur; ac vel ex generalibus Christi vocibus, *Petite & dabitur vobis, &c. Si quid petieritis* *Matth. 7. 7.* *Patrem in nomine meo, &c. Et verò oratio ita generale medium est, vt* *Ioan. 16. 23.* *nihil in Ecclesia sine ea perficiatur: Vtique adeò vt SS. Patres Sacramenta ipsa passim orationes ac preces vocent, imò & ipsæ scripturæ.* *Vid. Iustim.* *Apolog. 2.* *de fide c. 5.* *de init. c. 5. & l. de sacr. 2. c. 5.* *Quod si quia Christus orare iussit Apostolos ne intrarent in tentationem,* *Jacob. 3. 8.*

ideo colligere fas est, orationem esse medium specialiter institutum ad tentationes & persecutiones subeundas; idem colligi poterit de fide, qua Paulus docet sanctos homines vicisse regna, obturasse ora leonum, extinxisse impetum ignis, effugisse aciem gladii, conualuisse de infirmitate, ludibria & verbera expertos, insuper & vincula, & carceres, lapidatos esse, sectos, tentatos, in occisione gladii mortuos, &c. Idem colligi poterit de charitate quæ eodem Paulo teste, patiens est, omnia suffert, omnia sustinet. Neque tamen Spongiam ita leuem fore puto, ut velit omnes virtutes, omnia penè prælidia Christianæ religionis, eo quod superandarum tentationum & persecutionum vim habeant, ideo ad hunc finem specialiter instituta esse, seu specialem ad eum vim habere. Neque porro Christus quando monuit Apostolos, vigilare & orare, sacramentum Confirmationis adhuc instituerat, aut id tempus ei conferendo decreuerat. Quare hoc quoque nomine locus iste frustra est.

Eucharistiam quoque (excepto proprio eius effectu) medium generale dicimus omnium omnino gratiarum. Est enim alimentum, quo roboramur, refrigeramur, exhilaramur, aliosque omnes usus percipimus, quos è cibo naturali corpus habet. Ideoque à S. Dionysio, & aliis Patribus, dicitur *Sacramentum Sacramentorum*, perfectio & consummatio omnium Sacramentorum. Quo ipso imago est & species egregia mortis Christi, ex qua ut generali fonte omnia in gratiarum genera defluunt. Quare scholastici fatentur sacrificij effectum esse generatim, omnia quaecumque ad gloriam Dei pertineant, & illud cautè cuidam vniuersali comparant. Eis quos ad pugnam validos præstare volumus, cibos quidem quibus curent ac firment corpora, sufficimus. Non tamen hinc nisi ineptè colligas, cibum speciatim institutum & comparatum esse ut homines ad certamen roborentur.

Quæret fortasse Iesuita deuium tranitem, quò se proripiat & elabatur, mediaque ista omnia quæ protulit, quæque nos excussimus, hoc sensu dicet *specialiter instituta esse ad dandum robur in persecutione*, quia *directè & nominatim* ad hunc finem instituta fuerunt à Christo. Nam ut hanc latebram sibi præstrueret, consultò, & quasi furtim, voculam *specialiter* qua Censores vsi fuerunt, aliquoties mutasse videtur in *directè & nominatim*, turpissima æquiuatione rem obturbans, quam expedire & clariorem facere debuerat. Nam quod res aliqua ad effectum aliquem *directè* instituta sit, eumque *directè* respiciat, non impedit quominus sit causa illius generalis tantùm, & nullo modo *specialis*. Alioquin nulla erit causa generalis & vniuersalis, quia omnis causa *directè* suum effectum intuetur, etiam quàm maximè generalis. Causa enim sine effectum nequidem concipi potest, ut Philolophi norunt. Aliud ergo est *directè & nominatim* spectare, aut institutum esse ad aliquem effectum; aliud esse causam aut medium illius *speciale*; nisi notiones vocum, quibus homines imbuti sunt, euellimus. Sol *directè* à Deo conditus fuit ad animalium, & frugum propagationem; hoc enim *directè* spectauit sollem creans Deus. Ex quo ridiculè efficias, soleni esse medium, aut principium *speciale* frugum aut animalium propagandorum. *Speciale* enim

*S. Dion. de  
Eccl. Hier.  
c. 3. initio:*  
τοῦ θεοῦ πνεύματος.  
*Et infra:*  
τοῦ θεοῦ ἀγαθῆς  
προνοίας  
συμμετέχοντες  
ἐν ἑαυτοῦ πνεύματος  
ἐκείνου διὰ  
τοῦτο δια-  
κρίνοντες, ἡ  
ἀποστολή ἐστὶ  
ἐκείνη.  
*Vid. S. Th.  
3. p. q. 63. a.  
6 in corp.*

principium aut medium alicuius rei illud dicimus, quod ad eam rem aut parandam, aut efficiendam particularem & determinatam vim accepit, non indeterminatam tantum. Neque ad hunc sensum innuendum necesse fuit Censoribus vllas lacinias Censuræ suæ assuere, cum eum vox ipsa qua vsi sunt apertè præ se ferat, eumque putida æquiuatione Spongia frustra obruere conata sit; vt damnationis æquitate minus patetcente, defensiunculæ alicuius tenuem anfulam, quam ægrè reperire poterat, sibi ipsa confingeret.

Imò inepta rursus, aliena, & imperita est ista lacinia, *Si loquantur de Sacramento ad dandum robur profitendæ fidei instituto tanquam ad proprium, & principalem effectum.* Aliud enim est esse causam specialem, seu specialiter institutam ad aliquem effectum, vt est in Censura; aliud esse causam illius vt principalis effectus. Baptismus delet peccata venialia quæ in baptizando præiacent, eorumque deletionis propria & particularis causa est; neque tamen peccatorum venialium deletio Baptismi est *principalis* effectus. Rursus mors & satisfactio Christi Domini remissionem peccatorum nostrorum, vt principalem suum effectum, operatur. Cum tamen Ecclesia contra huius temporis hæreticos iam pridem tueatur satisfactionem Christi esse causam generalem remissionis nostræ, eamque non nisi per causarum specialium & determinatarum admonitionem operari. Prætereo similia exempla plurima, vt de prædicatione verbi diuini, quo Christus futuri sæculi Pater effectus, Filios generat, eo modo quo ipse à Patre æterno generatus est; eorumque conuersionem non per illud proximè, sed per causas intermedias perficit. Turbat igitur perpetuò, & rem implicat Spongia æquiuationibus imperitissimis. Censores confirmationem dixerunt speciale medium roboris ad profitendam fidem, quia medium est vim habens ad hunc effectum ex diuina institutione, non generalem & indeterminatam, eo modo quo arbor ad suæ speciei fructus producendos. Qui ideo effectus sine sacramento Confirmationis obtineri non possit per media generalia, vt orationem, Eucharistiam, &c. vt isti volunt, contra perpetuum Ecclesiæ sensum.

Qua de re iam suprà dictum est; ostensumque sine causa media generalia iactitari, vt specialia deleantur, aut amoueantur. Nam sicut specialia media non efficiunt, quin etiam generalibus opus sit, veluti plantæ virtus ac bonitas non impedit, ne solis motus & efficientia necessaria sit frugibus procreandis: sic neque generalium mediorum necessitas, specialium mediorum necessitatem tollit. Neque solem lucere satis est, nisi sint arbores & arborum cultus; neque orare satis est, nisi cætera media specialia vsurpentur, quæ Deus ad quamque rem instituit. Alioquin quantumuis ores, nihil vnquam assequeris. Nam nullum sæpius impedimentum obest quominus quæ volumus à Deo feramus, quàm quòd generalia media quædam adhibuisse contentio, cætera vel omittimus, vel negligimus, quæ ad eum finem assequendum specialius à Deo instituta fuerunt. Quo fit vt vno pede recti, altero claudicantes, quo tendimus, peruenire non possimus, quod optamus non impetremus.

petremus. Hinc tot orationes, tot communiones, tot eleemosynæ, tot ieiunia irrita & incassum effusa, ut verissima fiat illa Apostoli vox, *Non habetis propter quod non postulatis: petitis & non accipitis, eo quod male petatis.* 1ac 4. 3.

Quare puerilis & tyrunculo digna argumentatio est, non opus esse Confirmatione ad conciliandum robur necessarium aduersus persecutionum insultus, quia oratio etiam ad hoc robur impetrandum à Deo instituta est. Nam generalia media non sufficiunt, nisi particularia eis adiungas; particulare autem ac proprium medium obtinendæ gratiæ qua tentationibus, & persecutionibus occurratur, esse sacramentum Confirmationis, nescio quis negare possit, nisi Spongia neget, quæ omnia potest, non potentia, sed impotentia, & infirmitate. Enimvero est hæreticorum nostratum iste mos argumentandi, quo inferre contendunt, fidem esse medium ad omnia sufficiens, quia vnum ex mediis generalibus est, quibus omnia obtinentur. Imò nullam salutis nostræ causam particularem necessariam putant, solam Christi passionem causam eius agnoscentes, quia eam generalem causam esse, qua omnes salui sumus, in scriptura legunt. Quod perinde est, quasi dixeris non opus esse seminibus, stirpibus, plantis, quia Sol omnia generat. Hoc tantum discriminis est, quod hæretici argumentatione ista causas seu media specialia penitus delent; Molinistæ ipsa quidem delere non audent, sed eorum necessitatem iam audacter tollunt, breui etiam illa ipsa sublaturi, postquam audaciam audendo corroborarint. Iam enim isti argumentationi, qua sacramentum Confirmationis pellunt ex Anglia, eius verò necessitatem ex vniuersa Ecclesia pellere volunt, natura, ratio, fides refragatur, sola hæreticorum principia suffragantur.

#### SEPTIMA PROPOSITIO.

Ex cap. 3. num. 10.

*Omnes Theologi dicunt Confirmationem non præcipi, nisi cum commode haberi potest, vel ut alij dicunt, quando commodissime, quando sine vilo, vel minimo prorsus incommodo.*

#### CENSURA.

Ista propositio est scandalosa, in maximum sacramenti Confirmationis contemptum, maligno animo proposita, & in errorem potest inducere.

#### SPONGIA.

*Romani Augures, qui aues obseruabant, lanternas semper habere debebant apertas, nec vilo operimento rectas. Quo instituto significatur eorum qui de rebus publicis consulunt, mentem, quæ est in corpore, tanquam in lanterna lumen, nullis debere perturbationibus obduci; Alioquin grauissime errabunt. quodque salutare est, sinistrum, vel (ut scriptura loquitur) lucem tenebras, bonum malum dicent; hoc nostris Censoribus accidit obductâ lanterna, mente in Regulares perturbatâ, Censuram de libro ferentibus, vix enim credi potest quàm fadè errent,*



*Attendite. Auctor asserit omnes Theologos secum sentire, Sacramentum Confirmationis vel non præcipi, vel præcipi tantum, cum commodè haberi potest, vel ut alij dicunt, cum commodissime. Censores hoc ita esse non negant, nec dicunt Auctorem Theologis imponere, sed sententiam, quam negare non possunt, & tacite cōcedunt esse omnium Theologorum, & Catholica Ecclesiæ, damnant ut scandalosum, & erroris inductiuam, & in maximum sacramenti Confirmationis contemptum. Hoc scilicet sapere est, apud Richeristas. Sed apud Augustinum insolentissime insanire, contra totius Ecclesiæ placitum disputare: sentire autem omnes Theologos, quod Auctor dixit, nisi crassa laborent ignorantia, negare, si iam velint, non possunt.*

## RESPONSIO.

Non crassa laboras ignorantia tu quidem, sed crassa laboras malitia, & crassa laboras impudentia. Quamuis enim ignara sis, & imperitiam ubique spires, te tamen tam ignaram esse vix credere possum, ut ex animo alleueres, *Censores negare non posse, esse sententiam omnium Theologorum, & Catholica Ecclesiæ, Confirmationem non præcipi, nisi cum commodè haberi potest, vel etiam cum commodissime.* Quod ita perspicuè fallum est, ut nec antiquorum quemquam dare possis istius opinionis auctorem, & recentiorum non pauci sint, qui eius ne quidem meminerint, & præceptum ac necessitatem Confirmationis sine vlla adiunctione simpliciter fateantur & probent, ut infra magis patebit eorum ipsorum testimoniis, quos tute tibi patronos aduocasti. Quo igitur ore præstigias facere audes hominum oculis, ne quod manifestè vident, se videre putent? Qua fronte Centoribus insultas quasi victrix in te, in qua fœde victa & rea es, omnium non penitus imperitorum conscientia constringeris ne vîquam effugias? Manus Domini super te, das pœnas temeritatis, ac superbix incredibilis, malarumque cupiditatum, quibus hoc scriptionis portentum concepisti quod nos stupeamus ac horremus ab homine religioso, & eius ordinis in quo eruditio sedem fixisse dicitur, aut scribi, aut edi potuisse. Tibi omnis ira Dei ad stuporem mentis conuersa est, qui te ita vrget, ut perpetuo & de industria in fœdos lapsus, & in hominum odia irruere videaris. Habe tibi lanternas tuas, quibus tantoperè indiges, & quas cum toties verles ac repetas in hoc opere, (mirum enim quàm tibi sæpiùs iam *lanterna* placeant, homini videlicet politulo, cui *laterna* præ *lanterna* eleganti fastidio sordent) ita tamen cæcas habes, ut illo Philosopho stultior, qui hominem laterna in plenissimo foro meridie quæritabat, tu in tanto Theologorum antiquorum & recentium numero, qui tuam propositionem reuincunt, & tuam audaciam coarguunt, nullum tua ista *lanterna*, videas, vel videre te simules. Ex quo fit ut non tam tibi laterna quàm lumen desit; & exterioribus simul atque interioribus tenebris luffusa oberres, tam manu cæca, quàm mente. Insolentissima insania veriùs hoc dicerem cum Augustino, nisi tu verbum istud occupasses, quod tibi non inuiti relinquimus. Nam si qua insania est Ecclesiæ vniuersæ placita conuellere, non minor est sua ipsius placita, sua somnia, certè adhuc inaudita, pro totius Ecclesiæ doctrina, & pro Theologo-

rum omnium placitis spargere; & insolentissimæ insanix arguere, qui tam splendida mendacia alpernari, aut etiam compescere aulint.

Quamquam est cur Spongiæ modestiam mirari possimus: nec enim satis acriter videntur ei Censores propositionem eius contriuisse, *scandalosam* censendo, sacramenti Confirmationis contemptui, & errori obnoxiam. Hæc ei elogia non satisfaciunt, insigniora & expressiora postulat. Sibi iure postulat, acriora enim meruit, & ubique meretur. Cæterum dum in omnes Theologos ea coniecta putat, quasi Censores propositionem quam fateantur esse omnium Theologorum, tamen errori proximam, scandalosam, & sacramenti Confirmationis contemptricem, notauerint; ut leuissimè dicam, non satis sapit, & vanitati suæ inanissimis cogitationibus solatia quærit, ut non sola iure proscripta, sed cum omnibus omnium sæculorum Theologis malè circumscripta videatur. Quasi verò Censores non satis negauerint propositionem illam esse omnium Theologorum, hoc ipso quo eam stigmatis censoriis inusserunt? *Iam nemo doctus risum tenebit, nemo non succensebit indoctus.* Docti enim animum Spongiæ ipsa iracundia ieiunum vident & rident, indocti temeritati stolidissimæ non succensere non possunt, dum pronunciantem audiunt, omnium ætatum Theologos, Ecclesiam omnem Catholicam à facultate Parisiensi consultò esse damnatam, ut haberet videlicet in quo suo erga Spongiam & Regulares, hoc est, Iesuitas, odio, obsequeretur. Quasi Spongia parca esset in erroribus & ineptiis omne genus euomendis, quibus odium quantumuis acre infestissimi mastigis expleat: Aut non in plerisque eius errores passim lenior appareat Censura Sorbonæ, quàm eorum informitas summo iure mereatur. Finge æquiora, si fidem quæris. Nunc enim tot menda superiora, tot mendacia, tot pudendæ fraudes, quas hætenus ad oculum pandimus, verisimilius cuius faciunt te impudentissimæ accusationis ream esse, quàm Facultatem Parisiensem *insolentissimæ insanix.*

August l. 1.  
de ord.

Nam & accusatio ista admodò misera, malè contexta, vndique fluxa est, ut quamuis tibi donetur quod frustra sumis, non tamen appareat quid velis, aut quid efficere valeas. Esto enim, verè scripseris: *Omnes Theologos dicere Confirmationem non præcipi, nisi cum commode haberi potest, vel, ut alij dicunt, quando commodissimè, quando sine ullo, vel minime prorsus incommodo.* Exposueris quàm verissimè Theologorum omnium sententiam. Quomodo efficies propositionem tuam non esse scandalosam, maligno animo propositam, ut sacramenti Confirmationis contemptum, & errorem legentibus iniiceret? Non enim solum sanissimis sententiis homines non sanissimi eo modo abutuntur, sed ipsis etiam scripturæ oraculis, ipsis fidei sanctissimis dogmatibus, quibus non minùs ad scandala, & fidei ipsius labefactionem malæ mentes, quàm ipso Christi corpore ad beneficia uti solent. Ac sanè nemo est quin satis aduertat, opiniones istas Theologorum, seu falsas seu veras (de quo tantisper nihil dicimus) à te in tuam propositionem vndiquè collectas fuisse, ut sacramentum Confirmationis pro re leuissima

de qua nihil laborandum sit, penè inutili, traduceres. Hoc ipsa propositio, quicquid tu de tuo animo cauilleris, per se clamat; hoc legentium animis insinuat, præcipuè rudiorum, & talium qualibus tu Apologiam lingua patria concinnasti. Quamobrem sit insons animus tuus, propositio tua nocens est, & malum animum præ se fert, neque reculare potes quin ex lege Christi iudiceris, à *fructibus eorum* *Matt. 7. 6* cognosceris eos. Sint etiam veræ sententiæ quas profers, sint verè auctorum quos affers; propositio tamen scandalum, contemptum, errorem ionat, ut verè Censura monet. Est quædam falsitas, cuius partes omnes veræ sunt; Sicut est quædam deformitas, cuius partes omnes formosæ, & irreprehensibiles iudicantur. Ac verissimè *Lib. 2. de doct. Christ. c. 33.* Augustinus admonuit, *Sicut in falsis sententijs veras, sic in veris sententijs falsas conclusiones esse posse.* Imò numquam tam periculosè fallacia construitur, quàm cum in ipsa veritate implicatur. Quare stolidè omninò inferre conaris, Facultatem Parisiensem Theologis omnibus, & toti Ecclesiæ Catholicæ mucronem Censorium intentasse. Sicut iaculator nescio quis anguem qui filium eius spiritus circumcinxerat, ita peritè traiecit, ut iaculum, transfixâ ferâ, puerum incolumem explicaret; ita tu quamvis Theologorum sententias malignè completi studueris, ut eorum respectu Censorios stylos morareris, tamen ita compuncta iaces, ut illi non plagam à Censoribus referant, sed eorum beneficia à tui veneni contagio liberentur.

Versa te igitur quam in partem voles; vbique Spongia probaberis. Male Romanos augures in tuum subsidium euocas, ipsum Acheronta mouens, cum superos flectere nequeas. Si enim isti augures verè quicquam nuntiare aut consulere nouissent, primum omnium monuissent ne Spongiam faceres, quæ mox tam facili negotio dispungeretur, tot maculis compuncta demonstraretur, ut ipsi iam alia Spongia quæri debeat, qua eam, si sapias, vel tu ipse dispungas.

Sed audi hoc etiam, antequàm dimittam te, transiturus ad alia. Putasne seriò plures Theologos, etiam celebres, damnari non posse à Facultate aliqua Theologica, si consensus eorum à traditionis Ecclesiasticæ sanctorumque Patrum consensu discrepet? (Qua de re aliquid iam superius diximus: Sed errorem quem Spongia sæpiùs obtrudit, sæpiùs retundi necesse est.) Si fateris, damna iam querelas tuas. Si negas, vide ne tuo ipse iudicio fateri cogaris. Nam Sotus & Ledesma, citati à te in Apologia, notare non dubitant tanquam *errorem in fide*, opinionem eorum qui negant sacramentum Confirmationis simplici Presbytero committi posse. Suarez à te ibidem citatus, eam *Apol. c. 2. off. 4. 5. 4.* saltem temerariam pronunciat; Cuius iudicio tu ita suffragaris, ut scribas, *Suario accedit Catholica schola Senatus vniuersus, qui doctrinam hanc, ut certam minimeque dubiam, iamdudum communi suffragio comprobant.* Contraria tamen sententia tum superioribus sæculis, tum nostrò, placuit, & placet etiam nunc, Theologis grauissimis, summi in Ecclesia nominis vel ab eruditione vel à virtute maxima, Adriano VI.

Pontifici, S. Bonaventuræ Cardinali, Durando Meldensi Episcopo; quibus adicere licet Hugonem S. Victoris Lutetiæ Abbatem; Gersonem Vniuersitatis eiusedem Parisiensis Cancellarium; Estium Cancellarium item Vniuersitatis Duacenæ; Ioannem Maiorem Parisiensis Facultatis Theologum; qui omnes eam cum pluribus aliis aut asseueranter, aut dubitanter probant, neque istum quem tu narras Catholica schola Senatum vniuersum morantur. An ideo apud te insolentissima insania rei sunt? Contra totius Ecclesiæ placitum disputant? An tu potius stolidissimæ insolentiæ reus, qui tot illustria nomina è Catholica schola Senatu ineptissimus Censor eradas? Quod si tantis auctoritatibus postpositis, quantas si tu haberes, nos triumphis, & insultationibus obtunderemur, illi quos prædicas doctrinam istam temerariam, & in fide erroneam, dicere ausi fuerunt; illi verò quos Pseudo-Nicolaus Smithæus profert nullo modo probabilem; quo iure queri potes damnari à Facultate Parisiensi propositionem tuam, etiamsi Theologorum aliquot recentiorum testimonio vel auctoritate nitatur? Conciliare primò, & placare ipse tibi; tum Censoribus facilius placaberis; sedatòque iam pectore agnoscere incipies, fas esse notari erroris propositionem, quæ Theologis nouis, etiam multis placeat, si modò antiquitati & traditioni Ecclesiæ, sanctorumque Patrum sensui, multò magis si scripturis sacris, non consona videatur. Quamquam hæc nihil ad te, qui nec approbatores nisi vnum aut alterum habes, & errores profers, quos illæ sã vllius maioris Theologi auctoritate, facile respuere & profligare possimus.

Hoc tantum adieci, ne vlla causa supersit, cur te Censuræ æquissimæ pœniteat, in quam stomacharis & ebullis tanto impetu, vt neque te, neque Censores, neque errores tuos, neque Censuram eorum nosse videaris.

### SPONGIA.

Omnes enim sententiae de hac questione ad tres classes reduci possunt. Prima eorum qui dicunt Confirmationem non præcipi, neque lege diuina, neque Ecclesiastica, atque adeò cum commodissime haberi potest; illud omittere nullum esse peccatum per se loquendo, etiam cum instat articulus profitendi fidem. In hac sunt longè maxima pars & nobilissima Theologorum, ex quibus 15. citat & sequitur Bonacina, vt est apud Auctorem, Henriques lib. 3. de Sacramento Confirmationis cap. 1. littera N. & littera P. Quidam, inquit, opinantur præceptum de suscipienda Confirmatione obligare urgente necessitate protestandi fidem coram Tyranno, & ideo vocari à Patribus complementum Baptismi, & contra rationem videri sine armis ad pugnam accedere: at subsunt alia arma Ephes. 6. vt orationis, confessionis, & communionis, quibus miles satis munitur ad pugnam. Ergo seculo contemptu nullum per se est peccatum omittere Confirmationem. Secunda eorum, qui dicunt Confirmationem præcipi diuina lege vel Ecclesiastica; sed cum non sit Sacramentum necessitatis, non obligari homines vt illud recipiant, nisi cum commodè haberi potest. Ita sentit Bellarminus,

S. Bon. ib.  
Durand ib.  
Hug. in  
summ. sent.  
tract 6. c. 1.  
Gers. l. 2.  
col. 80.  
Est. in 4. d.  
7. q. 21.  
Ioan. Ma-  
ior in 4. d. 7.  
q. 1. vñ.

Disc. q. 4.  
§. 8.



*Philippus Gamacheus Doctor Parisiensis, & alij quos refert Henriques. Imò Doctor ipse Kellifonus & Estius, qui sunt rigidissimi, addunt cum commodè haberi potest. Tertia classis eorum qui mediæ sunt sententiæ, qui dicunt Confirmationem absolutè non præcipi, sed hætenus tantum ut non contemnatur; contemni autem censetur, si non accipitur, quando adest omnimoda opportunitas. Ita Scotus & illius sectatores; & inter hos illustrissimus Archiepiscopus Armacanus, frater Hugo Caualli in scholio super Scorum in 4. d. 7. qui utitur hac ipsa voce commodissimè.*

## RESPONSIO.

Hic iam audaciæ & infidelitatis quam tibi superiori responsione infligere cœpimus, perspicua indicia patebunt, tuis ipsis ex verbis expressa, ne confutationem, qua in te utimur, longè repetitam putes. Nego te ex omnibus opinionum classibus, quas magnus scilicet Theologicæ rei præfectus, conficis, vel unicam ex fide conscripsisse; sed more ducum inertium qui militum semiplenos ordines diu languere siuerunt, ingruente certamine, tumultuarias & imaginarias classes, non verè militaribus, sed Paganis & umbratilibus copiis confertas, collegisse. Quod si tu ac tui tali fide utimini in rebus Theologicis, quid agatis in ciuilibus, ubi veritas faciliùs obruitur, mala fides difficiliùs proditur?

Antè omnia damnatam propositionem mutas, aliâ fide supposita: quasi solùm dixeris, *Omnes Theologos sentire sacramentum Confirmationis, vel non præcipi, vel præcipi tantum cum commodè haberi potest, vel ut alij dicunt, cum commodissimè.* Illa enim pars, *vel non præcipi*, abest non solùm à propositione quam Censura notat, sed etiam à versione Latina Apologiæ, quæ sic habet: *Theologi consentiunt Confirmationem non esse in præcepto nisi cum commodè haberi potest, aut ut affirmant alij, quando commodissimè.* Hæ autem propositiones cum significant omnes Theologos docere sacramentum Confirmationis præcipi, sed ita demùm si commodè haberi possit, &c. tua Spongia, nunc primùm adiiciente non omnes Theologos dicere sacramentum Confirmationis præcipi, falsi arguuntur. Atque ita damnata propositio quam fidenter asseuerasti non posse à Censoribus, nisi crassa laborent ignorantia, negari, tua crassa scientia à te ipso negatur & confutatur. Deinde quo tandem abiit pessima illa clausula, *Confirmationem non præcipi nisi quando commodissimè haberi potest quando sine ullo, vel minimo prorsus incommodo?* Quæ ab interpretibus illis quos tu velut perfidos execrari soles, fideliter ex Anglico versa fuit, te ipso nec contradicente. Et tamen adeò cœcus & turbidi animi es, ut cum in ea propositionis tuæ vitium vel maximum, cuius potissimùm nomine Censores eam horruerint, lateat: eam tamen tum in Spongia, tum in Apologiæ versione, tum in omni tua defensione, quali rem leuissimi ponderis, aut non tuam, neque ad te pertinentem, prætereas. Profectò si vllos habes oculos, fide cares, si fidem habes, oculis careas necesse est, qui damnationis tuæ tam graue, & tam notabile caput toties transilire potueris. Sensisti nimirum hanc esse erroris tui maculam adeò

improbam, in sacramentum Confirmationis contumeliosam, inauditam denique & insolentem, ut nulli antea Theologo nec in os venerit, nec in mentem, & nullo defensionis genere nisi silentij & palinodia purgari queat. Sit hæc prima fraudulentia in te ipsum errorisque tuos. Alias deinceps in aliorum opiniones videamus.

In primam classem eos coniicis, qui doceant, *Confirmationem non præcipi vlla lege, atque adeò cum commodissime haberi potest, illud omittere nullum esse peccatum per se loquendo, etiam cum instat articulus profitendi fidem.* Respondeo, non esse Theologum vel vnum qui propositionem istam, ut à te ponitur, tueatur, & dicat *Sacramentum Confirmationis omittere, cum commodissime haberi potest, nullum esse peccatum, etiam cum instat articulus profitendi fidem.* Eorum ipsorum, quos profers, nemo istud habet. Nam neque Bonacina, neque Henriques illam particulam, *cum commodissime, exprimunt: Nec eum qui sacramentum Confirmationis omittat, cum commodissime haberi potest, maxime cum instat articulus profitendi fidem; nullum peccatum admittere docent.* Huius opinionis Spongia parens est: Prima omnium, reuulsis superioris Theologiæ terminis, huc usque progredi ausa fuit. Primò enim constat, ut sanctos Patres omit- tam, de quibus alius erit dicendi locus, nullum esse scholasticorum antiquorum, qui dixerit nullum esse peccatum, non suscipere sacramen- tum Confirmationis, instante fidei profitendæ articulo. Omnes qui hoc docere cœperunt, recentiores sunt, nostra penè memoria vixe- runt, & nescio quo pacto, relicta antecessorum omnium semita, in hoc ingenij atque arbitrij humani diuerticulum abierunt. Quòd ma- gnoperè notandum, & seriò obseruandum est in causa Catholicorum Angliæ, cuius gratia controuersia hæc omnis erupit; ut videant fideles Angli quid sibi obligationis inter hæreseos pericula commorantibus, Theologorum omnium qui antè hoc æuum vixere, consensu, nemine penitus discrepante, incumbat.

Quare audacia Iesuitæ, vel *crassa ignorantia* potius, ut verbis eius utamur, immensa est, qua scribere sustinet, in sua sententia esse *longè maximam partem, & nobilissimam Theologorum.* Quòd adeò falsum est, ut ille ipse Henriques, quem citauit, cum Theologos contrariæ sen- tentiæ plures viginti laudasset, sic ab iis discedat, suoque arbitrio ab- reptus, ut neminem eis nisi se vnum opponat. Quos autem Bonacina profert, vel non docuerunt sacramentum Confirmationis instante fi- dei profitendæ periculo sine peccato omitti posse, ut de D. Thoma & Toletò certum est, apud quos nihil eiusmodi reperiri constat; vel sunt recentiores, & hoc penè sæculo nati, & alter alterum mero ratioci- nationis ductu sequentes. Quanquam neque præcipui, imò pauci admodum, huius ætatis Theologi istam opinionem probarunt, ut patet ex ipsis Societatis Iesu Cardinalibus Toletò & Bellarmino, qui ab ea longè absunt, ut omittam cæteros, de quibus alibi mentio habebitur.

Deinde, ut articulum profitendæ fidei mislum faciamus, de quo usque ad nostram ætatem nulla inter Theologos controuersia fuerat;

Emman. Sa  
ver. Confir-  
matio.

Nauarr. in  
Man. c. 22.  
n. 9.

De Sac. q.  
72. art. 8.  
dub. vn.  
con. 3.

nequidem extra illum docet vllus Theologus, nullum esse peccatum prætermittere confirmationem *cum commodissime haberi potest*. Imò illi ipsi qui eam nulla lege præceptam existimant, tamen notabilem in ea suscipienda negligentiam, mortalem esse fatentur, vt patet ex Emmanuele Sa Iesuita: *Non solum, inquit, contemptus (Confirmationis) sed etiam notabilis negligentia, mortalis est*. In quam sententiam citat Sotum, Toletum, Suarem. Alij negligentiam, etiam non notabilem, saltem veniale peccatum faciunt, vt Nauarrus, & alij. Ac Ægidius Conink, aliàs Regius, libri Nicolai Smithæi, non tamen Danielis, approbator, tamen nullum de Confirmatione præceptum agnoscat; *Vix vnquam tamen, inquit, sine iusta causa hoc Sacramentum omittitur sine peccato veniali: quia per illam omissionem priuamus nos magnis bonis & auxiliis spiritualibus, quod per se continet quandam prodigalitatem atque indecentiam: & hac ratione efficiamur minùs idonei ad resistendum peccatis*. Fatetur voluntariam & non necessariam Confirmationis omissionem esse saltem veniale peccatum, esse magnorum bonorum, & auxiliorum spiritualium prodigalitatem. Itaque nihil obstat quin ista ratione etiam mortalis efficiatur. Si enim omissio ista est prodigalitatis peccatum, profectò ea prodigalitas non potest non esse notabilis, cum versetur in re notabili, nempe in *magnis bonis & auxiliis spiritualibus*, vt loquitur, & in plenitudine Spiritus sancti. Cum autem temporalium bonorum ingentium, verbi gratia, quinque aut sex millium aureorum, dissoluta profusio, peccatum mortale haud dubiè censerì debeat, quamuis hominem non ideò enectura fames, sed aliqua solummodò rei familiaris angustia constrictura videatur: Qua ratione tantorum bonorum spiritualium, & plenitudinis Spiritus sancti, prodigalitas, peccatum duntaxat veniale dici poterit? Videtur igitur Ægidij opinio secum ipsa conflictari; nisi fortè pluris bona temporalia, quàm spiritualia faciat. Proferendum tamen putauì, quia & approbator Nicolai, & Iesuita, & testis proinde idoneus est, cuius ore, Spongiæ quoad primam partem temeraria falsitas, propaletur.

Secunda Classis, non solum ex parte, vt prior, sed etiam omnimodè falsa & subditiua est. Nam neque Bellarminus, neque Philippus Gamachæus, quos Spongia nominat, dum Confirmationem fidelibus præcipi docent, illam appendiculam adiiciunt *cum omnimodè haberi potest*. Bellarminus ait, peccare qui negligit accipere, *nisi ex legitima causa non accipiat*; de commoditate verò verbum non facit. Gamachæus peccare qui *potest* suscipere, nec tamen vnquam suscipit. Quòd longè aliud est quàm non obligari nisi non solum *possis*, sed etiam *commodè possis*, vt per se patet, præcipuè ad mentem Spongiæ, quæ commoditatem eò facile redigeret, vt omnis Sacramenti necessitas, quam isti Doctores statuunt, e manibus elaberetur. Estius verò & Kellisonus si addunt, *cum commodè haberi potest*, certè immeritò à Spongia tanquam rigidissimi numerantur. Kellisonum adhuc non vidi. At Estius cum huius Sacramenti omissionem mortalem non faciat nisi vbi profitendæ fidei periculum imminet, extra hoc verò periculum solummodò venialem

iudicet; imperitè & iniquè vocatur rigidissimus, cum rigidiores sint ij de quibus modò diximus, Bellarminus & Gamachæus, præter alios plurimos, qui obligationem sub mortali non ad solum tempus profitenda fidei adstringunt.

Tertia denique classis nihilo fidelius, quàm superiores, recensetur. Nec enim omnes qui sacramentum Confirmationis hætenus tantum præcipi docent, ut non contemnatur, tunc solum contemni aiunt, cum commodissimè suscipi potest. Vnus Frater Hugo Caualli ea voce vsus reperitur, quæ ideò à Spongia omnium quodammodo Theologorum nomine promulgari non debuit. Cæterum potuit sic locutus esse, ut solum declararet Sacramenti huius omissionem tunc tantum esse mortalem, cum commodissimè suscipi potest, quasi tunc tantum contineri videatur; Non autem quin saltem venialiter peccet, qui illud dum commodè suscipere potest, negligit; sicut plures sentientes suprà audiuius. Alij verò Sacramentum contemni, eiusque proinde omissionem semper esse mortalem docent, cum data *sufficienti opportunitate* omittitur. Sic Paludanus, Syluester, & alij. Imò ipse Henriquez, qui meliori iure omnium laxissimus in hac materia dicendus est, quàm Estius omnium rigidissimus, fatetur tamen eum qui sacramentum Confirmationis sine vlla causa omittit, *in foro exteriori præsumi id facere ex contemptu*. Et quamvis ipsi videatur non ideò semper reuera contemni Sacramentum, tamen alios citat quibus etiam tum reuera contemni videatur, in iisque Paludanum, Nauarrum, Caietanum.

Palud. in  
4. d. 7. q. 1.  
Syluest. v.  
Cōfirmatio.  
Henric. l. 1.  
de Sac. c.  
4. l. 8.

Cæterum non ita restricti sumus, ut Confirmationis præceptum, citra vllius necessitatis excusationem, cuius imponamus. Nouimus modos & fines rerum: sed eos duntaxat in hac, & in omnibus rebus Theologicis nouimus, quos perpetua Ecclesiæ traditio, & sanctorum Patrum sensus præstituit; non quos humana ratio, nullum nisi arbitrij sui, & existimationis volaticæ ductum sequens, commenta est. Tenendos enim putamus fines antiquos, quos constituerunt Patres nostri: & quod hæreticis perpetuò occinimus, ut eorum nouitates & temeritates refringamus, hoc nobis ipsis multò magis obseruandum putamus, ne quam Ecclesiæ possessionem ab aliis dissipari prohibemus, eam ipsi dissipemus, hoc criminiosiores, quod maternæ hæreditati manus nostras quàm alienas inferri malumus. Sed hæc sunt alius loci, vbi fauente Deo planum faciemus quatenus Confirmationis præceptum, & vera necessitas ex antiqua, & perenni Ecclesiæ doctrina protendenda videatur.

Prover. 28.

Nunc habemus satis Spongiæ responsunculas confregisse, earumque leuitatem, & leuitati coniunctam audaciam patefecisse. Si quis nunc animo repetat eius illam magniloquentiam, *Richeristas insolentissimè insanire; contra totius Ecclesiæ placitum disputare*: Ac rursus illam; *sentire omnes Theologos quod auctor dixit, nisi crassa laborent ignorantia, negare si iam velint, non possunt*; quibus auditis nihil ab ea leuius quàm splendidissima ipsius Euangelij oracula expectabamus; non poterit



*Merem. s. fusione non sunt confusi, & crabescere nescierunt.*

S P O N G I A.

a Paris. e-  
dit.

à Traité de  
comm. sub  
utrag. spec.

et Traci, qui  
dicitur Re-  
gul moral.

*à Traict. de  
visit. Pra-  
lat.*

RESPONSIO.

Gerson tom.  
2. in comp.  
de 7. Sacr.  
col. 78.

*spiritualis accideret etiam facilitas cadendi; & proinde damnatio, nisi esset Confirmatio. Et alibi: Sicut dicunt Theologi quod sacramentum Confirmationis est sacramentum necessitatis, non quidem simpliciter (cum sine illo staret salus) sed sic quod obligatur quilibet ad non contemnendum susceptionem huius sacramenti pro tempore & loco opportunis: Ita proportionaliter de vnione vel adhesionem ad vnicum Papam potest intelligi: sicut etiam dici solet apud Theologos, quod praeceptum affirmatiuum (quale est de habendo Papam) obligat ad semper, non pro semper. Hæc clariora sunt, quàm vt à Iesuita obumbrentur; tam illustri loco, tam aperto, & obuiò proposita sunt, vbi tota Gersonis oratio in sacramento Confirmationis explanando consumitur, vt nihil sit quod Iesuitam calumniæ, & malæ mentis notæ eximat, dum oclulis ad hanc lucem oculis Gersonis angulos scrutatur & ventilat, si quâ seorsum voculâ velut in transcurso lapsa, cum alia de re sermo esset, doctrinam eius quasi ex insidiis premere, & suam ei sententiam suis ipsius verbis, vel inuito eripere possit. Qui mos hæreticorum perpetuus, omnibus Catholicis, omnibus veriamantibus, ac vel ipsa naturali fide præditis insidissimus est. Docet enim Gerson manifestè utroque loco sacramentum Confirmationis esse necessarium ad salutem: non necessarium necessitate absoluta, ita vt sine eo non sit salus; sed necessarium necessitate conditionata, hoc est, si vita spiritualis & salus in Baptismo adepta, robustè contra hostes spirituales custodiri debeat, quod fieri debet ab omnibus baptizatis qui adultam ætatem attigerunt. Nam si quem suscepto Baptismo statim obire contigerit, nemo dubitat quin ei pateat cælum, etiam sine sacramento Confirmationis; atque adeò quin sacramentum Confirmationis absoluta necessitate non sit necessarium ad salutem. Si quis autem in vita maneat, in qua perpetuum cum spiritualibus hostibus Christiano cuique certamen propositum est; docet Gerson necessariam opem sacramenti Confirmationis, quia frequenter in pugna spirituali ex debilitate virtutis spiritualis accideret etiam facilitas cadendi, & proinde damnatio, nisi esset Confirmatio. Et Confirmationem ita necessariam esse ad spirituale robur, sicut homini si non debeat debilitari, necesse est bene comedere, (quæ quanta sit necessitas per se intelligitur.) Ita vt non confirmatus homo Gersoni perinde sit quasi homo malè pascuus, cui ob alimenti exilitatem artus viresque langueant, nihil minus quàm periculoso & infestissimo certamini pares, vbi de cælesti gloria, & sempiterna salute decernitur. Denique eo modo docet necessarium esse cuique fidei sacramentum Confirmationis, quo persona Pontificis Maximi Ecclesiæ necessaria est; & quod necessarium dicimus quicquid præcepto affirmatiuo imperatur, quod vulgò dici solet semper obligare, non ad semper, hoc est, quatenus obtemperatio in nostra potestate sita est.*

Quæ omnia ita refellunt & respuunt Spongiæ fabulam, Gersonem tradere sacramentum Confirmationis non præcipi nisi quando adest omnimoda opportunitas, quando commodissime suscipi potest; vt nihil mirum sit audere quidlibet, & certissimas vbique veritatis luces extinguere sine religione conari, qui hoc assueverat, & aduersus perspicuam Gersonis doctrinam, ambiguas in speciem locorum Gersonis particu-

*Idem tona. in art. con. Pet. de Inna col. 438.*

las, indigno & infausto more, prætere audeat. Quæ tamen quàm Iesuitæ inutiles sint, quàm nihil repugnans, unò quàm omnia doctrinæ Gersonis iam traditæ consona habeant, faxo ipsemet, vel quivis alius, celeriter intelligat.

Primo loco non agitur de Confirmatione, ut Iesuita malè simular, sed de manducatione Eucharistiæ sacramentali, quam Gerson necessariam & præceptam esse ait, sicut Confirmationem; Quam eandem Cardinalis Bellarmini, Philippi Gamachæi, aliorumque sententiam esse iam supra vidimus. *Vna (manducatio) inquit, est spiritualis, alia est Sacramentalis, quæ si sit sine spirituali, nedum non proficit, sed officit. Cadit tamen in præcepto, dum eius sumptio nequaquam contemnitur, provi de Confirmatione, & extrema Vnctione dicitur à Doctoribus, quæ dicuntur esse Sacramenta non necessitatis.* Quod vocem non necessitatis audis, quam Iesuita perperam aucupatus est ad sui erroris patrociniū, ea quid valeat faciliè iam intellectū est, ex supra exposita doctrina Gersonis. Bis enim vidimus sacramentum Confirmationis ab eo dictum esse *necessarium ad salutem; & Sacramentum necessitatis*; ut si verba verbis opponantur, plus valere debeat id quod bis ab eo iteratum de industria, suo loco, in proprio rei de qua agimus sermone, quàm quod semel obiter dictum est; & repugnantia ista voce tenus, qua Iesuita negotium facessere molitur veritati, more omnium qui veritatem consultò oppugnant, vehementius in eius errorem, quàm in verissimam & clarè solidèque traditam Gersonis doctrinam, reuoluatur. Quod enim modò *necessitatis*, modò *non necessitatis* sacramentum Confirmationis vocat Gerson, nulla pugna est, sed variarum necessitatum significatio. Iam enim ipsum audiimus profitentem, *dici posse quod vno modo loquendi Confirmatio necessaria est, alio modo non. Necessitas enim duplex inuenitur, &c.* Necessitate ergo absoluta fatetur non necessariam; necessitate conditionata necessariam asserit, ut cibus ad debilitatem corporis auertendam necessarius est; ut persona Papæ necessaria est Ecclesiæ; ut omnia denique necessaria sunt, quæ præcepto affirmante imponuntur, quæ facere quatenus vllō modo possumus, iubemur. Similiter Confirmationem necessariò suscipiendam ait, sicut Eucharistiam, hoc est, quoad eius fieri possit. Ita enim præcepta affirmatiua, quales Eucharistiæ, obligant: Adcò ut si quando possunt, non impleantur, contemni censcantur; velut qui Eucharistiam, seu, per omnem vitam, seu per longinquum spatium, si posset, suscipere nollit, eam contempsisse censeretur. Atque hic sensus est vocum illarum, *Eucharistia, seu Confirmatio cadit sub præcepto dum eius sumptio non contemnitur*; quarum alioquin nullus sensus est. Quod enim generatim Eucharistia & Confirmatio contemni non debeant, id nihil eximium est, neque ipsis proprium, neque de ipsis vllum subesse præceptum, ut Gerson loquitur, significat. Hoc enim idem verè dici potest de martyrio, de consiliis Evangelicis, de quibusvis operibus bonis, quæ tam certum est non debere cōtemni, quàm certum est non præcipi. Quare non contemni Confirmationem, Eucharistiam, aut generatim præcepta affirmatiua, Gersoni nihil aliud est, quàm

est, quàm ea impleri debere quantum potest, ne si sponte omiſſa fuerint, ipta esse censeantur.

Atque eadem prorsus ratio est secundi loci. Alioquin enim nihil esset cur Gerson diceret, *Sacramentum Confirmationis tenetur quilibet Christianus habens usum rationis non contemnere, praesertim imminente periculo confessionis Christi faciendae coram infidelibus*, quandoquidem æquè sit impiuni quocumque tempore sacramentum illud contemnere, quàm cum fides confitenda est. Sed, uti iam diximus, *teneri non contemnere Sacramentum*, Gersoni est, *teneri suscipere quando haberi potest*. Tenetur enim ad hoc quisque tunc potissimum, cum fidei profitendæ periculum imminet. Qui idem Scoti sermo esse solet ac discipulorum eius, cum de hoc Sacramento disputant: valétque in præceptis omnibus affirmatiuis, quorum etiam exemplo ad huius rei explanationem Gerson utitur, quæ qui non exequitur, si potest contemnit.

Quod ipsum amplius etiam clarescit ex tertio ac postremo loco, ubi Iesuita pueriliter ac sophisticè instat, ex vocibus, *dum opportunitas se ingerit*, ut per eas sensum totius propositionis evertat, propriisque verbis Gersonem illaqueet. Quod ut facilius videatur, proferendus est locus integer, quem mutilauit. Nam Gerson de visitatione diœceseos differens: *Si visitator, inquit, sit Prælatus, indicetur eis (Parochianis) ultra hoc, quod ad sacramentum Confirmationis dignè suscipiendum se præparent, & illud recipiant. Qui si non sit Prælatus, indicetur adire eum quamprimum commodè poterunt. Est enim Sacramentum salubre, nec contemnendum dum opportunitas se ingerit*. Quis non videt si postremæ particulæ sensus rectè à Iesuita fingatur, Gersonem pugnantia loqui, totamque propositionem partium conflictu dissilire? Si enim auctore Gersone, Parochiani admonendi sunt à visitatore non Prælato, ut quamprimum commodè poterunt, Prælatum adeant, à quo sacramento Confirmationis imbuantur: non utique censet tunc demum suscipiendum esse, cum *opportunitas se ingerit*, hoc est, Iesuita interprete, cum *commodissime potest, cum adest omnimoda opportunitas*. Nec opportunitatem præstolandam putat, dum sese ingerat, inuocata & inexpectata quodammodo, sed eam ultro quæri iubet, & Episcopum primo quoque tempore conueniendum monet, plurium dierum itinere interdum remotum, ut in diœcesibus paulò maioribus facile accidit. Quam opportunitatem Iesuita proculdubio nunquam probauerit esse *omnimodam*, nec solum *commodam*, sed etiam *commodissimam*. Fatendum igitur est eum in apertam lucem frustra niti, & Gersonis voces, non tam ex literarum apicibus, nec ex Grammaticorum morositatibus, quàm ex mente ipsius, quæ tota propositione emicat, intellectas, significare tum *opportunitatem ingerere* se suscipiendi sacramenti Confirmationis, cum præsto est Episcopus à quo suscipiatur, quique illud omnibus ad se adeuntibus, & postulantibus offerat, quamuis non sine labore & molestia postulantium.

Ita omnia testimonia, quæ Iesuita studiosè conquisit ad sui erroris præsidium, ad suæ, societatisq; suæ famę subsidium, corruunt, nec solum



nihil ei adstipulantur, sed etiā nouum pondus, nouāmq; lucem afferunt ad eius damnationis æquitatem, & ad eius pestilentis doctrinæ execrationem, quæ tot fraudibus, mendaciis, adulterationibus, & artibus Molinisticis à Spongia concinnata & contorta non fuisset, vt suæ fœditati mendacem vultum aliquem fingeret, nisi causæ istius ea ratio esset, vt & ipsa desperatissima sit, & non nisi à patrono desperatissimo defendi possit. Nam qui istiusmodi defensionem obtrudere audent, nō iam aduersus instructam totius antiquitatis aciem, & doctrinā disciplināque Ecclesiæ perpetuam, (de qua tantisper nihil dico) sed aduersus Facultatem Theologicarum primariam, aduersus cœtum Illustrissimorum Antistitum nobilissimæ propemodum Ecclesiæ regionis, in toto denique eruditorum omnium & Ecclesiæ Catholicæ quasi Theatro, eos necesse est non modò causæ, sed etiam famæ suæ incolumitatem desperasse, & tanquam victos iam penitusque perditos pugnatores, in supremo audaciæ impetu suum omne præsidium collocasse.

Qui superiorum disputationum meminerint, quā verè ista dicantur, & quā quæ in alium hyperbolica & acerbiora viderentur, in Spongiā simplicia, & ingenuæ sinceritatis plenissima habenda sint, nec ex alio motu animi quā è solo enormitatum ipsius horrore manātia, perfacile intelligent. Quod ipsum ex oppositis tantæ errorum moli testimoniis doctrinisque veterum, & grauissimis Ecclesiæ Catholici auctoritatibus continuo demonstraretur, nisi omnem hanc partem in alium locum conferendam putauissemus, Spongiæ purulentiam nunc expresse contenti.

### TITVLVS III. DE EPISCOPIS ET CVRATIS.

#### PROPOSITIO PRIMA.

Ex Præfatione num. 5.

**V**T præferat (D. Doctor) Episcopos Angelis quoad functionem, dicit c. 17. n. 2. Cui Angelorum dictum est, Pascite qui in vobis est gregem Dei, sicut Episcopis dictum est? Cui questionī statim satisfacere potest quæ è verbo Dei, illis Angelis de quibus Psalmista dicit, Psalm. 90. v. 12. Angelis suis mandauit de te, vt custodiant in omnibus viis tuis. Nam quid est aliud Angelos habere curam custodiendarum ouium Dei, quā Pastores earum esse?

#### CENSURA.

In ista propositione Auctor verbum Dei temerè detorquet, vt ostendat Angelis tributum esse munus Pastorum, sicut Episcopis; quæ doctrina falsa est, temeraria, & hæretica.

#### SPONGIA.

Mirum quā ridiculè Collector Censoribus abutatur, quos suas fulminare Censuras facit aduersus lanam caprinam, in ipsius cerebro natam, non in aliquam propositionem Auctoris. Nunquam dixit Auctor Angelis tributum esse munus Pasto-

rum, sicut Episcopis, nedum hoc sibi probandum sumpsit. Libri singulas percurrant paginas, periodas, lineas, literas, hoc nusquam inueniunt, nec hoc D. Kellisonum inter & auctorem vertebatur in questionem. Cur igitur placet calumniari, Auctoriq; imponere, quod ipsi neque per somnium quidem venit in mentem? Loco praefationis, qui citatur Auctor studet ostendere D. Kellisonum non esse accuratum hoc suo Hierarchico tractatu, quippe ipsum vera & Catholica dogmata probare tenuibus, & exilibus argumentis. Inter alia notat hoc eius argumentum, quo probare nitiitur Episcopos praestare officio Angelis ex hoc solo quod dicatur ipsis, *Pascite qui in vobis est gregem Dei*. Certè enim nemo Catholicus negare audebit Angelos hominibus, seu omnibus Dei praesidere, easque curare, custodire, pascere, regere: vnde ex solo titulo Pastoris, satis convinci non potest Episcopos Angelis esse officio superiores.

## RESPONSIO.

Frustra fugis, cum non solum tuus error, sed etiam tua defensio ipsa te premat, & effugium tibi omne intersecet. Fateris te negasse rectè à Kellisono probari officium pascendi gregem Dei, Episcopis praeter Angelis, proprium, ex illo loco, *Pascite qui in vobis est gregem Dei*. Hoc solo teneris. Quæro enim an hic locus, seu pastorale officium hoc loco denotatum, solis Episcopis conveniat, an etiam Angelis? Si solis Episcopis dixeris; Rectè igitur Kellisonus officium pastorale Episcopis proprium, nec Angelis commune, ex eo loco adstruit; verissimèque ait, nemini Angelorum dictum esse, sicut Episcopis dictum est, *Pascite qui in vobis est gregem Dei*. Si etiam Angelis convenire asseras, iam fateris Angelis tributum esse munus Pastorum sicut Episcopis, cum utrorumque officium vno eodè scripturæ oraculo significetur. Nisi forte pascendi vocem eo loci æquivocè positam Iesuitico acumine respondeas, & Spiritum sanctum, perinde ut Molinistas, æquivocis ludere tuearis.

Deinde, ne id à te vel invito extorqueri conquerare, quod non prævideris consequi ex ipso sermone tuo; Non opus est singulas libri tui percurrere paginas, periodas, lineas, literas; ut à te inhumanius, & importunius, & sine causa iubemur; sed in ipsa propositione quam Censores damnauerunt, id quod tu à te dictum fallaciter abnuis, manifestè deprehendimus. Quærit Doctor Kellisonus, cui Angelorum dictum sit. *Pascite qui in vobis est gregem Dei, sicut Episcopis dictum est?* Respondes, *Illis Angelis, de quibus Psalmista dicit, &c.* Quis non audiat te dicentem, Angelis dictum esse ut pascant gregem Dei, sicut Episcopis dictum est; adeoque iis tributum esse munus pastorum, sicut Episcopis tributum est? Negas enim verum esse quod à Doctore scribitur nulli Angelorum dictum esse sicut Episcopis, *Pascite gregem Dei*. Ac per hoc asseris, munus pascendi gregem Dei, Angelis, sicut Episcopis, datum esse. Profectò nisi lectoribus humanæ naturæ sensum, & communem vocum intelligentiam eripere statueris, nihil manifestius dici potuit. Istam enim orationis tuæ evidentiam ipse perspicuens; ne ea coargui posses, voculam *sicut*, erasisti ex tua interpretatione Latina, atque

ita vertisti: Cui Angelorum dictum est, *pascite qui in vobis est gregem Dei? Quod tamen Episcopi dicitur, &c.* Tanta apud te argumentorum inopia est ad innocentiam tibi vindicandam, ad errores tuos tergiuersandos, ad aduersariorum, quam toties ingeminas, comprobendam calumniam, ut sine perspicuis & putidissimis fraudibus, nihil istorum vel conari valeas. Nam Censurum interpretes fideliter ex Anglico transtulisse, hoc ipso fateris, quo non negas, nec eo super isto negotio criminaris: Eademque opera perfidiam tuam certissimè indicas.

Nequiter igitur in Censores, in collectores, eiulas: quasi te *lana caprina*, molli sanè telo, violarint. Dignior *Censura* alicuius *fulminibus* error tuus fuit, nunc præcipuè cum ei peruicaciam, falso simulationis & fraudulentæ umbraculo malè tectam addidisti: quo errorem eundem illum non tollis, sed iteras; non minuis, sed adauges. Et tamen indignissima vafritie quasi dolo circumuenta quiritaris; cum non solum menda tua verissima falso Spongiæ liquamine diluas, sed etiam veros accusatores tuos falsa vltro criminatione aspergas, tanto odiosior, quanto in aduersariis arguendis, hoc ipsum imprudenter peccas, quod arguis.

Equidem Angelos pastores nostros non esse, nihil est cur dubitari debeat, & cur Spongia Pastores esse non modò contendat, sed etiam, ne quid vulgare loquatur, ad Catholicam fidem pertinere velit, quasi Catholici esse nequeant, qui hoc negare ausint. Iactat enim *neminem Catholicum negare ausurum Angelos hominibus seu ouibus Dei præsidere, easque curare, custodire, pascere, regere, &c.* Ridiculè doctrinam, quam Catholici temerè pronuntiat, eodem modo proponit, quo hæretici doctrinas hæreticas consueuerunt, obsecris clara inuoluens, vera falsis, ut veritatem falsitas tueatur. Aliud enim est Angelos hominibus præsidere *seu ouibus Dei*. Aliud, *seu ouibus suis*. Non enim qui alienis ouibus præsidet, pastor est; sed qui suis. Aliud rursus est *custodire homines, curare, regere*: aliud *pascere*. Nam etsi omnes qui pascunt, etiam regunt & curant; non tamen quicumque curant & regunt, continuo pascunt; multò minus qui custodiunt. Non enim solum Angeli, sed etiam cœlites omnes, curant, regunt, custodiunt nos; patroni sunt, tutelares sunt; & egregia sæpe fidelibus suæ curæ atque custodiæ testimonia dederunt. Pastores tamen nemo Catholicus propriè dixerit. Si enim erant cum in viuis agerent, ut SS. Episcopi, Patriarchæ, Apostoli; constat esse desisse, cum à viuis abierunt. Vnde si quando etiamnum in cœlo pastores esse dicantur & pascere; locutiones improprie sunt, & catachresticæ, longèque aliter sonant quàm cum in ministros Ecclesiæ conferuntur. Beati enim, aliter pastores dici non possunt, quàm ipsi Angeli; ut dicetur infra, quatenus iuuant nos, admonent, orant pro nobis, & perpetuam nostri curam gerunt; non autem sensu proprio, quasi veram vitam, verumque pabulum, animis nostris infundant. Hoc enim modo patet nullum in cœlo esse nostrum, & Ecclesiæ Pastorem, nisi Christum & Deum,

Ouium quidem nomen in scriptura reperimus datum Angelis, Pa-

trum sensu, & Theologorum; At Pastorum nomen eis datum non legimus, quia non sunt. Rem enim multò difficilius reperias eis datam esse, quàm nomen.

Si Pastores essent, Patres essent Christianorum & Ecclesiæ. Pastores enim & Patres in Ecclesia Christiana iidem sunt. Gignunt enim per <sup>a</sup>Euangelij & Sacramentorum <sup>b</sup>administrationem, dum per eam spiritum & gratiam Dei, quæ vita animæ, seu ut loquitur August. <sup>c</sup>vita <sup>d</sup>vitarum est, subministrant & inserunt. Eademque ratione alunt & pascunt, dum per idem verbum & Sacramenta, eandem gratiam fouent & augent, quæ non solum vita, sed & <sup>d</sup>pabulum verum & Christianum est. Per eandem enim alimur, ex quibus sumus. Et quamuis in natura non iidem semper alant & pascant qui genuerunt; alij enim plerumque parentes, alix nutrices, aut nutricij sunt; Tamen & naturæ recta institutio nutrices easdem esse postulat, quoad eius fieri potest, quæ fuere matres; & in ordine gratiæ iidem semper Pastorum & nutriciorum officio funguntur, qui Patrum & genitorum. Nam Paulus, modò se Patrem <sup>e</sup>fidelium; modò nutricem <sup>f</sup>vocat. Modò eos genuisse; modò lac <sup>g</sup>, modò solidum <sup>h</sup>cibum præbuisse testatur. Sunt enim Pastores Ecclesiæ, non ministri solum, sed etiam viuæ imagines Christi, qui vitam dat idem, & seruat, <sup>i</sup>& auget; incipit <sup>k</sup>bonum opus & perficit; operatur <sup>l</sup>velle & perficere; Alpha est <sup>l</sup>& ô-mega. Similiter enim & initium, & augmentum, & conseruatio, & complementum gratiæ, seu vitæ spiritualis per ministros Christi in Ecclesia confertur, ut per se patet, & inductione probare perfacile est. Imò imagines sunt sempiterni Patris, <sup>m</sup>& eorum operatio erga fideles filiosque Dei, imago operationis æterni Patris erga filium æternum, cuius vita ex eodem principio perpetua quadam & numquam intermissa generatione, & oritur & perseuerat. Ad tanti enim mysterij honorem, & ad altissimam quandam imitationem Patris illius, ex quo omnis <sup>n</sup>paternitas in cœlis & in terra nominatur, iidem alunt & pascunt fideles in Ecclesia, qui generant; Idem gignendi & pascendi munus, eadem vis, eadem potestas est. Nam partio & nutritio, continuata quædam generatio, & ut cum Philologis loquamur aggeneratio est. Quare Paulus non satis habens semel genuisse fideles, exclamat; *Filioli mei quos iterum parturio, donec formetur Christus in vobis.* Nam hoc discriminis est inter Ecclesiam, & humanas matres, quod hæc foetus suos extra fundendo generant; Ecclesia intra se se complectendo; prorsus ad honorem & venerationem generationis æternæ, qua filius ita oritur à Patre, ut sit *vnigenitus qui est in sinu Patris*. Vnde fit, ut humanæ matres non foueant amplius, aut formare pergant intus in aluo proles suas iam genitas, ut antequàm eas peperissent: Ecclesia verò eas perpetuò sinu suo conclusas, ad instar æterni Patris, fouet, auget, & perenni quadam generatione conformat, donec Christum in iis penitus formauerit, & in virum <sup>o</sup>perfectum, in <sup>p</sup>mensuram ætatis plenitudinis Christi perductas, in gremium denique Patris æterni, ut <sup>q</sup>fratres & <sup>q</sup>coheredes Christi, ut *vnus* cum Deo spiritum,

Mat. 18. 18  
Orig. hom.  
7. in Ios.  
Cyril. Hier.  
roso. Cat. 15

21. Cor. 4.  
15.

1ac. 1. 18.

1. Pet. 1. 23

b Tit. 3. 5.

c Aug. ep.

222. et pas-

sim alibi.

d 1. Cor. 12.

11.

Ephes. 3. 3.

e 1. Cor. 4.

15.

Philem. 10.

f 1. Thes. 2.

7.

g 1 Cor. 3. 2

h 1. Cor. 2. 6

i Heb. 5. 13

j 2. Cor. 9. 10

k Vid. Amb.

l. 1. de pan.

q. 7.

Alb. 17.

x Philip. 1.

y Philipp. 2

l Apoc. 1.

m Ephes. 3.

15.

n Ephes. 3. 4

Gal. 4.

1 Cor. 12. 13.

Et August.

passim. Et

hec est Ec-

clesia incor-

poratio.

Ioan. 1.

o Ephes. 4.

p Ioan. 20.

17.

Hebr. 2. 11.

q Rom. 8.

r 1. Cor. 6.

17.



Iren. l. 3. c. 1

vitam & æternitatem ab ipso fonte hausturas, & generationem illam æternam multo iam propius adoraturas, infundat.

Cum ergo Angeli non gignant fideles, neque patres eorum sunt; neque pascunt eos, neque pastores eorum sunt. Hæc enim officia, nisi summa mysteriorum Christi & nouæ legis, & scripturarum ignorantia, diuelli non possunt. Nam quamuis in humanis pastoribus, irracionales oues pascuntibus, pastorum & genitorum officia non concurrant, quia horum pastoratus multiplicem imperfectionem continet; secus tamen est in Euangelico pastoratu, qui perfectissimi & diuinissimi Dei & Christi pastoratus effigies, & effusio quædam est, eius vice non solum alens, sed etiam generans rationali semine, & rationali pabulo, rationales oues eius. De quo alibi plura.

Quid ergo ages, Spongia? Fateberis Angelos esse patres Christianorum, gignere fideles, esse non solum pastores, sed etiam patres Ecclesiæ? Eisque adeo baptisandi ministerium, sacramenta conferendi, Euangelium prædicandi, quæ solæ viæ sunt, quibus in Ecclesia filij Dei fidelesque gignuntur, arrogabis? Non fateberis. opinor, quod abhorret à vero, à specie veritatis, à Scripturarum, Patrum, Theologorum omnium, etiam scholasticorum ac recentiorum, consensu. Fatere igitur, nec pascere, nec esse pastores, & munus pastorale Angelorum à lege noua exclusum esse.

Vid. Aug.  
lib. 10. de ci.  
uit. c. 15. &  
17. Lex Dei  
in editis  
data est An-  
gelorum.  
AB. 7.  
Gal. 3. 19.  
Coloss. 2.  
Orig. hom.  
9. in cap. 21  
Genes. &  
hom. 2. in  
Cant.  
Cyril. A.  
lex. lib. 1.  
Thes. c. 2.  
Heb. 2.

Esto enim, fuerit aliquod eorum ministerium, curaque pastoralis in lege veteri, quod non modò præsides & custodes synagogæ, sed etiam primi legislatores, prædicatores, promulgatores fuerint legis apud vniuersam congregatam in vnum multitudinem filiorum Israël. Quamobrem sanctus Stephanus contestatur eos accepisse legem in dispositione Angelorum; & D. Paulus ea de causa legem veterem, totamque disciplinam Iudaicam, ordinatam per Angelos, Religionem Angelorum, ex probabili saltem antiquorum, & nouorum Theologorum sententia, vocauit. At in legem nouam iniurius est, qui tale quippiam de ipsa quoque suspicatur: nec satis meminit eminentiæ ac præstantiæ illius, quam ei Apostolus suprâ veterem legem, verumque testamentum asseruit, toto capite primo Epistolæ ad Hebræos, Christi nouæ Euangelicæ legislatoris amplitudinem & maiestatem, cum Angelorum legis antiquæ legislatorum tenuitate comparans, ac postmodum ita subiungens: Si enim qui per Angelos dictus est sermo, factus est firmus, &c. Quomodo nos effugiemus si tantam neglexerimus salutem, quæ cum initium accepisset enarrari per Dominum, ab eis qui audierunt in nos confirmata est, contestante Deo signis & portentis, & varijs virtutibus, & Spiritus sancti distributionibus secundum suam voluntatem. Non enim Angelis subiecit Deus orbem terræ futurum, de quo loquimur. Quo loco initium & propagationem ministerij Euangelici nouæ legis describens, excludit ab eo penitus, longèque seponit Angelos, docens sicut Euangelium alium legislatorem, & promulgatorem non habet nisi Christum hominem & Deum; ita præcones & ministros, à quibus prædicatio quam Christus incepit, expletur & effunditur in omne humanum genus, alios non esse nisi homines

diuinæ Christi potestatis participes; in honorem videlicet humillimæ Christi incarnationis, qua sicut salus primo parari cœpta est hominibus per hominem, ita deinceps per homines consummatur. Ac proinde non Angelis subiectum esse a Deo orbem terræ futurum, hoc est, Ecclesiam, quæ cœlum nouum & terra noua, & terra viuentium est; sed Christo homini, & iis exinde hominibus quos Christus in mundo reliquit quasi alteros se, imò quasi vnum se, ita vt qui eos audit, ipsum audiat; qui spernit eos, spernat ipsum, eumque qui misit eum. Nam Sacerdotes, & ministri Ecclesiæ sunt vnus Christus, non eo modo tantum quo fideles omnes sunt vnus Sacerdos, vt loquuntur Patres, quatenus membra sunt vnus Christi Sacerdotis; sed etiam quatenus eiusdem dignitatis & potestatis Sacerdotalis Christi participes sunt, qua Christus per eos non solum vt ministros, sed etiam vt instrumenta operatur, ita vt illis agentibus ipse adsit & simul agat, vt causa & minister principalis. Vnde fit vt certo semper & efficaciter agant & gignant, & pascant; quia quocumque vitio teneantur, Christus in iis est generans, baptizans, pascens. Hic est enim qui baptizat, qui loquitur, qui exhortatur; hoc est, qui dat vitam, & auget, & complet, dum ea omnia Sacerdotes eius & ministri operantur.

*Vid. Chrysost. hom. de SS. Petro & Hecla. Luc. 10.*

*Aug. l. 10, de ciuit. c. 10.*

*S Leo serm. 3. in anni. Ioan. 1. 33. 2. Cor. 13. 4. 2. Cor. 4. 6. & 5. 30. Et August. passim.*

Videat Spongia quid intersit inter doctrinas ex scripturarum fontibus haustas, & humanæ mentis opinione volubili erraticaque confictas. Qui enim pastorum munus in Ecclesia & lege noua cum Angelis communicat, is non solum legislationem noui Testamenti cum legislatione veteris confundit; & ministerium Euangelicum non solis hominibus, sed & Angelis impartiens Apostoli doctrinam euertit; verum etiam dignitatem, & ministerium pastorum Ecclesiæ, ministerio seu pastoralis muneris Angelorum, aut exæquans, aut præferens (quod paulo infra Spongia conatur) potestatem & ministerium Angelicum, potestati & ministerio Christi vel exæquat vel præfert, quia potestas & ministerium pastorum Ecclesiæ est ipsa potestas, & ipsum ministerium Christi, pro quo legatione funguntur, & à quo missi sunt, sicut ipse à Patre missus est. Sed de hac ministerij Ecclesiastici præstantia, quam Spongia prorsus ignorare videtur, scripturarum & Ecclesiasticæ doctrinæ rudis, paulo post plura dicentur.

*2. Cor. 5. Ioan. 10.*

Maneat ergo intacta Christi hominis, hominumque ministrorum eius, dignitas Pastoralis, & ministerij nouæ legis amplitudo ab incarnatione Dei velut à fonte profluens. Sicut enim nusquam Angelos apprehendit, salutem hominum humanum operaturus, sed semen Abraham apprehendit; sic nec apprehendit eos, eandem salutem hominum humano ministerio prædicaturus, completurus, confirmaturus in nos, vt Apostolus paulo antè locutus est.

*Hebr. 2.*

Hoc solum in Angelis agnoscere possumus, eos esse custodes, protectores, consultores hominum optimos ad salutem, iuxta illud eiusdem Apostoli; *Omnes sunt administratores spiritus in ministerium missi propter eos qui hereditatem capiunt salutis. At pastores non sunt, qui veram vitam, & verum pabulum, gratiam Dei, in animos hominum non generant,*

2. Cor. 5:  
Ephes. 3.  
Vid. Orig.  
hom. 23. in  
Luc. 6. 8.

neque producant, quemadmodum ministri Ecclesiæ: Nec eandem subministrato Christi corporis pabulo conseruant, alunt, augent: Neque doctrinam salutis ab iisdem accipimus: nec in iis posuit Deus verbum reconciliationis: imò ipsis per Ecclesiam altissimorum Christi mysteriorum cognitionem suggeri, ab Apostolo didicimus. Si ergo gratiam in nobis producerent, deberent eam proximè sine villo instrumento producere & immittere in nos, cum neque verbi, neque Sacramentorum administrationem & dispensationem, sicut ministri Ecclesiæ, acceperint. Dicit verò non possunt gratiam per se proximè sine instrumento, & prout volunt, dare ac producere, sine graui errore ac hæresi, quia tanta potestas ne quidem Ecclesiæ concessa est, & ad solum Deum, & potestatem excellentiæ Christi pertinet, qui solus Sacramentis non est alligatus, & operatur gratiam prout vult.

Gen. 49. 24  
Isa. 44. 23  
Vid. Hier.  
in 6. 14 Isa.

Quo fit ut pastores dici nequeant nisi improprie, quia regunt, & protegunt: quemadmodum interdum Reges pastores populorum, etiam in sacris literis, nominati fuerunt. At pastores non sunt sensu nouæ legis, scripturæque noui testamenti, à qua nusquam neque rem, neque nomen pastoralis ministerij acceperunt.

Cæterum non sum nescius subesse hoc loco aduersus ea, quæ hæcenus diximus, grauem quandam in speciem obiectionem; quam, nisi longitudinem nimiam omni ratione fugeremus, continuo explana-remus. Si Spongia oculos habuerit quibus eam inuestiget, (quod pro ea, quam toto opere præbuit, perspicacia, non facile sperandum est) demonstrabitur & soliditate carere, & veritati quam defendimus lucem pleniorē afferre.

## SPONGIA.

Lib. 2. in  
Luc. 6. 1.

*An verò reuera munus & officium Pastorale Episcopi sit præstantius munere pastoralis Angelico, nihil Auctor dixit in alterutram partem, sed præsumpsit pronunciatum Doctoris verum esse. Quod autem nostri Censores dicunt adeò verum esse, ut opinio, quæ facit pastorem Angelicum similem Episcopali, vel parem, sit falsa, temeraria, hæretica; videant ne hoc sit facile prorumpere in Censuras, ut à doctis merito irrideri mereantur. Fateor enim me neque locum Scriptura, neque sanctionem Concilij generalis scire, ubi res hæc sit velut fidei articulus definita. Scio autem sanctum Ambrosium innuere munus Angelici Pastoris esse nobilius, vel saltem maioris in Ecclesiam beneficii; sic enim scribit: Non solum Episcopos ad tuendum gregem Dominus ordinauit, sed etiam Angelos destinauit. Satis aperte insinuat Pastorem Angelicum, in Dei gregem esse Episcopali aliquid maius.*

*Conueniant iam Parisienses, & si placeat hanc sancti Ambrosij sententiam, falsam, temerariam, & hæreticam pronunciant. Quod si fecerint, tamen auctorem non tangunt, qui nunquam dixit munus Angelica custodie esse præstantius Episcopali; tantum dicit ex sola allegatione huius textus, Pascite qui in vobis est gregem Dei; id tenuiter probari. Nam possent etiam textus allegari, quibus Angeli dicantur esse Pastores, seu ouium Dei custodes.*

## RESPONSIO.

Spongia isthæc versipelli audacia, ignorantia, insulsi-  
tate redundat. Versipellis audacia est, quod cum pastorale munus quod Angelis ma-  
lè induit, pastorali muneri Episcoporum præferre velit, neque aperte  
audeat; id tamen non suo, sed Diui Ambrosij nomine facit, ut & error  
lectorum animis S. Ambrosij auctoritate vehementius influat, & Cen-  
sura qua dignus est, non in Spongiam eius auctorem, sed in D. Ambro-  
sium fictitium patronum eius, transferatur.

Ignorantia in eo est, quod fatetur se nescire locum scripturæ, aut  
Conciliorum, ubi negetur Angelis pastorale officium, aut simile, aut  
etiam maius, quàm officium pastorale Episcoporum: cum id vel ex  
Christianæ religionis elementis, si modò quis ea teneat, planè emicet,  
ut postea demonstrabimus: ut non modò non à doctis Censura ri-  
deatur, ut indoctè garrit; sed ab indoctissimis etiam Christianorum,  
modò Christianis, & Christianæ professionis intelligentibus, erroris  
ipsius fœditas percipi, & liquidò damnari possit.

Insulsi-  
tas denique non parua est, quod postquàm sese anguino  
more varias in partes versauit & inflexit, nullo certo loco gradum au-  
sa defigere; eò denique defensionem suam reuoluit, ut dicat se *num-  
quam dixisse munus Angelicæ custodiæ esse præstantius Episcopali, sed tantum  
ex sola allegatione huius textus, Pascite qui in vobis est gregem Dei, id tenui-  
ter probari*; cum tamen in propositione damnata de qua agimus, non  
queratur an *munus custodiæ Angelicæ sit præstantius Episcopali*, sed solum  
an Angelis datum sit *munus pascendi gregem Dei, sicut Episcopis datum  
est*; ut ex ipsis verbis patet. Quare responsio ista insulsa est, dum id  
quæsitum simulat, de quo nihil quæsitum est, id damnatum, de quo  
Censura verbum non facit; ut nimirum commutata & conturbata  
quæstione, Spongia facilius elaboratur. Nam quæstio de præstantia mu-  
neris Angelici supra Episcopale munus, nunc primùm à Spongia fingi-  
tur, ut errorem quo Angelis dedit pastorale munus simile Episcopali,  
tanto vberius, & velut ex abundanti tueatur, si munus istud Angelici  
pastoratus non simile solum & par, sed etiam præstantius Episcopali  
ostendat. Superbia enim eius ascendit semper; nec Censuram expun-  
gere constituit purgatis erroribus suis, ut innocens videatur; sed  
auctis & exaggeratis vehementius, ut acrius contemnenda iudi-  
cetur.

Cæterum ut eam doceamus quo scripturæ, aut Concilij generalis  
loco definitum habeatur, Angelos non habere in Ecclesia pastorale  
munus vel simile, vel præstantius Episcopali: eadénique opera erro-  
rum tramites, quos furtim, & velut ex insidiis astruit, præcludamus:  
Respondemus, hoc iis omnibus scripturis, & iis omnibus Conciliis  
definitum esse, quæ nullos in Ecclesia pastores habendos sanciunt, ni-  
si Apostolorum hominūque Apostolicorum successores legitimos;  
qui suam ab Apostolis totius pastoratus Euangelici, primis post Chri-  
stum fontibus, successionem ac missionem perpetua mittentium, mis-



forūmque vicissitudine ad se delapsam probent. Alioquin, si ab hac regula discedatur, meritò cum Ecclesia hæretici de munere pastorali litigabunt, nec scripturarum auctoritatibus repelli poterunt. Quæ enim scripturæ ab Ecclesiæ pastoratu excludunt hæreticos, eadem Angelos excludunt, cum neutri vllam missionem, quæ ab Apostolis defluerit, proferre queant. Qui autem hoc principium, hoc Ecclesiastici pastoratus munimentum infringere audet, is non modò Scripturas infringit, sed etiam euertit Ecclesiæ antiquitatem, quæ sola hac notâ veros & subdititios Ecclesiæ pastores discriminauit, vt nemini Catholico ignotum est. Vnde patet dubitari non posse, quin saluis fidei Catholicæ fundamentis, pastorale munus Episcopali simile, Angelis in Ecclesia ascribi nequeat, neque dici datam iis esse, sicut Episcopis, gregis Dei pascendi potestatem. Quam in rem & plura dici possunt, & nos iam aliqua diximus superiùs ex doctrina Ecclesiastica Scripturisq̃ue repetita, & plura, si res feret, alibi dicemus.

Quod autem Spongia, non solūm pastorem potestatem similem paremque Episcopali tribuit Angelis, sed etiam superiorem & præstantiorem tribui posse innuit, tamen os exercere non audeat; id non tam à fide alienum, quàm crassum & penè impium demonstrare facile est. Qua oratione aliquid etiam luminis priori parti accedet.

Primum enim, quàm leuiculum & puerile est, & audaci Parisiensis Facultatis reprehensore indignum, probare officium Angelorum in Ecclesiam esse præstantius Episcopali munere, quia S. Ambrosius ait Deum non solūm Episcopos ad tuendum gregem ordinasse, sed etiam Angelos destinasse? Nonne eodem modo dicere potuit, non solūm ordinasse Episcopos, sed etiam Presbyteros, Diaconos, cæterosque minores Clericos? An tamen ideò sequeretur, ordinationem Presbyterorum aliorūve Clericorum, esse vel digniorem, vel etiam parem ordinationi Episcopali? Quid ergo sibi vult tam informe argumentandi artificium? Vbi Iesuitæ mens, & in D. Ambrosium vel in lectores saltem verecundia, vt SS. Patrum penè grauissimo, errorem tantum tantulo & tam ridiculo argumento imponere audeat? Non comparat Ambrosius munus Angelicum Episcopali: sed Dei in Ecclesiam amorem dignationemque commendat, quod non solum humanam infirmitatem qua circumdaci sunt Episcopi, ad eius ministerium destinari, sed etiam Angelicam sublimitatem. Non ergo ministeria, sed ministros comparat. Imò dicens deum Episcopos ordinasse, Angelos verò destinasse, aperte ministerij Angelici & Episcopalis diuersitatem & generis dissimilitudinem indicat; ita vt ministerium Angelicum nihil sit, nisi *destinatio* quædam, qualis simplicium ministrorum & nunciorum esse solet: Episcopale verò ministerium sit *ordinatio* quædam & consecratio, qua fiant participes Sacerdotij Christi, quo modo ipse Christus dicitur factus à Patre Sacerdos secundum ordinem Melchisedech.

Deinde præterquàm quod Patrum, Theologorum, fideliumque sensibus repugnat Iesuiticus error, manifestam præterea potestatis Episcopalis, & Angelicæ ignorantiam, aut manifestam peruicaciam



Spongia dabit vnquam vel vnum , qui Angelis pastorale munus in Ecclesia tribuerit , præcipuè munus pastorali muneri Episcoporum, aut simile, aut par, aut etiam præstantius; nec recusare poterit quin ipsa portentosi istius dogmatis inuentrix , & procreatrix habeatur.

Nam vt ex suprâ dictis patet , Angelorum ministerium præferri non potest ministerio Episcopali , quin ipsi Christi ministerio præferatur, cum Christi ministerium , & ministerium Episcopale , ac Sacerdotale vnum idemque ministerium sit, vt & antè ostendimus , & docentem Chrysostomum modò audiuius. Sicut enim Christus humanum genus redemit, ita Episcopi & Sacerdotes potestate ab eo accepta, redemptionem eiusdem humani generis peragunt , & perficiunt in singulis hominibus, donec numerus electorum compleatur, vt sæpè docent Patres , & scriptura significat , quemadmodum omnibus notissimum est, qui aliquid cum iis commercij habuerunt, & probatu perfacile erit, si Spongia contrâ mutire audeat.

Ex quo fit, vt vix sine blasphemia dici queat Angelorum ministerium in Ecclesia præferendum esse Episcopali , quod ministerium est redimendæ, saluandæque Ecclesiæ vice Christi; quo munere neque vllum in Ecclesiam maius aut par fingi potest; nec eius vlla pars ad Angelos pertinet, qui nec Sacerdotes, nec redemptores, nec mediatores Ecclesiæ ( quo quid tandem diuinius ? ) à SS. Patribus vnquam dicti fuerunt, vt Episcopi sæpissimè. Ac legimus in Scriptura Sacerdotes vocatos fuisse Angelos; Angelos verò dictos esse Sacerdotes, aut Episcopos nunquam legimus.

Ambros. l. 1. de pen. c. 15.  
Chryso. l. 6. de Sacerd.  
Ambros. de obitu Valentiniani Cyprian. Thesaur. lib. 12. c. 10.  
e. 4. & alibi  
Malac. 2.  
Gal. 4. 14.

## PROPOSITIO SECVNDA.

Ex cap. 3. §. 3. num. 18.

*Ordinatio Presbyterorum & ministrorum Ecclesiæ, sola est causa quæ inferi necessitatem Episcopi.*

## PROPOSITIO TERTIA.

Ex cap. 4. num. 6.

*Ecclesia tempore persecutionis indiget Episcopo, solum propter ordinandos Presbyteros.*

## CENSURÆ.

*Vtraque propositio est falsa; Ecclesiæ ordinisque Hierarchici destructiua, & hæretica.*

## SPONGIA.

a Suarez de Reliq. tom. 2. l. 6. c. 1. n. 2.  
Episcopus nomen est ordinis potius quam iurisdictionis.

*Vtraque propositio mala fide, & non integrè recitatur: Prima non absolute eo loco statuitur, sed remissimè, sicut, inquit, sequente paragrapho ostendam, vbi declarat Episcopum, in quantum habet potestatem iurisdictionis, quod vocat sceptrum regiminis, requiri causa tum gubernationis, & conseruande pacis, tum iustitiæ administrande: in quantum verò Episcopus ( quod nomen, vt ait Suarez, ordinem significat potius, quàm iurisdictionem ) seu quoad potestatem*

quoad potestatem ordinis, solùm necessariò requiri ad ordinandos ministros. Nam reliqua Episcopalis ordinis, vel præstari posse à Presbyteris, vel non esse ad salutem simpliciter necessaria; sed hac de re, & impostura fusiùs in Spongia ad Censuram quinta & sexta propositionis huius tituli.

RESPONSIO.

Næ tu magnus nugator es, & nugas tuas malè venditas, quas Theologorum primæ Facultati, eruditis omnibus, toti orbi Catholico, pro veris mercibus obtundere coneris. Malus nugiuendus es, nescis incitare homines. Quàm enim miserà nugatio est, *propositionem tuam mala siue & non integrè recitari*, quia addidisti, *sicut sequente paragrapho ostendam*: Quasi sequens paragraphus sit pars propositionis huic paragrapho clarissimis verbis insertæ, & sine sequenti paragrapho mutila, & non integra censeri debeat. Quis tale antehac defensionis, vel accusationis genus audiuit? Apologiæ tuæ Latina versio habet, *ut paragraphus sequens probabit*: An ergo propositionem mutilasse dicendus est, qui eam nudè ac per se referat, sine probationibus sequenti paragrapho adiunctis? O perditam innocentiam, talium ineptiarum indignam! Quid quod ille ipse paragraphus intra quoque damnatus est? Ut pateat neque Censores eum omittere aut dissimulare voluisse; Nec tibi quicquam præsidij aduersus Censuram hanc in eo relictum esse. Fugis, fugis, inquam, miserrimè; neque aliud agis, nisi ut te ex laqueo propositionis manifestè hæreticæ, quoquo modo extricare videaris. Sed tamen videamus iam nunc breuiter quid habeat ille paragraphus, in quo spes defigis tuas, ut suffugiorum tuorum indignitas ex omni parte cernatur. Dicis te in eo declarare, *Episcopum, in quantum habet potestatem iurisdictionis, quod vocas sceptrum regiminis, requiri causa tum gubernationis & conseruanda pacis, tum iustitiæ administrandæ*. Itane verò fallacia alia aliam trudit? Fallaciter ad paragraphum prouocas, quasi ad vnicum præsidium, quem deinde fallaciter inuertis, & ita metuis, ac fugis, quasi præsentissimum toxicum? Nam paragraphus ille nusquam habet, *Episcopum requiri causa gubernationis, aut iustitiæ administrandæ*. Generatim Rectorem aliquem requiri docet; Episcopum autem requiri disertè negat, etiam tum cùm status Ecclesiæ particularis iuridicam administrationem admittit. Respondeo, inquit, *cùm status Ecclesiæ particularis iuridicam administrationem admittit, externi fori iurisdictionem necessariam, & hoc nomine qui sunt illius Ecclesiæ, Rectore indigent*. Verùm si à Rectore suo creationem Sacerdotum expectare non debent, necesse non est ut is Episcopus sit. Potestas gubernatiua, & iustitiæ administrandæ quod ad illam Ecclesiam, congruenter committi potest Presbytero, & ab eo idoneè exerceri potest. Vbi hinc reperias, Episcopum requiri causa gubernationis, cùm contra manifestè requiri negetur, & satis esse dicatur, si adsit Presbyter aliquis Rector, videlicet Societatis Iesu, in qua sola Rectoris nomen in vfu est, quòd ideo videris consultò usurpassè, ut clariùs innueres te pro Episcopo in Anglia Rectorem, aliquem tuæ Societatis optare. Quis



pro te in fraudibus ac mendacijs tam dilucidis non erubescat? Ea enim non effudisses, si ipse erubescere potuisses. Imò quis non condoleat eò infirmitatis adductum esse humanum genus, ut talia propudia confutare debeamus?

Cæterum toto ferè hoc titulo, Spongia in causa deploratissima & infami, nihil aliud habet quod afferat, nisi defensiones pariter deploratissimas, & quouis homine, nedum Theologo, & religioso, indignas; miserrima videlicet effugia, & doctrinæ quam manifestè prodidit, quam perspicuis ipsius vocibus ubique deprehendimus, negationes & tergiuersationes flagitiosas, ut totus penè titulus, non tam erroris examen, vel expositio veritatis, quàm rei pertinacis quædam quasi tortura videatur. Cum enim Episcopalem dignitatem in Anglia, velut in nocte, securo animo, effuso impetu, contriuisset, nihil tantæ impietatis ad Catholicos Antistites, & ad cæterarum gentium Catholicam Ecclesiam, emanaturum suspicans; ubi se proditum sensit, & transmari-  
 norum notitia constrictam teneri vidit errorum suorum improbitatem, pudibundus, & supra modum pavidus, ne iure infensis Episcoporum omnium animis, Pontifice grauitè læso, fœda in se & in suam Societatem ignominia toto orbe incumberet; nihil in rebus desperatis consilij habuit, quàm ut quæ maxima temeritate profuderat, maiore impudentia inficiaretur. Nec aduertit se hoc potissimum pacto hæreticis multo simillimum probari, quibus ab omni æuo familiarissimum fuit, hæreses suas, ubi infamiam metuunt, premere; ubi non metuunt, spargere; quia hominum magis odia, quàm Dei fugiunt, impunitatemque pro innocentia habent. Videbat igitur hoc titulo lector, & nisi magnopere fallor, stomachabitur, non errores & imperitias, quæ errantium omnium communes sunt, sed spirituales nequitias, quas nulli vnquam hæretici putidiùs effinxerint. Nam ut Spongiæ audacia, quo rarior, hoc minus suspecta videretur, Iesuita suas hæreses ita obscurare instituit, ut simul in earum Censores quasi plenos calumniæ inuehatur, & velut immeritissimè violata passim spumas agat; quemadmodum impurissimi fures, cum furtum faciunt, tum primi omnium exclamant in furem, ut ipsi à furti suspicione longius abesse censeantur. Hæc tua tuorumque perdita fraus, seriò Ecclesiæ vniuersæ Episcopis, & summo omnium Episcopo, animaduertenda est, ut latentis magni mali inuolucrum, & malarum mentium, perfidorumque consiliorum vestrorum malum omen. Tu enim flagitia, adeò splendida, neque tu, neque tua saltem societas, excussio pudore tueremini, nec tam enormibus præstigijs inuoluere, & adumbrare conaremini hunc tantum in finem ne videamini rei esse confidentes; nisi monstri aliquid aleretis, quod suo tempore, *cum homines dormient*, dirum quippiam Episcopali ordini, & Ecclesiæ Catholice, minetur. Sed hæc viderit Deus, viderit Ecclesia, cuius in manu est, sub Deo auspice, orientibus malorum seminibus, & periculosis, ut Apostolus loquitur, *temporibus* occurrere.

Matth. 13.

1. Tim. 3.

Ut autem à vilissimis istiusmodi fœditatibus, quibus te doctrinamq;

tuam conspurcas, Censuræ verò æquitatem splendidam & illustrem facis, ad rem de qua agitur, redeamus; Primum abuteris dignitatis Episcopalis diuisione in potestatem iurisdictionis & potestatem ordinis. Nam de ea nihil habes in Apologia, in qua istæ voces, *quoad potestatem ordinis, quoad potestatem iurisdictionis*, nullæ sunt, nisi ad solos marginum angulos, quibus post Censuram editam eas demum suffarcinare cœpisti, in ipsum contextum palam inferre non ausus. Sed quæso te, quid ista plasmata populi Anglicani periculis subueniant, cui venenum merum talibus distinctionibus non dilutum, talium distinctionum inscio, propinasti? Nihil ergo minuunt exitiale malum quod in Anglia latè fudisti, sed fouebunt augebuntque multò amplius, si tibi eius auctori impunitatem parauerint, manente nihilominus & flagrante etiamnum incēdio, quod populi Catholici animis iniecisti.

Deinde quàm flagitiosum, diuisionis istius ope, dignitatis Episcopalis labem excidiumque moliri; Egregij enim Theologi, ima sursum, summa deorsum voluitis: lungitis diuidenda, coniungenda diuiditis; studioque præpostero, politicorum hominum ingenia æmulantes, qui factiones præualidas immixtis dissensionibus diuellere, & hinc opprimere conlueuerunt; Episcopalem statum quem integrum nulla vis labefactare valeat, disiungitis & dilaceratis, vt lacerum faciliore ruina deleatis.

Ista verò diuisio & dilaceratio Episcopalis dignitatis, ab ipsa illa dignitate: & à Christi institutione alienissima est. Non quin distinguere liceat duplicem potestatem Episcopalis officij; sed quia diuidere nefas est, & eius naturæ repugnat (vt infra explicabitur) præcipuè cum de ipsa eius natura, & de Christi circa eam institutione sermo est. Nam Christus Episcopalem statum, non mancum quippiam mutilumve instituit, sed plenum, integrum, perfectum, & Sacerdotij sui summi ac perfectissimi, summam perfectissimumque imaginem. Christum enim refert Episcopus, & vicem eius in terris gerit, vt sæpè docent SS. Patres. Sicut ergo Christi Sacerdotium vim omnem Sacerdotalem, perfectamque pascendi gregis potestatem complectitur, ita vt varias in ea plenitudine & perfectione conclusas potestates distinguere quidem discernereque liceat, dislociare verò, & inter se quodammodo discindere, sit piaculum; non secus ac diuinitatis ipsius dotes perfectionesque; ita distinguimus, vt non diuidamus: Sic Episcopatus, plenitudinem Sacerdotij & Pastoralis muneris perfectionem naturâ suâ continet, & in hanc status dignitatem à Christo conditus fuit, vt qui summas illas muneris tanti potestates separare ac dilacerare conetur, similiter faciat, ac si Sacerdotij Christi, diuinæque ipsius naturæ proprietates dirumpat, & Christi in terris præcellentissimam imaginem obliteret. Christus enim perfectionem Sacerdotij à Patre accepit, quando ab illo missus est. Perfectionem deinde eiusdem Sacerdotij, seu Episcopalem vtramque potestatem simul dedit Apostolis, quando misit eos sicut ipse à Patre missus fuerat. Eandem denique perfectionem ipsi tradiderunt Episcopis, mittentes eos sicut ipsi missi fuerant à Christo; Quam eandem deinceps

2 Cor. 1. 27  
Cyp. ep. 58  
& 69.  
S. Ignat.  
ep. ad Smyr.  
et Magu.  
Hermisda  
Pap. ep. 4.  
6. 11.

Ioan. 20.

Episcopi ad posteros transmiserunt, eos mittentes, sicut ipsos Apostoli miserant. Vt vera sit hac præcipuè in parte illa Diui Pauli vox: *A quo omnis paternitas in cælo & in terra nominatur*. Nulla enim maior in terris paternitas, quàm Apostolica & Episcopalis, quam sibi Paulus idem sumpsit, cum diceret, *sed non multos Patres*. Sicut ergo corpus non nisi propter anima propter corpus, creata fuerunt; sic Episcopalem iurisdictionem propter Episcopalem ordinem, ordinem Episcopalem propter iurisdictionem condidit Deus. Vtraque pars alterius societatem, & adiunctionem natura sua flagitat, & ad eam toto institutionis suæ velut instinctu & pondere fertur, itavt eas discindere nihil sit aliud quam violare naturam à Christo conditam, & in ipsomet quodammodo Ecclesiæ capite proprium schisma conflare. Non enim Episcopatus membra discerpserit Christus, quem ipsum Ecclesiasticæ unitatis apicem vinculumque constituit; sed ea ita conflavit, & conglutinavit in cumulatissimam unitatem, ut nihil in eo nisi vndiquaque vnum, & indivisum, & inseparabile esse, & concipi voluerit. Quare apud omnem superiorum temporum Ecclesiam, ista Episcopatus velut propria & interior unitas, & ut ita loquar indivisibilitas, adeò cognita & confessa fuit, ut SS. Patres de Episcopatu Catholico non soleant loqui, nisi tanquam de vnica potestate; modò eam exponentes per potestatem <sup>a</sup> ligandi & solvendi, modò per iudiciariam <sup>b</sup> potestatem; <sup>c</sup> modò per paternitatem, modò per <sup>d</sup> pastorum; modò per summum <sup>e</sup> Sacerdotium. Nec vllus vnquam dabitur, qui de potestatibus Episcopalibus tanquam disiunctis locutus fuerit. Imò omnes rotius Ecclesiæ dignitates Episcopales pro vnico Episcopatu & vnico pastorum accipiant. Non quin scirent potestatem Episcopalem ad varios effectus, & ad munia multiplicia spectare; sed quia illam omnem multipliciter ad vnicam nobilissimam potestatis vim redigerent; sicut etsi rerum, & effectuum à Deo in creaturas manantium, sit quodammodo innumera multitudo, tamen omnia ad vnicam Dei efficaciam referimus, quam dicimus omnipotentem, seu omnipotentiam, & hoc ipso infinitas in ea potestates includi agnoscimus. Est enim summarum quarumque potestatum proprium, ut videantur multiplices, cum tamen ipsæ summam unitatem & simplicitatem obtineant. Ita SS. patres, potestatem Episcopalem, sine vlla diuersitate, ut vnam, simplicem, diuinæ potentie simillimam, varia opera sine sua varietate operantem, expresserunt. Eodem penè modo quo nunc Presbyterij nomine, potestatem simul in corpus reale, & mysticum comprehendimus, etiamsi sint distinctæ potestates, & à Christo discipulis, altera in Cæna, altera post resurrectionem, collatæ fuerint. Vnde etiam factum est, ut non magis Episcopum agnosceret eum qui characterem Episcopalem sine iurisdictione teneret, quàm eum qui iurisdictionem sine characterem. Nam sicut propriè non sunt Episcopi qui iurisdictionem Episcopalem sine ordine habent; Ita SS. Patres, eos qui post consecrationem Episcopalem, Episcopatu, seu Episcopali iurisdictione exciderent, <sup>f</sup> Episcopos non habebant; & si quos hoc modo ordinassent, in numerum laicorum simul cum iis reiciebant, nec honore, vel nomine

1. Cor. 4.

SS. Cyp.

&amp; Leo sup.

a Cyp. ep. 55

b Aug. epist.

256.

c Cyp. ep. 67

d Terent. l.

de Bapt. c.

17. Zozim.

pap. ep. 1. c. 3

s. Leo ep. 84

ad Anast.

c. 5.

e Vide apud

Cyp. sape,

libro de un.

Ecl. ep. 52

&amp; c.

S. Leo serm.

3. de an.

Aug. l. 1. ad

Bonif. c. 1.

f Cyp. epist.

67. 68. &amp;

69. Hilar.

lib. 3. cont.

Const. Cœc.

Ancy. c. 17

Aug. epist.

203.

gradus vilius Ecclesiastici gaudere patiebantur, & eorum ordinationes irritas & illegitimas vocabant. Plena sunt Concilia huius testimoniis, quæ Molinistæ facile advertere potuissent, si ad SS. Patrum & Conciliorum lectionem accederent ut discipuli, non ut magistri; ut iudicandi, non ut iudices, non ut Censores; opinionésq; suas ad eorum doctrinam, non doctrinam eorum ad suarum opinionum præiudicia metirentur. Nec refert quod potestas ordinis remanet in Episcopo semel consecrato; Quia hoc per recidens est, ob indebilitatem characteris. Non remanet tamen ex more loquendi Ecclesiæ, quæ talem potestatem non magis agnoscit, quam si reuera nulla esset. Cumque eam ex animo semel ordinati delere non possit; facit quod potest, delens eam ex suo, & omnem eius memoriam, rationemque ita abiiciens, quasi nunquam fuisset. Cuius rei hoc etiamnum indicium emanavit in Ecclesia, ut nefas esse constet Episcopum sine certæ iurisdictionis ac Dioceseos attributione consecrari, nec unquam aliter fiant Episcoporum consecrationes, nec unquam aliter ab initio Ecclesiæ factæ fuisse reperiantur. Quod sanè inde natum est, quia, ut paulò antè notabamus, Christus primo dignitatem Episcopalem instituit, & contulit ita completam, & iis muneribus exornatam, quæ nunc in potestatem ordinis & iurisdictionis diuidimus. Imò Episcopalem dignitatem longè antè discipulis spondens, non aliter eam quam per potestatem ligandi & soluendi designavit, (quod ipsum SS. Patres plerumque imitatos esse iam diximus.) Unde perpetuò tenuit atque observavit Ecclesia velut à Christo traditum, ut Episcopalis ordo nunquam sine hoc ipso complemento daretur, & nulla censeretur Episcopalis dignitas, cui hoc complementum defuisset.

Nec refert quod electus Episcopus iurisdictione Episcopali, etiam sine ordine potiatur: quia ob hoc ipsum non est perfectus Episcopus, nec eo statu manere, nec iurisdictionem Episcopalem solitariam retinere potest, & iure diuino ordinationis munus ut primum poterit, suscipere debet. Quare peruersè penitus iudicium fertur de natura dignitatis & potestatis Episcopalis ex eo statu, in quo ipsa eius natura nondum est, & in quo quæcumque illius particula præest, imperfecta & violèta quodammodo conditione suspenditur, nisi altera pars ad quam suoapte genio properat, quam celerrimè accesserit. Electio enim Episcopi, non est Episcopi creatio, sed creationis inchoatio: quæ tamdiu fluere, & in via quodammodo ad sui esse statum, seu stabilitatem tamdiu versari censenda est, donec ad terminum consecrationis peruenerit; quo obtento, iam Episcopalis dignitatis, & potestatis natura completa est, & suum statum habet. Ideoque perperam & imperitè ex priore illa conditione inchoata, fluida & transeunte spectatur qualis sit, antè quodammodo quam sit; cum ex completo hoc & permanenti, & verè natiuo, ut ita loquar, eius statu, considerari debeat. Nec minus errant qui secus faciunt, quam si hominem ex embryone, pictam tabulam ex prima pictoris delineatione, iudicent. Hoc igitur ipsum argumentum confirmat iurisdictionem

Cone. Cōst.  
1. can. 4. 5.  
Basil. ep. 92.  
ad Cler. Ni.  
cop. Innoc. 1.  
ep. 22. c. 3. 20  
4. Cōc. Rō.  
sub Calix 2.  
c. 6. & 21.

Ioan. 10.

Matth. 18.

S. Leo epist.  
84. cap. 6.  
Concil.  
Arel. 4. c.  
5.



Episcopalem esse contra naturam suam, contra institutionem, contra Ecclesiæ vniuersæ mentem, si sit vel in eo qui ad Episcopatum non sit electus; vel in electo qui sine causa necessaria, & quæ diuinæ legis vinculum soluere sufficiat, ab ordine seu consecratione Episcopali eam diuulsam esse patiatur. Quo casu iurisdictio Episcopalis enorme quiddam est, & quasi defectus naturalis, natura ipsius per se aliò adspirante, tametsi humano vitio præpediatur: prorsus eo modo quo res naturales ad suum quæque complementum, & ad sui generis perfectionem anhelant, etli non raro, obiectis variis obicibus, ad eam peruenire non possint, atque adeo imperfectæ ac mutilæ manere cogantur, non spontè naturæ, sed causæ illius violentia, à qua impedimentum ortum est. Alioquin quando iurisdictio Episcopalis in electo Episcopo, non nisi legitimis verèque necessariis causis ab Episcopali consecratione distrahitur, non tam ab ordine Episcopali separata esse, quàm ad eam tendere, sed nondum peruenisse censetur. Hinc in tota Ecclesia veteri electiones Episcoporum, eodem cum consecrationibus tempore, fieri consueuerant. Quæ disciplina admodum diu, atque ad multa sæcula in Ecclesia viguit, vt ex veterum monumentis vndique manifestum est. Cùm enim electiones Episcoporum, fieri non possent secundùm canones nisi prouincialibus Episcopis, & Primæ seu Metropolitano præsentibus; præsto erant ordinatores à quibus electus ex templo consecraretur. Atque hoc pacto factas fuisset electiones simul & consecrationes, de quibus nominatim apud primorum sæculorum Ecclesiæ Patres mentio est, clarè patet singulas commemoranti. Tenuitque iste mos, donec electiones Canonice vel euanuerunt penitus, vel immutari cœperunt. Deinde disciplina Ecclesiæ, variis de causis mitigata; ac deinceps ob ingrauescentem temporum iniquitatem, ampliùs relaxata, aliquid indultum est: sic tamen vt qui consecrationem quocunque tēpore sine graui necessitate distulerit, apud Deum culpa non vacet, & violatæ diuinæ legis crimine teneatur.

Cœc. Laod.  
c. 11. & Ni-  
cen. 1. can.  
4. & 6. & a-  
libi passim.

Patet ergo Episcopalem dignitatem Episcopi discerpi non posse, & gemina illa eius membra, ordinis & iurisditionis, copulationem mutuam, & vnitatem indiuiduam ex Christi institutione deponere: Ita vt qui Episcopatum quoad vnā partem necessarium, quoad alteram minus necessarium dicat, euulsamque alteram eius potestatem inferi Presbytero, & ab eo sustineri supplerique posse doceat, is nunquam nec Episcopatus naturam, nec Christi institutionem, nec Ecclesiæ traditionem cogitasse, sed res maximas & diuinissimas, de quibus loquitur, & de quibus affirmat, turpiter ignorare censendus sit. Cùm enim istæ potestates sic in vnā à Christo conglutinatæ fuerint, vt separari non possint: sequitur aut neutram necessariam, aut vtramque esse oportere.

Vide infra  
Suarez ad  
vlt. propos.  
sit. vniuers.

Quo fit vt magnoperè mirer, Magni Suares ( vt cum Molinistæ pro sua modestia vocant ) vocem à Spongia laudatam, Episcopum nomen esse ordinis potius quàm iurisditionis; quam ex dictis patet nullius esse soliditatis, & magnam in doctrina Ecclesiastica, & verè Theologica,

hallucinationem includere. Nam, ut diximus, Episcopatus directè  
vtramque potestatem, & expressè complectitur; quamvis, si nomen  
ipsum *Episcopi* intueamur, dici possit expressius includere iurisdic-  
tionem ac regimen. Nam *Episcopus* gubernationem & aduigilationem  
sonat, quem ideo veteres Ecclesiæ Patres, modò *presidentem*, modò *pra-*  
*positum* Latinè dixerunt, ut in eorum scriptis, & in ipsa scriptura legi-  
mus. Imò Christus Episcopatum instituens, expressius iurisdictionem  
denotavit, dicens: *Sicut misit me pater, & ego mitto vos. Quorum remisistis*  
*peccata, remittuntur eis, &c.*

1<sup>us</sup>. Apol.  
2.  
Tertul. de  
iun. c. 17.  
Cyp. ep. 63  
et alibi se-  
pe.  
Aug. epist.  
264. & in  
Psal. 126.  
Hebr. 13. 19  
Ioan. 20.

Atque hæc est eminentia dignitatis Episcopalis supra Sacerdotalem;  
quod Sacerdotalis nullam per se iurisdictionem, nec includat, nec exi-  
gat, utpote imperfectior, & Episcopali subiecta, cuius nutu regi, & ad  
operationes ac munia Ecclesiæ admoueri, non ipsamet proflire debet,  
ut Canones iam pridem sanxerunt. At Episcopalis dignitas, ut summa,  
& in suo genere perfecta, iurisdictionem necessariò complectatur, nec  
sine ea consistat, non magis quàm regia dignitas, cui SS. Patres Epif-  
copalem dignitatem passim comparant, sine imperio concipi potest.  
Quod adeò verum est, ut nequidem ij Episcopi, qui indulgente Ec-  
clesiæ Episcopali cura se abdicant, & vitam quodammodo priuatam  
traducere sinuntur, omni penitus iurisdictione careant. Retinent enim  
iurisdictionem aliquam, quam non quidem exerceant soli, quia nul-  
lam Ecclesiam sibi solis addictam habent, sed simul cum toto Epif-  
coporum corpore in conciliis tum prouincialibus, tum generalibus,  
in quibus ius suffragij, ut veri Ecclesiæ iudices, habent; atque ita  
ibi iurisdictionem tum in Ecclesias particulares, tum in Ecclesiam  
vniuersalem, cum vniuersale Concilium est, verè exercent. Nihilo-  
minus fatendum est eos esse in statu, in quo sicut primò crea-  
ri non potuerunt, ita deinceps stare non possint sine graui causa, &  
adeò graui, ut eos à diuina lege soluat. Christus enim Episcopatum  
non ad quietem, sed ad laborem; non ad priuatam vitam, sed ad prin-  
cipalem, regiam, arduam instituit. *Euntes, enim inquit, docete om-*  
*nes gentes, baptizantes eos, &c.* Vnde Paulus, *necessitas mihi incumbit.*  
*Va enim mihi est si non euangelizauero.* Et sicut Episcopatus vniuersalis  
ad regimen vniuersalis Ecclesiæ factus est; sic particulares Episco-  
patus ad Ecclesiarum particularium gubernationem. In iis enim so-  
lis *euangelizare, baptizare*, sicut iussit Christus, *mysteria Dei denique*  
*dispensare* possunt, quorum gratia à Spiritu sancto in Ecclesia con-  
stituti fuerunt. Ut omittam quod suis Ecclesiis insolubili matrimo-  
nij vinculo adhæserint, ut earum sponsi, vice Christi, qui prima-  
rius earum sponsus est, ut Patres & Concilia testantur. Quod vin-  
culum S. Thomas appellat *perpetuum & solenne votum*, adeoque ne-  
gat solui posse, nisi sola Romani Pontificis autoritate. De quo plu-  
ra inferius.

Can. Apost.  
40. Concil.  
Arelat. 1.  
c. 19. Conc.  
Laod. c. 57.  
S. Chrys. l. 6  
de Sacer. c. 3  
S. Th. 2. 2. q.  
124. a. 6.  
ad 2.

Matth. 28  
1. Cor. 9.  
Vid. Aug.  
ep. 159.

1. Cor. 4.  
Vid. ep.  
Ag. Epp.  
& Cleri A-  
lex. ad Leo.  
Aug. & a-  
lias seq.  
part. 3. Co-  
cil. Chalce-  
don. Aug.  
de bono vid.  
c. 10.

Ioann. 3.  
S. Th. 2. 2.  
q. 124. a. 5.  
in corp. &  
a. 6. in corp.

Mirum autem cur Spongia attulerit sententiam Suares, *Episco-*  
*pum nomen esse ordinis potius quam iurisdictionis* Quorsum tam bellum em-  
blema? Non enim prima fronte apparet, nempe ut sua illa damnata

propositio, Episcopum necessarium esse propter solam ordinationem Presbyterorum, tanto magis confirmetur; & verum videatur, verèque dici possit absolutè, Episcopum esse necessarium, non ob iurisdictionem, cum Episcopus non tam iurisdictionem quàm ordinem includat; sed ob solam consecrationem ministrorum, quia hæc proprio nomine Episcopi contineatur.

Huc enim pessimorum hominum opinio hæretica, illa propositione damnata, Spongiæ sordibus magis infecta, manifestè recidit, ut Ecclesiæ regimen, Episcopis funditus abrogent, nec eos ad iurisdictionem Ecclesiasticam, sed ad solam consecrationem ministrorum necessarios faciant, itavt Ecclesia non iam ab Episcopis, sed à solis Presbyteris, ut Vicariis, Archidiaconis, Rectoribus, (quales Rectores Iesuitarum) facilè regi possit; nec ab iis necessariò debeat, quos *Spiritus sanctus posuit regere Ecclesiam Dei*. Episcopalem solùm ordinem relinquunt in Ecclesia; cætera Episcopalis status, vel non esse simpliciter necessaria, vel à Presbyteris præstari posse volunt. Illum ipsum Episcopalem ordinem, non Episcoporum gratia relinquunt, sed sui similium Presbyterorum, itavt Episcopi habeantur per se non necessarij, & auctoritate iurèque omni Ecclesiastico penes Presbyteros residente, ipsi velut ignava & inutilia animalia quæ alicubi solius sobolis gratia conclusa servantur, inertes & inglorij iaceant. Interim adeò sunt mente distorti, ut *sceptrum Episcopale*, imò *imperium*, splendidis vocibus, velut in gratiam Episcoporum, amplificent, ut eorum animos à se iure abalienatos falsa perfidæque adulatione demulceant. Illud enim ipsum *sceptrum* statim intervertunt, & ad se rapiunt, petulanti ludibrio auferentes Episcopis, Presbyteris addicentes; ut tantum illud fastigium sibi reuera extruxisse & parasse videantur. Sic milites ad Christum, ante passionem vexandum constituti, arundineo ei sceptro oblato, flexo genu cludebant, dicentes: *Aue Rex Iudeorum*. Nimirum Episcopos eò redigere volunt, quo Rex Angliæ Iacobus, & plerique hæretici Romanum Pontificem redigere voluerunt, ut sit Episcoporum Occidentalium primus, non auctoritate, non potestate, sed nomine honorèque imaginario. Imò verò Episcopos non solùm Sacerdotibus non necessariò superiores iurisdictione faciunt, sed etiam inferiores; ut patres regantur à filiis, pastores ab ouibus, à membris capita, oculi ab auribus; càmque Hierarchiæ & regiminis Ecclesiastici formam in Ecclesiam inuehant, quam apud Calumnianos, aliòsque huius æui, & longè antea superiorum sæculorum hæreticos, audiuius, qui Presbyteros Episcopis anteponentes, ita demùm se Ecclesiæ Catholicæ gloriam obscuraturos & superaturos putauerunt, si quos ipsa primos habet, eos ipsi posteriores effecissent. Si hæc infanda hæresis non est; nulla est: Et si hæc portenta impunè Molinistis in Ecclesia Catholica tueri liceat, nihil est, quod de propugnandis religionis mysteriis magnoperè laboremus.

Cæterum meminerit lector doctrinæ hoc capite & à nobis & à Iesuita propositæ. Nam & sequentium capitulorum responsiones nostræ,

Ad. 10.

Apol. c. 3. §. 6.  
4. num. 25.  
Spong. hic,  
& pag. 76.

Matth. 27.

Bier. p. 54  
ad Marcel.  
cōtra Mō-  
tan. In ter-  
tium, id est,  
penè vlti-  
mū locum  
Episcopi  
denotantur  
quasi exin-  
de ambitio-  
rior religio  
fiat si quod  
apud nos  
primum est  
apud illos  
nouissimū  
sit.



ad hunc ferè fontem referentur, lucémque vel hinc accipient, vel huc afferent; & penè omnes hoc titulo Iesuitæ propositiones, aut huiusquam nunc excussimus, qua Episcopi ob solam Presbyterorum consecrationem necessarij dicuntur, aut sextæ eiusdem tituli de qua postea, confectionaria quædam, & quasi riuuli sunt, ita vt earum meminisse necesse sit, quo manifestius pudendas deinceps Iesuitæ tergiuersationes, & impudentissimas exclamationes quisque intrueri possit, & nobiscum execrari.

## SPONGIA.

*Altera propositio ponitur à verbis antecedentibus & consequentibus qua spectant ad illius essentiam, diuulsa. Non enim est absoluta pronuntiatio, sed illatio ex facto sanctissimi Episcopi, ad illius facti circumstantias restricta. Narrat Theodoretus Eusebium Samosatenum Valeris imperio pulsum, in exilium abiisse furtim, initio in scio grege, postmodum cum res innotuisset, inuito, monenteque ciuili Principi obediendum esse. Neque tamen omisit exilij tempore dissimulata veste nonnunquam excurrere, vt Sacerdotes ordinaret. Hoc exemplo probat auctor summos Pontifices in gubernanda Ecclesia Anglicana sanctissime simul & sapientissime se gessisse, contra Kellisonum qui contendit, eos ad mittendum Episcopos, qui ibi inuito Principe residerent, etiam cum persecutionis incremento, diuina lege obligatos fuisse. Iam accipe verba Auctoris. Hoc exemplo, inquit, instruimur, quod Episcopus non debeat in Ecclesia sua persistere, aduersus hæretici principis voluntatem, cum periculo tumultus & persecutionis aduersus gregem concitandæ; quodque Ecclesia tempore persecutionis non egeat Episcopo, nisi ad ordinandos Presbyteros, ita populus Presbyteros cum habeat, debeat esse contentus, nec Episcopum continuè apud se, repugnante Principe retinendo, illius in se indignationem prouocare. Hac auctor. Quæ si integrè percepta fuissent, in ipsis quod reprehenderet, nec ipse Momus inuenisset. Loquitur tum contra residentiam Episcopi, casu quo infert persecutionem & desolationem gregi. Quod autem dicitur tempore persecutionis Episcopum esse necessarium, solum ad ordinandos Presbyteros, patet sensus, scilicet ex rebus ad salutem necessariis, hanc solam esse, quæ non potest à Presbyteris non Episcopis in Episcopi defectu, seu absentia suppleri. Regimen verò Episcopale, seu iurisdictio, quamuis necessaria sit; potest tamen vel ab vno Presbytero Vicario, vel à Capitulo ad tempus commodè suppleri; & ideo hoc nomine non debere populum inuito Principe cum tumultu Episcopum retinere. Tu, Lector, pro tua prudentia facile intelligis, librum non posse à quopiam ita accuratè Catholicèque scribi, quin ex eo sententiarum particula decerpi possint, quæ per se sumptæ nota digne videantur, Vnde referas incubare auctorum libris (quod Parisienses faciunt) euulsasque sententiarum particulas Orbi velut monstra ostentare, crimen esse generis humani odio dignum.*

C. 4. n. 6.  
pagin. 124.  
lin. 4.

## RESPONSIO.

Itane te innoxium fore putas, si querimonias prior occupes, & iniuriâ tibi nocentissimo & contumacissimo fieri vniuersum orbem attrita



fronte testaris? Nescis istum profligatissimorum quorúmque mortalium esse morem, ut criminibus quibus deiectiones & humiliores fieri debuerant, multo procacius superbiant? Nihil enim tam frontem durat, quàm crimen. Primùm, qua fide negas tuam esse propositionem, *Ecclesia tempore persecutionis indiget Episcopo solum propter ordinandos Presbyteros*, cum superiori propositione defenderis, & infra iterum acerrimè tuearis, Episcopos generatim Ecclesiæ necessarios esse solùm propter ordinandos Presbyteros, non autem propter regimen seu iurisdictionem Ecclesiæ, quia iurisdicção Presbyteris committi possit? Manifestum est ex doctrina ista, etiam sæuiente persecutione Episcopum esse necessarium Ecclesiæ propter solam consecrationem Presbyterorum, quia cætera omnia à Presbyteris etiam tum fieri possunt, nec per te ab Episcopo necessariò fieri debent, Quid quod infra peius etiam doces; nec solùm ais Episcopos in persecutione necessarios non esse, si non necessaria sit consecratio Sacerdotum; sed, quod multo deterius est, dicere audes, *nec bonum quidem, nec conueniens, nec ullum solatium Ecclesiæ esse, in tempore persecutionis habere Episcopum, cum nullus publicus usus sit Religionis*. Atque hanc ibi exitiosam & capitalem propositionem nec negare, nec dissimulare potes, cum eam manifestissimè scripseris, sed aperte fateris, superbe asseris, sine religione propugnas. Quo ergo conuitio tuam nequissimam & perditissimam simulationem, & conscientiam emortuam verberabimus? quo fulmine ferreum istud os conteremus, quo *crimen humani generis odio dignum* vocas, quod tui tibi errores, & tua crimina tribuantur, quæ etiam tum cum perfidiosè & fallaciter ciulas, vera sentis, & tua vides? At doctrinam istam non tradis hoc loco, sicut Censores notarunt. Id ipsum igitur profiteri debuisti, esse quidem doctrinam tuam, sed non hoc loco traditam: Non autem aduersus columniam, velut imposito tibi crimine à quo longissimè abhorreas, imprudenter insurgere. Hoc veritas, hoc Christianus animus, & religiosa simplicitas postulabat. Aliud fraudulentum, veteratorium, Molinisticum est,

Quanquam propositio tua satis aperta est, præcipuè tota libri serie scopoque spectatis. Quoquo enim sensu, quacumque cogitatione priuata scribas, *quod Ecclesia tempore persecutionis non egeat Episcopo, nisi ad ordinandos Presbyteros*; tua vox noxia est, nec qui eam tueatur, innoxius esse potest. Nec refert quod addas *te loqui de residentia Episcopi casu quo inferi persecutionem & desolationem gregi*: quia aliud est, Episcopum non debere residere inuito Principe; qua de re paulò post: aliud, Episcopo ob Principis indignationem discedente, Ecclesiam eo non egere. Multis enim indigemus, quibus tamen carere cogimur, cum scilicet, iis per vim ereptis, inuiti indigentiam patimur. Vnde si Episcopus Ecclesiæ in persecutione necessarius esse dicatur, non desinet esse necessarius, quando propter Principis indignationem, aliò migrare cogetur. Nam nihilominus Ecclesia eo semper indigebit; Inopiam & egestatem ipsius experietur; dolens ac mæsta eius desiderio anhelabit, velut sponsa non ornata, sed orbata viro; &

primo quoque tempore, ut impetus persecutionis remiserit, eum sibi restitui omni iure postulabit. Qui rebus necessariis spoliantur, nunquam tantoperè earum necessitatem sentiunt, seque iis indigere probant, quàm cum in earum spoliationem inciderunt. Quare ludimur à Iesuita, & inani futilissimæ cauillationis vento pascimur. Aut enim, principe quantumvis fremente, necessarius Ecclesiæ est Episcopus, eaque ipso eget: aut omninò in persecutione necessarius non est. Res enim verè necessaria, non ideo necessaria esse desinunt, quia violentè auferuntur. Et si postquàm ereptæ fuerunt, necessaria non videantur; palàm est neque antea necessaria fuisse. Ita particula illa de principis indignatione, qua Iesuita velut clypeo Censuræ ictum excipit, leuissima & ridicula est, nec impedire potuit, quominus Episcopum in persecutione solùm propter ordinationem Presbyterorum esse necessarium, docuisse iudicaretur.

Præterea ipsa Iesuitæ expositio ipsum prodit. Propositionem enim suam sic exponit; *Tempore persecutionis Episcopum esse necessarium solùm ad ordinandos Presbyteros, hoc est, ex rebus ad salutem necessarijs hanc solam esse, quæ non potest à Presbyteris suppleri; Regimen vero Episcopale posse ab vno Presbytero suppleri.* Quod in quauis persecutione eodem modo locum habere clarissimum est. In quauis enim persecutione verum erit ex doctrina Iesuitæ regimen Episcopale Presbyteris committi posse, & ordinationem Sacerdotum solannellèrem quæ à Presbyteris suppleri non possit. Ergo in quauis persecutione censet verum esse dictum, Episcopum non esse Ecclesiæ necessarium, nisi propter consecrationem Sacerdotum. Quid ergo perplexè tergiueratur? Cur simulat se necessitatem Episcopi ab Ecclesia excludere ob solam iracundiam principis? Nempe pudet eum erroris infandi. Aliorum conscientiam timet, suam negligit. Pœnam non culpam metuit. Pudet eum, non ut pudenda facere desinat, sed ut impudentior fiat. Estne hoc crimen Censura vnius Facultatis, an totius generis humani odio dignum?

Ergo propositionis eius impietas, quoquo velamine obtegatur, erumpit & emicat. Duo enim ab exemplo Eusebij Samosatani colligere voluit; primò, Episcopum, inuito principe infideli, in Ecclesia sua residere non debere. Secundò, Ecclesiam in persecutione non egere Episcopo, nisi ad consecrationem Sacerdotum.

Postremò casus eius, & additamentum illud de Principis indignatione, ridiculum & illusorium est. Quis enim dubitat quin omni tempore Princeps Ecclesiam persequens, in Episcopum potissimùm inuehatur, tanquam in eius, quam persequitur, religionis ductorem? Vnde antiquæ primorum Ecclesiæ sæculorum persecutiones, Episcopos præcipuè, ut capita, quibus excussis membra reliqua facilius quaterentur, feriebant. Exempli nota sunt. Hinc quamdiu persecutionum tempestas Ecclesiam exercuit per annos amplius trecentos, omnes ex ordine Romani Pontifices, martyrium perpessi sunt. Nec ullus principum hæreticorum aut infidelium est, qui in Ecclesiam

vid. Cyp.

Quod si exemplum illud Eusebij Samosatani Episcopi, quod iacet, intueamur, levitatem & audaciam illius multò magis mirabimur.

Vid. Aiba.  
ep ad Solit.  
vitiagen &  
Theodores,  
ipsum hic.  
ἐν τῷ μαρτυ-  
ρίᾳ, ἡ πλὴν  
δοξολογία διὰ  
συντομίας ἀπο-  
κρίσεως ἐπὶ τοῖς  
καταπαύσει-  
ται, ὅπου δὲ  
τῆς ἐκείνης τῆς  
εὐχῆς πλάτος  
ἐστὶν ἀνεφάρ-  
στον διδάσκει.

Theodil. 4.  
libi c. 13.  
Εἰρηὴς δὲ αὐτῇ  
ἐπιστολῇ, λέγει  
ὅτι δὲ αὐτῇ  
τῇ ἀπεσταλμένη  
ἀγαθωτέρως ὥστε  
νόμιεν ὁ διαγο-  
ρεύειν καὶ οὕτως  
ἀρχαίαι εἰ  
ἐξουσίας ἀνα-  
τίθεται. ib.

Theodibid.  
cap. 14.  
Amb ferm.  
de Basil nō  
traditio 10.3





Cap. J. N. 25  
pag. 108.  
lin. 28.

diuina lex non magis obligat Pontificem, vt Episcopos ordinet Gallia & Hispania, quàm Anglia vel Africa: Vnde si Gallia & Hispania essent eo loco, quo nunc Anglia & Africa, sine diuinæ legis violatione, ipsis Pontifex Episcopos non daret. *Hac est Auctoris integra assertio. Ex quibus vides non dicere, diuinæ legi satisfieri sine Episcopis in Gallia & Hispania; sed contrarium, scilicet absolute, & temporum circumstantijs perpensis, non posse; indeterminate autem, abstractiue, speculatiue, secundum circumstantias quæ finguntur, posse.*

## RESPONSIO.

Terreres me, & prorsus obstupesceres, fraudulentia & superbiloquentia tua, nisi iudiciorum diuinorum, quæ Molinistæ non nostis, sed experimini, altitudinem tacitus venerarer. Quis enim tantam non audaciam, sed desperationem verborum, qua in causa profligata vteris, non obitupescat?

Queris, imponi tibi, quasi dixeris absolute ac simpliciter diuinæ legi satisfieri, uet nuli sint Episcopi in Gallia, aut Hispania; Et hoc impudentiam extremam vocas. Quam igitur extrema impudentia tua est, quæ tuæ fronti adhærescit? Tu enim Centoribus imponis, non illi tibi; & tanto impudentius imponis, quanto clarius ipsis verbis damnatæ propositionis conuinceris. Propositio Damnata bimensbris est: prior pars ait, *Legem diuinam nihil amplius exigere nisi vt aliqui in Ecclesia sint Episcopi, tot nimirum, vt non sit periculum ne totus ordo intereat, & vt sufficientes Presbyteri Christianis per orbem suppedientur*; Hanc tuam esse non negas, quamuis perniciosissima sit doctrina, & iure damnata, vt alibi demonstrabimus, vtpotè capitale principium, vnde posteriorem errorem, de quo agimus, deduxisti. Posterior ergo est: *Si hoc fiat, hoc est, si tot sint in Ecclesia Episcopi, vt totus ordo non facile periturus videatur, & populo satis multi Sacerdotes præbeantur; legi diuinæ satisfieri, licet nulli sint Episcopi in Gallia, Hispania, vel Anglia.* Est-ne hoc absolutam tibi propositionem imponere? Est-ne te inducere dicentem absolute, & simpliciter legi diuinæ satisfieri, et si nulli sint in Gallia vel Hispania Episcopi? Nónne manifesta conditio apponitur, sub qua hoc scriptum fuisse dicitur, nimirum si sufficientes Presbyteri sint, nec periculum sit ne totus ordo intereat? Quis ergo extrema impudentia reus? Nónne tu, qui pro veris criminibus, quibus damnatus es, falsa supponere audes, vt habeas quo innocens videaris, tua ipsius commenta refellendo, cum ad verissimam iustissimamque Censuræ damnationem mutire non possis? Nam conditionalem hanc, si Gallia & Hispania sufficientes Presbyteri alicunde prouideantur, necesse non fore lege diuina vt ulli sint Episcopi in Gallia aut Hispania, tu numquam veram negabis, nec negas, nec, vt neges, tibi iam liberum est. Prætereo versionis tuæ Latinæ tum in Apologia, tum in Spongia, nauos ac minutias, quibus pestiferam propositionem molire & concinnare niteris, vt procliuus imperitorum animis illabatur. Ista, inquā prætereo; quia et si quo tenuiora sunt, eo maius fallaciarum,

quibus totus scates, & vndique diffuis, argumentum exhibent, tamen ad summam rei parum conferunt.

Sufficit demonstrare id quod caput est, te impudenter, & impotenter in Censores debacchari, *inuidias, calumnias, hydras, monstra*, iactare, quasi antiquæ fidei & pudoris hominem, zelo sinceritatis clatum; cum Censores non alia monstra protulerint, quàm quæ in tuis antris inuenerūt, & quæ tu vt tuos fœtus clanculum exoscularis animo, ore palamque non audes, etsi nimium audeas apud eos iudices, quibus non mucosa naris, & quibus oculi modò sint ad versutias tuas crassissimas pinguiissimæque videndas; multò magis apud eos, quibus non solùm robur Herculeum ad tua monstra subigenda, sed etiam maior Hercule sagacitas ad vestiganda, est. Si nescis, Hercules ille tuus Gallici nomen iam olim accepit, non Anglici, non Iesuitici, non Molinistici: Non domesticorum solùm, sed alienorum exterorùmque monstrorum domitor valentissimus est, vt nō tantùm errores tuos, sed etiam *commotiones* tuas, hoc est, pullulantes è tuis fœcibus colubros, quotiescunque *insurgere*, & procaciter sibilare cœperint, nullo negotio constringat elidatque.

Sed ais te Kellifono urgente, *non est maior ratio cur diuina lege debeant esse in Gallia, & Hispania Episcopi, quàm in Anglia*, respondisse, hoc absolute & simpliciter est falsum; nam secundùm præsentem temporum locorùmque dispositionem, diuinæ legi satisfieri nullo modo potest, nisi sint in Gallia & Hispania Episcopi, &c. Primò mendacia alia aliis superstruis. Illa enim verba, *hoc absolute & simpliciter est falsum*, nusquam inuenio, ne in tua quidem Apologiæ versione Latina. Nusquam enim ais propositionem illam Kellifoni simpliciter & absolute falsam esse: Imò eam simpliciter & generatim læpius admittis, vt in primi cum dicis *penes summum Pontificem esse vt Episcopos vel Gallia, vel Hispania, aut Anglia pro arbitrio concedat*, quia aliqui in Ecclesia Episcopi essent, quod lex diuina postulat, quamvis in singulis his Gentibus non essent. Quod apertè est diuina lege non præcipi vt Episcopi in his Gentibus sint, quia id in arbitrio Pontificis non esset, si iuris diuini esset. Fallis igitur, nec solùm veritates Dei, sed etiam, ne quid perfidiæ desit, tuas iplas falsitates adulteras.

Secundò, quod addis: *secundùm præsentem temporum locorumque dispositionem, diuinæ legi satisfieri nullo modo posse, nisi in Gallia & Hispania sint Episcopi*. Aut fallaciter, aut pueriliter loqueris, tui erroris pudore, & infamiæ timore fractus, nec si tibi constare vis, ita loqui potes. Si enim, vt ais, diuina lex nihil ampliùs exigit, quàm vt tot sint in Ecclesia Episcopi, vt periculum non sit ne totus ordo intereat, & vt sufficientes sacerdotes populo Christiano suppeditentur; quomodo exigit vt, hoc potissimùm tempore, Hispania & Gallia suos Episcopos habeant, cum etiam si nulli in iis regionibus forent Episcopi, ordo Episcopalis in aliis regionibus facilè conseruaretur? Cur exigit denique vt ibidem vlli Episcopi constituentur, modò vndecumque sufficiens Sacerdotum subministretur?

Posse autem abundè subministrari, etiam si duo tantùm aut tres Episcopi, aut nulli omninò in Gallia aut Hispania versarentur, dubitare non poterit, qui modò cogitet, quantus in dies Presbyterorum numerus in Angliam, Hollandiam, Orientem, aliasque infidelium regiones sine ullis indigenis vel incolis eorum locorum Episcopis submittatur. Soli Italix Episcopi, qui trecentorum amplius numerum impient, quorum in Synodo Tridentina ad CLXXXVII. adfuerit, pluribus Diaconis & Sacerdotibus consecrandis sufficient, quam quibus omnis Europa impleatur; saltem eas regiones identidem peragrandò, qua ratione Pseudo-Nicòlao Smithæo visum est Sacramentum Confirmationis Catholicis omnibus Angliæ commodè præberi posse, absque eo ut Ecclesiæ Anglicanæ sui Episcopi præficiantur. Nec quicquam Ecclesiæ obesset, si Presbyterorum copia quæ nunc est, aliquanto decreveret.

Discuss. 4.  
num. 9.

Vnde patet te nequiter, & declinandæ tantùm invidiæ gratia, hoc tuæ opinioni firmamentum contra tuam mentem insperisille, ne universam quaquà patet Ecclesiam in nefarij dogmatis pestilentiam accenderes: cuius vis ita latè porrigitur, ut Episcopalem ordinem ex universis propemodum nationibus Catholica religione florentibus exturbet. Adeo enim connexa est Ecclesiarum omnium ratio, & Episcopatus, ut cum Cypriano loquar, *unitas*, ut ex vna regione pelli non possit, quin eadem opera ex Catholicis plerisque gentibus deiciatur. Ut istorum absurditas, & necessitas odiosissima videatur, qui, si Galliam & Hispaniam Episcopali ordine spolient, Christianorum omnium graue odium, & meritissimam execrationem formidantes, in spolanda Ecclesia Anglicana minus metuentes infamiæ; sui erroris calamitatem, his omnibus Ecclesiis ex æquo exitialem, in solam Angliam palam exerunt, à Gallia & Hispania reuocare, continere simulant, postquàm eas quoque regiones doctrinæ istius pestilentia, verbis apertissimis, sed sub Anglicano idiomate latitantibus, afflauerunt. Quis istam inconstantiam, non etiam ampliùs quam errorem ipsum excreetur? *An enim quousque volunt, desipiunt? Quantiò nos melius, non errorum insipientiæ terminos figimus, sed ut desipiant prorsus volumus.* Nam Episcoporum ad omnes omnium Gentium Ecclesias eandem necessitati confiteri necesse est. Si iuris diuini dicitur ut Gallix & Hispaniæ hoc tempore Sacerdotes, non quomodocumque, sed per proprios Episcopos præbeantur, idem de Anglia fatendum est; cum nulla diuina lex proferri queat, qua nunc Hispaniæ aut Gallix Sacerdotes, aliter quàm Angliæ, propagari iubeantur. Loquantur constanter. Voluntarias fictitiasque diuersitates abiciant. Ius diuinum vel utrobique agnoscant, vel utrobique negent. Frustra enim urgent nec sceptro Episcopali, nec consecrationi Sacerdotum in Anglia locum esse; Quia ut de sceptro illo, ut aiunt, seu regimine Episcopali dicere supersedeamus, ad octauum huius tituli propositionem, ubi hunc errorem totius Ecclesiæ veteris auctoritate delibimus, Consecrationi Sacerdotum in Britannia locum non esse malignè

Cyp. ep. 52.  
ut sup.

Aug. ep. 6.



sine dubio, & conscientia reclamante, asseuerant. Cùm enim illic religionis Catholicæ functioni desit locus; cùm omnia Sacramenta, quàm solennissimè celebrentur; cùm sacra etiam officia non rarò concentibus musicis, & organorum sonitu perstrepere nuntientur, vt & in Scotia, in Hollandia, in aliis denique omnibus regionibus quas hæreses subegerunt: Quis sanus dicat; imò quis sanus credat, soli Ordinis sacramento, & Sacerdotum consecrationi nihil loci superesse, præcipuè ad pauculorum simul Sacerdotum consecrationem, quales diu olim in Ecclesia vetere, non solum sæuiantibus persecutionibus, sed serena etiam Ecclesiæ pace fieri solebant? Vos videlicet, Molinistæ versipelles, qui sacramentum Confirmationis, hoc solo quod Episcopale Sacramentum est, ex Anglia detruditis; vos iidem non vlla persecutio, vel temporum iniquitas, vel hærescos importunitas, sacramentum Ordinis, quantò magis Episcopale ducitis, tantò magis depellere conamini, vt per duorum sacramentorum sanctissimorum exilium, amandato ex Anglia Episcopo, vestra inibi ambitio & cupiditas sine obice dominantur. Hæc monstra illa sunt in quæ nos commotius insurgere æquius est, & nobiscum omnes, quos sui in Ecclesiam Sponsam suam immensi amoris participes fecit Deus; quàm vos in eorum, non solum vbi capita palam exerunt, domitores, sed etiam vbi ea lucis ipsius horrore recondere coguntur, deprehensores.

## SPONGIA.

*At dicent ordinem Episcopalem necessarium esse Gallia non solum causa consecrandi Sacerdotes, sed etiam causa regendi populum. Respondetur, hoc etiam Auctor agnoscit, quod scilicet Episcopi quoad ordinem necessarij sunt, vtrique de causa, sed diuerso modo. Nam ordo Episcopalis, seu potestas ordinis, per se & directè fuit instituta ad consecrandos Sacerdotes: & ad hunc finem essentialiter necessarius est, vt à non Episcopo suppleri non possit. At potestas regiminis non supponit essentialiter ordinem, inquit Auctor, & idè suppleri potest ab eo qui non sit Episcopus, fluitque ex ordine vel consecratione essentiali, vt quidam putant, vel vt alij sentiunt, tantum morali; eo quòd sceptrum regiminis ex decentia ac dictamine rationis, Episcopis, qui sunt Patres patrum debeatur. Hæc sunt Auctoris verba illo loco. Hæcine sententia ordinis Hierarchici destructiua, quæ omnibus Theologis nota & probata? Certè non Auctor Hierarchiam destruit, sed vos maleuoli interpretes libri illius sententiam ex odio destruitis, laceratis vestem polymitam, & aptam, qua librum Auctor ornaras, turpitudinèque quam lacerando fecistis, artificij imputatis, sanguine hædino, seu hæretico inficitis, vt summo omnium patri ostendi possit, & dici. Vide si tunica filij tui, hoc est hominis Catholici, sit. Nimirum hoc agitis vt eum à fera pessima interfectum, hæresi infectum credat. Sed quis nouit consilium Domini, quod illi cogitastis ad contumeliam, fortassis cedet ad gloriam.*

RESPONSIO.

Cæcior an superbior sis, difficile dixerim. Tuis enim vitiis verticem erigis. Intumescis, vbi luctu contrahi debueras. Tuas hæreses proiecto pudore pandis. Vbi deinde earum turpitudinem vel inuitus erubescere coactus es, adeò inani & intempestiuo allegoriarum pigmento eam inducere & obuelare conaris, vt nihil necesse sit librum tuum, polymitam scilicet tuam vestem lacerare, sanguineque hædino inficere, vt ea omnibus conspicua emineat. Ipsa te verba tua coarguunt, quibus Ecclesiam, Christi vestem euulsis Episcopis dilaceras, sanguineque ex ea plaga manante apud Deum, & homines pollueris. Quomodo enim manifestius prodere potuisti, te simulatè loqui, & mera verba dare, dum Episcopos in Gallia & Hispania ad Ecclesiarum regimen necessarios esse respondes; quàm continuò subiiciendo, *Potestas regiminis, non supponit essentialiter ordinem, ei idcò suppleri potest ab eo qui non sit Episcopus?* Si characterem Episcopalem essentialiter non supponit, si ab eo qui non sit Episcopus suppleri potest; certè ad eam non magis necessarij erunt Episcopi, quàm per te sacramentum Confirmationis ad profitendam fortiter fidem sit necessarium. Sicut enim Confirmationem idcò necessariam negas, quia suppleri posse dicis vnctione baptismali; similiter negandum tibi est Episcopos ad Ecclesiæ regimen necessarios esse, cum id ipsum regimen à solis Presbyteris suppleri posse velis. Ac reuera neminem ad eam rem necessarium dicimus, quæ eadem ab alio fieri possit. Verè igitur negas Episcopos ad Ecclesiæ regimen necessarios, etsi inuidiam pœnamque condignam fugiens, id ipsum verbis agnoscere & fateri verearis. Nam reuera pari fraude, & figmento pari, sacramentum Confirmationis; & munus Episcopale destruis, destructa eorum necessitate per inauditorum supplementorum suppositionem. Sicut enim sacramentum Confirmationis eliminas, supposita in eius locum vnctione baptismali; sine vlla vilius Theologi autoritate, contra maiorum omnium consensum; Ita Episcopale munus, sublata eius vera necessitate, per Sacerdotalis regiminis supplementum, ad nihilum redigis. Hoc tantùm interest, quod de sacramento Confirmationis apertius agas, eiusque contemptum machineris, illud non necessarium, sine ambagibus pronuntiando; quia quosdam Theologos scis ita locutos esse, etsi mente à nefario consilio tuo remotissima: Episcopale verò munus ita depellis, suppleto in eius vicem Sacerdotali regimine, vt tamen Episcopale officium aut regimen, necessarium esse & Ecclesiæ generatim, & Ecclesiis particularibus speciatim, negare non audeas, quia Theologorum omnium neminem qui hoc senserit, vel qui ita locutus sit, reperire potuisti. Vtrumque interim eadem ratione subuertis, in eumque deturbas locum, vt habeantur quasi res minimè necessariae, exigui commodi, & quibus ex causa qualibet leuissima, sine vllò detrimento & facillè careamus. Nec enim vnquam ais, Episcopale regimen esse necessarium iure diuino, & hanc vocem consultò fugis, velut tuæ fraudi minus appositam, imò tuæ propositioni contrariam, qua apertè

professus es, legem diuinam non amplius exigere, quàm vt Episcopi haftenus solum in Ecclesia sint, ne totus ordo Episcopalis extinguatur & ne Sacerdotes desint Ecclesiis. Non ergo putas legem diuinam exigere vt Ecclesiarum particulares ab Episcopis regantur particularibus; nec hoc sensu ais Episcopos necessarios propter regimen Ecclesiarum, quasi ad hoc necessarii sint iure diuino; sed necessarios intelligendos inuis ex decentia & congruentia quadam, quasi *sceptrum regiminis* ex decentia ac dictamine rationis Episcopis, qui sunt patres patrum, debeatur; Ac per hoc non solum non iuris diuini, nec verè necessarium putas, vt Ecclesiarum Galliarum vel Hispaniarum Episcoporum regimini subiaceant, sed ne quidem vt vllè omnino Ecclesiarum regantur ab Episcopis, quia vbique tua illa ratio militat, dummodo sufficientes Presbyteri habeantur, & periculum non sit ne totus ordo Episcopalis intercidat, Ecclesiarum regimen Presbyteris committi & ab iis suppleri posse, modò in eo convenientiarum aliquid reperiatur, quæ in eiusmodi negotiis nunquam deest eam repetire volentibus. *Hæc illa opinio est omnibus Theologis nota & probata? Hæc illa probatio est, non te, sed maleuolos interpretes, Hierarchiam destruere? Hæc est polymita vestis Iosaph, hædino sanguine tineta? An potius hædina pellis, ouinam mentita lenitatem; imò lupina rapacitas, Ecclesiam aperto rictu lanians, vnoque impetu omnia ei capita inusitato sanitiæ artificio demetens; quali tyrannorum immanissimum optauisse ferunt, vt suæ Reipublicæ ceruices vno ictu amputaret. Hæresis indubia est, quouis hirco putidior, quouis fera pessima truculentior; cum regimen Ecclesiarum à Christo Domino institutum, deiectis de sede Episcopis, Sacerdotibus ad clauum admotis euertat.*

Quamuis enim interdum Ecclesiarum alicuius regimen Presbytero committi posse videamus; non ideò non essentialiter ex Christi institutione ad ordinem Episcopalem pertinet. Præposterum & leuis ingenij est, res morales ad essentialia Metaphysicas, & ad præcisiones Logicas admetiri. Sicut sancta sanctè tractanda; ita moralia moraliter spectanda sunt. Suus cuique ordini genius, sua vis, & ratio est. Quæ si permisceas, & aliud genus in aliud transferre velis, non vnâ, sed rerum omnium naturam oppugnes, & euertas necesse est. Hoc igitur nihil vetat ne Ecclesiarum regimen Episcopis essentialiter, Episcopos essentialiter supponere, ex lege & institutione Christi Domini dicere credereque debeamus. Sicut enim nemo dubitat, quin Ecclesiarum regimen essentialiter esset Apostolis in hac vita degentibus, eosque essentialiter supponeret, ita vt ab iis auferri, & per Presbyteros vel Diaconos administrari non posset, quin ipsi illius regiminis præsidēs permanerent, salua Christi lege, & salua Ecclesiastici regiminis à Christo instituti natura: Ita dubitandum non est quin idem regimen Episcopis & muneri Episcopali essentialiter, & penitus inseparabile dici debeat, cum tota Ecclesiarum antiquitas eos Apostolorum successores agnorit, ac proinde similiter natiuos præsidēs, indiuiduos sponsores ac duces, & necessaria fundamenta & capita Ecclesiarum super ipsos, vt Apostolorum successores, essentialiter superedificatæ. Quare qui hanc regiminis formam tollere velit, idem tollat necesse est

Apostolos.  
i. episcopos  
& præposi-  
tos Domi-  
nus elegit.  
S. Cyprianus  
ep. 65. & alibi  
sape.

Ecclesiasticum regimen à Christo conditum, ab Apostolis vsque seruat-  
tum, & aliud longè diuersum inferat. Regimen enim Ecclesiæ à Chri-  
sto conditum, vt Apostolos, ita successores eorum, vt capita & funda-  
menta sua essentialiter postulat: quia Christus non alios Ecclesiastici  
regiminis duces & summa capita, quàm Apostolos, & iis succedentes  
Episcopos statuit. Vnde si illius caput Presbyterum vel Diaconum po-  
sueris; iam non habes regimen Ecclesiasticum Christi, neque adeò ta-  
le, quale ad Ecclesiam constituendam sufficiat. Sicut enim nemo aliud  
fundamentum ponere potest, præter id quod positum est, quod est Chri-  
stus Iesus; ita nemo aliud fundamentum ponere potest, præter id quod  
à Christo positum est, quod est fundamentum Apostolorum, & succe-  
dentium eis Episcoporum. Nec refert quod, vt modò dicebatur, in-  
terdum regimen Ecclesiæ Presbytero committatur, quia, vt iam in-  
nuimus, ineluctabili necessitate & hoc nisi ad breue tempus, quod mo-  
raliter pro nullo est, fieri nequit, putà quoad Episcopi electio vel con-  
secratio fiat. Sicut enim impedimentum ineluctabile quo res aliqua  
intercipitur, non vetat quin eo ipso tempore sit verè necessaria; ita nec  
quin verè sit essentialis. Nam in moralibus essentialia ac necessaria,  
eadem sunt, & essentia morales eadem ac necessitates. Loquimur au-  
tem de ordinaria lege Christi, & de ipsa natura regiminis i Ecclesiæ ab  
eo constituti; non de temporibus extraordinariis, cum infidelium tor-  
rè violentia Episcoporum creatio, & Episcopalis successio perimitur.  
Tunc enim Ecclesiarum particularium essentialia regimen, & à Christo  
institutum deleri non dubium est, & violatæ diuinæ legis crimen in-  
fractum infidelium, vel in quoscumque alios deuolui auctores. Quare  
stat, & verum est, Ecclesiæ regimē Episcopum essentialiter recipere, nec,  
salua diuina lege, posse committi Presbytero, nisi ad exigui temporis  
spatium, quod moraliter nullum tempus nec spatium est, etsi Physi-  
cum sit spatium. Morales autem res moralibus spatiis mensurantur,  
sicut Physicæ Physicis. Atque idcò cum breue illud tempus, quo re-  
gimen Ecclesiæ Presbytero necessitate cogente committitur, mo-  
raliter nullum censeatur, non impedit quominus moraliter loquendo,  
sicut de rebus moralibus loquendum est, simpliciter verum sit, & dici  
debeat, Ecclesiarum regimen esse essentialia Episcopis, neque ab iis ad  
inferioris ordinis Clericos, vel Presbyteros, salua Christi lege, saluis  
quibus præsunt Ecclesiis, transferri posse. Quod Molinistæ dum ne-  
gant, nec Ecclesiasticum regimen Episcopis essentialia, nec iure diui-  
no iis necessariò & absolute addictum fateri volunt; Ecclesiæ funda-  
menta & capita à Christo posita erunt, à Christo non posita intrudunt,  
vt non Christianas diuinasque, sed *humanas*, vt cum Cypriano loquar,  
Ecclesias extruant. Nique id in aliquo orbis duntaxat angulo, sed in  
Anglia, Gallia, Hispania, aliisque omnibus Christiani nominis re-  
gionibus, quia vbique illa eorum ratio tantundem valet, regimen non  
esse essentialia ordini Episcopali, nec eum supponere essentialiter iure  
diuino, quia modò sint Episcopi qui Presbyteros consecrent, regi-  
men Ecclesiæ Presbyteris committi possit. Ita, quod sæpè iteramus,

Apud nos  
Apostolorū  
locum Episcopi  
tenent  
S. ier. ep.  
14 & alij  
PP. passim.

1. Cor. 3.

Ephes. 2.

S. Cyp. ep.  
52.



Augst. ep.  
255. & ali-  
bi saepe.

quemadmodum Augustinus solet in rebus magni momenti, & sæpè iterandum est, ut Christianus orbis erroris impietatem excretur, consecrationem Sacerdotum Galliarum, Angliarum, Hispaniarum, Episcopis relinquentes, regimen earum omnium Ecclesiarum, sine vlla legis Christi & naturæ Ecclesiastici muneris ab eo instituti violatione, ad Presbyteros transferri posse asserunt. Nec solum tot regionum Episcopos isto argumento abdicant, & de gradu deiiciunt, sed etiam ipsum Pontificem maximum, quia non solum iurisdictio & regimen Episcoporum particularium, sed etiam Pontificis maximi, à Presbyteris suppleri interdum potest, sæpèque suppletum fuit. Vnde iuxta istos consequitur, non magis essentialiter Ecclesiæ vniuersalis regimen Pontificem maximum supponere atque exigere, quàm Ecclesiarum particularium regimen exigat & supponat Episcopos; quia vtrumque videlicet Presbyteris committi, & ab iis administrari potest. Hoc verò monstrum tot venenis tumens, tot erroribus fartum, *summo omnium Patri ostendi debet*, ut videat, agnoscâtne pro germano Ecclesiæ partu, an progenimine pestilenti, quo nullum dignius quod dextræ illius mucrone configatur, & spiritu oris eius destruat.

## PROPOSITIO QUINTA.

Ex cap. 3. §. 4. n. 13.

*Da ergo mihi multitudinem Christianorum quantumcumque magnam, quæ non indiget Episcopo ad ordinandos Sacerdotes, & audacter dicam quod non sit opus ut gubernator illius societatis sit Episcopus.*

## CENSURÆ.

Ista propositio est falsa, temeraria, scandalosa, ordinis Hierarchici destructiua, & verbo Dei contraria.

## PROPOSITIO SEXTA.

Ibidem.

*Imò ponamus ordinationem Sacerdotum & ministrorum Ecclesiæ non esse necessariam in Ecclesiis, sequitur statim non esse opus, ut Ecclesiæ vniuersalis gubernetur ab Episcopis, qui superiores sint Sacerdotibus.*

## CENSURÆ.

Ista propositio falsa est, seditiosa, perniciosam & homine Christiano indignam suppositionem continet, doctrinamque inducit hæreticam.

## SPONGIA.

*Pergit collector calumniator esse, & sententiam auctoris diminutè, malignèque, & contra ipsius sensum asferre. Integra eius assertio hæc est, Da mihi multitudinem Christianorum, quantumcumque magnam, quæ non indiget Episcopo ad ordinandos Sacerdotes, indigebit illa quidem gubernatore qui sceptrum regiminis teneat; at audacter dicam, non*

egebit Episcopo, qui sit superior Sacerdote, scilicet ordine, (nam scep-  
trum iam dixerat requiri Superiorem.) Quanta malevolentia & impudentia, omisisse  
particulam illam, indigebit gubernatore qui sceptrum regiminis teneat?  
Hinc patet auctoris sinceram & integram mentem libro expressam hanc esse Epi-  
scopos quoad potestatem iurisdictionis, & sceptrum regiminis fore necessarios,  
etiamsi ordinatio Sacerdotum necessaria non esset, tamen quoad potestatem ordi-  
nis, qua superant Sacerdotem simplicem, non futuros necessarios, si ponamus  
ordinationem ministrorum non esse necessariam. Quæ assertio perspicue vera est,  
ut nemo qui verba singula, seu ut loquimur, terminos intelligit, & mentis com-  
pos sit, de ea dubitare possit. Nam potestas ordinis, quatenus superior est &  
omnino incommunicabilis Sacerdoti, est potestas generatiua Patrum, seu ordi-  
natiua Sacerdotum. Quis autem mentis compos, dicat potestatem generatiuam  
necessariam, si ponamus generationem filiorum & propagationem non esse ne-  
cessariam? Potestas quippe ordinatur ad actum, eaque potestas necessaria censetur,  
quæ respicit actum necessarium: quod si actus seu actio non sit necessaria, fieri nullo  
modo potest, ut potestas actiua necessaria sit.

## RESPONSIO.

Hic iam fracti sunt & languent Iesuitæ impetus Perfunctoriè,  
& accusatorio more calumniam ingeminat, ne quid remittere, aut re-  
sipiscere videatur. Hic enim est ille paragraphus ad quem supra simulatè  
& nequiter prouocauit, quasi ad tot errorum hæresumque hoc titulo  
proscriptarum perfugium, ut ad secundam propositionem huius tituli  
vidimus & explosimus. Nunc ubi ad eum deuentum est, superiores hæ-  
reses, quas odij declinandi gratiâ frustra omni ope dissimulare conten-  
dit, hoc iam paragrapho non elui, sed apertè confirmari intelligens,  
fractior est animo propter euidentissimorum criminum & fraudium  
conscientiam, etsi propter innatæ superbæ spiritus, etiamnum fero-  
cior. Audi denique defensionis miseriam, superius aliqua ex parte sug-  
gillatam. Damnatur quod scripserit, multitudinem quæ non egeat  
Episcopo ad ordinandos Sacerdotes, non indigere rectore seu guber-  
natore qui sit Episcopus; Item sublata Sacerdotum necessitate, non  
necesse fore ut Ecclesia ab Episcopis regatur. Ad hæc ille queritur,  
omissam à Censoribus istam particulam, indigebit tamen gubernatore qui  
sceptrum regiminis teneat: Atque hoc, malevolentiam & impudentiam vocat.  
Hinc enim patere, Auctoris sinceram & integram mentem esse, Episcopos,  
quoad potestatem iurisdictionis & sceptrum regiminis, fore necessarios, etiamsi  
ordinatio Sacerdotum necessaria non esset. Quo nomine peruiacissimum  
respondum inuram? Hoc enim additamentum, Rectorem quidem ali-  
quem, seu gubernatorem Ecclesiæ nihilominus fore opus ostendit; Epi-  
scopum opus fore non ostendit. Imò apertè negat clarissimis verbis,  
ipsa Spongia interprete: Indigebit illa quidem gubernatore qui sceptrum  
regiminis teneat; Audacter dicam NON EGEbit EPISCOPO QUI  
SIT SUPERIOR SACERDOTE. Quid clarius? quid audacius?  
De Episcopo enim speciatim quaerimus, non de gubernatore aliquo  
aut rectore generatim. Quorsum igitur tam perdita & obstinata re-

Sponsio? Quorsum tam proterua, tam vacua defensio, quæ hoc ipsum quod diluere vult, apertius facit; & defensionis improbitatem non solum in mentibus, sed in oculis omnium collocat? Vult enim planissimè fore scire si Ecclesiæ rector Presbyter quispiam fuerit, verbi gratia, Archidiaconus, cui aliqua iurisdictio, & potestas regendi populum tribuatur. At necessarium non esse vult ut sit Episcopus. Quis ergo miretur eum in locis paulo obscurioribus anguino more volutari, & angulos latebrasque quæritare, errorum hæresumque suarum impudenter pudibundum, ut superioribus propositionibus perpetuò vidimus & & mirati sumus, cum in tam aperto sui erroris, & Censoriæ æquitatis lumine tergiuersari audeat, & vtrò quasi calumnijs circumuentus perfidiosè, & impurissimè exclamet?

Ex ista verò erroris quasi propagine nati sunt infelices surculi, quos paulò antè Censura decussit, Spongia frustra tenebras & caligines circumfundente, ut amputantium ictus frustrarentur. Ex eo enim quod sublata necessitate ordinationis Sacerdotum, Episcopos non necessarios censcat, secutum est ut diceret, *Ecclesiam tempore persecutionis indigere Episcopo solum propter ordinandos Sacerdotes*; Et, *Si aliunde sufficiens provideatur de Sacerdotibus, legi diuinæ satisfieri, licet nulli sint Episcopi in Gallia, Hispania, vel Anglia*. Omnes enim isti errores in idem caput redeunt, & ita colligati sunt, ut alius ex alio necessaria consecutione pendeat; & qui vnum probauerit, eadem opera vniuersos probare cogatur. Quod Censores prudentissimè perspicientes, eos omnes pro eodem habuerunt, & quasi stirpis vnius stolones præfocarunt. Atque hoc ad primam partem Spongiæ, quæ calumniæ querimoniam continebat.

In secunda firmior sibi videtur Iesuita, & damnatam propositionem, quoad eam partem, ita perspicuè veram dicere audet, ut nemo qui verba singula, seu, ut loquuntur, terminos intelligit, & mentis compos sit, de ea dubitare possit. At nihil adeò fortitudinem quam indocta temeritas imitatur. Nemo enim nisi ignarissimus, & doctrinæ Ecclesiasticæ planè rudis; & præterea tam levis mente, seu, ut scriptura loquitur, tam levis corde, ut se ad minimam ratiunculæ Philosophicæ auram, aduersus perpetuam scripturarum & Ecclesiasticæ traditionis stabilitatem abripi sinat, vel ita loqui, vel ita sentire potuit. Nam sola prædicatio verbi, & Sacramentorum administratio, ut nulla alia pars Ecclesiasticæ functionis necessaria esset, Episcoporum necessitatem adstrueret, ex instituto Christi; ex quo Theologum argumentari & res diuinas expendere, non ex lubricis humanæ mentis euagationibus ratiocinari fas est. Episcopis enim à Christo tradita est, ac per hoc ad eos propriè pertinet ex institutione Christi, suprema Sacramentorum administratio, & prædicatio verbi, tanquam ad ministros principes ac summos; Ad Presbyteros verò tanquam ad ministros seu operarios inferiores, ut <sup>a</sup> Patres & Concilia <sup>b</sup> passim docent, & scripturæ <sup>c</sup> confirmant. Omnem enim Sacramentorum administrandorum, & missionis Ecclesiasticæ supremam potestatem Apostolis, quorum, teste

omni

<sup>a</sup> S. Ignat. ep. ad Tral. ad Smyr. & c. S. Dionys. Eccles. Hier. cap. 1. Tert. lib. de Bapt. c. 17. Hier. dial. adu. Lucif. & c.  
<sup>b</sup> Cœc. Carthag. 2. can. 3. 4. & 9. Et Carthag. 4. can. 20 Tol. 1. c. 20. & c. c. Marc. 16. 1. Cor. 4 & c.

omni antiquitate, <sup>a</sup> Episcopi successores, scriptura data fuisse testatur; ut patet de <sup>b</sup> Baptismo, de <sup>c</sup> Eucharistia, de <sup>d</sup> Pœnitentia, de missionibus <sup>e</sup> denique in omnes gentes. Ac eodem modo solis iis potestas ligandi <sup>f</sup> & soluendi à Christo antè passionem promissa fuerat, ut manifestissimè scripturæ docent. Similiter Concilia & Patres generatim <sup>g</sup> supponunt ius Ecclesiasticæ omnis potestatis penes Episcopos esse, & ab iis in alios deriuari declararunt. Quare Presbyteri, & Diaconi Episcopos ut ministros capitales & principales, à quibus ipsi totam in singulis Ecclesiis potestatem haurire debeant, ex Ecclesiasticæ Hierarchiæ lege & connexione à Christo instituta supponunt Episcopi autem non supponunt tantoperè Sacerdotes aut Diaconos, quia gradus quique superiores minus præsupponunt inferiores, cum absoluti sint ac perfecti itent; sed contrà inferiores quique omnimodè præsupponunt superiores, ex quibus toti nituntur ac pendent. Vnde quamuis non esset opus Presbyteris, ut hypothese Iesuitica utamur, esset tamen opus Episcopis qui Ecclesias particulares regerent, & pascere sicut à Christo institutum fuit.

Ex qua doctrinæ antiquitatis consensione fundatæ expositione, arguementi quod Iesuita perspicuum & inuictum existimat, vitiositas & fallacia manifestè deprehenditur. Si enim potestas & character Episcopalis nullum actum proprium haberet, nisi consecrationem Sacerdotum; rectè colligeretur, sublata consecratione Sacerdotum, characterem Episcopalem non necessarium fore. Sed cum isti characteri alij actus proprii sunt, ei à Christo Domino singulariter attributi; ineptissimè Presbyterorum necessitate sublata, Episcoporum necessitas simul tolli colligitur. Nam præter istam functionem, Episcopalis ordo est potestas summa in Sacramenta omnia, & in omnes actiones Hierarchicas, quæ omnes ab eo ut à capite & fonte in Ecclesiis particularibus fluere ac manere debent ex Christi lege, sicut ab vniuersali Episcopo in totam Ecclesiæ vniuersalis amplitudinem. Sicut enim potestas & actio omnis Hierarchica Christum supponit, & ab eo necessario fluere debet, ut à capite ac ministro principe omnis Ecclesiasticæ functionis; Ita singuli ab eo Episcopi in singulis Ecclesiis particularibus constituti fuerunt velut externæ ipsius imagines, & internam inuisibilemque ipsius administrationem, externa visibilique administratione in iis Ecclesiis repræsentantes; ita ut sint fontes cuique Ecclesiæ proprii, à quibus omnis Hierarchica actio exterior necessariò oriri debeat, sicut à Christo omnis interior oritur. Quod perspicuè docuerunt Concilia & Patres toties citati, dum nihil à Presbyteris aut Diaconis sine nutu Episcopi agendum esse declarant, & dum dignitatem Episcopalem describentes, eam ita exponunt, ut ad quam non solum regimen Ecclesiarum, sed omnes prorsus Ecclesiæ functiones summo iure pertineant, ut patebit libros de Sacerdotio & Sacramentis SS. Ambrosij, & Chrysostomi, & aliorum veterum legenti. Atque hæc est excellentia ordinis Episcopalis, cuiuslibet ministrorum inferiorum incommunicabilis: quod nimirum sit amplissimus

<sup>a</sup> Vid. sup. & Concil. Trid. sess. 23 cap. 4.  
<sup>b</sup> Matt. 28  
<sup>c</sup> Luc. 22.  
<sup>d</sup> Ioan. 20.  
<sup>e</sup> Marc. 16.  
<sup>f</sup> Act. 1.  
<sup>g</sup> Matth. 28.  
<sup>h</sup> Paulo apost. ad 2. prop. huius tit.

Vid. sup.  
Vid. Chrys. de Sacerd. & Ambros. de Sacerdot. & de Sacram. Cypr. passim.  
Dionys. de Eccles. Hierarch.



quidam fons omnis Sacerdotalis functionis in quaque Ecclesia singulari constitutus, à quo omnem aliam in eadem Ecclesia potestatem & operationem Hierarchicam necessariò scaturire oporteat, ex lege Sacerdotali Ecclesiasticæ traditionis testimonio confirmata, & ex natura Hierarchicarum actionum à Christo condita. Vnde Hierarchicæ omnes in singulis Ecclesiis actiones hunc fontem, & hoc caput necessariò supponunt, ad quod tanquam ad supremam in iisdem Ecclesiis originem referantur; ut fiant perfectò modo, & eo quo à Christo potestatis Episcopalis, & potestatum actionumque omnium Ecclesiasticarum auctore institutum est. In quo sicut Episcopus refert Christum, & eius imago eximia est in totius Dioceseos ambitu; ita Episcopum refert Parochus in parœcia, ubi ab Episcopo constituitur, quasi minor quidam Episcopus, ad quem omnes Ecclesiasticæ actiones intra parœciæ fines, tanquam ad primum sub Episcopo auctorem reuocentur. Imò ipsa Parochialis Ecclesia Ecclesiæ matricis & principalis pulcherrima imago est, quia quæcumque Hierarchicæ operationes in Ecclesia matricæ fiunt ab Episcopo in communem gregem fidelium, eadem à Parocho in portionem gregis sibi traditam exercentur, ut Baptismus, Eucharistia, Catecheses, seu prædicatio verbi, & cætera omittam, eulogiarum, more Lutetiæ, & toti Galliæ vñtato, communicatio. Vnde factum est ut & ipsum Parœciæ nomen, quod olim toti Ecclesiæ matri, seu Diocesi proprium erat, ad peculiare portiones gregis Parochis commissas transierit, quasi ad totius Dioceseos imagines ac summulas breuiores. Atque hoc pacto totus grex per ministros, ministri inferiores per superiores, variorum graduum nexibus, & multiplici vñtatis compagine ad Christum totius Hierarchiæ, & potestatis, & actionis Hierarchicæ caput vltimum rediguntur; ut fiat vñm ouile, & vnus pastor. Sicut enim D. Augustinus omnes Episcopos vñm cum Christo, pastorem facit; ita omnes parochos simul cum Episcopo vñm inter se ac per hoc cum Christo, pastorem dicere possumus, & eos simul omnes ad Christum *vñam ouem*, ut ait idem Augustinus.

Episcopalis igitur ordo, non solùm sacramentum Ordinis & ministrorum consecrationem respicit, ut Iesuita indoctè putat; sed supremum ius continet, & supremam in omnia Sacramenta potestatem characteri Sacerdotali incommunicabilem, qui nunquam ad tantam amplitudinem euehi potest, nisi Presbyter fiat Episcopus. Vnde Concilia & Patres Episcopum non solùm *Antistitem* & *Præpositum* nominant, ut antè vidimus; sed etiam *Sacerdotem* <sup>a</sup> *καὶ ἱερότατον* & summum *Sacerdotem* <sup>b</sup> sæpissimè, ut summum illud ius, summamque illam in Sacerdotalia omnia munia potestatem significant. Hæc est Ecclesiæ, & ministerij Ecclesiastici ex Christi institutione conditio ac status, perpetuo Christianorum consensu & traditione à primis religionis cunabulis ad hæc tempora confirmatus; nulla lege, nullo casu mutabilis; quia Christi lex qua stat, immutabilis & æterna est, neque cælo ipso & terra transeunte transibit. Sed minimè mirandum est eos

Euseb. l. 8.  
hist. cap. 4.  
Conc. Sard.  
can. 13.  
Coc. Antio-  
chen. can. 21

Joan. 10.  
August. de  
Pastor. c. 12  
& 13.  
Aug. l. 4. ad  
Bonif. c. 6.  
quandoquidè  
illi vnica cui  
dicitur, id est,  
Ecclesiæ, cui-  
us mēbra sūt  
omnes homi-  
nes, &c.

aCoc. Sard.  
c. 10. & 20.  
S. Leo. ep. 89  
ad Episcop.  
Vienn. prou.  
Cypr. epist.  
32. & c.  
bS. Amb.  
l. 2. de sacr.  
c. 5. & 6.  
S. Leo. ep. 89  
c. 5.  
Manb. 14.  
Collof. 2.

qui Dei mysteria solis rationis suæ oculis, iisque languidis & lippientibus vident, seque ipsos & alios decipiunt per *Philosophiam* & inanem fallaciam secundum elementa mundi, secundum traditiones hominum, & non secundum Christum; Hæc omnia ne per somnium quidem fortè vnquam cogitasse, & iis auditis quasi in orbem alium delatos æstuarè.

Dicere autem hanc Episcoporum potestatem, sic à Christo compositam & institutam, per solos Presbyteros suppleri posse, quia Presbyteri Episcoporum Vicarij esse solent, & sede vacante, aut Episcopi creatione necessarii de causis interdum dirempta & impedita, Diocesim ad tempus regere possunt; iam superius ostendimus labem esse & perniciem omnis Episcopatus, non solum particularis, sed etiam vniuersalis. Nam vt de potestate iurisdictionis, de qua satis antè dictum est, sileamus, ordinis summa illa Episcopis propria, quæ iis peculiariter & eminenter à Patribus & Scripturis assignantur, quæ non ad Sacramentum solum ordinis, sed etiam ad cætera omnia, vt diximus, pertinet, reuerà suppleri non potest à Presbyteris, qui quandiu Presbyteri manent, summam illam ordinis potestatem, seu summum illud Sacerdotium allequi nequeunt, ita vt summi Sacerdotes efficiantur, quales sunt Episcopi sensu Patrum, & quales Christus Sacramentorum & functionum omnium Hierarchicarum supremos in Ecclesia ministros instituit.

Postremò, reuocandum semper in mèmoriam est id quod superius demonstrauius, frustra discindi & dilacerari à Spongia potestates Episcopales, vt vna magis, altera minùs necessaria dicatur. Cùm enim perpetuus traditionis Ecclesiasticæ consensus, indiuisam vnitatem tueatur; diuisionem ac dissidium respuat; sequitur vtramque eodem modo necessariam esse, nec dari necessitatis earum distinctiones aut gradus. Adeoque totum hoc disputationis genus, quo inuiti à Spongia trahimur à suppositione falsa & à doctrinæ Ecclesiasticæ ignorance manare. Meminerit, vel legat potiùs SS. Patres, dignius & christianius de potestatis Episcopalis vnitatem loquentes, quàm ipse de illius diuisione loquatur. Audiat inter eos Diuum Ambrosium dotes ac munera omnia Episcopalia nomine *gratiæ Episcopalis* designantem, idque imitatione D. Pauli, qui Episcopatum quoque & Apostolatam suum, nomine *gratiæ* simpliciter expressit non vno loco, vt alia mittam iam antè dicta, & alibi dicenda fusius, & discat tandem aliquando de potestatis Episcopalis vnitatem, spiritu vnitatis & pacis, non dissensionis & contentionis differere.

*S. Amb. de  
dig. Sacerd.  
cap. 3.  
Rom. 12. 3.  
Ephes. 3. 8.*

Maneat igitur nullam Episcopalem potestatem, neque iurisdictionis, neque ordinis, à solis Presbyteris suppleri posse, saluo Ecclesiæ statu: & falso esse falsius, aut Episcopos ob solam consecrationem Sacerdotum necessarios esse; aut sublata necessitate Sacerdotum, sublatum iri necessitatem vel iurisdictionis, vel ordinis Episcoporum.

#### SPONGIA.

Quod autem dicunt, suppositionem esse falsam, & homine Christiano indignam, mirum est hos, qui magistri non Israël, sed orbis haberi cupiunt, habere in

*principijs Logica, quæ pueri norunt. Quis enim Philosophiâ vel modicè imbutus nesciat suppositiones falsas, impias, & impossibiles in se, posse sanctè, piè, & viriliter cogitatione fieri, ut rerum natura penitus inspiciatur? Spiritum sanctum à filio non procedere, an non falsum, impossibile, blasphemum? Et tamen Theologi sanctissimi disputans hac facta suppositione, si Spiritus sanctus non procederet à filio, an distingueretur à filio? Appello iudicium Theologorum, an non hæc puerilis euillatio sit.*

## R E S P O N S I O.

Philosophorum, & quidem Logicorum, non Theologorum iudicium appellare debueras. Non enim Theologici, sed Philosophici peccati Censores arguis, videlicet quòd *bareant in principijs Logica, quæ pueri norunt.* Magis nempe nosti quæ pueri norunt, quàm quæ viri nosse debent, & viri Theologi, & viri qui suis se humeris vniuersum Ecclesiæ pondus ac regimen, pulsus Episcopis, sustinere posse gloriantur. Indignum, & vix tolerandum est, doctrinam fidei, quæ tota diuinam institutionem intuetur, ex eaque tota pendet; ad puerilia principia Logicæ, vel omninò ad humanæ mentis sensuumque nostrorum captiunculas reuocari. Ignoscant Molinistæ, hoc puerile & Logicum, non vitile, non Theologicum est. Quòd verò hypotheses, & suppositiones quædam à fidei principiis abhorrentes iam longo usu inoleuerint, ferente atque indulgente Ecclesia; non efficit ut alias atque alias ad libitum superinduci, & volueri insanæque hominum imaginationi habenas effundi liceat, ut quæcumque blasphemæ cogitatio subierit, eâ in medium repentè prolata, fidelium mentes vulnerentur & sensus, & impietati via pandatur. Sic enim sanctissima religionis mysteria in blasphemæ hypotheses euanescent, utcumque leuissimis homuncionibus libuerit, qui modò teneant *principia Logica quæ pueri norunt.* Cuius rei quamuis licentia paulo maior esset in merè speculatiuis religionis mysteriis, quæ in sola mentis agitatione versantur; non perinde concederetur in moralibus, & quodammodo practicis: quæ propter concupiscentiam in humanis præcipuè moribus insidentem ac vigentem, tum ipsa corruptioni multò magis obnoxia sunt; tum debiles audientium animos multo faciliùs iam corrupta traiciunt. Vnde fit, ut cautiùs & castius quodammodo attrectanda, & iudicij grauitate ponderanda potiùs, quàm lasciuientis ingenij subtilitate, & enormium cogitationum ludibriis ventilanda videantur.

Neque porrò ita malè nobiscum agitur, ut sine tam esfræni licentia res diuinas percipere, aut aliis tradere nequeamus. Sine hac docuit nos Spiritus sanctus Scripturis sanctis: sine hac docuere, & docti fuere sancti Patres: sine hac gregem Christi ab initio docuit, & etiamnum docet Ecclesia. An Spiritus sancti methodum, eoque duce, tot doctissimorum sanctissimorumque Patrum, Ecclesiæ denique Catholicæ, dedignamur? speremus sine deuiis exorbitationibus, sine cogitationibus impiis, blasphemiarum illecebris, nos via regia gradientes, quâ præiuit Deus, secuti sunt patres nostri, doctos & pios effici posse Ne

tantum quæramus id quod ipsi habuerunt, sed ea potissimum ratione, qua id eos nouimus quæsisse, quæramus. Tum Iesuitæ vanas, & inutiles Tit. 3.  
2 Tim. 2.  
Rom. 12. quæstiones, quæ proficiunt ad impietatem, & serpunt vt cancer, sapere docentes plusquam oportet sapere, non sapere ad obrietatem, securis animis repudiabimus, & alpernabimur; & hoc ipso ad rerum diuinissimarum intelligentiam cœlitus hauriendam puriores, simpliciores, paratiores animos afferemus. Omnium maximè reicienda fuit ista Iesuitæ, non chimerica modò blasphemaque fictio, sed Lutherana, Caluinistica, omniumque huius temporis hereticorum vernacula, qui & Sacerdotium, & Episcopalem consecrationem Sacerdotum, & successionem Ecclesiæ ministrorum extirpantes, Iesuiticam hypothesim, doctrinam suam fecerunt. Quorum principia & hæreses assumere ad eam doctrinam quæ Ecclesiæ Anglicanæ pro vera traditur comprobendam; quàm Catholicæ Ecclesiæ probrosum, Catholicis Theologis indignum, Catholico populo in media hæreseos lue degenti, & præclara ista Philosophiæ puerilis artificia non diiudicanti, periculotum sit, & perniciosum, clarius per se est, quàm vt pluribus declarari oporteat.

### PROPOSITIO SEPTIMA.

Ex cap. 3. §. 4. n. 18.

*Donatio Confirmationis non impedit, (si non indigeant eo Episcopo ad ordinandos Sacerdotes) quin grex eius dicere ei adhuc possit, nempe pedes capiti, Non indigemus te, vt es Episcopus.*

### CENSURA.

Ista propositio verbis contumeliosis concepta est, inobedientiam suadet, ac hæresim redolet.

### SPONGIA.

*Ista propositio continet sensum canonis Ecclesiastici qui præcipit, ne instituantur Episcopi, vbi necessarij non sunt, ne Episcopi vilescat nomen, & honoris summi authoritas. Fateor verba propositionis ostendere Episcopos, si constituerentur solius Confirmationis causâ, futuros facile contemptui; sed hoc in nullius Episcopi contumeliam dicitur, cum tales in Ecclesia Episcopi nulli sint. Imò pro tuenda Episcoporum dignitate hoc dicitur, ne creentur, vbi nec Ecclesiam, nec Cathedram, nec Capitulum, nec vestem Episcopalem, nec Conuentum, nec tribunal habeant, nec consecrare Sacerdotes possint, imò nec confirmare quidem, nisi raro pauculos, & furcim; vbi denique nihil habent Episcopali dignum maiestate, quod agant. Hoc enim (vt ait Canon) in Episcopalis ordinis contumeliam cederet. Kellisonus igitur, & qui solius Confirmationis causa Episcopos constitui volunt, hi sunt qui Episcopali dignitati inferre contumeliam conantur.* Can. An-  
driani, 8.  
9. 2.

### RESPONSIO.

Tam in authoritatibus, quàm in rationibus proferendis cæspitas; vel potiùs præcipitas. Canonem quem citas, falsasti, non vna particula, sed, quod mirandum sit, ex omni parte, sic vt nullum veritatis vesti-

K iij



gium reliqueris. Tanta enim audacia, vel amentia (aliter enim dici non potest) ruis, ut in oculis primæ, nobilissimæque Theologorum Facultatis, totius Galliæ, totius Ecclesiæ Catholicæ, Canonem Pontificium, & eum Canonem, quo solo damnationem erroris à te depellendam suscepisti, sic proferas ut nullum verbum habeat nisi tuum, nisi non modò corruptum, sed etiam planè confectum, ut non tam citator, quàm conditor Canonum dici merearis. Nam verba ista, *ne & episcopi vilescat nomen & honoris summi autoritas*, in tuo Canone nulla sunt: Ne priora illa quidem, *ne instituantur Episcopi, nisi ubi necessarij sunt*, aut vlla iis æquivalentia. Hoc demum in illo Canone legitur, quod ad hanc quæstionem pertineat, *Episcopi constitui non debent nisi in ciuitatibus non minimis*; idque ipsum obiter, cùm de re longè alia agatur. Totus denique canon assignatur Euaristo Papæ, cuius Epistolæ dubias esse notum est. Hoc de ipso per se Canone: in quo pudendum Iesuitæ lapsi, quo nomine insignire debeamus, lectoris candor & æquitas mecum sine dubio ambiget, tantumque Mercurialibus illis Iesuitarum ingeniis stuporem insidere mirabitur.

Quamquam si rationem Iesuitæ, & admirabilem ex isto Canone collectionem spectemus, non minor erit mirandi locus: Nam primò, ut propositio ipsius verissima & liquidissima esset, tamen absurdissimè ad eius comprobationem afferretur Canon, qui non plus ad eam facit, quàm ad bouem ephippia. Propositio damnata habet, populum qui Episcopo non indiget, nisi ob Sacramentum Confirmationis, nihilominus dicere posse Episcopo, *Non indigemus te, ut es Episcopus*. Ad propositionem hanc stabilendam producit canon, ubi de sacramento Confirmationis nulla vox, nulla litera est. Quid Spongia hebetius? At, *ista propositio continet sensum canonis*. Quem tandem? *ne instituantur Episcopi ubi necessarij non sunt*. Ridiculè. Elto enim sensus ille Canonis, idèone ait, Episcopum necessarium non esse, ubi Sacramentum Confirmationis conferendum est? Hoc stolidè supponit Spongia, quod nos falsissimum esse probabimus; quod abhorret à Christiani animi sensu; quod ne leuissimè quidem innuit Canon; quod denique non suppositum, sed ostensum oportuit, cùm in hoc cardo quæstionis verteretur. Quæritur enim quam ob rem necessarij sint Episcopi, an propter consecrationem solam Sacerdotum, ut vult Spongia contra mentem Ecclesiæ Catholicæ; an etiam ob alia, putà ob Sacramentum Confirmationis.

Deinde ineptissimè dicitur esse sensus illius Canonis, *ne instituantur Episcopi, ubi necessarij non sunt*; cùm, sicut antea notatum est, nihil in eo de Episcoporum necessitate dicatur. Tantum enim ait, *Episcopi constitui non debent nisi in ciuitatibus non minimis*. Quod sic edicitur, non quasi minimis etiam ciuitatibus non sint necessarij Episcopi; sed quia absque eo ut in illis ipsis collocentur, satis eis prospicere, earumque necessitatibus consulere poterunt, si modò in vicinis vrbibus cōstituantur. Est enim dictu impium, Episcopos nullis suarū Diocesium oppidis, vel vrbibus, necessarios esse, nisi eis solis, ubi caput & sedē Episcopalem

defixerunt. Alioquin omnibus penè populis fas erit aduersus proprios Episcopos illa uti voce, quam eis porrigit Spongia, *Non indigemus te, ut es Episcopus*. Cùm igitur vicinis etiam rusticisque gentibus necessarij sint Episcopi, ut ab iis ex lege à Deo condita dirigantur & pascantur; Spongia ex illo Canone non habet, *Episcopos institui non debere, ubi necessarij non sunt*, cùm minimis viculis suarum Dicecesium necessarij sint, in quibustamen ex eo Canone institui non debent.

Scio quidem, ne cui nimium Spongiam ad viuum refecare videar, interdum ita loqui Canones, non hunc quidem quem citat, sed alios quos non nouit, ut dicant Episcopos non constituendos esse, nisi ubi necessarij sunt. Sed ita loquentes aliud intelligunt, quàm sub similibus verbis Spongia. Hæc enim dum Episcopos statuendos negat, nisi ubi necessarij sunt, suam Angliam, suum scopum respicit, ubi necessarium Episcopum negat, quia nullam esse functionem Episcopalem, quæ Angliæ necessaria sit, existimat. At Canones dum Episcopos alicubi necessarios non esse aiunt; non hoc volunt, esse vllum locum, vel vllum angulum orbis, qui Episcopi functione non indigeat, cui Episcopalis ordinis auxilium non necessarium videatur; sed hoc demum, tractus alicuius incolas necessaria ab Episcopis ope satis subleuari iuuarique posse, licet singulis oppidulis singuli teorsum Episcopi non præficiantur. Quare Spongia nec verbis, nec sensu, vim Canonis quem obijcit, assecuta est.

Conc. Sard.  
can. 6.

Cic. Laod.  
can. 56.

Si enim assecuta esset, vidisset extemplo præcisam in eo sibi omnem ansulam sustinendi propositionem illam pessimam, ut vlli populo dicere liceat Episcopo, *Non indigemus te, ut es Episcopus*. Patet etiam admodum clare ipsam neque hunc, neque alios huic aliquatenus similes Canones vel oculis corporeis attigisse, cùm in eius citatione palpabundus erret instar cæci, & longissimè à proposito defluat. Ita enim cæci sunt, & ineptiunt, & ridiculi fiunt, qui suos oculos non habentes alienos mutantur, vanæque & improuida festinatione libros præcoces, quasi catulos cæcutientes, effundunt.

Nam tantùm abest ut Canones vllam Gentem, putà Angliam, Episcopi subsidio non egere putauerint, ut ne quidem vllam urbem maiusculam proprio Episcopo carere debere decreuerint. Constat enim Episcopos olim singulos singulis ciuitatibus præfuisse. Quod D. Cyprianus diu antè suam ætatem, ab Apostolis utique, constitutum fuisse testatur. *Iampridem, inquit, per omnes prouincias, & per VRBES SINGVLAS, ordinati sunt Episcopi*. Atque hoc idem voluisse videtur D. Paulus ad Titum scribens, *Reliqui te Creta, &c. ut constituas per ciuitates Presbyteros, sicut ego disposui tibi*. Nam quin agat de Episcopis nullum dubium est, ut ex contextu apparet. Id ipsum satis declaratum est Conciliis illis Africanis, quibus interdum ducenti amplius Episcopi subscripti reperiuntur, quamuis omnis Africa non nisi sex prouincias complecteretur. Qua de re plura iterum inferius.

Cyp. ep. 32.

Tit. 1.

Vid. Conc.  
Carthag. 6.  
Vid. Sextū  
Rufum, &  
Cic. Carth.  
6. 67.

Nihil igitur vetuerunt Canones, nisi ne Episcopi in vicis duntaxat vel oppidulis collocarentur. Vnde ineptissimè colligi, necesse non

fuisse ut Episcopi oppidulorum vicorumque incolis præessent, iaman-  
tè demonstrauiamus

*Cons. Sard. c. 6. Cōc. Carth. 2. can. 3. Vid. de Episc. in Tus- sala consti- tuit ab Au- gust. 251. ep.* Quod si qua de illis ipsis oppidis aut vicis, affluente conuenarum  
multitudine frequentari inciperent, & paulo populosiores effici; Con-  
cilia declararunt iam iis quoque ex antiqua Ecclesiæ consuetudine suos  
imponendos Episcopos, consultò tamen prius Episcopo cuius Diocesi  
antecà suberant, ne tumultuationibus & dissidiis daretur locus. Qua ra-  
tione totam Molinistarum de Episcopis constituendis doctrinā euer-  
terunt, declarantes non ob solam consecrationem Sacerdotum necessa-  
rios esse Episcopos, cum in iis locis eos constitui voluerint, quibus antecà  
sufficientes Presbyteri à prioribus Episcopis suppeditabantur, & qui-  
bus proinde nouus Episcopus non solum ad Presbyterorum consecra-  
tionem, sed ne quidem ad sacramentum Confirmationis, necessa-  
rius erat.

Ex quibus omnibus iam claret, opinor, Canonem de quo egimus,  
à Iesuita imperitissimè, ne amplius fallacissimè dicam, ad propugnan-  
dam propositionem suam fuisse prolatum; Et quoquo tandem se ver-  
terit, prius quàm è pumice expressurum, quàm ex eo Canone, admini-  
strationem sacramenti Confirmationis non esse rem satis dignam Epi-  
scopali, ut fraudulenter loquitur, *maiestate*; & populum cui nihil aliud  
ab Episcopo sit necessarium, ei dicere posse, *Non indigemus te, ut es Episco-  
pus*. Quæ enim tam mira Logica, ex his verbis istius Canonis, *Episcopi  
constitui non debent, nisi in ciuitatibus non minimis* (quæ in eo sola sunt ad quæ-  
stionem hanc pertinentia) inferat sacramentum Confirmationis non  
esse rem dignam Episcopali maiestate; aut eos qui solo sacramento  
Confirmationis ab Episcopo egeant, nō indigere ipso ut Episcopus est?

Cæterum non in humanæ mentis principia tantum hæc ἀσυνλογία  
incurrit, sed quod maius est, in principia fidei Catholicæ, & in fide-  
lium omnium sensum; meramque, ut sapienter à Censoribus notatum  
est, hæresim redolet. Quid enim aliud sapit ista vox, nisi sacramen-  
tum Confirmationis esse rem momenti leuis, despiciabilem, & ut aper-  
tè ait Spongia, *Episcopali maiestate indignam*? Talibus elogiis, Sacramen-  
tum sanctissimum, & Sacramentum Christianæ perfectionis, & Sa-  
cramentum plenitudinis Spiritus sancti, impunè decorabitur? Adeo  
pro nihilo erit, ut si quis eius solum administrandi gratia cōstitueretur,  
contumelia affici, & contemptibilis effici reputetur? At, *hoc in nullius Epi-  
scopi contumeliam dicitur, cum tales in Ecclesia Episcopi nulli sint*. Quid ais? non  
satis ingens contumelia est, quæ Sacramento Christi, Sacramento Spi-  
ritus sancti, irrogatur? Nihili est honor Dei? Honoris hominum maior  
cura remordet Molinistarum animos? Plus enim hominibus, quàm  
Deo studetis Molinistæ; Plus hominum gratiæ quàm Deo seruire pro-  
bamini. Nec verò contumelia ista dignitatem Episcopalem non ferit,  
tum inferiorem, tum summam omnium principemque. Cum enim  
Iesuita fateatur suæ scopum propositionis esse, *ne creentur Episcopi, ubi  
nec Ecclesiam, nec Cathedram, nec Capitulum, nec vestem Episcopalem, etc.  
habeant, nec consecrare Sacerdotes possint, imò ne confirmare quidem nisi rarè*

pauculos & furtim, ubi denique nihil habeant Episcopali dignum maiestate quod agant; quibus verbis satis apertè depingit Episcopum Chalcedonensem, quo statu eum in Anglia esse, tota Apologia Spongiâque decantavit; Nónne manifestè demonstrat sibi in animo esse non solum Episcopum Chalcedonensem in contemptum & contumeliam trahere, per eumque omnes omnis Ecclesiæ Episcopos, cum unus sit Episcopus, & unum collegium Episcoporum, ut aiunt sancti Patres; sed etiam Pontificem maximum carpere, & odio fidelium Episcoporumque subicere, quasi Episcopum Chalcedonensem in Angliam delegando, Episcopalis dignitatis rationem non habuerit, eique contumeliam intulerit, cum Episcopus in Anglia nihil habeat Episcopali dignum maiestate quod agat. His enim aculeis egregij Apologistæ, & Pontificij in Anglia regiminis defensores, sedem Apostolicam, Pontificemque eius inlesorem demulcere coguntur, quia sine maximo eius contemptu Episcopum Chalcedonensem Episcopalemque dignitatem impetere nullo modo possunt.

Cyp. ep. 54.  
& 55 & 56  
August. ep.  
152.

Nos verò in Pontificis maximi verissimam defensionem verissimè dicere possumus; Non alio, hoc est non deteriore, statu, esse hoc tempore Ecclesiam Anglicanam, quam primis illis Ecclesiæ sæculis omnes propemodum totius orbis Christiani Ecclesiæ fuerunt, ut paulo post vberius probabitur. Quare vel nunc rectè in Anglia constitui possunt Episcopi, vel per tot annorum centurias, quibus Ecclesia Catholica sub primis persecutionum tempestatibus genuit, non potuerunt. Perspicuum enim est, neque Apostolos, neque diu eorum successores, istis Episcopalis dignitatis insignibus, & velut appendicibus, quas Spongia enumerat, capitulo, veste Episcopali, Conuentu, tribunali, liberè trui potuisse; maiestatem verò Episcopalem nullam habuisse; cum pompa nihil egisse, sed furtim & clam, non solum sacramentum Confirmationis, sed penè omnia Christianæ religionis ministeria: Sacerdotes denique aut consecrasse nullos, aut cōsecrasse pauculos, & priuatim, & occultè, non palam. Paucissimi enim olim consecrari solebant, ut patet ex illis ipsis actis Pontificum, quæ Breuiarium Romanum refert, ubi plures interdum Pontifices tres quatuorve Presbyteros consecrasse memorantur. Vnde patet multò illos magis eo tempore confirmandis fidelibus operam dedisse, quam Sacerdotibus ordinandis. Omnes enim, etiam infantes, mox à lotionis Baptismali, stabili ac perpetua Ecclesiæ lege confirmabantur, ut notum est, & plenius alibi disse-

Vid. Min.  
nus in O.  
Euan. & pas.  
sim Apolo-  
gist. alias  
illius eni  
Et infra ad  
seq. propof.

Cœc. Laod.  
can. 48.

Vnde Spongiæ inscitia & temeritas facilè cernitur; prouidentia verò Pontificis maximi, & Episcopi Chalcedonensis institutio cōprobat. Nunc enim maximè Ecclesia Anglicana primam illam florentemque Christianæ Ecclesiæ sub persecutoribus ætatem refert. Ibi religio renascenti & reuirescenti similis est. Plures illic Deo nunc fortè pariuntur, & parantur animæ, quàm cum ibidem religio dominari videretur; ut Catholicorum vtriusque regni Britanniæ plures confitentes audiui.



Ex quo fit , ut sicut nulli Christianorum populorum tam Episcopali subsidio indigent , quàm ij qui in medio persecutionum æstu voluntur ; ita nusquam adeò splendidè suas partes , & suum decus Episcopalis dignitas<sup>h</sup> obtineat : Et qui illam eo statu sitam , in eo stadio militantem , in eo lumine collocatam ,<sup>i</sup> spectaculum Deo & Angelis & hominibus effectam , contemptui esse , nihil Episcopali maiestate dignum agere , veri honoris sui detrimentum & contumeliam pati arbitratur ; cum ego , quia<sup>k</sup> quibus vocibus pro merito accipiam , non habeo , inimicum crucis Christi , Evangelij contemptorem , &

probro. Nam qui apud ipsos rerum sacrarum curam gerunt, Imperatores colunt plusquam dominos, & quàm idola ipsamet, quibus non nisi eorum metu assident, ita & pessimi dæmones honorem quo afficiuntur, Imperatoribus acceptum ferunt. At non ea est rerum nostrarum conditio, sed planè contrario. Nam cùm in Imperatorium thronum conscendit, qui nobiscum in fide ac divinitatis opinione consentit; hic segniores efficiuntur Christianorum res; nedùm humanis honoribus stabiliuntur. Rursum cùm aliquis impius Imperator regnat, qui nos undiq; urget, qui nos infinitis malis exercet, tunc religio nostra viger, & amplius inclarescit. Sec. b *Tertull. Apol. 5*. c *Terr. de pud. c. 22*. *Cyp. ep. 9*. *Enseb. l. 5. hist. cap. 1. in ep. Eccl. Gal ad Eccles. Asia & Phryg. Rom. 11. d Cyp. ep. 9. e Idem ep. 4. f Ioan. 10. 11. g 2. Cor. 12. h Vid Conc. Carth. 4. can. 15. 1. i Cor. 4. & Rom. 1. 16. Philip. 3. 18.*

à fundamentis eversorem; fidelium omnium, eorumque, quibus aliquis Dei sensus est, conscientis execrandum committo.

PROPOSITIO OCTAVA.

EX cap. 4. num. 9.

*Quod in tempore persecutionis bonum non sit, nec conueniens, nec vllum solatium Ecclesiae habere Episcopum, cum nullus publicus vsus sit religionis.*

CENSURA.

Ista propositio est falsa, temeraria, Ecclesiae praxi contraria, eius bono nociua, summo Pontifici iniuriosa, eiusque Breui pro Episcopo Chalcedonensi manifestè repugnans, ac hæretica.

SPONGIA.

*Quidam lapide canem perens, errante manu cum nouercam percussisset, dixisse fertur; ne sic quidem ictum perisset. Richerista dum rigida Censura, cui non plus sapidi liquoris, quam lapidi insus, auctorem imperunt, sanctum Victorem, & Episcopos Africa congregatos, anathemate suo feriunt. An ex Calviniano in sanctos Patres animo dicent, ne sic quidem Censuram immeritis incidere? Vel hinc pateat quanti refert, qui libros Catholicorum obseruant, semper lanternas habere apertas, oculos intelligentiae perspicaces. Dico igitur Censuram hanc verbis contumeliosissimè conceptam, non cadere in sententiam auctoris, sed in sententiam S. Victoris, & Episcoporum Africa congregatorum Carthagini, ut Episcopum ibi constituerent; cuius gratiam Hunnericus Rex Arianus Catholicus fecerat. Lectus conditionibus, quibus Episcopum Rex impius indulgebat, Episcopi deprehenderunt rem dolosè agi, persecutionem instare, & ideo Episcopum recusarunt. Quod edictum, (inquit Victor) cum nobis presentibus vniuersae Ecclesiae legeretur, gemere cœpimus mussitantes, quod à meditatibus dolos malorum esset futura persecutio præparata, & ita legato dixisse probamur: Si ita est, interpositis his conditionibus periculosis, hæc Ecclesia Episcopum non delectatur habere, gubernat eam Christus, sicut semper dignatur gubernare. Iam vides, Lector, hanc sententiam persecutionis tempore, cum nullus sit publicus vsus religionis, Ecclesiam de Episcopo nec commodum, nec gaudium habere, quam Richerista damnant ut auctoris, non esse auctoris, sed S. Victoris, & Episcoporum Africa, quam expresserunt factò, verbo: factò, quia ingruente tam sua persecutione Episcopum ordinare recusarunt; quod non fecissent, si persecutionis tempore necessarium, aut summè utilem putassent, verbo, quia dicunt his conditionibus periculosis, nimirum ex quibus sua persecutio certissimè imminabat, hæc Ecclesia Episcopum non delectatur habere.*

*De persecu.  
Vand. l. 1. c. 1.*

RESPONSIO.

De lanternis, & apophthegmatibus, & conuitiis tuis, remitto tibi lubens quam iure mereris castigationem; quia quæ tibi ex fœdis in historia quam refers lapsibus, inuretur pœna, tanta est, ut acerbior quæri non debeat. Quid enim hæream in abiecto illo, ac vilissimo

apophthegmate reuoluendo, in quo prima statim specie cernitur, quàm ablonè S. Victorem, & Patres Africanos cum *noberca* conferas; quàm argutè te ipsum cum *canè*, quod hieroglyphum iam sæpius assumpsisti *mordacem molossum*, & *lupercalem canem* te metipsum indigitans? latras quippe instar canis, non *mordax* solùm, sed *mortui*, ut scriptura loquitur, dum celeberrimæ Facultati, Caluini Calvinianorumque toties damnatrici, errorum omnium hæresumque, non hæreticorum tantùm, sed etiam Catholicorum, tuorum inquam, sociorumque tuorum vindici, *Calvinianum in sanctos Patres animum* obilicis. In te nila vox, si te nosces, in tuos, tuorumque præcipuos longè æquius conferenda fuerat, si in Catholicum quemquam conici potuisset. Quàm enim improbè tuæ societatis Antesignani, sanctos Patres, non singulos, sed vniuersos, in vastis illis voluminibus quæ publicè profunderè solent, lacerarunt, & diffamauerunt, si non Calviniano animo, eo certè qui Calvinianis animos faciat, Catholicis debilitet, è Calvinianis ipsis scriptoribus, qui hanc audaciam Ecclesiæ e xprobrare, & in suæ impietatis exemplum transferre cœperunt, perspicere poteris, interea dum *sanctorum Patrum Apologia* aduersus scriptoris vnus vestri longè apud vos laudatissimi criminationes & reprehensiones iniquissimas, ab eximio quodam Theologo conficitur. De te quidem, Spongia, vix habeo quod conquerar. Adeo enim SS. Patres neque nosti, neque quicquam cum iis consuetudinis habuisti, ut quicquid in eos peccas, quod creberrimum, ac penè perpetuum est, magis temeritati natiuæ, & promiscuæ hebetudini, quàm meditato contemptui apponendum videatur. Aperi modò *lanternas* tuas, quibus tantoperè toto hoc opere delectaris, ut videas quàm continenter, ac turpiter in tota historia tuæ obiectione impeggeris. Quanquã neque tibi in *lanterna* quicquam inest, quam quoties prorulisti, toties vacuam inuenimus: neque menda tua *lanterna* luminis *spiculo* indigent, cum ipsa *solis lancea*, ut cum Tertuliano loquar, deprehendantur.

Tertull. de  
pudicit. c. 7.

Nam historiam hanc de S. Victore & Episcopis Africanis, sine sensu, sine luce, quasi occlusis oculis, prolataam dicimus, ut indocti quibus ad libros aditus non est, hoc plasmate attraherentur. Historiam, primò à quæstione proposita vndique alienam, nulla ex parte conuenientem; probauimus deinde si quid ex ea in rem, qua de agitur, deriuari liceat, contraria penitus, & cum scopo Iesuitico manifestè pugnantia, consequi. Quo facto stupidam Spongiæ fiduciam, ferociamque iocularem, explodendam lectori dabimus, & cæteras eius reliquias persequemur.

Historiam ergo perperam prolataam, & à re alienissimam dicimus: Quia quæstio hûc est de Episcopo dando Ecclesiæ, in qua nullus sit publicus vsus religionis, ut in propositione damnata, & in ipsa Spongia scriptum est. At in Ecclesia Carthaginensi, cæterisque Ecclesiis Africanis publicus religionis vsus non deerat, cum de eligendo Carthaginensi Episcopo agebatur. Patet enim ex ipsis verbis legati Regij ad cœtum Episcoporum, & reliquam Ecclesiam Carthagine congregatam,

tam, liberam fuisse per Africam Christianam religionem: Vos hic, inquit, vel in aliis Ecclesiis, quae in provinciis Africanis constitutae sunt, liberum arbitrium habetis in Ecclesiis vestris missas agere, vel tractare, & quae legis vestrae sunt, quemadmodum vultis, facere. Quare electus solemniter ritu & consecratus paulo post Episcopus, in thronum Episcopalem ciuitate exultante impositus fuit, & omnia religionis Catholicae munia diu Carthagine obiit, editis etiam publice miraculis, donec una omnes Africani Episcopi in exilium iussu regio compulsi fuerunt. Vel hinc explodere fas est obrutam Spongiae collectionem. Iam vides, Lector, hanc sententiam, persecutionis tempore, cum nullus sit publicus usus religionis, Ecclesiam de Episcopo, nec commodum, nec gaudium habere, quam Richerista damnant ut auctoris, non esse auctoris, sed S. Victoris, & Episcoporum Africa, quam expresserunt facto & verbo.

Dicet fortassis futuram fuisse persecutionem paulo post, ita ut publicus usus religionis aboleretur. Esto interim. Tamen hoc ipso rursus quaestio alia est, propositionem damnatam nihil attingens. Aliud enim est, an Episcopus sit utilis Ecclesiae, ubi publicus usus religionis iam tenuit: aliud, an in Ecclesia publici religionis usus adhuc particeps, Episcopum creari conueniat, si ex eius creatione persecutio futura timeatur. Fieri enim posset, ut Episcopi creatio non tanti momenti videretur, ut amittenda propter eam Ecclesiae tranquillitas, persecutio iubeunda esset: Et coorta tamen aliunde persecutione creari Episcopum, qui laboranti Ecclesiae succurreret, magni solatii, & commodi, & momenti videretur. Quare ex eo quod Patres Africani Carthagine creari nollent Episcopum, cuius creatione Ecclesia ex pace in persecutionem coniiceretur, (si hoc habeat illa historia, quod paulo post non habere docebimus) nunquam ullus homo, nedum Spongia, generatim inferre poterit, *Quod in tempore persecutionis, cum nullus publicus usus sit religionis, bonum non sit, nec conueniens, nec ullum solatium habere Episcopum.* Victor ib.

Quid quod feruente cum maxime Africana persecutione, nusquam usus religionis publicus per omnem Africam desuit, usque ad vniuersorum simul Episcoporum & Clericorum expulsionem, pluribus post annis regio edicto irrogata, ut ex Victore manifestum est? Quis ergo non videat historiam hanc omni ex parte temere, futiliterque produci, ad probandum Episcopum in persecutione, *ubi nullus publicus usus est religionis, nec necessarium, nec utilem esse.*

Præterea obiectionis huius absurditas & inutilitas inde patet, simulque præcipuus Iesuitæ scopus euertitur, quia Victor nusquam dicit se & Episcopos Carthagine congregatos Episcopum Carthaginensem creari noluisse, propterea quod persecutionem, vel metuerent, vel præviderent. Nusquam hoc Iesuita reperiet: & sine eo tamen nihil ager. Imò nos postmodum contrarium ex hoc ipso loco eruemus. Quod enim ait Victor, *interpositis his conditionibus periculosis, hac Ecclesia Episcopum non delectatur habere,* temere interpretatur Iesuita de conditionibus, ex quibus *sexa* persecutio certissime imminabat. Probatum enim oportuit, non dictum. Probari autem nec debuit, nec potuit melius quam ex illis periculosis conditionibus ab ipso Victore relatis, quas Iesuita veteratone



filet, ne quiuis intueatur, quàm à controuersia in qua versamur, manifestè abhorreant. Eas Hunnerici Regis Legatus exposuit in hunc modum: Vt nostræ (Arianæ) religionis Episcopi qui in Constantinopoli sunt, & per alias prouincias Orientis ex eius (religionis Arianæ) praecepto Episcopi, liberum arbitrium habeant in Ecclesijs suis, quibus voluerint linguis populo tractare, & legem Christianam colere, quemadmodum vos hic, vel in alijs Ecclesijs qua in prouincijs Africanis constitutæ sunt, liberum arbitrium habetis in Ecclesijs vestris Missas agere vel tractare, & qua legis vestrae sunt, quemadmodum vultis, facere. Nam si hoc circa eos non fuerit obseruatum, tam Episcopus qui ordinatus fuerit, vel Clerici, sed & alij Episcopi cum Clericis suis, qui in Africanis prouincijs sunt, iubentur inter Mauros mitti. Hinc videmus condiciones regias fuisse, vt Episcopi Africani Episcopum Carthagine ea lege ordinarent, vt Arianos per Orientem Episcopos Ecclesijs, vnde Imperatorum legibus deiecti fuerant, restituendos, liberaque colendæ Arianæ religionis potestate donandos curarent. Alioquin, ipsi simul omnes, vnâ cum consecrato Episcopo, & cum omnibus Africæ Clericis ad Mauros exulatum mitterentur. Quas condiciones meritò S. Victor, & cæteri Episcopi respuerunt, nec sub his Episcopum Carthagine consecrandum putarunt, cum essent condiciones nefariæ, diuina lege vetitæ, & in Catholicæ religionis, vel in Oriente, vel in Africa, vel vtroque simul, subuersionem Arianorum fraudulentia compositæ. Minus enim damni erat Catholicæ religioni Ecclesiam Carthaginensem suo Episcopo defici, quàm omnibus Orientis Ecclesijs Episcopos Arianos imponi. Facilius denique Ecclesia Africana solius Ecclesiæ Carthaginensis orbitatem & vilitatem patiebatur, quàm omnium paulò post Ecclesiarum Africanarum, atque adeò ipsius Carthaginensis, creptis non solum Episcopis, sed etiam Clericis omnibus, solitudinem. Hæ nempe fuerunt illæ condiciones periculose, quibus interpositis, ait S. Victor Ecclesiam Carthaginensem Episcopum non delectari habere. Hinc malorum futuram persecutionem preuidebat, non solum si eligeret Episcopum Carthaginensem, sed etiam si non eligeret. Sentiebat enim Arianos condiciones tam iniquas, & tam aperte minaces, nunquam edituros fuisse, nisi aliquam Ecclesiæ labem machinarentur, vt vel persecutionem iam animis destinatam, arrepto prætextu exequerentur, si Episcopi condiciones regias abnuerent: Vel si eis assentirentur, tum ipsi, impletis per fallaciam Arianorum Episcoporum lue Orientis Ecclesijs, alias nihilominus agitandi Ecclesias Africæ occasiones commentarentur; quod & fecerunt. Persecutionem enim postea, non ob reiectas regis condiciones, neque ob ordinatum Carthaginensem Episcopum, sed fictis alijs rationibus, & cauillis concitarunt. Quem eorum animum, atque hos hæreticam vafritiem *meditari dolos*, vix diuinæ plenus prudentiæ Victor, cum collegis Episcopis ex ipsa atrocium conditionum propositione intuens, non dixit se metuere persecutionem, si Episcopum eligeret; sed omninò iam *futuram persecutionem preparatam esse*. quam nimirum vilo pacto effugere difficile arbitraretur. Quod autem negauit Ecclesiam his conditionibus propositis Episcopum cupere; ideo fecit

Timere cœ-  
pimus mus-  
santes,  
quod à me-  
dicantibus  
dolos, ma-  
lorum esset  
futura per-  
secutio præ-  
parata.  
Vid. ib.

quia quoquo modo conditiones illæ probari non potuerunt, nec sub iis Episcopus consecrari. Non enim quacumque ratione Arianam hæresim in Oriente reuelare fas fuit, & Orientis Ecclesias Arianis Episcopis mancipare. Non solum Episcopi Carthagenensis consecratio, sed etiam res quælibet, quantumvis ad religionis Christianæ bonum, atque ad salutem necessaria, reicienda fuerat, si tali conditione offerretur. Nunquam enim quacumque de causa peccare concessum est; & cum duo præcepta diuina, quorum alterum negatiuum, alterum positium est, concurrunt, & conflictantur; negatiuum vincat, positium amittatur, necesse est. Negatiuum enim non solum semper, sed etiam in perpetuum, siue ut loquuntur Scholastici, *semper & pro semper* obligat: Positium verò, *semper* quidem, non *pro semper*, sed pro rerum temporumque varietate multiplici. Si enim baptizari nequeas, nisi ut hæreticum te fore, vel hæresim propagaturum esse pollicearis, debes non baptizari: mortem potius suscipias, quam baptismum, necesse est. Nec ideo tamen utilitas, neque verò necessitas baptismi perit. Simul et S. Victor & Episcopi Africani Episcopum Carthagenensem consecrare non potuerunt ea lege, ut sponderent se hæresim Arianam & Episcopos Arianos in Ecclesias Orientis immitturos, quia lex diuina vetabat: nec ideo tamen efficitur, ut non eo ipso tempore utilissimum eliet, & necessarium, & diuina lege præceptum, ut Ecclesiæ Carthagenensi suus Episcopus præficeretur. Ita manifestissimè liquet nihil esse disiunctius, & alienius quàm exemplum hoc à quæstione proposita, & à materia propositionis damnatæ: ut mirum sit Iesuitam in re adeò perspicua tantopere cæcutire potuisse. Imò hoc ipso Episcoporum Africanorum exemplo facile est liberare culpa, & à reprehensionibus, quas Molinistæ sinxerunt, vindicare præteritam Pontificum Maximorum administrationem Ecclesiæ Anglicanæ, cui Episcopos, cum Iesuitarum relationes & narrationes veras crederent, præficere, quamuis diuina lege præcipiente, non potuerunt. Notum enim est, Pontificibus in iis quæ sunt facti fraudes innecti posse (qua de re illi ipsi iam olim conquesti fuerunt) præcipuè ab iis qui virtutis & integritatis eximie studium profiteantur; quibus, nisi rebus apertissime deprehensis, fides abroganda non est. Quod si nunc Britanniarum Rex talem Catholicis Anglicanis optionem faceret, qualem olim Afris Hunnericus, ut nimirum Catholicum Episcopum Londini ea lege palam consecrari permetteret, ut ipsi vicissim heresi, & ministris Calvinianis, aut Lutheranis aditum in Italiam, & in urbem Romam, publicamque hereseos professionem à Romano Pontifice impetrarent; merito responsione illa S. Victoris uterentur: *Interpositis his conditionibus periculosum hæc Ecclesia Episcopum non delectatur habere.* Atque hinc satis opinor, demonstratum est, historiam & exemplum Episcoporum Africæ, à Iesuitæ proposito longissimè discrepare.

Superest ut etiam demonstremus, queniadmodum instituimus, hinc potius errorem Iesuiticum confutari, & Episcopalis consecrationis utilitatem, urgente etiam persecutione, comprobari. Nam S. Victor &

Episcopi Africani, etiam si *malorum futuram persecutionem preparatam esse* viderent, nihilominus Eugenium virum sanctum, inuicto populi zelo annuentes, Episcopum Carthaginensem ordinarunt. Igitur sententiam hæresimque Iesuitæ non *expresserunt facto*, ut Spongia stolidissime ait, sed aperto facto resellerunt, clarissimaque actione Episcopum eligendo & consecrando, docuerunt Episcopi consecrationem, etiam cum persecutio paulò post futura videatur, in solamen commodumque Ecclesiæ esse posse. Nam quod Episcopum elegerint & consecrauerint, cum persecutionem imminere putarent, ex verbis S. Victoris antepositis manifestum est, Quod verò id commodè fieri posse putauerint, ex hoc ipso manifestum est, quod fecerunt. Nam vehementi illo populi studio, de quo Victor ait, libertas iis & arbitrium statuendi quid è re totius Ecclesiæ, non modò Carthaginensis, sed etiam Africanæ censerent, nequaquam auferebatur. Quare si zelum vel inutilem, vel etiam perniciosum Ecclesiæ, quòd ex eo immanis paulò post persecutio oritura crederetur, existimallent, ipsorum muneris fuerat, quippe rectorum pastorumque Ecclesiæ improuida multitudinis impetum in gyrum rationis reflectere, vel si indomitus videbatur, contemnere. Quem tamen impetum sanctus Victor adeò non reprehendit, nec improbat ut clarè probet & laudet, dum eius ipsius populi, ordinato Episcopo, gaudium & exultationem depingens, *Ordinato, inquit, Episcopo Eugenio, viro sancto, Deoque accepto, sublimis nata est letitia & gaudium cumulatam est Ecclesiæ l. ei. Exultat multitudo Catholica sub barbara dominatione de ordinatione Pontificis reparati, &c.* Quæ verba gratulantis & exultantis sunt, non dolentis, aut improbantis. Ut immanis quædam videatur Iesuiticorum oculorum peruersitas, qua hoc potissimum exemplum selegit, ut Episcopi dum persecutio imminet, consecratio nec gaudium nec solatium Ecclesiæ afferre probetur. Huc adde laudes eximias, quibus sanctus Victor tum ordinatum Episcopum, tum populum, qui cum ordinari petierat, afficit charissimum etiam & gratiarum vim, quibus sub eo Pastore Ecclesiam Carthaginensem donatam fuisse testatur. Nam ut Episcopi virtutes & miracula sileam, quibus eam ordinationem comprobare & decorare voluit ipse Deus, scribit idem Victor, tantos fuisse Carthaginensis populi virtutum gratiæque prouentus, ut cum Ariani Antistites incredibili noui Episcopi Eugenij tanta stimulat, acerbam in Catholicos Carthagenenses persecutionem inueherent, nulli frangi potuerint, omnesque velut Ecclesiæ cælique columnæ immobiles perstiterint: *Eorum nos, inquit, plurimos nominus, nec scimus eorum aliquem, tunc etiam penis urgentibus à recto itinere destitisse.* Et tamen Iesuita hinc probandum suscipiet, Episcopi in persecutione ordinationem, nec gaudium, nec solatio, nec utilitati esse Ecclesiæ? Et hoc vno loco notam hæreseos sibi iure impactam elui posse sperabit? ô Spongiæ nihil hæresibus suis aspergentem nisi stupores; in tanta aciei illius, quo se plenam iactat, acrimonia, tantum insulsiutatis vomentem!

Spong. p.  
157.

Patet igitur luce clarius, Eugenij Episcopi ordinationem summo gaudio, solatio, gratia, Carthaginensem Ecclesiam cumulasse, S. Vi-

etoris & Episcoporum Africanorum, tum factis, tum verbis, nec humanae solum, sed divinae etiam auctoritatis testimoniis, ratam confirmatamque fuisse. Itaque priores illae voces, *Interpositis his conditionibus periculosis hac Ecclesia Episcopum non delectatur habere*, eo pertinuerunt, ut S. Victor, & collegae Episcopi palam exerteque testarentur conditiones regias sibi nefarias videri, seque planè malle nullum ordinari Episcopum, quàm ut eas accepisse putarentur. Quare declarata, cum Legatus regius responsionem eorum, seu ut Victor loquitur, *suggestionem*, accipere negligeret, neque tamen obstitit ordinationi, sed liberam relinquere videretur; simulque populus una voce, clamore constantissimo, Episcopum flagitaret; insigni populi Catholici voluntati; quasi divinae vocis nemine aduersante, obsequendum putauerunt Africani Patres, ut viduae tot ab annis Ecclesiae iuuni ex Christi institutione Episcopum, futura quam metuebant persecutione divinae providentiae permissa, subrogarent. Has enim duas rationes sparsit obiter S. Victor, ne Episcopi ordinato Eugenio conditionibus nefariis paruisse crederentur: Primum, quod Legatus regius eorum responsione neglecta, nec impedita tamen ordinatione, conditionem visus esset remittere, quasi rex tentandi solum eventus gratia eam proponi voluisset: Deinde, quod populus inexorabili zelo ordinationem virgeret, ut eius potius pio studio, quàm regiae impietati ordinatores Episcopi morem gerere censerentur. *Quam suggestionem*, inquit, *Legatus accipere neglexit. Simul & populus, ut tunc fieret, ut ignis exarsit, cuius erat clamor intolerabilis, qui nulla posset ratione sedari. Ordinato itaque Episcopo Eugenio viro sancto, Deoque accepto, sublimis nata est letitia, & gaudium cumulatum est Ecclesiae Dei.* Satis patet, duas illas rationes Eugenij ordinationi à S. Victore praemitti, quasi ad purgandum factum Episcoporum; & deinceps ordinationem velut dignissimam, Deo acceptam, Ecclesiae laetabilem & optatissimam celebrari. At profectò persecutioni, quae deinde coorta est, ordinatione illa, nec causam, nec occasionem dedit. Nunquam enim Victor ait, Regem propter ordinatum Eugenium, sed variis aliis de causis, Ecclesias Africanas exagitasse, imò postremos omnium Eugenium, aliosque Episcopos inuadere ausus est, Arianis ipsis Episcopis, ubi in eos quippiam edicere parabat, furorem cohibentibus, & hoc modo monentibus, *si istud firmaveris praeceptio vestra, nostri Episcopi in partibus Thraciae, & alijs regionibus constituti, peiora incipient pati.* Quo factum fuit, ut in summo saevitiae furore, quo populum Catholicum promiscuè laceravit, Eugenius, ut Primas Africae, & Episcopi alij, summa pace fruerentur; donec simul omnes paucis post annis in diversa relegati, iis poenis, quas Aiani antistites in Oriente perferebant, subiecti fuerunt, quæ litis magis à republica, quàm à religione coloribus, *quia regnum filij Domini nostri non optassent.* Arguebantur enim optasse, ut Hunnericus Rex sine Regni hærede moreretur.

Hæc paulò pluribus prolequi coacti fuimus, ut Iesuiticæ mentis in historiae huius productione præpostera & veteriosa temeritas claresceret, multa interim alia falsa & inepta omittentes, ne longitudinem non



necessariam quæsiisse iudicemur, quibus historiam hanc in Apologia inquinavit, quæ alibi commodius disjunguntur. Maneat igitur nota hæreseos iure iniusta, malè negata, indignè, stupidèque repulsa. Spongia se norit tam ad eluendas censuræ notas imparem mentis ac veritatis inopia; quàm ad eluendos errores suos, inopia modestiæ & simplicitatis.

## SPONGIA.

*At author hanc Patrum sententiam approbat. Certè quidem, non enim à iudicio tot sanctissimorum Episcoporum, & prælatorum dissentire debebat; sic tamen probat, ut explicet, & sex limitationibus distinguat, nimirum intelligi, 1. non de Ecclesia vniuersali, sed particulari vnius ciuitatis, aut gentis. 2. De Ecclesia que persecutionis tempore Sacerdotes sine proprio Episcopo copiose<sup>b</sup> habeat. 3. De persecutione tam seua, ut non sit tribunali, aut sceptro Episcopali<sup>c</sup> locus. 4. Ut nulli publici conuentus, ad quos Catholici vnius ciuitatis promiscuè conueniant, fieri<sup>d</sup> possint. 5. Quod Episcopus cogatur in domo priuata furtim residere sine Ecclesia, sine capitulo sine statu<sup>e</sup> Episcopi. 6. Ut hæc difficultas & indignitas quoad Episcopum non sit à causa paulò post remouenda, sed statuta & fixa, ut ex propinquo nullæ spes meliorum temporum<sup>f</sup> affulgeat. Persecutione ita seueniente in vna gente nullum esse censent Africani Patres ab Episcopo commodum, nec proferri potest ex antiquitate, Episcopi in his circumstantiis constituti, vel vnum exemplum.*

<sup>a</sup> Cap. 4. n.<sup>2.</sup> p. 117.

in 21.

<sup>b</sup> Ibid. n. 3.

pag. 119.

<sup>c</sup> Ibid. n. 4.

pag. 120.

<sup>d</sup> Ibid. &

n. 3.

<sup>e</sup> Ibid. n. 3.<sup>f</sup> Ibid. n. 3.

## RESPONSIO.

Nihil est quò imperita audacia non progrediatur. Iamque mirari desino, sæpè Catholicos ad antiquitatis Ecclesiasticæ authoritatem ab hæreticis, qui ea non tam premuntur, quàm præfocantur, insigni verborum temeritate prouocari. Etsi enim conditiones, quibus Iesuita hæresim suam inuoluit, voluntariæ, fictitiæ, ad errorem fulciendum compositæ sint, tamen adeo sunt imperitæ, & infeliceiter excogitatæ, ut Ecclesiæ antiquitatem, non vno, sed cunctis propemodum capitibus, concutiant, & ab homine, vel tenuissima veterum Ecclesiæ leculorum cognitione imbuto, despui mereantur. In primis, ne longè abeam, hoc eodem Ecclesiæ Africanæ, quod in manibus est, exemplo, doctrinæ istius peruersitas, conditionum inanitas, conuincitur. Fieri enim non potuisse, ut Africani Patres conditionum istarum rationem haberint, vel inde manifestum est, quia Ecclesia Carthagenensis, quo tempore de creatione Episcopi agi cœpit, publicos conuentus populi ad Ecclesias publicas habebat, ut suprâ declarauimus, & ex eo etiam declaratur quòd iam à Genserico Hunnerici patre paulò ante obitum redditas fuisse Catholicis Carthagenensibus Ecclesias, & publicum cultû religionis Catholicæ Zenone Imperatore deprecate, idem Victor author est. Et ordinatus Episcopus Eugenius publicam sui muneris functionem, & tribunal Episcopale Carthagine habuit, etiam tum cum persecutio sequissimè fureret, atque adeo non cogeatur in priuata domo furtim ignotusque latitare, ut ex Victore toto secundo & tertio libro ad oculum patet. Præterea etiamsi Ecclesia Carthagenensis, sufficientes

<sup>Vitt. lib. 1.</sup>  
<sup>in fin.</sup>

haberet Sacerdotes, quando Eugenius creatus fuit Episcopus; tamen persecutione postea ingrauescente, non solum Episcopo, sed etiam Sacerdotibus & Clericis omnibus, ita demum orata est, una cum cæteris vniuersæ Africæ Ecclesiis, ut si qua vnquam fuerit persecutio, in qua vlla Ecclesia Sacerdotibus, ac proinde Episcopis ad eos consecrandos, indigere videretur, id eo tempore Ecclesiæ Carthaginiensi, aliisque totius Africæ negari non posset. Quare secundum principia, & conditiones à Spongia positas, imminente potissimum eiusmodi persecutione Episcopus Ecclesiæ Carthaginiensi ordinari debuit, præcipue cum Regius Legatus apertè comminatus fuisset omnium, non solum Episcoporum, sed etiam Sacerdotum & Clericorum Africæ expulsiōnem, nisi conditionibus à Rege propositis pareretur. Ita nihil disiunctius & alienius à Iesuitæ proposito, nihil aptius ad commentitiam eius doctrinam, quoad omnes propemodum quas præscribit conditiones, refellendam fingi potuit, quàm Carthaginensis ordinationis exemplum, ad quod ille tamen quasi ad vnicum suæ hærese præsidium adhærescit.

Quod si ad pleniorē illius euerisionem, Ecclesiæ veteris consuetudinem, statum intueamur, nihil in eo crebrius, quàm illustres iugulatae huius hæreseos notas reperiemus. Certum enim & perspicuum est, nullas vnquam in Anglia extitisse persecutiones, quantumuis acerbæ, quæ cum iis quas Ecclesia primaui perituit, conferri debeant. Nec refert quòd Christiani nihilominus ad synaxes, & Ecclesiasticos cœtus in medio persecutionum æstu, plerumque conuenirent; quia id non persecutorum lenitati, sed ipsorum constantiæ & fortitudini tribuendum est. Nam plerumque in ipsis illis conuentibus vniuersi opprimebantur, ut non solum historiæ, sed etiam Apologiæ veteres docent. Talem autem conueniendi potestatem, quæ periculo capitis ematur, neque Anglis persecutiones, quas passi sunt, neque vllis Catholicis vllæ vnquam persecutiones auferre poterunt. Nec refert iterum, quod persecutiones illæ videantur non ita fuisse longæ, sed intra pauculos annos euanescere consueuisse. Quia id quidem verum est de læuitia extraordinaria, & maiore quodam impetu persecutionum, quæ statis quodammodo temporibus velut maris tempestates intumescēbant, idcircoque celerius ex more rerum violentissimarum, quæ diuturnæ esse nequeunt, dilabebantur. Quanquam illi ipsi acriores persecutionum turbines non adeò celeriter præteruolare solebant, quin ad plurimum interdum annorum spatia manerent, ut liquet in primis ex sequa illa Diocletiani & Maximiani persecutione, quæ viginti, vel eo amplius, annos Ecclesiæ incubuit. Ac nihilominus Episcoporum series, & successio ab initio inchoata, non in singulis solum gentibus, sed in singulis etiam ciuitatibus, quamuis innumeri passim Antistites raperentur ad mortem, inconcussa permansit. Sed tamen etiam falsum est, vbi tempestates illæ vehementiores effluerant, Ecclesias recepisse plenam pacem, aut ea maiorem, qua nunc Catholici in Anglia, potiuntur. Erant enim etiā tunc non minus quàm in Anglia leges perpetuæ in Christianos

*Tertull. A-  
log. c. 7.  
Quotidie  
obsidemur,  
quotidie  
prodimur:  
in ipsis plu-  
rimum cœ-  
tibus, & cō-  
gregationi-  
bus nostris  
opprimi-  
mur.*

*Ab anno  
Christi 286  
ad annum  
306. Vide  
Baron.*

uniuersos, multò etiam seueriores quàm sub quibus Catholici Angliæ vitam degunt. Non enim solum Episcopi & Sacerdotes, vt in Angliâ, sed minimi etiam laici, earum legum iudicio rei erant maiestatis, imperij hostes, & omnibus omnium contumeliis, & inimicorum iniuriis in dies ac momenta obnoxij, vt ex Apologiis, earum legum iniquitatem toties expollulantibus, perspicuum est. Neque solum magistratus Christianis pertimescendi erant, sed æquè, vel etiam magis, ipsum

*Vid. Tert.*

*Apol. c. 4.*

*Quoties in*

*Christianos*

*deseruitis,*

*partim ani-*

*mis pro-*

*pris, par-*

*tem legibus*

*obsequentes;*

*quoties etiâ*

*persecutis*

*vobis suo*

*iure nos ini-*

*micum vul-*

*gus inuadit*

*lapidibus*

*& incendiis;*

*Ipsis Bac-*

*chanalium*

*futis, nec*

*mortuis*

*pareunt*

*Christianis,*

*quin illos*

*de requie*

*sepulturæ,*

*&c.*

*Tertull. A-*

*pol. c. 37.*

*Plin. l. 10.*

*ep. 103.*

*Iustin. A-*

*pol. 2. Mi-*

*nut. in O-*

*tan. &c.*

*Vide Conc.*

*Carth. apud*

*Cypr. quod*

*fuit Episco-*

*porum 87.*

*Si quis de*

*ecclesiasticis*

*ordinibus*

*quodammodo*

*mutauerit,*

*excommunicatus*

*erit.*

*Concil. Chal-*

*cedon. can. 17.*

vulgus infidelium, vndique paratum & ardens in sanguinem, & spolia Christianorum, quos inipune ex prauo quolibet affectu, ad tribunalia & ad pœnam trahere poterant hoc solo crimine opposito, quod se Christianos confiterentur, vt patet vel ex illo decreto Traiani, satis in eos pro cæterorum crudelitate mansueti, quo puniri iussit oblatos, etsi eorum multitudine deterritus, neminem perquiri præciperet. Quare conuentus eorum non palam, neque liberè fiebant, sed noctu & furtim in cryptis martyrum, aut locis aliis secretioribus, non solum in persecutionibus, sed etiam in pace & tranquillitate, quæcumque per ea tempora esse poterat. Patet ex nota illa Plinij Secundi epistola ad Traianum eundem imperatorem, vbi Christianorum mores & consuetudinem sub eius imperio, cum nulla grauior persecutio esset, referens, cætus antelucanos cõmemorat ad quos illi cõire consueuissent. Quod etiâ declaratur obiectione illa vulgari, ab Apologistis omnibus commemorata, qua dicebantur in tenebris incesta miscere, & infanticidiis initiari. In eo igitur rerum statu, nec publico religionis cultui, nec publicis conuentibus, nec tribunali Episcopali plus loci erat, quàm nunc in Angliâ. Nemo ad Episcopale obsequium cogi poterat. Nemo obtemperabat, nisi quantum voluntate libera, & timore Dei mouebatur, vt facile intellectu est ex tot hæresibus, quæ Ecclesiam per ea tempora inipune lacerauerunt. Sacerdotum quoque copia non magis per Ecclesiam deerat, quàm nunc in Angliâ desit; & nemo non videt, sine tanto illo Episcoporum Africæ numero, qui ad Concilium, quod Diuus Cyprianus Carthagine habuit, confluerunt, sufficientes Ecclesiis Africæ Sacerdotes potuisse subministrari. Idem iudicium esto de Episcopis Italiæ, Græciæ, Galliæ, Orientis, aliarumque regionum, quarum singulis vrbibus suos Episcopos ab initio prædicationis Euangelij præfuisse, suprà ex Patribus & Conciliorum decretis ostendimus. Quæ tanta Episcoporum propagatio cum ad copiam Sacerdotum suppeditandam minimè necessaria esset aliud causæ habere debuit: nempe, quod antè declarauimus, vt in singulis Ecclesiis singularum vrbium ambitu comprehensis perfecta religionis & cultus diuini societas, suis membris & capite completa, cui præsideret Episcopus, à quo vt à fonte omnis actio, & potestas Ecclesiastica in Ecclesiis particularibus manaret, sicut à Christo institutum est, collocaretur. Sicut enim Apostoli in componendo rei Ecclesiasticæ statu ac regimine, proprias cuiusque re-

*Si quis autem ciuitas potestate Imperiali nouata est, aut si protinus innouetur, ciuiles dispositiones & publicas, Ecclesiasticarum quoque Parochiarum ordines subsequantur. Concil. Chalcedon. can. 17.*

gionis diuisiones secuti, ne respublica Ecclesiastica à ciuili republica discrepare vel abhorreret videretur, primarias & Metropolitanas Ecclesias in iis ciuitatibus constituerunt, quæ iam prouinciarum quarumque capita seu Metropoles reperiiebantur: Sic in locis ubi propria seorsum ciuium corpora, seu ciuiles cœtus, seu ciuitates, iam conditæ fuerant, singula etiam Ecclesiarum particularium, seu ciuitatum Ecclesiasticarum, corpora condiderunt, vt ciuilium rerum ordinem diuinarum rerum ordo congrueret, & vterque ab eodem Deo existere probaretur, sicut docet Apostolus. Valeat igitur Iesuitæ heresis; valeant fictitiæ conditiones, non fictæ solùm, sed malè fictæ, & infelicitè, & improbè, cum eius hæresim, nisi reprobata, & conuulsa funditus Apostolorum & Ecclesiæ antiquæ disciplina, stabilire non possint. Rom. 14.

De prima tamen conditione, qua Ecclesiam vniuersalem excipere se ait, & de particulari tantum ciuitatis aut gentis vnius Episcopo loqui, speciatim monendum est, cum in hac conditione, non voluntario solùm vt in aliis, & temerario errore peccare, sed etiam adulatione ac metu, ne Pontificis maximi auctoritatem, & dignitatem subruere videatur, quam errore suo perinde vt Episcopalem, subuerit videt. Si enim Episcopalis dignitas, & iurisdiclio Ecclesiæ particulari essentialis, & necessaria non sit, quando abest cultus externus religionis, & adsunt sufficientes Presbyteri; quia videlicet Ecclesiarum particularium regimen à Presbyteris suppleri possit; cur necessaria erit in eodem rerum statu Pontificalis dignitas, cum similiter Ecclesiæ vniuersalis regimen à Presbyteris suppleri possit, & tæpe suppletum fuerit, & Sede vacante etiamnum suppleatur? Hæc profectò vis est hæreseos Iesuiticæ, hoc telum erroris impij, quod neque Spongia, neque Iesuitæ vllis vnquam inuolucris ita regent, quin emineat, & erumpat, & in Apostolicam Sedem per Episcoporum latus, nisi Dei & Ecclesiæ prouidentia rectum maturius auerterit, tandem adigatur.

### SPONGIA.

*Quod vrgent Breue Apostolicum, quo constitutus est Episcopus Chalcedonensis, contra se faciunt: nihil enim æquè ac illius institutio illo tempore conuincit summos Pontifices sensisse semper, & sentire non expedire, pro statu persecutionis Anglicanæ, Episcopum constitui. Angli quippe Catholici cum sexaginta annis Episcopis caruissent, tandem constitutus est Episcopus Chalcedonensis, sed quo tempore? nimirum non antequam persecutio cessatura penitus diceretur, & iam magna ex parte cessasset, & e matrimonij Hispanici quod tractabatur. Nec vllus ignorat, modernum Episcopum Chalcedonensem non pro tempore persecutionis institutum, sed in tempus pacis & quietis quæ sperabatur futura, matrimonio Gallico constituto, vnde qui persecutionis maxime tempore necessarium Angliæ Episcopum dicunt (vt dicit profectò Keilifonus) summorum Pontificum praxi e diametro se opponunt. Nam quem dare Episcopum vrgente persecutione constanter tot per annos recusarunt, affligente certissima spe pacis dederunt. Iam, opinor, sereno sub cælo sumus. Nam tempestas omnis, Censurarum fulminibus intermixta, falsæ, temerariæ. Ecclesiæ praxi contrariæ, summo Pontifici iniuriosa, hæretica doctrina, ab Anglia in Africam auersa*



est: S. Victorem & Carthagine congregatos Episcopos cum Clero petit, qui statim hos Richeristicos ne flocci quidem faciunt.

## RESPONSIO.

Adeone floccis & flatibus tibi caput tumidum est, ut tantas ineptias, tam ridiculas, tam volaticas, Pontifici maximo iam propriè contumeliosas, quemquam audire arbritreris? Dimitte Africam, dimitte S. Victorem, à quo te iam toties diuellimus. Transfreta in Italiam: Ades ad Pontificem, cuius numen floccifacis, ut exposito dedecore, quo eum onerare cogeris, ut te ipsum tuearis, non Parisiensium Censurarum fulminibus, non Richeristicis flatibus, sed Romano anathemate, & Pontificiæ vocis oraculo præfracta & superba, & Molinistica tua frons conteratur. Enimuerò iniurium & indignissimum Pontificiæ prudentiæ gravitate est, vel existimare, vel dicere, sanctissimum Urbanum VIII. cum Episcopum Chalcedonensem in Angliam misit, speravisse omnes eas conditiones, quas Iesuita exigit ut Episcopus sapienter, & utiliter Ecclesiæ particulari præficiatur, in Ecclesia Anglicana continuo futuras. Sperasse nimirum, non solum persecutionem desituram (neque enim satis est Iesuitæ persecutionem desinere, ad commodam Episcopi ordinationem) sed etiam publicum ubique religionis Catholicæ vltum fidelibus Anglicanis concessum iri, itavt restituerentur Ecclesiæ, templa publica, tribunalia Episcoporum Catholicorum, dignitas & solemnitas omnis Catholica & Episcopalis; sine quibus omnibus Iesuita negat esse in rem, aut utilitatem, aut solatium Ecclesiæ aut etiam in honorem dignitatis Episcopalis, suum Ecclesiæ cuiuspiam Episcopum destinari. Atque hæc omnia spe certissima sperasse pro sua prudentia & sapientia Pontificem, & sperasse ita certò hoc solo quo de matrimonio Hispanico, vel Gallico, cum Rege Angliæ agi audierat, etiamsi matrimoniis illis omnes eiusmodi conditiones nec adhiberentur, nec ullius hominis iudicio ita adhiberi possent; ut spes, aut certissima spes impetrandi affulgeret. Non pudet petulanter agere in Christi Vicarium, eiusque providentiæ maturitatem in contemptum hominum, & in ludibrium trahere, ne Spongiæ desit quod ad verissimas Facultatis Parisiensis reprehensiones respondeat? licet Pontificis maximi existimatione abuti ad sua commoda Molinistas ceruicolos fas est, etiam tum cum sedis Apostolicæ Apologias simulatis iactationibus crepant? ea enim Pontificem *spe certissima* non sperasse aiunt, sed penitus confidisse, quæ Catholici vix tenuissimis votis adhuc optare ausi fuerunt, & quorum vel dimidiâ partem eo ipso tempore in summi beneficii loco accepissent; Atque ob rerum tantarum spem ad eò remotam & minimè probabilem, gravissimum de dando Ecclesiæ Anglicanæ Episcopo consilium cepisse, quod si ea spes falleret, in Ecclesiæ detrimentum, in persecutionis augmentum, in Episcopalis dedecus, quemadmodum ipsi prædicant, verteretur. Quid quod Breue Pontificium neque de matrimoniis illis, neque de spe vlla pacis, multo minus de publica religionis institutione, verbum facit? Contraque

persecutionem; oppressionem & violentiam hæreseos, disertè memorat, qua sola Pontificem motum esse ait, ut Episcopum fidelibus Angliæ in subsidium solatiumque mitteret? Quæ ratio deficit, si oppressionem & violentiam hæreseos cessaturam, & iam magna ex parte cessasse, ut ait Spongia; aut si læuiente violentia persecutionis, sublato publico religionis vlu, Episcopum Ecclesiæ præfici, nec in rem, nec in solatium eius fore putasset. Verba ergo Breuis apertè declarant Pontificem nullius spem pacis rationem habuisse; Imo Episcopum in Angliam destinasse, tanquam in regionem, quæ propter opprimentis hæreseos violentiam Episcopi solatio subleuanda videretur. Non spes pacis, sed metus persecutionis & violentiæ hæreseos extorsit, ut Episcopum laboranti & gementi Ecclesiæ tandem aliquando præberet. Atque ita nihil manifestius, quàm hæresim Iesuiticam cum Breui Pontificio conflictari, Pontifici maximo grauem notam imponere, imperitiæ & temeritatis crimina, quæ Iesuitæ conceperunt, in eius prudentiam trancere; nihilque meruille leuius, quàm ut Facultatis Parisiensis, & Antistitum Galliæ in istam pestem fulgura, Pontificium in eandem fulmen præhuntaſſe & elicuisse comprobentur.

### PROPOSITIO NONA.

Ex cap. 5. num. 13.

*Licet obligatio iustitiæ, quam intrant Curati, sit strictior, & maioris obligationis quoad peccatum, tamen obligatio charitatis, obedientiæ, & religionis, qua religiosi se obligant ad iuuandas animas, est altior, excellentior, & maior quoad meritum, præsertim quia tenentur ex statu laborare in messe animarum puriori intentione, & liberiore à terrena mercede, quam seculares Sacerdotes tenentur, qui non laborant sine stipendio.*

### CENSURA.

Ista propositio, in quantum à vinculo quo obligantur Curati, excludit charitatem, falsa est, temeraria, & verbo Dei contraria; in quantum ex obedientia, & Religiosi status instituto animas iuuare, in merito præfert animarum curæ ex obligatione iustitiæ, falsa item est, temeraria, & præsumptuosè asserta: In quantum denique religiosos puriori intentione teneri, seculares verò Sacerdotes pro stipendio tantum laborare asserit, est falsa, temeraria, scandalosa, & toti Curatorum ordini malignè contumeliosa.

### SPONGIA.

*Quod de imperitis oratoribus dicere solebat Cicerò, conuenit omnino in hos Censores, eos ad vociferationem tanquam claudos ad equum confugere: Vocus enim elata & turbida plurimum Censura inest, solidæ sinceræque veritatis, aut sapientiæ nihil. In primis qui se acutos putant, tam sunt obtusi, ut distinguere nesciant inter vinculum ex obligatione charitatis, & vinculum iustitiæ ad opera charitatis. Curati obligantur ratione officij, atque adeo ex iustitiâ ad opera præstantissima charitatis; At non obligantur ex charitate per se & propriè. Nam seposita obligatione officij,*

*hoc est, iustitia, non magis obligarentur quàm ceteri; ceteri autem non tenentur: ex charitate ea opera exercere, atq; Curati tenentur igitur per se & propriè horum obligatio non est charitatis, sed iustitia, seu obligatio ex officio ad opera charitatis. Nam quavis fortassis deficiat stipendium, tamen obligantur ex iustitia, ratione officij quod ipsis incumbit. Vnde superiores Regulariũ, licet non habeant stipendium, tamen non ex mera charitate, sed ex iustitia obligantur, ut notat Suarez 10. 4. in 3. p. d. 44. sect. 3. n. 7.*

## RESPONSIO.

Si imperitis oratoribus, & claudis eos qui ad vociferationes confugiunt annumeras, vide ne locum quem Censoribus tuis dare videris, ipse occupes qui nihil minùs, vel etiam amplius, & stolidius, quàm illi vociferaris, eos imperitos, elatos, turbidos, solida veritatis & sapientie vacuos, obusos & claudos, increpitans. Estne periti oratoris, feriendo alterum, semetipsum iugulare? carpendo aduersarium, peius in eo ipso, quod arguit, impingere? Tu ipse, vel quiuis alius, iudex esto. Ne quidem hoc tibi reliquisti, ut claudos ad equum confugere liceat. Ita enim miserè claudicas, & ad defensionem miserimam, quasi ad exanguem equum confugis, ut iam non claudices, sed planissimè corruas, intelicis adminiculi fragilitate deceptus. Audi modo obtusissimæ tuæ responsionis examen; & clarissimè vide, te in eum locum tuis erroribus processisse, vnde tam futili equo emergere nequeas.

Obusos vocas Censores, quod distinguere nesciant inter vinculum ex obligatione charitatis, & vinculum iustitiæ ad opera charitatis. Quælo te, illine dicendi obtusi, qui hoc non viderint, an tu qui videas? Hoc enim acumen otiosus aliquando somniasti. Deinde vigilans adeò admiratus es, & in eo tibi placuisti, ut teneri non potueris quin tui amore grauidus & tumens, illam primo quoque loco opportunè importunè effunderes, velut *επεωµα*, & abortum leuissimæ mentis. Quid enim ad Censuram? Quæ clarissimè de ipso vinculo charitatis loquitur, damnans te quod à vinculo, quo obligantur Curati, excludas charitatem, seu quod vinculum ex obligatione charitatis eis adimas. Quàm ergo temerè distinctionem Censoribus obiicis, quæ eorum verbis excluditur ac repellitur? Quàm obtusè obtusos vocas, quasi res à proposito alienissima eos latuerit, quam tu, si oculos habuisses, quibus eorum Censuram perpenderes, à te sine graui stoliditate proferri non posse vidisses? Ipsa rei euidencia minus potest in tuum animum, quam turbidissima cupiditas, & tumultuariæ responsionis præsumptuosus ardor, qui te ita torquet, ita rotat præcipiti vertigine, ut quod vides, videre nequeas. Hoc de tui acuminis exprobratione obtula; nunc de ratione æquè hebeti, qua illud ad propositum adhibes.

Negas Curatos obligari ad sui muneris opera ex charitate, per se & propriè; quia si posita obligatione officij, hoc est iustitiæ, non magis obligarentur quàm ceteri. O verè Spongiæ subtilitatem! Talia homines excogitare qui possint? Primò, turpiter principium petis, supponens in illis verbis, si posita obligatione officij, hoc est, iustitiæ, officium Curatorum non esse nisi iustitiæ; qui cardo quæstionis est, ideòque non assumi & supponi, sed probari

sed probari & demonstrari debuit.

Deinde quæ tandem ista ratio est; Non obligantur ex charitate, quia seposita obligatione sui officij, non magis obligarentur quàm ceteri? Ita quippe probabitur, ne religiosos quidem ad ista opera obligati ex charitate, ut tu vis, quia seposita votorum obligatione, quæ iustitiæ aut religionis est, non plus quàm ceteri obligabuntur. Imò probabitur nec Christum Dominum mundum ex charitate debuisse redimere, quia seposito mandato Patris, quod ad obedientiam pertinebat, non obligabatur. Verùm illo ipso mandato Patris obligatio ei charitatis summæ imposita fuit, quia obedientiam ab eo pater, non tanquam à seruo ac mancipio seruilem, sed velut à filio dilecto filialem, sincerissimam, amantissimamque exegit, sicut ait ipse Christus, *diligo Patrem, & sicut mandatum dedit mihi Pater, sic facio*. Totum igitur hoc argumentum crassius est, & turpem principij petitionem continet, Supponit enim obligationem officij Parochorum non esse per se charitatis, de quo tota quæstio est, & falsum esse probabitur; etiamsi obligationi isti charitatis, obligatio iustitiæ adhæreat, ut infra declarabimus: sicut obligationi Christi inerat obligatio obedientiæ, & iustitiæ, & quidem, ut aiunt, *rigorosa*, ex pacto cum Patre inito, è quo mutua obligatio iustitiæ inter Patrem & Filium nascebatur; quamvis directæ & principalis eorum obligatio esset charitatis, ut passim scripturæ testantur.

Præterea responsio Iesuitica inscitiam spirat, & seipsam interimit. Si enim obligatio Curatorum directæ & propria; seu ut Spongia, *per se ac propriè* (de hac enim obligatione semper loquimur) solum est ex iustitia, certè opera ad quæ illi obligantur, dici non poterunt opera charitatis, quatenus ex eorum officij obligatione nascuntur, sed necessariò dici debebunt opera iustitiæ. Atque ita rectè dici poterit, imò debebit, Curatos ad opera iustitiæ, non ad opera charitatis obligari. Qui haud dubiè infandus error est, minimèque tolerandus. Nam externa opera per se indifferentia sunt ad quodlibet virtutis, imò ad quodlibet vitij genus. Ex eorum enim quolibet perinde manare possunt. Quare spectata per se natura externi cuiusvis operis, ipsum opus nulli singulatim virtuti, sicut nec vlli vitio, absolutè tribuendum est, sed per se indifferens dici debet, quasi materia cuiusvis virtutis, atque adeò vitij; quod tum benè, tum malè fieri possit. Nec vlla est omninò virtus quæ vllum opus externum nominatim intueatur, sed omnia obiecta materialia virtutibus inter sese communia & indifferentia sunt, sicut omnibus formis omnes materiæ, materiis omnibus omnes formæ. Vnde externa opera, tam omnium virtutum dici possunt, quàm nullius. Atque hæc absolutè ac per se loquendo vera sunt. Scio enim esse aliqua externa opera, quæ quamvis absolutè indifferentia sint ad quodvis virtutis, vel etiam vitij genus; tamen maiorem quandam congruentiam, & quasi affinitatem habeant ad aliquam virtutis speciem; ut redditio debiti ad iustitiam, subleuatio inopiæ ad misericordiam, &c. quæ proportionem quidem peculiarem,

M

Ioan. 10. 18

Ioan. 14.

Isa. 53. 10.

Aug. l. 4.  
cont. Iul. c. 9  
& alibi sa-  
pi.



& ut ita loquar, dispositionem materialem, habent ad illas virtutes; sed eiusmodi tamen quæ alienarum virtutum formis non repugnet, sed eas nihilominus admittat, & amicè complectatur. Hinc fit ut propter eiusmodi affinitatem, talia externa opera vulgò quidem tribui soleant iis virtutibus quarum affinia sunt, si non constet ea ab aliis virtutibus antè occupata, & earum quodammodo propria facta esse. Si verò hoc constet; iam his virtutibus, in quarum quasi dominium transierunt, non aliis tribuentur. Nam etsi aliis benefacere, & eorum necessitatibus subuenire, charitati soleat ascribi: tamen opificem operam valdè utilem & necessariam præbentem ei à quo conductus est, opus charitatis facere, seu ad opus charitatis obligari, non dicimus, quia constat mercenariorum officij non esse nisi pactum, & mercedem propositam aspicere, nec in eo charitatem includi. Sic nemo dubitat quin iudicis munus ad hominum utilitatem & pacem, ad miserorum egenorumque solatium, ad oppressorum leuamen & protectionem pertineat: neque tamen quisquam dicat iudicis munus esse administrare charitatem, aut ad opera charitatis obligari; quia videlicet constat ista opera spectari à iudicis officio, non quæ ad charitatem pertinent, sed quæ ad ius suum cuique tribuendum, sed ad iustitiam referuntur. Imò, quamvis Sacramenta ministrare, aut stipem egenti dare, dici soleat opus charitatis, propter illam quam diximus, cum charitate congruentiam; tamen hæreticum, dum puerum baptizat, vel mendico dat stipem, opus charitatis facere negamus, quamvis ille puerum fortè paulò post mortuum, suo baptismo ad cælum miserit: quia videlicet constat talis operis semen esse non posse charitatem. Quòd si aliter Iesuitis loqui placeat; fidem facient peruagatæ multorum virorum opinioni, Molinistas esse sobolem è succiso antiquis Pelagij stipite fruticantem. Nam in Ecclesia minimè dubium est, quin, sicut hæretici dum fidei mysterijs quæ in scripturis leguntur, assentiuntur, seque assentiri profitentur, opus fidei non faciunt: sic dum Sacramenta conficiunt, aut subueniunt egenis, non edunt opus charitatis, sed opus naturæ, & affectus seu instinctus naturalis, eodem modo quo, ut sancti Iacobi exemplo utamur, *dæmones credunt & contremiscunt*, & ægrorum morbos interdum subleuant. Sic igitur quantumvis opera Curatorum, & quorumvis Pastorum Ecclesiæ utilia sint, & salutifera iis quibus adhibentur, si tamen constet ea à Parochorum & Pastorum officio non spectari, nisi ut ad iustitiam pertinent, seu ut solutiones debiti, non ut ministeria charitatis; manifestum est ea pro ut substant muneris Parochiali, non fore charitatis opera, sed opera iustitiæ; sicut opera iudicis, mercenariorum, & similium, iustitiæ dicuntur, non charitatis, quamvis magnam hominum utilitatem, & salutem annexam habeant, quia videlicet ab eorum officiis non sub ea ratione spectantur. Atque ita sicut nemo dicit iudicem aut mercenarium obligari ad opera charitatis; sic rectissime dicetur, & necessariò dicendum erit, Parochum vi sui muneris ad nullum opus charitatis obligari, & suo munere legitime fungi posse

Iac. 3.

sine vilo opere charitatis, per sola nimirum opera iustitiæ. Huc enim doctrinæ Molinistæ, & Spögiosæ distinctionis præcipitio deuoluimur. Patet ergo cum quis ex officio obligari dicitur ad opera charitatis, non solum externum opus, sed ipsam obligationem charitatis directam includi: Ideoq; Iesuitæ confitendū esse parochos obligari ex charitate, & quidem præstantissima charitate, si verum est quod ait, eos obligari *ex officio ad opera charitatis, & præstantissima charitatis*, vel si obligationem charitatis eis adimat, fateatur necesse est eos *ex statu*, seu *ex officio*, ne ad vlla quidem charitatis opera obligari.

Tanti erroris causa, ignorantia grauis est, & tenuissima parochorum officij opinio. Nam parochorum officium non aliter concipiunt, quam instar humanæ pactionis, seruilis famulitij, contractus onerosi, quo alter alteri ad molestem laborem certis conditionibus adstringitur, velut arator ad stiuam. Nec aduertunt obligationes omnes nouæ legis, eiusdem esse naturæ cum noua lege, à qua nascuntur & mensurantur. Noua verò ex hoc differt à veteri, quod tota interior sit, tota charitatis, tota amoris illius quem Christus discipulorum, & Ecclesiæ cordibus die Pentecostes infudit. Vnde tota cum præceptis, institutis, & obligationibus suis, in charitate consistit, vt docent Scripturæ tot locis; nec in ea quicquam præcipitur nisi præcipue amore charitatis, nec nisi eodem amore, sicut lex primario postulat, impleri potest. Imò sanctus Augustinus apertè docet scripturam *nihil præcipere nisi charitatem*; quia omnia ex charitate fieri, & in omnibus dictis, factis, cogitatis, Deum ex toto corde & super omnia, proximum sicut seipsum, diligere præcipit. Vnde toties illa repetita à Diuo Paulo post Christum declaratio, *qui diligit proximum, legem impleuit*. Imperite igitur, & Euangelio indignè parochorum obligatio, eximia in primis obligationum nouæ legis, non in vinculo charitatis, sed in sola iustitia collocatur. Ineptè tantum officium, non quasi Christianum, sed quasi sæculare, Iudaicum, merè humanum, expenditur.

Deinde Christus parochorum officia, & omnem generatim pascendarum ouium suarum pastorum instituit, non vt mera iustitiæ vincula, & pactiones inter homines reciprocas; sed vt officia quæ charitatis ardore suscipi, eodemque administrari præciperet. Quare charitatem, & ampliorem charitatem, ab eis quibus eam curam mandauit, exigit, vt præclare Chrysostomus; Nec eorum officiorum functionem prius iniri voluit, quam ministrorum omnium animis ipsam diuini amoris & Spiritus sancti plenitudinem infudisset. Hinc si Ecclesiæ Pastores solo iustitiæ motu pascendis ouibus inuigilent, non pascunt sicut pascere iussi fuerunt, & ab implenda sui muneris lege longè absunt. Christus enim eam curam, eumque amorem ouibus impendi iubet, vt non solum omnia iis postponere pastores, sed se ipsos earum gratia proicere, & morti offerre parati esse debeant; quo genere charitatis nullum maius esse aut præstantius, ipse docuit. Iubet ergo non solum charitate pascere, sed ea charitate quæ cæterorum omnium Christianorum in eadem oues charitatē exsuperet.

Ambr. l. 4.

ep. 28.

Aug. de spi-

rit. &amp; lit. 6.

23 et l. 14.

de cin. c. 28.

et l. in ep. ad

Rom. c. 52.

&amp; alibi se-

pe.

Matth. 22.

1. Cor. 13.

1. Tim. 1.

finis præce-

pti est chari-

tas de corde

puro, &amp;c.

Aug. l. 3. de

doctr. Christi.

ca. 10. Non

præcipit

scriptura ni-

li charitatē,

nec culpae

nisi cupidi-

tatem, &amp; co-

modo infor-

mat mores

hominum.

Vide eundē

l. de nat. &amp;

grat. c. 69.

&amp; 70. &amp;c.

Rom. 13.

Gal. 5.

Ioan. 21.

Chrys. l. 2.

de Sacerdot.

c. 1. &amp; 2.

Luc 24. 49.

Act. 1.

Ioan. 10.

cùm eas à nullis aliis vsque ad sanguinem mortemque adamari iubeat, ne quidem à religiosis, qui ultro fatentur se vt martyrium pro iis subeant, nullo Dei præcepto teneri. Quid igitur superest, nisi vt etiam in Parochorum officio non solum charitatis, sed summæ charitatis vinculum inesse Molinistæ fateantur? Nisi fortè martyrium etiam Pastoris pro ouibus, non charitatis actum, sed solius iustitiæ faciant; & ridicula Spongiæ distinctione ad hoc quoque flagitium abutantur. Vnde sequetur mortem à Pastore pro ouibus oppetitam non esse rem per se meritoriam vitæ æternæ. Quia non solum actus virtutum moralium, qualis est iustitia, sed nequidem virtutum Theologicarum, nisi solius charitatis, per se meritorij sunt, teste Apostolo, *si habuero omnem fidem, & si tradidero corpus meum ita vt ardeam, charitatem autem non habuero, nihil mihi prodest.* Atque hinc ulterius sequetur, fieri posse vt pastor animam suam det pro ouibus, & directæ ac propriæ sui muneris obligationi satisfaciat, qui tamen pereat in æternum.

1. Cor. 13.

Præterea si Parochi ideò non obligantur ex charitate, quia ex iustitia, & tacita quadam pactione, obligantur; sequitur nec Religiosos ex charitate obligari, quia ipsi pariter ex pactione & fide, quam Deo dederunt, obligantur. Quæ obligatio æquè iustitiæ est, vel Religionis, quæ & ipsa quædam erga Deum iustitia est. Et si in nomine iustitiæ ac religionis cauillari voluerit Spongia; dico nullam esse causam, cur magis iustitia charitati, quàm Religio; obligatio iustitiæ, obligationi charitatis, quàm obligatio religionis, obsistat. Nam non minùs religio quàm iustitia, à charitate diuersa est, adeoque nec obligatio religionis, quàm obligatio iustitiæ, ab obligatione charitatis. Nulla denique virtus, potius quàm alia, alij virtuti aduersatur. Si ergo Ecclesiastica pactio, & ante data fides, impedit ne Parochi ex charitate obligentur ad suæ curæ ministeria; impedit similiter ne religiosi ad eadem ex eadem charitate obligentur; ac tanto magis impedit, quanto maior & arctior est pactionis monasticæ nexus, quàm Parochialis. Suam enim obligationem Parochus soluere potest, Religiosi non possunt, ideoque ad pactionis suæ iugum adstrictius alligantur. Neque verò pactio Parochialis abiectè concipienda est, quasi humanus quidam contractus, cum hominibus ultro citroque implexus, quo pastor ad ministerium Ecclesiasticum, velut mercenarius ad laborem pactione mercedis, adstringatur. Pactio enim ista primariò initur cum Deo, ouium Domino & principali pastore, cuius est oues suas aliis pascendas committere: non autem ouium seipsas suo arbitrio tradere & subiicere quibus velint, cum non sint sui iuris, vt ait Scriptura, sed eius qui emit eas *premio magno*. Eius ergo primariò est oues suas aliis pascendas tradere, & ab eo illas accipiunt, eisque se mercedis æternæ, non temporalis stipendij pactione Pastores obligant. Nam debitum stipendij temporalis posterius resultat ex ista pactione quasi naturalis proprietas, non in eius natura & ratione includitur. Obligant igitur se Deo Pastores in persona ministrorū eius, vicem eius obtinētium in terris: eo modo quo religiosi

1. Cor. 6.

vota sua spondent superioribus suis, Deum ipsum cui illa sunt, repræsentantibus. Cum populo autem propriè non paciscuntur, ut patet evidentius ex electionibus hodiernis, quibus & Episcopi, & Parochi populis sine vlla eorum optione, aut eorum arbitrij interpositione præficiuntur, solis Ecclesiæ Præsulibus stipulantibus & paciscentibus, ut ministris Dei, cuius sunt *propria oues*. Quare si pæctio religiosorum cum Deo, non tulit eorum obligationem charitatis; nihil est cur Pastorum Ecclesiæ pæctio etiam cum Deo inita, eam tollere debeat.

Postremò, obligatio iustitiæ, & obligatio charitatis, nihil habent quo discrepent inter se, non magis quàm iustitia & charitas: facileque vnà consistunt. Alioquin non obligaremur ad Dei cultum ex charitate, quia ex iustitia seu religione obligamur. Vel, ut argumentum clariùs opponam, coniuges non obligarentur ex charitate, quia ex iustitia obligantur, contractu & mutua pæctione. Nec tamen idè obligatio coniugum in noua lege non est directè & primariò amoris & charitatis, cum directè à Christo consecrata sit ad designandam summam illam Christi & Ecclesiæ charitatem, quasi monumentum perpetuum summi illius amoris. Vnde Apostolus, præterita obligatione iustitiæ, obligationem amoris inter coniuges intuens, admonet: *Viri, diligite uxores vestras, sicut Christus dilexit Ecclesiam, &c.* Tantæque charitatis obligationem hanc ex vi coniugalis status esse docet, ut etiam naturali in parentes charitatis officio præferatur: *Propter hoc relinquet homo patrem & matrem suam, & adhærebit uxori suæ, &c.* Ac licet Pastores ad sui officij munia ex iustitia obligentur, præcipua tamen, & primaria eorum obligatio ex charitate est, cui obligatio iustitiæ, velut inferior & secundaria annectitur. Primarius enim eorum officij scopus, & primaria Christi mens oues suas eis demandantis fuit, ut eas amarent sicut ipse amat; ut ex amore, eoque maximo, & minimè vulgari pascere, sicut ipse pascit. idèoque à Diuo Ambrosio Pastores Euangelici, non solum curæ Pastoralis Christi, sed etiam *amoris eius Vicarij* appellati fuerunt. Quod etsi de Petro & de Episcopis primariò scripserit, tamen ad Parochos perinde pertinet, prout hi curæ Episcopalis, & Pastoralis oneris partem gerunt. Hanc enim Pastoratus Euangelici naturam esse declarat. Præcipua igitur, &, ut ita dixerim, capitalis Pastorum omnium obligatio, est charitatis; cui alia minor, & velut secundæ classis obligatio iungitur; ex qua idè eorum muneris natura spectanda non est, quàmque idè ipsi minus intueri debent, oculis animi in primariam illam amoris, & charitatis obligationem erectis. Quod idem de religiosis proportionem dicendum est: qui quamuis votorum vinculis teneantur adstricti, non tamen in iis perpetuò hære, nec eorum nexibus animos assiduè irretire, sed superiùs euolare debent ad altissimæ in Deum charitatis apicem, cui se primariò, licet minùs quàm Ecclesiæ Pastores, obligauerunt. Sicut enim eorum vocatio à charitate fluere debet; ita ut si consilia Euangelica, eo modo quo Euangelium suadet, susceperint, omnia reliquisse debeant solo Christi amore, quòd

Ioan. 10.

Ephes. 5.

Ambr. l. 10.  
in Luc. c. 24.  
Aug. serm.  
106. de diu.  
in fest. A-  
post. Pet. &  
Paul. c. 2. 3.  
& 4. Vid.  
Bern. ser. 76  
in Cant.

Matth. 19.  
propter no-  
men meum.  
Marc. 10  
propter me



ipsum ante omnia diligere, ut ei charitatis glutine arctius copularentur. Ita omnis eorum vitæ actio, omnis religiosi cultus observantia, ab eadem origine charitatis existere, & suavi iugo amoris innexa esse debet; voti obligatione, & virtute religionis, Dominam principemque charitatem non præeunte, sed ancillante. *Iugum enim Dominicum, quod Christus ipse suave vocat, & leve onus, amore suave ac leve elici docet Augustinus.*

Quo magis miror Spongiam tanto in Ecclesiæ Pastores studio concitari, ut eius impetu in regularium etiam superiores absumatur, & dicat, imò sui Suarez auctoritate confirmet, *Superiores regularium, non ex mera charitate, sed ex iustitia obligari.* Vnde fiet ut minus perfecti sint in statu quam religiosi vulgares, ex eadem ratione qua Spongia religiosorum obligationem obligationi Parochorum anteposit. Ac proinde Pseudo-Nicolai Smithæ opinio iuet, qua perfecti regularium, non solum regularium sibi subditis, sed aliquo etiam modo Episcopis præstantiorem statum obtinere dicuntur. Sed opinionis istius inanitatem, & debile fundamentum iam vidimus. Imperite enim supponitur obligationem iustitiæ obligationi charitatis officere. Leuissimè ignoratur Regularium superioribus novam, non solum iustitiæ, sed etiam charitatis, obligationem accedere, obligatione religiosorum gregalium longè eminentiorem; cui obligatio iustitiæ sic adhæret, ut sit posterior & minor obligatione charitatis, quæ ut cum religiosorum præfecturas suscipiunt, primario imponitur. Fiunt enim regularium Patres, & olim Abbates generatim dicebantur: ideoque ipsa sui muneris ratione affectum iis paternum, non herilem non forensem, aut iudicium nescio quem, debent, qualem ij qui gentibus aut famulis dominantur. Discat Spongia, discant in posterum Molinistæ, Ecclesiastica & Christiana officia, ab humanis, sæcularibus, & profanis officiis seiuungere.

## SPONGIA.

Secundò, in eo quod damnant Auctorem, quasi dicat iuuare animas ex obedientia, & religiosi status instituto, in merito præferendum animarum curæ ex obligatione, mutant textum, & aliam propositionem damnant ab ea quam ex Auctore venierant. Hæc quippe est Auctoris propositio: Obligatio ex voto obedientiæ, & ex virtute religionis est altior & excellentior obligatione ex iustitia, atque adeo (cæteris paribus) maior quoad meritum, quæ est ipsissima sententia Sancti Thomæ 2. 2. quæst. 88. art. 6. vouere, inquit, est actus patriæ, quæ est præcipua inter virtutes morales; nobilioris autem virtutis est opus melius, & magis meritorium, unde actus inferioris virtutis est melior, & magis meritorius ex hoc quod imperatur à superiore virtute, & ideo actus inferiorum virtutum sunt meliores & magis meritorij si fiant ex voto; quia sic iam pertinent ad diuinum cultum tanquam sacrificia. Ecce sanctus Thomas dicit opus factum ex obligatione nobilioris virtutis esse nobilius, & magis meritorium; religionem autem esse inter virtutes morales præstantissimam, & ideo

Math. 11.

Aug lib de  
nat. & grat.  
c. 69 & ser.

9 de verbo  
Dom. in E  
uang Mat.  
& ser. 12 de  
verb. Apo  
sol. & c.

Discuss. q. 6  
n. 4.

Hiero ep. 4  
ad Rust. &  
22. ad Eu-  
stoch.  
Bern ep. 27  
ad Eng.

*iustitia excellentiorem. Quod si Richerista aliter sentiunt: fortassis sine errore possunt (nam quæ virtus sit præstantissima non ita claret) tamen quod sententiâ S. Thomæ dicunt falsam, temerariam, presumptuosam, non potest à crimine excusari.*

## RESPONSIO.

Non solum mentem, sed neque oculos habes. Negas te dixisse, *iuvare animas ex obedientia & religioso status instituto, in merito præferendum animarum cura ex obligatione iustitiæ.* Audi igitur, si aures saltem habeas; verba damnatæ propositionis, *Licet obligatio iustitiæ quam intrant Curati, sit strictior, & maioris obligationis quoad peccatum, tamen obligatio charitatis, obedientiæ & religionis, qua religiosi se obligant AD AD-  
IUVVANDAS ANIMAS, est altior, excellentior ET MAIOR QUOAD MERITVM.* Propositio autem quam tu pro ea supponis, *obligatio ex voto obedientiæ & virtute religionis est altior & excellentior obligatione ex iustitiâ,* nusquam nec in propositionibus damnatis, nec in versione Latina Apologiæ tuæ isto modo reperitur. Quid ergo te infelicius, qui id quod nusquam est vides; id quod ob oculos facit, non vides? Et tanta hebetudine infringi Censuram, criminis convinci Censores, te absolui clamas? Absolueris verò prout te dignum est; nec dignius absolui potuisti. Huc te præcipientes turbæ animi, quibus ad scribendum ambitionis temerariæ impetu prorupisti, impulerunt; ut nullam sedatæ mentis notam præ te feras. Non igitur damnarunt Censores sententiam sancti Thomæ, neque de illa locuti sunt, nec de ea quicquam attigerunt damnatæ propositiones. Non enim quæstio fuit generatim, an opus ex voto factum operi ex iustitiâ facto antecelleret, de quo agit sanctus Thomas à te citatus; sed an obligatio iustitiæ ad ministerium animarum in qua sunt Parochi, excellentior esset & meriti maioris, quam obligatio obedientiæ & religionis ad idem ministerium, in qua religiosi versantur. De hac hypothese separatim, non de illa thesi generatim fuit sermo. Tantum autem abest ut sanctus Thomas usquam dixerit eiusmodi obligationem iustitiæ, quæ in Curatis inest, esse minus præstantem, aut minoris meriti quàm obligationem obedientiæ & religionis propriam regularibus; ut contrarium ex ipsa eius doctrina, & ex illis ipsis vocibus, quas hoc loco affers, manifestè eliciatur. Cum enim iuxta sanctum Thomam, *actus inferioris virtutis sit melior ac magis meritorius ex hoc quod imperatur à superiore virtute;* sequitur, etsi iustitiâ sit virtus religionis minor, (quod tibi non inuiti damus) tamen obligationem iustitiæ Curatorum, esse præstantiorem obligatione religionis regularium, quia obligatio iustitiæ Curatorum charitatem multo maiorem supponit, & ex charitate multo ampliore nascitur, ut superiori responsione probauimus. Adde quod & obligatio iustitiæ Curatorum multo latius patet, & effectibus multo amplior & plenior est, quàm obligatio obedientiæ religiosorum, quæ ad multo pauciores effectus, quod ad subsidium animarum pertinet, extenditur, ut per se manifestum est. Itaque seu obligationem Curatorum à radice & origine, seu à

fructu, & opere intuearis, vtrunque obligationi regularium longè præferenda est; cum & charitatem multo maiorem supponat unde nascatur, & effectus multo plures magisque multiplices completatur. Vt meritò fallitatis, temeritatis, & præsumptionis nota, quam Censura in contrariam opinionem incussit, in Molinistarum audaciam tantæ nouitatis inuentricem cadat, non in S. Thomam, apud quem nihil vsquam est isti præsumptioni affine, ut regulares qui ab Ecclesiæ Pastoribus ad animarum messem, quasi operæ subsidiariæ, humaniter admittuntur; illis ipsis, à quibus beneuolè admissi fuerunt, subito sese anteferant; nec solum pares merito, sed etiam superiores & excellentiores in labore alieno & in aliena messe colligenda esse velint; contra illud consiliorum Euangelicorum, quorum sectatores se profitentur, nobilissimum: *Cum inuitatus fueris ad nuptias, non discumbas in primo loco ne forte honoratior te sit inuitatus ab illo: & veniens is qui te & illum vocauit, dicat tibi; Da huic locum, & tunc incipias cum rubore nouissimum locum tenere, &c.*

Luc. 14.

## SPONGIA.

*Quod perfectionem & meritam cura Parochialis in iuuandis animabus præferunt merito & perfectioni status religiosi, præsertim illi statui, qui ex instituto ad Sacerdotium, & auxilium animarum ordinatur, non possunt nescire se repugnare Sancto Thomæ. Sic enim ille 2. 2. quæst. 184. artic. 8. Si comparatio, inquit, inter statum Religiosum & officium curæ fiat secundum bonitatem, sic præfertur status Religionis officio presbyteri Curati, vel Archidiaconi, quia Religiosus totam vitam suam obligat ad perfectionis studium: Presbyter autem Curatus, siue Archidiaconus, non obligat totam vitam suam ad curam animarum, sicut Episcopus, nec etiam ei competit principalem curam subditorum habere, sicut Episcopo: sed quædam particularia circa curam animarum eorum officio committuntur. Et ideo comparatio status religiosi ad illorum officium est, sicut vniuersalis ad particulare, & sicut holocausti ad sacrificium, quod est minus holocausto. Ita Sanctus Thomas clarissimum lumen Christianæ Theologiæ & orbis. A tenebrionibus istis hunc non solum contemni, sed etiam falsa, temeraria, præsumptuosa doctrina notari, quis æquo animo ferat?*

## RESPONSIO.

Ex alio in aliud deterius laberis. Tantæ te tenebræ imperitiæ, & arrogantissimæ temeritatis circumfuderunt. S. Thomam citas, nec vides, nec intelligis. Alienissimum enim à Censura locum velut cruda mente vomis.

Primò enim Censura non prætulit meritum aut perfectionem Parochorum regularibus; sed adhuc inaudita præferentem, modestiæ admonuit.

Secundò, locus sancti Thomæ agit de toto statu regulari per se ac generatim spectato, quatenus propriæ perfectionis studium est, eum officio Parochorum & Archidiaconorum, quatenus alienæ salutis curam

gerunt, præferens. At non agit de obligatione regularium ad curam animarum; nec eam anteponebat, imò nec comparat obligationi parochorum ad eandem animarum curam. Quid ergo ad Censuram iste locus? An enim religiosus religiosam vitam in Cœnobio degens, sit in perfectiore statu quàm parochus animarum pastioni dans operam, quare agit locus D. Thomæ, nunc non agitur, quæretur alibi, & Molinistis facillè declarabitur S. Thomam non tam eorum sententiæ ad stipulandi quàm putent.

Nunc videat Spongia si potest; imò videat Lector, quàm turbida temeritate exscriptus sit longus Diui Thomæ locus, rem de qua agitur nihil attingens, nec quicquam comprobans nisi perpetuam Spongiæ cæcitatem. Quàm deinde petulanter & stupidè Iesuitarum insipientissimus, huius loci testimonio Theologos Parisienses, tot iam sæculis illustres, & vel ipso D. Thoma Ecclesiæ dato, nullo orbis angulo non clarissimos, tenebriones dicere audeat; homo non externæ solum, sed internæ etiam, natiuæque lucis inanissimus, nec tenebras, sed noctem plenam sua Spongia, suo vertice circumferens; ut non tam tenebrio, quàm tenebra Scripturæ sensu dici debeat. Ita enim obstructo animo Sanctum Thomam, velut naufragus tabulam arripere conatus est, ut quod in homines improbos inscriptum est, id in ipsum scribere liceat, & tenebra eum non comprehenderunt.

Ephes. 3.

Ioann. 1.

## SPONGIA.

Quod dicunt Auctorem asserere seculares Sacerdotes pro stipendio tantum laborare, calumnia est, cuius conuincuntur ex verbis Auctoris, quæ ipsimet citant. Adeo enim non dixit pro stipendio tantum laborare, ut ne quidem dixerit pro stipendio laborare, sed tantum sine stipendio non laborare. Stipitis est putare sine stipendio non laborare, idem esse ac pro stipendio tantum laborare. An dicent eum qui sine sudore non laborat, pro sudore, & tantum pro sudore laborare? Auctor autem modeste, & verè dixit, Curatos sine stipendio non laborare, quia officio semper stipendium solet esse annexum: Noluit autem dicere pro stipendio laborare, quia cogitauit eos habere posse, & verò habere eorum plerosque à terrena mercedis cupiditate purissimas mentes: benè tamen loquendo non de intentione personæ, sed de intentione seu ordinatione status, dixit, religiosos ex statu habere puriorem intentionem, quia statui eorum terrena stipendia non sunt annexa, imò voto paupertatis longissimè arcentur. Quis autem non dicet Mendicantes, qui nihil prorsus terrena mercedis possidere possunt, ex quibus nonnulli tenentur ex voto nihil prorsus accipere, quo labores eorum compensari videantur, non esse ex vi status minus intentos in mercedem temporalem, quàm quorum statui terrena merces per se semper annexa est? De puritate status loquor, non de puritate cordium, ex quibus Deus tantum quæ sint puriora nouit.

## RESPONSIO.

Rursus ad calumnias calumniis expostulandas reuerteris. Quem tuum morem toties experti, iam sine vlla maiore disquisitione respuimus, quia vidimus hætenus istiusmodi querimonias, esse



impurissimum, & perfidiosum in apertissimis criminibus tergiuer-  
sandi genus. Atque hoc ipso loco eadem fraus, facile deprehendi  
potest. Dicis te falsò reprehendi quod asserueris Parochos *pro sti-*  
*pendio tantum laborare*, cum solùm dixeris eos *sine stipendio non labo-*  
*rare*. Videamus querimonie æquitatem. Propositio enim tua, eos  
*sine stipendio non laborare*; ambigua & perplexa est, proindeque vete-  
ratoria & fallax, ideoque suspecta & rea. Nam facile significare po-  
test eos *non sine stipendio laborare*, hoc est tantum pro stipendio la-  
borare, quemadmodum dici solet mercenarium non laborare sine  
stipendio, hoc est, laborare pro illo tantum, & sine illo laborem  
recusare, itavt directo mentis intuitu feratur in pecuniam & in sti-  
pendium, sine quo laborem suscipere nolit. Deinde significare po-  
test Parochis laborantibus semper adesse stipendium, ita vt nunquam  
laborent quin stipendium solvatur, siue interim ipsi hoc spectent, si-  
ue altiorem scopum animo intueantur. Qui sensus item falsus  
est, cum Parochos plurimos, imò penè omnes, plurima operari con-  
stet animarum causa, quorum nomine nihil stipendij referant, at-  
que ita sæpe *sine stipendio laborare*. Cum verò Molinistarum consi-  
lium non aliud appareat, quàm deicere Parochos, omniàque ad eo-  
rum imminutionem, & ad sui super eos exaggerationem vndiqua-  
que conquirere; meritò propositiones eorum in hoc genere dubiæ,  
pro minimè dubiis habentur, quia nemo in aduersarij contemp-  
tum dubiè loquitur nisi ex certissimo contemptu, quem cum aper-  
tius expromere non audeat, sub tenui verborum velamine audaciùs  
iaculatur. In tanti momenti rebus ipsa ambiguitas crimen est. Quod  
autem addit ad istius criminis purgationem, *eum qui sine sudore laborat,*  
*non laborare pro sudore, neque pro sudore tantum*, eosque qui hoc non videant  
*stipites* pro sua humanitate appellat, sibilo dignus est, quo vel ad sudo-  
rem adigatur. Quorsum enim comparatio rusticana, & vertiginosa?  
Nam sudorem nemo vt finem operis spectare consuevit, nisi fortè  
mente vel corpore æger; contrà, laborantes cum omni ope, vt labo-  
ris impedimentum defugiunt.

Deinceps fatetur Parochos *habere posse*, & *vero habere eorum ple-*  
*vosque à terrena mercedis cupiditate purissimas mentes*, eo videlicet arti-  
ficio, quod toties notauimus & risimus, quo grauib; contumeliis  
leues verborum leuiorum aspergines subiicere solet, ad eludendos qui-  
dem simpliciores, sed ad eos quibus mens non ita fatua, vt ridiculi  
artificij fatuitatem non videant, vehementiùs commouentios. Sed  
tamen nunquam fateri vult parochos ad istam terrenæ cupiditatis  
puritatem sui muneris instituto obligari; imò id aperte negat, dum  
ait *loquendo non de intentione persona, sed de intentione status*, Reli-  
giosos *ex statu habere puriorem intentionem*, & *esse ex vi status minus in-*  
*tentos in mercedem temporalem, quàm quorum statui terrena merces per se semper*  
*annexa est*. Atq; ita statum Parochorum, eadèmq; ratione Episcoporum  
(est enim eadem prorsus vtrorumque ratio) non purum à terrena cupi-  
ditate, sed in eam per se intentum, & terrenæ mercedi semper annexum

facit, prorsus eodem sensu quo paulò antè dixit, parochos non sine stipendio laborare, sicut expositum est. Hinc enim patet sensum istius locutionis verè fuisse eum quem diximus, nimirum Parochos ex statu suo semper esse intentos ad mercedem temporalem, & semper propter eam laborare. Quæ verè grauissima contumelia est in Parochos, in Episcopos, & in omnes Ecclesiæ pastores, Clerumque adeò vniuersum, & diuinæ institutioni, pastoraliumque munerum creationi perspicuè insultat, pastores Ecclesiæ, ex vi status terrenos, impuros, mercenarios faciens, adeoque non veros pastores, ex modo argumentandi, quem ab Euangelio didicimus. Cum enim supra docuerimus pastoralia officia esse officia charitatis, & charitatis summæ minimèque vulgaris, sed quæ omnium omninò fidelium charitati superemineat; sequitur ea esse à terrena quauis cupiditate remotissima, nec vllum omninò esse statum à terrena cupiditate puriorem, seu quo homines ad maiorem cupiditatis immunitatem obligentur: Charitas enim, & cupiditas sese inuicem perimunt, & de mutua velut cæde nascuntur, & propagantur. Quo fit vt parochi, & quicumque ouium Christi pastores, ipsa suorum munerum cōditione purissimo charitatis impulsu ferri, & à terrenorum commodorum cupidine, temporalique omni contagio puriores, si fieri possit, esse debeant, quàm vlli graduum inferiorum fideles, quantamcumque perfectionem profiteantur.

Denique ait Spongia, Religiosos ex statu habere puram intentionem, quia statui eorum terrena stipendia non sunt annexa, imò voto paupertatis longissimè arcantur. Probat ex Mendicantibus, qui nihil prorsus terrene mercedis possidere possunt. Quo loco me nonnihil hærere fateor, nec satis videre, quonammodo Spongiæ pronunciatum accipiam. Nam si de solis iis Mendicantibus ageretur, quibus Mendicantium appellatio vulgò tribui consuevit, minor esset dubitatio. Horum enim plerosque videmus pauperculos, ac vel nihil rei, vel angustæ admodum, & exilis possidentes, qua simul cum stipis quotidianæ corrogationibus ægrè vitam tueantur. Quanquam neque in hos ipsos omni ex parte conuenit Iesuitæ propositio, eos esse à terrenis stipendiis purissimos, ab iisque voto paupertatis longissimè arceri, nisi de ea puritate loquatur, quæ etiam parochos in societatem excipiat. Nam si puritatem illam intelligat, qua omnis penitus stipendij susceptio excludatur; non probabit puros esse à terrenis stipendiis religiosos, qui passim dum confessiones audiunt, dum sacra faciunt, mercedem sibi reponi non minùs quàm Ecclesiastici Sacerdotes, & parochi patiuntur. Quos tamen, dum id faciunt, non arbitror Iesuitam dicturum sua vota perfringere. Nulli enim sunt propemodum Religiosi Mendicantes, quantumuis seuerum, & reformatum vitæ genus colant, qui non anniuersaria sacra & preces ex ea mercede, quam Euangelium probat, peragenda suscipiant, variosque sumptus annuos & vt vocant, *fundationes*, quibus eorum opera compensari videantur, sine dubitatione admittant. Vnde consequetur, si Iesuita vera sentiat, istos religiosorum ordines, quorum plerique haud paulo

Ioann. 19.  
1. Timoth. 3.

Aug. ep. 19.  
serm. 12. de  
verb. Dom.  
c. 1. 6. contra  
Iul. c. 7.  
Vide Amb.  
lib. 1. de off.  
c. 30.

Chryl. 1. 2. de  
Sacerd. c. 2.

Omnes enim

in lege sunt

sub lege, & non

sub gratia.

Id est. Quæ-

tum ratio-

nalium ho-

minum ab

irrationali-

b<sup>o</sup> discriminè

est, tãta sit,

ne quid am-

plius dixe-

rim, eorum

qui pascunt

ab eis qui

pascuntur,

differentia.

Hier. ep. 1.

ad Heliod.

Clerici pas-

cunt oves,

ego pascor.

Vide & S.

Greg. lib. 2.

past. c. 1. &

Greg. Naz.

orat. 1.

Luc. 10.

maiori virtutis & pietatis exemplo sunt Ecclesiæ quàm Iesuitarum societas, tamen non paululum terrenæ impuritatis inuoluere, nec esse omni ex parte à terrenarum mercedum inquinamenti defœcatis. Atque ideò signanter addidit Iesuita, non omnes Religiosos Mendicantes, sed ex iis *nonnullos teneri ex voto nihil prorsus accipere, quo labores eorum compensari videantur*; Vt indicet puritatis istius eximiae laudem, non solum Parochis & Ecclesiæ Pastoribus, sed etiam plerisque omnibus arctissimorum ordinum Religiosis à se eripi, & solis Iesuitis, (qui eam præ se ferunt) integram, illibatam, solidam & limpidam vindicari: vt vni Iesuitæ regularium omnium à terrenis opibus alienissimi, à terrenorum commodorum lucrorumque quæstibus expurgatissimi habeantur, quasi quidam inter Religiosos *Curij aut Diogenes* diuitiarum contemptores, Philosophica frugalitate reliquo humano generi vt sordidiori præstantes, *Καθαροί* videlicet noui quidam, præ quibus alij *animales & psychici* videantur. Quæ si millesimo cuique ex omnibus gentibus perluaderi queant, tum & mihi persuadebuntur: Sin totius orbis fides, & diuturna rerum tantarum experientia, indignissimam ostentationem respuit, & Iesuitas sicut Religiosorum omnium ditissimos, ita ditescendi & cupidissimos, scientissimos existimat, patiantur me à totius orbis communi sensu, vt eorum paradoxo assentiar, diuelli non posse. Tantum enim abest, vt puritatem illam quam omnibus Mendicantium ordinibus, nedum Parochis & Pastoribus, præripere gestiunt, ipsis potissimum, reiectis aliis, adiudicem; vt si aliis adiudicandam esse concessero, ipsis tamen sim abrogaturus, quippe hominibus iniquissimis, qui non solum diuitiarum, sed etiam paupertatis præ cæteris omnibus possessionem, & præcellentiam ad se trahant.

Argumenta autem quibus ista eorum adumbrata puritas, & terrenorum stipendiorum immunitas labefactatur, varia & graua sunt, ne se affectu potius quàm indicio damnari querantur. Primum, si tam puri sunt, & operum suorum compensationes tantoperè repudiant, quid causæ est cur in Gallia, & ferè alibi, laborum suorum stadia intra urbium ambitus circumcludentes, in agros, & rura non perinde excurrere soleant? Magna enim illic messis, magna cœlestium stipendiorum seges, ea sola quærentibus, parata est. Nec ipsis operarij defunt, quos cum ciuitatibus, vel non magnoperè desiderantibus, vel etiam interdum inuitis, & nausçantibus inuidiosè obtrudant in agros cum summa omnium laude, & gratia effundere possent. Sed nimirum, isti qui Parochos, *sine stipendio non laborare* exprobrant, labores paucissimos ambiunt qui sine mercedis odoratu venatuque suscipiantur. Cuius venationis intra vrbes campi patent; ruri, venationes aliæ exercentur. Longum est commemorare quos fructuum prouentus in ciuitatibus decerpere, & quàm suprà vllius operarij, quantumuis in temporalem, vt aiunt, mercedem intenti, votum, carnalia metere soleant, vbi spiritualia seminauerunt. In sola vrbe Parisiensi è solis Concionibus Quadragesimalibus amplius octo librarum  
millia

millia annua sæpiſſimè conficiunt. Dum enim ſua illa Ieſuitica puritate pecuniam in ſtipendium numerari non patiuntur, eò rem deducunt, vt commutato in eleemoſynas & donaria ſtipendij nomine, longè amplius quàm vlli eorum quos à terrenæ mercedis cupiditate puros eſſe inſiciantur, emulgeant, vt Eccleſiarum Ædiles non ſemel profeſſi ſunt: Hinc eorum illæ concuſſationes, quibus templorum Cathedras tanto ante ambiunt, quarum octo interdum aut decem in eadem Ciuitate vna Quadrageſima, factionis magnitudine occupant, Concionatores videlicet non optimi, imò multis tum è Clero, tum ex aliis religioſorum familiis, omnium iudicio & ſine controuerſia inferiores. Plerumque enim è Scholis Rhetoricæ adhuc recentes aduolant, & toti ſpumei, feruidi, pingue ſonantes, ridiculè geſtientes, ad populum quaſi ad puerorum gregem, fabularum & apophthegmatum ſecularium cantica, & popularia aduerſus Dei gratiam blandimenta declamitant. Quo fit vt illa Spongiæ particula, *ex quibus* (Religioſis Mendicantibus) *nonnulli tenentur ex voto nihil proſus accipere, quo labores eorum compenſari videantur*, quæ ad Ieſuitas ſupra cæteros regulares exaggerandos inſerta fuit, minimè omnium illis conueniat, qui dum ſupercilioſo faſtidio minora & uſitata cæterorum ſtipendia repudiant, maiora, & illis inuſitata eliciunt, viam eorum ſimplicem ſolertia quæſtuoſiore declinantes.

Quid beneficia Eccleſiaſtica, quibus nulla manifeſtiora laborum ſtipendia in Eccleſia ſunt, eorum poſſeſſionibus inſerta referam? Tot Abbantias nobiles, tot opimos Prioratus, etiam Parochiales; quæ vndique tota Gallia longè latèque captarunt? In ciuitate Rhotomagenſi tres Prioratus ampliffimos, inuidioſos, vrbis mœnibus circumquaque obiacentes occuparunt, ſermonis hominum, & publicæ famæ ſecuri; vt nec iis quidem Mendicantibus annumerandi ſint, quos Spongia ait, *nihil terrenæ mercedis poſſidere poſſe*. Sed, quod grauiffimum eſt, tam locupletium Sacerdotiorum fructibus non contenti, in ſubiectos iis Sacerdotiis Parochos paſſim iniiciunt manus, exiguas eorum penſiunculas ad eam tenuitatem redigentes, quæ vix alendo homini ſufficiat. Vnde manant ruralium Parochorum, Canonum iura ſubuerti, ſe penè ſpoliari, lugentium miſeræ voces, quarum viri primarij omni fide digni ſunt teſtes, earumque nos ipſi aliquas, non ſine admiratione, audiuiſus. Quis ferat iſtos terrenorum compendiorum puritatem oſtentare, terrenis copiis diſfluentes? Parochis cupiditatem obicere, quibus illa ipſa ſtipendia, quorum cupiditatem exprobrant, ipſi valentiori cupiditate eripiunt?

Huc adde ſingularem illam in priuatorum quorumcunque liberalitate proleſtanda dexteritatem ac peritiam, cui eos ipſæ Regulæ ſocietatis operam dare iubent ſtudioſius, *Vt quarant diligenter eleemoſynas, eaſque ſimpliciter, & amore Domini petant, nec-non & eas augere, & conſeruare ſtudeant, opportunèque eos viſitent à quibus petendæ erunt*. Hinc eſt, vt omnes quæſtum norint vias, & vna eorum domus Profeſſa Lutetiæ, priuatorum

Reg. ſociet.  
de procur.  
dom. proſ.  
§. 1.

N



largitionum tantum ad se contrahere dicatur, quantum cæteræ omnes Regularium domus, quæ in ea vrbe frequentissimæ sunt, non colligant, vt religiosos, etiam instituti seuerioris, testificantes audiuius. Denique iam eousque processerunt, vt nulli sint vllarum ciuitatum Parochi, nequidem Parisienses, quos cæteris copiosiores existimant, qui stipendia & beneficia sua, cum eorum opibus & beneficiis non faciliè commutari patientur; verèque & sine vlla veritatis superlacione asseuerare liceat, nullum nec regulare, nec Ecclesiasticum esse commune, quod cum istorum omnis generis facultatibus æquiparandum videatur.

Declarant id, vt cætera omittam, splendidissima passim ædificia, variis surgentia regionibus, quibus nihil simile in cæteris ordinibus sumptu magnificentiæque cernitur. In vna Parisiensi ciuitate triplicem structuram attollunt tribus locis, vno tempore; in Collegio Claromontano, vbi ædium fastigia toti Academiæ latè minantia erigentes, nouam Sorbonæ instaurationem, & Eminentissimi Cardinalis Richelij munificentiam æmulari cœperunt: In domo Probationis ad suburbium D. Germani, vbi varij simul generis opera, templum, tecta, moliuntur. In domo denique Professæ, vbi præter vastam templi molem, insignes vnus è totius Gallicani ærarij Quatuoruiris ædes, quibus paucas ex omni Parisiensi opulentia anteferas, eximiis operibus auròque fulgentes, magno pretio cœemptas, suæ domui instar appendicis adiecerunt. Atque hæc illis exigua, & tenue nescio quid videri solent. Quanta enim facerent, nisi publicæ inuidiæ formidine continerentur? Itaque pauperes & tennes enixè simulant, in mediis opulentiaë indiciis vndiquaque patentibus. Sciunt enim liberiora in Gallia fieri, pro gentis genio, de rebus opibusque suis iudicia: quæ penitus contemnere pro innato illo honoris & gloriæ studio non possunt; quamuis illo ipso studio gloriæ stimulat, ea sæpe perumpere cogantur. Quare nec templum domus Professæ auspiciari voluerunt, nisi vbi templum Presbyterorum Oratorii iam ad tectum processerat; nec Collegij Claromontani ædificia, ante inchoatas ab Eminentissimo Cardinali Richelio substructiones Sorbonicas; nec domus Probationis opera, antè impositum vicinio Patrum Discalceatorum templo tholum. Cohibent denique & comprimunt publicæ offensionis metu multo maiorem opum copiam, multo maiorem animorum sublimia spirantium elationem, quam quantam cum omnium admiratione patefaciunt. Quid templum illud Antuerpiense, toto Belgio, aliisque regionibus famosum, marmore Italico Genuâ per vtrâque maria delato exædificatum commemorem? Quod homines Belgæ Catholicorum Hollandiæ pecuniis magnam partem acceptum referunt. Quamuis modesti humilisque religiosi, cum omnes quorumuis aliorum splendores exsuperare, & insigni minimèque vulgari Iesuiticæ moderationis monimento celebrare nomen suum, & gloriam spargere, contenderent, eos nummorum exhauserint gurgites, vt prodeuntibus vltra modum sumptibus, ingenti & penè

incredibili ære alieno se implicauerint. Hinc Generalis grauis indignatio in Prouincialem Belgicum: quam tamen hic lenire & sopire conatus est, sanctissimè spondens in seseque recipiens, si sibi negotium istud relinqueretur, totum illud alieni æris, quantumcumque magni, breui tempore dispunctum iri. Quod an religiosa illa à temporalibus commodis, & compendiis puritate perfici potuerit, viderit Spongia.

Quid rursus enumerem, non iam spiritualia, sed prorsus temporalia eorum Mercimonia pluribus locis instituta, vnde naues in oras Indicas & variorum marium regiones, destinarunt? An qui ne hoc quidem commercij genus sibi inconcessum putant, ij sunt quorum status à terreno quæstu, & lucrorum temporalium cupidine, & quidem peculiaribus votis recessisse debeat existimari; cum cum nec à mercatoria nauticaque fortuna, qua nihil terrenius, terrenisque compendiis deditius, abhorre, sed cum ea bellè consentire ipsimet iudicauerint? Nimiùm malè de hominum iudiciis Iesuitæ opinantur, si tantam dictorum factorumque suorum, ostentationis & veritatis, discrepantiam latere putant. Errant inquam, grauissimè, si quem esse censent adeò plumbeum, qui non sentiat ludi ab iis penèque proscindi Bullas Pontificias, quibus ordinum Mendicantium & pauperum classibus adscribuntur.

Quæ breuiter exponere necesse habui, multa in eo genere non leuia neque pauca præteriens, vt videant Molinistæ, & ab aliis videri sciant, qua iniquitate ac proteruita se ipsos Parochis à terreno quæstu alieniores purioresque profiteantur, quasi illis ad stipendia temporalia toto statu vergentibus, ipsi solas æthereas puritates ab humo procul elati rimarentur. Illi equidem fœminæ simillimos se exhibent, *que* Proverb. 30. *comedit & tergens os suum dicit: Non sum operata malum*, Illi populo qui Hierem. 3. *post exsatiatam cupidinum suarum ingluuiem, procaciter ingerebat, Quid feci?* Illi hominum societati, *qui excolabant culicem vnum, camelum* Matth. 23. *autem glutiebant.*

## SPONGIA.

Quod autem dixit Author de puriori intentione ex vi status, tanquam certum & indubitatum asserit doctissimus huius aui Theologus Franciscus Suarez, cuius (rumpatur licet inuidia) memoria viuet, cum fuerintne hi Censores, nisi fortassis ad infamiam, posteritas ignorabit. Quamuis, inquit, Prælati (Episcopo inferiores) semper in hoc superent, quod magis ex officio, maiorique obligatione iustitiæ ad talia opera præstanda teneantur, nihilominus potest hoc in religioso compensari, tum ex obligatione voti paupertatis & obedientiæ, tum ex maiori feruore charitatis, & ex puriori intentione, quam ex vi status habere potest & debet, nulla temporalia lucra vel honores per huiusmodi ministeria quærendo. Ita Theologus toto Catholico orbe laudatus, quem hætenus ob hoc dictum nemo reprehendit. Lacon quidam cum lusciniam deplumasset, conspecto tenuissimo corpore, vox, vox, inquit, es, & præterea nihil. Hoc verè in Censuram; sed interest, quod lusciniæ vox varia, suauis, & amena;

N ij

*Censura semper eiusdem soni tristis, & funesta,  
----- strepitat terali carmine Bubo.*

## RESPONSIO.

Superiori responsione Iesuitarum abundantiam patefecimus: nunc arrogantiam ipsi vltro patefaciunt, abundantia individuum comitem  
1. Tim. 6. Paulo teste, *Divitis huius seculi praecepe non sublime sapere.*

Quid enim necesse fuit impotentissimo homini, nisi Molinistici spiritus afflatu raperetur, in Francisci Suarez laudationem intempestivam stultitiae insolentis plenam, odiosam, invidiosam, erumpere; qua non solam Facultatem Parisiensem petulanter impetit, sed vna omnes Ecclesiae & hominum religiosorum societates superbo lacessit fastu, Franciscum Suarem *doctissimum huius aevi Theologum* ore Iesuitico, supercilio Pharisaeico, nuncupans?

Nec tamen ista vox Iesuitae huius propria est. Non is Author, sed praeco. Longè antea hunc ei sensum alumnisque suis ingenuit gloriosissima societas, eumque in orbem infundere conata est, tantum sibi veri nominis arrogantiae professione adimens, quantum falsi proprio praconio & tumidissima buccinatione ambiuit. Cum olim immodicus parentum in filios amor, prima idololatriae initia peperit, ut scriptura testis est: Nunc similiter ista societas ambitioso filiorum suorum studio elata, eos supra ceterorum hominum sortem efferre, primos rerum omnium facere, eorum quandam velut idololatriam fingere molitur. Quid enim humanum de Francisco Suares, ut de hoc vno loquamur, de quo nobis quaestio est, senterunt Iesuitae Conimbricenses, in iisque eorum Rector, communi omnium nomine ita scribens in praefatione tom. 3. de Religione, *Magnum Soarium*, alterum *Alexandrum Magnum*, *unum Apollinem esse*, COMMUNEM ORBIS MAGISTRUM, à quo *Philosophia & Theologia* candidati OMNES responsa in dubijs referant *Delphicis multo oraculis certiora*. Si hic paucos adhuc romos docto calamo exprimere potuisset, habituros fuisse Theologos, unde de quovis argumento NULLIUS ALIVNDE EMENDICATO SUBSIDIO cumulatè docerentur. En oracula Iesuiticae humilitatis. Qua *Magnum* illum *Soarium* non mirum est opponi, velut ad invidiam, Parisiensi Facultati; cum toti quantus est orbi opponatur, ceterique uniuersi homines praecomuni hoc orbis *Magistro*, discipuli numerentur. Non habet ergo Facultas Parisiensis, cur in contumeliam propriam accipiat, quod ab istis generatim in communem omnium Theologorum contemptum spargitur. Quamuis quod dicat Spongia, in eam *rumpi invidia* Soaraicae videlicet eruditionis splendore percussam; non Facultatis amplitudinem minuit, sed suam suorumque superbam ostendit fatuitatem, qui adeo se suaque admirantur & amant, ut ea sibi ab omnibus invideri suspicentur. Quae propria est superbarum, & simul stolidarum mentium omnium cogitatio. Nam Suarem nihil est quod Iesuitis inuideat nobilissima Facultas, quae Christianum orbem

virtutis, & eruditionis fama multis ante sæculis impleuerat, quàm non solum Suarez, sed ipsum etiam Iesuitarum nomen, non modò notum, sed omninò natum esset. Quæ plures eruditissimos celeberrimòsque Doctores in omnes Ecclesiæ Catholicæ regiones profudit, quàm & Suarez, & vniuersa Iesuitica Societas bonos discipulos effecerint. Quos Doctores *Magnus* ille *Suarez* nisi Magistros inuenisset; nisi eorum prægia face mentem accendisset suam, non modò lumen, sed ne fortè quidem scintilla; non modò *communis orbis Magister*, sed ne fortè quidem Theologicæ scholæ discipulus fuisset. Constat enim, sicut ex Vniuersitate Parisiensi omnes propemodum Occidentis Academiæ, velut è fonte, manarunt; sic Theologiæ Scholasticæ scientiam in ea natam, adultam, & ab ea in omnem Theologorum nationem propagatam fuisse. Quo factum est vt eam Theologiam Itali generatim *studij Parisini* nomine vocarent; & heretici cum in eam petulantius insiliunt, exclamare soleant, *Schola Sorbonica errorum omnium matres*; *Calu. Inst. l. 3. c. 15. §. 7.* & Theologos Scholasticos communi nomine dicant, *Sorbonistas*, *Sorbonicos Sophistas*, *Sorbonicos rabulas*. Huic igitur Facultati Theologorum omnium Scholasticorum, ac proinde ipsius Soarij, siquidem Theologus Scholasticus sit, totiùsque adeò scientiæ Scholasticæ verè parenti, Suarium ad inuidiam proponere, quantæ dementiæ est? Id verò à Iesuita fieri, quàm stupide arrogantiæ? Nam Iesuitæ speciatim, seu vniuersa simul Iesuitarum Societas, quicquid probæ scientiæ Theologicæ habere sibi videatur, huic profectò Facultati debet, à qua non priuati aliqui homines, sed totum primum nascentis Societatis vnà cum ipso capite corpus, illum doctrinæ riuulum, quo nunc velut in torrentem intumescunt, hauserunt & expresserunt, vt ipsi eorum scriptores interdum etiam gloriantur. Vt iam non sit superbia, non stupor, sed ingratitude fœdissima, eos aduersus illam Facultatem insolescere, à qua id ipsum habent propter quod insolescunt, quæque magno iure illud eis in os ingerat, *Quid habes quod non accepisti? Si autem accepisti, quid gloriaris, quasi non accepisti?* Sed Molinistæ, dum vim harum vocum erga Deum in rebus diuinissimis nesciunt, eam erga homines in rebus humanioribus & minoribus facile se nescire patiuntur.

Interim quia suum Suarem tam elatis oculis intuentur, nec ei æquale quicquam vident in omni tot omnium gentium Theologorum huius æui caterua; consulant ad sanandam tantæ superbiæ lippitudinem commentarios Theologi Sorbonici in sanctum Irenæum, Francisci Feu-ardentij, Ordinis Minorum religiosi, Doctorum Parisiensium suo tempore antiquissimi, & agnoscent fuisse hoc etiam æuo in Facultate Parisiensi Theologos, qui Soarium Theologorum huius æui doctissimum non esse, facile demonstrauerint. Idque non inuidiâ ab illo factum, non odio, aut maleuolentiâ: sed cum à Soario laceratus vltro & temerè fuisset, vti nos nunc à Spongia; inspectis paululum Commentariis illius in tertiam partem sancti Thomæ Lugduni editis anno 1594. menda reperit graua crassa, & in communi orbis

*Ribad. lib. 2. vit S. Ignatius c. 4. Richeom. Remercement avec une Enseigne de treize pierres precieuses. etc. présentée au Roy Louis XIII. pag. 27. 1. Cor. 4.*

*Feu-ard. in Iren. l. 3. c. 33. n. 3.*



Inc. 6.

magistro minimè toleranda, quæ ut in tertia saltem editione expungeret, & præceptum Evangelicum, *Eijce primum trabem ex oculo tuo*, in posterum meminisset, admonuit. Hoc ipsum plures alij ex eadem facultate faciliè præstare potuissent, si Iesuitis suum inuiderent Soarium, nec eum illis, quanti ipsum putant, æquissimis animis relinquerent. Licet enim sine fūco, ex purissima veritate profiteri, paucas esse Soarii paginas, in quibus mox aperto libro non se offerant legentis oculis errata & hallucinationes modò ridiculæ ac leues, modò maioris momenti, & quæ insigniter vapulare mereantur apud Ecclesiasticæ doctrinæ & traditionis, & scientiæ verè Theologicæ conscios. Quæ si Theologi Parisienses, vlla invidia stimulante, colligere voluissent, & in volumina redigere, non pauciores quàm ille tomos, de hoc solo argumento contexere potuissent; illamque Spongiæ gloriationem, Suarem hæctenus à nemine reprehensum fuisse, multo antè præcidissent.

Disquis. 9. 5.  
n. 12.

Verùm homines sunt, omnium iudicio præterquã Iesuitarum, modestiæ amantiissimi, à contentione, æmulatione, & ambitu remotissimi, tã Molinistis virtute, quàm solida eruditione superiores, qui aliena peccata Iesuiticâsq; ostentationes lugere malint, quàm prodere; nisi cùm vîq; adeo insolescunt, ut sine magno Ecclesiæ vulnere videâtur non posse tolerari. Si eo iactandi sui nominis, quærendæ fallæ gloriæ zelo teruerent, quo Iesuitæ æstuant; si tantis opibus, tanta Sociorum per omnes regiones ad libros quantumvis leues disseminandos conspiratione valerent, quanta Iesuitæ valent; si denique tam externis Facultatibus, quibus Iesuitæ abundant, instructi essent, quàm internis instructi sunt, quibus Iesuitæ carent; Europæ bibliothecas libris haud paulo melioribus reficerent, quàm quibus Nicolaus Smithæus eas à Iesuitis repleri iactavit. Sunt enim in familia Sorbonica viri præstantes, & in Theologiæ Schola abhinc triginta & quadraginta annis illustranda emeriti: quorum ipsi discipuli; quæ eorum eruditio est, & Iesuitarum in suos ambitiosus amor, vel maximis doctoribus in Societate Iesuitica exequantur. Ceterum quæ tum superiore, tum præsentis sæculo, ex illa Facultate prodierunt opera, nihil habent, ne quid amplius dicam, quod Iesuitæ despiciant: imò habent, ut iam vidimus, specimen aliquod, unde *Magnus* ille Suarez, non esse *communis orbis Magister*, aut Deus aliquis oraculorum opifex, intelligatur. Si falso reprehensum putant, si eos errores, quibus totas eius pagellas conspersas esse diximus, non agnoscunt; dicant vbinam dictorum nostrorum veritatem sibi confirmari velint; & nullo negotio videbunt, vel ipsis amore suo cæcis, alij intuebuntur, quàm explorata cognitione, & constanti iudicio, non vlllo animi impetu, hæc à nobis in medium prolata fuerint, ad refringendam eorum arrogantiam temeritatem. Nihil enim tam magnum habet Suarez, quàm suorum voluminum molem; quam verè dixeris, ex variis priorum Scholasticorum scriptis collatitiam farraginem, nullis propemodum Theologicis fundamentis extructam, sed errabundæ sine duce humanæ rationis excursionibus compilatam. Quo magis istos pudeat hunc *Theologorum huius ævi doctissimum; Communem orbis Magi-*

*strum* fingere; imò toti interdum primorum temporum antiquitati, sancti Thomæ, ipsi nominatim diuo Augustino vel æquare, vel præferre, ut ex quodam Iesuita professore me ipsum audire memini, & alios audisse accepi. Quam eandem comparisonem à Calvinista quodam primario inter diuum Augustinum & Calvinum institui aliquando cum audirem, mirari non potui hominem hæreticum id iudicii de suæ religionis ipso Authore habere, quod Catholici homines, humilitatis professores, de sui ordinis socio habuissent. Alium Iesuitam audiui, cum diceret *Gabrielem Vasquez*, quem aliqui ipsorum Soario anteponunt, incedere solitum cum hoc conclamantium vndique discipulorum acroamate, *Mortalium doctissimus Vasquez*. Est enim ordo inordinatissimæ elationis. Est hominum genus *qui amant primos recubitus, & primas cathedras, & salutationes in foro, & vocari ab hominibus Rabbi, & Magistri orbis*; qui primi illius Angeli animosissimos impetus æmulantes, ascendunt semper, ut à Deo deiciantur, quo deinde salubrius erigi possint. Qui cum in Ecclesiam venerint penè postremi omnium, primi esse gestiunt, illam Euangelij vocem malè sibi assumptes, *erunt nouissimi primi*, ut alià iustissime feriantur, *& primi nouissimi*. Matt. 23. Matth. 20.

Non tali machina Facultatem Parisiensem ad infamiam posteritatis detrudent ventosissimi homines. Hæc enim sicut ingenti fama toto orbe fulsit tot sæculis antequam ipsum Iesuiticum nomen in rerum naturam prodiiisset; sic stabit & florebit, ipsis exoletis, & vel sola hæresium, quas ad Sacramentorum, & Ecclesiæ status euersionem profecerunt, damnatarum & proscriptarum gratiâ, in laude & in benedictione erit apud æquissimam posteritatem, Ecclesiæ & mysteriorum Dei, & traditionis Ecclesiasticæ, qua stat Christianum nomen, amantem. Ipsi verò dabunt pœnas, & perenne infamiæ supplicium pendent, quamdiu Christiana posteritas, & procellæ huiusquam in Ecclesia excitarunt memoria manebit: Nec quisquam improbum & audacissimum eorum facinus meminisse vnquam poterit, quin simul eximiam Facultatis Parisiensis in eo comprimendo gloriam recordetur, & immortalem ei pro tanto in Ecclesiam beneficio, & pro susceptis vindicandæ illius gratiâ à Molinistica gente, hæreticorum more, mendacibus contumeliis, gratiam & gloriam referat. *In memoria enim æterna erit iustus, ab auditione mala non timebit*. Molinistarum verò hæreses, & in iis improbe tuendis peruicacia, & imperitia, & præsumptio, *& gloria, in confusione ipsorum*. Psal. 111. Philip. 3.

Ut verò tandem ab ipso Soario, quem Iesuita temerè nimium, & fastuosè omnibus huiusævi Theologis antetulit, ad eius doctrinam huic loco propriam, quam *certam, & indubitatam* vocat, veniamus; hæc ipsa est qua, velut specimine quodam, ea quæ de hoc Authore generatim supra dicta fuerunt, omnibus æquis iudicibus probatum iri speramus. Nam doctrina Soaraica, quoad hanc partem, in multis peccat grauissimè. Quod enim ait *religiosos compensare posse maiore fervore charitatis obligationem officij Parochialis*; vel censet, omnes religiosos ferri maiore fervore charitatis ad opera Pastoralis officij, quàm Parochos; Et hoc

S Bern. ser.  
de conuer.  
ad Cler.  
1. Pet. 5.  
P. d. Greg.  
Naz. orat.  
1. & 25.  
1 Cor. 11.  
Eph. 1.  
Philip. 2.  
Ioann. 4. 5.  
6. & 6.  
Aug. lib. de  
Pastor. 6. 18

Rom. 1.

quàm præsumptuosum, & temerarium iudicium sit nemo non videt. Vel censet religiosos teneri ea opera maiore feruore charitatis efficere quàm Parochiales Presbyteros, qui ad ea Pastoralis munere obligantur; Et hoc adeò falsum & euangelio contrarium est, ut supra vidimus, ut mirum sit non hunc totius orbis magistrum, sed vllum Theologum in errorem huiusmodi incidere potuisse, Nulla enim tanta charitas, nulla tanta obligatio charitatis in Euangelio scripturisque sanctis prædicatur, quàm quæ ab iis, qui Pastorum munus gerunt, & animabus pascendis præstare exigitur, ut antea ex parte declarauimus. Id ipsum tota antiquitas vno ore concinuit, ut superfluum videatur in rem clarissimam testimonia vel argumenta colligere. An enim putant Christum tam tenui fuisse erga oves suas amore, ut eas regendas pascendasque committeret non amantibus, seu iis à quibus amorem in eas suo similem non postularer? *Quomodo sic amatas oves*, inquit Bernardus, *committeret non amanti*? Sicut enim ipse primus Pastor est, & princeps Pastorum, teste Apostolo; sic norma est, & exemplar Pastorum omnium, quia primum in quoque genere est norma & mensura cæterorum. Vnde clamat Apostolus, *imitatores mei estote, sicut & ego Christi*, Et adeò sicut Christus per amorem summum, & per supereminentem scientia charitatem, redimendas oves, pascendas seruandasque suscepit etsi ex obedientia erga patrem id ipsum fecerit, ut testatur Apostolus, & ipsemet lape in Euangelio testatus est; Ita Pastores omnes, qui, vi Pastoralis officij cuiuscumque, ad eius, ut primarij Pastoris, & sui exemplaris, imitationem obligantur, vi sui officij pascere debent è summa charitate, & longè maiore illa ad quam cæteri Christiani talis muneris expertes adiguntur; etsi id ipsum & ex obedientia erga Deum, & ex fide seu iustitia erga greges suos facere debeant, *sapientibus & insipientibus cum Apostolo debitores*. Estque hæc res ita certa & clara, ut nisi à contentiosis, & veritatem perspicuam intueri nolentibus, negari non possit.

Secundò quod ait Suarez, Religiosos habere debere *ex vi status puriorem intensionem* quàm Parochos, alioque Prælatos Episcopis inferiores, *nulla temporalia lucra, vel honores per huiusmodi ministeria quarendo*; sine ratione ac soliditate dictum est, Nam si nomen *lucris temporalis*, intelligat *turpe lucrum*, seu quamlibet cupiditatem; negare non potest quin Parochi non minùs quam religiosi, imò quin Christiani omnes cuiuscumque sortis, habere debeant purissimas mentes ab omni temporalis seu sordidi lucris, & ab omni cuiuslibet cupiditatis inquinamento. Quia dubitari non potest quin in lege Christiana, & proinde in omni Christianæ legis conditione seu statu, prohibitio sordium & cupiditatis cuiuscumque includatur. Et contrarium, non error, sed hæresis indubia est, esse videlicet aliquam cupiditatem & auaritiam, quæ non sit peccatum, & à qua Christiana lex Christianos non auocet, multo magis Christianorum Pastores ac Magistros.

Quod si nomine *temporalis lucris* simpliciter intelligat victum, & cultum Christianis Pastoribus necessarium, qui eis à populis, quos pas-



tunt, suppeditari debet; improprie loquitur, nec idoneum habet talis locutionis Authorem. Nunc enim in Ecclesia ex vulgari sermonis consuetudine, *temporale lucrum* in vitio est, & male sonat, nec in Pastores Ecclesiae conferri potest, nisi forte si quis eos in odium & invidiam populorum trahere conetur. Etsi enim res ipsae quas Pastores à subditis percipiunt, sint temporales, & , ut cum diuo Paulo loquamur, *car-* Rom. 15.  
1. Cor. 9. *nales*; tamen, sicut dum à fidelibus offeruntur, & à Pastoribus accipiuntur, desinunt esse temporales, & sacrae ac sanctae fiunt, ut sepe aiunt scripturae, sic etiam à fidelibus offerri, & à Pastoribus accipi debent sacro sanctoque affectu, *Quasi benedictiones, non tanquam auaritia; quasi od-* 1. Cor. 9.  
Philipp. 4. *res suauitatis, hostiae acceptae, placentes Deo*; itavt Pastores Evangelici non *quarant datum, sed requirant fructum abundantem in ratione populorum*. De personis non agimus: De officiis loquimur. Sicut enim ubique, & in omni vitae genere, personae sunt à sui instituti ratione degeneres; ita ipsa eorum instituta, seu status, certa & immota manent, neque illorum praestantia & sanctitas, hominum vitiis inquinatur, aut minuitur. Quare de statu ipso Pastoralis loquendo, certum est dici non posse eum non esse purissimum à *temporalibus lucris*, & illius stipendia sine contumelia affici non posse temporalium lucrorum nomine: sed postquam Deo in Pastoribus oblata fuerunt, fieri sacra & spiritualia, duplici ratione ante allata ex scripturae sensu, tum propter ipsam oblationem fidelium, seu consecrationem; tum propter purissimum intuitum animi quo ab his offerri, ab illis suscipi debent, ex norma Christianae legis ab Apostolo Pastorum patre ouibus suis luculenter expositae.

Ac profecto necesse est quacumque ratione Pastorale officium in summa lucrorum temporalium puritate collocare, ne etiam Apostolicum statum ad sordes & temporalium lucrorum cōtagem deuoluamus. Certum enim est non minus Apostolico muneri, quam Parochiali, & Pastoralis cuius, annexa fuisse stipendia temporalia, itavt sine illis Apostoli laborare non iuberentur, ut toties à Paulo de se aliisque Apostolis, Rom. 15. & de omnibus generatim Evangelicæ operæ ministris declaratum est, quia *dominus ordinavit ijs qui Evangelium annunciant, de Evangelio vivere*. Vnde 1. Cor. 9. si Iesuitæ ex statu suo puriores se Parochis faciant à temporalium lucrorum foete, quia Parochorum officio, non suo, adiuncta sunt stipendia temporalia; eadem opera præferant se Apostolis, quibus stipendia temporalia, non minus quam Parochis, debebantur; & suum statum, statu Apostolico puriorem prædicent. Sin hoc cogitare nefarium est, fateantur vanam & falsam esse doctrinam. Suarez, à qua res tam mira consequitur, ut status Iesuiticus puriorem in obeundo opere Evangelico animum quam status Apostolicus, exigere dicendus sit.

Deceptus autem fuit Suarez, quia modum tendendi in obiectum, cum iplo obiecto, intentionem rei, cum ipsa re commiscuit & confudit, idem esse supponens tendere ad mercedem temporalem, seu mercedem temporalem respicere, & ad eam temporali affectu adhærescere, illiusque contagione sordescere, itavt quia Parochi & Ecclesiae Pastores ex suo statu stipendia temporalia, ut sibi debita, respiciunt,



inquinantur illis, & minus puri seu temporales efficiantur. Quæ profecto aberratio & confusio puerilis, & ut in *Magistro orbis*, crassior & minime ferenda est. Quis enim nesciat aliud esse intueri rem, aliud ea implicari, & impurum effici? Deus creaturas omnes intuetur, imò amat; nec tamen ad eas alligatur affectu, nec sordem ex eis contrahit. Qui pecuniam quærit, ut alienæ salutis subueniat, spectat pecuniam, & ad eam fertur, nec tamen polluitur illo aspectu. Similiter qui necessaria vitæ suæ subsidia accipere constituit, ut vitam ad salutem gregis & suam, ad cultum Dei, ad Ecclesiæ amplificationem tueatur, non maculatio, neque impurior efficitur illo actu, sed purior potius ac splendidior apud Deum, quia *Charitas operit multitudinem peccatorum*.

Sit amoris officium, pastore domini-cum gregem.  
*Aug. tract. 123. in Ioan. Vid. lat. & tract. 5. in ep. Ioan. Aug. lib. de vera Relig. 6. 35. 38. 41. 46. 47. & c. lib. 4. cont. Iul. c. 14. et lib. 10. conf. 6. 31. 33. & c. Aug. lib. de perf. iust. resp. 11. Generalis prohibitio est, Non concupiscis; Et generalis iussio, Diliges, & c.*

Hanc verò charitatem, & hunc Charitatis intuitum includit Pastorale officium, prout in Ecclesia à Christo institutum est. Specialem inquam, & singularem charitatis impulsu iubentur Pastores suscipere, ipso sui Pastoratus officio. Nam generatim Christiani omnes, non Pastores soli, habere debent animos ab omni terrenarum rerum corruptione purissimos, ab omni temporalium commodorum labe deterfos; nec contrarium sine hæresi sustineri potest, ut iam ante monuimus. Hæresis enim est, non omnem cupiditatis impuritatem noua lege prohiberi, seu non esse malam, ideoque Christianis omnibus vetitam. Quoinanior est argumentatio Soarij, qui eam puritatem officio Pastoralinecat, quam generali Christianorum officio negare non potest. Vnde fiet ut non solum religiosorum, sed etiam omnium Christianorum, status, sit purior & perfectior, quàm status Parochorum Pastorumque Ecclesiæ. Quod per se paradoxum est. Nisi fortè sicut Spongia paulò antè ex eiusdem Suarij doctrina perfectiorem fecit, & maioris charitatis, statum simplicium religiosorum, quàm Superiorum regularium, qui ipsorum Prælati patrèsque dicuntur; ita vulgarem Christianorum omnium conditionem puriorem, charitatis maioris, proindeque perfectiorem, & altiore fateatur esse quàm Parochorum Pastorumque conditionem. Quam doctrinam qui fingere volet ut doceat,ingat quoque discipulos qui audiant. Ab hominibus enim qui nunc sunt, facilius explodi poterit, quàm audiri.

*1. Cor. 13. 15 August. in Psal. 46. Carnalia enim sunt, & c. sed non inde aliquid carnale conquiritur. Vid. & Greg. in past. par. 1. c. 8.*

Maneat igitur, stipendium temporale spectari posse non temporaliter; sicut opera corporea fieri possunt, ac fiunt à veris omnibus Christianis spiritualiter. Atque ad hanc intentionem non temporalem, non carnalem, sed spiritu & Charitatis igne excoctam, obligari generatim quidem fideles vniuersos, speciatim autem, & præ cæteris omnibus, animarum Pastores; tanto nempe amplius, quanto maior à Pastoribus charitas, quàm ab ouibus, postulatur. Fateor quidem videri facilius obtineri posse à religiosis hanc puritatem, quatenus plura eius impedimenta remouerunt; quia facilius multo est, integrum seruare animum à rerum temporalium cupidine, ubi absunt, quàm ubi præsentés adsunt; si careas quàm si possideas, & circumpositas tibi habeas, velut materia flammam. Sed etsi difficilius videatur, fieri

tamen potest, imò facilius fiet in tali statu, quamvis ex se periculofiori, ab eo quem ad illum verè vocaverit Deus, quàm si ad quemvis alium, ad quem non vocatur, se conferret. Qui enim Christum sequitur, in tenebris non hërebit: Nemo autem sequitur, nisi qui *Joann. 8.* vocanti obtemperat. Fieri igitur hoc potest, ac fieri debet, non solum à Pastoribus, sed etiam ab omnibus Christianis, quibus illud diui Pauli vniuersim propositum est, *Qui possident, tanquam non possidentes; qui utuntur hoc mundo, tanquam non utantur.* Alioquin neque Mendicantium ordines, neque ipsi Iesuitæ, qui eorum numero se inferi voluerunt, puritatem illam, quam Parochis præcipiunt, assequuntur. Quia cum ex natura sui instituti ad temporalia subsidia, non solum optanda, sed etiam conquirenda, destinentur (quod Mendicantium proprium est) necessariò carebunt illa à *rebus temporalibus puritate*, quam se ex vi status habere prædicant, si quilibet temporalium commodorum aspectus & appetitio, animi aut status puritatem imminuat. Quo modo exhibunt de hoc laqueo alieno, sic exeant *Aug. ep. 8. de suo.*

Atque hæc in doctrinam illam Soaraicam sufficiant, propter quam Spongia Theologis omnibus huius æui Soarium præferre visa est; quæ quàm dilucidè iudicium eius refellat, & ipsis Christianæ religionis elementis, vt inanis & vanissima, refellatur, neminem iam esse arbitror æqui animi, qui non agnoscat. Vt semel dixerim, frustra ad hunc authorem properes, vt ab eo Ecclesiasticorum ordinum graduumque naturam, officia, dignitatem, sanctitatem, docearis. Omnes enim ab eo violatos esse reperias vno eodemque capite, in quo propositiones istæ leguntur: *Ceteri infra ordinem Sacerdotis constituti, ex vi solius ordinationis non obligantur, nec deputantur ad opera perfectionis. Et licet ratione status Clericalis, vel specialem aliquam obligationem habere possint ex præcepto Ecclesiæ, vt ad recitandas horas, vel etiam maiorem vitæ honestatem ac decentiam requirant; Nihilominus hæc omnia non attingunt proprium aliquem perfectionis gradum, sed pertinent AD COMMVNEM VIAM PRÆCEPTORVM.* Nam etiam in laicis, pro diuersitate statuum, possunt plures vel pauciores obligationes reperiri. Quapropter **STATVS TALIVM CLERICORVM NON EXCEDIT COMMVNEM STATVM VIÆ CHRISTIANÆ.** Item de Presbyteris: *Clerici etiam Sacerdotes, ex vi suæ ordinationis, non obligantur ad perficiendos alios, nec ad propriam perfectionem acquirendam, nec ad opera supererogationis, præscindendo nunc à voto castitatis. Et quamvis teneantur dignè ministrare, in rigore satisfaciunt huic obligationi, seruando præcepta, & in gratia ministrando. Quam obligationem habet etiam populus Christianus suo modo, quatenus tenetur communicare, & dignè ad tantum Sacramentum accedere. Quamvis libratis deinde variarum rationum argutiis, eo tandem adigatur, vt saltem agnoscat, Sacerdotes ex vi sui ordinis ad nonnulla perfectionis opera obligari, ratione cuius obligationis dici possunt ALIQUO MODO saltem INCHOATIVE in statu perfectionis. Denique de Episcopis: Si comparetur consecratio Episcopi ad ordinationem Sacerdotis, in eo præcisè quod*

*Tom. 3. de relig. l. 1. c. 17. n. 1.*

*Ibid. n. 3.*

*Ibid. n. 4.*

*Ibid. n. 1.*

Ibid. 18.

unaqueque per se confert, ALTIOR VIDETUR SACERDOTIS ORDINATIO, QUAM EPISCOPI CONSECRATIO. Postremo de Parochis & Prælati inferioribus: Inferiores Pastores & Curati, licet ex vi iuris videantur immutabilitatem habere; nihilominus considerato communi usu, quo receptum est ut facilius mutantur; & consequenter ut talia beneficia non assumant animo permanendi in illis perpetuo, sed vel AD ALIA PINGVIOA ASCENDENDI, VEL RENUNTIANDI CUM ALIQUO EMOLVMENTO, VEL SIMPLICI PENSIONE, SINE OBLIGATIONE ANIMARVM: HOC, inquam, VSV CONSIDERATO, satis probabilis modus loquendi est, quod isti non statum assumere, sed ministerium &c. pro illo tempore habere dicantur. Habes ordinum & graduum omnium Ecclesiasticorum labefactionem ac stragem vno eodemque capite comprehensam, ut alia plura non leuia errata prætereantur. Quæ propositiones ita nouæ, & inauditæ, & Ecclesia indignæ, & tum nouis tum veteribus Theologis, & scripturæ sacræ contrariæ sunt, ut non Theologo huius æui doctissimo, aut communi Magistro orbis, sed homini doctrinæ Ecclesiasticæ, & veræ Theologiæ rudi, & diuinissima mysteria humanarum opinionum libidine, & sui sensus alea ventilanti, conueniant. Quis enim ferat Ecclesiasticos omnes ordines infra Sacerdotium, nullam specialis perfectionis obligationem includere supra communem vitam Christianorum?

S. Th. 2. 2.  
q. 184. A. 8.  
in corp.

Quanto aliter ex antiquis Patribus philosophatus est sanctus Thomas, quem citat & corrumpit Suarez: *Ad ministeria Ecclesiastica requiritur maior sanctitas interior, quam requirat etiam religionis status: quia sicut Dionysius dicit sexto capitulo Ecclesiastica Hierarchia, Monasticus ordo debet sequi Sacerdotales ordines, & ad eorum imitationem in diuina ascendere. Unde grauius peccat, cæteris paribus, Clericus in sacris Ordinibus constitutus, quam aliquis religiosus qui non habet Ordinem sacrum. Non solum communi vitæ Christianorum, sed etiam perfectioni religiosorum anteponit perfectionem, quæ à Clerico in sacris Ordinibus constituto requiritur.*

Vid. Ambr.  
l. 1. offic. c.  
50. & l. 3.  
ep. 25. ad  
Eccles. Ver-  
cell.  
1. Tim. 3.  
Ανίσταμι.  
Sicut paulo  
ante de E-  
piscop.  
Ανίσταμι,  
id est irre-  
prehensibi-  
lem esse  
vult.

to denique aliter, ut omissio torrente Patrum & Conciliorum, scripturam ipsam intueamur, Apostolus dotes Diaconis necessarias enumerans, easdem penè ab iis, non magno discrimine adhibito, exigit, quas paulò antè ab Episcopis exegerat, ut inter alia sint *vnus vxoris viri; pudici, Græcè σπουδοι, graues, venerabiles; non turpe lucrum sectantes; habentes mysterium fidei in conscientia pura; probati, irreprehensibiles, &c.* Quem solum locum si Magister ille orbis meminisset, nunquam in opinionem tam apertè cum eo pugnantem corruisset. Quid de illo figmento dicas, quo ordinem Episcopalem infra Sacerdotalem deiicit, contra totius Ecclesiæ perpetuum consensum, contra rationem manifestam, quod vna Theologorum omnium voce ordo Episcopalis ordinis Sacerdotalis perfectio sit? Quod esse non potest, si imperfectior est: Nihil enim perfectionem suam, ab eo quod est imperfectius, mutuatur. Nec est quod perfectiones accidentales vel integrantes obijciant, quia perfectionem, qua Sacerdotium ab ordine Episcopali perficitur, longè altioris ordinis esse alibi declarabimus. Quid denique

nique de indigna illa, &, vt ita loquar, terrena doctrina, qua *communi usu receptum esse* ait, vt Curati & Prælati Episcopo inferiores sua beneficia suscipiant, *animo ad alia pinguiora ascendendi, vel renunciandi, tunc aliquo emolumento, &c.* Quis miretur istum, Parochorum officio puritatem à lucris temporalibus detrahere, propter laborum stipendia, cum etiam ipsum per se eorum officium animo lucrandi *pinguiora beneficia, & emolumenta* captandi, suscipi posse, & hoc ipsum *communi usu receptum* & probatum esse docuerit? Quid ab istis Doctoribus pijs purique consilij sperabimus, qui sanctissima Ecclesiæ munera, ad quæ scripturæ, & Patres tantum gratiæ spiritualis & virtutis eximie postulant, atque in primis cupiditatis & turpis lucri vacuitatem, in has sordes, in cogitationes adeò degeneres, abiiciant? Nihil enim adeò Ecclesiastico homini metuendum, aiunt, nihil adeò repugnans, quàm cupiditas & quæritus: quia nihil adeò charitati contrarium est, quæ graduum munerumque Ecclesiasticorum apex est ac velut anima, cum nihil aliud sint nisi professiones quædam, & officia charitatis. Quis denique ab iis Ecclesiasticæ disciplinæ instaurationem expectabit, qui cum ex scripturarum & Ecclesiæ legibus abusus inolitos emendare, & sanare debuissent; contrà, ex ipsis illis abusibus perpetuam Ecclesiæ disciplinam delere, eosque in veras probatasque leges efferre conantur? Non tales hoc æuum *Theologorum doctissimos*; non tales hic orbis *communes Magistros*, nouit. Nouum aliquod æuum, alium quendam orbem suo isti Alexandro Magno quærant, vbi nemine religionis, & disciplinæ Christianæ conscio, vastissima & imperitissima sua vanitas, facilius approbari explerique possit.

TITVLVS IV. DE HIERARCHIA  
ET REGVLARIBVS.

PROPOSITIO PRIMA.  
Ex Cap. 5. §. 50. Num. 3.

*Quod Regulares sunt de Hierarchia, absolute, & non tantum in hoc aut illo sensu, articulum fidei esse puto.*

CENSURA.

Author nouum, eumque falsum, fidei articulum fingit.

SPONGIA.

*Author non nouum articulum fingit, sed collector antiquum obtinet, hoc est, calumniari pergit, malignèque authoris sententiam referre. Author loquitur de Hierarchia in ea significatione. quam<sup>1)</sup> Kellisonus suo opere tractat, nimirum vt sumitur pro corpore in quo sunt caput, oculi, manus, pedes, aliaque membra diuersarum functionum; pro exercitu, in quo Imperator, Legati, Legionarij, Centuriones, Decuriones, milites gregarij, &c. hoc sensu Hierarchia, aliud non est, quàm Ecclesia Catholica; Tam autem certum est Regulares esse de Hierarchia, quàm est de Ecclesia esse: quod, opinor, isti non audebunt aperte dicere non esse fidei.*

*Vide Auth.  
num. 3.*

O



## RESPONSIO.

Rursus ad effugia & ad strophas redis: errorum tuorum falsitatem nimium insipidam fore putans, nisi mendaciis condiatur. Ceterum mendacia adeo pingua inspergis, ut ipsis vicissim sua condimenta quærere debeas, ne nihilominus totius apparatus insulsitas respuatur. Dicis te, dum articulum fidei censes, *Regulares de Hierarchia esse absolute*, & Hierarchiam idem esse facis, atque Ecclesiam Catholicam, Kellisoni sensu loqui. Primum, quid tandem interest te illius nec ne sensu loqui, modo verè tuo loquaris? Quid cum obicis Facultati Parisiensi, quasi in illius verba iurauerit? Quid tua responsione ineptius? Non enim homines, sed doctrinam notat Censura Parisiensis Facultatis, ut sæpius initio responsum est. Vnde cuiuscunque sit doctrina tuæ propositionis, quicumque sit illius Author, ipsa sine personarum discrimine reprobatur,

In præfat.  
Apol. nu. 1.  
Apol. c. 5.  
num. 1.

Deinde ex tuis ipsis probationibus falsum apparet, Kellisonum Hierarchiam eo sensu, quem tu fingis, accepisse. Si enim putavit Hierarchiam idem esse atque Ecclesiam; quonam modo negare potuit regulares esse de Hierarchia, cum eos non neget esse de Ecclesia, sed *eminentia Ecclesie membra* vocet, ut tu ipse ais? Profecto nemini probabitur esse vllum hominem rationis lumine præditum, qui, concesso Hierarchiam esse idem atque Ecclesiam, & regulares esse eminentia Ecclesie membra, deinceps negare possit, Regulares esse non solum de Hierarchia, sed etiam eminentia membra Hierarchiæ. Quanto minus id neget Doctor Theologus, & is Doctor, cuius eruditionem multi laudant, & tu ipse non despicias? Atqui Kellisonus obnixè negavit, ut ais, Regulares esse de Hierarchia; non igitur dicere potuit Hierarchiam & Ecclesiam idem esse. Quare manifestum est te illi fraudem facere, & id quidem quod ais, & ex ipsius dictis inferre conaris, sed illo invito & repugnante, ut sit magnæ audaciæ, id ipsi pro suo tribuere, quod ab eo necessariò supponitur esse falsum.

Quomodo enim argumentaris ex verbis Kellisoni; ut probes eum Hierarchiam pro tota Ecclesia Catholica accepisse? Quia videlicet Kellisonus Hierarchiam probat *ex eo quod Divus Paulus Ecclesiam humano corpori confert, in quo sunt oculi, manus, pedes, aliæque membra*: item exercitui, in quo est Imperator, Duces, Legati, Gregarij milites, &c. Quasi inde sequeretur vim, & rationem Hierarchicam in omnibus membris Ecclesie à Kellisono constitui; aut Polemarchiam in omnibus qui de exercitu sunt, etiam gregariis militibus. Mala ratio, minimè Iesuitica, id est, ingeniosa, erudita, elegans: sed turbati animi, & Censuræ dolore præstincti erratio. Ex eo enim loco D. Pauli, & ex istiusmodi comparisonibus, ita demum rectè probatur Hierarchia, quia ille locus & illæ similitudines probant graduum in Ecclesia variorum discrimina, & membrorum non vnimodas & æquales, sed multiplices multigenasque functiones, ita ut alia aliis superiora sint, & ab aliis regantur & gubernentur, quod ad Hierarchiæ

rationem necessarium est. Vnde cum in Ecclesia reperiri pateat ex illis locis, inde sequitur in Ecclesia esse Hierarchiam, seu sacrum Principatum. Similiter rectè probo in castris esse Polemarchiam, quia non omnes milites æquali sunt iure ac potestate; quo posito Polemarchia tolleretur, sed alii gregarii, alii Centuriones, Duces, Legati, alius Imperator: Vnde si inferas totum exercitum esse Polemarchiam, aut hanc in toto exercitu, aut etiam in gregariis militibus residere, & hos illius esse compotes, nemo non videat, quàm stolidam futura sit consecutio. Quare cum Iesuita hoc modo argumentetur, abiiciendus est, & ad scholas ablegandus, ubi ei ingenium, & rerum Theologicarum notitia refingatur.

Omissis igitur argumentationibus fatuis, de ipsa Iesuitæ sententia dicamus. Verè enim ipsius, non alius cuiusquam est, ut ipsa per se propositio clamat, *quod Regulares sint de Hierarchia absolute, articulum fidei esse puto*: Quæ verba sunt non alieno, sed proprio sensu loquentis, & novum articulum fidei, ut rectè Censura, fingentis, de quo antè hoc tempus apud nullum Theologum auditum est. Patet id etiam ex ipso initio capitis, ubi doctrinæ suæ capita deinceps probanda enumerans, *Tria probanda sunt*, inquit, *Regulares esse in Hierarchia absolute, & non sensu quodam (ut Doctor alius persuasum cuperet) Deinde, esse eos in Hierarchia eo gradu, quo excluduntur à Domino Doctore. Tertiò eminentiori esse in Hierarchia gradu quàm saculares Sacerdotes*. An hoc est alieno sensu loqui? Pudeat cauillationis indignæ. Doctrina ista Iesuitica est, non Kellisoni, ut ipse Iesuita hîc fatetur, etsi deinceps eam ex verbis illius argumento ad hominem probare conetur, falso & imperitè, ut paulò antè vidimus.

Cap. 1. §. 1.  
nn. 3.

Mirum verò Iesuitam in tanta argumentorum, quibus doctrinam temerè prolatam approbet, inopia versari, ut ad eam tuendam cogatur Hierarchiæ cancellos eo hiaru, ea disruptione laxare, qua nescio sit in Ecclesia quin ad Hierarchiam Ecclesiasticam irrumpere possit. Quòd profectò est Regularibus dare nihil, & priuilegium seu excellentiam ut de Hierarchia sint, eadem ratione qua iis attribuitur, adimere & euertere, ut solo iam verborum honore afficiantur. Si enim de Hierarchia sunt, quia de Ecclesia sunt, & Ecclesia ac Hierarchia idem sunt: patet nihil eis priuilegii aut excellentiæ dari præ laicis omnibus, etiam fœminis, etiam infantibus, qui eodem, quo ipsi, iure ad Hierarchiam pertinebunt, quia de Ecclesia sunt. Quare non arbitror Regulares Iesuitæ gratiam habituros pro præstantia, & dignitate adeò exili ratione ipsis asserta, ut antequàm ad eos peruenerit, euanida fiat, & in promiscuum fidelium gregem ex eorum manibus dilabatur. Nulla enim præstantia, nulla prærogatiua in eo est, quod omnibus ex æquo conuenit.

Sed multo grauiùs Hierarchiam violat, eam toti vulgo fidelium dilapidandam proiciens, ut nemo sit Catholicus qui in Hierarchia non propriè & absolute collocetur. Quod nouum, in Ecclesia Catholica inauditum, Hierarchiæ iniurium, Conciliis aduersarium,

1. Timot. 6.  
1. Cor. 11.

hæreticorum tantum huius ævi erroribus affine est. Quando enim apud Catholicos auditum est, laicos, infantes, fœminas in Hierarchia esse. Facebant *profane vocum nouitates*: Nos talem consuetudinem non habemus, neque Ecclesia Dei. Desinat sperare Iesuita, se errorem qui sine perpetui sermonis Ecclesiastici, & generalium notionum Christianorum euersione fulciri nequeat, Censoriæ notæ subtrahere posse. Sicut Polemarchia non ad omnes qui in exercitu sunt: Nauarchia non ad omnes qui naui vehuntur; sed ad eos tantum qui exercitui aut naui præsident, & ad eorum ministros, qui præfecturæ partem aliquam gerunt, pertinet: ita Hierarchia, non ad omnes patet qui in Ecclesia continentur, sed intra eos constringitur, qui rebus sacris seu Ecclesiæ præsunt, eorumque ministros, quibus pars aliqua ministerij seu præfecturæ Ecclesiasticæ committitur. Sunt quidem fideles omnes sub Hierarchia, sed in ipsa Hierarchia non sunt, nec Hierarchiæ ipsius consortes sunt: Sicut omnes regni alicuius subditi, sub Monarchia quidem sunt, sed non sunt in ipsa Monarchia, seu Monarchiæ ipsius consortes. Hoc enim solius Regis, & Magistratum ministrorumque regionum proprium est. Vnde non minus explodendus est, qui Christianos vniuersos in Hierarchiæ consortium inuehat; quàm qui omnes regni alicuius populares, rusticos, fœminas, pueros, in partem Monarchiæ vocet. Quare Concilium Tridentinum, hæreticorum huius temporis hæreses abdicans, non alios in Hierarchia collocat, nisi Episcopos, Presbyteros, & Ministros, & Ecclesiæ perturbationem fieri ceniet, si quis omnes promiscuè fideles in Hierarchia constituat, quod antè illud tempus soli hæretici fecerant. Quis cum hoc decreto conciliet & doctrinam Iesuiticam, qua posita Concilium in Hierarchiæ Ecclesiasticæ descriptione multo maximam Hierarchiæ partem omiserit, si rota generatim Ecclesia nihil sit aliud quàm Hierarchia Ecclesiastica? Si enim respondeatur, Concilium alio sensu capere vocem Hierarchiæ, quàm Iesuita ceperit, dum ait Hierarchiam & Ecclesiam idem esse; fateri necesse est nouam contra Concilij vsum locutionem, ad nouum errorem sustinendum obtrudi; & confirmatam ab Occumenico Concilio locutionem, quæ proinde totius Ecclesiæ locutio censenda est, contemni, & labefactari. Et quamuis non dubitem quin Iesuita aliquam suæ sententiæ expositionem sit allaturus, qua se ab erroris hæreticorum à Concilio Tridentino damnati communione eripiat, tamen velit nolit, agnoscere debet, se in eiusdem cum iis locutionis communione versari, dum Hierarchiam Ecclesiasticam omnibus, qui intra Ecclesiam sunt, communem facit. Vnde sequitur doctrinam eius, in regione hæretica apud simplices Catholicæ plebis animos profeminatam, nihil esse aliud nisi lapidem offensionis & petram scandali, qua & hæretici Catholicis insultent quasi ad sua deliria transgressis; & Catholici rudiores in errorem hæreticum reuera transgrediantur. Quare seuera animaduersione coercenda fuit Iesuitæ temeritas, hoc zizaniû, hoc hæreseos seminarium in Ecclesia Anglicana hæresi circumfusa

Trid. sess. 23  
can. 4.

spargentis, & ea potissimum spargentis audacia, ut haberi velit articulum fidei, totius videlicet Ecclesiae Catholicae consensione firmatum, quò altius Catholicorum animis infigatur, & grauioris ruinæ periculum struat.

PROPOSITIO SECVNDA.

Ibidem num. 6.

*Regulares, ut Regulares, sunt Presbyteri & predicatores, non quòd ex institutu suis fiant formaliter Sacerdotes: sed quia officium & vocatio Presbyteri, est cum instituto suo & statu connaturaliter & necessario coniuncta.*

CENSURA.

Ista propositio est falsa, temeraria, ordinis Hierarchici perturbatiua & erronea.

PROPOSITIO TERTIA.

Ibidem.

*Religiosus qui non est adhuc Sacerdos, nondum venit ad perfectionem suæ vocationis.*

CENSURA.

Ista propositio absolutè prolata, est falsa, temeraria, ordinis Hierarchici perturbatiua, erronea, multis sanctis Religiosis, imò & nonnullis ordinum regularium primis auctoribus iniuriosa.

SPONGIA.

*Hanc geminam Censuram vna Spongia eluo, nimirum hac quâ sepe vsumus, ac vti sepe debemus, miram esse collectoris seu interpretis in mentiendi libidinem. Authori propositiones imponit, quas tum ex titulo paragraphi, tum ex tota serie disputationis, constat esse asserta Doctoris Kellisoni, quæ author non recipit absolutè, sed cum explicatione & restrictione. Hoc ostendo. Dixerat Doctor Kellisonus Religiosos, quæ Religiosos, esse eminentia membra Ecclesiae, & ordinari ut Episcopos inuent, iisque assistant in habendis concionibus, & confessionibus audiendis. Ex hoc dicto contendit Author sequi Religiosos, quæ Religiosos, esse Sacerdotes. Nam si quæ Religiosi, ordinantur ad audiendas confessiones, aut nullus possit confessiones audire nisi Sacerdos, sequitur, quæ Religiosos, esse Sacerdotes. Ita Authoris consequentia euident est.*

RESPONSIO.

Nunquàmne defines pueriliter tergiuersari, & calumnias alienas insectando, tuas augere ac prodere? Non enim mentiendi libidine capiuntur Censores, aut interpretes, sed tu excacaris. Non tibi quicquam imponunt, sed tu illis, & Kellisono tuos errores, & tuas fraudes summa inuerecundia, te ipso teste affingis. Nam ex vera Kellisoni propo-



fitione, errorem pessimum, quem antè malè animo conceperas, malè  
 inferre conaris, ut eum illi ascribas quasi suum, & illius societate flagitij  
 tui invidiam deoneres. Quæ tandem ista est Iesuitica fides, quis Mol-  
 nisticus pudor, ut id quod ex alterius vera doctrina, tuæ mentis vitio  
 malè colligis, in illum referas, ut in Auctorem? Sic quæcumque hære-  
 tici ex doctrina Ecclesiæ malè argumentando eliciunt, Ecclesiæ ascri-  
 bentur. Hoc verò tunc potissimum nefarium est, cum is, ex cuius ve-  
 ris vocibus peruersa doctrina eruitur, & eam, & consecutionem qua  
 eruitur, disertè inficiatur, ut Kellisonus, te ipso teste, inficiatus est clari-  
 verbis, *Regulares ut tales, Sacerdotes esse, aut ad eos prædicandi munus pertinere.*  
 Qua de causâ tibi *pugnantia loqui* vilis est; quia videlicet consequentiam  
 stupidissimam, qua id inferis, *evidentem*, Philosophus haud Theologo  
 melior, arbitraris. Quidenim stupidius, quàm ex eo quod à Kelliso-  
 no verè scriptum est, Religiosos, seu aliquos, seu omnes, nihil enim  
 hoc loco interest, *destinari ut Episcopos adiuvent, usque assistant in habendis*  
*concionibus & confessionibus audiendis*; dicere rectè colligi, & quideni *con-*  
*sequentia evidenti, Religiosos qua Religiosos, esse Sacerdotes*: quia videlicet ne-  
 mo confessiones audire possit, nisi Sacerdos? Quæ ineptia tanta est,  
 ut mirum sit vel eam Iesuitæ excidere potuisse, vel Spongiâ saltem  
 non esse abstersam, cum sit foedissima macula. Nam sicut qui ad vitam  
 religiosam destinatus est, ad eamque suscipiendam sese voto al-  
 ligavit, non ideo Religiosus censeri debet, nec status Religiosus ei de-  
 betur, quantumvis votum Religionis sit pium, & probatum à Deo, &  
 Euangelio congruum; Sic ridiculum dictum est aliquem ideo esse Sa-  
 cerdotem, vel ei deberi Sacerdotium, quia ad Sacerdotium destinatur,  
 & ad illud voto adstrictus est. Nam votum nihil aliud efficit, nisi ut is  
 qui vouit, quantum in se est, elaborare debeat ad implendam voti  
 sponsonem, seu Sacerdotium, seu Religiosam vitam vouerit. Danda  
 ei solum opera est, ne per ipsum stetisse videatur, quominus expleat  
 votum, & ad Sacerdotij, vel status Religiosi assecutionem, idoneus pa-  
 ratusque euaserit. Non enim suo voto minuere potuit eorum ius & offi-  
 cium, quorum est regularem statum, vel Sacerdotium iis solummodo,  
 quos idoneos probauerint, & quibus commodum visum fuerit, im-  
 pertiri. Sicut ergo Religiosi, quantumvis quispiam statum Religio-  
 sum vouerit, eum illi à se deberi non putant, nisi non solum probum;  
 sed etiam Monachalem aut religiosum animum præ se ferat; Ita quan-  
 tumvis Religiosi alijve vouerint Sacerdotium, hoc eis ab Ecclesia de-  
 beri non potest, nisi animum non solum Monachalem, sed etiam  
 Clericalem, & Ecclesiasticum exhibeant, aut quouis alio modo eis  
 rectè dari iudicetur.

2o Tim. ep. 1  
 6. 1. Leo ep.  
 85. ad Epif-  
 cop. Afr.

Sequeretur etiam Seminaristas variis locis ad animarum curam  
 subeundam educatos, hoc ipso quo Seminaristæ sunt, esse Sacerdotes,  
 quia ad Sacerdotium ab ipsâ Ecclesia, & ab ipsis Episcopis destinan-  
 tur. Eos qui Theologiæ dant operam in Academiis, iam esse Do-  
 ctiores, quia ad Doctoratum ipso studiorum cursu properant. Eum qui  
 vouit militiam, iam esse militem, aut militarem gradum ei à Rege de-

beri. Quæ omnia nec dici, nec cogitari possunt, sine ridicula inanitate. Nec enim Rex militiam debet nisi habenti militarem armum, & cætera quæ ad militiam postulantur; atque ita demùm, si militibus egeat: Imò ne sic quidem verè debet ei præ alio, qui pariter dignus videatur. Eodem pacto nec Ecclesia, nec Episcopus, Sacerdotalem, aut Clericalem ordinem, qui à Patribus & Conciliis, *Ecclesiastica seu sacra Militia* dicitur, nisi aptis ad eum ordinem debet; atque ita debet, si Ecclesia Presbyteris, aut Clericis pluribus egeat; ac ne tum quidem propriè vni cuiquam debet præ altero, quem vel æquè dignum, vel digniorem repererit. Nullam denique cuiuscunque voti vel obligationis rationem habere potest, quia certum est nullis votis, vel obligationibus antè initis, Antistitum Ecclesiæ, aut Ecclesiasticorum Canonum iura mutari. Quamobrem magnæ reuera temeritatis, & altæ præsumptionis est asserere Sacerdotium talibus vouentibus suo iure deberi, quasi eis negari non possit sine graui iniuria, & sine rei iam partæ iam necessariò suæ, ereptione. A qua præsumptione abfuerunt Religiosi veteres, qui partim *concionandi munus nec nouitio expedire, nec professio conuenire* dixerunt; vt sanctus Bernardus: partim, *ordini Monachorum Clericalem ordinem, & cæteros ordines sacros qui Clero proprij sunt*, SECUNDVM INDVLGENTIAM concedi, vt Hugo de sancto Victore: Partim, *ordini Canonorum Regularium per se competere, vt sint Clerici Religiosi: sed ad Religionem Monachorum NON PER SE COMPETERE vt sint Clerici*; vt sanctus Thomas. Vt innumera alia testimonia omittam, tum recentiorum sanctorum Religiosorum, tum præcipuè sanctorum Patrum, quorum auctoritate hic error Molinisticus alibi comminuetur. Nam, vt istum locum clarissimo argumento concludamus, si dici non possit inferiorum graduum Clericos, ipso suo Clericatu iam esse Sacerdotes, sine graduum Hierarchicorum confusione; nec iis deberi Sacerdotium, sine peruersione Ecclesiasticæ disciplinæ, quæ tam accuratam, in deligendis ad Sacerdotium dignissimis quibusque Clericis, sollicitudinem præcipit; quamuis certum sit inferiores ordines ad Sacerdotium destinari, non tam Ecclesiæ voluntate, quàm suapte natura, & Christi ipsius instituto: Quanto minus fas erit dicere Regulares, quâ Regulares, & ipsa Religionum suarum conditione, esse Sacerdotes; licet suæ Religionis proposito ad Sacerdotium destinentur? Labat igitur collectio Iesuitica, & turpiter labat, destinatione ad Sacerdotium pro ipso Sacerdotio accepta, seu vt Scholæ more loquamur, esse intentionali in esse reale commutato. Qui error tantus est, vt cæcum, aut Spongiam esse necesse sit, qui consequentiam quæ illo nititur, videat, & euidentem vocet.

*Siric. Pap. ep. 1. c. 10. & 15. Concil. Carth. 1. c. 6. Felix 3. Pap. ep. 7. ad Episcop. vniuers.*

*S. Bern. ser. 44. in Cantic. Hugo l. 2. de sac. p. 3. c. 4. S. Th. 2. 2. q. 189 art. 8 ad 2.*

### SPONGIA.

*Auctor tamen non absolute admittit antecedens, atque adeò neque consequens, sed cum restrictione quam adhibet his verbis: Quod dicitur Regulares, quâ Regulares, ordinari ad confessiones audiendas (intellige aliquos Regularium ordines) confirmatur ex alio dicto Doctoris, &c. Vides,*

O iij

Lector, hoc dictum, *Regulares quâ Regulares, ordinari ad audiendum confessiones, atque adeo esse Sacerdotes*, Doctoris Kellisoni esse, ab Authore non approbatum nisi cum restrictione, quod non de omnibus, sed tantum de aliquibus ordinibus intelligi debeat, nimirum illis, quibus ex ipsa natura instituti debeatur Sacerdotium, cum ad actiones ex instituto ordinentur, quæ sine Sacerdotio peragi non possunt. Author quidem nunquam reprehendit hoc dictum Doctoris Kellisoni, quia nunquam ipsi venit in mentem aliter intelligere ipsius dictum, Religiosos, quæ Religiosos, ordinari ad audiendum confessiones, quàm quod hoc tantum diceret de quibusdam, & cum sit indefinita in materia contingenti, non est de rigore vniuersalis. Quicquid sit, Author adhibuit restrictionem. Unde videas iniquitatem Censuræ: propositionem absolutè prolatam censens falsam, temerariam, ordinis Hierarchici destructiuam, erroneam, multis sanctis Religiosis, & Religionum nonnullis fundatoribus iniuriosam, propositionem absolutè, & sine vlla restrictione protulit Doctor Kellisonus, in quem tamen hoc nomine non commouentur, nullam in eo maculam seu notam dicunt. Author propositionem ex eodem refert, nec absolutè approbat, sed cautè, districtè, & expresse monens de aliquibus intelligi, non absolutè de omnibus; cum tamen velut absolutè de omnibus asserentem omni, quæ possunt, verborum acrimonia inclamant, falsum, temerarium, Hierarchia destructorem, nescio quibus sanctis, & ordinum fundatoribus iniuriosum. Rectè Agesilaus, si iusti omnes essemus, fortitudine opus non esset; ita è contra vbi regnat iniustitia, musca capiuntur aranearum & calumniarum telis, quas fortiores bestia faciliè perrumpunt.

Dat veniam coruis, vexat censura columbas:

Quod etiam sit in Censura, quæ proximè sequitur.

#### RESPONSIO.

Apage ineptias, satyricos versus, ridicula apophthegmata, quæ nequidem intelligis, sed temerè iactas & torques, ad insulsiatatis, & imperitiæ tuæ omnigenæ ostentationem. Quid enim simile est fortitudini, quam Agesilaus ad tuendam iustitiam requirebat, cum magnarum tuarum bestiarum robore, quò illæ bestiae non nisi ad violentiam & fauos impetus vti solent?

Quid deinde simile fortibus bestis, quarum in numerum te conii-  
cis, cum columbis imbellibus, quibus te simul comparas, quarum simplicitati, mansuetudini, candori nihil dissimilius fingi potest, quàm tuæ fraudes continuæ, contumeliosa tua ferocitas, splendidissima mendacia? Coruis similior es, tum veste, tum mente, tum voce crassa, hebeti, absone. Mitto cæteras absurditates, ad quarum exprobrationem doleo me toties cogi. Nunc ad rem ut accedamus, responsio Iesuitica hic iterum sui similis, iudicij & ingenij expers, plena fraudis & Iesuitici artificij, æquiuoco videlicet turpi subnixa. Exclamat in Censuram ut calumniolam, quòd propositionem damnarit absolutè prolatam, cum ipse eam non absolutè protulisse se dicat, sed de aliquibus tantum regularium ordinibus. Quasi Censuræ intersit de quibus eam protulerit, modò de aliquibus. Nam de quocumque tan-

dem ordine Religiosorum is error asseratur, idem error, & idem vitium est, eadem Hierarchiæ Ecclesiasticæ perturbatio, quia Hierarchia non perturbari non potest, si Hierarchici gradus deberi dicantur iis, quibus deberi non possunt. Nulli autem regularium ordini deberi possunt, ut iam antè diximus, & iterum dicturi sumus. Quare turpiculam fallaciam necit ex ambiguo Iesuita, dum voculam *absolute*, qua Censores vsi sunt, accepit pro *generatim*: Non enim propositionem eius damnarunt temeritatis & erroris, generatim solum intellectam, sed ad quoscumque Regulares accommodetur, temerariam & erroneam esse censuerunt *absolute prolatam* sine aliquo additamento, quo indicetur Regulares, siue omnes, siue aliquos, non solum non esse suis institutis *formaliter* Sacerdotes, sed nequidem iis *absolute* deberi Sacerdotium, neque in eorum vocationis perfectione includi. Hoc enim non solum de omnibus Religiosis non asserendum, sed etiam de omnibus negandum est, ut supra. Nam quod aliqui Religiosi, speciatim præ aliis ad Sacerdotium, suis votis destinari videantur, non eis maius ad Sacerdotium ius acquirit, neque magis eos Sacerdotes facit, quam eos qui non destinantur. Aliud destinari est, aliud esse; aliud tendere, aliud habere ius, quo sibi id ad quod tenditur, debeat. Nam profectò impium est quod Iesuita ait in Apologia, neque in Spongia iterare ausus est; Religiosis qui suo instituto ad Sacerdotium destinantur, deberi sacerdotium, perinde ut is qui ad Episcopatum, aut ad Curam Parochialem promoti sunt, necdum Sacerdotes; adeoque Religiosorum illorum statum esse statum Sacerdotij, perinde ac Episcopalem ac Parochialem gradum. Quæ arrogantia insignis est, & peruicacia irreligiosa & irregularis, & digna cui os totius Ecclesiæ iudicio obstruatur. Nam qui ad Episcopatum, aut ad Parochi munus euectus est, non destinari ad Sacerdotium, sed iam electus, imò factus censetur Sacerdos; & si fortè nondum sit, per accidens est; iam enim esse debebat, iuxta disciplinam Ecclesiæ, & sacros Canones, qui Episcopatus & Pastoratus Ecclesiæ, nisi iis qui inferiores omnes Hierarchiæ Ecclesiasticæ gradus emensi fuerint, demandari vetuerunt. Vnde quod subinde aliter fiat, extraordinarium & per accidens est, Ecclesiæ interdum dispensatione concessum. Ac qui eo modo promouentur, intra breuissimum tempus, quod Canones definierunt, consecrationem suscipere debent, ad quam ideò non solum eos eligit, sed etiam compellit & cogit Ecclesia. Quæ omnia longè secus habent in quibuscumque regularibus, qui sola votorum suorum destinatione ad ordines sacros feruntur, non modò sine vlllo ad eos iure suo, sed etiam sine vlla Ecclesiæ electione, aut probatione, aut promissione. Etsi enim Ecclesia probet, eos, & quosuis alios, etiam non Religiosos, ad Sacerdotium omnibus votis tendere, & ad illud sese quàm studiosissimè parare; non tamen eis vllum ius addicit, neque pollicetur quicquam, sed suum sibi iudicium & suum arbitrium reteruat, ut eos quando, & quomodo visum erit, ad Sacerdotium vel admittat, vel repellat, si quid

Conc. Sard.  
c. 10. Syric.  
ep. 1. c. 2. 9.  
& 10. &c.

Can. Ap. 37.

Conc. Later.  
sub Alex. 3.  
cap. 4.  
Conc. Lugd.  
sub Greg. 10.  
de elect. &  
elect. potest.  
c. 13. & 14.



erit quamobrem iure ita faciendum videatur. Quod modestius perpendens Diuus Thomas, quàm Iesuita & cæteri Molinistæ, dum agit de iis Religiosis qui instituti sunt AD DOCENDVM & confessiones audiendum; manifestè docet eos non agere virtute PROPRIA, sed ex virtute alterius, & per modum instrumenti, vt MINISTROS videlicet Prælatorum superiorum & INFERIORVM. Et ideò etiam si tales Religiosi auctoritate Prælatorum prædicent, non SUPERGREDI DISCIPULATVS VEL SVBIECTIONIS GRADVM, QVI PER SE COMPETIT RELIGIOSIS. Non ergo illis authore Diuo Thoma, quantuncumque ad conciones aut confessiones institutis per se competit Sacerdotium, aut ius vllum ad ordines sacros, quorum virtutem alienam, non propriam Religiosorum facit Diuus Thomas, tribuens iis per se discipulatus & subiectionis gradum, non magisterij, aut iudicij vllius Ecclesiastici, atque ita docens nullum iis esse ius vt in Ecclesia doceant, sed vt doceantur; quod discipulorum proprium est. Neque verò Molinistæ, soli sancto Thomæ contrarij sunt, & eius modestiæ inimici; sed etiam iniurij sunt plurimis tum Religiosorum ordinibus generatim, tum multis nominatim Religiosis insignibus, quorum vtinam virtutem & humilitatem imitarentur. Nam dum ordini suo Iesuitico Sacerdotium per se annexum, & debitum, & quodammodo naturale faciunt, sicut Episcopali, & Parochiali statui, primò longè plurimis & nobilissimis Religiosorum ordinibus proteruè se anteponunt, vt ordini Benedictinorum, quibus fallaciter in hac duntaxat contentione adulantur; Carthusianorum, quibus se fœderatos, simulant; Cisterciensium, Cœlestinorum, Hieronymitarum, aliorumque plurium, quorum ordines cum per se instituti non fuerint ad concionandum & confessiones audiendum, ideòque dici non possint, Sacerdotium intra suæ vocationis perfectionem includere, profectò longo interuallo cedent Iesuitici ordinis perfectioni ac præstantiæ, si Sacerdotalis dignitas ei sit quodammodo naturalis & debita. Nam sanctus Thomas præfert ordinem Canonorum Regularium (qui per se sunt Canonici, & Clericalis ordinis pars, hoc solo à cæteris Clericis ex primæua sua institutione differentes, quòd sint votis alligati, vt latius alibi exponetur) ordini quorumvis Monachorum & Religiosorum; à quibus ideò ad ordinem Canonorum Regularium transiri posse docet, non autem à Canonicis regularibus ad Religiones Monachorum, sine venia Superiorum, quemadmodum etiam in iure constitutum est. Si igitur ordini Iesuitarum per se competit Ecclesiasticus ordo, & Sacerdotium, itavt Iesuita, quâ Iesuita, sit Sacerdos, nec Iesuiticæ vocationis perfectionem expleat, donec ad Sacerdotium peruenerit; dubium non est, quin Iesuitici ordinis eminentia, omnium antiquiorum & nobilissimorum ordinum, & eorum, quos nouerat sanctus Thomas, quibus discipulatus & subiectionis gradum per se comperere docuit, magnoperè antecellat.

Sed grauissimè omnium iniurij sunt Seraphico Minorum ordini. Non enim in eo Religiosos duntaxat aliquos vnos è multis, aut in pau-

S. Th. 2. 2.  
q. 189. art. 8  
ad 2.

19. q. 3. c.  
M. Adamus

cis eximios, violant; sed ipsum eius fundamentum & principium deiciunt. Nam si Religionibus ad confessiones institutis officium, & vocatio Presbyterij *necessario & connaturaliter* coniungitur, ita ut Religiosus, qui nondum est Sacerdos, ad perfectionem suæ vocationis nondum venerit; manifestissimè sequitur S. Franciscum, cuius familia non minùs ad conciones & confessiones obeundas destinata est, quam Iesuiticus ordo, ad perfectionem suæ vocationis non peruenisse, atque adeò ordinem Franciscanum, ordinum omnium fecundissimum & latissimum, semipleno capiti, & imperfecto fundamento insistere. Hæc vis est doctrinæ & argumentationis Iesuiticæ, Religiosis ordinibus, & communi Ecclesiæ sensui refractaria. Tantùm enim abest ut S. Francisco detrimenti quippiam attulisse censeatur Sacerdotij derelictio, ut contrà ob eam ipsam perfectio ipsius religiosa, & totius eius ordinis laus amplior & illustrior effulgeat: quòd videlicet perfectam virtutem perfectæ præstulerit potestati, tantùmque se à Molinistici spiritus elatione remouerit, ut Sacerdotium non solum non in suæ vocationis perfectione concludi, neque sibi ab Ecclesia deberi censuerit, sed cùm eo dignissimus esset, indignum se putauerit cui illud ab Ecclesia per gratiam conferretur. Quo factò insignius Religiosæ perfectionis exemplum posteris suis se tradere arbitratus est, quàm si Sacerdotij dignitate cumlaretur. Quare humillimi patris humiles filij, quamdiu in illud suæ perfectionis exemplar referant animos, non poterunt quin Iesuitici dogmatis temeritatem & fastum Molinisticum, ut spiritui patris sui, & primæ suæ ordinis perfectioni, & virtuti Seraphicæ iniuriam, auersentur. Quo enim arrogantius humilitatis Franciscanæ fastigium aspernaretur Spongia, cùm Censores doctrinam eius *nonnullis ordinum Regularium primis Authoribus iniuriosam dixissent*, contemptim respondit, *Eam nescio quibus Sanctis, & ordinum fundatoribus, iniuriosam vocari*; quasi sanctus Franciscus, tanti ordinis fundator, ut hic de cæteris sileam, cui doctrinâ istâ insignis contumelia inuritur, ut suæ vocationis perfectionem non assecuto, apud eos pro homine nescio quo, ignoto, terræ filio, pro nihilo denique habeatur.

Quin etiam, ne quid sani in ea doctrina resideat, non solum omnibus laicis seu conuersis omnium Religionum fratribus officit, qui iuxta eam ad suæ vocationis perfectionem nunquam perueniunt; sed etiam in ipsos Iesuitas quoscumque, votis simplicibus post biennem probationem adstrictos, reuoluitur. Et hos enim ista doctrina negat suæ vocationis perfectionem attigisse, proindeque non esse perfectos religiosos, perfectosque Iesuitas, contrà Bullam Gregorij Papæ XIII. qua tam perfecti religiosi esse dicuntur, quàm qui vota omnium postrema nuncuparint.

*Bullar.  
Mag. 10. 2.  
Greg. 13.  
Bull. 89.*

Hæc aliaque plurima, quæ Brevitatis gratia missa facimus, doctrinæ Iesuiticæ damnationem & Censuram pepererunt, non fuitiles causæ quas Iesuita commentus est, non æquiucæ illius fallaciæ, quibus eam doctrinam non magis abstergere potuit, quàm stolidis apophthegmatibus, & versibus Saryricis, quos suæ orationi inuenustè ac temerè, quasi turpi faciei turpius fucamentum, insperfit.

## PROPOSITIO QUARTA.

EX CAP. 5. §. 50. n. 8.

Hic diuus Paulus, 1. Cor. 12. v. 28. duo intendit. Primum, describere varietatem statuum, ministrorum, & officiorum in Ecclesia, id est, ordines Hierarchia, ut D. Doctor dicit, nec aliquis dubitat. Secundum, numerare officia illa in ordine 1. 2. & 3. secundum gradus & eminentiam loci, ut textus ostendit. Hinc si in hoc loco diuus Paulus collocat Regulares ante Sacerdotes seculares, tunc locus Regularium est altior & eminentior & propior capiti. Sed quomodo hoc probari potest? quia sanctus Paulus ponit opitulationes, id est, auxiliares, ante gubernationes, id est, gubernatores. Nam sicut opitulationes sunt Regulares, quorum officium est adiuuare Episcopos & assistere illis: gubernatores sunt seculares Sacerdotes habentes gubernationem animarum, &c. Et paulò post: Ergo secundum Paulum & veritatem, Regulares sunt altioris gradus in Ecclesia, quàm seculares Sacerdotes.

## CENSURA.

In quantum ex sancto Paulo deducere intendit, Regulares esse gradus excelsioris in Ecclesia, quàm Sacerdotes seculares qui animarum regimen habent, est falsa, temeraria, erronea, & præsumptuosè asserta. In quantum verò Apostolum nomine opitulationum Regulares intelligere asseuerat, prout assistunt Episcopis, & absque gubernatione immiscerentur Sacramentorum administrationi, ridicula est, & vel ignoranter, vel malitiosè Apostoli verba in alienum sensum detorquet.

## SPONGIA.

Expositio quæ nomine opitulationum apud diuum Paulum Regulares intelligit, non est Authoris, sed Doctoris Kellisoni. Hoc patet ex titulo paragraphi, ex initio numeri, ex quo propositio sumitur: Et verò potuisset etiam vel ex ipso textu, quem citant, si eum integrè retulissent, & nisi textum recitando hac verba transilissent, hoc quò probari potest; scilicet à sancto Paulo Regulares dici opitulationes? Quis ita exponit? Ipse D. Doctor. Ita Author, & citat locum Doctoris, quo expositionem illam tradit. Hac verba collector, seu iuratus testis transiit, & ita saltitat de sententia in sententiam, de Authore in Authorem, quodque ab vno dicitur, alteri imponit. Hoc cine Sacerdotem & Theologie magistrum decet? Cicero saltationem dicit in nequitia esse extremum, nihil probrosius nomine saltatoris dici in Consulem populi Romani potuisse. Quanta ergo turpitudinis Sacerdotem populi Christiani de Authore in Authorem periuri testimonij lenitate desultare? scribit ille Philosophus quod saltationis pudebit mulierem geometria gnaram, & periura saltationis non pudebit sacra Theologia magistrum? O quàm ipsum pigeret, si reuera sapientissimus magister, si Theosophus, Ouranometra esset, si saperet ac intelligeret, & nouissima prouideret, si iudicem audiret arguentem & minantem, Sedens aduersus fratrem tuum loquebaris, & aduersus filium matris tuæ ponebas scandalum: existimasti inique quod ero tui similis, arguam te, & statuam contra faciem tuam.

Psal. 49.

## RESPONSIO.

## RESPONSIO.

Si Spongiarum natura stultitiæ capax foret, hæc omnium meritissimò stultissima diceretur. Æstuat enim & abripitur noui afflatus impetu, quem neque diuinum, neque humanum dixeris. Non diuinum, quia profanus est, à Cicerone & Plutarcho haustus: Non humanum, quia è scripturis sanctis, & Spiritus sancti voce deducitur. Non igitur diuinus, non humanus sit; sed in genus aliquod inter hæc medium reiciatur. Nam nec diuini motus falsitatem; nec humana ratio stoliditatem, suscipiunt: Quæ utraque in ista Spongiæ euagatione eminent, quasi certatim. Fallitas magna est, quod neget expositionem, qua in textu diui Pauli *Opitulationes* pro Regularibus sumuntur, esse suam, & in Apologia à se traditam sub nomine Danielis; Kellifono autem tribuat, falsò penitus, & fallaciter, quantum ex eius probationibus iudicare est, quibus eam ex illius verbis elicere solùm conatur argumento ad hominem, sed inepto & hebeti, eodem prorsus modo quo eam ad superiores propositiones cauillantem audiuius. Nam Daniele hanc expositionem suo sensu protulisse patet, quia post allatum illum locum Pauli, ita concludit: *Ergo ex iudicio sancti Pauli, atque veritatis, altiori in Ecclesia gradu sunt constituti Regulares, quàm Sacerdotes seculares.* Atque hanc expositionem allatis aliis argumentis, & auctoritate sancti Thomæ confirmare conatur, & aperte *probabilem* vocat. Imò sequenti paragrapho multò apertius sic incipit, *Ostenditur ex dictis, quàm aptè Regularia instituta Opitulationes nominentur à sancto Paulo.* Et intra: *Iustissimam sancto Paulo rationem fuisse, cur in Ecclesiastica Hierarchia Regulares collocaret ante Sacerdotes seculares; sine vlla amplius mentione Kellifoni, cuius nomen nusquam toto paragrapho inest.* Denique tam clarè verba omnia sensum Iesuiticum clamant, ut nemo qui ea legerit, aliud ex iis concipere valeat, præcipuè audito hoc exordio Iesuitæ; *Tertio loco probandum suscepti, Regulares in altiori esse Hierarchia gradu, quàm Sacerdotes seculares: quod ex Apostoli verbis demonstro 1. Cor. 12. 28. adiuncta Doctoris interpretatione, &c.* Ex quibus & toto contextu paragraphi, nihil aliud percipi potest, nisi Iesuitam suas opiniones expromere, quas tamen simul ex aduersarij principiis, quasi eo inuito, comprobare nitatur. Ut mirum sit tantum in Iesuiticis animis latere peruicaciæ, tam parum verecundiæ, ut in rebus apertissimis tenebras spargere, ambigua miscere, fallacias, tum cum maximè fallunt, inclamare non horreant.

Iam Kellifoni non esse hanc expositionem, adeoque fraudulenter & insulsè à Spongia ex eius verbis colligi, facile demonstrabitur. Nam verba Kellifoni quæ affert, nihil habent de hoc loco Pauli. Tantum aiunt, *Regulares honorare debent Sacerdotes seculares, qui ex diuina institutione Ecclesiæ gubernatores sunt: Et seculares honorare debent Regulares, ut Opitulatores.* Hæc verba sunt Kellifoni à Spongia relata, ad suæ expositionis confirmationem. Quem in finem Daniel, seu Iesuita cum quo agimus, ea transfigere & interpolare aggressus est in Apologia,



astutis ad marginem notulis, & in ipsam Kellisoni orationem intertextis, ut simul cum vocibus Kellisoni à lectore simpliciore commisceantur. Quæ futilissima strophæ hæretici scripturas sacras turpare, & sensum sine sensu adulterare cœperunt. Atqui quicquid astutiæ in subsidium euocet Spongia, nunquam efficiet quod vult, nec his verbis Kellisoni suam expositionem iussulciat. Quod enim ait Kellisonus, hoc idem vulgò ab omnibus dici solet, Sacerdotes Ecclesiasticos seu Clericos diuina institutione esse Ecclesiæ gubernatores; Religiosos autem gubernatorum diuinitus institutorum opitulatores, seu auxilia-  
rios. Nec tamen ideo quisquis ita loquitur, locum illum diui Pauli spectat animo, aut in eum commentaria meditatur, aut illum eo modo quo Iesuitæ placet, intelligit. Rem ipsam intuemur cum ita loquimur, non certum vllum Pauli locum. Ad quem si locutionem nostram leuiter alludere contigerit; frivolum & insulsum est, inde nos quasi obsignatis tabellis ad talem illius loci expositionem obtorto collo rapere. Imò quamuis Latina versio verborum Kellisoni à Iesuita concinnata aliquid simile voce tenus præ se ferat cum illo textu Apostoli; non ideo sequitur vulgaris linguæ voces, quibus ea sententia à Kellisono concepta est, eandem similitudinem exhibere, cum eadem res iis verbis efferri possit, non solum vulgari, sed etiam Latino sermone, quæ nulla specie ad locum Apostoli, de quo agimus, accedere videantur. Quare labat ac ruit vndique Iesuitica collectio, imò assertio audacissima, citròtibz querimoniis & insulsissimis apophthegmatibus intermixta. Qui sic agere, sic respondere audent nobilissimæ Facultati, nec eam, nec totius orbis iudicium reueritus, dignior est qui saltando vitam agat, vel apophthegmata ridicula decantando, quam qui Theologicæ rei vllam partem vnquam attingat. Quod si quicumque alterius opinionem affingit alteri, is noua Iesuitæ elegantia *salutare* dicendus sit, videamus ipsius *salutationes*, pro vna quam Censoribus obiecit, longè plurimas, & leuissimas inanis animi circulationes in imponenda sua ista expositione scriptoribus clarissimis, qui eam illis ipsis locis, quæ annotat, luce clarius euertunt ac respuunt.

## SPONGIA.

*Hæc ostendunt Authorem excusari, licet expositio digna notâ aliquâ esset, quanto magis cum sit Catholicorum interpretum, tantæ authoritatis, ut eam vocare ridiculam, verbi Dei abusuam, impiam, propè blasphemia sit. Incipiam ab Authore quem Sorbona magni facere debet, de quo Gerson ipsorum Can-*

*cellarius sic scribit: Ille singulariter inter omnes Doctores Catholicos, pace omnium salua, videtur idoneus, & securissimus ad illuminandum intellectum. Hic est Doctor Seraphicus sanctus Bonaventura, qui verba sancti Pauli de Regularibus interpretatur: Fratres, inquit, qui missi prædicant in humilitate & paupertate, similes sunt Apostolicis viris, & non pseudo-Prophetis: quia verò non habent illam plenitudinem potestatis, quam habent Prælati & habuerunt Apostoli,*

Tom. 1. col. 571. tract. de lib. le. gend. confid. 8. De pauper. Christi p. 422. edit. Vener. anno 1534.

ideò inter Opitulationes numerandi sunt, dicente Paulo, Posuit Deus in Ecclesia primum Apostolos, secundo Prophetas, tertio Doctores, deinde virtutes, exinde Opitulationes.

R E S P O N S I O.

Quo maior est sancti Bonaventuræ, eorumque quos deinceps profer, autoritas, hoc deterior habenda est expositio quam damnat, & quo apertius damnat eam hoc ipso loco, quo tu abuteris ad eius constabilitationem, hoc immanior habenda est tua stoliditas, & verborum tuorum vācors amarulentia. Nam primò sanctus Bonaventura non ait illo loco diui Pauli nomine opitulationum intelligi solos Regulares, sed *inter opitulationes numerandos esse*. Imo hic habet paulò post *Glossa*, *opitulationes, id est, eos qui maioribus ferunt opem, ut Titus Apostolo, & Archidiaconi Episcopus*. Quibus ipse addit: *Inter eos etiam numerari possunt, quos Pastor Ecclesie Dei statuit opem alijs ferre*. At Iesuita nomine opitulationum propriè ac definite solos Regulares intelligi voluit, prout à Sacerdotibus non Regularibus differunt. Ex eo enim quod Apostolus opitulationes prius posuerit, quàm gubernationes, colligit regulares esse altiore loco in Hierarchia quàm Sacerdotes Ecclesiasticos, quia videlicet nomine opitulationum regulares soli, nomine gubernationum alijs Sacerdotes intelligantur. Quæ argumentatio corruet, & supra modum spongiosa & spumæa efficietur, si intra opitulationum nomen simul cum regularibus quolibet Clericos incluseris. Hinc enim nulla regularium super alios Sacerdotes eminentia confici poterit. Non igitur adiuuat S. Bonaventura, sed abiicit, & iugulat expositionem Iesuiticam, dum negat textum diui Pauli de solis regularibus, sed simul de omnibus qui Episcopis opitulantur, seu regularibus, seu alijs interpretandum esse.

Deinde, quo maior appareat sententiæ diui Bonaventuræ à Iesuitico sensu discrepantia, Seraphicus Doctor non Episcoporum tantum opitulatores facit Religiosos, ut Spongia, sed etiam Parochorum; adeoque non eos illis præfert præsumptione Molinistica, sed Seraphica humilitate postponit. Quare dum nomen Opitulationum accommodat regularibus, nunquam solius Episcopi mentionem facit, sed vel disertè addit, eos etiam Parochorum esse opitulatores, vel generatim iis opitulandi partes assignat, non definito Pastorum genere cui opitentur. Ita verbis paulò antè allatis: *Inter eos etiam numerari possunt, quos Pastor Ecclesie Dei statuit opem alijs ferre*. Alijs, inquit, generatim, non solis Episcopis. Similiter in loco à Iesuita citato, opitulationibus accensuit eos sine adiunctione certæ personæ, cuius sint opitulationes. Et eodem loco paulò antè, multo apertius. *Nec hoc factum est in præiudicium, sed potius in adiutorium Parochialium Sacerdotum*. Nec ex hoc Ecclesia prostituitur, si CVRATIS Deus providet ADIVTORIVM, ut animas sibi commissas quarum habent curam, ab omni corruptione peccati perfectius custodiant incorruptas, ADMINICVLANTIBVS sibi viris spiritalibus NON VT DOMINIS VEL CVRAM HABENTIBVS, sed potius VELVT SERVIS per charitatem Christi. Tales igitur;

quia missi predicant in humilitate & paupertate, similes sunt viris Apostolicis, non pseudo-Prophetis. En quorum opitulatores diuus Bonaventura regulares putauerit, non Episcoporum videlicet tantum, vel etiam solius Pontificis Maximi, ut paulò post dicere conabitur Spongia, quamuis hîc nondum audeat, sed etiam Parochorum, seu Parochialium Sacerdotum: quorum adeò non solum adiutores eos facit, sed etiam seruos, per Charitatem nimirum Christi, non per mancipationem. Quid igitur ab eo discrepantius, quàm Iesuitica & præsumptuosa opinio, qua ex textu diui Pauli Regulares Parochis & Sacerdotibus Ecclesiasticis, in Hierarchia Ecclesiastica etiam anteponuntur? Discant tandem aliquando Molinistæ à Doctore Seraphico, non solum veritatem doctrinæ, sed etiam humilitatem; cuius penuria, doctrinæ veritatem amiserunt.

## SPONGIA.

Eandem expositionem sequitur Doctor Angelicus, Nam dicit nomine Opitulationum intelligi eos, qui iuuant Prelatos Maiores in regimine Vniuersalis Ecclesiæ. His autem maioribus Prelatis deservire & Opitulari, esse proprium istius Religionis, quæ ordinatur ad predicandum. Sanctum Thomam citat & sequitur Salmeron, qui dicit, Nusquam legi septuaginta duobus Discipulis, Apostolorum Opitulatores, determinatas Parochias fuisse assignatas, & ideò Opitulationum nomine recte intelligi Regulares, qui summo Pontifici ex voto obligantur, ut animas inueniunt in quavis orbis parte. Idem docuerat & notauerat longe antè Cardinalis Caietanus 2. 2. qu. 188. art. 4. ad 3. vbi dicit hoc munus Opitulationum magis conuenire delegatis, hoc est, Regularibus, quàm Curatis. Et nota, inquit, rationem quare oportuit tales Religiosos ad huiusmodi ministerium assumere, scilicet propter multitudinem fidelis populi, & difficultatem inueniendi Curatos sufficientes & idoneos; & sub hac ratione includitur alia, quia scilicet de facto malè consultum populo Christiano inuenitur sine huiusmodi supplemento, quod Deus dedit, & Romanus Pontifex gratiosè suscipiendo approbavit. Sed non omnes capiunt verbum istud. Et hæc, opinor, sufficienter demonstrant, quàm temerè hæc expositio velut ridicula, & impia contemnatur.

## RESPONSIO.

Impiæ quidem notam Censores non inusserunt expositioni Iesuiticæ, sed ut iure inuri possit & debeat, Spongiæ temeritas efficit, Sanctorum autoritatibus, modò sancti Bonaventuræ, modò sancti Thomæ, dehinc aliorum Theologorum, ad eius corroborationem impiè ludens, per apertissimarum falsitatum piacula. Nam vel luculentissimè falsata sunt quæcumque hoc loco ex his Authoribus congerit, vel de Religiosis & de textu sancti Pauli, de quo nunc quæritur, nihil habent. Mirum talia obiici in luce orbis, à sanis hominibus, à Theologis, à Iesuitis. Miserum, ad talia refellenda cogi, quorum vilissima & abiectissima stupiditas infra humanæ mentis ordinem est.

Primò, nego quicquam eorum quæ Diuo Thomæ tribuís, usquam apud eum extare. Quod tu præclarè sentiens, nulla eius verba citare ausus es, neque ullum eius locum adscribere, ne mendacium tuum ipsis legentium oculis cerneretur. Ista verò citandi ratio nonne indigna Theologo est? Nónne tantominus est ferenda, quanto ad falsitatis latebram fraudulentius eam quælisti?

Nam diuus Thomas Commentario in priorem ad Corinthios, vbi ex professo agit de expositione loci diui Pauli, de quo agimus, quo maximè loco suum de hoc textu sensum pandere debuit, non modò Opitulationum nomen non addicit Religiosis, sed nequidem eis accommodat. *Opitulationes, inquit, sunt minores, siue secundariae administrationes, quarum quedam ordinantur ad regimen Ecclesiae, &c. quedam verò ad doctrinam, Ad regimen Ecclesiae pertinent in generali quedam Opitulationes, id est, illi qui opem ferunt maioribus Prelatis in vniuersali Regimine, sicut Archidiaconi Episcopus. Ad doctrinam autem pertinet secundo quod subdit, linguarum genera, quantum ad illos qui variis linguis loquuntur magnalia, &c.* Quænam hic Regularium mentio est? Quàm verò aperta fraudulentia Spongiæ, quæ verba à diuo Thoma hic scripta respiciens, nomine scilicet Opitulationum intelligit eos qui opem ferunt maioribus Prelatis in vniuersali regimine, asserere audet ea referri ad Religiosos, de quibus hoc loco nequidem loquitur S. Thomas; & sequentia verba dissimulat, *Sicut Archidiaconi Episcopus* quæ S. Thomam Opitulationum nomine Archidiaconos intellexisse demonstrant, Spongiæ frontem quamlibet duram, sua vi & sua luce confundunt. Hæc prima & indignissima fraus, quam illa suppressio loco sancti Thomæ tegere voluit; nos eo prolato reteximus.

Altera multo grauior est. Id enim quod sanctus Thomas ait de illis qui opem ferunt maioribus Prelatis, in vniuersali regimine, Iesuita inflectit in hunc modum, qui iuuant Prelatos maiores, in regimine vniuersalis Ecclesie, fingitque sanctum Thomam, ea etiam Regularibus propriè tribuere, vt nimirum insinuet id, quod infrà latè disputat, Religiosos esse in vniuersali Ecclesie regimine adiutores tantum Pontificum Maximorum, quos, maiorum Prelatorum nomine, à sancto Thoma intelligi vult. Quæ sanè insignis falsitas est, & infelix superbia, ipsis diui Thomæ verbis hoc ipso loco conuicta. Nam diuus Thomas sua illa verba, Qui opem ferunt maioribus Prelatis in vniuersali regimine, ipsemet statim exponit hoc modo, Sicut Archidiaconi Episcopis, declarans se nomine Maiorum Prelatorum, non solum Pontifices maximos intelligere, vt isti volunt, sed omnes generatim Episcopos, nomine autem eorum qui ipsis opem ferant in vniuersali regimine, non Regulares, de quibus nihil loquitur, sed Archidiaconos, aliosque his similes interiores Prælatos, qui Episcopis in generali regimine populi ac Dioceseos deseruiunt, nec certis ad certum locum officiis alligantur, vt Parochi, quos ideo sanctus Thomas maluit nomine gubernationum ab Apollolo notari, quàm Opitulationum. Quæso, siccine cæcum est humanum genus aduersus veritatem, vt tam aperta & tam manifesta dissimulet?



Quanta perfidia, quanta impudentia Iesuitici supercilij atque fastus, ut, licet toties reclamante sancto Thoma, tamen fingere audeant se doctrinam eius sequi, & eum Authorem citent, dum nolunt non modo Patrochorum Opitulatores & administri haberi, ex humilitate Seraphica, quam iis paulò antè sanctus Bonaventura, & ex Angelica, quam etiam antè sanctus Thomas proposuit, sed nequidem Episcoporum, sed solius Pontificis Maximi, nullum agnoscentes in Ecclesia sub ipso fastigium, cui fasces submittere velint, inanissimi homines, & tanto contemptu odioque dignissimi, quantum arrogantia inaudita profitentur. Quod etiam clarius faciunt paulò post, ubi extollunt eas Religiones *qua sunt ex instituto Opitulationes, & subseruiunt summo Pontifici in regimine vniuersalis Ecclesiae*. Ut deinceps Iesuitas velut ad regimen vniuersalis Ecclesiae destinatos, vniuersali quadam potestate praeditos, legatos quodammodo per totum orbem Pontificios, Episcoporum non iam adiutores, sed collaterales, imò, ut etiam praedicant, quodammodo praestantiores & eminentiores, venerari debeamus. Spreuerunt te, & subsannauerunt te, virgo filia Sion, Ecclesia Dei sanguine genita, spiritu formata: Post tergum tuum caput mouerunt, filia Ierusalem. Cui exprobrastis, & quem blasphemastis? Contra quem exaltastis vocem vestram, & eleuastis in excelsum oculos vestros? Contra Sanctum Israël, contra Christum Dominum, eius Ecclesiam, Ordinem, Legem ea praesumptione calcantes, cui similem Ecclesia nondum penes Catholicos audierat, antequam Iesuiticum nomen extitisset. Nulli enim ante ipsos natos Religiosi Catholici fuerant qui gloriari auderent, se non esse ex instituto Opitulationes nisi summi Pontificis, ei soli, non Episcopis subseruire in Ecclesiae regimine, ad vniuersalis Ecclesiae regimen vniuersali quadam potestate destinari; cum tamen nullam reuera potestatem absolutè habeant, nec eis vlla potestas à Romano Pontifice conferatur nisi pendens & subiecta Episcopi cuiusque voluntati; ut non solum à Pontifice, sed etiam ab Episcopis accipere potestatem, nec solum Pontifici, sed etiam Episcopis subseruire, & auxiliari dicendi sint.

Quod autem addit Spongia sanctum Thomam docere: *His maioribus praelatis* (hoc est, eius sensu, *Pontificibus in regimine vniuersalis Ecclesiae*) *deseruire & opitulari, esse proprium Religionis, quae ordinatur ad praedicandum*; iterum inquinat locum S. Thomae ex Summa Theologica repetitum. Ad duos enim S. Thomae locos, alterum ex Summa, alterum ex Commentario Paulino iam expositum alludens, vtrumque seorsum corrumpit, & ex vtriusque corruptione nouam tertianique corruptelam conflauit: tanta impuritatum sentina in ista Spongia latet. Nam S. Thomae verba illa in Summa Theologica quae tantum innuit, neque planè exprimere apertissimae conuictionis formidine ausa est, haec sunt: *Et ita subseruire Prælati in tali ministerio, est huiusmodi Religionis proprium*. Vbi de quibusnam Prælati agat, ipse verbis proximè antecedentibus docet. *Religiones instituuntur ad praedicandum, & confessiones audiendum, non quidem auctoritate propria, sed auctoritate Prælatorum superiorum & inferiorum, ad quos ex officio pertinet*. Quibus mox verba à Spongia

Spong. p.  
98. hoc est.  
tit.

4. Reg. 19.

Cōcil. Trid.  
S. 23. cap.  
15. & ff.  
24. 6. 4.

S. Th. 2. 2.  
q. 188. art.  
4. ad 2.

insinuata subnectit. Nónne igitur monstri instar est, ex S. Thoma, & ex hisce locis eius contendere Religiosos esse adiutores summi Pontificis in regimine Ecclesiæ vniuersalis; cùm S. Thomas tam disertè, tam apertè, adiutores eos & subseruientes faciat *Pralatis superioribus & inferioribus*, adeoque non solùm summis Pontificibus, sed etiam ad minimum Episcopis, si eos Prælatorum inferiorum nomine intelligere velit Spongia; vel veriùs, & ad veram mentem sancti Thomæ, Episcopis & Parochis, aliisque sub Episcopo minoribus Prælatis, vt supra etiam diuum Bonauenturam docentem audiuius. Nam nomine *Prælatorum inferiorum* Curatos à D. Thoma complecti manifestum est, quia hoc eodem articulo bis eos nomine *ordinariorum Prælatorum complexus* est, vt ex textu patet. Et clariùs alibi eos *minores Ecclesiæ principes* appellauit. Deponant insolentem audaciam Molinistæ, deponant animos, deponant purulentas Spongas, & nocentissimas defensiones, quibus multo indigniùs, quàm ipsa Censurà Sorbonicà, produntur & infamantur.

Ad 4. & ad  
5. 3. p. 9.  
67. art. 2.  
ad 2.

Magna verò fiducia est, dicere S. Thomam cùm ait, *Ita subseruire Prælatis in tali ministerio, est huiusmodi Religionis proprium*; id proprium fecisse Religionibus eiusmodi, etiam præ gradibus & ordinibus Cleri, & Sacerdotibus Ecclesiasticis; contra manifesta ipsius testimonia superiùs memorata, & contra manifestum eius orationis contextum. Liquet enim ex scopo & serie articuli, hoc ab eo dici Religionibus istis proprium, non præ Sacerdotibus Parochialibus, aut Clericis quibuscumque, de quibus ibi non agit; sed præ aliis Religionibus contemplationi soli & quieti Religiois, aut aliis operibus, consecratis. Comparat enim inter se varia genera Religionum, vt ipsa lectio articuli solius probat. Neque tales fallacias tam ieiunas, tam olidas, tam informes Iesuitæ Christiani orbis oculis obicerent, nisi Deus pœnas eorum superbix quæ manifestos errores ingenti peruicacia tegere voluit, per manifestam eorundem stoliditatem exigere voluisset, qua peruicax illa superbia, tanto maiorem confusionem incurreret, quanto illam iure proine-ritam, iniquioribus artificiis effugere conaretur.

Abiiciatur igitur Iesuitica temeritas, D. Thomam ausa proferre inauditæ suæ D. Pauli expositionis Authorem, & inuisæ præsumptionis assertorem. Si enim nec in eo loco vbi dedita opera textû illum Apostoli exponendum suscepserat, nec vsquam alibi, cùm variè de Religionum varietate disputat, istius interpretationis meminit, nullius pudoris est, exoticum ei cõmentum, velut auctori, impingere. Nam etiam in Summa Theologica, eundem locum Pauli eodem modo, & iisdem penè verbis explanat, quo in ipso ad eum Cõmentario explanauit; in cuiusque explanationis confirmationem dicit Glossam. *Presbyteri, inquit, Curati & Archidiaconi habent aliquas administrationes, sub Episcopis. Vnde super illud 1. ad Corinth. 12. Alij Opitulationes, alij gubernationes, dicit Glossa: Opitulationes, id est, eos qui maioribus ferunt opem, vt Titus Apostolo, vel Archidiaconi Episcopis. Denique nusquam, de Opitulationibus agens ab Apostolo enumeratis, earum nomine significat intelligi Regulares, nedum Re-*

gulares solos, ut iam ex tot locis luce ipsa clarius est: Et qui contrarium asserere non metuat, ut Iesuita nunc in Spongia, & ante in Apologia asseruit; eum necesse est vel nunquam legisse sanctum Thomam, & sic temeritate ruere; vel si legerit, stupore aut perturbatione, aut nequitia animi, à lucis ipsius intuitu præpediri.

Iam Salmeronem suum, quoniam modo profert Iesuita, sine vlla certi loci notatione, unde ipsius fallacias hic etiam deprehendamus? Nam magnum argumentum est, latere doli quippiam in hoc silentio, quod ea, quæ de Salmerone narrat, neque aiunt solos Regulares Opitulationum nomine à diuo Paulo intelligi, quod tamen ad tuendam expositionem Iesuiticam necesse est, ut supra declarauimus, neque vllam Paulini textus, de quo agimus, mentionem habent: Et cum Salmeron citet & sequatur sanctum Thomam, in eo quod ait de septuaginta duobus Discipulis, nihil aliud dicere potuit, quam quod dixit diuus Thomas, Formam *septuaginta duorum Discipulorum*; non solum tenere Presbyteros Curatos, sed quoscunque alios minoris ordinis, qui Episcopis in eorum officio subseruiunt. Quod & nihil facit ad controuersiam, & interpretationem textus Apostoli, de quo certamus, & alium errorem Iesuiticum confutat, quo Regulares formam septuaginta duorum Discipulorum referentes, non Episcopis, sed summis Pontificibus subseruire dicuntur, in regimine vniuersalis Ecclesiæ.

Postremò Cardinalis quoque Caietanus, summa animi leuitate producit, nihil asserens quod pertineat ad illum Paulinum locum, nec ad anteferendos Parochis aut Sacerdotibus Ecclesiasticis, Regulares. Imò loco à Iesuita notato apertè docet, non solos Regulares, sed omnes omninò Presbyteros Inferiores, esse subsidiarios Episcoporum, & septuaginta duos Discipulos repræsentare. *Aduerte primo*, inquit, *rationabilem expositionem, ut formam septuaginta duorum Discipulorum Domini gerant omnes minores Sacerdotes, qui scilicet assumuntur in adiutorium Episcoporum.* Quod idem deinde aptat Curatis & Religiosis. Ita omnes responsiones Spongiæ hærent in salebra; Omnes nihil probant nisi summam esse, quoquò te verteris, Spongiæ futilitatem & audaciam; nec extare Theologorum omnium quempiam, cui vnquam in mentem venerit expositio Danielis, ut Apostolus Opitulationum nomen solis Regularibus proprium facere, & de illis solis intelligi voluerit. Quæ tamen mens eius est, & necessariò esse debet ut valeat collectio illa insolens & præsumptuosa, quam ex eo loco elicere conatus est, ut ex antè dictis sat demonstratum arbitror. Hæreat ergo in tali figmento iustissima Censuræ nota, quam Spongia cum eluendam suscepisset, tot fœdissimas temeritatis, imperitiæ, peruicaciæ notas ipsa vltro suscepit.

#### SPONGIA.

*Hinc infertur propositionem Authoris, quod Regulares, qui ordinantur ad prædicandum, sunt de Hierarchia eminenti quodam loco, esse saltem probabilem. Nam sanctus Paulus 1. Corinth. 12. declarat distinctionem & subordinationem Hierarchicam, quæ est in Ecclesia; unde ad probandam Hierarchiam hoc testimonio*

videtur Concilium Tridentinum sess. 23. cap. 4. Numerat autem Apostolus eos qui de Hierarchia sunt ordinati, primo, secundo, tertio; praeponit etiam Opitulationes Gubernationibus, ut textus ostendit. Igitur Religiones quae sunt ex instituto Opitulationes, & subseruiunt summo Pontifici in regimine vniuersalis Ecclesiae praeferenda sunt instituto gubernationum, quae cura animarum vnius Parochiae alligantur.

R E S P O N S I O.

Hoc loco primum confitentem reum agis. Cum enim supra negaueris, damnatam propositionem, doctrinamque, & Apostoli expositionem in ea conclusam, tuas esse; hinc, emicante suo impetu veritate, negationem illam retexis ac resoluis planissimè, & damnatae propositionis sententiam, omisso iam Kellisoni velamine, eodem prorsus ordine, quo in propositione damnata continetur, ex tuo sensu depromis, addita etiam in illius confirmationem Concilij Tridentini auctoritate, de qua postea dicemus. Vnde iudicare facile est, quanta sit exclamationum & querimoniarum tuarum fallacia, cum quasi dolo circumuenta, iniustas tibi reprehensiones deprecaris.

Deinde ineptissimè ad propugnandam, aduersus Censuram iudicium, damnatam propositionem, idem probandi genus, & idem ex Apostolo argumentum iteras, quod damnatae illi propositioni inest, & quod ob hanc causam illi iam antè damnarunt. Quid hoc aliud est, quam Spongiarum more argumentari, turpissimè principium petere, idem, quod aiunt Logici, per idem probare? Nam quod in damnata propositione argumentum è textu Apostoli, sub Kellisoni nomine obtrulisti, idem hoc loco ex eodem textu, sub nomine Concilij Tridentini obtrudis, ac multo etiam inanius, ut demonstrare promptissimum est.

Nam primò, ut verissimè sit à te prolatum Concilium Tridentinum, nec in prolatione quicquam vitij lateat; ut etiam verissimum esse concedamus Concilium docuisse *Sanctum Paulum* 1. Cor. 12. *distinctionem, & subordinationem Hierarchicam declarare*; tamen iudicij tui tenuitas, & leuitas ingenij crumpit & euolat in omnium oculos, nec vlla vllius aduersarij concessione tegi potest. Concilium enim nusquam ait Opitulationum nomine intelligi apud Apostolum regulares, nedum Regulares solos, ut tu supponis; nec de Regularibus verbum vllum facit; neque quisquam Author, vel eorum quos ante citasti, vel eorum quos infra citas, istam expositionem tradit. Vnde clarissimè consequitur, & Concilium Tridentinum obtusè à te laudari in rem alienissimam, & tuam opinionem nequidem *probabilem* dici posse, sed *stolidam dicendam* esse, antehac inauditam, & à nullo, quod constet, Theologo vel cogitam, antequam per falsa Iesuitarum nomina, per impuros affectus, per stultissimas Spongas, in hominum notitiam proderetur.

Qua verò audacia asseris, Concilium Tridentinum illo textu Apostoli 1. Cor. 12. *uti ad probandam Hierarchiam*? Quod quidem si verum est, summa à te iniuria Concilio Oecumenico, per summam blasphemiam iniuritur. Nam Concilium nihil aliud de sancto Paulo eo loco ait, nisi



contra eius doctrinam facere, si quis affirmet *omnes Apostolos, omnes Prophetas, omnes Euangelistas, omnes Pastores, omnes Doctores esse*. Quem locum si ad 1. Cor. 12. caput referas, crimen falsi Concilio impegi-  
sti, cum in duodecimo isto capite Apostolus nec *Euangelistarum nec Pastorum* meminerit. Locus ergo à Concilio citatus legitur in quar-  
to capite epistolæ ad Ephesios, ubi nominum à Concilio ex Apo-  
stolo relatorum series integra & eadem, sed Opitulationum nulla  
mentio, reperitur. Quid ergo Iesuiticæ vertigini facias, quæ istis  
scæditatibus maculare chartas, aduersarium in iis flagellandis fatiga-  
re non desinit? Næ si porro ita pergat, mastigem sibi aut medicum  
aliud quæret me authore, agasone aut mediastinum aliquem, tra-  
ctandis sordibus assuetum, non Theologum diuinæ purissimæque  
veritatis tractatorem. Lapsus autem est Iesuitæ bonus genius in hanc  
fraudem, intentis in marginales Concilij notas oculis, quas hæreti-  
corum nostratium more in textum transferens, & cum eo miscens,  
non dubitauit quin Concilium usus esset illo Apostoli testimonio,  
quod in iis notulis legeretur. Verum pro perspicacia Iesuitica scire  
debeuit, notationes illas non esse Concilij Tridentini, sed ab aliis  
priuata industria adiectas, quos sua præfatione Typograph. Plantinus  
excusauit. Neque tamen isti quicquam Iesuitæ fauerunt. Dum enim  
ad verba Concilij, Hierarchiam esse *ut castrorum aciem ordinatam*, an-  
notant locum Cant. 6. & 1. Cor. 12. nihil aliud volunt, nisi eo loco  
Apostoli probari ordinem aliquem in Ecclesia, non promiscuam &  
æqualem, ut hæretici voluerunt, fidelium omnium conditionem.  
Quo ex ordine, & Ecclesiæ membrorum disparitate, quomodo pro-  
banda sit Hierarchia, ante diximus aduersus cauillum, quem hoc textu  
Iesuita Kellifono innectere conatus est.

Cæterum ut expositionem & opinionem Iesuiticam, non solum au-  
thoritate, sed etiam ratione vera & Theologica vacuam, & vndique  
improbabilem demonstremus, nemo est qui tantula intentione men-  
tis locum Apostoli consideret, quin videat, nihil esse, vel in speciem,  
rationis, quo doctrina Iesuitica illo textu adstruatur. Nec enim ibi  
Apostolus loquitur de solis gradibus Hierarchicis, sed omnibus gene-  
ratim gratiis, quas Deus Spiritu sancto in Ecclesiæ corpus diffundit, sub  
quibus gratiis etiā gradus Hierarchici, seu potestates Hierarchicæ con-  
tinentur. Declarat id ipse Apostolus statim initio capitis ita inchoans,  
*Diuisiones gratiarum sunt, idem autem spiritus*. Quam deinceps propositio-  
nem toto contextu capitis illustrat, probationibus subiiciens hanc  
clausulam illi initio respondentem, *Hæc autem omnia operatur vnus at-  
que idem spiritus, diuidens singulis prout vult*. Declaratur id ipsum ipso tex-  
tu de quo agimus, *Et quosdam quidem posuit Deus in Ecclesia, primum  
Apostolos, secundò Prophetas, etc.* In Ecclesia, inquit, non in Hierarchia;  
ut clarissimè liqueat de Ecclesia Apostolo sermonem esse, non de Hie-  
rarchia, quæ non Ecclesiæ corpus, sed solum pars capitalis est. Alioquin  
si omnia ab Apostolo recensita nomina gradus Hierarchicos sonent, &  
eo ordine referantur quem quique gradus in Hierarchia Ecclesiastica

obtineant; fatendum est non solum *Opitulationes*, sed etiam *virtutes*, *gratias curationum*, *genera linguarum*, &c. esse gradus Hierarchicos, ipso statu Regulari præstantiores, cum ab Apostolo ante *Opitulationes*, quibus Regulares significari volunt, enumerentur.

Verum tantum abest, ut omnia istiusmodi nomina ad Hierarchiam Ecclesiasticam pertineant, & graduum Hierarchicorum dispositionem ordinemque significant, ut nequidem Prophetarum nomen, quod Paulus Apostolorum nomini secundum adiungit, in gradibus Hierarchicis numerare liceat. Prophetia enim est donum spiritus sancti, & gratia gratuita, non solum fidelibus omnibus, sed etiam infidelibus communis, ut de Sibyllis tradunt veteres, ac proinde ad Hierarchicos gradus propriè non redigenda. Nam & inter fideles, & in Ecclesia, Prophetiam fœminis quoque impartiri docet Apostolus, *Omnis mulier prophetans non velato capite deturpat caput suum*. Et 1. Cor. 11. in lege veteri prophetides erant Maria soror Moysi, Debbora, Anna, Samuëlis mater, Anna filia Phanuel, aliæque his similes. Unde constat i prophetas nequidem de *legali*, ut loquitur Dionysius, *Hierarchia* fuisse. Nam nec successionem habebant unde orirentur, nec quam ex se propagarent; sed extraordinaria, & ut ita dixerim, singulari missione progeniti, proprias seorsum radices agebant, vel non agebant potius, sed individuo & quasi sterili trunco vigeabant, Hierarchiæ, seu missionis ordinariæ legalis, non gentilitij, siue, ut cum Tertulliano loquar, consanguinei, sed collaterales, & ab eodem, cum illa, autore Deo propria, & æque propinqua origine orfundi. Fatendum igitur necessariò est, commemorata ab Apostolo nomina non esse omnia Hierarchica, seu graduum Hierarchicorum significantia; sed partim ad Hierarchiã, ut *Apostolos*, *Doctores*, *Gubernationes*, partim ad gratias quas gratuitas vocat, omnibus promiscuè hominibus, tû probis, tû improbis, tû fidelibus, tum infidelibus, communes, ut *Prophetas*, *virtutes*, *linguarum interpretationes*, &c. pertinere. Apostoli enim eo loco consilium est non tam Hierarchiam, quàm varia donorum genera ab eodem spiritu in vniuersum Ecclesiæ corpus diffuentia exponere, quemadmodum monuimus, ut Corinthios eorum donorum, seu, ut ait, *Spirituum emulatores*, quid de iis sentire, quomodo in eorum vlu se gerere deberent, commoneret. Dion. de Eccles. i. i. c. 5. rai to to rai moti copiam. Tertul de præf. c. 32. 1. Cor. 14.

Quare nemo iam non videt, manantes certatim vndique è Spongia futilitates & imperitias, quæ sua ipsa multitudine sese tegunt & subleuant, ut singularum grauitas, quæ seorsum turpissima videretur, in tanto numero obscurata tenuior appareat.

Hoc solum in aurem dixerim Iesuitæ, nunc profectò Iesuiticæ caliditatis immemori, ut caueat ne hunc diui Pauli locum in sui erroris gratiam nimis vrgendo, magnopere corroboret sententiam illam Ioannis Maioris, & Facultatis Parisiensis, quam initio magnâ verborum petulantia respuit, Parochorum officium esse diuinæ institutionis. Si enim diuus Paulus nomine *Opitulationum* Religiosos, nomine *Gubernationum* Parochos intellexerit, ut Iesuitæ placet, idque propriè &

dogmaticè, itavt hinc verè Hierarchicum inter Parochos & Regulares ordinem colligere liceat; manifestè sequitur Apostolum dicere Deum in Ecclesia posuisse non solum Apostolos, Prophetas & Doctores, sed etiam Parochos; & ita negari non posse, quin Parochi sint diuinæ institutionis; quam doctrinam Iesuita tam male oderat. Hoc obiter commonitum volui, quo minus doleat, suum in textum Apostoli errorem confiteri; cùm ea confessione magnum aduersus exprobrationes suas præsidium Sorbonæ eripere possit.

## SPONGIA.

Pag. 79. Cuius assertionis, vt pateat, quàm inconsideratè Richeristæ eam vocent falsam, temerariam, erroneam, presumptuosam, quatuor testes adhibebo gravissimæ authoritatis. A Gallia incipiam, & à libro recentè edito D. Francisci Fontani concionatoris regij, qui etiam offert testimonium Reuerendissimi Episcopi Geneuensis, quem meritò vocat, sanctum Carolum Francia. Hic contra negantes Regulares de Hierarchia esse, hac est usus oratione: Nescio vbi Domini mei suam confluunt Hierarchiam, nec vbi distinctiones istas excogitarunt. Cùm placuerit ipsis, demonstrabo, Religiosos vnum esse ex importantissimis veræ Ecclesiasticæ Hierarchiæ membris. Illum autem, qui præ se fert, se velle tantum Religiosos deiicere, quod etiam Episcopos deiicere vellet, imò ipsum Papam. Hoc in Gallia scribitur, hoc Parisijs predicatur, intra Sequanam docetur; quo omisso Richeristæ ad excidendam hanc herbam, ultra Oceanum falcem mittunt in Anglicanum solum. Ridiculè. Prius domi incipiant à Concionatore Regio, Reuerendissimum Episcopum Geneuensem, clarum doctrina & sanctitate vitæ, sanctorum catalogo dignum, impium & erroneum declarent, quod vbi fecerint, quid reuerentia Censuris eorum debeatur, Angli cogitabunt.

## RESPONSIO.

Hic iam digrederis à proposito, & nouam disputationem ingrederis. Cùm enim propositio, quam propugnare cœpisti, ideò damnata fuerit, quia Parochis in Hierarchia præposuit Regulares, & id à diuo Paulo textuantè exposito confirmatum asseruit; tu utroque hoc capite derelicto, & abiecta gemini erroris tui defensione, vt viribus tuis longè impari, aliam litem moues, & in aliud stadium excurris, vt nimirum probes hoc tantum, Regulares esse de Hierarchia, & membra, seu eximia membra Hierarchiæ, qua de re in propositione quam tueri, & in Censura quam delere aggressus es, non agitur. Frustra ergo, sequens tot paginarum sermo à te consumitur, in hoc solo occupatus, de quo iam controuersia non erat, & quod ad præsentem Censuram nihil pertinet. Multo imperitius, siue stolidius ais, te tantam parergorum congeriem effundere, vt pateat quàm inconsideratè Richeristæ assertionem tuam vocent falsam temerariam, &c. Hac igitur inconsiderationis, & temeritatis, & effugij tui generali reprehensione præmissa, quæ vice primæ responsionis erit, qua tota tua disputatio sequens vno impetu euertitur; digressionem tuam, quam iure contemnere &

vno

uno verbo repudiare poteramus, humanitatis gratia sequemur, ut dis-  
spunctis singulatim argumentis leuiculis, quibus extra semitam exul-  
tas, vel te, vel alios per te, in viam, si fieri possit, reuocemus.

Ante omnia, *quatuor testes polliceris grauisimæ authoritatis*, quorum  
videlicet testimonio probes, *Religiosos esse in Hierarchia*, vel eximia  
quædam Hierarchiæ membra. Primum ex Gallia accersis *D. Francis-*  
*cum Fontanum Concionatorem Regium*, eique adiungis *Reuerendissimum*  
*Episcopum Geneuensem* beatæ memoriæ virum, quorum prolatis testi-  
moniis exclamans in Theologos Parisienses, ut si in te Censuram  
ferant, prius Concionatorem Regium, & Episcopum illum *clarum*  
*doctrina & sanctitate vitæ, Sanctorum catalogo dignum, impium & erroneum*  
*declarent*. In quo ridiculum animi tui feruorem, multis modis obrue-  
re possumus. Nam, quod iam ante monuimus, ut tibi omnia quæ  
sumis concedantur, illa tamen ipsa damnatam propositionem Cen-  
suramque nihil spectant, cum nec ille Regius Concionator, nec  
Episcopus ab eo laudatus, dicant Regulares esse in Hierarchia Ec-  
clesiastica superiore quam Parochos gradu; multo minus in tantæ  
arrogantiæ assertionem textum Apostoli contorqueant, quod solum  
temeritatis, & erroris, & præsumptionis damnarunt Theologi Pa-  
risienses. Abi ergo quò dignus es, cum istis omni iudicio exhaustis,  
omni conuicio opprimendis clamoribus, quibus in absurdissimi te-  
stimoniij prolatione, nouas propriasque absurditates, è tuo cerebro  
ineptiis vberrimo, parturis. Nam Dominus ille *Franciscus Fontanus*,  
quem tu grauisimo tuo iudicio *grauisimæ authoritatis testem* æstimas,  
sui nominis falsitate, magnum, & tuæ, & suæ falsitatis omen est.  
Quippè palam constat illum pseudo-*Fontanum*, esse verum Patrem Bi-  
net, locum tuum, & illo, & plurimis eiusdem texturæ opusculis no-  
tissimum. Quem nescio qua fronte, in Gallia, & Facultati Parisiensi  
sub falso nomine vendites, personatum hominem, & nulli adeò rei, ut  
scenicis schematibus, & fabellis natum; non Theologicarum rerum  
vel iudicem, vel *testem* tolerabilem, nedum, ut tu ais, *grauisimum*.  
Egregium verò Galliæ & vniuersæ Ecclesiæ spectaculum exhibes, Ie-  
suitas duos in re grauisima, comica leuitate colludentes, histrionum  
more laruatos, te *Ioannem Floydum* sub Hermannii Loëmelij imagine, il-  
lum *Antonium Binet*, sub Francisci Fontani figmento; te in *Canonicum*  
*lectoralem*, illum in *Concionatorem Regium* è Iesuitis transmutatos. Caue-  
te ne sub hac fabula lateat auspiciū veritatis, ut quod ludentes agitis,  
Deo vindice seriò aliquando agatis. Quanta enim peruersitas & in-  
uerecundia est, ementito aduersariorum velamine, eorum vos ordi-  
nibus, ad maiorem contumeliam, inferentes, *οἰομαχίας*, fallacia  
certamina, proditorio, vel, si dicere liceat, diabolico more misce-  
re? Sic enim diabolus per plurima æuorum spatia Deum ipsum sub fal-  
so diuinitatis simulacro aggressus, horrendam ab eo humani generis de-  
fectionē, & infanda in hominū animis mēdacia blasphemiasq; operatus  
est, perficiens sub ipso illius, quē oppugnabat, habitu, id quod sub pro-  
prio, nunquā perficere potuisset. Cui tamē isti lōgè sunt impares exitu,



si pares consilio fuerunt. Nam de pseudo-Loëmelio, speramus nos perfecturos, ne quem in fraudem, nisi fortè volentem & conscium, abstrahat; & ipsæ illius fallaciæ adeò miseræ, & miserè consutæ apparent cuius mentis oculos paulò propius admouenti, ut prodendo artificii, quàm capiendis aliis aptiores videantur. De Bineto verò, cum primum libellus eius, de quo hîc agitur, emanauit in lucem, fuerunt Lutetiæ viri graues & Theologiæ cognitione præstantes, qui hominis in rebus captu suo maioribus contrectandis audaci temeritate offensi, opprimendum lasciuiienti os, & sterilis arbulculæ fibras elidendas putauerunt. Qui deinde circulatoriam & futilem ridiculi dramatis loquacitatem admirantes, maluerunt suæ illud inanitati relinquere, qua celeriter dilaberetur velut fumus præteruolans, quàm responsione seria soliditatem ei aliquam, qua diutius consistere possit, adiicere. Nec prudenti consilio euentus abfuit. Iam enim opellam istam Binetiam usque adeò euanuisse videmus, ut vix vllum eius vestigium in hominum memoria supersit. Quippè lapsiones illic & imperitias, quarum aliquas infra subiicimus, & rerum Theologicarum, quibus ille Pater minimè idoneus est, distorsiones, & contumelias in Clerum quibus hæreticorum more potestatem eius oppugnat, ineptias denique omne genus, illum ipsum, & abrupti eius animi impetus, & conciones Mimicas, & sermonis intemperiem, redolentes, non plena manu, sed pleno modio admetiri licet. Nec tamen mirum est, contemptissimum opusculum Ieluiticæ conspirationis machina, in exteras regiones, in Belgium, vel Angliam usque euolasse, & apud locios, pro suæ ambitionis cæcitate, eam opinionem adeptum, ut illinc Spongia errata non pauca, quæ paulò post patescit, exhausserit, ut iis hæreses suas, & Censuram Facultatis Parisiensis aspergeret. Acumina etiam Binetiana, & phrasæ elegantulas complures mutuata est, ut illam in primis *sanguinem & aquam sudare*, cum de Religiosorum laboribus sermo est, quam tertio quoque versu iterat festiuus pater, quam in idem argumentum transuersam toties Spongia resonat. Temerè, ac nimium temerè, leuissimus Author Facultati Parisiensis obtenditur, eo adornatus præconio; quod facilius in Anglia, vel in Belgio, quàm in Gallia, & Lutetiæ fidem faceret. Hoc enim infaustè accidit, bono patri, ut cum Atheniensem, ut in proverbio est, Athenis laudare facilius fuerit, quàm apud exteros, ipse contra facilius apud exteros, quàm in Gallia venditari potuerit. Nimium enim notus est, ut ita laudetur, & ipsa ei famæ suæ magnitudo officit, qua multo habilior putatur scribendis histrionicis agrotantium Consolationibus, quod iampridem fecit sanè feliciter, ita ut à quibusdam minimè malis hominibus *spiritualis scurra* dicatur; quàm Theologicis rerum grauiorum disputationibus extricandis. Nam cum Deus ægritudines humanis corporibus immittat, ut animi à terrenarum rerum studiis & suauitatibus velut ablactentur; Consolator iste diuinæ prouidentiae consiliis obstrepens, egros homines fabellis anilibus, & theatralibus nugis, &, ut ait Apostolus, stultiloquiis, ad seculares

iocos , & ad humanorum gaudiorum illecebras abripit , nescius tristitiam , quæ secundum Deum est , pœnitentiam in salutem stabilem operari , & in hoc tristitiæ genere veram & Christianam ægro-  
 tantium consolationem , non in scenico artificio , nec in ludicra humanarum cupiditatum titillatione , nec in ioculari garrulitate sitam esse. Vt enim præclare de consolatione hominis iusti, *Tedio contabuerat, recolendo Deum delectatus fuerat, rursus garriendo defecerat.* Quare quod August. in  
Psal. 76. ex eo de beatæ memoriæ Episcopo Geneuensi refert Spongia , parum Authore loco habendum est. Nam quod in eo libello de sanctissimo illo Antistite scribitur, prosopopœia est plus Binetianæ facundiae modulationem, quàm illius Antistitis gravitatem aut genium referens. Si quid à purissimo illo fonte per talem traducem emanavit , adeò in aliud transfectum est , ut meritò à nemine agnoscat. Nam personæ minimè congruit tabella : idque vel ipse Spongiæ opifex haud dubiè fateretur, si Gallicæ linguæ scientior esset, qua eum tenuiter imbutum esse mali loci mala versio indicat. Qui illum sanctæ memoriæ Geneuensem Antistitem propius norunt viuentem quàm potuerit nosse pater Binetus, longè aliud iudicium eius fuisse perhibent, quam quod iste domestici testimonij lenocinio prodit, eaque sobrietate de omnibus Religiosis generatim , & ea vi animi de nonnullis nominatim, quos hîc nominare non attinet, sensisse commemorant, ut nihil affine habuerit cum verborum æstu, quem ei fictus Author affinxit. Cur enim ei sit religio maior, mortui hominis authoritati, natiua sui oris licentia illudere, quàm sanctioris Consilij Regij Maiestati, cui nouissimè impudenti mendacio, cuius hunc patrem architectum & instinctorem prædicant, Iesuitica audacia illusum est, ut Collegium Cenomanense Academiae corpore diuulsum, Iesuitici Collegij laxitate iure congrui, vicinitatis priuilegio, absorberetur ? Quam prædam fallacissimorum sociorum faucibus, Academiae autoritas, & manifesta rerum fides eripuit. Hæc audimus, hæc videmus, hæc post editam Spongiam Authore Patre Bineto construi & machinari cernimus; & ei de mortuo Antistite quilibet per prosopopœias, per personas fictitias, suo solo testimonio in suum commodum scriptitanti, fidem habebimus ? Melius sanorum hominum iudiciis ominandum est. Valeat Regula Iuris: *Qui semel est malus, semper præsumitur malus.* Nec refert quod ait Spongia illum *hoc in Gallia scripsisse, hoc Parisiis publicasse, intra Sequanam docuisse,* nec tamen fuisse qui reprehenderet. Nam primùm si Spongia ullis oculis, quos nullos habet, vel ipsam inspicere potuisset libelli frontem, legisset editum non in Gallia, nec Parisiis, sed *Nanceij per Iacobum Garnich, suæ Celsitudini Typographum.* Quod si in hoc ipso, ut in aliis, suæ scenæ inseruit lepidus pater, & verè Iesuitam egit; sciat Spongia, & ita sibi verissimè persuadeat, si omnibus Iesuitarum erratis & mendaciis, etiam leuioribus, reprehensionum Censurarūque aculeos infligi oporteret, non fore Censurarum modum, & citius Censoribus reprehendēdi tedium, quàm ipsis aberrandi lassitudinē fore. Sicut enim

*A Nancy  
par Jacques  
Garnich,  
Imprimeur  
de son Al-  
tesse.*

animos meliorum rerum cognitionis expertes, & ad omnia tamen ventilanda præcipientes & ambiciosos gerunt, ita digitos ad scribendum impotentes. Quare necessariò accipiendi sunt, ut solent proteruiiores pueri, & natura indociles, quorum minusculis erroribus indulgetur, ne reprehensionum frequentia occalleant, reservata poena in grauiorum scelerum compressionem. Quod si Nicolaus Smithæus & Daniel nihil in medium protulissent, nisi Regulares esse de Hierarchia Ecclesiastica, & vtiliorem Ecclesiæ operam, quàm Clerum olim nauasse, & etiamnum nauare (quæ sola capita persequitur libellus Binctianus) eorum vel ridere incitiâ, vel spernere arrogantiam, otiosi & taciti potuissemus. Sed cùm perruptis licentiæ quotidianæ finibus, ad Sacramentorum Dei, & Ecclesiæ Catholicæ fundamentorum, tum generatim, tum speciatim, omnium euerisionem eruperint, ipsissimis hæreticorum instructi artibus & propositionibus, quæ toti Ecclesiæ grauem in se, & in animis quibus Dei & Christianæ Religionis sensus inest, plagam, in iis vero qui à Deo, & à vera Religione abhorrent, grande ludibrium & scandalum inusserint; necessariò occurrendum fuit effusæ importunitati, & publica pestilentia publicis acrioribusque remediis compesci debuit.

August. in  
Psal. 86.

## SPONGIA.

Ex Italia, B. Petrus Damianus Cardinalis, Episcopus Ostiensis, hanc controuersiam tractauit in Opere epistolarum, scriptarum iussu summorum Pontificum Clementis VIII. & Pauli V. cum approbatione sacri Palatii editarum; ubi Clero seculari dogmatizanti Monachos non esse de Ecclesia, hoc est, Hierarchica eiusdem parte, sic scribit: Multum fratres charissimi, si digni estis audire, miramur, quomodo, vel ob quam causam conamini nos à consortio & vnitæ Ecclesiæ vniuersalis separare, cùm constet à Monachis vniuersalem Ecclesiam esse fundatam & gubernatam, & à diuerso errore cribratam. Et paulò post, Ne longius toxica huius veneni serpent, manifestè ostendimus antecessoribus nostris præ omnibus Clericis, hæc Sacramenta licitum fuisse contingere & dispensare. Hæc B. Petrus Damianus opere etiam Parisi edito apud Sebastianum Cramoisy. In hunc librum schola Richeristica minor pisce est. O heroicos errorum hostes, contra eos qui coram in facie, & lingua quam intelligunt, Regulares esse de Hierarchia superiori ad Clericos seculares loco constanter asserunt, mutire non audent. Tantum Sorbonicis telis victima cadunt Angli, ut merito dicere possint.

Nos animæ viles, inhumata, infletæque turba.

## RESPONSIO.

Ad hanc Petri Damiani obiectionem, primò non arbitror monendum amplius, eam nihil pertinere ad damnatam propositionem, & ad expositionem nouitiam textus Apostoli, quam Spongia supra vindicare conata est. Magis mirum, eam ne quidem facere ad diuerticulum, quò quæstionem inflexit, ut videlicet doceat Religiosos esse in Hierarchia, aut eminentia Hierarchiæ membra. Qua de re iste locus, ne verbum quidem. Quamuis Spongia, ne à suo more degeneret, scribere

audeat Petrum Damianum (*Damiani*, dicere debuit, dictus enim fuit *Petrus Damiani*, sicut Eusebius Pamphylus, alique, à Damiano fratre de se optimè merito, cuius nomen in beneficiorum monumentum suo nomini semper additum voluit) hanc controuersiam tractasse isto loco, & nomine *Ecclesia*, seu, vt verè in hac epistola scriptum est, *Ecclesia vniuersalis*, & quidem *vnitatis Ecclesia vniuersalis*, vt habet locus citatus, *Hierarchiam Ecclesia partem* intellexisse. Quem sensum si Spongiarum locutio recipiat, humana certè loquendi consuetudo longissimè reiicit, & sani homines aspernantur. Tantum ergo habet locus epistolæ oppositus, Monachos in vnitatis Ecclesiæ vniuersalis esse, ac licere eis potestatem ligandi & soluendi, & Sacramenta ministrandi suscipere; quod hodie nemo negat; Et eos qui Ecclesiam primi fundarint, fuisse Monachos; & dispensationem Sacramentorum prius Monachis quam Clericis contigisse: de quo modò non agimus. Mirandum equidem est, quo iudicio aut lumine mentis, locum istum toties versent ac reuerlent Spongia, & Spongiæ commilitones, & quasi controuersia, in qua veriamur, Achillem vbique in aciem proferant inuictissimum, à præsentis certamine remotissimum, ad quod cum nemo sine maxima animi perturbatione, & ægrotia pertrahere potuisset.

Deinde magnopere notandæ sunt auxeses, & amplificationes Spongiæ in commendando Petri Damiani, quod pro se profert, testimonio, quasi scelus, & grande sit futurum piaculum, ab illius authoritate, vel sola cogitatione, discedere. Proponit enim *Beatum Petrum Damianum Cardinalem & Episcopum Ostiensem, in Opere epistolarum, iussu summorum Pontificum Clementis VIII. & Pauli V. cum approbatione sacri Palatii editarum, Parisijs etiam excusarum*. Addit alibi authoritatem Cardinalis Baroni; Petrumque ad tantam amplitudinem tanto feruore attollit, vt vocet hominem *de cuius doctrina, sanctitate, authoritate dubitare nefas; Episcoporum sacri Collegij primum; cuius dogmata sint approbata, Catholica, iussu summorum Pontificum edita, Parisijs cum privilegio Christianissimi Regis excusa, &c.* Hæc enim est Spongiæ liberalitas, in eis, quos sibi propitios putat, titulorum mole complendis; de qua ineptia satis alibi dictum est. Quare si eam audiamus, testimonium Petri Damiani nomine prolatum non aliter accipiendum est quàm quædam Euangelij vox, & Ecclesiæ Catholicæ oraculum, Pontificum, Regum, Doctorem, Typographorum authoritate munitum. Quibusnam igitur Spongiis eluet leuissima Spongia Cardinalis Bellarmini, suæ Societatis coryphæi caput, quod magna ignominia conspersum esse necesse est, si Epistolarum Petri Damiani collectio, aut si ipsa eius doctrinæ dignitas, ad tantum gloriæ fastigium, ad tantam authoritatis arcem efferatur? Nam tot elogia non deterruerunt Cardinalem Bellarminum, ne multa in epistolis nominatim Petri Damiani, quas Iesuita præcipuè deprædicat, Censura grauiore perstrinxerit, tale iudicium in eas proferens, Romano etiam Pontifice, & Romanis iudicibus approbantibus: *In epistola ad Dominicum, inquit, caput 5. narrantur quedam leniora de animabus defunctorum, quæ fabulis fortasse similiora sunt, quàm historia.*

*Bellar. in lib. de scrip. Eccles. in Petro Damiani.*

Q iij



In epistola ad Firminum Episcopum, liberius quàm par esset videtur Author reprehendere S. Leonem IX. propter bellum contra Normanos. In epistola ad Henricum Rauennæ Episcopum, scribit Author Christum anno 30. in Baptismo factum esse Sacerdotem, & Liberium Papam fuisse hæreticum & scismaticum: Quæ falsa sunt. Quæ si Bellarmino scribere licuit in has ipsas Petri Damiani Epistolas, quas Spongia tantoperè amplificat; nec quisquam hætenus librum eius propterea notam vel reprehensionem meruisse iudicauit; fatendum est Spongiam in immensis Epistolarum, quas nunquam legisse comprobatur, encomiis, sine insigni temeritate alleuerare non potuisse doctrinam earum approbatam, Catholicam, de ea dubitare nefas esse. Friuolum est asserere quicquid Romæ priuilegio Pontificis maximi, & autoritate Magistri sacri Palatii excuditur, verum, infallibile, irreprehensibile hoc ipso effici. Credulitate hominum, & Romanæ vrbs autoritate ad rudiores illaqueandos abutitur, quisquis tale delirium spargit in vulgus. Nam præter iudicium Cardinalis Bellarmini de his epistolis Petri Damiani; quid tandem censuit in Belgio Iesuita Rosuueyus, de editione Romana libri de Imitatione Christi, ab eodem Constantino Caietano Petri Damiani Epistolarum collectore parata, quod in ea Caietanus libelli istius authorem esse *Ioannem de Gessen Abbatem Italum* latè probaret? An priuilegium Romani Pontificis Pauli V. libelli ad eundem inscriptio, Magistri sacri Palatii approbatio, Constantinum tunc Abbatem, & Pontificis Secretarium, quæ dignitates ei aberant, cum Epistolas Petri Damiani euulgauit, eripere potuerunt insultationibus, & moribus, & scômatibus Iesuitæ Rosuueydi, Antuerpiensi anni sequentis editione intortis? Valeat igitur improvida Spongiæ garrulitas, communi hominum iudicio, etiam suorum etiam Iesuitarum, damnata, ad quam refellendam nihil aliud opus est, nisi sapere. Si enim priuilegia Pontificum, & approbationes Magistrorum sacri Palatii, quibus librorum variorum editiones conceduntur, certam eorum doctrinæ fidem & inuictam autoritatem conciliarent; errores non pauci non solum recentiorum, sed etiam antiquiorum, in veritates euaderent, quoties à Romanorû Typographorum officinis in lucem eduntur. Eiusmodi igitur testimoniis nihil aliud declaratur, nisi vel in veteribus libris, quibus apponuntur, ea sola inesse, quæ aut approbat, aut tolerat vniuersalis Ecclesia; vel in recentioribus nihil dici quod fidei Catholicæ professio apertè reprobet, aut quod ad fidem de industria labefactandam pertineat. Fortuitos tamen lapsus, & priuatas humanæ infirmitatis hallucinationes, non tuentur, neque purgant eiusmodi testimonia. Quare si liberet nobis vniuersam Epistolæ, quæ Petri Damiani nomine obicitur, autoritatem abiicere; non essemus rei maioris criminis quàm Cardinalis Bellarminus, qui eandem authoritatem tot locis aspernatus est, nec sani ullius hominis reprehensionem extimuit.

Quanquam hoc genere responsionis præterito, veriùs & solidiùs negandum est, epistolam illam esse Petri Damiani, sed subditiciam & spuriam, cuiusmodi multa Opuscula, sanctorum Patrum, & scripto-

rum penè omnium operibus inserta fuisse videmus. Nec leuibus argumentis in hanc sententiam impellimur, quæ Spongia si vel illam epistolam, vel alias eiusdem Authoris intentius euoluisset, manifestè comperire potuisset. Sed librorum notæ melioris ignoratio, & feruidus defensionis impetus, & natiua debilitas, quæ se toto libro prodit, hunc ei delectum, & hoc iudicium ademerunt. Nam primum omnium huius epistolæ doctrina, verè, germanè passim alibi traditè, & confirmatæ Petri Damiani doctrinæ reclamationat. Hic scriptum est, *Absit ut Monachus viuens sub Regula, vel Abbate subiiciatur aliis hominibus.* Quæ propositio ita generatim concepta, nullum verum sensum capit. Si enim aliorum hominum nomine etiam Pontificem maximum complectatur, & neget Monachos subiectos esse Pontifici, est hæretica. Quem tamen sensum ipsa series & contextus orationis innuit, quia verbis antecedentibus Monachi Regibus, Pontificibus, Episcopis, Comitibus, diuitibus, & omnibus generatim aliis hominibus, antepositi fuerunt. Sin Episcopis duntaxat Monachos subiici neget, pugnat perspicuè cum doctrina Petri Damiani, qui Archiepiscopum Rauennatem sibi & Monasterio suo, aliisque præfuisse docet, sic ad eum scribens: *Ecce, clementissime Domine, cætera Monasteria sub alis misericordiae illesa persistunt, & cum securitate & immunitate Deo seruiunt. Hoc autem solum ex quo me illud ingredi præcepistis, tot patet inuasionibus & rapinis obnoxium, ut nisi mens vestra vel nunc flectatur ad misericordiam, iam videatur funditus desolatum.* Et alibi: *Sed inter hæc omnia vestra sanctitatis studia, illud mihi multo est charius, quod saluti Monachorum Pastoralis oculus vester inuigilat, & occulta diu vulnera in lucem producere, & disciplina chirurgio secare non cessat.* Denique alibi scribens ad Episcopum, qui Monasterium nouum in sua Diocesi extructum interdicto alligarat, quod Petrus Damiani illud ab Episcopo Forolempnensi consecrari passus esset, expositis prius purgationibus legitimis, sic loquitur: *Noueris procul dubio, dilectissime Pater, quia Ecclesiam vestram diligo, &c. vestra etiam Sedi obedientiam exhibere nequaquam refugio, sed potius alacriter occurro. Obsecramus igitur, dilectissime, interdictum nostræ Ecclesiæ officium reddite, & non solum illam possessiunculam, quæ vestra procudio Liæcesis est, sed & quicquid habemus, vestra autoritate defendite, vestrum per omnia deputate, quatenus fratres, qui nobiscum Deo deserviunt, patrem vos & defensorem, se habere congaudeant. Atque hæc omnia sine villo priuilegiorum aut exemptionum obtentu. Prætereo cætera similia in Petri epistolis passim obuia, quæ obuersa quasi fronte irruunt, ac diruunt illud spuria epistolæ figmentum, quod Spongia omni veritate studiosius adamauit, *Absit ut Monachus viuens sub Regula vel Abbate, subiiciatur aliis hominibus.**

lib. 3. ep. 5.  
ad Vniber-  
sum Archie-  
piscop. Ra-  
uen.

lib. ep. 2. ad  
Gebegardū  
Archiepisc.  
Rauen.

Lib. 4 ep. 10  
ad Raue-  
Episcopum

Deinde in epistola legimus: *Constat à Monachis, non à Canonicis, vniuersalem Ecclesiam fundatam, & gubernatam, & à diuerso errore cribratam.* Et infra in eandem sententiam, *Manifestè ostendimus, antecessoribus nostris, præ omnibus Clericis, hæc Sacramenta licitum fuisse contingere, & dispensare; quasi primi Ecclesiæ fundatores, & Sacramentorum dispensatores, Monachi fuerint.* At Germana Petri Damiani doctrina sic

Q. iij

Lib. 4. ep. 3.  
ad Cumbert-  
um Episc.  
Taurinen-  
sem  
Lib. 5. ep. 9.  
ad Clericos  
Fauen.

Cōc. Mog.  
sub Leo. 3.  
cap. 9. & 22

Aug. ser. 49  
de diuer. c. 1.  
& 2. Conci.  
Arelat. 4.  
sub Leon. 3.  
can. 8.  
Conc. Tur. 3.  
c. 23. Aquis-  
gr. sub Lud.  
Pio. c. 117.

Aug. serm.  
de diuer. 49  
cap. 4.

habet: Cum Monachis de populo nihil pertineat, Sacerdotibus iussu est populi peccata portare. Et alibi ad Cleros Fauenses, Vos estis sal terra, inquit, si sal euauerit, in quo condietur? Exiguo salis quippe multa dulcescunt, & paruo Clericorum numero totius Christiana plebs eruditur & instruitur multitudo. Sicut enim Episcopi, duodecim Apostolorum noscuntur obtinere Primatum, ita & Sacerdotes Ecclesia, septuaginta Discipulorum ordinem representant. Et paulò post, per succedentium vicissitudines temporum, eorum funguntur officio. Igitur contra quam in illa epistola scriptum est, à Monachis, non à Canonicis, seu Clericis, vniuersalem Ecclesiam fundatam & gubernatam esse; Petrus hoc loco, id non à Monachis factum ait, sed ab Apostolis & septuaginta Discipulis, quorū ordinis non Monachi, sed Episcopi & Clerici, seu Canonici, quæ voces apud veteres idem sonant, sint successores. Quare paulò antè, solitudinem Monachis propriè tribuit, sine qua iam Monachi esse desinant; Quo pacto quis valeat dici Canonicus, nisi sit Regularis? quomodo Monachus, nisi iuxta vim sui nominis, sit etiam singularis? Vult enim non satis esse Monacho regulæ obseruationem, nisi etiam accesserit solitudo, seu vita singularis. Canonicis autem, aut Clericis, seruandam esse regulam iuxta vim sui nominis. Respicit enim morem antiquum suo tempore exolefcentem, quo Canonici seu Clerici omnes in locis Ecclesiæ vicinis, quæ Monasteria Canoniorum dicebantur (deinceps Claustra dici cœperunt, idque etiamnum nomen in vulgus remanet) vitam ex regula degebant, præfecto seu moderatori sub Episcopo obtemperantes, cuius exemplum egregium habes in Ecclesia Africana apud Augustinum, qui Clericis suis duas res quasi proprias dotes assignat, sanctitatem & Clericatum. Quem eundem viuendi morem Petrus restitutum cupiens, Fauenses Clericos ad communem illam vitam, & regulæ Clericalis obseruantiam, exemplo septuaginta discipulorum, quibus in Ecclesia successerint, sicut Episcopi Apostolis, adhortatur. Hæc verò cohortatio nulla foret, & tota Petri argumentatio corrueret, si verè sensisset, vt fingitur, à Monachis, non à Canonicis, vniuersalem Ecclesiam fundatam & gubernatam esse. Quomodo enim eos, ad illam vitam primorum Ecclesiæ fundatorum, vt antecessorum suorum, imitandam adhortaretur, si primi Ecclesiæ fundatores, non Canonici seu Clerici, sed Monachi fuerint, vt falsa epistola docet, & eorum fundatorum non Clerici, sed Monachi sint successores? Quorum etiam verborum falsitas tam perspicua est, vel ipsa Iesuitæ conscientia teste, vt locum istum proferens, expunxerit illam particulam, non à Canonicis, quia erubuit Petrum Damiani dicentem facere, Ecclesiam vniuersalem non à Canonicis, seu Clericis, fundatam & gubernatam fuisse, sed duntaxat à Monachis.

Præterea illa pars eius epistolæ, Quis melius potest soluere vel ligare peccantem, quam qui solutus est à Deo peccatis? Quis melius valet animas dare Deo, quam ille qui proximus est ei? qua Monachi præferuntur Clericis, vt ad functiones Ecclesiasticas, & animarum laborem aptiores, vtpote coniunctiores Deo quam alij homines, & Clerici speciatim; planè pugnat cum hac Petri Damiani Doctrina, Sicut Israël & Iuda, peculiaris

Lib. 5. ep. 4



erat populus Deo, inter omnes gentes terræ; ita nunc Clerici specialiter adherens Christo, præ cunctis membris Ecclesiæ. Quâ doctrina Clericalis status, cui-  
cumque alij membrorum Ecclesiæ statui, sine exceptione Monacho-  
rum, antepositur, ut peculiariter & specialiter adhærens Christo. Cùm-  
que ficta illa epistola Clericos irregulares & prauos Monachos, Ange-  
lorum, & Cherubinorum instar, illibatos inculpatosque depingat;  
Contrà Petrus Damiani multis locis, longè alium, de sui temporis Mo-  
nachis, animi sui sensum exponit, eorum vitia, tum superiorum, tum  
promiscuè aliorum, luculenter pandens ac gemens, quæ nos silentio  
obruentes, apud eum relinquimus; eosque æmulationis nominatim;  
& superbæ elationis in Episcopos, in Clerum, in ipsum Romanum  
Pontificem, in quos etiam populum, ut nunc in Angliâ Iesuitæ conci-  
tarent, vehementer redarguit, seque quod eorum infrænes tumultus  
non probaret, odiosum iis & inuitum euasisse conqueritur. *In angipor-  
tuum, inquit, angulis iudicant, & Synodalia iura detrectant; dijudicant Mona-  
chos (eos scilicet qui ab ipsis dissentiant) Clericalia cuncta corrodunt, & solis  
laicis, qui videlicet acrius & mordacius insequendi sunt, parcunt.*

Lib. 6. ep. 8.  
9. 14. & 32

Lib. 8. ep. 11  
ad cines Flo-  
rentinos.

Atque hæc de præcipua doctrinâ supposititiæ epistolæ, & de illis  
doctrinæ capitibus, quæ Spongia, ad errorum suorum, & arrogantiae  
sue præsidium, venata est. Quam doctrinam cùm constet esse impuram,  
& doctrinæ beati Petri Damiani, tot locis declaratè reluctantem; non  
solû deperit autoritas, quæ è falsa epistola falsissimis dogmatibus quæ-  
rebatur, sed etiam contraria & germana beati Petri Damiani autoritas,  
iam toties exposita, & in eos reuoluta, vanissimè eorum peruicaciæ  
illiditur.

Postremò istius epistolæ stylum intuenti, nihil planius, quàm cum  
lōgè infra perpetuam vim & eloquentiam Damiani desiderare, & nouitij  
alicuius barbariem & leuitatem resipere. Eminent vndique argumenta-  
tiones inscitæ & insipidæ, ut cum ad declarandum *Monachis præ omnibus  
Clericis Sacramenta licitum fuisse contingere & dispensare*, hoc probationis  
ingerit, sicut in vita B. Martini legitur; addens Telesphorum Papam, &  
Dionysium, & Adeodatum, & Stephanum, & sanctum Gregorium,  
Monachos Anachoretas fuisse; quasi ante istos nulli in Ecclesia fue-  
rint Pontifices, & Episcopi, & Clerici, qui nunquam Monasticum iu-  
gum experti, Ecclesiam gubernarint; & quasi illi ipsi, quos narrat, Ec-  
clesiam Vniuersalem fundarint, ut ex iis probari possit, *Monachis præ om-  
nibus Clericis Sacramenta licitum fuisse contingere & dispensare*. Quo loco no-  
tari debet illa locutio, *Telesphorus Apostolicus*, ad designandum Roma-  
num Episcopum, sermoni Petri Damiani parum consona, qui Roma-  
num Episcopum vocare solet *Papam*, aut *Pontificem*, aut *Sedis Apostolicæ  
Episcopum*, non *Apostolicum* simpliciter, quæ vox posteriorum tempo-  
rum consuetudinem potius olet. Etsi enim eâ sanctus Bernardus usus  
videtur, sed tamen aliter usus est, ut patebit perpendenti. Eadem epi-  
stola probat Monachalem vestem eandem fuisse, cum veste Apostolo-  
rum & Prophetarum, quia Apostoli zonis erant accincti, quasi non  
etiam Clerici. Quin & Monachorum vestem ad habitum Angelicum



æquiparat, quia scriptura ait, *sex ala uni, & sex ala alteri*. Ex quo sic argumentatur: Enimvero & nos sex alis velamur, videlicet duabus in capite, & duabus dextra leuaque, & duabus ante & retro. Et infra: *Ut Cherubim, ita Monachi sex alis velantur*. Duabus quidem in capucio, quo caput tegitur; aliis verò duabus, quibus pedes teguntur, verisimilibus demonstratur assertionibus. Illud verò quod brachiis ostenditur, alias duas alas esse dicimus, & id tandem quod dicitur, *sex alarum numerum certissime asserimus*.

*Nulla in vi-  
ta S. Hon.  
Sid. in ca-  
min. de co-  
dem.*

*Cap. nisi  
cum pridē.  
de renunt.*

Taceo, ne sermonem in re perspicua in longum extraham, errores non paucos, quibus bella epistola internitet. Nam sanctum Athanasium in Monachorum numerum conicit; S. autem Eucherium Lugdunen- sem Episcopum iis, qui Monachi non fuerint, annumerat. Quod utrumque erroneum est. Nam nec sanctus Athanasius Monachus unquam fuit; & sanctum Eucherium Monachum fuisse constat in Mona- stero Lirinensi, plurium olim sanctissimorum virorum Episcoporum- que seminario. In octo primis Ecclesiæ Conciliis gloriatur, *Monachis licitum fuisse disputare absque ullo scrupulo in conspectu Concilij, super omnes qui aderant*. Quod imperitia & insolentia manifestiore plenum est, præser- tim quod ad prima concilia attinet, quàm ut confutationis egeat. Uni- versos Reges, Pontifices, Episcopos, iubet suas sedes dimittere, & in Monasteria conuolare; quod doctrinam falsam & temerariam con- tinet, rescripto Innocentij III. Pontificis in Decretales relato, è re- gione aduersantem.

Tota denique epistola, nihil spirat nisi summum typhum summa stoliditate notabilem; ferociam, non Monachalem, qualem describit Petrus, sed vastam & rusticanam, altissimæ alienam Petri Damiani modestiæ & mansuetudini, totis eius operibus collucenti, qua quo- rundam sui æui Monachorum fastum & petulantiam, in Clerum præci- pue increpans, nihil iis nisi humilitatem & lenitatem inculcat. Ipsum illud initium, *Multum, fratres charissimi, si digni estis audire, miramur, &c.* Et illi flosculi, *Probabimus vos per omnia esse mentitos, quia dicitis, &c.* Et alij similes, agresti arrogantia turgidi, Petro Damiani ascribi ne- queunt, nisi ab iis quibus nihil cum eius lectione, neque cum eius vir- tute consortij est, nec tota adeò epistola, in qua nihil videas nisi imma- nem, & ridiculam in Clerum omnem conspiracyonem, ab aliquo Mo- nasticæ vitæ tyrone non satis sano, omnium Monachorum nomine, conscriptam eo studio, quo Iesuitæ nuper, Anglorum omnium Ca- tholicorum nomine, falsam & procacem declarationem confinxerunt. A quo genere conspiracyonum sanctus Petrus Damiani tanta animi cautione semper refugit, ut ob hoc ipsum inquietum Monachorum odia effugere non potuerit, ut iam antè notauimus; tantaque Clerum vniuersum religione & demissione reueritus est, ut cum Episcopus Ostiensis consecratus, & sacri Cardinalium Collegij Episcoporum primus fuisset, tamen ad Monasterium regrediens, pristinæ dignitatis immemor, literis ad Archiepiscopos & Episcopos conscriptis, non eos Fratres, sed Dominos, & Patres vocaret, se iis subiectum, nec minus quàm infimum Monachorum, eorum obedientiæ obnoxium testifi-

cans, literasque semper hoc modo subscribens, *Petrus Monachus & peccator*. Quare dici non potest, quàm præposteris mentibus scriptorem hunc superbiæ fastusque sui propugnatorem Iesuitæ delegerint, quò nullus vehementior talium animorum hostis, nullus dignior à quo modestiam, sobrietatem, sui cognitionem, debitam potestatibus à Deo in Ecclesia constitutis obseruantiam, ediscant.

Postremò Spongia malè hunc Authorem trahit in illius eminentiæ, quam sibi opinionis errore confinxit, patrocinium. Petrus enim Damiani loco citato, ut cætera concedamus, non tamen loquitur nisi de Monachis, quod nomen Iesuitæ magnoperè respuere solent, & proprio quodam fastidio dedignantur. Cùm enim eximium aliquid, supra cæterorum ordinum vulgus exquirerent, Religiosorum & Monachorum nomina, quæ ante ipsorum ortum, omnes promiscuè usurpabant, discriminare cœperunt, & Monachorum appellatione contemptâ, aliquid excellentiæ propriæ in Religiosorum nomine, ut ciuiliori & plausibiliori, ambierunt; idque ne quis eos, ut cæteros Religiosos, pro hominibus silentio, solitudini, & rerum humanarum despicientiæ deditis acciperet, sed pro nouo quodam hominum genere, ad regendum orbem anhelante. Quanquam si verum horum nominum vñum vel intellexissent, vel intelligere voluissent, facilius eis & æquius fuerat, Monachorum nomen, ex pristina & perenni Ecclesiæ consuetudine, retinere, quàm nomen Religiosorum tantum, nouo more, in nouæ excellentiæ aucupium arripere, spreto nomine Monachorum. Quorum etiam instituto suum anteferre, & excellentius atque antiquius<sup>a</sup> facere non dubitant, quasi Iesuitica Religio, Religionum omnium princeps,<sup>a</sup> & à primis vsque Apostolorum & Christi Domini temporibus ad hoc æuum sit delapsa, secus quàm Religio Monachorum, sub qua tamen Mendicantes à Soario<sup>b</sup> comprehenduntur. Neque porrò ad tegendam audacis doctrinæ nouitatem, Canonico Regularium institutum obiiciant. Nam nec ipsi esse volunt<sup>c</sup> Canonici Regulares, & eorum nomen, vitam, ritus, non minus quàm Monachorum, refugiant. Ac constat Canonicos Regulares toto cælo ab iis distare, cum ex primo instituto sint pars Cleri<sup>d</sup> cuiusque Dioceseos aut ciuitatis, hoc solo<sup>e</sup> ab aliis Clericis differentes, quod in alia domo, seu Monasterio, seorsum à Clero communi versarentur. Cæterum institutum, vitæ, mores, vestis, disciplina quam sub Præfecto vel Abbate<sup>f</sup> Episcopis subiecto obseruabant, nihil intererat ab instituto & disciplina omnium<sup>h</sup> Clericorum. Agebant enim Clericalem vitam, à Monastica diuersam<sup>i</sup> sine votis, ut Clerus omnis functionibus solum Ecclesiasticis, ut Clerus reliquus, ad Episcopi nutum intenti. Cuius etiamnum rei illud in Gallia, & in primis Lutetiæ, mansit vestigium, ut locum partemque habeant in matricis Ecclesiæ Clero, in quo certis temporibus ministrare, vel alios qui pro se ministrent submittere debent, quibus & pensio, & beneficium Ecclesiasticum cæteris Clericis æquale additum est. Vnde patet eos, ab antiquo suo instituto esse partem de corpore Cleri, eorumque institutionem, exemplum, vitæ

<sup>a</sup> Suarez 10.  
4. de Rel. l.  
2. de instit.  
Soc. c. 5. n. 6  
<sup>b</sup> Idem eod.  
l. l. de vari-  
riet Rel. c. 8  
<sup>c</sup> Id ib. c. 9.  
<sup>d</sup> n. 5. 6. et seq.  
<sup>e</sup> d. Cœc. A-  
quisgr. sub  
Steph. 4. ca.  
115. 117. 118  
<sup>f</sup> & seqq.  
<sup>g</sup> Cœc. Tur.  
3. c. 23. et 24  
<sup>h</sup> Cœc. Meld.  
sub Serg. 2.  
cap. 53.  
<sup>i</sup> Cœc. Mo-  
gunt. sub  
Leon. 3. c. 21  
<sup>j</sup> Idem c. 22  
<sup>k</sup> & Aquigr.  
sub Steph. 4.  
ca. 101. 102.  
115.  
<sup>l</sup> Conc. A-  
quisgr. sub  
Hadrian. 1.  
c. 73.

genus, non ad eos qui sunt extra corpus Cleri singularum Ecclesiarum, sed ad illum Clerum, & ad communem Ecclesiasticorum hominum successionem & normam referendum esse, Quæ omnia latius suo loco declarabuntur, & multæ Sorij in hoc negotio ineptiæ patefient, qui Canonicos Regulares à Canonatu seu præbenda dictos putavit; cum tamen Canonorum nomen longe ante viguerit, quàm illæ præbende seu Canonatus extitissent, ut facillè vident omnes, quibus hæ res sunt paulo notiores. Ideò si sapiunt, alia præsidia quarent Molinistæ, nec sui huius *Magistri orbis* supinas nobis hallucinationes regerent, quas homini huiusmodi rerum vel mediocriter callenti disijcere nihilo gravius esse potest, quàm paleas stipulasque diffilare. Nihil igitur ad ipsos Canonorum Regularium institutum, à quibus & nomine, & vita, & functionibus, & suo iudicio diuersissimi sunt. Illi enim ad communem cuiusque Dioceseos Clerum pertinent, & corporis eius ab antiquo sunt pars, quamvis processu temporum nonnihil demutata: Isti verò suum seorsum Religionis priuatum corpus conficiunt, eodem modo quo cæteræ Religiones ante ipsos in Ecclesia florentes, quas tamen in numerum Monachorum coniiciunt. Atque hoc est quod nouum ab iis inuectum esse dicimus, ut cum sint priuata Religio, à cæteris omnibus Ecclesiæ Societatibus suo iure instituto diiuncta, & suis priuatim vtens legibus, suis votis, sua norma, sua vita; tamen Religiosorum nomen assumpserint, spreto nomine Monachorum, quod ante ipsos natos omnibus eiusmodi cœtibus, quales ipsi sunt, tribui in Ecclesia consueuerat. Scio ipsos ab Synodo Tridentina dictos esse *Religionem Clericorum*; à quodam etiam Pontifice in priuata Bulla *Clericos Regulares*. Sed præter quam quòd quæ à Conciliis obiter & in capitulis referuntur, fidem ut Canones non faciunt, neque certam auctoritatem, ut ipsi aliique docent; Certum est neque Concilium, neque Pontificem, tale iis nomen tribuisse eo sensu quo vel Clericorum nomen; vel Clericorum seu Canonorum Regularium, in Ecclesia usurpari consuevit. Nam ipsi fatentur se non aliter esse Clericos, quàm esse Presbyteros, nimirum esse solum instituto & ex fine, quòd scilicet ad Clericatum & ad Presbyterium destinantur; non autem re ipsa esse tales ipso statu, & ipsa sui instituti professione. Quo tamen sensu Clerici semper in Ecclesia dicti fuerunt Clerici, & Clerici seu Canonici Regulares; quòd scilicet non tantum ex fine, & prædicatione quadam externa, vel, ut ita loquar, potentiâ, sint Clerici seu Canonici, sed quia tales sint actu, ipsa vitæ professione. Vnde Canonici Regulares, natura & institutione sua iam Clerici esse debent, quando vitam regularem profitentur, ut etiam declaratum est à Pio Papa III. *Eos dignitate Clericali, statim quod professionem Regularem emittunt, insignitos esse oportere*. In Iesuitis nihil tale, quorum multi multis annis emiserunt vota, adeoque veri religiosi fuerunt, non secus ac ij quos professos vocant, ut docet Bulla Greg. XIII. priusquam Clericalem gradum consuramve susceperint; nec hunc gradum ad Religionem suam prærequiri ipsi fatentur. Non ergo sunt ipso statu Clerici seu Canonici Regulares, sicut ij quibus hætenus hoc nomen

Suarez to. 4.  
de Rel. l. 1.  
de variet.  
Relig. c. 9.  
n. 6. & 7.

Suarez to. 4.  
de Rel. l. 1.  
de variet.  
Relig. c. 7.  
et l. 1. de in-  
stit. Societ.  
c. 5. n. 3.

Bull. Mag.  
to. 2. bul. 72.  
Sixt. 4.

Suarez sup.  
l. 1. de instit.  
societ. c. 5.  
n. 8.

nomen in Ecclesia tributum est, & adhuc tribui solet; sed dici solum possunt per indulgentiam & humanitatem, & benignam interpretationem, ob hoc tantum quod ad Clericatum aut Sacerdotium suis votis obligentur. Quo sensu Mendicantes omnes, ut Prædicatores & Minores, Clerici Regulares non minus dici possent, cum nihilominus quam ipsi ad Clericalem gradum & ad functiones Ecclesiasticas instituti sint, ut ex diuo Thoma patet, & ipsa Spōgia fateretur. Cum verò nihilominus Mendicantes in Monachorum numerum retrudat Soarius, nihil est cur ob hunc finem Iesuitæ ab eo numero eximantur. Adde quod ipsis etiam Bullis Pontificum ex professio in hunc finem editis, adscripti sint Religionibus Mendicantibus; ideoque vel Mendicantes non sunt species Monachorum, ut vult Suarez, vel Iesuitæ in eadem specie sunt, cum à Mendicantibus, neque instituto, neque mendicitate, sed sola fortassis velle differant. Imo Mendicantes hoc magis accedunt ad Clerum, quod officium Ecclesiasticum in choro decantent more perpetuo Cleri, qui hoc ab initio in præcipuis Clericalis vitæ muneribus habuit; quod tamen Iesuitæ vniuersum abiecerunt. Frustra ergo se Monachis & Mendicantibus anteponunt, non solum Monachorum nomen, quod illi admittunt, sed etiam nomen Fratrum alpernantes, quod Soarius, illa qua solet harum rerum peritia, solis Monachis & Mendicantibus relinquit, à Clericis abiudicat; cum tamen apertissimis & sanctorum Patrum, & scripturarum testimoniis constet, illud perpetuo Ecclesiæ usu ab initio Christianis omnibus fuisse tributum, & speciatim Clericis, & nominatim Episcopis, ut veterum scripta undique clamitant, atque adeo hodiernus Episcoporum & Pontificum etiam maximorum usus. Similiter Religiosorum nomen omnium Christianorum, pietati præcipue studentium, fuisse commune ab initio Ecclesiæ Catholicæ, & priscis sanctorum Patrum sæculis, nemo ignorare potest, qui veterum monumenta euoluerit. Plena sunt Patrum scripta huiusmodi locutionibus, quibus & sacræ Scripturæ suffragantur. At Monachorum nomen penes eos propriè semper relictum est, qui peculiari quodam ritu, & consecratione mentis & corporis, se Deo mancipassent. Neque vox illa Monachi, præcipue instituta fuit ad significandam corporis solitudinem, sed ad significandam præcipue solitudinem animi, ut ex autore illo patet, à quo primum & Monachi nomen, & pristinorum in primæua Ecclesia Monachorum mores & gradus omnis Ecclesia didicit. Nam si sanctum Dionysium Areopagitam consulimus, reperiemus Monachos olim in Ecclesia nuncupatos fuisse, non tam quod vitam seorsum agerent seclusi à cœtu hominum, quam quod affectu animi à creaturarum rerum societate diuulso, à terrena multiplicitate segregato, in simplicem & vniuersum vitam, in habitum mentis vni Deo adhærentem, colligerentur. Quæ vniuersum di vitam, quia facilius in solitudine corporea, & in locis ab humano cœtu remotioribus comparari seruarique potest; contigit ut etiam corporea solitudo Monachorum vitæ ac nomini, quasi complementum, deinde adiuncta fuerit. Sic tamen ut solitudo illa animi præcipua

R

D. Th. 2. 2.  
q. 188 ar. 4  
Spong. p.  
103.

Suarez sup.  
l. 1 de var.  
Relig. c. 7.  
n. 10.  
1. Cor. 5.  
Tertul. Ap.  
c. 39.  
S. Cyp. ep.  
4. 5. & c.  
Cyp. ep. 41  
& c. Aug.  
ep. 162. &  
225.

August. ex  
Ambr. oper.  
imp. cons.  
Iul. l. 1. n.  
91. & 133.  
& alibi. &  
ep. 139. de  
Polemone.  
Cyp. ep. 52.  
& c.  
Act. 2.  
Iac. 1.  
Μοναχὸς ἐστὶν  
ὁ ἀπομονωθεὶς  
τῷ κόσμῳ καὶ  
τῇ σαρκὶ  
καὶ τοῖς  
ἰσχυρίσιν, ὅς  
ἐστιν ἀπὸ  
τοῦ κόσμου  
καὶ τῆς  
σαρκὸς καὶ  
τοῦ διαβόλου  
καὶ ἐστὶν  
ἐν τῇ ἐκκλησίᾳ  
ὡς ἐν τῇ  
ἐκκλησίᾳ  
ἐστὶν ὁ  
ἐκκλησιαστής.  
hoc est:



Monachi  
nominantur  
ex puro ob-  
sequio &  
famularu  
Dei, ac in-  
diuidua &  
vnica vita,  
qua vnum  
sunt, & sa-  
cris eorum  
quæ in ipsis  
diuisa sunt  
collectioni-  
bus & con-  
strictionib.  
ad Deo si-  
milem vni-  
tatem, & ad  
Dei aman-  
tem perfe-  
ctionem re-  
digantur.

S. Dion. Ec-  
cles.

Hier. cap. 6.

Quem locum

Latini nūq̃  
expressum.

Vide apud

D. Th. 2. 2.

q. 184. ar.

5. in corp.

remanferit, ex qua Monasticus status, & Monachorum appellatio spe-  
ctaretur. Nam longo deinceps interuallo Monachi in vrbes, vnde ante  
recesserant, remigrantes, & humani commercij facti paulo magis par-  
ticipes, non ideo Monachi desierunt esse, vt patet ex ordine in primis  
Benedictinorum, quorum pleræque Abbatia primariæ, vel in ipsis vr-  
bibus, vel ad urbium mœnia, iam olim extructæ visuntur. Hinc fa-  
ctum est, vt nulli vnquam Religiosi, quamuis ad humanam societa-  
tem, & ad conuietum, vt ita dixerim, humaniorem, & ad ministeria  
Ecclesiastica instituti, Monachorum nomen respuerint, sed libenter  
sint amplexi, vt patet ex mendicantibus omnibus, quibus & tribui ab  
aliis, & ab ipsis vltro accipi consuevit. Spectatur enim primario in eo  
nomine illa mentis vnitas, & à variis rerum humanarum curis & soli-  
tudinibus separatio, quam quia Religiosi omnes præcipuè conse-  
ctantur, ideo Monachorum nomen ex perpetuo vlu Ecclesiæ nun-  
quam à se alienum putauerunt. Cùm ergo hoc nomen primi religioso-  
rum omnium Iesuitæ reiicere cœperint, quasi profiteri nollent illam  
terrenorum affectuum, & multiplicium curarum vacuitatem, in qua  
sanctus Dionysius Monasticum statum & Monachorum excellentiam  
collocavit; immerito ea quæ Monachis tribuuntur, ad se trahunt, im-  
merito Monachorum iura delibant, quorum nomen attingere nolunt,  
cùm propriæ distinctionis testimonio, sint quidem Religiosi, sed Mo-  
nachi esse nolint.

### SPONGIA.

Addamus tertium S. R. E. Cardinalem Albanensem, Diuum Bonauentu-  
ram, qui libro de Apologia pauperum, habet hac verba: Pensatis omnibus, nul-  
li debet videri iniuriosum & superfluum, si cœlesti Hierarchiæ placuit,  
aliquos ad hoc opus, & non necessitate constrictos, sed charitate indu-  
ctos eligere, quos & subcœlestis Hierarchia voluit, & debuit appro-  
bare. Quo libro soluit argumenta aduersariorum, & concludit Regularium isto-  
rum accessu ornari, non deornari Hierarchiam.

### RESPONSIO.

Ne nunc quidē ab hoc viro sancto quicquam habes, quod in præsum-  
ptuosi dogmatis, de quo disputatio instituta est, subsidiū detorqueas.  
Iam semel in hoc agone vindicauimus eū à temeraria & fallaci tua ma-  
nu, & errorem, quem illius autoritate firmare voluisti, illā ipsā obtri-  
uimus. Quod idem nunc quoq; facillimum factu est, tantum volaticæ  
istæ obiectiones, quas cœco impetu volutas, refellendi tui argumentū  
& copiam cuius homini, sano tantum, & quietæ mentis, suppeditant.  
Quid enim ait D. Bonauentura? An Religiosos esse in Hierarchia supe-  
riores Parochis? An id, illo Apostoli textu probari? An saltē, vt à prima-  
ria quæstione in tuos deflexus abeamus, Religiosos suo instituto, & ex  
statu in Hierarchia esse? An Hierarchiam quicquā ad eos pertinere iure  
suo? Si nihil horum ait, vt clarissimè patet, Spongiam tibi pro cerebro  
esse necesse est, qui testimonia disparatissima in rem tuam feras, san-

&issimi Doct̃oris authoritate iam toties abutaris, nos inutili, & turpi, & tædioſo labore, per ſummam ſtultitiam, fatigare non deſinas. Nam ſanctus Bonaventura, loco & opere citato, ne tenuiſſimã quidem cogitatione quaſtionem, quam nunc verſamus, attigit. Nec tu inde quicquam ad commentitias nouitates adornandas excerpereſ, niſi erratico & vago animi motu, ſine iudicij lumine, raptareris. Vt enim breuiter aperiã, quid tunc quaſtionis S. fuerit Bonaventuræ & Thomæ, in Apologiis ſuis, quos turbidè & præcipitantibus ſtudiis clamare ſoletiſ (tu præſertim, & hoc loco, & alibi) controuerſiam, quam vos nuper concitaſtiſ, iam tum explanãſſe, & præindicaſſe: Sancti illi Doct̃ores ea ætate aſſerebant, licere Prælatiſ Eccleſiarum, Religioſoſ ad Eccleſiæ miniſteria ſuã authoritate aſſumere; licere Religioſiſ mandatum à præſulib긯 miniſterium ſuſcipere; atque id Eccleſiæ non inutile, aut infructuoſum videri. Hæc erat omninò diſputatio & doct̃rina, quam SS. Thomas & Bonaventura ſuo tempore aduerſus ſuorum Ordinum obtrectatores propugnabant. At verò Ieſuitæ, non contenti conſeſſo per humanitatem beneficio, & poteſtate precaria, hoc ipſum miniſterium, & haſ ipſaſ Eccleſiæ functioneſ ſui iuriſ efficere moliuntur, ſibi vindicant, ſibi aſſerunt, vt poſſeſſionem non ſolùm debitam, ſed etiam naturalem, & indiuiduam ordini Ieſuitico, quaſi ſtatui non ſolùm Religioſo, ſed etiam Hierarchico: Quàm immane illiuſ moderationiſ, ab hac præſumptione diſcrimen eſt? Quàm illa Seraphicis Angelicique Doct̃oribuſ, hæc Moliniſticis congruit? Sanctus Bonaventura petiit ne Religioſi ad opus animarum admoti, *iniurioſi aut ſuperſtiti* habeantur; ne vocentur *Gyronagi*, vel *Sarabaita*, hoc eſt, effrenes & irregulareſ; ne *ſaliſ prophetiſ* comparentur. At Ieſuitiſ non ſatiſ eſt effugere probrum, laudem petunt, palmam ambiunt; eamque non vulgarem, ſed eximiam; vt non ſolùm Hierarchiam ſuo iure poſſideant, ſed etiam ſint Hierarchæ, *eminentia Hierarchiæ membra*, Parochiſ & minoribuſ omnibuſ Prælatiſ in Hierarchia ſuperiores: ne Episcopis quidem ex omni parte cedenteſ, Sanctus Bonaventura poſtulat vt Religioſi admittantur, tanquam auxiliares Parochorum, non modò non vt Domini, aut Superiores, ſed etiam vt ſervi per humilitatiſ & charitatiſ obſequium. At Ieſuitæ Hierarchiam inuadunt, non vt Episcopis, nedum Parochiſ, ſed vt ſoli Romano Pontifici deſeruienteſ & Opitulanteſ *ex ſtatu*, & ad ſuſtinendum vniuerſaliſ Eccleſiæ regimen, ſimul cum Romano Pontifice deſtinati. O zelum ſancti Bonaventuræ zelo, & ordini verè Minorum abſimilem! zelum Moliniſticum! zelum non Minorum, ſed magnorum & excelſorum ſpirituum! Vos enim, Moliniſtæ, *altos gerit긯 ſpirituſ*; quod olim Rex quidam de Romanis.

Quod ſi Spongia ruſticè vrgeat illa ſancti Bonaventuræ verba: *quor & ſubcæleſtiſ Hierarchia voluit, & debuit approbare*; iſſque ad abſurdiſſimum arrogantiaſ Moliniſticaſ patrociniũ abutatur, facile eſt comprimere hominem ipſa ſancti Doct̃oriſ authoritate. Nam ſi ea verba ad litteræ corticem, & ſoliſ auribuſ, non ſenſu animi ex-

pendamus, longè nos auferent ad prodigiosæ opinionis, & insanæ ingrati-  
tutinis voraginem. Sentiendum enim erit, Religiosorum ap-  
probationem non fuisse liberam Pontifici maximo; adeoque non  
gratiæ ac beneficij loco, sed ex officij lege necessariò traditam fuisse,  
quasi rem debitam & propriam, & quæ sine iniuria negari non posset.  
Quod equidem Spongiam non opinor apertè professuram esse, rei ip-  
sius enormitate deterritam. Est enim non solum summa in vniuersam  
Ecclesiam, ac per hoc in eius caput Pontificem maximum, iniuria;  
sed etiam ingratitude insolens, qua beneficium Pontificis & Præsu-  
lum Ecclesiæ, tum ex eorum qui accepere memoria, tum ex om-  
nium animis tollitur, quasi Ecclesiæ Antistites, nihil largiti sint per  
gratiam Religiosis, sed eis debita persoluerint. Quod paradoxum  
Spongia hoc loco innuere ausa est, quamuis impudens, & insulsum,  
& Hibernicarum propositionum, quas alibi *insulas & insanas* vocauit,  
germanum caput his verbis conceptum, *Priuegia Regularium non potest*  
*Papa reuocare*. Si enim ea verè debuit priusquam dedisset; sequitur au-  
ferre non posse, postquam dedit: quia eiusdem iniuriæ est, non redde-  
re petenti quod debeas, & iam possidenti eripere. Hæc ego doctri-  
na cum, ipsa Spongia teste, sit enormis, sanæ menti aliena, summo  
Pontifici in primis iniuria, eius authoritati & liberalitati contume-  
liosa, non est operosè conuellenda argumentorum & orationis pon-  
dere, quia verisimile non est fore, vt Pontifex maximus, in quem po-  
tissimum acerba est, eam diutius tolerandam existimet.

Non fuisse autem S. Bonauenturam tanti portenti adstipulatorem,  
neminem esse arbitror, qui non sponte sua fateatur. Facile quiuis in-  
telligit, hanc labem doctissimo sanctissimoque viro, sine perspicuo  
testimonio, imponi non posse, quod Spongia nunquam dabit. Quod  
ergo hic ait, nihil aliud est, nisi Religiosos per se & ex statu suo, non  
habere potestatem exercendi functiones Hierarchicas, & vt eas exer-  
cere possent, necessariò debuisse ab Ecclesia approbari, antequam ad  
eas, prout diuinæ vocationis instinctus, & Ecclesiæ utilitas postulare  
videbatur, incumberent. Docet id disertè ibidem, & seipsum exponit  
his verbis: *Huiusmodi Hierarchica opera non peragunt authoritate sua, sed ordi-*  
*nariorum, & potissimè S. Pontificis*. Et paulò antè. *Christi vicarius, Petrique*  
*successor, vt pote S. Spiritus illustratione prauentus, statum hunc Euangelizantium*  
*pauperum, qui saluti animarum intenderent, tanquam cælus sibi missum cum hi-*  
*laritate suscepit, pietate confouit, authoritate roborauit, &c.* Addit, Pontifices  
eò etiam fuisse impulsos magnorum fructuum spe quadam, quam de  
Religiosorum laboribus animo præceperant. Quod si quis hanc sancti  
Bonauenturæ locutionem arctius premere voluerit, nihil ex ea, vt  
quàm seuerissimè exponatur, referet aliud, nisi Mendicantium Ordi-  
nes eo diuinæ prouidentię ductu Ecclesiæ fuisse oblato, ad anima-  
rum utilitatem, vt Ecclesia diuino instinctui quodammodo aduer-  
sari videretur, si eos recusasset, atque ita spectatis temporum rerum-  
que rationibus, eos approbare à Deo iuberetur. Quemadmodum  
quicquid diuino impulsu nobis suggeri, & necessariis quodammodo

rationibus imponi sentimus, præcipi nobis dicimus, nec omitti posse; quamvis ipsa res per se libera, & nulla externa expressaque lege præcipiatur. Plena est piorum hominum, diuinæ gratiæ, & voluntatis intimos motus observantium vita, huiusmodi locutionibus, quæ sanctus Bonaventura, pro sua quoque pietate, non rarò, neque obsecrè, usurpavit.

Denique dum S. Bonaventura subdit, Religiosorum istorum accessu ornari, non deornari Hierarchiam, nihil fauet Spongiæ, sed etiam potius premit. Loquitur enim apertè de Religiosis, quos Hierarchia subcelestis approbavit, seu admisit ad ministerium animarum, hoc est, de Sacerdotibus Religiosis, non de aliis, etiam non Sacerdotibus, ut Spongia. Declaratur, quia ad testimonia Patrum dicentium Monachi non esse docere, sed plangere, nec illuminare aut perficere, sed illuminari & perfici; Respondet id verè fuisse dictum, quando inter Monachos erant personæ laicales & imperite, & non Sacerdotales & literatæ. Sanctum enim Dionysium tradere, Quod purgare, illuminare & perficere ad ordinem spectat Sacerdotalem. Vnde patet accessum illum Monachorum, quo sanctus Bonaventura dicit ornari Hierarchiam, non alium ab ipso intelligi, nisi accessum Religiosorum Sacerdotum ad functiones Hierarchicas admissorum; atque ita ex doctrina eius ad summum colligi, Ecclesiam posse assumere Monachos in Hierarchiam, quod nemo negat; & Monachos, seu Religiosos Sacerdotes, actionibus Hierarchicis idoneos, ad Hierarchiam Ecclesiasticam pertinere, postquam ab Ecclesiæ præfulis approbati fuerunt; quod verum sit necne, alibi agemus. Hæc verò doctrina, Spongiam evidentissimè coarguit. Cum enim S. Bonaventura, in Hierarchia non collocet nisi ad summum Religiosos Presbyteros, ministerio animarum aptos, ab Ecclesia approbatos; utique alios excludit; & proinde repudiat doctrinam Iesuiticam, qua Religiosi, ex vi status & ex suo instituto, in Hierarchia esse dicuntur: ad quod dogma comprobandum, Spongia testimonium eius attulerat.

### SPONGIA.

Quartus accedat sanctus Thomas, non quidem Episcopus, sed quod coram Deo maius est, Archiepiscopatus Neapolitani recusator, 2. 2. quæst. 188. artic. 6. Sicut, inquit, maius est illuminare, quàm lucere solum, ita maius est contemplata aliis tradere, quàm solum contemplari: sic ergo summum gradum in Religionibus tenent, quæ ordinantur ad docendum & prædicandum, quæ & PROPINQUISSIMÆ sunt perfectioni Episcopali, sicut & in aliis rebus fines primorum coniunguntur principiis secundorum, ut Dionysius dicit in septimo capite de divinis Nominibus. Ita divus Thomas Regulares quoad exercitium actuum Hierarchicorum præfert Curatis. Nam si institutum Curatorum esset perfectissimum post Episcopale, & ei proximum, tunc hæc Religiones non essent propinquissimæ Episcopali perfectioni, nec illi coniungerentur, tanquam secunda primis, sed subiungerentur Parochis, tanquam tertia secundis.



## RESPONSIO.

Quo longius progredieris, eo maior ineptiarum tuarum cumulus exurgit. Adzò nihil sanum, nihil sanorum hominum more loqui potes, & quicquid conaris dicere, semper in deteriora prouolueris. Propositio damnata, quam initio suscepisti tuendam, fuit; Religiosos esse in Ecclesiastica Hierarchia superiore gradu quàm Parochos: Ab hac delapsus es ad secundi generis quæstionem, & subitò disputare cœpisti, Religiosos ex suo statu verè in Hierarchia Ecclesiæ versari. Rursus in hoc gradu instabilis, cum ad eius confirmationem testimonia prolaturus videreris, repentinè nouo mentis motu in tertium gradum deiectus es, vt ex sancto Thoma sine causa declarares, Religionem quæ ordinatur ad prædicandum & docendum, esse maioris perfectionis quàm officium Parochorum. Qua de re in propositione à qua orsus es, nihil inest. Hæc deliria, has intemperies animi proferre audes in aspectum nobilissimæ Theologicæ Facultatis, & Ecclesiæ, & totius orbis? Quis dubitet quin careas non solum sanitate doctrinæ, sed etiam animi? Quis assiduam à proposita materie euagationes tuas intuens, non miretur in tanta memoriæ penuria, tam exile iudicium superesse?

Ad locum igitur diui Thomæ multis modis respondemus. Primò, si omnia tibi demus quæ continere videtur, & quæ ipse inde infer, tamen tuam causam nihilo fore meliorem. Non enim agimus de perfectione officij Parochorum, aut Religiosi status, de qua sola ille locus, & tua conclusio loquitur; sed de Hierarchia, & gradu Hierarchico Parochorum, & Religiosorum. Certum autem est in doctrina S. Thomæ, aliud esse perfectionem status, aliud statum, aut gradum Hierarchicum; Et sanctum Thomam gradum Hierarchicum multis tribuisse, vt Prælati minoribus, Archidiaconis, Parochis, quibus tamen non tribuit status perfectionem: Multis rursus perfectionem status, quibus tamen Hierarchicum gradum non concessit, multo minus Hierarchicum gradum Parochis & Prælati minoribus altiore, vt omnibus generatim Monachis & Religiosis, etiam laicis. Quamobrem imperitissimè peccas in doctrinam sancti Thomæ, perfectionem status & Religiosi gradus, cum perfectione gradus Hierarchici confundens, quali sanctus Thomas præponat religiosos Parochis in perfectione Hierarchici gradus, quia eos illis in perfectione status anteposit. *Quid obtendus ad salendum, communis dogmatis tegmen, vt operias proprium crimen?* Hoc generatim responso obiectio tua elidi posset, si generatim de doctrina sancti Thomæ ageretur. Sed quia certum eius locum opponis, ad quem speciatim responsio accommodanda est; Respondemus, eum locum multo adhuc grauiore vel imperitia, vel nequitia torqueri, & à propria sede diuulsam, in aliam quæstionis speciem transuerti, à sermone & cogitatione diui Thomæ eo loco, remotissimam. Nam cum diuus Thomas ibi ait, *Religiones quæ ordinantur ad docendum & prædicandum, esse propinquissimas perfectioni Episcopali*, comparisonem instituit, non inter eas Religionem, & quosuis alios status, aut statum speciatim seu officium Paro-

S. Th. 2. 2.  
q. 184. ar. 6  
Ibid. ar. 5.  
et qu. 188.  
art. 4. ad 1.

Aug. l. 2. de  
Nuptiis &  
censur. c. 3.

chorum, de quibus eo loco nulla quæstio, nec vlla mentio est; sed inter eas & alia genera Religionum non institutarum ad docendum & prædicandum, quibus eas, quæ ad hoc genus operum institutæ sunt, anteponebat, & iudicat perfectiores, quia *maius est illuminare quàm lucere solum, contemplata alijs tradere, quàm solum contemplari*. Hoc patet ad oculum ex ipsis verbis à Spongia allatis: Sic ergo summum gradum IN RELIGIONIBUS tenent, quæ ordinantur ad docendum & prædicandum, quæ & propinquissima sunt perfectioni Episcoporum. Audin' eas summum locum tenere, esse propinquissimas perfectioni Episcopali, in Religionibus, non in gradibus Hierarchicis? Liquet hoc etiam ex ipso articuli titulo: *Verum Religio, quæ vacat vitæ contemplatiuæ, sit potior ea, quæ vacat operibus vitæ actiuæ*. Denique ex tota serie loci citati: *Opus vitæ actiuæ, quod ex plenitudine contemplationis derivatur, sicut doctrina & prædicatio, præfertur simplici contemplationi: sicut enim maius est illuminare quàm lucere solum, ita maius est contemplata alijs tradere, quàm solum contemplari, &c.* Sic ergo summum gradum in Religionibus tenent, quæ ordinantur ad docendum & prædicandum, quæ & propinquissima sunt perfectioni Episcoporum sicut & in alijs rebus, fines primorum coniunguntur principijs secundorum. Quæ verba adeò planum faciunt, sanctum Thomam hîc agere de comparatione religionum inter se, non cum aliis vitæ generibus, & religiones ad prædicationem ordinatas anteferre duntaxat Religionibus ad solam contemplationem ordinatis, eo quòd ad statum Episcopalem, qui omnium sacrorum statuum summus & perfectissimus est, propius accedant, ut mirum sit Iesuitam in lucem tam clara cæspitare potuisse, vel potius imponere voluisse. Nam & aliunde constat, sanctum Thomam docuisse Parochos esse propiores & similiores Episcopis, in iis quæ ad opus animarum pertinent, quàm Religiosos, ut patet ex claris ipsius verbis: *Dicendum quod Presbyteri, Curati, & Archidiaconi sunt similiores Episcopis, in ijs quæ ad opus animarum pertinent, quàm Religiosi, quantum ad aliquid, scilicet quantum ad curam animarum, quam secundario habent.*

S. Th. 2. 2.  
q. 184. ar.  
3. ad 3.

Argumentum autem quod Spongia necit ex verbis sancti Thomæ, sophisticum & puerile est, & responsione indignum. Nam vno verbo respondetur, sanctum Thomam propinquissimas fecisse perfectioni Episcoporum religiones ad docendum institutas, non absolute, non simpliciter, sed in suo genere; non comparatione Parochorum & Prælatorum inferiorum, sed comparatione Religionum soli contemplationi studentium, & aliarum alijs operibus, ut militiæ, deditarum; eademque comparatione vocasse illas secundas post perfectionem Episcopalem, non autem comparatione perfectionis officij Parochialis. Vnde ex hoc loco sancti Thomæ, nequidem habetur religiones huiusmodi habere quicquam perfectionis, aut præstantiæ, quo Parochis antecellant. Pudet in his nugamentis ventilandis otium & chartam perdere: quæ tamen semel propalari debuerunt, ad perpetuam istorum imperitissimæ & stolidissimæ arrogantiae confusionem.

Quod autem addit, sanctum Thomam non quidem Episcopum fuisse, sed, quod coram Deo maius est, Archiepiscopatus Neopolitani recusatorem, non

In libell. in-  
scripto.  
François  
Fontaine,  
Pag. 42.

solum temeraria, sed etiam captiosa laudatio est, qua specie extollendi sanctum Thomam, seipsum & Socios extollit, non iam supra Parochos, sed supra Episcopos, & supra omnes qui dignitatibus Ecclesiasticis admoventur; eo videlicet nomine, quod vouere soleant, se nullas Ecclesiae dignitates suscepturos. Non enim hic primus tali sermone utitur: Est is familiaris Sociis, quoties occasio incidit, ut de tali voto possint gloriari, & auditoribus suum illud innuere, *Non sumus sicut ceteri hominum*. Equidem Pater Binetus, tanta insolentia hac gloriatione & insultatione, specie similiter collaudandi sancti Thomae, usus est (à quo hunc etiam florem mutuatus est Spongiae opifex) & usus est non in mortales homines, sed in coelites beata aeternitate fruantes, Ecclesiae venerandos, & in ipsum nominatim sanctum Carolum Borromaeum, ut proteruas eius voces, ne quid offendiculi infirmioribus prebeant, silentio obrui prestet, quo facilius perpetua obliuione deleantur. Errant verò grauiter vanissimi homines, & dum huiusmodi iudiciis sibi placent, Christianam perfectionem per id quod de foris, non per id quod intus est, iudicantes, ad Iudaismum & Pharisaeismum transfugiunt. Nemo dubitat, quin S. Thomas Neapolitanum Archiepiscopatum repudiens, magnum opus, & magni meriti ediderit: Sed nec cuiquam asserere licet, sine nota grauioris temeritatis, eum iccirco aliis omnibus, qui eiusmodi dignitates acceperint, praefendum esse; aut maioris esse meriti, maiorisque apud Deum laudis, recusationem quam susceptionem earum. Ita ut gloria & praerogatiua omnis, quam Iesuitae praeter ceteris Religionibus hoc nomine captant, non nisi falsae gloriae titulo eis dari possit.

D. Tb. 1. 1.  
qu. 185. ar.  
1. & 2. ubi  
multa ex  
August. &  
alii PP.

Quis enim diuum Thomam recusantem Episcopatum praeponat diuo Bonauenturae Episcopatum & Cardinalatum; aut diuo Gregorio, ipsum summum Pontificatum, accipientibus? Rectè vtrumque, malè vtrumque fieri potest, Authore ipso diuo Thoma. Nec minor, imò maior in recusando ambitio metuenda est, quam in suscipiendo. Recusare enim, maioris amplitudinis animi est, iuxta hominum iudicium speciem habet illustriorem, laudabiliorem, minus vulgarem, ideoque periculosiorem, fallaciorem, altiori superbiae viciniorem. Episcopatum igitur suscipere, verè vocante Deo, bonum & meritum est; multoque interdum magis, quam recusare. Qui enim vocante Deo recusat, non laudem meretur, sed probrum, Deum offendit, derelictae vocationis reus est. Idemque iudicium fieri debet de toto externo Religionis habitu, & de omnibus generatim externis rebus, ad quas nemo rectè adiicit animum, nisi vocante Deo, & diuinæ gratiae impulsu fexatur. Ita is, quem Deus non ad Religiosum vitae genus, sed ad aliud institutum vocat, æquè mereri & placere poterit Deo, quam is qui ad vitam Monasticam vocatus est. Imò si à Deo non vocatus, si spiritu suo, non Spiritu sancto duce, ad Religiosa vota se conferat, malè facit, grauius labitur, magnum salutis aeternae periculum adit, ut Religiosi etiam non pauci purioris & sincerioris animi confitentur. Sed hæc alibi commodius agentur. Nam doctrinam hanc veram, solidam, Christianam,

iure Molinistarum oculis eripuit vindex Deus, quia gratiam Dei ob-  
scurantes, Christi regnum & Christianæ Religionis altitudinem, ad  
humani iudicii, & rationis mortalis angustias redegerunt.

S P O N G I A.

*Ex his nimirum patet propositioni Authoris nihil temeritatis, erroris, aut pre-  
sumptionis inesse. Ut autem quid Theologicè in hac questione verius sit, decidatur;  
notanda est distinctio Hierarchia, quæ lucem huic questioni affert, à Gersoni Sor-  
bone principe tradita, quam propterea nostri Magistri non reusciunt, his verbis: In  
Angelica Hierarchia, inquit, licet quilibet Angelus sit immediatè for-  
matus à Deo; nihilominus, quoad exercitium actuum Hierarchico-  
rum, qui sunt purgare, illuminare, perficere, tres primi Ordines Hie-  
rarchizant, non Hierarchizati ab aliis; tres mediij, Hierarchizantur &  
Hierarchizant; tres infimi Hierarchizantur, & non alios Angelos Hie-  
rarchizant. Papalis autem autoritas cum Cardinalibus imitatur pri-  
mam; alteram verò mediam imitatur Patriarchalis, Archiepiscopalis,  
Episcopalis, & Sacerdotalis autoritas, in habentibus subiectos sibi;  
quod dicitur propter Curatos, vel etiam solos Titulares Episcopos, ca-  
rentes plebe. Ultimi sunt instar tertiæ Hierarchiæ, qui Hierarchizan-  
tur in Ecclesia, sed non alios authoritatiuè Hierarchizant, quemad-  
modum sunt populi, & simplices Religiosi secundum Dionysium.  
Hac Gerson. Quæ distinctione supposita duas constituo conclusiones.*

*Depot. Et:  
claf. confid.  
9. in fin.  
tom. 1. col.  
123.*

R E S P O N S I O.

Grauius erras, si putes Gersonem hoc loco veram Ecclesiasticæ  
Hierarchiæ naturam, veros eius fines, latitudinem, proprietatem, des-  
cribere. Toto, inquam, cœlo erras, Neque mirum, si quicquid post-  
modum tam inani fundamento superstruis, labat, & tenuissima im-  
pulsione deiicitur. Quamquam nonnulla tibi venia danda est, qui Ger-  
sonis locum non à te proferas, sed à Sociis, qui appendicem ad librum  
pseudo-Smithæi assuerunt, eum sumptis tuo iure; quia si amicorum  
omnia communia sunt, multo magis fratrum, multo magis coniurato-  
rum, ut estis. Stupendum verò est, tantam tot sociorum, qui se huma-  
næ scientiæ velut columnas statuerunt, factionem, non solum in ean-  
dem arrogantiam, sed etiam in eandem ignorantiam conspirasse. Nam  
veram Hierarchiæ naturam, & amplitudinem non hîc definiri à Gerso-  
ne, vel ex eo manifestum est, quia nec Diaconos, nec Ministros vîllos  
inferiores annumerat: quos tamen ad Hierarchiam pertinere nemo  
adhuc fuit qui negare, aut dubitare sit ausus, cum sit certissima Catho-  
lica veritas, nuper etiam à Concilio Tridentino sancita. Imò verò nec  
annumerat, sed apertè excipit ab ordine Hierarchizantium Parochos,  
& Episcopos carentes plebe, adeoque quosuis simplices Sacerdotes;  
quos stupidum est cogitare ab ipso in eundem cum plebe ordinem, &  
in gregem laicorum esse detrusos. Hinc evidentissimè perspicitur, ordi-  
nem, quem Gerson eo loco contextit, non esse ordinem Hierarchi-  
cum proprium & adequatum, de quo etiam nulla ibi nec mentio, nec



quæstio erat. Pertexit igitur Gerson eorum ordinem, qui potestatem Ecclesiasticam ordinariam in Hierarchia obtinent, siue ut loquitur qui alios *authoritative Hierarchizant*; & Ecclesiasticæ potestatis influxum ordinarium à primario capite, per omnes, deinceps inferiorum capitum gradus, ad infima membra, & ad ipsas, ut sic loquar, vestimenti Christi oras manantem exponit. Disputat enim de stabilitate, & amplitudine Ecclesiasticæ potestatis; & probat admodum aptè, vnicam per totum orbem constitutam esse Ecclesiasticam potestatem, potiusquam Monarchiam vnâ, ciuilemque potestatem generalem; quia Ecclesiæ potestas, cum sit spiritualis, facilius quaquauerfus diffundi potest, quam gladius materialis ciuiliū potestatum. Explicat deinceps ordines & gradus, quibus Ecclesiastica illa potestas, per eos, quibus ordinario & stabili iure commissa est, à primo vsque capite, ad infima Ecclesiæ membra defluit. Quem defluxum variis similitudinibus explanat, tum solis qui lucem aliunde non hauriens, eam aliis corporibus infundit, quæ vicissim eam in alia traiciunt, donec ad vltima illuminata, & non illuminantia decurratur; tum præcipuè Angelicarum Hierarchiarum, quarum aliæ alias illuminant, donec ad vltimam Hierarchiam Angelicam deuenias, quæ sic ab Angelis superioribus illuminetur, ut nullos Angelos illuminet. Atque huic vltimæ Hierarchiæ, eos qui in Ecclesia Hierarchizantur, nec alios Hierarchizant, ut populos & simplices Religiosos, assimilât, non in eo quidem quòd vltima Angelorum Hierarchia vera Hierarchia Angelica est, ut infra demonstrabimus; non enim ait Gerson populum Catholicum, & laicam multitudinem, esse similiter veram Hierarchiam Ecclesiasticam, sed in eo tantum eos comparat, quod sicut vltima Angelorum Hierarchia ab aliis Angelis illuminatur, nec alios Angelos illuminat, sic populus in Ecclesia illuminetur, nec illuminet. Nam nec primus ordo Ecclesiasticæ Hierarchiæ, seu Hierarchizantium tantum; nec secundus seu Hierarchizantium & Hierarchizantium, prout à Gerson describuntur, omni ex parte congruunt cum prima & secunda Hierarchia Angelorum, ut per se manifestum est. Nec hoc ad Gersonis institutum opus fuit, dummodò aliqua ad eius propositum similitudo, inter eos reperiretur. Vnde signanter addidit, *vtimi sunt INSTAR tertiæ Hierarchiæ*; & antea, *Papalis authoritas s v o m o d o cum Cardinalibus imitatur primam Hierarchiam*; ut ostenderet se in iis aliquam similitudinem suo solum proposito consonam intueri: etsi Spongia solitâ fide, voces illas, *suo modo*, eralerit, ut facilius Gersonis comparatione ad quidlibet eluderet. Gersonis autem scopus fuit eo loco is quem diximus, declarare nimirum, vnicam per totum orbem Ecclesiasticam potestatem à Deo rectè constitutam fuisse, potius quàm vnâ, politicam Monarchiam generalem; & spiritualis Ecclesiæ potestatis in omnes homines diffusionem stabilem & ordinariam, per ordinaria & stabilia eius capita exponere. Ideoque ab ordine Hierarchizantium exclusit ministros, Sacerdotes, atque adeo Episcopos plebe carentes; non quòd verè non habeant Hierarchizandi potestatem; sed quia ordinariam non habent, de qua sola illi

sermo erat, ut potestatis Ecclesiasticæ ordinariam, stabilémque, ac certam in omnia membra extensionem, per ordinaria solùm, & perpetua eius capita explicaret. Quare cum Iesuita turpiter, & imperité erraverit in fundamento, quod suis deinceps erroribus è Gersonè supponit, non mirum est sequentia corollaria vndique vitium facere, & imperitia, confusione animi, præcipiti leuitate, quasi natiuo quodam turbine, conquassari.

SPONGIA.

*Qua distinctione supposita, duas constituo conclusiones. Prima est, Regulares quàm Regulares, seu simplices Religiosi, simpliciter & absolute esse de Hierarchia Ecclesiæ. Pater, quia non solùm qui sunt de Hierarchia Hierarchizante, sed etiam qui de Hierarchia Hierarchizata, dicendi sunt simpliciter de Hierarchia. Da oppositam; iam tres infimi ordines Beatorum Spirituum, Principatus, Archangeli, Angeli, non erunt simpliciter cælestis Hierarchiæ; Hierarchizantur enim, ut ait Gerson, & non alios Angelos Hierarchizant: sed Religiosi etiam simplices, sunt de Hierarchia Ecclesiæ Hierarchizata; igitur simpliciter & absolute dicendi sunt, de Hierarchia Ecclesiæ.*

RESPONSIO.

Egregiè argumentareris, si quemadmodum Spongia loqueris, ita Spongiæ aduersarias haberes: Theologi enim & tuam inscitiam admirantur, & amplius insulsiatē, quā tibi sapere, & bellè argumentari videris. Tua conclusio quacumque ex parte consideres, omnimodis cumulata est vitiositatibus & ineptiis.

Ut à vanitate, quam continet, incipiam, quid minus consentaneum præcellentiæ, quam Regularibus vendicas, quàm illos ea ratione, & eo nomine in Hierarchiam intromittere, quā quibusvis hominibus, etiam vulgo infimo, in eam aditus perinde pandatur? Hæc vanitas adeò ieiuna & inanis est, ut dum se adstruit, se destruat, & suo pondere opprimatur. De qua peruersitate, & diuino in eam iudicio, aliquid iam ante dictum est, ne eadem iteremus. Quamquam tanta est absurditas opinionis nouitiæ, & commenti inauditi, quo tota fidelium vniuersitas in Hierarchiam Ecclesiæ contruditur, quia scilicet aliter nulla ratio superest, quā Regulares, ut Regulares, seu simplices Religiosi, ad eam euehantur; ut nihil in eam nimis iteratum atque inculcatum videri debeat. Quis vnquam enim, antequam Iesuitici Doctores erupissent, audierat, vel cogitauerat idem esse Ecclesiam & Hierarchiam, in Ecclesia & in Hierarchia versari; & quicumque Hierarchiæ effectuum participes sunt, seu Hierarchizantur, eos Hierarchiam ipsam possidere? Quod equidem non minoris stoliditatis est, quàm si dicas idem esse diuinitatis effectus percipere, & diuinitatem possidere; esse in genere creaturarum, & esse in genere diuino, seu in *ἡραρχία*, ut Dionysius *Cal. Hier.* loquitur. Denique idem esse subesse principatui, seu eius operationes *cap. 1. &c.* excipere, & esse principatus participem, seu potiri principatu, seu in ordine regio ac principali versari. Hæc enim fateri prius necesse est,

quàm concludere liceat, omnes qui Hierarchizantur in Ecclesia, Hierarchiam ipsam Ecclesiæ possidere, & in Hierarchiam referendos. Nec verò levis hæc nescio quæ disputatio, aut mera de nomine & vocula litigatio habenda est. Nam si Iesuitæ nihil cuperent, nisi se esse in Ecclesia Hierarchicorum effectuum participes, seu ab Hierarchia Ecclesiastica Hierarchizari, sicut totam fidelium multitudinem; nulla disputatio superesset, quia nemo eis locum istum negat: Rē eis libenter cōcedimus: id quod Hierarchiæ nomine se velle simulāt, vltro damus, Cū ergo nihilominus de nomine dimicent; cū illud tanto cōtentionis impetu rapiant; satis docēt se captioso pugnæ genere velitari; aliò spectare, quàm prædicant; plura petere, quàm profitentur. Prius enim nominis possessionem adire, & firmam facere volunt: Vbi in nominis possessione constiterint, tum veram nominis significationem quam nunc dissimulant, repetent; Hierarchiæ rem, veram vim & naturam eius, Hierarchiæ nomini deberi clamabunt. Habet enim gradus ambitio, quibus ad id, quod repentē totum assequi non potest, sensim ac per partes adnitatur. Non ergo de solo nomine pugnamus, cū eos Hierarchici nominis societate depellimus; sed Hierarchiæ fines, quos Deus posuit, Ecclesia docuit, SS. Patres tradidere, immortos tuemur. Atque hoc eo impensius nunc fieri debet, quod communio ista Hierarchici nominis, quam solam se petere aiunt, hoc tempore nouella est, & ea significatione Hierarchiæ nititur, quam Theologorum omnium nullus adhuc comprobauit. Quantumcumque enim quærent, non dabunt vllius nominis Theologum non Iesuitam, qui Ecclesiam & Hierarchiam scripserit idem esse, neque adhuc quantumcumque conati sint, vllum reperire potuerunt, vt magis declarabitur. Nunc igitur recens ac tenera figmenti nouitas tempestiuè premenda est; ne si inueterauerit, conualecat, & aliquid colligat authoritatis, quo eius oppugnatio aduersus ceruicosum & peruicax hominum genus, durior & molestior efficiatur.

Vid. append. ad pseudo-Smith.

Nam quod Spongia, velut Authore Gersone, Hierarchiam diuidit in *Hierarchizantem*, & *Hierarchizatam*, fallitur grauitè, & magis præsumptas suas opiniones, quàm Gersonis doctrinam respicit. Nusquam enim Gerson isto modo locutus est; nusquam apud eum reperietur *Hierarchia Hierarchizata* nomen. Quæ vox ita insolens & inusitata est, vt ante hoc tempus non sit audita: pergant feliciter boni Theologi *profanas vocum nouitates, & oppositiones falsi nominis scientiæ*, suarum mentium fecunditate profundere, ne quid iis ad perpetuam, cum hæreticorum artificiis, similitudinem desit. Docet quidem Gerson alios esse in Ecclesia qui Hierarchizent, alios qui Hierarchizentur, seu alios Hierarchizantes, alios Hierarchizatos. Quæ locutio, etsi non adeò trita & vulgaris videatur, tamen Theologica est, & à diuo Dionysio, primo harum, quod constat, vocum authore, manauit. Est enim apud Dionysium crebra mentio τῶν πλῶτων, seu ἱεραρχούντων, quasi dicas *inicianum*, seu *Hierarchizantium*, & τῶν πλῶτων, seu ἱεραρχουμένων, *initiatorum*, seu *Hierarchizatorum*. Sed *Hierarchia Hierarchizata* nomen, quasi ij qui

si ij qui Hierarchizantur suam seorsum constituent Hierarchiam, sicut ij qui Hierarchizant, nusquam dabunt apud Dionysium, nec apud Gersonem, nec apud Authorem idoneum, boni patres. Fictitium est, chimericum est, ad novi erroris novitatem, novi nominis fraude velandam, fabrefactum est.

Argutia verò, qua cavillationem istam tuentur, ex ignorantia ridicula pullulavit, quòd nec Hierarchiæ naturam generatim, nec speciatim Hierarchiæ Angelicæ, neque verò Ecclesiasticæ vim & proprietatem norint. Nam antè omnia, si putent fas esse argumentari à tertio choro Angelorum, ad totam multitudinem fidelis populi, & simplicium Religiosorum, itavt simplices Religiosi, & multitudo fidelis populi, ad Hierarchiam Ecclesiasticam eodem modo pertineat, quo tertius chorus Angelorum, ad Hierarchiam Angelicam pertinet; videant quæso, quò se committant; non enim profectò vident, sed cæcis animis, defensionis ardore, solius gloriæ suæ quavis ratione retinendæ avidi, quidlibet sine discrimine arripiunt, sub quo se latere posse arbitrentur. Nam si Angelorum tertius ordo eodem modo est in Hierarchia Angelica, quo simplices Religiosi, & tota multitudo fidelium à Spongia in Ecclesiastica Hierarchia ponuntur; sequitur tertium illum Angelorum ordinem non esse ordinem Hierarchizantium, sed tantum hierarchizatorum; adeoque tertiam hierarchiam Angelicam non esse eiusdem rationis hierarchiam, vt prima & secunda hierarchia, quæ sunt hierarchiæ hierarchizantium, non tantum hierarchizatorum. Atque ita non solum in hierarchiam Ecclesiasticam, sed etiam in Angelicam, fœda hierarchiarum confusio, & æquiucatio inducitur, vt tertia Angelorum pars, non sit intra hierarchiam Angelicam eodem sensu, & eadem vocis proprietate, qua dux superiores partes Angelorum. Quod inauditum apud Theologos, & apud Dionysium, hierarchiarum Angelicarum, & hierarchiæ Ecclesiasticæ, accuratissimum & sublimissimum indagatorem, Iesuiticis tantum Doctoribus, nunc primum post tot ævorum spatia, reuelatum erit, si id fateri audeant. Sed profectò non audebunt, si quid eis pudoris superest, ne Theologis omnibus inuisi, audiant, provt merentur, Theologicarum veritatum, & rerum omnium, tum humanarum, tum divinarum, æquiucorum confusione, turbatores.

Cæterum non difficile probatu est, tertiam hierarchiam Angelicam, non in Hierarchizatorum tantum, sed etiam in hierarchizantium numerum reponendam esse, etiamsi nullos penitus Angelos hierarchizaret, seu hierarchicis operationibus afficeret. Hoc enim innuit ipse Gerson loco citato, dum ait, *tres infimi Hierarchizantur, & non alios Angelos Hierarchizant*. Signanter expressit, *alios Angelos*, vt innueret infimos illos ordines Angelicæ hierarchiæ, non simpliciter ab hierarchizantibus eximendos esse, sed ab hierarchizantibus duntaxat *alios Angelos*, quasi etsi non comparatione Angelorum, tamen comparatione hominum, sint hierarchizantes, & hierarchicas functiones Angelicas exequantur. Id clarius docet sanctus Thomas:

S



a S. Tb. 1. <sup>2</sup> Inferior Angelus, est superior supremo homine nostra Hierarchia. Vnde mi-  
 p. q. 108. nor Angelus celestis Hierarchia, potest non solum purgare, sed illuminare, &  
 ar. 2. ad 5. perficere, & altiori modo, quam ordines nostra Hierarchia. Ac multo antè  
 b. 10. 3. 4. sanctus Dionysius, quo sanctus Thomas Doctore usus est: Existi-  
 Αρχόν & Αρ- mandum<sup>2</sup> est ordinem Principatum, Archangelorum, & Angelorum, huma-  
 χαντων, & nis Hierarchijs, alium per alium, praesidere. Et infra: <sup>3</sup> Scriptura Hierar-  
 Αγγελων, & chiam nostram (hoc est nobis praesidentem) Angelis tribuit, Michaëlem  
 φαντασίου Ιουδαici populi principem nominans, & alios gentium aliarum. Denique, om-  
 διατάκων, & nia de tribus Hierarchijs Angelicis à se disputata, summam colligens,  
 αὐτῶν, & ita loquitur: <sup>4</sup> Primaria classis earum mentium, quae circa Deum  
 S. Dion. versantur, ipsius divinitatis luce purgatur, illuminatur, perficitur. Ab hac rur-  
 Cat. sus pro suo capitu secunda; à secunda tertia; à tertia, hierarchia nostra. Quam  
 Hier. c. 9. ob causam infimorum Angelorum Hierarchiam, <sup>5</sup> Dilucidio-rem vo-  
 c. Et infra: cat, & mundo quodammodo magis observantem. Quia videlicet lucem ha-  
 Εἰς τὴν οὐρανὴν beat minus arcanam & reconditam, seu ut loqui solet, κρυφιώδη,  
 διατάκων, & quam hierarchiae superiores longius ab humano capitu circa Deum  
 αρχόντων, & subuolantes, atque adeò planiorem, apertio-rem, mundo humanæ-  
 Ιουδαίων, & que intelligentiae viciniorem. Itaque infima hierarchia Angelorum,  
 τῶν Μιχαήλ, & verè hierarchizat, nec tantum hierarchizatur; & hierarchizat saltem  
 διατάκων, & homines, humanamque hierarchiam, si minus Angelos, de quibus  
 αὐτῶν, & nunc disputare non necesse est, quamvis facillè dici posset ipsis Dio-  
 εἰς τὴν οὐρανὴν nysij verbis: <sup>6</sup> Omnem hierarchiam in primas, medias & ultimas potesta-  
 αρχόντων, & tes esse diuisam. Eandem diuisionem, in singulis hierarchiarum celestium ordi-  
 Ιουδαίων, & nibus reperiri. Ideò Theologos dixisse, diuinissimos ipsos Seraphinos, alterum  
 τῶν Μιχαήλ, & ad alterum clamare, manifestè per hoc declarantes, quod primi secundis diui-  
 διατάκων, & nas cognitiones transfundant. Vnde sequitur non solum Archangelos à  
 αὐτῶν, & Principatibus, Angelos ab Archangelis purgari, illuminari, perfici,  
 εἰς τὴν οὐρανὴν seu hierarchizari, sed etiam inferiores quosque Angelos, à superio-  
 αρχόντων, & ribus Angelis, sicut inferiores Seraphinos, à superioribus Seraphi-  
 Ιουδαίων, & nis. Sed quia tandem ad ultimos Angelos deueniendum est, qui ab  
 τῶν Μιχαήλ, & alijs Angelis proximè illuminati, alios vicissim Angelos non illumi-  
 διατάκων, & nent; Dicendum est cum Dionysio, totam infimam Angelorum hie-  
 αὐτῶν, & rarchiam, versari circa humanam seu Ecclesiasticam hierarchiam, in  
 εἰς τὴν οὐρανὴν eamque Angelicæ suæ hierarchiae functiones expromere: Atque id  
 αρχόντων, & toti infimæ hierarchiae esse commune; quamvis aliqui speciatim il-  
 Ιουδαίων, & lius ordines, ut Principatus & Archangeli, & superiores Angeli, etiam  
 τῶν Μιχαήλ, & Angelos inferiores hierarchizent. Atque ita non solum infima illa  
 διατάκων, & hierarchia, sed etiam singuli in ea Angeli, verè sunt in hierarchia  
 αὐτῶν, & Angelica, non ut hierarchizati tantum, sed ut hierarchizantes. Ea-  
 εἰς τὴν οὐρανὴν tenus enim quisque intra aliquam hierarchiam est, quatenus in ea  
 αρχόντων, & hierarchizat; nemo autem quatenus hierarchizatur.

Neque existimandum est, infimam hanc Angelorum Hierarchiam,

τῶν Μιχαήλ, & Αἰνὸς ἐκείνου, ἰδιότης αὐτῶν, ὁμοειδὲς αὐτῶν, τῶν αὐτῶν ὁμοίως ἀρμονίως δίδουσι. Διὸ καὶ αὐτοὶ  
 τῶν Μιχαήλ, & Αἰνὸς ἐκείνου, ἰδιότης αὐτῶν, ὁμοειδὲς αὐτῶν, τῶν αὐτῶν ὁμοίως ἀρμονίως δίδουσι. Διὸ καὶ αὐτοὶ  
 τῶν Μιχαήλ, & Αἰνὸς ἐκείνου, ἰδιότης αὐτῶν, ὁμοειδὲς αὐτῶν, τῶν αὐτῶν ὁμοίως ἀρμονίως δίδουσι. Διὸ καὶ αὐτοὶ

minus esse Angelicam Hierarchiam, quàm alix superiores, quia non in solos Angelos, ut illa, sed etiam in homines, extra Hierarchiam Angelicam sepositos, operatur. Quia etsi rectè inde sequitur, Hierarchiam istam esse minus perfectam, quàm sint priores Hierarchiæ Angelicæ, non tamen colligi potest, non esse veram Angelicam Hierarchiam. Nam Hierarchia, vim sonat & potestatem in alios exercendam. Potestas autem quam illi Angeli exerunt in homines, Angelica est, & omni humano ordine sublimior, ut rectè sanctus Thomas: nec ideò humana; vel Angelis minor habenda est, quia circa homines versatur, sicut diuina potestas non ideò minus diuina est, quia ad homines, & vilissimas quasque res, altissima sua maiestate, perlabitur. Sic primam Seraphinorum, Cherubinorum, & Thronorum Hierarchiam dicimus, etsi ad secundam referatur, in eamque Hierarchicas functiones exerceat. Sic secunda tertiam respicit, nec ideò minor habetur, quia vim suam in subditos se minores confert. Sicut nec ideò princeps non altior est subiectis sibi populis, quia populi sunt ipso minores; imò ideo maior & altior est, quia se vilioribus imperat. Et ut hæc res Hierarchiæ nostræ comparatione planior fiat, certum est ministros inferiores, Diaconos, aliosque, esse in Hierarchia Ecclesiastica, & esse in ea iure diuino, ut etiam Concilium Tridentinum declarauit. Qui tamen olim functiones suas Hierarchicas, non nisi erga homines extra Ecclesiam positos, exerebant. Nam purgatio, Hierarchicarum actionum tertia, quam Dionysius, & ex eo omnes Theologi, ministris inferioribus assignarunt, in nullos fiebat intra Ecclesiæ corpus constitutos, sed in Catechumenos, Pœnitentes, Energumenos, quos extra Ecclesiæ communionem fuisse, nec fidelium, membrorumque Ecclesiæ numero comprehensos, norunt omnes, quibus veteris Ecclesiæ disciplina nota est. Nam de Catechumenis nemo, opinor, negabit: De Pœnitentibus, Patrum & Conciliorum consensu alibi probabitur, nec difficilis probatio foret, nisi longitudinem non necessariam fugeremus. De Energumenis denique clari sunt Conciliorum Canones, & Patrum testimonia: Conciliorum, inquam, & Patrum antiquiorum. Nam remittente sensim Ecclesiæ disciplina, cum iis mitius agi cœpisse notum est. Quæ si Molinistis noua videantur; sciant adeò esse vetera, ut solis iis, qui noua quærunt, vetera nesciunt, ipsa vetustate sint noua.

Sicut igitur infimi Hierarchiæ Ecclesiasticæ gradus, verè sunt in Ecclesiastica hierarchia, & veri Ecclesiasticæ hierarchiæ ordines hierarchizantes, etiam si neminem intra hierarchiam Ecclesiasticam, neque adeò intra Ecclesiam situm hierarchizent: similiter infimi tertiæ hierarchiæ cœlestis Angeli, verè in hierarchia Angelica sunt, veri sunt hierarchiæ Angelicæ ministri & Hierarchizantes, quamuis nullum Hierarchiæ Angelicæ membrum, nullum Angelum, sed solos homines extra Hierarchiam naturamque Angelicam, in ordinem longè inferiorein deiectos, Hierarchizent. In quo mira vtriusque hierarchiæ proportio & congruentia elucet, hierarchiæ nostræ ordinibus, &

*Conc. Trid.  
sess. 23. c. 6.*

*S. Dion.  
Eccles.  
Hier. c. 3.*

*S. Dion.  
Eccles.  
Hierar. c. 3.  
sess. 2.*

*Id. Cyr.  
ep. 52. & 54  
et alibi passim.  
Concil.  
Elib. c. 29.  
Concil.  
Araus. 1.  
c. 14.*

operationibus, Hierarchiæ Angelicæ ordines, & operationes, tanta similitudine referentibus. Ac patet infimos Hierarchiæ Angelicæ gradus, non cum generali fidelis populi multitudine, quoad rationem Hierarchicam, conferendos fuisse, ut indoctè contulit Spongia; sed cum infimis Hierarchiæ Ecclesiasticæ gradibus, qui eis tam parili analogia respondent.

## SPONGIA.

*Hæc est sententia sancti Dionysij, cuius autoritas, hæc ex parte, ceteris omnibus præfertur. Is cap. 3. celestis Hierarchia dicit, Ad rationem Hierarchiæ pertinere, non solum purgare, sed etiam purgati, non solum illuminare, sed illuminari, non solum perficere, sed perfici. Quid hoc aliud est, quam personas non solum Hierarchizantes, sed etiam Hierarchizatas de Hierarchia esse, & ad eam essentialiter pertinere? Et cap. 1. Ecclesiastica Hierarchia: Qui Hierarchiam dixerit, omnium simul factorum dixerit dispositionem seu ordinationem. Et cap. 5. dicit Ecclesiasticam Hierarchiam trifariam diuidi, in sacra, quæ à Pontificibus exercentur; in ministros, & in eos qui initiantur. Denique dicit tertiam Hierarchiam, seu Hierarchiam Hierarchizatam, in tres ordines diuidi, horum qui purgantur, horum qui illuminantur, horum qui perficiuntur. In hac autem Hierarchia supremos esse Monachos. Omnium, inquit, ordinum qui initiantur, aut perficiuntur, supremus est ordo Monachorum sacer, ut pote omni piaculo expiatus, quantum vires ferre possint. Alia possent adduci innumera, ex S. Thoma, S. Bonaventura, & alijs Theologis, quæ breuitatis causa omitto. Hæc satis superque demonstrant, personas Hierarchizatas esse simpliciter de Hierarchia, & inter has personas Monachos altissimum tenere locum, ut ineptissimum fuerit, Propositionem, Regulares esse de Hierarchia, tanquam absolutè falsam damnare.*

## RESPONSIO.

Prætereo retritam toties ineptiam, qua postquam tueri aggressus es propositionem supra damnatam, Religiosos Parochis in Hierarchia præferentem, idque textu Apostoli ridiculè comprobantem, argumenti tui conclusionem tam longè à proposito abstrahis, ut mirè concludas ineptissimum fuisse, Propositionem, Regulares esse de Hierarchia, tanquam absolutè falsam damnare. Hoc propriè delirare est, si verbi Latini notionem tenes; si non tenes, Spongiam agere. Hanc enim personam, haud paulò meliùs, quàm Theologi, tueri natus es. Sed vlcus hoc, satis superiùs refricatum est.

Ad Dionysij præsidium confugis, eumque in partes trahis tuas. Sed quàm diuinissimæ illius Aquilæ volatibus tu impar es; Quàm difficile illius, πτερὰ τῆς οὐρανῆς sublimitatem Spongia, utcunque levis, assequatur; Nam ut sola præscriptione, sine vllis Dionysij verbis, solo te tuorum testimonio iugulemus; illi ipsi Socij tui, tuæ causæ gregales, appendicis ad pseudo-Smithæum textores, quamuis non nescirent magnum suæ doctrinæ pondus accessurum, si diui Dionysij, præci-

pui primique Hierarchiarum tractatoris, authoritas ad eam aggregaretur, tamen clarissime veritatis ipso splendore coacti, confessi sunt sanctum Dionysium Monachos ab Hierarchia Ecclesiastica exclusisse, nec solum Monachos, sed etiam, ut de suo addunt, Subdiaconos, & Ministros inferiores, solosque in eam conclusisse Hierarchiæ, & Ecclesiæ principes, Episcopos, Sacerdotes, Diaconos, Confirmant hanc opinionem authoritate Cardinalis Bellarmini; qui eam verè docuit *lib. 1. de Cler. cap. 11.* compellus quodam hæreticorum argumento, quod aliter retundi potui. De qua opinione ne quid hoc loco dicamus, quamvis constet non esse vndique veram, & alibi latè ostensuri simus, tum malè negari Subdiaconos, & Clericos inferiores intra Hierarchiæ fines à sancto Dionysio comprehendi; tum malè asseri, Subdiaconos, & quoslibet Presbyteros, aut à Dionysio, aut ab ullo veterum dictos esse Ecclesiæ principes, quemadmodum ex omnium argumentorum, sanè leuium, à Bellarmino prolatorum, dissolutione clarescet; ut hæc, inquam, omittamus, satis est in præsens, constare scriptorum Iesuitarum consentientibus testimoniis, Monachos à sancto Dionysio Hierarchiæ Ecclesiasticæ finibus pullos esse. Quod vnum eos verè sensisse non dubium est. Accedat eodem Petrus Lamselius Belga eiusdem Societatis, Dionysij Latinorum interpretum postremus, qui præfatione sua apertè item agnoscit, Monachos à Dionysio extra Hierarchiam seclusos, *in numero laicorum locari, ad adyti ianuam firi.* Idem diu antè notauerat interpretes eiusdem Dionysij Gallicus, tunc Monachorum Fuliensium Lutetiæ Prior, postea eorundem Generalis, quem Appendicis pseudo-Smithæi scriptores vocant *sancti Dionysij interpretem Gallicum, multorum testimonio laudatum.*

Appen. n.  
11 pag 258

Quæ omnia magno ad Spongiæ falsitatem præiudicio esse debent, tot videlicet Theologos, Dionysij ex professo commentatores, & interpretes, Socios eius, quorum etiam aliqui in eadem cum ipso sunt causa, & eandem in Facultatem Parisiensem, pro Iesuiticis erroribus, pugnam pugnant, tanto antè vno consensu statuissè, Monachos à sancto Dionysio in Hierarchiam non recenseri, Quorum testium minimè suspectorum, amicorum, gregalium Spongiæ, testimoniis, & sequenti sermone nostro, apertè declarabitur, Spongiam nec Dionysij opera legisse, nec iis legendis esse parem.

Si enim legisset, aut si ea ipsa quæ citat frustula percipere potuisset, nosset Dionysium scripsisse, *¶ Eum qui Hierarchiam dicit, sacrum quendam ordinem generatim dicere, diuinæ pulchritudinis imaginem, dispositionibus & scientijs Hierarchicis reuelata sibi mysteria operantem, & ad sui principis similitudinem, quantum fas est, se comparantem. ¶ Omnium qui Hierarchiam sortiti sunt, propriam perfectionem in eo esse, ut ad Dei imitationem, quantum possunt, se efferant, & Dei, ut Scriptura loquitur, adiutores, seu cooperatores efficiantur, & diuinam operationem in se, quantum licet, relucens exhibeant.*

ἡ δὲ αὐτὴ τὴν αἰώνιον ἀρχὴν, ὡς θεοῦ ἀναμνησκόμενος. S. Dion. de Cat. Hierarch. cap. 3.

¶ Καὶ γὰρ ἡ αὐτὴ τὴν ἱεραρχίαν ἀναμνησκόμενος ὁ πλάσιος, ὃς ἐστὶν αἰώνιος ἀναμνησκόμενος, ὅτι τὸ θεοῦ ἀναμνησκόμενος ἀναμνησκόμενος, ὃς τὸ θεοῦ ἀναμνησκόμενος, ὡς τὸ λόγον φέρει, ὅτι ἀναμνησκόμενος ἡ αὐτὴ τὴν αἰώνιον ἀρχὴν, ὡς τὸ θεοῦ ἀναμνησκόμενος. Ib.



Α ΕΙΣΑΝ ΤΙΣ  
 ΠΡΟΠΗΧΕΙΣ  
 ΔΕΚΑΜΕΤΩΝ  
 ΤΟΙΣ, ΕΞ ΤΩΝ  
 ΑΙΝΩΝ ΑΙΟΛΟ-  
 ΓΙΑΣ ΑΥΡΙΣΤΑΙ  
 ΟΥΣ, ΕΝΙΝΑ  
 ΠΥΡΗΝΑΣ,  
 ΕΚΕΙΝΑ ΠΛΟΘ-  
 ΟΝ ΧΑΙΡΕΝ Ε  
 ΘΙΟΚΡΕΤΟΥ ΔΕ  
 ΕΑΙΝΑΣ, ΤΩ ΤΗ  
 ΔΙΑΡΧΙΑ ΘΙΟ-  
 ΚΡΕΤΟΥ ΕΞΕΦ-  
 ΕΥΕΣ ΑΥΡΙΣΤΑΙ,  
 ΟΥΣ ΑΥΤΕΣ  
 ΕΞΕΦΕΥΕΣ ΔΕΩ-  
 ΔΗΑ. Ibid.  
 Β Η ΚΑΘ Ε-  
 ΜΑΣ ΠΡΟΧΑ  
 ΛΙΧΤΑΙ, Ε  
 ΕΝΤΕΝ ΕΦΕΙΧ-  
 ΠΑΝΘΙ ΚΑΤ'  
 ΑΝΤΙΩ ΑΠΛΙ-  
 ΤΩΝ ΙΕΡΩΝ  
 ΘΡΑΝΑΤΩΝ.  
 Γ Η ΠΡΟΘ ΔΙ-  
 ΣΜΟΘΗΝΑ Ζ-  
 ΕΙΣ ΜΟΤΑΧΕΙ  
 ΕΞΩΣΤΙ ΑΦΕ-  
 ΡΟΝΤΕΣ ΕΠΙ-  
 ΚΛΗΤΩΣ, ΟΥΧ  
 ΠΡΟΠΗΧΕΙΣ  
 ΕΑΙΝΑ, ΕΝΤΕ  
 ΜΑΙΝΑΣ ΜΕΤΕ ΤΩ  
 ΤΩΝ ΠΡΟΠΗΧΕΩΣ  
 ΤΩΙΣΤΑΙ, ΑΛΙ  
 ΠΡΟΠΗΧΕΙΣ  
 ΕΑΝΤΕΝ ΕΑΙΝΑ  
 ΙΕΡΩΝ ΤΩ ΠΡ-  
 ΟΠΗΧΕΙ ΠΛΕ-  
 ΠΟΥΡΑ ΔΙΟΠ-  
 ΡΕΣ ΙΕΡΟΥΝ-  
 ΜΕΝΑΣ.  
 Dion. de  
 Eccl. Hier.  
 cap. 6.  
 Δ Η ΝΙΑ ΝΙ-  
 ΣΜΟΘΗΝΑ ΤΩ  
 ΕΝΤΕ ΠΡΟΠΗΧΕΩΣ  
 ΤΩΙΣΤΑΙ ΑΥΤΕ  
 ΤΩΝ ΤΩΝ ΕΝΤΕ  
 ΕΑΙΝΑ ΠΡΟΠ-  
 ΧΕΙ ΠΛΕΠΟΥΡ-  
 ΖΕΙΣ ΔΙΟΠΗ-  
 ΜΕΤΙΝΑΙΩΣ Α-  
 ΠΠΛΗΤΩΝ.  
 Ibid cap. 5.  
 Ε Concil.  
 Carth. 2.  
 can. 3.

<sup>a</sup> *Unumquemque Hierarchiae ordinem, pro suo modulo, attolli ad diuinam co-  
operationem, ea perficiendo, gratiâ, & concessa diuinitus potestate, quæ in Deo  
naturaliter & supernaturaliter insunt, & ab eo omni creata natura eminenti-  
us efficiuntur. Quæ manifestè produnt Hierarchiam à Dionysio non  
in passione, sed in actione, seu efficiendi potestate locari. Docet hoc ip-  
sum clariùs de nostra propriè Hierarchia, quam scribit <sup>b</sup> dici, & esse  
generalem omnium, quæ ipsi congruunt, rerum sacrarum administrationem: ac  
per hoc declarat, Hierarchiam ad eos solos pertinere, quibus rerum  
sacrarum administratio commissa est, non ad eos, quibus earum sola  
receptio competit. Monachos verò nominatim ab ea excludit, de iis  
omnium clarissimè scribens, Eorum <sup>c</sup> consecrationem non esse Hierarchi-  
cam, ut consecrationem graduum Ecclesiasticorum, sed simplicem consecrationem  
à Presbyteris effectam, consecrationibus Hierarchicis inferiorem, & quasi se-  
cundariam. Confirmat hoc ipsum paulò antè docens <sup>d</sup> legem diuinam, Epi-  
scopus singulariter, & vnicè tribuisse Hierarchicorum ordinum consecrationem.  
Cum ergo declararet consecrationem Monachorum, non ab Episco-  
pis, sed à Presbyteris fieri, eadem opera testatur Monachorum or-  
dinem non esse Hierarchicum, nec Monachos Hierarchiæ esse con-  
sortes. Qua ex re perspicuum argumentum elicitur, Monachos ab  
Hierarchia abesse, non tantùm Dionysij, sed etiam totius Ecclesiæ  
veteris auctoritate, ac sensu. Cum enim virginum consecratio soli  
Episcopo reseruaretur, ut testes <sup>e</sup> sunt penè omnes Patres, & Syno-  
dorum canones, qui de hac re sermonem faciunt; Monachorum ta-  
men consecratio Presbyteris relicta est, ne quid esset, quo similitu-  
dine consecrationis Ecclesiasticis gradibus, & Hierarchiæ infererent  
(quod de Virginibus metuendum non fuit) & ut ipsa consecratio-  
nis specie, intra Hierarchiam, & Hierarchicos ordines subesse com-  
probarentur. Atque hæc res adeò certa & dilucida est, è tota serie  
Dionysij orationis, ut nemini, qui eam legerit & intellexerit, aliud ve-  
nire possit in mentem, ut patet ex iis, quos antè diximus, etiam Mo-  
nachis, etiam Iesuitis, etiam Spongiæ, in hac ipsa causa, commilito-  
nibus. Nam sanctus Dionysius Monachos *ἐν τῇ τῶν πνευματικῶν, in or-  
dine initiandorum*, seu eorum qui actiones Hierarchicas excipiunt, ponit, non  
solùm cum fidei populo, sed etiam cum omnibus qui purgantur,  
Catechumenis, Pœnitentibus, quos omnes initiandorum, seu *πνευματικῶν*  
nomine generatim complectitur, ut ex eius lectione manife-  
stum est. Si ergo Spongiæ placeat Monachos in Hierarchia à Dio-  
nysio locari, eo quòd Hierarchicorum effectuum operationumque  
participes fiant, fateatur continuò etiam Catechumenos in eam ad-  
mittendos esse, cum etiam Hierarchicis operationibus afficiantur.  
Nam si in hierarchia sint constituendi non solùm qui perficiunt, sed  
etiam qui perficiuntur, non solum qui illuminant, sed etiam qui illu-  
minantur, non solùm qui purgant, sed etiã qui purgantur, & ut vno verbo  
cù Dionysio loquamur, non solùm *πνευματικῶν*, seu *πνευματικῶν*, sed etiã *πνευ-  
ματικοί*, apertè sequitur, non solùm Monachos, qui perficiuntur, sed etiam  
Catechumenos, qui secundùm Dionysium illuminantur, & purgantur,*



Tertiū locus capite quinto Ecclesiasticæ Hierarchiæ fallaciter, de  
 more profertur, nempe Dionysium Ecclesiasticam Hierarchiam trifariam  
 diuidere, in sacra, quæ à Pontificibus exercentur, in Ministros, & in eos qui  
 initiantur. Nam Dionysij vera verba hæc sunt: Hierarchia nostra simili-  
 ter, habet tripertitam illam Hierarchicam diuisionem, diuisa scilicet in san-  
 ctissimas mysteriorum operationes, & diuinos sacrorum Ministros, & eos qui  
 ab ipsis ad sacra, pro suo capto, admonentur. Quibus verbis non tam Hie-  
 rarchiam ipsam diuidit, quàm operationum Hierarchicarum natu-  
 ram explicat. Respicit enim generalem diuisionem quam paulò an-  
 tè posuit in hunc modum: Omnem Hierarchicam operationem diuidi in  
 diuinissima mysteria, & diuinos eorum doctores, ac mystas, & eos qui ab  
 ipsis sanctè initiantur. Quam generalem diuisionem, deinde speciatim  
 Hierarchiæ Ecclesiasticæ accommodat. Sed siue Hierarchiam ipsam,  
 siue Hierarchiæ operationes exponi dicamus, argumentum quod ex  
 ea diuisione Iesuita ducit, tantundem ineptiæ habet. Si enim ex eo  
 quod Dionysius, tripertitæ illius diuisionis vnum membrum posue-  
 rit eos qui initiantur, seu mysteriorum sacrorum participes sunt,  
 colligendum sit dari gradum Hierarchicum, qui ad eos, qui solū  
 initiantur, pertineat, eorūque seorsum Hierarchicam classem ordi-  
 nemque conficere, vt Spongia præsumit, eadem opera dicendum  
 est, Hierarchica mysteria, quæ eiusdem diuisionis pars altera sunt,  
 suum quoque gradum, & suum seorsim ordinem in Hierarchia habe-  
 re, itavt sit vnus ordo Hierarchicus, in quo sola mysteria Ecclesiastica  
 collocentur, sicut vnus est, in quo sunt ministri seu mystæ, & vnus, ex  
 Spongiæ mente, in quo ij soli, qui mysteria percipiunt. Si verò inau-  
 ditum, & vel cogitatu absurdum est, mysteria, & actiones Hierar-  
 chicas, habere suum seorsim ordinem, & proprium Hierarchicum  
 gradum, sicut ministri suum habent; sequitur manifestæ quoque es-  
 se absurditatis, vt ex ista Dionysij diuisione colligatur, eos qui solū  
 initiantur, esse vera Hierarchiæ membra, & intra Ecclesiasticam Hie-  
 rarchiam verè versari. Non enim diuisio ista Logica est generis in spe-  
 cies, aut totius in partes; sed generalior, nempe diuisio potentiae in  
 obiecta & in respectus suos, vt eius natura plenius planiusque expli-  
 cetur. Cuiusmodi diuisiones frequentissimæ sunt, & familiares omni-  
 bus scientiarum & disciplinarum tractatoribus. Sic facultates & ha-  
 bitus diuidimus in operationes, in obiecta, & in subiecta earum;  
 non quod singula huiusmodi membra sint species aut partes habi-  
 tum, sed quia, nisi eis expositis & enucleatis, natura & essentia ha-  
 bitus, quæ illa directè & essentialiter respicit, cognosci non potest.  
 Hoc modo sanctus Dionysius diuisit Hierarchiam, seu Hierarchicam  
 potestatem, in operationes eius, seu mysteria, in eos a quibus fiunt, &  
 in eos in quos fiunt: quia potestas Hierarchica, hæc omnia essentiali-  
 ter intuetur, nec sine iis concipi, aut cognosci potest. Vnde ta-  
 men malè inferas eos qui mysteriis imbuuntur, ad Hierarchiam  
 pertinere, & eius consortes, quod Hierarchiam, sine iis,

concipere nequeamus; Sicut fultè inferatur, subditos principis, esse principatus & potestatis illius participes, quia principatus sine subditis nec esse, nec cogitari potest: Aut res creatas diuini dominatus habere partem, quia diuinus dominatus sine rebus creatis, quibus dominetur, nullus est. Indignum profectò, doctæ illius, ut sibi videretur, Societatis alumnum, cum his argumentorum quiscuilibet prodire in aciem ausum esse, cum celeberrima Ecclesiæ Theologica Facultate; nisi fortè eo modo certare voluerit, quo discipuli cum magistris, sanandæ ignorantiae gratia, etiam ridiculis plerumque argutiis velitari consueverunt.

Postremò sine mente, sine iudicio affertur altera diuisio, quasi diuo Dionysio autore, qui *tertiā Hierarchiam, seu Hierarchiam Hierarchizantem* diuidat in tres ordines, *in eorum qui purgantur, qui illuminantur, qui perficiuntur*. Nam *tertiæ Ecclesiasticæ Hierarchiæ* mentio apud Dionysium nulla est, qui cœlestem quidem Hierarchiam in tres Hierarchias diuidit, Ecclesiasticam non item, Hanc enim semper vnicam, nunquam triplicem aut multiplicem esse docet. Diuidit eam quidem in tres ordines *περὶ τῆς, seu, ut loquitur, ἐς τῆς, πᾶσι, seu διωάμεις*, quibus ex opposito respondere facit tres ordines, seu *πᾶσι, seu διωάμεις* eorum qui initiantur, seu *τῶν πρὸς τὴν ἀρχήν*. Sed tres Hierarchias Ecclesiasticas nusquam ponit, nec ponere potest, si suis principiis, quæ Iesuita non percipit, consentiat, ut alibi latius declarabitur.

Hier. Eccl. c. 5.

Sed neque *Hierarchiæ Hierarchizantæ* vnquam meminit; neque tam potens est potentia & solertia Iesuitarum, ut figmentum quod nuper inuenerunt, ad decimum sextum retrò sæculum trahere, & in sancti Dionysij opera transferre possint. Rem æque & locutionem eiusmodi, Dionysius repudiat. Vnde quamuis Monachos, in tertio ac summo laicorum ordine statuerit, non ideò non ab Hierarchia, tum infra Sacerdotes, tum infra omnes Clericos ablegauit. Cùmque Iesuita in sua illa *Hierarchia Hierarchizantæ* non solùm eos qui perficiuntur, sed etiam qui illuminantur & purgantur, constituat; aut fateri debet Catechumenos, Energumenos, l'œnitentes, qui omnes purgantur, esse in Hierarchia, quamuis nulli eorum in Ecclesia olim essent, nec adhuc saltem Catechumeni in ea sint; aut Monachos in eandem Hierarchiam attolli non posse, neque adeò vllos eorum, qui initiantur tantum, seu operationes Hierarchicas tantum recipiunt, seu tantum Hierarchizantur.

Ib. c. 6. sect. 1. & 2.

Et his omnibus iam colligendum est Spongiam nunquam legisse Dionysium, ut initio monebamus, sed carpta & auulsa hinc inde frustula, quæ factor aliquis ingesserit, sine iudicio hausta, debilitate animi malè concocta, violento intrinsecus impetu profudisse, itavt improuidæ illius temeritatis reprehensionem, quodam misericordiæ moderamine, mitigare debeamus. Si quando proferet *innumera* illa quæ minatur, sanctorum Thomæ & Bonaventuræ, aliorumque Theologorum testimonia, æquè facilè illis ipsis, eius aut in proferendo fallaciam, aut in intelligendo ignorantiam, nos etiam proferemus. Ac nescio quis iam Theologus, suum ei testimonium tribuere velit, quæ in omnes



D. Tho. 1.  
p. 9. 108.  
ar. 1. in  
corp.

quorum autoritatibus uti conata est, tot falsitatum, tot mendaciorum, tantæ in omni genere perfidiæ iam sit rea, & rea infamis. Diu quidem Thomas & Bonauentura, quos toties fœdissimè violauit, eam pœnam ab ea iure repetere poterunt, ut nequidem vera dicenti adesse velint, quæ se toties falsa dicentem, eorum nomine conuelare voluerit. Quamquam diuus Thomas iam commentum eius satis superque damnauit, cum supposuit velut rem certam, & nulli controuersæ aut dubitationi obnoxiam, Hierarchiam nihil aliud esse nisi *sacrum principatum*. Quo posito, noua ista Hierarchia Hierarchizata, quam Hierarchiam Icluticam verè dixeris, quippe simplicibus Religiosis, & toti laicorum multitudini, à Iesuitis sodalibus hoc tempore fabricatam, corruit, nec quisquam in Hierarchiam Ecclesiasticam suscipitur, qui nihil sit Hierarchiæ subditus, nihil nisi Hierarchicarum operationum subiectum, neque vllam Hierarchici principatus ac potestatis partem habeat.

## SPONGIA.

In Apol.  
pauperum.

*Secunda Conclusio. Religiones quæ ordinantur ad docendum & prædicandum, pertinent ad Hierarchiam Hierarchizantem. Hac conclusio probatur, soluendo argumentum, quod contrà solet adduci ex autoritate ipsius sancti Dionysij dicentis, Monachos in Ecclesiastica Hierarchia non habere statum perfectientium, sed perfectiendorum: Et Hieronymi asserentis, quod Monachus non docentis, sed plangentis habet officium; & ex eo quod sacri Canones decernunt, Monachos iuxta sui nominis interpretationem solitaria vitæ deputatos, intendere debere salutem propriam, non alienam. Ad hæc respondet Seraphicus Doctor his verbis; Intelligent huiusmodi dicta Patrum & Canonum de ordine Monastico, pro eo tempore fuisse pronunciata, quo erant inter eos personæ laicales & imperitæ, non Sacerdotes & literatæ. Nam sicut idem vir Hierarchicus docet, quod Monachorum est purgari, illuminari, & perfici; sic etiam illud non reticet, quod purgare, illuminare, & perficere ad ordinem spectat Sacerdotalem, Ita diuus Bonauentura. Ex cuius verbis non solum soluitur obiectio aduersariorum, sed ducitur firmum argumentum pro nostra sententia, hoc modo: Ordo Sacerdotalis est Hierarchicus, quia ordinatur ad purgandum, illuminandum, & perfectiendum: Igitur Religiones quæ ex se suoque instituta ordinantur ad purgandum, illuminandum, & perfectiendum, sunt ex suo instituto Sacerdotales & Hierarchicæ. Huiusmodi sunt Religiones Mendicantium, præcipue Ordo Predicatorum sancti Dominici, & Seraphicus sancti Francisci; & cum cæteris, si non supra cæteros, Ordo sanctissimus almissi Patris sancti Benedicti, qui constitutionibus Apostolicis ordinatus reperitur ad Sacerdotium, & Hierarchizandum, primusque omnium ordinum ex instituto, hunc Hierarchicum honorem meruit.*

## RESPONSIO.

Ad hæc iam nauseat lector, quæ tu supra posuisti, & nos supra non semel, sed sæpius fregimus, & hoc ipsum argumentum, quod ex D. Bonauentura inscitè concinnas, ex ipsis illius verbis euertimus. Tu nec

tacere potes, nec quicquam dicere. Ne taceas, impotentia & vaga mentis indoles vetat; Ne loquendo quicquam dicas, imperitia, & nativa hebetudo, de qua mihi nunc saltem iudicare concessum est, toties & tam grauitur experto, & hoc ipso loco tam grauitur experienti. Duplitter enim peccas, & quod iteras eadem, & quod insulsa & insipida iteras, quæ vel semel degustasse, ad tædium sit plus satis.

Iam ergo antè diximus, frustra sancti Bonauenturæ authoritatem trahi, ad Hierarchiam Religiosis ex statu vindicandam, quia hæc questio nondum eruperat eius ætate, neque adhuc quæsitum fuerat, num Religiosi, seu Mendicantes, seu alij quicumque, in Hierarchia essent ex statu, & ad classes Hierarchizantium pertinerent. Eo tempore controuersia cum eis erat, qui non solum negabant Religiosos ex suo instituto non esse Hierarchizantes, vt isti aiunt, sed functiones & ministeria Hierarchiæ repugnare institutioni Monasticæ, & ab Ecclesiæ præsulibus nequidem iis committi posse assererent, eo quod Canones & Patres dicerent, Monachorum officium non esse docere, sed plangere, & singularem, procul ab hominum cœtu, degere vitam. Denique ex eo quod, prioribus sæculis Monachi ad ministerium Ecclesiæ nunquam admissi fuissent ita passim, vt tempore diui Bonauenturæ admitti cœperant, male ita admissos fuisse argumentabantur, & Ecclesiæ Antistitem nimiam in eos indulgentiam improbabant. His respondet Bonauentura sanctos Patres & Canones ita de Monachis statuisse, *Quo tempore erant inter eos persone laicales & imperite, non Sacerdotes & litterate.* Nam Monachis Sacerdotibus & literatis functiones Hierarchicas, & Ecclesiæ ministeria rectè committi, neq; id ab usu & doctrina sanctorum Patrum abhorre. Sed quid hoc ad nouissimam Molinistarum præsumptionem, qui non Ecclesiæ ministeria sibi committi posse, sed sua esse, sibi deberi, vt ex statu hierarchicis, Sacerdotibus, hierarchizantibus, & ordinarios ipsos Ecclesiæ Pastores, Parochos, Prælatosque minores in Ecclesiastica hierarchia superantibus, profitentur, & si quis obstitat, quasi damno maculati exclamant? Nunquam sanctus Bonauentura tantæ arrogantie aut iis, aut ullis Religiosis author fuit: Nunquam ait Religiosos ullos esse ex statu hierarchizantes, hierarchiæ, & Sacerdotij, & ministerij hierarchici suo iure consortes. Hoc enim veteribus illis Canonibus, & dictis Patrum obstrepit, quorum ille saltem sensus esse debet, vt Monachis ex sua sorte, & ex gradu, quem in hierarchia obtinent, nihil aliud propriè competat nisi plangere, doceri, vacare sibi, perfici ab iis, quos in Ecclesia Doctores & perfectores statuit Deus, quamuis ex indulgentia, & Ecclesiæ Antistitem euocatione, ad docendum & ad ministrandum Ecclesiæ adhiberi, & perficientium munera suscipere possint, sicut toties factum est. Atque hunc sensum accomodat sanctus Thomas illis Canonibus & verbis Patrum, vt ex antè dictis patet. Nam ad eas obiectiones vniuersè respondet, *Quod aliquis S. Th. 2. 2. auctoritate Prælatorum prædicet, vel alia huiusmodi faciat, non supergreditur q. 188. ar. discipulatus, vel subiectionis gradum, qui competit Religiosis. Vnde patet destinationem Religiosorum ad actiones Hierarchicas, non vetare ex do-*

trina sancti Thomæ, quominus illi ipsi Religiosi ita destinati, & ita assumpti à Prælati Ecclesiæ, reuera ex statu suo in discipulatus, & in subiectionis gradu maneant. Quare non mirum est, cur Spongia selegit potius responsionem S. Bonaventuræ ad illos Canones & locos Patrum, quàm responsionem sancti Thomæ, in qua ipsam erroneæ doctrinæ lux, & præsumptionis exoticæ confutationem clariùs eminare sensit, quàm in S. Bonaventuræ responsione. Citius enim oleum in silice repereris, quàm in Spongia fidem. Est verò multo æquius Molinistas, à duobus duorum ordinum Mendicantium coryphæis, & Ecclesiæ luminibus, humilitatem Religiosam, & sensus moderationem, & Seraphicum Angelicumque spiritum suscipere; quàm humili eorum doctrina, opinionum suarum ventosas inanitates, & typhum domesticum, & animosissima studia, & subdola consilia, adumbrare & roborare conari. Nam Molinistæ, illud semper insigne proprium, & natium quodammodo characterem prætulērunt, ubi Religiosarum familiarum numero fuerunt inserti, ut capita cæteris altius efferentes, & pristini gradus pristinaque sortis Religiosæ pertæsi, novas sibi amplitudines, & noua titulorum decora in dies fingerent, quibus eorum dignitas, & honor, & præcellentia status, & nominis splendor, vix ulli hominum generi postponenda viderentur. Hæc enim figmenta, quibus nunc Ecclesiam conturbant, nunquam ante ipsos excogitata fuerant, nec Religiosos esse in Ecclesiastica Hierarchia post Episcopalem gradum secundos, nec esse altiores in ea Parochis, nec omnino esse in Ecclesiastica Hierarchia *ex vi status*: Quæ omniâ ipsis authoribus, inuentoribus, nouatoribus, & omnes priorum cogitationes sua superbia supergressis, accepta referenda sunt. Ne tamen immensa & inusitata elatio, in sermones & in odia publica veniret, eam in cæteros ordines ordines transfundere cogitarunt; veluti primus Angelus in Deum exurgens, & nefariam sui amplificationem machinans, superbiæ suæ motum in omnes Angelorum ordines traicere conatus est, quasi eorum conspirante multitudine, impia in Deum factio firmior & plausibilior euaderet. Nec norat infelix, animo æstuentis ambitionis tenebris caligante, suos impetus, conspirationes, vires, artes, ex infanda quam quam ambiebat altitudine, in infimam mundi voraginem, vno Dei verbo contrudi posse. Quod idem verbum Ecclesiæ datum est, ut eos qui feruore non humano imitari diabolum, & arrogantia illius instinctu, Deum in Ecclesia latentem æmulari audeant, præcipitet & conterat, Nec tamen fieri posse putandum est, ut tot antiqui ordines, quorum sanctitas & humilitas tot sæculis spectata est Ecclesiæ Dei, noua & aduentitia Iesuitici morbi contagione vincantur. Sicut enim primi Angeli ambitu, edita per omnes choros ingenti Angelorum strage, Angelici tamen ordines salui & inuicti perstiterunt; Ita stabunt & florebunt Religiosi ordines, & vel ipso Patrum principumque suorum spiritu continebuntur, si qui eorum alumni, Iesuiticæ ambitionis ruina se inuolui patiantur. Iam enim Lutetiæ vidimus & audiuius, insignis ordinis Mendicantium caput, & illustrem Generalem, hosce mo-

tus, &

tus, & tumultuationes, & superbiæ Molinisticæ certamina, toto pectore auersantem.

Cæterum ut aliquid dicamus ad locum D. Bonaventuræ, ne Spongia se, prout meretur, destitutam spretamque queratur; Nemo, opinor, non videt puerilem ipsius ex eo loco argumentationem. Etsi enim ordo Sacerdotalis sit Hierarchicus; non tamen ideo religiones ad Sacerdotium institutæ, Hierarchicæ fiunt, illa ipsa institutione. Colligi quidem forsitan inde liceat, quanquam nihil definimus, religiosos iam Sacerdotio præditos, & ad functiones Hierarchicas ab Ecclesiæ præsulibus approbatos, esse in Hierarchia, ut antea dictum est. Sed ineptissimè colligitur, eos qui ad Sacerdotium solummodò destinantur & tendunt, hoc ipso ad Hierarchiam peruenisse, quasi tendere ad Sacerdotium, & iam illud possidere, tendere ad Hierarchiam, & ad eam peruenisse, sint eadem. Ostendimus enim suprâ, quàm sit absurdum dictu, eum qui ad Sacerdotium destinetur, eo solo iam esse Sacerdotem, aut Sacerdotalem gradum obtinere, aut ei Sacerdotiû deberi, ut idem iterum inculcare non sit opus. Aliter igitur dicitur Sacerdos ad illuminandum aut perficiendum ordinari, (ut etiam turpiculam Iesuitæ æquiuocationem expungamus) aliter religiones ordinari ad munera Sacerdotalia, ex scilicet in quarum instituto id inest. Nam Sacerdos ad hoc ordinatur, vera & interna eius rei facultate, quam in eum finem à Deo, per Ecclesiæ ministerium, accepit, eo modo quo potentia ad actus ordinantur. At religiones, seu simplices religiosi nondum Sacerdotes, ad id ipsum ordinantur externa tantum, & remota quadam destinatione, ita ut nullam earum actionum vim, aut potestatem iam habeant: eo modo quo Theologiæ studiosi, ad Licentiam aut Doctoratum destinantur, quem tamen ante decursum studij spatium, & probatam eruditionem, nemo sanus eis vel adesse, vel deberi dixerit. Quare Iesuitica ambitio, rã ratione & sensu debilis est, quàm vehemètia animi & factionis inualuit.

## SPONGIA.

*De Societate autem Iesu, sic scribit Lalius Zecchini secularis in Italia & Roma prelatus: Societas Iesu authore B. Ignatio de Loyola, anno 1540. qui* *De Rep. Eccl. tit. de Reg. c. 1.* *docent, prædicant, rudes instruunt, Sacramenta præbent, purgant, illuminant & perficiunt, & iuventutem in purgatis literis erudiunt, iuxta antiqua instituta, ut in Monasteriis & Ecclesiis scholæ haberentur, quæ & alij multi religiosi præstant. Hæc ille. Ex quibus efficitur hunc ordinem, reliquosque similes esse Hierarchicos, seu Hierarchizantes. Nam quid est alios ex instituto purgare, illuminare, perficere, nisi ex instituto hierarchizare?*

## RESPONSIO.

Necesse non fuit de Societate Iesu seorsum agere: satis enim superiori de religionibus ad docendum institutis paragrafo continebatur. Verum non decuit familiam illam singularem, principalem, summam & potentissimam omnium, in turba commemorari, ne nihil præter alias eximium præcellensque redoleret. Ei ergo soli suum separatim testimonium dari debuit, & testimonium adulatorium, Roma à

T



Lælio Zecchio repetitum, ut ipsa sui nominis laudatio, Prælaturum illum Romanum ad errorum hæresumque, & ad totius istorum ambitionis patrocinium allec-taret. Sed tamen in hoc ipso auctore laudando, sua Spongiæ stoliditas indiuidua hæret comes. Nec enim Lælius Zecchius ait Religiosos Societatis Iesu, ex suopte instituto esse in Hierarchia, aut Hierarchicam potestatem, aut ad eam ius habere; sed tantum illuminare, docere, eo modo scilicet quo alij religiosi, & quo in antiquis olim monasteriis fieri solebat; non proprio scilicet iure, sed potestate ab Ecclesiæ Prælati humaniter & indulgenter accepta. Quare stupidè & fallaciter, post prolatum Lælij Zecchij testimonium, quærit, *Quid est alios ex instituto purgare, illuminare, & nisi ex instituto hierarchizare?* nam particulam, *ex instituto*, de suo addidit, cum in prolato testimonio non extaret. Quod notatum volo, ad declarandam præcipitantis Spongiæ temeritatem, quæ nihil quietè perpendere potest, nec intelligere, *neque quid loquatur, neque de quibus affirmet*; non quin sciam Societatem Iesu ex suo instituto ad Ecclesiastica munia destinari. Sed quàm illa destinatio leue sit telum, ad inuadendos Ecclesiasticæ Hierarchiæ fines, & Ecclesiasticos gradus Iesuiticæ vanitati subiugandos, toties demonstratum est, ut Spongiam ipsam iam intelligere putem.

## S P O N G I A.

Hoc confirmo ex verbis Concilij Tridentini. Si quis dixerit in Ecclesia Catholica non esse Hierarchiam diuina ordinatione institutam, quæ constet ex Episcopis, Presbyteris, & ministris, anathema sit. Hoc canone aduersarij utantur, quem tamen in ipsos retorqueo. Nam Concilium nomine Episcoporum, Presbyterorum, & Diaconorum non intelligit solum eos, qui sunt ordine Episcopi, vel Presbyteri, vel Diaconi, sed omnes qui officio, potestate, instituto vitæ sunt vel Episcopi, vel Presbyteri, vel Diaconi, licet fortassis ordine tales non sint; Hoc ostendo primo, quia si quaestio sit, an solum ordine Episcopus, carens plebe sit de Hierarchia Hierarchizante, Gerson clarissimè insinuat non esse. Nam dicit de Hierarchia Hierarchizante esse Episcopos, & Curatos habentes plebem subiectam sibi: quod dicitur, inquit, propter Curatos, vel etiam titulares Episcopos carentes plebe; quasi diceret hos de Hierarchia Hierarchizante nequaquam censeri. Non igitur tantum consecratio, sed officium vitæque institutum, quod sit Episcopale, vel sacerdotale, vel Diaconi, constituit & ordinat Hierarchiam.

## R E S P O N S I O.

Prorsus quid dicas ipse non vides, sed turbida mente, quicquid occurrit, voluis & gyras, intra debilissimæ mentis inanitatem. Frustra reponis Gersonis locum, quem iam antè latè expositum, & tuis tuorumque cauillationibus ereptum habes. Non enim Gerson negat Episcopos aut Prælatos carentes plebe, esse in Hierarchia, aut esse in ea Hierarchizantes, ut ibi diximus, quia non proprios & adæquatos hierarchiæ ordines describere instituit, sed tantum ordines auctoritatiuè, ut loquitur, *Hierarchizantiū*, seu ordinariā ac stabilem in hierarchia potestatem & iurisdictionem obtinentiū. Exponit quippe, quænam sit ordinaria ac statuta series,

qua potestas Ecclesiastica à supremo capite, per ordinariorum omnium capitum gradus, ad infima usque Ecclesiæ membra perlabatur. Hoc sensu non solum Episcopos & Parochos carentes plebe, sed etiam simplices Sacerdotes, & Diaconos, & Subdiaconos, & ministros omnes inferiores excludit ab Hierarchizantibus, non simpliciter, sed ab Hierarchizantibus *auctoritative*, seu ordinariam Hierarchizandi potestatem tenentibus, qua sacerdotes & ministros omnes inferiores carere tam certum est, quàm eos ad Hierarchiam Ecclesiasticam, & ad Hierarchizantium ordines, non Ecclesiæ indulgentia, aut priuilegio, sed diuino iure pertinere. Atque ita argumentum è Gersone structum collabitur, quod verè dicere possumus, magis ab inscitia Spongiæ, & à loci Gersonis ignorance, quàm à malitia, produsse.

Cæterum attendatur, quæso, Spongioli acuminis elegantia, Probare vult Concilium Tridentinum in Hierarchiæ descriptione, nomine Episcoporum, Presbyterorum, & Diaconorum non intellexisse solum eos, qui sunt ordine Episcopi, vel Presbyteri, vel Diaconi; sed omnes qui officio, potestate, instituto vitæ sunt tales, licet nondum fortassis ordine. Ad huius glossematis probationem affert Gersonis locum, ex quo manifestè contrarium infert, nimirum ne eos quidem qui ordine sunt Episcopi, vel Presbyteri, vel Diaconi, in Hierarchia esse, contra id quod probandum suscepserat, non solum eos qui sunt ordine tales, sed etiam qui instituto vitæ, officio, potestate, à Tridentino in Hierarchia collocari. Estne hæc argumentatio sanæ mentis? Estne hominis, an Spongiæ? Probare vult tum eos qui ordine, tum eos qui instituto vitæ sunt Episcopi, Presbyteri, Diaconi, esse intra Hierarchiam; & probat eos qui ordine tales sunt, intra Hierarchiam non esse: Quanto ergo minùs in ea erunt, qui solo instituto vitæ sunt tales? Si enim Episcopi & Presbyteri consecrati, ideo ad Hierarchizantium ordines non pertinent, quia carent plebe, ut Spongia ex Gersone vult, multo minùs ad eos pertinebunt ij qui non solum plebe, sed etiam ordine carent, qui sola institutione vitæ, & destinatione externa ad ordinem sacerdotalem feruntur, quò ne quidem postquam peruenerint, ullam plebem sibi subditam habituri sunt. Euertitur ergo Iesuitica propositio, non firmatur Gersonis testimonio, à Spongia prolato & exposito; nec aliud opus est ad illius confutationem, & repugnantiam intestinam declarationem, nisi ut aduersarius inuolutas eius cogitationes, quas ipsa euoluere non potest, explicet.

#### SPONGIA.

*Secundò, quia alioquin si summus Pontifex eligatur, qui necdum est Diaconus, sequeretur eum non esse de Hierarchia, cum tamen de fide sit eum esse principem Hierarchia, & Episcoporum Episcopum. Neminè laetet plures esse in Ecclesia Episcopos officio, qui ordine necdum sunt Diaconi; Quis tamen eos negauerit esse Hierarchia, & Hierarchas? Quod itidè intelligi debet de Parochis, qui necdum sunt sacris Ordinibus initiati. Tertiò, quia alioquin sequeretur S. R. Ecclesiæ Cardinales, qui Cardinales non esse de Hierarchia, si ordine careant vel iurisdictione Pastoralis: quod certè est falsum & illorum eminentia iniuriosum. Sunt enim ipso vitæ instituto de Hierar-*

T. ij

chia altissimo loco, cum sint omnes ex dignitate status vel Episcopi, vel Presbyteri; vel Diaconi, licet fortassis ordine necdum sint. Hoc posito, quod negari non potest, hoc constituo argumentum: Omnes qui sunt ordine, ac instituto vitæ, siue officio, vel Episcopi, vel Presbyteri, vel Diaconi, sunt de Hierarchia, de qua loquitur Concilium Tridentinum: Sed regulares qui ex instituto ordinantur ad docendum, confessiones audiendum, predicandum, sunt ex vitæ instituto sacerdotes, & destinati ad exercenda officia Hierarchica sacerdotum, ex ipso vitæ instituto; igitur sunt de Hierarchia, quatenus de ea loquitur Concilium Tridentinum.

## RESPONSIO.

Huius argumenti leuitas iam euauit ex antedictis non vno loco, vbi de electione Episcopali egimus, & Spongiæ audaciam, qua tum prius in Apologia, tum iterum in Spongia Iesuitas comparare audet cum Pontificibus, Episcopis, Cardinalibus, electis, & eodem cum his iure Hierarchiam illis arrogare, admirati sumus & castigauimus. Quo tamen eodem argumento vsus est Pseudo-Smithæus, apud quem & apud Apologiam Danielis, cum illud iam viderit, reiecerit, damnauerit Facultas Parisiensis (illo enim pene vno niti solent in hoc loco Iesuitici commilitones) ineptum est idem rursus à Spongia pro noua, & graui, & nondum audita defensione obtrudi, doctrinamque eius adeò præsidis nudam esse, vt nisi iam semel repudiatis & damnatis rationibus defendi non possit. Hic nimirum est mos eorum, qui malè loquendo, vecordes videri malunt, quàm tacendo, superati.

Vt igitur paucis antè dicta perstringamus; magnum discrimen est inter Laicum, aut Clericum minorem, qui ad Pontificatû, vel ad Episcopatum electus est, & inter Religiosum quemuis, etiam ordinis ad sacerdotium instituti. Nam eiusmodi electio adeò natura sua Hierarchica est, vt hominẽ, in quem cadit, iam supponat in Hierarchia, & quidẽ, in sacerdotio, constitutum. Constat enim tota Ecclesiæ disciplina, iam inde ab initio per manus tradita posteris, & vnâ Canonum, Conciliorum, & Patrum voce, vetitas esse ad Pontificatus, Episcopatus, & Pastoralia Ecclesiæ munera electiones, nisi eorum tantum, qui iam per omnes inferiorum Ecclesiæ ministeriorum ordines decurrissent. Vnde tales electiones non tam hominem in Hierarchiam transferunt, quàm iam translatum esse supponunt. Neque cum aliter interdum fit, Ecclesia grauib. necessariisque de causis indulgente, ideo earum electionû natura mutatur; quia hæc non ex eo quod fit per accidens, & extraordinario casu, Ecclesiâ coactâ & quodammodo inuitâ, sed ex eo quod per se competit traditione Apostolica, & perpetuo ac stabili Ecclesiæ vsu, spectanda est. Confer igitur si placet, cum his electionibus, eas religiones, quarum alumni ad Sacerdotium destinantur. An religiones istæ hominem iam hierarchicum etiam postulant, Clericû, Subdiaconum, minore aliquo ordine præditum? Imò plurimi vota earû essentialia emittunt hoc animo, vt nunquã ad Hierarchiam perueniãt, vt laici, seu coadiutores, quos vocât, qui tamen eandẽ cum aliis essentiã religionis possident. Nam ex ipsa essentia religionis omnes sunt laici, & ita gradu æquales.

Vid. Cyr.  
epist. 12.  
Syr. epist.  
1. c. 9. & 10  
Zosim ep.  
1. c. 1.  
Synod. viij.  
sep. 5.

Imò plurimi eorum ipsorum qui ad Sacerdotium parantur, tamen etiam tum cum nullo ordine initiati sunt, veri sunt religiosi, non secus quam ij qui postrema vota emiserunt, ut author est Bulla Gregorij XIII. Pontificis. Patet ergo vota religiosa, & naturam religionis istius, malè conferri cum electionibus natura sua adeò hierarchicis, ut hominem non tantum augeant nouo hierarchiæ gradu, sed iam ante hierarchiæ insitum fuisse velint.

Præterea electio verum ius tribuit electo ad dignitatem Hierarchicam, nec solum eam illi adiudicat, sed obligat & compellit eum ut illam primo quoque tempore ineat, & certum spatium præstituit, intra quod ni suscipiat, electio irritetur, quippe quæ diutius à sacro & hierarchico Ordine, sine violentia, diuulsa esse non possit. Vnde nihil mirum, si quis per electionem, qua iam cooptatus, astrictus, & alligatus est ad Hierarchiam, hierarchicorum hominum numero inferatur. At in religioso status susceptione nihil simile est. Nam neque is status ius ullum religioso acquirit ad ordinem Hierarchicum, ut ante declarauimus; multo minus eum compellit ad subeundam quamprimum illius ordinis consecrationem, sed solum eius animum imbuunt & præparat ad eam suo tempore capiendam, si nimirum idoneus euaserit, & Ecclesiæ præsulibus illi rectè concedenda videatur. Electio verò hominem iam idoneum, paratum, probatum, spectatumque Ecclesiæ, admissum, ad actumque supponit.

Postremò, Electio non solum ius tribuit, & obligationē imponit electo, sed iā in eo producere incipit Ecclesiastici muneris partē, adeoque veram ei Hierarchicā potestatem largitur, natura sua stabilē & permanentem, etsi adhuc incompletā. Electio enim est initium actionis Hierarchicæ, qua quis Ecclesiæ Pastor, seu Minister fieri cœpit. Eius verò actionis ea vis eaq; ratio est, ut tendat suapte natura ad consummandā illicò, si fieri queat, & complendā Pastoris, aut Ministri creationē. Vnde olim Episcopos & Ministros Ecclesiæ simul eligi & consecrari solitos, eumque morem in Ecclesia inuiolabilē à traditione Apostolica, & ab ipso Christi exemplo, permansisse & obseruatū fuisse, quamdiu electionum canonicarū integritas salua fuit, ostendimus. Quia verò laxato variis de causis veteris disciplinæ fræno, & necessariis impedimentis occurrentibus, accidit ut electio consecrationem statim subsequenter non semper habere possit, (quemadmodū & actiones naturales variis interdū obicibus interruptæ manent) fit ut actio qua minister efficitur, velut suspensa hæreat, donec amotis paulatim obstaculis, consecratione tandē accedente, cōpleatur. Interim electio, quæ velut initiū est illius actionis (quæ totam vna ordinationis voce veteres cōplexi fuerunt) suum in electo iam effectū ponit, imperfectum scilicet ac mancū, prout ipsa imperfecta & inchoata quædā actio est, nēpe iurisdictionē, seu potestatem rerū omniū quæ characteris non sunt. Pendente verò eo modo ordinatione, seu electione dirēpta, Episcopus seu Pontifex, seu minister quiuis alius, nondū est, sed fit; est enim *in fieri*, & in via ad esse suum, nondū *in facto esse*, ut aiunt, seu in esse cōpleto, stabili, permanenti. Quare, & perridiculum,

Concil. La-  
teran. sub  
Alexand.  
3. c. 2. &  
ref. cap. cum  
in cunctis,  
de elect. &  
elect. potest.  
Idem Ap-  
pend. ad  
Concil. La-  
teran. par.  
25. c. 3. &  
ref. cap.  
præterea de  
stat. & qua-  
lit. & ord.  
presb.  
Vid. et  
Concil.  
Lugd. sub  
Greg. 10. c.  
3. et 9.  
Syrie. ep. 1.  
c. 13.  
Gregor. lib.  
1. ep. 40.  
Aug. ep. 81.  
Cap. in cui  
delect. in 6

S. Leo ep.  
29 ad Epl.  
scopus Viē-  
nens. pron.  
&c.



& periniquum est, statum eius & naturæ illius conditionem ex eo tempore diiudicare, quo nondum est, & ex statu illo fluxo, & instabili, & dimidiato metiri, ut alibi questi sumus. Atque hinc manifestum, ni fallor, discrimen patet, inter Ecclesiasticas electiones, & Iesuitici instituti susceptionem. Nec enim Iesuiticorum votorum emissio partem ullam Ecclesiasticæ & Hierarchicæ potestatis religioso confert, nec est initium actionis Hierarchicæ, qua religiosus ad munus Ecclesiasticum iam efferrî cœperit; sed habet se instar meræ potentiae, & quidem remotæ, donec religiosus talis paratus sit, & probè instructus ad ordinem Sacerdotalem, & ad eum ab Ecclesiæ Prælati admittatur. Non ergo Sacerdos, nec in gradu Sacerdotali positus dici potest, nisi valdè improprie, ac remotissimè, eo modo quo materia dicitur quodammodo esse omnia, quia quarumlibet formarum est capax; quamvis simul dicatur quodammodo esse nihil, quia per se nullam habet; Episcopus verò, aut Pontifex, aut Parochus, aut Cardinalis, electi, etsi nondum consecrati, Pontifices, Episcopi, Parochi, Cardinales, iam sunt *actu*, quamvis adhuc imperfecto & incompleto, per actualem videlicet Pontificiæ, Episcopalis, Parochialis, Cardinalitiæ potestatis Hierarchicæ collationem perpetuam ex se ac stabilem, licet inchoatam & dimidiatam, & ad alterius partis consortium suapte natura velut anhelantem.

Aug. l. 12.  
Confess. c.  
7. & 8.

Ex quibus omnibus nemini puto non esse perspicuum, quàm non solum arroganter, sed etiam indoctè Iesuita socios suos nondum imbutos sacris Ordinibus, & adhuc laicos, comparet cum Pontificibus maximis, Episcopis, Cardinalibus, Electis, ut vel hi ex Hierarchia abeant, vel socios istos eodem quo ipsi admittuntur iure, recipiant. Ac profectò pudendum est, scientificum illum Iesuitarum gregem, disciplinarum principatum affectantem, ingeniorum velut seminarium quoddam undiquaque quibusvis artibus colligentem, in argumento tam leui, tam spongioso, tam scæneo, tam imperitiis diffuente, ut in præcipuo contentionis istius fundamento, immorari. Omnes enim saxum hoc idem voluunt & reuoluunt, saxeis verè mentibus & obduratis; quas probi horrent, faceti rident, soli semidocti suscipiunt.

### SPONGIA.

*Dicit aliquis, Concilium Tridentinum loquitur de Hierarchia Ecclesiastica diuinitus instituta: at hæ religiones non sunt diuinitus instituta in particulari; non igitur pertinent ad Hierarchiam Concilij Tridentini, seu diuinitus institutam. Respondet in primis S. Bonaventura libro cui titulus, Cur fratres Minores prædicent, his verbis: Sedes Apostolica ad obuiandum præfatis periculis, remedium subuersione animabus pereuntibus prouidit, quod DIVINA ORDINATIONE quosdam religiosos ordines instituit, qui officio prædicationis & confessionis sibi commissio subueniant indigentiae populorum, & insufficientiæ Clericorum. Hæc doctor Seraphicus, Gersonis testimonio omnium securissimus. Et in Apologia pauperum dicit, Ordines Mendicantes à cœlesti Hierarchia missos, subcœlestis debuit approbare.*

## RESPONSIO.

D. Bonaventura ridiculè iterum illudis, & lectoris simplicitati insidiaris; sed insidiis; more tuo, insulsis, patentibus, crassis. Nam sicut tu vrges illa verba, *diuina ordinatione*; sic ego vicissim illa vrgeo; *sedes Apostolica hoc remedium prouidit, religiosos ordines instituit, &c.* Nam si sedes Apostolica hoc remedium prouidit, si has religiones instituit, quomodo diuinam iis institutionem vindicabis, quas D. Bonaventura Ecclesiasticæ, & Apostolicæ institutioni acceptas referat? Hunc tu cuneum, ni fallor, ægrius repuleris, quàm nos tuum. Vin' ergo D. Bonauenturam cor duplex, & duplicem stylum intra paucas voces habuisse? pugnasse turpiter tecum? sibi manus, quod insanorum est, attulisse? Hoc scilicet necessarium est, vt tu sis innocens. O difficilem perditamque innocentiam! Ergo ipse locus, & ipsa verba quæ citas, clamant, religiosorum ordinum, de quibus S. Bonauentura agit, institutionem, ab ipso sedi Apostolicæ assignari. Quod autem ait hanc illos ordines instituisse *ordinatione diuina*; & facillima atque obuia sententia est, id diuino quodam motu factum, quali ad omnia bona opera impellimur; & ipsemet hunc sensum patefacit paulò ante operosè disputans & probans, *Nequaquam casu, sed prouidentia Dei gestum esse; quod status euangelizantium pauperum mitteretur in mundum, ad conseruanda & dispensanda documenta scripturarum &c.* Ergo *diuina ordinatione* gestum ait, quod *diuina prouidentia* gestum erat, aduersus eos, qui hoc tanquam casu & temerè factum arguebant. Eadem ratione dicit illos Ordines à celesti Hierarchia missos esse, quod non sine nutu Dei prodierint. Ac certum est omnes generatim Ecclesiæ ministros, si eo modo quo equum est, ac iubet Deus, ad ministerium adierint, à Deo missos esse, non tantum remota quadam missione per suos in Ecclesia ministros, sed etiam proxima & immediata, per motus & sermones intimos, Spiritu gratiæ, & Spiritu sancto, qui digitus Dei est, in hominis corde inscriptos. Hæc enim est illa lex, quam Pontifex Maximus *priuatam legem* vocauit, *qua instinctu sancti spiritus in corde describitur*, quæ dignior sit quàm publica lex, eique longè præferri debeat. *Urbanus 2. 19. q. 2. c. duas sunt.* Quare non sola externa missio sufficit, etsi necessaria est, ad pium, & Deo placens ministerium, sed simul interna missio, quam Deus ipse interius instillet, exigitur; ita vt ministri non tantum ab eo manifestè per Ministros & Ecclesiæ præsides, sed etiam ab ipsomet intrinsecus per Spiritus sancti impulsionem mittantur. Quod Dionysius exemplo Christi, Aaronis typi Christi, Apostolorum, & primi ab Apostolis constituti Matthiæ Iudæ successoris, adeò egregiè exposuit, vt aliorum testimoniis facile interim supersedere possimus. Alioquin ministerium; utcumque aliis utile, ipsi ministro inutile, noxium, damnosum est. Atque hanc ob causam docuerunt SS. Patres Ecclesiasticum ministerium, non solum ambiri, sed nequidem appeti posse; & Ecclesiæ ministros non tam ab hominibus, quam ab ipso Deo, & vocari, & fieri. Et hæc ipsa causa fuit, cur sanctorum alij externæ vocationi censerint, alij restiterint, vt SS. Thomas, Bonauentura, Gregorius, Bernardus, alij- *Greg. Naz. orat. 1. Vide in Greg. Mag. in lib. Reg. lib. 4. c. 5.*

T iij

Heb. 5. &  
S. Dion. ib.  
Vid. Cyp.  
ep. 69. ad  
Pup.

Suares lib. 1  
de Inst. Soc.  
c. 4.

Concil.  
Chalced.  
Act. 11.  
passim.  
Rom. 13.

Concil.  
Ephes. par.  
1. de ep.  
S. Leon. ad  
Fean.

Gelasius 16.  
q. 1. c. si  
quis mona-  
chus.

que; ut præclare à Nazianzeno animaduersum est, apud quem multa in hunc locum egregia legi possunt. Ideò non solum de externa vocatione, sed etiam de interna acceperunt Patres illum Apostoli locum, *Nemo sumit sibi honorem, sed qui vocatur à Deo tanquam Aaron*. Eoque sensu dixerunt Ministros omnes diuina voluntate, ordinatione, imperio creari. Nec tamen ideo quisquam infert, eos omnes & singulos, propriè & proximè, diuina electione, & diuina approbatione constitui. Quare nimis imperitè, & nimis pueriliter tricaris. Consule tuum Soarium, & disce ab eo, quonam modo Societatem suam & humanæ institutionis esse fateatur, & simul speciali Spiritus sancti, ut auctoris, institutione fundatam. Putidum est huiusmodi nugæ Facultati Parisiensi opponi, quæ à quouis Theologiæ tyrone exsufflari merentur.

Aliter etiam diuina ordinatione conditæ fuisse dici possunt religiones, de quibus scribit S. Bonaventura, quia à Romano Pontifice, cuius auctoritas & potestas à Deo est, institutæ & approbatæ sunt, ut idem ibi adiicit, quasi seipsum exponens: Ita ut diuina ordinatione natæ dicantur, quia à diuino principio, seu diuinitus posito, natæ sunt. Hoc modo Imperatores, etiam Christiani, leges & sanctiones suas interdum diuinas appellarunt, & hac ipsa in eas appellatione nonnunquam Concilia vta sunt, non quasi Imperatores deos facerent, sed quia Regum & Imperatorum potestas à Deo est, *Non est enim potestas nisi à Deo. Quæ autem sunt potestates, à Deo ordinatae sunt*. Ita denique traditiones Apostolicæ, Conciliorum definitiones, expositiones sanctorum Patrum, non rarò diuinæ vocatæ sunt. Sed hæc nihil ad Spongiam, nihil ad Tridentini locum, qui Episcoporum, Presbyterorum, Ministrorum Hierarchiæ institutionem diuinam vocat, non generali ista & tralatitia significatione, sed propria, singulari, quod per se à Christo ipso, ut proximo authore, manarit.

Ad alterum S. Bonaventuræ locum, Ecclesiam Religiosorum quosdam ordines approbare debuisse, iam ante abundè responsum est. Nec quicquam superest vnde ex hoc loco Iesuita suum typhum, suam audaciam, & ingratitude in Sedis Apostolicæ beneficia singularem, adumbret ac tegat. Simili prorsus loquendi genere à Gelasio Papa scriptum est: *Si quis Monachus fueris, qui venerabilis vitæ merito, Sacerdotio dignus videatur, &c. ab Episcopo debet eligi, &c.* Non quod Episcopus electionem Monacho debeat; sed quod Monachus, nisi ab Episcopo, eligi non possit illiusque electione necessariò egeat, ut ad Sacerdotium euehatur, & eum deceat eligi, quem venerabilis vitæ virtus spectata commendat. Pleni sunt huiusmodi locutionibus non libri tantum omnis generis, sed etiam consuetudo & vita communis, quam à Iesuita ignorari turpe est, à Spongia, planè conuenit.

## SPONGIA.

*Sed quia, ut monuit Caietanus, Non omnes capiunt verbum istud: Ideo aliter dico, Hierarchiam Ecclesiæ esse diuinitus institutam, quoad ordines Episco-*



porum, Sacerdotum, & Diaconorum, non esse tamen diuinitus institutam in particulari, quoad omnes status, instituta, officia, qui his ordinibus annectuntur. Alioquin Parochi non erunt de Hierarchia Concilij Tridentini, cum eorum officium non sit immediate diuinitus institutum, sed ab Ecclesia in subsidium Episcoporum excogitatum, ut ferè omnes Theologi consentiunt.

## RESPONSIO.

Nunquamne scriptorum quorumlibet, & in primis sacrosancti Concilij Tridentini auctoritatem, ludificari defines, quo inuito Hierarchiam Ecclesiasticam, non totam diuinam diuinæque institutionis, sed partim diuinam, partim humanam, è variis materiis, instar Nabuchodonosoris statuae, compactam, è diuersis naturis, velut monstra, concretam facis? Quid hoc aliud est, quàm scèdare Hierarchiam, Concilium naso suspendere, vel potius sine circuitione calcare? Tridentinum enim disertè Hierarchiam ponit, *Diuina ordinatione institutam, ex Episcopis, Presbyteris, Ministris constantem*; tu multo maximam, aut per magnam eius partem, diuina institutione conditam negas, ut ambigua eius institutio fiat, diuina an humana dicatur, Quid enim si præter Episcoporum, Sacerdotum, Diaconorum ordines, quibus solis diuinam institutionem largiris, cætera omnia instituta, officia, status, quæ diuinæ institutionis non esse ultro fateris, in Hierarchiam congerantur? Si Hierarchia tot ex partibus humanitùs instituta sit, ex tribus duntaxat illis diuinitus; quo iure diuinam potius, quàm humanam illius institutionem prædicabis? Sicut enim hominè spiritualem non dicimus, etsi pars eius nobilissima sit spiritus; ita si pars Hierarchiæ diuina, pars humana fuerit, & quidem multo maxima pars, nulla dubitatio supererit, quin Hierarchia vniuersa, humanæ potius, quàm diuinæ institutioni ascribatur. Bonum enim ex integra causa, malum ex singulis defectibus, ut præclare à Dionysio nostro dictum est.

Neque quicquam suffugij reperisti in latebra, quam frustra quæris in Parochorum institutione, utramlibet opinionum, quæ de ea circumferuntur, elegeris. Si enim Parochorum munus diuinæ institutionis est, quod certè quicquid tu latres, qui nihil nisi tuos sapis affectus, probabilissimum est, & agnoscit Suarez tuus, ne tu temeritatis indoctæ notam apponi tibi mirere, qui in contrariam partem ferè omnes Theologos consentire, qua mente omnia soles, effutias; Quod etiam euidentius falsum agnosces ex omnium confutatione, quæ tu in istam doctrinam comminisci potueris; Si hoc, inquam, verum esse ponas, nihil obiectioni loci est. Sin aliud arideat, nihilo plus efficies quod conaris. Nam Parochorum officium, si minus institutionis diuinæ seorsum in se est, at est in Episcopo; non solum quia ab Episcopo sit institutum, ut alia quæuis Episcopalia instituta; sed quia in ipso Episcopo inclusum à Christo est, ut in fonte ac plenitudine Ecclesiasticæ & Hierarchicæ potestatis, cuius Parochialis potestas est decidua pars, ab Episcopo in Parochum, ut à fonte in riuum, transfusa, sine detrimento tamen, aut imminutione eo modo quo res spirituales transfunduntur & communicantur, ut è

*S. Dion. de  
diu. nom.  
cap. 4.  
To ayadōr de  
tūpōr ē tūc  
ōnōr aīnōr d  
ō rōnōr dō  
mōdō ē pō  
eūōr tōnōr  
fōnōr Hoc  
est, Bonum  
ex una &  
integracōnō  
fā; malum  
ex multis  
& particu-  
laribus de-  
fectibus.*



Septuaginta senioribus Moysis spiritu imbutis, illibata Moysis plenitudine, facile intelligitur. Nam iuxta hanc opinionem, Deus instituit Episcopatum, ut summam & plenitudinem Ecclesiasticæ potestatis, in suo quemque tractu, quam Episcopus in ministros, pro Ecclesiæ comodo, diffunderet. Itaque ministrorum potestas, (de potestate iurisdictionis agimus: nam potestatem ordinis Ministri omnes proximè à Deo habent, ideoque ex hac parte nulla hinc disceptatio est, sintne diuinitus instituti, & Hierarchia ipsis constans, diuinæ institutionis) ministrorum, inquam, potestas sic ab Episcopo fluens, diuinæ est, non humanæ institutionis, quia eadem riuus est, quæ fontis natura, eadem vis causæ principalis, & instrumenti; eadem ministrorum regionum, & regis potestas, quæ comparatio est S. Thomæ. Quod intuens Apostolus, omnes generatim regum ministros, & ipsos reges, eorumque omnium potestates, sub vno præcepto complexus est, simul de vtrilque pronuncians, *Non est enim potestas nisi à Deo; quæ autem sunt, à Deo ordinata sunt.* Quod eadem ratione ad ministros Episcoporum transferendum, ex sententia quæ officia Ecclesiastica minora Episcopo à Christo ipso seorsim instituta esse negat. Ita enim omnis omnium ministrorum potestas Episcopis est, ipsi à Deo data, ab eo aliis commodata; adeoque in quocumque deuenit, siue in Parochos, siue in Archidiaconos, aliosue ministros Episcopales, eadem est eiusdemque naturæ & institutionis, ac potestas ipsa Episcopalis; nec ab ea differt, nisi fluxu, & emanatione, & plenitudine, prorsus ut riuus à fonte, ut pars potentialis à toto. Vnde cum officium Parochiale nihil sit aliud, nisi potestas Parochialis; & hæc sit pars Episcopalis potestatis diuinitus institutæ; sequitur parochorum officium esse institutionis diuinæ, & à Christo ipso immediatè institutum, si minus seorsum & diuisim, at coniunctim in officio, seu potestate Episcopali, ut in Ministerij Ecclesiastici totalitate. Idemque, de omnibus eiusmodi Ecclesiasticis officiis Episcopo minoribus, dicendum est.

Suarez 10.  
4. de relig.  
li. 1. de in-  
stit. societ.  
c. 3. n. 6.  
& seqq.

Suarez 10.3  
de relig. li. 2  
c. 17. n. 6.  
7. 9.

Hæc verò ratio vacat in religiosis institutis, quæ neque seorsim, neque coniunctim, neque in se, neque in alio eiusdem generis fonte, aut toto, diuinitus instituta reperiuntur. Christus enim nullum religiosum cœtum, quo modo hoc nomen vulgò intelligitur per se, ut de religionibus Monachorum, comprehensis etiam Mendicantibus, fatetur Suarez, & de religione Iesuitica, quæ solam ille à Christo institutam cupit, facile alibi demonstrabitur, & interim non ægrè concedent vice versa Mendicantes. Quare vndecumque religiosos ordines intueare, humanæ per se institutionis sunt, siue spectes eorum fundatores, quos homines fuisse constat; siue Ecclesiæ approbationem, à qua in religiosos ordines euecti sunt, non solum vniuersalis Ecclesiæ autoritate, sed etiam Episcopali particulari, ut de primis ac nobilissimis ordinibus sancti Basilij, sancti Augustini, sancti Benedicti, docet Suarez, contrariam Henriquez opinionem, *singularem vocans, & sine vlllo fundamento cogitatam.* Quod ab eo quidem multo rectius dictum est, quàm à Spongia Parochorum officium *ab Ecclesia excogitatum esse*, ut in eo instituendo Ecclesia

rem inutilem, minimèque necessariam leuiter temerèque fecisse, & Parochorum officium contemptibile, & commentitium nescio quid, habere videatur. Cuius dicti nemo vnquam probæ notæ Theologus author fuit.

Ex dictis igitur patet quid intersit inter officium Parochorum, & ordines religiosos quoad diuinæ institutionis quæstionem. Quod videlicet religiosi ordines ad Deum authorem non aliter referri possint, quàm quilibet generatim mores aut ritus à Dei & Ecclesiæ ministris, pro temporum ratione, instituti: nullo autem modo ad diuinam institutionem immediatam proximamque pertineant. Et quamuis daremus institutos esse à Deo, nihilo magis Hierarchiæ diuinitus institutæ ascribi possent, quia nihil Hierarchicum à diuina illa institutione haberent, sed instituti essent velut laici, & eo modo quo tota fidelium laicorum multitudo, cui à D. Dionysio aggregantur, quæ non ideò ad Hierarchicum ordinem pertinet, quia diuinitus instituta est, cum non quæuis diuina institutio ad Hierarchiam sufficiat, sed institutio Hierarchica, seu aliquid Hierarchicum sua vi conferens, requiratur. Vnde Spongia vel non intelligit, quo sensu Concilium Tridentinum Hierarchiam diuinitus institutâ dicat; vel æquiuocè disputat de institutione diuina ad Hierarchiam constituendam necessaria, ex doctrina Concilij Tridentini. Hoc autem modo institutum fuisse à Deo Parochorum officium, institutione videlicet Hierarchica, seu potestatem & vim Hierarchicam continente, iam declaratum est, Quia etsi Parochorum officium non sit diuinitus institutum suo nomine ac seorsum, vt ex secunda opinione supponitur, est tamen verè & immediatè diuinitus institutum coniunctum in suo toto, seu potestate Episcopali, in qua officium & potestas Parochialis, & quoduis aliud ministerium Ecclesiasticum, vt riuus in fonte, vt radius in lumine, vt pars in toto, continetur. Quare Parochi ex vtraque sententia ad Hierarchiam à Deo proximè institutam pertinent.

#### SPONGIA.

*Dices secundò, Illi tantum sunt de Hierarchia Hierarchizantes, qui authoritativè Hierarchizant, vel, vt loquitur Gerson, tanquam dominantes & principantes: at religiosi Hierarchizant quidem seu purgant, illuminant, perficiunt, sed non authoritativè, non vt principes verique prelati. Respondetur, Concilium Tridentinum non requirit vt qui sunt de Hierarchia Hierarchizent, vt principes, sed tantum vt hierarchizent tanquam, vel Episcopi, vel Presbyteri, vel Ministri; vnde de Hierarchia sunt, qui tantum ministerialiter hierarchizant. Ipse sanctus Dionysius vnum ordinem Hierarchia hierarchizantis, scilicet purgatum, constituit ex ministris. Igitur hierarchizatio authoritativa, subordinata, & ministerialis sufficit, vt quis de Hierarchia hierarchizante sit. Alioquin si nemo sit de hierarchia, nisi qui exercet officium Sacerdotis, vel Diaconi vt principis, valde dubium reddetur, an Parochi sint de Hierarchia, cum ferè omnes Theologi dicant eos non esse verè proprièque Prelatos. Nam propriè Prelatus dici-*

*Lellius  
Zecchini de  
Rep. Eccles.  
tract. de  
Prælat. & r.  
Epist. ad  
Domnio-  
nem.* tur, qui iurisdictionem habet in foro externo, quâ Prochi carent, seu eam non habet ex iure communi. Hæc Richerista si possunt, argumentis confutent, nec tantum vociferari pergant. Nihil enim facilius, inquit Hieronymus, quàm contra quemlibet congerere maledicta, non crimina, sed cùm ad libros venerit, & pedem pedi contulerit, & vel proposuerit aliquid de scripturis, vel audierit proponentem, tum sudabit, tum hærebit.

## RESPONSIO.

Age, age sicut Molinistam decet. Effunde imperitias aceruatim, delira, delipe ultra hominis; certè ultra Theologi, metas: Tum deinde triumphas, insultas, laceesse Catholicarum Academiarum principem Facultatem, ut eam scilicet insolentissimæ istius ignorantie stupore percellas, Fateor, rectè laceassis: huius enim scientiam inscitia superas, modestiam proteruia. Plus desipis, quàm illa sapit; plus cæcutis, quàm illa oculata est. Hanc tibi palmam habe, quam nulli vnquam Molinistæ argumentis confutabunt, quantumcumque vociferationes & animositates innatas attollant. Quid enim minus tuum, quàm Hieronymi illa vox, quæ te miserum tuo pte gladio transadigit? Tu enim *proposuisti aliquid de scripturis*? Tu aliud quàm cerebri, seu Spongiæ tuæ inania ingessisti, iam pridem conquerentibus, & exprobrantibus nobis? Tu cum vlla fide *ad libros venisti*, quorum auctoritates prætere visus es? ac non ea perfidiæ perspicuitate quicquid attigisti, vitiaisti ut non modò nulla mens, sed ne vilis quidem sensus, aut vllus oculus, hære potuerit in perspicienda mendaciorum tuorum, & totius insipientiæ immanitate? Nemo in his conspuendis *hære* aut *sudare*, sed tu in obiectandis & *hære*, & *sudare*, imò pudore suffundi vel sine aduersario debuisti, si quid Spongia internoscere & erubescere potuisset. Verissimè enim atque ex animo, coram Deo profiteri mihi liquidum est, nunquam visum, vel auditum à me tantum infirmitatis & inopiæ cum tanta procacitate coniunctum Verùm ut omnia tibi superiora condonemus, & hæc ipsa, quibus nos arroganter prouocas, expendamus qualia sint, ut petulantiam istam in sua ipsa sede, *in flagranti*, ut aiunt, *delicto*, & in suo ipso triumpho opprimamus; Quæro ex te quam scripturam, quem Theologum videris qui arguat, *eos tantum esse de Hierarchia hierarchizante*, ut loqueris, *qui authoritatiuè hierarchizant*, vel, ut Gersonem loquentem facis, *tanquam Dominantes & Principantes*? Cedo vnum tam nouæ argumentationis authorem. *Sudare* tibi potius & *hære* necesse est. Tu enim indoctæ & ineptissimæ obiectionis fictor es; Tu monstri huius parens primus; hoc succo sola Spongia *exsudat*; in solo tuo pectore hæc cogitatio *hære* potuit. Quid enim minus Theologicum quàm id comminisci, quo posito non solum ministri omnes inferiores, sed etiam Diaconi, & simplices Presbyteri Hierarchia exturbantur? Hos enim non *Hierarchizare authoritatiuè*, seu *ut Dominantes & Principantes*, clarius est quàm ut vel admoneri debeat. Nisi si quis Cardinalis Bellarmini, & post eum Appendicis ad Pseudo Smithum sententiam, simplices Presbyteros & Diaconos,

*Bellar. l. 1.  
de Cler.  
cap. 11.  
Append.  
n. 11. pag.  
260.*

Diaconos, Ecclesiæ Principibus inferentem probet, quam alibi nullo negotio nos reprobabimus, & adeo falsam, & Christiano sensui repugnantem, conscientia teste, viderunt illi ipsi Appendicis sarcinatores, ut falsi sint, nunc quidem non habere locum, olim tantum habuisse; Tunc enim Presbyteros & Diaconos Ecclesiæ fuisse principes, nunc non esse. Quæ fictitij dogmatis moderatio & confirmatio, tam commentitia quam ipsa inuentio est. Non enim Presbyterorum potestas ab antiquo in tempora posteriora decreuit, sed creuit sensim potius, contra quam Episcopalis potestas sensim extenuari visa est, ut cuius harum rerum non penitus imperito pater, & facile suo loco probabitur. Quare obiectio quam Spongia iactat, nullius non modò roboris, sed neque iudicij est, nec ab ullo vnquam Theologo manauit, nec ab ullo non enodanda est, nec ab ullo, sine longè maxima hierarchicarum partium euulsione, seriò inuci potest. Hæccine sunt argumenta, in quibus *sudare & harere* debeamus?

Neque tam stupida obiectionis tibi ansam præberet Gerson, si locum eius, quem innuis, intelligeres. Tu enim auditor oscitans, lector iners; Gerson probus magister est. Iam ante audisti qui sit sensus loci Gersonis, quem tibi explanaui. Nec enim Gerson ibi loquens de *authoritative Hierarchizantibus*, hierarchiæ vim naturamque propriam & adæquatam exprimit, sed Ecclesiasticæ potestatis ordinaria & stabilia capita, per quæ Ecclesiæ gubernatio à supremo capite, per media minoraque capita, ad infima vsque fidelium membra delabatur, enumerat; ut ibi latius enucleatum est. Erras ergo à fundamento turpiter, neque confutandus argumentis; sed sine argumentis docendus es. Discentem enim credere oportere, tuus Aristoteles iam olim admonuit.

Quæ verò tandem ratio fuit, ut obtusæ argutationi responderes, eos qui iuxta Dionysium in ordine purgantium continentur, ideo non esse Principes, seu Prælatos, quia Ministri sunt? Quis te docuit, esse Ministrum, & esse Principem, repugnare? Consule Bellarminum; errore liberaberis, si tamen eum audies. Is enim Diaconos principes præfulesque Ecclesiæ fecit, quamuis simul ministros esse non solum Episcoporum, sed etiam Sacerdotum eodem loco fateatur. Quod plus aliquanto fortasse est, quam accurata veritas ferat. Ipse tamen ita sensit, nec tibi fas eius auctoritatem defugere. Nam id ipsum etiam Smitheanæ Appendicis structores haud dubiè fatebuntur, cum Diaconos saltem olim Ecclesiæ principes fuisse consentiant, quos tamen Ministros esse ipsum nomen satis probat, ut omittam Conciliorum penè omnium iudicia, & hoc ipsum, de quo agimus, Tridentini. Quin & Archidiaconos Prælatos esse iam ferè omnes dicitis: nec tamen Ministros esse quisquam negat. Nam ab Innocentio III. doctissimo Pontifice, oculi *Episcopi*, & *Vicarij Episcopi* appellantur. Idque multo magis de Archipresbyteris, cum Archidiaconis minores, eorumque auctoritati subiecti sint, dicendum est. Quomodo igitur rectè probas, Hierarchicum ordinem purgantium non componi à Dionysio ex Principibus,

*Bellarmin.*

*supra.*

*Append. ibid.*

*Innoc. 3. c.*

*Ad hac nos de offic.*

*Archid.*

*C. ut Archipresby-*

*ter de off.*

*Archipresb.*



Spong. pag.  
17. & 118.

quia ex Ministris componitur; cùm tot Theologi, socij tui, tu ipse, eos principes, præsuleſque faciatis, quos Ministros, Vicarios, ministeriali authoritate præditos, negare non potestis? Hic Suda Spongia, hic hære; hanc tuorum argumentorum è tuis ipsis argumentis (ut videas quàm non hæreamus aut sudemus) confutationem, argumentis vllis, si qua, siue tua, siue à sociis corrogata habeas, confutare aude, & erit nouissimus error peior priore.

C. Archi-  
diacono, de  
offic. Ar-  
chid.

S. Th. sup-  
pl. q. 22. a.  
1. in corp.

Alex. 3. c.  
cùm ab Ec-  
cles. de offic.  
ind. ordin.

S. Th. 3. p.  
q. 67. a. 1.  
ad 2.  
Idem 22. q.  
118. a. 4.  
ad 4. & 5.  
Spong. pag.  
169.  
D. Th. 3.  
p. q. 22. a.  
1. & 2. q.  
114. a. 8.  
ad 5.

Postremò, quæ te tanta vis animi toties iam, sine causa, voluntario impetu transuersum agit in Parochos, & in approbatam olim à Facultate Parisiensi, de eorum institutione & potestate, doctrinam; ut in hoc quoque genere tantam inſcitiam, quantam impotentiam tuam arguamus? Quid enim hoc probationis est, *Parochos non esse verè Prælatos*, quia *iurisdictionem in foro externo non habent ex iure communi*? Quis tibi hanc ipsam Prælati definitionem probauit? Quam si veram putas, hærebis proſectò, & valdè sudabis, ut probes Abbates Commendatarios Prælatos esse, quales sunt, & habentur Romæ, cùm nihil externæ iurisdictionis in religiosos habeant. Hærebis, nihilominus, ut probes Archidiaconos esse Prælatos, de quibus sic in Iure decretum est à summis Pontificibus; *Archidiacono non videtur de Ecclesiastica institutione licere (nisi autoritas Episcoporum accesserit) in aliquos sententiam promulgare*. Non igitur erunt Prælati per tuam definitionem. Quanquam adeo ignarus & turbidus es, ut ne quidem ea concessa, valeas è graui nota indoctæ temeritatis emergere. Nos enim faciliùs Parochos iurisdictionem in foro externo habere iure communi, quàm tu Archidiaconos, vel Archipresbyteros, probabimus. Id enim apertè docet scholæ princeps: *Presbyteri Parochiales non nisi ex commissione eis facta, excommunicare possunt, VEL IN CERTIS CASIBVS, SICVT IN FVRTO, ET RAPINA, ET HVIVS-MODI: IN QVIBVS EST EIS A IVRE CONCESSVM QVOD EXCOMMVNICARE POSSINT*. Ac ne solum D. Thomam id sensisse, qua es intelligentia, putes; Audi Pontificem Maximum Episcopo præscribentem, *Mandamus quatenus si quando Plebanus sancti P. in Clericos vel Laicos paræcianos suos, interdicti, vel excommunicationis sententiam rationabiliter tulerit, ipsam facias inuiolabiliter observari, & eam sine congrua satisfactione, & absque eiusdem Plebani conscientia non relaxes*. Quo etiam loco verbis paulò ante positis, *Plebanos nomine Prælatorum Ecclesiarum complectitur*. Et tu scribere audebis, *Ferè omnes Theologos dicere Parochos non esse verè proprièque Prælatos, nec iurisdictionem externam habere ex iure communi*; quasi doctor Angelicus, Scholæ princeps, & Romani Pontifices, non tibi sint Theologi? neque verò *Prælatorum & Principum* nomen eis abstulit D. Thomas, sed tribuit, non fortuitò, non incogitanter, pluribus locis; modò eos *Ecclesiarum minores principes* apertè nominans; modò eos *Prælatorum ordinariorum* nomine bis vno loco comprehendens, ut iam ante monuimus. Ex quo patet gemina falsitas, qua D. Thomam violasti ad Spongiæ calcem, citans eum, ut probes Parochos non habere externam iurisdictionem ex iure communi, ut probes eos non esse Prælatos; quibus locis nulla vox, nulla mentio rerum istarum, sed tua tantùm

flagitiosa mendacia patent. Videsne scholaris Iesuita, ( hoc enim vos nomine compellat vestri orbis communis magister ) quàm facile tua crepundia sine magno argumentorum impetu, sine multa vociferatione dissecta sint, etsi nulla tanta vociferatio est, quin si in stolidissimam tuam proteruitatem conferatur, exigua sit futura? *Suda, hare*, quantum voles; magnum feceris, si laqueos, quibus tibi fauces eliduntur, excuseris. Quamquam te nec ariditas *sudare*, nec temeritas vîquam *harere* patiatur.

Denique ut telum vltimum in istam errorum, vel potius cæcitatum struem immittamus; nihil agis, dum ais, *Hierarchizationem subordinatam & ministerialem sufficere, ut quis de Hierarchia hierarchizante sit*. Etto enim; concedatur tibi, Quomodo inde conficis socios tuos esse Hierarchizantes ex statu, solo suo instituto esse in Hierarchia, quam *hierarchizantem* vocas, vel antequam Ecclesiastico vîlo ordine sint donati? Tunc enim ministri Ecclesiæ, seu Episcopi, certè non sunt cùm nullam Episcopalis muneris partem, nullam potestatem, nullam Episcopi circa se actionem susceperint; quod tamen ad rationem Ministri, sicut ad rationem instrumenti, necessarium est? Minister quippe & instrumentum simillima sunt teste S. Thoma; & Minister nihil aliud est, nisi *instrumentum animatum*. Sicut ergo instrumentum nullam per se vim habet, nisi quam accipit à causa principali; sic minister nullam vim habet, nisi quam accipit ab eo, cuius minister est. Cùm ergo Iesuitæ ordinis expertes, nihil Ecclesiasticæ potestatis acceperint, sequitur nec esse Ministros, nec vim vllam Ecclesiasticam seu Hierarchicam habere, proindeque nec ad Hierarchiam aspirare posse, nec esse hierarchizantes, seu Ministros Hierarchicos. Ita fit ut Spongia, quoquò se verterit, non faciliùs socios in Hierarchiam, & in hierarchizantium classes, euehere possit, quàm hæc quæ in eius indisciplinatam & ineruditam præsumptionem intorquentur, effugere.

Vnum est quo se bellè tueri posse videtur, si responderit, argumentum illud, *Eos tantùm esse de Hierarchia qui authoritatiuè hierarchizant, ut dominantes & principantes*, non tam ineptum esse, quàm prima fronte apparet, eo quòd prolatum sit ut insinuetur, quo gradu Iesuitæ in Hierarchia futuri sint, si in eam admittantur. Clarum quippe, eos non aliter in ea esse posse, quàm *ut dominantes & principantes*, quia proprium illud insigne, quocumque se conferunt, trahunt secum, ut cæteris dominari, & super omnia quasi *principantes* eminere concupiscant. Hoc igitur gradu, vel nullo, in Hierarchiam veniant, Cæsares, aut nulli sint necesse est. Si sui argumenti vim, & insulsæ in speciem obiectionis congruentiam, hoc modo explanare tuerique voluerit Iesuiticus propugnator, acuminis Iesuitici famam locabit in tuto, ingenio verè Iesuitico scripserit, teste omni orbe, quicumque Censores in eius libelli disquisitionem incumbant.

## PROPOSITIO QUINTA.

Ibidem num. 10.

**R**egulares ex suo instituto sunt auxiliares subordinati immediate vniuersali Episcopo, ut adhibeantur ab eo pro bono vniuersalis Ecclesie; ex natura, inquam, status eorum, sepositis priuilegiis exemptionum, stando in rigore diuinæ institutionis, Regulares immediate subiiciuntur Papæ, & liberantur ab Episcopis, ut Regulares sunt, secundum votum obedientiæ, & Regularium obseruantiarum, ad quas obligantur voto, regula, & constitutionibus.

## CENSURA.

Ista propositio est falsa, temeraria, præsumptuosè asserta, authoritatis Episcopalis imminutiua, in summos Pontifices, & alios Episcopos priuilegiorum authores ingrata, schismatica, & hæretica.

## SPONGIA.

Videamus annon huic Censura plus caloris, quàm lucis, vehementia, quàm sapientia insit. In primis more suo malignè & diminutè authorem allegant. Omitunt enim, quod ipse ibidem dicit ac repetit, Regulares quoad Ecclesiasticam disciplinam subiici Episcopis, non minus quàm alij Clerici seculares, stando in iure diuino, & sepositis priuilegiis exemptionum: Vnde assertio non est ingrata, nec schismatica, cum agnoscat priuilegia summorum Pontificum, quibus ab obedientia & correctione Episcoporum eximuntur, quoad disciplinam Ecclesiasticam, præterquam in quibusdam casibus, qui iure præscripti sunt. Deinde non negat author, summum Pontificem, & Ecclesiam regulares olim subiecisse Episcopis, etiam quoad regularem disciplinam. Imò regulares ipsi sua sponte se subiiciebant Episcopo, tamquam proprio suo superiori, & in eius manibus vota emittebant. Cuius ratio erat, quia tunc Episcopi plerique, imò serè omnes regulares erant, & quid regularium discipline conueniret, experti; quæ ratio ex aliqua parte cessauit, postquam Episcopi ceperunt esse seculares: & hinc iustam causam ut regulares simpliciter eximerentur à iurisdictione Episcoporum esse suppeditatam, probat Joannes Lomede Aduocatus Parisiensis tract. de exempt. cap. 1. n. 18.

In 2. sent.  
dist. 45. a.  
3. in fine.

Quod autem abstrahendo à lege Ecclesiastica, & stando in solo iure diuino, non subiiciantur Episcopo, quoad votum obedientiæ, & obedientias ad quas ex solo voto tenentur, Doctores tum Scholastici, tum Canonici omnium gentium disertè affirmant. Certè enim, si Episcopi essent regularium præcipui superiores, ijs deberent potius obedire, quàm Abbatibus suis. At S. Thomas sic scribit: In iis, quæ ad disciplinam regularem spectant, Monachus plus tenetur obedire Abbati, quàm Episcopo, in his enim se voto obstrinxit Abbati; sed in iis, quæ pertinent ad Ecclesiasticam ordinationem, plus tenetur obedire Episcopo. Ecce clarissimè Doctor Angelicus affirmat Monachum voto obstrin- gi Abbati, non Episcopo: atque adeo quoad votiuas obseruantias & regulares, tene- ri plus obedire Abbati. An igitur dicemus S. Thomam temerarium, præsumptuo- sum, schismaticum, hæreticum? Caueant potius Censores ne in ipsos illud meritò dici possit; Quæcumque ignorant, blasphemant.

## RESPONSIO.

Nec tuum est de ignorantia, nec de blasphemia loqui, quibus vndique diffuere non diceris, sed probaris, quocumque oculos toto libro conicias. Hoc enim inter virtutes & vitia interest, quòd de virtutibus loqui, eorum potissimum est qui earum usum habent; de vitiis dicere, præcipuè alienis, tam nemini vetitum est, quàm qui illis ipsis teneantur. Quippe lucem secum virtus vehit, sine qua nec ipsam, nec alias videamus: Vitiù tenebris circumfusus est, quibus neq; ipsum, neq; alia cerni possunt. Ideo nec tuum fuit Censoribus ingerere illud, *Quæcumq; ignorant, blasphemant*, ne non solùm exerrare, sed etiam insanire videreris; sed tot errorum conscientia, qua iam teneris adstrictus, demittere animos decuit, sicut reum, sicut sui cognoscentem, sicut cordatum hominem par est; trabemque ex oculo tuo vel erueret, vel eruentibus non oblectari. Neque rursus illud idem verbum tibi regerere libet, quamuis meliori iure possimus. Monemus hoc vnum, vt sequentia verba memineras, quia tu non tam quæcumque ignoras, blasphemas, quàm ea ipsa quæ nosti, corrumpis, & in iis corrumpis.

Statim enim, ab ipsius doctrinæ tuæ simulatione & corruptione fallaci, defensionem inchoas, fallaciter exoptulans tuam sententiã *malignè & diminutè allegari*; *Omitti enim quod ibidem dicitur & repetis, Regulares quoad Ecclesiasticam disciplinam subijci Episcopo, non minus quàm alij Clerici seculares.* Nam primùm hac de re nullum tuum verbum lego in Apologia, non modò iteratum & repetitum, vt ais, sed ne quidem semel dictum. Verba tantùm D. Thomæ ibi lego ea ipsa quæ hîc refers, *sed in ijs quæ pertinent ad Ecclesiasticam ordinationem, plus tenetur obedire Episcopo: At vbi tu ipse ibidem dicas & repetas, Regulares quoad Ecclesiasticam disciplinam subijci Episcopis, non minus quàm alij Clerici seculares, stando in iure diuino, & sepositis priuilegijs exemptionum, nusquam reperio; & Spongiosam istam fidem, ac oculorum perspicaciam, seu potius omnipotentiam, quæ, quod non est, videre potest, vehementer suspicio.* Deinde totum hoc genus parergum est, & ἀπρεσβύτων, more tuo πᾶσι πλεονάζοντα congerendi, vt aliquid respondisse videaris. Nam propositio tua damnata est, quòd generatim Regulares, ex suo instituto, ex natura status eorum, sepositis priuilegijs exemptionum, stando in rigore diuinæ institutionis, *auxiliatores dicat immediate subordinatos vniuersali Episcopo, & immediate subiectos Papæ secundum votum obedientiæ & regularium obseruantiarum, ad quas alligantur voto, &c.* Hoc erroneum Censoribus visum est, hoc ingratum & impium, siue addas regulares subijci Episcopis, quoad disciplinam Ecclesiasticam, siue non. Quia non minus impium in Deum, & in sedem Apostolicam ingratum est, negare religiosos, quoad regularem vitam & obseruantias Monasticas, subiectos esse Episcopo, perpetuo & communi iure, ab eoque singulari Romani Pontificis indulgentia liberatos esse; quàm eosdem non subesse Episcopo, quoad generalem externamque Ecclesiæ disciplinam, vt facile probabitur, & cuius rebus Theologicis vel leuiter imbuto, statim sua sponte probatur.



Quamquam peto, concilies mihi id quod addis de subiectione religionum quoad Ecclesiæ disciplinam, cum eo quod ait tua propositio, *eos esse auxiliares natura sua immediate subordinatos vniuersali Episcopo, ut adhibeantur ab eo pro bono vniuersalis Ecclesiæ*. Nam si in auxiliatione quam Ecclesiæ præstant, soli Pontifici subiacent, cum ea auxiliatio sita sit in functionibus & ministeriis ad disciplinam Ecclesiasticam, & ad præcipuam quidem eius partem, attinentibus; quomodo si quoad hanc auxiliationem Episcopo non sint subiecti, dici possunt Episcopo naturam suam, & citra exemptionum priuilegium, quoad Ecclesiasticam disciplinam non minus quam alij Clerici, subesse? nam alij Clerici in nulla re adeo Episcopali potestati arbitrioque obnoxij sunt, quam in disciplina Ecclesiastica ad opus animarum pertinente: Ad quod opus adhiberi, amoueri, regi, corrigi, ab eo possint, prout Ecclesiasticæ disciplinæ legibus sancitum est. Si ergo Episcopis minus in religiosos licet ex ipso eorum instituto, & ante omnis priuilegij concessionem; sequitur tum religiosos minus subesse Episcopis, quam alios Clericos, quoad Ecclesiæ disciplinam, tum quoad præcipuam nobilissimamque partem Ecclesiasticæ disciplinæ, salutem animarum, & ministerium Ecclesiasticum spectantem, iis prorsus non subesse. Viderit Iesuita, quo pacto hanc errorum suorum, quasi anguium intestinam collisionem explicet, doceatque se ex animo, ex sinceritate, coram Deo, non ficto pectore, ad minuendam importunissimæ hæreseos inuidiam, coram hominibus tantum, domestica æquiuocorum licentia, hanc nouissimam suam propositioni quasi *commissuram panni rudis vestimento veteri*, alluisse.

Alterum effugium eatenus minus malitię criminisque habet, quæ stupore & veteris ruditate plenum est, *Pontificem & Ecclesiam, Regulares olim subiecisse Episcopis, etiam quoad regularem disciplinam: Imo Regulares ipsos sua sponte se subiecisse Episcopo, tanquam proprio suo superiori*. Quis hoc ait? Spongia, Quis probat? Spongia. Quo testimonio? nimirum Spongiæ, & sola Spongiæ fide. Itane verò non te tantum, sed omnes qui tua legerent, Spongiæ fore putasti, ut apud eos tam protrita fronte blaterares? Quid enim? si perfidiæ, & apertissimarum falsitatum multitudine, qua propositiones tuas pene cunctas inquinasti, non omnem penitus, vel in rebus verissimis, fidem amisisses, pro eo quod ea mendacium iustissima poena est ut nequidem dicentibus vera credatur; tamen isto modo rem hætenus inauditam, fictitiam, portentosam, sine argumento, sine autoritate, tuo solo arbitrio spargere debuisses? O te procudendis, quam purgandis hæresibus aptiorem! Quæ in summa, exhaustique pudoris fabula, dum tua tuæque Societatis fama agitur, ne hoc quidem tibi solatij reliqueris, ut accuratius delirare videreris. Porro commentum tuum ita miserum est, & omnium iudicio qui Ecclesiasticę disciplinæ elementa delibant, vecors ac fatuum, ut qui hoc responsionis edere sit coactus, non tam respondisse, quam cessisse, & præbuisse iugulum, & censuram comprobasse censeatur. Quis enim primis Ecclesiæ temporibus vnum Pontificem, vnum Ecclesię Canonem edat, qui vnum Regularem Monasterium prius immune, Episcopi authoritati subiecerit?



Tertium denique effugium nescio quibus vocibus insequar, qua increpatione contundam, *Plerosque olim, imò ferè omnes Episcopos Regulares fuisse*, ideóque Regularium curæ admos, Superant omnem orationem tot tamque notabiles stupiditates, alia super aliam ingesta, imò superant omnem fidem, nec credi possent ab ore Iesuitico, doctissimo nimirum cultissimóque, manasse, nisi scriptæ legerentur. Quis enim sanæ mentis asserere audeat, aduersus nobilissimam Theologorum Facultatem, inspectante Ecclesia, totóque orbe, id quod sæculorum omnium memoria teste confunditur, quodque nec vlllo verbo probatur, nec probari potest, nisi ad Ecclesiam inuisibilem aliquam, & inuisibilia hæreticorum sæcula confugiatur?

Nam primis illis ante omnia ætatibus, quibus Ecclesiam persecutiones infestaruñt, hoc nequidem fingi potest, cum per ea tempora non sine difficultate reperiantur Regulares qui vel in solitudine latuerint, nedum qui *super candelabrum*, in Ecclesiæ Thronis conspicui fullerint. Monasticam quippe disciplinam data demum Ecclesiæ pace florescere atque augescere cœpisse quis nesciat, clamantibus vndique & consentientibus historiis? Quare sanctos Ignatium, Dionysios, Arcopagitam, Corinthium, Romanum, Alexandrinum; Gregorium Thaumaturgum; Cyprianum; Petrum Alexandrinum, ut illustriores tantum nominem, Clementem, Victorem, Zephyrinum, Cornelium, aliosque Romanos Pontifices, quis vnquam regulares fuisse iactauit. Neque rursus quarto illo & celeberrimo sæculo, quo Deus Ecclesiam pace simul, & summorum virorum segete fecundauit, plerique, nedum *pene omnes* Episcopi regulares fuerunt, Percurre Concilia generalia, quò regionum omnium celebriores Episcopi confluxerant. Numeram in iis quos Episcopos regulares fuisse velis. Ne frontem quidem, ita duram, habiturus es, ut numerum inire audeas, ita vel nulli; vel paucissimi sunt, qui Regulares fuisse dicantur. Quod si insigniores huius æui Antistites seligamus, Athanasium, Hilarium, Ambrosium, Cyrillos Ierosolymitanum, & Alexandrinum, Osum Cordubensem, Luciferum Calaritanum, Gregorios Nazianzenum & Nyssenum, Basilium ipsum Monachorum institutorem & patrem, Damasum, Innocentium, Cælestinum, Leonem

*Vid. Seuer. Sulpit. dial. 1. post med. Siquis Clericus fuerit effectus, dilatat continuo simbras, &c. Chrysost. l. 6. de sacerdot. c. 6. 7. 8. Aug. epist. 76. ad Aurel. Hieron. ep. ad Rust. &c.*

Magnum, aliosque clariores Romanos Pontifices & Episcopos (ut de Augustino nihil dicam) vide tandem quos in hoc sanctorum Patrum senatu, ex ipso flore collecto, Monachos regularesve reperias. Quid quod illi ipsi Patres docuerunt, scriptisque mandarunt, Monachos parum idoneos ad Ecclesiæ munera videri, & paucos admodum sua memoria extitisse, qui ea feliciter administrassent? cuius rei luculentum testimonium videre potes apud Seuerum Sulpitium, tametsi ex Monacho Archiepiscopum Bituricensem, & Galliæ decus. Etsi mali huius causam altiore quæris, lege Chrysostomum ea de hoc negotio commemorantem, quamuis Monasticæ vitæ non penitus inexpertum, non tamen, tuo sensu, regularem aut Monachum, quæ hoc loco scribere non attinet. Atque hanc eandem fuisse ferunt nobilissimi nuper

Pontificis Clementis VIII. mentem. Nec longè abludunt alij patres, dum è bono Monacho interdum vix bonum Clericum fieri; nec omnes Monachos Clero dignos, sed eos tantum qui virtute præcipui & spectatissimi essent, vna voce docuerunt. Denique in Occidentem serò admodum Monachi & Monasteria transiere ab Oriente, nempe ex quo S. Athanasius exul, vitam S. Antonij Romæ vulgavit. Nam in Africa nullum Monachorum, aut Monasticæ vitæ vestigium, ad tempus vsque S. Augustini, cernitur. Nec eorum vlla mentio est apud Tertullianum, Cyprianum, aliosque superiores scriptores Africæ; sed virginum tantum<sup>a</sup> & viduarum. Nam virginum cœtus in Ecclesia antiquiores sunt<sup>b</sup> quàm Monachorum, viduarum<sup>c</sup> rursus quàm virginum

<sup>a</sup> *Tertull. de veland. virg. S. Cyprian. de discip. & habit. virg.*  
<sup>b</sup> *1. Cor. 7. S. Ignat. ep. ad Philipp. &c.*  
<sup>c</sup> *Act. 6. 1. Tim. 5.*

Itaque temeraria nimis, & supina, & audax, aduersaria cauillatio est disciplinæ ac temporum antiquorum pudenda ignoratione turgida, sine mente opposita celeberrimæ toto orbe Catholicorum Theologorum Facultati, & ab illius Societatis alumniis opposita, qui sibi literarum & scientiarum imperium iampridem, sublimium cogitationum vacuitate, struunt, & abiectissimæ ignorationis plenitudine confirmare nituntur.

Quanta verò penuria, quanta ieiunitas, quòd in tantæ ignorantie patrocinium profertur vnus *Ioannes Lomede, Aduocatus Parisiensis*, vt scilicet SS. Patrum, Historicorum, sæculorum omnium auctoritas, vnus Parisiensis Aduocati autoritate vincatur. O Iesuiticum salem, quò tandem ex Anglicano capite auolasti! Cuius Aduocati nomen ita vulgò Lutetiæ ignotum est, vt ipsis Aduocatis & forensi nationi vix sit auditum. Nec tenuis metus initiò subierat ne quâ in eo nomine fabulam, vt in Hermanno Loëmelio, Francisco Fontano, Daniele à Iesu, Smithæo, aliisque laruis, Iesuitica solertia texuisset. Indignum verò facinus, hominis Iuriconsulti arbitrium in rem Theologicam, grauissimam, diuinissimam, ab homine Theologo, à Iesuita interponi, & Theologicæ Facultatis authoritati obijci, vt solo eius nomine hæreseos nota fœdissimæ doctrinæ inflicta eluatur. Meminisse oportuit, bona Spongia, illum Aduocatum nequidem in arte sua iudicij aut suffragij habuisse potestatem: Aduocatum fuisse, non iudicem: Actiones ipsas & disputationes forenses, magistrorum præsidumque suorum arbitrio submittere debuisse. Nedum in re à forensi litigio remota, tota Theologorum propria, suffragium ei & tabella, quasi à nouo Prætorè Theologico, temerario & imprudenti, ab Hermanno Loëmelio, à Theologo & Professore Iesuita, dari debuit, & quidem inuito dari, contra ipsius in arte propria, multo magis in aliena, officium & voluntatem. Si quid deflexerat, aut titubauerat, tuum fuit in aliena regione peregrinantem subleuare. Minor in eo culpa est, si quid errauit in re non sua, quàm in te, quod errorem in re tua non agnosti, quòd probasti, quòd aliis probandum offeras, quòd eius te præsidio tutum putes: aut saltem quòd hominem cites vt iudicem, non vt Aduocatum, hoc est, vt sententiam & suffragium ferentem, non vt argumentis & rationibus agentem: Quæ si tu ab eo mutuata educere in



aciem ausus eris, nos futilissimas copias sine magno certamine, Deo duce, concidemus.

Spong.  
pag. 25.

Magna quoque temeritate gloriaris tuum errorem à Doctōribus, tum Scholasticis, tum Canonicis omnium gentium disertè affirmari. Quorum tamen mirandum est nullum à te è tanta copia depromi, nisi Iesuitam vnum Thomam Sanchez, verè huius opinionis inuentorem. Nam S. Thomam, quem arripis, nos statim non modò eripiemus tibi, sed etià eo te iudice contundemus, & tuam fallaciam profligabimus. Initio, cum hanc ipsam opinionem in tuæ innocentiae specimen protulisses, audacia paulò minore dixisti; *Hæc est doctrina S. Thomæ, Sylvestri, Thomæ Sanchez, & aliorum plurium, quos ibi author citat*: quanquam reuera in Apologia neminem pro ea cites, nisi Thomam Sanchez. Nunc concallescens, ut in processu operis, impetu ac fiducia, proclamare non dubitas eam à Doctōribus omnium gentium tum Scholasticis, tum Canonicis, & quidem disertè affirmari. Sic tu in peius proficere soles, & priores cogitationes posterioribus deteriores facere, quibus eas alij meliores efficere conlueuerunt. Nemo est harum rerum non ignarus, qui tuæ gloriationis imperitam superbiam capere, aut credere potuerit, nisi eam lectorum oculis subiecisses. Nemo enim neque Theologus, neque Canonicus, author est, qui hac de re dubitarit, aut quæsierit, aut locutus sit, ante Thomam Sanchez, cui istius, & doctrinæ, & quæstionis excogitatio, ut primo parenti, debetur. De ea apud priores merum silentium est, è quorum ambiguis duntaxat vocibus, velut insidiosè captatis, eam elicere conamini, sed falsis & ineptis argumentationibus, uti demonstrare non operosum est.

Primò Canonistarum neminem profers nominatim: nec ex quocumque eorum quicquam proferre poteris quod sit ad rem, & non absit longissimè gentium à meta propositæ quæstionis. Nec si quicquam appositè ad quæstionem, & ad tui patrocinium, quod nunquam facies, proferas, tutior ex eo fies à reprehensione, & à nota verissima quam mereris, nisi doctrinam pessimam recantes. Quàm enim vniuersim sit levis, in rebus Theologicis & dogmaticis, Canonistarum veterum auctoritas, quàm eorum volumina Theologicis erroribus & prolapsionibus scateant, nemo Theologus admonendus est. Vide ergo quàm securus esse debeas, cum eorum præsidiiis deficiaris, qui si vniuersi succurrerent, tamen saluus esse non posses.

Quod ad Theologos Scholasticos attinet, S. Thomas, quem vnum citas, à te, & sine iudicio, & sine fide proponitur. Sine iudicio quidem, quia verba quæ refers non attingunt id de quo agimus. Etsi enim verba sonent, *In ijs quæ ad disciplinam regularem spectant, Monachum plus teneri obedire Abbati quàm Episcopo*; tamen S. Thomas non addit hoc fieri iure diuino, ex natura religiosi instituti, sepositis exemptionum priuilegiis, de quo tota controuersia est.

Deinde ætate S. Thomæ, iam percrebruerant per Ecclesiam, & inualuerant religionum exemptiones. Vnde nihil æquius, quàm verba eius accipere de statu religionum, qui tunc erat. Quod etiam innuit

eius locutio, *Monachus plus tenetur obedire Abbati, &c. quia se voto obstrinxit Abbati, &c.* quæ satis indicant, eum loqui de præsentis rerum statu, & de eo, quod tunc erat religiosorum officij. Nam S. Thomam minùs solitum in disputando euagari à constituto rerum præsentium ordine, quàm plerique hodie Theologi soleant, qui tantum quærendo & inuestigando prouehuntur, quantum imaginando volitare possunt, alibi fortasse declarandi locus erit. Atque hunc sensum accommodat ipse Suarez isti loco; *Quod loquatur de religiosis exemptis, quatenus in quibusdam pertinentibus ad communem Ecclesiæ disciplinam, tenentur Episcopo obedire; & quoad illa, intelligat esse præferendum præceptum Episcopi, præcepto Abbatis, in cæteris autem obediendum sit Abbati.* Quid ergo sibi vult Spongia, cum fiducia ista rusticana & tylicæ, qua vociferatur, *Ecce clarissimè Doctor Angelicus affirmat, Monachos voto astringi Abbati, non Episcopo, quasi aut locus S. Thomæ, aut conclusio ipsa quæ inducitur, esset ad rem; cum nec S. Thomas loquatur, nec ipsa, quod mirum sit, concludat de obedientia ex natura religiosi status, sepulchris privilegiis exemptionum, &c. de quibus solis agitur? Quænam ista incertitudo & peruersitas animi est, quæ nec aliorum testimonia, nec suas ipsas conclusiones sibi fauentes habet? Hæc de iudicio, cuius penuria locum S. Thomæ à Spongia productum esse dicebamus.*

De fide seu fallacia, quicumque S. Thomæ consuetudinem habent, iam intelligunt. Quid enim iniquius, & fraudulentæ abiectioris, quàm vnicum S. Thomæ locum, in angulo extremaque orâ commentarij in Sententias à iuniore conscripti retrusum eruere, & ad contentionem ferendam aucupari, neglectis ac dissimulatis clarissimis in Summa Theologica, cui senior edolanda immortalis est, in quam quidquid in Theologia luminis & peritiæ maturioris habuit, est congestum? Nam in summa, non vno loco Iesuitæ error tunditur, & abdicatur perspicuis verbis. Vbi S. Thomas Episcoporum & Religiosorum naturas comparans, hos ad illos refert ut patientes ad agentes, ut eos qui perficiantur, ad eos qui perficiant: *Semper, inquit, agens præstantius est patiente. In genere autem perfectionis, secundum Dionysium, Episcopi se habent ut perfectiores, Religiosi autem ut perfecti; quorum vnum pertinet ad actionem, alterum autem ad passionem.* Et alibi: *Status religionis comparatur ad statum Episcopalem, sicut disciplina ad magisterium, & dispositio ad perfectionem.* Quid ais Spongia? Potuitne clarius? Religiosum ex suo statu; de statu enim ipso loquitur, cum Episcopo confert, ut patiens cum agente, ut discipulum cum magistro, ut perficiendum cum perfectore; & tu perluadere conaberis eum docuisse religiosum statum suapte naturâ, in iis quæ ad perfectionem assequendam, in quo religionis status versatur, pertinent, Episcopo non subesse? Dic eadem operâ patiens non subesse agenti, nec discipulum magistro, nec dispositionem perfectioni, seu formæ. Ille Dionysij opinionem de industria sequitur, quem negare non potes religiosos sub Episcoporum cura, ad adipiscendam quam appetunt perfectionem, ex Ecclesiastici & Hierarchici ordinis ratione, collocasse; & tu religiosos, etiam sine exemptionum privilegiis, ab eo

Suarez 10. 3.  
de relig. lib.  
10. cap. 11.

S. Th. 22. q.  
184. a. 7.  
in corp.

1b. 9. 185. a.  
S. in corp.

16. q. 186.  
a. 5. ad 3.

Episcoporum præfecturæ ademptos esse affirmas? Clarius hoc ipsum alibi Doct̃or sanctus: *Dicendum quod subiectio religiosorum principaliter ascenditur ad Episcopos, qui comparantur ad eos sicut perfectiores ad perfectos, ut patet per Dionysium 6. cap. Ecclesiast. Hierarch. ubi etiam dicit quod Monachorum ordo, Pontificum consummatis virtutibus mancipatur, & diuinis eorum illuminationibus edocetur. Vnde ab Episcoporum obedientia, nec Eremita, nec etiam Prælati religionum excusantur. Et si à Diæcesanis Episcopis totaliter, vel ex parte sunt exempti, obligantur tamen ad obediendum summo Pontifici, non solum in his quæ sunt communia alijs, sed etiam in ijs, quæ specialiter pertinent ad disciplinam religionis. Hic profectò sanctus Thomas perspicuè confodit errorem Iesuiticum, & umbras sibi offusas disijcit, & frontem Iesuitæ, si quam hic Iesuita frontem habet, vehementissimè conterit. At enim dilucidè, religiosos principaliter subiici Episcopo ut perfectiori, eique hoc nomine obedientiam etiam Eremitas, & Prælatos religionum debere. Eos dumtaxat excipit qui à Diæcesanis Episcopis totaliter, vel ex parte, sunt exempti. I nunc, Iesuita, & ostenta auctoritatem S. Thomæ, fidem tuam, conscientiæ tuæ puritatem, in qua non plus, quàm in veste, candoris habes. Sic error, sic hæresis, non alijs quàm hæreticorum operatorum subdolorum, adulterantium verbum Dei, & hominum lucifugarum, versipellium, artibus defendi potest. Quamquam non temerè hæreticum tam bardum reperiās, qui errores quantumvis fædos, non speciosius, & sine tot pudendis ignorantia, & oscitantia tenebris, quas tu in hanc Spongiæ particulam, quasi certatim, conguessisti, tueatur ac vindicet.*

## SPONGIA.

*Sancto Thomæ alius adiungatur Thomas, doctrina & verò sanctitatis laude non obscurus, Thomas scilicet Sanchez, approbatus à Theologis Gallia etiam ab Episcopo in hac verba:*

Nos infra scripti Sacræ Theologiæ Doctores fidem facimus, nos operis moralis in præcepta Decalogi R. P. Thomæ Sanchez Cordubensis, Societatis Iesu Theologi, tomum secundum perlegisse, omniaque in illo iuxta Orthodoxam Catholicæ, Apostolicæ, ac Romanæ Ecclesiæ, & sanctorum Patrum sanam doctrinam, summa cum eruditione, exponi. Lugduni 22. Ian. 1621.

*F. Robertus Episcopus Damiasci, De Ville.*

*Hunc ergo audiamus huius approbati operis authorem lib. 6. cap. 7. n. 12. ita scribentem: Religiosi non tenentur obedire Episcopo ex vi voti obedientia, etiam stando in iure diuino, & secluso exemptionis priuilegio; vnde, quoad obseruantias regulares, non ipsi, sed Abbati subsunt. Nam licet attento iure, & secluso priuilegio, Episcopus esset eorum superior, & illi subessent, sicut omnes Clerici, quoad Ecclesiasticam disciplinam, non autem quoad obseruationes regulares, ad quas ex solo voto tenentur. Ita Sanchez, cum quo sentiunt plures alij, cum Theologi, cum Canonista; quos cum Richerista tam facile damnant schismatica & hæretica doctrina*

doctrina; non possum non ipsis iterum in memoriam reuocare illud à Bannesio sapienter dictum; quosdam Theologos omnia quæ eorum iudicio non consonant, grauioribus censuris inurere; idque tanta facilitate, vt merito irrideantur.

1. p. 9. r.  
a 2. dub.  
ult. concl. 1.

## RESPONSIO.

Rideat verò non solum Bannesius, neque solum omnes Theologi; sed omnes omnino quibus sana mens, & saluus pudor, quod tu inanes volutans Theologorum & Canonistarum sonos, neminem autem re ipsa exhibens, nisi Thomam Sanchez Iesuitam, Socium tuum, erroris tui Magistrum & inuentorem, tamen nobilissimæ Theologorum Facultatis, & xxxiv. Episcoporum consentiens iudicium, Iesuitæ vnus iudicio ac nomine, præsumptione mirabili, & Molinistici spiritus incomparabili vecordia, præponderari velis. Hic demum Censuras tanta autoritate inuistas oppugnandi modus, & fatuitas, & vilitas, ridenda, exhibilanda, explodenda est: nam neque tu in Apologia vllum huius sententiæ authorem prodis, nisi vnum Thomam Sanchez; neq; ipse Thomas Sanchez loco à te indicato, vllum eius authorem affert nisi se; vt tu non bono magistro deterior discipulus esses, dum doctrinæ ab eo sumptæ nihil firmamenti de tuo adiicis, sed æstus tantum inconditos, & leuissimas Theologorum & Canonistarum omnium gentium nomine gloriationes, & temeritatis indoctrinæ plurimum; à quo tuus Sanchez saltem abfuit, doctrinæ istius nouitatem, ipso autoritatum & testimoniorum omnium silentio, palam agnoscens. Sed tibi nihil sapere concessum est, ne quidem id quod sapuit magisteris, à quo desipere didicisti. Tu enim Spongia, ille homo: Quod illi humanus error fuit, tibi Spongiosa insipientia factum est. Nam vt Thomam Sanchez omnium instar habeas, quia videlicet scripsit Tomos duos in Decalogum, & vastum de Matrimonio volumen, ne quidem de tuis sociis saniores indulserint. Non ea vis Summariis istis sarcinarum librariarum textoribus, non ea autoritas est. Iam iam, si nescis, gemere cœpit orbis tanta verè crassorum operum, easdem nænias ingerentium & inculcantium, quæ quotidie sine fine cumulantur, mole oppressus. Atque hanc temporis felicitatem vnus propemodum Iesuitis Theologia debet: quorum ab ortu immensum leuissimorum scriptorum examen, quasi odiosa vesparum aut tabanorum acies, sincero doctrinæ melli, & oculis doctorum infesta, se se profudit. Antea pudor aliquis, & aliqua in publicum verecundia erat, nec facile dabantur in lucem Theologicæ lucubrationes, nisi quæ audiri saltem, siue legi mererentur. Nunc Iesuiticæ ambitionis aura, & falsæ gloriæ æmulatio, innumera tenuium ingeniorum millia, velut infimam plebeculam, pestilenti contagio peruadens, pudorem obruit, mentium sensus obstupescit, vt sua propudia publicare, suas mundo labes offerre gestiant, quasi priuatim peccare nefas esset. Quò fit vt sæculum hoc, quod isti propriæ gloriæ lenocinio, mirandis laudibus prosequi, & interdum omnibus retrò sæculis, quibus ipsi nondum erant, anteferre consueuerunt, non multiplicis, vt aiunt,

X



scientiæ, sed audacis ignorantia sæculum dicere iure liceat. In tantis enim lasciuientium scriptorum aceruis, ita paucos, pro illa multitudine, reperiatis, quos perpenſa rerum cognitio, librata iudicii maturitas, dictorum ſuorum alienorumque delectus commendet; ita verò multos, in quibus nihil ſingulare, præter promiſcuam loquacitatem, remunerariam de rebus ignotiſſimis & minimè meditatiſſis diſſerendi fiduciam, incredibiles à veris puriſque fontibus euagationes, importunè ſolùm repetitos vulgariū cantilenarum ſuſurros, imparia vndique materiis propoſitis ingenia; vt minùs mirari oporteat paucos illos extitiſſe, qui ſæculo laboranti ſubuenirent, quàm hoſce tam multos viſiſſima imperitiæ mercimonia palam proponere auſos eſſe, quibus rude vulgus, & ſemi-doctorum turbam, quæ longè maxima eſt ac ſemper fuit, inducerent. Neminem nomino, neminem priuatim inſector, ne quis verba mea in conſcientiam trahat ſuam. Atque vtinam hanc tandem ſæculi, & potiſſimùm Theologiæ noſtræ calamitatem, cui Typographiæ facultas anſam non paruam dedit, reſpexerit numen aliquod, ſeu cœleſte, ſeu humanum, ſeu viſ aliqua potentior manantium à Deo poſteſtarum, quibus ſolis tam effuſa inſrenium ingeniorum intemperantia, vel dixerim furor, percelli poſſe videtur. Omnium verò maximè intolerandi ſunt illi *Theologiæ Moraliſ, Inſtitutionum moralium, Moraliſ operis, Moraliū præceptorum*, compilatores, pene omnes Ieſuitæ, quorum Societati neſcio quo fato innatum eſt, vt ex ea quotannis iſtiuſmodi operum ſtolo aliquis luxuriaret: Ipſa enim ſpecie præferunt ac denuntiant quiddam inſolens & eximium, quod à ſcholarum puluere & triuiſis, à pingui Minerua, à vulgi ſapore abhorreat. Ceterùm ſi penetralia ſcrutere, nihil habes niſi meros tucos, vulgaſſima cantica, elementa quotidiana ſcholarum, eandem illam quæſtionum congeriem D. Thomæ commentatoribus tritam & ſolemennem, detractis duntaxat laciiniſ quibuſdam tenuioribus, quas magis theoreticas ſubtileſq; dicunt, quamuis vniſ reuera indolis, & ſi minùs materia, forma tamen, & ſpiritu, & tractatione, ſimillimæ ſint. Itaque *Inſtitutionum moralium, & decalogi* nomine, Summam S. Thomæ recoquunt & reſingunt, inopum cauponum inſtar, quos idem opſonij genus in plura fercula diſpertiri penuria penuaria compellit: Quo etiam modo variatis tantùm nominibus *diſcuſſionis Nicolai Smithæ, Apologia Danielis à Ieſu, Spongia Herman- ni Loëmelij, Querimonia Eccleſiæ Anglicanæ, &c.* replicarunt & retorſerunt eadem putidè & imperitè, quæ vtiliùs, honeſtiùs, validiùs, ſub vno ſemel nomine protuliſſent. Sed eorum iudicia ambitio diſtinet atque implicat, nec ſui ſæuus amor patitur maculas, quas quiuſ alij in eorum operibus vno obtutu peruidet ac mirantur, ipſorum oculis pateſcere: proſuſ vt inſanæ matres, prolium informes artus & maniſeſſima vitia, quæ ceteri intuentur & miſerantur, ne quidem admonitæ agnoſcunt, ſed affectus vehementiſ dementes, etiam deſenſare & exoſculari amant.

Hæc dicta ſint in præſumptionem peruiacem & effrontem, qua Ieſuita Thomas Sanchez à Ieſuita opponitur vniuerſæ Pariſienſi Facultati, & tot ampliſſimorum Epiſcoporum conſeſſui, eo ſolùm nomine (ni-

hil enim aliud video quo tanta petulantia ferociat) quia Thomas Sanchez edidit densum opus de Matrimonio, & duos in Decalogum moralis operis Tomos. Quamquam de illo opere Matrimoniali hoc etiam dicere speciatim possumus, esse opus non gloriandum, sed pudendum, tam immani curiositate, tam inuisa in rebus spurcissimis, & infandis, & monstrosis, & diabolicis perscrutandis sagacitate horrendū, ut mirum sit pudoris alicuius hominem ea sine rubore scripsisse, quæ quivis modestioris ingenij, vix sine rubore legat. Portenta ista sunt, non scripta; animorum insidiæ, non mentiū subsidia; incentiua libidinum, schola flagitiorum, non honestæ disciplinæ, non scientiæ Christianæ instrumenta. Infelix scientia, quæ omnes perdere, paucos iuare nata est. Quæ circa sordes & sterquilinia voluenda & reuoluenda volutatur, ut eius doctorem iure cum scarabæo conferas, vel cum iis qui latrinariam facitiant, vel qui eius artis fusissima & minutissima volumina graphice conscribenda suscipiant. Quamquā eo illud terrius & odiosius est, quia corporū fæces molestiam & turpitudinem breviorē habent; illa animorū purgamenta, illa veneræ totius sentinæ indagatio, & ante legē- tium oculos effusio, non fœditatis modò permultū, sed periculi & perniciēi multo amplius vehit, quo animi vel ipsa inusitata & inaudita turpitudinis novitate moveantur. Quare more suo faciunt Collegij Granatensis Iesuitæ, dum priori tomo Moralis operis, cum infinita quadā & minimè verecunda operis istius Matrimonialis laude præfantur. In primis dum nomine Clementis VIII. Pontificis iactare audent, neminem superioribus omnibus sæculis dubias de Matrimonio cōtrouersias vberius & limatiùs, quàm scilicet Thomam Sanchez enodasse; ut plurimos vanissimæ illius superbiæ, de qua iā sæpe diximus, testes domestico præconio colligāt. Sic enim nihil minùs quàm omniū rerum primi esse ambiunt, & passim Socios iis scientiæ & ingenij laudibus propalā sine pudore augment & accumulāt, ut dū singulas seorsum laudationes legimus, singuli nulli pares, doctrinarū doctorumq; omnium principes, videantur. Equidē si de vberissima & subtilissima spurcitiarū omnigenarū ventilatione agitur, nemo vnquā eam laudē Thomæ Sanchez eripiet, quin omniū primus sacramentū Matrimonij cū tanta cogitationum sermonisq; licentia, imaginatione potiùs quàm iudicio duce, versarit, quantum ante ipsum Ecclesia ab initio Christiani nominis nec viderat, nec audierat. Modestiores fuerūt semper Ecclesiastici tractatores, non obli- ti Apostoli vocem, *Fornicatio autem & omnis immunditia, &c. nec nominetur in vobis, sicut decet sanctos, aut turpitudine, &c.* Ideoque si quando necessitate adacti sunt, ut de illis loquerentur, parcè restrictèque locuti sunt, ut facilè & coactum sermonem cerneret, & rerum istarum implacabile quoddam odium atque auersionem, & timorem castum, ne se aliosue illarum aspectu, & velut contrectatione fœdarent. Nec tanti fecerunt ancipitem istam & periculosam coniugalium arcanorum, flagitiorum, piaculorumque scientiam. Maluerunt ista nesciri à paucis, quorum fortè interesset; quàm sciri à plurimis ad pestilentissimæ curiositatis illecebram, ad cupiditatum fomitem, ad publicum dedecus,

dum promiscuè maximis voluminibus ante ora omnium propositis explicantur. Nam & rarò vsuuenit, vt talium nefandorum cognitione sit opus, & cùm vsuuenit, tutius viri probi, Ecclesiasticarum rerum peritiores consuluntur, qui ista ex æquo & bono, & ex Ecclesiasticæ disciplinæ comparatione diiudicent; quàm ex libro quopiam publicè noxio aut periculoso, vbi aliquid generatim tantum, aut obscurè, aut à præsentī negotio remotè, vt fere accidit, scriptum sit, quæstionis fortassis diuersissimæ expositio priuato cuiusque iudicio repetatur. Atque ita hætenus obseruauit Ecclesia, donec Thomas Sanchez superiorum sæculorum castiorem modestioremque consuetudinem spernens, prodigioso volumine, velut cloaca ingenti, fanda infandaque conuoluit, vt si priorum omnium Theologorum verecundiam pudoremque soluisset, eorum scientiam superasse diceretur à sociis, à Iesuitis, prætentò etiam tam dementi iactationi doctissimi & sapientissimi Pontificis nomine, quem Molinisticæ præsumptioni non admodum fauisse notum est. Nam quod Iesuita adicit Thomam Sanchez fuisse *sanctitatis laude non obscurum*; neque ipse sanctitatis iudex idoneus est, præcipuè in Socio: & si maximè Sanchez fuisset sanctus, non ideo fuisset, quia effusiore, quàm priores vlli, spurcarum quæstionum licentia sacramentum Matrimonij ventilauit, & Ecclesiæ virgini penè ruborem incussit, & hæreticis quotidianarum in eam contumeliarum, ludibriorum, insultationum materiam largitus est.

Atque hæc à me (Deum testor) non ea mente dicuntur, quasi Thomæ Sanchez nominatim, aut cuiquam alij detractum cupiam; etsi nihil dico nisi manifestum, publicum, à cordatis viris, à melioribus Theologis sæpe deploratum; sed ad necessariam enormis arrogantiae, & stultissimæ ambitionis Iesuiticæ compressionem, qua Iesuitas omnes hominum maximos, incomparabiles, per omnia principes circumferunt, & Iesuitam vnum noui erroris inuentorem, quorumcumque aliorum iudiciis, quantiscumque authoritatibus æquiparandum, & sine dubio præferendum arbitrantur.

Illud etiam in primis fatuum, quod morale istud Thomæ Sanchez opus à Theologis Galliæ duobus, quorum vnus Episcopus, approbatum obiciunt; ideoque Thomam Sanchez vocant *approbati operis auctorem*. Fatuè, inquam, vrgent authoritatem vnus Theologi aduersus integram Facultatem Theologicam; vnus titularis Episcopi, aduersus amplissimum Episcoporum cœtum. Quid enim insulsius, quàm eum qui celeberrimæ Facultatis, tot tantisque Theologis plenissimæ, sententiam nihili faciat, vnus Theologi opinionem extollere? qui tot Episcopos petulanter insectetur, vnus Episcopi nomen suspici velle? Quid hoc aliud est quàm ludere ac spernere vniuersas authoritates, & suam eis peruicaciam libidinemque præferre? Si quid ille Episcopus, si quid ille Theologus humani passus est, Episcopalis confessus, Theologica Facultatis fuit erigere lapsantes, confirmare nutantes, vt sæpius factum est. Minor enim authoritas maiore regitur, & *Spiritus Prophetarum Prophetis subiecti sunt*. Neque ille ipse Episcopus, ille ipse Theologus aliter

i. Cor. 14.

sentiant, aut alia mente illud opus approbasse putandi sunt. Neque porro mirandum est vnum & alterum Theologum in opere Iesuitico approbando, quod fortassis non legerunt, sed solo Iesuitarum testimonio & autoritate, & factione probarunt, hoc vno decepti, quod eos plures fecerint quàm par esset, aliquid grauiore notâ dignum præterisse; cum ipsi Theologi Iesuitarum, ipse eorum Prouincialis, ipse eorum Generalis, nuper approbarint monstrosam Iesuitæ Garassi opus, in quo innumeri errores, incredibiles falsitates, antiquæ & nouæ hæreses, pluribus editis Tomis ad oculum demonstratæ sunt, ipsorummet Iesuitarum consensione tacita, qui constanti ad hanc diem silentio ea omnia crimina, eos omnes non solum Garassi, sed etiam Prouincialis, & Generalis, & Theologorum Iesuiticorum errores ac labes confitentur. Eat nunc Spongia, venditet duorum Theologorum librum Thomæ Sanchez approbantium iudicia: Colligat malè in eo hæreses, communi tot Episcoporum & Theologorum iudicio denotari. Prius tamen probet, errores & hæreses non esse à tota penè sua Societate probatos, in summa Francisci Garassi. Respondeat tot Tomis ea de re solidè perspicuèque conscriptis. Refellat Censuram Facultatis Parisiensis in ipsum illum librum editam; cuius Censuræ dolore atque infamia, ex eo tempore animosa Societas solito impotentius in integerrimam Facultatem exæstuat. Aut si hoc nec ipsa potest, nec sociorum eius quisquam adhuc potuit; patiatur æquo animo nos suam futilitatem, & improuidas obiectiones, & effugia miserrima, inopiam & vltimas angustias clamitantia, aspernari.

## PROPOSITIO SEXTA.

Ex Cap. 5. §. 2. Num. 11.

**I**N Ecclesia sub Christo viuente in terra 72. Discipuli proximi erant Apostolis, ideoque qui propriè succedunt 72. Discipulis, & illis simillimi sunt, sunt in Ecclesia in proximo gradu ad Episcopos, qui succedunt loco Apostolorum. Hi sunt Regulares, vt S. Thomas probat, &c. Ac paulò post, Regulares sunt simillimi 72. Discipulis, ac ita propriissimè succedunt eorum loco, & consequenter præferendi sunt illis, quorum labores & munera sunt sub iussu particularis Episcopi, & ex statu & vocatione assignantur vni parvula particula particularis Ecclesia.

## CENSURA.

Ista propositio in quantum ad ministeria Ecclesiastica regulares ratione status, religiosi propriissimè 72. Discipulis succedere asserit, est noua, falsa, temeraria, præsumptuosè asserta, contra communem Conciliorum, & Patrum doctrinam, & imponit S. Thomæ. In quantum verò autoritate proximo gradu regulares Episcopis subiungit, falsa est, temeraria, erronea, & ordinis Hierarchici destructiua.



## SPONGIA.

Satis ferociter & ardentem, sed etiam infelicitem, & fortassis hinc etiam ipsos suæ Censuræ pigebit, cum persequantur erratum præli, quod author notauerat. Imponitur enim auctori, quod dicat Religiosos propriè succedere septuaginta duobus Discipulis, quoad munera Ecclesiastica & ministeria; cum dicat succedere quoad labores & charitatem. In Anglico quidem habetur Labours and charges, hoc est, Labores & munera, sed aberrauit prælium, nam loco charges, munera, poni debuisset charities, hoc est, opera charitatis, & hoc inter errata numeratur, ut videre est in Catalogo erratorum linea 28. verbo ultimo. Hinc apparet ut Collectori & Censoribus nimij impetus, & ardores mentem eripuerint. Nam ubi statuissent tanta ferocia fulminare in authorem, si quid ipsis concilij & animi compositi infuisset, primò omnium errata consulissent, eaque calamo emendassent, ne fortè ridiculè & insulsè aduersus errata præli (ut nunc factum) fulmineos globos torquerent.

## RESPONSIO.

Quantum nimij impetus & ardores valeant ad eripiendam mentem, ex illis ipsis quæ modò dicere audes, audacissima Spongia, omnes oculis faxo, videant. Nam dum expostulas impositum tibi esse à Collectoribus & à Censoribus, nequissimè & stupidissimè imponis, non solum Collectoribus & Censoribus simul, sed etiam, quod mirum est, tibi ipsi. Audi modò singulas probationes: Triplici enim crimine, velut tridente, confoderis. Primum Censoribus imponi à te dico, dum quereris te argui, quasi dicas, Religiosos succedere 72. Discipulis quoad munera Ecclesiastica & ministeria, eo quod velis succedere, quoad labores, & charitatem tantum. Testor oculos tuos, lege si potes Censuræ verba, in quibus vocem, munera, non reperies, sed solum ministeria Ecclesiastica. Cui tu voci vocem muneris interleris solita fide, ne querimoniarum stultitia & proteruitas prima fronte pateat. Nam quantum inter munus & ministerium intersit, solæ fortassis Spongiæ nesciunt. Munus, stabilem dicit & ordinariam potestatem: Ministerium, quamlibet functionem alterius nutu ac potestate susceptam. Vnde religiosi munere carent, ministerio præditi sunt, cum à Præsulibus adhibentur. Non igitur Censores imponunt tibi, sed tu Censoribus, in quos adeò emotâ mente, & turbido affectu es, ut eorum verba, vel legere nescias, vel insulso errore confundas.

Censores enim prudenter admodum, ut tua effugia præcluderent, generali ministerij Ecclesiastici voce vsi sunt, qua omnis Ecclesiastica functio, ad quamcumque rationem, aut obligationem pertinere dicatur, continetur. Vocem verò officij, aut muneris omiserunt, ne tu sociique, qui anguino more aucupamini rimas, & magis vosipsos, quam veritatem expedire cogitatis, aliquem exitum quæreretis in voce, quæ reuera vobis non conuenit, tametsi tu eam ipsam tibi arroges, ut paulò post dicendum est.

Collectoribus deinde, seu potius interpretibus, imponis, expostulans quòd vitium Typographi in te conferant, vertentes labores & munera,

pro labores & opera charitatis, quia nimirum tu tantum dicas religiosos succedere discipulis, quoad labores & opera charitatis, non quoad munera. Qua in re mentem illam à te ipso exigo, quam tu per nimios impetus & ardores tuis ereptam esse vociferaris. Nam profectò vel tibi nihil mentis est, vel relecta modò tuà propositione vides verba illa, labores & munera, in ea non tribui religiosis, sed Curatis & Pastoribus. Sic enim habet propositio, *Regulares preferendi sunt illis, quorum labores & munera sunt sub iussu particularis Episcopi*. Quibus verbis à te describi Curatos, quorum labores & munera constringi dicis intra nutum Episcopi particularis, si tu negas, omnes vident, si tu vides, omnes te consilij inopem, mente cassum perspiciunt, qui præcipitante animo, furore nescio quo percitus, ne perfecta quidem quietis oculis propositione tua, eas voces corruptas ais, & affectas regularibus contra tuum propositum, quæ in ea propositione ad Curatos manifestè referuntur, ad religiosos sine ingenti hallucinatione referri non possunt. Iam cum de Curatis agitur, clarum est nihil interesse an dicas, labores & munera, an labores & opera charitatis, cum utrumque Curati habeant. Vnde correctio illa spongialis, pro munera, summutans, opera charitatis, inutilis est, nec quicquam ad rem pertinens, cum utrolibet modo locutio verè conueniat Curatis, quibus solis tribuitur. Atq; ita querela Iesuitæ & atrocium verborum barbara turbulentia, perspicuo labantis animi stupore nititur; Et crimè est humana execratione, & diuina vindicta obruendù, eum cui animus tam miserè ruat, & cæcutiat, & motuum vehementia sursum deorsum raptetur, in ipsa illa fœdissima commotione ultro exclamare eos, qui ipsius errores verè referant, iustè increpèt, mentem ardoribus, & nimio impetu amisisse. Nam contrà Interpretes multo aptius ad mentem eius verterunt, labores & munera, ubi de parochis sermo est, quàm labores & opera charitatis. Nam Daniel obligationem charitatis negat Curatis iustitiæ tantum obligationem, ex officio ac munere, concedit. Et quauis postmodum, obuelandi erroris gratia, in Spongia addiderit eos tamen ad opera charitatis obligari, ex iustitia videlicet, nos tamen oxymoron illud supra retudimus, & seipsum euertere probauimus. Quare tantum abest ut interpretes Iesuitæ mentem detorserint aut dissimularint, ut contrà rectius eam ceperint & expresserint, quàm ipsemet, correctionem intempestiuam ingerens, & primam suam scriptionem posteriore malè commutans, ut quod vitium typographicum vocat, sit vera sinceraque locutio; quod autem emendationis nomine affert, vitium potius emendatoris censeatur. Adeò, infœlicissima Spongia, quoquo re vertis, à re, à fide, à te ipsa discedis.

Spong. pag. 77.

Ad Prop. 9. tit. 3. de Episc. & Curat.

Denique tibi ipsi à te imponi dicimus, seu tuam doctrinam æquiuoca perfidia de more transuerti, dum negas te dixisse religiosos succedere 72. Discipulis quoad munera Ecclesiastica, & ministeria. Quid enim aliud tibi vis illis verbis propositionis, *Regulares similium sunt 72. Discipulis, ac ita propriissime succedunt eorum loco?* sicut ais ibidem de Episcopis, *eos succedere loco Apostolorum*. Quis non videt te eodem modo tota propositione conferre religiosos cum discipulis, quo Episcopos cum Apostolis,

nempe successores cum antecessoribus? nisi turpissima æquiocatione propositionem obtenebrasti, ne intelligi posset? Nam ex verbis quidem tuis nemo aliud percipiet, nisi qui te sanorum hominum more non loqui supponat.

*Apol. c. 5. §. 1. n. 5.* Cur enim tantopere hoc loco fugis tribuere religiosis *munera & officia Ecclesiastica*, nisi ad maiorem simulationem & fallaciam, cum in Apologia, eo ipso capite, unde propositio, de qua nunc agimus, sumpta est, ea illis tribuas ex statu & gradu ipsorum? nam, *Religiosi ut tales*, inquis, *munere aliquo in Ecclesia funguntur*. Et infra, *Regulares ut tales, non tantum officium habent, sed officiorum præcipuum, nempe, ut animarum perfectionem adiuvent*. Ex quo patet non solum fictitia tua simulatio quoad vocem *muneris & officij*, quam nunc videri vis non dare religiosis; sed etiam patet te verè religiosos successores facere 72. Discipulorum, quoad *officia & munera Ecclesiastica*. Eos enim quoad statum & gradum, quem in Ecclesia habent, successores dicis discipulorum, ideoque quoad statum proximos Episcopis, superiores Parochis. In eorum autè statu *munus, & officium*, ut vocas, *præcipuum* & præstantissimum includis, ut ex tuis verbis declarauimus. Manifestum igitur est te eos parochis antepone, & discipulorum successores facere quoad munus illud, & officium, quod in eorum statu & gradu continetur. Nisi fortè non quoad totum eorum statum, sed tantum quoad aliquam illius partem eos successores dicis discipulorum, & parochis præstantiores. Iam iam ferendæ nobis sunt, & æquiori animo in posterum tolerandæ hæreticorum perfidiæ, & mendacia, & subdolæ artes, quas perpetuis responsionibus à Catholico, à Theologo, à Iesuita omnium sociorum studiis opibusque subnixo, vel superari, vel omni ex parte exæquari videamus. Nemo enim hæreticus turpiùs tergiversatus est, audaciùs mendacia, & fallacias toto orbe spectante profudit.

## SPONGIA.

Quòd autem religiosi, qui sunt instrumenta Christi in terris Vicarij, in vniuersum orbem mittenda, ut loquitur auctor, sint quoad labores & charitatem simillimi 72. Discipulis, & in hoc ipsis succedant, apertissimè traditur à S. Thoma 2. 2. q. 188. art. 4. ad 5. ubi dicit non solum Presbyteros Curatos succedere discipulis, sed etiam alios minoris ordinis qui Episcopis in eorum officio deferuiunt: non autem legitur, inquit, quod 72 Discipulis Dominus aliquas determinatas Parochias assignaret, sed quod mittebat eos binos ante faciem suam, in omnem ciuitatem, & locum quò erat ipse venturus. Hac S. Thomas, duplicem rationem insinuans, ob quam regulares ex instituto ordinati ad prædicandum similiores sint 72 Discipulis quàm Curati. Vna est, quia sicut 72 mittebantur immediatè à Christo Domino, non ab Apostolis, ita regulares immediatè à Christi Vicario, illique se voto obstringunt, quod attinet ad missiones. 2. Sicut Discipuli mittebantur in omnem regionem & locum, nec erant determinatis Parochiis astricti; ita regulares isti ordines instituti ad prædicandum, sunt summi Pontificis instrumenta salutis & prædicationis in orbem vniuersum. Quis autem nescit bonum quo vniuersalius, eò melius esse? hoc etiam expresse docet Caietanus 2. 2.

q. 188. art. 4. ad 3. Dicit enim hoc magis convenire delegatis, quàm Curatis. Et D. Fontanus Concionator regius libro quem iam nominavi, Regulares esse 72 Discipulis similiores, quàm sint Curati, probat 7. rationibus ex sancto Vincentio sumptis:

## RESPONSIO.

Hæc omnia sunt leuissimarum stipularum instar, quæ qualibet aura dissiliunt ac dissipantur.

Primò locus S. Thomæ de Religiosis nihil habet. Tantum loquitur de Presbyteris Curatis, & generatim de aliis MINORIS ORDINIS qui Episcopis in eorum officio deserviunt. Quibus verbis si Iesuita intelligi velit Regulares; ut verè intelliguntur, quamvis ipse id non probet; videri quanta eius doctrinæ, hoc ipso loco traditæ & assertæ, ruina paratur. Si enim per eas voces, *et alios minoris Ordinis qui Episcopis in eorum officio deserviunt*, D. Thomas intellexit regulares; primò sequitur; Regulares esse inferioris ordinis quàm Parochos, ex D. Thoma, quem tamen Iesuita adducit, ut probet religiosos esse superioris ordinis, quam Parochos proximos Episcopis, simillimos 72 Discipulis. Sequitur Secundò, eosdem Regulares deservire in officio Ecclesiastico & salute animarum non soli Pontifici, sed etiam Episcopis, & eorum labores subesse nutui particularis Episcopi, & ipsos esse instrumenta Episcoporum, & ab eis mitti, non a solo Pontifice; contra perpetuam Molinistæ toto libro, & hoc ipso loco gloriationem ac fastum. Ecce quibus conditionibus Regulares admittuntur à D. Thoma in eorum numerum qui formam teneant 72 Discipulorum: Nempe iis quibus tota doctrina Iesuitica, ad cuius confirmationem citatus est, confutatur ac diruitur. Quanquam verbum *succedendi*, abest ab hoc loco S. Thomæ; qui non docet Regulares *succedere* 72 Discipulis, ut falso Iesuita ponit multo minùs *propriissimè succedere*, ut est in damnata propositione, sed tantum eorum *tenere formam*, id est, eorum aliquam similitudinem gerere, & cum iis comparari posse. Consultò enim usus est generaliori locutione, qua Parochi simul & religiosi caperentur, Nam quæ tandè erit ista *successio*, aut *propriissima successio* regulariù ad 72 Discipulos quibus nulli regulares tanta tot sæculorum intercapedine, qua Ecclesiæ ministerium, sine religiosis & Monachis gestum est, succellerunt? Extant clarissimi Conciliorum & Patrum Canones, quibus omnis Ecclesiastica administratio regularibus per multa sæcula interdicitur. Fateatur id S. Bonaventura supra citatus: & id ipsum egregiè in primis docuit libello aureo Romæ probato, Parisiis edito, vir Apostolico spirita venerabilis Archiepiscopus Philippensis, in fœderatis Belgij Prouinciis Vicarius Apostolicus, de quo iam initio dictum est. Vbi ergo regularium successio ista tunc latebat? vbi hærebat? vbi velut opera interrupta pendebat? tam multis sæculis 72 Discipuli præcipuis suis maximisque successoribus toto orbe caruerunt? Hæc sunt hæreticorum figmenta: in iis hæc deliria ridemus: ad quæ turpissimum est compelli Iesuitas, ut istius regularis *successionis*, & *propriissimæ successionis* commentum tueantur. Nam Ecclesia Catholica nullam veram aut pro-



*priissimam successionem* agnoscit, nisi perpetuam, perennem, nūquam intercism, & hoc ipso istam regularium ad 72 Discipulos Iesuiticam successionem, immani hiatu laceram & claudicantem, respuit, eodemque loco habet quo improbas & commentitias hæreticorum ex Apostolis primisque Apostolorum Discipulis successiones. Itaque explanato loco S. Thomæ, & pulsas ignorantie nebulis, quibus Iesuita cum obducere gestiebat, facile est duas illas rationes diffringere, quas indidem elicit; quæ ex iis quæ diximus iam nutant, & sua sponte corruunt. Nam si 72 Discipuli non ab ullo Apostolo, nec à Petro quidem, sed ab ipso Christo missi sunt; quomodo ex S. Thoma conferas cum iis regulares, quos S. Thomas docet non solum à Pontifice, Petri non Christi successore, sed ab Episcopis mitti, iisque *deservire*? nec solum ab Episcopis, sed etiam à Parochis, cum doceat *regulares predicare, confessiones audire, autoritate Prælatorum, superiorum & inferiorum, ad quos ex officio pertinet; &, subseruire Prælatis in tali ministerio*, esse regularium proprium? Nam Prælati superiores, & inferiores, ad quos ex officio pertinet prædicare & confessiones audire, nulli sunt nisi Episcopi & Parochi, ut per se patet, & ex S. Thoma pluribus antè dictum est. Quid igitur simile est Regularibus, iuxta S. Thomam non solum Pontificis, sed etiam Episcoporum, Parochorum autoritate ac missione prædicantibus, & sacramenta ministrantibus, cum 72 Discipulis, nullius Apostoli, ne quidem Petri, sed solius Christi Domini missione instructis? Quanta demerita est errorem, quem S. Thomas tot partibus iugulat, hoc ipso loco qui obicitur, ei tribuere, & ex eius dictis probare, conari? & ut à doctrina S. Thomæ, de qua tamen sola hîc agitur, discedamus, & ad propriam Iesuitæ opinionem veniamus, tanta eius infirmitas est, ut ne quidem stare queat per se, sed propria diuulsione, quasi monstra perimatur. Nam ut demus Regulares à solo Pontifice mitti, ei soli subseruire, ei soli subesse in ministerij Ecclesiastici functione; tamen hoc ipso manifestè different à 72 Discipulis, qui cum Paulo dicere poterant, *non ab hominibus, neque per hominem, sed per Iesum Christum*, cuius solius autoritate mittebantur. At Regulares mittuntur à Petro, hoc est à Petri successore, ab homine qui non sit Deus. Non igitur similes sunt, nec succedunt hac ex parte Discipulis; nec eorum missio cum missione Discipulorum conferenda est, cum missio Discipulorum esset iuris diuini, missio verò Regularium sit humani & Ecclesiastici iuris, ideoque diuersissima à missione 72 Discipulorum. Quod argumentum validè vrgeri potest aduersus Iesuitam ex sententia, quæ Parochorum officium & potestatem diuinæ institutionis ac diuini iuris facit, ut hac ex parte Parochi cum 72 Discipulis simillimi, Religiosi dissimillimi comprobentur.

S. Thom.  
ib. a. 8. ad  
2.

Galat. 1.

Secunda ratio nihilo pluris est. Nam si Iesuitæ in orbem vniuersum mittantur, non igitur in eo similes sunt nec succedunt Discipulis, qui nunquam in totum orbem à Christo missi fuerunt. Non enim generatim in omnem regionem & locum misit eos Christus, ut ait Iesuita Euangelium adulterans, exemplo Francisci Fontani, seu P. Bineri Sodalis sui,

de quo infra, à quo hanc corruptelam mutuatus est. Nam cum Christus primum mittens Apostolos præceperit eis & interdixerit, *In viam gentium ne abieritis, & in ciuitates Samaritanorum ne intraueritis, sed potius ite ad oues quæ perierunt domus Israël*; cum profiteatur, ne quidem se missum esse nisi ad oues quæ perierunt domus Israël; sequitur non misisse Discipulos in totum orbem, cum iis amplio rem missionem non dederit, quam illo tempore Apostolis, aut quam ipse sibi tunc sumeret, Euangelio manifeste prædicante Christum non misisse Discipulos nisi in omnem ciuitatem & locum quò erat ipse venturus. Quo ex textu Iesuita, ducem quem diximus secutus Binetum Patrem, releuit postremas voces, quò erat ipse venturus, & pro, in omnem ciuitatem & locum, vt in Euangelio est, refinxit in omnem regionem & locum, vt hæreticorum more Euangelium interpolans & maculans, sacrilegiis suos errores conspergeret muniretque. Cæcus cæcum secutus est; ambo in foueam ceciderunt. Talia documenta, non feliciora sperare debuerat à Bineto isto, si eum nosset, cuius in eo loco quem citat, Euangelici textus labe & profanationes congestæ sunt, velut in acervum, ita multæ & crassæ, ita fidentibus ferocibusque verbis inflatæ, vt ab homine ipsa stoliditate superbienti fluere videantur. Nam primò ex Euangelio Lucæ affert quasi de 72 Discipulis dictum, *misit eos prædicare*, quod in toto Euangelio nusquam est. Item illud de iisdem, *nolite portare sacculum, neque peram, neque pecuniam in zona, &c.* quod isto modo nusquam etiam legitur, Prior quidem pars 72 Discipulis dicta fuit à Christo; sed posterior, *neque pecuniam in zona*, solis Apostolis: nec Bineto licuit mimicam suam licentiam in Euangelium vsque protendere, & ex verbis partim S. Matthæi, partim S. Lucæ, nouum textum quasi quinti Euangelistæ conflare. Fallatum etiam illud, *neque baculum, neque calceamenta*, quod à Christo mittente Discipulos nusquam dictum est, nec in vlla Euangelij parte reperitur. Legimus solum apud Matthæum hæc verba Christi ad Apostolos cum eos mitteret, *Nolite possidere aurum &c., Neque calceamenta, neque virgam.* Quæ sine dubio aniam præbuerunt Bineto, vt eum induceret 72 Discipulis præcipientem suum illud, *neque baculum, neque calceamenta.* Ex hoc specimine, & ex tot tamque pinguibus intra paucos versus flagitiis, & Euangelici textus contaminationibus sacrilegis, disce, lector, quis quantusq; vir sit P. Antonius Binetus, & quantus sit in illo opere quod toties à bona Spongia citari audis, & ex quo tot lacinia quasi lacere olidaque vestis, ad regendam Iesuitæ Anglicani cæterorumque sociorum inopiam, ad velandam turpitudine turpitudinem, depromuntur.

Quid iam dicam de 7. illis rationibus quas Spongia laudat, & quas sola Bineti fide credi vult esse S. Vincentij, quasi egregiè probent Regulares esse 72 Discipulis similiores quam Parochos? Quæ sanè rationes ita Binetum & eius acumen sapiunt, vt prima, & velut cæterarum caput ponatur, *Regulares ire binos*, sicut 72. Discipuli *bini & bini* missi sunt. Vnde inferri poterit, Regulares, si terni aut quaterni, aut plures mittantur, vt sæpe fit in missionibus longinquioribus, non fore amplius 72 Discipulorum successores, nec iis similes, & cum concionator

Matth. 10.

Matth. 11.

Luc. 10.

Libellus inscriptus  
Francisci Fontani,  
authore Bineto Iesuita.  
pag. 196. & 197

Matth. 10.

Matth. 10.

regularis laico fratre ministerij experte comitatus incedit, desinere esse Discipulorum successorem, quia solus est, nec socium habet missionis participem, ut Discipuli habebant.

Secunda est, de Discipulis dictum esse, *misit eos predicare*: quod & improbè falsum fictumque à Binecio diximus; & si maximè verum esset, stultum foret dicere id magis Regularibus conuenire quàm Parochis, cum his eo magis conueniat, quod ex officio, & ordinaria potestate conuenit, Regularibus extraordinaria tantum & precaria, Parochis ipsis concedentibus.

Tertia est, missos esse Discipulos *in omnem ciuitatem & locum, &c.* quem item locum tum impiè truncatum, suppleto in vocum elisarum locum captioso &c. more hæreticis vsitatissimo, tum imperitè à vero sensu detortum esse ostendimus, cum Discipuli non missi sint in vniuersum orbem. Quamquam neque in hoc ipso regulares habent quo sese Parochis anteferant, qui nihilominus, quam ipsi in omnem regionem, in omnem ciuitatem, in omnem locum mittantur. Nulla enim regio, nulla ciuitas, nullus locus ubi Parochi non sint, vel esse debeant, seu ex Christi ipsius missione & institutione, si eorū institutio sit diuini iuris, seu ex lege disciplinæque Ecclesiæ, quæ iam ita constituta est, ut omnes Ecclesiarum regiones, non ab Episcopis tantum, sed etiam à Parochis regendæ sint, quacumque ratione infideles aut hæretici, aut etiam factiosi Catholici, legis ac disciplinæ illius obseruationem impediant. Hæc enim est propria & stabilis Ecclesiæ forma, vel diuino, vel Ecclesiastico saltem iure composita, ita ut Ecclesiæ in quacumque orbis plaga debeat, & necessariò resultet, mox ut externa vis nulla obstat. Nec refert quod singuli Parochi in totum orbem non mittantur, quia nec singuli regulares in eum mittuntur, nec mitti possunt. Totus tamen Parochorum ordo ita mittitur & dirigitur, sicut & totus ordo Episcoporum, qui tamen suis singuli Ecclesiis alligantur. Sicut autem est vnum Episcoporum corpus, & vnus, ut sanctus Cyprianus loquitur, *Episcopatus*, cuius membris toto orbe fuis tota Ecclesia continetur; sic vnum est Parochorum corpus, & vnus Pastoratus Ecclesiasticus, qui per sua membra totum orbem complectitur, & ad totius orbis regiones destinatus est, eo prorsus modo, quo tota ipsa Ecclesia Catholica implet orbem, varia nimirum & latissima membrorum suorum diffusionem.

Cyp. ep.  
52. & 6.

Quarta est, *Nolite portare sacculum, neque peram, neque pecuniam in zonis*; quod nos flagitium potius & labem Euangelij, quàm rationem esse demonstrauimus. Sed tamen hoc ipsum, aut Parochis non officit, aut tantumdem regularibus, & Iesuitis ipsis, qui nullam longiusculam peregrinationem, vel missionum, vel alius rei causa, præcipuè in remotas illas regiones, quarum nomen tantopere gloriantur, suscipiunt sine sacculo aut pera, in quam aliquid ad vsum conferant, nec sine pecunia, qua ad quotidianum victum per hospitia, locaque ignotiora vtantur, ut patet ex iis regularibus, quos ad itinera non ita longinqua viaticum corrogare videmus.

Quinta ridicula est, ex verbis illis desumpta, *neque baculum, neque calceamenta,*



cramenta, quam item sacrilegè aduersus Euangelium concinnatam esse probatum est. Sed condonato sacrilegio Binetiano Patri, cui talia multa condonari debent; quid magis fatuum, quàm eos quibus vetitum sit gerere baculum aut calceamenta, similes in eo facere cum regularibus, qui passim & calceati ambulant, & baculos gerunt, si quò longiùs mittantur, aut peregrinentur? Nonne eleganti ingenio hominem esse necesse est, qui rationes tam congruas è suæ mentis caligine, in lucem publicam efferre sit ausus? Pauci ergo sunt regulares, quibus hæc ratio conueniat, nisi fortè Iesuiticis sodalibus, qui missi aliquò prædicandi causa, eatenus non egent baculis, quatenus vehuntur equis; nec calceamentis Apostolicis, sed ocreis & lacernis equestribus succinguntur.

Sexta ratio est, quia discipulis dictum fuit, *Curate infirmos*: Quæ pars si de potestate miraculorum intelligitur, ut putat Binetus Pater, quæ lo-  
dicat quonam miraculo, quàmnam alicuius ægri miraculosa curatione ipse se probarit 72 Discipulorum successorem. Si verò intelligatur de stabili aliqua & perpetua potestate nouæ legis, qua ægri curentur & alleuentur; quibulnam ea potestas, nisi Parochis conuenit, quibus potestas data est *ungendi oleo infirmos, & alleuandi, & saluandi*? Atque hu-  
ius potestatis figuram, & inchoationem quandam fuisse illam potestatem à Christo viuente datam Apostolis, & discipulis curandi infirmos, qua illi *ungebant oleo ægros, & sanabant*, docuit Concilium Tridentinum, nec pro sua perspicacia vidit Iesuita Binetus.

Jacob. 5.

Marc. 6.  
Trid. sess. 14.  
cap. 1. de  
Sacram.  
Ext. Vñ.

Septima denique in eo est, quod discipuli missi sint, *sicut oues inter lupos*. Quod obsecro ipsi iudicent in utros aptius cadat, in eos quibus dictum est, *Bonus pastor animam suam ponit pro ouibus suis*, & quibus necessaria lex imposita est, vitam pro ouibus, aduersus luporum impetus, opponendi, & profundendi; an iis qui se nulla lege, nullo præcepto ad hoc adstringi fatentur.

Iean. 10.

Hæ sunt, Lector, septem illæ rationes Francisci Fontani, Patris Bineti Iesuitæ, Spongiæ laudatrice dignæ, in quibus plus sacrilegiorum & corruptionum Euangelij, an leuitatis & absurditatis ingenij concluscrit, tu Lector, ex iam dictis iudicabis. Fuit quidem per se indignum, tam ridiculorum argumentorum vilissimam infirmitatem persequi; sed superborum hominum, & tot sua superbia moles toties concitantium, inscitiam & insulsiatatem patefacere, ut vel ipsi, vel cæteri moderationes fiant, vel saltem autoritate ad conturbandam Ecclesiam exuantur, magnum operæpretium est.

His autem rationibus vnicam breuitatis causa, præter ea quæ dicta sunt, opponere liber, ut pateat ex ipsis Spongiæ ministrorumque principis, eos contra perspicuam lucem inuehi, dum regularium missionem similiorem & propiorem dicunt missioni 72 Discipulorum, quàm missionem Parochorum. Nam 72 Discipuli ita missi sunt, ut eis dictum sit, *In quamcumque domum intraueritis, &c. in eadem domo manete, edentes & bibentes quæ apud illos sunt*. Dignus est enim operarius mercede sua. Quibus verbis datur eis in mercedem operum, potestas exigendi ea quæ ad victum cultumque necessaria sunt, ex generali illa norma qua Apostolus ait, 1. Cor. 9.

Luc. 10.

Y



D. Tb. 22.  
q. 138. a.  
4. ad 4.  
Spong sup.  
pag. 79.

Ibid.

Christum ordinasse ijs qui Euangelium annunciant, de Euangelio vivere. Qua in re 72 Discipuli manifestè Parochos referunt, quibus similiter ius est necessaria vitæ subsidia à subditis exigendi. Regulares autem referre non possunt, tum quia D. Thomas negat hoc ius eis competere, sed solum ordinariis Præsulibus, tum quia Iesuitæ speciatim profitentur se teneri nihil accipere, quo sui labores compensari videantur; tum denique quia Spongia supra generatim constituit id discrimen inter regulares & Parochos, quod Regularium statui terrena stipendia non sint annexa, imò voto paupertatis longissime arceantur; Parochorum autem, statui terrena merces per se semper annexa sit. Fateantur ergo, vel Regulares nihil in hoc genere Parochis esse puriores, vel 72 Discipulorum missionem esse non posse formam missionis statusque regularium, cui eam perfectionem puritatemque tribuunt, quæ non magis in missione aut vocatione 72 Discipulorum, quàm in missione Parochorum reperiatur. Vnde si constanter loqui velint, dicant apertè potiùs, statum regularium esse perfectiorem, & mera charitate puriorem statu, tum Parochorum, tum 72 Discipulorum, cui terrena per se merces ab ipso Christo sit annexa.

Hæc meditanda damus vel P. Bineto, vel Spongiæ, vel cuilibet ex Sociis, cui solidior & quietior utroque mens obtigerit, & paratior animus exuendæ fiduciæ Molinisticæ, ut diuina veritas, & purissima lux capacibus oculis infundatur.

#### . SPONGIA.

Quod autem dicunt authorem autoritate proximo loco Episcopis Regulares subiungere, est impostura. Non enim dixit proximos Episcopis autoritate, sed proximos statu, & gradu perfectionis. Quod spectat ad autoritatem in foro externo, dignitatemque & honorem inde prouenientem, Religiosi non grauati Curatis & Prælati Episcopo inferioribus cedunt. Quantum autem ad statum perfectionis, cum sanctus Thomas dicat eos esse propinquissimos perfectioni Episcoporum, non debent Curati & alij moleste ferre, si hunc locum inuariant, nisi eos inde argumentis & rationibus dimouere possint.

#### RESPONSIO.

Nec argumentis, nec operosis rationibus tecum opus est, sed tantum communi sensu, quo si tu præditus esses, magno labore leuaremur. Quid enim minus congruum, quàm post tantam sermonum arrogantiam perfidiamque, quantam à te audiuius, te tamen impostura loco numerare, quod diceris Regulares autoritate proximos Episcopus posuisse? Quid deinde fallacius, quàm te tuam mentem ita exponere, ut dicas te autoritatem in foro externo, dignitatemque, & honorem inde prouenientem Curatis & Prælati inferioribus cedere? Sic enim odiosè tuo more vocem autoritatis obnubilas Iesuitica æquiucorum licentia, solumque fateris regulares non esse Episcopis proximos autoritate externi fori, autoritate verò fori interioris, in qua solà regularium missio & autoritas sita est, fraudulenter proximos innuis: atque ita re ipsa fateris errorem obiectum, licet ludificandi & tergiuerlandi gratia, distinctione

alienissimam ingeras de *authoritate fori externi*, de qua nulla controuersia est. Quæ mens, quæ ratio, densissimas & perennes istius Spongiæ impuritates capere, vel enarrare valeat?

Deinde quid hoc ineptiæ est, quod *authoritatem in foro externo* Curatis concedis, quibus eam supra detraxisti, eos ideo Prælatos esse negans, quia potestate fori externi carerent? Tunc sobrius, aut sanus es? Tu Parochis petulanter illudas, contumeliosè tribuens quod reuera auferes, eo planè modo quo percussiores Christi milites, cum eum pro amente, non pro Rege deputarent, posito ante ipsum genu ludibriosè inclamabant, AVE REX IUDÆORVM?

Vt autem probemus te *authoritate interni fori*, seu potestate interna Regularium missioni propria, regulares statuere Episcopis proximos, & Parochis Prælatisque minoribus superiores, ne fortè hoc etiam loco tergiuersari incipias, & errores tuos offusis tenebris tegere, non veris rationibus, aut vera pœnitentia perpurgare; triplici potissimè capite potestatem illam internam, seu missionem regularium, altiore & præstantiorem efficis potestate, ac missione Curatorum. Primò, quia potestas Regularium vniuersalior sit & amplior; potestas verò Parochorum angustior & arctior. Vnde inferis, *Quis autem nescit bonum quo vniuersalius, eo melius esse?* Nobiliorem igitur facis missionem ac potestatem regularium, quia vniuersalior. Secundò, quia missio regularium à principio altiore oriatur, à Pontifice Maximo, à quo *Regulares immediatè mittantur*, vt dixisti paulò antè; Parochorum verò missio ab Episcopis fluat. Tertiò, quia Regulares sint *instrumenta & opitulationes Pontificis*; Parochi autem sint ministri, & instrumenta particularium Episcoporum, eorumque labores & munera sint sub iussu particularis Episcopi, & ex statu, & vocatione assignentur vni particule particularis Ecclesie. Quartò denique, quia missio & officium Parochorum ad iustitiâ pertineat, & sit officium munusq; iustitiæ: Missio verò, & vocatio Regularium sit meræ charitatis, & purior ex vi status. Ex his alijsque toto opere à te sparsis clarum est, te missionem potestatemque regularium ex quadruplici parte superiorem & præstantiorem facere potestate Parochorum, quia nimirum potestas regularium sit origine nobilior, obiecto vniuersalior, subiectione liberior, puritate dignitateque præcellior. Vis enim missionem & ministerium regularium, proportionem quadam respondere dignitati & eminentiæ summi Pontificis, ita vt cum eo regulares vniuersali quadam supra omnem Ecclesiam potestate polleant; & sicut Pontifex est vniuersalis Episcopus, ita regulares sint quasi vniuersales Parochi & ministri eius generales, tanto particularium Ecclesiarum Parochis altiores, quanto Pontifex particularibus Episcopis antecellit. Huc tua mens, tua argumenta, tuus sermo spectat omnis. Vbi autem superbiæ errorumque tantorum turpitudinem deprehensam, & orbis oculis propositam videas, tum demum stimulante animum conscientia tergiuersari, & tenebras latebrasque moliri, quid aliud tandem est, quàm superbam ignorantiam impudentia superbiore cumulare, & pro defensione legitima desperationem afferre?

Spong. pag. 107.

Spong. pag. 107.

Vid. prop. 9. tit. 3. de Episcopis et Curat.

Frustra etiam ad D. Thomam confugis, ut eius doctrinam cum tuo errore commisceas, & oculos imperitorum perstringas. Imperitia hæc quoque & fallacia tua est, quæ socios amentiaë quærit, nec reperit usquam. D. Thomas Parochorum missionem, seu potestatem, seu ministerium, nunquam missioni ac ministerio regularium postposuit, ut iam antè respondimus. Hæc tua tuorumque sodalium excogitata doctrina est, ad innatæ superbiaë solatium. S. Thomas enim de ipso per se regulari statu locutus est, quatenus ad propriam religiosi perfectionem dirigitur; Et maioris perfectionis fortasse putavit religiosi statum propriæ in Monasterio studentis perfectioni, quàm statum Parochi, aut Prælati inferioris, in animarum salutem incumbentis. Quæ controuersia nihil ad propositum est, & alibi exponetur. At ministerium, functionesq; Ecclesiasticas regularium, S. Thomas non prætulit vnquam ministerio, & missioni Parochorum: Imò apertè docuit Parochos quoad curâ animarum esse eminentiores religiosi, & similiores Episcopis. Desine tandem aut tam altè sapere, aut tam abiectè tricarî. Si perfectio quam ambis, meliora solidioraque præsidia non habet, non est fundata super petram, nec pluuiarum, nec fluminum, nec ventorum incursione opus est, ut fiat ruina eius magna nimis. Non à fundamento solùm, sed ab omni parte vitiosa est. Falsi nominis perfectio, falsi nominis scientia sustinetur.

## PROPOSITIO SEPTIMA.

Ex Cap. 6. §. 4. Num. 22.

**Q**VI ex Episcopis sunt Religiosi, dici possunt aliquo modo alius volare, & non omnino descendere.

## CENSURÆ.

Istud in contemptum dignitatis Episcopalis proponitur, & contra sensum summi Pontificis in cap. *Nisi cum pridem*. De renuntiatione, citato ab authore in confirmationem suæ sententiæ.

## SPONGIA.

Pontifex illo capite dicit, secessum Episcopi ad solitudinem religiosam pennis fieri & volatu, unde sicut non est contra naturam pennarum & auium in altum ascendere, ita non est contra sensum dicere, Episcopum ab Episcopatu se pennis & volatu proripientem in altum ferri. Quod si Episcopatu relicto migrare ad religiosa humilitatis institutum, esset omnino descendere, ut volunt hi Censores, & nullo modo proficere, cur summus Pontifex Gregorius XV. vocat illam deliberationem qua relinquitur Episcopatus, hominum Angelorumque linguis laudandam, RAPERE OCULOS VNIVERSE ECCLESIE TOTIVSQUE CÆLI? Cur Episcopo secedenti scripsit, triumphat planè de humanis cupiditatibus & diabolicis insidiis, fraternitas tua, cum opulentiam & Episcopatus dignitatē, quæ mortales tanto studio, tanta contentione petere solēt, ab Apostolica autoritate demisse flagitas, ut tibi per eā relinquere liceat, sub vexillo nominis Iesu in S. Ignatii castris militaturo?

Citatur bre-  
ue Aposto-  
licum in  
Apolog. c.  
6. in fine.

*Hec summus Pontifex. Certè si auctor dixisset, qui relinquit Episcopatum ut secedat ad Societatem Iesu, de humanis cupiditatibus & diaboli insidijs triumphare, statim Censores nostri ingeminarent suum cuculinum carmen, falsum, blasphemum, hæreticum; & tamen ille qui habet claves regni cælorum, nec aberrare potest, hoc dicit. Sed verè Saluator, Non omnes capiunt verbum istud; qui potest capere capiat.*

R E S P O N S I O.

Itanc desipis, vel alios desipere putas, ut speres quemquam hominum sine stomacho & sine iustissima indignatione audire posse insolens responsionis genus, & minimè tolerandam summi Pontificis elusionem? Quid enim hoc responsi est, non esse contra sensum Innocentij Pontificis loco citato, eos qui ex Episcopatu ad religionem transuolare dicuntur, altiùs euolare, quia non est contra naturam pennarum & avium, in altum ascendere? ubi tibi pudor, ubi mens, aue pennaque leuior? Hascène excordes Spongas in Episcopos, in tantam Theologorum Facultatem, à tumidissimo scientiæ & ingenij opinione Iesuitarum sodalities immitti? Plus in eam stoliditate & barbara fatuitate scriptoris, quàm ipsa maledictorum & mendaciorum petulantia iniurijs sunt. Esse verò propositionem Iesuiticam non tantum contra sensum, ut verè dicunt Censores, sed etiam contra verba Innocentij III. in illo cap. *Nisi cum pridem* patet sola lectione capituli. Dicit enim apertè Pontifex, cum qui deserto Episcopatu fit Monachus, *descendere ad Monachatum*; Monachum verò qui fit Episcopus, *ascendere ad presulatum*. Ita quævis glossa Iesuitica, Innocentij verbis excluditur. Sensum verò Innocentij à Iesuitæ propositione longissimè abhorrere, inde planum est, quia Innocentius propositis & summa eruditione explanatis sex causis, quibus Episcopatum dimittere sit fas, quarum prima est *conscientia criminis*. 2. *debilitas corporis*. 3. *defectus scientiæ*. 4. *malitia plebis*. 5. *scandalum*. 6. *irregularitas*; non iis annumerat voluntatem transeundi ad regularem vitam. Imò hanc generatim excludit, addens; *Verum si propter alias causas cessionem adfectus, non est in hoc tibi postulanti fauendum*. Ac speciatim studium vitæ contemplatiuæ, negat esse idoneam cedendi rationem; varias eius rei causas afferens, propter quas ait, *Facilius indulgeri ut ascendat Monachus ad Presulatum, quàm presul ad Monachatum descendat*. Denique concludit denuntiando, si alas habeat quibus velit in solitudinem auolare, eas tamen *strictas esse nexibus præceptorum, nec liberum habere absque sua permissione volatum*, quem ei se concessurum negat, solo desiderio solitudinis, nisi subsit causa grauior, aliqua nimirum ex illis sex quas paulo ante præscripsit. Non igitur proficit vlllo modo, vel ascendit, Innocentij sensu, qui solo regularis vitæ amore statum Episcopalem abdicat; sed descendit penitusq; deficit, & rem vndiquaq; illicitam aggreditur. Quare S. Thomas perpenso accuratiùs hoc Innocentij capite, è quo pene omnia ducit, quæ de hac quæstione docuit, maiori lumine, maioriq; quàm Spōgia fide, sic apertè perloquitur: *Quādiu potest esse aliquis utilis proximorū salutem, retrocederet si ad statum religionis vellet transire, ut solum suæ salutis insisteret,*

*D. Th. 2. 2.  
q. 185. a.  
4. ad 1.*



qui se obligauit ad hoc, quod nō solum suam salutem, sed & aliorū procuraret. Neq; aliter dicere potuit S. Thomas, qui Episcopatum statum tanto à regulari statu ex omni parte attollit, vt statū Episcopalem, statum perficientium, statū Regularem, statum perficiendorū definiat. Vnde sicut qui à statu perficientium ad statum perficiendorum delabatur, is sine dubio descendit, nec ascendere dici potest; sic qui à statu Episcopali, ad statum regularem transgreditur. Audiat ergo Spongia Innocentij Pontificis vel verba, vel sensum, vel saltem expositionem S. Thomæ religiosorum luminis, & Theologorum principis.

Illa autem Iesuitæ oscitantis, & Spongiam non maturo partu, sed canina abortione fundentis, insulsa mussitatio, & indigna in *pennis & volatu*, de quibus agit, Pontifex, nugatio, serie ipsa verborum, & orationis Pontificis, quam supra exposuimus, eliditur. Nam Pontifex de eo *volatu*, deque iis *pennis* agit, quibus ibidem dicit à *presulatu ad Monachatum descendere*, adeoque de *pennis* quibus descenditur, non quibus ascenditur, cū Episcopus ab Episcopatu ad Monachatum deuolat. Nec enim *pennæ & volatus* significant nisi desiderium animi, quo voluntas ad rem optatam fertur. Nec volatus iste metaphoricus perfectionem aut ascensum dicit, sed merum ab vno in aliud transitum, præcipuè rapidiorem, qualis est affectuum, motuumque voluntatis. Humanus enim animus desiderijs, quasi *pennis & volatu* ad res diuinissimas momento temporis auolat, & in ijs conquiescit. Quod præcipuè dici solet de vehementioribus affectibus, quibus ex molestia, & necessitate aliqua grauiore, qua tenetur astrictus, euadere gestit, qualis erat affectus illius Episcopi, veniam exuendi molestiam & seruitutem Episcopalem ab Innocentio Pontifice studiosius, & perseverantiùs flagitantis, Innocentio non minus studiosè renitente, vt capituli lectio declarat.

Quod ergo Gregorius XV ait de Virdunensi Episcopo ad Iesuitarum Societatem transmigrante, de quo satiari non possunt gloriantes, adeò ab vnius humilitate omnes superbiendi materiam corripiunt; personæ rationem habuit Pontifex. Perpendit nimirum fuisse virum principem, alto genere ortum; cuiusmodi ad munera Ecclesiastica, & præcipuè ad Episcopatus vulgò accingi non solent, nisi fructuum & amplitudinis Episcopalis amore. Denique iis plerumque rationibus culmen illud ascendunt, quibus priscorum canonum, & antiqua Ecclesiæ norma descendere cogentur, nisi necessaria interdum causæ iis plusculum indulgere compellerent. Quare cū sua sponte cedunt, merentur laudem quòd ultro faciant id, quod iam olim debuerant facere, & optabat Ecclesia, & iubeant Ecclesiæ leges, sed necessitate constrictæ silebant, nec suam vim exercere sinebantur. Laudantur ergo merito sponte cedentes, quòd de *humanis cupiditatibus, & diabolicis insidijs, de opulentia, de dignitate triumphent*, quibus plerumque cupiditatibus & insidijs, non animarum Ecclesiæque studio, dignitates eiusmodi ambire, suscipere, tenereque consueuerunt. Rectè verò laudabuntur tum ipsi, tum quicumque alij ad ea munera eadem transgressi via, & in iis

eodem animo permanentes, dum quoquo modo cedere, & quod malè fecerunt, ac faciunt, infectum facere, & insidias cupiditatum ac dæmonum, in quibus malè hærent, fugere velint, non tantùm ea mente ut fiant Iesuitæ, sed etiamsi nec Iesuitæ, nec omninò Regulares fieri, sed priuatam vitam vbiuis agere meditentur. Non se adeò facilem fortassis præbuisse Pontifex in quemvis alium Episcopum: sed, Innocentij III. exemplo, causas rationesque cessionis singulares & intimas perpendere voluisset, perscribere accuratè. Si enim Innocentius veniam abeundi in solitudinem Episcopo flagitanti concedere noluit, nisi ex aliqua sex causarum quas paulo antè vidimus, quantocumque solitudinis desiderio teneretur; multo minùs concessisset inituro sodalitatem Iesuitarum, quæ mundo implicatior, vulgari vitæ propior, à solitudine longè alienior est. Ad quam ideo ab Episcopatu desilire, quandiu quis utilis esse possit salutis proximorum, S. Thomas multo certius censuisset fore retrocedere.

## PROPOSITIO OCTAVA.

Ibidem num. 24.

**S***I status Episcopi esset absolutè perfectior & sine comparatione, quàm status religiosi, cur religiosi non possunt transire ad illum sine licentia superiorum?*

## GENSVRA.

Ista propositio inquantum videtur negare maiorem perfectionem status Episcopalis supra religiosum, est falsa, temeraria, communi Patrum & doctorum consensui repugnans, & rationem continet fallacem.

## SPONGIA.

*Mirum est non puduisse viros graves & Theologos ita putide cauillari, ut vel ex verbis quæ citant, lector hoc statim videat. Non enim Author negavit perfectionem status Episcopalis esse supra Religiosam, sed non ita absolutè, & absque comparatione: quid autem sit sine comparatione & absolutè, ibidem explicat, nimirum quod non contineat in se totam perfectionem Religiosi status. Quis Catholicorum Theologorum aliter sentit?*

## RESPONSIO.

Non cauillaris tu hoc quidem loco, fateor, sed imperitia laberis, & ineptia tuis in putidam aduersus viros graves & Theologos criminationem. Nam vel negandum tibi est, perfectionem status Episcopalis esse supra Regularem perfectionem absolutè, vel confitendum ita supra eam esse, ut tota regularis status perfectio in Episcopali perfectione includatur. Ea enim graduum statuumque Ecclesiasticorum natura est, ut quique superiores vim omnem perfectionemque contineant inferiorum, ut patet in gradibus omnibus Ecclesiasticis, & supra eos in

Y iiij

Angelicis, eorum formis & exemplaribus. Nam sicut superiores Angelorum gradus omni ex parte superant inferiores, neque quicquam perfectionis aut præcellentiæ inferioribus inest, quod superiores plenius & perfectius non habeant: Ita in gradibus Ecclesiæ necesse est, altiores & perfectiores quosque supereminere vndiquaque inferioribus, & quicquid in his perfectionis inlidet, alius cumulatiusque complecti. Si ergo Episcopalis status omnium Ecclesiæ statuum, graduumque perfectissimus ac summus est, ut Iesuita confitetur, & Patres vniuersi Theologique prædicant, necessariò agnoscendum est omnem omnium Ecclesiæ graduum, statuumque perfectionem in Episcopali statu contineri. Vel si hoc negetur, negandum illicò est, statum Episcopalem esse perfectissimum; & summum omnium Ecclesiæ statuum.

a Suarez  
tom. 3. de  
relig. l. 1.  
c. 21. n. 5.  
b Idem ib.  
c. 19. n. 18.  
Ibid. c. 21.  
n. 7.

Equidem si quid perfectionis in vlllo Ecclesiæ statu, seu Regulari, seu quocumque demum lateat, quod absit Episcopali; iam Episcopalis status non erit illo statu absolute perfectior & maior, sed ad eum se habebit, ut excedens & excessum, vna parte vincet, alia vincetur, collaterales quodammodo erunt, nec alter alteri absolute præferendus, ut patet inductione per omnes Ecclesiæ, & Hierarchiæ, siue Angelicæ, siue humanæ gradus. Atque ob hanc causam Franciscus Suarez, quia putat statum regularium, aliquid habere perfectionis, quod absit statui Parochorum & Prælatorum inferiorum; aliquid rursus adesse Parochorum statui, quod statui Regularium absit; ideo fatetur horum statuum neutrum altero esse absolute perfectiorē, \* excedere se mutuò. Et quia similiter putat <sup>b</sup> aliquid perfectionis subesse in regulari statu, quod in Episcopali non reperiatur, nequidem eminenter, (quo ex fonte errorem istum combibit Spongia, quamuis à Soario solo suo arbitrio, non vllius Theologi autoritate inducatur) eadem opera confitetur idem penè dici posse de statu regulari collocato cum Episcopali, nimirum eos non se absolute superare perfectione, sed inuicem excedere. Quamuis turpissimæ doctrinæ verecundia commotus, conetur aliquid verbis adijcere Episcopali statui plus quàm Parochiali, supra regularem: sed ita ut facile videas eum mera verba dare ad scèdissimi dogmatis, cuius vel ipsum authorem pudet, conuelationem. Rectè igitur Censores aduerterunt, ex eo quod tota perfectio regularis status negetur inesse in statu Episcopali, negari statum Episcopalem esse absolute perfectione superiorem regulari statu. Vidit hoc ipsum Suarez, sola Spongia pro sua perspicacitate non sensit. Facilius enim concesserim eam hic imperitia, naturæque graduum ac statuum Ecclesiæ ignorance, quàm solita obstinatione peccasse.

Inscitè igitur quærit, *Quis Catholicorum Theologorum aliter sentiat?* Non enim quærendi, sed proferendi fuerunt qui aliter senserint, extra Iesuitas nouæ Theologiæ præcones, extra Soarium eius auspicem, qui neminem habet cuius autoritate nitatur. Nam SS. Patres cum de perfectione status Episcopalis, seu de perfectione quam Episcopi dignitas exigit, disputant, sic eam supra omnes Ecclesiæ status, non excepto Regulari, extollunt, ut maiorem præcellentiæ verbis significare non

possint. Audiuius suprà Gregorium tantum perfectionis in Episcopo  
supra Ecclesiæ corpus postulantem, quantum homines supra pecudes  
habent. Idem ante ipsum alij docuere SS. Patres. Idem post ipsum do-  
cuit S. Thomas, Episcopum videlicet *debere omnes alios excedere in conuer-*  
*satione, & contemplatione*, non quomodocumque, imperfecto aliquo &  
inutilo excessus genere, vt Spongia & Suarez autumant, sed *ita vt in re-*  
*spectu sui alij sint grex*. Quod Soario potissimum in ipsos etiam Regulares  
extendere necesse est, cum fateatur Episcopos *ex vi status* esse Pastores  
& superiores Regularium, etiam quoad ea, quæ ad vota, & ad vitam  
Regularem pertinent. Nec mediocris ex hac parte in eius doctrina pu-  
gna est. Si enim Episcopi ex vi status Pastores sunt Regularium, etiam  
quoad vitam Regularem, manifestum est, nullam perfectionem esse posse  
in regulari statu, quæ non in Episcopali contineatur, cum Pastoris status  
omnē status ouium perfectionem necessariò cōplectatur, quia hanc iis  
transfundere debet. Nihil enim filij non à Patre habent, nihil oues non  
à Pastore, vt sensu notum est. Sic etiam sumenda sunt verba S. Thomæ  
cum Episcopos perfectiores facit, & magistros Regularium, vt supra  
sæpius eius verbis declaratum est. Imò Chrysostomus Regulares specia-  
tim, seu Monachos cum Episcopo comparans, docet illos ad hunc se  
habere sicut *privatos ad Regem*, vt supra etiam vidimus: Ideoque sicut in  
ciuili statu nihil est, quod cum præstantia & perfectione conditionis  
Regiæ conferri possit, in qua ciuilis omnis perfectio eminentiùs, quàm  
in vilo priuato gradu, residet; sic nihil regularis aut Christianæ perfe-  
ctionis est, quod non ab Episcopalis status perfectione sine compara-  
tione superetur. Similia multa extant apud alios Patres, quæ hîc colli-  
gere non opus est, cum alibi commodiùs exponenda sint, his interim  
velut ad specimen prælibatis.

Tantum addam luculentum Scripturæ sacræ pluribus locis testi-  
monium, quod in hac re præteriri nullo modo potest. Si enim esse in  
statu perfectionis nihil aliud est, quàm ad perfectionem obligari; & is  
in statu perfectiori censetur, qui ad maiorem perfectionem obligatur,  
vt clarum est, & supponi debet, ne in terminorum æquiuatione cæco-  
rum more luctemur; quid clariùs ex scripturis quàm nullum esse in Ec-  
clesia hominum genus, quod ad parem, aut vilo modo comparabilem  
cum Episcopis perfectionem obligetur? Quid enim Christianæ perfe-  
ctionis excogites, quod in illo complexu cumulòque virtutum, perfe-  
ctionumque omnigenarum, quas Apostoli tot locis Episcopis, Chri-  
stus tot locis Apostolis, Episcoporum typis & antecessoribus, præscri-  
pserunt? Quid superadiicias illi Episcoporum, vt ita dixerim, regulæ,  
ab Apostolo promulgatæ, *Oportet Episcopum irreprehensibilem esse, vnius v-*  
*xoris virum, sobrium, prudentem, ornatum, pudicum, hospitalem, doctorem non vi-*  
*nolentum, non percussorem, sed modestum, non litigiosum, non cupidum, sed suæ do-*  
*mui bene præpositum, filios habentem subditos cum omni castitate: Non neophyrum,*  
*&c.* Et alibi: *Benignum, sobrium, istum, sanctum, continentem, &c.* Et alibi, *Formam gregis*, ita vt Episcopus sit forma, & exemplar virtutis omnis, &  
perfectionis Christianæ, quæ in vniuerso Ecclesiæ grege reperitur,

Greg. past.  
p. 2. c. 1.  
Vid. Chry-  
sost. l. 2. de  
Sacerd. c. 2.  
Et Gregor.  
Naz. orat.  
1. S. Thom.  
in c. 3. ep. 1.  
ad Tim.  
lett. 1.

1. Tim. 3.

Vid. A.

1. Pet. 5.



Matth. 5.

Ioan. 21.

Ambros. de  
dignit. Sa-  
cerd. cap. 2.Aug. serm.  
106. de di-  
uers. c. 10.

et c.

D. Tho. 22.

4. 184. a. 7.

ad 2. &amp; 9.

185. a. 1.

ad 1.

Coloss. 3.

quod ab illis SS. Patribus, quos modò attulimus, multo etiam splendidiùs dictum est. Christus autem quantum perfectionis ultra ceteros quoscumq; fideles imposuit Apostolis, cum sui eis muneris magnitudinem exponens diceret, *Vos estis sal terra, vos estis lux mundi*, &c. Quasi in aliis, non solum nihil lucis, aut salis esse debeat, quo ipsi careant, sed nec quod ab ipsis, ut à luce mundi, non sit haustum. Quantum verò perfectionis à Petro Pastorum principe, supra Ecclesiæ gregem omnem, postulat, cum quæsit ab eo, *Dilige me plus his*? Quod Episcopis omnibus in persona Petri dictum esse consentiunt SS. Patres, & ex iis D. Thomas. Omnium igitur maxima ab Episcopis, super totum Ecclesiæ corpus, super omnes gradus ac status, charitas, quæ est vinculum perfectionis Christianæ, exigitur, iuxta doctrinam scripturarum; neque id de Episcopis negari potest, quin etiam de summis Pontificibus negetur, cum utrisque maxima ceterorum omnium Christianorum perfectio, iisdem Christi vocibus, imperetur. Ac reuera iste error summum Pontificatum, & Episcoporum inferiorum statum ex æquo impetit, cum nihil fingi queat perfectionis in regularium statum, quod Episcopali statui abesse dicatur, quin idem summo Pontificatui sit absfuturum. Satis enim patet Iesuitam nihil comminisci posse, nisi fortè regulares observantias & vota Monastica, quibus summi Pontifices, non magis quàm ceteri Episcopi obligantur. Ideoque si hac ex parte regularis status perfectionis aliquid contineat, quo careat status Episcopalis, clarissimè consequitur eadem perfectione carere summum Pontificatum: Qui proinde non erit *absolutè & sine comparatione perfectior regulari statu*, sensu Iesuitico. Ea enim est Molinistarum infœlicitas, ut cum diuinissimam Episcoporum dignitatem superbo spiritu, dominatus & excellentiæ cupidine deicere conitarentur; summi verò Pontificatus apicem extollere videri velint, ut impotentia libidinique suæ fauorem Pontificium eblandiantur, rebellium plebium more, quibus nihil solennius, quàm summi Principis nomen, suumque in eum studium aduersus legitima Præfectorum imperia prætereendere ut principem quasi tuendæ maiestatis lenocinio in suas partes sollicitent; Tamen propter summam Episcopalis omnis dignitatis coniunctionem & unitatem, nihil erroris, nihil contumeliæ in Episcopos inferiores conijcere possint, quin eodem summum Pontificem, velint nolint, traiciant, ut sæpius toto opere demonstratum est. Non enim maior capitum Ecclesiæ cum membris, quàm capitum ipsorum inter se, & supremi capitis cum inferioribus unitas interest. Qua ergo ratione dicere audent, non omnem perfectionem regularem eminenter inesse in Episcopali perfectione, eadem dicere debent eam non inesse in Pontificali; neque vnquam hunc laqueum effugient.

D. Th. 22.

4. 184. a. 7.

ad 1.

De observantiis verò regularibus quæ Episcopali perfectioni deesse fortasse videantur, respondet vno verbo D. Thomas: *Dicendum quod abrenunciatio propriarum facultatum dupliciter considerari potest. Vno modo secundum quod est in actu. Et sic in ea non consistit essentialiter perfectio: sed est quoddam perfectionis instrumentum, sicut supra dictum est. Et ideo nihil prohibet statum per-*

fectionis esse sine abrenunciatione propriorum, SICUT ETIAM DICENDUM EST DE ALIIS EXTERIORIBUS OBSERVANTIIS. Alio modo potest considerari secundum preparationem, ut scilicet homo sit paratus, fuerit opus, omnia dimittere, vel distribuere. ET HOC PERTINET DIRECTE AD PERFECTIONEM, &c. Ad hoc autem maxime tenentur Episcopi, &c. Vides ut unica responsione, quicquid in observantiis regularibus veræ & directæ, & essentialis perfectionis inest, Episcopali statui tribuit eminenter? Idemque brevius D. Gregorius Magnus, è quo plurima in hanc materiam hausit D. Thomas, *Sit præfulgentia præcipuus, præ cunctis contemplatione suspensus*. Audis omnibus generatim anteponi statum Episcopalem, tum actione, tum contemplatione? Ut scias nihil neque externi operis, neque internæ perfectionis à te fingi posse in vlllo Ecclesiæ statu, quo non maius aliquid ac præstantius in statu Episcopali constituat Gregorius, & cum eo sanctus Thomas, Monachi ambo, & lumina Monachorum: Quid quod supra ex eodem D. Thoma retulimus, eum Regulares conferre cum Episcopis, ut discipulos cum magistris, Episcopalem statum ad regularem, ut magisterium ad disciplinam, & perfectionem ad dispositionem? Ac de votis iplis, *Vota*, inquit, *religionis se habent ad Pontificalem dignitatem, sicut dispositio ad perfectionem*. Aude nunc dicere esse aliquid perfectionis in discipulatu, quod non sit in magisterio; in dispositione quod non sit in perfectione; in materia, quod non sit in forma; tum denique fas erit, authore D. Thoma, regularem perfectionem aliqua ex parte anteferre, vel conferre Episcopali. Atque huic doctrinæ, totius Ecclesiæ ab initio, & SS. Patrum consensus, quocumque oculos conicias, suffragatur & consonat, Episcopalem statum, ut supremum, ita sine comparatione sanctissimum, & perfectissimum esse omnium statuum, qui intra Ecclesiæ corpus concludantur. Ut mira sit non tam Soarii ignorantia, contrarium scribere ausi, quam supra eius ignorantiam procacitas Iesuitæ Floyd, sine vlllo testimonio, voluerit innata & audacissima leuitate quærentis, *Quis Catholicorum Theologorum aliter sentit?* Quasi nec sanctus Thomas; nec tot sanctissimi Patres, nec perpetuus Ecclesiæ Catholicæ consensus apud Iesuitas Catholici habeantur. Quanto aptius illud à Spongia malè supra locatum, huc transfetas, *Quacumque ignorant, blasphemant?* Ignorantiæ enim hoc totum vitium est, & inconsultæ cæcitat.

Possemus verò ad cumulum confutationis stultissimi & superbissimi dogmatis addere, non solum Episcopalem, sed etiam sacerdotalem, atque adeò Clericalem omnem dignitatem, plus ex omni parte perfectionis habere, seu ad maiorem vndique perfectionem obligare sacerdotes, & Clericos, quam regularis status professores. Nec id, de factis saltem ordinibus, probare operosum esset ex ipso D. Thomas docente, *per sacrum ordinem aliquem deputari ad dignissima ministeria, quibus ipsi Christo servitur in sacramento altaris, ad quod requiritur maior sanctitas interior, quam requirat etiā religionis status*. Quod à Soario ridiculè & sine fide refertur, quasi S. Thomas hoc diceret solum de sacerdotio; & ipsum sacerdotium non præferret perfectione sanctitatis nisi statui religioso laici, seu con-

S. Gregor.  
past. 2. c. 1.

22. q. 185.  
a. 2. ad 1.

Vid. præci-  
pue Gregor.  
Nazianz.  
orat. 1. tota.  
Et alios  
passim.

D. Th. 22.  
q. 184. a.  
2. in corp.

Suarez 1. 3.  
de relig. l. 1.  
c. 21. nu. 2.

D. Thomas  
d. art. 3. la.

terur di-  
gnitatem  
sacerdotis  
esse maio-  
rem, maio-  
remq; po-  
stulare san-  
ctitatem,  
quàm statu  
simplicis  
religiosi  
laici, seu  
conuersi.

uerſi, ſeu, vt leſuitæ vocant, coadiutoris. Idem porrò ſine magno labo-  
re promptum eſt ex SS. Patribus Conciliisq; probare de omnibus ge-  
neratim Cleri gradibus, quibus ſemper Regularium perfectio tum di-  
gnitatis, tum vitæ à Patribus poſtpoſita eſt. Sed hoc & eſt longius, &  
ad præſentem controuerſiam non neceſſarium. Alibi opportuniùs ex-  
planabitur.

Tantum addo, Spongiam conſiteri ſaltem poſteriore Censuræ  
partem, Propositionem iplius *rationem continere fallacem*. Nihil enim ad  
eam ait, adeoque ſilentio approbat, vt & multa quæ paſſim in Cenſuris  
diſſimulauit, neque attingere auſa eſt, vt facilè eſt legenti cuius aduer-  
tere ſine noſtra commonitione, qui quocumq; ſtudio eam perpurgare  
contendamus, multa præ macularum diſfluente multitudine præter-  
mittere cogimur. Fallax ergo ratio eſt, ideo ſubefſe aliquid perfectio-  
nis in regulari ſtatu quod deſit ſtatui Episcopali, quia religioſi non poſ-  
ſunt tranſire ad illum ſine licentia Superiorum. Hæc quippe licentia, non  
niſi poſitiuo iure & Eccleſiæ lege requiritur, nec olim requirebatur cum  
ſubefſent Episcopis; Et facilè eſt aſſignare tempus quo primùm requiri  
cœpta eſt, ad auertendam à regularibus ambitionem, ne propriæ ſortis  
pertæſi, altiùs euolare ad Clerum & ad ſtigium Episcopale, ſpretis Su-  
priorum monitis, laborarent. Sed hæc quoque, quando nihil ad Spon-  
giam, agentur alibi.

## PROPOSITIO NONA.

Ibidem num. 18.

**P**ROBABILE eſt Episcopos ex ſuo ſtatu, & ex ordinaria poteſtate quam ha-  
bent ex diuina inſtitutione, non eſſe perfectores & magiſtros Religioſorum,  
quantum ad votum, & voti perfectionem, etiam ſepoſitis priuilegiis exemptionis ab  
Episcopis, quam habent Religioſi.

## CENSURA.

Iſta propositio eſt falſa, temeraria, erronea, iuri communi & anti-  
quæ Eccleſiæ praxi contraria.

## SPONGIA.

De proſitione iſta iam dictum ſuperius. Quàm verò temeraria ſit iſta  
Cenſura, & Theologis indigna, vel hinc patet, quòd qui contra hanc proſitio-  
nem tenent, vt Suarez ac alij, tamen fatentur eſſe probabilem, ac eſſe ſancti Tho-  
me, Sylueſtri, Tabiena, Innocentij, Abbatis, & aliorum grauiffimorum tum  
Theologorum, tum Canonistarum. Quid verò antiqui Monachi ſenſerint ac fece-  
runt hac in parte, ſatis patet ex factò Hieronymi, & Monachorum Palæſtina,  
qui Joannis Hieroſolymitani Episcopi in ipſos imperium agnoſcere recuſabant:  
Theophilo autem Patriarcha Alexandrino Monachos ſcripta epiſtola ad pacem cum  
Episcopo habendam hortanti, reſpondet ſuo & eorum nomine Hieronymus, ſe pa-  
cem cupere, ſed ſalua libertate ab eius iugo, Pacem, inquit, veram cupimus,  
pacem ſine inimicitijs, pacem, quæ non, vt aduerſarios ſubiiciat, ſed

vt

ut amicos iungat. Quid dominationem nomine pacis vocamus, & non reddimus unicuique rei vocabulum suum? Ita Hieronymus. Qui statim Tom. 2. ep. ad Theoph. con. Ioan. Hierosol. probat exemplo Theophili Monachos Episcopis, nonnisi voluntaria subiectione & reuerentia, colla submittere. Non quæris, inquit, Monachos tibi esse subiectos, & ideò magis subiectos habes. Tu offers osculum, illi colla submitunt, exhibes militem, & ducem impetras, quasi vnus in pluribus es, ut sis vnus ex pluribus: citò indignatur libertas si opprimitur: nemo plus impetrat à libero, quàm qui seruire non cogit. Nouimus canones Ecclesiasticos, non ignoramus ordines singulorum. Ita Hieronymus, euidenter demonstrans Hierosolymæ Episcopum non habuisse in ipsum, & Monachos Palaestina iurisdictionem coactiuam, sed liberos fuisse, & iugum imponere volenti meritò restitisse.

RESPONSIO.

Iterùm hæreticorum vafritiem imitaris, fallaciter, & velut in deuio interceptis laciniis SS. Patrum, ut vnus verbuli ambiguitate, perpetuam, & vbiq; clarissimam ipsorum aliorumque doctrinam obumbrēs, & imperitorum oculos animosque impedas. Turpe est Iesuitam infame defensionis genus accersere, quod in hæreticis Catholici omnes scriptores, & ipsi eius socij toties damnarunt, & execrati sunt.

Primò enim, etsi Hieronymus id ipsum docuisset quod ei perperam aspergit mala Spongia, insolens tamen esset, vna ipsius voce aduersus totius antiquitatis auctoritatem consensionemque contraniti, cum ipsemet hac ipsa epistola quæ obiicitur palàm aiat, scio me aliter habere Apostolos, aliter reliquos tractatores. Illos semper vera dicere, istos in quibusdam, ut homines, aberrare. Sed nihil opus hoc genere præscriptionis, quo tamen Spongiæ obiectionis prima quasi frons eliditur, & aciei interioris debilitas iam patescit.

Nam hîc Hieronymi sermo nihil ad Regulares, cum nusquam pateat Hieronymum fuisse regularem, seu vllis se votis ad vitæ monasticæ observationem, & ad solitudinis incolatum obligasse. Nihil ea de re, nec ab ipso, nec ab aliis patribus proditum est. Solum constat, eum se solitudini vitæque puriori mandasse, in eaque summa voluntatis constantia, & inuictò proposito perstitisse. Quod & à multis SS. Patrum, diutius interdum, aut breuiori tempore factitatum est, pro cuiusque zelo, sine vllò tamen de quo constet, votorum nexu, ut speciatim de Chrysostomo, & Basilio patet, quemadmodum latius alibi declarabitur. Sicut enim non deerant Monachi qui se votis adstringerent, ita non deerat qui sine vinculis eiusmodi seueriorem Dei cultum, & studiū pietatis prosequerentur. Nec facile credere est Hieronymum, si vitam solitariam & Monasticam in desertis illis Orientis verè vouisset, migraturū Constantinopolim, & Gregorij Nazianzeni tanto tempore futurū auditorem; nec deinde perrecturum Romam, ibique tamdiu, tum viuentem, tum mortuo Damaso, commoraturum, in varia omnis generis hominum consuetudine, vsque eò ut in maleuolorū vocolas incurreret.

Chrys. l. 1. de sac. c. 1.



A quibus tamen, plerâque vellicantibus, nunquam audiit votifragus, aut promissæ Deo solitudinis frustrator, quamvis per tot annos in Romana frequentia versaretur. E qua tandem, non voti vllius religione, sed inimicorum obtrectatione depulsus, ad pristinas solitudines reuolauit. Illud saltem istinc patet, cum non habuisse Abbatem, aut præfectum vllum Regularem, cui obedientiam regulari more vouisset, cuius nutu regeretur; Quæ de re nulla item apud eum mentio est; Sed fuisse, sicut in Presbyterio, sic in Monastica vita, sui iuris, & nullius speciatim imperiis alligatum.

Hinc sequitur, Hieronymi exemplum abesse à proposito, neque probaturum esse Regulares quoad vota, Regularemque vitam, non subesse Episcopis ex natura rei, sine exemptionum priuilegiis, etiamsi alioquin probaret Hieronymum fuisse liberum à potestate Episcopi Hierosolymitani.

Verùm nec hoc sine ineptia dici potest. Nam si Hieronymus non habuit Monasticum patrem seu præfectum cui subesset, vt ostendimus, saltem habere debuit superiorem Episcopum, vt cæteri fideles, ne sine causa fiat liber, & exemptus ab omni penitus authoritate Ecclesiastici, Regularisque præfecti. Quod profectò Spongia dicere cogitur in stolidi huius loci obiectione. Nam si Hieronymi verba ad literam exigamus, probant non solum quod Spongia dicit, sed etiam quod negat, & eodem iure in ipsam torqueri possunt, quò ab ea in censuram detorquentur. Sunt enim generalia verba, neque quicquam præfiniunt vt Monachi liberi sint ab Episcoporum subiectione, quoad vota Monastica tantum; quoad alia verò sint iis subditi. Nihil, inquam, excipiunt, aut definiunt vniuersam, &, quoad omnia, libertatem sonant, & tam Spongiæ soluenda, quàm nobis, sunt, ne non modò Hieronymum, sed Monachos omnes, ab omni penitus Episcoporum potestate, cum quoad vota, vt ipsa vult, tum quoad alia, vt non vult, solutos immunesque habeamus. Ita, quoquò te veritas, obiectio imperitissimè & incautè contexta est, seque ipsa dissoluit.

Fatendum ergo Hieronymum, & Monachos Bethleemitas, verè fuisse Episcopo Hierosolymorum subiectos. Nam Bethleem vbi degabant, ad Hierosolymitanam Diocesim pertinebat. Nec enim Marianum Victorium moror, qui præuio ad hanc Epistolam argumento notauit, quasi authore Hieronymo, Bethleem fuisse extra Hierosolymitanam Diocesim? Hieronymus id non ait. Imò Ioanni Hierosolymitano conquerenti Presbyterum Bethleemi in Diocesi sua ab alieno Episcopo, se inscio, ordinatum, tacitè fatetur Bethleem reuera fuisse sub eius potestate; fratrem autem suum, de quo Ioannes querebatur, ordinatum esse in Monasterio S. Epiphaniij, in agro Eleutheropolitano, non in Hierosolymitano.

Cùm ergo Bethleem intra Ioannis Diocesim situm esset, sequitur Hieronymum, qui ibi ætatem ageret, fuisse Ioanni subditum, eique obseruantiam, vt Episcopo, & superiori debuisse. Nec hoc negat Hieronymus, sed Ioannis erga se acerbiteriam, & impotentiorē domina-

tum auersatur, quos is sibi, non quasi filio pater, sed quasi man-  
cipio Dominus, ad suæ libidinis arbitrium imperitare gestiret contra  
præceptum Apostoli, *non dominantes in Cleris, sed forma facti gregis.* 1. Pet. 5.  
Quod aperte indicant ipsa verba quæ Spongia refert: *Pacem veram  
cupimus, pacem sine inimicitis, pacem quæ non ut aduersarios subijciat, sed  
ut amicos iungat. Quid dominationem nomine pacis vocamus? Asperam igitur  
dominationem ex odio, & inimicitis, non ex amore paterno,  
deprecatur. Nec legitimam benignamque subiectionem renuit, qua-  
lis Episcopo & superiori debetur, sed iniquam, violentam, tyran-  
nicam, qualem Ioannes ab eo speciatim poscebat, nec communi  
in eum, & æquabili Pastoris, & Episcopi potestate utebatur. Hoc  
clare docent eius verba: Aut quasi Pontifex cunctis equaliter imperet; aut  
quasi imitator Apostoli, vniuersorum saluti ex æquo seruiat. Et infra: Iccir-  
co patrias nostras dimisimus, ut quieti absque ullis simultatibus, in agris, &  
in solitudine viueremus; ut Pontifices Christi, qui tamen rectam fidem prædi-  
cant, non dominorum metu, sed patrum honore veneremur. Et paulò post:  
Non sumus tam inflati cordis, ut ignoremus quid debeat sacerdotibus Chri-  
sti. Qui enim eos recipit, non tam eos recipit, quàm illum cuius Episcopi sunt.  
Sed contenti sint honore suo: Patres se sciant esse, non dominos, maxime  
apud eos, qui spreis ambitionibus sæculi, nihil quieti & otio præferunt. Quæ  
verba clarissimè sensum, quem dedimus, comprobant, & impro-  
uidam Spongiæ leuitatem opprimunt, qua vix ferendum est, auul-  
sam ex aperto loco particulam, contra Hieronymi mentem, con-  
tra solidissimam & constantissimam veritatem, summi nominis Fa-  
cultati tam miserè obiectari, ut sola loci lectione, pessima & impe-  
ritissima fraus, tamquam meridie deprehensa, teneatur.*

Innumera verò sunt eiusmodi locutiones apud quoscumque scri-  
ptores, nominatim apud ipsum Hieronymum, qui alibi præcipiens  
Clerico, quemadmodum Episcopo suo obtemperare deberet, simi-  
liter ait: *Esto subiectus Pontifici tuo, & quasi animæ parentem suscipe. Ama-* Hier. ep. ad  
Nepot.  
*re filiorum, timere seruorum est. Et infra: Illud etiam dico, quod Episco-  
pi Sacerdotes se esse nouerint, non dominos. Honorent Clericos, quasi Cleri-  
cos, ut & ipsis à Clericis, quasi Episcopis, honor deferatur. Scitum illud est  
Oratoris Domitij, Cur ego te, inquit, habeam ut principem, cum tu me non  
habeas ut Senatorem? Quod Aaron & filios eius, hoc Episcopum & Presby-  
teros esse nouerimus. Ac deinde affert locum Apostoli, Non dominantes  
in Cleris, &c. Et eadem deinceps omnia de Clericis, quæ hic de  
Monachis commemorat, habendos scilicet ab Episcopis ut filios,  
non ut seruos, amore non dominatione, benigna & paterna man-  
suetudine, non herili imperio. Ex quibus tamen sicut non sequi-  
tur, Clericos non subiici Episcopis à D. Hieronymo, sic neque  
Monachos ab eorum autoritate eximi. Ita etiam D. Ambrosius  
vxores officij in viros admonens, *Mulier, inquit, viro deferat, non* Ambros. 1.  
3. epist. 25.  
ad Verul.  
*seruiat, regendam se prabeat, non coercendam: ut doceat vxoris in virum  
obseruantiam, non coactam, & expressam ab inuita, sed liberam,  
voluntariam, & beneuolentem esse oportere.**

Quare ridiculè afferuntur verba Hieronymi ad Theophilum Alexandrinum Episcopum, quasi ex paterna & amica Theophili in Monachos propensione, & liberali ac ingenuo Monachorum in eum obsequio, colligere liceat Theophilum nihil in Monachos authoritatis habuisse. An igitur cum sapè legi dicique solet, nihil esse quo Principes plus potestatis in ciues comparent, eosque subiectiores, & ad imperata paratiores efficiant, quàm si eis non acerbè dominantur, si quasi liberis & ingenuis, non quasi seruitiis præsint, si amore potius, quàm timore, aut potestate deuinciant, ideo principibus imperia, & subditi abrogantur? Quis adeò desipiat, vt hoc sapiat? Hæc est Spongiæ sapientia. Hoc Iesuiticum acumen, Hic aries quo fundatissimæ veritates, & antiquissima Facultatis Parisiensis authoritas quatiuntur. Vtra maior in his pugilibus, imbecillitas, an audacia? communis hominum sensus, an communis Ecclesiæ consensus oppugnatio? Quod igitur Hieronymus in hanc sententiam de Theophilo prædicat, meræ sunt Theophili laudes, à benignitate, clementia, mansuetudine, ciuili animo, & in summa potestate moderato, quales bonis principibus, ducibusque tribui solent, ab omni scriptorum & hominum genere. Ita probi duces, milites in quos militare omne imperium tenent, tamen *commilitones* vocitant. Sic Apostolus seruos ipsos & mancipia, seruire non vult inuitos & repugnantes, sed *ex animo & bona voluntate*, propter Christum; eodemque modo dominos illis præesse. Clarissimè ipse Hieronymus Episcopum cum Rege comparans, in hoc tamen dissimilem ponit, quod Rex *nolentibus præest, Episcopus volentibus*; ille terrore subiicit, hic seruituti donatur. Quod ex Euangelio sumptum est, vbi Christus simile discrimen statuit inter eos qui gentibus dominantur, & eos qui Ecclesiæ præsident, quos omnium ministros & vltimos fieri vult, sicut ipse venit non ministrari, sed ministrare. Quare si eiusmodi locutionibus abuti volumus, omnis authoritas, omnis Ecclesiastica & Apostolica potestas, non solum in Monachos, sed etiam in quosuis fideles, collabitur.

Ephes. 6.

Hieron. ep. 3. ad Heliod. in Epistaph. Nestor.

Matth. 20.

Præterea ne Monachi quidem Bethleemita, in quibus Hieronymus, suberant Theophili præfecturæ, cum essent extra fines eius ditionis, nec ad ipsius Diocesim propriam, nec ad eius generalem Patriarchatum pertinerent. Quamquam videtur Hieronymus generalius paulò loqui, non tam de Theophili in Monachos speciatim Palæstinos animo, quàm de vniuersa eius in Monachos consuetudine, quorum longè plurimi & nobilissimi greges, in eius regione ac potestate, per Ægypti deserta florebant.

Nam quod ait, *Novimus Canones Ecclesiasticos, non ignoramus ordines singulorum*, de Monachorum exemptione nequaquam intelligi potest, de qua nulli ante id tempus Canones statuerant, vel omnino meminerant. Dicit ergo se *nosse Canones Ecclesiasticos, & ordines in Ecclesia singulorum*, hoc est, scire quod sit Episcoporum in subditos officium, quod subditorum in Episcopos, quomodo si præcipere, illi parere debeant ex Canonum institutis; quatenus horum potestas, illorū subiectio protendatur. Hoc tota oratio sonat, si quietè legas. Nec est quod

Spongia vrgeat verbum *libertatis*, cum Hieronymus ait, *Cito indignatur libertas, si opprimatur*, quia istam partem explanat proximam, *Nemo plus impetrat à libero, quàm qui seruire non cogit*. Libertatem enim à seruilis iugo, non ab ingenua subiectione aspernatur Hieronymus, eo modo quo supra dictum est. Nec enim qui potestatibus à Deo conditis, præcipuè sanctioribus & Ecclesiasticis, sunt subiecti, seruale iugum trahunt, nec, seruorum ac mancipiorum instar, subigi debent. Humano & liberali imperio habendi sunt, quo ingenuorum hominum innata libertas non lædatur.

Quod autem Spongia libertatem non agnoscit, nisi quæ non tantum seruitute, sed etiam subiectione vacet, licentiam non libertatem fingit animo, & rebellium omnium cogitationes imitatur. His enim vna libertas est, nullam vereri potestatem, neminem suscipere se maiorem. Quorum infrænes animos, & populares impetus, bellè hæctenus Iesuitæ in Ecclesia referunt. Sani verò, & quieti homines maiorem libertatem non habent, quàm legitimis imperiis subiici; & sicut quòd Deo pareant, libertatem suam nihil minui sentiunt, imò hoc magis augeri, quo magis ei subduntur; ita nihilo se minùs liberos putant, quod constitutis à Deo potestatibus, quæ ipsius diuinæ potestatis radij, & quasi partes seu riuuli sunt, obtemperent ac deferant. Ipsos Imperatores videmus, quamuis toti orbi summo imperio præessent, tamen libertatis iura scriptis legibus sancientes, & intacta protegentes. Hinc *Patres patriæ* dicti: hinc *Dominorum* nomen, quando clementius regnauere, ipsi ultro repulerunt. Nec liberi minùs liberi sunt, quòd toti sunt in patria potestate, quæ secundum potestatem regiam, maxima, & maximè naturalis potestas est. Hoc Iesuitam ignorare non decuit. Turpe, perduellium aut fugitiuorum instar, eam demum putare libertatem, quæ nullius imperij, quantumuis æqui moderatique, fræno teneatur; quæ studiosos sui, *filios Belial*, hoc est, *sine iugo* faciat, vt ait Scriptura; quæ dum legitimæ potestatis vincla exuit, nefariæ impotentia libidini mancipetur.

Nam Hieronymum diuinam legitimamque Episcoporum, & Cleri in se & in alios Monachos potestatem agnouisse, ipse facile testificabitur; *Mihi*, inquit, *ante Presbyterum sedere non licet. Illi, si peccauero, licet tradere me Satana in interitum carnis, vt spiritus saluus sit in die Domini Iesu. Et in veteri quidem lege, quicumque Sacerdotibus non obtemperasset, aut extra castra positus lapidabatur à populo, aut gladio cervice subiecta, contemptum expiabat cruore. Nunc verò inobediens, spiritali mucrone truncatur: aut eiectus de Ecclesia, rabido demonum ore diserpitur*. Ac ne causeris Hieronymum loqui de generali, & communi fidelium omnium in Episcopos, & Clerum obedientia, non de singulari Monachorum, quoad vitæ Monasticæ institutum; Audi eundem Soario tuo interprete hoc tibi præcludentem effugium: *Ecclesia habet cætum Presbyterorum, sine quorum concilio nihil Monachis agere licet*. Neque vñquam apud Hieronymum reperies, vbi Monachos Episcopis & Clero minùs obedientes, ac subditos velit, quàm quemuis è numero fidelium. De vtrisque enim similiter vbique loquitur, & Monachos cum Clero comparans, generatim ait, Cle-

Hier. ep. 1.  
ad Heliod.

Citatur à  
Suarez 10.

derelict.  
l. 10 c. 11.  
num. 15.



Ep. i. ad  
Heliod.

rici pascunt, ego pascor. Et, *Monachus si ceciderit, orabit pro eo Sacerdos. Pro Sacerdotis lapsu quis rogaturus est: Ut videas authore Hieronymo Episcopos fuisse Monachorum, sicut aliorum quorumlibet, Pastores, Eminentiores, Præsides. Nec tu, si quid sensus aut pudoris superesset, per motum animi, quo ad tumultuariam responsionem conuolasti, vanissimis obiectiunculis aliud contendere potuisses.*

Porro hac de re iam plura dicta sunt, & dicentur infra. Satis ostensum est temeritate maxima citari à Spongia S. Thomam, & Canonistas aliquot. Sanctum enim Thomam aperte reluctari: Canonistas autem nec ad stipulari, nec omnino quicquam, quod spectet ad errorem Iesuiticum, loqui, ut clarius probabitur, si quis eorum auctoritates urgere coeperit; Et si quis eorum faueret, huius in re Theologica & dogmatica, testimonium fore leuius, cum in hoc genere multa veterum Canonistarum errata graua habeamus. Vnde vniuersæ Iesuitæ in hunc errorem auctoritates, ad vnicum Thomam Sanchez, rediguntur, eius authorem & defensorem vnicum. Neq; vllum Theologum ei subscribentem affert Suarez, nec tu ipse in Apologia. Quod verò eius opinionem probabilem fateatur, fraterni affectus, & socialis fœderationis studium magis in eo miramur, quam veræ charitatis vim, & liberum diuinæ veritatis, quæ Deus ipse est, amorem, & æquissimum pro violata perpetua, quam agnoscit, Ecclesiæ doctrina feruorem ac zelum.

## SPONGIA.

Tom. 3.  
epist. 19.

*Quamquam non ignoro Ecclesiam postea Monachos Episcopis subiecisse, quoad disciplinam Monasticam, ut patet ex varijs Concilijs. Probabile tamen est, diuino iure non subijci, & hoc Hieronymi testimonium probat, & illud dictum B. Petri Damiani, Absit ut Monachus qui viuit sub regula vel Abbate, aliis hominibus subiiciatur, nimirum particulari alicui pastori, quoad regulæ disciplinam.*

## RESPONSIO.

Hæc omnia iam supra exsufflauimus, & sicut decuit, castigauimus indignissimi commenti, quod hic iterum refricas, insulsiatatem. Tuum fuit non futiliter dicere; sed grauitè probare, & vnicum saltem afferre Canonem, qui doceat Monachos ex aliquo tempore cœpisse subiici Episcopis, quibus antè non subessent. Nullum vnquam afferes. Cogaris leuissimi figmenti temeritatem iterum deuorare. Quemcumque Canonem edideris, nos ante illum docebimus Monachos fuisse per omnia in Episcoporum potestate, quantumcúmque sursum versus Ecclesiæ initia progrediare. Damus enim Dionysium subiectionis huius testè, quo nullus antiquior, qui de Monachis, & Monachorū in Ecclesiæ conditione scripserit. Vnde quo modo suas Ecclesiæ traditiones aduersus hereticorū machinamēta tueri solet, easq; ab Apostolis, & primæua Ecclesiæ cōstitutione profectas demonstrare; eodem nos modo tuum errorem ab Ecclesiæ pellimus. Beati Petri Damiani auctoritas tibi quoq; erepta est supra; cui tu responsioni vide, cautius omnino & maturius quam soles,

quomodo occurrere valeas. Nouam tamen glossam hic etiam ridere lubet, *Absit ut Monachus aliis hominibus subiiciatur*, hoc est, *particulari alicui Pastori*, & huic quidem non quoad omnia, sed *quoad regulam disciplinam* tantum. Te nihil est quod pudeat, qui nihil vides. Tu neges Monachos suapte natura *particulari alicui Pastori* subiici? Neminem igitur *particularem Pastorem* habebunt? Nequidem Abbatem, aut Praefectum, quem veteres *Patrem Monachorum*, nunc Pastorem & Praelatum vocant? Non negabis opinor, huic *particulari Pastori* subiici, cui obedientiam vouent, cui se totos emancipant. Glossa igitur alia tuae glossae superiici debet, hoc modo, *Absit ut Monachus aliis hominibus subiiciatur*. Glossa, id est, *particulari alicui Pastori*; Iterum Glossa, id est, *particulari alicui Pastori Episcopo*, non *particulari Pastori Abbati*, seu Praefecto seu Rectori. Haecine flagitia in conspectu orbis effutiri, vno nempè verbulo, quasi res compertissimas & lucidas, de quibus nemini dubium esse, vel ambigi liceat?

## PROPOSITIO DECIMA.

Ibidem.

**N**EC, ut mihi persuadeo, hac doctrina displicebit sanctis Episcopis, quibus Episcopi obligatio videtur tam onerosa, ut lataturi sint ex bona probabilitate se releuari à tam alta obligatione, qualis est teneri ex statu, potentes esse docere Religiosos viam perfectionis.

## CENSURA.

Ista propositio est contumeliosa, & irrisoria Ordinis Episcopalis, eoque sensu homine Religioso, imò etiam Christiano indigna.

## SPONGIA.

Scilicet, cogitatio est Episcopis, homine Christiano indigna, credere Episcopos hac aetate reperiri sanctos, humiles, Gregorio & Augustino similes, qui sub pondere Episcopalis officij gemant, qui se si bona cum venia & aliorum commodo possint, subleuari cuperent parte oneris Angelicis humeris formidandi. Apud prudentes rerum aestimatores, ipsa per se dicti modestia auctorem tuebitur. His vero Censoribus, qui in eum hinc ferocunt, obijcio tlypei loco Cinem ipsorum Ioannem Lomede Aduocatum Parisiensem. Hic tractatum scripsit de exemptionibus & lib. 1. n. 18. disertè asserit plus etiam quàm Author dixit, scilicet Episcopos seculares Monachis, quoad Regularem disciplinam, non congruè praefici, vix posse esse huic muneri pares. Inquam sententiam ex iure Canonico plurima congerit, praecipueque vrget dictum Petri Blesensis secularis Praelati, primum Bathoniensis in Anglia, postmodum Londinensis Archidiaconi. Olim Monachi & Canonici Regulares in Claustris viuebant Ecclesiae vicinis, eadem mensa omnes videntes. Ex his electi Episcopi Regularia instituta callebant, & ideo Monasteria visitare, & quae pertinent ad Regularem disciplinam, corrigere, & instituere poterant. Nunc verò, cum sint Episcopi ferè omnes seculares, regularis disciplinae ignari, qua fronte Monasteria visitare, & de ijs constituere quae nesciant, prorsus non video. Scilicet docebunt, quod nunquam di-

Z iiii

dicerunt, doctores antequam discipuli, duces prius quàm milites. *Hæc Lomede Parisiensis Aduocatus ante annos ferè triginta in saculares Episcopos, qui gestiunt Regularibus, quoad votivas obseruantias, præesse. Hinc lector videat Parisienses, Lamiarum instar, cacutire domi suæ, qui adeo sunt foris oculati. Quis non rideat hos hæresum hostes? Tantis laboribus & impensis mare & aridam percurrunt, vt in libro Anglicano illud dogma inueniant & damnent, quod ante eorum oculos Parisiis venale laudatum, certe indamnatum prostat.*

## RESPONSIO.

Miseret me tuæ inopiæ: miseret miserrimæ causæ, quæ iterum inbelli ignobilis causidici patrocinio, quasi comploratis rebus, committitur. Hæc omnium maxima contumelia tua est in Theologicam Facultatem, in tot Antistitum cœtum, quòd eos idoneos censueris, quos in vilissimum deuocares pugnæ genus, quos vel ipse tu perpetua ineptiarum hebetudine allatrare, vel cum hominibus alienissimis, longè imparibus, summa absurditate committeres; modò cum Francisco Fontano Antonio Binetio Iesuita Socio tuo, modò cum Ioanne Lomede Aduocato Parisiensi nescio quo, cuius ætatem non in splendida supremi Senatus luce, sed in Officialis auditorij angustis contritam fuisse ferunt, Eltne sanæ mentis, testor selectum illud ex omnium regionum ingeniis, tuum Sodalitium, eltne humani sensus, cuiusmodi hominem dignum ducere, qui tot Antistitum, tot Theologorum emeritorum luminibus toties opponatur? Concedatur tamen hoc delirium necessitati, qua oppressus rapere cogaris quicquid primum obuium est, sine delatu rerum, sine ineptiarum discrimine, solo explendæ penuriæ desiderio. Cæterùm Aduocatus iste, ad quem ab omnibus patronis repulsus, velut ad aram confugis, tuam quoque causam repudiat. Nam verba, quæ affers, nulla sunt in tractatu de exemptionibus Ioannis Lomede, quem mihi videre contigit Parisiis, editum cum multis aliis variorum opusculis anno 1613. in quo nec liber primus, quem citas, reperitur, nec vlla mentio Petri Blesensis Londinensis, aut Bathoniensis Archidiaconi. Tractatulus est brevis, duodecim capitulis constans, non pluribus libris distinctus. Quare vide quem nobis tractatum, quos libros, quæ verba Lomede narres. Si enim forte sumpsisti ex antiquiore aliqua editione, de qua, quæ operis istius ignobilitas est, nobis non constat, sed tamen aliqua esse potuit, cum author testetur illud à se scriptum, non ante annos ferè triginta, vt tu falsò ais, sed ante quadraginta, vel quinquaginta, rege nempe Henrico III. cuius ab obitu anni quadraginta amplius sunt; si igitur ex aliqua antiquiore editione ea verba habes (nec enim adduci possum vt hæc à te tam nequiter fingi putem) vbi eam protuleris, saltem agnoscere debebis petulantiam, qua Censoribus Parisiensibus exprobras id, quod vel in isto libro nunquam fuit, vel, si fuit, eorum iudicio expunctum est, Ita ridiculus iste *clypeus* quem iis obiiicis, in telum, quod nullo clypeo effugias, conuersum est. Tu iam *lamia* es tu *cacus domi, & foris*. Tu *ridendus non hostis*, sed *defensor hæresum*. Tu denique conuitia omnia quæcumque in Censores procaciter agglomeras,

in tuum caput congesisti, mendaciter asserens illud dogma ab ijs in libro Anglicano damnari, quod ante eorum oculos Parisiis venale laudatum, certè indemnatum proster. Sagittæ paruulorum factæ sunt plagæ eorum, & infirmatæ sunt contra eos linguæ eorum. Psal. 65.

Tertiò vt singulas gradatim tuæ obiectionis ineptias explicemus, ista ipsa verba, etsi Episcopis cõtumeliosa, tamen à tuo errore lōgè dissonāt. Aiunt quidem Episcopos qui regularia instituta non calleant, non videri idoneos visitandis Monasteriis, & docēdis quæ non didicerint; sed nō aiunt non debere ea virtute animi, eaque gratia præditos esse vt id possint, quemadmodum potuere & fecere plures Episcopi tum præterito, tum præsentis æuo. Qui quamuis regulares non fuissent, tamen religiosas domos non solùm egregiè visitarunt rexeruntque, sed etiam noua regularium instituta condiderūt, vt Episcopus Gencuensis Religionem Monialium Beatæ Mariæ Visitationis in Gallia; vt siileam Congregationem Oratorij ab Eminentissimo Cardinali Berulio constitutam Lutetia, ac deinceps tota Gallia; Societatem Oblatorum S. Ambrosij Mediolani à S. Carolo, & alias quæ propriè regulares non sunt, quamuis à regularium vita non admodum dissentiant. Non negant igitur illa verba esse Episcopalis, officij ea virtute & vitæ integritate præditum esse, quæ regendis erudiendisque regularibus sufficiat; sed olim id frequentius fuisse volunt in Episcopis, quia sæpius fuerint regulares; nunc minus frequens esse, eo quod minus sæpe è regularibus allumantur. Atque in hoc contumeliam irrogant Episcopis, eamque contumeliam, quam auctori ipsi eluere necesse est, ne latius, quàm velit, serpat, non solùm ad Episcoporum, quos violare non metuit, sed etiam ad summorum Pontificum, quibus adulatur, & in quos studiosior videri laborat, ludibrium. Nam, quod sæpius monuimus, adeò connexæ sunt & cohærent Episcoporum omnium, tum summorum, tum inferiorum, dignitates, vt aliæ infringi non possint; quin aliæ eodem impetu labefiant.

Si ergo Episcopi non congruè præficiantur regularibus, nec possint huic muneri esse pares, nisi regularem vitam sint professi; Si alioquin dicendi sint *constituere quæ nesciunt, docere quod non didicerunt, doctores esse antequam discipuli, duces priusquam milites*; ne summi quidem Pontifices congruè præerunt Regularibus, cùm ipsi non fuerint Regulares. Quærenda erit liberatio ab eorum potestate; exemptiones à Romano quoque Pontifice nouo iure inducendæ erunt, ne fortè constituent quæ nesciunt, doceant quæ non didicerunt, doctores antequam discipuli, duces priusquam milites sint. Hanc ego consecutionem à turbidissima Spongia non visam esse video. Etsi enim aperta & ineluctabilis est, tamen nihil tam apertum in quo non cecutiat, nihil tam perditum, quò effreni Episcoporum odio, & insolenti emulatione trahi non possit. Quo maior opera Pontifici maximo adhibenda est, vt errores improbi, & impotentes istorum animi comprimantur, ne per Episcoporum deiiciendorum libidinem, ad ipsius primarij Episcopi conuellendam auctoritatem, vel volentes, vel inuiti abripiantur ipsa motuum suorum vehementia & indomito impetu, qui neque ab ipsis, neque ab aliis te-



neri queat. Est hæc hæresum omnium errorumque natiua indoles : longam secum trahunt malorum scelerumque grauiorum seriem ; cuius admissio initio , cætera eodem agmine , irrefragabili pernecitate consequantur. Est hæc , inquam , errorum propria quædam concupiscentia , cuius motus nulla ratio cohibet ; imò quæ inuitam eius , in quo infederunt , rationem deuinciunt , vt se explere nequeat inenodabili quodam prauitatum aliarum ex aliis religatarum laqueo. Quam multa hæresiarchæ initio dicere horruerunt , ex hæresibus suis consequentia ? Quàm inuiti ea suis dogmatibus innexa & indiuisa viderunt ? Quæ tamen paulatim priorum hæresum amore ac lenocinio , cum iis pariter complexi sunt , gliscente & inolecente in animis errorum quasi languore. Amare didicerunt , quæ prius fugiebant & oderant , quia illa odille non potuerunt , quorum amore hæc amare coacti sunt. Ita isti nunc quidem simulant se nihil mouere in Pontificem , nihil de illius potestate minuere ; & forsitan ex animo dicunt. Vbi verò errores hæresesque quas fouent , tuentur , vindicant , sine Pontificij culminis depressione teneri non posse , argumenta omnia eò impellere , rem ipsam id exigere , nec aliter coherere perspexerint ; horum errorum studio , eos quoque , quos nunc vitant , quorum pudet , quos metuunt , ad necessarium auxilium asciscere compellètur , & primò non fœda , hinc pulchra videri incipient , quæ nunc deformia putant. Nunquam enim adduci poterunt , vt hos errores , vnde illa manant , expuant animis , stirpesque malorum eruant , quantumcumque priuatis commonitionibus , & rationum lumine obruantur , nisi maiore metu , & Pontificij oris oraculo , inuicta superbiæ pertinacitas maturius expugnetur. Nos interim quos timore non possumus , pudore , & errorum perditorumque consiliorum infamia compescere conamur , ne sine vllò vndique retinaculo , ad Ecclesiæ labem , ad ordinis doctrinaque Ecclesiasticæ & auitæ subuersionem , grassari pergant.

Vt igitur ad propositum redeamus , intolerabilis arrogantia est leuitam hominis penè ignoti vocibus iactitare , Episcopos , nisi regulares fuerint , non esse regendorum regularium muneri pares , docere quod nesciant , doctores priusquam discipulos esse , duces priusquam milites. Quo sermone & Romani Pontifices , & Eminentissimi Cardinales , alique viri primarij , qui Congregationi , quæ Romæ de Regularibus Pontificis authoritate constituta est , præsunt , vellicantur & carpuntur , quasi munus cui sint impares aggredi audeant , & docere quod non didicerint. At nos istud quidem legimus scriptum à SS. Patribus , in Monachos præproperè , & illotis , vt aiunt , manibus , ad Clerû prouolare gestientes , verendum nimirum esse , ne magistri prius fierent , quàm discipuli fuissent ; *si Clericatus te titillat desiderium* , inquit Hieronymus Monacho , *discas quod possis docere , & rationabilem hostiam offeras Christo , ne miles antequam tyro , ne prius magister sis quàm discipulus*. Quibus verbis Monachorum status ad Clericorum , vt tyronum ad militum , vt discipulorum ad magistrorum , comparatur. Sed tali sermone vllius nominis scriptorem quempiam præposterè vsum esse , ad erigendas supra Clericos , imò supra



Aug. epist.  
203. & bo-  
mil. 25. l.  
50. homil.  
& ep. 155.  
& passim.

2 Chrysost.  
lib. con.  
Gent. seu  
de S. Ba-  
byla :

Τὸν δὲ ἰσ-  
χυρὸν καὶ  
τοιοῦτον  
ἐξουσίαν  
τοῦ μισθού-  
μεν ἑαυτοῦ,  
ἀλλὰ τὸν ψυ-  
χῆς ἐκείνου  
ἀποπνεύ-  
σαν, ὅς ἐστι  
ἀποπνεύσαν-  
τος, ὁ Θεὸς αὐτῷ  
ἐκείνῳ, καὶ  
καὶ τὸν αὐ-  
τῷ, ὁ δὲ ἰσ-  
χυρὸς καὶ  
τοιοῦτος  
καὶ τὸν αὐ-  
τῷ, ὁ δὲ ἰσ-  
χυρὸς καὶ  
τοιοῦτος

καὶ τὸν αὐ-  
τῷ, ὁ δὲ ἰσ-  
χυρὸς καὶ  
τοιοῦτος  
καὶ τὸν αὐ-  
τῷ, ὁ δὲ ἰσ-  
χυρὸς καὶ  
τοιοῦτος  
καὶ τὸν αὐ-  
τῷ, ὁ δὲ ἰσ-  
χυρὸς καὶ  
τοιοῦτος

Hoc est :  
Episcopum  
oportet nō  
minuere  
magnitu-  
dinem hu-  
ius potesta-  
tis, sed ani-

mam potius exuere quā auctoritatem huic principatui à Deo supernè attributam. Qui enim hoc pacto mori-  
tur, etiam post mortem omnibus prodesse poterit. Qui verò hunc ordinem deservit, non solum post mortem  
proderit nemini sed etiam viventium quibus præest, plures molliores efficit, & ipse apud extraneos vituperabi-  
lis & ridiculus efficitur. b 1. Cor. 12. Ephes. 4. c Dignitas in Dialogo duorum militum, tom. 2. col. 869.

confi-

rio & Augustinosimiles, subleuari cupere parte oneris Angelicis humeris formi-  
dandi; Malè nouit, malè lædit Gregorij, Augustini, & piorum Episco-  
porum sanctitatem. Optauerunt quidem sancti Episcopi, si Deo vo-  
lente fas esset, totum onus illud Angelicis metuendum humeris depo-  
nere, eius præstantiæ & propriæ tenuitas conscij. Vnde Augustinus  
Episcopatum suum sæpè seruitutem, sæpè sarcinam, sæpè pondus vo-  
cat. At diuidere Episcopatum, non minus quàm Ecclesiam discindere  
horruerunt, ne fidem muneri sanctissimo, Ecclesiæ, Christo ipsi, à quo  
tantam rem quasi diuinissimum depositum suæ curæ datam esse norant,  
fallerent, si eam, sui leuaminis studio, lacerari paterentur. Coluerunt  
eam, venerati sunt, amarunt; iura eius diuinæque dotes maiori studio  
quàm propria membra tutati sunt; citiusque mortem subeundam do-  
cuerunt, quàm permissæ sibi sacratissimæ Christi potestatis, quæ re-  
gni ipsius pars magna est, leuissimam deminutionem. Sed ista Spon-  
giæ ignorare licitum est. Nihil nouit nisi ignobiles ignotissimorum  
causidicorum codicillos, Hinc scientiam Theologicam; hinc veterem  
Ecclesiæ disciplinam petit, læua quadam & sinistra humilitate homi-  
nem non Theologum doctorem capere mauult; quàm florentissi-  
mam Theologorum Facultatem, quàm amplissimum cœtum Episcopo-  
rum, qui Doctorum Doctores, & Theologiæ Doctores primarij sunt,  
non ab Academiis, sed à Christo Iesu per Spiritum sanctum cooptati,  
& in Ecclesia positi, ne circumferamur omni vento doctrina in nequitia hominum,  
in astutia ad circumuentionem erroris.

#### SPONGIA.

Dicer quispiam, Gallus hic est, at Daniel à Iesu Angelus. Ergone Gallus,  
quia Christianissimi audiunt, licebit quod Christiano non licet in Episcopos sci-  
licet quod libet dicere; ut olim Joannes Gerson in omnes vniuersitatis, scilicet  
Angliæ Episcopos debacchatus est inuectiua, quam Parisienses ipsi ediderunt,  
atque adeo si sit tibi quidpiam nota dignum, nostros Censores id tangit. Audia-  
mus ea ibi dicentem quæ magis Censura egent, quàm quæ Daniel à Iesu, aut  
Nicolaus Smithaus scripsit. In Dialogo Anglum inter & Gallum Anglo  
monenti ne carperet Præsules Ecclesiæ Anglicanæ, quas sua dignitas faceret  
venerabiles, respondet Gerson<sup>b</sup> Dignitas ex se improbos nequit facere re-  
uerendos, quia ex se dignitas nihil habet virtutis, nec virtus ex digni-  
tate, sed propter virtutem datur dignitati honor. Si enim aliquid boni  
à natura inesset dignitati, mali non præessent, sicut videmus præesse.  
Video Præsules vestros & Sacerdotes, armigeros, & viros sanguinum  
effectos, sed quo iure nescio; & tamen nuper audiui Regem vestrum  
Henricum ultimo vita functum strenuum mirabiliter, Præsules vestros  
arguentem & mordentem, quod ex eorum incumbenti officio, non es-  
sent pacis amatores, zelatores, & perquisitores, Et tamen vestros vidi  
Prælatos magnos, & audio bellatores, eorumque mores tam euersos

considerans, recolo quod dicit Bernardus ad Eugenium, Quod totus zelus Ecclesiasticus feruere videtur in tuendis possessionibus, dignitatibus, honorique totum detur, & sanctitati nihil, de Dei placito vltima fit mentio, & de iactura salutis cunctatio nulla, nec salubre putatur nisi quod sublime, & nihil iustū videtur nisi quod gloriā redolet. Dic precor Prælati tuis, Non in fortitudine viri beneplacitum est Deo, sed super humilem & mansuetum, & timentem verba Domini requiescet spiritus eius, & Qui te in vna maxilla percusserit, præbe aliam. Dic Prælati tuis magis annuentibus maiestati quàm veritati, mente vt reuoluant illud tremendum Euangelium, Nisi iustitia vestra abundauerit magis quàm Phariseorum, non intrabitis in regnum cœlorum: qui dixerit fratri suo, Racha, reuserit iudicio, qui dixerit, fatue, reus erit gehennæ ignis. *Hæc Gerson, quæ absit vt regeram in Gallia Episcopos; nec enim, vt ille, rumusculis de Episcoporum moribus fidem habeo, neque si mihi constaret de eorum malis euersis, propterea illos venerari desisterem. Odi enim & execror illud Gersonis dictum, à nostris Censoribus editum, & approbatum, Dignitatem ex se Episcopos virtute destitutos non facere reuerendos, nec dignitati ex se, sed virtuti honorem dandum, quod nisi violenta interpretatione torqueatur à proprio sensu verborum, ipsissimum est Vviclefi dogma in Concilio Constantiensi damnatum, quod isti falso, & malitiose Nicolao Smithæo imputant.*

## RESPONSIO.

Redi, redi in viam & in mentem. Malæ te intemperiæ præcipitant. Quò abis à proposito, à pudore, à sanitate, in deuiam conuitorum blasphemiarumque voraginem? Agebatur de propositione, qua dicere ausus es gratum fore sanctis Episcopis, si dicantur sui muneris lege potentes esse non debere dirigendorū Regularium. Hanc vbi vix delibasti, loloq; causidici nescio cuius indocto falsatoque testimonio, homo Theologus, & Iesuita Theologus, ridicula vanitate probare ingressus es, tranuolas sine causa, sine lumine animi, insita tui genij mobilitate, ad longam Ioannis olim Gersonis in sui æui Anglicanos Episcopos increpationem, vt sub illorū imagine, quorum honori, ne mortuorū quidem, parcere potes, inherentem medullitū in Gallia Episcopos prauitatum tuarum vindices, maleuolentiam exoneres. Nec enim iam ferimus illas voces stolidæ vafritiæ toties exhibitatæ plenas, *Absit vt hæc regeram in Gallia Episcopos*: quia intolerandum est te tam inanis præsidij spe, ruere effuso animo in enormis maledicentiæ spatia, vt quæcumq; fanda infandaq; vomueris, impunè fore putes, dummodò coronidis vice subiicias, te sine blasphemandi studio blasphemasse, & in medio criminum æstu esse insontem. Nempe non solum impudens, sed amens haberi cupis.

Si Gersonis locum non probabas, nihil fuit cur referres, cur exscriberes, cur pagellam impleres. Locus est remotissimus à serie sermonis tui, & à disputationis orbita. Nihil eò te compulit, nisi & intentus ad contumeliam animus, & natura lasciuior, certæque rationis terminis teneri neleia. Lætatus es te Gersonis verbis vendicare posse, quod mente



conceptum tuo nomine expromere verebare. Metuisti ne quod notum esse cupiebas, nimis lateret. Quæ enim dolemus mala, etiamsi publica sunt, tegere conamur: Quæ cupimus & volumus, etiamsi latent, prodimus, & sine necessitate buccinamus. Nam illa clausula, *Absit ve hac regeram in Gallia Episcopos*, admonitio potius est, ne Lector minimè malus generatim spargi putet in omnium gentium Episcopos, quæ ad Præsules Galliarum, qui nimirum ausi sint Molinisticam gloriam, Iesuiticam tenebrositatem attingere, nominatim referuntur. Ac, ne color conuitio desit, additur, *Nec enim, ut ille, rumusculus de Episcoporum moribus fidem habeo*, ut confictis rumusculis, & veteratiori de vocata in dubium fama Episcoporum, intentatæ blasphemiarum in eorum nomine faciliùs infideant. Eò enim referuntur sequentia, *Neque si mihi constaret de eorum moribus euerfis, propterea illos venerari desisterem*, quibus verbis cumulatür conuitium; Episcopi, venerationis specie, quò maior insultatio fiat, ad vltimam dedecoris infamiam detruduntur.

Nec hoc satis ad tuæ amaritudinis radicem eruendam. Altiùs manant eius fibrae, & in ipsum Gallicanorum Præsulum velut cor, sua venena conferunt. Nec enim omnes, nec ulli adeò sunt, Galliarum Episcopi, eorù in primis quorum nominibus tuarum hæresum Censura notata est, quibus impingere possis Gersonis locum, & simulatam Gersonis nomine declamationem. Nulli eorum sunt in quos dicere queas, *Video Præsules vestros & Sacerdotes armigeros, & viros sanguinum effectos, non pacis amatores, zelatores, perquisitores, sed bellatores, &c.* Nulli eorum bella gessere, nulli tractarunt arma, nulli bellorum consiliis interfuerunt. Vnus est in quem ista cadant: Vnus qui criminationi huiusmodi subiici possit, ut merito suo maximus & celeberrimus, ita summis in tuam Societatem meritis, tibi tuisque, non sugillationibus obliquis, sed gratulationibus publicis prosequendus. In quem quòd impote sui animo, & improuida mordacitate ferare, tamque amplum nobis in eum laudum, in te obiurgationum & increpationum æquissimarum campum aperias, non minima feruoris & imprudentiæ tuæ, tuorumque pars esto. Retundemus verò istos æstus non molli brachio, & summi viri famæ procacem istam stultitiam splendide admodum mactaremus, nisi altissima quadam reuerentia, & publicarum rerum religione prohibiti, sancta Regum sacramenta temerè, more tuo, violare, & superuacuas ei defensiones, & intempestiua encomiorum munera tribuere vereremur. Satis eum interim sua ipsa fama, & totius orbis, etiam inimicorum, admiratio, & necessarij plausus, non solum à tuis contemptissimis fraudibus, sed à multo valentioribus quibuscumque petitionibus, tuebuntur.

Tib. 12.

Infelicitè verò, & in primis fallaciter, in illius contumeliam rapitur Gersonis locus. Gerson enim eos Præsules Anglicanos carpit, qui Regem suum ad bellum apertè iniquissimum & nefarium, ut validis argumentis latè probat, in natione Gallicanam concitabant. Quo bello præter infinitam Galliarum calamitatē, hoc etiam Christianæ rei vniuersæ detrimenti attulerant, quòd Philippum Valesium Galliarum Regē expeditioni Hierosolymitanæ cum trecentis armatorum millibus accinctum,

à pio proposito abstraxerant, cū ei ad sacrum iter suppetias spōn-  
dissent; corrogatumque per Angliam pium pij belli stipendium, in bel-  
lum non pium aduersus Christianissimam gentem conuerterant. Quod  
malignè à Spongia suppressum est, ne Gersonis publicum crimen ex-  
postulantis æquitas manifestè cerneretur, intereisque nequiter eius  
voces. Nam post illa verba, *Et tamen vestros vidi Prelatos Magnos, Et au-*  
*dio bellatores, & omnia transiit, Et pridem, quod deterius est, pium Et chari-*  
*tatiuum subsidium pro fide Christi iure datum, Et contra hæreticos conuertendum,*  
*contra nos Christianissimos conuersum, Et pro nostra occisione erogatum, quod mihi*  
*nedum admirationem inducit, sed stuporem.* Ex quibus Gersonis in illos que-  
rimonia non iniqua fuisse probatur, præcipuè cū collocutor Angli  
militis personam agens, eos belli authores & incentores, quasi in re mi-  
nimè dubia, fateretur.

Sed Iesuitarum cæcitas vbique sui similis est. Pari æstu odij Sorbonam, & quicquid eam attinet, inuolant. Vno eodemque opprobrio Gerlonem, antiquum illius decus; & eius præsentem lucem, caput, patrem, complectuntur. Eadem vtrumque criminationis stoliditate impetunt. Sicut enim alterum vexant quasi pacis osorem, studiosum belli, bellatorem, virum sanguinum, eo tempore cum is suæ vitæ dispendio pacem Ecclesiæ moliretur; Ita Gersoni Vviclefi hæreses inurunt, quo nullus Vviclefi maior hostis, nullus vehementius & efficacius in Concilio Constantiensi, Vviclefi damnationi incubuit. O Iesuitam suorum miserrimum defensorem! alienorum miserrimum oppugnatorem!

Si Gersoni vitio dandum est, quod negavit homines dignitate venerandos effici; tam multos habebit criminis socios; ut vel Iesuitam pudeat accusationis, nedum damnationis eorum. Notum est hunc esse piorum hominū, & Christianorum pene omnium sermonem, quo non ipsas dignitates, sed earum abusionem, & fiduciā, & solitudinem superflua insecantur. Ita locuti sunt tum sepius, cum multo acrius SS. Patres. Hieronymus loco à Spongia non longè antè prolato, *Non facit, inquit, Ecclesiastica dignitas Christianum.* Et alibi, *Nemo magis Ecclesiasticus est, quam qui nunquam haereticus fuit.* Quin & Episcopum qui minus se rectè habeat, negat habendum Episcopū: *Illud etiam dico, Episcopi sacerdotes se esse noverint, non dominos: honorent Clericos quasi Clericos, ut & ipsis à Clericis quasi Episcopis honor deferatur.* Scitum illud est oratoris Comitij, *Cur ego te, inquit, habeam ut principem, cum tu me non habeas ut Senatorem?* Similia passim occurrunt.

¶ Imò Chryſoſtomus ſcribit Heliam congregientem cum Achab, ſpre-  
wiſſe eius dignitatem, eum non ut verum, ſed ut perſonatum Regem ha-  
buiſſe, quòd in eius animo nihil Regium intueretur. Pleni libri ſunt  
eiuſmodi locutionibus, quæ licet ſimile quippiam cum Vvicleſi hære-  
ſibus præ ſe ferant, provt altiffima quæque veritas errori proxima & cõ-  
tigua eſt; ab ea tamen tantò magis diſſonant, quàm medium & vulgare  
veritatum genus, quanto in maiori & excellentiori veritatum ordine  
ſunt. Nihil quippe volunt orationes eiuſmodi, niſi hominẽ ipſa digni-  
tate non magnum effici, aut venerabilem apud Deum, aut in imis pio-  
rum hominũ ſenſibus, aut cœli honoribus digniorem; tametſi humanis

a Hieron.  
epist. 1. ad  
Heliud  
Idem ep. 62  
ad Theoph.  
adversus er-  
rores Ioan.  
Hieros.  
Spong pag.  
19.  
Idem ep. 2.  
ad Nepot.  
b Chrysost.  
hom. 8. ad  
pop. An-  
tiochen.  
ιδιαις αὐτῷ  
χρησιν ὡς  
δουλοῦ ἐπὶ τῷ  
πατρὶ, κατὰ  
φύσιν αὐτῷ  
τῷ ἀρχεῖ κα-  
θεστὸς ὡς ἐπὶ  
τῷ οὐλῷ.  
αὐτὸς οὖν οὕτως  
τῷ αὐτοκράτορι,  
ἐπὶ τῷ βασι-  
λεὶ δέσποτι,  
hoc est :  
Cum cum  
introspec-  
ret capti-  
uum esse, &  
vitiis  
mancipiū,  
ipsius prin-  
cipatum  
contemp-  
sit. Regem  
enim sibi  
non verū,  
sed sceni-  
cum aspice-  
re videba-  
tur.

externisq; dignior fiat. Sic clarè exponit ipse Gerson ibidem, proximis verbis, *utinam talis sit, cuius operatio, lingua, mens, & vita testimonium præbeat dignitati. Apud Deum enim non maiestas, sed actus, vita & morum dignitas approbatur. Hoc nimirum est tuum illud ipsissimum Vviclefi dogma, nisi violenta verborum interpretatione torqueatur. Tua verò mens, quantumvis violentè torqueas, vix ad sanam vllam cogitationem flecti possit. Omitto quod si sedatiore animo opuscula ista perlustrasses, vidisses in editione Parisiensi qua vsus es, ea negari esse Gersonis. Sed tibi Censores tuos censere, perfas & nefas traducere, summa demum voluptas est, & quouis crimine redimenda. Sanus esto, & eos sanos habebis.*

## PROPOSITIO VNDECIMA.

Ex Cap. 6. Num. 30.

**E**XCELLENTIA Religiosi status, qua caret Episcopalis status, hæc est, quod religio est status perfectionis acquirēda, cum status, Episcopi sit in statu perfectionis acquisita. Esse in statu perfectionis acquisita, non importat esse in statu, ex cuius professione perfectio actu acquiritur, sed qui supponit aliquem esse antea perfectum, dando illi nulla media propria statui, quibus perficiatur, si fortè non sit perfectus, cum assumit illum statum, ita ut homo imperfectus factus Episcopus, si alias fortè euadit perfectus, hoc sit exercitio actionum, quibus non tenetur ex statu. Et paulò post. Si non sit ita prius (scilicet perfectus) est in periculoso statu, quia in statu requirente multam perfectionem, sine mediis propriis ad illam obtinendam.

## CENSURA.

Ista propositio, quatenus asserit Episcopum ratione sui status non teneri ad vllas actiones, nec habere vlla media, quibus seipsum perficere possit, est falsa, temeraria, erronea, verbo Dei contraria, & dignitati status Episcopalis derogat.

## SPONGIA.

Videntur Censores hoc loco, non ex malitia, sed ex mera ignorantia, crassa tamen, impingere. Author quidem dicit Episcopum, ratione status Episcopalis, non habere media, quibus ex imperfecto, hoc est, peccatis dedito, fiat perfectus & sanctus, non negat tamen habere media, quibus ex perfectio fiat perfectior, & ex sancto sanctior. Verba eius qua citant, hæc sunt: Nec habet media statui propria quibus perficiatur, si fortè non sit perfectus. Negat igitur Episcopali statui media propria, quibus perfectio acquiratur, non quibus augeatur, & hoc certè verissimum est. Episcopatus quippe, cum supponat perfectum, & à peccatis purum, actiones propriè Episcopales non possunt reddere purum à peccatis & perfectum, sed tantum perfectiorem, & sanctiorem per se loquendo. Actiones enim, quibus homo sit ex peccatore iustus, & ex imperfecto perfectus, sunt penitentia & mortificationis, ad quas exercendas Episcopus, ut Episcopus, non ordinatur, sed ipsis iam superior supponitur ratione status, quicquid reuera sit ratione vite.

## RESPONSIO.

Frustra tegere conaris diffidentiam quæ te angit; inconsultâ verborum audaciâ. Frustra in imperitiâ tuâ subsidium, impudentiam aduocas. Sat vides errorem tuum; sentis incautam tuâ propositionis temeritatem: sed fateri planè non potes, quia superbia obsedit cor tuum; quia eius Societatis membrum es, quæ omnia prius verti ac ruere patiatur, quàm quippiam à se secus dictum, aut factum agnoscat. Hic enim Molinistice factionis genius, hæc solennis quodammodo per orbem confesseratio est. Fateris igitur statum Episcopalem *habere proprias actiones, quæ perfectiorem, & sanctiorem per se loquendo Episcopum faciant*. Hoc si verè & ex animo dicis, à Censoribus didicisti; ante enim, nec fatebare, nec sciebas, sed contrarium scribere, & asserere ausus es. Quare si hæc vera scientia est, ingratè Censores, ne dixerim procaciter, *mera ignorantia*; & quidem *crasse* arguis, cum hoc quod scis, ab iis sumpseris, & eorum Censura perstrictus, ex ignorantia, errorumque veterno euigilaris. Quod enim ut hanc palinodiam obscures, nec errorem agnoscere videaris, ne quid de splendida Societatis opinione minuatur, dicis te negasse solum Episcopali statui media propria, quibus Episcopus ex imperfecto perfectus, id est, si tuam glossam audimus, ex peccatore & criminoso iustus fiat, non autem quibus ex perfecto perfectior euadat; magna te imperitia, & audacia inuoluis. Nam te negasse Episcopali statui generatim media, quibus non solum prima gratia, sed etiam maior perfectio & sanctitas acquiratur, tua propositio clariùs docet, quàm ut tuæ negationis fidentia ferri possit. Dicis enim aperte Episcopum *esse instatu requirente MULTAM perfectionem, sine medijs proprijs ad illam obtinendam*. Media ergo ei ademisti, non solum quibus ex peccatore fiat iustus, sed media perfectionis & perfectionis multæ, & illius perfectionis, quam status Episcopalis postulat; quam necessariò, si sapias, fateri debes esse aliquid simplici gratiæ statu altius & eminentius. Quid ergo tergiuersaris? quid sensus abnegas tuos? quid apertissimum errorem mendacijs velare contendis, præcipuè tanta intemperantia orationis, qua hoc vnum egisse videris, ut ea vitia, quibus vel maximè indulgebas, vtrò Censoribus obiectando, innocentia speciei ipsa impudetiæ magnitudine simulares?

Ignorantia verò præterea grauissima est, quod ut ex hoc loco, ubi tam manifestè teneris, effugas, ridiculas hominum oculis præstigias iniicere conaris, & communes hominum Christianorum notiones perturbare, dum id quod dixisti Episcopum *nulla media habere statui propria, quibus perficiatur si forte non sit perfectus*, sic exponis, ut sensus sit, non habere media propria quibus ex peccatore fiat iustus, ex priuatione gratiæ ad gratiam transferatur. Itaque *imperfectus* tibi & *peccator* eadem sunt; pro vno habes non esse perfectum, & esse peccatorem, gratiæ expertem, improbum. Hæc tua mera scientia, & crassa scientia est, cui *meram ignorantiam*, & *crassam ignorantiam* opponis. Itane verò in tua deliria orbem conspirasse arbitraris, ut probet hæc? Ut tam inaudita suffugia tibi det? Ut tuâ incredibilem inuerecundiam non horreat? Quis enim Theologus,



Vide Bern.  
serm. 3. &  
4. in Cant.  
August. in  
Psal. 5. &  
ep. 17.  
Heb. 5. &  
6.

1. Cor. 9.

Rom. 15.

1. Ioan. 4.

2. Cor. 7.

Iac. 1.

Hebr. 5.

vel omnino Catholicus tibi concedat, ut *imperfectum* cum peccatore confundas, *perfectum* cum iusto & gratiæ particeps? hæc ignorantia, an stupor, an desperatio est? Nam ipsi penè pueri, qui fidei & pietatis elementis imbuuntur, sciunt tres esse iustorum status, *Incipientium, Proficientium, & Perfectorum*. Quorum duo primi continent nondum perfectos, imperfectos, iustos tamen gratiæq; participes, non improbos & peccatores. Nam hos gradus eleganter Bernardus exponit per triplicis generis oscula, pedum, manuum, & oris Dei. Quorum nullum peccatoribus & scelerosis conuenit. At Iesuitæ, pro crassi pinguisq; scientiæ iure, placet miscere hos status, omnes perfectos facere, iustitiæ discrimina tollere, ut in nouo genere perturbationis, erroris ipsius informitas occulatur. Quid scripturas commemorem? Paulus ad Hebræos scribens imperfectos eos significat, iustos tamen, non peccatores. Idem de Corinthiis: Idem de aliis passim. Et clarius ad Romanos perfectorum & imperfectorum discrimen intra ipsos iustos fidelesque constituit, perfectos *firmiores* vocans, imperfectos *infirmiores*; *Debemus autem nos firmiores imbecillitates infirmorum sustinere, & non nobis placere*. Apertè quoque D. Ioannes, *Qui timet, non est perfectus in charitate*; nec tamen ideo charitatis expers, aut peccator est. Denique ferendum non est, nos ad ista confutanda adigi, quæ toto scripturarum concentu, & ipso Christianorum omnium, quantumuis imperfectorum, generali lumine exploduntur. Imperfectorum nomine vniuersi eos intelligunt, qui ad aliquem gratiæ statum, nondum tamen plenioris & consummationis, sunt euecti; qui, ut ait Apostolus, *non perfecerunt sanctificationem in timore Dei*; *Nondum opus perfectum habent, ut sint perfecti, & integri, in nullo deficientes*, quantum mortalis vitæ infirmitas ferat. Neque vnquam eos, quibus adhuc nouella & tenera, & rudis quodammodo iustitia est, quibus *lacte opus, non solido cibo*, qui *paruuli sunt, & infirmiores*, perfectos vocauit scriptura. Ijs solis hoc tribuit *qui pro ipsa consuetudine exercitatos habent sensus ad discretionem boni & mali*. Peccatores autem ne imperfecti quidem sunt in ordine gratiæ, nisi forte catachresticos, cum plane non sint, sed mortui sint, & in ipso nihilo & priuatione gratiæ iaceant. Ineptè mortuum hominem vocabis hominem imperfectum; quia prorsus non est homo. Homo imperfectus is est, cui aliquid ad humanæ naturæ integritatem deest. Abhorret igitur ab omni veri & pudoris specie, ut Iesuita, cum negauit Episcopum *habere media propria, quibus ex imperfecto fiat perfectus*, nihil voluerit, nisi eum non habere media quibus ex peccatore fiat iustus. Hæc sit ignorantia illius crassa, vel crassa potius malignitas, & ariditas, & inopia defensionis summa animi peruiacitate coniuncta.

### S P O N G I A.

Hanc autem assertionem cum dicunt falsam, temerariam, Episcopis iniuriosam, audacter dico, nesciunt quid loquantur; est enim dogma omnium Theologorum, quodque vel maxime status Episcopalis, dignitatem continet. Hoc quippe significat axioma illud Theologicum, Episcopum esse in statu perfectionis ac-

quisita, atque adeò non ex vi status, seu per media status propria acquirenda, cum Philosophia oraculum sit, Actionem non dari in prateritum. Nam primò perficere iam perfectum, acquirere velle iam acquisitum, quid aliud est quàm actum agere? Igitur impossibile est, & in terminis implicat, perfectionem ex vi status acquisitam esse, & ex vi status acquirendam. Quamvis fortassis dici possit, iam acquisitam ex vi status augeri, atque adeò Episcopum esse in statu perfectionis, non quidem primò acquirenda, sed augenda; qua de re non disputo, quamvis video disputari posse. Actiones enim Episcopales, licet sanctitatem Episcopi insigniter augeant, tamen status ipse per se augmentum illud non respicit, cum status sit perfectionis alijs communicanda, non in se augenda, nedum primò acquirenda. Exhibeo exemplum, Qui Grammaticam docet, suam sine dubio scientiam, dum alios docet, auget & perficit: nemo tamen opinor dixerit, officium Magistri Grammatices esse officium scientiæ Grammatices ipsi magistro acquirenda, vel augenda. Quamvis enim ratione officij actiones exercere teneatur, quibus Grammatices reddatur peritior, illud tamen augmentum officium Magistri per se non respicit sed est officio per accidens & consuetaneum, quamvis fortassis persona Magistri illuc primariò spectet. Et hac est status Episcopalis vera excelsitas, quovis statu sua perfectione sublimior, Dei gloriam, qua percipitur ex lucro animarum, irreflexa ad seipsum acie purè intuetur. Hac est, inquam, altitudo status, quamvis personarum, qua in statu sunt, cogitationes fortassis saepe humiliores sint, nec in hanc sphaeram assurgant. Sed hac subutiliora sunt, & ad hanc Episcopalis fastigij lucem Censores nostri bubonum instar, sat scio, cæcutiunt; & quoniam quicquid ignorant, statim Censura notant, ex tenebris suis iam cantantes audio ferale illud carmen, Falsum, temerarium, erroneum, verbo Dei contrarium.

## RESPONSIO.

Quid primùm querar, aut eloquar aduersus insanientis stupiditatis prodigium? Stupore iacet, arrogantia insurgit; friget ac feruet. Nulla Chimæra secū ipsa dissimilior, discrepantior, fabulosior. Verborū quidem petulantia, & superbissima rusticitas per se patet; nec quamvis densioribus æstuantis animi tenebris inuoluatur, vllō orationis lumine indiget, vt cerni possit. Ignorantia multiplex patefieri debet, non quò docti indigeant, sed quia indocti egent, & superbi, & pertinaces, quos si sanare nequeamus, simpliciorum saltem & bona mente errantium fidem eis auferemus.

Imperitissimè igitur primò responder Spongia, Episcopum non esse in statu perfectionis acquirendæ; quia est in statu perfectionis acquisitæ. Malè errat, malè argumentatur; & hoc errorum eius caput est. Fallitur autem dupliciter; primò, quia in statu perfectionis acquisitæ, vel acquirendæ, nomine perfectionis intelligit gratiam, etiam primam: quem errorem supra refellimus, & primam gratiam ostendimus non posse dici perfectionem, Scripturæ ac Patrū leni, nec eum qui primam solum gratiā habet, perfectū; Multo minùs perfectionem, quam Episcopatus exigit, & quā dicitur acquisitæ perfectionis status, esse primā gratiam, & simplicem iustitiæ statū, sicut à Spongia perpetuò supponitur. Ineptissimum est, & dictū absurdissimū, Episcopatum non aliam perfectio-

nem supponere, nisi peccati puritatem, gratiamque primam. Neque tanta stoliditas refelli meretur, & satis confutata est ipsiſ Ieſuitæ vocibus in propoſitione damnata, *Episcopalis ſtatus requirit multam perfectionem*. Non ergo perfectio acquiſita quam ſupponit, eſt ſolus gratiæ ſtatus, ſed perfectio, & multa perfectio gratiæ; etſi contrarium in Spongia ſimulet ad neceſſariam euafionem

Secundò fallitur, quia *ſtatum perfectionis acquirendæ*, intelligit primò acquirendæ, ita ut ſtatus perfectionis acquirendæ ille dicatur, qui tendit ad primò acquirendam perfectionem, ſeu gratiam, Niſi enim ſic intelligat, abſurdè colligit ſtatum Episcopalem non eſſe ſtatum perfectionis acquirendæ, quia eſt ſtatus perfectionis acquiſitæ. Nam fieri poſteſt, ut & perfectione iam acquiſitam ſupponat, & ampliùs eam acquiri poſtulet, iuxta ſcripturâ, *Qui iuſtus eſt, iuſtificetur adhuc, & ſanctus ſanctificetur adhuc*; adeoq; ſimul ſit ſtatus & acquiſitæ & acquirendæ perfectionis. Sed quia ſtatû perfectionis acquirendæ cenſet eum eſſe, quo perfectio, ſeu gratia primò acquiratur; ideo repugnare dicit ſtatum eſſe perfectionis acquiſitæ, & acquirendæ, hoc eſt, primùm acquirendæ, quaſi nondû acquiſita eſſet. Quod ſanè illo poſito manifeſtum eſt. Itaque concedit *Episcopum fortæſſis eſſe in ſtatu perfectionis augendæ*, ſed non acquirendæ, ſeu, ut ait, *primò acquirendæ*? quia videlicet ſtatum perfectionis acquirendæ intelligit de prima acquiſitione.

Hæc autem poſitio, præterquam quod merè voluntaria eſt, nullo fundamento nixa, fictitia; etiam communi fidelium & Eccleſiæ ſenſui refragatur. Quis enim ſtatum religioſum qui dici ſolet ſtatus perfectionis acquirendæ, ideo ſic dici putet, quia in eo perfectio, ſeu gratia primò acquiratur? Quæ eſt hæc audaciſſimorum hominum infœlicitas, ut ſemper ruerè cogantur in communem ſenſum, & in apertiſſimam rerum lucem; nec effugere valeant, niſi communes & penitus inſitas humanis animis notiones euellerint? Magna videlicet regularis ſtatus perfectio erit, ſi ad gratiam primò acquirendam deſtinetur. Magnum habebunt decus, quo ſuperbiant, & ferociant, aduerſus Episcopos, & Clerum perfectionis arrogantia, qui nequidem vulgarem fidelium ſtatum hac ratione ſuperabunt. Nam fidelium omnium, imò Catechumenorum ſtatus, hoc ſenſu erit ſtatus perfectionis acquirendæ, id eſt, primò parandæ gratiæ; quia Catechumeni ad baptiſmum tendunt, gratiæ baptiſmalis, qua nulla prima gratia maior eſt, candidati, Imò pœnitentes quivis, etiam illi antiqui, qui extra Eccleſiæ cõmunionem ſegregabântur ad plures annorum decurias, in ſtatu perfectionis acquirendæ erunt, quia in ſtatu gratiæ primò acquirendæ, cùm eam ſummis laboribus & moleſtiis corporis, animique acquirere molirentur. Quis tamen hos vnquam in ſtatu perfectionis poſuit? Moliniſtarum hæc ſomnia ſunt, & aniles nugæ, quas tolerandum non eſt, tanta verborum fiducia, proterviaque iactari. Vtrumq; enim ſtatum æqualiter dedecorant, tum Episcoporum, tum Regularium, dum illius perfectionem acquiſitam, & huius perfectionem acquirendam, in prima gratia, & tranſitu à peccato ad iuſtitiam conſtituunt. Vnde ſequetur hos ſtatus non eſſe maioris

perfectionis, nec maiorem perfectionem profiteri perfectione vulgi fidelium, & Catechumenorum, & Pœnitentium. Quæ summa est utriusque illius status, in suo genere præstantissimi, dehonestatio. Et præterea sequetur, nullum in Ecclesia esse statum, qui summam aliquam & eximiam perfectionem profiteatur. Quæ omnia, quasi Stoicorum paradoxa, exsufflanda sunt.

Dupliciter ergo errat, ut initio diximus, Spongia in exponendo *statu perfectionis acquisita, & acquirenda*. Neutram vocem intelligit nec *perfectionis*, quam pro quacumque gratia, etiam prima accipit; nec *acquirenda*, quam de prima solum acquisitione interpretatur. Certum enim est statum perfectionis acquirendæ illum dici, non qui ad primam vulgaremque gratiæ acquisitionem dirigitur, sed qui spectat adeptionem gratiæ alicuius eximiæ, minimeq; vulgaris, quæ sola nomine perfectionis intelligitur. Vnde Regulares, quia sunt in statu perfectionis acquirendæ non primam gratiæ acquisitionem, sed maiorem Matth. 19. vulgo, & excellentiorem, & consiliis Evangelicis, ei qui omnia iam mandata se perfecisse dixerat, propositis respondentem profitentur, primamque, ut minimum, gratiam iam acquisitam supponunt. Nec ideo tamen sunt in statu perfectionis acquisitæ, quia prima gratia perfectio non est.

His positis quæ perspicua sunt, & dissecta rerum vocumque perturbatione, in qua sola effugij, ac defensionis spem Iesuita collocavit, ad vltiores eius munitiunculas demoliendas pergendum est.

Fatetur *actiones Episcopales sanctitatem Episcopi insigniter augere*, id est, statum Episcopalem habere media egregia parendæ insignis sanctitatis adeoque Episcopum teneri ad actiones quæ sanctitatem insigniter augeant. Ita, quæadmodum ante diximus, recantat & agnoscit vitium illud propositionis damnatæ, *Episcopus est in statu requirente multā perfectionem sine mediis proprijs ad illam obtinendam*. Quæ enim media propria multæ perfectionis acquirendæ ibi negat, hic concedit; actiones nimirum ipsas Episcopales, quibus *augeri dicit insigniter sanctitatem*, seu *multam perfectionem* acquiri. Rectè verò id concedit, Nam si negaret, promptissimum est probare, nullum esse statum qui plures magisque præstantes parandæ sanctitatis vias habeat, quàm Episcopalem, omnesque adeò facultates, & actiones adipiscendæ perfectioni idoneas, quæ in cæteris omnibus variorum statuum generibus sparsæ sunt, in hunc, velut in omnium statuum apicem summamque, simul includi. Charitas enim Vid. Greg. l. 1. ep. 24. ubi latè multa de hac utraque charitate. virtus Episcopalis est, ad quam Episcopus, ut fidelium communis parens maximè omnium obligatur. Et ideo sicut charitas virtutum Christianarum summarium est, & quasi fons vnde omnes manant, sic charitas opera, quæ Episcopi maximè propria sunt, & quidem longè summæ & maximæ charitatis, tum spiritualis, tum corporalis, ad quam Episcopus supra omnes deuinctus est, omnium inferiorum virtutum opera suo ambitu, & sua efficacitate complectuntur. Et ideo nulla sunt perfectionis & sanctitatis media in vilo quocumque Christianæ vitæ statu, quæ in Episcopali non eminenter, & multo excellentius contine-



a *Dis Eccl.  
Hierarch.*

c. 1. H. 1. 1.

μαρτυρῶν

ἐκ τῆς ἱε-

ραρχίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

καὶ τῆς

ἐκκλησίας

antur. Quod & partim antè probauimus, vbi ostensum est nullam esse in Regulari statu perfectionem, quam non præstantius Episcopalis habeat status, & ad quam non præstantius obligetur, & breuiter ac generatim probari potest ex <sup>a</sup> Dionysio, vt cæteros in alium locum reiciam Patres, docente quicquid in Ecclesia & in Hierarchia sanctum est, in Episcopo velut in capite & summo omnium relucere. Vnde apertè sequitur, nullum esse statum, quo quis maiorem sanctitatem celerius assequi possit, & qui plura, aptiora, magisque variâ eius comparandæ media habeat quam status Episcopalis, si quis ad eum recta via, & quæ vocat Deus, non fallacibus compendiis perueniat.

Sed hæc Spongia non negat amplius, agnouit errorem, dedit gloriam Deo, manifestissima prioris doctrinæ prauitate conterrita. Vnicum sibi tantum, vbi pudore suffusa lateat, suffugium parauit. Etsi enim Episcopatus, tot illa tantaque medio habeat augendæ sanctitatis, negat tamen illud augmentum à statu Episcopali spectari, qui totus in aliorum commoda *irreflexa ad seipsum acie* intendatur. Honestæ oratio; nisi Episcopatum fallacissimæ laudationis obtentu proderet.

In primis subtilitas ista Spongiæ, qua se tantopere circumspicit, qua præ se tot despicit ac proterit nobilissimæ Facultatis Theologos, Spongialis est, & vt deinceps facillè probabitur, tota Molinistica, & Christianæ gratiæ ignoratione tumens.

Si enim Episcopatus per se non spectat augmentum sanctitatis Episcopi, per media & actiones Episcopales; si perfectionem in eo supponit, non tribuit per se, sed quasi per accidens, non est status perfectionis, quia nihil in se perfectionis habet, nec dat, nec affert ei cui accedit, sed totam aliunde supponit habitam. Similis ergo est erga Episcopos hæreticorū sacramentis, quæ signa mera sunt & sigilla gratiæ, aliunde scilicet partæ, non causæ, & fontes eius, Vanus est ornatus, <sup>b</sup> vana pompa, merus titulus, mera inscriptio, & iure infirmis egenisque elementis annumerabitur.

Imò non solum inutilis per se Episcopis & vacuus status, sed etiam infelix erit, miser, noxius, legale quoddam & Iudaicum officium, ministerium mortis & damnationis, vt loquitur Apostolus. <sup>c</sup> Imponet enim præceptum graue, & omnium pene maximum, nec dabit facultatem illud implendi: & ita quantum in se est, ad peccatum trahet, ad mortem & damnationem: <sup>d</sup> Quia præceptum dat, nec addit vim gratiamque illi præstando idoneam, per se ad peccatum rapit, & necessitatem peccandi infligit, nisi aliunde subueniatur. Ideo legem veterem sæpe vocat <sup>e</sup> Apostolus *legem mortis*, & damnationis, quia iubebat, non iuuabat, vt docent Patres, & omnes Theologi norunt. Ita ergo Episcopalis status, si per se non spectet sanctitatis & virtutis augmentum

nent sacratissimarum rerum particeps erit, vt qui ab Hierarchia denominetur Hierarcha. Sicut enim qui Hierarchiam dicit, omnium simul rerum sacrarum dicit dispositionem & ordinationem: Sic Hierarcham dicens, denotat diuinitus actum diuinumque hominem sacra omni cognitione instructum, in quo omnis ipsius Hierarchia purè perficitur, & cognoscitur. <sup>f</sup> Galat. 4. <sup>g</sup> 2. Cor. 3. <sup>h</sup> Vide, Aug. de grat. et lib. arb. cap. 18. &c. <sup>i</sup> Rom. 7. & 8.

in Episcopo, nec media per se tribuat ut ad tanti muneris sanctam administrationem instruat, officium erit legale, & ministerium mortis, horrendè ac terribiliter imperans quod non dat ut fieri possit; prorsus ut legis veteris præcepta, & iugum illud quod neque nos, neque Patres nostri portare potuimus. Imò quod inulto miserabilius est, erit ministerium iræ ac mortis, non tam aliis, quàm ipsis ministris seu Episcopis, quibus affert quidem potestatem aliis largiendi vitam, sed ipsis per se non dabit vires, quibus illo ministerio sanctè, & ad salutem suam utiliter perfungantur: Quod tu rectè intuens è tuo errore consequi, addis infra, nisi Episcopus aliunde perfectus sit, Episcopatum, quia obliget ad perficiendas actiones, quæ moraliter loquendo non sunt possibiles, non tam esse perfectum, quàm miserabilem statum. Quæ omnia infanda sunt, aliena à statu nouæ legis, & gratiæ Euangelicæ, à suauis iugo Christi & onere leui. Vnde nullus est in lege noua status, qui per se non tribuat sectatoribus suis vim, & opem congruam sua officia & munio exequendi. Hæc enim est nouæ legis benignitas, & gratia Dei saluatoris nostri quæ omnibus hominibus apparuit, Sed in his verè & sine fallacia dicimus cæcutire Molinistas gratiæ Dei & status Euangelici ignarissimos, pene dixerim inimicos.

Non igitur cæca ista responsione attollunt Episcopatum, ut videri volunt imperitis, sed deiciunt, & exturbant extra fines nouæ legis ad Iudaicæ conditionis miseriam, & egestatem, & vilitatem.

Quod enim dicunt se multum dignitatis conciliare statui Episcopali, eum euehendo ad sublimitatem quæ Dei gloriam irreflexa ad seipsum acie purè intueatur; si eorum verba iterare auderem, audacter dicerem, eos nescire quid loquantur. Non enim vident ineptissimi mortales, se nescire quid sit puritas, quid charitas Deum irreflexa acie intuens, quid mortalis status in quo versamur. Nam charitas quamdiu in via est, quâdiu à patria peregrinatur, pura non est, nec Deum irreflexa intuetur acie si seipsam penitus omittit, si in alios tota effusa, nullam suæ curæ partem sibi habet. *Intellige quæ dico*, Iesuita; non enim intelligis, sed falsa erroris luce deceptus euagaris. Charitas quamdiu in via est, ipso suo statu pergere ac crescere debet, si vera est, si viua & sana. Viam enim suam persequi, & ad Deum quàm maxime potest, accedere iubetur, quamdiu in via relinquitur; Ideo enim relinquitur. Viator nunquam quiescit, semper longius progreditur; & sicubi consistit sine vltiore processu, iam viator esse desinit, fit habitator & incola loci ubi consistit; in quiete est, non in via. Vnde sancti omnes quoad in vita mortali fuerunt, semper crescere, semper eniti, & altius propiusque ad Deum ascendere contendebant, quæ esurientes & sitientes iustitiam; quæ retrò erant obliuiscences, ad ea verò quæ vltra sunt extendentes semetipsos, ad destinatum persequentes, ad brachium supernæ vocationis Dei in Christo Iesu. Nec solum sancti omnes, sed ipse sanctorum dux & parens, ipse Christus Dei filius, dum viator esset, proficiebat sapientia, & ætate, & gratia apud Deum & homines: Nec in laboribus, quos nostri amore subiit, ita in nos ferebatur, ut à se totus exiret. Non nobis solum, sed & sibi laborabat, illis doloribus & cruciatibus æternam suo corpori gloriam, & omnium gentium principatum

Iudei quædam opera legis implebant, quæ in sacramentis sūt; illa verò quæ ad bonos mores pertinent, implere omnino nō poterant. Non enim implet ea nisi charitas

Aug. expof. ep. ad Gal. lib. vnc. Vid. eundē l. de spir. et litt c. 14. & alibi passim.

Act. 15. Prop. 12. huius tit. Matt. 21. Tit. 2. Coloss. 2.

Vide Aug. l. 3. ad Bonif. c. 7. & lib. de perf. inst. resp. 7. & 17. & c. Idem de verb. Apost. post. serm. 13.

Mat. 5.

Philip. 3.

Luc. 1.

Luc. 24. sibi quærens. Sic enim oportuit pati Christum, & ita intrare in gloriam suam; quam gloriam ipse non omittebat animo, sed studiosè à patre flagitabat, Clarifica me tu pater apud te ipsum, claritate quam habui apud te prius-  
 Ioan. 17. quam mundus esset, apud te. Denique, quia seipsum humiliavit vsque ad mortem, mortem autem crucis; ideo & Deus exaltavit illum, & donavit illi nomen quod est super omne nomen, ut in nomine Iesu omne genu flectatur caelestium, terrestrium, & infernarum, & omnis lingua confiteatur, quia Dominus Jesus Christus in gloria est Dei Patris. Viden', qui sit status & conditio viatoris, ut crescat & progrediatur in dies longius, eo modo quo potest, adeo ut ne quidem Dei filius ab hac lege sit exemptus, quin quandiu in via fuit, cresceret, quæ ex parte incrementi capax erat, & hoc quidem incrementum ipse tota mente spectaret, & postularet à patre? Falsam ergo puritatem tibi finxisti, falsam Deum irreflexa ad seipsum acie intuendi rationem, quæ non solum in nullo viro sancto, sed ne in Christo quidem extet, qui tamen purus & purissimæ fons charitatis, non propriæ utilitatis venator fuit; nec in vilo viatore reperiri possit, cum status omnis viatori; ad iter agendum, & longius procedendum pertineat. Vnde vel status Episcopalis, nõ est viæ status, vel hunc ipsum processum, hoc incrementum, hunc cumulum sanctitatis per se intuetur. Quid ais, Spongia? quid estuas? quid hæres? Quomodo hinc te eruas? Vndique maria, & scopuli vndique. Vel statû viæ nega Episcopatû; vel fatere per se directè spectare maiorem sanctitatis perfectionem, quam spectarunt omnes sancti, quam spectavit Christus ipse, quoquo modo potuit. Hunc denique intuitum fatere non obesse puritati, & irreflexo in Deum amor; vel fatere nec sanctos, nec Christum, fuisse puros, irreflexos in Deum, à suis commodis alienos, puræ charitatis amatores. Non exhibis ex hoc laqueo sat scio, si tuam peritiam novi è Spongiæ & Apologiæ specimine. Facilius per devia effugies, instar, aut metuentium flagra servulorum, ubi in scelere manifesto deprehensi sunt. Nos tibi si aures audiendi habeas, auxilium dabimus, & dummodo accipere velis, dimittemus incolumem, & crimine pœnaque liberum.

Charitas in patria Deum ita intuetur, ut ad suum profectum nullatenus sit reflexa, quia iam ipsi Deo, ipsi termino intimè iuncta est, nec longius ire potest. Si quò progredieretur, decrederet, interiret; quia abiret à Deo, à centro, & naturam suam perverteret. Quare ibi unicum munus eius est, quiescere, Deum proximè, sine vlla progressionē, aut motione amplecti. At eadem in via, ob contrariam rationem, quietis impatiens est, semper in motu versatur, altiùs subuolat, erigitur, crescit, quia nondum attingit metam, ad eamque tendit suapte natura, donec Deo proximè iungatur. Quod incrementum non modo non negligit, aut omittit, velut sua puritate indignum, sed ad illud toto impetu anhelat, ut sine quo, nec puritatem, nec vitam, naturamque suam tueri possit. Si enim sisteret, aut hæreret extra metam, extra centrum, impura esset ac degener, & aliquid alienæ commistionis inuolueret, quo ab insito naturæ suæ motu arceretur. Vnde Ecclesia iam olim eos damnauit, qui charitatem in via semper crescere posse negarunt, quasi



quasi in ipsa via patriam inuenire posset. Nec hoc incrementum, & studium maioris in dies profectus, officit amoris puritati, & propriæ utilitatis abiectioni; quia id ipsum studium est charitatis, non spei, nec proprii amoris; & ita ad proprium commodum reflectitur, ut in ipso non hæreat, sed redeat, & reuolet ad Deum, ideoque ab eius intuitu verè non reflectatur. Sicut enim charitas aliorum utilitati; solo Dei amore, seruit, sic & suæ. Alium enim quasi se habet, se quasi alium, diligens proximum sicut se. Nam ideo se augeri & proficere optat, quia amat Deum, ut eum magis amet, ut eum magis delectet, ut ei propius; & minori in dies interuallo, ad amicitiam quàm coniunctissimam vniantur. Sic sancti, sic Christus, sua augmenta, suam gloriam appetiuerunt: Sic Paulus *cupiebat dissolui & esse cum Christo*, ut non tantum cumulo gratiæ, sed etiam gloriæ augetetur, non suo nimirum, sed Christi amore. Sic Colossenses ait *dilectionem habuisse in sanctos omnes, propter spem, quam repositam haberent in cælis*, spem tribuens dilectioni & charitati, ut doceat charitati, & amoris amicitiam suum desiderium, suam fruitionem, suam spem inesse, non minus quàm amoris concupiscentiæ, quam spem vulgò dicimus. Quod alibi testatur clarius, *charitas omnia sperat*. Hi enim motus cuius generatim amoris respondent, pro sua nimirum cuiusque natura & proportionem.

Vide Berth.  
l. 1. ad Eu-  
gen. c. 4. §.  
Tho. 2. 2. q.  
26. a. 4.

Philipp. 1.

Coloss. 1.

1. Cor. 13.

Ex his patet, necessariò fatendum esse statum Episcopalem non tantum complecti actiones proprias, & omnium excellentissimas, quibus perfectio & sanctitas augeatur, sed etiam illud ipsum augmentum per se intueri, & necessariò intueri debere, ex generali lege viatorij status, ex speciali lege status Evangelici, & summi Evangelici status; ex specialiori etiam lege status charitatis, & summæ omnium charitatis: & tantum abesse, ut hic intuitus officiat charitatis ipsius magnitudini, & puritati, ut nec magnitudo, nec puritas charitatis, sine illo stare possit. Ut iam verbis non sit opus, ad declarandam multiplicem Iesuitæ, in tot capitibus grauissimis, imperitiam, in quibus ille se, moderatione Molinistica, subtiliorem, & tot tantorumque Theologorum mentibus imperuim prædicauit.

Quare Episcopalis status reuera est status, non supponens tantum, ut malè Spongia, sed tribuens & augens, & cumulans perfectionem, & sanctitatem. Perperam enim existimat Iesuita statum perfectionis acquisitæ, qui Episcopatu tribuitur, accipiendum cum exclusionem status perfectionis acquirendæ, & ita dicendum statum perfectionis acquisitæ, ut acquirendæ non sit. Hinc illi prima mali labes. Quam labem à suo Soario Iesuitæ omnes acceperunt, homine harum rerum, & disciplinæ Ecclesiasticæ, mysteriorumque Christianorum, & scientiæ verè Theologicæ, ne quid de aliis dicam, sanè non peritissimo. Quem tamen isti, quasi cæcutientes catelli matrem errantem, sequuntur; nec sequi contenti, toti orbi, ut cōmunem magistrum, venditant, digni, qui in illius hallucinationibus innumeris cum sua superbia iaceant, nec ad lucem nitidiorum educantur. Status ergo perfectionis acquisitæ, intelligendus nō est cum exclusionem, sed cum inclusionem status perfectionis acquirendæ,



ut demonstratum est; quia status perfectionis acquisitæ est præcellen-  
tissimus, & maximus, & summus omnium, & ideo statuum omnium in-  
feriorum bona, & perfectiones complectitur, sicut regia dignitas per-  
fectionem equestris gradus, præfectus militem includit, superior regu-  
larium regularem. Episcopatus tamen non dicitur status perfectionis  
acquirendæ, quia nobiliorem habet gradum unde nominetur, & à po-  
teriori parte nominatio fieri debet. Sic Rex non dicitur eques, nec nobi-  
lis, tametsi utrumque excellentissimè habeat, nec dux dici solet miles, etsi  
interdum huiusmodi locutione utamur. At verò status perfectionis ac-  
quirendæ, hic nimirum intelligitur, cum exclusione maioris, status ni-  
mirum perfectionis acquisitæ. Nam quantumcumque religiosus profi-  
ciat, semper est in statu acquirendæ perfectionis, nunquam in acquisi-  
tæ, quantumvis eam re ipsa fortassis adeptus sit. Profitetur enim semper  
solam proficiendi viam, nec unquam, id quod sequitur, se assecutum  
supponit. Quare sanctus Thomas omnibus generatim Regularibus so-  
lum *discipulatus, & subiectionis* concedit *gradum*. Status enim perfectio-  
nis acquisitæ, ut maior, inuoluit statum perfectionis acquirendæ, ut  
minorem; non hic illum, utpote maiorem minor.

S. Th. 22.  
q. 188. a. 4.  
ad 1.

Nec refert quod status magistri non inuoluat statum discipuli, qui  
tamen minor est: Quo solo argumento, & sterili argutia vix ferendum  
est Ieluitam in re tanta niti, & hac vna ratiuncula humanæ futilitatis,  
de re omnium sanctissima & maxima, de Episcopali statu, quo nihil in  
Ecclesia maius, pronunciare. Nego enim magisterium includere disci-  
puli statum, & per se magistri profectum intueri. Etsi enim cum gene-  
ratim non spectat, quia datur magister, qui nec discipulus sit, nec cre-  
scere debeat peritia, ut alios erudiat, qualis Deus, & Christus magi-  
ster, & Dominus hominum, & Angeli, & Beati, & peritissimi quidam,  
atque emeriti humanarum disciplinarum Doctores; tamen omnia pe-  
nè magisteria, præcipuè rerum scientiarumque grauiorum, discendi  
necessitatem, & discipulatum quendam vulgò includunt. Rarò enim  
reperias hominem qui sublimiori doctrinæ, ut Theologiæ, aut Iurispru-  
dentia, accuratiùs tradendæ par esse possit, sine labore studioque mul-  
to, & sine assidua magistrorum, & fontium cuiusque disciplinæ purio-  
rum perscrutatione. Unde nemo dubitat eos, qui scientiis maioribus  
docendis præficiuntur, ipsa magisterij susceptione, ad studium impen-  
sius obligari. Quare attribuuntur eis stipendia & facultates, quibus eo-  
rum studia, & otium litterarium adiuuentur. Aduersatur ergo rectæ  
menti, & prudentium iudicio, magisterium nunquam per se & directè  
intueri progressionem, & incrementum magistri, cum eam semper in-  
tueatur, quando magister sine ea sufficere nequit muneri suo. Tunc  
enim eadem obligatione crescere tenetur scientia, qua alios docere te-  
netur, cum sine hoc incremento docere non possit. Atque hoc in altiorum  
disciplinarum magistris penè semper vsuvenire perspicuum est, quia nec  
esse solent, nec supponuntur idonei fungendo rectè muneri tanto, sine  
sedula meditatione, qua priorem scientiam, & firmiorem faciant, & au-  
ctiorem. Cum harum autem scientiarum grauiorum magisterio, non

Joan. 13.

eum Grammaticæ professione munus Episcopale conferre debuit le-  
 suita, de quo munere scribit Gregorius, *ars artium regimen animarum*. Re- <sup>Greg. p. 1. c. 1.</sup>  
 ferendum est & hoc ad illam vilissimarum fallaciarum summam, qua  
 Spongia contexta est. Diuinarum igitur rerum, & salutis æternæ ma-  
 gisterium, quamdiu in hac vita sumus, nunquam merum esse potest  
 magisterium, discipulatus expers, sed hunc magna semper, & maxima  
 ex parte continet: quia omnibus cum D. Paulo dicendum est, *Nunc* <sup>1. Cor. 13.</sup>  
*cognosco ex parte; non iam accepi aut perfectus sum, sequor autem, si quo modo* <sup>Philipp. 3.</sup>  
*comprehendam; Ut veritatem facientes in charitate, crescamus in illo per omnia;* <sup>Ephes. 4.</sup>  
*qui est caput, Christus.* Quicumque ergo in hac via nobis aduenit status,  
 quali viatoribus aduenit, id est, quali discipulis, & imperfectis adhuc.  
 perfectiōne illa vltima, quò tendimus, & ad quam perpetua vitæ actio-  
 ne adspirare, & procedere debemus. Vnde cum spirituale magiste-  
 rium nobis imponitur, supponere non potest, nos tanta facultate præ-  
 ditos, ut magisterio, sine maioris in dies facultatis, & gratiæ perpe-  
 tua acquisitione, pares esse valeamus. Etsi enim aliqua ex parte ido-  
 neos perfectosque supponat, ex multo maiore tamen imperfectos, mul-  
 torumque indigos accipit; & ideo vires nobis, & auxilia, & media in  
 eum finem suggerit, ut illis adiuti, & subleuati, & magis magisque  
 perfecti, imposito magisterio idoneè pieque fungamur. Hæc enim  
 discipulatus qui in magistris, & qui in discipulis inest, differentia in-  
 tercedit, quod discipulatus discipulorum ad solos ipsos refertur, ne-  
 que aliud, nisi profectum eorum, propositum habet. Ideoque discipu-  
 li tales simpliciter & omnimodè discipuli sunt, & dici debent. Magi-  
 strorum verò doctorumque discipulatus, etsi eorum ipsorum peritiæ  
 augmentum intueatur, non tamen, ut finem, sed ut medium necessa-  
 rium, ut alios erudiant. Ideoque hi magis Doctores sunt, quàm disci-  
 puli, Doctoresque simpliciter, non discipuli dici debent, quia non di-  
 scunt propter se, sed ut doceant, eo modo quo nutrices, quibus scrip-  
 tura Doctores Euangelicos comparat, alunt sese ac vegetant; & ipsa sui <sup>1. Thess. 2.</sup>  
 muneris lege ita facere debent, licet non sua sola causa, sed alumno-  
 rum, id faciant. Hoc ergo modo magisterium discipulatum includit, &  
 proprium magistri augmentum necessariò respicit. Nec aliter dici po-  
 test, nisi ab homine, qui vel communem omnium sensum, vel pudore  
 rem exuerit. Et hæc est excellentia Episcopatus, qua omnium inferio-  
 rum statuum, etiam discipulatus, excellentiam includere debet: Tamet-  
 si enim discipulatus per se perfectionem non sonet, sed imperfectionē;  
 tamen in hac vita, quæ viatorum & discipulorum tota est, perfectionem  
 continet, qua hic carere summa omnium imperfectio esset in patria,  
 ubi nulla erit imperfectio, egestas nulla, ubi habebitur *quod perfectum*  
*est*, hac imperfectione carebimus, nec discemus amplius, nec discipuli  
 erimus. Hic verò perfectionem huiusmodi vlli statui assignare, penè  
 blasphemiam est, & summa illius status dedecoratio. Turpe est, leuitam  
 hinc Episcopatum infra omnes Christianos status detrudere, & ad lu-  
 daica deducere ministeria, ut actiones summas, & onus grauissimum  
 imponat, nec vires procuret, spectetque illis ferendo necessarias;

hinc supra Christianos omnes huius vitæ status ad beatam cœlestem-  
que conditionem attollere, vt nec proprium per Episcopalia munia in-  
crementum, nec maiorem vllam in hac via processionem intueatur.  
Quis crederet tantam Iesuitici ingenij esse posse celeritatem, vt vno  
tempore in vtraque extrema impingeret, & ab vno in aliud, sine me-  
dio, transferretur? Teneat modum; noscat se, noscat communem om-  
nium statum; sciat Christianorum in vita hac sortem, nec totam Iu-  
daicam, nec totam cœlestem esse posse, sed ex vtraque conflata, &  
vtriusque mediam, vt docent Patres, & alibi latius exponetur.

Dion. Eccl.  
Hier. c. 5.

Ioan. 15.  
Philip. 2.

Ephes. 6. 19

Coloss. 1. 29

Vid. Aug.

de gestis Pe-

lagi c. 7.

14.

Alia ratio nouæ legi specialis est, quia & Episcopus, & quicuis alius fi-  
delis nihil agere potest, sine peculiari motu, & ope Dei. Vnde vt alios  
erudiat & regat, non satis est ei adesse virtutem & peritiam quantum-  
cūq; magnam, sed necesse est quæri ab eo, diligenti orationis & bono-  
rum operum assiduitate, perpetuum Dei auxilium & incrementum lu-  
cis, vt medium necessarium, sine quo alios docere regereque non possit.  
Sed hæc Molinistis ignota sunt, quibus diuinæ gratiæ scientiam igno-  
rare ludus est.

1. Ioan. 3.

Vid. Chrys.

hom. 13. in

1. epist. ad

Tim.

August. de

verb. A-

post. serm.

19. & 1. de

pastor. c. 4.

Greg. lib. 6.

op. 62. etc.

1. Cor. 11.

Philip. 4.

1. Pet. 5.

Postrema ratio quæ nunc afferetur, Episcopalis ipsius officij propria  
est. Munus enim Episcopale, munus docendi est, *Non verbo, neque lin-  
gua, sed opere maximè & veritate*, vt passim scripturæ, vt Patres nullo  
non loco testantur. Quare Episcopi maximè est, egregium Christianæ  
vitæ exemplum præbere subditis, vt quod in iis efficere conatur, in se  
prius exhibeat, & sua currentis in dies & proficientis alacritate, populos  
ad simile studium accendat. Ideo Apostolica illa, & in primis pastoralis  
vox est, *Imitatores mei estote, sicut & ego Christi*. Et, *Quæ didicistis, & accepi-  
stis, & audistis, & vidistis in me, hæc agite, & Deus pacis erit vobiscum*. Ideo  
beatus Petrus Episcopum, *formam fieri vult gregis*, vt in eo omnes, ve-  
lut in præuio exemplari, quid agendum, quid sequendum sit, intuean-  
tur. Quomodo enim aliis esse duces possunt ad piæ vitæ, virtutum,  
cœli, metam, nisi ipsi præcant? nisi viam, quò alios trahunt, priores  
inuadant, & strenuè persequantur? Non enim eos Doctores hypocri-  
tas constituit Christus: Non iis dici voluit, *Medice, cura te ipsum*, Aut  
quod ipse de Phariseis, *Dicunt non faciunt*; Aut quod de Iudæis alios  
docere gestientibus Apostolus, *Qui ergo alium doces, te ipsum non doces?*  
Docere igitur non solum alios, sed scriptos debent, & ideò seipsos, vt  
possint alios. Alioquin debilis est eruditio, quam non vita commen-  
dat, & faciliè factis euertitur, quod ore docetur, præcipuè apud vulgus,  
qui exemplo magis, quàm ratione ducitur. Itaque Episcopi, ipso sui  
muneris instituto ac fine, perfectam, & præclaram Christianæ vitæ, &  
piarum actionum formam, præstare subditis in seipsis debent, tales-  
que sese præferre, quales illos volunt. Hoc eis in Timothæo generatim  
præcepit Apostolus, *Exemplum esto fidelium in verbo, in conuersatione, in  
charitate, in fide, in castitate*. Et si vocem incrementi & profectus quæ-  
ris, *Hæc meditare*, inquit, *in his esto, vt profectus tuus manifestus sit omnibus*.  
Non enim solum proficere debet Episcopus, quod omnium fidelium  
est, sed profectum suum omnibus manifestum efficere, vt doctrinam

Luc. 4.

Math. 23.

Rom. 2.

1. Tim. 4.



Saluatoris nostri Dei ornet in omnibus, & suo profectu aliorum profectum *Tir. 2.*  
 incitet. Hoc enim faciens, inquit, & seipsum saluum facies, & eos qui te au- *1. Tim. 4.*  
 diunt; quasi ni hoc fecerit, nisi profectum suum manifestum dederit  
 omnibus, nec se, nec alios saluum facere queat, non se, quia Christia-  
 no non proficere, deficere est; non alios, quia nisi operibus doceat, non  
 docet, sicut iussus est, sicut Episcopum, patrem, ducem, decet. Nec  
 vero nisi alios saluet, seipsum saluare potest, quia salus eius sic aliorum  
 salute pender, atque inuoluitur, ut neutri sine altera consuli, neutra si-  
 ne altera perfici possit, quia non se solum Episcopus, sed alios saluare  
 iussus est, & ut eos saluet, seipsum saluare debet, ut eos in cœlum du-  
 cat, ipse ire; non solum quia huiusmodi ducem, doctorem, saluatorem  
 esse iubet Christus, à quo Episcopus factus est; sed quia etsi non iussis-  
 set, nulla tamen aptior, directior, valentior ratio erat saluandi alios,  
 quam ut quis se prius saluet. Et ita hoc medium in illo fine per se  
 inest.

Quæ omnia abundè, opinor, demonstrant Episcopalem statum non  
 esse statum acquisitæ solum perfectionis, sed etiam acquirendæ, non  
 supponere solum eam acquisitam, sed etiam auxilia & media afferre  
 quibus acquiratur, & illud ipsum augmentum, illamque acquisitio-  
 nem directè intueri, ad eam sua sponte ferri.

Quod ut aliquatenus intelligatur, breuiter hoc loco exponemus, ple-  
 niorem lucem alibi daturi. Episcopatus ergo, non solum eo sensu dici-  
 tur status perfectionis acquisitæ, quia supponit perfectionem iam antea  
 acquisitam, congruam videlicet & consentaneam captui humanæ in-  
 firmitatis; sed etiam quia sine mediis humanis, & usu exercitationeque  
 quotidiana eam diuinitus vna infusione largitur. Quicumque enim ri-  
 tē, ex ordine, diuino ductu, peruenit ad Episcopatum, gratiam susci-  
 pit, non quamlibet, sed eximiam, excellentem, perfectam, in qua sita  
 est præcipua perfectio Episcopalis, sicut fideles quiuis, sacramento Con-  
 firmationis gratiæ Christianæ & communis, perfectionem consequun-  
 tur. Sicut enim Confirmatio perfectionem continet Christiani status,  
 ita Episcopatus perfectionem status Episcopalis: Et sicut Episcopatus,  
 est status perfectionis acquisitæ Ministris, seu Episcopis; ita Confirma-  
 tio dici potest status perfectionis acquisitæ Christianis omnibus, qui per  
 Confirmationem perfecti sunt, & gratiæ Christianæ perfectionem,  
 sine opera laboreque suo partam & acquisitam, habent. Sic Apostolus *Ephes. 1.*  
 sæpissimè Apostolatui suum, gratiam & misericordiam vocat, quia videli- *2. Cor. 4.*  
 cet eum per copiosam & summam gratiæ Apostolicæ plenitudinem at-  
 cepisset. Sic Timotheum hortatur resuscitare gratiam, quæ in eo esset per im- *2. Tim. 1.*  
 positionem manuum ipsius, hoc est, gratiam illam Episcopalem, omnium  
 Christianorum statuum gratia maiorem & ampliorem, & Episcopa-  
 lis status dignitati, quæ omnium statuum excellentiam sine compa-  
 ratione transcendit, respondentem, & omnibus qui Episcopatum,  
 Deo duce ineunt, ipsa suæ initiationis virtute transfusam. Quo fit  
 ut non sine errore graui dictum sit à Iesuita in Apologia, Episcopos non  
 esse in statu, per cuius professionem perfectio velut ex opere operato acquiratur, sed *Apol. c. 6.*  
*aff. 3. m. 3. 4.*







## RESPONSIO

Tu verò, ne tua insipientia lateat quemquā, licet immemorē & hebetiorē, rursus eam in mediū profers, rursus refricas, rursus ad cantilenam redis qua perfectū pro iusto, imperfectū pro peccatore prædicasti, quasi tua propositio hoc solo negarit Episcopum habere media propria, quibus ex imperfecto perfectus fiat, quia non habet media, quibus ex peccatore fiat iustus. Sed quantum in hac latebra concluderis inscitiae & fallaciæ, antè demonstratum est. Nunc hoc addo, imperitissimum & ridiculum esse, quærere num Episcopatus media habeat, quibus Episcopus à peccato ad gratiam transeat, ex iniusto iustus efficiatur. Hæc quæstio nemini Theologorum vnquam in mentem venit. Tota Spongiæ propria est. Ea sola eius inuentrix. Dignum enim fuit, vt tam acuta controuersia non nisi à Spongia nasceretur. Episcopatus honor, reuerentia, sanctitas, quæstionem & cogitationem eiusmodi ab omnibus antea Theologis abegerat, Quare decuit eam tum primum nasci, cū Episcopalis amplitudo, quam sæcula omnia suspexerant, & rem Angelicam, vel Angelica maiorem habuerant, erroribus, contemptu, contumeliis, blasphemis, conspurcari cœpta esset. Semper ergo Episcopalis dignitas tantum absuit à statu pœnitentiæ, & à vita quauis crimen redolente, iuxta Apostolum, *Episcopum oportet esse sine crimine*, vt nemo, qui in crimen lapsus pœnitentia egeret, vel eguisset aliàs, Episcopus, vel omnino Clericus esse posset. Clari sunt canones, hac disciplina pleni. Quinetiam si quis post Episcopatum, vel Clericatum laberetur, & pœnitentiæ debitor fieret, pellebatur gradu, abdicabatur, nec diutiùs seruabat statum. Imò si sine conscientia criminis, solo religionis amore, & pietatis æstu, in ordines pœnitentium desiliret, seu Episcopus, seu sacerdos, seu è Clero quiuis, tantumdem amittebat honorem; nec rursus ad Clerum dabatur regressus. Adeò Clericales ad vnum gradus, non crimine tantum, aut criminis suspicione, sed ipsa criminis specie carere voluit Ecclesiæ disciplina. Itaque cū Clericus omnis, multoque magis Episcopus, mortali peccato & pœnitentiæ reatu è Cleri totius ordine laberetur, ineptum & inscitum est quærere an Episcopatus media propria habeat ex statu, quibus à peccato ad gratiam reuertatur. Clarissimum enim est Episcopum peccatorem, resurgere non posse per media statui propria, cū hoc ipso quod peccator est, statum amittat ex primo iure, nec amplius in eo sit. Quod autem nunc peccans Episcopus non excidat gradu, necessaria Ecclesiæ indulgentia sit, qua in eo retinetur. Cadit nihilominus in statum statu suo infinitè abiectionem, è quo ad priorem redire non posset, nisi Ecclesiæ clementia restitueretur. Vnde non mirum, quod in statum tam degenerem delatus, gratiā recuperare nequeat per media Episcopalis status, à quo tam longè abiit, sed resurgere cogatur ad gratiam, per media illi statui propria in quem coniecit se, statui nimirum pœnitentium, & minùs quàm imperfectorum. Pœnitentes enim minùs esse quàm imperfectos, cū nondum sint, sed ad esse paulatim accedant, iam supra dictum est. Sed

Conc. Tr.  
l. 1. c. 2.

Aug. ep.  
30.  
Cyp. epist.  
61.

Concil. Tr.  
r. 1. c. 9.



in his Spongiam non cæcutire, & hanc Ecclesiasticæ dignitatis & disciplinæ naturam eminentiamque percipere, tum demùm credi poterit. si quid aptè, peritè, Theologicè, non absolutè, non ridiculè, non insulsè ad hæc ipsa responderit. Est enim ex eo genere hominum, qui nihil magis habent quàm arrogantiam Theologicam, nihil minus possident quàm Theologicam scientiam. Et hoc sibi nos publicè testimonium dare, arrogantia istius stoliditate compellunt, ut deinceps tam apertè, tam effusè inolescere metuant, saltem formidine pœnæ.

Quod assertit ex Ambrosio, & ex Apocalypsi sancti Ioannis, spurium est, prauum, contortum. Ambrosius locum Apocalypseos, ubi Angeli Ecclesiarum arguuntur, nunquam de Episcopis interpretatus est. Falleris, aut fallis. Locum apponere debuisti. Nunc cum nihil das nisi verba tua, quibus solis fidem haberi vis de Ambrosij expositione, meritò ea respuimus, quæ tot mendaciis omnem veritatis, tot fallaciis, quas perpetuò retegimus, omnem fidei, & candoris opinionem amiserunt. Locum Apocalypseos variè enarrarunt SS. Patres; quorum nemo tamen tua enarratione usus est. Sanctum nominatim Ambrosium aliter exposuisse constat, cum eoque veterum aliquot, de quorum expositione nihil nunc agere necesse est. Satis habendum, tuam non esse Ambrosij, cui eam impertis; tuam esse, & quidem malam. Nam Episcopum lethifero peccato reum, qui sedem tenuerit, nec cedere sit compellus, si sua sponte non cedebat loco, nullum dabis primis illis Ecclesiæ sæculis. Nunquam id primæua illa <sup>a</sup> Ecclesia tulit, nisi graui interdum necessitate coacta, ut ad reuocandam ingentem populi multitudinem, qui forte ducibus Episcopis ab Ecclesia defecissent, quod in Concilio Nicæno <sup>b</sup> Episcopis, & Clericis Nouatianis indultum, & postea Donatistis, <sup>c</sup> cuius indulgentiæ causam apud Augustinum legere est, passim <sup>d</sup> alibi. Neq; rursus Episcopi, quocumq; crimine tenerentur, redigebantur ad pœnitentiam, Nam pœnitentia & pœnitentes simpliciter, de sola pœnitentia publica, & publicis pœnitentibus dicebantur, ut <sup>e</sup> testatur SS. Patres. Episcopos autè aut Clericos ad pœnitentiã publicã nunquam dānarunt canones; imò laxè <sup>f</sup> vetuerunt. Eos sola depositione multabant, adiuncta interdum priuatione communionis <sup>g</sup> si criminis grauitas tanti esset. Pœnitentiam autem & satisfactionem publicam nunquam imponebant tum in honorem Cleri, tum *ne his vindicaretur in idipsum* ut aiunt <sup>h</sup> ex scriptura.

Quis ergo sensus Apocalypseos? Nullus alius, nisi Deum omnes Ecclesiæ cuiusque labes Episcopo exprobrare, ut capiti, ut rectori, ut sponso, ut ei cui totius Ecclesiæ cura commissa, & ratio reddenda est, Nam Ecclesia & Episcopus vnum sunt, sicut Ecclesia & Christus, cuius Episcopus vicem agit. Vnde sicut Christus peccata hominum sua peccata vocauit, interprete Augustino, <sup>i</sup> quia ea expianda suscepisset; Ita peccata populi & Ecclesiæ peccata Episcopi sunt hoc sensu, quia Episcopus ea sananda, purganda, & emaculanda suscepit, <sup>k</sup> boni pastoris officio, cuius est <sup>l</sup> offerre dona & sacrificia pro peccatis, & Christi exemplo <sup>m</sup> seipsum tradere pro Ecclesia, illam sanctificare, mundare, & exhibere eam

<sup>a</sup> Vid. Cypr. ep. 62.  
<sup>b</sup> Conc. Nic. can. c. 8.  
<sup>c</sup> Aug. ep. 30.  
<sup>d</sup> Cypr. ep. 52. etc.  
<sup>e</sup> Aug. l. 27. c. 50. in l. 50. h. c. ep. 108. etc.  
<sup>f</sup> Vid. Leō. Mog. ep. 90. ad Rust. Narb. c. 2. g. Concil. Sard. c. 1. h. S. Basil. ep. ad Amphil. c. 3. etc.  
<sup>i</sup> Aug. in Psal. 21.  
<sup>k</sup> Greg. l. 1. ep. 24. ad Iannem Constant. etc.  
<sup>l</sup> Hebr. 5. m. Ephes. 5.



1. Pet. 4.  
Luc. 7.

1. Theff. 2.  
1. Ioan. 4.  
1. Cor. 13.  
Ambros.  
prof. in lib.  
5. de fide.

Num. 35.

gloriosam, non habentem maculam, aut rugam, quatenus in hac vita fieri potest. Ne tamen nimium Spongiæ demus, neve se aliquid in istius objectionis miseria vidisse putet, longè & pueriliter errat, dum negat Episcopali statui media propria, quibus peccata deleri & redimi possint. Alio enim ex capite, ut diximus pœnitentiæ status non cadit in Episcopalem dignitatē, Si autem operum & mediorum pœnitentiæ ratio haberetur, nullus esset status dignioris, efficacioris, nobilioris pœnitentiæ, nec ubi peccata facilius, & diuinius expungi possent. Nulla enim altior diuiniorque pœnitentia quàm charitas, quæ statui Episcopali supra omnes Ecclesiæ status propria est, ut toties dictum ex scripturis, quæ operis multitudinem peccatorum; qua Magdalenæ dimissa sunt peccata multa, quoniam dilexit multum; qua denique Christus ipse totius humani generis peccata deleuit. Vnde pœnitentia, cuius Episcopatus capax est; nimirum quotidianarum offensionum, & criminum antè factorum, nusquam valentius agitur, nec maiori fructu & spe, quàm in Episcopali statu, cuius omnis functio charitas est & amor, qui pellit timorem, qui solus sine cæteris omnibus omnia est, sine quo vno cætera omnia nihil sunt. Quare Ambrosius de Petro, Pascendo, inquit, cibo fidei gregem Christi, culpam lapsus prioris aboleuit. Atque ita ridicula Spongiæ inscitia est, existimantis actiones Episcopo proprias non esse opera vera pœnitentiæ, nec per eas sanari peccata, seu baptizet Episcopus, seu signet baptizatorum frontes, consecret Sacerdotes, Euangelium prædicet, excommunicet contumaces. Imò sciat & excommunicationem, & punitionem quamlibet contumacium adeo esse efficacem abolendis peccatis, & placandæ iræ Dei, ut vnus animæ contumacis pœnâ, seuientis in populum vniuersum vindicta Dei olim compressa fuerit. Quanto magis vnus Episcopi Catholici, vnus Pontificis culpæ merita, plurium contumacium ultione, & seuerâ animaduersione deleantur?

## PROPOSITIO DVODECIMA.

Ibidem num. 34.

*Licet speculatiuè status Episcopalis sit perfectior, ut consideratur secundum nudam suam naturam; quia tamen practicè res sumenda est secundum omnes suas circumstantias, & prout moraliter haberi potest, ideo absolute status religiosus pluris aestimandus est, & felicior putandus, & pro quolibet in particulari perfectior. Nam ad considerandam excellentiam status, non tantum considerare debemus perfectionem actionum ad quas obligat, & strictam obligationem quam infert possessoribus, sed etiam possibilitatem, vel probabilitatem perficiendi tam altas obligationes. Nam obligari sub pena peccari & damnationis, ad perficiendas actiones, quæ moraliter loquendo non sunt possibiles, non tam est perfectus, quàm miserabilis status.*

## CENSURÆ.

Ista propositio, in quantum absolute in praxi statum religiosum perfectiorem asserit Episcopali, noua est, falsa, temeraria, præsumptuosè asserta, & statui Episcopali iniuriosa. In quantum verò innuit

actiones, ad quas tenentur Episcopi sub pœna peccati & damnationis non esse potibiles, est blasphema in bonitatem diuinam, & hæretica:

## SPONGIA.

*Impositura est autem asserere religiosum statum perfectiorem esse Episcopali in praxi absolute. Constat enim vel ex verbis, quæ citant, addidisse restrictionem, Quod attinet ad vnumquemque in particulari, seu quoad propriam cuiusque perfectionem. Quæ assertio non est statui Episcopali iniuriosa, sed laus religioso statui debita; nec noua sed quam Theologi præstantissimi tradunt in terminis, tamquam Catholica Ecclesiæ sententiam Vnum, aut alterum testem proferam.*

## RESPONSIO.

Nihilne tu bona fide loquere? Vouistine te fallacem forè ad extremum, & Spongiam mendacio, inuerecundia, peruicacia impleturum? Negas te asserere *Religiosum statum perfectiorem esse Episcopali in praxi absolute*, tuamque sententiam explicans, diciste addidisse, *quod attinet ad vnumquemque*, seu *quoad propriam cuiusque perfectionem*. Qua in responsione, fidem tuam dupliciter requirimus, Et si enim nulla tua fides est, ideoque frustra requiri videatur, tamen hoc ipsum querimus, eam tibi nullam esse. Primo, malæ fidei graue indicium est, quod responsionem hanc tribus verbulis absoluis, ut nemo qui tuis fraudibus & erroribus enodandis non sit assuetus, & intentiori acie fallacias tuas persequatur, quid tibi velis, assequi possit. Hoc enim de industria egisti, ut lectoris intentio confusa hæreret, & tu offusis nebulis interea euaderes, si non absolutus, quod sperare non poteras, certè non deprehensus, quod te effugere vix posse videbas. Deinde prima hac fraude alteram maiorem inuoluisti. Adeo enim ridiculum & pudendum effugium affers, ut hoc vnum summopere metueris, ne quis illud perciperet; ideoque paucis obscurissimis voculis rem implicās, aliò celeriter auolasti, quasi laqueū, quo certissimè præfocandus eras, si diutiùs in eo hæreret, trepida velocitate suffugiens. Nam ut responsiunculam istam quàm æquissimè interpretemur, hoc respondes, Te religiosum statum dixisse *absolute in praxi perfectiorem Episcopali*, quod attinet ad vnumquemque in particulari, hoc est, quoad perfectionem cuique particulari dandam, seu ad perficiendum quemque hominem particularem. Hunc enim sensum innuit posterior particula tuæ expositionis, seu quoad propriam cuiusque perfectionem, Hic autem sensus perfidiosus & illulorius est: iam enim antè dixisti superiori propositione, Religiosum statum secundum se esse perfectiorem Episcopali, quod ad perfectionem hominis propriam attinet, seu quoad perficiendum quemque hominem particularem. Religiosum enim statum dixisti spectare perfectionem hominis propriam, non autem Episcopalem. Hoc de utroque statu secundum se spectato dixisti, Religiosum Episcopali præferens, quoad propriam homini perfectionem acquirendam; Episcopalem autem Religioso, quoad perfectionem, quam Episcopalis in homine

præsupponit, ut functionibus Episcopalibus in aliis perficiendis ritè fungatur. Hoc discrimine, & mutuo quodammodo excessu utriusque status abstractè, secundùm se, & secundùm proprias eorum obligationes, constituto; transis nunc ad considerandum utrumque in praxi, & prout reipsa in singulis hominibus reperiri solet. Et ais Regulare statum in praxi esse absolutè perfectiorè, non solùm quoad perfectionem hominis propriam, (hoc enim ei secundùm se & speculatiuè sumpto iam antea tribuisti; Vnde cum præterea perfectionem ei in praxi, supra statum Episcopalem tribuas, perfectio hæc aliquid ei amplius conferre debet.) Absolutè ergo perfectiorem facis Regularem statum in praxi, quia cum ab Episcopali statu secundùm se spectato aliqua ex parte superetur, nempe illa perfectione, quam Episcopatus supponit ad implendas Episcopales functiones; in praxi ne quidem hac parte illi cedat, quia perfectio ista in praxi sit impossibilis, & moraliter dari non possit. Ita enim sequitur, Episcopalem statum non antecellere Regulari in praxi perfectione cuiusmodi, cum eam in praxi nec habeat, nec habere queat. Imò perfectionem illam hoc modo spectare, non tam perfectio quàm imperfectio erit Episcopatus, nec tam perfectum faciet, quàm miserabilem statum, ut rectè iplemet intulisti. Imperfectio enim & infelicitas magna est, id exigere atque appetere quod nec obtineas, nec obtinere valeas. Parturienti similis ea miseria est, *quæ dolens clamat in doloribus, & non est virtus pariendi.* Hac ergo etiam ex parte, clarè sequitur, & tu rectè inferis, Regularem statum, qui Episcopali aliqua ex parte cedebat speculatiuè loquendo, in praxi eo esse absolutè; & per omnia perfectiorem, non tantùm quoad perfectionem ipsi homini tribuendam, sed etiam quoad perfectionem, quam Episcopatus supponit, ut eius obligationes compleantur; quia videlicet talis perfectio in praxi sit impossibilis, & proindè quasi nulla censeatur. Hic est verus sensus tuæ propositionis, hoc propudium illud, quod frustra inuoluere atque obscurare conatus es; Adeò nouum & prodigiosum, ut rectè notarunt Censores, prudentioribus oculis *occulta* tui *dedecoris* penetrantes, quàm ut fraudulentæ tuæ velamine tegi possint, ut nihil tale, ante te natum, in rerum natura sit auditum. Nulli tam chimærica, & imaginaria præsumptio in corascenderat, sed ne in mentem quidem, ut scilicet magna illa perfectio, quam Episcopatus secundùm se ac speculatiuè supponere dicitur, quaque regularem statum omnesque alios fallaciter superare conceditur, in praxi & à parte rei nihil sit, redigatur in nihilum, impossibilis fiat, adeoque per illam Episcopatus, non solùm Religioso statu in praxi absolutè inferior, sed etiam statuum omnium absolutè miserrimus & infelicissimus efficiatur. Hanc ergo impiam Episcopalis status derisionem, hanc prodigiosam nouitatem erubescens, fallaciis eam interpolare niteris hoc solo infelix, quòd non in similes tibi Spongas incideris, quibus non plus esset nasi ad tuarum miseriam vafritierum odorandam, quàm tibi ad adornandam. Quare quoscumque deinceps authores edis, extra propositum sunt, remoti à te, alieni, abhorrentes, non verbis solùm, sed etiam cogitatione. Citas enim eos in

cauillatorium

Isa. 26. &  
87.

2. Cor. 4.

cauillatorium istum sensum, quem tuæ propositioni affinxisti, Censuram ludificaturus. Quamquam ita deuius, & vndique ineptus es, vt ne ad hoc quidem, quò quæstionem deflectere conaris, trahi possint. Nul-  
li enim eorum Regularem statum vlllo modo anteferunt Episcopali, quemadmodum ex eorum verbis perspicuum fiet. Vt stolidæ audaciæ fuit, id est tuæ, dicere eos *tuam assertionem in terminis tradere, tanquam Catholica Ecclesia sententiam*, quasi tua deliria non probarent solum, sed etiam Ecclesiæ Catholicæ dogmata, fidei oracula facerent.

SPONGIA.

*Lalins Zecchius Polygraphus, Episcopi Veronensis Vicarius generalis, va-  
riorum Cardinalium Romæ auditor, sacra Theologiæ & Iuris vtriusque Doctor,  
quæstionem hanc ante triginta annos versans, duobus eam dictis resoluit; Primum* *De Republ.  
& Eccles.  
Titulo de  
Relig. c. 1.  
n. 6. & 7.*  
*est, Religiosi sunt in statu perfectionis. Hoc multis probat. Deinde procedit  
ad secundum, Religiosus status est perfectissimus & excellentissimus. Probat  
ex Dionysio capite quinto Ecclesiasticæ Hierarchiæ, dicente  
statum Religiosum esse statum perfectorum perfectione propria, sicut  
Episcopalem perfectione aliena, vt, inquit, Caiet. 22. q. 189. a. 3. Basilius  
serm. 1. de monasti. Inst. statum monachalem vltra humanæ naturæ fines  
procedere, & Angelicâ conuersationem adipisci, qui nullo terreno affe-  
ctu tenentur, sed in solo Dei amore quiescunt. Hic author secularis Præ-  
latus, & in Ecclesia Romana practicus, Religiosum statum esse excellentissimum  
perfectione propria, tanquam indubitatam scholæ Catholica sententiam, tradit.*

RESPONSIO.

Vbi hic *in terminis* tuus error? Vbi velut *indubitata scholæ Catholica sen-  
tentia* traditur? Antea tradi dixisti *tanquam Catholica Ecclesiæ sententiam*;  
nunc sola *scholæ Catholica* contentus es; minus concludis, quàm proban-  
dum sumpseras; Ita tibi memoria, cogitatio, & tota mens effluit. Sed  
detur hoc naturæ tuæ præcipiri quam qui te norunt, mirabiliter prædi-  
cant, & Spongia mirabiliter comprobat. Vbi ergo habes in hoc Lælij  
Zecchij testimonio, non dico iam *in terminis*) remitto tibi hoc onus, im-  
becillitatem tuam miserans, & inconsultam loquacitatem) sed in sen-  
su saltem, in consecutione probabili, quocumque modo, Regularem  
statum esse perfectiorem Episcopali, seu in praxi, seu speculatiuè, seu  
vlllo genere perfectionis? Palam est Zecchium perfectissimum quidem  
facere regularem statum, sed per se, sine comparatione vlla, sine detri-  
mento Episcopalis status, cui neq; præfert, neq; confert eū, quoad ma-  
iorem minorēve perfectionem; nec quærit vter alterū superet; vter in  
praxi, vter speculatiuè præponendus: Quæ tamen tua quæstio est. Qua-  
re agnosce hūc authore, tametsi blandis elogiis, & Iesuitica adulatione  
palpatum nihil tibi annuere, nihil suffragari, nihil audere vt se authore  
Regularem statum Episcopali præferas; pudendum esse, te nugamen-  
torum hoc genus obiicere Facultati Parisiensi, tot tantisque Præsuli-  
bus, totius Ecclesiæ oculis; nobisque superuacaneum in fugandis leuif-  
simis vmbreis laborem imponere.



## SPONGIA.

*Replica ad  
discuss. præ-  
fat. pag. 14.  
a Tom. 3. de  
Relig. c. 19  
n. 21.  
b Ibid. n.  
23.*

Doct̃or Franciscus Suarez, quem Doct̃or ipse Kellifonus tanti facit, ut dicat se nihil in hac questione prorsus ab eo dissentire, sic scribit: <sup>a</sup> hinc est, inquit; quod status Episcopalis non sit per se materia voti absoluti, quod vocat Maior Categoricalum, quia in ordine ad vouentem, & ad salutem eius non est per se expetibile, *nec melius*. Et <sup>b</sup> iterum: status Episcopalis non est simpliciter quid melius, vel respectu ipsius vouentis, vel diuini obsequij.

## RESPONSIO.

Doctorem tuum Soarium facile tibi remittere possemus, è quo plerâque hauseris. Et si enim errorum hæresumque tuarum præcipuas ipse non habeat, easque tu sine doctore, natiua quadam fecunditate suscepis, qualis sordidioribus rebus inest, ad vermium viliumque animalculorum procreationem; tamen harum ipsarum hæresum & errationum ille tibi, si non planè dux & doct̃or, certè stimulus & illex fuit, & lapis offensionis, & petra scandali, quam tua debilitas attingere sine lapsu non potuit, & sine elisione. Quare si tibi Kellifonus ait se eum *tanti facere, ut nihil in hac questione ab eo dissentire velit*, magno te munere obligat: dat enim quod minimè debet. Quo maior in illum tua tuorumque ingratitude est. Porro tu isto eius munere ac privilegio abuteris, quasi mali institores, ut Soarij nomine quiduis fallaciter inuehas. Hoc enim in primis loco Suarez ipse nihil prodest, nihil tecum ait, sed quasi nequiorem discipulum aspernatur. Nec locus quem affers loquitur de religiosis & Episcopis, nec eos comparat, nec eorum status perfectionesque committit. De Episcopis seorsum disputat; de religiosis tacet. Lege modò verba, & pudebit vel te, vel quemlibet pro te, vanissimæ iactationis, qua præstantissimos Theologos dixisti te daturum testes, qui tuam doctrinam *in terminis* traderent, & quidem *tanquam Catholice Ecclesie sententiam*. Disce quietiùs, consideratiùs, prudentiùs loqui. Alioquin spera non defore volaticæ tuæ lasciuiæ mastiges. Nihil ergo ad rem Soarij locus, nec propositam controuersiam attingit. Eius verò verba, si ad vocum sonos, & ad litteræ corticem exigas, plus habebis, quàm ipse voles. Sequetur enim Episcopalem statum fore rem non bonam, non vtilem, indifferentem homini: quod falsum procul dubio, & erroneum est, scripturis sanctis, Patribus sanctis, & Episcoporum penè omnium summorumque Pontificum professionibus aduersarium, quorum in decretis litterisque solemne illud est, se Dei gratia & diuina miseratione, non suis meritis, esse Episcopos. Gratias ergo agunt pro Episcopatu, quasi re non solum non indifferenti, sed bona & quidem bona adeo & præstanti, ut ad eam merita sibi defuisse agnoscant: quod ante illos sæpè fecit Apostolus, & hoc sine dubio exemplum posterì exceperunt.

*Rom. 1.  
Ephes. 3.  
et c.*

Non igitur Episcopalem statum negat Suarez esse bonum, & statum omnium optimum; Imò id disertè docet, sed votum Episcopatus

bonum negat. Episcopatus autem, & votum Episcopatus longè differunt. Nec Spongiæ argumentari licebit, bonum non esse Episcopalem statum, quia votum eius bonum est. Quid enim melius, quid diuinius sanctitate Virginis matris, S. Pauli, Apostolorum, virorumque sanctissimorum? Eius tamen votum pessimum est, & superbum, & arrogans. Nec laudabit, opinor, Iesuita, ne quidem Molinistica licentia, si quis Deo voueat sanctitatem Pauli, aut Apostolorum, eamque se adæquaturum polliceatur. Mala ergo collectio est, non bonum esse Episcopalem statum, quia votum eius non bonum est. Id enim potius excellentem Episcopatus bonitatem & magnitudinem arguit, quam cuius assequi, appetere, aspirare non sit datum; multo verò inferiorem regularis status conditionem, & cuiusvis hominis votis magis obuiam. Quamquam quod status Episcopalis voueri non possit, non refertur à Suario ad eius ignobilitatem, aut prorsus ad propriam eius intimamque naturam, sed ad ea quæ ipsum ambiunt, & circumstare solent, ut honorem, amplitudinem, opes, facultates, quorum illecebra procliue est irretiri mentem, quæ ad Episcopatus desiderium quodlibet, ne dum ad votum se applicet, sicut pisciculi appetentes escam, inserto hamulo facillimè capiuntur. Quod si ea lenocinia desint, si ponatur Episcopatus nullo aut tenui honore, amplitudine, opibus, commodis; non solum appeti, sed voueri putat posse Suarez, non minùs quàm regularem statum. Vnde hæc obiectio inanis est, nec ex sententia Suarij quicquam statui regulari præstantiæ asserit, supra nativam & propriam status Episcopalis dignitatem.

## SPONGIA.

*Idem clarioribus suis verbis tradit B. Petrus Damiani, summe auctoritatis Cardinalis, & Episcopus Ostiensis, opere Epistolarum iussu summorum Pontificum edito, lib. 5. Epistola 19. ubi dicit: Nihil esse melius quàm relinquere sæculum, & propter hoc deseret Comes Comitatum, Rex Regnum, Episcopus Episcopatum, summus Pontifex Pontificatum, & venient ad monasteria ad seruiendum Deo. Hac doctrina Parisijs una cum hoc libro venalis est apud Sebastianum Cramoyse, cum privilegio Christianissimi Regis excusa, & tamen Sorbonista, quia Anglicè scribitur, longè modestioribus verbis fremunt, ut nimis manifestum sit, eorum censuram, odij & ferotiae, non fidei & indicij parum esse.*

## RESPONSIO.

Odiose toties recoquis cramben istam, & quidem, inertium coquorum instar, cum eadem condimentorum insulsitate, clara verba, nobis ingerens, B. Petri Damiani, summe auctoritatis Cardinalis, & Episcopi Ostiensis, in opere summorum Pontificum iussu edito, Parisijs venali, apud Sebastianum Cramoyse, cum privilegio Christianissimi Regis. Nec vina laudata hederam, nec probæ fidei opera has titulorum offucias postulant. Circumforanei nugis & oculiferiis capiunt rude vulgus, falsas merces circumtegunt; ita tu istius Epistolæ larvam; quam tibi sæpè reteximus,

ut eam vel tu ipse nunc horreas. Turpis est autem in cœnosa illa Epistola in primis hæc sordes, quam tu pro gemma venditas, elegantis iudicij homule; & cum omnium Theologorum placitis, tum clarissimæ Innocentij III. Pontificis sententiæ, obstreperis. Quare desine tandem venari ymbras, quibus tuam cæcitatem adornes; *fidem & iudicium*, quæ in aliis desideras, ipse suscipe, cole, exhibe; *odium & ferociam*, quam exhibes, & ubique arripis, vel arriperis ab ea, & malè vexaris, repudia, vel si minùs potes, ora. *Hoc enim genus non eiicitur nisi per orationem & ieiunium*, cui tu aspero iampridem & seueriori, pro tanta rerum verborumque intemperantia, subiici debueras vel inuitus, si quid in tua Societate disciplinæ, si quid modestiæ superesset.

Mat. 17.

Chrysost. in  
compar. Re-  
gis et Mo-  
nachorum.

1. Cor. 7.

Quid verò tandem tibi vis cum ista testimoniorum prolatione? non enim videmus quid colligas. Nihil apertè concludis. Tui sermonis exitum ipse horrere vidèris. Nempè malè cogitas; aliquid monstri alis, & foves, quod excludere parerèque metuis. Nam vel nihil efficis cum ista dictorum farragine; vel vis & concludis Regularem statum omnium Ecclesiæ statuum, ne dempto quidem Pontificio, esse longè maximum & præcellentissimum. Hoc enim consilio ista conguessisti, *status religiosus est perfectissimus & excellentissimus; status monachalis ultra humana natura fines procedit, & angelicam conuersationem adipiscitur; Nihil melius quam derelinquere seculum, & propter hoc deseret Comes comitatum, Episcopus Episcopatum, summus Pontifex Pontificatum, & venient ad monasterium ad seruiendum Deo*. Quæ satis innuunt te regularis status eminentiam, non solum ultra Comites & Episcopos, sed etiam ultra maximi Pontificatus apicem attollere, ut non solum Episcopi, sed etiam Pontifices abiectis infulis, in monasteria ad meliorem statum, excellentiorem, diuiniorem conuolent. Verissimum enim ubique apparet, quod toties monuimus, te in inuadendis Episcopis Pontifici non parcere, nec parcere posse, & quicquid in eos iacularis, in illum maximè, ut in Episcopalis ordinis caput, intentari. Equidem qui omnium maximè regularem vitam commendauit & amplificauit, contulit eam & prætulit Regibus, Regiæque felicitati & magnitudini. Qui verò eam cum Episcopali statu, imò cum Pontificio, compararit & antetulerit, antehac nemo inuentus est. Audacissimæ opinioni fingendæ, stolidissimæ Spongiæ fictio expectabatur. Reclamant enim omnium sæculorum Theologia; in primis S. Thomas, quem supra docentem audiuius, Episcopum si à suo statu ad monachatum migraret, quamdiu saluti eorum quibus præest, prodesse valet, retrocellurum. Neque verò tantum Episcopis, & Pontificibus, sed ne quidem singulis hominibus Regularis status suadendus est. Non enim omnes vocantur, non omnes eò trahit Deus. Nonnullos etiam retrahit. Quare Apostolus etsi omnes optaret esse sicut se, castimoniam & continentiam se dedere; non tamen generatim cuiuslibet suadet, sed signanter addit, *Vnusquisque proprium donum habet ex Deo; alius quidem sic, alius autem sic. Vnusquisque in qua vocatione vocatus est, in hac permaneat*. Quod videntes religiosi, non vniuersos, ne quidem offerentes se, & ultro postulantes, suscipiunt: quia non omnes à Deo vocari vident.

Alioquin diuinæ vocationi obluētarentur. Iesuitæ verò, etiam eos quos susceperunt, quos probarunt, quos diu tenuerunt & complexi sunt, dimittunt vulgò & abdicant, licet bonis interdum moribus & pio ingenio præditos. Non enim nonnullos eorum probos negant. Nec tamen ideo diuinarum vocationum cursus abrumperè sibi videntur. Non igitur omnes vocari putant.

SPONGIA.

*Hoc de argumento librum scripsit integrum Hieronymus Platus, qui omnium gentium linguis legitur, & laudibus approbatur, ut ad hanc opinionem, quæ sic obtinuit, extirpandam seriùs accedat Sorbone sarculus.*

RESPONSIO.

Plati verba notata oportuit. Vagæ citatio, vagæ tuæ mentis indicium est. Licet enim Platus Iesuita fuerit, & Sodalit tuus, ideoque à te in Facultatem Parisiensem non pudenter afferatur; tamen æquiori in eum sumus animo, quàm ut tuam ei opinionem, quæ nullo parente dignior est quàm vno te, probatam fuisse credamus.

SPONGIA.

Coronidis loco addam Ecclesiasticum scriptorem ante scholasticos natum, sapientia, eloquentia, & seculari prælatura nobilem, Petrum Blesensem, cuius verba reuerentiæ in religiosos plena hanc quæstionem absoluant; sic libro aduersus deprauatorem operum suorum, pag. 546. Vitam religiosorum, inquit, quorum diuersæ sunt species (Polymita est enim tunica Ioseph, & circumamicta varietatibus sponsa Christi) tota cordis affectione veneror, ipsorumque pedes brachiis deuotissimæ humilitatis amplector: Scio enim quia præ cunctis sæcularibus, & Clericis, & laicis, tanto differentiùs virtutum titulos referunt, quanto impressioribus vestigiis Apostolorum regulis inhaferunt.

RESPONSIO.

Hac quoque Coronide coronam non referes. Malè tuo capiti hæret, vbi tantam iudicij penuriam præ te fers. Vacuo vasculo malè signaculum adderetur. Quid enim in Blesensis loco cum tuo proposito simile est? Quid euagaris? Quid tibi ad singulas voces mētem excidere finis? De Episcopis quærimus: Regulares comparamus cum eorum statu, sitne, ut tu ais, Regularis status in praxi perfectior Episcopali. Hac de re nihil Blesensis. Ipsa verba sat indicant. Quod enim Religiosorum virtutem cunctis Clericis anteponit; nec de virtute hominum agimus, sed de statu; & Clericorum nomine non includi Episcopos, præcipuè in odiosis, schola consentit. De Episcopis autem tota nūc quæstio est. Sed nec Regulares tanti facit, quin paulò post adiiciat in deprauatorem illum suorum Operum, quem Regularem fuisse docet. Porro illud omnino dissimulare non possum, quod cū ceteri balsamum gloriose opinionis in odorem suauitatis effundant, tu tibi que similes facti estis odor mortis in mortem, &c. Legimus autem



in libro quotidianorum euentuum, quod in his, qui euomuerunt saculum, frequenter amor seculi recidiuat, suamque readificantes Jericho, quam in primitiua conuersatione subuerterant, ignem & cineres ambitionis suscitant iam sopitos. Et quid est in vobis amor mundi, nisi odium Dei? Quid est ardor ille concupiscentia qui aurum vestrum vertit in scoriam, nisi mors anima, transgressionis maser, magistra nocendi, primipilaria iniquitatis, auriga malitia, sicaria virtutum, seditionis origo, & fovea scandalorum? Non ad iactantiam dico, sed ut impudentiam tuam (frons enim meretricis facta est tibi) quamplurimum Anglia magnatum testimonio & assertione, retundam. Quod mirum est Iesuitam non vidisse ex hoc ipso loco sibi suisque sociis, præcipuè Anglicanis, regeri posse in arrogantia, quam ex eo temere arripiunt, compressionem. Nam & infra subdit: Nonne Prior tuus Ecclesijs apponit Ecclesias, & redditum redditui, atque possessionem possessioni accumulatur? Quod si ad colorandam turpitudinem culpa, titulum publicæ vitæ allegas, scias quia nec eum defendit numerus, nec multitudo conuentualis excusat. Non enim minùs ardebit, qui cum multis, aut pro multis ardebit. Non igitur ad vniuersos sui æui regulares laudum, & virtutum illarum præconia refert Blesensis; & mala quæ in iis coarguit, ambitionem, scandala, procerum Angliæ testimoniis nota, opum, reddituum, beneficiorum congerendorum sollicitudinem, ita examussim Iesuitis congruunt, ut perspicuum fiat, eos plus habere cur Blesensis vituperationes sibi quam laudationes arrogant, illisque deiciant animos, quàm his erigant, & insanæ æmulationis ardoribus incendantur. Nec verò premere debuit more suo Iesuita hanc Clericorum in eodem sermone commendationem: Clericorum voluptates accusas, quas, apud pleròsque spirituales in Christo potius censeo, quàm carnales. Noui quamplurimos, quibus ad occasionem turpitudinis suspectior esset sua camera, quàm foris tibi Ecclesia: plus fortasse in tuis semicinctis, quàm Clericus in purpura & bysso, gloriaris. Melior est purpurata humilitas, quàm pannosa superbia. Pietas ipsa est cultus Dei. Vide ne speciem pietatis habeas, & non cultum, ne de illorum numero censearis, contra quos Apostolus dicit, speciem quidem pietatis habentes, virtutem autem abnegantes, &c. Non auferunt conscientia vermem habitus & consura. Regnum Dei intra vos est, non in exteriori vestitu. Nonnullos Clericos noui, qui quasi nihil possidentes, multa possident. Non enim habent sibi, sed omnibus, quicquid habent. Sic temporali fouentur subsidio, sicut in stabulo viator vitur lecto. Pausat, ac festinat recedere, nouit enim se esse peregrinum & hospitem super terram, &c. Leua oculos tuos, & recole si vnquam videris alicuius regula professorem, per agonem martyrii de saculo triumphasse. Nam si eo modo aliquem triumphasse proponas, hunc ab ordinis obseruantia prærogatiua Episcopalis exemerat. Non oportet omnes Regulari militia nomen dare. Credo non minoris esse meriti citra professionis vinculum, & assumptæ necessitatis angariam simpliciter ambulare cum Deo, & custodire vas suum in sanctificatione & gratia, suasque manus à sordibus munerum excutere, quàm detrectare onus impositum, & luctari cum obedientia iugo. Religio munda & immaculata hæc est, custodire se immaculatum ab hoc saculo, & se in operibus misericordiae iugiter exercere. Quæ omnia satis, opinor, laudes illas regularium temperant, quæ Iesuitæ materiam superbiendi præbuerunt. Nam

Blesensis nunquam sic regularem vitam extulit, quin eius naevos & deliquia prodiderit. Nunquam sic arguit Clerum, quin eius bona sit professus; sine adulatione laudauit, sine inuidia corripuit; tam virtutibus fauens, quàm vitiis infestus; vtroque veritatis amicus, & libertatis ingenij in omnes generatim hominum ordines, quantumuis præcelsum, tenax. Hinc graues apud eum, tum Monachorum & regulariū, tum Clericorum increpationes, magna rursus eorundem encomia. Alterum Hieronymum dixeris, quem ista scriptitandi, & prauos, tum Monachorum, tum Clericorum mores carpendi libertate, vtriusq; inuisum fuisse proditum est, Episcopalem verò statum, de quo nunc quaerimus, à Blesensi nunquam postpositum fuisse vlla re monastico, seu regulari, sed vbiq; præpositum, facile cernitur ex illius Operibus, nec Spongia dubitaret, si legisset, In primis loco iam edito audiuius ab eo dictum. Regularem à sui ordinis obseruantia PRÆROGATIVA EPISCOPALI eximi. Prærogatiuam ergo statui Episcopali tribuit, non regulari. Alibi diuiso toto hominum genere, in iacentes, sedentes, stantes, ambulantes, eorum primū dat malis secundū bonis coniugatis; tertium, contemplatiuis, seu Regularibus; quartum, Prælatiis vt omnium optimum & præstantissimum, & in quo aliorum omnium perfectiones continentur, præcipuè stantium, cum ambulans, & illud habeat quod stantes habent, & aliquid præterea amplius. Quare addit, Prælati incumbit ambulare id est, inter prædicta hominum genera discurrere, nunc his, nunc illis, nunc alijs increpationem, exhortationem, consolationem, tanquam annonam verbi Dei erogare. Ambulans siquidem Iesus iuxta mare Galilææ vocauit discipulos, quibus & postea dixit, Ite in orbem vniuersum, & predicate Euangelium omni creaturæ. Electi ergo estis vt eatis. Ergo ite. Item alibi, Prælati debent sedere in nauicula Simonis. Nec videatur parum in nauicula Simonis sedere. Est enim summus & supremus gradus in via sedendi, sedere in nauicula Simonis. Alius quidem est summus & maior isto gradus sessionis ad mensam Patris, vel in throno iudicis de quo dictum est, Sedebitis & vos super sedes duodecim, iudicantes duodecim tribus Israël. Sed hic supremus in patria, ille in via. Deniq; Episcopo statū Episcopalis legē scribens. Procura, inquit, humilibus, pacem, rebellibus obedientiam; claustris quietem, ordinem Monasteriis, Clericis disciplinam, vt doceat Episcopū esse in Ecclesia summo omnium & præstantissimo statu, vt aliorum omnium, etiam regularium quorumlibet, doctorem & perfectorem. Quod & alibi non semel declarat. Quæ tandem ergo est Iesuitica fraus, quæ indocta leuitas, hominem tanto vbiq; efferentem culmen Episcopale ultra omnes Ecclesiæ gradus, nominatim ultra regulares, trahere ex vnius loci tumultuaria lectione in quo de Episcopatu nihil est, in partes inauditæ præsumptionis, vt regularis status Episcopali, velut ipso authore, præferatur? Dignus es cum fallaciis tam rudibus, tam indignis, atq; insulsis, cui Blesensis, è loco quem citasti, voces nunc à nobis, vt tunc ab ipso regulari illi deprauatori, illi dantur, Ea propter te iam non annumero inter lupos rapaces, qui veniunt sub vestimentis ouium, sicut me quosdam religiosos insimulasse causaris, sed inter pulices mordaces te pono, inter demolientes tineas, inter cynomyias & ciniphes, & muscas Aegypti grauissimas.

Vid eundē  
serm. 49.  
ep. 67. 86.  
et 138.

Idem serm.

Idem serm.  
42.

Idem in cā.  
Episcopali.

Vid. ep. 83.  
88. & 90.

Inuict. in  
deprauat.

## SPONGIA.

Secunda pars Censuræ auctori more suo falsum imponit, quasi innuat obligationes, ad quas sub pœna peccati, & damnationis Episcopus tenetur, non esse in se possibili. Non hoc dixit, sed tantum vniuersim, eum qui suscipit statum, cuius obligationes sunt ipsi impossibiles, non tam perfectò, quàm misero statu esse. Quid dici potuit verius? Quo dicto innuit, ut qui ad Episcopatum aspirant, apud animum suum perpendant quid valeant humeri, quid ferre recusent, nec debilibus humeris ambiant onus Angelicis formidandum. Nam fieri posse, ut obligationes in se possibiles infirmo, & ad id muneris non vocato, moraliter impossibiles sint, hoc est tales, quibus vix, & ne vix quidem satisfacere potest. Hoc autem si contingat, na ille non tam perfectò, quàm misero loco erit. Hoc auctor innuit, nec aliud innuere voluit. Quis autem negauerit obligationes Episcopales posse esse alicui indocto, & peccatis dedito moraliter impossibiles, & ideo talem Episcopum non tam perfectò, quàm deplorando statu esse? Neque hoc est diuinam bonitatem blasphemare, quasi impossibilia hominibus imperet, sed hominum stultitiam accusare, qui ceca bonorum cupiditate, in officia, quibus pares non sunt, se ingerunt, ut saluari non possint, nisi dignitatem deferant.

## RESPONSIO.

Terga quidem dare tuum est, nec tuarum hæresum propugnationem sustinere. Mirum tamen terga dantem durissimam simul frontem exhibere, & in perspicuam lucem inuadere. Quod dixisti obligationes Episcopales moraliter, & in praxi non esse possibiles, interpretari audes dictum de aliquo indocto, & peccatis dedito, qui se in officium ingerat, cui par non sit; quasi indoctis tantum, & peccato deditis impossibiles eas diceres. Nec pudet Dei iudicis, conscientia testis, imò omnium iam hominum qui Apologiam tuam, vel solam propositionem inde excerptam legerint. Quæ enim in ea vox, de indoctis tantum & improbis hominibus te loqui innuit? Quæ non audaciam, & effrænem inuerecundiam tuam propalat? Generatim loqueris, absolutè, planè, de ipso statu, non de personis, de ipsis, obligationibus & actionibus moraliter, & in praxi spectatis, non de malorum hominum ad eas implendas imbecillitate. Denique in Apologia, non modò de peccatoribus & criminosis nihil habes, sed omnia quæ ad istam Episcopaliū obligationum impossibilitatem comprobendam affers exempla, piorum proborumque hominum exempla sunt, nulla improborum. Ipsum enim Pium V. adducis, sanctæ memoriæ Pontificem, qui diceret Pontificatum esse impedimentum salutis æternæ, & quietem securitatemque conscientia sibi auferre, Addis alios, qui etiam dixerint, tot tamque graues obligationes Episcopis incumbere; ut si quis vel tertia earum parte defungeretur magnum sibi faceret nomen sanctitatis, neque tamen hac tantum officij sui parte defunctus, gehennam euaderet. Estne hoc loqui de improbis solum & peccatoribus, & his solis impossibiles facere obligationes Episcopales? nonne palam est te locutum de ipso per se statu, eiusque munia ita impossibilia voluisse, ut ipsis etiam ho-

Apol. c. 6.  
§. 7. n. 24.

minibus sanctis impedimentum salutis æternæ afferant, securitatem conscientia auferant, gehennam subeundi necessitatem quandam importent, quia vix tertiam eorum partem implere possint? Atque adeo te in hoc blasphemiae genere sic dilataſſe os tuum, vt etiam summum Pontificatum nominatim pestilenti halitu afflare, malè detorto in nefandum errorem sanctissimi Pontificis testimonio volueris? Sic enim, quod toties diximus, quæcumque in Episcopalem statum intorques, in Pontificalem recidere necesse est. Diuelli non possunt intimo vinculo à Deo colligatæ dignitates. Blasphemia igitur & fraudes tuæ *tecum sint* *Mat. 6.* *si non in perditionem*, saltem in seueriorem ultionem quibus Ecclesiae capita perdere, & vniuersum eorum ministerium, ipsis sanctis hominibus ministerium gehennæ & damnationis æternæ facere conaris, vt ab iis, qui te magis perdere valent quàm tu illos, *tradi Satanae in interitum* *1. Cor. 5.* *carnis, vt spiritus saluus sit*, merearis. Malæ enim mentis, non tantum ignorantia indicium est, quod in tantis flagitiis deprehensus tergiuerſaris, errorem tegis ac foues, & insolentibus fallaciis in veritatum numerum asserere, superbo & ferocienti animo, laboras.

Denique eadem ista fraus amplius proditur, quia si nihil aliud cupisti, nisi *Episcopalis muneru obligationes esse moraliter impossibiles* indignis hominibus, & ad eas via non directæ diuinæque grassantibus, nihil illi statui singulare, & non vniuersis commune dixisti, nec eo nomine, sicut facis, cum regulari postponere potuisti. Nam & regularis status obligationes moraliter impossibiles sunt hominibus impiis, peccato deditis, quos ad eas non vocauit Deus, qui in eum se priuato motu, non Spiritu sancto duce, immiserunt. Difficile, impossibile, extraordinarium est tales tale onus Deo inconsulto aggressos, ferre ac perpeti posse, vt eximij quique regulares fatentur. Rarò mala rei tantæ initia emendat, & sanat Deus, qui eiusmodi præposteris *non computato sumptu ædificatori-* *Luc. 14.* bus, malè iam olim ominatus, & minatus est. Si quos eorum reducit in viam, rara gratia est, nec vulgaris, nec cuiuis speranda, vt quotidiani euentus satis monent. Si ergo Iesuita hoc solum voluit, ridiculè, sophisticè argumentatus est, nec hac parte regularem statum, aut quemuis alium, præferre potuit Episcopali, cum omnes omnino status in eo sint pares, quod si quis eos turbidè, prauo affectu, non mouente ac ducente Deo ineat, eorum officiis moraliter par esse non possit, & in magno dānationis æternæ discrimine versetur. *Sine me, enim inquit, nihil potestis* *Ioan. 15.* *facere; & Deus est qui operatur in vobis velle* *& perficere pro bona voluntate; &* *Philip. 2.* *ipse est α, & ω, principium & finis.* Alia igitur Iesuitæ mens fuit, nec sic argumentari potuit, nisi se stuporis excusatione defendat. *Apocal. 1.*

## SPONGIA.

*Addo quò presumptuosos à periculossimo vite instituto ambiendo deterream, dicere salutem in eo moraliter impossibilem, phrasim esse sacra scriptura, & sanctis patribus vsitatam. Saluator vt ostendat diuites huius seculi, quàm difficili & inuia ad cælum via versentur, dixit facilius esse camelum intrare per foramē acus, quàm diuitem intrare in regnum cælorum. Quod fuit dicere, esse moraliter,* *Luc. 18.*



De singu-  
larit. Cleric.De Ioseph  
cap. 1.

Et apud homines impossibile, ut ipsemet totidem verbis explicuit, quamvis absolute singulari quadam divina gratia ope fieri possit. Neque aliter Cyprianus salutem inter occasiones peccandi, et amittenda castitatis, dixit impossibilem: Incerta inquit, victoria est inter hostilia tela pugnare, & impossibilis liberatio flammis circumdari, & non ardere: quo sensu etiam dixit Ambrosius: Nos praeceptum diligendi inimicos post Euangelium didicisse, & servare non posse. Possem ex patribus huius generis plura; sed cordato hac satis. Absit ut Parisienses Aristarchi S. Cyprianum, S. Ambrosium imò ipsum Dominum blasphemie arguant; potius discant, si necdum didicerunt, usitata phrasi moraliter impossibile id dici, quod sit admodum difficile, quodque ordinariis gratia viribus perfici non possit, et raro admodum fiat.

## RESPONSIO.

Aug. serm.  
15. de di-  
vers. con.  
Manich.Vid. Cyp.  
serm. de la-  
pſis & de  
orat. Aug.  
ho. 13. l. 50.  
hom. & Ba-  
sil. admonit.  
ad filium  
Spiris.

Quò ruis improvidi iudicii artifex? Tenet tuo laqueo induis; tu opte indicio, quasi torèx peris. Vel enim propositio Christi, *Facilius esse Camelum intrare per foramen acus, &c.* eundem quem tua sensum habet, vel si ne causa profers. Atqui perspicuum est, cum Christus dixit *apud homines impossibile esse divitem intrare in regnum caelorum*, seu esse perquam difficile, & moraliter impossibile non id de improbis tantum sceleratisque hominibus, sed etiam de cæteroqui bonis & probis intellexisse, ut vel inde patet quod ex occasione adolescentis probi, qui omnia mandata se à iuventute fecisse dixerat, quem Iesus intuitus dilexit, terribilis illa vox prolata est. Pauci enim boni sunt, quos divitiæ non faciant deteriores, & in perniciem abstrahant. Malis autem eas esse exitio minimè mirum est, quibus non solum pravae res, aut noxiae, sed etiam bonae, & salutes, noxiae fiunt. Coinquinatis enim et infidelibus nihil est mundum, sed inquinata sunt eorum et mens et conscientia. Sententia ergo Christi in eo singularis, & Apostolis horrenda visa fuit, quod etiam viris bonis divitias periculosas, & noxias, & salutem cum iis moraliter impossibilem diceret, sine gratia nempe eximia, minimèque vulgari, & quæ paucissimorum hominum est. Similiter Cyprianus, si tamen ille liber eius est, non dicit incertam victoriam esse inter hostilia tela, et impossibilem liberationem flammis circumdari et non ardere, peccatoribus tantum & iniquis, quibus non tam incerta victoria, quam certissima perniciēs est; sed iustis ipsis & sanctis, qui non sine graui periculo, & difficillima liberatione in mediis hostibus & peccatorum insidiis conuersantur. Hæc igitur testimonia, quæ rem tritam, nec lippis ipsis ignotam frustra probat, & ridiculam Ieluitæ in rebus vulgatissimis, peritiam ingerunt, hoc solo in rem præsentem valent quod eius perfidiam ob legentium oculos, ipsa eius prodicione, constituunt. Si enim eo modo ab eo dictum est, obligationes Episcopales esse moraliter impossibiles, quo à Christo impossibilem esse divitis in cælum ingressum; à Cypriano, impossibilem hominis flammis circumdari, & inter hostilia tela deprehensi, liberationem; non solum improbis, sed etiam probis impossibiles dixit Episcopales obligationes, sicut Christus salutem divitibus omnibus, Cyprianus ardentibus quibuscumque liberationem: dixerunt impossibilem, sine singulari scilicet gratia,

quæ quam paucissimis concedatur. Alioquin dissimillimas propositiones connectit, & inepta in suam rem præsidia congerit. Hanc fraudum fallaciarumque necessitatem, superbi animi indocti errores imposuerunt Iesuitæ. Incidit per ignorantiam, emergere per superbiam non potest, ut det gloriam Deo, & simplicem veritatem agnoscat. Corrupta auctoritate doctrina, nullus aut cursus, aut recursus esse ad castitatem animi potest.

Aug. l. de  
mehd. c. 19.

PROPOSITIO DECIMATERTIA.

Ex cap. 8. num. 2.

**I**N hoc status religiosorum videri potest multum honoris habere, præ statu Episcoporum, & sacerdotum quia horum status nec essentialiter, nec diuina positiua lege requirit specialem castitatem, præter illam vulgariam Christianorum, ubi status religiosorum, non solum diuina positiua lege, sed etiam essentialiter includit professionem Angelicæ puritatis:

CENSURA.

Ista propositio est malitiosè prolata in contemptum cleri sæcularis, quatenus omittit specialem obligationem, qua tenentur Episcopi & sacerdotes ad specialem castitatem seruandam, quicquid interim sit de aliis partibus propositionis.

SPONGIA.

Impotentis censoris est, cum nihil habeat in doctrina quod reprehendas, aduersus animum proferentis, qui soli Deo constat, sententiam ferre. Quod negare non possunt in laudem religiosi status verè dici potuisse, temere indicant non in illius commendationem, sed in sæcularis Cleri contemptum dici. Habet is proprias laudes, ideoque ringi non debemus, si religiosa instituta laudari audiamus. Nec enim religiosi status veræ laudes ex se contemptum Cleri sæcularis continent. Ioannes Gerson Parisiorum Cancellarius, Ioannes Maior ipsorum pugil, dicunt hoc idem quod author, nimirum castitatis professionem esse de intrinseca, & essentiali ratione status religiosi, non verò status Episcopalis, & sacerdotalis: an hi sæcularis Cleri contemptores? At author omisit dicere Ecclesiastica lege statui sæcularis Cleri votum continentia esse annexum. Magnum enim verò crimen, sed audite: Primò ipsi Parisienses in indice materialium Ioannis Gersonis, quem concinnarunt, verbo votum, sic habent: votum castitatis sacerdotio non est essentialiter annexum: hic etiam ipsi omittunt monere specialis obligationis ex Ecclesiastica lege: quocirca eiusdem criminis (si crimen est) rei, qua fronte in Daniele lapidem iactant?

Gerson to.  
2. col. 251.  
Maior in  
4. d. 38.  
9. 4.

RESPONSIO.

Malas tuo more fundis ineptias. Nec Gerson, nec Maior tui sunt. Nusquam docent votum Castitatis regularium esse diuinæ institutionis, nec insolubile, nec penitus essentialiter statui regulari. Neque verò ullis istis nominibus præferunt castitatem regularem castitati Episco-

habet in Ecclesia maiore Angelis in virgine Deipara maiore Ecclesia, in Christo maiore Virgine, in Deo maiore Christo, *caput enim Christi Deus*. 1. Cor. 11. Sicut Deus ita simul virgo est, ut generet filium sine detrimento virginitatis & castitatis; Sicut Maria eundem filium virgo & mater genuit; Sicut Christus intemerata fecunditate videt sibi *semen longeuum*; Sicut Ecclesia *1/a. 33.* virgo casta est desponsa Christo, & intacta virginitate sanctam quotidie so- 2. Cor. 11. bolem Deo parit, & toto diffundit orbe; Sic Episcopi, sic Sacerdotes *Aug. serm. 8. de temp. in fest. na- tivit. & serm. 119. qui est 3. post Dom. palm. & c. Petr. Dam. 1. 4. ep. 3. ad Cunibetum Episc. Tan- rin.* casti & virgines sunt, fecunda & vberi castitate, quia Ecclesiae fecunditatem, qua filios procreat, ipsi habent & sustinent, & cum fecunditate castitatem. Ut enim per eos Ecclesia generat, sic per eos casta generat, virgo generat. Quare recte Petrus Damiani: *In alijs certe quibuscumque personis non exigitur fecunditas castitatis: In Episcopo autem inutilis esse castitas iure decernitur, quae se sic exhibet sterilem, ut aliam non pariat castitatem,* Ad huius generis castitatem, quantumcumque crescat regularis castitas, nunquam peruenit; ideoque minoris ordinis, & minor semper est, & quicquid aliunde habeat, cedere debet faciesque submittere castitati Episcopali & Sacerdotali, ut altiori, praestantiori, diuiniore, & summis castitatis exemplaribus similiore, & tanto aliam quamlibet castitatem castitate, quanto fecunditate vincenti. Solis enim Episcopis & Sacerdotibus datum est, ut quemadmodum sola Deipara inter mulieres virgo & mater est; ita ipsi inter viros soli sint virgines & patres, neque tantae castitatis & virginitatis imaginem nisi in solo Christo, & aeterno Patre habeant, non in Angelis, non in quibuscumque creatis rebus.

Atque ita necessario fatendum est nullum esse in vilo humano statu tantum lumen castitatis, quantum in Episcopali & Sacerdotali statu, cuius castitas, ipsa est castitas & virginitas Ecclesiae, virginis simul & matris. Quam castitatem admirabilem & diuinissimam infelices imperitiae leuitae despici non vident, dum ei regularem & suam castitatem anteferunt, quasi suam maiorem & sanctiorem facere studeant quam Ecclesiae sponsae Christi castitatem. Haec ipsi non vident, nec cogitant, nec sentiunt: sola errabundi arbitrij temeritate in summa Christianae rei mysteria alliduntur. Domine, ignosce illis, quia nesciunt quid faciunt.

Non igitur castitatis fiducia erigere debuerunt cristas in Sacerdotes, in Episcopos, sed tanto se illis hac ex parte, quanto ex aliis omnibus, inferiores agnoscere. Nam ne vulgarem quidem & minoris ordinis castitatem (ut ab illa maiori, Episcopis & Sacerdotibus propria, discedamus) tam habent quam Ecclesiastici ordines. Primò non habent pari gradu. Episcopis enim & Clericis omnibus non satis est quæuis castitas praesens, sed etiam praeterita requiritur, ut si virgines non sint, saltem sint monogami. Nec vlla maior, solemnior, antiquior in Ecclesia irregularitas fuit quam digamia, de qua cuncta penè Concilia, & Patres, & ipsa scriptura commemorant. Quae digamia, non ex matrimoniis *1. Tim. 3. Tit. 1.* solum Christianis, sed etiam ex civilibus ante fidem initis semper spectata est, adeò ut digamiae irregularitas ne quidem baptismo tollatur, *Iunoc. 1. ep. 1. c. 6.* quo quæuis crimina eluuntur, ut restantur passim Patres; tametsi



a Tertul. de  
Monog.  
cap. 11.  
b Innocent.  
1. epist.  
2. ad Vi-  
sticiam  
cap. 10.  
Vetus re-  
gula hoc  
habet, ut  
quisquis  
corruptus  
baptizatus,  
Clericus  
esse volui-  
set, spon-  
deret se  
uxorem nō  
ducere.  
c VIII.  
Syn. sub  
Ioanne 8.  
Can. 1. &  
ref. 7. q. 1.  
Vid Bern.  
serm. de tri-  
bus ordin.  
Eccles.  
Hug. Vill.  
l. 2. de Sa-  
cram. par. 3.  
cap. 4.  
S. Thom.  
22 q. 138.  
d 3.  
d 1. Tim. 3.  
Oportet  
Episcopum  
irreprehen-  
sibilem es-  
se, &c. Dia-  
conos simi-  
liter pud-  
icos, &c.  
nullum cri-  
men ha-  
bentes.  
Idem Tit. 1.  
Constituas  
per civita-  
tes Presby-  
teros, sicut  
& ego dis-  
posui tibi:  
si quis sine  
crimine est,  
&c. Vid.  
Hieron. ep.  
4. ad Ru-  
sticum.  
Aug. ep.  
50. &c.  
e Pet. Ble-  
sens. serm.  
42.

Tertullianus contrarium <sup>a</sup> priuato errore senserit; plura matrimonia Clericis, pauciora laicis indulgens, quàm par esset, in utroque extre- mus & voluntarius, remissus & durus, magnumque omnibus docu- mentum exhibens, Ecclesiæ mysteria non humanæ visu rationis, sed Ecclesiæ ipsius magisterio expendi debere. Nec tantum matrimonium duplex polluit Cleri sanctitatem, sed etiam simplex cum vidua, cum corrupta, imò cum uxore adultera concubitus, ut omnes fatentur. Et, quod magis mirere, quævis præter vnū coniugium copula, non solum coniugalis, sed etiam fornicaria, multis olim sæculis clericali castitati repugnauit; adeò ut qui ante baptismum corruptus, post baptismum clericus esse vellet, perpetuæ deinceps castitatis sponcionem edere, & omni penitus coniugio sese abstinere <sup>b</sup> cogeretur. Panta habita fuit ab initio Ecclesiæ à SS. Patribus Clericalis sanctitas, & puritas Ecclesiasti- cæ castitatis. Quæ omnia regulari castitari desunt. Cui satis est conti- nentia præsens, quotcumque se quis matrimoniis implicuerit, diga- mus, trigamus, vel ultra effectus, quotquot se adulteriis & flagitiis pro- luerit. Est enim regularis status, non innocentiae, sed pœnitentiæ sta- tus <sup>c</sup> quidam, ut SS. Patres docuerunt; Clericalis autem, non pœniten- tiæ, sed <sup>d</sup> innocentiae gradus, cui pœnitentiæ status, nisi Ecclesia disci- plinam remisisset, repugnaret.

Hæc ergo ipsa vulgaris castitas, sine comparatione maior, dignior, purior est in Clero, quàm in regulari statu, nec est cur illius præump- tione aduersus Clericos, nedum aduersus Sacerdotes & Episcopos, Mo- linistæ ferociant, si se, si illos nossent.

Descendamus aliquantum adhuc de culmine Ecclesiasticæ puritatis; Videamus num in re aliqua minori Regularis ei, ut volunt, castitas conferri debeat. Regularem castitatem diuinitus institutam aiunt; Episcopalem & Sacerdotalem negant. Errant grauitè vanissimi homi- nes, & quacumque parte impellas, labuntur. Quam enim in Euange- lio dabunt diuinā regularis speciatim castitatis institutionem? Quem Patrem, quod Concilium eiusmodi institutionis testem asferent? Lau- datam legimus à Christo generatim castitatem, commendatam, con- sultam; sed institutum ab eo votum castitatis regularis, duobus aliis vo- tis essentialiter annexum, nec legimus, nec legerunt Molinistæ, nec quantumuis ridiculi esse pergant, vnquam legere poterint. Cur à casti- tate quàm Christus laudauit, Episcopalem & Sacerdotalem excludunt? Cur contrahunt ad solam regularem? Hoc nemo ante ipsos ausus est. Nouatores sunt, ut in aliis, ita in hoc quoque. Nam Christus de castita- te loquitur, seu regulari, seu Clericali. Voluntariæ castitatis consilium collaudat: A quo consilio nemo vnquam seiunxit Clericos, qui totius Ecclesiæ iudicio sequuntur illud prout à Christo traditum est. Quare facilius dabimus antiquitatis testes, qui Clericalem castitatem ad diui- nam institutionem referant, quàm qui nominatim regularem. Sic Pe- trus Blesensis eleganter admodum. <sup>e</sup> *Principes terrarum, inquit, uxores suas Eunuchus ad custodiendum solent tradere: sic & Dominus sponsam suam Eunuchis tradidit custodiendam. Eunuchos per gratiam & virtutem hic intelligimus, qui se ca-*



strauerunt propter regnū cælorum. Et diu ante illū Siricius Papa, Dominus Iesus Ecclesiam, cuius sponsus est speciosus forma, castitatis voluit splendore radiare, &c. Quorum sanctionum Sacerdotes omnes atque Leuitæ insolubili lege constringimur, ut à die ordinationis nostræ, sobrietati ac pudicitie, & corda nostra mancipemus & corpora. Alia similia passim occurrunt; ex quibus hoc saltem validè cōfitemur, sacrorum ordinum castitatem non esse Ecclesiastici iuris, quasi ex certo tempore à Pontifice aut Concilio quopiam præceptam; sed esse perpetuam, Apostolicam & inuiolatam traditionis, cuius initiū ad Apostolorum & Christi tempora, & ad ipsum nouæ legis exordium referatur. Nam Christum primum nouæ legis Pontificem Apostolos primos Euangelij ministros, cœlibes elegisse, qui vel uxores non habuissent, vel cum iis vniuersa reliquissent, tradit Euangelium. Vnde continuo deinceps tenore, manauit in omnia Ecclesiæ sæcula insolubilis illa lex de ministrorum castitate; nec aliud eius exordium reperire est. Tantam eius antiquitatem, quantam ipsius nouæ legis cernimus. Cum ea pariter hæc puritas nata est, aucta, adulta, Euangelique ministerio stirpitus quodammodo inoleuit.

Quinetiā si altius ascendere libet ad Iudaicæ legis vetustatem; qui in ea ministrorū Euangelij forma erant, casti erāt & puri, nec legitimis quidē matrimoniis uti poterant, quamdiu in ministerij vice verlabantur. Qui verò Regularium gerebant figuram, sine obice, sine discrimine temporum, indulgebant connubiis, nec vlla speciali lege castitatis tenebantur, ut Nazaræi, Rechabitæ, Prophetæ, quorum vix pauculos inuenias, quos ab vxoribus vacasse constet. Ita castitatis & Sacerdotij coniunctio antiquior, sanctior, & confirmatior est, quàm castitas Regularis, seu Euangelium Christi, seu veteris testamenti scripturas, veterumque Sacerdotum spectes disciplinam, à qua, ut noui Sacerdotij imagine, passim SS. Patres ministerij Euangelici disciplinam, iura, officia colligunt nominatim istud de castitate & puritate Sacerdotij, quam ideo diuinitus præceptam esse non verentur asserere, ut faciliè vident qui eorum scripta voluerunt, & ex ante dictis satis patet.

Et si autem hinc colligere nolumus, Sacerdotalem castitatem esse prorsus proprièque diuini iuris & diuinæ præceptionis; Sequitur tamen nec esse propriè Ecclesiasticæ institutionis, eo modo quo antè dictum est, sed perpetuæ inuiolabilisque traditionis Euangelio ipsi equalis, à Christi, si non certa lege, saltem exemplo & vsu natæ, diuinis de Sacerdotio veteri constitutionibus informatæ & hoc sensu dici à Patribus, diuinæ institutionis. Qua parte longè superat & antecellit regulari castitati, quā constat regularis status. Hæc enim castitas ad Regularis status essentiam adiuncta est, non solum Ecclesiastica institutione, sed etiam non ita veteri, cum eiusmodi essentiam ab initio in Ecclesia fuisse non constet, nec vllum eius testimonium proferri queat. Cœpta est eiusmodi votorum in vnicum statum coniunctio, vel positua Ecclesiæ lege, vel generali potius consuetudine, & approbatione. Nam eius præceptum non faciliè reperient in Euangelio Iesuitæ, nec in antiqua & perpetua traditione Patrum. Laudarunt quidem, & magni fecerunt

Siric. ep. 1.  
ad Him c.  
7. Concil.  
Agath. c. 9.  
Vid. Epiph.  
heres. 48.  
D. Leon.  
ep. 87. ad  
Episcopos  
Africa &c.

Matt. 27.  
Vid. Hier.  
ep. 50. ad  
Pammach.  
Es l. 1. con-  
tra Iovin. c.  
14.

Exod. 19.  
1. Paradi.  
24.  
Luc. 1.

Vid Cypr.  
ep. 40. 45.  
69. &c.  
Vid Siric.  
Innoc.  
Epiph. su-  
pra cit.  
Hieron. in  
c. 1. Tit.  
Ambr. lib.  
1. offic. c. 50.

castitatem, paupertatem, obedientiam Concilia & Patres, sed nunquā ex eis essentiam religionis conflare, nec sine earum triplici voto statum perfectionis stare non posse dixerunt. Hoc Ecclesia postmodum probavit, hoc iis qui regularis vitæ statum, & viam Monasticæ professionis ingrederentur postmodum præcipi voluit. Etsi enim nec diuini iuris, nec essentialis, ut aiunt, nec necessarium penitus ad assequendam perfectionem; utilitatis tamen, congruentiæ, compendij ad eam plurimum habet, si Deo instigante suscipias, ideoque talem regularis vitæ normam approbavit Ecclesia.

*D. Anselm.  
lib. similis.  
cap. 90. &  
91. tom. 3.  
Gerson. 10.  
3. lib. de  
perfect. sect.  
3. & 4.*

*Suarez. 1. 3.  
de relig. l. 2.  
c. 3. et l. 9.  
c. 26.*

*Matth. 19.*

*Matth. 4.  
Vid. A-  
chan. invita  
S. Antonij.*

Hoc modo intelligendum est quod vulgò dici solet, essentiam regularis status in tribus illis votis sitam esse; essentiam videlicet, non diuinitus institutam, aut penitus necessariam & immutabilem, quales sunt naturalium rerum essentialia, sed essentiam Ecclesiæ voluntate factam, Ecclesiæ potestate inductam. Nam sicut ipsos regularium ordines Diuus Anselmus, *ordines factitios*; Gerson, *religiones factitias* vocat; ita earum religionum essentiam factitiam, & quasi artificialem dicere possumus, quam nimirum Ecclesia, conuenientiam rei secuta, eo modo concinnarit. Hoc igitur voluntarium & liberum Ecclesiæ est. Sic religiones instituit; aliter instituere potuit, ut vel aliquo trium votorum obedientiæ, castitatis, paupertatis carerent, quales olim Rechabitz; vel simul omnibus, quales Nazaræi. Hæc Ecclesiæ est potestas, nec eitemerè adimi debet, sine perspicua solidaq; authoritate, qualis nulla dabitur. Vnde ipse Suarez agnoscit religionis statum absolutè, sine castitatis professione posse consistere; & castitatem non adeo esse illi essentialis, quin religiosus inire matrimonium, prolem suscipere possit, indulgente Pontifice, salua etiam essentia religionis. Hoc tantum inter eum & nos interest, quod ille etsi tunc religionis essentiam saluam fore fateatur, aliquid tamen eius integritati & perfectioni defuturum esse putet. Nos, dempta Ecclesiæ lege, quæ naturam regularis status ita composuit, nihil videmus cur etiam perfecta & integra religio stare non possit, sine voto castitatis, quod ipse ad absolutam essentiam religionis non necessarium agnoscit. Si enim religio nihil aliud est nisi status, seu via perfectionis, ut aiunt; nulla ratio est, cur per alia vota, vel per votum paupertatis iunctum omnibus christianæ vitæ legibus, ad perfectionem iri & perueniri non possit; & cur is status non dici debeat status, seu via perfectionis. Sic enim Christus nihil illi diuitiis implicito adolescenti supra mandatorum obseruationem proposuit *si perfectus esse vellet*, quàm ut omnibus venditis se sequeretur. An is adolescens, si Christi consilio paruisset, non erat futurus in via perfectionis, etiam sine speciali voto castitatis, aut obedientiæ maioris, quàm quæ ipsi ut Ecclesiæ præposito debebatur, ac deinceps vicariis eius? Nefas profectò esset id negare, & Christi voci manifestè repugnaret, qui ei ad viam statumque perfectionis hoc vnum indicxit.

Præterea primū fidelium cœtum, qui venditis possessionibus communem vitam sub Apostolorum ductu agebant, quis dubitet fuisse in via perfectionis? Hanc enim illorum vitam sancti Patres formam, po-

nunt, & exēplar monasticorum institutorū, quę deinceps extitere, & in ea perfectissimi status præstantiā fuisse supponunt. Ac Petrus Bleſensis ad istud exēplar dimetiens regularem statū, eius substantiā collocat in *charitate fraterna, in cōmuni substantia, in communi obedientia*. Quę tria, inquit, *caput sunt monasticę religionis*. Castitatem omittit, quia eam non reperit in primo illo cōtū, à quo tamen regularis status perfectionē reperendam esse ait. Diuus autem Bernardus status regularis naturā expendens, eam ex duobus præcipuis cōponit, *subiectione Abbati, & stabilitate in loco*, ne videlicet propriū monasterium deseratur, ut in aliud transgressio fiat. Imò addit, *in professione regulari sic promitti stabilitatem, ut, de subiectione Abbati exhibenda, nulla penitus mentio fiat*; ut doceat, etsi in monasteriis summa obedientię cura esset, tamen eius expressum votum non consueuisse fieri à suis ordinis regularibus. Non quin obedientiam quoq; sponderent; docet enim eam fuisse promissam, *Tu professus secundum regulā S. Benedicti promissisti obedientiā, promissisti & stabilitatem*; sed quia speciale votum obedientię non fieret, plus quam cæterarū obseruantiarum religionis, sed generale tantum, quatenus & obedientia vnum eorum erat, quę regula præciperet. Innuit enim promitti generatim consueuisse regulę monasterij stabilem obseruantia: *Vniuersaliter, inquit, præcipitur, & nemo excipitur, ut omnes scilicet per omnia magistrā sequantur regulam, nec ab ea temerē deuictur à quoquam*, unde patet Bernardū nihil aliud in regularis status natura constituere, nisi regulę cuiusq; instituti ac monasterij, qualiscūque ea sit, obseruationem; nec magis in eam essentialiter obedientiā, aut castitatem, quàm alia quæuis præcepta regulę includere. Quod idem ex pluribus eius locis <sup>a</sup> colligitur. Nec desunt ex primis Ecclesię sæculis complures, qui abdicata tantum bonorum possessione, & distracta in egenos, christianę & monasticę vitę perfectionem à sanctis Patribus iniuisse dicantur, <sup>b</sup> etsi nullum, quod constet, castitatis votum suscepissent, ut alibi commodius declarabitur.

Nec refert quod talis vitę status non videatur complecti omnia consilia. Nam si nullus dicendus est status perfectionis, nili qui omnia consilia cōplectatur, ne quidem regularis triū votorum status erit status perfectionis, nec perfectā & completa religio, cū palam sit regulares non omnibus consiliis per ea vota <sup>c</sup> obligari, adeoq; non omnia consilia in eorum votorū professione includi. Nam eos qui suis se manibus alunt, perfectiores & excellentiores habet <sup>d</sup> Augustinus iis qui diuitū religionis obsequiis sustentantur, sicut eos qui omnia dimiserunt, iis qui diuitias possident. Petrus autem Damiani Cœnobitas negat <sup>e</sup> perfectionem habere, quam solis Eremitis, humanum quoque conuietum dimittentibus ut Deo toti vacent, concedit. Cœnobarum regula, inquit, *perfectionem se non habere perhibet, sed volentem perfici ad eremi instituta patenter transmittit*. Et infra, *Fratres in monasterio immobiliter permanentes tolerandi sunt: ad eremum verò seruido spiritu transmigrantes, plausibus ac praconiis efferendi*. Si ergo dixeris omnia consilia ad illa tria vota redigi, ut interdū responderi solet; Respondeo vel id falsum esse ex sensu Patrum; eadem opera omnia redigi posse non ad illa tria tantum, sed ad vnum quod-

Dd iij

Basil. serm.  
1. de instir.  
Monach.  
Aug. serm.  
1. de cōm-  
ni vita Cle-  
ric. Concil.  
Aquisg.  
sub Ludo-  
uic. &c.  
Pet. Ble-  
sen serm. 4.  
& serm. 50.  
Bernar. ep.  
7. ad Adam  
Mona-  
chum.

Ibid.

<sup>a</sup> Vid. serm.  
2. in Cœna  
Dom. &  
serm. de tri-  
bus ord. Ec-  
cles.

<sup>b</sup> Paulin.  
ep. 1. ad Se-  
uerum, quæ  
est de perf.  
Aug. epist.  
231. ad  
Albinam.  
<sup>c</sup> Vid. S.  
Th. 22 q.  
186. a. 2.  
<sup>d</sup> S. Aug.  
ep. 89.  
<sup>e</sup> Petr.  
Dam. lib.  
6 ep. 12.



a *August. in Psal. 51. pulcherrime.*  
 b *Matth. 5.*  
 c *Vid. Aug. epist. 56. ad Dioscorum, &c. d. 1. Tim. 6. c. Eccl. 10. f. 1. Tim. 6. Aug. serm. 1. de verb. Dom c. 9. Vermis diuitiarum superbia. Idem l. 50. ho. 13. hom. g. Ambros. orat. de obitu Sat. frat. circa fin. Quod si radix malorum omnium auaritia est, utique vitia exiit qui pecuniam non requirit.*  
 h *Vid. Aug. l. de bono coniug. c. 23. i. l. id. Aug. l. 4. con. Iul. c. 3. & epist. 29. latè. Bern. serm. 1. de annuntiat. & pulchrè lib. 1. de confid. ad Eugen. c. 6. & 7. &c. k Gregor. Nazianz. orat. 3. &c. l. Concil. Trid. sess. 6. cap. 7. m. Ioan. 17. 1. Cor. 6. n. 1. Cor. 12. o *Vid. Dio. de Eccles. Hier. c. 6. Ephes. 6.**

uis, ut ad solum paupertatis. Omnia enim quodammodo latent in vera & christiana paupertate, quæ non corporis tantum, sed præcipuè <sup>a</sup> animi est. Vnde Christus *beatos* dixit <sup>b</sup> *pauperes spiritu*: & in hac paupertate imprimis humilitas continetur, quam virtutum omnium matrem nemo non veterum <sup>c</sup> appellauit; sicut contrà in diuitiis viget in primis fiducia & superbia animi, propter quam Apostolus <sup>d</sup> Timotheum monet, *diuitibus huius seculi præcipe non sublimè sapere*. Sicut <sup>e</sup> *initium omnis peccati superbia*; ita <sup>f</sup> *radix malorum omnium est cupiditas*; quam ideo quisquis amputat, radicem scelerum malorumque omnium elidit, <sup>g</sup> & omnia virtutum impedimenta virtualiter amouet, si nimirum vera & Christiana paupertas christiano & verè paupere animo suscipiatur. Idem dic de cæteris votis quibus singula <sup>h</sup> consilia amplectimur. Nullum enim horum est, ad quod non omnia eodem ferè modo reducas. Nam virtutes Christianæ <sup>i</sup> indiuiduæ quodammodo sunt, quando perfectæ sunt, & Dei ad instar, cuius sunt radij, totæ sunt in totis, & totæ in singulis earum. Qui vnā purè ac perfectè colit, omnes colit; qui tendit ad vnā, progreditur ad omnes; <sup>k</sup> & si illam assequetur, omnes assequatur necesse est. Sunt enim indiuiduæ à charitate, à qua vel simul omnes manant, vel cum ea simul omnes <sup>l</sup> infunduntur. Sicut Deus vnus est, <sup>m</sup> vnus spiritus, & omnes inter se fideles vnus spiritus <sup>n</sup> & vnum corpus; ita multo magis omnes inter se virtutes, si nimirum perfectum statum, & eum quem Deus postulat, obtineant. Omnes enim ad vnum spiritum rediguntur, <sup>o</sup> & ad eum possessores suos redigunt. Cunctæ mutuū sibi decus, & mutuam præstant opem, & mutuo identidem auxilio egent, prout alio atque alio pugnx genere ab aduersario inuaduntur. In quem nisi omni ex parte paratæ sint & communitæ, fragiles & superabiles sunt, nec diu repugnare valent. Rectè igitur qui vnā suscipit, suscipit quadantenus vniuersas; & qui ad vnā per vnum consilium graditur, omnes & omnia consilia quodammodo complecti, & in via statūque perfectionis esse dicitur. Neque quicquam deest eiusmodi statui, quominus religiosus status, & status perfectionis verè dicatur, quàm ut probetur ab Ecclesia, & à summo Pontifice illo honore dignetur, eodem modo quo trium votorum status dignatus est. Tria enim illa vota ante approbationem Pontificis regularem statum non conflare, in confessio est. Ut etiam hinc pateat, totum eiusmodi statum, & illius essentiam iuris esse Ecclesiastici, & Pontificiæ voluntatis. Sicut Ecclesia nuper approbavit nouum genus religionis, qua votum paupertatis & castitatis non dirimit matrimonium, nec proprietatem excludit; cuiusmodi votiuam religionem non viderat Ecclesia, nec villo sæculo audierat, quicquid ad regendam illius nouitatem ex Patribus congerant Suarez & Vasquez, quorum omnia ad vnum exempla & testimonia falsa sunt, & si quis tueri videret, falsitatis sine magno negotio conuinceretur; ita nihil est cur negari debeat, eandem quæ hoc potuit, licet prioribus ætatibus inauditum, aliquid posse amplius, etsi inusitatum etiam & insolens; imò satis vsitatum, cum iam extent religiones militares, in quibus matrimonia conceduntur.



Hæc omnia abundè probant quod diximus, castitatem non magis in statu religioso includi, quàm in sacerdotali, aut Episcopali, nec esse diuini iuris, nec de essentia regularis status, si essentia nomine rem penitus necessariam, & immutabilem intelligas. Sed eam essentiam ab Ecclesia manasse, voluntariam esse, factitiam, consuetudinariam, & ab eadem quæ compegit, facilè diuelli posse.

Sed dicas sacerdotem voto castitatis absolutum, esse tamen sacerdotem; monachum autem sublata castitate, iam non esse monachum. Respondeo, quod sacerdotium soluto voto castitatis remaneat, inde fit quia sacerdotalis character est diuina res, intima, spiritualis, soli Deo subiecta, ab eo solo non ab Ecclesia delectibilis, sicut ab ea deleri & tolli potest, non vnicum solum votum, sed tota simul essentia monachatus. Vnde hæc ex parte regularis status sacerdotali postponendus est, utpote res minor, humanior, mobilior, Ecclesiæ potestati subiectior. Quod enim, vno voto dempto, monachatus solet desinere, nascitur ab Ecclesiæ voluntate, quæ monachos seu regulares passim non habet nisi triplici voto innexos. Si hominem sublato voto castitatis, aliis votis obstrictum manere, & regularem haberi vellet, is procul dubio verè proprièque regularis esset, nec, castitate adempta, monachatus tolleretur, ut Suarem supra confitentem audiuius. Cæterum sicut Ecclesia monachum, cui castitatem remittit, toto simul soluit monachatu; ita sacerdotem, quem castitatis voto liberat, toto simul, quantum potest, exuit sacerdotio, nec amplius sacerdotem agnoscit, nec quicquam ei sacerdotale indulget, iubet esse laicum, quasi sacerdos nunquam fuisset. Cuius tamen rei exempla quàm rarissima à tot iam sæculis accepimus. Nam Ecclesia, quæ sacerdotium pluris facit quàm regularem statum, non magis illi quam huic castitatis decus eripi patitur, cum præcipuè sacerdotalis castitas, quod initio diximus, non ab Ecclesiæ, sed à Christi ipsius autoritate, non tam verbo quam facto sancita, & irrefragabili dehinc omnium sæculorum usu confirmata, initium deduxerit; Regularis verò castitas tota sit ab Ecclesiæ instituto & voluntate, sicut item expositum est. Imò tanto facilius extinguitur sacerdotalis dignitas, quàm regularis status simulatque castitas deficit, ut non solum delitio vinculi castitatis, sed quælibet eius infractio perimat sacerdotium, & illud homini, ex antiquo<sup>a</sup> Ecclesiasticæ disciplinæ iure, auferat, secus quàm Monasticum statum, qui nullis magis conuenit quàm lapsis & facinorosis, quibus ideo à Patribus sæpius<sup>b</sup> pœnæ loco, imponitur. Est enim pœnitentiæ status, ut ante diximus, non puræ integræque virtutis. Atque hæc satis esse opinor confutandæ interim Iesuiticæ elationi, & vindicandæ Episcopalis & sacerdotalis dignitatis, supra omnes Ecclesiæ status, amplissimæ, & diuinissimæ puritati.

#### SPONGIA.

Deinde author statum religiosum consulit cum statu sacerdotali vniuersim, & dicere vere non potuit voto continentia vniuersum Ecclesiæ Clerum obligari. Græci enim sacerdotes etiam qui Catholici, vxorati esse possunt, & ab annis iam nongentis fuerunt. Deinde Latinum Clerum obligari ad continentiam, seu continentia votum,

Dd iij

<sup>a</sup> Conc. An.  
cyr. can. 10.  
Cōcil. Neo.  
caf. cap. 1.  
Conc. Elib.  
c. 33. &c.  
<sup>b</sup> Vid. Cōc.  
Toler. & c. 5  
Cabilon. 1.  
c. 40. &c.

quamvis diserte non dixit, tamen apertissime insinuavit his verbis illo ipso loco: Ecclesiæ Græcæ sacerdotes coniugati sunt, & in Latina esse possent, sine diuinæ legis violatione: satis innuit rem alioqui notissimam. Latinos sacerdotes Ecclesiastica lege ad continentiam obligari. Certe si tam clarè innuisset aliquid, quod ipsis nota dignum videretur, eum Censura notare non omisissent. Quid autem mali, aut periculi ex eo quod hoc apertius non dixit? Tot tantasque aquilas in musca adeo minutula captanda occupari! O homines otiosos, & captiosos!

## RESPONSIO.

Tu verò captiosus quidem esse conatus es hæc scribens, sed otiosus non fuisti. Nec temporis, nec æquanimittatis otium tibi fuit. Præcipiti, & Censuræ æstro feruida mente, ruisti in præproperam spongiarum confarcinationem. Eo calore, & motu errata fudisti, non muscarum tenuitati similia, sed crassitiæ elephantorum. Fraudes commentus es, non Aquilarum dignas oculis, quarum nomine Censores nunc exornas, sed vel bubonum hebetudini, quibus eos toties comparare dignatus es, conspicabiles. Quid enim tuis leporibus nos obrundis, homo illepidissime, fallendique tam inscie, quam auide, dum ais te dicere non potuisse voto continentie vniuersum Ecclesiæ Clerum obligari, propter Sacerdotes Græcos? Vbi enim in propositione tua metio vniuersi Ecclesiæ Cleri? Vnde tibi ista vniuersitas in mentē? Nempè vt in vniuersa Cleri multitudine, quasi prædo in silua lateas, & captores nō captiosos malè captiosus effugias. Non tu de vniuerso Clero, sed de solis nominatim Episcopis & Sacerdotibus locutus es. Lege tua verba, si tibi mens, quò solet, abiit. Censores porro contemptum à te Clerum dixerunt, quia Cleri capita & primarios ordines contempsisti, Episcopalem, & Sacerdotalem, quibus detracta puritate, cæteris inferioribus retinendæ illius nulla spes superest. Esto verò ne dixeris Sacerdotali toti statui annexum continentie votū, propter Sacerdotes Græcos. Quare negasti idem annexum statui Episcopali? An propter Græcos Episcopos? O te, & veritatum, & fallaciarum imperitum! bona, malaque ignorantia præditum! imò vtraque mala; quia quod fallere nescis, non bonitatis fructus, sed malitiæ sterilitas est. Non ergo dissimulare debuisti generalem status Episcopalis castimoniam; adeoque simulare, nihil in eo esse supra vulgus Christianum. Scire debuisti, quanta in eo præcellentia castitatis, etiam supra regularem statum, sicut ante ostensum est, à primæ institutione innatum, & omni tempore innexum fuit. Quod autem ais te Latinum Clerum obligari ad continentiam, quamvis diserte non dixeris, tamen apertissime insinuasse his, verbis, Ecclesiæ Græcæ Sacerdotes coniugati sunt, & in Latina esse possent, sine diuinæ legis violatione. Primò insinuationem istam nemo dicet apertissimam, nisi tu, qui sicut noctuæ, clara luce nihil, in tenebris omnia vides. Etsi enim utcumque illud nasutioribus innuisses, tamen hoc ipsum meritò reprehendi debuit, quod apud populum res apertissimas non semper capientem, id quod ad laudem Cleri pertinere arbitratus es, de industria obscurasti, quo minùs percipi posset; id autem quo Regulares im-

Vid. Conc.

Trull. c. 12.

merito superiores facere voluisti, planissime & magnificentissime dilataris. Hoc sine mala fraude fieri non potuit, nec sine nota præteriri debuit. Deinde fraudem multo apertiores versionis Apologiæ ipse prodis. Quod enim fateris *te disertè non dixisse*, in ea disertè legitur his verbis: *Idemque à Sacerdotibus Latinis fieri posset, nisi lex Ecclesiastica obstaret.* Boni scilicet socij, dum tuas emaculare cupiunt mendas, suas inspergunt, fraudes fraudibus, mendacia mendaciis corrigentes, teque in eo, quod ultro fateris, etiam inuitum sua perfidia absoluere gestientes.

Nec te Sacerdotum Græcorum ratio morari debuit, ne castitatis honorem Sacerdotali ordini generatim tribueres. Constat quippe illum Sacerdotum Græcorum non usum, sed abusum esse, à Pseudosynodo schismatica natum, ab Ecclesia inuita & frustra toties repugnante, toleratum magis quàm probatum; sicut in religionibus à primæua seueritate collapsis, nimia remissio & regularis vitæ resolutio, quæ facile recolligi & restaurari non potest, Ecclesia gemente magis quàm approbante, perfertur. Abusio illa Græcorum perpetuæ & clarissimæ Ecclesiæ traditioni repugnat; neque minus à Patribus Græcis, quàm à Latinis dānatur. Vnde non magis eius ratio haberi debuit, quàm licentioris vitæ, quæ in plerisq; veterum ordinū cœnobiis inoleuit. In hoc ergo perfidè oppugnas Sacerdotium, & hominum vitio statum sanctissimum immerito dedecoras. Nos verò, ut te vel in tuis latibulis opprimamus, isto ipso Græcorum exemplo, quo Sacerdotiū deicere paras, illud non operosè subleuabimus, & veritate duce efferemus? Nam si Sacerdotium Græcorum præcedentia matrimonia non dissoluat, nec ea dissoluunt religionum professiones. Nam consummata matrimonia non magis regulari professione, quàm Sacerdotio dissolui notum est. Hac ergo ex parte nihil habet Monachatus, quo Sacerdotium superet. Quod autem usum matrimonij post Sacerdotium retineant Sacerdotes Græci posteriores, attendi, ut diximus, non debet, quia abusio est, perpetuæ traditioni oblectans, ab Ecclesia inuita & dolente tolerata, ut hereticis hoc eodem argumento Sacerdotalem castitatem oppugnantibus sæpè responderunt Catholici, nunquam fore sperantes, ut Iesuitæ eorum in Ecclesiæ doctrinam arma sumentibus, eodem responso occurrendum esset. Similis calamitas religioso statui accidere potuit, qui non ideo perisset. Nec enim Monachus contracto & consummato ante professionem matrimonio, post professionem vtens, ideo Monachus esse definit. Nam & hoc ipsum ei concedi posse, indulgentia Pontificis, salua nihilominus regularis status essentia, Suarez authore supra diximus. Par igitur in hoc quoque regularis status Sacerdotio, non superior, non castior, aut purior est. Porro autem Sacerdotium in hoc longè superat regularem castitatem, quia Sacerdotalis castitas in Græcia ipsa dirimitur saltem sequentia<sup>a</sup> post Sacerdotium coniugia: Nec vllum in Ecclesia, à Sacerdotio instituto, tempus fuit, quo Sacerdotum matrimonium ratum<sup>b</sup> fuerit habitum. At Scholastici, in primis Iesuitæ, docent, matrimonium sequens non dirimi regulari voto per se, & hoc ei accessisse ab Ecclesiæ non ita antiqua lege. Imò Iesuitæ agnoscunt suum simplex

Synod.  
Trul. c. 18.

Vid. Conc.  
Nican. can.  
3 Chrysost.  
hom. 33. in  
Gen. Synes.  
ep. 105. ad  
fratres, &c.  
Hieron. in  
Vigil. c. 1.  
&c.

<sup>a</sup> Vid. Ier.  
rem. Pa.  
triarch.  
resp. 1. ad  
Germ. c. 21.  
<sup>b</sup> Basil. ep.  
1. ad Am-  
philoch. c.  
6. etc.

votum castitatis non irritasse matrimonia Iesuitarum, donec ea vis ei conferretur singulari priuilegio Gregorij XIII. vt scandala Societatis tollerentur: sicut etiamnum simplici suo paupertatis voto, proprietatem sibi & dominium non eripi volunt. Miro enim religionis temperamento stringi sibi castitatis votum, non paupertatis, optarunt; quia illud suæ societatis famæ vtile, hoc commodis inutile opinati sunt. Fateantur ergo maiorem semper fuisse castitatis cum Sacerdotio, quàm cum regulari statu coniunctionem, maiorem Sacerdotij quàm regularis status à matrimonio, tum antecedente, tum subsequente discrepantiam; cum repugnantia, quæ Sacerdotio inest, nullum initium extet, nisi ipsum nouæ legis, & totius Ecclesiæ. Repugnantia verò regularis generatim status noua, Iesuitici speciatim nouissima sit, & solo Ecclesiæ munere nuper indulta. Hæc cogitent, & tumorem dejiciant Molinistæ, quibus minimè omnium licuit Sacerdotalem, & Episcopalem statum pudicitia nomine lacescere. Nulli enim regulares sunt tenuiori castitate, nulli remissiùs ei hærent, nulli faciliùs ab ea discedunt, vtcumque superior innuit, penè ipsi volunt, & volatica leuitate nupturiunt. Ac fortasse hunc ipsum Spongiæ textorem aliquando sponsum, & iterum sæpiusque maritum videre licebit, nisi fortè sit Sacerdos, & arctiore Sacerdotij, quàm regularis suæ castitatis vinculo comprimatur. Iesuiticus enim status id non vetare dicitur, vetat Sacerdotalis, adeoque ipsa experientia Sacerdotali puritati, Iesuita inuito, castimonix palmam vindicabit.

## TITVLVS QVINTVS.

### DE EPISCOPO CHALCEDONENSI.

#### PROPOSITIO PRIMA.

Ex cap. vlt. n. 4. .

**S**I Catholici huic motioni concederent (scilicet recipiendi Episcopum Chalcedonensem, tanquam Pastorem & Episcopum, suum proprium) quomodo possunt se excusare ne sint digni illius reprehensionis, quam Corinthij à sancto Paulo audierunt, nempe quod precipitanter & indiscretè posuerunt se in subiectionem, bona sua temporalia impenderunt, propter qua nullam remunerationem expectabunt à Deo, tanquam exercentes humilitatem, obedientiam, patientiam, quibus nulla iustitie corona preparatur. Imò possunt, per cecam acceptionem, exponere semetipsos manifesto periculo cadendi in graue peccatum, & diuisionem à successore Petri, accipiendo Pastores & gubernatores contra ipsius ordinem.

#### CENSURA.

Ista propositio, quatenus negat Episcopum à sancta Sede delegatum recipiendum esse sicut reciperetur proprius Episcopus, falsa est, & in cōtempum summi Pontificis delegatis temerariè asserta. Quatenus verò asserit, Catholicos talē Episcopum recipientes dignos esse ea reprehensione præci-



pitata & indiscreta subiectionis, quam Corinthij à S. Paulo audierunt: Falsa item est, maligna, iniuriosè comparans Episcopum à summo Pontifice delegatum cum Pseudo-apostolis, quos eo loci notat Apostolus: Et inquantum dicit propter bona temporalia eiusmodi Episcopo impensa, necnon propter obedientiam ei præstitam, Catholicos nullam remunerationem expectare posse à Deo, nullamque eiusmodi bonis operibus iustitiæ coronam præparatam esse, est hæretica. Denique quatenus eam vocat acceptationem talis Episcopi, & ait acceptantes exponere se periculo peccati, & diuisionis à succellore Petri, falsa est, temeraria, scandalosa, viam inobedientiæ sternit, & in errorem inducit.

## SPONGIA.

*Hic Censores in authorem quadriga inuehunt, nimirum censura quam quadruplici accusatione rotant, hoc est, quatuor rotundis mendaciis, à collectore seu interprete fabrefactus. Primum, ex quo reliqua pendunt, hoc est, Authorem negare delegatum à summo Pontifice recipiendum esse, sicut reciperetur proprius Episcopus, imò istiusmodi receptionem fore indiscreta, & præcipitata subiectionis nota dignam. En Giganteum mendacium! en monstrum à collectore fictum, in quo debellando Richerista heroës triumphent! auctor nihil tale dixit vnquam, nec quid tale factum, ipse Reuerendissimus Chalcedonensis fatetur, & agnoscit se inisio summa reuerentia à regularibus, & à Catholicis, qui Regularibus adhaerent, exceptum, tanquam summi Pontificis delegatum: abhorre autem ab ipso Catholicos non ante cæpisse, quàm ipse se ordinarium diceret, regularesque à se pro confessionibus approbandos. Audiamus Chalcedonensem, ut ipsius testimonio calumnia reuincatur. Catholici (inquit) qui vobis (regulares alloquitur) adhærent, initio Episcopum Chalcedonensem inuitabant amicissimè, & cum reuerentia excipiebant, antequam de vobis approbandis agere cœpit. Hinc illæ lacrymæ: Enim-verò exactio iuris vos approbandi, hæc illum reddidit terribilem, & odiosum. Reuerendissimus Dominus fatetur, primò nullam fuisse in Regularibus, vel laicis Catholicis, qui ipsis adherent, moram; ipsum ut delegatum libentissimis animis admisisse cum reuerentia, quæ par est accipi ab Episcoporum Episcopo missum. Secundo, arrogando titulum & munus Ordinarij, & exigendo ius approbandi (quod eius factum Pontifex improbat) seipsum reddidisse Catholicis odiosum.*

## RESPONSIO.

Verè in Censores inueheris, velut desultorius in quadrigam, leuissimus verò in constantem, & grauissimam veritatem. Quadrifidum illius fulmen est, quod tu quadruplex mendacium vocare audes, quodque non tam quadruplici mendacio, quàm quadruplici stupiditate excipiet, homo in fingendo & mentiendo totus tetes atque rotundus, totus Gigantæus, non viribus, sed crassitie & vastitate; quamuis simul, quod miraculi instar est, leuissima friuolaque sis Spongia. Obruatur ergo spongiosus iste Gigas conuersa in caput eius ipsa illa stoliditatis mole, quam in altissimam Censuræ veritatem aggerare conatur. Quid enim imbellius & insulsius, quàm probare Daniele non

negasse Episcopum à summo Pontifice delegatum, recipiendum esse, sicut reciperetur proprius Episcopus, quia regulares, & fauentes eis Catholici, cum aliàs summa reuerentia exceperunt? Isto pacto mendacij quoque Apostolum argues, dum Galatarum inobedientiam increpat, quia fatetur se olim ab iis fuisse exceptum sicut Angelum Dei, sicut Christum Iesum, testimonium ijs perhibens, quia, si fieri posset, oculos suos eruisset, & dedissent ei. Quis nescit humani ingenij mobilitatem, præcipuè in deterius? Quanti enim ad malum reformantur? quanti transfuga in perversum? Bellum nempè Iesuitici ingenij acumen affers. Bello sufflamine Censuræ quadrigam moraris. Apostolus ob hoc ipsum Galatas acrius increpat, quia cum initio tantum sibi amoris & studij præbuisset, post modum prauorum hominum artibus fascinati, à priore obedientia defluerant, & postquam ceperant spiritum, carne denique consummabantur. Similiter Episcopo Chalcedonensi illud in primis, pro sua in gregem Anglicanum charitate dolendum est, quod Catholici quidam, qui eum debita reuerentia, & obsequentissimis animis initio susceperant, fallacium authorum consiliis, sola eorum commoda gloriamque spectantibus, ab eo quod piè ceperant sint abducti. Testatur enim hic locus, quem mirabili cæcitate, diuinòque iudicio, Iesuita pro se adducit, discessionis Catholicorum quorundam ab Episcopo Chalcedonensi initium inde natum esse, quod Episcopus regulares à se approbari voluerit. Ante nempè morigeri erant Catholici, Episcopum à sede Apostolica delegatum, ut Pastorem, patrem, ducem Ecclesiæ suæ, venerabantur; potestatem eius non ventilabant, sed colebant, non scrutabantur, sed suspiciebant; non iudicabant, sed ei se iudicandos deferrebant, & hanc se obseruantiam, & simplicium animorum moderationem Pontifici deleganti, & Sedis Apostolicæ diplomati debere arbitrabantur, parère suum esse, non disceptare, scientes. Hæc enim fidelis populi consuetudo est, hæc piarum mentium demissio, & in præpositos reuerentia, quorum imperius obediendum, & subiacendum humiliter norunt, nisi maleuadorum hominum vocibus, quasi defectionis flatibus, concitentur. Quid quòd Episcopus in Epistola ad fideles Anglos, quæ in multorum manibus diu Lutetiæ fuit, profiteatur se pia Catholicorum prudentiorum & grauiorum solitudine, metuentium ne confessiones apud Regulares sine ipsius autoritate editæ, nullæ forent, eo quod legissent motum proprium Pij V. quo decernitur irritum esse & inane, quicquid in hoc genere siue scienter, siue ignoranter attentatum fuerit à Regularibus, sine approbatione Ordinarij, illam iis approbationem indicere compulsum fuisse? Non igitur laicos fideles, sed Iesuitas offenderat autoritas Episcopi Chalcedonensis, nec tam autoritas, quàm illius usus, & nouissima de iis approbandis actio, ut manifestè indicant illa ipsa verba, quæ Iesuita quasi sibi fauentia, refert, cum tamen apertissimam Episcopi querimoniam de concitata à regularibus placida per se, & penitus morigera fidelis populi portione, hoc solo quod approbatio ab iis exigetur, continent. Imò quod magis mirum est, regulares ipsi, eorumque superiores ac Prouinciales, cum agi cœptum est ab Episcopo de eorum approbatione,

Galat. 4.

Tertull.  
Apol. 6. 1.

Galat. 4.

Tit. 1.  
Heb. 13.Pius V.  
Const.  
Romani 7.  
Pontificis.

batione, consiliū eius apud ipsum approbarunt; cōmendarunt, tutum esse ac prudens, & ad fidelium securitatē, Ecclesięq; Anglicanę tranquillitatem aptissimū censuerunt, vt eadē Epistola testis est. Postea, vbi suis vtilitatibus per illud nonnihil officii, libertatē stringi, potentiam obscurari, auctoritatē in Catholicorū animos infringi posse viderunt mutata continuo ratio est; ius, æquitas potestas Episcopi Chalcedonensis, quæ antea probabatur & agnoscebatur, euauit ex animis, emerfa subitō cupidinū tabe perfusis, Hinc grassari cœptū in Catholicos, vt eorū adiunctione turpis ac fœda per se factio regeretur; admotæ omni conatu indignæ litteris Pōtificiis captiones; suggestæ laicis & rudibus hominibus ratiunculæ, quibus debitā Pontifici obedientiam eluderent; ministrata incautis quibusdā & nimīū credulis proteruitæ & defectionis pocula, vt pudenda coitio, quæ ducibus Iesuitis coaluerat, comitibus laicis inualefceret, & quæ à Iesuitis nihil nisi cupiditatē, ambitionem, infamiam mutuari potuerat, à laicis splendidiorē faciem, & honestiora nomina mutuaretur. Sic pristinus ille honor ac reuerentia, quā seu regulares, seu laici Catholici Episcopo Chalcedonensi, vt pastori, deferrebāt, non purgat præsentem eorum in eundē contumaciam, sed deteriore & inexcusabilem efficit; quod eam auctoritatem quam antea sine cōtrouersia venerati sunt, postmodum exorta domestici commodi specie, quæ sitis de industria fallaciis obducere & oppugnare sint ausi. Catholicoque populo *terribilem* quantum possunt *odio/amque* depingant. Malæ mentis, pessimi animi crimen est, veritatem, vbi tua nihil intersit, agnoscere; vbi tantulum officiat, repellere, & extinguere conari. Hoc fidelis populi, & pro fide iam pridem plurima ferentis simplicitati absonum est; Iesuiticæ calliditati, & notissimæ elationi aptissimum. Neque dicendum est, Episcopum Chalcedonensem olim non vindicasse Ordinarij potestatem, nec se Pastorem Ecclesiæ Anglicanæ voluisse. Ab initio enim vniuersi, in primis laici, reuerenter eum vt suum Episcopum, & Ecclesiæ suæ rectorem exceperant, propter Pontificis mittentis honorem; Neque quicquā quod de iis conqueratur, habet Episcopus Chalcedonēsis, nisi quod reuerentiam illam & obseruantiam, quam sibi perpetuò præstiterant, malorū authorum vafritie capti præstare cessarunt. Si enim initio honorem ei debitū habuerunt; ergo nunc debitū negant, cum eum negent quem habuerunt, præstigiisq; Iesuiticis malè moti, eum quem amicissimis animis, vt delegatum à Pontifice Pastorem, colebant, nunc nullo loco habeant, & odiis immeritis prosequantur. Hinc patet Iesuitas, dum deditos sibi laicos à priore illo in eum honore auertunt, & simplicem eorū obedientiæ viā dissipant, nolle honorem illum deferri delegato à Pontifice Pastori & Episcopo qui ei ab initio semper habitus est, quem ei pia fideiū sinceritas solā delegantis Pontificis reuerentiam & rei claritatem intuens deberi sua sponte credebat, vno omnium, etiam ipsorum, consensu; quem denique etiamnum, nisi malæ ipsorum tumultuationes intercessissent, eadem pietate, & conscientię iudicio deferret. Hoc nimirum Iesuiticum crimē, hæc Danielis praua mens, praua suasio, hæc eius in Censura Parisiensi reprehensio est.

Ec



Nec enim arguitur quasi nihil prorsus promiscui & voluntarij honoris tribuendum diceret à laïcis Episcopo Chalcedonensi (quis enim cum adeo non solum inhumanum, sed etiam impium suspicetur, ut Episcopum Catholicum, hoc ipso quo Episcopum, nedum quacumque de causa à sede Apostolica missum, salutatione & humanitatis officio aliquo prosequendum esse nolit?) sed arguitur, quòd Catholicum populum ab honore, quem Episcopo Chalcedonensi, ut proprio Episcopo & pastori, semper habuit, reuocet; quòd Episcopum à Pontifice missum, ut locum proprii Episcopi in Anglia teneat, eamque Ecclesiam Pastoralis cura tueatur, neget accipiendum eadem reuerentia, eodem obedientiæ cultu, qui proprio Episcopo debeatur. Non gratuitum ei quendā & in cuiusq; arbitrio situm, sed legitimum & iustum honorem tribuendum urgent Censores, paterno nimirum, Pastoralis, Episcopalis iure debitum; atq; hunc honorem ei denegare, temerarium asserunt, & deleganti Pontifici contumeliosum. Nam etsi Iesuitæ negent delegatū esse, ut Pastorem & Episcopum propriū Ecclesię Anglicanę, tamen hoc ipsum negare in clarissima diplomatū Pontificiorum luce, summa proteruia est, & summus Pōtificiæ authoritatis contēptus, cui, ut obedientia, sine manifesti schismatis inuidia, negari possit imperanti, negatur loquenti fides, planissima solennium eius Decretorum intelligētia subvertitur, quasi minor futura sit inobedientiæ iniquitas iuncta ludibrio, quam simplici prauitate concepta. Nā nec Episcopi Chalcedonensis in Anglia Pastoratus, nec Pontificiæ vocis oraculū in dubium vocaretur, nec ambiguitas, quæ ab initio non fuerat, in eo deinde extitisset, nisi de Regularibus approbādis egisset Episcopus, pio Catholicorū prudentiorum metu, & ipsa sui officij religione coactus, ut periculis, quę à solutione illa Regulariū facultate, fraudibus & scādalis obnoxia, iure metuenda erāt, occurreretur. Hęc actio simul Pastoralem eius authoritatē, Pontificiarumq; litterarum claritatē extinxit, & Cornicum istarum oculos noua sagacitate cōpleuit; ut facilē intelligas nihil immutatis scriptis Pōtificis, nihil immutata per Angliā Episcopi Chalcedonensis erga laicos administratione, totam à Iesuitarum animis mutationē produisse, quod eos approbationis exigendę proposita necessitas, ad variarum utilitatū, quarum dāna metuebant, defensionem excitaret. Nam Pontificiis verbis nemo est ab hac contentione alienus, & quieti animi, qui traditam Episcopo Chalcedonensi authoritatē sua spōte non videat; cui Pontifex omnes <sup>a</sup> & singulas facultates, quibus Ordinarij in suis ciuitatibus & Diocesibus vtiuntur, fruuntur & gaudent, largitur; quem Gregis Anglicani Pastorem <sup>b</sup> vocat; quem Eminentissimi Cardinales Pontificiæ voluntatis propiores interpretes, ex eiusmodi Decretis, Anglię & Scotiæ Ordinariū <sup>c</sup> scribunt, Catholicis omnibus Anglici regni præfectū. Commissum illi gregē Anglię, Catholicū populum illius cura traditū; illius administrationi commissos Catholicos, siue ex Clero, siue laici sint; eius esse omnes in officio continere. Quem sacra Eminentissimorum Cardinalium congregatio de propaganda fide monet <sup>d</sup> ut plures per Angliam deputer sacerdotes, qui possint litteras parentes, & facultates missionariorum in Angliam destinatorum, vel destinandorum, facilius recognoscere,

a In Breui  
24. Feb.  
1625.  
b In Breui  
20. May  
1626.  
c Cardin.  
Bandium  
in ep. noni.  
Gregori  
XV. ad  
predecesso-  
rem Episco-  
pi Chalced.  
scripta. Ro-  
ma 5. Apr.  
1623.  
d In De-  
cret. 5. In-  
ny 1627.



*de Missionari pradiſti, ſine fructu in eo regno diutiùs manere cogantur*, apertiſſimè poteſtatem illam agnoſcens approbandi quoſcumque in Angliam deſtinatos, vel deſtinandos, quam Ieſuitæ negant, quam à Pontifice improbatam eſſe dicere audent, ſed clam, ſed in aurem Epifcopi, ne litteras improbationis illius teſtes proferre cogantur, cum contrà ea poteſtas Epifcopo Chalcedonenſi, & diplomate primum Pontificiis, & aliis deinde litteris, & perpetuo ad Regularium querelas ſilentio, & aperta Congregationis Cardinalium declaratione confirmetur. Indignum eſt, tot clariffimis publiciſque teſtimoniis clancularias, & in aurem ſine teſte inſulſuratas, ad monitiones opponi. Hæc nempe plus nimio probât ſedato cuius, & in veritatis lucem non coniurato animo, quam ſapienter Cenſores ſcripſerint temerarium & Pontifici contumelioſum eſſe, ſi Epifcopus ab eo iſta ratione delegatus, negetur accipiendus, quaſi proprius Epifcopus, & eadem obſervantia, quæ proprio Epifcopo deferretur, proſequendus; Varia denique Moliniſtarum cauilla & mendacia liqueſcunt, velut dum ſimulant ſe Epifcopum Chalcedonenſem ſuſcipere, vt delegatum Pontificis, nēpē delegatum ſine poteſtate, ſine authoritate, ſine iure dirigendi Eccleſiā Anglicanam, ſine *iſſdem in eam facultatibus*, quibus Ordinarij in ſuas *Diœceſes* *viuntur*, ſine vlllo deniq; Pōtificis munere, quo Ieſuitarum oculi preſtringantur. Eſtne hoc ſuſcipere Pontificis delegatum, an delegationē Pontificiam reſcindere, rebelliū, & hæreticorum perpetuo more; qui inſtitutā diuinitus religionē medullitūſ exciſcentes, ſuperficiem extimā, & ſummum illius corticem retinent, ne cū omnia corroſerint, quicquā attigiffē videantur, & impunē ſacrilegia perpetrent. Iſta nequitia non minuit ſcelus, ſed aggerat; non purgat ſacrilegium, ſed Dei ſanorumque hominum oculis odioſius & inuiſius efficit, quia crimen eſt non infirmitatis, ſed malitiæ, non humanæ, ſed Angelicæ prauitatis. Non ſuſcipiunt Ieſuitæ Epifcopum, vt delegatum Pontificis, dum interuerſa Pontificia delegatione, nouam, voluntariam, ſuis vtilitatibus cōmodam, ſubrogare audent; vt iam non Pontificia, ſed Ieſuitica delegatio dicatur. Quas facultates Ordinarij in ſuis Diœceſibus habent, eas delegatio Pontificis Epifcopo Chalcedonenſi confert, ipſi auferunt; ſimilem in Anglicana Eccleſia vt Ordinarios in ſuis ciuitatibus eum facit, ipſi negant; Paſtorem gregis Anglicani agnoſcit, ipſi renuunt. Ita Pontificis delegationē abolent, Pontificis delegatum fugant, & quo inanioribus effugiis tantam ſuperbiam, & temeritatem prætexunt, hoc proteruiùs, inſolentiùs, contumelioſiùs, Pontificis imperium, & authoritatē conculcant. Egregium ſcilicet honorē habent deleganti Pontifici, ſi delegatum eius ſuſcipiant, vt miſſum quidem ab eo, ſed manus quodāmodo & pedes ligatum, ne quicquam poſſit, ne quicquam audeat, niſi quod popularibus ingeniis, & Ieſuitis eorum inſtigantibus libuerit. Non enim eos aſſerere pudet poteſtatem Epifcopi Chalcedonenſis merè voluntariā eſſe, in populi gregiſq; arbitrio & voluntate ſitam, vt populus illa vtatur, ſi velit, ſi nolit nunquam vtatur, grex paſtorē agat, non paſtor gregem, ille præſit ac iubeat, huic obſequi ſolūmodo, & vocatibus præſto eſſe iubeatur. O cōtumelioſum,

non tam delegato Episcopo, quàm deleganti Pontifici, honorem! O indignam Episcopalis dignitatis, & Pontificiæ authoritatis derisionem!

Mendacium quoque graue est, Episcopum Chalcedonensem, *titulum & munus Ordinarij sibi arrogasse*, nempè exigendo ius approbandi regulares. Titulum Ordinarij non arrogauit ipse, sed Eminentissimi Cardinales iussu & verbis Pontificiis scribentes, ei detulerunt, & à Pontifice datum agnouerunt. Quamquam de titulo minus laborat Episcopus Chalcedonensis, & si illius nomine ad popularium mentes concitandas Iesuitæ abuti velint, facile patitur eripi eis scandalorum ansam, & tumultuandi fomitem. Munus verò Ordinarij delegatum ei à Pontifice, & litteræ clamant, & tot quæ ante diximus testimonia tum Pontificis, tum Eminentissimorum Cardinalium, vt ea de re, sine insigni, tantarum authoritatum contemptu, quod rectè Censura indicat, & sine incredibili in Catholicis & Religiosis hominibus, cæcam præcipuè obedientiam profitentibus, inobedientia, & procacitate, ambigi nequeat.

## S P O N G I A.

*Nec Doctor ipse Kellisonus hoc agebat, vt Chalcedonensis reciperetur, tanquam delegatus, cum reuerentia dignitati proportionata (sic enim rem actam egisset) imò nec in toto libro, vel semel, dixit illum esse Pontificis delegatum. Dixit proprium Ecclesiæ Anglicanæ Episcopum, Episcopum verò esse verum principem, & non Pontificis delegatum, & consequenter, non vt delegatum, sed vt principem recipiendum. Ipse est (inquit) vester spiritualis princeps, imò princeps Pastorum, ipse est spiritualis vester pater, ipse pastor vester & caput, ipse princeps pastorum, cuius grex vos estis, vbi eum ipse Spiritus sanctus posuit vt vos regat, ipsum amate, colite, ipsi subiaceite & obedite. Ita Kellisonus, & plura in eandem sententiam; Ex quibus constat motionem ipsius, quam author reprehendit, non esse, vt D. Chalcedonensis reciperetur vt delegatus, sed vt proprius pastor & princeps, non à Pontifice delegatus, sed à Spiritu sancto constitutus. Huic motioni (inquit author) si Catholici concederent ex sola Doctoris assertionem, sine summi Pontificis authoritate, qui possent excusari, &c.*

## R E S P O N S I O.

Iam ista omnia disiecimus. Fallaciter à Iesuita delegati dignitas, proprii Episcopi dignitati opponitur. Episcopus Chalcedonensis est delegatus Pontificis, (nec hoc Kellisonus negat) sed cum Ordinarij potestate, cum proprii Episcopi more, vt regat & moderetur Ecclesiam Anglicanam, vt proprius Episcopus, Pastor, Princeps Pastorum, vt rectè à Kellisono dictum est. Itaq; vagatur extra rem Iesuitica Spōgia, quasi potestas Ordinarij, & proprii Episcopi authoritas delegari non possit à Pontifice, vt ita delegatus verus sit Pastor, & princeps Pastorū Ecclesiæ cui delegatus est, in eaq; idem ei honor, obedientia eadem, quæ proprio Episcopo, debeat. Sic autem delegatum esse Episcopum Chalcedonensem manifestius suprà probatum est, quàm vt sine graui temeritate, & sine obedientiæ pontificiæ infractione negetur. Quare huic Kellisoni motioni à Iesuitis repugnari nefas fuit, & populi Catholici corrampi sensus,

ut ab instituta sua simplicitate, à consueta Episcopi Chalcedonensis, ut proprii Pastoris & Episcopi reuerentia, ab humani Pontificiorum edictorum, quod antea fecerant, obseruatione exciderent. Recipere enim Episcopum nullius iuris, nullius potestatis, imaginem, umbramque, ut etiam dicere ausi sunt, Episcopi, Chartularium denique Chartaceumque Episcopum, ut postremo ridiculè ac petulanter addiderunt, non est recipere gregis Anglicani Pastorem, in Angliam cum iis iuribus & privilegiis, quibus omnes Episcopi in suas Dioceses potiuntur, delegatum. Non sic recipitur delegatus Pontificis, imò reicitur, contemnitur, delegatio ipsa, quaesitis dumtaxat ad impunitatem, & ad infamiae luffugium coloribus, in corde ac sinu, in omnium bonorum oculis exploditur. Quid enim aliud quam Pontificiae delegationis explosio est, dum Kellifonus reprehenditur quod Episcopum à Pontifice delegatum suscipiendum dixerit, ut Episcopum à Spiritu sancto constitutum? Nolunt à Spiritu sancto constitui Episcopum, quem Pontifex sua delegatione constituit; humano spiritu duci Pontificem, & privati iudicii arbitrio, non Spiritu sancto authore ad delegandum ferri censent. Quid in alias Pontificis constitutiones dicturi sunt, ubi eorum rationibus aduersari videbuntur, qui tantam rem, tam solennem Episcopi ad duo illustria regna delegationem, quo nullum opus magis Pontificium, & Catholicis hominibus venerabilius est, à Spiritu sancto per ministerium Pontificis constitui negant? O preclaros Pontificiarum actionum vindices, Pontificij per Angliam regiminis Apologistae! Neque porro illa euasivuncula Spongiae uti licet, qua vna fallaciter utitur, dum ait se fateri, *Episcopum Chalcedonensem recipiendum esse cum reuerentia, ut delegatum, non ut Episcopum proprium*. Eum enim non solum ut proprium Episcopum, ut proprii Episcopi munere praeditum, ut delegatum gregis Anglicani Pastorem & Principem, suscipiendum habendumque negat, aduersus aperta Pontificis imperia; sed etiam quocumque honore prosequendum, quocumque delegationis nomine venerandum. Quam enim ei reuerentiam exhibet, quem Catholicis omni ope *terribilem odiosumque facere* molitur, ut queritur Episcopus verbis illis ab ipso antè prolatis? Quem honorem ei concedit, cui nihil stipendij nomine deberi assermat? honor enim Episcopis debitus non in blandis appellationibus, sed in subsidiis charitatis praecipue consistere notum est, & passim à scriptura inculcatum. Quid honoris ei tribuit, cuius in Anglia permansionem non necessariam, intempestiuam, imò noxiam, & persecutionis auctricem dicit? Eius enim causa deluxisse solito acrius Magistratum, & hoc solo, quod Episcopum à Romano Pontifice delegatum intra Angliae fines latere competit, acerbius Presbyteros & laicos diuexasse clamat tota Apologia, tota Spongia, & locij eius variis libellis, declarationibus, narratiunculis. An istam in Episcopum à Pontifice delegatum opinionem Catholicorum animis iniicere, ipsos hortari est ad illius beneuolam, & honorificam quocumque modo susceptionem? Nonne *terribilem reddere, odiosum, auersandum efficere* est, ut iure expostulat Episcopus? Quid quod illum eo tempore initio delegatum ait,

1. Tim. 5.

eoque demum tempore delegari potuisse, cum omnia in Anglia crederentur fore pacata; ut mutatis deinde rebus delegationem eius iniquam euasisse innuat, alienam, imprudentem? Siccine debita reuerentia afficitur delegatus Pontificis? Siccine delegatio eius honoratur?

Postremò, quis istos eum reuereri, aut fideles ad eius reuerentiam ducere credat, qui etiam hæreticos in eum concitent, Protestantium odia incendunt, Romanæ Ecclesiæ hostibus Romani Pontificis delegatum prodant, ipsaque adeo in eum sæuendi rationes, & atrocium edictorum formulas suggerant, Catholici homines, Religiosi, Pontifici, ut haberi volunt, præ cæteris dediti, ut reuera credendi sunt, cultores eius infidi, & quantum per sua commoda liceat, eius imperiis obsequentes? Recipiuntne delegatum cum reuerentia, qua par est, qui eum omnium quò possunt Catholicorum, hæreticorum, priuatorum, magistratum, contemptui odiisque subiiciunt? Recipiuntne ut Episcopum proprium reciperent, qui, quem sua suorumque gregalium ope non valent, Protestantium ipsorum sæuitia, pudendaque coniuratione exturbant, eam in illum persecutionem reipsa confluens, quam ex eius occasione in se ac fideles oboriri, vel augeri perfidiosè iactarunt? Hæc Iesuita si latere putat, nimium Iesuiticis artibus dolisque confidit. Si nota esse videt, impudenter mendacij Centores arguit, quod lenitate nimia scripserunt eum Episcopum, ut proprium Episcopum suscipiendum ab ipso negari, quem ab eo, & locis in odium, & auersationem omnium rapi, & mutuo hæretici furoris auxilio pulsari, totaque Anglia præcipitem exigi scribere debuerunt. In tanta nequitia criminumque varietate quantumuis acriter insectanda, non magis à veritate fieri potuit aberratio, quam irrita cadere possint tela, dum in confectam hostium aciem immittuntur.

## S P O N G I A.

Primò collectoris mendacio in fugam pulso, facile secundum dissipatur, quod est, authorem comparare delegatum summi Pontificis cum Pseudo-Apostolis, quos eo loci Apostolus notat. Nusquam hoc factum. Non delegatum, delegati auctoritate contentum, cum Pseudo-Apostolis comparat, sed eum quicumque sit, qui cum non sit proprius Episcopus, nec cum iurisdictione perpetua & vera principis missus, tamen talem se dicit, & ut talem se recipi contendit oportere. Istiusmodi qui sit, Pseudo-Apostolis Episcopalem potestatem sibi arrogantibus similem author dixit. Similem vero esse quis negauerit? At inquiunt, est à summo Pontifice missus. Sic ita sanè; sed non missus, ut sit proprius Episcopus, Pastor, & Princeps. Si Prorex à Rege delegatus se regem creet, qui resistunt, qui recusant recipere, an peccant in Regem, qui Proregem mittit? Neque tamen author vnquam D. Chalcedonensem accusauit, quasi sibi principatum arrogasset; imò dixit illum non se agnoscere, qualem D. Kellisonus eum dicebat. Ipse enim in quodam scripto agnoscit, se non esse Ordinarium ordinariè, quales alij Episcopi, Principes scilicet Ecclesiæ ex institutione diuina, sed Ordinarium extraordinariè, tamquam delegatum vniuersalem ad nutum amouibilem. Hæc author D. Chalcedonensem vindicans à suspicionem usurpati principatus,



*solumque Kellisonum arguens, quod cum proprium Episcopum, Principem, Pastorem, à Spiritu sancto constitutum faceret.*

RESPONSIO.

Superiori responsione non mendacium, sed peruicaciam Iesuiticam in Romanum Pontificem, & in eius diplomata ostendimus. Hoc loco habemus eorundem in Episcopum Pontificis delegatum petulantiam. Petulanter enim eum inuadunt; petulanter deinde purgant, ut pateat non verberasse amicorum, sed oscula esse inimicorum, & criminationis audacia, cum absolutionis insolentia quodammodo certare videatur.

Quanta audacia Episcopum Catholicum à Romano Pontifice Catholicis Anglicanis delegatum, multis eruditionis virtutisque luminibus insignem, conferre cum Pseudo-prophetis, Pseudo-Apostolis, hæreticis Evangelicæ doctrinæ adulteris, Apostolorum hostibus, ministerium inuita & reclamante Ecclesia inuadentibus, Cathedram aduersus Cathedram publicè collocantibus, Ecclesiæ dilacerantibus & laniantibus unitatem? Quanta improbitas, his elogiis onerare Episcopum Catholicum, ante oculos Catholicorum, imò ante ora hæreticorum, lingua vulgari, sermone omnibus obuio, stylo populari, subdolo, criminoso? Qui (malum) est iste honos in delegatum Pontificis, in Pontificiam delegationem, in delegantem Pontificem? cuius autoritas, cuius saltem reuerentia, & nomen, delegatum eius tueri non possunt à Catholicorum hominum, & si diis placet, religiosorum impia rabie, quominus eum cum hæreticis, schismaticis Pseudo-Apostolis, palam computent, Christumque iterum latronibus medium crucifigant? Videtis criminis atrocitatem. Audite defensionis insolentiam. Respondet enim Spongia hæc in Episcopum Chalcedonensem dicta esse, qualis à Kellisono describitur, proprius Episcopus, princeps pastor Ecclesiæ Anglicanæ; non in Episcopum Chalcedonensem qualem se ipse agnoscit, qui illos Kellisoni titulos repudiet. Quasi Kellisonus proprii Episcopi potestatem, Ordinarij authoritatem, pastorale ius Ecclesiæ Anglicanæ Episcopo Chalcedonensi ingerere conaretur inuito, repugnanti, reluctanti. Hæc scribere non auderent audacissimi homines, nisi Episcopum publico ludibrio incescere, & publica insultatione traducere decreuissent. An ipsam Spongiam paulo ante dictitantem non vidimus, Episcopum Chalcedonensem arrogando titulum & munus Ordinarij; exigendo ius approbandi, se ipsum reddidisse Catholicis odiosum? annon tota Apologia, Spongia, discussione, omnibusque istorum dictariis, lancinatur & proscinditur, quasi muneris non sui usurpator, quasi falso asserens se constitutum esse Episcopum perfectum, integrum, completum, absolutum, cum tanta plenitudine potestatis, quantam ullus ordinarius habet, imò cum tanta, quantam dare Pontifex legitime potest? Quid ergo tam apertis mendaciis, tam procacibus sarcasmis Iesuitica Spongia Episcopo Catholico illudit. Quid eum tum carpendo, tum mulcendo, fædisimè violat, & tanto fædius quanto irrisoria palpatio maledicto quouis indignior est, præcipuè in summam

sacramque dignitatem? etiamsi enim Kellisonus nescio quid amplius Episcopo tribueret, quàm ipse agnoscat, quod falsum est (Kellisonus enim nullam ei Episcopi proprii pastoris, principis in Anglia potestatem nisi delegatam attribuit, eo modo quo ante diximus, & Episcopus toties declaravit) tamen authoritas quam Episcopus ipse sibi vindicat, non minus à Spongia reprobatur quàm quæcumque ei à Kellisono donetur. Vnde non minus illam assumens reus ab ea constituitur, & falsæ potestatis inuasor, & Pseudo-prophetarum similis, quàm si ipsis Kellisoni verbis uteretur. Apage igitur lenimenti genus stolidum & insolens: facessat improba simulatio, quæ indignissimum crimen ideo ab Episcopo in Kellisonum traiecit, quia pudet Catholicum Episcopum, Catholicis venerabilem, bonis omnibus & in primis Pontifici probatissimum, Pontificis auctoritate in ministerium illustre delectum, Pseudo-Apostolis, hæreticis, Schismaticis parem, & ita Catholicis rudioribus inuisum, execrandumque fecisse.

Licet enim Episcopum Chalcedonensem solidè verèque dicerent non præditum esse Ordinarij potestate, nefarium esset ipsum Pseudo-Apostolis, obtemperantes ei Catholicos schismaticorum locis, Pseudo-Apostolorum æcclesiis annumerare, cum ipsi doceant, & notissimum eorum sit dogma, fas esse probabilè sententiam sequi, imò minus probabilem, derelicta magis probabili *tuta conscientia* amplecti posse. Potestatem autem quam sibi asserit Episcopus Chalcedonensis, doctissimis, gravissimis, fide dignissimis hominibus probari, negare si velint, non possunt, ut taceam clarissimas litterarum Pontificiarum, & Eminentissimorum Cardinalium auctoritates, quæ sine alieno lumine satis per se lucent, & pertinacium ipsorum oculos mentisque feriunt, quantumvis eas ad scitis undique minutiis, & perplexis inanitatibus inuoluere satagant. Sed omissa tanti præsidij arce, quam illi Episcopo concedere non possunt, ne se perduelles perditosque fateantur, hoc unum virgemus, quod licet per se minus, in ipso tamen maius est, nec ab iis negari, aut conuelli potest; Probabilissimam saltem esse Episcopi Chalcedonensis ordinariam potestatem, & summis viris in Anglia, extra Angliam, probatissimam; ideoque qui eam *tuta conscientia* suscipi, obedientia honestari, honore ordinariis debito affici posse neget, eamque suscipientes Pseudo-Prophetarum discipulis, schismaticorum amicis, comparet *præcipitata & indiscreta subiectionis* reos peragat, præcipitæ audaciæ & indiscretæ improbitatis reum esse, & Iesuitam qui hoc audet, suo, suorumque iudicio inexcusabilem probari.

Nec mihi rursus afferant Proregis exemplum illud, quod initio abundè profligauimus, & in ipsos recussimus. Nec ridiculè prædicent se generatim *eum quicumque sit, qui cum non sit proprius Episcopus, talem se dicit*, Pseudo-Apostolis comparasse. Non enim generatim de thesi agitur, an potestatem vindicans, qua verè careat, Pseudo-Apostolis debeat comparari: hac de re nulla quæstio est: omnes de hac thesi consentimus De sola hypothese quæritur; De solo Episcopo Chalcedonensi controversa est; An is Pseudo-Apostolis sit par; An qui ei ut proprio Episco-

po obediunt, Pseudo-Apostolorum gregalibus sint affines. Quid Iesuita in tantæ turpitudinis cœno deprehensus restitat? quid oggannit? quid emergere conatur vnde non potest? det gloriam Deo; deponat superbam animositatem; deiiciat tumidum cor; sperare desinat, vlla mendacia pinguissimis accusatoris mendaciis coargui posse; temperet affectus sui vehementiam in Catholicum Episcopum, in morigeram ei Catholici gregis portionem; fateatur modestioribus in eos vocibus, & maiori, vel reuerentia, vel charitate scribendum fuisse, saltem delegantis Pontificis intuitu, etiamsi reuera Chalcedonensis Episcopus traditæ sibi authoritatis modulum præterisset. Quicquid enim commisisse putaretur, humiliter monendus fuit Pontifex, rogandus, expectandus, audiendus, nec sine scelere iudicio eius præcurri potuit, vt interea à solito Episcopi honore discederetur, retraherentur populi, ipse & fideles ei Catholici maledicentiæ impetu, & insanarum vocum turbine quarterentur, quasi Pseudo-Apostolis, hæreticis, schismaticis simillimi. Hoc magnæ in Episcopum impudentiæ, in fidelem populum acerbitalis, in Romanum Pontificem contemptus & proteruitas fuit.

Verùm qua animorum prauitate in Chalcedonenlem Episcopum insurgere cœperant, & apertissimè datam ei authoritatem obturbare, vanissimarumque litigationum laqueis implicare, eadem institutam litigationem prosequi debuerunt: Fieri non potuit, vt exorsam mala cupidine stropham quietis animis, & rectè rationis moderatione perrexerent. Nec immoderatio nouit modum, nec patientiam superbia, nec quietem cupiditas. Post illusa turpissimis ingenij calumniis edicta Pontificia, post subuersas inauditis glossæmatis, tam à communi hominum sensu, quàm à communi sermone discrepantibus, planissimas eorum vuculas, eadem penitus methodo, qua clarissima quæque scripturæ capita Sæctarij contenebrant, vt ascititiæ & voluntariæ contentioni locum facerent; teneri non potuerunt, quin Pontificium tribunal se adire simulantes, suum ipsi erigerent, & pro Iesuitica fiducia, pro Molinistica inuerecundia typhoque, Episcopum Chalcedonensem, inuasorem, Pseudo-Apostolum; obsequentes ei Catholicos Pseudo-Apostoli auditores, improuidè ac *præcipitare subiectioni* obnoxios prædicarent. Hæc modestia Iesuitica est; hæc religiosa perfectio, Romanæque sedis cultus, quo Iesuitæ vniuersos haud dubiè Ecclesiæ ordines, tum Ecclesiasticos, tum regulares, sine comparatione transcendunt.

Illud denique ineptissimum est quod hîc respondetur, Episcopum Chalcedonenlem non habere Ordinarij potestatem, quia *cum iurisdictione perpetua* non sit missus, sed *ad Pontificis nutum sit amonibilis*. Quis enim sobrius inferat aliquid non esse, quia non sit perpetuum? Illo pacto pauca res erunt, quia pauca perennant, penè omnes præterlabuntur & fluunt, nec diu vno statu permanent. Qua de causa philosophi quidam, & interdum Theologi sublimiores, negarunt quicquam esse nisi vnum Deum, quia ille vnus manet, cætera omnia prætereunt, mortaliaque & fugacia sunt, si cum Deo conferantur. Sed sermo vulgaris & humanior alius est. Non negatur Episcopi Chalcedo-

nensis potestatem esse quadantenus ab aliorum Ordinariorum potestate dissimilem; sed negatur inde sequi ne Ordinaria censeatur. Similis enim & eadem est quoad se, dissimilis quoad modum, quia eam non habet ordinaria vsitataque in Ecclesia ratione, sed delegatione & arbitrio Pontificis, quādiu Pontifici visum erit eam illi permittere. Habet tamen illam eandem similemque ac Ordinarij omnes, & ad omnia iura facultatesque eorum muneri annexas pertinentem. Atque hoc significant voces à Spongia editæ, *Eum non esse ordinarium ordinariè quales alij sunt Episcopi, sed ordinarium extraordinariè, delegatione Pontificis.* Non enim vllius Anglicanæ sedis titularis possessor est, nec ius habet vt in Anglicana Ecclesia diutius Episcopi munus obeat quā quamdiu Pontifex innuet. Eadem ergo, qua ceteri ordinarij fruitur potestate, sed alio modo. Ridiculum autem dictum est potestatem non esse verā, quia perpetua non est. Sic Legatorum, Nuntiorum, Vicariorū, aliorumque potestates nullæ essent, quia possunt ad nutum subtrahi. Imò hic ipse Iesuita fatetur infra Episcopum Chalcedonensem *esse Ordinarium respectu Cleri*, cuius tamen respectu non minus est delegatus & ad nutum amovibilis, quā respectu laici gregis, & totius Ecclesiæ Anglicanæ. Agnoscat igitur sensus suos, consentiat ipse sibi, nec Episcopo Chalcedonensi incommodandi studio caput sibi mentemque collidat.

## SPONGIA.

*Hinc elucet falsitas tertiæ accusationis, Authorem asserere Catholicos, si Episcopo Chalcedonensi tanquam legato deferant, propter bona temporalia eidem impenso, obedientiamque ei præstitam, nullam expectare à Deo remunerationem posse. Quanta in calumniando impudentia? Non erat questio de receptione delegati, obedientiaque qualis legato debetur exhibenda; sed an pium esset ac sanctum, sine auctoritate Pontificis, delegatum in Ordinarium, titulare in proprium, precarium in principem proprio perpetuòque iure imperantem, convertere? Hoc opus, hanc subiectionem siue reuerentiam non futuram iustitiæ, sed potius rebellionis author dixit, nec illis præmium à Deo rependendum. Quod dictum non minus maliciose, quā ridicule eò torquetur, quasi author cum hæreticis sentiat bonis operibus iustitiæ coronam non esse repositam. Utinam in hos qui quouis verbo falsitates, errores, scandala hæreses crepant, non posset verè dici illud sancti Augustini in Phariseos, Quid aliud eructarent, nisi quo pleni erant?*

## RESPONSIO.

Inolescis vehementer, & mirabili acerbitalis toxico verba tua diluis. Si nemo eructat nisi quo plenus est, quanta tibi cor plenum est audacia, amaritudine, zelo, furore? Quæ scandala, quæ schismata, quas hæreses coquis, qui tertio quoque statu, hæc omnia in Catholicos amplissimæ Facultatis theologos spiras? Hoc enim inter eorum modum & tuam maledicentiā interest, quòd illi te tuisque sociis intactis, nec verbulo violatis, ac ne nominatis quidem, de sola doctrina sententiam ferant, errorum se non hominum inimicos profitentes: Tu à doctrina, quā vnicam attingere debueras, in Censores transiliens, mordicis eis adhæres,



rodus, laceras, si scriptoris tā abiecti, tā imbellis, tam nulla mente præditi, rabiosulis vocibus grauiſſimorum hominum fama lædi poſſet. Multo tu igitur, te ipſo iudice, ſchiſmatibus & hæreſibus plenior es, qui eas plenius & vberius eructas, ſi quod quiſque eruclat, eo plenus habendus eſt. Tu hæreſes habes, quibus non doctrinas tantum, ſed etiā perſonas conſpergas; illi ſolius doctrinæ notatione contenti, nihil fellis habuerunt, quod etiam ad perſonas transfunderent. Hoc ergo iſtius partis, ac penè totius Spongiæ, inſigne vitiū, magnus furor, magna inſipientia eſt.

Quid cætera per cenſeam? fallaciter quæſtionē ponis, quaſi quæreretur, *An piū ſit & ſanctum ſine authoritate Pontificis, delegatū in Ordinarium, Titularem in proprium, Precarium in principem proprio perpetuoque iure imperantem, conuertere.* Quanta in vnico loco mendacia? Quot fraudes? quatū iā pleraſque ſuprà confodimus. Primò malignè indicas quæſtionem eſſe generatim de theſi, *An piū ſit eum, qui Ordinarius non ſit, vt ordinariū, ſine Pontificis authoritate ſuſcipere.* Quæ quæſtio per ſe ridicula eſt, inſulta, nunquam à ſano homine ventilata. Quis enim dubitat quin ſicut quilibet falſam authoritatem ementiens, improbus eſt, reusque maiestatis; ita quiſquis eius improbitatem approbet, & ſuſcipiat, & ſequatur, ſceleris conſcientia & ſocietate inquinetur? Non ergo hac de re vlla inter ſanos quæſtio haberi ſolet. De ſola, vt antè dictum, hypotheſi quæritur; de ſuſceptione non falſi Episcopii, ſed Episcopii Chalcedonenſis; non poſtatem inconceſſam rapientis, ſed eam quam à Pontifice datam habet vindicantis; non quid ei inconſulto Pontifice arrogare liceat, ſed quid ei Pontifex dederit, quid ei ex voluntate Pontificia pluribus litteris declarata tribui poſſit & debeat.

Deinde malè iterum opponis *delegatum ordinario, titulum proprio, precarium principi.* Nam eundem delegatum & ordinarium eſſe, titulum & proprium Episcopum, precarium & principē diximus, eum ſcilicet cui Pontifex omnem Ordinarij, proprij, principis poſtatem, vel ad certū tempus, vel ad nutum conceſſerit. Legati Pontificij, principes Prælatique deſtinatarum ſibi regionum, & quidem Ordinarij ſunt, licet precariam poſtatem, & ad nutum Pontificis obtineant, vt iam ante in-

C. Legatos  
de offi. Le-  
gati in 6.

nuimus. Tertiò falſo quæri ais, an liceat Episcopū Chalcedonenſem *in principem proprio perpetuoque iure imperantem conuertere.* Qua de re nunquam actum eſt. Nec quiſquam perpetuum ius, perpetuam imperandi poſtatem Episcopio Chalcedonenſi arrogauit. Omnes eū, ſequē ipſe Pontificis arbitrio Eccleſiæ Anglicanæ præſſe agnoſcunt; tam diu præſſe poſſe, quamdiu is indulſerit; ſed interim plena Ordinarij poſtate, & ſpirituali imperio præſſe.

Quartò diſſimulas quantum potes, te fideles auocaſſe à temporali ſubſidio Episcopii Chalcedonenſis, nullum eiſmodi operibus præmium fore iactando. Quod proculdubio graui crimine plenum eſt. Nec enim huc facile trahi poſt illa diſtinctio, qua ſuſcipiendū dicis Episcopum vt delegatum, non vt Episcopum propriū; quia non aliter ſub-

uenire solet fidelis populus Episcopo vt delegato, quàm vt principi & pastori, Non aliud ei subsidij genus ac refrigerij, vt eum scriptura loquamur, subministrat. Quare monere populum, nil præmij fore bonis operibus, quibus delegatum sibi Episcopum tueatur, nihil aliud est, quàm eum à fouendo Episcopo ad desertionem eius, & derelictionem transferre. Quamuis enim Iesuita clamet id dictum in Episcopum Chalcedonensem, vt proprium Episcopum, non vt delegatum, tamen hæc populus non capit, præcisionibus Scholasticis insuetus, nec aliud percipere potest, nisi deferendum eum, & temporali penitus subsidio spoliandum, cui præstita opera & impensa charitas nihil apud Deum mercedis habitura dicantur. Atque ita reuera contigit. Nec enim illi Catholici, quos Iesuitæ traxere in partes, Episcopum Chalcedonensem, quem vt Ordinarium iuuandum negant, iuant, vt delegatum. Omnimodè abijciunt, deferunt, negligunt; oderunt etiam atque auersantur; in eoque obsequium se præstare Deo existimant. Hoc idem faceret reliqua Anglia, si eorum monitis aures daret. Hæc ergo doctrina Catholicorum animos à charitate diuidit, in errorum schismatumque barathrum deuoluit, vt Episcopo quem Pontifex delegauit, nihil subsidij, aut humanæ opis præbere fas esse, & si quis præbeat, nihil præmij relaturum arbitretur. Huc omnis Spōgiæ Iesuitæque oratio dirigitur. Specie Catholicos à suscipiendo Episcopo, vt Pastore solùm ac principe, reuocandi, ab eo vndique reuocat, funditus diuellit, deferere, auersari suadet. Hoc doctrinam Iesuiticam in omnium quibus insederit animis, efficere necesse est. Hic omninò eius fructus sperari potest in vulgus. Quare quocumque se consilio, quocumque animi motu hæc scripsisse respondeat, Schisma, hæresin docuit fideles Angliæ, nec reculare potest quin sua oratio schismatica, hæretica iudicetur. Non enim internas mentium latebras scrutamur, quas solus videt Deus, quæ foris nemini patent; sed externam orationem & expressa vocibus dogmata, quæ sub hominum iudicia cadunt, nec facile fallaciis inuoluuntur.

Deinde omiſſa penitus quæſtione de ordinaria Episcopi Chalcedonensis potestate, verè necne habeat, tradat eam an adinat Pontifex; perspicuum est Catholicos, qui eum vt pastorem suum suscipiunt, obseruant, fouent, simplici reuerentia & corde humili Pontificem eiusque diploma venerantes, quo, saltem probabiliter admodum, hæc ei potestas concedi significatur, consentientibus præcipuè tot tantisque viris eruditione virtuteque præstantibus, à peccati labe puros, insontes innoxios esse, quantumuis etiam Pontifex eiusmodi auctoritatem Episcopo non esset reuera largitus. Eorum igitur opera spoliare præmio, & inutilia irritaque efficere, quid aliud censeamus quàm hæresim, cum nihil sit cur sana mente dubites ea bona esse, quippe ab honore nata & à cultu Pontificis, quem audiunt, suspiciunt, reuerentur, multo sincerius & castius quàm qui obedientię detrectandę libidine occupati, apertas diplomatum eius voces insidiosè rimantur? Quamquam hac quæſtione, vt diximus, omiſſa, vnum, quod nemo

mo negare potest, assumimus & vrgemus. Nempè constat, nec Iesuitis inficias ire licet, probabilem saltem, & maximè probabilem esse Episcopi Chalcedonensis ordinariam potestatem, seu verba iudiciaque Pontificis & Cardinalium, seu tot tantorumque hominum testimonia consideres. Itaque certum & evidens est fidelem populum, qui eam potestatem studio obseruandi Pontificem admittit, colit, humanitate & honorario prosequitur, peccati esse immunem, rectè facere, bonum opus operari; Ac proinde qui operi huiusmodi præmium à Deo paratum neget, quod bonum honestumque esse negare non potest, aut hæresim malè inducere, aut illius merito esse suspectum. Nam conclusionem è propositionibus elicitam, quarum vna fidei est, altera euidenter nota, graues Theologi hæreticam censent, hæresi verò proximam vniuersi confitentur: & qui eam pertinaciter asserat, sine dubio hæreticus haberi consuevit. Fidei autem est, bona opera mereri præmium; Certum verò & manifestum est, eum qui Pontificiis Decretis ex probabili eorum sensu obtemperet, facere bonum opus. Constat ergo doctrinam, quæ huiusmodi operi mercedem adimit, hæreticam dici posse, quocumque animo proferatur. Ipsa enim per se iudicari debet, non ex animo loquentis. Ita quoquò te vertas, Spongia, Censuram munitam inuictamque habes. Tantum malæ frugis protulisti, vt difficillimum fuerit non solum Sapientissimis Theologis, sed etiam Christianis paulò peritioribus, in ea euellenda aberrare.

## SPONGIA.

*Restat quartum quod imputatur auctori, quasi dicat, receptionem D. Chalcedonensis tanquam delegati, fore cæcam, & cum schismatis periculo. Jam patet calumniam esse. Hoc enim dixit de acceptione illius non in delegatum, sed in principem proprium & Episcopum, sine mandato & autoritate summi Pontificis, prout D. Kellifonus suggerebat.*

## RESPONSIO.

Hoc quoque quartum mendacium satis retusum est. Non enim damnata fuit propositio, quæ Episcopum Chalcedonensem suscipiendum negaret vt delegatum Iesuitica illa delegatione, sine potestate, sine autoritate, sine iure in gregem Anglicanum pastorali. Hoc figmentum Iesuiticum non propugnandum suscepit Facultas Parisiensis; quamquæ satis vidit illud ipsum ad speciosius eludendam ordinariam Episcopi Chalcedonensis auctoritatem fictitiè iactitari, verèque id agi, vt Episcopus ex fidelium animis, & ex vniuersa Anglia longissimè amandetur. Sed nimirum illa temeritas damnata est, qua eius potestas, tot clarissimis auctoritatibus, Pontificiis litteris, Cardinalium testimoniis comprobata, fallaciter obscuratur, reiicitur, contemnitur, & qui eam agnoscunt, in schismatis periculo esse asseruntur. Hoc temerariū dixere Censores, superbum, scandalosum, inobedientiæ sternens viam. Nam si Pontificis diplomata, & testatam tot grauissimis iudiciis voluntatem,

audacibus subvertere technis, ridiculis contentionibus implicare fas est, ut per causam ambiguitatis, & enati litigij, obedientiam excutere liceat, & Pontificiis insultare decretis, quoties priuatis aliquorum rationibus aduersari videbuntur; nulla relinquitur Pontificij nominis auctoritas; obedientia non in Pontificis nutu, sed in homuncionum quorumuis arbitrio deponitur; nulla via superest, qua Pontifici obsequium ab inuitis, subiectionem à pertinacibus extorqueat, si quid iis incommodum molestumque præcipiat. Non enim contumacibus deficient vnquam vocum aucupia, tendiculæ syllabarum, perplexitates sensuum, quibus clarissimam quamque orationis simplicitatem sollicitent. Nulla luce vinci potest contentionis stimulis excitata, & propriæ utilitatis amore infecta mens. Tantum in seipsa caliginis & tenebrarum circumfert, ut quemuis veritatis splendorem, & ipsum Solis radium obscurare sufficiat. Testis experientia, vita communis, omnium ordinum consuetudo, cum in dissensionum studia, & in rerum suarum acriorem propugnationem incubuerunt. Testis hæreticorum omnium, nostrorum in primis, nequitia, qui apertissima quæque & simplicissima verbi Dei oracula densissima glossematum nube, exquisitissimis versutiis, diuersissima veteratoriarum nugarum multitudine, mirante orbe complerunt. In quo peruicaces, cupidi, ceruicosi, elati quouis homines hæreticis germani sunt, eodemque genio instigantur. Vnus enim superbix omnis & pertinaciæ genius est. Quare summo Pontifici danda in primis opera videtur, ut quâ prudentia Ecclesiam circumspicit, isti quoque occurratur audaciæ, qua grauissimæ confusioni panduntur fores, inobedientiæ via sternitur, Sedis Apostolicæ Decreta, dignitas, sanctitas, in contemptum, & in impunitam ludificationem collabuntur. Prodendum posteris seuerius exemplum quoddam, quo Pontificiæ authoritatis honor, non solum ab apertis obtreccionibus, quæ solorum Ecclesiæ hostium, planorumque hæreticorum sunt; sed à tortuosis machinationibus, à fraudibus inuolutis, ab operta perfidia, quæ in Catholicis inquietis, sui amantibus, æstuosius vigere solent, & Ecclesiam periculosius quàm externa mala concutiunt, & in apertam hostilitatem non rarò eruperunt, perpetuò vindicetur. Faciendum ne Apostolicarum litterarum religio habeatur minor, quàm rerum omnium sacrarum, quas profanis temerè manibus vulgo attingere & contrectare nefas est, quæ ad intuitum simplicem, ad cultum, ad reuerentiam, non ad audacium oculorum lasciuiam, scrutationem temerariam, vellicationem sacrilegam, exponuntur. Sic quieta Ecclesiæ facies, tuta pax, inconcussa omnium erit quies, sanctaque solidius obedientiâ, & summi imperij maiestate, turbulentis & malè pacatis ingeniis, quæ sola infreni motu, mobilitateque indomita pulcherrimum rerum ordinem dirimunt, ora obstruentur, audacia confringetur.



## PROPOSITIO SECUNDA.

Ibidem.

**D**Elegati recipere debent stipendium & sustentationem à principe à quo mittuntur, & non à populo ad quem mittuntur.

## CENSURA.

Ista propositio intellecta de delegato misso in aliorum commodum & necessitatem, falsa est, rationi & praxi omnium gentium contraria.

## SPONGIA.

Hu verbis Richerista Censuram suam absoluunt, de qua verè dicam, respondent vltima primis. Vt enim Censura sua primam propositionem Sorbonicam quam habet Gerson in terminis, damnarunt; Ita paritacitate hac vltima Censura in propositionem eiusdem Gersonis incurrant, qui Tom. 1. Col. 539. Delegatus, inquit, dum specialiter mittitur per ordinarium suum, tenetur Ordinarius ei de sustentatione sua sufficienter providere, qua data iam contrahitur quasi pastoralis obligatio in Doctore delegato, nec enim potest dicere quia nemo nos conduxit. Ecce Gerson totidem penè verbis dicit quod author asseruit, Delegatum debere stipendium & sustentationem accipere ab Ordinario delegante. Jam si placet, saniet schola Richeristica, & huius propositionis authorem falsum, & praxis omnium gentium ignarum clamaret; sic enim non solum in Gersonem, sed quod nobis maius est, in ipsum S. Thomam clamitabit, qui 2. 2. q. 188. a. 4. ad 4. Si tamen, inquit, non inuenirentur qui gratis se huiusmodi obsequiis manciparent, tenerentur ordinarij prælati si ipsi non sufficerent, alios ad hoc idoneos mittere, quibus sumptus ipsi ministrarent. Vides delegato in beneficium populorum, & quo populi indigent, non à populo ex iustitia stipendium deberi, sed eum ab ordinario sumptus petere posse, & accipere oportere; ut mirum sit qua cecitate dixerint Richerista, delegatum ab Ordinario in populi commodum missum, à populo stipendium ex iustitia exigere posse, & contrarium esse contra praxim omnium gentium. Ita se iuris gentium ignaros demonstrant.

## RESPONSIO.

Itane verò dum claudicas, dum ruis, dum priora flagitia posterioribus cumulas, etiam cecitatis & ignorantie Censores tuos accusabis? uti- Ioan. 9.  
nam cæcus esses: Non haberes peccatum. Nunc verò dicis quia video. Peccatum tuum manet. Non enim nisi ultore Deo, & incredibile istam superbix ignorantixque ferociam seuerius vindicante, tam longum errorum piaculorumque funem nectis, ut non tam vltima primis respondeant, quàm prima mediis, media vltimis, omnia omnibus; adeò non magis à te ipso desciscere potuisti, quàm mutare possit Æthiops pellem suam, aut pardus varietates suas. Ut cætera penè omnia testimonia, quæ Jerem. 13.  
toto opere tractare cœpisti, sic postrema ista vitias, mutilas, inuertis, nec homines reueritus, neque Deum. In toto loco Gersonis, nec vox,

Ff ij

nec mentio *delegati* vlla est. Et tamen proferre audes Gersonem quasi scribentem in hæc verba, *delegatus dum specialiter mittitur per ordinarium suum, &c.* Et iterum, *Contrahitur quasi pastoralis obligatio in Doctore delegato, cum Gerson habeat, in prefato Doctore.* Audes quoque inferere particulam, *teneatur ordinarius*, quæ in Gersone nulla est; Istam contrà eradere, in velamen sui officij, ita locum edens, *Nec enim dicere potest, quia nemo nos conduxit*, qui sic edendus fuerat, *nec enim dicere potest in velamen sui officij, quia nemo nos conduxit*; ne scilicet appareret Gersonem de delegato non loqui, sed verum officium & stabile munus gerenti. Quis hæc ab homine sano committi posse crederet, nisi videret, nisi legeret, nisi rei euidentiâ & credere, & horrere cogeretur? Imò quis sanum putet hominem, qui tanto dedecore & confusionis quasi diploide se induens, tamen debacchetur in Censores vt cecos, vt ignaros, vt totidem penè verbis à Gersone reprobatos? Hæccine fouere ingenia, Iesuitica Societas? Hæccine portenta in principem Theologorum Facultatem immittis, vt incredibili non sani hominis impudentia, incredibilem scientiæ & sapientiæ tuæ famam tueare?

Ipsa tantæ perfidiæ demonstratione iacet argumentum, quod à Gersone petatum est. Patet Gersonem nihil ad rem nostram ibi loqui. Agit enim de Doctore Theologo, cui Cancellarius nomine Pontificis docendi facultatem largitur. Hunc ait non ideò iuberi docere; fieri tamen posse vt aliundè iubeatur, & docere debeat, multis modis; in primis dum specialiter mittitur per ordinarium suum: *quo casu*, inquit, *teneatur ei de sustentatione sua sufficienter providere.* Quibus verbis non de simplici delegatione loquitur, sed de missione stabili & permanente veri propriique officij, vt declaratur tum illis vocibus, *Qua data* (sustentatione) *tam contrahitur obligatio quasi pastoralis in prefato Doctore*; tum sequentibus, *Neque enim dicere potest in velamen sui officij, Nemo me conduxit*; quas Spongia malignius expunxerat, ne Gersonis mentem continuò videremus. Agit ergo Gerson de Doctore Theologo, quem Ordinarius Antistes ad munus docendi populum, iusto attributo stipendio, eligit, vt de Canonico Scholastico, seu Lectorali, seu Theologali, prout varia nomina in variis regionibus sortiuntur, qualis is cuius nomine Spongia in lucem emissa est.

Locum quoque D. Thomæ ridiculè Iesuita peruertit. Diuus enim Thomas non de delegatis propriè locutus est, sed generatim de Ordinariis adiutoribus, & ministris inferioribus, quos quisq; ordinarius sibi adiungere debet in ordinarij sui muneris societatem, si pascendo gregi minùs sufficiat, seu illi adiutores ad tempus, seu in verum officium assumantur, quales Parochi, Vicarij perpetui, &c. Frustra enim vilissimæ captiunculæ commento mutata est vocula S. Thomæ, ac pro *tenerentur Ordinarij Prælati alios ad hoc idoneos quærere*, à Spongia suppositum, *alios idoneos mittere*, vt de delegatis simplici missione destinatis, quales regulares esse solent, D. Thomas videretur egisse. Præterea S. Thomas dum asserit sumptus eiusmodi adiutoribus ministrari debere ab Ordinariis prælatis, loquitur de Ordinariis prælatis, qui propter hoc (id est

propter subventionem populi) *decimas & oblationes fidelium recipiunt, & alios Ecclesiasticos redditus*. Nam huiusmodi Prælati, cum iis abundè à populis præbeatur unde eorum salutem subueniant, debent si per se non possint, aut si minùs sufficiant, adiutores sibi & socios suo sumptu conquirere, quorum operâ fiat, ne bona pabuli copia gregi desit. Nec populus iterùm nouo sumptu premi debet, si omnia ad idoneam sui pastionem necessaria iam semel suppeditauit. Alioquin, quicumque Prælatus ea stipendia non percipit, quibus onera pastoralia ferri possint, nulla lege querere cogitur suo sumptu auxiliares pastores, quorum subsidiis ea impleat, quæ ipsemet perficere nequit. Hoc enim non solùm nativo lumine notum est, sed etiam omnium consensu, cum nemo dubitet quin Parochus aut Episcopus, cui beneficiû est tenuius quàm ut eo sese aliofque sustentet, nullo iure Vicarios minoresque pastores præbere debeat populo, quamuis indigenti, nisi eos ipse populus alere, & rebus necessariis instruere velit. Non enim tenetur pro grege sumptû facere, nisi pro modo stipendiorum & facultatum, quæ ab eo suggeruntur, quia nemo, teste Apostolo, *militat suo stipendio vnquam*. Ac sicut populus honorè pastori debet, ut *euangelium annuntians de euangelio uiuat*; Ita & omnibus qui sub eo pascunt, & pastoralis officij onus sustinent, quia *omnis operarius dignus est mercede sua*. Itaque locus S. Thomæ non solùm alienus à Spongia, sed etiam contrarius est, verâque aperit causam cur Pontifex Episcopum in Angliam mittens, non ei debeat stipendium, sed populus Anglicanus. Nam Pontifex nec *decimas*, nec *oblationes fidelium*, nec *redditus* vltos Ecclesiasticos ex Anglia percipit; ideoque teneri non potest delegatos illic suo dispendio alere; sed diuinum naturaléque Anglicani gregis officium est, ut à summo pastore delectos, & ad se legitimè transmissos, pro facultatibus tueatur ac foueat.

Nec solùm delegati Pontificis qui ex Anglia nihil percipit, sed etiâ, quod magis mirere, delegati Episcoporum Ecclesiasticis bonis fruendum, à populis ad quos delegantur, alendi sunt, præcipuè cum ad ea delegantur, propter quæ ipsis Episcopis, si ea per se gererent, sumptus præbendi fuerant. Sic enim statutum est, ut Episcopo Diocesi non visitante, quemcumque ad id muneris suo loco delegarit, is easdem expensas, seu victuales, seu pecuniarias, quas Episcopus visitans caperet, exigere possit, *c. si Episcopus* quasi Episcopi vicem gerens: quia, inquit Pontifex, *secundum Apostolum* *non est magnum, si ab eo metantur temporalia, per quem spiritualia seminantur*. Quæ *ordin. in 6. Benedictino* generali naturalique ratione in huiusmodi causis iura semper vtuntur, *12 extra-* aperte declarantia id quod delegans ipse caperet, à delegato percipi *mag. Vas electionis.* posse, quòd laborem cui fructus ille debetur, suscipiat. Ideoque cum certum sit Romanos Pontifices, si per se ea præstarent, ad quæ Episcopum Chalcedonensem in Angliam delegarunt, dignos fore mercede, quæ operariis in Euangelio decernitur; sequitur eum Episcopum, quem ad ea suo loco delegarunt, eadem mercede dignum esse, eamque illi ab Angliæ Catholicis Euangelico iure deberi.

Quòd si pertinaciùs negare contendant Molinistæ delegatis nihil à populo deberi; dicant cur Apostolis deberentur stipendia, cur etiam

*Matth. 10.* *Luc. 10.* discipulis aliis cum à Christo *bini & bini* missi sunt? Non enim fuisse ordinarios regionum ad quas mittebantur, facile, spero, concedent. Quo iure igitur delegans eos Christus necessaria sumere iussit à populis, quasi *operarios dignos mercede*? Ipse potius ex doctrina Iesuitica eos alere debuit. Imò Apostolos ipsos, etiam post Christi resurrectionem, & aduentum Spiritus sancti, vulgò negant *Ordinarios fuisse*, sed solum *delegatos*, extra eas Ecclesias scilicet, quibus fortè ut proprii Episcopi præerant, ut Iacobus Hierosolymis, &c. Quo iure igitur stipendia à totius orbis Ecclesiis exigebant, ut toties clamat Paulus, Corinthiis aperte declarans, *Alias Ecclesias exspoliani, accipiens stipendium ad ministerium vestrum*? Quo iure tantum sibi iuris tam magnifica oratione sumebant, si delegatis nullum ius est à populo stipendia exigendi, sed solis Ordinariis? Imò ut sciant Iesuitæ quàm fædo in errore versentur, discant ex scriptura, Non solum delegatis deberi à populo stipendium, sed etiam ipsi, si egeat, deleganti. Nam sicut delegato debetur pastionis spiritualis causa, sic & deleganti, qui etiam pascit per delegatum, & ipsius delegatæ pastionis author & princeps est. Ac valet in eo perpetua illa lex de refundendis temporalibus in eos, à quibus spiritualia manarunt. Ideoque Apostolus non solum omnibus ad prædicandum Gentibus Euangelium destinatis deberi docuit temporale solatium, sed etiam toti Ecclesiæ Hierosolymitanæ, quod ex ea primùm omnes Euangelij præcones prodissent. Iussit inquam, *collationes fieri* non solum in Præsules & capita Ecclesiarum Iudææ, sed etiam in priuatos earum fideles, *in pauperes sanctorum qui erant in Ierusalem*, ut in partes ac membra eius Ecclesiæ, à qua Euangelij prædicatio manasset in Gentes, quamuis nec Euangelij prædicatores eorum omnium delegati essent, nec ab eis potestatem accepissent. Hoc enim vnum spectabat, eos esse de corpore eius Ecclesiæ, unde Euangelij lux in gentium Ecclesias orta esset. Quo solo nomine, deberi à Gentibus illi Ecclesiæ, totique corpori ac membris illius temporale subsidium iudicauit. *Placuit enim illis, inquit, & debitores sunt eorum. Si enim spiritualium illorum participes facti sunt Gentiles, debent & in carnalibus ministrare illis.* Quod de nulla Ecclesia similiter dixit; quodque eius dictum alibi latiùs expendetur, & explanabitur ad normam antiquæ disciplinæ. Quanto magis idem deberi censebat Præsulibus eius Ecclesiæ, qui in ea, ut alibi ait, *videbantur esse columna*, ipsique illius vertici Petro, cui creditum erat *Euangelium Circumcisionis*? Dubitari hac de re non potest. Quod si Paulo iudice debetur temporaria merces mittentibus & delegantibus Euangelij ministros; quanto magis missis ipsis & delegatis, quorum ministerij laborisque causa delegantibus ipsis debetur? Errant ergo grauiter admodum Molinistæ non solum contra ius Gentium, sed, quod multo grauius est, contra ius diuinum. Errant nescientes scripturas, & nisi ferocissimè cæcutirent, miseratione digni essent.

*Bellar. 1. 1.*  
*de Rom.*  
*Pontif. c. 9.*  
*23. & c.*  
*Staples. 1. 6.*  
*de princ.*  
*fid. Conc. 2.*  
*cap. 7.*  
*2. Cor. 11.*  
*1. Cor. 6. &*  
*9. & c.*

*Rom. 15.*

*Vid. Aug.*  
*lib. de oper.*  
*Mon. c. 15.*  
*& 16.*

*Ibid.*

*Galat. 2.*

*Matth. 23.*



## SPONGIA.

Nuntij Apostolici nonne delegantur in commodum nationum ad quas mittuntur, nec tamen à natione, sed à pontifice stipendium habent? Præreges delegantur pro beneficio regnorum ad quæ destinantur, nec tamen à populis, sed à regibus salaria accipiunt. Hoc tradunt etiam Canonistæ in Cap. Si Episcopus, de officio Vicarij, in 6. Episcopum teneri Vicario suo (qualem se esse contendit D. Chalcedonensis) congruum salarium constituere, quod procedit etiam si non sit conventum de salario. Addunt, Si delegatus habet proficisci, & sit ita impotens ut non possit suis expensis itinerare, potest à principio petere expensas itineris. Ita Abbas in cap. Providentiæ n. 23. extra de officio delegati, significans si à principio non petas, postea petere non posse. Ibidem § adiicimus, dicit idem Abbas, delegatum non teneri exequi delegationem cum admodum graui damno rerum suarum, potest tamen Papa cum absolute cogere ad acceptandum. Hoc supponis delegatam à delegante salarium petere oportere, ac cogi posse delegationem sine salario acceptare. Quanto magis stipendium non debetur ei delegato qui delegati onus sine ulla vi aut coactione accepit, nulla mentione facta stipendij, metu ne forte ea de causa delegatio non tam facile concederetur. Denique cum sit in Anglia capitale Rmo Chalcedonensi aliquid stipendij prestare, non possunt vniuersim Catholici ad id cogi. Eius opera qui utuntur debent ipsi de necessarijs, si egeat, providere; ni faciant, opem suam subtrahere potest. Qui eius opera non utuntur, nihilque ab eo beneficij percipiunt, ut cum vite fortunarumque discrimine in eius stipendium symbola conferant, quis cogat? Ineptum est Parisienses de rebus Angliæ affirmare, quas nesciunt.

a Lalius  
Zecchini de  
Rep. Eccles.  
c. 23. de of-  
ficio Vica-  
ry n. 4.

## RESPONSIO.

Quid ais imperitissimè simulator? Qua veste miserum Loëmelium induis? Homóne Belga, Antuerpiensis, Canonicus Lectoralis, Parisienses arguat de rebus Angliæ affirmare quæ nesciunt; ideoque ineptos vocet? Scilicet Antuerpienses peritiores sunt rerum Anglicanarum, quàm Parisienses, apud quos innumera omnis generis Anglorum aduenarum frequentia versatur, & ex Anglia quotidie affluit. Scilicet Iesuitæ pauculi Audomarense oppidum, & in eo Canonicum Lectorem Loëmelium, fidelius ac plenius rerum Angliæ statum edocent, quàm tot grauissimorum testium & nuntiorum autoritates, qui ex Anglia Lutetiâ, Lutetia in Angliam assidue commeant. Quid hac ineptia ineptius? Quid minùs Iesuitico ingenio congruum? Quis in turpi larua vocem Angli hominis, Iesuitæ ad malitiam malè cruditi, scenici tyronis, verè Spongiæ, non exaudit? Non es fortassis culpandus, Iesuita Floyd, quod sinistram mentem, debile iudicium sortitus es; sed grauiter vapulare mereris, quòd tam inops, tam hebes, tam ridiculus, in aspectum orbis prodire sustines, virorumque summorum, Episcoporum, Theologorum arguendorum licentiam inuadis; nec te ipse tuo saltem metiri pede, in illa tantæ perfectionis arrogatrice Societate condiscere potuisti.

Quis iam cætera miretur? Quid magnum, si in maioribus perpetuè

Ff iiij

desipias, qui in minimis vsque adeò scæneus es? Quas enim crepundias, quæ nugamenta sola ignorantia graua profers, in rei grauissimæ probationem, in iuris ac prærogatiuæ delegatorum Pontificiorum examen? Probas delegato stipendiū à delegante deberi, nō ab iis in quorū cōmodum delegantur, quia *Nuntij Apostolici delegantur in commodum nationum ad quas mittuntur, nec tamen à natione, sed à Pontifice stipendium habent* Loquere planius: Quid mullitas? Quid times? Teneturne Pontifex Nuntiis in commodum populorum destinatis stipendium dare? Nihilne Nuntius ita missus, ab eis ad quos mittitur suo iure exigere posset? Nam quod nihil exigant, aliæ possunt esse causæ ipsorum humanitas, indulgentia Pontificis, peculiari ratio negotiorum sedis Apostolicæ, cui expedire visum est, ne Nuntij quicquam nisi ab vnico Pontifice recipiant, exigant, sperent. Grauiissimis enim de rebus mittuntur, in quibus Pontifices eorum sibi animos omni ratione obstringendos esse prudenter admodum censuerunt. Eandem ob causam legati Apostolici nihil omnino præmij nisi à Pontifice, à quo legati sunt, percipere solent, quamuis constet ac notissimum sit eos olim percipere consueuisse, præcipuè si in vtilitatem populorum mittentur: Cuius rei nulla vsquam luculentiora testimonia extant quàm in historia Anglicana, vt alibi commodius explanabitur. Semper enim valet naturalis illa lex, Apostoli autoritate sancita, *Quis militat suis stipendijs vnquam?* Et, *si nos vobis spiritualia seminauimus, magnum est si nos carnalia vestra metamus?* Neque hoc ius legatorum Pontificiorum à quoquam hætenus in dubiū vocatum est, quia adeo lumini naturali, iuri scripturis consonat, vt nemo de eo controuersiam mouere tentarit, si modò tale ius intra iuris & æqui limites contineatur, Atque idem iudicium est de Nuntiis Apostolicis, qui similiter veri sunt <sup>a</sup> legati Pontificis, etsi minùs solemnes, quàm ij quibus nomen istud iam propriè relictū est, quos <sup>b</sup> *Legatos à latere* vocant. Nuntios enim nunc dicimus quos Græci olim <sup>c</sup> *Ἀποκριταίους* Latini *Responsales* dixerunt, vt ex <sup>d</sup> Gregorio patet, qui seipsum eo munere Constantinopoli olim functum <sup>e</sup> esse testatur. Vnde licet tum legati, tum Nuntij Apostolici, singulari Pontificum sapientia, & Ecclesiasticæ moderationis exemplo, tamdiu nihil à populis ad quos emittuntur, exegerint, vt hæc eorum natia potestas apud imperitiores exoleuisse videatur, & longa desuetudine quodammodo euanuisse; Nō tamen ideo non inest in ipso eorum munere, eique per se competit, nisi eorum humanitate, paternaque Sedis Apostolicæ indulgentia, iam remissa videretur. Plenæ sunt Pontificum Decretales totumque ius Canonicū clarissimis de hac re cōstitutionibus, præcipuè totis titulis de Censibus, in quibus apertæ & expressæ, quoquò oculos conicias, occurrunt leges de Legatis & Nuntiis Apostolicis procutandis, seu alendis; idque non solum populi sed etiam Clericorum, Præsulum, & regularium ipsorum sumptibus, indicta in recusantes pœna graui. Neque tam apertas & tam crebras leges exscribere attinet; quas Iesuita violare & frangere nisi summa stupidaque inscitia non potuit, nempe non consulto, neque lecto vnquā Pontificio iure, cū ipsis corporis oculis tantam mentis oculo-

<sup>a</sup> Vid. c. ex-communicatis, de off.

<sup>b</sup> Legati. Et c. cum parati de appellat.

<sup>c</sup> Concil. Sardic. c. 5.

<sup>d</sup> Nouell. 6.

<sup>e</sup> c. 2. ut 123.

<sup>f</sup> c. 25. l. 9. 7.

<sup>g</sup> c. conueni-

<sup>h</sup> tibus. Et c.

<sup>i</sup> significasti.

<sup>j</sup> de elect. c. 6.

<sup>k</sup> d. Greg. l. 2.

<sup>l</sup> ep. 7. In-

<sup>m</sup> dict. 11. c.

<sup>n</sup> lib. 6. ep. 31.

<sup>o</sup> e. Præf. in

<sup>p</sup> lib.

rum cæcitatem sanare licuerit. Sed Iesuita sibi fas putat ista aliaq; ignorare, & dum Episcopo Chalcedonensi obstrepat, in ipsas etiã Legatorum & Nuntiorum Apostolicorum dignitates solita temeritate irruere.

*Vid. titulos  
de Cens.  
passim,  
Clem. ad  
nostram,  
&c.*

Quamquam non parum inter Legatos Nuntiosque Pontificis, & inter Episcopum Chalcedonensem interest. Legati enim & Nuntij nõ ad curam & ministerium plebis, vel ad perfungendas Pastorum ordinariorum functiones mitti solent, sed ad negotia quædam alijsinodi, Apostolicę sedis dignitatem, & Ecclesię vniuersę bonũ magis spectantia, quamuis eis potestas etiam in fideles, ad quos destinantur, tribui soleat. Episcopus verò Chalcedonensis ad nullius nisi Ecclesię Anglicanę propriam vtilitatem & solatium, ad explendam Episcoporum tot ab annis in Anglia penuriam, ad obeundas tota Insula vniuersas Ordinariorum functiones, missus est; ideoque singulari præ cæteris delegatis Pontificis iure stipendium ei honorarium ab iis, ad quos missus est, tanquam Catholicorum totius Anglię Episcoporum gerenti quodammodo vicem, & paternam prouidentiam repræsentanti, debetur. Est enim obseruandum, eos qui à Sede Apostolica ad propriam Ecclesiarum vtilitatem ex professo mittuntur, semper ab Ecclesiis ipsis expensas capere consueuisse: Non ita verò eos qui ad Sedis Apostolicę negotia præcipuè destinabantur, quamuis simul, quasi ex occasione, & ad eorum dignitatem augendam, aliqua iis in particulares Ecclesias potestas mandaretur. Sic ij quo: olim vocabant defensores Ecclesiarum, de quibus in Concilio<sup>a</sup> Carthaginensi s. mentio est, quod munus D. Sebastiani à Caio Pontifice<sup>b</sup> primũ collatum ferunt, cùm mittebãtur in prouincias ad tuendũ illic procurandũq; Ecclesię Romanę<sup>c</sup> patrimonium, etsi aliqua eis in Clerum & Episcopos prouinciales cura potestasque<sup>d</sup> traderetur, tamen non ab Ecclesiis prouinciarum, sed à constituto illic Ecclesię Romanę patrimonio ad quod gubernandum principaliter mittebantur, necessarios sibi sumptus<sup>e</sup> capiebant, ipso D. Gregorio teste. Episcopi verò qui à Sede Apostolica in aliorum Episcoporum Diœceses, visitationis & disciplinę conseruandę causã per varias regiones destinabantur, quãdiu in quaque Diœcesi erant, oblationes populi<sup>f</sup> æqualiter cum Episcopo partiebatur. Qui autem Episcopi ad suscipiendam Ecclesię alicuius Episcopo destitutę curam, quoad proprius ei Ecclesię Episcopus præficeretur, mittebantur, ij quartam partem popularium oblationum, quę proprio Episcopo ex antiquo more debebantur, percipiebant, eodem<sup>g</sup> Gregorio authore. Atque hæc est causa Episcopi Chalcedonensis in Angliã à Pontifice delegati, vt Ecclesię illius propriis Episcopis Catholicis iampridem orbata curam suscipiat. Cui ideo eadem quæ propriis Episcopis subsidia à Catholicis Anglię deberi, manifestum est.

*a Concil.  
Carth. 5.  
can. 9.  
b Vid. A-  
thanas. Ste-  
phani apud  
Baron. ann.  
286.  
c Greg. l. 4.  
ep. 27.  
d Idem l. 4.  
ep. 24.  
e Idem ib.  
f Idem l. 5.  
ep. 42.  
g Idem l. 4.  
ep. 12.*

Quod addit de Proregibus quibus à prouinciis nihil præberi solet, sed ab ærario Principis; leuissimũ etiam est. Nam prouincię vectigalia principi tributaque conferunt, quibus ad commodum tranquillumque earum regimen vtatur, ideoque hoc sumptu impenso nihil vltra debent Præsidibus, quorum stipendia iam principi persoluerunt. Non sic Ec-

clesia Anglicana Pontifici suppeditat, unde eam vel pascat & regat ipse, vel aliis pastoribus, aut præsilibus pascendam deleget. Vnde manifestum est nullum hinc elucere ius, quo delegatorum ad gregis Anglicani subsidium Pastorum stipendia à Romano Pontifice repetantur. Quamquam neque Prouinciæ ab omni in præfectos ac Proreges sumptu sunt immunes, quorum multa in eas iura esse solent, & multæ, si non sigillatim in capita, aliis certe nominibus non obscuræ nec tenues exactiões. Quare hoc quoque argumentum, quoque modo ceperis, labile & vacuum est.

Quid dicam de Canonistarum testimoniis, imperitiis an stolidius recentitis? Dicant Canonistæ quàm volent, *Episcopum teneri Vicario suo congruum solarium constituere*. Quid hoc ad Romanum Pontificem, qui Episcopo maior est; qui nihil ex Anglia percipit, cuius causa Vicarios in Angliam suo sumptu transmittere teneatur? Nam de Episcopis reditus Episcopales in Ecclesia pacata colligentibus, quales esse solent Catholici Episcopi, loqui Canonistas minimè dubium est; nec hac lege constringere Episcopum, cui nihil ab Ecclesia conferatur. Quo enim iure talis Ecclesia sumptum à tali Episcopo in suum subsidium postulet præcipuè si ipsa habeat unde sumptum illum ministrare possit? Ridiculum est talia à Iesuita in re graui obiectari.

Neque verò hoc ipsum quicquam est ad Episcopum Chalcedonensem, quem Iesuita falsò ait, *contendere se esse Pontificis Vicarium*. Nam is contra se Ordinarium, seu, Ordinaria plenissima potestate, licet extraordinaria ratione & delegatione Pontificis concessa, præditum asserit: Vicarium autem negat esse, atque adeò delegatum, quales vulgò esse solent; quia his potestas nulla sit propria, sed penitus aliena, & ipsa illius, cuius Vicarij, aut delegati sunt. Ipsi autem non sit data potestas ipsius Pontificis, sed longè minor & inferior, qualis videlicet est omnium in suis Diocesisbus Ordinariorum. Hæc publica est Episcopi Chalcedonensis declaratio, in epistola illa ad Vniuersos Angliæ Catholicos iam citata, quam mirum est à Spongia dissimulari, & aduersus eam falsa epistolia imputari.

Habes, lector, Iesuiticas soliditates, quibus res tanti ponderis, aduersus tantam Episcoporum Theologorumque societatem, stultissima ignorantia defenditur delegato stipendium non esse pendendum à populo ad quem delegatur. Audi deinceps acumina, quibus efficere volunt, ne à delegante quidem Pontifice iam deberi stipendium vllum Episcopo Chalcedonensi. Maligni enim miseri que homines hoc vnum agunt, vt si aliter non possint, humano eum omni solatio, tum eorum ad quos missus est, tum illius à quo missus, expolient, malisque & inopia subactum cedere loco cogant, & Anglia exulare. Episcopum enim cui vel in speciem subsint, à quo regantur, solitæque minuantur licentia nullo pacto ferre possunt. Oderunt, auersantur, & ideo quacunque ratione ex oculis amorem expetunt.

Cæterum ridicula strophæ aditum ad Pontificiam benignitatem ei præcludere parant, ne à Catholicis Angliæ exclusus, ad Pontificem vi-



deatur remitti ut debitorem, tantique debiti vel nescium, vel frustratorem. Nam cum ad Catholicos ab eo iuvando deducendos, persuadere velint delegantem delegato stipendium debere, proindeque Pontificem Episcopo Chalcedonensi, non populum Anglicanum; Tamen ut odium Pontificis, quod tam audaci doctrina meruere, declinent; quia iniquum ei onus, & gravem in Episcopum iniuriam, & insigne opprobrium imponere, non horrent; Addunt, delegatum posse expensas petere à delegante initio delegationis; Nisi tum petierit, postea petere non posse; Ideoque Episcopum Chalcedonensem, qui cum primum delegatus est, nihil à Pontifice petiit, nunc nihil ab eo exigere posse. Mira disputatio & impudens! delegato Episcopo & deleganti Pontifici contumeliosa; indigni ludibrij plenissima! Quibus autem argumentorum machinis extruitur? Quo artificio concinnatur? Videte, obsecro, stupiditatem incredibilem, & mentis ad omnia cæcitatem. Explodendum & in primis exhibendum cauillum afferunt, nimirum dictum Abbatis, *delegatum, si sit inops & impotens, sumptus itineris ab initio petere posse*; Ex quo colligere audent, si id initio non fecerit, postea petere non posse. O Molinitas dignos Spongiarum opifices! Primò quonam modo consentit hæc illatio cum doctrina ex Canonistis paulo antè relata, *Episcopum teneri Vicario suo; quod procedit etiam si non sit conueniens de salario?* Qua mente dicitur deberi salarium, etiam si de eo non sit conuentum; & simul, peti non posse, si ab initio non petitum fuerit? An de Vicario hoc verum est, non de delegato? Quid ais in ista cogitationum tuarum confusione, Spongia? Sed esto, Ne petere possit sumptus itineris qui ab initio non petiit; hoc tibi, quod absurdissimum dictum est, concedamus; quis tamen mortalium inde inferat, delegatum eiusmodi nullam prorsus aliam delegationis impensam exigere posse? De viatico loquitur Abbas, non de stipendio stabili & perpetuo delegati, quo, postquam eò quò missus est, peruenerit, delegationem obeat. Facilius enim inuenias, qui expensas itineris ferre velint, aut possint, quàm qui totius, longæ interdum ac molestæ, legationis. Et cõstat subinde Principes viaticum legatis variis de causis non præbere, sicut nuper perillustri cuidam contigisse nouimus, quibus tamen consueta stipendia annua dependunt. Obtusa igitur & ridicula est Iesuitica illusio, & crassissimæ Spongiæ coronidi aptissima.

Neque viaticum negari posse delegato præsertim tenui & inopi, inferre licuit ex dicto Abbatis, nisi homini qui nihil sana mente loqui decreuerit. Qua enim lege colligas, viaticum, quia initio peti possit, postea peti non posse? Cui cerebro hæc oratio conuenit? Quam in mentem cadit hæc cogitatio? Colligatne homo quisquam, artificem, quia priusquam opus inchoet mercedem pacisci ac petere potest; nisi id fecerit, perfecto opere nihil exigere posse? Contrarium ex Abbatis dicto inferri debuit. Is enim disertè loquitur de homine ita impotenti, *ut non possit suis expensis itinerari*; ut doceat, non eum petere posse expensas itineris; Hoc enim eiusmodi homini proprium non est, sed omnibus legatis & delegatis commune, qui seu diuites sint seu inopes, tum stipendium

tum viaticum petere possunt, quia nullo iure in alienum commodum expensas ferre coguntur, & naturali iure ab eo, cui præstant operam, si non mercedem, saltem necessarios sumptus postulare possunt. Non igitur de homine inopi & impotente speciatim docere voluit Abbas, eum viaticum petere posse, de quo nullum dubium esse poterat; sed petere posse, & sibi postulare præberi, etiam ab initio, antequam det se in iter, quia nempe impotens & egenus est, nec longiorem solutionem expectare potest, quemadmodum locupletiores, quibus minus necesse est præ manu dare viaticum, quia illud sua copia interim supplere possunt, donec suo tempore solvatur. Quamquam his ipsis id rarò admodum præcipi potest nisi fortè in minoribus delegationibus. Pauci enim sunt, qui sine graui rerum suarum detrimento legationem longinquo-rem & solemniorem subire valeant, nisi & viaticum & stipendium maturè repræsententur.

Spongia tamen addit alium locum Abbatis de detrimentis etiam delegatorum, vbi Abbas ait, *delegatum non teneri exequi delegationem cum admodum graui damno rerum suarum; Posse tamen Papam eum absolute cogere ad acceptandum.* Ex quo iterum mirabili suo acumine colligit, *delegatum à delegante salarium petere oportere, ac cogi posse delegationem sine salario acceptare.* Jam iam cum sano homine negotium mihi non esse video. Quid enim collectio ista ad locum Abbatis, vbi de salario nihil, nec de stipendio, nec de necessario sumptu, sed solum de graui aliquo damno delegati, quod ex delegatione emergat? Nos verò non de damno iacturaque delegati, sed de alimento eius ac stipendio necessario agimus: & quamuis Abbas putet delegatum cogi posse delegationem accipere, etiamsi damnum inde rebus eius enascatur; Non tamen ait cogi posse sine stipendio. Imò neque ait cogi posse cum damno illo graui, si Pontifex id præstare sarcirèque nolit. Aliud enim est cogere hominem subire damnum; aliud, cogere subire sine spe recuperandi amissa. Non enim quilibet alium cogere potest vt iacturam suscipiat, quamuis eius compensationem polliceatur; quia quisque dominus est rerum suarum, & in eas plenam liberamque habet potestatem. Hoc solus Princeps potest, si publica necessitas postulet. Cogere autem aliquem suscipere graue damnum, quod nullo modo sarcitur, vix ipsi principi licitum est, & rarissimè conceditur, quia violentam dominationem sapit.

Itaque clarè cernitur plenissima & cumulatissima Spongiæ futilitas, indigna non solum accurata confutatione, sed etiam leuissima quauis lectione, & omni eruditorum sanorumque memoria. Nusquam effugere potest. Fatendum est stipendium delegato ab iis, ad quos mittitur deberi: vel si hoc fateri non vult, necessario fatendum ab eo deberi à quo mittitur; Atque ita Episcopum Chalcedonensem, quem à Catholicis Angliæ necessariis rebus instruendum negat, eos exigere posse à Romano Pontifice vt vero earum debitore, quem ideo magnæ duritiæ, magnæ iniquitatis insimulat, quauis criminis tanti magnitudinem dissimulare conetur stupida cauillatione ià dissipata, quæ nihil nisi æstus eius & miseræ mentis Scyllâ inter & Charibdin fluctuantis angustias indicat.

Grauis

Grauis omninò in Pontificem petulantia, & magna insultatio est, quòd in orbis oculis ab homine professione Catholico scribitur, cum in Angliam misisse Episcopum, Episcopali potestate instructum, sine vllò subsidio, sine humana vlla ope, cum tamen ei stipendium vt suo delegato deberet: Atque adeò ita destitutum misisse, quamuis sciret (nisi fortè Iesuiticam doctrinam non nouit) fore vt in Anglia nihil ei à populo Catholico deberetur, proindèq; nihil ei suppeteret, quo aliquà status Episcopalis dignitatem, variaque eius onera tueretur. Ita nempe carpitur Pontifex, non solùm quasi Episcopum sit frustratus; sed etiam quasi Episcopalem dignitatem ad inopiæ contemptusque pericula, in mediam hæreticorum regionem proiecerit. Imò ipsa Iesuitæ excusatio multo grauius eum violat, quòd scilicet Episcopus Chalcedonensis *delegationem acceptarit nulla mentione facta stipendij, metu ne fortè ea de causa delegatio non tam facile concederetur.* Quid enim indignius dici potuit in summum Pontificem, quàm cum non solùm non daturum esse sua sponte delegato stipendium, quod iure deberet; sed etiam, si peteret, negaturum esse? Ac, ne tantulum debitum persolvere cogeretur, Ecclesiam Anglicanam perpetuò orbaturum esse iis solatiis, *quæ ceteri Ecclesie filij Episcoporum ministerio percipiunt*, quibus eos tamdiu per hæresis violentiã destitutos *non sine viscerum suorum commotione considerasse* declarat? Quid acerbius, quid ingratius in sedem Apostolicam, cuius paterna cura, & *In Breni 4. Feb. 1625.* prolixissima benignitate tot tantique sumptus in Ecclesie Anglicanæ subsidia, in pastorum Anglicanorum educationem effusi sunt, non solùm hoc æuo, sed iam olim ab initio restitutæ in Anglia religionis, quo tempore Seminarium Anglorum in Gallia nostra à Sede Apostolica constitutum fuisse testatur ipse D. Gregorius. Quanta porro, non tam in Episcopum Chalcedonensem, quam in prudentiam quoque Pontificiã proteruia, quòd Episcopus, quem Pontifex summo iudicio ex tot Anglicanæ nationis summis viris delegit, quem Episcopalibus virtutibus ornatum esse testatus est, quem nec opinantem tanto honore affecit, dicitur stipendium non petisse, *ne fortè ea de causa delegatio non tam facile concederetur?* Vbi prudentia Iesuitica? vbi nota illa calliditas, in tanta offensionum, lapsionum, contumeliarum euidentia, multitudine, hebetudine? Hæccine oratio est Apologistæ Pontificij? Hæccine reuerentia sedis Apostolicæ, qua regimen eius apud Anglos defenditur? Quiduis potius admittendum, perferendum fuit, quàm vt ista tam procaciter, non in Episcopum Chalcedonensem, sed in Romanum Pontificem scribendi necessitas adiretur. Quouis incommodo redimenda fuit tanta labe, si Iesuitæ suis commodis, suis studiis, vllam rem, vel ipsum Romanum Pontificem, præponere consueuissent. Quid autem Romanum Pontificem dico? Nec ipsi Deo diuinisque legibus parcere possunt, nisi ipsis vltro faueant, si tantulum aduersentur. Ait enim vltimò Spongia, & hoc sibi pro colophone imponit, *Catholicos Anglos cogi non posse, aliquid stipendij Episcopo Chalcedonensi prestare, quia hoc in Anglia capitale sit.* Ergone humanæ Angliæ leges, diuinis Christi legibus à Iesuitis præferentur?

Gg



Non enim Episcopus Chalcedonensis, non Pontifex, non quisquam alius cogit, sed ipse Deus ordinavit *ipsi qui Evangelium annuntiant de Evangelio vivere*; quia *dignus est operarius mercede sua*. Hac lege Catholicos Angliæ tot ante sæcula obstrinxit Christus; Iesuitæ, hæretici vlli, aut vllæ inferi portæ soluere poterunt? Soluant eos eadem opera necessitate Christianæ religionis; Eliminent Ecclesiæ Christianæ mysteria; Quia & hoc iubent Anglicanæ leges, & quicquid secus sit, capitale habent. Qua enim lege ad religionem Catholicam, eadem ad necessariam ministrorum illius pastorumque sustentationem adiguntur fideles, non solum Angli, sed etiam vniuersi: quia ex ministerio religionis nascitur naturali & diuina lege debitio stipendij, quam ideo nulla humana lex magis abolere potest, quàm ipsam tuendæ religionis obligationem. Hæc enim duo inseparabili vinculo connexa sunt, Pastorum necessitas, & eorum alendorum sustentandorumque obligatio; neque vnquam ab initio Christianæ religionis diuulsa fuerunt. Testis tota antiquitas; Testis in mediis persecutionibus <sup>a</sup> Tertullianus. Testis <sup>b</sup> Augustinus, qui ideo Christianum populum, *stipendiariam multitudinem, & quandam provinciam magni Regis*, vocare non dubitauit. Testis ipse Apostolus, cuius præter tot citata loca, notanda est illa vox, *Communicet enim inquit, is qui catechizatur verbo, ei qui se catechizat, in omnibus bonis*. Ne quis enim fallaciis & suffugiis Iesuiticis hoc debitæ humanitatis officium detrectaret, subiicit diuinæ sanctionis comminationem, *Nolite errare, Deus non irridetur*: Acrius & vehementius hoc inculcans quàm alia solet, quia vafrities technasque varias, quibus in hoc potissimum genere homines vsuri essent, prospiciebat: Quibus ideo irrideri Deum, vtcumque hominum iudiciis satisfiat, sed non impunè irridendum esse, præmonuit. Videant igitur Iesuitæ, non enim aduertisse videntur, quem in locum religionem Christianam redigant, si ideo Pastoribus stipendia legitima præstanda esse negent, quia id humanæ leges vetuerunt. Nihil videlicet laborandum esse fidelibus innuunt de toto prope modum vsu religionis, quia etsi præcipua eius præcepta tulit Deus, humanæ in Angliæ leges ea prohibent, nec seruari patiuntur sine imminenti fortunarum capitique discrimine. Ipsi autem diuinas leges hominum legibus postponendas esse volunt, *hominibus magis obediendum esse docentes quàm Deo*, contra insignem illam publicamque Apostolorum apud infideles persecutores professionem. Quam quæso his authoribus obedientiam à fidelibus Angliæ sperabit Pontifex, qui ne Deo quidem eam exhiberi sinunt, si quid præcipiat, quod leges Angliæ vetent, aut potius quod eorum sentibus commodisque aduersetur? Injiciat maturè frænos audaci mentium indomitatum licentiæ, quæ dum suis vela pandunt affectibus, nec Deum, nec homines reuerentur, & quicquid concitatæ eorum libidini officiat, sine metu, sine pudore per-rumpunt.

<sup>a</sup> Tertull.  
Apol c. 39.  
<sup>b</sup> Aug. hom.  
30. lib. 30.  
hom. &  
serm. 1. de  
com vit.  
cler.  
Galat. 6.

Mat. 5.



## SPONGIA.

## EPILOGVS.

*Hæc opinor satis probant quàm sit indocta ineptaque, quæ, Parisiensis Facultatis nomine, aduersus Apologiam Censura emanauit. Neque ipsi moleste ferre merito possunt, si quantum veritas patiebatur, illius indignitatem calamo absterforio executus sim Spongiamque nonnunquam aqua non simplici, sed aceto mixta, quo penetraret intimius, impleuerim. Vni Catholicorum gentium Theologi, sui nominis vmbra, Regularium fama pro fide Catholica apud Anglos Hibernosque laborantium obterenda causa, maleuolis accommodarunt, & se omnis Censura expertes fore arbitrati sunt? Quæ dixi tamen de Richeristis tantum, vt initio monui, dicta sunt, non de reliquis puræ fidei magistris, quos veneror accolo. Remedium Facultas, si placet vti, habet ad manum, se deceptos à tribus maleuolis, quod res est, fateantur; se propositiones ipsorum fide collectas damnasse; Censuras, quas ipsi pro suo ingenio & voto apposuerant, approbasse. Ita à Facultate in veros Censura authores dedecus transcribetur.*

## RESPONSIO.

*Hæc clausula & Epilogus Spongiæ, quo peior, eo melior; quo ineptior est. Qui superiores eius sermones nostraque responsa legerit, facile agnoscet in vnum hoc loco congestam mendarum ineptiarumque omnium, quas toto opere explosimus, summulam, nec fieri potuisse ab accurato artifice expressius earum specimen, quàm à Spongia oscitante perfectum est. Quàm illud perpetuo eius iudicio conuenit, quod Parisiensium Theologorum Facultatem, adeoque tot amplissimos Episcopos hortatur, Fateantur se à tribus maleuolis deceptos, se propositiones ipsorum fide collectas damnasse Censuras quas ipsi pro suo ingenio & voto apposuerant, approbasse? O bonâ mens! Quàm homines malos auersaris! Quàm eorum consilia deseris! Si enim mali saperent, nullus innocentiae tutus locus esset, aut fidei, aut veritati. Nunc eam itolidam exhibet, & omnibus ridiculam Deus, vt boni sint quietiores, alij eam aspernari incipiant. Nos Iesuitæ prudentius consilium dabimus, vt cum primùm sua vitia in lucem eruta, & omnium oculis proposita viderit, fateatur quod res est, se Spongiam non fecisse, non esse authorem, se inscio & inuito emanasse. Quod enim emota mente fit, non fit ab homine; Ab animali fit, & ab animali rationis experte, infræni, turbido. Mens enim cuiusque, is est quisque. Mentis autem vestigium tam in Spongia nullum est quàm naui in mari, quàm aquilæ tranluolantis in aëre.*

*Quid de illo artificio dicam toties à Iesuita inculcato, toties à nobis abiecto, deriso, diffiato, quo graues & atroces contumeliæ frigidis lenimentis, simulatis laudatiunculis, asperguntur? Quasi conscissa probris Parisiensi Facultate, satis esse posset lano cuiquam Iesuiticæ maledicentiæ purgationem, si modò adiiciatur, ea dicta de Richeristis tantum, non de reliquis puræ fidei magistris, quos Iesuita reueretur & colat. Nonne hæc*

est ipsa illa obtusa petulantia, qua totam Spongiam tumere mirati sumus?

Quod autem facultati hoc solùm vitio datur, quòd vni *Catholicarum gentium Theologi*, sui nominis vmbra Regularium fama pro fide Catholica apud *Anglos Hibernosque laborantium*, obterenda causa maleuolis accommodarunt; ideoque *Censura expertes* esse non potuisse dicuntur; Quid hoc aliud est nisi ille superbiæ typhus, & Molinisticus gloriæ amor, quem Spongiæ medullam & quasi animam dixeris, vnde motus eius omnes sensusque manarunt? Quid hoc aliud est, nisi stultus ille & arrogans Societatis zelus, quo nihil ipsi par, nihil simile, nihil non inferius & abiectius, nihil quod præ gloria eius non negligendum sit, existimant? Quo omnia vertit ac ruere satius esse ducunt, quàm vt quicquam de splendore Societatis, seu iure, seu iniuria, minuat?


Cernitur etiam & apertè comprobatur illa fictio, & Pontificij nominis perpetua elusio, quam toties prodidimus & conquesti sumus, qua Spongia non semel ridiculè gloriata est, vnicum esse scriptorum huiusmodi scopum, sedis Apostolicæ amplitudinem, eius in Anglia regiminis defensionem. Si enim Pontificij honoris ardor Iesuitæ animum præcipuè incendisset, si sedis Apostolicæ maiestas scriptioni eius proposita fuisset in scopum, non abessent epilogi tanti zeli scintillulæ, quibus latens incendium, & natiuos flagrantis animi motus cerneremus. Epilogus quippe sensuum motuumque priorum animi, præcipuè principalium, renouatio & redintegratio est, qua scribentis cogitationes toto opere fusæ colliguntur & confluunt, ad vltimam in legentium animos vno quasi agmine impressionem, Neque præcepta Rhetorum hoc eloquentiæ genus, sed natura ipsa docet, à qua eam & Rhetores didicerunt. Norunt imperiti quique; Nouit rude vulgus; Ipse femine, si quid ardentius agunt, vti solent, nec aliter possunt, natura ipsa in hanc viam impellente. Quanto minus peccent in hanc artem Molinistæ, cultissimi homines, classibus inferioribus innutriti, sæcularium librorum helluones? Quòd igitur à Spongiæ epilogo Pontificis nomen abest, quod Apostolicæ amplitudinis obliuio Iesuitam in extremo cepit, quòd regularium famæ & solius Societatis gloriæ recordatus est, veritatem tandem aperit, fallacias priores resoluit, sicut in fabulis ea, quæ figmentis & scenico artificio diu inuoluta fuerunt, ad extremum clariore catastrophe terminantur. Hæc ergo saltem veritas, hic Iesuitæ candor probandus est, quo præteritæ simulationis conscius, videtur saltem in fine resipiscere, & gloriam Deo dare voluisse. Sola se vindicandæ gloriæ, auertendæ infamiæ, quæ suis hæresibus societatis nomini hæret, cupiditate, sola Censuræ impatientia, qua suam suorumque immensam illam elationem, & scientiarum arrogantiam depressam ferre non potuit, ad Spongiam confugisse, à Spongia rebus afflictis subsidium petiisse, declarat. Quod enim in errores infandos, in præsumptionem incredibilem, in planissimas hæreses, dictum est, id omne in

Iesuiticæ societatis iniuriam, in Molinistici nominis contumeliam accipit, ut Iudæus ille Christum Phariseorum vitia increpantem redarguens, *Magister, inquit, hæc dicens etiam contumeliam nobis facis.* Nempè *Luc. 11.* quod Iesuitæ *pro fide Catholica apud Anglos Hibernosque laborare se dicant,* ferendæ sunt, & æqui bonique consulendæ hæreses, offensiones, scandala, quæ apud Anglos Hibernosque, scriptis patria lingua libellis spargere & inculcare cernuntur. Quò fidem Catholicam apud hæreticos alacrius assèrant, probandum est ut eam apud Catholicos disturbent, & illius dissipatione commodis, potentiæ, gloriæ velificentur. Adeone nihil sapiunt, ut tales nœnias obtrudant, earumque metu cordatos homines, viros graues, mouere conentur? Timeant potius, non Molinistica fiducia, sed Paulina humilitate, *ne forte cum alijs predicauerint, ipsi reprobi efficiantur.* Sentiant se indignos vocari Apostolos, sacerdotes, religiosos, *quia persecuti sunt Ecclesiam Dei, quia blasphemii fuerunt, persecutores, contumeliosi;* non, ut Paulus, *ignorantes, in incredulitate,* sed volentes, scientes, in schola fidei, in media Ecclesia, in ipsa, ut iactitant, fidei militia, & propugnatione, infidi Deo, sui immemores, præuaricatores religionis effecti, *quia dilexerunt gloriam hominum magis quam gloriam Dei, & conscientiam bonam repulerunt.* Hoc igitur odiosiores sunt, & quauis pœna digniores, quòd Ecclesiam, quam se tueri iactitant, perturbant, contentionibus miscent, factionibus in pastorem à sede Apostolica delegatum fœdant, errorum hæresumque quadam caligine obducunt, ut quod in illius tranquillitate se assequi possent diffidunt, in illius conturbatione assequantur. Hæc damnanda, hæc execranda sunt bonis omnibus, sinceritatis, veritatis, fidei Catholicæ amantibus. Demittant animos; agnoscant se; pœnitentiam, non gloriam cogitent; deprimantur si non tanti flagitij dolore, saltem impotentia, imperitia, insulsi-tatis magnitudine, quam in eo perpetrando declararunt. Hoc enim in Spongia mirabile, & propè singulare est, quòd summam gloriam summam inscitiam cumulatam habet, ut gloria & ignorantia inter se certare videantur. Non veremur ne hoc ardentius & augendi causa scribere putemur, si modo quis responsiones Spongiæ, & nostras confutationes attenderit. Plura enim quisque lector sponte sua cogitabit, quàm nos exprimere valeamus. Non temerè quicquam contemptius, ingenio & doctrina, natura & arte inanius fingi posse fatebitur. Quare si maximè Censura Theologicæ Facultatis indocta *ineptique* esset, ut dicitur à Iesuita, ista certè qualiscumque ineptia nulla esset ad Spongiam, cuius propria cæcitas, cuius nativæ tenebræ tantæ sunt undique, ut ignorantiam quacumq; aliam obscurare, & intuentium oculis eripere possent, quemadmodum minora lumina maioribus obscurantur, & aspectum effugiunt. Veruntamen Censura eximia & insignis est, prudentia, iudicio, moderatione, si quis eam propius, & Spongiæ in eam obiectiones, & earum obiectionum elisiones intueatur. Dignissima est antiquo nomine, & antiqua illa, in strenuè vindicanda Ecclesiæ Catholicæ doctrina, laude Sorbonicæ domus, totiusque Parisiensis

Facultatis; quamvis Spongiæ amaræ sordes, & enormis procacitas abundè doceant Iesuitas ea indignos, & longè aliter castigari meruisse. Præbenda equidem Spongiæ fuerat causa idonea, ut suum istud *acetum* effunderet, non tam *aqua mixtum*, quàm meracum, vel dilutum felle, quo illud sine causa tam vbertim commiscuit. Tanta enim vniuersi sermones eius acerbitate redundant, ut difficile in eis aquam, nisi in incredibili rationum debilitate reperias quam tantam dicere licet, quantam nullius aquæ insulsiatatem. Adeo rursus turbulentorum motuum varietate tumescunt, ut feruidum potiùs mare, quàm conclusam in Spongia aquam exhibere videatur. Decuerat longe magis religiosum hominem *vino & oleo*, more nouæ legis, implere Spongiam, quàm *aceto aquâ mixto*, quod solos in Euangelio carnifices adhibuisse legimus, cum Dei filium omni crudelitate mactarunt. *Vinum & oleum*, vim lenitatemque notant, proprias Christianorum dotes; *Aqua & acerum*, infirmitatem & violentiam, quibus nihil à Christianorum officiis remotius, nihil à Regularium, à Iesuitarum altissima illa & incomparabili, ut videri volunt, perfectione, discrepantius, etsi nihil eorum ingeniis moribusque coniunctius. Macte tamen Iesuita *Floyde*; factus es voti cōpos; perfecisti quod optasti, tametsi aliter quam te id optasse credendum est. Penetrauit intimè Spongia, non in mentem, vel in famam Parisiensis Facultatis, quæ à tua fœce & ab vniuersis Molinisticæ amarulætiæ venenis non tam inuicta est, quàm intacta; sed in Ecclesiæ, virorumque grauium animos, & in orbis famam, è qua nullis vnquam tuis tuorumque artibus expungi poterit. Manebit ista macula Iesuitici nominis; hærebit bonorum omnium mentibus tantorum tumultuum, & prodigiosi furialisque libelli memoria, qua velut antidoto consuetas illas Iesuitarum de suo in Ecclesiam supra Catholicos omnes zelo, ingenio, eruditione, prudentia, gloriationes, in posterum refutabunt. Frustra enim post insani operis editionem, quo Ecclesiasticæ doctrinæ, & Apostolicæ sedis maiestas tã variè apertèq; illuditur, & incredibilis in rebus Theologicis ignorantia stuporisque portenta certatim in legentium oculos irruunt, Iesuitica illa gloria cantabitur non credenti amplius, & veritatis conficio, iamque Iesuiticis præstigiis expedito Orbi. Imò quod à diuinæ prouidentia benignitate sperandum est, non aliis solùm ab errore liberandis proderit liber iste, sed ipsis etiam Iesuitis, Iesuitici morbi domesticum catharticum suis remedium erit, & iniquissimarum præsumptionum, quæ in eorum cordibus iampridem inueterauerant, aptissima Spongia existet; ut eis Parisiensis Facultas illud Iosephi ad fratres iam lætans & gratulabunda referat, *Vos cogitastis de me malum, sed Deus vertit illud in bonum.*

FINIS.





# IN APPENDICEM AD CENSURAM ILLVSTRISSIMI

Ac Reuerendissimi Archiepiscopi Parisiensis.

**H**ACTENVS tua vestigia carpsimus, Iesuita, Floyde, & licet apta inepta, fanda infanda blaterantem, perque omnia ignorantiae spatia ridiculis malae mentis lapsibus euagantem, constanti animo secuti sumus, donec ad Spongiae metam tandem aliquando deuentum est. Etsi enim nihil attuleris, quod hoc laboris mereretur, qui Spongiam imperitiae, inertiae, turbulentiae caecitate mirabilem, & ita contemptu, neglectu, conculcatione, non responsione dignam sarcinasti; Tamen Ecclesiae interfuit enucleari minutatim tuam, Sociorumque tuorum enormitatem, quae multis incredibilis esset, nisi palpanda offerretur; ut prostrato tandem fastu, & abdicata orbe iudice illa scientiae prudentiaeque opinione, quae vobis animos ad res novas facit, Ecclesiae toties labefactare pacem, & ingentium malorum terrores assidue spargere desinatis. Hoc consilio, quo nullum Ecclesiae Catholicae hoc tempore utilius, pertulimus non inuiti conserta ad verbum & ~~et~~ responsionis nauseam, nugarumque nugacissimarum, indignissimarum, maiora, quam credi possit, taedia aequo animo deuorauimus. Nunc mutato pugnae genere, perpetua in te oratione ferimur, & cur ita faciamus causas duas exponimus. Vnam, quia certamen inimus non in doctrina defixum, sed in factis personisque ventilandum: Quod ideo liberius esse debet, sed ita liberum, ut tuorum figmentorum blasphemiarumque nihil intactum abeat. Alteram, quia Censuram Illustrissimi & Reuerendissimi Parisiensis Archiepiscopi eadem, qua Illustrissimorum Galliae Antistitum Epistolam Encyclicam, audacia & temeritate aggressus, tanta in venerabilem clarissimumque Praesulem amentiam irruisti, ut maledicta Deo solo digna vindice, nullo igne aut mari satis obruenda, silentio iam nunc opprimere, & obliuione perpetua extinguere maluerim, quam vel confutando memorare. Hanc responsionis meae reuerentiam conuiciationis tuae procacitati à limine statim

Gg iij

oppono, hanc illa expio, hoc tui similibus rabulis Christiani in sacra Ecclesiæ capita pudoris exemplum impingo.

Nam illud ante omnia de tua appendice proloquimur, non responsum sed conuicium, non defensionem sed offensionem, non innocentia tuæ, sed criminis argumentum esse. Non ei propositum fuit Illustrissimi Archiepiscopi Parisiensis Censuram diluere; sed ipsum Illustrissimum teterrimo amarulentia cœno scædare. Vltio & vindicta impotens, non legitima aduersus Episcopale decretum exceptio est, eoque consilio ac sensu ex imâ venenati pectoris fœce prorupit.

Nihil, inquam, præter contumeliam, rabidamque non censuræ sed personæ sacro-sanctæ laniationem tibi propositam fuisse inde liquet, quia rationibus imbellissimus, solis conuicijs inualescis. Istarum ipsarum inanium ventosarumque ratiuncularum, eas potissimum veras in ijsque studiosè hæres, vnde maledictorum aucupium facere, & aliquem tibi blasphemiae aditum rapere posse putasti. Imò nisi solam Antistitis immeritissimi proscissionem anhelasses, nihil necesse fuerat in eius Censuram seorsim agere, quæ nihil ab aliorum Præfulum sententiâ discrepans, nihil diuertum habet, potiusque Censurarum omnium mitissima sensu, moderatissima verbis est, minimèque omnium teneritudinem Iesuiticam vellicat; nec à te quicquam in eam, si conuitia dempseris, affertur, nisi ea ipsa quæ in omnium Antistitum & Theologicæ facultatis Censuras millies inaniter retriuisti. Quæ profecto frustra iteranda non putasses, nisi ex eorum occasione animum audacia felique tumidum soluere, & in Amplissimi Archiepiscopi ludibrium effundere voluisses. Nam illa quæ obiicis de *libris Anglicè scriptis, in Angliâ tantum venalibus*, inimicorum operâ malè versis malè collectis, de reis inauditis, de *Hibernicis propositionibus*, mala testium inimicorum fide delatis, de Regularium odio, deque aliis istiusmodi nugationibus, quoties à te dicta, deplorata, ciulata sunt? Quoties deplorationes istæ explosæ atque oppressæ? ut si eas hic iterum obtundere cœperimus, ineptias penè tecum, rancidasque iam fabulas acturi simus. Tota igitur ratio, totusque appendicis tuæ scopus, in vnica maledicentia protanæque rabie defixus est. Huc tota collimans mente, hoc vnum in votis habens, cætera fictè, fallaciter, dicis causa addidisti, ut in iis destinatas illas conuitationes illigares.

Quam tuam mentem, Iesuita Floyde, multis modis admiramur & horrescimus. Primum, quia ista defensionis, & hæresum tuarum purgationis, & Archiepiscopalis Censuræ infirmandæ ratio scelerata & nefanda, etsi maximè liceret, tamen inutilis & inepta; denique non solum inutilis, sed noxia & tibi aduersa & ad id ipsum, quod tu purgare vis, comprobandum aptissima est, ut deinceps singulatim exponetur.

Nefandum est & impium in Galliæ oculis, in Ecclesiæ luce, fictis oculis obliquisque criminibus ( palam enim loqui non frons aut conscientia, sed suscepti flagitij magnitudo prohibuit ) amplissimum Archiepiscopum insectari, quem primaria Galliæ ciuitas veneratur &

colit, quem sedes Apostolica probavit, quem constituit, quem honoribus titulisque clarissimis Ecclesiæ commendavit, quem denique humanæ omnes diuinæque rationes non tutum solum & incolumem, sed venerabilem efficere debuerant, si quid aduersus Iesuiticas libidines tutum, incolume, sanctum ac venerabile usquam esset. De quo Archiepiscopo hoc verè cum Apostolo dicere possumus, Totum eius Episcopatum non solum *irreprehensibilem* & esse, & fuisse semper, sed etiam multis laudibus ornatum, multo ad Ecclesiam exemplo illustrem. Norunt omnes qui eum norunt, non iniuria conferri in eum posse illam Apostoli vocem, *Quamdiu quidem ego sum Gentium Apostolus ministerium meum honorificabo.* Quippò palam est Episcopalis ab eo muneris dignitatem Episcopalis operibus, & ea quæ Episcopum decet integritate, sanctam, illibatam, splendidamque seruari. Nam Ecclesia Parisiensis cuius quanta pietas, quanta religio sit, nullus liuor obscurare potest, multis eo Pontifice incrementis aucta est, insuetis etià Dei donis ac miraculis in primario ipso & capitali templo effloruit, ac floret in dies. Maximèque mirandum est Metropolitanam Illustrissimi Parisiensis sedem eodem tempore Iesuiticis maculatam probris, quo à Deo miraculis decoratur, ne quis non videat quàm procul à Iesuitarum consiliis diuina iudicia discrepent. Nec propria ipsius Illustrissimi opera tantum Dei honorem refellunt. Constitutæ eius auspiciis plurimæ tota vrbe regularium vtriusque sexus familiæ. Nonnullæ etiam in ipsius tutelam receptæ. Aliæ ad eius ductum confugientes, eum Patrem Rectoremque agnoscunt, feliciusque sub eo duce regimen, quàm sub præpositis Regularibus quæsierunt. Quid de Clero & Sacerdotibus dicam, quorum illustres passim chori, in primisque egregij ac verè Apostolici cœtus sub eius præsidio coaluerunt, alij ad quotidiana Ecclesiarum vrbicularum ministeria, alij ad rusticanarum? Videre est in vrbe Parisiensis Parochiales Ecclesias Clero instructas, qui primariam illam nascentis Ecclesiæ disciplinam quàm proximè referat, Sacerdotibus & Clericis vitam communem, probatissimam, integerrimam prisco more agentibus. Ac rursus Parisiensis Diœceseos Ecclesias rurales, lectissimorum Sacerdotum communem item vitam colentium, & ad hos labores destinatum, gratuitâ opera identidem lustratas & recreatas, egregiam in dies frugem efferre. Quos cœtus & Cleri Parisiensis lumina, tum sua authoritate constituit Illustrissimus Archiepiscopus, tum paterna cura fouet. Eum verò cœtum, qui ruralium Ecclesiarum subsidiarius est, familiæ suæ opibus, Illustrissimi fratris pietate fundatum singulari benignitate amplectitur.

Iam eos in consilio habet, à quibus & hæc tanta manare, & alia maiora sperari proclive est. Collecti sunt ex flore Ecclesiæ Parisiensis Consiliarij, partim è Clero, partim ex Theologiæ Facultate, quorum sententiâ Archiepiscopalis curæ negotia transigi solent. Quod si qua interdum maior moles existat, quæ plurium humeris fulcienda videatur, asciscuntur præterea spectatissimi quique homines tum ex Ecclesiasticis, tum ex Regularibus conuentibus, quos Illustrissimus Antistes pari omni

1. Tim. 3.

Rom. 15.

nes paterno amore coniungit. Nam confessorē vti solet Religiosorum Doctrinæ Christianæ præfecto, virtute zeloque insigni, apud quem & in alijs subinde religiosis domibus plures dies agit, à consuetis curis strepituque semotus. In munijs tamen Episcopalibus assiduus est, in pastoralibus officiis frequens, nec Episcopalia solum Sacramenta, sed item alia ( si tamen ullum est non Episcopale Sacramentum ) publicè promiscuo vulgo ministrantem sæpè videmus. Mitto istiusmodi plura, quorum commemoratione parum eget clarissimus Antistes, præcipuè quod ipsum cū ad pastorale munus euectus est, constet ipsorum Iesuitarum, & in primis P. Seguirani tum temporis Confessoris Regij consensu ac testimonio commendatum & laudatum esse Ministris Regijs, Regi, Pontifici. Vt mirabile sit, tantam esse in Iesuiticis animis libidinem, vt quo tempore eum improbare potuerunt, & pro sui officij ratione debuerunt, si quid secus de eo sentirent, eum conprobatint laudarintque; Quo autem tempore nec de eo iudicare, nec, si quid in eo improbandum extitisset, prædicare fas fuerat, infamium scriptorum vocibus nomen eius allatrare incipiant. Quà nota hanc prauitatem inuras, quæ nec proprii testimonij fide constringi potest, nec diuini Episcopatus sanctitate, nec iudicij Regij honore, nec Pontificiæ ordinationis reuerentia, quam alijs tanta ambitione inculcant, cū eorum utilitatibus vel proficua, vel innoxia est? Neque verò parum comprimere debuit Iesuiticæ commotionis ardorem splendor ille, eximiaque apud Deum & homines laus ac fama Illustrissimæ familiæ, quæ tot Galliæ celeberrimos homines, Duces, Franciæ Mareschallos, Archithalassos, tot Ecclesiæ Parisiensi Antistites, Romanæ Cardinales exiguo tempore dedit, & breui forsitan datura est, quo tu solo metu cohiberi debuisti. E qua familia, præter varia pietatis monumenta, varijs palàm locis conspicua, tota Lutetia ac penè Gallia hodie suspicit ac prædicat primariam fœminam, Illustrissimi Archiepiscopi germanam sororem, antiquis illis viduis Melaniæ, Probx, Iulianæ, Albinæ, sanctorum Patrum laudatione celeberrimis, simillimā, tanta Christianæ pietatis egregiæque munificentie copia diuitem, vt eam in lōga præmaturaque viduitate dicere liceat communem Religiosorum, egenorum, laborantium, destitutorum matrem, bonorumque operum Lutetiæ præpositam, ita iis vitam & facultates impendit, nec eorum maius ferè ullum existere patitur, cuius in societatem non se offerat. Fratrem verò mirata est Christianissimi Regis aula, è summis opibus, honoribus, gratia, ex Generali triremium Gallicarum præfecto, post amissam illustrem coniugem, non sua tantum virtute, sed publica omnium prædicatione sanctissimam, congregationi Presbyterorum Oratorij nuper aggregarum, in eaque domi ac foris præclarum bonæ frugis quasi signum præferentem.

Tantæ familiæ honor, quam boni pijque omnes certatim venerantur ac suspiciunt, tanta laudum virtutumque magnitudine splendidam reflectere debuit Iesuitarum iras, ne malè sano scriptori, Ioanni Floydto socio suo, Iesuitæ Anglo, blasphemias suggererent, quibus illius perpe-



tuum decus, improvvisa & solita temeritate impeteret. Sed Iesuitis nihil societatis gloriâ antiquius, nihil maius, augustius, aut sanctius est. Qui hanc attigerit, quocunque nomine, honore, virtute, fama fulgeat quacunque denique causa, aut ratione fecerit, in æternam accinguntur ultionem humillimi, humanissimi sodales, nec se prius ultos putant, quàm eum quisquis est, conuitiis quibusque maximis percellentes, virtute, fide, fama, bonarum rerum omnium possessione, quasi reum maiestatis expolient. Inimicum clamant, vel potius hostem, nihil in se agnoscentes, quod ab ullo mortalium argui non inimico animo, aut si ne hostili odio improbari possit. Tanta est Iesuiticæ gloria societatis!

Liceat verò Iesuitis, si sic constitutum habent, nec hunc sibi morem eripi patiuntur, liceat, inquam, quosvis homines, quibus ipsi non probantur, nec proinde illi ipsis, omnibus calumniarum odiorumque machinis quatere, ne quisquam ab iis dissentire posse videatur, qui non ab omni quoque virtute & ab ipsa humanitate defecerit, ut mira interdum atque impudenti arrogantia gloriantur; Qua saltem confidentia, qua fide, in Episcopos & Archiepiscopos, Ecclesiæ patres, hoc idem iniquitatis arrogantiaque intendunt? Quis Iesuitas, pietatis, ut aiunt vindices, perfectionis arrogatores, religionis antesignanos, tantum à se desciscere non stupeat, ut Christianæ religionis Duces, Christi pontifices, vinctos Dei, legatos Christi, publico immanis audaciæ impetu proterant? Quis putet ab illa perfectionis venatrice societate tantum flagitij concipi potuisse? Quis tantam eius insipientiam existimet, ut eodem libro, & summam verbis perfectionem, & summam factis nequitiam profiteatur? Nam in religionis Catholicæ Præsulem insillire, non sacrilegium duntaxat, sed parricidij quoddam genus est, aut maius, aut certè non minus parricidio, quo Reges Principesque inuaduntur. Episcopos enim esse quoque Principes, nec minorem Principatum, inò altiore, sanctiore, diuiniorem, quàm Reges habere consentiens penè vox est SS. Patrum. Quare eiusdem est atrocitatis in Episcopum debacchari, cuius in Principem. Vno præcepto utrumque vetitum. *Nolite tangere Christos meos.* Ideoque eorum est in Episcopos furere, quorum in Reges. Vnius utrumque flagitij est, & vnus impietatis. Iam ergo amisit Iesuitica societas, quod ratione tam nefanda infeliciter ambiit. Nullæ artes iam prohibere poterunt, quin sublato quo antehac tegebatur operculo, omnes inclusam in eius visceribus proteruiam, affectuum indomitorum licentiam, Ecclesiæ contemptum, vitiorum longè grauissimorum impuritatem videant, eamque pro perfectissima (quod appetit) imperfectissimam Ecclesiæ societatem, maximèque degenerem existiment. Tantam enim in Ecclesiæ Antistites lasciuiam, quanta Ioannis Floyd ore, cæteris locis plaudentibus, & tantum non triumphantibus, manantem vidimus, nulla Ecclesiæ societas, nullus ordo exhibuerat. In hoc solo Molinistæ præteritos ordines, & ante se natas religionum societates superarunt. Quia verò nemo ad maleficium sine causa accedere solet, isti tantum metas se suscepisse

*Vid. Greg.  
gor. Naz.  
ianz.  
orat. 17.  
Chrysost.  
l. 3 de sa-  
cerd &  
hom 83. in  
Matth.  
&c.  
Psal. 104.*

Spong. pag.  
137.  
Hieron.  
Apol in  
Ruffinum.

Hieron.  
epist. 78.

Chrysost.  
serm. 6. cō-  
tra Ind.

Cypr. epist.  
65.

prædicant, ut inflatam ab Illustrissimo Parisiensi suæ schismaticæ hæreticæque doctrinæ notam eluant, seque iniuria damnatos esse demonstrent. Esse enim Hieronymi dictum, *Non est vox hominis, neque ad hominem, aliquem hæreseos accusari, nec illi liberum derelinqui ut se Catholicum prober, ne accusantem convincere videatur iniuria.* In quo longè mihi errare videntur acutissimi aliàs homines, & perturbationis magnitudine præpediti, quid velint, quove tendant non videre. Ecquod enim telum imbellius aduersus doctrinæ improbæ damnationem, quàm probra & contumeliæ? Aptè ad hunc locum Hieronymus similem Origenistarum in Theophilum Episcopum Alexandrinum eorum damnatorem calūniam exprobrans; *Quid necesse est, inquit, obsidere Proponctidem, mutare loca, diuersas lustrare regiones, & clarissimū Pontificem Christi eiusque discipulos rabido ore discerpere? Si vera loquimini, pristinum erroris ardorem ardore fidei commutare. Quid male dictorum pannos hinc inde consuitis, & eorum carpitis vitam, quorum fidei resistere non valeatis? Num idcirco non estis vos hæretici, si nos quidam assertione vestra crediderint peccatores? Et os impietate scdum non habebitis, si cicatricem potueritis in nostra aure monstrare? Quid iuuat vestram perfidiam, vel prodest pellis Æthiopica, & pardī varietas, si in nostro corpore nauus apparueris? &c.* Hæc aduersum hæreticos dicta sint, qui iniusto contra nos odio sauentes, mentis fatentur atcanum, & venena pectoris irremediabili dolore testantur. Frustra ergo & temerè tuarum vindices hæresum probis vlceris, Iesuita Floyd; nec si eos deterrimos probaueris, tuas sordes eorum sordibus eluisti. Frustra eorum crimina, si qua essent, in doctrinæ tuæ defensionem ederes, ideoque sceleratè & impiè. Si enim quorumuis fidelium delicta pallio charitatis obuelanda, nec sine causa grauiore exponenda, sunt, non solùm ob charitatem in ipsos, sed maximè ob Ecclesiæ honorem; egregièque monet Chrysostomus, *Etiamsi multi lapsi sint, tu dilecte ne euulges ignominiaque exponas Ecclesiæ calamitatem, sed potius medere si potes. Si quis dicat multos lapsos esse; obtura illi os, ne fama dimanet, ac dicito: Ego quidem nullum scio; deceptus es, homo, & falleris. Si vnum atque alterum peruersum fortè vidisti, multos esse narras. Ac delatori quidem impone silentium, tu verò ijs qui deiectioni sunt, consule.* Quanto charior esse debet Episcoporum, Ecclesiæ sponсорum & patrum honor, omnibus Ecclesiæ filiis, omnique studio, quauis illi minus digni essent, propter Ecclesiæ honorem protegendus? Quanto minus in eorum famam inutili procacitate grassandum est quocumque nomine, quacumque specie iniquitatis, quocumque innocentia obtentu, ut priuati eorum dedecoris præiudicio, proscriptæ ab iis hæreses subleuentur? Maior hæc in eos iniuria est, an in veritatem, quæ nulla hominum labe vera, nedum ficta obsolescit.

Sinesciant Molinistæ, quonam modo Episcoporum iniquitas, si qua subsit, expostulari debeat, Cyprianum audiant Christi exemplo docentem. Dominus noster, inquit, *Iesus Christus Rex, & Index & Deus noster vsque ad Passionis diem seruauit honorem Pontificibus & Sacerdotibus, quamuis illi nec timorem Dei, nec agnitionem Christi seruassent. Item subiectu Passionis cum alapam accepisset, & ei diceretur, sic respondes Pontifici? Nihil ille contumeliosè locutus est in personam Pontificis, sed magis innocentiam suam tuitus est dicens,*  
Si

*Si male locutus sum, exprobra de malo. Si autem bene, quid me cadis? Quia omnia ideo ab eo facta sunt humiliter atque patienter, ut nos humilitatis atque patientiae haberemus exemplum. Docuit enim sacerdotes veros legitime & plene honorari, dum circa falsos sacerdotes ipse talis extitit. Hanc doctrinam, hoc exemplum nescire non debuerant perfectionis aucupes, ne Pharisaicam potius perfectionem quam Christianam profiteri viderentur. Reuerenter & humiliter expositum oportuit, si quid esset quo Illustrissimum Parisiensem aut male circumuentum, aut potestatis suae fines praetergressum ostenderent. Sic veteres Catholici Ariminensis Concilij Episcopos ab Arianis <sup>a</sup> deceptos, & alios Concilij Palæstini <sup>b</sup> à Pelagianis, quorum illi Catholicam fidem inscientes prodiderant, hi Pelagianam inscientes absoluerant; Et Africani Concilij Episcopos <sup>c</sup> cum Cypriano errantes, erroremque suum non sine aliqua acerbitate tutantes; alios item plurimos in simili causa, sine contumelia reprehenderunt. Episcopale verò, & illustre, & solenne iudicium priuato conatu dedita opera confidenter inuadere; imò conuitiis in personas Episcopales congestis inquinare nefarium & impudens fuit, quia nulla bonorum consuetudine, nullo omnium Ecclesiae saeculorum exemplo nouissime à Iesuitis susceptum est.*

Neque mihi Hieronymi illud obtendant, cuius hæreseos accusato liberum derelinqui ut se Catholicum prober, & accusantem coarguat iniuriæ. Nec enim Hieronymi dictum intelligunt, nec seipsum suo pede metiuntur. Hieronymus in Ruffinum agit, priuatus in priuatum, par in parem. Licet autem cuius priuato priuatum alterum, qui doctrinam eius criminetur, refellere, & coarguere, si possit, hæreticamque à se labem omni ratione repellere. At cum Episcopis pari iure litigare, æquare se principibus Ecclesiae, eorum censuras, quibus doctrina praua damnatur, non ut decreta iudicium, sed ut accusantium voculas habere, in quas ut in æqualium criminationes insurgere liceat, quo iure fas esse docebunt Molinistæ, quo Hieronymi, aut ullius veterum loco probabunt? Non est hæc Catholici hominis vox, nec ad Episcopum Catholicum. Non est Hieronymi, sed Iesuitæ sententia. Iesuitæ enim Episcopos, & Episcoporum iudicia pro nihilo ducunt. Hieronymus magnificat, coluit, veneratus est. Ut enim se à Ruffino hæreseos accusari non est passus, ita Episcopi dānantis hæresin iudicium non suscepit tantum & tutatus est, sed & ab aliis suscipi, & magnificari, & audiri debere docuit. Damnatis enim à Theophilo Alexandrino Origenis hæresibus, decretū illius ad se mitti rogat, ut eo fortiùs aduersarios expugnet. Obsecrote, inquit ipsi Theophilo, ut si qua synodica habes, ad me dirigas, quo possim tanti Pontificis auctoritate firmatus liberius & confidentius pro Christo ora referare. Ac ne priuatā hanc fuisse putes Hieronymi mentem. Totus, inquit, mundus exultat, & in tuis victoriis gloriatur; erectumque Alexandria vexillum crucis, & aduersus hæresin trophæa fulgentia, gaudens populorum turba prospectat. Item, Vox beatitudinis tua in toto Orbe pertonuit, & cunctis Christi Ecclesijs latantibus, diaboli venena siluere. Et infra, Vincentius Presbyter de vrbe venit, crebroque sermone concelebrat, Romam & totam Italiam tuis, post Christum, epistolis liberatam.

Hh

<sup>a</sup> Vid. Hieron. dial. in Luc. f. Gregor. Naz. orat. 21.  
<sup>b</sup> Aug. de gest. Pelag.  
<sup>c</sup> Aug. l. 2. de Bapt. cont. Don.

Hieron.  
Epist. 71.

Idem epist. 70.

Idem epist. 71.

*Apud Hieron. epist. 73.* Similiter ea de re Epiphanius, *Origenis venenatas radices, & in altum defixam impietatem omnipotens Deus protraxit in medium, ut in Alexandria prodita in toto orbe arefcerent. Scito enim, fili charissime, Amalech usque ad stirpem esse deletum.* Vides quantum tribuerit antiquæ Ecclesiæ consensus Episcoporum etiam particularium, Episcopalisque publicisque iudiciis? Vides quàm disertè nouissimam Iesuiticæ societatis proteruiam præfocarit? Sentis iam denique, Iesuita Floyde, quàm longè ab Hieronymi iudicio abieris, quàm turpiter eius in Rufinum verbo sis abusus? Vtere illo in pares tuos, in priuatos Theologos, in disputatores, in accusatores, non in iudices, non in Episcopos, non in Archiepiscopos, quorum sententiis quantum obseruantia debeas, ex plurimis, si legis, Hieronymi locis, edoceri potuisses, si communia, perspicua, testatissima Ecclesiæ Catholicæ principia tibi minùs sufficiant. Cùm tuam Iesuiticamq; doctrinam accusabunt priuati homines, tu defendes, spongiisque, quantum voles, dimicabis: Cùm eam iudicabunt Episcopi, quos in Ecclesia Doctores iudicesq; constituit Deus; audies, obseruabis, reuerberis; nec nisi altioris iudicii subsidio liberatus, in eorum censuras & decreta, quibus à Christo dictum est, *Qui vos spernit me spernit*, inuolabis.

*Luc. 10.*

Denique quoquo modo distorqueas Hieronymi dictum, non tibi author est iuggillandi Episcopos, & amarissimis, omnique supplicio expiandis sermonibus, amplissimum primariæ in Ecclesia Gallicana ciuitatis Episcopum lacerandi. Hæc ars, Iesuita Floyde, hæc ratio defensionis non à Hieronymo, non à Catholicis, sed à solis hæreticis tradita est, omnique sæculo obseruata: magnoque argumento est doctrinam, quæ se iisdem eorum armis tueatur, motusque eisdem & effectus exhibeat, eiusdem cum iis indolis, & eiusdem esse naturæ. Nemo nescit hanc usque ab initio hæreticorum omnium, hæresumque propugnatorum fuisse consuetudinē, ut ab Ecclesiæ Pontificibus perstricti, procaciùs in eos, quasi pede pressi angues, & quasi scorpij *arcuato impetu surgentes*, ut Tertulliani verbis utar, offerrentur. Missa facio exempla in totos Episcoporum cætus ab iis edita, quorum suprà retulimus quædam, & tot referre possumus, quot hæreses extiterunt. Propiora sunt huic loco ea, quæ singulis Episcopis inflicta legimus, ut nunc à Floydo Illustriss. Parisiensi. Sic Asiani olim allatarunt Stephanum Romanum Episcopum, quòd eorū de Paschate errorem damnasset, ut legitur in epistola Firmiliani Episcopi Cappadociæ, apud Cyprianum. Et si Romani Episcopi exemplum à particulari Episcopo remotius est; Sic Rufinus Aquileiensis Monachus S. Epiphanium, qui hæreses eius reprobarat, lacerauit. Sic illi Nitriæ Monachi, de quibus suprà, patroni Origenis, Theophilum Alexandrinum Episcopum, quod doctrinam Origenis publico decreto iugulasset, conuitiis laniant, & vnà cum eo Hieronymum eiusdem doctrinæ hostē, non solum apud quosdam nimium credulos Episcopos, sed etiam apud Imperatorem, ubi eum magnis infandisque criminibus conspurcarunt. Sic denique Ariani in Athanasium, Nouatiani in Cyprianum, Donatistæ in Augustinum, omnes denique hæretici in suos damnatores exarserunt, nulla re magis erroris diffidentiam, & imbecillitatem prodentes,

*Apud Cyprian. epist. 75.*

*Hieronym. Apol. 3. in Rufin.*

*Vid. supra initio.*



quàm quod omiſſa cauſa, in homines impetum verterent, *porcorumque* *Matth. 7.* illorum inſtar, de quibus Euangelium, poſt *conculcatam* *pedibus* veritatem, eius etiam propugnatores *dirumperent*.

His errore parem eſſe, Ieſuita Floyde, tibi parum fuit, niſi eos etiam, moribus, affectibus, canino ſermone exprimeres. Adeo te tibi natiuæ propenſionis, & ingentis ſuperbiæ violentia abſtulit, vt non aduerteris hac ratione non minui, ſed augeri hæreſum tuarum dedecus, & Illuſtriſſimi Pariſienſis iudicium, quod infirmare niteris, comprobare. Facilius quippe ex rabioſula tua ſacundia credetur te non tantum hæreticas doctrinas tueri, vt iudicatum eſt, ſed etiam cauteriatam conſcientiam, & hæreſum, quas mēte foues, quodam ſpiramine uſtulatam habere, quàm vt à pura doctrina tanta orationis virulentia manare poſſe credatur. Si qua tibi in animum tuum poteſtas, ſi qua luminis rationiſque particula ſupererat, laſciuiam petulantiamq; ſtyli conſtringere debueras, etiamſi vera crimina, veram declamandi ſcuiendique facultatem naſtus eſſes. Refugere oportuit & exhorreſcere perpetuam hæreticorum conſuetudinem, quam ab Eccleſia ſemper eieſtam, ſemper execrationi habitam, vos ipſi cum in eos velitamini, tam acriter increpare conſueſtis; ne forte doctrinam & cauſam, cui omnes hæreticas proprietates ineſſe tua ipſa deſenſio oſtenderet, tueri videremini.

Sed difficilis poſtulatſo eſt, à ſuperbia humilitatem, ab impetu moderationem, à furore iudicium exigere. Teneri non poteſt ſuperbus animus, quin vbi ſe ſtriſtum putat, feratur & ruat ultionis cupidine in præſentiffimum malum, & in ipſa ſui detrimenta certiffima, vt ſaucius aper vel in oppoſitas venabulorum acies peſtus infigere non dubitat, vt hoſtem, cuius manu iſtus eſt, aſſequatur. Ita nempè Ieſuita Floydus cenſuræ Illuſtriſſimi Archiepiſcopi Pariſienſis non ferens notam, totus ultionem ſpirans, totus in maledicentiam verſus eſt, parumque ſentiens quantam deſenſioni ſuæ ſecurim iſto pacto infligeret, toto animo eò incubuit, vt ſpectatiſſima tanti Antiſtitis fama & integritas in Eccleſiæ vniuerſæ oculis protereretur. Ac vide maledici oris ieiunitatem, & in ipſa argumenti inopia, magnitudinem rabioſæ acerbſtatis !

Qua enim de cauſa, oro te, Ieſuita Floyde, *Hibernicas* propoſitiones toties in hac Appendice commemoras? Quid ad eas Archiepiſcopi Pariſienſis cenſuram vellicans, toties reuolueris, qui cenſurâ Theologicæ Facultatis, à qua ſingulatim confoſſæ ſunt, ante adortus, earum non niſi obiter meminſti, & *inſulſiſſimas* eſſe conſeſſus es? Quid ad te propoſitiones *Hibernicæ*, qui hac Appendice *maculam* *Danielis* libro *Cenſura* Illuſtriſſimi Archiepiſcopi Pariſienſis *illatam*, *abſtergendam* ſuſcepſiſti? Cauſam videlicet aucuparis, qua malè genio indulgeas, & Illuſtriſſimum Archiepiſcopum ſolis *rumoribus*, & velut incerta fama in *propoſitiones* *Hibernicas* *impetum* *feciffe* conqueſtus, licentiam tibi facias fictitios in eum rumores damnabili ſolertia comminiſcendi. Quid ais odioſiſſimè nugator? Irreligioſiſſimè Ieſuita? Tūne propoſitiones ab Hibernis Preſbyteris fide dignis delatas, plurium venerabilium Sacerdotum, Eccleſiaſtiſcis dignitatibus prædſitorum, Vicariorum in Hibernia Generalium,

suorum Episcoporum litteris commendatorum, iurato testimonio comprobatas, & in medio Theologicæ Facultatis confessu accuratissimè exploratas, pro susurris inanibus habere audes? Tunc huiusmodi testimonia *nihil præter auditum rumoremque* vocabis, quibus si paria edere in eorum, quæ de Gallia passim scripseras, confirmationem cogerere, prius omnibus calūniarum stigmatibus compunctus esses, quàm cuiusquã te hominis fides iustæ pœnæ eriperet. O te igitur euerlæ conscientiæ blateronem, qui res exploratissimas in rumores vanos, impia commenta tua, quorum ne rumor quidẽ ullus est, in veras narrationes cõmutas! Qui ea de propositionibus Hibernicis improbas, quæ nemo sanus negare velit; Ea de Illustrissimo Parisiensi prædicas, quæ nemo pius audire possit! Frustra sacrilega venena meditaris, frustra Iesuiticas cõsumis artes, ut hominũ mentibus, & Ecclesiæ consensui eripias odorẽ Christi bonum, quem totus vndiq; Illustrissimi Archiepiscopi Parisiensis Episcopatus effudit ac fundit in dies, publica Ecclesiæ suæ & vrbis Parisiensis gratulatione ac laude. Frustra in probatissimũ Pontifici Antistitẽ, heresumq; etiam tuarũ damnatorem, ea verba transfers, quæ olim à Hieronymo in Ioannẽ Hierosolymitanum multis heresibus laborantẽ, Origenistam, à S. Epiphanio notatũ, coniecta fuerunt. Tantane ingenij tui dexteritas, & Iesuitica industria est, ut quadrata rotundis mutes, malè lecta malè digeras, malè nauseantium stomachorum more in obuium quemq; profundas? desine malè differendo maledicere, bis sine causa peccare, intellectus simul & voluntatis tuæ vitia pandere. Si parem tibi gratiam referre liberet, si contumeliis tecum certare vellemus, si in infamibus satyris spem collocaremus nostram, ut tu tuam collocasti; possemus in hoc etiam genere non esse te inferiores. Possemus inquam, nõ confictos rumusculos, nullo authore acceptos, à petulantia natos, sed certas exploratasq; veritates, quibus tua, tuorũq; omnium frons, quantumvis perfrieta, erubescere cogeretur, illidere. Quia tamen maledici & rabidi pœnã magis quàm ratione sanantur, faciliusque ab alienæ famæ obtreccatione desistunt, si suam vicissim reperiuti posse doceantur, quàm si omnia eis diuina humanaque iura congeras, non erit charitati alienum te leuiter, & sine scandalo admonere, fas esse nobis etiam illis uti Hieronymi verbis, *O si & mihi liberet dicere, quæ multi clamitant, & aliorum maledictis acquiescere: Iam & nos intelligeres scire, quæ omnes sciũt, & me quoque audire, quæ nullus ignorat. Scis & ipse quid taceam, quid loquar, quid & ego audierim, quid pro Christi metu fortasse non credã.* Et ut magis intelligas, recole sodes ipse tecum quid de te, de tua natura, de factis tuis, de gregalium tuorum in Anglia deliciis, mollitie, luxu (ne quid planiũs dixerim) commemorare possimus; Quenã ea de re ipsi nos, non murmure nescio quo tenui, sed maxima lugentium Catholicorum asseueratione accepimus. Qualia verò quantaq; etiam vidimus in Gallia nostra? Prætereo nota illa, toties decantata, atrociora, incredibilia, quibus tamen fama communis, summorum virorum iudicia, argumenta non minima fidẽ multis locis conciliant: Ut igitur maiora illa missa faciam, quære cùm commodum erit ex sodalibus tuis, si tuorum rumores quæris, non solum

quid olim de vestrorum in Gallia disertissimo, & dum in viuis ageret, nominatissimo sit sparsum, sed maximè quid nuper primario cuidam ex vestris Lutetiæ concionatoribus euenerit; quid item postea non vni socio in domo Rhotomagensi; ne alia aliunde arcana, quæ non semper comprimere, magno licet artificio, potestis, aperiam. Spero equidem, nisi tibi æquè fallaciter domesticas ac alienas res Gallicanas enuntiauerint, non gesties in polterum, cum hæc plenè didiceris, rumoribus fictisque fabulis ludere in rebus grauissimis, in Theologicis tractatibus, cum impio Episcoporum contemptu. Quærere item poteris ex Hispaniæ sociis, quænam sint illa *occulta dedecoris*, quæ P. Mariana in libello de regimine societatis se *reuelaturum* non esse præfatur: *Non statui, inquit, in hoc scripto reuelare occulta dedecoris: Nemo enim non videt delicta matris meæ ruborem mihi, vel inuito, incussura.* Quænam item illa vitia, quibus auditis decretum fuisse ait Apostolica regiaque autoritate extraneum societati Visitatorem, delatamque Madritum ea de re Bullam. Quænam denique illæ *fraudes*, & *iniuriæ*, illaque *malitia hominum*, cuius *experientia* scribit Soarius adductum Gregorium XIII. vt simplici vestrorum castitatis voto, vim dirimendi etiam subsequens matrimonium adderet, qua initio carebat. Non quæro alia, nec curiosius vestra rimari statui. Hæc tantum quæ sua sponte venerunt in mentem, cum rumores insanos legerem, quos simulare scribereque ausus es, vt clarissimo Antistiti, vel sua dignitate venerabili, nequitia tuæ nebulas offunderes, leuiter commemoranda putavi, vt veritatum saltem tuarum intuitu ab alienis mendaciis reuocarere.

Marian. cap. 1.

Idem c. 4.

Suarez s. 4. de relig. l. 4. de vot. simp. societ. cap. 1. num. 9. Gregor. XIII. in Bulla, Ascendente Domino.

Illam quoque expostulationem, toties suprâ retusam; fallaciter iterum malignèque inducis, damnatos esse *libros externos*, *Anglicè scriptos*, in *Anglia tantum venales*; Cum tamen *quotidie libri lingua Gallica excudantur dogmatibus verè impijs & perniciosissimis instructi*, in quos *Archiepiscopalis censura non fulminat*; Non enim hæc ais quasi vera, vel aptè prolata putes, præcipuè post tam tædiosam inculcationem; sed vt viam tibi ad abominandam calumniam faceres, quam à religioso non solum in Episcopum coniectam esse, sed omninò in vllum proferri potuisse horruerunt omnes qui legerunt, magnumque impuri animi argumentum, & dissolutæ, quæ hoc passa est, societatis putarunt. Nos Illustrissimi Parisiensis illibatum, & ab omni labe purissimum Episcopatum superius ostendimus, & si impudentiæ istius verè diabolicæ, & in Ecclesia Dei intolerandæ furorem pro merito flagellare velimus, nihil est quod sine cuiusquam reprehensione, in scribarum istorum genus infame iaculari nequeamus. Scias tamen, Iesuita Floyde, huius quoque expostulationis, non solum scopum, id est, maledictum quod ex ea venatus es, sed etiam ipsum artificium, ipsamque totam expostulationis confectio-nem, in caula præcipuè Illustrissimi Parisiensis, esse fatuam & quoquo-uerfus mendacem. In ipsa enim Parisiensi provincia, in ipsa etiâ Parisiensi ciuitate grassata est tua pestis, & vtinâ nō adhuc grassetur, ne tu externos rumores simules, & *libros in Anglia tantum venales*, & inanes metus *ne regularium in Hibernia Angliaque blasphemantium sonora voces Parisijs exaudiantur.*

Hh iij

Prop. Hi-  
bern. 11.

Non enim blasphemantium in Anglia Hiberniaque solæ voces, sed ipsi cum iis blasphematores Parisios penetrarunt, Parisiis in sinu ac visceribus Galliarum, & voces & capita attollere, & liberiùs exultare ausi sunt. Tentata ab iis ipsa Theologica Facultas, Theologi, inquam, eius Doctores illecti, ut sua in istam errorum heresumque congeriem suffragia conferrent. Ipsi illi Iesuite Angli, ut socios alios sileam, & Benedictini quidam Angliæ Monachi Lutetiæ volitant, flagitia ista, nativa quadam ferocia & impotentia, inter suos ostentantes. Nec obscure ferunt illam in primis propositionem Hibernicam, *Privilegia regularium non potest Papa revocare*, quam etiam fidentiùs aliis asserere iustinet, quippe in qua auctoritatem, opes, decus status sui verti putant. Talia, mihi crede, in Gallia non nascuntur; nec unquã liber ullus ab homine Catholico maximèq; religioso, in ea prodiit, non dicam tuo similis, (tales enim nemo edit, tot erroribus blasphemisq; refertos) sed leuiore vlla dogmatica labe respersus, quem non continuò merita censura notarit. Cuiusmodi exempla non pauca, & quidem recentissima ederemus in rebus multo minoris momenti, quàm sint plerèq; tuæ hallucinationes, si quisquam præter te ambigeret. Vos vos, inquam, soli Anglicam luem istam in Galliam intulistis, qui Gallicam in Anglia luem si vera fama est, interdum quæritis, & qua in Anglia impunitate fruimini, eam in Gallia vobis eripi frenditis; Et qua in Anglia licentia Deum, superioresque regulares aspernamini, eadem in Gallia Ecclesiasticos Antistites, audaciæ vestræ vindices nec ferre, nec non impetere, nec non mordere potestis.

Nam illa querimonia omnium ineptissima, & stolidissimè quæsitæ est, quòd ais, totaque penè appendice querularis, Illustrissimum Parisiensem malevolentia adductum, censuram in tuas tuorumque hereses emisisse. Quæ tua utique clamitatio est, toties confutata & oppressa, ut sine tædio videatur iterum refelli non posse. Quis enim te id obiicere non videt, quod in te æquius & validius reiciatur, quodque ideo nunquam obiecisses, si quid iudicij habuisses? Tua enim crimina, tuæ reprehensiones, tua in Illustrissimum Parisiensem figmenta exhibitari despuique debent, quia per se patet monstra esse à dolore damnationis, & à censoris odio enata. Tu protervæ tuæ vindicem amare non potes; gravem causam habes cur oderis; ignominiam libro tuo irrogatam, in temet ex eo redundantem, animosus homo indignaris. Ideoque quicquid in Illustrissimum affers, ablegandum, & nec auditione dignandum est, quia nemo reus de iudice æqua loqui solet, nemo in damnatorem suum idoneus iudex aut testis est, ut ex omnium gentium consuetudine, naturaque ipsa perspicitur. Quare hæc odij & malevolentiae ratio in te potissimum relabitur, etiam sine vlla nostra argumentatione; In Illustrissimum verò Parisiensem sine perspicua demonstratione nulla est, præcipuè à te reo damnatoque prolata. Vide ergo quot hiatus & labeas habeat Appendix tua, quamque facili negotio, unà cum reliqua spongiæ inanitate, exsufflari potuit. Omitto quod tot heresum non solum dānatus, sed vel reus modò, vel suspectus, nec in Illustrissimum Parisiensem, nec in vllum præsulem, nec in vllum



Clericum os ad criminandum exercere potuisti. Audi enim Romani Pontificis decretum, è perpetua Ecclesiastica disciplina exprellum: *Placuit ut semper primò in accusatione Clericorum, fides & vita blasphemantium perscrutetur. Nam fides omnes actus hominis debet precedere: quia dubius in fide infidelis est: Nec eis omninò esse credendum, qui veritatis fidem ignorant, aut non recte conversationis vitam ducunt: Quoniam tales facile & indifferenter lacerant & criminantur rectè & pie viuentes, & credentes. Ideo suspicio eorum discutienda primò, & corrigenda.* Idem infrà de Episcopis nominatim constituit: *Quid ergo Illustrissimi Parisiensis censuram in suspensionem vocas, qui tot exceptionibus præiudiciisque grauissimis confossum criminationem adducis? Quid scripto famoso lasurum te eum sperasti, qui ne in legitimo quidem iudicio, fidem aduersus eum, licet vera diceret, mereris? Hæccine Iesuitam non videre, prudentissimi, ut aiunt, corporis membrum, tantaque animi perturbatione ruere, ut ei nihil profit tota illa sagacitas prouidissimæ societatis?*

Hadrian.  
I Pap ad-  
uersus fal-  
sos accusa-  
tores can. 4.

Quid quod illa ipsa odij & malevolentix exceptio in Illustrissimum Parisiensem, non solum vilissima & triualis, sed etiam temeraria & vanissima est? Quo enim Illustrissimi factò, quo argumento, quo specimen probatur istud odium tam vehemens, tamque immane? Quae euidencia demonstras Iesuita Floydæ, tantam in te ac tuos Illustrissimi Archiepiscopi Parisiensis acerbicatem, ut omnem veritatis, innocentie Archiepiscopalis æquitatis ordinem publicè ac palam tam grauitè euerterit? En criminationis tantæ miserandam, criminofam, impudentem probationem. Ais enim, *Illustrissimum dominum, quorundam regularium munus religiosos mores corripere cupientem in Monasterio exempto iurisdictionem exercere voluisse, nec pro tanti præsulis dignitate fuisse tractatum. Hinc culpam paucorum reliquis inuidia esse.* Itane verò si qui fortè regulares modestiæ in Illustrissimum Parisiensem obliti essent, rectè colligi putas, Theologe lectoralis, eum propterea vniuersam regularium nationem tam malè odisse? Hæccine seria tua cogitatio est? Hoc tu tantæ accusationis argumentum vnicum sobrius apud sobrios sine sibilo audiri posse sperasti? Hinc clarum profectò & perspicuum est, quod toties prædiximus, non te rationum fiducia censuram Illustrissimi Parisiensis adortum esse sed sola maledicendi voluntate rationes quamlibet futiles collegisse, quibus ea quæ sola spectabas, conuitia quoquo modo innecteres. Nos Illustrissimi Parisiensis beneuolum paternumque in regulares animum satis suprà ostendimus, nec eorum quilibet aliter agnoscit. Omnes eius in se humanitatem venerantur, benignitatem multi sentiunt. Tu solus, & tui fortè aliqui cæterorum omnium consensio refragimini, & hoc vnum in eo iniquitatis erga vos indicium habetis, quod hæreses vestras pestilentissimas, diocesi tua prouinciaque proscripserit. Quod enim ais de *regularium quorundam minus religiosi moribus*, quos Illustrissimus Parisiensis in Monasterio exempto corripere voluerit, hoc quid sit, Iesuita Floydæ, nemo Gallorum diuinare adhuc potuit. Mali te monitores ridiculum faciunt, & spongiæ Appendicem eadem, qua reliquum corpus, stoliditate complendum putarunt. Hanc

Hh iij

quippe fictitij tui odij causam nos sine risu, & sine frigidissimæ tuæ malignitatis odio, legere non possumus. Nulla Archiepiscopo Parisiensi res fuit cum vlllo regularium minùs religiosorum Monasterio exempto. Nullius ille, quod constet, religiosi ordinis priuilegia minuit, aut iurisdictionem inuasit. Sicut suam fortiter tueri nouit, sic minimè appetit alienam. Cedo ergo quid tibi velis, si te ipse intelligas, si in hac Spongiæ appendicula non magna quoq; Spongia es. Equidem si ex rerum Lutetiæ gestarum recordatione conijcere liceat, quid tibi vel fallaciter suggestum, vel à te fallaciter relatum sit, id quod ais pertinet ad motum quendam ante paucos annos in maiore Augustinensium familia coorto, quòd ei duriores quàm quidam vellent reformationis leges, pontificia regiaque authoritate imponerentur. Cuius negotij expertus fuit Illustrissimus Archiepiscopus, nec in eo, nisi consensu & communi piorum voto, interfuit. Cuinam autem & quantæ amplitudinis Præsuli ea prouincia mandata fuerit, lat Lutetiæ notum est, vt & quid postea sit consecutum.

Quod si de alia quadam Archiepiscopi, cum nobili Monalium vrbi vicinarum cœnobio controuersia ageres, & multa peccares in verbis, quibus vteris, & refelleres te ipsum, & Archiepiscopi multiplicem laudem artingeres. Nam nec in eo cœnobio sunt *minùs religiosi mores*, sed religiosi admodum, & ad regulare institutum compositi; Nec quicquam in eo negotio suscepit Illustrissimus Archiepiscopus, nisi de communi omnium tum Ecclesiasticorum, tum regularium sententia, quos ea de re frequentissimos coëgit. Ita in hoc & ipse summam regularibus beneuolentiam professus est, quos in consilium adhibere non dubitauit; Et vicissim regulares summam ei voluntatum consensionem præbuerunt, qui eius sententiæ vniuersi assensi sint. Quare vide posthac quid aut tu ipse fingas, aut alijs fingentibus malè ridiculèque peruulges. Consule fideliores *augures* quàm *Romanos* istos, quorum olidas fabellas & *vlcera*, & *volatus auium* oggeris, homo fabellis in puerili ludo cantilandis, quàm reuoluendis Theologiæ decretis, disquirendæ Episcoporum famæ, recensendis Episcoporum censuris aptior, artèque & ingenio paratior. Sicut enim inertes figuli ex vno luto fingunt omnia, sic tu vno isto Romanorum augurum acroamate, quod in hac Appendice versare & reuersare non cessas, Illustrissimi Parisiensis censuram expungendam, famam blasphemandam, facta reprobanda, tuamque & societatis gloriam, per te temerè abiectam, instaurandam suscepisti, homo non in peccando solùm, sed in peccata purgando, hominum ineptissimè. Scilicet apophthegmatum tuorum copiam in Spongia exhaustas, nec supererat quid diceres, nisi hoc idem sursum deorsum voluendo iterares, homo non ineptissimè solùm; sed etiam ineptiarum egentissimè. Pudeat doctissimam, vt haberi cupit, societatem, scriptori tam plumbeo, tam ridiculo grauissimarum Theologiæ rerum, Episcopaliū censurarum, vitarum, factorum disputationem, suæ denique, quam adeo depereunt, gloriæ causam perdendam prodendamque permississe.

Nec verò satis est isti athletæ Illustrissimo Archiepiscopo odium regularium exprobrare. Longius eum susceptus animo impetus abripit, & in omnes simul Ecclesiæ vniuersæ Archiepiscopos & Episcopos cuncta eadem criminatione immittit; Quorum in regulares malignitatis testes edit Bullas duas Romanorum Pontificum Pij V. & Alexandri 3. quarum prior ait, *Plerosque ex Archiepiscopis & Episcopis, qui ordines Mendicantium præcipuè tamquam fructiferos in agros Domini palmites & colere, & adiuvare deberent, non solum id exequi negligere, verum etiam Concilij Tridentini decreta in prauum sensum retortis, eorum quemlibet varijs afficere incommodis & perturbationibus, &c.* Posterior, *Eos qui de patrimonio Christi impinguati luxuriant damnabiliter in eodem, Christum patenter in famulis persequi, ac si factus esset impotens Dominus ultionum, &c.* Quas ego ad Bullas, vel tuam conscientiam, vel, si hæc nulla est, ipsum illum Dominum ultionum obtestor, quem tu *impotentem factum* esse sine dubio arbitraris, dum Bullas huc edis captiosas, fallaces, & soli tuo mentiendi & maledicendi proposito idoneas. Nam ut à posteriore incipiam, ea nusquam extat in Bullarijs Magnis sæpius editis Romæ, nec in postremo anni 1617. ex Typographia Camera Apostolicæ, nec in priore anni 1586. ex eadem Typographia. Fictam ergo à te oportet vel à fictore sumptam, ignotam, nullius fidei, perfidiosè prolatam. Nisi magnopere fallor, à Fontano illo tuo, à Patre Bineto mutuatus es, qui eam in illo opere Spongiæ tuæ germanissimo, à fonte aliquo haud puriore quàm tuo exscripsit. Quod si Bullæ istius qualiscumque verba virgere velis, ea nec Episcopos, nec regulares nominant, & dum generatim sonare videntur, te tuosque feriunt æquè grauitèr quàm vltos aut Episcopos, aut Ecclesiasticos aut regularem qui Christi patrimonio alantur. Quis enim ordo vestro pinguior, abundantior, Christi patrimonio saginatio? Quis porro Dei famulos, quacumque virtute famaue præditos, nisi vobis cæcata mente studeant, hæreant, pendeant, apertius insequi solet? Notiora sunt per orbem, quocumque pedè intulistis, illustria persecutionum istiusmodi vestrarum exempla, quàm ut à me commemorari debeant. Non pauca vidit Belgiū, plura Gallia, plurima Germania, cæteræq; nationes. Neque vulgo manifestius quicquam est quàm omnibus, qui vos non solum in aliquo improbare, arguere, compescere, sed duntaxat non amplecti, non fouere, non osculari audeant, aculeos à vobis iniici, crimina, hæreses, suspensiones intendi, vel si tantæ priuitati desit locus, famam saltem virorum omni exceptione maiorum attentari, vellicari, minui, atteri. Quam in rem, ne ad priuatas controuersias delabar, & longiorem sermonem seram, testes edo cordatos Ecclesiæ propè totius homines, & tuam ipsam tuorumque conscientiam obtestor. Quinam verò patrimonio Christi magis luxuriāt, quàm qui immensas vndique à minimè malis, vel maximè malis hominibus Christi nomine corrogatas opes, in regifcos ædificiorum, basilicarum, aurum gemmearumque vestium, sumptuosissimorum peristromatum, scenarum, spectaculorum luxus effundunt? Ac si alia luxuriæ genera dixerimus, non deerunt exempla quibus confirmemus.

Nec verò luxuriam iste patrimonio Christi tantum sed etiam patrimonio mammonæ alitur. Interuersæ multis locis hæreditates, & à peculatoribus, rapacibus, sacrilegis, simoniacis, nicticulos, acceptæ immensæ stipes quibus conscientia malè sanentur, necessariae restitutiones eludantur, per noua casuum ingenia opulentiam istam cumulant, qua Iesuitica animositas tam variè luxuriat, tam altè ceruices lateraque circumflectit. Sed plura non addo, ne longius abeam. Subtilius hæc agentur & plenius, si eorum audacia & importunitas in posterum coëgerit. Etsi enim multa mouere videmur, plura tamen continemus, quia tantum dicere decretum est, quantum eorum petulantia in præsens comprimendæ sufficiat: ut videant vel ipsi, vel quouis æqui iudices, nos nulla animi libidine, sed quieto iudicio, & misericordissima acrimonia eorum impotentia propemodum immedicabili, non solum quia curationem respuunt, sed etiam quia pauci eos ex charitate curare vel possunt, vel audent, cauterium necessarium adhibere.

Posteriorem Pij V. Bullam, si similiter Pij esse negauero, non longè iero abs re, tuamque hic quoque perfidiam manifestè tenebo. Etsi enim verè lata fuit Bulla quam citas à Pio V. Pontifice, tamen & ab eodem paulò post, & ab alijs deinceps non vno sed pluribus Pontificibus maximis exauthorata est, & rescissa. Cum enim in hac Bulla scriptum esset, *Plerosque ex venerabilibus Archiepiscopis & Episcopis, Concilij Tridentini decretis in prauum sensum detortis, Ordinum Mendicantium quemlibet varijs afficere incommodis & perturbationibus; postmodum idem Pontifex sermonum istorum, quibus quidam ipsi obrepserant, figmentum expertus, scripsit in hunc modum: Nuper quasdam declarationes & moderationes circa nonnulla Concilij Tridentini decreta regulares personas ordinum Mendicantium, eorumque institutum concernentia edidimus & promulgauimus. Et quia, vii accepimus, illarum vigore sacerdotes regulares prædictorum ordinum quandoque minus idonei & inhabiles confessionibus secularium audiendis ab eorum superioribus præpositi, absque aliqua Episcoporum, sed sola Magistri Ordinis Generalis, aut Prouincialium Ministrorum approbatione admittuntur: Nos super his pro debito pastoralis officij prout tenemur, salubriter providere volentes, tenore præsentium hac nostra constitutione perpetua sancimus, decernimus, & declaramus, decretum Concilij Tridentini de approbatione Regularium audiendis confessionibus secularium præpositorum ab ipsis Episcopis faciendâ, observari debere etiam in omnibus regularibus quorumvis Ordinum, &c. Gregorius verò XIII. Pij successor, de priore ista decessoris sui Bulla primo statim sui Pontificatus anno, ita edidit: In tanta rerum & negotiorum mole, qua Rom. Pontifex ex omnibus mundi partibus assidue premitur, vix vitari potest ne qua interdum exilient, quibus postea recognitis, necesse est moderationis remedium adhibere. Cum itaque alias Felic. record. Pius Papa V. prædecessor noster, auditis grauaminibus, quæ fratribus Ordinum Mendicantium ab Ordinarijs locorum & parochialium Ecclesiarum rectoribus multis modis inferri dicebatur, &c. multa per quasdam suas litteras pro prædictis fratribus non modo statuerit, sed & quæ iam in Concilio Tridentino decreta fuerant ad hæc pertinentia declarauerit, multaque priuilegia eisdem concesserit, &c. demum animaduerso quod ea omnia multis dubitationibus inuoluta*

Pius V. in  
Bull. Ro-  
mani Pon-  
tificis.

Gregor.  
XIII. in  
Bull. in  
tanta.



magnisque difficultatibus obstructa multas magnasque dissensiones concitauerant contra ac ipse sperabat, & præter suam expectationem, ut qui interdum conquereretur multa aliter atque sensu à se prolata fuisse quàm litteris expressa essent, &c. Vides clarissimorum Pontificum testimonijs Bullam Pij V. quam ostentas non solùm antiquari, sed etiam aliter expressam dici, quàm à Pio concepta fuerit? fictamque illam grauaminum delationem ita negligi respuique, ut remagis explorata, regulares in eundem statum redacti sint tot authoritate Pontificum, in quo ijs grauaminibus infestari dicebantur? Similia sanxit & Clemens VIII. in tuam istam Pij V. Bullam; Tuam inquam, quia cùm toties à Pij successoribus, & ab ipso Pio expuncta sit non tã Pij aut Romani Pontificis iam censeri debet quàm eius qui nouã ei vim & rediuiuam quodammodo authoritatem Iesuitica potentia largiatur. Talibus nempe testimonijs subleuanda fuit religiosa ista, ut loqueris, *paupertas, per se humilis & iacens*, Iesuita scilicet elatio, Iesuitica opulencia, quæ iam opum potentiaq; fiducia eò euasit, ut pro nihilo ducat Episcopos ipsos & Archiepiscopos erecta celsaque ceruice exæquare, præ se depicere, & si vel tantulum molesti sint, dieteriis scommatisque calcare. Vana ista & superbissima humilitas, vano perfidoque testimoniorum Pontificiorum sonitu erigi; vero authoritatum Pontificiarum pondere deprimi debuit. Enimverò si hoc loco enumerare liberet, quot & quas socij tui Episcopis & Archiepiscopis per varia loca molestias, grauamina, perturbationes & intulerint iampridem, & adhuc inferant, Bullarum Pontificiarum partim contra mentem Pontificum intorsione, partim aperto neglectu & ludificatione, totiusque Ecclesiasticæ disciplinæ audacissimo contemptu facile tuam tuorumque fallacissimam vanitatem vel inuitam obruerem. Sed aliquid in aliud tempus referendum est; nec alia vestra in vniuersos Antistites, & in ipsos, quando vobis officiant, Romanos Pontifices cõtumaciæ, peruicaciæque argumenta quarri debent, quàm quæ in manibus sunt non solùm in schismaticis vestris hæreticisque libris, sed in ipsis schismatum hæresumque illarum purgationibus, defensionibus, spongijs, querimonijs, quibus nihil vnquam par aut simile ab vllis regularium Ordinibus, vel omnino à Catholicis, sed à solis hæreticis & Ecclesiæ hostibus emanauit.

Nec longius in hoc negotio prouchi necesse est ad legitimam certè Illustrissimi Archiepiscopi Parisiensis Apologiam, cui sanè æquius nimia in sodales tuos & in eorum societatem remissio ac lenitas, quàm vllum in eos, aut in vllos regulares infensi animi odium imputaretur. Notum toti Lutetiæ qua ille indulgentia præcipuum quendam tuæ societatis concionatorem nouissimè acceperit, nonnullis etiam vim seueritatemque paternam ipsius desiderantibus. Cùm enim concionator ille in illustri quodam primarioque vrbis auditorio temerè quædam & scandalosè iactasset, & confluentibus vndique ad Illustrissimum Archiepiscopum querelis & testimonijs, concione cathedraque prohibitus, ea quæ perperam docuisset se dedoctrum diceret, si censura solueretur; Archiepiscopo ægrè tandem exorato, eiusmodi palinodia usus est, quæ non magis pœnitentis oratio, quàm innocentis exultatio vide-

Clem.  
VIII. in  
Bull. Quæ-  
cumque.

retur. Et tamen Illustrissimum Præsulem vicit innata comitas; istorumque inuictos spiritus intuens, maluit quod eorum humilitati deesset, paterno explere affectu, quàm nimis urgere infirmitatem, & in deteriora compellere. Quæ tamen humanitas, alios quidem fortasse moliret, istos verò duriores passim atque audaciores efficit. Est enim genus hominum ferum ac pervicax, quod faciliùs firmitudine domatur, quàm mansuetudine delinitur, nec cedit nisi fortiori, nec remittit quicquam nisi cùm validiore manu, & pleno robore premitur. Nec dubium quin isto Illustrissimi Archiepiscopi benignitatis experimento firmarint animos, & ad indignum facinus, ad ditas, ad impudentiam securiùs conuolarint. Quo magis opprimenda est tua, Iesuita Floyde, peruersitas, qui ei Archiepiscopo odium in te tuosque obiectas, cuius perpetua potiùs indulgentia, & immerita bonitate corrupti, ad hæc ipsa flagitia facti estis alacriores.

Quare cæteræ, quas affers, istius odij probationes, eadem facilitate dispelluntur. Ridiculè enim in illius argumentum trahis quod Illustrissimus Parisiensis Archiepiscopus, *primus solitariusque in libros censuram iulerit*. Quasi verò nisi te illud odium, quod in eo simulas, præcipitem ad quidlibet effutiendum ageret, non facilè perspicere potuisses, censuram Illustrissimi Parisiensis, ut cæteras rationes omittant, ideo seorsum editam esse ut esset iuridica in Ecclesiam & in prouinciam Parisiensem sententia, cùm cæteri Antistites extra suas dioceses constituti Epistolam solùm commonitoriam ad cæteros Episcopos de tuis tuorumque hæresibus Lutetiæ deprehensis conficere, in eaque vim magis charitatis quàm iurisdictionis auctoritatem exercere decreuissent, ut in ipso epistolæ limine declaratur? Quale autem videtur tibi odium, quod Metropolitanus Episcopus, ex Cleri sui, Episcoporumque prouincialium sententia, delatas in prouinciam & in urbem eius primariam hæreses notissimas, publicas, omnium sermone infames iugulet & eliminet? Tunc ista oggannires, si vllam Ecclesiasticæ disciplinæ, moris maiorum, perpetuæ denique antiquitatis partem cognitione libasses? Quid enim doctrinis, canonibus, exemplis omnigenis testatus, illustrius per omnes Ecclesiæ à Christiani nominis initio regiones, quàm hic vsus & potestas Metropolitanorum omnium, adeoque quorumlibet in suis paræcijs Episcoporum, ut antea satis patefactum est, & patefieri minimè debet, apud eos, quibus vlla est Ecclesiæ antiquitatisque notitia? Videturne tibi Ecclesia, imò ipse Christus, cùm talem Episcoporum potestatem instituit, nil nisi laxare habenas eorum odijs, & simultates ac vindiectas incendere voluisse, ut aduersus tantæ potestatis vsum liceat superbis & pertinacibus inimicitias, & fictas vltiones in æternum excipere? Indue saniores cogitationes, concoque dolorem, qui te lancinat, & in istas vertigines rapit.

Quam porrò odij declarationem in eo habes, quod Illustrissimus Parisiensis *solitarius libros damnarit*? Nonne potius plùs vobis conflasset inuidiæ, si cum cæteris Episcopis vna eos auctoritatis mole oppressisset. Nonne maiorem effecisset Concilij Episcopalis speciem, quo ingentes

sæpè

sæpè hæreses anathemate percussæ, & stirpitus deletæ fuerunt? Verùm cum cæteri Episcopi epistolam encyclicam edere, charitatem Episcopalem, non iurisdictionem expromere decreuissent; Parisiensis Archiepiscopus censuram iuridicam in solo ac sede sua, de Episcoporum prouincialium, & Cleri Parisiensis sententia, meritò seorsum emisit.

Primus autem promulgauit, quia decuit eam, quæ districtiori auctoritate ferretur, cæteris ire præuiam, publicèque declarari eas, volente proprio Episcopo, in ipsius diœcesi & Metropolitana sede post modum exituras. Primus omnium cæteris è throno suo signum efferre debuit Archiepiscopus Parisiensis, tum pastoralis officio, ut deprehensas in prouincia sua labes præcipua vigilantia primus omnium repelleret; tum ipsa primariæ regiæque ciuitatis dignitate, à qua in alias assertæ fidei, & protritæ hæreseos exemplum proficisci oportuit. Nam ut rectè olim sanctus Cyrillus Concilij Ephesini nomine ad Ecclesiam Constantinopolitanam scribens, *Si regia ciuitas* S. Cyril. ep. Synod. ad Clerum & popul. Constant. *benè fuerit instituta, rectus omnium aliarum Ecclesiarum erit profectus.* Tum denique quia cum Illustrissimum Parisiensem Apostolica sedes primum Parisiensium Antistitum Archiepiscopali honore dignata sit, meritò tanta potestas insigni aliquo eius usu, & singulari in Ecclesiam munere, damnatis pestilentissimis hæresibus, quibus Ecclesiastica omnis potestas, totaque Ecclesiæ & hierarchiæ diuinitus institutæ vniuersitas deiicitur, dedicanda fuit. Quo facto egregiam Illustrissimus Archiepiscopus sedi Apostolicæ gratiam, Ecclesiæ beneficium, posteris exemplum, sibi apud Deum hominesque laudem constituit; insignemque illum, & magni in Ecclesia nominis Cardinalem Bellaïum, Episcopum Parisiensem, grauitè olim de hominum istorum moribus & artibus, recenti adhuc & nouella eorum societate in Senatu Parisiensi augurantem, suo iudicio comprobauit. Quod enim primus ille de appulsa primùm in Gallias ista societate præuidit, hoc ipse illius successor, primus Archiepiscopus Parisiensis, primus Galliæ Præsulum euenisse testatus est, nec priuato suffragio, sed Archiepiscopali decreto, & censura solemniore lanciuit.

Illa quoque causatio, & odij probatio impudens, quod Illustrissimum Archiepiscopum dicere non times *Propositiones ex Danielis & Jesu libro collectas sibi oblatas statim damnassee, antequam librum ex Anglico integrè versum legisset.* Nam censura eius paucis diebus ante Illustrissimorum Galliæ Antistitum epistolam, & Theologicæ Facultatis censuram prodiit. Multo autem antè libros integrè versos fuisse, & ab Antistitibus perlectos, & Theologiæ Facultati transmissos, & omnium, quorum intererat, manibus versatos ac tritos quis nescit, nisi aperitissimorum mendaciorum confidentissimi præcones, quos nec Dei timor, nec hominum pudor à patenti nequitia reuocare potuit?

Denique postremum istius odij iudicium dilutissimum penè omnium est, etsi tu illud, pro tuo singulari iudicio, præcipuum & ma-

ximum existimes. Putas Illustrissimi animum minus placatum paruisse maxime, quod in propositiones Hibernicas impetum fecerit. Hoc enim reliquos Archiepiscopos & Episcopos pro sua prudentia; moderatione, gravitate sibi faciendum non putasse. O te vituperatorem laudatoremque pariter fallacem; pariter mendacem! Tunc reliquos Archiepiscopos & Episcopos à prudentia, moderatione, gravitate ex animo laudas, quos suprà eiusdem, cuius nunc Illustrissimum Parisiensem malevolentia, imprudentia, temeritatis, tam effusè insanèque accusasti? Quid ais leuissima sponsa? usque adeone præsens quisque motus te abripit, ut præteritos obliuiscare, tamque in mendacia tua, quàm in veritatem, & in omnium sanas mentes incurras? Non enim quid conscientia, quid pudor, quid res, de quibus agis, postulent, cogitas, sed quid tui animi cupido, quid feruor, & vigens, quo ageris, impetus. Quo in Illustrissimum Parisiensem acrior tuas, cæterorum Antistitum laudationem inspergis, ut præcipua aliqua Illustrissimi iniuria indignari, non communi tua in vniuersos Antistites petulantia, & impietate furere videre.

Stomacharis autem ineptissimè Hibernicas propositiones à Theologica facultate tanta cura, studioque exploratas, & cum sententiam super iis rogaretur, solenniter abdicatas, postmodum Illustrissimi Parisiensis Archiepiscopi iudicio proscriptas, totaque prouincia exclusas fuisse. Parum enim refert cæteros Antistites nihil de iis scripsisse, quia longè alia est in hac parte Illustrissimi Parisiensis ratio, ac cæterorum Episcoporum. Nòsse quippe debueras antiquam illam & singularem Theologicæ Facultatis, & decretorum ipsius cum suo præfule coniunctionem, cuius in palatio Archiepiscopali, ex perenni Academiæ more, pileum laureamque doctoralem capit à Cancellario; cuius de corpore Ecclesiastico societas Ecclesiastica est; cuius denique Doctoribus in consilium adhibitis, decreta censuræque plurimæ Episcoporum Parisiensium olim emanarunt. Non tale cæterorum Antistitum cum ea vinculum, non talis in diœcesi Parisiensi dignitas, non consuetudo denique talis. Ideoque propositiones non ad se, sed ad Facultatem Theologicam delatas; ab ea iuratis testibus cognitæ, excusæ, compertasque, Facultatis iudicio & Illustrissimi Parisiensis authoritati relinquentes, satis esse putarunt, si in aliena diœcesi oblatos sibi perspicuos, & nullius probationis egentibus Smithæi & Danielis libros execrarentur. Archiepiscopus autem Parisiensis quicquid intra suâ diœcesin erupisset, quicquid ad Theologicam Facultatem allatum, & deprehensum esset, à se non alienum, ad se delatum, pastoralis curæ suæ obnoxium iure existimans, ea omnia generali diplomate, & iuridica sanctione complexus est, ne cui deinceps intra fines suos pestifera illa dogmata inferre, aut tueri palam fas esset.

Postremò multa in Collectores, ut vocas, & in interpretes lex amara illa spongiæ plenitudine eructas, quæ suprà toties à te cantata;





à nobis excantata & exsufflata sunt, *Accusatoribus nimium, reis nihil fidei esse habitum; libros lingua scriptos, quam Iudex non intelligebat, interpretantibus inimicis conuersos, interpretum & collectorum fraudibus & caluminis fœdatos esse.* Nullus enim toto orbe in te ac tuos acculator, aut iudex reperiri poterit, non vobis inimicus, non odijs & simultatibus indulgens, si quid vobis odiosum ediderit. Nec pudet superbiam istam pro legitima defensione obtrudere, & omnibus passim hæreticis communia effugia sectari, vt antea ostendimus, præcipuè hæreticis illis, de quibus paulò ante ex Hieronymo diximus, Monachis Origenistis, quorum simillimas cauillationes obterens Hieronymus; *Neque illi, inquit, dicta defendunt, sed fingunt ab hæreticis immutata; multorumque dicunt libros similiter deprauatos, vt illum (Origenem) non sua fide, sed aliorum tueantur erroribus.* Ac subiungit, *Hæc aduersus hæreticos dicta sint, qui iniusto contra nos odio sauentes, mentis fatentur arcanum, & venena pectoris irremediabili dolore testantur.* En tuorum figmentorum imaginem, Iesuita Floyd: En quibuscum tibi conueniat. Tantum enim abest, vt verè habeas quod in interpretes ab Illustrissimis Episcopis adhibitos conquerare, vt eorum fidem tu ipse comprobas multis locis, tuæ verò, quam laudas, quam appellas, ad quam nos vocas versionis perfidia, tuo simul nostrorumque interpretum testimonio non vno loco probetur, vt sæpè demonstratum est. Nostram igitur versionem tuo ipso iudicio confirmatam, tuam reprobam dicere possumus, adeò te malæ nebulæ implicat, &, quò non vis, cæcum trahunt. Quare optanda aduersariis tuis, & enixè promouenda fuit tua versio, quam tamen ab iis *omni arte & ope* cohibitam ridiculè ais, *ne scilicet luceſceret dies, ne Danielis à Iesu liber in Latinam lucem ederetur.* Quæ enim tantæ erant aduersariorum ceruices, Anglorum fortassis aliquot in Belgio sacerdotum, vt opibus Iesuiticis, acerrimæque factioni obssisterent? Non tales vobis aduersarij formidabiles, non talium vires auctoritatémve horrescitis, quos aut metu, aut lenociniis abductos in vestram rapitis libidinem, aut si constantiores animos, altioremq; mentem, & vestris artibus inconcussam exhibeant, adeò insequimini, exagitatis, frangitis, vt illi præclare secum agi putent, si non modò potentiam vestram non expugnent, sed vestras duntaxat insidias effugiant.

- Caterum, vt ingrata tandem cum insulssimo, & nullius nec fidei, nec iudicij homine concertationi finem faciamus, videat Iesuita Floydus, & socios, si qui fortè rursus oblatrabunt, præmoneat, vt si Episcopali dignitati, solennibusque Episcoporum decretis sacrum diuinumque honorem, à Deo indictum, ab Ecclesiâ firmatum, Catholicorum sensibus infixum, noua fide, inuisoque zelo palam diripere statuant, & arroganti pertinacium scriptorum ignorantia oppugnare; Eorum saltem famam conserpere, personis sacratis incestas manus inferre, sacra profanaque miscere, furere, bacchari desinant. Alioquin si perrexerint quo cœperunt pede, si in Episcopos sine

Tit. 1.

fræno effundantur, si in medio petulantiaë impetu audacius insultantes, *ad eorum genua supplices accidant, prostratique pacem & veniam humillimè se orare dicant*; si denique qui se in hæreticos canes esse volunt, iidem in domesticos fidei rictum impingere, nec solum in oves, sed in arietes, in pastores, in gregis principes, lupi esse velint; sciant non de fore venabula, quibus à Catholicis, Ecclesiæ sanctitatem, diuinæque matris castimoniam nunquam labefactari passuris, ut *male bestia*, discordibus naturis concretæ, alienis suisque infestæ, indomitæ, importunæ, configantur.





# SVMMARIA SECTIONVM

## REFVTATIONIS SPONGIÆ,

EX IPSIS AVRELII VERBIS AC SENTENTIIS CONTEXTA,  
quæ loco compendij simul & Indicis esse possunt.

§. *Rectissimè Censoribus placuit. pag. 1.*

**I**Danielis errores, in certos quosdam titulos, quasi in fasciculos ad comburendum rectè à Censoribus fuisse digestos.

§. *Malum omen est. p. 3.*

Prophanum exordium Spongiæ.

Gerlonem falsò dici patrem Sorbonæ. p. 3.

Ecclesia nec iis quos Patres agnoscit suos, penitus adhærescit, nisi cum per eorū consensum, Ecclesiæ vniuersæ fidem, & Spiritus sancti lucem introspectit. Laus Gersonis. p. 4.

Quàm contumeliosè facultas Parisiensis puero spurio à Iesuita comparetur, dicaturque Gersonem Pontifici præponere, vel opponere.

§. *Mirror audaciam. p. 5.*

Hæreticum, indubium esse, qui putat ad seruandam Ecclesiæ vnitatem, atque ad manendum in Ecclesia vniuersali, satis velle subiicere se legitimo Pontifici, etsi interea ipse electionem eius interturbet, quæ videtur esse aperta doctrina Iesuitæ. p. 6.

Pontificatus, sede vacante in Ecclesia, cum non sit perfectò modo planeque completo, ex Christi institutione, sequitur ex Gerson Ecclesiam vniuersalem non esse tunc perfectè vnā, sed deesse aliquid ad integram & perfectam eius vnitatem. Nemo enim non videt illam tum multo perfectius vnā esse, quando caput habet, à quo actu foueatur, regatur, ornatur. p. 7.

§. *Non est moris. p. 8.*

Non est moris Catholicis Censoribus respicere quid ex doctrinis quas probant, vel reprobant, humana ratio argumentando inferre queat. Quàm enim proximè possunt, ad lumen fidei se applicant; quam non discursiuam sed intuitiuam esse sciunt, quippe luminis gloriæ specimen & imaginem. Atque hoc differunt à Philosophis, qui in ratiocinando toti hærent, &c. p. 8.

Sic antiquam maiorum fidem non continuò deserimus, etsi hæretici non pauca illinc infe-

rant, quæ doctissimis etiam hominibus negotium facere videntur. Difficultates & quasi nebula istæ humano sensu concitatae, sunt velut tentamenta quædam, quibus fidem & humilitatem nostram probari vult Deus. p. 9.

Petrus semper in throno sedet, autoritate non persona: Sic Apostolus se spiritu præsentem dicit. Ineptum est res Morales ad laqueos Dialecticos siue Metaphysicos contrudere. Ineptius, imo perniciosius fidei Christianæ auctoritatem offuso minutiarum scholarium puluere, obducere, &c. p. 10.

§. *Si sic argumentari. p. 10.*

Quia orbari capite Ecclesiæ quædam imperfectio est, ideo tota ipsa fertur & properat, pro instinctu & potestate sibi à Deo indita, ut eam labem reficiat quantocyus, & expleat. p. 11.

Sicut Deus homini potestatem ingenuit, alios homines in locum demortuorum supplendi, ut imperfectio mortalitatis & instabilitatis humanæ compensaretur: sic quia imperfectio Ecclesiæ est illam mortalitati, & morti Episcoporum obnoxiam esse, data illi est à Deo potestas novos Episcopos identidem subrogandi, &c.

Ecclesia, Episcopo mortuo, dicitur à Patribus, vidua, pastore destituta, sponso orbata.

Hoc inter ipsam & viduas humanas interest, quod illa sponsi absentiam supplere, & novos inuicem Episcopos sublegere possit.

Si Ecclesia aliqua statuat nullos amplius habere Episcopos, populus quidem eius non desinit esse in Ecclesia vniuersali, sed ipsa nullum amplius seorsim Ecclesiæ particularis corpus componit, quod stare possit per se, & perfectionem ac fecunditatem speciei suæ contineat. p. 12.

§. *Grave onus imponis. p. 12.*

Quod ait Iesuita, multitudinem Laicorum sine Clero, fore particularem Ecclesiam, modo parata sit Episcopum legitimè missum accipere, errorem esse qui latam ad Tertulliani hæresim pandat viam, qui ait Ecclesiam in duobus aut tribus esse posse, etiam laicis. p. 13.

Ex S. Cypriano, Plebs ipsa maximè habet

K k

potestatem, vel eligendi dignos Sacerdotes, vel indignos recusandi, &c. Populum esse participem Electionis Episcopi, fuit perpetua consuetudo, & disciplina Ecclesiae veteris, quamvis pars multo potior & dignior Cleri esset quam populi. Imperatores tametsi Laicos, Pontifices delegisse, probatur ex Gregorio. p.14.

§. *Erubescere si potes.* p.14.

Farsa calumnia Iesuitae in Gersonem. Is accidentalem Ecclesiae unitatem vocat, non ad potestatem Pontificiam, quam semper manere docet, sed ut ipse ait ad vnum certum Papam. p.16.

Potuisse etiam illum unionem istam etiam ad ipsum Pontificatum accidentalem vocare respectu unionis ad Christum, ut ostenderet quantum dignitas Pontificia sit infra Christi dignitatem. Imo posse etiam illam mutabilem vocari, quia non manebit nisi ad finem saeculi; Ecclesia vero manebit in aeternum, quoniam Christi regnum est.

Ita Paulus soli Deo immortalitatem tribuit, &c.

§. *Obliquum stylum.* p.18.

Audacia Iesuitae, qui ait recipere Episcopum, esse umbram prendere. Imitatur haereticos; quia sicut illi Christo dicente se nobis tradere corpus suum, voces eius ita exponunt, quasi umbram tantum sui corporis figuramque nobis dederit. Ita cum Pontifex Anglis dederit Episcopum, interpretatur ille dare solam umbram Episcopi; ita peccans in Episcopum qui vinculum est externum unitatis Ecclesiae, sicut haeretici in Christum, qui in Sacramento sanctissimo eiusdem unitatis internum vinculum est. p.20.

Imitatur secundum morem haeticorum, quo sub propositionibus externa facie falsis, veros sensus includunt, ut si earum perspicua falsitas in odium incurrerit, illa se fraudulenter abstrusa veritate tuteantur.

§. *Omitte caninas similes.* p.21.

Iesuita ipsam regis procerem aliquem ad Hybernos mittentis similitudine à se allata refellitur. p.21.

§. *De ipsa re ac sententia.* p.22.

Est ipsissimus error Pelagianorum, & multo post Beguinarum, & Begardorum, posse quempiam in hac vita tantum perfectionis assequi, ut non sit alius modus ulterioris perfectionis. p.24.

Qui baptizati & confirmati fuerunt, plenitudinem gratiae possident, vberissima gratiae, donorumque omnium Spiritus sancti largitate.

§. *O insulsam collectionem.* p.25.

Iesuita censet homini iam baptizato nihil deesse, ut plenè perfectèque Christianus efficiatur, nisi externam corporeamque unctionem. Unde consequenter putat unctionem baptismalem supplere effectum Sacramenti Confirmationis, qui est perfectio Christiani nominis, cum ex eius mente perfectio illa sita sit tantum in externa unctione. Non negat tamen interiorem effectum confirmationi, sed cum vult etiam interiori effectui chrismationis baptismalis suppleri. p.25.

Quid illi non audeant intra priuatos parietes, qui spectante tota Ecclesia Catholica, has intemperies aestuantium animorum in medium proferre audeant? &c. p.26.

Iustus dolor Aurelij, si tantam in mysteriis Christi subuertendis licentiam a quo animo ferre non potest.

Argumentum Iesuitae: Baptizati Christiani sunt, ergo perfecti Christiani. Adeo lardi non potest fides, quin continuo lardatur ratio, & humana mens; quia fides & ratio vnius eiusdemque diuini luminis expressiones & radij sunt?

Necesse est enim, ut aliter quam oportet, humana aestimet, qui diuina contemnit. p.27.

§. *Ecce alteram partem.* p.29.

Unctione baptismali nullo modo dici, nos posse Christianos effici sensu Patrum. Nec sine blasphemia affirmari Christiani nominis perfectionem & plenitudinem in sola unctione corporea, & in externa denominatione consistere. Quae est hoc in loco doctrina Iesuitae. p.29.

Hic error prope admodum ad Caluini aliorumque haeticorum errorem accedit, qui reuera Sacramentorum operationes penitus externas faciunt, nec aliud esse putant nisi notas & tesseras exteriores, & planè sacramenta Iudaica.

D. Thomas vocat Confirmationem Sacramentum plenitudinis gratiae. p.30.

Augustinus in loco illo Cantici Annae quaerens, quoniam modo *Christus exaltabit cornu Christi sui*? Respondet: *Omnes quippe unctos eius chrismate, rectè Christos possumus dicere, &c.* p.31.

§. *Omitte si me audis.*

Iacet enim Christiana Religio; nihil in ea tutum, nihil sanctum, si pro cuiusque sensu, res exploratissimas, intimis fidelium animis infixas, quietas haecenus & tranquillas, conquisitis autoritatum perplexitatibus, quae ne aduersus summa quidem mysteria decerunt, sollicitare atque infringere liceat. Hic genicus



malus & penitus hæreticus in Spongia deprehenditur, &c. p.33.

*Sacramentalia* non esse cum *Sacramentis* miscenda, nec horum effectus cum illorum. p.34.

Sacramentalium operationes nihil sunt, nisi pij quidam animi motus actuales nimirum & fluxi, qui vi precum Ecclesiae, iis qui illa usurpant, impetrantur; Qui motus, sine illis etiam haberi possunt per pias quolibet affectiones animi, quas probi homines cribras quotidie concipiunt. Iesuita dedecorat Sacramenta Christi, eorum vicem per meras ceremonias impleri posse putans. p.35.

In sacramento Confirmationis totus spiritus Sanctus cum suis donis & copiis omnibus effunditur.

Non minor ceremoniis Ecclesiae iniuria fit, dum extolluntur plus æquo, quam dum nimis deprimuntur, &c. Hæretici semper in extremis, Catholici semper in mediis, &c. p.36.

§. *Piget istas quisquillas.*

Iesuita distortos mentis suae factus Ecclesiae Catholicae supponere, & adulterinis suis sordibus eius castitatem & virginitatem temerare audeat. Sed minimè mirum audacem esse in Ecclesiam, qui est in veritatem, cuius Ecclesia custos, interpres, radius, ipsa quæ adeo illa est, cum sit ipse Christus qui æterna est veritas Patris.

Veritas falsitatis auxilium respuit; falsitas & mendacium vix constanter sine mendaciis & fraudibus defenditur: quia quidque vnde nascitur, inde ali sustinerique Philolophi monuerunt.

§. *Quid dicam de hac etiam.* p.38.

Iesuita censet perfectionem Christiani nominis, vim dæmonis, insultus, persecutionesque superandi, effectum denique sacramenti Confirmationis, non solum dari Vnctione chrismatis baptismalis, sed etiam ex opere operato dari. p.39.

Opinio illa quam paruuli aliqui scholastici nuper excogitarunt, sacramentalia effectus ad quos ab Ecclesia instituta sunt, operari ex opere operato, explodenda & longè amandanda est ex animis Catholicorum; eorum præcipuè qui solam Scripturæ & Traditionis Ecclesiasticæ normam, non humani sensus arbitrium, ad res Theologicas dijudicandas adhibent. Est enim opinio nullo fundamento Theologico nixa, &c.

Probat Iesuitam loco Caietani, & auctoritate ex Epistola Innocentij III. deprompta prauè & fallaciter fuisse abusum.

Multæ sunt locutiones Patrum etiam multò in speciem liberaliores erga ceremonias Ecclesiae, quàm ea qua hinc usus est Innocentius.

quæ tamen Sacramentis nihil derogant.

Sint ceremoniæ Ecclesiae quod sunt. Ne Sacramentorum fines inuadant, ne inuita Ecclesia in Sacramentorum perniciem contemptumque inuitæ trahantur, quibus potiùs decorandis, & in nostram venerationem adducendis inuentæ fuerunt. p.41.

§. *Qui temerè promittunt.* p.41.

Qui temerè promittunt difficilè fidem liberant, multò magis qui temerè gloriantur. p.41.

Locum Hugonis de Vnctione quadam, iis qui morte præuerti sacramentum Confirmationis suscipere non possunt, adhibenda, Iesuitam redarguere potiùs quàm iuuare. p.42.

Vindicatur *Hugo* à graui criminatione, quæ ei *Hadrianus* postea Pontifex inussit, scribens cum errore lapsum Vnctionem istam baptismalem pro sacramento ipso Confirmationis accepisse. Imò docuit ille sacramentum Confirmationis Presbyteris committi non posse.

§. *Hoc nimirum erit.* p.43.

Iesuitæ nullam esse fidem, qui canones suo arbitratu effectos obtrudat, longè aliter quàm extent in Conciliis, vt patet verba quæ protulit de Canone Arausicano, cum integro canone conferenti. p.43.

Varia editiones Canonis Arausicani recensentur, Ex quo loco *Sirmondus* arripuit occasionem scribendi aduersus *Auvelium*.

§. *Non solum intemperanter.* p.45.

Superba audacia Iesuitæ. p.45.

Eius doctrinam qua Sacramentis ceremonias exæquat, hæreticis valdè acceptam fore.

*Occulto dedecoris*, quæ 2. Cor. 4. abdicare iubentur Ministri Christi, sunt abstrusæ cupidines, & obliquæ voluntatis motus intimis animæ recessibus adharrentes, quibus non minus, imò magis adulteratur verbum Dei quàm vitiis peripicuis, & erroribus palam expressis. p.46.

Simulata innocentia, non est innocentia; simulata æquitas, non est æquitas, sed duplex iniquitas. Aug. p.47.

Nulli errores pestilentiores quàm qui sub ipso veritatis inuolucro, & quasi præsidio latent.

Luætuosum & infidum consolationis genus, à Iesuitis Anglicis, Ecclesiae Anglicanae oblatum. Quomodo eam consolari oportuit.

§. *Tuo te laqueo induis.* p.48.

Non pro abusu rei cuiusque, rem quæ abusu patitur, esse tollendam. p.49.

Iesuitas mentium, quas regendas suscipiunt, pietatem Sacramentis & præsidiiis exterioribus agglutinare, de præparationibus interioribus non perinde laborantes, &c.

Kk ij

De frequenti usu & abusu Sacramento-  
rum. p. 50.

Sicut hæreticos iure repellimus & execra-  
mur quasi medicos imperitos, qui quod sa-  
nare nesciunt, secant, & pro *reformatorum*  
nomine quod sibi malè assumunt, *destructo-  
rum* eis nomen meliori iure inurimus; ita  
istos similiter argumentantes eodem cuneo  
retundimus.

§. Nihil attinet, p. 51.

Olim sacramentum Eucharistiæ, vnà cum  
Baptismo & Confirmatione administrari so-  
litum. p. 52.

Explicatur historia *Iuuenis* illius apud *Eu-  
sebiu*, quem Ioannes Episcopo Asiano com-  
miserat, ostenditurque absurdissimè eam à  
Iesuita fuisse allatam.

Notum esse quàm facilè errori pateant in  
rebus diuinis argumentationes humanæ, eæ  
præsertim, quas à maiori aut simili vocant, &c.  
p. 53.

Periculosius esse, ne nimiam fiduciam in  
misericordia Dei, quàm in Sacramentis col-  
locemus; quia in his fide opus est.

Locus eximius de Sacramentis.

Quantum Iesuitæ doctrina iuuet hæreti-  
cos. p. 54.

§. Redi ergo tu in chorum, p. 55.

Quid stolidius quàm effectum & necessita-  
tem sacramenti Confirmationis suppleri pos-  
se ordinariè per media generalia, ad eius ef-  
fectum generatim solum instituta? quæ est  
hic cauillatio Iesuitæ. Quasi dicas causarum  
particularium effectus, sola efficientia Solis  
suppleri ac produci posse, ita vt fructus pullu-  
lent sine vllis arboribus, è solis radiis Solis.  
p. 55.

Si quando per media generalia effectus par-  
ticulares Confirmationis, aut alius Sacramen-  
ti singulari aliqua & extraordinaria Dei beni-  
gnitate acquirantur, inde tamen non est ar-  
gumentandum, nec ideo viæ & rationes or-  
dinariæ, quas Deus ad eorum consecutionem  
instituit, negligendæ sunt. Non magis quàm  
quia interdum in natura effectus aliqui præ-  
ter communem causarum naturalium consti-  
tutionem oriuntur, quæ Philosophi naturæ  
miracula vocant, liceat sine magna vecordia,  
pares quotidie effectus à causis alijs similibus  
expectare. p. 56.

Absolutam Dei potentiam philosophicum  
magis est quàm Apostolicum, inuestigare.  
Bern.

§. Questio hæc, p. 58.

*Præclara de Oratione & Eucharistia*, p. 58.

Media esse generalia omnium gratiarum.  
Quod res aliqua ad effectum aliquem directè

instituta sit, eumque directè respiciat, non  
impedit quominus sit causa illius generalis  
tantum, & nullo modo specialis. Ita se habet  
sol respectu propagationis frugum. p. 59.

Multæ sunt causæ, quæ principalem effe-  
ctum suum per causas tantum intermedias  
operantur; vt mors Christi remissionem pec-  
catorum, &c. p. 60.

Nec specialia media generalium, nec ge-  
neralia specialium necessitatem tollunt.

Nullum sapius impedimentum obest quo-  
minus quæ volumus à Deo feramus, quàm  
quod generalia media quædam adhibuisse  
contenti, cætera vel omittimus, vel negligi-  
mus, quæ ad eum finem assequendum specia-  
lius à Deo instituta fuerunt. Quo fit vt vno  
pede recti, altèro claudicantes quo tendimus,  
peruenire non possimus, quod optamus, non  
impetremus, &c. p. 60.

Iesuita hoc loco argumentatur vt hæretici,  
qui inferunt fidem esse medium ad omnia  
sufficiens, quia vnum ex medijs generalibus  
est, quibus omnia obrinentur. Idem dicunt  
de Christi passione. Quod perinde est qua-  
si dixeris non opus esse seminibus, stirpibus,  
plantis, quia sol omnia generat, &c. p. 61.

§. Non crassa laboras, p. 62.

Quàm impudenter Iesuita Censoribus in-  
sultet.

Est quædam falsitas, cuius partes omnes  
veræ sunt; sicut est quædam deformitas, cu-  
ius partes omnes forinosæ & irreprehensibi-  
les iudicantur. Ac verissimè Augustinus ad-  
monuit, sicut in falsis sententiis veras, sic in  
veris sententiis falsas conclusiones esse posse.  
Imò nunquam tam periculosè fallacia con-  
struitur, quàm cum in ipsa veritate impli-  
catur.

Fas esse notari erroris propositionem, quæ  
Theologis nouis etiam multis placeat, si mo-  
dò antiquitati & traditioni Ecclesiasticæ,  
sanctorumque Patrum sensui, multò magis  
si Scripturis sacris non consona videatur.

§. Hic iam audacia, p. 66.

Nullum esse Scholasticorum antiquorum,  
qui dixerit nullum esse peccatum non susci-  
pere sacramentum Confirmationis, instante  
fidei profitendæ articulo. Qui hoc dicunt  
Recentiores sunt, qui nescio quo pacto, reli-  
cta Antecessorum omnium semita, in hoc in-  
genij atque arbitrij humani diuerticulum  
abierunt. p. 67.

Recensentur opiniones Recentiorum de  
obligatione suscipiendi sacramenti Confir-  
mationis.

Tenendi in rebus Theologicis modi & fi-  
nes rerum, sed quos perpetua *Ecclesiæ tradi-*

io præstituit, non quos humana ratio commenta est. Et quod Hæreticis perpetuò occinimus, ut eorum nouitates & temeritates refringamus, hoc nobis ipsis multò magis obseruandum putamus, ne quam Ecclesiæ possessionem ab aliis dissipari prohibemus, eam ipsi dissipemus; hoc criminiosiores, quòd maternæ hæreditati manus nostras, quàm alienas inferri malimus.

§. *Non meruit Gerson. p.70.*

Iesuitam doctrinam Gersonis quasi ex insidiis premere, & suam illi sententiam suis ipsius verbis eripere conari. Vbi & ostenditur clarissimè Gersonem velle tum opportunitatem ingerere se suscipiendi sacramenti Confirmationis, cum præsto est Episcopus à quo suscipiatur, quique illud omnibus ad se aduentibus, & postulantibus offerat, quamuis non sine labore & molestia postulantium. p. 73.

§. *Frustra fugis. p.75.*

*Fusè probatur tota Sectione, Angelos non esse Pastores.*

Sanctos etiam Episcopos, Patriarchas, Apostolos, Pastores esse desiisse cum à viuis abierunt, quia iam veram vitam, verumque pabulum animis nostris non infundunt. Si quando etiamnum Pastores dicuntur, locutiones improprie sunt & catachresticæ.

Non sunt Angeli Patres Ecclesiæ, ergo nec Pastores, quoniam Pastores & Patres in Ecclesia Christiana iidem sunt. Per Euangelij enim & Sacramentorum administrationem ut gignunt ita & pascunt. Non sunt enim ministri tantum, sed & viuæ imagines Christi, qui vitam dat idem, & seruat, & auget, &c. p.77.

Imò & imagines sunt sempiterni Patris, &c. Idem gignendi & pascendi munus, eadem vis, eadem potestas est. Nam pastio & nutritio, continuata quædam generatio est.

Humanæ matres fetus suos extra fundendo generant; Ecclesia intra sese completendo; prorsus ad honorem & venerationem generationis æternæ, qua filius ita oritur à Patre, ut sit vnigenitus qui est in sinu Patris.

In eo est eminentia, ac præstantia Legis nouæ supra veterem, ex Apostolo ad Hebræos, quòd Lex vetus legislatores & promulgatores Angelos habuerit, Lex noua aliū legislatorem & promulgatorem non habet nisi Christum. Et ideo præcones eius & ministri alij non sunt, nisi homines diuinæ Christi potestatis participes, in honorem humillimæ Christi Incarnationis, &c. p.78.

Sacerdotes Ecclesiæ sunt vnus Christus,

non eo modo tantum quo fideles omnes sunt vnus Sacerdos, ut loquuntur Patres, quatenus membra sunt vnus Christi Sacerdotis; sed etiam quatenus eiusdem dignitatis & potestatis Sacerdotalis Christi participes sunt, quia Christus per eos, non solum ut ministros, sed etiam ut instrumenta operatur, ut illis agentibus ipse adsit & simul agat, ut causa & minister principalis. Vnde fit ut certò semper, & efficaciter agant, &c. p.79.

Angeli ergo sunt custodes, protectores, consultores, non Pastores.

§. *Spongia isthac. p.81.*

*Probatur Angelos non esse Pastores, nec præstantiores Episcopis.*

Quæ scripturæ ab Ecclesiæ Pastoratu excludunt hæreticos, eadem Angelos excludunt, cum neutri vllam missionem, quæ ab Apostolis fluxerit, proferre queant. p.81.

Ostenditur eminentia muneris Episcopalis supra Anglicum.

Post dignitatem matris Dei, nulla vis tanta est, quanta producendi Deum, eoque producto, fideles pascendi. Quæ vis infinita quodammodo est, & æmula non solum virginæ matris Dei fecunditatis, dum Sacerdotes virgines Deum eundem quotidie in ara procreant, quem Virgo & mater eius in aluo sua sanctissima prima omnium procreauit; sed etiam æmula est operationum æternarum illarum, quibus diuinæ personæ producuntur, & generationis ipsius æternæ, qua Pater diuinissimus ore suo verbum idem profert, quod ore suo sacratissimo Sacerdotes. p.83.

Quid de altera potestate dicam, getmana huius & socia, quæ humani generis peccata soluuntur, Ecclesia dirigitur, sanctique regiminis clauo, ad Cœli quietem per sæculi freta transmittitur?

Probatur auctoritatibus Bonauenturæ, Chrysostomi, & Gregorij Nazianzeni dignitas Sacerdotum.

Sicut Christus humanum genus redemit, ita Episcopi & Sacerdotes potestate ab eo accepta redemptionem eiusdem humani generis peragunt, & perficiunt in singulis hominibus, donec numerus electorum compleatur.

Legimus in scriptura Sacerdotes vocatos fuisse Angelos; Angelos verò dictos esse Sacerdotes, aut Episcopos nunquam legimus. p.84.

§. *Næ tu magnus negator es. p.85.*

Iesuitam imitari hæreticos qui hæreses suas, ubi infamiam metuunt, premunt; ubi non metuunt, spargunt; quia hominum magis odia quàm Dei fugiunt, &c. p.86.

Kk iij



*De non diuidendis à se inuicem ordine & iurisdictione Episcopali*, fusè tota hac Sectione.

Christus Episcopalem statum, non mancum quippiam, mutilumue instituit, sed plenum, integrum, perfectum, & Sacerdotij sui summi ac perfectissimi summam perfectissimamque imaginem; vt qui summas illas muneris tanti potestates separare ac dilacerare conetur, similiter faciat, ac si Sacerdotij Christi, diuinæque ipsius naturæ proprietates dirumpat, & Christi in terris præcellentissimam imaginem obliteret. p. 87.

Sicut corpus nonnisi propter animam, anima propter corpus, condita fuerunt; sic Episcopalem iurisdictionem propter Episcopalem ordinem, ordinem Episcopalem propter iurisdictionem condidit Deus. Vtraque pars alterius societatem & adiunctionem natura sua flagitat, & ad eam toto institutionis suæ velut instinctu & pondere fertur, itaut eas disceindere nihil sit aliud quam violare naturam à Christo conditam, & in ipsomet quodammodo Ecclesiæ capite proprium schisma constare, &c. p. 88.

Ideo Patres de Episcopatu Catholico non solent loqui nisi tanquam de vnica potestate.

Est summarum quarumque potestatum proprium, vt videantur multiplices, cum tamen ipsæ summam vnitatem & simplicitatem obtineant.

Olim non magis Episcopum agnoscebant eum qui characterem Episcopalem sine iurisdictione teneret, quam eum qui iurisdictionem sine characterem, &c.

Electio Episcopi non est Episcopi creatio, sed creationis inchoatio, quæ tandiu fluere censenda est, donec ad terminum consecrationis peruenerit.

Hinc in tota Ecclesia veteri electiones Episcoporum, eodem cum consecrationibus tempore, fieri consueuerant. p. 90.

Reprehenditur vox Suarij à Iesuita laudata, *Episcopum nomen esse ordinis potius quam iurisdictionis*. Quod Episcopatus directè vtramque potestatem, & expressè completatur, &c.

Atque hæc est eminentia dignitatis Episcopalis supra Sacerdotalem; quod Sacerdotalis nullam per se iurisdictionem, nec includat, nec exigit, vtpote imperfectior, & Episcopali subiecta, cuius nutu regi, & ad operationes ac munia Ecclesiæ admoueri, non ipsamet proflire debet, vt Canones iampridem sanxerunt, &c. p. 91.

Caput notatu dignissimum ad quod velut

ad fontem sequentia referentur.

§. *Itane te innoxium*, p. 93.

Ecclesiam etsi Episcopo interdum carere cogatur, tamen eo semper indigere; dolentem ac mœstam eius desiderio anhelare, velut sponsam non ornatam, orbatam viro suo. p. 94.

Antiquæ primorum Ecclesiæ sæculorum persecutiones, Episcopos præcipuè, vt capita, quibus excussis membra reliqua facilius quaterentur, feriebant. Exempla nota sunt. p. 95.

An debeat Episcopus parere principi, vt Ecclesia sua discedat, aut aliquid Dei legibus contrarium, imperanti.

Censet Iesuita in quauis persecutione verum esse dictum, Episcopum non esse Ecclesiæ necessarium, nisi propter consecrationem Sacerdotum. p. 95.

§. *Terreres me*, p. 99.

Si, vt ait, diuina lex nihil amplius exigit, quam vt tot sint in Ecclesia Episcopi, vt periculum non sit ne totus ordo intereat, & vt sufficientes Sacerdotes populo Christiano suppeditentur; quomodo exigit vt hoc potissimum tempore, Hispania & Gallia suos Episcopos habeant, cum etiam si nulli in iis regionibus forent Episcopi, ordo Episcopalis in aliis regionibus faciliè conseruaretur? p. 100.

Sed nimirum isti, si Galliam & Hispaniam Episcopali ordine spolient, Christianorum omnium graue odium, & meritissimam execrationem reformidant, in spolianda Ecclesia Anglicana infamiæ minus metuunt, &c. p. 101.

Adeo connexa est Ecclesiarum omnium ratio, & Episcopatus, vt cum Cypriano loquar, vnitas, vt ex vna regione pelli non possit, quin eadem opera ex Catholicis plerisque gentibus deijciatur.

§. *Cacior an superbior sis*, p. 103.

Iesuita non putat legem diuinam exigere, vt Ecclesiæ particulares ab Episcopis regantur particularibus; nec hoc sentu ait Episcopos necessarios propter regimen Ecclesiarum, quasi ad hoc necessarii sint iure diuino, sed necessarios intelligendos innuit ex decentia, & congruentia quadam, &c. p. 104.

Hæc opinio hæresis indubia est, vno impetu omnia Ecclesiæ capita inusitato sæuitiæ artificio demetere; quali tyrannorum immanissimum optauisse ferunt, vt iuxta Reipublicæ ceruices vno ictu amputaret.

Quamuis interdum Ecclesiæ alicuius regimen Presbytero committi posse videamus, non ideo non essentialiter ex Christi



institutione, ad ordinem Episcopalem pertinet.

Præposteri & levis ingenij est, res Morales ad essentias Metaphysicas, & ad præcisiones Logicas admetiri: sicut sancta sanctè tractanda, ita moralia moraliter spectanda sunt. Suus cuique ordini genius, suavis & ratio est.

Sicut nemo dubitat quin Ecclesiæ regimen essentiale esset Apostolis in hac vita degentibus; ita dubitandum non est quin idem regimen Episcopis, & muneris Episcopali essentiale, & penitus inseparabile dici debeat, cum tota Ecclesiæ antiquitas eos Apostolorum successores agnorit, &c.

De necessitate regiminis Episcopalis à Christo instituti. p. 105.

Si regimen Ecclesiæ Presbytero quandoque commissum est, id fuit ad breue tempus, quod moraliter nullum est.

§. Hic iam fracti sunt. p. 107.

Planissimè vult Iesuita, fore satis si Ecclesiæ rector Presbyter quispiam fuerit, verbi gratia, Archidiaconus, cui aliqua iurisdictio, & potestas regendi populum tribuatur; At necessarium non esse vult ut sit Episcopus. p. 108.

Sola prædicatio verbi & Sacramentorum administratio, ut nulla alia pars Ecclesiasticæ functionis necessaria esset, Episcoporum necessitatem adstrueret ex instituto Christi. Ad eos enim hoc vtrumque munus pertinet, tanquam ad ministros principes ac summos; Ad Presbyteros verò tanquam ad ministros, seu operarios inferiores, &c.

Episcopalis ordo est potestas summa in Sacramenta omnia, & in omnes actiones Hierarchicas, quæ omnes ab eo ut capite & fonte in Ecclesiis particularibus fluere ac manare debent ex Christi lege, sicut ab vniuersali Episcopo, in totam Ecclesiæ vniuersalis amplitudinem. p. 109.

Singuli à Christo Episcopi in singulis Ecclesiis particularibus constituti fuerunt velut externæ ipsius imagines, & internam inuisibilemque ipsius administrationem, externa visibilique administratione in iis Ecclesiis representantes, itaut sint fontes cuique Ecclesiæ proprii, à quibus omnis Hierarchica actio necessariò oriri debeat, sicut à Christo omnis interior.

Sicut Episcopus refert Christum, & eius imago eximia est in totius Dioceseos ambitu; ita Episcopum refert Parochus in Paroecia, ubi ab Episcopo constituitur, quasi minor quidam Episcopus, ad quem omnes Ecclesia-

sticæ actiones intra Paroeciæ fines, tanquam ad primum sub Episcopo auctorem referuntur. p. 110.

Atque hoc pacto totus grex per ministros, ministri inferiores per superiores, variorum graduum nexibus, & multiplici vnitatis compagine ad Christum totius Hierarchiæ, & potestatis, & actionis Hierarchicæ caput vltimum rediguntur; ut fiat vnum ouile, & vnus Pastor.

Hanc Episcoporum potestatem sic à Christo compositam & institutam, per solos Presbyteros suppleri non posse.

§. Philosophorum. p. 112.

Indignum esse doctrinam fidei, quæ tota diuinam institutionem intuetur, ex eaque tota pendet, ad puerilia ptincipia Logica, vel omnino ad humanæ mentis sensuumque nostrorum captiunculas reuocari, &c.

Sine hac tam effræni licentia docuit nos Spiritus sanctus Scripturis sanctis: sine hac docuere, & docti fuere sancti Patres: sine hac gregem Christi ab initio docuit, & etiamnum docet Ecclesia, &c.

§. Tam in auctoritatibus. p. 114.

Probatum olim Episcopos singulos singulis ciuitatibus præfuisse, itaut si vici etiam populosiores efficerentur, sui illis imponerentur Episcopi. p. 115, 116.

Neque Apostolos, neque diu eorum successores, istis Episcopalis dignitatis insignibus, quæ Iesuita Episcopo in Anglia defutura causabatur, liberè frui potuisse. p. 117.

Nunc maximè *Ecclesia Anglicana*, primam illam florentemque Christianæ Ecclesiæ sub persecutoribus ætatem refert. Ibi religio renascenti, & reuiviscenti similis. Et quod D. Chrysostomus olim dixit, Ethnicismum floruisse quamdiu Imperatores fauentes habuit, simulatque eorum favore nudatus est, corruisse: At Christianismum crescere illis aduersantibus; ipsis verò fauentibus languescere: Id hoc tempore de veris ac piis Britannicæ Catholicis varias ærumnas perpetientibus dici potest. Non enim solum sanguis Martyrum, sed etiam persecutio & toleratio Martyrum semen est Christianorum. Nec eos solum martyres antiqua vocauit Ecclesia, qui sanguinem pro Christo fudissent, sed etiam qui labores & ærumnas pertulissent. p. 118.

Nullus tantus Episcopalis dignitatis ornatus, quam martyrij purpura. Suum ab eo fulgorem, flammamque suas primorum Ecclesiæ Procerum purpura mutuatur.

Kk iij

Martyrio Episcopalis muneris perfectio consummatur.

Nusquam adeò splendide suas partes, ac suum decus Episcopalis dignitas obtinet, quàm in persecutione.

§. De Lanteris. p.119.

Historia ordinationis sancti Eusebij Episcopi Carthaginensis tempore Hunnerici regis, à Iesuita ridiculè allata ostenditur, atque ex verbis sancti Victoris, ex quo deprompta est, & eius expositione conficitur ex ea sequi, quod Iesuita negabat, Episcopum in persecutione magnum commodum, & alacritatem afferre Ecclesiæ.

§. Nihil est quo imperita. p.126.

Quantæ & quàm graues fuerint *primæ Ecclesiæ persecutiones*. Episcopos nihilominus in singulis ciuitatibus fuisse constitutos. p.127.

Sicut Apostoli in componendo rei Ecclesiasticæ statu ac regimine, proprias cuiusque regionis diuisiones secuti, ne Respublica Ecclesiastica à ciuili Republica discrepare, vel abhorre videretur, primarias & Metropolitanas Ecclesias in iis vrbibus constituerunt, quæ iam Prouinciarum quarumque capita, seu Metropoles reperiiebantur: sic in locis vbi propria seorsum ciuium corpora, seu ciuiles cœtus, seu ciuitates, iam conditæ fuerant, singula etiam Ecclesiarum particularium, seu ciuitatum Ecclesiasticarum, corpora condiderunt, vt ciuiliū rerum ordini diuinarum rerum ordo congrueret, & vterque ab eodem Deo existere probaretur, sicut docet Apostolus. p.129.

§. Adone floccu. p.130.

Ostendit Iesuitam petulanter agere in summum Pontificem, eius prouidentie maturitatem in contemptum hominum, & in ludibrium trahere, ne sibi desit, quod ad verissimas Facultatis Parisiensis reprehensiones respondeat. p.130.

§. Si imperitis. p.132.

Probatur hac Sectione, *Officium Curatorum totum esse charitatis*.

Si Curati non obligarentur ex charitate, quia seposita obligatione officij sui, non magis obligarentur quàm ceteri, sequeretur inde nec Christum Dominum, mundum ex charitate debuisse redimere, quia seposito mandato Patris quod ad obedientiam pertinebat, non obligabatur. Verùm, illo ipso mandato Patris obligatio ei charitatis summæ imposita fuit, quia obedientiam ab eo Pater, non tanquam à seruo ac mancipio seruilem, sed velut à filio dilecto filialem, sincerissimam, amantissimamque exegit, sicut ait ipse Chri-

stus; Diligo Patrem, & sicut mandatum dedit mihi Pater, sic facio. p.133.

Speculatâ per se naturâ externâ cuiusuis operis, ipsum opus nulli virtuti singulatim, sicut nec vlli vitio, absolutè tribuendum est, sed per se indifferens dici debet, quasi materia cuiusuis virtutis atque adeò vitij; quòd tum benè, tum malè fieri possit. Nec est vlla omnino virtus, quæ vllum opus externum nominatim intueatur, sed omnia obiecta materialia virtutibus inter sese communia & indifferentia sunt, sicut omnibus formis omnes materiae, materiis omnibus omnes formæ, &c.

Parochorum illi Officium non aliter concipiunt, quàm instar humanæ pactionis, seruilis famulitij, contractus onerosi; quo alter alteri ad molestum laborem certis conditionibus adstringitur, velut arator ad stiuam. Nec aduertunt obligationes omnes nouæ Legis, eiusdem esse naturæ cum noua Lege, à qua nascuntur & mensurantur. Noua verò Lex ex hoc differt à veteri, quod tota interior sit, tota charitatis, tota amoris illius, quem Christus Discipulorum & Ecclesiæ cordibus die Pentecostes infudit, &c. p.135.

Christus eam curam cùmque amorem quibus impendi iubet, vt non solum omnia iis postponere Pastores, sed seiplos eorum gratia proijcere, & morti offerre parati esse debeant, quo genere charitatis nullum maius esse, aut præstantius ipse docuit. Ergo iubet ex charitate etiam perfectissima pascere.

Pactio ista primariò initur cum Deo ouium Domino, & principali Pastore, cuius est oues suas aliis pascendas committere: non autem ouium seipsas suo arbitrio tradere, & subiicere quibus velint, cùm non sint sui iuris, vt ait Scriptura, sed eius qui emit eas pretio magno. Eius ergo est primariò oues suas, aliis pascendas tradere, & ab eo illas Pastores accipiunt, eisque se mercedis æternæ, non temporalis stipendij pactione, Pastores obligant. p.136.

Non si Parochi ex iustitia obligantur, idè ex charitate non obligantur. Id patet ex coniugibus, quorum mutuus amor imago est perfectissimæ Christi in Ecclesiam charitatis. p.137.

Quamuis Religiosi votorum vinculis teneantur adstricti, non tamen in iis perpetuò hære, nec eorum nexibus animos assidue irretire, sed superius euolare debent ad altissimam in Deū charitatis apicem, cui se primariò, licet minùs quàm Ecclesiæ Pastores, obligauerūt, &c.

Pastores Euangelici à D. Ambrosio, non solum curæ Pastoralis Christi, sed etiam amoris eius Vicarij appellati sunt.

§. Non solum mentem. p. 139.

Locum D. Thomæ de obligatione & merito Parochorum à Iesuita citatum, ipsum non iuuare, sed impugnare.

Indignum esse ut Regulares qui ab Ecclesiæ Pastoribus ad animarum messem, quasi operæ subsidiariæ, humaniter admittuntur; illis ipsis, à quibus beneuolè admissi fuerunt, subito sese anteferant, &c. p. 140.

§. Ex alio in aliud. p. 140.

Quam proteruè Iesuita Theologos Parisienses tot iam sæculis illustres, tenebriones dicere audeat. p. 141.

§. Rursus ad calumnias. p. 141.

Expenditur vox Iesuitæ, Parochos sine stipendio non laborare. Malitiosum eius artificium. p. 142.

Meritò propositiones eorum in hoc genere dubiæ, pro minimè dubiis habentur, quia nemo in aduersarij contemptum dubiè loquitur nisi ex certissimo contemptu, quem cum apertius expromere non audeat, sub tenui verborum velamine audaciùs iaculatur.

In tanti momenti rebus ipsa ambiguitas crimen est.

Nullus est status à terrena cupiditate purior quàm Parochorum & Episcoporum, cum eorum officia omnia sint charitatis summæ minimèque vulgaris. p. 143.

Tantum abest ut puritatem illam, quam omnibus Mendicantium Ordinibus, nedum Parochis & Pastoribus, prætipere gestiunt, ipsis potissimum, reiectis aliis, adiudicem; ut si aliis, adiudicandam esse concessero, ipsis tamen sin abrogaturus; quippe hominibus iniquissimis, qui non solum diuitiarum, sed etiam paupertatis præ cæteris omnibus possessionem & præcellentiam ad se trahant. p. 144.

De paupertate Iesuitarum.

In sola vrbe Parisiensi è solis concionibus Quadragesimalibus amplius octo libratum nulla annua sæpissimè conficiunt. p. 145.

Dum supercilioso fastidio minora & vsitata cæterorum stipendia repudiant, maiora, & illis inusitata eliciunt; viam aliorum simplicem solertia quæstuosiore declinantes.

De beneficiis Ecclesiasticis eorum possessionibus insertis.

Singularis eorum in priuatorum quorumque liberalitate prolectanda dexteritas & peritia. Omnes quæstuum norunt vias.

Splendidissima eorum passim ædificia variis surgentia regionibus, quibus nihil simile in cæteris ordinibus sumptu magnificentiaque cernitur. p. 146.

Mercimonia prorsus temporalia pluribus

locis instituta, vnde naues in oras Indicas, & variorum marium regiones destinantur. p. 147.

Nimium malè de hominum iudiciis Iesuitæ opinantur, si tantam dictorum factorumque suorum, ostentationis & veritatis discrepantiam latere putant. Errant, inquam, grauissimè, si quem esse censent adeo plumbeum, qui non sentiat ludi ab eis, penèque proscindi Bullas Pontificias, quibus Ordinum Mendicantium, & pauperum classibus adscribuntur.

§. Superiori responsione. p. 148.

Stulta arrogantia Iesuitæ in intempestiuam Suarij laudationem erumpentis, & cum Facultati Parisiensi velut ad inuidiam opponentis. p. 148.

Superbarum & simul stolidarum mentium hæc propria est cogitatio, ut dum se suaque admirantur & amant, ea sibi ab omnibus inuideri suspicentur.

An Suarez verè à Iesuitis dicatur Theologorum huius æui doctissimus & communis orbis magister.

Theologiam scholasticam in schola Parisiensi natam & adultam. Huic omnia debere Iesuitas. p. 149.

Fen-ardentium menda reperisse grauias & crassa in Suario, & in communi orbis magistro minimè toleranda.

Theologorum Parisiensium modestia & solida eruditio.

Licet enim sine fuco, ex purissima veritate profiteri, paucas esse Suarij paginas, in quibus mox aperto libro, non se offerant legentis oculis errata, & hallucinationes modò ridiculæ ac leues, modò maioris momenti, quæ insigniter vapulare mereantur apud Ecclesiasticæ doctrinæ & traditionis, & scientiæ verè Theologicæ confcios. p. 150.

Aliqua de Vasquezio.

p. 151.

Refellitur vox Suarij; Religiosos compensare posse maiore seruire charitatis, obligationem Officij Pastoralis. De Charitate Pastorum.

Refellitur secundo quòd dixerit Religiosos ex vi status habere debere puriorem intentionem quàm Parochos, nulla temporalia lucra vel honores per huiusmodi ministeria quærendo. p. 152.

Stipendia Pastorum, postquam Deo in Pastoribus oblata fuerunt, fiunt sacra & spiritalia, tum propter ipsam oblationem fidelium seu consecrationem; tum propter purissimum intuitum animi, quo ab his offerri, ab illis suscipi debent, ex norma Christianæ legis ab Apostolo Pastorum patre ouibus suis luculenter expositæ. p. 153.



Generatim Christiani omnes, non Pastores soli, habere debent animos ab omni terrenarum rerum corruptione purissimos, ab omni temporalium commodorum labe deterfos; nec contrarium sine hæresi sustineri potest. Hæresis enim est, non omnem cupiditatis impuritatem noua lege prohiberi, seu non esse malam, ideoque Christianis omnibus vetitam. p.154.

*De stipendijs Pastorum.*

Refellitur tertio Suarez, quod dixerit statum inferiorum Clericorum non excedere communem statum vitæ christianæ. p.155.

Eiusdem terrena doctrina de pinguioribus beneficiis assumendis.

Nihil adeo Ecclesiastico homini metuumdum, nihil adeo repugnare, quam cupiditas & quæstus: quia nihil adeo charitati contrarium est, quæ graduum munerumque Ecclesiasticorum apex est ac velut anima, cum nihil aliud sint nisi professiones quædam, & officia charitatis.

Iesuitas non ex scripturarum & Ecclesiæ legibus abusus inuitos emendare; sed contra ex ipsis illis abusibus perpetuam Ecclesiæ disciplinam delere, eoque in veras & probatas leges efferre conari.

*§. Rursus ad effugia. p.158.*

*De Hierarchia Ecclesiastica.*

Iesuita probat Regulares esse de Hierarchia quia sunt de Ecclesia. Quod profecto est Regularibus dare nihil, & privilegium seu excellentiam ut de Hierarchia sint, eadem ratione qua iis attribuitur, adimere & euertere, ut solo iam verborum honore afficiantur. Nulla enim prærogatiua in eo est, quod omnibus ex quo conuenit. p.159.

Sunt quidem fideles omnes sub Hierarchia, sed in ipsa Hierarchia non sunt, nec Hierarchiæ ipsius consortes sunt: sicut omnes regni alicuius subditi, sub Monarchia quidem sunt, sed non sunt in ipsa Monarchia, seu Monarchiæ ipsius consortes, &c. p.160.

Hunc errorem à Concil. Tridentino fuisse damnatum.

*§. Numquamne desines. p.161.*

Non si Religiosi quidam ad Episcopos adiuuandos destinantur, continuo etiam Sacerdotes esse debere, & iis deberi Sacerdotium. p.162.

Ita Religiosi quantumuis quispiam statum religiosum vouerit, cum tamen illi à se debent non putant, nisi non solum probum, sed etiam Monachalem aut religiosum animum præ se ferat.

Si sine peruersione Ecclesiasticæ disciplinæ, quæ tam accuratam in deligendis ad Sacerdotium dignissimis quibusque Clericis sol-

licitudinem præcipit, dici non potest deberi Sacerdotium inferiorum graduum Clericis; qui tamen suapte natura & Christi institutione ad Sacerdotium destinantur, quanto minus Regularibus? p.163.

*§. Apagæ ineptias. p.164.*

Vox impia Iesuitæ in Apologia; Religiosis qui suo instituto ad Sacerdotium destinantur, deberi Sacerdotium, perinde ut iis qui ad Episcopatum, aut ad Curam Parochialem promoti sunt necdum Sacerdotes; adeoque Religiosorum illorum statum esse statum Sacerdotij, perinde ac Episcopalem, ac Parochialem gradum.

Quanto modestius senserit D. Thomas qui scribit discipulatus, & subiectionis gradum per se competere Religiosis. p.166.

Sacri Canones Episcopatus & Pastoratus Ecclesiæ, nisi iis qui inferiores omnes Hierarchiæ Ecclesiasticæ gradus emensi fuerint, demandari vetuerunt.

Iesuitas dum ordini suo Sacerdotium per se annexum & debitum, & quodammodo naturale faciunt, longè plurimis & nobilissimis Religiosorum ordinibus, ut Benedictinorum, Carthusianorum, Cisterciensium, Coelestinorum, Hieronymitarum, aliorumque plurium proteruè se anteponere, & grauissimè omnium iniurios esse Seraphico Minorum ordini & capiti eius sancto Francisco, qui cum esset Sacerdotio dignissimus, indignum se eo iudicauit, & perfectam virtutem perfectæ prætulit potestati, &c.

*§. Quo maior est. p.171.*

Ex eo quod Apostolus *Opitulationes* prius posuerit quàm *Gubernationes*, colligit Iesuita Regulares esse altiore loco in Hierarchia quàm Sacerdotes Ecclesiasticos, quia videlicet nomine *Opitulationum* regulares soli, nomine *Gubernationum*, alij Sacerdotes intelligantur. p.171.

Bonauenturam citatum à Iesuita iugulare expositionem eius, dum negat textum D. Pauli de solis regularibus, sed simul de omnibus qui Episcopis opitulantur, seu regularibus, seu aliis interpretandum esse.

*§. Impia quidem notam. p.172.*

Probat locum D. Thomæ citatum à Iesuita, ab eo turpiter fuisse falsatum, dum fingit dixisse illum nomine *Opitulationum* intelligi regulares qui iuuant Prælatos maiores in regimine vniuersalis Ecclesiæ, cum tamen Archidiaconos in exemplum Episcopi *Opitulationum* afferat. p.173.

Nomine Prælatorum maiorum intelligi hic à Iesuita Pontificem maximum, cuius scilicet vnus illi adiutores se dicunt, nullum



agnoscentes in Ecclesia sub ipso fastigium, cui fauces submittere velint, &c. p. 174.

Refelli eum verbis ipsis S. Thomæ, qui Religiosos subseruientes facit Parochis, quos etiam alibi minores Ecclesiæ principes appellat.

Neque tales fallacias, tam ieiunas, tam olidas, tam informes Iesuitæ Christiani orbis oculis obijcerent, nisi Deus pœnas eorum superbiæ, quæ manifestos errores ingenti peruicacia regere voluit, per manifestam eorum stoliditatem exigere voluisset, qua peruicax illa superbia, tanto maiorem confusione incurreret, quanto illam iure promeritam, iniquioribus artificiis effugere conaretur. p. 175.

§. Hoc loco primum. p. 177.

Iesuitam falso asserere Concilium Tridentinum vti textu Apostoli. 1. Cor. 12. ad probandam Hierarchiam, cum locus à Concilio citatus legatur tantum in 4. capite Epistolæ ad Ephesios. p. 177.

Prophetas, quorum nomen Paulus Apostolorum nomini secundum adiungit in gradibus Hierarchicis numerari non posse. pag. 179.

De Dono Prophetiæ.

§. Hic iam digrederis. p. 180.

De Patre Bineto, in Pseudo-Fontanum transformato. p. 181.

Libellum hunc eius leuitate sua, & futile loquacitate censuræ pœnam euasisse, qua alioquin propter errores & audaciam inurendus fuerat. p. 182.

Multo habilior ille putatur scribendis histrionicis ægotantium Consolationibus, quod iampridem fecit sanè feliciter, itaut à quibusdam minimè malis hominibus *spiritualis scurra* dicatur; quam Theologicis rerum grauiorum disputationibus extricandis.

Cum Deus ægritudines humanis corporibus immittat, ut animi à terrenarum rerum studiis & suauitatibus velut ablaententur; Consolator iste diuinæ providentiæ consiliis obstrepens, ægros homines fabellis anilibus, & theatralibus nugis, &, ut ait Apostolus, stultiloquiis, ad sæculares iocos, & ad humanorum gaudiorum illecebras abripit, nescius tristitiam, quæ secundum Deum est, pœnitentiam in salutem stabilem operari, & in hoc tristitiæ genere veram & Christianam ægotantium consolationem, non in scenico artificio, nec in ludicra humanarum cupiditatum titillatione, nec in ioculari garrulitate sitam esse. p. 183.

§. Ad hanc Petri Damiani. p. 184.

Epistolam Petri Damiani, cuius testimo-

nium ostentabat Iesuita, esse subdititiam & spuriam multis argumentis probatur. Ostenditurque stolidam superbiam in Clerum, quæ in Epistola illa eminet, humilitati Petri Damiani summaque illius in Episcopos reuerentiæ maximè repugnare. p. 188.

Canonici regulares sunt pars Cleri: Eximia de illorum institutione. p. 191.

Iesuitas arripuisse Religiosorum nomen quasi ciuilius & plausibilius, repudiato Monachorum nomine, quod ceteræ Religiones, & habuerunt semper, & nunc etiam retinent. p. 191.

Religiosorum nomen, omnium Christianorum, pietati præcipuè studentium, ab initio Ecclesiæ Catholicæ fuisse commune. p. 193.

Monachi olim in Ecclesia nuncupati, non tam quod vitam seorsum agerent seclusi à cœtu hominum, quam quod affectu animi à creaturarum rerum societate diuulso, à terrena multiplicitate segregato, in simplicem & vniuersi modi vitam, in habitum mentis vni Deo adhærentem colligerentur. Quæ vniuersi modi vita, quia facilius in solitudine corporea, & in locis ab humano cœtu remotioribus comparari, seruarique potest; contigit ut etiam corporea solitudo Monachorum vitæ ac nomini, quasi complementum deinde adiuncta fuerit; sic tamen ut solitudo illa animi præcipua remanserit, ex qua Monasticus status, & Monachorum appellatio spectaretur.

Iesuitas, cum se Monachos negent, laudes & iura Monachorum immerito ad se trahere.

§. Ne nunc quidem. p. 194.

Ostendit SS. Thomam & Bonauenturam, in Apologiis suis, contendisse tantum aduersus suorum ordinum impugnatores, licere Religiosis mandatum sibi à Præsulibus ministerium suscipere, non autem has ipsas Ecclesiæ functiones suo iure sibi vindicasse.

§. Quo longius progredieris. p. 198.

Explicatur locus D. Thomæ de perfectione Religiosorum, à Iesuita citatus. p. 198.

Sancti Thomæ, quod Archiepiscopatum Neopolitanum recusarit, captoisa laudatio. p. 200.

Morem illum familiarem esse Iesuitis, ut de voto illo, quo spondent se nullas Ecclesiæ dignitates suscepturos, quauis occasione data gloriantur.

Non minor, imo maior in recusando Episcopatu ambitio metuenda est, quam in suscipiendo. Recusare enim maioris amplitudinis animi est iuxta hominum iudicium, speciem

habet illustriorem, laudabiliorem, minus vulgarem, ideoque periculosiorem, fallaciorem, altiori superbie viciniorem. Episcopatum igitur suscipere verè vocante Deo, bonum & meritorium est; multoque interdum magis quàm recusare. Qui enim vocante Deo, recusat, non laudem meretur, sed probum; Deum offendit, derelictæ vocationis reus est. Idemque iudicium fieri debet de toto externo Religionis habitu, & de omnibus generatim externis rebus, ad quas nemo rectè adijcit animum, nisi vocante Deo, & diuinæ gratiæ impulsu feratur.

§. *Gravissimè errat.* p. 201.

Gersonem loco à Iesuita citato, non contextuisse ordinem Hierarchicum, proprium & adequatum, sed tantum ordinem eorum, qui potestatem Ecclesiasticam ordinariam in Hierarchia obtinent, hoc est Ecclesiasticæ potestatis influxum ordinarium à primario capite, per omnes deinceps inferiorum capitum gradus, ad infima membra, & ad ipsas vestimenti Christi oras manantem. Hoc probatur ex ipsius verbis.

§. *Egregiè argumentareris.* p. 203.

Ieiuna & inanis vanitas Iesuitæ, qui eo nomine Regulares intromittit in Hierarchiam, quo etiam vulgo infimo aditus in eam pateat; quasi videlicet idem sit in Ecclesia & in Hierarchia esse.

p. 203.

Refellitur hæc ineptia, & ostenditur non eam esse negligendam, quoniam isti prius nominis possessionem adire volunt, ut postea veram nominis significationem sibi vindicent.

p. 204.

Hierarchiæ Hierarchizati nomen fictitium esse, & nusquam usurpatum, ad novi erroris novitatem, novi nominis fraude velandam ab ipsis fabrefactum.

p. 205.

Ultimam Angelorum Hierarchiam esse verè Hierarchicam, quia potestatem suam Angelicam exercet erga homines.

p. 206.

Angelos ultimæ Hierarchiæ, qui potestatem exercent non in Angelos, sed in homines tantum, similes esse ministris inferioribus Ecclesiæ ut Diaconis & aliis, qui olim functiones suas Hierarchicas, non nisi in homines extra Ecclesiam constitutos exercebant, nimirum Catechumenos, Pœnitentes, & Energumenos. Qui omnes extra Ecclesiæ communionem erant.

Hæc si nonnullis videntur nova, sciant adeo esse vetera, ut solis iis qui nova quærent, vetera nesciunt, ipsa vetustate sint nova.

p. 207.

§. *Prætereo retritam.* p. 208.

*Monachus non esse in Hierarchia à sancto*

*Dionysio collocatos.*

p. 209.

Ideo consecrationem Monachorum Presbyteris fuisse relictam, cum Virginum consecratio solis Episcopis reservaretur, ne quid esset, quo similitudine consecrationis, Ecclesiasticis gradibus, & Hierarchiæ se infererent.

p. 210.

Pergit refellere commentum istud Hierarchiæ Hierarchizati, ex Dionysio.

p. 212.

§. *Ad hæc iam nauscat.* p. 214.

SS. Bonaaventuram & Thomam probare tantum in Apologiis Regularium, functiones Hierarchiæ non repugnare Religiosis, sed iis ab Episcopo rectè committi posse.

p. 215.

*Alij Religiosorum ordines cum Iesuitarum ordine conferuntur.*

p. 216.

Locus eximius de *conspiratione primi Angelis*, partem Angelorum ad se trahentis, & immota sanctorum Angelorum firmitate; quæ ad rem præsentem aptissimè accommodantur.

Religiosos simplices non eo ipso ad Sacerdotium pertinere, quod ad Sacerdotium destinantur.

p. 217.

§. *Proxus quid dicat.* p. 218.

Stultè repetitur locus Gersonis supra explicatus ut ostendatur Regulares esse de Hierarchia.

Insulsa & præpostera argumentatio Iesuitæ ex Concilio Tridentino.

p. 219.

§. *Huius argumenti.* p. 220.

Discrimen Laici aut Clerici minoris ad Episcopatum electi, à Religioso quovis, etiam ordinis ad Sacerdotium instituti.

p. 220.

Olim vetitas fuisse ad pastoralia Ecclesiæ munera electiones, nisi eorum tantum qui iam per omnes inferiorum Ecclesiæ ministeriorum gradus decurrissent.

Ministros olim Ecclesiæ simul eligi & consecrari solitos.

p. 221.

*Quid electio ponat in electo.* Pendente ordinatione ministrum nondum esse, sed fieri, &c.

§. *D. Bonaventura.* p. 223.

Exponitur locus D. Bonaventuræ de institutione Ordinum Religiosorum.

*Præclara de vocatione Ministrorum.*

Non sola externa missio sufficit, etsi necessaria est, ad pium & Deo placens ministerium, sed simul interna missio, quam Deus ipse interiorius instillet, exigitur; ita ut ministri non tantum ab eo manifestè per ministros & Ecclesiæ præsides, sed etiam ab ipsomet intrinsecus per Spiritus sancti impulsione mittantur. Alioquin ministerium vtrumque aliis utile, ipsi ministro inutile, noxium, damnosum est. Atque ob hanc causam docuerunt SS.

Patres

Patres Ecclesiasticum ministerium, non solum ambiri, sed nequidem appeti posse. Et hæc ipsa causa fuit, cur sanctorum alij externæ vocatio- ni consenserint, alij restiterint, &c. p.223.

Sacrum dici id nonnunquam, cuius auctori- tas & potestas à Deo est. Ita sanctiones Impe- ratorum, & ab ipsis, & à Conciliis nonnunquam diuinas vocari.

§. Nunquamne Scriptorum. p.225.

Parochorum officium, si minus institutionis diuinæ seorsim est (quod est tamen probabilis- simum vt agnoscit Suarez ipse) essetamen in Episcopo; non solum quia ab Episcopo sit in- stitutum, vt alia quæuis Episcopalia Instituta, sed quia in ipso Episcopo inclusum à Christo est, vt in fonte ac plenitudine Hierarchicæ potesta- tis, in qua Parochialis potestas ab Episcopo in Parochum transfusa cõtineatur, vt riuus in fon- te, vt radius in lumine, vt pars in toto. p.225.

Contra Religiosos ordines, neque in se, ne- que in alio eiusdem generis fonte, & toto diui- nitus fuisse institutos.

§. Age, age. p.228.

Dici non posse eos tantum esse de Hierar- chia hierarchizante, qui hierarchizant tanquã dominantes & principantes, cum hocposito etiam Diaconi, & simplices Presbyteri è Hie- rarchia exturbarentur. p.228.

Opinionem Bellarmini, simplices Presby- teros & Diaconos Ecclesiæ principibus inte- rentem, falsam esse.

§. Nec enim est de ignorantia. p.233.

Iam inde ab Ecclesiæ initio Monachos, non secus ac omnem fidelium multitudinem, Epi- scoporum potestati per omnia paruisse. p.235.

Monachorum regendorum, instituendorum, perficiendorumque potestatem fuisse penes Episcopos, non vlla Ecclesiæ, aut Romanorum Pontificum lege, sed sola Pastoralis officij, & muneris auctoritate.

Probatum hoc auctoritatibus.

Falsissimam esse Iesuitæ vocem, primis Ec- clesiæ temporibus Episcopos regulares fuisse. p.236.

Probatum exëplis paucissimos regulares fuisse.

Imò Patres scriptis mandasse, Monachos pa- rum idoneos ad Ecclesiæ munera videri, & pau- cos admodum sua memoria extitisse, qui ea fe- liciter administrarint.

Virginum cœtus in Ecclesia antiquiores esse quàm Monachorum; viduatum rursus quàm Virginum. p.237.

Canonistarum veterum volumina, quàm Theologicis erroribus, & prolapsionibus sca- teant, neminem Theologorum admonendum esse. p.238.

Fallaciter agere Iesuitam, qui vnicum S.

Thomæ locum, in angulo commentarij in sen- tentias à iuniore conscripti, retrusum eruat, ne- glectis clarissimis eius in summa Theologica te- stimoniis, inquam quidquid luminis, & peritiæ maturioris habuit, ab eo congestum est. Vbi ait, statum religionis comparari ad statum Episco- palem, sicut disciplinam ad magisterium, & dis- positionem ad perfectionem.

§. Rideat verò. p.241.

Gemere orbem vniuersum tanta trassorum operum, easdem nænias ingerentium & incul- cantium, quæ quotidie sine fine cumulantur, mole oppressum.

De magnis illis voluminibus, vulgatissima cantica, & elementa quotidiana scholarum af- fiduè reficantibus, solide & præclare.

Opus Thomæ Sanchez de Matrimonio, esse pudendum opus non gloriandum, immani cu- riositate, & inuisa in rebus spurcissimis, & in- fandis, & monstrosis, & diabolicis perscrutan- dis sagacitate horrendum: itaut effusa illa spur- carum quæstionum licentia Ecclesiæ Virgini penè ruborem inuulserit. p.243.

Maluerunt Patres ista nesciri à paucis, quo- rum fortè interesset, quàm sciri à plurimis ad pestilentissimæ curiositatis illecebram, ad cu- piditatum fomitem, ad publicum dedecus, dum promiscuè magnis voluminibus ante ora om- nium propositis explicantur. Nam & raro vsu- uenit, vt talium nefandorum cognitione sit opus; & cum vsuuenit tutius viri ptohi Eccle- siasticarum rerum peritiores consuluntur, qui ista ex æquo & bono, & ex Ecclesiasticæ disci- plinæ comparatione dijudicent, quàm ex libro quopiam publicè noxio, aut periculoso, &c. p.243.

Mirum non esse si vnus aut alter Theologus in opere Morali Thomæ Sanchez approbando decepti sint; cum ipse Iesuitarum Prouincialis & Generalis nuper approbarint monstrum illud Garassi opus, cuius innumeros errores, antiquas ac nouas hæreses, solide ac perspicuè confutatas, Iesuitæ ipsi, vel tacita consensione agnouerunt.

§. Quantum nimij impetus. p.246.

Error Iesuitæ, Regulares Parochis anteponen- tis, & Discipulorum successores facientis. p.248.

§. Hæc omnia sunt. p.249.

Ex D. Thoma probari tantum Religiosos for- mam tenere 72. Discipulorum, id est, aliquam eorum similitudinem gerere, & cum iis compa- rari posse; cum iis nulli Regulares tantâ tot se- culorum interapedine, quâ Ecclesiæ ministe- rium sine Religiosis & Monachis gestum est, successerint. p.249.

Extare etiam Clarissimos Conciliorum & Patrum Canones, quibus omnis Ecclesiastica



administratio, Regularibus per multa secula interdicatur.

Septem rationes à Petro Bincto allatæ, vt probet Regulares 72. Discipulis successisse, ostenduntur esse ridiculæ, aut falsæ, & sigillatim refelluntur. p. 250.

Probatur tertiam eius rationem, quâ dicebat Discipulos in omnem regionem esse missos, magis congruere Pastoribus, quorum totus ordo per orbem vniuersum ita mittitur, vt totus ordo Episcoporum, qui tamen singuli suis Ecclesiis alligantur, quique omnes sunt vnus Episcopatus Cypriano, vt Pastores omnes vnus Pastoratus. p. 252.

Demonstratur vna ratione non Regulares, sed Parochos successisse 72. Discipulis, cum iis Christus dederit potestatem ex Euangelio viuendi, vt ait Paulus, & exigendi in mercedem operum ea quæ ad victum & cultum necessaria sunt, quod conuenit Parochis tantum, non Regularibus.

§. Nec argumentis. p. 254.

Iesuitam Parochis petulanter illudere, qui contumeliosè tribuat illis honorem, quem reuerà aufert. p. 254.

Eum missionem potestatemque regularium, ex quadruplici parte superiorem & præstantiorem facere Parochorum, quod illa nimirum sit origine nobilior, obiecto vniuersalior, subiectione liberior, puritate dignitatēque præcellior. p. 255.

Velle Iesuitam sicut Pontifex est vniuersalis Episcopus, ita regulares esse quasi vniuersales Parochos, & ministros eius generales.

Tam superbæ doctrinæ non patrocinari D. Thomam. p. 256.

§. Itane desipis? p. 257.

Refellitur vox Iesuitæ afferentis non esse contra sensum Innocentij III. vt ij qui ex Episcopatu ad religionem transuolant, dicantur alius euolare. Hoc confutatur Innocentij verbis, dum ait: Facilius indulgeri vt ascendat Monachus ad præsulatum, quàm præsul ad monachatum descendat, &c. p. 257.

De *Virdunensi Episcopo*, ad Iesuitarum societatem transmigrante. p. 258.

Eos de illo satiari non posse gloriantes; adeò ab vnius humilitate omnes superbiendi materiam corripunt, &c.

§. Non camillaris tu. p. 259.

Totam regularis status perfectionem in Episcopali perfectione includi, cum ea sit graduum statuūque Ecclesiasticorum natura, vt quique superiores vim omnem perfectionemque contineant inferiorum, vt patet in gradibus omnibus Ecclesiasticis, & supra eos in Angelicis eorum formis & exemplaribus. Hæc doctrina solidè

probat.

p. 260.

Ideò Gregorio Episcopus se habet ad gregem, vt homo ad pecudem, & Chrysostomo vt Rex ad priuatos. p. 261.

Idem probatur ex eo quod, is in statu perfectioni censetur, qui ad maiorem perfectionem obligatur; At ex Scripturis clarum est, quod nemo ad parem, aut vlllo modo comparabilem cum Episcopis perfectionem obligatur.

Si regularis status perfectionis aliquid contineat, quo careat status Episcopalis, clarissimè consequi, eadem etiam perfectione carere summum Pontificem. p. 262.

Nequidem obseruantias regulares deesse Episcopali perfectioni probatur ex D. Thoma, & D. Gregorio, cuius est præclara illa vox: sit Præsultione præcipuus, præ cunctis contemplatione suspensus. p. 263.

Non solum Episcopalem, sed etiam Sacerdotalem, atque adeo clericalem omnem dignitatem, plus ex omni parte, perfectionis & habere & exigere quàm regularem.

§. Iterum hæreticorum. p. 265.

Hieronymi exemplum perpetam afferti à Iesuita pro liberatione regularium ab Episcopis; cum nullis, quod constat, fuerit votis adstrictus, sed tantum solitudini se vitæque puriori mandauerit. p. 265.

Idem à multis SS. Patrum factitatum esse sine vlllo tamen, de quo constat, votorum nexu, vt speciatim de Basilio & Chrysostomo patet; quanquam non deerant tunc qui se etiam votis adstringerent.

De Ioanne Episcopo Hierosolymitano. Hieronymum non legitimam benignamque subiectionem renuisse, qualis Episcopo & superiori debetur, sed iniquam & tyrannicam, qualem Ioannes ab eo speciatim poscebat.

Clericos habendos ab Episcopis vt filios, non vt seruos; amore non dominatione; benignâ & paternâ mäsuetudine, nõ herili imperio. p. 267.

Rebellium hominum vna libertas est, nullam vereri potestatem, neminem suscipere se maiorem. Sani verò & quieti homines maiorem libertatem non habent, quàm legitimis imperiis subijci; & sicut quod Deo pareant, libertatem suam nihil minui sentiunt, imò hac magis augeri quo magis ei subduntur; ita nihilo se minùs liberos putant, quod constitutis à Deo potestatibus, quæ ipsius diuinæ potestatis radij, & quasi partes seu riuuli sunt, obtemperant ac deferant, &c. p. 272.

§. Misere me. p. 272.

Probatur si Episcopi non sunt idonei docendis Monachis, quia regularia instituta non calleant, idem etiam de Romano Pontifice esse dicendū; & proinde hanc contumeliam etiam in ipsius, cui illi adulantur, ludibrium verti. p. 274.



Quàm hæ doctrinæ perniciosæ sint auctoritati Pontificis, ad quam conuellendam, earum auctores, ipsa errorum aliorum ex aliis nascentium consecutione, vel volentes, vel inuiti abripiantur.

Est hæc hæresum omnium, errorumque natia indoles: longam secum trahunt malorum scelerumque grauiorum seriem, cuius admissio initio, cætera eodem agmine irrefragabili pernecitate consequantur. Sic multa hæresiarchæ initio dicere horruerunt ex hæresibus suis consequentia; quæ tamen paulatim priorum hæresum amore ac lenocinio, cum iis pariter complexi sunt, gliscente & inolescente in animis errorum quasi languore. p. 274.

Arguitur vox illa Iesuitæ, si Episcopi non regulares, regulares curare velint, fore eos ante Doctores quàm Discipulos; & ostenditur hac ipsa voce Monachos olim præproperè ad Clericatum prouolantes à Patribus fuisse percussos.

Quàm indignum sit totius Ecclesiæ administrationem minoris fieri, quàm regularium directionem. p. 275.

Quantum illud munus hoc facilius sit, probatur ex Chrysostomo.

Antiquos Episcopos quanquam Episcopatum suum sæpè seruitutem & sarcinam vocent, tamen iura eius diuinæque dotes maiori studio, quàm propria membra fuisse tutatos, &c.

§. Redi, redi in viam. p. 277.

Impudentia Iesuitæ, qui in effusa in Episcopos maledicentia exclamat se sine blasphemandi studio blasphemare. p. 277.

Contumelias eius quibus in Episcopos inuehitur in vnum *Eminentissimum Cardinalem Richelium* cadere. Laus illius. p. 278.

Quo sensu negauerit Gerson homines dignitate venerandos effici. Ita loqui Hieronymum, ita Chrysostomum & SS. Patres.

Eiusmodi locutiones, licet simile quippiam cum Vniclesi hæresibus præ se ferant, prout altissima quæque veritas errori proxima & contigua est; ab ea tamen tantò magis dissonant, quam medium & vulgare veritatum genus, quantò in maiori & excellentiori veritatum ordine sunt. Nihil quippe volunt orationes huiusmodi, nisi hominem ipsa dignitate, non magnum effici, aut venerabilem apud Deum, aut in imis piorum hominum sensibus, aut cæli honoribus digniorem, tametsi humanis externisque dignior fiat.

§. Frustra tegere conaris. p. 281.

Stupor Iesuitæ imperfectum cum peccatore perfectum cum iusto & gratiæ particeps confundentis. p. 281.

Tres iustorum status omnibus notos; Incipientium, Proficientium & Perfectorum à Hier-

nardo eleganter exponi per triplicis generis oscula, pedum, manuum & oris Dei. p. 282.

Qui sint imperfecti ex Scripturis.

Peccatores ne imperfecti quidem sunt in ordine gratiæ, nisi fortè catachresticæ, cum planè non sint, sed mortui sint, & in ipso nihilo & priuatione gratiæ iaceant

§. Quid primum querar. p. 283.

De Plenitudine gratiæ Episcopatus.

Perfectionem quam Episcopatus postulat, non posse esse primam tantum gratiam, & simplicem iustitiæ statum sicut à Iesuita perpetuò supponitur. p. 283.

Illum dedecorare æqualiter vtrumque statum, tum Episcoporum, tum regularium, dum illius perfectionem acquisitam, & huius acquirendam in prima gratia & transitu à peccato ad iustitiam constituit. p. 284.

Inde sequi Catechumenos & Pœnitentes esse in statu perfectionis acquirendæ, quod absurdum.

Statum perfectionis acquirendæ illum dici, non qui ad primam vulgaremque gratiæ acquisitionem dirigitur, sed qui spectat ad perfectionem gratiæ alicuius eximie, minimèque vulgaris, quæ sola nomine perfectionis intelligitur. p. 285.

Nulla perfectionis & sanctitatis media in vilo quocunque Christianæ vitæ statu contineri, quod non in Episcopali eminenter & multò excellentius contineantur. Quia charitas & quidem longè summa & maxima est virtus Episcopalis, quæ virtutum Christianarum summarium, & quasi fons vnde omnes manant.

Episcopatum Episcopis dare vires, quibus illo ministerio sanctè, & ad salutem suam vtiliter perfungantur. p. 286.

Eam esse naturam legis nouæ in quocunque illius statu, quoniam Christi iugum suauis est. p. 287.

Discrimen Iudaici ministerij ab Evangelico. De Profectu quotidiano & Charitatis incremento, fusè & præclare.

Charitas quandiu in via est, ipso suo statu pergere ac crescere debet, si vera est, si viua & sana. Viam enim suam persequi, & ad Deum quàm maximè potest, accedere iubetur, quandiu in via relinquitur; Idè enim relinquitur. Viator nunquam quiescit, semper longius progreditur, & sicubi cōsistit sine vltiore progressu, iam viator esse desinit, fit habitator & incola loci vbi consistit; in quiete est, non in via.

Ita Sanctos, inò Christum ipsum, cum viator esset, profecisse, nec nobis solùm, sed & sibi ipsi laborasse, illis doloribus & cruciatibus æternam suo corpori gloriam, & omnium gentium principatum sibi quærentem.

Ll ij

Ecclesiam iam olim damnasse eos, qui charitatem in via semper crescere posse negarunt, quasi in ipsa via patriam inuenire posset.

Nec hoc incrementum, & studium maioris in dies profectus officit amoris puritati, & propriæ utilitatis abiectiōi. Sicut enim Charitas aliorum utilitati solo Dei amore seruit, sic & suæ, &c. p. 289.

Episcopalem statum, esse statum non supponentem tantum, sed tribuentem, & augentem, & cumulantem perfectionem & sanctitatem.

Falsò enim ita dici statum perfectionis acquisitæ ut non sit acquirendæ.

Contra, quantumcūque Religiosus proficiat, semper esse in statu acquirendæ perfectionis, nunquam in acquisitæ, quia proficitur semper solam proficiendi viam. p. 290.

Statum perfectionis acquisitæ ut maiorem, inuoluere statum perfectionis acquirendæ ut minorem, non contra.

Quomodo Episcopi & Discipuli simul sint & Doctores.

Christianos Doctores semper proficere debere, ut docendis aliis pares esse possint. *Multa utilia in hanc rem & solida.*

Munus Episcopale, munus docendi esse non verbis, neque lingua, sed opere & veritate, ut in eo omnes velut in prævio exemplari, quid agendum, quid sequendum sit, intueantur, &c.

Plenitudo gratiæ Episcopalis, qua factum est ut multi in ipsa ordinatione se animis longè immutatos, & penitus alios euasisse senserint. p. 294.

Triplex in statu Episcopali perfectio: Prima, quam ante postulat: Secunda, quam ipsa sui susceptione tribuit: Tertia, quam Episcopus toto vitæ suæ & muneris decursu sibi quærere debet, ut aliis docendis & perficiendis par esse possit. Harum prima & secunda pertinent ad statum perfectionis acquisitæ, tertia ad acquirendæ.

§. *Tu verò ne tua insipientia.* p. 296.

Olim neminem qui in crimen lapsus pœnitentia egeret, vel eguisset aliòs, Episcopum, vel omnino Clericum esse potuisse. Quòd si post Episcopatum vel Clericatum lapsus fuisset, pulsum fuisse gradu, nec diutius seruasse statum suum. p. 296.

Imò etiam eos, qui solo pietatis æstu, in ordinem pœnitentium defiliissent, amisisse etiam honorem, nec rursus iis regressum ad Clerum datum esse.

Episcopum lethifero peccato reum, qui sedem tenuerit, nec cedere sit compulsus, si sua sponte non cedebat loco, neminem dari posse primis Ecclesiæ seculis. p. 297.

Canones ad pœnitentiam publicam nunquā

damnasse Clericos, imò id sæpè vetuisse, sed eos sola depositione multatos, adiuncta interdum priuatione communionis, si criminis grauitas tanti esset, idque in honorem Cleri.

§. *Nihilne tu bona fide.* p. 299.

Chimærica & imaginaria præsumptio Iesuitæ, qua perfectionem omnem Episcopalem in praxi, & re ipsa ad nihilum redigit, itaut per eam Episcopalis status omnium statuum absolute miserimus & infelicissimus efficiatur.

§. *Doctorem tuum Suarium.* p. 302.

Episcopatum esse rem bonam, cum summus Pontifex & Episcopi se Dei gratia & miseratione, non suis meritis Episcopos esse profiteantur. p. 302.

Suarium asserere tantum votum Episcopatus esse malum; hincque etiam illius dignitatem magis elucere, quam cuius assequi & appetere non sit datum.

§. *Odiòse toties.* p. 303.

Iesuitam sua argumentatione, aut nihil concludere, aut efficere auctoritate ex falsa Petri Damiani Epistola deprompta, regularem statum, omnium statuum, ne dempto quidem Pontificio, esse longè maximum & præcellentissimum; quoniam quidquid iaculatur in Episcopos, in summum Pontificem maximè, ut in Episcopalis ordinis caput, intentatur.

§. *Hac quoque Coronide.* p. 305.

Non debuisse Iesuitam abuti auctoritate Petri Blefensis, ut regulares supra modum extolleret. Citaturque locus ex illo qui aptissime regeritur in illius arrogantia compressionem. p. 305.

Clericorum commendatio ex eodem auctore. Blefensem nunquam sic regularem vitam extulisse, quin eius næuos & deliquia prodiderit. Nunquam sic arguisse clerum, quin eius bona sit professus; sine adulatione laudasse, sine inuidia corripuisse, tam virtutibus fauentem, quam vitiis infestum, &c. p. 307.

Hinc graues apud eum, tum Monachorum, tum Clericorum increpationes. Alterum Hieronymum dici posse.

Dignitas Episcoporum ex illo. p. 307.

§. *Terga quidem dare.* p. 308.

Iesuitam velle, quidquid tergiueretur, Episcopales obligationes impossibiles esse etiam piis & probis hominibus, eumque summum Pontificatum nominatim hoc pestilenti habitu afflare: si enim vellet tantum eas impossibiles esse indignis hominibus, nihil illi statui singulare dicturum fuisse, nec eo nomine cum regulari postpositurum. p. 309.

*De ijs qui priuatè nutu in monasteria ingrediuntur.* Rarò mala rei tantæ initia emendare & sanare Deum, qui eiusmodi præpositis

non computato sumptu ædicatoribus, malè iam olim ominatus & minatus est. Si quos eorum reducit in viam, gratiam illam non esse vulgarem.

§. Quò ruis improvidi. p. 310.

Sententiam Christi de diuitibus, in eo singularem, & Apostolis horrendam visam esse, quod etiam vitis bonis diuitias periculosas & noxias, & salutem cum iis moraliter impossibilem diceret, sine gratia nempe eximia, minimèque vulgari, & quæ paucissimorum hominum est. p. 310.

§. Malis suo more. p. 311.

De Castitate Sacerdotum, De votis Regularium, fusè & præclare tota Sectione.

Regularis castitas priuata & solitaria, sterilis & infrugifera est; in se sola hæret, in se sola vertitur. Episcopalis status non castitatem solam, sed fecundam castitatem habet, aliarum castitatum genitricem, verè vinum germinans Virgines. p. 312.

Regularis castitas formam habet, vel in Prophetis quibusdam antiquis, vel in Baptista Prophetis maiore, vel denique in Angelis Ioanne Prophetis maiore maioribus, Christo iudice.

Episcopalis castitas (idèmq; de Sacerdotali iudicium est) formam habet in Ecclesia maiore Angelis, in Virgine Deipara maiore Ecclesia, in Christo maiore Virgine, in Deo maiore Christo, caput enim Christi Deus.

Sacerdotalis castitas æmula castitatis Ecclesiæ, & Virginis Matris. p. 313.

In Clericis non præsentem modò, sed & præteritam requiri castitatem. Hinc nullam esse solemniorem, nec antiquiorem in Ecclesia irregularitatem quàm digamiam, quæ quidem nec baptismo tollatur, &c. Quæ omnia regulari castitati defunt.

Regularem statum non innocentiam, sed pœnitentiæ statum esse, vt SS. Patres docuerunt: Clericalem autem non pœnitentiæ, sed innocentiam gradum, &c.

Facilius probari posse Episcopalem, & Sacerdotalem castitatem esse diuinitus institutâ, quàm regularem. Sicut enim Sacerdotalis castitas prorsus & propriè diuini iuris non est, ita nec propriè Ecclesiasticæ institutionis, sed perpetuæ inuiolabilisque traditionis Euangelio ipsi æqualis, à Christi si non certa lege, saltem exemplo & vsu natæ, diuinis de Sacerdotio veteri constitutionibus informata, & hoc sensu dicitur à Patribus, diuinæ institutionis. p. 315.

Laudasse quidem, & magni fecisse castitatem, paupertatem & obedientiam Concilia & Patres, sed nunquam ex iis essentiam Religionis conflasse. p. 316.

His tribus votis nunc essentiam religionis contineri tantum, quia Ecclesia voluit. Ideò

dempta Ecclesiæ lege, sine voto castitatis perfectam & integram religionem stare posse. Hinc sine specialibus votis castitatis & obedientiæ diues ille adolescens relictis omnibus, perfectus ex Christi sententia erat futurus; & sine his primi illi Christiani Monachorum exemplar perfecti fuerunt.

Omnia consilia quodammodo latere in vera & Christiana paupertate, quæ non corporis tantum, sed præcipuè animi est; quoniam virtutes Christianæ indiuiduæ quodammodo sunt, quando perfectæ sunt: & Dei ad instar cuius sunt radij, totæ sunt in totis, & totæ in singulis earum, &c. p. 318.

Sicut Ecclesia Monachum, cui castitatem remittit, toto simul soluit monachatu; ita Sacerdotem quem castitatis voto liberat, toto simul, quantum potest, exuit Sacerdotio. p. 319.

Olim non solum deletionem vinculi castitatis, sed etiam quamlibet eius infractionem peremisse Sacerdotium, & illud homini abstulisse.

§. Tu verò captiosus. p. 320.

Sacerdotum Græcorum rationem morari nos non debere, ne castitatis honorem Sacerdotali honori generatim tribuamus, cum coniugium illorum non vsus, sed abusus sit, toleratum, Ecclesiæ gementem magis quàm approbantem. p. 321.

Castitas Sacerdotum cum regulari comparata.

§. Verè in Censures. p. 323.

Catholicos in Anglia. R. Episcopum Chalcedonensem debita reuerentia & obsequentissimis animis initio suscepisse; Postmodum autem fallacium auctorum consiliis sola eorum commoda gloriamq; spectantibus, ab eo quod piè cœperant, fuisse abductos. p. 324.

Regulares ipsos cum cœptum est agi ab Episcopo de eorum approbatione, consilium eius commendasse. Postea autem vbi suis vtilitatibus per illud nonnihil effici & auctoritatem in catholicorum animos infringi posse viderunt, ius continuò & potestas Episcopi Chalcedonensis euauit. Hinc populum & Clerum sibi adiungere moliti sunt, &c. p. 325.

Iesuitas egregium scilicet honorem habere deleganti Pontifici, dum eius delegatum suscipiunt, vt missum quidem ab eo, sed manus quodammodo & pedes ligatum, ne quicquam possit, ne quicquam audeat, &c. p. 327.

Indignam esse illam Episcopalis dignitatis & Pontificiæ auctoritatis derisionem.

§. Jam ista omnia dissecimus. p. 328.

Fallaciter à Iesuita Relegati dignitatem proprii Episcopi dignitati opponi. p. 328.

Recipere Episcopum nullius iuris, vmbra. vt ipsi dicere ausi sunt, Episcopi, Chartularium denique, chartaceumq; Episcopum, vt postre-



mò ridiculè ac petulanter addiderunt, non esse recipere gregis Anglicani Pastorem, vt Episcopum par est, ac decet. p. 329.

Nolle Iesuitas à Spiritu sancto constitui Episcopum, quem Pontifex sua delegatione constituit.

Episcopo nihil, stipendij nomine, deberi affirmare.

Illos esse Pontificis cultores perfidos, & quantum per sua commoda licet.

§. *Superiori responsione.* p. 331.

Indignum esse, Iesuitam Episcopum Catholicum à Romano Pontifice catholicis Anglis delegatum, cum Pseudo-prophetis, & Pseudo-apostolis, hæreticis Euangelicæ doctrinæ adulteris, Apostolorumque hostibus comparare. p. 331.

Reuerendissimum Episcopum, tum carpendo, tum mulcendo tanto fœdius à Iesuita violari, quanto irrisoria palpatio maledicto quouis indignior est, præcipuè in summam sacramque dignitatem.

Ridiculè dici Episcopum Chalcedonensem non habere ordinarij potestatem, quia perpetuam non habet, quasi non sit, quidquid perpetuum non est. p. 333.

§. *Insolescis vehementer.* p. 334.

Fallacia & dissimulatio Iesuitæ.

Doctrinam eius Catholicorum animos à charitate diuellere, in errorum schismatumque barathrum deuoluere, vt Episcopo, quem Pontifex delegauit, nihil subsidij, aut humanæ opis præbere fas esse, & si quis præbeat, nihil præmij relaturum arbitrentur. p. 335.

§. *Hoc quoque quartum mendacium.* p. 337.

Nulla luce vinci potest contentionis stimulis excitata, & propriæ vtilitatis amore infecta mens. Tantum in seipsa caliginis & tenebrarum circumfert, vt quemuis veritatis splendorem, & ipsum Solis radium obscurare sufficiat.

Testis hæreticorum omnium, nostrorum imprimis nequitia, qui apertissima quæque & simplicissima verbi Dei oracula densissima glossematum nube mirante orbe, complerunt. In quo peruicaces, cupidi, elati quiuus homines hæreticis germani sunt, eodemque genio instigantur. Vnus enim superbiæ omnis, & pertinaciæ genius est.

Occurrendum à summo Pontifice huic audaciæ, præclare & solidè demonstratur. p. 338.

§. *Itane verò dum claudicas.* p. 339.

Locus Gersonis, & locus D. Thomæ à Iesuita corrupti. p. 340.

Delegatos Episcoporum Ecclesiasticis bonis fruentium, alendos esse à populis ad quos delegantur, præcipuè cum ad ea delegantur, propter quæ ipsis Episcopis, si ea per se gererent,

sumptus præbendi fuerant, quoniam tum Episcopi vicem gerunt, &c. p. 341.

Non solum delegatis à populo deberi stipendium, sed etiam ipsi, si egeat, deleganti. p. 342.

Hinc toti Ecclesiæ Hierosolymitanæ stipendium deberi voluisse Apostolum, quod ex ea primum omnes Euangelij præcones prodissent.

§. *Quid ais imperitissimè.* p. 343.

Legatos Apostolicos nihil omnino præmij, nisi à Pontifice à quo legati sunt, percipere solere, quamuis constet ac notissimum sit, eos olim percipere consueuisse, præcipuè si in vtilitatem populorum mitterentur. Ideoque ius illud, quod etiam competit Nuntiis Apostolicis, qui similiter veri sunt legati Pontificis, licet longa consuetudine quodammodo exoleuisse videatur, tamen inesse in ipso eorum munere, & ei posse competere. p. 344.

Quinam vocabantur olim Defensores Ecclesiarum. p. 345.

Episcopos, qui à sede Apostolica in aliorum Episcoporum Dioceses, visitationis & disciplinæ conseruandæ causâ destinabantur, quando in quaque Diocesi erant, oblationes æqualiter cum Episcopo fuisse partitos.

Qui Episcopi ad suscipiendam Ecclesiæ alicuius Episcopo destitutæ curam, quoad proprius ei Episcopus præficeretur, mittebantur, eos quartam partem popularium oblationum, quæ proprio Episcopo ex antiquo more debebantur, percepisse.

Hæc duo inseparabili vinculo esse connexa, Pastorum necessitatem, & eorum alendorum, sustentandorumque obligationem. Huius rei totam antiquitatem testem esse, &c. p. 350.

*Hæc clausula, & Epilogus.*

O bona mens, quàm malos homines auersaris! quàm eorum consilia deseris! Si enim mali saperent, nullus innocentiae tutus locus esset, aut fidei, aut veritati.

Iesuitas omnia verti ac ruerè satius ducere, quàm vt quidquam de splendore societatis, seu iure, seu iniuria minuatur. p. 352.

Hoc odiosiores eos esse in hoc negotio, quod Ecclesiam, quam se tueri iactitant, perturbant, contentionibus miscunt, factionibus in Pastorem à sede Apostolica delegatum scedant, errorum hæresumque quadam caligine obducunt, &c. p. 353.

Hoc in Spongia ista mirabile ac prope singulare esse, quod summam gloriam, summa incitiam cumulatam habeat, vt gloria & ignorantia inter se certare videantur.

Stolidè iactare Iesuitam se Spongiam suam aceto & aqua impleuisse, quod solos in Euan-



gelio carnifices fecisse legimus. Decuisse potius cum vinum & oleum adhibere, quæ vim lenitatemque notant, proprias Christianorum

dotes, quàm aquam & acetum, quæ infirmitatis & violentiæ indicia sunt. p. 354.

Conclusio totius operis.

*SUMMARIA IN APPENDICEM AD CENSURAM  
Illustrissimi Archiepiscopi Parisiensis.*

**C**Væ oratione perpetua, non inserto auctoris textu hanc Appendicem refutarit Aurelius. p. 355.

Iesuitæ aduersus Illustriss. Archiepiscopum scribenti, nihil præter contumeliam, rabidamque non censuræ, sed personæ sacrosanctæ laniationem, propositum fuisse inde liquet, quod tationibus imbecillissimus, solis conuitiis inualefcit. p. 356.

Maximè mirandum esse Metropolitanam Illustrissimi Parisiensis sedem, eodem tempore Iesuiticis maculatam probris, quo à Deo miraculis decoratur, ne quis non videat quàm procul à Iesuitarum consiliis diuina iudicia discrepent. p. 357.

Recensentur varia pietatis instituta, quæ ductu & auspiciis Illustr. Archiepiscopi Parisiensis in Ecclesiam profluxerunt. ibid.

Quàm spectato in Ecclesiastica administratione consilio vtatur. ibid.

Paternus illius amor erga regulares. ibid.

Quàm iniquè nunc nomen eius allatretur à Iesuitis, cum ipsorum consensu ac testimonio, Regi & Pontifici commendatus sit, vt ad Pastorale munus eueheretur. p. 358.

Illustrissimæ illius familiæ laus. ibid.

Commendatur pietas germanæ illius sororis, antiquis illis viduis Probæ, Iulianæ, Albinae, sanctorum Patrum laudatione celeberrimis simillimæ. ibid.

Laudatur Archiepiscopi frater illustrissimus, qui ex Generali triremium Gallicarum Præfecto Congregationi Presbyterorum Oratorij est aggregatus. ibid.

Iesuitis nihil societatis gloria antiquius, nihil maius, augustius, aut sanctius esse.

Qui hanc attigerit, quocunque nomine, honore, virtute, famâ fulgeat, quacunque denique causâ, aut ratione fecerit, in æternam accingi eos ultionem, &c. p. 359.

In religionis Catholicæ præfulem insilire, nō sacrilegium duntaxat, sed parricidij quoddam genus est, aut maius, aut certè non minus parricidio, quo Reges, Principesque inuaduntur. Episcopos enim esse quoque principes, nec minorem principatum, imò altiorem, sanctiorem, diuiniorum quàm Reges habere, consentiens penè vox est sanctorum Patrum, &c. ib.

Nullum telum imbellius aduersus doctrinæ improbæ damnationem, quàm probra & contumeliæ. Insignis in eam rem Hieronymi locus. p. 360.

Quo pacto Episcoporum iniquitas, si qua subsit, expostulari possit, ostenditur ex Cypriano. ibid.

Reuerenter & humiliter expositum oportuit, si quid esset quo Illustriss. Parisiensem, aut malè circumuentum, aut potestatis suæ fines prætergressum ostenderent. Episcopale verò, & illustre, & solenne iudicium priuato conatu, dedita operâ confidenter inuadere, imò conuitiis, in personas Episcopales congestis inquinare, nefarium & impudens fuit, quia nulla bonorum consuetudine, nullo omnium Ecclesiæ seculorum exemplo nouissimè à Iesuitis susceptum est. p. 361.

Quàm iniquè obtendant illud Hieronymi cuius hæreseos accusato liberum derelinqui, vt se catholicum probet. ibid.

Licere priuato hæreseos accusato aduersus priuatum se tueri, non autem in Episcoporum censuram & decreta inuolare. ibid.

Hanc vsque ab initio hæreticorum omnium, hæresumque propugnatorum fuisse consuetudinem, vt ab Ecclesiæ Pontificibus perstricti, procacius in eos quasi pede pressi angues, & quasi scorpionum arcuato impetu surgentes, vt ait Tertullianus, efferrentur. Exempla in hanc rem. p. 362.

Refugiendam fuisse à Iesuitis illam in Episcopos sæuendi hæreticorum consuetudinem, quam ab Ecclesia semper eiectam, semper execrationi habitam, illi ipsi, cum in eos velantur, tum acriter increpare consueuerunt. p. 363.

Infana Iesuitæ in Archiepiscopum Parisiensem maledicentia retunditur. p. 364.

Quia maledici & rabidi poena magis quàm ratione, sanantur, faciliusque ab alienæ famæ obtreptione desistunt, si suam vicissim reperiunt posse doceantur, quàm si omnia eis diuina humanaque iura congeras, perstringuntur nonnulla facta Iesuitarum. ibid.

Iesuitæ in Illustriss. Parisiensem signenta exhibitari, despuique debere, quia per se patet monstra esse à dolore damnationis, & à Censoris odio enata. p. 366.

Illustr. Archiepiscopum, odij & malevolentie in regulares vanissimè accusari. p.367.

De duabus Bullis à Iesuita citatis, quibus omnibus Episcopis odium Regularium exprobrat. p.369.

Ostenditur verba Bullæ citatæ, de iis qui Christi patrimonio impinguati, Christum in famulis persequuntur, nullis æquius adaptari posse quàm Iesuitis.

Odium quo Iesuitæ omnes insectantur, qui cecarâ sibi mente non student. ibid.

Immensæ eorum diuitiæ, à minimè malis, vel à maximè malis hominibus, Christi nomine, corrogatæ. ibid.

Aurelium etsi multa mouere videatur, plura tamen continere; vt videant vel ipsi, vel quiuvis æqui iudices, se nulla animi libidine, sed quieto iudicio, & misericordissima acrimonia, eorum impotentia propemodum immedicabili, non solum quia curationem respiciunt, sed etiam quia pauci eos ex charitate curare vel possunt, vel audent, cauterium necessarium adhibere.

Pij V. Bullam de Regularibus à Iesuita citatam fuisse à Pontificibus antiquatam. p.371.

Illustriss. Parisiensis, erga societatem Iesuitarum remissio & lenitas. ibid.

Qua indulgentia acceperit præcipuum quendam eorum Concionatorem, qui in primario

vrbis auditorio, temerè quædam & scandalosè iactauerat. ibid.

Quanta perversitate Iesuita ei Archiepiscopo odium in se suosque obiecit, cuius perpetua potiùs indulgentia, & immerita bonitate corrupti, ad hæc ipsa flagitia facti sunt alacriores. p.372.

Cur Illustriss. Parisiensis primus & solitarius in libros Anglicanos censuram tulerit. ib.

Cùm Illustr. Parisiensem Apostolica sedes primum Parisiensem Antistitem Archiepiscopali honore dignata sit, meritò tantam potestatem insigni aliquo eius usu, & singulari in Ecclesiam munere, damnatis pestilentissimis hæresibus, quibus Ecclesiastica omnis potestas, totaque Ecclesiæ & Hierarchiæ diuinitus institutæ, vniuersitas deijcitur, dedicandam fuisse. p.373.

Hoc facto Illustriss. Archiepiscopum, magnum illum Cardinalem Bellaium, Episcopum Parisiensem, grauiter olim de Iesuitarum moribus & artibus, recenti adhuc & nouella eorum Societate, in Senatu Parisiensi augurantem, suo iudicio comprobasse. ibid.

Cur Hybernicas propositiones damnarit Illustriss. Parisiensis, quas cæteri Episcopi non damnarunt. ibid.

Facultatis Parisiensis cum Antistite Parisiensi, arctissima coniunctio & societas.

#### Errata in Tomo secundo.

P. Ag. 17. lin. 8. reperet. l. raperet.

P. 19. lin. 3. sed à cens. l. sicut.

P. 27. lin. ult. decoratur. l. dedecoratur.

P. 30. lin. 18. ne quicquam. l. nec.

P. 44. lin. 12. vetustissimis. l. vetustis manuscriptis. lb. lin. 17. ant. fin. diffensionem. l. discussionem.

P. 47. lin. 10. ant. fin. & saturari. l. vt.

P. 49. lin. 15. ant. fin. sed dæmonem potuerunt. l. sed dæmonem putauerunt, habere non potuerunt.

P. 53. lin. 7. qui, vt alibi. l. quia.

P. 60. lin. 4. ant. fin. contentio. l. contenti.

P. 64. lin. 11. beneficia. l. beneficio.

P. 77. lin. 10. Per eandem. l. Per eadem.

P. 79. lin. ult. in animos. l. in animis.

P. 83. lin. 13. illarum qua. l. quibus.

P. 88. lin. 6. propter anima propter. l. propter animam, anima propter.

P. 89. lin. 8. per recidens. l. accidens. lb. ob indebilitatem. l. indelebilitatem. lb. lin. 14. emanat. l. remanet.

P. 94. lin. 19. ant. fin. columniam. l. cal. lin. sequenti, vetitas. l. veritas.

P. 100. lin. vltima, sacerdotum sub-

ministretur. l. fac. copia.

P. 101. lin. 17. ant. fin. apertissimus. l. apertissimis.

P. 103. lin. 8. ant. fin. posita erunt. l. erunt. lb. lin. 6. ant. fin. nique. l. neque.

P. 116. lin. 18. prius quam. l. priusquam.

P. 118. lin. 3. datus est. l. nudatus.

P. 123. lin. 3. reuelare. l. releuare.

P. 127. lin. 16. præsidium. l. præsidium.

P. 148. lin. 18. peperit. l. pepererit.

P. 175. lin. 6. ant. fin. dicit Glossam. l. citat.

P. 183. lin. 6. præclorè de. l. præclare Augustinus de.

P. 206. lin. 10. colligans. l. colligens.

P. 209. lin. 9. potui. l. potuit. lbid. lin. 12. fici. l. fisti.

P. 214. lin. 13. sit Hierarchia. l. sit nisi Hierarchia.

P. 226. lin. 19. Episcopis. l. Episcopi.

P. 241. lin. ant. fin. obstupescit. l. obstupescit.

P. 255. lin. 6. Tunc sobrius. l. Tunc.

P. 261. lin. 3. paratus fuerit. l. paratus si fuerit.

P. 276. lin. 3. tenuitas. l. tenuitatis.

P. 285. lin. 25. parenda. l. paranda.

P. 286. lin. 14. medio. l. media.

P. 287. lin. 8. ant. fin. quæ esurientes, dele *que*.

P. 288. lin. 23. quoquo modo. l. modo. lb. lin. 28. effugies instar. l. furum instar. lb. lin. 2. ant. fin. arceat. l. arceretur.

P. 291. lin. 8. esset in patria. Appone punctum ante *in patria*.

P. 294. lin. 5. ant. fin. à sacris. l. sanis.

P. 297. lin. 19. ant. fin. passim alibi. l. & passim.

P. 300. lin. 12. ant. fin. speculatiue. l. speculatiue.

P. 312. lin. 24. Quo ad aliam. l. Quod.

P. 317. lin. 2. ant. fin. eadem. l. vel eadem.

P. 322. lin. 12. Repugnantia verò. Appone tantum virgulam ante *repugn*.

P. 327. lin. 6. Pontificis. l. Pontificis.

P. 329. lin. 2. humani. l. humilit.

P. 338. lin. 6. qua Pontifici. l. Pontifici qua.

P. 345. lin. 14. ant. fin. partiebatur. l. partiebantur.

P. 360. lin. 9. ant. fin. subiectus. l. subiectus.

P. 372. lin. 8. omittant. l. omittam.

PETRI AVRELII  
THEOLOGI. OPERVM

TOMVS TERTIVS,

ADVERSVS IACOBVM SIRMONDVM  
DE CANONE ARAVSICANO,  
& Sacramento Confirmationis.

CONTINENS RESPONSIONEM  
*ad Epistolam Sirmondi, Anareticum aduersus Antirrheticum primum,  
& Orthodoxum aduersus Antirrheticum secundum.*

M. DC. XLII.








# RESPONSIO AD SIRMONDVM

De Canone Arausicano.

LECTORI.



**E**X aliis in alia certamina vocor, Lector erudite, & vix aliorum propugnandorum labore perfunctus, ipse peritor. Qui aliis præsidio esse contendit, qui Ecclesiæ fidem, antiquitatis grauitatem, Episcopalem vim, Theologicæ nostræ Facultatis, aliarumque omnium, quas leuitæ vnâ machinâ affligere studuerunt, famam & amplitudinem tueri volui, meam vicissim fidem, veritatem, soliditatem præstare ipse cogor, ne si mihi adesse nequeam, meam vlli opem temerè videar obtulisse. Emissâ in lucem Typographi studio, me penitus insciente, meâ in Spongiam Pseudo-Loëmelij *Dispunctione*, vix mensis intercesserat, cum spargi cœpta est à P. Jacobo Sirmondo Collegij Claromontani Primario, Scheda seu Epistolium, quo grande sibi *crimen*, & grandem grandibus, quos nuper edidit, *Conciliorum Gallia antiquorum* tribus Tomis, notam à me impositam esse conquestus est. Huius porro iniuriæ tam certam, tam perspicuam, tam ipsis oculis spectabilem iniquitatem putauit, vt illam schedulam per omnium ora ferret, quasi exploratissimi triumphii buccinam, cuius ego sonitus quamuis in diiunctissima regione exaudirem. Ego accepto amici opera beati schedij exemplo, quo de me tam faciles palmæ, quasi virgula diuina, carperentur, ab eo præcipuè aduersario, quicum ne certandi quidem causam fore vllam cogitarem, cum eius rei voluntas nulla mihi certè esset; mirari præter alia satis non potui, hominem modestiæ sapientiæque famâ præditum, verbulo vnico, imò *tribus literulis*, ita penitus stimulari potuisse, vt tales agere ludos, meoque nomine ad inuidiam, ad pompam, ad laureas denique non necessarias abuti vellet. Statui nihilominus, licet ille à superiori, quæ de ipso fuit, opinione aliquantum abscedere videretur, ab eo tamen proposito, quo in hanc causam primùm sum ingressus, nihil abire; cumque non meam mihi rem, quam meo nutu agerem, sed

Ecclesiæ propugnationem sumpsissem, vel à Deo impositam suscepissem, de acie, in qua is me collocasset, nullo excursionis aut velitationis subitariæ impetu dimoueri. Nam & militare noram esse piaculum, abruptis ordinibus desertisque signis, ad solitarium hoste prouocante certamen, quamuis proposita ante oculos victoriâ, euolare; & responsionis meæ quasi corpus membratim discerpi, ut auulsæ particule seorsum interciperentur, quæ coniunctæ difficiliores fortassis ad expugnandum aditus habuissent, minimè ferendum arbitrabar. Denique meum illud consilium asserendorum Ecclesiæ dogmatum, quo in hanc aciem prodieram, euanescere penitus, & aduersariorum solertia interim sentiebam, si abductis à summa rei animis, ad priuatas de parergis contentiones, & ad vnius scilicet, voculæ Canonis vnius Arausicani ventilationem criticam, ridiculè delaberemur. Ut ergo & in acie manerem; & constanti me animo, non subito æstu, aut temeraria concertandi libidine in hoc stadiū processisse declararem; & Catholicæ doctrinæ defensionem, tumultuarius extraque ordinem arreptis digladiationibus nihil officerem; & aduersarij legitimam sibi mecum esse pugnam, & toto copiarum omnium instructique velut exercitus robore conflegendum esse cognoscerent; illam Sirmondi schedulam pari scripto refellendam nō putavi, sed dandum triumphis illius de me loci aliquid, dummodo Ecclesiæ propugnatio, quam vnā spectabam, inuicta maneret; donec in suscepti aduersus eius sodales operis prosecutione, si non triumphandi, at repugnandi saltem, nostraque vicissim tuendi opportunitas accideret. Quæ quoniam post profligatas Pseudo Loëmelij inanitates hoc offerri loco videtur; patere, Lector, ut postquam silentij mei causas exposui, iniquitatis etiam, qua extraordinaria contentione pulsatus sum, causas exponam; & postquam ista respondendi prurigine me vacuum demonstraui, solidam veritatis vim demonstrarem: meque huius maturius expromendæ voluntate, non quò ei diffiderem, adhuc tacuisse patefaciam. Quod eò magis faciendum esse mihi video, quia Iacobus Sirmondus, in illa schedæ suæ antè omnium passim oculos expansione, ex iis quæ à me secus in se scripta essent, de tota mea in Spongiam disputatione iudicium fieri iussit, ut magna mihi sit cautio, ne non solùm labor meus, sed (quod multò minùs ferendum est) Ecclesiæ Catholicæ traditio, in qua tuenda ille versatur, *trium literularum* vitio, de quibus Sirmondus certat, ex summa authoritatis arce decidisse videatur. Miserum me, si liquidissimarum rerum defensionem edidi tam leui brachio expugnandam. Fortunatos sodales, si fœdissimas hæreses *tribus literulis* Sirmondi opera obtinere potuerint, quas nullis voluminibus vnquam obtinebunt. Quid hîc censere debeas, erudite Lector, ex ipsa Sirmondi scheda, quam ipsius venditatione iam publicam ego typis publicandam putavi, quò planius de re tota existimes, & ex subiectis ad singulas eius particulas more nostro responsionibus, tu scilicet pronuntiabis.

SIRMONDVS

SIRMONDVS  
PETRO AVRELIO  
THEOLOGO,

De recta emendatione Canonis Arausicani.

**N**EQVE tu mihi, opinor, tametsi nomen dissimulas, neque ego prorsus ignotus sum tibi. Dudum est, ni fallor, cum inter nos verba conseruimus; & animo certè, nisi tum quoque dissimulabas, nec alieno, nec infenso. Nunc ut per Epistolam alloquar, vindiciæ tuæ cogunt, in quibus mihi de vitiatō Canone Arausicano dicam scribis. Quod ego crimen si semel suscepero, quis in tota editione Conciliorum bonā vsquam fide versatum me credet? Vides ergo & iustam, & necessariam fore defensionem meam. Quàm facilis ea futura sit, meum est videre: quàm certa, & quàm vera, ne tuum quidem iudicium defugiam, si modò animum ad pristinam serenitatem reduxeris.

Vindic.  
pag. 90.

R E S P O N S I O.

**Q** Vi sim, diutiusne labora. Loquor ut me videas. Te verò etsi antehabere satis nosse mihi videbar, nunc tamen minus agnosco, & hoc minus, quo tu te magis indicas. Istam enim teneritudinem, ut trium literarum vocula, quasi apud aculeo, ictus clamores ederes, quos tota Lutetia, Gallia, exteræ gentes exaudirent, in Sirmondum mihi notum cadere si putassem, non minus in te iniquus visus mihi essem, quàm tu visus es, cum de noua trium Tomorum à te nuper editorum gloria magis laborandum tibi putasti, quàm de pristina moderationis, & prudentiæ tuæ opinione. Quid enim hoc loco potissimum mirer, tam facilem ad commotiunculas, & calidiores istiusmodi dimicationes animum, an causas, quibus te ad eas descendisse proloqueris? Nam quid istud causarum est, tibi de vitiatō Canone Arausicano dicam scribi; Si hoc crimen semel susceperis, neminem te in tota editione Conciliorum bonā vsquam fide versatum esse crediturum? Ego quidem vix adduci possum, ut hæc seriò ac bonā fide dici à te credam. Quis enim, qui quippiam minus feliciter, & minus idonea causa edidisse, vel emendasse diceretur, se vitiatorem dici, crimineque falsi peri conquestus vnquam est? Quis, eo genere reprehensionis inter eruditos notissimæ & frequentissimæ, bonam cuiusquam fidem labefactari, ac non naturæ quemque potius humanitatis atque imbecillitatis admoneri, putauit? Alioquin nullus editor aut scriptor non ab aliis corruptor habitus, & fide omni spoliatus esset,

A a

Conc. Gall.  
Tom. I. pag.  
37. & 38.  
Ibid. p. 395.

cùm nullus sit, quem non aliquis vsquam arguerit: Imò nullus esset non planè vitiator, non corruptor, non falsi reus, non omni indignus fide, cùm penè nullus sit, qui non in aliquo perperam edendo, colligendo, scribendo lapsus esse coarguatur. Quonam ergo modo reprehensione leuissima, atque vt mox videbitur, penè nulla, id *criminis* tibi quereris iniustum, quod nemo eruditus in simili causa extimuit? Aut cur orationem, quam in *crimine* tam nullo & fictitio eluendo consumis, *iustam & necessariam defensionem* vocas? Quanto ego iustius atque æquius, humanitatem, sobrietatemque tuam aduersus teipsum hîc appellem? Nam si eam de Tomis tuis opinionem esse iubes, vt nulla in iis minima labes, nullum humanæ fragilitatis vestigium inesse credatur, & eos qui secus sentiant in te iniquos, fidei tuæ eueriores, *criminales*, maledicos esse velis; nulli erunt mortalium non in te iniqui, ne tu ipse quidem, cuius ego modestiam ita de illo opere cogitare posse non arbitror. Video enim teipsum interdum aliis exemplum præbuisse, quàm non omnia tua haberi debeant vice oraculorum, notarique interdum sine contumelia possint. Memini, vt alia omittam, te quandam Innocentij Pontificis Epistolam, quæ vulgò ad *Synodum Toletanam* inscripta est, ita edidisse, vt inscriptionem illam non solum dubiam diceres, sed planè eraderes, pro eaque supponeres titulum, ad *Synodum Tolosanam*. Quam deinde hallucinationem ad calcem Tomi agnoscens, vulgatam inscriptionem ita restituendam fassus es, vt eam minimè dubiam, germanamque assereres. Quod si in re planissima, & quæ nihil per se dubitationis haberet, manuscriptorum aliquot fraude captum esse te fateris; si adduci potuisti, vt Epistolam, quæ tota de rebus & Ecclesiis Hispaniensibus ageret, nihil de Gallicanis, ad fictitiam nescio quam *Synodum Tolosanam*, quæ nulla sub Innocentio, neque multis antè vel post annis, ab ullo penitus Scriptore memoratur, inscriberes, quasi iam tum Reges Gothi dominarentur, sub quibus demùm Galliarum Narbonensis & Hispaniarum Ecclesias isto modo coiuisse, & in commune consuluisse proditum est, & Synodo Toletanæ, quam circa eius tempora habitam constat, reclamantibus vulgatis & scriptis plerisque codicibus, eam adimeres; quid *criminis* in te suscipitur, si in rebus minus perspicuis, qualis editio Canonis Arausici, falli potuisse dicaris? Si in manifestis lapsum esse fidem in aliis tibi non ademit; cur auferri censes, quod in dubiis & obscuris lapsus esse declareris? Si Innocentij Epistolæ titulo perperam mutato, *vitiator* tamen eius dicendus non eras, licet tuum non sensisses errorem; cur dum trium literularum voculam in Canone Arausicano minus rectè immutasse argueris, *vitiatorem* eius Canonis te dici interpretaris? Tu verò tibi omnium longè iniquissimus es, qui eam tibi legem imponis, vt si vsquam in tribus illis Tomis titubasse, & minimum quippiam minus emendatè edidisse comproberis; vitiator, & corruptor, & omnis fidei expertus tuo ipse iudicio dicendus sis; vt tibi ad fugiendum fœdissimum *crimen*, tuendamque viri boni fidem, prorsus nunquam in tantis spatiis claudicasse, adeoque hominem non fuisse necesse sit. Non igitur idonea est tua ista defensio, nedum *iusta & necessaria*. Non eam pristina illa tibi prudentia & moderatio suggessit, sed nimius ille fortè, quo plerique Scriptores capiuntur,



in Tomos tuos amor, zelo quodam mixtus, quò cùm præclarum quippiam & omni numero absolutum excudisse tibi viderere, minimam reprehensiunculam, vel reprehensionis speciem, medullitus perpenferis, nec teneri potueris quin arrepto mox calamo questub. omnium aures opteres, & minimum vulnus quasi acu punctum pro ictu capitali deplora- res. Hæc fortè est illa necessitas, quæ *ut per epistolam nos alloquereris coëgit*, non *vindictarum nostrarum* vlla in te contumelia, aut vera indignationis in nos causa. Hæc te præproperè in arenam traxisse potest, & priuatam istam de re leuissima contentionem, communi, & grauissimæ de rebus multò maximis sodalium tuorum dimicationi præuerrere; eorumque respon- sioni, cui tuam modestiùs adiunxisses, sicut cum iis communiter appella- tus fueras, præuolare frustra compulit; & in Tomos tuos maternam po- tius trepidationem, quàm paternam constantiam exhibere. Quare noli *pristinam animi mei serenitatem* requirere, qui si tuam tenuisses, meam requi- rendam non putasses; nec mirare nos pro Ecclesiæ Catholicæ amplitudi- ne, pro maiorum doctrina, pro diuinæ stabilitate Hierarchiæ, pro Catho- licarum Academiarum fide, aduersus indignissimas & inauditas sodalium tuorum bacchationes commoueri, qui ad priuati laboris tui defensionem, aduersus reprehensionem tenuissimam, eruditorum omnium more susce- ptam, extra ordinem permotus es. Tu enim legitimum, vt censes, tui amorem, & illud ius, quo sua tueri cuique concessum est, sequeris: Nos, vt aduersus sociorum tuorum indocta flagitia, solo Dei, veritatis, & Ecclesiæ studio, quas Catholicus animus tam nefariè conscindi, sine maximo do- lore videre non potuit, vehementiores nos fuisse probemus; in te qui nos priuatim inuadis, & in calumniæ iudicium vocas, remissiores erimus. Ac ne illam quidem fiduciam defensionis nostræ feruori concedemus, vt eam non modo *iustam & necessariam*, sed *facilem & expeditam*, imò *veram & cer- tam*, denique *ne tuo quidem iudicio improbandam*, in ipso limine præfari ve- limus, quasi laureolas ante pugnam decerpentes. Nouimus hominum stu- dia; nec suos cuique affectus ita facile auelli, nec aduersus eos quicquam ita clarum esse scimus, præcipuè in Canone Arausicano, cuius assertionem nostram, si non tibi, at eruditis, & æquis iudicibus à partium contentione semotis probatum iri speramus. Nec tamen hoc ipsum, velut in re omnium certissima & clarissima, quasi iure nostro, præiudicamus; sed pro eorum humanitate magnoperè confidimus. Ac primùm proponendus contro- uersæ status, quem tu ita exponis, vt te ipso iudice pateat te leuissimam pe- néque ridiculam contentionem suscipere, quæ magis ab animi tui tenaci- tudine, quàm à mea scriptione nascatur; nec tantùm Canonem Arausica- num sine causa mutasse, sed eam ipsam mutationem, sine causa in certa- men adduxisse.

## SIRMONDVS.

Tom. i. Com.  
ml. parte 2.  
p. 499.



Tom. i. Cōs.  
Gall. pag. 71.

Vindic. p. 91.

**N**ON est primus primæ Synodi Arausicanæ, quem tu ex posteriore Bini editione recitas in hunc modum: Nullus ministrorum qui baptizandi recipit officium, sine Chrismate usquam debet progredi, quia inter nos placuit semel in baptismo chrismani. De eo autem qui in baptismo, quacunque necessitate faciente, non chrismatum fuerit, in Confirmatione Sacerdos commonebitur. Nam inter nos chrismati ipsius non nisi una benedictio est. Non præiudicans quicquam dico, sed ut necessaria habeatur chrismatio repetita. Nos optima & antiquissima exemplaria sequuti, sic edidimus: Nullum ministrorum qui baptizandi recepit officium, sine chrismate usquam debere progredi, quia inter nos placuit semel chrismani. De eo autem qui in baptismo quacunque necessitate faciente non chrismatum fuerit, in Confirmatione Sacerdos commonebitur. Nam inter quoslibet, chrismati ipsius non nisi una benedictio est: non ut præiudicans quicquam, sed ut non necessaria habeatur repetita chrismatio. Hic tu sine reprehensione cætera præteriens, postremis verbis censoriam notam inuris: Alij, inquis, eadem penè omnia retinent, nisi quod postremam clausulam addita negatione ita legunt, sed ut non necessaria habeatur repetita chrismatio. Sic antiqua editio Colonienfis: quam nescio cur P. Sirmondus sine causa sequi maluerit, contra P. Frontonem Ducaum, qui exploratis vetustissimis manuscriptis ultima illi parti negationem non adjicit. Tota ergo inter nos de tribus literulis est disceptatio, in qua duo accusationis tux sunt capita. SINE CAUSA ENIM, & CONTRA P. FRONTONEM adiectam negationem criminaris.

## RESPONSIO.

**C**RIMINANDI primò verbum, quod in tam tenui, ut ipse fateris, negotio iamdudum tibi nimium placet, in orationem meam adeo temperatam, & rerum ac vorum acerbitate vacuam conijcere, & ex tam innocenti loco crimina elicere, hoc demùm & in te, & in me criminofum est. In te, quia facis: in me, quia patior. Quid tandem ferat qui tam breuem & innoxiam admonitiunculam ferre non valuit? Quo animo hæc responsiones audiat? Mihi quidem, non sine diuino nutu, factum videtur, ut qui tantula non passus est, maiorum ferendorum necessitatem sibi ipse quæsierit. Nam in mea illa oratione quid erat criminofum, quid humaniori paulò homini non ferendum, aut negligendum, aut captata demùm alicubi occasione, non de industria, refellendum? Argui nimirum, quod nulla prolata causa, editionem antiquam Colonienfem sequi malueris, quàm omnes alias, & præter has, Frontonem sodalem tuum. Quæ criminatio ita non criminatio, sed mollis & simplex claræ rei expositio est, ut sola editionis tux, notarumque ei appositarum lectione comprobetur. Non enim tum de ipsa mutatione tua iudicabam, sed de modo

quo eam fecisses, sine causa, sine teste, imò sine vlla eius rei in notis tuis mentione. Sic Iurisconsultum nullam legem edentem, Theologum nullam Scripturam, Philosophum nullam rationem, sine scriptura, sine auctoritate, sine ratione, quamcumque ille secum habuerit, loqui dicimus. Sine illis egisse dicitur, quisquis eas non expressit. Sic ego expunctam à te sine causa vulgatam editionem dicebam: & quod magis id videas, non agebam eo loco, quæ vera esset Canonis Arausicani sententia, vel editio; sed quanta vtriusque ambiguitas, quanta Spongiz temeritas, quæ rem grauissimam & antehac inauditam, solo Canone obscurissimo & incertissimo, confirmaret. Vnde non tuam mihi editionem refellere propositum erat, sed eius incertitudinem ostendere, tum ex eo, quod nullam eius causam attulisses, tum ex eo, quod ab illa superiores omnes, præter vnam, editiones, & ipse Fronto Duxus, *exploratis diligenter vetustis Manuscriptis*, discedere visi essent. Hoc idem fuit causæ, cur in vltima potissimum Canonis clausula institerim, quòd in ea maior & apertior, & rei, quæ tum agebatur, coniunctior ambiguitas extitisset. Quo ipso palàm præ me tuli, me non de Canonis germanitate laborare, cum si eò intendissem, longè plures, vt mox intelliges, interpolationis tuæ lacinias rescindere potuerim, sed illud vnum spectare, vt ex Canone vnico, ancipiti, vario, in contraria distracto, nihil nisi summa Spongiz futilitas effici posset. Vides igitur alium longè statum causæ quàm à te ponitur. Vides animi mei veritatem, & tuas tum immeritas in me de illatis tibi *criminibus* criminationes, tum superuacaneas & voluntarias de *tribus literulis*, quas per me incolumes tibi habere potuisti, altercationes. Quid in hoc animo, vel facto nostro accuses? Si reprehendas quòd nouitatis Canonis Arausicano illatæ causas desideravi, nec sine his illam inducendam fuisse professus sum; eruditorum partem optimam mihi adiunges, qui à Criticorum suo nutu quidvis figentium ac refigentium licentia, libros optimos maculatos ac fœdatos esse, nec semel, nec obscure doluerunt, maioremque in publicas lectiones verecundiam, qua nihil in iis, quod non publico priùs iudicio probatum sit, nouetur, in posterum optarunt, & orarunt. Atque hoc eo tibi magis faciendum arbitrabar, quod non in humanis & secularibus scriptis, in quæ humano genio plusculum iuris est, versare; sed in Theologicis, & diuinis, in quibus privato iudicio minimum loci, argumento, auctoritati, traditioni totum defertur. Accedebat quod à Frontone tuo *exploratis diligenter vetustis Manuscriptis* (*vetustis* enim scribendum fuit; pro quo Typographi errore scriptum est, *vetustiss.* cum mihi de Frontonis manuscriptorum antiquitate pronuntiare nec liqueret, nec interesset) & exploratis illis ipsis manuscriptis quibus tu vsus es, tamen adiectamentum tuum commemorari non videbam; nec ab eo solum, sed nec ab editionibus, aut collectoribus vllis, qui Canones vnquam compilarint, si vnā demas Coloniensem Crabbi editionem, quæ tamen tibi parum fauet. Etsi enim eam in hoc sequutus sis, quod negationem, quam illa margini adscriptam habet, susceperis: At in hoc ab ea discessisti, quod editionem quæ negationem non adiciat reprobare, Canonique ipsi negationem intexere aggressus es; quod Collectorum Editorumque omnium nemo antea fecerat.


Nam lectionem quidem, quæ negationem haberet, partim nemo eorum norat antequam à Crabbo proferretur, partim ab eo prolata omnes aspernati sunt, & dispunxerunt; At lectionem, quæ negatione careat, nemo ipsorum iam inde ab Isidoro Mercatore, hoc est, ab octingentis fortè annis ad eam diem, qua Tomi tui prodierunt, sustulerat, aut reprobabat. Tu primus hoc nouasti, superioribus Collectoribus aduersantibus, & lectionem à tot sæculis in Ecclesia probatam rescidisti. Quis nouitatis huius causam à te nullam editam esse non miretur? Quis tibi concedat, ut quod vniuersi tamdiu susceperunt, tuo arbitrio, sine causa, sine ratione, regia quadam potestate proscribas, & eruditorum omnium iudicia tuo submittas? Si sodales tui, non modò celeberrimam Theologorum Facultatem, sed nec Illustrissimos Ecclesiæ Antistites, perpetua Ecclesiæ Catholicæ dogmata sine causis & argumentis vindicantes, audiendos esse putant; quis te audiat antiquissimas in Ecclesia & tot suffragiis probatissimas lectiones sine causa vlla tuo solo nutu primum omnium publicè antiquantem? Nec enim ita claram & perselucidam editionem tuam, ut argumento non egeat, dicturum te arbitror, ne tot talesque homines qui istam lucem nec olim viderunt, nec etiamnum videre possunt, scæcos præ te facere videare.

Vides æquissimam hac in parte expostulationem meam, moderato nulli animo non probandam. Sed tuteugiuerfari me fortassis, & controuersiæ statum à te positum defugere, & rationum tuarum momenta formidare, & negationem Canonis prorsus sine vlla vera causa insertam demonstrare non posse cogitabis, & pro ordinis tui genio insultabis & triumphabis planissimè, nostramque *Dispunctionem* tribus literulis à te dispulsam fidentius etiam quàm antea proclamabis. Hoc ergo ne fiat, neve modestiæ nostra veritati obsit, postquam animi mei sensum simpliciter exposui, non solùm ista etiam, quæ tu vrges, retundi posse declarabo, sed & integram Canonis illustrationem & explanationem, vulgatæque lectionis plenioris defensionem adjiciam, ne Lector sterilis huius concertationis tenuitate sine fructu fatigetur. Decedam de meo statu; tuum suscipiam; ne te non vndique sine causa in hæc certamina prorupisse, & Sodalibus tuis Velitis in modum præcucurrisse, & eorum arma copiasque parantium moram ferre non potuisse intelligas.





## S I R M O N D V S.



VID si ego contrà docuero, & negationem istam ex Synodi mente atque sensu necessariò restitutam, & à P. Frontone minimè reiectam fuisse, vel omissam; satisne constabit, tum mihi cum illo nihil esse dissidij, tum causam non mihi cur emendarem, sed tibi nullam fuisse cur reprehenderes?

## R E S P O N S I O.

TAMETSI nihil eius quod tu putas à me reprehensum esse ostendi, neque disputatum quid causæ habueris, sed quid attuleris, emendandi more tuo Arausicanum Canonem; geretur tamen tibi mos, neque committetur, ut in paranda victoria, quam concupisti, quærendaque Tomis illis tuis ingenti gloria, aduersarium tibi defuisse conquerare. Accipio legem quam ponis: Si duo ista capita probaueris, tu lauream solus habeto; me quoque currum propellente triumphabis. Sed quam edas pugnam prius videndum est. *Non enim coronabitur, nisi qui legitime certauerit.*

2. Tim. 2. 5.

## S I R M O N D V S.



GE itaque, ut à posteriori capite ordiamur, P. Frontonem ais hoc loco vetustissima exemplaria diligenter explorasse. Fecit hoc ille in aliis sanè, partim Græcis, partim Latinis scriptoribus feliciter. At hoc in loco, in Canonis nostri emendatione, quorsum exemplaria multa commemoras, cum ipsemet in notis suis apud Binium, unico Tiliانو se usum esse profiteatur?

Loco citato  
pag. 500.

## R E S P O N S I O.

INFELICITER ordiris. Nec video, quibus oculis legeris illas apud Binium Frontonis tui notas, ut eum plura exemplaria in Canonis huius emendationem contulisse neges, & unico Tiliانو usum esse, idque ipsum illo loco profiteri asseueres. Nam & pluribus codicibus usus est Fronto, & eo loco, eaque apud Binium pagina, quam tu adscribis, duos certè commemorat, quorum vnus litera T, alter litera F, notatur: Quorum notarum, ut ad Concilium Regense, & alibi ab eodem exponitur, prior codicem Tilianum, posterior codicem Nicolai Fabri significat. Atque hi codices tam sæpè ab eo, & tam expressè ad Concilium Arausicanum de quo agimus proferuntur, ut te notas eius non legisse necesse sit, ut dicere sine graui nota potueris, eum ad Canonum Arausicanorum emendationem codice unico Tiliانو usum esse; vel feruore nimio in iis legendis,

Vid. Fronton.  
his not. in  
Conc. Reg.  
& in Arclat.  
1. &c.

Aa iij

inque tota ista aduersum me scriptiuncula, elatum esse oporteat. Mirum equidem moderationem istam tuam eò recidere potuisse, ut laboris tui amplificandi gratia Socij tui laborem immeritò minueris, propriasque ei laudes detraxeris, ut cumulares tuas. Ex quo patet non solum vestram generatim Societatem contendere, ut alienos quoscumque superasse videatur, sed eadem singulos inter se eius alumnos contentione stimulari, cum tu eorum primarius ab illa non absis. Ergo in limine offendisti, meque plura Frontonis exemplaria commemorasse, non satis consideratè arguisti. Plura, inquam; nam *multa*, ut ais, non commemoravi. Quo etiam nomine reprehensio tua bis iniqua est, mihi que fausto ad cætera tua profliganda auspicio præluet.

## SIRMONDVS.




Os porro & cum Tiliانو eodem, & cum Lugdunensi, cum Remensi, cum Fossatensi, aliisque optimæ notæ codicibus Canonem istum contulimus, neque vllum vsquam, qui negationem eandem non haberet, offendimus. Etiamne dices in Tiliانو? etiam in Tiliانو.

## R E S P O N S I O.

**O**RATIONIS structuram seu *αἰακιστικὴν* facilè tibi remitto. Eiusmodi navi Theologum minus dedecorant. Tamen si tu politionum numerum affectaris, & nos horridulos molli fastidio interdum submoues, ut infra patebit. Ne isti quidem laboris tui prædicationi officere volo: imò hoc vnum dolco (credas licet ex animo asserenti) non fuisse vbiq̃ feliciorem; magis etiam te hoc genus orationis animo non satis æquo audire videri; ut, nisi tuis ingratis, publica Conciliorum monumenta, quæ tibi propria nescio quo studio facis, attingere, & in melius, si fieri possit, referre nequeamus. Cæterum cuius notæ, ac pretij habendi sint codices quos commemoras, saltem in loco de quo agimus, & an negationem, quam ais, omnes habere videantur (tibi enim soli ad manum sunt) ex iis quæ mox dicemus facilè iudicabitur.

## SIRMONDVS.



Vr igitur à P. Frontone est prætermissa? id nimirum rogas, quod tu te alios docere potuisti. Recognosce quod proximis verbis scripseras, extare negationem in antiqua editione Colonienſi, & statue P. Frontonem cum editione illa, manuscriptum codicem, ut lectiones varias colligeret, comparasse: Quid attinebat cum negationis voculam inter varias lectiones referre, cum in ea scriptus codex ab excuso non discreparet? Aut qui nunc potes

ab illo non adiectam cauillari? Nam adjici profectò Canonì non potuit, quod à Canone non aberat, quod Canon ipse, tua sententia, continebat.

## R E S P O N S I O.

**C**AUILLARI me ais in tanta tua cauillatione? Statuere me iubes P. Frontonem cum editione Colonienſi illa antiqua, in qua ego negationem haberi dixi, *manuscriptum codicem*, nempe illum vnicum, quem ei concessisti, *comparaſſe*? Quo igitur tempore credi placet Patrem illum notas suas edidiſſe? Num ante ſexaginta, vel eo plures annos? Nam editio Colonienſis antiqua vltima, in qua negatio adiicitur, prodiit abhinc annis amplius LXXX. anno ſcilicet MDLI. ex officina Quenteliana, opera Petri Crabbi Franciſcani, qui alteram editionem, in qua ea negatio itidem legitur, primùm adornarat anno MDXXXVIII. Poſt exiit Suriana editio ex eadem officina Quenteliana anno MDLXVII. annis poſt Crabbi poſtერიorem XVI. in qua Surio ſtudio fuit Crabbianam hanc expurgare, ſarcire, multis vndiquaque reſtitutis, expletis, additis; ita vt præter amplam acceſſionem, qua editio ad Tomos quatuor excreuit, cùm Crabbiana poſterior non niſi tribus, prior non niſi duobus conſtituiſſet, multa locorum millia ex collectis vndique manuſcriptis codicibus ſe reſtituiſſe, in ipſa operis fronte ſit profeſſus. Statue nunc ante oculos Frontonem Duczum anno MDCV. vel VI. varias ex antiquis codicibus lectiones colligentem, quas ad vulgatos codices emendandos illuſtrandosque ſubmitteret in Germaniam, ad Binianam illius temporis editionem. Cum utrâ credendum cenſes eum manuſcripta ſua contuliſſe, cum Crabbiana, an cum Suriana? An ille Crabbianam potius aſſumeret, iam à Suriana obſcuratam, & tantò locupletatam, quàm Surianam non ea poſtერიorem ſolùm, ſed auctiorem, imò eius, vt apertiffimè præ ſe fert, tot locis emendatricem? An Crabbi maculas ruruſ perſequeretur, quas Surius ita eluendas ſuſceperat, vt nouam ex ea editionem confeſſiſſet; nec potius Surianam collectionem, altera euaneſcente, omnium manibus iactatam, & vel ſola copiarum laude clariorem, ſibi proponeret, vt ſi quid in ea vel minus feliciter mutatum, vel minus adhuc accuratè reſtitutum eſſet, id expleret? An in ea emendanda quæ iam ſuper eſſet apud paucos conſumeret operam, eam quæ apud omnes vigeret, omitteret? Noli tam malè mereri, vel de ſocij prudentia, vel de tua fide; vt aut illum præpoſtero & inutili labore functum eſſe credas: aut, ſi non credas, aſſirmes. Conſtat eruditos in concinnandis eiufmodi compilationibus ita verſari, vt poſterior quiſque proximi ſuperioris induſtriæ ſuum quippiam addere ſtudeat, vt nouis viciffim incrementis maturatum opus cumuletur. Sic Crabbi prior editio ſuperiores aliorum inſtaurauit; priorem ipſius poſterior eiufdem; hanc Suriana; Surianam prior Binij; priorem eiufdem poſterior; hanc denique ſibi præſtituet quiſquis deinceps Concilia ab eo edita retractabit. Atque adeo teipſum ad eam manuſcripta tua contuliſſe non vno loco ſignificare viſus es. Sed quid ego in re clariffima diutius argumentor, quaſi cauillatio tua dubitationis quicquam habeat? Frontonem enim certè cum Suriana editione, non cum antiqua

Vide Sur.  
Tom. I. Conc.

illa quam ais, codices suos commisisse, docet non solum Bini editionem, ad quam ille notas suas destinavit, tota ex Suriana editione expressa; sed Frontonis ipsius in illis notis creberrima testificatio. Ea enim sibi verba sananda passim proponit, quæ non in antiqua illa editione, sed in sola Surij leguntur, ut planissime liqueat eum varias manuscriptorum lectiones, non ad Crabbianos antiquos codices, ubi negatio illa habebatur, sed ad Surianos recentiores accommodasse. Huius rei, nisi molestum est, exempla aliquot perspicua colligamus. In Concilium Agathense proferens illa verba

Apud Bin.  
Tom. 2. part.  
1. pag. 347.

Can. XLVII. *Missas secularibus die Dominico totas tenere*; lectionem hanc confirmari docet codice Tiliano. Atqui hæc verba Surij sunt, non Crabbi, qui pro iis legit, *Missam die Dominica secularibus tenere*. Ad Canonem VII.

Sur. Tom. 1.  
Concil. pag.  
723.

Arausicani II. cum Surius ita edidisset; *Si quis per naturæ vigorem bonum aliquod quod ad salutem pertinet vitæ æternæ, cogitare non expedit, aut eligere, siue saluari (id est, Evangelizanti) prædicationi consentire posse confirmat, &c. voculasque non expedit, minusculis literis notans, ad marginem ascripisset, Hæc duæ dictiones videntur superflue*; Fronto cum locum ita legit, *Cogitare ut expedit aut eligere, siue saluari, id est, Evangelicæ prædicationi consentire, &c.* ac demum adjicit, *Iam nihil videtur hic esse superfluum*; ut nimirum Surianæ annotatiunculæ respondeat. In Aurelianense V. ad has Præfationis voces, *Quod pro Ecclesiastico ordine autoritate promeretur pastoralis, &c.*

Apud Bin.  
Tom. 2. part.  
1. pag. 649.

reponendum ait, *autoritate promitur pastoralis*. Voces verò illæ erant Surianæ editionis: nam in Crabbiana est, *autoritate promouetur pastoralis*. Atque in hoc ipso Arausicano, in quo versamur, & in Canone I. de quo certamus, notat pro illis, *chrismatio repetita*, legi ab Isidoro, *rechrismatio*. Ea verò verba apud Surium sunt. Nam Crabbus habet ipsam vocem *rechrismatio*.

Apud Bin.  
Tom. 2. part.  
2. pag. 40.

Denique ne longius innumeris huiusmodi colligendis proueamur, quibus Frontonis notæ ad Surianam editionem, non ad illam antiquiorem Coloniensem, se appositæ esse clamant; læpè etiam ea proferens, quæ Surius in Crabbi codice emendasse sibi videbatur, lectione Suriana reiecta restituit, & confirmat Crabbianam, ut in Arausic. II. can. XVIII. proponit hæc verba, *debetur merces de bonis operibus*, quæ Suriana sunt; pro quibus legendum adscribit, *debetur merces bonis operibus*, ut erat apud Crabbum. In Agath. can. VII. exhibens Suriana illa, *eorum proscriptione quæ facta fuerit venditio roboretur*; reponit, *eorum subscriptione*, nempe ut Crabbus ediderat. In eiusdem can. XXXV. pro illis, *ad comprouinciales Episcopos Apostolos direxerit*, quæ à Surio allata erant; rescribit, *Epistolæ direxerat*, quod erat in codice Crabbi. Denique in eiusdem can. LXVI. productis his vocibus, *quod Græci Diaconion appellant*, voculam, *Diaconion*, à Surio sic interpolatam, redigit ad, *Diaconicon*, quod Crabbus posuerat. In Aurelianensis V. can. XIX. ad illa, *commutatis vestibis conuersantur*, quæ Surius edidit; legi mauult, *commutatis vestibis conuertuntur*, quemadmodum apud Crabbum legebatur. Nolo quemquam odiosa talium exemplorum congerie diutius obrundere; ipsa Frontonis lucubratione tertio quoque versu contestante, se ad Surianam editionem recensendam susceptam esse; neque hoc in tam aperta luce negari publicè posse, nisi eo animo eoque affectu, quem à te abesse magnoperè velim. Quod si Fronto Ducæus codices suos manuscriptos,



non cum antiqua illa editione Coloniensi, in qua negatio extat; sed cum Suri editione composuit, quæ negationem, quam tu Canoni Arausicano adiecisti, non agnoscit; quid fiet isti tuæ responsioni, *negationis voculam inter varias lectiones referri non debuisse à Frontone, quòd ab excuso codice, quo ille usus est, non abesset?* Nonne mirum est talia à te dici, & scripto vulgari, & quasi exploratæ victoriæ fiduciâ, nobis nihil minus quàm ista tecum certamina cogitantibus, ad refellendum offerri? Tu tamen pergis ex eodem luto innocentiae tuæ imaginem fingere.

## S I R M O N D V S.



IC enim ego tecum ista differui, quasi verum sit, quod nar-  
ras, *intextam* in editione Coloniensi negationem habere, cum  
in ora potius adscriptam dicere debueris. Quod quidem  
ipsum, ad P. Frontonis causam satis est, ad tuam videris an-  
sufficiat. Cæterum mihi cum illo hac in parte, ut aiebam, nulla  
est dissensio, imò certa conspiratio. Ille negationem in antiqua editione  
cùm reperisset non abstulit; Ego ab aliis deinceps detractam postliminio  
restitui:

## R E S P O N S I O.

HVIVS causationis eadem, quæ superioris, est labes. Sic enim me-  
cum agis, quasi editiones ante Frontonem emissæ negationem Ca-  
noni adiecerint, nec vlla ei fuerit causa eam adscribendi: tu verò *ab aliis*  
*deinceps ablatam postliminio restitueris*; quasi post collectas demum Fronto-  
nis notas ea negatio auferri sit cœpta, ut tu scilicet vnus eius vindex, & ser-  
uator existeres. Quid hoc figmenti est, amabo te? Quid ludificationis?  
Quid scripti, nec famæ tuæ congruentis, nec illi fidei & accurationi, quam  
tibi antehac multorum prædicatio tribuebat? Siccine nobis simplicibus,  
& minimè malis illudi? Nam & quadraginta annis, antequam Fronto Du-  
ceus lectiones ad Binium Coloniæ mitteret, prodierat Suri editio, om-  
nium superiorum locupletissima, & celeberrima, quæ negationem peni-  
tus abiicit, sedecim scilicet annis post antiquam illam editionem à Crabbo  
instructam, in qua ego negationem inesse dixeram; & multo ante vtram-  
que Crabbi editionem eadem negatio aberat, tum à prima Coloniensi,  
tum ab omnium huius seculi prima, & antiquissima Parisiensi; ne dicam à  
Gratiani collectione, imò ab Isidori tot ante sæculis contexta. Ergo, & ante  
editionem antiquam illam Coloniensem, cui negationem adesse dixi, &  
post illam, negatio iam aberat à Canone Arausicano, prius multo quàm  
Fronto Duceus varias lectiones colligeret; nec tibi scribere licuit, *te ab*  
*aliis deinceps ablatam postliminio restituisse*. Cuius dicti veritatem tu ægrius  
tueberis, quàm ego fidem meam in eo, quod arguis me scripsisse, *intextam*  
*in editione Coloniensi negationem haberi*. Nam primum ista verba non sunt  
mea; tua sunt: Tu illis orationi meæ id intexere studes, quod ego editioni  
Coloniensi non intexui. Non enim *intextam* in ea dixi negationem; sed

*Vide mea  
verba superius  
à corpore  
relata.* ita scripsi, alios postremam clausulam addita negatione ita legere, Sed ut non necessaria habeatur repetita chrismatio, Sic antiquam editionem Coloniensem. Legi ergo dixi ultimam clausulam in antiqua Colonienfi editione addita negatione, quod in ea negatio, etsi in ipso Canonis corpore non sit inserta, nec in eo prorsus legatur, legitur tamen ad marginem, ubi variz lectiones referuntur. Si verba mea, quæ tu ipse descripsisti, paulò quietius legisses, vidisses nihil esse loci reprehensioni; sed ea illo studio percurristi, quo Frontonis notas ad Synodum Arausicanam de qua contendimus, quo Surij editionem, quo varias lectiones ad eam, ab eodem Frontone collectas. Nam si reprehendere pergas dictum meum, clausulam illam addita negatione in antiqua editione Colonienfi ita legi, *Sed ut non necessaria habeatur repetita chrismatio*, quia ea lectio non sit intexta mediz orationi illius editionis, sed ad oram, ut ais, *adscripta*: præterquam quod exiliter cauillaberis, reprehendes etiam vna mecum Romanos Gratiani castigatores, qui ad hunc ipsum Canonem Arausicanum eodem modo notarunt legi in illa antiqua editione Colonienfi, *non necessaria habeatur rechrismatio, &, non necessaria habeatur chrismatio repetita, &, necessaria habeatur chrismatio repetita*. Quamvis autem editio illa negationem ad marginem adtextam, non in ipso canone intextam habeat, tamen id ipsum satis erat, ut tu lectionem istam non primus protulisse dicereris, sed in antiqua editione Colonienfi, tot ab annis propositam, inuenisse, eique potius consensisse, quàm Frontoni Ducæo, quemadmodum à me scriptum est.

*De Consecr.  
dijl. 4. c. 125.*

Nam P. Frontoni te non consentire, & certam *conspirationem* illam, quam tibi cum eo esse iactas, in voluntate magis tua quàm in sententia sitam esse, iam ipse, ni fallor, aduertis, vel alij pro te vident, ut ipsis potius, quàm mihi assentire. Quomodo enim sensisse tecum potest, & negationem canoni addendam probasse, qui editione Suriana usus, vnde eam penitus sublatam videbat, nec restituendam monuerit, ut tot alia superius memorata, quæ Surium in Crabbiana editione minus rectè innouasse iudicabat, nec eam in varias lectiones omninò retulerit? Parumne argumenti est, negationem istam vel in codicibus eius non fuisse, vel spuriam ei vtsam esse, probatamque illius apud Surium omissionem? Nam si adeò adiciendam, adeò manifestè necessariam, adeò salua sententia non tollendam, ut ea detracta Arausicani Patres pugnantia loqui viderentur, ut tu infra scribis, censuisset; quo tandem pacto passus esset eam abiici, non solum à Surio, in postrema, & superiorum omnium huius æui amplissima Conciliorum collectione, præcipuè cum in Crabbiana fuisset, quam ille corrigendam augendamque suscepit, sed & in longè nobilissima Gratiani expurgatione summi Pontificis iussu à viris eruditissimis Romæ constituta; & ab omnibus deinceps doctorum hominum scriptis, & lucubrationibus exulare? Censes ne probi Critici officium, rei tam necessariæ, tam claræ & illustri, tam grauiter à publica iniuria, vel inscitia laboranti, scientem & videntem subsidium adimere, eiusque oppressioni silentio voluntario suffragari; nempe ut te vnum, post aliorum cæcitates & desidias, illius *postliminio restituenda* gloria maneret? Quid videtur cuilibet non iniquissimo æstimatori?

Atque

Atque ut videas, quàm à tuo sensu abhorrerit Fronto Duceus, addo amplius ne quidem si antiquam illam editionem Coloniensem, in qua negatio ad marginem adiungitur sibi emendandam præfixisset, ut tu vis, potuisse eum, pro suo instituto, negationem istam in notis suis præterire, si eam, vel codices eius haberent, vel ipse addendam putaret. Solet enim non solum superioris editionis lectiones, si quæ fortè perperam mutatz videntur, asserere ac repræsentare, ut antè diximus; sed etiam marginum notas, quibus scripturarum varietas indicatur, probare, & confirmare cum eas tanti esse putat. Ac ne longius huius rei exempla petamus, quæ alibi passim occurrunt, ea nusquam illustriora sunt, quàm in notis ad hoc ipsum de quo agimus Concilium Arausicanum. Nam ad illud can. ix. *aut ipsi eis impetrent, apponit aut gratiam ipsis eorum impetrent*, quod erat in utraque tum Crabbi, tum Surijs margine. Pro illo can. xxviii. *Hi verò qui sunt desertores*, legendum monet, *In utroque sexu desertores*; quod tamen in utriusque similiter Crabbi & Surijs editionis margine legebatur. Pro illo denique can. xv. *Energumeni non solum*, scribi iubet Tiliانى codicis autoritate, *Qui palam aliquando arrepti sunt non solum, &c.* quæ lectio extabat ad oram librorum antiquioris editionis, licet à margine Suriana abesset. Ita quoquò te veritas, certam *conspirationem* illam renuntiat tibi P. Fronto, quam cum eo tibi esse gloriaris. Nam & cum Surianam editionem eligendam selegisset, in qua Canon Arausicanus negatione penitus caret, hanc tamen reponendam non notavit, etsi superioris editionis mutationes, quas Surius minus aptè intulisse videretur, reicere consueisset; etsi denique negationis illius expunctionem, in eruditorum omnium editionibus ac scriptis increbuisse, & inualuisse perspiceret, ut necessario succurrendum esset, si iniquè oppressam censeret, tantam præcipuè, tamque necessariam vocem quam tu existimas; & quamvis ea negatio ad marginem editionis, qua usus est, extitisset, ut malè narras, tamen eam, præcipuè si tanti momenti videretur, manuscriptorum suorum autoritate tueri, & corroborare debuisset, cum id, in eiusmodi rerum paulò grauiorum lectionibus ita dubitanter propositis, facere soleret, atque in hoc ipso Arausicano Concilio sæpè fecisset. Maneat igitur, quod perspicuum est, P. Frontonem aut negationem tuam in suis manuscriptis non legisse, quorum tamen vnus, etsi non *unicus*, erat Tilianus ille, in quo eam haberias; aut si eam in iis legerit, minime necessariam iudicasse; atque à deò toto cælo à te dissensisse.

Habes mediam partem tuæ disputationis euolutam, in qua vides nihil tibi fuisse causæ, tam celerem de re leuissima responsionem aduersario incogitanti, & istum, in homine id ætatis, calorem sanè miranti, obtrudendi, communique sodalium tuorum causæ grauissimæ & maximæ præuolandi. Deinceps manuscriptos codices tuos obiectas, quos videndum quanto felicius expenderis, quàm excusos expendisti. Ac me ipsum vltro in arenam vocas.

## SIRMONDVS.



VRENE, an sine causa, negatio restituta sit, ut contendis, id verò est, in quo tuum nunc appello iudicium. Quæro enim ex te, ut emendationis nostræ proferri ratio aperta non posset, atque obscura, & incerta in hoc Canone Synodi esset sententia, parumne tibi ad sancendam lectionis autoritatem ponderis habere videretur, tot codicum vel nostrorum, vel aliorum, qui in editione Colonienſi laudantur, constans, & nusquam dissona consensio? Non possum de te tam sinistra sentire, ut inficiaturum putem. Rudem nulliusque iudicij Criticum esse oportet, qui hoc nesciat.

## RESPONSIO.

NOLI, noli concalescere, Manuscriptorum tuorum amore. Maior omnis motus, senili ætati metuendus est. Nos certè tortuosus maledictis noli configere, quæ nobis in priuata causa ferre honestius est, quàm tibi iaculari. Imo vide, ne obliquata ista tela grauius in teipsum ruant. Si enim quatuor, aut quinque Manuscriptorum codicum (quatuor enim suprâ nominasti, qui negationem tuam stabiliant, Tilianum, Lugdunensem, Remensem, Fossatensem, etsi alios innominatos iactaris.) Si ergo quatuor aut quinque codicum autoritati non cedere, rudis & nullius iudicij Critici esse oporteat; horreo dicere, quem teipsum efficias, qui non pauciores interdum neglexisti, atque istos ipsos, quos hoc loco eruditionis & iudicij normam, Criticis vniuersis constituis. Nam canone x. Concilij Aurelianensis v. ita legis, *ut nulli Episcopatum præmiis, aut comparatione liceat adipisci: Sed cum voluntate Regis, iuxta electionem cleri ac plebis, sicut in antiquis canonibus tenetur scriptum, à Metropolitano, vel quem in vice sua præmiserit, cum comprouincialibus Pontifex consecratur.* Quo in canone verba quæ Regis voluntatem adiungunt, retines ex vulgatis codicibus, licet P. Fronto ea doceat abesse à Manuscripto Tiliij, Nicolai Fabri, Tolosano, Fuxiensi; tu verò etiam à Fossatensi, Bellouacensi, & eodem Tiliano. Quod autem ea quæ consensum cleri ac plebis exigunt, ab his tribus etiam abesse ais; de Tiliano repugnat tibi Fronto, & in eo aliisque duobus à se prolatis, ea haberi testatur. Quod si tu, præter quinque librorum manuscriptorum optimæ notæ autoritatem, quorum tres tu ipse producis, nec aliis duobus à Frontone nominatis caruisti, cum eos pluribus locis commemoras; si præter istorum ipsorum, quos nobis objicis ac dilaudas, Tiliiani & Fossatensis, testimonia, retinendam nihilominus vulgatam scripturam censuisti; qua ratione rudem nulliusque iudicij Critici esse oportere pronuntias, qui omissis quatuor, aut quinque Manuscriptis codicibus vulgatam editionem tueatur? Quo æstu crimen quoque tuum, si crimen est, tam duro nomine flagellas? Cur plus à nobis honoris in codices tuos petis, quàm ipse deberi doces? Fatere verbis

Tom. 1. pag.  
280.

Apud Bin.  
Tom. 2. part.  
2.  
Tom. 1. pag.  
608.

De codice  
Tolof. Fuxi.  
ag. tom. 1.  
Canc. Gall.  
pag. 616. ad  
can. xiii.  
Canc. Narb.  
De cod. Nic.  
Fab. ead. to.  
tum in præ-  
fat. cum pag.  
598.



tandem, quod iam factis confessus es, deberi Manuscriptis eatenus fidem, quâ lux maior & rerum grauiorum explorata ratio nihil obstat; deberi in dubiis, cum veritas aliunde nulla cernitur; deberi, cum eorum autoritas nulla re insigniori præponderatur; deberi denique cum nihil est, quo eorum errorem aperte coarguamus. Alioquin, si vel dilucida ratio, vel sanctior autoritas, multò magis si rerum diuinarum decreta, maiorumque religio reclament, nemo est quin manuscriptorum codicum, non modò paucorum, sed plurium etiam, seu voces, seu clamores, seu quascunque consensiones longè aspernandas respuestasque videat, & primum eorum vnus, vel alterius errorem in cæteros manare potuisse fateatur. Nam qui hoc negare velit, in eum eruditorum omnium consensu conferentur illæ voces, quibus tu eos, quia aliquot tuorum manuscriptorum fidem eleuare audeant, aspersisti. Non enim subesse manuscriptis idoneum Criticum, sed præesse decet, moderari, iudicare, regere; nec imperitorum plurimum scribarum veterno, eruditorum hominum iudicia, rerumque summarum amplitudinem mancipare. Hoc demum est gnauum esse Criticum, prudentem, eruditum, elegantem. Nil Criticum esse attinet; Hypercriticum esse necesse est, qui verè Criticus esse velit, tam iudicio quàm nomine, tam re quàm officio. Qui enim nil nisi Criticus sit, merè Criticus, *Κριτικός*, literularum & formularum Grammaticus auceps, sæcularis literaturæ quadam notitia tumidus magis quàm plenus, Theologiæ sanctorumque Patrum scientia leuiter tinctus, totus literæ, totus chartæ seruus; hunc Criticorum omnis natio, & in primis Theologorum Criticorum è choro suo exiget, neque tali *ἀκρίβεια* venerandum Critici nomen inquinari patietur. Rerum iuxta & literarum peritum esse oportet, qui hoc nomen quærat, & iudicio præterea summo quodam, quæ ipsa Critici notio est, præcellentem. Quem horum quoppiam deficiat, hunc Manuscriptorum codicum copia magis implicabit, quàm iuuabit: Quo pauciores euoluet, hoc sibi minus & aliis oberit; tam publicum quiescendo demerebitur, quàm alij laborando. Noli ergo supremam Criticæ legem & quasi medullam deterere, eaque deiecta, summum manuscriptis codicibus imperium, in amplissima literarum regione, largiri. Memento te ipsum illud nonnunquam minuisse, & minori tamen, nisi valde fallor, ratione ad tuendam, in canone Aurelianensi paulò ante notato, vulgatam aduersus vet. Codd. mss. lectionem, quàm nos in Canone Arausicano aduersus pauciores à te memoratos, adductum esse. Tu enim nullam tui facti rationem profers; nos verò eam edituri sumus, quam eruditis & probis iudicibus probatum iri confidimus. Si ea essemus confidentia, qua Poza sodalis tuus, olim Complutensis, nunc Madritensis & Imperialis noui Collegij ac nominis Professor, qui in opere audacibus delitiis referto, summâ sapientiâ à Sede Apostolica proximè damnato, libros integros posuit, quibus hoc vnum agitur, vt quæcumque ipsi aduersa in vllis SS. Patrum scriptis reperiri possint, ea, vel à Typographis, vel ab antiquis exscriptoribus vitiata dicere liceat, nec respicienda sit excusorum, vel manuscriptorum codicum vlla fides, quasi fallacibus & plerunque imperitis hominibus nixa; haberes equidem, cur de nostra temeritate quereretur, &

Poza, Elucidarij lib. 4. tract. 3. c. 100.

totius antiquitatis, rerumque omnium lucem ea extinguere diceret. Nos verò Cantabri hominis, & Imperialis Professoris durissimum istud os vehementer admiramur, & si Arausici Canonis editio negatione addita eruditis rem propius intuentibus, vel dubia & ferenda videri posset, non solum manusccriptorum tuorum, sed pauciorum quorumvis probabilem consensionem magnopere audiendam putarem. Sed eam codicum hallucinationem, quam nos perspicuis & à quouis idoneo iudice continuo approbandis argumentis faciemus planissimam, pro certa nobis lege, & pro ineluctabili autoritate obtrudere, quam nisi subeamus, *rudes & nullius iudicij Critici* haberi mereamur, non est eius, qui tantum sibi gloriæ inter Criticos assumat, nec prudentiæ modestiæque illius, quam in te optamus.

In not. ad hoc  
Conc. Gall.  
pag. 596.  
Apud Bin.  
in not. ad hoc  
Concil.

Quamquam ne illud quidem dare possumus esse tantam, tam *constantem*, tam *nusquam dissonam* in negatione illa exhibenda codicum *consensionem*, quam tu prædicas. Primum enim de istis asseuerationibus tuis quiddam subodorati sumus, in hoc ipso Concilio & canone Arausicano; de quo *consentire* annotasti *omnes libros*, primum canonem secundo loco, secundum primo referendum esse; cum tamen Fronto Ducæus è duobus codicibus, Tiliano & Fabriano, transcriptionem istam soli Tiliano tribuat, & nos codicem vnum viderimus, in quo idem canonum ordo, qui in vulgatis, seruatus est. Ex quo fit ut tibi codicum tuorum consensiones iactanti confidere deinceps sine vlla dubitatione nequeamus. Deinde dum mihi *codices qui in editione illa antiqua Coloniensi laudantur* objicis, ad statuendam istam codicum in negatione retinenda *constantem & nusquam dissonam consensionem*, non vides te consensioni cuiusmodi grauem securim infligere? Nam Coloniensis illa editio, negationem ad marginem rejicit inter varias lectiones. Qua re non minus codices esse monet, qui eam amoueant, quam qui inserant, ac per hoc tuam istam consensionem euerit. Quid dicam de proxima Suri editione, qui codicibus longè pluribus usus, quam superioris editionis instructor, ex quibus non solum pleraque illius emendauit, sed integras etiam Synodos, tum alias, tum nominatim Gallicanas, primus dedit, negationem tamen istam, ne ad marginem quidem, ubi prius reposita erat, diutius extare passus est? Quid de prioribus illis editionibus, Coloniensi, & prima omnium Parisiensi anni M. D. XXXV. ad quam apparandam codices ab Archiepiscopo Senonensi, & Episcopo Parisiensi præbitos sibi esse testatur Collector, ex quibus negationem vllam deprompsit. Quid de confecta tot ante ætatebus ab Isidoro collectione? Quid de recentiore à Gratiano? Quid præterea de Romana Gratiani correctione tot codicum Vaticanorum, & aliorum ope à viris eruditissimis summi Pontificis iussu absoluta, in qua negatio tua ita repellitur, ut nusquam nisi in variis antiquæ illius vnius Coloniensis editionis lectionibus reperta esse memoretur, & deinceps rectè à Surio amota significetur? Quid denique de P. Frontone Ducæo qui postea Surianam editionem veterum codicum præsidio emaculans, negationem non reposuit, tam tuo iudicio necessariam, eamque, & à superioribus tam solemniter auulsam esse, & ab omnibus deinceps Conciliorum editio-

nibus auctori passus est, donec tu nouus eius assertor exoreres? viderisne tibi post talia tantaque testimonia, *constantem & nusquam dissonam librorum consensionem* iactare posse? Nonne liceat mihi potius, tum veterum omnium collectorum, tum editionum huius æui omnium, tum eruditorum denique virorum consensione manuscripta ista, quæ commemoras, obruere? Parumne ad eorum auctoritatem eleuandam firmamenti est, quod omnium huius memoriæ editionum nulla, nisi Crabbi vnus, negationem exhibuit, dubiam nimirum & vacillantem, eamque dehinc omnes, velut in re minimè dubia, vna voce sustulerunt? Quod nec ante Crabbum quisquæ eius meminerat, & ab ipso, ad tentandum eruditorum iudicium prolatam, nemo suscepit? Quid causam foues publico iudicio præfocaram? Quid meam querimoniam iniquè fers, quæ doctorum quodammodo omnium verbis ad te deferri censenda est? Tu primus omnium negationem canoni intextam edidisti; alij, ne margini quidem adiectam tulerunt. Tu omnium post Typographiam inuentam iudiciis aduersaris, negationem necessariam statuens, quam ne is quidem, qui ei plurimum fauit, amplius quàm dubiam iudicauit? Tu primus omnium lectionem, quæ negatione careat, improbare cœpisti; cæteri omnes non probarunt solum, sed, si vnum demas, vniuersi necessariam putarunt. Non ergo mea hæc causa est: omnium est huius æui eruditorum. Tua te solum patronum habet, vel primum certè defensorem. Quam sanè quacumque ratione tueare, illud quidem superiori oratione tibi ademptum est, ne me auctoritatis expertem, codicibus destitutum, te *constantis eorum & nusquam dissona consensione* fretum esse gloriari posthac possis. Ne iactare quidem fas est, eam esse sententiæ tuæ certitudinem & claritatem, vt reprobari nequeat, sine perspicua canonis euerfione, & sine intestina ipsius inter se pugna; ne non tam me, quàm tot eruditissimos toto orbe & nunc & olim homines, qui eam sine dubitatione respuerunt, vel certè tam amplectendam non viderunt, sugillare videare, & arrepta tibi vni iudicij sanitate, omnes cæcos, omnes fungos, omnes *rudes & nullius iudicij Criticos* esse velle. His ita constitutis, aggrediemur validæ istius ac splendidae rationis tuæ dispectionem, cuius fiducia tantum animorum concepisti.

---

## S I R M O N D V S.



**V**ERVM ego hac sola defensione non vtor. Ipsa pro me Synodi verba loquuntur, & negationem, salua sententia, tolli non posse testantur. Relege Iodes, canonem integrum, & singulas eius partes expende. Tum ego fidem tuam obtestabor, æquumne censeas de Synodi Arausicanæ Patribus tam leuiter suspicari, vt qui chrisimationem vnicam toto canone tot modis inculcarunt, eosdem placeat, in extrema eius clausula, necessariam chrisimationem alteram affirmare.

Bb iij

interdictionem ponit. Quorsum ergo in clausula eam vñctionem iterari repente prohiberet? Deinde tam inusitata & inaudita est, penes veteres istiusmodi, prohibitio chrismationem baptismalem sæpius adhibendi, ut eam non facile vsquam reperturus sis, quia ea de re fortè nunquam quæsitum est. Traditione & vsu, non canonibus & scriptis, eam sanxit Ecclesia. Quid rationis igitur est legem insolitam, & in Conciliorum decretis peregrinam, Canoni Arausicano assignare? Præterea alienum erat eo tempore chrismationis baptismalis iterationem vetare, cum ipsa illa chrismatio prius constituenda esset, quàm de eius iteratione ageretur. Hoc autem canone primùm decreta reperitur in Ecclesia Gallicana ea chrismatio, nec de illa quicquam priori vlllo tempore constitutum reperies. Noua enim erat institutio, ut alibi docebimus, nec multis regionibus adhuc nota. Quam ideo hoc canone comprobendam, & suis præcipiendam duxerunt Arausicani Patres; eosque deinceps plura Collegarum Concilia sequuta sunt, nulla verò præiuerunt. Abhorret igitur à ratione, ut de vetanda chrismationis istius iteratione primò statim decerneret Synodus Arausicana, cum de illius vsu prius statuendum esset, quàm de abusu statuere-tur, nec ab huius prohibitione auspicari conueniret.

Deinde sententia ista apertè pugnat cum verbis Canonis: *De eo autem qui in baptismo quacumque necessitate faciente non chrismatus fuerit, in Confirmatione Sacerdos commonebitur.* Si enim canon id spectaret, ne vñctio baptismalis iteraretur, ridiculè iuberet moneri Episcopum de eo, qui in baptismo quacumque necessitate non chrismatus fuisset; cum potius de eo id iubendum esset, qui chrismatus iam fuisset, ne scilicet iterum ea vñctione chrismaretur. Cum ergo de eo tantum qui chrismatus non fuerit in baptismo, & quidem necessitate faciente, moneri iubeat Episcopum; manifestè patet eius mentem eò solum ferri, ut chrismatio baptismalis obseruetur, & quidem ita necessariò, ut si qua necessitate omissa fuerit, eam ante confirmationem Episcopi expleri velit; non autem cauere, ne sæpius quàm satis est vsurpetur.

Denique si de iteratione chrismatis baptismalis agerent Arausicani Patres, non eam verbis tam mollibus acciperent; non dicerent necessariam non habendam repetitam chrismationem; sed apertè repudiarent, nefariamque decernerent, quippe Ecclesiæ institutis mysteriisque aduersantem. Nam *non necessariam* duntaxat dicendo, licitam & non inconcessam innuerent, quam improbam impiamque dici oportuit. Quid quod emendatio tua licitam & innoxiam apertè declarat? Edis enim in hunc modum: *Non ut præiudicans quicquam, sed ut non necessaria habeatur repetita chrismatio;* hoc est, ut verba indicant; ne præiudicans, seu noxia, sed ut tantum non necessaria habeatur. Quod quis tandem à Patribus Arausicanis dictum putet? Quis censeat licitam ab iis, & nihil præiudicantem, seu nocentem haberi sæpe repetitam chrismationem baptismalem? Quæ tum voluntariè conferentes, tum voluntariè sumentes inficit, ut Ecclesiæ moribus vetita, Ecclesiæ mysteriis aliena, & profana, sacrilegaque vñctio. Nam in Ecclesia ceremoniæ baptismi non magis iterabiles sunt quàm ipse baptismus, illiusque naturæ quodammodo participes, pari propemodum cum eo &



coluntur pietate, & scelere violantur. Non ergo de tollenda chrismationis istius iteratione scripta esse potest canonis Arausici clausula, idque verbis, & sensui non huius solum canonis, sed omnium planè canonum Ecclesiæque institutorum aduersatur.

Superest ut de chrismatione Episcopali loquatur, & non necessariam habendam dicat *repetitam chrismationem*, nempe Episcopalem in Confirmatione, post Presbyteralem, seu verticalem in baptismo. At hic quoque sensus adeo absurdus est, ut minus quàm prior ferendus sit. Nam ut omit- tam abhorrere prorsus à decretis Patrum, ut confirmatio Episcopalis non necessaria pronuntietur, non dico post chrismatis vñctionem baptismalem, sed vlllo penitus pacto; nec tale decretum, ex omnium Conciliorum, aut Patrum monumentis promi vllum posse; neque id extare nisi in recentiorum quorundam libris; Patres autem Confirmationem planissimè necessariam sæpè scripsisse, non necessariam nunquam dixisse; ut hoc omit- tam, quod ad emendationis tuæ *ratio* hac quoque in parte relegendam abundè esset; alia maiora sunt, quibus conuellatur. Primùm emendatio ista, non solum non necessariam habendam dicet repetitam chrismationem, scilicet Episcopalem, post baptismalem, sed ab ea repetitione dehortabitur: *Nam inter quoslibet, inquit, chrismatis ipse non nisi una benedictio est.* Semel ergo chrismari volet à ministro in baptismo, non deinceps ab Episcopo, nisi fortè si qua necessitate chrismatio baptismalis omissa fuerit. Quæ res ita non solum noua & sanctis Patribus abscondita, sed etiam ita improba atque indigna est, ut ad eam ne sodales quidem tui, Episcopalis confirmationis obterendæ cupidissimi, processerint. Quantumcumque enim non necessariam confirmationem contendunt, & ab eius lege fideles liberent; quantumcumque eam arrodant & minuant, ut ab ea tamen quemquam apertè dehortarentur, nondum animum inducere potuerunt. Horrenda enim esset oratio, & à Catholicorum auribus detestanda. Quæ tandem igitur ea cadat in Patres Arausicanos? Quæ tanto se flagitio deuinxerint sanctissimi Episcopi, ut à chrismatione Episcopali eos qui in baptismo à ministris chrismati essent, auocarent? In talium persona tale figmentum non hæret, repellitur, repudiatur, exploditur. Quis putet Episcopos Prouinciæ Lugdunensis, & Arelatensis, vñtata neophytorum confirmatione posthac destituisse, nisi fortè quispiam necessitate prohibitus in baptismo chrismatus non esset? Quis credat eos ministrorum chrismationem magis necessariam statuisse, quàm Episcoporum, quod ex isto sensu manifestè sequitur; & chrismationem baptismalem, non ad supplendam chrismationem Episcopalem adhiberi voluisse, ut vult Spongia, sed contra Episcopalem ad supplendam baptismalem? Si enim ij soli, qui necessitate prohibente in baptismo chrismari non potuerint, ab Episcopo sine chrismandi; Episcopalis chrismatio baptismalis chrismationis merum utique supplementum ac subsidium est. Quod antehac ne Spongia quidem dicere sustinuit. Atque id sanè ipse Canon, de quo agimus, refellit apertè, dum iubet de eo qui in baptismo non sit chrismatus, moneri in confirmatione Sacerdorem, seu Episcopum; significans Episcopum ad baptizatos confirmandos, non secus ac antea procedere deinceps, eique offerri

Neophytos consueuisse, cum eum in huius muneris functione versantem moneri velit, si qui à ministris in baptismo, quacumque de causa, chrismati non essent. Declaratur idem in Concilio Regensi ab iisdem plerisque Conc. Reg. c. 5. Episcopis habito, ubi de *confirmandis Neophytis* & à solo Episcopo confirmandis ex communi Ecclesie more mentio est. Verum fac Prouinciarum istarum Episcopos omnis antiquae disciplinae, omnis Apostolicae traditionis, omnis Ecclesiasticae obseruationis immemores statuisse, ne quis ab Episcopo chrismaretur, nisi qui à ministris in baptismo non esset chrismatus, ne nimirum plus vna chrismatis vnctione viderentur inducere: cui tamen probari poterit eandem fuisse, per omnem Ecclesiam, & apud quoslibet consuetudinem, sicut emendatio tua his verbis indicat: *Nam inter quoslibet chrismatis ipsius non nisi vna benedictio est*, quibus significatur nihil edici hoc canone quod non idem apud omnes obseruetur? Quis enim dicat inualuisse vbique istum morem, ut post chrismationem baptismalem nulla Episcopalis chrismatio Neophytis adhiberetur? Non arbitror refellendum hoc commentum apud eruditos. Ut alia missa faciam, perspicue profligatur vno Hieronymi testimonio, qui nec Presbyteros, Hieron. dial. adu. Lucif. nec Diaconos sine chrismate baptizasse docet, & tamen Episcopos ad eos confirmandos qui ab illis per vicos & oppida baptizati essent, confestim excurrere consueuisse testatur. Ac Hieronymo consonant pleraque Canonum ac Patrum praecipue Gallicanorum, decreta, quae referre putidum esset.

Liquet ergo perspicue, ni fallor, eruditis, Canone Arausicano nec chrismationis baptismalis iterationem prohiberi; nec chrismationem Episcopalem post baptismalem necessariam negari; nec vnicam vniuersim chrismationem quocumque modo praedicari; nec proinde illius conclusioni negationem injici vllam posse. Ita emendationem tuam planissime respuit sententia Canonis, qua tu eam manifestè confirmari nimio studio spectatis literarum solis apicibus contendebas.

Hinc iam via patet ad pleniorum Canonis expositionem. Primum enim, quod supra diximus, statuendum est Arausicanos Patres chrismationem baptismalem in Galliis antehac minus notam, minusque, quod constet, vsurpatam, cum de ea nusquam apud superiores Galliae Synodos aut Patres memoria prodatur, hoc Canone primum sancire; qua de re, deque tota vnctionis istius institutione pluribus alibi dicendum est. Hoc declarat ipsum statim proloquium Canonis: *Nullus ministrorum, qui baptizandi recipit officium, sine chrismate usquam debet progredi, quia inter nos placuit semel in baptismo chrismari*; quibus verbis quasi de lege nunc primum condita, deque nouo placito suo loquuntur Patres. *Ministrorum* autem nomine notandum est, non solum Diaconos accipi, sed maxime Presbyteros. Chrismandi enim in baptismo facultatem, certius est Presbyteris dari, quam Diaconis. Etsi enim & his dari pateat, tum generali *ministrorum* nomine, Synod. Tolet. l. c. 20. tum pluribus Galliae Conciliis, quibus iis nominatim tribuitur; tamen hanc potestatem non iis vbique concessam esse declarat Synodus Toletana I. qua disertè illis in Hispania adimitur; quamvis Hieronymus eam illis quoque alibi delatam esse sit testis. Ac Innocentius I. Pontifex eam Presby- Hieron. ubi supra. Innoc. ep. 1. ad Decent. c. 3.

*Inser nos placuit semel in baptismo chrismari*: non quo chrismationis baptismalis iterationem prohiberent, aut metuerent, ( hoc enim non agebatur ) sed ut significarent chrismationem iis verticalem, non etiam Episcopalem permitti, ita ut præter chrismationem, qua in baptismo usi essent, non iis permitteretur altera chrismatis unctio, quæ ab Episcopis administrari debebat. Semel ergo chrismare eos permittunt *in baptismo*, non iterum extra baptismum, instar Episcoporum. Nam omnia quæ Episcoporum propria essent, adimere voluisse Presbyteris & Clericis minoribus Arausicanos Patres, etiam Episcopo laborante, aut quavis ratione impedito, ipsi postremo canone testantur his verbis: *Si post omnia occurreris imbecillitas fragilitatis humane, ut si quis Episcopus per infirmitatem, debilitatemve aliquam, aut hebetudinem sensus inciderit, aut officium oris amiserit; ea quæ non nisi per Episcopos geruntur, non sub presentia sua Presbyteros agere permittat, sed euocet Episcopum, cui hoc quod in Ecclesia agendum fuerit, imponat.* Quo etiam loco refellitur Cardinalis Bellarmini sententia, qui canone hoc primo Arausicano permitti Presbyteris sacramenti Confirmationis administrationem putavit. Hoc ergo illud est, quod in voce, *semel*, volunt Patres, dum ministris concedunt & iubent, *semel in baptismo chrismare*. Can. 29.

Porro ita præcipiunt eiusmodi chrismationem, ut eam, si quo casu omissa fuerit, suppleri iubeant ante confirmationem Episcopalem: *De eo autem qui in baptismo quacumque necessitate faciente non chrismatus fuerit, in Confirmatione Sacerdos commonebitur*: Nempe ne talem confirmet, nisi cum ad Presbyterum, vel Diaconum prius chrismandum remiserit. Ipse enim Episcopus eiusmodi chrismationem præbere non potest, quia *chrismatis ipsius non nisi una benedictio est*. Esset autem duplex, si prius eam, quæ à ministris petenda erat, deinde suam expleret. Nam Episcopum nunquam olim baptizatorum verticem, more Presbyterorum, unxisse, perspicuum est ex decretis omnibus quæ de ea unctione habentur, quibus ea semper solis Presbyteris, aut ad summum Diaconis tribuitur, & ab ea chrismatione, quam Episcopus facit, aperte separatur, ut patet tum ex antiquioribus canonibus, tum ex scriptoribus, qui de officiis Ecclesiasticis & Sacramentorum institutis scripserunt. Ac hodieque Episcopos, saltem cum Episcopali ritu baptizant, nullam adhibere unctionem verticalem, sed mox ab affusa baptizato aqua ad frontis unctionem procedere, Romanum Pontificale declarat. Quare ita increbuit apud Theologos, ut chrismatio ista baptismalis dicatur unctio, & chrismatio sacerdotalis, seu *presbyteralis*, & hoc nomine ab Episcopali unctione, seu confirmatione secernatur. Ergo de eo, qui in baptismo quacumque necessitate faciente non chrismatus fuerit, in confirmatione moneri Sacerdos seu Episcopus iubetur, ut scilicet eum ad Presbyteros vel Diaconos remittat, quia *chrismatis ipsius*, seu chrismatis Episcopalis, non nisi una benedictio est. Dicitur enim chrisma Sacerdotis seu Episcopi, quod ab Episcopo adhibetur, etsi unum idemque sit chrismatis genus, quod ab Episcopo, & quod à ministris illinitur. Sicut idem baptismum, idem sacrum fit ab Episcopo, & Presbytero; & tamen pontificale baptismum, & pontificale sacrum à presbyterali sæpe distinguimus, pro solenniori nimirum ritu, & sanctiori Episcopi dignitate. Ita multo magis chrisma Episcopale, Bellarm. lib. 2 de sacram. Confirm. c. 12.

Pontif. Rom.  
tit. de Baptis-  
mat. initio.

Hic ergo clarissimus & facillimus est sensus canonis, iis qui Ecclesiasticæ disciplinæ rationem non attendunt, obscurioris, ideoque tanta scribarum & emendatorum varietate implicati; ut, si eos audias, nec commodum sensum elicere, nec caput aut pedes videre possis. Atque hoc pacto refellitur eadem opera titulus quem tuo Marte ei finxisti, *De non iteranda chrismatis benedictione*, contra omnium codicum; qui antehac à collectoribus inspecti sint, fidem: qui omnes vno consensu canonem inscribunt; *Vt nullus minister sine chrismate proficiscatur*; ne tu quemquam à codicum consensu discedere crimineris, qui cum, ubi libitum est, tam facile missum facias. Certè enim titulus tuus à scopo canonis aberrat; codicum titulus eius sententiæ aptissimè conuenit, sensumque à nobis allatum firmat; agi nimirum, non de vetanda chrismationis iteratione, sed de præcipienda ministris chrismatione baptismali; & hoc vnum spectari à canone; non ut chrismationis abusum tollat, sed ut eius vsum primùm constituat.

Confirmatur tum codicum titulus, tum noster hic sensus à Concilio Arelatensi II. seu veriùs rapsodia & centone canonum variorum à te edito, cuius canoni XXVII. qui ex hoc Arausicano sumptus est, titulus eodem sensu præfigitur, *Qui baptizandi officium accepit, sine chrismate non procedat*: tum canonis Arausicani summula breuiter proponitur his verbis, *Nullum ministrum, qui baptizandi recepit officium, sine chrismate usquam debere progredi, quia inter nos, iuxta synodi constitutionem, placuit semel chrismari*: ut pateat rapsodiæ istius compilatorem spectasse canonis sensum, quem nos edidimus, ut nimirum Patribus Arausicanis non aliud propositum fuerit, nisi chrismationem ministrorum baptismalem præcipere. In hoc enim tota vis canonis posita est: ideoque hanc vnam partem collector ille breuitati consulens referre studuit. Nam altera ex hac consequitur, ne nimirum Episcopus quemquam confirmet, qui in baptismo à ministris non sit chrismatus, sed ei necessariam denuntiet chrismationem duplicem, seu repetitam chrismationem. Hoc enim ex eo fit, quia decretum sit omnes, qui à ministris baptizentur semel ab iisdem in baptismo chrismari, quæ canonis prior pars erat. Eodem ferè pacto profertur hic canon à Reginone Abbate, in codice nondum edito collectionis variorum canonum, è quo hic Arausicanus nobis ab amico depromptus est. Titulus in hunc modum præscribitur; *Vt nullus minister sine chrismate proficiscatur*. Canon scribitur his verbis: *Nullum ministrorum, qui baptizandi recepit officium, sine chrismate unquam debere progredi, quia inter nos placuit semel in baptismo chrismari. De eo autem, qui in baptismo quacumque necessitate faciente non chrismatus fuerit, in confirmatione Sacerdos commonebitur. Quæ omnia mirificè confirmant à nobis iam dicta, sententiæque nostræ, tum de titulo, tum de scopo & sententia canonis, prorsus consentiunt. Ut enim pateat, agi, non de vetanda præcipuè vnctionis vllius iteratione, sed de sancienda vnctione ministrorum baptismali, ommissa est postrema pars canonis, quam collector in prioribus, sicut & Rapsodia Arelatensis, satis complecti putauit, etsi canonem ediderit paulò explicatiorem. Eadem hæc confirmant Burchardus, & Iuo, canonem similiter edentes, sine postrema illa parte, seu quod eam superioribus viderent includi, seu (quemadmodum verisimilius est) quod ipsorum*

Tom. I. pag. 101.

Ex veteri cod. MS. cui titulus est, *Libellus de disciplinis, & relictus ex iussu Rathbodi Treuerici à Reginone Abbate Monasterij ex diuersis Canonibus collectus*. In cuius belli ministerium II. de vitiis illius Ord. S. Benedicti, ca. 54. his verbis: *Regino, ff. Rati. lo. di. de rebus. Treueri. de disciplina Ecclesiæ & Relig. Christiana decretorum libros duos nonaginta capitula habentur. Clarus an. 900. Burch. l. 4. c. 73. Iuo par. 1. c. 267.*



codices ea carerent; eoque validius nobis suffragantur.

Ceterum isti quoque centoni Arelatensi videris, more tuo, abstulisse voces illas, *in baptismo*, & ita edidisse, *inter nos iuxta Synodi constitutionem*, placuit *semel chrismari*; pro, *semel in baptismo chrismari*; eo nempe modo quo canonem ipsum Arausicanum infregisti. Sed quàm immeritò, & contra vim scopumque canonis, id à te fiat, suprà satis declaratum est.

*Fid. Conc.  
Cabilon. 11.  
c. 27.  
Ecc. 6. Conc.  
Tarrac. ap.  
Grat. de Cō-  
secr. dist. 5.  
c. 8.*

Non opinor pluribus opus esse, nec ad tuarum emendationum emundationem, nec ad assertionem explanationemque canonis Arausicani, cuius, tua editione ac sententia, inenodabilis implicatio est. Vnde autem negatio illa vltima in manuscripta quædam irrepsit, non operosa est coniectura. Procliue fuit, falli scriptorum quempiam ipsa superficie literarum, ut cùm semel chrismandum, & non nisi vnam chrismationem agnoscendam esse legisset, consequens sine dubio putaret ut *non repetenda chrismatio* in extremo diceretur. Quo fucò cùm tu capi potueris, minimè mirum alium scientia iudicioque inferiorem potuisse abripi, erroremque aliis exscribendum reliquisse. Facilius etiam contingere potuit, ut cùm sacrilegam iterandæ confirmationis consuetudinem posterioribus sæculis in Gallia, & alibi viguisse constet ex Gallia & Hispania Synodis, quibus eam acerrimè prohiberi oportuit; suppares eorum temporum scribæ in canonem ubi *repetita chrismatio* necessaria diceretur incidentes, dum confirmationis iterationem non modò non prohiberi, sed etiam imperari putant, horruerint animis, & vitiatum canonem euulsamque negationem rati, eam prorsus reponendam statuerint. Hæc meo iudicio verisimillima est coniectura. Nam hinc videtur factum, ut plures in Gallia, ubi nefaria illa consuetudo extitit, scripti codices negationem habeant, quàm qui alibi reperti sunt, ut antè declarauimus.

Reliquum est, ut cùm omnia perspicuè consentiant ad eruendam negationem, quam Canoni Arausicano intexuisti, nec ei rei amplissima auctoritas virorum codicumque deficiat, patiaris æquo animo, non dico te, quem intuendæ veritati minimè refractarium exilimo, sed tuos illos scriptos manu codices rerum tantarum, & inscriptæ in fidelium animis Dei digito doctrinæ, ac lucis splendore superari.

## S I R M O N D V S.

*Vindis. pag.  
91.*



YNODO, ut ais, particulari, detrahe quantum voles: numquam efficies ut Hilarium Arelatensem, & Eucherium Lugdunensem, atque alios vtriusque Prouinciæ Antistites, qui Synodo adfuerunt, dissidere à seipsis, & pugnantia loqui potuisse, cordatis hominibus persuadeas.

## RESPONSIO.

**I**AMPRIDEM cordatis hominibus persuasum est, nullum esse in cano-  
 ne Arausicano dissidium negatione sublata, nec eam aduocandam esse,  
 ne Antistites qui Synodo Arausicanæ interfuerunt pugnantia loquuti vi-  
 deantur. Nisi fortè, sicut manuscriptorum tuorum fide negationem cano-  
 ni adjicis, ita eorundem autoritate cordatorum hominum numero exi-  
 mas clarissimos tota Europa, tum nostræ, tum veteris memoriæ homines,  
 qui negationem tuam non desiderarunt: Ex Hispania Isidorum, & nuper  
 Antonium Augustinum multæ eruditionis laude nobilem: Ex Italia Gra-  
 tianum, Gratiani emendatores, aliosque: Ex Germania omnes qui tot illas Ant. Aug. l.  
22. Collect.  
lib. 17. c. 10.  
 Conciliorum editiones procurarunt, quorum nullus, ne quidem Crabbus,  
 qui negationem sola margine dignatus est, alienum à Patribus Arausicanis  
 putauit, si à tua sententia dissiderent: Ex Gallia denique, tum Hincmarum Hincmar. in  
opusc. 55. con-  
tra Laudum,  
c. 24.  
 Archiepiscopum, qui Isidori collectione non Hispaniam solùm, aliasque  
 gentes, sed Galliam nominatim iam tum plenam fuisse testatur, antequam  
 codices ulli tui, opinor, scripti essent; tum Theologum illum, qui primus  
 hoc æuo Concilia Lutetiæ vulgauit; tum denique Frontonem Ducæum  
 sodalem tuum, qui Surianam hoc loco editionem à tua discrepantem sine  
 scrupulo, quem tu objicis, sequutus est. Postremò penè omnes omnium  
 gentium eruditi, lectionem, quæ negationis notam canonis clausulæ adji-  
 ceret, abijciendam putarunt; Tu primus ac solus hac ætate eam, quæ non  
 adjiceret, improbasti, & expunxisti; vt te vnum memoria nostra corda-  
 tum hominem natum esse necesse sit, si cordati homines nullam, nisi tuam,  
 editionem Arausicanis Patribus tribuendam esse persuaderi possint; vel  
 nihil obesse quominus cordatus homo sit, & nihil cordatis hominibus in-  
 dignum Concilio Arausicano imputer, qui à tua editione dissentiat, fateri  
 debeas. Nos autem, quàm contrà editio vulgata, nostraque illius interpre-  
 ratio canonis sententiæque Arausicanæ Synodi consentiat, & quàm ab ea  
 primùm titulus à te initio præfixus, deinde negatio in fine addita, tum in-  
 terjectæ pleræque innouationes abhorreant, quàm mediæ inter se partes,  
 extremæ mediis colluctentur, nec sine intertrimentorum tuorum depul-  
 sione componi possint, satis apertè ostendimus.

Quod verò Synodo particulari detrabere me arguis, immeritò facis; & si  
 quid indignari mihi tecum fas esse ducerem, exposcularem reprehensionē  
 à meo sensu remotissimam, quam minus ferendam existimo, quàm quic-  
 quid tota epistola in me torsisti. Quanto ego honore non œcumenicas  
 solum Synodos, nec solum particulares (ita enim loqui non fugio,  
 quamuis tu iniquè fastidias) sed etiam diocesanas, minimasque omnes  
 prosequar, & quàm sodales tuos auerſer, qui scholarum suarum vilissi-  
 mo puluere obſiti, Episcopaliū decretorum dignitatem non vident,  
 non venerantur: dijudicant, spernunt, arguunt, conculcant; Episco-  
 pos ipsos inauditis, & soli hæretico genio notis conuitiis insequuntur,  
 ex nostra ad impiam eorum querimoniam responsione, planè intelliges.  
 Tu potius, si non rem, nomen saltem *particularium* Synodorum asperna-

Vid. Pelag.  
PP. apud  
Iuon. par. 4.  
c. 139.

ris; & quasi Latinitati tuæ impar, tuis verbis proferre non sustines, mihi-  
que fastidiosè remittis, dum ita me appellas: Synodo, ut ais, particulari de-  
trahere quantum voles. Ego verò aio particularem Synodum, & in re ac voce  
Theologica, Theologum quàm Grammaticum agere malo; & ita parti-  
culares Synodos obseruo, ut nomen ipsum venerer, nec Christiano cui-  
quam indecorum putem. Ita Theologos passim loquentes audio; Ita lo-  
quutos video & Patres; cum quibus Grammaticorum iudicio squallescere  
melius est, quàm cum Grammaticis in re Theologica sapiendo, Theolo-  
gorum iudicio ineptire. Si enim sua cuique opificio artificiosa factitiaque  
vocabula concedimus: nec, cùm de re illius sermo est, propriis eius nomi-  
nibus uti sordidum, sed scitum, splendidumque censemus; cur quod in-  
fimis artibus datur, maximæ omnium, & ab humana non solum oratione,  
sed etiam cogitatione elatissimæ Theologorum disciplinæ negabitur?  
Cur conditas ab iis ad rerum diuinissimarum adumbrationem dictiones,  
quæ nullis aliis, salua sententia, summutari possint, degeneri mollitie fu-  
giamus? Longè enim erras, si quam esse censes Latinam vocem, quæ isti,  
Synodus particularis, ex amussim respondeat. Longè aliud est Theologis Sy-  
nodus provincialis; longè aliud, nationalis, diœcesana, quæ tamen nihilo La-  
tiniora sunt. Nullam denique reperies, quæ Synodo generali seu œcumenicæ  
quasi è regione aduersetur; & omnia Synodorum non œcumenicorum ge-  
nera (quæ vis est Synodi particularis, quam Græci *μετάνη* & *ἐκκλησία* dicunt)  
complectatur. Sed quoniam de re quàm de voce agere præstat, & de illa  
præcipuè litem intendis; pro crimine quo me petis, ego tibi laudem, ut vi-  
deas quàm non inimicè agam, rependo, & tuis laudibus impositam mihi  
à te reprehensionem diluo; quo genere confutationis nullum tibi iucun-  
dus offerri posse cogitavi. Nam ex omnibus quæ in tribus tuis Tomis le-  
gere mihi contigit, nihil à te præstantius manasse visum est illa voce, quam  
in ipsa præfatione proscripsisti: *Ea olim fuit Ecclesiarum inter se concordia &  
reuerentia, canonumque apud omnes tanta autoritas ac religio, cui quod Synodo  
aliqua constitutum videretur, idem alia sibi, pro renata, imitandum, statuen-  
dumque esse ducerent, nec facile quicquam aspernandum censerent.* Quod tamen  
tuum dictum, si ego non intra solos canones constrinxero, sed ad decreta  
de fide protendero, & tantum Episcopalibus definitionibus honoris habi-  
tum affirmaro, ut pleræque hæreses sola ipsarum ope, patrumque Syno-  
dorum autoritate percussæ, per totum deinceps orbem assensu omnium  
reprobata evanuerunt, quantum vis multis antea validisque propugnato-  
ribus niterentur; reprehensionem, qua me particularibus Synodus detraxisse  
arguisti, abundè, ni fallor, obtrihero. Hoc autem & dictum, & proba-  
tum habes sanctissimis Patrum testimoniis non vno loco, nec verbis pau-  
cis, cùm in eo mihi multo præcipua & maxima cum sodalibus tuis dimi-  
catio fuerit. Non ergo Arausicanæ Synodo, nec cuiquam alij detraxi quic-  
quam, sed tu procliuiorem animum ad iniquam de me suspensionem,  
& ad detrahendum de me habuisti. Si enim quietè verba mea expen-  
disse, comperisses non à me depressam vllam Synodum, sed derisam  
insulsissimam Spongiam, quod cùm nihil à se non catholicum, non à Do-  
ctoribus Theologis, & sanctis Patribus, nullo dissentiente, assertum esse ia-

Spong. ad  
Censur. prop.  
3. in. 2. de  
sacra. Conf.  
prop. 6.

etasset, tamen id vnico particularis Synodi canone; eoque corrupto probaret. Quantumcumque enim colas & extollas particularem Synodum, non tamen non exhibendum fatebere, qui illius vnus nomine quicquam Catholicum, à Doctoribus Theologis, & sanctis Patribus, nullo dissentiente assertum esse demonstrandum suscipiat. Hoc fecit Spongia; hoc ego factum explori; hoc tu vel mecum ridere, vel cum sodali lugere debuisti; non mihi crimina iudicio tuo non consona, meo verò sensu alienissima, sine argumento machinari.

## S I R M O N D V S.



Q UOD si negationem hanc & Synodi sententia requirit, & vetera retinent exemplaria, desine à nobis sine causa restitutam accusare, atque illis potius succensere, qui eam primi, vel apud Gratianum, vel vnde Gratianus transtulit, contra librorum consensum, & contra Synodum ipsam sustulerunt.

*De Consecr.  
dist. 4. c. 113.*

## R E S P O N S I O.

I N epilogo alij antè dicta colligere solent; tu præterea noua menda in-  
spergis, & negationem à Canone Arausicano primùm apud Gratianum, vel vnde Gratianus transtulit, sublatam esse prædicas, hoc maiori errore, quo minus à tali viro proferri decuit. Quis enim nesciat negationem istam ab Isidori collectione, tercentis circiter ante Gratianum annis, abfuisse? Aut quis tibi iam ignoscat, iis succenseri iubenti, qui eam primi apud Gratianum, vel vnde Gratianus transtulit, sustulerint? Quod si Gratianum ab Isidoro transtulisse dicas, præterquam quod vnde id probes non habebis; etiamsi id probaueris, non tamen non iniquo fuci genere simulaueris negationem primò apud Gratianum, aut non multo antè, defuisse. Quare desine tu potius eiusmodi studio ad responsiunculas præcoces minimeque necessarias desilire. Desine nouitatis arguere lectionem, quæ ob vltimæ ferè annis in Ecclesia circumfertur, ac omnium deinceps sæculorum vsu publicè viguit, donec tu eam publicè abolere cœpisti. Desine tuam ei conferre, quam nec tantorum virorum, nec temporum tantorum autoritate confirmabis. Nam codices tuos qua ratione doceas, vel à talibus viris, vel ante tot annos extitisse, vel omnium consensu susceptos? Vana enim prædicatione, librorum consensum tibi sumis; cum nos in omnibus Ecclesiæ regionibus, atque in ipsa Gallia discrepantes à tuis libros fuisse, quibus tui antiquitate conferri non possint, demonstramus. Nisi verò nullis ex manuscriptis codicibus, tot ab annis, & quarto à Synodo Arausicana sæculo, Isidorus Mercator sua exscripsit, & tanto post Gratianus, ac deinde Conciliorum generalium, ex Senonensis & Parisiensis Episcoporum codicibus, primus hoc æuo Lutetiæ vulgator, deinde Germani Collectores, postmodum Gratiani emendatores, ac deinceps



viri omnes per orbem eruditi, qui lectionem, quam tu improbas, vno consensu amplexi sunt. His tu vniuersis quatuor, aut quinque codices sine dubitatione præpones? Quamquam si eorum nobis, quibus tu vsus es, codicum copia fieret; non diffidimus fore, qui antiquæ lectioni suffragentur, & consensum istum ipsum, quem præ te fers, disjiciant. Id nos quibus argumentis colligamus, supra expositum est. Sed licet illi codices tibi plus etiam fauerent quàm nos arbitremur, ea est sententia canonis, & ita perspicuè, opinor, negationem tuam repellere ostensa est, vt nulli aduersus eam codices audiri debeant; & nos hoc vnico argumento freti, te canonem sine causa immutasse, non solum eo sensu quo id scripseramus, sed eo etiam quo tu accepisti, sine vilo idoneæ reprehensionis metu asserere potuerimus. Sed reuera nobis in animo erat solam securitatem arguere, qua tu lectionem editionum eruditorumque omnium consensu apertè adeo probatam, primus, sine causa vlla apposita, expungere publicè aggressus es. Quæ res ita in te mira, & ad exemplum periculosa visa est, vt eam verbulo leuiter notari nemini non æquissimum, tibi verò religioso homini non solum veritatis, sed virtutis studioso, non grauissimum fore sperarem, præcipuè cùm mihi de ipsa re contendere, vel sententiam tuam reprehendere propositum non fuisset. Quam temperantiam meam, quoniam in eam partem à te acceptam video, vt eam & nauci feceris, & tribus etiam Tomis tuis vehementer iniuriam, quasi eorum fidem omnem euertat, & grandi scelere te maculet, nouo moderationis genere proclamaris, meque inscium, & mirantem, & nihil eiusmodi meditatum, ad singulare certamen *trium literularum* gratia è media, in qua cum sodalibus tuis Ecclesiæ nomine versabar, acie protinus euocaris; leuandos hoc loco errore putavi, tum te, tum eos, qui nihil in tomis tuis, ne trium quidem literularum voculam, secus positum esse, neque id sine tomorum illorum iniuria dici, aut credi posse, tua fortè prædicatione censerent. Ac vt magis intelligi possit, quàm immeritò tantulam animaduersionem tomis illis iniquam dixeris, & meum in te pudorem sis aspernatus; profiteri non verebor, non tres literulas, sed res grauissimas; non in vna voce, sed permultis locis, ita in Tomis tuis detortas, & sine causa vlla deformatas esse, vt sine publica expurgatione præteriri nullo modo possint. Quem laborem nisi quis alius suscipiat, ego Ecclesiæ Gallicanæ, Catholicæque vniuersæ bono deberi non pariar diutius, & quæ prima mihi vacui temporis facultas à sodalibus tuis Ecclesiæ populatoribus continget, eam huic muneri consecrabo, quò planius fiat te frustra ad curandam canonis vnus reduuiam exarsisse, cùm de tuendo Tomorum tuorum ipso capite laborare debueris; & perperam laureolam in hoc mustaceo quæsisse, quam in illa Tomorum mole ægrè reperies; & me qui talia objicere potuerim, moderatione aliqua, non mala mente, de trium literularum vna vocula commonuisse te magis, quàm reprehendisse.



# PETRI AVRELII THEOLOGI ANÆRETICVS,

Aduersus errores & hæreses, quibus Canonem  
Arausicanum, & Sacramentum Confirmatio-  
nis aspergit Iacobi Sirmondi Societatis Iesu  
Presbyteri Antirrheticus.

*Vbi omnes Antirrhethici partes ad verbum refelluntur, prefixo duplici  
Indice, quorum in altero precipui errores & absurditates in  
suas classes rediguntur; in altero larvarum à variis scri-  
ptoribus Iesuitis indutarum varietas recensetur.*



---

*Extrait du Priuilege.*

**P**AR grace & Priuilege du Roy, donné à Paris le 2. de Iuillet 1633. il est permis à PIERRE AVRELIVS Theologien de faire imprimer par tel Libraire & Imprimeur que bon luy semblera, vn Liure intitulé, *Petri Aurelij Theologi Anæreticus aduersus errores & hæreses, quibus Canonem Arausicanum & Sacramentum Confirmationis aspersit Iacobi Sirmondi Societatis Iesu Presbyteri Antirrheticus*; avec defenses à toutes personnes de quelque qualité & condition qu'ils soient, d'exposer ledit liure en vente, ny le debiter d'autre impression que de celuy auquel ledit exposant l'aura permis pendant le temps de six ans, sur les peines portées par les Lettres dudit Priuilege, signées par le Conseil, CROISET, & scellées.

---

*Approbatio Doctorum.*

**D**OCTRINAM Petri Aurelij Theologi de Sacramento Confirmationis in Anæretico aduersus P. Sirmondum nos è Societate Sorbonica Doctores Theologi legimus, probauimus, die vigesima septima Iunij anno Domini millesimo sexcentesimo trigesimo tertio.

A. DE BREDÆ

DE FLAVIGNY.



vlla reprehensione accipere potuisset. Ego, cùm in Spongiæ disputatione canonem Arausicanum ambiguum esse & perplexum probarem, commemorata in eius rei argumentum Sirmondi quoque editione, in qua negatio vltimæ clausulæ nouissimè inserta esset, addidi, velut transiens, mirum videri cur eam negationem in ipsum canonem contra aliorum Collectorum sententiam, & contra Frontonem Duczum intexuisset, nulla edita causa cur id fecisset. Ex hoc verbulo tanta in eius pectore flamma emicuit, vt seniles lacertos iuueniliter mouens me in arenam vocarit, quasi criminatorem sui, & fidei Conciliorumque suorum euersorem. Cùm verò ego eius in me scriptum post sex mensium spatium tandem refellens, mirari me dixissem, cur criminibus appetitum se fingeret illis vocibus, quibus editionem ipsius ne quidem reprehenderam, sed eius tantum requisieram causas; cur, si maximè putaret se reprehensum, eam reprehensionem, inter eruditos vsitatissimam, suæ Tomorumque suorum fidei iniuriam diceret, quod à moderato homine humanæ infirmitatis sibi confessio, seque errare posse agnoscente nunquam dictum esset; cur epistolam, qua id quereretur, ostentaret; cur illius præiudicio disputationem meam labefactatam gloriaretur; ille nihil habens quod opponeret tantæ luci, qua altercandi causas quæsisse probabatur, rem inuoluere cœpit, & me festiuum hominem ac suauem dicere, quod alia lege viuere velim, & aliam imponam; tacere non possim, & ipsi silentium indicam; quasi par ipsi mecum ratio esset, nec mihi integra epistola palàm pulsato respondere per omnes leges liceret; ipsi verò nullo crimine à me, ac ne reprehensione quidem vlla affecto, in me, velut in criminatorem suum & Tomorum suorum, insurgere per omnes leges nefas esset. Hoc contentionis nostræ principium, Lector; hoc litigij nostri caput; huic cætera omnia consentanea sunt; hoc solo perspecto facilè per te intelligis, quid è tali fonte fluxisse necesse sit, nec de spinis vuas colligi, aut de tribulis ficus, nec de tanta animi & iudicij imbecillitate quicquam illi dispar existere potuisse.

Omnino difficile dictu est, Lector, & iis, qui Sirmondum hætenus in aliquo numero posuerunt, penè incredibile, quid dedecoris & macularum intra Antirrhethici angustias lateat, quo ego quidem magis pudendum opusculum, auctoris sui nomine indignius, & Spongiæ insulsiati germanius iampridem non vidi. Audacia illic insignis in abnuendis rebus certissimis, quæ ipso oculorum sensu statim coarguuntur; Inscientia in euertendis, quæ inter eruditos constant; Temeritas in asserendis, quæ constare non possunt; Effugia & imposturæ ibi occurrunt, quæ Sirmondi superent neruos; Fraudulentia in transiliendis, quæ ne attingere quidem honestè potest; Confidentia in exultando & triumphando in mediis flagitiis ita crebra & assidue, vt mirandum sit in exiguum libellum, & in paucularum pagellarum schedam concludi potuisse tot labe, quæ ingentium illorum voluminum, quæ à sodalibus eius conflari solent cuicumque quantumvis magno sufficere potuerunt. *Αυτοψία* in primis, & ratiocinandi infirmitas notabilis, qua liquidò profiteri possum, & candorem meum agnoscat quisquis illius scriptum nostrasque ad illud responsiones

singulatim expendet, vix ullam inesse ratiunculam & consecutionem quæ cohæreat, plurimas autem secum ipsis colluctari, ut puerum in sene loqui putes. Cum verò tota contentio nostra duabus partibus constet, & partim Critica, partim Theologica sit; quia & de legitima canonis editione disceptamus, quod ad Criticam spectat; & de legitima eius sententia, quod Theologiæ proprium est, talem se in utraque exhibuit, qualem ego, si vincendi cupidissimus essem, vix ausus essem optare. Videbis, Lector, paulò infrà earum, quas dico, macularum luculentum indicem, quem prolixitatis epistolæ tardique tui fugiendi causa, texendum seorsum putavi, ne cuiuspiam, cui alia de Sirmondo opinio hætenus insedit, nec evoluendarum & inspiciendarum confutationum nostrarum otium fortè suppetet, incredibilia de illo spargere, & peccata eius supra fas attollere videar. Videbis ex eo fidem & candorem nostrum, quem asserere intrepidè possumus, ita religiosè à nobis toto hoc in opere servatum, ut quivis facillè animadversurus sit, nos non Sirmondi errores fingere ut publicemus, sed publicare ut extinguamus. Videbis *æreolas* ingentes, & Conciliorum Galliarum collectore indignas. Videbis, quod multo gravissimum est, errores & hæreses, quibus Canonem Arausicanum, & sacrosanctum Sacramentum Confirmationis, audaciùs quàm Spongia fœdavit. Cum enim propositam à nobis facilem & expeditam illius interpretationem, cuius veritas non aliunde magis, quàm ex ridicula ipsius, & in Theologiæ militiæ tyrunculo vix toleranda oppugnatione cernitur, sequi nollit, aliamque ad suæ causæ subsidium cogeretur exquirere, de via in semitam abiit, & in anfractus sibi soli notos, eaque excogitavit, quæ ego cum primum legirem comminisci cum potuisse mirabar, quæque Catholicis Theologis inaudita & inuisa, soli Antonio de Dominis eius quondam sodali, à quo illa mutuatus videtur, cognita fuerunt. Quinetiam, ne quid mali ominis decisset, antiquas Græcorum in Sacramentum Confirmationis, & in Ecclesiam Catholicam impietates in auxilium exciuit, Acheronta quodammodo evocans, cum superos flectere non posset, beatosque illos Ecclesiæ Patres à commentis suis auersos experiretur. Denique cum in locum progressus est, & ita in peius profecit, ut cum antea priuata res inter nos agi, & innoxia velitatio misceri videretur, controuersiam mutauerit in contentionem de fide, & doctrina Ecclesiæ Catholicæ, quæ deinceps nobis non minus aduersus eum tuenda erit, quàm aduersus Spongiam cæterosque sodales dogmatum damnatorum assertores.

Quare faciendum duxi, ut responsionem Antirrhethico eius oppositam *ANÆRETICVM* inscriberem, quasi hæresum errorumque istorum non solum expertem, sed expugnatricem, doceremque ipso titulo, & exemplum statuerem omnibus, quorum ætas non in explorandis Theologiæ mysteriis, sed in literulis excolendis contrita est, fugiendas iis & formidandas rerum Theologicarum excussiones, in quibus propter inscitiam, scientiæ vetuitatem, ab erroribus, & præcipitiis, in quæ Sirmondus delatus est, abesse non possint. Hinc enim illi rot inauditarum, & præter modum absurdarum opinionum figmenta, quæ nemo rerum illarum callentior subiisset, cum hominem suo se modulo metiri nescientem iis inuolui necesse

fuerit. Nam ad hoc genus scriptiorum nec natus erat Sirmondus, nec usu vel arte instructus. In studiis tenuioris literaturæ cum consenuisset, eorum finibus contentus vereri debuit res diuinas, quarum tractatio toties literatoribus malè cessit, eorumque famæ velut scopulus fuit & syrtris, Deo non tam inscitiam, quàm audaciam præfidentiamque illorum auersante. Quem casum sapientissimè auguratus est Sirmondo vir clarissimus idem & eruditissimus, qui cum eum in eudenda aduersum me responsione sudare accepisset, facultatis ipsius memor verendum dixit, ne nouam hæresin pareret, & in eandem cum aliis sodalibus nassam includeretur.

Quamquam ne quid iniquiori animo loqui videamur, non adimimus Sirmondo qualemcumque rerum illarum notitiam. Scimus antiquarium egisse iam pridem: scimus scrutatum esse veteres chartas, & in earum ventilandis apicibus, scripturisque obseruandis operam posuisse. Sed in dogmatibus Ecclesiasticis hospitem, in Ecclesiæ sensibus, & œconomia peregrinum esse dicimus, & cum alibi passim, tum in Antirrhethico talem extitisse. Quod iudicium cum faciliè comprobent Theologiæ solidæ & antiquæ periti, eos, qui cum illa minus commercij habent, æquos saltem, & præiudiciis minimè impeditos animos argumentis nostris præbere oportet. Idem de iudicio & ingenio dicimus, cuius tenuissimum lumen in responsione ipsius emicare fidem faciet aridissima scriptio, nulla vi nisi iracundiæ, & superbiæ pollens, & assiduis paralogismis intermixta. Vnde sequitur non fuisse Iacobi Sirmondi Conciliis Galliarum manus admouere, tumque in his capessendis lapsum esse ignoratione sui, & domestico illo suorum errore, qui ut quemque humanitatis studiis & scriptitandi facultatula prædictum vident, maiorum rerum scientiis, & antiquis potissimum sanctorum Patrum Græcorum Latinorumque monumentis pertractandis parem putant, & hoc pacto tantam illis, quantum eruditi indignantes vident ac gemunt, cladem intulerunt. Minoribus & pro suo captu operibus incumbere debuit, describendis sedulè veterum scriptorum opusculis, qualia in membranis inuenisset, præfigendis breuibus præfatiunculis, annotandis quæ hinc inde excerpisset, conscribendis epistolis de tenui minimèque arduo argumento, omninoque scriptioribus illis, quæ roboris ac neruorum minus exposcunt, & quadam cum ingenij & iudicij, tum eruditionis mediocritate possunt impleri. Hac moderatione adhibita non inutilem operam nauare Ecclesiæ potuit, quæ, ut ingens Respublica, variis operariis, & ut perfectum corpus, variis membris eget, & ab infimis summas capit utilitates, quamdiu intra indolis facultatumque suarum usus consistunt, nec ad aliena munera euagantur. Cum verò ad ea prouolare, quæ sui genij non erant, & Conciliorum instaurandorum ac refingendorum prouinciam sumere ausus, sancta Patrum monumenta, diuinisque canones ultra quàm credi, aut tolerari queat, violarit & peruerterit, diuino iudicio delapsus est in eum locum, in eumque ultro se coniecit, ut nobis vitiorum tantorum promulgandorum imposuerit necessitatem, & ingentibus Antirrhethici maculis ea cuius, iam antè expurgationem nostram, luculentè ipse comprobavit. Nam Ecclesiæ iniurias nunquam inultas finit

Dd ij

Deus, nec minus eos auersatur, qui munera sibi non concessa præripiunt, quàm qui concessa obsolescere patiuntur. Intelliges verò perfacile, Lector, quid admisisse eum oporteat in vastis Conciliorum voluminibus, quas eruditionis & iudicii labes, quas temeritatis & audaciæ moles in tantis spatiis fudisse, qui in pauculis Antirrhethici pagellis ea peccarit, quæ paulò post leges, ac, nisi fallor, stupebis.

Ausus enim est nouo exemplo proponere responsiones meas contractas, & contractas in compendia fallacissima, quibus non gratiam earum tantum & vim elisit, sed præcipua quæque argumenta suffuratus est, ea sola repræsentans, quibus aliqua ratione illudi putauit posse, quamuis deinde eorum ipsorum pleraque intacta præterire sit coactus. Tantamenim prodidit imbecillitatem, ut ne quidem aduersarij copiis à seipso, ut libuit, instructis & debilitatis, par potuerit esse. Quæ audacia omnino magna, & à pudenti homine abhorrens, atque adeò ab omni sanctorum Patrum & Theologorum consuetudine est remotissima. Nam Theologi & S. S. Patres, etsi omnia aduersariorum dicta non semper commemorent, tamen nec ea enervant unquam, & suis firmamentis frustrantur, nec à se deformata & infracta, in medium, quasi illorum verbis, producunt. Vel enim ea suo nomine suisque vocibus narrant, ingenuè nimirum & candidè; vel si ipsi illorum disputationes, earumve partes referendas responsionibusque sigillatim subiectis refellendas suscipiant, integras & intactas, prout ab illis conceptæ sunt, exponunt legentium aspectui, nulla mutilatione sua, aut breuiatione interposita, ut videre est in plerisque sancti Augustini libris Polemicis contra Iulianum, Faustum, Petilianum, & alios; in libris S. Basilij contra Eunomium, Tertulliani contra Hermogenem, pluribusque sanctorum Patrum. Quod si orationem meam, ut se habebat, à meque erat edita, referre nolebat Sirmondus, si prolixam, si suo spiritu maiorem, si viribus suis arduam experiebatur, cur eam non oppugnabat carptim, & eius argumenta oratione perpetua refellebat? Cur seorsum describebat eam præfixo nomine meo, quasi responsionum mearum is esset contextus quem exhibebat? Sin autem eas legentium oculis ordine subicere, iisque prorsus eo modo, quo ego ipsius Epistolam confutaram, respondere cupiebat, ut simulauit; cur, sicut ego ipsissimam eius epistolæ seriem, sine vlla rerum aut verborum prætermissione, protuli, ipse pari fide non usus est in responsiones meas, & quales à me editæ sunt, tales eas produxit; præsertim cum singulas epistolæ suæ partes, quibus ego eas opposui, integras nec vlla vocula imminutas ediderit, quibus meæ responsiones interdum vix longiores fuere? Quid indignius hac ignauia, Lector; quid apud eruditos, imò cordatos homines insolentius? Hoc vnum est re- lum quo responsionibus meis nocuit; hoc solo subuertit eas; cum ceteræ eius oppugnationes illustrandæ illarum firmitati comparatæ videantur. Atque ut hominis frontem magis videas, nihilominus profiteri ausus est in præfatione sua, se sic omnia mea in se obiecta subiectis singillatim responsionibus complexum esse, ut nihil à se præteritum, aut dissimulatum conqueri iure possim. Quam ego audaciam, Lector, tibi ex iis quæ infra passim audies, & ex manifestissima rerum ipsarum luce damnandam, & auersandam



relinquo. Nata porrò est fraudulentia hæc Sirmondi à falsa gloria & vanitate, ut, cum singulas epistolæ suæ particulas à me pressio pede ad verbum concisas videret, ipse meum scriptum pari Marte oppugnasse, nec mihi cessisse vlla in re videretur. Quare refellendo imbelli artificio necesse habui singulis responsionibus, quas mihi tribuit, singulas RECENSIONES adjicere, ut mea dicta ab eo prolata ante omnia recognoscerem, assiduas ipsius pudendasque proderem fraudes, & meas ante conflictum copiolas ipsius fallaciis tum confusas, tum dissipatas, in ordinem aciemque reuocarem.

Hæc aliaque plurima horum similia illam eius imprudentiam mirari te haud dubiè cogent, Lector, qua me acerrimè tota præfatione sua insectatur, quod meum nomen non prodam; cum ego ipsum multo æquius arguere possim, quod suum prodiderit. Debit enim hoc saltem iudicio uti, ut frontem oculeret in pugna misera & infelici, è qua tot undique in ipsum redundant notæ, & cuius ipsa susceptio tantum dedecoris habet, ut ne ipsius quidem, si contingeret, victoriæ laude satis elui possit. Taceo quod me in Ecclesiæ acie aduersus sodales suos dimicantem velut ex transverso adortus, talem debuit accipere qualem offendit, nec iubere eam personam sua causa deponere, quam propter ipsum non susceperam, nec alias in certamine suo leges requirere, quàm quibus cum vniuersis suorum copiis depugnabam; præsertim cum, si illæ non placerent, abstinere liceret pugna, nemine lacessente, ac ne cogitante quidem de Sirmondo. Quid verò attinuit notum ipsi esse nomen meum in certamine, quo non de personis, sed de rebus decernitur? Quis miles aduersarij caput galeâ coniectum esse causatur? Quis hostem, nisi quem norit, aggredi derectat? Hæc suffugia esse solent ignaviæ, vel consilia malæ mentis, nec nisi malè cogitantibus conueniunt. Quid porrò minus tolerandum, quàm nominis suppressionem aduersario obijcere hominem Iesuitam, cuius è Societate tot stratagematis huius exempla exierunt per omnes gentes, & quotidie exeunt, ut in ea primò natum videatur? Quis satis eloqui possit duritiam eius frontis, quæ me, quòd illo sim vsus, personatum Theologum, laruam, mali augurij volucrem dicat, dissimulata solenni ista sodalium consuetudine, quos omnes malis auibus addicere, maloque execrari augurio non timet, dum mihi maledicat? Nam si mali augurij volucres dicendi sunt Theologi qui nomen suum tegant, mali augurij volucres fuerunt Richeomus, Scribanus, Bellarminus, Lessius, Petavius, Garassius, cæterique longè plurimi, quorum seriem, ne prolixior sit, infra edemus; nec vlla fuerit tam feralis sylua; tot mali augurij volucris horrida, quæ cum Iesuitarum Societate conferatur. Imò mali augurij volucris, pessimique præ omnibus fuerit Sirmondus, qui mihi id crimini dare audet, quod ipse factitauit, libellum olim edens insulsum & immanem nomine *Jacobi Cosmæ Fabricij*, ut infra exponetur. An esse vlla potest peioris augurij volucris, quàm ista, quæ huius reprehensionis augurio nihil tam pudendum esse portendit, quod ab ipsa non sit expectandum? Quid enim in eum non cadat qui rem tot modis à sano iudicio alienam, animum inducere potuit mihi publicè obicere? Vides, opinor, indignitatem, Lector, & sentis non ex vera causa

D d iij

hoc reprehensum à Sirmondo, sed ex inopia argumenti vnde exordium texeret, & mihi conuiliaretur, qui nullam eius rei causam ei reliqueram. Dicit ille me nomen texisse, vt licentiùs maledicerem; At ego dico ipsum id retegì voluisse, vt plenius maledicentiam suam pasceret, & Theologiæ disputationem in Satyram verteret, & hac quasi flamma & fumo patefactam à me, & omnium oculis obiectam imbecillitatem suam inuolueret. Quid enim aliàs necesse fuit conuiliis me incessere, qui temperantissima & humanissima, vt fateri cogitur, oratione ipsi respondi, & contumelias in me obliquatas voluntaria dissimulatione obtrui? Quid opus ista elogia mihi appingere vt *mali augurij volucris* diceret, *mente ac iudicio destitutus, insanus, & immanium ferarum atrocitate, urforum, tygridum, leonum, monstrorumque aliorum formis, terris, cælo terræque inuisis, diabolicis* deformarer, ne alia referam, toto opusculo sparsa, quæ nullâ facilè maledicentiâ superentur? Nam quod impudentissimos eius sodales necessaria increpatione compescueram, nihil ad Sirmondum, qui priuatam causam agebat, non publicam, quam declamatiunculis tantum iracundiæ impotentiaque ridiculæ indicibus absurdè tueri voluisset. Et cum inter omnes constet, responsioneque pro me edita aduersus fallacissimas locorum quorundam meorum collectiones planè declaratum sit, impiorum in Ecclesiæ doctrinam, & in illustrissimos Galliæ Antistites, nobilissimamque Theologiæ Facultatem scriptorum autores esse Iesuitas, Societatis opibus fretos, intolerandæ est audaciæ vllam in eos verborum increpationem deprecari, quorum amentia, vt cum antiquis Ecclesiæ Gallicanæ Patribus loquar, *procellosi anathematis ultione plecti* debuit. Non ergo vera vlla ratione in me inuectus est Sirmondus, quem ego nusquam violaram, sed imbecillitate & superbia, impatientia & dolore responsionis, quam videbat infringi non posse. Hoc est illud cur nomen meum petat, vt alia euomat quæ in altissimo recondit pectoris felle, & disputationem moderatè à me & humanissimè initam libidine sua infuset, qua fascinatis lectorum animis nemo exitum certaminis internoscat. Nam etsi Ecclesiæ causa maledicis defensoribus, vt verè dixit, non egeat, eget tamen causa Sirmondi, quæ sicut cum veritate sustineri non potest, ita nec cum virtute, tantumque ab Ecclesiæ causa differt, quantum Sirmondus ab Ecclesia. Nos verò sicut in Sirmondi causa eam humanitatem exhibuimus, quam ipse agnoscere coactus est; ita in causa Ecclesiæ aduersus sodalium ipsius atrocitatem vindicanda, ea vti sumus seueritate, quam nemo maledicentiæ deputare sine maledicentiâ possit; cum etsi Ecclesia maledicis defensoribus non egeat, eget tamen defensoribus interdum acerrimis, qui homines impudentia assequi conantes quod veritate non possint, frustra furere ostendant, & Ecclesiam non minus à vitiis, quàm ab erroribus eorum inuictam demonstrent. Nam huiusmodi defensorem Ecclesiæ quærebat Apostolus, prudentia sapientiaque nihilo inferior Sirmondo, cum diceret: *Increpa illos durè, vt sani sint in fide*; & consentit tota Ecclesiæ per omnes ætates vniuersitas, cuius tum testimonia, tum exempla creberrima proferre nihil attinet hoc loco, cum alibi opportunius exponantur.

Conc. Mar-  
tini. 624.

Tr. 1.

Sicut ergo falsam mihi causam dissimulati nominis attribuit Sirmondus, eamque adeo quæ ipsi congruentior sit quàm mihi, ita aliam malè adimit, quæ si me impulsam profitear, nihil dixerò, quod æstimatori cuius idoneo non probetur. Negat quærendas fuisse latebras Ecclesiæ, Episcoporum, Theologiæ facultatis defensori, quod nulli hodie sint Neronæ, Decij, Diocletiani, quos veritas extimescat. Quasi minus metuendæ sint priuatorum quorundam insidiæ, quàm aperta & publica illa vis; cùm, ut alias causas omittam, illa intra certarum regionum fines desæuaret; hæ verò nullis claudantur finibus, totoque diffusæ orbe, & vndiquaque manantes, nec ullis arceri parietibus, nec ullis præsidiis repelli possint. Et extant variis regionibus edita exempla, quæ quemvis non meticulosissimum detertere sufficiant, ac me ipsum fortassis deterruissent, ni Dei & Ecclesiæ charitas, cui commoda nostra, cui spes, cui vitam debemus, timorem foras pepulisset, nec minus illustre monuisset esse apud Deum, quod à falsis fratribus patiari, quàm quod ab Ecclesiæ & Christiani nominis hostibus.

Quamquam quod criminatur, & iactantiæ ascribit Sirmondus me Ecclesiæ, Episcoporum, & Theologiæ Facultatis defensionem à me susceptam dixisse, eadem opera insimulabit arrogantia milites, qui se patriæ principisque tuendi gratia depugnare profiteantur: Arrogantes faciet Theologos & SS. Patres, qui sibi, Ecclesiæ ac Dei ipsius defensionem propositam dicant. Arrogantem faciet Apostolum, qui se <sup>a</sup> in defensionem <sup>a</sup> Philipp. 1. Euangelij possum, & <sup>b</sup> Dei adiutorem scribere non metuit. Cum enim Eccle- <sup>b</sup> 1. Cor. 3. siæ militemus <sup>c</sup> ac Deo, statumque ipsum Ecclesiasticum *militiam* vo- <sup>c</sup> 1. Tim. cent SS. Patres, quis arrogantia tribuat, si nos illius, cui militamus, vindices esse velle, nostrosque ad eius propugnationem conatus, quantuli sunt, adhibere dicamus? Quid porro minus decuit Sirmondum, quàm id aduersario obijcere, quod ipse tum maximè agebat, & Ecclesiæ Episcoporumque tuendorum professionem mihi exprobrare, dum Sedem Apostolicam aduersus Salmasium in quaestione de regionibus suburbicariis à se defensam prædicabat? An gloriationes solos Iesuitas decent? An Sirmondo Sedis Apostolicæ licet esse patronum, mihi non licet Episcoporum? Quæ ineptia eo maior est, quod sodalibus eius atrociter impugnantibus Ecclesiam, ego, qui eis obsisto, Ecclesiam & Episcopos profecto tueor, quocumque modo id faciam; ipse verò ita sedem Apostolicam non tuitus est aduersus Salmasium, ut Salmasius plus ei indulserit, quàm præclarus iste defensor. Ac ne me alieno certamini admisceam, quod in secularis literaturæ contentione maximam partem versatum est, tantum dico in Sirmondi ingenio & literis nihil esse, quod cum Salmasio conferatur; nec parum accusandam esse ipsius & sodalium acerbitatem, quod hominem naturæ dotibus & eruditione multa insignem, in Sedem Apostolicam iam propensum, quem allicere penitus ad Ecclesiam sua sponte benè animatum debebant, sic exagitarint conuictorum & superbissimarum scriptionum telis, ut nulla in iis religiosæ moderationis vestigia extent, nec internosci queat ex ipsa disputationis facie, uter litigantium ab Ecclesiæ communione alienus, utri domestici eius sint, religiosi, sacerdotes; ita omnia sæculari typho redundant. Longè alia mens & pietas fuit sanctiss. Urbani VIII. qui, pro eo

D d iij

quo eruditionem & eruditos prosequitur studio, non minus eruditionis quàm Ecclesiæ ipse princeps, hominem tot naturalibus Dei muneribus ornatum, diuinioribus gratiæ donis cumulari exoptans, salutem eius doctissimo nuper Aurelianensium Episcopo Breui Apostolico commendauit. Sed eorum quibus tanta innata est superbia in quoscumque aduersantes, quanta in deditos & fauentes adulatio, quorumque ideo genius exacerbando auertendis quàm conuertendis sectariis est aptior, alij sunt mores, alia institutio.

Iam dudum mirari te puto, Lector, accusatoris mei insolentiam, qui ea tela in me torquere ausit, quæ, licet hebetissima, tamen ipsum ita transodiunt, ut non felicius tueri se possit, quàm me accusarit. Nec verò laborandum mihi amplius esse video de certaminis huius exitu, quem optatum assequi possim compendiosissima ratione, ipsiusque aduersarij iudicio. Nam eam legem tulit Sirmondus, & totius contentionis nostræ fortunam eo redegit, ut si ex tanta veterum exemplarium copia, quantam adhuc seruant Bibliothecæ, VEL VNICVM proferam, quod postremam canonis nostri partem negationis vocula destitutam exhibeat, mihi det manus, seque victum fateatur. Atqui ego duo profero, utrumque, quod mirere Lector, ab ipso lectum, & notatum ipsius manu; alterum ex Thuana Bibliotheca, exhibens per antiquam collectionem: alterum minus antiquum ex Bibliotheca Abbatis Oliuarij, quo Isidori collectio continetur; nec dubito quin sicut hæc duo, contra spem gloriationemque illius indignam, facili negotio, & tenui admodum indagatione nostra in ipsa Parisiensi vrbe reperta sunt, sic alia indidem & aliunde emeritura sint in posterum, quæ ipsius audaciam multis antehæc incredibilem, nunc verò cuius expositam, magis illustrent. Ut ut sit, nisi me prouocarit eadem leuitate, qua pleraque omnia effudit, deuenimus ad certaminis exitum, & Sirmondi os ipsius in lege in perpetuum occlusum est.


Quamquam, nisi me augurium animi fallit, nulla vis est, Lector, quæ illum intra quietis & modestiæ metas contineat. Sicut exercitatissimos litigatores ne manifesta quidē proprij chirographi fides à litigio absterret; sic cum ne propriæ quidem sponsonis euidentia remorabitur, imò eo magis stimulabit, quo magis detertere debuerat, ne gloria simul & causa cecidisse videatur. Iam enim declaratum est hac ipsa responsione, quam refellimus, eum non id agere dum respondet, ut aduersarij argumentis satisfiat, ut illustretur veritas, ut ex disputantium conflictu fructus aliquis publicè redundet, Deoque detur gloria; sed hoc vnum duntaxat, ut proiecta remerè in discrimen fama sua eripiat quocumque demum pacto, & in tuto per fas & nefas locetur. Hinc tot effugia, tot fraudes, tot insultationes, etiam in re deplorata, quibus incolumis seruetur existimatio saltem apud discipulos, apud mulierculas, apud amicos, apud indoctiores patronos Societatis, apud Societatem denique ipsam, in qua domestici æmuli latent, & tuenda est primoribus sua autoritas aduersus minores. Quare cum hac tatione & consilio semel responderit mihi Sirmondus, nihil video quin etiam in posterum eiusmodi responsiones eudere possit innumeras, & ipsam, si necesse sit, lucem isto Marte debellare. Atque idem est genius cæ-



terorum sodalium; quos ideo cum quidam disputationi Spongiæ & Querimoniz responsuros non opinentur, in ipsam rerum vim ac veritatem intuentes, ego contra responsuros semper putavi, cum fraudibus & audacia nunquam carituri sint, quibus sine ullo, ut solent, fidei, candoris, pudorisque respectu, labenti famæ suæ succurrant. Quod tamen si fecerint, sentient superbiæ in impudentia leue præsidium esse.

Cæterum quod paulo vehementiori stylo in hac responsione, quam in priori me usum vides, Lector, facile intelligis ab externa causa esse, non à mea mente. Ut ita facerem, Sirmondus extorsit, cuius institutum sequendum mihi putavi, cum ille noluerit meum. Ego humanitate cum eo certare volui, ille maluit acerbitate, & tanta quidem tamque intemperanti, ut mirum sit quo è meo facto potuerit illam suscepisse, nisi fortè hoc vno offensus sit, quod non sit offensus, nec ullam à me effundendi fellis, quo tumebat, causam acceperit. Quare priore consilio meo dimisso, demisi me ad secundum, & illo cogente, humanitatem in severitatem mutavi; sicut Deum sponte sua bonum exasperant, & severum esse quodammodo cogunt hominum culpæ. Nam ex Dei moribus componendi sunt nostri. Spero equidem nunc saltem perspectum esse, quanto iure, & quanta æquitate vehementius à me accepti sint in disputatione mea illi latratores, & quam iis compescendis necessaria fuerint acriora remedia, cum hic, quem plerique moderatum hominem censebant, ita lenitatem meam, & orationis clementiam sit aspernatus, ut ex ea intolerabilem ferociam conceperit. Sic prorsus sunt isti homines: corrumpuntur indulgentia, robore ac virtute frænantur. Vel si insanabiles sint, minùs æstuant cum extentum adversarij brachium vident; illo remisso & mulcente immensè agitantur. Quare continendæ nonnihil intemperici Sirmondi, ut meliusculè habeat, & tolerabiliores pariat motus, sævientem & inardescentem, corripiendum aliquantisper, & coercendum duxi, ne scelus facerem, si ita iactato habenas soluissem. Vbi revaluerit, & ad pristinam redierit, si quam habuit, sanitatem & quietem, tum me quoque qualis initio in ipsum fui, ac semper esse volui, offendet. Nec parum, si quid ultra conaturus est, sibi consuluerit, si in frænes istos impetus deponat, quorum haud dubiè fervore & concitatione responsionem, quam refellimus, tanta errorum cecitate turpavit, quantam constans & sui compos animus capere non videtur potuisse. Quare si de restituenda fama sua seriò laboret, referat se ad manuetiores sensus, & cum animum induat, qui professionem suam decet; ne quid de ætate dicam, quæ grauiorem personam postulat; de valetudine, quæ tantos æstus diutius non feret; de sacerdotio, quod rationabiles hostias Deo debet, non ferinis moribus informes.





# ANTIRRHETICI IAC. SIRMONDI

## S V M M A R I V S I N D E X.

### *Errores & Hareses in Theologiam & Fidem.*

I. **C**HRISMATIONEM sacramenti Confirmationis passim in Ecclesia commissam olim Presbyteris fuisse; idque à quibusvis Episcopis. Infrà pag. 440. 447

II. Quosvis Episcopos Chrismationem illam vulgo & sine necessitate committere potuisse & commisisse non Presbyteris solum, sed etiam Diaconis; & hos, non Episcopos, ministros illius ordinarios fuisse. Nam Canon Arausicanus loquitur de omnibus ministris baptizandi officium suscipientibus. 433. 452

III. Sacramentum Confirmationis non constituisse ex illa chrismatione, nec in illa à sanctis Patribus positum fuisse, sed in sola impositione manuum. 449

IV. Chrisma adhiberi in sacramento Confirmationis ex Ecclesiæ instituto, non ex lege Christi. 452

V. Fuisse olim administratum sacramentum Confirmationis per Ecclesiam ab Episcopis, tempore Conc. Arausicani, sine chrismate. 447. 449

VI. Chrismationem sacramenti Confirmationis iterare posse, cuiusque iterationem non esse noxiam, seu præiudicantem. 435

VII. Ludicrum spectaculum esse, ut Episcopus hominem in baptismo non chrismatum, ad Parochum chrismandum remittat, ante Confirmationem. 425

### *Errores in Criticam.*

n. 88. I. Isidorum negationem adiecisse Canoni Arausicano, idque certò & indubitater, probat ex tribus codicibus, quorum duo non sunt Isidori, tertius est admodum recens, nec conferendus cum iis, quos Iacobo Merlino olim præbuerunt Senonensis & Parisiensis Episcopi, in quibus nulla erat negatio, ut nec in codice Isidori Bibliothecæ \* Abbatis Oliuarij, & aliis. 396

II. Dicit veteres collectores refecare consuevisse ex Conciliis canones à suo tempore, & usu alienos, imò mutare ipsos & invertere, detractis, vel additis vocibus, ut eos ad sua tempora redigerent; & hinc factum esse ut alij negationem ultimæ clausulæ canonis Arausicani, alij canoni ipsam clausulam ademerint. In quo inest grauis contumelia in collectores sanctissimos, dum falsitatis & sacrilegij in Synodis & canonibus violandis accusantur; & grauis contemptus in Concilia & canones, dum ex qualibet temporum vicissitudine, impunè tolli, & corrumpi posse dicuntur. Ex qua mente videtur Suarez docuisse posse nunc adiri ad munera Ecclesiastica animo transf-

eundi ad pinguiora; quia etsi hoc canonibus Ecclesiæ sit veritum, tamen multorum usu increbuit. 470

III. Auctarium quoddam canonum ex aliis Synodis Galliæ decerptum tribuit. Concilio Arelatensi II. quasi certissimam eius partem, ex unico Remensi codice, in quo solo illud inuenit, nec intestinam partium centonis istius, apertissimamque vidit pugnam. 458

IV. Simile tamen auctarium Concilij Agathensis repudiat, etsi in pluribus antiquis codicibus reperiatur; idque hoc tantum argumento, quod nimirum in quibusdam non extet, & ex aliis Galliæ Synodis sit delumptum. 458

V. Canonem xxvij. auctarij istius Arelatensis, sumptum ex Synodo Arausicana, probat adiectum ab ipso Concilio Arelatensi, quod insertæ illi sint hæ voces, *iuxta Synodi constitutionem*, quas censet à priuato homine addi non potuisse, sed declarare publicam Synodi auctoritatem. Quod per se ridiculum est. 458

VI. Vulgatos libros ex manuscriptis spectandos ait, non manuscriptos ex vulgatis; contra Criticorū omnium sensum, qui vulgatas lectiones non rarò manuscriptis anteponunt, & passim non minus editiones vulgatas, ad exquirendas veras scripturas adhibent, quàm libros manuscriptos. 363

VII. Libros in Monasteriis à iuniorib. scribi consueuisse, cùm constet apertis testimoniis hunc laborem communem fuisse Monachorum omnium, & præcipuum, ac nobilissimum laborum monasticorum. 401

VIII. Libros à iunioribus in Monasteriis scriptos, à seniorib. & doctioribus emendari consueuisse; quod refellitur ipsa librorum scriptura, in qua vix ullæ emendantium lituræ conspici solent, sed ij passim errores, qui à quouis emendatore tolli poterant, si quis fuisset. Vnde patet rarò admodum emendatos fuisse codices. 404

IX. Ex emendatorum peritia probat manuscriptorum auctoritatem, cùm constet eruditorum omnium consensu, non minus, imò magis, corruptos esse tum olim, tum nunc libros ab imperitis & audacibus emendatoribus, quàm ab imperitis librariis. 404

X. Codices deprauatos refert ad inerudita sæcula, cùm tamen de eorum maxima deprauatione conquesti sint etiam eruditissimis sæculis eruditissimi homines, vt Hieronymus, Anselmus, &c. 411

XI. Contendit manuscriptorum auctoritatem esse irrefragabilem, nec patitur dici ab Aurelio esse maiorem aliquam vim & lucem veritatis, quæ illis sit præponenda, & qua spectari eos oporteat. Etenim qui quatuor duntaxat manuscriptos rejiciat, *rudem & nullius iudicij criticum* habendum dicit. 384. 399

XII. Ad excludendam maiorū illam auctoritatem & lucem, quam Aurelius manuscriptis anteponit, vitur eodem argumento, quo hæretici ad excludendam Ecclesiæ & traditionis auctoritatem. Quemadmodum enim hæretici scripturam, ex mutua ipsiusmet collatione, satis explanari dicunt; ita Sirmondus manuscriptos, ex mutua ipsorum comparatione, satis emendari spectarique contendit. 411. 412

*Falsitates & Impositurae.**In Pref.*

I. Afferit Gratiani emendatores Gratianum emendandum suscepisse, ex manuscriptis ipsius Gratiani exemplaribus, non ex ipsis originibus & fontibus canonum ab eo collectorum. Quod quavis Gratiani pagella aperta statim liquidò refellitur, & manifesta emendatorum ipsorum testificatione. *Hæc ferè, inquit, servata corrigendi ratio est, ut si videretur voluisse Gratianus auctorum, quos citaret, ipsa prorsus verba referre, ea ex ipso originali emendarentur.* 383

II. Semel & iterum negat extare in Bibliothecis viros manuscriptos qui negatione careant, & Aurelio palmam tradit, si vel vnum proferat; qui tamen duos profert ab ipso met lectos & notatos, alterum ex Thuana, alterum ex Abbatis Oliuarij Bibliotheca. 362. 391

III. Gennadium citat quasi Confirmationis sacramentum in sola manuum impositione statuentem, qui tamen paucis post verbis manuum impositioni disertè adiungit chrisma. 449. 450

IV. Dicit Possidium scribere S. Augustinum diem labori impendisse, noctem dictandis libris vel emendandis; cum Possidius apertè dicat Augustinum, tam diem quàm noctem, libris, & diuinarum rerum studiis impendisse. 406. 409

V. Citat codices Laudunenses & Thuanum, quasi Isidori collectionem contineant; qui tamen eam non habent, sed aliam omnino diuersam, & carent Epistolis Romanor. Pontificum Isidori collectioni præfixis. 396

VI. Surianam Concilij Atrasicani editionem per omnia eandem esse ait cum Crabbiana posteriore, exceptis variis lectionibus primi canonis, quas Surius omiserit; cum tamen passim in aliis canonibus adhibitæ sint à Surio variae emendationes, quæ absunt à Crabbi editione, ut ipsis oculis cernitur. 395

VII. Dicit Crabbum emendationes suas solitum rejicere ad marginem, non conijcere in ipsum textum; quod refellitur singulis pagellis editionis Crabbianæ, ipso Crabbo palàm monente, ea sola reiecta à se in marginem, quæ dubia & obscura essent, nec à se emendari potuisse. 393. 394

VIII. Dicit se in epistola sua quatuor tantum manuscriptos commemorasse, quod eos solos in Notis suis nominasset: Atqui in notis ipsius leguntur sex ab eo nominati, nempe præter illos quatuor, Pithœanus, & Viridunensis. 391

IX. Dicit se in Conciliorum suorum præfatione monuisse omnia à se emendata fuisse ex manuscriptis; quo tamen loco tantum ait se *in iis quæ edidit conquirendis, & librorum veterum collatione castigandis plurimis exemplaribus usum esse.* Omnia verò ex illis exemplaribus à se emendata, nulla verò ex coniecturis, non dicit. 360

*Αυτολογία & ratiocinandi absurditas.*

I. Ex eo quod Aurelius dixerit, Episcopos Hispaniæ, & Galliæ Narbonensis nunquam vnà coïuisse in Synodos, ante tempora Gothorum Regum, infert eum dixisse Galliæ & Hispaniæ Episcopos non ita coïuisse ante Gothos Reges, à Galliæ Narbonensis Episcopis transvolans ad Episcopos Galliæ generatim: & ridicula argumentatione plures paginas implet, cum



cum magna in Aurelium insultatione.

351

II. Probat Gallia & Hispania Episcopos conuocatos ad Synodum Tolosanam, ante tempora Regum Gothorum ex Epistola Cæsarij Arelatensis ad Ruricium Lemouicensem; in qua scriptum est tantum optati ut conueniant, & Epistola ipsa scripta esse, quò tempore iam regnabant in Hispania, & Gallia Narbonensi Gothi Reges.

351. 352

III. Probat Merlini codices habuisse negationem, ex eo quod illam habeat codex quidam Bibliothecæ S. Victoris, Laudunensis, & Thuanus; ex quibus infert Merlinum contra codices suos eam omisisse. Attende, Lector, ridiculum argumentatorem.

396. 398

IV. Ex eo quod Sulpitius scribat solos iuniores libris scribendis additos fuisse in cœnobio S. Martini, infert iuniores solos libris scribendis in Monasteriis adhiberi consuevisse, cum Sulpitius etiam alia ibidem narret S. Martini Monasterio propria.

401

V. Probat ex manuscriptis corrigendos vulgatos, non ex coniecturis, ex eo quod Cardinalis Baronius, & Binius, Synodum, quæ in vulgatis dicitur *Telensis*, rectè mutarint in *Telepsensem*; quod tamen ipsi sine manuscriptis fecerunt, imò contra illos, & ipse ibidem correctionem illam *coniecturam* vocat.

365

VI. Probat Aurelium pugnantiâ scripsisse, ex eo quod, cum dixisset se Frontonis codices non vidisse, tamen eos vocarit *optimæ notæ* codices, quasi codicum bonitatem lectiones ex eis à Frontone prolatae indicare non potuerint, etsi codices ipsos Aurelius non vidisset. Quo tamen loco mira est Sirmondi in eum insultatio.

374

VII. Colligit manuscriptorum librorum auctoritatem, ex eo quod Hieronymus, & Augustinus quosdam scripserint, & emendarint; cum ij nusquam extant, & si extarent, eorum, qui nunc sunt, manuscriptorum auctoritatem potius euerterent, cum eorum innumera menda, & plura quam à Criticis ullis obseruata sint, haud dubiè proderent.

406. 410

VIII. Absurdè conciliare conatur manuscriptis auctoritatem ex eo quod S. Anselmus dicatur illis emendandis operam dedisse; cum is qui hoc scripsit, ibidem addat libros per totum terrarum orbem eo tempore inquinatissimos fuisse.

406

IX. Reprehendit Aurelium probasse variis argumentis dici non potuisse in canone Arausicano repetitam chrismationem non esse necessariam, quod ipse sententiam suam nondum aperuisset; quasi non liceat antè occupare argumentis quicquid ab aduersario videtur dici posse, ut nihil ei relinquatur quod dicat.

418

X. Arguit Aurelium nefas putare canonem Arausicanum dissentire ab eo usu, qui nunc in Ecclesiâ est; quasi Aurelius ei obicere non possit, eum nefas putare ut Canon cum hoc usu Ecclesiæ consentiat.

419

XI. Probat vnicam fuisse chrismationem, seu baptismalem, seu Episcopalem, tempore Concilij Arausicani, quod vnica fuerit tempore Tertulliani, & Cypriani; cum tota quæstio sit, an in spatio intermedio nulla noua eius rei institutio in Ecclesiâ extiterit.

438

XII. Probat chrismationem frontis Presbyteris in Ecclesiâ permissam

E c

fuisse tempore Concilij Arausicani, quia Presbyteri Ecclesiae Caralitaneam usurpabant tempore S. Gregorij, annis plus CL. post Concilium Arausicanum, & multo post Græci tempore Photij. 440

XIII. Probat Canonem Arausicanum non loqui de chrismatione verticis, quia verticem non exprimit; & tamen vult eum loqui de chrismatione frontis, cum non exprimat frontem. 423

XIV. Probat chrismationem verticalem necessariam dici non potuisse in canone Arausicano, quod aliàs anteriores Galliae Episcopi chrismatione necessaria caruissent; cum fateri debeat illam nunc saltem necessariam esse, etsi antiqui illi Galliae Episcopi ea caruerint. 427

XV. Probat Concilium Arausicanum non præcipere chrismationem, quia eam necessariam dicit, nemo autem necessarium dicat id quod præcipit; cum, præter alias leges, illustris sit illa Actorum, qua Apostoli sanguinis & suffocati abstinentioniam Christianis præcipientes, illam necessariam dicunt. 427

XVI. Probat ex Hieronymo sacramentum Confirmationis olim sola manuum impositione collatum fuisse; cum tamen Hieronymus non de sola manuum impositione, sed de manuum impositione simpliciter loquatur, more Patrum. Eadem incogitantia labitur citando in eandem rem auctorem homiliae de Pentecoste. 447

XVII. Probat Frontonem non rejecisse, ut vitiosam, negationem, quæ erat in codice Tiliano, quia qui limatum eius iudicium norant, nunquam hoc sibi persuadebunt. Quæ mera est petitio principij, cum quaratur inter nos, an rejicere negationem recto iudicio conuenientius sit, quàm illam admittere. 377

XVIII. Ex eo quod Aurelius dicat autoritatem manusccriptorum non esse irrefragabilem, infert dici ab illo eam nullam esse; ex eo quod illos tantifaciendos neget, quanti ipse contendit, infert eum illos nihili facere. 399

#### *Temerè dicta.*

I. Afferit codicem Nicolai Fabri, quo Fronto usus est, fuisse acephalum, & à Concilio quidem Arausicano ordiri, sed carere primis octo canonibus; cum tamen apertissimè pateat codicem Fabrianum Frontonis integrum fuisse, & ab eo sæpius disertè commemorari apud Binium, in notis ad Concil. I. Arelatense, in quo Sirmondus ipse frontem Conciliorum Galliae statuit, & deinceps usque ad Arausicanum. Quo tamen loco notanda est mirabilis confidentia Sirmondi, & impetus in Aurelium, quasi in manifesto errore deprehensum. 370. 371

II. Afferit Merlini codices manuscriptos negationem habuisse, & hanc ab eo contra illos detractā; cum tamen Merlini codices nunquā viderit. 398

III. Iactat se demonstraturū omnes omnino manuscriptos negationem habere; cum tamen non viderit omnes, & ij, quos vidit, illa careant. 362

IV. Afferit si Merlinus negationem edidisset, omnes eum sine controversia secuturos fuisse; cum tamen Crabbus eam ediderit, & nemo eum sit secutus. 398

V. Negat Surium habuisse codices manuscriptos Concilij Arausi-

cani, qui tamen multos habuit Conciliorum Galliarum codices, ex quibus novas etiam Synodos protulit antè nunquam editas, & in Concilio Arausicano non pauca emendavit antea vitiosè edita, & illarum emendationes ipsius Sirmondi codicibus comprobantur. 395

VI. Vsum Ecclesiæ Caralitane in qua Presbyteri baptizatorum frontes chrismabant, dicit consentaneum fuisse decreto Silvestri Papæ, cum S. Gregorius apertè responderit, cum *veteri Ecclesiæ Romana consuetudini repugnasse.* 444. 445

VII. Ait Hieronymum Origenis volumina scripta Pamphili Martyris manu, pro Cræsi diuitiis habuisse propter emendationem, cum Hieronymus tantum dicat se illa tantifecisse, quod in iis Martyr sui sanguinis videretur signasse vestigia. 410

VIII. Afferit Can. XX. Concilij I. Toletani, ubi de chrismatione agitur, de frontis chrismatione *haud dubie* intelligendum esse, cum tamen in eo nulla frontis sit mentio, sed tantum chrismationis à Sacerdote administrandæ. 440

IX. Dicit SS. Patres, & nominatim Augustinum, sacramentum Confirmationis posuisse in sola manuum impositione, non in chrismatione, cum S. Augustinus sacramentum sæpius ponat in oleo seu chrismate, & confirmationem vocet *Sacramentum chrismatis*, & cum eo alij Patres. 349. 350.

X. Negat duplicem vñctionem chrismatis, de qua loquitur Epistola Innocentij Pontificis, fuisse passim receptam nisi longo post tempore; cum tamen circa tempus Concilij Arausicani passim dicant Canones & Patres Presbyteros & Diaconos non baptizasse sine chrismate; & iidem testentur vetitam iis fuisse chrismationem frontis, quam soli Episcopi dabant. Ex quo patet ministrorum, & Episcoporum chrismationem non eandem, sed duplicem, ac diuersam iam illo tempore fuisse. 438

XI. Dicit apud Græcos perpetuam fuisse consuetudinem, ut Presbyteri baptizatorum frontes chrismarent, sicut erat tempore Photij; cum hanc non solum Nicolaus Papa in Photium scribens, sed antiqui Græciæ Patres, & Græci ipsi Photio posteriores apertè refellant. 440. 441. 442

XII. Vocabam *semel* in Canone Arausicano dicit significare *unà & non diuissim.* 433

*Effugia.*

I. Cum in Epistola respondisset negationem Canoni Arausicano idcirco à Frontone in Notis non adiectam, quod illa ab antiqua editione Coloniensi, cum qua codices suos composuisset Fronto, non abesset; Aurelio clarissimè probante Frontonem contulisse codices suos, non cum antiqua editione, cui inesset negatio, sed cum Suriana, è qua abesset, respondet se non affirmasse Frontonem vsum esse antiqua illa editione, sed tantum id finxisse, & Aurelium idem fingere iussisse. 375

II. Cum nihil amplius haberet quod fingeret, cur negatio omissa sit à Frontone, si eam illius codices habuerint, respondere cogitur eam ipsius oculos inter legendum fugisse; cum tamen antea dixisset sibi cum illo in ea retinenda *certam & conspirantem consensionem fuisse*; quod absurdè dictum

est, si Fronto eam ne quidem viderit.

378

III. Cùm arguisset Aurelium dixisse negationem intextam esse Canonis Arausicano in antiqua editione Colonienſi, Aurelio calumniam manifestè refellente, responderet eum fortè credidisse illam ei fuisse intextam, & editionem illam antiquam fortè non vidisse.

380

IV. Dissimulat præcipuam Aurelij objectionem de Canone X. Concilij V. Aurelianensis, qua Aurelius ostendebat malè sibi ab illo opponi quatuor manuscriptos, quibus nisi cederet, *rudis & nullius iudicij Criticus* haberetur, cùm ipse in Canone illo Aurelianensi vulgatam lectionem adversus quinque manuscriptos retinuerit; quo argumento declinato, appendiculam illius quandam, quæ ab Aurelio obiter erat iniecta, carpit, & quædam quæ ab illo de prætori parte dicta erant, in hanc transfert, ut ita utrique respondisse videatur.

386. 387

V. Cùm Aurelius obieciſſet eum dissentire à Frontone, quod ad Canonem illum Aurelianensem notarit codicem Tilianum non habere mentionem *Cleri ac plebis*, quam in eo codice haberi testetur Fronto; responderet Frontonem notas suas edidisse in Surianam editionem, quæ in hoc Canone mentionem bis faciat *Cleri ac plebis*; Frontonem has voces priore loco abesse dixisse à codice Tiliano, & se cum illo; posteriore loco eas in illo haberi dixisse, se non negasse; absurdè simulans se unà cum Frontone notas suas edidisse in Surianam editionem, cùm eas ediderit in suam, in qua unica inest mentio *Cleri ac plebis*, qua ideo in notis testimonio Tiliiani codicis expuncta, nullam planè reliquit.

388

Denique effugiorum & tergiuersionum nullus in Antirrhethico est finis, in quo passim præcipua quæque Aurelij argumenta eluduntur, aut reticentur, ut videre est ex recensitionibus, quas responsionum Aurelij compendiis à Sirmondo fallaciter concinnatis subjici necesse fuit. Vide præcipuè pag.

355. 375. 379. 385. &amp;c.

#### Repugnantia.

I. Negat se errasse in titulo Epistolæ Innocentij, in quo se errasse confessus est, & errorem correxit in notis.

348

II. Hortatur Aurelium suspendere in rebus dubiis iudicium, suo exemplo, in titulo Innocentij Epistolæ; cùm in eo iudicium ipse non suspendit, sed planè pronuntiarit, & priorem dubitationem suam improbaaverit, titulumque illum exploratum, ac minimè dubium iudicavit.

353

III. Negat vulgatos præferendos manuscriptis, cùm ipse in Canone illo X. Concilij V. Aurelianensis quinque manuscriptis vulgatam lectionem prætulit.

363. 364

IV. Dicit Criticos, quantumvis solertia & ingenio valeant, nisi manuscriptis nitantur, fidem vix obtinere; & tamen coniecturam Baronij, & Binij de Concilio Teleptensi, sine manuscriptis ab iis editam, ita probandam dicit, ut nulla unquam ea certior fuerit emendatio.

364

V. Accusat Aurelium Canonis Arausicani interpretationem ad hodiernum usum detorquere, cùm fateatur ipsius sententiam congruere cum Epistola Innocentij Papæ, Concilio ipso Arausicano antiquioris.



VI. Afferit PP. Arausicanos dicere repetitam chrismationem non esse illicitam, seu præiudicantem, & tamen exhibet illos dicentes apud quoslibet non esse nisi vnam chrismatis benedictionem; quasi id quod totius Ecclesiæ moribus aduersari fatentur, dicerent licitum esse, & innoxium. 435

VII. Urget Canonem Arausicanum exponendum esse, ex tempore & ætate Concilij Arausicani, & tamen chrismationis frontis Presbyteris concessæ, quam concessionem statui putat Canone Arausicano, nullum ex omni antiquitate testem proferre potuit, nisi S. Gregorium Papam, Concilio Arausicano cl. amplius annis posteriorem. 440

VIII. Latissimè in Aurelium inuehitur, quod dixerit in explorandis veterum scriptis potiorē esse perspicuæ rationis, & doctrinæ traditionisque auctoritatem, quàm manuscriptorum. Et tamen vbi, manuscriptis diu excussis, ad exponendam sententiam, & doctrinam Canonis Arausicani delatus est, profitetur in prioribus fuisse belli præludia, illic certamen ipsum esse, ibi vincendum, aut cadendum. 417

Calumnie.

I. Aurelium arguit non nisi vnam Crabbi editionem commemorasse, qui duas sæpius apertè commemorauit, alteram duorum, alteram trium tomorum. 365. 366

II. Dicit Aurelium ipsi concessisse Crabbianam editionem, quam ipsi repugnare sæpius, & pluribus dixit. 365

III. Imponit Aurelio præli menda, vt quod scriptum fuerit *tercentos* pro *trecentos*, literula vna typographi vitio transposita. 373

IV. Ait Aurelium omnibus manuscriptis obrectare, omnes aspernari; cùm Aurelius eos, qui illis obrectant eosque aspernantur, apertè sit aspernatus, & manuscriptis auctoritatem suam sæpius concesserit. 389

V. Afferit Aurelium manuscriptos omnes abjiciendos dixisse, quòd erroribus scateant, quòd imperitorum scribarum sint fœtus, quòd discrepent inter se, atque vt consentiant, moderatè & cautè tractandi sint; quo sanè modo nusquam Aurelius argumentatus est, vt miranda sit calumniantis audacia. 399

VI. Dicit Aurelium malè contulisse primam huius æui editionem à Merlino instructam, in annum M. D. XXXV. eo quod Merlinus primùm Concilia ediderit anno M. D. XXIV. cùm Aurelius eam tantùm editionem commemorare voluerit quam præ manibus habebat, & ipse fateatur vtramque non fuisse nisi vnam & eandem diuersis annis reculam, & paulò post omnes Merlini editiones pro vnica numeret. 392. 393

VII. Reprehendit Aurelium quasi dissimulauerit ipsum primò admonuisse titulum Innocentij Epistolæ ad Synodum Tolosanam sibi dubium videri; quod ab Aurelio non dissimulatum, sed disertis verbis expressum est. 348

*Supercilium & superbia in omnibus, qui à sua sententia dissideant, aspernandis.*

I. Eos qui decretum Siluestri Papæ, vt Presbyteri baptizatos chrismant, secum non intelligant de chrismatione frontis, errare ait, & ad sua tempora

Ec iij

deflectere Siluestri voces; id est omnes omnino, tum nouos, tum antiquiores Theologos, qui decretum illud exposuerint, quorum nemo ita illud intellexerit, erroris damnat. 445

II. Merlinum Parisiensis Facultatis è domo Nauarræ Theologum, & magnum Ecclesiæ Parisiensis Pœnitentiarium, primumq; hoc æuo Conciliorum Collectorem, quod à se dissentiat, primum facit Canonis Arausici corruptorem, & auctorem erroris posteriorum omnium editionum. 398

III. Surium temerè & inconsultò Merlini editionem secutum esse insinuat. 395

IV. Eodem crimine aspergit Binium, & quoscumque alios collectores, seu nouos, seu antiquos. 365

V. Frontonem ipsum sodalem suum eximium non habet, eumq; quod negationem in notis suis non commemorarit, imprudentia & oscitantia lapsum dicit. 378

VI. Editionem Canonis Arausici cum negatione, tantam & tam apertam verborum pugnam inuoluere asserit, ut Patres Arausicanos ita locutos esse cordato nemini possit persuaderi, eximens cordatorum hominum numero tantos, & tot viros, omnesque omnino memoriæ nostræ eruditos, qui Canonem sine negatione semper proferre consueuerunt. 460

VII. Eos qui Canonem Arausicanum ipsius sensu non interpretentur, aberrare asserit à veteris æui consuetudine, cum tamen nemo vnquam Catholicus illum isto modo exposuerit, sed solus Antonius de Dominis Hæresiarcha, & ipsius quondam sodalis. 454-455

VIII. Titulum Canonis Arausici finxit ab omnibus, tam excusorum quàm manuscriptorum titulis, tum verbis, tum re diuersum; cum omnes omnium tituli, si minus verbis, re certè & sententiâ inter se, & cum Aurelio consentiant. 456

IX. Titulum Innocentij Epistolæ ad Synodum Tolosanam reuocare in lucem ausus est, & de eo dubitare, postquam illum à Merlino iam olim prolatum omnes collectores, & eruditi homines, & ipsa Epistolæ sententiâ, vno consensu respuissent; quemadmodum ipse postea in notis agnoscere coactus est, & errorem fateri. 348

Pleraque alia passim toto opusculo Sirmondi, licet breuiculus & aridulus, occurrunt, quæ eruditus lector per se facile aduertet. Vix enim vllam in eo sinceram & incorruptam periodum inueniet.

## ALTER INDEX JESUITARVM,

qui in rerum Theologicarum certamen laruati ( ut  
Sirmondi verbo utar ) prodierint.

I. P. Ludouicus Richeomus anno 1595. edidit *Defensionem veritatis*, nomine *Francisci Montani*, aduersus actionem forensem D. Arnaldi in Parisiensi Senatu causarum Patroni.

II. Idem paulò post edidit *Responsionem* nomine *Renati Fontani* aduersus orationem D. Marion in eodem Senatu Parisiensi Regij Aduocati.

III. Idem anno 1615. edidit *Querimoniam Apologeticam* aduersus D. Ludouicum Seruinum in eodem Senatu Regium Aduocatum, nomine *Ludouici de Beaumanoir*.

IV. Carolus Scribanus Antuerpiensis Collegij Rector, & postea Prouincialis Belgij, circa annum 1605. edidit *Amphitheatrum honoris*, nomine *Clari Bonarscij*, quo suum anagrammate inclusit. Quem librum in Henrici IV. gloriosæ memoriæ Regis, aliorumque principum Majestatem contumeliosissimum, cum P. Cottonus eidem Regi sanctissimè dejerasset è sua Societate non prodiiisse, P. Ribadeneira cum non ita multò post in libro de Scriptoris Societatis cæteris Scribanij scriptis accensuit, & insigne Cottono mendacium apud Regem tantum impegit.

V. Idem Scribanus edidit *Artem mentiendi Calvinisticam*, nomine *Romani Veronensis*.

VI. P. Leonardus Lessius libellum edidit anonymum, inscriptum, *Disputatio Apologetica pro potestate summi Pontificis*, in qua clarè, perspicuè, atque euidenter ex Scripturis, SS. Patribus, & Conciliis, & XIII. efficacissimis rationibus demonstratur, penes Pontificem esse potestatem principes abdicandi, istamque veritatem non solum esse conclusionem Theologicam, quæ errori opponitur, sed de fide etiam expresse definitam, ita ut contraria opinio, absque manifesta hæresi, sustentari non possit. Qui libellus diu compressus latuit.

VII. Idem alterum libellum edidit, inscriptum, *Discussio decreti magni Concilij Lateranensis, & quarundam rationum annexarum de potestate Ecclesie in temporalibus, & incommoda aduersæ sententiæ*, Autore *Guilielmo Singletono S. Theologiæ Doctore, & Professore Duacensi Moguntia anno 1613*. Cui respondit *Widringtonus*, & nominis dissimulationem exprobrauit.

VIII. Cardinalis Bellarminus librum edidit hoc titulo, *Responsio Mathæi Torti Presbyteri, & Theologi Papiensis, ad librum inscriptum, Triplici nodo triplex cuneus, Colonia 1608*. quem librum Ribadeneira annumerauit scriptis Bellarmini, & agnouit ipse Bellarminus scriptâ pro eo libello Apologiâ nomen suum professus.

IX. Idem Cardinalis scripsit Apologiam aduersus *Widringtonum*, quam ita inscripsit, *Apologia Adolphi Schulkenij, &c. pro Roberto Bellarmino S. R. E. Cardinali, de potestate Romani Pontificis temporali, &c.*

Ec iiiij

Coloniæ anno 1613. edidit & alia fictis nominibus.

X. P. Garassus scripsit libellum, *Horoscopus Anticotonis*, eiusque Germanorum Martillerij, & Hardinillerij, vita, mors, cenotaphium, apotheosis, autore Andrea Schoppio Gasparus fratre, anno 1614.

XI. Scripsit & Rabelasium reformatum anonymum.

XII. Item Conuiuium Sapientum, aduersus DD. Servinum & Gillotium, nomine Caroli de Lesspinæil, quem famosum libellum P. Cortonius excudendum, & furtim spargendum curauit, per notissimum emissarium Iesuitarum. Quem in eo facinore deprehensum dies octo habuit carcer, donec, Regina matre D. Servinum facile exorante, dimissus est.

XIII. P. Binetus edidit *Theatrum natura*, nomine Renati Francisci.

XIV. Item *Responsionem ad magnum Prasulem*, nomine Francisci Fontani, anno 1615.

XV. Iacobus Keller Iesuita Ratisbonensis librum edidit contra Anonymum predicantem, nomine Jacobi Syluani.

XVI. Scripsit in eundem, ex eadem Societate Cunradus Vetter, nomine Cunradi Andrea, legitimi fratris Iacobi Andrea.

XVII. P. Machautus edidit librum hoc titulo, *In Iacobi Augusti Thuani historiarum libros Notationes*, autore Io. Baptista Gallo IC. Ingolstadij anno 1614. Qui libellus Parisiensis prætoris autoritate mox damnatus est, ut perniciosus & famosus, mendaciisque & calumniis scatens.

XVIII. P. Petauius libros suos in Salmasium ita inscripsit, *Antonij Kerkoetij Aremorici animaduersorum liber ad Claudii Salmasii notas in Tertullianum de Pallio, Rhedonis apud Yuonem Halecium 1622*. Qui tamen libellus excusus est Parisiis.

XIX. Item Antonii Kerkoetii *Mastigophorus I. II. & III. siue Elenchus confutationis*, quam Claudius Salmasius sub e mentito nomine animaduersis Kerkoetianis opposuit, Parisiis anno 1623.

XX. Ioannes Knottus Viceprouincialis Iesuitarum Anglorum scripsit *Discussionem assertionum Kellisoni*, nomine Nicolai Smithæi ex eadem Societate quatuor antè mensibus mortui.

XXI. Ioannes Floydus Iesuita scripsit *Apologiam S. Sedis Apostolica*, nomine Danielis à Iesu, quod est ipsius nominis anagramma.

XXII. Idem Floydus, & Rector Iesuitarum Collegij Audomarensis, ediderunt *Spongiam*, & *Querimoniam*, nomine Hermannii Loemelii Canonici Audomarensis.

XXIII. P. Iacobus Sirmondus scripsit libellum hoc nomine, *Iacobi Cosme Fabricii Notæ Stigmatice ad Magistrum triginta paginarum*, &c. Francofurti anno 1612. Qui liber Francofurti excusus est, tempore nundinarum anni 1612. transmissio illuc apographo per procuratorem Bibliopolæ Parisiensis. Exemplaria verò postea Parisios delata sunt, & ibi distracta. Quo in libro sui ipsius mentionem facit Sirmondus.

XXIV. P. Amatus Cadurcensis librum scripsit, aduersus D. Gibieuf Congregationis Oratorij Presbyterum, nomine Eugenii Philadelphi Romani.


XXV. P. Theophilus Raynaudus librum scripsit, *Caluinismus Re-*





*ligio bestiarum*, nomine Augustiniani cuiusdam *Rivierii*; quo in libro *P. Bannesium* Ordinis *Prædicatorum*, *Estium* *Cancellarium* *Duacensem*, *Guil. Gibicuf* *Oratorij* *Presbyterum*, aliosque plures *Catholicos* *Theologos*, quòd *Molinistæ* non sint, *Caluinistis* annumerat.

XXVI. Idem scripsit librum, cui titulus est, *Splendor Veritatis moralis*, collatus cum tenebris *Mendacii*, & nubilo *Æquiuocationis*, ac *Mentalis Restrictionis*: Addita depulsione calumniarum, quibus *Ioannes Barnesius* *Anglus*, *Ord. S. Benedicti* *Monachus*, *Leonardum Lessium* *S. I. Theologum* oneravit. Per *Fr. S. Emonerium* *Ordin. Min. Conuent. S. T. D.* & eius *Ordinis* apud *Salassios* *Commissarium*. *AV. AV.* *Lugduni* apud *Antonium Berrerium*. *M. DC. XXVII.*

Taceo *Admonitionem ad Ludonicum XIII.* nomine *G. G. R. Theologi*; *Mysteria Politica*; *Quæstiones Quodlibeticas* in *Eminentissimum Cardinalem de Richelieu*, quorum noti sunt autores, etsi clementissimorum principum indulgentia ita sint habiti, quasi laterent; aliaque istiusmodi plurima quæ non enumerare facilius est, quàm eorum, à quibus manarunt, dolos & rethnas multiformes.







# IACOBI SIRMONDI

## SOCIETATIS IESV PRESBYTERI

### ANTIRRHETICVS,

*Aduersus Petri Aurelij Theologi Responsionem, qua eius  
Epistolam infirmare conatus est.*

AVRELIVS LECTORI.



*VI aliis presidio esse contendit, qui Ecclesiae fidem, Episcopalem vim, Theologica Facultatis aliarumque famam & amplitudinem tueri volui, meam fidem prestare ipse cogor, ne si mihi adesse nequeam, meam ulli opem temerè videar obtulisse. Spargi coepit à P. Iacobo Sirmondo Scheda seu Epistolum, quo grande sibi crimen, & grandem grandibus, quos nuper edidit Conciliorum Galliae antiquorum tribus Tomis notam à me impositam esse conquestus est. \* Mirari satis non potui hominem modestiae fama praeclitum verbulo unico, imò tribus literulis, ita stimulari potuisse, ut meo nomine ad invidiam & pompam abuti vellet. \* Quo magis respondendum esse mihi meo, quia Sirmondus in illa Scheda sua ante omnium oculos expansione de tota mea in Spongiam disputatione iudicium fieri iussit: ut magna mihi sit cautio, ne non solum labor meus, sed Ecclesiae Catholicae traditio, in qua tuenda ille versatur, trium literarum vitio, de quibus Sirmondus certat, ex summa autoritatis arce decidisse videatur. Quid hinc censere debeas, erudite Lector, ex ipsa Sirmondi Scheda, quam ipsius venditatione iam publicam ego typis publicandam putavi, quo planius de tota re existimes, & ex subiectis ad singula eius particulas more nostro responsionibus tu scilicet pronuntiabis.*

### RECENSIO.

**Q**UOD pleraque hoc loco, quibus consilium moderationemque meam, tum in differenda primùm, tum in postmodum edenda ad tuam Epistolam responsione Lectori approbare conabar, rescueris, ignorem, Sirmonde, nisi te malo animo impulsus ex eo viderem, quòd cum hæc expunxeris ad conciliandam causæ meæ Lectoris æquitatem accommodata, ea contrà expresseris, quibus invidiam fieri mihi posse sperasti. Nam tuæ epitomes fallaciam abruptè exorsus es ab illis verbis; *Qui aliis presidio esse contendit, qui Ecclesiae fidem, Episcopalem vim, Theologica nostra Facultatis (quamquam illud nostræ ridiculè & sine sensu ademisti) aliarumque famam & amplitudinem tueri volui, &c.* Ut me apud alios in offensionem adduceres, quasi Ecclesiae me, Episcoporum, & Theologicae Facultatis Pari-

fiensis, aliarumque omnium columen, vindicemque iactarim. Quod idem in præfatiuncula prius molitus eras ineptè & inaniter, sicut antè ostensum est, ut mihi ad cauillationis tuæ jejunitatem plura addere non sit necesse. Tantùm, quod huius loci proprium est, mali animi tui iniquitatem expostulo, qua mihi legitimam Lectoris beneuolentiam suffurari, immeritum verò odium conflare voluisti, ut quæ mihi suffragari debuerat, ea ipsa me oppugnaret; quemadmodum Dei verba, ad cultum religionemque illius facta, in ipsius contumeliam maleficorum opera vertuntur. Hic ergo Lectori primus sit epitomarum fraudulentiarumque tuarum gustus; quas ita comparasti, ut in referendis responsionibus meis voluntatis tuæ malignitatem, in tuis ad illas apponendis intelligentiæ imbecillitatem exprompseris, quemadmodum ex *Refutatione*, quam proæmiolo nostro ita delumbato adhibes, demonstrabimus, ut in utroque genere lusum tuum ex prologo prænoscat eruditus idem atque æquus Lector.

## S I R M O N D V S A V R E L I O.

*Modestis fines non egressus est Sirmondus, qui publica reprehensioni priuata epistola respondit: excessit Aurelius, qui priuatam eius epistolam publica responsione confutandam suscepit.*

1. **I**TERVM laceffis, Aureli, alteram & ego, eamque iustam, & necessariam defensionem aggredior. Cuius si abs te impetranda mihi esset venia, negares videlicet, qui prioris nuper consilium sine causa, ni fallor, vitio vertisti. Sed bene habet, quod aliorum nunc futurum est iudicium.

## A V R E L I V S S I R M O N D O.

Sirmondus Aurelium nec opinantem laceffuit, ab eo nihil laceffitus: laceffitum & silentem confidētius triumphauit: Triumphū sui sonitu tandem ad pugnam elicit.

**O**FFENDIS in limine, Sirmonde, longè erras, & me ignoras. Ego in prioris scriptionis tuæ consilium improbaui, ut posterioris non improbem, nec, quod omnino responsionem meam refellendam suscepis, arguendum putem. Nam confutatâ Epistolâ tuâ præbui tibi abundè causam rescribendi, ut si quid haberes quo tua idoneè tuereris, id sine cuiusquam querimonia liceret in medium afferre. At scribēdæ primū Epistolæ, meque ut fidei tuæ, & Conciliorum tuorum impugnatores adoriendi, nullam habuisti à me causam, sed ab affectu tuo sumpsisti; & ideo magna mihi fuit causa querendi, & admirandi cur laborem non necessarium, & in me iniquum subiisses. Ita malè collegisti non datum iri à me veniam Antirrhético tuo, quod Epistolæ non dedissem; cum eodem argumēto hunc admittere debuerim, quo de illa sum questus, & tam hunc necessariò susceptum probare, quàm illam inconsultè effusam aspernari. De Epistola igitur tua, Sirmonde, quod eam scripseris queror; de Antirrhético, non quod scripseris eum, sed quod malè scripseris. Illic peccasti in re ipsa, hîc in modo rei, illic temeritate, hîc imperitia & fraude; ut magis in ea scriptione vituperandus sis, quàm suscipere iure potuisti, quàm in ea, quàm non potuisti. Quaquam perimis ipse & extinguis tuum istud ius, dum & Epistolam primò scripsisse videri vis quasi laceffitus, & quasi iterum laceffitus mihi respondere. Ego te nunquam laceffui, Sirmonde; qui nec in disputatione mea quicquā scripsi, quod



quod te meritò stimularet; & in Responsione mea, postquam à te utrò & animi causa, cum nihil minus cogitarem (Deus mihi testis est) imperitus & passim ac diu traductus sum, veritati tantum ac mihi auxilium paravi, non præproperum & turbulento affectu incensum, sed moderatum, sedatum, interposito longiore spatio, & quasi refrigerato gloriationum tuarum æstu, ne iis molestus obstreperem. Quo nomine gratiam, si per te dicere licet, commoditati meæ aliquam debuisti. Cum ergo ab homine, à quo non modò non læsus, sed tanta humanitate affectus es, laceffitum te dicas, indignus videbere venia quam petisti, non mihi, qui aduersarij partes, non iudicis ago, sed moderati ingenij hominibus, quorum præiudicia, vel planè iudicia potius, quæ iam pridem de te fecerunt, hoc tuæ disputationis exordio maiorem in modum confirmasti.

## S I R M O N D V S.

**E**GO rem priuatim ad te scribendo, priuati arbitrij tui feceram, ut intra nostram & paucorum conscientiam lateret, si velles. Tu in lucem exire maluisti, & apud eos imprudens disceptare, apud quos, nec speranda tibi sit, nec mihi metuenda, sine defensionis voce, condemnatio.

## A V R E L I V S.

**S**CILICET arbitrio meo reliquisti, ut intra paucos lateret Epistola tua; si vellem, qui mea voluntate nihil exquisita, eam apud primarios homines vendicasti, & per omnium ora volitare iussisti. Scilicet ego imprudens speravi te edita responsione meâ condemnatum iri sine defensionis voce, qui eam ita edidi, ut simul accusationem tuam, ipsissimam nimirum epistolam, quam in me scripsisti, non minus in lucem protulerim integram, illibatam, nullo verbo imminutam, quàm meam ad illam responsionem, ut ex earum mutuo aspectu, audita utraque parte, palàm & in apertissima eruditorum luce iudicaretur. Qui sic agit, præstigias tibi captare videtur, Sirmonde, & inauditi aduersarij damnationem expetere? Quis hanc expostulationem à te expectasset? Imò quis sperare posset homini Iesuitæ, inuidiosissima Societatis potentia subnixo, non fore potestatem respondendi priuato scripto, de priuata controuersia edito, cum Responsio mea pro Ecclesiæ fide, pro illustrissimorum Antistitum, & celeberrima Parisiensium Theologorum dignitate susceptam, tot machinis, tot artibus, tanta contentione publicè iam oppugnata esset, priusquam à me quicquam in te ederetur? Turpe tam absurdis præsidiis famam suam tueri, ô Sirmonde.

## S I R M O N D V S.

**Q**UID verò tandem fuit, in quo Epistolam nostram culpandam censes? Quia modestiæ, inquis, meæ opinionem imminuit. Gratiam habeo ceritè, quod fama hoc loco, laudique nostræ suffragari. Vt inam tuæ nobis pariter liceret.

## A V R E L I V S.

**A**N ergo nescis laudari interdum homines, non quod ea habeant, quorum nomine laudantur, sed ut habere studeant? Sic rudiores, & infirmiores quosque erigere & confirmare solemus, non nos tantum, sed ipsæ Scripturæ, in quibus nihil falsi, nihil vani, nec est, nec esse potest. Ad modestiam enim in priuata hac contentione nostra adducere te volui, non nescius quid ab eo metuendum esset, post vberiore confutationem nostram, qui verbulum velut in transcurso lapsum ferre non potuisset, quin emicantibus vndique commotionis scintillis illud vlcisceretur. Nec opinionem meam fefellit euentus, & confidentissima Antirrhethici tui oratio, qua probas nihil immerito à me factum, si genio tuo diffidens, præmollire illum, & modestiæ potissimum laude ad modestiam pellicere volui. Quam modestiam, Sirmonde, amare oportebat religiosum hominem, non illius laudem. Nunc laudem eius solam amans, illam ipsam respuisti; & cum aduersario gratiam habeas quod famæ, inquis, tuæ suffragetur, te isti eius cuiusque suffragio refragari minimè pudet, non verbis, sed, quod multo maius est, factis, & toto eo animo qui à capite ad calcem scriptitationis tuæ elucet; ut te tibi inimiciorem fateri debeas, quàm cum aduersarium, cuius in te iniquitatem totis paginis quiritaris.

Quamquam ne te nimis vrgeam, neve patiar te tibi in eo aduersarium videri, in quo aduersarium fauentem habeas, moneo, Sirmonde, nihil fuisse causæ cur me famæ isti tuæ, quam commemoravi, assentiri & suffragari putares. In quo enim suffragatus sum? An quia te illa præditum dixi? Ridiculè prorsus. Quasi quod aliorum iudicio cuipiam tribui dicimus, id illi nostro tribuamus. Nonne contra intelligere debuisti famam illam à me commemoratam, ut eam expositione facti tui à modestia remotissimi euerterem, & eum qui se ita gessisset, modestum hominem, ut nonnulli arbitrantur, non esse comprobarem? Absurdè igitur censuisti me eorum de te iudicio suffragari, quos ab illo potius deducere volui, non tui odio, sed germano in te & in eos amore, ut illis errorem, tibi typhum adimerem, & abdicata modestiæ opinione, te ad veram modestiam adigerem, quem illa opinio tam longè ab ea ipsa abstulisset.

## S I R M O N D V S.

**N**AM quis contra non miretur commemorare te in re nostra ausum esse modestiam, quam in libris tuis magnopere ab omnibus desiderari non ignoras? adeo ut illi ipsi, qui disertis declamationibus tuis fauere aliis nominibus student, in his tamen immodicam nimiamque, vel sub larua, maledicendi licentiam merisò erubescant.

## A V R E L I V S.

**D**I CAT hoc alius. Querantur hoc, si qua fronte possunt, audacissimi sodales, quos sum insectatus. Tu, Sirmonde, in re tua modestiā meam agnoscere, & si quid ab exemplo meo argumentandum tibi putas, illam imitari debuisti. Nam nec in disputationis meæ verbis, quæ te primùm ad hanc pugnam impulerunt, vllum fuit non mansuetissimum; nec in Episto-

Iæ tuæ confutatione quicquam à me scriptum est, quod à modestia dissidere, vel te iudice, videatur. Fuerim ergo in alios immodestus, fuerim maledicus & impotens: in te humanus fui ac lenis; nec tibi licet expostulandi & maledicendi causas, quas in te tua nullas habes, ab aliena accersere, sine ipsa illa petulantia quam mihi imponis, imò sine iniquitatis, & ingratitude noxa.

Quid verò simile illi modestiæ, quam ego in te requisivi, cum ea quam in libris meis desideras? Ego videlicet immodestè, hoc est, nimio animi motu pro Ecclesia efferbuisse tibi videor aduersus illius perduelles, nec in iis comprimendis modum tenuisse. Quid hoc ad reprehensionem, qua ego te immodestè, hoc est, sine idonea tui cognitione prorupisse dixi in hoc certamen, & disputationis meæ voculam, quam nemo eruditus, aut moderatus homo in contumeliam acceperit, velut criminiosam expostulasse. Ego tibi nimiam tui opinionem, tu mihi maledicentiam opponis? Ego tibi nimium pro teipso æstum, tu mihi nimium pro Ecclesia obiectas? Et quod ego vehementius pro Ecclesia exarserim in atrocissimos eius oppugnatores, consequi putas, ut tibi concedere debeam, ut vehementius exarseris pro teipso in eum, à quo nihil læsus fuisti? Non pudet ineptiæ, qua distortissimam argumentationem intexis? Fallaciæ qua in voce *modestiæ* ludificaris? Arrogantiæ denique, qua tantum tibi pro teipso tribuendum putas, quantum ego mihi pro Ecclesia assumam? Quicquid ergo mei vlli seu fautores, seu obrectatores in libris meis pro Ecclesia scriptis immodestiæ, vel intemperantiæ arguerint, tu mihi duplicem modestiam, Sirmonde, debuisti; alteram, ne te non lædentem, nec de te lacecendo cogitantem, inusitatis querimoniis afficeret; alteram, ut tibi lacessenti humanissimè respondentem, humanius acciperet. Quod utrumque cum omiseris, non simpliciter in modestiam peccasti, ut priore Responsione dicebam, sed bis immodestus & iniquus fuisti in me, bis erubescere debuisti.

Quamquam quinam isti fautores mei maledicentiam meam erubescunt? Loquere planius, Sirmonde, quinam illi sunt? Num illustrissimi Galliarum Antistites, qui omnes vno consensu vobis responsionem meam nodum emissam maledicentiæ nomine infestantibus, & opprimere gestientibus obstiterunt, nihil esse profitentes quominus rectè ederetur, & ut ad exteras usque regiones, fremente ne quicquam sodalicio, permaneret, effecerunt? Num sacra Theologiæ Facultas; quæ ingruente factione vestra eam in splendidissima Sorbonæ recta velut in alylum excepit, & amplissimi Decani sui manu spargi publicè ac distrahi vidit, proposita palam theca in quam debitum Typographo pretium conjiceretur? An has erubescencias narras, Sirmonde? An hanc sub larua maledicentiam, quam rot tantique homines aperta securaque fronte susceperunt, tuiti sunt, amplexi sunt? Si quid erubescenciæ suscipiendum mihi esset, erubescerem, crede mihi, honore tanto, quantus in re pari vix vlli contigit, nec mihi tam apertè contigisset, absque factiosis oppugnationibus vestris, quas ideo optandas mihi fuisse vides, non erubescendas. Si quo timore, aut diffidentia nomen meum antè texissem, laruamque, ut ais, sumpsissem, exuerem eam longèque abjicerem, non tutis modo rebus, sed etiam ita faultis. Quid est, Sirmonde? Ecquid vides? Ecquid attendis orationis tuæ vim, increpationis tuæ fidem? Sed tu

fortassis meipsum cauillari argues, & fautorum meorum erubescientiam, quam commemoras, referes ad nouissimam illustrissimorum aliquot Episcoporum Epistolam, quam de me, deque Sociistuis, & aliis Regularibus nuper Lutetia scripserunt. Verum quo tandem modo maledicentiam meam illos erubuisse dices, qui Sodalium quidem tuorum maledicentiam execrati sunt, in me verò nullam agnoverunt, sed *inuectivas aliquas* duntaxat, quas non adeo rudis es, quin scias non modò non in vitio esse penes Ecclesiasticos Scriptores, sed etiam in laude, præcipuè cum aduersus fidei, & Ecclesie oppugnatores intenduntur, & eo ipso nomine plerosque Theologos & Patres, ut alios fileam, suas lucubrationes inscripsisse. At inuectivas illas probare se negarunt. Num ideo improbare se dixerunt, auersari, erubescere? Quid si contrà probarunt? Cum enim scribant se probare nolle ea tenus tantum, qua illæ supponunt Iesuitas autores librorum impiorum in fidem & in Ecclesiam scriptorum, nonne declarant sibi eas probari, si modò Iesuitas illorum esse constet autores? Quod cum omnibus constet, & clarissimis indiciis ac testimoniis probetur, nec sine maiore impudentia inficiari possit, nonne sequitur, inuectivas, de quibus illorum Antistitum epistola loquitur, ipsorum auctoritate probatas & confirmatas esse? Nec verò negarunt illi Antistites, Societatis vestrae homines esse librorum istorum scriptores, sed id à vobis duntaxat negari dixerunt; ut pateat nihil ab iis in responsionibus nostris improbatum, ne id quidem propter quod inuectivas, quas memorant, se non probare scripserunt. Tantum enim abest ut vestram professionem probent, qua libellos istos publice negare ausi estis à Societate vestra manasse, ut eam summæ horrendæque impudentiæ damnent, seque non capere fateantur, quomodo tantum audaciæ in Religiosorum animos cadat. Hoc demum pro vobis erubescunt illi Antistites, Sirmonde, quos vobis fauisse existimas, cum tamen sicut vos declarationem illis nullius ponderis ac firmitatis edidistis, ita ipsi vobis epistolam ediderint, non innocentia, sed dedecoris vestri testem, qua tantum iniquissimos & importunissimos vestros ambitus à se quoquomodo excutere voluerunt. Hoc idem super omnia erubescunt non solum fautores vestri, sed ipsi Sodales, ipsi libellorum autores, ipsi Iesuitæ Angli, qui sibi in Anglia & Belgio, ubi publicis ipsorummet gloriacionibus ita peruulgatum est libellos istos ortos esse à Societate, ut id ne dissimulare quidem sit integrum; plus probri & infamiae audaciæ vestrae allatum esse vident, quàm vllis vel suis flagitiis, vel nostris eorum increpationibus. Nam scelus, in quo manifestè deprehensus sis proteruè negare, intolerabilius apud Deum est & apud homines, quàm illud ipsum fecisse.

Habes, Sirmonde, ad insultationem tuam, & sentis, opinor, temerè à te tributam mihi maledicentiam in causa, quam pro Ecclesia egi aduersus Sodales tuos, multoque magis temerè criminationem istam confirmatam à te esse eorum iudicio, qui mihi faucant. Venio ad contentionem, quæ mihi tecum est. Ad quam primùm dico præter fallaciam quam in voce *modestiae*, ut antèdictum est, implicuisti, futiliter à te transferri quidcunque denum dixerim vel egerim in Sodalium tuorum confutatione. Illa enim publica Ecclesiae & fidei causa est: in qua, si nescis, vehementioribus motibus &



acriori zelo locum esse, præcipuè ubi res est cum petulantibus aduersariis, in errore proteruentibus, Ecclesiamque magis impudentiæ & atrocitatis, quàm rationum & argumentorum fiduciâ oppugnantibus, ignoras Scripturarum, Patrum, Christianæ virtutis, & Ecclesiæ consuetudinem. Qua de re & aliqua iam pro nobis scripta sunt aduersus superbissimas & fallacissimas vestras locorum meorum collectiones, & plura commodius alibi à nobis scribentur. Quare etsi vehementius agendum putarim in publica, Dei, Ecclesiæ, fidei causa, non ideo mirari tibi licuit desideratam à me modestiam tuam in priuata. Res enim quisque nostras, Sirmonde, sicut minimi facere debemus, ita minimùm earum ergo moueri, & tam earum imminutiones quàm incrementa sedatè ferre. Dei verò res, Ecclesiæ, fidei, sicut ardentissimè ac super omnia diligere oportet, ita earum causa motus quosque maximos & feruentissimos suscipere, tum lætitiæ, tum doloris, tum gratulationis, tum indignationis. Amor enim affectuum omnium origo & mensura est; & quantus in quamque rem amor esse potest, tanti in eandem affectus & motus quicumque. Hæc te Societas tua & Religio iam pridem docere debuit. Itaque perperam temerèque omnino à publica, Dei & Ecclesiæ causa argumentum ad priuatam nostram traduxisti; eoque id iniquius, quod in hac moderationis exemplum à me habebas, qui sic tecum egi, ut non solum humanitatis & modestiæ rationem ubique habendam mihi statuerim, sed etiam commotiunculas tuas, imò contumelias tranquillè ac placidè absterferim, ut liquidius probarem me in suscepta pro Ecclesia contentione nulli meo affectui, sed vni Dei studio indulsisse, & ideo tantùm fortiùs increpuisse Sodales tuos, quòd aliter Ecclesiæ incolumitas non satis aduersus eorum impetus confirmari, nec ipsi ab ea tentanda reuocari posse viderentur. Iure igitur meo modestiam à te postulavi, qui prior eam exhibui, & exhibui cùm tua scriptio longè aliud suaderet: nec te oportuit temperantiæ palmam in priuata concertatione ei relinquere, cuius impotentiam arguere gestiebas. Nisi fortè Societatis sodaliumque tuorum publicam causam suscipere velistuendam aduersum me. Quod ubi feceris, aliis telis rem geremus, & alio marre. Nunc quamdiu priuatus loqueris, & rem agis tuam, meminisse debuisti modestiæ, nec mihi maledicentiæ sub larua exprobrare in fidei & Ecclesiæ causa, qui eam toties in tua, tum aduersum alios, tum aduersum me, etiam sine larua induisti. Quare non solum rectè à me humanitatis admonitus es priori meo scripto, sed iterum admonendus videris eo magis, quod secunda ista in me scriptione longiùs abiisti extra hominis temperati metas; & cùm nulla mea contumelia eò impelli potueris, qui nullam in te miserim, ut \* fateris ipse, sola disputatio- Pag. 16. nis meæ veritate ac firmitate, quam tibi ineluctabilem sensisti, stimularum te declares.

## S I R M O N D V S.

**Q**UOD si alienum à modestia nostra iudicas fuisse, quod publicæ reprehensioni tuæ priuata breuique scheda respondi, quanto immodestius atque iniquius à te factū videri necesse est, quod istam ipsam priuatæ defensionis Epistolam, à me, quicquid effurias, nec venditatā apud alios, nec vulgatā, publicæ proscriptionis tabula confixisti?

Ff iij

## A V R E L I V S.

**M**IRVM, te conscientias & testimonia tot amicorum, tot eruditorum, quos habet Luteria, nihil vereri. Meminisse potes, cum primum Epistola tua ad me delata est, mihi in animo non fuisse responsi quicquam edere, & hoc vnum tibi à me responsi esse allatum. Statueram enim nihil in te seorsum scribere, & obiectiuncularum tuarum confutationem rejicere, vel in eundem cum sodalibus tuis conflictum, si quid ultra repugnarent, vel in vberiore, quem institui Tractatum de Sacramento Confirmationis, vbi vnà cum aliis nodis, hunc quoque de Canonis Arausici intelligentia expedire conarer. Testes habeo in hanc rem viros graues, quorum opera, & tu Epistolam ad me tuam, & ego responsum ad te istud remisi. Cum verò tu consilio isto meo fidentior factus, quasi ego tela tua refugerem, Epistolam tuam obuiis quibusque ostentares, & tua ad me quotidie gloriations ab hominibus primariis deferrentur, quibus te tum clarissimam minimèque dubitabilem in me reprehensionem edidisse, & hoc specimine totam meam in Sodales tuos disputationem euertisse prædicares, conquestus sum primum non semel apud eos, à quibus Epistolam tuam acceperam; & cum tu nihil ab incepto desisteres, necessarium consilium cepi, vt Epistolam tua vendicatione publicam, mea responsione publicarem. Atque hoc mihi consilium serò admodum ratum fuit ac fixum, non ita nimirum multo ante quàm reliquas meas ad Sodales tuos responsiones absolui. Hæc omnia nota sunt & explorata grauissimis, vt dixi, hominibus, quorum iudicio iam ante hanc orationem meam conuictus es fidentia magnæ & fidei nullius; omninoque nihil à me in hoc negotio cupidè factum intelligent cordati viri ex ipso sex amplius mensium spatio quod ad meam vsque responsionem labi sum passus. Tu ergo contentionem hanc & ex nulla aliquam, & ex priuata publicam fecisti. Tu, me non modò à te primum oppugnando, sed etiam à tuo insultu, quandiu priuatus fuit, repellendo abhorrentem, publica insultatione adortus es, qua silentium penè obstinatum expugnasti; vt non solum tuarum in me scriptionum, sed & in te mearum autor sis dicendus.

## S I R M O N D V S.

**N**ON debebam, inquis, tantilla reprehensionis iniuria commoueri, nec crimen vocare leuissimi errati culpam, nomini existimationique mea nihil obfuturam. Festinus & suauis homo es, Aureli, qui alia lege viuere velis, & aliam imponas. Tacere ipse non potes, & nobis silentium indicis.

## A V R E L I V S.

**A**T tu illepidus homo es, Sirmonde, qui res diuersissimas contorqueas sub eandem legem, & omnibus hominibus vna lege viuendum putes. Quid mihi simile tecum in hoc negotio? Ego tum demum silentium solui, postquam tu Epistolam de industria in me scripsisti, postquam ne

illa quidem satis commotum, gloriando & ouando ad necessariam respon-  
sionem tandem perpulisti. Tu sponte scribere cœpisti Epistolam, qua eas  
iniurias quereris mecum, quas ego ita non intuleram, ut ne quidem cogi-  
tassem, & quas in simili causa nemo paulò humanior vnquam conquestus  
est. Quæ te ratio patitur ea quæ tam longè discrepent, ad eandem normam  
exigere? Nonne æquè inscitum est, vna lege res diuersas, ut easdem diuersâ  
metiri? Vbi elegantia? vbi acumen tuum, Sirmonde? Imo verò vbi fides,  
quæ te simulare patiatur à me scriptum esse te *tancilla reprehensionis iniuria*  
*commoveri non debuisse*, cum contrà toties scripserim te nulla reprehensione,  
nulla iniuria à me affectum? *Nec crimen vocare leuissimi errati culpam nomini*  
*existimationique tuæ nihil offuturam*, cum sæpius inculcarim, me nullum er-  
ratum tibi alcripsisse, nec reprehendisse editionem tuam: sed tantum mi-  
ratum esse, cur nouæ emendationis aduersus collectores & eruditos ha-  
ctenus vniuersos à te institutæ, nullam causam adjecisses, nec vllam adeo  
mentionem vsquam fecisses, quemadmodum nec huius responsionis meæ  
mentionem fecisti vsquam, sed illam ignauissimè semper dissimulasti?  
Viden' paralogismos, & malè contextarum in proœmiolo, in quo con-  
cinnior videri voluisti, naniarum ineptias? Viden' causæ tuæ meæque  
discrimen, quas iniquissimus legislator vno iugo copulare voluisti?

Atque ut magis sentias iniquitatem, nostram verò aliquam humanita-  
tem, etsi aliam mihi sumere legem, aliam tibi imponere æquissimè potue-  
rim, eandem tamen professus sum me mihi primùm præscripsisse, quam  
tibi optaui, ut quemadmodum tu illud quidquid erat quod de te obiter  
scripseram, vel negligere, vel captata alicubi opportunitate, non dedita  
opera, & proprio scripto diluere debuisses; ita ego epistolam tuam vel  
omitterem penitus, vel alicubi aliud agens refellerem; donec te nobis  
quasi terrore tuo, non moderatione nostra silentibus palam insultante,  
& Ecclesiasticæ doctrinæ aduersus sodalium tuorum hæreses defensionem  
isto argumento deprimente, coacti sumus tum veritatis patrocinio semel  
suscepto non deesse, tum insultationibus tuis compressis planum facere,  
nos ita siluisse, ut loqui, & ita loqui, ut tacere possemus; cum tu ita pro-  
ruperis ad loquendum in hac causa, ut te silendi impotentem ostenderis,  
& ita sileas ac dissimules firmissima quæque responsionis meæ præsidia,  
ut te in ea vix loqui posse demonstraris.

## S I R M O N D V S.

**T** V A ne ergo interesse dices, ne me falsò accusasse videare; mea non interfit,  
ut falsum fuisse crimen ostendam? Tu nisi Epistolæ meæ respondeas, Phi-  
lippicarum tuarum auctoritatem nutare censeas: ego Conciliorum nostrorum editioni  
præstandum non putarem, ne vana fluxaque in his fide versatus viderer?

## A V R E L I V S.

**R** V R S V sinanes naniæ, & bellas bullas fundis. Cùm objectioni, quam  
meo nomine tibi posuisti, crimen dici à te non debuisse quamcumq;

demum reprehensionem meam, satisfieri oporteret, tu scopulo declinato, quem & deinceps semper fugis, *tua interesse* caufaris vt *falsum fuisse crimen ostendas*, crimen esse statuens, quod sic ne crimen ambigimus, & id quasi tuo iure assumens, quod nullo iure tueri potes. Siccine argumentari tua interest? An hoc praesidium Conciliorum tuorum editioni praestandum putas, vt videlicet nulla in iis fide, aut iudicio versatus videare? Ego, vt tuos fucos disjiciam, Sirmonde, absurdè iterum hoc loco causam tuam cum mea conferri à te dico. Nam siue ego tuam Canonis Arausicanæ editionem verè non reprehendi, vt sapius dictum est, sed illius tantum aliquas desideravi à te causas; siue illam improbaui, vt postea feci à te provocatus, ridiculè in eo crimina, & Conciliorum tuorum vanam fluxamque fidem metuisti. An enim tomis tuis periisset fides, si creditum esset te vsquam nouæ mutationis causam silere non debuisse? Imò an periisset illorum fides, si in iis vsquam humano errore lapsus viderere? Adcò illos inanes, vel eruditos homines inhumanos putasti, vel meticulosus fuisti ipse potius, vt tam leui ariete te vnà cum illis, de fidei opinione ac fama dejici posse censes? Quis te tum in tomos illos, tum in eruditos quosque iniquior, cum isto metu horum tantam leuitatem, illorum tantam imbecillitatem sis confessus? Nihil ergo istiusmodi reperies penes me. Non enim ego labefactatam à te questus sum meam Ecclesiasticæ doctrinæ defensionem hoc solo, quo tu in ea quippiam omissum, vel secus positum dixisses, praesertim exiguam aliquam voculam. Scio firmiorem esse & fundatiorem, quàm vt tam futilibus machinis decuti possit, aptioremque vt oppugnantium vires atterat, quàm vt ab iis atteratur; sed cum tu calumniae mihi dicam scriptâ epistolâ palam impegisses eo pacto, vt ex illa de tota mea rerum diuinissimarum assertione iudicium fieri velles, & hoc apud eos praedicasses, quibus epistolam tuam venditaras, vt illi ipsi sunt testes; vel gloriationi tuæ assentiendum mihi ipso silentio, vel apertè obsistendum fuit, nec illius refellendæ laborem veritati, quam tueri cœperam, negare potui. Insultatione igitur & triumpho isto me compulsum dixi ad responsionem, non epistolâ tuâ, quam nisi praedicatio & confidentia illa accessisset, vel neglecturum me professus sum, vel aliò reiecturum, vbi ex occasione aliqua confutaretur. Cui iactationi cum nihil simile apud me fuerit, quod tibi scribendæ in nos epistolæ causam sufficeret, erras grauissimè dum meam in hoc negotio causam tuæ parem facis: Nec minus dum defensiones meas *Philippicas* vocas. Cum enim hoc nomen conferri soleat in orationes scriptas aduersus Reges, aut praepotentes homines factione ac impotentia tyrannica publicum otium peruertentes; quomodo potes *Philippicas* vocare defensiones meas aduersum tuæ societatis homines, nisi eos regio & impotenti quodam dominatu, & intolerabili factione fretos, ad concutiendam Ecclesiam accessisse fatearis?

## S I R M O N D V S.

**C**RIMEN quidem profecto in restructa & asserta Canonis Arausicano negat. Cuius nulla nullum erat: sed tu pro laude, quam emendationi debebas, nosam



*irrogasti; ac nunc etiam nos, ut video, non de trium apicum supplemento, sed de singulis Epistolæ nostræ capitibus in ius vocat.*

## A V R E L I V S.

**P**ERGIS friuola miscere, & pro vituperatione, quam superiorum dictorum vanitate meruisti, munerari teipsum laudibus, ne quis posthac tuam Canonis Arausici editionem culpare audeat, quæ tibi ipsi laudem meruisse videatur. Sic modestiæ litare decet hominem, qui se modestiæ fama latari sit fassus. Equidem si de emendato Canone minus laudavi te quàm velles, compensare debuisti hunc dolorem cum gaudio, quo te paulò ante affici dicebas, cum laudi & famæ tuæ suffragari me putares. Ego verò emendationem tuam, Sirmonde, quibus decuit laudibus prosecutus sum, & pro meritis ornavi, nunc maximè cum eam longè aliam te interprete video, quàm mea sponte suspicari ausus essem. Quamquam, ut sæpè iam dixi, priusquam epistolâ me lacefferes, notam nullam apposueram ad negationis additamentum, quod tum demùm excutere & eliminare cœpi, cum tu coëgisti. De singulis verò Epistolæ tuæ capitibus te in ius à me vocari qua ratione querare non capio, cum ipsa responsio quam ei subjeci, suo nomine indicet non me de illa intendisse litigium, sed propulsasse. Non enim respondent qui in ius vocant, Sirmonde, sed qui vocantur. Ego autem Epistolæ tuæ tantum respondi, & calumniæ vadimonium quod mihi illâ denuntiasti, obiui. Sed minimè mirum est te nomen actoris defugere, cum non sis nescius plus dedecere canos istos leuissimè hoc certamen concitasse, quàm in eo vel cadere, & Canonem Arausicanum malè interpolasse iudicari. Hoc enim communis imbecillitatis vitium est, illud propriæ impotentiae, quæ senili maturitati maximè omnium indecora, & minimè omnium ignoscenda est.

## S I R M O N D V S.

**A**D SVM, *Aureli, criminationes tuas audire ac refellere paratus: sed ea lege, ut ne conuiuiis & contumeliis decernatur. Nam si his armis certandum est, imparem me profiteor, qui cum tanto & tam exercitato athleta congregiar, pugnamque exhorresco, in qua fadior ac strictior omni clade est victoria.*

## A V R E L I V S.

**A**T ego exhorresco audaciam, quæ id exhorrescere se simulet, quod vnum strenuè obiit in hac pugna. Quas enim insanias, quas ferarum monstrorumque formas non mihi ita induxisti, ut quancumque dispersionis meæ in ferocissimos Ecclesiæ populos vehementiam obscurare voluisse videare? Quam superbiam, quam acerbicatem singulis responsionis tuæ penè versibus non spirasti in me animo multo etiam magis quàm verbis? Quæ te magna impotentia effudisse necesse est, cum eorum immemor moderationem te cupere dicas; & legem præscribas, quam tam fœdè

perfregisti, & contumelias meas deprecaberis, qui me tuas effugere non es passus, & te imparem conuictis mihi dicas, quem illis solis vicisti. Nam in responsione mea nihil non humanum fuisse cum res ipsa docet, tum tua confessio. Quæ te, si tibi constares, & contumeliarum mearum metu, & ferendæ in eas legis cura liberare debebat. Quid enim rationis erat contumelias eius metuere, cuius in te acerbiter nullam queri te dixisses? vel omittendorum conuictorum legem ei indicare, qui eam ultro fixisset, & in priuata hac causa non solum remissius agendum sibi esset professus, sed etiam conuicta, quæ tu interdum oblique strinxisses, honestius sibi esse ferre, quàm tibi fuisset iaculati? Magna ergo hoc loco orationis tuæ vanitas, & multò rectius metuenda mihi fuit styli tui incontinentia, & antiqua maledicendi exercitatio, quàm tibi mea. Ego enim sodalium tantum tuorum factionem in doctrinam autoritatemque Ecclesiæ inaudito furore bacchantem fortius pro Ecclesia compressi: Tu vero quemcumque iam olim aduersarium nactus es, ita pari semper contumacia inuasisti, ut te & in conuictando exercitatissimum: multarumque palmarum lanistam plures libelli probent, & natura, non ratione fruientem, perpetuitas insultandi. Quare si mihi coercendæ aliquantum ferociæ tuæ, aliud orationis genus quàm vellem adhibere necesse fuit, agnoscat æquus lector ex prioris responsionis meæ temperatione illud non impetu mihi, sed iudicio susceptum esse; & me, sicut ex quiete in hoc certamen præter opinionem meam, ita ex mitiori disputatione in firmiorem pugnam, contra votum meum à te detrusum esse. Ac videant tandem aliquando qui te mansuetum hominem & sapientem putarunt, quid in posterum de isto animo sentire debeant, qui sua sponte ita coarcescat & exacerbetur, ut ne præeuntis quidem & quasi præmulcentis aduersarij exemplo intra modestiæ lineas contineri potuerit, in quibus ipsa ætatis grauitate contineri debuit.

### S I R M O N D V S.

**C**A V E autem, etiam atque etiam denuntio, ne quod in prima ista velitatione accidisse vides, cassi atque inanes tui contra nos conatus euadant, neque, quod futurum presagio, in caput tuum recidant tela quæ conijcies.

### A V R E L I V S.

**N**O L I minati, Sirmonde, nec emicantem vndique imbecillitatem contege sermone Thrasonico. Si de præteritis augurari licet futura, pudenda Antirrhætica tui scriptio nihil portendit, nisi maius tibi probrum, quo longius in hoc stadio procedes, nec tua in ea ferocitas nisi perennem typhum ab infirmitate & impotentia quasi certatim exurgentem, ut quò alius veritate deprimeris, hoc alius superbiâ eminere videaris. Sic enim Antirrheticum procudisti, nusquam animosius exultans, quàm ubi manifestius teneris, ut ex hac ipsa post tantam superioris orationis tuæ inanitatem confidentiâ perspicere cuius promptum est. Cæterum quascumque verborum insidias rudibus, vel harum rerum iniuriis ista arte

struas, quid in priori velitatione acciderit, satis iudicarunt eruditi homines, quibus simulatae fiduciae tuae fucamenta non imponent: Et qualis disputationis in te nostrae euentus fuerit, responsio tua ita indicat, ut non praesagiendi potestatem faciat, sed videndi & intuendi quam miserè in te ipsum non mea solum tela, sed tua ipsa ferantur, etiam sine mea opera, qui vulnera tua indicaturus venio, non facturus.

## EPISTOLA SIRMONDI.

IACOBVS SIRMONDVVS, PETRO AVRELIO  
THEOLOGO.

De recta emendatione Canonis Arausicani.

**N**EQUE tu mihi, opinor, tamen si nomen dissimulas, neque ego prorsus ignotus sum tibi. Dudum est, ni fallor, cum inter nos verba conseruimus; & animo certè, nisi tum quoque dissimulabas, nec alieno, nec infenso. Nunc ut per Epistolam alloquar vindicta tua cogunt, in quibus mihi de vitiatō Canone Arausicano dicam scribis. Quod ego crimen si semel suscepero, quis in tota editione Conciliorum bona usquam fide versatum me credet? Vides ergo & iustam, & necessariam fore defensionem meam. Quam facilis ea futura sit, meum est videre: Quam certa & quam vera, ne tuum quidem iudicium defugiam, si modò animum ad pristinam serenitatem reduxeris.

## RESPONSIO AVRELII.

**V**IDEO te ipsum aliis exemplum prabuisse, quàm non omnia tua haberi debeant vice oraculorum, notarique interdum sine contumelia possint. Memini <sup>Pag. 617.</sup> te quandam Innocentij Pontificis Epistolam, quae vulgò ad Synodum Toletanam inscribitur, ita edidisse, ut supponeres titulum ad Synodum Tolosanam.\* Quam de <sup>Pag. 618.</sup> inde hallucinationem ad calcem Tomi agnoscens, vulgatam inscriptionem restituentem fassus es. Quod si adduci potuisti, ut Epistolam, quae tota de rebus & Ecclesius Hispaniensibus ageret, ad fictitiam nescio quam Synodum Tolosanam, quae nulla sub Innocentio, neque multis antè vel post annis ab ullo penitus scriptore memoratur, inscriberes, quasi iam tum Reges Gothi dominarentur, sub quibus demum Galliae Narbonensis & Hispania Ecclesias isto modo coiuisse, & in commune consuluisse proditum est, quid criminis in te suscipitur, si in rebus minùs perspicuis, qualis editio Canonis Arausicani, falli potuisse dicaris?

## R E C E N S I O.

**S**I maximè cupiebas in compendia redigere disputationem meam, ut dum eam collato pede refellere viderere, sicut ego tuam refelleram, obsequerere vanitati tuae, effugere tamen decebat apertas saltem fraudes,

ne manifestis flagitiis illam ipsam gloriam euerteres, cui indulgere cupiebas. Sed quia difficile est veritate satisfacere vanitati, imò vanitatem ipsam constanter tueri, ita vim seriemque dictorum meorum elisisti, ut te ipsum prodere, & vulgare verbum, compendia esse dispendia, nouo more comprobare voluisse videare. Nam primum expunxisti longè maximam partem responsionis meæ. Vnicam verò quam refers, ad eam speciem redigisti, in qua argumentationis meæ vis & scopus vix vsquam apparet. Ego enim ad primum istud epistolæ tuæ caput respondi, nec tibi à me de vitiato Canone Arausicano scriptam esse dicam, & si qua reprehensio tua in verbis meis fuisset, non eam tamen dici posse, quæ tantum criminis tibi infligeret, ut, si illud susciperes, nusquam bona fide in tota Conciliorum editione versatus crederere. Probabam, quod reprehensiones istiusmodi inter eruditos vsitatissimæ essent, quorum nemo eas, si moderatè fierent, in contumeliam accipere, aut illis se vitiatorem dici, vel crimine falsi peti existimare consuesset, sed humanæ dumtaxat sortis, & communis imbecillitatis admoneri. Alioquin nullum fore scriptorem non ignominie notis inustum, cum nullus sit non vsquam reprehensus; atque adeo nullum fore, non verè corruptorem & indignum fide, cum nullus sit, cuius error aliquis non sit deprehensus. Si eam de tomis tuis opinionem esse iubeas, ut nullum in iis humanæ fragilitatis vestigium in esse credatur, & eos qui secus sentiant criminatores & fidei tuæ extinctores haberi velis, nullum fore mortalium non in te iniquum, ne te ipsum quidem, quem ego de illis ita censere non putarem, & in titulo Innocentij epistolæ aberrationem fateri, & emendare animaduertentem, adeoque agnoscere tua quædam sine contumelia notari nonnumquam posse. Atque hoc eo magis in Canone Arausicano dicendum esse, quod eius editio obscura & perplexa esset, cum inscriptio Epistolæ Innocentij, quam mutasses, nihil dubitationis, te ipso iudice, haberet. Inde fieri, ut si in ea inscriptione errorem fateri fidem in aliis tibi non minuisset, ne imminutum quidem illam iri si in Canone Arausicano tanto implicatiore offendisse dicerere. Quare non idoneam esse argumentationem tuam, nedum *iustam & necessariam*, nec à mea in te aut tomos tuos noxa, sed à mollicula animi teneritudine, nimioque in illos amore natam esse: Cuius tamen cæcitate, (cæcus enim est amor) tu omnium in illos iniquissimus euaderes, eam tibi & illis statuens legem, ut si vsquam in iis titubasse comproberis, vitiator, corruptor, & vnà cum illis omni exutus fide tuo ipso iudicio sis dicendus. Accedebant eò alia non pauca, de *serenitate animi*, ad quam me vocabas; de fiducia, qua hoc certamen inire te dicebas, aliisque eiusmodi, quæ, licet ad tui istius capitis confutationem pertinentia, tamen quia ad controuersie nostræ scopum directò non feruntur, facile & à te, & à me omitti patior. Iam vides, ni fallor, quàm longè abierit à vi & veritate responsionis meæ epitome tua, & quantas in ea res, sicut deinceps refellere, ita nunc commemorare fugeris; ut magnoperè notandum sit effugiorum tuorum ab aliis discrimen, quod eum alij fugientes subducant seipsos ex aspectu, tu nouo more ita fugias, ut tuam frontem vbique exhibens, ea quæ fugis procul amoueas.

REFV.



## REFUTATIO SIRMONDI.

*Sirmondus in Epistola Innocentij non erravit: erravit Aurelius, qui Episcopos Gallie & Hispania ante Gothorum tempora in Conciliis nunquam unà conuenisse affirmavit.*

**N**ON is ego sum, qui mihi hoc sumam ut falli non possim: quod si sentiam, *Errare & labi humanum est, humani à me nihil alienum duco.* 11.

## RELECTIO AURELII.

Sirmondus absurdè negat se errasse in Epistola Innocentij, in qua se errasse confessus est, & errorem suum correxit: Aurelium affirmasse Episcopos Gallie & Hispanie ante Gothorum tempora in Conciliis nunquam unà conuenisse malè calumniatur, & voculam, *Narbonensis*, quam Aurelius addidit, fœdè refecat.

**R**ESPONDENTIS est, Sirmonde, non dicere, sed respondere. Non agitur quid nunc dicas, sed quid respondeas ad ea quibus probatum est te ita de te sensisse, quasi errare non possis. Qui enim contumeliosam sibi dicit humani vnius erroris in vastis voluminibus reprehensionem, eaque labefactari censet fidem suam, humanam fragilitatem à se repudiat, eamque sibi apud alios sumit fidem, ut nusquam labi aut titubare credatur. Hoc expediri à te oportuit, Sirmonde, & meæ responsioni satisfieri. Quam si silentio tuo approbatam haberi voluisti, concedo pudori tuo; si fallaci diffimulatione elusisti, eam fidem à se ne requiro.

## SIRMONDV S.

**A**T tibi, Aureli, si errorum nostrorum exempla conquirere libebat, alibi prorsus quaerenda erant, quàm in Epistola Innocentij. In hac enim quid peccavi? An quod mutilam & dimidiatam hæcenus, integram ex antiquis exemplaribus cum inscriptione sua produxi?

## AURELIIV S.

**D**ISSIMVLAS scopum meum, aliumque mihi ascribis alienum à mea mente. Non enim errorum tuorum exempla conquirere propositum mihi erat, sed propriam errorum tuorum confessionem, ut tuo ipsius testimonio ostenderem, te immeritò in contumeliam & in crimen accepisse, quod in Canone Arausicano errare dicereris (quamquam ne hoc quidem à me dictum erat) cum te in titulo Innocentij Epistolæ errare fassus esses, erroremque emendasses. Quam emendationem ego variis allatis argumentis confirmaui: Quæ cum pro te omnia faciant, tu tamen quasi contra te essent, refellenda suscepisti, tam mihi infestus, ut etiam beneficium à me oblatum in iniuriæ loco numeres, & quasi maleficium asperneris. Tanta animo tuo æmulationis caligo offusa est. De integritate verò illius Epistolæ à te prolata ne nimium gloriare, cum multa sint quibus ea tibi gloria excuti facile possit; quæ, si non aliud hoc loco ageretur, continuò audires.

Gg

## S I R M O N D V S.

**A**N quod suspecta cum esset inscriptio, Tolosanam Synodum suggerens pro Toletana, de suspitione mea Lectori prefatus sum, quod dissimulas, eandemque postea in notis liquidius comprobaui?

## A V R E L I V S.

**L**ICET ne tibi predicare suspectam meritò fuisse inscriptionem Epistolæ, ad Synodum Toletanam, cum eam præter eruditorum consensum, ipsa Epistola perspicuè confirmaret; illam verò ad Synodum Tolosanam, quam tu summutasti, perspicuè refelleret, ut postea in notis agnouisti? Licet ne verò etiam dicere te de suspitione tua Lectorem præmonuisse in præfatione Epistolæ, idque à me dissimulatum; cum ego id ita non dissimulauerim, ut apertè expresserim his verbis: *Innocentij Pontificis Epistolam ita edidisti, ut inscriptionem vulgatam non solum DUBIAM diceret, sed planè eraderet, pro eaque supponeret titulum ad Synodum Tolosanam?* Licet ne denique scribere ambiguis & perplexis verbis, te eandem postea in notis liquidius comprobasse, ut dubium sit verum suspitionem tuam, an inscriptionem comprobata à te dicas, minimè verò dubium quin erroris tui confessionem inuoluere, Lectorique obscurare coneris?

## S I R M O N D V S.

**D**UBITARE, inquis, in re aperta non debui. Dubitationem ergo cunctationemque meam errorem vocas? quanto grauior aliorum iudicio error fuisset, si Tolosanam præferentibus tot libris nulla fuisset hæsitatio?

## A V R E L I V S.

**E**GO verò dubitationem in re aperta errorem voco. Qui enim de re aperta dubitat, dubiam dicit quæ dubia non est, adeoque errat. Quare inest pugna in verbis tuis. Si ergo & hoc loco, & manifestius in notis agnouisti minimè dubiam esse inscriptionem ad Synodum Toletanam, eamque ipsa Innocentij Epistola perspicuè probari, sequitur te prius dubitare non debuisse, in eaque dubitatione errasse. Nec enim in rebus ipsis mutatio vlla contigit, sed in animi tui imbecillitate, quæ emicantem, ut fateris, in ipsa epistola lucem initio non videbat, ideoque de re ante oculos posita dubitabat. Quare ad tuendam dubitationem illam nihil conferunt codices quos narras: quia si illi tibi non obstiterunt, quo minus dubium esse titulum tandem negares, cur mihi obstare debeant, ne hoc idem tecum dicam? Turpe est & iudicij minimè subacti te ita contendere mecum, ut maiorem tibi tecum pugnam esse non videas. Et verò tantum abest ut reus aliorum iudicio futurus fueris si codices illos sequutus non esses, ut iam pridem ab omnibus iudicatum sit eos vitiosos esse, nec prudenter audiri posse. Atque hinc hallucinationem tuam exponere operæ pretium est. Tu enim, cum in Tomis tuis noua quæque aucupareris, in-

scriptionem *ad Synodum Tolosanam*, quam in plerisque manuscriptis inuenias, dignam quæ à te quasi antehac ignota proferretur, censuisti. Videbas enim à vulgatis editionibus abesse, nec aduertebas ideo abesse, quod tantò antè à Merlino prolata in prima huius xvi editione omnes deinceps iugulassent, restituto ex aliis manuscriptis germano titulo *ad Synodum Toletanam*, Crabbus, Surius, Gratiani emendatores Gratiano suffragati, Baronius, Loaysa Conciliorum Hispaniæ Collector, Binius, & alij quicumque, idque tanta securitate, vt ne quidem meminerint Synodi Tolosanæ, quam Merlinus ediderat. In quo tamen ille venia dignus, quod quæ in manuscriptis suis inuenerat, protulit in aspectum & in iudicium orbis, nullam suam sententiam interponens. Tu verò, cùm te nouum quippiam & antea inauditum proferre sperares, vitium toto orbe ab eruditis vna mente damnatum, quamuis Conciliorum emendatorem ageres, renouasti. Quamquam dandum quoque tibi est nonnihil veniæ, nimirum per imprudentiam lapso, cùm verisimile non sit te tantorum virorum consensui refragaturum, si editam primùm à Merlino illam inscriptionem, & ab iis improbatam nouisses, sed intellecturum illam extare in Galliæ dumtaxat codicibus, quod scilicet ex Scriptoribus Gallicanis notior esset Tolosana vrbs quàm Toletana, non autem in aliarum gentium manuscriptis. Quo loco admonendum te illud reor, vt attendas, cùm Gallicani plerique omnes codices vitiosam istam *ad Synodum Tolosanam* inscriptionem habeant, non tanti faciendam semper quorumcumque scriptorum consensionem, quanti tu infrà dicturus es, & patere iam nunc errorem tuum, quem ibi amplius confutabimus. Non ergo temerarius cuiquam visus esses, si hæc attendens, codices illos tuos, quamvis multos, esses aspernatus; sed consensum totius orbis eruditorum, in re cui ipsa Epistolæ sententia apertè, vt fateris, suffragetur, vix sine temeritate in dubium adducere potuisses, multoque minus dubitationem illam tueri, postquam eam ipse damnasti.

## S I R M O N D V S.

**V**ERVM doce nos tandem, confidentissime magister, quid causa habeas cur rem ita planam & exploratam arbitreris.

## A V R E L I V S.

**N**IHIL simile habet confidentia quam mihi tribuis, cum ea quam iam dudum spiras nihil obstante senio, quo calorem istum & exultationem plusquam iuuenilem mirum est nondum resedisse. Cæterum si qua confidentia est dicere inscriptionem vulgatam Epistolæ Innocentij exploratam videri, tu longè confidentior, tu confidentissimus ille eris magister, qui id multò ante me scripsisti, meque tibi suffragantem ita arguis quasi te oppugnarem. Quantam confidentiam tuam esse necesse est, quàm non modo meam tecum pugnam, sed nec tuam tecum ipse extimescas?

G g ij

## S I R M O N D V S.

**Q**UAE Synodum nempe Tolosanam id temporis scriptores nullam produunt. Quasi vero ad hanc stabiliendam, si congruant caetera, non satis idoneus auctor esse possit Innocentius, cum Synodi Valentina, Andegauensis, Arelatensisque sub Ra- uennio, Turonica item ac Veneta, aliarumque in Africa, Gallia, Hispania com- plurium, testes alios quam Acta ipsa non queramus.

## A V R E L I V S.

**R**IDICULE argumentaris, & primum omnium mea verba falsas. Non enim à me pro argumento allatum est, Synodum Tolosanam id tem- poris scriptores nullam producere, sed nullam sub Innocentio, vel multis an- tè aut post annis Synodum Tolosanam ab ullo penitus scriptore memorari. Hæc enim sunt ipsæ meæ voces, à te ipso paulò ante descriptæ. Dixi ergo falsam esse inscriptionem ad Synodum Tolosanam, quod de Synodo To- losana sub Innocentio, seu multis antè vel post annis habita nulla usquam litera extet, ideoque commentitia Synodus, & nullo autore ficta dicenda sit. Quo argumento nihil planius, Sirmonde, nihil solidius. Ineptè enim objicis Synodos illas, Turonicam, Valentianam, Andegauensem, quia, cum earum extent acta à Collectoribus edita, conferri à te non debebant cum Tolosana illa sub Innocentio, cuius nulla usquam mentio reperitur. At ad hanc stabiliendam, si caetera congruant, satis idoneus auctor esse potest Innocentius. Quid quod nec caetera congruunt, nec illius rei auctor est Innocentius, sed vitiosa inscriptio ab exerrante scriba contra ipsius In- nocentij in epistola sententiam præfixa? Nam inscriptioni Tolosanae tu ipse agnoscis repugnare Can. VI. epistolæ, quem manifestè alludere dixisti ad Synodum Toletanam. Nos verò adiecimus totam epistolam agere de rebus & Ecclesiis Hispaniensibus, nec vllum in ea extare vestigium rerum Ecclesiarumve Gallicanarum, ut clarissimè pateat titulum Synodi Tolosana ab ipsa tota respui. Quam rationem rescuisti ex responsione nostra supra à te descripta, ne apertius quàm velles intelligeretur, meritissimò à me scri- ptum nihil fuisse causæ, cur dubitares de Synodi Toletanae inscriptione, quamvis eam manuscripti aliquot facili duarum literularum mutatione peruertissent, Toletanam in Tolosanam conuertentes.

## S I R M O N D V S.

**S**ED credibile non putas ut de Hispaniensibus rebus tractet Synodus Gallia. Quasi in fronte ipsa Synodorum Gallia, de rebus Africanis totaque Cecilianis & Donatistarum controuersia in Arelatensi Concilio actum fuisse non videas: aut incredibilius dici queat aliarum gentium negotia in Synodo discuti Gallia, quàm de Gallicanis, hoc est, de Proculi Episcopi Massiliensis primatu, de Arelatensis con- sentione cum Viennensi, deque Felicis Treuirensis interdicta communione in Tan- rinate disceptari?



## A V R E L I V S.

**C**A V I L L A R I S, Sirmonde, vel euagaris. Animi impetus longè te abripit à verbis. Non vsus sum ridiculo argumento, quod mihi imputas, credibile non esse de Hispaniensibus rebus tractare Synodum Galliarum. Quod tamen commentum, quasi inanissimæ victoriæ & vanitatis tuæ trophæum, tum in fronte huius capituli, tum in limine libelli tui ante omnium oculos collocasti. Duo dixi, Sirmonde, verissima & clarissima; quorum tu neutrum vel assequutus es, vel videre voluisti, cum non haberes quid contradiceres. Dixi abhorrere à ratione, ut Epistola Innocentij inscribatur ad Synodum Tolosanam, eo quod in ea nulla mentio, nullum minimum vestigium extet rerum, Ecclesiarum, vel Episcoporum Galliarum, sed tantum Hispaniensium. Deinde Episcopos Hispaniarum & Galliarum Narbonensis non solitos conuenire, & de Ecclesiis suis in commune statuere, ante tempora Gothorum Regum. Nec tu argumentum vllum profers, quo id refellas. Nam quod ais Galliarum Episcopos interdum egisse de controuersis Ecclesiarum Africanarum, & alios de aliarum etiam longissimè distitarum, temerè à te opponitur, quia eiusmodi exemplis non probas Episcopos Hispaniarum & Galliarum Narbonensis ita coaluisse ante Reges Gothos; quod vnicum à me dictum est ad eleuandam fidem fictitiæ Synodi Tolosane sub Innocentio, ex serie historiarum, & noto temporum Ecclesiarum decursu. Quod genus argumenti graue & firmum est, quamdiu perspicua documenta & testimonia contrà non occurrunt, quæ tu nulla habuisti. Consule Logicos tuos, quo vitio notandum sit turpiculum argumentum, quod ex *Galliarum Narbonensis Episcopis* à me nominatis, ad *Gallias* simpliciter Episcopos transtulisti.

## S I R M O N D V S.

**Q** V I D quod apud Tolosam ipsam, non toto post Innocentium sæculo, Episcopos Hispanos ad Synodum conuocatos narrat Cæsarius ad Ruricium scribens Lemouicum Episcopum? Filius, inquit, vester Eudomius, si poterit, hoc elaborare desiderat, ut superueniente anno Tolosæ Synodum Christo propitio habeamus: vbi etiam, si poterit, Hispanos vult conuenire Episcopos.

*Henr. Canis.  
10.5. pag. 452.*

## A V R E L I V S.

**Q** V I D ergo tibi mentis est in proferenda Cæsarij Epistola? Refellendum enim tibi est quod ego dixi, Galliarum Narbonensis & Hispaniarum Episcopos, ante Gothorum Regum tempora, nunquam reperiti conuenisse. Hoc verò quonam modo refellis Epistola Cæsarij ad Ruricium Lemouicensem scripta, cum iam Gothi Reges in Gallia Narbonensi & in Hispania dominarentur? Nam Cæsarius & Ruricius Lemouicensis florere mediò ferè sæculo VI. circa Concilium Arausicanum II. & Aruernense, quorum alteri Cæsarius, alteri Ruricius subscripti reperiuntur. Hoc verò tempore Reges Gothos tenuisse Hispaniam, & Galliam Narbonen-

Gg iij

*Ad Eudomium & uxorem eius Melaniam scribit Ruricius lib. 2. epist. 38.*

*Conc. Araus. c. 29.*

sem clarissimè constat, vel ex Chronico Gothorum Regum, quem primo Tomo Conciliorum tuorum ipse præscripsisti. Quid ergo tibi vis cum hisce obiectiunculis, Sirmonde, quibus de industria ruere videris? Deinde Epistola Cæsarij non ait Episcopos Hispaniæ conuenisse ad Synodum Tolosanam, neque adeo Synodum vllam Tolosanam eo tempore esse habitam, sed tantum Eudomium cupiisse vt haberetur, & vt ad eam Episcopi Hispaniæ conuocarentur. Vnde non sequitur reuera esse habitam, vel ad eam conuocatos Hispanos Episcopos, cum sæpè non modò à singulis Episcopis, sed etiam à Synodis vniuersis constet destinata isto modo Concilia, quæ tamen ad rem adducta non constat, vt pluribus exemplis probari potest, etiam ex hoc ipso Concilio Arausicano. Manet ergo dictum meum, neque adhuc à te labefactari potuit, Galliæ Narbonensis & Hispaniæ Episcopos, ante Gothorum Regum tempora, nunquam conuenire consueuisse.

## S I R M O N D V S.

**E**T sub ipsa Innocentijs tempora, & de iisdem ipsis Priscillianistis, de quibus Innocentijs differit Epistola, paucis ante illum annis, sub Damaso binas constat celebratas Synodos fuisse, Casaraugustanam in Hispania, & Burdegalensem in Gallia; quarum alteri, hoc est Hispanica, Aquitanos Episcopos interfuisse; in altera, Hispanum Episcopum à Gallis Patribus auditum, & Episcopatu indignum fuisse pronuntiatum auctor est in sacra Historia Sulpicius Seuerus.

## A V R E L I V S.

*Pag. 87. & 88.*

**I**AM sentis, opinor, tu ipse hæc à te frustra colligi ad id refellendum, quod non attingunt. Nam Hispaniæ & Galliæ Episcopos coïuisse aduersum Priscillianistas, à me ipso pluribus commemoratum est in confutatione impiæ querimoniz sodalium tuorum, nec ea de te dubitari à quouam potest. Sed si ex eo argumentere Hispaniæ & Galliæ Narbonensis Episcopos tunc temporis coïuisse, quemadmodum sæpius deinde sub Regibus Gothis coïuerunt, quod vnum à me negatum est, animi tui labe ostentare videbere.

## S I R M O N D V S.

**Q**Vò nunc igitur te vertes, Aureli, cum tot exemplis tam illustribus refellaris? Docere perges Episcopos Galliæ & Hispaniæ isto modo coïre atque in commune consulere sub Gothis demum Regibus cepisse? Ac non dices potius, quanto securius sit iudicium exemplo nostro in rebus dubiis suspendere, quàm temerè, vt soles, affirmare quod nescias.

## A V R E L I V S.

**T**EMERITATIS perspicuæ tot exempla dedit superior tua oratio, vt minimè mirum sit me temerè ad extremum à te accusari temerariæ affirmationis in eare, aduersus quam vanos & temerarios conatus tuos in

uentum effudisti. Hocce credibile est hominem senem, Societatis suæ Coryphæum, tot annos in libris volutatum, tam friuolas primùm disputationes, deinde insultationes proferre? tam fœdè rueri ac labi inconsiderantia, & vanitate ridicula? Quò te vertes, inquit ad me, cùm tot exemplis tam illustribus refellaris? Quasi me ipso solis radio conuicisset? Caue, caue, Sirmonde, ne hæ sint vindicis Dei pœnæ, qui primùm mentem plectit, & cùm te nimia tui opinione in hæc certamina inuectum, & in ea nimio tuendæ gloriæ, quam temerè in discrimen adduxisti, studio progrediens, rem aduersus perspicuam veritatem videat, te in planissimas ineptias & absurditates abire patiatur, ex quibus tanto maius dedecoris tui incrementum referas, quanto iniquioribus præstigiis famam subleuare voluisti. Noli quærere num docere pergam *Episcopos Galliæ & Hispaniæ isto modo coire, atque in commune consulere sub Gothis demum Regibus cœpisse.* Sed vide sodes, & etiam atque etiam vide, num figmentis & fallaciis istiusmodi deceat religiosum hominem veritatem & publicum ludificari? Non enim Episcopos Galliæ & Hispaniæ negaui ita conuenire sub Gothis demum Regibus cœpisse, sed Episcopos *Galliæ Narbonensis* nominatim. Quod tu verbum cùm omiseris vel de industria, vel feruore nimio animi, inanes istos ludos tam diu egisti, & cùm mihi inscitæ notam inurere volueris, tibi longè grauiorem & turpiorem asciuisti. Nam quo tandem sensu iubes me *tuo exemplo iudicium in rebus dubiis suspendere*, quod ad titulum Epistolæ Innocentij attinet, cùm tu hunc minimè dubium, certum, manifestum statueris, iudiciumque adeo non suspenderis, vt iudicium illud rescideris, quæ antea illum ambiguum censueras? An iudicium suspendit qui pronuntiat, qui affirmat, qui rem minimè dubiam decernit, qui priorem suam dubitationem resoluit? Quot verba fundis, Sirmonde, totidem penè nugamenta, quæ sapientiam hominis in canis non esse confirmant.

## S I R M O N D V S.

**E**GO quidem cùm multa ignorare me sentiam, tum hoc certè fatendum intelligo, verum Synodicarum Ecclesiasticarumque, quarum peritiam ostentas, minus omnino te gnarum & scientem videri quàm putaram.

## A V R E L I V S.

**S**I ego tibi minus sciens videor quàm putaras, tu ergo tibi magis insciens videare quàm putes, necesse est, qui ab homine tam insciente teneare in rebus manifestis, & coarguare. Non effugies hæc notam, quoad mea dicta eodem candore & perspicuitate refelleris, qua tua refello; quod nunquam facies, si tam multa ignores quàm dicis, imò quàm ego experior, imprudentiæ magis tuæ, quàm inscientiæ labes suspiciens. Me verò rerum Synodicarum Ecclesiasticarumque peritiam ostentasse nemo, opinor, præter te dixerit, cùm hæc cum sodalibus primùm tuis, deinde tecum Ecclesiasticas disceptationes non quæsierim, sed necessitate impositas susceperim, ad Ecclesiasticæ veritatis, maiorumque doctrinæ propugnatio-

nem, cui omnes, quotquot Catholicorum nomine censemur, subsidium & opem, quantum in nobis situm est, vitamque ipsam debemus.

## EPISTOLA SIRMONDI.

**C**ANON est primus primæ Synodi Arausicana, quem tu ex posteriore Bini editione recitas in hunc modum. Nullus ministrorum, qui baptizandi recipit officium, sine chrismate usquam debet progredi, quia inter nos placuit semel in baptismo chrismari. De eo autem qui in baptismo quacumque necessitate faciente non chrismatus fuerit in Confirmatione Sacerdos commonebitur. Nam inter nos chrismatis ipsius non nisi una benedictio est. Non præiudicans quicquam dico, sed ut necessaria habeatur chrismatio repetita. Nos optima & antiqua exemplaria sequuti sic edidimus. Nullum ministrorum, qui baptizandi recipit officium sine chrismate usquam debere progredi, quia inter nos placuit semel chrismari. De eo autem qui in baptismo quacumque necessitate faciente non chrismatus fuerit, in Confirmatione Sacerdos commonebitur. Nam inter quoslibet chrismatis ipsius non nisi una benedictio est: non ut præiudicans quicquam, sed ut non necessaria habeatur repetita chrismatio. Hic tu sine reprehensione cetera præteriens postremis verbis censoriam notam inuris. Alij, inquis, eadem penè omnia retinent, nisi quod postremam clausulam addita negatione ita legunt; sed ut non necessaria habeatur repetita chrismatio: sic antiqua editio Colonienfis; quam nescio cur P. Sirmondus sine causa sequi maluerit, contra P. Frontonem Ducæum, qui exploratis vetustissimis manuscriptis ultimæ illi parti negationem non addidit. Tota ergo inter nos de tribus literulis est disceptatio, in qua duo accusationis tue sunt capita: sine causa enim, & contra P. Frontonem adiectam negationem criminaris.

## RESPONSIO AURELII.

Pag. 632.

Pag. 633.

Pag. 634.

**C**RIMINANDI primò verbum in orationem meam adeo temperatam & rerum ac vocum acerbitate vacuam conijcere, & ex tam innocenti loco crimina elicere, hoc demum & in te & in me criminofum est; in te, quia facis; in me, quia patior. \* Non enim tum de ipsa mutatione tua iudicabam, sed de modo quo eam fecisses, sine causa, sine teste, imò sine vlla eius rei in notis tuis mentione. \* Vnde non tuam mihi editionem refellere propositum erat, sed eius incertitudinem ostendere, tum ex eo quod nullam eius causam attulisses; tum quod ab illa superiores omnes præter unam editiones, & ipse Fronto Ducæus discedere visi essent.

## RECENSIO.

**O**RATIONEM meam ita amputasti, ut eam ipse vix agnoscam. Imbellia frustula sparsisti, corpus ipsum, spiritum, vim abstulisti lectorum oculis, ut iis & mihi ipsi illuderet. Statim initio ista omisisti; Criminandi verbum in tam tenui, ut ipse fateris, negotio, tamdudum tibi nimium placer. Quibus verbis duo argui; primùm, quod criminandi verbo tam sæpè aduersum me usus sis; deinde quod in tam tenui negotio, cuius ipse tenuitatem



agnosces, cum totam inter nos de tribus literulis disceptationem esse dixisses. Hæc duo capita prætermittere non debuisti, ut ad ea nihil respondere cogereris. Omisisti & illa; Eum qui tam breuem & innoxiam admonitiunculam ferre non valuisset, nihil videri ferre posse. In mea illa oratione nihil fuisse humaniori paulò homini non ferendum, aut negligendum, aut captata demum aliqui occasione, non de industria refellendum. Me aliud non scripsisse, nisi te nulla prolata causa editionem antiquam Coloniensem sequi maluisse, quàm omnes alias, & præter has Frontonem sodalem tuum. Eam criminationem ita non criminationem, sed mollem & simplicem claræ rei expositionem esse, ut sola editionis tuæ, notarumque ei appositarum lectione comprobetur. Graui hæc erant, & querelarum tuarum iniquitatem, candorem verò meum probabant; nec merebantur refectionem tuam, responsionem verò merebantur. Præterea demonstraui me, in loco quem carpisti, non egisse de tollenda mutatione quam in Canonem Arausicanum induxisti, nec omnino de vera editione, aut sententia Canonis, sed de illius ambiguitate, ut Spongiæ temeritatem probarem, quæ loco unico tam incerto & fluxo rem maximam & inauditam adstruxisset. Docui etiam cur in sola vltima canonis clausula institerim, & negationem solam ei à te intextam notarim, quod tu mirari videbare, & ad tacitam cæterarum tuarum mutationum approbationem conuertebas? Ostendi denique meritò desideratas à me causas, cur negationem intexuisses canoni, & lectionem, quæ eam omitteret, expunxisses primus omnium post natam Typographiam, imò post superiores omnium collectiones, nec tantam nouitatem potuisse à te proferri sine argumentis, solo nutu tuo, & regia quadam potestate, cui eruditorum omnium iudicia submitteres. Hæc ferè fuere mea in te eo loco argumenta, Sirmonde, quæ à te breuiandi specie tolli è medio, taceri, dissimulari nulla fides pati potuit, cum criminationum tuarum vim euertant, & concertationis nostræ genium demonstrent, & pleraque eorum, quæ mox dicturus es, inania & futilia esse arguant, quibus effutiendis non lussisses operam, si nostra ista expendisses.

## REFUTATIO SIRMONDI.

*Aurelij dissimulatio. Sirmondus se Concilia ex manuscriptis emendasse testatus est: & quantum in his ad librorum emendationem sit præsidij.*

**Q**UID animi, vel consilij habueris, cum Arausicani canonis emendationem vel- III.  
licares, scire non laboro. Tecum ille norit, quem unum latere, aut fallere non potes.

## RELECTIO AVRELII.

Sirmondus graui temeritatis seipsum damnat. Abiectè cauillatur. Malè asserit præmonitum à se esse in præfatione se omnia ex manuscriptis emendasse. Vanè prædicat omnes codices manuscriptos habere negationem. Certiora esse præsidia ad librorum emendationem quàm manuscriptos codices, iisque vulgatorum lectiones rectè interdum præferri.

**M**ITTESCIS nimirum rationibus nostris constriktus, quarum veritati & candori nihil opponi posse vides. Verumtamen qua mente dicere potes, te non laborare quid animi, vel consilij habuerim in disputatione.

nis meæ verbis, quæ carpisti, cum ex iis criminationis & calumniæ reprehensionem mihi intentaris? Te ne tam leuiter in accusationes ruere, vt ea redarguas, quorum sensum & consilium non explores, & ignotum tibi esse fatearis? De consilio enim ac sensu in verbis meis totaque in oratione mea elucente agitur, non de occultis animi motibus soli Deo notis, vt simulare videris, quo veritatis vim effugias. Non enim responsio, quam hoc loco refellere aggredieris, criminationes mihi à te impactas depulit tacitarum animi mei cogitationum subsidio, sed ipsa vi, ipsa perspicua mente & sententia, quam tota oratio mea loquitur, vt perspicuè à me ostensum est. Clarè enim demonstraui ex serie ipsa descriptionis meæ, nullam mihi propositam fuisse reprehensionem adiectæ à te negationis Canonis Araulicano, nec de Canonis omnino editione, aut sententia laborasse; sed miratum esse duntaxat quod tu nouitatem intulisses Canonis cæteris collectoribus inauditam, nec causæ tamen quicquam subiecisses, cur id tibi faciendum statuisses. Hanc meam mentem, hoc meum consilium ex tota disputatione mea emicans laborare debuisti vt perspiceres; vel si de eo laborare nolueris, abstinere debuisti animum à querela & criminatione mea, ne id me reprehendisse argueres, quod verè non reprehendissem, & id accusares, quod nescires. Non nisi temerè ad hanc aduersum me contentionem aliter pro-uolare potuisti.

## S I R M O N D V S.

**D**E tua etiam in me acerbitate non queror, qua maiorem in alios si non ex-  
eruisse, pudore amicos, teipsum graui probro liberaffes.

## A V R E L I V S.

**V**I D E obsecro quid dicas, Sirmonde, nec tuas ipsius cogitationes dissolue. In diuersa te rapiunt, hinc veritatis, inde affectuum vis. Veritas mansuetudinem in te meam fateri cogit; affectuum imperus in me, velut in acerbum obtrectatorem, te adegerunt. De mea in te acerbitate tu non es questus, qui me tui criminatorem dixisti? Qui ea crimina commentus es tibi à me iniecta, quibus bona tibi fides, & tuæ Conciliorum editioni auctoritas omnis adimeretur? Qui toties de illatis tibi criminibus expostulas, acerbitem in te meam non quereris? Hæc tua incogitantia pudefaciet amicos tuos, mihi crede, & teipsum graui probro apud eos ipsos implicabit, non me apud meos vlla mea in quemquam acerbitas, quam nemo amicorum meorum adhuc arguit, nedum erubuit, vt fabularis, aut mihi probro vertit, quemadmodum supra ostensum est, cum tu hoc idem figmentum vanissimè attulisses. Illi soli & acerbitem mihi tribuunt, & illam erubescunt, & me illius ergo omni probro, si possent, obruerent, qui mearum in bacchationes suas iustissimarum verissimarumque increpationum æquitatem cum nullo veritatis & rationis subsidio effugere queant, eam factionis suæ fœda & imbelli machinatione eludere conantur, plus sibi probri isto pacto adiungentes, quàm à meis vllis obiurgationibus, quas ea, ratione confirmant, vnquam accepissent.

## S I R M O N D V S.

**H**Oc à te reprehensum liquet, quod sine causa, & contra P. Frontonem Canonem negationem intulerim. In quo quidem quod, sine causa interpretaris, sine veterum librorum testimonio, quos ad canonem illum non laudaris, quamquam ridicula & futilis est declinatio, eam tamen non respuo.

## A V R E L I V S.

**Q**UOD à me reprehensum liqueat non tuum est dicere, sed meas eade re responsiones refellere, si possis, quibus ostensum est nihil à me eius, quod tu putas, reprehensum esse. Quod autem ais me dixisse negationem à te canonem sine causa illatam, & sine causa, interpretari, sine veterum librorum testimonio, quos ad canonem illum non laudaris, istamque interpretationem ridiculam & futilem declinationem vocas; ego verò miror animi tui æstus, qui mihi ea tribuas, & ridicula ac futilia voces, quæ à me non sunt scriptæ, quæque, si me ex planis dictis meis, non ex motibus internis tuis, refelleres, tam ridiculè comminisci & insultare non posses. Ego enim sine causa à te insutam canonem negationem dixi, hoc est, sine argumento ac ratione vlla, imò sine vlla penitus eius rei in notis tuis mentione. Plena est hoc sensu oratio mea, quam ita denique conclusi; *Quis tibi concedat, ut quod universi tamdiu susceperunt, tuo arbitrio, sine causa, sine ratione, regia quadam potestate proscribas, & eruditorum omnium iudicia tuo submittas?* Hæc mea fuit interpretatio & reprehensio, Sirmonde, iusta, solida, aperta, quam tu ridicula illa & futili declinatione, quam mihi superbè tribuis, eua- dere voluisti. Non enim veterum duntaxat librorum auctoritatem desideravi, sed vel illam, vel rationem omnino tolerabilem aliquam, vel denique aliquam saltem mutationis tantæ in notis tuis, in quibus alia multò minutiora commemorasti, mentionem. Non enim tam fui absonus, ut manuscriptorum auctoritatem putarim solam idoneam causam emendandi canones, aut vitiatas scripturas, cum vel sine manuscriptorum ope Canonis Arausici editionem aduersus te manuscriptis, ut videri vis, succinctum tuerer. Longè enim firmiora esse novi testimonia, quibus germanas & spurias Scriptorum Ecclesiasticorum lectiones internoscamus, quàm manuscriptorum codicum fidem, qui tum demum valent, cum alia præsidia desunt, quibus illi longè præponantur. Grauior multo est in primis maiorum traditio, perpetua doctrina & auctoritas Ecclesiæ, quibus si codices manuscripti tantulum obstrepere videantur, longè aspernandi iudicantur à sanis hominibus, quantumlibet numerum vel consensum exhibeant. Atque hac nos ope germanam Canonis Arausici lectionem & sententiam, etiam sine manuscriptis vllis, aduersus quoscumque manuscriptos tuos propugnari posse non solum credimus, sed eruditis & grauib. vitisiam probatam esse, & deinceps magis probatum iri speramus. Hæc ergo omnium causarum & rationum aliquam à te postulabam, non manuscriptos tantum, quemadmodum finxisti, ut ineptam fraudibus videri faceres orationem nostram, quam ratione nulla refellere posses, &

aditum tibi ad manuscriptorum ostentationem patefaceres, in qua minus omnino præsidiij, quàm sperasti, habebis.

## S I R M O N D V S.

**Q**UID verò attinebat veterum librorum ad singulos canones fieri mentionem; cum in præfatione semel admonuisssem, omnia nos ex probatissimis exemplaribus emendasse?

## A V R E L I V S.

**E**T si, vt dixi, perperam deriuaris responsionem meam ad solos manuscriptos, tamen in hac ipsa techna, in qua fiduciam magnam fixisti, valde nugas. Primum, vt effugij tui leuitatem ostendam, ita regero illud in teipsum. Si satis erat te in præfatione tua semel admonuisse omnia te ex probatissimis exemplaribus emendasse, cur toties canonum lectiones à te mutatas commemoratis nominatim manuscriptis confirmasti? Cur vllas omnino notas addidisti editioni tuæ, quibus ferè aliud nihil agis, nisi vt doceas, quibus codicibus adiutus fueris in singulis locis emendandis? Quod si obscuriora & grauiora fulcienda, tuamque in iis edendis fidem demonstrandam putasti, cur additæ canonis Arausici negationis nullum similiter attulisti autorem, codicem, nec ea de re verbum fecisti, cum tot esse argumenta, & testimonia, quibus mutatio illa in dubium reuocari, & omnium editionum & eruditorum consensu refelli posset, nescire non debueris? Qui prolatis codicibus tot minutiora tuebare, rem tantam ne verbulo quidem attingere consentaneum tibi fuisse putas? Ego verò prorsus existimo, Sirmonde, cum negationem iniecisti canonis Arausici, te non attendisse quantam rem ageres, quàm difficilem, quantis ambagibus implicitam. Adduci non possum, vt credam, si tot, tum veteres, tum nouas, auctoritates consilio tuo refragari sensisses, te eas flocci facturum, aut nihil omnino causæ, cur ab aliis discederes, prolaturum fuisse. Hæc est, ni fallor, æquissima & humanissima ratio, quæ tuo facto prætexi possit, quam puto tuo sensu fautorumque tuorum opinione confirmari. Multo acerbior in te erit, si quis suspicetur te summorum virorum tot iudicia despexisse, vt profectò despexisti, si eos tibi aduersari sciens, nullam eorum rationem habuisti, quantumcumque in præfatione tua præmonueris, te omnia ex probatis exemplaribus emendasse. Quamquam ne hoc quidem à te præmonitum reperio, cum in præfatione tua non aliud legam, nisi te in iis, quæ edidisti, conquirendis eruendisque, vel librorum veterum collatione castigandis, plurimis ac diuersissimis exemplaribus usum esse; At verò omnia quæ emendaris aut nouaris, ex probatis illis exemplaribus à te emendata esse nec mones, nec monere potuisti, cum præter vetera exemplaria tuis quoque usum esse te coniecturis, plurima doceant, & fateris ipse non semel. Et quamnis verè monuisses omnia à te emendata ex veteribus exemplaribus, non tamen generalis istiusmodi præfatio satis esse potuit in obscurioribus & grauioribus locis, qualis editio Canonis Arausici. Quam cum nouam prorsus & antehac inauditam proferres, rationem eius rei aliquam

*In notis ad  
Cons. i. Arel.  
ad ii. Paris.  
ad ii. Lugd.  
c. 6.*



aliquam eruditis debuisti. Nam generalia istiusmodi dicta, præcipuè in præfationibus, sunt instar promissorum, quibus nisi sua, in rebus præsertim maioribus, testimonia & firmamenta sigillatim apponantur, minor est fides.

S I R M O N D V S.

**A**V T in isto vetera exemplaria testari apud te quid iuisset, qui ea postquam à me in Epistola prolata sunt, cauillari & fidem nostram imminuere conaris?

A V R E L I V S.

**H**O C saltem assequutus esses, ne Canonem Arausicanum sine argumento aliquo & causa immutasse, & eruditorum omnium iudicia tuo subiecisse videreris, quemadmodum nulla edita ea de re mentione facere visus es. Nulla mihi tum fuisset admirandi causa te illi Canoni negationem tanta animi securitate, quasi in re, de qua nemini dubium vnquam fuisset, vel esse posset, adiecisse; adeoque, id quod à me de te in Spongiam scriptum est, lucrificasses. Nam quod postea à te laceffitius altius rem expendi, & manuscriptorum tuorum fidem, tuamque in illis proferendis sinceritatem ventilaui, Epistola tua, vt suprà iam dixi, impulsus sum, quæ me in eiusmodi disputationem nec opinantem traxit, & de ipsa Canonis germanitate ac sententia, de qua in Spongiam scribens nihil laboraueram, differere coegit. Etsi ergo commemoratis codicibus, quibus autoribus Canonem immutasti, non continuò euicisses eam mutationem rectè inductam esse, cùm de illorum codicum fide adhuc quæri posset, sicut à me in responsione ad Epistolam tuam quæsitum est, effugisses tamen ne id sine causa, tuo solo nutu, spretis omnibus editionibus, pro nihilo habitis virorum tantorum tum nunc tum olim iudiciis, fecisse videreris.

S I R M O N D V S.

**S**ED vide, Aureli, ne tua potius hoc loco tibi fides pereat, quàm vt nostram infringas. Quid enim? Si quos habes Conciliorum Codices antiquos, qui à nostris dissideant, qui negationem non habeant, quorum auctoritatem possis auctoritati nostrorum opponere, cur non profers? Cur in tua Ecclesiæ causa præuicariis. Sed profectò non habes.

A V R E L I V S.

**S**I ego reuera dixissem solam veterum codicum auctoritatem idoneam esse rationem emendandi Canonem Arausicanum; rectamque eius editionem à vitiosa scernendi, quemadmodum falsò à te iamdudum fecisse arguor, præclarè colligeres fidem mihi perire in illa aduersum te asserenda sine eiusmodi codicibus, meque in mea & Ecclesiæ causa præuicari, si quos habens, nullos proferrem. Sed huius calumniæ inanitatem suprà ostendi, meque duces longè certiores ad canonum emendationem, quàm scriptos codices, agnoscere docui, maiorum doctrinam, Patrum

Hh

consensum, Ecclesiæ autoritatem & consuetudinem, ex qua Canonem Arausicanum contra codices tuos tueri rectius est, & Theologo pudentique homine dignius, quàm Codices aduersus illam, sicut à te factum esse infra declarabitur. Perperam ergo nobis ostentas manuscriptos tuos, & in iis spem victoriæ reponis.

Verumtamen quo tu ore rem falsam conscientia aduersante adstruis, teque in manuscriptorum regno solum Regem facis, quasi omnes tibi obnoxios & morigeros habeas, cum non sis nescius reperiri in Thuana Bibliotheca antiquos codices, tua ipsius manu locis multis notatos, qui negationem nullam habeant? Cur audacissimè insultas, ubi perspicuè reus teneris indignissimæ vanitatis & fallaciæ? Cur dum omni animi contentione laboras in asserenda fama tua, eam miserrimè prodis, & in perpetuum opprobrium iactas? Audies postea suo loco manuscriptorum illorum testimonia, quæ si à me dum priorem responsionem scriberem, nec memorata, nec conquisita fuerant, quod iis ad refellendam Epistolam tuam minùs indigerem, non continuò tantâ fiduciâ turpissimè ouare, & nos laceßere oportebat, præcipuè cum ego me manuscriptis non minus fretum esse demonstrarem, quàm tu te diceres. Meminisse debuisti oppositos esse à me tuis istis codicibus illos vnde omnes præter te collectores, vnde Binius, vnde Surius, vnde Crabbus etiam, vnde Merlinus, vnde Gratiani emendatores, vnde Gratianus, vnde multò antè Isidorus sua exscripsissent. Quorum collectorum etsi aliquos tu in partes tuas trahere coneris, alios malè accipias & compungas, nos tamen tum illos ab illiberali fauore tuo, tum hos ab immerita criminatione, quam, ipsorum suffragia desperans, iis impegisti, facile liberabimus. Non ergo licuit manuscriptos codices à te omnes esse gloriari, nisi collectores ante te vniuersos, qui Canonem sine negatione protulerunt, nullis manuscriptis vsos esse, aut Concilia temerè atque improbè contra codicum suorum fidem finxisse, te verò solum eorum probum, fidelem, incorruptum editorem nuper extitisse eadem operâ glorieris. Vides exitum vanissimæ tuæ insultationis.

#### S I R M O N D V S.

**E**GO verò suo post loco non quatuor tantum istos, quos in Epistola designavi, sed omnes omnino, atque ipsum in primis, cuius falso exultas patrocínio, Isidorum mecum facere, negationemque agnoscere cum bona tua venia demonstrabo.

#### A V R E L I V S.

**Q**UOMODO dicere potes te demonstraturum omnes omnino codices tecum facere, nisi omnes omnino te vidisse fateare? Quod cum te dicturum non arbitrer, quomodo recusare potes, ne ardentiori & impotenti tua tuendi impetu hæc effudisse iudicaris? Quomodo denique multò grauissimam notam effugies, cum eorum ipsorum, quos vidisti, nonnullos negatione carere audies? Qua ratione geminam temeritatem elucescano vertice, quatum quæ non vidisti affirmare audes, tum negare

quæ vidisti? Vides quas in angustias te conjiciat præcipitantis animi, & sua nimis amantis æmulatio? Nam de Isidoro quod iactas cum tibi assentiri, meque falso eius patrocinio exultare, ego verò Isidorum facile aduersum te vindicabo, vbi ea protuleris, quibus illum attentasti, meque nullo cuiusquam falso patrocinio exultasse, sed te & gloriationem hanc & alias, quas hoc loco spargis, tanta falsitate quanta vanitate iactasse demonstrabo.

S I R M O N D V S.

**Q**UOD si à me vetera stant exemplaria, quorsum vulgatas editiones, velut oppositam ex aduerso aciem intentas? An nescis istorum inter se quàm dispar sit conditio? vulgatosque libros ex manuscriptis natos, auctoritatem ab iisdem petere, non scriptos ex vulgatis?

A V R E L I V S.

**N**ON solum editiones vulgatas opposui manuscriptis tuis, ut malè simulas, sed manuscriptos codices vnde tum vulgatæ omnes editiones, tum multo ante illas vniuersi Canonum collectores Canonem Arausicanum sine negatione deprompsissent, quatuor manuscriptis quibus negationis adiectamentum in tua epistola tuebare, quemadmodum paulò antè dixi, longèque vberius in priori mea responsione. Itaque aciem haud impari opposui, manuscriptos codices vnde omnes editiones vulgatæ & priores omnes collectiones prodissent, aduersum quatuor codices quibus tu pugnabas. Vnde fit, ut si cui temeritatis nota in hoc certamine inurenda esset, tibi metuenda fuerit, exiguas copiolas aduersus plenissimam & veteranam aciem immittenti. Non ergo vulgatos libros ex manuscriptis natos, sed manuscriptos, vnde illi nati essent, tibi obieci, ut istam, quam vanè prædicabas, manuscriptorum consensionem euerterem.

Nec tamen vulgatorum codicum auctoritatem tam exiguam tecum puto, ut eam semper manuscriptis inferiorem, & ex illis metiendam assentiar. Quis enim paulò humanior veterum codicum ab indocto fortassis scriba, certè ignoto, scriptorum tantam & tam irrefragabilem auctoritatem putet, ut eorum fidei, quos doctissimi homines summâ curâ ediderint & recensuerint, semper præponantur? Quis tanto honore notarios ignobiles, tanto dedecore clarissimos & eruditissimos homines afficiat? Fatendum certè est, codicum ab his editorum lectiones manuscriptorum auctoritati rectè interdum præponi, si rerum ipsarum genio, & rationi magis consentaneæ, & melioribus argumentis fultæ videantur. Hoc Critici, hoc eruditi homines agnoscunt, & re ipsa passim probant. Doctissimi Gratiani emendatores planè profitentur se vulgatorum codicum lectiones non rarò prætulisse ipsis, ut loquuntur, originalibus; *Ex ipso, inquit, originali emendauimus, nisi sicubi vulgata lectio visa est melior. Nam tunc, illâ retentâ, notatum est quomodo originale ipsum habeat.* Et Criticorum decus, prudentissimus Lipsius in præfatiuncula ad veterem scriptorem castigandum; *Præterea, inquit, veteres editiones inspeximus, quas hic & in aliis scriptoribus nihilo deteriores inue-*

*In præfat. emendat. Gratiani.*

*In præfat. ad Valt. Max.*

Can. x. Conc.  
Aurel. v.

*nimus manuscriptis.* Nec mirum, cum veteres editiones ex manuscriptis propius sint expressæ, adeoque manuscriptorum quodammodo vicem obtineant. Tu ipse non vno loco idem agnoscis; tum alibi, tum in primis ad illum Canonem Concilij Aurelianensis v. in quo editionem vulgatam, quæ *Regis voluntatem* ad Episcopi ordinationem exigit, retinuisti, refragantibus quinque manuscriptis codicibus, à teipso & à Frontone citatis, qui eam omnes expungunt, ut priori mea responsione tibi obiectum est, licet tu egregiè dissimularis. Ruis ergo quacumque ex parte opponis aciem tuam nudam & imbellem, nec nostris solum telis, sed tuis quoque confractam.

## S I R M O N D V S.

**A**N nescis Criticos, quantumvis ingenio & solertia valeant, nisi coniecturis suis fauentes manuscriptos habeant, fidem vix obtinere: librorum autem consensum, tametsi obscura res sit, cordatum neminem aspernari, ad horum denique amissum exigi, quæ in editis deprauata fuerint, & corrigi oportere.

## A V R E L I V S.

**F**A TE OR, Sirmonde, si quis vsquam locus manifestè deprauatus, si obscurus, si dubius sit, ad eius restitutionem valere non parum manuscriptorum codicum auctoritatem, horum consensum in eiusmodi locis temerè aspernandum non esse, ad eorum denique amissum exigi oportere, quæ in vulgatis corrupta esse constet, si nulla certior & grauior ratio subsit, quæ emendentur. Nam dum manuscriptis locum suum concedendum fate-mur, alienum iis tribuendum non esse asserimus. Longè potiore haberi necesse est rerum, temporum, bonorum auctorum consensum, præsertim in explorandis Ecclesiasticis monumentis, in quibus ante omnia valere debet Ecclesiasticæ traditionis & disciplinæ auctoritas, ex qua codices scriptos emendare sapientioris Critici est, quàm eam ex illis peruertere, quod à te factum esse docebimus. Quare & sine manuscriptorum subsidiis emendantur sæpè ab eruditissimis hominibus Conciliorum & Canonum editiones; & illis aduersantibus elucens aliunde veritas admittitur. Nec à te sat prouidè scriptum est, *Criticos, quantumvis ingenio & solertia valeant, nisi coniecturis suis fauentes manuscriptos habeant, fidem vix obtinere*, cum paulò post Baronij & Bini coniecturam de Concilio Telensi ita extollas, ut dicas *ea certiorē nullam unquam fuisse emendationem*, quam tamen illi nullis eius Concilij manuscriptis adstruxerunt. Hæ sunt tuæ illæ, non ab aliis tantum, sed à teipso aberrationes, contentionis studio natæ, quæ ea blatèras, quæ deinde alibi tui immemor, irruente in oculos ipsa luce veritatis, immutare cogeris, teque ipsum dissoluere. Itaque licuit mihi quoque, etsi nullis Concilij Arausici manuscriptis codicibus fretus essem, certam Canonis Arausici editionem ac sententiam inuenire, eamque aduersus manuscriptos tuos codices tueri, si modò docerem editionem ac sententiam meam Ecclesiasticæ traditioni ac disciplinæ, Conciliorumque & Patrum sensibus necessariò adhærentem, tuos verò codices ab illis diiunctissimos te in errores ac hæreses fœdas coniecisse, ut paulò post planum fiet.



## S I R M O N D V S.

**E**RRAS omnino, si antiquis libris aduersus typorum errata parum licere arbitraris. Nisi forte Romanos errasse putas censores, qui in sacris voluminibus canonibusque plurima nullis antea editionibus cognita, prouide ac prudenter emendarunt: aut, ne à Concilio discedam, succensendum Binio iudicas, quod Baronij Cardinalis coniecturam sequutus, *Africa* Concilium, quod in omnibus antea vulgatis *Telense* dicebatur, *Teleptense* ausus est appellare, qua certior nulla unquam fuit emendatio.

## A V R E L I V S.

**S**ATIS iam ad ista dictum est. Euagaris. Non agitur, num manuscripti codices ullam auctoritatem habeant aduersus typorum errata, quod ego non nego; sed num typorum scripturæ, auctoritatem vicissim aliquam habeant aduersus errata manuscriptorum, quod tu planè negas. Num liceat interdum vulgatam editionem illis anteferre, & ex ea ipsos corrigere; sicut vulgata editio sæpè ex illis corrigitur. Num denique sit aliqua suprema ratio, quæ dissensiones manuscriptorum & vulgatorum dijudicet, & tum manuscriptos vulgatis, tum manuscriptis vulgatos præponere possit; an verò manuscriptos vulgatis semper anteferre debeat. Hic est controversiæ nostræ cardo, Sirmonde, quem à me firmatum aduersum te non validis tantum argumentis, & ipsa communi luce, sed tua quoque confessione vidisti, atque in primis Romanorum illorum censorum iudicio, ad quos temerè prouocas; cùm illi sicut editiones vulgatas multis locis prudenter emendarunt ex ipsis scriptorum fontibus, ita eas illis ipsis fontibus à se aliquando præpositas esse testati sint, ut antè audisti. Nec minus temerè profers Baronij & Binij emendationem, ut probes antiquis libris aduersus typorum errata non parum licere, quod hoc loco probare instituisti; cùm illam non antiquorum librorum ope, sed sola coniectura factam agnoscas, ut verè facta est. Coniecturarum ergo auctoritatem probat argumentum istud, Sirmonde, non antiquorum librorum; adeoque pro nobis non pro te facit. Denique asserendo manuscriptorum auctoritatem teipsum perimis, cùm ea nos quoque aduersum te pugnare possimus, quod tu incredibili audacia dissimulas. Enumera iam intra pauca verba quot habeas tuæ mentis labe.

## S I R M O N D V S.

**S**IC autem ista differui, quasi exploratum sit in Canonis nostri correctione nullam habere nos vulgatam editionem consensaneam: cùm ostensurus sim non solum unicam Crabbi, quam concedis (duas autem dicere debueras) aperte suffragari: sed suffragaturas omnes fuisse, nisi à Crabbi recta castigatione, qua postea secuta sunt, errore vel iniuria deflexissent.

## A V R E L I V S.

**E**T calumniaris, Sirmonde, & suauissimè nugaris. Calumniaris cùm fingis concessam tibi à me Crabbi editionem quasi tuæ consentaneam; cùm apertè dixerim eam tibi parum fauere. *Etsi enim, inquebam; eam in hoc sequutus sis, quod negationem, quam illa margini ascriptam habet, susceperis; at in hoc ab ea discessisti, quod editionem, quæ negationem non adiiciat, reprobare, canonique ipsi negationem intexere aggressus es; quod collectorum editorumque omnium nemo antea fecerat.* Ac deinceps pluribus expostulo nouitatem à te iniectam canonis Arausicano, aduersus editionum & collectionum omnium consensum. Quod à te more tuo suppressum, tum in responsione mea repræsentanda, tum in tua reponenda, turpe est homini religioso, modestiæ famam amanti, & fidem accuratoremque suam venditanti. Hæc tua fraus: qua eo indignius vteris, quia id, quod à me negatum & euersum est, resumis, tacita responsione mea, editionem scilicet Crabbi, tibi apertè suffragari. Vix dicere audeo id quod tu præ te fers, pertinacia te imbelli teneri ne fateare quod vides, imò vt contrarium simules, quamuis à clarissima luce, qua teneris, expedire te nequeas.

Pag. 643.

At mihi etiam fraudem vltro imponis, meque vnā Crabbi editionem commemorasse, cùm duas dicere debuerim, arguis. Quasi si quid in eo peccatum à me esset, aliud criminis admissem, quàm quod ex duabus Crabbi editionibus tibi, vt probatum est, repugnantibus, vnā tantum commemorans, te minus æquo vrsissem. Sed tamen qua fide simulare potuisti dissimulas à me duas Crabbi editiones, quas paulò post toties & tam disertè numeravi, alteram factam scribens anno M. D. XXXVIII. alteram anno M. D. LI. alteram duorum tomorum, alteram trium, & in vtraque negationem soli margini attextam dicens? Qui hoc tam apertè professus est, videtur tibi vnā Crabbi editionem per fraudem appellasse, an potius quod posterior editio canonis Arausicani ab eo prolata nihil à priori differat, & omnia penitus eadem exhibens non duplex dici possit, sed iterata vna editio? Eadem cauillatione me infra peres, dum argues me vnā tantum Merlini editionem meminisse. Dixi quàm variè calumniatus sis in vna obiectiuncula. Nunc videndum quàm suauiter sis nugatus, quod alterum institueram.

Pro magno telo mihi intentas, suffragaturas tibi omnes editiones fuisse, nisi à Crabbi recta castigatione, quæ postea sequuta sunt, errore vel incuria deflexissent; in eoque mihi ferociter minaris, & dum aciem istam instruis, sustinere me tantisper iubes. Nolo dicere te murem parturire, ridiculè hariolari irâ magis quàm viribus impulsam ferri, vt pluribus infra audies, vbi hoc idem commentum iterasti, ne te non verbosum in ieiunissimo opusculo fuisse quisquam putet. Nugaris te dico, Sirmonde, & suauissimè nugaris, qui omnes editiones, omnes huius æui eruditos acerbè multandos putes, quod à te dissentiant, & mihi veterum nescio quorum scribarum hallucinationes arguenti succenseas: Honorem haberi velis ignotis & fortè ignaris; eorum consensum de quorum fide & eruditione dubitare non potes,

contemnas. Hoccine bellum hominem decet? Omnes qui à suo sensu abhorreant, celeberrimos & probatissimos homines, censuræ supercilio, & magistrali scutica abigere? Omnes huius memoriæ editiones, omnes earum instructores & instauratores, Merlinum, Crabbum etiam, Surium, Binjum, Frontonem, &, vt alios omittam, Gratiani emendatores, Gratianum, Isidorum, (eum enim à tuis fucis tuebimur) omnes denique, qui à Sirmondi mente discesserint, erroris, vel incuriæ planè & sine circuitione damnare? Nempe ne fateri necesse sit vnum Sirmondum manuscriptorum aliquot errore captum esse. Nam Gratiani certè emendatores editionem illam Crabbianam, in qua negatio inest, expenderunt & notarunt: *De Consecr. dist. 4. c. 125.* & tamen significarunt negationem deinceps rectè à Surio omissam, nec Canonii addendam esse. Hos ergo, cùm incuriæ arguere non possis, errore lapsos dices? Et cùm tali eruditione & prudentia homines Crabbianam negationem paruifecerint, cæteros, si eam expendissent, omnes suffragaturos tibi fuisse auguraris? Cùm id non fecerint, erroris simul vniuersos incuriæque damnare audes? Ignosco equidem ac lubens, quod in me inclementius sis inuectus. Qui enim in tot ac tales viros modestiam & humanitatem abjeceris, nihil eius reliquum habere potuisti, quod in me conferres.

## S I R M O N D V S.

**S**VSTINE modò tantisper, dum tempus sit, & noli me adigere, vt more tuo susque deque habere & miscere omnia cogar, vel importunas, quibus lectorem enecas, earumdem rerum iterationes imitari.

## A V R E L I V S.

**T**V verò iterationum mearum, si quæ sunt, imitationem ita feliciter effugisti, vt maximam & grauissimam passim dictorum meorum partem nec retuleris, nec attrigeris omnino, ne simplici eorum commemoratione, lectore miserante, enecareris, quorum iteratione lectorem enecatam miserari te dicis. Fateor, non habuisti susque deque mea verba. Accuratè enim attendisti quid potissimum te pungeret, idque studiosissimè euellisti. Hoc nempe est aduersarij dicta susque deque non habere, sed sollicitè intueri, & tota mente obseruare. Eandem ob causam non miscuisti ea, sed diuellisti; & quæ tibi importuniora ratus es, secreuisti subtilissimè, ne te responsionem tuam ita miscere cogerent, vt nullum exitum reperires. Vides quanto humanius orationi tuæ assentiar quàm tu meæ, cuius importunas illas confusasque iterationes nescio ybi offenderis, cùm singulæ singulis Epistolæ tuæ particulis responsiones à me sint subiectæ, nec allatum quicquam nisi quod iis refellendis opus esset. Tantum in hac parte, quam modò oppugnabas, eorum quæ postmodum singulatim & latius dicturus eram, faciem vniuersam quandam, & quasi typum proposui. Qua de causa si mihi iterationes inutiles, quarum importunitas lectorem enecet, omniaque sursum deorsum vertat, affingas, declarabis te, cùm in responsione nostra vitia non suppetant quæ reprehend-

Hh iij

das, ea vitio vertere obtrectandi impotentia coactum esse, quæ ab æquâ hominibus laudari, & in præcipuis compositæ disputationis laudibus poni solent, ut nimirum initio constitutur ob oculos quædam sermonis sequentis effigies, cuius ope lectoris animus subleuetur, & totius orationis vim minori labore & confusione percipiat. Confusionem igitur in eo notasti, in quo confusione occursum est; importunitatem, in quo parata facilitas; lectoris tædium, in quo adjutus eius animus; & solam vim ac perspicuitatem, qua ieiunissimæ tuæ copiolæ ita omni ex parte attritæ sunt, ut eas collato pede rueri non sis ausus, tibi importunam & penitus intolerabilem ostendisti.

## EPISTOLA SIRMONDI.

**Q**UID si ego contrâ docuero, & negationem istam ex Synodi mente atque sensu necessario restitutam, & à P. Frontone minimè reiectam fuisse, vel omissam, satisne constabit, tum mihi cum illo nihil esse dissidij, tum causam, non mihi cur emendarem, sed tibi nullam fuisse cur reprehenderes?

## RESPONSIO AVRELII.

**N**ON committetur ut in paranda victoria quam concupisti, aduersarium tibi d. fuisse conquerere. Accipio legem quam ponis. Si duo ista probaueris, tu lauream solus habeto; me quoque currum propellente triumphabis. Sed quam edas pugnam prius videndum est.

## RECENSIO.

**R**ESBICARE quidem hoc loco nihil debueras è responsione mea breuissima, præcipuè cum ex epistolæ tuæ particula, cui mea responsio ferè par erat, nihil rescueris. Sed quia id sustulisti quod in superioribus mearum tuarumque responsionum partibus à te iam sublatum & dissimulatum, à me expostulatum & exprobratum est, non immorabor diutius nouis querimoniis aduersus labem non nouam, & ad tuam refutationem progrediar.

## REFUTATIO SIRMONDI.

*Aurelij de certa victoria spes eluditur.*

**IV. LAVREAM** sibi de te, Aureli, epistola nostra non ambinit. Vnum spectauit, Lac, ni fallor, peregit, ne telis tuis confossus & oppressus viderer. De me verò tu certum tibi, ut apparet, in hac dimicatione triumphum auguraris, & canis: sed vide ne ante victoriam.

## REIECTIO AVRELII.

Sirmondus certam victoriæ spem Aurelio ridiculè imposuit, impositam sibi ab Aurelio ridiculè elusit.



**F**ALSO titulo, & oratione vanissima responsionem meam longè abstraxisti à vera sententia, & à mea mente. Nulla est in verbis meis (legat & attendat æquus lector) licet mutilatis à te & confractis, nota, è qua me triumphum mihi augurari & canere dicere potueris, si magis fidei quàm stomacho inferuisses. Ego enim cum te totam hanc contentionem frustra suscepisse probassem, eo quod verbis disputationis meæ, quibus querelam intendisti, non quæsissem de vera & germana editione Canonis Arau-  
ficani, nec negationem à te adjectam planè reprehendissem; sed sine causa vilius adjectione intextam mirari me dixissem; ita vt edito hoc responso omittere possem, quicquid tu de ipso Canone, deque tua illius immutatione temerè & sine causa scripsisses, orationique meæ finem facere: tamen ne in contentione tua ista voluntaria, & in paranda victoria, quam certam & indubiam putasses, & cuius sola cupidine in hanc arenam videris adductus, aduersarium tibi doleres defuisse, oblatum certamen accipere me dixi, daturumque operam ne triumphum, quem cuperes, tam exploratum esse experirere, quàm arbitratus esses. Quis hinc me mihi triumphum præcinuisse dicet, nisi tu, Sirmonde, qui quia tuas spes incertiores quàm putares ostensurum me dixi, me mihi eas certò despondisse, & quia nimiam fiduciam tuam argui, eandem me concepisse argumentaris? Te verò certam victoriæ spem, quam dixi, animo præcepisse, eaque adductum esse in hoc certamen, professus ipse es in limine tuæ Epistolæ his ipsis verbis: *Quàm facilis futura sit mea defensio, meum est videre; quàm certa & quàm vera, ne tuum quidem iudicium effugiam.* Quid certius & exploratius ea victoria habere potuisti, quàm ad ipsius aduersarij iudicium deferre aususes? Talia si ego scripsissem, tum tu rectè inanes spes nostras, & ridiculam vanitatem illuderet. At ego respondi me istiusmodi fiduciam defensionis meæ feruori non permissurum, neque laureolas ante pugnam decerpere velle. Sperare, probatum iri meam causam eruditis lectoribus. Nec tamen hoc ipsum, velut in re omnium certissima & clarissima, quasi iure meo præiudicare; sed pro eorum humanitate magnoperè confidere. Hæc omnia, quæ suo loco reseculisti & expunxisti, tuam inanissimam imposturam iugulant, Sirmonde, & tuam, quicquid dicere coneris, vanam & fluxam fidem conuincunt. Nam quod ais, lauream te tibi de me non ambisse; sed unum spectasse, ne telis meis confossus & oppressus videreris, ridiculam meticulositatem tuam imbecillitatemque narras. Quibus, obsecro, telis confodere & opprimere te potui, qui, vt ego quidem sentio, nihil attigi eius quod tu putas; te verò ipso iudice, de tribus dumtaxat literulis disceptare volui? An tu adeo tenelluses, adeo molliculus, adeo imbecillus, vt tribus literulis confodi & opprimi potueris? Ridiculè hunc tridentem metuisti. Ridiculè tomis ab illo tuis paratam putasti perniciem; quasi ego coniectis in illos tres trium literularum telis (hæc enim sola mea tela fateris fuisse) singulas tomorum tuorum moles singulis literulis opprimere voluerim.

## EPISTOLA SIRMONDI.

**A**GE itaque, ut à posteriori capite ordiamur, P. Frontonem ais hoc loco re-  
tustissima exemplaria diligenter explorasse. Fecit hoc ille in aliis sanè, par-  
tim Græcis, partim Latinis scriptoribus feliciter. At hoc in loco, in Canonis nostri  
emendatione, quorsum exemplaria multa commemoras, cum ipsemet in notis suis  
Tom. I. Can-  
cil. pag. 500. apud Binium unico Tiliano se usum esse profiteatur?

## RESPONSIO AURELII.

**I**NFELICITER ordiris, nec video quibus oculis legeris illas apud Binium Fron-  
tonis tui notas. Nam & pluribus codicibus usus est Fronto, & eo loco duos certè  
commemorat: quorum unus litera T, alter litera F, notatur: quorum prior codicem  
Pag. 639. Tilianum, posterior codicem Nicolai Fabri significat. \* Vt dicere sine graui nota non  
Pag. 640. potueris eum, ad Canonum Arausicanorum emendationem, codice unico Tiliano usum  
esse. Ergo in limine offendisti, meque plura Frontonis exemplaria commemorasse,  
non satis consideratè arguisti. Plura, inquam. Nam multa, ut ais, non commemo-  
raui. Quo etiam nomine reprehensio tua bis iniqua est, mihiq; fausto ad cetera tua  
profliganda auspicio pralucet.

## RECENSIO.

**O**MISISTI tu quidem hoc etiam loco quædam, & orationis meæ  
neruorum, & speciei non parum detraxisti. Sed quia quod detra-  
ctum est, pertinet ad tuam priuatim Societatem, & ad tuum in Frontonem  
animum, non ad nostram propriè concertationem, idque verecundia  
magis quàm mala fraude videris omisisse, cum in hac parte, in qua certam  
lauream positam tibi putasti, nullam nostra reticendi & dissimulandi  
causam subesse opinatus sis, concedo pudori tuo; fiduciam solam infe-  
quor, quam primis statim responsionis tuæ verbis tota mente spiras in  
hunc modum.

## REFUTATIO SIRMONDI.

Verè dictum à Sirmondo Frontonem Ducum in huius Canonis emendatione unico usum  
esse Tiliano exemplari. Ridicula Aurelij hallucinatio.

**S**I ex huius primi congressus euentu de pugna totius exitu iudicium, ut præ te fers,  
Aureli, vis fieri, victus es, & cessare iam potes. Nam laqueo, cui mihi nobis pa-  
ras, te infeliciter induisti. Dixeram in Canonis nostri, hoc est, in primi Arausicani  
emendatione unico Tiliano usum esse Frontonem; idque Frontonem ipsum in notis  
suis profiteri. Tu duos à Frontone commemorari doces, Tilianum & Fabrianum,  
nec abnuo. Non eram nescius cum utroque codice Concilij huius Canonis consulisse  
Frontonem. Sed quoto demum in Canone Fabrianum commemorat? In decimo  
sexto. Quid hoc ad me, ut in ceteris canonibus Fabriano usum esse concedam, si  
constet in primo, de quo affirmabam, Fabriano Frontonem usi non potuisse? Quid  
ita? Quia mutilus iam olim & acephalus codex ab Arausicano quidem Concilio

exorditur, sed primis caret octo capitibus. Inspice sodes, Aureli, in Thuana Bibliotheca reperies: cumque errorem & inconsiderantiam tuam riseris, agnosce non me Frontonis notas leuibus oculis uidisse, sed te ad verba mea mentis oculos non adiecisse.

Num. 193.

RELECTIO AVRELII.

Falsò & temerè assertum à Sirmondo Frontonem Duczum in huius Canonis emendatione vnico vsum esse Tiliانو exemplari. Ridicula eius insultatio compressa.

**I**NSULTAS nimium, Sirmonde, imò exultas planè ac triumphas, communis martis immemor, qui sæpè victorem sui nimis securum, & iam spolia legentem, euertit ac perculit ab abiecto. Te ne inconsiderantiam meam ridere, ridiculam hallucinationem mihi inferre, mentis oculos mihi eripere, qui tam ridiculè hallucinaris, inconsiderantiam tuam prodis, mentis tuæ oculos vincendi amore, & ruentis famæ tuæ subleuandæ ardore præstinctose exhibes? Ergone temerè à me responsum est pluribus codicibus vsum esse Frontonem ad Canonis nostri emendationem, quod Nicolai Fabri codex mutilus iam olim & acephalus ab Arausicano demùm Concilio ordiatur, & primis careat octo canonibus? Ita in alium infestus ferris, vt hærentem tergo aciem non videas? Nam si acephalus & mutilus est ille codex Nicolai Fabri, quem in Thuana Bibliotheca quærere me iubes, non ergo is esse potest quo vsum est Fronto, vel mutilus & acephalus factus est, postquam ille eo est vsum. Codicem enim Fabrianum Frontonis integrum ac plenum fuisse testantur eius notæ, quæ illum vsque à primo Concilio Arelatensi, in quo tu Gallicanorum Conciliorum frontem paulò \* ante statuisti, planè ac disertè commemorant vnà cum Tiliانو, & deinceps vsque ad Arausicanum. Non ego in Thuana Bibliotheca explorare te hoc iubebo, qui tibi fortasse nimius esset labor, sed in ipsis Conciliorum tomis, in ipsis Frontonis apud Binium in primum Concilium Arelatense notis, in quibus turpem notam & inconsiderantiam tuam toto pectore ridere tibi vel aliis licebit. Vides vt laqueo, quem hîc nobis pararas (tua hæc verba sunt) te infelicitè indueris? Vides vt nimio vincendi æstu neq; quid statuas, neque quid loquere attendas, & seruili manuscriptorum tuorum studio obrundare? Nolo plura in ridiculam hallucinationem, ridicula confidentia insignem. Licet obijcere tibi præterea possim ex eadem Thuana Bibliotheca librum manuscriptum, quo Frontonem vsum esse, cumque penes se habuisse ad mortem vsque ex teipso constet, qui eum ad nobilissimam illam Bibliothecam nuper retulisti. In eo legitur disertè Canon hic Arausicanus tum negationis vitio, tum aliis inquinatissimus, vt hinc quoque inconsiderantiam tuam noscas, qui ad huius canonis emendationem Frontonem solo Tiliانو vri potuisse dixisti.

Pag. 11. 3

Vid. Front.  
notas in Cōc.  
Arelat. 1. &  
11. & in Cōc.  
Reg.

Tantum adjicio te alteram responsionis meæ partem veteratoriè declinasse, qua tibi arguenti me multa Frontonis exemplaria commemorasse, respondi te minus consideratè mea verba legisse. Me enim non multa, sed plura commemorasse Frontonis exemplaria. Ad hæc tu, non meas solùm, sed & tuas responsiones assuetus in ea compendia deducere vbi ab oculis

elabantur, silentium tuum opponis. Vnde fit vt si tibi, ex primo hoc congressu de tota pugna iudicium fieri optanti, cætera feliciter euenissent, tamen non magis ego victus iudicandus essem quàm tu, cùm ex duplici iniquitate, quàm in tua reprehensione redargui, alteram tantum diluere conatus sis, alteram sis fassus silentio, adeoque te quoque victum tuopte iudicio declararis. Si ego tua verba non satis considerasse tibi videbar, tu, qui mea nihilo melius à te considerata fatebare, nihil habuisti quod exprobrares. En victorias Sirmondi! en laureas consideratissimi triumphatoris!

## EPISTOLA SIRMONDI.

**N**os porro & cum Tiliano eodem, & cum Lugdunensi, cum Remensi, cum Fossatensi, aliisque optimæ notæ codicibus Canonem istum contulimus, neque vllum vsquam, qui negationem eandem non haberet, offendimus. Etiamne, dices, in Tiliano? etiam in Tiliano.

## RESPONSIO AVRELII.

Pag. 641.

**O**RATIONIS structuram, seu *ἀναξαρτυίαν* facile tibi remitto. Eiusmodi nauī Theologum minus dedecorant, tamen si tu politionum numerum affectaris, & nos horridulos molli fastidio interdum submoneas, vt infra patebit.

## RECENSIO.

**I**Ta breuiserat responsio mea, vt nihil ex ea amputare necesse fuerit, quantocumque compendiorum studio tenereris, nisi vbique orationem meam saltem elumbare statuisses. Quod autem, quæ de romis tuis hoc loco dixi, abscidisti, facile ignoscerem, nisi eadem operâ animi in te mei æquitatem, quam iisdem verbis profitebar, abstulisses è conspectu, cùm tamen ex ea de tota mea tecum disceptatione facilius iudicaretur. Ne illud quidem omissum oportuit, quod contestabar codices manuscriptos mihi nullos fuisse, ex quibus te illis instructum refellerem. Tibi soli eos ad manum esse; meque communibus tantum armis, non selectis, & minime vulgaribus, quæ tu iactabas, iniisse hanc pugnam; vt pateret me ad eam non cupidum, non meditatum, sed nec opinantem, & quodammodo imparatum descendisse. Hæc si tua nihil intererat proferre, ac magni mea intererat lectori nota esse.

## REFUTATIO SIRMONDI.

*ἀναξαρτυία falso imposita Sirmondo: retorta in Aurelium ἀναξαρτυία mentis & iudicij.*

VI.

**G**RAMMATICVM agis ex Theologo, & in oratione mea structura vitium & *ἀναξαρτυίαν* reprehendis. Quo iure non disputo. Etenim verba ista quæ culpas, cùm sententiam alteram instituant, quid opus est vt cum antecedentibus cohereant?



reant? aut quis uoculam, quæ ad negationem referatur, abesse, supplerique ad hunc modum oportere non sentiat, etiamne illa, dices, in Tiliario?

## REFLECTIO AVRELII.

Aurelius *αἰχαλοῦν* gratiam iterum Sirmondo facit, eò libentius quod illius defensionem admiratur. *Αρετῆς* mentis & iudicij sibi ab eo absurdissimè illatam non amplius indulget, ne sua humanitate rursus abutatur.

**G**RAMMATICVM agis eò callidius quàm me egisse dicis, quod ego reconditam istam artem, & delicias Grammaticales, quibus orationem tuam tueris, mihi ignotas esse fateor, nec tanto otio abundare ut eas discam. Ego crassa minerua verba tua accepi, quemadmodum ab omnibus qui minus cati sint Grammatici quàm tu es, acceptum iri puto, ex communi nempe usu, non ex intimo isto artificio. Sed quia tu plura in eo genere vides nobis inaudita, de tua responsione referendum ad Grammaticos censeo, præcipuè cum eos infra tanti facias, ut in explorandis etiam *Pag. 48.* Theologiæ monumentis eos Theologis interdum præponas. Quare non mihi propositum fuit Grammaticum in te agere, tanto in ea re usu & studio hominem. Sed cum tu Grammaticale supercilium in me erexisses, ostendere volui te in hoc, in quo insultares, prius tibi cauere debuisse.

## SIRMONDV S.

**S**ED tamen, quia *αἰχαλοῦν* esse iubet, atque hanc mihi pro indulgentia tua remittis, ego vicissim, ne ingratus videar, barbarismum indulgeo tibi, quo alibi *Pag. 690.* usus es, cum tercentos annos dixisti pro trecentis.

## AVRELIV S.

**M**ALIGNA est tua indulgentia. Ut benigna & prolixa esset, indulgere debuisti non tantum istud *tercentos pro trecentis* positum, sed plura similia, alior, pro alios; *Epistopis*, pro *Episcopis*, quæ non minus barbara *Pag. 655. Pag. 675.* sunt & absurda, mihi que eodem iure quo illud *tercentos* ascribi possunt. Quod si in istis indulgentia me tua fateris non egere, quæ operarum inscitia, non meo consilio, irrepperint; cur illâ egere me fingis in *tercentos*, quod ab eodem typographi vitio, facili vnus literulæ inuersione, natum esse videre debuisti? Quid in ista vocula simile fuit cum *αἰχαλοῦν* quam ego in verbis verè tuis, verè à te agnitis, reprehendi? Non igitur retulisti parem gratiam. Non auertisti ingratitude vitium. Longè aliud beneficium accepisti, quàm reddis. Nisi fortè, quia gratiam satis retulit, qui referre voluit, tu ingratus dici non debeas, quia quod præstare non potuisti, facere voluisti.

## SIRMONDV S.

**Q**UI etiam, ut par pari referam, si hoc mauis, non imparem tibi, sed aliorius generis *αἰχαλοῦν* compensabo. Reuoca in mentem, Aureli, quod ante *Pag. 635.*

Pag. 656.

pagellas aliquot scripsisti, cum de Frontonis manuscriptis agens, typographi errorem, qui in vindiciis tuis vetustissimis posuerat pro vetustis, emendari religiosus homo iuberet, quia tibi de illorum antiquitate, ut aiebas, pronuntiare non liquebat: & compara cum altero responsionis tuae loco, ubi manuscriptos eosdem codices Frontonis optimæ notæ fuisse pro certo affirmasti. Quomodo enim ista coherent, aut consentanea sunt, ut qui de librorum, quos non videras, vetustate affirmare nihil potueris, de eorum præstantia & bonitate ausus sis pronuntiare? *Ανακολουθίας* negabis esse? Omnino *ἀνακολουθίας*, Aureli, & grandem *ἀναρμυσίας* hic fateri necesse est, non structura orationis, sed mentis atque iudicii.

## A V R E L I V S.

**V**T omittam exilem & rancidam vitiligationem à te afferri, sola ignobili æmulatione, & Grammatici erroris impatientiâ expressam, & à mea reprehensione toto genere, ut ipse fateris, dissimilem, adeoque illius ipsius *ἀνακολουθίας* & *ἀναρμυσίας* mentis & iudicii, quam vanissimè nobis impropetas, iam conuictam; venio tamen quò laceassis, & mentis ac iudicii tui istius aciem maleuolentia ipsa debilem subeo volens. Quid tibi vis, obsecro, cum cohærere negas ut codices, de quorum antiquitate mihi non constare dixi, utpote à me non visos, optimæ notæ esse affirmarim? Quanto facilius de eorum bonitate iudicare licuit, quàm de antiquitate? Bonitatis fidem facere potuerunt optimæ pleræque lectiones ex iis à Frontone depromptæ; antiquitas autem quomodo, nisi iis propiùs visis & excussis, nisi inspecto caractere, cæterisque eiusmodi notis, explorata potuit esse? Ecquid attendis *ἀναρμυσίαν* tuam, mentis & iudicii leuitatem, miserum, quo te torristi, discrepantiarum mearum aucupium, ut cum ad purgandum orationis tuæ dissidium mihi mentis & iudicii discordiam objicere gestires, te oratione simul ac mente absonum faceres? Prætereo quod Frontonis codices *optima notæ* fuisse non pro certo affirmavi, ut tu falsò affirmas: sed aduersus te differens argumento ad hominem, quæsiui cur *rudem* & *nullius iudicii criticum* cum diceret, qui quatuor manuscriptos à te prolatos sequi noller, cum tu quinque optimæ notæ in Canone X. Concilij V. Aurelianensis neglexisses? Optimæ enim notæ eos vocavi, quo validius in te esset argumentum, quòd tu passim eos venditasses & laudasses in notis tuis, præcipuè cum in eorum numero essent illi ipsi Tilianus & Fossaten-sis, quos *optima notæ* in Epistola dixeras. Hæc expende, amabo te, maturius, seposito affectu & libidine vindictæ, ac memento insciti esse hominis mentem & iudicium suum euertere, ut alienum inuadat.

## EPISTOLA SIRMONDI.

**C**VR igitur à P. Frontone est prætermis-sa? Id nimirum rogas, quod tute alios docere potuisti. Recognosce quod proximis verbis scripseras, exstare negationem in antiqua editione Coloniensi, & statue P. Frontonem cum editione illa manuscriptum codicem, ut lectiones varias colligeret, comparasse. Quid astinebat cum nega-

sionis uoculam inter varias lectiones referre, cum in ea scriptus codex ab excuso non discreparet? aut qui nunc potes ab illo non adiectam cauillari? Nam adici profecto *Canon* non potuit quod à *Canone* non aberat, quod *Canon* ipse tua sententia non continebat.

## RESPONSIO AURELI.

**S**TATVERE me iubes *P. Frontonem* cum editione *Coloniensi* illa antiqua, in *Pag. 642.* qua ego negationem haberi dixi, manuscriptum codicem, nempe illum unicum quem ei concessisti comparasse. \* At *Frontonem* non cum antiqua illa, quam ais, sed *Pag. 644.* cum *Suriana*, qua negationem non agnoscit, codices suos commisisse, eiusque sibi uerba sananda passim proposuisse liquet. \* Huius rei, nisi molestum est, exempla aliquot *Pag. 645.* perspicua colligamus.

## RECENSIO.

**E**T vim & seriem orationis meæ totam interuertisti. Non enim simpliciter à me dictum est *P. Frontonem* codices suos manuscriptos comparasse cum *Suriana* editione, sed id quod tu dixeras cum illos contulisse cum antiqua illa, in qua ego negationem haberi scripseram, ostensum cauillationem esse alienam à ratione, à consuetudine eruditorum, à prudentia *Frontonis*, à tempore ipso denique, quo ille suas ad Concilia notas edidisset. Additum, cum non solum *Surianam* editionem, quæ negatione careret, sibi præfixisse; sed singulas antiquæ editionis scripturas, quas *Surium* malè immutasse putaret, restituisse; ideoque cum *Surius* negationem margini editionis antiquæ adscriptam, è sua editione penitus erasisset, eam repositurum fuisse *Frontonem*, si vel codices eius habuissent, vel ipse germanam & necessariam putasset. Atque hæc omnia argumentis & rationibus firmissimis munieram, quæ tu in aspectum proferre erubuiti; & pro iis breues lacinias exhibuisti neruis ac spiritu exhaustas, quo iis opposita absurdissima cauillatio, quam mox allaturus eras, minus fœda & indigna appareret. Hæc enim ad tantam lucem obtendis.

## REFUTATIO SIRMONDI.

Qui factum sit ut negationis, qua in codice *Tiliano* legitur, nulla in *Frontonis* notâ exstet mentio.

**L**ONGAM & laboriosam, sed inutilem operam consumpsisti, ut doceres *Frontonem* *Ducæum* cum manuscriptis non *Crabbianam* editionem contulisse, sed *Surianam*. Quid hoc ad me, si de *Crabbiana* non affirmavi? Ego ut ostenderem qua ratione fieri potuisset, ut negationem *Fronto*, tamen si in manuscripto codice obseruatam, inter varias lectiones non referret, statuere te, hoc est fingere iussi *Frontonem* *Crabbi* editione, in qua negatio eadem exstat, usum fuisse: quo posito, concludebam nihil opus fuisse inter varias lectiones eam uocem adnotari, in qua scriptus codex ab excuso non differret. Qui poni aut fingi poscit aliquid, *Aureli*, nihil affirmat. Tu quasi assenuerassem, & quasi hæc una defensionis nostræ arx esset, omnibus machinis expugnandam suscepisti.

VII.

## RELECTIO AVRELI.

Sirmondus turpissimis effugiis responsionem suam seque ipsum inuoluit, ne Frontonem Ducum codices suos cum editione Crabbiana contulisse, quod amplius dicere non audet, malè antea dixisse fateatur.

**N**on pudet ingenuum hominem, Christianum, religiosum tam putidè tergiuerlari, tam frigidam fallaciam, tam apertum figmentum obtrudere, & quiduis potius comminisci malle quàm errorem fatèri? Inutilem ego operam consumpsi in docendo Frontonem vsum esse Suriana editione? Tu ad illam antiquam Coloniensem, in qua negatio legitur, cum codices suos còtulisse non affirmasti, sed finxisti tantum? Vbi fides? vbi pudor? Quid ergo sibi volunt hæc tua verba: *Mihi cum Frontone hac in parte, ut aiebam, nulla est dissensio, imò certa conspiratio. Ille negationem in antiqua editione cùm reperisset, non abstulit: ego ab aliis deinceps detractam postliminiò restitui?* Hæ sunt fingentis & simulantis voces, an asserentis & confirmantis? Et audes in eruditorum conspectum cum tam propudiosa defensione prodire? Quid facias isti hominum generi, quos nulla veritas, nulla lux, nulla religio constringit, quominus in omnes strophas se conuertant, ne de re, de fama, de gloria, videantur quicquam amisisse? Nempe hæc ab eadem arte, hoc ab eodem pudore prodiit illa nuper apud Illustrissimos quosdam Antistites professio, qua, horrente orbe, contestari ausi sunt eos libros è sua Societate non exiisse, quos ab ea ortos nouit & contestatur orbis. Hisce ludibriis tutum te fore malè sperasti, Sirmonde. Apertè manus dare satius fuit, quàm hæc effutire. Absurdè putasti vel me adeo rudem, ut talia refellere non possem; vel lectorem adeo heberem, ut ea, etiam me silente, non videret. Quid enim dictu absurdius, quàm me objiciente Frontonem negationem nullam desiderasse in Canone Arausicano, à te responsum esse ut fingerem eum vsum esse editione antiqua, quæ negationem haberet? Figmenta ergo mihi vana & falsa respondebas? Et illis solis arbitrabare obiectioni meæ factum esse satis? Meque alios docere illa debuisse, & quod ea videre nollem cauillatorem esse dicebas? Apage hos fucos inuercundix, & intolerabilis peruicaciæ.

## SIRMONDVS.

**P**OSSEM hic etiam in isto tuo conatu non unam hallucinationem tuam redarguere: sed stultum sit inanem ac friuolam contentionem, origo & minimè necessaria confutatione, refellere.

## AVRELIVS.

**P**OST pudendum commentum, quo uti coactus es ne nihil respondisse videreris, conaris ex infelici loco emergere per easdem præstigias, quibus te in illum demisisti. Multa in eo nostra esse fingis, quæ reprehendi à te possint; sed stultum esse inani & friuola contentione luctari: ut cùm nihil cupidius aueas quàm celeriter ex laqueo inextricabili euolare, ex eo discessisse videre non in tuum, sed in aduersarij commodum, postulante



ipsa causa, sine cuius detrimento in futuri altercatione diutius hæere nequiveris. Hæ sunt tuæ artes, Sirmonde, quas frustra & sine arte consumere te doleo ubi nihil prosint. Iampridem ista sumus experti: tam ea videmus quàm odimus: tam nobis quàm te sunt indigna. Quia nec nos quicquam egimus tecum, nisi candore summo, & integra fide; nec tu, dum aliter agis, imbecillitatem tuam velas, aut tueris honorem; sed præter imbecillitatem maiores labe prode, & proborum hominum odia conciliare tibi de industria videris velle.

## S I R M O N D V S.

**S**TATVE nunc, per me licet, quando de Crabbiana non placuit, Frontoni ob oculos positam fuisse Surianam, quid efficies? Frontonem, inquis, negationem istam in manuscripto non reperisse, vel ut spuriam reiecisse. Neutrum extorquebis. Nam in Tiliano, quem unicum Fronto, ut ostendi, præ manibus habuit in hoc Canone manuscriptum, exstare constat negationem. Si testi oculato mihi non credis, codex ipse fidem faciet, qui in Ioannis Tiliornatissimi viri bibliotheca servatur. Vidisse autem Frontonem & alienam censuisse, tibi tuique similibus hariolari liceat: sibi illi, qui limatum & certum hominis iudicium norant, minimè persuadebunt.

## A V R E L I V S.

**N**ON pudet tot effugiorum, tot fraudium religiosum hominem? Cum ita te constrictum videas disputatione illa mea, quam inutilem videlicet, & minimè necessariam dixisti, ut nihil in eam vel causari possis, simulas te id mihi gratuito concedere, quod à te vel inuito extortum est, quod, si pervicacissimus esse velis, negare tamen nullo modo ultra potes, Frontonem Ducæum codices suos comparasse cum Suriana editione, non cum Crabbiana illa antiqua, qua eum vsum esse tam fidenter in Epistola asseuerasti. Hæc nimirum est tua benignitas, hæc modestia, cuius laudem te amare dicis. Das quod auferre non vales; agnoscis quod nullo ingenio obscurare potes, & tamen dissimulationibus & figmentis obscurare conaris. Quas glorias hinc iterum caneres, si qua arte disputationis nostræ evidentiam posses infringere, cum suprà me clarissimè arguente hallucinationem, qua negaras Frontonem plus vno codice habuisse ad Canonis Arausici emendationem, & demonstrante pluribus esse vsum, tamen quæ prima tibi oblata est tergiuersandi species, eam arripueris improvidissimè, sine iudicio, sine delectu, & tela minimè sentiens, quibus te ipsum iugulabas, ridiculum triumphum egeris? Cæterum argumentum meum, quo concludebam, cum Fronto Ducæus negationem in codice Suriano nullam videns, nullam tamen ex manuscripto vlllo codice ediderit, necessarium esse dictu, vel codices eius nullam habuisse, vel ipsum eam spuriam & superfluam censuisse, quomodo labefactas? Quia nempe Tilianum codicem negationem habere constat. Esto: Quis ergo doces eam spuriam non esse iudicatam à Frontone? Nimirum, quia hoc sibi qui limatum & certum hominis iudiciū norant, minimè persuadebunt. Adcò ne ineptire & nugari maturum æui hominem, ut non videat se, quod omnium ab-

surdissimum Dialectici putant, principium petere, & id obtrudere pro responso, de quo tota inter nos quaestio est? Quærimus enim vtra vera sit & recto iudicio consentanea, Canonis Arausici editio ac sententia, ea quam tu tueris, an nostra? Tu mihi respondes, Frontonem tuam non improbasse; quia cum limatum iudicium haberet, adeo aberrare non potuerit, nimirum à recta tua editione; & non principium petis? Tacere, Sirmonde, præstat, si posses, quàm hæc scriptitare in eruditorum oculis, in orbis luce, qua tam pudendum opusculum tu ipse indignum iudicasse, & compressisse, non sine causa dictus es.

## S I R M O N D V S.

**C**VR igitur ab eius notis abest negatio? Equidem vel omissam in pariculo inter scribendum dixerim; vel, quod etiam accuratis vigilantibusque interdum accidit, ipsius oculos fugisse.

## A V R E L I V S.

**R**IDICULE, ridiculè vaticinaris. Ridiculè foedissimam notam impingis socio, quem eodem tempore accuratum & vigilantem videri vis, nec minorem tibi ipsi. Omissam inter scribendum negationem quæ probes, nisi vnà asseras Frontonem ita misisse Coloniam notas suas ad Bini editionem, ut eas nec relegerit, nec expenderit, nec castigarit? Eam verò quæ tandem vel omittere in pariculo, vel præterire insciens in ipso codice potuit homo limati & certi, ut ais, iudicii, si negatio illa tam perspicua & necessaria erat, quemadmodum affirmas, ut ea dempta Arausici Patres pugnancia loquerentur? Apertam scilicet Canonis discrepantiam, fugientibus tum corporis tum mentis oculis, non vidit certi & limati iudicii censor. Quomodo verò ea vocula, magni, ubicumque est, ponderis, cum orationis sensum inuertat, fugere potuit accuratissimi hominis oculos, cum constet in manuscriptis codicibus voluendis, quò obscuriores sunt literulae, eò accuratius obseruari, & singularem quodammodo expendi solere, præcipuè cum leguntur ea mente, ut ex iis vulgatae grauissimorum scriptorum editiones emendentur? Cur porro tu egregiam rationem istam nunc primùm vidisti, postquam à me tibi ademptum est, ne causari ultra possis Frontonem codices suos cum ea editione contulisse, in qua negatio extaret? Adeone te acutum responsiones meae fecerunt, quas paulò ante inutiles & superuacuas dicebas? Quomodo denique certam tibi & conspirantem consensionem esse iam dices cum Frontone, sicut in Epistola scripsisti, si ille negationem, in qua cum tibi consensisse vis, nequidem viderit oculis, sed inscius præterierit? Quomodo cum homine tam præcipiti & incurio certam tibi conspirationem esse asseres, nisi fortè in eadem illa incuria, & præcipiti oculorum ac mentis motu, ut quemadmodum ille temerè omiserit negationem, ita tu temerè adieceris?

## EPISTOLA SIRMONDI.

**S**IC enim ego tecum ista differui, quasi verum sit quod narras intextam in editione Coloniensi negationem haberi, cum in ora potius adscriptam dicere debueris. Quod quidem ipsum ad P. Frontonis causam satis est, ad tuam videris an sufficiat. Caterum mihi cum in illo hac in parte, ut aiebam, nulla est dissensio, imò certa conspiratio. Ille negationem in antiqua editione cum reperisset, non abstulit: ego ab aliis deinceps detractam postliminio restitui.

## RESPONSIO AVRELI.

**S**IC mecum agis, quasi editiones ante Frontonem emissa negationem *Canoni* Pag. 648. adiecerint, tu verò ab aliis deinceps ablatam restitueris: quasi post collectas demum Frontonis *Notas* ea negatio auferri sit cœpta. Deinde non intextam in *editione Coloniensi* dixi negationem, sed in ea legi ultimam clausulam addita negatione; quod in ea negatio, etsi in ipso corpore non sit inserta, nec in eo prorsus legatur, legitur tamen ad marginem, ubi varia lectiones referuntur. Aut repre- Pag. 650. hendes unâ mecum Romanos Gratiani castigatores, qui ad hunc ipsum Canonem *De Consecr.* *Arausicanum* eodem modo notarunt legi in illa antiqua editione Coloniensi, non dist. 4. c. 125. necessaria habeatur chrismatio repetita. \* Non parum est argumenti negatio- Pag. 651. nem istam vel in codicibus Frontonis non fuisse, vel spuriam ei visam esse, probatamque illius apud Surium omissionem. Nam si adiiciendam censuisset, quo pacto passus esset eam non solum abiici à Surio, sed etiam à longè nobilissima Gratiani expurgatione summi Pontificis iussu à viris eruditissimis Romæ constituta exulare?

## RECENSIO.

**P**RÆTER minores alias omissiones quibus orationem meam frangis & eneruas, ut cœpisti, grauissimum illud distimulas, quod à me pluribus probatum est, etiamsi Fronto Ducæus codices suos contulisset ad antiquam illam editionem Coloniensem, quæ negationem margini adscriptam habebat, tamen negationem illam in eius *Notis*, pro ipsius consuetudine, omitti non potuisse, si eam vel codices eius haberent, vel ipse addendam putasset. Solere enim Frontonem marginum lectiones, quas tanti putet, codicum suorum autoritate confirmare; idque, cum aliis passim exemplis patere, tum pluribus in hoc ipso Concilio Arausicano, quæ ibidem exposui. Hoc telum, quo necessariò conficiebare, siue Fronto Suriana editione, siue antiqua illa usus esset, non satis habuisti declinare; obruere etiam voluisti, non argumentis, sed silentio; non fide, sed fraude; & illius, si fieri posset, memoriam extinguere, cuius vim retundere non posses.

## REFUTATIO SIRMONDI.

*Negationem Canonis apud Gratianum ab Emendatoribus addendam non fuisse, quia Gratianus sine hac ediderat: in Canonis editione restitutam fuisse à Sirmondo, quia Canonis debebatur.*

VIII. **V**TRUM tu negationem in antiqua editione Coloniensi margini tantum adscriptam sciueris, ut nunc videri vis, an in ipso Canone intextam credideris, quod Vindiciarum tuarum verba declarant; tibi que, qui editionem hanc ad illum diem fortasse non videras, Romana ad Gratianum adnotatio imposuerit, qua marginem à textu non distinguit, scient ij nimirum, Aureli, quos tu scire iusseris. Hoc ego scio, tibi errare proclivius esse ac decipi, quàm errorem fraudemque confiteri.

## RELECTIO AURELII.

Sirmondus in tuenda reprehensione Aurelio à se illata, & in ea refellenda, quam ei Aurelius intulit, indignissimè tergiversatur. Gratiani autem emendatorum auctoritatem sibi obiectam incredibili audacia eludit.

**L**VGERE continuos errores & hallucinationes tuas, & mirabilem in iis obuoluendis & tergiversandis miseriam & audaciam, ne eos fateri cogate, tuum est, Sirmonde; non mihi, cuius fidem & candorem eò studiosius verbis laceassis quò minus re potes, ridicula crimina comminisci. Vel hoc loco, quàm fœda, quàm indigna affers! Cùm clarissimè probatum videas me temerè à te reprehensum esse, quasi negationem in ipso Canone Arausicano veteris editionis Coloniensis *intextam* dixissem, ne tamen temeritatem tuam fateare, eò fugis ut dicas, me editionem illam fortasse non vidisse; & cùm certam reprehensionem mihi inflixeris, eam suspicionibus & dubitationibus inanibus tueri te non pudet, præcipuè postquam ego illam clarissima responsione decussi. Temeritatem fateris etiam tum cùm temeritatis suspicionem vitas. Quis enim sine temeritate culpam inferat, quam non nouit? Relege tua verba, & videbis sine dubitatione à te asseueratum, quod nunc asseuerare non audes, quia non potes. Tunc enim pro certo asseuerabas, quia id in oratione mea pro certo haberi, præcipiti lectione & obtrectandi libidine inductus, arbitrabare, nec de probatione ambigebas. Noli ergo dicere scituros huius rei veritatem, quos ego scire iussero; cùm tu, quod me inconsulto asseuerare ausus es, id me quoque inconsulto te scire sis professus. Noli hariolari me negationem in ipso Canone *intextam* credidisse, cùm tu non quid ego crediderim, sed quid dixerim, scripseris, meque negationem Canonis *intextam* credidisse, cùm ex verbis meis dicere nequeas, sola obtrectandi temeritate confingas. Noli denique causari Romanam ad Gratianum annotationem mihi imposuisse, quæ marginem à textu non distinguat; cùm neque ego marginem à textu distinxerim, ut reprehensor aliquis te cautior aduertisset, & Romana ad Gratianum annotatio textum à margine sat distinguat, cùm tres referat antiquæ illius editionis lectiones, *Non necessaria habeatur rechrismatio, & non necessaria habeatur chrismatio repetita, & necessaria habeatur chrismatio repetita.* Quæ omnes cùm in ipso textu haberi non potuerint, satis declara-



tum est comprehendi annotatione illa marginum notas & varias lectiones, adeoque nemini non stultissimo imponi potuit. Quod etiam aperte ipsi profitentur, monentes se *varietatem insignem* Colonienfis illius editionis proferre. Vides ergo magnam temeritatis tuæ segetem vno in loco coaceruatam. Temerè arguisti me dixisse *intextam* Canoni negationem in antiqua illa editione. Temerè respondisti me illi *intextam* saltem credidisse. Temerè iactasti non visam à me illam editionem, quæ cum Suriana & Biniiana iampridem penes me erat. Temerè simulasti impositum mihi esse Romana ad Gratianum annotatione, quæ perspicuè nec imposuit, nec imponere potuit. Quot temeritatibus vnâ eluisti? Quàm iustas Deo vindici dedisti pœnas, ut cùm peccatum vnum manifestò deprehensum superbè abnuisses, ter tanta in eo purgando susciperes? Sed heus tu qui de nostris sensibus vanè vaticinaris, ut reprehensionem eam fulcias coniecturis, quam veris argumentis à me euersam tueri non potes; si nobis quoque nostram hariolandi vicem relinquas, magnoperè opinamur te prorsus existimasse, à nobis planè & dilucidè fuisse scriptum, *intextam* Canoni negationem in editione Colonienfi, nec dubitasse, quin id ita legisses apud nos, & hoc prorsus animo nos vellicasse. Quæ opinatio cùm non tua solum, nisi fallor, conscientia, sed etiam tuis verbis approbetur; si eam tecum perpendere potuisses, præ nimia qua ferebaris calumniandi libidine, vanissimæ simulationi pepercisses, qua prædicas te *scire nobis errare proclinius esse ac decipi, quàm errorem fraudemque confiteri*: cùm & error tuus eo turpior sit nostro, si quis esset, quod nos in commemoranda editione à nobis, ut ais, nunquam visa decepti essemus; tu verò in referenda oratione nostra, quam ob oculos habebas, affectus magnitudine sis cæcatus; & pertinacia tua eo grauior sit ista quam nobis inuris, quod nos erroris confessionem, cuius coarguere nos neque tu neque quisquam possit, fugere tibi videamur, quod vulgò fas esse putant, tu verò cum errorem fateri detrectes, qui tuis verbis manifestè reuincitur, ne ab ea audacia, quam toto responsionum tuarum decursu tenacissimè tenuisti, vsquam discessisse videare.

S I R M O N D V S.

**D**E Frontone quid suspicari par sit proximè dixi. De me autem quid argu-  
taris, quasi ego negationem post Frontonis demum Notas, & non post anti-  
quam illam editionem, Canoni detractam dixerim?

A V R E L I V S.

**S**IC V T antè de Frontone, ita nunc de teipso tergiuersaris & fugis quan-  
tum potes; ridiculè sperans, te à fraudis & fallaciæ suspitione facilius  
abfuturum, si reprehensionem, cui te obnoxium faciebas, cùm hæc scri-  
beres, prior in me contulisses; quasi non eo maius & inuisius futurum esset  
crimen, quod multiplicato crimine muniretur. Equidem quæ de Frontone  
refricas, quæ de teipso garris & fingis, ea conuincuntur vnâ operâ perspi-  
cuis verbis tuis, quorum in confutatione isto loco versabar. *Ceterum*, in-

quis mihi, cum Frontone hac in parte, ut aiebam, nulla est dissensio, imò certà conspiratio. Ille negationem in antiqua editione cum reperisset, non abstulit; ego ab aliis deinceps detractam postliminio restitui. Recognosce & erubescere, si quid in ista senectute integri sanguinis superest. Nam hæc verba suspensiones tuas de Frontone, an sensus apertos, an asseuerationes exploratas loquuntur? Quid absurdius quàm ut certam conspiracyem cum illo tuam in suspensionibus ac dubitationibus incertis, imò falsis, constituisse te dicas? Nec minus perspicuum est te dixisse negationem, quæ in editione Coloniensi, qua Fronto esset usus, reperiretur, ab aliis deinceps, post illam editionem & post eius Notas, detractam esse. Hinc enim elicere voluisti certam illam tuam cum eo conspiracyem, quam aliàs ridiculè probasses. Nam si statuisses negationem iam ante ipsius Notas tum ab editionibus anterioribus Crabbiana, tum à posterioribus omnibus abfuisse, quàm insulsè probasses eum tecum conspirasse in illa retinenda, ex eo quod illam ab editione Crabbiana non abstulisset, cum eam ex tanto pluribus editionibus, ex aliis nimirum vniuersis, expunctam esse passus esset? Nonne iure censeretur eam in Crabbiana improbasse, si ex cæteris tum ante tum post euulsam videns, retinendam tamen non monuisset? Nonne silentio suo in re tanta suffragari potius visus esset tot publicis & illustribus editionibus aduersus vnam, quàm vni exolescenti & minus iam notæ, aduersus omnes? Quomodo igitur ex isto silentio illam eius tecum certam & indubitabilem conspiracyem probare potuisses sine summa absurditate? Patet itaque, nisi fatuo argumento fateare te ductum esse, te ex eo probare voluisse certam cum Frontone conspiracyem tuam, quod statueres negationem extitisse in editione, qua ille esset usus, & ab eo commemorari necesse non fuisse in Notis suis, quod nondum expuncta esset; post illam autem editionem, & post eius Notas auferri cœptam esse, ideoque postliminij iure à te solo restitutam. Hac ratione planissima est consequutio tui argumenti, & certa illa tua conspiratio manifestè concluditur; nec aliam sententiam præ se fert oratio tua, nisi fortè apud eos, qui de tua mente conclamatum esse volent. Hunc verò sensum sua sponte habebit apud omnes, qui te nimio ardore abreptum faciliè existimabunt non attendisse, quæ editiones negationem ademissent ex Canone Arausicano, antequam Fronto suas Notas edidisset. Atque hunc fuisse animi tui nutum cum ista scriberes, conscientia tua, opinor, tibi fidem facit, & faceret omnibus, nisi tuo retinendæ quacumque ratione gloriolæ studio inhiberetur.

## S I R M O N D V S.

**S**VSTINE iterum tantisper, & quod minimè speras audies, negationem hanc in prima omnium editione à Merlino suppressam, tum deinde à Crabbo restitutam, postea iterum à Surio & Binio prætermittam, iterum à me in editione nostra restitutam. Quid in his potest esse ambigui? Verùm in suum ista locum referuentur.

## A V R E L I V S.

**H**Æc omnia rursus nihil ad rem. Nihil in iis minus ambiguum quàm tua effugia, tuæ rimæ, tua diuerticula, quæ quo plus tegere laboras, plus prodis. Non queritur quid ego sim auditurus, quid tu iterum ficturus; sed quid iam audierim, quid tu finxeris ita improuidè & inaniter vt tueri nequeas, & tergiuersari cogare, nec secura fronte ad tui propugnationem consistere vlllo modo possis. Controversia inter nos est hoc loco, quid tu dixeris fuisse in editione Colonienſi, qua Fronto vsus est; & postquam ipse illa sit vsus, à cæteris deinceps editionibus detrahi cœpiſſe. Tu verò siles hac de re, & iactò de ea, quasi furtim, vno verbulo, quod superiori responſione obtritum est, elaberis celeriter quasi ex periculosa cautè; cumque tuas maculas eluere deberes, excurre ad alienas, & Merlino, Surio, Binio, quod à tua sententia disceſſerint, manus afferre audes, & ea vitia injicere, quæ, cùm ad eorum expositionem deuenieris, recident in caput tuum. Non enim solum demonstrabitur inſonem esse Merlinum, Surium, Biniũ, & quicumq; eos sequuti sunt, atque adeo in hoc ipso laudandos quod à te disceſſerint; sed ne quidem assentiri tibi Crabbum, quem sæpè iam tuum frustra fecisti; nec negationem restituisse, quemadmodum tu vis; nec eam in Canonem intulisse, quod à te factum est; nec improbasse lectionem quæ eam excluderet, quam tu absurdam & intolerabilem finxisti; adeoque neminem editorum & collectorum omnium tecum adhuc sensisse.

## S I R M O N D V S.

**N**VNC castigandus es mihi, cùm de Romana Gratiani nunquam satis laudata emendatione ita ratiocinaris, vt non intelligas emendatorum illorum meique dissimillimam esse rationem. Illi enim, quia propositum id habebant, vt Gratiani codicem collatis exemplaribus quàm emendatissimum redderent, negationem, quæ in eius manuscriptis nusquam apparebat, Canoni addere non debuerunt. Ego qui Concilij Arausici Canonem suæ originis nitore restituendum suscepèram, non potui negationem, quæ in antiquis omnibus libris emicabat, sine piaculo & iniuria præterire. Vides Aureli (nec enim postulo vt præ te feras: quid enim non dissimulet, qui seipsum dissimulat?) prior ista pars pugna quàm parum tibi ex sententia processerit. De altera exitus pèst docebit.

## A V R E L I V S.

**A**NTEQVAM ad pudendas insultationes tuas quicquam dico, demonstranda est incredibilis audacia, qua quod à me obiectum erat de eruditissimis Gratiani emendatoribus, quorum autoritate utebar ad confutandam editionem tuam, eludere non horres tanta temeritate, vt eius demonstratio vltionis cuiuscumque instar esse debeat, aduersus superbissimam tuam orationem. Quæ enim frons, aut quæ mens ferre potuit te audacissimè prædicare, Gratiani emendatores nihil aliud propositi habuisse, nisi vt Gratiani codicem emendarent ad ipsa exem-

plaria Gratiani; cùm illi ad singula penè capita demonstrent sibi propositum esse, non ad ipsa Gratiani exemplaria recensere Gratiani codicem, sed ad ipsos fontes vnde ab illo quæque hausta essent? Cur enim aliàs tot codices antiquos omnis generis scriptorum Ecclesiasticorum, Patrum, Conciliorum, Canonum, quorum longum indicem toti operi prætexunt, toto orbe conquississent? Cur Patrum etiam & Conciliorum Græcorum longiores contextus Græcos insererent notis suis, & versioni, quam Gratianus sequutus est, opponerent? Cur toties Gratiani textum prolatis Patrum non solum vulgatis scriptis, sed manuscriptis ipsis codicibus, restituerent, sicut innumeris locis restituerunt, quæ referre putidum esset? Cur denique ad hunc Canonem Arausicanum, & ad hunc ipsum nodum de eius clausula, in quo expediendo versamur, commemorassent tum Burchardum & Iuonem, tum editiones Colonienses, quarum inspectio ad codicem Gratiani tanto antè editum nihil pertinebat? Nonne eiusmodi diligentia omissa, ut superuacua, sola Gratiani vetusta exemplaria colligere, & ex iis solis librariorum menda expurgare debuissent? Quid quod in Præfatione apertè profitentur sibi consilium fuisse, non solum ea restituere, quæ alij in codice Gratiani exscribendo peruertissent, sed ea etiam quæ ipse Gratianus perperam collegisset & scripsisset? Placuit, inquiunt, ut si qua etiam in re Gratianus, ut homo, minus vidisset, modeste notaretur, ipsaque omnino capita suis autoribus quàm diligentissime restituerentur. Et infra; *Hac ferè seruata corrigendi ratio est: ut si videretur voluisse Gratianus auctorum, quos citaret, ipsa prorsus verba referre, ea ex ipso originali emendarentur.* Et tamen asserere non dubitas, confidentissime reprehensor, Gratiani emendatores Gratiani tantum scripturam, non germanam & natiuam ipsorum Canonum Scriptorumq; ab eo citatorum lectionem, recensere instituisse, ideoque de Canone Arausicano suæ originis nitore restituendo non illos, sed te vnum laborasse? Et hoc dedecore conspersus insultare nobis audes, & ex tanto flagitio æstimari iubes quàm sceleratè tibi eueneris prior ista pars pugnae? Tibi verò insultet, qui velit: me de tam inerti aduersario triumphare pudet. Deum veneror, qui superbissimos homines ita auersetur, ut improbos eorum falsæ gloriæ tuendæ conatus in opprobrium vertat, & gloriam in confusionem ipsorum.

---

## EPISTOLA SIRMONDI.

**I**VRENE an sine causa, negatio restituta sit, ut contendis, id verò est in quo tuum nunc appello iudicium. Quæro enim ex te, ut emendationis nostræ proferri ratio aperta non posset, atque obscura & incerta in hoc Canone Synodi esset sententia, parumne tibi ad sancendam lectionis auctoritatem ponderis habere videretur tot codicum, vel nostrorum, vel aliorum qui in editione Coloniensi laudantur, constans & nunquam dissona consensus? Non possum de te tam sinistra sentire, ut inficiaturum putem. Rudem nulliusque iudicij Criticum esse oportet, qui hoc nesciat.

RESPON-



## RESPONSIO AVRELII.

**I**N Canone X. Concilij Aurelianensis V. verba quæ consensum cleri ac plebis exigunt, à Fossatensi, Bellouacensi, & Tiliانو codicibus abesse ais: de Tiliانو repugnat Fronto, & in eo haberi testatur. Debetur eatenus manuscriptis fides, quatenus ratio nihil obstat. Non enim subesse manuscriptis idoneum Criticum, sed præesse decet, nec imperitorum plurimum scribarum veterno eruditorum Criticorum iudicia, rerumque summarum amplitudinem mancipare. Qui nihil nisi Criticus sit, secularis literatura quadam notitia tumidus magis quam plenus, Theologie sanctorumque Patrum scientia leuiter tinctus, hunc Criticorum omnis natio, & in primis Theologorum Criticorum, è choro suo exiget. Quanquam ne illud quidem dare possumus, esse tantam in negatione illa exhibenda codicum consensionem, quam tu prædicas, qui quatuor tantum nominasti. Nam Coloniensis illa editio negationem ad marginem rejicit inter varias lectiones. Surius ad marginem quidem exstare passus est. Quid de prima omnium editione Parisiensi anni M.D.XXXV? Quid de confecta tot ante atatibus ab Isidoro collectione? Quid de recentiore à Gratiano? Quid de Romana Gratiani correctione? in quibus omnibus negatio repellitur. Pag. 655. Pag. 656. Pag. 657. Pag. 659.

## RECENSIO.

**C**VM in hac parte responsionis nostræ minimum loci esse videres, ubi morsum impingeres obtrectationis, & dolorem tuum pasceres, quam miserè atrosisti orationem meam, & in eam speciem redequisti, ut turpissimis calumniis, quibus deinceps chartam implesti, aditum aliquem faceret! Nolo persequi minutiora, & omnes labe tuas recensere; quarum expurgatio nulla alia esse posset, nisi ut repræsentaretur tota mea ratio, quam verè dicere licet totam à te suppressam esse; ita eam in aliam transfixisti. Satis habebō notare grauiora. Præcipuum robur responsionis meæ, & primarium telum, quo in te pugnabam, elisisti; nimirum, iniquè mihi à te objici quatuor codices manuscriptos, ea lege ut, nisi eos audirem, rudis & nullius iudicij Criticus haberet: cum tu non quatuor, sed quinque ipsos aspernatus esses in Canone X. Concilij V. Aurelianensis, & iis intuitis vulgatam editionem retinuisses, quæ in eo Canone voluntatem Regis necessariam ad Episcopi ordinationem fecisset. Hoc totum ita à te crasum est, tum in referenda oratione mea, tum in opponenda ei tua responsione, ut ne vestigium quidem eius reliqueris. In exscribendis autem meis illis verbis, debetur manuscriptis eatenus fides, quatenus ratio nihil obstat, expunxisti totum sensum meum & totam vim veritatis. Non enim dixi deberi solum manuscriptis fidem, si ratio non obstat; sed si non obstat explorata & dilucida ratio. Hæc sunt mea verba; deberi manuscriptis eatenus fidem, quæ lux maior, & rerum grauiorum explorata ratio nihil obstat; deberi in dubiis, cum veritas aliunde nulla cernitur; ac deinceps plura in eandem sententiam. Tu verò ita me differentem inducis, quasi quamcumque rationem & coniecturam manuscriptis anteferrem. Fucas deinde & inuertis argumentum meum, cum ais me dicere, ne illud quidem dari tibi posse, esse tantam in

Kk

negatione exhibenda codicum consensionem, quantam prædicabas; quòd quatuor tantum codices nominasses. Longè aliud erat meum argumentum; non esse nimirum ita facile adhibendam fidem tuis istis asseuerationibus, quod eas alicubi falsas deprehendissem. Te enim similiter asseruisse consentire omnes codices in transferendo secundo Canone Concilij Arausici in primum locum, primo in secundum; & tamen Frontonem mutationem hanc vni Tiliano tribuere; nos verò codicem vnum vidisse, in quo idem ordo, qui in vulgatis, seruaretur. Ex quo fieri dicebam, vt tibi codicum consensionem iactanti, fidere deinceps sine dubitatione vlla nequirem. Hæc erat eo loco vis argumenti mei, quam vides in compendio tuo fallaci & improbo nusquam apparere. Quinetiam ad refellendam adumbratam illam tuam consensionem fraudulentè apponis hanc rationem, quasi meam: *Nam Colonienfis illa editio negationem ad marginem reuicit inter varias lectiones.* Qua fraude, & argumenti mei perspicuitatem frustraris, & lectori intelligentiam eripis, ne, quid velim, capere possit. Nam ego, cum tu consensionem illam codicum probares ex codicibus, qui in antiqua editione Colonienfi memorentur, respondi consensionem illam manifestè subverti illa ipsa editione. Cum enim hæc negationem non in Canonem inferat, sed rejiciat in marginem inter varias lectiones, non minus testari esse codices qui ea careant, quàm qui habeant; adeoque consensionem illam tuam *constantem & nunquam dissonam*, non modò non tueri, sed apertè refellere. Quis hunc meum sensum assequatur ex verbis à te relatis, quæ, vt ea protulisti, summam ineptiam præ se ferunt? Excidisti denique vltimum meum argumentum, quod ex superiori tota mea oratione colligebam; nempe meam hanc aduersum te causam, non verè meam esse, sed omnium huius æui eruditorum, qui negationem, quam tu necessariam putas, vno consensu non necessariam putassent; cum ne is quidem, qui solus ei fauit, amplius quàm dubiam censuerit, eam ad marginem rejiciens inter varias lectiones; cæteri verò penitus aspernati sint, ac ne dubiam quidem esse sint passi. Itaque te causam fouere publico iudicio præfocata, nec querimoniam meam iniquè ferre debere, quæ doctorum quodammodo omnium verbis ad te deferri censenda esset. Hæc erat series orationis meæ, Sirmonde; hæc vis intortæ in te disputationis; quam pudor tuus & nota illa modestia, ne refellendo erubesceret, resecare non erubuit; vt difficilis oriatur quæstio, pudentior an impudentior haberi debeat.

#### REFUTATIO SIRMONDI.

*Sirmondum in Canone Aurelianensi à Frontone non dissentire: negationis autores in Arausicano habere omnes manuscriptos. Etiam Isidori; eandem in vulgatis per errorem desiderari. De manuscriptorum utilitate aduersus Aurelium.*

- IX. **Q**UOD antea iam frustra tentasti, audes iterum me cum P. Frontone committere, atque antidoxias inter nos & repugnantiam meditari, tanta cum fiducia, vt victoriam in manu tua esse non dubites. Vide tamen vt pinnatam esse memineris.

## RELECTIO AVRELII.

Fallacissima vanitas Sirmondi detegitur. Eum à Frontone in Canone Aurelianensi dissentire. Eum indignè & contra fidem suam iactare, negationis autores in Canone Arausicano se habere omnes manuscriptos. Magna temeritate trahere eodem autoritatem Isidori, & vulgatas omnes editiones, earumque autores criminari. Longa eiusdem & sine iudicio intexta euagatio de manuscriptorum utilitate, eaque multis mendis intermixta.

## AVRELIVS.

**P**INNATAM esse victoriam malè mones, quia non credis. Tu eam nudam & implumem tibi in sinu hærere putas. Tuam illius fiduciam iactare, illam attollere, illius pompa rudium occupare animos cupis, non meam refellere, quam nullam esse vides. Quid enim ego victoriæ sperare me indicaui in tua cum Frontone discordia enarranda? Quam fiduciam, quem ventulum spiravi? Hæc erant ea de re mea verba; *Quod autem ea quæ consensum cleri ac plebis exigunt in Canone Aurelianensi, ab his tribus codicibus abesse ais; de Tiliانو repugnat tibi Fronto, & in eo aliisque duobus à se prolatis ea haberi testatur.* Tantum ea de re dixi; nec literam præter ea interposui de repugnantia tua cum Frontone. Vbi ergo fiducia mea? Vbi falsa illa spes? Vbi victoria in manu, quam pinnatam esse nesciam? Quanto ego veriùs dixero, pinnatam tibi esse mentem, quæ semper à re, à veritate, à fide, ad alienissima commenta & fallaces nœnias, leuissima volucritate rapiatur? Alia erat eo loco mea in te increpatio, quam inanissimè præteruolasti, ne si in ea tantillum institisses, ita implicarentur alæ tuæ, ut frustra te pinnatum esse meminisses. Non vrgebam dissensionem tuam cum Frontone, sed cum teipso, cum tua mente, cum illis ipsis manuscriptis, quos mihi obieceras eâ fiduciâ, ut, si illos rejicerem, *rudis & nullius iudicij Criticus habendus essem.* Ostendebam te eosdem abjecisse; & qui me quatuor eorum repugnantibus vulgatam editionem Canonis Arausicani tueri non patereris grauissimis rationibus suffultum, teipsum, quinque inuitis, vulgatam Canonis Aurelianensis lectionem, quæ ordinationes Episcoporum ex Regis voluntate fieri iuberet, retinuisse, quamuis leuioribus argumentis te eò impulsam arbitrarer, (nulla enim attuleras) quàm quibus ego tuerer editionem Canonis Arausicani. Hoc ego loco fateor, pluribus iniquitatem tuam questus sum, & indignum facinus dixi me eo nomine acerbè à te acceptum, quo nomine tu acerbiora meruisses; & magni criminis in manuscriptos reum agi, cum tu eorum assertor plura in illos impunè faceres. Si quam victoriæ fiduciam mihi imponere gestiebas, speciosius eam arguere potuisti ex hoc loco, quem latè prosequutus sum; non ex dissensione illa tua cum Frontone, quam obiter ac strictim attigi paucis verbis antè descriptis, quasi appendiculam præcipuæ reprehensionis quam ex Canone Aurelianensi proferebam. Tu contrà dissimulasti præcipuam illam partem; & dissimulasti tanta fraude & prauitate, ut cum in eam nihil haberes quod obtenderes, posterioris autem & minus præcipuæ veritatem fallaciis magis patere sperares, increpationem, quam priori parti adieceram, transtuleris in hanc posteriorem,

Kk ij

in qua nihil tibi exprobratum erat, vt prioris partis querimoniam in posteriore commemorans, veramque partem refellisse videreris, & quicquid à me de Canone illo Aurelianensi scriptum erat, eadem opera retudisse. Hoc nimirum est, Sirmonde, non meminisse victoriam esse pinnatam, & magis de victoria quàm de pugna cogitare, quàm de recta mente, de candore, de fide religiosi hominis & sacerdotis, & eius hominis qui modestiæ & accurationis amet famam, & tenuissimo humanæ imbecillitatis errore sibi obiecto quasi ad grauissimum crimen exhorrescat. Hoc nempe est excolare culicem vnum, camelum autem deglutire; minimam labeculam non ferre, grauissimis autem & indignis semetipsum conspergere, idque assidue & continenter, quemadmodum ad singulas penè periodos tuasprehendimus. At etiam ne sit obscurius quo ex fonte scaturiat hoc cœnum, insultare & triumphare non cessas, quasi re benè gesta, vt tam audaciâ tuâ ridiculus appareas, quàm meticulositate & effugiis, & in vtrisque parem vanitatem ostentes. Quem morbum vt facilius deponas, fac memineris loci huius, ne tot alia dicam in hac passim indignissima tua scriptione, & etiam atque etiam cogita, quàm fœdè & fallaciter, cum in clarissima luce prehensus hæreris, declinata disputationis meæ fronte, per parergum illius, quasi per posticum, effugeris.

## S I R M O N D V S.

**E**GO, vt ais, ad Canonem X. Synodi Aurelianensis V. verba qua consensus cleri ac plebis exigunt, à codice Tiliano abesse dixi; Fronto eadem in illo haberi testatur. Equidem si hæc vera sunt, pugnare me cum Frontone non nego. Sed vt agnoscas nullum hîc etiam mihi cum illo esse dissidium, relege Canonem integrum ex Suriana editione, qua Frontonem vsum esse contendis. Sic autem se habet; **U**t nulli Episcopatum præmiis, aut comparatione liceat adipisci, sed cum voluntate Regis, iuxta electionem cleri ac plebis, sicut in antiquis canonibus continetur scriptum, consensu cleri ac plebis, à Metropolitano, vel quem vice sua miserit, cum comprouincialibus Pontifex consecratur. *Compara deinde Frontonis Notas cum meis: sed animaduerte cleri ac plebis duobus in locis in editione ista factam esse mentionem. Fronto hæc verba priore loco à Tiliano codice abesse ait, ego idem affirmavi: Fronto eadem posteriore loco ibidem legi testatus est, ego non negavi. Quam hîc notare liceat repugnantiam? Quod si nulla est, ubi nunc tua illa victoria? quò auolauit? retrahere fugitiuam si potes.*

## A V R E L I V S.

**N**ON fugitiuam victoriam, sed fugitiuum aduersarium retrahere mihi necesse est. Fugere illa nescit. Tu nihil aliud nosti: & cum nihil noris nisi fugere, nil videris nosse nisi triumphare; sed triumphare sine victoria, quæ fugientium ignauiam semper fugit. Ergo illam volentem retinebimus sine vi: te verò fugientem vt retrahere possimus, incidemus tibi pennas, ne auram captare vnquam possis, cuius amore actus teneri non potes intra legitimæ disputationis metas, nimiumque nobis iam:



dudum laboris & molestiæ in persequendo te, ac retrahendo imponis. Attendat modò æquus lector tuum effugium, cuius foeditatem splendida insultatione tegere voluisti. Hæc est tua editio Canonis X. Concilij V. Aurelianensis; *Ut nulli Episcopatum præmiis, aut comparatione liceat adipisci: sed cum voluntate Regis iuxta electionem cleri ac plebis, sicut in antiquis canonibus tenetur scriptum, à Metropolitano, vel quem vice sua præmiserit, cum comprovincialibus Pontifex consecratur.* Ad hunc Canonem notas legi in Fossatensi, Bellouacensi, & Tiliario, sed sicut in antiquis Canonibus, omissis interiectis. Quæ si omittantur, efficietur hæc lectio; *sed sicut in antiquis canonibus tenetur scriptum, à Metropolitano, vel quem in vice sua præmiserit, cum comprovincialibus Pontifex consecratur.* Quid ergo manifestius quàm te negasse haberi in tribus illis codicibus, adeoque in Tiliario, mentionem cleri ac plebis? Iam ista verba proferri à Frontone ex codice Tiliario testantur eius Notæ; quæ Canonem legendum monent in hunc modum; *Sed sicut in antiquis Canonibus tenetur scriptum, cum consensu cleri ac plebis à Metropolitano, vel quem vice sua præmiserit, cum comprovincialibus, &c.* & adscribuntur codices T. F. To. id est, Tilianus, Fabrianus, & Tolosanus. Quid igitur liquidius, quàm mentionem cleri ac plebis afferri à Frontone ex codice Tiliario, in quo tu eam non haberi significaras, adeoque repugnantiam tibi cum eo illam esse, quam affirmavi? Quid ad hanc lucem obscurandam fingere potes sine manifesta cauillatione? Nam quod ais Frontonem Notas suas ad Surianam editionem adscripsisse, in qua bis mentio fiat cleri ac plebis, quid aliud est nisi summa fallacia, qua, cum elabi volueris, temetipsum iugulasti? Ita enim loqueris, quasi Notæ Frontonis & tuæ adiectæ sint ad eandem Surianam editionem; cuius è priori loco vterque abstuleritis illa verba; in posteriori autem ille ea reliquerit, tu non abstuleris. Quo quid absurdius comminisci potuisti, cum tu non in Surianam editionem scripseris Notas tuas, sed in tuam? Quod si Fronto notas suas scribens in Surianam editionem, è duplici mentione cleri ac plebis, quam illa editio habet, vnâ reliquit; tu verò Notas tuas scribens in editionem tuam, in qua vnica istiusmodi mentio inest, eâ detractâ nullam reliquisti, nonne apertè à Frontone dissensisti, & eam quam ego tibi cum illo esse dixi repugnantiam confirmasti? Vbi ergo insultationes tuæ? Vbi circulatoria acroamata? Vbi ludicri fugientium in sinum tuum victoriarum volatus, quibus rudem popellum festius senex oblectasti?

## S I R M O N D V S.

**E**XINDE manuscriptorum argumentum tractas, & toto eloquentiæ campo in nos decurris, ut nobis adesse manuscriptos neges, vel si adsint, doceas tanti non esse.

## A V R E L I V S.

**Q**UID acturus sis in isto campo, ipsa vanitas, qua illum tibi aperis, & augurium quo in eum ingrederis, satis iam monet. Simulas me priorem in eo decucurrisse, ut dum in illo euagabere, non extra stadium ferri, sed me sequi videare. At ego nunquam inij hunc campum;

Kk iij

non noui hæc curricula; meæ non sunt hæc pugnae. Nunquam ego negaui tibi adesse manuscriptos; sed certam illam & conspirantem eorum consensionem, quam iactabas, tibi non concessi. Accipe mea verba; Quamquam ne illud quidem dare possumus, inqueiebam, esse tantam, tam constantem, tam nusquam dissonam in negatione illa exhibenda codicum consensionem, quam tu prædicas. Causas eius rei binas subiciebam. Alteram, quod in eiusmodi asseuerationibus aliquando fefellisses, & huius ipsius Concilij Arausicanum primum canonem in secundum locum, secundum in primum transferri omnium codicum consensu dixisses, cum tamen essent codices, etiam à me visi, in primis Laudunensis ille antiquissimus, quem infra citas, in quibus idem canonum ordo seruaretur, qui in vulgatis. Causam alteram dabam, quod omnes manuscripti unde editores & collectores vniuersi, qui te antecessere, canonem sine negatione prompsissent, mecum facerent, & tuam illam adumbratam consensionem nullam esse testarentur. Ita tui istius campi prius curriculum obstruatum est. Multo minus à me dictum est, ut vanissimè prædicas, *manuscriptos non esse tanti*. Contrà apertissimè docui, repudiandam esse eorum peruicaciam qui eos, nisi ipsis vltro suffragentur, aspernentur, & fide spolient; quod à Poza sodali tuo, olim Complutensis, nunc Madritensis Imperialis Collegij primario professore, cuius librum Sedes Apostolica iure damnasset, factum dicebam & auersabar. Clarissimè verò sum professus; Si Arausicani Canonis editio negatione addita, eruditis rem propius intuentibus vel dubia, & ferenda videri posset, me non solum manuscriptorum tuorum, sed pauciorum quorumuis, probabilem consensionem magnoperè audiendam putaturum. Ac generatim de manuscriptis contestatus sum, deberi iis fidem in dubiis, cum veritas aliunde nulla cernitur; deberi, cum eorum autoritas nulla re insigniori præponderatur; deberi denique, cum nihil est, quo eorum errorem apertè coarguamus. Non ergo docui manuscriptos tanti non esse; non sum aspernatus; non flocci pendi; non iis detraxi fidem; sed locum iis suum concedens, ut valeant & audiantur, si vel fauentem habeant veritatem, vel non apertè aduersantem; tum demum audiendos negaui, si vel dilucida ratio, vel sanctior autoritas, multo magis si rerum diuinarum decreta, maiorumque religio reclamant. Hoc constare dixi inter Criticos omnes, & tibi ipsi necessario fatendum, qui vulgatam lectionem in Canone X. Concilij V. Aufeliensis, aduersus quinque manuscriptos, quos passim magnifaceres, retinuisse, ut suprà sæpè dictum est. Hæc erant eo loco duo capita disputationis meæ: Hæc duo campi illius curricula, in quo me decurrisse dixisti; non commentitia ista quæ narras, verè diuerticula & effugia imbecillitatis tuæ, quæ cum in mea spatia se committere, & propositas à me metas flectere non valeret, eò se contulit, ubi sine periculo euagari & *χομαχίας* rudium animos detinere posset. Turpes sunt hæc fraudes, Sirmonde, indignæ, ominosæ in ipso certaminis ingressu. Si enim tantum imbecillitatis in designando pugnae campo prodidisti, quid in pugna, & in ipso conflictu facturus es?

## S I R M O N D V S.

**Q**VO de viroque ut ordine respondeam, erras, Aureli, si putas me quatuor tantum illis codicibus nixum, quos ideo solos in Epistola mea commemoravi, quia solos in notis nominaram.

## A V R E L I V S.

**H**IC rursus ordiris à cauillo. Qua enim fide dicis te quatuor codices solum commemorasse, quia non plures nominaris in notis tuis, cum sex disertè à te nominati reperiantur, nempe præter quatuor illos, Viridunensis & Pithæanus? Cur igitur hos quoque non commemorasti? Cur in rebus etiam leuissimis genium tuum prodis? Paret verò te nullos habuisse quos commemorares, nisi quatuor illos, & de cæteris vaticinatum esse, falsò & fallaciter, quemadmodum mox audies.

## S I R M O N D V S.

**A**LIOS à me præterea, eosque optima nota lectos significavi. Quos si plurimos numero dicam fuisse, mihi, ut video, non credes. At ego tibi, quamuis non spectatissima fidei testi, credere non recuso, si ex tanta veterum exemplarium copia, quantam adhuc seruant Bibliotheca, vel unicum protuleris, quod postremam Canonis nostri partem negationis vocula destitutam exhibeat. Quid hoc aliud est profiteri, quam omnes, qui tibi mihi que hætenus noti sunt, mecum esse manuscriptos?

## A V R E L I V S.

**D**E PONE iam nunc omnem fidei, moderationis, iudicii famam, quamlibet eam ames. Cede mihi, & in perpetuum sile, ex lege ven-  
 rossimæ sponsonis, qua me lacestis. Accipe vnum exemplar, quod pe-  
 tis, è nobilissima Thuana Bibliotheca, in quo vetus admodum canonum  
 collectio negationem nullam addit clausulæ Canonis, de qua certamus; &  
 ea quidem collectio, quæ tua manu non vno loco est inscripta, imò quæ in  
 hac ipsa responsione à te infra citari videtur, vbi agis de vetere collectione  
 quæ titulum Canonis nostro cum præfigat, qui in hac legitur. Quid ergo  
 nunc causabere, quo minus tuopte iudicio abiectus, ut nihil aliud à me  
 afferatur, & fidei, candoris, maturitatis opinione abdicatus discedas? Quis  
 in re vlla tibi iam fidat, post tam pudendam & confidentem imposturam?  
 Quis te obscurioribus rebus eruendis & illustrandis idoneum putet, cum  
 in tam apertis incredibili absurditate labare, & plus negotij aduersario ex-  
 hibeas in flagitiis tuis enarrandis, quàm in coarguendis? Hæc attendant,  
 qui te hætenus virum prudentem & accuratum habuerunt. Ego, qui ita  
 nunquam sensi, nihil video præter spem, nisi quod ex tanta mendorum  
 tuorum multitudine ac densitate, leuiorem te & vaniloquentiorem multò  
 intelligo, quàm putaram. Non enim de homine in literis rotam ætatem  
 versato, sene, religioso, sacerdote, tam mira suspicari ausus essem, nisi  
 coram viderem, teque hos logos & has inanias spargentem audirem. Cæ-  
 terùm quid de aliis Bibliothecis, quæ à me sanè non sunt excussæ, nec ad  
 sustinendos velitates tuos impetus lustrari magnoperè debuerunt, quid

No. 446: i

Pag. 75

cogitare par sit, facile apparet ex ea, quæ prima obuia fuit, & qua tu plurimum usus es; cuius aduersum te testimonium codice à te viso, lecto, notato munitum, mille testium instar esse debet; ut omittam Merlini codices ab Episcopis Senonensi & Parisiensi acceptos, aliosque ab aliis collectoribus exploratos, ut Vaticanos, & plures à Gratiani emendatoribus, quorum consensu incredibiles asseuerationes tuæ obruuntur. Cæteros aperiet dies, & incogitabilem tuam audaciam magis confunder.

## S I R M O N D V S.

**S**ED tu manuscriptis tanquam oppositam aciem vulgatos obiectas. Ego contra vulgatos quoque ipsos, typis excusos, in manuscriptorum castra reuocandos contendendo, à quibus illos velut transfugas defecisse, non vanis indiciis, sed certa ratione compertum est.

## A V R E L I V S.

**T**AM vanè prædicas certa ratione compertum esse libros typis excusos à manuscriptis defecisse, quàm me illorum aciem manuscriptis obiectasse. Intelligis nunc saltem, opinor, manuscriptorum aciem non esse planè tuam, & tibi, si eis quasi nouus imperator præesse aueas, infelicissima sorte depugnandum esse, non solum cum vulgatorum exercitu, quibus bellum indixisti, sed etiam cum ea, quam tibi fidissimam & addictissimam putaras, militum tuorum phalange, manuscriptorum codicum manu. Nec verò ego solos vulgatos tibi obiectavi, ut toties dictum est aduersum perpetuas fallacias & simulationes tuas, sed eos manuscriptos, vnde vulgati expressi essent à tot editoribus & collectoribus, qui eos ex manuscriptis aliquibus necessariò deprompserunt, nec mihi adulandi, aut tibi aduersandi studio corruerunt; quamuis tu notissimos & celeberrimos homines, quòd à te dissentiant, perfidix, temeritatis, inscitixque nominibus vniuersos percutere non formides. Tanta est militaris licentia in istis castris quæ minaris; tanta vis, inordinatio, confusio vel in ipso duce; quanto magis in militibus, & in acie tota? Et tamen hæc quæ dissolutissimè & perturbatissimè facis, certa ratione facere te iactas; codicesque editos, & eorum omnes editores, quasi transfugas tuos persequi te asseris, non militari lasciuia, ut res est, sed certa explorataque ratione. Adeò diuturno peccandi usu probos sanosque rerum sensus amisisti, & iniuriam iure facere te putas. Hæc enim est tua ista certa ratio: cuius certa ἀλογία magis inclarescet ex iam dicendis. Exponis eam in hunc modum.

## S I R M O N D V S.

**N**AM ut vulgatarum editionum origines tecum & incunabula repetamus, ostendamusque nihil esse causa, cur illarum nomine glorieris, scimus primam omnium eam fuisse, quam Parisius instituit Iacobus Merlinus Doctor Theologus, anno, quod ignorare non debebas, M. D. XXIV. non, ut scribis, XXXV. quo eadem Parisius iterum est recusa.



## A V R E L I V S.

**R** VRSVS hæc omnia omittere licuit, & parcere labori tuo; ne, qui me verbosum & earumdem rerum iteratorem finxisti, culpam verè susciperes, quam falsò reprehendisses. Quæcumque enim hoc loco refers, satis erant à me exposita; nec tu quicquam noui promis nisi nouas labe. Nam quod arguis me primam illam huius æui editionem, à \* Merlino instructam, contulisse in annum M. D. XXXV. cum anno M. D. XXIV. prodiisset, quod me ignorare non debuisse ais; miror ieiunam tuam & excuscam obtrectandi libidinem, qua pati non potes illam anni XXXV. editionem vocari à me primam omnium æui huius, ( hoc enim dumtaxat à me de illa scriptum est ) cum tutè fatearis eam nihil discrepasse ab illa anni XXIV. sed eandem Parisiis iterum esse recusam anno XXXV. Eadem igitur & vna cum esset anni XXIV. & XXXV. editio, nonne vtrouis anno prodiisse diceretur, prima omnium huius æui dici potuit? Et nonne hoc dictum pueriliter à te carpitur, quasi mihi non satis esset proferre editionem anno XXXV. excusam, qua tum utebar, nisi adderem eandem prius emissam esse anno XXIV? Quid enim ad me quoties recusa esset Merlini editio, cum eam scirem, quotcumque annis aut locis prodiisset, non nisi vnâ fuisse? Aut si ego culpandus, quod eam non dixi anno XXIV. Parisiis excusam, quomodo tu culpæ expers qui eam non meministi anno M. D. XXX. Coloniae recusam, priusquam anno XXXV. Parisiis recuderetur? Non pudet cauillationis? Quid, quod & infra asseris, *Conciliorum editiones diuersas sex omnino fuisse*, ut pateat te ipsum pro vna habere tres illas Merlini, solo tempore locoque diuersas, quæ alioquin cæteris annumeratæ, multo plures quàm sex euaderent?

Iste Iacobus Merlinus, primus editor Conciliorum, fuit Doctor Theologus Nauarricus, & magnus Penitentiarius Ecclesiæ Parisiensis.

## S I R M O N D V S.

**P** O S T hanc Coloniae prodiit duplex Crabbiana, vna duorū anno M. D. XXXVIII. altera trium tomorum anno M. D. LI. Hanc verò sedecim post annos Suriana excepit anno LXVII. Surianam Biniana duplex, prior anno M. DC. VI. posterior M. DC. XVIII. Ita Conciliorum Ecclesiæ collectores, editoresque quatuor omnino, editiones diuersæ sex fuerunt. Harum prima, ut antè dixi, negationem in Canone Arausicano non habuit: in vtraque sua Crabbus ex antiquis codicibus restituit, apposuitque, non in textu, sed ad marginem, ut solebat.

## A V R E L I V S.

**E** T si generatim verè dixeris, sex fuisse diuersas Conciliorum Ecclesiæ editiones, ( melius dixisses septem propter Venetā anni M. D. LXXXV. quam omisisti ) fallaciter tamen significas totidem fuisse Concilij speciatim Arausicani, de quo agimus; cum vtraque Crabbiana, quantum ad illud Concilium attinet, vnica sit & simplex, nec posterior à priori vllò penitus apice differat, ut patebit eas comparanti. Cur ergo simul Crabbum negationem Canonis Arausicano in vtraque editione sua ex antiquis codi-

cibus restituisse, quasi aliis atque aliis huius Concilij codicibus vsus esset in suis editionibus? Cur veritatem semper infuscas? nec sincerum quicquam & simplex à tua ista manu, vel in tenuissimis minutiis, manare pateris? Nam quod iterum prædicas, negationem à Crabbo restitutam esse, ut eius editio tuæ consentire videatur, fallacia est sæpè explosa, cum tu negationem Canonis inserueris, ut certam, perspicuam, necessariam, sine dubitatione vlla, imò sine vlla eius rei in notis mentione; Crabbus autem in vtraque editione sua eam in marginem reiecerit, quasi dubiam & vacillantem, Canonemque ipsum absque negatione ediderit, nihil à superiore Merlini editione in hoc immutatum. Quàm verò absurdè ad hanc lucem obturbandam addis, Crabbum negationem apposuisse non in textu, sed ad marginem, ut solebat: quasi Crabbus ea quæ ex superioribus editionibus mutanda & restituenda putaret, non in textum inferere, sed ad marginem rejicere so-leret; cum ipse Crabbus apertè profiteatur in fronte vtriusque editionis, se illa demùm in marginem coniecisse quæ aut parui momenti, aut ita dubia & obscura essent, ut deprauatus locus à se nondum restitui potuisset? Fateor, inquit, præsertim ubi in margine locus obscurus vel corruptus, aut simile positum est, plura adhuc esse haud satis castigata, ex eo quod vetustissima exemplaria, quibus undique collectis vsi sumus, adeo deprauata fuere, ut, etiam accedentibus eximiis, doctissimis, probatissimisque magistris, eorumque requisitis ad hoc consiliis, restitui minimè potuerint. Et tu cum illa restituisse dices quæ in marginem coniecit, cum ipse ideo ea à se in marginem coniecta dicat, quod ea restituere nulla ope potuerit? Nam quæ verè restituenda putauit, ea non in marginem, ut tu cum solitum esse cauillaris, sed in textum ipsum immisisse, cum ex locis innumeris passim, tum ex isto Concilio Arausicano manifestè perspicitur. Cum enim prior Merlini editio in Canone II. ita haberet: *Hæreticos in mortis discrimine positos, Presbyteris cum chrismate & benedictione consignare placet*, Crabbus vitium sine dubio putans, textum edidit ita immutatum, à *Presbyteris cum chrismate & benedictione consignari placet*. Pro eo quod erat in IX. Canone Merlini: *Si qui autem alienos ciues, aut alibi consistentes ordinauerint, ne inordinati in vlllo accusentur, aut ad se eos reuocent, aut ipsi eis impetrent cum quibus habitent*. Crabbus Canonem ipsum exhibuit in hunc modum: *Si qui autem alienos ciues, aut alibi consistentes ordinauerint, nec ordinati in vlllo accusantur, aut ad se eos reuocent, aut ipsi eis impetrent cum quibus habitent*. Denique ut trino testimonio hunc locum concludam, & tædio lectoris occurrā, quod nimia istorum copia pareretur, pro illis Merlini in Canone X. *Ipsos ordinet his ciuitatis in cuius territorium est; vel si ordinati iam sunt, ipsi habere acquiescat*: Crabbus textum refinxit in hæc verba, *Ipsos ordinet in cuius ciuitatis territorio est; vel si ordinati iam sunt, ipsos habere acquiescat*. Vides ut Crabbus quæcumque liquidò vitiosa, & à se restituenda putauit, illigare in ipsum textum, non ad marginem seponere solitus sit, ut tu more tuo calumniatus es? Vides claram tuam non ab illo solūm, sed à fide famæque tua dissensionem. Quis homini tam abiectis fallaciis sua dicta implicant, fidere deinceps in rebus grauioribus possit?

## S I R M O N D V S.

**S**URIUS eandem iterum omisit, non dedita opera, nec veterum codicum ductu, quod iactas, sed temerè ac fortuitò. Nam codices manuscriptos, ut apparet, in Concilio Arausicano Surius nullos habuit, Crabbianamque posteriorem omni ex parte sequutus est: nisi quod Crabbi ad primum canonem diuersas lectiones, atque inter has negationem nostram, cum ceteras passim exhiberet, inconsultò praterit. Quorsum enim sciens prateriret, aut Crabbi factum damnaret potius, qui negationem ex manuscriptis abstulerat?

## A V R E L I V S.

**T**EMERE' rursus & superbè in alios irruis, tantæ in superioribus & hoc ipso loco reustemetitatis, nec Surij ac Meilini fidem, quam inconsiderantiæ leuitatisque criminibus eleuas, certius quàm tam inconsulta & turbida accusatione confirmare potuisti. Qua fide asseris Surium nullos Synodi Arausicanæ antiquos codices habuisse? Qua modestia cum arguis temerè & inconsultò negationem, quam tu tueris, omisisse? Qua fronte asseueras eum Crabbianam posteriorem editionem omni ex parte sequutum esse, nisi quod varias Crabbi ad primum Canonem lectiones omiserit casu & fortuitò, cum ceteras passim exhiberet? Senili oculorum vitio, an iuuenili mentis impetu ruis in has mendas? Nam Surius ita non sequutus est omni ex parte posteriorem Crabbianam editionem, (quæ à te rursus fallaciter à priore distinguitur, quod attinet ad Concilium Arausicanum, ut antè dictum est) ut pro eo quod Crabbus in Canone XI. ita posuerat: *Integra omnia, si reconciliatio intercesserit, de iniustitia vel iniquitate excommunicationis, proxima Synodo referuentur; ediderit, de iustitia vel iniquitate excommunicationis.* Pro eo verò quod Crabbus habet Canone XXII. *nisi conuersionis proposito confessi fuerint castitatem; restituerit, professi fuerint castitatem.* Pro eo denique quod Crabbus edidit Canone XXVII. *Eius verò repudiatorem, vel ipsam talis professionis desertricem meritò esse damnandam; reposuit, Rapto-rem verò talium, vel ipsam talis professionis desertricem, &c.* Lectionem à Crabbo margini adscriptam confirmans, eamque ut minimè dubiam in textum inducens. Rursus ita non exhibuit ceteras passim posterioris editionis Crabbianæ diuersas lectiones, quod temerè blattis, ut cum Crabbus ad illud Can. V. *Eos qui ad Ecclesiam confugerint tradi non oportere,* in margine adiecisset, *trahi, dubius tradi, an trahi legendum esset* id Surius expunxerit, *tradi legendum esse* certò statuens. Ad illud Canonis XVI. *Energumeni non assumendi sunt ad ullum ordinem, &c.* Crabbus annotarat, *qui aliquando arrepti sunt,* quod Surius planè reiecit. Ad illud denique Can. XXI. *Si duo presumpserint ordinare Episcopum in vestris Prouinciis;* cum Crabbus in margine posuisset, *nostris,* Surius illud intulit in ipsum Canonem, & sublata voce, *vestris,* planè edidit, *in nostris Prouinciis.* Mitto alia minutiora, quia exempla bis terna faciendæ fidei abundè sufficiunt. Hæc igitur cum ita sint, prædicare audes posito ante oculos aduersario tua dicta refellere parato, Surius

*Crabbianam posteriorem editionem omni ex parte sequutum esse? Scribere audes eum à Crabbo nihil discessisse, nisi quod Crabbi ad primum Canonem diuersas lectiones, atque inter has negationem nostram, cum ceteras passim exhiberet, inconsultò praterierit? Non erubescis ad hæc probra, eò maiora, quò minora? Cæterum quæcumque Surius ex Crabbiana editione immutauit, ea ita non temerè neque inconsultò mutata sunt, ut tua ipsa editio, tot codicibus, quos ostentas, freta, ferè omnia confirmet, & eodem modo exhibeat, etiam in primo Canone, in quo ei præceptam incogitantiam obiectas; cum, excepta negatione de qua disceptamus, cætera ex Crabbiana editione ab eo sublata, à te ipso comprobentur. Ut magnum existat argumentum, negationem eodem, quo cætera, iudicij lumine ac veritatis reiectam esse. Absurdè igitur temeritatis & inconsiderantiæ insimulas eum hominem, quem non solum ipsa res, & ipsius innocentiae perspicuitas, sed tu ipse absoluiisti. Absurdè & temerè negas illum ex codicibus antiquis ea protulisse, quæ tu ex ista quam iactas codicum tuorum abundantia non potuisti meliora proferre. Dignus es quibuscumque obiurgationibus pro istis dictis & factis, præcipuè cum tam superbè ac iuueniliter aliis ea exprobres, quæ ipse tum maximè peccas, nisi palam illa fecisse, & omnium oculis obiecisse pœnæ cuiusvis instar tibi esset, qui modestiæ & prudentiæ famam te amare professus es.*

## S I R M O N D V S.

**C**ONTRA manuscriptos? inquis. Ergo negationem habuit Isidorus? Habuit, inquam, Aureli. Hoc enim est, quod te præter spem audisurum prænuntiaui, Isidorum ipsum, cuius collectionem priore tomo suo edidit Merlinus, ipsius inquam Isidori vetera exemplaria negationem in Canone Arausicano præferre, quam impugnas. Si fidem apud te non mereor, Isidori codicibus non negabis, quorum unum in Bibliotheca S. Victoris\* visere licebit, alterum in Thuana,\* tertium Laudunensem tibi amicus ille suggeret, qui nuper Reginonem commodauit. Bellouacensem enim & alios, quos aliis locis vidi, non commemoro, ne te longius amandatum conquerare.

Pluteo 6.  
Ff. Num.  
113.

## A V R E L I V S.

**E**GONE præter spem quicquam à te audio, quem iamdudum vanissimè fabulantem nihil allaturum esse prospexi, nisi fabulas inanissimas, & vigilantis animi somnia? Dic tandem, sodes, censesne probi esse Critici statuere ex tribus codicibus (si maximè tibi concedantur tres isti, quos commemoras) quæ vera & germana sit auctoris cuiuspiam lectio? Censesne omnem editionem, cui tres codices faueant, probam; à qua dissentiant, vitiosam & adulterinam esse; & qui hanc primus emisit, perfidiæ, vel incuriæ reum? Imò verò censesne ex tribus codicibus certò pronuntiandum esse, quid in cæteris omnibus codicibus scriptum sit? Si hæc fateri non audes, cur ex tribus Isidori exemplaribus, quæ negatione careant, pro certo statuis Isidorum nullam negationem agnosce? Cur Merlini editionem, quod tres codices ab ea discrepent, subditiā dicis? Cur

ex



ex tribus codicibus, qui negatione careant, iudicas Merlini codices ea quæque caruisse, & illis aduersantibus ab eo omissam? Quid tibi vis cum ineptissimorum argumentorum umbris, quibus nihil nisi Criticorum sanorumque omnium risus assequi potes? Quæ tandem lectio certa erit ac firma, si trium codicum consensus labefactandæ illi sufficiat? Quis fidus collector, si eius fides ex tribus quibuscumque codicibus æstimeretur. Quàm facilis est trium codicum aberratio, cum multo plures in rebus etiam certissimis passim aberrasse constet? Cur leuissimè ratiocinaris, libros, quibus Merlinus usus est, negationem habuisse, quam ille compresserit, quia tres Isidori codices inueneris, qui eam habeant; quasi trium illorum testimonio efficere possis, nullos vîquam esse, aut fuisse negationis expertes, quorum è numero illi fuerint, quos ad editionem suam adornandam, sibi ab Archiepiscopo Senonensi, & Episcopo Parisiensi præbitos testatur Merlinus; præcipuè cum tu eos non videris, adeoque de non visis ridiculè pronuntiate, & cum qui illos vidit, mira tua temeritate & cæcitate coargui posse absurdissimè putes? Audin' expeditissimam Merlini defensionem, & inexplicabilem rationem tuam, qua te vltro inuoluisti, vt tibi omnia quæ narras, sine controuersia concedantur. Audi modò de libris tuis. Thuanum in primis & Laudunensem tibi eripimus, quos indignè simulas Isidori collectionem exhibere, à qua longè dissentiunt. Nam nec priores illas veterum Romanorum Pontificum habent Epistolas, quas constat Isidori collectioni præfixas esse, & ab eo primùm congestas; & planè discrepant à Merlini editione, qua ipsissimam Isidori collectionem contineri omnes fatentur. Adde, quod sicut Laudunensis codex sat antiquus, ita Thuanus recentissimus sit, & nouitia scriptus manu, vt ex ipso charactere perspiciatur. Hæc tu si per te minus aduertere potuisti, consulere debebas amicos, quorum saltem monitis explorata haberes quæ diceres, antequam ad amicum me rejiceres, à quo Reginonem accepissem. Tot temeritatis tuæ argumenta meritò fidem imminuunt Bellouacensi, & aliis quos te alibi vidisse ais. Si enim in commemorandis iis quos videbas, tam foedè labi potuisti; quid sinceri à te sperare æquum est de iis, quorum longinquiorem memoriam perturbatio animi, & defensionis feruor facilius interuerrere potuit, & in suam partem abripere? Quò enim subtiliores animi quàm corporis oculi, eò facilius corrumpuntur: nec est quidquam quod tam facile perturbationis magnitudine conuellatur, quàm memoria.

Ita reliquus est vnus codex Victorinæ Bibliothecæ: quem vide etiam atque etiam num codicum omnium normam statuere velis, & ex eo vno de vera & natiua Isidori scriptura sententiam ferri. Vide inquam, num, quod scriptori nulli contigit, Isidori omnes codices integrè emendatèq; descriptos putes? Aut si fateris esse aliquod Isidori exemplar vitiosè scriptum, vnde probes vnum illud Victorinum rectè scriptum esse? Nam si id non probes, temerè ex illo decernis de vera Isidori lectione, & Criticorum omnium iudicio reus es. Nobis autem vitium in isto codice facile arguere licet. Nam primùm admodum recens est, & ideo tenuioris autoritatis, cum facile vitari potuerit ex vitioso aliquo exemplari. Deinde Merlini fidem, quam tu iniquissimè vellicas, nemo adhuc accusauit, nec in huius Canonis

*In Prefat.**Ibid.**De Confess.  
lib. 4. c. 125.*

editione, nec alibi vsquam; omnesque omnino assensi sunt Isidorum Canonem sine negatione posuisse, quemadmodum ab illo editus est. Denique Romani Gratiani emendatores testantur Isidori collectionem in antiquioribus Conciliorum editionibus extare puriorem, nempe in Parisiensibus, & Coloniensi Merlini; deinceps autem multis aliis scriptis esse commistam. Et cum plura Isidori exemplaria Vaticanæ Bibliothecæ, & Dominicane supra Mineruam à se inspecta dicant, tamen pro re mira & singulari annotarunt reperiri negationem in antiqua Coloniensi editione Crabbiana, nec vsquam alibi inuentam declararunt. Quod si eam in illis Isidori codicibus reperissent, multo magis id adscripturi erant, quàm inuentam esse in editionibus sua ætate paulò antè confectis, quarum autoritas multo leuior erat quàm Isidori. Quibus si adjicias Merlinum, Isidori collectionem sine illa ex manuscriptis edidisse, tot congruentissima testimonia facillimè efficient Isidorum nullam negationem Canoni Arausicano admiscuisse; & ita puram integramque in eo edendo fuisse Merlini fidem, quam tu summa iniquitate & vincendi libidine primus omnium temerè insimulasti, cuius tamen Theologiæ & Canonum peritia ita perspecta fuit meritissimo Parisiensium Episcopo, ut eum principem Pœnitentiarium in sua Ecclesia constituerit, & apud ipsum suos Conciliorum codices Manuscriptos deposuerit.

## S I R M O N D V S.

**Q**UOD si negationem asserunt codices Isidori, prima ergo mali labe à Merlino, qui, casu ne an aliter non quaro, negationem Isidoro subtraxit, quam si fideliter in editione sua representasset, sequuta sine controuersia essent aliæ omnes, tibi que iam hiscere non liceret; quia nulla esset de tribus literis concertatio. Quibus autem nunc pugnabis armis, cum Isidorum tibi præcipuum armamentarij tui telum ereptum videas? Aut qua fiducia vulgatos libros nobis oppones, quos sentis, si expurgentur, suæque origini restituantur, in castris nostris militaturos esse cum Manuscriptis?

## A V R E L I V S.

**E**VERSA acie tua iacet ouatio insulsißima, & imbecillitatem non iam causæ solùm, sed animi tui magis infamat. Intolerabile, tam ignauum pugnatores tantum esse triumphatores, & cum Pygmæi viribus Gigantum copulare ferociam. Pauperem superbum abominatur Dominus. Vel triumphare dedisce, vel disce pugnare. Quære robur, quo typhum tuum fulcias. Alioquin illius magnitudinem non fert infirmitas tua, neque illà minus quàm aduersarij impressione obruitur. Hocine est accuratum hominem esse? modestum? religiosum? sacerdotem? Hocine dedecore ætatem tuam turpas? Mihi quidem multo magis miserandus es ob huiusmodi insultationes, quàm ob imbelles pugnas; cum in his scientiæ tuæ calamitatem videam, in illis virtutis. Quid te infelicius, qui scientiam pugnando amittis, triumphando virtutem? Ignosce dolori meo, qui tua hæc detrimenta sine animi lacrymis, & sine aliqua exhortatione intueri me non patitur. Quoniam autem ore rursus ais, si Merlinus negationem edidisset, omnes cum editiones sine controuersia sequuturas fuisse; cum Crabbus

eam ediderit, & , vt verbo tuo vtar, restituerit, nec eum tamen vlla deinceps editio, vllus emendator, vllus denique eruditus sequutus sit? Quoniam argumento ceterius constare potest negationem ab omnibus improbatam, quàm cum propositis ante oculos duabus editionibus, quarum altera eam haberet, altera careret, vniuersi eam quæ careret sequi maluerint, quàm eam quæ haberet? Nonne ipsa Crabbi editio magis declarat eam ab omnibus damnatam, quàm si Crabbus illam non addidisset? Si enim omisisset eam, omnes casu & sine industria videri potuissent Merlinum sequuti: cum verò à Crabbo propositam nemo admiserit, declaratum est eam ab omnibus scienter ac prudenter, re maturè deliberata, explosam esse. Surius eam expungendam iudicauit, vt antè vidimus. Gratiani emendatores vtramque inter se Crabbi & Surij editionem hoc loco expedientes, ita non prætulērunt negationis adiectamentum eius omissioni, vt illam à Surio rectè omissam iudicarint. Quem eorum sensum omnes deinceps sine dubitatione sequuti sunt, donec tu primus omnium ab aliis vna mente abiectam, ac ne in margine quidem relictam, in ipsum textum intrulisti. Et tamen dicere audes, si Merlinus negationem edidisset, omnes eam sine cōtrouersia suscepturos fuisse? Et tam absurdè vaticinarius, vt præteriti temporis experienciā vaticinia tua refelli sinas? Et me ad insultam diuinationem tuam hiscere non posse dicis, in quam, me tacente, ipsi rerum euentus, & eruditorum omnium consensus iam pridem clamant? Mihi denique arma deesse prædicas, quibus deinceps pugnem, cum si ea mihi deessent, tu tamen tuis teipsum telis, vt adhuc fecisti, sine meo labore conficeres? Quid ego de te dicam, in quo maturi nihil video præter ætatem?

## S I R M O N D V S.

**S**ED *Manuscriptorum hoc loco eleuas fidem, & qui magno emptum velis, vt tres vel inquinatissimos, qui tuæ causæ faueant, nanciscare, quia omnibus cares, omnibus obtrectas. Erroribus, aut, scatens vetera exemplaria, imperitorum scribarum sunt factus, discrepant inter se, atque vt consentiant, moderatè & cautè, ne veritati officiant, tractanda sunt. Tua sunt hæc, Aureli, quæ magno clamore vociferaris. At singula expendamus.*

## A V R E L I V S.

**I**AM calumniam initio questus sum cum in hanc disputationis partem ingrederemur. Ista mea non sunt, Sirmonde; non agnosco; defugio auctoritatem; auersor tuæ maleuolentiæ fœtus, quos ad inuidiam iniquissimè supponis mihi, tantò antè à me eiuratos. Professus enim apertè sum me Manuscriptos non repudiare, suum locum iis relinquere; sed suum duntaxat, non æquo maiorem, quem tu illis asserere videbare. Non vsus sum futilibus istis ratiunculis, eos erroribus scatere, discrepare inter se, imperitorum scribarum esse fœtus, vt omnibus obtrectarem, quod absurdissimè simulas: sed aduersum ista argumenta, suum gradum iis concessi, supremamque tantum auctoritatem non esse illis tribuendam, ita vt qui à qua-



tuor Manuscriptis (totidem enim opponebas) discederet, rudis & nullius iudicij Criticus haberetur, quemadmodum tibi placebat, inde ostendi quod errores in eos potuissent irrepere, cum ab imperitis plerumque & oscitantibus librariis descripti essent, & ab eruditissimis hominibus passim emendarentur. Hinc efficiebam illorum auctoritatem non per se spectandam, ut volebas, sed ex luce veritatis, ex rerum consensu, ex Ecclesie mente ac doctrina metiendam esse; quibus si non officerent, audirentur; si reclamarent, longè gentium amandarentur, quemcumque consensum præ se ferrent. Atque hoc ipsum tuo exemplo firmabam, qui vulgatam illam Concilij Aurelianensis lectionem aduersus quinque Manuscriptos retinendam statuisses: ut permirum esset, id à te verbis in me reprehendi, quod factis in te ipso comprobasses. Hæc fuit mea oratio, quam Criticorum omnium iudiciis offero lubens, ut videant uter iniquior, ego qui ea dico, quæ ipsorum sensibus congruentissima sunt, an tu qui ea mihi imponis, quæ non solum à meo sensu, sed ab explicatissima mea oratione, quam impugnabas, toto cælo aberrant. Quid te fallacius, qui ex eo quod ego non omnem auctoritatem Manuscriptis tecum addixi, nullam me iis reliquisse insimulas? ex eo quod tum demum refellendos dixi cum maiori luci auctoritatisque aduersantur, omnibus me obtrectasse, & prorsus omnem fidem iis abstulisse criminari. Decentne tuam fidem hæc dicta? tuam mentem hæc rationes? Egone omnibus Manuscriptis obtrecto, quia omnibus careo, an tu omnes orationis meæ particulas quas attingis, turpibus calumniis deformas, quia veris omnibus argumentis cares quibus eas conuellas, & abiectam obtrectandi libidinem exsaties? Nam ego me omnibus Manuscriptis non carere, qui tum meæ causæ faueant, tum tuam iugulent, & absurdissimas gloriationes tuas confundant, supra ostendi, cum tu hac eadem insultatione indignè vterere. Frustra igitur auram verberas fallacibus querimoniis. Frustra vitiligationem nouam concinnas. Frustra excurre in superuacaneam Manuscriptorum defensionem, ut communem locum de Manuscriptis, à contentione nostra alienissimum, exiguis vindemiolis, quas miserè hinc inde corrasisti, exornes, & non sine causa ineptire videaris. Quare possem aspernari exorbitationem leuiculam, eaque tantum explosa reuocare te in viam, & intra disceptationis nostræ metas continere orationem. Nec, ubi modò demonstrassem, te, cum in vnum extremum abiisses, nimiam & irrefragabilem auctoritatem Manuscriptis astruendo, mihi alterum extremum veteratoriè affinxisse, ut nullam iis auctoritatem relinquere & omnibus obtrectare viderer, quicquam aliud aduersus te disserendum hoc loco haberem. Sed quia responsiunculas tuas ordine & sigillatim exigendas suscepi, nec mea tueri solum, sed ex tuorum omnium discussione, mentis, iudicij, fideique tuæ imaginem exprimere, & eorum oculis, qui te aliquid hæcenus esse putarunt, obicere institui; eo magis euagationem tuam istam persequi debeo, quod cum illam ad eruditionis & industriæ tuæ ostentationem delegeris extra lineas institutæ disceptationis, certius ex ea de te iudicium fieri, & prudentiæ sapientiæque tuæ modulus agnosci poterit.



## S I R M O N D V S.

**D**EERAVATI, mendisque obfiti sunt interdum veteres libri, quis nescit? an non alij contrà spectatissima & probatissima nota? An ideo equos omnes vitabis, quia cespitant nonnulli? Aut quia vina vapida sunt quaedam, omnibus abstinabis?

## A V R E L I V S.

**I**AM dixi, malignè te mihi ridiculam argumentationem induisse, qua concludatur parui ducendos esse omnes manuscriptos, quia interdum mendis sint deformes. Nam nec ego vnquam manuscriptos omnes spreui, nec insulsissimo isto argumento vsus sum. Tantum dixi, esse auctoritates manuscriptis superiores, ex quibus de lectionum veritate decernatur; nec irrefragabilia semper habenda esse manuscriptorum testimonia, quia falsa & errantia esse sæpè conuincuntur. Hæc vis mei argumenti, quam foedè semper, velut inflexo latere, declinas, nec collectancorum tuorum vlla vi labefactare vnquam poteris. Nec enim quicquam mouet quod ais, esse aliquos manuscriptos *spectatissima & probatissima nota*; quia quamlibet spectatos & probatos illos facias, si qui locus occurrat, vbi à rebus ipsis, à veritatis luce, ab Ecclesiæ traditione manifestè discedere videantur, sine dubio abjiciendi sunt. Atque ita manet quod à me dictum est, non esse irrefragabilem eorum auctoritatem, & grauioribus testimoniis præponderari, ex quibus illi spectandi & expendendi sint, non illa ex ipsis. Nullos verò esse codices ita probatæ notæ, quin plerisque locis castigandi, & ad veritatis incudem reuocandi sint, non negabis, opinor, & consentiunt omnes eruditi, quicumque illos inspexerunt. Efficitur ergo, tum omnino valere manuscriptorum auctoritatem, cum rerum lux auctoritasque maior nulla obstat; iacere, si illa planè aduersetur.

## S I R M O N D V S.

**I**MPERITOS aliquando, parumque intelligentes fuisse antiquarios non inficior. Quippe arduum erat eosdem ubique inuenire calligraphos & orthographos: scimusque in Monasteriis, quorum immortalis beneficio, veterum bibliothecarum reliquias quæ restant, præcipuè deberi fatendum est, minorem ætatem, ut Senerus in *S. Martini* vita scribit, huic arti deputatam.

## A V R E L I V S.

**M**ULTA peccas in te alioqui verissima. Quomodo dubia, vel obscura illustrare queas, qui ne apertissima quidem tueri potes? Imperitos parumque intelligentes fuisse vulgò veteres exscriptores, res ipsa loquitur. Nec tu minuendæ veritatis causa dicere debuisti, te non inficiari id aliquandò contigisse. Planè fateri oportuit ita vulgò factum, & paucos extare veteres codices, quorum exscriptores peritos homines dicere liceat, cum

pauci sint in quibus non ij errores obseruentur, qui in peritos homines cadere nunquam potuerunt. Huius autem rei non illa est causa, quod arduum esset eisdem bellè pingendi literas & literatè scribendi peritos, calligraphos & orthographos inuenire: quia non ij potissimum ad hoc munus exquirebantur, qui digitos eruditos haberent, cum multo maxima librorum pars literis non ita bonis sit descripta. Nec ij qui concinnius pingebant, aliis inferiores esse solebant doctrinâ; cum non minus vitiosi reperiuntur ij codices, quorum characteres deteriores sunt, quàm ij qui elegantius efficti. Vnde patet promiscuè adhibitos esse ad hanc operam, quicumque ad eam non inepti viderentur, quorum legibilis scriptio, & corporis habitudo eum laborem ferre posset, siue interea peritiores paulo digiti, siue rudiores forent; nec à scribendi peritia vel imperitia petendam esse causam, cur veteres codices parum emendati, & veteres scriptores parum intelligentes essent, cum tam qui scribendi periti, quàm qui imperiti erant, eadem propemodum in scitia laborare, & sequioris notæ libros cedere solerent.

Nihilo firmior est altera ratio, minorem ætatem in Monasteriis huic arti deputatam esse; primò, quia hoc malè probatur ex Seuero, qui id non vbi-que usurpatum, sed in S. Martini Cænobio factitatum dicit. Ex quo absurdè colligitur quid in omnibus passim Monasteriis moris fuerit. *Ars ibi*, inquit, *exceptis scriptoribus nulla habebatur; cui tamen operi minor ætas deputabatur.* Vnde sicut ridiculè colligeres nullam in cæteris Monasteriis artem nisi unam scriptorum fuisse, ita ridiculè colligis minorem solùm ætatem ei arti vbi-que addictam; cum Severus non quid vbi-que fieret dicat, sed quid *ibi*. Præterea *minorem ætatem* malè accipis in Seueri dicto pro puerili tantum, ad literarum scientiam immatura; cum constet veteres minoris ætatis & adolescentiæ nomina longius multò protendisse quàm nunc solemus, ad ætatem prouectiorem & confirmatam, rebusque non solum sciendis, sed gerendis idoneam, ut patet vel ex illo Apostoli ad Timotheum: *Adolescentiam tuam nemo contemnat.* Ac planè liquet ex Seueri verbis, cum *minorem ætatem* opposuisse maiori, id est senectuti, ut nempe doceat eos, qui per ætatis vires & pectoris firmitatem assiduum scribendi laborem ferre possent, quem constat esse permagnum, & senibus præcipuè vix tolerabilem, ei deditos fuisse: seniores autem, qui illi essent impares, soli orationi, & laboribus animi destinatos. *Cui operi*, inquit, *minor ætas deputabatur: maiores orationi vacabant.* Sancti enim Martini in laboribus pro suo cuique modulo dispartendis prudentiam, & sapientem Monasterij disciplinam designat. Cæterum constat vsitatum Monachorum, & quasi legitimum laborem fuisse non minus scribendi, quàm alia opera faciendi. Vnde Hieronymus non ipse duntaxat plurima descripsit, sed Monacho vitæ regulam edicens, cum aliis operibus hoc ei quasi statum & solenne imponit: *Scribantur libri*, inquit, *ut & manus operetur cibum, & animus lectione saturetur.* Vnde patet librorum scriptionem penè præcipuum ac præstantissimum Monachorum opus fuisse, quod illo non solum exerceretur corpus, & necessarius ei cibus pararetur, ut cæteris operibus; sed animus vnà cū corpore vegetaretur, aleretur, & ut cum Petro Damiani dicā, impinguaretur, propter adiunctā ei ite-

1. Tim. 4.

Hieron. epist.  
4. ad Rustic.

ratam rerum optimarum lectionem. Atque hoc fuit causæ cur istud operis tam studiosè coluerint Monasteria, & in primariis Monasticæ vitæ laboribus posuerint, ut patet vel ex allato Seueri loco, qui cæteris operibus à S. Martini Cænobio exclusis, hoc vnum, quasi omnium præcellentissimum, & in primis Monasticum opus, in eo seruatum testatus est. Quam in rem præclara est Cassiodori oratio ad Monasterij sui fratres; *Fateor votum meum inter vos; Quæcumque possunt corporeo labore compleri, Antiquariorum mihi studia, si tamen veraciter scribant, non immeritò forsitan plus placere: quod & mentem suam relegendo scripturas diuinas salutariter instruunt, & Domini præcepta scribendo longè latèque disseminant. Felix intentio, laudanda sedulitas, manu hominibus prædicare, digitis linguas aperire, salutem mortalibus tacitam dare, & contra diaboli surreptiones illicitas calamo atramentoque pugnare. Tot enim vulnera Satanas accipit, quot Antiquarius Domini verba describit.* Ex quibus eadem operâ clarissimum est non soli minori ætati mandatam esse hanc prouinciam, id est, recentibus adolescentulis, ut tu malè doces, sed omnibus propositam, & ad eam omnes impulsos. Cum enim hoc opus præcellentissimum penè fuerit monasticorum operum, quid rationis est ut maturior ætas, quæ vilissimis quibusque operibus, ut agrorum cultu, cæterisque sine discrimine exercebatur, ab vno omnium præstantissimo & utilissimo opere excluderetur, delectis ad illud iis duntaxat, qui in Monasteriis infirmæ postremi essent? Et cum extra Monasteria primarios etiam homines isti labori incubuisse constet, Origenem, Pamphylum Martyrem, Lucianum, Eusebium, Euzoium Episcopum, Hieronymum, & alios; quis credat in solis Monasteriis solam ætatem nouitiam eò dignam visam esse? Quid quod etiam disertè legimus cautum, ne librorum descriptio, nisi cautione summa, ætati iuniori permitteretur; imò ut certi libri non nisi perfectæ ætatis hominibus traderentur describendi, iunioribus ab ea opera exclusis? Sic enim scriptum est in Capitulari Caroli Magni, de Monasteriis & Episcopis; *Libros Catholicos bene emendatos habeant, quia sæpè dum bene aliquid Deum rogare cupiunt, per inemendatos libros male rogant. Et pueros vestros non sinatis eos vel legendo vel scribendo corrumpere. Et si opus est Euangelium, & Psalterium, & Missale scribere, perfectæ ætatis homines scribant, cum omni diligentia. Qui locus tum crebræ librorum corruptelæ, etiam sacrorum, & quotidianorum; tum commissæ potissimum maioribus eorum scriptionis testimonium præbet.*

Vanas igitur causas attulisti, cur antiqui codices erroribus passim sint aspersi. Nec vera alia afferri potuit, nisi quòd periti & intelligentes homines, cum nunc vulgatis adeo scientiarum disciplinis, tamen sint perrari, & paucissimos exscriptores reperire liceat, qui quamuis legitimo scholarum tempore defuncti, tamen quæ scribunt satis percipiant, præcipuè si ad scripta paulò grauiora adhibeantur; tum multò rarissimi olim fuerunt, cum literarum vsus, & tractatio accuratior minus in vulgus nota, intra pauciorum notitiam consisteret. Hinc factum est ut rarissimi extent antiqui codices, quantumvis melioris notæ, qui non mendis sint offusi, non solum difficilioribus ad obseruandum, sed etiam pinguioribus; multo magis ij libri, qui in Monasteriis scribebantur, cum constet longè paucio-

Cassiod. lib. 2.  
dum. Instit.  
c. 30.

Vid. Concil.  
Epan. c. 34  
Cassiod. di-  
um. Instit.  
lib. 2. c. 28.  
S. Bern. ser-  
mon. 1. in  
Cant. &c.

Cap. Caroli  
Magni lib.  
1. c. 72.

res olim è Monachis quàm nunc, doctrinarum studiis imbutos esse, quòd in labore manuum multo maximam ouij monastici partem consumerent.

## S I R M O N D V S.

**S**ED quæ iuniores scripserant, seniores postea doctoresque castigabant. Nescis quantum in ea re studij & opera posuerint Antislites? Quid cura industriaque non adhibuerunt, ut duos proferam ex plurimis Cassiodorus Senator, & Petrus Damianus, ut Monasteriis suis, hic Auellano, ille Viuariensi, bibliothecam optimis, & partim sua ipsorum manu, partim opera notariorum emendatissimis codicibus instruerent? Huius enim diligentia laborisque testes illos ipsos habemus, Senatorem in præfatione diuinarum institutionum, Damianum in Regula eremitarum Fontis Auellani.

## A V R E L I V S.

**B**IS peccas in his congerendis. Primùm, quod ea frustra & sine causa accersis, longè à proposito. Deinde, quod in iis multa misces, accurato homine & religioso rerum sacrarum indagatore aliena. Probare instituis rem falsam, libros qui à solis tyronibus iuenculis in Monasteriis scriberentur, postea à senioribus & doctoribus emendari consueuisse. Rem deinde falsam falsis narrationibus confirmas. Nam quod ais de Cassiodoro Senatore, & de Petro Damiani (Petrum enim Damiani, non Damianum, scribi oportuit, sicut Eusebium Pamphili, ut à nobis in Spongiæ disputatione iam notatum erat aduersum Floydum tuum eodem errore lapsum) quæ ergo de illis narras, friuolæ sunt è malè concoctis indiculis excerptisque tuis ineptiæ. Nec enim illi omnes libros, quos Monasteriis suis relinquerent, emaculatos à se dicunt, sed tantùm sacræ scripturæ codices. Apertè Senator; *cunctos nouem codices autoritatis diuinæ (ut senex posui) sub collatione priscorum codicum, amicis ante me legentibus, sedula lectione transiui.* Nam scripturæ libros in nouem volumina à se diuisos ipse est testis. Nec minùs apertè Petrus Damiani; *Bibliothecam veteris & noui Testamenti voluminum, licet cursim, ac per hoc non exactè, vobis emendare curauimus.* Diuinos igitur libros emendatos à se dicunt, idque obiter, nec operosa disquisitione, aut tanta illa cura, industria, diligentia, quantam tu fingis, iis videlicet tantùm correctis, quæ librorum incuriâ manifestè vitiata esse, & rectæ intelligentiæ officere videbant. Nam Cassiodorus solius eloquij modificati, hoc est, compositi; & ad intelligendum idonei rationem se habuisse ait; cætera verò intacta reliquisse, ne Scripturæ sanctitatem temerè attrectaret. *Multum me laborasse, inquit, Domino iuuante profiteor, quatenus nec eloquio modificato deessem, nec libros temeraria presumptione lacera-rem.* Quæ religione eos vsos esse minus mirum erit, si meminerimus ipsum Hieronymum, cum noui Testamenti veteres libros, tum Græcos, tum Latinos, summa industria & diligentia contulisset, tamen ne multum à lectionis Latine consuetudine discrepant, ita calamo temperauisse, ut iis tantum, quæ sensum videbantur mutare, correctis, reliqua manere pateretur ut fuerant. Ac ne omnia quidem eiusmodi à se emendata testatur Cassiodorus; sed cum

*Hieron. præf. in Enchiridionem. epist. 123.*



cola & commata, quibus Hieronymus libros Prophetarum distinxerat, ipse adscripsisset, cæteros codices, qui ita distincti ab illo non erant, notariis interpungendos & discriminandos, sublati vitiis, quæ in eo genere irrepsissent, se reliquisse declarat. Vides quantula ex re quantas moles conficias? Quàm temerè dicas Petrum Damiani, & Cassiodorum nihil *cure, industrie, diligentie* omisisse vt Monasteriorum suorum Bibliothecas *libris optimis, & sua manu emendatissimis instruerent*; cum illi Biblia omnino à se emendata dicant tenuiter & raptim, imò alienis oculis? Nam aliorum librorum, quorum copiam Monasteriis illis relinquebant, solus Petrus Damiani se nonnullos pro sua possibilitate correxisse dicit: qui quàm pauci, & quàm leuiter emendati fuerint ab eo, qui se libros veteris ac noui Testamenti non nisi *cursum, & per hoc non exactè* emendasse professus est, facilis est coniectura. Quàm ergo ineptè argumentatus es libros, qui in Monasteriis scriberentur emendari à senioribus & doctoribus consueuisse, quia Petrus Damiani, & Cassiodorus dicant se ex libris, quos Monasteriis suis collegerant, Scripturæ sacræ volumina emendasse? Nam libri illi ne quidem in ipsorum Monasteriis scripti erant, sed ab ipsis aliunde collecti: vt absurdissimum sit probare libros in Monasteriis scriptos ibidem emendari consueuisse, eorum librorum exemplo quos in iis Monasteriis scriptos non fuisse pater, in quibus correcti fuere. Quod si eos libros in aliis Monasteriis scriptos, & inde petitos fuisse dicas, iam euertitur prius tuum commentum, & apertè efficitur libros in Monasteriis scriptos non ita emendari consueuisse, cum ij, quos Cassiodorus, & Petrus Damiani vndique conquisierant ex aliis Monasteriis, inemendati fuerint, & ipsi etiam diuini codices, qui cæteris accuratius describi solebant, ab ipsis emendari debuerint: Quod minimè necesse fuisset, si à senioribus & doctioribus eorum Monasteriorum, in quibus scripti erant, iam emendati fuissent. Sentis, opinor, obrusas telorum tuorum acies, & euagationem mentis. Nam quod Cassiodorus addit de notariis, quibus ea quæ ipse minus efficere potuisset, præstanda mandauit; quis nescit istorum obscura diligentia non minorem in veteres libros influxisse corruptelam, quàm librariorum negligentia, & paucos admodum muneri suo pares fuisse? Quantæ & quàm crebræ apud veteres in illos querelæ? Agnoscit ipse Cassiodorus non semel, imò ibidem paulò post, dum narrat librum de orthographia à se conscriptum, *ne precipitanter emendantium impolita præsumptio posteris carpenda traderetur*. Alibi paucorum fuisse monet hoc munere fungi; *A paucis enim, inquit, doctisque faciendum est, quod simplici & minus erudita congregationi noscitur preparandum. Quapropter prius introite diligenter, & sic scriptorum delicta corrige, ne iuste arguamini, si precipitanter alios emendare tenteris*. Et verò si hac nostra ætate, è tanta eorum segete, qui eruditi numerantur, tanta extitit malorum Criticorum luxuries, qui optimos libros per emendationis speciem peius omnibus librariis inquinarent, gemente quotidie & exoptulante eruditorum choro; si tam pauci fuerint qui verorum Criticorum & prudentium emendatorum partes implere possent, quid de antiquis illis sequioris æui temporibus, quid de Monasteriorum angustiis in eo genere existimandum est? Quàm raros putandum fuisse, qui tanto muneri sufficerent? Quàm

Cassiod. di-  
uin. instr.  
lib. 1. c. 15.

multos autem, qui ad librariorum plagas bonis libris inflictas, noua vulnere, emendandi animo, adjicerent? Hieronymus certè non minus ab emendatorum inscitia, quàm à scribentium incuria sacros ipsos libros laborasse testis est; *Ea, inquit, quæ vel à vitiosis interpretibus malè reddita, vel à praesumptoribus imperitis emendata peruersius, vel à librariis dormitantibus, aut addita sunt, aut mutata, corrigimus.* Quid ergo tibi vis, vt librorum integritatem ex eo probes, quo illam in primis fœdatam esse constat? & emendantium autoritate eos tueare, à quibus vel maximè vitiatum fuerunt? Nam si Monasteriorum codices, vel omnino emendati à doctioribus, vel probè semper emendati, ac non sæpius inquinati fuissent, quàm fieri posset vt è tanta librorum copia, qui ex illis depromuntur, tanta bonorum, & non crassioribus etiam erroribus insperforum, esset penuria? Si sacræ Scripturæ libri, post tot notissimas virorum tantorum emendationes, ita nihilominus à descriptoribus; & ab imperitioribus emendatoribus depruari potuerunt, vt constet nullam vsquam exstare sacrorum librorum editionem vndique puram, nullam Latinam, nullam Græcam, nullam Hebraicam, quæ non plerisque librariorum vitiis per totum orbem sit infecta, quid puritatis spondere potes in aliis scriptis, ex incertioribus hominum tanto minus eruditorum & spectatorum emendationibus? Longissimè igitur à te & à iudicio, quoquo te vertas, abiisti; nec leuissimas ratiocinationes tuas ad veritatis normam vnquam rediges; teque nihilo scientiorum tuendi manuscriptorum autoritatem, quàm illa vtendi, demonstrasti.

## S I R M O N D V S.

*Vita lib. i.  
cap. 8.  
In vita S.  
Aug. c. 24.*

**Q**UIN & sanctum Anselmum legimus libros corruptos & deprauatos nocturnis lucubrationibus corrigere solitum: & S. Augustinum auctor est Possidius, cum labori diem impenderet, noctem vel dictandis libris, vel iam dictatis atque transcriptis emendandis transigisse. Et dubitet quisquam, si huius generis volumen aliquod Augustini, ab ipso recognitum, vel ex recognito fideliter expressum, bona fors offerat, tanquam emendatissimum amplecti?

## A V R E L I V S.

**Æ**QVÈ ineptis in his exemplis. Nam & eadem quæ in superioribus peccas, & alia non minus absurda. De Anselmo, primùm ita habet locus quem citas; *Libros, qui ante id temporis nimis corrupti vbiq; terrarum erant, nocte corripbat.* Quare mirum est eum à te afferri ad adstruendam Manuscriptorum autoritatem, cum si codices paucos ab Anselmo in vnicò Monasterio Beccensi emendatos prober, doceat longè plurimos per totum orbem corruptissimos extitisse. Vnde sequitur aut vbiq; terrarum ferè neminem fuisse qui Manuscriptos corrigeret præter Anselmum, falsoque à te dictum, ea quæ iuniores in Monasteriis scriberent, à senioribus emendari consueuisse; aut Anselmum penè vnicum fuisse manuscriptorum idoneum emendatorem, & eos qui illis emendandis adhiberentur, maiores iis labes importare consueuisse, quod à nobis aduersum te rescri-

ptum est, & hinc tantam illorum corruptelam per totum orbem terrarum fluxisse. Quis crederet te hoc exemplo manuscriptorum integritatem probaturum? Et ita cæcutire posse, vt quid de Anselmi in vnico Monasterio emendatione dicatur attendas; quid de omnium per omnia Monasteria, perque omnes regiones, codicum nimia prauitate adjiciatur, non videas?

Iam quæ de Augustino refers, prorsus nullo modo intelligis. Nam nec Augustinus aliorum libros corrigebat, ita vt eius correctio corruptis librorum culpa codicibus, qui toto orbe manabant, magnoperè mederi posset; sed ea tantum quæ ipse dictasset, castigare solitus dicitur eo loco quem citasti: & emendationes illæ non tam ad criticem istam verborum & syllabarum pertinebant, quæ ab Augustino in recensendis scriptis suis minus fortè spectabatur, quàm ad Theologiæ & Scripturarum normam; vt si quid ab iis, vel in speciem abiisse videretur, id in melius referret. Hoc enim animo Augustinum ad librorum suorum emendationem incumbere solitum, non solum vbi primùm ea dictasset, aut scripsisset, sed etiam postquam ea longè latèque diffusa Ecclesiarum plausus tulissent, testantur Retractationes illæ, quibus cum de suis magis quàm de librorum nœuis laborasse declaratum est. Atque de hoc nimirum genere emendationis loquitur Possidius, cùm de illo ait; *Præceptos etiam sibi quosdam libros ante diligentiorem emendationem à nonnullis fratribus conquerebatur, licet eos postmodum emendasset; vt indicat ipse locus.* Possid. c. 28.

Quamquam, ne te frustratum querare, non negamus Augustinum sua interdum relegisse, vt etiam restitueret si quid à librariis fortè peccatum esset; sed quando id tum ab illo, tum à cæteris Patribus fieret, te non intellexisse, adeoque nec Possidij locum percepisse affirmamus. Tum demum enim constat sanctos Patres lucubrationum suarum exempla à librariis transcripta recensere consueuisse, cùm ipsorum dictantium, aut concionantium, aut disputantium voces à notariis exceptæ, postmodum ex eorum notis in planiorem scripturam à librariis transferrentur. Nam quòd ea in re, tum propter celeritatem vocis, tum propter obscuritatem ambiguitatemque notarum, facilis esset prolapsio, fieretque sæpè vt quæ notarij excepissent, longè alia viderentur, quàm quæ Patres essent loquuti; necessarium videbatur, vt eiusmodi scripta ipsi recognoscerent priusquam ederentur. Hinc signanter ait Possidius Augustinum semper aut de inueniendis rebus cogitasse, aut de iam inuentis aliquid dictasse, aut certe ex iam dictatis, atque transcriptis aliquid emendasse: emendationem istiusmodi referens ad ea, quæ ab ipso dictata, & ex notariorum notis transcripta essent. Item alibi scribit plurima ab eodem dictata & edita, in Ecclesia disputata, excepta atque emendata, vel aduersus diuersos hæreticos conscripta: emendationem similiter istam accommodans ad ea quæ dictata, disputata, & excepta essent; non ad ea quæ aduersus hæreticos ab ipso conscripta. Nam quæ ipsi Patres conscripserunt, ea deinde à librariis descripta ab ipsis relegi & emendari consueuisse, non facile reperiēs. Hæc enim opera leuior erat, & ab aliis facile impleri poterat, exemplaribus cum ipsorum autographo collatis. Similiter Gaudentius ad Beneuolum; *Quatuor, inquit,* Loco citati.



*Gaud. Brix. breuiores tractatus, quos de diuersis capitulis Evangelij apud te olim fuisse me loqui-  
 pref. ad Be- rum prodidisti, & quintum de Machabeis Martyribus, emendatos tibi, quoniam  
 men. in ser- cogis, remittam, &c. De illis vero tractatibus, quos, notariis (ut comperi) latenter  
 apposis, proculdubio interruptos, & semiplenos, otiosa quorundam studia colligere  
 presumpserunt, nihil ad me attinet. Mea iam non sunt, quae constat precipiti exci-  
 pientium festinatione esse conscripta. Tractatus quos loquutus esset & dictas-  
 set, emendatos edere se dicit; quæ verò à notariis excepta ipse non emen-  
 dasset, ea, ut grauibz erroribus obnoxia, se non agnoscere profitetur. Sic  
 D. Gregorius, quæcumque se dictasse aut pronuntiasse ait, ea, priusquam  
 ederentur, monet à seipso emendata, ut sermones in Iob, homilias in*

*Vid. D. Gre. Evangelia, & in Ezechielem; de quibus, Homilias, inquit, quæ in beato Eze-  
 ger. pref. in chiele Propheta, ut coram populo loquebar, exceptæ sunt, multis curis irruentibus in  
 Iob. c. 2. & abolitione reliqueram. Sed post annos octo, petentibus fratribus, notariorum sche-  
 prefat. in dulas requirere studui, easque fauente Domino transcurrens, in quantum ab angu-  
 Ezech. & in stis tribulationum licuit, emendavi. Quæ ergo ita essent excepta, ea priusquam  
 Euangel. ab ipsismet recensita essent, edi non solebant, ob procliuēs notarum la-  
 psus; & si quid aliter nimio quorumpiam studio fieret, grauitè ferebant  
 & indignabantur. Neque id solum SS. Patres, quibus ob rerum diuinarum  
 religionem magis licebat, sed etiam sæculares scriptores questi sunt. Nam  
 de suis quibusdam orationibus Quintilianus; Ceteræ, inquit, quæ sub nomine  
 meo feruntur, negligentia excipientium in questum notariorum corruptæ, minimam  
 partem mei habent. Easque demum suas cæseri vult, quas ipse recognitas  
 edidisset. Atque idem existimandum de antiquis aliis Patribus, ut Origene  
 notarios plures septem dictando fatigante, & homilias suas ab iis excipi  
 tandem perpeffo. Quorum scripta in manus hominum venisse, nisi ab  
 ipso relecta & restituta, non est credendum.*

*Quintil.  
 lib. 7. c. 2.*

*Ensch. hist.  
 lib. 6. c. 17.  
 &c.*

Hæc si attendisses, Sirmonde, non esses abusus Possidij dicto ad Augu-  
 stinum in Criticorum classem redigendum, nec Augustini factò confir-  
 masses Manuscriptorum fidem & integritatem, cum ille singulare nihil in  
 eo egerit, sed vsitatam tenuerit sanctorum Patrum, scriptorumque adeo  
 quorumvis consuetudinem, quæ ad tuum scopum nihil attinebat. Nam  
 quod Augustinus, cæterique sancti Patres, & scriptores alij, dictata sua, aut  
 pronuntiata à notariis excepta, recognoscere consueffent, non magis ad  
 sancendam veterum manuscriptorum auctoritatem facit, quàm quod  
 ipsi sua scripta propriis plerumque manibus exarabant. Imò ea certiora &  
 germaniora exemplaria esse potuerunt, quæ ex ipsorum autographis ex-  
 pressa essent, quàm quæ ex notariorum codicibus, etsi ab ipsis emendatis,  
 descripta; cum in aliena scriptione castiganda obscuræ mendæ facilius  
 oculis elabantur, ut quotidiana experientia patet, quàm in nostra ipsa vel  
 primùm pangenda, vel postmodum relegenda; & multò exploratius sem-  
 per habeatur sententiæ nostræ signum propria manus, quàm aliena.

Quare si ridiculè argumentareris, magnam fidem habendam esse vete-  
 ribus manuscriptis, quod eorum prima autographa sancti Patres suis ma-  
 nibus scripsissent; multò ineptius argumentabere, habendam esse manu-  
 scriptis fidem, colligendamque illorum puritatem ex eo quod eorum au-  
 tographa à notariis excepta, sanctorum Patrum manu emendari solerent,  
 priusquam



priusquam emitterentur. Si enim ea autographa, quæ ipsi Patres scripserunt, vitiosis librariorum descriptionibus in deterius mutari potuerint; multò magis deformari potuerunt autographa à notariis librariisque conscripta, quamuis ipsi Patres ea emendassent. Itaque prima eiusmodi emendatio nihil iuuat, manuscriptorum deinceps aliorum auctoritatem, & imperitè ad eam confirmandam à te est prolata.

Ridiculè verò addis, si huius generis volumen aliquod ab ipso Augustino recognitum, vel ex recognito fideliter expressum, bona fors offerat, tanquam emendatissimum amplectendum esse. Licuit eadem opera ratiocinari, si quod autographum ipsius Augustini manu scriptum, vel si quod exemplar ex eo autographo fideliter expressum, aliunde emergeret, id pro emendatissimo habendum esse. Nam quis adeo sit amens, ut hæc abnuat? Vel quis adeo ineptiat, ut se hæc speret assequi posse; cum tot scriptorum & descriptionum vicissitudines non solum fontes Patrum, sed etiam Scripturarum, ita locis non paucis obturbarint, ut eorum omnimoda puritas & natiuus nitor nusquam extet; & primaria eorum autographa ipsa temporum longinquitate, & rerum humanarum fluxu iam pridem euanuerint? Quid tibi vis cum festiuissimis nugis, quarum ope non magis scriptorum à Patribus post librariorum descriptionem emendatorum, quàm aliorum ab ipsis primò tantum scriptorum, exemplaribus auctoritatem conciliabis? Omnia enim, quæ siue à Patrum autographis, siue ab exemplaribus quæ ipsi emendarint, fideliter expressa constet, emendatissima & grauissima haberi apud omnes necesse est. Sed cum hoc de nullis constare possit, otiosa & ridicula argumentatione rudium animos pascere voluisti.

Superest vltima tua labes in tam paucis verbis. Quod enim ais Possidium testari Augustinum, cum *labori diem impenderet, noctem vel dictandis libris, vel iam dictatis atque transcriptis emendandis transgisse*; de ista diei & noctis diuisione apud Possidium nulla vox inest. Lege, & perpende accuratius: *Animi recursum, inquit, ad interiora mentis & superiora faciebat, quo vel de inueniendis rebus cogitaret, vel de iam inuentis aliquid dictaret, aut cerie ex iam dictatis atque transcriptis aliquid emendaret. Et id agebat, in die laborans, & in nocte lucubrans.* Hæc ergo omnia ipsum egisse dicit noctes ac dies, his laborando, illis lucubrando; non autem solas noctes, ut ineptissime hallucinaris. Laborem enim Augustini diurnum & nocturnum distinguit Possidius solis verbis, nocturnum vsitata voce appellans, *lucubrationem*; diurnum autem clariùs & simpliciter *laborem*. Cæterum non aliusmodi laboribus noctem quàm diem illum traduxisse, sed assiduè in rerum diuinarum commentatione esse versatum testatur toto loco, cum conferens non cum Martha, sed cum *religiosissima Maria*, supernæ Ecclesiæ typum gestante, quæ sederet ad pedes Domini, & intenta verbum eius audiret. Qua de causa domesticarum & Ecclesiasticarum facultatum curam in *valentiores clericos*, & in *domus præpositum* eum contulisse ait, & *vix aliquando seipsum ad hæc temporalia ab æternorum cogitatione relaxasse, & tanquam à rebus mordacibus & iam molestis, animi recursum ad interiora mentis & superiora fecisse, quo vel de inueniendis rebus cogitaret, vel de iam inuentis aliquid dictaret, aut cerie ex iam dictatis atque transcriptis aliquid emendaret.* Quæ res tam aperta est ex

M m

Vid. Aug.  
ep. 140. ad  
Audacem,  
& alibi.  
Cap. 18.

rota Possidij historia, & ex ipso passim Augustino, rebusque & scriptis eius, ut nihil absurdius dici possit, quàm eum tot & tanta scriptorum genera, ut ea omnia vix quisquam studiosorum nosse & perlegere sufficiat, (Possidij verba sunt) solis noctibus peregrisse, ubi diem aliis laboribus impendisset. Sed tu absurditatem hanc, more tuo, non sensisti; & cum Anselmi & Augustini mentionem vnà faceres, legisses autem Anselmum noctes codicibus emendandis destinasse, idem de Augustino dicendum arbitratus es; quasi restituendorum librorum laborem, in quo desudasti, & criticam istam quam callere videri vis, inter opera tenebrarum ablegares.

## S I R M O N D V S.

De Scripto-  
rib. Eccles.  
c. 75.

Epist. 6. ad  
Flor.

**E**QVIDEM sic arbitror, Hieronymum, cum Origenis volumina Pamphili Martyris manu exarata tanti faceret, ut Cræsi opibus aquaret, non propter Martyris nomen tantum, quamquam hoc præcipue, sed propter emendationem etiam adamasse. Neque ego Hilarij librum de Synodis, quem à se manu sua descriptum Hieronymus testatur, si consequi liceret, non aliis multis nominibus, tum emendationis causa non plurimi faciendum putarem.

## A V R E L I V S.

**D**E Origenis voluminibus à Pamphilo Martyre descriptis inaniter vaticinaris, & studio tuo quidvis ad manuscriptorum integritatem asserendam quo iure quaque iniuria torquendi, licenter indulges. Hieronymi verba sunt; Origenis volumina, manu eius (Pamphili) exarata reperi; quæ tanto amplector & seruo gaudio, ut Cræsi opes habere me credam. Si enim letitia est, vnâ Epistolam habere martyris; quanto magis tot millia versuum, per quæ videtur sui sanguinis signasse vestigia? Non ergo emendationis vilius causa tanti sibi fuisse ait Pamphili volumina, sed propter scribentis dignitatem. Cur quod ab eo scriptum est ad solam Martyris venerationem, tu ad criticæ laudem transuertis? Cur ei affingis, & nobis obtrudis cogitationes tuas, ut illius autoritate tuis commentis suffragere? Vbi enim ait Hieronymus, nusquam extitisse emendatiora Origenis exemplaria, quàm quæ Pamphilus scripsisset, adeoque hæc propter emendationem omnibus aliis, quasi Cræsi opes minoribus diuitiis præferenda fuisse? Quid enim si Pamphilus ex codicibus non vndique purissimis descripserat? Quid si in eos hæretici & maleuoli homines iam aliquid inspererant veneni illius, quod ab Origenis defensoribus in illius scripta iniecisse iam olim dicuntur?

De libro autem Hilarij à Hieronymo descripto eadem nugaris, quæ prius. Quis enim dubitet quin si germanum Hieronymi exemplar alicunde subito existeret, tum aliis de causis, tum emendationis gratia summo in pretio habendū esset? Sed quid hoc ad codices qui nunc extant? Quo enim ex adyto eruere mihi possis post tot sæculorum lapsum vllam pagellam, quam Hieronymi manu exaratam constet? Imo quis dubitat quin si ipsa Hieronymi vel librorum Hilarij, vel suorum exemplaria alicunde proferrentur,

innumera codicum manuscritorum qui nunc sunt, errata, & multò plura quàm à criticis oculatissimis deprehendi queant, aperirentur, eorumque fides longè minima efficeretur? Malè ergo ad eorum manuscritorum, de quibus hîc agimus, ad eorum qui extant, ad eorum quos ex vulgaribus Bibliothecis depromere licet, confirmandam fidem, iteras iam sæpius hoc commentum, quo illis certissima calamitas & infamia portenditur.

## S I R M O N D V S.

**A**MARE bonos codices eum necesse est, qui doctrinam amat, quæ codicibus continetur. Et quamquam splendor literarum non idem omnibus temporibus existit, fueruntque inerudita sæcula & ingenia, quæ codices nobis non bonos procuderunt, nulla tamen ætas tam rudis fuit aut barbara, quæ melioris æui codices ante illam barbariem natos non haberet conditos in Bibliothecis, ex quibus meliora deinceps, reddita literarum luce, petita, & ad nos transmissa sunt exemplaria.

## A V R E L I V S.

**A**MARE bonos codices eum necesse est qui doctrinam amat. Sed inter noscere qui sint boni codices, eius tantum est qui à doctrina amatur, & cum ea commercium antiquum habet. Alioquin qui malos codices probans pro bonis, ex iisde rebus grauissimis decernit, eum nec amare doctrinam necesse est, quam euerrat; nec à doctrina amari, metuendum videlicet illi hostem. Qui ergo doctrinam amat, is iudicium & delectum illum adhibebit ad codices, quem nos exposuimus; Qui non amat, is cæcitatem illam affectus iis impendet, quam tu frustra tueris. Nec verò similes inerudita fuisse sæcula & ingenia, quæ nobis codices non bonos procuderint. Quid enim Hieronymi sæculo eruditius? Quando literarum, præcipuè diuinarum, splendor maior vnquam fuit? Quis tamen Hieronymo acrius insectatus est tum librariorum, tum notariorum emendatorumque inscitiam & audaciam, qua non quosvis libros, sed ipsos omnium principes ac summos, ipsos diuinæ Scripturæ codices, ab iis ita inquinatos dicit, ut omnes eorum mendas ne ipse quidem sanare auderet, ne nimiam nouitatem inducere, & alias quodammodo scripturas procudere videretur? Quod si diuini libri, quibus plus honoris ac studij tribuitur, & quorum semper maior Ecclesiæ cura fuit, tamen à librariorum & emendatorum imperitia per ætates illas eruditissimas, fulgente tanta doctissimorum & sanctissimorum virorum luce, vindicari non potuerunt; quid in alios scriptores minoris notæ ab iis admissum putes? Cur igitur tam ineptè cauillaris, quasi sæcula, quibus literarum splendor magis emicuit, non etiam effuderint vitiosos illos codices, quos ab eruditis hominibus pedetentim explorandos, nec per omnia probandos affirmamus? Num tibi adeo rude & ineruditum fuisse videtur Anselmi sæculum, & Petri Damiani, quo Burchardus Episcopus; Humbertus Cardinalis; Hermannus Contractus; Theophylactus, Oecumenius; Fulbertus & Iuo Carnotenses; tres Anselmi Cantuariensis, Lucensis, Laudunensis, Lanfrancus, Guitmundus;

M m ij

Leo IX. & Gregorius VII. præter alios florere ? Atqui tu ipse paulò ante protulisti S. Anselmum & Petrum Damiani eo sæculo librorum vitia declarantes ; & scriptor vitæ S. Anselmi testatus est eos *nimis corruptos ubique terrarum fuisse*. Quis ergo iam ferat perpetuam dictorum tuorum temeritatem ? Quis hominem senem tanta ratiocinandi leuitate exultare non miretur ? Nam illud etiam vanissimè fingis , cùm inerudita quæque sæcula terras occuparent , conditos fuisse in Bibliothecis codices melioribus temporibus scriptos , ex quibus , reddita deinceps literarum luce exciperentur exemplaria quæ transmitterentur ad nos , suppressis illis quæ in proxima cuiusque sæculi nocte scripta essent. Quid enim hoc figmento absurdius ? aut qua tu fronte rebus grauissimis & intelligentium hominum mentibus tam audacter illudis ? Quis enim credat , quoties rudius quoppiam sæculum orbi incubuit , conditos mansisse in Bibliothecis meliorum temporum codices , datamque operam ne quis ex iis bona exemplaria desumeret , donec eruditionis dies rursus oriretur ? Hoc autem exorto , referari cæptos Bibliothecarum angulos , & ex illis , seposita indocti sæculi exemplarium copia , exprimi cæpta esse sana exemplaria , quæ ad nos fœliciores posteros transmitterentur ? Nam vt alias commenti huius inanitates præteream , quid attineret posteriorum temporum codices ex antiquioribus , & fœliciorum sæculorum exemplaribus deductos esse ; cùm , si minor in iis corruptela obeam reminesset , non tamen incorrupta integritas plenaque emendatio existeret ; quandoquidem eruditissimorum etiam sæculorum libros , grauibus librariorum emendatorumque vitis affectos esse probatum sit ? Non enim vlla tanta fuit sæculi cuiusquam eruditio aut fœlicitas , in qua non maximus imperitorum & sciolorum grex , stultorumque infinitus esset numerus , prudentium autem & solido pectore præditorum rarior seges ; vt vel ex hoc sæculo pater , quod cùm eruditissimum & cumulatissimum habeatur , tamen paucissimos habet , & semper habuit , librorum scriptores & emendatores idoneos , qui non deteriora plerumque faciant , quæ emendanda susceperunt ; vt peritorum criticorum antiquæ & nouæ querimonix testantur. Atque ex hoc potissimum fonte , non ex sæculorum infœlicitate , petenda est emendatorum codicum paucitatis , imò nullorum perfectæ & primigeniæ puritatis causa. Nimium ergo indulges , Sirmonde , tuis commentis ; & quicquid tuæ menti obicitur cum specie aliqua fuci , id arripis sine veritatis delectu , ad gloriæ , cuius studio occupatus es , præsidium , & ad errorum obuelationem , quibus te implicasti.

## S I R M O N D V S.

**N**E QVÆ hac sola nunc , Aureli , quæ integra & incorrupta videntur , ad expurgandos libros conferunt , sed alia etiam quæ sequioris sunt notæ : cùm vitiosi & mendosi adeo codices vix sint ulli , qui multis in locis non sani sint : ita vt inter se collati vulneribus suis medcantur inuicem ; & mutuis auxiliis conualescant.



## A V R E L I V S.

**V**TER is prorsus argumento hæreticorum, & quemadmodum illi, ad excludendam Ecclesiæ autoritatem, Scripturæ textum ita mordicus tenent, ut solo illo quamlibet ipsius ambiguitatem & obscuritatem tolli contendant, collatis inter se locis, & vniuersum religionis caput ad Græcos & Hebraicos reuocent fontes, ex quibus omnia componi & decidi posse asserunt: sic tu ad eludendam vim veritatis, maiorumque rerum lucem, quam ego manuscriptis præposui, & ex qua eorum sanitatem spectandam esse dixi, ita illos tueris, ut sola ipsorum inter se collatione, mutuisque auxiliis eorum labes elui, & vulnera sanari posse affirmes. Ergo quanta est hæreticorum in illo effato absurditas & cauillatio, tanta in hoc tuo; quanta in illo euertendo Catholicis facilitas, tanta in hoc nobis. Nam primum omnium ubi multo maximam codicum partem germaniæ lectioni, ut sæpè fit, aduersantem inueneris, qua tandem codicum ope vitium deprehendes, cum pro illo faciat codicum maior consensus? Vbi verò hic vtrique par erit, utros alteris præferes, cum ad hunc delectum nulli te codices adiuuerint? Quid verò si omnes penitus codices vitiatos esse constet? qua via lectionis germanitatem assequere? Nam si inficeris codices manuscriptos quibusdam locis vitiatos omnes esse, præterquam quod collectorum, & emendatorum penè omnium testimoniis redarguere, qui non rarò professi sunt esse loca, quæ manuscriptorum nullorum ope restitui potuerint, quod & tu ipse nonnunquam es fassus; confutabere præterea apertissimo Bibliorum exemplo, quorum nullam esse constat editionem, non Latinam, non Græcam, non Hebraicam, quæ non in vniuersis manuscriptis librorum vitio ita sit deprauata, tum additamentis, tum imminutionibus, tum inuersionibus, tum immutationibus variis, ut nihil opis ad eas sanandas in manuscriptis vllis reperiat, quod ad illarum plerasque vniuersi consentiant & conspirent. Quod factum si diuinis libris contingere potuit, quid spei sit de aliorum incolumitate? Quanto enim facilius eorum omnes manuscripti vitari potuerunt? Manuscriptis autem ita peruersis, quid præsidij, aut quid consilij erit ei Critico, qui omnia referat ad manuscriptorum amissim, & ex illis solis de lectionum veritate pronuntiandum esse statuatur? Nonne vides quemadmodum hæreticos omisso scripturæ textu, cuius exitum nullum reperiant, ad Ecclesiæ autoritatem redigimus; ita tibi in huiusmodi locis confugiendum esse ad veritatis normam, ad maiorum lucem, ad traditionis stabilitatem; & ex ea vel de discrepantibus libris, vel de conspirantibus ad errorem, ferendam esse sententiam? adeoque autoritatem illam, quam ego manuscriptis præposui, tibi quoque illis præponendam, nec supremam & vnicam, quod velle videris, haberi posse manuscriptorum legem? Quid his clarius, obsecro? Quid autem te infœlicius qui aduersus tam apertam lucem pugnes, & quidem toties ab Ecclesia contractis & iam infamibus hæreticorum armis?

M m iij

## S I R M O N D V S.

**I**NUNC ergo, & manuscriptos obstinatiùs vel non bonos vitupera, quia iudicio indigent, ut dicis, & cum iudicio tractari tua sententia nisi à Theologo non possunt. Iudicio quidem hîc cerè opus est non leui, tum ceteras ob causas, tum maximè, ne absona, quod parum abs te cautum video, & ab autoris mente aliena emendatio, vel interpretatio inducatur. Quod qui providere nescit, longè prorsus ab illo est iudicio, quod Critici partes requirunt, quodque in emendandis libris sincerius interdum certiusque præstat solers Grammaticus, quàm tumidus ac turgidus inani titulo, & ostentatione non scientia Theologus.

## A V R E L I V S.

**S**IC decuit, disputationem insulsissimam desinere in arrogantissimam turpissimamque insultationem; quæ tibi si sapias, plus pudenda est illa ipsa disputatione. Est enim eius pœna, in fraudium temeritatumque tantarum ultionem à Deo immissa. Quid tibi venit in mentem tumori & ostentationi deputare *Theologi* titulum, cùm eum tui sodales, qui omnibus honorum nominibus, etiam licitis, abstinendum sibi esse profitentur, passim assumant, libros suos vulgò inscribentes, *Autore reuerendo Patre, Societatis Iesu Theologo*? Itane mihi es infestus, ut dum inanissimam morsicandi me libidinem saties, tanti putes eorum omnium virtutem modestiamque deuorare? Quid arroganter, quid ostentanter facit, qui Theologicas res grauissimas & multiplices publicè tractans, *Theologi* nomen sibi sumit? Nonne arrogantius faceret, si, hoc agens, nomen illud abjiceret, alienumque à se putaret? Sed tu videlicet in contentione nostra longè aliter censes, eamque ab alio quàm à Theologo tractari posse autumas, à tui simili tractatore, à Grammatico solerti, qui de germana Canonis Arausici editione, de vnctione Sacerdotali & Episcopali, de Sacramento Confirmationis, de erroribus & hæresibus tuis certius sinceriusque, te iudice iudicabit quàm turgidus tumidusque Theologus. Equidem, nisi magnopercè fallor, Grammaticum, qui Theologo obluëtetur in re Theologica, tumidum turgidumque dici faciliùs obtinebis, quàm Theologum qui Grammatico. Quid verò si Grammaticus tumeat etiam turgeat quæ vtrò in Theologum? Quid si ne solers quidem Grammaticus sit, sed deuius ac præceps, & disputationem inscitiâ & imprudentiâ certatim misceat, imprudentiæque assiduas, quod mirum sit, adiungat fraudes? Quis Grammaticum hunc ferat? quis non exsibilet? quis eius scientiæ ac iudicio, vel in re Grammaticali, fidem habeat? Equidem tu, qui Grammaticum Theologo præfers, vide sodes Grammaticusne quàm Theologus dici malis? Ego sanè cùm parte superiori disputationis huius te vix Grammaticum esse ostenderim, in ea, quæ proximè instat, te maximam grauissimamque rem Theologicam ita tractasse demonstrabo, ut nisi merum Grammaticum te profiteare, summorum flagitiorum pœnam deprecari non possis. Eos enim errores, easque hæreses peperisti, quas, nisi summa rerum Theologicarum ignoratione, & sola Grammaticæ scientia, nunquam excusabis.

## EPISTOLA SIRMONDI.

**V**ERVM ego hac sola defensione non utor : ipsa pro me Synodi verba loquuntur, & negationem salua sententia tolli non posse testantur. Relege sodes, Canonem integrum, & singulas eius partes expende. Tum ego fidem tuam obtestabor aequum ne censeas de Synodi Arausicana Patribus tam leuiter suspicari, ut qui chrismationem unicam toto Canone tot modis inculcarant, eosdem placeat in extrema eius clausula necessariam chrismationem alteram affirmare.

## RESPONSIO AVRELII.

**D**VPLICEM in Canone chrismationem planè reperiò. Primum illam, quæ in P. 664. baptisinate fieri iubetur à ministris baptizantibus : deinde illam quæ in Confirmatione à Sacerdote seu Episcopo fieri dicitur. \* Ex qua utraque per se & in suo genere unica, sit duplex illa unctio, quæ in clausula Canonis necessaria esse concluditur. P. 665. Quaro ex te, quæ sententia poni velis ultimam Canonis clausulam negatione inserta, sed ut non necessaria habeatur repetita chrismatio? Quæ de chrismatione sermo est? Si de baptismali seu verticali, ridiculè iteranda negabitur, \* cum ipsa illa chrismatio prius constituenda esset, quàm de iteranda ageretur. Hoc autem Canone primum decreta reperitur in Ecclesia Gallicana. \* Superest ut de chrismatione Episcopali loquatur, & non necessariam habendam dicat repetitam chrismationem, nempe Episcopalem in Confirmatione, post presbyteralem, seu versicalem in baptismo. At hoc quoque sensu adeo absurdum est, ut minus quàm prior ferendus sit. \* Si enim ij soli, qui in baptismo chrismari non potuerunt, ab Episcopo sunt chrismandi, Episcopalis chrismatio baptismalis chrismationis merum est supplementum. \* Hinc via patet ad pleniorẽ Canonis expositionem. Primum enim statuendum est quod diximus, Arausicanos Patres chrismationem baptismalem in Galliis antehac minus notam, minusque quod constet usurpatam, hoc Canone primum sancire. \* Statuunt enim, nullum deinceps baptismum à Presbyteris sine chrismatis unctiõne administrandum esse. P. 674. Vnde claret non rectè hinc à te auulsum illud, in baptisinate, cum series ipsa Canonis indicet non generatim edici semel esse chrismandum, sed semel in baptisinate chrismari : & signifcent Patres chrismationem iis verticalem, non etiam Episcopalem permitti. \* Porro ita præcipiunt eiusmodi chrismationem, ut eam, si quo casu omissa fuerit, suppleri iubeant ante confirmationem Episcopalem. Nempe ne talem confirmet Episcopus, nisi eum ad Presbyterum prius chrismandum remiserit. Ipse enim Episcopus eiusmodi chrismationem præbere non potest, quia chrismatis ipsius non nisi vna benedictio est. Esset autem duplex, si prius eam, quæ à ministris petenda erat, deinde suam expleret. \* Hoc sensu istius partis posito, nihil interest legatur, Nam inter nos, aut, inter quoslibet : Est enim vera utraque oratio. \* Hinc ad Canonis conclusionem proficiscuntur Patres. Fusserant de eo, qui baptizatus à ministris quacumque necessitate chrismatus non fuerat, in Confirmatione moneri Episcopum, ne prius eum confirmet, quàm baptismalem chrismationem à ministro perceperit. Eius rei rationem adferunt, non quo chrismatis baptismalis omissionem sola ne-

P. 679.

P. 680.

cessitate contractam cuiquam obesse, aut chrismationis Episcopalis vim minuere velint, sed ut sine ullo eiusmodi praeiudicio, repetita chrismatio, seu chrismatio duplex, necessaria habeatur. Ex quo patet sententiam intercipi, si negationem vltima parti adjicias. \* Nec quemquam moueat loquutio illa, Non ut praeiudicans quicquam dico, quam tu vocem, dico, sustulisti, cum sine ea sententia deficiat: quia frequentissima est in Conciliis oratio, ut ab uno quopiam Episcopo proposita suo nomine sententia ceterorum assensu probetur. Refellitur eadem operatitulus, quem tuo Marte affinxisti, De non iteranda chrismatis benedictione, contra omnium codicum qui antehac à collectoribus inspecti sunt, fidem, qui omnes uno consensu Canonem inscribunt, Ut nullus minister sine chrismate proficiscatur. \* Certè enim titulus tuus à scopo Canonis aberrat. Confirmatur codicum titulus à Concilio Arelatensi II. seu verius rapsodia & centone Canonum variorum à te edito, ut pateat rapsodiae istius compilatorem spectasse Canonis sensum, quem nos edidimus. \* Ceterum isti quoque centoni Arelatensi videris more tuo abstulisse voces illas, in baptismo, contra vim scopumque Canonis.

## R E C E N S I O.

**Q**UAE sit mea mens de sensu Canonis Arausici, adeo alij intelligere nequeant ex tua ista responsionis meae deformatione ignauissima, ut ego ipse vix capiam, aut in ea quicquam meum agnoscam. Qui enim possum in tanta dictorum, argumentorumque meorum inuersione, detractione, mutilatione? Studuisti nempe cum in alijs vbique locis, tum in hoc potissimum primario & capitali, ut oratio mea, si non ex tuis argumentis, saltem ex tuis fallacijs, & ex indignissimo isto breuiandi artificio, insulsa videretur, perplexa, obscura, absorta, & imbellem tuam pertinaciam, quam suo robore & insita sibi veritatis luce aperit, affusa ei à te caligine & fœditate velaret. Nam pleraque mea prorsus siles: quæ autem refers, ea sic mutilas & spolijs additarum à me rationum firmamentis, sine quibus capi omnino non possunt; alia rursus ita perstringis vno verbulo & præteruolas, quasi pluribusea declarare verearis, quæ tamen sine expositionibus meis absurda & inania videri necesse est, ut iis quæ retulisti maiorem iniuriam inflixeris, quàm iis quæ tacuisti. Longum esset sigillatim enumerare tuas fraudes, quibus integras pagellas passim absorpsisti, & in iis præcipua robora orationis meæ; nec id aliter fieri posset, nisi tota illa hic repræsentata, quam tu, tum simulando, tum dissimulando, tum loquendo, tum silendo, totam euertisti, & è medio abstulisti, bis falsarius, & cauterio, & stylo. Cæterum harum fraudum pleræque à nobis aperientur in procursu responsionis nostræ, & expositæ à nobis veritatis germana facies, vnà cum somniorum tuorum absurditate, declarabitur, ne prolixa & odiosa enumeratione quemquam hoc loco obtundamus.

## R E F U T A T I O S I R M O N D I.

Canones ex sensu & more temporum, quibus conditi sunt, interpretandi. Aurelij, qui Canonem Arausicanum ad hodiernum usum detorsit, interpretatio violenta, confusa, ridicula: Sirmondi contra expositio Canonis aucto congruens, perspicua, & certis autoribus constabilita. De titulo Canonis, & de Concilio Arelatensi II.



**H**A CTENVs belli praeludia, nunc certamen ipsum ingredimur. Canonis Arausicani adstruenda est sententia. Hic Rhodus, hic saltus, Aureli, hac pugna decretoria, in qua alterum nostrum vincere, alterum cadere necesse est.

## RELECTIO AVRELII.

Vanitas & imperitia multiformis Sirmondi. Putidae eius fraudes. Vindicata à puerilibus eius conatibus expositio Aurelij. Sententia ipsius erronea, hæretica, & paradoxa, certissimis argumentis reuicta. Varie eius ineptie explosæ.

**Q**Uis senem religiosum, ac non adolescentulum myrmillonem tuis verbis loqui dicat? Vnde hæc vanitas, Sirmonde? Vnde hæc leuitas in religioso præter officium, in sene præter naturam? Vnde in te tam insolens germen, quod nisi ab inordinato quopiam sæcularium literularum studio, & quasi contagio, eruperit, videri possit sine radice in te natum esse? Sed scientia signorum inflat, ut rectè Augustinus; & sæcularium studiorum assiduitas plerumque sæculares facit, maximè religiosos; quos in iis ætatem conterentes, in illorum genium abire finit Deus, & quod in iis est mali facilius concipere, quàm quod inest boni; ut contrà reuelata facie gloriam Domini specularantes Christiani, in eandem imaginem transformantur à claritate in claritatem, tanquam à Domini Spiritu. Hoc verò in primis loco tantum animorum, & ambitiosorum spirituum iactare quæ te fides pati potuit, cum præclare senseris ita munitam vndiq; expositionem meam, ut ridiculos in eam assultus frustra operosè molitus sis; & tuam ita absurdam ac deuiam, ut magno labore vix quicquam reperire potueris quod comminiscerere, & id tandem sis commentus, quod nemini Theologorum vnquam venit in mentem? In tanta infelicitate tua inducere animum potuisti magnificè præfari, fiduciam ostentare, aduersarium lacerare, quasi ultro cupidus eius pugnae quam imis sensibus horrescebas? Itane fungos sperasti fore omnes homines, ut de viribus tuis ex vanitate tua iudicium facerent? Nescis gloriosissimos quoque, ignauissimos vulgò haberi? Quæ tandem tibi hic sit *Rhodus*, cum hanc insulam nullo non die Solis radiis illustrari ferant; tu verò in quadam iaceas errorum nocte, nec tua oratio vllum eruditionis, aut sanæ doctrinae lumen penè vsquâ habeat? *Saltus* hic tibi est, non Rhodus, Sirmonde; siue quia saltim & velitarim fugis; siue quia ineluctabili veritatis telo confixus, per vepres errorum ac dumeta euagaris, quasi confixâ ceruâ sagittâ, quæ fugâ lyluas salusque pererrat abstrusos, hæret lateri lethalis arundo. Hoc illud est spectaculum, quo ego eos omnes conuocatos velim, qui te hætenus in aliquo numero posuerunt. Hic enim te ipsum ad vnguem effinxisti. Hic tenuitatem iudicii tui, Theologicæ scientiæ inanitatem, & interioris imbecillitatis illos recessus, qui hætenus sub aliqua publicæ famæ vmbra latuerant, quasi in propatulo collocasti. Denique quàm metuendæ sint, & fugiendæ hominibus tui similibus, quos neque naturæ vis, nec solida eruditio, nec accurata maiorum doctrinae notitia idoneos fecit, sed mediocris tantum literarum vsus animos extulit, grauiorum rerum Theologicarum discussiones, exemplum illustre statuisti. Sed nolo pluribus te morari, qui me iam dudum ad

pugnam vocas. Tantum moneo vt memineris te *certamen ipsum*, & *decretoriam pugnam*, in qua *vincendum sit*, aut *cadendum*, constituere in exponenda sententia Canonis, non iam in Manuscriptis, in quibus belli tantum *præudia* fuisse fateris; atque ita tandem agnoscere, quod tam operosè *suprà* negasti, esse maiorem autoritatem quàm manuscriptorum codicum, quàm spectandæ sint & explorandæ germanæ lectiones; posseque illa autoritate plurium interdum manuscriptorum consensum paruipendi, cùm tuos illos omnes, quorum tantam consensionem iactasti, profitearis conuictum & profligatum iri, teque vnà cum illis, si sententia Canonis, quam ex iis exsculpis, vana & insulsa demonstratur. Quod vnum ego contende-  
bam superioribus illis responsionibus, quas tu tanto calore inuasisti, quasi manuscriptis omnibus exitiales. Ac mirandum est tantam esse vim veritatis, & tantam feruoris tui & æmulationis cæcitatem, vt tua sponte post certamen agnoscas, quod in ipso certamine totis viribus oppugnasti.

## S I R M O N D V S.

**V**T ordine configamus, cum sequar, quem exemplo tuo constitui, vt tuam priore loco interpretationem dispungam, tum meam postea stabiliam & confirmem. Sed hoc inter nos erit discrimen, quod ego nunc explicatam à te habeo sententiam tuam, quam impugnem; tu de mea, priusquam audires, diuinando aberrasti, & umbras tibi, cum quibus dimicares, effinxisti. Quid enim attinebat aërem tot paginis cadere, atque illa refellere, quæ nemo affirmabat?

## A V R E L I V S.

**E**RGO ne effingere umbras, & aërem cadere tibi videtur, qui aduersarij thesin infirmans, ea, quæ illi confirmandæ afferri posse videntur, antevertit & præfocat? Ergo ne diuinando aberrant, te iudice, qui legitimam per singula inductionem opponunt, & sufficienti partium enumeratione aduersarium vrgent? An mei odio, Dialecticorum & Rhetorum artem euerrere decreuisti? Tu in clausula Canonis Arausici necessariam negari dixisti duplicem chrismationem: ego argumentatus sum id exponendum tibi esse, vel de duplici ministrorum in baptismo chrismatione, vel de chrismatione Episcopali post baptismalem; ita vt negaretur vel bis chrismandum à ministris in baptismo, vel chrismandum ab Episcopo, postquam ministri in baptismo chrissassent. Nihil enim medium fingi posse videbatur. Vtrumvis diceres, falsum & absurdum esse ostendi; atque ita nullam clausulæ negationem includi posse conclusi. Hæc tibi argumentatio, inter eruditos notissima, umbratica esse videtur & imaginaria, quia videlicet tu nihil adhuc in alteram partem affirmaras? Quasi huiusmodi argumentatione statuatur quidnam aduersarius dixerit, ac non potius ei præripiatur quicquid dicturus sit, & hoc vnum agatur, ne quicquam possit dicere? Adeone disputandi rudis, & bonorum scriptorum tum nouorum, tum veterum immemor eras, vt vñatissimam inter eos differendi consuetudinem mirarere? Quamquam, fateor, fuit quod reprehenderes. Ego

enim quicquid à te dici posset occupasse mihi videbar. Tu aliò, quò minimè prauideram, abiisti; & tam instructam tibi esse declarasti errorum penum, ut non solum mihi nota, sed etiam mihi ignota & cuius inopinata somniare possis, & grauius ineptire, quàm ego cogitare ausus essem. Veniam ergo meretur error meus, saltem à te, in quem nimia mea æquitas eum genuit. Ego enim licet peritiæ iudicioque tuo non immeritò diffiderem, me tamen apud eruditos absurdum hominem, in te verò iniurium visum iri putassem, si id quod nunc respondisti, suspicatus essem à te fingi posse. Narro tibi; vicisti expectationem meam; & chimærica planè phantasmata procudisti, quæ minimè mirandum est mihi in mentem non venisse, cum nemini ante te venerint, & contra omnem Theologiæ sensum, & eruditi hominis iudicium sint conficta. Etsi enim ad posteriorem partem inductionis à me propositæ non nihil accesseris, & plerisque argumentorum in ea meorum aculeis premare, tamen eam tot erroribus & absurditatibus cumulasti, ut à nemine tibi ad eligendum offerri sine contumelia, sed à te solo fingi & præsumi potuerit.

## S I R M O N D V S.

**I**T A Q V E his omissis, ad interpretationem, ut dixi, tuam veniam, si hoc à te impetraro, ut erroris in illa tui fontem priùs & caput aperiā. Sic enim ad Canonem exponendum te accessisse video, ut nefas putes aliquid in illo latere, quod ab hodierno usu nostro distet, eoque nervos intendis, ut consentanea omnia videantur. Quod genus interpretandi, si quidem res patitur, nemo reprehendat. Si repugnet, nullum est ineptius. Quis enim hominem non rideat, qui, cum legibus Ecclesiasticis permissum nunc esse intelligat, ut ordinari Presbyter possit anno ætatis XXV. Diaconus XXIII. ad hanc normam <sup>a</sup> Agathenses, <sup>b</sup> Arelatenses, & <sup>c</sup> Aurelianenses Canones redigere velit, qui Presbyterum ante annos XXX. Diaconum ante XXV. ordinari videntur? aut qui de subdiaconatu, qui iam pridem ordo sacer est, adiunctamque habet legem castitatis, quoniam antiqui Canones diuersa statuunt, alios ex aliis corrigendos arbitretur? Synodum quoque Africanam sub Cypriano, quæ venientes ab hæresi baptizandos censuit, si quis interpolare, communemque ad Ecclesiæ sensum aptare conetur, quis ferat? Aut quis non indignetur si reclamante Hieronymo neget quisquam Meletium in Synodo Antiochena *ὁμολογῶν* statuisse, quia videlicet tantum virum æquius fuerat *ὁμολογῶν* cum Nicæna retinere?

<sup>a</sup> Agath.  
c. 17.

<sup>b</sup> Arelat. iv.

<sup>c</sup> 1.  
Aurel. iij.  
c. 6.

Cyp. lib. 3.  
extremo.

In Chronico.

## A V R E L I V S.

**Q**V O R S V M hæc? quò euagaris? quid inania verba fundis, nihil ad rem nostram? Magna scilicet Theologiæ mysteria pandis, legitimam Diaconorum ætatem olim fuisse annorum XXV. Presbyterorum XXX. Cyprianum hæreticorum baptisma malè respuisse, Meletium *ὁμολογῶν* malè esse amplexum, ut reconditam eruditionem tuam mirentur, quibus de Theologia nihil vnquam auditum est. Quis nescit in antiquis Canonibus multa esse ab hodierno usu discrepantia? Quis rursus multa congruentia inesse nescit? Nonne mihi licet locum communem de iis quæ in veteribus

Canonibus cum hodierna disciplina consentiant, contexere longiorem & selectiorem, quàm tu de iis, quæ discrepent, contexueris. Quid ergo tam debili fundamento præstruis responsionem tuam, cum ego contrario, nec minus plausibili possim illud euertere? Estne hæc peritia tua antiquitatis, ut clauum istum simili clauo repelli posse nescieris? Cur porro Canonis Arausicani sensum à me allatum nouitatis arguis, & discrepantiæ à veteri usu, cum eum Epistolæ Innocentij primi Concilio ipsò Arausicano antiquiori congruere ipse fatearis, ut patebit infra; tuum verò ita nouum, & ab illa Concilij Arausicani antiquitate abhorrentem sis expertus, ut autorem nullum, qui Presbyteris chrismationem frontis concessam dixerit, quàm tu iis Canone Arausicano concedi putas, ante D. Gregorium Synodo Arausicana tantò posteriorem, inuenire potueris? Nonne tua ista vanitas incredibilis est, ut antiquitatem, à qua miserè deficeris, longo proœmio ostentes? Nonne mira insulsi tas, ut interpretationem meam, quam ipsa Synodo Arausicana vetustior fateri cogeris, quasi nouam aspernere; tuam verò, cuius vestigium in tota Synodi Arausicanæ ætate, aut superiore quacumque nullum reperire potuisti, quasi antiquam, & Synodi temporis congruentem extollas? Cur denique me insimulas Conciliorum antiquorum sensum ad hodiernum morem detorquere, cum tui socij contraria reprehensione me absoluerint, libroque Parisiis edito, à vobis Parisiensibus sodalibus, adeoque à te illorum coryphæo, recognito conquesti sint me opiniones iam sepultas *refodere*, quod videlicet Ecclesiastici ordinis germanum statum & naturam, ad primigeniam eius formam, & ad decreta Patrum expenderim, & si qui athletarum vestrorum mihi responsuri sint, eadem sine dubio accusatione sint vsuri? Itane vos iuuat ludibrio habere veritatem, &, prout res vestræ exposcunt, modò antiquitatis studium, modò nouitatis exprobrare? Et verò qui *Dispunctionem* legerint nostram, facile per se ipsi intelligent quàm ridiculè à te insimul non satis habere studio antiquitatem, & eius placita ad nouissimas Ecclesiæ leges deflectere; cum ego hoc potissimum nomine, tum Spongiam, tum primarios Societatis tuæ duces sim insectatus, & grauissima passim, non disciplinæ tantum, sed doctrinæ Ecclesiasticæ capita, ignorance antiquitatis ab illis euerfa demonstrarim, & porro sim demonstraturus? Et tu isto fuco imponi mihi posse putasti? Et in meo, ut sic dixerim, propugnaculo, tutum erroribus tuis sperasti fore perfugium? Ignosce. Non habes salem. Ferarum nescio quarum simillimus mihi videre, quæ vndique acerrimè agitata, cum non habeant quæ elabantur, in ipsa sese aduersa venabula immittunt. Vltro enim fugis ad præsidium antiquitatis, quo ego te potissimum obruam, quo errores tuos extirpabo, & indignissimo isto exuam velo antiquitatis, nec novos tantum esse demonstrabo, sed inauditos, incogitabiles, tam antiquæ quàm præsentis ætati inuisos. Prætereo necessario multa absurda in istis exemplis tuis, ne minutiori ineptiarum tuarum excussione molestiam mihi & aliis quæram. Tantum addo, temerè à te obijci perspicendam mihi fuisse sententiæ Canonis Arausicani à præsentis usu discrepantiam, quam tu exponis; cum tua expositio non disciplinam versabilem & temporariam, sed fidem attingat, imò errorib. & hæresibus

attentes.



attentet. In sensu autem fidei nullum esse potest Arausicanorum Patrum à præsentis æui dissidium, nisi fortè illos vnà tecum erroneos, & à doctrina fidei deuios facias, quemadmodum Cyprianum, Synodum Africanam, Meletium quoque, & Antiochenam, quorum exempla hunc fortè in finem collegisti. Sed cùm in Patribus Arausicanis, de quorum fidei integritate nulla ad hoc æuum controuersia fuit, hæc macula hære non possit, tota in te conuertitur, qui eam multis nominibus, & maximè illatâ in eos contumeliâ meruisti.

## S I R M O N D V S.

**N**ON dissimile est, Aureli, quod in Canone isto interpretatione tua moliris. Nam pensi nihil habens quid Synodi verba sonent, aut qui mos illo tempore, qui status rerum & conditio fuerit, ad æui nostri consuetudinem omnia rapis: Quoniam duplex hodie in Ecclesia cuiuslibet Christiani est chrismatio; una in veritate, quæ fit in baptismo; altera in fronte, quæ in confirmatione, de utraque in Synodo vis agi, cùm Synodus disertissimis verbis unicam statuât. Et cùm chrismationem confirmationis in usu antea posuim fuisse non ambigas, chrismationem tamen baptismi, ad eum diem ignotam in Gallia, tunc primum hoc Canone institutam auguraris.

## A V R E L I V S.

**I**AM dixi te absurdè confugere ad discrepantiam Canonis Arausicani cum hoc æuo; quia sensus à te allatus fidem tangit, quæ semper eadem omni sæculo manet. Dixi item ridiculum esse me dici omnia ad æui nostri consuetudinem rapere, quoniam de duplici, quæ nunc in usu est, chrismatione, ministri in baptismo, & Episcopi in confirmatione, Canonem intelligendum dicam; quasi hæc duplex chrismatio non æqualis esset Concilio Arausicano, imò multo antiquior, cùm de ea disertissimè agat Innocentius Pontifex in publica & decretali Epistola, ut cæteros præteream, qui infra commemorabuntur. Miranda est tua ista scientia antiquitatis, qua rem Concilio Arausicano vetustiore in vltimas æui nostri classes transfers, & antiquissima instituta noua esse iubes, quasi imperium illius tibi sumas, cuius est propria illa vox, *Ecce noua facio omnia?* *Apo. 21.* Insigne igitur inter me & te est discrimen. Ego enim, qui à te arguor veteres Canones ad nouam disciplinam inuerrere, disciplinæ, quam tu nouam vocas, autorem edo ipso Canone, de quo agimus, antiquiorem, eumque ita perspicuum, ut nulla de eo controuersia esse possit. Tu, qui te antiquitatis scientem, & religiosum obseruatorem videri vis, sententiæ tuæ autorem nullum das, non modò antiquum, sed ne nouum quidem, cuius ego testimonium non à te alienissimum demonstrarem. Vter ergo nostrum certior obseruator antiquitatis? Vter audacius cauillatur, ego qui interpretationem tuam nullo antiquitatis præsidio niti ostendo; an tu, qui meam nouam vocas, quam tamen Innocentij Epistolæ consentaneam fateris, adeoque illam vno tempore nouam & antiquam dicere non erubescis? Noli ergo mihi insultare, quasi violatori antiquitatis, quam

Nn

mihi aduersando violas, cum eam mihi adesse fateri cogaris. Noli mihi obijcere antiquitatem, donec tuam sententiam illi congruentem esse tam apertè demonstraris, quàm ego meam demonstro clarissimis verbis Innocentij Pontificis, quibus ne tu quidem obistere potes.

Nam quod ais, Synodum *disertissimis verbis unicam chrismationem statuere*, iam tibi disertissimis verbis responsum est, unicam statuere, non absolute, sed *in baptisate*; unicam rursus Episcopi in confirmatione; ex quâ utraque per se vnica efficiatur duplex vnctio, quam postmodum necessariam dicit. Huic responsioni respondere te oportuit, non, ea dissimulata, tuum argumentum iam obtritum reuocare in aciem, ex pudendo tuo more. Quo præteruolas illud etiam, quod à me dictum est, vnctionem ministrorum baptismalem hoc Canone Arausicano primum in Gallia sancitam, cum antea minus ibi nota esset, & minus, quod constet, usurpata. Atque hoc dictum eo absurdus sine responsione dimittis, quod illud in medium protulisti & carpisti, quasi oppugnaturus. Vbi verò validæ confutationis spem fecisti, lectorem destituis, & aliò auolas, circulatoria celeritate. Hæ sunt tuæ vires; hæc illa firmamenta antiquitatis, quibus simulatas illas meas nouitates non solum refellere non potes, sed ne quidem audes attentare.

#### S I R M O N D V S.

**Q**UAM aptè autem & quàm concinnè, ut eò peruenias, immò quàm distortè violenterque Canonem accipias, ipsa eius verba hoc loco, cum admirandis glossulis commentisque tuis subiiciam, tu mecum recognosce. Nullas ministrorum, qui baptizandi recipit officium sine chrismate usquam debet progredi. Nimirum, ais, ut baptizatus chrismetur in vertice, quod in Gallia cum antea non fieret, faciendum deinceps hoc Canone præcipitur. Quia inter nos placuit semel *in baptisate chrismari*. Scitè, inquis, in baptisate: nam extra baptisma chrismari fideles alibi possunt, sed non à Presbyteris, quibus chrismare in solo baptisate licet. De eo autem, qui in baptisate, quacumque necessitate faciente, non chrismatus fuerit, in confirmatione Sacerdos commonebitur. Nempe, ais, ut priusquam talem confirmet, ad Presbyterum in vertice chrismandum remittat: quia Episcopus ipse eiusmodi chrismationem præbere non potest. Nam inter nos chrismatis ipsius, id est Episcopi, non nisi una benedictio est. Quàm videlicet neophytos confirmans imprimit in fronte. Chrismatio enim altera baptismalis in vertice, propria est Presbyteri, non Episcopi. Non præiudicans quicquam dico, sed ut necessaria habeatur chrismatio repetita. Non quo chrismatis baptismalis omissio, sola necessitate contracta, obesse cuiquam, aut chrismationis Episcopalis minuere vim possit, sed quia duplex chrismatio est necessaria. Fallor, Aureli, aut tua sunt hæc glossemata. O glossam verè, quod nostri aiunt, Aurelianam, ridiculam, absurdam, quæ verborum sententiam non obscurat modò, sed destruit & euertit.

## A V R E L I V S.

**C**IRCULATORUM iterum agis, & quod vi mentis euertere non potes, ludibriis & sarcasmis frustra petis. Quid enim iterum refers meam sententiam, si eam prius ex fide retulisti? Vel si prius vanissimè calumniatus es, quid iterum eadem vanitate calumniaris? Cur, cum ego verbis meis apertè sim eloquutus quid sentirem, tu mihi tua affingis, ut mimum agere videare? Cur simulas me Canonem Arausicanum *glossulus* interpolasse, cum perpetuam & plenam in eum expositionem ediderim? An glossatores vocabis sodales tuos, qui aliorum scripta commentariis illustrent? an Theologos, qui Concilia exponunt? an Patres, qui eduxerunt Scripturas? Quid tibi vis cum comico artificio, quo Theologicam grauitatem fœdas? An ut *glossam Aurelianam* mihi ascribere posses, omnia sursum deorsum vertere debuisti? An tot ineptiis vnā redimere oportuit? Erit verò, Sirmonde, ne erres, non *glossa Aureliana*, sed *Aurea*, aureis veritatis radiis circumfusa, quibus te allisum ad Sirmondianam Syrtē, & *συρματινῆς* hæresum sordibus squallentem, in conspectum orbi dabimus. Audiat nos modò æquus lector istam tuam verè *glossam*, hoc est obscuram & perplexam verborum nubem, quibus sententiam nostram ludificari voluisti, discutientes & illustrantes, & imbellia iacula, quibus eam ridiculè petis, obtundentes.

## S I R M O N D V S.

**P**RIMUM enim, quàm ridiculum est Synodum nouam, ut affirmas, & antea inusitatam in Gallia chrismationem Presbyteris in baptismo præcipere, & de qua chrismatione præcipiat non indicare? utrum in vertice, in fronte, in pectore, aut in multis simul partibus, ut Græcorum mos est. Vnde poterant de verticali, quam intelligi putas, suspicari & diuinare Presbyteri, si de verticali nihil vnquam audierant?

## A V R E L I V S.

**Q**VAM absurdè ea ex me quæris, quæ tibi ipsi expedienda sunt. Dic enim tandem, qui de vnctione frontis loqui censet Arausicanos Patres, cur non indicant de qua loquantur? Vtrum in vertice chrismari iubeant, in fronte, in pectore, aut in multis simul partibus, ut Græcorum mos est? Vnde poterant de vnctione frontis, quam intelligi putas, suspicari & diuinare Presbyteri? maximè cum viderent hoc eodem Concilio prohiberi, ne quis Episcopus ea quæ non nisi per Episcopos fieri solent, Presbyteris committeret, quæcumque necessitas obuenisset, sed vicinum Episcopum euocaret? Cum viderent, inquam, vnctionem frontis disertè veritam Presbyteris, tum olim à <sup>a</sup> Damaso & <sup>b</sup> Innocentio Pontificibus, tum illo eodem tempore à <sup>c</sup> Leone? Cur in tanta dubitandi causa, & Canonum contrariorum perplexitate, non indicarunt Arausicani Patres se loqui de vnctione frontis, ne Presbyteri tot summorum Pontificum autoritate deterriti, eam usurpare non auderent? An hæc dubitandi ratio non multo

Can. vli.

<sup>a</sup> Epist. ad Episcopos Numidie.<sup>b</sup> Epist. ad Decem. c. 3.<sup>c</sup> Epist. 88. ad Episc. Gall. & Germ.

Nn ij

maior videtur? Quid ais, Sirmonde? quid respondes? quam causam comminisceris? Noli ergo id à me petere, quod te multo magis vrget. Est alienum tanto viro, ut tu es, quod alteri præceperit, id ipsum facere non posse. Quamquam ea quibus difficultatem tuam astringi, facile resolvunt meam. Satis enim erat Arausicanos Patres eam chrismationem ministris præcipere, quæ iam plerisque locis eis imposita, inualecebat per Ecclesiam Occidentalem, & ex Romana Ecclesia omnium matrice sensim ad alias defluebat. Non enim dixi, quod fingis, ministros Galliarum *de verticali chrismatis unctione nihil unquam audisse*; sed unctionem ministrorum baptismalem *minus notam fuisse in Gallia ante Concilium Arausicanum, & minus, quod constet, usurpata*. Quod nimirum non ita vulgò nota & usitata fuisse appareat, ut postmodum fuisse apparet ex plurimis deinceps Conciliis, & perpetuo Ecclesiæ Gallicanæ usu; licet antea non penitus ignota esse poterit plerisque, ex tot Epistolis Romanorum Pontificum, & in primis ex illa Leonis Magni ad Galliarum Episcopos nominatim scripta, quibus, interdicta frontis unctione, alia iis unctio concessa est. Quare ad morem tam increbrescentem alluserunt Arausicani Patres, nec rem magis exprimere necesse habuerunt. Viden' expeditissimam teli tui depulsionem? Viden' cassos ictus, & effectam imbecillitatem tuam? Vnum addo, ut candorem meum videas, me de unctione verticali præfractè altercari nolle. Satis habeo unctionem ministris Canone Arausicano imponi, qualis eis in Ecclesia Romana à summis Pontificibus imposita erat; quam diuersam quidem ab unctione frontis constat fuisse, cum hanc iis toties interdixerint Pontifices; an autem verticis propriè fuerit, an pectoris aliusve membri, non ita constat. Nam nec Innocentius, nec alij membrum vllum nominatim signant, cum ministris chrismationem indicunt, & D. Gregorius indicat suo tempore usitatam in Ecclesia Romana fuisse à ministris *pectoris* unctionem. Quam ideo ab initio in ea viguisse, & perpetua traditione ad illud tempus delapsam proclive est arbitrari. Nam Ecclesiam Romanam traditionum suarum in primis tenacem fuisse constat. Quamquam rursus cum verticalis unctionis, quæ per totum Occidentem tamdiu inoleuit, nullum initium exstet, ea facile videri possit ab antiquissimis temporibus fluxisse, & promiscuè in Ecclesia Romana aliisque fuisse usurpata cum pectoris unctione; itavt ministri, chrismatione frontis tantum abstinentes, vel verticem & pectus vngerent, vel alterum suo arbitratu, vel aliæ Ecclesiæ hac unctione, aliæ illa uterentur, donec tandem unica verticalis omnium consensu constituta fuit. Quia ergo hæc res speciatim sunt incertæ, nec aliud in iis certi, nisi unctionem frontis ministris veritam, & solis Episcopis reservatam esse, satis est unctionem ministrorum baptismalem quæ in Ecclesia Romana usitata, & Canone Arausicano sancita fuerit, dicere ab unctione frontis fuisse distinctam, quocumque tandem in membro perageretur. Etsi enim id temporis ex ipsa consuetudine satis constaret, quodnam potissimum membrum vngendum esset, nobis tamen quodnam illud fuerit, ob rationes allatas non ita constat.

*Lib. 3. ep. 9.*



## S I R M O N D V S.

**D**EINDE quis ludicrum hoc spectaculum concedas tibi, ut si quando ad Episcopi confirmationem venerit quispiam nondum in vertice chrismatus, eum ad Presbyteros chrismationis eius causa remittat Episcopus, quod hanc ipsi, ut au, præbere sit nefas? Quasi Episcopo si baptizet, baptismumque confirmatio non sequatur, baptismalem chrismationem ne usurpet lex ulla interdicas: aut quod si præstare in baptismo liceat, id ante confirmationem, si opus est, supplere non liceat.

## A V R E L I V S.

**A**DENNE insolescis, ut Ecclesiæ pietatem, quæ ceremoniarum in baptismo omissæ suppleri iubentur, ludicrum spectaculum voces? Quis dubitat quin etiam nunc, si quis Episcopo confirmandus offeratur, quem sine solennibus Ecclesiæ ceremoniis, ut interdum fit, baptizatum constet, Episcopus eum ad Parochum remissurus sit, à quo illæ ceremoniæ peragantur? Et hoc tibi ludicrum spectaculum videbitur? Adeo in obseruanda, ut iactas, antiquitate profecisti, ut notissimos hæreticorum nostratium sensus indueris, & quæ ab Ecclesia in ceremoniarum obseruatione religiosissimè fiunt, iocularia cum illis putes? Quid non serium, quid non venerandum faciat Episcopus, qui homini in baptismo non chrismato dicat, non te confirmo, donec à Parocho tuo sis chrismatus? Siccine demonstras glossam illam Aurelianam, ridiculam, absurdam, quam mihi vanissimè imputasti? Nonne ego paulò melius te ad Sirmondianam Syntem allisum, & οὐρανίου hæreticorum sordibus aspersum exhibere incipio? Operæpretium autem est acumen tuum videre, dum quæris quænam lex interdicas Episcopo si baptizet, baptismumque confirmatio non sequatur, ne baptismalem chrismationem usurpet. Significas enim te fateri interdictam esse chrismationem baptismalem Episcopo baptizanti, si post baptismum statim confirmet; secus, si baptismum confirmatio non sequatur. Cuius discriminis quam tandem causam, quod argumentum, quam auctoritatem comminiscere? Si chrismationem baptismalem Episcopo statim post baptismum confirmanti veritam credere audes, cur non audes credere etiam veritam esse solum baptismum conferenti? Quod si Episcopo post baptismum confirmanti veritam putas chrismationem baptismalem, forè in honorem confirmationis Episcopalis, ne duæ chrismationes concurrant, & ab eodem præbeantur; ne denique minus decorum sit Episcopo, dum fungitur Episcopali munere, ministrorum munus simul obire; cur eadem ratione non fateris interdictam Episcopis ante confirmationem chrismationem baptismalem, ne similiter concurrant duæ manus vnius chrismationes, & muneris Episcopalis splendori officiant? Cur potius nefas esse putas baptizanti Episcopo chrismationem baptismalem & confirmationem Episcopalem conferre, quàm extra baptismum confirmanti? Explica nobis hos nodos, si potes; ac candidè & eruditè; & eris mihi magnus Apollo. Quamquam ergo petitioni tuæ factum est satis, retorris in te

ipsum dictis tuis, ut tibi iam ipsi expediendū sit quod à me quaesisti, tamen ultro respondere tibi non grauabor, ut veritatis vim facilitatemque videas. Ac primum purgandus est mihi locus Dispunctionis meae in Spongiam, quem tibi in animo fuisse mihi objicere, meisque verbis urgere meipsum, acceperam ab amicis, priusquam responsio tua ederetur. Qua tandem edita, vidi mentem tuam in melius mutatam, quod argumenti tui debilitatem, & facilem responsionem meam perspexisses. Ego enim in Spongiam scribens, dixi chrismationem verticalem hodie interdum adhiberi ab Episcopis baptizantibus, etiamsi sacramentum Confirmationis paulò post praebituri sint. Loquutus ergo sum de usu quem interdum hoc aeuo videmus, & de baptismo non solenni, ut postmodum clarius exposui in priori ad Epistolam tuam responsione. Nam Episcopos priuatim, nec solenniter ac ritu Episcopali, sed Presbyterorum instar baptizantes, adhibere chrismationem verticalem plerumque cernimus; tametsi in solenni baptismo in quo Episcopalem personam sustinent, id fieri non debere constet, nec olim in Ecclesia factum esse. Cuius rei ratio, ut tibi iam respondeam, illa est quam tibi priori mea responsione exposui, licet tu de more dissimules, & cum nihil habeas quod respondeas, me nihil dixisse prae te feras. Dixi enim Canones passim secernere chrismationem ministrorum baptismalem ab Episcopali chrismatione; ut eam quae sit in fronte, solis Episcopis; quae alibi, solis ministris imponant; nec usquam extare concessam Episcopis chrismationem illam baptismalem, sed ubique ministris additam, ut patet ex omnibus decretis quae de illa habentur, atque in primis ex hoc ipso Arausicano, quod ad solos *ministros* manifestè dirigitur. Hinc eiusmodi chrismationem nusquam ab Episcopis peractam constat ex perpetua maiorum traditione, & in primis ex Pontificali Romano, in quo Episcopus mox ab affusa baptizato aqua ad frontis chrismationem, & ad sacramentum confirmationis procedere iubetur. Consentiunt scriptores omnes, qui de Officiis Ecclesiasticis scripsere; & verticis chrismationem à solis ministris, non ab Episcopis tribuendam esse omnes declarant. Haec omnia iam scripseram in priori mea responsione; quae tu alto silentio indignissimè premis, cum seria confutatione premere ea debuisses, aut saltem abstinere à reuocanda in medium quaestione iam à nobis soluta, tacitis argumentis quibus eam soluissimus. Quod si longitudinem nimiam non vereretur, exponerem tibi primariam causam, cur Episcopi chrismatione baptismali olim uti non possent, quod videlicet ea chrismatio instituta esset in symbolum subiectionis ministrorum erga Episcopum, ut neminem baptizando sine unctione chrismatis, quod ab Episcopo consecratum accepissent, profiterentur primariam Episcopi in omnibus sacramentis, & nominatim in baptismo auctoritatem, sibi que, nisi eius iussu, & accepta ab eo potestate, baptizandi ius non esse, ut toties in canonibus scriptum est. Sed rationis huius expositio longior esset, & in suum locum commodius seponetur, praecipue cum sine ea petitionibus tuis abundè satisfactum sit. Indicare tibi eam tantum volui, ut videas nihil à nobis temerè dictum, cuius principia incognita habeamus, teque, qui antiquitatis obseruantissimus videri vis, quaedam illius nondum obseruasse.

## S I R M O N D V S.

**Q**UID de conclusione autem tua dicam, in qua vincis teipsum, & auribus animisque omnium absurda confingis? Etenim si duplex Synodi iudicio necessaria est chrismatio, & harum altera, quæ baptismalis dicitur, nondum, ut ais, usurpata fuerat in Gallia, quid aliud consequitur, quàm ut necessaria maiores nostri ante Synodum Arausicanam chrismatione caruerint? Quod si verum est, miseros & infelices Episcopos Gallia, tum sæculo superiore Marinos, Rheticios, Hilarios, Martinos, tum recente memoria Proculos magistros Ecclesiarum, Exuperios, Victorios, Herotas, & alios, qui necessarium Ecclesiis suis quid esset, non intellexerunt. Sentio quid cauillaturus sis, necessariam deinceps chrismationem à Synodo dici, quam Synodus ipsa imperabat. Ridiculè. Quasi necessarium hoc modo quisquam id dicere soleat, quod præcipit.

## A V R E L I V S.

**S**OMNIANS hæc scripsisti, an vigilans, Sirmonde? Miserationem somnium captare voluisti, an risum? Vitram insulsiolem haberi vis, priorem obiectiunculam tuam, an posteriorem? Quid enim absurdius obijcere potuisti, quàm miseros fuisse antiquiores Gallia Episcopos, si ea chrismatione caruerint, quam Patres Arausicani necessariam deinceps haberi voluerunt? Nam si ita liceat argumentari, probauero tibi vicissim miseros fuisse posteriores, tum Gallia, tum Ecclesia vniuersa Episcopos, esseque etiamnum nos omnes, quòd trina mersione careamus in baptismo, quam tamen vniuersa Ecclesia necessariam olim edixit multo acrioribus verbis, quàm Synodus Arausicana chrismationem baptismalem. Quod si nos non ideo miseros fateris, quòd mersione illa trina, quondam adeo necessaria, careamus; cur miseros dicendos putas eos qui vnctione olim caruerint, quæ deinceps in Ecclesia necessaria esse cœpit? Imò quis ferat insulsiatatem argumenti quod in caput tuum ruit, & tibi æquè ut mihi soluendum est? Nam, velis nolis, fateare necesse est necessariam hodie in Ecclesia esse baptizatis verticalem chrismatis vnctionem. Atqui ea istorum, quos commemoras, Patrum sæculo per te nulla fuit; fatendum igitur tibi est necessaria vnctione caruisse Marinos, Rheticios, Hilarios, Martinos, imò vniuersos Ecclesia vniuersa Patres. Quod si fateri cogeris omnes Ecclesia Catholica Episcopos ea olim vnctione caruisse, quam vniuersa Ecclesia Catholica hodie necessariam habeat; cur adeo ineptis, ut mihi pro absurdo obijcias, veteres Gallia Episcopos caruisse ea vnctione, quam vnica Gallia Synodus necessariam in posterum haberi voluit? Estne hoc acumen tuum? Hæccine illa perspicacitas, qua ista, quæ me omnium auribus animisque absurda confinxisse inanissimè prædicasti, demonstras? Non est ergo absurdum Ecclesiam posterioribus temporibus necessaria quædam statuere, quæ prioribus temporibus ignota fuerint: sicut non est absurdum ea quæ prioribus temporibus necessaria fuerant, posterius necessaria esse desinere. Quia huiusmodi necessitas non ex natura rei, nec ex Dei instituto, sed ex legibus Ecclesia nascitur, quæ pro varia temporum ra-

*Vid. Canon.  
Apost. 50.  
Concil. Con-  
stantinop. 1.  
c. 7. de con-  
secr. dist. 4. c.  
multi sunt,  
&c.*



tione sicut prudentissimè statui, ita prudentissimè tolli possunt. Quare manifesta est posterioris obiectiunculae tuae prauitas, qua me *cauillasurum* dicis, si respondeam Patres Arausicanos necessariam deinceps haberi velle chrismationem, quam ipsi præcipiant. Cauillationem enim vocas rem ita apertam, ut non modò doctis, sed ne indoctis quidem sit dubia. Quid enim apertius quàm vnaquaque lege id necessarium fieri, quod illa præcipitur? adeoque Patres Arausicanos, dum chrismationem baptismalem præceperunt, eam in posterum necessariam fecisse? Nescis apud Theologos peruagatissimam esse duplicem necessitatem, quarum alteram *medij*, alteram præcepti vocant? alterâ rem ideo præcipi, quia necessaria sit; alterâ ideo necessariam esse, quia præcipiatur, docent? Et posteriorem hanc necessitatem in omni lege positua, ut vocant, per se includi? Non te pudet hæc non videre, imò videre nolle, & quasi cauillationes aspernari? Sed ridiculum putas Synodum necessariam dicere chrismationem, quam ipsa imperet, quòd necessarium isto modo nemo dicere soleat id quod præcipit. Cur, quæso te, magis absurdum putas Synodum chrismationem, quam præcipit, necessariam dicere verbis, quàm re facere? Iam ostendi quicquid vlla lege præcipitur, id eadem fieri necessarium; ideoque chrismationem, quam Synodus Arausicana præcipiat, hoc ipso necessariam fieri. Et tu absurdum putas Synodum id dicere à se fieri, quod reuera faciat? Vbi criticus sapor? Vbi mens tua? Quis nescit isto modo, quem tu insolentem dicis, concipi plerumque omnis generis leges? Imò quis non videt conuenientissimam esse præcipiendi rationem, ut id quod præcipitur, necessarium in posterum haberi iubeatur, ut iubet Synodus Arausicana? Nonne in Concilio Carthaginensi, cùm ageretur de nuntiando quotannis ab Episcopo Carthaginensi die Paschæ omnibus Ecclesiis, ea de re lex his verbis concepta est, pronuntiante Aurelio Episcopo, *Ita fiat necesse est?* Nonne Concilium Bracarense Canonum suorum contemptoribus pœnam sanciens, necessariam illam dixit; *Si quis, inquit, quasi contumax transgreditur illa, necesse est ut de suo degradetur officio.* Nonne Patres Synodi Regiensis Armentario Episcopo Ebredunensi, quem deiecerant, Chor-Episcopi locum, & parochiæ vnius regendæ potestatem relinquentes, dum in ea parochia ministros non ab ipso, sed ab Episcopo ciuitatis, cui parochia subesset, ordinari iubent, id similiter necessarium dicunt; *In ea Ecclesia, quæ ipsi conceditur, ministros à ciuitatis Episcopo necesse est ordinari?* Vnde ipsum verbum *necessitatis*, interdum sumunt pro ipsa obligatione, quam lex inducit. Ut in Concilio eodem Africano, cùm derogaretur legi, qua constitutum fuerat ut totius Africae Episcopi quotannis ad Synodum generalem conuenirent; *Placuit, inquit, ut non sit ultra fatigandis fratribus anniuersaria necessitas;* hoc est, obligatio illa qua quotannis fatigabantur. Denique nonne in prima ipsa Apostolorum Synodo, sanguinis & suffocati abstinentiam, quam fidelibus præcipiunt, necessariam dicunt Apostoli, etsi alia lege necessaria non esset Christianis, nisi ea quam ipsi tum ferebant; *Visum est enim, inquit, Spiritui sancto & nobis, nihil ultra imponere vobis oneris, quàm hæc necessaria; ut abstinereis vos ab immolatis simulachrorum, & sanguine, & suffocato, &c.* Pudet diutius refellere tuum istud iudicium perito Critico indignum, quo si

Vi. l. Conc.  
Afr. c. 18.

Conc. Brac.  
l. 6. c. 22.

Conc. Reg.  
c. 3.

Conc. Afric.  
c. 62.

Act. 15.



in aliis scriptis Conciliisque dijudicandis vbique vsus es, vberioremi mihi materiem, quàm vellem, parasti.

## S I R M O N D V S.

**Q**UOD si necessariam hoc sensu verticis chrismationem intelligi Synodus voluit, an eodem sensu & alteram? nullòne ambas discrimine habendas censuit? aut si habuit, cur vno utramque verbo, si diuersum est indicium, necessariam appellauit? Vide in quas te ambages coniicias.

## A V R E L I V S.

**I**TANE verò ambages? Ego in illis hæreo respondendo, an tu, quod turpissimum est, oppugnando? Quid enim obtusius hac cauilla, quæ, si semel admitti cœperit, maxima pars sanctorum Patrum, Conciliorum, Scripturæ euerteretur? Non enim minutulas distinctiones, non præcisiones argutulas norunt sancti Patres, aut Scripturæ. Grauitè & moderatè loquuntur, suæque verba non procaciter ventilari, sed reuerenter audiri volunt, & ex Ecclesiæ sensu ponderari. Quod hæretici dum minùs seruant, & inanibus captiunculis eorum apices persequuntur, suis λογισμα-  
zijs in grauissimam rerum cladem delati sunt. Has eorum ambages cauendas tibi censeo, Sirmonde, è quibus nisi maturè prospicis, ægrè te expedies. Nos eas vnâ operâ explicamus facillima responsione; videlicet coniungi plerumque à Patribus & Scripturis res varias in eandem orationem, & vnicam vocem ad plura referri, quæ tamen singulis non eodem modo, sed accommodatè ad res & personas adiungi debeat. Plena sunt omnia exemplis. Sic cùm Christus credete & baptizari iubet omnes saluandos, credendi verbum ad omnes pertinet, sed diuersè, & singulis congruenter; ad adultos, vt per se credant, quia possunt; ad paruulos, vt aliena fide saluentur, quia non possunt sua, vt sæpè S. Augustinus. Sic Concilium Arausicanum necessariam dicit fidelibus duplicem chrismationem, sed non vno modo; baptismalem enim, suo & Ecclesiæ præcepto; Episcopalem, multo antiquiori, & diuiniori ex Scripturarum & antiquitatis consensu, vt alibi docebitur. Nec tamen hæc apertius distinguere necesse habuit, quia id non agebatur, nec aliud tunc opus erat, quàm vt vtraque chrismatio omnibus necessaria & studiosè obseruanda ediceretur, ne quis, ob decretam baptismalem chrismationem, minùs necessariam deinceps putaret Episcopalem. Quare vno verbo explodi potuit cauillamentum tuum. Frustra enim quæris, num quod discrimen à Synodo Arausicana statuatur inter baptismalem, & Episcopalem chrismationem? Num eodem an diuerso genere necessitatis necessariæ dicantur? Nam Synodo propositum non fuit isto loco quicquam inter eas discriminis ponere, nec statuere num eodem an diuerso genere necessitatis censendæ essent. Abstinent ab hac quæstione. Noluit superuacaneam disceptationem inducere. Humilitatem & moderationem docere fideles voluit, non subtilitatem, non argutiam, non curiosam morosita-

Marc. c. 16j

tem. Nihil amplius desiderauit, quàm vt studiosè vtramque chrismatio-  
nem vsurparent, & vtramque necessariam putarent. Vltrà progredi no-  
luit, perpetuo Scripturarum, sanctorumque Patrum more, qui ea de qui-  
bus in præsentia quæritur exponere contenti, ad alia non procedunt, &  
Christianam in hoc temperantiam, debitamque rebus diuinis reueren-  
tiam constituunt. Quam eorum stabilem fixamque consuetudinem in-  
numeris exemplis comprobare facillimum esset, nisi id hoc loco alienum  
videretur. Huius tu moris ignarus, degeneri argutandi licentia insidias  
eorum vocibus struis, cùmque intra fines, quos ipsi illis fixerunt, nihil  
in eas possis, abstrahere eas longè conare ad diuersissimam contentionem,  
& ad quæstionem superuacaneam, de qua ipsi non egerunt. Hic mos est  
eorum qui iurgium quærunt, hæreticorum in primis & nouatorum om-  
nium, qui huiusmodi peruicacia Scripturas sollicitarunt semper & suffo-  
derunt, à sanctis Patribus nunquam non castigati. Exemplo illo Scriptu-  
ræ, quod modò attulimus, perspicuo & quæstioni nostræ simillimo, lo-  
cum hunc illustrasse sufficiat. Nam in prima illa Epistola Synodali Apo-  
stoli *necessarium* eodem modo dicunt *abstinere à sanguine & suffocato*, quo  
*ab immolatis & fornicatione*, nec distinguunt quicquam inter necessitá-  
tem, qua hæc & illa vetabantur; quamvis ab immolatis & fornicatione  
abstinere necesse esset præcepto diuino & naturali; à sanguine & suffoca-  
to, solo Ecclesiastico, nempe illo ipso, quod ipsi tunc promulgabant,  
quod multis deinceps sæculis in Ecclesia religiosissimè obseruatum tan-  
dem expleuit. Aduersus hanc igitur Synodalem constitutionem quæri  
eadem possunt, quæ tu aduersus Canonem Arausicanum obiecasti. Num  
eodem sensu necessaria dicantur ab Apostolis omnia quæ vetant? Nullo-  
ne ea discrimine seiungenda putent? Si putent, cur vno vtraque verbo  
*necessaria* dicant? Ita non soli Arausicani Patres, sed etiam Apostoli sese  
coniecerint in miras ambages, vnde tua solius ope eruantur. Nimiùm  
multa fortasse cuipiam videbor in tam futilem aduersarium, & in tam ine-  
ptas eius tricas congerere. Sed hominis vanitatem semel patefecisse,  
magnum operæpretium est.

## S I R M O N D V S.

**I**AM illa, non præiudicans quicquam dico, tam alienam ad sententiam  
detorta quis ignoscat? quodque, vt barbaram quoque Synodum faceres, dīap-  
tari hoc dico, & si quò referatur non habet; recte tamen, nec sine exemplo  
usurpatum à Synodo ausus es adstruere. Solent, ais, in Conciliis ab vno quo-  
piam Episcopo proposita ceterorum assensu comprobari. Audio. Nam & in Sar-  
dicensi frequens istud est, Osius Episcopus dixit, &c. Synodus respondit,  
Placet. & in Africanis, Aurelius Episcopus dixit, &c. Ab vniuersis Epi-  
scopis dictum est, Omnibus placet. Quid horum verò simile hīc habes, ubi  
nec qui loquatur vnus est; nec alij qui respondeant? Nimirum certè ingenio &  
otio ino abuteris, si hoc agis; vt ea quæ ipse, nī fallor, minimè credas, scribendo  
ceteris persuadeas.

## A V R E L I V S.

**I**N primis fraudem iterum hoc loco facis orationi meæ. Ego enim duas lectiones proposui; alteram, *non ut præiudicans quicquam dico*; alteram, *non ut præiudicantes cuiquam dicimus*, quæ tum in editione Crabbiana, tum apud Gratianum exstat. Harum si altera minus placeret, utramque obtuli, ut ea potissimum, quæ placeret, seligeretur. Priorem tantum; quia paulo inusitatior videri poterat, dixi non abhorrire à consuetudine Conciliorum, in quibus loquutiones ei similes interdum legerentur. Si cui tamen hoc minus arrideret, non magnoperè me repugnare ostendi; quia utraque lectio probaretur, nihil ad sensum Canonis interesset. Tu, quasi à me sola prior esset allata, in eam solam impetum facis; de posteriore siles, quia nihil habebas quod in eam mutires. Et tamen tantæ fraudis reus in me inueheris, quasi otio meo abutar, & ea persuadere aliis velim, quæ ipse non credam. Ego verò persuadere aliis volo quod credo, te hominem esse audacia mirabilem, fronte inuictum, cui nescio quis fidem habere in re vlla possit, post tam crebras publicasque imposturas. Quid verò tandem opponis in priorem illam lectionem, quam ad certam victoriæ spem tibi delegisti? Nempe quod in Synodo Sardicensi post illud, *Osius Episcopus dixit*, subjiciatur istud, *Synodus respondit, Placet*; itemque in Synodis Carthaginensibus. At quoties nihil tale subjicitur, nec in Sardicensi, nec in Africanis, & vel *Osij*, vel aliorum passim Episcoporum verba sine vlla cuiusquam responsione referuntur? Lege modò, & agnosces te malè aliis persuadere conari, quæ temeraria lectione malè credidisti. Sed neque perpetuum est, ut quoties alicuius seorsim nomine quippiam proponitur, nomen eius adscribatur. Exempla, si quæris, habes in canonibus Concilij Francofordiensis à te editis: Vbi postquam orationis series Concilij nomine diu decurrit, subito exauditur Canone V. Caroli Imperatoris vox nullo eius nomine præfixo, nec interrupto quicquam sermonis tenore. Sic enim incipit Canon: *De denariis autem certissime sciatis nostrum edictum, quod in omni loco, in omni ciuitate, & in omni emporio similiter vadant isti noui denarii, & accipiantur ab omnibus. Si autem nominis nostri nomisma habent, & nudo sunt argento, &c.* Alia alibi occurrunt exempla, quæ tamen aduersum te nihil necessaria sunt, postquam iis Canonibus, quos tu primus omnium edidisti, conuictus es. Concilio enim Francofordiensi canones tu primus adscripsisti. Et tamen adeo friuola est cauillatio tua, ut si maximè tibi concedam vitiosam esse lectionem, quæ Canoni Arausicano inserit verbum *dico*, nihilo meliore loco futurus sis, nec sententiam expositionemque nostram vlla ex parte labefactaturus; cum per me liceat, & ab initio licuerit, abiecto illo *dico*, assumere lectionem vsitatiorē, *non præiudicantes cuiquam dicimus*. Quod nisi dissimulasses Sirmondiana fraude, minus tibi processisset Aureliana glossa, quam tot imperitiis, temeritatibus, fallaciis pudendum in modum sarcinasti.

*Vid. Sardic.  
c. 4. 5. 7. &c.  
Cod. can. Eccles.  
Afric.  
c. 51. 52. &c.*

*Conc. Franco-  
ford. l. 5.*

*Vid. Concil.  
Mansi. 11. c.*

## S I R M O N D V S.

**S**IC autem nostra se habent, *NVL LV M* ministrorum qui baptizandi recepit officium sine chrismate usquam debere progredi, quia inter nos placuit semel, id est, vnà & non diuisim, chrismari.

## A V R E L I V S.

**Q**UO in hoc portenti est, obsecro te, Sirmonde? *semel* chrismari, id est, vnà & non diuisim? Quo in orbe te esse censes? Apud quos homines hæc loqui? Quæ est ista licentia, vt, *semel* idem esse velis ac *vnà & non diuisim*? Qua ex sphinge tam incredibilem interpretationem profers? Quo ex ore tam audax commentum? Equidem Deo vindice factum est, vt qui meam Canonis Arausici expositionem ad tenues glossulas fallacibus verbis redegisti, vt quæ à me proposita facilis & expedita per se apparebat, à te interpolata ridicula videretur, eam nunc tuam proponas, quæ tuis vltro verbis expressa, luculentissimam insulsiatatem spiret, etiam sine aduersarij opera. Hoc ergo inter nos interest, quod tu meam transformare coactus es, ne natiua eius soliditas emineret; ego vt tuæ stoliditas omnium oculos feriat, nihil necesse habeo nisi eam ipsissimis tuis vocibus expictam, sine vlllo meo additamento proferre. Ac prætereo inauditam glossam, non solum non Aurelianam, quam mihi dedisti, sed nullarum penitus gentium, vt *semel*, significet *vnà & non diuisim*; Quid sibi vult ista ipsa interpretatio multò obscurior & perplexior ipso textu? Nam, *inter nos placuit semel chrismari*, plana utcumque est & tolerabilis oratio; at, *inter nos placuit vnà & non diuisim chrismari*, quid rei tandem aut mysterij est? Quis Oedipus hoc euoluat? Quis Tripus diuinet? Hoc vnum cum Sibyllis fatidicisque illis anibus simile habere mihi videris, quòd quemadmodum illæ responsa plerumque dabant, quæ neque alij, neque ipsæ intelligerent; ita tu canonis Arausici eum sensum edas, in quo sensum perspicere non magis alij, quàm tu ipse, possint. Pergamus ad alia. Vt initia se dant, nihil est quod ab ista glossa non sit expectandum.

## S I R M O N D V S.

**D**E eo autem qui in baptismo quacunque necessitate faciente non chrismatus fuerit, in confirmatione sacerdos commonebitur, vt ab eo tunc chrismetur. Nam inter quoslibet chrismatis ipsius non nisi vna benedictio est, vel in baptismo, vel in confirmatione.

## A V R E L I V S.

**N**EMPE igitur iubent, te interprete, Arausici Patres ne chrismatio Episcoporum, nisi in supplementum chrismationis ministrorum adhibeatur? Ordinarium chrismandi munus Episcopis adimunt, & ministris mandant? Ministrorum chrismationem magis necessariam sta-



tuunt, quàm Episcoporum? Episcopos denique vſitata neophytorum chrismatione per vniuerſam Eccleſiam tot ætatibus caruiſſe docent? Hæc enim apertè dicit tua interpretatio. Nam ſi Episcopus tunc demum monendus eſt vt neophytum chrifmet, cùm is, prohibente neceſſitate, chrifmari non potuit à miniſtro; vtique chrifmatio Epifcopi nihil eſt niſi ſupplementum chrifmationis miniſtri; & minus neceſſaria eſt quàm illa; nec Epifcopis, niſi rarò & per accidens, competiit; adeoque Epifcopi tota Eccleſia neophytos chrifmare non conſueuerunt, &, quod ſummè abſurdum eſt, ordinarij chrifmationis Epifcopalis diſpenſatores, non Epifcopi, ſed miniſtri fuerunt. Nam quæ canone Arauſicano dicuntur, ea ad totius Eccleſiæ morem pertinere contendis. Hæccine eſt tua illa gloſſa, Sirmonde? Hæccine oracula è manuſcriptis tuis promiſ? Quæ quidem placere tibi mirum in modum neceſſe eſt, cùm de illorum fœditate à me ante admonitus, ab iis auerti non potueris. Nam pleraque horum flagitiorum priori mea reſponſione intorſeram in alteram earum expoſitionum quas te afferre poſſe arbitrabar. Tu expoſitionem illam magna ex parte ſequutus es, licet eam nouis abſurditatibus, quas à te præcauere non eſſem auſus, cumularis: & tamen ad argumenta mea ſiluiſti planè, nec de iis verbum tota reſponſione feciſti. Quam tuam turpiſſimam conſuetudinem cùm ego ſatis caſtigari, viderint Illuſtriſſimi Antiſtites, viderit ampliſſima Theologorum Facultas, cùm Spongiæ dogmata intoleranda cenſuerint, num de audacioribus & pernicioſioribus tuis figmentis poſt illam damnatam editis, Luteriæque publicatis, ſilere debeant. Nam Spongia nihil excogitauit, quod ad tantum contemptum & dedecus faceret Epifcopalis chrifmationis; cuius, ſi tua iſta commenta ferantur, ordinarium miniſtrum, vt Eccleſia docet eſſe Episcopum, nec aduerſus hæreticos, nec aduerſus Græcos, maiorum noſtrorum primorumque Eccleſiæ temporum autoritate tueri poterimus. Hæc, inquam, magis cenſuræ indigent qua opprimantur, quàm diſputatione qua refellantur, & Catholicis auribus intoleranda videri debent.

Iam ineptiſſimè connectis canonis partes, cum Patres Arauſicanos dicentes facis, de eo qui in baptiſmate non chrifmatus fuerit, monendum eſſe in confirmatione Episcopum, vt eum tunc chrifmet, *quia inter quoſlibet chrifmatis ipſius non niſi vna benediſtio eſt, vel in baptiſmo, vel in confirmatione.* Nam ſi de eo ageretur qui iam chrifmatus eſſet in baptiſmo, & vetare vellet Arauſicani Patres ne is iterum in confirmatione ab Epifcopo chrifmaretur, rectè dicerent, de eo qui in baptiſmo chrifmatus fuerit, in confirmatione monebitur Episcopus, ne rursus eum chrifmet, *quia inter quoſlibet chrifmatis ipſius non niſi vna benediſtio eſt, vel in baptiſmo, vel in confirmatione.* At vt eum qui nunquam chrifmatus ſit, ideo chrifmari iubeant ab Epifcopo, quia non niſi vna ſit chrifmatis benediſtio, abſonum & infulſum eſt, cùm in cuiusmodi homine nihil periculi eſſet, ne chrifmatio iteraretur. Hoc quoque argumentum & hanc editionis tuæ *ἀντιστοιχίαν* antè protuleram: quam tu quoque eodem, quo cætera, artificio expungendam putaviſti. Denique falſiſſimum canonem fingis, quo dicatur inter quoſlibet chrifmatis ipſius non niſi vnam benediſtionem eſſe, vel in baptiſmo, vel in confirma-

tione; cùm apertè constet plures in Ecclesia Romana & alibi fuisse chrismationes inter se diuersas, baptismalem ministrorum, & Episcopalem in confirmatione, multò ante Concilium Arausicanum; ideoque sine insigni mendacio scribi non potuit, inter quoslibet non nisi vnàm chrismationem esse. Hoc etiam argumento antè vsus sum, & tu similiter eo abusus, ad silentium, non ad responsionem.

Innoc. I. ep. 1.  
ad Decret. c. 3.  
S. Leo ep. ad  
Episc. Gall.  
& Germ. sup.

Postremò, si inter quoslibet non nisi vna benedictio est, quo tandem modo chrismationis iteratio in postrema parte dicitur non esse *nocens*, sed tantum *non necessaria*; cùm *nocens* & sacrilega sit, si totius Ecclesiæ moribus repugnet? Nam quæ vniuersæ Ecclesiæ institutis aduersantur, ea profana & sacrilega dicere solent Patres. Qua igitur mente id innoxium & licitum dicat Arausicanus Canon, quod à tota Ecclesia alienum profitetur? Vides paratas tibi cum canone tuo; & cum fallacibus manuscriptis pugnas, qui te nouitatis dulcedine illectum, vt aliquid, quod alij non vidissent, articulasse viderere, in insidiis pertraxerunt, in quibus ipsi te, si alij aduersarij deessent, sua sponte conficerent.

## S I R M O N D V S.

**N**ON vt præiudicans, id est, nocens quicquam, sed vt non necessaria habeatur repetita chrismatio, semel à Presbytero, iterum ab Episcopo.

## A V R E L I V S.

**H**ÆC quoque clausula spuria est & pestilens. Primùm chrismationem Episcoporum necessariam negari, insolens est apud Patres; qui eam necessariam sæpè, non necessariam nunquam dixerunt. Quod etiam argumentum in eam distinxi priori mea responsione, te semper ignauissimè dissimulante. Deinde quod grauius multo est, Episcopalis chrismationis iterationem licitam in Ecclesia & innocuam dici, vel hæresis est, vel hæresin sapit, perpetuæ Ecclesiæ traditioni aduersa. Hoc autem per te dicit Canon, dum repetitam chrismationem non præiudicantem esse ait. Nam chrismationem Episcopalem ab Episcopo in confirmatione fieri solitam, permitti dicis Presbyteris. Huius deinde iterationem innoxiam statuis, quam vniuersa Ecclesia impiam & sacrilegam semper habuit. Nec refert quod chrismationem illam diungas à sacramento Confirmationis; quia non minus certum est eam ab illo diuelli non posse, vt infra audies, quàm sacramentum Confirmationis non posse iterari. Nec sancti Patres, dum sacramentum Confirmationis iterari verant, minus iterandam chrismationem intelligunt, quàm impositionem manuum; imò chrismationis iterationem passim interdiciunt, impositionis manuum vix vnquam. Sic Concilium Toletanum VIII. chrismationem Episcopalem confert cum ordinatione, & consecratione altarium, vt quemadmodum hæ indelebiles sunt, & ideo non iterabiles; sic & illa; *Sanctum chrisma collatum*, inquit, & altaris honor euelli non potest. Sic Prudentius unguentum regale vocat, & *chrisma perenne*. Sic Cyprianus, vel quicumque autor sermonis de lotione pedum, antiquissimus & spectatissimus, *Nemo sacro oleo lita iterum linit* &

Conc. Tolet.  
VIII. c. 7.  
Prudent. in  
Ps. h.  
Cyp. serm.  
de ablut. ped.

consecrat. Sic ipse Græcorum signifer Photius, dum Bulgaros, quos Presbyteri eiusinaniter chrismauerant, à Latinis Episcopis denuo chrismatos queritur, exclamat ex notissimo Ecclesiæ sensu; *ὅτι πάντα μὲν χρυσμίζουσιν, ἀλλὰ χειρότεροι ἐπὶ τὴν τῆς χειρὸς αὐτῶν ὑπόθεσιν καὶ διὰ μυστήρια εἰς ἀληθινὰ μακρόν, καὶ πλατύνει ἑξορροῦντες γάλατα.* Et infra; *ὁ ἀναμυσισμὸς τῆς ἡδὴ βαπτισμένης καὶ μεμυσμένης, ὅτε χροῖται οἱ μὴ δόσαντες εἰς καὶ ἀγαθῶν αὐτῶν καὶ μόνος διηγήσιος πᾶσιν ὑποβολῇ συνήσεως δυσχερέματος.* Semel chrismatos iterum chrismarunt; & altissima diuinaque Christianorum mysteria in grandes nugas ludibriumque ingens conuerterunt. Et infra; Repetita chrismatio eorum qui iam baptizati & chrismati fuerunt, canonum testimonio non eget ut condemnetur, cum ipsa per se illius commemoratio omnem impietatis enormitatem transcendat. Cuius doctrinæ applicatio si tam vera fuisset quàm ipsa doctrina, nec Græci Presbyteri irritam & canonibus aduersantem chrismationem vltipatient, nihil in ea reprehensione fuisset, quod reprehenderetur. Sanctus quoque

*Vid. Aug.  
lib. 2. contra  
lit. Peul. c.  
103. & 104.  
Serm. 5. in  
vigil. Pentec.  
cost. etc.*

*Optat. lib. 7.  
in fine.*

Augustinus, dum confirmationis iterationem oppugnat aduersum Donatistas, & hoc sacramentum apud impios manere indelebile, ideoque iterandum non esse tueretur, penè semper disertè exprimit, *oleum & chrisma*; hæc apud malos bona esse; hæc ab hominibus inquinari, ut Christi sacramenta, non posse vrget; & locum Psalmi, quo Donatistæ abutebantur, *Oleum peccatoris non impinguet caput meum*, ab eorum cauillationibus vindicat, oleique & chrismatis iterationem non minus impiam, quàm baptisimi contendit. Similia legere est apud Optatum, *Seduxistis homines: rebaptizastis: iterum unxistis. Proh dolor! non sine morte vestra exterminastis, quod fuerat de nomine Christi confectum.* Et paulò antè, *Si nos exterminaremus à vobis confectum oleum, meritò nos muscas morituras appellare possētis: sed dum quod à vobis unctum est, tale seruamus, quale suscipimus, musca moritura esse non possumus.* Ut pateat impium esse dictu, & in Ecclesia inauditum chrismationis Episcopalis geminationem esse innoxiam, esse non præiudicantem. Denique hic ipse Canon Arausicanus; *Apud quoslibet non nisi unam chrismatis benedictionem esse testatur, & contumeliam, quam tu Episcopali chrismationi irrogas, apertè refellit.* Omnino inauditum est in Ecclesia, Sirmonde, & intolerandum dictu chrismationem Episcopalem; chrismationem eandem, quam Episcopi confirmando adhibent, in qua sacramentum confirmationis totiestam apertis verbis constituunt SS. Patres, in qua illud tota Ecclesia Catholica collocauit, iterari sine crimine posse. Hoc nemo scripsit vnquam, nemo finxit, nemo excogitauit. Audiant Catholicæ aures, audiant eruditi, & qui Ecclesiæ præsunt; & etiam atque etiam cogitent, num huiusmodi flagitia in Ecclesia impunè esse debeant, præsertim homini eorum socio, qui in sacrosanctum sacramentum Spiritus sancti conspirasse videntur, & quorum impietates ac blasphemix paulò antè omnium Galliæ Antistitum & Theologorum vnanimi solennique iudicio in eadem vrbe sunt confossæ, in qua nunc ista dogmata sparguntur. Hæc ergo est glossæ tuæ improbitas, quæ si cum ea ipsa, quam tu mihi tuis verbis affinxisti, conferatur, patebit eam esse expositionis meæ veritatem, ut etiam iniquissimi aduersarij fraudibus deformata longè superet, & sua luce superemineat eam, quam ipse suis verbis, ut commodissimè & beni-

gnissimè potuit, concinnaui. Videamus nunc interiores labe, & commentorum, quibus tam horrendam glossam tueri conaris, insignem prauitatem. Ac primò videre operæpretium est mirabilem confidentiam, qua in tam misero negotio exultas; vt quod Patrum quidam de nouatoribus *Hierem.* monet, vinci eos facillimè posse, propter inscitiam; conuinci, propter superbiam, non posse, id tuis dictis & factis comprobandum suscepisse videre.

## S I R M O N D V S.

**I**A m vel tacente me vides, vt opinor, canonem non de duabus, vt aiebas, quæ hodie sunt in usu, sed de unica eaque in fronte chrismatis vñctione loqui, atque, vt hæc unica in baptismo fiat, precipere. Ideo ministrum baptismi chrisma in promptu vult habere, vt baptizatum mox liniat. Quod si quo casu chrismatus in baptismo quisquam non fuerit, tum in confirmatione commoneri Episcopum, vt chrismet ipse nimirum, priusquam manum imponat. Hæc Synodi, vt apparet, liquida est sententia.

## A V R E L I V S.

**E**GO te, non tacente quidem, sed paucissimis verbis proponente sententiam tuam, intolerabiles in eo errores & audacias, vt vidisti, statim inueni. Quo plura verba facies, plures inueniam, & eadem perspicuitate demonstrabo qua istas in paucis verbis tuis à me demonstratas omnibus opinor perspicuum esse, adeoque tibi ipsi, nisi in eum locum processisses, vt fanda & infanda dicenda tibi potius, & comminiscenda putes, quàm vt errorem fateare. Hic enim tuus aliquorumque tuorum genius est, vt omnia prius verti & ruere cupiatis, quàm vt victi, aut minima falsæ gloriæ particula imminuti esse videamini. Ego verò quos errores & absurditates in ipso quasi breuiculo sententiæ tuæ prima statim fronte ostendi, eosdem in latiore ipsius expositione, & quasi campo vberiores plenioresque iam ostendam; & quo interea maior insultatio & superbia tua eminebit, coillæ diriores & intolerabiliore bonis omnibus euadent.

## S I R M O N D V S.

**I**N qua quidem sentio te, Aureli, non mediocriter nec sine causa commoueri & conturbari. Primùm quòd Synodo vna placet chrismatio, deinde quòd Presbyterus vt chrismet in fronte permittitur, postremò quòd chrismatio ista ab Episcopi confirmatione, seu manuum impositione seiungitur. Noua sunt hæc, fateor, si cum iis compares, quæ aliter postea in Ecclesia & sapienter constituta sunt; sed si temporum illorum disciplinam consideres, nihil habent ab ea quod abhorreat.

## A V R E L I V S.

**I**T A noua sunt hæc & inaudita, vt, etsi ego illis non conturber, qui nihil tam absurdè fingi posse iam dudum video, quod à tua mente abhorreat,

O o iij



tamen si quid tibi solidi sensus & prudentiæ Theologicæ inesset, tam chimæricis figmentis ante omnes alios commouerere. Sed nihil tam securum quàm inscitia, præcipuè cui magna animositas adhæret. Hoc ergo vnum ante omnia profiteor, Sirmonde, cum ista quæ dicis inaudita sint, & à nullo ante hanc diem Theologo scripta; cum graua sint & capitalia, & ad sacramenti confirmationis naturam intimam dignitatemque pertineant, de qua, nisi ex diuina traditionum maiorumque autoritate, nefas est loqui; hæere tuo capiti grauem temeritatis culpam, nec Catholicorum cordatorumque Theologorum acriorem censuram recusari à te posse, nisi clara & perspicua testimonia habeas, quibus res tantæ & tam nouæ ita demonstrantur, vt nihil dubitationis supersit. Nam si dubia tantum proferas, & quæ ad communes Ecclesiæ Theologorumque notiones redigi possint, non eris extra culpam, nec grauissimam reprehensionem effugies, quod tanti momenti nouitates, vt ipse fateris, & inaudita omnibus sæculis dogmata sine causa excitaris. Hoc enim facit sine causa, quisque sine necessitate facit, & sine apertis & cogentibus argumentis, sine quibus, si doctrinarum peregrinitates ab Ecclesiæ Theologorumque sensibus alienas inducere liceat ex obscuris & ambiguis autoritatibus priuata opinione detortis, nihil erit in Theologia fixum, nulla tam certa confirmataque sententia, quæ inconsultorum audaciumque ingeniorum licentia conuelli non possit. Quare vt à crimine absis, plana tibi & indubitabilia adducenda sunt documenta, quorum ipso aspectu nihil temerè fecisse iudicare. Hac lege posita, facile constabit quid de oratione tua sit censendum, quamvis ego eam manifestè conuincere non possem erroris & falsitatis, vt me cum Deo facturum confido. Satis enim erit ad tuam illiusque damnationem, si tu eam euidenter non demonstrates, nec irrefragabiles illius rationes edas; sine quibus nulla nouitas, quam in tua sententia inesse agnoscis, in Ecclesiam, in res diuinas, in religionem, & sacramenta sine crimine immitti potest. Hoc ergo fixo fundamento, tua sigillatim argumenta, vt cepimus, excutere pergamus, & eorum deformitatem tantam, quanta veritas esse debuit, demonstremus.

## S I R M O N D V S.

**E**T ENIM, vt inde incipiam, non ignoras primis Ecclesiæ sæculis, cum post baptismum confirmatio mox, tum Eucharistia sequebatur, unctionem chrismatis unicam fuisse, qua Episcopus baptizatos in fronte consignabat. In fronte, inquam. Hoc enim etsi doceri nihil est opus, docet tamen Tertullianus, eò alludens *Preser.* 40 cum de amulo Dei diabolo ait; Signat & illic in frontibus milites suos. Vnde & inscripta oleo frontis signacula, dixit Prudentius in *Psychomachia*. Vnicamque chrismationem & Tertullianus idem de baptismo cap. VII. & Cyprianus epistola LXX. & alij Patres antiqui commemorant. Duplicem verò etsi distinguit *Epist.* 1 Innocentius Pontifex ad Decentium scribens Episcopum Eugubinum, duplicem tamen passum, nisi longo post tempore, obseruatam haud facile reperiās. Quare mirum non est unicam hoc loco Arausicanis Patribus probari.

## A V R E L I V S.

**R**IDI CVLE' prorsus probare incipis, vnicam Patribus Arausicanis  
 chrismatis vnctionem placere, quod vnica fuerit primis Ecclesiæ  
 temporibus, Tertulliani, & Cypriani, priscorumque illorum Patrum æuo.  
 Nam vt omittam, nihil à Tertulliano, aut Cypriano in locis quæ indicas,  
 de vnica vnctione dici, vnctionemque ab iis sine vlla numeri definitione  
 commemorari; vt hoc omittam, quod tibi cum aliis eius generis permultis  
 in tanta disputationis tuæ imbecillitate, necessariò condonandum est; ri-  
 diculè ab antiqua illa consuetudine ad posterius sæculum Concilij Arausi-  
 cani deducis argumentum, quasi inter has ætates nihil noui accidisset. Op-  
 pugnandum tibi erat quod ego dixeram, alteram chrismationem, nempe  
 baptismalem, ita primis illis sæculis ignotam fuisse, vt tamen ante Conci-  
 lium Arausicanum instituta fuerit, licet nouella etiam tum eius institutio  
 esset, nec multis adhuc regionibus vsurparetur. At quonam modo hoc re-  
 felleres, cum id vltro constabilius autoritate Innocentij Pontificis, à quo  
 fateris duplicem chrismatis vnctionem commemorari, alteram ministro-  
 rum in baptismo, alteram solius Episcopi in fronte? Vnde sequitur iam  
 ante Concilium Arausicanum duplicem in Ecclesia fuisse chrismationem,  
 teque ruapte voce damnari. Nam quod ais, duplicem istam chrismationem  
 passim, nisi longo post tempore, obseruatam non esse; partim erras, par-  
 tim mecum sentis. Verè enim significas Innocentij tempore nondum pas-  
 sim obseruatam esse duplicem chrismationem, & hoc à meipso assertum  
 priori responsione habes. At falsò narras eam, non nisi longo post tempo-  
 re, passim obseruari cœptam esse; cum præter Innocentij testimonium,  
 præstò sit Epistola Leonis Magni ad omnes Germaniæ & Galliæ Episco-  
 pos, sub hoc ipsum tempus Concilij Arausicani scripta, qua generatim edi-  
 citur nefas esse, & à Canonum Patrumque decretis alienum, vt Presbyteri  
 baptizatorum frontes chrismate signent. Idemque paulò post à Gelasio, &  
 aliis deinceps Pontificibus & Conciliis confirmatum est, vt modò audies.  
 Imò Innocentius testatur hanc fuisse suo iam tempore non vnus Ecclesiæ  
 Romanæ, sed omnium consuetudinem: Pontificibus solis deberi, inquit, vt  
 vel consignent, vel Paracletum Spiritum tradant, non solum consuetudo Ecclesia-  
 stica demonstrat, verum & lectio Actuum Apostolorum, &c. Nam Presbyteris,  
 seu extra Episcopum, seu presente Episcopo cum baptizant, chrismate baptizatos  
 ungere licet, sed quod ab Episcopo fuerit consecratum, non tamen frontem ex eodem  
 oleo signare; quod solis debetur Episcopis, cum tradunt Spiritum Paracletum. Cum  
 ergo istorum temporum Patres passim testentur Presbyteris non fuisse ius  
 baptizandi sine chrismate; Presbyterorum autem chrismatio in fronte fie-  
 ri non posset, ideoque à chrismatione Episcopali necessariò distinguere-  
 tur; fit vt duplicem chrismationem sub Concilij Arausicani tempus in Ec-  
 clesia Occidentis increbuisse fatendum sit. Ex quo denique efficitur Cano-  
 nem Arausicanum, si ex sensu ac more illius temporis, vt toties à te incul-  
 catum est, exponendus sit, exponendum esse de duplici chrismatione per  
 Ecclesiam tunc inualecente, adeoque te tuo telo rursus confici, nec po-

S. Leo ep. 88.  
ad Germ. &  
Gall. Episc.

Epi. 6. Epist.  
per Lucan.  
Innoc. ep. 1.  
ad Decem.  
c. 3.

Vid. Hieron.  
in dial. contra  
Lucifer.  
Conc. Vasc.  
3. & 6.

fuisse Presbyteris à Patribus Arausicanis committi chrismationem frontis; ut contendis, nisi eos à solenni Ecclesiæ usu de industria recessisse, & tot Romanorum Pontificum decreta, scriptamque ad ipsos nominatim à Leone Magno Epistolam, spreuisse fateare, si ab eo ante Concilium Arausicanum emanarit.

## S I R M O N D V S.

**F**RONTIS porro chrismationem, quod alterum est caput difficultatis, frequenti olim usu multis in locis usurpasse Presbyteros quis nescit? Nam, ut missos faciam Græcos, apud quos perpetuus hic mos fuit, quique Latinos aliquando infimulare ausi sunt, ut Nicolaus Papa scribit, quod Presbyteros linire baptizatorum frontes inhiherent. *Epist. 70.* Ut de Toletana quoque Synodo prima nihil dicam, quæ Canone XX. Presbyterum statuens absente Episcopo chrismare, præsentem verò, si ab illo fuerit præceptum, de chrismatione frontis haud dubiè intelligenda est; ut hæc, in Lib. 3. ep. 26. quam, & his similia non persequar, omni luce clariora sunt quæ exstant apud S. Gregorium, in Epistola ad Ianuarium Episcopum Caralitanum: Peruenit quoque ad nos, inquit, quosdam scandalizatos fuisse, quod Presbyteros chrismare tangere in fronte eos qui baptizati sunt, prohibuimus. Et nos quidem secundum usum veterem Ecclesiæ nostræ fecimus: sed si omnino hac de re aliqui contristantur, ubi Episcopi desunt, ut Presbyteri etiam in frontibus baptizatos chrismare tangere debeant concedimus: Romana, ut vides, Ecclesiæ consuetudinem dum memorat Gregorius, Ecclesiarum omnium consuetudinem non fuisse significat. Erant ergo apud quas Presbyteri baptizatos chrismarent in fronte, atque in harum numero Caralitana.

## A V R E L I V S.

**A**T T E N D E, obsecro, quid dicas, Sirmonde. Probandum tibi est chrismationem frontis frequenter Presbyteris concessam tempore Concilij primi Arausicani. Ad hanc verò probationem accersi à te Ecclesiæ Caralitanae usum, sub S. Gregorio, & Græcorum sub Nicolao I. tot annorum centuriis post Concilium Arausicanum, quæ ratio est, aut quæ moralis? Nam quod ais de prima Synodo Toletana, ineptissimum est; cum hæc de chrismatione frontis verbum non faciat. Tantum ait statutum esse, Presbyterum absente Episcopo chrismare, præsentem verò non, nisi ab ipso fuerit præceptum. Quod qua fronte asserere potes, de chrismatione frontis haud dubiè intelligendum esse? Nam Toletani Patres eodem modo statuunt chrismationem baptismalem à Presbytero exhibendam absente Episcopo, præsentem verò non, nisi ipsius iussu, quo passim in Canonibus statuitur; ut Presbyteri baptismum ipsum absente Episcopo administrent, præsentem autem non, nisi ab eo sit præceptum; nec ex huiusmodi decreto haberi potest, nedum apertè concludi, ut ineptè dicis, eos propriæ potestatis suæ, & chrismationis Episcopalis vltimum ius ad Presbyteros transferre, nec iis quicquam concedere, quod baptismi ipsius administrationem, & functionem sacerdota-lem transcendat. Tota igitur argumentorum tuorum summa redigitur ad

Conc. Aran-  
sic. I. habitū  
est anno 441.  
sub S. Leone  
Papa.  
S. Greg. ubi  
an 604 Ni-  
col. I. anno  
857.

vsum Græcorum, tempore Nicolai Papæ, & ad vsum Ecclesiæ Caralitanz,  
 tempore S. Gregorij. Quo ipso iugulatur tua sententia, illo ipso funda-  
 mento, quo meam oppugnasti. Iam enim non ex sensu temporis Synodi  
 Arausicanæ, sed ex multo inferioribus ætatibus, exponis Canonem Arau-  
 sicanum; & ita id ipsum peccas, & in eum laqueum te induis, quo me pete-  
 bas. Quid stolidius? quid minus venia dignum? Quod si tibi ex æuo S.  
 Gregorij, & Nicolai Papæ fas esse putas probare Arausicanos Patres Pres-  
 byteris concessisse Episcopalem chrismationem frontis, quanto magis in-  
 didem mihi probare facilius est id illos non concessisse, cùm S. Gregorij  
 æuo habeam, præter ipsum Gregorium, Hispalensis II. Concilij Patres, &  
 S. Isidorum vniuersè declarantes interdictam esse Canonibus Patrum &  
 Scripturis, non solum quibusvis Presbyteris, sed etiam Chorepiscopis, et  
 lam frontis chrismationem; adeoque Ioannem III. Pontificem hoc ipsum  
 paulò ante S. Gregorij ætatem confirmantem? An minoris ponderis esse  
 dices auctoritatem Ioannis Pontificis, S. Isidori, & Concilij Hispalensis,  
 quàm vsum Ecclesiæ Caralitanz? Si verò vsum Græcorum tempore Ni-  
 colai Papæ attendi velis; num sperni iubebis eodem tempore, tum Ni-  
 colaum Papam illum vsum reprobantem, tum Synodos Parisiensem &  
 Meldensem Chorepiscopis ipsis prohibentes Episcopalem chrismatio-  
 nem, tum paulò antè Rabanum, Amalarium, & multò antè Alcuinum &  
 Bedam, chrismationem verticis Presbyteris, frontis solis Episcopis tri-  
 buentes? Si tu illa argumenta ex D. Gregorij & Nicolai Papæ æuo repetita  
 objicias, quanto æquius hæc tanto maiora ex iisdem ætatibus tibi oppo-  
 nantur? Quis non miretur acumen tuum, Sirmonde, vel quis capiat quid  
 tibi velis cum his argumentorum quisquiliis, quæ vt benignissimè acci-  
 piantur, in reipsum tam validè resiliunt? Verùm, quid illis, etiam per se  
 spectatis, infirmius fieri potest? Nam primùm, Græcorum Ecclesiæ Lati-  
 næ morem insimulantium temeritatem, pro argumento à te adductum iri  
 quis sperasset? Quis crederet te probaturum Patres Arausicanos Presbye-  
 ris concessisse chrismationem Episcopalem, quia Græci eam illis concess-  
 runt? Cur eadem operâ non probas concessisse illis totum ipsum sacra-  
 mentum Confirmationis, quia Græci hoc concedunt? vel statuisse repeti-  
 tam chrismationem frontis non esse noxiam & praiudicantem, (hoc enim  
 per te dixerunt) quia Græci ita censent? Quid hoc, quæso, portentum est?  
 Quia in Ecclesia sumus, vt tu toties damnatos ab Ecclesia Catholica, & à  
 summis Pontificibus Græcorum errores sententiæ tuæ fundamenta sta-  
 tuere audeas, & magis attendas quid illi aduersus Ecclesiam Latinam, gli-  
 scente schismate Photij temporibus, objecerint, quàm quid aduersus illos  
 Ecclesia Latina, & Sedes Apostolica tenuerit? Nam ad obiectiones illas  
 Græcorum vniuersè responderet Nicolaus Papa: *Aut falsa sunt, quæ nobis im-  
 pingere moliuntur: aut certè iam à prisco tempore sine cuiusquam contradictione in  
 Ecclesia Romana, imò in tota Occidentali parte, custodita. Et cùm floruerint etiam  
 apud ipsos magni doctores Ecclesiæ, nullus tamen eorum de iis reprehensionem fecit,  
 nisi hi qui non zelo iustitiæ feruidi, sed zelo inuidiæ perculsi, Ecclesiæ lacerare tradi-  
 tiones anhelant. Et infra: Quia, Deo autore, de nobis quid specialiter impeterent,  
 non inuenerunt: traditionibus paternis diuinis testimoniis roboratis destrahere cura-*

Cœc. Hispal.  
II. c. 7.Isidor. lib. 2.  
de ecclesiis. c. 26.

Ioan. III.

de synodo  
ad Hippo-  
critum. c. 1.  
maius. c. 1.Synod. Paris.  
Meldens.  
c. 1. & 2.  
Conc. Arles.  
c. 44.Nicol. PP.  
epist. 70.



uerunt; & quod agere maiores eorum minime præsumpserunt, isti etiam quæ antiquitas Romana suscepit, cum numerosis hanc sequentibus Ecclesiis generaliter accusare, & blasphemare ore polluto minime timuerunt. Audis quid Nicolaus Papa generatim censeat de accusationibus Græcorum, inter quas illa de prohibita Presbyteris Episcopali chrismatione? esse nimirum partim calumnias falsas, partim novos istorum errores, tum à traditionibus paternis, tum à diuinis testimoniis, tum à maioribus ipsorum & antiquis Græciæ Patribus abhorrentes? Qua igitur mente affirmas Presbyterorum Græcorum morem Episcopalem chrismationem & sacramentum Confirmationis usurpandi, apud Græcos perpetuum fuisse? Quem enim illius Græcum autorem Catholicum ante Photij tempora exhibeas? planè nullum, Sirmonde. Nullum, inquam, dabis Græcum scriptorem ante Photium, qui doceat chrismationem Episcopalem & sacramentum Confirmationis à Presbyteris conferri posse. Hoc est germen degeneris & in schisma nutantis Græciæ. Nec mirum est schismati errores & hæreses, quasi graui plagæ & corporis discriptioni febris æstum accessisse; nec eos qui Spiritus sancti maiestatem in ipso minuere ausi sunt, eam in ipsius sacramento minuisse. At veteres Patres Græcos, florentemque illam antiquæ Græcæ Ecclesiam ab hoc usu longè abfuisse testis est locupletissimus S. Chrysostomus, qui quærens cur Philippus Samaritanis, quos baptizarat, non tradidisset Spiritum sanctum, sed hoc munus Petro & Ioanni reseruasset: *Videtur mihi, inquit, hic Philippus unus è septem fuisse, secundus Stephano. Ideo & baptizans Spiritum baptizatis non dabat: non enim potestatem habebat. Hoc quippe donum solum duodecim erat. Et infra: Potestatem quidem acceperant (inferiores ministri) faciendi signa, non tamen Spiritum aliis dandi. Hoc igitur in Apostolis erat singulare. Quare Ecclesiæ coryphæos, nec ullos alios videre est hoc facientes. Testatur igitur, tum potestatem conferendi sacramentum Confirmationis solis Apostolis, eorumque successoribus Episcopis datam, tum suo tempore hos solos ea potestate usos esse. Idem plures alij Græci Patres palam faciunt, dum Apostolis, non Discipulis datam aiunt potestatem tradendi Spiritum sanctum. Imò Georgius Pachymeres è recentioribus Græcis Dionysij Paraphrastes idem ait, & eandem consuetudinem antiquæ Græciæ agnoscit: *Opus erit, inquit, Episcopo ad baptizatum chrismate inungendum. Hac enim fuit antiqua consuetudo. Quod idem fatetur Zonaras, docens Apostolis concessam facultatem tradendi Spiritum sanctum, non autem vel Chorepiscopis, eo quod septuaginta discipulis successissent. Atqui Chorepiscopos plura habuisse priuilegia quàm Presbyteros, docet Balsamon. Quis te iam ferat asserentem, perpetuum apud Græcos morem fuisse ut Presbyteri chrismate inungerent neophytorum frontes, sacramentumque Confirmationis passim præberent, ut hodie faciunt, & faciendum urgebant aduersus Nicolaum Papam, Ecclesiamque vniuersam? Quis non videt quàm tu insulsè ex recentiorum Græcorum institutis sententiam tuam confirmes, tam idoneè illos ex tua sententia errores suos aduersus Ecclesiam Catholicam & olim tueri potuisse, & hodie posse? Si enim non solum perpetuus Ecclesiæ Græcæ, sed etiam Romanæ olim & Latinæ per totum orbem mos fuit ut Presbyteri & ministri chrismationem Episcopalem neophytis in baptismo præ-**

Chrysost. ho.  
18. in Acta.

Vid. Isid. Pe-  
lus. lib. 1. epi.  
450.  
Oecum. in c.  
8. Act. & c.  
Pachym. in c.  
5. de Ecclef.  
Hierar.

Zonar. inc.  
14. Conc.  
Neocæs.  
Balsam. ibid.

beret; quanto vehementior esse potuit Photij & gregalium eius in Nicolaum Papam Latinosque omnes expositulatio, quod Presbyteris baptizatorum frontes linire prohibendo, ab vniuersa maiorum suorum antiquitate discessissent? Tam ignarus autem fuit Photius ut hoc argumento tam potenti Latinos vrgeri posse nesciret? Tam plumbei Græci omnes, ut eorum nemo ad hanc diem isto telo nos petierit? Tam fallax porrò Nicolaus Papa, ut quæ Græci ipsi objecerant, ea iam à prisco tempore sine cuiusquam contradictione in Ecclesia Romana, imò in tota Occidentali parte, custodita diceret? Vides labantem quacumque ex parte argumentationis tuæ inanitatem, quam mihi refellere propemodum æquè pudori est, ac tibi esse debet obtulisse.

De sancti verò Gregorij testimonio, quod tu *omni luce clarius* censes, quid ego tuas tenebras commemorem? Quid enim perspicaci homini minus dignum, quàm ut ex vnius Ecclesiæ Caralitane abusu, quem S. Gregorius tolerare singulari indulgentia cogitur; imò verò ex eo quod scribat eum veteri Ecclesiæ suæ consuetudini repugnare, tu colligas similes abusus per alias Ecclesias extitisse? Non enim Ecclesiæ suæ consuetudinem Gregorius opponit, ut alias Ecclesias contraria consuetudine uti significet; sed tum quia frequentissima est humilitas Patrum in loquendo, ut minus dicant quàm dicere possint; tum quia reuera ab Ecclesia Romana ut fonte manauit consuetudo baptismalis chrismationis, quæ à ministris alibi quàm in fronte præberi debeat, ab eaque hunc ritum paulatim exceperet Ecclesiæ Occidentis. Vnde rectè Caralitanos reuocauit ad veterem illius Ecclesiæ consuetudinem Gregorius, ad quam, ut ad primariam originem, necesse erat aliarum in hac re vsus recenferi. Cui enim minus Ecclesiarum omnium consuetudinem commemorare potuit Gregorius, quàm tot alij ipsius decessores Romani Pontifices, qui chrismationem frontis ab aliis quàm ab Episcopis factam, ut improbam, & Canonibus aduersantem damnarunt, in primis Innocentius, qui eam tanto antè Ecclesiæ moribus & scripturis alienam diserte ascripsit: *Pontificibus solis debere, inquit, ut vel consignent, vel Paracletum Spiritum tradant, non solum* **CONSUETVDO ECCLESIASTICA** *demonstrat, verùm & lectio Actuum Apostolorum, &c. Nam Presbyteris chrismate baptizatos ungere licet, non tamen frontem ex eodem oleo signare, quod solis debetur Episcopis, cum tradunt Spiritum Paracletum.* Audis ergo ab Innocentio quod à Gregorio quærebas, ne dubites quin & ipse idem exprimere potuerit. Atque ut magis videas collectionis tuæ vitium, cedò si quam habes Occidentis Ecclesiam, in qua perspicuè docere possis baptizatorum frontes chrismari consueuisse à ministris. Cùm nullam habeas quam proferas, desine comminisci rem inauditam, & Gregorij verba ad certos & notos Ecclesiæ sensus accommoda. Nam Gregorius apertè ostendit, se rem minimè vsitatam per indulgentiam concedere Ecclesiæ Caralitane, fugiendi tantum scandali causa; adeoque hunc morem non fuisse aliis Ecclesiis communem. Rem enim pluribus Ecclesiis probatam nec primò vetuisset, nec deinde veniæ causâ indulgere se declarasset; cùm aliarum Ecclesiarum priuatos mores, qui à Canonibus & Scripturis nihil abhorrent, à Romanis Pontificibus non interdici, sed probari contueuisse

*S. Greg. l. 12.  
ep. 31. ad Au-  
gust. Ind. vij.*

constet, & à sancto Gregorio nominatim, qui Augustino Anglorum Episcopo, Ecclesiæ Gallicanæ ritus à Romanis diuersos, qui modò pij & probabiles viderentur, amplecti suadet, & in recentem Anglorum Ecclesiam transferre: *Non enim pro locis res, inquit, sed pro bonis rebus loca nobis amanda sunt.*

*Id. S. Greg.  
lib. 3. ep. 9. ad  
Ianuar. Epi-  
scop. Caralit.  
ep. 23. ad no-  
bil. Sard. ep.  
24. 25. 26.  
27. 29. ibid.*

Postremò Gregorij factum nihil ad tuam sententiam. Tu enim Episcopalem frontis chrismationem Presbyteris permissam probare contendis, de qua nihil ait Gregorius; sed de rituali tantum Presbyterorum chrismatione loquitur, de illa nimirum eadem quam antea *in pectore* fieri iusserat; quam deinde in fronte fieri permittit. Itaque posterior à priori solo membro erat diuersa. Sicut enim non omnes manus impositiones, quas Presbyteri vsurpabant, eadem erant eiusdemque generis cum iis, quas vsurpabant Episcopi; sic neque illæ frontis chrismationes. Quare in huiusmodi indulgentia nihil statuit sanctus Gregorius, superiorum Romanorum Pontificum decretis repugnans, in quibus toties Presbyteris, imò Chorepiscopis, interdicitur frontis chrismatio, quasi à Scripturis, Patribus, Canonibusque aliena. Illi enim Pontifices de chrismatione Episcopali, ex qua constat sacramentum Confirmationis, loquebantur. Gregorius verò non de illa agit, sed de cerimonia chrismandi in baptismo ab Ecclesia Romana in alias Occidentis Ecclesias transfusa; quam in hoc solum mutat, Caralitanis indulgens, quod quæ in fronte nunquam erat facta, eam in fronte fieri concedat. Quod ab eo Ecclesiis Sardiniae necessariò indultum facile intelliget, quisquis attenderit, tum offensionem ex sancti Gregorij interdicto natam, tum generatim Sardiniae statum; in qua disciplinæ Ecclesiasticæ perturbationem, corruptos mores, Idololatrarum & Iudæorum magnam vim fuisse testatur ipse Gregorius, & in iis nominatim Epistolis, in quibus de chrismatione ista loquitur: ut non immeritò eiusmodi hominum imbecillitati, quibus seueritatem suam scandalo esse videbat, aliquid concedendum esse censuerit, quod ad solum Ecclesiæ ritum pertineret. Temerè ergo iterum sancti Gregorij in Ecclesias Sardiniae humanitatem traduxisti ad sententiæ tuæ confirmationem, cum ab ea sit diiunctissima. Si quid agere cupiebas, proferendus erat tibi locus, ex quo pateret Episcopalem chrismationem, eandem nimirum illam quam Episcopi in sacramento Confirmationis adhibere solerent, ad Presbyteros translata, & ab iis deinceps vsurpari permissam, itavt postmodum ab Episcopis eam vsurpari necesse non esset, & sacramentum Confirmationis ab iis sola manuum impositione conferretur. Hæc enim est sententia, quam Canoni Arausicano imponis. Sed tu huiusmodi locum, nisi me ratio fugit, non facilius inuenies apud vllum Patrum, quàm apud Gregorium; quem quàm omni ex parte ridiculè protuleris difficile dictu est, & ex iam dictis tamen aliquatenus patere arbitror.

SIRMON-

## S I R M O N D V S.

**Q**UAM illa morem profectò, nisi aliquo iure sibi permissum, non usurpassent. Vnde autem manasse potius credamus, quàm à Siluestro Papa, qui constituit ut Presbyter liniat chrismate leuatum de aqua propter occasionem transitus mortis, ut memoria proditum est in Pontificali? Scio non deesse, qui de verticis unctione hæc interpretari malint: sed videntur isti ad ætatis suæ morem potius, quàm ad Siluestri consilium & institutum spectasse.

## A V R E L I V S.

**I**AM iam necesse est me tibi habere gratiam, qui omnes omnino Theologos, quorum nemo Siluestri decretum de frontis chrismatione adhuc intellexit, arguas ad ætatis suæ morem Siluestri verba detorsisse, quemadmodum de Canone Arausicano me paulò ante arguisti. Imò, quod maius est, eodem crimine inuoluis tum sanctum Gregorium, tum superiores penè vniuersos summos Pontifices, qui de chrismatis unctione loquuti sunt: quorum est penè vna vox, chrismationem frontis solis Episcopis licitam, Presbyteris inconcessam esse ex Canonum, Scripturarum, Patrum decretis. Quod falsum vtique esse necesse est, si eam ante illòs omnes iis concesserat Silvester Papa. Quis verò non videt Siluestri decretum non aliunde rectius exponi posse, quàm ab ipso domestico Ecclesiæ Romanæ sensu, & perpetuis tot Pontificum testimoniis, declarantium veterem esse Ecclesiæ consuetudinem, ne Presbyter baptizatorum frontes chrismet, & huiusmodi chrismationem Patrum traditionibus refragari? Ruis ergo miser, & de industria ludos agere videre; eoque magis, quod in Siluestri verbis, quæ commemoras, nulla frontis mentio inest, qua tuum figmentum adstruas. Absurdè verò voluisti Ecclesiarum Sardiniaæ abusum, sine recta vlla causa temerè, ut sit, paulò ante fortasse natum, vetere Ecclesiæ Romanæ consuetudine, & Siluestri Papæ lege tueri, inuito S. Gregorio, quem tu ipse modò citasti abusum istum *veteri Ecclesiæ Romana consuetudini* aduersari declarantem: quasi nempe Ecclesiæ Sardiniaæ, antiquas Ecclesiæ Romanæ, Romanorumque Pontificum constitutiones religiosius seruassent, quàm ipsa Ecclesia Romana.

## S I R M O N D V S.

**A**B Arausicana autem Synodi Patribus quis alienum ducat, ut baptizatos in fronte chrismari hoc loco à Presbyteris statuant, cum hæreticos ab iisdem cum chrismate & benedictione consignari, proximo Canone permittant?

Pp



## A V R E L I V S.

**E**RRA s admodum & hallucinarius, nesciens quænam esset illa chrismatio, benedictio, manus impositio, quam Patres & Canones hæreticis ad Ecclesiam venientibus toties fieri præcipiunt. Qua de re quia non est hic dicendi locus, satis erit breuiter docuisse, eam non fuisse sacramentum Confirmationis, nec chrismationem, aut manus impositionem illam eandem, quæ neophytis in Ecclesia tribui solet. Hoc autem ex eo declaratur, quia Patres eam dari iusserunt omnibus promiscuè ab hæresi redeuntibus, nihil inter eos discernentes, qui Episcopalem manus impositionem, & verum sacramentum Confirmationis ab hæreticis acceperant, & eos qui non essent illo imbuti. Omnes enim sine discrimine hæreticos ita chrismandos dixerunt, ut patet ex Canonum verbis. Hac ergo ratione planum fecerunt, chrismationem eiusmodi non fuisse illam sacramento Confirmationis solennem, sed ceremoniam meram, quæ tamen Presbyteris eodem modo interdiceretur, quo reconciliatio pœnitentium: quia sicut à pœnitentia ad Ecclesiam redeuntibus non nisi ab Episcopo admitti poterant; sic neque ad eandem ab hæresi redeuntibus. Sicut autem pœnitentes à Presbytero in discrimine vitæ reconciliari Ecclesiæ poterant per manus impositionem, ut sæpè Concilia edicunt; ita & redeuntibus ab hæresi in eodem periculo per manus similiter impositionem, & chrismationem in Ecclesiam ab eodem admittebantur. Cur autem hi speciatim chrismate inungerentur, & Spiritum sanctum dicerentur accipere, commodius alibi exponetur. Iam enim ex his satis vides chrismationem istam hæreticorum fuisse meram ceremoniam ad sacramentum Confirmationis nihil pertinentem; ideoque te frustra ex hac ad Episcopalem chrismationem sacramenti Confirmationis, quam Presbyteris permissam contendis, argumentum duxisse. Nam contra planius argumentari mihi licet aduersum te, ex hoc Canone. Si enim Arausiacani Patres iam statuerant ut omnes omnino Christiani chrismationem Episcopalem à ministris in baptismo susciperent, cur eam illis erga hæreticos usurpare in extremo duntaxat vitæ discrimine, & absente Episcopo, permisissent? Aut si in hoc tantum discrimine eam illis permittebant in hæreticos, cur eam in alios quoscunque iis passim concedebant? Vides, opinor, absurdam rerum inconuenientiam. Nam si chrismatio Episcopalis tam effusè ministris concessa esset, nihil esset causæ cur ea iisdem in hæreticos vno tantum casu extremi discriminis & absentiae Episcopi indulgeretur, nec iis daretur venia, ut saltem Episcopi iussu hæreticum extra vltimum discrimen chrismarent. Quod tamen iis non esse concessum patet amplius ex vltimo Canone, ubi statuitur; *Ut si quis Episcopus per infirmitatem debilitatemve aliquam, aut hebetudinem sensus inciderit, aut officium oris amiserit; ea quæ non nisi per Episcopos geruntur, non sub præsentia sua Presbyteros agere permittat; sed euocet Episcopum, cui hoc quod in Ecclesia agendum fuerit, imponat.* Hæreticos autem per chrismationem, & manus impositionem suscipere Episcopalis muneris fuisse, nulli non docent Canones. Videntur autem tam sollicitè Presbyteris abstulisse omnes Episcopalis muneris partes Arausiacani Patres,

illa S. Leonis ad omnes Galliae Episcopos epistola forsan impulsæ, qua quidam Episcopi functiones suas in Chorepiscopos transtulisse arguebantur, & ne quid eiusmodi in posterum fieret, vniuersi admonebantur. Hoc ergo illud est quod tam studiosè cauent extremo Canone: qui solus satis docere potuit nihil alienius esse à Synodo Arausicana, quàm vt chrismationem Episcopalem Presbyteris & ministris primo Canone tribuerit. Quod ego argumentum iam antè tibi opposui; licet tu firmissima quæque disputationis meæ præsidia, & petitionibus tuis inuietissima, turpi silentio dissimulare statueris.

## S I R M O N D V S.

**R**ESTAT ergo, vt quoniam hoc quoque satis probatum est, de tertio capite, hoc est, de chrismationis & manuum impositionis intercapedine, similiter comprobemus. In quo tamen, quid esse potest negotij? Consequens enim erat, postquam vnum baptismi & confirmationis tempus esse desuit, vt quibus ex hoc more frontem chrismate in baptismo linierat Presbyter, his alio tempore manum Episcopus imponeret.

## A V R E L I V S.

**P**ROBARE ingrederis hanc partem non minus ineptè quàm priores. Atque adeo illarum ineptiam adhuc subsidium trahis, dum ex earum positione argumentaris. Nam quasi liquidò probasses concessam Presbyteris potestatem impertiendi neophytis Episcopalem frontis chrismationem, hinc iam colligis quoscumque Presbyteri hoc modo chrismassent, his deinde Episcopos solam manuum impositionem contulisse. At ego contrà argumentor, cùm Presbyteris nusquam concessa legatur potestas ista, quam fingis, solam chrismationem Episcopalem sine manuum impositione vsurpandi; nunquam etiam fuisse vt Episcopi solam manus impositionem sine chrismate præbuerint, nec adeo de hoc commento Canonem Arausicanum exponi posse. Satin' cuneum cuneo, argumentum pari argumento eieci? Cui verò potissimum liceat ex superioribus argumentari, tibi qui tam absurdè tua concinnasti, an mihi qui tam facile ea disturbaui, tum ex antè dictis liquere satis puto, tum ex post dicendis magis ac magis declarabitur.

## S I R M O N D V S.

**Q**UOD fieri consueisse illa in primis S. Hieronymi aduersus Luciferianos verba declarant. Non abnuo, inquit, hanc esse Ecclesiarum consuetudinem, vt ad eos qui longè in minoribus vrbibus per Presbyteros & Diaconos baptizati sunt, (quomodo autem baptizati? non sine chrismate, vt mox dicis) Episcopus ad inuocationem sancti Spiritus manum impositurus excurrat. Nam muneris Episcopalis erga neophytos cùm duæ olim essent partes, chrismatio & impositio manuum, ita subinde res est temperata, vt concessa Presbyteris chrismandi potestate, pars altera penes solos Episcopos resideret, quam solam iis impertirent qui legitime à Presbyteris chrismati iam forent.

## A V R E L I V S.

**N**IMIVM sæpè regeris tua figmenta iam eiecta, iam explosa, & omnium generum testibus profligata. Protuli tibi aperta loca Patrum, quibus Episcopalis chrismatio tum Presbyteris generatim, tum nominatim Chorepiscopis, quod etsi vulgares Presbyteri non essent, nihil tamen essent nisi Presbyteri, interdicatur. Tu æquè aperta profer, quibus doceas chrismationem eandem illis permissam. Cùm hoc non possis, immeritò contendis mecum, & cogitationum tuarum umbras sententiæ meæ perspicuitati opponis. Tam chrismationem Episcopalem, quàm impositionem manuum neophytis ab Episcopo præberi solitam, Presbyteris vetere sancti Patres. Clari sunt Canones prohibentes utramque: clarè sonant: clarè loquuntur. Cur tu eas diuidis? Cur chrismationem potius Episcopi, quàm impositionem manuum ministris concessam affirmas? Cur hanc potius quàm illam permitti eis censes potuisse? Quod eis (scil. Chorepiscopis) non liceat, inquit Damasus, *Sacerdotes consecrare, nec Diaconos, aut Subdiaconos, nec virgines, nec altare erigere, nec ungere, aut sacrare, nec Ecclesias dedicare, nec chrisma conficere, NEC CHRISMATE BAPTIZATORVM FRONTEM SIGNARE, &c.* Et paulo post: *Quod solis Apostolis, eorumque successoribus proprij sui officij tradere Spiritum sanctum, liber Actuum Apostolorum docet, præsertim cùm nullus ex septuaginta discipulis, quorum isti (scil. Chorepiscopi) in Ecclesia speciem gerunt, legatur donum sancti Spiritus per manus impositionem tradidisse. Hac ergo, quia omni carent ratione, nullus deinceps usurpet, aut consentiat Sacerdotum, qui noluerit à nostro sacerdotali collegio separari.* Innocentius Decret. c. 3. *1. Presbyteris chrismate baptizatos ungere licet, &c. non tamen frontem ex eodem oleo signare; quod solis debetur Episcopis: idque non solum consuetudine Ecclesiastica, sed etiam Scripturis manifestum esse ait.* Leo: *Nec chrisma conficere, nec chrismate baptizatorum frontem signare, Presbyteris & Chorepiscopis liceat. Quæ omnia, inquit, solis deberi summis Pontificibus auctoritate Canonum præcipitur.* Gelasius: *Presbyteros ultra modum suum tendere prohibemus, nec Episcopali fastigio debita sibi met audacter assumere; non conficiendi chrismatis, non consignationis pontificalis adhibende sibi met arripere facultatem.* Eandem potestatem Chorepiscopis, quòd Presbyteri essent & non Episcopi, permitti vetat Ioannes III. idque Scripturarum auctoritate prohibitum docet. Idem sanciunt Concilia antè citata, Hispalense, Toletanum, Parisiense, Meldense, Vormatiense, Metense; Idem Patres antè laudati; Idem Capitularia Imperatorum. Ita nihil esse potest perpetua maiorum traditione testatius; ac mirum est te niti audere aduersus perspicuam lucem, & ei locorum nescio quorum caliginem objicere. Nam Hieronymi locus aduersus Luciferianos, ineptè à te producit: quia Hieronymus non commemorat chrismationem ullam frontis, quæ à Presbyteris & Diaconis fieret; nec chrismationem Episcopalem ab eis usurpatam ait, cùm certum sit hanc Diaconis saltem, de quibus vnà loquitur, permitti non potuisse; nec denique dicit eos, qui à Presbyteris & Diaconis in baptismo chrismati essent, deinde ab Episcopis sola manuum impositione sine chrismate confirmatos. Quare nihil causari

Epist. ad Epi-  
scopos. Numi-  
dia.

Epist. 1. ad  
Decret. c. 3.

Leo ep. 88.

Epist. ad Epi-  
scopos. Lucan.

Ep. unica ad  
Epi. Gall.  
& Germ.

Hispal. II.

c. 7.

Tolet. VIII.

c. 7.

Parisi. sub

Ludon. &

Lot. I. c. 27.

Meld. c. 44.

Vormat. sub

Ludon. c. 8.

Metens. c. 3.

petes, quin ineptissimè à te allatus sit. Et verò quis non videt, illa eius verba nec commodius exponi posse, nec facilius, quàm ad aliorum Patrum, & in primis Ecclesiæ Romanæ mentem; maximè cùm dialogum istum aduersum Luciferianos Romæ scripsisse memoretur?

## S I R M O N D V S.

**D**ENIQUE hæc illa est manuum impositio, quæ & in Canone nostro, & à *De Eccl. dogm. c. 321* Gennadio, & aliis eius sæculi scriptoribus, peculiari iure Confirmatio nuncupatur; nominatimque ab Hilario Episcopo Arelatense, illo ipso qui Synodo Arausicana præfuit, in Homeliæ de Pentecoste: Quod nunc, inquit, in confir- *Inter Eusebians.* mandis neophytis manus impositio tribuit singulis, hoc tunc Spiritus sancti descensio donauit vniuersis. Et post alia: Ergo Spiritus sanctus, qui super aquas baptismi salutifero descendit illapsu, in fonte plenitudinem tribuit ad innocentiam, in confirmatione augmentum præstat ad gratiam. Et sanctus Augustinus de baptismo disputans contra Donatistas, hanc eandem impositionem manus & sacramentum singulariter appellat, & à chrismatione seiungi solitam, ipsa verborum serie, Eucharistia interiecta mentione significat: Si ad hoc valet, inquit, quod dictum est in Evangelio, Deus peccatorem *Lib. 5. c. 20.* non audit, ut per peccatorem Sacramenta non celebrentur, quomodo exaudit homicidam, vel super aquam baptismi, vel super oleum, vel super Eucharistiam, vel super capita eorum quibus manus imponitur?

## A V R E L I V S.

**A**VDIANT hæc Censores Catholici, & iudicent num in Ecclesia Catholica sint ferenda. Sirmondus censet manuum impositionem, solam, & sine chrismate, esse sacramentum Confirmationis; eamque solam à sanctis Patribus Confirmationem & Sacramentum haberi affirmat. Ita sacramentum Confirmationis nullum chrisma includit; tantumque abest, ut sanctorum Patrum testimoniis probari possit confirmationis materiam esse chrisma, ut Sirmondus pronuntiet eos à sacramento Confirmationis illud exclusisse. Itaque sine vlla sanctorum Patrum autoritate, & contra illorum sensum, definitum est toties ab Ecclesia sacramenti Confirmationis essentiam & materiam esse chrisma; nec ex antiquis Ecclesiæ sæculis proferri potest vlla autoritas, qua hanc doctrinam tueamur; cùm contrà vniuersi illorum sæculorum Patres eam euertant. Satin' optatum habebunt hoc munus à Sirmondo hæretici? Satin' plaudentes hoc eius acroama audient? Nam Catholici quidem non ferent, explodent, auersabuntur, turpem foetum, hæresin aper- tam. Ambigitur quidem inter Catholicos, num Apostoli singulari privilegio & potestate Spiritum sanctum, sola manuum impositione sine chrismate, & ita sine sacramento, aliquando contulerint, quemadmodum in Actis narrari videtur; sed quin hoc Sacramentum vni- *Act. c. 8 & 19.* uersa ab initio Ecclesia cum chrismate administrarit, eiusque naturam &



essentiam in chrismate constituerit, nemo Catholicus dubitat; nemo, inquam, est Catholicus, qui ausit palam affirmare sanctos Patres chrisma exclusisse à sacramento Confirmationis, & hoc sacramentum non in chrismate, sed in sola manuum impositione collocasse. Hoc enim posito, nihil est quo certissimas Ecclesiae definitiones tueamur; cum certum sit sacramentorum essentias esse immobiles, nec Ecclesiae quicquam in eas iuris concessum esse, ideoque non aliam hoc tempore esse posse sacramenti Confirmationis naturam, quam olim fuit; nec aliam olim, quam quæ nunc. Posita igitur certissima hæresi, argumenta quibus eam probat, velut hæreticorum machinas disturbemus. Nec magni moliminis erit expeditio. Nam primum fallaciter profert Gennadium, quasi ille confirmationem in sola manuum impositione statuat, cum Gennadius eodem loco paucis post verbis manuum impositioni disertè adiungat chrisma: *Si paruuli sunt, inquit, vel hebetes, qui doctrinam non capiant, respondeant pro illis qui eos offerunt, iuxta morem baptizandi, & sic manus impositione & chrismate communui, Eucharistiae mysteriis admittantur.* Quis tantam in citandis Patribus audaciam crederet? Autor autem homiliae de Pentecoste, quisquis sit, dum manus impositionem commemorat, non excludit ab ea chrisma, sed aliorum Patrum more, in manus impositione illud includit, ut dicetur paulo post. At S. Augustinus imperitissimè producit, quia tantum abest ut à sacramento Confirmationis excludat chrisma, ut in chrismate seu oleo sacramentum ponat. Nam contendens aduersum Donatistas sacramenta Dei non pollui, nec irrita esse cum à malis ministris conferuntur, id probat notissimorum & maximè vulgarium sacramentorum exemplis, ut patet ex ipsis eius verbis: *Si hoc valet quod dictum est in Euangelio, Deus peccatorem non audit; ut per peccatorem SACRAMENTA non celebrentur, quomodo exaudit homicidam, vel super aquam baptismi, vel super oleum, vel super Eucharistiam, vel super eorum capita, quibus manus imponuntur?* Apertè ergo oleum sacramentis annumerat, cum illius exemplo probet *Sacramenta per peccatores celebrari*, & illud Baptismo, Eucharistiae, impositioni manuum, veris sacramentis adiungat. Quare necesse est manuum impositionem, de qua ibi Augustinus loquitur, non esse sacramentum Confirmationis, cum illud olei nomine prius significarit. Idque indicat ipsa series locutionis, qua sacramenta eo ordine enumerat, quem semper in Ecclesia habuerunt, primò Baptismum, tum Confirmationem, deinde Eucharistiam, post impositionem manuum. Eorum igitur nomine, *quorum capitibus manus imponuntur*, intelligit vel eos qui sacramento Ordinis initiantur, vel eos qui sacramento Pœnitentiae, vel utrosque. Nam sicut sacramentum Ordinis impositione manuum collatum constat, ita & sacramentum Pœnitentiae; de quo etiam intellectum est à sanctis Patribus illud Apostoli, *Manus citò nemini imposuerit*. Ac passim nomine impositionis manuum ab iis affici sacramentum Pœnitentiae, cum ex innumeris locis patet, tum ex hac in primis Synodo Arausicana, in qua *reconciliatoria manus impositio* sæpè vocatur. Tantum ergo abest, ut hoc Augustini loco assequare quod petis, ut illo apertè iugulere; cum pateat in eo Augustinum sacramentum Confirmationis in oleo, tacita manus impositione, statuere. Quod idem alibi fecit, & sacra-

a Vid. Pat.  
cian. ep. 3. ad  
Sympron.  
Terent. de  
pudicit. c. 18.  
b Can. 3.

mentum Confirmationis designauit olei nomine, quando dicit; *Quid ergo significat ignis? hoc est chrisma. Oleum etenim ignis nostri, Spiritus sancti est sacramentum*; cum eoque alij Patres, apud quos non semper est accurata distinctio olei à chrismate, ut patet vel ex Innocentij epistola antè citata. Imò disertè sacramentum Confirmationis vocauit *sacramentum chrismatis*, ut videas quàm temerè scripseris sacramenti nomen ab eo singulariter impositioni manuum tributum esse, & chrisma ab essentia sacramenti Confirmationis autoritate illius exclusis. Idem obseruare est apud alios Patres, quorum plerique, dum sacramentum Confirmationis commemorant, solius chrismatis meminerunt, & in chrismate ipsam vim & efficaciam sacramenti constituunt. Sic <sup>a</sup> Ambrosius docet dari Spiritum sanctum per chrismatis unctionem. <sup>b</sup> Dionysius; *τὸ τῆς ἁρχιερατικῆς πνεύματος ἐπιφύτης, ἢ τῆς μὲν ἐν δαρεῖται τελειωτικῆς χειρὸς*. Ei qui sanctissimo baptismi sacramento initiatus est, diuini Spiritus illapsum chrismatis unctione consummante præberi; Quod ideo <sup>c</sup> *μὲν ἐν ἁρχιερατικῇ*, chrisma summè deificum dicit. Et, ut alios plurimos omittam, omnium fortissimè Cyrillus Hierosolymitanus <sup>d</sup> chrisma panis Eucharistico conferre audet, ut quemadmodum panis Eucharistia post sancti Spiritus inuocationem non amplius est panis communis, sed corpus Christi; ita sanctum hoc unguentum non amplius sit unguentum nudum, aut commune, postquam consecratum est, sed chrisma Christi, & transfundendi Spiritus ipsius sancti, per illius diuinitatis præsentiam, efficax fiat. Sic Græcè; *καὶ πνεύματος ἁγίου κρῖσις, ἢ αὐτῆς ἰσχύος, ἐνεργητικὸν μυστήριον*. Et, quod maxime in rem nostram est, S. Dionysius Arcopagita, & Cyrillus Hierosolymitanus, sacramentorum Ecclesiæ ritus, & in primis Confirmationis, minutè persequentes, tamen in hoc exponendo solius semper chrismatis, nunquam manus impositionis, meminerunt. Quod & in aliis item Patribus obseruare est; quorum multo plures reperias qui in memorando sacramento Confirmationis solum chrisma expresserint, quàm qui manus impositionem solam: cum illi ipsi qui manus impositionem vsquam commemorant, alibi chrisma designarint; non pauci autem ita commemorarint chrisma, ut nusquam manus impositionis meminerint. Atque in his præter cæteros S. Pacianus, cuius in crebra mentione Confirmationis sacramenti, nulla vsquam vox inest nisi de chrismate; adeo ut sacramentum ipsum Confirmationis planè vocet *chrismatis Sacramentum*, ut suprà Augustinus. Itaque sicut sancti Patres, cum de hoc Sacramento loquuntur, solam impositionem manuum sæpè commemorant; ita sæpius solum chrismā: sicut ipsum vocant: sacramentum impositionis manuum; ita sacramentum chrismatis: sicut illius vim in impositione manuum; ita in chrismatione statuunt. Atque ita declarant sacramentum Confirmationis à se reponi non in solo chrismate, neq; in sola impositione manuum, sed in utroque. Vnde sæpissimè utrumque coniungunt, ut plurib. exemplis declaratur, quæ & passim occurrunt, nec hoc loco commemorare necesse est. Ad hanc ergo normam intelligi à te oportuit sanctorum Patrum dicta, Sirmonde; ex mutua, inquam, locorum ipsorum collatione expiscari debuisti quid sibi velint, dum in sacramento Confirmationis interdum solius impositionis manuum meminerunt: & sicut, dum solum chrisma seu oleum memorant, colligere non li-

Aug. serm. 83. de diuersis, & alibi sæpi.

Aug. lib. 2. contra lit. Pet. tit. c. 104.

<sup>a</sup> Lib. de Salam. c. 3.  
<sup>b</sup> De Eccl. Hierarch. c. 4. in theor. c. 2. Eod. lib. c. 2.

<sup>d</sup> Catech. mystag. 3.

Pacian. ser. ad Catechumen. de bapt. ep. 1. 2. & 3. ad Sympron.

cet eos impositionem manuum exclusisse; ita dum solam impositionem manuum exprimunt, colligere non licuit exclusam ab iis esse chrismationem; sed ex tot & tam illustrib. locis ubi vtraque coniungunt, & in vtrisque vim naturamque sacramenti collocant, intelligere oportuit sacramentum Confirmationis in vtrisque consistere ex eorum sensu, nec ab altero vnquam diuulsum aut distractum fuisse. Quod idem de canone nostro dici oportere vel inde apparet, quod pro illis verbis, *in Confirmatione Sacerdos commonebitur*, Fronto Ducæus legat *in Chrismatione*: cui suffragantur codices in Crabbiana editione laudati, & illi ipsi quibus tu vsus es: quorum nos aliquos, & primarios vidimus eo modo scriptos: vt pateat Confirmationem, de qua in canone agitur, non fuisse habitam diuersam à chrismatione Episcopali: sed Episcopum confirmando chrismasse, postquam ministri chrismationem baptismalem, quam iis canon præcipit, peregerissent. Ita oppugnant te vtrò ipse canon & tui codices, & in figmentorum tuorum extinctionem conspirant vnà cum tot argumentorum, tot omnis generis testimoniorum autoritatumque copiis, & totius antiquitatis consensu: in quem, cum tam fœdè incurreris, tam variè temerèque cæcutieris, caue Theologi nomen tibi vnquam sumas, quod mihi suprà exprobraſti.

## S I R M O N D V S.

**N**ON ignoramus, Aureli, duo ista, quæ diuulsa tantisper aliquando apud multos & diuisa fuerant, eadem Ecclesiam postea sapientissimo consilio copulasse iterum & consociasse, ita vt munus vtrumque in Confirmatione, solusque iure ordinario præſtet Episcopus, nec deriuari nunc, nisi summa autoritate, ad Presbyteros liceat.

## A V R E L I V S.

**I**Mò planissimè ignoras Ecclesiam iterum copulasse ista & consociasse; cum quæ nunquam diuisit, aut diuidere potuit, ea iterum copulare & consociare nunquam potuerit. Audiuiſti autem, & in superioribus planè probatum habes, Ecclesiam diuidere ista ne quidem potuisse, ideoque nunquam diuisisse, sed coniunxisse semper, & per solos Episcopos vtrumque coniunctim ministrasse. Alioquin sicut eam sacramentum Confirmationis per solam impositionem manuum sine chrismate contulisse asseueras; ita dicendum tibi erit eam idem nunc etiam posse; cum hodie eadem sit Ecclesiæ, quæ olim, potestas. Quod tamen si dixeris, & sacramenti Confirmationis essentiam ab Ecclesia sine chrismate componi posse affirmaris, non arbitror impunè abiturum. Quamquam id iam planè affirmasti, vel hoc ipso quod hoc loco aperte ais chrismationem in Confirmatione hodie inclusam esse solo Ecclesiæ consilio, cum antea ab illa seclusa, & distincta cerimonia fuisset. Doces ergo id non factum Christi instituto: ideoque de tua doctrina viderint Catholici Theologi, viderint censores. Neque illud porrò magis sanum, quod addis eadem Ecclesiæ lege factum esse, vt chrismationem Episcopalem solus hodie Episcopus iure ordinario præſtet, nec deriuari nunc nisi summa autoritate ad Presbyteros liceat.

Planè enim dicis chrismationem illam olim à Presbyteris iure ordinario collatam; cum quod ab Episcopis iure ordinario hodie conferatur, Ecclesiæ consilio factum dicas, cum quondam aliter fieret. Presbyterum autem ordinarium ministrum chrismationis Episcopalis unquam fuisse, & eam iure ordinario præbuisse, an Catholicè dici possit, refero rursus ad Ecclesiæ Censores, cum Consilia disertè definierint ministrum ordinarium Confirmationis, hoc est, tum formæ eius, tum materiæ, quam chrismationem Episcopalem dicunt, esse solum Episcopum. Minister autem ad essentiam sacramenti pertinet, quæ nunquam mutari potest, & diuina institutione nititur. Quid quod sanctissimæ illius chrismationis ordinarium ministrum non solum Presbyterum, sed etiam Diaconum facis? Nam Canon Arausicanus, quo eiusmodi potestatem tradi affirmas, de omnibus ministris baptizandi officium recipientibus disertè loquitur; quorum è numero Diaconos fuisse, & canonum superiorum consensu constare, & posteriorum Synodorum decretis, quibus etiam chrismandi munus non minus Diaconis quàm Presbyteris imponitur, ut à nobis in priori responsione demonstratum est. Quare dum Canon Arausicanus vniuersè ait; *Nullus ministrorum qui baptizandi recipit officium, sine chrismate usquam progredi debet*, te interprete statuit non solum Presbyteros, sed etiam Diaconos ordinarium ius habere chrismationem Episcopalem tribuendi. Quo errore, vel hæresi, homo Theologiæ, vel antiquitatis Ecclesiasticæ penitus nunquam implicari potuisset. Nemo enim est, cui adhuc tale somnium in mentem venerit. Accedit aliud figmentum, quod doceas chrismationem illam Presbyteris & Diaconis permitti potuisse a quibuscvis Episcopis; licet adjicias, *nec deriuari nunc, nisi summa autoritate, ad Presbyteros licere*. Quod ergo Theologi soli ad summum Romano Pontifici concedunt, ut chrismationem Episcopalem ad Presbyteros transferre per ius diuinum possit, hoc tu cum vniuersis Episcopis communicas, idque ab iis non fieri solum potuisse, sed toto orbe factum esse primis Ecclesiæ sæculis contendis. Malè nimirum definiit Concilium Florentinum: *Cum ceteras vnctiones simplex Sacerdos valeat exhibere, hanc (chrismationem Episcopalem) non nisi Episcopus debere conferre*; eamque vnctionem, eisdem, quibus sacramenti Confirmationis administrationem, iure diuino concessam esse ex Scriptura docet. Ineptè denique monuerit chrismationem hanc legi aliquando Presbyteris indultam à Sede Apostolica *ex rationabili & urgente admodum causa*, cum, si tu adfuisses, demonstraturus esses Concilio illam pluribus antiquæ Ecclesiæ sæculis non solum Presbyteris, sed etiam Diaconis; non solum à Sede Apostolica, sed à quibuscvis Episcopis; non solum *ex rationabili & urgente admodum causa*, sed etiam sine vlla necessitate, cum adessent Episcopi, qui neophytos faciliè chrismassent, iure ordinario permissam esse. Denique, ne quid flagitij desit in hac errorum sentina, si Episcopi chrismationem illam Episcopalem ad Presbyteros & Diaconos iure ordinario, sine vlla necessitate deriuare olim potuerint; etiam nunc idem possunt: nec verum esse potest lenimen istud, quo erroris tui malignitatem condire, fugiendæ tantum inuidiæ causa, conaris, *eam deriuari nunc, nisi summa autoritate, ad Presbyteros non licere*. Nam & potestas præbendi chrismationem

Conc. Flor.  
in decr. vni-  
ms.



Episcopalem, & illius actus est planè ordinis, non iurisdictionis. Quod ex eo clarè patet, quia hæc chrismatio ab Episcopis omnis iurisdictionis expertibus, schismaticis, hæreticis validè præbetur, non minùs quàm baptis-  
mus. Quæ autem pertinent ad potestatem Ordinis, eadem omni tempo-  
re in Episcopis & Sacerdotibus manent, vt validè nimirum fiant, etsi non  
semper licitè. Sicut ergo nulla lex Ecclesiæ efficere potest, quin Episcopi  
potestatem consecrandi, & quosvis ordines exercendi aliis validè confe-  
rant; ita nulla efficere poterit, quin potestatem chrismationem Episco-  
palem administrandi validè Presbyteris & Diaconis semper tribuant, si  
vnquam illis eam concedere potuerunt. Atque ita Presbyteri & Diaconi,  
accepta à quocumque Episcopo potestate, chrismationem Episcopalem  
validè etiam nunc dabunt, quæcunque lex Ecclesiæ obster; & cum sacra-  
mentum Confirmationis ex chrismatione Episcopali constare certum sit  
Concilij Florentini aliorumque autoritate, validè sacramentum Confir-  
mationis administrabunt. Non opinor, Sirmonde, te in doctrinæ tuæ  
portento tantum fœditatis aduertisse, quantum hætenus in omnes partes  
demonstratum est. Sed cum lata culpa æquiparetur dolo; cum medicus  
qui venenum pro antidoto per inscitiam propinat, non minus homicidij  
teneatur, quàm si sciens fecisset; cum tu denique res Theologicas, quas  
tantâ confidentiâ aduersum me ventilandas suscepisti, notas & perspectas  
habere debueris; nihil excusationis tibi erit apud vllos iudices in ista Theo-  
logiæ inscitia, quam tua oratio vndique spirauit, quominus errorum hæ-  
relumque omnium, quos in eam insciens inclusisti, tam reus habere,  
quàm si eos summâ scientiâ finxisses.

## S I R M O N D V S.

**S**CIMVS etiam pro una chrismatione, quæ Canone nostro præscribitur, duas  
tandem in Ecclesia iuxta Innocentij Papæ rescriptum obtinuisse, vt Presbyter  
baptizatum in vertice linat, Episcopus in fronte consignet, cum tradit Spiritum  
Paracletum. Sed aliud est, quid nunc iurus sit animo voluere, aliud antiquos Ca-  
nones ex antiquis moribus; quæ suprema interpretandi lex est, aptè congruenter-  
que interpretari.

## A V R E L I V S.

**I**N eandem absurditatem desinis, à qua cœpisti. Ea iam satis est ex-  
plosa. Ac sanè vel ex eo perspicua esse debet, quod professus Canonem  
Arausicanum exponendum esse ex antiquis moribus, tamen nullum pro-  
tuleris, à quo mentio fieret de frontis chrismatione Presbyteris concessa,  
(nam de concessa Diaconis nullum autorem dedisti: cum sit adeò absurda  
res, vt eam ne probare quidem sis conatus) præter S. Gregorium Papam:  
quem tamen alienissimum à tuo scopo esse clarè puto ostensum. Cæte-  
rorum ex omni antiquitate nemo est, qui de chrismatione frontis Pres-  
byteris permissa verbum faciat: neque porro vllus, quantumvis scrutere,  
à te proferetur. Quàm autem insullum sit, vt Canonem ex antiquitatis  
sensu interpretandum præfatus, magnasque minatus moles, cum deinde

ex B. Gregorij sensu, tantò Synodo Arausicana posterioris, interpretari sis aggressus: me verò ex perspicuo, vt tute fateris, sensu summorum Pontificum, Damasi, Innocentij, Leonis, Gelasij, aliorumque Patrum Concilio Arausicano vel antiquiorum, vel supparium, interpretantem, criminatus sis canonem ad huius æui vsum detorsisse: tu ipse iudex esto. Nam in tam splendida ineptia teipsum iudicem non recuso. Tantum addo, quod antè monui, si satis attendisses Innocentij verba, te non dicturum fuisse, rescriptum ab eo esse vt Presbyter baptizatum in vertice liniat. Innocentius enim de vertice nihil loquitur: frontis tantum chrismationem non Presbyteris, sed solis Episcopis, permissam docet. Qua verò in corporis parte adhibenda esset à Presbyteris chrismatio, non exponit. Sed hæc minora sunt, prout quæ in superioribus erronea, hæretica, inaudita, & paradoxa effudisti.

## S I R M O N D V S.

**Q**UID est ergo nunc tandem, cùm hac ita sint, quod in Titulo, *De non iteranda chrismatis benedictione*, quem canonem adscripsi, adeò male te habeat? An quia, vt ais, à scopo canonis hic titulus aberrat? A scopo tuo aberrat, Aureli, non à meo, neque à canonis sensu, quem eo collineare docui, vt vna tantum sit chrismatio.

## A V R E L I V S.

**T**V verò adeo aberras, non solùm à canonis scopo, sed etiam à tuo, vt cùm canonem eò spectare dicas, vt vna tantum sit chrismatio, tamen vnicam tantum chrismationem fuisse Concilij Arausicani sæculo, nullo argumento docueris, neque quicquam extet in tota disputatione tua, quo id probare sis conatus. Vix enim de vnica ista chrismatione verbum vnum aut alterum iactasti. Demonstrare verò & confirmare, sicut oportuit, rem tantam, in qua canonis scopum statueres, nusquam institui. Quàm ridiculum, consumpta in rebus aliis oratione, eam derelictam indefensamque reliquisse, in qua totius causæ scopus situs esset? Te ipso igitur teste, non fuit in eo canonis scopus, vt vnica tantum chrismatio statueretur. Eò spectauit canon quò nos docuimus tam perspicuis argumentis, vt tu in ea nihil moliri potueris nisi futiles ineptias, quæ te tam imbellem in oppugnandis alienis, quàm in tuis adstruendis declararunt. Et verò quàm alienum ab vniuersa antiquitate, vt Episcopi prohibeantur chrismare neophytos postquam eos ministri chrismarint, & vnica ministrorum chrismatio satis esse dicatur? Hæc tam absurda sunt, Sirmonde, & inaudita, & abhorrentia à canonum sæculorumque omnium usu, vt si mihi protuleris vel vnum canonem, in quo vllum huiusmodi decreti vestigium eluceat, non recusem fateri te canonis Arausicani scopum assequutum esse, titulumque ei rectè finxisse, *De non iteranda chrismatis benedictione*. Vnicus est scriptor, tuæ quondam alumnus Societatis, Antonius de Dominis, à quo canonis Arausicani sensum, quem tueris, accipere po-

De Rep. Ec.  
des. lib. 5. c.  
3. n. 31.

tueris. Hic enim, dum totus in eo est ut probet chrisma non esse materiam sacramenti Confirmationis, sed baptismi ceremoniam, Ecclesiarum tantum institutis, & cum maxima varietate & libertate adhibitam, præter alia quibus longam disputationem omnimoda & imperitia, & temeritate infarcit, ex Canone Arausicano argumentatur in hunc modum: Eiusdem Leonis tempore Concilium Arausicanum primum unicam chrismationem satis esse docet, vel eam quæ sit in baptismo, vel, si in eo fuit omissa, eam quæ post baptismum datur. Et unicam esse satis clare colligitur ex primo dicti Concilij canone, prout à Burchardo & Luone profertur. Neque tunc erant separata chrismatio in vertice, & chrismatio in fronte. Agnoscis, opinor, in fratre quondam tuo tui sensus effigiem, quam vel ab ipso expressisti, vel ipse fortasse tecum ex doctrina illa in sacramentum Confirmationis iniquissima, quam in nonnullis vestræ Societatis foueri declarant tot vestræ sodaliumque vestrorum in sanctissimum illud sacramentum erumpentes vndique conspirationes. Hunc ergo auctorem vnicum habes expositionis tuæ, & testem hæresum quæ in ea latent, ut chrisma non esse materiam sacramenti Confirmationis; fuisse ceremoniam baptismo annexam; nec adhibitam nisi ex Ecclesiarum institutis, & cum maxima varietate. Hæc enim omnia, quæ tu in expositione tua docuisti, ille in sua disertius proficitur, & communis doctrinæ vestræ pestilentiam magis prodit. Quare abjice tam infaustam coniunctionem, & facere rectè explosum à nobis, tanquam à canonis Arausicani scopo aberrantem, infamem illum titulum, quo tot venena conduntur, *De non iteranda chrismatis benedictione.*

## S I R M O N D V S.

Can. 27.

Lib. 4. c. 73.  
2. Part. 1.  
c. 267.

**A**N quod idem (titulus) non est in codicibus antiquis, quos Conciliorum editores inspexerunt, qui canonem inscribunt, Vt nullus minister sine chrismate proficiscatur? At omnes profectò non inspexerunt. Nam in codice Remensi alia est inscriptio, Si baptizatus pro necessitate faciente chrismatus non fuerit. Alia in Concilio Arelatensi II. ubi canonem hunc recitat; Qui baptizandi officium accepit sine chrismate non procedat. Vnde autem putas natam esse hanc varietatem? aut quis ex ea statim non intelligit, canonum titulos, ut nunc se habent, haudquaquam à Synodis ipsis inditos videri, sed à collectoribus postea, pro cuiusque capiti & arbitrio fuisse concinnatos? Itaque apud Burchardum & Luonem alia rursus est inscriptio, Vt Presbyter in sua plebe sine chrismate ire non debeat. Apud Isidorum tua illa, quam primus edidit Merlinus, secutaque exinde sunt editiones vulgatæ: quam ipsam etiam quoque apud nos exhibet canonum Collectio, sed cum glossæmatis auctario, in hunc modum; Vt nullus minister sine chrismate proficiscatur: ubi & Presbyter minister ostenditur. Aliam vidimus è Monasterio S. Benigni longè vetustissimam, atque Isidoro ipso antiquiorem Collectionem, in qua Canon idem sine Titulo describitur: & titulis re ipsa ferè carent omnes in antiquissimis quibusque exemplaribus Conciliorum. Quod si aliis olim arbitratu suo titulos fingere licuit, quos probabant, cur hoc inuideas mihi, ut eum præcipuè deligam, qui mihi ad præcipuum canonis scopum accommodatissimus videatur?

A V R E-

## A V R E L I V S.

**D**E canonis scopo iam diximus. Videamus de codicum autoritate, quam eludis. Varias esse in iis dicis canonis inscriptiones. Sed in tanta varietate cur nulla est quæ cum ea congruat, quam tu fixisti? Cur adeò infelix est tuum ingenium, ut eum titulum effinxerit, in quem nemo editorum, nemo collectorum, recentium & antiquorum, inciderit, cum in tot tamque varias inter sese sententias abirent? Cur nemo in istam partem, in quam tu te contulisti, aberrauit? Nonne hæc est magna infelicitas, elegantem tuam illam *ἁγία* in tanta *δυστυχία* versari? Cur verò omnes tituli, tum quos alij attulerunt, tum quos tu hinc commemoras, in eum recidunt, quem ego probavi, & eum scopum, quem canonis propositum fuisse ostendi, confirmant? Omnes enim, si minus verbis, certe re consentiunt, & aperte dicunt statui canone Arausicano, non ut vnica tantum chrismatio fiat, sed ut chrismatio baptismalis à ministris obseruetur, & *nullus minister sine chrismate proficiscatur*. Hoc dicit titulus canonis Concilij tui II. Arelatensis; *Qui baptizandi officium accepit, sine chrismate non procedat*: hoc ille Burchardi & Iuonis, *ut Presbyter in sua plebe sine chrismate ire non debeat*: hoc ille antiquæ collectionis, *ut nullus minister sine chrismate proficiscatur*. Vbi Presbyter minister ostenditur; in quo glossematis auctarium magis exponit, & confirmat id quod obseruavi in priore mea responsione, & Canonum Patrumque aliorum autoritate confirmaui, ministri nomine affici in hoc canone Presbyterum. Hoc idem sonat inscriptio, quæ in quibusdam codicibus legitur; *De baptizatis: esse chrismandos*: Hoc idem ait Isidori titulus; hoc denique quicumque titulum huic canonis præfixerunt. Nec refert, quod in codice Remensi habeatur longè alius; *Si baptizatus pro necessitate faciente chrismatus non fuerit*; quia est aperte mutilus, nulliusque sententiæ; nec ex perspicuo librarij vitio quicquam concludi potest. Si enim scribarum cotruptelis ipsi canones inuerti, & in alienissimas tum sententias tum voces torqueri potuerunt, quid mirum idem titulis contigisse? Quamquam, si quid conijcere liceat, tituli Remensis imperfectio videtur hoc quodammodo expleri posse; *Si baptizatus pro quacunque necessitate faciente chrismatus non fuerit, esse postea chrismandum*; quas ultimas, aut similes voces, librarius oscitans omiserit, cum priorum series eò ferretur. Atque ita hic quoque titulus ad aliorum consensum facile redigitur. Quare statue, quantum voles: Canonum titulos, ut nunc se habent, haudquam à Synodis ipsis inditos videri: illud certè efficere nunquam poteris, quin si alij, ut ais, editores & collectores suo arbitratu titulos olim finxerint canonibus, eos inscripserint canonis nostro, qui vno consensu mihi suffragentur: tu verò eum excogitaris, cui, præter te, nemo faueat, & qui non minùs à codicum omnium, qui titulos exhibent, quàm à meo sensu recesserit. Ita enim patet, titulos omnium codicum, collectoresque, & editores vniuersos, mecum sentire, tibi aduersari: quod ego vnicum intendebar, & ad tituli tui confutandam nouitatem satis esse iure opinabar. Si enim maxime tibi licuerit titulum canonis nostro tuo Marte concinnare, non



tamen eum fingere, qui ab omnibus omnium titulis dissentiret; nec in eo canonis scopum defigere, in quo nemo ante te fixisset. Quare perspicua est nouitas & audacia, quam ego tibi objicere volui, & antiqua codicum consensus, quam mihi assumpsi.

## S I R M O N D V S.

**Q**UID est ad extremum, quod in Concilio Arelatensi II. te offendit, ut Conciliorum in numero habendum non censeas, & rapsodiam centonemque à priuato quopiam compilatum dici malis? Quasi absurdum fuerit, Episcopos Gallie in Synodo ista, superiorum Gallie Conciliorum canones habito delectu, delibare, in unumque redigere, qui recente Patrum memoria sciebant Episcopos Africanos omnium, quæ Aurelij Carthaginiensis temporibus celebrata fuerant, præteritorum Conciliorum canones eodem modo excerptos digessisse? Nisi fortè in ea es sententia, quæ virum magnum memoria nostra induxit, ut Synodum Africanam priuati quoque hominis centonem fuisse suspiceris. Aut diuersam Arelatensis Collectionis rationem putas fuisse, cum postrema Canonis ipsius verba, ut ibi leguntur, quia inter nos iuxta Synodi constitutionem placuit semel chrisimari, non priuati hominis sensum (quis enim hoc sibi arroget?) sed publicam Synodi auctoritatem apertè declarent.

Conc. Arel.  
II. c. 27.

## A V R E L I V S.

**A**SIMILI argumentari in rebus facti, quæ solis auctoritatibus & argumentis inartificialibus nituntur, periculosum est, Sirmonde, & grauium errorum præcipitium. Sed tamen quid simile Concilio Africano, quod apertè in præfatione denuntiat recitata esse in ista Synodo diuersa Concilia uniuersa Africa, transactis temporibus Aurelij Carthaginiensis Episcopi celebrata, cum Synodo ista Arelatensi, in qua nihil eiusmodi memoratur? Quid simile Concilio Africano, cuius canonum illam congeriem agnoscunt collectores, & interpretes antiquissimi, cum Synodi Arelatensis compilatione, cuius nemo adhuc meminerat? Quis tibi concedat ut vnus codicis auctoritate, in quo solo accessionem canonum, quam Synodo Arelatensi inferisti, à te inuentam ais, certò constituas canones illos aduentitios reuera esse Synodi Arelatensis, aduersus omnes alios codices, qui eos nullos habent? Estne prudentis Critici, vnum codicem omnibus præferre? & ex vnici codicis oraculo antiquissimam Synodum aduersus aliorum codicum consensum interpolare, eamque interpolationem pro legitima Synodo obtrudere? Quid quod cum Synodo Agathensi plures codices magnum canonum numerum similiter adjiciant, tu incrementum illud, eo quod aduersetur aliis antiquis codicibus, & in aliis Gallie Synodis totidem verbis reperiatur, statuisti non pertinere ad Synodum Agathensem, sed aliunde esse insertum? Si in Agathensi rectè ita censuisti, cur aliter opinatus es in Arelatensi, cum auctarium Agathense plures codices tueantur, Arelatense nonnisi vnus? At codex Remensis, vnde supplementum Arelatense deprompsisti, antiquissimus est? Num antiquior Isidoro, & omni-

bus aliis codicibus, in quibus desideratur? Accedit, quòd canonum far-  
rago ista à seipsa dissideat, nec cohærere secum possit. Nam Canon X. &  
XI. de iis qui voluntariè, aut dolore & pondere persecutionis victi, fidem nega-  
re, vel sacrificare compulsi sunt, quomodo copulentur cum canonibus ex  
Synodo Arausicana sumptis, cùm tempore Arausicanæ Synodi nulla  
iampridem in Ecclesia persecutio fuisset, sed summa pax & quies, à per-  
secutionibus præcipuè Ethnicorum? Non cadunt eiusmodi canones in  
ætatem à persecutionibus tam remotam, & certissima compilatione po-  
sterius confarcinati sunt cum Vasensibus & Arausicanis, ex quibus strues  
ista constat; vt omittam pleraque alia, quæ idem perspicuum faciunt  
non accuratioribus tantum Criticis, sed iis qui paulùm modò mentis ocu-  
los aduertant. Quis non miretur, te non perspexisse tam apertam lu-  
cem? Quis non miretur, inquam, te hac omitta oculos defixisse in illa  
compilationis istius verba, quia inter nos iuxta Synodi constitutionem placuit  
semel chrismari, vt videlicet probes non priuati hominis sensum verbis istis  
(quis enim hoc sibi arroget?) sed publicam Synodi auctoritatem aperte declarari?  
Nam quis dicat aperte declarari publicam Synodi Arelatensis auctori-  
tatem his verbis, quæ manifestè desumpta sunt ex Synodo Arausicana,  
additis tantùm à compilatore illis vocibus, iuxta Synodi constitutionem?  
An, obsecro, hæ voces à priuato homine addi non potuerunt? An aper-  
tè patet eas non nisi à Synodi Arelatensis auctoritate manare potuisse? Ab-  
surdius tueris errores tuos, quàm eos conflasti.

## S I R M O N D V S.

**S**ED quid est, inquam, quod in hoc Concilio non arridet tibi? An quòd vo-  
ces istas in baptismo non habet, in quibus tu totam vim canonis positam  
pueriliter ariolaris? Tam enim necessarias censes esse, vt eas omitti à Synodo po-  
tuisse non credas, sed à me iterum hoc loco subtractas calumniaris. Vide, Aureli,  
qui falsarios somnias tam sæpè, quid ipse pro ingenio tuo facere soleas. Nam ego  
quidem artem istam non noui. Porro in codice Remensi, cuius copiam faciemus tibi  
cùm voles, nullum est, vt audisti, vocum istarum vestigium. Quod vnum certè, si  
quid iudicas, argumentum potest esse, nec in Arausicana Synodo exstisse, ridicu-  
lumque ac friuolum id esse, quod aiebas, vim canonis in verbis, quæ nusquam  
apparent, positam fuisse.

## A V R E L I V S.

**H**ABEANTVR necne in codice Remensi voculæ, in baptismo, nihil  
mea interest, qui eas non asserui illine abesse, vt calumniaris vltro  
dum calumniari me ais, sed tantum dixi me id suspicari, & te videri more tuo  
illas abstulisse. Qui semel est malus, semper præsumitur malus, Sirmonde:  
sicut mendaces faciunt vt ne quidem dicentibus vera credatur, ita & falla-  
ces: nec accusare quisquam potest, si manifestas fraudes & fallacias tuas to-  
ties experti, non nihil tuis dictis diffidamus, præcipuè vbi perspicuum vi-  
tium apparet, atque id vitium quod iam Arausicano canoni à te illatum

esse luculenter ostendimus. Quare non immerito veriti sumus, ne idem in centonem illum Arelatensem ausus esses. Declaratum à nobis esse te perperam è canone Arausicano expunxisse voces illas *in baptismo*, & edidisse, *inter nos placuit semel chrismari*, cum omnes antea vno consensu edidissent, *inter nos placuit semel in baptismo chrismari*, & hanc lectionem plures codices, & Isidorus, Iuo, Burchardus, Gratianus confirmant, vel ex eo satis intelligitur, quia tu nihil ad argumenta nostra respondisti, & ea, sicut pleraque alia, prudenti silentio prætergressus es. Quare ineptissime ais me in ea re ariolari, cum illam iis præsidis sepe serim, quæ tu nulla vi perrumpi posse sensisti. Addo, vt veritatis euidenciam magis perspicias, absurdissimum fore canonem, si iubeat *ne quisquam ministrorum sine chrismate proficiscatur*, quia videlicet *inter nos placuit semel tantum* (ita enim exponis) *chrismari, à ministro vel Episcopo*. Ridicula enim ratio est, vt ministri ideo semper debeant ferre secum chrisma, quia semel tantum, siue ab Episcopis, siue à ministris, sit chrismandum, cum chrismatis illa exportatio nihil impediret quominus Episcopi, vel etiam ipsi ministri sæpius chrismarent, nec conuenientia quicquam haberet cum vnica ista chrismatione. Aperta verò & plana ratio est, vt ideo ferant chrisma, quia *semel chrismandum sit in baptismo*, vt eos quos baptizaturi sunt, chrismant in baptismo, etsi non extra baptismum more Episcoporum; quemadmodum pluribus alibi expositum est. Noli itaque nobis codicem illum Remensem objicere; sed responde, sodes, tot aliis codicibus quos tibi vicissim objicimus, & tot argumentis, quæ adhuc ne attingere quidem ausus es, nisi calami tui, vt ita dixerim, furtis.

## EPISTOLA SIRMONDI.

**S**YNODO, vt ais, particulari detrahe quantum voles. Nunquam efficies, vt Hilarium Arelatensem, & Eucherium Lugdunensem, atque alios virinque prouinciæ Antislites, qui Synodo adfuerunt, dissidere à seipsis, & pugnantis loqui potuisse cordatis hominibus persuadeas.

## RESPONSIO AVRELII.

Pag. 686.

**T**V si non rem, nomen saltem particularium Synodorum aspernaris, & quasi Latinitati tuæ impar tuis verbis proferre non sustines, mihi que fastidiosè remittis, dum ita me appellas, Synodo, vt ais, particulari detrahe quantum voles. Ego verò aio particularem Synodum, & in re ac voce Theologica Theologum quàm Grammaticum agere malo. Ita Theologos passim loquentes audio. Longè enim erras, si quam esse censes Latinam vocem, quæ isti Synodus particularis ex amussim respondeat. Longè aliud est Theologis Synodus prouincialis, longè aliud nationalis, diocesana, quæ tamen nihilo Latiniora sunt. Nullam denique reperies, quæ Synodo generali, seu œcumenica, quasi è regione aduersetur, & omnia Synodorum non œcumenicarum genera, quæ vis est Synodi particularis, quam Græci *μετὰ τὸν* & *παρὰ τὸν* dicunt, complectatur.

Pag. 687.

## R E C E N S I O.

**O** M I S I S T I totam responsionem meam ad illam partem qua respondi, iampridem cordatis hominibus tum nostræ, tum superioris memoriæ persuasum esse Patres Arausicanos non videri pugnanti locutos, si negatio canonis clausulæ adimatur. Hoc enim clarè probavi, non iam rationum argumentis, sed ipsis eruditorum cordatorumque hominum per omnes regiones iudiciis, quorum nemo alienum censuit à Patribus Arausicanis; si eorum canon sine negatione legeretur, ex Hispania Isidorus, Antonius Augustinus, & alij passim; ex Italia Gratianus, Gratianique emendatores; ex Germania omnes Conciliorum editores Crabbus, Surius, & Binius; ex Gallia Hincmarus Archiepiscopus Remensis, qui Isidori editione non Hispaniam solum & alias gentes, sed Galliam nominatim plenam iam olim fuisse testatur, deinde Iacobus Merlinus Parisiensis Facultatis è familia Nauarræ Theologus, & primus Conciliorum hoc ævo collector; denique Fronto Ducæus sodalis tuus, qui sine dissidij istius formidine, quod tu metuisti, editioni Surianæ assensus est. Deinde omnes omnino Theologos, omnes eruditos, quicumque canonem Arausicanum hoc sæculo vsquam citassent, cum sine negatione protulisse dicebam; te primùm omnium ac solum eam illi assuisse; ut vel te vnum hoc ævo cordatum hominem natum esse oporteret, vel fatendum esset nihil cordato homine aut Patribus Arausicanis indignum facere, qui eorum canonem nullam negationem inculcaret. Hæc igitur omnia rescuisti, velut imbellia videlicet, & indigna, in quæ vires tuas tentares. Elisisti illud etiam, quod me Synodo Arausicanæ nihil detraxisse ostendi, ut tu temerè insimulabas. Non enim depressam à me ullam Synodum, sed derisam Spongiæ insulsiatatem, quod cum nihil à se *non Catholicum, non à Doctoribus Theologis & sanctis Patribus, nullo dissentiente assertum esse* iactasset, tamen id unico particularis Synodi canone, & quidem corrupto probaret. Nam quantumvis extollantur & colantur particulares Synodi, non tamen non exhibilandum eum esse, qui vnus illarum testimonio quippiam *Catholicum, à Doctoribus Theologis & sanctis Patribus, nullo dissentiente, assertum esse* probandum suscipiat. Quæ omnia cum prætermiseris, omnem ad tua obiecta responsionem meam verè prætermisisti. Duo enim erant hoc loco capita obiectionis tuæ; Alterum, me Synodo Arausicanæ detraxisse; Alterum, me in canonem Arausicanum eam pugnam verborum iniecisse, quam cordatis hominibus nunquam persuasurus essem. Quam ad vtramque partem quicquid à me responsum est cum eliseris & expunxeris, totam responsionem expunxisti; & ita obiectionem tuam ex vtraque parte falsam & temerariam confessus es. Videamus quid ad responsionis meæ appendiculam, quam Tolam carpisti, & ad obiectiunculam, quam ego tibi vicissim in ea inieci, respondeas.



## REFUTATIO SIRMONDI.

*Aurelij frigida canillatio de nomine particularis depulsa, & in ipsum reiecta.*

XL. **L**VDIS, opinor, animique causa nugaris, tam delicati me in lingua Latina esse fastidij, ut particularis vocem à te usurpatam reprehenderim. Vbinam verò? cum te alloquens dixi, Synodo, ut ais, particulari. Falsus sum, Aureli, rem mihi cum Theologo esse putabam: nunc ut video ne cum Grammatico quidem. Quæ enim te Grammatici schola docuit, eum qui dictum aliquid ab altero simpliciter narret, vitiosè illum aut barbarè locutum affirmare? aut Ciceronem, cum diceret, Docebo sus, ut aiunt, oratorem, non quid in ore vulgi sit indicare tantum, sed aliquid etiam voluisse in eius oratione reprehendere? Me quidem in vindictis tuis, cum particularem vocares Synodum Arausicanam, non vox illa offendit, sed sententia tua. Ideo admonendum censui, ut meminisses, quamquam particularis hæc Synodus fuerit, quod eleuanda autoritatis gratia commemorare videbaris, tui tamen pudoris esse ac modestiæ, vel de particulari Synodo nihil leuiter sentire.

## REIECTIO AURELII.

*Turpe effugium, turpis calumnia, & insulsa argumentatio Sirmondi.*

**S**ATIVS fuisset, Sirmonde, responderi orationi meæ, quæ clarissimè ostendi nihil à me detractum, nec detrahi potuisse de Synodi Arausicanæ autoritate; quàm calumniam illam tuam bis iam repetere, & meas ad eam responsiones ne semel quidem referre. Quoniam ergo silentio isto satis agnouisti duplicem temeritatis tuæ culpam in me arguendo; exponamus tibi eam quam hoc item loco simili accusatione meruisti, ut eam simili quoque silentio, si quid mihi rescripturus es, agnoscas. Miraris me collegisse voculam *particularis*, à te spretam esse quasi Latinitati tuæ impari, ex eo quod illam tuo nomine proferre non sustinueris; sed reieceris ad me his verbis, *Synodo, ut ais, particulari detrahe quantum voles*. At si à me malè collectum putas ex eo quod Synodum particularem nominare ipse nolueris, te istam voculam despexisse; Cur tu ex eo quod ego illam nominauerim collegisse te respondes, rem quæ illi subicitur à me spretam esse? Si vocis illius declinatio nihil criminis penes te habuit, cur criminofam facis penes me illius nominationem? Si declinatio nihil contemptus habuit in ipsam vocem, cur nominatio contemptrix tibi visa est ipsius rei? Certè enim vocem aliquam simpliciter usurpare criminofius nemo dixerit, quàm illius nominationem refugere. Ac nemo equidem non videt absurdissimum fore accusatorem, si quis alterum insimulet Synodi alicuius particularis autoritatem spernere, quòd eam particularem appeller, suoque nomine afficiat. Quæ cogitatio ita est obtusa, ut per eam vniuersi Theologi futuri sint rei, & Synodorum particularium contemptores, quia eas particulares nusquam non appellant. Cum ergo adduci non possem, ut crederem tam insulsam argumentationem à te propositam, nihil aliud excogitare potui cur me argueres Synodum Arausicanam particularem dixisse, nisi quod ista vocula homini Latinitatis aucupatori molestiam attu-

lisset. Iam vide quàm ridiculè coniecturam meam refellas, cui potius assentiri debuisti, ne multo grauiori absurditate implicarere, si Synodum Arausicanam à me spretam esse ex eo duntaxat collegisse te diceres, quod eam particularem vocassem. Neque verò mihi odiosè objicias illud Ciceronis, *Docebo sus, ut aiunt, oratorem*. Quid enim, amabo te, abiecius? quid hebetius? quid simile cum tuis verbis? Quis enim somniet Cicero- nem isto loco vocem vllam reprehendere, cum tu illis verbis, *Synodo, ut ais, particulari detrahe quantum voles*, aperte reprehendas vocem, *particularis*, meque accuses quod Synodum Arausicanam particularem vocarim? Cuius vculæ reprehensionem cum ad sensum illius à te referri suspicari non possem, nisi de te aliter sentirem quàm tu velles; ad vocem ipsam, cui paulò magis congruere poterat, referendam putaui. Agnosce igitur humanitatem meam, nec absurditatem, quam ego tibi inferre non ausus sum, absurdioribus ratiocinationibus tibi vindica, neque id defensionis loco oppone, quod ego ne accusationis quidem loco tibi imponere, propter inusitatam ineptiam, sustinui.

S I R M O N D V S.

**S**ED nimirum, nisi hoc cauillatus esses, perierat tota illa, qua responsionem tuam illuminasti, de Theologorum sermone, deque Synodorum generibus dissertatio, quam perire omnino satius erat tibi, quàm in pectus tuum infigi mucronem, quem in nos distinxeras. Quid enim, Aureli, si à te iure videor reprehensus, si *particularis* nomen, quia ut ais dixi, respuere sum visus, an non consequens est, ut tu vocem multa respuas, qui alio loco me alloquens scripsisti, Multa, ut ais, non commemoraui? Qua ergo nota nunc dignus es? A me quidem asperius nihil audies; sed alius diceret, Insanire me aiunt, vltro cum ipsi insaniant. P. 640.

A V R E L I V S.

**S**I Plautum legerem, ex quo hunc flosculum spinosissimum & amarissimum carpsisse te admonitus fui, efficerem ut te poeniteret Comicum senem videri voluisse, & insaniam quam in me ex felle amaritudinis eructas, in tuum pectus refudissem. Nunc satis erit monere te, si modò tam studiosè Scripturas quàm Ciceronem & Plautum legas, quid nominis & elogij apud Apostolum iis relictum sit, qui sæcularibus istis nugis & scientiæ vanissimæ se agglutinant, præsertim ad senectutem. Hinc factum, ut ridiculè iterum argumentere, me vocem, multa, respuisse, quia dixerim, multa, ut ais, non commemoraui. Quasi isto loco ageretur de accusanda ipsa voce, multa; aut vlli sano capiti succurrere posset vocem istam ut minus probam reprehendi, quemadmodum tu, cum in me diceres, *Synodo, ut ais, particulari detrahe quantum voles*, ipsam vocem, *particularis*, arguebas, meque, quod eam in Synodum Arausicanam contulisses, criminabare; nec ego verisimiliter aliud suspicari poteram, quàm eius barbariem tanto Plauti & Ciceronis lectori minus placuisse. Nam quod ais me causam quæsisse obtrudendi dissertationem de Theologorum sermone, deque Synodorum

Rom. c. i.  
Ec.  
Vide Aug.  
ep. ad Diosco-  
rum, &c.

generibus; non ea erat sterilitas Canonis Arausici, ut eiusmodi materias querere deberem, si plura reconditiora vellem proferre, quæ variis locis à me compressa, & in aliud tempus reiecta poteras meminisse. Nec istud, quicquid dixi, de Synodorum generibus tanti erat, ut illius gratia disputationi vim inferre operæpretium esset; quamuis tibi rerum Theologicarum ἀμύτω, & Grammaticam Theologicam vix callenti; aliquid in eo minimè vulgare latere videatur.

## EPISTOLA SIRMONDI.

**Q**UOD si negationem hanc & Synodi sententia requirit, & vetera retinent exemplaria, desine à nobis sine causa restitutam accusare, atque illis potius succense, qui eam primi, vel apud Gratianum, vel unde Gratianus transtulit, contra librorum consensum, & contra Synodum ipsam sustulerunt.

## RESPONSIO AVRELII.

P. 690.

P. 691.

P. 693.

**N**EGATIONEM istam primum apud Gratianum, vel unde Gratianus transtulit, sublatam esse prædicas, hoc maiori errore, quo minus à tali viro proferri decuit. Quis enim nesciat negationem istam ab Isidori collectione tercentis circiter ante Gratianum annis abfuisse? Quare desine tu potius eiusmodi studio ad responsiunculas præcoces minimeque necessarias desilire. Ac ut magis intelligas, quàm immerisò tantulam animadversionem Tomis illa iniquam dixeris, profiteri non verebor, non tres literulas, sed res grauissimas, non in una voce, sed permultis locis ita in Tomis tuis detortas, & sine causa vlla deformatas esse, ut sine publica expurgatione prateriri nullo modo possint. Quem laborem nisi quis alius suscipiat, ego Ecclesie Gallicanae Catholicaeque vniuersae bono deberi non patiar diutius.

## RECENSIO.

**H**INC quoque euulsisti præcipuam epilogi mei partem, qua ut tuo responderem, breuiter collegi quæ antè demonstraram, me neque aduersus librorum consensum negationem exclusisse, cum suffragantes haberem vniuersos, unde omnes ante te collectores sua deprompissent, libros, quibus tui nec numero, nec antiquitate conferendi viderentur; neque aduersus Synodi sensum, cum tam perspicuam esse ostendissem Synodi mentem de aspernanda negatione, ut aduersus eam nulli codices essent audiendi, & ego illa sola fretus, te, licet omnibus omnino codicibus instructus esses, meritò reprehendere potuerim. Quæ omnia aliaque, quamvis antè à me dicta essent, tamen à meo epilogo auferri à te non debebant, cum hunc sine illis frigidum & eneruè apparere necesse esset, & tuo, cui oppositus à me fuerat, minimè appositum & respondentem, sed ab eo ridiculè alienum, aberrantem, insulsum, quemadmodum ex indignissima tua epitome planè videri voluisti, & reuera videtur.

## REFUTATIO SIRMONDI.

*Aurelij in Gallos contumelia. Quid causa sit, cur Canon Arausicanus apud Gratianum sine negatione, & apud alios collectores dimidiatus legatur. Epilogus, & admonitio ad Aurelium.*

**V**ALIDUM tuo iudicio argumentum inueneras, ne Gratianum subducta negationis auctorem dicere liceret, Isidorum obiectans tanto antiquiorem Gratiano. Et validum reuera, nisi eius vanitas ex eo iam esset patefacta, quod in antiquis Isidori codicibus exstare negationem, eamque à Merlino, cum Isidorum ederet, omis- sam fuisse docuimus. Expuncto autem Isidoro, quem habes qui negatione careat Gratiano antiquiorem? immo quem habes præter Gratianum? XII.

## REIECTIO AVRELII.

Maiores Sirmondi in Aurelium calumnia, quàm Aurelij in Gallos; imò in hos maior Sirmondi contumelia, quàm Aurelij. Asserta coniectura quam Aurelius attulit, cur negatio à Canone Arausicano in quibusdam codicibus absit. Abiectæ ca- uillationes Sirmondi depulsæ. Retorta in ipsum causa, quam edit, detractæ Canoni Arausicano extremæ partis apud quosdam antiquos collectores. Probata ea de re Aurelij ratio. Enormis in eum Sirmondi petulantia exprobrata.

**T**UÆ iam gloriationes risum aliis fortasse, mihi miserationem mo- uent, Sirmonde. Nihil necesse est antè dicta memorare, quibus quic- quid dicere conatus es, nihil nisi incogitantiam & temeritatem fuisse ostendimus. Si validum sit nostrum ex Isidoro argumentum, ut fateris, id nobis per inanes tuas velitationes integrum manet; error verò tuus non illo solum, sed ineptiis, quibus te ad eius defensionem inuoluere coactus es, magis ac magis enituit. Nullum tu antiquum Isidori codicem, nedum plu- res, exhibuisti, ubi negatio exstet. Nam de tribus, quos attulisti in me- dium, duos Isidori non esse, tertium esse quàm recentem, demonstratum est. Ex quo vno, ut antiquissimus esset, Isidorum negationem pro certo addidisse Canoni nostro, & Merlini codices illam habuisse, & ab eo, dum Isidori collectionem ederet, vitiatos & falsatos esse colligere, quantæ in- considerantiæ fuerit, exponi à me nihil opus est, cum res ipsa per se loqua- tur. Alia argumenta quibus Isidori Merlinique editionem vindicauimus, satis suo loco prolata sunt, ne non tam sinceritatis eorum demonstratio- nem audire iucundum, quàm repetitas absurditates tuas perferre mole- stum sit cordato lectori.

## SIRMONDV S.

**Q**UAMQVAM nobis, Aureli, non tantopere laborandum censeo, ut erroris auctorem, quàm ut erroris fontem causamque inuestigemus. Erroris, inquam, non adiectæ, ut putas, sed subtractæ, amotæque negationis. Tu qui adiectitiam esse P. 681. 682. contendis, causam cur adiectam suspiceris, non falsam modò, sed Gallis omnibus consumeliosam pessimus coniector excogitasti: quos in ea heresi vis fuisse, ut confir- mationem iterandam censerent, ac recepta consuetudine iterarent: eamque ob rem co- dices Gallicanos videri tibi hoc loco adscita negatione deprauatos.



## A V R E L I V S.

Q V I D postea dicturus sis, & quibus erroribus errores tuos confirmaturus, mox videbimus. Nunc interea quæ te noua in Gallos pietas incessit, ut orationem meam illis *omnibus contumeliosam*ingas, quasi eos omnes in *heresi* olim fuisse, & *receptam* apud eos confirmationis iterandæ consuetudinem dixerim? Adeone misera est tua in me iniquitas, ut nihil nisi apertas calumnias reperire possit, quibus se pascat? Adeone sterilis & præpostera tua in Gallos beneuolentia, ut præcoces & acerbos odij & maleuolentiæ tuæ fructus offerre cogatur? Quanto mihi veriore & sinceriore alieni ab iis animi tui significationem proferre licet, quam olim in præfatione tuæ de regionibus suburbicariis Censuræ edidisti, Parisiensem uitatem, regni caput, & Gallicanorum in ea hominum florem in hunc modum dedecorans: *Est genere quodam hominum referta hac ciuitas, quibus cum recti ferè nihil unquam sapiat, totum contra hoc genus scriptionis, quod Ecclesia Romana dignitatem ladat, auidiſſimè amplectuntur: nullum ut tam peruersa notæ librum nundinæ parturiant, cui non se isti continuò non lectores solum præbeant, sed præcones.* Quid hac oratione acerbius fingi potest, Sirmonde? Quid autem te fallacius, qui tam horrendi tui de Galliæ primaria ciuitate, & de tota, ut ita dixerim, Gallia, cuius summulam quandam habet Parisiensis vrbs, iudicij immemor, mihi contumeliam in Gallos omnes obijcias, quod dixerim exstitisse olim in Gallia vitiosam iterandæ confirmationis consuetudinem, eamque à Concilio Cabilonensi compressam, ut planissimè testatur Canon à me allatus? Quid absurdius quàm hinc criminari quasi Gallos omnes in ea *heresi* fuisse dixissem? An contumeliosum similiter haberi me iubebis, si dixerò fuisse olim in Gallia consuetudinem criminosos ungendi chrismate, quod ea ratione *nullo examine deprehendi posse* putarentur, idque à Concilio Turonensi III. aliisque damnatum? An hinc quoque efficies, me Gallis *omnibus* contumeliam fecisse, eosque omnes in magorum & veneficorum numerum coniecisse, & eiusmodi consuetudinem apud illos *receptam* affirmasse? Mira est profectò iudicij tui imbecillitas. Mira vis maleuolentiæ & æmulationis, quâ me ex hac vertigine tua *peſſimum coniectorem* vocare etiam audes, quasi ferendum esset alterius coniecturas ab eo reprehendi, qui narrationes, asseuerationes, accusationes, tam fallaces & præcipites effundat.

## S I R M O N D V S.

Can. 27. E T audes tam insulsi commenti adſtipulatores fingere Concilij Cabilonensis II. Antistites: cum ab his disertè non vulgò multorum hic error fuisse dicatur, sed paucorum quorundam de plebe, qui bis terve ab Episcopis, ignorantibus eisdem Episcopis, confirmari ferebantur.

## A V R E L I V S.

**I**N SVLSA hæc obiectio insulso, non meo, sed tuo illo commento nititur, quod iam disieci. Simulas enim à me scriptum, ut modò dicebas, omnes Gallos in hæresi fuisse iterandæ confirmationis, & impiam istam consuetudinem apud illos omnes passim receptam. Quod cum à me non sit scriptum, sed à te indignè confictum, obiectio tua insulso commento tuo superstructa corruit, & in te ipsum tota illiditur. Ego enim tantum dixi: *Iteranda confirmationis consuetudinem posterioribus seculis in Gallia & alibi viguisse constare ex Gallia & Hispania Synodis, quibus eam acerrimè prohiberi oportuerit.* Nam Concilium Cabilonense edicit non minus impium esse Confirmationis, quàm Baptismi iterandi crimen: Concilium autem Tarrac-nense apud Gratianum eo crimine damnatos ad perpetuam poenitentiam in Monasteria retrudit. Fuisse ergo illam consuetudinem dixi, & à Conciliis prohiberi debuisse, ut manifestum est. Quàm multorum autem, & cuius ordinis hominum fuerit, non dixi, ut tu abiectissimè simulas, ne nihil reprehendendum habuisse videare.

Conc. Cabil.

II. c. 27.

Conc. Tarrac. c. 6.

apud Grat.

de consuet.

dist. 5.

## S I R M O N D V S.

**P**AVCORVM ergo plebeiiorum causa, ne Canonem ad se raperent, qui Canones nunquam legebant, corruptum à librariis Canonem auguraris? nec verendum magis fuisse intelligis, ne geminam, quæ in usu erat Ecclesia, chrismationem vetare corruptius Canon videretur? Tam callidi erant scribæ, ut aliorum errori consulerent? tam rudes, ut suum non viderent: Quos hîc tu clamores, Aureli, si à me dicta hæc essent, non attolleres?

## A V R E L I V S.

**E**GO verò si ista à me dicta essent, quæ tu in me dicis, nullum clamorem tollerem, sed tacerem in perpetuum, & erubescerem. Cum autem tu ea dicas, non clamores edam, qui mihi nunquam deponendi essent, si ad omnia tua similia exclamare vellem, sed eas responsiones, quibus tu magis, quàm vllis clamoribus, obtundare. Quid tibi consilij est, ut fingas me dixisse negationem à librariis quibusdam insertam videri in Canonem Arausicanum plebeiiorum causa, ne illi Canonem ad se raperent? Qua denique ratione hoc colligas ex dictis meis? Planè dixi, Sirmonde, consuetudinem iterandæ confirmationis in Gallia extitisse; eam à Synodo Cabilonensi repressam; ex eoque videri imperitos quosdam scribas, cum in Canonem Arausicanum incidissent, quo repetita chrismatio necessaria diceretur, metuisse ne corruptus esset Canon, & Synodo Cabilonensi aduersari, prohibitaque ab eo impietati fauere videretur. Quàm insulsum, plebeiiorum hominum mentionem hoc loco inferre, quasi ego illorum causa, ne Canonem Arausicanum ad se raperent, insertam à librariis negationem dixissem? At iterandæ confirmationis error in plebeiis hominibus viguit.

An idèò publicè damnatus non erat, aut metuere non poterant imperiti scribæ, ne Canon Arausicanus illius damnationi refragaretur, & ille antiquæ Synodi autoritate in speciem fultus longius serperet? Nam quod addis, vetendum magis fuisse ne negatione adiecta geminam, quæ in usu erat Ecclesiæ, chrismationem vetare videretur Arausicanus canon; ineptè tricaris. Primum enim sic agis, quasi de peritorum & perspicacium hominum sententia, ac non de vano imperitorum metu, quem verisimiliter suscipere potuerint, ageretur. Illi autem errorem, quem vigentem, & ab Ecclesia damnatum videbant, verisimiliter extimescere potuerunt, non eum de quo nihil usquam extabat. Imo ipsa Ecclesia, & sancti Patres sæpè instantes hæreses ita expugnant, ut ad aliud extremum accedere videantur, nec de eo fugiendo ita laborent, modò præsentem pestem extinguant. Vnde plerumque natæ sunt graues hæreses, eorum vitio qui vehementia illa Patrum in errores contrarios dicta eo sensu acceperunt, quem verborum cortex præferebat. Accedit, quod posterior illa pars Canonis Arausicani, etiam negatione adiecta, minus trahi possit aduersus geminas chrismationes, quæ in Ecclesia observantur, à ministris in baptismo, & ab Episcopis in confirmatione. Statuit enim quid ab Episcopo iis faciendum sit, qui à ministris in baptismo non chrismati, ad confirmationem adducuntur. Vnde si iubeat ut iis *non necessaria habeatur repetita chrismatio*, non eo dicto chrismationem ministrorum complexa esse videbitur, sed ne gemina duntaxat chrismatio ab Episcopo confirmante iis præbeatur, vetuisse. Itaque facile metuere potuerunt scribæ errorem iterandæ confirmationis Episcopalis, si negatio nulla foret in postrema particula Canonis Arausicani; nec tamen adiecta ei negatione vereri debuerunt ne geminæ ministrorum & Episcoporum chrismationes, quas Ecclesia iam pridem obseruat, improbari viderentur. Quare nihilo valentiores sunt argumentationes tuæ in coniecturas, quàm in assertiones nostras; & aduersus utrasque clamores attollere facilius tibi est, quàm rationes intendere.

## S I R M O N D V S.

**S**ED quarendum nobis, ut dixi, non cur adiuncta, sed cur detracta sit negatio. *Ecquam autem eius adimenda Gratiano, vel quisquis est, causam putas aliam fuisse, quàm cuius iugratia sublatam velles? Tu nempe, quia duplicem hodie chrismationem observari vides, duplicem in Canone non necessariam dici ferre non potes: ille, quia iam quoque in usu duplex erat, ne aduersari Canon videretur, negationem abstulit.*

## A V R E L I V S.

**M**EAM coniecturam de negatione à librariis addita, infelicitè, ut vidimus, attrigisti. Nunc tuam de ea subtracta quanto felicius contechnere, dispiciendum est. Ac primum tam falsò ais eam ab aliis expunctam, ne Canon Arausicanus quicquam ab hodierno usu discrepans statueret, quàm me expunctionem illam ob eandem causam propugnasse. Vidisti animi mei sensus longè alios, & diuinationem tuam ipsa rei luce dispulsam

dispulsam fenfisti. Iam enim planum feci me id non sequutum, ne Synodus Arausicana quicquam ab hodierno usu dissideret; & si nihil aliud in editione tua vitij esset, non magnoperè repugnarem ne admitteretur, cum canonem eiusdem Concilij alterum non repudiem, quamvis decernat ut ab hæresi redeuntes chrismate inungantur; quod à præsentī Ecclesiæ consuetudine non minus abhorret. Constat nihil esse incommodi, si variorum temporum Ecclesiæ disciplina & ritus quadamtenus varient; immò in hoc sitam esse vestis Ecclesiæ pulchritudinem *circumamictæ varietatibus*, adeoque Euangelij, & nouæ legis præstantiam. Lex enim vetus externas istiusmodi consuetudines non ita mutauit, quòd tota in temporariis & externis rebus sita esset, quæ, nisi ipsâ mutatâ, mutari non possent. Vnde qui legem illam fecit, idem externos illos ritus, quod ad ipsam eius substantiam pertinerent, instituit in Scripturis Deus, ut ex minutissima illa obseruationum Iudaicarum præceptione à Moyse descripta perspicitur. At quia nouæ legis & gratiæ, quam Christus attulit, virtus tota intrinsecus latet in spiritu & veritate, neque in iis quæ videntur, sed in iis quæ non videntur, consistit; Christus perpaucis admodum externis institutis Ecclesiæ impositis, ob humanæ duntaxat societatis necessitatem, totus fuit in sancienda interna lege, & regno illo Dei quod intra nos est; cætera ipsi Ecclesiæ pro temporum varietate statuenda permisit, relicto ei spiritu suo, quo in illorum moderatione regeretur. Ecclesia rursus ut in externis eiusmodi decretis Christianam amplitudinem positam non esse ostenderet, tantam eorum mutationem & varietatem, quantam in antiquioribus & recentioribus Canonibus videre est, induxit. Vide ergo, Sirmonde, quàm longè abierit à scopo diuinitas tua; & quàm ego longè abfuerim à metuendo, ne Canon Arausicanus quicquam à præsentī Ecclesiæ usu alienum videretur decreuisse. Non mutationem disciplinæ, aut temporariorum rituum extimui, Sirmonde, sed euerfionem fidei, doctrinæque sempiternæ, ac verbi illius quod, cælo & terra transeuntibus, nunquam transibit. Qui timor meus quàm æquus & necessarius fuerit, in superioribus satis demonstratum habes. Vbi & aliam exprobrationis huius toties à te iteratæ absurditatem perspicere potuisti, cum declaratum sit tantum abesse, ut præsens Ecclesiæ usus, quo bina chrismatio usurpatur, altera à ministris in baptismo, altera ab Episcopis in confirmatione, à tempore Synodi Arausicanæ dissentiat, ut congruat cum multo etiam superiori Innocentij, aliisque retrò lapsis: Tu verò consuetudinis, quam antiquissimam, & Synodi huius ætati consentaneam videri vis, non antiquiorem testem laudare potueris quàm B. Gregorium Magnum, apud quem vnicum ex vniuersa antiquitate, de chrismatione frontis Presbyteris indulta mentio est. Vnde fit, ut, si maxime suffragantem haberes Gregorium, tamen tuo ipso iudicio aberraris à tempore & à sensu Arausicani Canonis, & interpretationem nostram multò antiquiorem, & prioribus sæculis congruentiorem quàm tuam, fateri cogare. Itaque iam euulsa est à fundamentis tua, tum de me, tum de collectoribus, qui canonem Arausicanum, vel sine negatione ediderunt, vel postrema parte mutilarunt, coniectura. Si enim duplicis chrif-



mationis consuetudo, quæ nunc est, eadem fuit non solum Synodi Arau-  
ficane xuo, sed etiam ante illud; sequitur non necesse fuisse collectoribus  
vllis demere postremam clausulam canonis Arausicano, vel ei negatio-  
nem eripere, vt cum ad præsentem vsu, quasi alienum ab illo tempo-  
re, detorquerent. Etsi ergo hoc argumento, facili & perspicuo, satis dis-  
iectum sit quicquid à te deinceps affertur, tenendus tamen est mos noster  
excutiendi singulatim labes tuas, quo maior Antirrhethici tui ex omni par-  
te informitas emineat.

## S I R M O N D V S.

De vita &  
hon. Cler.  
c. 3.

**E**T veterum collectorum more fecit, qui in Conciliorum canonibus ea sæpè res-  
cant & immutant, quæ vel obsoleta & inutilia indicant, vel ab æui sui mori-  
bus aliena. Vidimus ipsi aliquando, & nisi perspectus mos fuisset, mirati essemus, in  
vetustissimis Conciliorum voluminibus, Corbeiano, & Lugdunensi, plerosque Are-  
latensis primi Concilij canones, qui ad Donatistarum controuersiam pertinebant,  
aut alia iam antiquata, nullique vsui futura continebant, studio prætermis-  
sos. Et inter statuta Ecclesie antiqua, quæ exstant in Concilio Carthaginiensi IV. canon est  
numero XLIV. Clericus ne comam nutriat, nec barbam radat. Quo ex canone  
posteri vocem ultimam eraserunt, atque hoc modo relatum cernimus in libros Decre-  
talium. Quo consilio id olim factum credas? Quia nimirum, postquam contra cano-  
nem radi à clericis barba caput, canonem qui vetaret, exstare non placuit. Alia deni-  
que sunt apud canonum Collectores huius generis quamplurima.

## A V R E L I V S.

**M**A N V S C R I P T O S tuos tuæ mentis luminibus officere magis ac  
magis video. Nisi enim eos legisses, non tam improvidè ista effu-  
rises. Nunc, quia necessariis adiumentis destitutus, debilibus oculis in eo-  
rum lectionem & censuram te implicasti, iudicium tuum obturbant, ea-  
que dicere te cogunt, quæ, si quieta mente rem ipsam per te perpendisses,  
scribere fortasse nunquam potuisses. Ac primùm quàm à proposito ab-  
erret tua existimatio hæc de manuscriptis, & quàm ad Canonem nostrum  
aptari non possit, paulò post dicemus, vbi tu cum accommodare cona-  
beris. Nunc, vt censuram, quam de manuscriptis, quasi experientissimus  
eorum cognitor, instituis, per seipsam spectemus, qua tandem prudentia  
singis, ea demum à collectoribus solere omitti, quæ vel obsoleta, vel suis  
temporibus alieniora putent, cum in medio sit contraria veritas tot exem-  
plis perspecta? Si enim constet collectores tum ea sæpè omisisse, quæ tem-  
poribus suis congruentia essent; tum ea passim collegisse quæ ab illis dis-  
sentirent, nonne perspicuè declaratum erit eos in resecandis, vel colli-  
gendis canonibus nullam eorum cum suis temporibus conuenientiz, aut  
discrepantiæ rationem habuisse; ideoque eorum quæ resecuerint, alias ex-  
quirendas esse causas, quàm quas tu comminisceris? Age itaque, vt à priori  
parte ordiamur, an non meministi, vt alia omittam, te paulò ante contem-  
disse Concilium II. Arelatense integrum & cumulatam haberi in so-

lo codice Remensi, è quo nouum illud tot canonum augmentum eruisti? An igitur censes tot canones isti Concilio in omnibus aliis codicibus à collectoribus euulsos, quòd in ipsorum vsus & tempora non conuenirent? An, obsecro, triginta ferè canonibus (tot enim amplius habet altarium illud) Concilium Arelatense mutilarunt vniuersi codices & collectores, quod ij canones inutiles essent eorum temporibus, & pridem antiquati, inter quos sunt plerique quos etiam nunc seruat Ecclesia, vt de pœnitentia Clericorum, de Diaconorum castitate, de subito obmutescentium baptismo, vel pœnitentia, de contumacia in Episcopos, alique eiusmodi complures? Quid dicam de Concilio Agathensi, cuius Canones XII. XIII. XIV. XV. in quibus de ieiunio Sabbathi in quadragesima, de Symbolo à catechumenis ante Pascha reddendo, de altarium consecratione cum chrismate & benedictione Episcopi, aliaque similia insunt diuturno deinceps Ecclesiæ more vsurpata, in nonnullis tamen codicibus desiderantur? Nonne ex his, aliisque pluribus exemplis, quæ persequi longius esset, perspicue intelligitur nihil certi consilij in eiusmodi omissionibus habuisse collectores; sed ea duntaxat sequentes exemplaria in quæ incidissent, prout incuria vel obliuione librariorum truncata ea offenderant, expressisse? Equidem satis patet Synodos eodem pacto canonibus in libris imminui, quo iis interdum augmentur; & sicut alia additamentorum illorum causa frustra quæreretur quàm arbitrium & incogitantia scribarum, aut compilatorum: ita aliam detractorum iis vel imminutorum canonum quærendam non esse, quàm illorum oscitantiam, aut meliorum exemplarium inopiam. Arque vt magis videas hallucinationem tuam, & agnoscas collectores nusquam aspernatos esse alienissimos etiam ab ætate vsusque suo canones, quid minus conueniens ætati Caroli Magni, quàm Canon Synodi Romanæ sub Siluestro, qui primo libro Capitularium hoc modo refertur: <sup>a</sup> *Non damnabitur Praesul sine LXXII. testibus, &c.* vel illud Synodi Nicæni, qui libro 5. legitur: <sup>b</sup> *Pœnitentes tribus annis sint inter audientes, quinque uerò, vel septem annis subiaceant manibus sacerdotum, duobus etiam oblationes modis omnibus non sinantur offerre, sed tantum populis in oratione sociantur, &c.* An uerò ætati Burchardi consentaneum fuisse putas hunc Canonem Synodi Neocæsariensis, qui ab eo libro II. descriptus est: <sup>c</sup> *Diaconi septem debent esse iuxta regulam, quamuis magna sit ciuitas, &c.* vel hunc Eliberitani: <sup>d</sup> *Placuit picturas in Ecclesia fieri non debere, ne quod colitur & adoratur in parietibus depingatur.* Quis porro dicat congruere Gratiani æuo illum canonem Concilij Carthaginensis III. <sup>e</sup> *Sacramenta altaris non nisi à ieiunis hominibus celebrentur, excepto uno die anniuersario, quo cœna Domini celebratur?* Item illum Concilij Ancyranj: <sup>f</sup> *Diaconi quicumque cum ordinantur in ipsa ordinatione protestati sunt, dicentes velle se habere uxores, nec posse se continere, si postea ad nuptias venerint, maneat in ministerio, propterea quod Episcopus his licentiam dederit?* Alij plurimi passim occurrunt qui licet multò antæxoleti, nec posteriorum sæculorum moribus consonantes, tamen ad memoriam antiquitatis, & ad exprimendam totius Ecclesiasticæ disciplinæ vniuersam faciem à collectoribus compilati sunt non minus studiosè, quàm ij qui ipsorum temporibus aptiores erant. Quid quod non rarò contrarios inter se Cano-

<sup>a</sup> Lib. I. Cap.

titul. c. 139.

<sup>b</sup> Lib. 5. c.

69.

<sup>c</sup> Burch. l. II.

c. 110.

<sup>d</sup> Idem lib.

III. c. 35. & c.

<sup>e</sup> De consecr.

dist. I. c. 49.

<sup>f</sup> Dist. 28.

c. 2.

219. q. 3.  
c. 2. & 3.

b 20. q. 1. c.  
2. 3. 4. & c.  
9. 10.

c 16. q. 1. c. 11.  
12. 19. & c.  
23. 24. 25.  
& c.

nes eodem loco describunt; ut Gratianus illum, quo <sup>a</sup> Canonici regulares prohibentur ad monasticam vitam transire, & mox illum quo sinuntur? Item illum quo <sup>b</sup> pueri à parentibus ad Monasteria oblato iubentur illic perpetuò manere, & mox illum, quo inuiti retineri vetantur? Denique illum, quo Monachis clericale officium generatim interdicitur; & mox illum, quo indulgetur? Ut planè videas non propositum fuisse collectoribus Canones ad solum duntaxat æui vsum excerpere, sed ad generalem & plenam Ecclesiasticæ disciplinæ patriorumque institutorum notitiam, quæ non nisi propositis vnà ante oculos diuersissimorum temporum varietatibus haberi potest. Ex quo denique fit, ut si quid ab iis subtractum vquam vel adiectum reperiatur, id ad aliam omnino causam, quàm ad eam, quæ à te affertur, referri debeat, nimirum ad illam quam nos diximus temeritatem scribarum, vel integrorum exemplarium penuriam. Atque hinc demùm extitit, ut non minus qui posterioribus sæculis congruentes, quàm qui dissimiles & discrepantes sunt, passim omissi sint.

VIII. &  
XIII.  
De consecr.  
lib. 4. c. 109.

His ita positis & liquidò declaratis, nihil negotij est exempla, quæ tu contrà obiectas, discutere, conuertereque in teipsum. Nam ut à Concilio I. Arelatensi ordiamur, si codices, quos commemoras, Corbeianus, & Lugdunensis plerisque Arelatensis I. Concilij Canones prætermiserint; sequitur ab iis omissos non eos tantum, qui ab æui ipsorum moribus dislicerent, vel inutiles essent, sed aliquos etiam utiles ac tempestiuos. Pauci quippe sunt in illa Synodo, qui non consentiant cum communi disciplina pluribus post sæculis seruata, & Conciliis longè inferioribus sancita: ex quibus si in illis codicibus similiter expuncti sint, eos fœdissimè mutilatos esse necesse est. Hinc efficitur, ut codices isti, præsertim si vetustissimi sunt, ut prædicas, plerisque illius Concilij canones præterire non potuerint, quin utiles etiam aliquos, & suo tempore vigentes omiserint. Nec dubito quin ita esse inuenturi sint qui eos explorabunt. Nam de Donatillis duo <sup>a</sup> sunt omnino in illo Concilio canones, iique ita non diuersi à posteriorum sæculorum consuetudine, ut alter à Gratiano in Decretum sit relatus. Quare vanè omnino hariolatus es in primo exemplo: nec felicior in altero fuisti. Nam Canonem XLIV. Concilij Carthaginensis IV. quorsum hic obiectas, cum eius lectio ita sit dubia, de eaque ita variant manuscripti codices, ut difficile sit dictu vtri in vitio sint, ij qui legunt, *Clericus ne comam nutriat, nec barbam*; an qui addunt, *nec barbam radat*? Quare Romani emendatores ad caput illud Decretalium quod tu citas, nihil in eo vitij notare, nec in alterutram partem quicquam statuere voluerunt. Iam enim scriptum erat à Surio, & Crabbo ad Canonem illum Carthaginensem, vocem *radat* legi in aliquot codicibus, *pleraque autem exemplaria non habere, radat, vel tondeat*. Quod si postquam à Clericis barba radi cepit, erasam quoque censeas vocem *radat*, omnino necesse est antiquissimam esse illius abrasionem, nec Concilio ipso Carthaginensi inferiorem, nisi fortè non audias Gregorium VII. Papam testantem totius Occidentalis Ecclesiæ Clerum ab ipsis fidei Christianæ primordiis barbam radendi morem tenuisse. Itaque ex dubia Canonis Carthaginensis lectione nihil efficere potes. Et ut corruptam esse concedam; quæ tamen sine voce, *radat*, habetur apud antiquis-

Greg. VII.  
lib. 8. ep. 20.  
ad Iudicem  
Caralit.



simos collectores, verisimilius dicetur corrupta esse vsitatâ illâ librario-  
rum imprudentiâ, qua tot alia deprauata constat, quàm studio & consilio  
collectorum, qui antiquissimi canonis sanctitatem, ne nouissimum æui  
sui morem coarguere videretur, scientes & volentes violarent. Hoc enim  
facinus nisi hominibus audacissimis, & sanè impudentibus tribui non po-  
test; nec imputari cuiquam debet ex coniectura, nisi perspicua argumen-  
ta suppetant, quæ tu nulla habes. Imò cùm pateat eos tot alios antiquos  
canones, qui ipsorum temporibus non minus aduersarentur, fideliter re-  
tulisse; coniectura, qua tu Carthaginensem istum eos speciatim exti-  
muisse, & de industria immurasse vaticinaris, improbabilis & absurda  
efficitur.

## S I R M O N D V S.

**Q**UARE de Canone Arausicano, cur apud<sup>a</sup> Burchardum, &<sup>b</sup> Iuonem non  
integer habeatur, aut cur in postrema eius clausula negatio apud<sup>c</sup> Gratianum  
sit omissa, caue aliam illis causam, aliudve consilium fuisse arbuteris. Spectabant  
enim, ut dixi, quid ipsorum ætati conueniret, atque ubi aptare canonibus tempora  
non poterant, canones temporibus accommodant.

<sup>a</sup> Lib. 4. c.

73.

<sup>b</sup> Part. 1. c.

267.

<sup>c</sup> De consecr.

dist. 4. c. 223.

## A V R E L I V S.

**I**AM dixi grauissimum à te crimen Burchardo, Iuoni, Gratiano, aliis-  
que imponi, si Canonem Arausicanum de industria peruertisse eos in-  
simules. Non illi temporibus canones isto modo accommodabant, sed tu  
temporibus tuis, & instanti necessitati, quam eluctari non potes, verita-  
tem, fidemque & famam eorum accommodas, nihil pensi habens quem  
in locum eos dejicias, dum tu ex dedecore, quo te imprudens inuoluisti,  
emersisse videare. Sed vide ne multò magis implicere isto pacto. Aliud est  
enim canones ætati suæ alienos aut inutiles prætermittere, (quod suprà di-  
cebas factum esse interdum à collectoribus) aliud canones ipsos contami-  
nare & corrumpere, & in contrarias sententias vertere. Vt illud interdum  
fecerint collectores, hoc eos fecisse cui tandem homini candido & mode-  
rato probabis? Quis vnquam tale commentum excogitauit? Quis tantum  
iis induxit flagitium? Quis censuit, sani & solidi iudicij vir, eam esse colle-  
ctorum potestatem, ut antiquissimorum Conciliorum venerandos, &, ut  
Patres passim aiunt, diuinos Canones, ad sui animi libidinem non solum  
excerpere, sed mutare, vitare, inuertere in contrariam partem impunè  
possint? Quis eorum, qui Gratiano plurimas aliusmodi mendas adscrip-  
sit, hanc ei inussit notam? Quis autem inurere audeat sanctissimis Epi-  
scopis Burchardo, Iuoni, ne Reginonem dicam, aliosque fidei ac virtutis  
integerrimæ homines? Pudet, mihi crede, hæc refellere, Sirmonde, quæ  
te scripsisse difficile ad credendum esset, nisi oculis legeretur. Non enim  
dubium est, quin eum qui tali subsidio uti coactus sit, vix vllò deinceps  
loco habituri sint *χριστιανὸν παῖδα*. Neque hoc aliunde tibi contigisse videtur,  
quàm ex illo sodalium tuorum genio, tum ad fraudes & deprauationes

R r iij



promptissimo, tum Canonum patriorumque Decretorum in primis contemprore, quos nihili facere, & ad varios temporum suorum casus & libidines huc illuc trahere, & omnium ludibrio obijcere consueuerunt. Quid quod ista ratio apertè ipsa secum pugnat? Si enim Burchardus, Iuo, Regino, Gratianus hoc egerunt, ne quid ab æuo suo dissentaneum inducerent, non tantum negationem, vt tibi placet, ex clausula Canonis Arausici eximere, sed totum ipsum canonem è medio tollere debuerunt, eo planè modo quo in codicibus Corbeiano & Lugdunensi factum esse Concilij I. Arelatensis canonibus antè dixisti. Non enim clausulam canonis tantum, sed alias plerasque partes de vnica penitus chrismatione agere, & illius iterationem vetare censes; permittere etiam Presbyteris, imò Diaconis chrismationem Episcopalem; iubere illam fieri ab ipsis in ipso baptismo, non ab Episcopo, nisi si qua necessitate ab iis omissa fuerit. Hæc omnia, in quibus tu germanam canonis Arausici sententiam sitam putas, amouenda ab oculis fuerunt Burchardo, Iuoni, Reginoni, Gratiano, si quid actum vellent; neque absurdius quicquam dici potest, quàm vt solam clausulam redigentes ad æuum suum, cætera omnia absona & aliena manere sint passi, & dimidiato ac inutili flagitio se commaculauerint. Nisi fortè canonem illum nec Burchardus, nec Iuo, nec Gratianus, nec alij collectores intellexerunt, sed solus Sirmondus. At etiam vltro professus es, sublata negatione clausula canonis, excitari manifestam verborum pugnam, & Patres Arausicanos à seipsis tam apertè dissidentes effici, vt eos ita locutos nulli cordato homini persuaderi possit. Quid ergo assequuti erunt collectores adempta canonis vltima negatione, nisi vt, dum canonem cum sui temporis vsu conciliare voluerint, illum ipsum secum commiserint, & Patres Arausicanos pugnantia locutos induxerint? Hoccine acumen idoneum tibi videtur, quod præclarâ illâ coniecturâ tot præstantibus hominibus attribuas? Expende, obsecro, in posterum quietius animi tui sensus, & quem ad exitum te deducant maturè prospice. Ego quidem nihilo scientiorem te experior coniectorem, quàm Theologum, nec diuinando, quàm argumentando meliorem. Hoc vnum, quæso, diligentius aduertas, te rem multiplicatis ineptiis eò demùm adduxisse, vt quam mihi intentasti reprehensionem detortæ ad præsentem Ecclesiæ consuetudinem editionis & sententiæ canonis Arausici, eadem vniuersos collectores & interpretes vnà mecum affeceris. Sic enim insimulas hoc loco Burchardum, Iuonem, Reginonem, Gratianum, adeoque omnes huius ætatis Conciliorum editores, & collectores. Sic eos antè accusasti, qui decretum Siluestri Papæ, vt Presbyter baptizatum chrismate liniat, de chrismatione frontis tecum non intellexerunt, hoc est, omnes toto orbe Theologos, quorum nemo in exponendo illo decreto quicquam adhuc commentus est, quod ad interpretationem tuam accedat. Hæc denique est summa disputationis tuæ, neminem præter te intellexisse quid Canonis Arausici sententiæ æuoque congruat; te vnum illius idoneum peritumque editorem & interpretem, post omnium incurias, inscitias, corruptelas hoc beatissimo æuo illuxisse.

## S I R M O N D V S.

**Q**UÆ cum ita sint, Aureli, quoniam post duodena cursus nostri spatia ultimus hic flexus est metæ, nec te latet quàm parum ex animi sententia tibi, quod prædixeram, conatus omnes processerint; Cum temerè nos, inquam, & in epistola Innocentij errasse, & P. Fronioni contradixisse pronuntiaris, atque in caput tuum alia quoque resiliunt, quæ in nos leuissimis cauillationibus intorquebas; Cumq; Canonis emendationem nostram, quam oppugnabas, manuscripti omnes libri, atque Isidorus ipse, de quo te iactabas, confirmet, tibi autem ne vulgati quidem ulli, nisi corrupti, consentiant; Cum canonis eiusdem à te confictam interpretationem omnium te præter unum respuant aures; nostram res & ratio ipsa persuadeat, quodnam tibi tam proluxæ Responsionis operapretium fuit, nisi ut nos reprehendendo reprehendi te in multis meritis posse comprobares?

## A V R E L I V S.

**O**VATIONES tuas alius inuitus audiret, ego æquissimo animo audio, addo etiam læto ac lubenti, & triumphos tuos meos duco. Quid enim optatius mihi contingere potuit, quàm post tam variam, tam multiplicem, tam incredibilem dictorum cogitatorumque miseriam, te ita superbiæ spiritu efferti, ut insulsa tua vanitas sobrios moderatosque homines ab erroribus tantis magis auersura sit, quàm multigena imperitia & temeritas, qua eos conflasti? Antea malum Criticum, malum Theologum; hinc malum Religiosum te præstas; & maiorem cladem in hoc, ut ais, metæ tuæ flexu suscipis, quàm in duodenis illis cursus tui spatiis, quibus plurimùm extra stadium per ineptiarum campos euagatus es, & lasciuiisti. Cum tam ridiculus fueris in cursu, minimè mirum infelicem te esse in meta; quæ quod tibi superesse poterat bonæ frugis attriuit ac fregit, cum eam, ardentibus istis motibus, & feruidis, ut ita dicam, rotis inuectus, euitare nescieris & flectere, ex veteri athletarum disciplina. Omnino inexcusabilem tuam istam elationem videri necesse est, eruditis & harum rerum intelligentibus, ipso responsiunculæ tuæ aspectu; omnibus, nostra illius confutatione. Nec quemquam iam esse reor vel amantissimum tui, qui non videat, vel certè doleat tibi adeo læuam fuisse mentem, ut errorem tuum de titulo Innocentij epistolæ, quem iam agnoueras & emendaras, propugnandum suscepere aduersum me; & cum ego aliud non egissem, nisi ut emendationem tuam approbarem & confirmarem, tu tamen ita mihi obstiteris, quasi à me oppugnatus esses. Nam quæ de P. Frontone respondisti, adeò superant quæ prius de illo scripseras, & tum iudicium, tum fidem pudoremque tuum sic extinguunt, ut ipse pro te propemodum erubescam. Similia sunt penè omnia quæ attigisti, de manuscriptis, de vulgatis, de Isidoro, de tuis in meam canonis interpretationem puerilibus conatibus, & tanto viro, quantus tu es, minimè dignis, quibus valentiores & solidiores tibi suggessissent non pauci Theologicæ militiæ tyrones, si eos à sene grandæuo consuli decuisset.

R r iij

Tam ridiculè oppugnatam esse interpretationem, quam omnium, prater me unum, aures respiciant, magnum est peritiæ tuæ argumentum; facileque intelligi potest quid in obscurioribus possis, cum in tam perspicuis, quæque ipse aures suo sensu conuincerent, tam imbellis & futilis extiteris. Nam & longè maximam illius partem intactam reliquisti, præcipua meæ firmamenta abstulisti è conspectu, multo plura ignauitæ tuæ tenebris taceendo, quàm ignorantie carpendo inuoluisti, veritus ne magis oppugnationes tuas, quàm assertiones nostras omnium aures respicerent. Ita denique te gessisti, quasi sententiæ meæ parceres, non quasi adorireris; quasi fugeres, non quasi oppugnares, inertium militum instar, qui vi ac verberibus procedere in hostem coacti, languidam & perfunctariam pugnam edunt. Isto enim modo, sola tuendæ gloriæ tuæ necessitate adactum, in hanc arenam te venisse ostendisti; ut è dimicatione tua non minus cerni posset ingens, quem tibi veritatis nostræ firmitudo incusserat, languor, quàm ingens, qua te in illam tui amor stimulauerat, æmulatio. Quare nihil mirum prolixam tibi visam esse responsionem nostram, cuius centesimam partem non modò refellendo, sed etiam referendo vix sis completus. Huiusmodi prolixitate te semper anget quisquis plura & firmiora, quàm quæ labefacere possis, opponet; ut minimè dubitari debeat quin altera hæc responsio priore multo prolixior tibi sit futura. Taceo tot effugia, tergiuersationes, audacias, fraudes, quibus inferisti orationem tuam, & causam tuam infamasti, perditam & profligatam denuntians, quæ nisi talibus præsidis vindicari non possit. Nam interpretationis paradoxæ & chimericæ, quam Patribus Arausicanis allinere, & in eruditorum hominum lucem efferre ausus es, errores & hæreses declarationis amplioris non egent, & solam Censuram expectant, ne qui Spongiam audacia & crimine in sanctissimum Spiritus sancti sacramentum superasti, solâ poenâ ab ea supereris. Quæ tamen omnia tolerabiliora videri possent, si ea modestius egisses, quemadmodum à me admonitus verbis in contentione hac priuata, & exemplo inuitatus fuisti. Cum verò superbieris & exultaris indignissimè, cum tenuitatem tuam tumore tegere volueris, & gloriam gloriâ tueri, nec fidei, candoris, veritatis rationem habueris vllam, dignus es ut alij tuæ sortis æternum meminerint, cuius tu tam immemor fuisti, nec veniæ quicquam indulgeant scriptioni tuæ, in qua tu nihil venia dignum esse tantis gloriationibus & insultationibus vltro agnouisti.

## S I R M O N D V S.

Pag. 614. **Q**UOD si ex hac responsione tua iudicium de Vindictis tuis futurum est, quod iudicium ego quidem fieri, ut scribis, \* non iussi, sed tu fieri posse iudicio tuo declarasti, tuum est quale id futurum sit pro tua prudentia æstimare: simulque providere, ut alijs armis instructus venias ad publicam istam reprehensionem, quam Tomis Conciliorum insentas: quia si eadem futura sunt arma, plumbeos illi pugiones non timent.

Pag. 693.

## A V R E L I V S.

**L** VTEA moles plumbeis pugionibus satis, opinor, dejicitur. Nihil interest qualia mea sint tela, dum tuis figmentis euertendis sufficiant. Nam quod de tribus tuis Conciliorum tomis prius dixi, certiore iam tui experimento iterum dico & profiteor, indigniores esse Ecclesiæ Gallicanæ, imò Catholicæ maiestate, quam quidam putent, nec tolerari sine publica expurgatione posse: quam ego, nisi quis alius suscipiat, cum primum per has Ecclesiæ aduersum vos propugnationes licebit, aggressurum me denuntio, & superis adiuuantibus perfecturum. Nec proprium esse hunc mihi sensum declararunt doctissimorum hominum tum Luce-tiæ, tum exterorum iudicia, quorum vnus ea de re epistolam ad clarissi-mum virum Parisios nuper allatam constat, à meo de Tomis istis iudicio non longè abludentem. Atque equidem quæ de illis in hac concertatione sparsim dicenda occurrerunt, sat magnam mihi hoc loco faciunt fidem, & Tomorum istorum idoneum specimen lectori exhibent, vt liquidius de illorum vanitate assentiri mihi possit, quam tibi de Vindiciis meis ex hac disceptatione nostra, quæ illas, si per se inanissimæ essent, solidissimas videri faceret. Nam quod negas te ex tribus literulis, quas aduersus te scripsissem, de illis iudicium fieri iussisse, audaciam tuam grauissimis homi-nibus, qui id ex ore tuo acceptum sparserunt, damnandam auersandam-que committo, & sedulò considerandum quid fidei iis habeant qui, nisi tabellis obsignatis constringantur, nulla arte teneri possunt: quod vobis simul omnibus non ita pridem Vir Summus exprobrauit. Quod si quam obliuionis artem nosti, quam quibusdam vestrum, perinde vt multas alias, familiarem esse audio, nec te dixisse meministi quæ alij audierunt, at pu-dendi artem nosse quoque deberes, & veritatem colendi Deo teste ac iu-dice, vt nulla esset hominum scientia quâ coargui posses. Sed tibi, qui pu-blica & perscripta tum aliorum, tum tua testimonia in hac disputatione nihil verituses, & ea toties confidentissimè affirmasti quæ illis disertè re-felluntur, aliorum conscientias facile contemnere licuit, ne deinceps sit tanta vlla veritas, quæ penes te consistere posse videatur.

## S I R M O N D V S.

**C**ÆTERVM, vt concludam, quando te de modestia mea ne diffuat solli-citum esse video, ego te vicissim, ne minus amare videar, vt tuam, si qua fuit, renoces & resumas moneo, atque omnem deinceps obrectandi, malæque di-cendi libidinem exuas penitus & abiicias. Tum vt larvam istam, sub qua lates, tan-quam insanix irritamentum deponas, tibi que dictum memineris, Non licet vitula aut ceruulo facere. Enimvero si innoxiorum animantium capita induere cano-  
nes vetant, quanto seuerius immanium ferarum atrocitatem exprimi, & vrsorum ac tigris leonumque ritu alienam famam inuadi, laniari, discerpique prohibe-  
rent? Sed cum istiusmodi monstrorum formas omnes sanis mentibus indecoras, vi-  
deri necesse sit, nullam tamen, Aureli, neque terriorem, neque cælo terrisque inui-  
sam magis larvam esse constat, quam diabolicam, id est, calumniatricem.

Conc. Antiss.  
c. 1.



## A V R E L I V S.

**P**VDEAT, pudeat, nisi funditus depudiisti, tam enormi petulantia  
 impotentiaque animi modestiam alteri commendare. Longè aliter  
 admonitus à me eras, non solum verbo, sed exemplo, quo etiam displo-  
 sa iam in me tua conuitia despexeram, ne in priuata causa publicam ho-  
 stilitatem, & maiores, quam pro priuatorum rebus, affectus exerceremus.  
 Sed tu vel innata ferocia, vel notissimo tuorum ingenio instinctus, tum  
 moderationem meam, quam æmulari debueras, tum illa ipsa, quæ in vin-  
 diciis meis exagitare videris, ista orationis atrocitate superasti. Nam in tota  
 increpationum mole, qua sodalium tuorum blasphemias & impietates  
 barbaras sufflaminare coactus sum, nihil inest quod superet, vel exæquet  
 infrænem istum maledicentiæ ac furoris impetum, in quem, ab eo exor-  
 sus, desinis, istas *laruas, insanias, ferarum immanitates, atrocitates visorum, ti-*  
*gridum, leonum, monstrorum formas, tetras, celo terræque inuisas, diabolicas,*  
 quibus quæcunque castigationis grauitas à nobis adhiberetur, non im-  
 merita videri cuiquam posset. Sed ego insulsiatē & inopiam mentis,  
 quam in tanta rabie vacillasse mirum non est, exprobrare satis habens,  
 vnum moneo, vt in posterum sapias, & ista saltem ætate sedatum pectus,  
 & iudicij maturitatem præstes, neque committas vt tam effusè bacchando,  
 aduersarij modestiam, quam obscurare decreueras, illustrare videre, &  
 plus in priuatam causam acrimoniæ, quàm ille in publicam, admisceas.  
 Quod si tantum ardoris & intemperantiæ in isto adhuc senili corpore vi-  
 get, en Rhodus (verbis tuis vtor) en saltus: habes vbi exhales indomitos  
 æstus: subueni laboranti sodalium tuorum famæ: suscipe Spongiæ patro-  
 cinium; & vbi in publica quorundam Societatis tuæ aduersus Ecclesiam  
 acie constiteris, tum me, si possis, paribus telis repercute, si modò prius  
 probaueris tam idoneam tibi fore causam, meas in sodales tuos Anglos  
 pro Ecclesia indignationes exagitandi, quàm mihi illorum in Ecclesiam  
 impios inauditosque conatus. Sed quid ego te ad alienum patrocinium  
 voco, qui in proprio fatiscis & langues; qui defensore alio indiges, cui  
 mens, cui Theologica eruditio, cui iudicij lux certior; qui eas denique  
 moles tibi imprudens excitasti, quas nulla vnquam tua ope amolieris?  
 Hoc ergo maximè accuso, quod tuo certamini non sufficiens, in alienum  
 irruas, & quæ singula sustinere non vales, ea simul vtraque complecti vi-  
 deare. Quod si solidiores essent tuæ vires, tamen discernenda erant tem-  
 pora; nec vt publicam causam cum priuata hîc confundas, & quæ de illa  
 à me dicta sunt traducere in hanc incipias, concedi posset homini rectis  
 sensibus vtenti; nec conueniret nisi degeneri ignauia, quæ cum in re quæ  
 agitur imparem se sentiat, debilitatis suæ conscientiam arreptis vnde-  
 cumque ex alienissima causa subsidiis solari conatur. Hæc cogitare te  
 oportuit, dareque magis operam vt diceres benè, quàm malediceres, & iu-  
 dicio quàm stomacho obsequerere; neque, vt verbulum, *Non licet vitula*  
*aut ceruulo facere,* præclaro operi, vel vmbilicum, temerè intexeres; tam  
 turbido & incondito motu scriptionem ad vltimum corrumpere debui-

sti. Sed leuibus ingeniis difficile est diæterium perdere: tu verò, quæ tua est elegantia, quantifvis erroribus hoc emblemata redemisses, ex quo per amplificandi artem, homo jejunissimus, epilogum confecisti, cuius exitum ægrè aliter reperisses. Hinc, sicut famelicis omnia sapiunt, quid in eo canone producendo absurditatis subires non sensisti, eoque prohiberi arbitratus es, ne quis animalium capita indueret, cum ne quidem de animalium capitibus vlla sit in eo Canone litera, aut vestigium vllum. Vt autem editionis tuæ vitium satis manifestum nunc omitram, si de animalium capitibus dicere tibi lubebat, non Autisiodorensis canon, sed Aurelianensis erat adducendus, qui paulò ante Concilium Autisiodorense idololatriæ quoddam genus erga animalium capita vsitatum in Gallia notauit; idque non in induendis animalium, vt ridiculè somnias, capitibus, sed in iurando ad animalium illorum capita, inuocatis Ethnicorum more inanum Deorum nominibus, eorum fortassis quibus animalia illa sacra haberentur, positum fuisse docuit his verbis ex tua ipsa editione; *Si quis Christianus, vt est gentilium consuetudo, ad caput cuiuscumque ferae, vel pecudis, inuocatis insuper nominibus Paganorum fortasse iurauerit; si se ab hac superstitione commonitus noluerit cohibere, donec reatum emendet, à consortio fidelium, vel Ecclesiæ communionem pellatur.* Agnoscis, opinor, temeritatem tuam. Vides Galliarum canones non vetare ne animalium capita induantur; & vbi animalium capita commemorant, non agere de innoxiiis tantum animalibus, vt dicebas, sed de capite *cuiuscumque ferae*, vt apertè Aurelianensis. Præstitisset carere epilogo Antirrheticum tuum, quàm hoc errore cumulari. Sed tu, quemadmodum in annulis, quibus scripti codices consignabantur, insculptæ esse solebant variae animalium formæ; ita scripturam tuam ceruulorum & vitularum capitibus obsignandam putasti, nihil reueritus omen, cui te hoc pacto obnoxium fecisti. Nam ceruuli rectè effugia tua signant; vitulæ argumentationes insulas, quibus Antirrheticum complesti. Atque hæc illorum animalium capitibus commodè notantur, vt tu scribendo in me illa quodammodo induisse significeris. Quod si horum animalium formæ innoxie videntur, nec satis aptæ indicandæ acerbitati, quâ in extrema hac parte inhorruisti, pro vitularum & ceruulorum capitibus accommodabimus tibi scorpionum caudas, quorum more felleam & virulentissimam pectoris tui amaritudinem in postremam scripturæ tuæ particulam contulisti. Hoc vnum interest, quod illi cætera innocui, in summa & vnica corporis parte virus cohibent; tu tuum vix vsquam continuisti, quæcumque illius promendi facultas data est, & illud in ipso maxime responsionis tuæ exordio effudisti, vt primis vltima responderent, & tota tua scriptio à mala mente profecta, in eandem, vt in metam, ferri ac desinere declararetur. Nos hanc ignauiam acrius exagitare, maxime cum eam ab hoc à te instituto certamine amouendam esse monuissemus, neque ad humaniorem concertationem inuitassemus, per omnes homines superosque potuimus. Ne faceremus, obstiterunt eæ quas sæpè diximus causæ, & ipsa conuictorum tuorum deformitas, quam auersati sumus, & fugissemus etiam multò magis omnem eius vel tenuissimam speciem, nisi superbiam tuam aliquo

*Cont. Aurel.  
IV. c. 16.*


*Vid. Tertul.  
Scorpiac. c. 1.  
¶ 2.*

*Pacian. ep. 2.  
ad Symp.*

*Conc. Narb.  
c. 10.*

fræno misericordissimè, vt cum Augustino loquar, cohibendam esse vidissemus, ne indulgentiâ nostrâ extra modum efferuisceret. Nos tecum, quasi columbæ, ore potius quàm dente confliximus. Cæterùm, si ita deinceps pergas; si tui memor non sis; si iracundia, arrogantia, maledicentia chartam turpes; si religiosum animum, vel certè professionem, exuas; si dissertationum tuarum abiectissimam imbecillitatem animositatis fastu, & vt cum antiquis Ecclesiæ Gallicanæ Patribus loquar, *cothurno superbiæ* attollere coneris, experiere sicut Ecclesiæ Catholicæ doctrina nobis suppeditauit vnde fœdos errores & hæreses tuas confoderemus, ita mores illius suppeditaturos vnde insolentiam tuam fortius comprimamus.


FINIS.




# PETRI AVRELII THEOLOGI ORTHODOXVS.

Perpetuam Ecclesiæ, & SS. Patrum de Confirmationis Sacramento traditionem, Iac. Sirmondi Societ. Iesu Presbyteri prioribus ac posterioribus hæresibus oppositam, explanans.







## ERVEDITO ET CATHOLICO LECTORI.

**R**URSUS in certamen vocor à Sirmondo, Catholicè atque eruditè Lector, sicut initio vocatus sum, temerè & imprudenter: tunc, priusquam de vlla cum eo mihi futura disputatione cogitassem; nunc posteaquam eius, quæ ante plures annos intercessit, memoriam ita deposueram, vt non veterem litem retractare, sed ad nouam trahi, pristinquæ aduersarij mei inconsiderantiæ imaginem videre videar. Nam diuturno silentio, quo hætenus vsus erat, id assequebatur, vt errorum eius memoria, vel quadam moderationis animi pœnitentiæque specie, vel tempore ipso sensim euanesceret. Nunc repentina ista eruptione non modò eos refricuit, sed in peius vertit, tum ea superadiiciens quæ priora longè superent, tum eo ipso quod docuit silentium illud non modestiæ fuisse, sed hæsitationis; non voluntatis, sed impotentis; non resipiscentis animi, sed estuantis. Nam emissio tandem in lucem è trium annorum nocte altero hoc Antirrhético, non abs re miratus es, Lector, hominem, qui se eruditum haberi vult, tantum spatij consumpsisse in planissimis hæresibus conquiritendis; tantisque sudoribus ei constitisse infelices maculas, quibus quantulum famæ ex prioris Antirrhëtici naufragio reliquum habebat, ad extremum obrueret. Ego verò cum errorum magnitudinem video, ad quos progressus est, & contentionis huius initia atque originem recordor, teneri non possum quin singulari Dei nutu factum existimem, vt negationis vnus, triumq; litterularum controuersia, quam leuem arbitrabar, ad eum aliquando exitum, & ad tantas eruperit moles, vt non iam montes murem, quod vulgò dicitur, sed mus montes peperisse videatur. Nam Sirmondi disputatione res eò perducta est, vt Sacramentum Confirmationis obtritum, sprete Theologorum consensus, repudiata Catholicorum Ecclesiæque mens, maiorum denique nostrorum ab antiquissimis sæculis perennis doctrina & authoritas fracta & deiecta sit: vt si hunc aditum, atque hanc licentiam semel ei dederimus, de vllis posthac religionis decretis, deque Ecclesiæ incolumitate, cuius nerui ac fundamenta hoc facinore conuulsa fuerint, frustra laboremus. Nec verò dogmatum tantum insignis prauitas, sed simillimus ei etiam animi feruor & imprudentia elucet, & ita cum doctrinæ vitiositate certat,

Sf ij

ut utram utri præferas: ambigere possis. Nam cum qui ab ineunte ætate in leuioribus litterulis studiū posuit, in Theologia cęcutire, non ita fortassis mirum est. Annosum verò senem, qui si minus sua indole, at longa prudentissimæ, ut vulgo putant, societatis institutione vel ætate saltem ipsa sapere debuit, ita præcipitem ferri, ut existimationem suam extremo vitæ tempore proijciat, & tamquam in portu naufragio pereat, nouum & inopinatum videtur. Nam primū disputationem voluntariam commouit, cum ego ab eo lacescendo sic abessem, ut parcendum etiam seni arbitrarer, & vix decoram cum eo concertationem mihi putarem. Quod enim in Spongiæ disputatione præteriens scripseram me non satis intelligere, cur vsitatam & publicè hæcenus receptam Canonis Arausici, in quo tractando versabar, scripturam mutasset, nulla edita causa cur id fecisset; ex eo non magis vereri debui, ut ille tribus Conciliorum suorum tomis lethalem plagam inflictam, omnemque sibi ereptam fidem scripta ad me epistola continuò expostularet, quam ipsi per eruditorum humaniorumque hominum consuetudinem id facere licuit. At singulari consilio præditus senex ad vulgarem normam sapiendum sibi non existimauit; & qui ista ætate etiam oblatas decertandi causas fugere debebat si quo modo posset non oblatas vltro arripuit. Quippe negationis Canonis Arausici intextæ adeò certam exploratamque causam sibi esse arbitratus est, ut de ea pugnam ineundo, non ad certamen sibi contendere videretur, sed ad triumphum. Nam & in Conciliorum præfatione professus erat, eorum tantum mutationum, quæ ambiguae viderentur, causas à se in notis adscriptas; & proinde hanc, de qua verbum non fecit, minimè ambiguum esse; & in Epistola scribere ad me ausus est, ita planam & liquidam suæ sibi sententiæ rationem constare, ut eam meo quoque arbitrio permittere non recusaret. Itaque siue quòd illa Vindiciarum mearum voce tam miti & innoxia sibi tomisq; suis iniuriam, quam statim persequi oporteret, factam existimauit, quasi qui ab eius opinionibus dissentiant, imò de illis tantum dubitent, ipsi iniqui sint, & eius impetus vereri debeant, siue quòd quales se in difficultates atque ambages, suscepta de Canone Arausico disputatione, committeret, non vidit; facile perspicis, Lector, nihil aduersario nostro inanius atque imprudentius fieri potuisse. Illud verò in primis notandum, quod nequidem posteaquam sentire cœpit quas in salebras & angustias prouectus esset, animum inducere potuit ut pedem referret; eamque optimam sese expediendi rationem putauit, si longius progresseretur, prioribusq; erratis altius se immergens, nouis etiam & deterioribus sese impediret. Ita natus est Antirrheticus alter superiori multis rebus par, multis fœdior; atque illa in primis, quod acceptam prioribus hæresibus ignominiam, illis ipsis hæresibus audacius confirmandis, multiplicandisque delendam suscepit. Qua in re inest absurdus quidam, quam in iis qui hæresibus vel nouis condendis, vel veteribus renouandis student, inesse solet. Hi enim, sicut Catholicorum mentem oppugnandam sibi proponunt, ita reprehensiones eorum deterioraque de se iudicia non recusant; eaque sibi subeunda esse constituunt. At

Sirmondus ita Catholicorum omnium, quot sunt toto orbe, quotque pluribus sæculis fuerunt, constantem doctrinam prudens ac sciens refellit, ut dum id facit, suam sibi apud eos famam integram tueri, imò collapsam restituere atque instaurare contendat. Vnus omnes incitiae arguere audet; vnum ab omnibus nulla nota afficiendum confidit: ut in illum valeat quod à vetere scriptore Gallicano de quodam ipsi simillimo scriptum est: *Contra famam tenax sententia: contra sententiam sollicitus fama.* Atque hinc illud mecum, opinor, mirabere, erudite Lector, Deo vindice contigisse, ut qui initio me vnum de vna vocula potius non assentientem, quam dissentientem ferre non potuit, in eas plagas se induerit, ut omnes, qui Catholicorum Theologorum nomine censentur, aduersarios in grauissimis rebus sustinere cogatur; & qui fidem sibi ademptam credidit, si quis vnus à sua opinione discederet, is nunc eo deductus sit, ut vnanimem Theologorum Catholicorumque omnium dissensionem officere sibi non putet; alienamque ab eorum sensibus, & eorum libris publicè damnatam sententiam propugnando, susceptam ignominiam apud eos ipsos eluere se posse arbitretur. A mente igitur tam læua, præpostera, secum pugnante, perspicuum quidem est nihil non prauum expectandum esse. Sed tamen si viam rationemque spectes, qua propositum sibi scopum assequi molitur, magis etiam hominis cæcitatem admirabere. Sic enim agit, atque ita se parat, ut sacramenti Confirmationis excidium studio habere videatur, nec hæreticis ad eius oppugnationem quicquam propemodum reliqui faciat. Materiam tollit, formam, efficacitatem, ministrum: Materiam, negans esse chrisma, eamque in nuda manus impositione collocans: Formam, verba quæ Episcopus ad frontis crismationem adhibet, statuens nihil habere quod Spiritus sancti donationem sonet; deprecantemque esse oportere Confirmationis formam, non affirmantem & demonstrantem; qualis ista est: Efficacitatem nullam in chrismate largiendi Spiritus sancti vim agnoscens: Ministrum, frontis crismationem, in qua ab Ecclesia Catholica sacramentum Confirmationis perpetuò defixum est, ab Episcopis traducens non ad presbyteros tantum, sed ad Diaconos; nec Romani solum Pontificis autoritate (quod quidam posterioribus sæculis sensere) sed etiam Episcoporum quorumuis nutu: quod ad hanc diem nemo commentus est. Denique euerso Confirmationis sacramento, è chrismate ac manus impositione coniuncto, quale omnibus ætatibus habitum obseruatumque est; aliud sola præditum manus impositione quod nunquam fuit; & nunc cum maximè in Ecclesia nullum est, substituit; eoque pacto Ecclesiam sacramento Confirmationis spoliatur. Hæc tam inaudita & peregrina vnde Sirmondus eruere potuerit, mirandum esset, Lector, nisi constaret, inania erraticaque ingenia sine duce vagari, eorumque motus diuinitatis æmulos, nulla plerumque causa, nulla ratione pendere. Nam quæcumque attulit ad paradoxorum tantorum comprobationem, ea etsi tot annis meditata, tot laboribus quæsitæ, tot curis ex-

Claud.  
Mamer.



penſa, talia eſſe ipſe fateberis, vt neminem, niſi cui errare propoſitum fuerit, mouere queant; magiſque ex ipſius errore iam concepto fluxiſſe, quàm eum peperiſſe videantur. Ita denique futilia & infirma agnoſces, vt illudendo Confirmationis ſacramento aptiora ſint, quàm conuellendo; ipſiſque erroribus quos ad eius perniciem attulit, multo indignius ſit, fundatiſſimam, Eccleſiæ doctrinam friuola velitatione, in principe Galliarum vrbe, in eruditorum hominum primariæque Academia oculis publicè eſſe tentatam. Quamobrem ita mihi prorsus perſuaſi, Iacobum Sirmondum, quacumque demùm ſit confidentia, nunquam auſurum, nec ſocietatem eius paſſuram, vt iſta errorum portenta talibus ineptiis adornata, in vulgus ederentur, niſi maiore aliquorum potentia freti ſperaſſent, ſe eorum, quorum eſt hiſce de rebus cognoscere, vel Theologorum, vel Antiquitum, iudicia cenſurasque eſſe fugituros: vbi autem ſemel impunè vagata eſſent, cum ipſa hominum tantorumque virorum taciturnitate ita comprobata viſum iri, vt deinceps damnari hæreſibusque adſcribi non poſſint. At ego adduci non queo vt exiſtimem, eſſe quemquam ita Deo ingratum, ita ſibi met infeltum, vt poteſtatem & opes, quas ab illo ad iuſtitiae veritatisque atque ad Eccleſiæ in primis patrocinium conſeſſas habeat errorum hæreſumque perſpicuarum tutela pollueri ac funeſtare velit; nec fore vnquam eam temporum iniquitatem, vt Sirmondi dogmata, quæ ipſius ſocietatis coryphæi libris editis vna voce hæreſibus accenſent, reſpuere non liceat; nec eam denique Illuſtriſſimos Galliarum Præſules, & Theologiæ Facultatem auitæ doctrinæ ſibi que ipſis notam hæreſi paſſuros vt qui Spongiæ errata paucis antè annis ſumma Chriſtiani orbis laude & gloria fortiffimè vindicarint, iidem domi ante oculos nata Sirmondi commenta nullis partibus deteriora taciti dimittere, ipſaque patientia confirmare exiſtimentur. Nam ſi quis authoris Spongiæ de Confirmationis ſacramento ſententiam exploret, reperiet ſacramenti fructum ab eo deleri. At Sirmondus ipſam ſacramenti radicem delet. Materiam, formam, miniſtrum peruertit. Spongia confirmandi vim chriſmati inditam, aliis ſacramentis, vel ceremoniis minoribus accommodat: Sirmondus ipſi chriſmati aufert. Illa chriſmationem Episcopalem ſuppleri vult chriſmatione verticis, qua præſbyter in Baptiſmo vtitur: hic ambas vna eademque & natura, & efficientia præditas cenſet. Illa chriſmationem Episcopalem neceſſariam negat: hic non id negat modò, ſed, maiore contumelia, eius etiam iterationem innoxiam dicit. Denique illa peccauit, quæ à pluribus ante ipſam peccata fuerant: hic ea excogitauit, quæ ante hoc tempus nemo Catholicus finxerat. Ac ne hæreticus quidem quiſquam hæc omnia ſimul effudit, ſed partem Antonius de Dominis quondam ſodalis eius, partem Lutherus cum catulis ſuis, partem Wiclefus edidit. Vt pateat, eam Sirmondi, cætera ſterilis ac ieiuni hominis, eſſe in erroribus aduerſus diuiniffimū ſacramentum parientis copiam & vbertatem, quæ in nullam ſiue Catholici, ſiue hæretici mentem adhuc confluxerit. Nec verò iſtud non præ ſe fert ipſe ac profitetur, dum vltro agnoſcens Catholicos Theologos vno conſenſu à

sua sententia discessisse, inscitia incogitantiaque id factum affirmat. Cuius porro sit audaciæ, imò quàm perniciosi exempli, vniuersos Ecclesiæ Theologos in re maxima aspernari, perpetua antiquitatis auctoritate nixos, facilè intellectu est, cùm hac ratione vniuersa Ecclesia inscitiae errorisque damnetur. Quare tam impurorum dogmatum contra totius Ecclesiæ mentem, & contra Illustrissimorum Galliae Antistitum Parisiensisque Facultatis Censuram inuentorum conscius sibi Sirmondus, librum suum, tanto ante, vt præ se fert, typis expressum, toto eo anno, quo Amplissimi Cleri Gallicani cœtus Lutetiæ habitus est, premere coactus est, tenebrisque mandare. Sicut autem feræ fulgente sole latibulis se continent, eo elapso grassantur; ita cœtu illo dimisso, Illustrissimis Præsulibus in provincias digressis, Antirrheticus caput exerere, volitareque tandem est ausus. Ex quo nemini de illius prauitate damnationeque ambigere licet, quem Sirmondus omnium primus, tacito iudicio conscientiaque damnarit. Nec ferendum est, tot eruditissimos viros, Theologiæque Facultatem, atque adeo Illustrissimos Antistites, quorum nonnullos negotia semper Lutetiæ morantur, sic ab eo pro nihilo habitos, vt quæ aliis indigna intolerandaque agnouit, his præsetibus & inspectatibus impunè proferri posse cōsiderit.

E quibus omnibus perspicere te existimo, Lector, cur mihi cum hoc aduersario denuò congregiendum putem. Fateor me commotum summa Sacramenti maximi iniuria, totius Theologorum Scholæ dedecore, antiquitatis contemptu, vniuersæ Ecclesiæ probro: ad cuius doctrinarum, non modò quæ hîc disceptantur, sed planè omnium, perturbationem & insultationem Sirmondum hæreticis, improbisque quibusuis ingeniis fores velut ambabus manibus pandere, negligenter ferre non potui. Aliis aliud amoris est: Mihi diuina veritas à maioribus per manus tradita, Ecclesiæque eius veritatis custos & sponsa, vnicè est cordi. Eoque magis quod illius curâ paucissimos, tangit. Cui tamen cùm omnes omnia debeant; ego verò eius, pro facultatis meæ tenuitate, propugnandæ stadium semel sim ingressus; inertiae memet ipse ignauiaeque damnarem, nisi in tam necessario eius tempore, vocem illi meam doloris, quem è Sirmondi conatibus capio, iudiciiue, quo illius hæreses auersor, testem relinquerem. Equidem nisi hæc causa subesset, nunquam commissem vt diutius cum eo concertarem; facileque concessissem glorioso seni solatium quod quærebat, vt postquam se in litigando magis infatigabilem & inexhaustum quàm ego, præstitisset, æquo animo moreretur. Nam quid cum eo conflictarer, qui silentio triennium vt coactus, partim veritatis, quam oppugnat, conscientia, partim sua imbecillitate & ἀμυχανία partim publicæ ignominiae metu, non erubuit quarto anno respondere, superante tandem animi eius fluctuationes & angustias pertinacia? Qui libelli sui diuulgandi opportunitatem tum deniùm reperit, cùm irrupente in regni fines hoste, hominum animos publicis curis occupatos suspensosque fore sperauit? quasi vel hostes ad subsidium euocasset, vel eorū irruptioni gratularetur, vt dum illi patriam inuadunt, ipse Ecclesiæ

Hier. ep.  
61. ad Pam.

doctrinam impunitus diriperet. Vnde Antirrheticum auersari licet, quasi calamitatum publicarum additamentum. Quid dicam de abiecta illa, omnibusque iam contempta ignauia, qua disputationum mearum firmamenta, ubi non modò viribus, sed etiam conatibus suis superiora videt, tacita præterire, & quasi foueas transilire consuevit? Nota est Hieronymi vox, *Qui arguitur in pluribus, & in dilutione criminum, aliquid prætermittit, quicquid tacuerit, confitetur.* Quod priori Antirrhético ita exprobratum erat, ut Anæreticus meus perpetuam eiusce rei reprehensionem singulis paginis ordine deductam contineat. Et tamen non modò tota reprehensio illa, rursus dissimulatur, sed etiam omnia propemodùm mea responsa ita silentur, ut errata quæ illis iugulaui, denuò referantur, ac velut reuiuiscant. Ex quo perspicuum est, eum qui sic agat, non alio consilio in publicum prodire, quàm ut, spreta veritate, viri probi fide neglecta, diuinissimis rebus illudat, & pertinacitati vincendi falsamque existimationem tuendi obsequatur; adeoque autoritate potius publica, quam argumentis refutari oportere. Quid enim publicè perniciosius, quàm veritates, Theologicas præsertim, quas agnoscas, quarum vim experire, quibus oblitescere non possis, obstinatè scriptis urgere, & proteruè calumniari? Nam Sirmondi silentia necessitatis esse, non voluntatis, ex eo patet, quia eius teneritudo ac mollities animi ea est, ut me ferre non potuerit ne quidem de negationis vocula à se dissentientem, dum sibi habere vilis est quod contradiceret. Quanto minus tot errorum, hæresum, criminum falsi, imposturarum, fallaciarum accusationes tacitus pateretur, nisi apertissimæ veritatis pondere oppressus esset?

Iam illud quantum est, quod cùm Antirrheticum scribendum suscepit solius famæ asserendæ causa; tamen ubi in rem præsentem ventum est, eam tueri non audet, planissimeque deserit? Nam & hæresum errorumque à me reprehensorum complures prorsus dissimulat; & quos sanare studet, integrè ac sincerè nunquam exponit. Cùm enim duobus omnino locis hæresum sibi obiectarum mentionem fecerit; nullam commemorauit quam ego accusarim: omnes interpolauit ac finxit; ut vulnera, quæ sanari non posse ostendit, ne regi quidem commodè posse ostenderet. Quid amplius desideretur? cùm in hoc disputationis cardine, in crimine, inquam, hæreseos, quod Sirmondum tam malè habet, ut id clamoribus conuiciisque perpetuis vliscatur, eius defensio ita sit muta, accusationesque nostras sic confirmet, ut, eas non modò refellere, sed ne referre quidem sustineat? Nam quòd in tantis angustis fremit, insultat, & eam confidentiam vbique spirat, quæ ne victorem quidem deceret; quid aliud assequitur, nisi ut omnes intelligant, eum nihilo meliorem animum habere, quàm causam, doctrinæque suæ simillimum esse? Equidem nemo miretur, eum, qui inuitis omnibus errare voluit, eò tandè processisse, ut inuita etiam repugnanteq; conscientia vincere velit, & magnificè loquatur. Etsi mirandū fateor, esse quēquam sic animatū, ut cùm ea quorū nomine arguitur, ne cōmemorare quidem

audeat, tamen quasi falso iniuriæque obiicerentur, incredibili ferocia ferreaque quadam fronte in aduersarium incurrat: Cum ergo eius causa ad pertinaciam superbiamque meram tandem sit redacta, sequitur precibus, non argumentis expugnandam.

Ac superbiloquentia quidem ista eo magis est spernenda, quod ad imperitorum animos aucupandos comparata est: qui, cum rerum de quibus agitur sensum non capiant, è disputantium vultu ac specie iudicium facere solent; quemque fidentissimè dicentem vident, eum verissimè dicere existimant. Horum enim assensus Sirmondum captasse, ut eorum susurris aduersus eruditorum intelligentiumque iudicia se solaretur, inde perspici potest quòd Antirrheticus Sodalium operà ad eos temporis puncto tota vrbe est delatus, qui vel penè nihil litterarum, vel Theologiæ planè nihil vnquam attigissent, vel denique animos aliis occupationibus sic implicitos haberent, ut quod ad disputationis huius iudicium attinet, nihil ab imperitis differrent. Itaque cum de Antirrhético vix dum inaudissemus, perlatae sunt ad nos hominum, qui ne Latinè quidem satis scirent, voculae, Sirmondum Aurelio bellè tandem respondisse. Quo factum est, ut cordati viri Antirrheticum, necdum etiam lectum, vehementer contemplerint, ut qui imperitis, non eruditis videretur scriptus & cum ratione non posset factione commendaretur.

In quo tamen prudentissimi Sodales, quod eorum pace dicere liceat, bis peccarunt. Nam & Antirrhетици demonstrarunt inanitatem, quæ talibus subsidiis egeat, & sibi ipsis grauem ad omnes offensionem pepererunt, qui ea dogmata concurstationibus fulcire studuerint, quæ sibi non probari palam profitentur. Qua in re, quæcumque tandem eorum mens sit ac fides illud ad Antirrhетици dedecus damnationemque in primis est illustre, quod nec Prouincialis præfecti, nec Sodalium cuiusquam nomen illi est adscriptum ex notissimis Societatis legibus & qui ex eodem grege, eodemque Claramontano gymnasio, post contentionem nostram Theologica scripta publicarunt. Sirmondi sententia, de canone Arausicano, deque sacramento Confirmationis abiecta, ad nostram accessere; & eorum gregales Sirmondo passim refragantur, dogmatisque ipsius velut contagionem refugiunt. Id si ex animo faciunt, Sirmondum damnant: si ficto pectore, eum ab aliis omnibus damnatum fatentur, cum publicam ignominiam metuant, si eum probare videantur. Quamquam hanc ignominiam numquam effugient, donec eius librum tam apertè damnarint quàm apertè ab ipso emissus est. Nisi fecerint, consentient & conuiuebunt. *Non solum autem qui talia agunt Rom. 1. digni sunt morte, sed etiam qui consentiunt facientibus.*

Quid, quod Antirrheticus ipse sine alterius opera se elidit, & ita perpetuis perspicuisque secum pugnis luctatur, ut magis *Antirrheticus*, quàm Antirrheticus sit dicendus? Nam quod in peltiferis quibusdam animantibus naturæ prouidentia comparatum est, ut præ-



sentia venenis suis antidota ipsæ circumferant, id in Antirrhethico admirari licet, cum propemodum nullus sit venenatus eius morsus, cui medicina in ipso inclusa non lateat. Quid dicam de impotentia, petulantia, incredibilique illo æstu, qui in eo ita perpetuus est, ut non sedari ingenij fœtus, sed ardentis animi quasi flamma videatur? Quæ quidem in subito respondente paullo tolerabilior foret: cum videri posset à repentino impetu, quo sapientissimi etiam occupantur, non à propria animi labe fluxisse. Post triennium autem scribenti quis concedat, ut ijs motibus iactetur, qui ne subitatio quidem vilius responsionis ardori permitterentur? In quo saltem vereri debuit, ne Anæretici mei vim, quam obruere cupiebat, magis aperiret. Quis enim maiore quodam robore eum librum præditum non putet, à quo aduersarium videat ita commotum, ita compunctum ac perfossum, ut triennio conuiuiscere, ad seque redire non potuerit? Atque hæc leuiores viderentur, si tanta acerbitate contentus esset. Cum verò ita lædat, ut non lædere, sed lædi, ita maledicat, ut non maledicere, sed maledicta clementer ferre videri velit, maledicentiamque vtrò ac multis verbis obiiciat, patet eum adeo grauiter percussum, ut quid dicat, ipsi non constet. Equidem si maledicentia mea vlla fuisset, ea iam nulla foret, cum illiberali perpetuaque Antirrhethicorum petulantia collata. E quibus, licet mole pusillis, ea conuictorum abundantia colligi potest, quæ plurimis voluminibus turpandis inficiendisque sufficiant. *Insania* tertio quoque versu ac leuissimis plerumque de rebus mihi impingitur, dementia, stupor, desipiens, deliransque animus. Quæ ego verba nusquam in Sirmondum adhibui: & tamen ab eius ætate paulo minus discreparent. Erit etiam ubi me *triformem chimeram* dici audies, *stipitem, bardum, Bæotia vernulam, Lycamben, Thersiten, Pseudolum, Truculentum*; aliaque his similia; quæ non modò non sentio, sed vix percipio: & tamen inexplibilis ac cæcæ cuiusdam amarulentia esse intelligo. Toties verò mentiri me scribit, ut ex procacissimo isto dicendi genere, de urbanitate quam sibi sumit, iudicium fieri velle videatur: Quæ tamen contumelia nunquam ei à me relata est, etsi loca passim occurrerent ubi id fieri meritò posset. Quod si illius impetus fortius interdum repressi; eius rei ipse fons est & causa. Nam prima nostra aduersum se scripta ita mitia fuisse fassus est, ut etiam laudes sibi à me tributas dicat. Cum ergo paruum ei sit, hominem à quo nihil contumeliae audierit, imò à quo se laudatum putet, voluntariis conuictis petere, nisi etiam queratur illa conuicta ab eo repulsa, seueriori quidem quàm antea orationis genere, sed quod ad perpetuam sermonis ipsius atrocitatem nihil accedat; patet omnem eius de maledicentia nostra querimoniam huic spectare, ut ferendum non putet nos styli sui aculeos retundere conari, scriptorumque suorum acerbicatem silentibus ac demississimis animis excipi velit. Taceo me asperiorum in eum esse cœpisse; posteaquam Ecclesiæ maiorumque doctrina proteruè ac publicè ab illo vexari cœpta est, ut mirandum

fit, orationis intemperantiam mihi ab ea exprobrari, qui vehementius pro se exarsit, quàm ego pro Ecclesia. Quapropter si quam laudem ei antea dedissem, ut narrat nunc adimerem; quando ipse istis factis ac dictis, non modò à laude, sed etiam à communi humanitate de industria discedere videtur. Verùm ego ita laudem ei non dedi, ut ne ab aliis quidem datam concesserim modestiæq; opinionem, quam apud quosdam obtinuisset, tandem post tot elatioris amariorisque animi specimina, deponendam abiiciendamque monuerim. Neque hoc scripsi postquam ipse me refellere aggressus est ut ridiculè queritur; sed contra idcirco grauius eum increpui, quòd cum nihil refellere posset, pauca conaretur tamen rescriberet: velut hæc ipsa, quæ nunc arguimus, sæpius refutata exagitataque dissimulat; nec tamen ab iisdem cauillationibus toties contritis diuelli potest.

Nusquam verò ridiculam istam imbecillitatē magis patefecit, quàm in obiurganda nominis mei mutatione. Nec enim adduci vnquam potuit ut vel attingeret id quod toties respondi, contentionem inter nos de rebus esse, non de personis, nec quæri ego an ille probi simus, sed mea an illius doctrina proba sit, Theologiæque ac Patrum decretis consentiat. Quare personas exquirere, de quibus controuersia non est, cum in manibus sint libri de quibus disceptatur, diuerticulum esse malorum litigatorum more ad causam obturbandam, frustrandumque iudicium veteratoriè adscitum. Hoc amplius addidi, me nomen non mutasse ipsius causa; sed cum eius sodalibus Ecclesiæ populatoribus certare hac ratione cœpisse, cum illi priores eam induxissent. Si pugnae genus non probaret, abstinere licuisse ab eo laceffendo, qui nullam cur laceffere-tur, causam præbuerat; Sin certamen expeteret; talem me accipere debuisse, qualem inuenisset. Itaque cum hæc omnia altissimo patientissimoque silentio inuoluens, tamen urgere pergat, ut regendi nominis mei finē faciam, utar ea voce qua S. Bernardum vsum ferunt ad malum genium à recto quodā proposito eum reuocantem, *Nec propter te capi, nec propter te desistam*. Denique, si qua esset humanitate, gratiam etiā haberet, quod nomen reticendo ei præbuerim, vnde Antirrheticorum initia finesque conficeret. Hinc enim semper exorsus, huc desijt, nec aliam exordiorum & epilogorum materiam pro sua copia vsquam est nactus; ut hæc nominis mei dissimulatio, cui se adeo intensum simulat, scriptorum ei suorum videatur proa & puppis fuisse. Quamquam meminisse debuit pro sua puerilium scholarum intelligentia, imperitè exordia & epilogos ab iis rebus duci, quæ à communi approbatione abhorreant. Nam quam ipse accusat nominis nostri compressionem, eam passim ita laudant, ut ex ea de lucubrationibus nostris etiam melius existiment.

Ex his omnibus vides, Lector, vniuersi Antirrhетици summam hanc esse ut vel nostra sileat vel refellat sua, partim directè, secum pugnando partim obliquè, eadem quæ obiicit, aut grauiora peccando; ut in eum quadret, quod ab Optato in Donatistas scriptum est, *Quicquid obiecistis, vos fecistis*. Optat. l. 8.

Quamobrem si mei tantum rationem habuissem, nunquam cum eo, ut dixi, diutius certassem. Nec enim vel cum muto disputandum, cui ad præcipua disputationis loca vox hæret; vel cum surdo, qui penè nihil audit; vel cum profligato à seipso, qui qua temeritate loquitur, eadem se dissolvit. Solius Christi est surdum ac mutum sanare: hominis non est, iugulatum, & à seipso confectum magis magisque confodere. Nam etsi se erigit, & respondere conatur, ut incredibilis cuiusdam confidentiæ nubilo dedecus suum imperitis occultet, tamen intelligens lector præclare videt, cum funditus victum esse, qui sic respondet, ut victo & silenti par sit. Ut igitur denuò responderem, fecerunt solæ hæreses ab eo partim reconcinnatæ, partim nunc primum vulgatæ. Quidvis aliud condonaturus fui, quantiscumque vel se inscitix, vel me ac sese maledicentiæ maculis adspargeret. At Ecclesiæ, perpetuæque Patrum traditionis audacissimam euerlionem ferendam non putavi, Illustrissimorumque Galliæ Episcoporum, & Parisiensis Facultatis Censuræ, cui propugnandæ iampridem me addixi, contemptum. Perpetuæ igitur ac divinæ maiorum doctrinæ autoritatem incolumem tueri consilium est. Simul nostrum in Scholæ Theologos affectum, animique æquitatem declarare, ut, si quando ab eorum sententiis discedere cogimur, videant nihil à nobis temerè aut contumaciter fieri; cum, ubi eos Ecclesiæ paternæque traditionis perennitati consentaneos reperimus, illorum decreta non modò veneremur ipsi, sed nulla cuiusquam inscitia, vel novandi libidine infringi patiamur, & eorum autoritate maiorum doctrinam, sicut vicissim maiorum doctrina eorum autoritatem confirmemus aduersus istorum temeritatem, qui neutram callentes, utramque pervertunt. Nam hoc quidem loco ita liquida est omnium Ecclesiæ ætatum consensio, ut pauca sint fidei dogmata, quæ tam luculenta constantique testium serie probare liceat. Sicut alibi verum inuenire interdum difficile est; ita hic aberrare. Oportuit errorem, quem nihil propemodum extrinsecus offerebat, Sirmondum à seipso, atque ab interioribus animi tenebris depromere. Quod eo minus ignoscendum est, quia nihil habuit quod opponeret nisi quæ apud quosvis Sacramenti Confirmationis interpretes obuia sunt ac protrita. Diceres lacinias è Coccio, vel aliis eiusmodi centonum scriptoribus direptas. Quod si eximia quædam, & hæctenus ignota alicunde cruisset, quæ nouam Theologiæ lucem afferrent; tolerabilius videretur eum ab aliis dissentire, qui solus nosset, quæ illi non vidissent. Nunc vix ferendum est, eum qui nihil afferat, nihil norit nisi quod omnibus diuulgatum decantatumq; est, tamen omnium sententias reprehendere & aspernari, quasi vnus omnes cognitione scientiaq; superarit. Quare quod eximium approbatorum par censet, esse in Antirrhethico pleraque *exquisita*; si intelligant errores exquisitos, & propria Sirmondi figmenta, rectè monent. Nihil enim inest, nisi communium quorundam & è medio sumptorum locorum perturbatio, & interpretationes ab omnium sensu & cogitatione diiunctæ ut mirum sit tantam in vulgari & publica, ut sic loquar, via vnus hominis deerrationem esse potuisse.



potuisse. Sin quippiam ex Ecclesiæ antiquitatisque monimentis depromptum dicant, quod hætenus latuerit, & ad illustrandam Ecclesiæ doctrinam disciplinamque pertineat; indicabunt, se, vel de Antirrhethico, quem non legerint, suffragium tulisse; vel ita esse rerum Theologicarum peritos, ut eximia arduaue habeant, quæ ante omnium pedes iacent.

Cæterum nihil mihi cum iis priuatim exoptulandum puto, cum nescius non sim, eos nec mei odio, nec Sirmondi amore, sed sui studio librum eius approbasse, magis ut se illi, & quibusdam minimè ignotis, quàm ut illum publico commendarent. Neque porro necesse est eorum approbationem multis refellere, quam ita effectam constat, & sine legitima facultatis venia usurpatam, ut eam non minus qui dedere, surripuerint, quàm qui accepit. Ac patet, qua fide iudicarint de doctrina, cum Antirrheticum ne à *morum* quidem *sanctitate* abesse censuerint. Cuius sanctitatis quæ signa tandem ac miracula Sirmondus dederit, ambigi potest: Nisi fortè illud pro miraculo esse debet, quod Antirrheticum anno M.DC XXXVI. editum, anno M.DC XXXIV. attribuit longius solem retorquens quàm propheta, qui eum pro ingenti prodigio ad horas pauculas retraxit. Nec deerit approbatoribus unde huiuscemodi sanctitatis partem sibi accipiant, cum & ipsi approbationi suæ diem nullum adscripserint, quasi vel nunquam à se scriptam significantes, vel diuinitus, non humanitus, æternitate, non tempore conscriptam. Cum ergo statuerint singularem illam Sirmondi maledicentiam & superbiloquentiam, cui nulla rerum aut verborum indignitas abest, à sanctitate non abhorre; minimè mirum, eos doctrinæ errata, quæ rudiores facile fugiunt, non agnouisse, cum foedissima morum vitia, quæ in quorumvis oculos incurrunt, non agnouerint. Ego verò, si qua dubitatio esse posset quin Sirmondi doctrina erronea, nostra antiqua & Catholica sit, cum Amplissimæ Facultati, cuius isti approbatores nomine abutuntur, honorem haberem, ut nec librum ab iis laudatum damnare, nec ipsorum iudicium eleuare fas mihi arbitrarer. Cum verò ea de re nec Scripturarum Patrumque perpetua & clarissima autoritas, nec Theologorum cōsensio dubitare sinat; nemo, opinor, vitio vertet, si duobus adolescentioribus Theologis, à cæterorum omnium mente diiunctis, non plus tribuam, quàm Ecclesiæ Præsulibustribuendum est, quos SS. Patres in aperta & minimè dubia hallucinatione audiendos non esse monuerunt. Nam & in Sorbonæ Scholis Magistri publicè profitentur Sirmondi dogmata hæretica esse. Quod nunquam facerent, nisi pro certo hæretica arbitrarentur. Esset enim temeritatis, doctrinam non manifestè conuictam, quæque commodè defendi posset, hæreseos damnare. Ea ergo quæ planè ac perspicuè hæretica in publico Parisiensis Facultatis auditorio pronuntiantur, non modò à Facultatis illius Theologis non animaduerti, sed pro veris integrisque laudari, ne quid grauius dicam, & iis qui ita censuerunt, & Facultate, cui illudunt, indignum est. Quid, quod Antirrheticus pleraque totius Facultatis, & Illustrissimorum

Tt



Galliae Praesulum Censurae capita violauit? Vnde quemadmodum Sirmondi doctrina, sodalium atque ipsius quodammodo societatis sententiis praefocata est; ita horum approbatio non meo, sed tum singulorum Parisiensium Theologorum, tum vniuersae facultatis solenni iudicio antè est damnata, quàm nata. Atque hoc fuit causae cur Antirrhethici approbandi veniam à facultate non petierint, ex Academiae lege. Nec enim placitum sperarunt, ut is liber approbaretur, qui tot nominibus ab ipsa damnatus, sine ipsius contumelia probari non posset. Quamobrem laudanda atque in primis colenda Eminentissimi Sorbonae Praesidis prouidentia, qui pro altissima illa mente qua maioribus incunabit, minora non spernit, cuncta complectitur ac supereminet, in Theologorum ordinem temerè asciscendos olim non putauit, praecipuè iuniores, quamcumque Scholarum peritiam & argutiam praeseferrent, nisi vlu, maturitate, & facultate aliqua insignes, qua honorem non tantum ab ordine illo accipere, sed illustrare, atque adeò refundere possent. Non enim docti quiuus tantae facultati idonei; sed habendus doctorum delectus: secernenda non tantum imperitia, sed etiam mediocris eruditio, quae plerumque inscitiae periculosa est: excludenda non tantum vitia, sed etiam minus firmata virtus, minus spectata animi indoles; ut in eam velut in praetoriam ac regiam cohortem, non nisi probatissimi ac selectissimi quique adscribantur, qui nec errorum verisimilitudine capi, nec cupiditatum specie moueri queant; in diuinaque veritate ac virtute defixi, non minus moribus, quàm scientia Theologi sint.

Talibus Antirrhethici nulli imponent, quacumque specie errores exhibeant; seu enuntient apertè, seu perplexis sermonibus obscurant, seu liberè fateantur, seu profiteri non audeant; seu arte, seu fiducia vtantur. Quas ego omnes Sirmondi machinationes (quoniam omnes expertus est) ita repello, Lector, ut nihil propemodum adhibeam nisi Patrum & Ecclesiae non modò sensum, sed consensum. Ut enim penè vbique hoc facere possem, commissum est incredibili aduersarij leuitate; qui dum antiquitatem in ore habet, sic ab ea auersus est, ut vix quicquam erret, quod illa vniuersa non respuat, & quae reprehendit, fraudumque ac tergiuersionum nomine insectatur, ea ferè sint Patrum ac Theologorum ipsissima decreta. Vnde nihil mihi propemodum addendum fuit de meo, sed referendae tantum Patrum voces, & testificandum quid scripserint. Qua facillima expeditissimaque ratione illud me planum fecisse arbitror, aduersarium vel antiquitatem per meum latus de industria petere, irridereque; vel ex veteribus, in quibus conuenit, manuscriptis, nihil nisi illius ignorance didicisse.

Atque hoc loco appellandi mihi sunt nonnulli, qui Sirmondum, nescio quibus eius artibus inducti, humanitate & eruditione praeditum putant. Non rogo ut meis verbis plus fidei habeant, quàm sibi. Illud peto, ut vel de hac controuersia alios iudicare patiantur, vel, si quas iudicandi partes sibi sumant, ne ex opinionum suarum praedictis, sed ex ipsa re statuam, postquam eam diligenter intelligenterque explorarint.

Quod si pristinam ipsorum de Sirmondo existimationem ratio & veritas mouebunt; si fraudum frequentia, audaciæ, iracundiæ, maledictiæ magnitudo, parum in eo humanitatis, errorum & hallucinationum densitas parum eruditionis inesse docebunt, ne repugnent; sed æqui agnoscant, quod pluribus exemplis compertum est, esse qui ad nomen & famam, quam non meruerint, nescio qua sorte perueniant. In qua tamen possessione, licet iniusta, tamdiu sanè relinquantur, quoad illa contenti fuerint. Vbi verò ea abuti incipient ad eorum rerum doctrinarumque perniciem, quarum opinione illam sunt adepti; nihil æquius, quàm vt grauiorum virorum iudiciis ab ea exturbentur.

Hac verò in re explananda fidem, ni fallor, meam, Lector, agnosces. Operam dedi ne minùs in disputatione mea candorem reperias, quàm in doctrina veritatem. Scelus facere mihi viderer, si alteram ab altera dijungerem. Non enim fallacia aut mendacio vera doctrina defenditur, sed polluitur, ac proditur. Nèc est probabilius vllum erroris argumentum, quàm eius qui illum tuetur, insincerus animus, ingenijque calumniæ. Quis enim credat eum veritatis patrocinium suscepisse, qui illi fraudem facit? Itaque si quid eiusmodi in responsione nostra deprehendes, non recuso quin ex eo de tota re sententiam feras. Sin autem nostram in Sirmondo refellendo religionem probabis; illius verò in me strophas passim ita perspicies, vt dum fraudes nostras insimulat, eas singulas pluribus suis, multoque verioribus, venetur; tuum erit, Lector ex vtriusque armis & insignibus discernere cui quisque militet, errori an veritati; fidei an fallaciæ. Quare duarum cautelarum quas habui, vt singula eius dicta ordine prosequerer (etsi vniuersa illius orationi meæ non inserta, vt ante hac consueui, ne noua ista conuictorum ipsius proluvie eam inficerem) vna hæc est; vt illius fautores intelligant, nos non generalibus inanibusque verbis, quibus probatio nulla subsit, de illius vitiis prædicare; quæ ipsius in nos consuetudo est; sed nominatim, & intento quodammodo in singula digito, continuas eius labe ostendere. Altera est, vt non tantùm dictis, sed etiam factis refutem solennia eius effugia, turpissimamque illam in primariis controuersiæ locis taciturnitatem. Vt enim illius in maximis quibusque reticendis culpam quàm longissimè fugerem, ne minima quidem eius vlla prætereunda existimaui.

Quod tamen ita factum est, Lector, vt tuæ in primis paciëntiæ ratio habita sit. Quàm breuissimè licuit rem confeci: sic tamen, vt non modò tibi, sed & rei quam suscepi, satisfacere studuerim. Nec enim existimaui te Sirmondi consuetudine delectari, qui silentium pro breuitate accipit, nihilque dicendo breuem se visum iri putat; & eos qui aliquid dicere conentur, longos verbososque habet; atque ex hac norma orationem nostram, cuius copia obruitur, prolixitatis accusat. Quamquam est cur breuiloquentiam eius miremur, qui trium litterarum dictione, vnica vocula, non, tantum errorum & hæresum concludere potuerit, quantum Antirrhethici duo explicuere, & quantum nemo alius diuinasset: vt eum qui tot mysteria tam paucis litterulis, quasi *λακωνικῇ συντάξει* sit

complexus, Theologum Laconem dicere liceat. Sed videre debuit ne solertia breuitatisque istius laudem extingueret, perpetua quædam & affectata Antirrhethici loquacitas. E contrariis enim vitiis prodigiosum quendam in modum est conflatus, sterilitate & redundantia; necessariorum rerum sterilis & inops; alienarum & intempestiuarum plenus ac diffluens: quemadmodum singulis locis à nobis animaduersum est. Ex quo intelligitur Sirmondum studio ac voluntate loquacem esse; necessitate & inopia tenuem ac restrictum. Nam orationis ac librorum prolixitatem, quam opportunis & commodis rebus assequi non potest, collectitiis & intempestiuis præstare conatur. Unde fit, ut qui de suo exilis esse solet, de alieno longus sit ac vastus. Nam è Gallia Synodis, quas vno iusto volumine complecti potuit, tria volumina miris effecit artibus; ut non tam Conciliorum illorum Collector, quàm diductor, ut sic loquar, & dilatator habendus sit. Mihi igitur, qui non modò parerga aliunde non accersio, sed ne ea quidem quæ de argumento meo dicenda suppetunt, omnia expono, quemadmodum lectorem sua sponte intelligere existimo, & posteriora quæque scripta nostra abundè docent, loquacitatem ab eo objici, qui eam in votis habet, & omni studio consecratur, nihil aliud significat nisi accusatoris animum veritatis penuria ad quiduis fingendum paratum quo sub alienis accusationibus sua vitia occultet.

Quare fateor ex vniuerso Antirrhethico nihil mihi iucundius accidisse, quàm quod constitutum sibi ait altercandi finem in posterum facere. Quid enim optatius, quàm ab eius tandem disputationibus liberari, qui nec tacere, nec loqui potest? qui nihil agit, nisi ut famam temerè in discrimem adductam, technis ac præstigiis expediat? qui denique rerum, quas imperitissima confidentia contaminat, centesimam partem non capit? Sed vereor ut ea fide hoc impleat, qua pleraque alia quæ vanè pollicitus erat, inficiari non erubuit. Quis enim credat, eum ex animo silentium spondere, cum ideo silendum sibi dicat, ut Apostoli voci obtemperet, sicut hæreticum hominem, ita Anæreticum post vnam & alteram correptionem vitari iubentis? In quo, quod me hæreticum hominem obscurè vocat, cui nullam hæresim, ne dicis quidem causa, toto Antirrhethico obiecit, est soliti pudoris eius & ingenij. Videlicet voluit vicem referre: ut quia ego doctrinam eius hæreticam notavi, ipse, ne quid cederet, memetipsum hæreticum esse recriminaretur. Sed cum ego in eius personam, cuius sunt plures opiniones, non à me, sed ab omnibus hæreseos damnatæ, nihil tale vnquam protulerim; perspicuum est, eum veras reprehensiones meas, fictarum contumeliarum atrocitate vicisse. Explosa igitur illiberali ac retusiore, quacumque ex parte spectes, conuitio, cuius nullam habuit causam, nisi ut inanem vindictæ libidinem expleret; perinsulsum est dicere, se *Anæretico* ampliùs non responsurum, quod Apostolus post vnam & alteram correptionem id fieri vetet. Semel enim ei respondit: Quare si Apostoli consilio parendum, putat, iterum ei respondeat, necesse est, ne ante vnam & alteram correptionem eum deuitet. Itaque de pollicitationis tam debili funda-

mento nixę stabilitate iure ambigi potest. Quod si dicere voluit se huic libro meo non responsurum, malę auguratus est eum *Anareticum* fore. Est enim *Orthodoxus*. Nam quoad sperare licuit errores, qui per imprudentiam excidisse videbantur, sanari eripique ipsi posse, illis *Anareticum* opposui; hoc est librum hæresum & expertem, & expunctorem. Nunc vbi eum obfirmatum, inuitisque omnibus superbę errantem video, & nihil magis metuentem, quàm resipiscere; ne errasse videatur; illo sibi ipsi; diuinisque iudiciis dimisso, *Orthodoxum* edidi, cui Ecclesię doctrinam tantum tueri, Patrumque traditionem confirmare propositum est. Ceterum quoquomodo illam Apostoli de silendo legem, sponsionemque suam interpretetur, nihil est cur se vlla religione prohiberi putet; ne deinceps respondeat. Si enim morem suum tenuerit, minimę dubium est, quin ita responsurus sit, vt non potius respondere, quàm silere; nec me urgere, quàm fugere deuitareque videatur. Quo autem liberius id, si lubeat, facere possit, moneo ac denuncio, me, quo consilio vti nunc constitueram, si per eum licuisset, eo posthac vsurum, vt Antirrheticos, si quos in posterum edet, qui plus silentiorum quàm responsionum habeant, præcipuaque omnia, quę ferre non possint, dissimulent, confutatione dignos non putem, publica que ignominia extingui sinam, si modò nouę hæreseos nihil pariant. Contentus sit priuatis peccatis, insitiis; hallucinationibus, paralogismis, calumniis, contumeliis; quas quo magis inmerenti impinget, eo magis ipse merebitur. Ecclesię doctrinam, si nostra citos & quietos cupit, ne attingat. Nec enim feram esse qui res diuinas conturbet, non esse qui vindicet; exemplumque in primis Ecclesię necessarium edam, ne perpetuo Catholicorum consensu rata fixaque dogmata, eorum temeritate in dubium adducantur, quorum maxima eruditionis pars est veteres schedas manuscriptosque conquisiisse, vt Criticorum nomen inuenirent. Quod studium vt non reprehendo, si adsit rerum peritia minimę vulgaris, graue iudicium, minimę audax, minimęque vana mens; ita eos, qui his destituti præfidiis antiqua scripta scrutantur, non aliter vtilem Ecclesię operam nauare posse reor, quàm si ea quę è latebris eruerint, ad peritiores deferant; ipsi verò notatiorum, & quod Augustinus de Iudæis ait, *capsariorum* munere fungantur. Quem in numerum non sum nescius Sirmondum detrudi nol-  
le. Sed quo maior haberi cupiet, eo errorum suorum, qui iam eò peruenere, vt regi nequeant, culpam & dedecus augebit, ex illo Christi iudicio; *Si cæci essetis, non haberetis peccatum. Nunc verò dicitis, quia videmus, peccatum vestrum manet.*

S. Aug. in  
Psal 40.

Joan. 9.



ERRORVM ET HÆRESVM IAC. SIRMONDI,  
duobus maximè Antirrheticis expressorum

S Y N O P S I S.

I. Patres verticis vñctionem in Baptismo à ministris, & frontis in Confirmatione ab Episcopis fieri solitam, vnam eandemque habuisse, & eiusdem efficientiæ. II. Antirrh. p. 60. 64. Quo errore confirmatur Spongiæ doctrina, quæ harum vñctionum vnam altera suppleri docuit posse.

II. Frontis chrismatione non tribui Spiritum sanctum; huncque effectum proprium esse manus impositionis. II. Antir. p. 23. 55. 56. 58.

III. Chrismationis Episcopalis, quæ in Confirmationis sacramento adhibetur, iterationem innoxiam, seu non præiudicantem Patribus visam. I. Antir. p. 63.

IV. In ea chrismatione situm non esse Sacramentum Confirmationis, sed in sola manuum impositione. I. Antir. p. 69. 70. II. Antir. p. 42. 45. 46.

V. Sine Chrismatione illa administratum pluribus olim sæculis vulgò à SS. Patribus Confirmationis sacramentum sola manuum impositione. II. Antir. p. 19. 26. 46.

VI. eam chrismationem sacramento Confirmationis ab Ecclesia adiectam ornatus solenniorisque pompæ gratia. II. Antir. p. 63.

VII. Frontis vñctionem, quæ in Confirmatione fit, ad Baptismi ceremonias olim pertinuisse. II. Ant. p. 26. 76.

VIII. Confirmationis sacramentum sine chrismate consistere posse more antiquo. II. Ant. p. 72.

IX. In Confirmatione Spiritum Sanctum manus impositione etiam nunc dari, more antiquo. Id est, sola manus impositione, non chrismate; quemadmodum olim factum censet. II. Ant. p. 71. 75.

X. Posterioribus sæculis aliam, quàm antea, sacramenti Confirmationis materiam, aliam formam esse cœpisse. II. Ant. p. 63.

XI. Formam verborum, qua Ecclesia in hoc Sacramento utitur, *Signo te, & Confirmo te*, non antiquissimam videri. II. Ant. p. 64.

XII. Eam formam, si propiùs inspiciatur, nihil habere quod Spiritus sancti donationem sonet. II. Ant. p. 65.

XIII. Eam spiritum sanctum conferre non posse, quòd enuntiationis absolutæ, non orationis speciem præferat; Cyprianus autem & Augustinus testentur, Spiritum sanctum per Episcopi orationem & manus impositionem dari. II. Ant. p. 65.

XIV. Patres Græcos, quia manus impositione carebant, sacramento Confirmationis caruisse. Quod audacissimum commentum, Guidonis Carmelitæ nomine, falsò ac fallaciter spargit. II. Ant. p. 51.

XV. Chrtismationem Episcopalem, è qua sacramentum Confirmationis constare docet Ecclesia, commissam olim vulgò presbyteris ab Episcopis quibusvis I. Ant. p. 66. 64. II. Ant. p. 27. 28. 29. &c.

XVI. Non solum presbyteris, sed etiam diaconis passim & sine necessitate commissam, & ab illis, ut ordinariis ministris, non ab Episcopis, tradi consuevit. I. Ant. p. 69. II. Ant. p. 38.

XVII. Id factum toto ferè Occidente, Romanis Pontificibus frustra reclamantibus; aduersante etiam priorum omnium seculorum consensu & consuetudine. II. Antir. p. 19. 26. 27. I. Ant. p. 65.

XVIII. Romæ etiam permissum à Syluestro Papa presbyteris frontes ungere, ut Episcopi solebant. I. Ant. p. 67. 68. Quod tamen recantauit. II. Antir. p. 27.

XIX. Perpetuū apud Græcos morem fuisse, ut presbyteri Episcopalem frontis chrismationem peragerent. I. Ant. p. 66.

XX. Ridiculum spectaculum fore, si Episcopus hominem in baptismo non chrismatū remittat ad presbyterū, ut eius verticē chrismate unget. I. Ant. p. 59. Quod tamē in ordine Romano disertè præcipitur.

XXI. Peruicacem tergiversationem cauillationemque esse, quod omnes Theologi docent, SS. Patres dum manus impositionem nominant, non excludere chrismatis vnctionem; sicut dum chrisma memorant, non excludere manus impositionem. II. Antir. 46. & 49.

XXII. Nihil fingi posse absurdius, ridiculum denique somnium esse dicere ungendo manū imponi, & manus impositionem in vnctione ipsa inesse: contra SS. Patres, ac Theologos, qui permultis iam sæculis sic docuerunt & locuti sunt vno consensu; & contra vniuersam Ecclesiam, quæ id ipsum sentit, & diuturno iam vsu obseruat. II. Antir. p. 38. & 59.

XXIII. Sacramenti Confirmationis duplicem esse partem, manus impositionem & chrismatis vnctionem. Harum rursus duplicem materiam duplicemque formam. Chrisma materiam essentialem esse chrismationis; Confirmationis tantum accidentariam & integram. Ant. II. p. 74.

XXIV. Quoduis Sacramentū deberi totum diuinæ authoritati, eoque ariolari, qui partem eius aliquam ab Ecclesia institutam dicant. Vnde liquet, chrisma, quod ab Ecclesia institutum censet, verè ab eo non haberi Confirmationis partem; ac proinde materiam illius accidentariam fictè ac simulatè dici. Ant. II. p. 74.

XXV. Theologos in scholis recentiores non paucos, ac penè omnes, neglectā, aut secus acceptā ignorataque manus impositione, Confirmationis vim in sola chrismatione collocasse; vituperandumque Aurelium, quod iis consensisse videatur. II. Ant. p. 60. & 65.

XXVI. Suā doctrinā scholam Theologicam multis magnisque difficultatibus expediri, quibus nunc conflictatur; eiusque obscura multa & tenebris oblita elucescere. II. Ant. p. 73.

XXVII. Matrimonia fidelium olim adulterio soluta significat. II. Antir. p. 13. contra Concilium Tridentinum, sess. 24. can. 5.

T c iij

XXVIII. Canonum collectores sacros Canones suo arbitratu rescuissse, mutilasse, auxisse, in contrarios sensus mutasse, si quid inesse videbatur, quod à sæculi sui moribus abluderet. I. Ant. p. 84. Hoc eos fecisse Ecclesiæ autoritate, sicut veteres Iurisconsulti Imperatorum iussu inutilium legum luxuriam & vitia rescuerunt. II. Ant. p. 130. 131.

XXIX. Synodum Nicænam II. Oecumenicam non esse scripsit in tomis Conciliorum Galliæ.

XXX. Synodum Arelatensem II. intextis plurimis falsis Canonibus à se corruptam fatetur, ad grauissimam ea de re Aurelij reprehensionem obmutescens. Vid. Anæret. p. 458. 459.

XXXI. Concilio Francfordiensi sub Carolo Magno canones LVI. affinxit, nullo authore, & à Synodo illa multis nominibus alienissimos.

---

LIBRI HVIVS CAPITVM, ANTIRRHETICI  
CAPITIBVS OPPOSITORVM  
SYLLABVS.

IN CAP. I.

Sirmondi de Scriptoribus laruatis fabulæ. Id nomen vel ab Aurelio remouendum, vel in nominatissimos Iesuitas conuenire. Sirmondum ipsum non modò laruatum fore, sed planè laruam. p. 503.

IN CAP. II. Sirmondi silentia, quibus vniuersam de Canone Arausicano disputationem tandem abiecit. Audacia prædicantis, sententiam suam omnium assensu probatam. Ipsum quadruplci suo iudicio damnatum. Variæ illius cauillationes & fallaciæ de manuscriptis. p. 511.

IN CAP. III. Sirmondus traditam ab Aurelio Canonis interpretationem absurdè dicit omnium iudicio victam, dum eam silentio suo victricem reddit. Eam esse communem constantemque omnium sententiam, etiam manuscriptorum. Eius loquacitas & errata varia in Canonibus Concilij Arelatensis I. p. 518.

IN CAP. IV. Sirmondi de tribus ætatibus ficta & perplexa cauillatio. Orationis eius inanitas in exponenda prima ætate. Hæresis Patrum consensu damnata, Spiritum sanctum chrismate non dari. p. 522.

IN CAP. V. Sirmondi commenta de secunda ætate. Frontis vñtionem Episcopalem presbyteris semper vetitam, nusquam permis- sam. Sirmondi contumelia in Ecclesiam Romanam, cuius ea de re decretis omnes penè Occidentis Ecclesias obstitrissse affirmat. p. 528.

IN CAP. VI. Frontis vñtionem multo minùs diaconis concessam, quàm presbyteris. Ne Chorepiscopis quidem indultam. Sacramentum Confirmationis à SS. Patribus & Ecclesia Catholica semper in chrismatis vñtione constitutum. Contrariam Sirmondi sententiam, Patrum, Conciliorum, primariorumque ipsius sodalium consensu hæreticam esse. p. 539.

IN CAP. VII. Tertiæ Sirmondi ætatis vitia & confusio. Posteriorum omnium temporum Patres, Scholæ etiam Theologos, sacramentum Confirmationis in manus impositione & chrismatis vñctione collocasse. Chrismate Spiritum sanctum dari docuisse. Ecclesia à Sirmondo Confirmationis Sacramento spoliata, inscitieque damnata. Spreti etiam Illustrissimi Gallia Antistites, & sacra Theologiæ Facultas Parisiensis. p. 557.

IN CAP. VIII. Sirmondi latebræ, quibus vel hæreticam doctrinam suam, vel seipsum, tegere conatur. Inscitia, qua in Scholasticam disputationem se committit. Chrisma ne integrantem quidem Confirmationis partem ab eo verè agnosci, sed fingi temporis causa. p. 570.

---

IN ANTIRRHETICI PARTEM  
ALTERAM. pag. 578.

IN CAP. I. Infulsæ Sirmondi nugæ de Plauto. Omnia, quibus Aurelium accusat, ipsum multo grauius & absurdius facere, dum accusat. Stolidæ eius facetiæ. p. 579.

IN CAP. II. Frigidæ Sirmondi ineptiæ in eludendo indignorum compendiorum crimine, quibus vniuersas responsiones meas falsauit. Loquacitas de titulo Innocentij epistolæ ad Synodum Toletanam; ea-que de re multiplicatæ fallaciæ. p. 581.

IN CAP. III. Gratiani emendatores secundum Aurelium pronuntiasse, negationem tollendam è Canone Arausicano. Eorum defensio à Sirmondi contumeliis. p. 585.

IN CAP. IV. Isidorum negationem non agnouisse. Merlinum, eiusque editionem immeritò despici à Sirmondo, & ludibrio haberi, itémque omnes alios, qui ab ipso dissenserint. p. 589.

IN CAP. V. Maledica & intemperans Sirmondi loquacitas de Crabbi marginibus. Aberrationes eiusdem, & imprudentia. p. 594.

IN CAP. VI. Sirmondi fraudes, in Cassiodoro, Petro Damiani, Hieronymo. Ineptiæ eius de nomine Petri Damiani, & Hugonis de S. Victore. Hæresis negantis Synodum Nicænam II. esse Oecumenicam. p. 597.

IN CAP. VII. Sirmondus Patres contemnit. Inscitia eius in exponendis Canonis sui Francfordiensis verbis, *de beneficijs*. p. 604.

IN CAP. VIII. Improbæ Sirmondi opinio de refecatis mutatisque de industria per collectores Synodis & Canonibus. Vera sententia vindicata ab eius calumniis. Falsa illius asseueratio de Clericorum *basba*. p. 606.

IN CAP. IX. Calendarum Ianuariarum superstitiones variorum locorum ac gentium expositæ. Antisiodorensis Canon à temeraria Sirmondi interpretatione vindicatus. Eius lectio restituta. p. 613.



IN CAP. X. Sirmondi vitiosa editio Canonis Aurelianensis demonstrata. Reiectæ fraudes. Canones LVI. Concilio Francfordiensi ab eo impositi. p. 617.

IN CAP. XI. Frontonem Duczum de Canonis Arausicani lectione cum Sirmondo dissensisse. Miræ in ea re Sirmondi versutix. Ridiculæ devocula *semel* ac de *pariculo* dissertationes. Perpetua *ἀσυνλογία*. 622.


IN CAP. XII. Sirmondi epilogus tautologus, antilogus, intestinis pugnis, & ineptiis insignis; verum denique Antirrhethici breuiarium. Admonitio ad Sirmondum ut silentium diu debitum tandem persolvat, si possit. 626.

*Antirrheticorum maledicentia & impotentia*

SPECIMEN.

*Ex quo lector Sirmondi pudorem agnoscat: qui cum prior convitari ceperit; & ita convitari, ut nihil tanta procacitati simile ipsi sit relatum; tamen Aurelij in se maledicentiam vltro queri & accusare non dubitat.*

In Præf. I. Antirrheth. *Aurelium* dicit larvatum Theologum. Ib. mali augurij volucrem. Pag. 4. Immodicæ sub larua maledicentiæ reum. Ib. immodestum & iniquum. Pag. 26. Mentis & iudicij inopem. Pag. 48. Tumidum ac turgidum inani ostentatione, non scientia Theologum. Pag. 60. Auribus animisq; omnium absurdum. Pag. 80. Insanum. Pag. 88. Immanium ferarum atrocitatem, vrsorum ac tygridum leonumque ritu exprimentem. Ib. insanum. Pag. 82. Pessimum coniectorem. II. Antirrheth. præfat. Insanum. Ib. Delirum. Ib. Mente captum. Ib. Desipientem. Mentiri ac mendacem esse sæpissimè. Pag. 10. 79. 92. 112. sæpius. 113. 123. 124. 138. 144. 147. &c. Furi eum comparat, se carnifici. Pag. 78. Antiquum pædotribam, 79. Truculentum, militē, gloriosum, Pseudolum, 80. Triformem chimæram, 81. bardum & stolidum, 105 hebetem, stupidum, Boeotiæ vernulam, 106. stipitem, insanum, pingui iudicio, 109. stupidum & hebetem, 110. stolidum interpretem, 111. malignum interpretem, 113. stultum & incautum, 114. stupidum hermam. Ib. hebetem, bardum, vafum, 116. Non sanum caput, 119. Peruerso animo, 124. Fraudium artificem & architectum, insanum, 124. 125. stultum, 127. delirum, 137. Impostorem, 145. inertem & peruicacem, 148. Imperitum & peruicacem, 150. sicarium & parricidam, 153. Esse in illo inertiam & ignauiam, fraudes, effugia, cauillationes, calumnias, *ἀσυνλογία* denique & temeritatem & insaniam, 154. Insanum, 156. 157.



# ORTHODOXVS


## ADVERSVS

### IACOBI SIRMONDI

#### ANTIRRHETICVM II.

#### IN CAPVT I.

*Sirmondi de Scriptoribus laruatis fabula. Id nomen vel ab Aurelio remouendum, vel in nominatissimos Iesuitas conuenire. Sirmondum ipsum non modo laruatum fore, sed planè laruam. Orationis eius leuitas, & confusio.*



QVOD institutum disputationis nostræ ordinem commutasti, reiectis in postremum locum quæ prima fuerant, iisque ipsis *ut ego, tu ego* inuersis, non arguo, Sirmonde. Iure tuo fecisti. Qui enim ad res summas perturbandas accedebas, decuit ut perturbationis huius imaginem in ipsa disputationis facie depingeres. Illud miror, cur statim in limine à tuo isto consilio desciscas, & quæ de laruatis Scriptoribus à te iniecta, à me responsa fuere, ea non cum aliis ad disputationis calcem, sed ad prioris partis ipsam frontem, quam Sacramento Confirmationis Canonique Arausicano destinasti, excutienda transtuleris. Deinde cur omnia ad eam rem spectantia non sis complexus, cæterisque meis responsis fallaci silentio interceptis, in vnum illud impetum feceris, quod laruatorum scriptorum nomen mihi à te obiectum in sodales tuos, teipsumque reiecerim. Nimirum cum cauillationem istam, in qua iactaras te & exultaueras, penitus obtritam, omniumque irrisioni addictam videres, teneri non potuisti, homo animosus, quin ad eam subleuandam protinus erumperes pudorque tuo qua quæratione medereris. *Dubia* \* inquis, *& anceps* a P. 1. & 2. *fuit nostra & aliorum expectatio: quo tandem furo laruam istam, quæ tibi non immerito exprobrata videbatur, dissimulandam, aut qua ratione purgandam sperares. Scilicet obscurum fuit, quo pacto retunderem improuidam Iesuitæ*

reprehensionem nominis mei dissimulationem carpentiscum in promptu esset responsio, sexcentos Iesuitas id fecitasse. Quæ ratio ita obuia erat & aperta, ut te ipsum poenitere putem in hunc locum incurrisse unde honestè nunquā emerges. Quid enim clarius, & aduersus præstigias omnes illustrius, quàm malum esse accusatorē, qui quæ in se ac suis probet, in aliis criminetur? Quid cæcius? quàm eā inuidiæ flammam in me conijcere, qua sodales penè vniuersos teque vnà conflagrare necesse sit. Nobis igitur potius dubitandum fuit quid ista ingenij copiā comminiscerere, quo te obtegeres in hac saltem parte quando alias defensionis meæ declinandas fugiendæque duxisti. *Iesuitas*, <sup>b</sup> inquis *te imitatum profiteris*. Fateor dummodò aduersario idem quod arguit vicissim obijcere, id sit imitari. Quod si nemo ita hallucinatur; si exceptiones istæ dicuntur, non imitationes; quid iuuat quod te Iurisperitum toties simulas, Codicisque Theodosiani & Iustinianæ enarrandorum emendandorumque fiduciam in hoc Antirrhethico <sup>c</sup> ostentas, si ne notissima quidem artis illius elementa nouisti? Ego verò, si quid boni insit Iesuitis, id imitari nunquam grauabor, Nec enim eos odi, sed vsque adeo amo, ut à perturbanda Ecclesia auertere velim; &, ut pessimè odissem, tamen virtutem etiam in hoste non modò laudandam, sed mirandam existimo.

At tibi ante omnes iniuriam fieri clamas, quod *Notarum Stigmaticarum* Cosmæ Fabricij nomine editarum authorem te dicā; quas a caufidico <sup>d</sup> nescio quo profectas narras. Quid si tu nihilominus earum author? Ecquid vides illos ipsos Iesuitas in quibus refellēdis versabar cum tu in me temere incurristi, nefarios libellos notorum hominum nominibus inscripsisse; Hermannij Loëmelij, Hieronymi Goffar, Nicolai Smithæ? Ecquid meministi Theophilum Raynaudum, sodalem tuum librum nuper vulgasse nomine Augustiniani cuiusdam *Riuierij*; atque item alterum nomine Franciscani *Emonerij S. T. D. & eiusdem ordinis apud Salassios Commissarij*? Nescis multo antè Cardinalem Bellarminum emisisse Apologiam nomine *Adolphi Schulkenij* Canonici Colonienfis? Leonardum Lessium nomine *Guillelmi Singletoni* Professoris Duacensis? quos omnes in Anæretico <sup>e</sup> cōmemorabam. Hoc enim inter vos & alios interest, quod aliorū laræ, inanes & emortuæ sunt: vestræ viuunt ac spirant. Aliæ ludicræ nescio quam veritatis imaginem habent: vestra homines ipsos in laruas vertunt, & ad fallendū ipsa quodammodo veritate abutuntur. Accedit, quod ille notarum stigmaticarū liber typographi tui opera Francofurtum missus fuit, & illic typis excusus, ut dicebam, ac deinde Parisijs distractus. Scriptum autem ipsum minimè caufidicum olet: à te verò ingenioque tuo non abhorret, tuique mentionem facit parcè ac restrictè; ut facilè intelligas eum qui loquitur à sui commemoratione pudore quodam refugere. Quæ omnia, si me ut ais, <sup>f</sup> in ius voces, vide ne apud, & quos iudices eam vim habeant quam præclara tua facundia ferre non possit, quandoquidem iam illam fugere coacta est. Quid enim tergiuersaris? quidue simulas? me librum illum sola fama & auditione tibi ascripsisse; Quod tamen si ita esset non minus mihi liceret

hi liceret ex rumore, vtcumque incerto, *notas stigmatas* tibi impingere, quam tibi ex fictitiis minimeque exploratis, vt fateris, <sup>h</sup> *sermō-* <sup>h</sup> *P. 1.* nibus, quibus de Vindiciarum nostrarum authore hariolaris, certas mihi minimeque ambiguas contumelias toto libro inurere. An enim leues susurros, inanisque fabulas ad maledicendum captare tibi fas erit; mihi non erit ad dicendum, libellum à te prodiisse? Quid, quod in hoc Antirrhético errores ac hæreses, quas in sanctissimum Confirmationis Sacramentum commentus es, dicis à te non tuo nomine, sed aliorum nescio quorum, qui nobis nec cogniti vnquam sunt, nec auditi, prolatas esse? hoc enim multis verbis anxie contendis; ac sunt capita <sup>1</sup> quibus nihil loqueris, nisi scenicas simulatasque aliorum nomine <sup>i</sup> *C. 1. part.* disputationes. Cum ergo ignoti isti homines, persona tua obtekti, dira tragicaque dogmata in orbis theatro, in clarissima frequentissimaque vrbiū Lutetia, pronuntient; quis neget te dicendum, non iam larvatum scriptorem, sed planè laruam, non ex alienis libris tibi inuito ascriptis, sed ex eo Antirrhético quem penè quadriennium, vrsa tardior, finxisti. Quare causa oratioque mea, quod ad te attinet, clara & expeditissima est.

De sodalibus tuis res est etiam facilior. Prorsus enim eos destituis, deque eorum causa te dicturum <sup>k</sup> negas; si rem spectemus, cautè ac <sup>k</sup> *P. 2.* rite: Quid enim meridianam lucem oppugnes? si tuam, eorumve famam, miserè ac turpiter. Nam quid turpius, quàm adduxisse in discrimen, mihi que confingendos obtulisse, quos defendere non audeas; nedum eripere possis? Quod enim transiens ais, me alienos iis libros in meo Indice <sup>1</sup> *vel incerta fama, vel aperta calumnia* tribuisse; quid tandem <sup>l</sup> *P. 2.* aliud est, quàm eos mihi rursus premendos conuincendosque objicere? Quid enim facilius, quàm defensionem istam debilitare ac frangere, cum Cardinalis Bellarmini, Scribanij, Lessij, Petauij, Theophili Raynaudi, Bineti, Floydij, & aliorum libros commemorarim <sup>m</sup>, quos <sup>m</sup> *In Indi-* <sup>ce</sup> *II.* vel ipsi professione sua, vel sodales publica scriptorum suorum testificatione <sup>n</sup> agnouerunt? Quod cum ita sit, quid superest quàm vt fateare quod dixi, vel mihi vitio dandum non fuisse, quod nomen mutauij <sup>n</sup> *Ribade-* <sup>n</sup> *neira in lib.* vel sodales tuos, qui in eadem sint causa, in eadem culpa hærere? Non <sup>de script.</sup> video quid hoc loco amplius desiderari possit. An igitur petorandum <sup>societ. &c.</sup> est? nequaquam. Latiore enim deinceps dissertatione exspatiaris: <sup>o</sup> cuius hæc est summa; non omnes qui nomen celant, larvatos esse <sup>o</sup> *P. 4. & 5.* scriptores: sed hoc nominis in eos tantum conferendum, qui sine idonea causa id faciant. Quem ergo iuuat hæc eloquentia, vel cui aduersatur? Sodales tuos certè non iuuat, cum non probet eos iusta de causa nomina celasse. Mihi non nocet, cum sine recta causa me id fecisse non doceat. Ita enim à probando abes, vt ne dicas quidem planè, sed tantum innuas nos idoneam reticendi nominis causam non habuisse; illos habuisse. An ergo statuemus, longissimum tanti oratoris laborem inutilem ac nugatorium esse, in nihilumque recidere? Magnum ex ea re dolorem caperes. Quem vide an minuam. Dico

Vu



enim laborem tuum perutilem esse, & quidem non ad nocendum, sed, quod honestius est, ad iuuandum. Mihi enim utrimque patrocinaris, tum quod nihil pro sodalibus, tum quod nihil contra me probas. Cum enim sodales non purges, cum eorum innocentiam post tot annos demonstrare non possis; certè exceptionem confirmas, qua te repuli ab eo conuitio mihi inferendo, quod vnà cum iis ipse mereris. Cum verò nihil etiam contra me probes, cum non explanes, cum non coarguas me deteriori vlla de causa nomen tegere instituisse; quis dubitet quin me crimine liberandum absoluendumque declares? Quis enim nescit, reum missum fieri, & in integrum restitui oportere, vbi accusator obmutuit, criminique fidem facere non potuit? Quare noli posthac minari<sup>1</sup> quemquam mihi larvam detracturum, quam iam detraxit oratio tua. Laruatorum enim scriptorum numero me exemit, singulari ac benignissima ratione, nomine meo nihilominus tacito ignotoque remanente, ut fuerat. Quorsum igitur proluxa<sup>2</sup> declamatio de iis qui ob turpes honestasve causas nomina siluerint? An ut pateat te dilatandi argumenti amplificandique scientiorem esse, quàm probandi, & in ista scribendi tenuitate verbum? Quid autem laruas laruosque scriptores alibi quæris, cum disputatio tua doceat te laruarum aduersarium esse, quandoquidem sub aduersarij vultu ac simulacro defensorem te nobis patronumque exhibueris?

Nihil iam necesse est loquacissimæ orationis tuæ partes singulas premere, postquam vniuersam vno impetu deiecimus. Verendum enim est credo, ne quis moueatur hebetiore illo figmento, cum ais, <sup>1</sup> me, ut laruati Theologi crimen effugiam, laruos haberi velle omnes, quicumque lucubrationes suas tralatitiis nominibus ediderint. Quod ita perspicuè falsum est, sibi que ipsi contrarium, ut ista potissimum ratione me iugulassem. Quid enim clarius, quàm me laruati Theologi nomen recusare non posse, si omnes qui ascriptitiis titulis sua scripta ediderint, hoc nomine afficiendos esse contenderem? Quod si ego tam cæcus essem; quanto tu cæcior, qui relum istud à me traditum, quo me certius quam tuo villo conficere posses, rejicis ac repellis? Toto enim orationis feruore inueheris<sup>2</sup> ad refutandum dictum istud, quo, si meum esset, ut simulas, nullum esse poterat ad me opprimendum valentius, & iccirco nullum à te arctius teneri oportebat. Quid ergo verius, quàm inter acutum ratiocinatorem & Sirmondum plurimum interesse?

Quid dicam de inuidiosa enumeratione eorum<sup>3</sup> Qui ut venena impune spargerent, speciosa nomina personasque induerunt, ut Calvinus Alcuini, Pelagius Rufini, & Prædestinarianorum nescio quis Augustini? In quo si mihi odium conflare voluisti, vide ne tibi potius dedecus conflaris. Alienissima enim à re exempla protulisti, nec vidisti quid intersit inter eos qui illustrium personarum nomina ementuntur, earumque titulis sua insigniunt; & eos qui arbitrarías sibi ap-

pellationes concinnant. Illi mentiuntur, ac fallunt; hi tantum latent: Illi videri cupiunt certi homines, alique ac sunt; hi prorsus nulli. Nemo enim eorum consilium aliter accipit: quam ut agnosci nollint. Itaque rem confudisti, & aberrasti à scopo. Ego enim nullius proprium nomen arripui, sed factitio usus sum; atque ita meo. Suum enim cuiusque inuentum maximè cuiusque proprium est. Vide ne ista exempla aptius cadant in eos sodales, quos modò declaravi, veris certorum hominum nominibus sua scripta fuisse; vel in te, qui hæreses erroresque tuos Arausicanorum Patrum nomine prætexis. Quanquam non quæro quis Prædestinatus Augustini, quis Pelagius Rufini nomen unquam induerit. Quod tibi ad exponendum difficilior fortasse fuerit, quàm ad dicendum.

Illud verò quàm ridiculum, quod ais <sup>u</sup> *Larvas inuentas esse ad licentius conuitiandum & maledicendum*; cum tu aperta fronte maledicentiam omnem, quam mihi, quem laruatum dicis, exprobras, longo intervallo viceris? An ergo nos ad conuitiandum frontem tegimus, tu ad licentius conuitiandum aperis & ostentas? equidem si de laruatis scriptoribus quicquam statuendum est, rectius eum dixeris laruatam scriptorem, qui apertè atque ex professo contumelias profundat, quàm qui operto vultu, nominèque suppresso. Hic enim pudorem aliquem præ se fert: Ille omnem exuit; diductoque ore palam ante omnium oculos furens, larvas quas alius in facie habeat, in mente inclusas gerit. Longè autem leuius ac tolerabilius est, frontem laruatam habere, quàm mentem. Postremò, quid amœnitas illa clausula, <sup>z</sup> *I nunc, & fictos ex omni temporum memoria librorum titulos ad subsidium aduoca. Aut honestam illi causam habuerunt, & ad rem non pertinent: aut nullam nisi turpem, & ad defensionem tuam non faciunt.* <sup>z P. 5.</sup>

Quid si ego lepidæ ratiocinationis cornua in teipsum conuertero, hoc pacto: Vel turpem causam habuerunt, & ad rem non pertinent; vel probam & honestam, & calumniam tuam elidunt; quid dices? Nam mea conclusio eo probabilior erit quàm tua, quòd ab eo qui crimen infert ratio probatioque exigitur; non ab eo qui defendit. Nec verò ego titulos ullos ex superiorum temporum memoria repetitos in medium adduxi, sed eos tantum quos sodales tui excogitarunt; ut efficerem, aut laruari scriptoris nomen temerè in me contortum esse; aut in eos pari ratione torquendum. Quam plagam cum nullo subsidio effugere posses, ad eam saltem obscurandam longum & inutile fictorum titulorum examen à prioribus sæculis accersuisti.

Rursus igitur depulsæ penitusque compressæ sunt imbelles velitationes tuæ de scriptoribus laruatis, quas tanto egisti animo, tot annis adornasti. Verum ut me non tantum tuear, sed etiam expurgem, etsi ad rationem tuam id iam necessarium non est, de me pauca loquar. Vel maledicam in sodales tuos orationem meam queris, vel in te. In te non potes, qui non modò fœdiora in me euo-

7 B. Antir.  
p. 16.

inuisti, quàm ego nec in te, nec in quenquam velim; sed etiam quia id facere cœpisti nulla mea contumelia lacessitus, ut etiam fateris. Si quid ergo paulo iniucundius scripsi posteaquam à te indignis modis acceptus sum; iniuriam expostulare non potes, quam elicuisti. Imò iniuria non est quæ voluntariæ maledicentiæ tuæ merita est pœna, ac velut fructus. Comedendum tibi est, quod intriuiisti. Nemo enim paulo æquioris ingenij ferendum putet, ut iniuriam, quàm prior intuleris, prior querare. Hæc de expostulatione tua. de meo facto, mox videro.

Sin autem sodales tuos contumeliosè appellatos indignaris; alias res agis. De te, non de illis, suscepta est disputatio. Quid tibi cum sodalium defensione, qui in tua fatiscis? Quamquam ne in eos quidem existimo me contumeliæ quicquam scripsisse. Nec me hac sententia deiectum, vel hoc errore, si error est, leuatum adhuc à te, vel à quocumque video. Nam & verè dixi, quæcumque scripsi; & dixi cum causa. Vera autem cum causa dicere, si quis maledicere vocet; is quid sit rectè ac benè dicere, ignorat. Ac primum me vera scripsisse quæ ratione liquidius efficiam, quàm si paratum me profitear tueri & confirmare quodcumque caput, & quancumque rem tu in eos falsò coniectam ostendere voles? Cum causâ verò me scripsisse in pestiferarum doctrinarum publico totius Galliæ, tacito totius orbis iudicio damnatarum vindices, non minorem in Ecclesiæ mores horrendis & inauditis contumeliis, quàm in Ecclesiæ doctrinam sceleratissimis hæresibus pestem inhalantes, omnes diuinæ litteræ, omnis antiquorum auctoritas, constansque Ecclesiæ vñs confirmant. Nam, ne multa hoc loco congeram, sic Apostolus eos qui procaciter Ecclesiæ doctrinæ obstrepunt, durius compesci iubet: <sup>2</sup> *Increpa illos durè, inquit, ut sani sint in fide.* Et S. Pacianus Episcopus Barcinonensis, antiquissimus & laudatissimus scriptor, nouum etiam verbum fluxit, quo magis vim ac seueritatem quæ in tales adhibenda est, exprimeret: <sup>a</sup> *Quos oportet indentari*, inquit, hoc est mordicus inuadi, & tamquam dentibus confici. Ac ne homines ab Ecclesia nondum deiectos, isto modo accipiendos neges, dum hæreticorum mores & facta imitantur; Scito, actiorem in hos esse consueuisse Ecclesiam, & verò esse debere, quàm in hæreticos, & publicos hostes. Hi enim hostes; illi proditores: hi alienorum violatores; illi parricidæ: Quibus sceleribus nulla maiora, nulla seuerius vindicanda, nulla indulgentia omni & humanitate indigniora. Quare non minus Ecclesiæ quàm Reipublicæ Romanæ solenne semper fuit, vehementioribus pœnis eueni perniciosum, quàm acerbissimum hostem vlcisci. Nam si Gregorius magnum audimus, <sup>bb</sup> *Nemo amplius in Ecclesia nocet, quàm qui peruersè agens, nomen vel ordinem sanctitatis habet.* Si Coelestinum <sup>cc</sup> *Minor est cura obsidentis inimici, quàm intra mœnia debacchanis.* Si <sup>ioan. An.</sup> *quis ergo vel sodales tuos, vel te, postquam Ecclesiæ doctrinam* <sup>tyoch. con.</sup> *proteruè publicèque vexare cœpistis, fortius vehementiusque* <sup>Ephes. par. 2</sup>

bb In pa-  
stor. p. 1. c. 2.  
cc Celest.  
in ep. ad  
Ioan. An-  
tioch. con.  
Ephes. par. 2

repellendos fuisse neget, is perpetuam maiorum consuetudinem ac mentem damnet necesse est. Nam hoc ita semper habitum obseruatumque fuit: Nec extat exemplum, cuiquam ob hanc causam vel negotium in Ecclesia facessitum esse, vel reprehensionem illatam. Quod si noua quædam urbanitas, & humanior ut sic loquar, disciplina apud quosdam nuper increbuit, viderint qui eam inuenerunt. Nam veræ virtutis grauitatisque Christianæ amantibus, sicut nulla doctrina, ita nulla disciplina non cœlestis, non diuina, non ab iisdem diuinissimis fontibus hausta, vnde fidem duximus, probari poterit. Hæc pluribus quàm vellem differere me coëgit tua intempestiua & superuacanea de scriptoribus laruatis oratio. De quibus si me audis, in posterum silebis, sicut cætera siluisti; omissisque odiosis litigationibus de laruis, hoc mecum statues, & in perpetuum tenebis, illum demùm habendum laruatum Theologum, qui Theologiæ rudis & insolens, sacrorum librorum hospes, leuiculorum tantùm scriptorum sciens, concertationum Theologicarum aleam subire, Theologice personam, quam sustinere non possit, sibi induere audeat, ex eaque re in errores & hæreses à vero Theologo alienas labatur.

Iam verò quod Iesuitas non immeritò timendos dixi, id potissimum, aliis præteritis propulsandum arripuisti. Quid enim sacerdotibus turpius, quàm timeri. Ac primùm ita exaggeras, quasi eos <sup>dd</sup> *vsq; ad P. 5:* *piam gentium narrem Neronibus, Decius, Diocletianus omnibus terribiores existisse:* Deinde ita minuis, ut nemini metuendos, & in eos à quibus lædantur, mites ac placabilesingas. Quorum commentorum vtrum falsius & incredibilius sit, difficile dictu est. Nam sicut nemo credat Iesuitas tanta esse immanitate, ut Neronibus & Diocletianis terribiores extiterint: ita tanta esse humanitate, ut in eos qui ab ipsorum rationibus dissentiant, æquos gerant animos, nullus arbitretur. Prius ergo illud nunquam scripsi sed cum <sup>ee</sup> *tu Neronibus, Diocletianos,* *et I. Antir. pref. Anan.* Decios nullos nunc metuendos dixisses; respondi esse interdum <sup>ff</sup> *priorum* *ff* *Antir. pref.* uatorum hominum insidias, quæ ægrius vitari queant, quàm publicam atrocissimamque principum vim: hanc enim certis locis definiri; illas ubique præsto esse. Non igitur Iesuitarum vllorumve hominum sæuitiam parem, nedum maiorem, dixi, quam Deciorum aut Neronum; sed contrà minorem esse concedens, difficilius declinari posse affirmavi. Hæc prior fraus. Posterior æque aperta. Quo enim ore Iesuitas metuendos negas, cum in hoc Antirrhético <sup>gg</sup> *minas* *gg P. 157.* terroresque intentes non semel, tequè carnificem meum esse vel <sup>hh</sup> *profiteare?* *hh P. 78.* An carnifices metuendi non sunt? præsertim tanta impotentia elati, ut quid agant, quid loquantur, non videant? hæc ergo animi tui orationisque discordia, non tantùm propter ignauiam metuendos docet tui similes, qui Theologicas contentiones in capitales pugnas vertant, calamorumque imbecillitatem sæuitia fulciant; sed etiam propter fraudem & malitiam, quòd altera manu panem, altera lapidem ostendent. Ex quo si



argumentari vellem te Diocletianis ac Deciis illis, quos auersaris tertiorem teipsum fecisse, cum hos carnificum partes sibi in quemquam sumpsisse non constet, non video quo subsidio tantum dedecus effugeres.

ii P. 5.

At ii approbatores mei testes sunt, metuendos non esse Iesuitas. Imò verò testes sunt esse iampridem ad nocendum paratos: qui ab eis, quantum potuere, in iudicium periculumque vocati, experti sunt facultatem iis citius defuisse, quam voluntatem. Ac tu ipse, confidentissime alieni metus reprehensor, his consiliis tua causa initis præfuiti, vltro citroque commans, omnesque tentans aditus, ut eos qui rerum potiuntur in me incenderes, eorumque edictis, cum ipse non posses, Anæretico meo responderes. Quasi ego cum sacro-Sanctis potestatibus de Canone Arausicano & Sacramento Confirmationis certamen suscepissem, non tecum: quem æquius erat, si te imbecilliores imparumque sentires, imprudentiam qua contentione minimè necessaria vltro te implicueras, tacito dolore lugere, quam ei remedium insolentiatione quærere, lummos viros maioribus districtos curis temerè interpellantem, & dedecus tuum non minuentem, sed augmentem. Nam & amicis pudorem conatus iste tuus, & æmulis risum, & omnibus admirationem ac stomachum fecit. Taceo libellos supplices vnà cum fallacibus vindiciarum mearum excerptis summo Consilio olim oblato, ac meritò reiectos; præsertim kk cum excerpta illa paulo post singulatim ac publicè confutata, quibus declaratum est non maledicum, sed veridicum esse Aurelium, nemo tueri ausus sit. Quæ omnia, si quis tibi pudor, si qui sensus est, Sirmonde, adducere te debent, ut quæ inuerecundius de rebus ita notis ac testatis scripsisti, non atramento, sed lacrymis deleas.

kk P. 6.

kk P. 6.

Et tamen non dicebam in Anæretico, quod fingis, ll extimescendum esse ne à Iesuitis in ius vocarer. Non metuendum mihi esse ius sciebam, sed iniuriam; non apertam & legitimam disceptationem, sed vim & insidias. Quas cur non metuerem, cum viri principes interdum metuant? Quos tamen hunc sibi metum non eximere, cum possint, mirum fortasse sit. Me verò mihi prospicere, quæ inuidia est? Cæterum si in legitimo iudicio res ageretur, quid mihi promptius, quid vberius, quam meam causam æquis iudicibus, & neutram in partem errore vel affectu propensis, probare; cum eam Illustrissimorum Galliarum Præsulum sententia, quorum est de Ecclesiæ doctrina, deque ratione ac modo eam tuendi iudicare, sæpius probatam, ac nouissimè vniuersi Cleri Gallicani cœtus non solum amplissimo decreto & elogio, sed etiam gratulationibus per Illustrissimos è cœtu illo Præsules ad varia loca meo nomine publicè factis, commendatam ornatamque viderit Lutetia, & Gallia omnis? Quare libellum famosum, ut ll innuebas, scripta mea nemo sanus adhuc dixit. Nisi forte Illustrissimos Galliarum Præsules, & totius Cleri Gallicani Concilium, famosorum libellorum laudatores dicas, eorumque nomine gratulationes publicè decernere existimes. Quæ tua in sanctissimum amplissimumque ordi-

ll P. 6.

nem contumelia, famosi libelli cuiuscumque petulantiam vincet.

Habes, opinor, ad omnia, quibus in fronte libelli prælusisti, solici-  
tior qua ratione libelli frontem ornares, quàm tuam. Et tamen glorio-  
se concludis in hæc verba; *Quare vide, ac circumspice, si quam alibi defensio-* mm 2. 6.  
*nem reperias, quam oratione mea refellam.* Quis non rideat incogitantiam  
querentis sibi dari quod refellat, postquam toties professus est sibi de-  
cretum esse, mihi amplius non respondere? Non ergo aliunde petenda  
ineptiarum tuarum confutatio, cum tua oratio eam suppeditet, ac hu-  
miliatio tua in medio tui sit. nn In Pref.  
vtriusque  
Antir.  
Mish. 6.

## IN CAPVT II.

*Sirmondi silentia, quibus vniuersam de Canone Arausicano dis-  
putationem tandem abiecit. Audacia prædicantis, sententiam  
suam omnium assensu probatam. Ipsum quadruplici suo iudi-  
cio damnatum. Varia illius cauillationes & fallacia de manu-  
scriptis.*

**O**MNIVM argumentorum quæ in te distringi possint, nullum illu-  
strius, quàm te eò redactum esse, vt cum maximè me refellere stu-  
deres, vniuersam propemodum disputationem meam tacitam inta-  
ctamque præterieris. Quid enim insignius ad perspiciendam veritatis  
vim, quàm flagrantissimum aduersarium, in omnes obtrectandi par-  
tes intentum, nihil post tot annorum curricula reperisse, quod in  
eam mutiret? Oculis, non rationibus opus est ad cernendam hanc lu-  
cem.

Nam quod ais te nostra ferè omnia prætermisisse, vt lectoris tædio  
occurreres, credi patiar, si cuiquam persuaderi queat. Sirmondum ex a P. 7.  
aduersarij oratione quippiam studio prætermisisse, quod commodè  
vellicari posse confideret. Cum verò tua indoles, tuus ille ardor in seni-  
li corpore iuueniliter feruens, res deniq; ipsa id palam refellat; cum im-  
pleueris paginas leuissimis altercationibus de *pariculo*, de *vocula semel*, b P. 143.  
de sexcentis minutis, tum à causa alienis tum sæpè iactatis; cum scru- 149. 150.  
tatus sis Anæretici angulos, nihil, quamuis tenue, relinquens cauilla- 151. 152.  
tioni paullo opportunius, quod studiosissimè non arripueris; quo con-  
silio prædicas te Lectoris tædio laborique pepercisse, cum tuo peper-  
ceris; nisi forte vt doceas, in tanta silentiorum necessitate & angustijs  
tibi defuisse non solum quid diceres sed etiam quid prætexeres? Non  
igitur tegis inopiam tuam, sed magis prodis. Erras, Sirmonde, Accu-  
rata veritatis disquisitione nemini erudito tædium paritur, sed eius ob-  
scuratione: quam silentia tua maiorem quàm quisquam sermo, vel lon-  
gissimus, efficiunt. Nam longa disputatio aliquid saltem explanat, si-  
lentium, nihil.

Sed videlicet orationis nostræ tenebras ambagesque fugisti. Non  
fugiandæ fuerunt, sed explicandæ illustrandæque. Hoc enim periti ad- c P. 7.

d Cap. 5.  
§ 7.

uersarij esse quis nescit; Quas porro Anæretici nostri tenebras narras, è quo lucem sumpisti qua prioris Antirrhethici nebulas abstergeres, quas suis locis notabimus? Quonam modo perpetuæ illic, vt ais, tenebræ, vbi tu lumen inuenisti? Satis igitur liquet si quid tenebrarum tibi offuderit disputatio nostra, eas non alias esse, nisi ipsam lucem, quæ debilibus oculis in tenebras vertit. Longè aliam caliginem Antirrhethico admiscuisti: in quo errorum noctem inuolutissimæ disputationis nocte tegere videris. Difficile est plerisque locis videre quò intendas, quid velis. Mihi quidem accurata lectione agendum fuit, vt id assequerer. Sed tandem perspexi, te, cum rem implicare perturbareque velles; non rem sed orationem tuam perturbasse. Apertos enim errores argumentis minimè exquisitis, vel ad explanandum arduis, sed incondito quodam disputationis genere sepsisti. Quod ego non prædicabo generatim tantum & fallaciter more tuo sed singulatim aperiam, penitusque dissoluam nec accusatoriè querar, sed Theologicè demonstrabo.

e P. 7.

f P. 1.

Quid verò mirum te ad responsa nostra obmutescere, cum etiam de Canone Arausicano inuitus tacere cogare? Primum enim proponis te de illius lectione sententiaque dicturum: *De Canone Arausicano*, inquis, *in quo hæret controuersia nostra, quemadmodum legi explanarique oporteat, priore loco agam.* Deinde de eo agere non audes, repenteque refugis: nec aliud causæ habes quod obtendas, nisi te satis de hoc argumento antea disseruisse, sententiamque tuam omnium iudicio probatam; nec tibi addere quicquam necesse esse? Itaque de Canone Arausicano toto libro verbum non facis, nisi subinde transiens, & raptim? operamque omnem consumis in Confirmationis Sacramento; orationem ne quidem accommodans ad Canonem Arausicanum; quem de industria fugere videris, quasi scopulum ad quem semel nauem fregeris. Cum ergo eum locum, qui caput est, vt fateris, controuersia nostræ, ac de quo dicendum tibi esse constitueras, præteruoles, non obliuione, sed voluntate; atque ita manus des; consequens fuit, vt qui de totius disputationis fonte cedebas, de illius quasi riuulis amplius non contenderes.

Nam quod sententiā tuam omnium iudicio probatam iactas, minus explodendus esses, si illa non cum omnium iudicio doctrinaque pugnaret. Cum verò omnes Conciliorum editores & instauratores tuam Canonis Arausicani interpolationem; Theologi omnes sententiam repudiēt; nimis est audaciæ, id quod ab omnibus dānatum vides ab omnibus probatum publicè asseuerare. Nam & portenti instar habitum est, quod duos approbatores reperire potueris, etsi sodalitatis potentia artibusque subnixus: & tamen, si eorum sententiæ rogentur, falluros puto se ex animo à dogmatibus tuis dissentire, nec ea vera arbitrari. In ea enim tempora incidimus, vt nonnulli ea etiam quæ falsa censeant, probare se posse existiment. Ac ne sodales quidem palam patrocinari tibi audent: & vt commentorum tuorum inuidiam fugiant, se inuitis edita dicunt. Societatis autem principes libris editis ea vno ore hæretica declarant. Vide igitur quorumnam iudiciis comprobata credere liceat, quæ nec Sodales agnoscere volunt, imò celeberrimi quique nobiscum damnant:



nec qui nomina sua eis subscribere, ex animi iudicio suffragantur.

Nam illud quàm improuidè gloriaris, testimonia argumentaque P. 2.  
omnia quæ protulerim, à te reuulla, in meque conuersa: cum proximè  
negaris te omnia mea refellere velle? In epistola verò, & in priore An-  
tirrhético omnia quæ obiecerim euerlà esse, qua mente scribere potest  
cum præcipua sententiæ meæ firmamenta post illum Antirrheticum  
atque in illum ipsum protuleris? Quonam ergo modo ab illo confuta-  
ri potuerunt, quæ post illum sunt edita? Vides ingenium.

Atque vt magis liqueat, qua fronte pronuncies sententiam tuam vel  
à te vindicatam vel aliorum assensu probatam: dico eam à te ipso dam-  
natam, non vno, sed quadruplici iudicio. Nam cum librum tuum so-  
luto demùm Illustrissimorum Galliæ Præsulum cœtu emittere ausus sis,  
certè declarasti te publicam reprehensionem censuramque fugisse. An  
enim doctrinam omnium iudiciis probatam edere verebaris? An publi-  
cos plausus modestus senex, gloriæque minimè amans, fugiebas? Non  
modò igitur omnibus non acceptam sed etiam omnibus inuisam dam-  
nandamque sensisti.

Deinde in tua canonis Arausicani emendatione expositioneque, er-  
roneæ sacrilegæque labes, apertè fallà, intestinæ pugnæ, grauiæque  
alia vitia reprehensà à nobis sunt. Nam, vt alia mittam, *apud quoslibet non*  
*nisi vnā esse chris̃matis benedictionem* docet, *vel in Baptismo, vel in Confir-*  
*matione*, te interprete. Quod fallum esse arguebam Innocentij Pontifi-  
cis Epistola multo antè scripta, quæ testis est duplicem in Ecclesia Ro-  
mana, & alibi iam tum fuisse Chrismationem, quatum vnā ministri in  
Baptismo, alteram Episcopi in Confirmatione tribuerent. Præterea  
canon tuus statuit *non præiudicantem*, seu noxiam habendam esse repeti-  
tam frontis Chrismationem. Quod pugnat cum eo quod antè dixerat,  
*Apud quoslibet non nisi vnā esse Ch̃ismatis benedictionem*. Nam quòd à to-  
tius Ecclesiæ moribus discrepat, id sine dubio noxium cauendumque  
est. Denique iterari licere Chrismationem frontis, quam Episcopi in  
Confirmando peragere consueuerunt (de hac enim loqui canonem  
censes) adeò abhorret ab vniuersâ iam olim Ecclesiæ consensu, vt ite-  
rationem istam impiam & sacrilegam dicendam esse profiteantur  
Concilia & Patres; quorum perspicua verba descripsimus. Alia huius  
generis non pauca protuli. Quæ omnia cum tanto post tempore dissi-  
mules ac taceas; nobis assentiris. Nam ad errorum sacrilegiorumque ac-  
cusationem obmutescere, cum ad alia leuiora respondeas, non patien-  
tia est, sed conscientia.

Denique conditionem mihi tulisti, vt si quem vnum codicem ex  
omnibus Bibliothecis eruerem negationis vocula non inscriptum, mi-  
hi assentireris, palmamque concederes. Duos deprompsi tua notatos  
manu. Tua igitur conditione iudicioque damnatus es. Hic mirè te tor-  
ques: legem istam à te dictam inficiaris: fidem meam accusas: locum  
ruum dimidiatum à me exhiberi ais; integrum à te proferri, vt inge-  
nium meum omnes norint, & ego ipse, si quis mihi pudor, erubescam.  
Hæc ego totidem penè verbis referenda dixi, vt omnes tandem videant

*h. I. Antir.  
p. 63.*

*i. 10.*

*k. Antir.  
p. 301. 302.  
304.*

*l. I. Antir.  
p. 39.*

*m. P. 1. 6.*



n P. 9.

■ I. Antir.  
p. 39. & 40.

p Pag. 82.

tuas, non fraudes sed in fraudibus audacias. Nam verba tua sic describis: *Alios à me præterea, eosque optima nota lectos significanti. Quos si plurimos numero dicam fuisse, mihi ut video non credes. At ego tibi quamuis non spectatissime fidei testi, credere non recuso, si ex tanta veterum exemplarium copia, quantum adhuc seruant Bibliothecæ, vel vnicum protuleris, quod postremam Canonis nostri partem negationis vocula destitutam exhibeat.* Ab hoc loco auulsisti postremam partem; quæ hæc erat: *Quid hoc aliud est profiteri, quam omnes, qui tibi mihiq; hætenus noti sunt, tecum esse manuscriptos?* Vter igitur erubescet? Vter dimidiatum locum exhibuit? Nam me quidem quicquam illi detraxisse, cum Antirrheticum omnem syllabatim responsioni Anæreticoque meo inferuerim, ne simile quidem veri est. Tu verò postremam partem præcidisti, ne orationis tuæ sensum proderet, quem obscurare studes. Nam cum pro certo tecum constituissem, nullum usquam extare codicem antiquum, qui negatione careret, eorum quos videras, & annotaras, vel memoriæ vitio, vel contentionis æstu oblitus; gloriosum tibi fore putasti, & ad causam tuam commendandam in primis illustre, ut me lacerares, victoriamque deferres, si vel vnum codicem vndecumque proferrem aliter scriptum ac tu edidisses. Nec enim hac lege ferenda quicquam periculi subire tibi videbare, cum certum haberes, nullum extare codicem qui mihi faueret; & eam tibi magno honori fore confidebas. Quare cum & res ipsa, & indoles tua hoc probet, nec ex oratione tua aliud facile percipi queat; mirum est, te, qui perspicuè loquendi laudem captas, id intelligi velle, quod ne post tuam quidem interpretationem quisquam intelligere possit. Nam te dicere voluisse, si ego vel vnicum codicem exhiberem, cui negatio abesset, tum te crediturum negationem illi abesse ne tu quidem serio putas. Quæ enim apertior ludificatio? Aut quæ tandem esset sponsio ista: si quid mihi videndum obtuleris; credam? An tu sponsonibus adigendus es, ut credas quod vides? Cur autem codicem *vel vnicum* nominasses? Num si plures afferrem negationis expertes, crediturus non eras negationem ab illis abesse, quamuis oculis videres? Nec verò dicere potuisti, te mihi crediturum si affirmarem extare vllum codicem negatione vacuum: cum exploratum tibi esse diceres nullum usquam esse. An enim mihi contra animi conscientiam crederes? præsertim cum me mendacem totiesingas, & eum cui ne iurato quidem credendum sit? Explica nobis, amabo te, has ambages, in quas te coniecisti, postquam præter opinionem editos vidisti, non vnum, sed duos codices: non tibi notos tantum, ut petebas, sed etiam lectos & notatos: qui nullum negationis vestigium habeant. Nam si nullus prolatus esset, non negares te sponsonem mihi obtulisse ea mente, quam ego simplici ac minimè suspicioso animo è verbis tuis excepi; meque hoc ariete in primis quateres, & vehementius quam antea tuum illud, quod nunc erubescis, inculcares, *Omnes qui tibi mihiq; hætenus noti sunt, tecum esse manuscriptos.*

Nec verò nouum, aut præter opinionem mihi accidit, quod ubi te deprehensum vides, sponpondisse negas, quod temerè sponpondisti. Iam:

pridem monui, mirum fore ni id faceres, malorum litigatorum exem- <sup>q in pref.</sup>  
 plo, qui aduersum chirographa sua, prestigijs & calumnijs certare non <sup>Anar. p.</sup>  
 dubitant. Nec temerè monebam: cum eius rei specimen è priori Antir- <sup>28.</sup>  
 rhethico haberem. Nam in Epistola, vnde hæc lis fluxit, scribere ausus es  
 simili fiducia elatus, te disputationem tuam ad meum quoq; arbitrium  
 deferre &, *quàm certa & vera esset ne meum quidem iudicium defugere.* Id <sup>l. Antir.</sup>  
 iudicium postea multis grauissimis rationibus, magnaque, vt ipse fallus <sup>p. 16.</sup>  
 es, animi moderatione, à me editum non modò non accepisti, sed acet-  
 tissimo Antirrhethico vltus es: ne quidem memor, non licere per cano-  
 nes ab electorum iudicum sententia discedere. Sicut ergo in priori An-  
 tirrhethico legem quam in Epistola fixeras, refixisti: ita quam in priore  
 Antirrhethico tibi imposuisti, in posteriore irritam facere, nihil à mori-  
 bus tuis alienum esse arbitratus es. Quare versa te quas in partes velis:  
 Nunquam effugies quin non modò semel, vt dicebam, sed terque qua-  
 terque tuo iudicio victus sis, qui omnium publico te vicisse iactabas.  
 Nec tamen palmam postulo, cuius ne vmbram quidem mihi debere vis  
 Herbam porrigere: satis habebō.

Aduersus hanc lucem manuscriptorum subsidia frustra inuocas, quo-  
 rum nullæ copiæ te hinc expedient: etsi de ijs multa & loquaciter & fal- <sup>l. p. 16.</sup>  
 laciter sermocinere. Ante omnia laudas, quod *sapere incipiam* ( sic enim  
 loqueris, ne in laudando quidem maledicentiæ immemor ) & manu-  
 scriptis plus tribuam quàm solitus sum. Quid tandem? Non enim ex-  
 planas. Imò proximis verbis declaras me nihil præter consuetudinem  
 de illis scripsisse: *Ridiculum est profectò*, inquis, *quod in Responsione tua nuper* <sup>l. p. 16.</sup>  
*scripseras, & nunc rursus in Anaretico iterare non cessas.* Quid igitur noui tri-  
 buo manuscriptis, si idem quod antea de illis sentio? Aut quo tandem  
 modo sapere nunc incipio, si eadem quæ ante delirasse me censes, ite-  
 rare non cesso? An qui delirare non cessat, sapere incipit? ipse igitur vi-  
 de quid alij de te iudicaturi sint. Me enim orationis tuæ leuitas & in-  
 constantia & à contumeliosis laudibus & à calūnijs tuis vindicat. Enim-  
 uerò calumnia est indigna, cum meam de vniuerso manuscriptorum  
 genere sententiam, carpere non possis, dicere me scripsisse, spectari  
 oportere ex maiorum & Ecclesiæ doctrina, quid librarij olim in codici-  
 bus scripserint. Quæ cogitatio cum in sobriam mentem non cadat, mi-  
 rum est tibi idoneam vilam esse, quam ingenio tuo natam mihi suppo-  
 neres, in eaque petulanter exagitanda paginam occupares. Ego enim <sup>l. p. 16.</sup>  
 è maiorum decretis spectandum dixi, non quid scriptum in codicibus,  
 sed quid rectè, an secus scriptum: quid à librariis erratum: quid à semi-  
 doctis emendatoribus deprauatum. Hoc omnis oratio mea ita loqui-  
 tur, vt qui aliud fingat, ne fingere quidem scire videatur. Quænam er-  
 go *mendacissima turpissimæque illæ calumniæ*, quibus libros meos implese me <sup>l. ibid.</sup>  
 etiam clamas? Nonne tuæ? quibus libri mei ita referti sunt, vt in iis re-  
 fellendis toti versentur, nec ferè aliud agant.

Atque vt omnes tandem intelligant quid inter me ac te intersit, de  
 manuscriptis; te verborum plurimum iis dare, rei minimum; me, quem  
 eorum contemptorem simulas, rei plus, verborum minus eis largiri; te

fallacem eorum patronum; me æquum æstimatorem esse, recognosce tandem tua ista apud Ennodium iudicia. Pag. 89. sic scribis: *In omnibus libris titulus hic erat (versus ibidem) quod falsum est. Pag. 35. Ex ala productam) sic libri omnes; quo sensu, non apparet. Itaque legendum, ex hara productam. Pag. 50. Quo in segmentis posito) hac certa videtur emendatio, pro figmentis, quod in omnibus libris legabatur. Pag. 37. Veteres omnes habent, obicis, mendosè. Mihi certa visa est castigatio, ut opici, legamus, hoc est ut mox declarat, rudis & indocti. Denique ne omnia colligam, pag. 34. Sic loqueris vniuersè de manuscriptis: Apud Ennodium tituli omnes Epistolarum, nudis tantum nominibus relictis, omisi sunt. Quod item accidit rescriptis Principum in Codice ac Nouellis. Atque hæc ex breuissimo notarum tuarum codice, quem obiter inspexi: Quibus similia passim leguntur in Synodorum tuarum notis. Cum*

9 *Tom. 1. p.*

604. col. 2.

605. col. 2.

606. col. 1.

607. col. 2.

611. col. 1.

613. col. 1.

ergo coniecturas tuas manuscriptis vniuersis, vbi libitum est, præferas; & mihi tamen indigneris, quod Ecclesiæ consensum maiorumque doctrinam præferendam iis putem: nonne significas te coniecturas tuas pluris facere, quàm Ecclesiæ consensum? Quare agnosce tandem quid inter meam de manuscriptis tuarumque sententiam intersit. Tu illis coniecturas tuas anteponis: ego maiorum doctrinam: Tu vbi visum est; ego vbi aperta hallucinatioprehenditur. Vter plus illis tribuit.

2 *Anar. p.*

165. & 167.

Hæc de manuscriptis generatim. Nunc de iis qui à me sunt allati solita fide dicere incipis. Nam à me quidem eo tantum consilio sunt adducti, ut retunderem quod vanissimè profitebare, nullum vsquam locorum extare manuscriptum negationis expertem. Id duobus illis cuiusmodi essent, in medium prolatis, dilucidè coargui. Cum hic teneris, nec elabi posses, tenebras sparsisti. Nam cum quæreretur, essentne ulli manuscripti qui negatione carerent, disputare cœpisti, eos quos attuli, illa vitiosè carere: facti quæstionem iuris quæstione commutans, ne in loco in quo audacius triumpharas, silere cogereris, auriculasque demittere. Qua fraude demonstrata quid amplius requiri hinc potest. Sed quia effugium istud non solum à proposito, sed etiam à veritate abhorret, non grauabor superfluum loquacitatem tuam paucis constringere. Negas duos codices audiendos aduersus infinitos. Quasi infiniti à te sint prolatis, vel proferri potuerint intra exilium Antirrheticorum angustias. Nos verò non duos tantum commemorauimus ut simulas, sed vniuersos quibus omnes hætenus Conciliorum vel editores, vel emendatores sunt vsi, è quibus Canonis scripturam, quam tueor, vniuersi prompserunt. Quinetiam admonuimus latere alios complures in Galliarum Bibliothecis: quos eruditissimi viri se vidisse affirmarent, è quibus vnus ad me nuper allatus est ex amplissimi viri Alexandri Petauij Senatoris Parisiensis Bibliotheca, vetustissimam Collectionem continens, vbi negatio tua nulla reperitur. Cum ergo tres Codices negationis tuæ vitio puros Parisijs inuentos videas, vbi & alij extare dicuntur, intelligis nos ne hoc quidem copiarum genere destitutos, & tibi temerè iactandum non fuisse, omnes Bibliothecas, omnes qui tibi mihi que noti sunt, tecum esse manuscriptos. Quod si duos tantum haberem; quis nescit, non modò duos, sed etiam vnicum, omnium Criticorum iudicio

aa *P. II.*

bb *Anar.*

p. 78.

iudicio quamlibet multis rectè interdum præferri? imò penitus omnes sine ullius codicis subsidio repudiari, ubi error vitiumque perspicuum est? Quod utrumque cum ipse in Conciliorum tomis, & alibi, non semel feceris, cur negas idem nobis fas esse in Canone Arausicano, postquam ea tuorum Codicum vitia, te interprete, deprehendimus, quæ nec purgare potes, & sua sponte cernuntur?

cc Tom. 1.  
p. 598. 600.  
602. 605.  
613. col. 2.

Nec est, quod arguas alterum nostrorum Codicum recentiorum esse: cum quos è Bibliothecis Thuana & Victorina petiisti, antiquiores non sint: ut fateris. <sup>dd</sup> Nec rectè contendis <sup>ee</sup> negationem illi additam è Gratiani collectione, propterea quod post Gratiani tempora scriptus sit. Nam neque hoc probas; & ut Gratiano posteriorem esse concedam, ridiculè auguraris illius negationem è Gratiano sumptam, cum accipi potuerit ex antiquissimis codicibus, qui plures extant negationem nullam agnoscetes.

dd P. 103.  
ee P. 12.

Alterum cum de ætate accusare non possis, de fide accusas, & multis locis vitiosum dicis. Quæ ratio si valeat, & tuorum & omnium manuscriptorum causam, iugulasti. Quem enim vel de tuis, vel de ullis tandem, plerisque locis non mendosum dabis? Quod si noster iste alibi mendas habet communi manuscriptorum fato: At in eo tuis præstat, quod eorum apertissimum vitium ac hæreses saltem non habet. Nam eiusdem Collectionis melius, ut ais, exemplar penes te esse, quod negatione careat, tum assentimur, cum videndi potestas erit. Qui enim aliter de ætate, de integritate, de ipso Collectionis genere iudicium fieri potest: At ridiculè quereris Collectionis Thuanæ exemplar, quo usus sum, tuis oculis à me subductum esse: qui postquam illud abhinc triennio semel inspexi, cuius in potestate fuerit, nequidem scio. Quid porro necesse fuit te diutius illud contemplari, quod iampridem eras scrutatus, tuæque manus vestigijs signaras. Quod si eius memoriam non tenes, qua ratione de eius ætate, natura, vitijs, deque singulis Canonis apicibus in eo descriptis disputas: quasi vel ita pronuntiare liceat de Codice non viso, vel codicem de quo ita pronunties, non visum causari.

Ibid.

Postremo qualescumque demum sint codices quos obieci, à te qui illis usus es, repudiari non possunt. Iniqui est litigatoris, quos ipse adhibuit testes, eos ab alio laudatos aspernari. Quare si alter sit impubes, ut loqueris; alter stigmatias notisque compunctus: quid aliud efficies quam ut ad instruenda Concilia improbos testes habuisse videare? At nos stigmata ista tuis potius hære opinamur. Quod enim foedius stigmatum genus, quam errores ac hæreses quas ab ijs attulisti? Eadem ratione novi & impuberes erunt, non modò si recentes sed etiam si vetustissimi sint: cum falsitatis ac hæresum propria sit nora, nouitas: veritatis antiquitas.

P. 12.



## IN CAPVT III.

*Sirmondus traditam ab Aurelio Canonis interpretationem absurdè dicit omnium iudicio victam, dum eam silentio suo victricem reddit. Eam esse communem constantemque omnium sententiam, etiam manuscriptorum. Eius loquacitas, & errata varia in Canonibus Concilij Arelatensis 1.*

P. 12.

**P**OST initia tam fœda, quorum maculas nulli Antirrhethici unquam eluent, exilis ac triumphas, nouosque conatus meos fractos, negationem Canonis assertam, palmas ac laureas tibi deberi scribis. Quod ferendum utcumque esset, si istorum omnium quicquam præstare saltem conatus esses. Cum verò argumentorum, quibus tuam vel editionem, vel interpretationem conuellimus, nullum attrigeris, ut modò vidimus: eaque ne referenda quidem tibi sis professus: miror gloriæ studium ita vel iudicio, vel memoriæ tuæ officere, ut cum de aliis triumphare contendis, tecum turpiter pugnes. Accedit, quod sicut priori capite nihil eorum quibus tuam de Canone nostro sententiam elisi, refellisti; ita meam nunc adoriri non audes. Cum ergo nec tueri, nec aggredi; nec pugnare, nec repugnare possis; vno verbo, cum pugnare nescias, nisi tecum; quas tibi palmas ridicula vincendi libidine confingis? Equidem iudicium tuum hîc requirò. Nam si mea tantum sileres, reprehendendus fortasse non esses: causæ enim tribueretur. Si ea silens, victus videri nolles, pudori condonandum esset non nihil, animique elationi, quam comprimere non posses. Cum verò ita sileas ac fugias, ut fugiens victor videri velis; non modò palmam tibi nemo concedet, sed ne veniam quidem, quòd tam absurda, & hominum sensibus, naturæque ipsi contraria loquare.

P. 14.

Nam quod ais, meam sententiam *omnium calculis victam*; aliorum calculos nemo requirebat, sed nervos tuos: tantumque abest ut prosit istud effutire, quod imperito & pertinaci cuius obuium est, ut planiorem facere non potueris imbecillitatem tuam, quàm si sententiam omnium calculis victam, tuis argumentis tentare non audeas. Quamquam quæ est ista audacia, ut omnium calculis victam dictas, quæ est ipsissima omnium sententia? Ego Canonem de Chrismatione à presbyteris extra frontem facienda accipio. Quis aliter intellexit? Quære interpretes, collectores, emendatores, Catholicos tamen, non externos, qui soli tibi fauent. Neminem reperies mihi hac de re non assentientem; neminem non aduersantem tibi, qui de Episcopali frontis unctione presbyteris ac diaconis concessa interpretaris. Quod si nemo adhuc inuentus est, qui tecum sentiat; nemo qui mihi refragetur; qualem frontem esse oportet, quæ in eruditissimorum hominum luce meam sententiam omnium calculis victam esse respondeat?

Quinetiam manuscripti omnes, quos adeo venditas, hîc à nobis sunt. Omnes inquam, etiam tui. Nam vniuersi eos titulos habent Ca-

noni præfixos, qui interpretationi nostræ conueniant, tuæ reclamant. Quare sicut Canonis textui negationem primus iniecisti, contra omnium priorum editorum emendatorumque consensum; ita, ut Canonis sententiam ad opinionis tuæ errorem flecteres, deletis antiquissimis titulis cum primus inuexisti, qui ab omnium tum editorum tum manuscriptorum Codicum titulis, re inter se ac mecum congruentibus discrepet. Quod in Anæretico tibi obiectū pluribusq; verbis tibi demonstratum prorsus dissimulas. Ex quo eadem opera perspicui potest negationis tuæ vitium. Quis enim dubitet, quin maior fides habenda sit collectoribus, interpretibus, emendatoribus eos titulos vno consensu inscribentibus, qui cum negatione tua non cohæreant; quàm librariis, imperitissimis, ut res indicat, hominibus qui eam magna cum varietate ediderunt? Consultius ergo fecisses, si titulis conseruatis, negationem, in codicibus aliquot inuentam, omisisses; quàm ut, conseruandæ illius gratia, titulos expungeres Codicum omnium consensu probatos.

Anet. p.  
368.

Nec interpretum tantum, collectorum, codicum. Theologorum omnium sententia interpretationi meæ suffragatur, sed etiam oppugnationis tuæ: tam enim dextrè eam refellisti, ut statueris, *ludicrum spectaculum* fore, si Episcopus ante Confirmationem neophytum remittat ad presbyterum, qui eius verticem Chrismate vngat. Quæ vox omnibus etiam amicis tuis ita molesta accidit cum antiquissimam Ecclesiæ disciplinam ridiculo habere videatur, ut nemo non fassus sit Antirrheticum, vel hoc vno, reum esse, veniaque indignum; Quod eo magis nunc dicendum, quia hunc locum purgare ne quidem conaris, & in eius inuidia acquiescis, conscientia & veritate constrictus. Taceo disputationis in eam tuæ ridiculam imbecillitatem; quæ eiusmodi est, ut si nostra per se nihil essent, tamen tam iniquè lacessita vera esse viderentur. Sicut ergo de Canone Arausicano tua sponte tanto ardore certare ingressus es, cum cogitationes tuas exploratissimas minimeque dubias putares: ita postquam eas tum suo, tum defensoris vitio profligatas desperatasque vidisti, ne hæresum quidem & sacrilegiorum tibi obiectorum inuidia adduci potuisti, ut de illo amplius responderes; eaque silentio potius approbanda, quàm diuturniori contentione plura accersenda existimasti. Quis ex his non videt, te interpretationem nostram ideo declinasse, non quod omnium calculis victa sit, ut ais, sed quod omnium calculis vicerit, etiam tuis qui eam nisi improbis sacrilegisque armis oppugnari non posse vidisti? Dimissa igitur tandem aliquando omni de Canone illo disputatione, aliam persequeris, quæ ex ea nata est, & de Confirmationis Sacramento generatim disserere incipis, eo consilio ut soli manus impositioni Sacramenti huius rationem vimque vindices Patrum autoritate, chrismati eripias. Ac primum longam orationem texis, ut doceas Canones exponendos ex temporum, quibus conditi sunt, moribus & institutis. Vanè ac superflue. Dupliciter enim loquax es. Semel, quod rem à proposito alienam aggredieris. Nam deinceps de Canone Arausicano

1. Antir.  
p. 59.  
Vid. Ord.  
Rom. in  
Sabbato  
sancto Al.  
cinum,  
&c.

P. 14. 15.  
16. 17.

Anar. p.  
252.

Anar p.  
317.

I. Antir.  
p. 55.

P. 16.

Cont. Arel.  
1. c. 12.

Cypr. ep.  
32. ad An-  
ton.

Ibid.

Innoc. ep. 3.  
ad Exuper.  
c. 2.

Pag. 8.

non disputas, sed de ipso per se Sacramento Confirmationis. Quorum ergo operosa sermocinatio pluribus paginis producta de Canonum interpretandorum ratione, si nullius Canonis interpretationem allaturus es? Deinde illud ipsum quod probas, nequicquam probas, cum id tibi à me iam pridem concessum sit. Estne grauis hominis, in iis, de quibus conuenit, orationem consumere, cum ea, de quibus contentio est, prætermittas? Ergo & silentio peccas, & loquacitate: eoque magis, quod non tantum vltro factus sum Canones intelligendos ex æqualium temporum sensu ac disciplina; sed etiam hoc ipso argumento interpretationem tuam è Canone Arausicano ablegandam demonstravi; quod ex omnibus, quorum monumenta extant, antiquis scriptoribus, nullum edere potueris, qui presbyteris chrismandæ neophytorum frontis potestatem vsquam factam dicat, nisi Gregorium Papam, qui CL. amplius annis post Arausicanam Synodum vixit. Ex quo liquidissime efficiebatur, te Canonis Arausicani interpretationem ex alienis ætatibus repetere: adeoque illam non assequi. His respondere latius erat, quam de re minimè dubia, multis antea verbis à te tractata, à me concessa, lectorem vexare, eo tantum commodo ut nouas maculas nobis minimè desiderantibus ostentes.

Nam ut paululum tecum extra metas exspatier & tuos errores sequar, in tribus Synodi I. Arclatensis Canonibus, quos ad superuacaneam ostentationem delegisti, hæc sunt quæ te ex abundanti peccasse dicimus. Duodecesimum, ut ab ultimo incipiam, ubi censetur *Apostatis Christianæ fidei desertoribus, Concilium communionem in infirmitate poscentibus, negandam statuere*, non intellexisti. Non enim de Apostatis simpliciter loquitur canon, sed de Apostatis qui nunquam se ad Ecclesiam representant, nec quidem pœnitentiam agere querunt, & postea infirmitate correpti, petunt communionem. His demum apostatis communionem negandam statuit, ex antiquissima Ecclesiæ consuetudine quam cum alibi, tum in primis apud Cyprianum expressam habes. Nam etsi Ecclesia nec Apostatis, nec vllis omnino reis, qui pœnitentiam sani & valentes agere cœpissent, viaticum morientibus vnquam adenuit; iis tamen illud negauit, qui cum ætatem egissent pœnitentiæ, Dei, sui que immemores, extremospiritu eam petebant: Quia rogare illos non delicti pœnitentia, inquit Cyprianus, sed mortis vrgentis admonitio compellit; nec dignus est in morte accipere solatium, qui se non cogitauit esse moriturum. Donec sensim Ecclesia remissius agere, & indulgentiam eam adhibere coacta est, quam refert Innocentius I. & cuius initia in hac Synodo Arclatensi apparent. Sed quis miretur, te in antiquissima pœnitentiæ disciplina offendere, qui meminerit quid scripseris in illis, quas antè commemoravi, ad Ennodium notis, ubi pœnitentia functos comparare audes cum neophytis, & asseuerare antiquos Patres, non dubitasse quin ad beatam vitam euolarent, qui pœnitentiæ sacris expiati excederent. Vnde sicut de Neophytis recens baptizatis, ita de ijs qui post pœnitentiam obibant, hoc sæpè usurpabant, ut isse aut migrasse ad dominum dicerent. Quem enim antiquorum patrum, dabis istius figmenti authorem? Nam Ambrosius contra

queritur paucissimos pœnitentia probè defungi, pluresque nosse se affirmat, qui innocentiam seruarint, quam qui pœnitentiam fructuosè obierint. Ire autem ad Deum statuebant Patres non tantùm eos qui pœnitentiam impleuissent, sed eos etiam qui illa inchoata decessissent, manus impositione ad reconciliationem nondum accepta: quorum ideo oblationes, sicut aliorum suscipiebant, vt passim Canones docent.

*Ambros. l. 2. de pœnit. c. 10.*

Iam in Canone XI. quo virginibus, quæ Gentilibus nupserint, id tantùm pœnæ decernitur, vt aliquanto tempore communione careant, nihil magnum latere existimares, si scires constare inter Theologos, impedimentum illud dirimens, quod in cultus disparitate ponitur, & multis sæculis nullum fuisse, & postea inductum nulla certa lege aut Canone, consuetudine tantùm & vsu. Vnde & Canones, & exempla plurima extant, quibus Christianorum cum Ethnicis matrimonia rata habentur, non secus ac nunc cum hæreticis.

*Conc. Carthag. IV. c. 79. & c. 70. l. c. XI. c. 12.*

Denique Canonem X. quo de adolescentibus, qui coniuges suas in adulterio deprehendunt, hoc solùm Patribus placet, vt in quantum possit, consilium eis detur ne illis viuentibus alias accipiant, proferre videris vt doceas, illa ætate matrimonia adulterio soluta, ac viris fas fuisse, vxoribus in flagitio deprehensis, alias ducere. Hoc enim exemplo vteris vt probes aliam olim fuisse Sacramentorum administrationem, ac nunc. Itaque secundum illud coniugium, pro vero matrimonio ac Sacramento, temporibus illis habitum opinaris. Atqui hæc opinio à Concilio Tridentino damnata est. Statuit enim matrimonij vinculum propter alterius coniugum adulterium non posse dissolui; Ecclesiamque non modò id nunc docere, sed etiam olim docuisse, idque Apostolica & Euangelica lege esse sancitum: & anathema denuntiat, si quis contra loquatur. Ex quo fit, nefas esse dictu id vlllo tempore ab Ecclesia, aut Synodo vlla factum; nedum ab Arelatensi I. ad quam ex omnibus mundi partibus lectissimi Patres conuenere quæque ob eam rem magna Synodus dicta est. Vnum habes dogmatis huius authorem pseudo-Ambrosianum in Pauli epistolas commentarium, cuius præsidio alios errores tuos frustra fulcire conaris, & huius æui hæreticos, quibus nescio quam ob rem toties subblandiris. Cæterum ne cui scrupulus hæreat, Canon ille Arelatensis non probat, nec rata habet matrimonia adolescentum maritorum, qui viuis vxoribus adulteris alias superinducant, sed fert ac permittit, maioris mali auertendi causa. Notum enim est vetus verbum, minima de malis. Atque in hunc modum exponit Origenes quorundam suæ ætatis Episcoporum haud absimile factum; *Forſitan enim, inquit, propter huiusmodi infirmitatem incontinentium hominum, peiorum comparatione, quæ mala sunt, permiserunt, aduersus ea quæ ab initio fuerant scripta.* Atque hanc sententiam innuit Canon, cum ait adolescentes illos prohiberi nubere: vt significet rem vetitam ac prauam necessariò permitti.

*Con. Elib. c. 16. Carth. III. c. 12. Vid. Aug. lib. 1. ad Toller. c. 23*

*Conc. Trid. sess. 24. can. 7.*

*Conc. Arel. 2. c. 18. Ibid. c. 14.*

*Orig. tract. 7. in Mat.*



## IN CAPVT IV.

*Sirmondi de tribus ætatibus ficta & perplexa cauillatio: Orationis eius inanitas in exponenda prima ætate. Hæresis Patrum consensu damnata, Spiritum sanctum Chrismate non dari.*

**D**EINCEPS tres ætates in medium affers, quibus vatia fuerit ac multiplex Sacramenti Confirmationis administratio. Alterum Nestorem loqui putes, qui vsque eò vixerit, vt tribus hominum ætatibus implicaretur. Prima ætate Chrismationem iunctam facis manuum impositioni: ita nimirum vt vtramque coniunctim quidem solus Episcopus præberet sed manus impositionem Chrismatio anteiret. Alteram numeras, qua seiuncta à manus impositione frontis Chrismatio, nec solum tempore seiuncta, sed etiam presbyteris ac diaconis baptizantibus concessa, vt Episcopus Confirmationis Sacramentum, sola manuum impositione postea tribueret. Tertiam denique, qua hæc rursus coalita, & ad solius Episcopi potestatem redacta. Nihil dicam de tenebris quibus tædiosam laciniolamque orationem sic obduxisti, vt quid agas quid velis, quo spectes, non facile intelligatur. Hoc dico, te dupliciter errare. Semel, quòd à proposito discedis. Iterum, quod ne ea quidem quæ tractanda suscepisti, attingis. Addo tertium, quod ne veras quidem res, & à me tibi concessas tueri potes. De quibus singulis breuiter dicendum, quoniam longiorem orationem rei leuitas nec meretur, nec exposcit.

Ac primum, te à proposita institutaque disputatione nostra abire perspicuum est. Nam de tribus illis ætatibus prima & postrema nihil ad rem. Sola media exponenda fuit. Non enim quæritur, quando frontis Chrismatio Sacramento Confirmationis iuncta fuerit, & Episcopo soli addicta, sed quando non fuerit. Si enim demonstrates eam vllò tempore exclusam à Sacramento Confirmationis & alijs quàm Episcopis permissam; confecta res est: causam obtinuisti. Sin demonstrare id non potes, frustra aliò deflectis, vt caliginem offundas: elusæque veritatis reus es. Vides igitur rursus fas mihi esse silentio præterire lōgè plurimas Antirrhæci tui paginas, reprehensionis illius experti, quam perpetua fœdissimaque de rebus nostris silentia tua meruerunt? Vides in aridulo exilique vt loles, scripto quantam loquacitatem rerumque alienissimarum redundantiam incluseris; quam alijs sæpe obijcere soles, probare nunquam?

Quòd verò ne ea quidem quæ tractanda suscepisti, edisseras, palam est, quia statuisti nobis exponere primam ætatem, qua in Sacramento Confirmationis Chrismatio manus impositioni coniuncta fuerit, & soli Episcopo permissa. Et tamen toto capitulo, nihil affers, quod ad res istas confirmandas explicandasque pertineat. Tria enim loca exhibes, vnum Tertulliani, alterum Optati, tertium Cornelij Papæ

apud Eusebium : in quibus de coniunctione Chrismatis & manus impositionis nulla littera; multo minus de vtraque hac functione ad solum Episcopum delata. Ait quidem Tertullianus manum impositam neophytis posteaquam Chrismate delibuti essent : *de hinc manus imponitur*. Lib. de Bap. c. 7. inquit : at quanto post id fieret , non ait : Quod tamen tibi explicandum erat, qui existimas manus impositionem à Chrismatione frontis, longo etiam intervallo , aliquando diuelli potuisse. Cornelius manus impositionis ne quidem meminit. Tantum ait , Nouatianum , cum ab Episcopo Chrismatus non fuisset, Spiritum sanctum consequi non potuisse. Optatus verò inconsideratissime producit, cum post Constantini tempora vixerit , quibus primam ætatem terminas. Qua ratione igitur eius verbis docebis, quid prima ætate fieret ? Imò verò non vides, si Optatus dicat quod affirmas , secundam tuam ætatem collabascere ? Nam si Optati ætate , quæ secunda est tua , frontis Chrismatio manuum impositioni in Confirmationis Sacramento coniungi, & Episcopo reservari consueuerat, ut ais : nonne evertitur quod postea scribis, Chrismationem secunda illa ætate à manus impositione disiungi, & aliis quàm Episcopis permitti consueuisse ? Optati igitur locus nec primam ætatem probat, & secundam refellit. Quis iam non rideat vanissimas voces, quibus sic insultas ; *Quia videre dissimulas, faciam ut vel inuine claram & apertam lucem contueare.* Quomodo vel inuitus intuear, quod ne volens quidem aspicere possim, cum id in oratione tua nusquam sit ? Quod tamen non eo dico, ut negem prima ista ætate Chrismationem ac manus impositionem iunctas fuisse in Sacramento Confirmationis ; quas ego non illa modò ætate, sed superioribus inferioribusque omnibus insolubili nexu copulatas semper fuisse defendo, sed ut aperiā imbecillitatem leuitatemque disputationis tuæ, quæ neque quod proposuit, efficiat, neque quod ego sponte indulgeam, tenere possit, & seipsam denique dissoluat.

Superest tertia pars, Chrismationem fieri consueuisse ante manus impositionem, eique velut viam sternere ac parare. Cuius rei auctoritatem edis Tertullianum, qui ubi de Chrismate locutus est, subdit ; *De hinc manus imponitur, per benedictionem aduocans & inuitans Spiritum sanctum.* De quibus verbis ne litigem, quomodo hinc elicis, perpetuam istam fuisse illa ætate consuetudinem ? Ut enim concedam hunc morem in Ecclesia Africana, unde Tertullianus erat, solemnem fuisse ; qua ratione doces eundem obseruatum per alias orbis Ecclesias ? Deinde, si tibi argumentari fas est, Chrismationem in Ecclesia Africana manus impositioni præiuisse, quia Tertullianus illam huic præponit, quid facies Cypriano, qui Tertulliani ætati suppar, eiusdemque Carthagenensis Ecclesiæ Episcopus, Chrismationi præponit manus impositionem, his verbis : *Quod nunc quoque apud nos geritur, ut qui in Ecclesia baptizantur, præpositis Ecclesiæ offerantur, & per nostram orationem & manus impositionem Spiritum sanctum consequantur, & signaculo Dominico consummentur.* Audis consignationem, cuius nomine Chrismationem significari fateris, manus impositioni subiunctam, eique velut verticem ac fastigium, quo

- P. 19. 22. &c.* baptizatus consummaretur, impositam? Ex quo sequitur, non perpetuum fuisse ut Chrismatio ante manus impositionem fieret, sed alteram altera alibi priorem, alibi posteriorem, alibi æqualem, & vno eodemque temporis puncto administratam, ut postea audies. Alia loca quæ congeris, ne probantium quidem speciem habent. Nam Optatus ad primam ætatem non pertinet, ut dixi: & tamen si eius verba expendisses, vidisses eum dicere quidem *Chrisma sedem Spiritui sancto parare*; non tamen manus impositioni, ut simulas: De qua eo loco non loquitur. Parati autem Chrismate sedem Spiritui sancto dicit, quod Spiritus sanctus Chrismate inuitetur & immittatur in animum eius qui vngitur; ut posteriùs exponam. Alter eius prolixior locus frustra est. Docet enim tantum vñctionem & manus impositionem adumbratas fuisse in Christi baptismo. Vtra verò vtram antecesserit, vel antecedere debeat, non loquitur. Denique Cornelij Papæ verba ab Eusebio descripta manus impositionem nullam memorant, ut dixi, sed solam consignationem seu vñctionem Episcopalem. Ita difflatæ sunt tuæ stipulæ. Atque hinc quæro ex teipso, ferendum ne iam putes, te lectoribus rebusque summis ita illussisse, ut cum tribus Ecclesiæ ætatibus ad explicandum propositis, maximam concitaris expectationem; tamen ubi ad rem accessisti, primam ætatem tribus tantum testimoniis exposueris, quorum vnum manus impositionem ne quidem refert; Alterum ad secundam ætatem spectat; Tertium eorum quæ primæ ætati tribuis, vix quicquam attingit? Quis hunc exitum sperasset à splendido illo triumphum apparatus? Quis credidisset, Sirmondum, postquam inani verborum specie ac pompa imperitorum animos occupasset, ita ruiturum, ut ex eorum numero se esse declararet? Deiecta igitur est funditus omni- que ex parte prima tua ætas, non nostra magis oratione, quam futilitate sua.
- P. 23. 24. 25.* Cum hinc ad secundam pergendum esset, longum de Chrismatis vñctione eiusque effectu sermonem infercis alieno loco, eumque ex plurium simul ætatum scriptoribus coaceruas, ea confusione, ut nec quæ illuc veneris, pateat, nec quò progrediare. Ego ad lucem aliquam tenebris tuis adhibendam, è duabus sermonis istius partibus alteram nunc explanabo, alteram postea opportunius persequar, ut disputationis ordo quàm minimè perturbetur, & lectoris intelligentia ne laboret.
- In cap. 6.* Priori igitur parte grauitè Confirmationis Sacramentum dehonestas, eius Chrisma eò deturbans, ut donandi Spiritus sancti vim ei neges, manuum impositioni propriam tradas. Qui error ita nullo firmamento nititur, ita verò illustribus obruitur Patrum dictis, ut nemo qui in antiquitatis monimentis paullum modò sit versatus, eum suscipere potuerit sine cæcitate aliqua diuinitus immissa. Et verò casu à nobis in Anæretico claris auctoritatibus præfocatus est, cum minimè suspicaremur fore ut tantam maculam vnquam conciperes. Ex quo intelligitur, te eam subire non potuisse, nisi destinato animi consilio, & pertinacia; præsertim cum ad Patrum loca à nobis allata nihil responderas.
- P. 22. & 23.*
- Anæret. p. 348.*

Quid enim clarius hisce Ambrosij verbis, *Datur Spiritus sanctus per Christum in unctionem?* Vel his Paciani, *Chrismate Spiritus sanctus superfunditur?* quæ in Anæretico erant allata. Clare item Chrysostomus, τὸ ἁγίου πνεῦμα ἐν τῇ χρίσει, πρὸς τὴν ἐκκλησίαν καταλαμβάνεται. *Præcipuum in unctione est Spiritus. Ideo enim oleum assumitur. Nihilò obscurius Theodoretus, Spiritualis vnguenti Chrismate inuncti, sub ea visibili vnguenti specie inuisibilem sanctissimi Spiritus gratiam percipiunt. Iam Augustinus, Vnctionis Sacramentum est, inquit, virtus ipsa inuisibilis. Quæ virtus quid efficiat, continuo exponit: Vnctio inuisibilis Spiritus sanctus: vnctio inuisibilis charitas est. Docet igitur Sacramenti Vnctionis virtute præberi inuisibilem Spiritus sancti Vnctionem. Idem scribit in libris de Trinitate, & passim alibi. Suffragatur Ambrosius, non vno, sed plurimis locis. Et si specie signemur in corpore, inquit, veritate tamen in corde signamur, ut Spiritus sanctus exprimat in nobis imaginis celestis effigiem. Ac rursus: sicut in Christo morimur, ut renascamur: ita & Spiritu signamur, ut splendorem atque imaginem eius & gratiam tenere possimus: quod est vniue spiritale signaculum. Egregia verò in primis est oratio S. Remigij Francorum Apostoli in præclaro illo testamento, ubi de regio Francorum genere hæc ait, præter alia: Baptizavi, à fonte sacro suscepi, donoque septiformis Spiritus consignavi. Quis nunc ferat, Francorum Apostoli testamentum, diuinaque eius in regiam Francorum gentem merita in Gallia refelli? Nam si Spiritus sanctus Episcopali consignatione non datur, S. Remigius septiformem Spiritum Christianissimorum regum principi consignatione sua dare non potuit. Atque huic eius dicto præclare consentit author sermonis de Vnctione Chrismatis apud Cyprianum. Quod enim Remigius vniuersè ait, septiformem Spiritum Episcopi consignatione donari, id author ille, septiformis Spiritus donis singulatim enumeratis confirmat: *Huius Vnctionis beneficio & sapientia nobis & intellectus diuinitus datur, consilium & fortitudo cælitus illabitur, scientia, & pietas, & timor inspirationibus supernis infunditur.* Hoc ipsum testatur Cornelius Papa apud Eusebium; cum iugilans Nouatianum, quod signaculum ab Episcopo post baptismum non accepisset, negat Spiritum sanctum absque illo consequi potuisse: πῶς δὲ μὴ τοῦτο, πῶς αὖ τὸ ἅγιον πνεῦμα τοῦ ἐκκλησιαίου; *Hoc verò signaculum non adeptus, quomodo Spiritum sanctum adeptus est?* Non tantum igitur censuit Spiritum sanctum consignatione dari, tacita manus impositione: sed etiam aliter non dari: caulaque necessaria sublata, effectum tolli argumentatus est. Qua etiam ratione conclusit aduersus Nouatiani posteros Pacianus Cornelium fortassis imitans, ut passim Cyprianum: *Vestra plebi unde spiritus, quam non consignat vinctus sacerdos?* Quin etiam sicut Tertullianus de manus impositione loquitur, *Manus imponitur, per benedictionem aduocans & inuitans Spiritum sanctum:* simillimè Optatus de Chrismatis vnctione. *Lib. 7. Animum innouat lenem, sedem Spiritui sancto parat, ut inuitatus illic, asperitate fugata libenter inhabitare dignetur.* Non enim tantum ait Spiritum sanctum chrismatis vnctione inuitari, ut Tertullianus manus impositione, sed acrioribus & significantioribus verbis vim eius exprimit. Si ergo illæ Tertulliani voces Spiritum sanctum manus impositione dari signifi-*

*Lib. de Sal. c. 3. Serm. de Bap. Hom. 1. in ep. ad Rom. In c. 1. Câr. In ep. Ioan. tract. 3.*

*Lib. 1. c. 6.*

*Apud Euseb. l. 1. c. 17.*

*Hist. lib. 8. cap. 33.*

*Ep. 2. ad Symp. Lib. de Bap. c. 7.*

*Lib. 7.*



Ep. 1. ad  
Decent. c. 3.

Beda in  
AB Ru-  
pert. l. 5. de  
off. c. 16.  
Eugenius  
IV. in de-  
cret.  
Union in  
Con. Flo-  
rent.  
C. Cum ve-  
nisset de  
Sakra.  
vult.  
Catech.  
myst. 3.  
Orat. 40. de  
Bapt.  
De Ecclef.  
Hierar. c.  
4. in or.  
In cap. 4.  
ad Ephes.  
Hom. 18. de  
Elizao.  
In cap. 7.

cent; multo magis hæc Optati chrismatis vñctione. Denique Innocen-  
tius I. libri Actorum autoritate probat presbyteris non licere baptiza-  
torum frontes chrismare, quòd consignatione illa Spiritus sanctus de-  
tur, quem liber Actorum à solis Episcopis dari posse declarat: *Hæc au-  
tem*, inquit, Pontificibus solis debere, ut vel consignent, vel paracletum Spiritum  
tradant, non solum consuetudo Ecclesiastica demonstrat, verum & illa lectio  
Actuum Apostolorum, quæ asserit, Petrum & Ioannem esse directos, qui iam bap-  
tizatis traderent Spiritum sanctum. Nam presbyteris, seu extra Episcopum, seu  
præsentate Episcopo baptizant, chrismate baptizatos ungere licet, non tamen frontem  
ex eodem oleo signare, quod solis debetur Episcopis, cum tradunt Spiritum paracle-  
tum. Clarè statuit Spiritum sanctum Episcopali vñctione donari, tacita  
manus impositione. Ac nisi ita statueret, absurdè colligeret ex Acto-  
rum libro, solum Episcoporum esse neophytorum frontes signare.  
Eodem argumentandi genere vsi sunt plerique tum veterum, tum re-  
centiorum, in primis Romani Pontifices. E quibus Innocentius III.  
claris verbis, quæ in decretalium librum sunt relata, sic loquitur: *Per  
frontis chrismationem Spiritus sanctus ad augmentum datur & robur. Vnde cum  
ceteras vñctiones simplex sacerdos, vel presbyter valeat exhibere, hanc non nisi sum-  
mus sacerdos, id est Episcopus debet conferre: quia de solis Apostolis legitur, quod  
per manus impositionem Spiritum sanctum dabant. Cuius aduentus per vñctionis  
ministerium designatur. Taceo Cyrillum Hierosolymitanum, vocantem  
Chrisma πνεύματος ἁγίου εἰσρηπτικόν, Spiritus sancti efficiens: Gregorium  
Nazianzenum, docentem animam Spiritu sanctoungi, cum corpus  
Chrismate ungitur; συνεδωκὶ καὶ ψυχῇ, καὶ σῶμα, καὶ ψῆμα, καὶ πνεῦμα.  
Dionysium Areopagitam, τὸ τῆς θεαρχικῆς πνεύματος ἔργον. Coi-  
τατο ἢ τῆς μὲν οὖν δωρεῆς πλεονεχὴς χάρις: Divini Spiritus aduentum largitur  
Chrismatis vñctio perficiens: Primasium in illud Apostoli, signati estis in  
die redemptionis, id est in die baptismi signaculum Spiritus sancti accepistis:  
Fulgentium in homilia à sodali tuo nuper edita, In Sacramento olei gratia  
est Spiritus sancti. Alios denique innumeros mitto, quorum aliquos in-  
ferius edam, ubi hunc errorem tueri rursus conabere polterioris aui  
scriptorum testimonijs, quibus nos illum ad extremum extirpabimus,  
Nihil enim est omnium gentium ætatumque autoritate testatius, ne  
dicam Catholicæ Ecclesiæ per orbem consensu. Quare vel nulla est hæ-  
resis, vel hæc est; quæ illustri perpetuæque maiorum traditioni relu-  
ctetur. Nec Mihi in mentem venit suspicari, qua ratione vel tu, qui an-  
tiquitatis sciens videri cupis, in lucevndique splendida excutire potue-  
ris, vel egregij approbatores publicè testari non erubuerint in Antirrhe-  
tico tuo nihil esse quod Orthodoxæ doctrinæ contrarium sit, imò mul-  
ta quæ eximiam antiquitatis intelligentiam spirent*

Nunc aperiendus est erroris tui fons. Nullum quidem veterum à te  
reperitum esse, qui Spiritum sanctum Episcopali chrismatione dari ne-  
get, certum & exploratum est. Sed quòd legeris SS. Patres manus impo-  
sitioni tribuere vim donandi Spiritus S. consequens esse putasti, ut eam  
vim chrismati ademerint. Rursum, quod chrismati potestatem adscri-  
bant efficiendi nos vñctionis, sacerdotij, regiarque Christi dignitatis

P. 16.

confortes; coniecisti largiendi Spiritus sancti efficacitatem ei negatam. Duplici igitur falsa consecutione lapsus es. Nam & Patres ita manus impositione Spiritum sanctum dari dixerunt, ut eundem chrismate dari docuerint; ex quo sequitur hanc potestatem neutrius esse propriam, sed utriusque communem; Et ridiculè colligitur chrismati non concessam à Patribus vim donandi Spiritus sancti, propterea quod ei etiam alia tribuant. Imò si patrum doctrinam caperes, vidisses in eo ipso quod aiunt, nos chrismate confortes fieri vñctionis regiaeque ac sacerdotalis Christi dignitatis, eos dicere chrismate dari Spiritum sanctum. Quæ est enim vñctio, qua Christus vñctus Dei & Christus effectus est? Nonne vñctio Spiritus sancti, ut ait Scriptura? Si ergo huius vñctionis participes chrismate efficimur; perspicuum est nos Chrismate participes fieri vñctionis Spiritus sancti, Regia verò dignitas, quam à Christo assequimur, nihil aliud est, nisi potestas res omnes, seu intra nos sitas, seu externas, nobis subiiciendi, & intra nos collocandi, quemadmodum Christo subiectæ sunt. Quod non modò sine Spiritu sancto, sed etiam sine abundanti & eximio quodam eius robore fieri nequit. Denique sacerdotalis dignitas, quam Christus nobis largitur, est potestas immolandi nos Deo, sicut ipse Patri se immolauit. Ipse autem *per Spiritum sanctum semetipsum obtulit immaculatum Deo*. Eundem igitur Spiritum nobis impertit, dum nos sacerdotes efficit, ut eo nos offeramus Patri, sicut Christianos & Christi confortes decet, non tantum cultu sacrificioque interiore quodam, sed etiam externo, ubi tempus inciderit, ut sanguinem profundere sit necesse, Christi que martyrium imitari. Qui proprius est finis Sacramenti Confirmationis. Quemadmodum ergo princeps illa & singularis potestas sacerdotalis, quam presbyteri habent, cum Spiritus sancti dono traditur verbis illis, *Accipite Spiritum sanctum*: Ita hæc, quæ Christianorum communis est, & à Christi sacerdotio non minus quàm illa fluit, cum Spiritus eiusdem largitione transfunditur, solemnibus Sacramenti Confirmationis verbis. Quæ omnia minus liquida erunt, nisi Patrum testimonijs illustrentur. Audi igitur Ambrosium: *Omnes in regnum Dei & in sacerdotium vngimur gratia spiritali*: Hoc est gratia Spiritus sancti. Omnis enim gratia spiritalis est generatim. Sed hæc propriè spiritalis ab Ambrosio dicitur, sicut ab eodem ac alijs patribus *Spiritale signaculum*, & à Theodoro *Spiritale vnguentum*, & ab Ecclesia *Spiritalis vñctio*: quod Spiritum sanctum contineat. Audi S. Leonem Papam; *Omnes Christo regeneratos crucis signum efficit reges: sancti vero Spiritus vñctio efficit sacerdotes*. Spiritus sancti vñctione dilucidè ait nos fieri sacerdotes; ac proinde chrismate, quo sacerdotes efficimur, dari Spiritum sanctum. Crucis autem signo dicit nos reges fieri, quia sicut regia Christi potestas cruce parata est, iuxta illud, *regnavit à ligno Deus*: ita potestatis illius communicatio crucis signo, quo vñctio fieri solet, exprimitur. Audi denique de omnibus simul authorem illum sermonis de chrismatis vñctione apud Cyprianum: *Sicut Christus à chrismate dictus est, eo quod singularis excellentia oleo vnxitur eum Deus; ita & participes eius quotquot sumus, confortes sunt tam vñctionis, quàm nominis, & dicuntur à Christo Christiani*,

Mat. 28. 19.

Heb. 4.

Ioan. 10.

Lib. de initiatione.

Ibid. c. 7.

et c.

In c. 1. Cæs.

In hymno

de Spir. S.

Serm. 3. in

annivers.

Assumpt.

*Ep. 37. ad Ian.* *Luc. 4. Ioan. 1.* *ut sint sub Christo duce rectores & duces, & offerant Deo quotidianum sacrificium, ordinati à Deo sanctimonia sacerdotes. Idem proficitur Cyprianus verbis à reipso laudatis: Vngi necesse est eum qui baptizatus sit, ut accepto chrismate, id est vñctione, esse vñctus Dei, & habere in se gratiam Christi possit. Gratia enim qua Christus vñctus Dei, seu Christus effectus est, non alia est, nisi Spiritus sanctus, quo eum Euangelia plenum fuisse dicunt, ut nos de eius plenitudine acciperemus. Cum ergo Cyprianus doceat nos vngi chrismate, ut accipiamus gratiam Christi, vñctique Dei cum illo efficiamur: prorsus dicit, nos vngi chrismate, ut Spiritum sanctum de Christi abundantia hauriamus. Tanti refert, Sirmonde, in SS. Patrum consuetudine & doctrina percipienda diu multumque versatum esse, antequam de eorum dictis sensibusque vaticinare.*

## I N C A P V T V.

*Sirmondi commenta de secunda etate. Frontis vñctionem Episcopalem presbyteris semper vetitam, nusquam permissam. Sirmondi contumelia in Ecclesiam Romanam, cuius ea de re decretis omnes penè Occidentis Ecclesias obstitisse affirmat.*

*P. 16.*

**N** VNC ad secundam ætatem explicandam aggredieris, qua tria æque inaudita & inopinata demonstraturum spondes; Vnum, frontis vñctionem temporis interuallo à manus impositione diiunctam, & in baptismi ceremoniis relictam; Alterum, eandem vñctionem presbyteris, atque etiam diaconis, vulgò concessam, Tertium, Sacramentum Confirmationis ab Episcopis sola manus impositione postea collatum. Quæ omnia ita noua sunt, & Catholicorum auribus insolentia, ut nisi testimonia luce clariora, extraque omnem controuersiam posita exhibeas, quibus ea demones, magnæ temeritatis reus sis, qui conspirantem Ecclesiæ mentem, & Catholicorum consensum sine causa diuellere & perturbare audeas. Quare si tua obiecta non soluerem, sed infringerem duntaxat, dubiaque efficerem, vicissem. Nam in dubia argumentorum contentione superaret Ecclesiæ autoritas, cui, quoquò se inclinat, omnia ingenia fasces summittere oportet, eiusque non tantum edicta, sed etiam nutus vereri, priuatique quibusuis cogitationibus & coniecturis potiores habere, si debita in eam obseruantia, christianaque sunt mente. His præmonitis, ac diligenter animaduersis, deinceps demonstrandum, quæcumque affers, tam apertè inania esse, quàm apertè vera esse debuerunt. Ac primùm, quid grauius in te dici potest, quàm quod vltro fateris, Ecclesiam Romanam tibi aduersari, ac semper aduersatam: nec in ea frontis vñctionem à manus impositione vnquam diuulsam, nec aliis quàm Episcopis permissam? Quod argumentum in priori Antirrhethico tantum ac tam vehemens sensisti, ut Ecclesiam illam tibi adiungere volueris, & frontis chrismationem à Syluestro Papa presbyteris mandatam affirmaris. Nunc postquam

*P. 17.*

quam sensim progrediens frontem obdurasti; fateri non vereris te à  
perpetuo Ecclesiæ Romanæ sensu discedere; & tandem agnoscis Syl-  
uestri decreto frontis vnctionem non modò non indultam presbyte-  
ris, sed etiam vetitam. Quo loco primùm notanda est opinionum tua-  
rum leuitas: quæ cùm modò huc, modò illuc fluctuent, nec cetti quic-  
quam habeant, patet te ad ea edisserenda profiluissè; quæ non satis in-  
telligebas. Nam & in Innocentij etiam decreto fateris te errasse; à quo  
in priori Antirrhethico scripsisti statutum esse, vt presbyteri verticem no-  
minatim neophytorum vngerent. Quod nunc temerè dictum esse de-  
claras. Atque hunc vtrumque errorem Anæretici nostri admonitu cor-  
rexisti; vt mirum sit te illi infestum esse, cuius opportunissimo subsidio  
sis vsus; vel hisce de rebus amplius controuersari, animosque efferre au-  
dere, cùm in vtroque disputationis capite, in Episcopali ac baptismali  
vnctione, te lapsum esse confiteare. Cùm verò in Ecclesiæ Romanæ  
omnium illustrissimæ vtroque instituto, de quo contendimus, expo-  
nendo ita cæcutieris, vt id ne dissimulare quidem possis, qui omnia dis-  
simulas; quis in obscuriorum aliarum Ecclesiarum rebus perspicacem  
te fore speret, vel tuis deinceps narrationibus fidẽ adhibendã confidat?

Nam posita perenni & constanti illa Ecclesiæ Romanæ consuetudi-  
ne, quænam de aliis Ecclesiis dubitatio esse potest, saltem Occidentis?  
Quæ sicut ab illa fidem & Sacramenta, ita eorum administrandorum  
vlum acceperant. Hunc autem ab iis neglectum, præsertim in tanta re,  
in Episcopali vnctione, qua Spiritum sanctum porrigi & Confirmatio-  
nis Sacramentum constare credebant, vt ipsorum verbis ostendimus,  
cui tandem probes? Vix enim quicquam ex vniuersa Ecclesiæ disciplina  
reperies adeo crebris & illustribus Romanorum Pontificum litteris de-  
cretisque inculcatum, iam inde à Syluestro, vt ipse ais, ac deinceps Inno-  
centij, Leonis, Gelasij, Ioannis, Gregorij, Nicolaj, Innocentij III.  
& aliorum perpetuis authoritatibus. Quis ergo non miretur, te ho-  
minem ex ea societate, quæ sibi Romanorum Pontificum gloriam  
cæteris studiosius amplificandam suscepisse videri cupit, eam illis no-  
tam imponere, vt dicas, eos cùm antiquissimam ministrandi confir-  
mationis Sacramenti consuetudinem non solum sibi retinerent, sed  
etiam in alijs Ecclesijs retinere conarentur, vbique neglectos, ac vix in vici-  
nis vrbi Ecclesijs fuisse auditos? Si enim eorum autoritas tam bona in  
causa, tantaque in re leuior fuit: in qua tandem videbitur pondus ha-  
buisse? Si sedi Apostolicæ perpetuam omnium temporum, & commu-  
nem Ecclesiæ traditionem sancienti, resque nouas prohibenti, omnes  
propemodum Occidentis Ecclesiæ impunè aduersari potuerunt, quid  
erit in quo eas obtemperare debuissè persuadeas? Et tamen adeo confi-  
denter hoc asseueras, vt etiam insultans prædices, id omnibus exploratum  
esse, nisi fortasse mei similibus. Quæ cùm lego, magis magisque confirmor  
vt dicam, Antirrheticum, nisi societatis Iesu presbyteri nomen præfer-  
ret, videri posse ab Ecclesiæ Romanæ aduersario in eius contumeliam  
emissum.

Nam quo hæc audacia maior appareat, Romani Pontifices traditio-

Y y

1. Antir.  
p. 67. &  
68.  
P. 27.

1. Antir.  
p. 71.  
P. 54.  
Anar. p.  
455.

P. 27.  
Ep. 1. ad  
Decent.  
Ep. 11. ad  
Ep. Gal.  
Ep. 9. ad  
Ep. Lucan.  
Ioan. III.  
ep. unica ad  
Ep. Gal.  
Lib. 3. ep.  
9. etc.  
Ep. 78.  
Extra de  
consuet. c.  
quarto.  
P. 27.  
P. 59.

P. 27.



Epist. 1.  
c. 3.

P. 41.

Ep. 1. r. 3.

Serm. de  
Bap.

Ep. 3. ad  
Sym.

C. 29.

nem illam, non quasi à se ortam, defenderunt, sed vt ab Apostolis, & à scripturarum oraculis profectam. Claræ sunt Innocentij voces: *Pontificibus solis deberi, vt vel consignent, vel paracletum Spiritum tradant, non solum consuetudo Ecclesiastica demonstrat, verum & lectio Actuum Apostolorum. Nam presbyteris Chrismate baptizatos ungere licet, non tamen frontem ex eodem oleo signare, quod solis debetur Episcopis cum tradunt Spiritum paracletum.* Licere negat, sine controuersia, omnium consensu, frontis vnctionem à presbyteris fieri, non Romæ tantum, vt ais, sed generatim per Ecclesiæ consuetudinem: nec per hanc tantum, sed per diuinam libri Actorum authoritatem, cui omnes parere oportebat. Vnde fit, vel Innocentium longè errasse, si diuinitus vetitum dixit, quod diuinitus vetitum non erat; vel omnes Occidentis Ecclesias diuinam legem perfregisse, cum Innocentij Ecclesiæque Romanæ decretum, te authore repudiarunt. Ita effugere non potes quin vel sedem Apostolicam; vel Ecclesias Occidentis graui nota afficias. Qua quidem in re tua cæcitas eò insignior est, quod is ipse Innocentius, qui legem illam perscripsit, testis est omnes Ecclesias ei obtemperasse. *Pontificibus solis deberi, vt vel consignent, vel paracletum Spiritum tradant, consuetudo Ecclesiastica demonstrat.* Planè testatur communem Ecclesiarum consuetudinem fuisse, vt soli Episcopi neophytorum frontes chrismarent. Quid ergo apertius desiderari potest, ad refellendam secundam istam ætatem, quæ id aliter factum asseris: cum Innocentius Pontifex testis oculatus sit ea ætate id ita obseruatum esse? Ille hanc legem passim in Ecclesijs tunc temporis viguisse ait: tu negas. Ille non tantum ab ijs obseruatam docet, sed ipsarum obseruatione & consensu illam tuetur: Tu ab ijs non tantum repudiatam asseueras, sed etiam ea repudiatione illam tollere & euertere moliris. Adeò inter te & Innocentium conuenit. Quare eligat lector vtri fidem adhibeat. Eadem ætate Pacianus Episcopus Barcinonensis consuetudinem illam in Hispania mansisse ostendit, vbi potissimum contrariam censet extitisse. *Lauacro peccata purgantur, inquit, chrismate sanctus Spiritus superfunditur. Vtraque verò ista manu & ore Antistitis impetramus.* Ac paulò ante: *Hæc autem compleri nequeunt, nisi lauacri, & chrismatis & Antistitis Sacramento.* Denique Nouatianus vrgens; *Vestra plebi vnde Spiritus, quam non consignat vnctus sacerdos?* Planum igitur efficit, Episcopos illis adhuc temporibus neophytos in Hispania vulgò chrismasse more antiquo, & Spiritum sanctum sine eorum consignatione percipi non potuisse. Quare non tantum chrismatis, sed etiam *Antistitis* Sacramentum appellat: quo magis demonstret vnctionem illam Episcopi propriam fuisse.

Iam ex Gallia quid illustrius afferam, quàm illam ipsam Synodum Arausicanam, qua abuti voluisti? Cuius in postremo canone hæc sunt verba: *Si post omnia occurrerit imbecillitas fragilitatis humana, vt si quis Episcopus per infirmitatem debilitatemue aliquam, aut hebetudinem sensus incidere, aut officium oris amiserit, ea quæ non nisi per Episcopum geruntur, non sub præsentia sua presbyteros agere permittat; sed euocet Episcopum, cui hoc quod in Ecclesia gerendum fuerit, imponat.* Cum minimas omnes Episco-

palis ordinis functiones, non modò à presbyteris arripi, sed etiam ab Episcopis permitti vetet, etiam rarò, etiam coram se, etiam ingruente necessitate: consonum-ne videtur, vt chrismationem Episcopalem, solis Episcopis antea concessam, ad presbyteros transtulerit, non vt semel, aut raro: sed vulgò, ac perpetuo iure: nec ab iis tantum, sed etiam à diaconis perageretur? Profectò vides id non conuenire: sed illud potius, vt queniadmodum antea Ecclesiæ Romanæ, ita nunc Gallicanæ consuetudinem notam tibi non fuisse fateare. Si enim Arausicanæ Synodi postremum hunc Canonem attendisses, prorsus intellexisses eum simillimum esse Romanorum Pontificum decretis, quibus omnia Episcopalia munia, & Pontificalem potissimum, vt Gelasius *Ep. 6. ad Ep. Lucan.* loquitur, consignationem presbyteris toties interdixerunt: atque adeo Ecclesiam Gallicanam in ea re firmam cum Romana consensionem semper tenuisse. Sub eadem tempora Gennadius refert pueros in Gallia manus impositione & vnctione signari solitos: *De Eccles. dog. c. 32.* *Respondent pro illis, inquit, qui eos offerunt, iuxta morem baptizandi. Et sic manus impositione & chrismate communiti Eucharistiæ mysteriis admittantur.* Sicut ergo *P. 74.* manus impositionem illam fateris à solis Episcopis fieri potuisse: ita id de chrismatione concedas, necesse est; quæ illi coniuncta hærebat: at proinde Gennadij ætate, quæ secunda est tua, manus impositionem ab vnctione diuelli in Gallia non consueuisse, sed eas copulatas mansisse, vt olim, & Episcopo reseruatas. Quid de Optato dicam, cuius locum superiùs imprudens edidisti, vt probares chrismationem & manus impositionem eius ætate, in Sacramento confirmationis coniunctas, & soli Episcopo concessas fuisse? Cùm verò Optati ætas ea sit, quam secundam dicis, nonne eius testimonio, tuaque, quod grauius est, confessione te conuicisti.

Denique cùm superiùs declaratum fuerit ætatum omnium consensu Spiritum sanctum chrismatis vnctione donari: nonne eadem opera declaratum est earumdem ætatum consensu chrismationem illam à solo Episcopo confici posse? Nam Spiritum sanctum donare solius esse Episcoporum potestatis, certa est & constans Patrum doctrina. Sicut *In cap. 4. & inf. in cap. 7.* ergo donandi Spiritus sancti virtus ad presbyteros nunquam transferri potuit ex Patrum mente: ita nec frontis Chrismatio quæ illam virtutem continet: sed vtramque pariter Episcoporum propriam semper fuisse necesse est. *Innoc. I. Ep. ad Decent. c. 3. Isidor. Pelus. ep. 450. lib. 1. Chrysost. hom. 15. in Act. &c.*

Rursus in Hispania S. Isidorus, & cum eo II. Synodus Hispalensis, docet frontis Chrismationem, non minus quàm manus impositionem, aliasque Episcopalis muneris partes presbyteris vetitas fuisse *C. 7.* perpetuis Ecclesiæ moribus, ac Canonum authoritate; nec ab Episcopis permitti potuisse: & si qui id fecissent; *Ecclesiasticarum disciplinarum* ignaros fuisse. Ac Nicolaus Papa, Græcis Latinos reprehendentibus, quod presbyteris linire baptizatorum frontes inhiherent; respondit, quæ ipsi reprehenderent, iam à prisco tempore sine cuiusquam contradictione in Ecclesia Romana, imò in tota Occidentali parte custodita. Nec aliter vnquam factum esse contenderunt vel Græcorum eruditissi-

In c. 5. Ec-  
cles. Hie-  
rarch.

Anacret. p.  
322.

pag 66.

lib. 4. con-  
tra opposita  
Græc.

Extra de  
consuet. c.  
quanto.

In Conc.  
Tolet.  
I. Arasf. I.  
Carthag.  
III. c. 36.

nus Photius, vel cæteri Græci Latinorum æmuli. Qui adeò abfuerunt ut dicerent, Latinos in ea consuetudine retinenda à more maiorum abiisse, ut contrà facti sint, se à maiorum suorum institutis recessisse in ea oppugnanda. *Opus erit Episcopo*, inquit Pachymeres, *ad baptizatum chrismate inungendum. Hac enim fuit antiqua consuetudo.* Quibus verbis in Anacretico refellimus quod scribere non erubuisti, Episcopalis chrismationis presbyteris permittendæ morem *apud Græcos perpetuum fuisse*: eodemque addidimus Chrysostomi & aliorum testimonia, quibus is error confossus est, te dissimulante, & silentio fatente. Quare doctrina tua vitiosior est & in Ecclesiam Latinam inuerecundior, quàm Græcorum. Tu enim non tantum Græcos, quod presbyteris Episcopalis chrismationis administrandæ potestatem fecerint, perpetuæ maiorum suorum auctoritati consensisse putas: sed etiam Latinos, quod eam illis vetere, ab omnium totius penè Occidentis Ecclesiarum moribus descivisse. Quorum neutrum Græci affirmare sustinuerunt. Atque etiam Ratramnus Corbeiensis eadem illa Nicolai ætate diluens Græcorum obiecta, quæ Nicolaus refellenda in Galliam miserat: *Nunc ad illud veniamus*, inquit, *quod obijcitur: quia penes Romanos baptizatorum frontes presbyteri Chrismate non linunt.* Et mox: *Ut hoc fiat, & apud Romanos, & apud omnes Occidentales, tam ex Evangelio, quàm ex Apostolorum Actis esse constat assumptum. Constat namque Spiritus sancti gratiam per vñctionem frontis ex chrismate ab Episcopis donari: quod nulli præter Episcopos esse concessum Evangelica testatur auctoritas.* Et infra: *Omnes Occidentales Episcopi maiorum sequentes institutionem, sumpsere consuetudinem, ut frontes baptizatorum chrismate liniendi, non presbyteris concedant, sed privilegium sibi reseruent.* Postremò omnes Ecclesias Romanam ea in re semper secutas testis est Innocentius III. Nam contrariam Græcorum presbyterorum consuetudinem damnans: *Et Sacramenta*, inquit, *presumunt fidelibus exhibere, quæ ab Apostolorum tempore fuerunt solis Pontificibus reservata.* Quibus verbis geminum errorem tuum stirpitus euellit, quo istud & à Græcis omnibus semper, & à Latinis penè omnibus secunda tua ætate aliter usurpatum esse contendis. Statuit enim eam chrismationem ab Apostolorum temporibus nusquam aliis quàm Episcopis concessam.

Omnes igitur Ecclesias, præsertim Occidentis, Romanæ Ecclesiæ olim consensisse in Episcopali chrismatione presbyteris interdicenda, certum ac fixum est, tum Romanorum Pontificum, qui id præcepere, tum Episcoporum qui obedire, tum Græcorum etiam, qui posterioribus sæculis refragari cœpere, consensu. Ac diuino nutu factum opinor, ut Galliæ potissimum, Hispaniæ, & Africæ Episcoporum testificationes errorem tuum opprimant, quorum nominibus eum tueri cōmatus es. Quod si hæc, quæ attulimus, grauissima testimonia deessent tamen rem ipsam intuenti pateret eas Ecclesias in tota vñctionū chrismationumque dispensatione, Ecclesiæ Romanæ vestigia secutas. Nam de chrismando à presbyteris & ministris in baptismo agere instituerunt, circiter ea tempora quibus Innocentius I. ex Ecclesiæ suæ moribus scripsit, neophytorum vñctionem extra frontem presbyteris permissam.



Superioribus temporibus nulla apud eos mentio de chrismate à presbyteris aut ministris tractando. Cum ergo hac de re tum demum agere cœperint, cum ab Ecclesia Romana baptismalis ministrorum chrismatio inuenta & tradita erat; quis non videt eos hunc ritum ab illa sumpsisse, piaque imitatione in Ecclesias suas velut à fonte deriuasse? Quis enim credat, postquam Ecclesia Romana voluerat baptizatos chrismate à ministris extra frontem vngi, in fonte vetuerat; tunc primum venisse in mentem tot prouinciarum Episcopis, quasi obtrectandi studio, contrarios Canones toto Occidente promulgare: Hoc argumento perspicuum fieri opinor chrismatis vñctionem, quam Gallia & Hispania Canones ministris baptizantibus præcipiunt, esse illam ipsam quæ paulo antè Romæ increbuerat; easque Ecclesias ita Romanæ paruisse, antiquam Episcopalis vñctionis Confirmationisque administrandæ consuetudinem retinere præcipienti, vt ne illius quidem exemplum, cum nouam ministrorum chrismationem instituisset, diutius sibi prætermittendum negligendumque arbitrarentur.

Quid, quod loca ipsa quibus pugnas, id confirmant? Proferas *Hilari- P. 18.*  
*rium Diaconum*, Latinum videlicet hominem, in Ecclesia Romana educatum, qui apud Ambrosium in Epistolam ad Ephesios scribat, *apud*  
*Ægyptum presbyteros consignare, si Episcopus non est.* Fac ita esse. Certè hinc sequitur, eo adhuc tempore illud nusquam factum in Occidentis Ecclesiis: quandoquidem Latinus scriptor, cum varias Ecclesiarum cōsuetudines scrutaretur, huiusce exemplum in Occidente nullum repererit, sed à remotissimis Ægypti Ecclesiis petierit. An enim nosset quid in ultimis Orientis Ecclesiis fieret, quid in Ecclesiis Occidentis vulgo fieret, non nosset? Hoc ergo teste agnoscendum est, Occidentis Ecclesias etiam tum Romanæ, ac principis morem secutas, nec earum presbyteros, nedum diaconos, neophytorum frontes vnxisse. Eadem opera refellitur *P. 18.*  
quod opinaris huius nouæ presbyterorum potestatis initium Constantini principatu ortum: cum Hilarium Diaconum, qui multo post vixit, audias declarantem id sua ætate in Occidentis Ecclesias nondum inuentum. Habeas ergo tibi Ægypti Ecclesias illo teste, dummodò eodem authore Ecclesias Occidentis omnes nobis relinquant.

Quamquam de Ægypti quoque Ecclesiis meritò dubitari potest. Primum, quia summa res, omnibus Græcis Orientisque scriptoribus silentibus, ne repugnātibz dicam, Latini vnus scriptoris fide nititur. Nemo alius, nec Græcus, nec Latinus eam confirmat; ne Græci illi quidem, qui Photij temporibus tanta contētionē hac ipsa de re cum Romana Ecclesia certarunt. Quare minimè obscurum est, narrationem esse leuiorem, quàm vt fidei faciendæ sit satis. Accedit, scriptorem istum, quisquis sit, sexcentis erroribus ac fabulis scatere. Nam, vt alia præteream, narrat sub Ecclesiæ initia omnibus promiscuè baptizandi & concionādi ius fuisse, etiam laicis. Quis miretur, chrismandi potestatem ab Episcopis ad Pres- *In cap. 4.*  
byteros in Ægypti Ecclesiis ab eo traductam, qui per omnes Ecclesias *Ephes.*  
baptizandi docendique potestatem à Clericis ad laicos traduxerit?

Alterum citas authore quæstionum noui ac veteris Testamēti, eadem *P. 18.*



In lib. de  
script.

In Dial. ad  
uersum Lu-  
cif.

Lib. 4. Con-  
tra Epi-  
stolas Pe-  
lag. c. 4.

C. 13.

Anar. p.  
440.

P. 29.

ferè scribentem; nisi quòd pro verbis illis, *Consignat presbyter*, quæ tu re-  
fers, liber habet, *Consecrat presbyter*, quæ qua licentia mutes, nobis non  
liquet. Atqui si hunc scriptorem legissem, vidissem non tantum priori si-  
milem ac geminum esse, sed prorsus eundem. Quod arguunt non modò  
errata & sententiæ eadem, sed etiam oratio multis locis iisdem penè  
verbis concepta. Quare quod de priore responsum est, huic accomoda.  
Nec verò de nomine scriptoris altercari refert, quem tu Hilarium Dia-  
conum, authore Bellarmino dicis, illum videlicet Luciferiani schisma-  
tis ducem, quem Hieronymus, quòd Catholicorum baptisma iteraret,  
Deucalionem orbis appellauit. Tantum monebo, ut videas etiam at-  
que etiam qui tandem esse possit ille Hilarius, cum librorum istorum  
scriptor, præter innumeras mendas certus sit Pelagianus, Catholicam-  
que doctrinam passim ac dedita opera sic petat, ut ab ipso Pelagio fa-  
ctus institutusque videatur. Pelagium verò ac Pelagianos per diu post  
Luciferi schisma, & post Hilarium illum Romanæ Ecclesiæ diaconum  
natos non ignoras. Nec valet Bellarmini argumentum, Augustinum  
*S. Hilarij* nomine protulisse verba quæ in Ambrosiano Commentario  
in Epistolam ad Rom. inueniuntur. Nam, ut alia præteream, Augusti-  
nus sanctitatis titulo eum Diaconum non ornaret, quem Hieronymus  
Deucalionem orbis appellasset. Etsi enim sanctitatis nomen iis tempo-  
ribus lausius pateret, quàm nunc; nunquam tamen usque eò paruit, ut  
hæresum ac schismatum ducibus ab Ecclesia damnatis tribueretur. A-  
lium igitur *S. Hilarium* fuisse oportet, cuius verba retulerit Augustinus,  
& ex quo ea descripserit Ambrosianus Commentator; illum fortassis,  
cuius prolixior alter locus in priorem ad Timotheum citatur à Patribus  
Synodi II. Hispalensis. *Sancti Hilarij* nomine in *explicatione Epistolæ ad Ti-  
mosheum*. Qui locus cum in Commentario Ambrosiano non legatur; fa-  
cilè intelligitur extitisse olim alium Commentarium in Epistolas Pauli  
à S. Hilario scriptum; Pictaviensi, an alio, non temerè dixerim. Quam-  
quam Pictaviensis characterem admodum refert locus à Synodo His-  
palensi allatus. Nec obest, quod Ambrosianus Commentator dicat se  
sub Damaso scripsisse: quia cum Hæreticum & impostorem fuisse li-  
queat, non minus in eo fallere potuit ad captandam antiquitatis lau-  
dem, fugiendamque suspicionem, quàm in aliis refellit. Quare habe-  
tur non minus Hilarij nomine quod illi offers quàm Ambrosij sub quo  
diu latuit alienus; & ad laruatorum scriptorum tenebras reiciatur, quo  
magis te pudeat eum collocasse in primo authorum tuorum agmine,  
acieique tuæ laruatam scriptorem velut signiferum præfecisse, post-  
quam id genus homines toties omnibus ignominiiis notasti.

Iam ad Concilij I. Toletani, & Martini Bracarenfis Canones, Pre-  
sbyteris neophytorum Chrismationem impertientes, quid dicam? cum  
in Anæretico responderim, loqui illos quidem de baptizatis à presbyte-  
ro consignandis & chrismandis; at non de chrismandis consignandisq;  
eorum frontibus? Quid enim respondes? Canones istos accipi non pos-  
se de vñctione extra frontem; quia de ea loquantur, quæ à presbytero  
præsentibus Episcopis fieri nō posset; nisi illi annuissent; presbyteris ve-

rò licuisse neophytos extra frontem seu præsentibus, seu absentibus Episcopis vngere, Innocentius testetur. An igitur censes, Innocentium dicere hoc eis licuisse præsentibus Episcopis, eorum iniussu, seu non accepta prius eorum venia. Si id non censes, ridiculè Innocentium opponis? Si censes, nihilominus ridiculè facis; cum nec ratio id ferat; nec Innocentij verba significant; nec ita intelligi possint, nisi ab eo qui in Canonum institutis veterique Ecclesiæ disciplina peregrinetur. Quid enim notius, quid vulgatius in Canonum ratione, quàm presbyteris nihil agere licuisse coram Episcopo nisi eo imperante; ne quidem vtitissima & infima sui ordinis ministeria? Præsentem enim Episcopum reuereri iubebantur, vt omnis Ecclesiastica potestatis ac ministerij principem, & agnoscere nullam sibi eius partem nisi ab illo inesse. Hoc si attendisses, nihil pugnæ suspicatus esses inter Innocentium & Hispaniæ Episcopos, sed vtrosque eadem ratione neophytorum extra frontem vngendorum potestatem illis concessisse intellexisses, non sine Episcopi nutu, si præsens adesset. Hoc tantum interest, quod Innocentius id non expressit, quia videlicet communi Canonum disciplina satis continebatur. Hispani autem præfules, causâ aliqua oborta, id clarius denunciandum putarunt. Denique si concedam Hispaniæ Episcopos ab Innocentio discrepasse de ritu aliquo chrismationis baptismalis, quid habebis quod reprehendas: cum existimes eos illi multo magis aduersatos de ministro vñctionis Episcopalis? Si tibi liceat prædicare, eos fusque deque habuisse Ecclesiæ Romanæ auctoritatem in re multo grauissima; cur mihi non liceat in multo leuiore?

Conc. Carthag. II. c. 9. Gelas. ep. 9. ad Episcopos Lucan. Conc. Hispan. 2. c. 7.

Ecce aliam ingenij tui solertiam. Cum Barcinonensis Canon, vt presbyteri chrisma petant *pro neophytis confirmandis*, tibi in primis officiat, qui neges antiquos Confirmationem in Chrismate posuisse: non modò id non fateri, sed etiam eum in rem tuam conuertere decreuisti. Excogitasti enim interpretationem mirificam, vt *confirmandis* idem valeat ac *consignandis*, seu vngendis extra Confirmationis Sacramentum. Qua licentia quæ maior esse potest, ac minus ferenda, cum Canonum Conciliorumque sententias sic perturbet, vt quid significant constare non possit? At Concilio Toletano XI. interprete, hæc vox sic intelligi debet. Quid insulsius? cum locus, quem indicas, Concilij Barcinonensis nusquam meminerit? Nec verò quemquam erues ex vniuersa antiquitate, qui Confirmationis nomine ita sit abusus, vt *neophytorum Confirmationem* aliud appellarit, quàm verum & vnicum Confirmationis Sacramentum. Quod si ineptiant istam protulisse turpe est, quanto turpius frustra protulisse? Esto enim, vt Barcinonensis Canon neophytorum confirmandorum nomine intellexerit consignandos à presbyteris. Qua ratione docebis intellexisse consignandas ab iis frontes? Prorsus nulla. Itaque, quoquò te vertas, easdem falebras reperies. Nobis verò explicatissima est Canonis sententia; Presbyteros iuberi chrisma petere, vt paratum habeant cum Episcopus ad neophytos confirmandos de more excurrat. Videntur enim Barcinonenses Patres, cum paræciam obirent, voluisse Chrisma sibi à presbyteris præberi, vt

C. 2.

P. 29.

P. 29.

Can. 2.

eos studiosiores efficerent parandi illud, Baptismoque adhibendi, cum id Episcopo paulò post venturo ad neophytorum Confirmationem à se suppeditandum scirent. Quamobrem hic locus non modò tibi nihil prodest, sed secundam ætatem tuam euertit, cum perspicuum sit Barcinonensis Concilij sæculo in Hispania Confirmationis Sacramentum è Chrismatis vnctione constituisse, ac proinde vnctionem illam Episcopis reſeruata, vt prioribus & posterioribus omnibus sæculis.

P. 39. 30.

Certiora videlicet promes ex Africæ Synodis, *Enolur*, inquis, *Synodos Africanas, vetari presbyteris reperies ne Chrisma conficiant, ne vsantur, non reperies.* Hæc enim verba, quæ totidem nec plura loqueris de Synodis Africanis, proferenda in conspectum fuere, ne cui dubia sit iudicij tui leuitas? An enim quærimus, num presbyteris licuerit vti Chrismate? Nonne tota quæstio est, fueritne iis fas baptizatorum frontes Episcopali vnctione signare? Quorsum igitur Synodi, quæ Presbyteris tantum largiantur chrismatis vltum: ac ne quidem largiantur, sed tantum non ventent? Porro de Synodis Africæ presbyterorum chrismationem vel præcipientibus, vel innuentibus, satis antea declaratum est eas frustra à te distrahi à Romanæ Ecclesiæ consensione, in qua illas certis rationibus retinuimus.

P. 30.  
Anar. p.  
444.

Lib. 3. 7. 9.

Greg. T. n.  
rom. hist. l.  
7. cap. 44.  
Innoc. ep.  
ad Decent.  
6. 6.

P. 30.

Ab Africæ Synodis ad Ecclesiam Caralitanam & S. Gregorij tempora descendis, vel potius præcipitas. Qua de re in Anæretico satis dictum est, te nihil agere, nisi vnà demonstres vnctionem frontis quàm S. Gregorius contra Ecclesiæ Romanæ morem inuitus indulget, esse illam ipsam frontis Chrismationem, quam Episcopi facere consueuerunt, sic vt baptizatos chrismari in posterum ab Episcopis Confirmationis Sacramentum administrantibus necesse non esset, & Confirmationis Sacramentum ab iis sola manuum impositione postea tribueretur. Hic enim est controuersię cardo: hæc tua sententia. Quam nisi confirmas, frustra S. Gregorij verba & Ecclesiæ Caralitane factū obtendis. Est enim procliuè dictū, quod & in Anæretico diximus, S. Gregoriū id vnum Sardis dedisse, fugiendæ offensionis gratia, vt quam vnctionem antea in pectore fieri iusserat, eandem postea in fronte facerent; posterioremque à priori solo mēbro diuersam fuisse; & ita ab Episcopali Sacramenti Confirmationis vnctione remotissimā. Sicut enim quæuis manuum impositiones pares non sunt manus impositioni Episcoporum: ita quæuis vnctiones frontium ad eandem cum Episcopali Sacramenti Confirmationis vnctione dignitatem euehendæ non sunt, sed interdum ad inferiorem gradum reiiciendæ: qualis erat illa, qua quondam Agericus Viridunensis Episcopus in energumena puellæ exorcismo vsus est, *frontem eius oleo sancto perungens*: qualis item illa videtur, qua Innocentius Papa eos qui post baptismum à dæmone sunt correpti, à Presbytero aliisue clericis Episcopi permissu consignatione, vel manus impositione curandos scribit. Atque hæc tam dilucida facilisque responsio erat, vt eam alio cunco repellere non potueris, quàm indigno commento, putidaque calumnia. Ais enim S. Gregorium. *Veteratorem à me fingi*: nempe, quia sub frontis nomine ac specie aliam nescio quam non frontis vnctionem vafra dissimulatio.



*ne texeris. Vbi fides? vbi pudor? Egone dixi S. Gregorium nescio quam non frontis vnctionem Sardis concessisse? qui planissimè scripsi, cum Chrismationem à ministris in baptismo adhiberi solitam, quæ in fronte nunquam erat facta, in fronte fieri concessisse. Vter ergo nostrum incredibilis audacia, quam etiam exagitas, reus est? Donanda verò tibi huiusmodi permulta, cui promptius est aduersarij dicta corrumpere, quàm refellere.*

Hinc ad triumphos proueheris præliis tuis pares: & inter triuphandum insultas, *pro vna, inquis, Occidentis Ecclesia, quam rogabas, omnes tibi, ut de cæteris taceam, totius Hispania Prouincias protuli. Quid præstiteris, satis ostensum est. Sed quo magis id liqueat, videndum quid ego roga- uerim. Hæ enim erant meæ voces: Cedo, si quam habes Occidentis Ecclesiam in qua perspicuè docere possis baptizatorum frontes chrismari consueuisse à ministris. Hoc si te præstitisse dicas, non modò intelligere quicquam, sed ne legere quidem posse videbere. Nam ex Hispaniæ Canonibus, quos adscripsisti, nullum esse qui frontis, & chrismationis frontis presbyteris, vel ministris concessæ perspicuè meminerit, & superior disputatio, & ipsi oculi sunt testes. Permirum verò est, id quod oculi refellant, frontem tueri velle. Quare conclusioni tuæ hanc oppono: Cum ex omnibus quæ vndique incenso studio conquisisti, Patrum, Canonum, veterumque scriptorum locis, nullum reperire potueris, qui chrismationem frontis ab Episcopis confirmantibus præberi solitam, ad ministros vulgò tractam loquatur: neque hoc præter te vnum, quisquam post Ecclesiā natam, in Ecclesia adhuc scripserit; imò omnes qui in eius rei mentionem inciderunt, reclamant; prorsus sequitur istam cogitationem à te ortam, fictam, inanem antiquis Patribus & Conciliis indignam eoque qui cum Ecclesiæ antiquitate, ne dicam cum Ecclesia ipsa, & cum consentienti hac de re Theologorum choro commercium habeat.*

Iam verò de Synodo Arausicana rursus oggannis, sed leuiter & quasi præteriens magis ut ad locum, in quo laureolam tibi paratam arbitraris, gradum facias, quam ut illi Synodo insistas, in qua te profligatum sentis. Nam cum in altero Concilij huius Canone quiddam statuatur de Hæreticis qui resipuerint chrismandis à presbyteris, grauiter nos vr- ges, quod sentiamus impositione manuum & chrismationem eorum, qui se ab hæresi reciperent, meras fuisse ceremonias ad Sacramentum Confirmationis nihil pertinentes. Antè omnia reprehendis, me istud non probare sed in alium locum reijcere his verbis, *Commodius alibi exponemus. Quare instas & increpas; Itane verò hic dicendi locus non erat? & spe ista nos sustentas? Quæ mihi omnem pudoris tui opinionem excuterent nisi te iam nossẽm. Ego enim liquido probaui manus impositionem chrismationemq; illam ab hæresi redeuntium pertinere non potuisse ad Sacramentum Confirmationis, in hunc modum; Quia Patres eam dari iusserunt omnibus promiscuè ab hæresi redeuntibus nihil inter eos discernentes qui Episcopalem manus impositionem & verum Sacramentum Confirmationis ab hæreticis accepissent, & eos qui non essent illo imbuti. Omnes enim sine discrimine hæreticos*



ita chrismandos dixerunt, ut patet ex Canonum verbis. Hac ergo ratione planum fecerunt, chrismationem eiusmodi non fuisse illam Sacramento Confirmationis solennem, sed ceremoniam meram. Aude nunc scribere, me nihil argumenti attulisse, quò sententiam meam probarem; quam argumento tam luculento firmaui, ut tu illud primùm silentio, deinde calumnia obscurare sis coactus, nec unquam attingere ausurus sis. Planè igitur constat, impositionem illam manuum, chrismationemque rediuiuum ex hæresi hominum alius generis fuisse atque eam ex qua Confirmationis Sacramentum constat. Nam etiam iis præbebatur, qui ab hæreticis Sacramentum Confirmationis acceperant: quod in Ecclesia nunquam iterari fas fuit. Quare satis demonstrata est tum sententiæ meæ perspicuitas, tum tuæ fraudis. Verba autem illa quæ refers, *Commodius alibi exponemus*, alio loco à me scripta in hunc traiecisti. Nam iis utebar, cum dicerem me alibi patefacturum cur isti ab hæresi reduces chrismarentur & manus impositionem acciperent, ac Spiritum sanctum consequi dicerentur.

Anar. p.  
416.

P. 32.

Lib. 3. hæ-  
ret. fab.

At verò tam exploratæ rei Theodoretum opponis, tanta fiducia ut palmam tibi in manu esse existimes; tanto autem errore, ut nos videas istum ipsum locum quem firmissimum putas totum à me esse. Fateor Theodoreti verba accipienda de vñctione quæ ad Sacramentum Confirmationis pertineat. Sed cum scribat, Patres iccirco statuissè, Nouatianos ad Ecclesiam sese referentes ea vñctione signandos, quia *Nouatiani iis qui ab ipsis baptizantur sanctissimum chrisma non tribuunt*, nonne significat Patres iussuros non fuisse Nouatianis eam vñctionem impendi, si antè à suis illam consecuti essent? atque adeò eos, qui chrismationem baptizatis ab Ecclesia in Sacramento Confirmationis tribui solitam ab hæreticis accepissent, eandem cum ad Ecclesiam remigrarent, rursus nõ accepissè? Ita sententiam nostram confirmat. Vñctio ergo quam Nouatianis præbitam narrat, non erat communis illa hæreticorum ad Ecclesiam redeuntium, sed Nouatianorum propria eorumque qui ut illi, Sacramento Confirmationis à suis initiati non essent. Quod eis SS. Patres meritò tribui iusserunt, chrismatis vñctione.

Ep. 78. ad  
Stephanũ.

P. 34.

Cyprianum quoque attendere debuisti in ea fuisse opinione, ut nulla Sacramenta, quæ hæretici administrassent, vera arbitraretur. Quare omnia ab Ecclesia de integro adhibenda censebat. Itaque minimè mirum, si eos qui ab hæresi emergerent ut Ecclesiæ baptismo rursus mergendos ita Ecclesiæ Confirmatione rursus signandos putarit ut utroque Sacramento in Ecclesia nascerentur qui vtriusque simulatione in hæresi perisissent, Vix credendum erat virum tantum, ut tu es in isto Cypriani loco suas spes collocaturum cuius dissolutio vel tyronibus obuia esset. Quis enim adeò rudis, cui iste Africanorum error non sit auditus? Quare igitur, si qua alia habes quibus veritatem oppugnes: & memento, te nihilo meliorem Prophetam, quàm Theologum esse, qui hæc à me *alibi soluenda*, non in præsentia facillimè disijcienda prædixisti.

## IN CAPVT VI.

*Frontis unctionem multò minus diaconis concessam, quàm Presbyteris. Ne Chorepiscopis quidem indultam. Sacramentum Confirmationis à S.S. Patribus & Ecclesia Catholica semper in Chrismatis unctione constitutum. Contrariam Sirmondi sententiam Patrum, Conciliorum primariorumque ipsius sodalium consensu hareticam esse.*

**H**ieronimo fretus audacius spiras, eiusque oracula minaris, sed ita, *P. 34.*  
*præter oraculorum morem clara & dilucida, ut nullam dubitationem* *P. 35.*  
*reliquam faciant.* Audio verba: videamus rem Hieronymi plura loca referens, de manuū impositione, de chrismate, de chrismando à presbyteris & diaconis in Baptismo. Sed in his omnibus nulla frons. Nihil, inquam, est, quod Baptizatorum frontes à ministris chrismatas, dicat; vel ab Episcopis confirmantibus non chrismatas. Itaque omnia in nihilum abeunt, magnasque tuas spes destituunt. Quid consilij? Inuenisti, homo vases, ac ingeniosum & elegans. Videlicet negas *opus fuisse enuntiari nominatim*  
*à Hieronymo chrismationem frontis quia tunc temporis. Vnica hæc erat* *P. 36.*  
*chrismatio.* Negamus. Quæ probas? quia *unicam esse hanc nemo ambigebat.*  
 Hoc erat tuum illud acumen; hæc illa Hieronymi oracula quæ *nullam dubitationem reliquam facerent*, credibilia sunt hæc auditu, nisi legerentur. Quis enim hominem non dico eruditum, sed cordatum, tam elinguem futurum speraret, postquam tam magna minatus esset.

Ecce aliud argumentandi specimen: si tamen contortulam orationem tuam capio. Sed, quàm commodissimè licebit, accipiam. Hieronymus, alique non scribunt unicum tunc fuisse ablutionem unicum manus impositionem. Hæ tamen unice erant. Igitur chrismatio frontis sola tum fuit chrismatio etsi illi hanc solam fuisse non scribant. Quis expectat dum hæc refellam? Non ita existimo de lectore meo, ut id requiri putem. Tantum dabo clara Hieronymi verba: eaque ex isto ipso quem vrges, dialogo aduersus Luciferianos, ut te nunquam eum legisse agnoscas. Nam Hieronymus ubi loquitur de Angelo Ecclesiæ Pergamenæ hæc ait: *Nunquid dixit, rebaptizentur qui in Nicolaitarum fide baptizati sunt? C. 1.*  
*vel imponatur eis manus, qui eo tempore apud Pergamenos crediderunt? Quin potius*  
*age, inquit, penitentiam.* Vides unicum à Hieronymo assertum baptisma, unicum manus impositionem: & vtrumque ita unicum, ut ne iis quidem qui ab hæreticis ea susceperint, rursus dari debeant: nedum iis qui illa in Ecclesia sint adepti. Ex quibus si ratiocinationis tuæ acie in te conuerti fas est, sequitur Hieronymum, sicut unicum Baptismi ablutionem, & manus impositionem unicum dixit, quia hæ unice erant; ita unicum & solam frontis chrismationem dicturum fuisse, si hæc illa ætate sola & unica chrismatio fuisset. Accedit grauis incogitantia, quòd non meministi te confessum, duplicem neophytorum chrismationem in Ecclesia

esset. Probare enim audes, potestatem istam diaconis permissam, quia P. 31.  
Synodus Toletana prohibuit. Nec miretur quisquam incredibile ratio-  
cinandi genus. Sic differere Sirmondi est. Quare si probare velit, fas es-  
se necare hominem, quia Deus id vetuit, iure suo faciet; qui arcano  
quodam naturæ priuilegio communibus humanæ rationis legibus vi-  
deatur solutus: Porro mirificū argumentū mirificè tuetur: Sane, inquit,  
*quod in posterum vetat Synodus Toletana I. antè factum confirmat.* Quorum ibid.  
verborum duplex est ambiguaque sententia. Nam & innuunt. Syno-  
dum id quod in posterum vetat, antea factum probare, ratumque ha-  
bere; vel id duntaxat antea factum significare. Prior sensus ne refellen-  
dus quidē est. Quis enim dicat quæ in posterū prohibētur eo ipso prius  
facta approbari? Hic tamen sensus & tuis verbis continetur; & tibi ne-  
cessarius est, si quid efficere velis. Nisi enim doceas Synodum Toletanā  
chrismationes frontis à diaconis factas probare, operā ludis. Querimus  
enim Ecclesiæ auctoritatem qua chrismationes istas diaconis attributas  
constet; non ab ipsis temerè arreptas. Iam posterior sensus nihilo melior  
est. Nec enim quicquid prohibetur prius factū declaratur. Multa inter-  
dicuntur, non quia facta sunt, sed ne fiant; sicut medicinæ pleræque ad-  
hibentur, non sanandis morbis sed præcauendis. Denique Synodus ne  
quidem loquitur de frontis vnctione, vt antè demonstraui.

Sed hoc probandi genus aptum videri possit, si conferas cū eo quod  
mox adiungis. Nō enim vereris probare illo ipso Canone Arausicano de P. 31.  
quo ambigimus Episcopalis chrismationis potestatem Diaconis factā.  
Ne quis verò Dialecticā tuā irrideat, quod pro concessio obtrudas; illud  
ipsum de quo cōtenditur, supra monuisti Aureliū à te debellatū. In cla- P. 14.  
ra autē & illustri victoria omnia licēt, nemine superstite qui prohibeat.

Huic succedit tertium argumentum è Synodo Vasensi. Iubet enim ibid.  
Synodus presbyteros & diaconos quotannis ab Episcopo chrisma pe-  
tere. Vnde sequitur eius vsus illis permissū. Vt de ratiocinatione taceā,  
quis istud negat? Nonne fatemur Diaconos & presbyteros chrismare in  
baptismo vlos? non tamen quo frontes vngerent. Quod Canonū isto-  
rum temerè congestorū nullus contradicit. Quàm pudendum, te quic-  
quid vsipiam de ministrorum vnctione vel tenuissimè scriptum offendi-  
sti, rapere in tuam partem, & pro amentato telo vibrare, cū omnes istæ  
quisquiliæ eadem sint futilitate, eodemque vitio dum frontem, frontē  
inquam, quam solam à te quærimus, nullā repræsentant? At in vsu tunc P. 31.  
erat vnica frontis Chrismatio. At hanc ineptiam nimium sæpe iam re-  
fricas posteaquam confessus es duplicem Chrismationem multo ante in  
Ecclesiæ Romanæ aliarumque moribus positam fuisse.

Noua & paradoxa de diaconis opinione egregiè stabilita, laberis ad DE CHOR. EPISCOPIS.  
Chorepiscopos alienissima ratione. Nā à presbyteris orsus ad diaconos  
deflexisti: ab his ad Chorepiscopos transis: à quibus rursus redis ad pre-  
sbyteros. Itaque inchoatæ de presbyteris disputationi alias interijcis  
quibus implicitis, omnia perturbas, lectorisque animū obruis. Id tu si  
obscurandæ rei causa fecisti quo minus orationis errorūque tuorū ma-  
culæ appareant; nostrum est, eas quàm explicatissima fieri poterit,

P. 39.

Ibid.

Anar.  
440. &  
441.  
P. 39.

P. 40.

P. 39.

C. 3.

respondendi ratione aperire. Longam igitur de Chorepiscopis dissertationem temerè ordiris. Ac ne videaris à proposito abire, plausibilemque materiam aucupari simulas te à me illuc trahi: & disputationem meo nomine in medium affers, his verbis: *Quo pacto, ais, presbyteris vel diaconis permitti consignatio potuit, si hanc Damasus, Leo, & Joannes Pontifices Chorepiscopis qui presbyteris sublimiores, sunt, suis epistolis interdiciunt?* Ac ne fabulæ pigmenta desint, addis: *Triumphare tibi hoc loco visus es, Aureli.* Hæc audiant, qui de te benignius quàm par est, sentiunt. Nam ego ita usus non sum ista, quam audacissimè fingis, disputatione; ita hoc loco nec triumphavi, nec exultavi, ut simpliciter scripserim Patres communiter veruisse, ne vel presbyteri, vel Chorepiscopi, qui iidem essent presbyteri baptizatorum frontes chrismarent; nec præterea quicquam addiderim. Id paginarum, quas notas, inspectione continuò patebit. Non inuehar tamen, etsi mereris; nec fidem tuam multis acculabo. Vnum dicam: perspicuum hinc esse, quod sæpius ostendimus, te, quæcumque de nostris siles, inopia imbecillitateque defugere; cum, si quid verbulo visquam inieci, de quo habere tibi videre quod contra dicas, id loquacissimis contentionibus persequi soleas. Quare ne de Chorepiscopis diutius morer, de quibus temerè litigas, cum nec de illis in Canone Arausicano sermo sit, nec ego de iis, etsi facile possem, quicquid scripserim, nisi obiter, & in transcurso, quia in locis, quibus utebar, nominabantur una cum presbyteris, de quibus controuersia erat; ut ego diuertacula ista præteream, quæ studiosè semper ingeris, fugiendi & tergiuersandi gratia; tibi in præsentia concedam peruagatissimos Canones Ancyranos, & Antiochenos, nullis tyronibus non notos, in quibus tamen te iactas; quorum intelligentiam penes te non esse, nunc quidem demonstrare operæ non est; comprimendæ fiduciæ, qua in hunc locum irruisti, illud satis erit, si respondero; ex omnibus saltem Occidentis Canonibus (quonia de his agere cœpimus) nullum esse, quo Chorepiscopis liceat vulgò baptizatorum frontes chrismate signare; quod tu presbyteris & diaconis concessum putas; extare autem non paucos, quibus vetetur. Quod si promiscua & ordinaria hæc potestas nunquam data est Chorepiscopis; si sæpe illis est interdicta; quis non videt quanto minus presbyteris & diaconis concessam dicere liceat? Itaque argumentationem, quam mihi affinxisti, firmiorem vides quàm putabas, meque si prius ea usus non sim, tibi pepercisse.

Nec est quod obtendas Armentarij exemplum, cui Chorepiscoporum in ordinem à Regiensi Synodo redactæ potestatis datam ais neophytos in Ecclesia sua confirmandi. Nam in hoc exēplo sæpius erras. Primum Synodus non ait, se Armentariū in Chorepiscoporum ordinem redigere, sed tantum in impertienda illi humanitate Synodū Nicænam sequi, quæ statuerit, talibus concedi posse, non simpliciter Chorepiscoporum locum, sed vel Chorepiscopi nomen, vel peregrinam, ut aiunt, communionem. Chorepiscopi autem nomen, aut locum nusquam ei dat. Imò partim ea indulget quæ supra Chorepiscopum erant, ut virginum consecrationem; & neophytorum confirmationem; quæ Chorepiscopis saltetm



vulgò licuisse non dices; partim adimit quæ illis concedebantur, vt Clerici etiã vltimi ordinatione; partim ea negat, quæ ne presbyteris quidem negata constat, vt potestatem offerendi in vllius ciuitatis Ecclesiis. Ita partim eum deicit infra presbyterum, partim supra Chorepiscopum euehit. Vt minimè liceat ab extraordinario hoc decreto ad ordinariam Chorepiscoporum, vel aliorum potestatem argumentum ducere. Deinde longè interest inter Armentarium, & vulgares Chorepiscopos. Hos Episcopos fuisse, saltem non constat. Ille Ebredunensis Episcopus ordinatus erat, etsi contra Canones. Minimè autem mirum, cum Episcopalem potestatem iam accepisset, eius partem illi relictam, qua in neophytis confirmandis certo in loco vteretur. Denique si fatear, eum in Chorepiscoporum ordinem redactum; nihil assequere. In eo enim ipso quod neophytos confirmandi potestas ei nominatim tribuitur, declaratur eam Chorepiscopis non attributam. Nam si fuisset, nihil oportuisset nisi Chorepiscopi locum ei concedi; cum in eo etiam neophytos confirmandi potestas contineretur. Cum ergo Synodus eam nominatim exprimendam putarit, significauit Chorepiscoporum communem non fuisse. Nam & ad Episcopale munus, non ad Chorepiscopale eam refert, & *Episcopalis officij*, non Chorepiscopalis partem declarat. C. 3. Quare vt quàm maximè tibi indulgeam, tantum abest vt Armentarij exemplo efficias, confirmandi potestatem Chorepiscoporum ordini adiunctam fuisse; vt non fuisse indidem pateat.

Frustra igitur Damasi, Leonis Magni, & Ioannis III. Pontificum epistolas, quibus Chorepiscopi neophytorum frontes ungere prohibetur, aspernaris, & *adulterinas* vocas, nec causam ascribis cur eas hoc nomine dedecores; vt tu rectius in iis reiciendis *hypercriticus* dici possis, hoc est criticorum arbiter & iudex, qui criticum non argumētis, sed edictis agas; quàm ego in probandis. Nam cur eas improbarem nihil videbam: præsertim si Damasi epistolam demas, quam à nonnullis in dubiū vocari non eram nescius. Sed cum ea de re illam proferre, quæ tot Patribus ac Synodis placuit; epistolaque ipsa sæpius ab iis laudetur, non metuendum arbitrabar, P. 39. vt ab eo reprehenderer, cui religio non est nobis opponere eiusdem Damasi Pontificale eruditorum iudicio toties explosum; commentarium Hieronymianum in Lamentationes Hieremiæ, Ambrosianum in epistolas Pauli, & quæstiones noui & veteris Testamenti apud Augustinum, omnis generis erroribus infames, & tam re, quàm titulo spurios. Ac ne longè P. 41. abeam, hoc ipso loco, è Conciliorum tuorum penu, talibus mercibus referto, promissum caput de Chorepiscopis Nicolai Papæ nomine confictum, quo Rodulpho Bituricensi Archiepiscopo rescribere dicitur, hoc modo: *Ad formam enim LXX. Chorepiscopi facti sunt, quos quis dubitet Episcoporum habuisse officia?* Ac deinceps presbyterorum & diaconorum ordinationes ab iis factas ratas habet, & repeti vetat, ab iisque ordinatos tuetur. Quo quid stolidius, & à perpetuo Ecclesiæ Romanæ & Gallicanæ sensu discrepantiùs fingi potuit? Nam vt omittam, nemini vnquam in mentem venisse, LXX. discipulos Episcoporum officia, idque sine vlla dubitatione, habuisse; vt omittam Synodos Parisiensem, Meldensem,

*Tarif. l. 1.  
c. 27.  
Melden.  
cap. 44.  
Meten. c. 5.  
Capitul. l. 7.  
c. 187.*

*Capitul. l. 7.  
c. 313. 324.  
etc.*

*Vid. Isaac  
Ligon. Epi  
scopi Capi-  
tul. c. 30. &  
31.*

*In l. Hinc-  
mari opusc.  
à Ioanne  
Cordeſio  
edit.*

*REVER-  
DE PRES-  
BYTERIS.*

*In cap. 5.  
Ep. 3. ad  
Decent.*

*P. 12.*

Metensem, aliasque paulo antè habitas quarum decretis tuū istud caput comminuitur; claræ sunt voces Leonis III. Papæ, qui non ita multo antè à Carolo Magno, missis Romam legatis, consultus, respondit, quicquid Episcopalis officij Chorepiscopi attigissent, id, velut inane & irritū, ab Episcopis refici oportere; atque hoc à maioribus suis & Episcoporum Synodis læpius decretum, nec in controuersiam reuocandum: eas videlicet Leonis & Ioannis Pōtificum epistolas innuens, quas repudias. Quæ omnia relata sunt in Capitularia Caroli Magni, & publica lege sancita; ac deinceps pluribus Synodis & Capitularibus firmata. Ex quibus perspicitur, incredibile esse dictū, vel Rodolphum Bituricensem Archiepiscopum de his, velut ignotis ac dubiis Nicolaum Papam consuluisse; vel Nicolaum ea respondisse, quæ tam apertè maiorū eius decretis, & Galliarum non Synodis tantū, sed legibus publicis refellerentur. Atque eodem illo Nicolai æuo celeberrimi Galliarum Antistites ea de Chorepiscopis docuere, quæ adumbratæ isti Nicolai doctrinæ velut è regione aduersantur; ut videre est in eorum Capitularibus à te ipso editis. Itaq; nihil loci est fictitio capiti: cuius etiam nemo meminit, ne ij quidem qui alia memorant à Nicolao Papa ad Rodolphū scripta. At manuscriptus Codex illud exhibet. Non fuit igitur prudentis Critici, ex ambigui ignotiq; testis fide de re tanta sententiam ferre, spretis tot & tam illustribus summorum virorum testimoniis. Decuit potius eorum moderationē imitari, qui hanc epistolam cum eodē capite, pluribus ante te annis (etsi dissimules) ita ediderunt, ut nullum iudiciū interposuerint, sed lectori integrū reliquerint. Quamobrem, ut aliquando hunc locum concludam, cum videas frontium chrismationes vnctionesque Episcopales Chorepiscopis interdictas perpetuis Occidentis Ecclesiarum moribus; dubium esse potest, quin vetitæ fuerint presbyteris vulgaribus; eoque magis, si Chorepiscopi Episcopi erant, ut asseris? Nam quod iis, qui Episcopi essent, non licebat; quis presbyteris licuisse existimet; imò diaconis?

Hoc idem confirmaui clarissimis Innocentij & Gelasij Romanorum Pontificum decretis: quæ, cum amplissima sint, atq; à me in prima quasi acie locata; tu ea in vltimā & velut in angulū cōpegisti, ne illorū splendor legentium animos statim occuparet. Puduit enim te ipsum, opinor cauillationum, quibus eorum vim declinare conaris. Innocētiū, inquis, *Quid Romæ fieret, quid observari apud alios cuperet, ostendit: at presbyteros alibi signasse, aut ut signarent permitti potuisse non negat.* Cuius ludificationis potius, quàm responsionis pertinaciam superiūs fregimus apertis Innocentij verbis, statuentis *manifestum esse id non licere*; ac vetitum esse non tantum communi Ecclesiarum consuetudine, sed etiam diuina libri Actorum autoritate; cui omnes parere oportebat. Gelasij quoque decretū perperam ludis. Nam quòd eius epistolæ titulum non probas, *ad Episcopos per Lucaniam, Brutios & Siciliam constitutos*; inscribique mauis ex Rheimensi Codice, *ad vniuersos Episcopos per vnamquamque provinciam*; etsi nihil apparet cur receptus probatusque hætenus titulus mouendus sit; & tuū satis refutat ipsa epistola, quam totam ad Italos pertinere præfatio docet; tamen quia more tuo facis, ut in scrutandis potissimum titulis

ingenium occupes; & quia res leuior est; detur venia tuo isti nouandorum titulorum studio, dummodo à perturbandis rebus prohibere. Censes igitur Gelasium statuere, ne presbyteri consignationem, aut alia munera Episcopalia sua sponte sibi arrogent, nonne Episcoporum aut Synodorum permissu obeant. Quo quid ineptius, si tibi constes? Cum enim censeas, per omnes totius penè Occidentis provincias Episcopos multo antè statuisse, vt presbyteri, imò diaconi, chrismationem Episcopale deinceps in Baptismo adhiberent, idq; longa iam consuetudine inoleuisse; quid necesse erat Gelasium cauere, ne id sine Episcoporum venia sibi assumerent? Deinde quid absurdius, quàm Gelasium dicere Episcopalia munera presbyteris ab Episcopis permitti posse, contra tot Romanorum Pontificum, tot Episcoporum, in primis Gallicanorum & Hispanorum decretis? Imò verò quòd ea sponte & arroganter arripere vetat, significat non permissa ab Episcopis, sed potius interdicta, erroremq; tuum ipsis verbis premit, quibus elabi voluisti. Si enim Episcopi toto ferè Occidente Episcopale consignationem presbyteris concessissent, nihil fuisset loci arrogantiæ in ea usurpada. Qui igitur arrogantiam prohibet, permissionem illam excludit, fictitiamq; esse testatur. Nam & consignationem Pontificalem vocat, innuens ad Pontifices, non ad presbyteros pertinuisse.

Nam si à presbyteris per omnes fere Ecclesias fieri consueuisset, Episcopis Confirmationis Sacramentum sola manus impositione conferentibus; non minùs ineptè, præsertim ad vniuersarum, vt censes, Provinciarum Episcopos scribens, consignationem Pontificalem vocaret, quàm Baptismum, vel Eucharistiam Pontificalem.

Gregorij denique factum rursus odiosè obiectas: de quo, & antea, & alibi sæpius dictum, cum Innocentij, superiorumque aliorum Pontificum decretis labem non fecisse. Hi enim consignationem Sacramenti Confirmationis propriam, siue, vt Gelasius loquitur, consignationem Pontificalem, presbyteris vetant. Gregorius hanc non permisit; sed tantum vt chrismatis vnctio, quàm alij presbyteri post Baptismum extra frontem adhibere consueuerant, in fronte à Sardis fieret. Non ergo consignationis Pontificalis ministerium mutauit, sed chrismationis baptismalis locum.

Itaque profligato omni ex parte tuo de frõtis chrismatione cõmento, quod tu quidè nullo teste confirmas, nos verò grauissimis & clarissimis omnium etatum euertimus, tẽpus est vt de manus impositione dicamus in qua errorum tuorum velut apex continetur. Atq; hic primùm arguendus es, quod disputationem hanc non in suum seorsum locum diuideris, sed cum superiore commixtam confusamq; exhibeas, quasi lectoris animo & tenebras & tadium afferre velis. Minimè enim cõuenit, cum qui frontis vnctionem & manus impositionem temporum spatio, dignitate, naturaque diiungat, oratione tractationeq; permiscere, ac sermonem sententiæ dissimilem discrepantemque inducere. Verùm quoniam non ordinem nostrum instituimus, sed tuum sequimur, satis habebimus tenebras istas illustrare, tum reliqua oratione nostra, tũ hac ipsa admonitione; qua velut interuallo, superiorem disputationem à sequente secerimus, vt quid agatur lector intelligat. De manus ergo impositione ita

DE MANUS  
IMPOSITIONE  
ET CHRIS-  
MATIS VN-  
CTIONE.



opinaris, ut Confirmationis Sacramentum apertè inuadas; doceasque illud, non in chrismate à Patribus sed in manus impositione sola positum esse. Nam etsi fateare chrismationem non semper diuulsam fuisse à manus impositione illud tamen constanter asseueras, Sacramenti Confirmationis vim & naturam, non chrismati sed manus impositioni semper addictam. Atque etiam increpas, quòd *concoquere* id non possim, mihi que *vel ingratis deuorandum* dicis. Erras: lubens deuorabo tuum hoc erratum, sicut sacerdotes comedunt populi peccata: diuinęque veritatis calore certissimam hæresim conficiam. Hic verò vehementius ingrauescis: &, quasi de cœlo ictus, constantiæ, rationis, tui meique immemor, *amentissimum hominem* me vocas, quod hæreseos verbum in doctrinam tuam contulerim. Videlicet hæreses temerè excogitare, quas deinde tueri nequeas, & disputationis argumentorumque inanitatem immanibus conuiciis supplere, hoc demum Sirmondo sapere est. Nam illud perridiculum, quod ais tibi hæreses *non licitanti obtrudi*; quas eo studio, utque curis quadriennio amplius tibi comparasti, me frustra reclamante, ut pauca sint vera, quæ alius tanti emenda putaueris; & nunc adeò charas habes ut extorquere conanti conuicia extrema impingas. Atqui ego paria paribus non respondebo; nec committam, ut cum nihil tam enorme in te adhuc dixerim maledicentię palmam tibi eripiam. Sed neque rationibus exquisitis agam tecum quas nec turbida ista mens caperet, nec pertinacia audiret. Commodissimum erit cæcitatem tuam autoritatibus pulsare, quarum velut fræno coërceatur, ne deinceps in Ecclesię fidem saltem incurrat, si ab Ecclesię filiis suos impetus cohibere non possit.

Atque ut ante omnia animum in te meum expurgem, quonam modo certiùs ostendam meum de doctrina tua iudicium, non à maleuolentia, vel contentionis studio, sed à religioso veritatis cultu profectum esse, quàm si demonstrem, illud idem multo antea litteris publicè mandatum ab iis qui tibi coniunctissimi sunt? Quis enim in te iniquum putet, quod socij; quis temerarium vel indoctum, quod eruditissimæ, ut aiunt, sodalitatis antesignani vna mente perscripserint? Audi igitur Gregorium de Valentia: *Extra controuersiam est, de substantia materie Confirmationis esse vñctionem aliquam, sic planè ut erronea iam reputetur opinio quam Aureolus apud Marsiliū indicat fuisse quorundam Canonistarum, quibus videbatur Sacramentum hoc etiam sine vlla vñctione ministrari. Quod esse planè erroneum & hereticum rectè ostendit Sotus, qui etiam dubitat an vlli omnino extent iam Canonistæ, quid id senserint. Audisti Gregorij iudicium, atque vna Soti, Theologorum non vulgarium.*

Audi nunc Magistrum orbis, Franciscum Soaresium, Alexandrum illum Magnum, qui Gordios Theologiæ nodos fatali gladio dissecat, cuius de laudibus Societas nunquam conticescit. *Dicendum est, inquit, chrisma esse materiam simpliciter necessariam ad essentiam & substantiam huius Sacramenti conficiendam. Hac assertio nunc est absolute de fide.*

*In 3. par. 9. 72. art. 4. disp. 33. sess. 1. Lib. 1. de Sacram. Confir. c. 8.* Audi Cardinalem Bellarminum: *Chrisma, inquit, sue vñctio materia est Sacramenti Confirmationis. Hac certissima est Catholicis ex Concilio Florentino*



& Tridentino. Probatum ex communi consensu Pontificum, Conciliorum, & Patrum Græcorum & Latinorum. Et infra: Dicimus institutionem chrismatis à Christo factam haberi ex traditione non scripta, & tamen certissima, & cui fides habenda est ut ipsi verbo scripto. Vnde sequitur, hoc inficiari, non hæreseos tantum esse, sed insaniam; cum Augustinus auctor sit, insaniam esse communem Patrum & Conciliorum consensum aspernari.

prop. 1. c. 9.  
intresp. ad  
2. obiect.

His accedit Vincentius Filluccius Collegij Romani professor, & summi Pontificis Pœnitentiarius apud S. Petrum: His enim nominibus insignitur: *Quod chrisma inquit, sit materia simplicitet necessaria, si sumatur pro quacumque vñctione, est de fide.*

Tall. 3.  
c. 1. n. 9.

Adamus Tannerus Collegij Ingolstadiensis Professor scribit, *chrisma esse materiam Sacramenti Confirmationis essentialem esse extra controuersiam, & de fide.*

Tom 4.  
disp. 49. 4.  
dub. 1.

Denique Ægidius Conink Collegij Louaniensis Professor; *Materia,* inquit, *remota essentialis huius Sacramenti est chrisma. Ita expresse Florentinum. Quare videtur de fide, nec eam iam ullus Catholicus negat.*

Q. 72. art.  
3. dub. in  
Concl. 1.

Habes primariorum sodalium sententias, Societatisque generale velut Concilium è præcipuis prouinciis prouinciarumque illarum Coryphæis collectum: à quorum iudicio prouocare non potes, nisi ut ab ipsa quodammodo Societate deficias. Quare non dubito quin agnoscas, quam temerè amentissimum hominem me appellaris quod horum iudicium sim secutus. Nec enim credi patiære prudentissimam Societatem amentissimos homines Scholis Theologicis toto orbe præficere; nec in hoc numero haberi voles saltem Franciscum Soaresium, ne Magistrum orbis amentia damnasse videare.

Itaque si meam rem agerem, perorare hoc loco liceret. Quid enim in nostro de doctrina tua iudicio reprehendere habeas, quando vniuersæ familiæ tuæ assensu comprobatum est? Nonne si fremere in me pergas, rationibus omissis, ad fratres & agnatos deducere te licebit, ut ab iis compescate, si à nobis minus potueris? Sed quoniam non tam tibi respondere instituimus, quàm Ecclesiæ doctrinam integram incolumemque præstare, conabimur aliquid vberioris lucis ei adhibere è scripturarum & SS. Patrum fontibus, ne quid tuis aduersus eam inuentis loci in cuiusquam animo supersit.

Atque in primis grauitèr obiurgandus es quod cum in tot minutiis carpendis otium consumpseris, silentio prætereas luculenta Patrum loca, quibus in Anæretico docui Sacramentum Confirmationis ab iis in chrismate locatum. Proferebam Dionysium Areopagitam, Cyrillum Hierosolymitanum, Ambrosium, Pacianum, Augustinum, in hoc Sacramento solum chrisma nominantes. Docebam illud à Paciano & Augustino dici *Sacramentum chrismatis*; itemque ab Augustino chrisma appellari *Spiritus sancti Sacramentum*. Addebam idem chrisma sæpius æquari cum Baptismo & Eucharistia. Proponebam perspicua Augustini verba: *Sacramentum chrismatis in genere visibilium Sacramentorum sacro-sanctum est sicut ipse Baptismus*. Denique ipso loco quem obieceras, demonstrabam oleum ab eodem Augustino referri in Sacramentorum numerum

Anæret. 7.  
450. &  
451.

Lib. 2. cont.  
lit. Petil.  
c. 104.

Lib. 5. de  
bapt. c. 20.

pariter cum Baptismo, Eucharistia aliisque certissimis Sacramentis. Quæ omnia cum ita subtrahas, ut ab hæresi tua non dimoueare, sed eam flagrantissime tueri perseueres; perspicuum est causam tuam, præsidiaque quibus eam sustines, sola pertinacia constare. Cæterum ut institutum meum persequar, facillimè rem conficiam si demonstrare pergam quod cœpi, sanctos Patres ita de Confirmationis Sacramento loqui, ut sæpius solum chrisma commemorent. Hoc in numero sunt Latini plerique, Tertullianus, Cyprianus, Augustinus, Cornelius, Innocentius, Leo, Gregorius aliique Romani Pontifices. Sed notandi in primis Ambrosius, & Pacianus: qui cum de Baptismi Confirmationis, & Eucharistiaritibus enucleatius, magisque de industria quàm alij scripserint, tamen Confirmationem in chrismate constituerunt, tacita semper manus impositione. De hac enim nec in Ambrosij libro de iniciandis, nec in sex Sacramentorum libris mentio est: sed Confirmatio vñctione & conignatione semper definitur eaque Spiritus sanctus, Spiritus septiformis dari docetur. *Repete, inquit, quia accepisti signaculum spiritale spiritum sapientia & intellectus, spiritum consilij atque virtutis, spiritum cognitionis atque pietatis, spiritum sancti timoris: & serua quod accepisti. Signauit te Deus, confirmauit te Christus Dominus & dedit pignus spiritus in corde tuo.* Denique ut verbo dicam, vniuersi Patres Græci hîc consentiunt. Itâ enim in Confirmationis Sacramento solum exprimunt chrisma, ut manus impositionem vix meminerrint, etiam tum cû in hoc Sacramento explanando versantur. Id facillè cernitur in Dionysio Areopagita, Cyrillo, Basilio, Nazianzeno, Chrysostomo, aliisque propemodum omnibus.

Lib. de ini-  
tiation. c. 7.

Lib. de bapt.  
c. 7.

Præterea iidem Patres chrisma Sacramentis annumerant & in eodem cum Baptismo & Eucharistia choro atque ordine collocant, Tertullianus illud confert cum Baptismo; *In nobis carnaliter, inquit, currit vñctio, sed spiritualiter proficit: quomodo & ipsius Baptismi carnalis actus, quod in aqua mergimur spiritualis effectus quod delictis liberamur.* Cum operandi modo & efficacitate illud Baptismo æquet, non pro ceremonia vulgari, sed pro Sacramento habendum declarat. Nulli enim ceremoniæ tantum tribuit. Censet igitur referendum esse ad Confirmationem vna cum manus impositione, quam mox adiungit. Nam in aliis libris tria Christianæ religionis solemnia Sacramenta recensens, Baptismum, Confirmationem, & Eucharistiam, Confirmationem solo chrismate designat.

De præ-  
scriptis. c. 40.

C. 14.

Ep. 15. ad  
Delphin.

*Tingit & ipse quosdam, utique credentes & fideles suos: expiationem delictorum de lauacro repromittit; signat illic in frontibus milites suos, celebrat & panis oblationem.* Eodem enumerandi genere, vsus est libro I. Contra Marcionem. Hoc item modo tria illa Sacramenta describit Paulinus ad Delphinum Burdegalensem Episcopum, dum se ab eo Christianæ religionis sacris initiatum gratulatur: *Quæris piissime pater, inquit, quid facias adhuc quod non feceris nobis? Cum & plantaueris nos in domo Domini & plantatis maceriam signaculi salutaris qua ab incurso syluestris apri & depastione ferocis onagri muniremur, adstruxeris: & torcular foderis, quo per conuersationem piam, quasi quandam tibi dulcem de tua vite vindemiam funderemus.* In eadem serie oleum, seu chrisma posuit Augustinus, loco paulo antè indica-

to: itemque lib. XIX. contra Faustum, veteris legis Sacramenta cum nostris comparans: Pro Baptismo Christi, inquit, pro Eucharistia Christi, pro signo Christi ad omnia perferenda paratior debet esse Christianus: cum illæ fuerint promissiones rerum complendarum: hæc sint iudicia completarum. Hoc ipsum obseruatum est à Synodo Toletana; Constat eos Sacramentis diuinis associatos (de ludæis loquitur) & baptismi gratiam percepisse, & chrismate vinctos esse, & corporis Domini & sanguinis extuisse participes. Hoc etiam ipsum extat apud Isidorum: Sunt Sacramenta Baptismus, & chrisma corpus & sanguis, sicut in baptismo peccatorum remissio datur; ita per vñtionem sanctificatio Spiritus adhibetur. Item apud Arnobium iuniorem, sic describentem Ecclesiam: Sanctuarium Dei est, ubi mysteriorum sunt reposita Sacramenta, ubi caro cælestis, ubi sanguis, ubi chrismatis virtus, ubi fons perennis est, & lex diuina. Denique chrismatis vñtionem cum Eucharistia connumerat Primasius in illud Apocalypseos, vinum & oleum ne læseris: In vino & oleo, inquit, vim Sacramentorum prohibet vi lari, ut pote vñtionem, preciosumque cruorem. Ac paulo post; Illa seruari voluit vini & olei Sacramenta. Cum baptismo illud confert S. Leo, his verbis: Permanete stabiles in ea fide quam confessi estis coram multis testibus, & in qua renati per aquam & Spiritum sanctum accepistis chrisma salutis & signaculum vitæ æternæ. Et S. Gregorius Turonensis de Clodoueo Rege & S. Remigio scribens: Rex omnipotentem Deum in Trinitate confessus, baptizatus est in nomine Patris, & Filij & Spiritus sancti delibutusque sacro chrismate cum signaculo crucis Christi. Postremò, ne omnes colligam, Anastasius in vita Stephani IV. Papæ, ait, decretum esse in Synodo Romana, ad quam Italiæ Galliæque Episcopi conuenerant, ut omnia Sacramenta quæ Constantinus pseudo-Pontifex administrasset, iterarentur præter sacrum baptismum, atque sanctum chrisma.

Lib. 19. cōt. Faust. c. 14.

Conc. Tolet. IV. c. 17.

Lib. 6. cym. 1. de offic.

In Psal. 82.

Lib. 2. in Apoc. c. 6.

Sermon. 4. de Nat.

Lib. 2. bist. c. 91. Flod. l. 1. c. 13.

Nec tantum Sacramenti dignitatem primariis Sacramentis parem, Sacramentique Confirmationis præstantiam in chrismate consignationeque vno ore posuerunt SS. Patres; sed etiam vim effectusque omnes Confirmationis vel maximè proprios ei dederunt. Horum effectuum præcipui ac notissimi sunt, donatio Spiritus sancti; perfectio Christiani status & dignitatis; intima corroboratio & Confirmatio aduersus animæ hostes à qua & ipsum Confirmationis nomen ductum est. Hi ergo omnes Patrum consensu chrismati deferuntur.

Nam de donatione Spiritus sancti, qui Confirmationis effectuum clarissimus est ac nobilissimus, abundè supra docuimus Patrum verbis eum chrismate præstari. Nec plura hîc addere necesse est ad perspicuam rem cōprobandam, quæ tamen postea magis etiam aperietur. Quare cum donatio Spiritus sancti, in qua propriam Confirmationis rationem positam fateris consentienti Patrum autoritate ad chrismatis efficientiam pertineat, fateri necesse est Confirmationis Sacramentum in chrismate verè ac propriè constituendum esse.

In cap. 4.

In cap. 7.

P. 55.

Perfectionem autem Christiani status & dignitatis chrismate tribui docet Ioannes VIII. Papa, non semel, sed sæpius illustribus verbis, ita scribēs: In chrismate salus est, & perfectio Christianitatis. Ac multo antè Ambrosius: Sequitur spiritale signaculum, quia post frontem superest ut perfectio fiat.

Ep. 233. ad Ioannem Episcopum Ticin. & 238. ad



Paulū Epi-  
scop. Re-  
gien. l. 3. de  
Sacram.  
cap. 2.  
Ecclef. Hie-  
rarch. c. 4.  
Epist. 73.  
ad Inba-  
ten.  
Inbenedict.  
ceri II.  
item in l.  
Apud Ba-  
ron. an.  
1067.

Multoque etiam prius Dionysius Areopagita: *Perficiens hac vnctio facie perfectum.* Simillimè Cyprianus ait, neophytos Episcopo offerendos, *ut signaculo Dominico consummentur.* Et Ennodius Episcopus Ticinensis; *Consecrationem implet fides, lympa signaculum.* Et rursus: *Peragis dedicationem corporis nostri crux, vnda, confessio.* Nam signaculo, seu cruci tribuit, *ut impleat & peragat,* seu perficiat Christiani hominis consecrationem. Hoc idem docuerunt in Concilio Mediolanensi sub Alexandro II. Mainardus Syluæ candidæ Episcopus, & Ioannes Presbyter Cardinalis, sedis Apostolicæ legati: *Antistes qui nunc est, vel quicumque deinceps fuerit, semel, aut bis si possibile fuerit, sibi per omnes plebes quicumque eas teneat ad consignandum & Christianitatem secundum canones perficiendam vadat.* Sic enim legendum videtur, pro eo quod vulgò scriptum est vitiosè, *Christianitatem perquirendum.* Quare cum Illustrissimi Gallix Antistites, & sacra Theologiæ Facultas aduersus Spongiæ authores decreuerint, Christianæ dignitatis perfectionem ita Sacramenti Confirmationis propriam esse, ut alia nulla ceremonia suppleri possit; sequitur Confirmationis Sacramentum in chrismate, quo Patres perfectionem illam fieri docent, situm esse; vel statuendum cum Spongia, eam perfectionem vnctione & ceremonia à Sacramento Confirmationis diuersa, præberi posse.

2. Cor. 1.  
Ambros. l.  
1. de Spiri-  
tu sancto  
c. 6 Theo-  
doretus hic.  
Primasius  
in 2. Cor.  
cap. 1.  
Amalar. l.  
1. de offic.  
c. 27.  
Lib. de ini-  
tiation. c. 7.  
De resur.  
car. c. 8.

Iam Christiani corroborationem seu Confirmationem chrismatis vnctione effici docet, in primis Apostolus his verbis; *Qui autem confirmat nos in Christo, & qui vnxit nos Deus, qui & signauit nos, & dedit pignus spiritus in cordibus nostris.* Hunc enim locum de Confirmationis Sacramento accipiendum testantur Patres; atque ipsum Confirmationis nomen hinc sumptum est. Itaque duo docet Apostolus, quæ modò statuimus, hominem vnctione seu consignatione robur ac firmitatem assequi, atque item Spiritum sanctum. Quò respiciens Ambrosius, sic consignatum alloquitur; *Signauit te Deus, confirmauit te Christus Dominus, & dedit pignus spiritus in corde tuo.* Hoc idem comprobatur illud Tertulliani; *Caro vngitur, ut anima muniatur.* Ipso enim muniendi nomine confirmationem & corroborationem notat. Quid enim aliud munire, nisi confirmare? Eadem voce usus est Paulinus ad Delphinū, paulò ante citatus. *Maceriam signaculi salutaris, quo ab incurso syluestris apri, & depastione ferocis onagri muniremur, adstruxisti.* Et Gennadius in libro de Ecclesiasticis dogmatibus: *Manus, impositione, & chrismate communiti Eucharistiæ mysterijs admittantur.* Adde huc Clementem Alexandrinum de Episcopo qui adolescentem suam in fidem receperat, à Ioanne Apostolo traditum; *Baptismi eum Sacramento illuminauit, postea vero sigillo dominico, tanquam perfecta & tuta eius animi custodia obsignauit.* Adde Synodum Barcinonensem; *Ut chrisma presbyteris diæcesanis pro neophytis confirmandis (ab Episcopo videlicet paræciam obeunte, ex antiquissima consuetudine) gratis detur.* Adde Bedam; *Christus omnes in morte sua baptizatos, altissimo spiritus sui chrismate confirmandos esse designat.* Denique Theodulphi Episcopi Aurelianensis Capitulare; *Constitutum est; ut nullus chrismetur, neque baptizetur; neque à lauacro fontis vllum suscipiat, neque coram Episcopo ad confirmandum quemlibet teneat, nisi symbolum, & orationem dominicam memoriter tenuerit.* Quod enim prius dixit

Apud Eu-  
seb. l. 3.  
c. 17.

C. 2.

In c. 22.  
Lnc.

C. 11.



*chrismare*, id postea dicit *confirmare*, firmitudinis seu confirmationis tribuendæ vim chrismati insitam demonstrans. Qui locus perpetam editus est in emendatissimis videlicet Synodorum tuarum tomis: ubi scripsisti, *neque à lauacro fontis illius suscipiatur*, perspicuo vitio; quod ipsa verborum series, orationisque totius sententia sua sponte tollebat, si paululum modò animum aduertisses.

Itaque ut infinitæ rei finem faciam, omnium quæ modò dicta sunt, hæc summa: Cum Patrum, scripturæque autoritate omnia chrismati conueniant, quæ ad Sacramentum Confirmationis pertinent, nomen eius, dignitas, vis effectusque omnes; cumque ab iis hæc omnia sæpius chrismati tribuantur, quàm manus impositioni; nulla dubitatio est, quin qui hoc Sacramentum in chrismate ponendum neget ex Patrum mente vniuersæ antiquitatis Ecclesiæque totius consensum oppugnet, ac proinde erroneam hæreticamque causam defendat. Taceo Concilia tum prouincialia, tum Oecumenica, Meldense, Constantiense, Florentinum, Tridentinum, ne Concilij Tridentini Catechismus dicam: à quibus Cōfirmationis Sacramentum ita exponitur, ut solius chrismatis mentio fiat, manuum impositionis nulla. Quis verò de tot Patribus & Concilijs tam iniquè sentiat ut eos in exprimendo Confirmationis Sacramento id vnum commemorasse putet, quod ad eius substantiam non pertineat veramque eius vim & naturam prætermisisse? Nec enim minus absurdè id fecerint, quàm si quis in baptismo exponendo solius exorcismi meminerit. Postremò vniuersa Ecclesia Catholica, dum solemnibus his verbis utitur, *Confirmo te chrismate salutis*, publicè profiteatur Confirmationem in chrismate sitam & à se chrismate effici. Quare veram confirmandi vim chrismati eripere nemini licet, nisi qui tum omnes singulatim Latinos & Græcos Patres, tum ipsam generatim Græcam Latinamq; Ecclesiam, quæ id palà denunciant, inscitæ errorisque condemnent. Ita satis demonstrata est vel doctrinæ nostræ veritas, vel hæresis tua. Pauca sunt fidei decreta, quæ adeò perpetuis perspicuisque omnium ætatum suffragiis comprobentur. Nec immeritò scripsit Cardinalis Bellarminus, *id probari communi consensu Pontificum, Conciliorum & Patrum Græcorum & Latinorum.*

*L. 1. de Sacram. Conf. c. 8.*

Nunc videndum quibus machinis inexpugnabilem hanc veritatis arcem adoriare. Clamas nimirum, si doctrina tua sit hæretica hæreticum fore S. Lucam. Arroganter absurdè. Quid enim ait S. Lucas: Nempe Apostolos Spiritum sanctum dedisse *sola manuum impositione*. Imponis. Illà datum dicit; solà non dicit. Eodem modò locuti sunt SS. Patres, Cyprianus, Augustinus. Hieronymus alijque quos frustra rursus iactas. Similiter enim facis ut nostrates Calvinistæ: qui cum probare iubentur iustitiam sola fide parari; scripturas & Patrum loca coaceruant, quæ eam fide parari dicunt. Sic cum quærenda sint testimonia, quibus doceas Spiritum sanctum sola manus impositione donari ea profers, quibus dari dicitur manus impositione: quasi *manus impositio & sola manus impositio*, vnum sint. Hoc vno responso iacent tui omnes conatus, qui ferè huc redeunt, & hoc vitio peccant. Quare ut errorem tuum magis de-

*P. 45.*

*P. 45.*

*P. 43. 44.*

monstrem, & ob omnium oculos constituam, peto vt ex omni præteritorum sæculorum memoria vnicum scriptorem exhibeas, qui testetur Spiritum sanctum sola manus impositione, dari, chrismate non dari: siue qui hanc vim ita manus impositioni propriam addicat, vt chrismati neget. Si hoc non potes, temerè sententiam omnibus inauditam solus tueris mihiq; iniuria succenses, qui posteaquam eam sæculorum omnium suffragiis profligatam & damnatam vidi, hæreticam appellauit.

P. 45.

Antir. I.  
p. 69. 70.

P. 65.

Atque hoc iudicium nostrum verum & æquum esse ipse sensisti; qui doctrinam, quam ego hæreticam dixi, magna ex parte è conspectu aufers, atque interpolas. Nihil enim aliud hæreticum à me dictum esse finis, nisi hoc vnum; *Spiritum sanctum, qui nunc in Confirmatione datur, per solam impositionem manuum olim datum memorari*. Atqui ego non hoc tantum hæreticum censui: sed illud potissimum quod chrismatis vnctione remota, manus impositionem peculiari iure Confirmationem nuncupari à Patribus diceret, & Sacramentum singulariter appellari. Ita enim deieuebas vnctionem à Confirmationis & Sacramenti dignitate, Quod ego Patrum consensu hæreticum ostendi. Quinetiam in eo ipso fallis, quod scribis te dicere, *Spiritum sanctum per solam manuum impositionem olim datum esse*. Hoc enim ita intelligi posset, quasi diceret sola manuum impositione interdum datum; etsi chrismatis vnctione etiam datum non negares. Nunc verò ita censes sola manuum impositione datum, vt chrismatione datum inficeris, non modò aliquo sæculo, sed omnibus omninò ab initio Christiani nominis ad hoc vsque tempus: de quo scribere audes, formam qua Ecclesia vtitur, *Signo te, & confirmo te, nihil habere quod Spiritus sancti donationem sonet*. Quod etiam hæreticum esse negari non potest: cum perpetuæ sæculorum omnium traditioni repugnet, vt demonstraui. Cum ergo doctrinam tuam, qualis à me notata est, profiteri non audeas, nedum tueri: declaras te impactas ei notas agnoscere & erubescere; eoque iniquius de illa quasi immeritò damnata expostulare.

P. 45. &  
46.

Quare hîc finem facere licet; præsertim cum omnia argumenta tua, quæ ad vnâ summam rediguntur, iam vna responsione contriuerim. Sed quo amplius tibi satisfiat, & veritas illustretur, orationem per singula tua præsidia circumducam. In primis parum appositè obijcis, Theologos nonnullos, quia Luca, inquis, fidem negare non poterant, eo deflexisse, vt Apostolos fingerent ex priuilegio quodam sola manuum impositione vsos esse. Etsi enim horum opinionem rectè figmentum vocas, quod non ex S. Luca authoritate, sed ex veritatis inopia conceperunt: tamen longè inter eos ac te interest. Illi censent solos Apostolos id egisse, tu plerosque omnes posteriorum ætatum Episcopos. Illi solis Apostolis id licuisse putant ex priuilegio, tu omnibus Episcopis suo iure. Illi Sacramentum Confirmationis nihilominus fatentur omnibus sæculis è chrismate constituisse: tu illud pluribus post Apostolos sæculis sine chrismate administratum affirmas, eiusque propriam ac perpetuam vim in solam manus impositionem confers. Quare ex istorum qualicumque opinione nihil subsidij

subsidij sperare potes. Sed reperisti vbi grauitè nos premas. Quod enim dixi SS. Patres, dum manus impositionem nominant; chrisma non excludere: sicut dum chrisma memorant, manus impositionem non repellunt: sed in vtroque simul Confirmationis Sacramentum collocare; id ita persequeris, vt exclames *tergiuersionem esse mea indole dignam, & perniciam Patrum auctoritatis contempericem.* Quæ responsio nulla nota digna non est, cum in omnes toto orbe Theologos intorqueatur. Nam quam tergiuersionem meam dicis, ea est Theologorum omnium sententia; qui Patrum loca exponenda esse consentiunt, vt scripsi; nec in ea re quicquam attuli de meo. Cum igitur alias tergiuersiones mihi non imponas, nisi quæ omnium assensu comprobentur; doces, nihil tibi in hac omni disputatione turpius magisue fugiendum videri, quàm communem Catholicorum consensum.

Asserenda ergo nobis hoc loco nostra, eademque opera Theologorum omnium doctrina; demonstrandumque Patrum auctoritatem, quam sperni à nobis vociferaris, hinc in primis à te euerti. Nec nouis argumentis opus; cum superius declaratum sit innumeris eorum locis, & Sacramentum Confirmationis ab illis in chrismate semper locatum, & omnes Sacramenti huius effectus illi assignatos; idque multo frequentius & vberius, quàm manus impositioni. Ex quo planè constat, eos chrisma à Confirmationis Sacramento non exclusisse; & illud, æquè saltem ac manus impositionem, ad hoc Sacramentum adiunxisse. Quod si loca vbi Confirmationis Sacramentum sola chrismatione describitur, quæ longè plurima esse vidisti, sic exponi noles, vt excludatur manus impositio; cur ea vbi sola manus impositio memoratur, quæ multo pauciora sunt, sic accipi iubes, vt chrismatio separetur? Cur saltem non refellis quod diximus, nullam esse aliam conciliandorum Patrum rationem, quam vt, nec à chrismate manus impositionem seiungant, nec à manus impositione chrismationem, dum vtramuis seorsum commemorant? Vel si hæc conciliatio non placet, quin aliam affers, ne tergiuersionem alienam simulare videare, vt tuam obtrudas? Mirto loca, vbi chrisma & manus impositio explicatè coniunguntur: quæ & plurima sunt, & nonnulla ipse imprudens attulisti, vt Cypriani & Optati. Nam Gennadium nominare erubuisti; quem priore Antirrhético cor-  
ruperas, reticens chrisma, quod ab eo manus impositioni disertè annexitur his verbis: *Manus impositione & chrismate communiti, Eucharistia mysterijs admittantur.* Quam fraudem tam apertam vidisti, vt, ne & alij viderent, totum locum, accusationemque ea de re meam, quæ grauissima erat, cum in diuinis rebus nihil falsi crimine fœdius habeatur, amouendum tollendumque censueris. De patribus igitur, quin chrismate ad sacramentum Confirmationis, non minus quàm impositione manuum, perpetuò vsi fuerint, dubitari non potest.

De Apostolis idem docet primò Apostolus ipse Paulus, qui cum in epistola ad Hebræos hoc sacramentum manus impositionem vocet; in posteriore ad Corinthios illud in vnctione consignationeque constituit, quemadmodum supra dictum est. Ioannes item Apostolus idem

A a a

p. 46.

p. 21.

Ep. 73. ad  
Iub. lib. 4.  
De Ecclef.  
dog. c. 32.

Heb. 6.

2. Cor. 1.

1. Ioan. 1.  
Aug. hic  
Cyril. Hie-  
rosol. Ca-  
tech. myst.  
3.  
Ep. 1. ad  
Symp.

Incap. 4.

Sacramentum sola vnctione designat interpretibus SS. Patribus. Vnde Pacianus chrismatis vsum ab Apostolis ad Episcopos fluxisse narrat: *Lauacri & chrismatis potestas, maiorum longè charismatum, ad Episcopos inde (ab Apostolis) descendit.* Et paulò post, aduersarium vrgens: *Ergo nec chrisma, nec baptismus, nec criminum remissio, nec innouatio corporis, sanctæ potestati Episcopi indulta est; quia nihil propria vsurpatione mandatum est, totumque id ex Apostolico iure defluxit.* Author sermonis de vnctione chrismatis apud Cyprianū, chrisma ad diuinam institutionem refert. Dionysius Areopagita, Innocentius I. Innocentius III. Eugenius IV. alique, quos antea laudauimus, idem ab Apostolis profectū testantur; atque in manus impositione quæ in actis recensetur, chrismatis vnctionem simul intelligendam docent, dum ex iis locis probant Episcopalem chrismatis vnctionem à solis Episcopis fieri oportere. Quod quàm absurdè colligerent, si ea manuum impositio nihil vnctionis adiunctum habuisset? Non ergo mea est tergiuersatio, quam dicebas: Romanorum est Pontificum; qui eam, non ad Patrum loca, vt ego, sed ad scripturæ oracula exponenda adhibuerunt. Itaque *tergiuersationem* quam Patrum authoritati contrariam iactabas, eorum authoritate firmissimam vides: vt minimè mirum sit, te nihil apud eos reperisse, quo illam speciosius saltem infringeres.

P. 47.

Nihil enim habes quod opponas, nisi Hieronymi, Augustini, aliorumque loca sæpius obiecta, sæpius reiecta; quibus nihil responsionis denuò afferendum, ne tuam istam loquacitatem ab inopia, non à copia fluentem, æmulari videamur. Nisi fortè respondendum est egregiæ ratiocinationi, qua probas Augustinum chrisma ab impositione manuum confirmationeque secluisse, & ad Baptismum retulisse, propterea quod illud vocet visibile vnguentum, quo baptizatos vngit Ecclesia. Ista enim ratione probaueris, ne manuum quidem impositionem ad Confirmationem, sed ad baptismum referendam, quia & illam Ecclesia baptizatis impendit.

P. 47.

Non minùs ridiculè coniicis authorem homiliæ de Pentecoste, quem Hilarij Arelatensis nomine sæpius venditas, cùm ignotus & incertus sit, homiliaeque illas, non ab vno scriptas, sed è variis collectas constet; hunc ergo authorem ineptè coniicis negare chrisma in Confirmatione adhibendum vnà cum manus impositione, quia hominem in baptismo signari dicat. Quasi sequatur, chrisma ab eo eripi Confirmationi, quia illud baptismo tribuit. At ne quidem ait, hominem in baptismo consignari, consignatioque illa facilè ad Confirmationem referri potest. Hæ verò ratiocinationes, vappa, vt vides, dilutiores, minus ridendæ essent, nisi etiam diceres nihil iis esse *exploratus, certius, clarius, ad pernicaciam meam omni ex parte contundendam.*

P. 46. 47.

P. 48.

Nam Tertullianum & Optatum, quos rursus ingeris, sæpius docuimus ita abesse ab errore tuo, vt & locis, quos adduxisti, chrisma manus impositioni iunxerint, & plerisque aliis sacramentum Confirmationis solo chrismate designantes, vim eius & efficientiam illi assignarint.



Cornelium verò Papam omnium immeritissimò refers, qui, manus *Ibid.* impositione tacita, chrisma expressit, eoque Spiritum sanctum dari docuit, vt declaratum est.

Frustra quoque accersis Synodum II. Hispalensem, vt probes manus *P. 41. &* impositionem à consignatione diuersam, & Spiritum sanctum manus *49.* impositione donatum. Nam quis hæc negat? Quærenda fuit Synodus, quæ diceret manus impositionem à chrismatione non solum diuersam, sed etiam diuulsam & diiunctam fuisse; & Spiritum sanctum, ita manus impositione donatum, vt etiam chrismate non daretur. Quod sperare non decuit à Synodo illa Hispalensi, cui præfuit S. Isidorus, cuius potissimum verbis vtrumque istum errorem sustulimus.

Iam Gregorium Papam difficilè dictu est fiducia, an ineptia maiore opponas. Qui quod scribat Arianos in Occidente per manus impositionem; in Oriente per chrismatis vnctionem in Ecclesiam suscipi; consequens esse putas, *manus impositionem & chrismationem alterum in altero P. 49.* non includi, ne nullum fuerit Orientis & Occidentis in Arianis recipiendis discrimen. Primò attendere oportuit nos agere de manus impositione & chrismatione sacramenti Confirmationis propria. Hæc verò, de qua Gregorius loquitur, ad recipiendos hæreticos pertinens, ceremonia erat alius generis, vt ostendimus. Deinde, si huic ipsi manus impositioni iunctam in Occidente chrismatis vnctionem dicere velim, iussurabitur S. Isidorus, Gregorij æqualis, in hæc verba: *Hæretici, si tamen in Patris, & Filij, & Spiritus sancti attestazione docentur baptisma suscepisse, non iterum baptizandi, sed solo chrismate & manus impositione purgandi sunt.* *Ibid. Hispal. lib. 2. de offic. c. 24.* Taceo alios Latinos Patres, præsertim Gallos in Concilio Epauensi, & in eo ipso, de quo contendimus, Arausicano; qui hæreticos ad Ecclesiã redeuntes, chrismate vngi iubent. A qua generali lege si Arianos eximere velis, tuum erit exponere, quid in iis præcipui fuerit, cur aliter quàm alij exciperentur. Nec verendum erit, ne nullum inter Orientis & Occidentis ritum, discrimen relinquatur: quia satis erit discriminis, si Occidens manus impositione simul & chrismatione hæreticos receperit; Oriens sola vnctione. Denique ne meam quidem sententiam capis; vel dissimulas. Sic enim disputas, quasi dicerem antiquiores illos Patres, manus impositionis nomine chrismationem; chrismationis, manus impositionem significare; *nominumque confusionem & perturbationem P. 50.* inducerem. Ego verò tantum dixi, Patres, vbi manus impositionem nominant, chrisma non excludere, sed illud vnà intelligere velut partem indiuiduam eiusdem Confirmationis sacramenti; sicut dum peccata aqua deleri scribunt, non excludunt verbum, sed complectuntur; etsi aqua & verbum diuersa sint, nec eodem nomine appellentur. Quare quacumque ex parte tuam è Gregorio incursionem spectro, laberis, fallis, cauillaris, dum cauillationem alienam quæris, vanissimamque fiduciam tuam ridendam propinas. Sic enim efferbuilti, vt non sententiam tantum meam peteres, sed mihi ipsi isto Gregorij laqueo *fauces premere, P. 49.* ac penitus elidere velles. Quæ oratio presbyterum vix decet; nisi eum fortassis qui se non indignum duxit; qui tortor meus esset.

P. 25. &  
26.

Atque hæc habuisti, quibus non meam, sed Ecclesiæ doctrinam tentares; non tam iniurius, quod ipsius mentem publicè oppugnes, quàm quod leuissimis nugis ab ea discedas. Quæ audacia vix videtur à contemptu abesse. Sintne firmiora quæ nos in errorem tuum attulimus, experiendo, vel potius silendo cognosces. Nihil enim est quod dici possit aduersus illustrem temporum ætatumque omnium consensum, quo, quæcumque ad Confirmationis sacramentum pertinent, chrismati deferri ostendimus: nisi fortè ea solertia vsurus es, qua quædam Augustini dicta superius loco alieno elusisti; de quibus hic opportuniùs paucis dicā. Fatebaris chrismationem sæpè ab Augustino dictam Sacramentum, Sacramentum chrismatis, & Sacramentum Spiritus sancti; quemadmodum in Anæretico scripseram. Sed respondere tuum esse negabas; meque ad scholas reiciebas, vbi hic mihi nodus cum aliis acutè solueretur. Imò simulabas loca ista, non à me prius obiecta, sed à te vltro proferri, vt me admiratione percelleres, velut in re, quam præter opinionem audirem. Non insectabor has strophas, viro probo indecoras, quibus imbecillitas tua semper niti solet, vbi nihil suppetit, quo ineluctabilem veritatis vim effugias. Satis erit exprobrare, quod in re de qua potissimùm agitur, atque in ipso controuersia capite, scèdissima tergiversatione exitum quæras. Quas verò ad scholas me amandes, scire cupio. Non ad Catholicas; quæ omnes errorem tuum mecum damnant, & sacramentum Confirmationis in chrismate consistere his ipsis Augustini locis probant, quorum explanationem ab iis petere me iubes. Alias scholas, quas consulam, nullas video. Nisi fortè aduersarias Ecclesiæ externalque intelligis: quæ, cum solæ negent, chrisma ad sacramentum Confirmationis pertinere, Patrum loca, quibus sacramenti nomen illi adscribitur, ludificari solent homonymia quadam & generali sacramenti appellatione, quæ illa etiam complectatur, quæ propriè sacramenta non sint. Quo effugio si quando vti voles, quoniam aliud nullum superest, vno verbo illud præclusero, si modò dicam, Augustinum, aliosq; Patres, non nudo sacramenti nomine chrisma afficere, sed veris illud sacramentis annumerare. Baptismo & Eucharistiæ, in eundemque ordinem ac velut classem referre; vim denique & efficacitatem sacramenti propriam illi largiri; vt vberimis eorum testimoniis declaratum est. Quæ responsio eadem operâ Latinorum Patrum propè omnium loca tuetur, quibus Sacramenti nomen chrismati tribuunt.

P. 51.

Nam Græcos adeò alienos à te offendisti, vt ne cauillationi quidem locum esse videris, qua eorum sententiis caliginem induceres: nec aliud reliqui habuisti, quàm vt eos damnares, confirmationisque Sacramento spoliare, quod manus impositionem à chrismatione diuersam vix agnoscant. Sed hanc audaciam nimiam sensisti, quàm vt eam tuo nomine proferres. Alienam personam tibi induxisti, ac velut laruam, sub qua lateres, tam indignè de sanctissimis hominibus nobilissimaque Ecclesiæ parte pronuntians; & Guidonem Carmelitam effinxisti, qui diceret, Græcos, *Quia vna manus impositione carebant, tamen si chrismationem haberent, Confirmationis Sacramentum non habuisse.*

Quod à Guidone Carmelita sic abhorret, vt sui qui Græcos (de his enim loquitur) sacramentum Confirmationis propterea non credidisse dicat, quod vñctione & chrismate carerent: *Non conficiunt chrisma, inquit, nec benedicunt oleum sanctum, nec extrema vñctionis, nec Catechumenorum; sic quod baptizandos non inungunt, nec sacramentum Confirmationis credunt.* Cum ergo, tacita manus impositione, solius chrismatis penuria eos Confirmationis sacramento caruisse scribat; inuerecundiam tuam respuit, nobis suffragatur, & hoc sacramentum sine chrismate nullum esse declarat. Cum tali fide Guidonem tractaris, notissimum ac publicum testem; facilis est coniectura, qualem adhibeas in citando Basileensi indice, quem penes te latere audio.

*In summa de heresi-  
bus Gre-  
corum. 13.*

*P. st.*

Hæc igitur omnia, vt tandem concludam, demonstrant tanti esse erroris, sacramenti Confirmationis naturam, dignitatem, efficientiamque chrismati adimere, vt leuius erraturus fueris, si eam manus impositioni ademisses. Nam Patres quidem Græci hæc omnia chrismati penè semper manus impositioni penè nunquam; Latini sæpius multo chrismati, quàm manus impositioni attribuunt. Sacramenti verò nomen chrismati passim dant; manus impositioni; quod meminerim, nunquam. Quare quod eam *Sacramentum impositionis manuum* vocatam dicis, *P. 36.* probatum, non dictum oportuit.

Cum igitur chrismatio tot partibus superior sit, quàm manuum impositio; cum sacramenti vis & natura multo sæpius illi, nomen illi soli tribuatur, idque plurimis ac perspicuis Patrum verbis; non erat Theologi eam à Confirmationis sacramento secernere, cui perpetua maiorum traditione inserta est; nec docti hominis ei manus impositionem præferre, quæ tot amplissimis antiquitatis testimoniis illi postponitur.

## IN CAPVT VII.

*Tertia Sirmondi ætatis vitia & confusio. Posteriorum omnium temporum Patres, Scholæ etiam Theologos, sacramentum Confirmationis in manus impositione & chrismatis vñctione collocasse. Chrismate Spiritum sanctum dari docuisse. Ecclesia à Sirmondo Confirmationis sacramento spoliata, iustitiæque damnata. Spre-  
ti etiam Illustrissimi Gallia Antistites, & sacra Theologia Facul-  
tas Parisiensis.*

**E**XHAUSTA secunda ætate, in qua disputationis tuæ robur constitueras, summaque illius cum prioribus sæculis consensione ita demonstrata, vt non iam secunda, sed vnica & eadem cum illis ætas, quod ad sacramentum Confirmationis attinet, dicenda sit; tertiam ordiris. De qua confusè rursus & loquaciter disputas. Nam nec secunda finem vllum, nec tertiæ initium statuis. Ergo confundis vtramque,

Aaa iij

& in vnā confluas; propositumque tuum euertis. Quo enim modo dū  
esse possint, si nullo discrimine separantur? Deinde, eam dicis tertiam  
ætatem, qua manus impositio & frontis chrismatio coniunctæ, & Epi-  
scopali potestati addictæ; vnctio verò extra frontem presbyteris man-  
data fuerit. Quæ omnia multo ante in Ecclesia Romana, aliisque ob-  
seruata confiteris, Syluestrique ac Innocentij Pontificum decretis fir-  
mata. Quæ igitur est ratio referre ad tertiam ætatem quod iam erat in  
secunda: nisi fortè vt ex duabus vnā rursus efficias? Denique cū  
tertiam hanc ætatem ad nostra vsque tempora perducas, de quibus nul-  
la nobis adhuc controuersia fuit; quis non rideat hominem aridulum,  
continuorum in grauissimis rebus silentiorum dedecus superuacua lo-  
quacitatis redundantia compensantem? Nam quod mei gratia facere  
te dicis, vt de his disseras, quæ institutæ disputationis ratio non exige-  
bat: scilicet ea est tua in me humanitas, vt mei causa deerres & extra  
vageris, præsidiaque erroribus tuis à posterioribus etiam sæculis qua-  
ras, quæ in superioribus reperire non potuisti. Hic enim est scopus tuus;  
hæc meta ad quam collineat prolixa perplexaque disputatio, plus cali-  
ginis inuoluens, quàm difficultatis. Quare quoniam à Confirmationis  
sacramento errorum tuorum commenta defendere propulsareque de-  
creuimus, danda est opera vt dum hosce vltimos conatus tuos frangi-  
mus, illud ab antiquissimis sæculis ad hoc vsque in quo versamur, omni  
ex parte integrum inuiolatumque deducamus.

Atque hîc primùm in ipso limine præmonstras, quid confusionis in  
interiore disputatione incluseris. Nam postquam de tertia ætate dice-  
re proposuisti, ad secundam redis: de qua pluribus paginis ea quæ ad  
tædium supra decantasti, rursus inculcas. Agis enim multis verbis de  
Pontificibus Syluestro ac Innocentio, qui gemina neophytorum chris-  
matione sancita, frontis vnctionem presbyteris interdixerint; deque  
peruicacia illa, qua omnes propemodum Occidentis Ecclesias institutū  
istud respuisse finxisti. Ac ne obscurum sit qua peritia his de rebus lo-  
quare, quod superius fastus es, te in priore Antirrhethico temerè asseue-  
rasse frontis vnctionem presbyteris à Syluestro permissam, id nunc rur-  
sus fateris; eamque illis ab eo veritam concedis. Ac huius errati emen-  
dationi alteram addis, de qua illic etiam diximus, dum Innocentium,  
quem presbyteris verticis nominatim chrismationem præcepisse in eo-  
dem Antirrhethico affirmaras, nūc agnoscis nullius nominatim membri  
vnctionem iis præscripsisse, sed tantum neophytos extra frontem vn-  
gere iussisse; Anæretici lectione cautior effectus. Quis ergo ferat, vt po-  
steaquā in explicanda antiqua Ecclesiæ Romanæ consuetudine de vtro-  
que controuersia cardine, de vnctione frontis ac verticis te errasse con-  
fessus es; tamen de eiusdem Ecclesiæ moribus & institutis rursus alios  
docere, & aduersus eum a quo errorum tantorum admonitus es, certa-  
re audeas? præsertim cum nihil afferas nisi eandem illam cantilenam,  
quam superius occinuisti, omnes propemodum Occidentis Ecclesias  
pro nihilo habuisse Ecclesiæ Romanorumque Pontificum decreta, qui-  
bus frontis vnctiones presbyteris inconcessas, Episcopalis potestatis

P. 55.

P. 52. 53.  
54.Cap. 5.  
P. 58.I. Antir.  
P. 71.  
P. 54.



proptiâs statuerunt. Qua voce nulla nec contumeliosior in Ecclesiam illam; nec incredibilior à te est emissa. Nec enim sedis Apostolicæ dignitati magis officii potest, quàm si dicatur grauissimam & antiquissimam legem, perpetua & nunquam intermissa, vt fateris, maiorum consuetudine ad illa vsque tempora seruata, apud Occidentis Ecclesias retinere non potuisse, ne adhibita quidem totius Ecclesiæ & scripturarum autoritate, qua Innocentius ad eam rem vsus est. Nec Occidentis Episcopis quicquam indignius, quàm eos à constanti totius Ecclesiæ priorumque omnium sæculorum institutione in re tanta subito defecisse, non solum sine causa (nulla enim fingi potest) sed Romanis etiam Pontificibus inuitis.

Et verò quid magis fictitium, quàm quod dicere cogeris, Occidentis Ecclesias, postquam traditionem à maioribus totaque Ecclesia acceptam repente sine causa repudiassent, tandem eam repetiisse; & ad Romanæ Ecclesiæ consensionem institutionemque se recepisse. Quid enim leuitate inconstantiaque ista turpius, & tot Ecclesijs, earumque sanctissimis Episcopis alienius? Si à perenni illa maiorum Romanæque Ecclesiæ traditione rectè discesserunt; cur ad eam postea redierunt? Si redeundum putarunt, cur antea discesserunt? Nec verò quo tempore ad eam redierint exponere potes. Quod argumento est nunquam rediisse. Quis enim credat talem tantamque omnium Occidentis Ecclesiarum cum Romana, postquam ei diu restitissent consensionem tacitis omnium gentiû testibus ac litteris fieri potuisse? Ex quo intelligitur eas in Ecclesiæ Romanæ sententiâ & doctrina perpetuò mansisse. Nam frontis quidem vnctionem sacramenti Confirmationis & Episcopalis potestatis propriam semper fuisse in omnibus penitus Ecclesijs, antè declaratum, est, Romanorum Pontificum ac totius orbis consensu. Vnctionem verò quam Ecclesia Romana ministris in Baptismo extra frontem fieri decreuerat, ab alijs Ecclesijs celeriter acceptam ab Hispanis in Synodo I. Toletana, à Gallis in Arausicana I. ab Africanis in Concilio Carthaginensi III. antea item docuimus. Nam & vetuisti omnes interpretes eam ad Syluestri aut Innocentij tempora referunt quibus vicina fuere ea Concilia & deinceps ita obseruatam constat, vt, quo alio tempore fuerit inducta, dici non possit.

At tu hæc vnctionum genera malè confundens scribere audes, Innocentium, primum esse qui frontis vnctionem à solis Episcopis extra frontem à ministris faciendam dixerit eiusque *instituti eum authorem vel assertorem proferri* ab iis qui de Ecclesiæ ritibus scribunt, in quibus nomina Isidorum, Alcuinum, Amalarium, ac Synodum præterea Meldensem Can. XLIV. Verùm, vt taceam de ministrorum extra frontem vnctione, quam ab Ecclesia Romana profectam constat; Innocentium frontis à solis Episcopis vngendæ authorem vt videri vis, non esse docere te potuit ipse in primis Innocentius, qui eam legem vniuersæ Ecclesiæ consuetudini Apostolorum scripturæque autoritate acceptam refert: *Hoc autem, inquit, Pontificibus solis debere, vt vel consignent, vel paracletum Spiritum tradant, non solum consuetudo Ecclesiastica demonstrat, verum et le-*

P. 37. 34.

In cap. 31

Ibid.

P. 32.

P. 33.

Innot. 1.  
ep. ad De-  
cent. c. 3.

Lib. 1. de  
offic. c. 27.  
Beda in  
Act.  
Lib. 4. con-  
tra Gre.

*Actuum Apostolorum, &c.* Quare nec quisquam rei huius authorem eum finxit. Nam de iis quos refers, Amalarius eam Apostolis disertè adscribit: *Ut ab Episcopis solis inungatur*, inquit, *per manus impositionem ab Apostolis assumptum est.* Citatque Bedam idem docentem. Hoc ipsum scribit Rattramnus Corbeiensis. Cæteri, ut Isidorus, & Alcuinus, Innocentij testimonio tantum utuntur, ut probent sacramentum Confirmationis à solis Episcopis conferri posse; quod in Episcopali vñctione constituunt. Nam Synodus Meldensis frontis vñctionem ne quidem nominat. Quare agnoscere tandem licet fidem tuam diligentiamque in legendis ac laudandis authoribus. Quod si meminisses, quæ antè dixisti, tum Sylvestrum decreuisse ne presbyteri neophytorum frontes vngerent, tum superiorum omnium ætatum consensu usque ad Constantini tempora servatum esse ut illæ à solis Episcopis vngerentur; nunquam commisisses ut scriberes, Innocentium authorem videri instituti tantò antiquioris ipso, tecumque apertè pugnares. Etsi ergo Innocentius eam legem primus litteris mandasse videatur tamen propterea illum eius authorem esse, nec à te nec à quoquam colligi debuit. Atque hæc de pro-  
lusione, qua usus es antequam de tertia tua ætate disserere ingrederere. Nam quæ iteras de Hispaniæ & Sardinia Ecclesijs, satis superque superius sunt exposita.

P. 53. & 54.  
In cap. 10.  
et in hoc.

P. 55.

Nunc descendendum in ipsam aciem, tertiaque ista ætas propius pre-menda. In primis deprecari, ne orationem argutis contentionibus implicemus, sed nudo pertexamus historicæ narrationis filo. Scholarum aculeos vereri videris; quos tu quidem fugis, quia fortasse non nosti ego verò, quia novi Itaque libero te metu. Nam illam demum Theologiam longè optimam censeo, quæ fidei quàm simillima est, ratiocinationis quàm minimum habet, autoritate quàm plurimum regitur. Hæc enim una est ab errore tutissima. Aliæ humano ingenio certiores esse vix possunt, quo nituntur. Quare facile assentior ut scholarum argutias repudiemus; dummodò ne in earum locum supponamus nostras, contentionis studio, pertinacia, imbecillitate contextas. Nullæ enim deteriores; nullæ veritati, ne virtuti dicam inimiciores.

P. 57.

Ab his quàm sis auersus, statim ostendis. Doctrinæ enim ac sententia quam tertiæ, ut vocas, ætatis Patres tenuerint, te interprete, hæc est summa. Fateris eos Confirmationis nomen chrismati tribuisse. Res enim est ita illustris ac frequens, ut negare non possis. Sed quod negare non potes, eludis. Vis enim eos Confirmationis nomen sic chrismationi dedisse, ut propriam Confirmationis efficientiam manus impositioni reseruarint; hoc est chrismationi inane nomen, manus impositioni rem tribuisse. Nec tamen in hoc constas: sed veritatis quibuldam stimulis actus fateri cogeris eos plusculum chrismationi largitos. Sed hoc rursus ita extenuas, ut propemodum evanescat. Scribis enim eorum nonnullos chrismatis vim quasi per chrisma spiritus daretur, ad Spiritus sancti dona referri & aptare conatos. Conatos, ais? Quid ergo? id efficere non potuerunt? Minimè. Nam dissimulare non potuerunt quin per impositionem manuum propriè tradi Spiritum sanctum plerique omnes agnoscerent. O rem perplexam?

P. 58.

Id.

Confirmationem posuere in chrismate; sed nomine tenus, non re. Rursus rem quoque ac vim Confirmationis ei dedere, sed conatu irrito. Nam cum Spiritum sanctum per chrisma dari, & chrismatis vim ad Spiritus sancti dona referre vellent, reclamante conscientia dissimulare non potuerunt, sola manus impositione Spiritum sanctum propriè donari. Me quidem Sirmonde, in his somniis accuratè confutandis operam consumere vix dignum est. Sed longè indignius, te post triennium ea proferre in eruditissimorum hominum oculis, constantemque ac fundatissimam maiorum doctrinam audacissimè ludificari. Quid enim audacius dicere queas, quàm tot inferiorum ætatum Patres, cum viderent Spiritus sancti donandi potestatem antiquitatis consensu manus impositioni propriè addictam, tamen chrismati eam tribuere conatos, acceptamque antiquitatis doctrinam vitare? Ego verò, quemadmodum suprà docui perpetuis vetustiorum Patrum testimonijs Spiritum sanctum in Ecclesia chrismate dari, semperque datum esse, neminemque prorsus reperiri qui hoc vnquam negarit: Ita idem demonstrabo eorum consensu, qui posterioribus ætatibus vixerunt, vt perennis veritatis, quam oppugnas traditio per omnia Ecclesiæ secula ad nos vsque fluens cernatur; neminique Antirrhethici hæresis dubia esse possit. Ac primùm suprà attulimus hæc Isidori verba: *Sicut in Baptismo peccatorum remissio datur, ita per vñtionem sanctificatio Spiritus adhibetur.* Indicauimus & hæc Bedæ: *Christus omnes in morte sua baptizatos, altissimo sancti Spiritus chrismate confirmandos esse designat; qui dicere possint cum Psalmista signatum est super nos lumen vultus tui Domine, dedisti letitiam in corde meo.* Idem alibi, *Post acceptum, inquit, vnda regenerationis lauacrum per vñtionem sacri chrismatis gratia Spiritus sancti signamur.* Quam vñtionem confert cum Spiritu sancto columbæ specie super Christum lapso. Audi deinde Rabanum. *Signatur baptizatus cum chrismate per Pontificem in fronte vt Spiritus sancti septiformis gratia cum omni plenitudine sanctitatis & scientiæ & virtutis venire in hominem declaretur.* Et paulo post, *vt signaculum fidei quod in fronte suscipit, faciat eum donis celestibus repletum, & sua gratia confortatum, intrepide & audacter eorum regibus & potestatibus huius sæculi portare, ac nomen Christi libetæ voce prædicare.* Audi Amalarium. *Hæc consecratio chrismatis dicitur principalis, quia ad eius vñtionem principalis spiritus tribuitur.* Ac postea: *Episcopus quasi ditior dicit: Emitte in eum septiformem Spiritum sanctum tuum de cælis, spiritum sapientiæ & intellectus, spiritum consilij & fortitudinis, spiritum scientiæ & pietatis, adimple eum spiritu timoris domini, & consigna eum signo crucis in vitam propitiatus æternam.* Audi Ratramnum Corbeiensem Rabani æqualem: *Constat Spiritus sancti gratiam per vñtionem frontis ex chrismate ab Episcopo donari.* Ac inferius: *Ecclesiastici viri statuerunt vt frontes baptizatorum non à presbyteris sed ab Episcopis chrismate sancto linirentur, vt per eos Spiritus sancti gratia conferretur.*

*In cap. 4.*

*L. 8. etym.  
c. de offic.  
L. 8. in  
Luc c. 22.*

*Hom. in  
Ost. Epiph.*

*L. 1. de of.  
sc c. 30.*

*L. 1. de of.  
sc c. 12.  
c. 26.*

*Lib. 4. contr.  
opposita  
Græc.*

Iam Hugo Victorinus, Rupertus, Iesse Ambianensis Episcopus & alij quos etiam iudices poscis, sic pronuntiant: *Hugo, Sancta Ecclesia prius in aqua mundatur baptismatis, & sic vñtione chrismatis insignitur per manus Pontificis. In qua vñtione datur Spiritus sanctus ad diligendum Deum & proximum.* Rupertus; *Chrisma Spiritus sancti signum est cuius & virtutem continet. Et pol-*

*P. 97.  
L. 1. de Sa.  
cram. fid.  
c. 10.  
L. 5. de of.  
c. 16.*



*C. 18.* chrè Spiritui sancto per hanc speciem suam nobis complacuit dare gratiam. Et rur-  
*In rit. enar.* sus. Huius chrismatis olei consecratio dicitur principalis quia ad eius unctionem  
*Serm. de* principalis tribuitur spiritus, id est septiformis paracletus. Iesse denique Ambia-  
*Sacram.* nensis frontem oleo signare solis Episcopis debetur quo tradant Spiritum paracletum  
*dedicat.* baptizatis. Postquam enim ascendit Dominus de aqua, vidit celos apertos, & Spi-  
*In Ep. ad* ritus sanctus tamquam columba descendit super eum. Adde huc Iuonem Carno-  
*Leon. IV.* tenslem Episcopum; Sancta Ecclesia prius aqua mundatur in fonte baptismatis,  
*Flod. l. 3.* & sic unctione insignitur per manus Pontificis, ut Spiritus sancti in se mereatur ad-  
*c. 10.* nentum. Adde Hincmarum Rhemensem querentem de Chorepiscopali  
*In Synodo* temeritate, quod spiritum consignando tradere præsumebat. Adde Maximum  
*Lateran.* Episcopum Aquilejensem in Synodo Romana sub Martino I. vocan-  
*sub Mart.* tem Episcopale chrisma, Oleum unctionis Spiritus sancti. Adde Deus-dedit  
*I. secret. 4.* Papam in Epistola quam Cardinalis Baronius, ac multo antè Gratianus  
*Baron. an.* alique describere, docentem fieri Confirmationem Spiritus sancti per chris-  
*615.* ma. Nihil esse potest omni scriptorum monumentorum, ætatumque  
*30. q. 1. c. 1.* autoritate confirmatius: ut nequeam satis excogitare qua ratione fa-  
 mam tuam eo errore toties commaculare volueris, cui nullum in omni-  
 bus retrò sæculis suffugium est, ubi delitescat.

*P. 16. 17.* Quod ergo congeris loca, ubi Spiritus sanctus manus impositione  
 dari dicitur, sapius responsum est, te actum agere. Non modò necesse  
 non fuit scrutari bibliothecas, vnde plures codices manuscriptos pro-  
 fers, sed ne vulgatis quidem uti, ad id nimirum confirmandum de quo  
 quæstio non est, quodque à me toties ultro est concessum. Ego enim  
 semper professus sum, Spiritum sanctum manus impositione & chris-  
 mate infundi: tu sola manus impositione. Quare dum eum manus im-  
 positione dari probas, tantum abest ut mihi obis, ut alteram sententiæ  
 meæ partem confirmes, alteram non attingas, de qua sola controuer-  
 sia est. Proferendæ igitur fuere testimonia quæ docerent Spiritum san-  
 ctum chrismate non immitti: quæ nusquam inuenies.

Atque adeo ut magis te constringam, errorisque tui caput aperi-  
 am, dico Patrum tertiæ tuæ ætatis loca quibus Spiritum sanctum manus  
 impositione dari scribunt à te minimè intellecta. Nam de manus im-  
 positione sic loquuntur ut non tantum chrismationem non excludant,  
 quod de superiorum ætatum Patribus diximus, sed etiam eodem nomi-  
 ne illam complectantur. Non enim manus impositionem & chrisma-  
 tionem in Confirmationis sacramento tantum coniunctas, & insolubi-  
 li nexu copulatas esse voluerunt, ut antiquiores sed in vnam singula-  
 remque actionem conclusas. Quare non dicunt præberi unctionem &  
 manus impositionem sed unctionem manus impositione, manus im-  
 positionem unctione. Quæ res ne te angat, quoniam eam, ut video, non  
*In Ps. 26.* animaduertisti, exponenda est ipsis eorum verbis. Sic enim loquitur  
*L. 1. de off.* Beda: Illa unctio quæ per manus impositionem ab Episcopis fit & vulgò confirma-  
*c. 27.* tio dicitur, &c. Sic Amalarius: Ut ab Episcopis solus inungatur per manus imposi-  
*L. 1. de in-* tionem ab Apostolis assumptum est. Sic Rabanus; Episcopus baptizatum per ma-  
*stit. cler.* nus impositionem cum ipso chrismate consignat. Sic Carolus Magnus & Galliarum  
*c. 28.* Episcopi, Ne quis à Chorepiscopis per manus impositionem consignari vel confir-



*mari vsquam velit. Sic Ratramnus Corbejenfis; Gratia Spiritus sancti per impositionem manuum tribuitur ab Episcopis: quod tunc fit, quando frontes baptizatorum chrismate sancto linuntur ab Episcopis Et paulo post: Donum Spiritus sancti tribuitur per impositionem manuum quando frontes baptizatorum chrismate sancto linuntur. Sic Iuo Carnotensis; per manus impositionem sacro chrismate confirmantur. Sic scriptor vitæ S. Anselmi; quosdam adijisse S. Anselmum, ut eorum liberos per impositionem manus suæ sacri chrismatis vntione signaret. Sic Hugo Victorinus; Pontifex per manus impositionem confirmandos vngit in fronte, Sic denique Innocentius III. Sacramentum Confirmationis chrismando renatos soli debent Episcopi per manus impositionem conferre. Et alibi; Per frontis chrismationem manus impositio designatur. Postremo Michael Palæologus Græcorum Imperator in fidei professione quam ei sedis Apostolicæ Nuntij præscripserant; Sacramentum Confirmationis, inquit, per manus impositionem Episcopi conferunt chrismando renatos. Ex quibus prorsus liquet, horum Patrum ætate non coniunctionem tantum chrismationis & manus impositionis in Confirmationis Sacramento sed etiam vnitatem factam. Vnde dum dicunt Spiritum sanctum dari manus impositione, chrismate dari dicunt dum rursus eam vim tribuunt chrismati manus impositioni largiuntur, nec aliam manus impositionem agnoscunt, nisi eam quæ ipsa chrismatione continetur. Atque hoc illud erat, in quo dicere oportuit tertiam hanc ætatem, nonnihil deflexisse à superiorum consuetudine, in modo videlicet ac ritu administrandæ Confirmationis, etsi in re manserit summa consensus. Quæ enim duæ partes simul, sed seorsum vicissimq; olim præbebantur, ex postea in vnam collectæ, vnumque effectæ sunt. Nec hoc singulare est in sacramento Confirmationis; sed in aliis quoque vsuuenit. Ita in Baptismo triplexmersio ad vnam redacta; hæc ipsa rursus ad asperersionem. In Eucharistia corporis & sanguinis Christi binæ species in vnam contractæ. Atque hinc factum est, ut posterioribus hisce ætatibus decretum sit, chrismationem ab Episcopo pollice faciendam, ut vno tempore & chrismate vngatur frons, & manus capiti apertius imponatur. Quod prioribus ætatibus minus expressum erat, cum chrisma & manus impositio binis actionibus adhibebantur. Atque hæc iam consuetudo omnibus deinceps sæculis accepta, & perpetuo Ecclesiæ vsu ad nos perducta est: ut non tertiæ vllius ætatis, sed totius Ecclesiæ sensus ac ritus dicendus sit à quo ne primis quidem sæculis alienæ fuisse videntur Orientis Ecclesiæ, de quibus suo loco plura.*

*Lib. 4.  
contr. Græc.  
Serm. de  
conuenient.  
nouis & vet.  
test. Ediner.  
De Sacra.  
l. 2. par. 15.  
c. 1 par. 7.  
cap. 2.  
Extra de  
consuet. c.  
quanto.  
Extra. de  
sacra vnt.  
In epist. ad  
Greg. X. in  
Conc.  
Lugdun.*

Hinc perspicis Sirmonde cum alia tua peccata tum illud in primis grande, quod Thomam Vvaldensem, Theologum haud paullò meliorem te, acerbè accusas, quia dixerit, *manum imponi vngendo*. Censes enim nihil fingi potuisse absurdius; denique ridiculum somnium esse & explodendum. Quarum vocum petulantia leuior esset, nisi vniuersam Ecclesiam per Thomæ Vvaldensis latus configeres. Quam enim simulac eius esse opinionem, eam vides tot antè sæculis à celeberrimis Patribus vno ore traditam ab Ecclesia Catholica vna mente susceptam. Itaque in Thoma Vvaldensi Patribus & Ecclesiæ Catholicæ conuictum facis admodum,

*P. 57.  
P. 57.*

ne quid grauius dicam, imperitè. Nam quod clamas manus impositionem & chrismationem diuersas semper habitas esse; jam intelligis falsò clamari. Primis enim & antiquissimis sæculis diuersæ fuerunt saltem apud Latinos; posteriùs indiscretæ apud omnes, quales etiam nunc manent.

P. 58. Quod verò addis, ridiculum esse impositionem manus in frontis vnctione querere, cum in verticis vnctione quod multo verisimilius foret, manuum impositionem nemo vsquam somniet: Si diligenter quæsisisses, reperisses ita locutum Hugonem de S. Victore, In gestis Pontificalibus, inquit, legitur quod Syluester Papa constituit ut baptizatum presbyter in vertice chrismate liniat propter occasionem transitus mortis ne fortè per absentiam Episcopi & difficultatem eum consequendi, sine manus impositione baptizatum ab hac vita migrare contingeret. Dum ait verticis vnctionem institutâ ne baptizati sine manus impositione decederent, planè dicit manus impositionem in verticis vnctione inesse; eamque manus impositionem, quæ manus impositionis Episcopalis imaginem aliquam præstet, ne baptizati ea penitus careant, dum penitus allequi non possunt. Quod eodem ferè modo à Ruperto scriptum est.

Lib. 1. de Sacram. part. 7. c. 4. Rupert. l. 5. de off. c. 16. Quamquam inter frontis ac verticis vnctionem plurimum differt. Nâ manus impositio frontis vnctioni admixta, in eam quodammodo transijt. Vnde minimè mirum, si nomen ei suum conferat, quæ illi seipsam contulit. Quod cum de verticis vnctione dici nequeat, malè paria fecisti, quæ longè disparia sunt.

Itaque non Thomam Valdensum sed Ecclesiam temerè laceassis, atque improuidè. Nam audacia tua eò euadit, ut Sacramentum etiam Confirmationis & Spiritum sanctum ei eripias. Si enim hoc Sacramentum manus impositionem ab vnctione diuersam postulat; si sola huiusmodi manus impositione Spiritus sanctus datur ut existimas, perspicuum est, Ecclesiam Catholicam Confirmationis sacramento & Spiritu sancto hodie carere, cum in eo sacramento manus impositionem qualem petis, nullam obseruet, illudque sola vnctione conficiat. At manus impositione aliqua vitur ante chrismatis vnctionem. Fateor. Sed ea manus impositione sacramentum constare non putat. Ceremoniam censet esse sacramento præuiam, manuum impositionibus similem quæ antè Baptismum iam olim fiunt. Sacramentum autem Confirmationis vel Spiritum sanctum ea manus impositione conferri non existimat. Quare cum sacramenta ministrorum mens efficiat ac voluntas manus impositio ista, qua Ecclesia sacramentum cōficere nec vult nec cogitat, sacramentum esse non potest. Nam nec singulis seorsum sed omnibus generatim impertitur. Ecclesia verò Sacramenta non confusè vniuersis sed propriè singulis ministrat. Vnde si quis post manus impositionem istam discederet, vel abriperetur, priusquam frontis vnctionem ab Episcopo accepisset, nemo eum vel sacramentum Confirmationis, vel Spiritum sanctum assequutum arbitraretur; nec dubium foret, quin ei ad Episcopum primo quoque tempore redeundum esset ut vtrumque perciperet. Contrà multò post peractam, eiusmodi manus impositionem vulgo accedunt chrismatis vnctionem accepturi, quibus Confirmationis sacramentum sola illa vnctione tribui nemo dubitat, nec dubitare

bitare potest, nisi damnata Episcoporum omnium Ecclesiaeque totius consuetudine ac sententia.

Ex quibus apertissimè cernitur, Ecclesiae mentem esse, sacramentum Confirmationis, Spiritusque sancti donum, non in manus impositione, quæ ante chrismationem fit super neophytos vniuersos, situm esse, sed in ipsa chrismatione. Eadem est sententia Ordinis Romani, quem citas. Nam verba illa quæ refers, *Pontifex veniens ad infantes, tenente Archidiacono chrisma, & imposita manu super capita eorum, dat orationem super eos cum inuocatione septiformis gratiae Spiritus sancti*; ceremoniam, quam diximus, sacramento præuiam significant, qua neophyti præparentur ad suscipiendam Spiritus sancti gratiam. Vbi autem Episcopus eorum frontes vngit, tum demùm Confirmationis sacramentum iis dari profitetur: *Oratione expleta, interrogantibus diaconibus nomina singulorum, Pontifex tincto pollice in chrismate, faciat crucem in frontibus singulorum, ita dicendo: Confirmo te in nomine Patris, & Filii, & Spiritus sancti.* Quare planè constat doctrinam tuam ab Ecclesia dissidere; ac necesse esse, vel te in graui errore, vel eam in antiquæ de Confirmationis sacramento traditionis ignorance versari. Nam & apertè illam, sicut antè in Thomæ Valdensis, sic nunc in omnium Catholicorum Theologorum nomine insectaris. *Non me latet, inquis, Theologos in scholis recentiores fuisse non paucos, qui ad solam frontis vnctionem intenti, manuum impositionem istam, quam dicimus, insuper habere, vel non animaduertere viderentur. Sed nos de antiquioribus loquimur, & de iis qui hanc minimè ignorarunt.* Theologos igitur omnes incitæ, vel negligentia accusas. Quos enim non paucos verecundiùs dicis, ij sunt omnes. Atque hoc à te sic intelligi poltea propiùs fateris: *In eam partem, inquis, Theologi penè omnes ut dixi, concessere, ut tacita, aut secùs accepta manus impositione, sacramenti huius vim omnem in solâ chrismatione statuunt.* Omnes igitur Theologi, te iudice, errant. Omnes enim manus impositionem vel silent, vel secùs ac vis, accipiunt. Quid amplius quærimus? Quis enim hominem audiat, qui vniuersos Ecclesie Theologos damnet tot sæculorum ac Patrum, Ecclesiaeque totius consensione fundatos? Quid est aliud dicere Ecclesiam errare ac labi, si hoc non est?

Nec verò sat habes Ecclesiam vniuersè aspernari, nisi Illustrissimos etiam Galliae Præsules, Parisiensemque nostram Theologiae facultatem propriè configas. Scribis enim sanctos Patres vnctionem verticis baptismalem cum vnctione frontis Episcopali æquasse, & pro vna eademque habuisse. Id sic Bedæ verbis confirmas; postea Ambrosij. Ita fit, ut Illustrissimi Galliae Antistites & Theologiae facultas malè proscripserint Spongiae doctrinam, vnctionis Episcopalis effectum baptismali vnctione suppleri posse. Si enim has vnctiones pares eademque dicere liceat, quanto magis vnius effectum altera suppleri? Spongia igitur insons est, immeritoque damnata. Sirmondus enim peiora docet impunè. Tantum verò figmentum, post hominum memoriam inauditum, præclaro Bedæ testimonio rueris, quod in hunc modum refers: *Illâ vnctio qua per manuum impositionem ab Episcopo quasi alia à duabus prædictis, & confirmatio vulgò dicitur, eadem est cum secunda,*

Bbb

P. 59.

P. 60.

P. 61.

P. 60. 61.

P. 64.

P. 61.

In Psal. 26.



*propter arrogantiam tamen non concessa est singulis sacerdotibus, sicut & multa alia.* Nimirum consentaneum esse censuisti, doctrinæ corruptelas locis corruptis probare. Hic demum manuscriptos scrutari oportebat, & Criticem tuam excutere, ne loco manifestè vitioso uterere: quod ego quidem non minus indignum Critico puto, quàm Rhetore balbutire. Sed metuebas ne errori tuo eadem opera ipse medereris: cui tamen deprauatus locus nihil subsidij afferre potest. Si enim hoc vnum respondero, locum esse deprauatum, nulliusque sententiæ, quid ultra requires? Veruntamen dum aliquis mendum tollat, paucis, quantum coniectura assequi licet, respondeo, Bedam velle verticis vñctionem eandem esse cum vñctione frontis, non vsquequaque; perspicua enim sunt vtriusque discrimina; sed materia & vnguento, quo ad eandem quodammodo vñctionis speciem pertinent, & communi *chrismationis* nomine dicuntur; atque ita differre ab vñctione Baptismi antecedente, quæ oleo simplici, quod Catechumenorum dicitur, fieri solet. Hæc satis in præsens, pluribus enim alibi hunc locum tracto.

Errorem autem tuum, quia singularis & inauditus est, non in posterum differam, sed hic breuiter extinguam. Quid enim minus periti hominis, quàm existimare Patres frontis vñctionem eadem vi & efficacia præditam, eandemque omninò cum verticis vñctione putasse, cum creberrimis eorum testimoniis suprà docuerimus, eam naturam, eam dignitatem, omnesque effectus, qui sacramenti Confirmationis præcipui & maximè proprii sunt, Episcopali chrismationi unanimi eorum consensu assignatos? Quod idem de baptismali verticis vñctione dici non potest. Deinde Patres harum vñctionum altera presbyteris permittit, alteram iis grauissimè interdixerunt. Quod ineptè fieret, si eadem essent. Ita enim idem permetteretur, & prohiberetur. Quid porro opus esset, vna à presbytero in baptismo accepta, alteram rursus ab Episcopo accipere? Imò verò quid hoc liceret; cum isto modo eadem chrismatio iterari videretur? Itaque rursus alteram Spongiæ propositionem aduersus Illustrissimos Galliarum Antistites asseris, Episcopalem chrismationem, posteaquam verticis vñctio instituta est, minus necessariam quàm antea fuisse. Nec est quod frontis vñctionem maioris ornatus causa adiectam narres; quod infrà dicere videris: primò, quia nihil est cur ornatorem putes frontis vñctionem, quàm verticis: quæ etiam insignior videri queat, si ritum externum spectes. Nam regibus & Imperatoribus non frons vngitur, sed vertex. Vnde verticis vñctio solemnior ac magis regifica, regiarque dignitati significandæ aptior videri potest. Quare ne hac quidem ex parte habebis cur frontis vñctionem illi prælatam, vel adiectam dicas, si vtriusque vna & eadem vis est ac præstantia. Denique dicere Patrum & Ecclesiæ decreta ad solam externam speciem pompanique spectare, nescio quid aliud significet, nisi vniuersæ religionis irrisum & contemptum. Atque hoc item sodalium tuorum doctrinam sapit, qui vniuersam Episcopalis ordinis functionem, presbyterorum ac ministrorum ordinatione excepta, pompæ ac splendoris esse dixerunt. Hactenus de Patribus.



Deinceps Scholasticos in medium vocas; nempe quos iam damnasti vniuersos; quorumque sententiis eadem opera te damnatum indicasti. Nec enim eos damnasses, nisi te ab iis sensisses damnatum; cum eorum etiam errata laudes, ubi à te aliena non putas. Si de schola Theologos percon-  
*tere, inquis, plurimos & eximios reperies, qui aduentitiam in hoc sacramento, ad-* P. 61.  
*iectamque ab Ecclesia chrismationem docuerint.* Atqui paulò post fateris, penè P. 65.  
*omnes solum chrisma agnoscere, manus impositione præterita, aut se-* P. 62.  
*cus accepta. Quæ quâ tandem cohæreant, etiam atque etiam cogitabis.*  
 Et verò de plurimis eximisque istis tres tantum nominas, Iacobum de Vitriaco, Alexandrum Alensem, & Bonauenturam: Atque his ipsis imponis. Sic enim de iis loqueris, quasi tecum censeant, esse etiam nunc in Confirmationis sacramento manuum impositionem, ab Apostolis profectam; & huic adiungi chrismationem, ab Ecclesia inductam. At illi contra docent, sacramentum Confirmationis totum in chrismatione esse, nec ullam in eo manuum impositionem ab illa distinctam agnoscunt. De substantia huius sacramenti est sanctum chrisma, & forma ab Ecclesia instituta, inquit Vitriacenus. Idem censet Alensis: Idem Bonauentura, ut ipse fateris. Quare doctrinam tuam pari cum aliis mente ac consensione repudiant, & ad eius confirmationem temerè sunt prolati: Hist. Occid. c. 37. P. 63.  
 In eo igitur, quod ad te attinet, rectè senserunt, errorem tuum damnantes. Si quid errarint, in eo errarunt, quod ad errorem tuum nihil spectat. De Sacramenti substantia Catholicè docuerunt, eam in chrismate sitam: de Sacramenti institutione hallucinati sunt, eam, non Christo assignantes, sed hominibus; primum Apostolis, qui Confirmationem sola manuum impositione à se instituta, administrarint; deinde Ecclesiæ, quæ illam post Apostolos sola chrismatione, à se quoque instituta, administrandam decreuerit. Duplicem enim quodammodo Confirmationis institutionem fingentes, utramque hominibus dederunt, nullam Christo. Quæ, ut vides, longè differunt à controuersia nostra: & ut ad rem essent, hæresim tuam minimè subleuaret hæresis aliena. Nam Confirmationis sacramentum ab alio quàm à Christo institutum, hæresim esse à Synodo Tridentina damnatam, inter omnes constat: Conc. Trid. sess. 7. Can. 1. P. 63.  
 Quare quod adjicere audes, causam istis fuisse, cur de Confirmationis institutione sic sentirent, quod *aliam, quàm antea, sacramenti huius materiam, aliam formam viderent*; priora errata cumulas, totumque Sacramentum vno impetu euertis. Si enim alia nunc materia quàm olim, alia est forma; aliud utique est sacramentum. Perit sacramentum Confirmationis à Christo institutum, ab Apostolis traditum. Degeneres posterius diuinissimum depositum à maioribus per manus datum, vel improbitate abieciimus, vel errore amisiimus. Nescio quibus oculis gemelli approbatores hæc flagitia aspicere potuerint. Illud scio, enuntiationes tam tetras, quoquo modo eas mollire conere, nulla venia dignas, cum ex iis certa fidei labes effici possit.

Cæterum quoniam hoc acroamate, aditum tibi facere studuisti ad oppugnandam Confirmationis formam, materiam oppugnando fessus, ne qua diuinissimi sacramenti portio per te incolumis supersit; breuiter

huic quoque parti occurram. Negas antiquissimam esse, formam istam verborum, *Signo te, & confirmo te*; quod alia sit apud Ambrosium in hæc verba: *Deus Pater omnipotens, qui te regeneravit ex aqua & Spiritu sancto, concessitque tibi peccata tua, ipse te vngat in vitam æternam*. Non enim attendisti hanc ibi referri, non chrismationis frontis formam, qua confirmans Episcopus vteretur, sed chrismationis baptismalis; nempe illius quæ paulo post fieri dicitur *supra caput*. Nam de vñctione Episcopali Confirmationisque sacramento loqui demùm incipit lib. 3. capite 2. his verbis; *Sequitur spiritale signaculum, &c.* Vnde duos errores tuos vna opera perspicere potes; vnum, quem iam dixi; alterum, cùm superiùs alleuerares chrismationis verticis mentionem nusquam extare ante librum ordinis Romani, quam in Ambrosianis scriptis nunc vides.

Proucheris audacia, & hodiernam formulam, si propiùs inspiciatur, negas habere quicquam, quod Spiritus sancti donationem sonet. Quæ vox ita est pudenda, vt eam erubescas, & alieno nescio quorum nomine proferre cogare, in hunc modum: *Quid si ne istam quidem hodiernam formulam, quam isti recentiorum ducebant, in verò qua ratione vetustissimam probares, Aureli, si negarent?* (dicere voluisti, si negarem; ne absurdissima sit oratio, si ambigas an vetustissimam negarint, quàm eos recentiorum habuisse dixisti proximis verbis.) *Quicquam, si propiùs inueamur, habere ostenderent, quod Spiritus sancti donationem sonet*. Cùm verò nemo vnquam tam proteruè cogitavit de sacramento Confirmationis, dicti istius infamia tota ad te redit, eoque magis, quod flexiloqua oratio, qua vteris, declarat te erroris grauitatem sensisse, cuius inuidiam effugere conaris. Porro negare Spiritus sancti donationem significari verbis, *Confirmo te*, aut *signo te*, magna est inscitia. Nam primum id tecum pugnat, qui sæpius affirmasti propriam vim ac munus Confirmationis esse in tradendo Spiritu sancto. Igitur Episcopus dum ait se confirmare hominem, ait se Spiritum sanctum ei largiri. Ac fortitudinem illam, quæ confirmandi verbo continetur, nemo aliam cogitat, nisi robur à Spiritu sancto, eiusque plenitudine immissum. Nam Confirmatione ideo nos fortes effici credimus, quia Spiritum sanctum accipimus, ad roborandam Baptismi gratiam. quæ ex re ipsum Confirmationis nomen ductum est. Quare Christus ipse, cùm proximè in cælum ascensurus, Spiritum sanctum Apostolis polliceretur, hoc eodem roboris ac virtutis nomine illum expressit; *Sedere in ciuitate, quoadusque induamini virtute ex alto*. Quo ergo orationis genere Christus Spiritum sanctum promissit; eodem Ecclesia promissum illud exequitur, cùm ait, *Confirmo te*. Nec verò idem non æquè declaratur *consecrandi* voce; quæ signaculum Spiritus sancti, signaculum spiritale, vt loquuntur Patres, quo corda nostra imprimuntur ac muniuntur, significat. Quo spectans Apostolus, *Signati, inquit, estis spiritu promissionis sancto, qui est pignus hereditatis nostræ*. Nam sicut Pater filium in terris natum, postquam à Ioanne baptizatus est, Spiritu sancto extrinsecus signauit, filiumque suum esse ostendit: Ita post baptismum

Ephes. 1. &  
4. Atha-  
nas. ep. ad  
Serap.

in sacramento Confirmationis Spiritu sancto intrinsecus signamur, ut spiritu illo intus clamante, *Abba, Pater*, intelligamus nos esse Dei filios, idque apud alios factorum ac vitæ totius confessione testemur. Itaque si quid loci est Evangelij, Apostolorum, Patrum authoritati, Ecclesia verbis, *confirmo te, & signo te*, Spiritus sancti donationem diuinissimè significat; aptiusque adeo fortassis, quàm si planioribus & vulgaribus verbis diceret, do tibi Spiritum sanctum. Hæc enim oratio, ut apertior esset, ita humanior, & quodammodo deiectior: Illa sanctior est, & ut sic loquar, *μυστικῶς*, arcanæque sacramenti rationi, & Ecclesiæ fidei congruentior. Denique illa tantùm significaret dari Spiritum sanctum; hæc etiam cur detur; nempe ad robur & firmitudinem: qui est Confirmationis finis. Eadem opera demonstrata est formæ huius antiquitas. Nec enim eius initium vsquam extat: & ad eam semper alludunt scripturæ & Patres; ut appareat, eos vel hac vsos, vel alia non absimili.

At enuntiationis absoluta, non orationis speciem præfert, cum perspicua Cypriani & Augustini sint verba, Spiritum sanctum per Episcopi orationem & manus impositionem nos consequi. Hæretici hac ratione sacramenti Eucharistiæ formæ insidias faciunt: quam precibus censent constare oportere, propterea quod Patres eam plerumque precem appellent. Quare consule Catholicorum responsa, & tibi accipe. Cypriani quidem & Augustini loca minimè intelligis, Sed ne multis morer, præbebo tibi Chrysostomi verba, quæ expendas & scrutere, dum hunc locum pluribus expono, vnà cum toto sacramento Confirmationis, in opere mox edendo: *Εν- νοι πολλὰς καὶ χαλὰς δ' ἡμεῖς φαινόμεθα τὸ τοιοῦτον: Apostoli saepe, etiam sine precibus, hoc facere cernuntur*, tradere Spiritum sanctum. P. 65. Rom. 8. Hom. 75 in Ioan.

Itaque longè abierūt leuissimæ velitationes. Manet incolumis Confirmationis forma: à qua oppugnanda abstertere te debuerat Catholica saltem Ecclesiæ authoritas, quæ illà tot iam sæculis utitur in eam sententiam, & in eum finem, quem refellis. Nescio quæ tibi mens fuerit hæc scribenti. Ego quidem cum legerem, versari mihi videbar in media Ecclesiæ aduersariorum acie; & cum aliquo qui sacramentum Confirmationis, ipsamque vnà Ecclesiam proterere instituisset, manum conferere. Nec enim aliud succurrere poterat, cum res tam illustres, tam fundatas, tam probatas, non solum publicè conuelli, sed etiam frigidissimis tricis & ineptiis petulanter illudi viderem. Si hoc impunè liceat, difficile erit modum statuere hominum licentiæ, quo minus spectatissima quæque Ecclesiæ mysteria in dubium vocent, & scriptis lacerant. Nam & vniuersæ Theologorum nationi accusatorem, vel iudicem te opponis, apertèque insultas, in hunc modum; *In eam partem Theologi penè omnes, ut dixi, concessere, ut tacita, aut secus accepta manus impositione, sacramenti huius vim omnem in sola chrismatione statuunt; meque etiam carpis, quòd eorum consensui accedam.* Itane verò? parum est, quod in omnes Theologos censuram tibi sumas; & quorum authoritate ab errore reuocari debueras, eos contra erroris accuses, nisi probri loco etiam objicias, quòd vnanimes eorum sententias sequamur? Nec probas eos, nec probari pateris? Dánas & damnari iubes?

Bbb ij

P. 66. 67. Ego verò demonstrata hac audacia, nihil existimo præterea opus esse. Catholicorum aures eam non ferunt. Censura potius, quàm disputatione comprimenda est. De me tamen paucis respondeo. Si intellexisses nihil esse dissidij inter eos qui sacramentum Confirmationis in chrismatis vñctione, & eos qui in manuum impositione constituunt, non mirareris me, cum alibi solam vñctionem nominarim, postea manuum impositionem commemorare cœpisse. Hunc verò errorem tibi, opinor, iam eripuit superior nostra oratio. Ac, si satis intellexisses quid ipse diceret, vno S. Thomæ loco, quem sine causa profers, cum vitare potuisti. Nam cum S. Thomas in proluxa de Confirmationis sacramento, quam in Summa Theologica habuit, disputatione ita Sacramentum illud in chrismate statuerit, ut manus impositionis ne meminerit quidem; tamen in Commentario Epistolæ ad Hebræos, quem citas, eam ad Sacramentum illud pertinere professus est. Quæ si probè cohererent & consentiunt, intelligere debuisti nihil esse causæ cur nostra reprehenderes. Nam manus impositionem tum siluimus, cum de ea non agebatur; tum commemorauimus, cum de ea controuersiam facere cœpisti. Antirrhético verò tuo me admonitum esse, ut ei locum in Confirmatione darem, posthac, opinor, non dices; cum videas, cum illi locum à me dari, ut tuo fortassis iudicio nullum dem. Nam manus impositionem à chrismatione diuersam, qualem postulas, nullam requiro. Quamobrem potius fatebere, sententiam meam, nec cum manus impositionem tacui, nec cum expressi, te intellectam; etsi communis sit Theologorum Catholicorumque omnium sententia.

## IN CAPVT VIII.

*Sirmondi latebra, quibus vel hæreticam doctrinam suam, vel seipsum, tegere conatur. Inscitia, qua in Scholasticam disputationem se committit. Chrisma ne integrantem quidem Confirmationis partem ab eo verè agnosci, sed fingi temporis causa.*

P. 68. POSTQUAM Theologorum omnium Ecclesiæque doctrinam peruertisti, facinoris tanti conscientia permotus, præstigias quaris, quibus doctrinam tuam, teque ipsum tegas, & ab inuidia liberes. Ac doctrinam quidem tegere contendis, mecum expostulando, quod eam aliter ac sit, retulerim. Simulas enim me dicere, te nullum chrisma in Confirmationis sacramento nunc adhibendum arbitrari; similiterque facere, ut si eum, qui dicat, Ecclesiam vtramque Eucharistiæ speciem populo olim dedisse, arguam idem nunc quoque fieri velle. *Me in Confirmatione, inquis, nullum nunc chrisma nosse, inuidiosissima calumnia mentiris.* Modestiam non requiro, quam iampridem valere iussisti; nec aliud pœnæ à te peto, quàm ut animosissimi senis frontem clarissima verborum meorum luce percutiam, quæ talia erant loco quem indicas: *Sirmondus censer, manuum impositionem so-*

*Andr.  
p. 348.*



*lam & sine chrismate esse sacramentum Confirmationis eamque solam à sanctis Patribus Confirmationem & Sacramentum haberi. Non ergo quæsi quid tu nunc faciendum putes; nec omnino adieci illud; nunc; sed Sacramenti substantiam à te in manus impositione sola constitui quæstus sum. Vides ergo penes quem mendacium hæreat quod exagitas. Nam & hoc ipso loco clarioribus quàm à me dictum est, verbis idem confirmas; dilucidèque addis, sacramentum Confirmationis etiam nunc sine chrismate cõfici posse. Statuis enim chrisma esse Confirmationis partem integrantem, non ita essentialem ut sine illa sacramentum more antiquo consistere non possit. Et paulo post: Absurdum nemo ducat si quis per impositionem manuum, vel olim datum fuisse Spiritum sanctum vel nunc etiam dari profiteatur. Ac rursus: Manuum impositione Spiritum sanctum more antiquo dari. Denique, Laborant in explicanda Confirmationis origine Theologi. Si chrisma secernas & hanc in manus impositione colloques, quin à Christo didicerint Apostoli nulla erit dubitatio. Cum ergo indignere id tibi adscribi, quod toties & tam perspicuè prædicas, non modò alibi, sed tum maxime, cum id quereris; meque quod hoc dicam inuidiosissima calumnia mentiri clames; te hominem fidei pudorisue vilius esse, credat qui potest.*

Hæc igitur prior fraus: qua hæreseos tuæ turpitudinem tegere voluisti. Sed huic meritò diffidens, quippe quæ turpitudinem illam magis illustret, alteram addis qua saltem teipsum regas. Nam quæ hætenus scripsisti, ea negas tuo ex sensu deprompta nihilque aliud egisse videri vis; quàm ut Patrum sententias proferres, de tuo nihil adiiciens vel affirmans. Sententiam verò tuam hac de re nec interposuisse, & iniquum me fore, si exigam ut interponas. Vix mihi credo hæc legere, cum lego: ita parum conueniunt vel cordati hominis rationi, vel astuti ingenio. Nimirum vitiosam doctrinam suo nomine publicare inuidiosam rem putas infamique subiectam, sub alieni nominis integumento eam asserere, tueri, propugnare, liberum esse ac tutum. Nec attendis contra tolerabilius esse, Ecclesiæ doctrinam ex professio euertere, quàm euertendo illudere, fœminæ illius instar, quæ tergens os suum dicit non sum operata malum. Quare culpam tuam non minuis sed auges, & contumeliosiores reddis. Nec solum plus contumeliæ Ecclesiæ infers, sed etiam pernicipi. Non enim eam proteruè oppugnandi tãtum sed impuè oppugnandi viâ ostendis. Nam si Patrum nomine quiduis effutire liceat & in eorum autoritate delitescere; quid in Ecclesia tutum, quid ab audacium ingeniorum temeritate intactum erit? Nec tamen inficior proferre exponereque licere, veterum sententias, si quas habuerunt ab Ecclesiæ sensu alienas. Sed hoc ita demum licet, si eæ sententiæ manifestè ac sine controuersia eorum fuerint quibus tribuuntur, & is qui de illis copiosius disserit, mentem suam ab iis diiunctam Catholicorum consensui coniunctam esse profiteatur. Alioquin vel Patribus erronea falsaque dogmata temerè imponit vel vera Ecclesiæ improbè dissimulat & infamat. Quo in utroque offendisti: Nam & Patribus eas doctrinarum tribuis prauitates, quas illorum esse ne quid amplius dicam, certè non constat: & eas ita improbare non vis, ut iniquos fore denuncies qui postulent ut quid de

illis sentias, exponas. Quis hinc animi tui sensum non videt? Nam cum hæresum istarum grauem meritamque inuidiam subieris, qua improbatas damnatisque illis, liberare te poteras; quis, dum id facere detrectas, non intelligit eas tibi ita in amoribus esse, ac medullitus hære, ut ab iis diuelli non possis, & fama chariores habeas? Denique vni aut alteri veterum quippiam assignare, quod à fidei norma dissideat, paulo tolerabilius est: Vniuersæ verò antiquitati eam labem aspergere, tanta est culpa ut ipsi Ecclesiæ exitium minetur. Atqui omnium ætatum Patres in eo consensisse asseuerasti, ut docuerint Confirmationis sacramentum propriè in sola manus impositione defixum, & huic vni Spiritus sancti donandi vim inesse non chrismationi, quam pro ceremonia habuerint, quæ modò baptismo, modò Confirmationi adijceretur, neutri necessaria esset. Quare tuam quoque hanc esse opinionem significasti. Nisi fortè fateare fas esse à perpetua & constanti Patrum doctrina discedere. Qua ratione maiorem Ecclesiæ plagam inflixeris, quàm si Confirmationis sacramentum sine fuko & fallacia apertè extinguas. Hoc enim peccato vnum religionis caput proditur, illo vniuersa. Postremò perspicuè ostendimus, quæcumque Patribus affinxisti, ab iis potissimum damnari. Ex quo fit ea propriè tua esse, & à te excogitata. Sicut enim qui aduersus rempublicam quippiam aliorum nomine diulgat, quos demonstrare non potest, eius author ipse censetur: Ita qui aduersus Ecclesiæ consensum ea Patrum nomine scribit, quæ apud illos non leguntur, ipse eorum artifex haberi debet. Valeant igitur versutia, à veritate, à fide, à pudore alienæ & cum ipsa tua, quod non aduerteras, oratione pugnantes. Turpe te eò tandem deuenisse, ut fateri non ausis quid sentias. Turpius quòd ne id quidem exigi dicas posse; qui me tot contumelijs, quod nomen meum taceam, insequeris. Si enim nomen profiteri necesse est, quanto magis suam de ipso disputationis capite sententiam?

P. 61.

Nam quod ais, *Scholarum esse, non huius instituti nostri quæstiones Theologicas*; an quæstiones Theologicæ non sunt, quid existimandum sit de sacramento Confirmationis; quanam in re statuenda eius natura, dignitas, efficacia, minister, ex scripturarum maiorumque sensu? Quod si his pleni sunt Theologorum libri; si eisdem scholarum pulpita concrepant si Theologo nihil aptius; si denique de istis hæc disputatio habetur; vide ne quæstiones Theologicas tui instituti esse negans, dicere videare, temerè à te factum, quod rerum Theologicarum, quibus impar sis, contentionem subieris; idque infectum velle.

P. 66.

Quid porrò minus consentaneum, quàm causari, Theologicas disputationes scholarum esse, non instituti tui, tum cum maximè ad Scholasticam disputationem te accingis? Nam pluribus paginis, sicut superius scholæ Theologos, ita nunc scholam ipsam sursum deorsum moues, si quid reperiās, quod hæresibus tuis propitium sit. Quod enim mones, *fictam exercitationem* esse, animi causa à te inductam; illi probent, quos delectabit tecum ludere sacramenti Confirmationis excidio. Quòd si fictis personis diuina perturbare etiam deterius est, quàm

apertè insectari; vide quid præsidij habeas in scenicis istis artificijs, quibus Antirrheticum impleuisti. Nam quæ de patribus conmentus es; ex aliena persona dicta esse voluisti: Quæ nunc de schola loqueris, fictæ P. 61. exercitationis loco haberi iubes. Quare, si te audimus, totus Antirrheticus, quantus est, fabula est, & mimicû opus, ei minimè condonandû, qui se personatorum laruatorumq; Theologorum mastigem iactat. Quamquam religione fortassis nonnulla impeditis, ne scholasticam velitationem istam tibi planè assumas. Nam rumor est, inuentum esse monitorem, qui tibi ista suggereret, carmenque componeret, quod edisceres. Qui tamen magis tibi consulisset, si luasset ut tuo te modulo metiretis, nec horridulis vocibus *partium integrantium, materia accidentarie & essentialis*, Plautino homini minimè idoneis, & huic loco sanè non necessarijs, te irretisset, quo germanior scholasticus viderere. Subeamus igitur paulisper tecum scholarum dumeta, ut appareat num plus latibulorum in iis reperiesset, quàm in apertis Patrum campis.

Ante omnia imponis, ne parum callere videaris argutias, meumque ais esse argumentum; *Sacramentorum essentia esse immobiles, Confirmationisque materiam esse chrisma: proinde vi sine chrismate, hoc est sine materia sua Confirmatio vnquam fieret, in Ecclesia potestate non fuisse.* Hoc vocas, meum illud P. 70. *solenne*, duoque loca ad marginem notas, quorum in priore nihil eiusmodi est. In altero, si tale quippiam inesse concedam, tamen *meum solenne* appellandum non fuerit, quod semel vsurparim. Verùm quæ super hac re transiens scripsi, pauciora omninò quàm quæ retulisti, longè aliter se habent, ac fingis. Sic enim diserebam: Constare Ecclesiæ Theologorumque omnium consensu, Confirmationis essentiam in chrismate esse: Ex eo sequi, id ita fuisse omnibus retrò sæculis; propterea quod sacramentorum essentia immobiles sint, Ecclesiæque nihil in eas potestatis acceperit. Hæc erat ratiocinatio mea: cuius vestigium in figmento tuo vix apparet, quamque salua Theologorum omnium, Ecclesiæque fama nunquam dissolues. Quare quod ais, *te facili negotio in eluctabilem, ut putem,* P. 71. *Achillem istum elusurum;* elusisti planè, sed non attigisti: atq; hoc pacto tenuem orationis meæ appendiculâ, quæ mihi penè exciderat, ineluctabile tibi Achillem esse declarasti. Sed tanti fuit argumentû nostrum ad eam formam fraude & fallacia detorquere, ut viam sterneret elegantissimæ de partibus integrantibus & essentialibus disputationi; cui aliter locus non erat. Nunc verò quæ de iis deinceps garris, commentitio fundamento euulso, collabuntur, nec longiorem, quod ad me attinet, orationem desiderant. Habent tamen plura quæ reprehendantur.

Doces, chrismationem partem esse sacramenti Confirmationis integrantem; quam nos essentialem ostendimus, Patrum, Theologorum, Ecclesiæ, Episcoporumque confirmationem administrantium mente & consensu. Deinde sacramentum Confirmationis diuidis, & quodam P. 71. modo bipertitum facis. Partes enim duas ad materias ei assignas: His rursus duas materias essentielles; consignationi chrisma; manus impositioni aliam quam non nominas. Fortassis manus ipsas Episcopales dicere erubuisti. Nec enim aliam manuum impositionis materiam essentialia-

*Ibid.*  
*Anar. p.*  
*449 450.*

lem fingere potes. Itaque & partium partes, & materias materialium, & materias formasque duas essentielles Confirmationi inuehis. Quæ omnia, si aliud argumenti non esset, ipsa nouitate, & temeritate refellerentur.

P. 19. 76.

Sed tibi ne quidem est integrum vt chrismia partem Confirmationis integrantem dicas. Censes enim non fuisse omnino partem pluribus sæculis, sed Baptismi ceremoniam. Quare nec postea potuit fieri pars. Quis enim sando audit, sacramentorum ceremonias in eorum partes conuerti posse, & quæ vnius ceremonia olim fuerit, alterius partem postea constitui? Perturbatio ista est & confusio ceremoniarum cum sacramentis, & ipsorum inter se sacramentorum. Tolerabilius errauit Spongia, cum diceret, sacramentorum effectus ceremonijs suppleri posse. Hic enim ceremonia in Sacramentorum etiam partes euehi posse dicuntur.

Præterea Theologi consentiunt nihil potestatis Ecclesiæ datum esse in Sacramentorum substantias. Administrationem illi tributam esse, non institutionem; vsum, non dominatum. Quare sicut pristinas partes eis eripere non potest; ita nec nouas addere. Alioquin nouis partibus augere poterit Baptismum, Eucharistiam, aliaque omnia, non minus quam Confirmationem. Ratio perspicua est. Nam veræ omnes Sacramentorum partes gratiam quam sanctificantem vocant, efficiunt. Huius autem gratiæ efficiendæ vim cuius rei pro arbitrio impertiri, non est Ecclesiæ, sed solius Christi, qui fons ac Dominus gratiæ est, ea potestate, quam excellentiæ dicunt, quando velit, & quo modo velit, spargendæ.

Sess. 7.  
Can. 1.

P. 74.

Quin sequeretur Sacramentum Confirmationis monstri simile futurum, partim diuinum, partim humanum; partim à Christo, partim ab Ecclesia institutum; contra Synodum Tridentinam, quæ Sacramenta penitus omnia, à Christo instituta esse sine vlla exceptione decreuit. Quam rationem ipse odoratus, inter commoda quæ exissent, si tua sententia probetur, illud enumeras; *Non opus erit, sacramenti, quod totum diuine authoritati debetur, partem aliquam ab Ecclesia institutam augurari*. Fateris igitur Sacramentum diuinæ institutioni totum deberi. Atque ita significas, chrismationem solo partis nomine à te ornari, non ex animo cesser Confirmationis partem. Nam & *augurari* eos dicis, leuiterque conijcere, qui Sacramenti partem aliquam ab Ecclesia institutam putent; & propriam sacramenti Confirmationis vim, quæ in Spiritu sancto donando sita est, manus impositioni totam addicis, chrismationi penitus aufers. Nec enim aliud ei concedis, quam quod cum baptisimi ceremonia esset, iam habebat, vt videlicet *Christi militem consignet*. Itaque quod sacramenti Confirmationis pars euaserit, nihil ei accessisse existimas. Vnde liquet, te illam in eodem ceremoniæ genere, in quo antea fuerit, reuera relinquere, nec Confirmationis partem, nisi nomine tenus, efficere, ad effugiendam fortassis inuidiam. Quod vide quæ conueniat cum Theologiæ placitis, & cum Eugenij Papæ decreto; quod à Synodo Florentina distinguis, contra Theologorum omnium sententiam, & con-

P. 71.



tra ipsum decretum, in quo disertè scriptum est, illud datum esse Floren-  
 tia in publica sessione Synodali solemniter in Ecclesia maiore celebrata. Nam eo  
 decreto statuitur, chrisma esse materiàm sacramenti Confirmationis.  
 Materia autem, quæ pars non sit, esse nullo modo potest. Hæc de prima  
 fictæ, ut verius dicis quàm putas, exercitationis tuæ parte. Plura enim ad-  
 dere non est necesse. Alterâ, qua me vtrò oppugnas, etiam leuius perte-  
 xis. Sic enim argumentaris: In Eugenij decreto, materia ordinis dicitur P. 71.  
 id quod ordinandis porrigitur. Atqui præstantes Theologi censent, id  
 materiàm tantùm accidentariam esse: solam manuum impositionem  
 essentialè. Ergo quod in eodem decreto chrisma Confirmationis  
 materia dicitur, de materia accidentaria accipiendum; confirmationis-  
 que essentialis in sola manuum impositione ponenda. Alius fortasse mira-  
 bitur, te nō vidisse, vel monitorem illū tuum saltē non significasse, quod  
 tyrunculi norunt, in rebus quæstionibusque facti vanas esse argumen-  
 tationes quæ ex similitudine ducuntur. Ego verò dico tantum abesse, ut  
 efficias quod vis, ut contra potius colligi debeat. Nam si id quod in Eu-  
 genij decreto ordinis materia dicitur, materiàm accidentariam inter-  
 pretari licet, quia id *Theologi præstantes* censent; igitur, quod in eodem P. 72.  
 decreto chrisma Confirmationis materia ponitur, de materia acciden-  
 taria interpretari non licet, quia nemo Theologus ad hanc diem id fin-  
 xit, omnesque contrà sentiunt, etiam qui Confirmationis sacramen-  
 tum ab Ecclesia institutum docuerunt, ut supra ostensum est. Quinetiā  
 si manuum impositio sit materia essentialis Sacramenti ordinis, se-  
 quitur esse non posse Confirmationis, ne duorum Sacramentorum ea-  
 dem sit, essentialis materia: quod item est inauditum. Quamobrem  
 nescio quæ illæ theses de Ordinis sacramento, quas in Academia Pari- P. 73.  
 risiensi olim propositas narras, nihil te iuuant. Nam sacramentum Or-  
 dinis sola manuum impositione validè perfici posse dixerint, sanè non  
 recentiores tantùm Theologi, sed etiam veteres. At de Confirmationis  
 sacramento idem sine hæresi dici non posse, non alij modò, ac sodales  
 tui, fatentur, sed etiam in Sorbonæ scholis publicè docent magistri,  
 quorum iudicia postponere non debebas candidatorum Thesisibus, ne,  
 vnà cum Parisiensi Academia Evangelicam legem sperneres, *Non est dis-* Matth. 23.  
*cipulus super magistrum.* Denique ne quidem censes, chrisma Confir-  
 mationis materiàm accidentariam esse, sed tantùm simulacrum fugiendæ of-  
 fensionis causa ut paulo ante tuis verbis demonstratum est. Quare habes  
 opinor, ad omnia.

Nam quod commoda exponis, quæ tua sententia pariet, si audiatur; P. 74.  
 non est tuum alijs consulere, qui tibi pessimè consulisti; nec vias tra-  
 dere effugiendarum difficultatum, qui in eas te coniecisti, unde nun-  
 quam emerges. Nam doctrinam tuam suscipi non posse, nisi ut à perpe-  
 tua Ecclesiæ, antiquitatis, scripturarumque autoritate discedatur,  
 ostendimus. Quo incommodo maius nullum, aut importunius est. At-  
 que ut missa faciam antiquitatis testimonia, quibus reuinceris, Ecclesiæ  
 consensum, quo opprimeris; illud vnum satis esset ad sobrium quemuis  
 à doctrina tua deterrendum, quod ex omni superiorum sæculorum

perperuitate neminem adhuc eruere potuisti, nec in posterum erues, qui sacramentum Confirmationis sola manuum impositione, sola inquam, ne tergiuersere, ut semper soles, & sine chrismate, vel confici potuisse, vel confectum vnquam esse planis verbis edisserat: Neminem rursus, qui Spiritum sanctum chrismatis vntione donatum neget. Hi enim sunt duo disputationis tuæ velut cardines, errorumque tuorum capita. Quæ cum nulla idonea autoritate vnquam probaturus sis, necesse est tuam doctrinam, ut hæretica non esset, hoc est, apertis omnium Ecclesiæ ætatum vocibus damnata; tamen temerariam & erroneam esse, cum omnium Theologorum vnanimi sententiæ repugnet, nec ipsa verò ac solido fundamento testimonioque vllò nitatur. Nam de grauissimis diuinisque rebus leuiter ac sine auctore decernere temerarium est: Vniuersorum verò Ecclesiæ Theologorum constantem doctrinam erroris damnare sine perspicuis, dubitationisque nihil habentibus argumentis, improbum ac pestiferum. Ita fit, doctrinam tuam temerariam, erroneam hæreticamque esse, & hoc triplici velut stigmate configi dignam. Ergo incommoda, quæ Ecclesiæ doctrinæ obiciis, præ his tantis & tam luculentis euanescent. Nam & superiori nostra disputatione ita sunt depulsa, ut iam nulla sint; & ita per se sunt aliena ac futilia, ut te vnum alligent & adstringant. Ais enim, *scholam Theologicam*, si tuam doctrinam admittat, hoc est tibi dedocendam corrigendamque se præbeat, *multis quibus nunc conflictatur, magnisque difficultatibus expediendam; ac fore, ut multa in scholis clucescant, quæ obscura & tenebris obsita nunc videntur*. Itaque ut beneficium offeras, contumeliam infers; Theologicamque scholam tenebris obsitam, inexplicabilibus difficultatibus impeditam pronuntias, ut tu liberator illustratorque illius exoriare. Vniuersa igitur Theologorum schola nocti simillima erit, Sirmodus Soli, qui eius tenebras dimoueat. Vnus Sirmondus, quod præteritis sæculis omnes ignorarunt, nouerit vnus omnes docebit, vnus caligines, perplexasque omnium dubitationes explanabit; ut alter magister orbis, qui Gordios Theologiæ nodos explicet, potiori iure habeatur, quam Franciscus ille Suarez, qui tantum sibi fortasse nunquam sumpsit. Sed nimirum hæc est consuetudo atque indoles eorum qui hæreses inuehunt, & Ecclesiam oppugnant, ut ea solos se scire prædicent, quæ omnes nesciant, insolitamque orbi lucem afferre. Superbia enim occupati, non vident, se dum soli oculati videri volunt, solos inscios ac cæcos esse: atque hoc de ipsis iudicium multo grauius esse, cum de singulis ab omnibus fiat, quam ipsorum de alijs, cum de omnibus à singulis temerè instituitur. Quapropter hoc quoque nomine atque hac nota comprobatur etiam magis & elucescit doctrinæ tuæ hæresis, ab eodemque quo aliæ omnes, quibus Ecclesia vexata est, fonte, superbia nimirum & inscitia, fluxisse declaratur. Nam & errorum tuorum, quorum auctoritatem nullam penes quemquam post Ecclesiam conditam Catholicum scriptorem extare diximus, apud solos hæreticos vestigia comparent. Suffragatur enim magnopere Antonius de Dominis, cuius verba in Anæretico descripsimus; Calvinus, Lutherus, ac posterique, qui tecum contra Ecclesiam contendunt, Spiritum sanctum.


P. 73.

Ibid.

De rep. l. 5.  
c. 1. n. 31.  
Anar. p.  
436.

Etum chrismate non dari; *Vnctionemque chrismatis humanam esse ceremo-* *Kemnit in*  
*niam in Baptismo adhiberi solitam:* ac multo ante Ioannes Hussius horum *2. par.*  
parens, *Oleum quo Episcopi ungunt pueros, vt à Synodo Constantiensi* *exam.*  
proditum est, videri ritum leuem, *& infundabilem ex scriptura,* Con- *Con. Con.*  
firmationemque istam *super Apostolos introductam.* Quæ omnia placitis *stant. sess.*  
tuis mirificè congruunt. Cum ergo seu doctrinæ tuæ rem ipsam spe- *15.*  
ctemus, seu originem superbiamque vnde prodiit, nihil habeat vl-  
lius priscorum sæculorum Catholici suffragio probatum, vel Catho-  
licorum moribus consentaneum; solis autem hæreticis vtrique ex  
parte conueniat; nihil aliud argumenti opus est, quo ab eorum ani-  
mis abigatur, qui veritati & Ecclesiæ student; nec vlla incommoda  
tanta esse possunt, vt eorum declinandorum causa, suscipiatur. Theo-  
logi probi est videre, non quid facilius, sed quid verius dicat; & in  
difficultatibus, si quæ incidant, inscitiam potius fateri, quàm, vt eas  
extricet, à certa & constanti Ecclesiæ maiorumque traditione descisce-  
re, imperitiæque fugiendæ studio hæreses amplecti.





I N  
ANTIRRHETICI  
PARTEM ALTERAM.

IACOBO SIRMONDO PRESBYTERO.



ACTENVS de hæresibus, nunc de ineptiis tuis dicen-  
dum. Nolo enim grauiori verbo afficere incredibilem  
superbiam, qua vteris in leuissimis rebus quas deinceps  
tractas; vt appareat ingenium tuum in ea potissimum  
materia exultare & lasciuire, quam sibi aptissimam na-  
ctum est. Nam quæcumque paulo grauiora erant, reli-  
quisti: quæ minutiora, sic selegisti, vt, nisi qui cum his peculiarem quan-  
dam congruentiam haberet, tam argutum in tantò rerum numero dele-  
ctum instituere vix potuerit. Itaque de nomine Petri Damiani, de titu-  
lo Hugonis de S. Victore, de Crabbi marginibus, de vocula *semel*, de pa-  
riculo, de Plauti fabulis accuratissimos pluribus paginis sermones habes.  
At religiosum vbique silentium est de Canone Arausicano, quem sicut  
superius, ita posthac fugis cane *peius & angus*, de variis in eo tuis pecca-  
tis, de vitiato textu, de titulo petri *scilicet* contra omnium codicum, colle-  
ctorumque sententiam; de secunda Synodo Arelatensi absurdo pluri-  
morum Canonum cum ea pugnantium centone commista; de falsatis  
Gennadij, Possidij, Hieronymi locis; de aliis eiusmodi, quæ ipse fateris  
plurima à te prætermissa, cum eius rei reprehensionem deprecans, *Noli*,  
inquis, *expostulare quod plurima prætermisi*. Ego verò etiam laudarem, si  
omnia ex æquo prætermisisses. Esset enim modestiæ laus, parere verita-  
ti; prudentiæ, nihil supra vires conari. At declinatis præcipuis & maxi-  
mis quibusque, tenuissima sectari, vt gloriam pascas, falsamque, quam  
apud quosdam immeritò nactus eras, existimationem quo iure, quaque  
iniuria tueare, & in veritatem malignum, & ad exemplum publicè per-  
niciosum est. Nec ramen dico, vt putas, *breviorem opinionem meam esse tuam*, sic  
enim loqueris, *cenfuram*. Quis enim nescit tuum esse genium, vt vel pla-  
nè nihil, vel penè nihil scribas? Quis à te ad paulo neruosiores aduer-  
sarij petitiones aliud quàm silentia expectat? Illud fateor, me nun-  
quam existimasse, te eò progressurum affectus vehementia & cæci-

P. 78.

ibid.



rate, ut dicerēs, mihi non querendum de tua in me exagitando, breuitate, quod nemo *fur vnquam de lictoris moderatione vapulans conqueſtus eſt.* Quid enim grauius ſcribere potuiſti, quàm ut te carnificem dicas? Aut quem tibi locum relinquis de aliorum conuiitiis expoſtulandi, qui nihil in te obſcœnius iacere poſſint? Fœdam quidem habet in me contumeliā oratio tua: ſed eò in te fœdiorem, quòd qui, ut fur, vapulat, vir probus eſſe poteſt; præſertim ſi tortore iudice fur pronuntietur. At carnifex plerumque reis improbiior; & ut minimè malus ſit, ſemper infamis. Ego verò deinceps oſtendam, quod iam nunc patet, tortorem iſtum adeo in turpiſſima, quam ſibi ſumit, arte rudem ac præpoſterum, ut, cum alterum ferire cupit, ſeipſum, illo intacto, cruentet; ob eamque cauſam, quo breuior fuit, eo magis ſibi ſoli commodaffe.

## IN CAPVT I.

*Infuſa Sirmondi nuga de Plauto. Omnia, quibus Aurelium accuſat, ipſum multo grauius & abſurdius facere, dum accuſat. Stolidæ eius facetiæ.*

CVM ob rem leuiculam, peneque de nihilo inſanum me dicerēs, ſcommate Plautino; hoc vnum repoſui, me Plautum non legere, <sup>1. Antir. p.</sup> authoremque tibi magnopere eſſe, ut ab eo diſcederēs vel in ſenectute, <sup>80.</sup> & ad ſcripturas tandem te conferreſ, quarum præceptis ſuſceptam eſt <sup>Anar. p.</sup> Comico Poëta petulantiam eluerēs. Alius religioſior, vel certè æquior, ſalutare monitum audiſſet, illud ſaltem recogitans, turpe eſſe diſcere ad ſenectutem, quæ pueros non didiciſſe turpe eſt. Tu eo ſplendidiorē te fore ratus, quo minus vitia exuiſſeſ, antiquos in Plautum amores tuos certatim exſuſcitas; & quaſi de capite ac fortunis ageretur, id quod ego ſub Anæretici finem verbo perſtrinxi, ad diſputationis caput transfers, ab eoque longam de Plautinis virtutibus fabulam ordiris. In qua illud primò ridiculum, quòd orationi meæ, quia Plauto minus ſtudeam, objicis, *Lycambeum fel.* Hoc eſt, nullum. Archilochium dicere voluiſti. Sed veritus eſ, ne, ſi me Archilochum facereſ, te Lycambæ fatum maneret. Mihi quidem nullum ſed peius videtur hæretico felle. Quod quamdiu ab oratione mea aberit, non inſuauior videbitur tua; quodcumque mel Atticum tibi aſſumas, qui nihil apis, niſi aculeum, habes; fucō longè ſimilior, cū ſemper fucum facias. Nam continuo, ut tui mellis guſtum leſtori præbeas, *mentiri* me aiſ. Atque <sup>Ibid.</sup> huic melli leporem Atticum aſpergēs, cū me Plauto operā dare, Plautūque legere ſignificare cupiaſ, ſcribiſ me *Plauto indormire*; hoc eſt, Plautum non legere. Niſi forte tu dormiens legiſ. Inuigilare, dicere voluiſti. Sed hanc diſcrepantiā non videre, leporiſ Attici non erat; cuius propria laus, ineptiſ carere. Hiſ ſimile, quod ut doceas, me Poëticæ incumbere, Plautumq; leſtitare, treſ eius fabulas ex Anæretico exprimere conariſ, pluribuſ paginiſ de Truculento, Milite glorioſo, Pſeudolo diſſerentiſ: <sup>Ibid.</sup> <sup>P. 79. 80. 81</sup>

quas ego fabulas vix de nomine noram. Verùm ut concedam drama istud aptè in Anæreticum cadere, ignorare non debebas, eos nequam Poëtas esse, qui suis factis argumenta fabulis præbent, sed eos qui ex factis illis fabulas concinnant. Quare si in Anæretico reperisti unde tot fabulas conficeres; ea ratione te Plauti alumnum, scenicisque ludis natum, non me, comprobasti; qui tres fabulas inde expresseris, ubi ego nullam videbam.

P. 80.  
P. 73.  
P. 81.  
P. 80.  
Ibid.  
P. 72.  
P. 80.  
P. 81.  
P. 80.  
P. 80.  
Ibid.  
P. 109. 110.  
111.

Ergo Plauto omisso, in quo bonas horas malè collocaſti, abſurdiſſi-  
maque loquacitate ſalem eius infatuas, de re paucis reſpondeo. Conui-  
tia & calumnias objicis: nimirum qui modò *furem* me dicebas; hic verò  
*triſformem chimæram*. Quibus conuiitiis ſi paria in meis ſcriptis reperies,  
concedam in Antirrhethico nullam hæreſim eſſe. *Famam* verò *tuam* non  
ego erratorum tuorum neceſſaria reprehensione læſi, ſed ipſe errando  
prodidiſti. Nec enim reprehensiones infamiam faciunt, ſed culpæ; præ-  
ſertim tantæ, ac minime ferendæ. *Cenſuras* item *dirasque* non ego hæ-  
reſibus tuis *comminatus ſum*, ſed omnes Theologi, ac ſodales tui, inflixe-  
runt, multo ante quàm hæc contentio noſtra extitiſſet. Tu verò mihi  
cenſuram modò intentabas, cùm diceres, *breuiorem opinione mea fuiſſe*  
*cenſuram tuam*; atrociamque & funeſta quædam ſæpius minaris, & carniſi-  
cis truculentiam te indignam non putas. Iam *oſtentationem* alterius ar-  
guere tuum non erat, qui omnium Chriſtiani orbis Theologorum do-  
ctrinam præ tua deſpicis, qui Scholæ tenebras depulſurum ſpondes;  
qui omnes qui tecum non ſentiant, inſcitia negligentiæque accuſas.  
Me autem paſſim proſiteris docere velle quod neſciam; & hîc ibidem  
velut ſtrato & iacenti ſic inſultas; *Nec in te tam atrox videri debeo, ut nulla*  
*ex parte viuere ſinam*. Qua voce glorioſum militem nulla germaniorem  
ſpirat. At *ingenium, doctrinam, librosque vendito*. Docere oportuit quo-  
nam loco, aut quibus verbis. Ego enim nuſquam id factum memini.  
Libros quidem qua ratione vendito, cùm eorum, quos proferre lice-  
bat, minimam partem prompſerim, ut perſpicere eſt ex hoc ſcripto, &  
ex aliis magis perſpicietur? Tu contra à diſputatione propoſita excu-  
ris ad Gratiani titulos, ad Marculſum, Martialem, Alconium, ad Co-  
dicem Theodoſianum, Juſtinianæum, Nouellas, ut *πολυμῆδαι* oſten-  
tes, minimeque mirum ſit te nuſquam eſſe, qui ubique eſſe velis. Tuam  
porrò *facundiam*, ſi *ut aridam & exſuccam deſpexi*, quid commerui? Suis  
laudibus eam ornaui: idque iſta ipſa, qua id quæreris, ariditas infantia-  
que confirmat. Denique *fallacias, inſidias, diſſimulationes* nemo credet mi-  
hi à te ſeriò exprobrari, qui meminerit, me eodem tempore *hebetem* di-  
ci, *ſtolidum, ſtupidum ſtipitem*; ut alia huius generis ſexcenta præconia nunc  
ſileam. Quæ contumeliæ cùm conſiſtere & coherere non poſſint, ſeſe-  
que perimant; iis extinctis ego incolumis reſto; tibi calumnia dedecus  
manet. Hic fabularum Plautinarum exitus.

In reſp. ad  
epiſt. p. 277.  
278. Anar.  
p. 337.  
Anar p. 336

Sequitur plumbeum acumen, & ut Græci vocant, *ὀξύμωρον*. Clarè  
docui cum teſtibus, tum argumentis, quibus non reſpondeſ, nihil à  
me in Vindiciis ſcriptum, quo te laceſſerem. Atque, ut magis fidem  
facerem, Deum teſtatus ſum, mihi ne in mentem quidem unquam

venisse tecum certare, cum in me inuasisti. Tu superiora illa dissimulans, postremam partem vellicas; *An imprudens*, inquis, *quid iures non consideras?* Quid ita? Quia si iuras prater opinionem tuam accidisse, ut tibi *P. 11.* provocatus responderem, credituri eramus etiam iniurato. Magnam credulitatem tuam narras. Nam silentem quidem & quiescentem confidentissime aggressus es, quod exploratam victoriam putares: Respondentem, teque vicissim adorientem ita refugisti, ut nulla voce aut increpatione compelli potueris ad respondendum objectis; quæ penè omnia transiluisti. Quæ est igitur tua ista fides, quæ sponte credit, quod refellit euentus; credere non vult, quod ita probatum est, ut refellere non possis? Si iuras, inquis, *nunquam te lacecessisse, ne iurato quidem credimus.* Quid *P. 12.* tandem mirum, te iuramentum meum parui pendere, qui Ecclesiæ consensum nihil pendis? Sed tamen me nunquam lacecessisse, nec causam dedisse cur te laceessum putares, non iuramentis probavi, ut veteratoriè simulas, sed iis argumentis, quæ tibi vocem fiduciamque contradicendi excusserunt. Quod verò mea tantum declaratione sciri poterat, quod in animo meo erat inclusum, id Deo teste affirmavi, mihi ne voluntatem quidem, aut cogitationem fuisse tecum decertandi. An hæc probandi ratio idonea non erat? Qui enim rectius cogitationum intimorumque animi sensuum certiores alios faciamus, quam Deum, cui soli noti sunt, testem adhibendo? At *quod falsum est, id iurando verum* *P. 13.* fieri nequit. Lepidè. Istius enim elegantiae aucupandæ gratia hæc commouisti. Tu verò, ut te inuicem interrogem, censesne, id quod verum sit, negando falsum fieri posse? Nec enim iusiurandum meum aliter refutas, quàm negando. Itaque si quis te Dialecticæ regem faceret, profectò legem ferres, ut quicquid non credas, id continuo falsum euadat.

## IN C A P V T II.

*Frigida Sirmondi ineptia in eludendo indignorum compendiorum crimine, quibus uniuersas responsiones meas falsauit. Loquacitas de titulo Innocentij epistola ad Synodum Toletanam; eaque de re fallacia multiplicata.*

Q UOD conquestus sum, te responsiones meas in falsa compendia contraxisse, earumque non modò veritatem, sed etiam gratiam & vim elisisse: Respondes, te gratiam illis non detraxisse, quam non *P. 14.* habebant. Benignè. An ergo hoc vno dictorio indignum facinus tuum purgari, reprehensionesque meas propulsari posse sperasti? Nec attendisti, promptum mihi esse respondere, te Gratias non vidisse, adeoque non nosse? Est enim facile creditu, & satis apparet, venustissimas Charites aridum senem refugere. Vim autem nò modò non minuisse, sed etiam auxisse te iactas. Quis credat? Vim enim, quæ penitus cares, quomodo alteri addere potuisti? At ea quæ dispersa languebant, collegisti, *Ibid.*

Ibid.

P. 83.

In Pref.  
Anar. p.  
316.

P. 83.

In Pref. 3.

vnamque in aciem congeffisti. O præclarum, vt aiunt, custodem ouium, lupum? O fidelem copiarum, quibuscum manus conferenda erat, instructorem? Ecquid attendis calumniarum ineptias, & triennij cassos labores? Mea verò quæ tandem colligere potuisti dispersa, quæ ea perpetuò fugisti? vt tu potiùs ab iis dispersus fuiffè videare. In vnam autem aciem à te collecta ridiculum dictu est; quasi ductor possis esse, qui ne quidem es miles, cùm pugnare nescias, sed terga tantum dare. Nam argumentorum meorum non modò coniuñctorum aciem, sed ne singulorum quidem impetum ferre atque aspicere potuisti. Denique illud facetum; si sanctorum, vt fateris, patrum exemplo feci, cùm dicta tua omnia non commemorauim, si sententias verbis tuis integras & intactas produxi, nullaque, quod fingis, parte infregi vel enervauim, si quod ad rem faceret, nihil omisi, cur gratiam mihi non habes? Quod si horum omnium nihil egisti, sed omnia contrà quàm dicis; quid fiet hypothetico tuo acumine? Vix enim credibile est, nisi oculi testes essent, hominem qui se eruditum haberi cupit, ea esse inopia & imbecillitate, vt creberrimis ac perspicuis aduersarij demonstrationibus vnica inficiatione respondeat. Nam toto Anæretico singulis orationis meæ partibus membra ac firmamenta præcipua velut auulsa ostendi, repræsentatis singillatim quæ detracta erant, bonamque Anæretici partem nihil egi, nisi istius corruptelas inuerecundiamque coargui. His tamen omnibus satisfacere sibi videtur, si ea verbo neget, & à me fingi dicat. Iudicent de hoc ingenio, de hoc pudore, qui istum antehac in aliquo numero habuerunt. Nam quod ait me fateri, se Patrum exemplo fecisse, quod mea omnia non commemorauit, durissimo eius ori oppono clarissimas voces, quibus de eius facinore sic expostulo: *Quæ audacia omninò magna est, & à pudenti homine abhorrens, atque adeò ab omni SS. Patrum & Theologorum consuetudine remotissima.* Quod verò nunc fatetur, se mea dicta omnia non commemorasse; in priori Antirrhethico contrà prædicauit, se sic omnia mea in se obiecta subiectis singillatim responsionibus complexum esse, vt nihil à se præteritum aut dissimulatum conqueri iure possim. Eat nunc, & fidem suam ostentans, nobis fraudes & Pseudolos objiciat.

P. 84.

Quid iam necesse est explodere impudentem illam insultationem, se nullo meo damno vel iniuria nimiam loquacitatis meæ redundantiam castigasse. Ita enim castigauit, sicut copiosæ domus abundantia ab eo castigatur, qui optima quæque aufert, & inanem relinquit. Erras, si redundantia, qualemcumque demùm orationi meæ tribuas, emendandæ idoneam sterilitatem ieiunitatemque tuam putes. Non enim vitia vitiis curantur, sed virtutibus. Quod si vitiorum instituenda comparatio est, ieiunitati & fami omnium iudicio præstabit redundantia, & ad eloquentiæ sanitatem citius adducetur. Facilius enim detrahere, quàm adicere. Ac nos quidem breuius loqui possumus cum lubet: Tu te copiose posse, nunquam ostendisti. Quamquam inopiam ac redundantiam in te coniunctas, & loquacem ariditatem toto Antirrhethico diffusam deprehendimus innumeris locis, vel hoc ipso, quòd redundantiam toties accusas, nunquam probas. Sed de his nimium.



Quare alia videamus. Iccirco mecum in certamen de Canone Arausicano veniendū tibi esse dicebas, quod si in eo errasse videreris, nemo tibi in tribus Conciliorum Tomis fidem habiturus esset. Respondi, nihil fidei tuæ detractum iri, si fatereris te in Canone Arausicano humanitū lapsū esse: præsertim cū falsus esses, te in Innocentij Papæ epistola isto modo errasse, delectoque titulo *ad Synodum Tolosanā*, quem præfixeras, contra omnium collectorum emendatorumque consensum qui eum in prima Conciliorum editione prolatus, omnes deinceps repudiauerant, statuisses pro certo inscribendam *ad Synodum Toleranā*. Quam tuam emendationem pluribus rationibus allatis confirmaui. Huic argumento adhuc nihil responsi post tot scriptitationes tuas elicere potui. Est enim perspicuum, & tua ipsius confessione inuictum temeritatemque qua te in hoc certamen demisisti, oculis subiicit. Ne autem cedere videreris, rationes quibus ego correctionem tuam rectam esse docui, adoriri cœpisti; quasi contrate essent, quæ pro te erant, sententiaque tuæ obsecundabant. Atque aliis præteritis, in eam impetum fecisti, qua dicebam simile veri non esse, epistolam, quæ tota de rebus Hispaniensibus ageret, nihil de Gallicanis, scriptam esse ad Synodum Tolosanā; cū regnantibus demū Gothis, Galliæ Narbonensis & Hispaniæ Episcopi isto modo ad Synodos conuenire, & in commune consulere cœperint. Hinc primū collegisti, negari à me Galliæ & Hispaniæ Episcopos vnā ad Synodos conuenisse ante Gothos reges. *In Epist.*  
 Fraudem esse respondi, & calumniam, cū de Galliæ generatim Episcopis non egerim, sed de Galliæ Narbonensis Episcopis nominatim. *In Respon. P. 278.*  
*Aliud fateris te de verbis meis suspicari non potuisse.* Facile credo, qui læuis oculis mea legas, magisque ex voto & affectu, quàm ex re ipsa, metiare. *Ibid.*  
*Aliud me voluisse non dicerem, si verum amarem.* Verum amo: & ideo me aliud voluisse, scripsisseque affirmo. His nāniis adiungitur putidulum sophisma. Probas enim, id quod de Galliæ Narbonensis Episcopis speciatim negatum est, de Galliæ generatim Episcopis negatum esse, quia Galliæ Narbonensis Episcopi, si Narbonenses erant, certe Galli erant. Audio Dialecticum effectum. Adeone repuerascis, vt nescias sublata vnā specie, genus non tolli? Nisi forte, si te hominem negaro, consequi putas vt negem te animal esse. *Ibid.*

Quid præterea? Nullum authorem habeo, in *Cesar-Augustano Burdigalensi* Concilio Episcopum à Galliæ Narbonensi nullum fuisse. Tu verò habesne, qui fuisse narret? Si non habes, id mihi satis est, qui dixi non constare. Sed tamen fuerit sanè aliquis. An hinc liquebit, Galliæ Narbonensis Episcopos ad ista concilia conuenisse, sicut sub Gothis Regibus vnā cum Hispaniæ Episcopis conuenit cœperunt, vniuersi, totius Proinciæ nomine, vt solenne ac legitimum in iis Synodis suffragium habentes? Quæ sequuntur non habeo, quæ refellam, cū non intelligam. *P. 14.*  
 Sed quod ais, Tolosanos Episcopos ad Hispaniæ Synodos nunquam conuenisse cum alijs Galliæ Narbonensis Episcopis sub Gothis Regibus, loquacitati tuæ indulges, cū istud à me nusquam dictum sit. *P. 26. P. 27. 29.*

P. 17.

P. 11.

Anar.

P. 353.

P. 17.

Ibid.

P. 84. 89.

P. 89.

P. 89. 90.

Iam Cæsarij ad Ruricium de Synodo Tolosæ cum Hispaniæ Episcopis habenda epistolam rursus incitè opponis; qui ex ea epistola Synodum eiusmodi optatam quidem ab Eudomio constat, non reipsa habitam. Proinde manet quod scripsi, non constare Galliæ Narbonensis & Hispaniæ Episcopos ante Gothorum regum tempora ad Synodos conuenisse. Hoc refellendum erat, si quid candoris aut roboris haberes. Sed quia imbecillitati tuæ firmissima quæq; præterire necesse est, hac parte intacta, cò deflectis, ut oppugnes quod adieci, epistolam illam regnantibus iam in Hispania & Gallia Narbonensi Gothis scriptam videri. Nam cum Ruricius & Cæsarius floruerint medio circiter sæculo VI. facile intelligi posse dicebam, epistolam ab hoc ad illum scriptam Gothis in Hispania regnantibus, qui sub eius sæculi initium illic regnare cœpissent. Sed constare ais eam scriptam *quo tempore habita est Synodus Agathensis, id est anno DVI. cum Gothi è Gallia pulsati nondum essent.* Idque ne cauillari possim, his epistolæ verbis demonstras: *Dum nimium tribularetur animus meus, quare ad Synodum vestram præsentiam non meruimus obtinere, sanctus & Dominus meus Verus Episcopus mihi dignatus est dicere quod per suum diaconum mihi Agathen vestras litteras destinasset. Quas ego nescio quo casu, aut qua negligentia me non retineo, suscepisse.* Hæc verò verba quid aliud quàm præcipientem inconsiderantiam tuam patefaciunt? Nam Concilium Agathense, priusquam epistola scriberetur, testantur habitum, cum de illo, ut præterito, loquantur. Quanam ergo ratione tuebere, *Cæsarium à se scriptam epistolam testari quo tempore habita est Synodus Agathensis?* Sentisne te iugulari ipso loco quem in nos parasti? Quod si epistolam Synodo illa posteriori fuisse manifestum est; meritò dixi, eius verba temerè allata, ut doceres Galliæ Narbonensis & Hispaniæ Episcopos ad Synodos conuenisse antè Gothos Reges. Nam cum Synodus Agathensis habita sit circiter finem anni DVI. Gothos autem in Hispania paulo post regnasse fateare in Chronico ante Concilia descripto; quid clarius, quàm epistolam Synodo Agathensi posteriorem, regnantibus in Hispania Gothis scribi potuisse? Vides rem facilem & apertam. Dum ergo quod dicebam, epistolam scriptam cum iam Gothi reges in Hispania dominarentur, ita interpretaris, *id est sub annum Christi DXXX.* Ipsa audaciz dulcedine sine vilo fructu delectari videris. Nam interpretationis istius fraudem Chronicum tuum, ut dixi, prodit, cum Gothos in Hispania & Gallia Narbonensi iam ab anno DVII. regnasse testetur. Me verò isto modo rationem, ut ais, subduxisse, nunquam reperies. Sed cum persuadere statuissem, *me in vna re sæpius lapsum*, pluribus imposturis opus erat, ut id probares. Ad extremum errare me prædicas, si putem Galliæ Narbonensis & Hispaniæ Episcopos ad Synodos in Hispaniam iuisse ante Reccaredum Regem; vel Tolosanos Episcopos eodem conuenisse, cum Gothis non parerent. Ego verò te non errare tantum, sed vehementer fallere respondeo, si quæ nec scripsi, nec cogitavi, simules me dixisse, ut insultandi locum, quem mea oratio non dabat, fraudibus quæras. Nimirum concludere gestiebas, *à vero non aberraturum, qui me calumniarium & obtreccionum scientiorem videri diceret, quàm historia.* Quæ verba referen-

da putavi, ut omnes intelligant, te Pseudolum quem toties commemoras, melius agere posse, quam accusare.

## IN CAPVT III.

*Mira Sirmondi confidentia in transferendis in aduersarium criminibus suis. Gratiani emendatores secundum Aurelium pronuntiasse, negationem tollendam è Canone Arausicano. Eorum defensio à Sirmondi contumelijs.*

**S**OLEMNIS Consuetudo tua est Sirmonde vbi aliquid insignioris flagitij paras, id prius aduersario acrioribus verbis exprobrare; ut & lectorum vulgus minus suspicetur te id committere, quod ultro ac vehementer accules; & aduersarij expostulatio minus fidei habeat, cum non ex veritate reprehendere, sed ex contentione recriminari videatur. Id si sæpius, si grauius, si periculosius alibi, audacius certè & apertius nusquam fecisti, quàm in contentione nostra de Romanis Gratiani emendatoribus. In qua, cum nihil haberem quod carperem, absurdum quippiam quod accusarem, quereris me tibi affinxisse; idque ingenij mei & solitæ fraudis esse affirmas; cum eodem tempore istud ipsum fallaciæ genus in me moliare. Quam ego simulationem antequam obiurgem, certis ac perspicuis argumentis explanabo. Duo enim reprehendis, me nihil habuisse quod carperem; & absurdum aliquid tibi affinxisse. Vt ergo intelligatur quid fuerit quod carperem, breuiter proponam quid ageretur. Cum Gratianum insimulates Canonem Arausicanum negatione detracta, corrupisse, opposui Gratiani emendatorum auctoritatem, qui, re maturè expensa, nullum eo in loco Gratiani, mendum notarunt. Contrà respondisti hisce verbis; *Non intelligis illorum* p. 90.  
*meique dissimillimam esse rationem. Illi enim, quia propositum id habebant ut Gra-* I. Anst. p. 34.  
*tiani codicem collatis exemplaribus quàm emendatissimum redderent, negationem, qua in eius manuscriptis nusquam apparebat, Canoni addere non debuerunt. Ego, qui Concilij Arausicani canonem suæ originis nitore restituendum susceperam, non potui negationem, qua in antiquis omnibus libris emicabat, sine piaculo & iniuria praterire. Hic ego argui, te falsò dicere Gratiani emendatores propositum habuisse, ut Gratiani codicem ad Gratiani exemplaria, non ad fontes ipsos emendarent. Id enim inter te & illos discriminis statuebas, quod tu Canonem Arausicanum originis sui nitore restituendum suscepisses; illi non item, sed tantùm ad antiqua exemplaria Gratiani. Atque ideo negabas eos debuisse negationem, etsi necessariam, canoni reddere, quòd eam in Gratiani exemplaribus non inuenissent. Hoc ergo quod à te perspicuè dictum est, ego perspicuè falsum esse docui ipsa emendatorum illorum testificatione, in hunc modum: *Hæc ferè, inquit, ser-* Anst. p. 34.  
*uata corrigendi ratio est, ut si videretur voluisse Gratianus auctorum, quos citaret,* In Pref.  
*ipsa prorsus verba referre, ea ex ipso originali emendarentur. Ac rursus, placuit ut ipsa omnino capita suis auctoribus quàm diligentissimè restituerentur?**



Ibid.

Nihil hîc obscurum, nihil ambiguum cuiquam esse opinor. Planè patet te dixisse, Gratiani emendatoribus consilium non fuisse, Gratiani Canones ad fontes ipsos recensere. Non minus planè patet, ipsos profiteri id sibi consilij fuisse. Testor nunc te ipsum, mihi non defuisse quod in verbis tuis reprehenderem; sed tibi quod ad reprehensionem meam responderes.

P. 92.

P. 93.

Anar.

P. 383.

Superest altera pars. Cùm enim nihil videres quo te tam claræ testatæque accusationi eriperes, in veri criminis locum, falsum crimen suppoluisti. Finxisti enim te accusari, quasi diceres Gratiani emendatores prorsus nihil aliud egisse, quàm ut Gratiani exemplaria conferrent nec alia etiam ad operis expletionem ornatumque contulisse. Hac enim ratione interpretaris mea verba, cùm scribo te dixisse, *Gratiani emendatores nihil aliud propositi habuisse nisi ut Gratiani codicem emendarent ad ipsa exemplaria Gratiani.* Vbi voces illas, *nihil aliud*, sic vrges, significari contendas, Gratiani emendatores rerum omnium nullam aliam toto in opere spectasse, nullam aliam cogitasse. Quis vitiligator non inuideat tibi hanc palmam? Quid enim obscuri in oratione mea, si rem intueri, non verba aucupari voluisses? Agebatur de emendandi Gratiani ratione à Romanis emendatoribus inita. Eos sola Gratiani exemplaria sibi proposuisse aiebas ad illius emendationem, non ipsos fontes, aliolve cōdices, quibus natiua & germana canonum lectio instaurari posset. Quid ergo verius, quàm quod hac ratione dixi, te censere eos nihil aliud propositi habuisse in emendando Gratiano, seu nulla alia sibi proposuisse exemplaria ad collectionem eius in integrum restituendam nisi sola Gratiani? Quod mea ipsa verba, quibus idem paulopost rursus obieci, dilucidè explanabant, si ad ea oculos conuertere voluisses, & vnius particulæ sententiam ex tota orationis continuatione perspicere, Sic enim scripsi in illius loci conclusione: *Asserere non dubitas, Gratiani emendatores, Gratiani tantum scripturam non germanam & nativam ipsorum canonum scriptorumque ab eo citatorum lectionem recensere instituisse.* Quid ergo insidiarum struis in re tam aperta? quidue simulas tibi impositam absurdissimam cogitationem, Gratiani emendatores nihil aliud ad operis expletionem ornatumque contulisse? cùm hoc ad quæstionem nostram nihil pertineret, ut fateris; & verba mea non de operis expletione & ornatu, sed de emendatione loquerentur; nihil autem certius sit, quàm quod dixi, te asseuerare Gratiani emendatores nihil aliud propositi in emendando habuisse, quàm ut Gratiani exemplaria inspicerent? Quid hoc loco caliginis aut dubitationis superesse potest? Refer nunc animum ad tuam illam increpationem, quâ paullo antè vtebare, ingenium & fraudem meam esse, cùm in aduersario nihil est quod carpam, absurdum aliquid affingere quod accusem; & agnosce tandem nihil fidei aut religionis esse in verbis tuis, cùm vtrumque istud fraudis genus tum potissimum usurparis, cùm illud confidentissimè obiurgasti. Quod si hac eadem ratione *Vindicias*, aliosque libros meos vituperas; quid illis honorificentius, vel quid ad eorum innocentiam ac vim illustrius, quàm sic accusari? Quamquam quod *Vindicias* nominas,

P. 93.

Anar.

P. 384.

P. 94.



aliquantò magis reus es. Innuis enim in Spongia nihil fuisse quod carperem *Ibid.* atque ita non me, sed Illustrissimos Gallia præsules, & sacram Theologiae facultatem criminari, quorum ego iudicia Spongiam dispungens secutus sum. Dices, istud alio sensu à te scriptum. At committere non debuisti, ut verba tua hunc quoque sensum reciperent; ne sodalibus tacitè lenocinari, & Illustrissimos præsules, sacramque Facultatem perstringere videreris. Cuius criminis ambiguitas non minus, imò magis rea & maligna est, quàm aperta confessio.

Nondum fraudum finis. Nam etiam simulas, me dicere, *silentio à te P. 94.* præteriri non debuisse quod Gratiani emendatores Burchardum & Iuonem, tum etiam editiones Colonenses commemorarunt. Hoc rursus falsissimum. Nusquam id scripsi. Sed ut probarem, emendatores canones à Gratiano ex collectos, non ex Gratiani tantum exemplaribus, ut aiebas, sed aliis quibuscumque unde aliquid ad eorum expurgationem accipi posset, emendare statuisse, dixi eos ad Canonem Arausicanum, & ad *Anar. hunc ipsi in nodum de eius clausula, in quo expediendo versamur, commemorasse tum P. 384.* Burchardum & Iuonem, tum editiones Colonenses. Quid clarius. Si enim de Gratiani collectione non ad primigeniam ipsorum Canonum formam sed ad eam tantum quam à Gratiano acceperant, reuocanda laborassent, quid opus esset Burchardum & Iuonem Gratiano antiquiores consulere, vel editiones Colonenses tanto posteriores? At de *Canonis P. 94.* clausula & negatione Burchardus & Iuo docere nihil possunt, si clausulam prorsus non habent. Quasi emendatores hoc ipsum commemorare non potuerint Canonem apud Iuonem & Burchardum clausula carere; ut fecerunt. Tot inter fraudes quis non horreat audaciam qua ultro insultas, & queris, quo ore, qua fronte, nisi ferrea, hæc ita mentiri, atque in lucem edere poterim; *P. 92.* ut qui hæc minus attendunt, impudentiam istam in Presbyterum ac senem cadere non suspicantes, talia non sine causa exprobrari arbitrentur.

Nec verò prætereunda alia fallacia, ad tuum dedecus non minus insignis, ad rem verò nostram multò grauior. Iactabas omnes editores scriptoresque negationem tuam probaturos fuisse, nisi Surius, eam à Crabbo margini adjectam, errore vel incuria omisisset. Id coargui eorundem Gratiani emendatorum exemplo, qui editionibus Crabbiana & Suriana sedulò animaduersis, tamen negationem à Surio de margine deiectam non vindicarunt. Huic parti non respondes, sed diuinationem oraculumque tuum obmutescere pateris. Addidi. Gratiani emendatores non tantum negationem non asseruisse, sed etiam à Surio rectè omissam significasse. Huc aduolas; hinc quod arrodas esse arbitraris. *Anar. P. 167.* Varias lectiones inquis, simpliciter referunt, nec suum de illis iudicium interponunt. *P. 95.* An iudicium interponere tibi non videntur, cum negationem, sicut à Surio omissa est, ita in Gratiani canone omissam relinquunt? Gratiani canonem Surianæ editioni consentaneum edunt, & Surianæ editioni non assentiuntur? Nam quo magis aborrationem tuam videas, monuerunt in præfatione sicubi vulgata lectione retenta, aliter in aliis exemplaribus, etiam authenticis, haberi annotarent, id signi fo-

*In Pref.* re vulgatam lectionem sibi meliorem visam: Sicubi vulgata lectio melior visae est, inquit, tunc illa retenta notatum est quomodo originale ipsum habeat. Cum ergo vulgatam Gratiani lectionem, Surianæ parem, retinuerint, & aliter in antiqua Coloniensi editione haberi simpliciter annotarint, ut ais, perspicuum est, eos Gratiani & Surij lectionem potiore veriorumque habuisse. Itaque nihil loci negationi tuæ: damnata, exterminata est, si Romanæ Gratiani emendationi fidem habemus. Non minus tibi à Romanæ Ecclesiæ sententia discedere necesse est, ut verborum Canonis Arausici depravationem tuam defendas, quam ut interpretationem quam ab illius Ecclesiæ perpetua traditione alienam fateri coactus es. Quid amplius quærimus? Aut cui nunc tandem de erroribus tuis dubium esse potest, seu Canonis nostri litteram, seu sententiam spectes? Et tamen ne à moribus etiam tuis deficias, inueheris & insectaris audacissimè: *Pudorem*, inquis, *hæc ego tuum rursus appellarem, nisi ruborem ab eo frustra expeti scirem, qui larvam ideo sumpsit, ut non erubescat.* At tibi larua opus non est, qui erubescere non potes, nequidem dum hæc scribis.

Ut ergo breuiter superiora colligam, sicut antea antiquissimam Ecclesiæ Romanæ disciplinam ac doctrinam à tuis commentis defendimus; ita non mediocrem laboris nostri capimus fructum, quod nobilissimam Gratiani emendationem ab eadem Ecclesia nuper emissam calumniis tuis eripimus, cum eruditissimos illos emendatores ita deonestaris ac deprefferis, ut scripseris & pugnacissimè affirmaris, eos Gratiani Canones restituendos suscepisse non quales ab authoribus conditi, sed quales à Gratiano collecti essent; ac proinde si qua inerant errata, quæ plurima fuisse constat, ea non corrigere, sed relinquere propagareque decreuisse. Quæ nec maior contumelia, nec egregij summorum illorum virorum laboris insignior contemptio excogitari potuit.

*P. 93.* Quare varia verbosè ac fallaciter enumerans quæ præstiterint, illud semper siles, eos operam dedisse, ut canones ex fontibus restituerent; eorumque emendationis illud caput fuisse affirmas, *ut menda librorum tollerentur*, quæ videlicet in Gratiano describendo essent admixtæ, quali cauere voluissent, ne quis Gratiano errores hallucinationesque suas eriperet.

*Ibid.* Atque ideo conquisita ab ijs vnde viginti Gratiani exemplaria narras; improbè dissimulans ingentem Patrum, Conciliorum, scriptorumque omnis generis, tum vulgatorum, tum manuscriptorum copiam, quam in eodem illo indice recensent, ex quo vnde viginti illa exemplaria accepisti; ut demonstrent, sibi decretum esse, omnes penitus maculas quæ in Gratiani collectionem, seu aliunde, seu ab ipso Gratiano manassent, eluere, puramque illam & integram, quam maximè fieri posset, ad publicam utilitatem euulgare. Nec tantum coram operis emendationisque rationem dedecoras ac deijcis, sed etiam emendationem ipsam.

*P. 96. 97.* Profers enim extra propositum, & alienissimo loco plures Gratiani titulos à te emendatos: ut minimè mirum sit te plus illis vidisse in canone Arausicano, cum tot alia vitia ab ipsis in Gratiano relicta correxeris. Ais quidem hæc à te afferri, ut probes te non ignorasse,

ignorasse, quid operæ in Gratiano nauarint Romani emendatores. Sed hanc fictam simulatamque causam esse quis non videt? Qui enim hæc cohærent? Tu Gratiani titulos à Romanis emendatoribus prætermis-  
 correxisti; ergo non ignorasti, quid in Gratiani emendatione præstite-  
 rint? Quid si nihil præstitissent? Num correctiones tuæ falsæ euaderent?  
 Fuci igitur sunt isti & fallaciæ. Nam titulorum istorum vendicatione  
 nō præclaram eorum operam, sed mancā & inchoatam fuisse demon-  
 stras. Alioquin quid necesse erat emendationes, quæ illos fugerint, osten-  
 tare? Præsertim cum earum plerasq; in Conciliorum tuorum Notis iam  
 edidisses. Parcere poteras superuacaneo labori, nisi aliis rebus caruisses,  
 quibus tuam præ Romanis emendatoribus diligentiam industriamque  
 efferres. Quod tamen lōgè aliter cecidit, quàm cogitasti. Non enim ista  
 ratione tuam præ illis diligentiam, sed inopiam declarasti & leuitatem;  
 cum exiguorum titulorum emendationes, veras an falsas, non quæro, te-  
 nues quidem certè ac leuiculas, iis opponas, qui grauissimarum rerum  
 copiis Gratianum ornarunt, & opponas è tomis tuis magnam partem  
 miserè expressas, vt pateat te illis non aliter æmulari, quàm egeni qui-  
 que & inopes locupletiorum abundantia obtrectare consueuerunt.

## IN CAPVT IV.

*Sirmondi figmenta de Isidori ac Merlini Codicibus. Isidorum nega-  
 tionem non agnouisse. Merlinum, eiusque editionem immeritò  
 despici à Sirmondo, & ludibrio haberi; itemque omnes alios, qui  
 ab ipso dissenserint.*

**Q**VO in me contumeliosius loqueris de Isidori ac Merlini Codici-  
 bus, eo indigniora videri necesse est; quæ in vtrisque deprauas. Quot  
 enim periodi, totidem propemodum falsa. Fingis, me ex *Merlini editione* p. 98.  
*contendere Isidorum negationem in canone nostro non agnouisse*; quasi hac vna id  
 probarim. At fallacissime siles, me simul vsum esse testimonio trium Isi-  
 dori Codicū Romæ inuentorum, quos Gratiani emendatores comme- Anar.  
 morant, duorum è Vaticana Bibliotheca, tertij è Dominicana supra Mi- p. 398.  
 neruam; in quibus nullam negationem inesse declarant, cum pro re mi- In Pref.  
 ra narrent, eam in Colonienfis Crabbi marginibus repertam.

Rursus fingis, me insultare, quasi tres codices *Merlini editioni* p. 99.  
*opponere nefas* sit: cum ego reprehenderim, non quòd tres codices *Merlini editioni* op-  
 poneres, qui scirem non modò tres, sed etiam pauciores pluribus rectè  
 interdum præferri; sed quod è tribus codicibus pro certo colligeres ne-  
 gationem Isidoro à Merlino detractam; quasi tres codices docere pos- Anar.  
 sent quid in aliis *Merlini codicibus* fuisset; vel quid in omnibus *Isidori* p. 87.  
*codicibus* extaret. Quam absurdissimam ratiocinationem meritò exsi-  
 bilandam dixi; tu silentio fateris.

Deinde fingis, me, dum tribus codicibus *Merlini editionem* à te op-



P. 99.

pugnatam dico, de aliis codicibus dissimulare. Atqui isti alij nulli sunt. Agebatur enim de Isidori editione, quam Merlinus in lucem emisit. Tribus autem tantum codicibus probare conatus es negationem ab Isidoro in-textam, à Merlino suppressam. Qua igitur fide expostulas, me, ubi de Isidori ac Merlini editionibus agitur, tres dumtaxat tuos codices referre, cum ad eam rem plures non attuleris?

I. Antir.

P. 41.

P. 99.

Præterea fingis, me duo misera nulliusque fidei exemplaria cum vetustis omnibus Conciliorum exemplaribus componere: Sic enim codices tuos ornas, nostros minuis. At ego duo illa exemplaria tuis non opposui; nec alio consilio produxi, quam ut comprimerem vanissimam gloriationem tuam, nullos usquam extare Codices qui mihi fauerent. Quod duobus illis, qualescumque sint, prolatis apertè confutavi; quemadmodum superius iam dixi, cum hac eadem fraude utereris. Mitto, te vetusta omnia Conciliorum exemplaria tibi falsò arrogare: quod nos toties tot testimoniis refellimus.

P. 99.

Denique fingis, me scripsisse Isidori codices ab Episcopis Senonensi & Parisiensi Merlino præbitos, mihi que hæc verba ascribere audes, *Isidori codices ad editionem suam adornandam sibi ab Archiepiscopo Senonensi, & Episcopo Parisiensi præbitos testatur Merlinus*: quibus prima illa, *Isidori codices*, de tuo adiecisti, cum ego libros omnino dixerim ab Episcopis Merlino traditos. Nec verò audacia simplici contentus, duplicem triplicem-

Anar.

P. 397.

P. 100.

que fecisti, duobus Responsionis meæ locis eam confirmans, in quibus ne littera quidem est de *Isidori Codicibus* Merlino subministratis. Quid ergo increpationis cōmerueras, nisi expertus essem, tuam frontem, cum maximè fragi debeat, tum maximè obdurescere? Ne quidem dixi, *Merlinum complures Isidori codices habuisse*, ut falsò narras. Tantum scripsi, *Senonensem & Parisiensem Antistites olim suppeditasse Merlino Concilio-*

P. 99.

Anar.

P. 397.

rum codices, ex quibus ille nullam clausulæ Canonis Arausici negationem ediderit. Hæc fidei tuæ vitia, clara & vberissima, ut vides; nunc tationis & iudicii æquè aperta videamus. Censes ea demum Concilia Merlino ab Episcopis data, quæ Isidori collectione posteriora, & ab eo in secundum tomum sunt coniecta: atque ut fidem facias, refers eius verba; *Sacrosanctorum Conciliorum, Orthodoxorumque Pontificum instituta, que partim dudum Isidorus in unum comportauerat, partim tu, Reuerendissime Pater, plumbo obfirmata publicanda dedisti, in unum referre volumen nō dissimulavi*. Quibus ergo oculis hîc legis Concilia, quæ Episcopi Merlino commodarint, diuersa fuisse ab iis quæ Isidorus collegit, illisque posteriora? Quis credat, Episcopos, cum Conciliorum codices ad Merlinum mittere decreuissent, antiquissima quæque se posuisse, ut recentiora tantum illi exhiberent? hoc cogitare solius Sirmondi est; cæterorum omnium ridere. Docet ergo Merlinus, præter Isidori collectionem, quam habuerit, missa ad se ab Episcopis antiqua Conciliorum exemplaria: à quibus vetustiores synodos abfuisse, cum longè præcipuæ sint, temerè & ineptè affirmas. His codicibus inspectis, Canon Arausicano negationem nullam indidit. Ex quo fit, nullam in iis fuisse. Quæ mea erat argumentatio, clara, ut vides, & expedita.

P. 100.



Iam verò ne Isidori quidem editionem negationis expertem fateri potes, posteaquam id probauimus omnium consensu, Isidorique exemplarium tum Romæ, tum in Gallia inuentorum auctoritate, Merlinique in primis fide, quam nemo adhuc accusarat; & tres codices, in quibus negationem inuentam, ais, tot argumentis reieccimus. Nam Thuanum & Laudunensem respondimus non esse Isidori duas ob causas: *Anar. P. 397.* quod nec primorum Romanorum Pontificum epistolas habeant, Isidori collectioni præfixas; & à Merlini editione discrepent, qua Isidori collectionem purissimam, contineri inter omnes constat. Harum rationum posteriore prætermissa, quæ ponderis ac lucis, tuo iudicio, nimium habebat, quam ut captiunculis pateret, alteram eludendam suscipis, ferociter nimirum tuo more, ac petulanter, *rudem me & ignarum* *P. 101.* vocitans, quod nesciam varia reperiri Isidori exemplaria, quorum alia vnam duntaxat partem contineant; alia vtramque. Sed quis istud credat, te vno teste? Nam ut concedam esse in Thuana bibliotheca duo exemplaria, quæ solas primorum Pontificum epistolas exhibeant; quæ cogas num ideo negaturus sim esse Isidori. Ego verò ista exemplaria hoc *P. 102.* iplo quod mutila, & à Conciliis ab Isidoro collectis, seiuncta videam, primum magnopere suspecta habebo. Quod si accedet, ut etiam ab epistolarum collectione ab Isidoro facta dissideant, sine vlla dubitatione statuam vel non esse Isidori, vel ex Isidoro ab alio auulsa & commutata, adeoque aliena effecta. Idem de Iustiniani Nouellis à Codice diuulsis dixero; idem de Liuij Decadibus. Quas tamen inscitè opponis, non intelli- *P. 101.* gens aliam esse librorum ab aliquo scriptorum rationem; aliam collectionum ex alienis scriptis confectarum. Nam scripti alicuius partes, seu coniunctas, seu diuisas proferas, eadem manent. At collectiones alienorum scriptorum, cum in ordine & dispositione quadam totæ sint positæ, hac mutata commutantur, & aliæ fiunt. Nec enim Conciliorum Galliæ collectionem haberi tuam velles, si quis detraheret infinitam vulgatissimarum epistolarum Gregorij, Hadriani, Nicolai, Ioannis VIII. aliorumque Pontificum congeriem. Cum enim tibi, breuitatis studio, propositum fuerit, veteres Galliæ Synodos in tres Tomos dilatare; isto modo in vnum fortassis contraherentur, & tantum de gloria tua decederet, quantum de operis mole.

Præterea adieci, Thuanum codicem recentiorum esse, atque item Victorinum. Quod etsi ex notissima Criticorum lege & consuetudine responderim, tibi tamen Criticorum regi perperam responsum videtur; tametsi aduersus codicem quem prompsi ex Abbatis Oliuarij Bibliotheca idem exceperis. Sed ais, *tui hac in causa meique diuersam esse rationem.* *P. 102. 103.* Quidni? cum ego veritatem explanare studeam, tu adumbrare, & effugere? *Negationis voculam, inquis, in canone defendo, quam in antiquis omnibus libris extare liquet: tu negationem tolli iubes, quam qui tolleret veterum repertus est nemo.* *P. 101.* Vtrumque sæpius falsum ostendi, commemoratis codicibus, qui tuorum nulli de antiquitate concedunt: nec tam dissimulantis mira est audacia, quam solâ fronte repugnantis. Ecce autem ingenium: *de Oliuarij codice, qui post Gratianum natus,*

Ddd ij

Gratiani errorem sequi potuit, atatis iure facta est exceptio. De Thuanum autem, & de Victorino, tamen si perueristi non sint, excipere non licet, quod in negatione asserenda cum optimis & antiquissimis exemplaribus consentiant. Primum ridiculè tibi sumis, antiquiora ista exemplaria optima esse in negatione retinenda, Gratiani autem Codicem in ea excludenda vitiosum. Quid enim absurdius quàm id pro responso obtrudere, de quo est controversia? Deinde qua fide nunc arguis Gratiani errorem, qui paulo antè fallus es, Romanos Gratiani emendatores in Canone Arausicano, ut ab eo editus est, errorem nullum observasse? Vtrum illis, an Gratiano, an lectori illudis? an omnibus simul? Postremò quærimus an Isidorus negationem agnouerit in Canone Arausicano. Quorsum igitur exemplaria refers, quæ ut antiquissima sint, certè Isidori non sunt? Nam antiquum Isidori codicem, qui negationem habeat, nullum nominasti, nisi Laudunensem; quem Isidori non esse docuimus. Quanam ergo ratione probas, Thuanum & Victorinum fideliter repræsentare Canonem, ut ab Isidoro editus est, quia consentiunt cum antiquis aliis exemplaribus, quæ Isidori non esse constat? Prætereo multa, ne singulas ratiocinationum tuarum labe persequi, minutioris diligentiz videatur. Nam conuitia tua non moror, in quibus fingendis nullam tibi esse religionem quis miretur; cum videat nullam esse in differendo?

Iam Merlinum, quem temerè criminatus es, purgare conaris, sed ea industria, ut dubium sit in vtro acerbius eum tractes, in accusando, an in purgando. Negas te mollius aut benignius loqui de illo potuisse, quàm ut diceres, te non quærere de negationis vocula, casum, an aliter irrepsisset in eius editionem. Adeone igitur confidis libri tui memoriam post triennium petiisse, ut nemo meminerit quoties & quàm apertè scripseris negationem, non irrepsisse in Merlini editionem, sed ab ipso subtractam; in eoque fidem eius accusandam? Sic enim locutus es: *Negationem hanc in prima omnium editione à Merlino suppressam. Ac rursus: Merlino contra manuscriptos abstulerat. Denique Prima mali labe à Merlino, qui, casum an aliter non quæro, negationem Isidoro subtraxit, quam si fideliter in editione sua repræsentasset, &c.* Hoc erat tuum iudicium de Merlini fide; de tua iudicet lector. Itaque quod aiebas, te non quærere casum an aliter negationem detraxisset; significabas te non laborare, imprudentia an in scitia lapsus videretur. Et tamen, si superis placet, iubes nos videre quanti hominem facias, & omni eum culpa liberare contendis. Nam verisimillimum putas, eum in editione sua vltum esse illo ipso Oliuarii codice, negationis experte, quæ tibi obieci. O elegantem patronum! qui non aduertat id pugnare cum eo quod toties affirmavit, Merlinum negationem Isidoro subtraxisse? Quo enim modo subtrahere potuit, si codex, quo usus est, illo carebat? Sed condonetur tibi natia cogitationum tuarum pugna; quo argumento doces Merlinum suam editionem expressisse ex Oliuarii Codice, illo nimirum, quem paullo superius miserum, ac nullus fidei dixisti? Nempe, quia hic vnus, qui negatione careat, Parisiis inuenitur est. Itane verò; sequi putas, vnicum codicem qui negatione careret Parisiis tunc fuisse, si nunc post centum amplius annos,

vnus in ea vrbe inuentus sit? Equidem argumentatio est ætati tuæ parum decora: Quid si ille alios aliunde habuit? Quid si plures erant Luteriæ, qui deinde aliò asportati sint, vel temporis longinquitate perierint? Quid si iste ipse Oliuarij postea Parisios allatus est? Nam quod ais, eum tunc temporis fuisse Collegij Bernarditarum; rectè addis, *ni fallor. Ibid.* Quid si igitur falleris? His simile est, quod censes, Merlinum *unicum* *P. 99.* *codicem* habuisse; sed *quantum apparet.* Quod tibi cur appareat, difficile dictu est. Hæc illa erant, quibus ostendis quanti Merlinum facias: de quo tua omnis oratio hanc summam habet, ut eius editionem primùm ab ipso corruptam dixeris, negatione subtracta; deinde ex vnico codice admodum nouo, & *misero, nulliusque fidei* de promptam, hoc est, tum eius editioni, tum ipsi fidem abstuleris. Itaque iam cernis quàm non immeritò dixerim Merlini fidem à te vellicatam, & *eius editionem subdititiam* habitam. Quod enim ais, te non intelligere quid subdititiam *P. 103. 104.* hoc loco appellem, & vitiosam opinaris me dicere voluisse; minimè mirum hîc hebescere Grammaticum tuum acumen. Nam vitiosam scripsissem, si obiecisses vitium leuius, vel quodcumque demùm quo Canon idem maneret. Cùm verò argueres illum id corruptelæ Canonis infideliter attulisse, quo is ab Araulicanæ Synodi sensu, atque ab illorum temporum disciplina ad huius ætatis consuetudinem traduceretur, & quodammo alius fieret; non fuit satis scribere vitiosam à te dictam Merlini editionem, sed subdititiam fictitiamque dici oportuit. At etiam nouo illius amore correptus, *prudens iam eius, & iudicium* nobis prædicas. Miram in æmulo benignitatem! Sed ne quis diutius miretur, tibi laudes istas canis, non illi. Ideo enim prudentia & consilio præditum censes, quòd sententiæ tuæ assensurus fuerit, si videlicet *veterum librorum* *P. 105.* *in adstruenda Canonis negatione consensum suspicari potuisset.* Quasi quicquam ab illa magis eum deducere debuerit, quàm confidentia, qua consensum istum toties simulat: aut ipse ad retinendam editionem suam magis confirmari potuerit, quàm non codicum suorum tantùm, sed omnium qui deinceps fuerunt, imò antea fuerant, collectorum & emendatorum consensu: qui omnes velut conspiratione quadam illi suffragati sunt, à tua recesserunt, Isidorus, Gratianus, Surius, Antonius Augustinus, Gratiani emendatores, decretorum Ecclesiæ Gallicanæ collector, Binius, Crabbus etiam, ut mox videbis. Quorum omnium authoritatem cùm aspernari malis, quàm tria quatuorue manuscripta, manifestè mendosa, illosque in scitia vel imprudentia lapsos dicere non vereare, Frontoni *Ann. 1. P. 41. 42. P. 30.* etiam sodali tuo hanc notam infigans, quòd Surianæ editioni negationem inferendam non putarit; quid hac pertinacia & superbia insignius non tantùm ad Merlinum, sed ad quemuis qui sapiat, à tuo sensu auertendum; et si hæreses nullas è manuscriptis istis afferres?



## IN CAPVT V.

*Maledica & intemperans Sirmondi loquacitas de Crabbi marginibus. Aberrationes eiusdem, & imprudentia.*

Anar.  
P. 393.

**D**E Crabbi editione dicebam te quædam scripsisse partim fallaciter, partim non verè. Quæ res etsi, vt apparet, admodum levis sit, præsertim postquam de erroribus & hæresibus instituta est disputatio, tu tamen eam sic vrges, vt in ea vna tuæ fortunæ positæ videantur. Qui conatus si per se ineptus est, quid censendum de ardore ac petulantia, qua eum exequeris? Hic enim tibi sum *Pseudolus, hebes, stupido sensu, Bæotia vernula, pingui iudicio, stipes, insanus*, rursus *stupidus, hebes, stolidus*. Quæ quis audiens non exiltimet, te, cum in aliis exilis, & angustus sis, solis conuiciis vberem esse? huc enim ea simul congelessi, quibus nihil simile ex omnibus aduersum te meis scriptis colligi queat. Id verò eo turpius, quod quæ reprehendis vera & perspicua sunt, nec in iis adoriendis vetera peccata eluis, sed noua admisces. Verùm fac omnia exploratissima à te dici: ideone tanta verborum atrocitate pulsandus fui, quod Crabbi verborum vim minus perspexerim, quod eius margines non intellexerim? Audiant hæc qui te commodum hominem & moderatum olim putarunt: & videant quid humanitatis in eo esse queat, quem nec senectus, nec triennij spatium sedare potuit, quominus tenuissimis de causis tam immaniter efferuesceret.

Anar.  
P. 393.

I. Amir.  
P. 41.

Etsi ergo tota res, vt patet, parua est & iocularis, nec quæstione magnopere digna; tamen vt immensam istius in ea contumaciam omnibus spectandam explodendamque proponam, mea dicta comprobabo, illius coarguam, vt breuissimè potero. Dixi, te fallaciter scripsisse Crabbum in vtraque sua editione negationem canonis Arausicano ex antiquis Codicibus restituisse. Duo hic dicuntur, te id scripsisse, & fallaciter scripsisse. Prius approbant tua verba: *In vtraque sua Crabbus ex antiquis codicibus restituit*. Posterius, te fallaciter hæc scripsisse, quasi Crabbus aliis atque aliis codicibus in suis editionibus vsus esset, eadem verba indicant, quæ hunc sensum præ se ferunt. Nam qui Crabbum non viderit, facile istis verbis inducetur, vt putet eum in vtraque editione codices lustrasse, è quibus Canonem Arausicanum restituerit. Quid tu contra? *Mihi si credis, Aureli, sincerius hoc à me dictum est, quàm putasti*. Ego tibi dicenti credam, qui superius mihi iurato credere nolui? Iniqua postulas. Quis verò nescit, eorum qui ambiguo versipellique sermone ludunt, artem esse, ea dicere quæ veram falsamque in sententiam accipi possint; vt, cum ipsi audientium animis falsam immittere studeant, tamen si arguantur, veram ostendent, eaque se tegant? id cum conueniat in orationem tuam, quam vides duplici quodammodo mente ac facie esse; satis declaratum est, quod dicebam, eam fallaciter à te compositam.

P. 106.

T. 11.



Sed negas, te refelli posse, si dicere volueris Crabbum vsum esse in posteriori editione alijs codicibus atque in priori. Quod enim argumēti loco attuli, *Crabbianam editionem posteriorem à priore non differre* (sic enim verba mea refers) id tu leue censes, propterea quod Critici non rarò experti sint easdem lectionum varietates diuersis codicibus comprobari, *Ac primùm nulli Critici ferent mea verba à te discerpi; quæ hæc erant, utraque Crabbiana editio quantum ad illud Concilium attinet, vnica est & simplex, nec posterior à priori vllò penitus apice differre.* Iam quæro ex te num qui sint Critici qui experti sint, plures codices ita idem Concilium exhibere, vt nullo penitus apice differant? Si enim ex vno autographo duo exemplaria describenda cures, paucos scriptores reperies qui summa etiam cautione abhibita, tantam inter sese consensionem assequi possint. Atqui constat Crabbum lectiones varias margini adijcere solitum eo consilio vt codicum suorum copiam & varietatem ostenderet, etsi nullam aliam ad rem necessarias, nec admodum diuersas vt postea audies. Quare si quos novos codices in posteriori editione nactus esset, eorum varietatem aliquo eiusmodi indicio patefecisset. Denique ne hac quidem mihi defensione aduersum te opus. Satis est demonstrare, temerè simulari Crabbum alios codices in posteriori editione habuisse, cum nihil habeas, quo id confirmes. Non enim neganti probare necesse est, sed affirmanti. Ita quoquò te veritas, prior orationis meæ pars vera & plana est.

Audi nunc de altera. Dixeras, Crabbum negationem restituisse, appo-  
*suisseque, non in textu, sed ad marginem, vt solebat.* Respondi Crabbum nega-  
 tionem non restituisse, sed velut *dubiam ac vacillantem* in marginem reje-  
 cisse. Quæ enim liquidò restituenda putabat, ea non ad marginem ad-  
 notare consueuisset, sed in textum inferre. De marginibus verò Crab-  
 bianis hæc scribebam, quæ ipse profers; *Crabbus aperte proficetur in fronte*  
*utriusque editionis, se illa demùm in marginem coniecisse, quæ aut parui momenti, aut*  
*ita dubia & obscura essent, vt deprauatus locus à se nondum restitui potuisset.* Duæ  
 hic rursus partes, eædemq; facillimæ. Nam ea Crabbū ad marginem an-  
 notare consueuisset, quæ restituere non poterat, res perspicua est, & ipse  
 fateris: Nec assequi possum quo consilio in hac re probanda occupes,  
 quasi à me negaretur, quæ planissimè affirmatur. Præter hæc autem nō  
 alia ab ipso ad marginem adscripta, nisi quæ leuia aut dubia essent, ipse  
 est testis. Arrige tandem auriculas. *Marginales quoque additiones, inquit,*  
*per hoc verbum alias, non inconsulto adiecimus, nec sine sincero studio id actum est,*  
*nempe ideo vt librorum qui ad manus nostras peruenerunt, in veris sententiis & di-*  
*uersitas, & numerositas agnosceretur, licet plerisq; in locis eadem esse sententia vi-*  
*deatur. Potuissimus tamen copiosiorē lectionis varietatem adiecisse, modò id cuiquā*  
*profuturum credidissimus.* Audis marginum varias lectiones ab eo adiectas  
 præfixa vocula, *alias,* (omnibus enim præfigitur) vt vel codicum suorū  
 diuersitatem ostenderet, quod paulò ante scripsi; vel eorum lectiones,  
 sua sententia, vulgatis parum aut nihil diuersas, lectoris iudicio offerret,  
 eamque rem ei ita leuem visam esse, vt plures eiusmodi varias lectiones  
 omiserit, quod nemini profuturas speraret. Hæc igitur planissima.

D d d iij

Anar.  
P. 394.

In Praef.

Nam quæ restituenda emendandaque prorsus censebat, ea ab ipso in textum immissa probavi, perspicuis locis ex Concilio ipso Arausicano prolatis, alia innumera præteriens, ut lectoris tedio parcerem. Sed quoniam pro responso peruicaciam rursus obtrudis, frangamus eam ipsis Crabbi verbis: *Jucundissimum erit, inquit, huic nostro volumini studiosum ac Catholicum insudare lectorem, quod à multis millibus tum ineptiis tum mendis, quibus antea scatebat, repurgatum, ex inutili prorsus ac scabroso, factum est utile ac præclarum. Nam si quis mendarum locos recensere vellet omnes, intolerabilem ac planè infinitum subiret laborem. Quo igitur signo internosci iubet emendationes suas? Num ad margines lectorem mittit? Imò ad textum. Qui voluerit, inquit, huius rei veritatem agnoscere, conferat opus istud cum impressione Parisiensi, atque etiam Colonienfi, & id quidem de verbo ad verbum, & experietur non minorem illorum & nostrorum nunc recens editorum codicum quàm notis ac diei esse differentiam. Iubet igitur emendationes suas in ipso textu spectari, eo cum superioribus editionibus ad verbum collato. Quod si eas in marginibus annotasset, has solas iuberet cerni; nec intolerabilis laboris esse diceret emendationes suas indicare lectori, cum in libri ora singulatim notatæ essent. Denique cum emendationes ab eo in margines referri non consueuisse docuerimus planis eius verbis, sequitur ut in textum eas induxerit; aut posuerit nusquam. Quare satis illustrata est mea veritas. Nunc tua falsa redarguenda.*

P. 107.  
P. 110.

Varias lectiones, & emendationes idem apud Crabbum esse censes, ut, cum varias lectiones ab eo marginibus adscriptas constet, emendationes quoque in iisdem marginibus, non in textu repositas persuadeas: Crabbum, inquis, *varias lectiones, seu emendationes suas in margine adnotare. Et rursus: Quæ collatis exemplaribus emendarat, & in margine adnotarat. Id vero falsum esse iam agnoscis, Crabbo ipso iudice.*

P. 108.

In Praef.

Addis de iisdem emendationibus hoc modo; *Crabbus ipse in præfatione prioris editionis suæ negligentia chalcographorum in textu quandoque positas conqueritur quæ in margine debuissent adscribi. Videlicet queri Crabbum dicis, nonnullas emendationes suas typographorum negligentia in textu positas, cum in marginem referri debuissent. Damnet igitur Crabbus ipse hanc fraudem: Etiam hoc breuiter, inquit, annotare placuit, negligentia chalcographorum in textu quandoque positum, cum nota parenthesis, quod cum nota, aliàs, in margine debuisset scribi. Vides fallaciam. Non enim emendationes in textu à typographis positas queritur, sed ea quæ in margine debuissent scribi cum nota, aliàs. Quæ nota ipse modo docuit designari leuiiores lectionum varietates. Eiusmodi autem variarum lectionum à typographis è margine in textum traiectarum cum parenthesis & nota, aliàs, exemplum habes in ipso Canone Arausicano, de quo certabamus.*

P. 111.

Denique scribis Crabbum testari, se emendationum earundem nonnullas, ne margines impleret, atque in his vacui spatij aliquid relinqueret, in textum contulisse, *quas alioqui collocasset in margine. Hoc quoque temerè garris. Non enim de emendationibus loquitur Crabbus, sed de varijs lectionibus, ad marginem cum nota, aliàs, à se apponi solitis. Quæ cum leuiiores, ipsius iudicio, essent, nec magnopere necessariz, ut*

admonuit; minimè mirum si nonnullas à te in textum iniectas excuset, ne margines penitus occuparet, lectorique nonnihil ad notandum loci relinqueret. Quamobrem non abs re affirmauimus te falli de Crabbo & quid dicat nescire. Nam è duobus eius locis priorem corrupisti, posteriorem non intellexisti.

Quod autem multis verbis probas, Crabbum loca desperata, quæ nulla ope restituere potuerit, in margine annotasse, & volumina eius euoluis, vt id demonstres; mihi laboras. Ego enim istud ipsum dixi, eaq; erat altera pars orationis meæ: vt superius audisti. Quid leuius, ne quid durius more tuo loquar, quàm ne videre quidè quid abnuat aduersarius, quid dicat; quid probandum, quid refellendum sit; ac sordidissimo maledictorum genere me prosequi, quasi negem id ipsum, quod affirmo? *In Crabbi verò marginibus locorum desperatorum notas à variarum lectionum emendationibus distinguere me non posse fateor: nec tamen ideo stolidum interpretem me dicendum existimo. Nam & emendationes nullas in Crabbi marginibus positas declaravi, sed omnes in textu; & longè apud eum differre varias lectiones ab emendationibus, quas rursus temerè confundis. Quos tu nunc fremitus ederes, quos triumphos, si meo loco esses; qui in tam aperta præcipitis animi euagatione & incogitantia triumphas; & ,* *Quis te, inquis, qui in Merlini Crabbiq; verbis luce clarioribus turpiter erraris, in Canonis Arausicani intelligentia, quæ ab imperitorum sensu disiunctior est, hallucinari multo te magis labique potuisse non crederet? Quibus ego verbis & illiberali procacitati, qua totum caput turpasti, quod rem certam minimèque dubiam nactum esse te confideres, nihil aliud opponam, nisi hæc Augustini; Vides tandem quemadmodum ista tua non oratio, sed vesica, non solum inani sono sed etiam in capite tuo crepuerit.*

P. 110. 111.

P. 111.

P. 112.

Aug. l. 2.  
con. Petil.  
c. 101.

## IN CAPVT VI.

*Sirmondi plures fraudes partim silentio, partim verbis expressæ in Cassiodoro, Petro Damiani, Hieronymo. Ineptia eius de nomine Petri Damiani, & Hugonis de S. Victore. Hæresis negantis Synodum Nicanam I. esse Oecumenicam.*

**C**VM studiosissimè disputaris de Crabbiana editione, cum margines litterulasque eius tanto labore excusseris, permirum videri debet cur Possidij locum; quem falsasti, vt Augustinum in Criticorum numerum referres, eumque dies labori, noctes lucubrationibus codicumque emendationibus tribuisse diceres, penitus silueris. Nihil enim grauius, nihil ad Criticæ commendationem illustrius esse potuit, quàm si Augustinum illi noctes impendisse demonstrares. Magnum etiam illud erat, quod ex Sulpicii loco minùs intellecto, Monasteriorum laborem ita dispertiebare, vt minori rudiorique ætati librorum scribendorum prouinciam dares, senioribus & doctioribus corrigendorum. *Quod nos aliter sese habuisse grauissimorum testium autoritate do-*

I. Antir.  
p. 46.

Ibid.



cuius. Denique ostensum, te non satis exploratam habuisse Patrum in emendandis libris consuetudinem ac mentem aliaque non pauca id genus ad mediam Criticem spectantia, & ad veteris scribendorum librorum disciplinæ notitiam. De qua cum sermonem spontè inieceris, quasi de re qua maximè confideres; & tamen ad primam statim confutationem nostram, hastas abijcere silereq; sis coactus; nescio quo ore hoc loco vocem omninò mittere audeas. Sed quia à grauioribus materijs naturâ abhorres, & tritari tuum est, minus ægrè ferendum, te, dum indoli tuæ oblequeris, maiorum rerum splendori & gloriæ necessaria taciturnitate suffragari. Itaque venio quo vocas.

P. 113.

Quereres te falsi acculari, quod dixeris cura fuisse Cassiodoro Senatori, & Petro Damiano, ut monasteriorum suorum codices per se ipsi; vel per alios emendarent. Cui orationi insidias fieri clamas, dum simulo te dicere omnes li-

I. Antir.  
P. 45.

bro ab ijs emendatos. Videamus igitur ego orationi tuæ insidier, an tu meæ simul & tuæ. Nam tu quidem sic scripsisti: *Quid cura industriaque non adhibuerunt Cassiodorus Senator, & Petrus Damianus, ut Monasterijs suis bibliothecam optimis, & partim sua ipsorum manu, partim opera notariorum emendatissimis codicibus instruerent? Huius enim diligentia laborisque testes illos ipsos habemus.*

Anar.  
P. 404.

Hic ego arguebam primùm falsò dici, eos tam multâ curam, industriâ, diligentiam, laborem còtulisse, ut libros emendatissimos bibliothecis suis relinquerent; cum Petrus quidem Damiani scribat se sacræ Scripturæ codices emendasse cursim, ac per hoc non exactè. Cassiodorus verò, ut senex potui, inquit, & amicis ante me legentibus, hoc est alienis oculis, tollendorum videlicet apertiorum mendorum causa, quæ sensum impedirent. Quod tamen ipsum in omnibus sacris codicibus se non fecisse fatetur. Hæc ergo erat prima mea reprehensio fallaciæ; quæ in oratione tua ut eam nunc refers, non comperet.

Anar.  
P. 405.

Alterum arguebâ, quod de aliis libris, à sacra videlicet scriptura diuersis, solus Petrus Damiani scribat se nonnullos pro sua possibilitate correxisse; cæteros nemini corrigendos dedisse dicat. Cassiodorus autem eam curam notarijs reliquerit, quorum paucos peritos fuisse testatur. Ex quibus negabam verè à te colligi eos bibliothecas suas optimis & emendatissimis libris instruxisse. Hinc strophæ tuæ liquecunt. Non enim, ut fingis,

P. 113.

scripsi te dixisse, Cassiodorum & Petrum Damiani libros omnes, quos monasterijs suis traderent, correxisse: sed ex eo quod non omnes à se correctos dicant, & eos ipsos quos per se, aut per alios correxerunt, leuiter recensuerint; probabam quæ de librorum & bibliothecarum ipsorum puritate emendationeque prædicabas inania esse. Quàm ergo candidè questus es, me orationi tuæ insidiari me malignum interpretem mentiri, fallere, nullum verbum dicere nisi falsum; quo loco alios mentiri prædico, ibi mendacium non cauere; nihil à me veri sperandum esse, nisi cum mentiri me dicam? Hæc enim omnia breuissimo spatio effudisti; ac de re, ut iam agnoscis, ita certa & liquida, ut eam ne carpere quidem potueris, nisi mea simul tuaque verba peruerteres. Quid ignauius? quid abiectius? quid alienius eo nomine quod viro probo conueniat?

Ibid.  
P. 112.

P. 113. 114.

Quinetiam noua fraude Petrum Damiani petis meque vnâ sic scri-



bens: Petrus Damianus, quod cogeris confiteri, non solum veteris & novi Testamenti libros omnes, sed aliorum etiam sanctorum Patrum, Gregorij, Ambrosij, Augustini, Hieronymi, Prosperi &c. codices nonnullos à se correctos testatur. At nec ego fallus sum, nec Petrus Damiani scribit, omnium istorum Patrum codices nonnullos à se correctos: quasi aliquos Augustini, & Ambrosij, & aliorum quos enumeras, correxerit; ut oratio tua veteratorie innuit: sed cum Patrum illorum libris, atque alijs, Monasterij bibliothecâ ornasset, ex uniuerso eo numero nonnullos emendasse se dicit: Ex passionibus quoque beatorum Martyrum, inquit, ex homilijs sanctorum Patrum, ex commentarijs allegoricas sacra Scripturae sententias exponens, Gregorij scilicet, Ambrosij, Augustini, Hieronymi, Prosperi, Bedae, Remigij etiam & Amalarij, insuper & Haemonis atque Paschasij, diuina gratia nostris allubescente laboribus, plures libros habetis, quibus vacare potestis; ut sancta anime vestra non solum oratione crescant, sed & lectione pinguescant. Ex quibus nimirum codicibus nonnullos pro nostra possibilitate correximus, ut in sacra disciplina studijs intelligentiae vobis aditum panderemus. Itaque manifesta fides: patent insidiae quas dixi. Illud etiam cernitur, Petrum Damiani non dicere paucos illos codices cum veteribus exemplaribus à se comparatos, sed correctos quatenus potuit, deletis videlicet planioribus scribarum mendis quae intelligentiae officerent, ut innuit. Quod genus emendationis quam tenue sit, ac lubricum, nemo ignorat. Denique post recensitos ex Petro Damiani, Gregorij, Ambrosij, Augustini, Hieronymi, Prosperi libros, reliquos inuoluis nota &c. ut eodè ordine ceteri Patres ab eo Monasterio relictii emendatique videantur; cum non plures quinque praeterea enumeret, eosque inferioris ætatis ac notæ. Ex quibus omnibus eximia laus, quam Monasterij illius bibliothecæ dedisti, admodum vacillat.

Habes de fallacijs: Nunc de stultitijs. Hoc enim verbo me afficis, dum ais me stultè & incautè hoc agere ne boni omnino sint ulli, nec fuerint aliquando P. 114. manuscripti. Quam imposturam toties tanique apertè obtrui, ut non acutissimè sapere videatur, qui in re tam nota & illustri fraudem struat. Non enim bonos negavi extare manuscriptos; sed cautè ac scienter explorandos dixi. Cui præcepto si paruisses, non incidisses in has salebras, è quibus quò te ardentius euoluere studes, eò miserius inuolueris. At in P. 115. eo certè hallucinatus sum, quòd Hieronymum putavi operam dedisse tollendis libratorum mendis à sacrae Scripturae codicibus cum illi consilium fuerit, vitiosas versiones emendare. In quo tibi quidem ita certò ac turpiter lapsus videor, ut statim ab initio pronuntiate non dubites me stupidum Hermaum, hebetem, ac paulo post bardum. Illud non prudenter P. 114. quòd vnà vasrum & fallacem fingis; quia nempe, cum Hieronymi lo- P. 115. cum proferrem, omiserim hæc verba: *Præfatus præfatiuncula pollicetur Evangelia, codicum Græcorum emendata collatione sed veterum.* Quid si tu contrà fallis? Dissimulas enim me hoc ipsum scripsisse, non Hieronymi verbis quidem, sed hisce meis in eandem sententiam; *Hieronymum cum* Aner. P. 404. *novi Testamenti veteres libros tum Græcos, tum Latinos summa industria & diligentia consulisset, tamen &c.* Audis eandem rem, quam suppressam cauillaris, verbis aliquanto plenioribus expressam. Quid igitur de accusatoria

P. 115.  
Anar.  
P. 404.

tua loquacitate censendum? Nonne aridam ac ieiunam esse? Falsum etiā quod asseueras, me Hieronymum iis annumerasse qui tollendis librariorum mendis operam dedere. Vbi enim hoc à me scriptum? Dixi, minimè mirum Cassiodorum, cum diuinæ scripturæ libros alienis oculis recognosceret, vitiis quæ sententiam impedirent sublatis, cetera emendare non ausum, *ne libros temeraria presumptione lacerares*; cum Hieronymus maioribus præsiidiis instructus, collatis summa industria diligentiaque noui Testamenti antiquis Græcis Latinisque codicibus, eadem religione fuerit; & *ijs tantum qua sensum videbantur mutare, correctus, reliqua manere passus sit, ut fuerant*. An hinc efficitur, me Hieronymianum emendandi genus cum eo æquasse, quod Cassiodorus secutus est; qui Cassiodori religiosam in emendando cunctationem ideo probandam dixi, quod Hieronymus ea usus sit in dissimili genere, cui maior libertas concedi poterat? Vbi nunc fraudes? vbi imposturæ? penes me an te? Imò verò vbi stupidus ille Hermas? qui tamen impedire non debuit quominus intelligeres, si affirmassem Hieronymum etiam studuisse expurgendis librariorū erratis, nihil in eo reprehendendum, nihil non verum, nihil nō notissimum futurum fuisse. Nec enim ad eā rem, tuamque in ea ridiculam errationem perspiciendam aliud à te acumen peto, quàm ut legere scias. Hæ enim sunt Hieronymi voces: *Ea quæ vel à vitiosis interpretibus male reddita, vel à presumptoribus imperitis emendata peruersius vel à librariis dormitantibus aut addita sunt, aut mutata, corrigimus*. Quem locum in Anæretico descriptum habebas, si animi larvæ liberam tibi oculorum facultatem reliquissent, quos per alias larvas liberos esse dixisti. Itaque frustra operam abusus es: quam melius collocasses in crimine falli eluendo, quo Hieronymum à te violatum monebam, cum diceres eum Origenis volumina Pamphili Martyris manu exarata summo in honore habuisse *propter emendationem*. Quod ab illo nusquam scriptum est. Sed huiusmodi culpæ leuiore videntur, maioribus assueto.

Præfat. in  
Euang. ad  
Damas.  
P. 219.  
P. 100.

Anar.  
P. 410.  
1. Antir.  
P. 46.

P. 116. 117.  
118. 119.  
Anar.  
P. 404.

P. 117. 118.

Nihil videlicet tua lucubratione dignius putasti, quàm ut acerrimè contenderes pluribus paginis de nomine *Petri Damiani*: de quo nihil attigissem, ne transiens quidem, ut feci, nisi hoc potissimum tuo ingenio congruere existimassem, & reprehensionibus id genus nullas esse quibus magis stimulari, & à tui amoris veterno excitari posses. Quæ opinio, ut vides, non fefellit. Quippe vehementer percussus exurgis, ac *petis ut edisseram, si possim, cur Petrum Damianum cum grauissimis probatisque authoribus dici prohibeam*. Et adscribis Lambertum Schafnaburgensem, Gratianum Cluniacensem, & epistolam Alexandri II. nomine vulgatam. Quàm turpe, istud à te quæri, qui summa autoritate scriptores ac Theologos negationem Canonis Arausicano non inferentes, atque in his eundem Gratianum, tanta fiducia reprehendisti? Quod si præ his omnibus audiendos censes manuscriptos tuos, quorum vitium apertum est; an alienos aspernaberis omnis suspicionis immunes ex Italia bibliothecis depromptos, in quibus Petri Damiani æquales testantur id illi nominis fuisse, quod dixi? Nam Ioannes Monachus eius discipulus vitam illius scribens iussu præfecti & Monachorum Monasterij fontis

fontis Auellani, quod ab ipso tanta cura excultum fuerat, sic orditur: *Vir itaque Dei Petrus prænominatus Damiani, &c.* Desiderius Montis Cassini Abbas, Ecclesiæ Rom. presbyter Cardinalis postea Victor Papa III. quem Petrus ipse *Monachorum Archangelum* appellat, suo & Cassinensis cœnobij nomine litteras ad ipsum adhuc viuentem scripsit hoc titulo: *Domino Petro Damiani Venerabili Episcopo, Desiderius Abbas.* Leo autem Marsicanus, Monasterij Cassinensis Bibliothecarius, Ecclesiæ Romanæ Cardinalis, Petro ætate suppar, eiusque in Ostiensi Episcopatu successor; *Petrus Damiani, vir valde religiosus, &c.* ac rursus; *Porro Dominus Petrus Damiani cuius iam supra meminimus, &c.* Quare omnes Italiæ eruditi in hanc sententiam concessere, Cardinales Baronius & Bellarminus ac multo antè Franciscus Petrarcha, Onuphrius, Sigonius, Hieronymus Rubeus scriptor historiæ Rauennatis, Augustinus Fortunius Historiarum Camaldulensium conditor cuius hæc sunt verba: *Nomen Damiani à fratris nomine sic usurpauit, ut se Petrum Damiani semper subscriberet.* Taceo alios tum Italos, tum externos, tum veteres, tum recentiores cùm instar omnium sit ipse Petrus, S. Odilonis Cluniacensis Abbatis vitam ad Ecclesiam Gallicanam scribens, his verbis; *Petrus Damiani sanctus Ecclesijs, quæ sunt in Occidentalibus Galliarum partibus constituta, salutem quæ est in Christo Iesu, Censetne quemquam esse cui de Petri Damiani nomine prius credendum sit quàm ipsi Petro? Tantorum igitur testium autoritate conuincitur librariorum facilis, ut apparet, error scribendum putantium Petrum Damianum eodem casu, non Damiani diuerso. Atque huius erroris exempla sunt, quæ adduxisti. Quòd verò qui ea respuant, non satis sani capitis habendos ais, vide ne tibi ante omnes hoc elogium ponas. Si enim insani est capitis, errores scribarum inscitia inolitos, optimorum manuscriptorum ope, clarissimorum etiam virorum consentiente autoritate diluere; qua ratione docebis Galliæ Synodos à sani capitis homine nuper collectas? Nam plurima eiusmodi mutare conatus es, utinam feliciter non solum in Canone Arausicano, & alijs, sed maximè in nominibus, scribendum censens, *Autisiodorensis, Rejensis, vel Regensis, Epaonensis, Namnetensis, &c.* contra omnium penè eruditorum consuetudinem, qui vel hoc sæculo, vel pluribus superioribus scripserunt. Malè item negas, *Petrum Damiani dictum esse, sicut Eusebium Pamphili; quod testatur Hieronymus Rubeus in historia Rauennate: A Damiano, inquis, fratre nam maiore sic nutritus, ac bonis literis imbutus est, ut ab eo sibi cognomentum ascripserit, vocarique voluerit & scribi Petrus Damiani: quod contigisse in Eusebio Casariensi legimus, qui à Pamphilo amico Eusebius Pamphili & vocari & esse perpetuò voluit.* Imperitè denique censes, istiusmodi cognomentum Græci potius moris esse, quàm Latini? cùm is mos minimè abhorreat à posteriorum temporum Latinitate, & adhuc plerisque in gentibus maneat. Nisi fortè Petrus Blesensis Græcus homo tibi videtur, qui Græcè ne quidem sciuit, cùm Odonis Parisiensis Episcopi liberalitatem eliciens, epistolæ subscriberet, *Petrus Odonis; sicut Petrus Damiani hoc nominis sibi finxit ad perennè fraternæ pietatis memoriam.**

Ex Bibliothec. Cassin. edita à Constantino Caiet. Lib. 2. Chron. Cassin. c. 101. Lib. 22. c. 3.

Lib. 5. hist. Camald.

Hist. Ra-  
ven. an.  
1080.

Petr. Bles.  
sens. epist.  
160. ad  
Odon. Epi-  
scopum Pa-  
ris.

Ecc



P. 116.  
119.  
P. 118.  
Dist. 12.  
c. 1.

Non igitur frustra monui, quod Stomacharis, ut ex Vindiciis nostris Petri Damiani nomen disceres, & alia si velles. Nam quod quæris, *An Gratianum quisquam notauerit, cum diceret, Nicolaus Papa II. scribit Mediolanensibus per Petrum Damianum legatum suum?* Non decuit te id quærere, qui meminisse debuisti plures paginas Gratiani titulorum erroribus, à nemine notatis, à te paulò antè impletas. In quo si tam Lynceus esses, quàm videri cupis, non ignorasses te vitiosissimum titulum pro integro proboque iactare. Nam capitulum istud nec est Nicolai II. nec ad Mediolanenses: sed sumptum est ex Dialogo, in quo loquentes inducuntur regius aduocatus & Romanæ Ecclesiæ defensor, de electione Alexandri II. qui Nicolao II. successit & schismate Cadaloi Episcopi Parmensis ab Henrico Rege contra Alexandrum euecti. Qui Dialogus in Conciliorum Generalium Tomo I II. perperam inscribitur *Concilium in Osborio*; cum præfatio admoneat non in Concilio, sed antea scriptum esse; ad causam illam Episcopis, priusquam conuenirent, exponendam *Quoniam & in proximo, inquit, ut speramus, fiet hic Osboriense Concilium, hic iam eiusdem Concilij constituamus velut in quadam tabella picturæ præludium.* Est verò dialogus plerisque locis insullus, nec Petro Damiani, cui tribuitur, dignus. Cuius tamen inter Opuscula editus est à Constantino Cajetano; etsi ab illius sensibus non semel discedere videatur. Quare vide, quam in Criticorum classem redigi velis, qui tanta fiducia titulum obiecisti, in quo totidem mendæ quot verba. Quod si Gratiani emendatorum auctoritatem minui posse sperasti, cum tenuissimos titulos, à te restitutos, ipsis latuisse significares, quis tibi ignoscat, titulum inquinatissimum ex eodem Gratiano paulo post obtrudenti? Nam illos quidem nemo meritò accuset, quod dialogi, qui nondum editus erat, inscriptionem non emendarint. Tibi verò quis non succenseat? qui, dum Critici ambis laudem, & Gratiani in primis titulorum, ab aliis neglectorum, instaurator videri gestis, disputationis tuæ præsidium in titulo vndique adulterino ponas, eumque insultans ostentes.

P. 117.

At ex ea saltem parte indignum erat, te ad Vindicias nostras mitti, unde veram Petri Damiani appellationem acciperes, quòd in iis nec Hugonis Victorini nomen sine errore extet, dum Abbas dicitur, qui ne Prior quidem fuit. An igitur meum dictum nuda asseueratione tua refelli existimas? Ego quidem non is sum, qui emendari nolim, dummodò errorem videam. Sed locupletiores authores quæro quàm te, qui toties fefellisti, ut turpius iam erratum vix ullum esse possit, quàm tibi credere. Nihil certè absurdus, quàm ut Doctoris tibi auctoritatem sumas, qui aduersarij personam induisti. Accedit, quod hoc loco reprehendere me non potes, ut non prius damnes Posseuinum & Cardinalem Bellarminum, societatis tuæ columnina, qui mihi duces ad hunc, si ita vis, errorem fuere: ne quid dicam de Sixto Senensi, Trithemio Abbate, Germanis Romanisque Hugonis operum editori-bus Lateranensibus Canonicis, qui etiam scribunt illum fratrum omnium suffragiis Abbatem electum; denique SS. Patrum Bibliotheca Lutetiæ paucis abhinc annis excusa, ubi hoc idem honoris ei habetur.

De Scrip-  
tor. Eccles.

In Pref.



Quibus tot & tantis autoritatibus vt tuum vnum verbum nullo teste *Tom. 10. initio.* fretum anteponam, ne ipse quidem patereris; qui modò insanix esse dicebas Petri Damiani nomen aduersus vitiosa aliquot exemplaria tueri velle, suffragantibus antiquissimorum codicum, grauissimorumque hominum testimoniis.

Porro vt parem gratiam referam, si tanti piaculi putasti, monachum vnum, qui Abbas non fuerit, ad Abbatis honorem efferre; quantò criminosis videri necesse est, integrum Episcoporum cœtum gradu deicere, & Synodo è frequentissimis Orientis Occidentisque Præsulibus collectæ, Oecumenicæ nomen eripere, quod ei semper ab Ecclesia datum est? Memento te de Synodo Nicæna II. ita disseruisse, vt & à priscis Gallis Oecumenicarum numero meritò exemptam dixeris, & Hadrianum Pontificem in eadem sententia fuisse. *Et quidem, inquis, si rem suis* *Conc. Gall. Tom. II. p. 191.* *momentis expendamus, satis omnino causa videbatur, cur Synodum, cui tot adhuc* *provinciarum, ac totius penè Occidentis suffragia deessent, pro Oecumenica non-* *dum haberent. Nec Hadrianus ipse aliter se sentire ostendebat: qui allatam è Gra-* *cia Synodum, vt Hincmarus docet, in Galliam misit, Conciliumque eius causa con-* *uocari à Carolo iussit; & libris Carolinis, quibus oppugnata est, ita respondit, vt* *Oecumenicæ Synodi nomen illis auctoritatemque nusquam objiciat. Quare habe-* *bant, vt dixi, hac in parte Galli, quo se defenderent. Quæ à te videntur scripta,* *vt Synodum Oecumenicam non solum imminuas, sed etiam menda-* *cem, ac mendacissimam efficias, quæ tertio quoque verbo, ac singula-* *rum potissimum Actionum initiis, Oecumenicam se vocitat; & ab his* *solemnibus ferè orditur; Conueniente sancta & Oecumenica Synodo, &c.* *Vel Oecumenicam igitur esse oportet; vel falsam, ac nullam. Quare Syn-* *nodis Oecumenicis eam accensent Oecumenicæ Synodi Octaua, &* *Constantiensis; Romani Pontifices Leo IX. in professione fidei ad Pe-* *trum Episcopum Alexandrinum, & Hadrianus in epistola ad Tarasium,* *legatos eo animo mitti à se scribens, vt Synodum Oecumenicam habeant,* *quam Imperator petierat. Atque hoc idem solenni more profiteri con-* *sueuisse Romanos Pontifices, cum primum sedem Apostolicam ini-* *rent, refert Gratianus, eiusque professionis integrum exemplar extare in* *Bibliotheca Vaticana à Deusdedit Cardinale descriptum testantur* *Gratiani emendatores. Ibi autem Pontifices pronuntiant se non tan-* *tum probate, sed etiam vsque ad vnum apicem immutilata seruare, & pari ho-* *nore & veneratione digna habere sancta octo vniuersalia Concilia; quibus VII.* *hæc Synodus annumeratur. Quod si Oecumenica ideo habenda non* *erat, quia ei defuerant plures Occidentis Episcopi ac Prouinciæ;* *ne Octaua quidem Synodus, multoque antè Constantinopolitana* *I. Oecumenicæ fuerint, quibus non pauciores abfuere. Sin autem* *ob eam rem Oecumenica non videtur, quòd Hadrianus eius acta* *in Galliam miserit, deque iis Concilium iusserit conuocari; Syno-* *dus VI. ex Oecumenicarum numero delenda erit, cum eius item acta* *in Hispaniam miserit Leo II. vt de iis Synodus haberetur, eaque* *tandem confirmata sint in Synodo Toletana XIV. Itaque plures* *Synodos Oecumenicas vno impetu deiecisti, dum vni inuidiam facis;*

Ecc ij

& Hadriano Papæ imposuisti. Quomodo enim pro Oecumenica non habuit, quam toties Oecumenicam appellatam, præfidentibus ac subscribentibus legatis suis, approbavit? Vel quomodo id dissimulavit in responsione quam commemoras, ubi profitetur eam sibi probatam, *(ipsam suscepimus Synodum, inquit)* singulos eius apices tueretur, nec improbari posse pronuntiat, quin cæteræ sex Synodi rejiciantur? Nam de Oecumenicæ nomine apertius disputare necesse non habebat, cum ea de recapitula ad ipsum à Carolo Rege missa non contenderent. Ac ne ipsi quidem Carolini libri authores litem mouerunt de Episcoporum aut suffragiorum numero, quasi minor fuisset, quàm ut Oecumenicæ Synodo sufficeret; sed noua & inusitata ratione Oecumenicam dicendam negarunt, quòd Ecclesiæ Catholicæ decretis non consentiret; Oecumenicam fassuri, si consensisset. Vnde sic concludunt: *Vniuersalem planè eandem Synodum non cunctaremur profiteri, nisi eam vniuersalis Ecclesiæ dogmatibus sentiremus refragari.* Hæc ego, Sirmonde, hoc loco non reprehendissem, nisi vidissem tuam istam calumniam in Synodum Oecumenicam, & in Hadrianum Papam, à Calvinistis nuper Ecclesiæ obiectam tuis verbis. Quibus necesse visum est, palam obistere, ut & Ecclesiæ innocentia-cluceat, & Tomorum tuorum maculæ, quas sæpe dixi, agnoscantur, ne quem imprudentem fallant.

C. 25. fol. 3.  
C. 60. fol. 2.

L. 4. c. 18.

Le Fau-  
cheur liu. 3.  
de la Cene  
chap. 10.

## IN CAPVT VII.

*Sirmondi fraus comprobata, reiecta eius cauillatione, contemptione-  
que Patrum. Inscitia in exponendis Canonis sui Franc-  
fordiensis verbis, de Beneficiis.*

Anar.  
p. 437.

T. 122.

**I**AMPRIDEM perspectum est, te ex responsionibus meis seponere gra-  
uissima quæque, & minimè cauillationibus obnoxia; ea verò conse-  
ctari, quæ paulo leuiores videntur, captuique tuo accommodata. Sed  
illud præcipuè mirandum est, te in his ipsis corro dendis ita versari, ut  
spreta veritate, fide abiecta, de solo nomine ac fama labores; quasi fama  
stare possit, ubi fidem publicè abjicias, & impudentiam profiteare.  
Questus sum, quod è duabus in Canone Arausicano lectionibus, quas  
proposueram, ut vtram velles, eligeres; vnam, *non ut præiudicans quicquam  
dico*; alteram, *non ut præiudicantes cuiquam dicimus*; priorem arripueris, de  
altera tacueris; quasi vnica allata esset. Tam apertam verò fraudem  
tueri audes. Quo ingenio? turpiore fallacia. Dux istæ lectiones,  
inquis; vel consentiunt, vel discrepant. Si consentiunt, nihil interest vtram  
refutandam elegerim. Si discrepant, vtram aggredi potius debui, quàm in qua  
præsidium collocaras, id est in priore. Nimirum perieras, nisi sophistice  
in subsidium euocares: quæ tamen miserè te prodit. Quid enim ran-  
cido dilemmate opus? Non quæritur de lectionum illarum sensu,  
quem vnum esse constat. De ipsis vocibus quæritur, quas diuersas  
vides, num alterutrz cum cætera Canonis oratione aptè cohæreant.

Quid igitur absurdius, quàm cum duas lectiones tibi offeram, vni tantum refellendæ insistere; cum mihi abundè sit, si altera Canonì conueniat? Vel vtraque igitur refellenda fuit; vel nihil egisti. Verùm ais, te priorem aggressum, quod ego *in ea prasidium collocarim*. Falsa enim spargere, dummodo euadas, pro nihilo habes. Contra apertissimè denunciaui, me vtramque offerre, ut ea potissimum, quæ placeret, seligeretur. Priorem tantum, quia paulo inusitatiores videri poterat, dixi non abhorrere à consuetudine Conciliorum, in quibus locutiones ei similes interdum legerentur. Si cui tamen hoc minùs arrideret, non magnopere me repugnare ostendi; quia vtriusque lectio probaretur, nihil ad sensum Canonis interesset. Non ergo priorem exemplis muniui, quòd ei magis confiderem, sed quòd minus. Quam enim paulo difficiliorem vidi, confirmaui; quam exploratiorem, reliqui, ut suo se robore tueretur. Tu contra obsecutiorem illam & impeditiorem aggressus es, quòd in posteriore nihil occurreret, cui insidiarere: ita obsecutissimæ tuæ fraudes lucent ac splendent. Quod enim addis, posteriorem lectionem vitiosiorē esse, quod à vera remotior sit, hoc est à tua; probas, quod diximus, te Sophisticen, non Dialecticē, nosse, cum id quod quaeritur, pro concessio sumas; atque hoc ineptissimo vitio disputationem tuam pallim commacules.

Cæterum ut docerem, priorem illam lectionem non penitus aduersari Conciliorum consuetudini, protuli similes locos ex canonibus Sardicensibus & Africanis. Hos respondes esse imperiti cuiuspiam qui corruptus; nihil adiiciens quī probes. Itane verò? tu manuscriptos crepabis; tu sine eorum ope nihil audendum contendes; interea, si quid ex antiquissimis & probatissimis canonibus proferetur, quod tibi incommodet, corruptum esse dices ab imperitis, etsi nihil argumenti habeas? An hoc ipso responso quicquam imperitius? An minus Criticum, hoc est iudicio ingenioque tinctum? An denique superbius in venerandam Patrum antiquitatem, quæ hoc exemplo pertinacium & imperitorum contemptui subiicitur?

Sed qui ad Sardicenses & Africanos Canones contemptim respondes, ad Francfordienses expediendos totus excitaris. Tuos enim fœtus, Canones Francfordienses, quos miser peperisti, quamuis deformes ac prauos, tamen alienis, etsi spectatissimis, venustiores putas, cæcutientium matercularum simillimus. Dixi, ut tuis te telis premerem, in Canone V. Francfordiensi à te edito, postquam orationis series Concilij nomine decurrit, subito exaudiri Caroli Imperatoris vocem, nullo eius nomine præfixo, nec interrupto sermonis tenore. Tu verò clamas me dormire, estimationis meæ rationem non habere, fraudem aut mendacium dicere. Videamus igitur an non ita vigiles, ut vel à dormiente coargui possis. Negas Concilij nomine orationem decurrere ad V. Canonem, quòd Canone IV. extet decretum, non Synodi, sed regis ipsius verbis conceptum. Probas illis verbis, Et qui nostrum habet beneficium, prouideat, &c. Quæ negas conuenire cuiquam, nisi regi. O iudicium! ô peritiam! An non igitur Ecclesiæ beneficia non erant? homo Canonum & antiquitatis scientissime, ignoras tritam & peruagatam apud veteres



*Conc. Arel. IV. c. 25. Turon. III. c. 51. Mo- gunt. sub Carol. Mag. c. 42. &c. Capitul. lib. 1. c. 104. lib. 3. c. 82. l. 4. c. 39. lib. 5. c. 92. 146. 223. &c. Apud. Flod. lib. 3. c. 2.*

beneficiorum Ecclesiasticorum & secularium distinctionem; quorum in Conciliis, atque in Caroli Magni, aliorumque Imperatorum capitulis tam crebra est mentio, ut in legentium oculos incurrant? Nescis quoties scriptum sit de Ecclesiarum rebus ab Episcopis, vel Abbatibus in beneficium dandis tum Ecclesiasticis hominibus, tum laicis; imò interdum regibus? Nam Hincmarus Rhemensis Hincmarum Laudunensem Episcopum reprehendit, quòd res Ecclesiae Laudunensis *Domino regi sine meo*, inquit, *ac Coepiscoporum nostrorum consensu beneficia*st. Quod si Episcopi quibulvis hominibus, etiam regibus, beneficia de rebus Ecclesiarum dabant; an imperitiùs respondere potuisti, quàm Canonis tui verba, *Et qui nostrum habet beneficium*, soli regi convenire, ac Synodi esse non posse?

Conuicta ergo inscitia, quid opus est stolidam vociferationem castigare, qua me *dormire, multa mentiri, insanire, fucum facere, perverso animo esse*, aliaque plura insultas? Quam enim acerbiorē pœnam exigere possim, quàm ut te in turpissimis peccatis inolescere linam, & oninium sibi-  
 P. 114. bila mereri? Nisi forte illud audiendum, quod etiam mones, dici non debuisse *Carolum Imperatorem* in Canone illo loqui; quòd rex esset, nondum Imperator. Qua ratione accusandi tibi erunt, qui libros S. Augustini contra Academicos inscribunt: S. *Augustini Episcopi Hipponensis*, cùm eos scribens nondum esset Episcopus. Atque in primis Anlegiso Abbati vitio dabis, quod in præfatione libri I. Capitulariù, & in principio II. dicat, libro I. contineri capitularia de rebus Ecclesiasticis *bonae memoriae domni Karoli Magni Imperatoris Christianorum*. Quippe constat Carolum, tum cùm ea sanxit, non Imperatorem fuisse, sed regem. Itaque vides inanem hiatum, quo, non mihi, sed omnibus qui sanè scribunt, ac loquuntur, morsum impingere conaris, & vilissima argutatione communem sermonis consuetudinem, communemque sensum conuellere. Quare noli dicere te *Plausino sale*, vel *Paulino* me aspersurum. Quis enim possis, cùm sale careas?

## IN CAPVT VIII.

*Improbæ Sirmondi opinio de refecatis mutatisque de industria per Collectores Synodis & Canonibus. Vera sententia vindicata ab eius calumniis. Imprudens ac falsa illius asseneratio de Clericorum barba.*

**G**RAVEM contumeliam fieri monebam probatissimis Collecto-ribus, quod diceres, eos Patrum Canonibus, sicubi à suorum temporum usu abludere viderentur, manus afferre consueuisse, mutilare, interpolare, pervertere. Nihil enim dici poterat contumeliosius in Canones & Patres, nec quod apertius proderet quàm parui utrosque facias. Nam & collectionibus, & collectoribus, & Patribus quorum Synodos Canonesque collegerunt, summa dedecus imponis, fidemque abrogas:



Collectionibus quæ isto pacto canones continebunt nō à Patribus, sed à Collectoribus factos & corruptos; adeoque nullius vñs ac pōderis. Collectoribus; qui Synodos & Canones contra Patrum mentem inuertere ausi fuerint, & ad contrarias transferre sententias; eaque ratione nihil sibi fidei & authoritatis apud probos reliquerint. Patribus denique ipsis; quorum Concilia & decreta tam parui putes, vt cuiusvis collectoris arbitrio mutari vitarique potuerint. Quod iniurię genus nemo priuatus vlli suo scripto, quamuis leui fieri æquo animo pateretur. Itaque mirum est tam inusitatum ac perniciosum scribendi genus impune esse, ac publicè ferri; quo etiam innuitur, quicquid à præsentium temporum moribus diuersum extet in Conciliorum ac veterum scriptis, tolli abolerique posse; quandoquidem sanctissimi viri id fecisse dicantur. Ego <sup>Anar. p. 470.</sup> audacissimi erroris falsitatem redarguebam, proferens quamplurima, quæ ipsi illi Collectores, de quibus temerè garriebas, à sui æui moribus diiunctissima collegerunt. Alia rursus non pauciora in eorum collectionibus desiderari ostendebam, quæ cū ipsorum temporibus vel maximè consentirent. Ex quibus liquidissimè probabam, eos in referendis, omittendisue canonibus, temporum suorum consuetudinem non spectasse. Quid controuersia tam explorata in re superesse poterat nisi cum aduersario negotium esset, quem sicut veritatis euidentia maximam responsionis nostræ partem defugere, ita animi angustia & contentionis studium querere cogit, quod obtendat, ne siluisse ac cessisse videatur. Collectores, inquis, ea etiam colligere, quæ ab ipsorum temporibus <sup>p. 126.</sup> discrepent, non negavi. *Quod illos sape facere dixi, hoc semper atque in omnibus facere non affirmavi.* Scilicet tergiversationes à te expectabamus, non responsiones. Ego enim ex eo quod collectores non omnia prætereant quæ ab ipsorum temporibus abhorrent, sed eiusmodi quàm plurima referant, conclusi eos nulla prætermisisse, quod à suis ætatibus diffiderent. Si enim causam istam in animo habuissent, cur ex canonibus à sua ætate alienis alios reliquissent alios selegissent; cū omnium ratio eadem esset? Imò cur longè plurimis eorum susceptis, longè pauciores dimisissent? Huic conclusioni non respondes. Est enim perspicua. Sed, ea dissimulata illud tantum commemoras vnde eam duxi, collectores non omnia quæ ab æui sui moribus differrent, omisisse. Qua de re controuersia non erat. Nec enim quærebat an vlla eiusmodi omiserint; sed an propterea omiserint, quod ab ætatis suæ consuetudine differrent. Hæc igitur perspicua tergiversatio. Ne quidem illud attingis quod addidi, plurima à Collectoribus omissa, non solum quæ ipsorum temporibus dissentanea, sed etiam quæ maximè consentanea essent. Qua ratione perspicitur, eos nihil certo consilio omisisse, sed exemplaria secutos in quæ incidissent. Atque etiam fateris, propositum iis fuisse antiquiorum ætatum Canones colligere <sup>p. 126.</sup> ad superiorum temporum notitiam, quæ non inutilis futura videbatur. Quod si ita est, qua tandem mente statuisti, eos antiquiora illa rescuuisse, quod <sup>1. Anar. p. 14.</sup> inutilia indicarent nullique vsui futura; <sup>p. 126.</sup> cū fateare vtiliter proferri potuisse prolataque esse ad homines utilissima Ecclesiæ notitia instruendos? Nam quod innuis, aliquos tantum

Collectores Canones eiusmodi cum suo sæculo discōuenientes edidisse; vehementer fallis: cū in omnibus illorum voluminibus canonum istorum magna frequentia cernatur. Ex quo manifestum est, nemini eorum consilium fuisse illos prætermittere, quod ad sui æui vsum non facerent; sed iis propositis, Ecclesiasticæ temporum omnium disciplinæ seriem ob oculos statuere, vt dixi, & ipse timidè ac verecundè fateri nunc videris. Nec enim Ecclesiasticæ disciplinæ ratio probè cognosci potest, nisi rota percipiatur. Quare quicumque Canones collegerunt, operam dedere, vt quoad fieri posset, penitus omnes, etiam quorum vltus exoleuisse videretur, in conspectum ederent, vt iis spectatis omnia certius intelligerentur.

P. 117.

Anar.

p. 471.

Iam verò pugnam in meis verbis inuenisti. Scripsi enim non aliam prætermittorū interdum à Collectoribus canonum causam quærendam esse, *quàm arbitrium & incogitantiam scribarum aut compilatorum*. Compilatorum autem nomine Collectores intelligo: *Quod igitur de canonum Collectoribus nego, hoc ipsum affirmo*. Mitto, quod mea verba deprauas, quæ eiusmodi non erant, qualia refers. Sed hic penes te levis est error. Quo tandem modo de collectoribus negare tibi videor, quod affirmo? Nego videlicet Canones antiquiores ab iis præteritos ob eam rationem, quod à suæ ætatis vtu discreparent. An id ipsum verbis istis affirmo? An Canones arbitrio & incogitantia scribarum aut compilatorum præteriri, significat eos omitti quod ab illorū ætatis consuetudine dissideat? Ridiculum id quidem dictū, est, nec video quā hoc cogitare potueris, nisi cupiditate, qua qui affecti sunt, ipsi sibi somnia fingunt. Excute igitur *oscitantiam incogitantiamque* tuam: nostram ne simula: *Compilatorum* porrò nomine Collectores quosuis, vt opinaris, non intellexi; sed eos qui nullo iudicio sed impetu quodam, quasi grassatores, Canonum & Patrum dicta temerè coaceruant: quales plerisque Tomi tui dederunt. Horum, vel scribarum arbitrio temerario nimirum, & cæco, *arbitrario*, inquam, & *incogitantia scribarum & compilatorum* plerasque istiusmodi factas opinor cuiusque generis ac temporis Canonum lacerationes & prætermisiones quas inæquabilitas ipsa & inconstantia à certa ratione nulla, sed à casu profectas clamat.

P. 117.

Ibid.

Num quid amplius tricarū? etiam. Rursus enim habes quo me cōmittas mecū, pugnareq; sine aduersario doceas, huius artis callentissimus. Cū enim coniectarim, negationem Canonis Arausicano ab imperitis librariis insertam hæreseos cuiusdam fugiendæ causa; dicere non debuisse censere eos sine consilio rem egisse. Agnosco ingenij tui elegantiam. An ergo, si dicere liceat Canonem aliquem à librarijs falsa ratione vitiatum, vbi eius rei nonnulla est coniectura, sequitur dici non posse, alios ab iis temerè ac sine ratione corruptos, vbi nulla causa occurrit, qua impulsū videantur? Quis nescit eos tum prauo iudicio, emendandique fiducia; tum inconsiderantia incuriāq; sæpius lapsos. Quid ergo inscitius quàm contendere vt qui priore modo alicubi errarint, posteriore alibi errasse non potuerint? Non est igitur tuum domesticas pugnas apud alios quæ-  
rere; qui tuis obrueris.

Quanto enim aptius tibi obijcere licet, quod idem nunc dicas eruditissimos Collectores negationem Canonis Arausicano scientes ac prudentes detraxisse, ut eum ad ætatis suæ usum torquerent; idem in Epistola scripseris, sublata negatione tantam excitari in eo Canone discordiam, ut nemini cordato persuaderi possit, Patres Arausicanos tam fœdè pugnantia locutos? An igitur præclari collectores temporum suorum disciplinam fulcire voluerunt eo Canone, cui tantum absurditatis admiscuissent, ut ne secum quidem ipse consisteret? Hoc velim etiam atque etiam consideres qua ratione in posterum expedias, qui post triennium id non potuisti, cum idem in Anæretico exponerem. Anæret. p. 474.

Præterea, quæ conuenit dicere partes Canonibus ideo detractas quod posteriorum temporum usui non congruerent, cum canon Arausicanus in Concilio tuo Arelatensi II. extet multo imminutior quam apud Iuonem & Burchardum? Quæro igitur ex te, num ei tot partes sint euulsæ, quod à temporum illorum usu ac disciplina abhorrerent? Dicere id non potes; cum Synodus Arelatensis II. pauculis post Arausicanam annis sit habita. Quare fateare necesse est, quærendam aliam causam cur mutilati Canones reperiantur, quam eam quam finxisti. Can. 27.

Nam in Canone Carthaginensi ridiculè putas postquam Clerici barbas radere cœperunt, vocem *radat* à Collectoribus deletam; eumque pro certo sic legendum, *Clericus ne comam nutriat, nec barbam radat*; quod Clerici barbas olim non raderent. Hoc enim temerè probas epistola XXIV. Sidonij lib. IV. Vbi narrat Maximo ad sacerdotium prouecto *comam breuem* fuisse, *barbam prolixam*. Ex quo si consequi putas, ut ista Clericorum omnium certa solemnisque lex fuerit, auriculam vellet Sidonius idem, ac meminisse iubebit eodem libro paullo antè scriptum. Claudianum Mamertum ita vitam instituisse ut *crinem barbamque non pasceret*, de quo tamen subiicit. Epist. 11. l. 4.

*Antistes fuit ordine in secundo.*

*Fratrem fasce leuans Episcopali.*

Quem locum nunc saltem annotasse debueras, postquam in egregio ad Sidonium commentario ita præterijsti, ut ne quidem attigeris. Nam hinc profectò liquet, barbam radendi usum Clericis in Gallia liberum fuisse; Sidoniumque à te non intellectum. Ac vide quàm liberaliter tecum agam: Concedo legem quam comminisceris, veram perpetuamque in Gallia fuisse; ac si ita vis, etiam in Hispania. An hinc constabit idem iuris fuisse in Ecclesia Africana; adeoque Canonis Carthaginensi adiiciendam vocem, *radat*. Nihil minus est periti hominis, quàm sic ratiocinari. Quàm multa enim in Gallia & alibi obseruata sunt, quæ in Africa non usurpabantur? Quàm multa rursus in Africa, quæ in Gallia locum non habuere? Quid ergo leuius, quàm ex Ecclesiarum Galliarum, & Hispaniarum moribus, Ecclesiæ Africanæ ritus sine dubitatione metiri? Nam hoc etiam loco aduersariam habes Ecclesiam Romanam; quæ non solum posterioribus sæculis barbæ rasuram Clericorum insignem esse iussit; Vnde Petrus Damiani sui sæculi Episcopos sugillans, *Tanto minus*



Lib. 1. ep.  
15. ad A-  
lex. 11.  
P. 119.  
Nicol. ep.  
70.  
Lib. 8. ep.  
10. ad Indi-  
cem Caralit.

*dana vertiginis, inquit, rotantur impulsu, ut eos à secularibus barbifasum qui-  
dem diuidat, sed actio non discernat; sed & superioribus omnibus ætatibus  
idem seruauit. Nicolaum Papam fallaciter citas de radenda Clericorum  
barba cum Græcis pugnantem; cum dissimules eum profiteri consuetu-  
dinem istam perpetuam fuisse Ecclesiæ Romanæ. Quod idem apertiori-  
bus verbis docet Gregorius V II. Totius Occidentalis Ecclesiæ Clerum ab ip-  
sis fidei Christianæ primordiis barbam radendi morem tenuisse. Quæ verba in  
Anæretico tibi opposita, minus mirum est à te declinari, cum ad Sido-  
nium falsus sis te ea non intelligere. Quis ergo non rideat, te in re, in  
qua inscitiam profiteris, alios docere velle? eaque esse confidentia, ut  
Canonem Carthagenensem antiquissimis Ecclesiarum moribus con-  
gruentem, certo ac perspicue vitium pronunties, quod Ecclesiarum  
Galliæ & Hispaniæ consuetudini, tuo iudicio, minus respondeat? Huic  
enim argumentationi sic confidis, ut etiam quæras, *quanam perspicua ar-  
gumenta flagitem, si hæc perspicua non sunt?* Fateor leuitatis vanitatisque tuæ  
nulla illultriora præberi potuisse. Quanto cautius mihi assensus esses, qui  
tot rationibus motus, & antiquissimorum codicum varietate, definien-  
dum non duxi utri in vitio sint qui vocem, *radat*, adiiciunt Canoni Car-  
thagenensi, an qui adimunt. Quare prudentissimi Romani emendatores  
nihil hoc loco mutandum putarunt, Canone in decretalibus sine voce  
*radat* relicto, ut in Anæretico dixi.*

Anar.  
P. 473.

P. 129.

Anar.  
P. 473.

P. 130.

Ne quid verò condimentorum tuorum disputationi desit falsa ad-  
pergis & calumnias, *Perstas in sententia*, inquis, *& quicquid vspiam in Cano-  
num collectionibus est prætermisum aut quoquomodo immutatum, id totum librario-  
rum errori, non Collectorum iudicio vis tribui.* Non ego in sententia persto, in  
qua nunquam fui, sed tu in consuetudine frontem perfricandi. Vbi-  
nam dixi, quicquid in *canonum collectionibus* prætermisum est, totum tri-  
buendum librariorum errori. Quousque ea impones, quæ ne veri quidem  
similia sunt? Quid enim pinguius, quàm me dicere omnia quæ *canonum  
collectores* præterierint, librariorum incuria, non ipsorum iudicio præ-  
termisum; cum constet canonum propriè collectoribus propositum esse,  
ex vniuersa canonum copia aliis omissis, alios seligere? Hoc enim differunt  
à *Synodorum collectoribus*; qui, etsi non semper omnes Synodos, omnes ta-  
men cuiusque Synodi canones fideliter exhibere, Synodosque ipsas, qua-  
les sunt, proferre conantur. De istis ergo Canonum vel Synodorum præter-  
missionibus, quas à collectoribus ipsis de industria fieri, & in eorum ar-  
bitratu sitas esse manifestum est, non agebamus, ut simulas; sed de iis,  
quæ contra Patrum mentem inductæ, vel Synodos canonibus, vel cano-  
nes verbis truncant, eosque in aliam sententiã deflectunt. Tu enim hæc  
omnia à collectoribus dedita opera cōmitti censes: ego audaciam istam  
illis indignam ratus, librariorum potiùs oscitantia imputandam duxi;  
vbi nihil est quod doceat labes illas aliunde accidisse. Nam illud quoque  
veteratoriè files, me eas non librariorum tantum imprudentia tribuisse  
sed etiam integrorum exemplarium penuria. Quæ enim de mutilis co-  
dicibus sunt expressa, mirum non est mutila apud collectores reperiri.  
Quidvis denique aliud prius dici patiar, quàm ut impiam sacrorum Ec-

Anar.  
P. 471.



clesiæ monumentorum, Synodorumque & Canonum lanienam religiosissimorum probatissimorumque collectorum voluntate studio ac fâctam assentiar. Hactenus fraudes & imposturæ.

Superest ratiocinatio palmaris. Nam sicut olim Iureconsulti Imperatorum permissu veterum legum luxuriam ineptiamque castigarunt, mutarunt, correxerunt; ita singulis collectoribus liberum fuisse censet, ut Patrum canones ac Synodos suo iudicio rescarent, circumciderent, tollerent. Quod ego penè adducor, ut ab æmulo quopiam tibi subiectum putem, nō à te ipso scriptum; ita in hoc dicto absurditas cum impietate certat. Impium est Ecclesiæ Canones ac Synodos conferre cum legibus magna ex parte iniquis & pravis; quæ ob eam rem exterminandæ fuerint. Quid enim hoc est aliud quàm Ecclesiæ Synodos & Patrum decreta, iniquitatis ineptiæque dānare iurēque abolenda profiteri, sicut leges illæ prudenter ac meritò sunt extinctæ? Imò verò impiū est dictu, Ecclesiæ canones ac Synodos ex hominum voluntate pendere, velut humanas leges, eorumque arbitrio flecti ac rescindi posse. Quid enim hoc est aliud, quàm Canones & Synodos humanitūs inuentos planēque humanos dicere? Nam humanæ quidem leges ideo hominum nutui sunt subiectæ, quia humanæ sunt; & sicut hominum arbitrio primū extitere, ita eodem, cū visum fuerit, commutari possunt. At Synodi & canones à Deo, à Spiritu sancto, à Christo ipso sunt conditi. Ipse enim ait Apostolis eorumque successoribus Episcopis, ubi duo eorum aut tres in nomine ipsius congregati essent, se medium illorum fore. Quod de omnibus Episcoporum Concilijs dictum esse omnis Patrum antiquitas consentit. Ideo enim duos aut tres nominavit, ne quis Episcoporum minimus conuentus exclusus videretur. Quamobrem Græci Latinique Patres, Romanique in primis Pontifices, *divinos Canones* vocant, quippe à Spiritu sancto & Christo constitutos. Atque hoc modo in Ecclesia semper accepti & culti sunt, non ut hominum decreta, sed ut Dei; nec multo secus in honore habiti, quàm scripturæ oracula. Deum enim in vtrisque loquentem spectant, non homines per quos loqueretur. Hinc tritum illud, & apud veteres decantarum; *Divini Canones, Spiritu Dei conditi, & totius mundi reuerentia consecrati*. Quod si temporum vicissitudine ac necessitate contigerat, ut aliqui servari non possent, & in defuetudinem necessariò venirent; tamen eos amputare, vel è medio tollere non plus licitum putabant, quàm Christi præceptum de nemine per viam salutando; de non gerendis calceamentis, &c. vel Apostolorum legem de sanguine & suffocato; vel denique veteris Testamenti decreta è scripturis euellere postquam commutatis temporibus observari posse desierunt. Nihilominus enim venerabātur ac tuebantur ut divina deposita, divinæque disciplinæ reliquias, non tantū Dei honoris causa, à quo manarant; sed etiam Ecclesiæ utilitatis gratia, ut divinorum præceptorum varietatem & copiam, velut in armamentario congestam haberet, unde, pro re nata, quod ex usu esset, proferret.

Hanc verò Canonum præstantiam, atque hunc eorum perpetuum honorem à te labefactari, dum eos cum humanis legibus, quæ hominum

P. 130. 131.

Martin. 1.

ep. 5. ad Ep.

Philad.

Leo IX.

ep. 1. ad

Michael.

Constant.

&amp;c.

Iuannes

VIII. ep.

228 ad

Helmainū

Episcopum

Pēnensem.

Item ep. 129

ad Ar-

paldum

Episcopum

Tusculanū.

voluntate figuntur, ac refiguntur, æquiparas, quasi nihil diuini habeant, & sicut illæ, humani ac voluntarij sint, per indignum est Christiano homine, ne dicam antiquitatis studioso, & Conciliorum Galliarum instauratore, quibus potissimum illudis, cum ex veterum Conciliorum canonibus vix vlli sint diuiniore Gallicanis.

Nec tantum in eo impius est error tuus, quod Ecclesiarum Concilia & canones cum humanis legibus æquat, sed in eo maxime quod etiam inferius deiicit. Nam humanæ leges ea sunt eminentia, & dignitate, ut priuatorum saltem libidini non pareant, nec nisi principe auctore, defringi possint. Tu verò sanctissimas Ecclesiarum Synodos & canones eò demittis; ut infimi cuiusvis collectoris nutui subsint, qui eos, ut commodum erit, mutet, refingat, aboleat. Ut iam quotquot fuerint collectores, non Collectores dicendi sint, sed correctores, dominique Synodorum & canonum vitæ ac necis quadam potestate in eos præditi. Quid absurdius? quid incredibilius? Imò quid in Ecclesiam contumeliosius quam ut eius monimenta & decreta priuati cuiusvis arbitrio laceranda rescindendaque subdantur.

P. 157.

Nam quod tantam collectoribus licentiam *non sine Ecclesiastica auctoritate* permissam ais; edere oportebat rei insolentissimæ testes, vel vnum omnino hominem qui de ea memorarit. Nam à Concilio aliquo datam oportuit eam potestatem, non ab vno quopiam Episcopo cum eiusdem sit auctoritatis quæ legē tulerit, eam tollere, vel immutare. Sicut autem canones facere singulorum Episcoporum non est, sed totarum Synodorum; ita harum est, vel eos per se reficere, vel reficiendorum mutandorumque potestatem impertiri. Quare Synodorum decretis necesse fuerit tantum ius collectoribus mandatum esse. Nec suffecerint Synodi diocesanae, vel prouinciales; sed requirentur Oecumenicæ: quandoquidem sicut hæc solæ toti Ecclesiæ ius dicunt, ita solæ collectoribus tribuere poterint auctoritatem omnium gentium & Synodorum canones reformandi vel antiquandi. Itaque fidem hoc loco & ingenium præstes necesse est, ut exhibeas Synodum Oecumenicam, cuius decreto permissus sit Collectoribus regius iste in Canones dominatus; Gratiano in primis; qui cum vapulet, sicubi tale quid vel insciens fecit, extentque de huiusmodi eius erratis libri; atque ipse paulo ante negationis canoni Arausicano detractæ *errorem* ei obieceris, iure optimo eruditis omnibus tibi que ante omnes iniuriarum dicam scribet, quod ei vitio tribuas id quod non sine Ecclesiæ auctoritate factum confiteris: nec minus improbe mutationes prætermisionesque tanta à se auctoritate inductas erroribus annumerari dicet, quam si quis Synodorum Oecumenicarum decreta contemnat. His somniis si quid simile in meis scriptis legisses, Sirmonde, tum rectè insultares, tum iure Anticyram me remitteres.

P. 158.

P. 159.

Quare noli gloriari me tuam opinionem tibi nunquam erepturum. Duriores pœnas à te expetere non possum, quam ut ista portenta quam diutissime retineas.

## IN CAPVT IX.

*Calendarium Ianuariarum superstitiones variorum locorum ac gentium exposita. Antisiodorensis Canon à temeraria Sirmondi interpretatione vindicatus. Eius lectio restituta.*

**D**E canone Antisiodorensi magno, ut soles, animo nugari pergis. Nam primum inscite negas me *repugnare posses* quem tamen queris interpretationem tuam *absurditatis accusare*. An ergo tibi non repugnat, qui te accusat absurditatis? Nam subringi & obstrepere, quod ais, tuum est, qui vitularum & ceruulorum capita defendis, imbellium, & ad pugnam inutilium animalium. De his igitur capitibus induendis canonem Antisiodorensis, *Non licet vitula aut ceruulo facere* (sic enim edidisti) temerè à te expositum dixi; quia de animalium capitibus nulla in eo canone littera, nullum vestigium. Tu contra, ridiculum me esse hominem exclamas, qui nesciam *eum qui vniuersè aliquid vetat, omnia rei genera comprehendere*. Quæ verba non satis capio. Nam si dicis, canonem vetare vniuersè ne vllæ animalium illorum partes induantur, bis ridiculus es; semel, quod pro certo sumis, vetari Canone ne animalia induantur, de quo est controuersia; iterum, quod, ut concedam ita esse, tamen non potius dici debuerat, vetari ne capita induantur, quàm ne caudæ, vel cornua. Quod si ridiculum dictu esset, canonem Antisiodorensis his verbis, *Non licet vitula aut ceruulo facere*, prohibere ne quis animalium caudas vel cornua induat; non minus ridiculam esse necesse est interpretationem, qua vetari censes ne capita induantur, cum de capitibus nominatim nihil præceptum sit.

Sin dicere voluisti, Canonem generatim vetare ne quis vllas animalium formas suscipiat; atque hoc sensu scripsisti, *eum qui vniuersè aliquid vetat, omnia rei genera comprehendere*; hoc ita absolum atque absurdum est, ut soli oculis refelli possit. Quis enim dicat, eum qui de vitulis ac ceruulis loquitur, vniuersè loqui, & omnia animantium genera comprehendere?

De cuius rei ineptia paulo altius repetens dicam, & de Calendis Ianuariis, de quibus Antisiodorensis Canon, pauca perstringam. Nam etsi constat Christianorum nonnullos ad veterem Ethnicorum in eo die colendo superstitionem, plerisque locis olim accessisse, ut crebræ Patrum expostulationes testantur; tamen illud etià constat, & vulgi maximè hunc morem fuisse, & maximam in eo extitisse varietatem. Chrysostomus computationes tantum & comestationes notare videtur. Asterius Amasæ Episcopus etiam sternas, & pecuniarum effusiones, militumque ludos, simulantium Imperatores ac fœminas. Quæ & Trullani Patres aliqua ex parte innuere videntur. Ex quo intelligere est, superstitionem illam in Oriente eatenus stetisse, nec longius progressam. Eam enim Asterius describendam arguendamque suscepit accurata oratione.

Fff



Lib. de idol.  
c. 14.  
Serm. 17.  
Serm. 155.  
In Cal.

Lib. 1. de  
off. c. 40.  
In Libello  
de offic. rem.  
7.  
Lib. de off.  
c. 4.  
C. 9. rem. 3.  
Con.

Con. Tu-  
ron II. c. 23  
& c. 18.  
Bonifacius  
Martyr ep.  
Vid. &  
Con.  
Aurel. 4. c.  
15.  
P. 135.

P. 136.

Con. Cabi-  
lon II. c. 38  
Con. Paris.  
sub Ludov.  
& Luthar.  
lib. 1. c. 32.

Tertullianus eadem ferè, quæ à Græcis referuntur, attingit; itemq; Ambrosius. Petrus Chrysologus reprehendit cōtumeliosas simulachrorum Deorum circumuectiones, & viros muliebri cultu ornatos. Maximus Taurinensis assumptas pecudum, ferarum, portentorum varias formas; ab Ethnicis tamen, non à Christianis; à quibus Calendarum superstitionem diu antè abiectam testatur. Isidorus Hispalēsis iisdem formis pauca alia addit. Ex quo eadem sumplere iisdem penè verbis Beda, & deinceps Alcuinus. Bonifacius Episcopus Moguntinus longè alia refert, quæ sua ætate Romæ fierent; ea nimirum quæ Zacharias Papa in Romana Synodo compressit. Quorum omnium commemoratio eò pertinet, ut intelligas in tanta varietate nihil temerè de quoquam loco, provincia, gente affirmandum; nec ea quæ vsipiam facta legeris, aliò traducēda sine idoneis testibus. Quo in genere sicut grauitè paulo antè ostēdisti in canone Carthaginenti, ita idem de Antisiodorēsi facili negotio ostēditur.

Nam quòd legeras consuetudinem alibi fuisse ut Calendis Ianuariis variæ ferarum species assimularentur; idem in Gallia factum interpreta- ris, eoque Canonem Antisiodorensem trahis. At Patres Gallicani, quorum testimoniis utendum erat, nihil ea de re produnt; etsi alia Calendis Ianuariis in Gallia, eodem tempore, v̄sitata sigillatim reprehendant. Imò Canon ipse Antisiodorensis, dum *vitulam*, & *cervulum* tantum nominat, docet aliorum animalium portentorumque species locum in Gallia non habuisse. Quare quod Homiliam de Calendis Ianuariis Augustini, ut ais, nomine vulgatam objicis; primùm confirmas quod dixi, te sine idoneis testibus temerè de rebus incognitis decernere. Nam homiliam istam incerti authoris esse ipse agnoscis. Atqui rem incertam incertus author certam nunquam faciet. Deinde in Augustini voluminibus non extat. Vnde autem Homiliam de Calendis Ianuariis Augustini nomine à te editam, sicut ab Augustino, ita ab hac, quam nunc memoras, distantem. Nam verba quæ profers, in ea non leguntur. Quare vide quam dicas. Cæterum quisquis sit author, certè in iis quæ refers, ineptus est. *Quis enim sapiens, inquit, poteris credere aliquos sana esse mentis, qui cervulum facientes in ferarum se velint habitum commutare.* Imò quis sapiens inconditam orationem non videt, quæ dicat, eos qui cervulum faciant, in ferarum habitum commutari; quasi in cervulo plures ferarum sint species? Quàm facilè intelligitur, hominem non satis acutum, ea quæ alibi legerat de simulatis olim per Calendas Ianuarias ferarum formis, temerè confudisse cum cervulo Canonis Antisiodorensis, cum eius sensum minùs perspiceret; tibi que ad hunc errorem præiuisse? Nec tamen ille eius inuentor. Sumpsit enim totidem penè verbis à Pœnitentiali, quem citas, *vetere*, inquis; eoque peiore. Nam nullum est scriptorum genus à SS. Patribus grauius notatum & abiectum, quàm Pœnitentiales isti libri, quorum, ut Concilij Cabilonensis verbis utar, *ignoti authores, noti errores.* Vnde à Concilio Parisiensi per singulas diœceses conqueri iussi sunt, igneque aboleri. Tuus verò iste eò deterior, quòd penes te later, tibi que fortassis adulatur. Quare non erat belli hominis domesticis testibus aduersarium vrgerè,



lisque infamibus & damnatis : quos probus Criticus non modò sibi aduerfantes non audiet, sed ne suffragantes quidem.

Quod igitur quæris, *quò post hæc me conuertam*; animosam cæcitatem tuam demonstras. Scilicet ferarum ac portentorum formis, quas in Galliam inuhere conaris, me terrendum fugandumque sperabas. Quorum inania simulacra leui ictu disiecimus, velut qui gladio diuerberet umbras. Duobus verò scriptoribus ignotis & absurdis, quorum alter alterum secutus est, usque eò te confidere, ut nihil iis par esse posse existimes; nescio quis ignoscat, si meminerit laruos scriptores tanta verborum acerbitate à te conscissos. Quorum deinde authoritate disputationes tuas toties fundari perridiculum est. Sed ad tuendas tetras animalium ferarumque laruas, quas Synodo Antisiodorensi addere voluisti, opus erat authoribus laruatis.

Quibus omnibus iam declaratum est, non fuisse exprobrandam *aisopnoias* meam, quòd Canonem Antisiodorenssem perperam à te expositum dixi; sed *aisopnoias* tuam, quòd quæ uspiam legisti de ferarum capitibus ac formis, ea continuò in Galliam atque ad canonem Antisiodorenssem transferenda ratiocinatus es, iudicii & constantiæ immemor, ac varietatis quæ in Calendarum Ianuariarum superstitione toto orbe versata est. In quo istos imitatus videris, qui ambitione maiore quàm iudicio libros vorantes, si quid bellum ac plausibile offenderint, primo quoque loco temerè profundunt; ut dum plus cæteris scire videri volunt, nihil sapere videantur.

Ego verò iampridem videram in Notis tuis, vehementerque improbaueram & tuam istam opinionem, & Pœnitentialem, quo eam confirmabas. Cuius tamen verba paulo aliter referebas ac nunc. De qua varietate non disputo. Tantum moneo, sermonem quem S. Eligio Nouiomensi Episcopo ibi adscribis, Augustini nòmine iam olim editum, inscriptumque *de rectitudine Catholica conuersationis*, nec Eligij esse, nec omninò sermonem videri. Est enim perspicuus centq; è pluribus scriptis Augustino affictis contextus, sententiæ, vi, stylo Eligij admodum dispar; quicquid obstrepant manuscripti tui. Ex quo tamen corrigere debueras editionem tuam Canonis Antisiodorensis. Cùm enim fateare te contra manuscriptos edidisse hoc modo, *Non licet vitula aut ceruulo facere*, nihil oberat quin paululo magis immutares, litterulaque adiecta scriberes, *Non licet vitulas aut ceruulos facere*. Nam sermo iste, quo niteris, sic loquitur; & cum eo Homilia de Calendis Ianuariis, quam modò dixisti Augustini nomine vulgatam. Ac Latini sermonis ratio sic scribendum docet. Quocirca notandum dicebam editionis tuæ vitium. Quod etiam agnoscere videris, dum canonis verba esse dicis, *ceruulum facere*; malè antea editum à te esse significans. Quænam autem & qualis fuerit olim in Gallia vulgi supersticio in ceruulis vitulisque faciendis, etsi variæ coniecturæ afferri possunt, tamen prorsus non constat. Quod rectè animaduenterunt viri te prudentiores, & vanitatis puriores, Fronto Ducæus, ac Nicolaus Faber: quibus nihil temerè hoc loco definiendum visum est.

Ergo explicata altera canonis parte, de quâ contentio erat, cuius te nec verba, nec sententiam assecutum ostendimus; de altera, quam exsuperuacuo adjicis, ut tuam rerum in vulgus ignotarum certam, ut existimas, liquidamque scientiam ostentes, idem dicimus, quod de superiori. Hoc amplius: Epistolam S. Bonifacii Martyris absurdè adduci, ut doceas *beneficii* nomine in Canone Antisiodorensi *focus* aut *ferramentum* intelligi; cum Bonifacius loquatur de superstitione Romæ iis temporibus recrudescente, in Gallia autem & Germania ignota. Quod etiam comprobatur Beda eius æqualis, scribens superstitionis Calendarum Ianuariarum vix ullas sua ætate reliquias superfuisse, nisi quandam similitudinem in feris quibusdam hominibus. Id ipsum testatur Alcuinus: post quem nulla vltquam extare videtur Calendarum Ianuariarum, vanorumque illorum rituum memoria. Quare prorsus abs re accommodas canonem Antisiodorensi id quod Bonifacius Romæ duntaxat factum, in Gallia & Germania inauditum fuisse innuit; nisi si qui Roma redeuntes id in patriam renuntiassent. Multo minus id in Gallia usurpatum ait pluribus ante sæculis, cum Synodus Antisiodorensis habitata est. Nec video quid nodum in scirpo quæras, vel quid mysterii subesse velis canonis verbis, quæ planè & Latine loquuntur; *Non licet Calendis Januariis strenas diabolicas observare: sed in ipsa die sic omnia beneficia tribuantur, sicut & reliquis diebus.* Vetat enim strenas diabolicas; superstitionisque dona; omniaque munera, beneficia, commoda, sublata superstitione, eadem ratione qua aliis diebus, tribui iubet. Quid clarius? Quid simplicius? Quid diiunctius à ridiculis tuis focus & ferramentis; de quibus nihil in Gallia unquam proditum est? Itaque satis patet ne hanc quidem canonis partem tibi intellectam. Nam exclamationes tuas non queror, quibus mihi nihil, tibi plurimum incommodas; cum iis mentem obtudisse videre, ne hoc loco quicquam videres.

Ex his omnibus illud etiam cernitur, me non sine causa admonuisse, si de animalium capitibus dicere luberet, proferendum fuisse, non Antisiodorensensem canonem, sed Aurelianensem, quo reprehenduntur qui nouo quodam idololatriæ genere iurabant ad caput cuiuscumque feræ vel pecudis. Reclamas, nihil id esse ad propositum. Fateor. Ac ne ego quidem id eò suggesti, quod aptè conueniret; sed quod paulo minus ineptè, quàm Antisiodorensis Canon; qui de animalium capitibus nihil ait. De quibus cum Aurelianensis saltem loquatur, in eo obiectando minùs ineptiis.

Denique ridiculè succenses, quod aio canones, ubi animalium capita commemorant, non agere de innoxiiis tantum animalibus, ut dicebas. Negas enim te id dixisse. Cur igitur ad ipsum negando confirmas? Perpende tua verba: *Docui, inquis, Synodum, quæ innoxiorum animalium formas exprimi vetaret, multò minus immanium ferarum larnas toleraturam videri.* Annon planè dicis, Synodum innoxiorum animalium formas exprimi vetuisse; aliorum non prohibuisse, sed prohibeturam videri? nimirum si tu adfuisses. Quod idem cum in priore Antirrhethico apertius scripseris; qua mente, quo ore quereris me fingere id à te dici,

quod etiam tūc dicis, cū maximè negas? Itaque triumphā, exultā, vociferare; *Vbiq̃ue imponis, vbiq̃ue mentiris, vbiq̃ue dissimulas, fallis, calumniaris.* Nemo mirabitur stolidæ disputationi excordem epilogum, quasi dignum patellæ operculum, superimponi.

## IN CAPVT X.

*Sirmondi vitiosa editio Canonis Aurelianensis demonstrata. Reiecta fraudes. Canones LVI. Concilio Francfordiensi ab eo impositi.*

**D**E Canone X. Concilij Aurelianensis V. dicere tandem aggredieris. Sed dissimulas fraudem quam notavi, quod è duabus Canonis huius reprehensionibus, priore & grauiore tacita, alterum tantum retuleras, traductis in eam quæ ego de priore disserueram, vt vtrique respondisse videreris. Vtinam vel omnia silere, vel omnia eloqui posses. Nam dum partim files, partim loqueris, duplicis ingenij hominem te præbes. Verum quia increpationibus nostris ad rem accedere tandem aliquando coactus es, videndum vt vindices fidem editionemque tuam canonis Aurelianensis, postquam defensionem meditatus es tot annorum interuallo. Dixeram non rectè à te pronuntiari *rudem & nullius indicij Criticum*, qui editionem vulgatam canonis Arausici aduersus quatuor codices tueretur, cū tu eandem in Canone Aurelianensi aduersus quinque tuereris, leuioribus, vt opinabar, argumentis, quàm nos illam Arausici. Sic enim edidisti, *Sed cum voluntate regis, iuxta electionem Cleri ac plebis, sicut in antiquis canonibus tenetur scriptum, à Metropolitano, vel quem in vice sua premiserit, cum comprouincialibus Pontifex consecratur.* Ibi voces illas, *cum voluntate regis*, fateris abesse à tribus manuscriptis; Fronto præterea à duobus. Nihil ergo clarius reprehensione mea. Tu verò, quasi instructa acie decreturus de rerum summa, tres codicum profers classes. Quarum prima & vltima asseri ais voculas de quibus contendimus; solà mediā excludi: atque ideo te vni duas merito prætulisse. Duo ostendam, & classes istas veteratorie à te effingi: & vt veræ sinceræque essent, tibi tamen nihil prodesse. Atque vt à priore incipiam, ne in isto tuo imperatorio munere stratagemata desint, primam classem conficis è codice vno Rhemensi. Qui ne solus langueat, adjicis ei codices quos Crabbus legerat, inquis, *à quo in lucem primum edita est hæc Synodus.* Sed vnde tibi constat, Crabbum in hac Synodo plures codices habuisse? Imò verò vnde constat non descripsisse illam ex isto ipso codice Rhemensi, qui solus à te repertus est cum eius editione apertè vitiosa consentiens? Si enim antea statuisti Merlinum in edendis Conciliis vsum esse vnico Abbatis Oliuarij codice, quòd hic solus, vt aiebas, Parisiis modò inuentus sit carens negatione, quam ille omisit; quanto æquius existimauero Crabbum Synodum Aurelianensem è Rhemensi codice tuo accepisse, cū alium nullum in omni Gallia tanto studio ac tempore reperire potueris, qui Crabbianæ editionis vitia contineat?

Fff iij



Itaque levis est & iocularis prima tua acies, ad vnum codicem, quasi ad vnum militem redacta. Media nostra est. In hac enim recenset quatuor codices, qui regiae voluntatis mentionem non habeant. Quibus deinde subiungis tres tuos, ut nostros velut à fronte & à tergo circumuenias. Quid ergo opuserat strophæ, & inani duarum classium veditatione captandis imperitorum animis adornata? Nam si codicum numerum spectes, vnica nostra classis, ut à te quidem describitur, binas tuas æquat. Nobis enim quatuor codices attribuis voluntatem regis excludentes Fossatensem, Bellouacensem, Tilianum, Tolosanum: è quibus Fabrianum quem ego quintum adieceram, surripis, eundem esse asserens cum Fossatensi: qua fide, iudicent quibus illi codices notiores sunt quam mihi, præsertim cum ista ratio nunc primum tibi in mentem venerit, ne codicum numero nobis inferior videreris. Sed tamen de re, ut dixi, mihi incòperta non pugno. Sint sanè, quoniam ita lubet, quatuor tantum codices, qui mentionem regis è canone Aurelianensi tollant. Tu plures non profers qui retineant. Nomina enim Rhemensem, Lugdunensem, Anisienem, & Corbejensem. Quid ergo fuit causæ, ut, cum par utrimque codicum numerus esset, alteros alteris anteferres? Taceo enim Pithæum, quem cum ad Synodum illam sæpe laudaris, verisimile est non sine causa à te hic prætermisum. Veruntamen in pari saltem, quoquò te veritas, testium numero, quid habuisti cur in alteros magis propenderes præsertim cum in nostra parte essent Fossatensis & Tilianus adeo à te commendati, & *optima nota* prædicati? Quid igitur fuit, quod optimæ notæ codicibus spretis alios inferiores atque in his Rhemensem manifestè corruptum, secutus es? Nihil video quod afferre possis, nisi voluntatem ac libidinem tuam. Quare quod quæris *quid hic à te inconsulto factum sit*; iam intelligis nihil inconsultius fieri potuisse, quam in tantis rebus animi libidine, non ratione duci. Et quo magis id videas; addo codicum quos amplexus es, hallucinationem esse ita certam & perspicuam, ut si multò plures probatioresque essent, tamen audiri nulla ratione debuerint. Reclamant enim omnes Galliarum Synodi illis temporibus vel superioribus habitæ, atque in primis Aurelianenses, vno consensu. Nam earum de Episcopis eligendis vna est constansque sententia, iisdem propemodum verbis descripta, ut Episcopi eligantur à Clero & populo cum consensu Metropolitanorum & provincialium Episcoporum, sine regiae voluntatis mentione. Ita Synodi Aurelianenses II. III. IV. Aruernensis, & Parisiensis, aliæque plures eodem ferè tempore coactæ. Cum ergo hæc illas respiciat, & imitetur, ut patet tum aliis canonis verbis, tum hisce *sicut in antiquis canonibus tenetur scriptum*; perspicuum est eam ex superiorum Synodorum, antiquoque Patrum instituto Episcopos eligendos censuisse; adeoque regis voluntatem nullam expetiisse.

Nam superiores Synodi ita non postulant regiam voluntatem, ut eam potius excludere videantur. Quæ etiam in re, ut in aliis, eas secuta est hæc Aurelianensis. Nam Canone proximo vetat, *potentium personarum* auctoritatem in Episcoporum electionem interponi. Qui locus eam vim penes te habuit, ut fassus sis Galliarum Episcopos in hac Synodo

P. 140.

P. 141.

P. 139. 14.

In Epist.

P. 140.

C. 7. 3. 3.

C. 3.

Paris. III.

c. 8.

C. 11.

Tom. 2.

p. 634.



*pristinam electionum libertatem sartam tectā retinere voluisse. Quod si pristinā electionum libertatem incolumem retinere voluerunt, quī conuenit ut regiae voluntatis necessitatem, quā pristinæ Synodi nunquam subierant, sibi imposuerint? Satis igitur constat te mendosam subdititiamque lectionem falsorum codicum testimonio malè retinuisse; qua mente, non quæro. Illud quidem errorem apertè arguebat, quod diceret, Episcopum consecrandum cum voluntate regis, iuxta electionem cleri ac plebis, sicut in antiquis canonibus tenetur scriptum. Quibus enim in canonibus vnumquam scriptum erat Episcopum eligendum cum voluntate regis? Quapropter si nulli codices lectionem tuam reprehenderent; si omnes assentirentur; tamen ipsis canonis verbis manifestè repelleretur; nec ad eam tuendam ullæ codicum classēs, licet veriores plenioresque quā ostentasti, peritum quemquam mouerent.*

Hæc de priore ac præcipua controuersia parte, quam non sine causa ut nunc apparet, tam diu fugisti. Videamus quæ sint in altera. Arguebam, quod sicut regiam voluntatem Canon Aurelianensi perperam adieceras, ita *Cleri ac plebis consensum* trium codicum auctoritate detrahere videreris, atque in his Tiliiani; in quo tamen ea verba inesse Fronto testatus est. Respondes, è gemina Cleri ac plebis mentione, quæ in Suriana editione extabat, Frontonem dixisse, alteram haberi in Codice Tiliiano; te non negasse. Fateor verbo non negasse: at silentio negasti. Nam cum editio tua vnicam cleri ac plebis mentionem habeat; nonne hanc authore Codice Tiliiano, & aliis expungens eam è canone funditus tollere & nusquam relinquere visus es? Nemo aliud suspicetur. At non negasti Codicem Tilianum & alios plebis mentionem alio loco habere. Igitur fefellisti. Cur enim tacuisti id quod, te silente, nemo diuinare poterat; nisi lectorem in errorem inducere velles, ut nullam Cleri ac plebis mentionem in tribus codicibus inesse opinaretur? Nouimus enim quo sis animo in antiquissimas Cleri ac plebis electiones. Id ergo quod Cleri ac plebis mentioni aduersabatur, commemorans; id quod fauebat, silens, planè insidias lectori fecisti; & perpetuum librorum omnium in Cleri ac plebis electione asserenda, consensum frangere ac debilitare conatus es. Et tamen, si superis placet, vitilirationem nostram hūc accusas, quia videlicet tuam cernimus, teque Tiliiani codicis verba, quæ Cleri ac plebis mentionem continent, exhibere tandem cōgimus. Quæ si tua sponte professus esses, nihil fuisset quod technam accusarem, qua ea compressisti. At nunc demum ea proferens, meritiſsimam reprehensionem non effugies, quod expostulationibus nostris ea tibi extorqueri sis passus. Hac enim ratione confirmas quod diximus, tibi in animo fuisse ea subducere, si nemo obstitisset.

At verò vicem reddere gestis, geminaque in *Vindicijs nostris* longè grauioris *admonere*. Magnum aliquid esse oportet, quod è *Vindiciarum* nostrarum voluminibus tanti ingenij aciem potissimum ferierit. Audiamus. Videlicet ais, me Ruperti Tuitiensis verba Pontificale exponentis ipsi Pontificali tribuisse: O scelus! ò nefas! vituperandas ergo *Vindicias* nostras, an commendandas suscepisti; cum proficere nihil eis

Lib. 5. de  
div. off. c. 16.

nisi futile objici posse? Ergo ad nugatoriam accusationem, post quàm grauiorem metui, solutiore animo respondeo; primùm, satis alienam esse, ac longiùs petitam. Deinde, me locum retulisse quemadmodum apud Rupertum inueni; nec de friuolo scripto amplius laborandum putasse. Verba enim illa apud Rupertum coniunctim cum Pontificalis verbis, & sine vllò discrimine sunt scripta. Quì porrò tibi exploratum est, Pontificalis codices, quibus Rupertus vti est, omnia ea verba non habuisse?

P. 144.

Altera culpa est, me *Emanueli Sao* falsam sententiam adscribere. Quam tandem? Nempe eam quæ *Soaresij* est, magistri orbis. Magnum verò crimen magistri sententiam discipulo tradi. Nihil igitur *Sao* indignum feci: præsertim cùm id quod dixi, illius libro ita intextum, eiusque verbis adeo permistum sit, vt nemo suspicari queat alterius esse. Hoc enim in prima tantùm libri pagella indicatur. Mihi autem cùm istiusmodi libros arripio, fateor dignos non videri quos tanto studio vndique perlustrem. Quare eorum potius culpa fuerit, qui *Notas Sao* insertas apertius non discreuerunt. Mihi satis est, opus ipsum, quale est *Prouincialis societatis præfecti* testimonio probatum. Ita enim nemini sodalium, cui sententiæ illæ obijciantur, fit iniuria. Nec tu id questus esses, nisi metuisses ne tibi opponerem verba ibidem paulo superius scripta: *Chrisma esse omnino necessarium ad Sacramentum Confirmationis, est de fide.* Quam tamen censuram, vt vides, non effugisti.

Tom. II.

Extant post  
opera Al-  
cuius Pari-  
sij edita  
an. 1617.

Quoniam ergo *Vindiciarum* nostrarum oras, ac velut fimbrias, frustra carpisti; videamus num ego cumulationi munere de *Synodorum* tuarum visceribus sumpto, remunerari te possim. Non enim vni homini sed toti *Synodo Francfordiensi*, hoc est omnibus *Galliarum, Italiarum & Germaniarum* Episcopis, canones non suos subiecisti, &, quod verè dicere liceat, à te confictos. Nam etsi non à te primùm editi sunt vt simulacra; tamen canonum nomen à te primùm acceperunt, contra codicum auctoritatem, & contra ipsam rem. Nullus enim codex ea capitula canonum nomine ornauit: quippe quæ narrationi articulatim digestæ similia sint, quàm canonibus. Plurimi enim nihil statuunt, nihil decernunt; sed tantùm narrant. Quare qui antea ediderunt, *Synodi acta* iis contineri existimarunt, non canones; maximè is qui duo prima capitula in *Ecclesiæ contumeliam* superiori sæculo in *Germania* primus vulgavit: Hic enim illa disertè *Acta* nominat. Cùm ergo ex eodem codice te ea descripsisse dicas; prodixisti te canonum nomen illic non inuenisse, sed arbitrati tuo esse commentum. Illud etiam audax facinus, quòd cùm fateare nullum codicem à te repertum in quo capitula ista copulenter cum *Synodo Francfordiensi*, tamen ea illi asserere, & canonum loco inculcare non dubitasti. Itaque duplici alligasti te impostura, canones faciens, quos nemo canones dixit; & *Synodo Francfordiensi* sine auctore adiiciens. Nā manuscripti ne titulum quidem habent, qui doceat hæc capitula ad *Synodum Francfordiensem* vel omnino vllā pertinere. Sine titulo enim nuda capitula in ijs extare indicant, qui hætenus commemorarunt. Vnde ergo constat esse *Synodi vllius partem*, ac non excerptum commentariumue

In Prefat.  
lib. Carol.  
In Notis  
tom. II.

priuata industria ab aliquo confectū, sine vllō Synodi pariedæ consilio. Hoc enim priuatus ille, quisquis fuit, docet non obscure, dum Synodi Francfordiensis præsules Patres suos vocat: *Qui supra sanctissimi Patres nostri, &c.* Quæ patet verba esse non Synodi de seipsa, sed inferioris de Synodo. Quin etiam plerique nudi tituli sunt, vt XXXIV. XXXV. XXXVII. & alij. Titulos autem pro canonibus venditare cui vnquam licuit? Rerum potius summulas esse patet è variis locis collectas. Accedit collectionis istius capita obscura esse, barbara, incondita, infulsa, omnique ratione tantæ Synodi nomine indigna. Nam & pleraque principem loquentem referunt. Atque ipse falsus es canonis IV. & aliorum verba ita Caroli Magni esse, vt Synodo non conueniant. Quis ergo pro canonibus habeat, quæ principis, non Synodi sint voces: ac Synodo ne quidem conueniant? Denique vt innumera præteream, secundus istorum canonum mendacem fingit Synodum Francfordiensem; dum narrat Græcos Synodum pro imaginibus *Constantinopoli fecisse*. Quæ nunquam facta est. Nam Constantinopoli Synodus habita fuit non pro imaginibus, sed contra imagines. Pro imaginibus autem Nicæ habitam constat. Hoc verò mendum quis cadere putet in Synodum Francfordiensem, cui præerant Hadriani Papæ legati; à quibus ipsa Synodi Nicænæ acta eò allata, Synodoque proposita dicuntur? Quare libri Caroli Magni nomine aduersus imagines scripti, Synodum illam Nicænam perspicuè appellant. Quis ergo tam splendidum mendacium Concilio Francfordiensi tribuendum opinetur? Nisi forte audienda est interpretatio, qua vlcus istud sanas. Synodum enim Nicænam factam dicis *Constantinopoli*, hoc est *ab Imperatoribus Constantinopolitanis*. Itaque Constantinopolis, & Imperatores Constantinopolitani tibi idem sunt; & quicquid ab Imperatoribus Constantinopolitanis vsquam gentium factum erit, Constantinopoli factum dices. Tacere satius est, quàm tam absurdè augurari. Mitto Imperatorum Constantinopolitanorum nomen Concilij Francfordiensis temporibus, ne natum quidem videri; sed primùm extitisse postquam alter Romanorum Imperator in Occidente à Latinis constitutus est. Tam egregiæ verò interpretationis elegantiam non peperisti ipse, sed ab Ecclesiæ aduersario, librorum Carolinorum primo in Germania editore, sumpisti. Is enim stolidæ capituli istius aberrationi à Synodo Francfordiensi alienissimæ, hac arte mederi conatus est; quam credendum non erat, eum qui Conciliorum Galliæ post viginti annorum cunctationem instaurator videri vellet, ab eo disciturum. Sed quia illi à te acceperunt, quod Ecclesiæ obijciant, vt antè ostendimus, par erat, vt tu vicissim ab iis sumeres, quo dedecorare tueare quæ Conciliis & Ecclesiæ imponis. Ita enim commercij vestri ratio vtrimque constabit.

Itaque vides, Sirmonde, frustra te aliunde maculas quærere, quas domi habeas; Vindiciisque nostris vnā aut alteram sententiam leuissimis authoribus affectam exprobrare, cū celeberrimo Concilio è tot Episcopis, præsentē Carolō Magno, præsidentibus sedis Apostolicæ legatis, collecto canones LVI. ineptissimos mira vanitate primus mor-

In Pref.

In Not.

In Pref.



talium nullo authore adscripseris. Quod idem cum commiseris in Synodum Arelatensem II. cui canonum auctarium ab ea diiunctissimum, & cum eius temporibus pugnans adiecisse te arguimus in Anæretico; idque Antirrheticus tuus silentio fatetur; nec enim hac de re hiscere ausus es; non est dubium quid sentiendum sit de accuratissima Conciliorum tuorum collectione, in qua multo grauiora latent, quæ tandem proferentur.

## IN CAPVT XI.

*Frontonem Ducaum de Canonis Arausici lectione cum Sirmondo dissensisse. Mira ea in re Sirmondi versutia. Ridicula de vocula semel, ac de pariculo dissertationes. Perpetua ἀσυνλογισία.*

*In Respon.  
Anæret. 377.*

*J. Antir.  
P. 30.*

*P. 145.*

**G**EMINO Argumento docui Frontonem tecum non sentire. Vel enim codices quos vidit, negationem canonis Arausici adjectam habuisse; & ab eo reiectos, cum in notis nihil mutandum censuerit: vel non habuisse; & à te falsò asseueratum eam in illis extare. Priori ratione iudicium illius à tuo discrepat; posteriore fides. Quid tu ad hanc lucem? Priorem partem fugis: solam posteriorem persequeris; quasi eam solam attulisses. Quid igitur apertius, quàm quod toties dixi, te id vnum agere, vt quæras quod obturbes, non vt veritatem expedias? Quamquam nihil iam opus de priore illa parte contendere. Nam & hîc files; & alibi nihil aliud excogitare potuisti, ne Fronto codicum negationem vitiosam iudicasse videatur, quàm eam illius oculos fugisse. Maluisti quippe imprudentiam indiligentiamque socio ascribere, quàm fateri eum sententiam tuam non probasse. Quæ ratio cum tota pertinaciæ sit, & fraternæ pietati non conueniat, perinde accipienda est, quasi non habueris quod diceres, & rem apertè fateri erubueris. Hoc igitur constituto superuacanea est reliqua capitis huius litigatio. Quid enim aliud de Frontone agebam, quàm cum quoquomodo tecum dissensisse? Quæ maior autem dissensio, quàm si codicum tuorum negationem præterijt, vt mendosam, vulgatæ quæ lectioni suffragatus est? Quare quæ deinceps altercaris, aliena iam sunt, nec pertinent nisi ad referendum loquacem & ἀμύγητον istum Therfitem, quem narras. Qui tamen quoniam insolenti quadam ferocia inuehitur, vt imperitorum animos conturbet, paucis coercendus est.

De posteriori ergo orationis nostræ parte, rursus ea canis, quæ semel sunt depulsa. Pergis enim affirmare Fabrianum codicem, quo Fronto usus est, mutilum fuisse, & primis octo Concilij Arausici canonibus caruisse. Primum quid ad rem, cum Tilianus saltem, quo etiam usus est, integer fuerit? Quid de altero tricaris, cum alterum plenum ac solidum fuisse fateare? Nonne satis erat, negationem extare in Tiliano codice, vt eam Fronto restitueret, si probandam existimasset? Tergiuersatio



igitur est apertissima: in qua audacias, petulantiasque iactare, quibus paginas imple, parui animi est, & pravi.

Deinde, si Fabrianus Frontonis codex nunc lacer est, qui sequitur tum cum Fronto usus est, lacerum fuisse? An postea lacerari non potuit? *Anar. p. 371.* Hanc quoque rationem dissimulas, qua docuimus te de Frontonis codicibus temerè vaticinari.

Porro autem quis semiplenos ac mutilos codices Frontoni à Fabro traditos credat, cum necesse foret plura in iis defuisse? Fronto autem omnes Galliarum Synodos ab Arelatensi ad Arausicanam Fabriani codicis auctoritate recenscat? Hæc verò ratio aperta & simplex, tibi, pro tua sinceritate, cauillatio videtur omnibus conuitiis & imposturis expianda. Simulas enim me dicere, *Frontonem quotiescumque Fabrianum codicem nominat, vnum atque eundem semper intelligere.* Quod à me nusquam dictum reperietur. Fabrianum codicem nominavi, sicut ipse Fronto; nihil laborans vnicus an multiplex fuerit. Quod si quia *codicem* appellavi, vnicum à me dictum interpretaris; & Fronto igitur, & tu ipse, qui eodem modo appellas, vnicum dixisti. Veruntamen qua ratione probas Frontonem à Fabro codices plures vno habuisse? Prorsus nulla. Nonne igitur indignum, te ob eam rem, quam non probes, lasciuire, vociferari, maledicere? Atqui ego coniectura ducor ut existimem Frontonem plures Conciliorum codices à Fabro non accepisse. Nam interdum contigisset easdem Synodos in diuersis codicibus reperiri: è quibus variaz lectiones depromptæ essent. At Fronto nusquam plures Fabri codices nominat, sed perpetuò Fabri codicem. Quamquam hac de re, ut voles. Nihil enim impedio: cum ad controuersiam nostram nihil interfit.

Falsum etiam illud, me arbitrari Synodos sicut in vulgatis codicibus ita in manuscriptis ordine dispositas. Tua sunt hæc figmenta, imò pig- *Ibid.* menta, quibus inutilissimis disputationibus & conuitijs colorem addere studes. Ego horum expers, simpliciter dixi omnes Synodos à prima Arelatensi, in qua Conciliorum Galliarum caput constituisti, usque ad Arausicanam Fabriani codicis nomine à Frontone recognitas; ideoque nihil loci esse de mutilo & acephalo codice calumniandi. Ita enim constat vel Frontonem eo non usum, vel alium integrum & cumulatam habuisse, in quo omnes illarum Synodi continerentur. Quid porro ea de re diutius *P. 141.* obtrectas, cum præsto sit luculentissima tua confessio? Nā superius affirmasti codicem, qui à Frontone Fabrianus dicitur, ipsum esse quem Fossatensem vocas. Cum ergo Fossatensem integrum esse fateare, qua fronte Fabrianum Frontonis codicem integrum fuisse acerrimè vehementissimèque inficiaris? Quis animum, quis cōsiliū tuum non miretur in audacissimis asseuerationibus, quæ tu opte indicio coarguuntur? Et tamen quasi hæc fraus parua sit, turpiorem adiungis. Cum enim fatear Frontonem habuisse Fabrianum codicem, quem Fossatensem dicis, tamen illo usum negas: *Non hoc usus est Fronto,* inquis. O pertinaciā! *P. 142.* O ingenium! Quorsum, quæso, habuit, nisi ut vteretur? At superius de codice illo agens: *Vendum,* inquebas, à Nicolao Fabro acceperat. An ergo *P. 141.*

Ibid.

utendum accēperat, & non utebatur? Quid, quod ibidem vsum addidisti, eumque commemorasse ad canonem X. Concilij Aurelianensis V. Quid ergo religionis aut fidei in verbis tuis? Quis non horreat veteratorem mentem, qua simulaste depellere alienas fraudes, ut tuis viam sternas? Nisi forte credi iubes Frontonem, cum duos à fabro codices haberet, alterum integrum alterum acephalum, integro ad Synodum Aurelianensem utendum censuisse, solo mutilo ad Arausicanam; nempe ne nihil tibi relinqueret quod diceres in absurdissimæ disputationis angustiis. Nonne pudendum, esse qui cum naniis commentisque adeo pinguibus in publicum prodire audeat, & eruditissimorum hominum patientia abuti?

P. 147.  
148.Aner.  
p. 371.

Quid dicam, quod etiam ais me sic ratiocinari; *Sirmondus Fabri librum nuper retulit, ergo illum Fronto penes se habuit, quamdiu vixit.* Hæc impostura, si cum aliis conferas, leuior est; sed tamen apertissima. Quis enim ratiocinationem istam ingenij tui esse non agnoscit, vel ipsa insultat? Ego tales scætus non edo. Planè narraui, quod acceperam, codicem illum penes Frontonem fuisse quoad vixit, eoque mortuo à te ad Thuanam bibliothecam relatum. Quæ de re, si tu certiora nosti, vel si minorem aliis quàm tibi fidem vis haberi, qui toties fefellisti, ut ne quidem si vera prædices, audiendus videare; tamen non erat, hominis qui se humanum videri cupit, hoc de re leuissima erratum, quodcumque demum esset, ita inhumaniter urgere, ut acerbissima nomina congereres *mendaciorum, inertiarum, pernicaciarum*, & alia quæ mirifica tua in hoc genere loquacitas profudit.

P. 147.  
148.

P. 148.

Sed qui absurdissimam ratiocinationem mihi commentus es, nihilo meliorem tibi ipsi, Deo vindice, sumpisti. Probas enim Fabri codicem, quo Fronto usus est ad Synodum Arausicanam, caruisse primis octo canonibus, quia in his illum non nominat, sed solum Tilianum: Quæ ratio si valeat, efficies codicem eundem Fabrianum non modò primis octo canonibus caruisse, sed etiam posterioribus septem; cum Fronto Codicis Fabriani mentionem primùm faciat canone XVI. Quod si tacitos præterire potuit septem posteriores canones, etsi in Fabri codice, quo utebatur, extabant, quidni & priores octo? Rationem, si quæris, à te ipso proferre licet. Scribis enim primos canones Concilij Arausicani, qui in integro Fabri libro extant, *cum Tiliano codice omnino consentire.* Statue igitur hanc Frontoni causam fuisse, cur commemorato codice Tiliano, alterius, in quo, etsi integro, nihil peculiare inesset, mentionem habendam non putarit. Actum est de Dialectica tua Nunc audi de Grammatica. Est enim repuerascendum cum sene.

Ibid.

P. 148. 149.

Contendis, voculam *semel*, in canone tuo valere *vnà & non diuisim.* Quam ineptiam ut omnes videant, audiantur illius verba: *Nullus ministrorum qui baptizandi recipit officium, sine chrismate vsquam debet progredi; quia inter nos placuit semel chrismari.* Horum verborum, te interprete, hæc est sententia: Nullus ministrorum sine chrismate progrediatur, quia iubemus vnà & non diuisim chrismari. Nihil insultius. Nec minus ridiculum quod nunc addis, Synodum iubere chrismationem iungi cum baptismo,

ptismo, non in aliud tempus differri. Quis enim ita accipiat illud. *Placuit semel chrismani*; hoc est, chrismationem in aliud tempus non differri, sed coniunctim fieri in baptismo? An extra baptismum alio tempore semel fieri non poterat? Rectè ergo dixi Oedipo coniectore opus esse, ut hic sensus è verbis illis eruatur. At *semel* significat *simul*. Significet. Tamen absque erit oratio: Nullus ministrorum qui baptizandi recipit officium sine chrismate usquam progrediatur, quia inter nos placuit simul chrismani. Quis verò author est *semel* significare *simul*; Cicero, Virgilius, Seruius, Martialis. An ergo canonum voces, quæ simplices & vltimatissimæ esse solent, ex reconditis Latinitatis & Grammaticorum deliciis spectandæ erunt? Nemo id probet, nisi Grammaticus. Veruntamen quid ait Cicero? *Mihi binæ litteræ semel redditæ sunt*. Ut ergo vim vocis *semel* hoc loco videas, pro *binæ*, scribe *vnæ*; hoc modo, *Mihi vnæ litteræ semel redditæ sunt*. An hic censebis *semel* significare *simul*? Ferulam merberis, si dicas. Fateare igitur te voculæ huius significationem aliarum coniunctione obscurasse. Quinetiam ferunt plures codices *simul* habere non *semel*. Quare dubia lectione abuti non debuisti. Illud verò Virgilianum, *humum semel ore momordit*, quo consilio affers? An exponendum putas, *humum ore momordit vnæ & non diuisim*? Nam quod Seruius *semel* interpretatus est *cito*, *confestim*; quid te adiuuat? Num cito & confestim, idem est ac *simul*? Vndique igitur fluctuas. Nec verò apud Martia-

P. 149. in l. 3. ep. 3. ad Ant.

P. 150. ex Ant. XI.

Ibid.

P. 149.

P. 150.

lem, *Huic percussa foret tota chimæra semel*, quisquam intelligendum fatebitur *simul tota vno ictu*, ut censes. Quid enim dictu ineptius, quàm vnun ictum omnia chimære membra simul ac non diuisim attigisse? Quantò planior expositio, eam totam semel tantum percutiendo interfectam, seu lethali vulnere ictam, quo omnes eius naturæ tandem extinguerentur? Est enim notissimum, ac frequens ut *semel* significet *semel tantum*; quemadmodum Poëta nescio quis ait de virginitate, nulla reparabilis arte, *deperit illa semel*. Ita nihil est loci tuo *simul*. Nec verò Grammaticum quemquam esse puto qui *semel* pro *simul* vnquā acceperit. Nisi forte ceterorum omnium decreta tibi Archigrammatico rescindere licet. Quod ergo consulere iubes thesaurum linguæ Latinæ, qui me causam doceat cur *semel* significet *simul* ac non *diuisim*, quia nimirum quod *semel* fit, diuisionem non recipit. Nec thesaurum istum noui; nec causam capio. Vellem planius, exposuisses. An enim dicis ea quæ *semel* fiunt, diuidi non posse? Non opinor. Quàm multa enim *semel* fiunt, quæ iterum ac sæpius fieri, & locis ac temporibus diuidi possunt? Oratio *semel* recitata, nonne iterum ac sæpius, pluribusque locis ac temporibus recitari ac diuidi potest? Vide igitur quid dicas; & thesaurum istum in animo tuo abstrulum nobis benignius exprome. Fac etiam explices quod minaris, me, si tibi diutius obstitero, *imperitum & peruicacem simul ac semel dicendum*. Cuius dictorii aculeum fateor me non videre. Si enim ex tua norma interpretemur; certè ais, me *imperitum* ac *peruicacem* esse *simul ac simul*. Hæc ego ineptias excutiendas putavi, non quò dignæ sint vel Theologica, quam suscepimus, disputatione, vel ætate tua: sed ut doceam te in nugatorio isto ipso litterularum genere, in quo tibi aliquid videris, nihil esse; eoque



longiùs à violanda Ecclesiæ doctrina te repellam.

Antir. I.  
P. 19.

Aner.  
P. 365.

P. 152.

Aner.  
P. 474.

P. 151.  
152.

Postremò, ne quod absurditatis specimen Antirrhethico desit, ridiculam & extra modum insulsam de Concilio Teleptensi argutationem tueri contendis. Probabas, grauem esse oportere manuscriptorum auctoritatem, propterea quod Cardinalis Baronius & Binius Concilium quod in vulgatis Telenſe dicebatur, rectè coniecerint appellandum Teleptense. Ego exhibilandum dixi, qui ab emendatione, quam fate-retur coniecturâ factam, manuscriptorum commendationem duceret. Non enim manuscripta, sed coniecturas ea ratione commendari. Nunc verò apertam, ut per se apparet, insulſitatem, alia nihilo obscuriore confirmas. Respondes enim, Baronium secutum esse, non solum coniecturam, sed etiam manuscriptos. Quis testis? Nemo. Atque adeò Baronius ipse ait se spectasse, non manuscriptos, sed Concilij Mileuitani & aliorum subscriptiones; quæ in vulgatis videntur. Ergo hæc quoque manifesta absurditas. Tertiam, ne quid ad numeri perfectionem desit, adiungis. Probas enim Baronium in emendatione illa manuscriptis simul & coniectura vsum esse, quia tu id feceris in Codice Theodosiano, in lege ipsa Theodosiana, in Cicerone, in Emilio Probo; in quibus *pariculum pro periculo* ex manuscriptis simul & coniectura rectè repositum esse longo sermone fabularis. O senem, huius nominis immemorem! Qui per tot labeſ quærere non dubitauit ubi nugæ suas proferret, earumque ostentandarum studio, prudentiæ, rationis, ingenij iacturam facere? Quis enim de iudicio tuo commodè sentiat, cum tot patergæ ineptæ, frigida, longè petita, absurdissimis rationibus in orationem tuam, velut obrorto collo, toties intrudas? Adeone non modò inops es, sed etiam læuus & infelix, ut ne nugæ quidem, nisi coactas & intempestiuas edere possis, ac tot aliis accersitas, ut meritò dubitetur sterilior earum sis, an fecundior? Quanto præstitit manuscriptos, coniecturasque omnes etiam tuis meliores, abiicere, potiusque de periculo, quàm de pariculo cogitare? De quo ut fatear te feliciter coniectasse, nec audacia ambitioneque lapsum; quid aliud profeceris, quàm ut, quod sæpè dixi, ad rimandas voculas litterulasque factus, & in disputatione Theologica Grammatici nomen assecutus videare?

## IN CAPVT XII.

*Sirmondi epilogus tautologus, antilogus, intestinis pugnis, & ineptijs insignis; verum denique Antirrhethici breuiarium. Admonitio ad Sirmondum ut silentium diu æbitum, tandem persoluat, si possit.*

**V**ENTVM est aliquando ad epilogum. Quem ego quidem, utcumque à te contextus est, aspicio velut portum, & ingratiſſimi laboris leuamen. Quem enim non tædeat cum erroribus, audacijs, tricis offuciisque tuis luctari, laruasque omnibus quas obijcis retiores;



debellare! Itaque hoc nomine epilogum tuum amo, mihi que felicem interpretor: etsi omnia vitia & conuitia, quæ antè sparsisti, in eo colligere ac repræsentare videare. Nam quæ tria in Antirrhethico dominantur, audacia, ingenij imbecillitas, violentia; ea in hoc epilogo certatim eminent. Audacia, quod in rebus perspicuè falsis conuictis que exultas; Ingenij imbecillitas, quod me insectando, te obruis; violentia, quod ubi omnibus præsidis te defici vides, terrorem ac vim denuncias. *Re- P. 153.*  
*pulsa & reiecta sunt omnia, inquis, quæ tanto apparatu instruxeras: At superius prædixisti, te omnia non persecuturum: Nec tamen omnia, inquebas, P. 71.*  
*persequi est consilium: Ac fallus es te plurima præterisse, eiusque rei veniam petiisti: Noli, inquis, expostulare, quod plurima prætermisi. Quænam Ibid.*  
 igitur est confidentia ista, ut quod te non facturum monuisti, quod etiam confessus es te non fecisse, id tamen te fecisse ad extremum gloriari? Ac ne parum sit tam audaci oratione frontem semel fœdasse, rursus ingeminas, & ad expressiorem inuerecundia effigiem, omnes petitiones obiectionesque nostras à te singulatim repultas esse pronuncias: *Nulla fuit incurfus tua, inquis, nullus impetus nulla impressio, quæ non tuam P. 154.*  
*potius inertiam & ignauiam, fraudes, effugia, cauillationes & calumnias, & ουδὲν 154.*  
*πιστὸν denique temeritatemque tuam patefeceris. Quanto satius erat istum animi feruorem relinguere, si posses, & quid diceres, videre? Quis enim sobrius prædicaret te singula reuicisse, quæ plurima prætermisisse dixisset, aut in eo gloriam quæreret, in quo veniam paulo antè petiisset? Sint hæc improvidæ audaciæ tuæ. Illud ingenij parum acuti, quod Anæreticum sicarium appellas. Quis enim miretur, postquã Antirrheticum tuum ipse carnificem dixisti? Quod verò eo non contentus, etiam P. 151.*  
*parricidam facis, turpius erras. Exsicario, inquis, factus est parricida: tua P. 72.*  
*P. 153.*  
 nimirum industria, qui eius ferrum in nos conuerteris. Nempe igitur dicis in societate tua, atque in Collegio Claromôtano parricidia doceri. Cæterum Anæretici nostri arma non modò in quemquam alium, sed ne in te quidem feruntur. Tuas tantùm hæreses, ut nomen ipsum innuit tuaque vitia petunt; quæ funditus sustulere, si minùs ex animo tuo, certè ex aliorum opinione ac fama. Antirrheticorum tuorum ista est, quam exprobras, acerbitas. Nam à re abeuntes, in qua nihil nisi dedecus experiuntur, personam semper appetunt, in eam anhelant, ut leuissimas absurdissimasque disputationes maledictis, probris, violentiaque compensent. Quid enim in eo genere omitteres, si nomen meum edidissem cum, illo ignoto, acerrimis in eos quos sola suspicione adumbras, contumeliis ac minis temperare non possis? In quo doleo equidem quod spectatissimi homines petulantia tuæ mea causa subiiciuntur. Verùm illud solatio est, quòd omnium iudicio plus te, quàm illos fœdas, & nemo personam nostram sibi turpem adhuc putauit. Non fuimus cuiquam indecores. Atque in hoc nobis concedas necesse est. Nam Antirrheticorum tuorum labes, sicut ex omni superiore memoria nemo concepit, ita neminem toto orbe Catholico facilè reperies, qui suas dici velit. Quas cumque igitur larvas nobis imponas, ea fronte tua pulchriores sunt, ac minùs homines absterrent. Me Orthodoxum, veritatis amato-

P. 154.

P. 154.

156. 157.

P. 156.

P. 154. 156.

P. 155.

Ibid.

P. 154.

rem ac vindicem omnes agnoscunt, & probant. Tibi ne sodales quidem id testimonij dare audent; imò coryphæorum suorum voce heterodoxum, hæresumque defensorem fatentur. Qua larua nulla turpior est, nec religioso, præbytero, seni, eruditi nomen appetenti, inhonestior. Itaque vides nihil fuisse causæ cur de laruis rursus diceres, quibus magis infantiam tuam, & epilogi conficiendi inscitiam tegis, quàm ego nomen meum. Nisi fortè necesse fuit nobis afferre consultationem tuam, vtrum eas in posterum deponere, an retinere expediat. *Quid à me consilij nunc expectas?* inquis. Egone? Prorsus nihil. Quid enim intelligere cum credam, qui consilia sua ab eo desiderari putet, quem inimicissimè procacissimèque conscindit? Nam etiam sapius insanum vocas: cui hominum generi consultoribus opus esse nemo sanus arbitratur. Quid quod consilia præbes cum tuis dictis factisque pugnantia? Suades enim ut nomen celare pergam: quam rem toties exprobraſti, ut summum crimen. Nam quod à nobis ea commissa esse ais, ut famæ nostræ metuum sit, si agnoscamur, latereque ac nomen tegere expediat; An ea religione, ut censeas, famæ tuendæ causâ flagitia fieri posse, quæ ipse damnasti? O consiliarium senem quidem, sed senatu indignum! Quam obrem non est quod te vexes, Sirmonde. Nemo te Aurelij famæ consulere credit; & in tuto sunt res nostræ. Quæ tu horres, quæ formidas, quæ nobis metuis, ea præstantissimi toto orbe homines honori & gloriæ ducunt, plusque iis laudis & commendationis sententiis suis attulerunt, quàm vllæ tuæ tuorumque calumniæ vnquam eripient. Quare serua aliis consultoribus suasiones tuas. Nobis non solum iam pridem viderunt, sed nunc maximè sunt inuisæ. Intelligimus enim eo animo à te obtrudi, ut aditum habeas ad eos deformandos, quos sub Aurelij nomine latere arbitraris. Itaque non solum imprudentia orationis tuæ auctoritatem extinguit, sed etiam fraus & malitia; cum in eorum dedecus apertè incumbas, quibus consulere profiteris. Quamquam nihil necesse erat per tot ineptias, more tuo, hebetissima conuitia epilogo inculcare. Ludi magistri enim tibi videmur, aut gymnasiarchæ: quippe homini talium experientissimo, cum in puerili ludo consenueris, ac etiam nunc regnes, è quo & quod optimum habes, & quod deterrimum accepisti. Nisi enim illi præfuisſes, quid tandem scires? Rursus nisi præfuisſes, vnde hausisſes istos spiritus, acrioremque illum typhum, qui non alij facile adhærescat, nisi qui imperitis leges dicere, puerisque dominari diu ac multum assueuerit? Quàm verò illepidum, quod metuis ne maledicta nostra dedeceant primariæ nescio cuius Ecclesiæ sodalitiū, cui nos etiam ascriptos suspicaris? Tibi prius tuoque sodalitiū timere oportebat. Nam tu quidem te mihi parem fateris, dum ais, te conuitia mea mihi reddere, & formulas persequi, quas in eo genere prior vſurparim. Ut verò intelligentiorem etiam exercitatioresque te præbeas, insanias, amentias, insipientias in nos ebulis: quæ elogia non modò prior in te non contuli, sed ne referre quidem ac retaliare possum. Si ergo maledicus quisquam è Canonicoꝝ cœtu exturbandus videtur; quantò magis è societate tua? Nisi Canonicoꝝ cœtum illa puriorem integrior-

remque existimas. Sin autem societas tua procacitatem istam fert, si semper tulit; si eam vel in te, vel in aliis longè plurimis semper probare vilâ est; quo ore nobis prædicas maledicos cœtu vlllo deiiciendos; cùm societas tua non credat? Sed maiore fortasse es in Canoniorum ordinem, quàm societas tua in seipsam, studio & obseruantia. Quidni? cùm duorum è primaria Gallia Ecclesia Canoniorum suffragiis hæreses tuas probandas curaris, tam Illustrissimorum Gallia Præsulum ac Theologicæ Facultatis authoritate, quàm sodalium tuorum consensione damnatas? Quæ maior Canoniorum irrisio significari potest quàm vt eos nostra quidem hæresum fortiùs refutandarum ratione pollui dicas; hæresum verò approbatione pollui non putes?

Quid dicam de simili Theologorû ordinis contemptu? Theologi videlicet nomen nobis exprobras, idque ab eo assumi qui in subselliis non confederit, Theologorum iniuriam censes. Quid si tua maior est? Quid enim aliud indicas, quàm subsellia Theologum facere? Quòd si eam iniuriam tantam esse concedam, quomodo tuebere sodales tuos, qui Theologorum titulos libris suis vulgò inscribunt, Fronto Ducæus, Dionysius Petauius, Theophilus Raynaudus, innumeri alij; eumque tibi tribuit Fronto in notis ad Alterium, tu Ioanni Gualtero ad Flodoardum; Adeone ruis, vt non videas in te ac tuos recidere quod librorum nostrorû inscriptionem, ob adiectum Theologi nomen, *arrogantia*, *P. 115.* *temeritatis, insolentia non ferenda, omnique ludibrio exhibilanda* damnas? Ego quidem si aliis Theologus non sum; tibi certè sum; postquam hæreses cæterasque tuas Theologicæ rei perturbationes sustuli & in ordinem redegi. Cui officio si Theologi nomen saltem non rependas, tenebris quas discussi, dignissimus eris, longèque adeò ingrator, quàm me in sodales tuos fingis. Nam & addere placuit, vt ingenium omni ex parte ostentes, me ab iis *ad paranda vitæ subsidia adiutum*. Num ideo carnifex *ibid.* meus esse voluisti; vt vitâ à me, quasi iure tuo, repeteres? Enimuerò si in *P. 78.* sodales tuos ingratus est, qui contra illos pro Ecclesia propugnat; quanto illi magis, qui tanto maioribus vitæ subsidiis ac beneficiis ab Ecclesia cumulati, eius dignitatem minuere, doctrinam vertere non verentur? Verùm statue, vt vis, nos iis plurimum debere. Maius illi à nobis beneficium habent, qui ad hæreses expurgandas sunt adiuti. Erras Sirmonde. Qui vitia, quamuis inuitis, extorquet, non lædit, sed demeretur; eoque magis quàm alius, quod eorum quibus benignè facit, gratiam non spectat, factò ipso conscientiaque contentus. Soli pueri aliter interpretantur; & qui puerilibus animis solius adulationis patientes sunt, veritatis inimici. Charitas non modò cùm blanditur, sed etiam cùm aduersatur, charitas est; non modò cùm mulcet, sed etiam cùm mordet. Nisi fortè Augustinus perperam laudauit *mordacitatem charitatis*; *Aug. in ep. In cap. 1. Siphon.* aut Hieronymus scribere non debuit, *prodesse latroni, qui membra eius amputat.*

Quæ omnia, vt tandem concludam, planum faciunt, Sirmonde, epilogum tuum ita cæteræ disputationi consentire, vt aberraturus non sit, qui, cùm in eo te artis tuæ adeò oblitum videat, non Antirrheticum,

Ggg iij

P. 156.


*In utraque  
praf.*

P. 157.

sed Antirrhethora dicendum opinetur. Quare quod silere in posterum nos iubes; id nos à te æquius postulamus, qui bis silentium publicè promissisti in utroque Antirrhethico, & publicè fefellisti. Quinetiam responsiones nostræ maxima ex parte silere te cogunt, & exiguum quiddam relinquunt, in quo sponte conticescas. Quo facilius adduci poteris ad reliquum silentium, quod promissisti, implendum. Denique eorum silere est, qui Ecclesiæ doctrinam oppugnant, non eorum qui tuentur. Præbe igitur prior silentium quod tot nominibus Ecclesiæ debes. Alia conditione nostrum ne expecta. Nam minæ, quibus homo id ætatis uti non erubescis, mihi crede illecebræ sunt in hoc diuinissimo controversiæ genere. In priuata re, quantum voles, tibi cedam. Commenta, conuitia, calumnias, spernere possum. Si Ecclesiam, attigeris, si eius consensionem autoritatemque despexeris, ut cœpisti; tacitum non feres. Certum ac deliberatum est, non prius absistere, quàm maiorum & Ecclesiæ decreta, quæ meo nomine labefactare cœpisti, meo quoque nomine confirmentur & conquiescant. Nunquam committam ut Catholicam fidem tum demum diripiendam tibi relinquam, cùm abiectis argumentis, quæ iusta sunt Theologi arma, ad vim & minas, quæ etiam belluarum sunt, confugere coactus fueris, & victricem illam confiteri.







D. IOANNIS BOSSEVILLE ANGLI,  
SACRÆ FACULTATIS PARISIENSIS  
DOCTORIS THEOLOGICI EPISTOLA  
ad Clarissimum virum NN.



CLARISSIME VIR,

Miraberis fortasse quod ego tibi prorsus ignotus, te mihi sola fama notum litteris cōpellem. Causam paucis dicam. Graues hi motus quibus Catholicorum Patriæ nostræ pacem aliquot ab annis Jesuitarum operâ turbatam, adhuc in dies non parum turbari video, animum meum non mediocri dolore affecerunt. Cumque perniciosorum scripta egregiis Illustrissimorum Episcoporum & Clarissimorum Theologorum Galliæ censuris notata, famulos etiam ipsorum libellos præclaris responsionibus apud vos confutatos, ac magnæ inscitæ ac audaciæ conuictos legerem, & varios ex ea occasione mecum modos cogitarem, quibus istorum hominum spiritus ad nostram & Ecclesiæ pacem non satis demissi domari possent; inter alia venit in mentem opus trium tomorum ex antiquis Galliæ Conciliis authore Iacobo Sirmondo. Societatis Iesu Presbytero, Lutetiæ excusum. De quo opere non ita pridem in eruditorum virorum cœtu cū quædam minùs commoda audissem, motus sum operis dignitate & eo quo semper flagraui antiquitatis studio, ut illud ipse perlustrarem, & de eo ex meo etiam sensu iudicarem, ne forte cuiusquam affectu in te tanti momenti abriperet. Mutuatus igitur ab amico vnum aut alterum tomum & in iis legendis aliquandiu versatus, tercio denique decurso, longè plura ipse videre cœpi quàm ab aliis acceperam. Miratus iam primùm tantam rerum inutilium ad tomos augendos congeriem, qua sola Galliæ Concilia, si isto modo pergatur, plura volumina efficiunt, quàm Concilia totius Ecclesiæ vniuersæ. Deinde occurrerunt Concilia non pauca fictitia; multa fœdè interpolata; quædam ita deformata, ut vix agnoscantur: alia confusa; alia diuulsa. Tot verò Canones malè mulctati, ut numerari non possint. Postremò, ne omnia recenseam; tam graues auctoris in doctrinalibus lapsus, ut pateat eum rerum Theologicarum parùm peritum esse. Quæ cū animo mecum reputarē & non parui momenti rem esse arbitrarer ad societatis tam in omnes insolescentis humilia-

tionem, & ad nostrā in posterum ac totius Ecclesiæ quietem ac propriā etiam Ecclesiæ Gallicanæ vtilitatem, tot talis operis errata euulgari; amici consilio Lutetiæ diu versati, & de tuo in rebus eiusmodi vſu ac studio multa prædicantis adductus sum, vt tibi sensum meum his litteris declararem. Magna enim admiratio me tenet, vt etiam illos de quibus modò dicebam, tot virorum eruditorum ingenia, tantum Gallicanæ antiquitati dedecus inferri tamdiu esse passa, neque vllum adhuc prodisse, qui maiorum suorum dignitatem publicè violatam restituat. Hanc laudem extraneis scriptoribus relinquere non conuenit fortissimæ, vt Hieronymus vocat, & eloquentissimæ Gallicanæ nationi. Perpetuum meum in eam studium, & præclara opinio quæ de tua eruditione & apud eruditos autoritate, quorum consuetudine in illa celeberrimi præsidis Thuani Bibliotheca frueris, mihi data est, hæc ad te scribere persuasit, vt aliquos ex egregio isto choro excites, qui opus tam eximium, & tam multis de causis hoc tempore necessarium, aggrediantur. Non enim deceret, cum Ecclesiæ nostræ Anglicanæ præclaram certè operam nauarint, in suam eos esse segniores, & sibi subtrahere operam quam aliis tam piè, ac liberaliter impendunt. Tu, Clarissime vir, audaciam nostram boni consule, & quod te ex tanto Doctorum hominum numero delegerim, ad quem rem ad eruditos omnes spectantem deferrem, à meo in te studio & iudicio singulari profectum esse existimabis,

Londini die 23. Nouemb.  
anno 1632.

Clarissimæ Dominationi tuæ deditissimus,  
IO. BOSSEVILLE.

# SUMMARIA OPERVM P. AVRELII ADVERSVS IACOBVM

Sirmondum, ex ipsis eius verbis & sententiis contexta,  
quæ compendij simul & indicis loco esse possunt.

§. *Qui sim diutius. p. 277.*



**T**ENERITUDO Sirmon-  
di, qui trium litterarum  
vocula, quasi apis aculeo  
ictus, in hoc certamen  
prodiit. p. 277.

Hoc genere reprehen-  
sionis non cuiusquam fidem labefactari,  
sed naturæ quemque potius imbecillita-  
tis admoneri. ibid.

Sirmondum in seipsum iniquum esse,  
si nullum humanæ fragilitatis vestigium  
in operibus suis inesse credi iubet. p. 278.

Ipsam tamē crasa nova inscriptione sua  
Epistolæ cuiusdam Innocentij Pontificis,  
quam perperam ad Synodum Tolosanā  
inscripserat, exemplum præbuisse, sua in-  
terdum sine contumelia notari posse. ib.

Quanto iustius Aurelius adversus Iesui-  
tas se commoueret, quā Sirmondus ad-  
versus Aurelium. p. 279.

§. *Criminandi primò. 280.*

Non sine diuino nutu factum videri, vt  
Sirmondus qui tantula non est passus, ma-  
iorum ferendorum necessitatem sibi ipse  
querierit. p. 280.

Inrisconsultum nullam legem edentem,  
Theologum nullam scripturam, Philoso-  
phum nullam rationē, sine scriptura, sine  
auctoritate, sine ratione, quamcumq; ille  
secum habuerit, loqui dicimus. p. 281.

Criticorum suo nutu quiduis, figentium  
ac refigentium licentiā libros optimos  
maculatos ac fœdatos fuisse. ibid.

Hanc debere esse in publicas lectiones  
verecundiam, vt nihil in iis, nisi quod pu-  
blico iudicio probatum sit, innouetur. ib.

In humanis & sæcularibus scriptis hu-  
mano genio plusculum iuris est; in Theo-  
logicis & diuinis priuato iudicio mini-  
mum loci, argumento, auctoritati, tradi-  
tioni totum defertur. ibid.

Sirmondum lectionem quæ negatione  
cateret, vniuersis præter Crabbum supe-  
rioribus Colectoribus aduersantibus pri-  
mum rescidisse. p. 282.

§. *Infelicitate ordinis. p. 283.*

Sirmondum Frontoni proprias laudes

detrahere, vt cumulet suas. p. 284.

Non solum Iesuitarum Societatem ge-  
neratim contēdere, vt alios quoscumq;  
superasse videatur, sed eādem singulos in-  
ter se eius alūnos contēdione stimulari. ib.

§. *Caillari me aie. p. 285.*

Frontonem ad Surianam editionem,  
non ad illam antiquiorem Coloniensem  
notas suas apposuisse, aduersus Sirmon-  
dum probatur. p. 286.

§. *Huius causationis. p. 287.*

Frontonem aut negationem in suis ma-  
nuscriptis non legisse, quorum tamē vnus  
erat Tilianus ille, in quo eam Sirmondus  
haberi ait, aut si eam in iis legerit, minimē  
necessarium iudicasse. Atque ita non  
conspirare cum Sirmondo, vt ait, sed toto  
cælo ab eo dissentire.

§. *Noli, noli. p. 290.*

*Manuscriptis eatenus deberi fidem* quā lux  
maior & rerum grauiorum explorata ratio  
nihil obstat; deberi in dubiis, cum veri-  
tas aliunde nulla cernitur; deberi cum eo-  
rum auctoritas nulla re insigniori præ-  
ponderatur; deberi denique cum nihil est,  
quo eorum errorem apertè coarguamus.  
Alioquin si vel dilucida ratio, vel sanctior  
auctoritas, multo magis si rerum diuina-  
rum decreta, maiorumque religio recla-  
ment, quamcumque illorum consensio-  
nem esse aspernandam. p. 291.

Non subesse manuscriptis idoneum Cri-  
ticum, sed præesse decet, moderari, iudica-  
re, regere; nec imperitorum scribarum ve-  
terno, eruditorum hominum iudicia, rerū-  
que summarū amplitudinē mancipare. ib.

Nil Criticum esse attinet; Hypercriti-  
cum esse necesse est, qui verè Criticus esse  
velit, tam iudicio quā nomine, tam re  
quā officio, &c. ibid.

Audacia Iesuitæ Pozz, qui in libro à se-  
de Apostolica damnato, quæcumque ipsi  
aduersa in vllis SS. Patrum scriptis repe-  
ri possint, ea, vel à Typographis, vel ab an-  
tiquis exscriptoribus vitiata respōdet. ib.

Sirmondum in apponenda negatione  
constantem & nusquam dissonam librorū  
consensionem iactare, cum ipse primus

H h h

omnium lectionem quæ negatione careat, improbare cœperit; cæteri autem omnes non probarint solum, sed, si vnum demas, vniuersi necessariam putarint. p. 293.

§. *Hæc est arx.* p. 294.

Probatum multis rationibus lectionem quæ negationem adhibet, ut vult Sirmondus, esse improbabilem; quæ autem negatione caret, esse planissimam. p. 294.

Hoc in Canone non vniuersim semel chrismandum, sed in baptismo dicitur, Inter nos placuit semel in baptismo chrismari: Nec vnica chrismatis benedictio generatim præcipitur, sed chrismatis seorsum seu Episcopi; In confirmatione seorsum commonebitur: Nā internos chrismatis, prius, deinde sacerdotis, non nisi vna benedictio est. Vnica ergo seorsum ministri in baptismo chrismatio; Vnica rursus seorsum Episcopi in confirmatione statuitur, ex qua vtraque per se & in suo genere vnica, fit duplex illa vñctio, quæ in clausula canonis necessaria esse concluditur. ib.

Traditione & vsu, non canonibus & scriptis nonnulla sanxit Ecclesia. p. 295.

Arausicanos Patres chrismationem baptismalem in Galliis antehac minus notā, minusque, quod constat, vsurpatam, hoc Canone primum sancire voluisse. p. 297.

Ministrorum nomine hic non solū Diaconos accipi, sed maximè Presbyteros. ib.

Episcopos frequentissimè vsos in conciliis hac voce, Non ut præiudicans quicquam dico, ut ab vno quopiam Episcoporum proposita suo nomine sententia, cæterorum assensu probetur.

Procliuè fuisse hoc in canone falli scriptorum quempiam ipsa superficie literarum, ut cum semel chrismandum, & non nisi vnā chrismationem agnoscendam esse legisset, consequens sine dubio putaret, ut non repetenda chrismatio in extremo diceretur. Quod eo facilius contingere potuit, quod sacrilegam iterandæ confirmationis consuetudinem posterioribus sæculis in Gallia & alibi viguisse constat. Vnde suppres illorum temporum scribæ hæc verba repetitæ chrismationis facile animis horrere potuerunt. p. 300.

§. *Iampridem cordatis.* p. 303.

Cum Theologis loquendo Grammaticorum iudicio squalescere melius est, quā cum Grammaticis in re Theologica sapiendo, Theologorum iudicio ineptire. Si enim sua cuique opificio artificiosa, factitiaque vocabula concedimus, nec, cum de re il-

lius sermo est, propriis eius nominibus uti sordidum, sed scitum, splendidumque censemus; cur quod infimis artibus datum, maximæ omnium & ab humana non solum oratione, sed etiam cogitatione clarissimæ Theologorum disciplinæ negabitur? Cur conditas ab iis ad rerum diuinissimarum adumbrationem dictiones de generi mollitie fugiamus? p. 304.

De nomine Synodi particularis. ibid.

§. *In Epilogo.* p. 305.

Malè Sirmondum nouitatis arguere lectionem quæ ab octingentis ferè annis in Ecclesia circumfertur, ac omnium deinceps sæculorum vsu publicè viguit, donec eam publicè abolere cœpit. p. 305.

Multa esse quæ reprehendi possint in tribus eius Conciliis romis. p. 306.

## Summaria Anæretici.

### Præfatio.

Stenditur Aurelium protus inopinantem laceffitum fuisse à Sirmondo. p. 312.

Iniquos esse in Aurelium, qui paratas ab eo Sirmondo plagas, textumque in tribus illis oculis de industria laqueum, quo se imprudens implicaret, existimant. ibid.

Quàm leuibus de causis Sirmondus in hanc arenam descenderit. p. 313.

Difficile dictu esse quid de decoris & macularum intra Antirrhæti angustias lateat. ibid.

Imago & summa totius Antirrhæti. ibid.

Sirmondum cum priuata res agi & innoxia velitatio misceri videretur, controuersiam mutasse in contentione de fide & doctrina Ecclesiæ Catholicæ, quæ deinceps Aurelio aduersus eū tuenda sit. p. 314.

Docere exemplum Sirmondi quantum iis, quorum ætas non in explorandis Theologiæ mysteriis, sed in literulis excolendis contrita est, fugiendæ & formidandæ sint rerum Theologicarum excussiones, in quibus propter inscitiam, scientiæ tenuitatem, ab erroribus & præcipitiis, in quæ Sirmondus delatus est, abesse non possint. ibid.

Sirmondum cum in studiis tenuioris literaturæ consenuisset, eorum finibus contentum, vereri debuisse res diuinas, quarum tractatio toties literatoribus malè cessit, eorumque famæ velut scopulus fuit, & scyrtis, Deo non tam inscitiam,



quàm audaciam præfidentiamque illo-  
rum auersante. p. 315.

Sirmondum in dogmatibus Ecclesia-  
sticis hospitem, in Ecclesiæ sensibus &  
œconomia peregrinum esse. ibid.

De studiis, iudicio & ingenio eius. ib.

Non debuisse illum Conciliis Galliz  
manus admouere. ibid.

Esse hunc familiarem errorem Iesuita-  
rum, qui ut quemq; humanitatis studiis &  
scriptitandi facultatula præditum videt,  
maiorum rerum scientiis, & antiquis po-  
tissimum sanctorum Patrum Græcorum,  
Latinorumque monumentis pertractan-  
dis parem putant, & hoc pacto tantam  
illis, quantam eruditi indignantes vident  
ac gemunt, cladem intulerunt. ibid.

Qua moderatione adhibita Sirmondus  
non inutilem operam nauare Ecclesiæ po-  
tuit, quæ, ut ingens Respublica variis ope-  
rariis, & ut perfectum corpus variis mem-  
bris eget, & ab infimis summas capit uti-  
litates, quamdiu intra indolis facultatum-  
que suarum usus consistunt, nec ad aliena  
munera euagantur. ibid.

Ecclesiæ iniurias nunquam inultas sine  
Deo, nec minus eos auersatur, qui mu-  
nera sibi non concessa præcipiunt, quàm  
qui concessa obsolescere patiuntur. p. 316.

Sirmondum Aurelij responsiones con-  
cerptas, & contractas in compendia falla-  
cissima proponere. ibid.

Quàm ingenuè & sincerè SS. Patres ad-  
uersariorum dicta commemorant. ibid.

Quàm imprudenter Sirmondus insecu-  
tur Aurelium, quod nomen suum non pro-  
diderit, cum in hoc certamine non de per-  
sonis, sed de rebus agatur. p. 317.

Indignum esse ut nominis suppressio-  
nem aduersario objiciat homo Iesuita, cu-  
ius à Societate tot stratagematis huius  
exempla exierunt per omnes gentes, &  
quotidie exeunt, ut in ea primò natum  
videatur. ibid.

Probatum hoc exemplis Iesuitarum;  
adeoque Sirmondum id Aurelio crimini  
dare quod ipse fecerat. ibid.

Sirmondum conuictis incessere Aure-  
lium, qui temperantissima & humanissi-  
ma, ut fieri cogitur, oratione ipsi re-  
sponderat. p. 318.

Ecclesiam egere interdum defensori-  
bus acerbis, qui homines impudentiâ  
assequi conantes quod veritate non pos-  
sunt, frustra facere ostendant, & Eccle-  
siam non minus à vitiis, quàm ab errori-

bus eorum inuictam demonstrent. ibid.

Non minus illustre esse apud Deum,  
quod à fallis fratribus patiatur, quàm quod  
ab Ecclesiæ & Christiani hominis hosti-  
bus. p. 319.

Quàm iustè & sine iactantia dixerit Au-  
relius, Ecclesiæ, Episcoporum & Theo-  
logiæ Facultatis defensionem à se esse su-  
sceptam. ibid.

Aliqua de Sirmondi contentione cum  
Salmasio. ibid.

Acerbitas Iesuitarum in Salmasium. In  
eundem sanctissimi Urbani VIII. beni-  
gnitas, & cura pastoralis. ibid.

Iesuitarum genium exacerbandis auer-  
tendisque, quàm conuertendis sectariis  
esse aptiorem. p. 320.

Sirmondo spondenti daturum se ma-  
nus, si vel vnicum sine negatione codicem  
proferret, duos exhibet Aurelius; &  
vtrumque ab ipso lectum ac notatum  
ipsius manu. ibid.

Sirmondum non id agere hac respon-  
sione ut illustretur veritas, Deoque detur  
gloria; sed hoc vnum duntaxat, ut proie-  
cta temerè in discrimen fama sua eripiat  
quocumque demum pacto, & in tuto per-  
fas & nefas locetur. ibid.

Nunc esse genium Societatis. p. 321.

Vt Aurelius in hac responsione paulò  
vehementiori stylo vteretur Sirmondum  
extorsisse, quicum Aurelius humanita-  
te certare voluisset, ipse maluit acerbita-  
te. ibid.

Illo cogente humanitatem in seuerita-  
tem mutauit Aurelius, sicut Deum spon-  
te sua bonum exasperant, & quodam mo-  
do seuerum esse cogunt hominum culpæ.  
Nam ex Dei moribus componendi sunt  
nostri. ibid.

Quàm iustè Aurelius in disputatione  
sua Iesuitas acrius compescuerit, cum  
Sirmondus ipse, quem plerique modera-  
tum censebant, ex ipsius lenitate & ora-  
tionis elementia intolerabilem ferociam  
conceperit. ibid.

Sic prorsus sunt isti homines; corrumpuntur indulgentiâ, robore ac virtute  
frænantur. ibid.

## ANÆRETICVS.

Sirmondus Aurelium nec opinantem  
lacessit. p. 336.

Primus Epistolam suam apud prima-  
rios homines vendidit, & per omnium

H h h ij

ora volitare iussit.

p. 337.

Laudantur interdum homines, non quod ea habeant, quorum nomine laudantur, sed ut habere studeant. Sic rudiores & infirmiores quosque erigere & confirmare solemus; non nos tantum, sed ipsæ scripturæ, in quibus nihil falsi, nihil vani nec est, nec esse potest.

p. 338.

Sirmondum significare se non modestiam amare, sed eius laudem. *ibid.*

Etiamsi Aurelius vehementius pro Ecclesia exarsisset aduersus atrocissimos eius oppugnatores, non debuisset tamen Sirmondum vehementius exardescere pro se ipso in eum à quo nihil læsus fuerat. p. 339.

Quàm falsò iactet Sirmondus ipsos Aurelij fautores eius maledicentiam erubescere.

p. 339.

Honor habitus Aurelij operibus. *ibid.*

Epistolam aliquot Episcoporum quam iactabant Iesuitæ, non ipsis fauere, sed Aurelio.

p. 340.

In publica Ecclesiæ & fidei causa vehementioribus motibus, & acriori zelo locum esse, præcipuè ubi reseat cum petulantibus aduersariis, in errore proteruentibus, Ecclesiamque magis impudentiæ & atrocitatis, quàm rationum & argumentorum fiducia oppugnantibus. In privata verò causa modestiam asserere debemus.

p. 341.

Res enim quisque nostras sicut minimi facere debemus, ita minimum earum ergo moueri, & tam earum imminutiones quàm incrementa sedatè ferre. Dei verò res, Ecclesiæ, fidei, sicut ardentissimè ac super omnia diligere oportet, ita earum causa motus quosque maximos & feruentissimos suscipere, tum lætitiæ, tum doloris, tum gratulationis, tum indignationis. Amor enim affectuum omnium origo & mensura est; & quantus in quamque rem amor esse potest, tanti in eandem affectus, & motus quicumque.

*ibid.*

Quàm maturè, quamque serò Aurelius ad respondendum Sirmondo se contulerit.

p. 342.

Sirmondum absurdè causam suam scribendi aduersus Aurelium, cum Aurelij causa conferre.

p. 344.

Absurdè defensiones eius Philippicas vocare.

*ibid.*

Multò rectius metuendam fuisse Aurelio styli Sirmondi incontinentiam, quàm Sirmondo Aurelij. Cum Aurelius solos in Ecclesiam bacchantes fortius compres-

serit; Sirmondus verò quemcumque iam olim aduersarium nactus est, ita pari semper contumacia inuasit, ut eum & in conuitiando exercitatissimum plures libelli probent, & naturā, non ratione scientem perpetuitas insultandi.

p. 346.

Difficile est veritate satisfacere vanitati, imo vanitatē ipsam constanter tueri.

p. 348.

Ego verò dubitationem in re aperta errorem voco. Qui enim de re aperta dubitat, dubiam dicit quæ dubia non est, adeoque errat.

p. 350.

De Synodo Toletana, quam Tolosanam primò perperam, ut postea agnouit Sirmondus, inscripserat; quam hallucinationem à se ipso damnatam hic præposterè defendere conatur.

*ibid.*

Cauendum esse Sirmondo, ne friuolæ disputationes eius insultationibus aspersæ, sint vindicis Dei poenæ, qui primū mētem plectit, & cum eū nimia sui opinione in hæc certamina inuectura, & in ea nimio tuendæ gloriæ, quàm temerè in discrimē adduxit, studio progredientem aduersus perspicuam veritatem videat, eum in planissimas ineptias & absurditates abire patiatur, ex quibus tātò maius dedecoris sui incrementū referat, quanto iniquioribus præstigiis famam subleuare voluit.

p. 355.

Ecclesiasticæ veritatis, maiorumque doctrinæ propugnationi, omnes, quotquot Catholicorū nomine censemur, subsidium & opem, quantum in nobis situm est, vitamque ipsam debemus.

p. 356.

Manuscriptorum codicum fide grauior multo est maiorum traditio, perpetua doctrina & auctoritas Ecclesiæ, quibus si codices manuscripti tātulum obstreperere videantur, longè aspernandi indicantur à sanis hominibus, quantumlibet numerum vel consensum exhibeant.

p. 359.

Sirmondum cum negationem inferit Canoni Arausicano, non attendisse quantum rem ageret, quàm difficilem, quantis ambagibus implicitam.

p. 360.

Illum conscientia sua aduersante, se in manuscriptorum regno quasi solū regem facere, quasi omnes sibi obnoxios & morigeros habeat, cum non sit nescius reperiri in Thuana Bibliotheca antiquos codices ipsius manu locis multis notatos, qui negationem nullam habeant.

p. 362.

Vulgatorum codicum auctoritatem non semper manuscriptis inferiorem esse debere.

p. 363.

De Gratiani emendatoribus.

p. 383.



De auctoritate manuscriptorum. p. 390.  
Sirmondo postulanti ab Aurelio vel  
vnum manuscriptum negatione destitu-  
tum, vnum exhibet Aurelius notatum  
ipsius manu. p. 391.

Sirmondum accusare Surium inconfi-  
derantiae & leuitatis. p. 395.

Sirmondum multo magis miserandum  
esse ob insultationes inanes, quàm ob im-  
belles pugnās; eum in his scientiæ eius ca-  
lamitas videatur, in illis virtutis. Quid eo  
infelicius, qui scientiam pugnando amit-  
tit, triumphando virtutem?

*De Manuscriptis fnsè.* p. 401.

Vulgo eorum exscriptores imperitos  
fuisse. ibid.

Veteres minoris ætatis & adolescentiæ  
nomina longius multo extendisse quàm  
nos solemus. p. 402.

Vsitatum Monachorum & quasi legiti-  
mum laborem fuisse non minus scribendi  
quàm alia opera faciendi. Vnde Hierony-  
mus, Scribuntur libri, inquit, vt & manus  
operetur cibum, & animus lectione satu-  
retur. p. 402.

Librorum scriptionem penè præcipuum  
ac præstantissimum Monachorum opus  
fuisse, quod illo non solum exerceretur  
corpus, & necessarius ei cibus pararetur,  
vt cæteris operibus; sed animus vnà cum  
corpore vegetaretur & aleretur. ibid.

Atque hoc fuit causæ cur istud operis  
tam studiosè coluerint Monasteria, & in  
primis Monasticæ vitæ laboribus posue-  
rint; quod ideo quasi omnium præcellen-  
tissimum & inprimis Monasticum opus,  
in illo S. Martini Monasterio à Sulpitio  
commemorato vnum seruatum est. p. 403.

Præclara in hanc rem Cassiodori oratio  
ad Monasterij sui fratres. Felix intentio,  
laudanda sedulitas, manu hominibus  
prædicare, digitis linguas aperire, salutem  
mortalibus tacitam dare, & contra diaboli  
surreptiones illicitas calamo atramento-  
que pugnare. Tot enim vulnera Satanas  
accipit, quot Antiquarius Domini verba  
describit. ibid.

Hanc prouinciā non solum minori  
ætati, id est adolescentulis, sed omnibus  
fuisse propositam. ibid.

Longè pauciores olim Monachis quā  
nunc, doctrinarum studiis imbutos fuisse,  
quod in labore manuum multo maximam  
ortu monastici partē consumerent. p. 404.

Hallucinatio Sirmondi codices à iunio-  
ribus exscriptos, olim à senioribus & do-

etioribus fuisse emendatos. ibid.

Olim vt hac nostra ætate emendatores  
librorum sæpe noua vulnera ipsis infli-  
xisse. p. 405.

Augustinum libros suos emendantem,  
non tam de librariorum, vt vult Sirmon-  
dus, quàm de suis natis laborasse. p. 407.

Tum demum sanctos Patres lucubratio-  
num suarum exempla à librariis transcri-  
pta recensere consueuisse, cum ipsorum  
dictantium, aut concionantium, aut dis-  
putantium voces à Notariis excepte post-  
modum ex eorum notis in planiorem scri-  
pturam à librariis transferrentur. p. 407.

Hieronymus ipsos diuinæ Scripturæ co-  
dices, tum librariorum, tum notariorum  
emendatorumque inscitiam & audaciā ita  
inquinatos fuisse dicit, vt eorum menda-  
s ne ipse quidem sanare auderet, ne nimiam  
nouitatem inducere, & alias quodammo-  
do scripturas procudere videretur. p. 411.

Sirmondus vritur argumento Hæreti-  
corum, & quemadmodum illi ad exclu-  
dendam Ecclesiæ auctoritatem, Scriptu-  
ræ textum ita mordicus tenent, vt solo illo  
quamlibet ipsius ambiguitatem & obscu-  
ritatem tolli contendant, collatis inter se  
locis, & vniuersum Religionis caput ad  
Græcos & Hebræicos reuocent fontes,  
ex quibus omnia componi & decidi posse  
asserunt; sic ille manuscriptorum inter se  
collatione mutuisque auxiliis eorum labes  
elui, & vulnera sanari posse affirmat. p. 413.

Sirmondus in emendandis codicibus  
Grammaticum Theologo præfert. p. 414.

Scientia signorum inflat, vt rectè Au-  
gustinus, & sæcularium studiorum assidui-  
tas plerumque sæculares facit, maximè re-  
ligiosos, quos in iis ætatem conserentes,  
in illorum genium abire sinit Deus, &  
quod in iis est mali, facilius concipere,  
quàm quod inest boni; vt contrā reuelatā  
facie gloriam Domini speculantes Chri-  
stiani, in eandem imaginem transforman-  
tur à claritate in claritatem, tanquam à  
Domini Spiritu. p. 417.

Sirmondus hic insinuat Aurelium  
Conciliorum antiquorum sensum ad ho-  
diernum morem detorquere, cum illius so-  
cij libro Parisiis edito conquesti sint eum  
opinionem iam sepultas refodere, quod vi-  
delicet Ecclesiastici ordinis germanū statū  
& naturam ad primigeniam eius formam,  
& ad decreta Patrum expenderit. p. 420.

Itane vos iuuat ludibrio habere veritatē,  
& prout res vestræ exposcunt, modò anti-

H h h ii

quiritatis studium, modò nouitatis exprobrare? *ibid.*

Chrismationem duplicem quam statuit Aurelius, æqualem esse Concilio Arausicano, imò multò antiquiorem cum de ea agat Innocentius Pontifex in publica & decretali Epistola, adeoque illum non omnia ad æui nostri consuetudinem rapere, ut insinuat Sirmondus. *p. 421.*

Vnctionem ministris Canone Arausicano imponi, qualis eis in Ecclesia Romana à summis Pontificibus imposita erat, quam diuersam quidem ab vnctione frontis constat fuisse, cum hanc iis toties interdixerint Pontifices; an autem verticis propriè fuerit, an pectoris aliussve membri, non ita constat. *p. 424.*

Ecclesiam Romanam traditionum suarum in primis tenacem fuisse constat. *ibid.*

Ministri olim variè vnixerunt, chrismatione tantum frontis abstinentes, donec tandem vnica verticalis omnium consensu constituta fuit. *ibid.*

Audacia Sirmondi, qui Ecclesie pietatem qua ceremonie in baptismo omisse suppleri iubentur, ludicrum spectaculum vocat. *p. 425.*

Canones passim secernere chrismationem ministrorum baptismalem ab Episcopali chrismatione; ut eam quæ sit in fronte solis Episcopis; quæ alibi, solis ministris imponant, &c. *p. 426.*

Primaria causa, cur Episcopi chrismatione baptismali olim uti non poterant, est, quod ea chrismatio instituta esset in symbolum subiectionis ministrorum erga Episcopum, ut neminem baptizando sine vnctione chrismatis, quod ab Episcopo consecratum accepissent, profiterentur primariam Episcopi in omnibus sacramentis, & nominatim in baptismo auctoritatem, sibi que nisi eius iussu, & recepta ab eo potestate baptizandi ius non esse, ut toties in canonibus scriptum est. *ibid.*

Non minutulas distinctiones, non præcisiones argutulas norunt sancti Patres, aut Scripturæ. Grauitè & moderatè loquuntur, suæque verba non procaciter ventilari, sed reuerenter audiri volunt, & Ecclesie sensu ponderari. Quod hæretici dum minus seruant, & inanibus captiunculis eorum apices persequuntur, suis *hypocritis* in grauissimam rerum cladem delati sunt. *p. 429.*

Coniunguntur plerumque à Patribus &

Scripturis res variz in eandem orationem, & vnica vox ad plura refertur, quæ tamen singulis non eodem modo, sed accommodatè ad res & personas adiungi debeat. Probatum id exemplis. *ibid.*

Hic perpetuus Scripturarum sanctorumque Patrum mos est, ut ea de quibus in præsentia queritur, exponere contenti, ad alia non procedant, & Christianam in hoc temperantiam, debitamque rebus diuinis reuerentiam constituunt. *p. 430.*

Ridicula interpretatio Sirmondi, semel chrismati, id est, vna, & non diuissim. *p. 431.*

Sanctos Patres dum sacramentum Confirmationis iterari vetant, chrismationis iterationem passim interdicerè, impositionis manuum vix vnquam. *p. 435.*

Sanctum chrisma collatum, inquit Conc. Toletanum, & altaris honor euelli non potest. *ibid.*

Prudentius, vnguentum regale vocat & chrisma perenne. *ibid.*

Idem confirmatur multis auctoritatibus. *ibid.*

Interpretationem Sirmondi, ex qua sequitur Episcopalis chrismatis iterationem licitam in Ecclesia & innocuam dici, vel hæresim esse, vel hæresim sapere, perpetuè Ecclesie traditioni aduersam. *ibid.*

Nihil tam securum quàm inscitia, præcipuè cui magna animositas adhæret. *p. 438.*

Si doctrinarum peregrinitates ab Ecclesie Theologorumque sensibus alienas inducere liceat ex obscuris & ambiguis auctoritatibus priuata opinione detortis, nihil erit in Theologia fixum, nulla tam certa confirmataque sententia, quæ inconsultorum audaciumque ingeniorum licentia conuelli non possit. *ibid.*

Non potuisse Presbyteris à Patribus Arausicanis committi chrismationem frontis, ut contendit Sirmondus, nisi eo à solenni Ecclesie usu de industria recessisse; & tot Romanorum Pontificum decreta spreuisse fateatur. *p. 440.*

Præter S. Gregorium, Hispalensis II. Concilij Patres & S. Isidorum vniuersè declarare interdixtam esse Canonibus Patrum & Scripturis, non solum quibusuis Presbyteris, sed etiam Chorepiscopis illam frontis chrismationem. *p. 441.*

Sirmondum toties damnatos ab Ecclesia Catholica, & à summis Pontificibus Græcorum errores sententiarum suarum fundamenta statuere. *ibid.*



Ante Photij tempora opinionis istius Græcum autorem Catholicum, neminem exhiberi posse. p. 442.

Probatum auctoritatibus potestatem conferendi sacramentum Confirmationis solis Apostolis, eorumque successoribus Episcopis esse concessam. ibid.

Sirmondum ex vnius Ecclesiæ Caralitanz abusu, quem S. Gregorius tolerate singulari indulgentia cogitur, colligere similes abusus per Ecclesias extitisse.

p. 443.

Ceremoniam chrismandi in baptismo ab Ecclesia Romana in alias Occidentis Ecclesias fuisse transfusam, quam in hoc solum mutauit S. Gregorius Caralitani indulgens, quod quæ in fronte nunquam erat facta, eam in fronte fieri concessit.

p. 444.

Chrismationem illam quæ dabatur promiscuè omnibus ab hæresi redeuntibus fuisse ceremoniam meram, quæ tamen Presbyteris eodem modo interdiceretur, quo reconciliatio pœnitentium; quia sicut à pœnitentia ad Ecclesiam redeuntes, non nisi ab Episcopo admitti poterant, sic neque ad eandem ab hæresi redeuntes. Sicut autem pœnitentes à Presbytero, in discrimine vitæ reconciliari Ecclesiæ poterant per manus impositionem: ut sæpe Concilia edicunt: ita & redeuntes ab hæresi in eodem periculo per manus similiter impositionem, & chrismationem in Ecclesiam ab eodem admittebantur. p. 446.

Non minus chrismationem Episcopalem quam impositionem manuum Presbyteris fuisse interdictam auctoritatibus probatur. p. 448.

Opinionem Sirmondi qua censet manuum impositionem solam & sine chrismate esse sacramentum Confirmationis; eamque solam à sanctis Patribus confirmationem & sacramentum haberi affirmat, hæresim esse certissimam. p. 449.

Refellitur eo ipso loco Augustini, quo se tueri voluerat. p. 450.

Sicut sacramentum Ordinis impositione manuum collatum constat, ita & sacramentum Pœnitentiæ; de quo etiam intellectum est à sanctis Patribus illud Apostoli, Manus citò nemini imposueris. Ac passim nomine impositionis manuum ab eis afficitur sacramentum Pœnitentiæ. ib.

Probatum auctoritatibus Patres sæpe in chrismate vim & efficaciam sacramenti Confirmationis constituisse. p. 451.

Sacramentum chrismatis, chrisma sum-  
mè deificum. ibid.

Sicut sancti Patres, cum de hoc sacramento loquuntur, solam impositionem manuum sæpe commemorant; ita sæpius solum chrisma. Atque ita declarant sacramentum Confirmationis à se reponi non in solo chrismate, neque in sola impositione manuum, sed in utroque. ibid.

Sirmondum apertè dicere chrismationem in Confirmatione hodie inclusam esse solo Ecclesiæ consilio, cum antea ab illa seclusa & distincta ceremonia fuisset. Vnde docet id non factum Christi instituto. p. 452.

Vult Presbyterum ordinarium ministrum chrismationis Episcopalis olim fuisse, cum Concilia solum Episcopum esse definiant. Minister autem ad essentiam sacramenti pertinet, quæ nunquam mutari potest, & diuina institutione nititur. p. 453.

Ex eius opinione sequitur Diaconos ipsos esse ministros Confirmationis. ibid.

Si Episcopi olim chrismationem illam Episcopalem ad Presbyteros & Diaconos iure ordinario sine vlla necessitate deriuare potuerant, etiam nunc idem posse, cum potestas illa & eius actus sit ordinis, non iurisdictionis. ibid.

Sirmondum vnicum habere Antonium de Dominis opinionis suæ auctorem. p. 455.

A simili argumentari in rebus facti, quæ solis auctoritatibus & argumentis inartificialibus nituntur, periculosum est, & grauium errorum præcipitium. p. 458.

Malè Sirmondum, attribuisse Canones quosdam aduentitios Synodo Arclateni. p. 458.

De voce Synodi particularis, quam vt minus Latinam Sirmondus respuere videbatur. p. 462.

Sirmondi, qui Aurelium velut in Gallos contumeliosum infimulabat, verè in eosdem contumelia, ac nominatim in ciuitatem Parisiensem. p. 466.

Non si errores quidam olim in Gallia fuisse dicantur, ideo omnes Gallos incusari, vt infert Sirmondus. ibid.

Ipsa Ecclesia & sancti Patres sæpe instantes hæreses ita expugnant, vt ad aliud extremum accedere videantur, nec de eo fugiendo ita laborent, modò præsentem pestem extinguant. Vnde plerumque nate sunt graues hæreses, eorum vitio qui vehementia illa Patrum in errores contra-

Hh h iij

rios dicta eo sensu acceperunt, quem verborum correx præferebat. p. 468.

Nihil esse incommodi si variorum temporum Ecclesiæ disciplina & ritus quādamtenus variant, imò in hoc sitam esse vestis Ecclesiæ pulchritudinem circumamictæ varietatibus, adeoque Evangelij & nouæ legis præstantiam. Lex enim vetus externas istiusmodi consuetudines non ita mutauit, quod tota in temporariis rebus sita esset, quæ nisi ipsa mutata mutari non possint. At quia nouæ legis & gratiæ quam Christus attulit virtus tota intrinsecus latet in spiritu & veritate, neque in iis quæ videntur; sed in iis quæ non videntur consistit, Christus per paucis admodum externis institutis Ecclesiæ impositis, ob humanæ duntaxat societatis necessitatem, totus fuit in sancienda interna lege & regno illo Dei quod intra nos est; cetera ipsi Ecclesiæ pro temporum varietate statuenda permisit, relicto ei spi-

ritu suo, quo in illorum moderatione regeretur, &c. p. 469.

Propositum non fuisse antiquis collectoribus canonum, eos ad sui duntaxat æui vsum excerpere, ut vult Sirmondus, sed ad generalem & plenam Ecclesiasticæ disciplinæ patriorumque institutorum notitiam, quæ non nisi propositis ante oculos diuersissimorum temporum varietatibus haberi potest. p. 472.

Quam absurde dixerit Sirmondus Burchardum, Iuonem, & alios omnes Conciliorum editores, & collectores, ubi aptare canonibus tempora non poterant, canones temporibus accommodasse. p. 473.

Tres Sirmondi Conciliorum tomos, indigniores esse Ecclesiæ Gallicanæ imò Catholicæ maiestate quàm quidam putent, nec tolerari sine publicâ expurgatione posse. p. 477.

Epilogus Sirmondi irâ & felle plenus. p. 478.



## SVM MARIA ORTHODOXI.

### P R Æ F A T I O.

**I**N TVRNO silentio quo hactenus vserat (*Sirmondus*,) id assequabatur, ut errorum eius memoria, vel quadam moderationis animi pœnitentiæque specie, vel tempore ipso sensim euanesceret. Nunc repentina ista eruptione non modò eos refricuit, sed in peius vertit, tum ea superadjiciens quæ priora longè superent, tum eo ipso quod docuit silentium illud non modestiæ fuisse, sed hæsitatiōis; non voluntatis, sed impotentis; non resipiscens animi, sed æstuantis. pag. 483.

Occasio disputationis Aurelium inter & Sirmondum recensetur. p. 484.

Secundus Antirrheticus priori multis rebus par, multis foedior, &c. ibid.

Sacramento Confirmationis Ecclesiam spoliatur Sirmondus. p. 485.

Constat inania erraticaque ingenia sine duce vagari, eorumque motus diuinitatis æmulos nulla plerumque causa, nulla ratione pendere. ibid.

Sirmondi Antirrheticus duo Spongiæ deteriores. ibid.

Sirmondus errores suos accepit à Wiclefo, Luthero, & de Dominis quondam ipsius sodali. ibid. & p. 176.

Sirmondus librum suum tanto ante ut præ se fert, typis expressum toto eo anno quo Amplissimi Cleri Gallicani cœtus Lutetiæ habitus est, premere coactus est, tenebrisque mandare. Sicut autem feræ fulgente sole latibulis se continent, eo elapso grassantur; ita cœtu illo dimisso, Illustriss. Præsulibus in Prouincias digressis, Antirrheticus caput exerere, volitareque tandem ausus est. *Et mox.* Qui (*Sirmondus*) libelli sui diuulgandi opportunitatem tum demum reperit, cum irrupente in regni fines hoste, hominum animos publicis curis occupatos suspensosque fore sperauit; quasi vel hostes ad subsidium euocasset, vel eorum irruptione gratularetur, ut dum illi Patriam inuadunt, ipse Ecclesiæ doctrinam impunitus diriperet. Vnde Antirrheticum auersari licet quasi calamitatum publicarum addi-



tantum.

p. 487.

Cur Aurelius iterum scripserit aduersus Sirmondum. *ibid.*

Quid publicè perniciosius quàm veritates Theologicas præsertim, quas agnoscas, quarum vim experiare, quibus obistere non possis, obstinatè scriptis vrgerè, & protervè calumniari? *p. 488.*

Sirmondus disputationum Aurelij firmamenta tacita præterit, & hæreses ipsi ab Aurelio obiectas dissimulat, & quas sanare studet, integrè nunquam exponit. *ibid.*

Antirrheticus secundus caret permissio-  
Prouincialis Iesuitarum. *p. 489.*

Antirrheticus cùm ratione non posset commendari, factione sodalium, qui eum ad viros rerum Theologicarum imperitos detulerunt, commendatus est. *ib.*

Antirrheticus ipse sine alterius opera se elidit. Nam quod in pestiferis quibusdam animantibus naturæ prouidentia comparatum est, vt præsentia venenis suis antidota ipsæ circumferant; id in Antirrhético admirari licet, cùm prope modum nullus sit venenatus eius morsus, cui medicina in ipso inclusa non lateat. *ibid.*

Illiberalis perpetuaque Antirrheticorum petulantia exponitur. *p. 490.*

Cur Aurelius fortius Sirmondum represserit. *ibid.*

Personas exquirere, de quibus controuersia non est, cùm in manus sint libri, de quibus disceptatur, diuerticulum est maiorum litigatorum, more ad causam obturbandam, frustrandumque iudicium veterariè adscitum. *p. 491.*

Cur Aurelius nomen reticuerit. *ibid.*

Secundi Antirrhëtici Approbatores reprehensi. *p. 492. & 493. Vide & p. 512. 526. & 567.*

Eminentissimi Cardinalis Richelij laus & iudicium in delectu Doctorum Theologiæ habendo. *p. 494.*

Quales debeant esse Doctores Theologi. *ibid.*

Sirmondi humanitas excutitur. *p. 495.*

Non fallacia aut mendacio vera doctrina defenditur, sed polluitur, ac prodicitur, &c. *ibid.*

Antirrheticus è contrariis vitiis prodigiosum quemdam in modum est conflatus, sterilitate & redundantia; necessaria rerum sterilis & inops; alienarum & intempestiuarum plenus ac diffluens. *p. 496.*

Antirrheticus liber est hæresum & expers & expunctor. *p. 497.*

Cur hic liber Orthodoxus sit inferiptus. *ibid.*

Veri Critici dotes exponuntur. *ibid.*

Errorum & hæresum Sirmondi duobus maximè Antirrhëticis expressorum Synopsis. *p. 498.*

Libri huius capitum Antirrhëtici capitibus oppositorum syllabus. *p. 500.*

Antirrhëticorum maledicentiz & impotentiz specimen. *p. 502.*

#### C A P V T I.

Aurelius Iesuitas non odit, sed vsque adeo amat, vt à perturbanda Ecclesia auertere velit. *p. 504.*

Scriptoris laruati nomen vel ab Aurelio remouendum, vel in nominatissimos Iesuitas conuenire. *p. 505.*

Discrimen eorum qui illustrium personarum nomine eumentuntur, earumque titulis sua insigniunt, & eorum qui arbitrarias sibi appellationes concinnant. *p. 506.*

Longè leuius ac tolerabilius est frontem laruatam habere, quàm mentem. *p. 507.*

Aurelij nec in Sirmondum, nec in Iesuitas oratio maledica. *p. 508.*

Iniuria non est, quæ voluntariæ maledicentiz merita pœna est, & velut fructus. *ibid.*

Cur Aurel. vehementius represserit Iesuitas. *ibid.*

Sicut nemo credat Iesuitas tanta esse immanitate, vt Neronibus & Diocletianis tetriores extiterint; ita tanta esse humanitate, vt in eos, qui ab ipsorum rationibus dissentiant, & quos gerant animos nullus arbitretur. *p. 509.*

Metuendos esse Iesuitas, Aurelij approbatores testes sunt, qui in iudicium, periculumque vocati, experti sunt facultatem eis citius defuisse, quàm voluntatem. & alia in eam rem. *p. 510.*

Vniuersi Cleri Gallicani cœtus amplissimo elogio (*quod habes in capite totius operis*) Aurelij doctrinam probauit. *ibid.*

#### C A P V T II.

Accurata veritatis disquisitione nemini erudito tædium paritur, sed eius obscuratio. *p. 511.*

In ea tempora incidimus, vt nonnulli ea etiam quæ falsa censeant, probare se posse existiment. *p. 512.*

Sirmondi sententia omnium iudicio adeo non probata fuit, vt potius cum om-

nium, etiam sodalium, doctrina pugnet.  
p. 513.

Ad errorum sacrilegiorumque accusa-  
tionem obmutescere, cum ad alia leuio-  
ra respondeas, non patientia, sed conscien-  
tia est. ibid.

Variae Sirmondi cauillationes & falla-  
ciae de manuscriptis recensentur. p. 514. &  
515.

Aurelius plus MS. tribuit, quàm Sir-  
mondus. ibid.

Codex ex amplissimi viri Alexandri  
Petauj Senatoris Parisiensis Bibliotheca  
vetustissimam collectionem continens  
negationis à Sirmondo insertæ canonis  
Arausicano nullam habet mentionem.  
p. 516.

Falsitatis ac hæresum propria nota,  
nouitas, veritatis antiquitas. p. 517.

### C A P V T III.

Sirmondus traditam ab Aurelio cano-  
nis Arausici interpretationem absurdè di-  
cit omnium iudicio victam, dum eam si-  
lento suo victicem reddit. p. 518.

Sirmondus ut canonis Arausicani sen-  
tentiam ad opinionis suæ errorem flecte-  
ret, deleto antiquissimo titulo, eum pri-  
mus inuexit, qui ab omnium tum edito-  
rum, tum MS. codicum titulis discre-  
pat. p. 519.

Excutitur id quod Sirmondus dixerat  
iudicium spectaculum fore, si Episcopus  
ante confirmationem Neophytum remit-  
tat ad Presbyterum, qui eius verticem  
chrismate vngat. ibid.

Sirmondi citata in exponendis cano-  
nibus Concilij Arclat. primi castigantur.  
& vera intelligentia eorumdem canonum  
declarat. p. 520. & 521.

### C A P V T IV.

Sirmondi de tribus ætatibus ficta &  
perplexa cauillatio refellitur. p. 522.

Chrismatio aliquibus locis fieri consue-  
uerat antiquitus ante manus imposi-  
tionem, aliquando post manuum imposi-  
tionem. p. 523.

Hæresis Patrum consensu damnata,  
chrismate Spiritum sanctum non dari.  
p. 525. & 526.

De effectu Confirmationis præclare.  
p. 527.

### C A P V T V.

In dubia argumentorum contentione  
superat Ecclesiæ authoritas, cui, quoquo  
se inclinatur, omnia ingenia fœces sum-  
mittere oportet, cuiusque non tantum edi-

cta, sed etiam nutus vereri, priuatique  
quibuscumque cogitationibus & coniecturis  
potiores habere, si debita in eam obser-  
uantia Christianaque sunt mente. p. 528.

Sirmondi contumelia in Ecclesiam Ro-  
manam, cuius decretis de Neophytis in  
fronte non vngendis à Presbyteris omnes  
penè Occidentis Ecclesias obsticisse affir-  
mat. p. 529. & 559.

Sirmondi secunda ætas (qua conten-  
dit manus impositionem à chrismatione  
diunctam fuisse) refellitur auctoritate  
Innocentij primi, Paciani, Synodi Arauf.  
Gennadij, & aliorum. p. 530.

Falsum est Episcopalis chrismatio  
Presbyteris permittendæ morem apud  
Græcos fuisse perpetuum. p. 532.

Ambrosiaster non est Hilarius Diaconus  
Luciferiani schismatis dux, sed qui-  
dam Pelagianus. p. 533.

Respondet Aurelius auctoritatibus à  
Sirmondo productis. ibid.

Presbyteris nihil agere licuit coram Epi-  
scopo, nisi eo imperante, ne quidem vltima  
& infima sui ordinis ministeria.  
p. 535.

Explicatur locus B. Gregorij de Eccle-  
siæ Caralitanz Presbyteris. p. 536.

Impositio manuum & chrismatio eo-  
rum qui ab hæresi se reciperent, meræ fue-  
runt ceremoniæ, & declaratur cur singula-  
ris fuerit Nouatianorum ratio. p. 537.

### C A P V T VI.

Frontis vinctio Diaconis, Chorepiscopis  
& Presbyteris semper verita, nusquam per-  
missa. p. 529. & seq. & 540. 541.

De Chorepiscoporum officiis aliqua.  
p. 543.

Sirmondi sententia sacramentum Con-  
firmationis in sola impositione manuum  
constituentis, à primariis Iesuitis velut hæ-  
retica proferibitur. p. 546. & 547.

Sacramentum Confirmationis à sanctis  
Patribus & Ecclesia Catholica semper in  
chrismatis vinctio constitutum est.  
p. 547. 548. & 549.

Effectus Confirmationis (qui sunt dona-  
tio Spiritus sancti, perfectio Christiani sta-  
tus & dignitatis, intima corroboratio ad-  
uersus animæ hostes) chrismati tribuun-  
tur.

Restituitur locus Theodulphi Aurelia-  
nensis corruptus in Synodis Galliz à Sir-  
mondo editis. p. 551.

Soluntur obiectiones Sirmondi. p. 551.  
& seq.



Sancti Patres dum manus impositionem nominant, chrisma non excludunt, sicut dum chrisma memorant, manus impositionem non repellunt, sed in utroque simul sacramentum Confirmationis collocant. p. 553.

Patres chrismate ad sacramentum Confirmationis non minus quam impositione manuum perpetuo usus fuisse multis probatur. p. 553. & seq.

Vindicatur Guido Carmelita ab impostura Sirmondi. p. 556.

#### CAPVT VII.

Innocentius primus non fuit, qui frontis unctionem à solis Episcopis extra frontem à ministris faciendam dixerit. p. 559. & seq.

Illa Theologia longè optima est, quæ fidei quàm simillima est, ratiocinationis quam minimum habet, auctoritate quam plurimum regitur. Hæc enim vna est ab errore tutissima. p. 560.

Patres mediæ ætatis manus impositionem & chrismationem in Confirmationis sacramento non tantum coniunctas & insolubili nexu copulatas esse voluerunt, ut antiquiores, sed in vnam singularemque actionem conclusas. Quare non dicunt præberi unctionem & manus impositionem, sed unctionem manus impositione, manus impositionem unctione. p. 562.

Vindicatur Thomas Waldensis à censura Sirmondi. p. 563.

Spernit Sirmondus censuram ab Illustrissimis Antistitibus, & sacra Facultate Parisiensi, latam in Spongiam. p. 565.

Error Sirmondi tribuentis eandem vim unctioni verticis, ac unctioni frontis. p. 566.

Explicatur forma sacramenti Confirmationis, ostenditur eius antiquitas, & ipsius effectus, donatio Spiritus sancti. p. 568.

Sicut Pater filium in terris natum, postquam à Ioanne baptizatus est, Spiritu sancto extrinsecus signauit, filiumque suum esse ostendit; ita post baptismum in sacramento Confirmationis Spiritu sancto intrinsecus signamur, ut Spiritu illo intus clamante, Abba Pater, intelligamus nos esse Dei filios, idque apud alios factorum ac totius vitæ confessione testemur. ibid.

#### CAPVT VIII.

Patrum nomine quiduis effutire, & in eorum auctoritate delitescere, Ecclesiæ quàm maximè perniciosum. p. 571.

Sicut qui aduersus tempus, quidpiam aliorum nomine diuulgar, quos demonstrare non potest, eius auctor ipse censetur; ita qui aduersus Ecclesiæ consensum, ea Patrum nomine scribit, quæ apud illos non leguntur, ipse eorum artifex haberi debet. p. 572.

Fictis personis diuina perturbare deterius est, quàm aperte insectari. ibid.

Demonitore Sirmondi. p. 573. & 575.

Chrisma ne integram quidem confirmationis partem à Sirmondo, verè agnosci, sed fingi temporis causa. p. 574.

De grauissimis diuinissimisque rebus leuiter ac sine auctore decernere, temerarium est. p. 576.

Sirmondi doctrina est temeraria, erronea & hæretica. ibid.

Aliqua in hæreticos præclara. ibid.

Theologi probi est videre, non quid facilius, sed quid verius dicat, & in difficultatibus, si quæ incidunt, inscitiam potius fateri, quàm, ut eas extricet, à certa & constanti Ecclesiæ maiorumque traditione desciscere, imperitiæque fugiendæ studio hæreses amplecti. p. 577.

### In Antirrhethici partem alteram.

#### Prefatio.

**E**st modestiæ laus parere veritati, prudentiæ nihil supra vires conari. p. 578.

Sirmondus vult esse Aurelij carnifex. p. 579.

Fœdam quidem habet in me contumeliam oratio tua (qua scilicet dixerat Sirmondus quod nemo fur unquam delictoris moderatione vapulans conquestus est,) sed eo in te fœdiorem, quod qui ut fur, vapulat, vir probus esse potest; præsertim si tortore iudice fur pronuntietur. At carnifex plerumque reis improbius, & ut minimè malus sit, semper infamis. ibid.

#### CAPVT I.

Famam Sirmondi non Aurelius errorum ipsius necessaria reprehensione læsit, sed ipse Sirmondus errando prodidit; nec enim reprehensiones infamiam faciunt, sed culpæ. p. 580.

Sirmondi de Plautinis fabulis ineptiæ. ibid.

#### CAPVT II.

Frigidæ Sirmondi ineptiæ in eluden-

do indigniorum compendiorum crimine, quibus vniuersas Aurelij responsiones falsauit. p. 582.

An Episcopi Galliae Narbonensis vna ad Synodos conuenerint cum Episcopis Hispaniae ante Gothorum imperium. p. 583.

### C A P V T III.

Sirmondi confidentia in transcribendis in aduersarium criminibus suis. p. 585.

Gratiani emendatores ipsum Gratiani codicem non ad antiqua Gratiani exemplaria, sed ad fontes ipsos emendarunt. ibid.

Criminis ambiguitas non minus, imò magis rea & maligna est, quam aperta confessio. p. 587.

Gratiani emendatores secundum Aurelium pronuntiarunt negationem tollendam à Canone Arausico. ibid.

Gratiani emendatores à contumeliis Sirmondi vindicati. p. 588.

### C A P V T IV.

Multa de Merlini codicibus, defensa eius editio. p. 590. & seq.

### C A P V T V.

In Crabbi marginibus & editione Sirmondi aberrationes. p. 594.

### C A P V T VI.

Petrus Damiani dicendus est, non Petrus Damianus. p. 601.

Restituitur titulus Gratiani. p. 601.

Hugo Victorinus fuit Abbas. ibid.

Sirmondi haereticis negantis Synodum Nicaenam secundam esse œcumenicam, ideo hoc loco reprehenditur, quia ista calumnia in Synodum œcumenicam à Calvinistis nuper Ecclesiae obiecta fuit verbis Sirmondi. p. 603. & 604.

### C A P V T VII.

Declaratur infamia Sirmondi in exponendis Canonis sui Francofordiensis verbis de Beneficiis. p. 605.

### C A P V T VIII.

Improba Sirmondi opinio de refectis mutatisque de industria per collectores Synodis & canonibus, refellitur. p. 607.

In Ecclesia Occidentali mos fuit barbam radendi. p. 609.

Discrimen canonum Ecclesiasticorum, & legum humanarum. p. 611.

Laus canonum Ecclesiasticorum. ibid.

Sirmondus Ecclesiae Concilia & Canones cum legibus humanis æquat, imò inferius deiecit. p. 612.

### C A P V T IX.

Calendarum Ianuariarum superstitiones variorum locorum ac gentium exponuntur. p. 615.

Pœnitentiales libri (quorum ignoti auctores, nati errores) à Concilio Parisiensi per singulas dioceses conquiri iussi sunt, igneque aboleri. p. 614.

Antisiodorensis canon à Sirmondi explicatione vindicatus. ibid.

Eius lectio restituta. p. 615.

### C A P V T X.

Sirmondi vitiosa editio canonis X. Concil. Aurelian. V. demonstrata. p. 617.

Canones LVI. Concilio Francofordiensi à Sirmondo impositi. p. 620.

### C A P V T XI.

Fronto Duczus de canonis Arausici lectione cum Sirmondo dissentit. p. 622.

Ridiculæ Sirmondi de vocula semel & pariculo dissertationes exploduntur. p. 624.

Canonum voces, quæ simplices & vltatissimæ esse solent, ex reconditis Grammaticorum deliciis non sunt spectandæ. p. 625.

### C A P V T XII.

Qui vitia, quamuis inuicis, extorquet, non lædit, sed demeretur; eoque magis quam alius, quod eorum quibus benignè facit, gratiam non spectat, facto ipso, conscientiaque contentus. p. 629.

Charitas non modò cum blanditur, sed etiam cum aduersatur, charitas est; non modò cum mulcet, sed etiam cum mordet. Nisi fortè Augustin. perperam laudauit *mordacitatem charitatis*; aut Hieronymus scribere non debuit, *prodesse latroni, qui membra eius amputat*. ibid.

### Errata in Tomo 1.

P. Ag. 292. lin. 10. ant. fin. vllum. l. illam. p. 305. lin. vii. iniuriis. l. incuriis. p. 359. lin. ii. ant. fin. praponanur. l. postponantur. p. 414. lin. 13. surgeat quæ. l. surgeatque. p. 466. lin. ii. vitatem. l. ciuitatem. p. 470. lin. 13. ant. fin. tu eum. l. tu ad eum. p. 490. l. 5. ant. fin. huc spectare. l. huc spectare. p. 513. l. vltima dixi. l. duxi. ibid. in marg. Annot. p. 301. 302. l. 435. & 436. p. 515. in marg. in pref. Annot. p. 28. l. 320. p. 516. in marg. Annot. p. 165. & 167. l. p. 391. & 392. ibid. in marg. Annot. p. 74. l. p. 362. p. 518. l. 12. ant. fin. dictas. l. dicas. p. 519. in marg. Annot. p. 364. l. p. 457. p. 520. in marg. Annot. p. 252. l. p. 419. & 420. ibid. in marg. Annot. p. 317. l. p. 440. p. 524. in marg. Annot. p. 348. l. p. 450. & 452. p. 532. in marg. Annot. p. 322. l. p. 442. p. 537. in positione. l. in positionem. p. 538. l. 18. ut nos. l. ut non. p. 545. l. 4. nonne Episc. l. non, ne Episc. p. 557. l. 10. ant. fin. iustitiamque. l. iustitiamque. p. 559. l. 15. ant. fin. veruisti. l. veruisti. p. 571. lin. 28. dixerunt. l. dixerunt. p. 586. l. 14. vrges signif. l. vrges ut signif. p. 587. l. 13. à Gratiano ex collectos. l. Gratiano collectos. ibid. l. 16. ipsi in nodum. l. ipsum nodum. p. 591. l. 16. quæ cogas. l. quæ regas. p. 597. l. 12. à te. l. à te. p. 608. l. 17. ant. fin. arbitrio. l. arbitrio. p. 612. l. 9. parcam. l. parcam. p. 619. in marg. Repon. p. 656. l. 190. p. 621. l. 23. ant. fin. abriperet. l. abriperet.

















